



大正
新脩

大
藏
經



華嚴遊意

慧日道場沙門胡吉藏撰

且話闊浮得有此經錄雖不載相承云。龍樹有後弟子勸其師令與釋迦並化。師智德如此。宜作新佛。豈爲釋迦弟子。即。然其所言。剋日月。別制新戒新衣使大同小異。坐水精房中思惟斯事。時有大龍菩薩傷而。感之便接還龍宮。示三世諸佛無量經。復示過去七佛經。於龍宮九旬讀十倍閱。浮。所餘題目不可周遍。龍樹從龍宮出。龍王以此一部經送龍樹出。爲。此因緣故。闊浮提得有此經也。

江南講此經者亦須知其原旨。前三大法師不講此經。晚建初。彭城亦不講。建初晚講。就長干法師借義疏。彭城晚講不聽人間。未講之文。前三大法師。後二名德。多不講此經。講此經者起自攝山。時有勝法師爲檀越教化。得三千餘解。未凡經七處。徒八過。設會始自慧莊嚴終歸止觀。一會則講一會經文。爾時實爲隆盛。後與皇繼其遺蹤。大弘斯典。講因緣如此也。然此經義正開二佛。兩教門。淨土三。十心十地等。今略明淨土義。淨土凡有四條。一化主。二化處。三教門。四徒衆。此之四種束爲兩雙。化主化處。即如來依正兩果。化主即是正果。化處即是依果。即依正一雙。教門徒衆。即緣教一雙。教門即緣教。徒

衆即緣教。故。是緣教一雙。雖有四條束爲兩意也。然非但淨土有此四條。三世十方諸佛土。一一土中皆具此四條。三世十方土。雖復無量不出十種土。十種土者。一淨。二穢。三雜。四本淨。末不淨。本是淨土。後薄福衆生。本淨。反爲穢。此名本淨今穢也。五者本不淨。末淨。變向可知。此是釋迦土。有五應現。復有五種合成十種土。十種土皆具上四條。據此十種兩雙。攝一切土盡也。十種之中略明淨土一種。四條之內且辨化主一條也。

問此經爲是釋迦。所說耶。爲是舍那所說耶。與皇大師開發初。即作此問。然答此之問。便有南北二解。南方解云。佛教凡有三種。謂頓漸無方不定也。言頓教者。即教無不圓理。無不滿。爲大根者說。所以經云。譬如日出先照高山。故言頓教。言漸教者。始自鹿園終至鵝林所說。經教初淺後深。漸漸而說。故稱漸教。就漸教中有五時不同也。言無方不定者。進不及頓。退非是漸。隨緣不定。故言不定教。問。此是大乘。爲是小乘耶。解云。是大乘。金光明勝鬘等經也。用此三經者。欲釋此經是釋迦所說。何者。此之三教是佛教。是何佛教。解云。是釋迦佛。一期出世。始終有此三教。若使如此。故知華嚴是釋迦佛說也。釋迦雖說此三教。復不同。何者。若是漸教。無方教。此是現前說。若是頓教。遙說彼土人。華。類如無量壽經。釋迦遙說彼西方淨人。華。今此國。三輩往生。今此經亦爾。是釋迦遙說蓮華藏國土淨人。華也。次北方論師解。

彼有三佛。一法。二報。三化。華嚴是報佛說。涅槃般若等是化佛說。法佛則不說。彼判舍那是報佛。釋迦是化佛。舍那爲釋迦之報。釋迦爲舍那之化。華嚴經是舍那佛說。此則是南北兩師釋如此也。

今次難此兩師解。委悉述大師之言。前難南土解。釋迦與舍那不異。今還用前四種責故。不得一。一者化主異。涅槃般若若是釋迦佛說。七處八會。是舍那佛說。舍那是本。佛釋迦是迹。故。菩薩戒經云。我今處舍那方坐蓮華臺。周匝千華上。示現千釋迦。故舍那是本。釋迦是迹。若使如此。本迹不同。那得爲一。二者化處異。釋迦在娑婆世界。舍那在蓮華藏國。娑婆是雜惡國土。蓮華藏界是純淨土。二處不同。豈得爲一。又娑婆國動則六種動。蓮華藏國動則十八種動。又臺葉二處不同。舍那在臺釋迦在葉。二處。如此之殊。何得爲一。耶。三者教門異。釋迦則難說三一。難說半滿。難說不但。舍那純說一大。純滿。純不但。釋迦赴緣緣說難教。赴三一緣說三一教。乃至赴但。不但緣說不但教。舍那唯赴一大緣說一大教。乃至赴滿。不但緣說滿不但教。若爾。故不得爲一也。四者徒衆異。釋迦具。有三一雜緣。不但緣。如千二百聲聞。彌勒。等菩薩。則是雜緣也。舍那唯一大緣滿緣。普賢菩薩等。則是緣。教既其異。緣亦不同。緣既不同。故二佛不得爲一。將此四條異。釋迦南人解二佛不得是一也。次更前難何者。彼云。釋迦遙說蓮華藏國。如釋迦在此。說無

●大日本撰藏經 ●廣曆二年宮大谷大學藏本 ●即二耶 ●路二發 ●諸佛無量二無量諸佛 ●句二句 ●淨十(提) ●此二 ●影二影 ●未二末 ●此經講 ●十二千 ●如二始 ●教門一雙 十六字 ●末二末 ●反二及 ●所二附 ●者 ●深 ●言二者 ●教二經 ●何 ●佛 ●華二 ●三 ●王 ●師 ●用二同 ●佛 ●周匝二固週 ●若二者 ●異二其 ●談 ●葉二意 ●純 ●有三一雜三三種 ●等 ●也 ●離二離 ●遙十說

量壽國。然此解不知是誰解。山中師及與皇師並述。此釋實不成釋。好體不煩須難。何者。汝既云舍那卽釋迦。何得言釋迦遙說耶。但別有難。今更述之。何者。釋迦說無量壽凡有二種經。一者無量壽觀經。二者無量壽經。無量壽觀經爲世王母章提希夫人說。夫人在獄。令其觀佛三昧。若是無量壽經爲比丘十六正士說。彼國土淨人。華令此間五痛五燒三輩往生。若爾說無量壽國既有所爲緣。釋迦遙說蓮華藏國。爲何物緣。不見有解。故不應言是遙說。好體不須難。大師既有斯言略而述了。此卽是借北人異彈南人。一覽

次借南人一彈北人異亦有兩難。彼云。如此二佛有此四殊。豈得爲一。所以北講華嚴勝於南土。今次難之。還用前四條。難一者。化主不得異。凡舉三處文。難一者。此經名號品是第二會。文殊菩薩說文云。或名盧舍那。或名釋迦文。或名悉達多。既稱或名。何得言異。若使或名舍那。或名釋迦。而言異。或名眼。或名目。亦應異。反詰云。第二像法決疑經云。或有見我爲舍那。或有見釋迦。此是緣見不同。佛爲何異。如有見佛身三尺。或有見佛身無邊。如瞿師羅長者見佛短大梵天王不見佛頂。只是一佛。緣見異耳。若緣見舍那釋迦則言二佛異者。緣見長短亦應爲異。反詰云。若爾。故不應言異也。次第三此經第六會在他化自在宮說十地法門。釋迦放眉間白毫相光。加金剛藏說。既

是釋迦勸金剛藏說十地。何得言是舍那說。若是舍那說應舍那放光勸。而今是釋迦放勸。故不應言二佛調然迥異也。二者處所不得爲異。說此經在摩竭提國寂滅道場。摩竭提還是摩伽陀。此乃_二是梵音之切緩。何_一關兩所有異。若爾還是婆娑國說此經也。何以得知。涅槃經云。并及摩竭提阿闍世大王不久須臾至。阿闍世王卽是摩伽陀國主。以此而言故知二處不異也。三者教門不得異。何者釋迦說雜教。釋迦說純淨教。釋迦說半滿教。釋迦說純滿教。若爲是釋迦說純淨教耶。解云。釋迦勸金剛藏說十地法門。是此經之中。故知釋迦說純淨大教也。四者徒衆亦不異。第八會具列大小乘衆。列五百聲聞身子須菩提等。若爾二佛徒衆亦不異。若使言舍那唯爲一大緣則應唯列一大乘衆。何則具列大小衆爲則具大小緣。又列既雜列。緣卽是雜緣。教是雜教。又釋迦大緣文殊彌勒等。更無別文殊彌勒。何異舍那。小緣身子須菩提等。無別身子須菩提等。若使如此故知。二佛徒衆亦復不異。四種旣其不異。何得釋兩佛調然有殊。

第二別難者。彼云。舍那那是報佛。釋迦是化佛。舍那是釋迦之報。釋迦爲舍那之化。師難云。此則迴互二佛。翻覆世界。混亂教門。言迴互二佛者。謂舍那自有報應。舍那自有本迹。釋迦亦自有報應。自爲本迹。何得指彼佛爲此報。此佛爲彼化。彼佛爲此本。此佛爲彼迹。若指彼佛爲此報。此佛爲彼化。卽有

二佛迴互之失。言翻覆世界者。釋迦自出華葉上。舍那自在華臺上。二世界各自不同。何得指彼佛爲此報。此佛爲彼化耶。言混亂教門者。釋迦赴大小緣說大小教。舍那爲大緣說大教不同。何得以舍那爲釋迦本。釋迦爲舍那迹耶。前開借異以破一。此開就異以彈異。大而爲言。前借北異彈南一。今借南一破北異。此則互借兩家。彈彼二解竟。

既斥南北一異兩家皆非。彼卽反問。汝既彈一異皆非。汝作若爲別釋耶。建初法師曾以此問與皇一^四大學士云。舍那釋迦爲一爲異耶。答云。舍那釋迦釋迦舍那。建初卽云。我已解。若爲解。既云舍那釋迦釋迦舍那。豈是一豈是異。作此一答彼卽便解也。然何但非一異四句皆非。何者釋迦是舍那。釋迦豈得是異。乃至非異亦爾。又釋迦舍那豈得是一。釋迦舍那豈得是異。釋迦舍那豈得是亦一亦異非一非異耶。^四雖非一異四句欲言一異四句亦不失因緣四句。何者釋迦舍那豈一。不一而不失一。釋迦舍那豈是異。不異而不失異。餘兩句亦爾。故非四句而不失四句。因緣無礙也。非一異四句而一異四句。並有其文義。何者文云。或名釋迦。或名舍那。故不得其異。而臺葉本迹不同故。不得爲一。或爲緣見是釋迦。或有緣見是舍那。故得是亦一亦異。或有緣見非是釋迦非是舍那。故得是非一非異。所以因緣無礙。無往不得也。然要須彈他四句。乃得明今因緣四句。何者他語是亦須彈語非故。宜須彈語既是何須

①與二與②此二山③〔編〕一④華二華⑤住二位⑥好二母⑦而二尚⑧人二釋⑨以北二況九⑩〔化主一
 者〕十三字一⑪會文二命大⑫虛二廣⑬遠二遠⑭短二短⑮詰二誤⑯〔道〕一⑰〔藏〕一⑱〔國寂滅道
 揚摩竭提〕一⑲是二至⑳隔二隔㉑提河二提問㉒若使二者便㉓佛二師㉔那二師㉕〔舍那之化師〕一
 ⑶〔互〕一⑷自二白⑸〔彼佛一化〕二十二字一⑹緣二得⑺信二得⑻一一二⑼則互二別在⑽改十〔非〕
 ⑾〔此〕一⑿〔大〕一⓫〔爲解一作此〕二十字一⓬理二唯*⓭其二是⓮語二詰

彈語耶。解云語。雖是而不得因緣無礙。意。既其失意不成語故。若是若非皆悉須彈。以彈彼淨。然後始得明今因緣無礙也。用此語者爲對他家了非是。今時明因緣義。但爲對彼定義。南方定云一。北方定異。爲破彼定一定異明今因緣一異。此語既答前之一異問也。

次更別明一異四句。或。成前意。此四句爲異從來四句。言四句者。一則二佛說一教。二則一佛說二教。三則一佛說一教。四則二佛說二教。二佛說一教者。舍那釋迦二佛。舍那是本。釋迦是迹。本迹臺華不同故。是二佛一教者。涅槃華嚴一教。涅槃即華嚴。華嚴即是涅槃。故是一教也。一佛二教者。一佛即舍那釋迦。一佛。舍那即釋迦。釋迦即舍那。本即是迹。迹即本故。言本迹雖殊不思議一故。是一佛言二教者。涅槃華嚴二故云二教也。二佛二教者。舍那釋迦二佛。涅槃華嚴二故。一佛一教者。釋迦即舍那。涅槃即華嚴也。此是何物四句。解云。合離四句。二佛一教此則離人合教。離舍那釋迦爲二。合涅槃華嚴爲一。一佛二教者。即合人離教。合釋迦舍那爲一佛。離涅槃華嚴爲二教。二佛二教離人離教。一佛一教合人合教。斯四句作如此用也。所以用四句者。欲答前問。前問云。二佛爲一。爲異。今望此四句答。自有二佛說一教。自有一佛說二教。二佛說一教。舍那說華嚴即是說涅槃。釋迦說涅槃即是說華嚴。一佛二教者。釋迦說涅槃即是舍那佛說。

舍那佛說華嚴即是釋迦佛說。餘二句可知。爲是故不同他釋也。前作舍那釋迦釋迦舍那語。此爲對他家故作此說。然此語復別有義。何者爲欲讀經。經云。舍那在臺上。釋迦在臺上。此臺是臺臺。此臺是臺臺。臺臺豈是一豈是異。不得是一不得是異。諸作何物耶。諸作臺臺。臺臺也。臺臺既爾。舍那釋迦亦爾。問。臺臺臺臺成華。舍那釋迦成一佛不。解云。得。難得。得是得何物。臺臺成一華華名蓮華。舍那釋迦成一佛佛名何物。解云。臺臺成一蓮華。舍那釋迦成一應佛。臺臺成蓮華。蓮華共一根。舍那釋迦成一應。應佛同本。本即是法身佛故。經云。十方諸如來同共一法身界故。二佛同一本。臺臺共一根也。爲是兩義故。云舍那釋迦釋迦舍那也。

次明二佛相開不相開義。言相開不相開者。二佛異。二土異。二教門。二徒衆。言二佛異者。舍那釋迦各開本迹。舍那開本迹者。舍那以法身爲本。只舍那爲迹。釋迦開本迹亦爾。以法身爲本。只釋迦爲迹。釋迦法身爲本。釋迦爲迹。然此迹中更開本迹。釋迦是迹中本。此身更起他佛。即迹中迹。如大經受純陀及大衆供。受純陀供迹中本。受大衆供即迹中迹。此一係既爾。類餘亦爾。釋迦既有兩重本迹。舍那亦有此兩重本迹。法身爲本。舍那爲迹。然此迹中更開本迹。不起寂滅道場。即迹中本。現身六天宮殿。即迹中迹。故二佛有兩重本迹。斯則二佛相開不相開義。恒須因緣語不得單道也。

次明不相開相開者。法身爲本。舍那爲迹。好體只應有一重本迹。何者十方三世佛出世。唯爲一大事因緣故出世。如法華爲大事放出。謂開佛知見等。又如大品云。般若爲大事起。不可思議事故起。爲無等等事故起。今舍那出世唯爲一大事故放出。唯爲大根性者說一大因緣。故唯應有此本迹。十方三世諸佛正意只應如此。而今於迹中更開本迹者。但穢土中衆生。罪重鈍根不堪舍那大化。所以方便於迹中更開本迹。本則爲淨土大根性者說大因大果。迹即爲穢土。鈍根者初說三乘教門。次說般若等。然後始得說法華涅槃等大乘之義。如火宅窮子等譬。初大乘化不得。方便說三乘。然後得說大乘。二佛亦爾。穢衆生不堪舍那大化。更起迹佛方便初說三乘。後說大乘。爲此義故。所以舍那迹中更開本迹。舍那爲本。釋迦爲迹。斯即是二佛不相開相開義。然十方三世諸佛本迹雖復無量。以相開不相開。不相開相開二句攝。則無所不盡。爲是故明此二種也。

次開四句成前義。四句者。一唯本而不迹。二唯迹而不本。三亦迹亦本。四非本非迹。用此四句安何處。用此四句安不相開相開義。不得漫用須得處也。問。若爲是唯本不迹乃至非本非迹耶。釋云。但本不迹者。即是法身故。經云。佛眞法身猶如虛空也。言唯迹不本者。即是釋迦但是應身。亦迹亦本者。是舍那。舍那望法身即是迹。望釋迦即是本故。舍那亦本亦迹也。非本非迹者此則卷前

此是二佛說一教者。舍那釋迦二佛。舍那是本。釋迦是迹。本迹臺華不同故。是二佛一教者。涅槃華嚴一教。涅槃即華嚴。華嚴即是涅槃。故是一教也。一佛二教者。一佛即舍那釋迦。一佛。舍那即釋迦。釋迦即舍那。本即是迹。迹即本故。言本迹雖殊不思議一故。是一佛言二教者。涅槃華嚴二故云二教也。二佛二教者。舍那釋迦二佛。涅槃華嚴二故。一佛一教者。釋迦即舍那。涅槃即華嚴也。此是何物四句。解云。合離四句。二佛一教此則離人合教。離舍那釋迦爲二。合涅槃華嚴爲一。一佛二教者。即合人離教。合釋迦舍那爲一佛。離涅槃華嚴爲二教。二佛二教離人離教。一佛一教合人合教。斯四句作如此用也。所以用四句者。欲答前問。前問云。二佛爲一。爲異。今望此四句答。自有二佛說一教。自有一佛說二教。二佛說一教。舍那說華嚴即是說涅槃。釋迦說涅槃即是說華嚴。一佛二教者。釋迦說涅槃即是舍那佛說。

三句。何者前雖有三句只是本迹二句。法身是本。舍那釋迦並是迹。此本是迹本。此迹是本迹。此本是迹本。非本無以垂迹。此迹是本迹。非迹無以顯本。非本無以垂迹。由本故迹。非迹無以顯本。由迹故本。由本故迹。迹是本迹。由迹故本。本迹本則非本。本迹則非迹。斯即非本非迹。清淨。即本迹雖殊。不思議一舒則。遍盈法界。卷即泯無蹤跡也。前略明化主竟。

今次辨化處。化處者亦有二處。一者舍那蓮華藏處。二者釋迦娑婆國處。亦得將前二佛類今二處。將正以類依。何者前云舍那釋迦釋迦舍那。不得言一不得稱異。不得言一亦得因緣一。不得稱異亦得因緣異。故非一非異亦得因緣一。異。今處亦爾。蓮華藏娑婆娑婆蓮華藏。不得言一不得稱異。不得言一亦得因緣一。不得稱異亦得因緣異。故二處非一非異亦得因緣一異。此則將正類依。在此依是正。依正既然類依亦爾。何者此正是依正。依正既然。正依豈當不爾。故二佛類二處亦非一異。而不失因緣一異也。次更將前兩本迹類今化處亦有兩條。一者二。土各有本迹。土。二者二。處共論本迹土。二。處各論本迹。土者。前云舍那有舍那法身為本舍那為迹。舍那迹中更開本迹。今土亦爾。舍那法身即有舍那法身土。舍那迹則有舍那迹土。舍那迹中開本迹。即迹中開本迹土。舍那既釋迦亦爾。問若為作耶。解云。舍那有舍那法身。土也。問法身何須土。解云。法身土

始是好土。何者以正法為法身即以正法為土。此之身土更無有異。正法為身即名法身。正法所攝託即名為土故。法身始有清淨淨土也。所以仁王經云。三賢十聖住果報。唯佛一人居淨土。此則唯法身佛居清淨第一義土也。言舍那為迹有舍那迹。土者。故此經初會普賢菩薩說云。佛子。蓮華藏是舍那過去誓願力之所感故。此土是舍那迹。土也。舍那迹土者。前云不起寂滅道場為本。現身六天宮殿為迹。餘事無量寄此一條明耳。今還約此判本迹土。亦得但此義小局。今明舍那迹中本迹土者。蓮華藏界即迹中本土。舍那既王十佛世界海即是迹中迹。土也。釋迦亦有此兩重者。釋迦有法身佛即有法身土。如舍那法身土無異。何者十方如來同共法身。法身既同。法身土亦無異。正法為法身。正法攝託為土也。釋迦迹土即此娑婆世界是也。釋迦迹中迹土者。約前迹中本迹亦得。何者受純陀食為迹中本佛即為迹中本。土。受大眾供為迹中迹佛即為迹中迹土。但此事非一。如法華釋迦佛及分身諸佛。釋迦佛土為迹中本土。分身諸佛土為迹中迹土故。二佛土皆有此兩重也。

次明二佛共論本迹土。如法身為本舍那為迹。唯有一本一迹佛。亦以法身土舍那土唯是一本一迹土。十方三世佛唯為一大事。故出現於世亦唯舍那正直之心成清淨之土。但為薄福罪重鈍根衆生故。迹土中開本迹土。故為娑婆穢土。舍那蓮華藏為迹中本

土。釋迦娑婆為迹中迹土。故菩薩戒經云。我今盧舍那方坐蓮華臺。周匝千華上示現千釋迦。一華百億國。一國一釋迦。如是百億國有千百億釋迦。華有千葉一葉一釋迦故有千釋迦。一華有百億國一國一釋迦故有千百億釋迦也。

次將本迹四句類本迹土亦有四句。一者唯本非迹。土即是法身土。一者唯迹非本土。即是釋迦土。三者亦本亦迹。土即是舍那土。望法身土為迹。望釋迦土為本也。四者非本非迹土。還卷前三句。前雖有三句。不出本迹二句。法身本舍那釋迦二佛為迹。此是本迹迹本。本迹非本無以明迹。迹本非迹無以明本。非本無以明迹即由本故迹。非迹無以明本即由迹故本。由本故迹。迹是本迹。由迹故本。本迹非迹。迹本非本。非本非迹清淨。二佛既然。兩土類此可知。斯則卷三句成無句。句成無句畢竟清淨。雖復無句無句而句。則有依正句本迹句者。則三句為二句。二句為無句。今無句而句。一句而無量句。為量句而一句。無量句即一句。無量中解一。一句即無量句。一中解無量。無量中解一。此是無量一。一中解無量。此是一無量。無量一即非一。一無量即非無量。非一無量而不失一無量。此言玄妙不易可聞也。

次明二土相開不相開義。然土凡有五種。一淨二穢三不淨淨四淨不淨五難土。此之五土是僧叡法師所辨。斯之五土橫攝一切

①本二今②斯即二是則③清一諸④殊二異⑤通二通⑥異二具⑦依十(依)⑧[依正]一⑨土二土⑩處二土⑪土二二⑫王二主⑬舍二迹⑭如二始⑮同二因⑯攝二攝⑰土二二⑱是二此⑲[唯]一⑳大二土㉑大⑳國十(有)㉒將十(前)㉓土十(即是釋迦土)㉔(土)一㉕(者)一㉖兩二而㉗(而)一㉘[即]一㉙[無]一㉚三二土㉛數二數

土盡。何者只一淨土中有無量淨土故。華嚴經云。有百億阿僧祇品淨土。西方阿彌陀下品淨土。聖服攝世界上品淨土。淨土既其如此。故知餘四土亦復無量。所以云。此五種土橫攝一切土盡。橫既然堅即不定也。五種土中且明淨穢二土。此有無量四句。且辨一種四句。四句者謂。一質一處。異質異處。異質一處。異質異處。此四句極自難解。今當影生師淨土義。及關中法師所辨者而明之。然一質一處異質異處。此二句易解。餘二句難明。且問。何者。爲質若爲稱處。解云。質即是淨穢等。處即是方處之處。如淨質在西方處。穢質在東方處也。所言一質一處者。一淨質一穢質。一淨質在西方安養處。一穢質在東方娑婆處。故言一質一處。言異質異處者。淨穢互望。淨質異穢質。穢質異淨質。故言異質異處。穢質處異穢質。穢質處異淨質。故言異處也。言異質一處者。此句難解。異質一義亦名異質同義。異同在一處也。且明異質同處。若爲是異質而同處耶。解云。淨穢異質。同在一娑婆處。如此經蓮華藏國。在娑婆處淨名經妙莊嚴國。在娑婆處法華云。餘衆見燒盡吾淨土不毀。此並是淨質在穢處。此略明淨質同在穢土如此。次問。若爲淨質得在穢土耶。解此有數義。一者所以淨質得在穢土者。淨穢無礙。淨無礙穢故。淨得在穢處。穢無礙淨故。穢得在淨處。以不相導故。淨穢得同一處。舊舉首天子爲證。首天子是色界淨天。來欲界穢處不相礙。首天子是三

界中淨三界。尚不礙三界穢。今蓮華藏寶莊嚴國等。非三界非三界豈當。導於三界。吾淨土不燒者。火是顛倒三界火。亦能燒顛倒三界。淨土非是三界。三界火豈能燒不三界。火是穢火還燒穢。穢火豈能燒淨。故。吾淨土不毀天人常充滿也。又寶莊嚴國。只在娑婆土中。掘整娑婆。不掘整寶莊嚴國。何者。整是三界整。只能整三界。寶莊嚴國非三界。三界豈能掘。掘非三界。色還整色。色豈能整妙則。此是什法師所解。從來彈此解。是他何處得此解。解是什法師解。什法師是三論師。即三論義應須云奪取他。是故淨質得在穢處也。二者所以淨土得在穢處且反問同處。汝言。那得此淨土耶。今釋言。此淨土是如來淨業所起。如來身既無礙所感之土。亦無礙身即依正土。即正依無礙依。感得無礙正依亦無礙。斯則正無礙故土無礙。以無礙故得在穢也。次問。何意淨在穢處耶。前兩義釋淨土得在穢處竟。今釋淨土在穢之意。問。何意淨土在穢處耶。解此亦有二義。一者看華嚴淨名等意。爲欲教化衆生故。明淨土在穢處。只淨土在此何意不見。汝薄福。鈍根斷常居心不見耳。若道穢土在東方淨土在西方不得化緣。何者淨在西方穢土東方。兩世界遙隔此不得爲化。今道淨土即在此。汝顛倒斷常心故不見。謂棄妄存真捨無常取常樂。如此等居心心不淨。心既不淨故。不見淨土。若見淨土者。當須淨心。除此真妄常無

常異。意清淨乃名正觀。以正觀故則佛土淨。爲化此衆生故。明淨土在穢處也。二者所以淨土在穢處者。爲適緣所見。如來用淨土。何爲不如富人畜寶物安置屋裏。如來用多許淨土作底。今明。如來以此淨土。爲欲適緣。故肇師云。聖人空同無像。豈國土之有垣。聖身尚未曾有。亦復未曾無。豈復有土與不土。聖人未曾像不像。亦復未曾心不心。未曾心不心。心生於有心。未曾像不像。像出於有像。未曾像不像。像不像適緣。緣出於有像。未曾土不土。土不土適緣。未曾淨不淨。淨不淨適緣。緣若應以穢得度者。示之以土沙。若應以淨得道者。現之以寶玉。爲此義故。所以淨土在於穢處也。從來直云異質一處。不知何因緣故。淨穢異質在一處。今釋有如此義故也。次明一質異處。然前三句猶可解。此之一句最難。一何物質而在異處耶。解云。他舉一質如一淨質在西土東土二處。一穢質在北南兩處。爲有此句爲無耶。若無則不成四句。若有何者是其事耶。今就數義。明此一句。今且就淨名經辨。只一妙喜淨質。經東西二處。何者妙喜。一世界本在東方無動處。淨名斷取來西方娑婆處。若爾只一妙喜淨質。經遊東西二處。如淨土既然。類穢土等亦爾。故是一質二處也。向前異質一處。淨穢二質。當在一處。今一質異處。亦應一淨質當在二處。今更據淨名經釋。彼經云。不可思議菩薩。以娑婆世界擲置他方國土。不動本處只捧娑婆。擲

此十(之) 且並 爲質 如二始 娑二安 淨二所 土二處 一 一 等 無二不
故 落二日 吾二苦 者火二方大 燒十(土) 火二大 掘二掘 者二名 國
此十(比) 向十(之) 意二經 道二導 當二常 也二者 破處 十字一 爲十(爲)
緣出於有像 沙若二淨者 此二 今二分 土二山 喜二善 來二乘

置西方安樂。而娑婆宛然不動。可謂。到而不動。不動而至。若爾只此穢質經東西二處。故是一質二處也。如穢質既然。類餘四土亦爾也。

次明只穢質在淨穢二處。前明擲穢質往淨處。穢質經二處。今明只一穢質在淨穢二處。如蓮華藏娑婆世界。只娑婆一穢質。在娑婆處。在蓮華藏處。何者蓮華。不但以臺為蓮華。葉共為一蓮華故。涅槃云。臺葉鬚等合為蓮華。葉不離華。葉在華中。娑婆。既居葉上。故知娑婆即在蓮華藏中。所以菩薩戒經云。我今盧舍那方坐蓮華臺。周匝千華上示現千釋迦。故知娑婆世界在華葉上。葉不離華故。娑婆不離蓮華藏。若使如此娑婆穢土。非但在娑婆處。亦在蓮華藏處。故知是一質在二處。問。華藏自在臺。娑婆自在葉。何得是一質在二處耶。解云。具二義。有時明娑婆與蓮華藏異。娑婆界在蓮華藏外。而復臺葉共成。共成一葉。娑婆則不離蓮華藏。何故如此。解云。欲明娑婆與華藏。不可言異。不可言一。二處異。故不可言一。不相離故。不可言異。不可言一。而一。不可言異而異。斯則非一非異。而一而異。略明一種四句。如此今更通簡此四句義。問云。他亦明此四句。與他何異。不得道他無此四句。經等具有此義故。他亦明此四句。今亦辨此四句。何異。解他不得明此四句義。今時始得明此四句耳。何者雖有四句。不出一異二句。他有一可一。不得由異故一。有異可異。不得由一故異。不由異故一。

一自性一。不由一故異。異自性異。自性一。一則礙異。自性異異則礙一。異既礙一。異豈得同處。異不得同一處則無一。既無一。何得有異。既無一異。故四句不成也。縱之如此耳。奪則都無。何者有一可一。不由異起一。有異可異。不由一起異。不由異故一。一不成一。不由一故異。異不成異。一不成一則無一。異不成異則無異。此則無一異論。何物四句有一異可有四句。既無一異則無四句。故他不得明四句義。今時所明者。無四句而四句。要須前彈他有礙性義。始明今因緣無礙義。何者今無一可一。由異故一。無異可異。由一故異。由異故一。則由一故一。一由一故異。即由異故異。異可謂。無句而句。一句而二句。二句而四句。故大品經云。無句義是菩薩句義。今亦爾。無句而句。一句而四。四而無句。四句而一句。一句還無句。無句而句則非句。句而無句則非無句。非句非無句而句。始是菩薩無礙句。以無礙句故得一質在二處。二質在一處等。故今時明四句與他異也。他所以不得有此四句。他一異礙故。異不得在二處。一不得在異處。如兩柱相礙故。不得容柱。何者柱是色。如釋色是質礙義。柱是色。柱不容柱。土亦是色。土不得容土。今時即無礙無礙故。所以一異互得相在。為是故他不得明此四句。今時始得辨此四句也。然此四句約事猶易解。後去四句轉難也。

大更明一種四句。前地架明一種四句。竟今更明一種四句。漸深轉妙。然前之四句衆意不同他論。或同不同。若是今之四句非但意不同論然迥越。言四句者謂。異質一處。一質異處。一質一處。異質異處。言異質一處者。淨穢質異故言異質。此淨穢是因緣淨穢。因緣淨穢。非淨無以明穢。非穢無以明淨。非淨無以明穢。穢是淨穢。非穢無以明淨。淨是淨穢。穢淨則非淨。淨穢則非穢。非穢非淨。淨穢不二為一處。斯則淨穢二為異。非淨非穢不二為一處也。言一質異處者。前二不二今名不二。前淨穢非淨穢。今名非淨穢淨穢。非淨非穢名淨名穢。斯則非淨非穢不二為一質。淨穢二為異處反前也。言一質一處者。非淨非穢質。非淨非穢處不二為一質。不二為一處也。言異質異處者。淨穢異質。淨穢異處。言異質異處也。大師正意。在此四句也。問。此四句與前四句何異。解云。前四句約事而辨。今雖有四句只是非淨非穢淨穢淨穢非淨穢一句。開此一句以為四句。故與前異也。問。前亦言質言處。今亦言質言處。與前質處何異。解云。前以淨穢為質。東西方為處。今言異質一處者。以淨穢為異質。非淨非穢為一處。只淨穢宛然不非淨穢。淨穢宛然不而得動心。只二而不二。故二質在一處也。一質異處者。以非淨非穢不二為一質。淨穢二為二處。一質一處者。不二為一質。不二為一處。異質異處者。淨穢二為質。淨穢二為處。雖有四句後二句質處同。前質處。意雖同而轉為異。此復是一種四句也。

①到二則 ②既二說 ③華二葉 ④[知]一 ⑤藏十(界) ⑥[故]一 ⑦[言]一 ⑧辨二午 ⑨[得]一 ⑩一十(是) ⑪自二即 ⑫有二行 ⑬成十(一不成) ⑭則二即 ⑮[經]一 ⑯爾二今 ⑰[而]一 ⑱即二而 ⑲以二頂 ⑳他二地 ㉑一二二 ㉒土二上 ㉓土二云 ㉔者十(此) ㉕[質異故言異質此淨穢] ㉖明二辨 ㉗處二失 ㉘[言]一 ㉙異二無 ㉚[也]一 ㉛在二右 ㉜機十(之) ㉝與二為 ㉞處十(今言質處) ㉟以二大 ㊱二處一質一處二質 ㊲前十(二句) ㊳種二穢

次更明。一種穢四句。四句者。謂一質二見。二質一見。一質一見。二質二見。此之四句。初一句難解。後三句易明。且辨一質二見。何者。是其事且舉淨名華嚴兩經。淨名經云。螺髻見金玉身子。矚土砂。此經第八會祇。沍精舍諸大菩薩。見祇。沍七寶所成。五百聲聞見須達泥木所起。只是一質兩緣見不同故。言一質二見也。今問。一質一何物質爲一。穢質爲一。淨質爲一。非淨非穢質爲一。此之三。責便有三家解釋。第一舊成。實論師解云。一淨質一穢質。只一淨質。身子自見木。只一穢質。梵王自見金。祇。沍亦爾也。次地論解云。一質是非金非木質。只如林樹。有想心取則成有漏樹。無想心取則成無漏林樹。樹未曾有漏無漏。隨。兩心故有漏無漏。今亦爾。未曾淨穢。淨緣見淨穢緣見穢耳。復有三論師。不精得一家意義者。監於此解。一非金非木質緣見金見木。此質未曾金木身子自見木。梵王自見金。名一質異見。今且難之。不難成論地論。難三論師解。三論既壞。所餘自崩。何者。汝非金非木一質。身子梵王見。木金者。爲當身子木非。木非金。身子見木。梵王見金。爲當梵王金非金非木。身子見木。梵王見金。爲當離身子木梵王金別有非金非木。所以身子見木。梵王見金耶。且開此三關責。次第設難。若只使一身子。木非金非木故。身子見木梵王見金者。身子之木既被燒。梵王金爲被燒爲不被燒。更開兩關責此一句。若身子木被燒。梵王金燒者則被業果。何者身

子惡業感見木。梵王善業感見金。兩業各感一果。身子業壞木自被燒。梵王不壞何得金亦被燒。又身子惡業可壞。梵王善業那應壞。惡業壞善業亦壞。地獄壞天堂亦壞而不爾故。身子木壞梵王金不應壞也。又且善業制不得壞。既共一木。惡業善業制那得壞耶。故不得同壞。若使身子木自壞。梵王金不壞。則便二質。何謂一質二見耶。前關得一質則壞業義。後關得業義則壞一質義也。身子木非金非木見金木既爾。梵王金非金非木亦然。類前可知。次金木別有非金非木一質。二緣見二者。汝非金非木爲當非此金木。爲當不非此金木耶。若非金非木還非此金非此木。則金木共成非金非木。若爾還著前被燒難。何者既共一質燒木。既燒金也。又若共成一非金非木質。兩人見金木則皆顛倒。此質非是金。梵王見金既非顛倒。此木非是木。身子見木亦非顛倒。非是木。身子見木既倒。非是金。梵王見金亦倒。同皆非金非木。而言身子倒梵王不倒者。同皆非金木。豈非梵王倒身子不倒。何以故同是非金木故也。若非金木非不金木者。則離金木別有非金非木者。既離金木何得別有非金木耶。又若離金木別有非金木。則成三體。金木二體非金非木。復是一體故成三體。師云。如此一梨時兩盛子。爲非金非木一體時金木二體故不成義也。四句義此一句。且難未得解。今當解後三句。第二句云。二質一見者。此有三義。言一質者。淨穢二質。言一見者。淨

穢是因緣淨穢。非淨無以明穢。非穢無以辨淨。由淨故言穢。由穢故稱淨。淨是穢淨穢是淨穢。淨穢不穢。穢淨不淨。只淨穢不淨穢。見二不二故。涅槃經云。明與無明愚者謂二。智者達其性無二。無二之性即是實性。黑法白法淨不淨法亦爾。故是二質一見也。二者口淨穢二質。深行菩薩並見是淨。故大經云。一切世諦。若於如來成第一義諦。若俗若真於如來皆真。亦若淨若穢。菩薩皆見淨。亦如法華法師功德品云。若甘若苦等味至菩薩口皆成甘露大品云。菩薩見產業之事。無非般若也。三者惡業衆生。若淨若穢。皆見穢。如餓鬼非但見彼處火。見恒河水亦是火。亦如獅子國探珠。福德人得珠。薄福人見珠成蛇。非但見蛇成蛇。見珠亦成蛇。以是故二質一見也。第三句言一質一見者。非淨非穢質非淨非穢見。斯則中道正土也。此之正土即是法身。波若涅槃此中道正土。本不曾淨。今亦不曾穢。先不有今亦不無。非淨非穢不有不無名爲正法身。只此正法可摺託。名爲正法土也。此正土何人所見。還以非淨非穢正人所見故。言一質一見也。又言一質一見者。非淨非穢方便穢質。即有非淨非穢方便淨質。即有非淨非穢方便淨見。故云一質一見。斯則前明方便實一質一見。今明實方便一質一見也。第四句二質二見者。非淨非穢淨穢雙遊。淨穢雙現。如華臺示現千釋迦華臺舍那。爲本。釋迦爲迹。非本非迹。本迹

①一二二 ②(謂)一 ③沍二兩 ④責二質 ⑤(實)一 ⑥兩二丙 ⑦身二第 ⑧木二木 ⑨木二木 ⑩若二者 ⑪(非木)一 ⑫被燒二被燒 ⑬更二更 ⑭被二被 ⑮兩二而 ⑯那二何 ⑰便二便 ⑱關得二關 ⑲木二金 ⑳金二木 ㉑二二一 ㉒若二若 ㉓木二不 ㉔例二例 ㉕子二子 ㉖金二金 ㉗當二當 ㉘者二者 ㉙(比有三義) ㉚言二言 ㉛淨二淨 ㉜二質一見者 ㉝此有三義 ㉞言二言 ㉟淨二淨 ㊱二質二見者 ㊲一見者 ㊳見二見 ㊴火二火 ㊵死二死 ㊶土二土 ㊷波二波 ㊸正二正 ㊹止二止 ㊺爲二爲 ㊻所二所 ㊼一不二 ㊽又二人 ㊾給十(無) ㊿(即)一 則前二則所 非十(非)

無。量中解一。一不礙無量。雖無量而一。雖一而無量。無量一。無量一。無量一。非一。一。無量非無量。非一。非無量方便一。無量。問若使本迹多一。一多無礙。既本一而迹多。何不迹一而本多。解云。例如前所明。而今一往開本迹。本一迹多者。本是體故一。迹是隨緣故無量。又本為一大緣故一。迹為緣不同故無量。本迹佛既然本迹土亦爾。知此本迹土見此本迹也。言不知不見者。凡有三意。一者約前明知本是迹本。知迹是本迹。見本是迹本。見迹是本迹。本迹既然淨穢亦爾。今知無所知見無所見。知淨穢宛然而未曾知淨穢。見淨穢宛然而未曾見淨穢。只見淨穢宛然而未曾淨穢。如石室佛影譬。遙望相好宛然。至邊一無所見。故言不知不見也。次意言不知不見者。二乘不知本是迹本。不知迹是本迹。不知淨是穢淨。不知穢是淨穢。不見本不見迹。不見淨不見穢。斯則冥然不知不見。所以經中舉譬云。如二人並眠一人上。忉利天。見林苑。娑女。等事。一人冥然不知不覺。菩薩與二乘亦爾。知見本迹淨穢等事。即彼二乘冥然不知不見。所以作此釋者。經中有此言。今為釋經故作此語。非是今時有義故作此釋也。第三意言不知不見者。顛倒凡夫不知本。不見釋迦迹身。亦不見釋迦土也。雖有四句約三人。前知而不見菩薩聲聞。見而不見當聲聞辨。亦知亦見當菩薩。不知不見是衆生不知淨穢亦不見淨穢。此復是一節義意也。

前明一。質異見四句釋三句竟。一句難而未解。即是一質異見句。今追解之。然成論地。論釋一質異見。所以重前種種責種種難者。良由彼有一質可一質。以有一質可一質。故所以著諸難。今明何曾此一質在中耶。若有此一質在中。則有他所投得為他所難。今明未曾一質。不一質而言一質異見者。明不蓮華藏蓮華藏不娑婆娑婆。不淨淨不穢穢。此則如來正土。非淨非穢。土淨穢土出自兩緣。如來正土未曾有未曾無未曾淨未曾穢。斯則非有非無非穢非淨。不知何以目之。強名中道正土。即第一義土故。云一質二見者。如來正土非淨非穢。淨緣見淨穢緣見穢。正土非淨非穢。身子穢業故見穢。正土非淨非穢。諸善淨業故見淨。亦如祇。洹非淨非穢。身子見須達多所記祇桓。見娑婆丘陵。見釋迦所用若諸菩薩見法界祇。洹見蓮華藏界。見舍那所用。故只若祇。洹未曾淨未曾穢。淨緣見淨穢緣見穢也。問正土未曾淨穢淨穢緣見淨穢。淨穢並是倒不。解云。並是倒。正土非淨非穢。顛倒穢業故見穢。正土非淨非穢。顛倒淨業故見淨。故淨穢並是倒。雖同倒倒有輕重。重倒非淨穢見穢。輕倒非淨穢見淨。故正土非淨非穢兩緣見淨穢。名為一質二見也。問何意作此語。何意云正土非淨非穢緣見淨穢為一質二見耶。解云。為釋經。經何意作此語。釋云。為對緣。何者明如來正土非淨非穢見淨見穢並是顛倒。淨名經一往云。不依佛惠見穢土。亦應云。不依佛正慧

見淨土。問。見穢不依佛慧。見淨何亦不依佛慧耶。解云。正土非穢見穢既不依佛慧。正土非淨。見淨亦不依佛慧。又土非穢見穢則穢見。土非淨見淨則淨見。若使如此淨穢皆不依佛慧。淨穢皆是見皆是倒。為對此緣故。云如來正土非淨非穢緣見穢見淨也。又所以明正土非淨非穢緣見淨穢者。為對由來人。由來人無有非淨非穢土義。若是淨土亦有亦無。成論小乘義無有大乘義有。問。既有苦受樂受不苦不樂受。可得有淨土穢土不淨不穢土不。彼釋云。受有三受土。無三土。唯有淨土穢土。無有不淨不穢土。為對如此人。明有不淨不穢土。如來第一義土不淨不穢緣見淨土緣見穢土。為對此所以明一質二見也。義必須有原始。若不得其由致則不成義。今明為讀經為對他故作此語。若無此意則不須明此。故一家無有義也。問一質二見二質一見。若為對迷悟得失。解云。若是二質一見則是悟。所以前釋云。明與無明愚者為二。智者了達性無二。淨穢亦爾。智者了淨穢不淨穢故是悟也。若是一質二見即是迷。正土非淨穢緣見淨穢故。不淨穢緣見淨穢是迷。見二不二為悟。見不二二為迷。見二不二為悟。只見此二為不二。見不二二為迷。只見不二為二故。迷悟事同反掌。迷者見二悟者見一。有迷有悟。悟不見二亦不見一。既聖不迷亦復不悟。斯則不一不二不迷不悟清淨也。問。土非淨非穢緣見淨穢為一質異見時可得一淨質。見淨見穢為一質異見。不穢亦作

①(量中解...是迹本)二百六十三字一②③切一切④娑二娑⑤等二等⑥即二兩⑦經二終⑧本十(亦不知迹不見淨亦不見穢如即今衆生)⑨質二雙⑩論十(三論)⑪者二若⑫所十(投得為他所)⑬淨二常⑭一不二⑮淨十(淨)⑯若二若⑰(未會淨)一⑱意十(以)⑲無二有⑳其二共

此問解云。具有三義。非淨非穢質緣見淨穢。此義已如前明。亦得一淨質緣見淨復見穢。一穢質緣見穢復見淨。名為一質異見。責何者是解言。如釋摩南經。摩南城七寶所造。摩南見金柱。餘人則見木柱。只於一金柱復見木柱。此則是一淨質緣見淨穢。名一質異見。一淨質既然。一穢質類爾可知。問。摩界金柱摩南見金柱。餘人見木柱。摩南藏金柱。餘人猶見木柱為不見。解云。具有見不見。何者於摩界金上見木。摩界既藏金則不見木。亦。如於珠上見蛇形。既藏珠則無蛇可見。問。若藏金餘人不復見木則著壞業果義。彼何故見木。由彼惡業所以見木。見木是業果。今既無金不復見木則壞業果義也。解云。顛倒之物並有所屬。摩界金屬摩界。於摩界邊強故。摩界藏金餘人不復見木也。言見者明摩界雖藏金彼猶見木。問。若無金猶見木則成兩質義。若是一質無金。即不見木。若見則兩質。又且木於金上見木。既無金見何有木耶。解云。雖猶見木而是一質。雖是一質而猶見木。大師於此各舉神蛇為喻。有人行見一蛇即斬之。蛇腹中有酒肉。蛇何處得酒肉。此蛇是神蛇。人酒肉祭神故。蛇得酒肉。此酒肉是人酒肉。蛇將人酒肉去。人猶見酒肉在人唯見酒肉而非兩酒肉。只是一酒肉。蛇將去人猶見人將去。蛇腹有業行。不可思議如此。故金雖無而猶見木。雖見木而非兩質也。次更舉一事。只是一金質。福德人見金薄福人則見蛇。只是一金質兩人見異。雖見異只是一質

也。問。只是一質斷蛇即斷金斷金即斷蛇不。直作此問。不知何答。今明雖得斷蛇則斷金不得斷金即斷蛇。言得斷蛇即斷金者。此是大師所言。語。何者如二人同從共行。見一挺金兩人相讓遂不取便棄之。後復一人來見此挺金成一蛇。即斷之兩斷即去。故云二人同心其類斷金故。斷蛇即斷金也。不得斷金即斷蛇者。彼本不見金故。不得斷金即斷蛇也。問。斷蛇即斷金者。亦應燒穢則燒淨。解云。復為此義說。斷蛇即斷金。亦燒穢即燒淨也。次將正果類例前依果諸四句。何者前云。土有二質一處。一質二處。一質一處。二質二處。又云。二質一見。一質二見。一質一見。二質二見。可得類正果二佛一處一佛二處等四句。二佛一見一佛二見等四句。不解云。依果既有此二種四句。類正果亦有此兩種四句。此兩種四句。前四句大師作。後四句學士明。言二佛一見者。開本迹二。此是本迹此是迹本因緣本迹。若因緣本迹則非本迹。本迹二為二質。非本迹為一處。故云本迹雖殊不思議一。不思議一是何物紀。隆哲法師堅義。有人問。不思議一一名何物則解云。一名正性。大師云非解。正性是五性。是五性中。則因與因。果與果。四性是緣性非果為。正性。不思議一不得道是正性。師云。本迹二處含那釋迦非本非迹名正法身。本迹雖殊不思議一為二佛一處也。一佛二處。正法非本迹為一佛。非本迹為本迹為二處。此則本迹

雖一不思議殊。前雖殊不思議一。一是不思議一。今雖一不思議殊。殊是不思議殊。故云一佛二處也。一佛一處者。非本迹佛在非本迹處也。二佛二處。本迹二佛在本迹二處也。次明二佛一見等四句。且辨二佛一見者。本迹是因緣本迹。因緣本迹則不本迹。故前云明無明因緣。智者即了不二。故二佛一見也。一佛二見者。正法身非本非迹不二。何故二緣見本迹二。法身未曾二緣見本迹。法身未曾本迹。故是一佛二見也。一佛一見者。法身佛非本非迹。緣如法身而見。故是一佛一見也。二佛二見者。法身非本迹本迹赴緣。既本迹赴緣緣則見本迹。本迹若不赴緣緣無由見本迹。良由本迹赴緣故。緣得見本迹故。二佛二見。所以正果亦得有兩四句。次更兩種四句合明依正二果。且明一種四句。何者謂一佛多處。多佛一處。一佛一處。多佛多處。一佛一處者。如涅槃經德王品。中明。釋迦有淨土。在西方名曰無勝。此則一釋迦在淨穢等處。大智論云。釋迦有穢土亦有淨土。釋迦穢土既有淨土。彌陀淨土亦有穢土。故云一佛在多處也。多佛在一處者。如法華明。十方佛同在娑婆。亦如五佛共現信相之室也。一佛一處。釋迦有東方。彌陀居西方。多佛多處者。十方諸佛在十方土處也。次復有四句者。謂一佛二處。二佛一處。一佛一處。二佛二處。一佛二處者。釋迦即舍那舍那即釋迦為一佛。祇。洹淨穢不同為二處。二佛一處者。釋迦舍那二佛。祇。洹雖淨穢只

①注一注②如二知③邊二邊④即二而⑤[金]一⑥[蛇]一⑦次二故⑧事二義⑨福二神⑩語二說⑪挺二挺⑫土二上⑬二二(二)⑭又二釋⑮正二止⑯[前雖殊]二十字一⑰一十(一)⑱以二大⑲句十(也)⑳一一二⑳二多⑳(中明)釋迦在二十字一⑳室二寶⑳土二方⑳二二一

是一祇。洎爲一處。一佛一處。本迹一佛。淨穢祇桓爲一處。二佛二處。本迹二佛淨穢二處也。然此四句難解。且作章門如此。至後第八會中更當委釋。略明土義如此。今通問前四句。何者一家明因緣義。若非因緣明不成義。彈他自性。明今因緣既皆因緣。一二二一可因緣。一二二若爲是因緣耶。如初彈他有無。他是有自無。無是自無。自有則有故有。自無則無故無。有有無無非因緣。汝今一一二二若爲是因緣耶。且釋明四句。因緣因緣四句。因緣四句。不四句四句。四句不四句。此四句皆是因緣。此是總釋。次別釋前總則堅而密。今別則橫而疎。別明四句皆因緣者。由一二故二。由二一故一。一二二一因緣若爲一二二因緣耶。解云。由一二故二。二得起。何得有一。由一二故二。則由二一故一。既由二一故一。亦由一一故二。一則一。因二二。一因一。一由二有二二。亦由二二故一。二則二。因一二。一二因二。此則四句皆因緣四句。因緣因緣四句則非四句。非非四句非非不四句。畢竟清淨。上雖明如此四句未曾有一家所說。大品云。須菩提。告諸天子。我無所說無字可說。此則論無所說。說無所說。今亦爾。無量四句而未會有四句而無量四句。無量一雖一而無量。一無量雖無量而一。雖無所說而說。雖說而無所說。舒則遍盈法界。合則泯無所有。雖卷而無所不有。只歷我如此。不得歷歷不得漫渾。歷歷則成有得。得漫渾則不可解。

今且歷歷而漫渾。漫渾而歷歷也。略明淨土義如此也。然四條義兩條義略竟。

今第三次明教門。前明化主化處則是依正能所。有能化即有所化。有所化即有能化。斯則依正具足。能所因緣。明此化主化處作何爲。爲欲化緣設教所以今第三次明教門。就教門中凡有三句。一者能所。二者因果。三者半滿常無常。師雖明此三種並網格辨商略存大意耳。大師云。能所義最長。因果處中。半滿常無常義最局。然中且明能所義。就此中更開四句。一者能而不所。常無常半滿義。涅槃經初別當廣釋。今提綱振領辨其大要也。三句之而不所。二者所而不能。三者亦能亦所。四者非能非所。言能而不所者。加來設教無有得悟之緣。名爲能而不所。所而不能者。或有衆生見葉落而悟道。觀華影而成聖。如來不被其教名爲所而不能也。亦能亦所者。有能被之教有所被之緣。教是緣教緣是教緣。緣教相稱教稱緣。緣稱教緣教和會衆生得道。故名亦能亦所。不能不所者。無如來能。被教。無衆生所。被緣。故稱不能不所也。問何故明此四句。解云。雖明此四句今辨教門。正約亦能亦所句以辨之。何故明教明教爲欲被緣。所以今約亦能亦所第二句辨。雖亦能亦所且明能被教。後第四句是明所被緣。今即明能被教也。問。釋迦舍那二佛施教若爲同爲異。解云。二佛施教是同。問二佛既異那得教同。解云。二師雖異施教並爲顯道。顯道不異。故施教義同。何以故。道是所顯。

教是能表。所顯之道既無異。能表之教是同也。二佛既然。類十方諸佛亦爾。十方諸佛施教何所爲。並顯道既同。爲顯道故教義是同也。

次明二佛教同者。同明因果法門。二佛教雖無量不出因果法門。因果法門。十方諸佛教亦爾。不出因果法門。十方諸佛教不出因果法門。今因果法門攝十方諸佛教盡。既明因果法門是同故二佛教不異也。然此因果非是數人六因五果之因果。論師同時因果。異時因果。四緣三因因果。此等因果並非因果。大師前將中論因果品來彈此因果。明非此因非此果。檢此因不得非因。求此果不得非果。彈如此因果竟。始得明今時因緣因緣因果。因果則無礙亦得同時亦得異時。因緣同時因緣異時。因緣同時不同時因緣異時不異時。雖不同時而同時。雖不異時而異時。如空雲合之嚮明鏡之像。恒須此意要須此。前彈他因果。始得明今時因緣因果。因緣因果因果義始成。故二佛同明因果也。問。若爲二佛同明因果耶。解云。二佛同明因果。各有差別無差別無差別差別義。釋迦差別無差別者。一般若因一薩婆若果。一佛性因一涅槃果也。釋迦無差別差別者。開一般若因爲無量。因謂三乘共十地。開薩婆若果爲無量果。謂薩婆若果菩提果涅槃果也。舍那亦有差別無差別差別差別義者。行一離世間因得一法界果。即是無差別義也。十信十住十行十回向十地等因。十世界

①因緣二四句 ②二二一 ③告苦 ④只一 ⑤歷不 ⑥三二二 ⑦開二問 ⑧教緣教緣教緣 ⑨被二被 ⑩顯道 ⑪教二故 ⑫門十(收一切教釋大何但二佛不出因果法門) ⑬蓋二蓋 ⑭佛二佛 ⑮異一是 ⑯因二果 ⑰此二九 ⑱答一 ⑲此一 ⑳婆二教 ㉑因二果 ㉒(三乘一果謂)十六字一 ㉓也二九 ㉔住二位

海正果。多少相海。及現本迹等身。即是無差別差別義。此即二佛各有差別無差別義。故二佛明因果是同也。言異者釋迦多明差別無差別。義束散。明義明一般若因一薩婆若果。不作十明義。若是舍那多明無差別差別義。散束明義十明義十信十地等。乃至普賢菩薩二百句問。普賢菩薩二千句答。一句作十句答。乃至十佛世界海大小相海等故。是無差別差別義。此則二佛教門同異義。如此明二佛教門雖多不出因果。故二佛同明因果。大師從來云。二佛同明因果。明因果不同。言二佛同明因果者。釋迦能化過去行不生滅因。今得不斷常果。釋迦能化既然。舍那能化亦爾。舍那能化過去行不生滅因。今得不斷常果也。釋迦所化現在行不生滅因。未來得不斷常果。釋迦所化既然。舍那所化亦爾。現在行不生滅因。未來得不斷常果也。故二佛明因果。義同而不同者。釋迦能化具明因果。舍那能化俱明因果。舍那所化具明因果。釋迦所化但明因果。言釋迦能化具明因果者。釋迦教明現是凡夫。行因得果。凡明兩世因。明過去行六度等因。現在論城學道六年苦行。具明兩世因果故。是明因辨果者。菩提樹下得成正覺即是辨果。故言釋迦能化具明因果也。舍那能化但果不因者。舍那教不明舍那能化行因。何者不明過去行因。不明現在行因。直舍那始成種覺明依正兩果。依果則十國土正果。十佛名號海。故舍那能化但明果不明因也。舍那所

化具明因果者。舍那所化修行十信十地等因。得不思議大小相海。果。行離世間因得法界果。故云舍那所化具明行因得果也。釋迦所化但明行因不辨得果者。故大品云。菩薩以不住法住般若中具足萬行。此即但明行般若等因不明得薩婆若果。所以釋迦所化但因不果也。然此四句從山中師來已有此語。是一家舊義極自難。後人雖誦得語實不得其意。今且作數問之。何者既言舍那所化行十信十地等因得不思議大小相海。行離世間因得法界果。何以得知。此何以得知。十住十地等是舍那所化因。大小相海是舍那所化果。後一周因果亦作此責之。此經七處八會經文。何處道十信十地是舍那所化因。大小相海是舍那所化果。後一周因果亦作此責。此經七處八會經文。何處道離世間是所化因。法界是所化果。又安知十信十住非是舍那能化因。大小相海非是舍那能化果。安知離世間非是舍那能化因。法界非是舍那能化果。又一句責。若言十信十地等是舍那所化因。大小相海是舍那所化果者。舍那所化。為當現得大小相海果以不。若使言舍那所化不得大小相海果。乃是舍那為諸菩薩說今諸菩薩修因取果者。此與釋迦所化更復何殊。釋迦亦為諸菩薩說涅槃薩婆若果。今諸菩薩明因取此果。若爾爾兩佛所化無異。何得判釋迦所化但因不果。舍那所化具因果耶。若使言舍那所化已得大小相海果者則諸菩薩皆悉是佛。何以故。大

小相海果是如來大小相海果。諸菩薩既得此果則諸菩薩即既成佛。那復更行離世間因得法界。紛紜作義此兩句責不可解。所以不可解者。由來師作此語故難解。不具他事。然二佛因果義相是極自難見。前云。釋迦能具因果所但因不果。舍那能但果不因。其因果何意明此因果不同耶。明此作義大師舊云。所以明此四句因果者。欲辨二佛能所相兼義者。釋迦能化具明因果。舍那所化具明因果。此則能所相對。非能無成所。非所無成能。能是所能。所是能所。此之能所皆具因果。雖皆具因果只一因一果義。故釋迦能具明因果。舍那所具明因果。第二句相兼者。舍那能化但果不因。釋迦所化但因不果者。此亦是能所義。非能無以明所非所無以明能。以所能果兼能所因。能所因兼所能。此之能所亦是一因一果義。故舍那能但因不果。釋迦所但因不果也。第三句相兼者。釋迦能對舍那能。釋迦能一二義。舍那能二一義。此二是一二。此一是二。此本是迹本。此迹是本迹。以本迹故二一。以迹本故二一。一二兼二。二一兼二。以本迹兼迹本。迹本兼本迹故。釋迦能具明因果。舍那能但因不果也。大師只作此語。今更問。何意明此四句因果相兼耶。解云。有二義。一者明二佛能所互通。釋迦能化既具明因果顯舍那能化亦爾。舍那能化但果不因顯釋迦能化亦爾。一佛是二句但各顯一義。故一二不同也。能化既然所化亦爾。斯義

①義十(明) ②[明]一 ③佛二師 ④未二本 ⑤城二城 ⑥[化]一 ⑦正果十佛二王果下佛 ⑧信十(十住) ⑨果二異 ⑩具二其 ⑪即二則 ⑫信二倍 ⑬住二經 ⑭又二人 ⑮大二釋 ⑯使二便 ⑰乃十(至) ⑱因二由 ⑲爾二分 ⑳云二義 ㉑兼二業 ㉒化十(是) ㉓非二亦 ㉔因二果

易知也。二者欲浪能所因果本迹義。釋迦本迹一二。舍那迹不二。本迹非迹。迹本非本。二非二。二一非一。能所非所。所能非能。斯則非一非二非本非迹畢竟清淨。此則名大方廣義也。

更釋前一句義。何者云前舍那能化但果不因。所化具因果者。明此經發初但說舍那依正二果。十佛國土即依果。十佛世界海即正果。而不明舍那能化之因。若是舍那所化前明十信十地等五。位是所化因。大小相海是所化果。此是一周明所化因果義也。次復一周明所化因果。謂離世間因法界果。此二周因果中間。性起品結前生後。結前者。前明五位因。次明大小相海果。性起品即收此因果。還歸不因不果一正性義。生後者由不因不果始得明因果。從體。出用義。由非因始得明離世間因。由非果始得辨法界果。故性起品結前生後也。今問。何以得知。此十信十地等因大小相海是舍那所化因果。安知是所化因果非能化因果耶。解云。所以得知十信十地等是所化因者。明如來以如此等因勸所化衆生。令行此因。明汝若能行此因必當得佛。故知此因果是舍那所化因果也。大師云。此則所化長有兼義。何者以舍那所化兼能化因。不得能兼所化。言所化因兼能化行者。明所化行此等因得果。當知舍那能化行此等因令得果也。難。所化因兼能化因。亦應所化果兼能化果。所化因兼能化因。亦應能化果兼所化果。解。不得能化果兼所化果。何

者欲歎舍那所化現在行因別得果故。所以不得能化果兼所化果。難。顯所化別得果。不得能化果兼所化果。亦應能化別有因。不得所化因兼能化因。解云。若併兼則成。一義。今各舉一義故不同也。問。何意所因兼能果。不得所果兼所因耶。解云。有兼不兼。不得一例所未了處。復更釋。次更問。何故釋迦所化但因不果。舍那所化具因果耶。解云。淨穢利鈍。所以釋迦所化穢土中。鈍根故行因未即得果。舍那所化淨土中。利根故行因即得果。大判如此耳。細論釋迦所化因不得果。非無具因果。舍那所化因具因果。非無但因不果義。何者大論云。釋迦轉法輪有二種。祕密法輪中。有得無生有現身成佛。仁王經云。聞說般若現成正覺。釋迦所化因不果。既有因果類舍那所化具因果亦有因而不果。問。既爾何故作此釋。解云。大判如此耳。華嚴遊意。

No. 1732 (Ch. No. 173)

大方廣佛華嚴經搜玄分齊通智方軌卷第一之上

終南山至相寺沙門智儼述
此經本外國凡有十萬偈。昔晉道人支法領從于闐國得。此三萬六千偈。以晉義熙十四年歲次。鶉火三四月十日。於揚州謝司空寺。天竺禪師佛度跋陀羅手執梵文。譯胡

音爲晉。沙門釋法業親從筆授。時吳郡內史孟顗。右衛將軍褚叔度爲檀越。至元熙二年六月十日。出訖胡本。至太宋永初二年辛酉之歲十二月二十八日。校畢。

今分判文義以五門分別。一歎聖臨機德量由致。二明藏攝分齊。三辨教下所詮宗趣及能詮教體。四釋經題目。五分文解釋。初歎聖臨機德量由致者。夫如來大聖。自創悟玄蹤。發軔於無住。融神妙寂。志崇於菩提。故能殖道種於先際。積善業於無我。暈正智於金剛。朗如如於爾焰。是以妄想弗剪而霄翔果表。靈鑑弗瑩而圓明等覺。澄深我淨至寂所不隱。凝跡常樂無所而不施。生死涅槃齊同觀。德備圓通大智無障礙。解脫方便妙極然矣。

第二明藏攝分齊者。斯之玄寂豈容言哉。但以大悲垂訓。道無私隱。故致隨緣之說法門非一。教別塵沙。寧容限目。如約以辨一化始終。教門有三。一曰漸教。二曰頓教。三曰圓教。初門漸內所詮三教。教則爲三。約所爲二。故教則爲二。言其三者。一曰修多羅。此云線亦名經。以線能貫華經能持緯義用相似。但以此方重於經名不貴線稱。是以翻譯逐其所重。故廢線名存於經目。譬聖言教能貫穿法相使不差失。令法久住。經與線相似。此從譬立名。即詮定教也。二毘那耶。此云滅。以身口意惡焚燒行者。義同。火然戒能滅之。故稱滅。此從功能彰目。教從所詮亦名爲滅。即詮戒教也。三者

●地二化● ●位二住● ●前二亦● ●出二云● ●以一● ●行二得● ●大二夫● ●義何者● ●能彼● 十六字● ●一三
●利鈍二利鈍● 甲本與舊日本云正德五乙未年極月得此本則投期反所寫功畢同廿日夜加一覽誠惜古書隨故納石室耳
山沙門維實 元文五庚申九月上旬於河州持明院講五教章畢欲去南方赤池西光寺兼菩提心論而先次宿于小松島地藏寺之日令小弟宜
雲房生壽廿歲而擊揮毫至西光寺聽聞講演之餘際聽鈔功了故記事由矣同歲十月二日 沙門妙瑞誌 貧道曾聞此書珍于世焉今歲實展
二龍次王申仲夏總檢往心品疏之餘暇以瑞律師正本早卒寫得之於洛東白川上舊居矣后備州沙門智證 高麗高宗三十二年刊本
藏本。●大日本續藏經

阿毘達磨。此云無比法。亦名對法。能破煩惱及分別法相。無分別慧最為殊勝。更無有法能比此者。故曰無比法。此從無他得名。教從所詮亦名無比法。此即證慧教也。名對法者。即阿毘是能對智。達磨是所對境法。即境用立名。此後二藏並從所詮得名也。問若然者。何故攝論云。為說三種修學。別立修多羅。為成依戒依心學。故立毘那耶。以此文驗。即經證三行。戒證二行。慧證一行。答有二義。一剋性門。二兼正門。剋性如前說。兼正門有二義。一本末義經為本教。餘二次第末也。二者兼正門。經中定為正。戒慧兼也。律論亦爾。准可知耳。此經即修多羅攝也。所為二故。教即為二者。根有利鈍。法有淺深。故約聲聞鈍根。就分別性立於三藏。成聲聞行法故也。為菩薩利根。約無分別等三無性。義立三藏。為成菩薩行法故也。問經云。為諸緣覺說。因緣觀法。即緣覺亦有教。何故不立藏。答依普曜經。三乘教即立三藏。今依攝論及地持等。但假教即入聲聞藏。故不立也。此以二義明之。一聲聞聲聞。是人本來求聲聞道。樂觀四諦。今遇佛說四諦法。得道。先有種性。今復聞聲故曰聲聞聲聞。如經中說。求聲聞者如來為說四真諦法。據此為言。二緣覺聲聞者。先求緣覺道。今遇佛說因緣教法。如經中說。求緣覺者如來為說十二緣法。就此為論。初義總相知法。後義別相知法。利鈍雖殊。同期小果。總為一藏也。若

上利根出無佛世。自悟因緣。而得道果。有行無教。據斯廢也。依普曜經。望理教別也。就聲聞中。有其一種。謂初執性教及順破性者諸部執教。破性教者。分知法空。同依四諦趣於小果。故同入聲聞藏也。二菩薩藏內有二。一者先習大法。後退入小。今還進大故。經說言。除先修習學小乘者。我今亦令入是法中。名漸入也。二者久習大乘。今始見佛。則能入頓。故經說言。或有衆生。世世已來常受我化。始見我身。聞我所說。即皆信受。入如來慧也。此經即入大乘教攝也。第二頓教攝者。故下經云。若衆生下劣。其心厭沒者。示以聲聞道。令出於衆苦。復有衆生。諸根少明利。樂於因緣法。為說辟支佛。若人根明利。饒益於衆生。有大慈悲心。為說菩薩道。若有無上心。決定樂大事。為示於佛身。說無量佛法。以此文證知。有一乘及頓教三乘差別。又依真諦攝論。一者一乘。二者三乘。三者小乘也。問頓悟與一乘何別。答此亦不定。或不別。或約智與教別。又一淺一深也。一乘藏即下十藏也。相攝准之。第三言圓教者。為於上達分階佛境者。說於解脫究竟法門。滿足佛事故名圓也。此經即頓及圓二教攝。所以知有圓教者。如下文云。如因大海有十寶山等准之。問此經何故上來通三乘分別及攝者。答為此經宗通有同別二教三乘境見聞及修等故也。如法華經三界之中。三車引諸子出宅。露地別授大牛之車。仍此二教同在。

三界為見聞境。又聲聞等為窮子。是其所引。故知小乘之外別有三乘。互得相引主伴成宗也。藏攝分齊訖。三釋教下所詮宗趣者。有其二種。一總。二別。總謂因果緣起理實為宗趣。別有四門。一教義相對以辨宗趣。二境行。三理事。四因果。教為宗義為趣。境為宗行為趣。事為宗理為趣。因為宗果為趣。次能詮教體者。有其五種。第一義者實音聲名味句。第二義者似音聲名味句。第三義者不可似音聲名味句。第四義者唯識音聲名味句。第五義者真如音聲名味句。故經云。一切法皆如也。四釋經題目者。大方廣佛華嚴經世間淨眼品者。大謂體相用莫過故也。謂平等不增減體。具足性功德相。生世出世善因果。用故。方者理正非耶。廣者法門理數具德盡其邊也。佛者覺也。此通十佛及三身佛。華有二種。一集果華不與果俱。如生死為道具。等乃至因位善根等也。二莊果華與果同時。如七淨華等及滿果位諸德。修生本有互嚴可知。嚴者莊飾也。又言大者標以勝極之都目。故論云。大勝高廣一體。而異名乘旨道富。參羅無外。謂之大本。非局然矣。言方者圓通之致。處無不善。觸緣斯順。不擇物而施。故曰方。言廣者。沖而幽微而遠淵。而且博。謂之廣也。言佛者中國正音云佛陀。此方稱覺者。以其朗達窮源。塵習永亡。懷明獨曜。曜光大夜。啓導群惑。自覺覺人。故曰佛陀。言華嚴者。此況法身行德之美故。

體非真無以彰其妙功非極無以顯其勝。互相發義並超殊。可謂自體圓通勝妙之極然矣。其猶衆綵奇珍織飾金顏。特甚瓊麗世之無比。故就斯喻標名。故曰華嚴。經者真淨之教訓。義常則文詮理緯。顯用行心。故曰經也。世間淨眼者。謂時中器等三世間也。及能況之相。又體用差別。故現世。無礙無染。況淨眼。亦可如來未出世。無善導。故如盲。佛今出世。現自他淨喻明眼耳。言世間淨眼者。此應名序。但今之時會。並是勝流入。佛衆海數。德居淨域。塵所不染。出自天真。信非有爲。故託以顯至極圓道緣起之妙。不捨生死。而無沾汚。是以就事爲目。故曰世間淨眼。難測。非喻莫曉。故設以擬狀。若於眼內外俱淨。中表清徹。色像參羅。並屬於一運。無小無大。無遠無近。不相妨礙。故可准況標之如眼。故下偈歎。世間清淨猶如眼。義顯聖說然矣。品者語言理均。搭類相從。稱之爲品。此經有三十四品。此品貫之在首。故稱第一。經之都目。宗要之況旨明於此。故言道大方廣佛華嚴經。

第五隨文解釋者。初總料簡教之分齊。次別釋文分齊有二。一對耶顯正明其分齊。二約所詮義明其分齊。初對耶者有其四門。一約緣辨耶。如八時不應語等。二約業辨耶。如求其名利。自是非他。樂世有等。三約惑明耶。聞作聞解。不得不聞。乃至依法不依人等。四約始終辨耶。如經云。八大善人等。當成不善。故二約就所證明分

齊者略有十門。一同時具足相應門。於中有十。一教義具足。二理事具足。三解行具足。四因果具足。五入法具足。六分齊境界具足。七師弟法智具足。八主伴依正具足。九逆順體用自在具足。十隨生根欲示現具足。此等十門相應無有前後也。二因陀羅網境界門。此中具前十門。但義從喻異耳。餘可准上。三秘密隱顯俱成門。此亦具前十門。但義從緣異耳。餘可准上。四微細相容安立門。此亦具前十門。但義從相異耳。餘可准之。五十世隔法異成門。此亦具前十門。但義從世異耳。餘可准之。六諸藏純雜具德門。此亦具前十門。但義從世異耳。餘可准之。七一多相容不同門。此亦具前十門。但義從理異耳。餘可准之。八諸法相即自在門。此亦具前十門。但義從用異耳。餘可准之。亦可依性。九唯心迴轉善成門。此亦具前十門。但義從心異耳。餘可准之。十託事顯法生解門。此亦具前十門。但義從智異耳。餘可准之。上之十門玄並皆別異。若教義分齊與此相應者。即是一乘圓教及頓教法門。若諸教義分與此相應而不具足者。即是三乘漸教所攝。餘義依下天王等法門。准之可解也。隨文解釋者。初略舉八種教明互相成。及約三教相明其次第。次隨文釋其八教者。一乘三乘分齊。二真應三遍三入一。四空有五凡聖相由。六常無常。七三乘同行。八辨法邪正。此之八義上下皆通。廣說略說相從成。就本末二相。宜可准思。約三教相

成者。謂始於道樹。爲諸大行。一往直陳宗本之致。方廣法輪其趣淵玄。更無由藉以之爲頓。所言漸者。爲於始習施設方便。開發三乘引接之化。初微後著。從淺至深。次第相乘。以階彼岸。故稱爲漸。所言圓教者。爲於上達分階佛境界。說於如來解脫法門。究竟窮宗至極果行。滿足佛事。故曰爲圓。如窮之以實。趣齊莫二。等同一味。究竟無餘。何殊之有。但以對治功用不等。故隨根器別其淺深。言分有三。其次第者。就於一乘了義實說。約對治方便行門差殊。要約有三。以明次第。一者據方便修相對治緣起自類。因行以明三教。漸即在初。頓中圓後。三義從漸說也。初漸以生信。次頓以成行。次圓以成體用耳。若約實際緣起自體。因行以明時。頓初漸次圓後。初示頓以令修。次示漸彰爲物。後示圓果德備故也。若約窮實法界。不增不減。無障礙緣起自體。甚深秘密果道時。即初圓次頓後漸也。所以爾者。正以沖宗不遺於玄想。圓道不揀於始門。是以事雖近而至遠。相雖著而至密。淺至極深。方窮故。初示圓令見聞。次彰頓令隨喜。後辨漸階位。顯德起信行也。此即約圓以明三耳。然教乃可爾。論其旨也。正明如來法身無上菩提至極圓道。契窮實相。德盈海奧。義與真本顯明後際。語果彰之於無得。論因顯之於無發。故無相之相。其趣幽微。疑同太虛。旨絕名相。可謂至道無言而玄籍彌布。真容無像而妙相備嚴。入於

佛慧具佛所行。德顯殊美。越於世。故經首貫以佛華嚴之稱者。當以旨南之說。宗要在茲。隨文釋者。此一部教大分有三。謂序正流通。若堅料簡。隨其八會有十義別。餘准可識。此經一部凡有七處八會。入中三。天上四名七處也。重會普光名八會也。此為階法故有七八耳。此七八文相有無不同。略以十門分別。就八會內。所以初明佛者。佛是化主。今攝物必以化主為先。故初明也。二大聖說法有所栖託。次辨處也。三攝化有所大明。菩薩四器雖具足。請若不滿。則不為說。故次生疑。五法潤無崖。次辨集新衆。六微法不審不可。即說。次辨入定。七欲辨法勝。故明佛加八顯法。始終分齊。次明出不出異。九勝法既宣。次明法益。故辨動地雨華等也。十然功用既彰。化不偏屈。十方齊轉契合不虛。故次辨結會平等顯證述成。此十若離雨華等乃有十五。散華燒香放光作樂雨寶。攝五為一也。今並攝在十耳。二對會釋有無者。七處佛三身中是何。此解有二。一局一通局者八會俱非。小見。故是報身。問既報非化。何以處與下同。答此為先化流於末世。故寄世處以辨也。又問若寄世者何故經云。阿迦尼吒天成。答此有二義。一寄化顯報。即八會是。二寄報顯化。即色究竟是。為彰欲界是化故約相是化。今論教意耳。通者三身具有。一一互成。又普賢文云。在我身內無障礙。又辨華藏世界海。又寄道樹等。

故知也。此約三乘辨。若約一乘即下十佛並皆通有也。分文三者序正流通也。序者方便相。正者說體相。流通津用相。此淨眼品是序。盧舍那下辨正宗。經不來盡故無流通。所以知。大論云。不思議經有十萬偈。此唯有三萬六千偈。故知也。亦可有流通。衆生心微塵已下文是。但為龍樹菩薩會事等處。十萬華省之故不足耳。若從文義以分。至文別辨耳。序文分二。初明證信。二天王設供等已下明其發起序。證信序文有二義。初二句四字局。此證信。二一時下義有通。此約一義耳。又亦可二句義通一部而文局。初一時已下文通而義局也。約此義。即有六句。一如是。二我聞。三一時。四佛。五住處。六同聞衆。初釋如是者。衆聖理教文義相應故也。亦可我傳文義如佛所說也。是聖教義也。又信順辭耳。我聞可知。一時者根授相應時也。時有三義。一平等時。謂無沈浮顛倒。二和合時。謂令聞能聞正聞。三轉法輪時。謂正說正受。佛者可知。處者謂摩竭提寂滅道場。此是大聖所託。以在一釋。一切在國通場局。此云無害國。寂滅表離障圓果淨寂德也。始成者有二義。一得道始。初七日時。二現世始。說法第二七日時也。由令他知。成道始故。此文有二。初二句總開。依正立宗。一別辨。別內分二。初釋。依報。二如來處。此下辨正報也。初即器世間也。文有三。初辨道場地。二其菩提樹下辨其道樹。三不可思議下明師子座。此立意者。地為住行之

本。樹為衆德建立。座為攝益之用。初場中有三子句。一辨道場體莊嚴具足。二佛神力下明果德資成。三無量善根下出其因行。初體文復有三。一總辨體。二衆雜寶華下六句辨自利德。三雨無盡寶下二利自他德也。自利六句中。初一句微妙圓淨。次一具德淨。次一色相淨。次一高顯淨。次一眷屬淨。次一隱映淨。利他二句內。初明津用淨。次一覆潤淨。此二句通自他。次佛神力下第二子句中。有三句。初明變淨土令地廣博。二光明普照下德用也。三一切奇特妙寶積等者體攝衆德。就道樹文二子句。一有九句辨樹體莊嚴。二佛神力下辨果德資成。初文分三。初明樹體高勝能陰覆也。二清淨瑠璃下五句正辨莊嚴。三樹光普照下三句明利他用。此中有三業。初意次身次口。坐文分五。初明座體出過情量。二衆妙寶華下正辨莊嚴。三流光如雲下辨利他用。亦有三業。初身次意後口。四如來光明顯等下。上果下加。有五句。二陰覆勝。二威化勝。三無礙勝。四疾遍勝。五具德勝。五無量衆寶下總結成也。第二辨正報。文有二。初如來處等總釋。二了三世下別辨。第二別釋。文有三。初明法身。二其身遍坐一切道場下明報身。三悉能普現一切衆會下明其化身。此約三乘判文。若依一乘此中即具十佛體德用。准以思攝。初法身文有三句。初辨身業德。有二句。二妙音遍至下二句明口業德。三平等法相下三句辨意業德。二報身文分三。初身用

有四句。一座分齊。二知根行。三除惑染。四生德也。二普放三世智海光明下三句辨口業。三力無畏下一句明其意業。三辨化身文。初身業有三句。二了達一切下二句意業。三一切光明下二句口業。就口業文分二。初辨放光能普現諸義。次諸佛世界下辨益分齊。第六同開衆。即衆生世間文明。大衆圓集。此作二門辨。一明諸會有無不同。二依文釋。有無分二。一大小。二雜類。大小者七會皆大。第八通小。所以者前爲顯頌教大乘體。第八爲入法界。普攝小乘令入大。顯入力故。二雜類者唯前一後一。列雜類神王名。餘略不列。所以者。前爲表仰修信如稱法界人信解萬行相。後爲表稱法界攝法界人修入德滿相也。問若爾何故涅槃攝衆類多。此少也。答彼望熟故遠說。此約始近論也。所以可知。又亦可始約初位爲分齊。故不通小下。餘如下辨。第二釋文分三。初別如來法身淨土攝三十四衆。二爾時於佛師子座下復以法身淨土方便之力攝起一衆。始末合有三十五衆。初略列衆名。二列名歎德。初文分二。一辨菩薩等明無爲緣集衆。二諸神等明有爲緣集衆。下列名歎德準可知。初菩薩衆中分三。一舉數。二列菩薩名。此有三。初辨。次結。三歎德。與俱者有二。一佛與俱與之俱說。二傳法俱與之俱聞。普者德滿法界曰普。至順調柔曰賢。所以此中明菩薩名難者有二意。一爲顯下龜細等難世界故。二爲此

衆通下八會序顯多類法故也。餘者可知。三歎德文有四。初總歎。二諸波羅蜜下別歎。自分德。三無上智願下別辨能入他分德。四悉得諸佛下辨普賢行願自在攝化。總文分二。一皆是善友者顯人勝。盧舍那者此云廣博嚴淨。二辨自分文有三子句。一明自利行。二辨才大海下利他行。三住於一地下明以行成位。辨所攝分齊。云住於一地普攝一切諸地等者。就行相次第終至窮實自體以論。略要有四。一者以於始故能生於後終竟滿足。故名攝也。二者雖足初始然皆能行於諸地所行。諸法無殊。故言攝也。而所成之行但在於自分之位。上下憂劣但以明昧爲異也。三者但是初始即攝一切諸地功德。故名攝也。四者非謂以初後故名攝。但是初始即正是終故名攝也。就自利分三。謂總正助也。利他文有三。初一辨口業。次一身業。次三善知下意業。此中初知根。二知理法。三知事法。他分文有四句。一明自利五句。一得願。二得敬。三得果法。四得位德。五得定也。二於衆生海下利他二句。初立大釋也。三善入下二句善入法身。初立大釋也。四遍遊下二句爲物出生淨土。初世界海。次國土海也。第四普賢願行文有四。一得諸佛三世方便。二辨供養。三得普賢願。四攝生成智德。亦可對物攝勝。就有爲緣集文有三十三衆。從下向上列名所以者。爲表進行增微故。問此諸衆住何土中。答此衆一身住土四土之中。三土化土中

之一分。此可思之。何故下讀佛文從上向下列者。爲彰尊位次第也。初力士衆分三。一舉數。二列名。三歎德。歎德文有三。初總。次五句別。一具願門。二具德門。三具定門。四具神力門。五具解脫門。即自利德也。三處一切衆生下二句利他。餘衆列名歎德可知。迦樓羅者金翅鳥也。緊那羅此云疑神。作樂也。摩睺羅伽此云莽神也。夜摩者此云時天。亦名妙善。兜率者此云知足。大梵者此由新離欲染也。摩醯首羅此云大自在。天。文有三。前二可知。就歎德文有四子句。一總歎。二於一切衆生下別歎。利他三無量妙色下歎自利。第四觀佛姿顏乃至所以者何下。因事辨成二用。所以第三自利文分三。初明法身身業。次於十力中下明意業。處一切衆下口業。此文有五句。展轉可知。第四所以文有二。初明所依。二辨所以。所以中初問次答。答文有三。初辨所依緣。二於諸如來下明依緣成行。三各隨下結別所成。推功在佛。第二文中六子句。一在信位。爲佛攝生善根。二爲佛引入解位。三爲佛攝入證位。已上四從逮得無量功德下明得八地已上無功用勢力。五皆悉成就下辨十地已上普賢願行。六菩薩所行下結別所成。第三結功在佛文中分四。一結二正推。如來智光普照。三得成。因乘解脫力入佛果海。親辨所由。四於法門得自在。成述已行滿。亦可四句展轉辨成。次就歎佛文十八衆內。此但略上隱顯。故明十

八、大分爲二。一善海等各於一法門得自在。二第十八普賢菩薩於一切法門得自在。此中約緣起樓觀顯同生異生德門分齊。宜可思之。亦可前十七異生。後第十八普賢菩薩是其同生。就異生文有十七。初善海內有二。一舉法門自在即意業行供養。王身現在即身業供養。二說偈下辨口業供養。偈讚文總爲歎。如來三業滿法界用。就中初六偈總歎佛三業在世勝。二有一切世間衆生下六三業在世起殊勝德用。次如來妙色身下二偈別歎身業。次如來音聲無礙下二別歎口業。次一切十方無邊佛下二辨佛意業。次二偈舉因釋成。二樂業光天偈歎佛寂用。雙行德文分三。初一總歎。次十六偈別舉。三無數無量劫下二舉因結成。三禪有七天。淨智有二十二偈。總歎如來身業功能。初六歎法身。次六歎報身。次六歎化身。次四總歎。如來慈悲德。二禪十天。二十偈總歎佛大方便行及所證法。初六偈總歎佛方便行。次六歎以法門攝化。次六歎八相成道化。次二舉因結成。初禪有十天。頌內十六歎佛寂用無礙自在德。初四歎佛身業。次四歎佛口業無礙。次四歎佛意業。次四總歎三業無邊。他化十天。誦文有二十偈。歎佛後得智用。初四法身普益生善滅惡。次四佛口業用。次二意業用。次六總歎佛能滅惡生善。次四歎佛應機自在而無高心。化樂天有二十偈。中歎佛三身德。初六歎法身德用自在。次十四歎報身。十四中有四。

初二辨佛口業。次六身業。次四歎佛本因。次二歎佛攝生自在。兜率有八天。頌中十六偈總歎佛周遍法界說法自在。初六總歎佛用無礙。次六歎佛除生三障德。次二歎佛能成衆生行益不空。次二歎衆圓集顯聖攝力耳。夜摩十天。頌十六總歎佛三業功德。初八意業。次二口業。次六身業。初利有十天。頌有二十偈總歎三世佛權實菩提智門。初四辨念佛者得遇聖緣。次八辨佛方便被物。次六歎佛成勝智身令修入者成勝利益。次二結勸念佛滅三障也。即惑業報耳。日天有十。頌中二十二總歎佛智日功。初十二歎佛衆德莊嚴。次八歎佛勝智善巧。次二歎法深廣。月天有十。頌中十六總歎佛於癡闇中放智教光成其觀行也。初十辨佛智光益生成證心不傾動。次六明放光智轉相教示成其正觀。次下乾闥婆等四衆即四天王是也。從所頌爲名故作此說。若從主名者。大論云。東方天名提頭賴吒。此云治國。領二部鬼神。一名乾闥婆。二名毘舍闍。南方天名毘樓勒叉。此云增長。領二部鬼神。一名鳩槃荼。二名薛荔多。西方天名毘樓博叉。此云難語。領二部鬼神。一諸龍。二富多那。北方天名毘沙門。此云多聞。領二部鬼神。一夜叉。二羅刹。此所頌即是經中八部鬼神。此即二十八天中一天。東方天有十。謂持國等。頌中有二十。總辨慈悲方便示法事淨土成利他益也。初六歎佛攝生令見法身。次有八偈歎佛在淨土化生得果。次有六偈歎佛隨處益物。南方天有十。頌有二十偈。歎佛慈悲法門。初六歎佛大悲忍苦調伏衆生。次十四明佛悲德周遍十方用無相也。於中有二。初十二辨慈悲相。次二辨用離相。西方天有十。頌中有二十。歎佛悲益故令生得法喜。初六偈辨佛悲力救生。次四歎佛在生死者令入法海。次四令在苦者得其淨土。次六偈歎佛在淨土中說妙法海成法供養。如須彌藏經說。龍報有五種形。一善住龍爲象形。二難陀龍爲蛇形。三阿那婆達龍爲馬形。四婆樓那龍爲魚形。五摩那蘇婆帝龍亦名摩那斯爲蝦蟇形。變形如律說各領所形龍。北方天夜叉者輕捷。頌中有十六。歎佛爲救苦故在世間。初八偈歎佛平等慈德。次六辨佛智身法身攝生趣正道。次二舉因結成。上三十三衆中名此爲鬼王者。八部中唯緊那羅龍毘舍闍是畜生。但夜叉羅刹力大故與鬼名。此中五皆鬼也。金剛力士有十。頌中有二十。辨佛法身三業難壞。初六歎佛身業自在。次六辨佛口業。次八歎佛意業。此上諸類並像現劣而體是勝故。大集云。諸佛諸菩薩言。汝欲往釋迦佛所者當現作梵王等。故知也。又此華藏界豈有此實類也。意如攝論次解第十八普薩衆說偈歎佛。此唯列普賢不列餘名者。此形居道位。德標普門。彰一即一切一切即一故也。此文有二。初列名歎德。次偈頌表三業供養可知。上下二衆長行歎德。

是經家列非當時文就長行有二。初總。次所謂下別總文分二。初自分德。二能入如來下入他分德。別文分二。前八法門廣。前自分後二法門廣。前他分。又此五對十句。二。自他利願中二十偈。義分有六。初二歎佛住處及眷屬淨。次二歎佛土主淨。次二歎佛利益圓滿淨。次有七偈。半化用圓淨。次二歎佛果位勝出圓淨。後四偈用淨。就七偈內初三半佛身業淨。次二偈口業淨。次一切三世下二偈辨佛意業淨。後四偈文分二。初一辨法身體淨。次三用淨即三業用也。即爲三耳。此中釋普賢分齊。以八門明因陀羅。可以知之。一理。二土。三身。四教。五法。六行。七時。八事。事即塵等也。凡論大意。約文有二。一但有使習煩惱染業及報並入凡境。自外入聖境。聖中有二。謂理量二法。此二各有二法。因陀羅網境界即理中量也。及量中之一分耳。此可思準之。次下大段第二不動而集衆。此上諸衆未必有動。但欲顯同體攝。故有此耳。又顯果位具因法故也。就中有八子段。一明出處。謂師子坐樓觀側。二舉數三列十名。所以列雜名者。欲顯說增微多類法故。四設諸供養。下列供具。五皆大歡下正供佛。六隨方而坐。七彼菩薩等下歎德。八說偈歎佛前地總。此樓觀別住也。供具有五。散華燒香放光作樂雨寶。就歎德有十句。一自分因行門。二勝進證時。他分無礙。三眞佛境中無盡辨才。四得佛意業成。不思之用。五得普門境佛身業普現。六總說。

悉能入三世智地。七總歎常無常二涅槃因。力具足。八方便淨涅槃。九自淨常果因。十總結成法供養行。頌讚有十九偈。分爲四。歎佛三業及坐道樹自在德。初三偈歎佛意業用。次十偈辨身在樹王自在。次二偈口業自在。次四偈座莊嚴大用自在。次下第三諸王興供養行。亦可。第二發起序。就中分三。初佛神力動地等。所言動者一方動。遍動者四方同時動。等遍動者八方動。此解十八動出大論。吼覺震是聲。餘者色也。下文有六種動。即東涌西沒等是也。諸經有異動。不出此二。準以思攝。二明興供養。三此世界中佛坐道場下結所得業。第二文分四。一總。二別。三結。四等。餘方諸王德業文有二。一正歎此王。二等餘世界。就正歎文有六句。前三自利。次一利他。次二自他行成滿入。勝分。初一總說各隨樂所入法及能入方便法門。二依證出觀心生歡喜法門。三別說方便對治法。四通達諸方勇猛利他法門。五如來位境勝分已入。六諸佛所證無量法海皆已得度。結文二意可知。釋淨眼品已。總有四種生解法。以起下文。除立破四答善巧翻依等。一次第門。相形取解故。二總別門。如六相等。從相入實故。三攝取門。如依言攝義故也。四例聲門。七種例聲例文取義故。

盧舍那佛品第二

自此已下正明正宗。文有四門分別。一辨名。二來意。三明宗趣。四釋文。一釋名者。

盧舍那此云廣博嚴淨。問此品辨依報。何故從主名者。此土與主爲所依。正報強故舉入顯土。二來意者。何故此品來。既衆集已。次明所顯法故也。三辨宗趣者有二。一人二法。人有二。謂能加及所加。各有體相用。下諸會並一約盧舍分。異耳。能加體者以內證法智爲體。七日思惟慶喜以顯德相。加說爲用。所加助化人體者入定爲體。蒙加爲相。起說爲用。餘會昇沈優劣準之可解耳。法者四種淨土爲此會宗。又亦可法界及世界海爲宗也。其法用眞如爲體。別德爲相。益物爲用。第四分文釋者有二。一對會。二隨品。此盧舍那品果廣而因略。故屬果德。二名號下因廣而果略。故判因行。更有別判。如第二會初釋。二就品分者有三。初至光覺等來舉果勸樂生信分。二明難下明修因契果生解分。三離世間下辨依緣修行成德分。所以須爾者。爲衆生薄少善根信心難發故。此品內佛加普賢說淨土依果。第二會內文殊承力說佛三業明其正報。以此勝依正以起信心。既起信心已。次須爲說法令其起解故。明難品下廣辨行相勸依。已見法明白。次須勸依起行歸有所得故。離世間下明依緣成德分。亦可依會分文定耳。餘義可知。又依璣路經云。第一會明世界及法界海。第二會明淨土。此依經判。大妙。文有此意。甚須思簡。至文當知。次第二引證者。如維摩經佛國品在先。如是非一可知。此品大分二。一總通釋。

二別約文辨。初總有三。一能詮教。二所詮法。其法義不定。廣如四十無礙辨才等中釋。二別約文辨有二。初大眾生念陳疑。二爾時世尊知諸菩薩心下明其答相。因初請問料簡八會。諸問不同。即十門中第四也。此略有三。一辨有無。二明法門廣略前後。三辨問人多少不等。初有無者。初二會後三會初有問也。所以者初為通問因果二法故。第二所以者復問行法初故。後三所以問修行中同異故。餘對文辨。次依文釋疑問中分二。初長行後偈頌。長行有三。初舉能問人與念。二何等下正請。三唯願下結請。請中有二十三句問。又佛作頌成十四句分二。初二十一句問得果法。次一切菩薩下問因法就果文。準下五海十智答文有五子段。初十二句明三身果體差別。又若依一乘即體德用也。餘準之。次世界海一句辨淨土依果三衆生海一句辨所化生。四法界方便一句辨化生法藥。五佛海下六句辨果德攝化作用之義。初十二文分三。初四辨法身德。二佛力下五句辨報佛德。三佛眼下三句明化身德。此約三乘定文耳。佛地者果位出生衆德故。佛境界者分局也。佛持者法身持衆德也。佛行者行業也。化身文眼耳等辨身業。佛光明等辨口業。佛智海辨意業。就佛海下六句化用文中。初三辨報佛化用。後三辨化佛作用。就因問分二。初一切菩薩所修行海者總也。次別別文分二。初大乘心等辨地前信樂等種為因也。二出生諸

度下辨地上行。即攝十度。波羅蜜即六波羅蜜。願即願方便。智即力智也。頌文有二。初長行。次偈頌。偈有十八。偈準地論此名口業也。就中分三。初六偈總讚請。次十一偈半頌上請文。次半頌上結。請前六文內分三。初一自利德圓。次三利他滿。後二根器樂聞。就十一句巧略故不可周盡。初八頌三身十二句。次一頌世界海下三句。次二頌上佛海等六句及因行等二句。次第二明答相文分七。初辨放光集衆明其序分。二爾時普賢即入淨藏定下三昧分。三普賢入定已下辨加分。四大衆同聲下請分。五爾時普賢菩薩承佛神力已下明本分。六爾時普賢從定下辨起分。七爾時普賢菩薩欲令衆歡喜下明其說分。文分二。初廣集說儀。二如此四天下已下結通平等。初文有四。初放光。二集衆。三示衆令知說法者。四於彼有蓮華生下顯說儀則。次放光有二意。一現相表實。二起其信心。此文二意通下會耳。因此放初光即明。諸會放光集衆偈頌三義不同。此即十中第五番也。集衆說偈對文辨諸會序內顯解行法及德位淺深不同。但第六七八三會無放光集衆。所以第六不放者凡放光表往來衆集等。地前世間故有往還。地上證體無漏盡其性。處無可攝聚在異處也。但可共加顯深方說也。七八不放者起光本顯為集衆彰法。後二法已先顯。今依修行故不假也。然彼第八會正說中放光者。為明果德攝益分齊不為集衆也。

又第七會證行境界法唯相應。辨信非言事能證成。故無光及衆集耳。又初會光為集衆證經。二光覺品顯所依法淺深。通下為則。三第三會已去三會光為顯當位得理分齊。又問第六會放光集衆俱無者。欲顯無漏德位不可。以事彰故也。放光文分二。初面門是身業。二光中起聲說。偈是口業。蓮華藏海因人非及故須光加方可見也。所以面門放者表正向教道曠被說故。言面門者面之正容非別口也。所以一齒者表能對資成功立也。就放光文中有五。初辨所依。次總列十門。三如是等下出光眷屬行。四後一光下辨用。五顯光攝益。光十門分三。初六法身正報相。次二明淨土依相。次二明攝化相。頌文十九偈有三。初十歎佛德行善能開覺。次七勸諸導師與其供養。往佛所也。次二重歎佛德用內證諸海生。物勝欲。就第二集衆文中。先明諸會有無。二次分文有無四。一有無。二來處遠近。三本處佛號及菩薩名不等。四供養多少有無者。唯他化天說十地及重會此二無新衆。有四意集衆。一為表所攝機。二為證法。三為興供養。四明衆圓集如是等所以可知。其第八會定後集者。表知識方便善巧令自他入於法界。不為顯法。亦可為顯攝他用非證。自義仍是衆集為證法耳。二辨來衆遠近者十百千等如文。餘義對文釋。集衆有四相。一處名彰法相。二佛名顯解。三菩薩名明位始終。四座名辨攝法利用。

此但局新衆，餘即通也。就十方新衆文有「五」。一圓衆來，此二如是等下總結。三菩薩次第坐下各顯，已所得法門顯有化德，四念中於一世界下明緣起力用自在化。五明說偈。初文中各有七分。一處海二佛刹。三佛名。四彼菩薩名爲某佛開覺。五與侍俱來。六興供具供佛。七各據本方坐。第二結文十億佛刹等有「十億菩薩來者」，此是國土海體同不別，此衆生土名字不同者，爲表果德普通攝益現法差別不同故也。第三有六。一坐已。二毛孔出光。三光中出菩薩。四菩薩方便周遍諸塵。五一一塵中有佛刹。六一刹中有佛現。此是實事非化權也。次第四文有三。初辨所化生。二以夢自在法門下辨能化之法。初辨次結。三於一念頓下辨化成益。就成益文有六句。一益人天。二益內凡。三益成十果向。四益令成十迴向已還。五益令得七地已還。六益成八地已上。五頌文有二。初十偈頌十方菩薩久修勝行赴此。後十偈頌前次第坐下及益生文。前十中分三。初二偈辨菩薩自德。次有五偈辨能拔生離苦。次有三偈由德成故。能遍遊十方佛所顯其殊能。後十偈通頌上坐已下所得法門化德等文也。餘相可知。第三佛示普賢使知說法者令衆敬請文有四。一辨放光益意。次正放光。此有五句可知。三光所照處正示。四從足下入攝用歸本。顯因果二融。第四出蓮華及菩薩顯說儀中有三。初於場處華出。亦

可相輪。此有七句。此顯攝化分齊。二從佛眉間出一大菩薩。約入顯教。三說偈讚歎明教分齊。就第二出菩薩中有七。初辨處。二明所出人。三列名。四眷屬。五出已敬繞坐。六退坐有二。七成就下歎所出人德。此有四句。第三偈有二。初勝音說六偈。數佛化身應器自在。及顯法分齊。即顯教聲德。二師子焰光奮迅說十七偈。總歎盧舍那及普賢能同諸佛。及辨轉法輪相也。即顯教威耳。初頌分三。初二明化身充滿法界現生前意。次二現用法亦教分齊。次二威德難思。第二奮迅音菩薩偈內。初三辨盧舍那自在轉法輪。次十四偈明三業轉。即緣具也。此明約緣顯三種法輪。初文有四。初半總顯。二半辨輪體。三一行明所應方處隨轉。四一行明義相耳。法輪有四種。一教。二行。三理。四事也。開此轉法輪與三乘三轉十二行輪何別。答此但一轉成其十行。所謂一轉無盡轉廣如下說。又佛本行經云。佛於箕宿月初十五日內十二日及過半人影難勝時。北面坐於鬼宿及房宿時。轉梵法輪也。就第二中。初六偈明意業化。次四偈辨身業化。次四偈辨口業化。又釋有七。初二總辨因果起化分量。二有二辨身業。三有二明其口業。四有二明意業。次二重辨身分齊。次二重口。次二重意。二明三昧分法體。即敬承佛力。受加以發起。於內有二。一約諸會料簡。二釋文。料簡分四。即第六番也。一有無者入定爲表法深。唯第二會所對

機淺。法不可深故。又是住方便無自位體。故不入定。法對機位故也。二重入不重入者。初會義重。餘會無也。亦可不重爲此本分定中說故。所以下別釋耳。三因果體別者。第一第七及八明是佛定。三四五六并菩薩定。何爲者。初爲無垢如藏是淨體故入淨藏定。第七會自利果行成熟故入佛華嚴定。此語望化主。若就行者修因華嚴果故。爲修從始故重普光。第八法界解脫利他果滿。故佛自入師子奮迅定。此亦約化主。若就修行表。因人操境建志立身故。又此三會所顯法並通因果。故入果定耳。中間四會入因定。對文方釋。四能入人異者。七處入定中。前六會明菩薩入爲彰分契理故。亦明顯悅因人。第八佛自入定者。明法界解脫究竟果體唯佛能窮故。亦可舉佛顯法際故。又對佛顯諸人所知分齊故。餘意在下辨。次依文釋分三。初辨普賢入淨藏定。二照諸佛無礙。此中智斷分二也。三於此已下辨等諸佛所得定也。亦可結通也。第三入是三昧下明佛加分文二。一因是料簡諸會加被差別。即第七番也。二釋文。料簡有二。一辨有無。二辨諸佛遠近及多少名字有異。有無者。二七八會不明諸佛如何爲。凡加被爲果攝益令下位下智得力堪說。上法及勝進起行。第二辨機初不定防其進退。故不入定。以表法深。故又人不入定審見法故不加也。第七會有二。一即此會行所依法與前不異故。二明行者起修龜細不

定故也。第八會辨佛自入三昧。法界解脫之果大周圓極。故不假加。次佛名不同者顯德差別也。次依文釋分三。初口加與辨及加所爲。二爾時一切諸佛與下明意加與智。三爾時十方下明身加摩頂與其無畏。又此文分二。初辨入定故加。二所謂下辨加所爲即是加相。初文有三。一爲加故諸佛現身。二彼諸如來下讚入深定有力能說。三是皆下明加讚所由也。口加文中分三。一總。次二句辨自他行體。次七句明利他行用意加分。三。初一總。次別辨十智。三何以故下釋成。初十智文。前三自利。後七利他。此與下十智多同。何故既說果德。佛不自說者此爲表勝果下因堪勉故。又普賢得定故。長子故。衆首故。盡虛舍那佛願底故。本願故也。又自善根力故。准下於此應有摩頂已即出。今略無出。下始明出。及益意可知耳。因此明諸會出定說法不同。即第八番也。先辨起定不同。諸會說法對文方辨。第八有入無出。表入法界無返故。第二會出入俱無。初會文不定也。亦可真俗雙觀。或文家交錯。餘會具出入耳。第四段菩薩同聲重請普賢。即請分。文分二。初少長行怪。不說意生後諸文。普賢爲先唯自衆請未新舊共請請不滿故不說耳。頌請二十偈分二。初歎德請。二下二偈結請。前文有五。初二辨普賢久諸佛所修諸願行應依大願爲衆即說。次四辨普賢常見諸佛在塵道中應同示說故今應說。次六辨

普賢久成定力遍知器海能廣爲說應同。於彼願爲衆說。次四辨普賢三業。能雲雨利他。何故不說。次二正舉性報。二士是十力修得。勸應機爲說。下二結請。所以唯十地內具。加請者爲成。因證行法。餘即不爾也。大方廣佛華嚴經搜玄分齊通智方軌卷第一之上二十四

乙巳歲分司大藏都監開板

大方廣佛華嚴經搜玄分齊通智方軌卷第一之下

終南山至相寺沙門智嚴述

第五正本。宗答文。大分爲二。初觀五海等明其本分。二明十智。即五海之智。初文有二。一明承佛神力顯不自力能入。二正觀五海審察其法。今此通說與教所爲有十義。一成佛本願故名諸佛本願經。以此準之。二成菩薩本願可知。三利益時機可知。四未代見聞益可知。五欲顯本有理及明修成因果。二行。六辨因果。二位增微不同。如因果中果果中因者是。及明初龜次細等。七明行位相對辨通局。此望同時可知。八因果行位前後通局不同。九辨修德相成之相。十欲顯阿含教輪圓淨。及約時事顯真應。二行相。此可思之。依尋下文八會通有十義。至下會文可亦準之。若橫取又相顯可知。世界海者答上世界海。爲淨

土行成。衆生住處。衆生海者所化生也。答上衆生海。法界衆海者業用也。成下法身耳。欲樂諸根。海者通答上因行二句。三世諸佛海者辨佛化用廣周。答上三身十二句及化用中六句。亦可此六句屬上諸根海。但心境界異以相顯根耳。亦可相即入業用海。二十智者分五。一告。二列名。三結難思。四許說。五明說意耳。即上佛所與十智。今歎能顯深法故也。亦少有不同者對根別擬。故異耳。佛子者有五義。如論十智者。一世界成敗清淨智。答上果問中佛世界一問。二衆生界起智。答上果問中所化衆生海一句。三法界智。答上能化法藥一句。四如來自在下答上三身德十二句。此一句即答上法身中佛地佛持等三句。次淨轉法輪智。答上佛行一句。次力無畏不共法智。答上報佛中佛力佛勝法示現菩提等三句。次光明讚歎音聲智。答上佛光明一句。次三種教化智。答上佛眼耳佛智海等三輪化佛德。次三昧法門不壞智。答上報佛三昧。以果德體故別答之。次如來自在智。答上化用德中佛海等六句。下廣文隨相準釋。上五海。初世界海十智中世界成壞智。亦可通說下廣答也。此之十智即三世間智。一器世間。二衆生世間。第三第四智正覺。次願轉法輪智。說前三世間行。六力無畏不共智。依法成治。行力治魔。無畏治外道。不共治二乘。七光明音聲智。以佛事善成讚揚三寶。第八三種教化智。與隆三寶使不斷絕。第九三昧法門不壞智明。

證智。十如來種種自在智。即後得智。又此說。前一海。即具十智耳。以智法正助各相成。故。爲五海依。下三世間轉成。十身。法相似。故。如是下三結歎難說聞。四我當下顯承。力方許說。五欲令下明說意。又義言觀佛。五海十智。說自十智。又通觀因地五海十智。說自十智。爲起說方便智與本法施設。不同故。又亦可下別辨文中論。土者是知智境也。此可思準之。亦可唯佛地耳。又亦可地前人說是智智境。地上菩薩及果人說是證非智也。第六起分文分二。初辨起益。二毛孔讚歎。初文分二。一正起主伴定有二句。初起定。二不壞本體。二一切三世三昧下辨起定益用有二。初內益。二動地下外事益有三。動地及二益也。初用文二。一此衆益。二如此下他方益。此衆益有四。一得定。二得內方便。三得外用辨智。四得大悲願行。第二毛孔讚普賢德。文十四偈。即是加讚光也。分二。初八明普賢菩薩自在盡佛源底。次六偈明普賢應化及土普應衆生自在成義。前八中初三身業自在。次一口業自在。次一行意業自在。次三總數三業自在盡佛境界。第七菩薩令衆增喜敬。文即說分有二。初令衆喜。即授說方便。二正與法。初文分二。初長行明重欲說意。二正說偈。令喜也。偈文分五。初十約佛歎德用深廣。二普賢菩薩下四明普賢善入能廣利物。三無量下二推功在佛。四一切刹土下二釋普賢益其功在佛意。五有二結德勸聽。許說

在當。初文分四。初二總歎。次二歎佛功用。次四舉衆生界及法難思。復能還攝促入。次二舉法利益。第二文有二。初二普賢善入。次二明普賢利物勝能。普眼者具五眼自在智故善也。又具十眼也。理量等知故云普耳。次第二正說廣文。諸會能說人異者。唯阿僧祇小相二品佛自說。餘品別人說也。依大論說有五。一佛。二弟子。三神仙。四諸天。五變化。此據出聲名句味。若望授與。即通情與非情。又有五種說。如下文也。就文分二。初廣出世界體相。即答上果德二十一問。二乃往過去下答上二問因法。初文分三。一總明世界因緣等莊嚴十種事義。二爾時普賢菩薩欲分別下明此世界海集起因緣之狀相。三法界不可壞下以偈頌上二段文。問何故本分觀海說智。此說分廣智說海而不具明。但論世界海者何也。答此爲立文者但成信解智而未盡海源。又世界由智成。說海即是智。復此略明顯互爲詮相故也。又此說由是方便相故。即是智也。此須思之。初文分二。一列十名。二別解總列十名莊嚴文分四。初舉數并引證。二列十名。三結體。四引餘世界塵等莊嚴具成。二別十中後一初。一列名不釋。何故爾。由說通餘九。今約不明欲成蓮華世界略不明壞亦可成即壞也。凡依三乘淨土有四種。一性。二報。三事。四化可知。若依此部一乘。但有二種。謂世界海及國土海。或十種如下。瞿夷說。今將此十名。對攝論十八相圓淨

對辨同異。彼文攝佛別住處。合有十九也。佛別住大寶重閣上已明故。此中略無。即是彼論別住處也。今此起具因緣。是彼因圓淨亦通。第一色相淨及三量圓淨。故偈云衆寶成及無邊際故知。文中分二。初長行。次偈頌。諸偈皆爾。長行分四。可知。三別中有八。一佛神力即勝進力。攝成即佛後智也。二緣起理然。三是因得。四行業果感。五普行攝成。六共因所得爲生取土攝成故。七是佛依果。八普願所感。偈有二十文有三。初一總次十八以廣顯略。三後一偈結之。第二住中三十半偈。初八明土相。二十偈廣顯事安住義。三有二行半。五字偈顯因陀羅安住相。第三形偈中有三。初三行廣顯形。二四字偈下六頌土因。三一切業海下八半偈。因陀羅住持。第四體內十偈以廣顯略可知。第五莊嚴中二十偈亦以廣顯略可知。第六清淨十八偈中亦以廣顯略可知。第七佛出世二十偈中有二。初四辨佛出世。次第二廣明利益可知。第八劫文略無頌耳。次第二廣開示成立世界海因緣狀相。文中有四。一辨普賢重分別意。二明淨土因有三。謂時緣行等也。三辨相成。四常說法處結屬入也。此中事狀廣說。餘理行教等略說。可思之。第三文有三。初明風輪上香水海。辨本末相成。二香水海上已下復持世界性顯重成義。三彼衆香水中下復持。向上十二佛國等七世界性明分齊義。就初中有七子段。一風等地通是本。二寶王地。三有祈迦羅

下明有寶王映現受用如意。四大地處下明地上有小香水海等。五明。香河。遶。香海。廣作利益。六明。河中有寶樹莊嚴。七。有少長行。一一境界有應數莊嚴。亦可結分齊耳。諸文並有二。初長行次偈頌。第一。風本末中五。一風。二水。三華。四世界金剛。五金剛山風文有三。謂一總二別三結等。二別中有十重風耳。偈文有二十。但明用相略不辨持文有五。一有七辨。因住持嚴。亦頌前文。次五佛德圓周十方。次一明此土窮因陀羅網體。次六明佛事隨心自在大用。次一辨具普賢智行得見聞此土。次金剛地文有五。初寶地。二地上海。三衆寶。四金剛地。出生寶。五光明頌中十七。初九頌上五句。由佛力故。次八法輪及佛充滿十方。即地用也。九中初三頌上圓珠地。次一頌金剛地。次一頌寶莊嚴。次二頌海。次二頌光明。次四辨用。三摩尼寶王映中有五句。頌中二十偈。初三就地以明映淨。次五頌華。四頌雲。次二頌剎莊嚴。次四明此世界十方菩薩常來不絕。下明修普賢行得入無邊佛剎四明地上香海中。初總中有十四句。別頌二十頌上妙寶香等廣作佛事。五河中有二。初長行次偈頌。長行有四可知。頌有二。初十二頌。河體及光明。次八廣佛圓極自在。六寶樹文有五可知。頌有四偈。有二。初二明。果行自在。次二明。因行自在。七當知下明世界清淨莊嚴及結也。第二風所持香海

上別持不可說佛剎世界性住。此中有二。初長行次偈頌。初文分三。初總明佛剎。二或有下別明住。三或須彌下明世界形。頌有二十。頌前長行中第二文。初一。頌淨土性相。次三略頌住。次五頌形相莊嚴。次二明約業淺深顯土優劣。次三總顯優劣作入深方便。次二辨成。次四明能成方便功力。三。明向上持世界文有四子句。初。標上香海河等并列名。二。明所出蓮華。三。明華所持十二佛國海七世界性。四。如是下結等餘方。此有二可知。若依下瞿夷文內除三千界外有十世界。一性。二海。三輪。四圓滿。五分別六旋七轉。八蓮華。九須彌。十相。又義言此十界互爲首。餘九莊嚴成一百句。今此世界。或是蓮華。或是海。餘者共嚴也可。準思之。世界成相雖有衆多。義由難解。所以知耶。依此經文更有剎名。不知是何。今依一義。此剎非是如上諸相。由說佛剎無上諸相高下別故。依佛取處名剎名土。即無別異高下。若約衆生取土。即有諸相高下。文言常轉法輪處者約衆生說也。若依此解文少可尋。又大論中第五十卷內。復次三千大千世界名一世界。一時起一時滅。如是等十方如恒河沙等世界是一佛世界。如是一佛世界數如恒河沙等世界是一佛世界。如是佛世界海數如十方恒河沙。世界是佛世界種。如是世界種十方無量是名一佛世界。於一切世界中取如是分是名一佛所度之分。此約三。又大經本中十種世界

一世界性。是同類義。二世界海。色類多義。復深廣義。三世界輪。齊用義故。四世界圓滿。具德義故。五世界分別。是不雜義。六世界旋。是正旋義。七世界轉。側轉義。八世界蓮華。敷發義。九世界須彌。是勝妙義。十世界相。是形貌義。何故說十。欲顯無量故。問何故一中具見一切土。答爲修行者居自報土各各不同。佛攝衆生所現世界及佛土等似彼報土引諸衆生仍攝佛境盡故使然也。又問何故大論明世界海。與此經不同。答彼爲三乘人方便漸釋故不同也。第三頌上二段文有七十偈。大分爲九。初二十頌上成壞世界海。次二頌上莊嚴及住世界。次十八頌清淨世界。次五頌體世界。次五頌起具因緣世界。次六頌形世界。次二頌劫世界。次五頌佛出世界。餘七頌說世界。就初二十句內。初十一法說。次九喻說。又此結對染器世界交絡結之。所以者爲欲引下信心顯入上法方便。故此準之。次第二文辨得果之因緣。答前二十三問中一切菩薩所修行兩問論土因者如經可知。文中分四。一舉往世佛及土是起因緣。二佛子彼焰光城中下辨因人即童子也。三。明見佛得定。卽爲自分正因。四。彼佛滅後下明復見佛得定。有二可知。卽爲勝進因。此文具彰。因門理教行事因果三世自他主伴人法因緣本生記別普賢法門等具成。可準前取之。又此等何以無重頌偈者。答凡頌有二。一少攝多義。二異時爲後來者。此等若頌卽無上二

義此可思之。初文分四。一明久遠劫數。二爾時有世界下明。土處三時彼林中下明。有道場華座。四過百歲下明。佛出世。第三見佛得定有四。一時彼童子明得定有二。可知。二時普莊嚴童子下以定力說偈。三爾時善慧王下明。王聞偈喜復更說偈。四爾時善慧王下明。與勸大眾往。佛所童子偈文有三。初生起。二正頌。三明音分齊。偈中初四讚佛難。聞。次三頌佛慈光益世。次一勸衆詣佛供養。王九偈中。初生起。二正頌偈。初一總勸衆詣佛。次七教令嚴供具。次一教令與眷屬俱供見佛。四往詣佛所文分四。一往佛所有。二可知。二爾時如來下佛爲說經。三爾時童子下明獲益。即自分中勝進也。四爾時功德下辨佛壽命起。後說文三。聞經得定獲益文分四。一明得定。二童子偈讚令衆得。三說是偈時下正明。益相。四佛說偈印成令發心者心堅固。就童子十偈。初二讚佛法身。次七明佛久修願行。今令衆見。後一舉佛德勸善薩修行。佛偈文分四。初三歎童子有勇猛力。次四歎普莊嚴大精進力。次一授記。由供佛故成佛。次一引證。勸令勇猛遍諸世界。此中因得定。其位者。童子第一見佛當。十信滿心自分。第二聞法當。十信滿心勝進。第三見佛當。解位初心自分。第四聞法當。解位初心增上也。所以知者。以童子所得三昧。用比上下諸位經文。是以得知耳。此略無煩。何以竟會不明得。益者有二意。一此經佛初成道總顯法輪。

體。但表佛有法益在後時未即利也。二如日初出光照高原。此八會次第益著薩令其勝進即是益也。由無中下根故不別辨。益相耳。初會竟訖。

第二會普光堂如來名號品第三

有四。一釋名。二來意。三宗趣。四分文釋。釋名者有二。一處名。普者德普。光者智光。亦可光普。二品名者。名即通名。號者別號。二來意者此有二意。一會來意。二品來意。何故會來。前舉淨土爲所信境。次辨能信心故也。二品來意者。前辨所依土。次土中化主人名故也。三宗體者分別有二。一約人。二約法。人者化主及助化各有體相。如文應知。但局此會。二約法出體者。謂十信行法。後當分別。名號品以化悲德自在相爲宗。亦可謂佛國海爲宗。四釋文者。依大光律師云。前會普賢承力說淨土依果。此下明因行。此意從會判故也。此爲前會果廣而因略。此會因廣而果略。故爾也。問何故因與果同會者。答計行應別。今但爲顯法依入弘故。同一會不分別也。就前三品正報中。初名號明佛身業。二四諸品是佛口業。三光明覺辨佛意業。又亦可名號品顯土以生信。二四諸品彰法是實。三光覺品顯法增微。成下軌則也。就名號大分有二。初辨此會序。二是時文殊師利下明。其正說。序文分四。初明住處及佛德。二與十佛國土下辨所被機及其助化。三諸菩薩作是念下明欲請。四爾時世尊下辨集餘方新衆以發

起。今約長分爲定。何者長分爲八。一舉處及化主并數佛德明顯法因緣。二明所被機。三明陳所疑事。四辨集新衆。五文殊歎曰快哉下歎。化事甚深成土難測。六四諸品下教法甚深諱言設則。七光覺品下許說方便顯法漸次彰其淺深。八明難品下正陳行儀辨法淺深之狀相也。何意樹堂並說者。爲此堂在樹南同處。諸鬼神龍爲佛作故爾也。就初歎德文有二。初辨證性明。自利。二至無礙趣下辨利他德。自利有五句。可知。利他有五。可知。二列所被衆。此中有四。一簡大異小。二簡始異終。三簡新異舊。四歎德。就歎德文有十分。二。初舉二章門。二有八句。四句對前一門也。二。二自他利。三時衆請文有十四句。問所以此會通問上位及果德者。此會是起行初并復對化主。文次故爾也。亦可此問佛土。非世界海可思之。問內分三。初十問辨法身三輪果。即生信之境。即先際佛法。即此會答之。次開示下有二十問。辨中際佛法。至菩薩住處品已來答之。次佛無上下有十四問。辨後際佛法。訖小相品已來答之。大光師但作三十三問。即合隨喜等十句總爲一問。此最好也。先際內初五問名號品答。次二四諸品答。次一光覺答。次隨佛利起等者明難等三品等答。示成正覺亦光覺答之。賢首品亦有答相。亦可並盡性起品來答之。中際內初三及第五問位法。第四十願十願下有五。問行法位法可知。十願十自在等從身初利

天品盡十地品答之。次十定等十四句從十明品訖菩薩住處品答之。後際十二問佛不思議品訖小相品答之。十顯十明品答十自在下十無盡藏品答之。十頂不見別答。十忍品答此十定。定即忍也。此由品分故爾。若通即對文當知。第四集新衆文有二。初明能集。此句文局而義通。下會也。二辨所集。即如其像者。一如器像。二如器所對境像。像者緣集似故。影現故也。即如其像現神通力者。正以果德圓極體融至順其津無外緣無不在故。能隨其行別位殊故。顯會相應也。所以放光下覺品重明者。此爲一事表。二法故。分文二處也。一爲集衆。二爲寄法淺深。三辨所集。土同色者表功德顯外也。佛同智者內解元也。菩薩同首也進行始也。座同蓮華將成果初也。所以集衆等先從東方。爲顯開明之初生長之始故也。第二正說文。若長分此即第五歎化主甚深。所以此會不入定者。明法體不住隨器不同。若對勝器法深故須審。今十信解劣不表法深。加勸等準。此可知。所以文殊說三品爲平等妙慧。智住勝境。方顯法故。所以文殊說此品爲妙慧善達。佛國海故。此文有四。初歎衆希有二句可知。二諸佛子下略牒所問法明。不思議三何以故下列名廣釋。四皆是皆如來下結歎攝化益。第二有十句可知。第三文內初總大別。總內分四。初責。二答。三重問。四重答。此中初一總餘十六別可知。諸四天下列十六

句。所化機相不同。證成名號各異。此等名是別非通。此中正舉證顯其淨土也。二何以故廣文中分二。初責。次答。答文分三。一明此三千大千界名號不同。二有密訓下明餘三千界。三如是東方下廣解盡界名號也。此既明一佛土名。何以取上下者。此爲上下亦無方傍亦無際以顯教圓也。此意如文耳。

四諦品第四

四門同前。一辨名四者。數諦者有作無作聖諦實故也。二來意。何故來者。前歎化主。此歎所說教法。何故獨此會明。答此起化初故。總歎人法深勝。故三辨宗。此歎教法實甚深爲宗。四分文釋。此文分三。初略列此方三千諸名。二列十方三千四諦。三佛子如此婆娑下廣辨無邊界者。凡四諦有二。有作無作。此中文通意唯無作。眞實不虛。問何故不依一諦而依四諦。設則者。爲通與下三乘人作。見聞境成後起信入道緣故。又亦可此通有作無作。爲是一乘共教故。一乘有作即空。一乘無作不空。此可思之也。所以文殊說者妙慧善達。虛實故。四諦義訖。

光明覺品第五

四門同前。一辨名者。如來即化主。光者智體明者用。覺者開曉於緣耳。又覺諸菩薩二來意。何故來者。將欲說故。集有緣衆并顯法分齊也。三宗爲集同法衆亦顯法增微。人法體相用準之。四分文釋者。此上

三品並通下第六會已來。增微有異。文局義通。可思準之。此文有十。初文分六。初佛兩足放光。二明光所照處。謂此三千世出因果所有法各有二文也。三結分齊。四由佛神力故見諸菩薩來集。有二。初總大別。別有菩薩土佛三文也。五文殊說偈歎佛一乘。三乘小乘法是一乘信法方便也。六如此處下結類餘方。餘九同然。略無結文。因此料簡諸會放光隱伏同異者。第一會放光有十意如文。即爲證法始。名號品初神力集衆顯其位相。光覺品初相輪光顯信位所依法分齊。次佛神力集衆顯當位中所成德。此經中云神力未必放光。次菩薩說偈者即明當會所解理事法分齊。此法依位成耳。問此處顯位集衆。何故別品明。下四會不爾。欲顯攝化所依佛土及顯教諸實入其當位并與下爲則故爾。佛足相輪放光示十信是行足圓備故也。此中放光分齊有二十五重。初九別列。餘者總結。文相如經。第二文辨光照現可知。第四文內所以文殊在前賢首在後爲表智先福後故。又明前智行後位故也。文殊者此云妙德。妙慧行也。又此中光覺在於一時。而能別見遠近。又諸方運集只是一人而令衆異見。未必有多。又諸方往來者唯見當處集。未必見餘方交往者。又諸方光及現十方所有者並見當中。未見偏處者。此爲以報法攝化土所有故也。又亦前機自變當處自心爲本。所以諸事隨心爲正化者無此別相也。此可思

之第五偈頌文言出文殊。意表餘十菩薩。所以文殊說者示法從慧出故。偈云總明。般若所證。真性相同。初地行。又亦可並漸漸增多故。不可偏表其十地及十菩薩頌也。又亦十名顯數圓。漸多遠者顯法漸深耳。大分有三。初一辨取相不應真法。二有八偈辨離取應實法。次一歎解者有勝能也。八中初三辨分別無性。次三辨依他不生。次二真實離相也。亦可八行俱依一境觀。又今辨增相者。約因果各二種。一豎。二橫。因豎約法明淨。橫即知法寬狹。果者豎即自分非他分。橫則得處多少也。又下諸集衆嘆德並嘆當位分齊。所成知見下可準之。第二覺首偈文。此下九偈倍爲異耳。總明知善惡等慈化利益。相同二地戒行。文分爲二。初六明佛覺他令離二邊。二有四明菩薩利益同佛。第三財首偈總辨平等法財資成益物。相同三地。後智教流益物。文中初一明佛德性能無礙利生。次九辨幻現八相正說法身。第四寶首偈相同四地無攝義。此雖未得但解見也。偈文中三。初五明佛成其無攝。次四如自所解利衆生。次一喻以顯淨。第五德首偈相同五地中相續不異義。明不住道慈悲益物。偈文中三。初五辨菩薩慈悲不住道。次一正觀相續不異義。次四辨令他成真實淨境。文又得十平等淨。二行爲一義可知。第六目首偈相同六地無染淨義。偈文中十七爲四。初二辨執取不見真佛。即辨失。次四成。如量智者

得見報佛。此即德耳。次六辨得正體智者見法身。次五明法深微顯解分齊。又此中上下有二文同異。一者一中多。一數中見。十故。多中一者十數中見。一故。又一即多者一數即多而不見。一故。多即一者多數即一而不見多也。此可準之。又即事辨。一多。二異事辨。一多。可思之。第七進首偈相同七地中種種法無別異義。偈文中三。初六辨空中方便智有中殊勝行。即歎德也。次十勸觀實性顯解方儀。次四明於理量二境入得勝法也。第八法首偈相同八地無增減法界義。文中初二明佛成理智故能滅障。次六歎佛深法益。次十二勸攝果性三世用力也。於二爲一對。初一辨智入法。次一結成智用。又長分爲十耳。外即淨土攝生。內則成其自實也。第九智首法門相同九地明大悲利他自在智。偈文中初二辨意業。次十六明口業。次二辨得法無礙故大用無礙。又初二總。次廣歎用相也。第十賢首偈相同十地業自在後智用也。偈文初十四正辨業自在。次六喻說十四中。初五明觀實性得依果因。次九明觀業自在故得正果因。初五文中。二行體。三行用。九文內分四。初三明順真如觀故得菩提果。次二修事觀故得法身果。次二修慈悲故得化身果。次二從佛聞法故得報身果也。此品答上第八佛功德勢力及第十示成正覺二問。問何故約增光覺集衆。答爲表法有淺深行有增微故也。此文與後爲則。今略開諸

位爲二十二門。六道因果即爲六門。聲聞辟支二人因果。通說復爲二門。聲聞辟支所依之佛。爲彼二機說四諦教及十二因緣教。即分佛通因及果復爲二門。聲聞緣覺迴心入大乘。於初教處。通因及果復爲二門。直進初心菩薩通因及果復爲一門。直進熟教及迴心熟教通因及果復爲二門。頓教因果復爲一門。從想法聲聞總攝諸位乾慧地已上菩薩及佛復爲一門。普賢位中從信已上乃至十地。皆通因果菩薩及佛復爲五門。此依普賢阿含說。

明難品第六

五門分別。一釋品名及來意。明難者有二。一約法明。十義深微故也。二約辭論難顯。義情故也。明者教。難者十義。又明者智。難者論道也。來意者何故來。衆集已。爲說信法成解故來也。餘義可知。二出所治。一障障百法明門之障。此下生解斷障凡有四義。二約生信。即初地斷使種。二約位。即解位使習種俱斷。三約行。即十信滿心使習種等俱斷。四約實。即本來不須斷。自體淨也。可準思之。又問斷惑相云何。答非初非中後。前中後取故。云何斷。如虛空。此是三乘共學義也。三明所得。得百法明門。若約行門。即得華嚴三昧。四辨所成。成其信。謂十信心。一信心。二念心。三精進心。四慧心。五定心。六不退心。七迴向心。八護心。九戒心。十願心。如經初發心住未土住前。有此十心名字增修是心。一劫二劫三劫乃得入初

住位中增修百法明門。十心之中心心有十故成百法。常發有行無行大願。得入習種性中。修行一切願。依此文有一百四十事上行願。依璽路經。有二十四行中成願。即此品宗。此約別相語。通義如論應知。宗者有二義。若約品即以十深義爲宗。若約會即用十信位法爲宗也。五辨文者。正宗文中上辨舉果勸樂生信分。自下第二修因契果生解分。即所學法也。亦可。是第八顯其解行義。或辨法淺深之狀相也。文中分二。初訖小相已來。明方便對治修成因果。二普賢菩薩品下訖。性起品明自體因果釋意可知。初爲修成者。依聞熏修起故。所以名性起。修顯者。本性今成故。又圓明因果實覺發中故。約三際辨者。此明難品訖。賢首明。始起於先際。二初利天下善修。於中際三不思議法品訖。小相終顯於後際也。次約四成就者。初辨未信令信。二初利天下明。已信成。解行三十地品下已入者成就。四不思議下已成就者。令解脫。餘準可知。又約修成分亦好。又從此下並是序分。第六一會是其正宗。前是阿含。後名義證。故又爲第六會中廣出本有修成體相等故知也。此可思準。初信文分三。初一品明依法生解。二淨行品依解成行。三賢首品明依行彰德。以成位耳。初文中分二。初明問答顯十種深義。二爾時娑婆界下顯解行入法界圓通無礙。即明法益耳。初文有二。一文殊問衆人答。明妙慧導衆行。二衆人問文殊答。明以

衆行成妙慧。文有十義。一緣起甚深。二教化甚深。三業果甚深。四佛說法甚深。五福田甚深。六正教甚深。七正行甚深。八助道甚深。九一乘甚深。十佛境界甚深。所以初緣起者。由菩薩初學應先觀諸法如實。因緣故也。緣起者。黎耶共善等三性。及無爲集起故也。文中問答即爲二耳。問內有四。初總告。次立正義。三申問。四起後難。有二意。如文。共成一緣起相違難。問意云。何心以無分別爲一性。云何能成種種事也。若能成者。不應無分別耳。二既諸法並無知者。所作云何。仍有真俗事也。又解。但是一問。後文是結耳。問文十事可知。答意但爲無分別不住。故能成衆事。若知分別不可成也。問既不分別。云何成因果。答作無主故。反示可見耳。偈文分三。初一讚請勸聽。以許說。二有七偈。說法譬況。以顯理。次有三對。彼前法明觀行也。第二文分二。初五舉法答上問。次二遣伏執。初有二。初法次喻。所以得知不住故作。偈云。諸法不自在。故云何知作時不知。偈云。求實不可得。故餘可知耳。次喻有四。初約緣成相續經時喻。次一約緣起有爲生滅喻。次一約因緣騰擊動成喻。次一約緣起體相互依喻。伏疑云。既不分別。云何流轉。偈云。由眼耳故。復云。既也無自云何有現相。偈云。示現轉故。文言不相知者。非謂情知。今言有力性作也。二自不對故云。不相知。用自性爲知法之始也。觀文分三。初牒前理。對法辨觀。成分別無相

觀。三一依他無生觀。三一偈。眞實無性也。所以覺首說者。知覺法始故。第二教化甚深中分二。初問後答。何意來。前攝心入理。此後智度生。財是法財。問有二。初總告。次別。別中有三。初一總。次十一別。三一結問也。第二文有十一句相生。問文可知。問意云。何如上說。若衆生無性。云何教化。若隨教化。云何心住無性。答文有二。初生起。二偈答。義意但以知境無性。雖在緣即離。取非也。但爲無生。故化反示可知。偈文分二。初讚問者。許說勸聽。二示正義。正義文分三。初三偈總示正義。次四約觀門顯示。次有二偈示伏疑。初文分三。初一總示。次一正明約內身示觀行。次一以內類外。辨化生無取。第二約觀門。辨者有四。一舉因緣無始明。所觀法。次一勸觀。次一明諸法。是無即約觀釋相。次一正約唯識門。以遣三伏疑有二。一既世法本然無性。衆生何故不知。偈云。悉虛妄故。二若法無者。何以種種現。偈云。從緣起。無異相。故所以財首說者。能以正法財施衆生。故。第三業果甚深有問答二文。問有五。初告。次立義。三問。四結。五生後。第三問文有五對十句可知。問意。既性無我所。云何受苦樂。若受苦樂。云何仍說無性。此是理事相違難。問與前緣起難何別。答前是二事相違。故別也。答意爲苦樂即性無別體。爲是不違耳。偈文分二。初法。次喻。喻文有九。一辨依他離性喻。二緣起成有喻。三因緣現果喻。四緣果離性喻。此

望能重。五因體無難喻。六受生離作喻。七果報無本喻。八勝事無根喻。此望用耳。亦可互彰。九有無同性喻。此並不壞世間說第一義也。所以寶首說者能事中顯理。初得可貴故。第四說法甚深。初問次答。問文總別二文。別中分四。初辨所得法。二十句正陳問。三而法下結。四生後難文有十種相違。問意法若非。一可隨言並實。法若不應言教便是妄。此是教義相違難。答意所。一者法唯一不住義也。亦可一善巧是故能貫。衆教仍一義成也。偈文分二。初讚問者。二約喻顯示。喻中有九。第一明法能荷負萬機喻。二緣滅衆惑喻。三入器無變喻。此望德用。四拂動諸根喻。五應欲隨潤喻。六緣生衆德喻。七棟梁赴淨喻。八應物無往喻。九應緣住體喻。所以德首說者爲初顯法多能故。第五福田甚深。文相準前可知。問中有二。初告舉正義。二成難。難中有四。初總告。次別。三結。四生後。別有十句。問答相可解。此是因緣相違難也。偈文有十。一緣能現果喻。二對機隨解喻。三權巧令喜喻。四應感令喜喻。五物感現形喻。六緣滅衆惑喻。七對治諸惑喻。亦可起緣分齊。八悲情普被喻。九動拂諸有喻。十毒滅三有喻。所以目首說者初見法明白故。第六正教甚深。文有二。初問次答。問中有四。初總告。二正問。三結。四生後。問文約所知十法爲問。問意云何若教能斷。即不須更後知。因果方得斷也。若要須知。因果方斷者立教有何益。

也。答意有二。一進二退。退者自無益。進者教。即有勝用上。難是教力相違難也。偈答文分三。一勸聽開二門。立宗。次一勸精進。以彰教力。即對初門。次八辨懈怠失對上。第二門。此文初一多聞懈怠喻。二無力懈怠喻。三遍修懈怠喻。四倒修懈怠喻。五過求懈怠喻。六少力懈怠喻。七少治懈怠喻。八無有出意喻也。又執我慢高喻。所以進首說者初進能顯成勝德故。第七正行甚深。有問答二文。問文有二。初告。次問。問中有四可知。第三所陳句有八可知。問意云何聖說云聞說法有能斷煩惱。云何有聞法不斷惑而惑依。心心無所行。反能斷惑也。此名聖說行教相違難。答意教不無力。但取不得方故也。答文分二。初總勸聽略說。二以喻況成。喻文有九。此但舉失以顯德也。一不如說行喻。二隨說隨思喻。三計文迷行喻。四自謂非分喻。五惡業障礙喻。六不解自說喻。七辨聽持說喻。八廢正成助喻。九隱非現是喻。所以法首說者能初顯法可軌非邪故。第八助道甚深。偏執此聖說正助相違。問文有五。初告。二立正義。三正問。四結。五生後。答文分二。初讚問者許說。此讚者通。能所。二正答。答文分三。初一總答。次四會偏讚意。三有四偈明正助相成不可廢意。會佛說文有二。初總。次別。文相可知。正助相成文有四可知。所以智首說者能初善用正助故。第九一乘甚深。有問答二文。問文有二。初告。二問。問中有四。初立正義。二問。三結。

四生後可知。此是因果體用相違難。答意我佛因果體用皆同一法。謂法性一法。亦可一大慈方便法。但衆生見異耳。偈文分六。初二舉因果俱一。以答上問。次二明自業各異見。次一成佛本一無別精進。次一明善行者得見。次一明佛自在業隨物應機。次三釋伏意。意有三可知。亦可唯一耳。所以寶首說者善開聖法順理得中故。上來辨一人問多人。次下明多人問一人。即是第十佛境界甚深。有問答二文。問文有五。一告。二結。已說。三歎所問者辨德以進問。四正問。五生後偈頌。今所問有十一相。何故先文殊覆却難。今但直問者。爲彰長位故也。十一問內文分四重。初三自利德。次四利他德。次三所利衆。又此三通能所也。後一總明所問廣大。一佛所證知分量境界。二能證境因。三問所入處。四佛境界內度。幾許衆生。五隨順境界智。六隨衆生所說法。七如量智分別知。八佛境爲分別識。所不識。九於何境界中能令衆生決定知。佛境。十智照何等衆生心爲境。十一如境中說何等廣大義。所以文殊說者妙慧達佛境界爲始故。答文有十偈。初一答。上佛證境界。次一答。上佛境因。次一答。上所入境處。次一答。上佛所度。次一答。上何等隨佛境智。次一答。上佛境法隨。衆生說。次一答。上何等是佛所知境能分別智知。次半答。上識佛境。下半答。前何等能決定知佛境。次一答。前佛境界廣。次一答。前境界照。亦可依問次第答。

次第二大文明。既得信解平等無礙現莫二之相義也。文中有一。初明承力見。此利無礙。二如是下類通餘方齊見獲益。此文有二。可知。初此方利益文中。又云初總次別三結。別中如所行法者。如上第八智首所辨六度行法。如所行業者。如上第三寶首所辨隨所行業受報亦然等也。如世間行者。如上第六進首所辨精進速出懈怠難脫。亦如第七法首所辨修行出離多聞不得。隨身行者。如上第二財首所辨隨身隨行見為教化名。隨身行。隨根行者。如上第四德首所辨佛法雖一隨根分多。亦如第五目首所辨佛田雖一隨行分多。隨其行分多。隨其行報所生之處。持戒毀禁者。如上第一覺首所辨心性雖一隨行不同受報各異善惡等別。說法果報者。如上第九賢首所辨隨衆生欲諸業及果各令見實名。說果報。又如向前文殊所辨佛境界法亦得名。為說果報矣。又此顯現有二。一表法順理是法皆真成聖方便。二表法體應理功能明淨一切皆見。

淨行品第七

四門同前。一辨名。此中廣菩薩修行勝妙淨行之相故名淨行品也。亦可淨者德無垢故。行者體。又淨者願。行者所淨耳。二來意。所以來依解起行故也。亦可前行次顯故也。三以諸願為宗。四釋文者。此文有二。初智首問次文殊答。所以智首問文殊答者。初願相微非智不受。隨相發願非妙

慧而不明。問中義類相從有十一事。總分有二。前七云何問。自分因相。二得是處智下明。問勝分果相。就初文內。前一福因行。次一福果行。次一智因行。次一智果行。次一法智因行。次一證智果行。次一修滿成諸度。初問有九。初三離離三毒。次一堅固不退。此不同凡夫。次一自利成。次一利他勝妙。此異二乘。次三離信位前假名菩薩見。又解初三斷對治。次三體。後三性治也。思即知之耳。第二問事有十也。第三問亦有九事。第四問中有八。餘文可知。第二果內問中。勝進果文有四。一入果分故堪受物養。二為天神等敬護。三辨大悲行德。四辨位德也。就第二文殊答。答盡思之可知。舉一願答前多問無餘耳。文有三。初長行略答。二偈誦廣答。三長行結也。初文有二。初讚問者。曉喻其懷有二。可知。二佛子下正答。答文有三。初辨自利。次去來今下利他。三明達實相下明勝進果行。文有二。可知。第二尊導者佛為一。能請故為二也。又對普賢因人望果故。又自利道滿為初。今利他德國為次耳。二偈文。初牒次偈釋答。願有二種。一行前。二行後。此是行後。亦可同時由即行故。此總有二意。一即轉其見心。即成行體。二轉求異事成彼願事也。此願有十種。一會事入理。如菩薩在家等。二以因同果。如若在聚會等。三以自同他。如見無慚愧等。四以人同法。如見疾病人等。五以染同淨。如見背恩人等。六以世同出

世。如在房舍等。七以境成心。如若入僧房等。八以體隨用。如見苦行人等。九相似類成。如布施所珍等。十以實同虛。如若在伎樂等。如是準之。偈有一百四十大分為二。初十一明在家菩薩法。不捨世間行。餘文明出家行。是不住有為行。出家文有五。初十五明出家受戒法。二若入房舍下二十辨住處進以威儀行法。三手執錫杖下五十七明道路行法。四入里乞食下二十明入城邑聚落乞食行法。五若入水時下十七明出離修道行法。願有三種。一要期誓願。二行願。三自體無障礙願。初未成欲成。二正成行。三成已是真願。即六決定及性起等一切諸願皆有。三文。初一句自分境。次一句及衆生。次二句攝同勝事也。又問何故瓔珞經對入理處願多。此經對事願多者。答此經願一乘教在事益大。瓔珞經願三乘教在理益即多也。可準思之。

賢首品第八

四門同前。一辨名者。十信已滿位是賢聖之初。為凡頂菩薩中初故曰賢首品。二明來意。何故來。行既成立。次須廣歎德用成位故來也。三宗為歎德。四釋文。此品有七百一十五偈半。文中有三。初文殊問。二有七百七偈半。賢首正答。三賢首說。此品竟時下有六偈。經家所顯諸佛證成。問文二。初長行。經家總顯文殊問意之相也。次有二偈。牒前淨行成。是信因。以正請問。初一結前。次一起後。所以文殊問賢首答者。十信位中圓

通之德非妙慧不受。深義淨德唯賢始得。明第二答中。文有四。初十三偈總明信位發心行相。二深心下五百一十九偈半廣明信位德體殊能。三一切諸佛皆共說下一百五十四偈明所說旨深群情莫曉以喻爲況。四如我所說諸譬喻下二十一偈校量勸發。初總文有三。初半勸聽許說。次六偈半舉廣義以顯略文。次六偈正說發心功德行相。二舉廣顯略文。初有三偈半明說分齊。次二顯廣是深。次一成初略說。三總讚德文內有三。初半舉因緣二門總歎德。次一半略辨發心緣及因通辨上二。次四表發心意有二。初一明所離。次三辨所成。此三偈中初一開二門。次二釋前二也。第二百五百一十九半中有三。初一百三十二偈辨自因中集菩提具。次施戒忍辱精進禪下三百五勝進果中集菩提具。三神力於此得自在。下八十一偈自他無礙成就功德。初文分二。初一百一十九偈自利差別相。二或有利土無有佛下有十四利他行事。初文有十。初十八明十信初位相明。四不壞信。二若信恭敬一切佛下有十。是第二二位同。二地相。三若信堅固不可動下七偈明。第三三位同。三地相。四若爲一切佛所護下有八。明第四位同。四地相。五若能具足摩訶衍下九偈明。第五位同。五地相。六若得大悲心堅固下有八。明第六位同。六地大悲爲首觀等。七若解一切衆生行下八偈明。第七位同。七地相。八若能超出四魔道下十九偈辨第八位同。八

地行相。九若說微妙甚深法下十三偈明。第九位同。九地說法相。十若身功德智慧具下十八偈辨第十位同。十地相。初位文有二。初十六偈辨初位德。二是故下二偈通歎十位次第德。初文有二。初四辨所信境。二有十二偈廣歎信德生善滅障義也。初境文有二。初二三寶。次二三種佛性。若信不可壞者。何故論云善根薄喜捨等也。解有二。一此明一乘頓入人。二明此種子非上心行位也。亦可此信滿心一向不退。此語住信滿心行十解能成行也。故諸經異說準之思攝。二是故下結有二。初一法說。次一喻況。二二分因行文。第二利他中有四。初八明清淨方便八相成道化。次二無染方便化。次一明大用體。次三結歎自在。二施戒忍辱精進禪下辨勝進。文有二。初九十偈明自利行滿足佛事。二說法教誡及神足下有二百一十五明利他行。自利文有三。初七十偈身業不空。二柔軟美聲如哀響。下四偈口業。三衆生苦樂利無利下十六偈意業。聲有八種者如梵摩喻經說。一最好聲其聲清雅如迦陵等。二易了聲言辭辨了。三調和聲其聲朗雄。四柔軟聲。五不誤聲。六不女聲。七尊慧聲言無憚怯如尊重人。如勝慧人言無所畏。八深遠聲騰輪發聲猶如雷振。初七十偈文有三。初十出身業用體謂定。次若欲供養一切佛下三十四偈正明身業。次欲安一切下二十六偈明現諸法門化。亦即所作事也。二勝進利他文有三。即三輪也。初二十

八明神足化。二若見世間無正見下九偈說法輪。三安隱衆生下一百七十八宿住輪化。卽憶念化。此約本因說。若望現緣卽是記心輪也。憶念文有三。初總次別。三如是等比下結。別中合有十四事。各有三。一列名及體。二光有本用。三說本因。文中有十種非法語者依下論用經本十七種語爲十非法語。謂侵惱語。龜癩語。苦他語。令他瞋恨語。上四語爲一。現前語。不現前語。鄙惡語。不斷語。上四語爲四。不喜聞語聞不悅語。此二語爲二。瞋惱語爲一。心火能燒語。心熱惱語。不愛語。不樂語。上四語爲一。不善自壞身。亦壞他人語。此二語爲一。此十非法語生他事惑障其定也。又依燃燈經十種非法語。一妄語。二痛心語。三龜語。四苦惡語。五不喜語。六不樂語。七不愛語。八不入心語。九惱他語。十結怨語也。結文有四。初四學法體。二六辨益。三有七喻。四有三結勸可知。次第三有八十一明自他無礙成就功德有三。初神力於此得自在下十七明於器世間自在。二東方世界無有餘下十偈明於智正覺自在。三於眼根中入正受下五十四偈明於衆生世間自在。衆生世間文有五。初有二十四明自身入定。二童子身入正受下十四於他身入定。三一毛孔入下四偈明自他入出自在。四一微塵入下十偈於外四大入定。五是名下結歎無盡。自身文十二入卽爲二十四耳。此上三世間且約一相說。理有二義。一菩薩自身作三世間。二

菩薩於三世間處示現自在。上文即是第二門也。第三有一百五十四明。法旨深詳。情莫曉。引喻類答。上來正答創基建立。善根行德義顯於此。而位次言之。蓋是外凡始起發心之行。然經文所辨。乃云十地終于入佛境界。無上菩提。滿足佛事。言狀矛盾。其故何也。如究其實。當是一乘通宗行要。義與真本而不捨於世。鑒徹玄源。曠周法界。妙絕情卑。功顯無外。體無不融。行無不在。先後莫二。旨在一味。故果無異。因之果。因無異。果之因。而因果之稱。寄顯於緣。其緣乃差殊。流同。軌虧盈自彼。於我無爲。是以據其所學。以彰發軔之迹。功成有在。而法通行局。事顯常儀。或有鑒真。故須明簡。圓宗之致。鏡曜玄真。勝出言表。非思量境界。然矣而淺識情滯。旨玄難測。反於視聽。封敦守詮。益增情惑。自非假況以擬導達。其心無由取信。故舉近事以鏡玄趣耳。文有二。初二總舉龍神佛等不思議事。次今說下廣示喻說有二十事喻。一德行深廣相形喻。二實德離非喻。三持法明了喻。四辨才令喜喻。五善用令喜喻。六縮大增小喻。七定用自在喻。八變化自在喻。九勝德仇怨喻。十利生廣大喻。十一安生除怖喻。十二隨機應現喻。十三攝行自在喻。十四解脫自在喻。十五知法速疾喻。十六無礙成事喻。十七順法令喜喻。十八明了增機喻。十九舉下成上喻。二十窮源自在喻。如我說諸譬喻者。第四勸發修行文有二。初二初四辨能說難。次七明信者

難。次十借喻況難有五事結歎勝妙。而所說既玄。其真趣義興。成感應之聖心。故次第三六偈明於瑞相讚說摩頂等成說善也。大方廣佛華嚴經搜玄分齊通智方軌卷第一之下

乙巳歲分司大藏都監開板

大方廣佛華嚴經搜玄分齊通智方軌卷第二上

終南山至相寺沙門智儼述

第三會佛昇須彌頂品第九

四門同前。一釋名者。佛者化主。昇者上進。須彌者妙高山。頂者居勝尊上也。問何故此下四會在。天說者。答德行位成。除障淨勝。故在天說耳。此答前十住位問也。二來意。何故來者信故解也。此初辨會來意。又何故會來。既報體成已。次須起化赴機故來也。因此略料簡教興所表。今諸會但不捨離本處。即表起行成報體堅固不移也。而往諸會即表起用隨機。此釋約修行體若望生解起信門。即顯行位增微耳。又解文中約佛起用赴機以解者。即善知識力也。若約分位等解者。即約自修行解也。可思准之。又此會已下四會並位相增。與前信行少別。於三乘一乘法義亦須交結。思准之餘會並同此意。品來者前說信法已。次辨赴後說所依處耳。三宗者。約會分別有二。一約人。二約法。人有化主及助化。各有體

德用。但局此會。二約法者。謂十解法。後當辨耳。約品宗者。若依利他時現處及供養。即顯法緣。若約自利時。此即機感相應。機緣體用成也。四辨文。此會有六品分三。初二品明方便發起。次二品明正位相。次二品明後成滿足行相。初二品分二。初起用隨物。二帝釋遙見下辨機感相應。前文有二。初辨依正二融。即顯前體淨。二復顯後用淨。自在無礙成事之本也。諸會有文。並同此釋耳。但進勝異也。問此文何故不在初會後。乃在後會前。答若初會後。即但顯說法利益義明。與後化用體義不顯。故在後會前辨耳。餘會同此。何故不在第一會後。料簡爲前會兼餘義意在彼釋。後第六七八會亦顯別有餘義意耳。體中身口意三也。二爾時世尊下彰用應物。即用淨也。餘相可知。第二相應文有五序。一住處序。以動靜無礙無處不至。爲此說法德也。二請佛序。三集衆序。四放光序。五讚歎序。若通下住品。即八序。謂入定加勸及起定也。又約品分。文亦好也。初住處序及請序有六。一見佛來用從實起。即發心緣。二即於妙勝殿下明天主嚴供養故請佛。具顯從解成。法供養行。即成根也。三世尊即受赴感施化。釋音寂然表息亂應真也。五說偈下表從定發慧。六佛昇坐下正明化用事成相。嚴具文分二。初嚴具即成根也。二請即成欲也。初嚴中有三。初總。次嚴坐具三結。二爾時帝釋下明其請佛。即表欲也。偈文有

三。一憶本行。二偈讚。三結通十方。六化成中有三。初處坐。二辨用相。三等通餘方也。

菩薩雲集品第十

四門同上。一釋名。菩薩者是人。雲者潤益故。又斷斷貌也。集者聚集。妙勝等者別處也。二來意者。何故來。辨處已大明。集衆。三集衆歎德順法爲宗。四辨文者。此文有三序。一集衆。二放光。三歎佛。今此下三會集衆何故不在初品。復何故一方各有十。又放光下何以不漸集衆。答前會位相未成。但顯行圓故在初品說。今此行位具成。同彰行位利潤益故共在此品也。所以一方具十者欲顯解相分明圓融數等一方即一切方也。所以此放光下不漸集衆者。欲顯行位圓成無有增減之相故也。於中別有增減義用上准成即得也。上下應可准思之。上第一會釋集衆光者亦是准義。初爲後則耳。初集衆序內有二。初指方辨數。此中一一方者或通上會。或不通上。信行又不成位相。爲此不通。下三會位顯。故通義也。二其世下列名耳。名有三。初明十方佛土菩薩。三種世間卽爲二也。二此諸佛神力下明集諸菩薩有三。淨行雲集依方坐可知。三如此世界下結類十方成法界會。佛同名月者依月起光故。清涼故。解法准之。菩薩同名慧者解之始故。足指放光者表立解位不退故有二可知。三讚歎序文有十菩薩。相生次第歎解相明白耳可知。一法慧偈有二。初長行生起。二正偈頌下並准之。此文

有二。初七牒衆明是佛力所成。卽結前品中六段義。次三明勝行者得見佛餘莫知者。卽通讚前難思。下諸人偈並約理成也。二一切慧偈有六。初三明謂見之徒不見。眞佛。次三顯解無生法身常現。次一明取著者失。次一明慧解者益。次一明解佛因緣成卽離癡惑。次一推功在本。三勝慧偈有六。初三明妄取者失。次一明有解者德。次一約法辨觀益。次三推功在佛。次一能淨慧者見法身。次一推功在本。四功德慧偈有五。初四明迷者失。次一示勝方便。次三明得法性益。次一歎佛利生方便。次一推功在本。五精進慧偈有三。初一彰失。次一辨德。次八廣辨觀式獲益相。八文內前四無相生。後四眞實性也。六善慧偈有四。初二明有解能度自他。次五明無生故應眞性。次一半歎解勝能。次一半推功在本。七智慧偈有三。初一明因教成正解。次六明迷教理者失。次三重成解德。八眞實慧偈有五。初二按量勝劣得失。次二辨所觀境。次一舉益勸學。次一釋知者名。次四示其觀儀。九無上慧偈有四。初一釋人名。次六歎自利。次二歎利他德。次一推功在本。十堅固慧偈有四。初四歎佛是眞歸。次二舉德勸依。次二引自勸物令入。次二舉勝人顯德無盡以勸依也。

十住品第十一

分別有五。一釋十住名。卽辨來意。十者數住者不退位也。何故來正說故。二明所治。是前百障應位斷故。若三乘熟教所斷外道我執。三所得光增定及頂善根。四所成卽十解成。卽是三乘熟教說。卽此品宗。五釋文。自下第三品分爲正宗。此中二品卽爲二。初通道俗。二梵行品是出家別行法。初品若義分文。此初有三序。光師云有八序。爲三。初品一合名往處序。次品三合名集衆序。此品三合起說序。又依地品此下三會各有六分。初名三昧分。二加分。三起分。四本分。五說分。六利益分。分齊至文應知。又此文有二。初明三昧序。次告衆菩薩言下正宗。三昧序加意上已辨。定名無量方便定。方便是智。定成勝智。知法故。所以法慧菩薩入定及說者如下論應知。二加序有三。初辨同加。此有三。一明現身及顯同名卽爲二也。二同讚亦有二可知。三釋得所以有四可知。二欲令汝廣說下明加所爲有十一句。一總。九別。後一結成位也。第二九句內。初五自分。次四勝進耳。三善男子下辨加相。謂三業也。加相文有三。初善男子下辨口加。二如來卽與下明意加。三各申下身業加。云何意加。與法同緣資故也。意加文有二。初列十智。次何以故下釋。所以也。問何故與智者爲智解法故也。起有四意。一定事訖。二得勝力。三說時至。四定無言說故也。第二正說文有四。初歎種性深勝。并列十名。卽本分。二何者下廣解往相三爾時佛神力故下明地動。顯實證成。四以偈重頌。初文有二。初總歎種性義。卽性習

二種性體也。二菩薩十住下列十解相。明佛同說也。即性習二種性相也。此約剋性爲語。若就分位時即有六種性。一習種性。當十解位。二性種性。當十行。三道種性。當十迴向。四聖種性。當十地。五等覺性。當十地終心。六妙覺性。當佛地。復名六堅。亦名堅信。亦名堅法。亦名堅修。亦名堅德。亦名堅頂。亦名堅覺。亦名六忍。信忍。法忍。修忍。正忍。無垢忍。一切智忍。復名六慧。聞慧。思慧。修慧。無相慧。照慧。寂照慧。亦名六觀。住觀。行觀。向觀。地觀。無相觀。一切種智觀。此約三乘寄位語耳。此中十解十行中。六決定內但無大善決定。十迴向但有觀相善大善及不住弱餘三併無。所以有大善及無餘三者。爲迴向是方便事中顯成故大善顯也。餘三無者爲義隱故不說。觀相等可知。十解行等何故無大善。解行自行義順。故無也。餘者思之可知。初體文有二。初總告。二別明。六決定也。第二解相文有三。初舉數引證立宗。二別列有二可知。三引證結也。十解名者。一發心上期。二治地滅惑。生自他利。三修行定成。前二耳。四生貴行成。生佛家。五方便具足。自他行滿。六正心住得緣起正解。七不退理。止觀雙行。八童真無生妙解。以立身。如童無染。九法王子善施佛教。故十灌頂位滿受職相應故也。此即是下諸位行相也。第二廣辨文。一住皆四段。一問列名。二辨解相有三。初總次釋三結。三明仰修勝進助行。亦三。立釋結。下並同此。亦可當位所習。

四何以故下釋學意。唯初及十有六句。一離寄問。二辨發心緣有六句。三辨行體此有三句。一體發心有四緣。四因四力。四緣者。一見聞佛菩薩神通大事。二聞法。三末世護法。四見苦衆生故發心。四因者。一種性因緣。二佛等爲善友。三起大悲心。四不畏衆難。四力者。自力他力。因力方便力。如地持說也。二所起。三不退。此有二義。若約一乘通教。入十住位。即四退等皆無。二若依三乘。十地已來有念退。地前有行退位退。不進退亦退。十信已前有實退。已後有示現退也。此約位語。四明所得。五明學。六辨前學意。又此下諸文並有三。一問。二答。三辨成行勝能也。此文有三。初責。次辨意。三明所成德也。諸位並同此。亦可通釋耳。即自開解者通因果。其義有三。一不由他小教等解。二不由他教境成。三不由他性外別集也。後文所爲各同異。思之可知耳。二治地內。初十同。二地十種集。後十同。集果中令諸衆生捨倒住。正見等。三修行內。前十同。三地護煩惱行。後十同。護小乘。四生貴內。初十相同。四地十種法智。後十同。修道具等。五具足方便內。初十同。五地大慈等觀。後十同。大悲觀。深重苦。六正心內。初十同。六地十平等中。第十句。後十同。前九平等也。七不退內。初十同。七地十種樂無作對治。後十同。被障對治。亦同。雙行分。退有四種。一位。二行。三念。四應得不得。此中無四退等。八童真內。初十同。八地勝行分何等身乃至供

養佛等。後十同。彼三世間自在。九法王子。初十同。九地智成就入行等。後十同。彼口業法師成就等文。十灌頂有五。初列名。二廣釋。三顯勝。四進學。五除伏疑。初十同。十地三昧分。次十同。彼受位分。三十句同。彼大盡分。即入住出也。上來依一乘生信爲言。若約三乘寄位別觀時。如經初住中。厚集一切善根。成四弘誓。未度苦令度。未解集令解。未安道令安。未得滅令得滅。第二住中修習無量善行。謂四念觀身受心法此四皆空。第三住中善集佛道法。謂觀十一切入四大四色空處。識處皆如實相。故第四住中。一切佛前受法而行。八勝處觀。內實五陰中。廣相略相二勝處。外假衆生法中。廣相略相二勝處。四大法廣略。四勝處如是觀。一切法空無相。故第五住中修諸清白法。謂八大人覺。少欲。知足。寂靜。精進。正念。正定。正慧。不諍論。順一切法。故第六住中爲諸佛所護。八解脫觀聞慧得。內假外假二相不可得。故。一解脫思慧。內五法外一切法不可得。故。二解脫修慧。六觀具足。色界五陰空。三解脫四空五陰及滅定觀皆不可得。故。五解脫如相。故第七住中廣正法。謂六和敬。三業同戒。同見。同行。入此法和必竟空。故不退位。第八住中信喜大法。所謂三處一切因故無作。一切果故無相。因空果空。空復空。故空空。如是法如虛空。故第九住中住四等法。謂化衆生教四諦法。三界非樂爲苦。無明習因受生無窮。三空道品。無爲寂滅。四諦

無二。一合相故。即是衆生緣法緣無緣也。第十住中好求佛功德。謂六念佛法僧戒捨天得一切佛功德念入。不約三昧。常前修故。此約三乘寄位觀也。第三顯實證成文有二。初動地顯實。二復云佛神力下菩薩證成前文有三。一動地。二兩華。三等餘十方世界等。第二文有二。初菩薩證成。二結會平等廣周法界。前文有四句可知。二結會中有二可知。第四重誦文有二百三偈有二。初一百八十五頌十解相。二如是十住諸菩薩下有十八總頌十住結歎勸修。初正頌文有十。初九十頌初住。次第二治地下頌第二住。餘並可知。初文有三。初對三十五事廣成發心體。二菩薩如是發心已下辨初住用。三是說菩薩下結也。治地內初四頌解。後八頌所學行。修行前四頌解。後六所學行。生貴前六解。後六行方便具足前六解。後三行正心前八解。後二行不退前四解。後四行童真前六解。後四行法王子前四解。後二行灌頂前十德體。次二誦住位相。下四頌後方便行。第二結歎文有二。初十四總頌十住難知。次四結說無盡也。

梵行品第十二

四門同上。一釋名者。行中上淨故名梵行也。要論梵有二。謂報及方便。始修爲淨。成就爲梵。若據報者。欲天爲淨。色天爲梵。若約自利利他。自利爲淨。利他爲梵。故涅槃經云。三學爲勝聖行。四無量爲梵也。二明來意。何以來。其進道多方從相分。二。謂

一編。一素。素從利他無方利物。故不住分齊行。編從自利故。不可輕壞出世容儀。故唯成內觀也。故地品辨出家人唯成三昧。問前諸會何不亦說此品。答有二意。一此中行劣。二以始通終故也。何不十信明此品。答此正宗爲彰以法成人。不以人成法。何名人成法者。法無高下。隨入器物顯法精龜故。十信法解未明。不可以法成人。十信解劣故但隨信根定法。若語形局即諸見更增不成正信也。問梵行發心明法何故不通。三會答理有。以此類彼耳。三辨宗者。無念理觀當是自體果涅槃圓寂行也。即爲此品宗。又問此中始明十住初發心因。何故乃言是果行也。答此明自體真發心故。契於後際體包無外也。又是自體發中果無戲論行耳。故品下結云。初發心時便成正覺。具足慧身不由他悟。四釋文者此文有二。初問後答。所以正念天子問者表定顯理故。又正念不妄淨報堪受也。問文有四。初總問。次陳事。三自分成出家行。四速成下勝進明。他分。又佛境界。又問上淨行品何故在家出家合明。此即不爾者。上爲信根弱故。始約緣修相易處。雙明此中已去會法明出家相者。欲明自體緣起性離非斷故離也。此如維摩經說。答文有三。一答前自分。二又復修習增上十法下答前他分問。三菩薩如是觀者下結梵行成益耳。初文有三。初辨尋思。二正念下辨正觀。三是名下結。初文有二。初辨尋

思。二又知過去下明如實。初復分三。初舉十法明所觀。此有二。初總。次別。次應如是下正明觀。三當如是下結。何者梵行體理實自體發中正智是也。何故法慧菩薩說者。圓通性德非順法之慧。不明也。十中前六足行及行緣。四所信境故偏說也。餘相可知。如實文有二。初辨觀行。二此梵行法下反驗。第二菩薩正念無障礙者辨正觀。文有三。初辨無相。二如是觀者下辨依他無生。三一切佛下辨真實無性法。喻可知。第二勝進文有三。一自利有四句。謂立問答結可知。二如是觀察下明利他有句。三如幻下喻說。前二無體如幻。現實如夢。起用如電。緣聚如響。成事如化也。第三結利自他文。亦可答上速成問。也有二。初牒次結益。益文有二。初結前少行多能有二可知。二初發心時下成疾。所以有二可知。言即菩提者有二。一約位即十解菩提。二約解覺正理也。餘信行證等准以知之。又即普賢證得自體圓明究竟因果。此解約一乘耳。

發心功德品第十三

此下辨此住勝進德。四門同上。一釋名。發心牒行體。功德行所成功德也。就二義得名。

二來意。所以來。前行已成。今辨歎德相故。三功德分量爲此品宗。四辨文。此文有四。初問。次答。三證成。四偈頌。所以帝問者在天故。亦即功德自在也。又淨解自在方堪受德耳。所以法慧菩薩說者稱法之慧方弱功

德二答文有二。初略。此中有三。初總。次別。三詳。分齊教量難知。義深難信。思惟難解。應教難說。欲證難通。數極故難。分別也。次假使下廣答。廣文有二。初辨十二喻。次發是心已下合喻。初文有四。初喻。次徵。三答。四校量。餘文不定。十二喻中有五。初五戒二十善等。此二取所益爲況。第三身通即所利生處。四知成壞。知法時也。下根稀望等七喻。明所利根器厚薄。下一明諸行德廣入勝位也。第二合文長分爲七。初總辨德能。二何以故下責。初非劣成等勝義。三答所由。四何以故下重責。始同終。五此初發心下以終攝。始六悉與三世諸如來等下廣辨。七彼初發心下結因勝緣由耳。又得證者行證也。身證者位證也。又得證智相應。身證者身相應也。此中並是普賢實德也。又問何故諸世界等善順菩薩心轉者何也。答爲菩薩得諸因緣和合自在心是諸法因緣故隨轉也。此可思准。又上文十欲等者。隨有一善欲即具上十德也。餘可准之。又所以身證通三世者。爲下文菩薩常不離三世佛前故也。第三動地成證等文有五。初動地兩華等。二諸佛同證有二可知。三利生獲益有三耳。四別佛同證成前義。有五可知。五辨成所由有十耳。問何故佛證。答爲勝進舉果攝成。又恐不信。又表因與果同一性故。餘事可知。第四重頌有二。初長行生起。次偈頌。初文有八可知。偈文有二百四十一半分。四。初廣歎發心現成功德。二十方

世界中下重舉。前十二喻述德難思。三三世人中尊下辨能成當果。四菩薩初發心下結。此中不得細科。若細即失旨也。又住位已去所有解行理事教義等法門並皆常行無間應知。又從信位成已去普賢行。乃八相與佛已來並無差別。此可思之。餘三乘行義等並別不疑也。

明法品第十四

四門同上。一辨名。言明法者有二。一約教。阿含法照理現故名明。法即義也。二約行。由行增勝後位相現故。即用前位法義解行等爲明。用後位教義等爲法也。二來意。所以興者。用前行德更修。與後地爲方便故也。三即行教法義等爲此品宗。四辨文者。所以精進問者。若不精進行不能受此勝進法也。所以法慧菩薩答者稱法之慧能申此教故。文有三。初問。次答。三末後少長行略結流通也。問文有二。初問。次重頌。初文有三。初先牒前住位中行德爲生後次第。次彼菩薩云何修習下正問。勝進中先際行德。初牒文有六句可知。次問勝進先際文有十一句分。四。初六自利。次隨其下三利他行。次興隆下一住持建立。次一成事不虛。第三勝進中後際利他分法有二。初總次別。別文有三。初明成熟德。此文有二。初自利成熟行德。二具足佛利下利他成熟衆生行法。初自利分有十四句。一離障。二成體。三成德。四成用也。二利他中有三。謂體德用體有十二事。准此可解耳。第二天王

下明眷屬行法有四可知。三得善根力下辨自他德滿成就。不虛義有四句也。第二重誦文有二。初生起。次偈頌。偈有二十二偈。初四頌前牒前初發心菩薩前住位中所進德文。次云何下七頌第二彼菩薩下正問。勝進中先際正行。次人雄下十一頌。善哉下後際果德利他文。就第二云何下先際自分中。初有三偈頌上自利六句。次二頌利他行中三句。次一頌建立文。次一頌果行成就。不虛。第二答中有二。先長行。後偈頌。初文有三。初歎所問今時多益。有三可知。二勸聽許說。三佛子此菩薩下正答。答文有二。初答勝進中先際自分正行。二菩薩摩訶薩若得成就下答上勝進中後際果行。初文有一百七十句。亦可百八十句耳。有四。初一百一十答。上十一句中初六句自利行。次四十答。利他行三句。次十答。住持建立。次十答。成事不虛。答自利文中。初一百答。前五。後十答。第六行。答前五文中。一一皆二十句答之。二十內前十自行相應法。次十勝進修行法。云具足淨慧等者。牒前自利行生起後利他。令勢相連也。諸十文各有四。初生起。次問。三答。四結。亦有不定者。可准思之。利他前問有三。此答中有四十。亦可五十句。此初二十答三中初句。次不捨諸波羅蜜十句。答前第二句。次佛子下十答。前第三句。前二十句亦可三十句也。初五知器所宜。次十應諸病授藥。次十五應器與法。言能如是行者則興隆三寶者有十答

第十句內住持建立此中有二。初總次別。此別文中分四。前三別。第四總。前三文初依教道。次依證道。後依不住道。六和敬者。身口意業及見戒施同也。菩薩如是不斷三寶下有十句。答上自分行第十一。句行。成事不虛有三。初十辨行。成事不虛。次第答前五句。二有十以德自嚴。即答前不虛句。三有十以自嚴故能攝化不虛。亦同答一句。於中法喻合三文。次若得成就下第二答。後際果德行中有三。初菩薩摩訶薩下答前滅除癡闇果熟德行法。此文有二。初辨自成熟行。二次第方便下明利生行耳。二於大衆中下辨眷屬行。三成就如勝妙法下辨行成不虛。唯除如來者以下過上也。第三行不虛文有三。初立。次責。三答。答中有十一句。前六因。後果行。第二重頌有二。初長行生起。二正頌偈。勝進中有二十偈。有一。初十三頌。先際緣起。次七頌。上答中勝分果德。自分行法。前中初六半頌。自利行。次三半頌。利他。次一頌。住持建立。下二頌。成事不虛。後七中初一半。自利果及利他果。次三半頌。眷屬行。下二頌。行成不虛也。

第四會佛昇夜摩天自在品第十五

四門同上。一釋名。佛者化主昇者上進夜摩者時天亦云戲樂。天者明故。自在者遊空無礙也。約行准之可知。即答上十行問。二來意者。所以來依解起行也有二意。一會來意。二品來意。並如第三會說准之。三宗者有二。約入約法同。上准思之可知也。此品宗爲明處及興供養。四辨文者。此文四品分三。初二辨序。次一明行體。次一明勝進方便也。此初序文一同前會。但增勝轉上寄法不同耳。爾時如來威神力故。十方一切諸佛世界諸四天下。一閻浮提。乃至無不顯現等者。若約三乘教辨時。閻浮提苦空穢惡。厭苦情敬。祈上志猛。故在閻浮成道。佛身非出世若約一乘三乘共教時。欲顯閻浮是實即空。是似成假爲事。纏綿聖恒悲愍。佛以本願力悲愍衆生。應於世處成道。佛身現佛故身即出世也。若約一乘時。此閻浮處即一心法界境界。若佛若處俱顯。處染無穢之最佛故。顯在此方成道也。但諸應化事義並皆准此別之。第二供養成機中有四。初文有二。初明興供養。即根也。二合掌下明請佛即欲也。初供養行中有二。初嚴。次結。初有二十三事。初辨事嚴。次善根下行嚴。三如來下佛德加嚴供養。顯因同果。餘可知也。問何故十解讚偈別列。佛此即不著何也。答解相別知。行即通成故也。

菩薩說偈品第十六

四門同上。初釋名。自體妙因。行集文莊。教則顯彰。故言菩薩說偈也。餘義可知。來意及宗併同上准也。又問若義次第相生。意同但所顯別者。何故名目不與上同。答此但欲交絡顯義意故爾也。但增勝及託法爲異者可知。四釋文者。此內第一集衆序中世界同慧者。用前解慧即爲行所軌故。佛同眼者。行心見法明白故。菩薩同名林者。但以此行益物熾然俱興。顯備集之相故也。第二段中足指放光與前會何別。答況足指有行住二力。前彰住。此顯行。故況別也。第三說偈序內十人。即各以自得緣起真如法。因歎佛。即歸行相也。初功德林偈有二。初長行生起。第二說偈下並准之。此文歎法身自在功德有十一偈。初六牒。前昇天雲集自在之相。次五法身自在甚深。二慧林偈文有二。初二辨佛具德難遇。次八釋前具德難遇。八中分三。初二明上具德門。二如來無與等下四釋上難遇。三不可思議劫下二校量勸修。三勝林偈有四。初二喻說微深。次一法合。次二辨深所以。次五歎其勝用。四無畏林內有三。初二舉體勝。次五舉用勝。次三勸學。初體用二文各有二。初舉法深。二歎勝。五慚愧林偈有五。初一總歎佛法勝益。次一歎勝用相。次六反成勝用所以。此中初一總。次五別。次一重順成人德用。五結入難見也。反成文內。初一愚智性別喻。次一同成虛妄喻。三二性乖違喻。四愚智緣隔喻。五用無相感喻也。六精進林有三。一總歎人勝。次八廣舉法成人。次一明人法深故難見。八中一法體無異喻。二法體空無喻。三法體無實喻。四法體離相喻。五法體成真喻。六一成多用喻。七起用依緣喻。八體堅難壞喻。准初說之。七力成就林有三。初四依他緣起觀。次五分別無相。次一約心歎用也。初文分二。初二法。次二觀。八堅固林有二。初七辨佛性相二身難議。次三

歎勝前有二。初二喻辨性身。次有五。喻合并歎應化也。九如來林偈有二。初九法喻譬顯。次一勸學。前文有二。初五喻展轉答五玄疑。一疑法是實。初行答之。二見生異解疑法離因。三疑分別實法離心有之四疑。既是心作何爲非有。五謂心作法有知。此可思准。次四法合。造如來者謂無作佛也。所以者乘前來意不得爲有作佛故。十智林有二。前八歎法身甚深。次二結歎勸學。初文有二。初三歎體。次五歎用也。

功德華聚菩薩十行品第十七

分別有五。一釋十行名及來意。

二所治一乘如前解。三乘終教者聲聞畏苦障。三所得通行定及忍善根。

四所成卽十行位。卽此品宗。

五釋文。一釋名者。功德者行體。華聚者喻名也。歎行勝妙能與果爲。依衆行集故也。衆德聚集能脫無上菩提果。是因故安菩薩也。十行者數行之本相故。文云譬如數法十增一至無量皆悉是本數。智慧故差別從五義得名耳。前衆既集。次須彰說故次來也。四此品以所修行體及位爲宗。五辨文者此文有七分。初三昧分。二加分。三起分。四本分。五說分。六利益分。七偈誦善伏定者行力也。加勸序者明此行法其旨甚深分在。非已。自非諸佛加持道力說之莫由故大明也。此內有二。初總辨。加所爲。二佛子當承佛下明。加相差別。初文有三。初明佛加讚。二十方下明。加所以。三欲令汝廣下辨。加

所爲。初文有三。同上會。所以中有四句可知。所爲中有十句。初一欲令等者總也。次八句廣。次一句結差別。二加相差別。三業可知。問何故意加與法。答法是正行之本也。故與法也。又問前會何以不與法乃與智者。答法從智生故親能成行。智境卽通。故前會但與智也。此約地前非證位故作此解耳。二意加中有三可知。四告諸菩薩言下卽本分。文有二。初歎十行宗本廣大卽體也。二列十名卽相也。六決定同前解。但行異耳。問何故前觀相約性。今此約行業者。答前解相非勝故約性。此行相卽勝。故約相也。此可思准。所以並無常果因者爲顯在有流因位耳。第二就本分相中有五。初問。次略答。三重問。四答。五結也。第四答中。一釋歡喜者施成自他喜。二饒益者持戒攝益故。三無恚恨者忍息自他恨。四無盡者精進獲無窮德。五離癡亂者得定故也。六善現者智現緣起法。七無著卽方便度故。八尊重卽成願。九善法者力智善說。十眞實者得智順理善說。五說分中有十可知。佛子何等者此初文有三。初牒問。次釋。三結釋。文有三。初辨布施行相有二。初釋次結。行相有十七句可知。二菩薩修歡喜行時下明行熱廣攝令他喜也。此文有四。一修施儀。二離過。三設方便。四明所爲。此文三句。謂自因果及爲生。第三句有二可知。三離諸我相下明離三輪成檀度也。此有二句。一自利利他。二饒益相文有三。初問。次答。三結。第二

文有三。初明性成。二戒體有八句。二菩薩如是持戒時下對緣辨持相。此有四。初持戒儀。二辨方便。三離過。此有五句。初句分二可知。四明所成。此有二句可知。三何以故是我業下舉行離相成戒度也。此中有二。初問次答。答文有三。初明觀有。二未度者下明意。三我當下明所起無悲文有三。初問次答。三結。答文有二。初辨忍行體有八句。二菩薩成就如是淨慧忍下對緣辨忍相。相文有三。一他不饒益忍。此能所分。二能中口身分。二也。二菩薩作是忍惟下安忍有三。謂立責答可知。三復更思惟下辨法忍。此中初法。次是故下所爲有三句。三佛所行法下辨疑也。無盡相文有三。謂問答結。答文有三。初辨精進體。卽勸勇進有十一句。二菩薩復作是念下加行進有二。初明所離。二辨所趣。三菩薩成就如是下辨難壞無足等也。此有二。初有二問答。辨難壞。二釋分齊可知。離癡相文有三。初問。次答。三結。答文有三。初辨入理安樂住定。二是菩薩成就寂靜引通定。三菩薩聞此能壞下隨利他定。此初內有三。初辨定體無失。二菩薩成就如是等下辨定業用。此中有四。初總辨。二何以故下釋所以。三此菩薩下別辨有二。初辨。次對因明也。四如是等下以廣顯略也。三菩薩於三昧中下辨觀行成前自在耳。此中相性成治分三。餘文可知也。善現文有三。初問。次答。三結。答文有三。初辨加行般若。二無所依無所住下正證

智。三分別一切世間法下後智般若。初文有
二。初明智體。二無所有下釋成前義。正體
文有十八句。有四。初七辨智與理相應。二
離業報下六辨正證離諸相。三無所依住下
二句辨所住分量。四入離虛妄下三句明觀
成分入無性問也。後智文有三。初辨如量
智中如理即顯所知法。二安住三世平等下
辨如量智中如量即對所化生。三是菩薩住
此行時下德用自在。餘文思之可知。七無
著文有三。初問。次答。三結。答文有三。初
辨自利方便。二初得受記下辨利他方便。三
菩薩如是觀察下二自他利善巧滿足有二。
初辨二行。二所以者何下辨所以可知也。
自分文有二。初自分。位中修。二不捨菩薩心
下辨勝分位修。有二。可知自分。位有三。初
於淨法中修無著行。有二。可知。二見不淨
利。下於染行中見不淨修。三何以故下辨
前無著所以有三。初問答總辨。二廣辨。三
對生明離過。二利他文分三。初辨大悲方
便觀觀。二不著身等下正明不著行。此中有
十句。三何以故下明不著所以。初大悲觀有
三。初辨大悲深重。二爾時菩薩見彼生下
明增上。三爾時菩薩作如是念。下明爲首
耳。尊重文有三。初問。次答。三結。答文有六。
初辨所遵法。二此菩薩行時下辨所趣。此有
二。初趣。二益。益有三。益。一。成願。二。成生。
三。顯理。理中有二。初法喻合即立宗。二有
二責可知。三菩薩如是下辨所成用有法
喻合三文。初法中初行行離非。二得法爲

入。三成功入法界。四而菩薩摩訶薩下明
行自在。五如是菩薩成就下辨用無二。此文
有四義。第四義答中法喻合三。文可知。六
此菩薩下明行成就有二。初自利。二利他。
他文有二。初教。二申己意以去疑。有二。
初申意。二有二責可知也。九善法文有四。
初問。次答。三結。四利益。答文有三。初
舉善法以爲佛種。二清淨陀羅尼下釋成
行體。三菩薩摩訶薩安住善法行下約修辨
成。第二釋成行體文有二。初辨行體有二。
可知。二爾時菩薩下明行作用。作用有二
可知。三約修辨成文有二。初總。次別。別文
有三。初總。次佛子下別有二。可知。三成就
如是十種身下結成行用。十真實文有二。初
問次答。答文有七。一言行相應故真實。二此
菩薩下行相應此即釋名。三菩薩成就衆生
下辨行體。此有二。初立。次是故下結勝。前
文有二。各有立責答。四不捨下辨行用。謂
身口意即爲三也。五菩薩摩訶薩住大悲下
辨卽位以因成果。六是名下結。七此菩
薩安住下成利益也。上來約一乘信行相。
若約三乘寄位別觀時。如經。初行之中爲
自得。一切種智故起四精進。勤修。二善。勤
斷。二惡。爲求佛果故。第二行中爲得自身
有大力故。爲四如意足。念守境。精進馳求。
定捨攝。慧照境。得法無生自在故。第三行
中願無畏具足故。謂五根信進念定慧皆無
相放。第四行中求具足三寶故。謂五分法
身戒除形非。定無心亂。慧悟相虛。解脫無

累。知見一切衆生無縛知見解脫故。諸法
虛空無二故。第五行中爲化一切衆生故。
謂八正道從師生慧名。正知見。得法生思
名。正思惟。出家受道得三道分名。正語正
業正命。入法性空名。正定正覺。於無生無
二觀。一合相故。第六行中大悲故起。七觀
擇法念法精進法觀法喜法定法慧法入。一
相故。第七行中爲得四無礙故。謂五善根
正觀煖觀頂觀忍觀三界空第一觀能生十
地無相大明慧。聖人胎未變第一空平等
故。第八行中一切佛國中行行故。謂四化
法。法辨義辨語辨樂說辨。此四名慧。性
照。一切法無生。第一義諦中行故。第九行中
於一念中照。一切法謂三世十二因緣皆假
合會以成性。實不可得故。第十行中爲自在
轉大法輪故。謂菩薩三寶。智覺中道。一切
法無生佛寶。則用爲法寶。常行六道與物
相應名僧寶。轉一切衆生流入佛海故。此
約三乘寄位語也。六爾時佛神力故者證成
所說。此文有四。初動地雨華等。二如是四天
下結會平等。三爾時各過下明十方菩薩證
成。以此十方菩薩證成文即知諸會後但此
處同名佛菩薩並爲證義故來。會初十方同
名集者。但是影響標位分齊。未是證法。餘
可准之。四結通十方。七重誦文有二。初長
行辨說。偈意問此中佛種性菩薩種性何別。
答因位菩薩由佛而成卽是佛性。由菩薩自
成卽菩薩性也。此等可思准耳。二說偈有一
百一十二偈。此中有三。初七字偈總歎。二別

歎三後有四行。總結大情。思之。又此衆德。上十行。一位中皆具有也。

大方廣佛華嚴經搜玄分齊通智方軌卷第二之下

終南山至相寺沙門智儼述

菩薩十無盡藏品第十八

四門同上。菩薩者人。十者本數。無盡分齊也。藏者蘊積也。良以體非數分。行無窮竭。而生滅所不易故云無盡。一攝一切統含無外。故曰藏也。餘可准知。

二來意者。所以來。正位自分已成。大明進勝入後位故來也。所以前問在迴向後今答在前者欲顯行通故也。亦可迴向屬助方便。藏從行本故在初前耳。

三品以能所甚深功德蘊積諸義爲宗

四辨文者此文有三。初舉數引證。略歎列名。二何等爲菩薩下辨相。三此藏有十下結歎也。初文有二可知。十名者一信即十地第一及攝論中書持。二戒即地中慈悲。及論中第六教他得三。慚。四愧即地中行。及論中第九獨處空閑等。五聞即地中知諸經論。及論中第四恭敬聽受。六施即地名捨。及論中名。施他。七慧即地第十如法修。即論中第十修相入意。八正念即地中不疲倦。及論中自讀。九持即地中堅固力。即論中第七如所說一

心習也。十辯即地中六善解世法即四辨也。即論第八爲他如理廣釋。地論及攝論皆有供養。此中何故無者。此中分慚愧爲二故也。亦可此藏與彼一向義別也。

二廣辨文有二。一釋相。二是爲下結歎行用能成大果。初信藏文有四。初列名。二辨相。三結。四重數行用。二辨相有三。初自性住佛性。二佛如是知下約至得果性。三此菩薩成就如是下約引出性。初自性文有三。初入理。次辨信堅固。三何以故下決疑也。第

二至得果文初辨信境。次菩薩成就下明信解成相。第三引出文有三。初牒前。次不退下即明信境界分齊。次護持下辨信行成。戒藏有三。初列名。次別釋。三是爲下結。已下諸文三段准此可知。二別釋文有三。初牒十名。次何等下辨相。三此菩薩持如是等下

大悲利物用。就不詳戒中不非。先制不更造立者隨順實際體非集起。心常隨順向涅槃者一切諸事即涅槃相不復更滅也。慚文有三。同前。第二辨相內有四。初知已過。二一切下誠生有罪。三自惟下上聖知見。四

是故下離過顯慚心。愧文有三。同前。第二辨相內有四。初知已過。二復作下知生有罪。三上聖見知。四我當下離過顯愧耳。多聞第二辨相內。初列所聞十種事。二辨十相。三菩薩作如是念下利他。十二因緣是無爲者。婆沙一師云。有爲不自立因無爲故也。此中文有六無爲。又解一空約事相辨。二涅槃約位論。三數滅約性散。四非數滅就

事故。五緣生約理從事。六法界理不對事耳。對情即有爲所以。及餘意思之可解也。此等義並是自體緣起。參而不雜。不可以事相論也。是以大乘教相。若論方便解入時。一切教相要況詮中取也。若論正解時。要是秘密教詮。方得顯大乘義相也。甚須得意。勿惑其聲。無記有六十也。施第二辨

相。夫言施者以捨濟資益爲義。故文言乃至自受資用無非是施。若就事相中明時。如文所列。若據詮表以明。但使解遠窮宗。莫問玄想之以正智。一開情已乃至三業

起動進參隨緣所作。無不隨順如實與無盡藏相應。故能建立無上菩提根本種子。文有二。初列名。後廣辨。前施法中有三種施法准可知。餘文相顯可知。慧第二辨相內有五。初七句所知境。前四各有二義。一色

苦是報色。二色集是業色。三色滅是分別性色。四色道是道共善色。第二色苦者色無常。二色集生後。三色滅即如。四色道謂成道具也。餘准之。聲聞菩薩等者初知人。次知所

軌法。三知道因。難煩惱習。故得集名。四知滅果也。體相如下說。次云何知下辨加行觀諸法。即自利有問答二文。答中有六句可知。三廣爲說下利他有五句。初總。二問答明義分齊。三問答顯說儀。四責。五答所由有四句耳。四菩薩成就下辨利自他行成相。有二可知。五此智慧藏有十種下辨。慧攝無盡。有四可知。念藏第二辨相文有三。初辨所念淨法。云念佛者隨順實覺

也。云授記者實覺妙軌顯此心懷也。云念持修多羅者。圓覺等滿相彰於外。妙軌備時以爲世則。故也。次菩薩作如是念下辨十念體。三此菩薩住是下明。念堅強也。言妙者妙過餘人。淨念者所記分明。不濁者不雜。閻障。遍淨念者於法悉明。離塵念者於所念事不生貪染。離種種塵念者不生餘結。離垢念者不計我能。光曜念者廣照無極。言樂念樂修不息。無障礙者發意即知。不得思量等也。持文有四。初問。二辨相。三結。四歎德耳。辨相文有三。初辨持人。次佛明所聞緣處。三聞持一品下辨所聞法。辯釋相有四。初牒。次辨。三結。四歎德。第二廣辨文有五。初明後智辨體。二廣爲下明辯功能。三何故下釋成。四成就此藏故下廣明辯德所成之事。五此菩薩成就百萬下成辯無盡之用事也。此文有二。初釋。次問答去疑。云佛子是爲下第二結德用能成。大果無盡。次此藏有十種下第三結歎辯藏深。奧生德無盡有四可知也。

第五會佛具兜率天宮一切寶殿品第十

此即答上迴向門。四門同上。一釋名者。知足天約行准之。又前第三會但說其殿。第四會但論莊嚴。第五會云一切寶莊嚴。第六會摩尼寶等者。欲顯慈悲德相隨。物轉增故也。二來意者。所以來者。若不迴向。進行莫由故也。一會來意。二品來意。同前准之可知。第三會宗者分別有二。約入法。同有體

相用。准上可知。又因此會宗體更舉上下諸會別。宗有二義。一舉普賢性起實德。隨差別緣以起信心。故說。即初會明世界海。第二會十信。第三會十解。第四會十行。第五會方便迴向。第六會明修成本有無漏因果。二行法等。第七會依法成。因果行德。第八會依人成位差別德也。此並是一乘三乘共學法。第二攝差別緣以從本實。即初會觀圓明。五海十智以起說。第二會位信位成就。就本實因果分量德。第三會解位顯證性德。普賢因果。第四會行位顯證。法界如相普賢因果。第五會方便迴向位顯證。法界如相普賢因果。第六會證位顯證性普賢因果。第七會依法以顯。通教普賢因果行德分齊。第八會依人顯證。普賢因果緣起理事德。位分量差別義也。四釋文者。此文三品分。二。初二前方便序。後一正宗。此初品有二。初體用。二融體。融內有三。謂身口意又因果相應爲後方便也。上皆同此耳。第二時彼天王下赴緣攝化。此文有六。一時彼天王下從體起用爲攝化緣。二即於下辨王修供養具。即成就就根。三爾時世尊。以佛莊嚴下明佛受請昇座明機感相。四爾時佛神力爲天王故下明勝力加被息亂住靜。五爾時天王下明從靜定發智。六爾時世尊昇一切寶殿下辨佛法身平等攝益成事不虛。第二文有二。初成根。二爾時天王爲如來敷坐竟。下天王出迎世尊辨敬儀也。即根熟成欲初嚴供具。文有三。初總嚴立宗。二所謂下

別廣辨修入方儀。三如是四天下結歎同等顯機應法。初文有二。初總明嚴座。二過去修習下辨因緣。因緣有十三。初一總。餘別。次第除疑可知也。就第二所謂下廣說。在殿修供養行成方儀中。大文有三。初辨器世間莊嚴自在行。二百萬億諸天神王下明。衆生世間莊嚴自在行。此能供養人。第三百萬億諸大菩薩下智正覺莊嚴自在行。此分證理故。有異解云。此中有五十八衆可知。初器文有二。初外塵莊嚴具。二百萬億神力自在下明。內法莊嚴。智正覺中初三辨入。次二十句行德。諸大菩薩者入道場會人。華手等信解位也。第二迎佛文有三。初出迎辨敬儀。有二。謂初結前。二生後也。二設供養。三正申請。二設供文分三。初明自分行供養。有二。初外。二內可知。二佛神力故下明勝進分行供養。三爾時一切諸天衆下辨二行入佛界也。二勝分德中有三。初總。二別莊嚴虛空。三出華供養如來也。三爾時一切諸天衆下明入佛界中有三。初辨利他。二時諸天見如來身一毛孔下自利德。三爾時如來下辨自他平等圓極自在。就前段中初知利他德。二如是正念下十句結觀解益。初知中有二。初人雄等報身德。二順衆生根爲現佛身下化身德。報身中初身業德。次住一切智下辨口業德。三佛智慧月下明意業。二化佛中。初身業。二當以法施下明口業。三皆由從心起下辨意業。此等上遠佛境。即是迴向。因人用事。可准之。二自利德中

有六句。初辨放光相。二自然下辨光說偈。三顯現阿僧祇下明莊嚴相。四顯現不可思。下出化身說法。五又佛身中下出寶光明。顯其因行。六又觀自在神力下明說法教化。三自他平等圓極文有四。初牒前慈悲德。二欲令無量下隨機攝益。三成就如來下入佛界德成。四如來顯現下結歎難盡。第三赴緣攝化文有三。初正赴。二等餘方。三辨益可知。第五智文有三。初長行憶念。即是智體。二說偈明智相。何意歎一佛德者。為彰迴向多方。便歸一慈悲善巧也。三等通餘方。第六攝化成事文有四。初辨赴機。二正攝化。三成益文有二。初二句順理。次順事。所以但辨具德不廣。如來處者。為顯方便別莊嚴也。四等通十方也。

兜率天宮菩薩雲集讚佛品第二十

四門同上。一釋名者有四義。一處。二人。三身儀。四口業。或六句可知。二來意同前。但所為別耳。三宗亦同前准之。但迴入此品歎方便佛行為異耳。四釋文者。此品三序。初文集衆序內。先舉佛神力顯分齊。次辨所集衆。後如此下結所集衆。第二內三世間可知。衆生世間中有五句。初列名。次依本修行。三俱來。四依方而坐。五歎德。歎德有三。初明自利行。二一切衆生觀無厭足下利他行。三此諸菩薩下辨自他德用自在。第二放光序中有三。初辨光出處。二明所照處。三彼諸菩薩下光所攝益即歎德也。兩膝放勝光者。法身行中入佛境界增長勝妙相也。

也。膝者表進方便相也。歎德中有三。初總。次別。三結別中有三。初自利。二教化成就下一句利他。三勝進可知耳。讀佛序中。金剛者因行堅也。幢者行成高出也。亦有攝伏義耳。又十菩薩中。初名金剛幢者。明自體真實能消殄相累。超世之道。標別勝負。故名金剛幢也。餘相可知。此中諸偈並約迴向方便顯其佛德。即以此教為證善巧相也。餘准思之。諸偈文若有二。初長行生起。第二正說偈。初偈有三。初五自利德。次三利他。次二勸修也。堅固偈有三。初三歎佛自利堅固。次四歎利他堅固。次三勸修也。勇猛偈有三。初二辨法界海深。次五辨利用廣大。次三結體用圓極也。夜光偈有二。初四歎法身自在。次六歎化用自在。智偈有二。初一歎即位德。次九辨所見勝。所見文有二。初一總。次八別。別文有三。初二歎佛德。次四明佛離數相。次二辨離世相耳。寶偈有三。初一化身。次二法身。次七報身。又問何故科此經文。多依三乘者何也。答所為入三乘者多。故爾也。一乘義文准之可知。精進偈有二。初六通三身自在。次四約四喻辨成離垢偈有三。初七歎智身。次二歎法身。次一總釋。真實偈有五。初二歎化身自在。次二法性身自在。次四重成前化。次一辨趣方便。次一結成身離相。法偈有四。初二辨明策修者意。次三總舉損益釋成。次四廣辨損益相以歎德。次一顯德相也。又亦可此十菩薩德歎不須別科。一一句

金剛幢菩薩迴向品第二十一

義即一方便法也。此約一乘意取文也。分別五門。一釋十迴向名及來意。二辨所治。三乘如前准三乘除獨覺捨大悲障。三所得無間定及世間第一善根。四所成十迴向行位即宗體也。五釋文。一釋名者。迴向者迴前行向。菩提。亦可通衆生及法性。金剛等是人。迴向等是法。就二義得名也。來意同前耳。但法體異前耳。今此論所治及成得等。並約三乘說之。若約一乘別教辨者。即或治或不治等可。准思攝。四宗者總相可知。廣在下文。五釋文者。此文有七分。初入定三昧分。二加分。三出定分。四本分。五說分。六利益分。七偈誦。

初云。入定者顯法體非思境也。明智定者顯行無惑。照明故也。亦可方便淨智依止。能成淨智。加序有三。初總明讚加因緣相。此文有三。初總諸佛現身及同名證法有二。可知。二時彼下正讚述。三善男子下得入現定。所以加入定有。五因緣。一諸佛力加。二盧舍那本願力。三盧舍那今神力。四金剛幢自智淨力。五餘菩薩善根力也。二欲令下辨加所為中有二十二句。初十二自分德。次十勝進。今此二十二句內所有諸文。及上下意。加內所有文相。不可一一具解。但准下地品初加分內論主所判。約分此文意。即可知。仍此中文相或通果及因。或初總後別。或自他利異。或同異成壞。如是一切及上會諸文。並准地論初六相取之。無不明了。

餘相可知。三善男子汝當下辨三業加相差別。就中初口內有十句可知。意加亦十句。初一總。次別。問何故此意加與難法者。爲方便事不定心境及理事非一法故也。准之可知。本分正說文有二。初總辨體。二列名辨相。初文有二。初總數。二辨方便體。即六決定於中但有觀相大善及不怯弱。所由上已辨也。二相文有五。一問。二舉數及引證。三重問。四列名。五結及證成。不思議大願者是地上願因。亦即十迴向願也。四列十名者。一救護一切衆生。離衆生相迴向化事離。二我也。迴向有三。一迴向衆生與物同成故。二迴向菩提捨諸世有故。三迴向實際用歸極體故。此三相成。所以知有此三。下彌勒令善財見菩薩修三種迴向也。般若經中亦說此也。下並通此意。二不壞者自行堅固也。三等一切佛者自他等入佛境。亦可量等。四至一切處者分得佛力故。五無盡功德藏者修用出生不窮盡故。六隨順平等善根者亦名堅固德用無盡獲得。三堅固隨順涅槃也。七隨順等觀一切衆生者得大涅槃而不捨世間故。八如相者行依如修故。九無著解脫者。理等離縛脫無脫相故。十法界無量者稱性用也。此十相成共有二。一以十門攝諸行迴向約此門即是行。二以行依十門明迴向也。迴向有三。所謂實際菩提及衆生迴向。實際有二種。一現修諸行即是真如。二爲顯真如故修諸行也。衆生亦二種。一爲度生故修菩薩行。即是衆生道具。

二菩薩所成即衆生所與。菩提亦二。一所修諸行爲成。大果。二菩薩衆生諸行即是菩提芽果。一一迴向併有此門。具述總意。准以思之。第一中有四。初問列名。二辨相。三是爲下結。四以偈重頌。二辨相內有四。初明行體。二摩訶薩復作是念發菩提心寶下迴向衆生及菩提。三菩薩復作是念如日天子等下迴向實際。四以如是等善根迴向下結。歎勝妙德用自在。初辨體內有三。初以六度四攝等爲濟衆生法。二修善根下明救護衆生。三此菩薩爲怨親故下明託依起行。此中有二意。一爲離衆生相故得成三迴向。二由離衆生故是三迴也。此可思之。二正救衆生文有二。初令生不墮地獄等。二復作是念下得法身樂。於中因果分二也。三託依起行文有二。初以善迴向衆生不揀怨親有三。初立次問答釋疑。三常以愛眼下對緣成行。展轉有四辨疑。第四疑文有三。初立次責三答可知。二菩薩不爲一衆生下顯意廣大。有二可知。第二迴向衆生及菩提有五。一行等諸佛及起心究竟。即爲二也。此二子段中復各爲二可知。二菩薩以諸善根迴向時下令生得清淨趣。三復作是念以此善根下爲生得見佛獲益。七財淨滿足者謂信戒聞施智慧慚愧。四此菩薩復作是念下代受一切苦。此文有四。初對物生心。次何故下除疑。三以大明善巧有二可知。四復作是念我悉當爲下正明。爲生受苦。此中有三。初代受苦。二除疑此

文有三。第二文中有四。第三文有三可知。三是故不以下結可知。三復作是念我當以下辨所成也。有二可知。五菩薩以是無量下令生得具助道因緣有三。初起意。二喻況。三合可知也。第三迴向實際文有二。初簡擇前二迴向。二令一切不著等下正迴向實際。此文有三。初辨分別無相。二不起虛妄因緣下依他不生。三觀察一切衆生平等下真實無性。彼不生諸法不滅諸法以如是等善根迴向者。即第四總結文有三。初總次修行下別。後菩薩下結歎。別中初修行對治法等結。初行體。次觀一切結。迴衆生及菩提後於彼善根不作二相下結。實際餘相可知。重頌有二。初長行辨意。次偈頌有二十六偈有三。初十二總結。次別。此別有三。初十一結行體。次十三結迴衆生及菩提文。次十五結實際。第三後六總結之。可准取解。二不壞者有五。此中初問。次答。三結四歎德。五偈頌。答文中有五。一辨行體。二欲令一切衆生下迴向衆生。三諸佛成就無量德下迴向菩提。四菩薩如是捨離癡下迴向實際。五如是菩薩成善根下結歎德用。體文有五。一對緣成。信有二。初立宗。二何故下除疑。二如是安住下依信成行因。三菩薩如是等善下辨行所成。四菩薩如是精勤下結與行益。五菩薩善根迴向已下辨依行成願事。此有二意。一爲不壞故得成三迴。二爲不壞故是三迴也。此可思准。二迴衆生等文可知。實際文有三。初簡。前二迴向。二觀察平

等下正迴實際。三常為諸佛下功德。聖念。四結歎內有五。初結行體。次摩訶薩如是下結。衆生。次究竟清淨下結。迴菩提。次得平等下結。實際文。次菩薩行如是下通結。勝妙。偈文有二。初長行。次偈頌有五十有五。初二十一頌行體。次二頌衆生。次二頌菩提。次十頌實際文。次十四頌結歎文等。三等一切佛者有五。初問。次答。三結。四歎德。五偈頌。答文有五。初辨行體有二可知。此迴向有二。意。一為等故成迴三種。二為先應三迴故得等也。可准之。二此菩薩得如是樂時下迴佛菩薩及衆生。此文有四。初向佛。二迴菩薩。三迴衆生。四菩薩攝取行等行下明儀式也。菩薩文有二可知。第三迴衆生文中有三。初迴儀式此有二可知。二滅惡。三生善。三菩薩若在家時下辨起心分齊。此文有二。初釋。次如是菩薩今集下結。初文有二。初在家攝生迴向。二菩薩作是念乃至小大下大悲深重。初文有四。初起心。二對緣辨攝有二可知。三明成行無間。即顯智堅固。四結。第二深重文有二。初離苦。二得樂可知。四復作是念如彼下迴向實際。文有三。初牒前。二迴向。二而無所著下正迴實際。三摩訶薩下結同佛迴。正迴實際有二。初約入觀智迴。二常樂習行普門下出觀智以迴向。第五總結中。初牒前行體。次第一迴向。下通結偈有二。初長行。次偈有四十八。初二頌體。次三十四頌迴佛衆生等文。次四頌實際。次八頌結歎。四一切處者有五。初

問。次答。三結。四歎德。五偈頌。答文分四。初辨體。二如是莊嚴下迴向菩提及衆生。三菩薩如是善根迴向。下結歎德用。初體中分二。初明行體有四。一法。二喻。三合。四辨所成。此有三句。法喻合喻如諸天者第一義天。餘相可知也。此有二意。一為順一切故得迴三。二為順三故得至一切處也。二菩薩復作是念下廣明行相。此文有二。初明所依方土及佛。二菩薩於諸如來下廣明行相。此中有二。初對境與心。即為二也。前對境明心。次辨心德。二復作是念下對境成行。則復為二耳。如是莊嚴下迴衆生文有二。初開理事二門立宗。二令一切等下別辨得成至一切處所以有法喻合。三文可知。三實際文有三。初牒前行體及二迴向。次了無所有下正迴向。三如是菩薩樂觀下結迴成益。正實際有二。初約入觀智。次如是菩薩圓滿下出觀智辯也。一切法衆因緣地者依因緣解證。一切法故。四總結結歎中初結行體。得佛自在下結菩提。次教化衆生結衆生。次菩薩如是下結實際。偈文有二。初長行。次頌偈文二十二。初八頌行體。次六頌菩提及衆生。次六頌實際。次二頌結歎文。

薩以如是等下迴向實際。四菩薩如是善根下結歎勝用。此初行體文有二。初辨行體有四。一懺。二勸請。三隨喜。四迴向也。隨喜有四。一成佛。二說法。三涅槃。四流通等文有二。初悔過。第二勸請隨喜迴向也。此三義由是有為德義分相交。故同處合說。此文有二。初總舉。二別辨。別中依隨喜四義。即為四段耳。此有二意。一為行順三迴故得成無盡藏。二為成無盡故迴三處也。此可准之。二菩薩作如是念下辨行相有二。初嚴土。二嚴成人。嚴土有四。初成世界土。二菩薩修勝善根下莊嚴佛國土。三彼諸世界中下三世莊嚴。四如一世界下結成究竟。二菩薩復如是下嚴人有二。初辨次結。辨中有四。一人。二此諸菩薩下略具顯德。三成就下別顯德。有二可知。四成就等下結有三可知。二如一佛刹下以結略顯廣可知。迴向菩提衆生文有二。初以法界方便迴向二處。二如是菩薩善下辨方便分齊。實際文有二。初牒總迴向趣向薩婆若際。二菩薩行如是下別迴實際。此文有二。初入觀智以迴向。此有二可知。二菩薩如是起下出觀智迴。生死非雜亂涅槃。非寂靜者此有二解。一就破相。生死體空故非雜亂。涅槃體如故非寂靜。二寂用解生死體寂故非雜亂。何者是體。近說空是。深則不空如來藏是。大涅槃能建大義。妙用繁興無所不為。故非寂靜。今依後釋。此二佛境界所行道名境界道。無別生死故非他作。生死涅槃

繫體無定相。故曰無法。諸聖同依名為同止。如義同先解。第四結歎文有二。初牒結前文。次菩薩初發下總結。初文有四。初牒前行體結。成迴向菩提及衆生。二以如是等下牒。前迴向衆生結。成實際。三菩薩如是迴向眼終下結。所得益。四菩薩如是迴向時下德行德勝妙。第四歎德用文有三。初學數。二釋。三結可知。偈內有二。初長行生起。次偈偈有五十偈。初十八頌行體。次六頌迴向衆生及菩提。次十四頌實際。次十二頌結歎文也。第六隨順一切堅固善根迴向者有五。初問。次答。後是名下結。四歎德用。五說偈。第二答有四。一施門中辨行體。二菩薩善根迴向令一切衆生下迴。衆生及菩提。三菩薩摩訶薩以此善根迴向時下迴實際。四菩薩以一切善根如是迴向。下結歎德用。初文有二。初舉輪王位捨歎成行德體。有二可知。二若施飲食下辨行相。此文有四。一略列所施諸物名。二作如是念下辨修行意。三若施飲時下廣辨施儀則。於中或四五六不定。四者。一人。二所有事。三迴向。四結前五者第三增田。六者第三增歎事德。又有成。施心。四此菩薩以如是等無量下結利益也。初列所施名文有三。初列六十章門中所施財。二心不貪著下辨施心無染。三若諸衆生下辨所施田。第二意文有二。初辨施迴向意。二菩薩如是迴向已下明迴所成三廣文雖有一百二十事無不皆在六十門攝也。此有二意。一爲順三迴向故得順。

堅固。二爲順堅固故得三迴。此可准之。又今此所捨並通三義。一是分段依正。二變化依正。三是變易依正。可准思攝也。地前三具五生身故。四輪乘者運度八難也。一住正國。此度三惡道北單越及長壽天。二正士度佛前後。三本功德度諸根不具。四平等願度世智辯聰。又正國輪者真如法性土也。依正士輪者般若正觀也。本功德輪者施等五波羅蜜也。平等願輪者菩薩十種無盡大願也。菩薩淨行由斯滿足。又字肆者恣也。第四結歎中有二。初歎益。二菩薩爾時下慶得成益。此文各有二。初釋。次結。成究竟也。二實際文有二。初牒前行體。二於身口意業無縛著下正迴實際。於此正向中有五。初約入觀智辨行成。二菩薩如是迴向時不著內下明所離。三菩薩若於此法中下辨利益。四何以故下釋成。五菩薩如是見法下結說。是非。此文有九句相生可知。前文言禪頭者衆生有形有體名禪頭。今無此想也。四結歎中有四。初菩薩等總釋體用。二迴向者何義下結迴向名義。三菩薩若能以此下歎行迴向德。四菩薩如是迴向已下結益。偈有二。初長行。次偈偈有八十二。初四十八頌行體及二種迴向。次菩薩觀下三十二頌實際文。後二頌結歎文。了達菩提從緣起於法真性無所壞者用不違體也。七等心隨順一切衆生。初問。次答。三結。四歎德用。五偈頌。第二答文有四。初辨行體。二菩薩離垢清淨下迴向衆生及菩提。三菩

薩修行如是善根下迴實際。四菩薩行如是下結歎勝用。初體文有三。初辨行體。二菩薩行如是等下辨行用。有三。初離惡。二生德也。三不求生天下辨修意。此有二意。一隨他衆生所作善根不違善令進故。二菩薩自善根隨衆生根性三品授與故。此可思准之。二衆生及菩提文有二。初辨修行。二菩薩以此善根下正明迴向。初文有二。初自分。二修習平等下增上修也。初文有五。初辨所依之緣謂善根也。二菩薩復作是念下明依緣起心。於中分三可知。三菩薩如是下顯心具德。四辨時分。五復次菩薩下廣辨所施之物。第二增上施中有二。初辨施心。二菩薩復作是念下明心具德。二正迴向中有二。初正迴向。二如是菩薩下結德自在。此有二。初自分。二以如是等下勝進可知也。實際文有二。初牒前行利益。二菩薩如是等下正明實際。初文有五。初離垢。二明所得。三明無等。四對果校量。此有二。初總。次別。五結成具德也。二正迴法界。文相顯可知。四結歎文可知。偈有二。初長行。次偈頌偈有四十二。初二頌體。次十七頌衆生及菩提。次七頌實際。次十六頌結歎文。八如相者有五。初問。次答。三結。四辨利益。五偈頌。第二答中有四。初行體。二菩薩以此下迴向衆生及菩提。三菩薩善根如是下迴實際。四菩薩如是迴向時下結歎勝用。初體文有三。初集善根體。二菩薩如是下攝助成。正行。亦可攝。因助果也。此中有二。初攝

大辨觀相。二菩薩以如是等下成三業大用自在也。此大用內有二。初明心所趣。即略也。三業即爲三也。初一句身。次一句口。次下並意耳。二一佛世界下結略顯廣也。此有二意。一此善根是如家相故迴三處。二以相等體無礙故迴向三也。二迴衆生及菩提文有五。初總明迴向。二菩薩如是迴向修下辨行廣究竟。三復次菩薩下對事辨成行儀。此有二可知。四菩薩善根如是下辨修意也。五如是菩薩長養下迴向功力所成。三實際文。此中迴與上下何異者。諸迴攝相從體。此中攝相從相。此可思准之有。三。初明迴向體用。二善解迴向成勝所以。三如如下約法廣辨初門有三。初辨體。二順如來道下明用。三觀察寂滅下結前二。第二勝用所以中。初舉意。次如是菩薩下釋。三如法門下約法辨成。第三廣辨中有一百句文。初一句所軌則下諸句依迴耳。又廣辨文中三種言說。初取無著。第二取施設法。第三正取言說教事。文中三種時者初唯法耳。二據時論法。三時法變論耳。此等依文次第捨之。即知所由。過去非同者非同一滅也。未來非故者非現後故也。現在非異者非異前後二世及自同類法也。此亦反外人見思之可知。四結數中。初三句結數迴衆生及菩提。次等觀諸佛無有二下結數實際德用。第四成益文分二。初辨德。二結可知。第五重頌有二。初長行。次偈頌。偈有二十九。初二頌行體。次四頌生及

菩提。次九頌實際。次十四頌結數利用。九無縛無著解脫心。初問。次答。三結。四辨德。五偈頌。初答文有四。初辨行體。二摩訶薩以無縛著下迴衆生及菩提。三摩訶薩以如此無縛下迴實際。四摩訶薩如是迴向時下結數勝用。初體文有二。初總辨不輕衆善。二菩薩常樂攝受下由不輕願故。於行攝成自在。此有二意。一爲善根無縛著故迴三處。二以善根順三處故無著也。二迴衆生及菩提中有二。初辨普賢三業。二從此生盡未來際生下廣約別事顯成自在。初文有四。初總。次身。三口。四意可知。二廣顯內有三十二。一得因果位。二得方便。三得身業。四得口業。五得意業。六成根。七得神力。八於佛剎自在。九得家。十得因陀羅智。十一得時自在。十二身容受。十三入果位自在。十四入世界自在。十五知想。十六知心。此等中各有二文。初知。二歎知德。十七知處。十八知業。十九知法。二十知聲。二十一說自在。二十二知根自在。二十三智方便知微細。此文等有二。如前可知。二十四行方便知微細。二十五知入解位菩薩微細。二十六知初地微細。二十七知生性微細。二十八知世界微細。二十九知法界智微細。三十知劫智微細。三十一知法智微細。三十二知出生難法微細也。上知微細中。何故知智而不知法者。爲智能顯成法也。三實際文有二。初入觀。二約出觀可知耳。四結數勝用文。滿足等者滿因果行也。約

位如此。若約行即通一切耳。偈文有二。初長行生起。二正頌偈有一百二。初六頌行體。次七十頌衆生及菩提。次如是一切諸法王下十八頌實際。次八頌結數文。十法界無量者。此文有六。初問。次答。三結。四歎勝用。五證成。六偈頌。亦可此二段從會初科。第二答文有四。初所成行體。二復次菩薩以法施下迴衆生及菩提。三復次菩薩安住法界下迴向實際。四菩薩如是迴向時下結數勝利。問此第十迴向與前八九何別。答第八趣理。第九約修成。第十二俱通含及所作事也。初體有三。初總除障顯德。此文有二。初受記辨位。次明益用也。次菩薩行法施下修行所趣。三菩薩於彼善根下辨行廣大。所成自在福智莊嚴也。此有二意。一以行體迴依法界至於三處。二所有行體即是法界故可迴至三處也。此廣大文有四。初總明行智莊嚴。二諸佛菩薩所讚下別辨莊嚴行。三何以故下辨成自行所以。四復何以故下釋自成能得利物所由也。第二迴向衆生等。文中有二。初明恭敬無間。三業恒行故也。二菩薩以此法施下三業起用不空。初文有三。初意業隨智慧行。二令一切衆生皆悉具足下口業不空。三令一切衆生得淨法身下身業不空。初意業中有十門。知法等可知。一令自他得佛無盡法門。此文有五。初立宗。二以此下總辨其德用。三悉得下得佛法。四於一一下述自能於中有二。初總開十門。於此文中其十海者。一名生法立義

相二引證相。三方言語則。四施名於義。五文教成就。六說則。七所依門。八能入智。九境智資成相。十義住立不動也。五菩薩善根如是下明所成也。次廣辨文可知耳。第二復次菩薩下明自迴向所成德。三菩薩復作是念下令同已等得。四復次菩薩以此等下緣成性德。五復次菩薩以此善根下行成得佛隨喜。六菩薩以此善根如是下辨迴向所依。此文有二。謂佛及法界可知。七復次菩薩下辨所趣意。八菩薩摩訶薩下得用自在也。九菩薩以此善根如是迴向以下行成。位有二。初明所離。二明辨所得可知。十菩薩如是平等心下位依成勝進行用。此文有四。初辨迴向行體。二令一切衆生下明迴意。此有二文。一自分。二勝進可知。三菩薩善根如是下明所離。此文有三。初立。次責。三答可知。四菩薩如是迴向時下明起行。益也。第二口業可知。第三就身業文分三。初辨身體。二明身德。三辨身用。此有三。初總。次別。三結。二三業起用不空。文有二。初復次菩薩修善下具辨。三業。第二如是菩薩下不空行成。初具明。三業。文有二。初辨實莊嚴。二廣說香華等下類辨。十門莊嚴。初文有四。初辨所供境。謂佛等。二彼一一剎下供養具。三菩薩復作是念下以略示廣。四是爲菩薩等下結。初供境中。初總次別。別中依正分二。二供養具有。四初明百句別實供養。二實身莊嚴下八句明三業行。三寶眼六根妙用。四寶身業下後以三句成三業智用。二三業

不空行成中有二。初令生成自分行。二菩薩復作是念下令成勝分行。此上各有二段應知。三復次菩薩安住法界下迴實際可知也。四利用文有二。初據前諸行也。二安住法界等無量淨身下依行成勝三業。大段第三是爲下結文可知。四歎德文有二。初明已成就普賢廣大衆德。二於念念中下明別歎已分成自他勝用一切行事也。上來依經。是一乘法通而非局。次明三乘寄位法者如經。初向心內。一二諦正直所謂學習第一義諦。觀一切法相如不可得故。以慈悲喜捨教授六天人。剃頭披三寶衣。出家菩薩共一切僧。佛法無二。第一清淨故。第二向內第一義智。五神通是慧性差別用。即以六通爲觀境也。第三向中。於無生慧內。四不壞淨。於佛法僧戒中。信不可壞故。於第四向中。量同佛力所謂。三相諸法本無故假名生。已有還無假名滅。不空有法假名住。是故一切通達空而不二名世諦相。空空一諦相故。第五向中善計量衆生力所謂五陰。色者異空。色集成大色分。故色相空。剎那剎那成心。故心相空。受想行無集無散。一相無相故。第六向中佛教化力所謂十二。外六境內六根爲識所入處。故名爲入。其慧觀者。不在外。不在內。不在中間。一切法無自他故。第七向中趣無礙智爲十八不共法。六境六根六識。一合相一切法亦爾。第八向中隨順自然智所謂因果善惡名。因苦樂名果。所由爲因所起

爲果。因果二空無生無滅。皆一合相也。第九向中受佛法僧故。謂二諦空因緣集故。謂之有。非曰有是有。因緣散故謂之無。非曰無是無。故有無無二相也。第十向中以自在慧化一切衆生。所謂中道第一義諦。般若處中而達一切法而無二相。轉增入聖地名相似第一義諦觀。非真諦觀。初地已上是真觀。此是三乘寄位說。所以知者爲經中明。已前三十心並凡夫法非聖位故也。初地已上經本無通三乘。立其教義。文相多同故。不須料簡也。爾時佛神力故動地等下第五明證實顯成。此文有二。初動地雨華等證成。次云十方菩薩悉雲集者第二明諸聖證成勸信流通也。於二文各有二。謂辨相及結通餘方也。偈初意後頌。頌文有九十四。初十四頌行體。云無相妙智觀法真相者未用依體也。世行窮故最妙。次菩薩法施下六十八頌衆生及菩提。次譬如如下二頌實際。次如是殊妙下十頌結歎。就菩提衆生內。初八頌三業隨智行。次十方一切下二十頌身業不空。次恭敬下二十一頌口業。次衆生數等下十八頌意業等也。此會答上迴向問耳。

之下

大方廣佛華嚴經搜玄分齊通智方軌卷第二

大方廣佛華嚴經搜玄分齊通智方軌卷第三之上

終南山至相寺沙門智儼述

第六他化天會十地品二十二

此會初四門分別同前。一辨名者。他化自在天會從處得名也。十地品者數義以彰名也。二來意者有二。初會來意。前是阿含次入證故來也。二品來意者。前方便迴行向於菩提。今行相增明轉入十地。義次第故也。第三宗者有二。一會。二品會者有四。一明所治。謂正使煩惱業報及性三障上心種子。二能治。謂正無分別智及普賢性起智。三所成德。謂有二。所謂人法。人有二種。謂正化及助化。各有體相用。並通性起等。法者謂理教行果。並通性起及修生等也。准以思攝可知。四明所成位。謂十地位及普賢性起無漏法門等也。若論品宗四義。准上唯取修生為異耳。又此品以不說為說。義即證普賢德位。以說為三乘宗。第四釋文者。問此會共上三三四五會何異者。答且有四異。一漏無漏別。二本末別。三共不共別。十地入天聲聞等共探故。地論云。亦能生成人天道行餘則不然。可准之。四位別如是一切。問何故此會獨不顯別處及彼體用二融放光往來集眾嚴具者何也。答欲顯此會是證了法無二體用遠近並無別異故。不須表顯別處等也。又此會等是證法不可以

事別標玄趣。但得總相顯耳。准上思之。此會有十一品。大分有二。初有九品。辨緣成德用。次有二品。明性起體用。以為諸會所學法也。初九品內大分有二。初有六品。辨因行滿足。次不思議品。下有二品。經辨。因成所得果。問何故果不別處說。答此經上下顯法盡理。推高佛地。不可說為正也。此中說者為彰同證。略為舉果顯因。故說也。就初六品內有二。初一辨行位體。次五品辨德用。就體門有三。或復為六。或分為九。或判為十。或復離為四十八。又此中所辨通解論中難文。所以然者為此釋共論合成一疏故也。三者所謂序正流通。就此三中所辨之法要唯證教。證教既殊三分亦異。就教三者。初至起分是其由序。以此起發正說故也。本文已去是其正宗。於中雖復有廣有略。同說地法判為正宗。地利益下勸信傳持。津及末代判為流通。亦可分四。後分重顯偈。就證三者。初一序分判為由序。入三昧是證正宗。因入三昧正顯實證故。地論言此三昧是法體也。流通之義釋有二種。一以已德流被信地說為流通。若從是義加分已去皆是流通。以說自得令信菩薩證入地故。二流末代名曰流通。若從是義地利益分名曰流通。言為六者隨所行以分。初至起分起化之由。為生物信。第二本分略說地法。歎其殊勝起眾樂欲。第三請分彰地出言令生正解。第四說分廣明修相。令物起行。第五影像分寄喻

顯德。第六地利益明。德既成契證地法故。地論言以得法力大地動等。言為九者。始從序分乃至請分。則以為六。說分已去判為第七。地影像分說為第八。地利益分是其第九。亦可分十。增其重顯。就此十中所辨有三。一就化相通為起說。二就化意通為顯證。三隨宗要證教雙辨。言起說者如來將說。先託時處。現相集眾。發起所說。以之為序。由序既興。將為眾說。時金剛藏默入三昧。顯已自證能為眾說。又為受加故。次第二明三昧分。由入三昧。十方諸佛讚歎與力故。次第三明其加分。既得聖力。欲為眾說。但定無言宜從寂起。故次第四明其起分。從定起已。略宣地相。起後廣說故。次第五明其本分。然彼本中略說地名不廣分別。大眾渴仰聞名欲義。相與稽請故。次第六明其請分。眾既請已。正為廣陳。故次第七明其說分。乃至十地通亦是說法。難解。宜以喻顯。故次第八明地影像分。為說既竟。宜顯勝益勸信傳通。故次第九明地利益分。顯其法已。宜以偈述。故次第十偈讚結前。言顯證者為化之意。宗為顯證。於中初分顯證由序。後九正顯。九中前三就相顯證。次有四分。就說顯證。次有一分。就所攝化顯證利益。次有一分。重述證德。前三之中。初三昧分寄入顯證。第二加分因加以顯得證之相。故地論言。以何故加。由得大乘光明法故。第三起分寄出顯寂。說必宜起。即顯所入寂滅離言故。

地論云。定無言說。是故宜起。次四之中。初本分者。略說顯證。第二請分拂。相顯寂。說及影像寄。相表德。說分之中。寄修表德。地影像分。借喻顯德。地利益分。就所攝化顯地利益。故下文言。以得法力。動地雨華。揭顯同前。此等差別。同為顯證。言隨宗要。證教雙辨者。此品之要。無出證教。九中初一是其由序。後八正顯證教之相。八中初一入三昧分顯。示正證。後七次第明起言教。言次第義如。初門所言十者。隨地不同。分為十也。已上三會並同此。准可用思攝也。言四十八者。初地八分。二地兩分。乃至十地八分。差別。一品合有四十八分也。此經文與地論經本多有增減。就不同文中。以四法簡之。後至文當知。一諸文內漏少者。當增。左相安。堅畫。脚中點。少句數記之。諸文背而意順者。句中第一字間點之。諸十句中。與論前後者。當句左相齊等。點數記之。諸句多增者。左相上下相拘之。此並約論取定耳。若論不辨者。諸亦不論。又論中增者。依此知之。又此四十八段文者。但一地即成四十八。餘地類然。如是准之。所以知者。其論主自分諸地前後隱沒廢興不同。以義推之。理合俱有也。就初序分四。一明說時。二辨化主。三明說法所。栖託處。四辨同聞。就在處有二。一明通處。二摩尼寶殿下明其別處。四明同聞中有六。一簡定其人。二此諸菩薩下。嘆其人德。三其名曰下列德者之名。四無量下。辨名者之數。五明來處。六標列

上首。經脫第五句。前中有四。一簡大異小。二於阿耨下。簡終異始。三簡住異退。四從他方下。簡新異舊。前中先定所列之人。次明諸經辨人之意。人者。況釋有二。一聖化所被。當機之衆。如論所說。信地人等。二聖化所對。影響之人。如。此所列諸菩薩等。辨人意者。諸經列人。凡有四意。一彰化所益。如涅槃經。辨列無常諸學人輩。二為對人顯說。決定故。經說。言雖於空地。多有所說。不得名為真師子吼。今於如是。大智人中有。所宣說。方得名為真師子吼。三為寄人彰別其法。如說。十信。廣對諸首等。四舉同聞證。成可信。今此列衆。義兼後三也。簡住異退者。汎論退有三。一者得退。謂先所得後還退失。二未得退。謂於勝進。退住不入。三習行退。先習多行。同成在已。後一現時餘則不現。所不現處。名之為退。今以此三。准約地位。非無斯義。解行已前。分未堅固。隨其所得。容可退失。具有三退。初地已上。盡於六地。次第修道。不能頓起。故有習行及未得退。七地已上。位分未窮。有未得退。退相如是。隨所離處。即是不退。然彼三退。廣分爲五。就初得退。隨義分三。一是滅退。謂外凡夫。所有善根。為彼邪見所斷滅故。二是失退。善趣之人。信未成者。容可退失起。二乘心。如舍利弗等。雖不退滅。作一闡提。而善提心不復能顯。三是廢退。種性已上。或時暫起。煩惱業跡。廢其所習。不令現前。名為廢退。以此三種通餘二退。合說爲五。此

之五種外。凡具有善趣信位。唯無滅退。得有餘四。以不斷善作。闡提故。種性已上。無滅無失。得有餘三。初地已上。無前三種。得有餘二。七地已上。唯有未得。餘四悉無。第十地中。剎就因位。五退悉無。若望佛果。由有未得。退相如是。是不退可知也。又若依此經。信行及解位。已去。但有未得退。餘者並無也。此約一相也。若約普賢自體。並無諸退。准上思攝。地法深密。非能智知。所以然者。為地教法。託彼諸乘。及世間善事。以顯阿含法義。分齊。雖託顯一乘理。仍三乘小乘當宗。自住不失。自宗。如。藥成。藥。隨自住。性而義義得成。下之文。義應准此知之。菩提有三種。一入性地。名得菩提。二初地。三佛地。故涅槃中說。須陀洹。八萬劫到。乃至辟支佛。十千劫到。謂到性地。問阿耨菩提。在果何故通因。答此亦不定故。大品經說。五菩提。所謂發心。伏心。與明。出到。無上菩提也。一乘有十菩提。如下離世間說。生者五種。一法性生。六入殊勝。無始法爾。二實報生。謂從先來修善所得。三者生滅變易法身。所謂緣照無漏所得。四分段身。謂彼凡時三界業所得。五應化身。隨物現受。此等並約三乘解非。一乘也。何故此會。首多約三乘明者。為地品通三乘信向故。就數德文。有二。一別。二總。菩薩功德。不可頓彰故。先別歎。非別能盡。故須總結。別中復二。一者略歎。二善能化下。隨德廣歎。菩薩廣德。不可頓彰故。先略歎。非略能具。故須廣歎。略中

有二。一、款自分。二、諸佛如來下款。其勝進二廣歎文有二十句。前十二句廣上自分。二有八句。廣前勝進。廣自分中攝以爲二。初六明其行修具足。次有六句明德用圓備。行修具中。初三利他。後三自利。前文初句是總。後二是別。依經二中脫一句。二自利文中。有三。初願。次修。後明成行。第二圓備文中。有六句。前三利他。後三自利。利他之中。初明身業。次明意業。後彰口業。第二自利中。三一行修殊勝。二諸德圓備。三諸所下妙用自在。第二廣前勝進文句。別有八。前四明其殊勝三業攝修所行。後四明其廣大三業備具諸德。前中初三明勝三業。後一明其攝修所行。後四亦爾。初三明其廣大三業。後一彰其備具諸德。初殊勝三業之中。初明身業。次口。後意。就後四句文。初有三句明廣三業。其身普現是廣身業。其音遍聞是廣口業。其心通達是廣意業。第四一句備具諸德。此處感果者。感是根。果是欲也。又下地人果決能成耳。餘如論辨。又明不共者。一外道不共。二二乘不共也。又二法喻金剛中。法前是能破。後是堅也。喻即前樹取心堅。孕子取子能破也。三昧分中承力入定有。一爲推化在於如來。故現承力。二雖自得對佛勝人。不得自在。必須仰承。三於此定雖分得證。窮滿在佛。今此欲爲佛之勝化。故須承力。科文可知。

就加分中有三。一入三昧故諸佛同加。二

欲宣一切下明。加所爲。三金剛藏汝當說下。示現加相。初文有三。一諸佛爲欲加讚同。皆現身。二同聲讚下諸佛同讚。應前入定。顯證能說。三如是十方下。佛彰已加。應前入定爲受佛力。又釋得加所以。又顯示多佛故者。多佛同證。此法也。餘文如論應知。二所爲文。一對地法明。加所爲。二所謂入智慧下對所化人明。加所爲。又見智得證者。前二觀解。後二行解。見始智終。得始證終也。又信樂得證者。亦同前。但爲未得向得。故安信樂名。對人明。所爲中有二十句。前之十入是自利行。後十始終是利他行。何故自利名之爲入。利他之行說爲始終。答但入始終義一無別。語入其必從始至終。論其始終必有所入。爲分兩行各隨一義。就入及始終二十句內。各初一總餘句別。第七中復有善根能爲出世間因者。地中加行善根等也。又始終內經脫第二句。又論言阿含者有九種。一行教相對。音聲言教名爲阿含。一切功德說以爲證。猶下說中字義兩藏是也。二位地相對。解行已前依教修行名爲阿含。初地已上說之爲證。猶下解脫第二請中歎衆是也。地前所起聞思修等名。阿含淨。初地已上一切行德通名證淨。三修成相對。一切地中聞思修慧報生識智。此等四心緣照之解名曰阿含。真智出言說以爲證。故下論言。聞思修等是則可說。以可說故名爲阿含。地智離文。名之爲證。四真僞相對。一切地真僞合修名曰阿含。捨僞契

實名之爲證。猶下所明義說二大。說大阿含方便修也。義大是證行成就也。五相實相對。世間修中得彼證相名阿含。契本實相名之爲證。猶下所說增上妙法光明法門。增上是證。光明是教也。六體德相對。就彼離相所成行中。無始法性本隱今顯。名之爲證。依本所成方便行德。依教修生名爲阿含。猶下文金所況。金體喻證。環釧喻具喻於阿含。七體用相對。前體及德相從爲證。依此所起。隨順世間教智之用名爲阿含。猶下文珠光明等所況。法是珠輪等淨喻於證體。光焰等喻於阿含。八自分勝進相對。自分所成體德及用皆名爲證。能受佛教稱曰阿含。猶下文歎金剛藏二力是也。妙智及辯名爲證力。於佛教法念堅淨慧名阿含力。九約證就實相對。真智之體說以爲證。即此證體約言分十。名爲阿含。猶下文虛空跡處所況。法是虛空平等喻地證智。故下論言。字身住處證智所攝空中之跡喻地阿含。故下論言。非無地智名。字身。名。字身是阿含法也。此之阿含及證通上及下。可准思攝。餘相知之。第三加相文內。謂口意身。口則勸說以增力。意則冥被以加威。身則摩頂而令覺。何故先口次意後身。乘前諸佛顯加所爲。因則勸說。故先明口身摩則起。理宜在後。意無此義。據中而說。口加中有二。初總次別。又身淨中經脫佛盡一句。第二意加文有二十句。初之十句正明意加。後十解釋偏加所以。何故就

意解釋偏加餘不如是。意是加本故就釋之。又前口加有其自他二力辯才。意加亦爾。前十正加明其他力。後十釋加顯其自力。故此釋之。就前文內。初無畏身亦總亦別。通攝十句爲無畏身。所以通是總別於中別分。初之一句顯色身勝。是故名別。餘之九句一向是別。又此中論法成者依相續解脫經中有四種成。一以有成。因緣名相言說諸法得成。二所作成。一切所作各有成辯三者法成。一切諸法性相成立。四者助成以智言說助成諸法。今言緣者是彼以有成也。以有緣緣諸法得成故名爲緣。法者即是彼中法。成作者是彼所作成也。成者即是彼中助成也。又三種同相智者釋不一種。依金剛仙論知。一切法皆無常苦及與無我也。依別翻論知。一切法自相同相不二相。謂世諦眞諦一實諦也。又知空無相願也。又六正見者是能知智。依金剛仙論。一眞實義正見。能知理法。二行正見。能知行法。此二教旨。三教正見。能知教法。四離二邊正見。知前理法。不同情取。五不思議正見。知前行法。成德出情。六根欲性正見。知前教法。說隨物心也。第二釋所爲中。初何以故責。次答文有二。初一總。後九別。又佛法欲壞時假餘法誦持者。隨壞時何尊教也。第三身加文有四句。一不離本。二以神力。三申右手四摩頂。經闕初二句就釋本分。文內有二。初告次述。第二文有三。初明願善。以爲地體。二列十名顯其地相。三舉佛

同讚顯地要勝。此三之中皆各有二。初地體內。初一句總。二無有過下別。餘如論辨。第二相中文別有二。初問。次答文有三。初立有二。次列有二。三結。第三段文別二者。初我不見者舉佛同歡顯地要勝。二何以故下彰地要勝。顯諸佛同歡所由。此文有二。初問次答。答文有四句。初句舉此證行釋佛同歡。第二句非但是彼出世所證。亦是世間方便所行。三所謂一句顯前第二光明法門。四諸佛子下顯前第一增上妙法。此約論中經本科也。餘文可知。又論云。決定者。依地持有三種。一種性決定爲定佛種。二解行決定定發心。三證決定定得法故。此即第三也。又善決定者。初辨善。決定隨來。次決定者辨決定義。善字隨來。就善釋決定義也。三勝善決定中依論合有四義。釋初一總。後三別。三中謂證助不住也。又解初理。次智。第三位及教法。四約相即無漏亦即助道。准思攝也。依大品經論有三乘十地名。一乾慧地。二性地。三八人地。四見地。五薄地。六離欲地。七已作地。八辟支佛地。九菩薩地。十佛地。此十地是一乘所用。是三乘所入也。此中本分依自義阿含說也。就請分文中。大判有二。一金剛藏說已默住。菩薩及佛咸皆共請。二觀察下示。說分齊。令衆正知。前中隨人分請爲三。一解脫月請。二大衆請。三佛加請。就此三中。初解脫月請內文別三對。皆初說者默達不說。後明啓請第一對中。初金剛藏說已默住。後

解脫月知衆心疑爲之問請。仁者堪說。大衆能聞。何故不說。第二對中。初金剛藏乘前請問顯已默意以爲酬答。以法難說證信難得故我不說。解脫乘此歎衆重請。我謂仁者更有何意。乃云證信難得不說。今此菩薩善淨衆集有證有信。仁者宜說。此第二對。上來兩對數人以請。第三對中。初金剛藏乘前請言舉損以違。雖此衆淨餘樂小者聞生疑惑長受衰惱。有斯兩損故我不說。解脫月乘此歎法重請。仁者但說。莫慮衆疑。諸佛護念令人易解。有說多益。勿懼衰惱。然解脫月請義有餘。彼金剛藏達請。理盡於斯絕言。但爲重法默待餘請。初對經中初金剛藏說已默住。是時一切已下明衆心疑解脫爲請。前中兩句。初金剛藏說地名已。騰前起後。二默不說正待後請。下衆對此生欲生疑。就下請中。初明大衆聞名欲義觀默生疑。時大菩薩下明解脫月知疑爲請。復就前中。初對說名聞已欲義。各作是念。下對不分別觀默生疑。何因者對彼說人以生疑念。言何緣者對其聽衆以生疑念。第二解脫知疑請中句別有三。一標請主解脫菩薩。二知衆疑爲之啓請。三舉請辭。請辭偈中文分有五。兩門分別。徵請分別。徵者徵默拂遣衆疑。請者請說遂衆心欲。偈中初二徵問默意。第三一偈請其宣說。後之兩偈略無徵請。理應齊有。二就所歎說聽分別。初偈歎彼說者堪說。爲遣大衆何因之疑。後之四偈歎衆

堪聞爲遣大衆何緣之疑。就聽者四偈中。初之兩偈歎同法衆。次有一偈歎異法衆。後之一偈總歎三衆。然此亦名同生異生。又論云。有非現前決定無現前等者。證教二決定非現欲決定也。又第一行慧字當論中覺也。第四行中環字即論不欲也。穢字即論中威儀濁也。實者即除論中異想也。餘准可知耳。就第二請內有二。初金剛藏乘前啓請願已默意。後解脫月乘言重請。前文有二。初長行生後說意。第二偈釋。偈有六偈。初之二偈明法難說。次有二偈彰法難聞。次有一偈喻難說聞。後之一偈舉難結歎。又喻中文字意者。空喻證地體。風畫喻字句言說。風畫住處喻所說差別十地。問此與下喻何別。答下取鳥跡處爲喻。況之以證。此中宜說動筆之畫飄忽之風。以爲喻故。況之以說。有此左右耳。又此畫及鳥足并下悉曇章喻。及下普賢品總爲一類。是言顯證十地下鳥跡處等以不言顯證十地爲已。許說十地名故。此亦可准解之。所以故十地總名。亦可是三乘熟教名故。前二偈中法有四重。一總舉法難。二第一等顯其難相。三菩薩行出難法體。四微難見下彰難所以。此依論經。可准取思攝也。第二解脫乘請文中。有二。初長行次偈頌。長行有三。一解脫月聞達重請。二是大菩薩衆直心清淨下廣歎衆淨。三是故下結請令說。二廣歎衆淨文中。初總次別。阿含淨內別經文中第二句在論第四句。經中第五句在論第二句。

亦可依文定。仍須思准。二重頌文內有二。初長行生起。第二偈頌。偈中初一頌上結請。次有一偈頌上請文。第三請內。初金剛藏舉損以達。後解脫月歎益重請。初文分二。初長行。次偈頌。初文有二。初頌前所歎舉得兼失。二其餘樂小下簡所不歎舉損以達。此文有三。一敗善之損。二是人下長受。衰惱失樂之損。三我慙下結歎所以。二重頌文。初明說意。二正頌。此文有二。初一行半結願前文。次一偈半結上彰失。第二解脫請中。初長行次偈頌。長行有三。一自宣己心彰欲重請。二願承佛力下正請令說。三是故下結請令說。就初段中可知。二正請文有二。初立宗請說。不思議法。二佛所護念下辨諸佛法應護念。此文有四。初護然有三可知。二何以故下辨要勝。三譬如下喻況。四如是佛子下法合。第二重頌文有五。初一半明頌請說文。二一偈頌前第一護次一頌。第二要勝。次半頌喻。次半頌第四合喻。第二大衆請文。上來解脫爲衆先請。請雖言衆堪未知。虛實大衆宜須自彰。已能成前請辭。又爲起說顯法尊重故。下共請請文有二。初同聲生起。二正偈。諸偈文有五。行半。初四行半歎人以請。後一歎法。就初段中。初二歎其說者。後二半歎衆堪聞。初有五句。歎金剛藏自成證力及阿含力。下之三句。歎金剛藏能令聽者入證及阿含。初文有二。一有四句。歎成證力。次有一句。歎成阿含。就歎聽者中。初一偈半大

衆自歎具智斷德及先有根。次有一偈歎堪思持。第三佛加請內。上來雖復菩薩衆請。率感由微顯法未極。故次佛請。又菩薩請顯法未勝。故須佛加請。此文有二。初明身加。後明口加。身加經中有五。一釋迦放光普照十方。二十方佛放光照此。三此大衆尋光見彼。四彼大衆尋光見此。五光臺說偈。光臺說偈應屬口加。何故在此。然所出聲口加所攝。今此正取能發聲業判屬身矣。若依經本無此見彼及彼見此。二俱無。又經脫第五降伏業也。又此光爲顯佛力分齊及加說者。不爲集衆等。餘文如論。就第二口加文有二。初長行生起。第二偈頌偈中有七偈半。於中有二。一教請分別。前六偈是其請說。後之一偈半是其教說。請彰法勝。令人重敬。教顯說真。使衆深信。二加請分別。就此偈前六偈內有三。初一偈半正加。二有一偈加所爲。三有三偈半彰得益。此文三。初一開益。次半修時益。次二轉生益。又此轉生文中。偈近難解。文意趣者。其經法勝力加其聞者。乃至若火劫盡時由得聞經。論言等者。餘二災並得聞也。問彼云何聞。答彼天先從佛聞。今爲說也。此在極爲言。非局此時也。龍中先有經。故引之耳。又三漸次者。即加行正體。後得三智也。此可准思攝之。亦可教證不住耳。第二爾時金剛藏菩薩下示說分齊令衆正知。就此經中。初集經者明金剛藏將說之相并顯說意。後正明其所說偈辭。就前文中初

示說相觀察表說。內心觀察名之爲觀。亦可目眇說之爲觀。顯已無偏故觀十方。下明說意可知。金剛藏有二意故說。一自顯有智堪說。拂遣大眾何因之疑。二彰已不畏大衆不堪聽聞。拂去大衆何緣之疑。問衆有何益。答有二義故益。一義大益彰實出。言唯深是樂所以獲益。二說教大得聞在今。是以歡悅深生正信。就偈文內有十三偈半。初七偈半明其義大。後有六偈明其說大。就義大文中。文分爲二。初三偈半顯其佛法。次四行偈舉彼佛法顯地出言。今爲明地。何須顯彼佛法微妙。以地在因辨深義隱。佛法在果彰深義顯。故明佛法顯地深微。因之與果高下天殊。云何相顯。然此雖復隨人高下。法體不別。其猶虛空約尺分。異異即是空。地法像此。就初文內初一偈半直彰法微。後之兩偈出微體相。謂二涅槃初文有二。初總辨微。二唯智者下釋。相也。初文有四。一者是微。二難知之道。三非思量論名。非分別。四名無垢濁。經無此句。下三句有。又無垢濁下有四義亦可難得屬上無垢向下。又二向並屬。可思准之。初觀解清淨。二智者下行證契。真。三自性下體性清淨。四不滅等下德用自在。此依論辨經亦同然也。又有世間智慧隨聞明了知。下學世智隨文顯。真智不隨聞也。又論結云。觀解甚微。結不濁。二依止結智者等。理與智爲依耳。三清淨甚微。結自性滅等。功德等結不滅不生等。又第一出世故

不同世間定也。第二實成故不同外道。第三本淨故不同始淨尊者。第四靜恒。靜恒。故不同聲聞等也。餘義可知。就下兩偈出微體相。文分有二。初有兩句是其同相。後一偈半是不同相。不同相有二。一何處脫。謂離諸趣。二有五句是云何脫。五句即分爲五。一觀解入。如所謂等同涅槃相也。二對治離障。三明體德圓備。四是其法身常故出矣。五有一句是其解脫自體無礙。又論云。非唯初中後前中後取故者。此約智義。非約智事。義言智起惑滅。又智生惑滅耶。同時耶。此名中耳。又惑滅次智成耶。此悉不可。並有恆生。恆不生。恆滅。恆不滅等過。故初中後如緣起性取也。又如觀智等者。次第結前不同相。方便壞涅槃。五義可知也。二舉前佛法顯地難言內。於中有四偈。初一偈半舉前二種涅槃。以類地法。次一偈半正明地體難說難聞。次有一偈喻難說聞。前中三句。牒前佛法寂滅出言。下有二句。顯地難說。又復難聞。又論云。地者境界觀者。或名分齊。或是所緣耳。第二說大文中。有六行偈。義分有五。初之一偈三句。彰說分齊。次之三句。彰已無過。勸衆除失。次一偈半。顯其說相略而非廣。次有一偈。勸衆敬聽。彰已善說。生衆敬愛。次有一偈。顯已得力。結說分齊。又論云。但說一分者。謂因分也。地有二分。一因二果。因謂世間方便修行。即加行智分齊也。果謂出生離相真證。即正證分齊。真證出言。因相可論。今唯說因故說。一

分。又亦可約位也。因漸成者。謂聞思等非頓漸成故云也。又約資成之義。此有二義。一資成其因。二資成其證。教說修中有二者。一真心究竟。德滿足故云也。二者觀修者真心離妄。內照法界。故名也。此二與後得正說相應。故名教說也。不相應義。屬義大耳。餘文可知。就說分文內。六門分別。一釋名。二明所除障。三辯所顯理。四明所成行。五所得果。六釋文諸地。同此。一釋名者。初名歡喜。成就無上自利利他行。初證聖處。多生歡喜。故名歡喜地。二所除障者。依地論名。凡夫我相障。依攝論名。凡夫性無明。又分二障。一法我分別。二惡道業。又治二種業及一種報。謂方便生死也。云何治。如虛空等。廣如論釋。三明所顯者。謂顯法界遍滿義。四明所成者。成檀度及十願等。五明所得果者。若局取果。唯通達障空。義得一切障滅。果及地位等。若通判。果則得唯識三無性理。及得奢摩他毘鉢舍那等。六釋文者。有二。初長行後偈頌。長行有二。一初結前生後。二若衆生下辨地體相。此文相二。初辨說分。二菩薩如是安住。下校量勝分。說分文有一百句。初四十句名爲住分。次三十句名釋名分。後三十句說爲安住。前四十句如論應知。又初十句中。經脫淨心集。就釋名三十句中。初十多喜。此中經脫慶喜文。依論中云。心喜者。心體非喜攝。喜從心也。體喜亦如是。根喜者。以體成後爲根。非喜根也。次十念當得。後十念現得。就念現中。有二

第一正明所念現得二何以故下廣釋遠離五種怖畏亦可就第十中分之就釋怖畏文內有二初責次答答內有三初明所離果二何以故下釋成離相三如是菩薩下總以結之又論云前說身長後異身長者前總明後別辨故云異身也非身外耳就安住分文有三一總明安住二所謂信心下有三十句別明安住三菩薩成就如是下總結安住就廣辨三十句中初十信次十修行次十迴向餘文如論第二願校量文有三一願校量勝二行校量勝三果校量勝言十願者一供養佛願二護正法願三攝法上首願四知衆生心五名化衆生六名知世界七是淨土八同心行九三業不空十成菩提依攝論有十願一供養願願供養勝緣福田師法主二受持願願受持勝妙正法三轉法輪願願於大集中轉未曾有法輪四修行願願如說修行一切菩薩正行五成就願願成就此器世界衆生三乘善根六承事願願往諸佛土常見諸佛恒得敬事聽受正法七淨土願願清淨自土安住正法及能修行衆生八不離願願於一切生處恒不離一切諸佛菩薩得同意行九利益願願於一切時恒作利益衆生事無有空過十正覺願願與一切衆生同得無上菩提恒作佛事又此十願與前十願義同不別也

就經文內有四初結前生後二正明願體又初願脫二句第九願中脫如意寶身也

三諸佛子乃至大願等明修願方便四以十不可下總以結之若依論本別明十無盡成前大願若依經本即是第四結願無盡就此文中有四初舉法及願立宗二何等爲十下列十盡法有三可知三若衆生盡下將法對願逆顯成盡四而衆生下願結無盡又第六願中論云辨龜細中並云隨何意識身色心龜細故土亦龜細也餘相如論又三種三轉者就十盡句別中衆生界世界空界及心緣界等四是世間轉法界涅槃界佛智入界此三名法轉佛出世界如來智界此二爲智轉就第二行校量勝文有三初牒前起後二正釋行體三諸佛子悉知已下總以結之二釋行文內有三一大願薰心成利安等益二如是則成下人成信者三樂以信分別下廣明信相此文十行即爲十段初信文有三一總立宗大別釋三舉要言之下總以結之第二釋慈悲文有二初舉三門爲所觀二對起慈前文有三如論應知又論云辨遠離第一義樂中三空離三障者謂分別相取捨等即三性障也餘行如論可解第三果校量勝文有四果如論應知初調柔果內初法次喻後合法中有四一見多佛起行之緣二心大歡喜下明能練行三多以二攝下乘前練行明別地德四是菩薩下明所練淨二發趣果內文分爲二初釋後結前文有四一法二喻三合四結法喻合中皆有四句一問地法二是菩薩善知下明知解法三諸佛子下

明能行行四得諸地智下明其能到喻合四句同此三攝報果文有二一在家果二出家果在家有二一上勝果二能以大施下謂依王報起勝行也願智果如論應知第二偈頌中四十五半初二頌上說分次菩薩如是下二十一半頌校量勝分次二總結歎初文之內初十一偈頌地方便及住地文次是菩薩下五行偈半頌彼釋名及五怖畏次常行下五行偈半頌安住文次二十一半偈文內初五偈半頌十願結及無盡文次六行偈頌信等十行文次智者於日夜下十行偈頌果校量於中初一頌調柔果次三頌發趣次五偈半頌攝報果次若以願力半行偈頌願智果第二地內六門同前言釋名者離能起誤心犯戒煩惱垢等清淨戒具足故名離垢地二明所離者依地論邪行於衆生身等障依攝論依身業等於諸衆生起邪行無明又治二障一微細犯過二種種相業行又治二業障及一報方便生死三所顯者顯最勝義四所成者成戒度五所得果者若通達法界最勝功德得於一切衆生最勝無等菩提果通果同初地六釋文者有三初偈生起二長行正釋三偈頌結前初偈有二初三偈文大衆獲益三業供養即爲三也次有二偈解脫月請生後地文第二正釋文內有二段經一發起淨二自體淨發起者趣地方便生後地中三聚淨戒名發起淨三聚淨戒地中正行故名自體淨就初文內有三初金剛菩薩結前生後

二何等爲十下正釋發起。三菩薩以是下結成利益。二自體文大分有二。一明行體。二辨地果。初行體文有三。先解律儀。次釋攝善後攝攝生。此十地內科文不定。初及第十同分爲八。此地爲二。三四九地爲四。五六同三。第七地爲五。八地爲七。各隨一法耳。此爲地法甚深。故方便影顯。非唯一地有斯一門也。就律儀中大判有二。第一明其性戒成就。離諸過。第二菩薩如是下畢竟護持。就初文內復分有二。初明自性成就。二遠離一切下頓離諸過。又論云。此二種朋者。憶二家語往。其二家詐爲親朋也。又經云。此聞不向彼說。此壞故等者。此辨持意。恐彼此相壞。故不說也。又第十邪見中七種邪見異相者。一異乘邪見。依別出世行。次二依似法起。仍記無記分。二也。次一依無中妄計。次二依隱伏法生。仍一用內一用外分二也。次一依世間法生也。經脫第一第三句等文。又決定深信是異乘。罪福因緣是覆藏見。如文應知。宜須思准也。餘文如是。論第二攝善法戒文。文別有五。義別有四。要攝爲二。言文五者。如下文中。五處舉經論別解釋。義別四者。一智。二願。三觀。四行。初思衆生。隨一切惡。皆由十不善道。是其智也。我當自住等。是其願也。此文有三。可知也。又深思惟下乃至如來。是其觀也。是故我應下。是其行也。要爲二者。初二對智爲方便後起。正願。後二一對觀爲方便後起。正行。餘文如論。第三攝衆生戒文大分有二。

一廣明攝生。二諸佛子是菩薩如是下總結攝生。餘義如論。又問殺生等得二種人中果何也。答此之習者。非是氣習。此名殘習。順人道業者。在人中別報受。正報隨斷等者。仍是人中不定報也。宜可准之。若以名言求之。二報亦有憂劣。有無不定。此可思之。逕歷三道。義亦不定。廣如大論說也。又二倒惡意專念行者。伺緣名惡。常樂二倒緣中現起故名。意也。違理名惡。是起煩惱。作意而生名專念行。二倒惡心非專念者。根本集起。是其心義。我淨二倒望前常樂。根本集起。故說爲心。我是常本。淨是樂原。此二性成。非作意生。名非專念也。又追後報中經脫障中第八句。共中第一句也。又界差別內。第二別句內經中第一句。是論中第三句也。第二地果文內三果同前。調柔中有三。一調柔相。二菩薩爾時下別地行相。三佛子是名下結說果相。前中有三。初法次喻後合。法中有三。一見諸佛起行之緣。二能練行。三所練淨行。能中有三。初明供養。次明迴向。後受十善法行。依經略無迴向。攝報同。初地。依攝論中二地已去。有八種清淨。此見多佛。即彼見佛淨。此中衣被乃至恭敬心。即彼信淨。此中淨戒。即彼波羅蜜。此中作王。即彼第六成熟衆生。此中念佛。即彼心淨。此中爲首等。即彼慈悲。此住千劫等。即彼生淨。此動地等。即彼威德。餘地准此。三重願文有二。初明說意。第二正願。願有二十六文分。有四。初二願發起。次十六偈願。自體淨。次

有七偈願。果利益。次一結歎。自體文中初有四偈願。離戒淨。次有四偈願。攝善法。次有八偈願。攝利生。利生文內初有三偈願。願行集等。次有五偈願。集果文。果利益中初二願調柔。次四誦攝報。次一願願智。第三地內六門曰。前一釋名者。隨聞思修等照法顯現。故名明地。二所離者。依地論。聞相於聞思修等諸法忘障。依攝論。心遲苦無明。聞思修忘失無明。復有二無明。一欲愛無明。二具足聞持陀羅尼無明。有二業障及一報方便生死。三明所顯者。顯勝流義。四明所成。即成忍行及四定也。五明所得果。通達法界。勝流文句功德得。無邊法音。及能滿一切衆生意欲果及三地位。通果如初地。六釋文者有三。一偈願發起。第二正明住地體。三偈重願。初偈文中有二。初有六偈。大衆三業敬讚前說。此中有三。初一喜。次一雨華。次四歎德。二四偈生起後請。此中初三偈是大衆請。次一解脫月請。就第二地體文差別有四。一起厭行分。二厭行分。三明厭分。四厭果分。初文有三。一結前生後勸修。起入二何等爲十下正辨起厭。三菩薩以是下結。行能入。就厭行中有三。一修行護煩惱。二修行護小乘。三修行方便。攝行。初文有二。初十辨。無常。次十無救者。就護小乘中有三十句。初有十句。明求佛智。護彼小心。後二十句。念益衆生。護彼狹心。前文有二。初總大別。二護狹心中。初十起悲。後十救度。度是悲益。亦可初十是其悲

心。後十是慈心。於前中初總次別。於後救度十心中。初牒前起。後總明度心。

第二別明度心。別中九句。初三度處。次二度行。次三辨前後一度果。三方便攝中此內有五。一起觀方便。牒上三心起後觀求。二即時欲具下標趣方便。標其佛慧彰其所趣。三作是思惟下觀求方便。觀察推求度眾生法。四即時知住下正知方便。五菩薩如是知已下轉修方便。修閉法行攝取正法。

第四正知方便者。前念眾生墮在煩惱業苦之中。以何方便而拔濟之。令得涅槃畢竟之樂。即知不離無障礙智者是如來智。智由何生。即知不離八地已上如實覺起。覺由何生。即知不離四地已上無生行慧。慧由何得。即知不離三地禪定。定由何生。不離聞法是故菩薩先求正法。既聞法已靜處思惟。思已修習入禪無色。依此禪定觀法無生起出世慧。依無生慧如實覺。依彼實覺得無礙智。既得智已便來救生。知相如是。第五攝生方便文中有二。初明求法生難。遣想能捨外財。此文有二。初生難想。二但於說法者下重人輕。實中有五句。此即為一句。為求法故是第二句。為法捨施。又為求法下為法走使為第三句。破除憍慢。無苦不受為第四句。於上不恭為憍慢。於下執我名為我慢。於等自大名為大慢。若得一句已下得勝財心。即為第五句。此中入校量總成有三句。此初成一句。得聞一偈下第二校量。是菩薩若有人來下是第三

校量。餘文可知。第二又如所聞下隨文能行。釋厭分中文分有三。一牒前聞法靜處思量。以起後說。二明厭體。三明入意。為順法行而不樂著。第二文內。初禪中即離欲惡不善法者是離障也。釋有四種。一總相釋除欲界惡不善故名離欲惡不善法也。二依龍樹遠離五欲名為離欲。斷除五蓋名離不善。故龍樹云趣向初禪遠離五法。斷五法矣。三依毘曇五欲離故名為離欲。斷十惡故名為離惡。除五蓋故名為離不蓋。四依成實斷貪欲心名為離欲。亦捨殺等名為離惡不善法也。有覺有觀者是對治也。龜思名覺。細思名觀。故龍樹言。譬如振鈴。龜聲喻覺。細聲喻觀。離生喜樂是其利益慶背欲惡。是故生喜離過倚息。故名為樂。入禪行者是其定體一心支也。何故獨此名為禪行。一心禪體故名禪行。就二禪中滅覺觀者是其滅障。滅障之中覺觀有三。一即定心。二出定時。三識身中龜動覺。此二並是動亂之心。二禪勝靜同皆滅之。言內淨者是對治支。若有覺觀濁亂不靜。此禪勝靜離彼外亂故云內淨。言一處者彰其治相。彼內淨心住於一境。更不餘緣。故云一處。故彼舍利阿昆曇言。欲界地中心行六處。以六識身取六塵故。初禪地中心行四境。以四識身行四境故。以初禪上無鼻舌識故。但云四耳。二禪已上心行一處。唯意識身緣法塵故。又復相續無間不斷亦名一處。下論釋中具此兩義。無覺觀者顯其能

治。能治覺觀。前滅覺觀直彰離過。如說滅諦以為無漏。今就能治彰無覺觀。如說道諦以為無漏。定生喜樂是其利益。前初禪中創背欲惡。慶離故喜。今此禪中法從內生。慶得故喜。樂同前釋。入二禪行是禪體一心支也。就三禪中言。離喜者是滅障也。二禪喜心分別想生動亂多過。此禪定心轉寂故滅。行捨念慧是其對治。言行捨者是其捨支。行心調停捨彼喜過。故名為捨。此是捨數簡異捨受。故彰行也。言憶念者是其念支。念前喜過。守心一境。故稱為念。念與憶俱通伴而說。故云憶念。憶能發悟助念力强。所以通舉。亦可即說念以為憶。如四念處體性是慧。而名為念。此亦同然。言安慧者是安慧支。分別喜過說慧。慧靜名安。身受樂者是利益也。釋悅名樂。言身受者。受有二種。謂身與心分別有二。一約根分別。五識中受依色根生。故名身受。意識中受從意根生。故名心受。二約所益分別。身心下品之受釋暢在心名為心。受上品之受釋遍身心。就所遍處從末為名。故曰身受。今從後義樂處心法。此處增上遍滿身心。故說身受。顯樂增上樂是心法。心中受之義不待言論。言諸賢聖能說捨者此樂深勝唯有賢聖能說為過。堪能捨離。非凡所能彰。此樂深。言念受樂入三禪者是其禪體一心支也。謂念自地受樂之過以入一心。就四禪中斷苦斷樂滅憂喜者是滅障也。革絕四受明禪不動。言斷苦者苦實

治。能治覺觀。前滅覺觀直彰離過。如說滅諦以為無漏。今就能治彰無覺觀。如說道諦以為無漏。定生喜樂是其利益。前初禪中創背欲惡。慶離故喜。今此禪中法從內生。慶得故喜。樂同前釋。入二禪行是禪體一心支也。就三禪中言。離喜者是滅障也。二禪喜心分別想生動亂多過。此禪定心轉寂故滅。行捨念慧是其對治。言行捨者是其捨支。行心調停捨彼喜過。故名為捨。此是捨數簡異捨受。故彰行也。言憶念者是其念支。念前喜過。守心一境。故稱為念。念與憶俱通伴而說。故云憶念。憶能發悟助念力强。所以通舉。亦可即說念以為憶。如四念處體性是慧。而名為念。此亦同然。言安慧者是安慧支。分別喜過說慧。慧靜名安。身受樂者是利益也。釋悅名樂。言身受者。受有二種。謂身與心分別有二。一約根分別。五識中受依色根生。故名身受。意識中受從意根生。故名心受。二約所益分別。身心下品之受釋暢在心名為心。受上品之受釋遍身心。就所遍處從末為名。故曰身受。今從後義樂處心法。此處增上遍滿身心。故說身受。顯樂增上樂是心法。心中受之義不待言論。言諸賢聖能說捨者此樂深勝唯有賢聖能說為過。堪能捨離。非凡所能彰。此樂深。言念受樂入三禪者是其禪體一心支也。謂念自地受樂之過以入一心。就四禪中斷苦斷樂滅憂喜者是滅障也。革絕四受明禪不動。言斷苦者苦實

在於二禪中滅。爲欲禪彰。此是不動免絕。四受故此說斷。亦可指彼三禪之樂。以爲苦故斷。三禪樂即名斷苦。何故如是。彼三禪樂望。愈心人說之爲樂。望後靜心即是。大苦。如似世間指手打木於彼寤者說之爲樂。睡眠之人用爲大苦。此亦如是。故說斷樂。斷樂者斷三禪樂。彼樂愈動。故此斷之。先滅憂者初禪滅也。先滅喜者三禪滅也。並在前滅。是故言先。既非此滅。何故論之。亦爲顯此不動禪故。若使憂喜前地斷。故彰先滅者苦亦先滅。何不說先。釋言彰。先理亦無傷。但此爲明苦雖先斷對苦之樂此中斷故。對樂之苦不得言先。若當說言先斷苦者。人謂彼樂亦是先斷。故不彰先。憂之與喜能對所對。並是先斷。故云。先滅不苦樂者是其利益。餘禪之中皆先明治。今此何故先說利益。乘前所明斷苦斷樂。對之即明不苦不樂。彰益義便。故先論之。行實在後。此乃捨受不同苦樂。是故名爲不苦不樂。何故不名不憂不喜。釋有三義。一以此禪正斷樂受而復無苦。翻對彼二。是故名爲不苦不樂。二前文中先斷苦樂故。此偏對之明不苦樂。三五受中憂喜名別。三受分別。憂喜二名攝入苦樂。苦樂寬故。捨受對之名不苦不樂。捨念淨者是其對治。捨是捨支。念是念支。前三禪中有樂故捨念不淨。今此無故捨念淨也。入四禪行是其禪體一心支也。四空定義廣如別章。此應論之。四空定文如論分別。順法行者。爲依禪

定順起無量神通等。故入諸禪定。非愛著也。餘文如論。釋厭果中分文有三。一明無量。二明神通。三總結自在。餘義如論應知。又四無量中經脫不二又清淨并無念中二句也。又身通中經脫第六注水句。他心中經脫第七妄行正行句。就釋地果。文分有三。三果同前。調柔果中大判有四。一調柔行。二忍辱行德。三明別地行。四結說相。前中初法次喻後合。法中有四。初見多佛起行之緣。二供養下明能練行。三於百千劫下明垢障薄。四不復積集下明所練淨。餘文如論第三重頌文有二。初生起。第二正頌。頌有三十五偈。初二頌十深心。次二十四頌。厭行。次二頌厭分及以果分。次六頌調柔。三果經文。次一總結就厭二十四。初四頌護惱。次六頌護小。次十四偈頌方便攝也。第四地中六門同前。言釋名者。不忘煩惱薪智火能燒故名。焰地。二所離者。依地論離解法慢障。依攝論微細煩惱行。共生身見等無明復有二種。一三摩跋提愛。二行法愛又滅。二業障及一種方便生死。三所顯者。顯攝義。四明所成者。成精進行及道品等。五所得果者。若通達法界無攝功德得如所應。一切衆生利益事果及四地位。通果同。初地。六釋文者。文內有三。初偈頌生後。二正辨地體。三以偈結前。初有八偈。一有兩偈。菩薩供養。次天女供養。次三天王慶遇。以興供養。次一大衆請。次一解脫請。所以此有王及女諸彰。此地正體智及外用俱成故

也。就體文中大判有四。一清淨對治修行增長因分。二清淨分。三對治修行增長分。四彼果分。初文有三。初牒前生後勸修趣入二明行體。三菩薩以此下結行利益。又論云。處順行者。地前方便思量正地而未證得。正在地中名曰已證。此二處行同依所說故名順行也。餘文如論。清淨分有三。初總次別後結。總中有三。一明佛家轉有勢力。二得內法。三謂十智教化成就。又論云。如來自身所有諸法。以是諸法顯示如來者。人法互顯。佛證得法。還以勝法顯示如來也。修行增長文有二。一護煩惱是自利行。二護小乘是利他行。此二各有初總次別。又護煩惱中就身念中。先觀內身。次觀外身。後二合觀。何者內身而復云外。若當就彼十二入中分內外者。若自若他六根爲內。六塵爲外。今四念中自身身內。他身爲外。何故初別而後總乎。釋有兩義。一破病不同。有人著內情多。著外情少。如人爲身棄行妻子及諸財物。著內多故須教觀內。有人著外情多。著內情少。如人爲欲財喪身爲欲沒命。著外多故須教觀外。有人內外俱著故須合觀。二隨觀始終行者本來於自身中取有淨相。故先觀內。內求不得。謂外有。之故須觀外。向者觀內不及其外。觀外之時復不及內。是故第三內外合觀。觀內身者標別所觀。循身觀者明其觀相。循猶順矣。其身相審悉觀察名循身觀。精勤一心明其觀儀。行者今欲破壞身相。非勤

不辨。故須精勤。故龍樹云。離別常人易。離別知識難。離別知識易。離別親戚難。離別親戚易。離別自身難。行者今欲離別。已身必須精勤。勤由專意。故云。一心除世貪愛。彰觀所離。何故此中偏離貪愛。如龍樹說。行者此中多生貪愛。故偏除之。云何多生。始棄五欲念。本所愛。是故生貪。未得道法。所以生愛。是故但言。除世貪愛。又復貪者。凡夫多起。著境難捨。受生之本。三毒之初故。煩惱中偏說。除貪。愛心一向貪欲者。起障定最重。障中先離。故五受中偏說。除愛。若說除貪結餘法隨之。若說除愛諸節皆隨。貪愛亦爾。下觀外身及觀內外類亦同然。就受念中。亦初觀內。次外。後合。十二入中。受唯在其外法入攝。故今四念中。自受為內。他受為外。又復意相應之受說。以為內。五識相應名之為外。亦得定受說之為內。散受為外。於此內初別後總。就心中。意根攝故。今四念中。自心名內。他心名外。又復意識名內。五識名外。又得定心說。以為內。散心為外。就法念中。亦初觀內。次外。後總。內謂心法。外謂非色非心不相應行及三無為。第二正勤義者。初二斷除惡法。後二攝善。前離惡中。先斷未生。後斷已生。斯乃說時。非是行體。亦可已生是其先成無明住地。細故後斷未生是其四住現起。龜故先斷未生惡者。舉其所斷。為不生者。勤之所為。欲生

進者。勤方便心。發心斷者。正明勤體。已生之中類。此可知。已生謝往。云何可除此。乃斷於已生種類。在未來者。令不相續。非謂斷於起已滅者。後生善中。先起未生後廣。已生善。非本有習之方起。是以要須先起未生後廣。已生未生善者。舉所修也。為生故者。勤之所為。欲生勤者。勤方便心。發心行者。正明勤體。已生同前。已起謝往。云何可策。此必策彼已生種類。在未來者。令其續起。非謂策彼起已滅者。第三如意義。就此文中。初總標舉。後別釋。言欲定者。直舉行體。欲能生定。因從果稱。故名欲定。亦可定心由欲而生。舉因名果。故云欲定。斷行成者。辨其功能。以此定行能斷眾結名斷行成。亦可名彼涅槃名斷。斷家行成名斷行成。修如意者。就前欲定。明其修也。依止厭下明。向第二斷行成也。於諸煩惱初方便道觀。過厭背。名之為厭。無礙正斷。說之為離。解脫證除說之為滅。趣向涅槃名為向捨。若隨位分。見道已前說名為厭。除見諦惑說以為離。斷修道結說以為滅。得涅槃果名之為捨。此乃諸行治結次第。不須別對念處行等。餘行類爾。何故念勤不明此者。得定成就方有此能。故前不說。精進可解。心定者。餘經論中為念定。繫意住緣。故稱為念。專心守境。故說為心。思惟定者。餘經論中名為慧定。慧心籌慮。故曰思惟。餘廣如論耳。二謹小中五行內經脫。第三句。彼果勝中。初明行果。次別地果。行果有六。始從離

惱盡。第六本心界滿。經中略無第二業染。餘義可知。又離惱中文雖背異。意亦得足耳。又論中業染者有二義。不作一敬。佛故佛所阿。即不作。二畏惡名失利他。生煩惱。失自利。故不作也。增上欲中第三離過別句。內脫第一句。發勤精進中經論似有不次。但依論文次第消息。意亦無失也。本心界中亦如是。地果文內三果同前。調柔果中文分有四。一調柔行。二摩尼珠下明。教智淨。以此地成就淨證。從體起用。故有教智不。同前地。三四攝下明。別地行。經本略無此句。四是名下總結。說相。前中初法次喻。後合。法中有三。一見諸佛為起行緣。二恭敬下。辨能練行。三是菩薩樂心下明。所練淨。餘義如論應知。第三重頌中。初辨說意。次正偈。頌有二十九。初二頌增長因。次三清淨分。次七頌對治修行增長分。次九增長果。次七頌調柔攝報等三果。次一總結歎也。大方廣佛華嚴經搜玄分齊通智方軌卷第三之上

大方廣佛華嚴經搜玄分齊通智方軌卷第三之下

終南山至相寺沙門智嚴述

第五地內六門同前。一釋名者。得出世間智方便善巧。能度難度。故名難勝地。二所離者。若依地論。離身淨我慢障。若依攝論。下

乘般涅槃無明又有二障。一生死涅槃一向背取思惟。二方便所攝修習道品。又治二業障及一報因緣生死。三明所顯相續不異義。四明所成福波羅蜜及學。四諦。五明所得果通達法界相續不異功德得與三世諸佛無差別法身果。及成五地位。通果同前。六釋文中大判有三。初偈頌生後。二釋地體。三偈結前。初十五偈。一有二偈。菩薩順修供養三業慶喜。次二天王讚佛菩薩無染功德。次十天女讚因及果大慈悲用二位圓備。次一解脫請顯入後證。就天女文。初七歎因。次二讚果。次一顯行成因證矣。地體有三。一勝慢對治。二不住道行勝。三彼果勝。前文有二。約慢二種。一自地慢。二他地慢。他地者前四地中得出世智。取彼勝相名之爲慢。下以十種淨心爲治。二自地慢於此十中。求勝相復以爲慢。下以隨順如道爲治。此二文中通名勝慢。慢治同故。初文有三。初牒前生後勸修趣入。二辨十心。三菩薩以是下結成利益。又同念不退轉心者。方便淨心與不退證心同緣。正理不異也。又文中七淨者。一戒。二定。三見。四度疑。五道非道。此五大小名同。後二名異。小乘後二者一行淨。二名行斷。以彼宗趣滅故。大乘名者一名行斷。二名思量菩提分法上上淨。以此宗依行斷起勝求故。行雖有七文有六句。第三句中有二種淨。謂見行淨及度疑淨。餘相可知。位者若依小乘戒及定見道前。次三見道。次一條道。次一無

學道。大乘三位論之。行斷及行在修道中。餘悉同前。所由如大疏也。二隨如道行有三。一舉前起後總顯。如行。二得大願下別明隨順如道行相。三生定不退下總以結之。就初總中法體有三。句別有四。法體三者。一是四地所修道品。二此地前十種淨心。三此地中順如道行文四可知。不住道中經文有二。初列四諦實法分別。是護煩惱自利行也。第二化衆生分別。是護小乘利他行也。前經有二。初列四諦實法分別。後就此四明十觀門。即化生分別。此文有二。初列十名。二次第解文。四諦門中義含法界。菩薩於中窮照無遺。隨智異論曠別難窮。今此且就一數之圖略爲十門。然此十門菩薩自知。知相難明。故寄化生以顯其異。斯乃約化顯自知耳。以此通名所知法中智清淨故。言開合者此之十門總唯一化生分別。若隨所化大小分二。前九化小。後一化大。隨化所起分以爲三。前五化生令其生解。次四化生令其起行。後一化生令其入證。約人不同離以爲七。初諦化於根未熟者。第二化於根已熟者。第三化於疑深法者。第四化於謬解法者。第五化於離正念者。第六第七第八第九化正見者。第十化於大乘可化隨法不同分以爲十。若廣分別數別無量。言對實法辨通別者。此之十門望前四諦一一皆通。初世諦者通觀四諦法利差別。第一義者通觀四諦體性空寂。言相諦者通觀四諦非有非無。言差別者

通觀四諦有無各異。說成諦者通觀四諦緣起集成相狀事也。言事諦者通觀迷四諦成苦等事也。言生諦者通迷四諦起作集也。盡無生者通解四諦得證滅也。言入道者通解四諦得成道也。菩薩如來地成諦者通窮四諦緣起實性清淨界成。大乘道之因果也。又此諦者前四諦直明法界體性無非四諦也。下事等四諦是有非四諦也。中間五諦是方便修相解觀次第。後之一諦明正稱周法界自體因圓通妙道無障礙德備也。若約教緣法相差別時。初四諦直明法體。次世諦第一義諦明於相。次相諦者明一實諦相。次差別者明法界法相。成諦者明如此法界相以凡夫迷倒故菩提爲煩惱。三界繁興熾然於世衆相集成也。次明事四諦顯正修對治方便行也。然此有非四諦。乃是菩薩正修方便法。而但以法通無局故。二乘亦得於中修進。下至人天善業亦於中行也。今但此菩薩正修對治方便道滿故。能顯發稱周法界自體圓極無障礙道。故欲明於菩薩地次第入。如來智諦故也。此觀意如論。信解智非無盡智知者釋前如來諦文。謂因智知非果無盡智知也。又可說文字阿含信智知非不可說義無盡智知也。此文約解簡耳。下離世間品中重更簡文者約行簡也。釋云。鏡像智者。三乘見道前依定成事。如鏡中像成事自在也。其位不定。或見前煖等四善心。或光得等四定。或地前四十心。或十行十迴向等。或世間修慧

乃至得定已去即是其位也。二護小乘勸方便文分有二。一觀有為虛妄誑詐惱於衆生起悲慈念。二得如是智慧下別明悲慈。此文有二。初明化他願。二如實觀一切有爲下明化他心。此文有二。先悲。後如是苦惱等下辨慈。悲文有二。初起悲方便。二知衆生下正明悲觀。於中有二。一觀如實苦知苦體性。二又作是念下觀深重苦。就人顯過明其可悲。就深重苦內經文有二。一觀衆生怪生受苦不知厭離。二無明癡故下明諸衆生可怪所以於中有二。初明深苦。二如是生死下明其重苦。二釋慈文中大判有二。一爲衆生修習善法。二如是思惟下隨其所修發願饒益。初文有二。一於衆生念惡無始。此經文脫第三句第五句第六也。二唯我一人爲集善法。二發願饒益中。初一總後九別。此中經文亦有。不次。依次消文義亦無失。釋果分文大判有四。一攝功德勝。二修行勝。三教化衆生勝。四起隨順世間智勝。前二自行。是上所知智清淨果。攝功德者自分所成。修行勝者勝進所成。後二利他。是前利生勸方便果。化生勝者化他之行。隨順世智者化他之智。餘文可知。四隨世智中。初總辨意。二知世所有下別釋化智。別中有十。一知書等。二知石性等。三治病方。四作論等。五日月等。六持戒等。七不惱生事。八安樂生事。九憐愍故出。十漸令信入無上佛法。經第三中闕二句。第四義中無一句。餘文如論。又論中難解。吉凶入

等隨時變相。遍身相者是報定相。隨時變相有八。日一月二星三。星謂五星。東方歲星。南方聲。或西方太白。北方辰星中有鎮星。以爲五星。四宿者二十八宿。謂角亢等五星於中止宿故名爲宿也。地動爲五。夢六。想七。吉凶爲八。狐鳴等並吉凶攝也。又七曜者日月五星是也。入者順也。過去世八相之業又順未來八相所表之果也。又遍身諸相者定報愛非愛果相也。又五行對五業者。持戒治破戒。四福治貪欲。神通治邪歸。四無量治安行殺生祭祠求福等。四空治妄修解脫外道邪修等。就地果文中三果同前。調柔分四。一調柔相。二又如日月下明教智淨。三別地行。四結說相。經闕第三句。初文法說次喻後合。初明見佛爲起行緣。次能練行。後所練淨。能練行中。初供養。次修迴向。後受法行經多不足。又四五地中出家果在調柔中。所以者四地已去得出世無漏行出家義顯故。餘義如論應知。三重頌文。初辨說意。次明偈辭有二十九。初十一偈頌勝慢文。次十三偈頌不住道勝。次有七偈頌不住果。次七頌調柔等三文。後一結之。初勝慢內。初二頌平等。次九頌順如道行。不住道內。初四頌智淨。次九頌勸方便利生文。第六地內六門同前。一釋名者。般若波羅蜜行有間大智現前。故名現前地。二所離者。依地論本微煩惱習障。若依攝論微細相行無明。此文寄在七地。復有二障。一證諸法生起相續。卽迷俗也。二相想數起。卽迷

眞也。又治三業障及一報因緣生死三所顯無染淨義。四辨所成。成般若波羅蜜及解得緣起。五所得果者。通達十二緣生眞如無染淨功德。得相續清淨及能清淨一切衆生染濁果。及六地位。通果同前。六釋文者。此文有三。初偈頌生後。二辨地體。三偈頌結前。初有十八偈。前有二偈。菩薩讚歎。次二諸天三業供養。次二天王及以眷屬讚歎地義。次有十一天女讚地體及諸別行。次一解脫請入後證。女文分三。初一伎樂供養。次九正歎果德及因。後一默然觀佛。就前九文中。初四歎果。次五歎因。因文有三。初一大悲行。次三六度行。次一結成德用。地體文中大判有三。一勝慢對治。二不住道行勝。三明彼果勝。初文有三。一牒前生後勸修趣入。二辨相。三結行成。初明勝慢對治者。明十平等法有二種意。一解境。二行境。言解境者卽此十門爲所軌法。不住道下明所依行觀門方便。言行境者卽十平等是觀解初不住道下明觀成相。又依論別定其文亦好也。就十平等釋相有二。初一總。次九別。九內有三。初七以無破有。次一以有破無。次一有無雙破。初文有三。初一空解脫門卽無相觀。次五無相解脫門卽無生觀。次一無願解脫門卽無性觀。行次第者此舉解成行外。疑云若諸法無云何住持久立決定。爲答此疑。故經云無性故。言無性者無實性也。又云若諸法無云何現見。實有。爲破此疑。故經云一切法無相平等。又疑云若法

無相者有處法生有處法滅。取心隨見不由。自意云何無相。爲破此疑故。經云。一切諸法無生平等。此下自體空。不如無相等。故異前也。言無生者。一切諸法並從念生。無有自立。云何云有。如論念展轉故。又云若法從念生。即因緣非一。念等諸緣。我盡不見。唯見所成。安立之法。念等不見。自可是無。所成之法。應說是有。爲破此疑故。經言無成故。言無成者。既法從他生。汝不見彼從緣而發。既許法從他生。汝不見此相。當知所見即是自謂不得實境。妄見所成。故論云。無成平等。此二迷苦諦。又云若諸法從他生。無自生性。我許非有。能成之。因既得成。他此有力。能應說是有。爲答此疑故。經云。一切離故。一切法平等。依經在第八句。言離者。但所執境情謂是實。論彼所見。即無所從。一非先有。二無實理。所以知若從緣生。即似非實。故知所見即相非有。故論云。染相故。此即計集諦。問若是集諦。即心聚攝。解既在境。云何應集。答論能取體。乃應緣似。煩惱業用計謂境中。境即是無。義歸取相。故說是集。又云諸法因緣尋。彼本末俱不可取。究其此意。染法依實迷真而生。染可說無。所迷真俗滅道二諦。順理應有。答汝謂真俗順理是實。此義不然。滅道真俗乃是梵行正智境界。云何乃云如謂是實。爲破此疑故。經云。本淨平等。若如謂是實。即難染心生。不可言本淨。故論云。淨相故。此迷滅道二諦。又云若法不如所見是

實有者。即不應起世間言說。現有名種種不同。即驗所目之義非無。答如言所執名非一者。是世間施設非先實有。所以知但見世間得義。不得名。得名不得義。故知諸名不定從義。汝謂義實起名等。此即戲論。非實有也。爲破此疑故。經云。無戲論故。名不實有。賴義而生。義不自彰。依名而顯。此即驗是戲論因緣。又觀義因不見名果。又觀名果不見義因。此似戲論。亦無故。論云。分別相故。所以唯說分別者。爲顯即相空也。此迷四諦名。上已無生觀說。又云我已知相是無了。生非有。即驗如實決定可趣。答汝謂自見爲妄。非有。別見離念爲可取者。還是分別故。經云。無取捨故。無取捨者。本爲情謂。是取所見。並皆不真。今還見離念爲所趣。即同前妄。故論云。出沒相故。所以唯言出沒。爲出沒即空。上來以無遣有。又云我等相生是無。又知離念非有。當知染淨真俗等法。並無其體。不可進趣。答汝見染淨不可進趣。謂無法者。此義不然。爲破此疑故。經云。如幻夢等。若法並無者。云何有處夢有處。不夢。驗此即知。一切諸法不定是無。故論云。我非有相。所以爲破我無唯言無我者。此爲離我不住無我故。緣成幻事。此不同上見。此即以有破無。又云所以前起八種見。爲不盡理。以無破有。復起一見。又不盡理。已有破無。我今體尋不可偏有無取。今具成二義。此可當理。答如外所見。由不越情。所以知如所見境

無義非有義。有義非無義。據其理也。即無是有。有無是一。爲破此疑故。經云。有無不二。言不二者。法不自住。應緣成起。復不。是緣故。成果法。尋其諸法。不越自他。自他不。住。即事辨空。若如見有無。此由不越自他兩際。故論云。成壞故。所以但言成壞者。謂成壞即空。故不別求。當知不二平等之法。非除滅有無說。爲不二。此即如實即驗。所謂有無名爲戲論。亦非有無二法之中。別立一法。以爲不二。不俱取同。上以因緣法有無同體。各非自性。說彼無法。以爲有故。有即非有。還即說彼有法。爲無。無則非無。有非有故。無外更無別有爲二。無非無故。有外更無無法爲二。故曰有無不二。又復說彼有無之法。爲不二故。亦無不二自性可取。此破有無雙計。第三結文有二。可知。義相如論耳。上約十二入明所軌法。下約十二緣生。辨所依觀門。問上明法唯約十二入。下諸觀門。何爲偏在緣生。答攝法取寬。故約十二入以通依正。今約觀門。攝外。從內故。局緣生。此文有二。一就初住以明。不住。即總立宗。二作是念。下約彼正住。以開觀門。即別釋也。前地劣。故正住地中。方名不住。此地勝。故初住地中。即名不住。初文有二。一觀法相等。牒前起後。言法相者。牒前文中十平等法。隨順牒前得入六地。此依論經可准之。二復以勝大悲下正顯。不住於中通。下六句分別。一釋其名。對前觀故說。此爲復。大悲首者。念衆生心。拔苦

爲悲。悲增曰大。大悲增者求心慾至稱曰。增上。亦可求於增上果。故名爲增上。爲求佛智利衆生。故名曰大悲。言滿足者。難有爲心厭。有爲故觀。察緣起。觀之窮盡。名爲滿足。此即經論二處不同。若依論文。爲有四句。即以第四生滅一句。依前三門以成行相。若依經本第三。即生滅。即用生滅。爲滿足觀。據經論二處。即有二意。釋生滅門。一依論者。所謂衆生苦提因緣。並是有爲。今以智知。故云觀生滅。二依經者。因緣之法。順生逆滅。本爲救生。故云大悲。又若依經成四句。亦得可知也。二明三心次第之義。乘前觀空法。便念衆生虛妄所纏。故先起悲。以悲念故。求佛智慧。欲以利益。故起第二。佛智必由離過所成。故起第三。三就自利利他分別。前一利他。後二自利。四護煩惱。護小分別。前一護小。後一護煩惱。五就因果。初後攝因。第二求果。六不住分別。初一利他。不住涅槃。後二自利。不住世間。二就正住。別辨觀門。初通經論科。簡觀門。第二釋義。初門有三。一就經科。二就論科。三將經論相對分文。就經科中。初別明十觀。二重結之。十觀是何。一因緣分次第。二三界虛妄下明。一心所攝。三無明有二種。下明自業助成。四無明令行不斷。下不相捨離。五無明愛取。下三道行。六無明行是過去。下明觀先後際。七無明行乃至六入下明。三苦集。八無明因緣行生下辨。因緣起。九無明因緣是生縛下辨。因緣生滅縛。十無明因緣是

隨順。有下是隨順。無所有盡觀。於中並各有順逆觀。即爲二也。經文如此。二次就論科。論家就此十番觀中。三門分別。一就厭離。有爲心中觀。十二因緣。此即是前滿足生滅門。二就深念衆生心中觀。十二緣。下說爲悲隨順觀。言隨順者。此即起悲隨順緣生。即是前悲爲首。三求佛心觀。十二緣。論文名爲一切相智分別觀。此即是前悲增上觀。問前初住先明悲首。次說增上。後彰悲滿。今此何故先滿次悲後說增上。前初住中生心次第故。先悲首後論悲滿。今此是其正行次第故。先悲滿後說增上。是義云何。前初住中乘上十法觀。法空寂。便念衆生妄有爲法之所纏。故先起悲。悲欲拔苦。須得佛智。次起增上。佛必由離有而成。故明滿足生滅等觀。今正行中離過爲始。先厭有爲。因自離過。便念衆生處之不出。次辨隨順。前二攝因。理必在前。一切相智是求果行。理須在後。此三門中各有十種觀。因緣集。即爲三十。一門中各有逆順。即成六十。上來分別。但依住地明六十番。對下果分有一百八十因緣觀門。所以知然。尋果分文以三空門分別緣集。據此門下各攝不同故。經云依空解脫得十空三昧。無生無願亦復如是。據此三空。便有三義。若以空三昧觀。十二緣。即十二緣皆空。所以知已論主將分別無相配空三昧。若以無相門觀。十二緣。十二即似。若以無願門觀。十二緣。緣生即實。論中又說無相觀門爲真

實性。由真實離相。故以配之。以無願配無生。爲依他無生無所願求。故用配之。此等因緣同異法門。准下十空三昧思之可解。第三以論對經。文分齊者更有別意。前依經本十番。即成厭離有爲因緣等觀。故據前後經本十番。成一百八十門。又問若依經論。無有六十門觀相。云何得成一百八十門。答由經初開三觀門。後論主仍許經本二十番。而更別辨三門四門九門等。今以前開三觀門驗。後經中觀體。即知定有六十門也。今以論對經攝十門。爲三番意。從一觀厭離有爲。此意下更分別。然論攝經分齊者。就厭離有爲觀中。攝彼經內十番觀門。以之爲三十。初中門。即以爲一名。成答相。次有半門。復以爲一名。第一義後八門。半合之爲一名。世諦差別。第二大悲隨順觀中。攝十爲四。初門爲一名。觀衆生愚癡顛倒。次一爲一名。餘處求解脫。次三爲一名。異道求解脫。後四爲一名。求異解脫。一切相智分別觀中。攝十爲九。初有半門。說之爲一名。染淨觀。次一門。半復以爲一名。染依止觀。次有五門。各別爲一。次有兩門。復合爲一名。無始觀。次一爲一名。種種觀。通前爲九。此三門中文之前却後當分釋。二釋義者。依大經本。法界緣起。乃有衆多。今以要門略攝爲二。一約凡夫染法。以辨緣起。二約菩提淨分。以明緣起。約淨門者。要攝爲四。一本有。二本有。修生。三名。修生。第四修生本有。言本有者。緣起本實體

離謂情法界顯然三世不動故。性起云衆生心中有微塵經卷有菩提大樹衆聖共證。人證前後不同。其樹不分別異。故知本有。又此緣生文十二因緣即第一義。言本有修生者。然諸淨品本無異性。今約諸緣發。生新善。據彼諸緣。乃是妄法所發。眞智乃合。普賢性體本無分別。修智亦無分別。故智順理不順諸緣。故知修生即從本有。同性而發。故性品云。菩提心爲性起故。問本有修生既是新發義。非是舊。云何乃說從其本性。答此品爲是新生之義。說是修生與本義親。故從性起。如今穀不別劫初順本穀親。對今緣疎。故不說新得。此思可解。三修生者。信等善根先未現前。今對淨教賴緣始發。故說新生。故論云。彼無無分別智故。四修生本有者。其如來藏性隱在諸纏。凡夫即迷處而不覺。若對迷時。不名爲有。故無相論云。若有應見。又依攝論云。有得不得見不見等故也。今得無分別智。始顯法身在纏成淨。先無有力同彼無法。今得成用。異本先無。故不可說名爲本有。說爲修淨。問若說始顯爲修起者。名曰修生。云何說顯。答只爲是顯。修生門中義成。本有。先在迷心。不說體用。今時始說有彼法身。故知與彼新生是親。先有義疎。如論云。離不離無常。既言無常。不可從本有。上來四義於此緣生理實通有。若對經分文。此十番緣生唯有二門。一修生。二修生本有。餘二在性起品。第二染法分別緣生者有二。

義。一緣起一心門。二依持一心門。緣起門者大分有三。初真妄緣集門。二攝本從末門。三攝末從本門。言緣集者。總相論十二因緣一本識作無異妄別。如論說。依一心法有二種門。以此二門不相離故。又此經云。唯心轉故。又如論說。眞妄和合名阿梨耶。唯眞不生。單妄不成。眞妄和合方有所爲。如夢中事。知與睡合方得集起。此是真妄緣集之門。二攝本從末者。唯妄心作故。論云。名種子識及果報識。對治道時。本識都盡。法身流轉五道。名爲衆生。隨其流處。成其別味。法種衆苦如此。非一。故知攝本從其末也。問當隨染時爲即染也。爲由是淨。答體是淨。本復是淨。不可名隨。故知染時不可爲淨。若爾者不應說言。依如來藏有生滅心。應但是單生滅。今言相依。如此說者。是有智人染淨雙證。故作是說。非局染門。三攝末從本者。十二因緣唯眞心作。如波水作。亦如夢事唯報心作。以眞性故。經云。五陰十二因緣無明等法。悉是佛性。又此經云。三界虛妄。唯一心作。論釋云。第一義諦故也。問攝末從本應是淨品。云何乃在染門分別。答此攝末從本理在淨品緣生。今爲對染顯染如幻故。在染門。問義若如此。一切淨法並對染顯妄。云何獨辨攝末從本在染緣生。答凡論淨品緣起。有其二種。一爲對染以顯妄法故。經云。不如實知諸諦第一義故也。二但顯淨品緣起。即是顯理之門。即如普賢性起品等是也。餘義准此可解。此攝末從

本即是不空如來之藏。此中亦有空義。爲自體空。後當分別。二依持一心門者。六七等識依梨耶成。故論云。十二緣生依梨耶識以梨耶識爲通因故。問與上緣起一心云何取別。答上緣起一心染淨即體不分別異。此依持門能所不同。故分二也。問如上諸義並一門別。云何得成一體境界。答上來所辨並約緣別顯。即是證境方便道緣欲樂既別。即今所依觀門非一。若尋證境如上十平等說。上來第二釋義門訖。次對文釋觀門別相。就經本十觀內。初明順觀。次辨逆觀。餘皆同。此其逆觀相後當釋。初因緣分次第者。三種分別。一明所治障。二辨觀體。三釋經文。餘皆同。此言治障者。治我見執。謂言十二分是我作也。即是身見邪見遍通。若分文別。但治人見。此惑通彼三空所治。治相云何。實無有人相。見實人相。即空門所治。緣起似我生。不如所取生。計爲似相。即無生所治。所以得知有彼似我。故論云。自他差別識從我見薰習生。故得知也。成似生及實法相。即無願門。通治前二執。亦可治彼無我空及成八自在見相。所以得知。故論云。自體空者有故。此成無性性也。即治惑門。二觀體者。即顯因緣理次第生義。以空及似實等三性爲順觀體。逆即成一緣起空無性性觀。即用緣起次第理爲此觀體。即依經辨也。若依論辨。但准以思攝。三釋文者。就因緣分者。即因分也。次第者。漸次也。觀者。照達義。就此以題章也。此文有四。相

從爲三。要則爲二。總攝爲一。門別四者。一舉彼解惑顯成無我門。二依論愚癡下。依經一切凡夫下。責情顯理門。三依論無智下。依經常隨邪念下。辨相顯實門。四不知諸諦第一義諦下。依實辨相門。相從三者。四門中初一名成。釋成無我中二名答。答顯無我。後一名相。謂依二諦立因緣相。更攝二者前之三門宗顯無我。即因緣性。後一總顯因緣之相。總爲一者。總爲第一因緣分次第。就第三辨相顯實中。只由癡愛起諸業行。乃至老死非由於我。於中初順。次逆。後結順。中初言無智有無。經云常隨邪念。是無明支。無智是癡。求是愛。求常名有求。斷曰無也。過去唯癡。實即過去備諸煩惱。癡愛力強。所以偏舉。恒隨下是行。行有六句。前三行過後三行體。依經行過三句亦是無明支。以闕論中無明支故。以是行下是其識支。初以是行起心種子。乘前起後。由行熏心令心生後。故說爲種。心者是梨耶。二有漏下對後生死顯前種義。有漏是愛。取想是見。依經取心心即通想。所謂業爲地下復生。後有是名色支。生名色等有七句。一業爲地。二識爲種。三無明覆。四愛水潤。五我心既灌。六種種見網。七名色牙生。問如熏習義。應業爲種。識爲依地。云何今識爲種子。答凡論業種分別有二。一熏習成種時。二引生感果時。若熏習成種時。業爲種子。以識爲地。爲識未發熏時未辨有種。今爲熏習始說種生。即與上心能熏義親。

與識義疎。故識爲地。種爲能依。即屬業也。二引生感果者。以識爲種。用業爲地。今言業者是臨生。時中陰求生業心爲正業種。猶在本識未發。今此上心求生中陰。是種子用相。此用相既非業體。但能引業感得識支。如地引種令得成果。說業爲地。種在識內。與彼本識同無記性。先造業識上心已謝。今種現與本識俱成。與識義親。與能熏疎。故判從識合爲種子。此有二義。一是即體。二是異體。此義如上料簡中說。問業力無明及諸見等。現今求生用識爲依。應從識爲種。云何別分爲所依地。答理同依識。但有別義。不如種子。以種現同識無記性。一體。二相俱一不分。求生無明雖與識同現變成其色心等別。不如本識體相二義。不可從識爲種子也。餘文可知。二依止一心觀者。即十二緣等能依也。心者即梨耶心。就此以題章。以梨耶緣起爲此觀體。三門同上。初所治者治彼外境自性執。謂一切境別治。但以惑自性差別積聚等三。通治可知。二能治所依觀體者。還以三空空似實無生性相爲此順觀。故論云阿梨耶識爲大空故。無生似實無願如論思之應。知逆成。一觀同初門。唯識者有二種。一梨耶識持生諸法。離識即無。二明意識唯識生死涅槃染淨等法現在意地。離識即無。梨耶唯識始是解境非行所依。意識唯識此終即是正解所依。心終意始。反前可知。觀相云何。如行心見法爲境。若無觀心覺境。染淨等法

縱任現前。今知意言所作。取謂之心不起。知識作時名用。依他遣分別境。問依他與識云何取別。答依他約相。所以知分別體空相能起識。其識隨緣不守自性。此應成空乃現似相。故知約相。二唯識約體。三界唯心。顛倒分別即空。故得知也。識望無性。即似非實。體相相成。故通說耳。問如境依心即是果法。似而非無。云何對識辨境即空。答但從心生非分別境。屬能緣心依他性攝。所以知當見境時。但見實故。故論主以二諦等文作一依止觀也。問後知唯識還是所知。與前謂境有何義別。仍判後境屬依他性。答前見境時。不知緣集說唯識作。作義非性見識作。時分雜謂染緣集作理達分別性。故知別也。遣實境滅時即得一分空無相性。無相現故。唯識想境並則不生名得無性性。此是行門唯識觀法。若約生解則三性後辨無性性。問唯識想滅爲知無相境遣唯識想。爲識想自滅。答更無別知無相觀心。但唯識想兼知無性。取想則自不現在前。又亦依前勢而得後心不生也。今此文內通二唯識。三界唯心作即本識唯識。如經下偈但從貪心有即意識唯識。此是順觀。此依經辨。三釋文者。經本有四。初句立宗。二十二緣分下引聖教證。三所以者何下責。四隨事生欲心下答。隨者衆多義。事者上心作業。生欲心者心是梨耶心。問既言欲心。即是意識。云何言本心。答欲心有二義。一識現起作用分別。二即此識因

緣發起作用義邊即屬其事。能見取邊即屬意識。因緣發起即屬梨耶。爲起時同處不可分別。如行誑心名爲無明。欲心取境即是不了。豈可欲心之後別辨。不了。故知即欲名爲不了。但成文故語有前後。事是行者上心分別事即是業行。行誑心名無明者其行現成分別實相。今梨耶識變成不了名爲意識。取其實事故名無明。餘文可知。此依論辨。問此與經本何別。答經通論局也。

三自因觀者。自者揀他異之名。唯揀邪因不揀正因。今此觀內攝四種因。因緣增上緣緣次第緣。以四緣理爲此觀體。自此已下至因緣觀。並用三性相爲順觀體。用三空門爲逆觀體。但義別分有此諸觀。於分別性內揀異妄計。三門同上。言所治者治異計因緣執。如修道貪瞋癡實非發業計。具因緣能發生業。即戒取見。如自性非因爲因及心煩惱。分同此治。二所依觀門者明此自因具四緣等能生諸法。此具因緣親疎二理名俗諦觀。妄計不生。成一分真也。此經文辨之。三釋文者。今言無明有二種作等者。一親因緣。二是疎緣。一緣中癡是親因也。二與行作因。即疎緣也。此中攝三緣。餘文類可知。又但取疎因。此約論辨。第四不相捨離觀者三門同上。不相捨離者無他別時相離生也。三性分同上。自因觀。初明所治者因果異時計。謂因滅果後生。此即因不生果失。更有餘失。思之可

解。是戒取見。二所依觀門者。以同時生果理爲此觀體。此親疎二因俱同時。此約經文辨。觀相云何。無明有二種。一子時。二果時。彼二種時非是前後。依子取時名曰子時。依果取時名曰果時。其義云何。子者令行不斷。果者此子時中所成行果。依此取時名曰果時。問果因同時即別體過。若前後生因不生果過。答我立因果異。彼二失。由是同時異。第二失。爲是因果異。第一失。此非逆觀。去情說也。但顯俗諦理非第一義。所以知同時。故論云有二種義。緣事示現。云何二義。一是因義。二是果義。緣事示現者。依緣二種義示現二種時。如是餘因緣分。自生因二種義緣事應知。又論引中論偈云。衆緣所生法。是即不即因。亦復不異因。非斷亦非常者。明因果兩義各非斷常。行是無明。果不即無明。由是果故不異。無明因。因義反前可知。非斷亦非常。行由是果非斷。是果無方非常。即此時中無明是因非斷。是果因故非常。此義論主創去外情作逆觀說。非順緣生俗諦門。所以得知。論主後自屬當經云。自生因緣觀義如前說。故知也。此約論辨。五三道觀者。三者數。道者通生義。以煩惱業報及通生義爲此觀體。三門同上。初所治者。對治因緣廢事計理執。謂計諸法通因緣理。即廢事執理失。故論云。若因緣生者一切法俱生。故得知也。問如論文此語屬後三際。云何從前以爲所治。答論主別有異意。科後八門

半觀。以爲俗諦明執是過。故從後說論主用三道爲攝過觀。即體是過。不可別有所治。今依經本。三道是德故有所治。將在前論。所以知論主別有異意。如前依止一心觀分爲兩門。豈是十番意也。亦有解者。作外人與論主成。失若作此釋。義難難解。所以得知。疑云。若因緣生者一切法俱生。論答云。過去業有二種。一未作業。二已作業。只可未作者非一切生。已作者應一切生。爲如是故。今成論主與外成失屬前治也。又一因生諸法如計。宿作及自性等。分同此治。是戒取耳。二所依觀門者。對三性分。同上。自因觀因緣之道通生諸有。依煩惱道生諸有故。同在有流也。依業生諸有六道不同。善惡有異。依報生諸法相續不斷。故得三有成。其事業諸相不同。此理事相應理故法齊生。由事隔故不互相生。若但因緣理不藉事生者。即三有不成立。此依經本辨。三釋文可知。依論辨之可知。第六三際觀者。三者數。際者顯無始分齊。即以三時因果理事爲此觀體。三門同上。一治者。治無因執。即常見也。謂執諸法不從因生。復言未來無生。老死即斷見也。二能治所依觀門者。無明行等是過去世。治現在世執身常見。愛取有等是未來世。對治外執斷見過也。此依經辨。三釋文者。於是有三世轉者。謂展轉生。諸後有也。此明過患耳。餘文可知。此依論辨。七三苦觀者。三者數。苦是義。三門同上。初所治者。謂樂淨執

是因緣身具有三苦。迷者不了謂有樂淨。即見取攝分有戒見。二明所依觀門者。三性同上。理實通論諸因緣。分通三苦。今約相分。無明行等以爲行苦。觸受二支名爲苦。苦愛取有等以爲壞苦。行苦漸增治身常住計有樂淨。苦治身自在有樂淨。執壞苦治身究竟計有樂淨。此名順俗觀。但以三苦及知苦智爲此觀體。此苦何得通三性。答如經說不生不滅是無常義等。又云是苦是諦是實。又廣如中邊論。准之思之可解。此依經文。辨釋文者。所以五支名爲行者。諸分漸增未對苦具。但行相增。所以觸受爲苦。苦者爲此二支對外苦具增。所以愛等名壞苦者。是未來世生因緣故。達現在身。顯其現在非久住世。愛取有體非是壞相。顯他壞增名爲壞苦。餘文可知。此依論辨。八因緣觀者三門同上。初所治者。謂計單因有力生果。如執自性因能生。二十五諦。此身等因緣生。迷者不了謂自性作。即戒取見。二所依觀門者三性同上。因緣生理。因有決定用。緣有發果能。方得法生。若但因力無緣發果能者。其因六義不現在前。何者爲六義。一念念滅。此滅是空。有力不待外緣。所以有力不待緣。爲因體未對緣事自遷動故。二俱有是空有力待緣。所以者爲得外緣唯顯體空俱成力用也。三隨逐至治際是有無力待緣。所以知爲隨他故不可無不能違緣。故無力也。四決定是有有力不待緣。所以知外緣未至性

不改自成故。五觀因緣。是空無力待緣。所以知者爲待外緣。唯顯親因非有無力能生果也。六如引顯自果。是有有力待緣。所以知得外緣時唯顯自因。得自果故。問此因緣六義分齊云何。答今言賴緣者。但取因事之外增上三緣。不取自因六義互相發。所以者。其六義者同是理法。對因事顯廢生因事六義。不能自互發成。但外三緣各有理事故。得對顯因果之義。若爾六義不應總別相成。答六義六相共成者。六相有二義。一順理。二順事。此二義中。順理義顯順事義微。其四緣事二義同上。但順事義增順理義微。所以知。因緣生果法起迷義顯。爲此論主別將六相照令入理。故知四緣順事增也。所以知總別順理義增者。爲辨六相令見心入理。問何以得知。但總別六義得順理增。不取於事。答論主簡事不具六相。唯約義辨。故知也。上二微義思之可解。今因緣內各有六義。故說別有勝用能感於果。問如論說非他作自因生。非自作緣生故。既言非他。云何但取勝力生果。答此舉不生形取勝力。若不形奪勝力不成。令此奪中偏取一邊勝力屬上論主自因觀。今此通取二力。不能生義分在其中。准上六義思之可解。有一別空。入後觀門至當分別。此即治前獨因感果執業藉緣造後感果時。不賴緣發。此執何失。答若廢於緣自因勝力並皆不成。此即俗語觀。即以緣生理事及智爲觀體。此依經辨。三

釋文者。因即通親疎四種緣也。故云因緣能生行。故知也。釋名可解。此依論辨。又依小乘六因四緣若依三乘即十因二十因等。若依一乘即隨法辨因。爲一一因緣理事各別與法界等。今六因義唯一乘能窮。此約別教說也。第九因緣生滅縛觀者。因緣成俗諦所依。生者所生果法。滅者即離因緣生力。縛者即順縛。從俗諦依經本闕無因緣二字三門同上。初所治者。此下二觀但治心惑通義可解。謂因緣共力能感果執。又言因緣法各有少力。共成一果。其緣起理通有諸義。若見因緣有力共生。即名迷理事分別執。即法我所見。二所依觀門者。此用三空門爲順觀體。逆成一生縛無分別觀。餘意下更分別。諸緣生法成俗諦相。不屬一緣。但諸已生法隨去。一緣果不得立。不簡親疎故。論云。無知者故。作時不住故。若因緣能生不可不住。問若因緣不生而有法者。先因未集亦應生果。又此縛果法因緣生果。二相何別。答因緣生內有二種義。一無自生義故空。二因緣有力故生得果法此緣縛內亦有二義。一是俗諦緣起。二離緣生力故空。因緣生法。若無生力。果即不成。此緣縛觀。若無空義。果即不成。云何是空相。答因內求疎不可得。又求生力不可得。前因緣生果生義。是增空義。是微爲因緣法順生迷增故。今緣縛法空義。是增生力義微爲緣起法順生無分別智故。故下經云。緣起之法離有無也。此雖無生力以空力成故。

離自性生經云。無住爲本故。問若緣生順迷增者。此義可爾。緣縛順空增。應當真諦攝。答空有二種。一爲空故得有俗成。二爲空成無分別今取成俗空。故不入真諦。問若觀生縛常見法時。爲有能縛因力以不。答無能縛者。若有能縛即是他義。縛義不成。此義思之可解。今以俗諦無分別理事爲此觀體。此生縛觀不分因果。此依經文辨。三釋文者。無明因緣諸行生以生縛說者。無明因緣諸俗所依。以生縛說者。正斥觀體生縛同前釋。所以言說者。爲欲依言得平等俗故。何者以此縛字通目生不生爲縛故。非親生爲縛故。非無俗諦不可。以二相取此二義故。以一說縛字印定其義。若廢其說恐別取二義故。觀依說以取義也。理在說中。餘文可解。又經通取空力多有力少。論即不說因也。此依論辨。十無所有盡觀依論名。隨順有盡觀三門同上。初所治者。此局心惑亦可通諸使。俗諦通攝故。爲執因緣。但有應俗相。自體空義。不現在前故是障也。何者但因緣生法。即自體空理不自住。順成俗諦。成俗諦果時。仍以不同因緣。以此義求有不偏增。若迷謂唯有俗者故是過失。即法我我所見。二所依觀門者。三義同上。生縛意趣有異。後自分別。諸緣生法。不起即已起即雙現。如彼渴鹿見陽焰水乾濕並彰。又如鏡像染淨雙現。此是正理。問其所現空。爲是真諦。爲是俗諦。又此觀法與前緣生及以生縛云何取

別。答因緣及縛唯成順有。今第十觀空有俱順。又此空有並是俗諦。況明真俗。此有多義。一體相相對。二空有相對。如此分真俗其義非一。若空有分真俗。有則爲俗。空即爲真。即證智所知。若體相相對。空有可以相論。故若約此義俗諦通空有。此空是自體空。非事空也。故論云。是真如相。能示摩訶衍體。故知雖是真如得名。俗相不是體也。此即空有同爲一相。以緣順性。理事爲此觀體故。上文云。十二緣生是無爲也。此依經辨。三釋文者。隨順即空。隨順於有盡者爲空。隨順即有盡滅也。此順論主後釋。不順經文若依經無所有盡觀者。無所有者所順。盡者能順。俗相即空順於滅理。以俗相求法。即盡其性。此是周盡之盡。亦有解者。以盡字爲逆觀。此不應經文。爲文中別有逆相。又若此盡即是逆者。諸觀並應置其盡字。文云。無明因緣諸行生是隨順無所有盡觀者。因緣無性即相辨空。空故隨順無所有理盡其性也。十觀亦有相生次第。爲知諸虛妄過故。故有第一。既識妄已未知妄法。依何得生。故有第二。識知所依未。知有何理。故有第三。已知生理未知依何時。故有第四。識知時已未知約何義。故明第五。知其義已有何本末。故有第六。知本末已未知有何過。故有第七。知其過已云何對事成。故有第八。知成已未知有何相。故有第九。知相已疑謂乖理。故有第十。依經十番訖。二依論分別者有三。一厭離有爲。

二大悲隨順。三一切相智。初厭離有爲者。解則爲順。行則爲逆。解中以三空相爲順。大分爲三。一成答相。二第一義諦。三世諸差別爲知。世無人成。世有爲過。故須第一。既知過已。未知趣何理。故有第二。雖知所入法。未知依何而得故。舉俗諦辨所依觀門。故論云。隨順觀世諦即入第一義。初釋文如前。問此相即俗諦。何須第三。更明俗諦。答此辨俗諦爲取過失。二第一義諦釋得脫所以。就彼因緣觀第一義得脫。因緣。此取依止觀中上半門也。世諦觀者。世即時也。謂者時中法實。此合經中後八門半爲六門觀。初半爲一取二爲一。次三各一。後三爲一。初是染染依止觀。染者能依也。依止者所依也。此六門中。初一門明染依止。次二建立染相。大一就染彰過。大二正觀防非。後一辨觀分齊。又云何染故明染相染何所依依第一義。何故說依妄法依真。爲欲就之求真故也。二言因觀者。觀染所因問論主合本二觀爲一因觀。經本初爲自因。論主云。他因。經本不相捨離。論主云。自因。此義云何。答經主言自簡異外道。論言他者。就四緣內簡取增上緣。成十二因緣義準。論主意消彼經文。即舉親別疎。取其疎緣不取親者。爲不順十二因緣故也。云何不順。十二支中但行有二支。報因義顯。餘者略而不具。又別取增上緣故。簡之所以名疎緣。作他因者。爲增上緣。對親因爲疎。望增上自果爲親。今對親因說。彼增上

故。說他因亦可。反之取其他也。經名不相捨離。如前觀釋。亦通親疎。論言自因者。增上緣中取親因緣。即互爲因。等由互爲。因通諸支。故三攝過觀者。攝十二緣以爲。三道觀察。唯是苦集過也。四護過者。護彼凡夫邪見過也。五不厭厭者。防離二乘慢心過也。微細之苦。二乘不厭。菩薩能厭。名不厭厭。六深觀者。觀行窮深。因緣之理。妙過情趣。故名爲深觀。相云何。論主分本三觀。以爲四法。趣其深理。一非他作自因生故。即成。自因。具有勝力。離無因計。二非自作緣生故。即顯疎緣。具有勝力。即離單因生果不藉緣失。此二種義離。自性執。由順俗諦見。心不息。問何故不言。各有少力。共成多力。答若少多則不成。三非二作但隨順生。此則去前見。因緣相隨順生者。有無不可取爲。隨有故。不可無。隨順有故。非自有復隨順有。非定從因生故。離有無不可取也。四非無因作隨順有故。即離意地。謂無分別其法如。上十平等攝。此即深觀之妙趣也。問此觀爲是逆觀。爲是順觀。答此通逆順。隨順觀世諦即順也。即入第一義諦故逆也。此觀通治諸惑。不別明所治。以一緣起。無生唯識爲此觀體。問如上諸義。並是順觀。逆觀云何。答真俗二諦。非分別知。但對見情。故分二相。欲知逆順者。唯越見情。即逆順相應。云何作方便。如諸觀門。互相形奪。即體其理。得滅諸見。餘義可知。二大悲隨順者。大悲隨順因緣。亦可。因緣隨順大悲。論主

合十爲四。一以第一爲愚癡顛倒。二以「一門爲餘處求解脫」。三以「四門爲異道求解脫」。四以「四門爲求異解脫」。第一辨過爲所離。第二所求理。三爲所依道。四爲所求果。此四門中。一對番。邪爲所治。正爲能治。初愚癡顛倒者。隨所著處。愚癡及顛倒。此事觀故。以著我故。一切處受生。遠離我故。即無有生。即以顛倒治法我相。知過心治執我心。餘處求解脫者。凡夫愚癡顛倒。常應於梨耶識中及陀那識中求解脫。乃於餘處。我我所中求解脫。此義云何。應於梨耶緣起法中求。及於「妄我境中求解脫」。即用識境以治我境。以唯識智治我智。云何異道求解脫。於顛倒因中求解脫。此義云何。應因緣理中求道所依。及於妄因自性等中求解脫。道則以自因理治。自性爲因生。二十五諦理法爲自性因。不平等故須治也。何者爲二十五諦。五知根即眼等五根。五作根即手脚及口大便小便根。并心平等根爲十一根。五大即地水火風空。五唯量即色聲香味觸。加前十一爲二十一。憂喜關亦名染。龜息即是貪瞋癡合名染。心諦爲二十二。慢諦亦名我。心爲二十三。覺亦名智爲二十四。自性爲二十五。人欲死時。不能作業。故先五作根壞變爲五知根。肉眼壞變爲火大。耳變爲空。鼻變爲地。舌變爲水。身根壞變爲風。五大壞變五唯量。地變爲香。水變爲味。火變爲色。空變爲聲。風變爲觸。唯量變爲憂喜關。憂喜變爲慢。慢

變爲智。智變成自性。今壞者非滅壞。但無現用。還歸於本。故名壞也。成反前可知。不相捨離。以治梵作爲梵天與衆生相離。故三道治苦行因。爲苦行非樂因。故三際治無因。前中後際因生故。用四智心治邪智。此有二義。一以緣起爲正道體。以修成智爲助道體。自因等爲正道體。二以無分別智爲正道。諸道品爲助道。即學法取能觀智爲道體也。求異解脫者。況釋解脫有三種。一顯緣起。第二生智。第三滅惑。今於我我所中求解脫。妄計常樂我淨。三義即俱不成。論以四義顯之。一用三苦治彼樂倒。顯緣起理。真實樂德。行苦等運動無故。二用因緣治彼我倒。即顯我德。有爲不自在故。三用生縛觀治彼淨倒。即顯淨德。縛非自在淨故。四用隨順有治彼常倒。即顯常德。爲隨順三有不常未出故。又用常樂等次第配之。餘義如論。三一切相智觀者。一切即所觀境。智者能觀心。一取有分觀內半門。爲染淨分別觀。染者我慢煩惱染。淨者無我慢淨。分別者差別而知。仍依止觀取十番內一門半觀爲依止觀。前次第半門真俗二法與迷心爲依。後一心觀與俗諦爲依。二依義齊故通。一依止一心依止。通生依止及境界依。前半門內唯境界依。三以一門爲方便觀。方便者。因緣二力方便發果。四以一門爲緣相觀。緣相者。因緣生果之狀相義也。亦可。增上緣狀相義也。問此一門與上方便何別。答前取因緣力。後取成

事狀相。又前位後欲明。有支無作。唯有緣相義也。五以一門爲入諸觀。入者觀心。諸者所知苦集諦也。六以一門爲力無力。信入觀者。如無明行生識等。果名爲有力。識等不感。後果名爲無力。以此因果分齊。令人信入故名。信入觀。七以一門爲增上慢等者。聲聞人未斷行苦。謂爲究竟故名。增上已斷龜惑名。非增上。舉此深苦。令人信入。八以二門爲無始觀。言無始者。無彼無始也。爲成。因生故非緣作。爲成緣生故非因作。此二處求無作者。始復求二作。非自成故無自性。始名無始觀。所以二觀爲無始者。答因緣相形不可說始。以生縛觀表法有終。若法無終。不可但說言無始觀。問縛云何終。答若縛是果。不可說有終爲縛。不定果一相故說終。九種種觀者。但俗隨順因緣。非一故云種種。此九觀門是種智境。治無智障。能觀法體。即爲能治。非理觀智境。亦有逆順。逆者煩惱滅。順者得法體。三彼果勝者。文分有五。一對治減障勝者。是前勝慢對治家果。前修十法。而爲對治。此地滿中。更以甚深三脫爲治。名對治勝。前治五地染淨慢障。今此更治微細我心及有無等。名減障勝。此中文亦有背向。消息無違也。二修行勝者。是前不住道行。家果。依前不住。更起勝修。名修行勝。三三昧勝者。望前治勝以說果也。前修三脫。而爲對治。彼治轉增名三昧勝。此中文用論比之可解耳。四不壞心者。望前減障以說果

也。以減障故。三昧之心不可破壞。五自在力者。望前修行以說果也。依前修行。上進無礙。名自在力。餘文如論。二修行勝中。初明修行之心。二菩薩作如是念。下明修行勝。此文有二。初明修行。二即得無障礙。下明修行勝。餘文可知。就三昧有二。初辨空門。二無相下等。餘二空。餘義如論。後二果中。各初一總。後句是別。就地果文內。三果如前。調柔分四。一調柔行相。二月光喻。下明教智淨。三別地行。四結說相。前中。初法次喻後合。就法說中。多見諸佛爲起行緣。次能練行。後所練淨。餘文如論。三重頌有二。初明頌意。次正偈頌。偈有三十九。初三一句頌。十平等。次十九三句頌。不住道行。三次六偈頌。不住果。次有九偈頌。調柔三果。次一歎顯說分齊。不住有二。初十七一句頌。十種觀。次二半頌結文。不住果文中。初三頌三脫。次一半頌修行。次半頌三昧。次半頌不壞心。次半頌自在力。

乙巳歲大藏都監開板

大方廣佛華嚴經搜玄分齊通智方軌卷第四之上

終南山至相寺沙門智儼述

第七地者。六門同上。一釋名者。善修無相行。功用究竟。能過世間。二乘出世間道。故名。遠行地。二所治者。依地論文。細相習障。若依攝論。龜相行無明。此文在六地。又有兩無明。一微細相行起無明。即迷俗也。二一向無相思惟方便。即迷真也。及二業障有一報障。因緣生死。三所顯者。種種法無別義。四所成者。成方便波羅蜜。五所得果者。達種種法無別功德。得一切相滅。恒住無相果。六釋文者。經文有三。初偈讚生後。二明地體。三偈頌結前。初有十四偈。初三大衆三業供養。次一解脫請。初文有二。初二正讚請。次一結供養。攝行入上位。初文分二。初三偈諸天總修三業供養。身口意三請也。次九偈是別。別中有三。初一當處天王供養。次有一半明。餘天王欲聞法益。次六偈半明。天女等承力歎佛三業勝用。二偈半身也。次一口。次三意也。二辨地體中。大判爲五。一樂無作行對治差別。治前地樂空。心。二彼障對治差別。治此地有相心。三雙行差別行成相也。四前上地勝差別校量也。五彼果差別純熟也。樂無作中經有三。初總生起。二正釋。三結利益。第二文有二十句。攝爲十對。一一對中。皆初明其境界無量。

後句明佛無量德業。亦可初句爲空中方便智。後句爲有中殊勝行也。又論文云。有四障如五地說者。取彼不惱生事安樂生事。憐愍故出漸令入法。對四化行說四障也。又書論等四障如論耳。餘文如論。就彼障對治修行勝文。經中有二。一明菩薩觀解方便。此方便中論有六問。初問所益生。二問所依世界。三問何慧者。其法界法中兩句難可別問。故就龍知智慧以問。四以何心者。問根心也。五以何行者。問起行心也。至下解中合舉辨之有通二義故耳。六問所乘也。二菩薩如是下正明修行也。有五句。初所標二辨意。三明分齊。四出體五成對治義也。雙行文中有四。一二行雙無間。二信勝。三能作大義。此文有四。初立。二責。三略答。四廣辨。四善提分差別。此中經文脫四家一句。餘文如論。彼前上勝文有二。一勝前六地。二何以故下明勝上勝上三地。前中先略辨相成。解脫月問。二金剛藏答。答中初先通對諸地彰此爲勝。二何以故下別對諸地顯此爲勝。此別答有二。初問次答。答中分二。一總次別。二釋勝上中有二。一明此地勝過於後。二解脫月下因前所論乘明諸地染淨之相。初中分二。初責次答。答內分三。初法次喻後合。餘文可知。知二乘明染淨中有二。初問次答。答中有二。一通辨。二約七地別明分齊。初通中有三。謂法喻合。三文可知。二別辨文有三。立責答也就彼果勝文中。初一業勝文有三。初總

次別三結。此經結文中脫一句。別文有四如論。二三昧勝中。初總次別三總結之。經脫總句。餘如論也。三過地勝中。分文有三。一行修善巧故過。二作業廣大故過。三行修勝入故過。初中分二。初牒前起後。二別解義。第二過中。初正辨過義。二解脫月下顯過分齊。此有二。初問次答。答有三。法喻合也。餘文可知。得勝行文有二。初明三昧勝。次發起勝。初文有二。初問次答。答文有法喻合三文。發起勝中。初結前生後。次正明發起勝行。又此論文中總爲八句。初一自利行。現身世間是殊勝行。深心涅槃是方便智。下利他中。初三順凡。次一轉小。次二隨魔。後一轉凡。眷屬圍遶是殊勝行。心常遠離是方便智。諸句例然。顯取有者。爲首之化必由顯也。家不斷者。示有愛染之事也。遠離使者。離使性也。入行者。能轉二乘上入佛知。資生行者。示有飲食睡眠等也。退行者。示老病等也。言轉行者。轉諸凡大煩惱心也。見貪轉者。轉其見惑也。障礙轉者。無明不了名障礙。今轉滅也。五明智治之耳。貪轉者。轉貪結也。菩薩現受勝五欲處而不著。令諸天等捨自所欲故也。地果文中。三果如上。調柔果中文還有四。一調柔行相。二教智淨。三別地德。四結地相。調柔行中還初法說次喻後合。法中初多見諸佛。次能練行。後所練淨。餘文可知。三重頌有二。初明說意。次正偈頌。偈有四十二分。文有七。初九頌無作行。次三彼障對治。次六頌

雙行。次十一頌前上地勝。次八雙行果。次四頌調柔等。次一結歎也。第八地者。此下名出出世善法。因此料簡上下諸地。一乘三乘人天起信生解漸次同異法門。初地中十願。是一乘三乘共行法。信等十法。是三乘別行法及人天所依。二地戒行。是三乘小乘人天所依。三地禪定。是三乘小乘人天所習。四地道品等。是三乘小乘所得。五地四諦。是一乘三乘小乘共行法。六地緣生。是一乘三乘小乘共行法。第七地方便雙行等。是大乘所行法。八地九地十地。是一乘大乘所習法。此等若望見聞修證通說。卽等無別。若約相別論。則有此殊分。又諸地調柔果是行門發趣果是解門。攝報果是報門。願智果是德用門。亦是一乘三乘共行法。以此準之。十地善巧圓通廣攝故得藏名。故崔光云。十地經者。蓋是神覺之玄苑。靈慧之妙宅。億善之基輿。萬度之綱統。理包群藏之秘。義冠衆典之奧。積漸心行。窮忍學之源。崇廣住德。極道慧之府故也。今此地中六門同上。初釋名者。報行純熟無相無間故名。不動地。二所治者。依地論文。於無相有行障。依攝論文。於無相作功用心。無明又有二無明。一於無相作功用。二於相行自在有二業障及一報障。有有生死。三所顯者。由不增減義四所成者。成願波羅蜜。五所得果者。若通達不增減功德。得共諸佛平等威德智慧果。及得法身果。六釋文者。大判有三。初偈頌生起二明地體。三以偈結。初有十五偈。初

十四諸天菩薩讚請供養。次一解脫請。初十四內初二天主諸天菩薩慶法雨花供。佛大衆。次十二天女歌歎佛德。此文有三。初一樂供養。次十偈頌讚佛德。次一供已入理觀。第二十偈中有二。初一天女讚佛。次九佛力令菩薩等供具出聲讚佛功德及三世間自在。初三偈器世間。次一偈衆生世間。次四偈智正覺。次一偈結歎無盡。智正覺文中。初一歎佛口業。次二身業。次一意業。地體有七。一總明方便作集地分。爲遠方便有。二初總告大釋可知。二得淨忍行分。近方便。此二俱爲趣地前方便。三得勝行分。初入地行。四淨佛國土分。五得自在分。此二安住地分。六大勝。七釋名分。此二地中滿足。餘文可知。第二淨忍分有十五句。有三。初有十句明無生忍。次後四句明其忍淨。後一總結。依經不足脫。自性無生句及遍一切法相句也。餘文如論勝行分中有。二初勝行。次發起行。初有二。初總後別。別中先法後以喻。法中七句相從爲三。初三明此地中境分殊絕。次二正行廣大。經中脫修行深一句。次二離障寂滅。喻中從後向前次第喻之。發起勝行內。於中有二。一明此本願故住諸佛勸發若不與下明勸利益。初明本願力住。又諸佛下由住勸發。此文有二。一總明諸佛法水中與起智門。二善哉下別明與相依勸能成。第二別中。先歎所得無生忍門。後彰未得勸之修習。此文有七。攝以爲二。前有六勸舉。多未作轉其住心。後

一明其少作能成增其去心。復前六中分爲三對。自利利他。前初對之中。前一明其自德未成。後一顯其所化未出。此中經脫一句。第二對中。前一明其化願未滿。後一彰其自德未勝。第三對中。初一明其化業未廣。後一彰其自己所得法門未窮。此中經脫一句。餘文如論。二明勸利益文有三。初法次喻後合。法中有三。一明諸佛與起智門。二於一念下明由勸故起行速疾。三所以者下問答解釋。餘文如論。國土分中有三。一器世間自在行。二衆生世間。三智正覺。初文有二。初總標舉。二知世界生下別顯之。此文有五。初知世界生者。明隨心欲。二知以何業下明隨何欲。三經脫隨時欲。四是菩薩下明隨闊狹欲。五是菩薩入如是下隨心幾許欲。二善分別下明自在儀式。此文有四。法喻合結也。餘文如論。釋衆生世間中有四。一總明自在。二若於沙門下別明自在。三辨現意。四所有不可說下總結自在。亦可。二別辨中及意內。初化同物身。二以聲聞下化同物心。智正覺文。初明第一義智。所以明此者。爲成世智法相由所以也。二是菩薩善知下是世諦智。此中隨所化攝有十身。通已有十一身有三。初舉數。二辨相作。三出體釋義可知。問何故明器世間乃辨三世間者何也。答爲三法相參難識欲。別故須明也。此中多漏諸句。比論取之。大勝中有三。初明智大。二業大。三彼二住功

德大。餘文如論。釋名中有二。一地釋名。二智者釋名。餘文可知。智者大分有二。初正明不動。二以不轉相故下總以結之。前中合有二十五句。初十五一向不動。二是菩薩入下十句一體不動。地果文中三果如前。調柔有四。一調柔行。二教智淨。三別地行。四結地相。前中初法次喻後合。初明多見佛起行緣。次起能練行。後所練淨。教智中亦初法次喻後合。餘文如論。三偈頌中文分有二。初說偈意。二正偈頌。此文有四十四偈。初三頌方便集。次三頌淨忍。次十五頌得勝行。次十二頌淨土。次一頌自在。次二頌大勝。次二頌釋名。次五頌調柔等。次一舉略顯廣以結前義。勝行中。初五頌勝行體。次六頌七勸不頌第五第六勸。次四頌舉勸彰行勝。利益淨土中。初四頌器世間。次五衆生世間。次三智正覺也。第九地中六門同上。一釋名者。無礙力說法成就利他行故名。善慧地。二所治者。若依地論。不能善利益衆生障。依攝論。於衆生利益事不由功用。又有二無明。一無量正說法無量名句味難答。巧言自在。陀羅尼障。自利二依四無礙解。決疑生解障。利他。有二業障并一報障。有有生死。三所顯者。由定自在依止。由土自在依止。由智自在依止。義應知法界。四所成者。成力波羅蜜。五所得果者。若通達土及智自在依止得應身果。通果同。前地。六釋文者。大判有三。一偈頌生後。二明地體。三以偈結前。初有十九偈初二明

說前地利益也。次有十七辨。四衆讚請。初一菩薩供養。次一梵王設供讚歎。次有十四天女讚請。後一解脫請。天女中三。初一半偈總歎佛德。次十一半歎菩薩等具白他德。就此第二文有二。初三半總歎自因殊勝。次有八偈別歎利他果用。次第三攝亂從寂。就別八偈內。初一身業。次六口業。次一意業。就口業中有二。初總歎說自在。二約根辨相。次一約身喻顯。此文有四聲聞緣覺漸頓等分。四。亦可一乘三乘分。四也。第二地體中有四差別。一法師方便成就。二智成就。三入行成就。四說成就。初文有三。初牒前起。後二正辨釋。三結入地相。餘文如論。第二智成就中。初牒前起。後總辨。二有漏下偏廣善法。第三入行文中。有三。初總十一門。二別辨。三總結之。餘文如論。初總門中。論主云。依共者。心稠林是衆法共止故也。名共依者。依此而知耳。次復共者。根欲性深心等。四類同故名共也。經文使難內何處文脫第四句。生難中經脫第二句。習氣難經脫第九句。餘相可知。就說成中。有二段。經初總明說成。二是菩薩化衆生下別。別辨中義三。經文有四義。三者一智成就。二口業成就。三法師成就。經文四者。依論分文。又第二法師深妙義一段。經文亦入智。亦入口業。思之可智。口業文有四。初立宗。二是菩薩下明辭堅固。三列名。四歷法別釋。餘文如論應知耳。法師成就有四事示現。一持成就有四。一立宗。二釋三結。四以廣顯略。二

是菩薩於一佛所下說成就。此有十句可知。三是菩薩三千下問答成就。有四句可知。四於是中。生不受持成就。此有一句也。問此受持與前持何別。答前持是臨說時。後持是初受時耳。二地果文中。二果如上。調柔分四同前。一調柔行。二教智淨。三別地德。四結說相。前中初法次喻後合。初中見佛即起行緣。二能練行。三所練淨。餘文可知。三重頌者。初明說意。二正偈頌。頌中四十二半。初四頌法師方便。次四智成就。次十二入行文。次十四半頌說成就。次七三果。次一結歎說成就內。初一智成就。次四口業成就。次九半法師成就。此內初二持成就。次一說成就。次一問答。次五半受持成就也。第十地者六門同上。一釋名者。得大法身具足自在故名。法雲地。二所治者。依地論於諸法中。不得自在障。依攝論同地論。又有二障。一六神通慧。二入微細秘密。佛法有二業障及一報障。有生死。此在初及住心中。復有二障。一於一切應知境微細著。二於一切應知境微細礙。有二業障及一報障。無有生死。此在地終心。三所顯者。由業自在依止陀羅尼門。三摩提門自在依止應知法界。四所成者。成智波羅蜜。五所得果者。通達業依止得化身果。通果同前。六釋文者。大判有三。初偈頌。生起。二明地體。三以偈結。初二十五偈內有五。初二首陀會天與供讚歎。爲此地行滿故色究竟歎也。次一菩薩歎及供養。次二諸天王共歎及供養。次

十八天女歎及供養。後二解脫請。天女有五。初二總舉樂音供養。次五歎報佛。次六歎化佛。次三歎法身體。次二勸行。初一勸入體觀。次一結益歸本。二體文中大分有八。一方便作滿足地分。二得三昧分。三得受位分。四入大證分。五地釋名分。六神通力無上有上分。七地影像分。八地利益分。初文有三。初總次別三結。三昧分有三。初牒前起。後二正義。三結所成。受位中有六。初座有三。謂主眷屬及結身。有二眷屬有三。相有六。座初文中。十德內經脫第八功德一句。及脫第三結文。出處中頂光文有八段可知。六受位文有三。初釋覺。第二辨相。第三結。結文有三可知。第二文有三。謂法喻合也。法中有三。一九地菩薩供養有二可知。二同位加威有二可知。三佛正受職。此文有三。謂釋光。第二等餘佛。三結。初文有三。第一放光。二歸處有二。三辨益。初光有八業可知。光入頂有三。一約事入事頂。二約行入行頂。三約實當果現入行心也。可準之如論應知。大盡分中如論應知。又此大盡已後。一乘頓教三乘小乘等成佛果分齊。可準義消息之。於中諸經句亦有增減。以論準之。釋名分中。大分有三。一能受佛雲雨說法名。法雲地。二佛子乃至自從願力起慈悲下。能注法雨滅諸衆生煩惱塵焰名。法雲地。此文初釋次結可知。三復次佛子乃至菩薩住法雲地從兜率下。能同果德。大注法雨生物善根與雲相似名。法

雲地初文有二。一總明念力能持佛法。二能於一念至十方無量佛所下。別明受法。別中有三。一於佛所聽受多法。二譬如大海下。於多佛所聽受正法。此有喻合結三文。三解脫月言乃至於一念中能堪受幾所下問答明。前二種分齊。前中初法次喻後合。第三問答二種分齊中。文相有二。初問次答。答中有四。初立義。二假設問答。舉略顯廣。第三顯其實義。四結可知。神通力無上有上分中有六。一依內。二者依外。三者自相。四作住持。五令歡喜。六名大勝。就此六中。初之一門義貫前四。此處文無。次有一段貫通下四。所以爾者。論主善知文含多義。欲交絡顯法故作此科也。餘之四門文義俱有。餘文如論。第四住持中。外內分二。此二內各有二可知耳。第五令喜文有六。初問此有二。謂念請分二也。次舉定事答。三明定業用有二可知。四攝業依本。五結讚有「二可知。六問答顯定分齊。此文有二。初因後果。各有問答。初因內。初問次結有二可知。初有名用。二問答果。答內有四可知。大勝分如。上地。調柔等三果釋可知。廣如論辨。地影像中。如論應知。上來依一乘圓通佛法約教分齊記。今更約三乘顯其兩位。如經。一名等覺位。二名妙覺位。等覺者。於第十地金剛無礙道中入法界心。謂勇伏定法光三昧。依此定中修十法。一學佛不思議變通。二集菩薩眷屬。三重修。先所行法門。四順一切佛國。問訊一切佛。五與無明

父母別。六入重玄門。七現同如佛現。一切形相。八二種法身具足。九無有二習。十體中道第一義諦山頂。此位在第三禪說。若約外相。當補處菩薩。亦不成。微細八相。經百。勘萬劫變化如佛。菩薩見佛。佛知是菩薩。由得金剛三昧。故變現自在。唯生滅為異。廣如瓔珞經。妙覺位者。經指第四禪說。義相多同。故不約簡。問此經何故不說等覺。妙覺二位者。答若約三乘別行義門。由約分位。取相為正故。等覺妙覺相形分成兩相。若據此經。圓通自在。不以相形定法為正故。攝在因果二義之中。地利益中文分有五。一正顯地益。二如此世界四天下彰地廣益。三以佛力十方菩薩下明諸菩薩雲集作證顯成可信。四金剛藏說如來喜下明其所說上順聖心。如來隨喜下。下四顯第四功德也。餘文可知。

十明品第二十三

四門同上。一辨名者。十者數。明者用。從二義得名。月此下五品為明地德勝用分齊。故次來也。此即第二明來意。三宗者。此通釋五品次第及宗體。所以先明者。前既得體。大明依體起用自在。故次明也。明用不自起。何以成為證。理法故。次辨十忍。即理用也。大果因行非十數測量故。大明阿僧祇以數行法也。既廣德已成。非小時而得還動故。大明壽量品。既德無方。隨緣依現故。大明菩薩住處耳。初十明者。德用相也。即答上十自在一問。亦可地中答也。此通答

上問耳。次十忍者。即答上十定一問。十顯在初地答。次十頂及隨喜心等十句。僧祇後三品總答之。亦可通前二品答也。問此下五品屬前十地。何以不剛藏說。答若德體難明。須託人寄事以說。下五相寄別義顯也。所以明忍。普賢說。為表勝德大用廣高也。四釋文者。初十明文有四。初總開數。次第二寄問。三辨德用。四安住已下。總明結數。第三文分六通。以為十明。問明與通何別。體一義異。無。日通。識根。由日明也。十中第一他心通。第二第四天眼。即現未等分之。第三宿命通。第五第七天耳。亦可第七意法塵攝也。第六第八神足。即身通。第九第十普是漏盡智。所以知為此二並達性。故知也。第七聲與第八色。可見不見分也。又第十是滅盡定。又辨六通。三明是三乘教。十明十通是一乘教。不可相攝。深淺分齊不同。故初他心內有三。初問。次辨相。三是名下結名。餘九皆爾耳。第二文有二。初明知此界。二如是等下攝通餘方。初明中分群機大眾同欣五佛在下總以結之。此依論辨。依經有三。初總歎。第二說是品時下約事顯地勝。第三以佛神力下菩薩為證。初文有三。初總歎。第二有二問答顯勝義。第三結勝義。第二事文中。有五。初動地。二顯所由。三雨花等。四大音讚地德。五等通餘方。第三菩薩證成文有六。初菩薩來。此二歎地德。三顯同為證。第四舉多說為證。第五推證所由。第六等同也。依論初文有二。初法益

二事益法文有三。初反顯。二順辨。三結。順文有四。謂問答責釋可知。經文略而不具。第三重顯中。初明顯意及現顯相生起後。文二正彰顯。此前有二。初觀法。二顯意。此文有二。初爲利生。二示不思議下爲欲顯理。初文有三。初歎入德。次示菩薩下與自利益。三隨衆生下與利他智斷用。二顯理文有三。一總顯示。二示相。三辨說意。二正顯中有九十偈。初六十九正顯。法雲等地。次爲得佛智下二十一偈顯影像分。餘略不顯。初中文有二十九。方便集地。亦可前二十六通顯前九地。次三顯。滿足地分文也。次二顯三昧分。次十顯受位分。次七顯大盡分。次六顯釋名分。次十三偈總顯無上有上。等文。次二金剛藏總結。亦可此等文通顯十地華思。科釋可知。方便集地內。初二顯集起功德知慧行相修行佛道等文。次二十七顯同相及別相文。此文初別後同也。別中初六三句顯初地相。次一偈一句顯二地。次一顯三地。次二顯四地。次二顯五地。次二顯六地。次二顯七地。次三顯八地。次三顯九地。次第一妙下三顯同相三道亦好。影像中。初十九顯影分。後二結地德無盡。初中十一顯第二勝功德。次四顯第三功德。二初直知心知法差別有二可知。二聲聞心下約凡聖報類辨智用殊能。此文有二。初隨行方便次天心中辨隨類方便智。二天眼中。初釋次結。初文有二。初明隨報別不同知。次菩薩以無障礙明下知造業成儀。

境界。三宿命有二。初釋次結。初文有二。初知自他下位境有二。初總次別。次別又憶過去下知佛上位境也。四未來智明有二。初釋次結。初文有二。初知善惡下位人法有二。初總次別。二知未來無量下知佛上位行法。五天耳有三。初立次釋三結。第二文中。有二。初辨天耳聞持德。此有四句。二十方遠近下明天耳用事。此中有三。初總。次於東方下別。三如東方下類九方也。第二東方別辨中分三。初佛。次辨法體。三善解無量下對人說法。第二法體中出。理行二教。所說等辨理教。二所制下行教也。法略有十句。一教體相。二起信相。三正義宗相。四解釋相。五制學相。六受學相。七舉事勸進相。八開軌。九思軌。十修軌耳。次第三對人中有三。初理法機。次所得功德下行法機。三廣說下教機。此文意難得。思之可解。此並歎天耳明德也。六身通內有三。初立名義。次釋。三結。第二文有三。初身業體。二若聞十方下辨業體用有二可知。三悉自了知下結業分齊耳。又此通約威力。第八約現色也。七分別言音知明有二。初釋次結。初有二。初知聲。二菩薩隨其等下辨知所以。初文有二。初辨知衆生報音聲。初總。次別。三結知。次善分別知下知二諦教法及根器也。八出色身莊嚴智明有二。初釋次結。初文有三。初達色性。二菩薩入深法界住持下辨緣集成色即明用也。三佛子菩薩入無色法界下辨通成用相所以耳。第二現色文有三。初

明自行色體勝。二大慈色下明利他故現淨色。三出生如來下辨因果色相大用成就。普賢色總別有一百一十句。此色有體用。凡恩二十五色即空故也。九其實智明中有二。初釋次結。初文有二。初約所知理顯智明體。二菩薩知如是下辨智巧用。即明其相。前文有二。初約無相境。二知一切法別異下約無生境也。二用文於中有二。初牒前所知二不著下辨智巧用也用中有三。初明用自在無著。二不捨一切下釋順寂成用相。三觀察諸法下明用自在。十一切法三昧正受智明中有二。初釋次結。初文內有三。初辨住寂名體有二可知。二亦不捨下即寂常用。三菩薩於一切法滅盡正受文下辨分齊。第二結文有三。初結。次歎定行德用深廣。三仰推知者。大段第四。結文有一。初結。次明德量可知也。

十忍品二十四

四門同上。十者數。忍者境與神會情諦可也。餘二意前已辨。四釋文。此文有三。初總列名。二釋。三偈重顯。初文有六。初總告。二歎成忍因果勝相。因果即爲二也。三問四列名。五是名下結。六引諸佛同說證成。第二釋文有二。初辨次結。此十忍前二加行攝。次無生忍正體攝。後七後知攝。約位即順音聲三地已還順忍即四五六地。無生忍即七地已上。後七忍九地已上。若通時即齊等也。此忍前三心境得名。後七從喻受稱。別釋初忍有三。初舉次釋三結也。二順忍

三句同前。三無生有三亦同前。就第二釋中有三。初立次問三答也。後七忍相生次第如論。此義云何。疑者云。若法無云何現經如幻也。疑云幻法不生取識。世法不爾云何同也。故經如焰亦生渴心。疑云其焰不得受用。世法不爾云何同。答如夢。疑云夢則覺者不聞彼聲。世法聖凡共得。此云何同。答如響雖共而非實也。疑云響即前得無益。世法不爾。此何也。答如電光無有作者而觸照有用。疑云電若有用即是實法。答如化益生豈是實也。疑云若一切是無誰能作化。答如空成諸色。豈是有也。四幻文有三。初問次答三結。答文有二。初辨所觀法。此文有三。初總舉。二菩薩等下辨觀相。三譬如幻化下廣辨。幻相。此有譬合二文。第二菩薩觀察下辨忍行。此文有二。初加行忍。二出生下後得忍也。五如焰忍有三。初問次答三結。答文有法喻合及辨觀相。四文可知。六夢忍文同。焰忍可知。七響忍有三。初問次答三結。答文有二。喻各有法喻合三。文前是自利後是利他也。八電忍有三。初問次答三結。第二文有四。初法。次不行菩薩下喻。三是名下結。四若菩薩下辨益勝用。第二喻有二。喻初向理體。第二向事用。各有法喻合三文可知。九化忍有二。初問次答。答有五。初一法說。次喻。三如是菩薩處於下合。四是爲下結。五佛子菩薩成就此忍。下明用利益耳。初法文有二。初明行體所知。二佛子是爲下結。所知起用自在。合中有三。

初總合。二不著世間下辨相。亦可約法譬顯行儀耳。譬如化下法喻雙結勝用益也。十虛空忍中有二。初問次答。答文有五。初十句明忍體。一一句皆有法喻。二佛子如是菩薩下七句結成忍行。三譬如虛空下復以喻況行體。以合喻成前忍德也。四是名下結。五若菩薩成就無來身下辨忍行用利益。初十句中。一總九別可知。第三廣喻況忍行文有二。初十一句明行成。二何以故下釋成忍行也。此答文有二。此意難解思之。何者疑云。若法如空者此有二疑。一空體是無。物法亦可如是。二如世事空別。物依現法。亦如是別有異空也。答相可知。第三重頌文有一百二十九偈。初十頌音聲忍。次十頌順忍。次十頌無生忍。次十頌幻忍。次十頌焰忍。次十五頌夢忍。次十七頌響忍。次七言二十行頌電忍。次十頌化忍。次十頌虛空。次七總頌結歎文。彰忍利益也。阿僧祇品第二十五。

四門同上。僧祇者十數之始名也。此品從三義得名。一來意。三宗上已辨。四釋文者。所以心王問佛自說者。上來由是大果之因。非果人莫能辨其際。故佛自說。法依心成。故心王起問也。又爲因果互顯耳。亦可數法是知事通。果故佛自說耳。故文云如來等正覺佛智之義也。此品有二。初問後答。問意菩薩行德盡其數極。未知菩薩數法云何。亦可問云聖境既寬。菩薩盡了。未知以何數法得窮其分量。以示下人也。答中總舉一百二十數以答。大數有十一。阿僧祇。二下名無量。此云不可量。三無分齊。四無周遍。五下名無數。此云不可數。六云不可稱。七名不可量。此脫不可字。八名不可思議。如下在第七。九名不可說。十名不可說不可說。此問文有三可知。就佛答中有四。初歎心王問。二勸聽。三忍可。四佛告下正答。所問。就此文有二。初長行。後偈頌。長行即能數數法。偈頌即數所數也。此即交絡顯數義德用耳。長行中有百二十番數法門。初一百成僧祇。二僧祇下次第成十數。以答前問。又一百二十數分齊者。從初拘黎句爲因。次不變已下別有一百句爲滿數。次有二十句者從受等十句爲因。從僧祇等十句爲滿數句也。第二偈中唯取上第九數法。以校量德行。不頌上文。此中有二百四十五偈。此中諸偈總長約有二種意。一總二別。總者。或事或理或行或境或因或果或文或義等。乃至顯發釋等文相自彰也。此可思之。二別者有二。一約境有三。一智正覺。二衆生世間。三國土世間。二約心謂正助也。此文有三。初十四行明能數。於中有十重積數法。即爲十文。二對事辨所數。此對事所數中有二。初用第九數量法。二攝取不可言說轉已下轉取第十數因。用以量法。所以爾者。但欲明增數之法。非只如此。三後一行總結。問所以不用第十數者。第十數屬佛故。文中雖明佛果法。欲取能迴善根因位法也。所以爾者。爲果相通因二處。

顯故。此可思之。此即數於無數耳。

壽命品第二十六

四門同上。辨名者。壽者命根。亦可。命壽無二。依大乘即陰相續。依小乘別有不相應性。二來意。三宗上已辨。四辨文者。此下二品。心王自說者。爲命處不定隨。心成故也。亦可。雖因位有種種義自在也。即壽於無壽也。此中何故舉果土。此爲舉處。取能修行人故。下云。普賢充滿其中也。此文有三。初總告。二舉所依土。三普賢下辨能修入因行也。第二文中。初略十土。二廣校量耳。

菩薩住處品第二十七

四門同上。一釋名者。人義及所依三義得名可知。二來意。三宗上已辨。四釋文者。約相同。下位故辨處也。此即住於無住耳。又雖同人而無生爲生。無住爲住。此文有二。初不住。有故明十方清淨八住處。二辨不盡。有爲故寄四海十五染處也。

佛不思議法品第二十八

此下答第二會中三十二問。後十三果德問耳。然問答辨義者。爲明圓宗秘教。顯於時聽修相方便彰在心目致使。說法被益者無隱宗趣。發心崇遠者不翳習求。是故經言於正說中置隨語義。於正義中置隨義語。隨語之義義非別體之義。隨義之語語非別詮之語。此是語者之正則不可執。名詮以定。法體是以此經正宗中。因果相從。問答連照不隱失一意。此即大聖巧也。方便修成因果中。上來答因行訖。次下三品答果。初

不思議即法身德。次相海即報身德。次小相即化身德。此依三乘。若依一乘時。初品是體。次品是相。第三品是用也。四門同上。一

辨名者。佛不思議法者。此由果故標。佛爲初果。非下地測量也。法者因人所軌也。亦可自體也。就三義得名。二何故品來。由因行滿已。次行成得果耳。三宗。此品三身內以法身爲宗。若體相用以分。即果德自體爲宗。亦可。初體次相後用。約三身通此三耳。四釋文者。所以青蓮花說者。果不自彰。寔由因花顯也。青蓮花勝也。所以告蓮花藏者。非因淨藏無由攝受勝果也。此文有二。初序。二爾時青蓮華承佛下明正說。序文有三。初會衆疑念。此文有二。初總生念。二出所疑法。二爾時世尊下加威與力。三爾時青蓮華即入下明入定審法。亦可不入定所以者。由是果法已自深微。更入定顯。退信解故。爲以法深故但審法界。下二品從此耳。因此料簡上下文中。法界者是何觀境。答依此經文及地論有二義。一若依地論判。即是第一義諦理觀境。此約三乘判。二若依經上下文。即通理事二觀境。其法大通非局。仍位在無爲耳。初問中略念十法。爲是果法。非思量境。故皆不思也。此十句義有五。初一辨依果。次二問因行。次一問正報果德。次三問佛法身音聲智慧三業德相。下三句問神力自在。第三審法中十句內。初五自利。下五利他也。二爾時青蓮華下正說。此品遠答上十句。法身德。次相海

答不動一句。報身德。小相答上佛六根佛智二句。化身果。此告青蓮花藏者。深奧之勝器也。答文中分二。初十句總亦則是別。從此

句下別。別中略舉三百二十種功德法門以示也。有五。初五十句答上刹土一問。二十種出生住持下五十句答上淨願及種性二問。三有十種佛事下六十句答上佛出世一問。四一切諸佛有無礙住下九十句答佛三業相三問。五十種最勝力下七十句答上神力作用三問。初五十句中。初十辨行德所依妙住。次十實性隨緣以成十種行德。次十以稱法起行成十方便智。次十巧用隨緣自他德備不失時。次十不思境明境界巧用應機無失故超果獨絕。初十句中。初二辨自分相應行德。次七利他攝化行。次一自他契實平等無二。第二十句中有三。初七明法身功德六根作用。次二明依正二法神通自在。次一明佛因圓等諸佛所證也。第三十句可知。第四十句有二。初二自利。後八利他。第五十句可知。第二五十句中。初三十答上淨願。後離惡下二十句答種種性。初十從正智出。後得住持願智之用。此有二。初三自利。後七利他。第二十以外用依內成。即內德法也。於中初三三業德備。次七三業攝化功德。第三十由前內德成實用外彰。獨勝莫加故也。於中初二自利行。次二利他方便。次一自利德滿。次六利他德備。第四十德彰故淨也。初六自行無染。次四利他處無著。第五十淨決定故究竟也。初六因行滿淨。次四三身

果滿淨。四初中一化。一法二報

第三六十句。初十明化德。後五十報身德皆此法身德也。佛事者能興大用。化身攝益相也。初五利他方便。次五利他正益。後五十中。初十一無盡智用如海。初一明所依法身。次十能依德用。初四自利行。後六利他行。第三十常法。初四自覺行滿。次六覺他行備。第四十無量說佛法可知。第五十常作佛事。初四明於淨土三業施化攝益。次三現色等住持。次二現寶等莊嚴。次一入定益諸菩薩。亦可但默非定也。第六十堅固。初五自功德圓。次二勝進行迴向。次三修成化益。第四文九十句有三。初三十答上法身一問。次三十答上音聲等口業。下有三十答佛智意業。初十無礙住。初三自行無礙。次七利他無礙。第二十最勝莊嚴。初三三業體嚴。次六三業用。次一利他德行滿。第三十自在正法。可知言非不先覺諸佛正法亦不住學地。而成正覺者。此有二意。一簡文中義。此中佛者非同小乘佛。為是教因大佛也。二者將普賢義簡異生信別門。其佛假使前後現成並同先覺。並同在究竟離其學地及以不覺為普賢法攝三世自在故也。此意思之。第四十一不思議成正覺。初四因圓。次三利他行成。次四三身具德滿成佛也。十巧妙方便。初四自行。後六利他。十佛事可知。十法王。初七自利德。次二利他行。次二自他。二果相攝無別耳。十住法。初四利他德。次六起悲等用無盡。十悉無有餘。初三

知法界等無餘。次二知染器世間。次六知

出世因法等也。第五文有七十句。初十答上神力一問。次五十答上無礙住。次十答上解脫。初十勝力。初利次釋。初四自行成。次六他行備。第十中四住義。佛所住即最勝我是佛住。次無礙即真空定即聖住。次無礙心即天住。次大悲即梵住也。十定可知。十法。初五得世間善滿。次五出世行成。十清淨法。初六入因行後四入佛。三身境界。十一一切智住離障相應不動也。初二知器性。次一總三輪化下七別別中。初三神通輪。次一正教輪。次三記心輪化。十不可思議三昧。初二利他方便。次三自利方便。次一利他純熟。次一自利行熟。次三寂用解脫自在究竟。十無礙解脫。初五於一塵中現諸佛轉法輪教化。次五於現在攝三世佛於一門中現也。又大乘同性經中佛有十種地。善丈夫佛地有十。一切菩薩及聲聞辟支佛等所不能行。何者為十。一名甚深難知廣明智德地。二名清淨身分威嚴不思議明德地。三名善明月幢寶相海藏地。四名精妙金光功德神通福德地。五名輪威藏明德地。六名虛空內清淨無垢焰光明相地。七名廣勝法界藏明界地。八名最淨善覺智藏能淨無垢無邊無礙智通地。九名無邊慧莊嚴迴向能照明地。十名毘盧遮那智海藏地。善丈夫此是如來十地名號。諸佛智慧不可具說。善丈夫佛初地者。一切微細習氣除故。復一切法得自在故。第二地者轉法輪故。說深法故。第三地者說

諸聲聞法式故。又復顯說三乘故。第四地

者說八萬四千法門故。又復降伏四種魔故。第五地者如法降伏諸外道故。又復降伏放慢及衆數故。第六地者教示無量衆生六通中故。又復顯現六種大神通故。謂現無邊清淨佛刹功德莊嚴。顯無邊菩薩大衆圍遶。顯現無邊廣大佛刹。顯現無邊佛刹自體。顯現無邊諸佛刹中從兜率天下託胎乃至法滅。示現無邊種種神通。第七地者為諸菩薩如實說七菩提分。無所有故。復無所著故。第八地者受一切菩薩阿耨多羅三藐三菩提四種記故。第九地者為諸菩薩善方便故。第十地者為諸菩薩說一切諸法無所有故。復告令知一切諸法本來寂滅大涅槃故。此應三乘耳。

如來相海品第二十九

四門同上。一釋名者。佛相無窮故如海也。今寄同人說三十二耳。勝諸天故說八十好也。亦可應神耳。此約三乘解。今此文是一乘相。故如海也。所以普賢說寄德無邊故也。問上不思議法品別告一人。今何故不也。答上法是體顯勝故別告耳。二來意者。前體後相故來也。三宗者。依三乘用三十二等諸大相為宗。亦可增廣不同三十二相也。即如文辨相德為體耳。

四釋文者。此文有二。初誠聽許說。二廣辨。此文有二。初略辨九十三種大人相。次下總明十蓮華藏世界大人相也。前文初七頂上相。次名圓滿下二十二嚴頂相。次三眉間相。

眼鼻各一相。舌有四相。斷一相。大牙有四相。齒有一相。肩有五相。胸有一。脇有一。腹有七。下分有二。手有十二。馬藏有三。髀有二。踵有二。毛端有一。足有十三。一一相文有四。初列名。二出體。三光。四光照被。益於緣分齊也。

大方廣佛華嚴經搜玄分齊通智方軌卷第四之上

大方廣佛華嚴經搜玄分齊通智方軌卷第四之下

終南山至相寺沙門智嚴述

佛小相光明功德品第三十

四門同上。次第等上已說。小相者。相形別德也。所以佛自說者。化身之用唯佛方窮故。亦可化身隨物劣令。生信。有實德故。佛自說也。此文有二。初總舉。形好被益。次如來足下有千輻。下廣辨隨功攝益。初文有四。一列名。二明用。三辨眷屬。四舉往因。辨用益。影成如來。小相德用難盡。此有四文。思之。二廣中有六。初辨。形好攝益。二汝等應當。下教往報恩及識。因果三。諸天子聞是音聲。下興供養行。四是故諸天子下教。發心悔過。五說是法時。下辨獲益轉更迴向。六爾時諸天子下得。益故傳通不絕也。初文有二。初辨相輪光照攝益。此有二。可知。二生天上。已下勸成。勝行。勸中有二。初正舉下

況勸。二諸天子盧舍那下舉勝利以示。初文有三。初正勸。二天子讚美。三重示。重示有二。初總舉。德勸。二如我下引。喻以示。有六喻。中各二文。可知。第一法性無我喻。二無有來者喻。三無方住處喻。四離作成善喻。五法無方面喻。六法無諸過喻。第二教往中有四。初舉。益以教勸。二天子其有下舉。損示勸。三汝昔下舉。恩以示。四諸天子下示。法以勸也。第三興。供養文有六。一興供具。二往。三不見。四天重示。五重生。敬念。六爾時天妙。晉下重敬也。於其內外各有五百煩惱者。十使十惡自相乘。即成一百。於內五塵迷生五百。於外五塵迷生五百也。二萬一千等者。可解也。第四教發心中有三。初教發心及悔過。天子得益略有三句。二時諸天子下重問有二句。三爾時天聲下答。答文有四。初示。悔儀有五句。二譬。如明淨下喻。況有三句。三譬。如幻師下釋。伏疑。四若如是下結。教誨義。第五獲益文有二。初明。得益有二句。二猶未能見下結。答分齊。六爾時天子下展轉修行。教軌不絕。有。四。初以。香華等。修供養行。二爾時彼香雲下自行。熟已。復教攝。餘人有四句。三摩訶薩安住如是。下行。益成。故復轉益。四左手持下舉。喻以況。成觀境界也。文中有四。初舉。喻廣大。彰法難信。有三句。二佛告。寶手菩薩如是。下法合成。其德用深廣。三佛告。寶手菩薩。譬如千億下廣增。喻況。四佛告。寶手菩薩。譬如定光下舉。喻分齊。結法深廣。此文難。須思之。且釋迦佛為。

菩薩時。有一相益於一生。益一衆生。其一衆生展轉利。益一切衆生。並一生至離垢三昧。如是一切衆生復利。一切衆生。如是盡窮後際。下至遍。傍。化作如意珠。亦利益盡窮。後際。菩薩一相。既如是用。當知佛相。德用不可說。佛一小相。德既如是。佛大相。海准之可識。文意如此。餘相可知。

普賢菩薩行品第三十一

四門同上。一釋名者。行周。法界云。普。體順調善稱實。菩薩是人。行者明因。行體從二義得名。二來意者。何故來。有二。一疑者云。向前因果。以何為體。依何以成。為決此疑也。此即第二自體因果。此品是因性起是果。此因果與上修成云何取別。若約緣分齊取。即屬上。離性泯。始終。即屬此。問上地中廣明。離性。此云何也。答前欲攝。別行為趣體方便故也。此中所明。正是順理之行性也。而無二體。義不相是耳。以緣盡緣。以性即並性也。問性起絕言離相。云何有因果。有二意。一為經內因中辨性起。果中明性起。故二也。二性由不住故起。起時離相。順法故有因果也。問起時離與緣修何別。答緣修離。緣則不成。性起無緣。即不損故別也。其普實行亦如性起分順。修生也。何故下文云。多法所成。出。現於世也。答此望解知。非約性體也。故下數云。若如是知也。問若不知云何辨起。答餘觀異見故。緣修即不爾也。第二又解。攝前別行。成其普德。以發性起。故來也。若作此解。由屬修生。性

起已下文入本有也問普賢行何位成答實

即不依位就彼解位已去成爲上經文在

解已上說故餘准思攝三宗者二門分別

約入約法人體德用修生離始廣大異前

耳二法是普賢行法亦有體相用具有理

教行果等也但義異耳問此二品無定及加

集衆云何有體相答此二品體表在玄爲

彰法體極深廣故加集衆等如地品初釋

也法寄人顯故此人說也四釋文者此文有

四初序次正說三結會證成四偈誦序文

有三初舉略顯廣辨說分齊二何以故下

噴三答答文意前對緣故局少也此體通

緣非緣故寬也亦可前緣修舉體從相故

局此起依相入體故寬也有此品攝本有

修生修生本有又前對一品二品機此即普

也此總約五義一位二根三事四病五行

等也文有四初總辨上說少意二愚癡衆

生下別辨隨說意三爲如是下結四佛子若

菩薩下略出迷惑過失此廣文意者前教既

大云何局無一機答爲煩惱功力其大小

成大損上雖非小所治不輕故若望普賢

法界不名爲廣也此約頓惑功能辨失若

約一切惑證時唯是皮肉心三惑也此中有

六二總辨失二噴三略答四廣釋五結六

重廣顯廣有三可知百障約位有六初十

信二不樂佛法下十住障三離菩薩行下十

行障四誹謗佛法下障十迴向五不樂菩薩

住下初地已上障六不順三世佛即佛障此

在十地終也理並通耳二正說中有三可

知

第二文有六十句初五十因行次十因中果

前中初十信二十十解已上三十初地已

上次二十九地十地也理即通耳初十中前

七自利法中修信次三利他中修信也第二

十初六自行次三利他行淨次第十因位淨

第三十智次第配十地也第四十巧隨順可

知第五十直心前七九地相於中初二知

根次二知藥次二知順正證方便次一除障

後三十地相可知第六十巧便初四法身果

次四報身果次二化身果次是故下結勸修

行有三可知三證成可知有四初動地雨

華此有二可知二等通餘方三十方同證

四復總結也第四頌中有二初長行舉說

意以生起第二正偈誦偈文有一百二十二

行初二總頌因行所說分齊次廣歎普賢行

德非誦前文又亦一行一句即是一德不

須更料也此可思之文云與諸如來等

者因果俱無相因緣作及無作二發果力等

故也過去即未來二世等者因此集果義

但三世一相故十信即諸位也如是一切但

世相入者即一世法入現世不證位成

比也此約三乘別行成又亦九世自在攝受

皆證也此約普賢自在故爾因果等法並

然准之若臨時變化相入等不在此限

宜可思之

寶王如來性起品第三十二

四門同上二辨名寶王者攝德自在爲王

可貴名寶也如來者如實道來成正覺性

者體起者現在心地耳此即會其起相入

實也二來意者前普賢明能起之緣次辨

所起也

三辨宗體者分別有二約人約法人但本

有異前法者如文耳問性起分齊云何答

此有二義一始終相對二闊狹相對明分

齊初始發心至佛性起終至大菩提大涅槃

流通舍利也闊狹頓悟及三乘始終出世至

聲聞緣覺世間下至地獄等諸位也仍起

在大解大行大見聞心中文義俱在下辨至

當指釋問若聲聞等有性起者何故文云

於二處不生根答言不生者不生善提

心性起芽不言無果葉若無者微塵中不

應有經卷准喻可知若細分別地獄無果

葉有體聲聞有體及果葉也

四釋文者所以性起問普賢說者顯器普

勝法曠周也此文有三初序二爾時普賢

菩薩答下正說三爾時十方下結說證成序

文有五初眉間放光發起有二可知二爾

時一切大衆下疑念生起三爾時如來性起

下明對佛欲請四時如來口中下口中出

光以示說者亦通加耳五爾時如來性起

問下正問發起初放光中有八業一請業二

因業三敬業四覺業五止業六降伏業七

示現業八卷舒業有一流星身也第三欲

請中有三初長行示現請儀二偈陳己意

三結偈有五初六偈歎佛德三善學下

陳己所謂三大衆皆淨下歎根勝妙四歎

所說法五正覺下成所欲意第四光示文有

三。初辨光同前。二明所歸。三爾時普下明。益相也。第二正說文有三。初示名總答。即本分也。二爾時如來性起問下重請。即請分耳。三爾時普賢菩薩告下即說分也。初本中有三。初舉先事。二結說。三辨益。二請中初長行。次偈請。長行中有四。初總請。二歎衆器熟。三仁者下歎說者堪能。四善哉下結請。歎器熟中有三。初舉衆集。二歎德。三結集德中初自利德。二大悲下利他德。三說者堪能德中有二。初自利。二於諸佛法下利他德。二偈文有二。初長行生起。二正偈頌偈文有。三。初二總歎說聽者德。以請。二有。十三。正別請。三十方下四歎。衆會希有請。別請中有二。初十半問果。次三問因。果中初七半陳事。次三歎德耳。三說分有。三。初總歎。二所以下請。三非少因緣下廣答。答中有二。初由多因成。故不思議總歎。二以十種無量下辨相有。二。初酬因問。二佛子云何知見如來身下答上果問。此初即答上因問。此文有二。初總明。十門。二別解。初分有四。可知。二別解文有二意。一釋。上十門。二上十門中一門即有。二。初長行。次偈頌長行有。二。初辨因體。二佛子菩薩又復應知下辨性起德用。此或在知人。或法也。初辨體中有十。初有。二。初釋大結。釋有。二。初喻後合。餘皆同此。初明衆緣共起喻。二大機堪受喻。三緣成離作喻。四勝智善達喻。五大用現前喻。六機感隨現喻。七有二。喻。初名勝緣先濟喻。二隨欲所成喻。此釋疑耳。八成自大事

喻。九體用相依喻。十成益非虛喻。此十中初二第四依緣辨緣。餘七約自體辨緣。第二重頌中有。二。初長行生後。次偈頌。偈中分。九。初二總歎性起。無上。次八別歎校量性功德。次十舉法以況也。次二結成體用自在。次二示教知者。次二勸聽辨說分齊。次二舉事許說。次三十五正說。次二教勸也。正說中初五結頌初喻。二四頌第二。次四頌第三。次三頌第四。次三頌第五。次三頌第六。次二頌第七。次二頌第八。次二頌第九。次三頌第十。耳。第二辨身。此次第答上果問有。二。初寄起發。一此菩薩知見無量下答。答中初長行。次偈頌。長行有四。一總答。二。三略答。四譬如下廣釋。略中二可知。廣內有。二。初辨法體。二菩薩具足成就下辨德用。此用或屬知人。或攝在法也。餘十文相同前。一密身普攝喻。二在緣離無住喻。三辨事利生喻。四中有。二。一勝緣先濟喻。二機感隨現喻。五潛用資成喻。合中有。三。一正合前喻。二引光證成。三辨光利益。六隨根殊現喻。七一身多感喻。八無思成事喻。九大寶攝德喻。十攝治從願喻。

第二偈頌。初生起。次正頌偈有。四十二。初四頌第一。喻。次四頌第二。次四頌第三。次五頌第四。次四頌第五。次四頌第六。次四頌第七。次五頌第八。次四頌第九。次四頌第十。問上來所辨。多與初同義云何也。答由能德顯即屬。初因。今此舉能取所依止也。三音聲有。二。初寄問。二答。答文有。二。初總。次別。別中有。二。初長行。次偈頌長行有。二。初辨法體。二菩薩知見音聲十種無量下明。德用。亦二通謂能所也。法體有。十。初文有。五。初法。次如呼響下喻。三知見下合。四譬如世界下重喻示。五如來妙音亦爾下合。前喻無性故順理。後喻無性故具德。第三合內初歎知見勝。次對法成解以合。上喻耳。此名聲無本性喻。二聲無自質喻。三有用益生喻。四隨根開解喻。五隨機感見喻。六依緣異現喻。七用無所依喻。亦可大用遍資喻。八審根受樂喻。九大音具德喻。十隨益非虛喻。第二偈頌有。二。初生起。次頌頌有。四十。偈四行頌。一喻可知。四善提性起心有。二。初寄問。二答。答內初法大喻。問心意識非即佛者何也。此通。二故。故文云智無量故心亦無量凡即可知。喻中分。二。初長行。次偈頌長行中分。二。初辨十心法。二菩薩如是下結知利益。此初喻名智無所依喻。此何故約智辨。答有二意。一爲一心體通染淨故不約之。二今論性起智即是心約淨辨故也。故文云智無依止也。一智無所依喻。二性無增減喻。三興用益生喻。四智寶攝德喻。五智用殊非喻。六智堪含受喻。問詳其文相似。言獨佛是性起何也。答須知大意。但菩薩從他受教。即是其果佛及菩薩能授他教。所有行德即屬其芽也。此思准之。七堅固隨益喻。問樹生芽時諸樹生芽。所況義云何。答此不異。何者在。一心中本有新

生異耳。若爾與前衆生不了而有性起。異義相違。答此各別門。所以知。爲前義中聲聞凡夫不知本性亦是性起。今此不知即非。性起得知別是異門。此約性起。芽說。故異前耳。又問二處相違。因何不成立矛盾。答一切善根有邪有正。但順菩提者無間入天善根等。並是性起。不順菩提者即非。性起。此約果處分。龍細。是以不違耳。八智用遍資喻。九巧不盡有喻。亦可巧便留惑。十性通平等喻。此文有三。初法次喻後合。餘文可知。第二偈中有二。初長行生後。次頌偈有三十七。有二。初一總示識佛心。餘結十喻。初三結第一。次三頌第二。次四頌第三。次四頌第四。次三頌第五。次三頌第六。次五頌第七。次三頌第八。次四頌第九。次四頌第十。五境界有二。初寄問。二答。答文有二。初長行大偈頌。初文有二。初辨境體。二二。初長行大偈頌。初文有三。初法次喻後合。初法說有四。初總舉佛境。二非境界下辨佛境分齊。三佛子一切衆生無量下辨境深廣。四佛子菩薩知心下約法定體以明深義。二喻有三。初佛境分齊喻。第二境起因緣喻。第三境界深廣喻也。境界有二。一。所緣境。二分齊境。此通二也。第二偈文有二。初生起次正頌。偈有十分四。初二頌前法說。次三頌初喻。次一頌第二喻。次四頌第三喻也。六佛行有二。初寄問。二答。答中初長行大偈頌。長行有三。初法說。次譬如法界下譬況。三佛子菩薩如是等下結德業用。喻中

有五。各有譬合。初一至絕三際喻。二業性無礙喻。三用窮法界喻。四起業濟生喻。五無功成事喻。第二頌中有二。初生起。次偈頌。偈有十分五。二偈頌。一喻可知。七菩提文有二。初寄問。二答。答文有二。初長行大偈頌。長行有三。初法。次喻。後佛子菩薩以如是下結其業用。初法說有二。初辨體。二知處等下辨用。亦可初自利大他。二就喻中有二。各有喻合。初名現機定器喻。二至寂離性喻。初合喻文有四。一正合。上喻。二佛子一切佛下辨菩提離言。三佛子成菩提時下辨離言相。四佛子如來身中下釋離言用事。三辨相文有三。初釋相。二佛子隨如來下類以成法。三如來具足下結成。四用事中有三。一辨用事。二皆悉一性下釋所以耳。三如是下結。第二合喻有二。初辨法。二復次佛子於一毛道下辨依法成解。初文有二。初辨法體。二佛子如來成正覺已下成身業用。此文有二。初辨次結。初法體文有二。初辨次結。初文有二。初正合。上喻。二佛子設有下有二。初問答假設類成。二成解文有二。初建萬像通體。二復次佛子下解。自他無。各有三結可知。二頌文有二。初長行生後。次偈頌。偈有十二分六。初二結法說。次二頌初喻。次二頌第二喻。次二頌假設類文。次二頌成身用。次二總歎德用也。八轉法輪有二。初寄問。二答。答文有二。初長行大偈頌。長行有三。初釋次結。釋文有三。初總辨體。二譬

如下譬況廣辨。三佛子若如是下結定損益。初總辨中有六。初辨體。二辨分齊。三。明所離。四。譬況。五。釋成。六。類釋。廣辨中有二。初約體辨。二復次佛子下約用辨成。初有二。譬各有譬合。初大音無盡喻。二大響遍周喻。第二合文有三。初立。二噴。三答可知。二約用辨成有五可知。二頌文有二。初生後。次頌偈有十分五。初一頌總辨文。次一頌第一喻。次二半頌第二喻。次三半頌約用辨成文。次二總歎也。九涅槃有二。初寄問。二答。答文有二。初長行大偈。長行有二。初辨法體。二復次菩薩如是知涅槃下結知業用。初文有二。初法總辨。次喻廣釋。初文有四。初總約法勸知。二出涅槃體有三可知。三佛子如來下明不說本涅槃體但辨性起。文有五可知。四佛子但如來下明說事相涅槃。文有三可知。二廣辨中有二。初約喻以辨。二如來示現涅槃時下顯事用隨緣分齊相也。文有二。釋結可知。前喻有三。各有譬合結三文。初現局體通喻。二化窮盡滅喻。三。赴用隨機喻。第二偈文有二。初生後。次偈頌。偈有十二分五。初二頌第一喻。次二頌第二喻。次二頌第三喻。次四頌用隨緣文。次二總歎耳。十見聞得益文有二。初寄問。二答。答文有二。初長行大偈頌。長行有二。初辨現未見聞流通益。二爾時諸菩薩下問經得名辨經文義持利儀式。初文有二。初釋。次佛子是爲下結。前文有三。初總法說。次譬況廣說。三於如來下辨見聞功行

廣大難說。此有三。初立次責。三答。初法說中有四。初總辨成益不虛。有二句可知。二辨有中殊勝行。三成空中方便智。四明窮其果位。具足勝德。譬況廣文有二。初辨現在體益。二若有得經下未來住持用也。此有二可知。初現在益文有三。喻。初二喻。所得智慧堅固行德。後一喻。性德勝用。前二喻者。初喻行窮堅實難壞。喻。二名。小智能焚大惑。喻。此等各有譬合也。三者性起善巧資成。喻。二問。經名義及儀式等中有二。初問次答。答文有五。初示經名並經義用。二如是經典下明所為分齊。三是故菩薩下學益勸持。四佛子菩薩雖無量億下顯經要勝此。文有二。初辨損次明益可知。五佛子菩薩聞此經已下明教修益方儀。二所為分齊中。初法次喻後合。頌中有二。初生起。次頌偈有八分。四。初二總。次二頌。第一喻。次二頌。第二喻。次二頌。第三喻。第三爾時十方下結說證成有二。初長行。次偈頌。亦可此偈是廣說中第二重頌耳。初文有五。初動地并雨華有。二。初辨次結通。二佛現身。亦二可知。三成行益。亦有二可知。四明得力所以。五菩薩雲集為證。亦二可知。二偈頌有二。初長行明說意。二正頌。頌文有七分。三。初二總辨法深難。以喻顯。次三款。聞法利益。次二舉益勸持有三可知也。

離世間品第三十三

解行法相動靜無礙此會成也。四門同上。一釋名者。離者行體淨義也。世間者所離之法。

世者時聞者中。但在時中者名世間也。二來意者有二。一辨教與會來由。此下第三依緣修行成德分。所以來者。上既得法。次須依法就緣使修成行德。故也。故下文二品文中皆有勸辭。故知二品來者。前聖性現前欲得不與凡共分齊。故次來也。三宗者分別有二。二約人。人有正助。二人各有體相用。問此人與下知識人何異。答此是能宣教人。下知識是教所詮法人也。准取之。二約法。法謂行法。即一乘道品也。三乘及小乘名數雖同三十七而意異也。廣如諸經。一乘之行學亦有始。若依定學明始分齊者。若約迴心人即用非至定及初禪定等為學始。若據直進人。即用光得意言定為初學始。若約一乘不共教據行即寂靜勝三昧為初學始。若約行解即華嚴定為初學始。若約行位。即十行位定為初學始。若約人知識軌則用師子奮迅定為初學始。若約解信等即用淨藏定等為初學始。若約正解。用性起法門為初學始。若約解位。即十解位定為初學始。此等約歸向本實為言。頓悟人言言無分別定為初也。餘可推知耳。四釋文者。此下有二分。初品明託法進修分。二入法界下明依人入證分。問何故對法不。明入證。下約人方始入證。答法是所依善。巧由智若不依善達機儀勝人雖自有法。未可得證也。故經云知識全梵行也。問上來法及此成行並無聲聞。下法界知識即通辨聲聞何也。答上法是頓。此行亦頓。為此

無聲聞。下法界中有二意。一為人。有勝巧。引小成大。為人入德。故說小也。二顯法界發心始通二迴故。此二品何故分二處。說。答祇桓重開攝化之始。普光堂起行之初故也。故上來明菩薩起行發於普光。下明文殊教化起於重閣也。所以知此重會別本云。乃能重啓斯義。問故知也。此文有七。初序。次入定。三起。四請。五爾時普賢告下正說。六品未證成。七偈頌。初文有四。初時。二佛。三處。四同聞眾。處中有二。初辨處。二依處成佛德。何故於此歎德。以因果淳熟功歸化主故也。又行相可責故。德文有三。初總辨。二自分。三能與一切下利他行。四同聞有二。初總列數歎德。此初文有四。初舉俱。二略歎德有二。初練始異終。二練新異舊。三具足成就下別歎德。四具足如是下結。三別歎德中有二。初自分德。二於一念中下他分德。自分中初自利。二善攝眾生下利他。第二列名歎德中有二。初列名。此略列。所以此文菩薩名同。普者為行體順。理成無異相故也。次歎德中有四。初總。二隨諸世下攝法為首行。三悉能受持下護持正法行。四隨諸下示成大事行。二入定中有三。初入定。二列名。三明定力。所以此名華嚴定。表行嚴果故。三明起定同前可知。四請問中所。以獨普慧為法先問。彰今但以慧導行也。復顯機廣大故。但慧發於體。故普慧略問。二百句。巧行隨緣故。普賢廣答二千句也。此中已下有十意。故行教興。一

由爲與勝人同行故。二佛護念故。三成就不思議諸善根故。四具足菩薩根故。五生佛家故。六得善知識力故。七一切諸佛神力持故。八廣舍那佛本願力故。九善根熟故。十堪受普賢菩薩行故也。此文正在善知識義通此品耳。此可思惟之。間中有三。初總告。二正問。三善哉下總結請也。所以普賢答表行廣故。此文有六。即六位也。初二十句十信位。次何等發普賢心下二十句十住位。三何等爲持下三十句十行位。四何等實住下二十九句十迴向位。五何等身業下五十句十地位。六何等觀察下五十一句問果位差別。故別本云。願解說菩薩行從始至終令無疑也。就爾時普賢告下第五說分廣答上六位也。初十信位中有三。初九十句自分行滿。二十種入下八十句勝分行。三十不可壞智下三十句利他行。初九十中。初五十自利行。二正希望下二十利他行。三十戒下二十當位因成果滿。初依果者況有四種。一國土等依果。二習氣依前果。三習因習果。四因體相依因果。此中不說前二也。亦可說同第一。此可思惟。此文有二。初八自分。後二勝進可知。此等文中十十皆有四。一舉數。二列名稱。三結。四舉利勸學唯除佛地及共法行。更無異果等法學故。因果既立能解非勝。智不成故明。十奇特想。此中初八自分。次二他分也。既有大解須起。大行。次明。十行。修行之。來必須依善友。故明。十知識。初一安固菩提心。次

三依道心成。自利行。次四依心成。利他行。次一依心成。普賢行。次一依。大行。入法界。若不策勵無由進道。次明。十精進。欲明精進合理。明。十攝望。前八自分。後二勝進。離偏名。正耳。依。正修。有力。故辨。十種成就。衆生。初一布施攝。次二愛語。次三同事。次五利行。由利生故。惡無不離。善無不積。故明。十戒。既前德成。故明。十授記。二有八十。勝分行有三。初二十自利。次四十入利他行。次二十入利他因果中。既自行成。次入勝境也。行勝故。入。十如來境也。初一示成。著提。次八三業利物。次一入涅槃。八中初四口。次二身。次二意。用既入。勝用。須識。器性。故明。十入衆生心行。既識根。次明。所安處。故明。十入世界。既得。依處。須識。時。情。短。故辨。十入劫。雖時自在。說示。不明。理。亦難。可。故辨。十說三世。既識。時。次明。時。中。法。故次辨。三世間。文言。入世間者。一知。三法。現。時。中。故。二入。語。法。通。義。力。故。又有。施設。通。情。曰。道。故。三入。語。義。體。性。故。四入。語。義。隨。方。施設。故。五入。知。識。語。義。想。故。六入。語。言。因。故。七知。語。言。分。齊。故。八入。言。義。互。轉。無。盡。故。九知。時。中。離。染。言。義。亦。如。是。故。十知。時。中。性。淨。故。言。義。亦。如。是。既達。時。中。法。得。法。解。益。故。第八十捨離憂惱。心無厭悔。初四自利。次五利他行。次一自他俱行。第三利他內。初成。作事。無。悔。其。心。堅。固。次明。十利他智。不可壞。初二利他。次八自利。既有智。故能持法。次十陀羅尼。前九持因法。次一

持果法。以持成就分解果法故。次第三辨說十佛化被於他。初三報佛。次三化。次四法佛。此但一相解耳。若依此經。即並通攝也。第二普賢心下答。十解位問有三。初五十句明。解方便。二十清淨下七十句解位正修對治行。三十說法下八十句利他行。初中大心爲本。故發普賢心。初三護衆生心。次三趣果智心。次四厭離有爲心。既大心成。次成大行。第二十普賢行。初九自分行法。次一勝進行法。大行既備。次辨悲濟物。第三十大悲。悲心既具。次依悲明發心之具。第四十發菩提心因緣。既大心成。已次須依善友令增。第五近善知識。前八起因行。次二起果行。解位第二有七十句爲三。初二十明方便修。二隨順覺下三十明。解成就。三十明。所知法門差別。以近善友。故能遠諸惑。第一十清淨。既離障故。高昇彼岸。第二十波羅蜜。既行體成。於所知中隨順覺達。第三十隨順覺知。既隨知已。成。知。精。立。第四十決定知。既決定多有堪能。第五十力。既智力堪能。第六辨。十平等。既得。理。觀。須。起。智。用。第七辨。十方。便。佛。法。句。就。第三利他八十句復爲三。初四十正對緣說法。顯。辨。才。德。備。次十無著下三十辨。無著智成。次十句辨化德。備足。初既解已。須起言說。第一辨。十說法。既說法已。次須受持故。第二十受持方法。前七持因行。次三持果法。既受持已。諷誦。須第三十才由才無滯。德相殊出。第四辨。十勝法。前八方便修勝。次二自在用勝。正以德

起勝能於境緣無執。第五辨十無著。以無著故成平等證。第六辨十平等心。前八自分行中平等。次二勝分行中平等。心既得平等。依證起後得智。第七辨十出生智。從後智起用。第八辨十變化。第三十持下三百句答。上十行問有三。初六十句勝入佛境。盡清淨。二十不思議下九十句辨對治道。成行德清淨。三十圓林下一百五十句當位修成滿足也。初中有三。初十辨行體。次二十入佛境界。下三十句行成除障。初持有四。一因持果。如種性持。二果持因。如地持加持等。三住持力益。四心境相持如論。此中通也。既種性持成於法。佛望不厭。第二辨十正憶望。正以佛法智成。心徹無礙。第三辨十深入佛法。初四約器世間明佛法。次二衆生世間。次三智正覺。次一總法界爲佛法。既入佛法。緣無不實。皆是起行所依。第四辨十依止。既有所憑於緣無懼故。第五辨十無畏心。正以於緣無懼。自知得決定故。第六辨十無疑心。初三自行。次四利他。次三自他俱成。第二子段九十句治行。成中有三。初三十方便對治行。次十正受三昧。下三十行體等無礙。次神通下三十行成作用。正以無疑於深法中智能解達。故辨十不思議。又亦可無疑入深法。故不思議也。既得深智解巧隨生。故第二辨十巧方便能說微密語。既得密語復巧知所入。故第三辨十巧方便分別智。初二約器世間明智。次六衆生世間。次二智正覺。即常寂

靜故。第四辨十正受三昧。從定起通慧。無所不達。故第五辨十一切處。正以處處無不在。體遍無礙故。第六辨十法門。起用自在。故第七辨十神通。正以神通自在緣無不達。故第八辨十明。以明智起無明縛盡。故第九十解脫。圓林下第三行德具足。一百五十句有三。初四十明報相具足。二十不動心。下四十辨實解爲行本。三十無垢下七十句大用成滿。初行用所依。智遊境界。故辨十圓林。前七方便行。次三果德。既外遊已。復須內安。故第二辨十宮殿。以勝妙能出生道利爲物忻樂。故第三辨十樂。樂心成已。德發法身故。第四辨十莊嚴。前八方方便行。次二淳熟行。第二四十句中德嚴身。已行德堅固。故第一明不動心。以行體堅。於勝理中心能窮達。故第二辨十不捨深心。既深至難壞。善能得理。故第三明智慧觀察。既達無遺。於法善能揀別。故第四辨十分別法。第三七十中有二。初三十明離障淨。次四十行德成就。初辨十無垢智。故智行指定。故第二辨十智印。問文云。知如來法是文字智印。者約何義說。答菩薩及佛各知法無邊。若用二聖相對時。菩薩即不及佛。佛即過菩薩。所以者。爲法性體上二門具足法爾故。此約一乘解也。既行不壞。照用無礙。故第三辨十智光明。智光無礙。旨無不契。故第四辨十不可稱量住。以行體難勝勇猛無間。故第五明十發無懈怠心。以策成大心決定正向。故第六辨十須彌

山王心正直心。以正心於內決定不動於世間中。利他果成。故第七辨十深入大海智。慧成三菩提。前八自行。後二利他也。第四十寶住下二百九十句答。上十迴向有三。初一百一十明十迴向行體成就離障。二十自在。下一百二十辨行相自在無礙。三十遊神通。下七十辨行用究竟。初有二。初四十句行成高棲彼岸。二十信下七十對治道成。離障清淨。初行稱理成。無住名寶住。既行與理合德位堅固。故第二辨十發金剛心。大乘顯彰果位圓備。故第三辨十發大事。初三自利。次三利他。次四善提果滿。正以佛事滿足。衆行圓備。故第四辨十究竟大事。但前明發行後辨究竟。有此異也。前八自分行成。次二他分行熟耳。第二七十句中。初三十明迴向行體。次四十能生出世間行。初十不壞信。初三三寶所不壞信。次二同行人所。次一衆生所。次四於法成不壞。以信成就生在佛家。故第二辨十授記。既道種成就。向果必然。故第三辨十善根。初四迴向菩提。次四等諸菩薩迴向衆生。次二迴向菩提。迴向位成。智用自在。故第四辨十智慧。初四自分行自在。次六他分行自在。以智用照明曠周。法界故。第五辨十無量廣心。前七自分因行。次三勝分行。智用普周體包。無外。德窮海。奧。故第六辨十藏。前七自分行。後三勝分行。既積德備滿。剛斷斯盡。故第七辨十調順。初四勝分境中調。次六自分行中順。第二十自在。下一百二十句辨行相自在。於中初

十總辨自在。二有一百一十句別辨自在。初中初五自分。後五勝進行。此自在六位通有。但約生信勝劣爲異耳。下一百一十中初別立十章門。二依章釋。門初中有五。初二就依正以辨自在。次二約入法。次二約境智。第四約智用。第五對力用以顯。二別辨釋中。初釋次結。初一衆生。二利。三法。四身。五願。六境界。七智。八通。九神力。此唯約色耳。十力自在第三七十句中。初二行周殊勝下無畏不共等五十明行德究竟。初十遊戲神通明。善巧轉變無礙。以智用遊化。即體殊妙故。第二辨十勝行。其德殊勝智力有餘。故第三辨十力。前七因行。後三果滿。智力功強外無所懼。故第四辨十無畏。智斷具足二乘不同。故第五辨十不共法。不共異小能與淨土爲因。故第六辨十業。由德行堅固。第七辨十身。第五十身業下五百句答。上十地因位所問相。有初一百二十句辨正修行體寄。在初地二十方便下九十句辨造修離障。二地已上。三十離生下九十句辨修淳熟德。四地已上。四十足下二百句辨報相具足。八地已上。初文有三。初二十句辨身業。次四十句辨口業。下六十句辨意業。初身二十句中。初十體。次十別用相。第二口業中。初十辨體。次十辨口業因行。初四自利。次六利他。口業善故得諸神加護。次十守護由護成內德。能外化故。第四辨十大事。第三意業六十句中。初十意業體。下五十辨意業作用。初體中初三利他。次七自利

行。既得體已須順理造修。故第二辨十發心。發心行成終於法界。故第三辨十滿心。由正智能生後得信等根。故第四辨十根。既行體立解心當理。故第五辨十直心。既理觀開明契。窮實際。第六辨十深心。前九自行。次一利他。第二九十句中初三十句明自行。二十入衆生下三二十利他。後十趣下三十辨自他行成。初因行巧修。故明十方便。以善巧方便而能祈求諸行。故第二辨十樂修。由樂修故障累斯亡。道味漸現。故第三辨十解脫。由解脫故深知物性。故第四辨十入性。由深入性。道味漸細。故第五辨十習氣。道味漸增。成其大用。故第六辨十熾然。即熾盛修也。不動勝進無所不至。皆合聖趣。故第七辨十趣。既依正趣德行外彰。故第八十事具足佛法。既得佛法須識退過。故第九辨十退失佛法。初四利他行不成。次六自利行不成。第三九十句中有三。初三十句明因行體。次十名號下二十句辨行用差別。三十無量道下四十句因德成就。初十離生者方便生死障盡也。以順無生行成堅固。故第二辨十決定法。初五自分。後五勝分行。以自體堅固。故第三辨十出生佛法。以行成故德彰於時。故第四辨十號。以圓德顯彰華嚴斯盡自體虛通。故第五辨十道。此即約增數以明道體。前道自體辨道境無量。故第六辨十無量道。即明分齊。正以所觀道境界無量。故能觀道法亦無量更無別法。亦可道之數也。道法既成大明能成之因。

即第七也。第八十修道者一圓數故也。即辨策修方便。第九十莊嚴道者由別策修顯德故也。又言無量道具者起道因緣。又攝在己能資於道。故名具也。無量修道者攝法在己攝能進達。故名修道。無量莊嚴道者衆行互相莊嚴故也。此等始末真如所流緣起共成。故一處舉。次第明之。此等若從所見則道法之道。若攝在己即道行之道故也。十足下第四二百句中有四。初二十辨八地已上根行淳熟外方便用。二十腹下六十句辨報體差別。三十腹下六十句辨報相差別。四十行已下六十句辨報用差別。八地已上同佛身業等故也。初十足者運報根本。進發之初。造用方便授受自他故。第二辨十手。第二報體六十中。初十腹者總能容攝故。復能蘊積。故第二辨十藏。行用緣起斯從本實而立。故第三辨十心。以德業成就互相嚴飾營發法身故。第四辨十莊嚴。行德自嚴防殄諸過。故第五辨十器仗。降諸魔等也。衆行集起德成最勝。故第六辨十頭。次十腹下六十句辨報相差別。初行德淨勝照了緣起。故名十眼也。初五即五眼。後五作用得名。大論云無常肉眼眼耳風大故不見他方。此常肉眼自在見他方色也。二天眼見二世法。三慧眼見信等根。四法眼見一切法真實相。五佛眼見十力。此等諸經亦不定。次五可知。既有照用復能攝諸聲教。故第二辨十耳。十德備故行受戒香。故第三辨十鼻。衆德聚成能宣示軌。故第四辨十

舌行堅自在形無不現。故第五辨十身。既色相外彰明心內發。故第六辨十意。前九因行。次一果行。第四報用六十句中。以法身成立德用殊能威儀具足。故明四威儀行也。造修方便須進發不住。故第一辨十行法。方便進修則有自分成立。故第二辨十住行。既立安固不動。故第三辨十座。初四自行德。次六利他德。進行平等衆相永夷。故第四辨十臥。衆行既備必有相應之境。故第五辨十住。前能住此明所住法。有所依法其行無不。故第六辨十行法。前行始修。故約間等此約終成。故念等爲行也。又名行也。次第六觀察下五百一十句答。上第六問因圓果滿行德圓備義有二。初三百二十句辨因行究竟障盡清淨。二十住兜率天下有一百九十句辨果德究竟。此中等覺及妙覺合明也。初文有三。初一百四十明。因行成就。二十義下八十句辨方便修順勝進義。三十魔下一百句辨因行成障盡清淨。初一百四十句有三。初四十辨行方便。二六十句六度自利行體。次十慈下四十句辨四等利他行體。初十觀察者凡辨行相必須善達通塞故也。初四自分行。次六他分行法。一往不盡。故第二辨十周遍觀察。所觀周悉行無不建。威宿勇健。故第三辨十奮迅勇健無畏能決定說。故第四辨十師子吼。既能宣說。若自無德無由利物故。次辨十施下六度自行體。次第如攝論。一施。二戒。三忍。四精進有三。初四是勤勇。第五是加行。下五不下難壞無足

精進。五定。六慧。次十慈下四十句利他行體。初十慈與樂意先故。初二平等普攝。次三令離障。後五令行成。次第二十悲。第三十喜。第四十捨。次十義下。第二八十句辨方便勝進有二。初四十自分行成。次四十句勝進修成。初十以義成行也。前七自分。次三勝進。如來義者順如而來也。第二十法以法成行也。第三十功德具者辨行因緣。後明成智慧。因緣故。第四十辨智慧具。次四十句者初十明足解心遊履諸法門。既有進趣方便。必於三乘等法無厭。故第二辨十求法行得法在。已善解明達。故第三辨十明了。善法行成趣無上道。故第四辨十迴向法。第三辨因行障盡。文有二。初五十句辨見佛行成入佛境界也。二十慢下五十句入佛境界爲佛加護。初五十中有三。初二明道障現前。次十對治除障。次二十障盡見佛。初十魔者於道有障故。次第二十魔業前是體。今此是力用有。十一句。前七自行不成。次三利他不立。次一果德不滿。然道障交競。不除而自滅。故第三辨十捨離魔業。前七自分行成。後三勝進行立。體礙既盡。行入佛境。故第四辨十見佛。前信始但解。今行成故見也。既得體相應大用無方。故第五辨十佛業。後五十句佛加被中有三。初二十句對治勝分障方便行成。次三十後障復起攝行在障。三有二十句果德加入佛境界。初慢業者軌道相迷於勝分。故在初也。識障不起敬重法。故第二辨十智業。若不識

道相即隨有爲。不免羈縛故。第三辨魔所攝持。以正達道相即正覺開明故。第四辨十佛所攝持。以契如實即法被於己故。第五辨十法攝持。次第二佛住兜率天等一百九十句辨果德滿足中有四。初四十辨因行勝進與般若法門相應。二十生下五十句明勝行自嚴建立自在。三十出家下六十句勝治行成障盡清淨。四十覺如來力下四十句明果德滿足佛事究竟。初住兜率十事業者。自他俱利。後邊行滿耳。自他行滿已將欲處緣攝化若不捨無有生。生死大果無由得達。故第二辨臨命終十示現事。示現已。次十事下降神母胎。就中初五句利他後五句攝因果相應。所現難測旨趣精深。故第四辨十微細趣。無生爲生。故第五辨十生。自下五十句第二從母出生現世也。就初十種生中初六自分。次四勝進。德相外彰。故第二辨十莊嚴衆德備集道超世表。其行曠周功無不建。故第三辨十遊行七步。其道始立清淨無染。故第四辨十現童子。身若不在染何能顯其清高。故第五辨十現中宮。處世不著緣所非礙。故第六辨十出家。此下六十句明對治行相。以性離相遠離不礙。挑練身心熾然不懈。故第二辨十苦行。捨離二邊隨順中道。故第三辨十往詣道場。隨順中道攝果相應。故第四辨十坐道場。攝果在己超昇獨絕。故第五辨十奇特。善覺三昧等是後如來力中。令將此欲超群惑顯智。用圓明力。故第六辨十降魔。有爲

生滅不斷而自息。大智真用不拂而自明。故第四段辨十如來力。下四十句明之。此即解脫道中頓得十力也。此善覺三昧即奇特中九也。真相內顯次正軌彰時故。第二明十轉法輪。以教被機無緣不益故。第三辨十白法入衆生心。同化既畢。息影歸真。故第四辨十涅槃。即初十文耳。亦可涅槃是常。依緣現沒。故次明也。即後十句耳。佛子是爲大妙法門下第六結證述成有二。初總。次別。別文有三。初結勸修行。二佛子此經出生下辨經名數。經德用。有三可知也。經名有四義。一行。二解。三所離。四利他。如文應知耳。三說此出生下明雨華等證成。初文有三。初結法數德。二佛子若衆生下辨修行益。有三可知。三佛子是故下明勸修。三說此出生一切下證成有三。初牒經名。二勸地。三十方佛同歎。有三可知。同名。佛對示普賢者明。大行不虛也。第七重頌中有二。初長行生後。次偈頌。文有二百三十一偈。有二。初二總舉誠聽。第二下廣辨廣文有三。初一百四十九半總頌普賢二千答意。二常依如來智下四十三正頌二千答。三菩薩修諸行下三十八半頌結歎文。初有三。初有十四歎。德深廣非言可盡。二持衆生下六十七菩薩德深。故廣舉事況。三一身無邊際下六十六偈半正歎。因果行相德用自在。二事況中有三。初五十六半舉三十餘事喻。因行差別。二菩薩等如來下六偈況訖。總明行相。三菩薩悉成就下四半結德勸聽。一身無邊際

下第三六十半爲二。初三十六偈半歎。因行攝益。二菩薩一念中下三十歎。果德攝益自在。前歎。因行有二。初十一半歎。自分因行入佛境界。二示現種種下二十五辨。因行利用。就二十五偈中。初十八明。他行自在。如是衆生下七明。應機授法。菩薩一念下果攝益三十文有三。初十四自他果德攝化。二觀色如聚沫下十一辨。菩薩道善達真性。三廣入下五結成功。行利益。其旨深奧。寧可悉宣。聊以一塵之說。以況玄趣耳。次半常依如來下第二有四十。三。頌上二千答。有六。初四頌。上十信位。次四頌。上十住。次六頌。上十行。次六頌。上十迴向。次清淨身業下十頌。上十地位。次觀察下十三頌。上因圓果滿。佛事究竟。次菩薩修諸行下第三有三十。八半。頌上結文有二。初三十二半結。因果德自在。下六偈舉以勸修。初文中初六半略結歎行用自在。下二十六廣辨。行用自在。二十六中初十六歎。因行自在。二淨身等虛空下十歎。果行自在。因行中初二歎。意業。次四半歎。口業。下十歎。身業。果行中初二正歎。果德三業成就。次八喻。果自在。第二勸修中初二總舉。因果行德。次喻。況難盡。下二勸修同會莫二也。

大方廣佛華嚴經搜玄分齊通智方軌第五卷之下

大方廣佛華嚴經搜玄分齊通智方軌卷第五之上

終南山至相寺沙門智嚴述

入法界品第三十四

此是第八會在祇桓重閣說。所以在祇桓攝化始故。所以在重閣表悲心在正智上重生故。此即第二依人入證分四門同上。一辨名者。何義故名入法界。答其法有三種。謂所知法。自性及軌則也。此中通三也。界者是一切法通性。亦因亦分齊也。入者得此法門。一來意者。何故來。上雖得行解法。若不依知識加持。無由進會故來也。三宗體者分別有二。約人及約法。初人者正化及助化各有體相用。准思攝之。二法者人法也。有二。謂約人。二約法。人者謂因人及果人各成師及伴知識。并有同生及異生。亦有五生之身。此可思准。二約法者有十。一因。二果。三約行。四理。五教。六義。七事。八人。九法。十解。前人是弘教人。後人是所依法人也。此可思准之。入法界分齊云何。答有二義。一始從初發心。終即不定。若依經文但至金剛心已還。若義求即通果德耳。依文爲定。果位不可說故。又望機即不通果。約知識自行則通因果。爲用通果。因。又果位無求相。此約三乘說。若約一乘時亦通果。如離世間品說。所以准之可識也。二闍狹者唯在大乘心。小菩薩聲聞凡夫不說入

法界問性起即通。此品局者何也。答性起宗欲明約法辨分齊。故通此明約入心辨分齊。故局耳。性起約法。假使不證不名。不起餘義對文分釋。四釋文者此文有二。初發起序。二爾時世尊欲令諸菩薩下辨正宗。此宗明何義意。明知識力也。已前諸會並先放光令餘方知顯說法淺深集衆增微。復以音聲爲正說。此會不然。但如來放光顯現三世間。令大衆入即爲正說也。更不別有言下諸知識通耳。今約初明意。知識有四力。近善知識。聽聞正法。繫念思惟。如法修行。下文具有此意耳。復有四能。如攝論說。初序文有九。一說時。二化主。三住處。四同聞。五大衆疑念。六佛入三昧。七十方新衆集。八說偈讚歎。九普賢重開發三昧德用也。前諸會並集新衆。已然後入定。此何在。前答前即入來趣化主。說有別人。人欲說時方始入定。今此不然。佛自授機。佛若不入定。諸人來即無由。故先入定。顯相後方新衆集也。即是因人果人設則不同。又爲下文二重顯法至第二重方始下趣人入。知見故也。此何佛自入。答今爲成行人法。若不果人自入顯法是真。無由引彼因人令成大果故也。何故入師子奮迅定。欲令菩薩得故。復顯表勇健授教令使修者伏妄顯真故也。四同聞衆有三。初菩薩。次聲聞。三天王等。何故菩薩在先。答諸經從相取親教。以通漸故。此經約理以辨。由是頓教故也。所以此衆獨有聲聞。此有二

意。一爲顯法界攝相應故。二爲迴小入大行。故菩薩衆有三。一舉數。二列。一百四十名。有十五位各顯別法。可思之。三歎德。德文初總。次別。別有二。初七自利行。後三句利他行。二聲聞中有三。初舉數。二列。三歎德。五疑念請中。初請。次結。初有六十句。有三。初三十句辨所請法。二有十句歎衆堪聞。三二十句歎佛堪說。法中有三。初正辨所請果法。二十句辨因人未窮。三有十推功在佛。初所疑法中有三。一辨疑人。二辨念。三明所念法。三歎佛堪說中。初十句明因圓。二有十歎果滿。六入定中有二。初入定。二入三昧。已下明顯淨土相。即定力也。初文有三。初辨方便。二正入。三欲令下明入意所爲。此何故唯依大悲爲前說通解行此唯存行令其去危得樂故也。第二入定力顯淨土中有五。初莊嚴重閣。二嚴園林。三嚴虛空。四何以故下釋成。五如此祇樹下結通十方。初文有二。初總次別。別中有十種莊嚴可知。下諸園空十句可知。五結中有四。初結。次佛集。三菩薩集。四重嚴空。亦可大文分三。初莊重閣等即器世間。二如來集即智正覺。三菩薩集即衆生世間耳。所以因果俱集。顯因果實成故也。七集衆文有三。初辨十方衆集。二是諸菩薩下歎德。三爾時諸大聲聞下辨不共相。初文十方皆有八。初遠過塵數界海即從量也。二列世界名。三辨佛名。四列上首菩薩名。五辨眷屬。六供養具。七來詣佛所。八

各化闍而坐。餘同爾耳。所以菩薩名王證法界行用自在故也。第二歎德文有二。初歎。二皆是如來下推功。初文有三。初總歎。二成就下別歎德。三此諸菩薩下結歎集也。別中有二。初自分德。二於大衆中即師子吼下他分德。初中有三。初辨自利行。二能於一切如來下利他行。三具足十力下辨俱成。自他分德滿也。第三辨聲聞不共即顯法界是深。文中有二。初正不見。二譬如餓鬼下譬況。初文有三。初明不見。佛眞常行德。二何以故釋成不見。所以三是不見。雖與下結初文有三。初列名。二如是等諸大下不見。法界果德。此即與上十句所問法大同也。文有三可知。三亦復不見下不見。圓通大衆因行。第三不見。因行境界中有三。初總舉。二正辨。三如是等下結。第二釋成中有二。初責次答。答有二。初總。二本不修習能見如來下別辨不見意。此中二。初明不修大行。故不見。二亦無三昧清淨智眼。下正辨不見相。初文有三。初由不修故不見。二是諸功德下不共故不見。有三可知。三是故諸大弟子下結。初不修文有二。初不修果德。二不求菩薩下不求。因行。第二正辨不見有二。初明不見。二何以故辨。所以。初文有二。初總次別。別中有二。初無自大果失。亦不樂說下二無他恩德失。餘者可。知耳。第二喻況中有十喻。初名惑障勝境喻。二不窮源底喻。三求下失上喻。四無所攝取喻。五臨光失眼喻。六修得果果喻。七同居異見喻。八不行

同一行喻。九深淺相形喻。十住位息求喻。第八歎德中有十人說。偈。初人有三。初五歎土體。二有四歎。衆集。次有一結歎。二精進勢王有十分五。初二總歎依正。二有二歎。衆會勝。三有二明。來者神力。四有二歎。佛德。五有二辨。覺分齊。三普妙德。王有十分。二。初三法明。佛德。次七喻。四無礙妙德。藏王有十。次第歎佛可知。五善化月王有十。初四示報身。令菩薩同入法界。次四顯淨土。令修入者成就觀智。次二辨佛轉法輪利物。六法義慧。焰王有十分。有四。初三總歎。下人非及。次二歎德廣大。次二顯其德相難知。次三顯德是勝人境界。七一切衆魔智幢有十。中有三。初五歎法身。次二歎應身。次三歎化身。八淨願智幢王有十分。二。初九歎修。因行。次一明果成滿。餘相可知。九智慧勢王有十分。四。初二總歎。二業利益。次二別歎身業益。次四歎口業益。次二歎意業益。十智通王有十分。三。初一總歎見佛益。次七歎佛慈悲德。次三辨見聞得益。慈悲中有三。初一明出世意。次五正歎慈悲相。次一辨所以耳。第九重辨定德用。有二。初長行。次偈頌。初文有六。一明重意。二辨定三昧德用。方便分齊法。三略列十一門方便所況事。初一總。餘十別事耳。四爲諸菩薩下明所爲機器對法相擬耳。五何等十下辨三昧所成事用。則正照明。六佛子此師子下結略顯廣。此第五段中依一方便說。十種法。十一方便即有一百一十法。十法何

差別。一明佛與次第二明常說義分齊。三辨成佛此上攝入智正覺。四明眷屬。即衆生世間。五明化身無礙。六辨住持自在。七辨功德所依。八明神力作用清淨。九辨願音聲。十具明三世間轉法輪義。後六名德用。又於初中三從所依意。身一口一。又初身。次用。三位地。餘意依文。准之可知。第二頌文有二。初十句辨頌意。二正頌。於中有十半。總頌上十法門。於中有三。初六正結前義。次三半明信入分齊。次一結成利益。所以。前中有六偈。初一眷屬淨。次一說法淨。次一顯行淨。次一雲集淨。次一顯理淨。次一照明淨。第二文有三。初一總。次一半釋。次一辨所以可知。問。所以普賢重照明。答。果人入定顯法是真。若因人不證。同修者不進故。普賢因人。照明引初修者趣入耳。此約體入若約用時。則重舉用以顯體也。第二正說中有二。初明。如來大悲攝化令修行者入其法界。即正說體。二爾時文殊師利童子下廣約善友。明入儀則也。問何故加入法界。不依位得何也。答理實須自他二力。今且約一相耳。自力依位。他力佛加持也。亦可初辨依三昧得自利德。二彼諸菩薩下成利他德。三爾時文殊童子下辨利他行相也。初文有二。初明佛入定攝入入法界故。有四可知也。二爾時祇林大衆下明諸菩薩因光入法。此文有六。初牒。入人。二悉見一切下蒙光攝益。三如此間如來下結會平等。有二可知。四而不壞三世下辨所

見益用。有六句可知。五其有衆生下辨得益。所以有五句。六逮得如來下廣明其益相。二攝益中有三。初辨顯器世間攝益。二諸大菩薩現坐下智正覺自在攝益。三或見在天下衆生世間攝益。此文有二。初辨處。二顯種種下明顯身相。亦可但是智正覺十身也。若依下結文。但是國土世間及衆生世間也。六廣益相文有二。初得自利行。二時彼諸菩薩下明利他德。初文有二。初舉德。二爾時文殊下說偈讚歎。初文有三。初舉身座體。二顯大自在下明座及身德用。三爾時彼諸菩薩深入下既有內資外顯益相。隨分利他也。初文有二。初舉德成身。二彼師子座下明歎德顯座。初文有四。初總出三昧德體。二次列十門以爲德用。即上十門也。此文有二可知。三所謂種種下辨德所依。四得深入菩薩三昧門下廣辨上三昧門耳。亦即所成也。亦可上十一門並是總功德門。此有三。初總。次別。三以廣顯略也。第二別中略明一百句三昧門。第三中有二。初結成廣說。二入如來海下結觀分齊。證行圓滿也。此文有二可知。此中定三昧法門者並通一部爲起法所依。所有解行分齊並皆准此思攝也。二座中有二可知。第二明座身德益有二。初辨相。次如是等下結成德相歎不可盡。初文有三。初十三句德。自利行。二安住莊嚴下五十七利他行。三決了如來下二十自他行滿可知。第三外益於文有三。初立。次釋。三結。第二文殊偈讚祇林顯

證真實，所以文殊說彰淨慧證也。所以不在利他，後說彰利他，起後說便故也。就十三半偈中，初二別歎佛及祇林，即果也。二普賢等佛子下總結莊嚴普集，即因也。第二利他德中有三，初辨果德被益，二彼諸菩薩下利他行體，三隨其所應下辨對緣攝化，此第三對緣攝化中有四，初辨攝化亦可機緣相擬，二明同生益，三現不可說下辨現法門被益，四或現天宮下明現三世間攝化，三現法門中有三，初現無常等忻厭門，二為一切衆生下辨十度行門，三以如是下結第二十度中，初六可知，後四中為一身方便度，悉能供養下顯度，悉能顯現下力度，知一切下智度，下結法界非一耳，第四三世間有四，初現器世間，二或名號下現智正覺，三或現聲聞下現衆生世間，四或現種種色身下對三世間起用方便，餘文可知也。爾時文殊童子下第二依其善友辨修入儀，則此望機辨所軌，若望知識自行即前依果人得法，今對機器起用也，今略取此經上下有五相不同，持是五相以科此文，何者五相，一顯位修行相，二會緣入實相，三攝德成因相，四智照無二相，五顯因廣大相也。今此中意以德彰人，以入引修行者入於法界故，廣顯諸教有二知識，一人二法分齊者有三，一初人者，教為言證處，為方便門，入為旨，問等彰德，二若法者，言為教詮，總別同異等為觀門，智眼所得者為旨，通明等為德，三人法合明即觀教為詮，見處及

人為方便，得法為旨見，說往因及仰推等為德也，廣如別章，約時位等別，人有其四中五文殊重也，今寄顯法相，故有若干，若約正助即一百一十，若約實行即三千大千微塵等也，所以實約三千微塵等者，欲明附引三乘別機故也，若依一乘不若若干耳，此文分有五，初四十一人顯位修行相，次摩耶一人會緣入實相，三彌勒一人攝德成因相，由行會理成正因故，四重會文殊一人寄智照無二相，五普賢一人寄顯因廣大相，後二人述因勝也，今約此意，若別位皆差，若通行行皆有也，位即為相通，即為體耳，初四十一中，初一寄十信，次十寄十住，次十寄十行，次十寄十迴向，次十寄十地，所以文殊初智光導故也，今以五門料簡，一明總素等別，若約行相並別不同，若總約相有十六種，一菩薩，二比丘，三比丘尼，四長者，五優婆塞，六童男，七童女，八天，九外道，十藥師，十一船師，十二婆羅門，十三王，十四仙人，十五母，十六婦，二明修入徒衆，唯初文殊所具諸衆，次下唯一人，三辨往不往異者，初文殊往善財所，欲明初機不請自往，餘四十二明善財往彼，為機勝也，次有摩耶及普賢二人，不去不來，摩耶會相故，普賢廣大故，四歎發心不歎異，初文殊後普賢，文殊此不歎發心，意可知，亦可此亦不定諸知識中有不歎者，五結會有無者，餘四十四無結會，顯化未窮故，普賢有結會，明化位滿故也，所以

不現佛位化者，為表至果離相故也，此約所成自行，若望緣境如前可知耳，此初知識菩薩字文殊入善提心法門，初文殊文有三，初明文殊及眷屬辭退南行以為化緣，所以辭從佛往為明果悲下被故，二爾時尊者舍利弗下對緣攝化，三爾時文殊知善財下明自位滿足進入勝境，初文有四，可知，二攝化文有三，初化引聲聞即迴小入大也，二爾時文殊菩薩建立下攝諸龍衆，三時覺城人聞下攝化人衆，初文有四，初舍利弗表從化之智，二此六千比丘下表所攝機器，三爾時尊者舍利弗下明觀相迴心，四時諸比丘白尊者下求勝進入也，初文有二，可知，二機器文有五，可知，三觀相發心中有三，初覺衆大衆，二示其事相，三爾時尊者讚說下明從化得益，二示相文有二，初示自功德力，二海智乃至一切如來下辨上人加持也，四求勝進入中有五，初明見勝求進，有二，可知，二文殊現象王迴下勝進中緣器相應，有三，可知，三爾時文殊告諸比丘下明對機授十信行法，四彼諸比丘下聞法獲益，五爾時文殊勸諸比丘等示教大解行有二，初總令得普賢行及位，二彼諸下別辨可知，三授法文有三，初舉益開十數立宗，二何等下別釋，三若善男子下舉益勸修耳，四獲益文有三，初總得三昧門，二悉見下依定所現事，三得此三昧下廣辨利益，二定所現事中有三，初見佛依正，二見佛轉法輪，三又能知彼下知見三世果德

差別事。此等由文進。不得依次。可知之。
二攝龍趣。就中有四。初結前生後。二明處
勝。三說法。四赴機攝化可知。三攝善財文
有三。初覺城人聞赴化。二列人數。四衆即
爲。四也。三爾時文殊知衆集下明對機授
藥。此文有二。初總令生信。二觀察善財下
別屬勝機。此文有二。初歎德。二文殊菩薩
下爲說勝進佛法。文有二。可知。初文有二。
初問次答。答文有二。初歎顯德。二此善財
者下歎過去行德。第三進求勝境。文有三。
初文殊南行引生勝欲。二善財隨從文殊下
明願欲求進。三爾時文殊如象王迴下赴欲
讚教令入勝位。此猶在十信內也。

二願欲求進文有二。初少長行牒前生後。二
正偈頌。頌文有三十四偈有二。初四明自
無始迷輪。二有三十偈請求垂顧。初文有
二。初二辨惑體。次二明過失。後三十偈中
卽爲三十事。於中各二。初三句歎德。下一
句請導。三赴欲讚教中有二。初長行。次偈
頌。初文有二。初讚。次是故下教。初文有
三。第二文有二。可知。二偈頌中有二。初長
行生起。二偈頌。頌有十偈分五。初二正歎
善財能有大心。次一舉餘菩薩願成。次一
重總歎善財。次五舉五義歎善財德。次一
舉益以歎也。此下進入十住位。總作三門。
料簡。一方所有順。因果通局。初文殊有東
有南。次功德雲等二十七及第二十九大天乃
至彌勒二十九人並云南方。第八迴向云東
方。第十迴向及十地不云南方。各別有所。

摩耶後文殊有示無方。普賢無示無方。所
以然者南以表正。東表發覺。前文殊初信。
覺理故有東。勝進順正故有南。次功德雲
等二十八表未證理故遠有相應故云南。
次十一得理及應行相故表隨緣現。次一
會相入。實故不云方。等對方便相故示
也。次一表結因位順果。故示南也。次一表
勝智境。故示離取故無方。次一大故不可
示。遍故不可局。方也。

二辨教問遣辭得捨修明進昇之相。不違者
利益義微。復彰已獨善。有此失也。善財不
辭卽失。異聞進昇之美。初文殊自往故。無
人教問。亦無辭向。普賢中亦無辭向。意可
知。三辨分量深淺推不推異。前四十一皆有
結有推。後彌勒等無結無推。意可知也。
就一。一知識中顯法多門不定。對文當知。
今此初功德雲比丘當發心住位。入普賢光
明觀察正念諸佛三昧有三。初勸教勝進。
卽聞慧也。二時善財下依教趣入。卽思慧也。
三時彼比丘下得其法。故名證法界。卽修慧
也。此中處及人名等並從當位義相得名。
至文宜隨義消息之。初文有四。初南方等
處。二有一比丘下人名。三汝詣彼問下教得。
四彼比丘下歎德。此出離始故現比丘形。二
依教趣入文有六。初辭往。二正趣勝境。三
於彼山中下依教簡擇。四見彼下依教見理。
得比境。五馳詣下依求趣入辨敬儀。六請
問。三正入法界此文上下有四種證。一阿含
約位證。二教解證。三正證。四上果下加證。

復有十種證入。如離世間品說。思之可解。
文中有三。初總歎能問。二我於解脫力下爲
說自分所得法門。三豈能了了仰推勝分。初
文有二。初總。次如是事下別歎。能問。別中
有九句。此初句卽上教問第三句。此第二句
上第二句。此第三句卽上第五句。此第四句卽
上第六句。此中第五句卽上第十句。此中第
六句卽上第四句。此中第七句卽上第八句。
此中第八句卽上第九句。此中第九句卽上第
七句。此九通歎上總耳。二說自分中有三。
初辨法門體。二或見東方下辨法門用相。有
四。可知。三我唯下結自分齊。初文有四。初
總辨體。二逮得下明有所成。三普照下
辨益相。第四一切佛化下成前起後也。三
仰推文有三。初總辭。二諸大菩薩下別辨勝
相。三得虛空界下結。別中二十句念佛三。時
也。問仰推有何義。答有二義。一明他位德
高。二約他願自德分齊深廣耳。第二知識
卽治地住菩薩比丘名。海雲入普賢法門。初
教勸勝入。二時善財下依教趣入。三爾時海
雲下證法界。初有四。初示處。二人名。三教
問。四歎德。二依教趣入中有八。初辭退。二
南行下依入。三念持所得。四海門國所依處。
五詣下見相。六頭面禮下敬相。七白言下說。
已所得。八而未知下請問。問中初七自分行。
次五句利他行。三告下正證法界中有三。初
歎能問。二我住此下說自分行相。三豈能下
仰推勝德。初文有二。初總歎有三。可知。三
得普門下別歎善財德有二。初自利。二大

悲救護一切下利他餘相可知。二自分法門中有四。初明得法因緣。二時彼如來下爲果德攝益。三其有十方下明利他德。四結法名字。初文有五。初正尋思有三可知。第二句中一句總十句別。此別即迴事海爲十地相也。二作是念已即見下見緣起法門。三百萬阿修羅下外護行。四寶華佛下因行集起。五見彼華上下見其勝相。外護中有二十句。人寶二耳。見勝相中有二十句。二果攝中。初正加攝。二得益有三。初歎經德。二受持。三假使下校量功德耳。仰推文。初總。次責。三別廣辨可知。第三知識修行住菩薩比丘名善住。入菩薩無礙法門。勸教等三同。前初文有三。初示處。二示人名。三教問。二依教趣入中有七。初辭。次念所得法。三進入方便。四依教簡擇。五見知義相。六爾時善財下敬儀。七問及歎有二可知。三證入中有三。初歎發心。二我已成下說已所得自分法。三云何能說下推勝說。自分中有四。初辨法體。二我得此神通變下辨其作用。有三可知。三若有衆生明攝化行。四我唯知此下結分齊。初法門中有三。初辨體。二我已修習乃至得慧光下辨德。三何以故下辨成。推勝分中初二十辨上德。二菩薩有如是等下以略現廣。第四生貴住菩薩良醫名彌伽。入所言不虛法門。即初教勸。二時善財下依教趣入。三良醫下謂正入證。初文有三。無其歎德。二依教趣入中有七。初辭進。二爾時一心下念前法門。令其成滿。三漸至下

進向勝分。四入祝藥城下依教簡擇。五見相。六敬儀。七請問。有二可知。三正入中有三。初歎發心。二爾時良醫稱揚下說自分法。三云何能說仰推勝分。初文有五。一審發心。二明答。三禮供養。四敬重下歎發心功德。五當知菩薩下通歎菩薩化德。四廣歎發心內有四。初總歎。第二善男子若有下通歎發心功能。三佛菩薩加護天等供養。四彼爲安慰下辨護念意。第二說自分法中有四。初明口放光集衆。二時彼良醫下廣辨智慧法門。三所應作已下攝儀歸本有三。初歸。次說。法門名。三明德用。第四結仰推中有二。初總。次彼諸下別也。第五方便具足住菩薩長者名解脫。入如來一切無礙莊嚴法門。有三。初勸教趣入。二時善財下依教進入。三時解脫長者下辨正證法界。初有三。初示處。二示名。三勸教問。二進入中有八。初信德而辭往。二念前法門。三如是念下進向方便。四周遍下依教簡擇。五見相。六敬。七念也。八自言下請問。問中有三。初明已所欲。二自言我聞大聖下歎德。三唯願以下正請。初文有三。初十五句求果法。次欲與一切下十四求。因法。三欲滿下自分所修行法。三正證中有二。初說自所得法。二何能下仰推。初文有三。初明得法門。二得此法門下辨法門所現事。三我唯下結解分齊。初文有三。初辨入定及因緣。二入已下明定功德。三從起下辨法門名字。二法門所現事中有二。初約自他相對。二知一切佛及與下心境相對。前文有

二。初略。次廣。各有三可知。二心境內有二。初約真。次善男子當知下約俗。亦各有二。初立。次勸可知也。仰推中初總。次別可知。第六正心住位菩薩比丘名海幢。入普眼捨得法門。亦名清淨光明般若波羅蜜境界。有三。初勸教趣入。二時善財下依教進入。三三昧正受。初文有三。初示處。二示人名。三教問。二趣入中有五。初敬儀念德。二念前法門。有三可知。三漸趣下進向勝分。四見得方便。五周遍下依教簡擇。三正證中有二。初明自分法。二云何能說下仰推勝分。初文有五。初舉法門體。二善財曠未曾有下歎功德。三此定名何等下問法門名。有問答二文。答中有名義因果二文。四唯有此下辨功用。有二可知。五我唯下結。初文有四。初辨法門體。二從其足已下明現身攝。身光有十五處化。彼諸如來者頂上佛耳。三善財一心下辨攝法相應。四捨從定起。第二歎三昧功德中初十一句歎定德。二大聖乃至入此三昧下歎其作用。仰推中。初總次別三結。問菩薩既有具德何須仰推。答此有二意。一寄位不相。是故須推也。二寄三昧門別。發生勝欲故也。第七不退住菩薩優婆塞名休捨。入離憂安隱幢法門。初勸教進入。二時善財下依教趣入。三答言下正入。初文有三。初示住處。二示人名。三教問。二趣入信量中有八。初獲益辭退。二念前法門。三漸漸下進向勝位。四得方便相。五見普莊嚴園下見相。此有三。初見依

龜相二爾時休捨下見正細相三其有下教
德六爾時善財下番法有二句七往詣下
辨敬相八白言下請問圖中有十二事垣
樹等三正證入中有二初明自分法門二
諸大菩薩其心如海下仰推勝分初文有四
初辨法門作用二發心爲久如下問因緣久
近三此法名何等下問得名有二句四結
初文有四初我唯成一句明證分齊二若見
聞下明功能益用有三句三東方下辨佛
果德物被益有二可知四我此大衆下辨
眷屬行成有二可知二因緣久近中有二
初問答得法因緣二久如當成下問答成佛
久近久近答中有三初明不依時節修二
欲化一切下稱法界修三結初中十四句皆
是分局也稱法界修中有十三句仰推中初
總舉次別三結可知第八童眞住菩薩仙人
名毘目多羅入菩薩無壞幢智慧法門有
三初勸教進入二時善財下依教進入三時
彼仙人下辨現量證初文有四初示處二
示入名三善能下歎德四汝詣下教問二依
教趣入中有八初辨敬辭退二念前法門
有義教分二可知三漸漸下辨方便進向
四周遍下依教簡擇五見圖林依報龜相六
爾時見彼仙人下見正報細相七往詣下敬
儀有三可知八白言下申請問三正證入
中有三初歎發心二明自分法門三仰推
勝分初時彼仙人等歎發心功能此中文有
三初十句歎善財利他德二大衆各持下大
衆散華供養讚歎善財三告大衆下結歎發

心功能第二自分文有四初辨法門體二
善財白言下明法門自在用分齊有問答二
文三放善財手下歸往自分有二初放次
問答審法四我唯下結法門名二法門自在
分齊答中有三初知識手加見在十方佛
所聞法修行有二可知二或自見下修行
時節不同三善財爲無壞下明爲十法照
得十三味仰推中有三初總次別三我豈
能下結第九法王子住菩薩位婆羅門名方
便命入菩薩無盡法門有三初勸教趣入
二時善財下依教進入三答言下正入證初
文有三說處人名教問等二進入中有六
初辭進二明念得前法門三明所到處四
周遍下依教簡擇五敬禮有二可知六申
請問三入證中有二初明自分法門二明
淨法王下仰推初文有六初舉自分現法
門勸修二善財作是念下明對法生疑三
作是念時下諸佛菩薩等加勸除疑四童子
聞奇特下聞法歡喜悔過除疑五登刀山下
如說修行有二句可知六我唯成此等結
法門名字第二生疑中有二初十二句於自
分法中生疑二將非魔下勝分法中生疑
第三菩薩等加勸中有三初現色界天勸
二現欲界六天等勸三現龍等八部勸初
勸有三初總止莫疑二此是大聖下歎德
三時諸天下學他益以勸天者初禪天自在
者色究竟天四悔過文有三初於婆羅門
起善知識心二頭面下明悔過三婆羅門說
偈爲其受懺悔開導偈中初一偈勸順教

除障次一勸令成行又此諸知識內三人
是反道行一方便命現癡相婆須蜜現貪
相滿足王現瞋相問何故此處倍增勸法
答行相局無記故餘二即二通又在初前
故也又所以登刀山投火聚者約何相
順也答約實是法並悉廣通若局非不有
別何者刀體相續增成其斷法之用由有
破能故火體不續增成其顯常之用由有
照能故此依何理如有無二名說有能令
離斷成解妙常之用說無能令離有無
成其證會妙無絕相之能火即用無理會
妄照玄之用刀即用有理破無成信實德
之解也故有破義增成義微由成解顯故
無即成義增由顯證理故此如起信論說
也又今定宗唯取詮相由約事故也又准
所得三昧名共義亦可解耳又問何故刀山
須捨後得法火即得時變益何也答由有
教捨而方順無教相即非違故也仰推中
有三初總次別辨三總結第十灌頂住菩
薩位女名彌多羅入般若波羅蜜普莊嚴法
門初教往二時善財下依教趣入三答言下
正證初文有三初示處人名教問等二進
入勝分中有八初辭進二念前法門之用
三到其處四周遍下尋求有三可知五善
財即入下見依龜相六見彼女下見正細相
七見已已下辨敬儀八白言下請問三證入
中有二初自分法門二諸大菩薩下仰推勝
分自分中有四初辨得法門體二童子正
念下問法門名有三可知三境界云何下問

作用分齊四我唯知此下結。初文有三。初勸觀。二見一下定所現事。三皆是下推起因緣。第三作用分齊中。先問。次答。答中合有一百一十六門。此等法門並通一部為軌。為此是解窮故也。仰推中有三。初總。次別。三結。次下十知識當十行位。此初即歡喜行菩薩比丘名。善現。入隨順菩薩證明法門有三。初明勸教往詣。次時善財下依教趣入。三答言下正入法界。初文有三。示處人名。教問等可知。二依教趣入。有七。初辭進。次念前法。念法中有十三句。三進入。四於城郭下依教尋求簡擇。五見勝相。六往詣親近禮敬。七白言下請問發心。三正入法界中有二。初明自分法門。二金剛菩薩下仰推勝分。初文有三。初辨法門體。二不離此下明法門作用。三我唯知此下結名。初文有二。初得法因緣。二彼諸佛所下辨所成體。仰推有二。初別辨二總結。第十二饒益行菩薩童子名釋天主。入巧術智慧法門有三。初勸教趣入。二時善財下依教進入。三答言下正入法界。初文有三。示處人名。教問等即教量也。二信量有八。初成前法門。二念入辭退。三與天龍下明所到處。四周遍下依教簡擇。五時空中天龍下方便知識示導。即助道耳。六見釋天主下見其相。七即詣下親近禮敬。八白言下自說發心請問。三正入法界中有二。初說自分法門。二諸大菩薩下仰推勝分。初文有三。初辨所住法門因緣。二我因下辨法門德用。三唯知此下結自分所知。

第二德用文有二。初總明相繫子算印功能德用。有二。初總次別。二我亦了知下別辨算數德用。有三。謂一直算。二乘除。三功能可知。推勝中。初辨相。二結。第十三無患恨行菩薩優婆塞名自在。入無盡功德藏莊嚴法門。有三。初勸教趣入。二時善財下依教趣入。三答言下正入法界。初教量中三。如前。二依教趣入。中有八。初念法獲益辭退。二爾時善財於善知識下歎德攝益。有二。可知。三漸漸下明所至處。四周遍下依教簡擇。有二。可知。五尋求進位。六進入下正見勝相。七辨敬儀。八白言自說發心。六正見相中有三。初正。第二依。三眷屬。第三正入法界中有二。初自分。後仰推勝進。初一句明自分法門。二一器下辨法門大用。三結名。第二法門大用。中有二。初為說大用法門。有二。初施。二辨益。可知。一汝見我此下攝令同益。此文有二。初令見內眷屬。二此諸下於外作業。初文有三。此第二有五。可知。仰推中。初釋次結。第十四無盡行菩薩位長者名甘露頂。入如意功德寶藏法門。初勸教。二時善財下依教進入。三答言下正入法界。初文有三。同前。二依教趣入。中信量有七。初辭。二念。三到。四尋求。五見甘露下見相。六敬儀。七申意請問。三正入。中有三。初歎發心能問。二汝見我下說自分法門。三諸大菩薩下仰推勝分。自分中有四。初約眷屬以顯法門。有三。可知。二我成就下明法門體。三隨其所須下明法門大用。四我唯知此結法名。

大用中有四。初來寶等明財法二攝。二且待下明所化衆生。三仰視下顯虛空器出。無盡財攝。四滿意歸。本仰推有三。總別結也。第十五離礙亂行菩薩位長者名法寶周羅。入滿足大願法門。初勸教。二時善財下進入。三執善財手下正入。初文有三。同前。三依教進入。中有七。初念德敬辭。二念法令增。三至處。四尋求。五於道遇見。六禮敬。七自說發心。請問法門。三正入。中有二。初說自分法門。二諸大寶下仰推。自分中文有三。初以自分法門攝益。二爾時善財乃至白言下問得法因緣。有三。初歎。次問。三答。可知。三我唯下結成自分。初文有二。初歎以手引入家。觀方便耳。二正觀。觀中初依報攝益。有二。可知。後正報攝益。正中有十重。第八重中。初神通等三世間八地德。次指一切佛受持等明。九地德。第十重如來滿中等此即因中具果法門也。仰推中。初別次結。可知。第十六善現行菩薩長者名普眼妙香。入令一切衆生歡喜普門法門。初勸教進入。二時善財下依教趣入。三答言下正得法界。初文有三。示處人名。教請等也。二進入。中有七。初禮辭。二思前法門。三漸至。處。四起勝進行。五見普門下見相。依正分有二。可知。六辨敬儀。七白言下請問。三正入。中有三。初歎發心。二我知一切下說自分法門。三諸大藥王下仰推勝分。自分中有二。初辨攝益。二我唯下結名。初文有四。初治事中報障。有二。可知。二然後下除其定障。三稱揚下教發。

心除其細障令諸行成此有二可知四善男子我又下明有異巧便也。有二可知仰推中。初別辨次結也。第十七無著行菩薩位王名滿足。入幻化法門。初勸教進入。次時善財下依教進入。三時滿足王下正入法界。初文有三如前。二依教進入中有八。一辭。二念。念中有二。初總。次十六句別也。三至處四起方便導之。有問答二文。五見下見相有三。初見依正。二見治國法。三觀生疑可知。六作是念下諸菩薩等導誠除疑。有四可知。七聞天已下敬儀。八自言自說請問也。三正入中。初辨自分。二諸大下仰推也。初文有四。初方便攝受。二見我此報示其行相審之。三我成就下明法門體用有三。初體。次用。三反以顯成耳。四我唯下結分齊。仰推中有二。初廣次結也。第十八尊重行菩薩王名大光。入菩薩大慈幢行法門。有三義同前。勸教中有三如前。二依教進入中有八。一謂辭。二念前法門。三至處。四與念自知必見勝法。初問。次答。三作念生欲。五入善光下見依正。六爾時善財於此下見。正報相。七五體下敬禮。八請問。依報中有十。謂斷斷巷人衆樓閣寶帳蓋幢幡王住處樓閣。第六善財觀生無著等。正報中有三。初成前起後。二見王身。三彼殿前下申其利物相也。二十八相者顯因行未圓故。三正入中有二。初說自分法門。二諸大下仰推勝分。初文有四。初舉法門名及得因緣即爲二也。二我住此下明利益用。三此城衆生

下舉三昧功能以證現事。四我唯等結自分所知。二利益用文有五。一總辨攝益。二令諸下明攝成。三善男子下正辨攝用。四各見下明所感各異。五以正下明會屬往因也。三三昧功能證現事中有三。初說入定時除他障。二且待下正顯入定功能證成前事。有二可知。三從定起。仰推中有三。初總。次喻顯。三結也。第十九善法行菩薩位優婆夷名曰不動。入菩薩無壞法門。三義同前。初教勸有三如前。二時善財下明依教進入中有七。初辭。二念。念前法門。中有四段明義。初尋思法門。令得增勝。二復作是念辨。知識功能。三悲心念時下入定。如來使者方便教示令更進趣。四爾時善財定訖出定。三漸至。四推問下辨尋求。五善財歡喜下見依報淨用。六前詣其所下恭敬觀身作用。七自說發心請問。敬觀中有五。初形色勝獲益。有三可知。二宮殿等體勝。三眷屬勝。四其有見者下除障勝。五見彼女人下牀前勝德。偈讚耳。即爲二耶。三正入中有三。初歡發心。二我成就下說自分所得。三諸大下推勝分也。自分中有四。初辨法門體。二白言得法因緣。三我入此下引現定用成。行勝相。四我唯下結自所知。得法因緣中。初問修行勝行及問德用。下答中因緣德用合釋。答中有三。初略答。次重問。三廣辨中有六。初見佛身相發心念求。二時彼如來下更教發十心。三我於爾時下問法求果智。四我發是心已下行成離障。五於爾

所劫若有衆生下辨利他德用。六我初發心來下總結也。三引現定用文有五。初歡德。二審定。三答。四成事。五出定仰推中。初舉六喻明行深廣。二結。第二十眞實行菩薩位。得至一切處行法門。知識外道名隨順一切衆生。三文同前。初教勸中有三如前。二依教進入中有八。一辭退。二念。前法門。三漸到。四周遍下尋求。五於中夜下見依相。六爾時善財下見正報相。七往詣下敬儀。八請問法門。三正入中答言下有二。初歡發心。二知已安住下說自分所得。三諸大下仰推勝分。自中有四。初辨法門。二以平等般若下明法門體用攝化。三復次善男子下以親近利益用證前行。有三可知。四我唯知此下結。第二體用攝化有三。初學智光。二觀察下觀其機。有三可知。三以妙智下說法被益。仰推中。初別明下結。此下十知識當十迴向位。初即第一救護衆生離衆生相迴向菩薩位。長者名青蓮華香。入香法門。初勸教。二時善財下依教進入。三答言下正入。初教中有三如前。二進入中有六。初辭。二爾時乃至不惜下念修前法獲益。有二可知。三漸漸下至其處。四詣青蓮華下隨進得實。五頭面下禮敬。六自說發心請問未聞。三正入中有三。初歡發心。二我能下明自分法門。三諸大下仰推勝分。自分有二。初辨所知。二結。初文有三。初知香法。二彼香下知香起因。有十種因。初一立。二所爲。三法成。四諸分具五無過。六德成不動。七善

巧相發。八分齊。九成。前事。十來處也。三人中有香下辨勝力。仰推中。初辨次結。第二十二不壞迴向菩薩位海師名自在。入大悲幢淨行法門。明教勸等三義同。前可知。初教勸中有三。如前海師名自在。二依教進入中有七。初辭。二念有。第二中有三。立寶答也。三漸至。四尋求。五見勝相。六詣彼禮敬。七自說發心請問。三正入中有三。初歎發心能問。二我成就下自分法門。三諸大下仰推勝分。自分有三。初一句辨法門。二在此海邊下辨化用利益有四。謂一解脫法有。二可知。三知世事法。三迴世成出世。四結成大用可知。三我唯下結自所知仰推中。初別次結也。第二十三等一切佛迴向菩薩也。長者名無上勝。入至一切趣菩薩淨行莊嚴法門。初明勸教。二時善財下依教進入。三長者告下正入。初教中有三。如前。二進入有八。一辭退。二念修增廣。三漸至。四周遍下尋求五城東下見勝妙相。六時彼長者下彼眷屬相。七爾時善財下敬禮。八白言下斥已請問耳。三正入中有三。初歎發心。二我成就至一切下說自分法。三諸大下仰推勝分。自分中有三。初總舉法體相。二何等下廣辨義用相。三我唯下結自分所知第二廣辨中有二。初問次答。此文有二。初約此方。二等類餘土。此有二可知。初文中有一。初身業至趣。二於中說法下口業說法。於此二文中。知法合樂及諸佛自覺聖趣。即意業也。仰推中。初身業勝。二速得下口業勝。三分

別下意業勝。四我當下總結。第二十四至一切處迴向菩薩也。尼名師子奮迅。入菩薩一切智底法門。初勸教。二時善財下依教進入。三善男子下正入法界。教中三。如前。二趣入中有七。初辭進。三漸至略無念前法門。三周遍下尋求有二可知。四詣彼下見依報相有三。初辨果體。二明因。三辨自在。此有三可知。五見比丘尼下見正報相。六五體投地下辨敬儀。七白言下請問。正報中有三。見身遍在衆座。二見處一座下爲衆說法。三善財見下結所見奇特。爲說法中有六。初爲八部等天王說法。二聲聞下爲衆說法。三初發心下爲十地人也。四金剛力士等說。五見處如是下廣類結益。六何以故下釋所由也。初淨居天等總有二十九門見。正報。第三文結中。園林等結上樹等。經行坐等結上遍坐等。大衆眷屬結上大衆等。諸妙功德下結上說法等。諸奇特事者總結殊勝。又聞下結歎上說法熏資令身心柔軟等。三正入法界有二。初自分法門。二諸大下仰推勝分。自分中有四。初說法門名。二大聖如此下明自分法體。初問次答。三大聖此智光下明法門大用分齊。初問次答。答文有四可知。四我唯下結自分所知仰推中。初別明次結可知。第二十五無盡藏迴向菩薩位女名婆須蜜多。入離欲實際法門。初明勸教。二時善財下依教進入。三答言下正證。教中三義同。前二進入中有八。一辭退。二念前法門。三漸至如前。四明尋求有四可知。五

善財聞此下見依報相。六善財見彼下見正報相。有四。初身。次口。三意。四莊嚴可知。七禮敬。八自說發心請問。三正入中有二。初自說法門。二諸大下仰推勝分。自分中有四。一句辨法門名體。二若天見我下明法大用有四。初總同生。次現勝。三對生獲益。四結。阿黎宜者此方名本欲。阿衆轉者此名正欲。三昔何所下得法因緣。初問次答。答中有二。初勝緣。次發心。四我唯下結自所知仰推有二可知。第二十六隨順堅固善根迴向菩薩位長者名安住。入不滅度際菩薩法門。三義同。前教勸中有三。同前。二進入中但有四。初辭。二往。三至。四自說發心及請問耳。三正入有二。初自說所得。二仰推勝分。自分中有三。初辨法門體。二自言下明法門德用有三。謂問釋結通等也可。知。三我唯下結自所知。初文有二。初列名。二住此下明見佛行相有二。初佛次法也。各有二句。仰推中。初釋後結。第二十七隨順等觀一切衆生迴向菩薩位也。菩薩名觀世音。入大悲法門。初明勸教趣入有三。同前。二時善財下依教進入。三答言下正入。二依教進入中有九。一辭進。二念前法門。三漸至。四尋求。五見觀世音依正相。六善財發念諦觀以興念。七時觀世音下讚歎善財。八詣所禮拜。九自說發心及問法門。三正入中有三。初歎發心。二我已成就下自分法門。三諸大下仰推勝分。自分中有三。初明法門體相。二我行大悲下明作益用。三

我唯下結所知。初文有二。初辨名體。二辨功能。第二益用中有二。初辨令離十八障。二復次下教令發心。仰推中。初總次別三結。第二十八如相迴向菩薩名。正趣入。普門速行法門。初辨勸教。二時善財下進入。三我已下明。正入。初文有四。初示來方。二歎德。三審見。可不有問答二也。四汝詣下教請問。何故此一知識言。東不遠。南何也。答此第八迴向如相離。分齊故。揀前耳。但有證見覺初。故說東也。問所以住金剛山上及至觀世音者何也。答由地前位是未證真如。流至比境難壞故。復下赴利生悲際故也。二依入中有五。初禮敬諸觀。二念前法門。三往親近。四禮拜。五自說發心。請問法門。三正入中有二。初說自分所知。二諸大下仰推勝分。初文有三。初辨法門名。二問答辨得法因緣等。此有三問。三我唯下結所知。答因緣中有三。初舉難知。二唯願下重請。三正答。因行。正答中有七。一刹。二佛名。三從得法門。四發求遠近。五辨速疾。六供養行。七悉能了知下應機授法。通答上三問。亦可別也。仰推有三。可知。第二十九無縛無著解脫迴向菩薩位天名。大天。入雲網法門。初辨教進。二時善財下依教進入。三爾時大天。下正入。勸教三義如前。二依進中有八。一敬辭。二念前法門。三漸至。四尋求有。二可知。五往。六禮敬。七自說發心。八請問。三正入有三。初以水洗面。散以金華。及歎其知識難遇。二我已下自說所得自分法門。三諸

大下仰推勝分。第二自分中有三。初辨法門體。二自言下顯法德用境界。三我唯下結。已所知。德用中有二。初問次答。答中有二。初教財施。二復次下教法施。初財施有五。初積寶。二積香。三現女。四教善財。五及他人。第二法施中有四。可知。仰推中。初舉五喻。即合。大結耳。第三十法界無量迴向菩薩也。神名安住。入菩薩不可壞藏法門。初勸教。二時善財下依入。三安住地神告下正入。初勸教中有三。如前。道場神名安住。何以此下不辨南為。世間淳熟離諸相故也。二依入中有七。初辭。次趣摩竭也。三依入略無念前法門。四一萬地神下歎善財德。此文有四。初歎德。二淨界。三應法。四審問。可知。五爾時善財下敬禮。六申意。七地天顯淨土果報。今同見益有二。初果。次因及勸取可知。三正入有二。初辨自分法門名體。因由二諸大菩薩下仰推也。自分中有四。初出法門名體。二我於燃燈下明修行差別大用境界。三乃往已下明得法因緣。四我唯下結自分所知仰推中。初釋後結可知。

大方廣佛華嚴經搜玄分齊通智方軌卷第五之上

大方廣佛華嚴經搜玄分齊通智方軌卷第五之下

終南山至相寺沙門智儼述

自此已下有十知識。此一歡喜地菩薩也。天名婆娑婆陀。入光明普照諸法壞散衆生愚癡法門。初辨勸教。二時善財下依入。三爾時夜天告下明。入法界。勸教中三。如前。加毘羅城國名舍夷。是佛生處。表初地生。如來家也。所以此後皆是夜天。欲彰此下得理自在。輝光大夜處。深闇化故也。餘前已明。二依入中有七。一辭往。二念前法門。三至處。四從東門下漸趣尋求。有一可知。五見彼下見相有二。初見。二觀德。六見聞此已下明喜禮拜。七自說發心。請問。此有三句。可知。東門者開明之初也。三告言下。正入中大文有三。初歎發心順。知識教。二我已成下說。自分法門。三諸大下仰推勝分。自分中有四。初辨法名體。次我於善惡下辨用。三自言下明得法因緣。四我唯下結。自分所知。用中有三。初於衆生起慈悲方便。二我常如是下依前方便對緣化也。三說偈勸修。二對化中有十七文。初總救。二救海難。三陸難。四爲依。五救山難。六救曠野難。七救苦難。八救著國土。九救著五陰。十救著聚落。十一救著六入。十二救迷惑。十三救惡業。十四救厄難。十五救苦等三障。十六救邪三業。十七普賢行攝也。三偈中有二。初長行生

後。次偈頌。偈有二十一偈。初一頌前法門。次四頌初入地四無量行勸令究竟。次十三偈六入勝用勸修究竟。次三偈總歎所得法門勝用。前三偈中。法身等宿命通。我心等二他心。我以神等二身通。清淨廣智一偈漏盡通。第三得法因緣中。初問次答。問中初問。發心時劫。二問得法門入近。答上二問各有結會。二文可知。仰推中。初廣次結也。第二夜天名甚深妙德離垢光明。即二地菩薩位也。入菩薩寂滅定樂精進法門。初勸教有二三可知。二爾時善財下依入。三答言下正入。二依入中有七。初十偈歎前知識德。十偈中初六歎報身德。次一歎本因行在身中現也。次三歎利用難盡。二辭往。三念。念中有二可知。四漸至。五到。六禮敬。七自說發心請問。三正入中大文有三。初歎發心。二菩薩成就十法下明自分法門。三諸大下仰推。二自分中有三。初辨法體相有。二初辨體相。此文有四可知。就此第三十門內。初四自利。次六利他也。二我已下結名。二悉見下明大用。此文有四。初總辨用相。二亦不著下對用成行體有。四謂立資答結答可知。三分別了知下明二用雙行。四我如是常下廣辨用相。餘相可知。第三我唯下結可知。仰推中。初別釋。後總結。第三夜天名喜目者。即三地菩薩也。入離垢喜幢法門。初明勸教。二時善財下依教進入。三見彼夜天下正入教中有四。初示處。二示其人。三教諸問。四爾時甚深下以偈頌勸諸。偈中初

十二總頌前十法。次一教勸善財詣後知識。前中初二頌初四法。次十頌後六法。二依入中有四。初辭往。次念前人法用耳。三時喜目天加被善財令往為讀。知識有二。初讚次得法門。初文有二可知。四善財往下正往。第三正入中有二。初說自分法門。二諸大下仰推。前文有四。初明法體。二一切毛孔下辨法門大用。三白言下得法因緣。四我唯下結自分名也。大用中有二。初現德。二爾時善財皆得見聞下獲益。初文有三。辨現十度行德有。二略釋。次結類廣可知。二喜目下明過去世行德有三。謂總釋結。三身雲下現身攝益。此文有四。一現身有三。謂總釋結也。二為一切衆生下辨所顯德。三如是等下辨能詮言教音聲。四彼一身雲說是法時下辨說獲益耳。又即初身。大意。三口業也。初十度身雲中。一皆有四義。謂一依。二身。三所作事。四利益可知。二過去行中。方便波羅蜜有五句。初行體。二善巧隨。方現。依正。三所知作用。四自在無礙。五方便所依事。願有五句。准方便可知。力有四句。初行體。二成諸法因緣德。三成法善巧海。四所依事智中三十句。初體。二顯現相即立教義。三智依止。四智辨才相。五分齊。六種類相攝。七智勝能。八所依事。九差別。十所窮源底。十一執取隨用。十二不違可軌。十三智因。十四所依利土。十五知依報時。十六知正報時。十七果人顯現。十八知果人智。十九知因人。二十知因人智。二十

一智知因人位。二十二因人功德。二十三因人轉易。二十四能扶行願。二十五授行分齊。二十六知說分齊。二十七法因陀羅。二十八同法。二十九知法契道。三十知所趣。二善財獲益文有二。初獲益。二偈讚歎。初文有四可知也。就十偈中。初七歎知識身業化用。次一歎意業化用。次一歎口業化用。下一總歎化用廣大。三得法因緣中有三。初結前起後問。二夜天以八十九偈半答。三結會古今。答中初二十五答發心久近。次從是後下六十四半答得法因緣也。仰推中。初別釋次結耳。第四夜天名妙德救護衆生。即四地菩薩位也。入教化衆生菩薩法門。初勸教。二時善財下依教趣入。三爾時夜天下證也。初勸教中三同前。二依入中有三。辭念。前法往見。略無禮問耳。三正入有二。初說自分。二諸大菩薩下仰推。初自分中有四。初天為現法門。令善財得自分法體。二即得此三昧下明三昧力用。三白言下明得法因緣。四我唯下結自分所知。初中有四。初辨所依菩薩法門。二現身光。三辨所趣。四得益。二三昧力用文中有三。初明所化衆生處。中自在。此中有四。一依二處。三知四益。此文中有四。一六道。二四生。三約相。四滿足大願下釋成化意。二善財見彼下善財得益起敬。三即捨相好下化窮息。用引勸行心。令善財偈讚也。長行及偈二也。此偈文有二十偈半有三。初十半略歎。夜天化用自在。二喜目下三偈歎得見因由。次七廣歎夜天

化諸衆生成其勝行。三得法因緣中有二。初善財略歎法門。即作三問。二善男子。下天神廣答。答中初歎法深。二諦聽下正答得法因緣及時劫久近。名在第四結中答也。初文有三。初總歎。二一切人天下非。小心境界。三何以故。下釋成有。二可知。正答有二。初長行。次偈頌。長行有二。初誠衆聽。二辨辨中有二。初值一佛得聞正法。二其後劫已下有五百佛出世。作種種形而往供養。此文有二。初釋次結利益也。初值一佛文有八。初時劫中佛出。二時彼城下明所屬王。三彼有女下明本身修行。四時彼城北下明佛施化。五時女即解下明受化獲益初緣。六爾時妙德乃至於大衆中下正明得益。此有四。初佛說經。二女得定。三得勝心。四獲勝法門。七復於是前下轉釋往昔緣起。八爾時明淨妙王等下結會古今。有四句可知。四施化文中有一。初明佛普化說法。二爾時普賢菩薩下別爲當機。初文內有四文。初辨菩提樹莊嚴。二最初佛成道放。十二種光養衆生根器。即十二住也。三滿七日下知受道時動地出聲。及隨所應器爲轉法輪。即爲三也。四何以故。下釋成也。轉法輪中有二十句。初二利外凡夫等。次一利小乘。次十利十信。四立無量下利十解。五立無量住菩薩下利十行。六無量清淨下利迴向。令迴向入初地。七乃至九地入十地。八立無量衆生已下使十地人入安住分究竟處。九成普賢行位也。二當機文有三。初普

賢發機。二王人等知說。偈正告。三興供養具也。聖王十偈讚佛中有二。初長行次偈。偈中初一歎佛勸衆往詣。次六歎難值遇。次二示光令喜。次一勸人速往。二天重願中有二。初長行生起。次偈。偈文有三十八半有四。初二勸聽許說。次三十三半略明。百一十佛。總頌上座等諸佛。次二依佛得法門。下一勸發善財應速修滿。仰推中初釋次結。第五夜天名寂靜音。即五地菩薩位也。入無量歡喜莊嚴法門。初勸教。二時善財下依教趣入。三夜天告下正入法界。教中三同前。二依入中但有四。初辭退。二往。三禮。四舉。行地而問。三正入中有三。初歎發心。二我成就已下說自分法門。三諸大菩薩下仰推勝分。自分中有四。初辨法門體。二白言下明法門德用。三白言天神下得法因緣。四我唯等結自分所知。德用中。初問次答。問有四句。初問攝化德用。二問法門境界體相差別分齊。三問造修方便行。四正行也。答中還四句可知。答初文有三。初明觀修。二我爲下正明攝化。三善男子下總結。初文有九心可知。二正攝化中有五。初總爲苦衆生令離苦。二若見在家下以十度門等化。三無色界下化著正報者。四爲圍觀下化著依報者。五爲貪欲下以五度門攝修勝行。三結中。初結上初句總告。次句結著依正者。次一句結十度等門。又亦可但有二意。而通結上文也。文有二。初總次別。二答上境界文有四。初辨因行所觀境。二又善男

子下明果德所觀境。三起非下泯相入實有。三可知。四佛子此菩薩下結。三答上方便造修文有三。初一總。次別。三結可知。別中三十一句可知。四答正行中有二。初問次答。答有五可知也。三明發心久近中。初問後答。答中初長行次偈頌。長行中有六。初佛得法。二彼道場上下以法力故常見諸佛。三經佛剎下復以法力見賢劫四佛。四以此法界下復重得無量法門。五汝所問我下結會廣大真實無增減相。六是故下勸修行。第二偈頌中有二。初長行生起。二正頌有十分。三。初一勸聽勸修。次四頌上所得法門因緣。下五頌上行成利益衆生義。仰推文初別次結也。第六夜天名妙德守護諸城。即六地菩薩位也。入甚深妙德自在音聲法門。初勸教進入。二爾時善財下依教趣入。三夜天告下正入法界。初文有三同前。二依入中有七。初善財將辭。先以偈讚報恩。十偈中有二。初生起。次偈頌。頌中初三歎由教故離諸取著得見法身。次二歎菩薩離三障故得解脫自在。次三歎菩薩攝益。下二令時衆離取著也。二正禮辭。三念前法門。四往趣。五見勝相。六敬禮。七問。三正入中有三。初歎發心能問。二我已下說自分所得。三諸大下仰推勝分。自分中有四。初辨法門體。二是故佛子我爲下明法用。三白言夜天下得法久近因緣。四我唯等結當分所知。二法門用中有四。初二三句明觀修攝化方便。有三。初一句立。次於一切法下釋。三佛子我

等下結。第二文有四。一依法。二依世界。三等心下依衆生。四佛子我常下成。心德用。二復次佛子下以十種行觀察法界。行稱法成。有四可知。三我如是念下二十三句正明對緣利他攝化。四我已成就下結。三就對緣利他文有二。初辨利他方便。二我深入下結用廣大。初文有二。初辨能持德。舉數釋結三文也。二明所攝持法。此有二。初釋次結耳。得法久近中初問次答。答中有四。初說往世得法因緣。二佛子下會古今。三佛子次有下復值無量佛得諸法門。四復次佛子下復更值無量諸佛獲勝益也。仰推有二。略廣後述。已非分可知。第七夜天名開敷樹華。即七地菩薩位也。入無量歡喜智足光明法門。文中三義同前。初勸教中示處人名教問偈重頌等四也。夜天重頌中有三。初長行生後。二偈頌。三結。第二文有十四偈。初二歎法門深妙。次十半頌劫中值佛得法門。下一半頌後值佛出世獲益轉勝。二依入中有八。初善財得法深入大用。二偈讚報恩之行。善財十四偈中。初三歎自利證德。次三歎利他。下八通明自他二用。三禮辭。四重修前法門。五往六見相。七禮。八述問。三正入中有二。初明自分法門。二諸大下仰推勝分。自分中有五。初總明法門德用有三。初令得世間樂。二令得出世離苦行。三令成善法行。二我已成下正明法門名體。三善財白言下明法門大用。四自言天神下明發心得法久近因緣。五我唯下結也。三大

用中有三。初問次答。三結。第二答中有五。初辨相。二推功在佛。三尋往因。四依起勝行。五舉佛爲證可知。四發心久近中有二。初問次答。答有二。初明深遠難知。二佛子乃往下正答。此二各有偈及長行。初長行五文可知。初偈有二。初長行生。二正頌。頌有二十一。半有五。初一歎法門深勝。次四頌上非凡小乘等知。次十四半頌唯大心菩薩能知。即通頌上業行也。次一勸善財勤修。下一推功在佛。許說生後也。二長行正明往因行中有二。初長行。次偈頌。初有六。初明往昔佛世因緣。二佛子彼世下明往世起化因緣。有四可知。三時彼會中下歎王化德。有二可知。四時彼女人下說偈顯王大行成就。五王讚女言下讚女及眷屬福智德成。六善男子下結會古今。第四女偈歎王德中有五十二偈有三。初生起。次偈讚。三顯敬儀。第二偈有二。初二十五偈歎王化德。二王父名淨光下二十七偈歎王眷屬勝。初文有三。初六明王未生時具有諸惡。次十二歎王出世豐樂斷惡修善。次七偈歎王說法利物。第二歎眷屬中。初三出王父母所正法治世。次九歎王出世豐樂。次三歎王遊池園觀。次十二偈池華中童子出現爲世歸依。第二重頌中十偈有三。初五以五通自在知諸佛出世事。次四以漏盡智通知出世法。下一勸修。仰推文有二可知。第八夜天名願勇光明。即八地菩薩位也。入隨應化覺悟衆生。長養善根法門。三義同前。

初教中有三句可知。三時善財下依教趣入有四。初辭退。二詣三見相。故下文云。向所顯現者即指此相也。四敬禮。三正入中有二。初說自分法門。二諸大下仰推耳。自分中有四。初得十種心下於知識十種心等即法體。亦可十種心由屬前第二依教趣入第五文。即當請問也。但爲顯八地無相。故不言請。共法已下始是法門體。宜可思攝耳。二偏袒右肩下說偈讚歎。三白言下請問法門名及久近成道因緣。四我唯下結。初文有二。初得十心。次得應共菩薩法。十法有三。舉釋結數難有十列。唯八句。句別先舉次釋可知。二共法中總有四。初總。次所謂下別有一百句。三得如是下結。四辨益。共有三義。一師與弟子共。二位中攝法共。三緣他共法故得共行也。上來善財行窮至此無功用地故。廣辨獲益。二偈文有二。初長行明說偈意。次正歎偈中有十行。初一於知識起自己心攝也。次六明由知識得法請爲廣說。下三念德難報。三辨答久近。文有二。初問有三問可知。次答。答文有三。初答法門名。二我入此下明法大用。三如汝所問下明答發心久近。又亦可發心久近答第二問。大用者答第三成佛問。即因廣大隨機上下故。未定作佛也。第二答大用中有五。初總說入此法門得平等離染著。即理智也。二解一切色後智了色性也。三於念念中現如是下總結自在神力。四或見等下廣顯行相品類等也。五我住此下結。

歎佛事廣大利益。三答前發心得法久近中。初牒問次答。答中有二。初一句總。次別。別中有六。初辨法深。此文有二。初法有五句。後以五喻。次第合之。即隨結也。一智門圓滿究竟喻。二智體本淨無惑喻。三智門離障益生喻。四智用隨機難壞喻。五自在遍周無害喻。二菩薩智下以世間言說其久近。初許次說。二文可知。三結會古今。四佛子我於爾時下轉報見多佛也。五次有劫名日光下轉劫值見六十億佛勸發修行。此文有二。可知。六偈頌此文有二。初長行生起。二正偈頌。偈文有三十六偈。文有六段。初一頌上法深承佛力說。次十三頌過去太子代受獄囚救生等文。次五頌初佛聞法發心出家等。次六偈頌從是已後值諸佛修法門等。次八明法門大用。次三歎法門德備勝妙難思也。餘文可解。第九天名妙德圓滿。即九地菩薩位也。入無量境界受生自在法門。流彌尼者。生太子處也。三門同上。初教進三義同前。二時善財下依教趣入中有七。一辭。二念。增前法。三漸至處。四周遍下尋求。五見相。六敬禮。七申問。三答言下正入法界中有二。初說自分法門。二諸大下仰推勝分。自分中有四。初辨法門名體。二善財自言天神下明法大用。三善財白下得法久近。四唯我下結自所知。法門名體有二。初辨方便。二出行名體。初文有三。初長行。次偈頌。三結益。長行中有三。初舉十名歎德。二何等下歎別釋。三住是下結。此有十

句。初文有三。初舉十數。二歎德。三何等爲十下列十名。有二可知。第二別釋中十門各有三。初列名。二釋也。三結重頌。十偈次第頌前十受生法可知。二法門大用中有三。初問。二答。三我一念中悉知下結。知自在耳。此有二可知。二答文內有五。初天得具足受生法門。生此林。有四句也。二時此林下現十瑞相。初立宗。次問。三釋。四結。五明初利益也。三佛子摩耶乃至生太子時下因行智光以相顯體有三句可知。四畢利叉樹下大用自在攝德無礙有三句也。五生菩薩時如空下顯清淨無染。文有三。初爲益現身。二順法成似。三成而無作。初有四喻。朗曜挺特如空中日。即現群機喻。若電光。布慈漸益如山起雲。像現除迷若闇中燈。三得法因緣中。初問次答。答中初長行。次偈頌。長行中有四。初時劫佛現。二彼世界乃至王都下明受身因緣。三於意云何下結會古今。四我從是來下辨修行廣大。頌中有二。初長行生起。二頌偈文有三十三半有四。初一勸聽許說。二有八頌前初所得法門。次十三半頌上經諸佛修使增廣。次一結難思也。仰推有二可知。第十聖處此方名明女。即十地菩薩位。太子有三夫人。此是第三夫人。耶輸陀羅第一夫人。第二夫人名摩奴陀羅。此名意持。此佛宮中但聞名不見其形也。此明女表慈悲行究竟也。入分別觀察一切菩薩三昧海法門。三義同前。初教往三義同前可知。二依入中有八。初

辭退。二念增前法。三往。四至菩薩會堂下明至所。即總集地分。五爾時彼天下顯方便行勝剋位自然。即眷屬行勝。六爾時離憂壞下彰其行具入勝境界。即三昧分。七敬禮諦觀。八自說發心請問。五具方便行勝文有六。初眷屬行集。二白言下歎善財自分中具自他行。三我觀仁者下歎善財勝分行中具自他利行。四復我觀人者下勝進中通三世法。此文有三可知。五善財答下述同利他佛事有二。初總次別顯。此文有三。初緣違順二境調心。此文有四。初法。次喻。三合。四廣成。此文有三也。二若菩薩如是行者下述成業用也。三天神下結也。六善財將昇法堂下明一行一切行俱現顯勝妙相。此文有三。初將昇即趣向正位。二彼離憂等下顯薰資義。三偈頌顯善財勸求示成佛義也。所以往天所爲此。已下知識位勝故表藉多方便成也。偈有二。初生起。二偈頌。頌文有十行分三。初三自利行。次六利他行。次一歎能近善友得見諸佛。六入勝境中有四。初總辨勝境。有二可知。二尋求。三見勝相。四悉於下明德行清淨。三爾時異夷作是言下正入中有三。初歎能問許說。二若菩薩下自分法門。三諸大下仰推勝分。初文有三可知。自分中有五。初舉業自在修觀方便。二善男子下明法門名體。三此法門下辨法門大用。四大聖發心下明發心久近因緣。五唯我等結當分所知。初文有三。初明十法界行五句也。二佛子十值知識中若

諸菩薩下明十值知識方便行有六句也。三以偈頌有二。初長行生起。二偈頌中有十三偈。初二頌上一句。次七頌中間七。次四頌下二句。又亦可合通讀前人法方便也。三大用文有二。初問次答。答有四。初明此界用。二如此娑婆下遍餘十方十世界也。三盧舍那本願下明前教意異有所因。四我悉深入乃至何以故等已下釋知寬廣所以。此有四句可知。初文有二。初知有漏因果。二彼諸劫下知無漏因果有三。初知佛。二知小乘。三知大乘也。四得法發心因緣中。初問次答。答中有六。初辨本身及始得法門。二彼佛滅後轉得勝法門。有三可知。三佛子我得此下辨修分齊。四佛子我若下明修行本意。此中有二。初辨次釋。所以可知也。五我於下修增諸行。六猶未能知下辨行增微彼諸本身及始得文有十一段。一明本身感佛化導。二時彼女人聞是下化同衆生。故往太子共爲眷屬。三爾時太子下爲犯邪行故。問彼女依正法有二文也。四時彼女母自言下歎德勸受。五太子答言下共其立要有三。初立要。二偈頌明有所期。三女隨受。六爾時太子聞彼下以衣施報恩。顯德。七時彼女母即爲下歎女自慶起。隨喜心行。八彼太子與女俱下見佛得道。九詣父王所下勸父王見佛。令彼大王知見於佛得聖道耳。此文有五。初詣告王。二王審問。三王喜捨位。四佛爲說法。五王出家得道可知。十爾時太子月十五日下午太子作王

廣成攝化。十一爾時太子下結會古今也。六行增微內此文有三。初總辨。次責。三答。答中有四。初立。次釋。三廣辨。四結分齊。第三廣文有三。初立。次責。三答。答文智正覺衆生世間分二也。又問若取上下諸文。普賢法行似從十信解位已去。即得究竟。今約此文時其普賢行勢似難成。位到十地方始可得者何也。答其普賢行體實不可依位得之。何以故。爲附性起法故。今約三乘起信位論。從初信解位乃至十地皆非究竟。何以故。依位相取故。仍於此中間念念剎那盡普法也。何以故。爲得性起故。佛即可知耳。摩耶夫人者此方云清淨妙。此下第二會緣入實相。所以將夫人表此爲性實能成究竟覺故相即如實大。幻不住智悲故。入大願智幻法門有三。一勸勝進等。三同前。初勸教中有四。初示處。二示入教名。三教問。四瞿夷重頌。頌中有三十三偈。初十八偈長行中脫無。大論引此。具有亦可過。頌前事未是脫也。此文有三。初一總明攝修行入。次十七廣述多劫修行因緣。三下十五總頌上文。此中初三頌。上日光佛所發心。次七頌上逢後佛發心。次四總頌上得菩薩自他勝法。下一總頌上修行增微也。二依教趣入中但有七。一辭略無念前法及所至處。無意可知。二作是念我當云何下明善財念後方便。三善財隨順其教下明見依報相。四見夫人下見正報相。五見摩耶有如是下善財同彼即表修行入實。六敬儀。七述

本因由請問法門。第二方便文有三。初善財念求。二時有城下有。三知識開導。三答羅刹言下明顯求知識法。此有二。初領恩問。次答。答中有四句。一信。二思。三精進。四會理也。初文有三。初總。次歎。摩耶身德。三結。此文有三。初辨分齊。二仰推。三仰求方便。二有三知識其意云何。初表所知法。次表能知智。三表方便相。又初約性起辨義。二約智辨證。三約方便辨資成。餘意可知。初知識內有四。初供養善財。即方便資成相。二作如是下教其行法。三菩薩若如是知下結觀成益。有三可知。四佛子下明得法者見一切真知識。顯法有可成名善巧也。教行法中有二十四句。摩耶者此名幻化方便智教唯心觀。即正知識。是正唯心幻化不疑。此即以實顯相故也。第二知識有四。初天神歎夫人。二光照諸佛依正。三智光入善財頂。四善財獲益。第三知識有三。初羅刹華散善財。二語善財下教行法。此文有二。初親近。次見。此文並各有四。文可知。三若有菩薩下結。能親近知識十法中前八可知。善對治下第九句。順善知識下第十句。三見依報有四。初見華臺。二見樓觀。三見寶坐。四明眷屬行相。四見正報有三。初見身體。二爾時善財乃至隨應衆生下辨化用。三善財見如是下廣辨見利益相。初文有四。謂爲益現色。二順法成似。三相實說空。四勝二乘故現色。初文合有五十句可知。五善財行修入實文有五。初見夫人膝

前所見身相。二即變下正同。此正會相入實。三敬禮下勝分相應。四獲益得定。即行體也。五從三昧起。三答言下正入法界。文中有二。初說自分法門。二諸大下仰推自分中有四。初辨法門名。二得此法門下辨法用。三自言下明法因緣久近。四我唯下結也。第二法門用中有三。初局文分有。初得大幻法故。生太子時能現不思神力。有二句也。二善男子下菩薩退生時光觸故。得受生法門自在有。四初光觸。二得受生莊嚴。三見現未事。四見過去事也。三又善男子下明容受自在有。七初光觸。二身寬有二。可知。三容依報。四受等行菩薩。五受異生。六容下位菩薩。七受作用。四念念中下明化用容受自在。二於此下通十方有五。初明分量。二決疑。三決一疑。四責。五答可知。三善男子我為盧舍那下與千佛等為母也。此文有二。初辨次結也。三得法久近中有三。初問次答。此文有三。初本身獲益有二。釋結也。二彼道場神下結會古今。三善男子我從下廣明修法門。德用三復次善男子下學廣顯略也。仰推三可知。此世界初利天下下明第三攝德成因相。為彌勒是因故也。人名彌勒。入三世智正念思惟莊嚴法門。有三。初教勸進勝。二爾時善財聞如是等讚下依教趣入。三爾時彌勒觀察大眾下明證法界。初文有五。初示方便知識。二又作是言下示正知識住處。三彼園中有菩薩下辨知識名德。四汝詣下教問。五何以故

下歎德以勸求。初文有二。初示天以表淨女以表內智慈悲顯妙法身。此文有三。可知。二明二童子等表見化用修成方便資成。依止即寄福慧也。亦可前摩耶示以實應實。此童子等以相應相也。有說此中失次。此意未詳。且作此釋。又作是言者是摩耶言。案此即以理成事不虛。若爾前正念天及女寄是妙法智身云何。答正念即體相成。此寄依體成相耳。二示依報住處。文有四。一示方。二示國。三示園林。四示樓觀并因也。所以云南為事。因位順正果故。三示知識名中。初名次辨德。四教問中有十句。初五問修方便相。次五問正修行相。五歎彌勒能說德。有二。初歎能說德。次汝不應於下廣歎勸求。初文有二十句分。二謂問答二可知。答中初知識自成德。二彼菩薩能成善財勝行。二廣勸求中有五。初一百七句勸修諸相行。此初文有三。初十句總勸教。二何以故下釋成求法相。三善男子略說下九句結略顯廣。初釋勸修諸相中有二。初釋次結。初釋文有三。初四十二句自利行有三。初勸。二責。三廣辨。二照無量法下利他行。三諸諸佛刹下四十一句勝分行。二是故善男子下正勸求。知識。三復次乃至則為慈母下引十喻歎知識。釋結二也。四發大地心下辨求知識益。此文有二。初明轉受法藥儀。二辨藥病相擬法耳。此文有三。可知。五善男子詣善知識下結行成益。此文有三。初辨自分。二明勝進有二。

初責次答可知。三善男子下推功在友耳。此文有三。初總顯德。二以略顯廣。三攝德屬人也。第二正勸求中有七十四句。有三。初正勸進。二何以故下四十辨成須求。三復何以故下辨知識有力之意。爾時善財問如是等下第二依教趣入中有八。初聞歎知識心生信。二正念思惟下念前法門。三漸進也。四以過去際下為見勝境故起大方便。五善財如是下得大慧眼觀大法境無辭退文。第六五體禮敬下見依報相。七爾時善財讚歎樓觀下見正報相。此即是證相。以入成德。此則是證。以德成人。此從後說。八頭面敬禮白言下明禮敬請問。第六文有五。初見樓觀敬禮。二作如是念深察賢聖住處。三未起問下敬法轉深。四合掌諦觀下廣歎依正。五以偈頌。第二文有三。初見土相即恩敬緣。二又復下泯相入實即緣實觀。三深信解下以實成相。五重頌中有五十五偈有三。初七頌上樓觀住處。二有十四頌上第四具德聖所住處。次四結德歎窮亦可分。五。初一歎彌勒。次三十四舉人德以歎室。此有三十三事。三有十八歎住室利益。四有一恭敬住室人。五有一請求攝授也。第三文有二。初一歎在室人。次十七正辨利益有十一事。前長行舉室成人。此偈歎入成室耳。七見正報相中有五。初起方便求見法身。三遙見下隣而未即也。三與無量天龍下辨其眷屬。四從外而來顯樂行緣集也。五威德特尊下歎德也。三爾時

彌勒觀察大眾下辨入法界。文有四。初廣歎發心德。二汝先所問下正入自體法門。三大聖此行下辨法門名。四白言下窮緣顯實也。初文有五。初歎具功德者。二告善財汝可往詣下會位從實。三善財五體敬禮下攝其勝德也。四重指大眾。由善財具德故偈讚善財。五告善財善哉下領問歎德耳。初文有七。初示大眾總歎善財德。有問歎二文。二此童子下歎成。希有有四句也。三何以故下辨成。四諸善男子下廣歎學有四。一謂發心。二能進。三修行。四勸學故也。五此童子下重成德用。六善財汝今下廣歎值遇善友益有六。初總通法見。二推歎文殊力。三成其證行。四歎行力增上。五勸學六曉喻其壤有二句。七善財當知下勸知行分齊有三句。餘相可知耳。頻陀伽羅城者覺城也。經由一百一十知識者通正助也。上四十二等寄位故來耳。歎善財云。無量菩薩廣劫所修善財一生得者。教法中得也。故離世品云於文字教法等故。此約三乘教釋若約一乘時。亦可普賢行證。證彼普行及別行也。此即非教得。亦可上果下加得。問何故此處廣歎功德及發心等。答此為位窮行滿足處故也。餘准可知耳。一會位從實文有六。初教問。二悲泣顯成位難。因此辨諸知識內數有悲泣者。但諸位中勝進玄越而今得者荷恩。難離悲戀悲耳。三文殊授璣瑤即表福智嚴德之位。四善財得已供散彌勒正辨福德莊嚴會成其位也。五彌勒摩

頂讚歎根行相應。六善財偈歎。此等表意可知。此有二。初長行次偈頌。偈中初一慶見彌勒次一願見文殊本師。三重請彌勒。即學德成位。亦即攝勝德也。中有四。初敬禮。二自說發心請問。三大聖下歎德。四唯願下結請。四偈歎善財。文有三。初長行總示大眾能發心人。二偈歎善財德。三長行結偈有六十八行有四。初十一歎其善來。次十八歎其自利得。次二十二歎成利他德。下十七歎自他德滿。五領問廣歎發心。文有四。初總歎。二善男子汝得善利下歎能見知識德。三何以故下有二百一十八句。廣歎善提心令修趣入。四是故下結。第三文有二。初一百一十五歎善提心能生萬德德等諸佛。二譬如自在樂下一百三歎能成大用得彼大果及不捨世間也。初文有二。初辨次結。結有三。可知。第二有二。初釋次結。結有三。可知。二自體法門文有三。初牒前方便攝入樓觀現量境。此文有三。牒勸趣入。二生其勝欲。三顯方便可知。二善財即入下正入三昧。三彌勒攝神方下明出定也。二正入定文有三。初入。二見淨土。三汝見不下審其見解。第二文有五。初見嚴相即信境。二爾時善財下獲益禮敬三禮已下現自身。即當法機器有二。可知。四又見下現因果法相。即修行者所依法此文有二。初因。次或於樓觀下現果法耳。五爾時善財諸下明差別異現。即顯一果互彰立教儀則。此文有二。初現果八相有二。可知。二鈴中

等現。因中差別事也。前即初因後果。即修行次第。此文初果後因。生信成解次第耳。鈴下有六。初鈴現音聲法門有二。可知。二鏡現形相法門。三柱現住持法門。四珠現莊嚴法門。五樹現建立法門。六半月現住位起行法門也。三審見聞有三。初問。次答。三譬況歎。見無礙歎文有七。初超出妄境喻。二迴觀勝法喻。三善識諸相喻。四延時謂短喻。五真德善現喻。六境現隨心喻。七觀法無礙喻。此有三喻。一見色無礙。二現色無礙。三隨作無礙也。出定文有四。初大聖攝用歸本。二復以身口加令出。三正出。四出已彌勒重問觀中事。審觀虛實有問答二文也。第三答法門名體有三。初正辨定體。有問答二文。二一生菩薩下明攝一切法門。三大聖此諸奇特下問答顯處。以彰實耳。答中有二。初開二法門。二以二喻現及合也。初喻成就菩薩起事喻。第二起學菩薩願成喻。第四辨法門大用。即名窮緣顯實耳。有二問答。即為二。一問從來所趣處。二白言下問生所。初第一答中有三。初舉實無來。二但為教化下約緣集有處。三汝所問我下為引物故現所出方。二問生處中有二。初辨因行體生處。二我於此闍浮提下明化身現來生處。初文有五。初辨生處。二以般若為母下十九句別明眷屬行。三超凡夫地下校量優劣。四生如是家下十句辨位勝。五我淨法身下十句辨報體相應。即體勝也。二化身生處中三處即分為三。謂一人中。二天上。三下生人中。並

是最後生也。第四智照無二相人名。文殊師利。入普見順知識教法門。亦云。菩薩寂靜法門。文有三。初善男子汝往文殊等辯勸勝進。二時善財下依教揀擇即趣入也。三爾時善財下正入法界。初文有三。初示人名。二示教問。三何以故下歎德。此中略無處。下文云。到普門國也。歎德有六。初責。次答。即歎德。三善男子下重示以勸。四是故下結勸也。五重責六答耳。依教趣入中。初敬禮。次辭退。三經百一十城漸至處。四揀擇也。普門國是文殊一暫化處也。亦可智所依普法耳。第三正證入中有二。初見。二獲益。所以不云說法證無言說故。所以此中普見爲表見。大智普照不二故。所以不言見文殊顯。普照離見相故。不違其教者通諸知識順忍故。二增長等者證益在己。此中有四。初成利他。次安住下成。自分行。三入佛甚深下隨順勝分。四現入諸趣下明自他德成入普賢行也。此下第五顯因廣大相人名。普賢入十不壞智慧法門有三。初善財聞普賢名者教勸勝進。二一心欲見普賢下依教趣入。三善財即見普賢下正證法界。初文有二。初聞普賢名即示名也。二行願下即歎德也。此無示處辭等意可知耳。言聞普賢名者上聞四普。一教量中文殊分具普賢行。二趣入中至普門國。三現證中普見諸知識。四證後智修普賢行也。故言聞也。歎德文有十一句。初行願諸地者總。次具下十句別。總中初顯地前願樂行。次歎地上所依位功德

也。別中地具者成地因行也。地法者十法界。是地體故。地得者攝之在己證得也。次第者地地始終也。地修者四五修等也。住者當地修滿也。地境界者三性三無性。亦可分局也。是地所緣境也。持者境持觀心也。亦可因持果。共者信悲慈捨等十行等通成諸地也。正道者根本智也。二趣入中有二。初一句起。正希望。二廣空界等下辨趣入方便。此文有二。初善財總念淨土法身。一起是心時下瑞相應現。此文有三。初辨見之因緣。二即見下正見相也。三結前生後。現相文有二。初十淨土相。次十法身相。又亦可初十顯淨國土及淨衆生世間。次十顯淨因陀羅網境界成智覺分齊。欲明普賢分齊耳。三證入中有五。初明普賢德用攝化。二我於過去下重述普賢本因勸修勝行。三善財經由親近下校量顯勝。四善財能自究竟下歎善財行勝。五說偈歎佛結終於後。初文有四。初總見勝妙等諸如來。二善財見普賢下見法界行用。三普賢即申手下加令得三昧。四普賢告下審問定事有三。初問次答三歎德也。初文勝妙有九義等諸如來。亦十也。二見行用中有四。初明外用化。二重觀普賢下內用攝化。三十方下結會平等有五句。四善財見普賢下明善財得十不壞智門益。初文有二。初釋十九出生用。次結。二內中有二。初釋次結。四善財得益文有二。初總牒十門。二別辨。三摩頂加得三昧。中有三。初摩二得益。三如此下結會。二摩頂益中有六

可知。勸修本勝行中有七。初由久修善提心。故得上自在德用。二我所修下明德難窮。三我得如是下引已所得勸修行也。四汝且觀下勸觀現事。文有三句可知。五若有衆生聞我名下顯德深廣有五句。六聞修習下明大心大行行應同得。生有二句。七汝復觀我下勸觀三身大用。前第六中生淨世界者生報土也。生我清淨身中者生法身中耳。文云普賢身相猶若虛空。依於如如。不依佛國耳。第七中有二。初勸次觀。具見因果。第三校量行德有三。初正明校。二何以故釋成。有三可知。三不此世界沒下歎善財自在難思顯其勝義。第四歎善財行勝。文有二。初因圓。次不久下果滿。果中初總。次別可知。五偈頌歎佛。所以歎佛者。明普賢菩薩在座前承加攝化。其行究竟成功在佛故歎也。亦可約果歎。因位力。即是述前偈中有二。初長行生起。次頌偈有九十九偈半有三。初八略舉。如來菩薩功德勸聽許說。次八十九半別歎。如來三身化用。三有二結勸修行。初文有三。初半勸聽。次四半略歎。如來三身德。三有三歎。普賢功德。所說不虛勸物生信也。前三身中初一半歎法身滅德。次一報身智德。次二化身恩德也。二廣歎中有三。初二半歎報身德。二或見釋迦下六十三歎。化身德。三如來淨法身下六偈歎。法身德。問何故重結乃歎佛德者何也。答此是顯發釋。舉果顯因分齊故。餘可准之。報身中有五。初三歎理

大方廣佛華嚴經搜玄分齊通智方軌卷第五
之下

量二智善巧。二或見如來坐下四明。德普周
唯大心境界非小智所緣。三或見盧舍那下
七明。諸佛德等具。法身淨土及勝眷屬。四或
見一毛孔下五半辨。無方大用。五如是下結
說難盡。化身中有三。初二十半歎佛身業
大用。次安住無上道下有二十二歎佛口業
教化。三諸佛尊導師下二十半歎佛意業巧
攝益。初身中有四。初一釋迦身化。次七示
種種因行八相成道化。次五現餘佛昇天等
化。次七半能現授記等種種隨緣益。口中有
三。初五明所說法有大威力。次十二明一
音隨機赴感。次五辨成德用。所以前十二
中初四明一音隨聞各異。次八結歎差別
意中有二。初十二歎用善巧。次譬如下八
半喻顯。喻別有五。一隨益應成喻。二在物心
現喻。三隨順像現喻。四爲生護持喻。五爲物
生德喻。此五是攝化大綱。餘文可知。法身六
偈中有三。初一半歎法身具五相。次譬如
夢所見下通約喻顯。三有二偈法合。喻文
有二。初一半約理辨成。二一約事彰法耳。
初文五相者。初一句白淨相。次二句不可思
議相。三性離有爲無爲爲相。第四句無染
相。第六不去而遍至者。即第五常住爲相。下
二結勸中。初學四喻。況德難窮。四者一覺
心無限喻。二事法難窮喻。三數深廣大喻。四
虛空無際喻。通即可知。反成。佛德深遠耳。
次一舉益勸修也。此即流通分也。此經本
有十萬偈。此釋但有二萬六千偈。說餘意
可知耳。

華嚴經探玄記卷第一

魏國西寺沙門法藏述

歸依大智海 十身盧舍那
充滿諸法界 無上大慈尊
方廣離垢法 圓滿解脫輪
普賢文殊等 海會大菩薩
我在具縛地 佛心大法門
唯願見加哀 令增念智力
開此秘奧藏 廣益於自他
願令法久住 傳燈報佛恩

夫以法性虛空廓無涯而超視聽智慧大海深無極而抗思議。眇眇玄猷名言罕尋其際。茫茫素範相見靡究其源。但以機感萬差。齋形言而充法界。心境一味。泯能所而歸寂寥。體用無方。圓融互測。於是無像現像猶。陽谷之昇太陽。無言示言。若滄波之傾巨壑。是故創於蓮華藏界。演無盡之玄綱。半龍上達之流。控引令睹佛境。然後化雲忍土。漸布慈雲。灑微澤以潤三根。滋道牙而歸一揆。是知機緣感異。聖應所以殊分。聖應雖殊不思議一也。華嚴經者。斯乃集海會之盛談。照山王之極說。理智宏遠。盡法界而亘真源。浩汗微言。等虛空而被塵國。於是無虧大小。潛巨利以入毫端。未易鴻纖。融極微以周法界。故以因陀羅網參互影。而重重。錠光。玻黎。照塵方。

而隱隱一即多而無礙。多即一而圓通。攝九世以入剎那。舒一念而該永劫。三生究竟堅固種。而為因。十信道圓普德顯。而成果。果無異。因之果。派五位以分。因無異。果之因。總十身以齊。致是故覺母就機於東域。六千疏其十眼。童子詢友於南國。百十圓。成以一生。遂使不越樹王。六天斯屈。詎移華藏。十利虛融。示寶揭於塵中。齊輝八會。啓王珠於性德。七處圓彰。浩浩鑒鑑。隔思議而迥出。巍巍煥爛。超視聽於聳官。是故舍那創陶甄於海印。二七日且爰興。龍樹終脩察於虬宮。六百年後方顯。然即大以包含為義。方以軌範為功。廣即體極用周。佛乃果圓覺滿。華警開敷。萬行嚴喻。節茲本體。經即貫穿。縫綴能詮之教。著焉從法。就人寄喻為目。故云大方廣佛華嚴經。世間淨眼品者。器等三種顯。躍於時。光潔照明。況於淨眼。法喻合舉。故云世間淨眼。語言理一。格類相從。故稱為品。此經有三十四品。此品建初故稱第一。故言大方廣佛華嚴經世間淨眼品第一。餘義如下說。

將釋此經略開十門。一明教起所由。二約藏部明所攝。三顯立教差別。四簡教所被機。五辨能詮教體。六明所詮宗趣。七具釋經題目。八明部類傳譯。九辨文義分齊。十隨文解釋。

初教起所由者。先總辨後別顯。總者。夫大教之興因緣無量。故智論之初。廣辨般若教起因緣。如須彌山不以無事及小因緣而

能令動佛。亦如是。大因緣故而有所說。所謂般若波羅蜜。流行世間。廣益群品。故也。法華亦云。如來為一大事因緣故出。現于世。所謂開示悟入佛知見等。此經下云。如來應供等正覺性起正法不可思議。所以者何。非少因緣成等正覺出。興于世。以十種無量無數百千阿僧祇因緣。成等正覺出。興于世。何等為十。一者發無量菩提之心。不捨一切衆生。如是等乃至廣說應知。次別顯者。略提十義以明無盡。何者為十。謂由法爾故。願力故。機感故。為本故。顯德故。顯位故。開發故。見聞故。成行故。得果故。初法爾故者。一切諸佛法爾皆於無盡世界。常轉。如此無盡法輪如。大王路法爾常規。無停無息。盡窮未來際。是故下文不思議品云。一切法界虛空等世界。悉以毛端周遍度量。一一毛端處於念念中。化不可說不可說佛刹微塵等身。乃至盡未來際劫。一一化佛身有不可說不可說佛刹微塵等頭。一一頭有不可說不可說佛刹微塵等舌。一一舌出不可說不可說佛刹微塵等音聲。一一音聲說不可說不可說佛刹微塵等修多羅。一一修多羅說不可說不可說佛刹微塵等法。一一法中說不可說不可說佛刹微塵等句身味身。復不可說不可說佛刹微塵等劫說。異句身味身。音聲充滿法界。一切衆生無不聞者。盡一切未來際劫。常轉法輪。如來音聲無異無斷不可窮盡。解云。准此經文。於一毛端處於一念中。

●高麗高宗三十二年刊本會藏本。●嘉慶三年元德三年開理覺刊大谷大學藏本。●古版康曆二年性素讀正智院藏本。●平安時代寫聖語藏本。●清一希。●妙妙二渺渺。●陽二陽。●牙二芽。●汗二潸。●波二頗。●成一。●囉一囉。

出於如上業用。餘念念中皆亦如是。如一毛端處如是念念業用無盡。餘一一毛端次第周遍虛空法界等一切世界。各皆如是無盡無盡。此即處以毛端該於法界。時以剎那盡於劫海。謂於此處明頓起業用。謂於此時明常起業用。此亦不待因緣諸佛法爾。此經下文所說皆爾。問若爾何故。處唯八會時局。二七耶。答。遮那品云。一微塵中佛國海安住。佛雲遍護念彌綸覆一切。又云。一毛孔中無量佛剎莊嚴清淨曠然安住。彼一切處處遮那佛於衆海中演說正法。解云。況八會處而不該攝十方法界。又發心品云。知無量劫即一念一念即是無量劫。解云。況二七日時不攝無量劫海。不思議品云。一切諸佛於一微塵中普現三世一切佛剎。於一微塵中普現三世諸佛自在神力。於一微塵中普現三世一切衆生。於一微塵中普現三世一切諸佛事。解云。此中塵內三世通括一切前後際劫。是謂諸佛法爾常說故也。二願力故者。謂是如來本願力故。令此教法稱機顯現。是故盧遮那品云。十方國土中一切世界海。佛願力自在普現轉法輪。又云。盧遮那佛神力故一切剎中轉法輪。普賢菩薩願音聲遍滿一切世界海。解云。即是此經該於十方。虛空法界等一切世界及諸塵內諸剎土中。同時說此經者。皆是本師願力所致。是故下諸會初皆云。盧遮那佛本願力故。又雲集品頌云。無量無數劫此法甚難值。若有得聞者當知本願力。解云。此即由

佛願力令衆得聞。又云。如來不出世亦無有涅槃。以本大願力顯現自在法。三機感故者。如來平等無有改易。隨應衆生現身說法。此有三義。一以佛果色聲清淨功德爲增上緣。應彼機感。以成攝化。雲集偈云。有眼有日光能見微細色。最勝神力故淨心見諸佛。此現。又法界品云。佛於過去行得一微妙音。無心於彼此而能應一切。此說二佛果無有色聲龜相。但以平等理智增上願力。機感相應有形言現。雲集偈云。三世一切佛法身悉清淨。隨其所應化普現。妙色身。又云。一切諸如來無有說佛法。隨其所應化而爲演說法。三通。上二義有無無礙以稱法界無障礙故。舍那品云。佛身充滿諸法界。普現一切衆生前。應受化器悉充滿佛。故處此菩提樹。一切佛剎微塵等爾所佛。坐一毛孔皆有無量菩薩衆。各爲具說普賢行。解云。正是此經所說分齊。四爲本故者。謂將欲逐機漸施末教故。宜最初先示本法。明後依此方起末故。是故最初說此經法。然後方於鹿園等處漸說枝末小乘等法。又下性起品云。猶如日出先照高山等。如下立教中引說。五顯德故者。謂顯佛果殊勝之德。令諸菩薩信向證得。此有二種。一依果謂蓮華藏莊嚴世界海。二正果謂如來十身通三世間等。竝如下文說。此二無礙有四句。一依內現。依如塵內現。依二正內現。正如毛孔現。佛等。三正內現。依如毛孔現。剎等。四依內現。正如塵

內現。佛等。是故隨舉一門即攝一切。無不皆盡。竝如下說爲顯此果德。故說是經六顯位故者。爲顯菩薩修行佛因。一道至果具五位故。此亦二種。一次第行布門。謂十信十解十行十迴向十地滿後。方至佛地。從微至著階位漸次。二圓融相攝門。謂一位中即攝一切前後諸位。是故一位滿皆至佛地。此二無礙廣如下文諸會所說。七開發故者。爲欲開發衆生心中如來之藏性起功德。令諸菩薩依此修學破無明。顯顯性德故。此亦有二種。一以言說顯示。令知有故。二教其修行得顯現故。如下文破微塵出經卷等。具如彼說。八見聞故者。示此無盡自在法門。唯是極位大菩薩境。而令下位諸衆生等於此見聞。而得成彼金剛種子不毀不盡。要當令其至究竟位故也。亦如性起品說。九成行故者。謂爲示此普法。令諸菩薩成普賢行。一行即一切行。初發心時便成正覺。具足慧身不由他悟。又云。菩薩受持此法。少作方便。疾得阿耨多羅三藐三菩提等。此亦二種。一頓成多行。二遍成普行。竝如下說。十得果故者。令得佛地智斷果故。亦有二種。一斷果謂除障故。即普賢品明一障一切障。小相品明一斷一切斷。廣如下說。二智果謂成德故。具足十身盡三世間。逆順自在依正無礙。如不思議品等說。此上略由顯示如是十義。令此經教興起故也。第二藏部明攝者。略顯十義以明收攝。

一明三藏 二顯所攝 三辨二藏 四釋相違 五開種類 六定所攝 七一部收 八三部攝 九或九部 十具十二初明三藏者 一名修多羅 或云修妬路 或云素咀嚕 此云契經 契有二義 謂契理故 合機故 經亦二義 謂貫穿法相故 攝持所化故 貫穿者 世親釋云 謂能貫穿 依故相故 法故義故名素咀嚕 謂於是處 由此爲此 而有所說 名之爲依 真俗諦相名之爲相 十善巧法等名之爲法 隨密意等以說諸法名之爲義 又無性釋爲貫穿縫綴解云 貫穿是契入義 縫綴是契合義 謂以聖言貫穿義理 令不散失 令不隱沒 縫綴連合 令成詮表 令得久住 佛地論云 能貫攝故名爲經 以佛聖教貫穿攝持所應說義及所化生名爲契經 契理之經依主釋也 契經卽藏持業釋也 又難心五義 一涌泉 二出主 三顯示 四繩墨 五結繫 正翻名線 何故稱經 謂線能貫華經能持緯 義用相似 但以此方重於經名不貴線稱 是故翻譯逐其所重廣線存經 從譬立名 二毘奈耶 此云調伏 調者和御 伏者制滅 調和控御身語等業 制伏除滅諸惡行故 此是所詮行 謂調伏之藏也 或翻名滅 滅有三義 一滅業 非二滅煩惱 三得滅果 或云尸羅 此名清涼 三業過非猶如火 然戒能息滅故云清涼 十誦律中名爲性善 或云守信 如昔所受實能持故 或云波羅提木叉 此云隨順解脫 由持戒故順至解脫 亦名別解脫

三名阿毘達摩藏達摩名法 阿毘有七義 一名對法 此有二義 一對向 謂因智趣向涅槃果故 二對觀 謂果智觀證涅槃滅故 雖因智亦有對觀 然以仰進修故但名對向 世親攝論云 此法對向無住涅槃能說諸諦菩提分等諸妙門故 此約因智說 此唯所詮二名數法 梁攝論釋云 諸法中隨一法或以名相或以別相或以通相等 數數顯此一法故名數法 三名伏法者 彼論云 此法能伏諸說 立破二能 由正說 依止等方便故故名伏 四名通法 此能通釋契經義故 契經稱法 此法能通彼 卽法之通 梁攝論名解法 由阿毘達摩修多羅義易解故也 五名無比法 六名大法 七名擇法 此三唯約所詮 又順正理云 或契經名爲達摩 論能決了名爲對法 此卽以教對教 同上通法 或云摩得勒伽 此云本母 以教與義爲本爲母 亦名分別解脫 或云優波提舍 此云論義 雜集中名解釋也 此契經等上三種皆含攝所詮出生義理 俱名爲藏 莊嚴論第四云 彼三及此二云何名藏 答由攝故 謂攝一切所應知義也 初藏通持業依主 後二藏唯依主 以從所詮爲名故 餘出體性及諸門分別 廣如別說 第二顯所攝者 此經何藏攝者 或唯契經攝 以非餘二故 或一攝 以有決擇義理對法收故 或三攝 下文亦顯諸戒行故 此約同教辨 或是下文十藏所攝 以主伴具足顯無盡故 此約別教問三藏據教十藏約義 如何

以義而云攝教 答若小乘教義俱不融三乘義融教不融 一乘教義俱融 是故得攝 如意言無分別觀入教攝等三乘中已有況一乘耶 但標召表示卽屬教攝 思之可見 第三約辯二藏者 謂聲聞藏菩薩藏 初者約聲聞小根 立三藏教 詮示聲聞理行果等爲聲聞藏 二約菩薩大根 立三藏教 詮示菩薩所行等法爲菩薩藏 莊嚴論第四云 此三藏由上下乘差別故 復說爲聲聞藏及菩薩藏 第四釋相違者 問經中亦云 爲求緣覺者說 十二因緣 何故不名緣覺藏耶 答以諸緣覺亦唯斷我執唯證生空果成羅漢入滅不殊 望於菩薩俱是下乘故不別說 問等俱是下 何故獨名聲聞藏 答以緣覺亦有出無佛世無教者故 聲聞不爾 故偏得名 問小乘教中亦有詮示菩薩乘法 何不亦名菩薩藏耶 答以彼宗菩薩所斷所證所入涅槃亦與二乘無差別故 又以菩薩唯一不多故亦不說 問若爾何故普超三昧經三藏品及入大乘論說彼三乘卽爲三藏 一聲聞藏 二緣覺藏 三菩薩藏 答彼經論中皆云大乘之中有此三藏故 非謂小也 問卽據此文緣覺有藏 與莊嚴論如何會釋 答前據理果不異故合也 此約教行小別故分也 是故二說不相違也 第五開種類者 就聲聞藏中 准諸經論曲開三種 一誦論聲聞藏 謂契經四阿含 調伏五部 對法二十 互相連誦 所說不同 不妨聖果 是故總名爲誦論藏 二稱宣聲聞藏 謂如瑜

伽聲聞地及聲聞決擇證。示聲聞行位果等。皆悉稱實與理相應。不同婆娑及諸異論。以補處所說非。諸異論所能誣故。是故總名稱實聲聞藏。問此中所說既與小乘諸部不同。豈聲聞人有兩種耶。答此約教中說。聲聞法盡理不盡故。開為二。非謂聲聞亦有差別。三假立聲聞藏。如大乘經中為引。而說如無作四諦及道品等。如諸大乘經中說。不能繁引。既非菩薩所學。是故名為假立聲聞藏。問此中名雖同小乘。義實是大。何得總說為聲聞藏。答只為此義名為假立。問諸聲聞人根熟迴心所學即是菩薩藏。收此假立藏於彼何用。答但聲聞迴心有二種。一勝二劣。勝者一往入大不藉此藏劣。猶怖大。是故方便同彼名數。令易信受。故立此門。第二菩薩藏中。准諸聖教亦有。三類。一小乘中菩薩藏。謂證示菩薩依三十四心等次第成佛。亦不論於十地行位。仍復不同聲聞等者是也。如婆娑婆俱舍說。二大乘共教中菩薩藏。謂證示菩薩次第行位。雖說有迴心直進不同。俱依十地行布漸次修至佛果。如瑜伽菩薩地及諸大乘經論中說。三不共教中菩薩藏。證示菩薩依普賢行位五位圓融。謂一位即一切位。一行即一切行。圓極法界無礙自在。始終皆齊。一位滿即成十佛。主伴具足等。故智論云。般若波羅蜜有二。一者共。謂此大品經及餘方等經與諸聲聞共說故。二者不共。謂不思議經不

與聲聞共說故。解云。此中共大之小非愚法。共小之大非別教。是故有三菩薩藏也。問菩薩聲聞二藏別故。即彼二人各別得果。菩薩藏中既分三位。應三種菩薩各別成佛。答成佛唯一。但機有淺深。教說三類。匪謂成佛體實有三。今就教開不約佛體。問若三說俱稱理。佛體亦成三。若成佛理是一。二說即為虛。答於一成佛通有三義。一以本從末門。如小乘說。以同聲聞故。二開本異末門。如共教說。以與聲聞相對辨異故。三末盡唯本門。如不共教說。二乘聲旨無對異。故佛體圓融具斯三義。是故三說各異。佛無若干。是故今菩薩藏中有此三類。第六定所攝者。此經何藏攝者。俱非。前三聲聞藏攝。於後三種菩薩藏中。正唯後攝。以智論中別指此經為不共故。或三類中唯除初一後二俱攝。以此經中具普別故。或亦通。彼假立聲聞藏收。以經中亦辨四諦等故。或亦總通二藏所收。以聲聞藏法並依一乘法界所流味無別故。第七一部攝者。於十二部中。或唯約方廣一部所攝。對法論說。一切有情利益安樂所依處故。宣說廣大甚深法故。名為方廣。又瑜伽說聲聞藏中無方廣故。或此經題目已顯現故。第八三部攝者。謂記別。自說。方廣。以法華中說餘九部為小乘故。此經非彼故唯三攝。第九或九部攝者。謂除因緣譬喻論義。以涅槃第三說護大乘者受持九部。除前三故。第十具十二者。一是契經攝。以涅槃經說始從

如是終至奉行是契經故。二應頌如下文。具有重頌故。三記別如下文。具有記成佛等。故。四顯頌如下文有直說頌等故。五自說如下文從定起即說本分等。六緣起如下文因請說故。七譬喻如下文廣說喻故。八本事如下說盧舍那等及普賢本所經本事故。九本生如下說舍那等本生相故。十方廣一門可知。十一希法如下文毛孔說法及座出象寶柱現佛等。十二論義。如瑜伽八十一說。謂諸經典循環研覈。摩怛理迦。一切了義經皆名摩怛理迦。謂於是處世尊自廣分別法相等。如下文明難品等說。是故此經具有十二部攝也。餘義如下十二部經處說藏部攝竟。第三明立教差別者。略提十類。一叙古說。二辯是非。三述西域。四會相違。五明現傳。六定權實。七顯開合。八教前後。九就義分教。十以理開宗。初中。古來諸德立教多端。難以具顯。略叙十家。以成龜鏡。一後魏菩提留支立二音教。謂一切聖教唯是如來一圓音教。但隨根異故分種種。如經一兩所潤等。又經云。佛以一音演說法。衆生隨類各得解等。二陳朝真諦三藏等立漸頓二教。謂約漸悟機大由小起。所說具有三乘之教。故名為漸。即涅槃等經。若約直往頓機。大不由小。所說唯是菩薩乘教。故名為頓。即華嚴等經。後大遠法師等亦同此說。三後魏光統律師承習佛陀三藏立三種教。謂漸頓圓。光師

釋意一爲根未熟，先說無常後乃說常，先空後不空等。如是漸次名爲漸教。二爲根熟之輩，於一法門具足演說一切佛法，謂常與無常空不空等，一切具說，更無由漸故名爲頓。三爲於上達分階，佛境之者，說於如來無礙解脫究竟果德，圓極秘密自在法門故名爲圓。即以此經是圓頓所攝。後光統門下遵統師等亦皆宗承同於此說。四齊朝大衍法師等立四宗教，一因緣宗，謂即小乘薩婆多等部，二假名宗，謂成實論及經部等說，三不真宗，謂諸部般若，說即空理，明一切法不真實等，四真宗，謂華嚴涅槃，明法界真理佛性等故。五護身法師等立五宗教，謂此於前第四宗內，開真佛性以爲真宗，即涅槃等經，第五名法界宗，即華嚴明法界自在無礙法門。六陳朝南嶽思禪師智者禪師等立四教，一三藏教，亦名小乘教，如法華云不得親近小乘三藏學者，智論中說小乘爲三藏大乘名摩訶衍藏，二名通教，亦名漸教，謂大乘經中通說三乘通被三根等，又如大品中乾惠等十地通三乘者是也，三名別教，亦名頓教，謂諸大乘經中所說法門道理不通小乘等者是也，四名圓教，亦名秘密教，謂法界自在具足圓滿一即一切一切即一無礙法門，亦華嚴等是也。七唐朝海東新羅國元曉法師造此經疏，亦立四教，一三乘別教，謂如四諦緣起經等，二三乘通教，謂如般若經深密經等，三一乘分教，如璣珞經及梵網等，四一乘滿教，謂華嚴經普賢教，釋此四別如彼

疏中，八唐吉藏法師立三宗教，爲三法輪，一根本法輪，即華嚴經最初所說，二枝末法輪，即小乘等於後所說，三攝末歸本法輪，即法華經四十年後說週三入一之教，具釋如彼。九梁朝光宅寺雲法師立四乘教，謂如法華中臨門三車即爲三乘，四衢道中所授大白牛車即爲第四乘，以臨門牛車亦同羊鹿俱不得故，若不爾者長者宅內引諸子時，云此三車，只在門外，諸子出宅即應得車，如何出已至本所指車所住處，而不得故後更索耶，故知是權同羊鹿也，以是大乘中權教方便說故，具釋如彼法華疏中，十唐江南印法師敏法師等立二教，一釋迦經，名屈曲教，以逐機性隨計破著故，如涅槃等二盧舍那經，名平道教，以逐法性自在說故，如華嚴等，彼師釋此二教略有四別，一主異，謂彼釋迦化身所說，此是舍那十身所說，二處異，謂彼說在娑婆世界木樹草座，此說在於蓮華藏世界寶樹金座，三衆異，彼與聲聞及菩薩說，此唯菩薩極位同說，四說異，謂彼但是一方所說，此要該於十方同說，廣釋如彼華嚴疏中，第二辨是非者，此上十家立教諸德，並是當時法將英悟絕倫，如思禪師智者禪師等，神異感通迹參登位，靈山聽法憶在於今，雲法師依此開宗講法華感天雨華等，並如僧傳等所顯，又此諸德豈夫好異，故分聖教但以解該群典異軫呈根，言不得已，開宗別釋，務令準說各契其宜，問此上十說誰是誰非。

答依成實論，佛說內外中間之言，遂即入定時，有五百羅漢各釋此言，佛出定後同問世尊，誰當佛意，佛言並非我意，諸人問佛，既不當佛意，將無得罪，佛言雖非我意，各順正理，堪爲聖教，有罪無罪，況此諸說各有少多聖教爲證，是故不可全非棄耳。第三述西域說者，真諦三輪，笈多四教，波頗五說，如別說，又法藏於文明元年中，幸遇中天竺三藏法師地婆訶羅，唐言日照，於京西太原寺翻譯經論，余親于時乃問，西域諸德於一代聖教，頗有分判，權實以不，三藏說云，近代天竺那爛陀寺同神解超倫，聲高五印，群邪稽顙，異部歸誠，大乘學人仰之如日月，獨步天竺各一人而已，以所承宗別，立教不同，謂戒賢即遠承彌勒無著，近踵護法難陀，依深密等經，瑜伽等論立三宗教，謂佛初鹿園說小乘法，雖說生空然猶未說法空真理，故非了義，即四阿含等經，第二時中雖依遍計所執自性說諸法空，然猶未說依他圓成唯識道理，故亦非了義，即諸部般若等教，第三時中方就大乘正理具說三性三無性等唯識二諦，方爲了義，即解深密等經，又此三位各以三義釋一攝機，二說教，三顯理，且初唯攝聲聞唯說小乘，唯顯生空，二唯攝菩薩，唯說大乘唯顯二空三普攝諸機，通說諸乘，具顯空有，是故前一攝機教理各互有闕故，非了義後一機無不攝教無不具理

無不圓故爲了義

第二智光論師遠承文殊龍樹近稟提婆清辯依般若等經中觀等論亦立三教謂佛初鹿園爲諸小根說小乘法明心境俱有第二時中爲彼中根說法相大乘明境空心有唯識道理以根猶劣未能令入平等真空故作是說於第三時爲上根說無相大乘辯心境俱空平等一味爲真了義又此三位亦三義釋先攝機者初時唯攝二乘人機第二通攝大小二機以此宗計一分二乘不向佛果三唯攝菩薩通於漸頓以諸二乘悉向佛果無異路故二約教者初唯說小乘次通三乘後唯一乘三約顯理者初破外道自性等故說緣生法定是實有次即漸破二乘緣生實有之執說此緣生以爲似有以彼怖畏此真空故猶存假有而接引之後時方就究竟大乘說此緣生即是性空平等一味不礙二諦是故法相大乘有所得等屬第二教非真了義此三教次第如智光論師般若燈論釋中具引蘇若那摩訶衍經說此云大乘妙智經此昔所未聞也第四會相違者問此二說既各聖教互爲矛盾未知爲可和會爲不可會耶答無會無不合初無會者既並聖教隨緣益物何俟須會即是智論四種悉檀中各各爲人悉檀亦是攝論四意趣中衆生樂欲意趣於一法中或讚或毀是故二說不須強會二無不合者有二門一約教應機二約機領教前中但佛教門了與不了有其四

位一約攝機寬狹二約言教具闕三約益物大小四約顯理淺深初者若唯攝二乘不兼菩薩或唯菩薩不兼二乘各攝機狹故非了義若寬攝三機周盡方了義二者若唯說小不兼說大或唯說大乘不兼小乘教言各有闕故非了義若言包大小具足三乘方爲了義深密經等據上二門戒賢所判亦有道理三約益物大小者若令一切衆生得小乘益或令一切有情得大乘益有得小益不能全令得究竟益俱非了義若能令彼一切衆生及入寂二乘悉皆當得大菩提益方爲了義四顯理淺深者若於緣起隨說實有或雖破實猶存假有既會相未盡顯理未極故非了義若說緣生即是性空不礙緣起融通無二會緣既盡理性圓現方爲了義彼妙智經據上二門智光所判甚有道理是故二說各據別門互不相至豈有相違二約機領教者問二說三教各初說小華嚴初說如何會釋答諸德三釋一云此三法輪約漸悟機說華嚴最初約頓悟機說若爾密迹力士經初時具說三乘法此爲屬漸爲屬頓耶若是漸教應唯說小若是頓教應唯說大彼既具三極成違害是故此釋亦難用也一云若依顯了門則有如今前三法次第若約秘密門即諸說同時若爾者即初時小顯而大密何不以大顯而小密耶又判此顯密出何聖教理既不齊復無聖教故難依用此上二釋此三法輪攝法不盡初即漸而非頓後

即顯而非密一云但是如來圓音一演異類等解就小結集唯說小乘就大結集唯說大乘就通結集具說三乘若爾隨一結集俱無前後何有如此三教次第今解此難便會二說況論如來圓音說法大例有二一爲此世根定者說二爲此世根不定說初中三節一或有衆生此世小乘根性定者見佛始終唯說小乘如小乘諸部結集三藏總無大乘二或有衆生此世三乘根性熟者見佛始終但說三乘如密迹力士經佛初鹿園說法之時無量衆生得阿羅漢果無量衆生成辟支佛道無量衆生發菩提心住初地等乃至廣說大品大般若亦同此說以此義準後時所說皆通具此三乘如諸大乘經中所說三或有衆生此世一乘根性熟者即初見佛於樹王下華藏界中依海印定唯爲菩薩演說無盡圓滿自在無礙法門具足主伴乃至終極亦同此說以此法中通括九世攝前後故也二爲不定根者有二位一此世小乘根不定故堪可進入三乘位者即初聞唯小以爲不了次聞唯大亦非是了後聞具三方爲了義解深密經就此根辯二此世小乘根不定故堪可進入一乘位者即初唯說小爲不了教次通大小亦非了教後會三歸一唯說一乘方爲了教妙智經當此意也由根不定有此二門是故二師各述一門故不相違由有如是此世根定及不定故是故令彼教門或有前後或無前後準釋可知第五

明現傳者。當今諸德於大乘中自有二說。一立三乘大乘。以此宗許入寂二乘定不。成佛。是故約彼五性差別具說三乘。二立一乘大乘。以此宗許入寂二乘亦並成佛。是故約此佛性遍有唯說一乘。前師引教成立云。如大般若經第五百九十云。若有情類於聲聞乘性決定者。聞此法已速能證得自無漏地。於獨覺乘性決定者。聞此法已速依自乘而得出離。於無上乘性決定者。聞此法已速證無上正等菩提。若有情類雖未證入正性離生。而於三乘性不定者。聞此法已皆發無上正等覺心。又解深密經第二云。乃至更說法要。謂相無自性性。勝義無自性性。乃至諸聲聞乘種性有情亦由。此道此行迹故正得無上安穩涅槃。一切聲聞獨覺菩薩皆共此一妙清淨道。皆同此一究竟清淨更無第二。我依此故密意說言。唯有一乘。非於一切有情界中。無有種種有情種性。或鈍根性或中根性或利根性有情差別。解云。此約三乘同一所觀無性道故。密意說此名為一乘。理實三乘各證涅槃。非是一也。又瑜伽論第三十七云。補特伽羅成就者。略說四種有聲聞種性。以聲聞乘而成就之。有獨覺種性。以獨覺乘而成就之。有佛種性。以無上乘而成就之。無種性者。即以善趣而成就之。善戒地持皆同此說。又解深密經云。一向趣寂聲聞種性補特伽羅雖蒙諸佛施設種種勇猛加行方便化導終不能令當坐道場證阿耨多羅三藐

三菩提深密解脫亦同此說。十輪經第九卷亦說三乘各定差別。如是等文並非小乘。是大乘中許三差別。是故各為三乘大乘教也。二後師引彼一乘大乘教者。涅槃經三十三云。一切衆生同有佛性。皆同一乘同一解脫。一因一果。同一甘露。一切當得常樂我淨。是名一味。又法華第一云。十方佛土中唯有一乘法。無二亦無三。除佛方便說。又云。初以三乘引導衆生。然後但以大乘而度脫之。又第三云。我滅度後復有弟子不聞是經。不知不覺菩薩所行。自於所得功德生滅度想入於涅槃。我於餘國作佛更有異名。是人雖生滅度之想入於涅槃。而於彼土求佛智慧。大智度論第九十五亦同此說。又法華論中四聲聞內退菩提心及應化。此二聲聞佛與授記。決定及增上慢此二根未熟故。菩薩與授記方便令發心。解云。既但云未熟不言無根。故知定當得佛菩提。又復云方便令發心。即是發菩提心也。又入楞伽第二第四第七皆同說。二乘無實涅槃。但是三昧力住。後必當得無上菩提。法華論云。第四人者方便令入涅槃城故。涅槃城者。諸願三昧城。過彼城已令入大般涅槃城。此同楞伽住三昧樂。離分段故假說涅槃。而實有彼變易身。故於淨土中行菩薩道。勝鬘經云。言諸二乘得涅槃者。是佛方便。唯有如來得般涅槃。又此經及無上依經實性論佛性論皆說入滅二乘於三界外受變易身。又密嚴經中二乘必無灰斷

永滅。如是等文亦是大乘。不許三乘決定差別。是故名爲一乘教。第六定權實者。或有說者。一乘是權三乘是實。以深密經第一時教唯爲發趣聲聞乘者。說即總無成佛。第二時教唯爲發趣修大乘者。說即總無不成佛。此二若過若不及。故俱非了義。莫若第三時教。有種性者成。無種性者不成。方爲了義。法華既當第二時教。即是密意權說。是故勝鬘經以「一乘」爲方便說。是故理實但約不定種性說爲一乘。攝論莊嚴論顯揚論等皆同此釋。又法華第三生滅度想入涅槃等。依楞伽八十一並是變化聲聞示現入滅。楞伽密嚴皆同此會釋。無上依經實性等論並是不定二乘向菩提者增壽變易。非謂入滅更起受身。瑜伽說本轉二識成就不成就四句中第四俱不成就者。爲聲聞獨覺入無餘依涅槃界時。又八十云。無餘依涅槃界中唯有清淨真如法界。依此等文入涅槃已。身智俱滅。根識永無。豈有變易修行成佛。是故唯有一乘非極了義。深密經中第三時普爲發趣一切乘者說名爲了義。故知三乘是盡理實教。又深密第二第四皆云。一乘是密意說。故知是權也。或有說者。一乘是實三乘是權。謂法華經唯一佛乘是深密經三乘後說定性二乘滅亦不存故。方便說三。實唯一故。若言法華是第二時教。爲引不定二乘故說一切悉皆成佛。而猶未說定性不成故非了者。若爾法華之時猶未說有定性二乘。何因彼論立四

聲聞彼定性言從何處得。若有定性豈得總成。若許總成何名定性。故知定性之言。據前深密所說。後至法華明悉全成佛。是故彼論顯此經文。會前權說歸後實教。故知法華定在深密後說。妙智三教一乘在三乘後。梁論成立正法三中亦一乘在後。並同此說。法華中生滅度想。入涅槃等釋為變化示現滅者。極達教理。達教者。若是變化聲聞即實是諸佛菩薩。豈可迷自所。示涅槃乃生滅度之想。若作此釋。元未讀經。遠理者。若入涅槃是永斷滅。諸佛菩薩於所化前示現涅槃。若彼所化不定種性是勇猛者。不怖生死能修勝行。若有一類性怯弱者。怖畏生死學佛菩薩。先入涅槃擬欲於後行菩薩道。汝宗入滅既無有起。豈不誤彼一類眾生。此乃誤衆生何成引導。況復此文無不相干。又亦未見勝聲經意。乃輒斷一乘以為方便。彼經云。若如來隨彼所欲而方便說。乘二即是一乘無有一乘。二乘入於一乘。一乘者即第一義乘。又彼經中廣破二乘云。無涅槃。又云。此經斷一切疑。決定了義入一乘道。豈說一乘以為方便。解深密經一乘是密意者。是未說法華之前故作是說。及後說法華時會前三乘皆是方便。喻轉本俱滅。顯揚六義說一乘。攝論十義說一乘。皆同深密會釋。以此等論隨彼經造故。法華論說決定一乘亦受記等。是隨此本經造故。若不信一乘守權乘實甚為可惑故。百喻經第二卷云。昔

有一聚落。去王城五由旬。村中有好美水。王勅村人常使日日送其美水。村人疲苦悉欲移遠此村去。時彼村主語諸人言。汝等莫去。我當為汝白王改五由旬作三由旬。使汝得近去來不疲。則往白王。王為改之作三由旬。衆人聞已便大歡喜。有人語言此故是本五由旬。更無有異。雖聞此言信王語。故終不肯捨。世間之人亦復如是。修行正法度於五道。向涅槃城。心生疲倦。便欲捨離。願願生死不能復進。如來法王有大方便。於一乘法分別說三。小乘之人聞之歡喜以為易行。修善進德求度生死。後聞人說無三乘故是一乘。以信佛語終不肯捨。如彼村人亦復如是。解云。此經即是金口良斷。權實顯然。可息諸說耳。第七顯開合者。然此三乘一乘各有三種。三乘二者。一異時三乘。如深密經初時唯小乘第二唯大乘。二同時三乘。如第三時普為發趣一切乘等。於此教中二乘相隱三乘相顯。是故就顯總名三乘。一乘二者。一破異明。一。如法華經破二實滅。及涅槃經破無佛性。俱是對權會破方說一乘。二直體顯。一。如華嚴經不對二乘無所破故。為大菩薩直示法界成佛儀故。是故初說華嚴無權可會。終說涅槃會前諸權。是即非盡權無以顯實是俱名一乘。又復更開各有三種。初三乘三者。一始別終同三。謂始約因修四諦緣生六度等別。終就果三乘之人身智同滅。如俱舍等說。比約初時小乘教

說。二始同終別三。謂同聞般若同觀無性。三乘之人各得自果。如前所引說。若據華嚴緣生六度行異。亦得名為始終各別。此是第二第三時教說也。三近異遠同三。謂法華等初以三乘方便誘引。後同以大乘令得度等。一乘三者。一存三之一。如深密等說。二遮三之一。如法華等三表體之一。如華嚴等。是故通說有其四句。一或唯三無一。如俱舍等。二或唯一無三。如華嚴等。三或亦一亦三。此有二位。初三實一權。如深密等。後一實三權。如法華等。四或非一非三。約理絕言故。大般若中舍利子問善現云。如來授諸天子記於三乘中何乘得記。善現答言。於法相中無一無三。云何問言。於何乘得記。是故一乘三乘有存有泯。諸說不同。或聞唯破二乘即謂唯約不定種性。或聞無二亦無三即謂大乘實教亦破。或聞不被大乘即謂大乘權教亦存。今釋有二位。一約事破。二乘實滅。二約教亦會大乘權教。大乘權教許入寂二乘不成佛故。但深破二乘即是破三。是故破二破三皆不相違。第八教前後者。今辯如來一代所說約時顯教。大例有四。一本末差別門。二依本起末門。三攝末歸本門。四本末無礙門。初中本末同時始終一類各無異說。然有三位。一若小乘中即最初度彼憍陳那等。最後度於須跋陀羅。中間亦復唯說小乘唯益小機。如四阿含經及五部律遺教等說。二若約三乘即從始至終皆說三乘通益三機。

如前所引力士經大般若等諸大乘經，於中雖有權實不同，皆具三乘，三若約一乘，即從初至極，爲大菩薩唯說一乘，如最初時說華嚴等，其中不通二乘，復攝九世，該於前後，是故至極更無異說。然此三類既依此世根定者說，此即諸教相望各通，始終竟無前後，二依本起末門者，有四類，一謂初時爲大菩薩說大乘，次說中乘，次說小乘，後說入天，如此經下性起品云：譬如日出先照一切諸大山王，次照一切大山，次照金剛寶山，然後普照一切大地，如來應供等正覺亦復如是，成就無量無邊法界智慧，日輪常放無量無礙智慧光明，先照菩薩摩訶薩等諸大山王，次照緣覺，次照聲聞，次照決定善根衆生，隨應受化，然後悉照一切衆生，乃至邪定爲作未來饒益因緣。又此品中如三千界初始成時，先成色界諸天宮殿，次成欲界諸天宮殿，次成人處及餘衆生諸所住處，如來應供等正覺亦復如是，先起菩薩諸行智慧，次起緣覺聲聞及餘衆生一切善根，依此等文明佛初時說大乘漸說小，約法以明，依本起末，非約根器，以無先學大後學小故，問法豈不別耶？答小乘之法定從大乘所流出故，文殊問經云：十八及本二皆從大乘出，普超三昧及入大乘論意並同此。三攝末歸本門者，依無量義經，初時說小乘，次說中乘，後時說大乘，依解深密經，初時唯小乘，第二時唯大乘，第三時具三乘，依妙智經，初時唯小乘，次具三乘，後

唯一乘，此即無量義經合大開小，深密等合小開大，謂於大乘開於權實，然深密妙智既各聖教，不可取一捨一，是故合此二經總有四門，一初時小乘，二經同說，第二時唯大乘，唯深密說，第三時具三乘，此是深密第三妙智第二，第四時唯一乘，唯妙智第三時說，是故當知妙智經在深密後說，若謂妙智經此土未翻而不信者，彼深密經既當第三時教，然許定性二乘及無性有情並不成佛，具足三乘名，一切乘者，是即法華涅槃既在深密後說，然定性二乘及無性闡提悉皆成佛，當知即是第四時名一乘教，是故與妙智經懸會無疑，又初小乘教，依法華等佛成道後三七日等說，依真諦三藏記云：佛成道七年後說諸部般若，是第二時教，又云：三十八年後說解脫經，當第三時教，今依法華經及無量義經，並云四十年後說法華等，故知是深密後說，真諦此說必有聖教，若無聖教豈可自作年數？若不信此者，即涅槃經最居末後，是即無疑，然此四時皆前權後實，以後會前，法華涅槃會深密之三乘歸究竟一乘，其義決定，是故此四從淺至深，攝末歸本之漸次也。四本末無礙門者，謂初舉照山王之本教，明非本無以起末，後顯歸大海之異流，明非盡末攝生之善巧也，是故通論總有五位，一根本一乘教，此如華嚴說，二密意小乘教，三密意大乘教，四顯了三乘教，上三如深密經說，五

破異一乘教，如法華涅槃等說，此上四門既圓通無礙，是即前後即無前後，無前後即前後，皆無障礙，思准之耳。第九以義分教，教類有五，此就義分，非約時事，一小乘教，二大乘始教，三終教，四頓教，五圓教，初小乘可知，二始教者，以深密經中第二第三時教同許，定性二乘俱不成佛故，今合之總爲一教，此既未盡大乘法理，是故立爲大乘始教，三終教者，定性二乘無性闡提悉當成佛，方盡大乘至極之說，立爲終教，然上二教並依地位漸次修成，俱名漸教，四頓教者，但一念不生即名爲佛，不依位地漸次而說，故立爲頓，如思益云：得諸法正性者，不從一地至於一地，楞伽云：初地即八地乃至無所有何次等，又下地品中十地猶如空中鳥跡，豈有差別可得，具如諸法無行經等說，五圓教者，明一位即一切位，一切位即一位，是故十信滿心即攝五位成正覺等，依普賢法界帝網重重主伴具足故，名圓教，如此經等說，若約所說法相等者，初小乘法相有七十五法，識唯有六，所說不盡法原，多起異評，如小乘諸部經論說，二始教中廣說法相，小說真性，所立百法決擇分明，故無違謬，所說八識唯是生滅法，相名數多同小乘，固非究竟玄妙之說，如瑜伽雜集等說，三終教中少說法相，廣說真性，以會事從理故，所立八識通如來藏隨緣成立，具生滅不生滅，亦不論百法名數不廣，又不同小亦無多門，如楞

何等經實性等論說。四頓教中總不說法相。唯辯真性。亦無八識差別之相。一切所有唯是妄想。一切法實唯是絕言。呵教勸離毀相。泯心。生心即妄。不生即佛。亦無佛無不佛。無生無不生。如淨名默住顯不二等。是其意也。五圓教中所說唯是無盡法界。性海圓融緣起無礙。相即相入。如因陀羅網重重無際微細相容主伴無盡。十法門各稱法界。具如下說。然此五教有開有合。亦有五重。一或總爲一。謂唯是如來一大善巧攝生方便也。二或開爲二。謂一乘三乘教前諸教中雖有存三泯二不同。然皆通三乘趣入故名三乘教。後一直顯本法不通二乘。故唯一。即智論中名其教不共教。此亦同上印師等所立二教也。三或分爲三。謂小乘三乘一乘教。智論既將此經爲不與二乘共。故名爲不共。即是一乘。大品等爲通三乘同觀得益故名爲共。即是三乘。義准四阿含經既不共菩薩亦名不共。即是小乘。依此三位。梁攝論第八云。如來成立正法有三種。一立小乘。二立大乘。三立一乘。第三最勝故名善成立。此亦同上妙智經說。又真諦三藏部異執疏第二卷中亦同。此說四或分爲四。此有二義。一於上共教中約存三泯二。開兩教故爲四。一別教小乘。二同教三乘。如深密等。三同教一乘。如法華等。四別教一乘。如華嚴等。二約歷位無位開漸頓二教故爲四。一小乘教。二漸教。三頓教。四圓教。五或散分爲五。於上漸教

復分始終二教。此上五教非局判經。但多分而論。如上所指通諸經論。並可知第十以理開宗。宗乃有十。一法我俱有宗。謂人天位及小乘中懷子部等。彼立三聚法。一有爲法。二無爲法。三非二聚。即初二法是法。後一是我。又立五法藏。一過去。二未來。三現在。四無爲。五不可說。此即是我以不可說是有爲無爲故。二法有我無宗。謂薩婆等多。彼說諸法二種所攝。一名二色。或四所攝。謂三世及無爲。或立五法。一心二心所。三色。四不相應。五無爲。此即但有此法無別有我。三法無去來宗。謂大眾部等說。有現在及無爲。以過去未法體用俱無故也。四現通假實宗。謂說假部等。彼說無有去來二世。於現在法中在蘊可實。在界處爲假。隨應諸法假實不定。成實論及經部別師亦同此類。五俗妄真實宗。謂說出世部等。彼說世俗法假以虛妄故。出世法實以非虛妄故。六諸法但名宗。謂一說部等。一切我法唯有假名都無實體。此又通於初教之始。七一切皆空宗。謂大乘初教。說一切法悉皆性空。超於情表。無分別故。如般若等皆辯八真德不空宗。謂終教諸經所說。一切法唯是真如。如來藏中實德攝故。真體不空。具性德故。九相想俱絕宗。謂頓教中絕言所顯離言之理。理事俱泯平等離念。十圓明具德宗。謂如別教一乘。主伴具足無盡自在所顯法門。上來分教開宗粗陳。梗概廣引教理。具明義相。如別記說。

第四教所被機者。通有十位。於中前五簡其非器。後五正顯所爲前中五者。一達真非器。謂不發菩提心。不求出離。依傍此經求名求利莊飾我人。經非彼緣故非其器。下云。爲名利說法是爲魔業。又如不淨說法墮惡道等。二背正非器。謂詐現大心。僞修邪善。近感入天終成佛。恐墮阿鼻地獄多劫受苦。如提婆達多爲闍提頂。又如八大善人當成不善。前據初時即可知。此就終時方顯。下云。忘失菩提心修諸善根是爲魔業。經非此緣故亦非器。三乖實非器。謂雖不巧僞。然隨自執見以取經文。遂令超情至教迴不入心。故成非器。地論云。聞作聞解。不得不聞。又如隨聲取義五種過失等。此上三位俱是凡愚衆生境界。下云。此經不入一切衆生之手。唯除菩薩。良以此經非是衆生流轉之緣。故不入手。四狹劣非器。謂一切二乘無廣大心。亦非此器。下文云。一切聲聞緣覺不聞此經。何況受持。又舍利弗等五百聲聞皆如瞽盲不聞不見。五守權非器。謂三乘共教諸菩薩等。隨自宗中修行未滿。初阿僧祇亦非此器。故下文云。菩薩摩訶薩。雖無量億那由他劫行六波羅蜜修習道品善根。未聞此經。雖聞不信受持隨順。是等猶爲假名菩薩。問瓔珞經等十千劫修十信行滿。何故此中無量億等不信。此經答以彼但於行布位中修行信等。於此圓融普賢十信一攝一切猶未聞信。由此故知二宗差別。若不爾者修行既

經爾許時劫不信此經。何名菩薩摩訶薩也。簡非器覺。第二顯所爲中五者。一正爲者。謂是一乘不共教中普機菩薩。正是此經所爲之器。下文云。如是經典。但爲乘不思議乘菩薩摩訶薩說。不爲餘人。解云。乘者運轉爲義。若依別門。初運至十信。次轉至十住。乃至佛果。次第相乘。以階彼岸。名可思議。若依普門。一位卽一切位故。亦一運卽一切運。名不思議乘。乘此乘者。十信滿心。卽得六位。如寶首品等說。又十住等位。皆亦如是。如下文諸會處說。又如善財一生具五位等。皆是普法相收故也。又舍那品云。非餘境界之所知。普賢方便皆得入。又普賢誠衆云。普眼境界清淨身。我今演說。仁諦聽。如是可知。問何故此法非餘境界。答以盧舍那周遍塵方普應。法界一切群機。若彼別機。稱自根器。但各見己所見。聞自所聞。皆不見他所見。不聞他所聞。此普賢機乃見一切所見。聞一切所聞。皆盡盧舍那能化分齊。故云普眼境也。是故當知。普別二機。感普別二法。各不同也。二兼爲者。謂遺法中見聞信。而此無盡法。成金剛種。當必得此圓融普法。如下文吞服金剛喻。又小火廣燒喻等。又如兜率天子從地獄出。得十地無生忍。展轉利益不窮盡等。皆由宿聞此法爲本因故。又下文云。雖在於大海及劫盡火中。決定信無疑。必得聞此經。三引爲者。謂彼如前共教菩薩。於彼教中。多時長養深解。窮徹行布教源。卽當得此普賢法界。既

云。無量億那由他劫不信此經。卽知過此劫數。必當信受。以離此普法。更無餘路得成佛。故經不說。彼過此劫數。猶不信。故問若彼地前過彼劫數。必信受者。卽知地上二宗不別。豈彼所信無十地耶。答於彼教中。具有行布十地漸次。乃至佛果。長養彼根器。務令成熟。極遲之者。至此劫數。定當信入。如其疾者是。卽不定可。准知耳。四轉爲者。謂諸二乘以根鈍故。要先迴入共教大乘。捨二乘名。得菩薩稱。然後方入此普賢法。故說此經。唯爲菩薩不攝二乘。若不爾者。餘大乘經有聲聞衆。爲所被機。亦引二乘令其入大。唯獨此經。衆無聲聞之機。文無迴小之說。何成了義深廣之典。設第八會有聲聞者。爲寄對顯法表如聲。言非是所被。其六千比丘非是羅漢。故不相達。是故當知。一切二乘總無頓入普賢法界。依究竟說。無有二乘而不迴入共教菩薩。無彼菩薩而不入此普賢之法。是故展轉無不皆是此法之器。五遠爲者。謂諸凡愚外道。闡提悉有佛性。以障重故。久遠亦當得入。此法。如佛性論及寶性論皆說。以一闡提謗大乘。因依無量時說。無佛性。非謂究竟無清淨性。又如此經性起大樹於二乘闡提二處不生。牙亦不捨生性等。又如日照生盲喻等。是故當知。一切衆生究竟無不皆入此法。以此普法衆生具有故。下文云。菩薩知一切衆生身中有如來菩提等。問若爾何故。瑜伽等論。定性二乘及無性有

情定不成佛。答此由教門有了不了故。有諸說。若依小乘。一切衆生總皆無有大菩提性。如小論說。若大乘初教卽五性差別。一分有性。一分無性。如瑜伽等。若依終教。一切衆生悉有佛性。如涅槃等。經佛性等論。若依頓教。衆生佛性一味一相。不可言有不可說。無離言絕慮。如諸法無行經等說。若依圓教。衆生佛性。具因具果。有性有相。圓明備德。如性起品。如來菩提處說。第五能詮教體者。通論教體。從淺至深。略有十門。一。言詮辯體門。二。通攝所詮門。三。遍該諸法門。四。緣起唯心門。五。會緣入實門。六。理事無礙門。七。事融相攝門。八。帝網重重門。九。海印炳現門。十。主伴圓備門。初中有二。先辨小乘。後顯大乘。前中依薩婆多宗諸德三說。一云。但名句文身以爲教體。故發智論云。十二部經以何爲性。答。名身句文身。次第住等。一云。以聲善故。是佛教體。名等無記。是教作用。婆娑論第一百二十六云。佛教云何。答。謂佛語言詞唱評論語音語路語表。是佛教。乃至說者語業爲體。佛語何法。答。謂名身句文身。次第行列。次第安布。次第連合。此卽總顯佛教作用。解云。評家正義音聲爲體。經部宗亦以音聲爲性。故順正理論第十四破經部云。汝不應立名句文身卽聲爲體。又無性攝論破彼云。諸契經句語爲自性。不應理故。初是法處。後是聲處。亦又因前二說。諸德合取以爲教體。餘如彼說。就大乘宗有四句。初攝假從實。唯聲爲

體以名等依聲屈曲假立無別體故。無性攝論云。依弘誓願立菩薩聲。難集論云。成所引聲謂諸聖說。二分假異實。以名等爲性故。唯識論第二云。若名句等不異聲者。法詞無礙境應無別。三假實合辯。亦聲亦名等。維摩經云。有以音聲語言文字而作佛事。十地論中說者以一事說。聽者以二事聞。謂音聲名字。問依此宗聲表善惡聲是無記。又名句文是自性無記。何得無記爲聖教體。答若有漏心變可是無記。若佛菩薩後得智說俱是善攝。十地論云。依止何事者謂音聲及善字。四假實變浪。非聲非名。以即空故。言即無言故。維摩云。文字性離是即解脫。十地論中風喻音聲。畫喻名字。若動樹葉風及壁上畫是即可取。若空中風及空中畫皆不可取。大乘聲名當知亦爾。皆不可取以相盡故。此上四句爲一教體。是故空有無礙名大乘法。謂空不異有是有幻有。幻有宛然舉體是空。有不異空是真空。真空湛然舉體是有。是故空有無毫分別。故佛藏經云。諸法如毫。驚許不空者即諸佛不出世。又下云。諸法畢竟空無有毫末相。如是。非一也。第二通攝所詮門者。非但如前取能詮教。亦漸通取所詮之義。以並是所知所解法故。瑜伽八十一云。諸契經體略有二種。一文。二義。文是所依義是能依。如是二種總名一切所知境界。解云。以義依文而得顯故。第三遍該諸法門者。謂一切諸法悉爲教體。此亦二種。一有爲法。二無

爲法。以無不能令生開覺故。如下文華嚴寶地香樹雲閣法界法門無非佛事。如勝音菩薩及所坐蓮華即通入法教義行位因果理事總能發生勝解行故。並爲教體。准思可知。第四緣起唯心門者。此上一切差別教法無不皆是唯心所現。是故俱以唯識爲體。然有二義。一本影相對。二說聽全攝。初中通辨諸教總有四句。一唯本無影。如小乘教。以無唯識變現等。故達摩多羅等諸論師多立此義。二亦本亦影。如大乘始教。衆生心外佛有微妙色聲等法。由聞者善根增上緣力。擊佛利他等子爲因。於佛智上文義相生爲本性相教。由佛此教增上緣力。擊聞法者有漏無漏善根種子。聞者識上文義相生爲影像相教也。二十唯識論云。展轉增上力二識成。決定護法論師等悉立此義。三唯影無本。如大乘終教。離衆生心。佛果無有。色身言聲事相功德。唯有如如及如如智。大悲大願爲增上緣。令彼所化根熟衆生心中現佛色聲說法。是故聖教唯是衆生心影像。故下文云。一切諸如來無有說佛法。隨其所應化而爲演說法。又云。如來法身不思議無色無相。無倫匹。示現色像爲衆生十方受化。靡不見。如是。非一。龍軍堅慧諸論師等並立此義。四非本非影。如頓教中。非直心外無佛色等。衆生心內所現之佛亦當相空。以唯是識無別影故。色等性離無所有故。一切無言無言亦無故。是故聖教即是無教之教。如經云。如來不出世亦

無有涅槃。又密嚴經明佛常在法界無不出世等。龍樹等宗多立此義。此前四說總爲一教。圓融無礙皆不相妨。以各聖教從淺至深攝衆生故。思之可見。第二說聽全收者。亦四句。一離佛心外無所化衆生。況所說教。是故唯是佛心所現。此義云何。謂諸衆生無別自體。攬如來藏以成衆生。然此如來藏即是佛智證爲自體。是故衆生舉體總在佛智心中。下文云。諸佛悉了知一切從心轉。又云。如來菩提身中悉見一切衆生發菩提心。修菩薩行。成等正覺。乃至見一切衆生寂滅涅槃。亦復如是。皆悉一性以無性故。又云。三世一切劫佛刹及諸法諸根心。心法一切虛妄法。於一佛身中此法皆悉現。又佛性論第二如來藏品云。一切衆生悉在如來智內。故名爲藏。以如如智稱如如境故。一切衆生決定無有出。如如境者。並爲如來之所攝持。故名所藏。衆生爲如來藏。是故離佛心智無一法可得。二總在衆生心中。以離衆生心無別佛德故。此義云何。佛證衆生心中真如成佛。亦以始覺同本覺故。是故總在衆生心中。從體起用。應化身時即是衆生心中真如用大更無別佛。起信論中盛明此義。又下文云。若人欲求知三世一切佛。應當如是觀。心造諸如來。三隨一聖教全唯二心。以前二說不相離。故謂衆生心內佛爲佛心中衆生說法。佛心中衆生聽衆生心佛說法。如是全收說聽無礙。是謂甚深唯識道理。四或彼聖教俱非二

心以兩俱形奪不放現故。雙融二位無不泯故。謂佛心衆生無聽者故。衆生心佛無說者故。兩俱雙泯二相盡故。經云。夫說法者無說無示。亦其聽法者無聞無得。又此下文云。衆生所生非是生。亦無流轉生死中。又經云。如來不說法亦不度衆生如是等。是故此四於一聖教圓融無礙方爲究竟。第五會緣入實門者亦有二義。一以本收末。二會相顯性。初中以諸聖教皆從真流是故與真性常不異。如海起潮不失鹹味。論中名爲真如所流十二分教。又云。從最清淨法界等。流教法等。是故以本收末唯是真如也。二會相顯性者。謂彼一切差別教法皆悉從緣起。從緣起故必無自性。無自性故即是真如。是故空相本盡真性本現唯是真如故。經云。一切法即如也。又下文云。彼生滅法如如相也。第六理事無礙門者。亦有二義。一謂一切教法舉體真如不礙事相歷然差別。二真如舉體爲一切法。不礙一味湛然平等。前即如波即水不礙動相。後即如水即波不失濕體。當知此中道理亦爾。是故理事混融無礙唯一無住不二法門。維摩經中盛顯斯義。又此經云。知非有是有非有非相是相相是非非相。良由本以非有爲有。是故此有即是非有。聖教准此理事無礙思之可見。第七事融相攝門者。亦有二義。一相在。二相是。初中先在一一切中。謂如一教法不礙在事全是真理。真理遍餘一切事中同理。教

事亦如理遍。是故一切法中常有此一依。是義故無一微細塵毛等處無佛說教故。此經云。一切佛刹微塵中盧舍那現自在力。弘誓願海振音聲調伏一切衆生類。二一切在二中。謂無分齊理既不改性而全是事。是故一事攝理無不皆盡。餘事如理在一事中。以理無際限不可分故。隨一事處皆全攝也。是故一中常有一切依是義。故此經云。於此蓮華藏莊嚴世界海之內。一一微塵中見一切法界。又云。於一法中解衆多法衆多法中解了一法。若具通說有其四句。初一在一中。謂別說一切差別事中。一各有一法故。二在一一切中。謂通說一切悉有一故。三一切在一中。謂別說一切攝一切故。四一切在一一切中。謂通說一切悉有一切故。又此常含一切之一即復恒在彼一切中。同時自在無障無礙。不動一方遍十方等。皆是此義思之可見。既一切法悉爲教體。皆互相收圓融無礙方是此經教之體性。二相是者。先一即是一切。謂如一教事既全是真理。真理即爲一切事故。是故此一即是一切。一切即一反上應知。此經云。若一即多多即一。義味寂滅悉平等。通亦四句準前思之。良以全理之事與全事之理非一非異。由非一門故得相在也。由非異門故得相是也。深思可見。依是義故一句即是一切句而無窮盡。一切亦爾。下文云。欲具演說一句法阿僧祇劫無窮盡。如是自在是此教體。第八帝網重重門者亦

二義。先辨一門後類顯一切。前中如一句內即具一切。此一切復一即一切。如是重重具即不可窮盡。總是一句。二類顯者。如此一餘一切句。一皆爾。是即無盡無。盡具唯普眼所知非是心識思量境界。下文云。於彼一一修多羅分別諸法不可說。於彼一一諸法中又說諸法不可說。又云。若於一小微塵中有諸佛刹不可說。於彼一一佛刹中復有佛刹不可說。解云。如是重重如因陀羅網。是謂此經圓宗教體。第九海印炳現門者。亦有二義。一約果位。如前差別無盡教法皆是如來海印定中同時炳然圓明顯現。設所化機亦同緣起在此中現。是故唯以此三昧海爲斯教體。如下文云。一切示現無有餘海印三昧勢力故。二約因位。要普賢等諸大菩薩方得此定同前業用亦無差別。是故十信滿處普賢位中亦得此定。如賢首品說。第十主伴圓備門者。謂此普法教不孤起必主伴隨生。如下文普莊嚴童子開佛說一切法界無垢莊嚴經。有世界微塵數修多羅以爲眷屬。如是等文處處皆有。此眷屬經有其二義。一同類。二異類。初同類者。如說十住十行十地各有十刹塵數菩薩來證。同名法慧我等佛所亦說十住。大衆眷屬名味句身等無有異。是故當知一十住經十方各有十刹塵數修多羅等以爲眷屬。如一十住餘一切處所說十住皆攝爾許塵數眷屬。十住既爾餘十行等一一品會皆有證法。數量准釋可知。二異類者。

謂隨一方一界爲一類機說。一會法。既無結通十方等說。故非主經。然亦與主爲勝方便。故爲眷屬。是故主經必十方塵道同時同說。伴經不爾。隨方各別。是故一一主經各有塵數眷屬。是謂本末相資主伴圓備。教體門竟。第六宗趣者。語之所表曰。宗。宗之所歸曰趣。然此大經宗趣難辨。略叙十說以顯一宗。一江南印師敏師等多以因果爲宗。謂此經中廣明菩薩行位之因及顯所成佛果勝德。下文所說不離。此二故以爲宗。二大遠法師以華嚴三昧爲宗。謂因行之華嚴嚴佛果。此上一說但得所成行德。遺其所依法界。三依衍法師以無礙法界爲宗。四依裕法師以甚深法界心境爲宗。謂法界門中義分爲境。諸佛證之以成淨土。法界即是一心。諸佛證之以成法身。是故初品之內。初天王偈讚無盡平等妙法界悉皆充滿如來身。末後復明入法界品。故知唯以法界爲宗。此上二說但得所依法界遺所成行德。五依光統師以因果理實爲宗。即因果是所成行德。理實是所依法界。此雖義具然猶未顯。六今總尋名案。義以因果緣起理實法界以爲其宗。即大方廣爲理實法界。佛華嚴爲因果緣起。因果緣起必無自性。無自性故即理實法界。法界理實必無定性。無定性故即成因果緣起。是故此二無二。唯一無礙自在法門故以爲宗。七別開攝法界以成因果。謂普賢法界爲因。舍那法界爲果。是故唯以法界因

果而爲宗趣。於中分別有十事五對。一。所信因果。如初會中含那品內先明蓮華藏世界果後顯普莊嚴因。二。差別因果。如第二會至小相品說。於中初二五品說五位差別因。後三品說三德差別果。三。平等因果。如普賢品說。平等圓因。性起品說。平等滿果。上二門是生解因果。四。成行因果。如離世間品中二千行法內先明因行後顯果行。五。證入因果。如入法界品先祇洹林中現自在果後善財童子辨證入因。因果五周一部斯畢。是故唯辨因果不失所依。但以因果爲宗理亦無咎。八會因果以同法界。法界法門略顯十事五對。一。教義相對。舉此所說教法爲宗。意顯所證義理爲趣。或反此。以辨義深教勝故。二。理事相對。舉事法爲宗。意取理性爲趣。或反此。以依理性方成事故。三。境智相對。舉所觀境意欲令成觀智行故。或反此。以令修起智證同真境故。四。行位相對。舉所依之五位。意令依之修成勝行。或反此。以積行成位故。五。因果相對。勸彼修因。意在證果。或反此。以舉果勸樂令修因故。此上五對通於一部處處皆有故不別屬。是故唯辨法界不失所成。但以法界爲宗理亦無違。九法界因果分相顯示中。亦有十義五門。一無等境即理實法界。此有二位。一是出纏最淨法界。二是在纏性淨法界。此二爲所信所證故。二無等心。此亦二義。一大菩提心爲普賢行所依本故。二信悲智等隨行起故。三無等行。此亦

二義。一差別行各別修故。二普賢行一即一切故。四無等位。此亦二義。一行布差別位此證不同故。二圓融相攝位一位即具一切位故。五無等果。此亦二義。一修生果二修顯果。此五門十義通收此經一部略盡。是故具以爲宗。義亦備矣。十法界因果雙融俱離。謂性相混融無礙自在亦有十義。一由離相故。因果不異。法界。即因果非因果也。二由離性故。法界不異因果。即法界非法界也。三由離性不泯性故。法界即因果以非法界爲法界也。四由離相不壞相故。因果即法界。以非因果爲因果也。五由離相不異離性故。因果法界雙泯俱融。迥超言慮也。六由不壞不異不泯故。因果法界俱存現前。爛然可見也。七由上存泯復不異故。超視聽之法恒通見聞。絕思議之義不礙言念也。八由法界性融不可分故。即法界之果統攝法界無不皆盡。因隨所依亦在果中。是故佛中有菩薩也。九即法界之因攝義亦爾。故普賢中有佛也。十因果二位各隨差別。一。法一。行一。德一。一位皆各總攝無盡諸法門海者。良由無不該攝法界圓融故也。是謂華嚴無盡宗趣。餘義如指歸等說。

第七釋經題目者。略釋十名。一數名。二法名。三喻名。四義名。五德名。六事名。七開名。八具名。九合名。十品名。初數名者。依梁攝論第十勝相云。百千經者。是華嚴經有十萬頌名。百千經。此即從本數以立其名。二

法名者依智度論屬累品云名不思議解脫經有十萬偈又彼中自指是華嚴故良爲此經所說之法皆一攝一切無不悉是不思議解脫故以爲名三喻名者依涅槃經及觀佛三昧經名此經爲華嚴經以萬行交飾緣起集成從喻標名猶華嚴耳四義名者如下離世間品出生菩薩深妙義華等十義立名至彼當辯五德名者如性起品末就十勝德以立其名亦至彼當釋六事名者華嚴之稱梵語名爲健擊驪訶健擊名華嚴驪訶名嚴飾日照三藏說云西國別有一供養具名爲驪訶其狀六重下闊上狹飾以華寶一一重內皆安佛像良以此經六位重疊位位成佛正類彼事故立此一名入天八會亦似彼應知七開名者此一名開爲十事五對一通別一對謂大方廣等一部通名世間淨眼是當品別目二就通中教義一對謂大等是所詮義經之一字是能詮之教三就義中法喻一對謂大等是法華嚴爲喻四就法中境智一對謂大等是所證所覺佛是能證能覺亦是入法一對五就境中簡持一對謂大字是能簡方廣爲所簡即簡大異小簡實異權簡果異因故也八具名者大有十義一境大謂十蓮華藏及十佛三業無邊依正爲所信境如初會等說二心大謂依前大境起大心故如賢首品及發心品說三行大謂依大心起大行故如離世間品等說四位大謂積大行成大位故即五位圓通等如第二會至

第六會來說五因大謂行位普圓生了究竟如普賢品等說六果大謂隨緣自體果德圓明如不思議品等說七體大謂大用平等皆同真性如性起品等說八用大謂念念益生頓成行位如小相品等說九教大謂一名句皆遍一切如下結通等說十義大謂所詮皆盡無邊法界如一塵含十方一念包九世八會等說此上十義一一統收一切法盡莫不稱大又有七義如瑜伽等七種大性相應等以釋大義又依涅槃經更有三義釋大經云所言大者名之爲常又言大者其性廣博又云能建大義名大涅槃又起信論亦以三義釋大謂體相用等次釋方廣亦有十義一周遍義謂言教廣遍諸塵方故二普說義謂普宣說一切法故三深說義謂說甚深法界海故四攝攝義謂普攝無盡衆生界故五廣益義謂要令衆生得佛菩提大利樂故六消除義謂遍除二障及習氣故七具德義謂具攝無邊諸勝德故八超勝義謂獨絕超餘無比類故九含攝義謂通攝衆多異類法故十廣出義謂能出生佛大果故然此十義如二論說入大乘論一爲衆生說對治法故二有衆多乘故三多莊嚴具故四能出生無量大果故五除斷一切諸邪見故名毘佛略又難集論釋方廣者謂菩薩藏相應言說名爲方廣一切有情利益安樂所依處故宣說廣大甚深法故亦名廣破以能廣破一切障故亦名無比法無有諸法能比類

故次釋佛義亦有十種如無著佛等尋文具辯次釋華嚴問華有幾義復何所表以華爲嚴答華有十義所表亦爾一微妙義是華義表佛行德離於塵相故說華爲嚴下並准此二開敷義表行敷榮性開覺故三端正義表行圓滿德相具故四芬馥義表德香普熏益自他故五適悅義表勝德樂歡喜無厭故六巧成義表所修德相善巧成故七光淨義表斷障永盡極清淨故八莊飾義表爲了因嚴本性故九引果義表爲生因起佛果故十不染義表處世不染如蓮華故次釋經字亦有十義如寶雲經說除義同上九合名者大即當體爲目包含義方即就用爲名軌範爲義是方法故性離邪僻是方正故能治重障是醫方故遍虛空界盡方隅故廣即體用合明周遍爲義謂一切處一切時一切法一切人無不周遍皆重重如帝網此中且就一攝一切名大一遍一切稱廣前廣後大理亦不違方即是廣大即方廣皆持業釋此是所得之法佛是能得之人覺照爲名果滿爲義此中人法境智有相依相即相依者智依境故方廣之佛簡下乘佛境依智故佛之方廣簡因位法此二相依各有有力無力緣起四句思之可見皆依主釋相即者謂佛即方廣方廣即佛人法無礙全體相即空有四句亦准思之此唯持業釋既佛非下乘法超因位果德難彰寄喻方顯謂萬德究竟顯麗猶華互相交飾顯性稱嚴此有

二門。一諸德互融。亦有相依相即。各有四句存亡俱泯。皆持業釋思之可見。二理行互融。亦有相依相即。初相依四句者。一理由修顯故即行華嚴性也。二行從理起故即理華嚴行也。梁攝論云。無不從此法身流。無不還證此法身。三理行俱融不二而二。非真流之行。無以契真。非飭真之行。不從真起。良以體融行而因圓。行該真而果滿。是故標爲佛華嚴也。四理行俱泯二而不二。以理之行故非行。行之理故非理。是即能所兩亡。超情離相。非嚴非不嚴。是謂華嚴。相即四句。理行全收。准思可見。是知法喻交映昭然有在。餘如前釋。十品名者。世間是法。淨眼爲喻。世者是時。問者是中。時中顯現故云世間。世間不同有其三種。一器世間。爲所依處。二智正覺世間。爲能化主。三衆生世間。爲所化機。此品之內不越此三。故立斯名。器有二種。一場地別處。二華藏通處。智正覺亦二。謂三身十身。衆生亦二。謂同生異生。淨眼三義。一洞徹義。況器世間。內徹理故。下文云。法界不可壞蓮華世界海。二現像義。況智正覺下文云。清淨法身無像而不現。三照觸義。況衆生世間。下文云。猶如淨眼觀明珠。又若通論此三世間各有淨眼三義。思准可知。又釋佛未出世無善導故如盲。如來創出世間淨眼現名世間淨眼。是故佛涅槃時言世間眼滅。品者類也。別也。餘義可知。

第八部類傳譯者。亦有十義。一恒本。二大

本。三上本。四中本。五下本。六略本。七論釋。八翻譯。九支流。十感應。初恒本者。下不思議品云。一切法界虛空界等世界悉以一毛周遍度量。一一毛端處於念念中不可說微塵等身盡未來際劫常轉法輪。解云。此通樹形等異類世界各毛端處處念念常說。無有休息。此非可結集。不可限其品類多少。亦非下位所能受持。二大本者。如下海雲比丘所受持普眼經。以須彌山聚筆四大海水墨書。一品修多羅不可窮盡。如是等品復過塵數。此是諸大菩薩陀羅尼力之所受持。亦非具業所能書記。三上本者。此是結集文中之上本也。故西域相傳。龍樹菩薩往龍宮見大不思議解脫經有三本。上本有十三大千世界微塵數頌四天下微塵數品。四中本者。有四十九萬八千八百偈。一千二百品。此上二本竝祕在龍宮。非閻浮提人力所受持。故此不傳。五下本者。有十萬頌三十八品。龍樹將此本出現傳天竺。即攝論百千爲十萬也。西域記說。在于闐國南遮俱槃國中。具有此本。六略本者。即此土所傳六十卷本。是彼十萬頌中前分三萬六千頌要略所出也。近於大慈恩寺塔上見梵本華嚴有三部。略勘竝與此漢本大同。頌數亦相似。七論釋者。龍樹既將下本出因造大不思議論。亦十萬頌以釋此經。今時十住毘婆沙論是彼一分。秦朝耶舍三藏頌出譯之。十六卷文纔至第二地。餘皆不足。又世親菩薩造十地論。偏釋十地一品。

魏朝勒那三藏及菩提留支於洛陽各翻一本。光統律師自解梵文。令二三藏對御和會合成一本。見傳者是。金剛軍菩薩及堅慧菩薩各造十地釋。竝未傳此土。又魏朝此土高僧靈辯法師。於五臺山頂戴華嚴膝步慰懃足破血流。遂經三載冥加解悟。於懸瓮山中造此經論一百餘卷。現傳於世。後勅請法師入內於式乾殿講此大經。八翻譯者。有東晉沙門支法領。從于闐國得此三萬六千偈經。并請得北天竺大乘三果菩薩禪師名佛駄跋陀羅。此云覺賢。俗姓釋迦氏。即甘露飯王之苗裔。曾往兜率天就彌勒。問疑。以晉義熙十四年歲次鶡火三月十日。於揚州謝司空寺。別造護淨法堂。於中譯出此經。時堂前有一蓮華池。每日有二青衣童子。自池之出。堂灑掃供養。暮還歸池。相傳釋云。以此經久在龍宮。龍王慶此傳通。躬自給侍。後因改此寺名爲興嚴寺。沙門法業及慧嚴慧觀等親從筆受。時有吳郡內史孟顗右衛將軍叔度等爲檀越主。至元熙二年六月十日。出訖。至大宋永初二年十二月二十日。與梵本再校勘畢。於法界品內從摩耶夫人後至彌勒菩薩前所闕八九紙經文。今大唐永隆元年三月內有。天竺三藏地婆訶羅。唐言日照。有此一品梵本。法藏親共校勘至此闕文。奉勅與沙門道成復禮等譯出補之。九支流者。謂此大經隨力受持分成多部。兜沙經一卷是第二會初。菩薩本業經一卷是淨行一品。小十

住經一卷是十住品。六十住經四卷。漸備一切智德經四卷。並是十地品。如來性起微密藏經兩卷是性起品。顯無邊佛土經一卷是壽命品。度世經六卷是離世間品。羅摩伽經三卷是入法界品。近於神都共于闐三藏。翻華嚴修慈分一卷不思議境界分一卷金剛鬘分十卷。此分翻未成三藏亡歿。今現於神都更得于闐國所進華嚴五萬頌本并三藏至神都現翻譯。其慈恩寺梵本與舊漢本並同無異。新來梵本品會及文句有少不同。明此大經數本故也。此並大經支流隨器分流。

第十感應者。宋主請西來三藏令講此經。其人恨以方音未通恐說不盡旨。乃入道場祈請幾益七日。遂夢以漢首易已梵頭。因即洞解宋言講授無滯。又九隴山尼敬重此經。專精轉讀二十餘載。遂感目覩毛端刹海。又五臺山尼常誦此經。從曉至曉一部斯畢。口中光輝遍耀山谷。又北齊恒法師崇重此經。關於師受。專讀祈解。十五餘年遂夢善財授聰明藥。因即開悟造疏十卷。講五十餘遍。又定州中山修德禪師誦誦誦淨鈔寫此經。後開函放光照一百二十里。又闍人劉謙之因於五臺山專讀此經。遂復丈夫形。諸如此例事極繁廣具如五卷華嚴傳中說。

第九顯義理分齊者。然義海宏深微言浩汗。略舉十門撮其綱要。一同時具足相應門。二廣狹自在無礙門。三一多相容不同門。

四諸法相即自在門。五隱密顯了俱成門。六微細相容安立門。七因陀羅網法界門。八託事顯法生解門。九十世隔法異成門。十主伴圓明具德門。然此十門同一緣起無礙圓融。隨有一門即具一切。應可思之。就初門中有十義具足。一教義具足。二理事具足。三境智具足。四行位具足。五因果具足。六依正具足。七體用具足。八入法具足。九逆順具足。十應感具足。謂衆生機感如來應赴。下云。一切衆生所樂示現雲。然此十對同時相應爲一緣起。隨一各具餘一切義。如初門既爾餘廣狹等九門皆各具。前十對但隨門異耳。是故一門中各有十百千等。思之可見。今且於一事法之上辨此十對。餘可准知。如下文中。一蓮華葉表令生解爲教。即是所詮爲義。如下勝音菩薩蓮華處說。二華相爲事。華體是理。下云。法界不可壞蓮華世界海。三華是所觀亦即能觀。以此經中可。以內行爲外事。故。四行事之華結成位。故。五因事之華攬成果。故。六華臺所依亦入正故。如國土身等。七華體同異用應機。故。八全攬爲人恒是法。故。九逆同五熟順十度。故。十應赴群機亦能感。故。如一華事既爾餘一切事皆准知之。事法既爾餘教義等一切皆然。准思可見。如具自十對既爾彼一華葉具前十門亦然。何者此蓮華葉具前十義同時相應具足圓滿。故。是初門也。二即彼華葉普周法界而不壞本位。以分即無分無分即分廣狹自在無障無礙。下云。此大蓮華其葉遍覆一切法

界。是故或唯廣無際。或分限歷然。或即廣即狹。或廣狹俱泯。或具前四。以是解境故。或絕前五。以是行境故。下皆准此。三即此華葉舒已遍入一切法界中。即攝一切。令入己內。舒攝同時既無障礙。是故銘融。或有四句六句。准前思之。下云。以一佛土滿十方。十方入一亦無餘。四此一華葉廢已同他舉體全是彼一切法。而恒攝他同已全。彼一切即是己體。一多相即混無障礙。解行境別六句同前。下云。知一即多。多即一等。五華能攝彼即一顯多隱。一切攝華即一隱多顯。顯顯不俱隱隱不並。顯顯顯隱同時無礙。全攝俱泯存亡俱成。句數同前。下云。東方見入正受。西方見三昧起等。六此華葉中微細刹等一切諸法炳然齊現。下云。於一塵中微細國土曠然安住。七華葉一一微塵之中各皆並現。無邊刹海。刹海之中復有微塵。彼諸塵內復有刹海。如是重重不可窮盡。非是心識思量所及。如帝釋網天珠明徹互相影現影復現影而無窮盡。下文如。因陀羅網世界等。八見此華葉即是見於無盡法界。非是託此別有所表。下云。此華蓋等從無生法忍所起等。九即此一華既具遍一切處。亦復該一切時。謂三世各三攝爲一念。故爲十世也。以時無別體依華以立。華既無礙時亦如之。是故下云。過去一切劫安。置未來今。未來一切劫迴置過去。又云。無量劫即一念一念即無量劫等。十此圓教法理無礙起。必眷

屬隨生。下云。此華有世界海塵數蓮華。以爲眷屬。又如一方爲主十方爲伴餘方亦爾。是故主伴伴各不相見。主伴伴主圓明具德。如一事華帶百十義具。此十門卽爲一百門。餘教義等亦各准之故成十門。如教義等望自類十義及同時等十門。有此十門。彼同時等亦望自類十門及教義等亦成十門。准思可見。問有何因緣令此諸法得有如是混融無礙。答因緣無量難可具陳。略提十類釋此無礙。一緣起相由故。二法性融通故。三各唯心現故。四如幻不實故。五大小無定故。六無限因生故。七果德圓極故。八勝通自在故。九三昧大用故。十難思解脫故。初緣起相由故者。謂大法界中緣起法海。義門無量。約就圓宗略舉十門以釋前義。謂諸緣起法要具。此十義方緣起故。闕卽不成。一諸緣各異義。謂大緣起中諸緣相望要須體用各別。不相和雜方成緣起。若不爾者諸緣雜亂失本緣法緣起不成。此卽諸緣各守自一也。二互遍相資義。謂此諸緣要互相遍應方成緣起。且如一緣遍應多緣各與彼多全爲一故。此一卽具多箇一也。若此一緣不具多一卽資應不遍不成緣起。此卽一一各具一切一也。三俱存無礙義。謂凡是一緣要具前二方成緣起以要住自一方能遍應遍應多緣方是一故。是故唯一多一自在無礙。由此鎔融有六句。或舉體全住是唯一也。或舉體遍應是多一。或俱存。或雙泯。或總合。或全離。皆

思之可見。此上三門總明緣起本法意。四異門相入義。謂諸緣力用互相依持互形奪故。各有全力。無全力義緣起方成。如論云。因不生緣生故。緣不生自因生故。若各唯有力無無力卽有多果過。一一各生故。若各唯無力無有力卽有無果過。以同非緣俱不生故。是故緣起要互相依具力無力。如闕一緣一切不成餘亦如是。是故一能持多一是有力能攝多。多依於一多是無力潛入一。由一有力必不得與多有力俱。是故無有一而不攝多也。由多無力必不得與一無力俱。是故無有多而不入一也。如一持多依既爾多持一依亦然。反上思之。是卽亦無多不攝一。一無不入多者也。如一望多有依有持。全力無力常全多在己中。潛在多中。同時無礙。多望於一當知亦爾。俱存雙泯二句無礙思准之。五異體相即義。謂諸緣相望。全體形奪有體無體義。緣起方成。以若闕一緣餘不成起。起不成故緣義卽壞。得此一緣令一切成起。所起成故緣義方立。是故一緣是能起。多緣及果俱是所起。是卽多爲一成多是無體。一能作多一是有體。由一有體必不得與多有體俱。多無體必不得與一無體俱。是故無有不多之一無有不之多。一多既爾多一亦然。反上思之。如一望多有有體無體。故能攝他同己廢己同他同時無礙。多望於一當知亦爾。准前思之。俱存雙泯二句無礙亦思之可見。六

體用雙融義。謂諸緣起法要力用交涉全體融合方成緣起。是故圓通亦有六句。一以體無不用故舉體全用。卽唯有相入無相卽義。二以用無不體故。卽唯有相卽無相入也。三歸體之用不礙用。全用之體不失體。是卽無礙雙存。亦入亦卽自在俱現。四全用之體體泯。全體之用用亡。非卽非入圓融一味。五合前四句同一緣起無礙俱存六泯。前五句絕待離言冥。同性海。此上三門於初異體門。顯義理。竟。七同體相入義。謂前一緣所具多一與彼一緣體無別故名爲同體。又由此一緣應多緣故有此多二。所應多緣既相卽相入令此多一亦有卽入也。先明相入。謂一緣有力能持多一。多一無力依彼一緣。是故一能攝多多便入一。一入多攝反上應知。餘義餘句准前思之。八同體相卽義。謂前一緣所具多一。亦有有體無體義故亦相卽。以多一無體由本一成多卽一也。由本一有體能作多令一攝多。如一有多空既爾多有一空亦然。餘義餘句准前思之。九俱融無礙義。謂亦同前體用雙融卽入自在亦有六句。准前應知。此上三門於前第二同體門中辨義理。竟。十同異圓備義。謂以前九門總合爲一大緣起故。致令多種義門同時具足也。由住一遍應故有廣狹自在也。由就體就用故有相卽相入也。由一攝多時爲顯。令一入多爲隱。多攝一入亦爾。又就用相入爲顯。令就體相卽爲隱。顯入

隱亦然。又異門即入爲顯。令同體爲隱。同顯異隱亦爾。又由以異門攝同體中相入義故現微細門也。由異體相入帶同體相入故有重重無盡帝網門也。由此大緣起法即無礙法界法門故有託事顯法門也。由此融通自在。今依此法上所辨時法亦隨此無礙自在故有十世門也。由此法門同一緣起相帶起故。隨一門必具一切故有主伴門也。此之一門於前第三門中以辨義理。上來十義總是緣起相由門竟。餘門如指歸中說。

華嚴經探玄記卷第一

華嚴經探玄記卷第二

◎世間淨眼品

魏國西寺沙門法藏述

第十隨文解釋者。今此三萬六千偈經有七處八會。謂人中三處天上四處爲七。重會普光爲八會。於中有三十四品。初一品是序分。應舍那品下明正宗。流通有無以四義釋。一以衆生心微塵下二頌爲流通。以結歎勸信故。二爲經來不盡。闕無流通。三爲此經是稱法界法門說故總無流通。問若爾何得便有序分。答以有見聞通趣入故有始爲序。以所入無極故無終流通。如修生佛果有始無終。若不爾者何故八會一一會未皆無流通。大般若經十六會中彼會會後皆別有流通。大集經中諸會未皆亦有之。

此經不爾。故知別意有所表也。四以餘三乘等法逐機差別利益衆生爲流通益相。又大遠法師分此經爲四分。初品名緣起淨機分。二舍那品名標宗策志分。三名號品下至第八會來名顯道策修分。四末後普賢所說偈名屬累流通分。今更尋下文總長分爲五。初品是緣起因緣分。二舍那品中一周問答名舉果勸樂生信分。三從第二會至第六會來一周問答名修因契果生解分。四第七會中一周問答名託法進修成行分。五第八會中一周問答名依人入證成德分。流通有無以如上辯。此五分皆依前起後文次相生義理周足。是故不增減也。就初序分之中分爲二。初明此土中序分。二明十方無盡世界中序分。初中有三。初有四字唯是證信。二一時下通。二序。三動地下唯是發起。若通後說得有四句。或唯證信是初。或唯發起是後。或俱是中間。或俱非是下正宗。又初四字義通而文局。以文在初首義通八會故。一時下文通而義局。以下諸會皆有爾時等故文通也。今此局初故義局也。又依佛地論分爲五。一總顯已聞。二教起時。三顯教主。四教起處。五教所被機。依法華論等有六成就。一信。二聞。三時。四主。五處。六衆。

今釋此義略作四門。一明此六義安立所由。二辨聞之親傳。三定傳法之人。四釋文。初中立此六句所由有六。一佛教安立。依智論佛臨涅槃告阿難。十二部經汝當流通。復告優婆塞。一切戒律汝當受持。告阿那律。汝得天眼常守護舍利勸人供養。告大衆。我若住一劫若減一劫會亦當滅。語已雙林北首而臥欲入涅槃。阿難親屬之愛未除。心沒憂海。阿泥盧豆語阿難。世尊今日雖在明日即無。汝宜問彼未來要事何因同彼惡人如是問絕。阿難即起問言。我今不知請問何事。盧豆教云。要事有四。一問如來在世親自說法人皆信受。如來滅後一切經首當置何言。二問如來在世諸比丘等以佛爲師。如來滅後以何爲師。三問佛在世時諸比丘依佛而住。如來滅後依誰而住。四問如來在世惡性車戾佛自治之。佛滅後云何共住。阿難如教請問。世尊答云。經首當置如是等六句。二云比丘皆以波羅提木叉爲師。三云皆依四念處住。四惡性比丘以梵檀治之。此云默摺。若心契伏爲說迦旃延經。此云離有無經。破我慢心也。又如大悲經中阿難請佛云何結集法眼。佛告阿難。我滅度後大德比丘應如是問。世尊何處說大阿波陀那等經。汝應如是答。如是我聞一時在摩伽陀國菩提樹下初成正覺說法。乃至云娑羅雙樹間說法。如是等二十餘處所說之經。佛自重教阿難結集。是故此六句佛教安立也。二爲斷疑故安此六句。如真諦三藏云。依微細律阿難當具高座結集法藏之時。其身如佛具相好。若下座時還復本形。衆見此瑞還生三疑。一疑佛大師慈悲從涅槃起更爲衆說。

法。二疑佛仙從他方來。三疑阿難轉身成佛。今爲除此三疑故安六句。是故阿難自稱如是之法我從佛聞。明知非是佛重起說。亦非他方佛來。又非阿難自身成佛。但以法力令我似佛故也。三爲未來生信故。智論云。一切經初置時方人等者。欲令生信心故。四離增減過故。佛地論云。應知說此如是我聞。意避增減異分過失。謂如是法我從佛聞。非他展轉顯示聞者。有所堪能諸有所聞。皆離增減異分過失。非如愚夫無所堪能。諸有所聞。或不能離增減異分。結集法時傳佛教者。依如來教初說此言。爲令衆生恭敬信受。言如是法我從佛聞。文義決定無所增減。是故聞者應正聞已如理思惟。當勸修學。五爲息諸諍論故。若自制作則諍論斯起。故不然也。此依智論辨。六異外道故。彼外道經論或云石崖崩得。或云青雀銜來。故不可信也。是故今具顯委曲明法非謬令人信受。

第二明阿難等親聞傳聞不同者。若依小乘有二說。一云阿難既是佛得道夜。生年二十方爲佛弟子。其二十年已後經是親聞。已前是傳聞。故轉法輪經云。阿難結集時自說偈云。佛初說法時爾時我不見。如是展轉聞。佛遊波羅捺爲五比丘衆轉四諦法輪。故知已前非親聞也。二云皆是親聞故。薩婆多論云。阿難爲佛侍者時請願言。願佛二十年中所說之經盡爲我說。比尼母論亦同此說。故知總是親聞。若依大乘一切皆

親聞有二義。一佛重爲說。如勝鬘經等佛還本處重爲阿難說。又如上大悲經中佛總重說。故是親聞。二阿難常聞故。涅槃經云。阿難多聞士。若在若不在自然能解了常與無常義。又云。阿難得覺意三昧。佛所說經近遠常聞。三定傳法人者。問說此經時二乘人等竝如響。豈得阿難而稱我聞。答有二義。一設是阿難此亦無過。何者依阿闍世王懺悔經有三種阿難。一阿難陀。此云慶喜。持聲聞法藏於上二乘。隨力隨分。二名阿難陀跋陀羅。此云慶喜賢。持中乘法藏於上大乘。隨力隨分。於下小乘容預兼持。三名阿難陀婆伽羅。此云慶喜海。菩薩持大乘法藏。於下二乘容預兼持。準此經文阿難海是大菩薩能持大法。理亦無違。若依圓教竝是盧遮那佛海印三昧內現。此傳法人等故。即是佛也。二云非是阿難所傳。理亦無違。何者智論云。一顯示教。二秘密教。此大品經是顯示教故付囑阿難。如法華經是秘密教故付囑喜王等。又涅槃經云。阿難所未聞經弘廣菩薩當爲流通。准此是弘廣菩薩稱。如是我聞。又准智論是文殊師利稱。我聞。以彼論云。文殊與阿難在餘清淨處結集摩訶衍藏。又文殊師利般涅槃經中。佛般涅槃後四百年時文殊師利猶在世間。故知是彼傳此法也。第四釋文。依智論如順也。是信也。又是印也。即印順信受故言如是。如是總舉一部文義。謂指己所聞之法。故云如是。依長耳三藏約三寶

釋。一約佛云。謂如佛所說是我所聞。如我所聞是佛所說。二約法云。如我所聞是稱理之說。如稱理之教是我所傳。三約僧云。如我所聞是諸菩薩之所同聞。如諸菩薩之所同聞是我所傳故也。依佛地論云。傳佛教者言如是之事我昔曾聞。如是總言依四義轉。一依譬喻。二依教誨。三依問答。四依許可。廣釋如彼論。中我者謂五蘊假者。況論我有四種。一真我。謂真如中常樂我淨等。真如爲性。二自在我。謂八自在我等以智爲性。三假我。謂五蘊假者。以唯識所現似有主宰等。以其爲性。四執我。謂分別俱生所執爲性。又緣我之心亦有四種。一見。謂諸凡夫等。二慢。謂諸學人。三習。謂無學人。四隨。世流布。謂諸佛。此中我者於前四中通有初三。約教准之後四中唯一。亦可通後三。思准之。何故不說無我而說我耶。謂顯親聞故。語便故。隨世間故。顯無我故。竝如智論說也。問傳法者何故不自稱名而言我耶。答有濫同名失。故問我豈不通耶。答已稱我定屬自故簡別他故。問何不言耳聞。答以總收別故。問耳但聞聲豈能解耶。答耳聞其聲意解文等。和合無二從親說聞。薩婆多根聞。成實識聞。智論和合聞。即空無作也。涅槃云。四因緣和合故聞。一耳根不壞。二聲在可聞境。三中間無障礙。四有欲聞故得聞。是故此聞則不聞聞也。又具十緣。一本識爲根。本依。二耳識種子爲因緣。依。三末那爲染

①動二助②(放轉)一③比二昆④(第)十三⑤囑二屬⑥說二教⑦[中]一⑧[等]一⑨[故]一⑩耳二聞
⑪[根本]一⑫[依]一

●汚依、四意識、爲分別依。五自類耳識爲等無間依。六耳根不壞爲同境根。七作意欲聞。八有境爲所緣緣。九中間無障礙。十境近在可聞。亦通餘法不礙等。是故此間無自性故不聞聞也。約教准辨之。一時以下通二序。即是六句之內後四句。於中初三同辨。謂時主及處。後一別辨。謂同聞衆。此亦即是三世間相應。知。前中亦二。先通標。三。相後始成正覺下別釋三義。何故有此二門者。謂約處前則通舉染淨。後則別顯淨相。又前寄染後別辨淨。又以時有始終。處有染淨。佛有淺深。故須重料簡也。前中三初一時者依佛地論。或一刹那或多相續但取說聽究竟。是故總名假立一時。小乘實時。大乘假說。若別釋染攝論一時有三義。一平等時。謂無沈浮顛倒故。二和合時。謂令聞能聞正聞。三轉法輪時。謂正說正受。二佛者覺義有二。謂本覺始覺。又論云。如蓮華開。如睡寤等。此初覺所知。後覺煩惱或三覺謂自他滿即有覺之者名爲覺者。或名婆伽婆。有四義如智論中。一名有德。謂婆伽名德婆名有故。二巧分別。婆伽名分別婆名巧故。三名有名聲。婆伽名聲婆名有故。四名能破疑惡癡。婆伽名能破婆名疑惡等故。此四中初一總後三別。別中初智德次福德後斷德。又佛地論有六義釋。彼頌云。自在熾盛及端嚴名稱吉祥與尊貴具斯六種義差別。是故總號爲薄伽。廣釋如彼。又真諦三藏引其實論有十義釋。佛

謂覺勝天鼓等云云。三處者國通場別。智論云。於摩伽陀國尼連禪河側。區樓頻螺聚落中得阿耨菩提等。此名不害國。以此國中諸有犯罪唯有擯罰無有刑戮故。託此表示大法慈濟之相也。或名善勝國。或云摩伽是星名。此云不惡。主十二月。陀者處也。名爲不惡處國亦名星處國。寂滅有四義。一障滅謂性滅及治滅。二證滅理故。三顯其滅德。謂示佛十身及普賢等法。經云。大般涅槃能建大義故。四益物成滅故。可知。道場亦四。一事處。二行。如經施是道場等。三理。如維摩經一切法是道場知諸法空故等。四通一切法。謂人法等一切准之。皆得道之處名道場。依主釋。亦如世穀場簡去穢穢而擇取其實。此中亦爾滅惑成德。亦得道即場故持業准之。事場者如俱舍論云。於剎浮洲中央從金剛地上起金剛座徹剎浮洲地與上際平。一切菩薩皆於中修習金剛三摩地。何以故。更無餘依止及能堪受。此三摩地。一切菩薩者謂賢劫千菩薩也。始成正覺下第二別料簡上三義。初料簡時。一處。三主。時中且作五門。一定分齊。二攝前後。三顯差別。四表示法。五釋本文。初定分齊者。菩提流支云。華嚴八會中前之五會是佛成道初七日說。第六會後是第二七日說。以十地經初云。第二七日故。又有人說。第八會是後時說。以彼文中。有驚子等五百聲聞。並後時度。故此等所判恐不順文。以初七日定不說法。十地

論云。何故不初七日說。思惟行因緣行故。既言思惟。明知非說法。設有教言只不說十地非不說餘法者。則不得言思惟也。下論又釋。爲顯已法樂是故不說。故知初七定非說耳。又第八會亦非後時。何得於二部經前已說半中說餘經後方更續。豈令佛無陀羅尼力不能一念說一切法。祇園驚子就是九世相入。下文云過去一切劫安置未來今。未來一切劫迴置過去世。又云於一念中建立三世一切佛事。乃至廣說如是等文處處皆有。豈可所用驚子祇園而非此類。是知此經定是第二七日所說。二攝前後者。有三重。一於此二七之時。即攝八會同時而說。若爾何故會有前後。答如印文讀時前後印紙同時。問若爾云何重會得成。答重亦同時以無礙故。如燈光相入等。餘不動昇天等准釋可知。二即於此時攝彼前後。各無量劫無不皆盡。以是不思解脫時故。三攝於重重無量念劫。如因陀羅網重重收攝故。三顯差別者。依普曜經第二七日於鹿野園爲彼五人三轉四諦。此是小乘。依密迹力士經第二七日鹿園爲於無量大眾轉法輪時有得羅漢辟支菩薩道等。此是三乘。依此經第二七日於樹王下爲海會菩薩轉無盡法輪。明是一乘。上三同時者約法表。本末同時。約人顯機感各異。依法華三七日四分律六七日興起行經七七依五分律八七日。智論五十七日。十二遊經一年方說。此並末教機異。宜聞各別故致不同。本

●汚二汗● ●爲分別二相應● ●淺深一境實● ●(名婆伽婆有)一● ●(名)十巧● ●(名)十聲● ●第二派● ●滅十(顯滅)● ●此二說● ●(云)一●

教機定故唯二七四表示法者。十地論云。時處等校量顯示勝故。此法勝故。在於初時及勝處說。此有三義。一此經約初時表。本法勝故。二末教亦同表末不離本故。三顯本非未故。末時不定本時定故。時定二七更無異說。第五釋文者。始成正覺者意顯初始之義。然有二相。一初七日是現世之始。二第二七日是說法之始。此中是成正覺來經今七日故云。始成正覺也。通有五義。一約小乘。以生身佛於此樹下三十四心初成正覺。同諸羅漢實成非化。二約大乘。八相化身示現於此初成正覺。三約報身。十地行滿無間道後果現圓明名初成正覺。四約法身。謂創得了因最初圓現。故曰初成。此上大乘並無初之初。五約十佛。謂遍一切因陀羅網無邊世界。念念之中皆初成佛。具足主伴。盡三世間。是故此即具攝前後無量劫初也。此中正唯第五兼攝前四。准可知。以此五重不相離故。攝方便故。其地金剛下第二別料簡處。於中亦作五門一定其處。二辨攝入。三顯差別。四表示法。五釋本文。初定處者。問說此經處爲是淨土。爲是染界。設爾何失。二俱有過。何者若是淨土。何故上文云。魔竭提國。下文復云。如此四天下閻浮提等。由此當知非是淨土。若染土者。何故下文此蓮華藏世界海六種十八相震動等。明知此經非染土說。如此相違云何指定。答但依此經染淨二土鎔融相攝有其四句。或唯娑婆。以本從末故。

或唯華藏。以末從本故。此二如上辨。或雙現。以依華藏而有娑婆染淨相分。未依本故。如下文云。華藏界中娑婆世界。此之謂也。或染淨雙絕。以就果海不可說故。此上四門合爲一土。鎔融無礙隨說皆得。第二辨攝入中。初明融攝者。亦有二重。一此覺樹下即攝八會人。中天上。是故皆云不離此也。二攝十方。無餘刹土皆悉不離此樹王下。三攝毛端微塵內等重重之刹。猶如帝網無有窮盡。以皆是此蓮華藏界之所攝故。二融入亦三。謂融此覺樹入前三重所攝處故。第三顯差別者。然佛說經處有三種。一唯界內十六大國化身說處。此通小乘及三乘教。二唯界外諸妙淨土十八圓滿受用土中報佛說處。如佛地經等。此妙淨土非三界攝而亦不離。以遍一切處故。此通三乘及一乘說。三染淨圓融帝網無盡蓮華藏界十佛說處。依正淨融具三世間。此唯別教一乘說處。今此所辨正唯後一。兼攝前二。以彼本末不相離故。第四表示法者。託此勝處。表說法勝。地論云。此法勝故在勝處說。然有三重。一此樹下得菩提故。不起此說。明表所說如所得故。非逐異機有改動故。如鹿園說等。二託圓融蓮華藏界表。示所說圓滿勝性開敷故。三託此重重帝網之處。表示所說亦重重無盡。如不思議解脫等。餘義如下世界章說。第五釋本文者。文中有三。初明道場地。二地上有菩提樹。三樹下有師子座。此則地爲行所依本。樹

爲行德建立。座爲行用攝益。如緣起性各全融攝法無不盡。然此三位文中各以十門分別。初釋場地中有標釋結。標中其地金剛標其地體。謂體無不堅。下文言金剛厚地不可破壞。此之謂也。具足嚴淨標其地德。謂相無不嚴。即下文蓮華藏界地下具攝風輪香海蓮華王等。以爲嚴淨。地上具有妙寶光明香河樹網。如是上下淨德圓備故云具足。此則垢無不盡曰淨。德無不滿曰嚴。二別釋中十句。顯十種嚴淨。一寶華嚴淨。二寶輪嚴淨。三妙色嚴淨。四幢等嚴淨。五香鬘嚴淨。六寶網嚴淨。七雨寶嚴淨。八華樹嚴淨。九佛力嚴淨。十奇特嚴淨。具此十種故云具足嚴淨。初寶華嚴淨者。謂衆寶雜華具四義故。一微妙義。二開敷義。三出菓義。四嚴淨義。下文言寶華遍覆一切地。悉能長養佛功德。二寶輪嚴淨者。謂此寶輪具足五義故。一圓滿義。離缺減故。二攝德義。輻輳等具故。三轉動義。從此向彼故。四摧惑義。如碾碎等故。五降伏義。如聖王輪寶故。又寶是可貴義。下文言寶華成妙色莊嚴光明輪。充滿諸法界。十方靡不遍。三色相嚴淨。謂此妙色具四義故。一炳著義。具形顯故。二即空義。含虛而立故。三具德義。攝一切故。四有用義。衆生見聞獲勝益故。此類多端。故云無量無不交飾。故云莊嚴。謂此器海深而且廣。蘊德包含潤益無邊故云如海。大海十相於此應辨。下文世界海名從此而立。四幢等嚴淨。

①〔約〕一② ③〔末時不定本時定故〕一④ ⑤說十〔不同末也〕⑥ ⑦攝入二融攝⑧ ⑨〔及三乘〕一⑩ ⑪備二滿⑫ ⑬〔足〕一⑭ ⑮無量二種攝

謂幢蓋光四義別故。幢有二義：一高出，二降伏。如帝釋幢，幢有二義：一標幟，二隨緣。蓋亦二義：一顯勝，二蔭覆光。亦二義：一除闇，二照現。下文云：於寶幢中有光明，垂寶旗幡而莊嚴。五香鬘嚴淨，謂妙香是芬馥義。妙華是開敷義。妙鬘是貫穿義。以此三事遍布周圍以成供養。又亦以妙香之華穿以成鬘。垂幢四面以成莊嚴。下文云：懸雜華鬘爲莊嚴。六寶網嚴淨。網是隱映莊嚴。下文云：寶輪羅網彌覆其上。依稱讚淨土經七寶者：一金、二銀、三吠琉璃、四頗胝迦、五赤真珠、六阿濕摩揭拉婆、七牟娑陀揭拉婆。七寶嚴淨。謂所雨廣多無不皆成。法門之用故云自在。即現身說法此之謂也。八寶樹嚴淨。謂衆德建立義也。下文云：清淨寶樹雲莊嚴。普能照明一切身。故光茂也。九佛力莊嚴。謂佛神力故者。舉其所因。今此等者。辨其所成。一令體廣。二相嚴。三用照。下文云：一切世界海有無量莊嚴寶輪無邊色。如來神力起。十奇特嚴淨。依智論寶有三種：一寶如輪王珠寶。能雨物之用。二天寶。謂諸天所有。如堪使喚。三菩薩寶。堪令說法度人。今此菩薩寶。前人天已爲奇特之寶。況如來所有無盡善根所生之寶。竝甚奇特。以即是法門復是事實故也。下一句總結。以善根無限量故。出生嚴具。亦無限量。故云無量善根莊嚴道場。又亦以此善根即用莊嚴。如下文云：百萬億波羅蜜雲及善根雲等以嚴寶座。今亦同彼故也。無量者。

下文云：盧遮那佛過去行令。佛刹海甚清淨。無量無數無邊際。彼一切處自在轉。餘義至後品中廣明。此中亦有總別同異成壞六相。可准通之。場地竟。第二覺樹中亦十句。初一總句。菩提樹有三釋。謂隣近依主及持業。以圓教中依正無礙人法相是故。得菩提即樹也。高出六天。顯顯十方。故云殊特。此是總句也。下以九句別顯殊特。一幹殊特。謂是樹身明淨堅固義。云淨琉璃等。二枝殊特。謂樹枝。條是方便隨。機差別義。云寶枝等。三葉殊特。謂枝條頭葉是蔭。機成益義。故云寶葉等。重雲是斷斷義。又重雲是變變義。四華殊特。是衆行綺飾義。即益所成行故。云難色等。五菓殊特。是行成感。果義。如意者。一如能化意。平等救故。二如所化意求皆得故。摩尼是珠寶通名。簡通取別。故云如意摩尼。又此上五句成一樹體。謂淨法界如地。顯現佛身如地生。樹隨機見異如樹。枝分。見無不益。如葉成蔭。由益成行如樹花敷。行滿得果如樹生。果此約起化攝生現於佛樹。又釋。本識如地。識中菩薩種子如樹子。發菩提心如生樹。芽增修正行如長養樹身。隨位造修如樹分枝。此約自行。蔭覆利他如樹葉蔭。自他二行交飾如華。因圓果現如樹成菓。此約修行次第。以成佛樹。此上五句明樹體攝衆德。下有四句。明此覺樹妙用自在。謂第六句顯光殊特。謂光用遍至。七。化現殊特。謂隨所至處現作佛事。以無際故不可極。即一

切處也。無休故不可盡。即一切時也。八法殊特。謂於諸處作何佛事。普現大乘菩薩道數。以是阿含光明故能現法。又此上三句如其次第。是身意語三業所攝。九佛力殊特。謂佛力加持出音讚德。若不樹中自出音讚世人無有能知。如來勝功德者。此十句中六相總別可准知之。覺樹竟也。第三寶座殊勝。於中亦有十句。初一是總。依智論佛爲人中師子。佛所坐處若若地皆名師子座。王坐處亦爾。又坐此座說於無畏師子吼法。是故亦名師子座。下離世間品明十種座。中師子座。分別演說甚深義。此上皆依主釋。或亦持業釋。以依正渾融故。又以此座苞含法界。人法教義一切法及彼十方諸佛世界深廣殊特故。云不可思議。謂如大海。下以九句別顯不思議。一嚴飾不思議。謂體攝衆德故。云衆妙寶華等。二流光不思議。謂妙用無方如雲普遍故。云流光等。三含攝不思議。謂內含無數菩薩大海故。云藏也。四語業不思議。謂大音遠振成益難量故。云不思議。又此上三句隨其所應。是身意語三業用也。五加持不思議。謂離此座流光普照。然佛光明重更彌覆。顯殊勝故。以摩尼珠光可有照及四十由旬。覆輪王宮。今佛光明遍照法界。彌覆此座。超過彼量故。云離摩尼等。六變化不思議。謂化用開覺故。云作佛事。七應機不思議。謂十方根熟一切悉觀。一座普應無所罣礙。八迅速不思議。謂一念者時極促也。一切化者所現多

●垂一香● ●映二映● ●(也)一● ●條二條● ●(枝分一如樹)二十四字一● ●果二菓● ●芽二牙● ●(化)一● ●(十)義● ●(故)● ●(二)包● ●(二)說●

也。充法界者極深廣也。於此一念能現一切已爲希有。況諸所現一切能於一念化現一切已甚希有。況諸所現一切深廣充滿法界。於一念頃迅速起此無邊大用。餘念念中皆亦準此。九真性不思議。謂如來藏體普遍故。令前妙用速成無礙。又此上四句明此座用次第相由。初有何相。二云何應。三如何速。四由何成。如次四句答此四問。應知也。下一句總結。以別說難周故。結云無量衆寶等。以座高顯故亦稱臺。問此師子座有何義理名不思議。答既名不思議。義實無盡。略論十種。謂不可有分思。以同法界。故不可無分思。爲機現故。不可以理思。實華事嚴故。不可即事思。如來藏性故。不可依報思。以菩薩等所成故。不可正報思。是佛依果故。不可以人思。所依法攝故。不可以法思。具有三業爲人用故。不可以果思。具有因位諸菩薩故。不可以因思。佛果所有故。此上十義無礙相即。謂一座是總相。十義是別相。齊是座義是同相。十義不離是異相。由此十義令座法起是成相。各住自法。是壞相。問既云爲機現故。非無分量。未知其量分齊若爲。答然亦難知。但可此況辨之。如地品說。十地菩薩座量周圍如十阿僧祇百千三千大千世界之量。以此座量比。如來座。其猶以豆許土比大千世界。是如來座量極難量也。上來三段總明器世間圓滿意。自下第三明智正覺世間圓滿。於中略作五門料簡。一定佛身。二明

融攝。三顯差別。四表示法。五釋本文。初一定佛身者。問此八會佛是何等身。答有人釋云。是化身佛。以菩提樹下八相成道是化身故。不離昇天是重化故。以釋迦異名名。處舍那非別報身故。又有釋云。說此經佛是實報身。以是處舍那法界身故。居蓮華藏淨土中故。下第七會初歡佛具彼二十一種殊勝功德。是實報也。但以不離化故。說此樹下非是化身。今釋。此佛准下文。是十佛之身。通三世間。以說十信及三賢等地。前所見非實報故。然居華藏非局化故。國土身等非前二故。具攝前二性融通故。具足主伴。如帝網故。是故唯是周遍法界十佛之身。第二融攝者有二。一直接攝一切三世間。盡以具此三事。方爲佛故。三身二身。但是三中智正覺攝。妙淨土及同生之身。無不皆是此中所攝。二亦正報毛孔。依報塵中。各重重具攝三世間等一切諸法。如帝網現。准思可見。第三顯差別者。此一釋迦身隨應。群機差別多種。或同凡而非聖。如見三尺黑象脚身及樹神身等。此在入天位。或是聖而非凡。以同羅漢聖人身故。或亦凡亦聖。以是父母所生實報身故。四大成故。同凡身也。具五分法身諸流盡故。是聖也。或非凡非聖。以是大乘二身攝故。非同小乘羅漢聖故。或是化非法報。以具八相在闍浮故。色頂別立。彼實報故。如梵網經等說。此約初教。或是報非法化。即此身具二十一種殊勝功德。受用身故。如佛地經初

說。此約終教。或是法非報化。以色即如故。經云。吾今此身即是法身。此約頓教。或亦法亦報化。如前三說故。或非法非報化。以是十佛故。通三世間故。具足主伴故。如此經下文說。此約圓教。是故此釋迦身圓融無礙極難思也。第四表示法者。然說法之佛總有四位。一同羅漢身。以表說小乘法故。二化身佛。表說三乘廣說地前略說地上三報身佛。表說三乘廣說地上略說地前四十身佛。表一乘法。六位齊說。以此所說具足主伴無盡法故。佛亦同此十身無盡具。第五釋文者。文中釋此智正覺義。還以十門。初一總餘九別。總中先身安寶座。故云。如來處此等後智契真原。故云於一切法成最正覺。又如來者。地持論云。言語所說不乖於如。故名如來。又轉法輪論云。第一義諦名如。正覺名來。正覺第一義諦故名如來。又經云。乘六波羅蜜來成。正覺故名如來。又論云。乘如實道來成正覺。問此既出障得名如來。何不在纏名爲如去。答亦有是義。故經云。法身流轉五道名曰衆生。既云流轉。當知有去。或亦無去。以雖在纏而不動故。問若爾出障不動。應無有來。答淨法順眞從眞所起。故得有來。染法違理是妄法。故不得有去。或亦無來。以始覺同本覺故。既無始覺之異。是故無來。故經云。如來者無所從來。亦無所去。故曰如來。又一切法者所覺二諦之法。最正覺者能覺之妙智。以菩薩亦有隨分正覺。然位未極。不

得稱最。今就至極名最正覺。下以九門別顯。如來成正覺之義。謂於如來一法界身。隨緣顯現有三重三業。初有三門。明平等三業自在攝生。二其身遍坐下明攝生三業成益非虛。三悉能普現下明成益三業即用歸如。就初中先明身業於中有一。初句明平等身業。次普入下辨攝生身業。又上句顯深下句明廣。又上明不即三世。故云平等。下辨不離三世。故云普入。又初不變義。後隨緣義。又初體後用。又了謂照了。三世法者顯前一切法也。平等者一了。知過未等於現在。故云平等。此約俗境。二了。知三世遷流之法。浪歸一實。無三之異。故云平等。此約真境。文意在此。斯則不住事而入理也。普入等者是不住理而隨事也。又前則不壞事而顯理。理而非事。後則不乖理而隨事。事而非理。理事鎔融。二而不二。無障無礙。二句顯示與餘功德作依止義。是身義。次明平等語業。妙音遍至者明。如來圓音如緣起性遍。一切處而亦不壞別別詮表。若由等遍失其音曲。則圓非音。若由音曲乖其普遍則音非圓。今則不壞曲而等遍。不動遍而差韻。是謂如來圓音。非是心識思量境界。如虛空有五種義。似佛圓音。故以為喻。一周遍義。譬佛圓音周遍法界無處不至。猶如目連遠尋佛聲。不得涯畔。二平等義。謂空雖普遍體恒無二。況佛圓音平等一味。三無礙義。謂此虛空無所障礙。譬佛圓音隨根生熟聞與不聞俱無障

礙。四對現義。謂一切眾生皆謂虛空對其前而空無現前。圓音亦爾。隨種種機別別獨聞而音無彼此。五含受義。謂此虛空含容受諸色法。故。圓音亦爾。含攝所詮諸法義。故。餘義如下性起品說。下意業中。二。先明平等意業。等心下明攝生意業。又初理後量。又先智後悲。又二利無住緣。相融無二相故。又平等法相猶是佛智遊履之所。故云行處。如空者喻此行平等之法。又以境智相如能所俱泯。如空無礙故。一味故普遍故含攝故有用故。又或唯境如空。或唯智或俱或不俱。思以准之。又釋。佛果戒等功德稱同真性。故云平等。唯佛智所知故云智行處。然無分限故如虛空。佛地論第四云。如契經言。乃至所有施設譬喻。諸如來所有功德。一切皆是勝諸如來。唯除一喻。謂虛空喻。如來戒等無量功德同虛空故。乃至廣說。下句等心隨順眾生者有四義。一無思益。物故云等心。二等被圓教。三等授極果。四等達其性不礙攝化。此則是前如空之德。堪以攝生。故云隨順。上來平等三業竟。第二攝生三業成益不虛。於中初一句總標就機。謂其身遍坐具三業故。一切道場者有三類。一遍。一切須彌山界。二遍。一切樹形等界。三遍。一切塵道。重重如帝網界。故下文云。是虛遮那佛常轉法輪處。又下結通皆依此文。別中初二句先明意業。一攝生意業。謂了知根器故云悉知一切等也。二明成益不虛。謂以慧日破眾生癡闇

故云智慧日等。次有三句明身業。一依土現身故云悉能等。二依身放光。一光體通三際故云三世光。二光照三世境亦云三世光。皆從智慧大海中出故云智海光明。所照機境熟故名淨。無量光明者光攝眷屬。又亦多故無量。又照淨顯深。無量明廣。次二句明語業。初明實教無改動故云不壞。二明教所依因故云以力無畏等。以者由也。此即望前為因義。又以猶用也。用此力等開方便門。教化眾生成此權教。是故望後權教亦是所依。又自在力光者通用無礙。該於權實。成益三業竟。第三用歸。如中先明身業。謂雖普現多處。即用同體。故云如空。而無來去。以普遍故。不動故。起信論云。雖起大用。而亦無有用相可得。此則用而常寂也。次二句明意業。一遣妄。二順真。又初會性永無。二實相不滅。又前了其不有後證其不無。中邊論云。無二有。此無是二名空相。斯之謂也。又此亦是釋成前義。謂何因普現而無來去。釋云。以了達無性。何以去來而是無性。以彼去來順平等。故順平等之大用。無明闇盡。名一切光明。不失大用。故云普現諸佛所行。下一句明語業。諸佛世界者諸所遍處也。不思議音者所順多繁故云不思。此上三三業。各一總二別。又初總餘二別。又三三九為別。最正覺為總。同異成壞準思可見。智正覺竟。大段第二明眾生世間圓滿。於中先總料簡。後釋本文。初中略作十門分別。一明衆

數 二新舊 三定器 四世出世 五界

趣 六諸乘 七權實 八位地 九表法

十因果初衆數者謂此初會有五十五衆始從普賢至摩醯衆爲三十四類後從普賢還至普賢爲十八衆。摩前總爲五十二衆。海慧內衆并新集十方及勝音衆。摩前總爲五十五衆。

第二會中有新舊二衆。摩前總爲五十七衆。三四一會各有天王菩薩二衆。摩前總爲六十一衆。第五會中具天品內有五十二衆及雲集一衆。第六會有同生異生二衆。及第七會一衆。摩前總爲一百一十七衆。第八會中菩薩聲聞及天王三衆。摩前則爲一百二十衆。於中一或以十佛世界應數爲量如是等皆無分齊。然此等八會既並同時互相融成一法界大會。即知一一會中各有一百二十衆無分齊相此且約此一世界八會中說。若通十方虛空法界一切世界皆各有此無邊衆會相入重重如帝網無盡。即不可說不可說也。是謂華嚴海會之衆數。二諸會新舊者或唯舊無新如六七二會或唯新無舊如三四五三會或亦新亦舊如初二八三會。餘意各如下文集衆中說。三定器者汎論列衆有三義一是當機二是影響三是寄法。今此通三也。四世出世者有四義或俱是世間以時中顯現故。又三世間中是一故。或俱出世。如其行德非世攝故。或亦世亦出世。由具前二義故。又隨相論初普賢等是出世。餘是世故。或非世非出世。

以是出出世攝故。是故此衆通其三位具

斯四句也。五界趣者。於三界中除無色天以隨相寄法非殊勝故。若仁王經亦有無色天等。五趣中除地獄衆。以彼極苦寄相顯法亦非勝故。若方等陀羅尼經亦有此衆又無人王衆。以相顯非奇故。或菩薩即人衆也。或唯列王衆。如後十八衆說。以表法自在故。或通王臣。如此三十四衆中說。以具主伴故。六諸乘者。大智論云。若小乘經初唯列聲聞衆。若大乘經初具列菩薩聲聞二衆。義准若一乘經初唯列菩薩。所以知者彼論以大品等爲共教。別指華嚴爲不共教。以不與聲聞共說故。又此上三門各有二說。初中二者。一若爲或小教得小果等。唯列聲聞。此是愚法小乘。如阿含等經說。二爲迴小乘顯所被機。唯列聲聞。是大乘迴心教。如金剛般若經初辨。二具二衆中亦二。一或先列聲聞後列菩薩。此通始終頓三教。如淨名等經辨。二或先列菩薩後列聲聞。此通頓教及同教。如羅摩伽經惟樓王經和休經等辨。三唯列菩薩中亦二。一離唯列菩薩主伴不具。是同教一乘。如十一面經等辨。二若主伴具足即別教一乘。如此經說。

七權實者。若約三乘佛居此娑婆界。雜衆是實。以實報生故。菩薩是權。方便現故。如經云。被諸菩薩隱其無量自在力等。或菩薩是實。以地前菩薩猶生此土故。雜衆是權。依大集經。並是他方大菩薩等權形所作故。

若佛居淨土菩薩唯實。實報生故。雜衆是化

非實有故。攝論云。受用土中實無此等衆生。欲令淨土不空故。化作如是雜類衆生。若一乘中佛在此華藏界菩薩雜衆或並是實。以是海印定現實德攝故。或俱是權以隨緣而現故。餘義思准。八明其位者。若約三乘。此普賢等皆是十地已上菩薩。彼神王等多分並是隨類生攝。即是八地已上。若一乘中如緣起際諸位皆齊。是故一人具五位。位位皆遍收。准之。九表法者。若三乘中但寄人顯法。仍人非是法。若一乘中此等諸人並是法界緣起法門。又此一衆即通三世間。以或作河池井泉水等。國土身故。餘可知。十因果者。若三乘但是因位。若一乘中或皆是因。以未是佛故。或俱是果。以並是佛海印中現故。又乘解脫力入佛海故。或通因果。由前一義故。或俱非。以離性平等故。並如下數德中說。次釋文者。一衆中皆有四種圓滿。一數圓滿。謂先舉數等。二行圓滿。謂列名等。以名依行立故。三德圓滿。謂數德等。四供養圓滿。如下三業供養等。於此衆圓滿中有一。先明外衆。後海慧下明其內衆。就外衆中亦二。先列三十四衆具前三種圓滿。後攝爲十八衆顯第四供養圓滿。問前列中以普賢爲首摩醯爲終後與供中何故反此。答古德釋云。初從下向上。表進行增進。後從上向下。表尊位次第。此釋難用。豈令普賢最爲卑劣。今釋前則從近向遠。表依本起末。後從遠向

釋前則從近向遠。表依本起末。後從遠向

近明尋末歸本。良以本末無二遠近不殊。二文互舉無障礙也。就前中二。先辨同生。後明異生。或以聲聞為同。菩薩神等並為異生。此約小乘。以約相明同故。如同坐等。或以出家菩薩及聲聞等為同。餘並為異。此約始教。或以菩薩為同。聲聞等為異。此約終教。或唯地上菩薩為同。以同證法性故。餘悉為異。或八地以上為同。以俱純熟純無。流故。此二通。始終二教。或唯菩薩為同。以通諸位故。神天等為異。是法界別德故。或菩薩神等俱是同。以法界無二故。或俱異。以法界差別故。此約一乘辨。就同生內。初數圓滿中。大者有八義。一數大謂十利座等也。二德大謂位具一乘法界德故。三作業大謂救眾生極重苦故。四敬大謂天王等大人所敬故。五勝大謂一切眾中最殊勝故。六行大謂修二利六位行故。七願大謂十種大願十盡句故。八時大謂三無數劫或無量僧祇而修行故。菩薩者依佛地論及無性攝論等總有三釋。一云菩提此云覺。是所求也。薩埵此云有情。是所度也。從境為名。義言若從心稱應言悲智。二菩提如前。薩埵是能求。謂求菩提之有情也。此約入法為名。亦是心境為目。三菩提如前。薩埵此云勇猛。謂有志能於大菩提勇猛求故。又智論云。薩埵或云眾生。或云大心。即是上二義也。俱者謂傳法菩薩與之俱聞故。如來與之俱說故。又智論云。一處一時一心一戒一見。道解脫是名為共。共猶俱

也。第二行圓滿中。菩薩名雜者有二意。一為顯下龜細等雜世界故。二以此眾通八會序故。德周法界曰普。至順調善曰實。智論名遍吉也。此中同名普者以圓遍故。次名月者德清涼故。次名王者德自在故。次名光者了闇用故。次堅固德故。次德獨出故。次演清涼教故。次德明尊故。智論云。問菩薩甚多何以列少。答菩薩無量說不可盡。若都列者文字難載。復次菩薩不過二種。所謂在家出家。此方他方。在家謂毘陀羅等。出家謂妙德等。此方謂慈氏等。他方謂觀音等。若說此二當知一切都以攝盡。解云。此約娑婆世界說。就華嚴眾如文可知。第三歎德圓滿中。先約人。後約法。初中友者德齊也。即顯因果無二也。此文有二意。一學佛顯德。如云欲觀其人先觀其友等。二何故集此。以是友故。相成故。俗書云。同志曰友也。此中善友有三義。一過已義如善財進友。二德齊義以是朋友故。三少劣義以普賢等名第二尊導故。二約法中初一句總。此一切菩薩皆悉成就無邊功德。深廣如海。十相准之。下別辨中。二。先成就自分功德。後無上智願下成就勝進功德。然此二分通說有七重。一約一行生熟分。二約二行如施行已成後修戒等。三約二利以分。四就行位。以得位為勝進。五約比證以分。六約二位。謂前位已成。為自分。趣向後位為勝進。七就因果。因成自分。入果勝進。今此文中正就末後兼通可知。就自

分中成就九種功德。一。成行滿功德。謂無處無時而不見。行施等。七度故云諸度普照。二。成慧眼功德。以何義令此度行而得。圓遍。以淨慧眼如彼三際而等觀故。云慧眼等也。三。成深定功德。謂依何得此慧眼。以依深定發故。此中有三義。一。於定不味故云淨。定發勝慧故云明。二。處於定純熟出入無礙故云明淨。如下文東方入正受。西方三昧起等。三。頓入多定令一攝。一切故云具足明淨。下文云。如入微塵數諸三昧。一三昧生塵等定也。上來三句明自利行。四。成妙辯功德。謂巧能說彼難說之法。故稱辯才。即下四十無礙等。以一言說一切名廣。所說皆玄曰深。此深及廣悉無崖無底故云無盡。五。成普曜功德。以佛功德身光普現照耀。群機故。六。成調化功德。謂善巧了知眾生心器。即心行稠林也。稱根授法。調令離障伏。使入法故云如應調伏。上三句即三業化他行也。七。成就真智功德。以金剛智。普照一切差別境界。悉同一味平等法性。八。成量智功德。以廣大之慧。明達深智所知之境。無不周盡故云靡不明達也。上二句明智照二諦德。此上八句約行顯德。九。成攝位功德。此有二義。一。攝前諸行入信等五位之中。二。隨在一位。即攝前後一切諸位。此二亦有二。一約相入明攝。二約相即明攝。如前十門處准之。此從十信滿心已去諸位見。此相攝。是放下賢首品中。信滿之處即具一切位乃至佛果

等，是此義也。上來自分竟。第二勝進入果中。二、初十句明體德圓滿。二遍遊下六句顯妙用自在。

前中成於佛果十種功德。一得佛智願德無上者。佛果無加故。智謂大智。即四智十智等。願謂大願。即自體無障礙願。大智已成。大願已滿。並皆現今成滿已訖。非是當成。故云皆已成滿。二具佛密教德。此有二義。一言不盡。理名祕密教。以非了義故。二微妙難解。非下位能測。故名密教。以是深廣故。此中據後說。何者深。謂言即不言故。何者廣。謂不言之言周。法界故。下文驚子如響等是也。此深廣教唯佛所有。今此菩薩具足同佛故名也。三得佛果法德。謂十八不共等果位功德。望下皆名不共。佛佛相望名為共法。非是與菩薩共。故云佛共法也。四同果位德。此有四義。一同佛行者。謂大悲行故。二同佛地者。得佛十地。謂毘盧遮那智藏大海地等。三同佛德者。得佛無邊福智德故。四同佛力者。得十力故。又得十種大力等如不思品說。五三昧自在德。此有二義。一出入自在故。二相攝自在故。上五句得佛自利德。六機感現形德。謂機感繁多故云。生海。圓身普應故云。應現。如經云。應以佛身得度者。即現佛身等。七隨行攝生德。謂隨其根行授與法門。令增正行。故云建立前句現身。此句說法。此二句得佛化生德。八巧證法海德。謂緣起法深廣繁奧。苞含如海。巧達其際。故云善入。九入海迴轉德。謂

善入緣起陀羅尼門。令一攝一切。故云迴轉轉持也。十果海充身德。謂由於緣起法海。巧迴轉。故令佛無邊功德法海皆悉攝取。充滿己身。是故得佛果功德意由。此也。下文云。菩薩於因緣和合中自在。乃至能隨。意示現於佛身。此之謂也。第二妙用自在中。有六。一、遍遊諸利用。此窮世界海。二、出生顯海用。謂由此願力入國土海。又前句遊他佛刹。此句願嚴自土。三、達圓明用。以未來難知是故偏舉。理實通三。可知。四、歷事供養用。五、願海深廣用。故云普賢願也。六、化物智圓用。故云於衆生智滿也。同生衆竟。第二異生衆中。先辨金剛力士衆。以衛佛近。故先列也。表佛德緣起不壞相故。衆行所依如金剛際。故即行眷屬餘衆亦然。歎德中八句。初一句總明本願侍佛。後七句別顯其德。前中若三乘教中。八地已上方乃現形。顯衛已前密衛。一乘中。信滿已去。並顯衛。如下賢首明法二品說。又隨心求義爲願。要契至誠爲誓。下別中二。先內德圓滿。後無量神力下外用普周。前中三句。初願行具。二願智淨。三大定深。外用中四句。一力同果遍。二大小重入。三身出衆表。無大衆畏也。四隨類巧現。皆如緣起際。准之。第三道場神者。在樹下近故。次列之耳。歎德中略舉往因。如下善財第十迴向知識處說。又守護道場。如寶髻等。又道場之神。此依主釋。或道場即神持業釋。一乘通二釋。以並法門。故三乘唯依主人法別故。下諸神名二

釋準之。第四龍居上蔭覆義。故云嚴法堂。如下普光堂龍所造等。第五地神居下。運載義多現。女身。如堅牢等。第六樹神居中。建立義德樹高情故喜也。第七藥神是對治義。法藥遣惑是悲門也。第八穀神是資持義。育養黎元令喜故也。如后稷等社公云云。第九河神是流潤義。德中勸是流義。益是潤義。第十海神是具德義。如下十相等。德中以法同事可知。第十一火神是成熟義。照明義。焚燒義。除闇義。初二成二殿。後二滅二障。准之。第十二風神是聚散義。如風災爲散。風輪持聚等。散惑聚德可知。又即令衆生身不分散。皆是法界緣起舍那風神力也。又內風有五種。一息風。出入息從。臍輪起。二消風。向下消食。三持風。令人行健。四災風。令人成病。五力風。人將死解。人支節臨死。人面有五色風。入地獄者黑色。生畜者青色。餓鬼黃色。兼以舌出。生人面如常色。生天鮮華色。精光可愛。第十三空神有七義。一無邊。二無礙。三一味。四含攝。五顯示。六離染。七堅固。前五名中。准後二德中彰。第十四主方神是顯示義。謂顯示方隅。令達迷向。正故云善照。照猶示也。第十五主夜神是助成義。非正時故。或闇夜中導引衆生。如下夜天等。准之。第十六主晝神是正修義。是正時故。故云信樂正法。又是明飾義。故云莊嚴。第十七阿修羅新爲阿素洛。依婆沙名。非天。佛地論說天趣攝多。作諸詐無天實行。故名非天。如世惡行名曰非人。

或名非端正。或名不酒。於大海中作酒不
成等云云。或云毘摩之母本從天生。故云劣
天。阿含經云。劫初成時。光音天來海中洗
浴。水觸其身。失精在水。遂成肉卵。經八
千歲。乃生一女。身若須彌。有九百九十九
頭。頭有千眼。有九百九十九口。口有四牙。
牙上出火。猶如霹靂。二十四手。九百九十
九脚。在海浮戲。水精入身。生一肉。卵。經八
千歲。生毘摩質多。身有九頭。頭有千眼。
口中出水。有九百九十九手。有其八脚。其
形四倍大。須彌山。純食淤泥。及以藕根。又多
與天譚。廣如正法念經說也。然修羅有五
住處。一地上。衆相山中。如下文說。二須彌
山北下入大海。二萬一千由旬。修羅王名羅
睺。此云障礙。能以手障日月等。領無量衆。
三從此下。更過二萬一千由旬。王名勇健。
亦領多衆。四復過二萬一千由旬。王名華
鬘。亦領諸衆。五復過是數。王名毘摩質多。
此云響高。是舍脂父身。如五須彌山。與天
帝戰時。發自海底。揚聲大叫云。我是毘
摩質多。我是毘摩質多。時閻浮山岳一時震
動。亦名穴居。謂彼中有光明城。於中住。故
或天趣攝。如上佛地論。或依毘曇鬼趣攝。
以諸曲所覆。故。或依正法念經。鬼畜攝。以
羅睺是師子兒等。故。或依伽陀經。天鬼畜
攝。由上說。故。唯有五道。若分六道。善中
上中下配。天人修羅。惡中三品。配下三塗。可
知。依智論。其羅睺阿修羅王是大菩薩。第
十八迴留羅新名。揭路茶。此云妙翅鳥。鳥

翅有種種寶色莊嚴。非但金色。依海龍王
經。其鳥兩翅相去三百三十六萬里。闊浮提
止容一足。依涅槃經。此鳥能食消龍魚七寶
等。唯除金剛。以不能令消。故。又食應命
終龍。又過去受三歸者不食。袈裟縷繫者
亦不食。又依增一經。四生金翅中如。卵生
鳥。從鐵叉樹下入海取。卵生龍。水猶未合
還至本樹上食之。若向胎生龍。鳥身即死。
若胎生鳥得取胎。卵龍不得餘二。若濕生
鳥得取三。生龍不得取化生龍。若化生鳥
得取四。生龍。又日別食一大龍王五百小龍。
遶四天下。周而復始。次第食之。命欲終時。
諸龍吐毒。不復能食。飢火所燒。聳翅直下
至風輪際。爲風所吹。還復上來。往還七返。
無處停足。遂至金剛輪山頂上。命終。以食
諸龍身肉毒氣。發火自焚。難陀龍王恐燒
寶山。降雨滅火。滂如車軸。身肉消散。唯有
心在。大如人臂。純青瑠璃色。輪王得之用
爲珠寶。帝釋得之爲髻中珠。又下文云。菩
薩金翅王生死大海中。搏撮天人龍。安置溫
槃岸。此之謂也。第十九緊那羅新云。緊捺洛
此云歌神。能唱歌詠。作樂。難心入畜生道。
攝。亦名疑神。謂是畜生道攝。形貌似人。面
極端正。頂上有一角。人見生疑。不知爲人。
爲鬼爲畜。故云疑也。第二十摩睺羅伽新
名。莫呼洛迦。此云大腹。亦云大蟒。又名腹
行神。能護法。故。能除疑也。第二十一鳩槃
荼。依正法華經名。厭。媚鬼。噉人精氣等。
亦名冬瓜鬼。王名毘樓勒。此云增長。主是

南方。天王領二部鬼。一名鳩槃荼。二名薜
荔多。從所領爲名。第二十二鬼神王是北
方毘沙門。此云多聞。亦是所領爲名。以
攝諸惡鬼。不令損惱衆生。故云勸護也。
第二十三月是清涼義。如下文菩薩清涼月
等。二數發義。如敷發蓮華等。如文發寶
心等是也。又依俱舍論。月去地四萬由旬。
廣五十由旬。以水精白銀合爲兩面。迴轉
相影。故有虧盈。依長阿含經。其城正方一
千九百六十里。高亦爾。二分。一分天金作。
一分琉璃作。王座二十里。以遙看似圓。天壽
五百歲。子孫相襲一劫。第二十四日廣五十
一由旬。其城正方二千四十里。高亦爾。宮城
純金七寶瑩飾。王座二十里。壽命子孫同月
天。以風持。故繞須彌山四面。上日月天子
俱是四天王左右初天所攝。並是道力隨緣
殊形異現。德中初句自利。後句利他。如日
有成。成就義。饒益義。又依寶性論。說曰。有
四義。一破闇如慧。二照現如智。三輪淨如
解脫。四上三不相離。如同法界也。第二十
五忉利。此云三十三天。三十三天者。佛地論
第五云。妙高山四面各有八大天王。帝釋居
中。故有三十三也。若具應云。釋迦提婆因
陀羅。此云能天主。依三法度經。此中天子
身長一由旬。衣長二由旬。廣一由旬。重六銖。
壽一千歲。德中具二利可知。第二十六夜
摩此云時天。以時華開合。辯晝夜故名也。
佛地論云。謂此中隨時受樂故名。時分。此
天身長二由旬。衣長四由旬。廣二由旬。重

●龍二●龍二●●卵二●●●九二千●●獨二●●●茶二茶●●[色]一●●●二眉●●●[長]一●●●[二分]一●●●二
熱●●●說曰二法日●●●[廣二由旬]一●●

則不得如此。以事異故。師弟別故。自下大段第二。供養圓滿。從遠向近辨。十八衆中。前三十四內於四空中略舉。南北具列。諸神。今此與供之中從道場神至摩睺羅伽。略此十八具顯四王。何故爾耶。釋云。以前龍等屬西方攝。餘類多分東方所收。由此二類所領多故分王從衆。略彼二王具顯十八。今此欲明。上首讚佛攝衆從王。東西收盡。是故略彼十八加列二王。以南北所領文中不廣不類。東西故無開合。是故三十四中略却十八。唯有十六。復加二王。故成十八。於中前則先同後異。今乃先異後同。何故爾者。謂前表依本起末。今明攝末歸本。又異生中前則先劣後勝。今乃先勝後劣。何故爾者。謂前表法增微。今顯尊位次第。又釋。此等並顯法界緣起逆順自在無障。無礙總合爲一大法界衆。故作是說。既云。與供。何故不列諸事供耶。釋事供非奇不足顯勝。經云。諸供養中法供養最。是故唯顯法供養耳。若爾何故下文海慧及新集衆皆列事供。釋海慧等衆從座中出復持事供。爲顯奇特故他方客衆各從本土持彼事供。不類此等常隨之衆。如釋迦身以舍利弗等爲常隨之衆。但以修行化人作法供養。亦更不辨餘事供等。此舍那身眷屬亦爾。於中各入法門洞達自在爲意業供。說偈讚佛爲語業供。在會虔敬爲身業供。又夫論法供有其二種。一順教修行。得法自在。二讚揚顯發法化傳通。今此三業具斯

二行。文中有二。初有一句總標。故云。各於佛法門而得自在。下別辨中二。初十七衆各一法門自在者。分總成別名爲異生。後普賢一人一切法門自在者攝別成總。攬異歸普。普名爲同生。是故二衆同一緣起思之。文中十八衆即爲十八段。一一各二。先長行得法。是經家序列。後偈頌讚嘆。是當時文也。就初首羅衆內十天得法中。初明體用。體中法界空境也。寂靜證也。用中方便者善巧應機。光明者覺照成益。法門者法有三義。謂自性軌則及對智也。門有四義。一標別義。如此門非彼等。二通智遊入義。三收入義。一切入。一以爲門。四通出義。於一門中能出一切。不窮盡故。此法即門持業釋也。法界。虛空等即法門亦持業。下諸門並准此知之。此等並是法界緣起佛境界中差別法門。然此諸衆各洞一門入佛海內。屬佛別德。故稱自在。又於此一門攝一切門。作用無盡故名自在。下並准之。二一切法者境也。普遊者智也。又初教後義。頌存後釋也。三不生滅是法身。方便是色身。又初證道。後教道。又不生滅者有十義。一真理離有爲相。故。不生不滅。二非有爲故不生。是無爲故不滅。三不守性故不生。不改性故不滅。四不變故不生。隨緣故不滅。此上約五緣起無性故不生。緣起緣故不滅。六緣起不失故不生。以理性不現也。緣起無性故不滅。以理性顯故。七由緣起故不可生滅取也。此上約八由情執無理故無可生滅也。九所執故不生。是無

相觀境故不滅。此上約上來約境。方便者上諸道理巧現於機也。十不住。世間故不生。不同凡夫。不住涅槃故不滅。不同二乘。以不生有方便故。不住世間也。若不爾者。凡應有方便故。不住世間也。若不爾者。凡應同小。異小應同。凡由方便故得變異也。此上十義總別無二。以六相鎔融思準之。四巧智深廣難測故。光者除闇故。遊者昇入故。五依普門禪故云。一切也。見法界理佛故滅惑故。生起無量樂也。六染分可怖轉滅故。淨分寂靜轉現故。遊是證也。七境界者分齊也。化用遍故。不起者不作也。用而恒寂故。八妙絕三際故。又佛德應機而無往返。九真理寂靜是佛所緣境也。十佛多方便是衆生所緣故也。此十法門中初門爲總。餘九爲別。同異成壞准可知之。頌中先生起。以佛力者顯非自力。觀自衆者示普攝故。顯同說故。何故偈讚者。地論云。少字攝多義。故諸讚歎者多以偈頌故。又頌有四種。一數字頌。謂依梵本三十二字爲一頌。不問長行及偈。二伽陀頌。此云頌頌。或云直頌。謂不頌長行也。三祇夜頌。此云應頌。謂應重頌長行法也。四溫陀南頌。此云集施。謂以少言含攝多義云集。用以施人令易受持故。云集施。此上三種頌。或七言或五言四言三言。如處世界如虛空爲三言也。皆以四句爲一頌。此中當第三重頌之偈也。下文諸頌准之。偈中二十行四句成偈。總有十偈。一偈頌前一法門。問此欲歎佛

①(之)一②* ③(虛)一④ ⑤[不生不滅]一⑥ ⑦[言]一⑧*

何故頌已法門。答此來既。是佛海印中現屬。佛別德故。頌已法即是歎佛。以佛德玄妙非餘所知。若非佛德無以顯佛故。智論第十二云。唯佛應供養佛。餘人不知佛德。如說智人能敬智。智論則智喜。智人能知智。如蛇知蛇足。頌中初頌頌初法門。初三句頌體後一句頌用。前中初一句頌境。次二句頌證。或身滿法界。或法界滿身融故也。心寂故無取。境寂故無起。又初句頌上法界。次句頌虛空。次句頌寂靜。下句頌方便。二頌中初二句頌上一切法。次一句頌上普遊。下句結天名也。三中初一句頌上生滅證道。次二句頌上方便。教道。初句身方便。後句口方便。下句約天。明得法自在立名也。四中初二句頌上方便智海。次一句頌上光。下句頌遊及結入得法。五中初三句頌上禪無量樂事。下一句頌普起及樂名。六中初句頌上寂靜。次句頌遊靜。次句頌轉謂照除也。下句結入得法。七中初二句頌無量境界。次一句頌不起。下句結法屬人。八中初二句頌上一切法。次一句頌不來去。下句結法屬人。九中初三句頌佛境寂靜。下句結法屬人。十中初三句頌無量境界。無量境界有三。一時無量。上句頌之。二境界無量。謂菩提及眾生大句頌之。三善巧無量。下句頌之。下句結入得法。二第四禪果實天有八。一觀物根與法雲注法雨。以逗前根也。二妙色者現身故方便者說法故。此二是能應也。念者念持法故。觀者觀色身故。

此是所應機也。由此念滅。癡成淨。三見如。因陀羅網土。由緣起無性故。四入緣起陀羅尼。二門中即攝圓融法界。故云普門也。五不轉愛者自留惑故。轉他眾生受生之愛。令永滅也。又令他滅惑不於三界處生。六一切世間境者器及眾生也。佛入中說法而恒住寂故云不思議也。七會三空。顯二諦。眾生及法者舉人法也。出要者會真空也。八令機證真源入果海故也。頌中有十九偈有二。初十七頌前法門。後二偈因總歎前中初二偈頌初法門中。初偈歎佛德深。頌上能觀。後偈頌上法雲開潤根欲。二亦二偈。初偈頌妙色方便。後偈頌念觀。三亦二偈。初偈巧現真理。後依理現事。因陀羅網通理事故。四亦二偈。初頌普門現法界身。後頌法界法。五有三偈。初偈斷德攝生轉滅惑業苦也。次偈轉顯福智等也。然各通因陀羅後偈結法屬人。方便即是不轉愛也。前長行中但有初偈中事應知。六二偈。初頌上入一切世間境界。後偈中三句頌不思議。下句結法屬人。七二偈。初偈頌上眾生出要令知無我以顯俗諦。後偈頌一切法出要令知無我以顯真諦。八二偈。頌上受化者入佛境界法門。初一以果就機。後一攝機入果。後二偈中。初一舉因成德。後一對機顯用。又釋。此偈逆次頌前法門。初二頌末後。次二頌第七。次二超頌第二。次二超頌第四。次三頌第三。次二超頌第六。次二超頌第五。後四頌第一。並可知以是任放。

辯才說不待次故也。三第三禪遍淨天有七。一觀諸眾生三品善根。令增長故。又釋。如觀城門首所聞。佛名善根。驚子不見等。二一切有者一切世界也。佛於中出覺悟眾生。照現諸法。故云覺照也。三總持於心。具文義故。宣之於說。具四辯故。四佛出希達。故生樂。出已除難故云解脫。五眾生即如順緣起際。顯德無窮。故生歡喜。六初化菩薩。勝用也。次德相備。後入無盡順極體。並是一乘別教法耳。七苦眾生是所救。慈悲是能救。智者不取相故。滿者化德具故。成彼益故。頌中十一。初一頌初法門。前長行舉所觀。今顯能觀之德故也。又釋。初二句能觀謂佛智無礙普遍也。次一句明善根難知。是佛境界。下句結入得法。二有四偈。初二頌上處有及照。於中初一明依體起用。後一明用歸體。後二頌上覺義。於中初一開迷顯覺。後一明覺超情。三。一頌。初二句頌持。次一句頌辯。下句結法屬人。四。一頌。初二句頌樂佛出。後二句頌解脫。五。一頌。初二句頌眾生甚深法。後二句頌生歡喜。以見理功德故。六。一頌。初二句頌上化菩薩。後二句頌上功德周備入無盡也。七。二頌。初二句頌所救。後二句頌能救及智。謂見淨是智也。下一頌明滿。謂初二句化身滿。後二句化業滿。四第二禪光音天衆有十。初寂靜。處者。一理靜。二事靜。三田靜。滅苦亦三。一性滅。二智滅。三福滅。下頌中但有田及福也。二中初斷德。心淨性淨故。離垢治淨故實。

●【是】一● ●【以】一● ●還二益● ●【上】一● ●頌十(初一頌)● ●處二愛●

性論云。一自性淨。二無垢淨。次智德。謂廣修等也。又心淨是器。離垢是緣。德海是依緣所修也。頌中存後釋。三有二釋。一長短相即。以時劫如如故。二自在位與不自在位德優劣故。四有三釋。一云世間生住滅種種者是染緣起。清淨者即染性淨。性淨之德故云。功德。一云是淨法緣起但簡真如。故云世間生等。簡染過患。故云淨功德。二云世間是處也。生住滅是佛出及住滅等多門益物滅染成淨故也。下頌中存後釋。但以義通故兼餘釋也。五一生菩薩能供中極是故就彼顯廣說也。如下百萬億等准之。六得自在陀羅尼力。一念能多受。一念能多說。七場處佛出名莊嚴。八神足即功德。又神足是能益。功德是所益成相。九福智深廣與機為境。十願力功德力。是因位願行即能持也。喜藏是果即所持也。喜是大智。智體含攝故名。藏。頌中十偈各頌一法。初偈頌依靜田生福滅苦。二中初句頌離垢行緣。次句頌心淨行器。次句頌所成德海。下句結法屬人。莊嚴即是妙難光也。三二初句頌方便廣。次句頌多劫修故。次句性無礙故。由此方便。一念出生多劫功德名方便門。法主音即是自在音故。結入得法也。四中初三句頌世間生住滅。即佛與世等故。下句滅癡頌淨功德。勝念結天名也。五中初句頌田廣。次句能供廣。次句供益廣。總頌上菩薩在兜率廣說供也。下句結法屬人。六中初三句頌於一劫說地義。下句頌能一念受說。以得心自在故。七中

初句能嚴。次二句現莊嚴相。下句結名。八中初二句頌無盡神足。上句體下句用。下二句頌益成功德海。上句令得地前六根淨。下句令至地上甚深法。亦是結人名。九中初二句頌功德海。上句慧。下句福。次句頌境界。下句結法屬人。十中初二句頌過去佛功德力。次一句頌願力。下句頌所持喜藏。即所成果也。第五初禪梵天衆有十。初從真起應名照現法。應不異真名入不思。以即寂為照不可寂思。即照為寂不可照思。二一切禪等觀者是法身理。以此是禪中平等觀境故。寂靜善住者妙智證契也。三初本智照法。後後智巧化。又剎摩法海名。諸法不思。一音演說塵劫不盡名。入方便偈中。有後釋。四佛音圓應名妙音海。齊均普契名平等度入。五。柔根者攝取。剛強者伏取。然此方便佛身中現故名最勝。六佛身普應。諸利中現名能起住。諸業普周。淨音說法名分別法。七無邊三業巧化衆生。八法離情計名淨相。妙智善證名住寂行。九過未無來去。現世無所依。又生無從來。滅無所去。往無依止。於此觀心名為勇猛。十隨有一行。即皆普照。無盡法海。頌中八偈。前七各頌一。中初半頌照現諸法。後半頌入不思議。二中初半頌禪等觀。後半頌寂靜善住。復即下句結法屬人。三中初句頌照諸法不思。次二句頌入方便。下一句結法屬人。四中初三句頌妙音聲海。下句頌平等度入。亦是結也。五中初半頌攝伏。後半頌

最勝。六中初三句頌一切剎能起安住。謂現身也。下句頌分別諸法。謂淨音說法故也。七中初半頌無量方便。即三業輪也。後半頌化衆生。謂自在照機故。八中初半頌住寂行。後半頌諸法淨相。後二法門略無頌。又釋總在第八頌中。謂初句頌第八法門。次句頌第十。次句頌第九。下句結名。樂是第九名。音是第十名。第六他化天衆有十。初中衆生有二藏。一煩惱藏化令轉盡。二如來藏化令轉現。此二不二。和合融通故得化益也。二令衆生得大涅槃樂。三知機巧益。四分。別衆生有三性義。又佛為衆生一音顯析廣大法海。偈中存後釋。五慈念覆機。慧眼觀察。六大慈十力碎慢。高山。七應念攝化。八普念諸佛妙盡佛境。九佛功德自在者顯能化之德。覺悟滿念者普應。詳機隨順者一根緣相順。二令機入法。十佛國土海。唯佛慧境故離世間也。頌中有十。各頌一法。初中初半頌藏。後半頌化衆生。亦可通頌二中三句頌前法。下句結入。三中初句頌解衆生也。疑地枯林頌性欲也。餘頌方便及結入得法。四中初句頌分別。次句頌義。次句釋疑云何故。一音能演多法。釋云遍故。下句結。勝勇是精進也。五中初半頌觀察。謂智觀納法名。入佛毛等。下半頌慈念及結名。六中初句頌魔事。次二句頌超出。下句結。七初半頌由念佛故得智。滅癡離染因也。後半離染果。及結名。八中初句頌十方諸佛。次句頌念充滿。以滿其念故。後

①(法)②(也)③(德)④(有)⑤(存)⑥(二)⑦(在)⑧(便)⑨(高)⑩(中)⑪(一)

半明滿念益及結名。幢猶輪也。九中初句頌佛功德自在。次句頌覺悟及念隨順。下半頌充滿及結。十中初句頌離世間。以是土海故。次句頌境界。次句明離世間。以世間相盡。土海無可超故云。無高心。謂無分別。下結名。第七化樂天衆有十。初以緣起無作分別諸法。二有三釋。一云觀三有二我之實性故。一云一切有者理有也。我者情計也。情理不二故云。真實。佛性論云。真諦無人法故。不有。顯二空故。不無。又人法無不無。二空有不有。於俗諦分別性故。不有。依他性故。不無。又分別不定無。依他不定有。是故二諦俱離有無也。又辨中邊論云。又云佛雖現有。然於有求佛不得。以有即真。實是無有故。云觀一切有真實。佛雖現我。然我求佛不得。以我即真。而是無我故。云觀我真實。偈中存後釋。三能滅衆生愚癡之慧。圓滿在於佛果故。四圓音普悅起彼勇修。五十蓮華藏微塵數相海故云。具足無盡。如相海品說。好功德者是小相。如小相功德品說。六三世劫事在佛智中照不難亂。故云。次第。此偏約過去。偈中具也。七福智無涯利益衆生。又長。衆生無邊。下偈順。初釋。八緣起事身同。法性普遍。無礙者。有七。一質不礙身。二身不礙質。三遍不礙隱。謂機不感處。雖遍而隱。四滿不礙分。謂應機現長短。而不礙滿虛空。五坐不礙行。等。六一不礙多。謂諸方現多而恒即一。七理不礙事。謂空界者界猶性也。即性空理

踟坐是事。緣起融通故無礙。餘諸根等準之。九業行緣起巧爲機現名。方便。無盡是機所緣故。復云。境。十一一切衆生善惡因果。同在法界而無來去故。云等觀。頌中十各頌。一初中化有三義。一化起所依。二顯化無體。三化現似有。初半偈頌初義。謂上句頌一切法即所依也。下句頌分別化即所起也。次句頌無體。下句頌現有。謂佛與衆生互爲緣起故也。二初中半頌觀一切有及我。謂俱無所有。後半頌真實。及結。人也。三初中半頌離癡。後半頌慧滿。及結名。力是天名。四初中半頌佛音。下半頌發起喜勇。及結。五初中半頌佛相好。後半頌無盡。及結。六初中半頌過去無量劫等。後半頌智。慧憶念。七初中半頌種種功德智慧體。後半正頌福智及結。餘略不頌。結中淨知見既是淨。光勝天何故名。如來者以此天等即是佛故。如上辨八頌。空界坐無礙中。前長行明果用。此中頌彼因行。謂初句時多。次德滿。次勇修。下結名。九初中半頌方便境。後半頌無盡力。及結。謂能現法之力。周普故云無盡。十初中半頌衆生業行苦樂。次句頌等觀。下句結照是華光也。又亦可此頌第九門前頌第十。思之可見。第八兜率天衆有八。初爲機現世名爲成就。隨欲說法名轉法輪。二慧光照真。空又空體也。淨德也。光用也。三無礙願海與物同體故云入。自性離相故云寂靜。四約遮十相俱無名。無量無相。約表恒沙性德。名無量無相。令諸衆生觀察修行滅惑業

障名爲觀行。五佛境有二。一分齊。二所證超踰有二。一過凡小。二越思議覺力有二。一證理。二照機。六以佛功德熏習衆生。名喜修習。令發心不退。故云不壞菩提心也。七量智調機。八初中無盡緣起。次速歸真性。亦是迴法擬機。後入機正現。又無邊心海根器也。念念迴向無間欲樂也。隨器普現佛能應現也。頌中順。後釋。頌中少非。次初中初句法輪體。次句所爲。次句正。輪。下句結。勝。又初中半頌成就。後半頌轉法輪。二超頌第三法門。初半頌廣願海。後半頌入衆生寂靜。諸法方便是也。勝是天名。三却頌第二法門。初半頌虛空界。後半頌淨光。四中初半觀所爲也。次句頌無量無相。即觀境也。下句頌觀行成也。五超頌第七諸佛調伏衆生方便法門。六却頌第五法門。初半頌佛境超踰。後半頌覺力。又釋亦可。前頌五此頌七。如文可知。七。初中半頌喜修集。次句頌菩提心。下句頌不可壞。八初中半頌無邊心海。謂佛子是念念。迴向有三義。一雲集義。二向佛興供。三向佛聽法。如經悉來集故供養聽法故。下句頌隨器普現。第九夜摩天有十。初令衆生離世憂惱。向出世順體之善。又法身斷德名離憂。教衆生淨道名向善根。二所緣分齊各非一故。三初中大智離過不住生死。次大悲攝生不住涅槃。又由具大悲救生。令離苦患。頌中順。後釋。四了信等善根差別無邊。即根行稠林也。又知一根中有一切根。相即

●實二而● ●然十(於)● ●此一● ●法一● ●有七一● ●(兼)一● ●(後入機)一● ●輪二● ●中十(却頌第六法門)

入等重重無盡。又知諸根即同真性而諸根歷然故云分別也。五陀羅尼門窮盡法界故云無量。總持諸法歸同水鏡故云照明。依首楞嚴經娑婆世界邊畔有須彌山上天王名持須彌。得首楞嚴三昧。遍在百億須彌頂上帝釋宮中住。餘夫不見。今此乃在夜摩衆中以菩薩自在處處現化未足怪也。六中有四義三造業緣。即身等爲緣所造業。即善惡不動三緣起無作業性即真四業雖即真而不失生果。如經境界故業行故真實故不思議故。又緣佛爲境所造善業決定不虛故云真實。雖種少善定能當得大菩提果。故云不思議。如尼拘陀子等。頌中順後釋。七初轉一乘三乘等無盡法輪次扣機成益故云調伏。又初輪體次輪益。謂調令入法伏除過惡故也。八中生界所見勝眼能見。普觀正見。謂見衆生界極廣故。即真性故。一中一切故。具因果勝義等故。如帝網故。名爲普也。三乘無此眼故云勝也。又勝眼觀機普雨法雨。頌中順此。九以普智照法令現。又以法實普現群機。十中天衆是機。次應機施化。令除心惑故云心淨。此化益也。又雖化不見能所亦名心淨。屬自也。頌中八。偈各頌一法。門。初中初半頌離憂。後半頌迴向善根。二中初半約正理明境界。次句約大智。下句約大定。又初半所證。次句能證。下句證亦是結。天名。三初中半頌所離諸患。次句頌具大慈悲。下句結。天名。四初中半明了達無礙。即頌上分

別。次句頌諸根。謂行即根行也。下句明知根之意。爲化故也。五中兼頌第七轉法門以同故。初句頌無量總持。次二句頌照明及轉法輪也。下句結。天名。又準地論初句體。次句因。次句果。下結。六中超頌第八法門。於初中半妙身勝眼。次句觀已現身。下句結。光是天名。勝是眼名。境是所觀也。七中一見如來身頌境界也。次二句頌業行真實。一滅染因。二離染緣。下句頌不思議。以證得淨妙境故。八中通頌第九第十二門。初中半頌普現。次句頌施作。下句結。第十天名。第十切利天有十。初中三世佛出等者。是九世中三現在故。就機興廢。通依正故。即所觀境。下辨能觀。謂於上興廢妙達勝用名決定智。順理善證名念喜。又用雖起盡照理湛然。故云大智念喜。二中二色同如功德本淨。又佛現同衆生之色。故云衆生色。而衆生色即如故亦名如來色。從體起用名功德力。結初句也。用不異體名爲清淨。結後句也。三平等者同體故。智導故不簡怨親故。雲者覆空故。潤益故。含法水故。灑雨沾機故。四念佛光等過於塵算故名爲衆。一一皆備攝法界功德故名具足。別別作用皆遍法界。互不相妨名爲普勢。五了業果差別。又達彼即如故云觀等。又佛以淨業爲緣。令機見佛爲報。又衆生依佛種得善根爲業。緣佛得見爲報。六佛土具淨者淨實所莊嚴故。受用滅惑故。淨者所居故。即本性淨故。七世間緣起名生。

無作即真名滅。由無二故生即滅。滅即生故。經云初生即有滅不爲愚者說。一切法不生我說利那義等。佛智照此名觀。八緣起毛孔現衆行法名起諸行。令菩薩修名化衆生因。以是因入修故。修成入理名爲起念。九樂有四。一欲界散樂。二定地樂。三涅槃樂。四大涅槃大菩提大悲等樂。一乘三乘等樂。皆由佛得成。今據初故云天樂。以是欲天故。理實通。又名佛爲第一義淨天。是彼樂也。十化諸天子一念念佛。近離惡趣遠滅癡惑故名流通善根。頌中初內初半頌三世佛出興并大智。次句頌住滅。謂約佛國土身。下句頌念喜。二初半頌衆生色。如來色。下半頌功德力清淨。并結人得法。又初句顯清淨。次句顯二色。謂所應是衆生色。次句顯功德力。三初中句頌大慈。次句頌平等。次句頌薩覆。下句結人見法。四初中半頌念佛普勢。下半頌衆光色具足并結。五中初句總頌業報。次句頌觀。下半別頌善業報并觀。六初中半頌諸佛國土。以智正覺即器世間故。下半頌具淨。謂受用淨故及結。以念是天名故。七中初句頌觀。次句頌世間。下二句頌生滅。謂應機是生滅義。又令智生惡滅故。妙音是天名。八中初句頌起諸行。次句頌化衆生。佛子猶因也。下半頌起念及結。天名也。九中二句頌一切天娛樂。次二句頌樂所因。下句結人得法。十中初半頌天處教化。下半頌流通善根。慧日是天名。第十一日天子有十。

初慧日舒光。照衆生海。性窮三際。以未來難。知故偏舉耳。稱本緣起安固攝德故云。正住莊嚴。又佛慧光照。機令衆生盡未來際。正住修行莊嚴故也。二照色即同薩婆若海。又以智海照現諸色。又照衆生色。而知其心。又照見心孔中水色。亦知心念。令其開悟。發生大智故云也。頌中順此。三佛爲增上緣。發起衆生捨劣從勝離染功德故云。轉勝。又佛身出世名起衆生。以佛是大身衆生故。說法益生名轉勝淨德。四苦行是因。度有二義。一是到義到此因門苦行際故。二是過義超因得果故。五無礙是智體。善照是智用。又照一法即現一切故云。無礙。無礙即照名善照。又無盡辯才名無礙。演法周備名善照。頌中順此。六佛光照。機令發道意故云也。七由佛光照。令衆生增長善根名積集等。又由佛多劫積德故。得光照。世間是故能照。八性海具德可貴名寶。應機印現依正教義故云也。九巧除癡。隱名開淨眼。令見真理名觀法界藏。法界藏者如佛性論云。五藏等云云。十多根所感五乘終竟歸於一揆。以諸乘皆淨故名淨乘。又亦分一爲五。更無餘雜故亦云淨。頌有十一。初內初句頌盡未來際。次句頌照十方衆生衆生世間即器故。三句互舉。次句頌正住。以機緣契合故。下句頌莊嚴。二中初半頌照諸色。下半頌無上智海。三中初半頌起衆生。下半頌轉勝清淨功德。又亦可所起衆生。此中略無頌。四中初半頌苦行。謂難

行故。是難行有四種。一時難如經無數劫。故。二處難如經諸有中故。三所行難如經難行苦行故。四所向難如經爲衆生故。下半頌樂度。謂果也。五中初句頌無障礙。餘三頌善照。六中初半頌淨日光。下半頌所照衆生身并益相。七中初句頌所照世間。下並頌能照之光及積集功德。八中初句頌衆寶海。下並頌現種種色境界。謂性海印。機法爾顯現依正教義故云法如是。九中初半頌一切趣開淨眼。下半頌觀法界藏。十有二偈。初偈頌諸衆生乘。謂五乘方便也。下偈頌淨誦會未歸本等。又初同教。後別教。無二故淨也。第十二月天子有十。初中先以加行調伏其心。次令正證名照法界。又普照有三種。一光照衆生。令見佛故。二照除癡惑。此二名調衆生。三照現法界。令入真理。二中普觀是能觀智也。一切等是所觀境也。攝者以此普智會攝諸法。同彼普門無不皆是普智境界。三中心及境界。或有心轉境不轉。如十一一切入等。或境轉心不轉云云。或俱云云。又心念繁多云海。是佛地心智之所緣。故云境界。稱根授法。令捨妄喜。眞名轉。頌中順此。四無分別智正趣。眞理名爲愛樂。此愛超情名不思議。又正智愛證。彼不思議故名也。此智因佛淨法而生。故云能生也。又世間等諸樂皆因佛生。悉名不思議。五佛令衆生見二諦道理。故云實見。又見即實故。又見之實故。又二諦三性及三無性皆有實義。一辨之六中大

慈悲者。佛性論云。於已得苦救令脫故。於將得苦護令免故。苦在五識惱在意地。俱救故。又救苦護樂不令失故。各通因果。七法喻雙舉。月四奇特。如下准辨。八中三性觀諸法。先觀依他如幻化。化不託物故異幻也。以依他中具有有力無力二義故。又無體如幻。有用若化。眞如有空不空二義。今且舉一故云空也。遍計亦二義。謂情有理無。今約理顯故云無也。九中所起有二義。一由善惡業。熏起本識。二生起果報。以從緣故即不起。然妙達此際故云善解。又有經本作趣者。謂因趣果故。及離邪趣正故。十照理斷疑超度惑染。頌中有八偈。初一頌初法門。於中初三句頌調伏衆生。後一句頌所照法界。二中初半頌普觀攝。次句頌一切諸法。下句頌境界。謂以所化爲境也。三中初半頌衆生心海境界。後半頌皆悉令轉。四中初半頌所爲後半正明能生。不思議愛樂。五中初句頌令衆生。次二句頌實下句頌見。亦是結入得法。實中初分別者推求也。謂推求世間即無性故見眞也。次句衆果不亡見俗也。六中超頌後二法門。於中初半頌前第九法門可知。後半頌前第七法門。上句頌無礙。下句頌淨月。謂巧慧清涼故。七却頌第六法門可知。八中初句頌第八法門。後三句頌第十。謂初二句頌照度。下句頌滅疑。以離疑濁故云清淨見也。第十三東方天王衆有十。梵名提頭賴吒。此云持國主。從所領爲名。此天身長

慈心亦名。高意正云。摩那云。意斯云高。謂有威德意高餘龍。爲一切蝦蟇形龍王。又如律中說諸龍初生及死時。睡眠行欲此四時。不能變形。餘時皆能變也。十中初內二釋。一約相滅熾然。救龍熱沙苦也。濟恐怖救金翅苦也。二約實滅惡熾。然救惡趣因。下句濟惡趣果也。二中四釋。一能轉龍身現應機色。及佛淨德名。不思議。二能於一念成上事。故亦名不思。三一毛孔現亦名不思。四龍身即佛身。是故佛毛孔現即名轉龍身。亦是不思也。三聲演深法諸趣齊聞。四中一示衆生德海於佛毛孔。二攝衆生入大功德海。五德又伽此云多舌。舌有多故。或由嗜語故名多舌。又云。名能損害者。謂此龍王若起瞋時。於世間人目視氣歎皆令捨命。故以爲名。佛智淨光救怖苦。六於佛身現十方佛像。含雨潤機名無量雲。多劫嚴土名超度等。七毛孔現土名安立等。於中說法名分別等。八法稱物機故令歡喜。由離染故。知足故。巧證故也。九中一約性滿等觀。二約爲機齊等。十衆生爲願蓋癡覆。以悲度脫名離苦。又此龍王於鱗甲中。流出諸水。日夜不竭。濟閻浮衆生故名悲也。頌中非次。初二頌。前初二法門可知。三初中半頌淨法輪。後頌聞聲。四超頌第十法可知。五六頌。二法可知。七初中半頌現雲。下半頌住壽等。八初中半頌安立界。下半頌分別等。九初中半舉往因。下半頌善惡音聲。皆爲度生故名平等。

十頌前第八法門可知。第十六北方多聞主頌二部。一夜又此名輕捷鬼。二羅刹此名可畏鬼。如羅刹女奪人精氣。衆生心孔中有七滯甘水。取一滯令人頭痛。二滯令人心悶。三滯令人身病。四滯已上令人死。此八部中唯緊那羅龍。毘舍闍是畜生。餘五皆鬼。以夜叉羅刹力大故獨與鬼名。是故上文名此爲鬼王也。此有八王。一等觀理智也。方便量智也。此是能救下成救事。初離惡次益善。二中一普應機現勝身。二普濟生成勝益。三中精氣有二。一惡氣謂煩惱業苦。以此中是法門夜叉。故能除彼也。二善氣依大集經說國內帝王敬奉三寶。令此國中三種精氣增。一地氣謂五穀熟成等。二人氣謂煩惱輕薄顏貌悅澤等。三善根氣謂常轉法輪三寶熾盛等。此文中據生菩提分善根名生氣也。四智觀佛德言歎顯法。五理智觀衆生即佛法身量智照十方衆生業果故名也。六中與樂有二。初則斥邪示正樂。終則堪化令調樂。七中一任持自體力用救生。二持用智力救生也。三謂佛福智。是地持論三持中畢竟持也。然此福智超過衆生。是故有力能救彼也。頌中順此。八多劫修因。因能順果故云佛具十力。頌中大第各頌一法。初二可知。三初中半頌養精氣。後半頌生之精氣。四初中半明往昔觀歎諸聖德。後半明今成已德令他觀歎。五中初理智。後量智。六中二樂可知。七初中由有力救故令福勝。後慧深。八初中

半明起隨順後半明佛力也。第十七力士衆有十。一示佛色身出世。二一毛孔重現光色。三中法身無涯名離垢。起用普應名自在等。四中淨音有四義。謂深故廣故妙故益故皆不可量也。下頌中四句如次應知。五中二初處中現身。後衆中說法。皆有多門。故云種種。下頌中各以二句如次應知。六中二一攝相歸真。故無不入真之餘相。二從真起用。故無不入真之餘用。故名也。頌中如次各二句顯可知。七中移情住法名舉也。實通一切就淨名天。八中初功德體。此具因果。頌中初二句因。次一句果。廣照是用。頌中後一句顯也。九中現佛身土令機滅惡住善。頌中初現土。後現身。十光雲遍世灑法寶雨故名也。頌中十偈各頌一法。如前應知。第十八普賢衆中何故前中人人各得一法。此中一人具多法耶。以前是總中別故。異生故。此是別中總故。同生故。又何故前列多人此唯一耶。以此人是形居道位。德標普門。彰一即一切一切即二。以普收別故也。文中有一。謂直說重頌也。前中二初總後別。總中初自分後勝進。別中十門。一嚴土調生。此二相即融成四句可知。二稱佛遍塵沙起佛德。三中五位十願。二行可知。四中一門有一切門名普門。於中現一身即一切身名法界身。身皆灑法雨故名雲也。五身作諸刹名護持土。於中復以三輪調化故名也。六遍諸佛國大會現身名衆中現。說此一乘菩薩本行名菩薩

●高一得 ●二然 ●三(詞) ●三三四 ●[令人身病四諸] ●二 ●精二 ●[真] ●一

境界。七中生滅是極促也。三世劫是極長也。一念如是知極速也。此中知有三義。一窮彼長短際。二知彼相即入。三達彼平等性。此三無二故也。八菩薩根欲是能觀。境界海是所觀。辨此二別名分別顯。此中或舉境明根。或舉根取境。或俱顯可知。九中身有二。一性二用法界亦二。一理二事。如次二身遍二法界。二界兩身自互相即。四句無礙思之。十中初廣明因法。後入一切下明其契果。又初以一言說一切門名廣等也。

各有二法。因陀羅網境界是理中量及量中之一分耳。可思准之。

來。此中唯供佛耶。答顯法供深細唯佛窮故。第三語業供中先標人後偈讚。以一嚴具中各出海慧等來。今總標舉諸衆之中各一上首俱名海慧。同說此偈。故云一切海慧等也。頌中十九偈。義分有九。一初一明體淨。謂境智無礙。二三偈明相滿。謂三世間故。三二偈明用勝。謂初速後益也。四二偈明往因深固。五一偈歎衆觀無厭。六四偈歎嚴座。一主二客三聲四光也。七二偈歎說法。八二偈歎處圓滿。九二偈歎佛普遍。如結通等。第二大段。發起序於中有二。初動地。二興供。初中三。先佛力動因也。華藏動處。六種等動相也。此中四句分別。一動處。二動相。三所爲。四況明動時。初中問。何故此摩竭國即云是華藏界耶。答准下文中文通有四句。一或云此界唯是娑婆。此約三乘說。或云即是華藏。約別教一乘辨。或云華藏中娑婆界。此約同教一乘說。或非華藏非娑婆。此約國土海平等性說。是故隨所說法令處差別。今此文約別教說耳。第二明動相有二。一六相。謂中踊邊沒等。中邊四方爲六也。此約三乘及同教。二十八相約別教及同教。動是掉颺不安。如風動樹。依涅槃經小動名地動。大動名大地動。有小聲名地動。大聲名大地動。獨地動名地動。山河樹木及以大海一切動名大地動。又動名地動。動時能令衆生心動名大地動。此等約三乘說。今此中動有三品。一動謂一方。二遍動謂四方。三等遍動謂八方又

境界。七中生滅是極促也。三世劫是極長也。一念如是知極速也。此中知有三義。一窮彼長短際。二知彼相即入。三達彼平等性。此三無二故也。八菩薩根欲是能觀。境界海是所觀。辨此二別名分別顯。此中或舉境明根。或舉根取境。或俱顯可知。九中身有二。一性二用法界亦二。一理二事。如次二身遍二法界。二界兩身自互相即。四句無礙思之。十中初廣明因法。後入一切下明其契果。又初以一言說一切門名廣等也。後一門中復顯一切法名人等也。頌中順後釋。頌中二十偈兩偈次第第一法門。由因果無二法體全收。故直說顯因。重顯明果。文綺互耳。初二偈中初一嚴土。後一調生。二中初一詣諸佛。謂見猶詣也。後一起功。德三中初一依位起行。後一依行入證。四中初二句頌普門。次四句頌法界身。下二句頌雲。以下法雨故名教導等也。五中初一頌持佛土。後一方便輪。六中初一頌衆中顯現。後一菩薩境界。七中二偈內各上半所知謂長短也。各下半能知謂達真也。八中初一頌菩薩根欲。此與長行文綺互也。後明境界海。九中初一體遍。後一用充。十中初一頌廣辨菩薩法。後一明入一切智。又亦可通頌。此中釋普賢分齊以八門明因陀羅網。可以知之。一理二土三身四教五法。六行七時八事。事即塵等也。汎論大意約文有二。一但有使習煩惱業及報並入。凡境自外入聖境。聖中有二。謂理量。此二

各有二法。因陀羅網境界是理中量及量中之一分耳。可思准之。

來。此中唯供佛耶。答顯法供深細唯佛窮故。第三語業供中先標人後偈讚。以一嚴具中各出海慧等來。今總標舉諸衆之中各一上首俱名海慧。同說此偈。故云一切海慧等也。頌中十九偈。義分有九。一初一明體淨。謂境智無礙。二三偈明相滿。謂三世間故。三二偈明用勝。謂初速後益也。四二偈明往因深固。五一偈歎衆觀無厭。六四偈歎嚴座。一主二客三聲四光也。七二偈歎說法。八二偈歎處圓滿。九二偈歎佛普遍。如結通等。第二大段。發起序於中有二。初動地。二興供。初中三。先佛力動因也。華藏動處。六種等動相也。此中四句分別。一動處。二動相。三所爲。四況明動時。初中問。何故此摩竭國即云是華藏界耶。答准下文中文通有四句。一或云此界唯是娑婆。此約三乘說。或云即是華藏。約別教一乘辨。或云華藏中娑婆界。此約同教一乘說。或非華藏非娑婆。此約國土海平等性說。是故隨所說法令處差別。今此文約別教說耳。第二明動相有二。一六相。謂中踊邊沒等。中邊四方爲六也。此約三乘及同教。二十八相約別教及同教。動是掉颺不安。如風動樹。依涅槃經小動名地動。大動名大地動。有小聲名地動。大聲名大地動。獨地動名地動。山河樹木及以大海一切動名大地動。又動名地動。動時能令衆生心動名大地動。此等約三乘說。今此中動有三品。一動謂一方。二遍動謂四方。三等遍動謂八方又

①如二知 ②偈二兩 ③德一 ④依十頌 ⑤一偈 ⑥大段十第 ⑦也一 ⑧初句二一 ⑨於一 ⑩涅槃十經 ⑪滿二佛 ⑫汎一 ⑬國一

四方八方十方。又初獨一方動。二十方次第動。三十方同時動。又大般若中名動等動等極動。下五相皆准此。各有下中上亦名小中大。故有十八也。起是搖起如。翻起。同性經中名作搖。大般若中名擊。謂加打也。覺是大聲驚悟。同性中名聲。大般若名爆。地論釋名上去。振是下聲隱隱。地論名下去。吼是平聲哮吼。涌是涌出峯桶。如泉涌等。又六方踊沒謂東踊西沒等。又動起涌三是色。餘三是聲。此六皆名動者初一就勝通名。餘五從別爲目。如十色處同名色處。初色處亦名色處。三明動所爲者。依勝思惟梵天經論說。一令諸魔生驚怖故。二令說法時大衆不起散心故。三令放逸者生覺知故。四令衆生念法相故。五令衆生觀說法處故。六令成就者得解脫故。七令隨順問正義故。八智論云欲令衆生知一切法空無常故。九古德云動其所執故。十表說大法現微祥事故。又依地論依四種衆生。一依不善衆生。二依信種種天衆生。三依我慢衆生。四依呪術衆生等故也。第四汎明動時。如智論說有八時。如長阿含說。一大水動時。二尊神試神力時。三如來入胎時。四出胎時。五成道時。六轉法輪時。七息教時。八入涅槃時。九若依增一經第二十八中。更加大神足比丘心得自在。乃至觀地無相故動也。十若依智論第十。授諸菩薩記實得作佛爲天地人主。是時地神大喜。我今得主。是故地動。如王初位臣民慶喜稱萬歲。

歌舞等也。又依涅槃經。菩薩下生閻浮提時名大地動。菩薩出家成道轉法輪般涅槃是以大地六種振動。何以故菩薩下生。欲色諸天及諸菩薩等悉來。侍送。發大音聲讚歎菩薩。以口風氣吹故令大地振動。又菩薩是人中象王龍王。龍王初入胎時有諸龍王。在地下或怖或怯。是故大地六種振動。第二與供文中。初此土。後結通。前中世界諸王有二義。一是前所列王衆。二是餘十方世界王。通是二也。於中初總次別。三結可知。上來唯明。一世界三世間自在相竟。第二大段明。結通十方。以一會即一切會顯教圓滿。攝主伴故。於中有二。初牒此土三世間相。後正結通。前中佛坐道場者。應智正覺及器。此二果德融通十方義相顯。故不別釋也。衆生世間同果普遍義相隱故。是故別釋。何故此衆能同佛果而普遍耶。釋中有二。初辨其所因。後正同果遍前中三。初定慧力故。二法門力故。三如來力故。初中各隨已得法門分齊故名境界。依三昧門不味定故。不廢用故。巧攝法門。今普遍故名方便也。欣厭是慧也。二法力中圓法法爾速遍諸方。速令至果名勇猛法。菩薩證此隨法普周。故云通達。此同上文乘解脫力入如來海等。三佛力中佛力令入佛境界中故能通也。下句結同果海。度是到也。徹也。此等並是上文一所得一法門。但前爲顯德據別廣陳。此爲隱結就通略舉。下類通可知也。

華嚴經探玄記卷第二

華嚴經探玄記卷第三

魏國西寺沙門法藏述

盧舍那佛品第二

自下明正宗。將釋此文四門分別。一釋名。二來意。三宗趣。四釋文。初釋名中。盧舍那者古來譯或云三業滿。或云淨滿。或云廣博嚴淨。今更勘梵本具言毘盧遮那。盧舍那者此翻名光明照。毘者此云遍。是謂光明遍照也。此中光明有二種。一智光。二身光。智光亦二義。一照法謂真俗雙鑒。二照機謂普應群品。身光亦二種。一是常光謂圓明無礙。二放光謂以光覺悟。此中遍者亦二種。一平漫遍無礙普周故。二重重遍如帝網重現故。此二圓融各全體遍非是分遍。是故下文云。佛身充滿諸法界。普現一切衆生前。如是等無量如文說。此中身智無礙故身光即智光。二遍無礙故平漫即重重。光遍無礙故光明即遍照。遍照性開覺。是故名爲佛。此明下文世界海等諸事。一皆是稱性緣起無礙離闇覺照稱光。無不普周法界名遍。此舍那佛非局報身。以通器等三種世間具十身故。問如下文中略明五海廣辨世界。何故不云世界品乃題佛名耶。答古德釋云。以從主爲名故以主勝故。舉土主以說之。今釋

以佛通三世間故。下文士等即是含那佛。如十身中國土身等。又以依正無礙故是故。釋釋。互舉文綺耳。又以五海中佛海即具。餘四海餘亦爾。以佛勝故。獨標為軌故。以爲名。餘不說也。二來意者。前既序已。次顯正宗義次第故。是故次來。三宗趣者有。二。一約人二約法。人亦二。一化主。二助化。各有體相用。主中內證法智爲體。七日思惟解脫爲相。加說爲用。此三不二唯是一果。助化中入定爲體。蒙加爲相。起說爲用。此三不二唯是一因。此上因果顯攝不二唯是一人。法中亦二。一約義理。二約教事。亦各有體相用。義理中性海爲體。別德爲相。應教爲用。此三不二唯一義理。教事中本分內五海十智爲體。十世界及華藏界爲相。益機爲用。此三不二爲一教事。此上教義顯攝不二爲一法也。又上人法復圓融不二爲一宗趣。此四義各三。爲一緣起相即無礙。是故或唯果以俱是佛故。或唯因俱是普賢故。或教或義或人。或法或體或用。或主體乃至或教用。並皆攝盡。准思可見。下諸會宗皆有此相。但隨法異耳。第四釋文中有一。一通辨經論解釋分齊生解方便。二別釋本文。初中略有十種方便。一解釋決擇。二釋文方軌。三四種悉檀。四四意趣。五四祕密。六四道理。七五力。八六相。九六釋十八聲。第一解釋決擇者。依雜集論第十五云。釋決擇者謂能解釋諸經宗要。開發彼義故。案云彼中略開六種。廣有十四。具如彼說。

今略舉一門論云。攝釋門者。謂若於是處。宣說諸經緣起所以句義次第意趣釋難。案云緣起所以者顯教起所因也。句義次第者。品會文義相生次第也。意趣者顯經宗趣也。釋難者釋外妨難也。餘如彼論恐煩不述。第二釋文方軌者。攝論第五云。若有欲造大乘法釋略由三相應造其釋。一由說緣起。二由說從緣所生法相。三由說諸義無性釋云。爲欲開曉諸造釋者。解釋道理故說略由三相等言。世親釋云。由此三相隨其所應應造一切大乘法釋。案云初由廣說自性緣起爲所依本。即阿賴耶識與諸法互爲緣起。二依此所生轉識諸法於上分別三性道理。謂於依他所執無圓成有得不得見不見同時等。如論具釋。此二門觀道理解釋。三由說諸義。謂顯佛言下義意此有二種。一德處謂顯佛果二十一種殊勝功德。無性釋云。已得在已圓滿饒益。故名爲德。二義處謂顯菩薩三十二行相。無性釋云。未得在已隨順趣求。故名爲義。此二所說皆以初句一標。餘句釋。此是觀說者意解釋。第三四悉檀者。智論第一云。有四悉檀。總攝一切十二部經八萬四千法藏。皆悉是實無有相違。一世界悉檀者。有法從因緣和合故有。無別性。譬如車輪軸輻輳等和合故有無別車。人亦如是。五眾和合故有無別人。若無世界悉檀者。佛是實語人。云何言我以天眼見諸衆生隨善惡業死此生彼。當知是人以世界悉檀故非第一義。

悉檀二者各各爲人悉檀。觀人心行而爲說法。於一法中或聽或不聽。如爲斷見人說。難業故難生世間得難。獨得難受。如爲常見人說。無人得。獨無人得受。如是等三對治悉檀者。對治則有。實性則無。如酸醎等於風病。名藥餘病非藥。不淨等於貪等亦爾。准之。四第一義悉檀者。一切法性一切言論差別皆悉平等一味。解云。或約世界說。有勝義爲無。如第一說。或勝義爲有。世界爲無。如第四說。或對異機說。有對餘機說。無。如第二說。或治此病爲要。於餘病爲非。如第三說。皆須得其本意。法悉有用。隨言混取。失意成謬。第四四意趣者。雜集論第十二云。由此四意趣故。方廣分中。一切如來所有意趣。應隨決了。又莊嚴論第十三云。諸佛說法不離四意。攝論第五云。以此決了一切諸佛言教。一平等意趣。謂如說言我昔於彼時彼分。即名勝觀。正等覺者。無性釋云。謂一切佛由資糧等互相相似故說彼即我。非昔毘婆尸佛即今釋迦。楞伽中約四義釋。一字等二語等三身等四法等故說。即彼而實非彼。二別時意趣。謂如說言若誦多寶如來名者。便於無上正等菩提。已得決定。又由唯發願便得往生極樂世界。無性釋云。謂勸懈怠不能於法精勤學者。故作是言。此意長養先時善根。如世間說。但由一錢而得於千。莊嚴論釋。此由別時得生故。解云。以後別時得彼千也。三別義意趣者。謂如說言若已逢事。

爾所說伽沙等佛。於大乘法方能解義。無性釋意約證相大乘。不就教相大乘故作是說。莊嚴論云。如佛說一切無有自性。故無生故。解云此約證無生說。四補特伽羅意樂意趣。謂如爲一先讚布施後還毀。皆尸羅及一分修當知亦爾。無性釋云。先爲極貪讚歎布施後爲樂毀毀營布施餘戒修亦爾。莊嚴論云。由得少善便爲足故讚毀也。第五四秘密者。雜集論云。如是四種於大乘中略攝。如來一切所說秘密道理。梁攝論第六云。如來所說不出四意四依。依即密也。無性攝論第五云。四種意趣四種秘密。一切佛言應隨決了。一令入秘密。爲化怖斷有情。依世俗道理於聲聞乘中說有化生等諸有情。於大乘中說心常等。此則於大小乘說有入法。就是秘密。莊嚴論云。應知教諸聲聞入於法義令得不怖。說色等是有故。二相秘密。謂於是處說諸法相顯三自性。無性釋云。爲令悟入所知相。故解云此雖說法相意顯三無性故爲密也。又莊嚴論云。應知於分別等三種自性無體無起自性清淨說一切法故。解云此雖說三性意顯三無性。如次可知。三對治秘密。謂於是處說對治行八萬四千。解云謂於無說有於同說異等皆是密意。對治所化有情障故。說此八萬四千等也。四轉變秘密。謂如頌曰。覺不堅爲堅善住於顛倒。極煩惱所惱得最上菩提。無性釋云。剛強流散說名爲堅。非此堅故說名不堅。即是

調柔無散亂。定即於此中起堅固。慧覺彼爲堅。解云散心流動顯名不堅。散心剛強就密名堅。定心守境顯名爲堅。定心調柔密名不堅。若取顯了於散亂起堅固。慧則遠菩提。今取秘密於定心起堅固。慧則得菩提也。無性云。謂於四顛倒善能安住知是顛倒。決定無動。解云若取顯了則住於無常等計常等四倒之中。豈得菩提。今取秘密知此常等於無常等橫計而起。決定知此名爲善。巧住於顛倒故能得菩提也。又世觀釋云。是於能顛倒中善安住義。於無常等謂常等名顛倒。於無常等謂無常等是顛倒。此義則倒彼所計義名顛倒。於此安住故得菩提。言極煩惱所惱者無性釋云。爲所化有情精進勤勞所疲倦故。解云若取顯爲貪瞋等惱亂行者名爲煩惱。此則遠菩提。今取秘密精進勤苦勤勞行者亦名煩惱。此則得菩提。如頌處生死久惱但由於大悲。梁魏攝論及世親莊嚴對法論等論並準可知。第六四種道理者。雜集第十一。因辨觀察契經等法應當解釋諸法道理。道理有四。一觀待道理。二作用道理。三證成道理。四法爾道理。案云觀待有二。一俗諦緣起要相待生。因此通染淨。二真諦之理待了因顯。此唯約淨。二作用亦二。一緣起諸法各有業用。二真如法界依持等用。三證成亦二。一比量成立。二現量成立。四法爾亦二。一諸緣起法有佛無佛性從緣起。二真如法界性自平等。第七

五力者。思益經第二。若人能於如來所說文字語言章句。通達隨順不違不逆。和合爲一隨其義理。不隨章句言辭。而善知言辭所應之相。知如來以何語言說法。以何隨宜說法。以何方便說法。以何法門說法。以何大悲說法。梵天若菩薩能知如來以是五力說法。是菩薩能作佛事。案云下經大第廣釋。初言說者如來說。三世法垢淨法世出世流無流等法。是言說如幻人說。無決定故。乃至云說如虛空無生滅故。當知是言說爲無所說。乃至云是名如來說。二隨宜者如來說或垢法說淨。不得垢法性。故或淨法說垢。貪著淨法故。乃至云生死是涅槃無退無生故。涅槃是生死以貪著故。實語是虛妄以生語見故。虛妄是實語爲增上慢人故。如來說宜故或自說我是說常邊者。乃至廣說。三方便者如來說不得我人衆生壽者。亦不得施亦不得慳等。乃至方便爲諸衆生讚說布施得大富等。乃至廣說。四法門者謂六根等諸法皆是解脫門。以空無我所性自爾故。乃至文字亦爾。五大悲者佛以三十二種大悲謂一切諸法無我。而衆生不信不解。如來於此而起大悲。乃至廣說。案云。此上五種初一約能說以不言之言而說故。二約所說諸法隨迷悟辨是非故。三約所爲機以巧方便於無說有故。四約法自體本來自空爲解脫門故。五約能說之心爲感物迷而起說故。第八六相者。十地論第一云。一切所說十

①切十(諸法)②有③一④皆二⑤二⑥二⑦二⑧二⑨二⑩二⑪二⑫二⑬二⑭二⑮二⑯二⑰二⑱二⑲二⑳二㉑二㉒二㉓二㉔二㉕二㉖二㉗二㉘二㉙二㉚二㉛二㉜二㉝二㉞二㉟二㊱二㊲二㊳二㊴二㊵二㊶二㊷二㊸二㊹二㊺二㊻二㊼二㊽二㊾二㊿二

句皆有六種相門。一總相。二別相。三同相。

四異相。五成相。六壞相。具釋如下。十地品

中。第九六釋者。亦名六合釋。一依主釋者

亦名依主。謂兩法相望假依彼主而立此

名。如說眼識非眼即識以依眼之識名

爲眼識。若離言眼是能見義。識是了別義。今

此合辨故名合釋。若單法爲名者非。六釋所

收也。二持業釋者亦名同依釋。謂舉其業

用以顯自體。如說藏識藏是業用。識是其

體。藏即識故。持用釋體非是別體相依。既

非二法何名合釋。以體用不離故名合也。

三有財釋者亦名多財釋。謂從所有物以

立其名。如說佛土土是佛之所有名爲佛

土也。四相違釋者謂如一句中有多名言

各別詮義。如偈說於佛及法僧等。非如依

主持業等雖有多言同目一義也。五隣近

釋者謂從所近以立其名。如四念處觀。實

以慧爲體。以與念相近名爲念處也。六

帶數釋者謂以數顯義。如說十地等。皆從

數以顯義別也。問此六釋攝法盡不。答凡

諸法得名略有五例。一離合得名。如此六

釋。二單法當體立名。如信等此約直詮。三

無他受稱。如無明等。此約遮詮。四譬顯得

名。如華嚴等從喻彰名。五相形立號。如

大乘形小以立其名等。是故六釋但據初

門。若於前六帖後四釋總爲十釋。略攝諸

法得名差別。

第十八聲者依西國法。若欲尋讀內外典

籍。要解聲論八轉聲法。若不明知必不能

知文義分齊。一補盧沙此是直指陳聲。如

人所樹指說其人。二補盧私是所作業聲。

如所作斫樹。三補盧豎是能作具聲。如

由斧斫。四補盧沙耶是所爲聲。如爲人所

五補盧沙頌是所因聲。如因人造舍等。六補

盧殺婆是所屬聲。如奴屬主。七補盧鐵是

所依聲。如客依主。瑜伽第二。名上七種

爲七例句。以是起解大例故。聲論八轉更

加。復補盧沙。是呼召之聲。然此八聲有其

三種。一男聲。二女聲。三非男非女聲。此上

且約男聲說之。以梵語名丈夫爲補盧

沙故。又此八聲復各三。謂一聲。二聲身。三

多聲身。則爲二十四聲。如喚丈夫有二十

四女及非男女聲亦各有二十四。總有七十

二種聲。以目諸法可以准知。然此方多無

此例。第二釋文者。此品有二。初大眾

疑請分。二爾時世尊下如來現答分。前中

分。二先明諸會請問後釋此文。前中作四

門。一明有無者於八會中初二後二有

餘會皆無。何以爾者謂初會標果起因故。

問第二會初爲尋因至果故問。但爲因位

昇沈寄於五會以答果位無差。故當會答

然五會中間諸品之內更有餘問者。並是爲

顯當會所說法中差別隨說問答。非是別

問大位之相。第七會中明因果純熟故有

問。謂行修無礙六位頓成故當會答也。第八

會中明稱性因果故有問。謂俱入法界無

差別故亦當會答也。二所問法不同者。初

會第八唯果分有因。但所信攝化爲異第二

第七唯因分有果。但位行爲異。三能問人

不同者。初及第八各具同異二衆齊問。以

所問法衆同依故。第二唯同生衆問。以所入

位同生勝故。第七唯一人問。以造修之行

各別成故。四請問儀式者有二。一約言

念。二約通別。初中汎論請有二。一言請。二

念請。答亦二。一言說答。二示相答。此二問答

如次及交絡成四句可知。爲成三慧有

斯二例。初二會及第八唯念請答通二。謂佛

示相答。菩薩以言答。以對佛與請不待言

故。明佛智領疑身相現答自在故也。第七

唯言請言答以行法約言明了顯故。又對

普賢與問還普賢答故也。二通別者初會及

八別問通答。第二第七別問別答皆可。知

二釋文者此中有二。初長行。後重頌。此二

差別大例有十。一約利鈍。謂鈍根未悟更

重爲頌。二約前後。以後來未聞爲之重頌。

三約生熟。熟入直說便悟。生類曲巧方知

故重頌也。四約文質。或有愛質直示長行

或有樂文示頌言美妙。五約二持。論云長

行散說生正解故義持成就。偈頌總攝易受

持故文持成就。六約資成。謂更以偈頌資

顯長行義明了故。此上通諸文重頌。七約

成圓。以顯中兼顯長行闕無成前所說義

圓滿故。此如發心功德品偈等。八約體相

以從門約相長行直說。此約同教及三乘

以就體圓融偈頌巧顯。此約別教。此如十

行品偈等。九約通別。以長行別指的重頌通

該攝如。此品世界等頌文是也。十約心言。

①〔之〕一②③ ④據一緣⑤⑥ ⑦讀一誤⑧ ⑨私一移⑩⑪ ⑫殺一誤⑬⑭ ⑮客二容⑯ ⑰後二誤⑱ ⑲且二具⑳ ㉑〔以〕一⑳ ㉒或二典 ㉓〔此〕一⑳⑳

謂長行直顯心所念法。揭顯宜示令請圓滿。此唯此文也。又有義凡佛說法。爾有二相。謂直說契經。必有祇夜重頌。下諸品中重頌皆約此十例准之。就此長行中有三。初標能問人。謂同生異生俱在法界故云。咸也。言說事彰非顯。奇故。念心入法顯深。細故云念也。二明所請法。三唯願下結請。所請中古說云。此有二十三句分二。初二十一問果法。後二句問因行。前中準下答中五海。此文爲五。初十二句問佛海。次三句如名問三海。後六句准下當是根欲性海。但由根欲不同。致能破之緣差異。此中學緣顯根。下文學根顯緣有斯左右。今更釋此中有三十五句分二。初三十句問果法。後一切菩薩下五句問因行。就前中分三。初十句問佛內德盈滿德。二從示現菩提。下十句問佛外相顯著德。三世界海下十句。問化用普周德。就初中初一句總餘九別於中何等是三字貫三十五句。一切諸三字通前三十句。果問應知。何故此經最初問佛果法耶。謂標顯故宗歸故爲本。故顯德故生信故指南故。經首題佛華嚴者義存於此。言佛地者。佛地論第一云。清淨法界及彼妙智受用和合一味事等。是佛所依所行所攝故名佛地。解云即以淨法界爲所依。妙智爲所行。餘功德等皆爲所攝。即以真理妙智無礙爲體。依大乘同性經佛有十地。一切菩薩二乘所不能行。何等爲十。一名甚深難知。藏明智德地。乃至第

十毘盧遮那智海藏地。如下十地章具釋。二佛境界者。下九皆是佛地中開出故。是別句。謂開清淨法界是佛所證之境。或總舉所知通於真俗。下性起品云。一切衆生是如來境界。乃至第十非境界境界是如來境界。又亦是分齊境界故。明難品中明十種佛境云。如來深境界其量齊虛空等。又釋通有所知及分齊境。下不思議品中佛有十種不可譬喻不可思議境等。應尋下三處文於此具辯。三佛持有四義。一以淨法界。任持一切諸功德故。二以大圓鏡智及相應淨識各能任持諸功德故。三後得智中大陀羅尼門總持無量諸法海故。四是十佛中持佛隨順故。又下第十地佛力持等十持。又離世間品中亦十持。初佛持乃至第十智持。此二文中皆以初句爲總攝。別入總俱名佛持。又如下不思議品佛有十種出生住持智。慧等。並應具尋辨之。四者。准下頌文。此中十次佛無上智一句。此則是下十智等可知。五佛行者是大悲攝生之行。又是大智造作之行。此並不作之作。無思成事。性起品無障礙行如如行等。是如來行。此是異二乘功德。六佛力者有二義。一不爲他所屈伏故。二能摧壞魔怨故。別說有十。謂是處非處智力等。又有十種。如不思議品最勝力大力無量力乃至第十大力那羅延幢佛所住法等。七佛無畏者所說不怯故名無畏。是伏外道功德或四或十如離世間品說。上來明大智德。八佛三昧者謂師子奮迅等微塵數三昧

海攝略爲十。如不思議品說。此明大定功德。九佛自在者依定發起無盡神通所作無礙故云。自在。不思議品佛有十種自在正法。又離世間有十自在等。並可知。此明神通功德。十佛勝法者殊勝功德超過餘德故云勝法。亦有十種。如不思議品說。此明大福功德。上十句明內德盈滿竟。第二外相顯著中初示現菩提者。謂對機示現成大菩提。如性起品成菩提處說。又不思品亦說。並應知。此是總句下九是別。以六根三業皆是成菩提相故。下不思品及離世品此之九門一一各以十門辨說。加彼應知。佛光明是身業。餘並可知。上來明外相顯著竟。第三化用普周十句中初世界海者。是化用處也。通染淨土。即入十佛國土身攝略說。十種。如此品下文說。二衆生海者是所化機也。通施妙空有等。亦入十身攝。又如離世間品十種入衆生等。應知。三法界方便海者此有四義。一理性法界。是前衆生及世界等所依之界。二染事法界。謂彼所化衆生羣界法等。三離垢法界。謂佛所得最淨法等。四淨用法界。謂佛攝生所用善巧故云方便。如不思品佛有十種法界無量無邊等應知。四准下頌中此文調伏海。調伏海即是所調伏。是根欲性海攝。但願與長行文家互有存略故也。五佛海者能化之佛非一如海。謂遍一切處而轉法輪故。六波羅蜜海者有二義。一是佛所說行法。以授群機故。二是彼所化所行之行。即化所成益。謂十度等。七法

①頌二句 ②初二十一 ③先 ④教十使 ⑤問 ⑥事二平 ⑦藏二廣 ⑧辯二辨 ⑨任二住 ⑩海二界 ⑪次二周 ⑫三 ⑬有 ⑭德二位 ⑮思十 ⑯加二如 ⑰離二無 ⑱巧二行 ⑲化所二所化

門海亦二。一。是佛所設之教法通彼遊入故。二。是彼所化行成證理所入之法。此亦有十。如不思品說。八化身海者異機別感現相多端。如云諸毛孔出化身雲等。又盧舍那佛遍十方出一切化莊嚴身等。又離世間品十種變化等。九佛名號海者對根宜聞名號非一。如名號品。一。世界有百億萬等。十佛壽量海者應機脩短虧盈萬差略有十位。如壽命品說。上來果問竟。第二因問中五句。初一句總下四句別。一明十住初發心住等。二即十行中十度行也。三願者即十迴向大願也。四智慧藏者即十地中以智為性。含攝蘊積故。如下地品菩薩同名藏等是也。第三結請中唯願慈悲者。明佛有說因不疲倦故。方便者顯佛巧說令易解。故由悲發心由巧得解。二願中為願奇故。不以常口說。表依正無礙故供具中說。即是下利說耳。九願分二。初三歎德請。後六舉法請。前中初二歎佛請。明具說因故。後一歎衆請。明具說緣故。前中初一顯佛自德圓。初半辨因盡過去現果無功。後半用窮來際無思普應。雲者灑法雨故潤機緣故自無本故。後一明外化備。謂初半令滅惡生善。後半令離苦得樂。又初令得涅槃。後令得菩提。二無量下明歎衆請中。一心者心無異念故。合掌者身無慢怠故。觀最勝者住念向佛故。下半總舉所念願佛開闡。第二舉法請中分三。初三願舉前初十句。於中初一願內有六句。一地。二境。三持

四智。五力。六無畏。下句結請。次一願中。有三句。一定。二行。三自在。即神力是也。下句請說。後一願頌勝法。亦是示現菩提等可知。第二一願頌第二十句。以三業不離六根故同頌也。第三二願頌第三十句。初頌內有五海。後頌中有二海。餘三海及因問總攝故云無量無邊等。下句結請。第二答相中古來諸德亦有將此諸問配下諸會中答之。此判惡謬。以第二會等自別有問別有答故。四番問答不交雜故。是故總於此品並通答也。以下說分具。果因二說故。就此文中長分有十。一面光集衆分。二毫光示法分。三法主入定分。四諸佛加持分。五大衆同請分。六定中略說分。七起定成益分。八毛光讚德分。九許說令喜分。十正陳法海分。初中二。先放光後集衆。前中亦二。先身光遍覺。二光語呼召。此二亦即答上佛光明音聲問。初中亦二。先此光照彼。二諸菩薩下尋光見此。前中有五。初知念者領疑也。以將欲答故即放光所因也。二明光出處。面門者諸德有三釋。一云是口。一云是面之正容非別口也。光統師云。鼻下口上中間是也。准下施鼻文亦如所說。今釋依梵語稱面及口并門悉名目住。是故翻此目住為面門也。故知此中通舉其事。口者為表教道迴彼也。面者正對向機也。門者開法攝生也。齒者勝用也。謂思阻法味故。治碎惑障故。以緣起具德相差別故。云一一各放塵數光也。三別

顯所出有十門。通論一。皆通三世間等。別明初六佛海。次二器海。次一衆生海。後一法界方便海。又前八意業。記說輪。次一身業神通輪。後一語業正教輪。四攝眷屬。五所照處。此中放光有四意。一現相表實。二驚起信心。三照觸救苦。四為集衆遠召。是故彼衆依光觀此知所集處。頌中九偈半。有四義。初六頌半通舉佛德。以勸往。次一別明能說以勸詣。次一別標所說以勸觀。後一通結佛德顯深廣。此四皆以後釋前思之可見。初中二。先舉德。後人尊下勸往。前中三。初二身業。一體一用。次二意業。一用一體。後一語業。勸初中初半勸為法。次半勸多衆。大半教興供。雖圓音頓說。九世願海。然不壞本法故非一念也。即標下所說法門也。餘文可知。第二集衆中先明諸會有四義。一有無。二來處遠近。三本處名等不同。四偈歎及前後。初中六七二會無。以證位及行熟俱皆離相故。餘六皆有。所為可知。凡集衆有四意。一為攝機。二為證法。三為興供。四明衆圓。第二遠近者初二十剎塵。三百。四千。五萬。以寄位漸增故。八過不可說者顯證法深故。第三者一處二佛三菩薩四供多少並隨會應知。第四者初二會無偈讚。以起修始故。餘四皆有。以顯法位增故。又前五定前集。以從修入證故。第八定後集。以依證起用故。二釋文中有二。長行偈頌。初中亦二。先衆

①住二位②住③④智十(意)⑤(者)⑥⑦⑧⑨⑩⑪⑫⑬⑭⑮⑯⑰⑱⑲⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺㊻㊼㊽㊾㊿

集。二顯德。初中亦二。先集後結。初中十方卽爲十段。二一方皆有七。一器海名。二剎名。十二佛國土等。此二是所依法相。但通別爲異。三佛名。四菩薩。此二是能入智。但滿分爲異。五主伴俱來。明具德圓滿。六興供。供佛順益義。謂因順果也。七依本方坐。明攝散歸靜。何故先辨東方。謂顯開明之始。故順彼方故。以西域方儀以東爲上故。其堂殿皆面向東。如祇洹寺菩提寺皆面向東。如來說法亦多分面向東。故面門光出正卽向東。問下文此華藏界無邊。云何此中有東等耶。答以華藏界是邊無邊不二故名無邊。如下說。無邊邊不二故名有邊。如此說。是則不壞邊而恒無邊。不破無邊而恒邊。若謂無邊乖於邊。邊乖無邊。是情計所及法非正緣起也。以此邊無邊是一事故。雙超情計也。其猶錦窠白線徹編而不雜紫窠。紫等亦爾。又白窠有紫由是綿故。若白中無紫。紫線不至兩編卽繡非綿也。白窠無紫由是綿故。若自有紫現則壞文非綿也。是故由白有紫得成。白無紫無。白亦爾。當知。此中道理亦爾。思以准之。問若爾彼十方世界是華藏。不答是不。謂由卽是。故不是。不是亦爾。准上思之。又何以故。由是華藏東等故卽不卽也。問此十世界外更有餘界不。答無也。何以故。以華藏爲主彼十爲伴。此主及伴圓融普遍一切塵道重重如帝網故。餘皆卽此。如虛空故。又此中諸供竝是法門。隨相有十。一妙寶是可貴義。二須

彌勝高義。雲是潤益。義含。雨義。斷窮義。三日是除闇義。輪是具德義。四闇是重成義。如正智上起。悲等。五華是淨義。開敷義。六香雲是戒等芬。芳義。七座是攝益義。八蓋是蔭覆義。九幢是獨出義。十樹是建立義。餘並准之。又約法亦有十例。一或以色法爲雲。如寶妙色雲等。二以大聲爲雲。如妙音及歎佛德等。此約事。三以無盡佛土爲雲。如十種不思議佛刹雲等。此約依報。四以九世理性爲雲。如三世佛法身光明雲等。此約體。五以佛八相等爲雲。如十種佛變化雲等。此約用。六以無礙解脫法門爲雲。如十種解脫蓋雲等。此約不思議解脫也。七以佛所證境爲雲。如十種佛境界雲等。此約果。八以一切菩薩行爲雲。如十種菩薩所行示現雲等。此約因。九以一切衆生欲樂爲雲。如十種一切衆生樂不可盡示現雲等。此約法器。十以現佛大願爲雲。如十種一切諸佛所願示現。雲此約赴機。此等一一皆以十門說者爲顯無盡故也。此上十義皆一一中有一切法緣起無礙。是故或人或法或理或事或境或行或依或正或因或果。此中一一俱具皆云。滿虛空者。明稱本性空。聚集而不雜如緣起性也。是故眞理妙行可卽事而成。雲華寶等事可卽理而爲法。此約別教思之。第二結中。一結土。二主。三伴。四供。五座。第二現德用。次第座者緣起無礙集而不雜也。於中二。先明德體無礙。後念念下妙用勝益。前中通用。

中初句總有六重無礙。竝倍倍多前。一身光無礙。二光人無礙。三人法無礙。四塵剎無礙。五依正無礙。六化用無礙。如一念中於一世界化。二佛剎塵數衆生。卽此一念中於一切世界亦如是化。一念既爾。餘一切念悉皆然也。如一剎中現此盡念三世諸佛。餘一切剎各別所現亦如是也。如一塵中有一切現佛之剎。餘一切塵各別亦爾。如一善薩法門遍。此一切現剎塵道。餘一切善薩法別遍亦爾。如一光出。此一切遍塵善薩。餘一切光別出亦爾。如一毛孔放。此一切出善薩光。餘一切毛別出亦爾。上來總辨一善薩身中事。如一善薩一切亦爾。如主伴亦然。是則重重無盡。非心言能及。此是一乘法界法爾緣起實德非變化也。此等竝是普賢位德。善薩既爾。佛果德用非此能比。可准思通。二用益中。三初標所化衆衆。二以夢下明能化法。三於一念下辨化益能化中十句。初九別辨。後一總結。九中一夢自在者。卽實卽空故。一念現多法故。二淨故化故。三教義故。四顯勝神通令歸依故。怖令入法故。動相歸真故。五願力攝生故。六深音性離故。染音淨用故。顯淨音普收故。七圓音普降故。如法界頭口等。八體用驚機故。九建圓因故。三蒙益中有六故。釋有四重。以文含多勢故。一令離重苦。二堪成出世器。三令得二乘解脫果向十位。此大乘中二乘非慧法也。又小乘中五停心觀前在邪

●十二(此)●如十●●臨十(名)●●[白]—●●[義]—●●兩=兩●●[芳]—●●[欲]+樂●●武+(等)●●
=明●●●集=●●●[念]—●●[未]—●●[故]—●●●=染●●●=●●●

定。依成實。燭頂已上悉名正定。永不退故。依毘曇忍心已上方得不退。若依地論見道已上方名正定。故彼云正位正定者見道已上方是正位。言不定者此二中間名不定也。四入大乘三賢位。五證十地。六成佛果。此約同教。又初三同前。四入初教。五入終教。六入頓教。此約病盡處說。三。又初入天次二小乘。四是漸教。五頓。六圓。此約果顯圓說。四。又初入天。次三三乘。後二一乘。因果分二也。此上就是一念中益。餘一切念准之。顯中十偈。初五總歎菩薩德。後五顯前法門。初中前三明自分德。一自利。二化他。三得法。後二勝進。一外益。二內圓。後五中。一現法二動利。三身嚴。四入劫。五說法。此等就足上毛孔中事。顯文巧略故也。

第二光示法主分中二。初此界後結通。前亦二。初示主是教義源故。二於彼下示法是教義相故。初中四。初明光意。言無邊佛境者有三意。一令知所說法故。二即是普賢故。三顯佛非不能說故。二顯光名相中二。先明光相。眉間表。中道一乘法也。白毫表無流證道白淨法也。又白為衆色本故。表此一乘為諸教源也。又毫者是長毛也。又是毫毛也。依觀佛三昧海經云。太子時舒長五尺。樹下長一丈四尺五寸。成佛已放之長一丈五尺。圓卷如秋滿月。分明皎淨珂雪寶色光體也。燈明光用也。又理可貴故名寶色。智普照故名燈明。境智遍益故名雲也。又如未尼同諸色故。二立光名為顯因

人故名菩薩也。三辨光勝用中。一事故遍

故廣故。二理故正故深故。三辨說因故由

大願力方有說也。四。顯法門故令衆知

法從普賢門中出故。上文既不云別照普

賢。何故乃云顯現示衆者。以上所照即是

普賢故。四攝用歸本中。毫出足入者。表

上法可以傳下。傳下不失。本故還入也。眉

間足下處別。何故言還者。顯上下無二故

又毫光照普賢明果乘因。還從足下

入者明因成果也。第二示法中二。初辨蓮

華是所詮義也。二顯勝音是能詮教也。坐

華者稱義施教也。初中一句總。於彼者場

地也。又是相輪也。蓮華者開敷故。出三乘

水故。不染故微妙故。衆聖所探證故。二

寶蓋者可貴故。堅固故。三藏者含攝故。出生

故。具德故。四葉者覆蓋故。以廣大甚深故

遍法界也。五香鬘者氣氤氳屬故。六闍浮檀

金是寶中之上故。金是貴相顯著故。臺是高

出故。七結也。此等竝法門也。若約三乘託

此事別表法。然彼事非即法。若此一乘即

彼事是此法。仍有事顯現也。二顯能詮中

二。初標體。二偈頌明說相。前中三。先舉

教從佛眉間出者表。依證起說故。教從佛

出故。如勝流法界。又論云從最清淨法界

所流法也。出菩薩者為被因人故。諸法是

所詮。勝音是能詮。論云。契經以文義為體

也。若依一乘。有此菩薩即名見教體入法

令教誠實故歎德也。德中四句。一下慳群

機。二上順佛境。三窮茲義海。四令歸佛果

二說相中二。初勝音明教體殊勝。二炎光明

教威勝用。初中三頌。一明一佛遍法界而

在道樹。二多各遍法界之佛同坐。一毛孔

三如一毛一切亦爾各具主伴。此三如是

漸次增廣也。又釋。初一明含那身滿法界

後二明毛孔中現無量三世間重重無盡

也。二教威中師子者有三種。一不畏義理

深故光照也。二不畏不益故炎燒惑也。三

不畏異學不降故奮迅也。同是教故亦名

音也。頌中初明法輪義。後釋文。前中轉

法輪義略作十門。一釋名。二辯體。三種類

四轉相。五分齊。六轉處。七轉時。八轉人。九

轉機。十諸門。一釋名者。法是軌持義通有

四種。謂教理行果。輪是所成義。亦有四。一

圓滿義以離缺減故。二是具德義以較輻

輞等悉皆具故。三有用義謂摧轉惑障故

四轉動義謂從此向彼即從佛至衆生故

亦從彼向此即從衆生至佛果故。法即是

輪持業釋。又輪是喻。況如聖王輪寶即法

之輪。故依主釋。二體性者。通論教等四法

為性。剋性唯八正道為性。以戒為嚴。謂

正語正業正命。以慧為輞。謂正見正思惟

以定為輞。謂正定。餘正念正精進為莊飾

成輪。此約小乘初教亦同。又唯以無分別

智為法輪體。又唯真理為性。此約終教。或

多

者

看

者

看

者

看

者

看

者

看

者

看

者

看

者

看

者

看

者

看

者

看

者

看

者

看

十

十

十

十

十

十

十

十

十

十

十

十

十

十

十

十

十

十

十

十

十

十

十

十

十

十

十

一切自在法門海竝爲法輪體。如帝網重重具足主伴等。此約圓教。亦即攝前諸位。此中皆具約同教。也三種類者有三。初小乘四諦之下各有四義。謂苦空無常無我此四苦諦。因集有緣此四集諦。滅止妙離此四滅諦。道如述乘此四道諦。此上十六約所知諦。若約能知亦各有四。謂眼智明覺。眼謂總觀苦等。智謂別觀過去苦等。明謂別觀未來苦等。覺謂別觀現在苦等。是故四諦各四故成十六。新大毘婆娑。婆論第七十九云。眼者謂法智忍。智者謂諸法智。明者謂類智忍。覺者謂諸類智。又眼是觀見義。智是決斷義。明是照了義。覺是警察義。三轉十六成。四十八行法輪。此約小乘。如毘婆娑論具說。二明三乘中法輪。然有三義。一同小乘三轉四諦通益三機。如密迹經辨。此則說四諦而具三乘。又三轉即空常淨。維摩經云。三轉法輪於大千。其輪本來常清淨。此之謂也。此約初教二唯說大乘。亦通三根得大小果。如諸大乘經中所說。或分相開三。如轉照持等三種法輪。或合爲一。謂唯一實諦。上約終教。三離言法輪無轉不轉。非四三。不可說故。此約頓教。三一乘法輪准下文。有十諸差別。謂說誠諦等諸各十行。謂具足清淨四無畏等。是故總有一百行法輪。准下文亦有十輪。謂過去願力故等。即十轉百行爲千法輪。並尋下文應廣具顯。何以皆言十者。爲顯無盡故。此則無盡法界爲大法輪海。常轉無休息也。四轉相者小乘三

轉有二。一爲自轉。初轉在見道名印相轉。次轉在修道名應作轉。後轉在無學道名已作轉。二爲他轉。初名示相轉。謂此是苦等令陳如等入於見道。次名勸知轉。謂苦應知集應斷滅應證道應修。令彼入修道。後名引證轉。謂苦我已知乃至道我已修。令彼入無學道。若三乘法輪。一同前說。但義理差別。約菩薩人者。准大品等經。既言鹿園轉法輪時無量衆生發菩提心等無量菩薩得初地等無量一生菩薩一時成佛。此亦應同彼三轉。是通非別。不可別配。若依一乘轉。無盡稱法界法輪。與所被機同一法界無二無別。法爾常恒無新辯益之謂也。五明法輪分齊者。若小乘中有一義。佛說四諦苦無常等語音入法輪攝。如問阿難天雨等如是世語皆非法輪。若三乘中佛一切語及身威儀皆入法輪。以無不益生故。維摩經云。諸佛威儀進止無非佛事。以此准之。若一乘中通三世間俱入法輪。一切衆生語言音聲亦入法輪。國土法輪如剎說等准之。六轉處者。小乘唯一娑婆百億鹿園等處。三乘或一百億或千百億或如恒沙爲一佛化境。一乘遍通樹形等界乃至華藏猶如帝網重重主伴。經云。此是盧舍那佛常轉法輪處。七轉時者。小乘三乘或二七日或三七日。復或六七日或七七或八七日或五十七日或一年等。此並以是末教隨機見聞異耳。亦無前後相攝等事。一乘本教要在初時第二七日。更無異說。仍

攝前後各無量劫。念念無間。一一念中亦各攝彼前後際劫。亦如帝網重重無盡。九世十世之所轉也。八轉人者。先主後伴。小乘主謂釋迦生身及化身佛。聲聞弟子爲伴三乘主即三身佛。聲聞菩薩爲伴。謂舍利弗等。一乘主謂盧舍那十身。普賢等菩薩爲伴。亦如帝網重重現准之。九轉機者。初唯爲小機。次通被三機。後唯一普機准之。十諸門者。一教及念處等爲法輪因。由此得聖道故。二福慧萬行爲法輪眷屬。三真俗二諦爲法輪境。四二障使習是法輪所斷。五菩提涅槃法輪果。諸宗准之。釋文者。頌中十偈分四。初三明佛法輪清淨廣大。於中初句標教主。次句明法輪清淨清淨者滅惡染故現淨理。故教輪淨故如梵輪也。下明法輪廣大自有六門。初一句巧說廣。二一句說人廣。三二句說處廣。於中國土海世界海雙舉者此二相成故也。四二句說因廣。謂由大願力說盡來際故。亦名說時廣。五二句說機廣。六二句言音廣。二有二頌歎普賢能遍說法。一佛力加故令語業普遍。二身業稱理亦遍雨法。三有三頌歎舍那佛說法。一語業。二意業出光也。三身業。四末後二頌歎三世佛亦同說法。一令見說法。二令聞說法。下結通有二義。一結上集衆通十方界。二既在示法後結則知示法亦通十方。示法主分竟也。第三法主入定分。於中二。先料簡諸會中有四。一有無者唯第二會無者以所表法未

成位故。餘會所表法。位成故。二出不出者。唯第八不出。以表一證法界無退失故。餘表起化故。三因果者初及七八爲果定。以初說果故。七行深故。八證玄故。餘皆說因故。又釋。第七中亦以通有因義。以華嚴是因行成嚴故。若如此判通有四句。或唯果謂初及八。或唯因謂三。四五六。或亦。因亦果謂第七。或非因非果謂第二總無也。四能入人者唯第八佛自入。表法界解脫自在唯佛窮故。初雖說果爲令。物信故。七行雖深。然是因人行故。二釋文者。於中二。先此土後結通。初中於佛前坐者顯因果不相離故。何故入定者顯非證不說故。爲受加故除衆疑故。何故入果定。爲說果法故。何故因人入。爲被因人故。淨有四義。一自性淨。二治惑淨。三善根淨。四益用淨。藏有四義。一含攝。二蘊積。三出生。四無盡。三昧此云等持。離沈浮故。定慧均故名等也。心不散故。住一境故名持也。納法在心名爲正受。此中淨之藏。淨即藏。如來之淨藏。如來即淨藏。淨藏之三昧。三昧即淨藏。皆二釋思之可見。下釋顯其義。初句釋如來。後句釋淨藏。離垢淨也。滿足藏也。虛空喻上二也。結通者此經一切處說總成一部。謂一部即一切部。今且舉此一方中事。恐斷其本部故。數於文末。鈎取一切結成本部。以明無盡無盡也。因此略明所入三昧分齊差別有十重。一約一切定無礙故。起分中言。普賢菩薩從彼三昧起。從世界塵數等

三昧起。解云此有二義。一此定含攝多三昧故。二此定遍入多三昧故。是故此定即是應等三昧海也。二約一切處無礙。如此文云普賢菩薩於此世界三昧正受。盡法界虛空界等一切佛刹亦復如是。此亦二義。一定中包含十方刹故。二此定遍於諸塵道故。三約一切時無礙。如起分云普賢從一切三世三昧起等。此亦二義。謂定含三世及遍入三際。四此上三重融含爲一普賢三昧無礙自在。以此三說是一定故。不相離故。五於上塵等三昧海中隨一。即具一切諸定。各苞十方盡三世故。六如一三昧一切亦爾。七隨一塵內即見普賢圓明三昧。各攝十方亦盡三際。八如一塵內一切塵道皆亦如是。九隨一念中即有普賢。入塵等定各苞塵道盡十方刹及窮九世十世等盡。十如一念中餘念中盡前後際。一切劫海皆亦如是。如此十重爲則。餘一切位中及教義理事等准此思之。入定分竟也。第四諸佛加持分中二。先辨諸會有二。初有無者二七八三會無。以二位未成故無。入定故。七行依法不異前故。八佛自入。定不假加故。餘會非此故皆有也。二佛遠近多少名異。皆如文應知。二釋文中三。先口加及所爲。二意加。三身加。又初勸說以益辯。次冥被以增智。後摩頂而覺。然加讚互成有四句。一加而非讚如佛意身二加。二讚而非加如諸菩薩偈讚等三亦加亦讚如佛口業。四非加非讚如餘文也。口

中二。初明加讚。二釋所爲。初中三。初明諸佛不移本刹而現身於此。以明彼即此而不壞。彼故遠近而不壞。遠故也。如緣起性知之。二讚得深定。三明定因初他力後自力。又果力因緣起合成也。又佛本願者明佛往昔曾見是事。因即發願願今成也。釋所爲中爲何義故加。爲說此法故。於中十句。初一總。謂一乘法輪最初轉故。以是果法輪故云佛也。別中有一九一所轉義法輪體也。開猶現也。二巧轉盡源。法輪相也。及十方者是結通處也。三妙除惑障。即法輪用也。四十方齊轉法輪處也。又窮土海也。五轉因入果法輪分齊也。六一門攝一切果法輪德也。七巧令樂果即法輪境也。八巧隨世俗法輪方便也。九審根授法即法輪所被也。同異成壞准思知之。二意加中二。先加後釋。初中一總餘別。別中一得法智。謂五海智非一故云無邊等。二盡邊智。謂窮盡五海該三際佛三成壞智。謂五海集散亦世界海也。四所化智。謂五海約染亦衆生海也。五理智。謂五海皆深亦法界海也。六三昧智。謂五海皆定境也。七根欲智也。八聖智。辯智。九身遍智。十圓音智此皆通五海等准之。與下十智大同也。釋中先徵後釋。問諸佛有力有悲。何故唯加普賢不加餘耶。答以長子故衆首故盡佛願底故本願故普德具故得定法故餘人不得故。又凡有此定處諸佛法爾皆聚彼。如海法爾攝彼衆流故云法也。緣起法門理數爾也是故

◎位成二成位◎ ◎四二至◎ ◎因亦果一果亦因◎ ◎初二初◎ ◎於一◎ ◎住二注◎ ◎一一部即一◎ ◎如十起◎
◎二包◎ ◎盡十也◎ ◎也◎ ◎入一◎ ◎舊十法◎ ◎辯二辨◎ ◎令十覺◎ ◎故一◎
◎有九一◎ ◎語二謂◎

諸佛智斷。亦得與人。問佛何不。自說。答有。二意。一。所說既玄。恐因人絕分故也。若爾。何不餘人說耶。為說普法故。二。明凡說。此法必具。一切諸佛共說。若佛自說則理。無加授。便乖其說。是故普賢一說。即一切佛說也。三。身加中何故摩者。令覺故。令具佛威德故。此中佛身未。必來此。申手未。必修延。各令觸頂。未。必相妨。悉同時摩。未。必前後。皆是緣起。自在無礙。思之應知。加持分竟。

第五大衆同請分中。二。初長行怪。不即說。以生後請。亦是具。身意。二。業。請。謂恭敬身也。觀察意也。二。俱事。住一心也。後正語業請中。與上請。何別。謂此別請。普賢故。以知是說法主故。又此具新舊二衆。故不同前也。所問之法。不異前。故不別列也。十願分三。初八歎法主。請。二。有一願舉。所說請。後一願歎衆樂聞。請。初中。一。先有五願。通歎普賢德。後三別歎說法德。亦即前歎有說。因後歎有說果。前中略顯普賢十種功德。一。因行願滿。二。果德平等。初一願顯之。三。色身普遍。四。願智深廣。第二一願顯之。五。普見佛海。六。能現摩利。第三一願顯。七。廣遍時處。八。深定常現。第四一願顯。九。體充法界。十。用遍生海。亦是前智後悲。第五願顯。又此十德。攝爲五對。一。因果。二。身智。三。見現。四。深廣。五。體用。下別歎說德中。初願歎證斷爲因。普周廣說。謂初句證理。次句斷障。次句普周。下句廣說。二。一願歎內外爲因。能益妙說。謂初句歎普賢內證。一切佛德海生。次句歎

外能普放說法光雲。次句歎能益衆生堅。其淨行。下句由此故能妙說佛境。三一願歎深行爲因。能雲雨說法。此上三中若約能說。辯一廣說。二妙說。三願說。若約所說。一佛法。二佛境。三法界。下一願明所說法。初一句總舉。下文華嚴界等。次句舉下文佛嚴淨。事次句中。能入是佛海法界海。所入是衆生海及根欲海。下句結請。末後一願歎衆有二德。堪聞。一樂欲。二根器。前中亦二。一身離慢怠。故云恭敬。二心離異想。故云觀普賢。二。根器中。雖一心樂聞。若無智慧。不能領受。此亦有二。一深智達深理。故二廣智鑒廣事。故。下句結請願說。同請分竟。第六定內略說本分中。二。先觀五海。後說十智。又前是所觀之境。後是能觀之智。又前是證本。後是教本。何故不起定而說耶。謂明定不礙用。故寄顯法深故。變行故。初中。二。先明境海深故。觀非自力。二正觀審法。五海略作十門。一辨義相。謂於無盡圓明性海藏中。分茲五義。一是所依義。通一切准之。二。兩發義。亦積聚義。三。軌用義。四。巧別義。性別義。五。覺圓義。此五皆一。即其餘四。竝深廣無盡。具德難思。故云海也。二約染淨有二。一別者。或唯淨。謂佛海。或唯染。謂衆生海。或俱謂世界及根欲。或不俱。謂法界。二通者。或俱淨。以衆生等亦返流。故本淨故。或染。以佛等亦隨緣。故或俱或不俱。思准之。三約理事。亦四句。全攝可知。四約入法。有二。先別者。衆生及佛。是人法界。是法根

欲。亦人亦法世界。非人非法。二通者。亦具四句。全攝可知。五約因果。亦二。別中世界俱。法界不俱。餘二句可知。通中亦四句思准。六約三世間。七約境智。八約依正。九約三寶。此上四門。皆有通別句等思准。十約融攝。有二。一先約海。謂世界即衆生。如下衆生形世界。世界即法界。如法界不可壞蓮華。世界海。世界海即根欲。如心作世界。世界即佛如國土身。二約衆生即世界。如前說。亦即法界如經。即此法界流轉五道。名爲衆生。亦即根欲。如心心所作。故。亦即佛是十身中衆生身。又衆生即真故。後三海。一。即具餘。皆思可見。二約智中。亦二。先別初三智。是前三海智。後七智。是後二海智。二通者。謂一智有五海。一海有十智。鎔融思攝。五海深玄。寄半數說者。令易信。故。十智稍廣。寄十數說者。會其本。故。是故境智不殊。愈妙恒別。此約一乘。又如解深密經云。如來所行。如來境界。此何差別。佛言。如來所行。謂一切種。如來共有無量功德。衆所莊嚴。清淨佛土。如來境界。所謂一切種五界差別。所謂有情界世界法界調伏界調伏方便界。地持瑜伽亦名此五。名五無量。此五既是如來境界。故。後說智名。迴觀智。此約三乘。問既觀海。何不說海而說智耶。答。以海是證境。故。證欲說。彼即是說智。如人至寺觀塔。熏在自心。後歸家說塔。即是說心。非彼塔也。問。既在定得說。後何須起耶。答。爲寄法。故。何者。謂在定觀海。此在。心中最細也。

●本得二德● ●[請]一● ●住=注● ●說十(法)● ●(所謂)十一● ●事二● ●是二說● ●巧二行● ●具二其● ●全二含● ●約十(世界)● ●(如)一● ●(具)一● ●深一(妙)一●

十智觀海。雖在定中。然寄在言。故次細也。說分最難。就機故。出定表示也。是則說以智爲本。智以海爲本。以說依智成。智依理起。故文中三。初據智。二許說。三明說。意此中佛子有五義。如攝論。一願樂大乘。爲種子。二般若爲母。三定爲胎。四大悲爲乳母。五諸佛爲父。又有十義。如下彌勒知識處說。十智者一由成敗故。成淨也。敗亦爾。由此即具餘九等。故名不思也。此不思句遍下九句。二中以衆生空有不二故。類多故相即故相入故。具一切法故根性多故。故亦不思。又界是如來藏。隨緣作衆生名起也。又起在智中也。三。中一約有爲二。無爲三。俱四不俱。各通染淨思惟之。根欲攝在上二智中。亦在下七。如上問中辨。下七明佛海四無礙故。五稱根。欲授故。普轉故。六顯德故。七光音故。八三輪攝故。九深定故。相即及體用皆不壞也。十以總結別也。本分竟。第七起定成益分中二。先起主伴定。前明定不礙用。故說十智。此明用不礙定。故云不壞。不壞彼定故也。云何不壞。以由方便智釋顯也。二起益中二。先內益亦二。初益此衆有四。一證法體。二依證起巧智。三依智起妙辨。四說無斷絕。謂由願力故也。二結通顯圓。二外益中三。初動二益。謂動時令忍。返此故樂也。又安善因授樂果。又動時令壞。返此故寶藏。三兩寶謂是法門也。以是滅十故。標十列七也。第八毛光讚德分中二。初一切如來毛

孔及光等。是上能加佛也。讚普賢德顯具德說法。令衆尊重生渴仰故也。是上光明讚歎音聲。二十四願中分二。初八歎普賢廣大三業盡佛源底。於初中初三身。次半語。次二半意。於初中一半定。後一慧。次二盡佛源底。後六歎體用普遍無礙應機於中初一體遍。謂普賢身在此會坐。即於十方無邊世界。一一皆見常在。處處。本來當處而身不分。亦無來去。一切塵中一切衆生身中皆亦如是。以衆生等即如故。是普賢也。而實一乘佛國亦同普賢圓遍。即就勝易解故。簡土約理寄三乘顯一乘耳。思之可見。後五明用。一現身。二現法。三淨願。四衆生。五現智。第九許說今喜分中亦二。先長行。後標意。謂前問本分已生歡喜。今更許說分故云重喜。二願顯喜事。於中有十願分三。初二願半舉佛化德超情不測。於中一深智說法。二嚴土調生後半通結能化所化無盡難測。第二有五願半。誠衆令淨堪爲法器。於初中半簡不堪聞言樂惡者作惡趣因也。著有者設作善業。不求出離。下句結非。謂不能了等顯非器也。次一願明具三力。方堪爲器。一宿善根力。二近善友力。三佛護念力。下句結云是等衆生能得上智。次一願具七心。方堪聞法。一直心離諂曲故。二淨心離求過等故。三慈心爲益物故。四悲心爲救生故。五深心爲修行故。六信心受深法故。七無厭足心渴心無滿故。下句結云彼聞此法喜無量也。上來

二願十門通辨一切堪聞法器。次二願別舉此衆。初一明具四德堪知佛境。一住普賢地。二具普賢願。三行普賢行。四證法界空。下句結知佛境。次一願歎此大衆現得二利。一現前見佛。二得普賢方便。後一願通結但諸衆生得聞佛法皆是佛力。第三有二願。學法許說勸觀令樂。一學法勸觀。以佛及刹在身內故。勸衆令於毛孔中觀。後一明具普眼方觀此法。下句許說誠聽可知。下十眼中第十普眼者。平等法門見法界故。若通論總具十眼名爲普也。第十正陳法海分中。先明諸會能說人異。唯僧祇小相二品是佛說。餘並菩薩說所表。如下釋。又依智論有五說。一佛說。二弟子說。三神仙人說。四諸天說。五變化說。此據出聲名句等。若望授與即通情非情此約三乘。又有五說。如下云。佛說菩薩說利說衆生說三世一切說。此通三世間等一切法約一乘也。文中二。初廣辨世界海。答前果問。二從乃往過去下答前因問。初中二。先散說世界。後偈頌總持。前中二。初通論十世界。後別辨華藏界。亦是釋第十壞世界。以成即是壞故。前中二。先標列章門。二依門別解。初中三。先總告引證。二正列十名。三結其無盡。此十中初者有四義。一以土體絕相由言方成。故云說世界。如四堪智中成也。如下緣生中說。縛觀等。二由名言熏識現。土故名說也。三土中言音。如下頌中辨。四世界立名不同故云說也。初一

①據二標②中十(四句)③上問二門④欲一⑤分十(七)⑥源二願⑦二二四⑧於一⑨處彼二彼處⑩智二知⑪據二標⑫賦一⑬諸一⑭仙十(佛)⑮引二列⑯引⑰如十(如)

說即世界、後三說之界。二攬緣界。三依故得久、四外狀。區分。五內體盈滿。六德相莊麗。七離垢用淨。八器淨佛興。九經時多少。十緣散離。作皆繁多深奧同名海也。凡一世界即具此十。今通釋諸世界略作十門。

一、種類。二、居人。三、名體。四、染淨。五、漏無。六、共不共。七、世間涅槃。八、依正。九、人法。十、無礙。初明種類者。小乘唯有一類娑婆等界。無別淨土。三乘中有二。一約佛自住處有三。一法性土。二實德土。謂妙行等。三色相土。謂勝寶等。後二為自受用土。此三非是攝化處。故此中不辨也。二約佛攝化處。亦有二。一化身土。此有二。一染謂此娑婆等。此約釋迦。二淨謂餘方化土。此約餘佛。二變染土。謂足指案地等。三他受用土。謂十八圓滿等。初中二。若依始教。唯有百億閻浮百億釋迦為攝化境。若依終教。如智論中以三千大千世界為一數。數至恒沙為一世界性。數此性復至恒沙為一世界海。數此復至恒沙為一世界種數。此復至無量恒沙為一佛世界所化分齊。其受用土。若始教在色界頂。為引小乘同界說。故若依終教。不在三界。如涅槃云。西方去此三十二恒河沙佛土有世界名無勝。是釋迦佛實報淨土。又於一切須彌樓山世界時。往往數有一淨佛土。此通報化為引衆生。三依一乘有二。一約果分十佛自體國土海。此當不可說。寄緣說十。如第二會說。二約攝化處有三類。一

從須彌山界及樹形等已去乃至一切衆生形世界海為第一類。二三千界外。別有十世界。一世界性。二世界海。三世界輪。四世界圓滿。五世界分別。六世界旋。七世界轉。八世界蓮華。九世界須彌。十世界相。此等當萬子已云輪王境界為第二類。三十連華藏莊嚴世界海。具足主伴。如帝網等。是佛境界為第三類。此上三類通有十事。為首成世界。一說世界海。二起具因緣世界海。三住世界海。四形世界海。五體世界海。六莊嚴世界海。七清淨世界海。八如來出世世界海。九劫世界海。十壞方便世界海。二所居人者。若小乘唯有有餘依聖及凡位居也。三乘三初中二通有凡夫二乘及地前菩薩并佛化身居也。後一初地以上菩薩及佛報身居也。解深密經中三地菩薩生佛淨土者。彼約七地明義。即初地當彼第三也。又起信論中許地前菩薩見報身佛者。彼約終教。依三昧見也。一乘三多分論時。初見聞位。次解行位。後向果位。通即可知。三處佛身同是十佛也。三名體者。世是時。界是分齊。謂於時中分齊顯現。從相得名。繁多與積深廣難窮同名海也。世界即海從喻。持業釋也。若小乘以子母七微及色等四塵并能造四大實色為體。若三乘中凡小地前俱以願耶識為體。地上二義。報土亦同願耶識為體。若二智所現即以唯識智為體。故攝論云。菩薩及如來唯識智乃至為淨土體故。若依終教。俱以如來藏真如為體。若一乘以無盡法

界通三世間。人法理事等諸行相即互為其體。准思可知。四染淨者。若小乘唯染。三乘有二。一約位。二約法。初中有四對顯其染淨。一約因果。謂金剛已還菩薩所住名果報土。不名淨土。以過患未盡故。唯佛一人使習都亡所居名淨。是故仁王經云。三賢十聖住果報。唯佛一人居淨土。二約一向非一向。謂八地已上菩薩所住得名淨土。以一向出三界事故。具足四句一向義故。謂一向淨一向樂一向無失一向自在。七地已還未名淨土。以非一向出三界故。縱由願力而得出者。四句一向不具足故。謂無流觀智有間斷故。非無失等也。此依攝論辨。三約純雜。謂凡夫二乘雜居之處不名淨土。地上菩薩生處名淨故。瑜伽論說。世界無量有其二種。謂淨不淨清淨世界中。無那落伽傍生餓鬼。亦無欲界色無色界。純菩薩衆於中止住。是故說名清淨世界。已入第三地菩薩由願力故於彼受生。無有異生及非異生聲聞獨覺。解云。此第三地既名淨意樂。即是歡喜地。以約七地辨故。四約退不退。謂入十住已去不退位。三賢菩薩生處名為淨土。於中亦有四果二乘等。如阿彌陀土生彼皆住正定等。堪任已還輕毛退位。三乘衆生共住之處不名淨土。此四對八義中。初約果唯淨。後約退唯染。中間相形皆通染淨。二約法四句者。或唯淨謂於上四門中。形取淨故。退位所居自性淨故。或唯染謂四門中。相形取染故。佛果隨

①區二類②漏二流③妙一④此十至⑤若十依⑥乘十在⑦故一⑧數有二安⑨別一⑩以十上⑪見十少分⑫向二得⑬職一⑭行二門⑮偏二道⑯相十形

緣約機說故。起信論中名隨染業幻所作也。或俱由前二義不相離故。或俱非以二義互融非定一故。二相盡故。一乘亦二。初約類中初類染後類淨。中類通二。二約法中或俱淨以即佛故。或俱染即衆生故。或具二由前二義不相離故。或不俱以二相融二相盡故。上三類中一一皆具。此四句准思知之。第五。流無流者。若小乘唯有流。三乘有二門。一隨相門。二融通門。初中四句一唯有流謂凡小地前所變土。二唯無流謂佛所現土。三俱謂地上菩薩二智所變及賴耶所現。此二雖爲苦道二諦攝然無別二體。但隨義異攝。四俱非謂皆即空故。不隨數故。此上約始數。二融通中亦四句。一或一切皆無流乃至凡位亦爾。以離諸流性故。如經云。色無流無繫受想行識無流無繫乃至廣說。二或一切皆有流乃至佛亦爾。以不離流法故。如經言。諸佛安住三毒四倒五欲等中得阿耨菩提乃至廣說。前句不異。流之無。流故即無流。後句不異。無流之。流故無流。即其有流。三俱以前二義不相離故。四俱非以皆離縛脫性故。如經言。色無縛無脫受想行識無縛無脫乃至廣說。一乘中如緣起法界。若無一即一切不成。互融無礙亦具四句。全攝可知思之。第六共不共者。於中有二。先明分齊。後顯義相。初中隨一世界皆是有情。謂異熟識由共相種成熟力故。變似色等器世間相問凡一世界有幾有情異熟識變。答唯識

論中有三師說。初師說云。一切有情以契經說一切有情業增上力所共起故。次師破云。若爾諸佛菩薩應實變爲此雜穢土。諸異生等應實變爲他方此界諸淨妙土。又聖者厭離有色生無色界必不下生變爲此土復何所用。有此三種大過失。故明不得通一切有情。應說現居及當生者彼異熟識變爲此界。經依少分說一切言。諸同業者皆共變故。後師轉破第二云。若爾器世界將壞時。既無現居及當生者。誰異熟識變爲此界。又諸異生厭離有色生無色界現無色身。預變爲土此復何用。設有色身與異地器龜細懸隔不相依持。此變爲彼亦何所益。亦由如此三種大過。是故現居及當生者皆不成變。謂初器將壞。當生現居俱無受用。二若現受無色界身而於此土無受用義。三設有色界身與此龜細異。亦無依持受用。是故此三俱無變義。若爾誰識變耶。正義應云。凡所變土本爲色身依持受用故。若於身可有持用。設令生在他方自地彼識亦得變爲此土。故器世界將壞。初成雖無有情而現有土。此土並依唯識論辨。第二顯共不共義相者。若小乘中既是極微所共合成故唯是共。若三乘中有四句。初或亦唯共。謂彼依報雖不離識而識是別。土相是一。由彼彼識中共相種子共所現故。如攬四塵共成一柱。一柱之相不離四塵。非隨四塵而有四柱。當知此中道理亦爾。若自受用土佛與諸佛共有一土。猶

如法身諸佛共依故。以是同法性土故。若他受用土亦佛與菩薩之所共有。如王與臣共有一國。諸雜染土亦是有情共業所現故無別也。二如是依果實皆不共。以各於自本識中現故。論云。俱是有情異熟識各變。同處相似不相障礙。如衆燈明。如多所夢。因類是別。果相相似。處所無別。假名爲共。實各有異。諸佛淨土亦復如是。各別識變皆遍法界。同處相似說名爲共。解云。若有一土不隨識別。則心外有法不成。唯識論云。我說識所緣唯識所現故。由是當知。皆自識變故各不同。三亦共。亦不共者。由前二說不相離故。瑜伽云。外等諸物或由不共分別爲因。或復由共分別爲因。若共分別之所起者。分別雖無由他分別所任持故。而不永滅。若不爾者他之分別應無其果。彼雖不滅得清淨者。於彼事中正見清淨。譬如衆多修觀行者。於一事中由定心智種種無量異見可得。彼亦如是。解云。此說依報隨共分別。其不共分別同前第二。是故隨外器世界皆具如是二義而成故雙存也。四非共非不共者有二義。一由前二說互形奪故。隨定取一不可得故。是故俱非。二由土依識土相盡故。識從緣起無自性故。是故共與不共性相皆離不可說也。此上若約果報賴耶識所變等即是初教。若如來藏賴耶所現即屬終教。若一切相盡唯一淨心平等平等。離言絕慮即屬頓教。若依圓教有二義。一如前諸教所說即

①流二漏②但二俱③但④其⑤爲⑥世界⑦有⑧亦二皆⑨應二數⑩二十
(或不共者)⑪熱⑫亦⑬滅二處⑭無量⑮存二在

同無盡法界帝網重重即入無礙具足主伴
即屬此攝。二以義求亦有四句。一或唯共
以同一法界故。相即故。二或唯不共以緣
起各別故。相不雜故。三或俱以上二義不
相離故。以全體相即而不壞故。四或俱非
以二相混故。形奪盡故。第七世間涅槃門
者。有二。初隨相。二融通。初中有四句。一或
唯世間謂地前及凡位所居。二或唯涅槃謂
諸佛果位所住涅槃。設自受用土亦得。是彼
大涅槃攝。三或亦世間亦涅槃。依實性等論
依無流法界中有三種意生身應知。彼因
無流善根之所作。故名爲世間。非是有流
業煩惱作。亦名涅槃。依此義故。勝鬘經云。
世尊有爲世間有無爲世間。有爲爲涅槃
有無爲爲涅槃。解云有爲世間是凡位。無爲
涅槃是佛果。有爲涅槃無爲世間是變易報。
所望異故屬俱句。四義准諸佛清淨法界是
非世間。非涅槃。以非是二乘涅槃故。又亦
非雙林涅槃故。二融通者亦四句。一或唯世
間。謂佛淨土亦悉是器世間攝故。二或唯涅
槃。謂衆生染土亦相盡同性故。三或俱以理
事無礙故。論云。世間與涅槃無毫釐差別。
以無別故。無二而二。雙現前也。四以無毫
分別故。二而無二。形奪俱盡故俱非也。經
云。如來不見生死。不見涅槃。又此經云。世
間與涅槃。二俱不可得。此之謂也。第八依
正門者。若小乘是唯依報。三乘中器世間雖
是本識及鏡智所現。而唯依報攝。若依圓教
中通三世間。以含那佛有國土身等是故

世界悉是佛身。又有衆生形世界等。是故衆
生即世界。此並依正混融無礙故也。相即自
在故。第九人法門者。小乘非人法。三乘可
有是法門義。一乘具有。是佛普賢及衆生等
故唯是人。或諸世界並是法門故。如文云。
清淨妙形入於無量正法之門。此明世界等
悉是法門。第十無礙門者。小乘世界唯是
事相。於上但有苦無常空無我等理。三乘中
法性土唯理。餘皆是事。然上二宗。理之與事
非一非異。名爲無礙。若一乘中略有十重。
一情事無礙。謂應情顯現事超情外。文云。喻
如幻無方皆從妄想生。二理事無礙。謂全同
真性而利相宛然。文云。法界不可壞蓮華世
界海等。三相入無礙。謂文云。以一佛土滿
十方。十方入一亦無餘等。四相即無礙。謂
文云。無量世界即一世界等。五重現無礙。謂
於塵中見一切刹。刹內塵中見刹亦爾。如
是重重如因陀羅網。六主伴無礙。凡一世界
必有一切。以爲眷屬。七體用無礙。謂一刹
海必有大用。赴機說法。八隱顯無礙。謂染
淨隱顯異類隱顯等。約緣定之可知。九時
處無礙。謂或於一刹現三世劫。或一念中
現無量刹。如是無礙。十成壞無礙。謂成即
壞壞即成等。無礙顯現自在難知。超過情
慮。此十無礙同時具足。應以六相方便而
會融之。十世界義略辨如是。諸餘義相隨
文當顯。第二依章別釋中。十內初一不
釋。以釋餘九即爲說故。文中初釋前八。
後釋第十。前中初七各二。謂長行及頌。初

文無礙。初中長行內四。一。標二成三辨四
結。一切世界海者是彼三類各各非一故也。
已成等者。一以此諸緣通成三世一切世界。
而諸世界已未等異。二成一世界即通三
世。前緣通界別。後界通緣別思之。此約一
乘八緣中。一後得通。慧。二緣起法爾。三所
化業力。四菩薩行滿。應於彼界而得成佛。
則由此力彼界得成。五普因成也。六菩薩
爲嚴淨無餘刹故修願行。利隨願行無礙
容持故云。解脫自在。七大覺正因。八普願
攝成。然此八中初四是權成。其龜相故。亦通
染。後四約實成。其細相故。唯是淨。如經我
此土常安穩等。而一世界即具龜細故也。又
此八中總有四對。一初及第七約佛明權
實。二八及第五別約普實明權實。以第八
是爲物故。三四及第六通約一切菩薩明
權實。四第二及三約理事爲權實。以業行
緣成不實故也。何故要具。如此四緣。謂佛
爲教主。普賢是助化。菩薩及衆生所化。初二
中若無權無以熟生。若無實無以應真。
後二中衆生業報緣虛。後必有所依真性。如
此八種等塵數因緣成。一世界。皆互無障
礙。全體通收作不作等如緣起性。即空即
有即一即多融無分別思之。餘一。一界准
之。頌中有二十分七。初四頌前佛神力。於
中一刹依鏡智現。二土以行修成。三化菩
薩。四悟衆生。次四菩薩應得道力。於中初
上半明行因。下半明智果。度猶到也。二上
半明土因。下半起土果。三上半依正因成。

①有②一③④⑤⑥⑦⑧⑨⑩⑪⑫⑬⑭⑮⑯⑰⑱⑲⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺
①後②復③④⑤⑥⑦⑧⑨⑩⑪⑫⑬⑭⑮⑯⑰⑱⑲⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺

下半明證入依正果境。四上半果廣。下半因。八。次二頌衆生業力。次二頌菩薩嚴淨佛土願行力。次二頌普賢善根力。次四頌普賢自在願力。次二頌佛依果故也。此頌總通緣起異義。即爲法如是故。不別頌也。第二住中長行內。二。先具標數。謂凡一世界即具如是剎塵所依故云。一一也。二略列七事。一依善淨力住。二依無礙。三依如意寶或一切。四依通明。五依緣起力。六依法身持。七依法界願。依智論中摩訶名大那名。無伽名罪。此約無失義釋。又云或名大象。即陸行中力大也。或名大龍。即水行中力大也。又初如善調象能破軍敵。約自利也。後如大龍降雨約利他也。頌中十六半分九。初一頌依莊嚴住。二頌虛空住。三二頌依寶住。四一頌佛光謂威神是也。五一頌力士。六五頌上標中利塵。依此猶略也。七二頌幻業。八一頌普賢願力。九二頌半通顯。因陀羅網安住相。初偈一塵內現。依正。後一半類多塵可知。第三形內長行中別列七種。初四及七當相辨形。五六二種約喻顯狀。一方如斗。二圓若珠。三非方是。四維形。四非圓是八隅形。五水。泗狀形。六華形。七衆生形者謂有二義。一有世界似衆生形。二即種種衆生皆是世界。如身中八萬戶虫各有九億虫等。此即是世界准下文亦是舍那佛轉法輪處也。是故文中但言衆生形不言如衆生形。故知即以衆生爲界也。此等一一形類皆遍法界。頌中十七半

分二。初三正頌前文。後十四半明利德用。前中初一頌上總數。次一頌上別形。但頌初四略無後三。依智論摩尼珠有八楞。喻此四隅形也。後一上半顯因異。下半明果相。二德用分二。初六半明德自在。後一毛孔下明用自在。前中初三約佛顯利明。堪應機。一體成法門。二相顯臨機。三舍那光照。是佛所有也。後三半約機正應顯成。差別。一機心業異感。土多形。二佛土自在能隨感現異。三雖應成染淨而法流不斷。四下半結業多門。感現難測。二明利自在。中三。初四明依正自在。次二出其所因。後二結用歸主。初初二毛孔現利。佛於彼中爲衆演法。毛孔即明正報攝依佛還在。自毛孔之內。後二塵內所現種種形界。佛亦在中轉。尊法輪應是依報攝正等也。二出所因中。由何得此自在容持。一由佛智願自在力故。二由衆生心業不思議故。三結歸中。初一舉塵內佛。次半舉塵內刹。下半正結歸主。第四體長行中。別內五並約事顯也。凡論土體有五重。一真如。二真智。三本識。四五塵。五諸事。諸事即法門。將爲歎故。是以文中辨也。頌中十行。一寶華體。二空體。三光明體。四電光及顯體。五日珠體。六寶炎及化體。七佛化體。八心業起體。或業起。心海成土。或心業起土。或妄念爲體。九佛身光體。十普賢化顯體。此等並是任放辯才說不待大故也。第五莊嚴長行內別中有四。一雲通相。二染業行。三淨因果。四結

可知。頌中十偈分五。初一頌上總數。次二偈頌雲嚴。次一頌上衆生業嚴。次五頌上佛嚴。於中初二嚴依。次一嚴正。謂佛數等衆生故也。或衆生數等佛也。次二難嚴。後一頌上普賢嚴。第六清淨別中有五。一行緣淨。二自利淨。三利他淨。四行滿淨。五得位淨。皆從前起後可知。況論土淨有七。一當體淨。謂以淨識爲相等。二事相淨。謂淨寶等故。三受用淨。謂受用此土滅惑成德故。四住處衆生淨。謂有德衆生滿此世界故云。淨也。五主淨。謂佛之土等。六淨行。因生故。如文無量行海所修集等。七淨行。即土故云。清淨。以行爲依止故也。如文可知。偈中九頌分五。初一偈頌上總數。次一頌親善友。次二頌上自利。謂一三昧行。二信忍行。次一頌上利他。次二頌上二行滿。次二頌上得位。益第七佛出世別中三句。初約現身普遍。謂以一身遍滿一切差別法界。一一之處皆身全現。亦不分身亦無限分故也。壽長短者。如須臾多佛旦成菩提。迦葉七日。釋迦八十等。此謂短壽。彌勒八萬。彌陀極算等爲長壽。皆由機感故致然也。又初約一切處現。後二句約一切時現。謂長短具故爲一切也。問若爾處何不然。答差別法界。遍多。通有無故云。遍滿也。頌中十偈。初三頌前長行。初一頌總。次一頌身遍。後一頌脩短。後有七偈明佛出現無方勝用。此中分七。初一嚴土多少。次一說乘多少。次一救生多少。次一化現廣狹。次一圓音普應。次一主伴

○八二文 ○(頌)一○ ○切十(寶) ○此十(頌中) ○五六六五 ○四二三 ○調歌二過復 ○調歌 ○二二
一○ ○一二二 ○智二地 ○三二二 ○門二明 ○第一普 ○故十(幻喻土相空喻無礙是故二喻喻一事相容也) ○
○起 ○(偈)一 ○(上)十 ○(云)一 ○五二六 ○二二一 ○如十(智論云) ○
二通 ○

遍充。次一慈海普現總結也。此中或短壽度多生、或長壽度少生、或長壽度多生、或短壽度少生、或短壽說小乘、或反上、或長壽說多、或反上。如是等與虛空法界等。皆是慈海力所現故也。第八劫中略無偏顯。總中塵等劫住者非是一一世界各住塵等劫。良以一一世界劫住不同長短差別如塵等也。所謂下別舉二門。有如是下總結差別劫義。如別說。第九釋第十壞方便世界海者。但壞有二種。一或即壞。以諸緣各無作故。性自壞故。二三災壞即事壞也。今此文申辨初義。下重顯偏中明後義故。又釋。初即壞成。後即成壞壞。故名方便壞也。又以後壞亦從緣無性故。何故須俱壞者欲令見心盡故。成壞圓通故。問若爾亦得初即不成故成。後即不壞故成壞。此則壞成俱成何不爾耶。答理實應爾。但爲此文釋第十壞義。非釋成故不辨也。文中有一。先舉意總告。謂分別華嚴開示群機。二正明所說。說中三。初舉主辨因。二有須彌塵等下明因所成果。三是佛常轉法輪處結果屬主。初中三。先總辨謂從初發意即修此因。明因深果厚也。問瑜伽論說一切諸佛要經三阿僧企耶劫修行成佛無增無減。何故此中乃說阿僧祇箇世界。一一世界豈未爲塵。一塵爲一劫。據此則有不可說箇阿僧祇劫。何故不同耶。答彼約三乘。據一方化儀唯就此須彌樓山世界說。是故寶雲經云。我爲淺素生說三阿僧祇。祇

劫修行。然我實於無量阿僧祇劫所修行也。此是約會三乘歸一說。此文約一乘該通十方因陀羅網等及樹形等諸類世界說。又爲約法辨時。以法無盡故時亦無盡。文中且舉十大數中初數爲則。亦即通帝網喻。故亦無盡也。問若爾一劫即無盡。何不直言一劫耶。答此中無盡無盡故也。又德無不備曰嚴。垢無不盡曰淨。又初即福智交飾。後斷德離染。又亦得嚴即是淨嚴故也。別中汎論土因有二種。一依因謂眞如淨識及鏡智。二生因謂諸妙行願。今約後義略陳三種。一廣福。二大願。三妙行。初中一一劫者時廣也。一。一劫中供塵等佛者。田廣也。又是佛故。田深勝也。准下地品應有一切供具。即供具廣也。以上心深。心即供心廣。此文存略故耳。准地論恭敬供養各有三種。應尋彼文。新金剛般若論上卷亦有三種供養。一給侍左右。二嚴辦所須。三詢承法要。二願中一一劫時廣也。一一佛所者勝緣廣也。塵等願顯廣也。謂以大誓自要要成此果。即要期願也。又所修福行備成此果。即備須願也。對佛發弘爲修。眞實離染爲淨。又十大願中淨佛國土願及餘諸願應尋論之。三妙行中修時廣緣深廣行事廣可知。亦對緣進造曰修。修成離染爲淨。謂十度六度等行乃至一切行准之。又三初中自利後利他中間通二利。又亦可具四多。即四修一塵數劫即時多爲長時修。二塵數佛所即供佛多爲恭敬修。三一佛所發願

即顯多爲無間修。謂顯心相續也。四塵數行即起行多爲無餘修。第二所成果中分二。先明此主世界。後辨結通。前中有三初顯本世界爲依持處。二從此香水海上有世界性住下明。次重顯離類世界性。三從香水海名樂光明下更重辨十二佛國土七世界性。然此本師佛攝化境界。諸教所說分齊不同。若小乘中但有此一娑婆世界。若三乘有二。一化身化境。謂此娑婆等。二他受用身化境。謂十八圓滿淨土等。若約一乘十佛化境。蓮華藏莊嚴世界海有三種。一蓮華臺藏世界雖遍法界。對地上菩薩機現有增減。寄在色頂唯說一界。二即此遍法界之華藏說十顯無盡。即無盡箇華藏一一皆遍法界。三樹形等雜類世界。一一皆有蓮華藏莊嚴世界。悉遍法界。各有十。無盡無盡。此三初中一一約同教一乘辨。後二約別教顯耳。今此文申據須彌山世界中辨華藏故。是故風輪水輪還似彼也。以易信解故。印機而成故。初文中分二。初別顯嚴相。後一下總結。前中有六。初辨風水華地爲根本所依。二明地山上海嚴等。三地能映現嚴。四地上香海嚴。五海間香河嚴。六河間寶樹嚴。此六段中各有二。謂長行偈頌。就初段長行中有五。一風輪無礙持。二依風有香海。三依海有蓮華。四依華有世界。五依界有圍山。初文有三。初總次別後結。別中前七各持寶地中此有二義。一開一風輪上有一

●結一法●結一●多十(乘)●如別說一●言說一●(成)一●三二●淺十(近)●祇二企●(一)一●田二因●(即)一●(佛)一●二十(明)●(各)一●(也)一●(一)一●山上二上山●

實地如是次第。二其諸實地皆遠在蓮華上。然此風力。雖緣起門各別。主屬無礙任持。故是法性風也。此中風有二義。一無礙義。二有力義。故成緣起也。實地亦二義。一可貴義。二依持義。人法解行等法門。准之八持時者。以時依法立無自體。故說持也。須彌山地是下文所持難世界處。事遂有所主。故一切有者。一是諸世界中三有等也。二亦得通是實地上諸莊嚴事為一切有。又以義求前七次第從細向麤。但屬持諸實地。後三漸麤持下文所持諸世界性四時三有等。又此中最下風輪超越持於華上實地。最上風輪隣次持於華下香海者。顯上下鎔融自在無礙。故為異彼染土醜烈海故。言香水海也。香有二義。一普熏義。二芬馥義。水亦二義。一清淨義。二洗濯義。海亦二義。一深廣。二具德。又有十義如下說。以具主伴。故云一切也。華中二。初句辨義。大蓮華者。梁攝論中四義。一如世蓮華在泥不汚。譬法界真如在世不為世法所汚。二如蓮華性自開發。譬真如自性開悟。衆生若證則自性開發。三如蓮華為群蜂所採。譬真如為衆聖所用。四如蓮華有四德。一香。二淨。三柔。軟。四可愛。譬真如四德。謂常樂我淨。如此等並為依止義故也。彼論又約一復次釋。謂如來願力所感。大寶蓮華王為淨土。作依止也。華藏之名因此立也。下句香幢等者。依義立名。名有四義。一香。有二義。一約體是。氣氤氳。二約用。是普熏義。二幢亦

二義。一約體是獨出義。二約用是降伏義。如帝釋幢等。三光明亦二義。一是照闇義。二現法義。四莊嚴亦二義。一是具德義。二交飾義。此中香印幢。香幢即光明。光明即莊嚴。皆持業釋亦通。依主准之。下明所持二句。初句中華義同。前藏是含攝義。出生義具德義。此中通論有二義。一由此土內含攝一切人法等諸法門故。二含攝一切諸餘刹故。下句金剛亦二義。一是堅義。二利義。山亦二義。一是高義。二是靜義。圍繞亦二義。一是內攝益義。二外防敵義。謂以金剛外敵障不能侵。內德增長也。偈中二十頌分二。初七略頌前文。後十三明勝用利益。前中分五。初一頌舉果體用。次一頌前因中供佛淨福。次二頌前大願。次一頌前果內風持實地。次二頌前土因大願。以是任放。辯才故說不待次也。第二勝用中。先六頌明依報用益。後有七頌明正報用益。前中二。先明勝用有四頌。一世界光。二菩薩光。三華色光。四淨寶光。並是智等法光故能充照法界。後有二頌明益相。初一滅惑成德。二親帝網法界。後正報用益亦二。先明勝用有二頌。一明剎外佛用。二明華內佛用。又前珠中菩薩遍十方。此則華中諸佛等衆生界。依正無礙故也。下明益相於中五。一舉所益機。二興善教。三巧調機。四令住。自分斷德。五令聞勝進。智德。問何不佛等語說法。而於光雲等說耶。答以此明剎用故爾也。問若爾何故辨佛光等耶。答以依正圓融

故佛亦是剎也。問此中意辨華藏界。何故乃說諸雜化用耶。答有二義。一以此是利用故辨用顯體。二即此化用為依止。故即是剎也。問何故與長行不同耶。答長行略標頌中廣顯故也。第二總明山下地海嚴者。長行五句。初二句顯地名。謂蓮華臺面為寶王地。二明地鎮海。三地相具德。四地體堅固。五明地勝用。於中初句出法寶。後句起智照。頌中十偈分二。初六明衆德嚴後四明法行嚴。又初是體備衆德。後明妙用自在。又初依後正。又初事相嚴後法理嚴。又初法後人。又初頌前文後明異義。並可知。初中前二總辨嚴因。次二頌上山地。於中初一標謂寶輪香輪為山上嚴。珠輪衆寶為山下依。後一釋謂初二句釋上寶輪嚴。次一句顯上香輪。下一句辨莊嚴義。○楚云。新迦羅此云輪圍山也。次一偈頌上體相二嚴。謂初體後相。次一偈頌上香水海。次一偈頌上地勝用。亦是海岸邊寶地上即有寶樹。樹下座上有佛菩薩之身也。第二段中四偈。初一總明身語法輪。次二別辨身色依正無礙。於中初一佛現多嚴具之中。次多佛現一嚴具內。即調物為法輪也。又前華香幢蓋中菩薩充法界。此則寶幢寶樹莊嚴中衆諸佛身雲滿十方。並以正為依也。後一偈別顯上語法輪。此即剎說也。此上通三世間圓融無礙。隨入一門皆具一切故。然也。又此等諸文長行所說則編其次第。令隨事生解。偈中所頌則顯其始終。圓通無礙

①遠二遠②華二隨③言二云④軟二清⑤[作]一⑥[氣]一⑦[是]一⑧[是]一⑨顯二行⑩[前]一⑪[才]一⑫智二地⑬智⑭益十(中)⑮止二正⑯止⑰偈二俱⑱前二先⑲梵二梵⑳[上]一㉑莊嚴二嚴莊㉒[衆]一

順於法性長行以法就機偈頌會機歸法。文家綺互善巧之相應。知。第三寶珠殿內長行中六句。初句顯寶名。謂山爲外。鄰世界居中故云內也。非在山中爲內。名不可壞有四義。一體不可壞。謂金剛末。尼故。二德不可壞。謂攝衆寶同在。自中。衆寶不相破。以無相不相形奪故。自亦不壞。以無二故。三用不可壞。謂雨物多端互無奪。故四映不可壞。謂能映現多身不可奪。破現處重現不相礙。故。二辨殊勝用謂洞徹明煥故能現也。此中映是能現影爲所現也。何故不現佛等及餘刹耶。謂彼非所化故。若爾何不現心念耶。謂非色法無現義故。三寶華嚴地中以爲莊嚴者。通上二句同嚴。大地四雲嚴。五香嚴。六三世嚴者。謂三世諸佛嚴華藏界皆與此同。又亦此嚴同三世故也。又所嚴嚴通三世故。統於現世。以一華嚴由同所嚴故即通三世。是知一華一嚴皆遍三世。三世俱現。各具過未。即該九世也。又以猶用也。統所嚴刹唯在一念。用於三世一切嚴具而莊嚴故。即所嚴同能嚴而遍三際也。又亦得能所一念即含九世。通相即入故具十世。以顯無盡也。於上四釋後三爲勝。頌中十偈分四。初一偈半頌上不壞摩尼。次二偈半頌寶華嚴。次一偈頌雲嚴。次五偈頌三世刹嚴。於中初一地現三世行。次一地塵俱刹入。次一菩薩受用嚴。次一佛法體用嚴。次一得普賢願及佛智。者能入多刹。第四香海

嚴中長行別內十四句。一香寶岸。二寶網覆。三寶水。流。四四衆華敷。五末香其水。六出佛音。七香普薰諸教法所及也。八寶階道謂入法階梯也。九珠欄楯謂防外非守內德。十潮浪聲。十一華閣圍。十二華城周外。十三香華布水。十四香樹爲嚴。或即事即法可准。思之。頌中十偈。初一頌海。二頌岸。三頌水。及佛音。四頌階及欄。五頌寶樹。六頌華布。分陀利此云白蓮華也。七頌寶網。八頌華城。九一頌以周其外。十舉因結成。第五香河嚴內長行別中三句。一華覆。二出處。三隨流。以依正無礙從佛出。爲表正故眉間出。謂教河流潤從證智出故也。然教帶真義。故寶王隨流不失真性。即隨緣不變無二是也。頌中十偈。一總明。河相。二涯岸莊嚴。三香水流浪。四迴旋所至。五踊寶自然。六河體普周。七網演因修。八岸聞果行。九河周舒。因。十河原從果。第六寶樹中長行內五句。一明樹體謂無流法林樹等。即衆德建立義也。二寶樹覆即大慈普覆。三因力所起。四果德加成。五極盡嚴際。頌中二偈。初一頌果行自在。後一頌因行所起。又此二頌即是樹。以入法無礙故。第二總結中分齊境多。別說難盡故。總云一一然於一中嚴事猶多故。總云慶數。又嚴別難彰故。通云清淨可知。

此中世界性者謂積世界成性。積性成海等。如上所引智論說。又此下文於世界海中。有世界性。世界性中有一世界等。故知積成也。何故名性者有二義。一望前諸界攝諸流類積成性。如久習成性。等。二望後海等有爲因義故亦得名性。問積界成性。界亦因義何不名性。答無融結。故初義也。問十世界中海望於後亦積成餘界。何不名性。答初積結攝已得名性。後開異義轉立別號故不名性也。頌中十偈分四。初二偈頌上住形。二有三偈明刹有聲莊嚴顯體德圓備。三有三偈明諸刹土即入無礙顯妙用自在。四有二偈明三世間自在。即顯攝化勝用依正無礙也。

第三大段明向上廣持諸刹。於中二。初。上海及海上華。二辨持刹及性。此中十二佛土七世界性有諸德釋。爲華藏界外十方國土。詳其文恐不然。既取華藏內香海中蓮華而持。故知非外。況下文結屬舍那故。亦非外。但此中大意明衆香海。中略舉一海。一海所持十方刹中略舉一方。一方既爾說不可盡。餘方例准一海所持十方無盡皆遍法界。餘一一海皆持十方各遍法界。無礙圓融無盡自在即不可說不可說也。大意如此思之。二所持中二。初一方後結十方前中二。先明十二重佛土。後辨七世界性。此十二佛土。有人用配十二因緣。有配菩薩十二住等。一一釋之。義恐不然。豈以十二

◎二寶◎ ◎尼二居◎ ◎故一疏◎ ◎能一◎ ◎世二在◎ ◎用二同◎ ◎合二具◎ ◎者一◎ ◎法二滿◎ ◎米二寶◎ ◎周二用◎ ◎周◎ ◎立十之◎ ◎故一◎ ◎開二◎ ◎亦十知◎ ◎有十人◎

數同即便配釋。但此經所明皆應十數以顯無盡。縱有十二七八等數皆是增減之十。如地論釋。還是十數。豈得配耶。況義理又別。又此經所說一事一土皆遍法界。具足一切。人法教義因果理事等一切法門。非適一相。故不可以一門釋耳。上下諸文皆准此知。問若爾上來諸文何故皆以一二義等釋耶。答。還以一切之一釋。故無過。是故或一不少。或多不增。爲成文故布之前後深須得意。多少無礙。又汎論佛及利立名不同。略由五相。一或因機感。二或由佛本願。三或依本行。四或先佛記別。五或表示法門。此中佛及利土依正圓融。可以法義而消息之。塵數香海及世界性准釋可知。又有義此上總爲二重。初辨此佛華藏土及所持世界性。後從十二佛。土下辨他佛土。亦持世界性。總爲二對須思之。結通及結屬並可知。第二重頌中有七十頌。但頌次前長行中事。非是頌前十世界海及華藏等。以彼各有偈重頌訖。由前十十二佛國七世界性皆通有此十海義故。是故偈中頌顯其狀與彼長行綺互廣略亦同。前諸文。於中分二。先九頌總頌前文。二餘頌別頌前中十海。初中有四。初一顯根本所依華藏土海。次三總辨能依異類諸刹。次三別略顯能依刹形。後二通舉佛刹大用。第二頌十海中文則爲十。初有十一偈。頌起具因緣世界海。於中有七因緣。初三頌神力因。此中初一就本無壞。後二隨末虧盈。二如依種種

下二頌頌業種因。初一報異。後一業殊。三譬如意寶下二頌。頌願力因。初一寶珠現色喻。後一就現空。雲喻。四猶如工幻下一頌。幻業因。五如見。彩畫等一頌。顯心畫因。六衆生心不同等一頌。顯妄想因。七猶如見導。師等一頌。顯心行因。此七何別者。初是現感神。二是種子。三是宿願力。四是現行。五是本識現。六是轉識相。七樂欲器故別也。二無量真珠下二頌。顯莊嚴世界海。三或有佛刹地下四頌。顯清淨世界海。於中初一唯染次二亦染亦淨後一唯淨。心初一衆生次二菩薩後一諸佛故。令所居土有染淨。此三漸次向淨故也。四一佛國土中下四頌。顯壞方便世界海。亦初一唯壞次二亦成亦壞後一唯成無壞。以染可壞淨常存故。五或有佛刹起下二十頌。顯體世界。於中初六純染苦體。次四難苦樂體。後十純淨樂體。於中初五隨事辨體。後五妙用自在。六或無量佛土下三頌。顯住世界海。於中初一舉能依之形。後二顯所依住相。七或如師子座下三頌。顯形世界海。八或壽命一劫下二頌。顯劫世界海。九或國土無佛下五頌。顯佛出世世界海。於中初一總標。次二明化身示現。次一機熟無時不現。後一非器無時有現。十或利極濁惡下七頌。顯說世界海。於中初二惡道聲。次二善道聲。後三法輪聲。上來總相通答於前果問。竟

自下第二大段辨得果之因。答前問中一切菩薩所修行海等問也。又釋亦是於前諸世界性中開。一世界性。顯內所有三種世間及五海等。文中分四。一舉往時處。辨佛與世。爲修行緣。二從彼炎光城。下明普莊嚴童子能修行人。三童子見佛下辨對緣。正修成自分行。四彼佛滅後下明復更見佛成勝進行。初中四。一舉往時。二明往處。三處中場。四場上佛出。第二往處中。四。一海中取性。二性內山林。三林東勝城。於中初依報勝。後人衆勝。四眷屬城。第三場內。初場地後華座。第四佛與中。初佛出後放光利益。第二舉能修行人中。王有順理善。慧令物愛見。問涅槃中一切輪王。皆定千子不增不減。何故此中乃不同耶。答彼是王。四天下之輪王。約三乘說。此是主。世界性之輪王。故寬細於彼。如白淨寶網等。以一恒沙金輪王福所感。此約一乘說不同也。又王及長子是福分。童子爲慧分。是故成入道之器。德周法界。曰普。普德交飾爲嚴。普之嚴普即嚴。普嚴之童子。普嚴即童子。並通二釋。離染真潔。素爲道器。故云童子。如文殊等。第三修成自分行中。二。初見佛得定爲自分之始。後聞經得定。成自分之終。前中有四。一自利得定。二偈勸化他。三王喜偈告。四俱共詣佛。初中見佛功德善根因緣故者有三釋。一由見佛功德善根之因緣力。此則唯屬境力也。二由見佛功德所生善根因緣力故得定。三由外見佛功德爲緣內自宿有善根爲因。因緣具故令得定也。此十定中初五爲成

①(釋)一②(人)一③(教)一④(土)一⑤(頌)一⑥(就二龍)一⑦(雲二寶)一⑧(彩二果)一⑨(師)一⑩(子十)
(力)⑪(心二以)⑫(令)一⑬(佛二功)⑭(內二地中)⑮(主二王)⑯(一)一⑰(素二表)

會竟

華嚴經探玄記卷第三

華嚴經探玄記卷第四

此從第二會
初盡此會竟

魏國西寺沙門法藏述

名號品第三

亦作四門分別 初釋名 二來意 三宗趣 四釋文 初中三。先分名者自下明。第二修因契果生解分。謂從此至第六會來。辨說所修五位之圓因成。十身之滿果。令諸菩薩解此義相故以爲名。二會名者名。普光法堂會。然釋有五義。一約事。謂佛於堂內放光普照故。名此堂爲普光。於中說法又名法堂此依主釋。二約法。謂真俗週圓曰普。妙智照達云光。境智玄軌爲法。此普光即法。又證普光之法。堂內說此依主爲名。法通二釋。堂唯依主。三約境。謂普體光用法通教義。四唯約智。亦如境說。五約實。謂無礙法界一塵一行。皆遍因陀羅網重重顯現。故稱爲普。即普圓明煥曜。故復云光。無不正軌。故亦云法。則法應緣成陰爲堂。皆持業釋。如以三空爲門等。例准可知。又信該六位稱普。滅惑顯理爲光。陰機爲堂。三品名者如來之名號。依主釋。或如來則名號。以十號中如來爲一。故於中名謂釋迦等別名。號謂十號諸佛通名。又召體爲名。標德爲號。又亦名號無別。如文內說。二來意亦三。先明分來者前

利他。一具果法。二入普。巧。三巧成。嚴器。四正益機。五益分齊。後五。爲成。自利。一成。加行。二入。正證。三廣後智。四順涅槃。五順菩提。又初一總餘九別。略釋可知。二普勸中初說。偈後偈聲分齊。偈中初四歎佛德難遇。次三明。遇成勝益。後一結勸與供。三王喜偈告中二。初王聞歡喜。後偈勸告令於中三。初一舉。告宣告。次七令。嚴辦勝供。後一令。與。念誦。佛。四俱共誦。佛。初王及內眷屬。後八部外眷屬。第二問經得益中三。初明說經。名者謂行能現果。舉。果取。因故云。現等。若從此義唯據因也。又此佛集會即爲顯現。此則唯果。此中三世是三現在故。即具九世十世也。不爾過未既無。如何說現。是一乘圓教故攝眷屬耳。二童子獲益中二。初得定自利益。二說偈化他益。初中四定。一普該境法。二攝入歸心。三契法無畏。四慧眼圓明。二利他中二。初說偈後得益。偈中三。初一總。謂上半頌。前法限定。下半總舉。眼所見。次七偈別辨佛本生。由佛而得見。後二別見諸佛而爲物修因。獲益可知。三如來讚述九偈中分五。初一總歎童子。次二別記正報。次二別記依果。次二歎其苦行。後二總記依正。

爲念佛也。二入於普門。窮茲海藏。三智持爲能轉。智法輪正成。所轉。四深法悅。神故也。二開經得定。爲勝進之終。經名者謂法界自性清淨故云離垢。具恒沙功德故曰莊嚴。前經就果相。此中約果體者爲自分勝進漸深故也。二定中初約。自利後約利他。又此中童子得法是何位者。義准上下經意有三種成佛。一約位以六相方便。即十信終心勝進分後入十解初位。即成佛。以此是三乘終教不退之位。故以一乘六相融攝。即具諸位至佛果也。是故此中童子見初佛。爲信位自分。聞初經爲信位勝進。見後佛。當解位初自分。聞後經爲信位初勝進。以攝諸位皆具足。故。二約行總不依位。但自分勝進究竟。即至佛果。三約理則一切衆生並已成竟。更不新成。以餘相皆盡。故。性德本滿。故。此後應有結會。謂彼童子者今某甲墨字等。亦應有動地兩華他方來證及結通十方并偈重頌等。但經來不盡。故未有也。問此會既了。何不衆中有入得。益。答略由四意故無別益。一於前三義中。由初二義故。說童子益相。由後一義故。衆中無別。獲益。二光統釋云。此經佛初成道說。但顯一乘圓教法輪體爲諸教之本。諸教益相爲此益故不辨也。三但教有二種。一說逐機教攝。法隨機。機有增進。隨分辨益。二逐法教。攝機同法。法無增損。故無別益。四此經猶如日出先照高山。既無中下之機。故無隨分之益。下文諸會並准此知。釋第一

①巧二行 ②(應)一 ③(爲)一 ④略二順 ⑤念十(供) ⑥(佛)一 ⑦名十(現) ⑧(行)一 ⑨解二輪 ⑩解十(位) ⑪但二俱 ⑫(故)一 ⑬字二足 ⑭(無)十獲 ⑮二二三

既舉果勸生信樂。今明彼果能得之因令生正解故次來也。二會來者修因之中信最。初故故次來也。又謂前會明所信之境。今辨能信之行。義次第故也。問名號等三豈屬能信。答爲成信故同會辨之。問前豈不成信。答凡約境生信。境有二義。一標舉境法。明有所在。二攝以就心。令成信行。前會據初義。此中約後義。又前會果廣而因略。相從俱屬。此會因廣而果略。相從俱屬。因。問等是果法。何故前會明依。此中說正。答依報現見易故先辨。正報細隱難知故後說。又若約佛先須淨土。棲託後辨。正報。又亦可。互在隨舉皆得。問明修因之中。何故此會與第六皆有果法。同會中間諸會無此例耶。答此會是修因之始而與果同會。而果在會初。十地等是成因之終。亦與果同會而果在會後。此等爲顯依果海以起圓因。因滿還融歸圓果。此乃文中宏致始終之標幟者也。三品來者有二釋。一云前品明依果。此明正報。正報之中不過三業。此品明身業通應。謂名號依身而立故。四諦品明佛口業普周。光明覺品明佛意業遍覺。三輪攝伏。俱是正報。然身業最廣。故先辨耳。二釋云。准下問答。又此品明國土海義。前品既辨世界海。即明體隨緣顯共果相。今即約緣反顯明其果體。辨相所依之實故次來也。各通三世間思之可見。又前會約華嚴。此約忍土。有意云云。三明宗趣者亦三。先明分宗通至第六會來同是一番問

答故。須同辨。謂是二周因果。初相後體。前是因果緣起。後是理實。二約會亦二。謂人法。人亦二。謂所信能信。所信中化主內證土海爲體。七日思惟爲相。又即如其像爲相。加說爲用。又現通及光照爲用。助化中文殊以信中妙慧爲體。吉祥勝德爲相。又遍一切處爲相。所說益物爲用。謂說偈等。二能信中亦二。先約因。證淨爲體。具德爲相。殊勝功業爲用。如賢首品說。檢出云云。二約果。信中所顯無盡法界爲體。十身勝德爲相。應機化益爲用。亦如賢首說法亦二。先約境。謂信中平等土海爲體。約機說。十及勝德爲相。與行數相應爲用。二約行。謂信行內證爲體。融攝諸位爲相。成佛益生爲用。問未知此舍那佛是何位中佛。答若說信法即信中佛。餘位亦爾思之。三約品亦二。一約相。以如來身名普應廣益群生爲宗。二約實。以十佛國土海爲宗。四釋文者。於此修因契果生解分一番問答之內。長分有三。初序分。二請分。三說分。此中序亦通第六會已來。請說亦爾。初中有三。一先舉佛所在明器世間。二善覺知下歎佛功德明智正覺世間。三與十佛土下歎菩薩功德辨衆生世間。初中相傳。普光堂在菩提樹東南可。三里許。照連河曲內。佛初成道諸龍見。佛樹下露坐。遂爲佛造此法堂。良以諸龍多爲陰覆供養故耳。又以堂近樹故與場同舉。又依此經以菩提樹爲本。餘處皆不離此也。又此中初

始得者約信法辨之。蓮華藏者信行開敷離染攝德約法准之。又大集經中菩薩得蓮華陀羅尼故。凡說法處皆有蓮華座餘義並同。前釋。二善覺智下釋智正覺世間殊勝。於中十句。文同攝論受用身二十一種殊勝功德中初十句。如下第七會初二十一一句總具。今依攝論及佛地論釋此十句。初一總餘九別。總中善覺智者彼名正覺。謂具後九德名善覺。以順理離邪名正名善。開明照察名覺名智。別中初無二念者是一向無障功德。謂離二障故異凡小故。又於遠時方等境無知不知二現行故。是故由無二念名善覺智。二了達法性者論名趣無相法。此是能入無二功德。亦名調化方便功德。謂自能入離有無相清淨真如。亦令他入故。三住佛所住者是觀所調化功德。謂住大悲常觀世間故。又是任運無功利樂有情不休息功德故。又安住聖天及梵住故。四等如來者謂得諸佛相似事業功德。於法身中所依意樂作業無別。即理智益生三法無別。五至無礙趣者是永斷所治功德。謂修二障對治道成就現前已到解脫一切障礙所依趣故。六具不退法者是伏外道功德。謂證教法彼不能轉。伏彼顯已正道法故。七無礙境界者是伏魔怨功德。謂達順中境不能礙心。雖在世間八法不汚。以世境境心障善稱魔。此降彼故。八住不思議者是安立教法功德。謂所說勝教超過一切尋思境故。九等達三世者是記別三

①報二攝②五一無③而一④者一⑤香二翻⑥說二證⑦以一⑧先二一⑨功一⑩款若廣功德
一⑪丁一⑫如來二諸佛⑬永二求⑭莊二別

世功德。謂記。彌去來。皆如現在。分明無別故名等達。具此九別。成初總句。同異成壞。准思可見。三釋。衆生世間。中有二。一。簡定其人。後歎其功德。初中有四。一。簡多異少。謂十佛國土微塵數故。二。簡大異小。謂大菩薩故。三。簡終異始。謂一生補處故。四。簡新異舊。謂從他方來集。然此四位以前。望後。展轉奇特。皆可准知。三。中一生有三義。一。約入中。二。約天上。三。約下生之身。此就化相。若約實報。四種變易報中。唯有末後無有生死一位。猶存。故云。一生。此經意約前義辨也。二。歎德之中。文有八句。義有七對。初二句。藥病一對。謂初句了。彼機器種性。後句深證所授法界。二。常善思等。明染淨一對。謂如攝論中。依他起上。遍計染分名。生死。圓成淨分名。涅槃。二分不異名。一依他。若見一分餘分性不異。是故經說。如來不見生死。不見涅槃。又中論云。世界與涅槃。無毫釐差別。此名染淨無礙。四句融攝。或以本從末。唯世間。或反此。唯涅槃。或相融而雙現。或形奪而兩亡。巧觀此理。名曰善思。恒觀不息。名曰常思。三。因果一對。謂諸衆生報果業。因種種差別。明了此等。皆依衆生諸識心行。而得成立。四。教義一對。謂義是所詮。諸法之義。味是能詮。諸法之教。則名句味身。五。縛解一對。謂觀彼世間相。即空故名離世法。不待壞世。六。理事一對。謂緣所起法。名曰有爲。無性真理。名曰無爲。會緣即真。而不壞緣起。是名究竟分別無爲。泯理唯

事而不失理。名曰究竟分別有爲。下文云。於有爲界出。無爲界而亦不壞有爲界。無爲亦爾。可思准之。七。三世一對。謂知三現在各攝過去。及相即入。是爲十世。靡猶無也。實謂通也。於此三世。無不通達。上來序分竟。第二請分此中。通請下五會文。於中有三。初念請。二念問。三念現。問中裕梵等法師。離爲一百二十四問。謂初十問。法身自體之行。中間一百問。報身起修之行。後十四問。方便身平等之行。又若合。中間九十問。爲九問。即總四十三問。光統師合。隨喜心等。爲一問。即爲三十四問。初十問。先際佛法。次十問。中際佛法。後十四問。後際佛法。至下第六會。來答之。今依此釋。總分爲三。初十問。因所依果。次十問。果所起因。後十四問。因所得果。攝論云。無不從此法身流。無不還證此法身。欲明因依。果成還能剋於果。果能垂於因。還爲因成果。因果相成。緣起無性。無自性故。即眞法界。無性即體不礙緣起。故眞法界不壞因果。因果緣起。理實之義。案此而立。又初十問。此會初三品內通答之。若別分四諦答。說法一問。光覺答。勢力正覺二問。此品答。餘問。通答順文。明難下三品。別自有問。以信不成。位故。無懸問十信之言。不同十住等。此初十問二釋。一約依正二果爲問。謂初一通問。淨土依報。二通問。法身正報。三問。土嚴具。四問。法身所證。五問。土離染。六問。證後說法。七問。前土體。八問。正報光輪。九問。應緣起。

土。十問。現正等覺八相等事。二。唯約土海爲問。以准下文及璣珞經。此會明國土海義故也。十中前五明土衆德具足。後五明土體用圓備。又初一是總。餘九是別。別中土有九義。一。別住義。謂紅蓮華等。如攝論說。二。具德義。謂理事等各有校飾。三。軌持義。謂土法比證所得不同。四。離染義。謂自性與相及用等淨。五。成教義。謂約言顯土如說世界等。六。自體義。謂理智事皆有體故。七。妙用義。謂威光攝伏等。八。緣起義。謂隨衆生機佛剎起故。又令隨剎而起。因行。又隨剎佛出故。亦云起。此順兜沙經。又隨因緣具而剎得起。如起具因緣世界等。九。現覺義。謂諸剎海現成正道。以依正無礙故。餘義准下答中知之。次因中十問。從昇須彌下至菩薩住處來答之。初九問。約位自行。後隨喜下問。隨緣化物行。初中十藏何故。問在迴向後。下答在迴向前者。以藏有二義。一是出生義。故在迴向後。出地上證智故。二是收攝義。故在迴向前。收攝諸行。令成迴向故。由此二義。二處互顯。故不相違。十。願初地內答。十定十忍品答。以觀心納理爲忍。止心不散爲定。止觀無礙。唯是一心故。二處各顯一義。以諸菩薩緣眞俗境。皆有二義。一不顛倒。二不散亂。具如梁論說耳。十自在十明品答。以作用明委故立二名。以別翻菩薩本業經。彼問中亦名十明故。兜沙中名十飛法。又十頂不見別答。古人有將梵網經於此計會云。此脫錯。恐難依用。今

尋彼經十一處說法。六處同此。彼云化樂天說十禪定。初禪說十金剛心。二禪說十願。三禪說十忍。四禪摩羅宮說心地法門。不云重會普光及祇洹重閣。又此問與彼有同不同故難用耳。有云不思議品有答。但不思品等既答後果問。不可屬此。又僧祇品明十大數。因位窮終數中之極。故亦得云十頂。但此品初自別有問。故亦難屬壽命品中十重佛土上至窮終。賢首佛刹最極際故稱爲頂。然有十重故云十頂。亦得無傷。以彼品初既無別問故得爲答也。此中約望下尊高爲問。下文就當處相續而答。又但此經下文別有問者。即於此無問。下若無問而有說者。即是答此問也。故須知之。隨喜心下明問菩薩隨緣起行。即菩薩住處品答之。以彼文中明菩薩隨緣普應諸處起勝行。故此約能依之行爲問。下就行所住處爲答。依此而判中際佛法中問答相屬亦極明耳。下明隨緣化他中。初見他少善。而心隨喜。二化衆生。令紹佛種。謂下佛種子於衆生田等。此二化他心。下明化他行。謂云何不勸。以救度故。何處救。煩惱妄想中故。如何救。知根行故。以何救。解法藥故。云何救度成。謂令離集垢超苦難決道疑證愛滅。如次四句應知。後際中十四問。不思議品至普賢品通答之。於中勝法者是菩提勝法。同上文。不動轉者是無功用故。餘義多同。前會釋。

三。初此會中答前初十問前際佛法。二從第三會下答中際佛法。三從不思議品下答後際佛法。就初中二。先集衆顯圓。後對緣正說。前中二。先明能集。後明所集。初中有二意。一望前爲答問。二望後爲集衆。前意中。知心念者領所問也。又學受法心器量也。即如其像現。神力者現像答也。滿其器也。謂如其所念。如上一百二十四問。及下至第六會來所說法門答。此問者。皆於如來法界身中。無不圓明頓現其像。是故展後五會而不延。一身頓現而亦不促。又六位歷然而不殊。圓融即入而不壞者良由此也。令衆觀此以沃。虛襟則爲答耳。以彼念云願爲我現。故今現之也。下經云清淨法身中無像而不現故也。又像者緣集所成無礙之義。以機心器量印於佛身而成此像。又以佛身應機而現。此像各有空有二義。及有力無力義。四句融攝無分別義。思之。又以應機現像動攝。功能爲神通力也。二爲集衆者。世尊集衆人。知心念者辨集衆所由。如其像者明稱法合機。現神通力者正明召衆令集。又如所說像而現神力。使他方菩薩見此通光。知說某法而來集此。亦使此衆見佛此像。知定說我所問之法。歡喜而住。何以知者。以如來身光有其二種。一密故難知。二顯故令知。令知之中隨其所應。將說何法。而佛身光先現。彼像令衆見已知說某法。如說般若時。如說法華時。云云。故云如其像現

神通也。二所集中十方內。一方各有三世問可知。又各有八義。一遠近。二出土名。三標佛號。四主菩薩。五攝眷屬。六來此致敬。七化作座。八依本方坐。世界同名色者表。信位法相龜顯著。故佛同名智者表。信中最初始覺從本覺起。故菩薩同名首者表。信是因初故。其文殊名義略叙五義。一者名。文殊師利。或云尸利。或云漫殊室利。或翻爲敬首。或云。薄首。又云。濡首。又云。妙德。又云。妙吉祥。此中十菩薩依梵本同名室利。兜沙經中亦同名師利。又梵語喚頭爲室利。吉祥德等亦爲室利。故致翻譯不同也。二出處者。若依文殊般涅槃經。是此土婆羅門家生。佛滅後四百年。於香山頂。已入涅槃。若依此經。是東方菩薩現在清涼山寂調音經亦云。是東方去此萬佛世界。國名寶住。佛名寶相。彼土菩薩也。三明師資者。依放鉢經。昔爲釋迦師。此經云。是三世諸佛之母。一切菩薩之師。四明位者。若約。因是十地菩薩。以常住首楞嚴三昧故。若約。果依首楞嚴經。於南方平等世界。成佛號龍種。五明德用者。依如幻三昧經。降魔場等是調生力也。依現寶藏經。迦葉攢等是勝通力。從空決定論難。巨當慧力也。此約三乘。如下光覺品。一切處等。是一乘也。諸方菩薩皆頭面禮佛者。禮佛義略作三門。一體數。二敬儀。三明得果。初中三業禮有二意。一以有三處禮故。二顯佛有天眼天耳他心。故。二敬儀有七。如孔目云云。三得果者有

當處佛號未必知於餘處佛名。若一乘機。一時頓納一切名號。以應一切機之名。一機能受者是普賢機故。一機即是一切機故。又此名號若依小乘是實名。三乘初教即假即空之名。終教此名即平等同真如。經云名宇性離。是名解脫也。頓教一切皆絕名。無名俱離。圓教亦俱離不礙名故。今一名即一切名。一切名入一名而不壞不礙。攝一切法界盡。因陀羅網名也。問此大千界依餘經論大圓山內平滿有百億四天下。上方下方不得更有四天下。若上下皆有則一四天下皆有上下。故應有三百億。云何仍說唯百億耶。答若小乘實處理無改動。若三乘雖即空真如等。而不礙事故不壞本

事。若此一乘事即無礙。融改自在。是故此中明處隨教而圓融。應十數顯無盡。此娑婆一界有二種融。一以說法之處即為當中。為成主伴。融彼百億令有上下。使得圓故無三百也。二縱於最東近圓山邊一四天下為說法主。即是當中融彼餘四天下還有十方眷屬具足。以諸四天下皆望他為伴。望自為主。故是則圓山亦隨融移改也。餘十方界等融義准之。此約一乘教若約三乘不得如此。如餘經論說之。娑婆此云堪忍。悲華經云。是中衆生貪瞋癡等過楚王忍之。故為名也。放鉢經云。須菩提此云善實。訶尼此云捨義。或云生滅。以本語難定也。婆伽婆有六義。云云。伊那婆那此云王林。謂佛為太子時在此林中。生故立此名也。第

二釋別所由中三。初牒機。二施化。三化意。初中二意。一云此等名號遍法界者。猶自且依於佛有緣可化衆生有此差別。非謂一切。二云此機何得於佛有緣。謂佛往昔多劫修時。見聞隨喜等故有緣也。云云如別記。二施化中五句。初句總說。三輪攝化善巧。二語業方便。三身業方便。四意業方便。五施化稱根。又釋初句身現威儀。以攝生故。云種種方便。二語業梵音等。三所說法謂為人天說業報等。為二乘等說於權道。即四諦是。三化意者謂隨說人天二乘等法意欲令其知如來法。

四諦品第四

四門同前一釋名者。四是數。諦是義。謂理實故能生無倒解。故俱名諦。即帶數釋。此品非是解四諦義。但明四諦名字不同。故名四諦品。二來意中五。一為釋成前品末權道之義。二依前身業次辨諸業故也。三前明能說之人名字不同。此明所說之法名字不同。故來也。四答前問中佛說法問。故。五為釋成前機所印成差別法中權教異相。故來也。三宗趣者。以無邊甚深諦海為宗。及同上土海。四諦義略作五門。一釋名。二辨相。三體性。四業用。五種類。別時四釋文中三。初明此土諦名。二辨娑婆外十世界名。三顯十界外盡空世界諸名。初中四諦內一各三。先列名。二結數。三辨意。謂為應機令調伏故立此名。調者調和。伏者制伏。謂調和控御身口意業制

伏除滅諸惡行故。何故文殊說者。明妙慧善達實諦義故。又何故唯顯四諦差別。謂是權教差別易知故。又為寄顯法故。何者謂此小乘局處之法尚有如此遍空世界差別不同。則知一乘通方之法差別無邊。理不疑故也。又為破計引機。何者謂演彼小乘局法令遍故。使失本執。便顯一乘無邊法界。令其趣入故。又此約一乘共教為則。故。通收下位故。生苦之集故。云苦集。苦盡之滅名苦滅。至苦滅之道故云苦滅道。不得單言苦道。以道非生苦不。同集。又非滅苦不同滅。但能證滅應云滅之道。以滅是苦滅故云苦滅道。餘文可知。

如來光明覺品第五

四門同上。初釋名者。謂如來之光明光明之開覺。謂依體起用。依用成益。皆依主釋可知。二來意者有七。一前明身語今明意業故來也。二為別答前功德勢力等問。故。三前二品別明人法遍。此為雙顯二遍。故。四為前但論佛名普遍。此顯佛身實德亦遍。前說四諦權教普遍。此辨十揭實教亦遍。謂長行及頌二處是也。五為斷疑故。謂前品文殊說佛名法名差別普遍。恐衆疑故。佛以身光照現彼事。令衆目覩疑網自消。故來。六非直如前但佛名諸名遍。虛空法界等世界。而今如來即此說華嚴時亦如是。遍一切盡空世界。一一皆時同處同衆同說同。即自驗見為下軌則故來也。七前佛名諸名則多名別別遍。以是權故。今明一法

一會即圓融遍。以是約實故。又前是差別遍。此是無差別遍故。須來也。三宗趣者。先宗後趣。宗有二。一開二合。開中三。一能照之光。二光所照境。三照所成覺。此三各二。一身光照事境。令衆覺見。事無限礙。即長行所辨。二智光照理境。令衆覺見。理無差別。即頌中所明。二合者。良以理事俱融。唯一境故。故得一事即遍無邊而不壞本相。由境無二故。身光即智光。唯一無礙光。如涅槃經云。是光無相。非青見青也。又亦則事覺即理覺。平等唯一覺。又以此光不異覺境。三法圓融。唯一法界。雖平等絕相。而具一切。恒不雜亂。以無障礙故。二明意趣者。顯此無礙理事。有多意趣。略謂五種。一近與信中菩薩。爲所信境故。二遠與下文一部爲則。以下諸會等中皆結通云。一切世界亦如是說者。指此文也。三爲顯。如來出世。以一乘圓教。於須彌樓山等。一類世界。施化分齊故。四爲顯。一會則一切會故。第一卷云。其身遍坐一切道場者是也。五顯理事俱無障礙。令衆生捨執。依法故也。四釋文者。此光所照隨處無限。大約總數有二十五重。前九別說。後十六同辨。則爲十段。此中非是二十五度放光。亦非一放。光次第漸照。二十五處。但一放光。則並頓照。同時顯現。以引機入法。令漸觀見。自近及遠。故有次第。於初段中。二。先佛以身光照事。令衆得見。後文殊智光說法。令衆得聞。前中二。初明能照之光。二明所照之

境。前中初放光人。次光出處。後顯光數。足下相輪放光者有三意。一初義表信爲萬行首故。二卑義表信行最微故。三本義表信爲萬行之本故。智論第九云。足下放光者。身得往處。皆由於足。此之謂也。百億光明者。以所照世界。雖復無邊。皆是須彌樓山世界。故各有百億四天等。爲所照故。是故光明亦唯百億。二所照現中。二。先明照現。本世界中染淨等事。二如此見佛下。明照現自法會普遍之相。前中四。一現人界。此海邊有大樹名閼浮提。因樹立此洲名也。弗婆提此云勝身。以生彼者。身皆殊勝故。狗伽尼此云牛貨。以彼以牛爲貨。易故。舊單越此云勝生。以定壽千歲衣食自然故。二現佛與於八相中初三末。是出現相。故此不論問佛初成道第二七日。放此光明。如何却現菩薩生等。又佛始出世。何因乃現有般涅槃。答下文云。於一念中。顯現三世一切佛事。此明現在攝過未也。問若爾。何不現彼無量劫事。答此中文意。但爲論此世界中佛興之事。故不說餘耳。三現諸天可知。四此世界等一句總結。悉現。二現自法會中。二。先現本會。二以佛神力。下現新衆來集。於中佛神力者是前則。如其像現神力是也。所集中有三世間等可知。又如此處光照無邊界。一衆會皆悉顯現。彼一一會皆亦如是。光照無邊。以法無二。與此不別也。又諸光交往。不相障礙。以各見當處光照。他不見他處光照。自故。何以故。主主及伴伴皆

不並故。主伴伴主皆不違故。問此諸會云何相顯。答有二相。一以此光照彼。令彼現此攝成。一會彼處亦爾。此同法華分身諸佛。二即此一會佛及文殊等融遍法界。是一切會。以圓教中未有一法不則一切者。是故一文殊從東來。則是一切處文殊一時來。縱今西方過無邊世界。說華嚴處。亦見文殊從東十剎外來。東方亦爾。未有見彼過向西方者。乃至賢首亦然。以是一乘緣起門不離故思之。二智光覺中。二。先此處後結通。此中顯意。只融會前光所照諸事。於中二義。一約境有三。種初一顯明法離情謂。二有八顯會事同理。三末後一顯顯事無礙。皆依前起後。二約心者。一恐衆見前光所照事。隨相執取。是故初偈約佛遣之。令衆捨相離乖理之失。又涅槃經云。如來非無流。何以故。如來常行有流中故。又佛地論明。佛非流非無流故也。二恐衆生疑。何因此事而得普遍。故次八偈會事同理。令衆見真顯順法之得。三疑云。事既同理。則平等無二。何因得有事事普遍。故後一偈明。則理之事故。而得一事則無量事也。八顯中初一前既知。佛是無流法。便爲過失。未知若爲是無失邪。今云觀佛無所有。是無失也。以佛功德法從緣無性。自散滅故。又釋觀佛及法悉離性故。此即會前放光之佛明離見也。二會前光所照處。又明前依正俱絕住著。三明依正不二也。又明佛身及無流法俱無所有。故不二也。心隨者是方

便觀也。入者是正證觀。四通會三。世間。我是衆生我執也。佛是智正覺。此二主伴平等。彼二所住是器世間。無所住故。離諸有也。又我謂妄執。佛則真智。此二平等是標也。下二句釋真智。於理住無所住。妄我當體遠離於有。五通會五蘊。數是緣起俗數之相。謂五蘊若有可在俗數。以蘊空故。無有數。又會前所放百億光等。及所照世界諸數量等。皆依五蘊色心上立。求此五蘊實無彼數。故云無數。六絕能所觀。非直所見世界等空。能見之智亦無所有。又見者是人。此亦空也。七卽用常寂觀。謂此佛出世卽無起故。又如此空理現前名爲佛出。則空佛名無起。八二空觀上句人空次句法空。轉如是相者一約執轉却二執之相。二轉現二空理相。皆下一句明觀益。並可知。一中解無量等者。爲明此一會等中而有無量會等無量會等中而是一會。是前光所照處也。於中初二句標次一句釋後一句益。標中通論此有同體異體。各有相容相卽。准上釋應知此文且明相容故云一中無量等。然通同異體也。二釋中略舉二因以釋。一由展轉生故。二由非實故。初門者總攬如此盡窮法界差別之緣成。一緣起。是故一一諸緣相望各有二義。一約體。具空有義故有相卽。謂若無一卽一切緣。全失自體。何以故。以無一時多無所成。無所成故不是緣也。是故有一卽有一切却。一卽却一切。此卽一切是空義故。泯自卽他。以一是有義故

攝他卽自返上。卽一是空義故亦泯自卽他。多是有義故攝他卽自。由二空二有各不俱故。無不相卽時。一空一有不相礙故恒時有相卽。又由一一緣中空有不二故不壞自而卽他。妙義思之。二約用。有有力無力義故有相入。謂諸緣起非各少力而共生故。卽一一緣各有全作義。全不作義。何以故。若無一緣。餘全不作。則一有力餘皆無力。餘緣亦爾。是卽一有力故能容多。多無力故潛入一。多有力等亦爾。亦由二有力二無力不俱故。無不相入時。一有力一無力無礙故常恒相入耳。又於一一緣中各由有力無力不二故。不壞在外而恒相入思之。由緣起門中有此相作等義。成一多故云。展轉生也。此卽一多更互展轉相生故得一中無量無量中一也。二非實故者亦二門。一相卽義。謂一非實一故能攝多。多非實多故能卽一。又多非實多故能攝一。一非實一故能卽多。又卽多之一非一。卽一之多非多。何以故。以不實故。又卽多之一方名二。卽一之多乃名多。何以故。是不實一故。多亦爾。又是。亦一亦不一。亦多亦不多。何以故。不實故。具二義。又非一非不一。非多非不多。何以故。不實故。絕二相也。思之。二相容門者。謂一事是不實以無性故。無性真理既無分限。是故於一事上觀無性時。無不圓盡法界真如。若觀一少事無自性時。不得圓盡法界真如。卽真如有分。便同有爲是故。一事無性卽攝真盡。攝真盡時餘

一切法既不礙存。而卽真故同。理俱在一事中。現多中亦爾。准之。又由俱不壞本事故。不是相卽門也。由不實之事攝真理。故得相入也。又可前展轉生約異體卽入。此門約同體卽入思之。又但此經中相卽相入義釋皆有二門。一約緣起相由門。二約法性融通門。故是此二文也。由展轉生故不實卽二門不別。又由相卽容二門各攝法盡。故亦不別也。然義恒不難思之。此下文與此同者應准此知。此文且約相容義說。故云一中無量等。知之。觀益者達此正理於緣不懼故云無所畏也。以境法無礙故令智無畏也。二結通中唯結此一婆婆界中百億閻浮處。非是後文盡空界等。次第二重云一切處文殊者。但是十方十佛國土各百億處。非是第三重處。乃至末後方爲盡法界。文意如此。應知第二重照十方各十世界。長行同前。偈中分二。初六歎佛。後四歎菩薩。初中一顯佛求道之因。二轉正法輪。初句標。次句釋。不常。下二句釋。不斷。三大誓爲本。四慈力伏魔。五內智斷證。六外智化益。歎菩薩中。一遊利。二念佛。三救苦。四護法。皆下句結因果。第三重照十方各百世界。偈中作二釋。一初一偈歎報身德。餘九歎化身德。前中初二句明大智德。次一句大定德。下一句大悲德。又釋以理智照真故。覺諸法如空得心淨無礙也。以量智了俗故。覺諸法如幻得調群生也。二釋初一是總餘九別。總中由應機現起故。如幻故。

①可知二可準知之 ②全二合 ③有 ④亦 ⑤分十(限) ⑥也十(又) ⑦

令見差別。由則不起故。如空故。平等一味。由起不起無二故。調伏衆生。則常心淨。故云無障礙。下九偈中各具此無二義。故用常寂也。又前三句明淨緣起體。下一句明緣下九偈以體從緣。正明緣起相。於中或見者有三義。一就一人異時見。謂如初時見初生。乃至後時見涅槃。次第而見。二多人同時見。謂有人見正說法時。則於彼上有見涅槃等。皆無障礙。互不相見。三一人同時見。謂見初生時。於中則見涅槃等。如下文八相微細等。良由淨心無礙。故得圓顯。普應於中。一初生。二行。七步時。三願。晒十方時。四師子吼。說天上天下我獨尊時。五出家。六成道。七轉法輪。八現神力。九入涅槃。第四重照千世界。偈中分三。初二明法身。次四辨解脫。後四明般若。法身中初一明理應緣起。謂初句標深。下釋無所取相。亦無有能取智。然不住此故。應機現也。後一明現。卽不現。故離諸塵也。二明解脫中三。初一何者解脫。謂初句明脫體。下三句明脫用。謂機感相應名和合起。次二偈半辨何處解脫。謂初一離苦縛。離分段。故不在世間。離變易。故號人師子。次一離業縛。謂根境本空。虛妄業盡。故俱脫也。次一句離煩惱縛。次一句通結。永盡故。長流不轉也。下半偈明由何解脫。謂由二利圓滿故。如文。三明般若中三。初一照真。次二了俗。後一雙結真俗融無礙也。第五重照萬世界。偈中勸諸菩薩修十種業。一慈悲業。二信心念佛業。

三善慧業。四無間業。五長時業。六觀身實相業。七觀心實境業。八神通業。九分別佛土業。十了知多佛業。於此十中。初一緣妄生行。次四緣佛行。一信。二慧。三觀。四求。次二入觀行。一自二他。又一身二心。後三起用行。初一通用。下二智用。一知土二知佛。第六重照十萬世界。偈中依梵本各四句爲一頌。總有十一偈。於中二。初七言六偈明佛體性寂滅。後五言五偈明妙用自在。前中初一明執色乖真。二妙相超情。三顯超情所以。謂以非相爲相故。四相即非。相故無合散。五明佛無五蘊。若約小乘。佛有有流五蘊。如婆沙等說。若約始教。佛有無流五蘊。如成唯識等說。若終教及頓圓等佛。無無流五蘊。如佛地論云。如實義者。如來身土甚深微妙。乃至非蘊界等法門所攝。但隨所宜種種異說。六明佛外身心不異。以俱脫故。無二故。絕色心也。二妙用中三。初一智光照。次二身赴感無礙。初一一多無礙。後一理事無礙。後二舉妄顯真。初一舉妄。後一顯真。如是真實者是前妄想也。由迷人謂妄爲實。不見妄實。悟人見妄無實。卽見妄實。以稱妄法故。又迷人有妄不識妄故。無妄實。悟人無妄故。識妄。妄故得妄實。思之。第七重照百萬世界。頌十偈。初一獨拔超世。二妙絕心境。無依者無境也。三性治離染。上句性離。次句治離。下二釋成。四離妄解真。五轉不轉法輪。六離有無想名。正意思。七約真諦法絕一多。八約俗諦。於

中初二句一多無難。後二句顯了知之益。問上云一中解無量等。與此相違。如何會釋。答此中緣起有四句。一。一中有多。以一無性故。二。一中無多以一不壞故。三。一中亦多亦不多。以不壞一而無性無性而不礙。一故具二義也。四。一中非多非不多。以二義全奪融雙泯故。又由初故有二。以若非無性即壞一故。由二故有初。以若壞一。無無性故。是故二義唯一事也。此約不壞前約無性故不相違。是即由一中無多故一中有多也。返上亦爾。第三句與第四句俱不俱相順亦爾。並無礙成立。思准之。九觀三法相盡名念菩提。一諸法。二衆生。三國土。十觀三法如性名了佛法義。第八重照。一億世界。西國數法有三種億。一百萬。二千萬。三萬萬。下文百千百千名一俱胝。俱胝者此云億。是千萬爲億。此中據千萬爲一億。對法論云云。二十偈歎佛善巧力。二頌爲一義。皆先舉所作。末後一句結由巧力於中有十。一智斷圓滿力。二大智樂境力。三無功成事力。於中三法。一衆生。二化處。三內禪。並離著故云巧力也。四理智入實力。五示果攝生力。六智入深密力。七境智雙亡力。八記時了處力。九了達群機力。十善達三際力。於中初一約俗後一約真。第九重照十億世界。二十偈歎佛利他行。亦二頌爲一事。於中初二總標化意。次十六別辨化事後二結用同體。初中師子吼者決定度故。別中八對。皆初一舉所救。後一辨

①明十(起)②[相]一③流二漏④*⑤[安]一⑥多十(亦)⑦[爲]一⑧二十偶=偶三十

能救。初對中前一救。癡愛眾生。如入墮海。由四義難脫。一水深。二波峻。三被網繫。四黑闇故難脫也。眾生亦爾。此中愛有二義。一已得多故如海。二求不足如流。癡亦二義。一不見過故如冥。二見有樂故結網。後一是能。精進行為能救。即是佛悲境故云是佛境也。二救五欲眾生。謂色等五境昏心為醉。實無謂有故云與妄等。三度著我眾生。慧者是佛。本際是我。我是生死本故佛能滅也。下三句是所救。初句前無際。下句後無窮。無我法為寂滅也。四救惡趣眾生。初偈是深苦。後二句是重苦。五救外道邪見眾生。六救著三有眾生。七救無明眾生。八救長因眾生。下結中二偈。初六句因圓。初句有緣。二行本。三行處。四行廣。五二句行深。下二句果滿。同一切三世間身故也。第十有十六重。以別說難。盡故總論之。亦二十偈。初六舉果歎德。後十四明因趣入。前中初二內。智契真。於中初二句一念觀多劫。次二句一念浪三際。次二句知緣起即真。次二句功畢具果。次有二偈明勝德外彰。於中初二句名遍。次二句離染。次二句身遍。次二句說遍。下二偈明依正因果。於中初偈因得依果。後智因得正果。後十四中通論教修七種行。初二偈修二利行。先自利。初句福。二忍。三定。四慧。後利他。二二偈成見佛行。初見。應後見真。一切有無法了達。非有無者有三門。一約三性。二約三無性。三約雙融。初中復二。初別後總。別中三性各

有二義。所執中一是情有。二是理無。依他中一是幻有。二是性空。圓成中一離相。二是體實。此上三一各融不二為一性故。總者所執是無。圓成是有。依他是俱。以真妄該攝。二相盡故無二也。二約三無性者。初無相觀境中。所執有無皆虛故。又無有無故俱離也。依他無生性中。無幻有有性空不二故俱離也。圓成無性中。無二性有真理亦不二故俱離也。三約雙融者。三有三無。圓融無礙。二相絕故俱離也。三二偈教說法行。於中初二句是所化境。樂是信樂。信樂非一故滿十方也。次一句化處。次一句正說。次二句化益。先離染後成德。下二句功成。四二偈受法行。即是見正說法身。以七覺為法輪故也。五二偈明捨相見真行。六二偈佛等生界行。七二偈生滅無本行。上來通答前初十問竟。

明難品第六

五門分別。初來意有二。先分來者前明所依果法。今辯依果所成因行故也。二品來者所成行中。位前方便信行最初。信中解行及德。明難辨解居初故來。二釋名者。菩薩是人。明難是法。簡異果法故依主釋。明難有四義。一約心境。難謂真俗幽遠。明謂妙智明照。二約教義。難謂十義甚深。明謂往復顯暢。三約論道。謂難問明答。以通問答故名明難。何者但舉法直詰曰問。非理詰責為難。隨問直陳曰答。委釋顯煥為明。四分賓主。約賓則長行中明說於難。約主則偈

中明釋於難。故曰明難。三料簡者。就此因中或分二。初比位。謂此品下至迴向二證位。謂十地品下證位。或分三。初三品是位前方便。昇天品下十三品明三寶正位。十地六品明十聖真位。或分四。初從此盡第三會為十解。以信是住之方便。無正位。故攝屬十住中。二第四會十行。三第五會十迴向。四第六會十地等。或分五。開信異住故。又光云義分或三。初三品明始起於先際。二從昇天下明善修於中際。三不思法品等明終顯於後際。或分四。初未信者令信。二第三會下已信者令入。謂解行也。三十地品下已入者令純熟。四不思品下已純熟者令解脫。四宗趣有二。初通後別。通論此三品明十信行法。於中作八門辨。一釋名。二出體。三發心。四定位。五行相。六除障。七進退。八德用。三發心者謂始從具縛不識三寶名字等。創起一念信等。此約始教。如本業經云。終教如起信論修行信心分云云。圓教如賢首品初云云。以小乘非此故不約說。頓教無位故亦不說云云。亦可。小乘亦有初信義。如小論云云。頓中亦有信云云。四定位者此十信法於始教中自是位。如梁攝論云。如須陀桓道前四位。謂煖等。菩薩地前四位亦如是。謂十信十解十行十迴向。又彼論及佛性論等皆云。地前修四行。謂十信修信樂大乘行。十解般若行。十行三昧行。十迴向大悲行。又為除四黑障正使故。謂

初除闍提不信障。二除外道我執障。三除聲聞畏苦障。四除獨覺捨大悲障。又信成淨德因種。解成我德因種。行成樂德因種。迴向成常德因種。又仁王經寄四輪王報謂鐵銅銀金。以此教義故知。十信亦是位也。若約終教此信但是十住位之方便。自無別位故。本業經云。未上住前有此十心名字。謂一信心。二念心。三精進心。四慧心。五定心。六不退心。七迴向心。八護心。九戒心。十願心。增修是心。一劫二劫三劫乃得入初住中。心心有十增成。百法明門名入習種性中。故知無位但是方便行也。又准六種性六忍六慧等文故亦是成證。又仁王但言三賢十聖不言四也。又此經中後四位皆有入定。出已列十名辨十義等。唯信中無此。故得知也。又本業經但有四十二賢聖不說五十二故知。問若爾何故仁王經十信為種性位。仍只立三賢位耶。答此有相攝故如是。何者義准有四句。一以本位攝方便故唯有三賢則沒信名唯論住位。引文可知。二以方便攝本位故即十住名十信。沒十住名也。故仁王經云。十信十止十堅心。則不論十住但名十信也。三開方便異本位故。則如住前有此十心為方便等四於方便處假說正位。如前始教若約圓教有二義。若依普賢自法一切皆無位。若約寄法則同終教。然信滿入位之際。通攝一切後諸位皆在此中。無不具足。此則約行攝位故也。問信既實無正位。何故始

教說為位耶。答為始教機應智淺行位不分。影似小乘。教故說四位。終教機細智深。剋實分異故也。五行相者若始教行信等十心行。若依終教如起信論中四種信心五門修行等。若圓教如三品所說。六除障者始教如前除闍提不信障。終教如論深伏煩惱等。若圓教如文總滅百障等。如是滿心時滅。七進退者修信未滿一萬劫以還一切皆退。以是不定聚故。依本業經如輕毛隨風等。設第六有不退心者但是作此不退之心。以非是位故。未得不退也。亦有人解將此為信不退者義恐不可。以經中說如輕毛故。無位故。論說修信未滿萬劫皆有退故。若至萬劫信便已滿非第六故若就始教以隨處相說信為位。是故今後三賢亦隨相說。是故至十迴向以上方得不退。如佛性論第一卷說問彼論中是叙薩婆多師說。豈是大乘耶。答雖是薩婆多說然非彼宗以說有十迴向名位故。小乘無此位也。若終教中信滿入住則為不退。如起信論信成就發心不退故。及此下文深心淨信不可壞等。以圓同終教。入位已後方說為不退信也。以因從果稱故如信忍等。八成德者始教中成淨德因。及得鐵輪王報亦能進入十解等。終教能成十住位已則能少分見法身佛。現八相成道等事。圓中通成後諸位。若約因得普賢三業遍周法界。約果遍塵世界成等正覺。如賢首

說。二明品宗者以十甚深義為宗。信中成解行為趣。五釋文者。此中三品則為三。初品明信中解。次品依解起行。後品解行具故成德耳。又釋初行次願後德位。就初中二。初正辨十義。後結通普見。前中依還禪師釋為十甚深義。於中分二。初文殊問眾人答。明妙慧導衆行。後衆人問文殊答。明以衆行成妙慧。又衍法師云。初一人問多人明。一中解無量。二人問一人明。無量中解一。又文殊為法主故。多人同問佛境深法也。初一是緣起甚深。二教化甚深。三業果甚深。四佛法甚深。五福田甚深。六正教甚深。七正行甚深。八助道甚深。九一乘甚深。十佛境界甚深。初緣起者。諸法依阿賴耶識自性緣生方得集起故也。何故最初辨此義者。攝論云。菩薩初學應先觀諸法如實因緣以成正信解故。此之謂也。於中先問後答。亦是先明設於難。後明解於難。前中二。初總告。何故最初問覺首者。謂創發願求非初覺不起。如善財初發於覺城故。又緣起甚深亦非覺不達故。二正難中此難何因生者。凡諸菩薩起信解行等皆依如此唯心道理。得異凡小而成正行故。起信論云。有法能起摩訶衍信根。是故應說。所言法者衆生心。是心即攝一切世間出世間法。是故於此而起難問。問意云。心性是一果報種種。云何一心而生多報。又心性既一。果亦應一。果報既多。心亦應多。設爾何失。謂心若隨報

①(又本...立)三十五字二(問方便攝)四字 ②(是)一 ③(教)一 ④(等)一 ⑤(此)一 ⑥相處二處相 ⑦住二位 ⑧信中成二成信 ⑨(初)一 ⑩問十(法) ⑪

成多則失於唯識。報若如心爲一則垂於業果。設若救言。若立唯一性心。無有能熏可如所難。今明心性雖一。隨善惡業等能熏轉。故生果報異。此有何失。後遮此救。重更難云。業不知心心不知業等既不相知。何成熏習熏習不成何得種種難意如此。文中二。初舉法設難。後五句遮救重難。前中三。初一句舉法案定。次一句正顯相違。後五句釋成違相。初云。心性一者謂心之性故。是如來藏平等一味故云一也。又心卽性故。是第八識無二類故云一也。云何能生種種果報者顯相違也。此是本末相違難。三或至善趣等者釋成違相。於中五對。初一約依報。善趣是入天。惡趣三塗。二對約正報。於善趣中眼等諸根有具不具。惡趣中亦爾。三對重就依報。於根具中屠獵等爲惡處。戒施等爲善處。根不具中亦爾。四對重約正報就善處中有端正醜陋。惡處中亦爾。五對就端正中有苦樂。醜中亦爾。如是種種差別故云不同。報既如此不同。其一心之義何在。自下五句古人釋云。約不相知爲難。謂心以覺知爲性。能生於業。心之與業並得相知。云何經言業不知心心不知業等。此釋恐不順文。何者此不相知等與上諸句爲同成。一難爲更成。別難若同成。一難前心性是一果報種種。正是相違。故已成難。此不相知於彼何用。若成別難。復因何義而生此難。故知文意少別。是故今釋不同古也。謂此卽是遮救重難。然救

在文外。設若救言心性雖一。然有善惡業等熏習種子功能生果有別。所依心性一而無二故無失也。今重難中有五對。初一約能依所依不相知故不成熏。此中業是能依心是所依。離所無能不知所故業不知心。離能無所不知能故心不知業。既不相知何成熏習。熏習無故豈得因業心生多報。此等相知約性力說。但無性無力故不相知。非約情知。上約本識因相說。第二約果報。謂因果不相知。果謂異熟。果報具有二義。一能受報心。是本識種子識。二所受報相。是果報識。以種是果因不自因故。受不知報。以報是因果不自果故。報不知受。既不相知因果斯泯。心生種種其義安在。第三約新熏不相知。謂於此報上受謂採納則諸轉識。以爲能熏不同受報。心謂集起則第八識。以爲所熏。互無自性。各不相知。熏習既亡。一心云何能生種種。故瑜伽云。不見藏住不見熏習。是名菩薩。菩薩第四約親疎不相知。謂種子爲因。所依本識爲緣。以相待無性謂不自不他不共等故。親疎相義故不相知。因緣既離。心生何在。第五約境智不相知。智謂能知卽諸識見分。法謂所知卽諸識相分。俱依一心各無自體。自體無矣。誰共相知。心境既亡。能所斯寂。心生種種其義安在。又釋境法是心變故不知心。心託境生故不知法。無有境外心能取心外境。是故俱不相知。相無不盡也。第二答中二。初一頌讚問勸聽。上半歎

問會機。下半勸聽許說。後有十偈。舉義正答。於中初五偈答後遮救難。以救義若成本難方遣。故須先答後五偈。答前本法難。此中答意。明藏識緣起有其二義。一是不起義以無自性故。二是有起義有此無性緣起故。此二不二。是一無礙甚深緣起。此中由不起故成起。是故只由諸緣不相知故而成熏習。有種種法生答後難也。二由起故不起。是故只由諸法種種生故。各無自性唯一心性答前難也。又前卽不礙一心卽是種種。後卽不礙種種卽是一心。緣起正理無礙銘融是其意也。前五偈中。初一法說。後四喻況。或可長爲五分。一宗二因三喻四合五結。諸法不自在者立宗也。謂諸法是有法。不自在是法。法與有法和合名宗。於中有二義。一藏性緣起能所熏起攝多法。故云諸法以互爲因緣更相繫屬。各各不得自有所在。二從諸緣起無自性。故無自可在。二出因者何以得知不自在耶。因云求實不得故。以本識諸法互依緣起更相形奪各無自性。故云求實不得。此有二義。一約本識明不自在。以依彼諸緣無自性故云求實不得。二約能熏等法明不自在。以依本識無自體故云求實不可得。或通論有四義。一諸法依識故於諸法求實有不得。二本識爲依故於本識求實無不得。三諸法起識故於諸法求實無不得。四識隨緣起故於本識求實有不得。或開爲八句。謂各有有無俱不俱四

①〔善〕一② ③因緣既二既因緣④ ⑤所二熏⑥ ⑦〔是〕一⑧ ⑨性二任⑩ ⑪性十〔無自性〕⑫ ⑬彼二仗⑭ ⑮〔可〕一⑯ ⑰性二能⑱
⑲〔故〕一⑳*

句，故准思可見。又釋此有四句：一以不起不異起故求不起實不得，是故不起不自在；二以起不異不起故求起實不得，是故起亦不自在；三以無二故求二實不得，是故無俱自在；四不礙二義故求俱非實不得。是故無俱非自在，何以如此不自在者，以緣起自在故。何故不實者以緣起理實故。三是故一切法下結也。以結隨法，故在宗因後，明合隨喻故在喻後說。二俱不相知者如上能所重中各有無二義，以二有二無各不俱故不得相知。以一有一無一無一有各無二故無可相知。正由如是不知等故得有一切法，故云一切不相知也。此顯非直平等一味不壞諸法，亦乃只由平等有諸法也。四喻中有四喻，此藏識四義。一相續因果依他義，二互為因果生識義，三受熏義，四相依持義。初云如駛流者唯識論中明阿賴耶識恒轉如瀑流，是此義也。此中無絕是彼恒義，流流是彼轉義，故彼論云恒言遮斷轉表非常，若細別分凡水流時要有四義：一有能流之水，曲有三；一水體清淨喻本識，是如來藏本性清淨心，二土難成濁喻如來藏自性清淨為無明所染有其染心，三遇冷成冰喻如來藏還與妄識俱成本識緣起，故楞伽云如來藏名阿梨耶識，而與無明七識俱等，二相由故流，以喻本識自相義，前後水推故前得流，或前水引故後得流，各有有力無力等互不相知而得流注，此即不流之流，如云江河競

注而不流此之謂也。經中名流注生滅唯識論第三云：如暴流水非斷非常相續長時有所漂溺，此識亦爾，從無始來生滅相續非常非斷漂溺有情令不出離，乃至謂此識性無始時來剎那剎那果生因滅。果生故非斷因滅故非常，非斷非常是緣起理，乃至應信大乘緣起正理，謂此正理深妙難言，因果等言皆假施設。觀現在法有引後用，假立當果對說現因，觀現在法有酬前相，假立會因對說現果，假謂現識似彼相現，如是因果理數顯然遠離二邊契會中道，諸有智者應順修學又依楞伽云剎那息煩亂寂靜離所作一切法不生，我說剎那義初生即有滅，不為愚者說無間相續性妄想之所重，解云前論中生滅隔念，經中生滅同念，是故則不生不滅之生滅，更思終數，是不生滅與生滅和合名阿梨耶識等故，論約始教唯生滅是識，細則亦不成生滅，以生時無滅應非有為，以相不具故，若有滅應不得生以相違故，是故終教中同念以各虛假故不相礙也，又依真心故得同，隨相故有異，更思過去滅能成生，當來滅能壞生，生法能壞過滅能成當滅，又一滅相望前生能壞，望後生能成，一生相望前滅能壞，望後滅能成，是故相續無絕，更思又生由滅起故，是故生中具有滅，具有滅故，令生不住還復成滅，滅由生有故，是故滅中含於生，含於生故，令滅不住還復成生，是故生滅交涉，前後同時，不相障礙。

流注不斷又一生相中有四種滅義，同時具足。一性不成就名滅，二由滅故起是故具滅，三能成滅故具滅，四由生滅俱是夢妄計妄中看有前後，理實照時皆無前後，是故生時還有滅也，更思前念滅流注至於生，後念生流注至於滅，生滅二流故云流注，未得治道已前無暫停止，故云無絕已，三流各無等不相知也，三依風故有二義，一依風得流，喻藏識因相義，謂依惡業風熏習種子而漂流故，此約因相辨，二依風起浪，楞伽云藏識海常住，境界風所動，種種諸識浪，騰躍而轉生，唯識第三云又如瀑流雖風等擊起諸波浪而流不斷，此識亦爾，雖遇衆緣起眼等識而恒相續，此中一風吹故流，二由水故流，故云流注，互依無性各不相知，或種子流及所依識流等，雖不相知而有流，上文業不知心准之，四依地高下故流，喻本識果相義，依種種受生地報故流，人天處為高，惡道處為下，此約果相，此中心與報為二，無性故不相知，上報不知受等准之，或帶物而流，故唯識云又如瀑流漂水上下魚草等物隨經不捨，此識亦爾，與內習氣外觸等法恒相隨轉也，第二燈焰喻成依者有三義，一生識義，二互為因果義，三執受義，初生識者如依前焰燒炷故後焰得生，明照前境但一念故不暫停，六識亦爾，名言等依本種子識故能生，後識照於境界，前滅後生間無暫停，此中以本識如燈爐油識中諸種子如

●過二邊●* ●相二性● ●暴二瀑● ●互十(故)● ●顯二動● ●性二生● ●(都)十合● ●從二後● ●涉二到● ●計妄中看
●中妄● ●更思之一實● ●故二者● ●經二流● ●(義)一● ●(實)一● ●

燈炷所生現行六識如炎無體速滅故不相知。二俱不相知者古人云：炎燼爲二。炷油爲二。四法和合而生各不相知。此恐無理。文意似取前焰後焰爲二。由速滅不住無體可以相知。六識依本無體亦爾。心不知受等准之。二同時互爲因果義。如攝論第二云：論曰。譬如燈光與燈炷生及燒燃一時更互爲因。釋曰。由炷體依止能生光炎。故炷是光炎生因。光炎則此生剎那中。由能燒燃炷。光炎則爲炷燒燃因。云云。論曰。應知本識與能熏習更互爲因。其義亦爾。如識爲染汚法因。染汚法爲識因。釋曰。此阿梨耶識爲種子生因。若無此識三業生滅無可依處。如體謝滅功能亦爾。故由此識諸法體生功能亦立。是故本識爲彼生因。彼法亦爾。若彼法無此識起在現在無有道理轉後異。前此變異是彼法果。解云。此中前念炎炷同一剎那更互生燒。各有因果亦同時謝滅。後炎亦爾。故云炎炎。未至治際此法恒起。故不暫停。以二因二果不俱故不相知。一因一果無二故無可知。又亦能燒炷之炎及炷所生之炎故云炎炎。以生理不停故則是燒。燒理亦爾。故云不暫停。不相知如上。此中互爲因果義略作二重。各有三門。一護過。二顯德。三示過。如問答中云云。三執受義者。此中明燈有二功能。一內燒炷。二外發光照。喻此本識有內外執持。喻伽云。此識執受有二。一內執受種及五根身。二外執受器世間。猶如燈炎內

執。齊炷外發光明。此之謂也。此內外二故云炎炎。恒執無間故云不停。內外爲二。以無性故不相知也。第三風喻熏習義者。此中風有二義。一有力能動他。喻轉識能熏成種子等。二無體義。謂此風不能自現。動相要吹物令動。方知風相。此動乃是物動。故知風無自體。諸能熏法不能自成種子。要熏本識成種子已方顯能熏。此種乃是識種。故知能熏無性。二俱不相知者風物爲二。依物之動則風無性。隨風之物物無自性。亦二無二有不俱。一無一有無能所。故各不知也。識中亦爾准之。故云諸法亦如是。第四地喻相依持義。如地輪依水輪水輪依風輪風輪依虛空虛空無所依。心義亦爾。境界依妄心妄心依本識本識依淨心淨心無所依。又釋現行依種子種子依本識本識依真如真如無所依。不知者空與風爲依。自無體故不知。風與水爲依。自依空故無力能知。水望地亦爾。識中亦准之。上來答後遮救難竟。第二答前本難中五偈分二。初二正答前難。後三便顯觀門。前中難云。心性既一。云何能生種種果報。今答以隨諸轉識熏習故生。非是一心自作種種故云。眼耳乃至因此轉衆苦。前或至善趣等五對皆約報辨。故通云衆苦也。此中眼等五識可知。心是本識有集起義故。意是末那有思量義故。情是識則第六是了別義故。此八各有根。五根可知。意爲第六根。七八互爲根。皆有生識義。是故云情根。因

此能所熏和合轉衆苦。疑云既隨熏轉衆苦即是成多心。云何仍說唯一心耶。答云此能熏諸法若是實可使隨熏失一心。衆苦既虛假故得一心實不轉疑云若實不轉云何前言隨熏轉衆苦。答云但示現轉非是實轉。疑云於法性若有此示現亦得相違答云但隨他有示現於彼法中無此示也。何以無者以示現無所有故。此偈中上半明不染而染下半明染而不染。下三偈便明三無性觀。初一遍計無相觀謂上八識等約執但是虛妄都無所有故云也。次一明依他無生觀初句觀方便尋思等。次句觀境有者是前眼耳等。無所有者以衆緣無性故空也。次句正觀以見無所有理故云不倒也。下句釋云以得見法之眼不雜無明故云淨也。後一明眞實無性性觀。於中虛妄是所執性。非妄是無相性。實是無生性。不實是依他性。二觀若成是出世間。二觀若無是世間。約觀智說。此等有無相待不實故云。但有假言說。有無俱亡方入無性性觀也。此應廣說三性。二性等觀約解約行分之第二教化甚深何故來者。前明攝心入理。此辨後智救生。財是法財故也。於中先問後答。此中間答似少不同。准答取問問中應云。如來既十隨教化。云何復說衆生則非衆生。答中明身命等皆空故。是十隨教化則非教化。以衆生非衆生教化亦非教化。此有何失。又准問取答難意云。如覺首所說衆生既空。云何教化。教化之時若如聖

智稱理見空。則不成化。若同凡執橫計爲有。卽不能化。此是有無相違難。答意衆生是空空是衆生。大品云。非以空色故名。色空但以色卽是空空卽是色。解云。以卽色之空方是真空非斷空故此非凡智境也。則爲如此衆生以如此十隨說如此法門方爲真教化。難問中二。初一句舉正義。二云何下顯相違。於中古人將隨身是總。今初一是總餘十是別。初一是發心時得道時等論云。難處生者待時故。二隨其報命。或長時或短時應受化故。則於彼時而教化之。三隨其所受身時。如待得人身方教化等。四隨所作行業時。如待作惡行方得法忍。如淨諸業障經說善行等准之。五隨當起何欲樂而受化時。六隨起何智願而受化時。七隨起何意念何事時。八隨起何方便而欲造修時。九隨起何思惟照察時。十隨起何籌量計度時。十一隨起何等見應受化故。如來爾時則便化之。既如此隨機屈曲教化。而說衆生則非衆生。其理安在。第二答中二。初一偈讚德勸聽。上半歎文殊德以智中不雜無明故云。明智能照唯心之理故云。境界何故恒照此境者以常樂寂滅行故。後九偈中二。初七正答前問。後二遮難重答。前中隨時一問無答。以總不離別故。初三偈答隨身一問。次二答隨命一問。次一答隨行一問。後一通答餘七問。初中先二明入空。初一昔來謂我在身中故。今明身無我亦無。則以界

分別觀。觀是身不可得故。則達所執身中我有卽是無也。次一昔來謂身依止於我。今明我無身亦無。則尋能依身分。觀所依之我不可得故。則於身不著也。次一以內類外明。法無我。於中初二句標次一句釋。下句益。如此隨身則非隨故。不異衆生則非衆生。是故無失也。就答隨命二偈中。初一觀境後一觀智。前中身謂名色則果報身。命謂正受生識則是本識。本識與身從始至終更互因果和合無二。喻說可知。此互爲因果非二。乘愚夫亂識境。故言不可知。此義誰能知。以智者能觀察故。則佛菩薩法如智也。所以得知。知身命更互爲因緣者。以分別依他無常法更互爲因故。有身命以常住法不成。因故既云無常。卽有非有各無自性。故云空無我。及離增益損減等一切相。就答隨行一偈中。由本識與意識諸薰習法更互爲因故。業功能生非有人法等故云。無我猶如夢。非唯業行獨絕。二我。業所得報我性亦寂故。其因果似前後異。無我義同會無異也。次一偈答後七問。以隨欲樂等七皆是心數。依心王不自在故。故舉心王總收通答。故云。唯以心爲主故。又釋。一切世間法唯是自心變異所作。心爲其本。故云主也。然愚夫不了唯心義故。妄隨分別起此欲樂等七種心念。以皆取相故。悉是顛倒。是顛倒故則空無所有。是故隨之則非隨也。下釋遮難。恐有難言。若衆生如此則空自是法門。隨亦爾者何須更化。釋云。以

不能解諸法則是無二故。是故化之。又更難云。則此不解。眞實之衆生豈不則是空耶。釋云。以從緣起故。非無速滅不住故。非有。此二不二。是衆生故云。無異相。是故得教化。前偈明須化。後偈明成化。第三業果甚深內先難後明。難中二。先舉法正難。後然法性下遮救重難。此中難意。若四大中無我者誰作善惡。誰能受報。此中執有作用。應有作者。是以用微體難。設小乘救言。雖無我人作者。然有善惡因果法。故得如此也。猶是法執。故重難云。然於法性無善無惡。此顯法空。既於法性空無善惡。若無作者更因何法而有業果。故知有我。我既實有無我之理安在。難意如此。前中二。先一句舉正義。下顯相違。於中五對十句。初一約受報計有受者。二約作業計有作者。三約報中差別。內約行外約身。若無作者何因有此別。四約多少報。如經中說。能作多業受報亦多。少亦爾。故知有我。上約生報。五約現後報。下遮救難可知。亦是覆却重徵。第二答中。何故實首答者。謂事中顯理得可貴多寶。於中有二。初一偈法說。下九喻況。前中二義。一舉義正答。二引佛證說。非已能知。初中上二句明業果不壞。下一句明無作者。謂隨其所作諸差別業。薰於本識。本識依他變似其業所起果報。故有多報等種種不同。但是諸識緣起互相集成無自性。故得有業果。實非四大中別有。人能作業受果。故云。造者無有

①[色]—②[是]—③[應]—④[是]—⑤[應]—⑥[得]—⑦[見]—⑧[時]—⑨[觀]—⑩[覺]—⑪[則]—⑫[下]—⑬[一]—⑭[報]—⑮[果]—⑯[唯]—⑰[理]—⑱[況]—⑲[說]—⑳[果]—㉑[但]—㉒[一]

也。此則由無性理故法性無善惡。由無性之故成因果。故有業果差別。此但有無性之因果。何關有我人。故云四大中非我等也。如此正法理。數決定。三世諸佛之所同說。故云諸佛說也。楞伽第一云。我常說空法。遠離於斷常。生死猶如夢。而彼業不失。此之謂也。下九喻中皆有二義。謂業果歷然而無所有。故成喻也。一明依他離性喻。謂本識如鏡。隨熏所現業果如像。此是依他義。內外無所有者。明離自性義。此有三重四句。一約像。謂無質不現故。內無所有。非鏡無現故。外無所有。由是一像故。俱無所有。由是像故。俱非無所有。以凡是像義。必由內外方得現故。二約質。謂面南像北。故質內無所有。由如面而現。故質外無所有。俱不俱可知。三約鏡。謂鏡鑒密間。無空處。不受物故。像非內也。凡欲觀像者。皆臨鏡觀之。所以非外。俱不俱等准之。如此無所有而影像歷然。業如像性。如鏡故云。亦如是也。起信論云。二者因熏習鏡。謂一切世間境界悉於中現。不出不入。不失不壞。常住一心。以一切法則真實性故。此之謂也。第二明無知成因喻。謂本識如田。業等如種子。多類種子同一本識。故各無自體。可得相知。然識功能不失壞。故能為因。如純淨土得雨生草。此多草種於彼土中。求各各性皆不可得。而能為因。縱深掘地所得之土。得雨生草。草種同土。雖多年不失。此亦爾經云。業雖經百劫。而終無失壞。遇眾緣

合時要當酬彼果。故云業性亦如是也。又水土為疎緣。種子為親因。各全奪有無故。是故不相知。識中准此知之。第三因能現果喻。謂業性如幻師。現果如幻色。雖似有而非有。故也。第四果法無念喻。謂由咽喉等因緣和合出聲。實無我能。但從名言熏習。生似於言說。如木人出聲。無自念云。我能出聲。及非我出聲之二念也。又木如藏性。匠如妄想業等。木人如衆生報相。故無性。匠非我也。第五因體無難喻。謂鳥在藏時。未辨音相。出聲隨類。方有異音。口業種子。在本識中。同無記性。無若干相。至受生處。報熟之時。能出衆聲。又功能生果。不同如鳥出聲。業體性空。無別如鳥在藏。此乃喻是前後。約法同時。第六現果無來喻。謂如父母為緣。受生識有煩惱業等種子為因。此識與赤白和合。時名因緣會。則此名受生。無別來者。雖無來。去而報漸長。不妨諸根各別。業亦爾。思動身等造業。無別來處。後若熟時。感報差別。第七苦報無本喻。謂以惡業熏自心。故令心變作種種苦具。還自惱害。然後苦具雖外無來處。然惱害事不壞。業亦如是。雖無自性。然感報不滅。故云業性亦如是也。第八勝果無根喻。謂善業熏心心幻現。果亦無根本。小乘說輪王滅後。七寶貯在鐵圍山中。後聖王出七寶還復現於王前。今此不爾。但由業熏自心變現。無別實體使之來去。業性亦爾。論云。善惡熏於心。何故異心說。第九有無同性喻。謂

有流業未得果。及治道前為本識攝持。功能不滅。名為成。至其得果及得治道時。業功能盡。名為敗。尋其成時。無所從來。求其敗時。亦無所趣。此並不壞世間說。第一義也。第四佛說法甚深。初難中二。先舉法正難。後遮救重難。前中二。初舉正義。二正設難。謂十種相違。一法是一味。真如也。難意云。所覺既一。設教種種。義若非一。可使隨言並實。即乖一味。應失所證。義若一味。而不隨言。即諸教種種皆應虛妄。此是教義相違難。彼若救言。我此所證一味。理中具多德故。是故諸教各顯一德。故不相違。為遮此救。故重難云。而於法性中。分別推求。如此多種實不可得。不可得故。教便乖義。又釋此是體用相違難。謂覺一法是體。應機現多是用。若以體從用。應乖失一法。若用同體種種便虛。若言一法之內有種種。故不相違者。而法性中求種種。不可得。故不成。救也。十句中。初一總餘九別。一教聲普遍。二教力攝生。三聲聲差別。已上四身業。五意業。六身用。七依報。八嚴土。九分齊。若具說應一一。句初皆云。唯覺一法云何無量也。答中德首答者。顯法理德深故。於中二。初一偈歎問略答。答意云。以一味法界。是無分別義。非是一數之二。是故隨緣成多。而不異一味。一味湛然而不礙種種。此二無二。是故諸教並實。而一味理存。如此無礙。是故名為甚深微妙義也。又釋。此不異多之一。是如來所覺。不異一之多。是如來所說。是故一為

甚深，以不異多故，多亦爾。反上可知。故云甚深妙義。求功德者以知一起多攝攝生故。求此一得。又知多歸一。堪證理故。求此多得故名智者也。下半偈德首自顯約法爲名也。此中九喻並顯不改一無分別而成事差別。一明法能荷載萬機喻。二緣滅衆惑喻。三入器無礙喻。謂如法界勝流義等。四拂動諸根開覺喻。謂熏成種子動令厭求也。五應欲隨潤喻。龍如佛身當如梵音雨如正教無分別故不異一也。六緣生衆德喻。謂依淨法界成修生諸行等。七無垢照機喻。八應機無往喻。九隨緣不變喻。此上諸門皆不異一。無分別而現多種利益事。如梵應大千喻。如說無量也。身無異喻。一味常存也。餘門並准。第五福田甚深難中。初正難後遮救重難。難意上既云佛德無異則應設施得果不殊。如何今見得報差別。此是緣果相違難。恐彼救言佛田雖一若人於佛與上妙供。佛於此人生親愛念。故得勝報繁惡返之爲遮。此救後云如來平等無有怨親。此是三念處法也。正難中初舉正義後顯相違。於中初句總十句別釋。上總中不同之言。一色相好醜。二人中四姓及五種姓等。三如貴而非富。富非貴等。四句是家。四眼等根具闕好惡及根機利鈍等。五生財金粟等。六等一布施有得奇特財物。如樹提伽白疊以釘入地七寸不穿等。七眷屬善惡等。八既各卑已行施應同得自在。今乃有。或於一人得自

在餘處不得等。各有分齊。階降不同。九福德多少。十智慧淺深。遮救可知。答中目首者見此法明白故。答意凡施佛由二因。一由施者用心不等故。遂令得報千差。如溫室經說。皆由用心不等故。二由佛大悲不思議故。究竟皆悉令得解脫故。大悲經第二云。下至畜生能念佛者。悉得最上涅槃。盡煩惱際。況于人等。又如下性起見聞之益等。是故偈中衆生故有異。是初義也。能燒一切有是後義也。此二無二。同一報故不相違也。引十喻示。一緣能現果喻。二應機隨解喻。三善巧隨順喻。四應感令喜喻。五物感現形喻。六善除惑障喻。七殄滅智障喻。八悲情普被喻。九動令生厭喻。謂不令堅樂也。十焚燒盡滅喻。謂令得涅槃也。第六正教甚深難中。三初舉教力。二爲知下學行力。於中十法分三。初總知五題。二知三界染淨。三知癡愛是報緣。三若知下以行難教顯教無力。難意爲因。教法斷惑。爲因。動觀諸法斷惑。若因教能斷則不須精進。若因動行能斷則教無增損。謂此教法於德不增於惑不損。又釋得教不增失教不損。以無用故。此是教力相違難。答意以教是精進之緣。動觀扶教方能斷惑。是故速出。教有勝力。懈怠罪教則無教力。是故難脫也。難者以行力奪教力。答者顯行由教力故也。以應教離懈怠故。進首答之。偈中三。初一勸導總說開二章門。次一偈辨精進順教釋速出門。三有八偈

明懈怠違教釋難脫門。一多聞懈怠喻。是人先已小聞尚不能領悟。如小火也。今更強求廣多聞誦。如渴薪也。以新舊俱失都無成益故爲懈怠。又此人欲以少時頓學多法。學既不成遂成懈怠。二無力懈怠喻。是人薄福少心力。復數廢習。無所成故爲懈怠也。又此人雖亦多時。然數間斷。故業不成名懈怠也。三偏修懈怠喻。是人背善知識。偏於經卷求習聞慧。無所得故懈怠也。又此人雖無間斷。然闕緣故業亦不成。四倒修懈怠喻。是人聞說書持經卷便證解脫。以不知別時意故。久而不得便生懈怠。又此人雖有外緣。如是錯學之人。妄取倒求。故顛倒也。五過求懈怠喻。是人不知無聞慧。徑望總達一切佛法。既不能達便生懈怠。又此人雖外有良緣。內因有闕。謂無信心。手持戒足。不繫定弓。不如智箭。云何能射煩惱大地。六少力懈怠喻。是人以利那意識則望究盡佛法深海。既不得入。便生懈怠。又聞一念稱佛滅多重罪。但稱一句則休云我罪已滅等。七小治懈怠喻。是人聞佛教能滅煩惱火。則以小聞望盡滅之。久而不盡則謂佛教無用。併皆棄捨。故是懈怠。八無求出意喻。亦名執我慢高喻。是人聞說衆生則真如。以不解迷悟故。則云我既是真如則是已證得法界更何所修。則生懈怠故也。第七正行甚深難中。三。初引佛語舉正義。二云何下設難顯違。於中初句總。次隨十種垢法。是

①此中一 ②如二佛 ③設一投 ④面一 ⑤五十(實) ⑥等二第 ⑦有二至 ⑧煩惱一淫樂 ⑨于二平 ⑩惑二機
⑪報一 ⑫也一 ⑬個二個 ⑭徑二但 ⑮能達二達法 ⑯人一 ⑰而二如

別。恒上心現行故不離心也。三心無所。行等是結難。反徵謂離開「正法」無心依行而欲斷惑。故知佛說聞法能斷其義何在。又釋此是遮救重難。謂若教言。若依教行即能斷惑。故聞法能斷義還存者。今重難云。此依教行。既是心有所行。何能斷惑。若依道理。要須心無所行方能斷結。故是故聞法終不能斷。答意則此心無所行。名如說行。故能斷結。若但唯聞實無斷義。可有聞而不行。無有行而不聞。故曰。一切佛法以聞法爲本故也。此與前正教甚深何別者。前以行徵教難。教力攝行。答謂若無教勸行不成故。此中以教徵行難。行能行。教答。謂若不行多聞無用故。執教成行。故法首答也。十偈初一勸聽總答。非但積多聞者明也。多聞不是過患。但是唯也。以闕行爲失故也。後九舉喻顯失。一不如說行喻。二隨說廢思喻。三計文迷行喻。四自謂非分喻。亦名耽文失行喻。五惡業障礙喻。六不解自說喻。七不見自義喻。謂前約教此約義。八廢正成助喻。謂如牛王目比丘誦八萬法聚。永度多億衆得道。自身不免墮地獄等。九隱非現是喻。謂如調達善說法內懷朽爛等。又倚恃此說非分自高。返爲所害等。問何故此中訶毀多聞。十住品中乃讚多聞。答爲信中行劣惡。文故。又是聞熏之初令成一心無倒聽聞。故十住已去行勝故。不滯著故。能廣利生故。第八助道甚深難中三。初舉正義。二何故下設難

顯達。於中六度四等爲十。此約行辨。若約位論則加方便等四爲十。此中般若應是世間慧攝。不爾非難故。三此一法下結難反徵。難意云智慧爲衆行之主。何不唯讚此而歎餘行。餘行離慧皆不得菩提。何須讚之。此即以助徵正難。答意者以正助相資。答以能會助同正故。智首答之。十偈中分三。初一嘆問勸聽。次二偈開二章門。謂初偈明果非一行成正要待助資。後偈明衆生樂欲別隨根故別讚。三釋二章。初三偈釋隨根別讚。又涅槃中於恆等人前不得讚施等者。據根未熟。爲將護故。此文約根熟故。餘亦爾。後四偈約法喻。釋初相須章門。施爲攝他。戒爲自攝。此二通爲衆行之本。已修善根忍防不失。未生之善進故令生。又忍護外煩。進防內慢。故云防護。禪定伏除。智慧求斷。故云安穩。又禪攝外散。慧證真理。故云安穩。四等益生。稱悅自意。故云安樂也。第九一乘甚深難中三。初舉正義。二設難顯達。三結難反徵。難意一切諸佛同修一乘。因行既同。得果應一。云何今見諸佛世界種種不同。乃至法住如是十種各各不同。無有不具。如是一切差別佛法。而言唯以一乘。其義安在。此是以因微果難。因同果亦同。亦是以果微因難。謂果異因亦異。答意理實因同果無差別。但隨衆生感見差別。非是諸佛自有優劣。以明達一乘順相故。賢首答之。十偈分二。初二偈就實以明因果俱一。明上唯一乘得

出也。於中先因一後果一。因中初半明所依法性。一下半能依行修一。果中初半所證法身。一下半修生勝德。一於中心是大定齊。次是大智齊。此二是內同。力無畏等是外化用齊。通論有三。初體同。次德齊。後用等。二有八偈。明以體從緣現有種種。明上世界等不同。是隨機見異。非佛有別。則展轉釋疑。於中初一明佛隨機現差別。二疑云何故現異。釋以衆生業異見差別故。三疑何以得知衆生俱依自業見異。釋以衆生既不見諸佛法身衆等故。明知是但見自心所現差別。非是佛體有若干也。此明報佛身土地前一乘俱不能見也。四疑眞佛平等衆生不見。誰能見耶。釋本行廣淨等者得見故。此明地上菩薩見實報身土。五疑地前衆生既不得見。何由得入眞。釋以佛力自在。各令分見後還令入。六疑佛力既自在。何不則令衆生一種見耶。釋佛無憎愛。彼依自心故見差別。七疑云我今現見佛自差別。豈開我心。是故差別過在於佛。釋云若不離汝心可。如所責。既實是汝自心變現故。非佛答。八疑云若佛不自有差別現。何故有常見有不見等。釋云淨心器者自心感見。以佛是心法如是故也。第十佛境界甚深。上來文殊問多人。今多人問文殊。首伸互彰。故上論餘法餘菩薩說。今辨佛境界。同請文殊者久已成佛。顯智深故。又文殊問皆以理反徵相違結難。今但諮請不敢難者爲顯尊故。長故衆首故。又此佛境界通二種。

①[行]一②反二返③既二即④[永]一⑤[如]一⑥護二防⑦[謂]十因⑧[於中]一⑨內十[用]⑩俱二但⑪明知二知明⑫開二開⑬[法餘]一

一所證境謂真俗等。二分齊境。謂依小乘三十四心以去是佛境也。若三乘十地滿後是佛境界也。若一乘十信滿後是佛境也。則如此辨在信中者是也。又三乘等不通。因位一乘因果同故。亦是普賢境界。餘義如性起說。文中二。先問後答。問中四。一總告。二結已說三歎文殊。四正陳請十一句。初二問。自利德體。次五問。利他德用。次三問。所益眾生。後一結其廣大。又初一是總果體也。二以因成果。問證境。因三入處。謂因圓果滿。乘化普入世間等。四所度。謂入世間。辨所度生也。五辨知度生法之智。謂知法界法門之智。六所設法藥。七應機差別說。八明機入法。謂非染識所識也。九既非染識境。云何令得知。十既得知。已知照除何法。又釋此三問。令所化如次得三慧益。應知。十一總結。佛境廣遍何處。答中十偈內第八一偈。答八九二句。餘偈次第答餘九問。初偈答境界。上半舉所入法。此通二義。一齊者等也。謂齊等虛空即是真如爲所緣境也。二齊者分齊也。謂齊法性真空已去是佛境。又上句深下句廣也。下半明衆生證入。言無所入者。以衆生則是法身故無更入。如常在虛空。豈得更言入虛空也。二答。因者一他分。因唯佛能分別。二自分。因說不盡。以多劫修故。又多故說不盡。等佛故唯佛能分別。唯佛能分別顯深也。說不盡廣也。自餘者除佛以外餘人說不能盡也。三答。入者。上半明隨緣。下半明不變。謂寂而常用故普入

也。用而常寂故寂然也。和而不同故云不同世。所見正由能入故不同也。四答度者。謂入在世間。作何等事。謂度衆生。上半舉度生。下半明度數。五答。知度生法之智。謂上半是能知。下半所知。六答法藥。謂初句明法體。次句法用。下半明用不異。體故唯佛知也。具分別有二。一以無異法界隨機多說多故難知。若具分別唯佛知。二此多說則無異。無異則多說。此各不壞。二門不礙。即一此難分析。若欲具分唯佛能知。七答知音說法智。上半所知。下半能知。謂雖了知衆生言音而以說法。然常無作故無分別。八答識中二句。初句不可議。故言語道斷。非耳識等所識。下句不可思。故心行處滅。非心思量也。又非染識亦非染心。如楞伽云。取相名識。不取相名智。故四依中不令依識也。九答決定知。中二句。初句舉法。謂自性清淨如來藏法。下句示令決定知也。十答照中。上半照除煩惱障。證寂滅涅槃。下半照除所知障。得菩提平等行世間。又無明者無能照也。無所行者無所照也。平等行世間者。絕能所而照故云平等行。行猶照也。十一答廣中。上半所知廣。下半能知廣。第二結通普見。明此則是一切處文殊共。一切處覺首等說法。前品光照令見衆會。此中佛力令衆見所說法事。謂因果也。文有三。初辨此界二顯東方三類九方。初中三。先明佛加衆。二明所見十事。三如是下結。十中前五

因。一行所軌法。二依法成行。三行非出世。四依身等起行。五隨根欲所樂而作行業。後五果中。一總。二依。三正報中持毀。四正中說法。五總結。又釋。初一是智首所說六度行法。一是寶首所說業性義。三是進首所說憍忘難脫義。亦是法首多聞過等。四是財首所說隨身隨行教化義。五是德首所說佛法一味隨根分多。亦是目首因一隨緣多等。六七八是覺首所說心性隨緣果報不同等。九十是寶首一乘文殊佛境可知。類餘方中。是前光覺品所辨者是也。

淨行品第七

釋此品四門同上。一釋名者。依梵本名圓淨行品。無性攝論中名清淨所行經。謂三業無過云清淨。心起願稱行。行順普法名圓。此持業釋。又淨是理。行是智。理智無礙爲圓。依主釋也。又顯是能淨。行是所淨。令行光潔。稱性名圓。以是普賢願行故也。又願無垢名淨。即願是行故云淨行。二來意者。前解次行。又前行次願。義次第故來三宗者。以願海爲宗。但願有四種。一誓願。謂行前要期等。二行願。此有二種。一與行俱起。二但對事發願。則此是行以防心不散故。三行後願。謂以行迴向願得菩提等。四自體無礙願。謂大願究竟同法性海。任運成辦一切諸事。此中唯論行願餘者義通可知。四釋文中二。先問後答。以對緣巧願非智不熟故。智首問也。顯事近而趣遠微妙難知故。文殊答也。問中相從爲十一分

二。初七明。自分因行。後四明。他分果行。前中二。初三明三業成。福智。後四明。福智之果。前中九種三業分三。初三離過是創修故。謂離三毒。次三成。三行是次修故。謂一自得不失。二他不能動。三能攝得他故。令讀也。後三顯三德是修終故。謂一福德。二斷德。三智德。皆以後釋。前可知。二果中二。初明福果中十句。一依果勝。涅槃說。常生中國有佛法處。二種姓勝。地持論說。生於上族。三富而貴。是家勝。亦是如來家生。四身有善色。亦是諸根完具。五身有福相。亦是相好具足。六念定亦是勝。念亦是總持不忘。七慧觀亦是報生智。於法能解。八意趣謂向理等。九威德勝。亦是自在勝。謂情無怯懼。依智論菩薩別有四種無畏。一總持無畏。於法記持不懼忘失。二知根無畏。知根授法不懼差失。三決疑無畏。隨問能答不懼不堪。四答難無畏。有難皆通不懼屈滯。十常自開覺。亦是覺他。謂覺知生死。心生厭離。二明智果中九句。初二勝凡夫。次二勝二乘。五深故不可量。六功能廣故不可數。七離分別。故情不能思。八體實故不可稱。九離言故不可說。第二因力行中。初一能成之力。二善知下所成諸行。前中八力。一因力者。如梁攝論云。多聞熏習與阿梨耶識中解性。和合一切聖人以此為因。則是性習二種姓備故云。具足二現行更意。是攝論中正思惟力也。謂思量是意義故。三巧便入法。亦是依思動身口而起行故云。方便。四

善友助成。是攝論善知識力也。五所觀現前引起觀智故。六機根已熟。堪為入法之器。又具信進等根。又是資糧善根。當攝論福智二力也。七防心照理止觀俱行。八止觀熟已得深禪定。此上八種皆能成行滅惑得果之勝用。故同名力也。於初菩薩云何而得令彼具足。故為問也。第二成行者。謂依前諸力得成解行有三。初善解法相行有十法。一蘊。二界。三入。四緣起及三界三世。各善知差別而不可得等。二攝念入理。行亦十法。謂七覺三空照真理故。三廣修十度行可知。第二問勝進果行中四。一內謂具十勝德故。二外謂十王敬護故。三悲德普覆故。四智德獨超故。初中十力略作三門。一釋名。二出體。三建立。別三悲德中九句。一作善友覆蔭。二救其現苦。三令其離怖。四為得樂之處。五炬除惑闇。六與大智明。七燈照現理。八引至方便道。九引至究竟處。又釋九句相從為四。初二句化生除障。謂覆蔭衆生令外惡不干名舍。在苦能拔為救。次二句化物生善。謂始為物歸終為趣向。次三句教生智慧。謂令解教法為炬。見理法為明。令知行法為燈。後二句導以起福。謂生福之始為導。成福之終為無上導。更別解如下第一迴向經中自釋尋之具辨四問智德獨出中七句。初第一者位過世間。二大者德體無待。三勝者行用殊。勝四上者下不能及。五無上者上無能過。六無等等者餘無能等。七無等等者無等大

聖自相等故云無等等也。又釋第一有二義。一大二勝故云第一。謂化德過入名。大自德過入名。勝。大有二義。一上二無上。故云大。勝有二義。一無等二無等等故云勝。第二答中二。先歎問二通答。前中多。饒益是授因行。多安隱是令得果。此二標也。慧利釋初也。安樂釋後也。又釋初益成出世因果。後哀愍下令益入天因果。又佛地論第七云。令修善因名利益。令得樂果名安樂。又令離惡名利益。令其攝善名安樂。又拔其苦名利益。施與樂名安樂。此世他世出世等應知亦爾。二通答中三。初標意答。二偈頌答。三結益相。初中二。先舉意總標。謂成熱身口意是以願淨三業也。能得下明所得益相。二於佛下釋成三業得妙功德於中。二初明自分因行於中三。初明意業勝德。二去來下明語業勝德。於中初總辨。二不捨衆生者明法輪應機。三明達實相者法輪應理。四斷惡者法輪離過。五具善者法輪具德滿。三色像下明身業勝德。第二勝進果行中初具種智。一於法無礙。三辨定德。佛為第一。簡異佛故云第二也。第二學頌正答中二。初標起後正答。答中有一百四十願通答前諸問。何以爾者以二。一願中皆有六義故。能隨事轉本所習防淨三業。巧成菩薩二利行。體契普賢法。具上諸益。是故通答彼諸問也。一轉捨事。二轉成法。三轉他令離過。四轉他令入法。五轉願自過。六轉成自行。且約初一願作

④四十(明因力成諸行前中二初一辨三業行因後二)⑤[是]一⑥[初]一⑦勝二妙⑧勝十(也)⑨[後]一⑩勝二能⑪勝二能

之餘一一皆准知。謂初願轉所居事家。是轉捨事也。二願成所證空法。是轉成法也。如淨名經云。畢竟空寂舍。斯之謂也。三願衆生離家難。是轉他令離過也。四入空法中。是轉他令入法也。五自雖居家由此發願。轉自見家之心。不作世間家解故。令過患不入自心。是自轉離也。六既不見世家。則見爲法。悲念衆生。令入此空法。是自轉成悲智行也。此六中前四當成。以是要期誓願故。後二現。就以是則行願故。所以有此六義者。以凡一願上必有三義。一。所依事。二。所爲衆生。三。自智緣彼。此三皆有捨世事成法門之二故有六也。如此隨事防心不隨世法。常遊法理不失正觀。是其意也。又此下諸願中。隨事逆順差別相從略辨十勢。一。轉事入理勢。如初偈轉事家入空理等。二。轉染成淨勢。如若得五欲是染功德具足是淨等。三。相似類轉勢。如布施轉令悉捨一切心無著等。四。轉因成果勢。如頂禮佛塔是行因得道無見頂是果等。五。轉世。同出世勢。如在房室等。爲世。賢聖地爲出世。六。轉依同正勢。如見城郭是依報也。金剛身等是正報也。七。轉僞歸真勢。如見仙人等。以仙非真脫故。轉向正真究竟解脫。八。轉人同法勢。如見疾病人等。身空是法以知。人病身則是真空法故。何苦不脫。九。轉境成行勢。如受著袈裟等。是境離三毒心歡喜是智斷二行也。十。轉虛同實勢。如若在伎樂爲虛法樂爲實。餘偈

皆各類知之耳。就此文中長分爲十。初明菩薩在家時願。二。從以信捨家。下明創出家時願。三。從受持淨戒。下明既出家已受禁戒時願。四。從若敷床座。下明既具戒已修定慧行時願。以出家人三學是其正所修故。五。從下床安足。下明既出定已於住處進止威儀時願。六。從手執錫杖。下明爲乞食利生故疾速進路時願。七。從見趣高路。下明在路見聞諸事時願。此中二。初見依報事。二。從見嚴飾人。下明見人物事。八。從入里乞食。下明行至聚落乞食時願。九。從若入水時。下明食訖禮誦時願。十。從昏夜下明晝夜寢覺時願。如是始終隨事發願無空過也。智論第十二云。智。慧人有二。在家名婆羅門。謂七世清淨。生滿六歲皆受戒出家名沙門。此云息惡。問何故璣瑯明入理願。此經多明對事願耶。答此經順一乘。在事益大。彼約三乘。在事不勝。故入理辨也。

賢首。菩薩品第八

釋此品作四門。一。釋名者。依梵本名跋陀羅。此云賢。室利此云吉祥。或云德。或云首。或云勝。是故非是初首之首亦非上首之首。此等梵語皆有別名故。此但爲顯吉祥勝德超絕爲首。當體至順調柔曰賢。賢約體性首約德用。是持業釋。於此信滿入善賢位。具有二義。若約果則下文賢首佛刹等。此中約因故云菩薩也。或唯約人賢首則是菩薩故。又以此人是說法者從人

爲名故。或唯是法菩薩則是賢首故。所說亦是賢首菩薩法門故。或人法合目則依主釋也。二。來意者。收前行願以成普賢廣大德用故來也。三。宗者明普賢行位體及相用廣大無邊始終俱括。應在信門該攝諸位成佛妙果。是此所明也。四。釋文者。此中二。先問後答。問中亦二。先經家序列。何故文殊問賢首答者。以信收萬行非妙德無以發起。信該六位非實德無以宣揚。又達深願慧淨德彰顯。二以頌正問中二。一結前二問後。此中亦二。先問甚深行。後問廣大德。何故此中間答皆以偈頌者。釋有二義。一。以始德深廣該徹窮終散說難周故以偈頌總攝。二。顯圓德勝妙故以美辭讚述。地論云。偈頌者以少字攝多義故。諸讚歎者多以偈頌故。是上二義也。就賢首答中總有三百六十三頌。前三十五言。後三百五十七言。於中總長分有八分。一。歎深難說分。二。略示行相分。三。略辨勝能分。四。攝諸行位分。五。無方大用分。六。喻況玄旨分。七。校量勸發分。八。顯實證成分。就初中有七頌。於中分三。初二明德廣說略可知。次四釋略說所由。後一結已略相就第二釋中。初一辨德廣所依。二明依心德勝。前中有四種難故雖是初心。令此功德廣大無邊。一。處難謂於生死苦惱之處而能發心。此爲難故生德廣也。二。時難謂久已發心一向不動未足爲難。今則反此。故生德多也。三。境難謂能求此無限菩提。以

【事】一。【說】二。【同】二。【爲世】一。【慈】一。【勝二界】一。【苦】一。【賢】一。【況二說】一。【爲難故】一。

心從境故廣大也。四心難謂若發心進退不定生德不廣今則反此。故廣大也。一頌四句如次應知。此是起信論三種發心中當最初信成就發心。故云初也。同下文十住初發心住及發心功德品。此約信終彼就住初故無二也。既以信滿入住方為信。何不任滿入行為住耶。釋云信不成位故不例也。二所起勝位中。初一舉小猶無盡。後二顯多則亡言。何得說之而不略耳。三結說中少分者有三重。一多劫所修此難辦。故且論一念功德。二則此一念之中功德。自如來窮劫說不盡。是故且論一時中所說功德。三則此一時所說功德。猶自深廣唯佛能說。菩薩不知。是故復於佛所說中分取小。分菩薩所知而今說之。又此少分與彼廣大通融有四句。一以此少分不異多故。攝少同多則此所說亦是不說說也。如鳥所履之空不異未行之處廣大空也。是故性起品云。如鳥飛虛空經遊百千年行處未行處皆悉不可量。若人百千劫演說如來行已說及未說皆悉不可量。二或攝多同少義亦圓備。如地論云。如實滿足攝取故。三或二俱攝故亦說亦不說。四或二俱不攝故非說非不說。並准思之。問何故此中信位菩薩得有如此廣大功德。答此是普賢法界行德。但就信門於中顯現故說不盡。若分別論總有四句。一或唯約信門當相階降以辨。則此信但是善趣位如輕毛等。如要路本業及仁王等經說。此約三乘。二或唯約普賢當體德

辨。如普賢行品說。三或俱。謂約彼信門顯。此普賢德。如此品所說。此約一乘因分說。四或俱非。總不可說。此約果分離言之處。是故圓教中所明信位與彼三乘中十信義別不同也。第二從非是無所因。下六頌明略示行相分。於中二。先一總標。因緣釋成發心廣大所以。此中因者謂如來種姓。緣者謂習所成性。又地持瑜伽因有四種。一。性具足。二。佛菩薩善友。攝。三。起大悲心。四。不怖大苦。緣亦四。一。見佛神變等。二。雖不見佛然得聞法。三。雖不開法見法欲滅。四。見無佛法處眾生造惡。又有四力。一。自力。二。他力。三。因力。謂宿習大乘聞熏等。四。方便力。謂聞法方能修善等。又四因四緣及自力因力發心決定。他力方便力發者不定。又起信論智印經有七因緣發心。謂三堅四退如彼應知。此上約三乘若依此經有十種發菩提心因緣。如下文說。此約一乘。又以如來藏內熏為因所餘為緣。二釋所發心相。此中通論有十義。俱是心心廣大功德。因緣之義故云。非是無所因等也。十義心者。一。初二句明正直趣理心。論云直心者正念真如法故。二。次一頌明深信三寶心。三。有一頌遠離四過心。四。各一可知。四。一頌大願度生心。五。二句明大慈大悲心。謂拔苦與樂故也。六。一句嚴淨佛刹心。七。一句廣供諸佛心。八。一句建立正法心。九。一句正求勝果心。十。淨修果因心。此上十心並所緣境無限量。故令心攝亦無限也。故下文

云。菩薩不為供一佛故發心。不為供百千世界無數諸佛故發心。悉欲供養一切佛故是故無限也。如供佛信三寶離過失度生嚴土。悉皆無限故廣大也。略示行相分竟。第三深心淨信不可壞下有九頌明略示勝能分。於中初二明信能成發心。以是行本故。後七明信能成餘德。以行所成故。前中初一約三寶境。成不壞信方能發心。二約三佛性境。初句約信自性住佛性。次句引出佛性。次句至得果佛性。又釋初句信佛及教法。次句信僧及行法。次句正向信果。下因此深信成就方能發心。又此中信不可壞者信滿心得不退故云。不壞。依此信發心。故知此心已入住。然約能入方便故屬信終。下明成德中非直成前入十住初發心之位。亦更通成已後位中所有行位。是故此中略辨所成二十功德。一能生福智。謂覺道之元福德之母。二能斷疑示道。三能離垢心堅。謂除慢釋離垢敬本釋心堅。上三各二句如次應知。四信體具德。故如寶藏。五納法成行故如淨手。六能捨染離著。七能解深玄。上四各一句應知。八轉進成果。兩句可知。九能令善根明利。十力用無壞。十一能滅惡業。十二能得大果。十三入法無礙。十四離八難報障。十五能越魔境。十六巧示脫因。十七為大果堅固。謂佛地一切諸功德法莫不皆以不壞之信為彼因種。十八生覺樹果。十九長種智門。二十示妙覺果。上初八自分。後十二為勝

①[故]—①* ②位二德* ③不二示* ④三二二* ⑤[自如來...功德]二十八字—⑥ ⑦[分]—⑧ ⑨有十(其) ⑩性二德* ⑪攝十(受)* ⑫[雖]—⑬ ⑭[初二句明]—⑮ ⑯攝十(德)* ⑰供十(其)* ⑱果十(法)* ⑲之十(德)* ⑳四二四*

進德。此等功德並是已後諸位乃至佛地所成之德。俱在信中之所成就也。下一頌結歎顯勝。是故者是前信能成。彼二十勝功德。故所說次第所修行中。是故信樂最勝難得也。後半喻。況一信體希有喻。二能出衆德喻。第四若信恭敬下有五十頌。明能廣攝行位分中二。先攝行。後若生無上菩提心下明攝位。前中先明信敬三寶行。後明信順三寶行。前中初有三頌。明信佛成二行。初二成持戒行。後一成供養行。二有一頌信法成二行。謂聞教無厭行。欣證難思行。三有一頌信僧成二行。謂信體無壞及信力無動。下明信順三寶行中。初二頌順僧成二行。謂利根捨惡友及近善友修勝行。次一頌法成二行。謂解因果行法。成解脫果法。後一頌順佛亦二行。謂順果佛護起。因發心。上來攝行爲入十住之方便。竟第二攝位中攝後四位則爲四段。初有二頌半明攝十住位。謂菩提心則是入初住位。勤修佛德是治地修行二住位也。生佛家是生貴住。謂生在佛家種姓尊貴故也。無著是五六二住位也。深心妙淨是七八二住位也。殊勝無上心是九十二住位也。皆准釋可知。二若得無上下三頌明攝十行位。於中波羅蜜總舉十行。摩訶衍是異小乘行法供是順理行謂是初四行也。念佛定是離癡亂行。見佛常住是後五行。以後五俱是般若攝故。三若知如來下二頌半明攝十迴向位。於中行成稱理故法永存。謂是如相及法界

等。辨說度生。是救衆生離衆生相等。前七迴向亦是諸門迴向衆生義也。大悲者是此位中所成大悲行。對治獨覺捨大悲障故也。四若得大悲下有十三頌明攝十地。位於中初半頌攝初地。謂喜樂深法是初極喜地。所證圓滿真如名深法也。二半頌離有爲過是離垢地。以離犯戒。有爲之過失故。三有一頌明第三地。以得離離慢故不味著。故能衆利衆生也。四有一頌明第四地。以得道品智。故處生死而無憂也。十度行中此當進行故云精進無上也。五有一頌明第五地。以此地成禪度依禪起通也。又能善解世間五明處等。故云解衆生行六有一頌明第六地。以此地得悲智不住般若。大智現前故也。此中成就衆生是悲成生智。是智也。七有二頌明第七地。初一是有中殊勝行故四攝攝生。後一是空中方便智相導故令住無上道也。八有三頌明第八地。初一起四魔謂捨分段故無陰魔。無捨命故離死魔。惑永不現行故無煩惱魔。是故天魔亦不得便也。此第八地成就超四魔之。因云道也。次一得位及忍。彼釋名分及淨忍分。後一授記位如善慧仙人於第八地得授記等。現佛前在彼四種一向佛土中故。九有一頌半明第九地。謂彼菩薩作大法師故解佛密教順教說法。令佛護念。佛德自嚴爲他說法。十有二十一頌半明第十地。於中有三。初十三頌半明殊勝三業。於中先有五頌半明身業勝

此中三頌正報勝。二頌半依報勝。次有四頌明語業勝。此中初二解深巧辯。次二明智身說法。後四頌明意業勝。一他心智。二斷惑智。三證實智。四十地十自在等結位也。命自在等十種成就此位故。二若十地種下有四頌明十地終心受位分。此甘露水灌頂等明此信滿中受職。三若身下四頌明結歎顯勝。初一明入理深廣天人莫知。謂此法身滿空十方不動。是故於此無等界諸天世人莫能知也。次一行成果滿見聞廣益。於本所行無不果者。所求畢故無不果遂也。又如下明法品云。見聞供養者皆住不退地。故云不空也。次一頌半威力護法常益不斷。如維摩經云。此經住世皆彌勒威神力也。又初體大德。後用下半頌結。上句結慧。下句結福。俱無盡如海。又此信門中展轉鈎鎖該攝如此。十地等者以信爲道元功德母諸位行相皆信而成。故上總云信能轉勝成衆行究竟畢至如來處。斯之謂也。又云在於一地普攝一切諸地功德。是此一乘圓教法也。三乘中則不得如此。第五從或有刹土下有二百頌半明無方大用分。以信滿成此賢首位故。同普賢等廣大三業該因及果。遍一切處盡一切時常作無邊法界大用。此爲恒式。當相而論不依諸位。今約信門之中顯現則屬信攝。然大用無涯難以具述。依例辨十以顯無盡。則是十三昧門之業用也。一圓明海印三昧門。二華嚴妙行三昧門。三因陀羅網三昧門。四手出廣

①(順)一②(通)一③(位)一④(有錢)一⑤(也)一⑥(是智)一⑦(因十故)⑧(脫)一⑨(法)一⑩(等十等)⑪(果)一⑫(畢二必)⑬攝二收

供三昧門。五現諸法門三昧門。六四攝攝
生三昧門。七窮同世間三昧門。八毛光覺
照三昧門。九主伴嚴麗三昧門。十寂用無涯
三昧門。以業用差別所主各異。功能純雜依
而不同。故以三昧門而辨差別。如水一切
處定等。又以創辦大用之本。故初顯海印
後明用不異體。故末後辨寂用無礙。就
初文中有五頌半。分二。初明業用後顯所
依前中五。初一偈明現佛說法。次二一偈
顯無功成事。謂不作功用。故云斷希望
也。又釋。以因位滿故。更無希求。故云斷。
次三一偈明現八相。次四一偈明現三乘。
次五一偈明現難類。後二句結用所依。海印者
從喻爲名。如修羅四兵列在空中。於大海
內印現其像。菩薩定心猶如大海。應機現
異如彼兵像。故大集經第十四云。喻如閻
浮提一切衆生身及餘外色。如是等色海中
皆有印像。以是故名大海印。菩薩亦復如
是。得大海印三昧。已能分別見一切衆生
心行。於一切法門皆得慧明。是爲菩薩得
海印三昧。見一切衆生心行所趣。解云。此中
見字亦現字。謂由見故現也。通二應。知。問
此中既是十信菩薩現成佛者。爲是暫時化
現。爲實成耶。答若三乘初教中總無化現
成佛。以未得不退故。若終教十信滿心勝
進分上入十住初。則得不退。故能暫時化
現成佛。如起信論說。若一乘圓教中實則不
依位。密終教位相以辨之。於信滿不退之
際。則明得彼普賢法界行德具攝因果圓

融無礙。若以因門取則常是菩薩。若果門取
則恒是佛。由此銘融有其四句。或唯是菩
薩。或唯是佛。或俱不俱等思準之。問此中果
門成佛與終教化現何別。答彼但於一位
依二世界化現一佛。此中具十地等攝一
切位也。十方世界者一切處也。念念中者一切
時也。問此中既言示現。只應暫現同。上終
教。答如文無。佛望之功用。能一念頓遊十
方。若斯之德。自非因位窮滿。孰能具此。故
知定是實行滿也。不同彼是劣位人也。又
一切諸佛於諸世界爲物成道皆是示現。
以廢機約自無。成不成等故也。又大集經
第十四云。得灌頂正位。於一切諸菩薩行
得。次佛神力。若菩薩成就如是等法者。能
於無佛世界示現八相成佛。乃至廣說。第
二華嚴三昧於中二頌半。分二。初辨業用。
於中有七行。一嚴土行。二供佛行。三光明
行。四教化行。五智慧行。六說法行。七十度
行。後二句結行所依三昧。以行門無礙稱
一切自在。華嚴是行法故結屬之。如第七會
入華嚴三昧說二行法。等。第三因陀
羅網三昧於中有四頌分三。初二句標定
門。謂將現因陀羅網土故。先入因陀羅
網。定也。二明其業用。於中二。先明一塵內現。
後類一切塵。三後二句結所依定。雖法界
緣起理數常爾。然由菩薩不亂智力而得顯
現。故云自在力也。亦名解脫者。是不思議解
脫。以離諸礙故。如下文不思議品末說有
十種。謂一塵中現三世佛事等。又可下句

是定力解脫是智力。以不亂是定作用無礙
是解脫故也。第四手出廣供三昧。於中
有十七頌分三。初三句標定門。二辨業
用。初二。初手內出供。二無量清淨下明手
光嚴供。以是法界手故求差別性了不可
得。然出供具不可窮盡。三後一偈結所依
定。涅槃中名佛爲大仙也。第五現諸法
門三昧。於中八頌分四。初一標門及意。二
明業用。有二十二門。攝衆生通入故云門
也。三有二句結無盡。四一偈結所依定。
第六四攝攝生三昧。於中十六頌一句分
三。初一頌標定門及意。二明業用。三末後
一句結無盡。就業用中四。初二頌明布
施攝。二以諸相好下四頌辨愛語攝。於中
初示愛色。令脫二柔軟下妙音說法。此八種
梵音義略作三門。初種類。二名體。三業用。
初中檢諸聖教有四種類。一約教義辨。如
十住經說。如來有八種音聲。二謂見苦。二謂
向苦。三謂見道。四謂向道。五謂見盡。六謂向
盡。七謂見道。八謂向道。此八以音從所說
辨。以約佛音用。故也。二約佛音體。亦如十
住經謂。梵音有八種。一不男音。二不女音。
三不強音。四不軟音。五不清音。六不濁音。
七不雄音。八不雌音。三約佛音德。亦八種。
如梵摩喻經說。一最好聲其聲清雅如迦陵
等。二易了聲言辭辨了。三調和聲大小得中。
四柔軟聲言無龜獮等。五不誤聲言無錯失。
六不女聲其聲雄朗。七尊慧聲言無憚怯。如
尊重人。如勝慧人言無所畏。八深遠聲齊

●第三行● ●(以)一● ●只二本● ●次十(列)● ●三昧二土故先入因陀羅網定也● ●[先入...也]七字一● ●以十(脫)●
●[謂]一● ●三二二● ●依十(之)● ●[二頌]一● ●[四頌]一● ●謂二說● ●軟二英●

輪發聲猶如雷震。此上三類是佛圓音體德。用分三耳。四約通融有六十四種梵音聲。此有二釋。一別數六十四種如密迹力士經中具顯。二諸德於前三類之中。以初八入後八內。一一具八。是故八八成六十四也。二名體。先名者具足五義方名梵音。如。闍尼沙經說。其有音聲五種清淨乃名梵聲。何等爲五。一者其音正直。二者其音和雅。三者其音清徹。四者其音深滿。五者周遍遠聞。具此五義乃名梵音。又梵者圓潔之。謂又如梵天普應等故名也。聲者是執受聲。音者明彼有詮表之謂是故名也。二體者小乘唯是色蘊攝。是不可見有對色。十二處中聲處攝。十八界中聲界收。初教聲處等則空爲性。又是十一識中言說識爲體。終教此聲用佛淨識爲性。然此淨識復不異真如故則以真如爲彼自性。頌教梵音稱同本性則不可說也。圓教以彼無盡法界無礙爲性。是故通攝一切。圓融自在如下性起品如來音聲處說。三明業用者有二。初約益生。小乘唯益當會等衆。三乘乃益顯密等衆。一乘益於無盡顯密。謂重重無盡也。二約分量。小乘唯同人類言音。三乘佛音遍一切界。如目連尋不知等。一乘遍因陀羅網法界。重重無盡無盡也。三衆生苦樂下明同事攝。於中初同其事。二若有不識下明示法。十行是十度也。四或有衆生下。四願顯利行攝。於中初示生死過令捨。二如來十力下顯佛德令求。三如是方便無有量一句結。

無盡也。第七窮同世間三昧。於中有十。七頌一句分二。初三句標意。二傳線下正辨大用。於中二。先明身業用。二若見世間無正見下明語業用。初中有五。一作王臣等益。二或於曠野下作非情益。三若見世界下作悲匠益。四呪術下作仙人益。五作外道益。生皆令解脫。二語業用中三。初一揭總舉。二別顯。三知一切下二句結所依定。一心說法名三昧也。第八毛光覺照三昧。於中有八十九頌分四。初一標門及意。二所放光下正辨業用。三是名下結所依本。四所修行業下重釋成分齊。第二業用中有二。初明一毛光用。二如一毛下類顯多毛。前一毛中復二。初略辨四十。三門。二如是等比下廣結恒沙。謂此菩薩身同法界窮盡九世遍該塵道。常有如此光明大用。無休息時。是故此光常定恒有恒無。於淨眼者無時不見故恒有。無淨眼者無時暫見故恒無。法光常定。廣與在緣故也。前中四十。三門內一。皆有二義。一出光名。二顯光益。三出光因。初光。中因內或以言說顯三寶。或約事如開佛門現塔形等。第二中燈明離染闇故得淨光。或燈照現淨境。三四二因內各二。一事因。二法因。第五歡喜光因內。一莊飾佛像令見者喜。二讚佛德令聞者喜。故也第六因中。一自樂三寶。二教他樂。寂靜光因內離十種非法語者。以惡語惱人令他不安靜故是障也。依燃燈經十種非法語。一妄語。二痛心語。三龜語。四苦

惡語。五不喜語。六不樂語。七不愛語。八不入心語。九惱他語。十結惡語。又見佛光中依西國法。有欲捨命者令面向西臥。於前安一立佛像。像亦面向西。以一旛頭掛像手指令病人手捉旛脚。口稱佛名。作隨佛往生淨土之意。兼與燒香。鳴磬助稱佛名。若能作此安處非直亡者得生佛前。此人亦當得見佛光也。又樂法光因中有七。一聽。二說。三書。四愛。五護。六施。七行故也。此中護法者通論有四義。一護理法不滯見故。二護行法令增長故。三護教法說不倦故。四護果法。謂敵對惡王等護住持三寶故。於此四處皆不惜身命而存護也。第二廣結中。業者是光往因也。果是現光也。二俱同現者過去因行以依十世門故亦在此現也。第三結所依中不亂。故明了故結定智二門也。第四重釋中。何須重釋者以上云彼光覺悟一切衆生何故乃有衆生而不見耶。釋中三。初二偈法說。於中有七種衆生。得遇此光。以有緣故。一同業。二隨喜三聞修。四見行。五修多德。六供多佛。七求大果。三有三偈半喻說。於中初二偈明機眼開閉喻。二有一偈半明機業善惡喻。三有一偈明聞法勝益。第九主伴嚴麗三昧。於中有六頌分二。初一偈標名及意。二三千下正顯業用。於中五偈。初一偈化現身座則主也。次一偈眷屬。次一釋眷屬勝。次一顯主勝。次一結通十方無邊法界身也。第十寂用無涯三昧。於中有

①聞一顯。②(者)一。③謂二辭。④(唯)一。⑤四願顯二明。⑥名二大仙。⑦三二四。⑧於二謂。⑨[中]一。⑩[本]一。⑪前二帶。⑫[了故]一。⑬[生]一。⑭[偈]一。

三十五頌分三。初一偈標意。於中往返約方出入約定。二或東方下正顯業用。三是名下結無礙。第二業用中。二初約位總明自在。二一切鬼神入正受下明微細差別自在。前中三。初明器世間自在。二東方世界下於智正覺世間自在。三於眼根中下於衆生世間自在。凡論菩薩三世間自在有二義。一菩薩身作三世間故得無礙。二菩薩於三世間處示現自在。今此文中初二世間約後義說。衆生世間約前義說。文中互舉。理實通具此二義也。就初二世間自在中。何以得成東入西出等者。通論文中有四重無礙。一處無礙。謂以東方則西故。是故不移。東而常在西也。問文中不言不移而至。何必不是東沒西出耶。答文中既言常見在東亦常見在西。故知非移動也。二佛無礙。謂以東佛則是西佛故。常在東佛前則是恒在西佛邊也。三身無礙。謂在東之身即是在西身故。是故不動。東身常現西也。問豈是不分身一身在東一身在西耶。答若多身在多處何成奇特。何得名爲不思議用。也是故當知定不分身。四出入無礙。謂以入定則是出故。是故不壞。入定常見出也。問何必不是先入後出耶。答既言常見入亦常見出故知是則也。理實義中具斯四重。然此文意爲但顯彼菩薩功力故初之二種非此所辨。以初二則菩薩無力故。問此利那入定何因則是出耶。答如幻巾作鬼此鬼則生是死。何以故。以有則是無故。出入等

亦爾准思之。又此菩薩以法界爲身故。是故縱於東方百千界外見。法界時以法界非是分限法故隨顯現處無不全現。故菩薩身常在入定中現恒在出定中現。無礙顯難思議也。是故若向出定門中。看唯見出不見入。亦不見出竟時也。餘義准之。又若約境論理數法爾如此圓融。若約智說由菩薩智了達此法運動自在。今此文中具通二也。就衆生世間自在中。初二約自身後約他身。自中約十二處辨於中緣起無礙定等圓融。一一皆有十事五對無礙之相。第一對根境無礙。既觀根入定還應從根出。爲顯此根則是境。故從境出也。以一心緣起無二而二故。恒相則而根境兩分。第二對二定無礙。謂理事二定也。爲分別境事應入境定。反入根中爲觀根空寂應入根定。反入境中以分別境事。智即是觀根無生智。是故二定無礙唯是一心。第三對二境無礙。謂深廣也。此所分別廣事即是無生無性深理故。是故真俗雙融唯一法界。但以不礙二義故。寄俗於境寄真於根。理實通通第四對出入無礙。謂以入定則出故。是離起定而念不亂也。第五對體用無礙。謂自他也。謂離現於境廣故。人不能知。恒寂故。雖起於定深故。自心恒不散。是故此上十義同爲一聚。法界緣起無礙相則故也。又此中復有三重希有。謂根入境出已爲一希有。復能境中更示無邊分別。非天人所知。爲二希有。從境出已示此分

別已甚希有。復於彼時定心不散更復希有。何以如此者。欲顯三昧純熟故也。文處可知。二童子身下於他身無礙。此有二義。一菩薩化現彼身轉變速疾。二菩薩既具三世間身。則以一切衆生實報之身作自身故。是故現彼身入此身出也。而彼遍計衆生不覺不知。除應度者。此明定用自在可知。第二微細差別自在中。亦三世間皆分折顯示。於中毛孔毛端是衆生世間之差別。佛光明爲智正覺之差別。微塵等餘並器世間之差別。悉是菩薩身現於彼等中出入定也。非是觀彼入定等。以文中皆言現故。現者現身於彼中也。第三結者有二意。一近別結此第十定。二遠通結前十門。是略。約實則無盡。第六喻說玄旨分。亦名舉劣顯勝。分以上來所明正顯一乘普賢行德。窮乎佛境。然位次之言蓋是外凡十信之位。既越三乘反於觀聽。滯情對教。取信無由。是故舉斯近事以鏡玄趣。令開悟耳。於中有七十頌分二。初一偈總標。於中衆生業等者。下文諸天修羅等是正報。海風等爲依報。大梵天等。並於世間有少不測。故云難思。所以爲喻。況二別辨中有十八大喻。一聲聞現通喻。喻菩薩自在饒益衆生力。於中三。初標意。謂理實聲聞之通比於菩薩。如牛跡之與大海。螢燭之與日光。故云無可爲喻也。但以今舉。螢燭尚爾。矧乎義陽。令聰慧者翻對懸解。彼云聰慧者能解是義也。次

●(於)一● ●[時以法界]一● ●看二者● ●[欲]一● ●[一]一● ●二一●

得八下舉近喻後現作下顯遠趣。二水現四兵喻。喻菩薩海印三昧德。三海天妙音喻。喻菩薩總持巧說令衆喜德。四女授辨才喻。喻菩薩方便智授法令喜德。五幻師化術喻。喻菩薩不思議解脫力轉變悅機德。六修羅入林喻。喻菩薩自在無礙通七象王隨變喻。喻菩薩定用隱顯自在德。八修羅大身喻。喻菩薩現法界等身德。謂如上文三千大千世界中化一連華滿世界等知之。九帝釋破怨喻。喻菩薩降破衆魔德。十空聲說法喻。喻菩薩無功用心說法利生德。十一空聲安樂喻。喻菩薩慈音除惱德。十二天王普應喻。喻菩薩圓迴之身應機無礙德。十三魔王自在喻。喻菩薩十力攝生令同行德。十四梵身殊現喻。喻菩薩以解脫力遍坐道場說一切法德。十五摩醯數帝喻。喻菩薩一念了知一切衆生心德。十六風輪持散喻。喻菩薩大願宿成無心無礙而辨說應機德。十七大海包含喻。喻菩薩蘊積衆德印現祥德。十八龍王遍降喻。喻菩薩窮盡法界普雨法雨德。第七校量勸發分。於中有十顯半。初一偈喻況難。二一偈明說者難。三有三偈半顯信行者難。四若三千下五偈舉易顯難。各是一事向後漸難可知。第八顯實證成分中有三偈。一辨益有三。一動地。二降魔。三滅苦。二諸佛摩頂。三連讚隨喜。第二會竟。

華嚴經探玄記卷第四

華嚴經探玄記卷第五 是第三會盡

魏國西寺沙門法藏述

佛昇須彌頂品第九

將釋此文四門同上。一釋名有二。初會名者。約法名。十住會。約處名。初利天會。准釋可知。二品名者。佛是化主動靜無礙不。去而進故云昇。昇至何處。謂須彌頂。須彌此云妙高山。謂以四寶所成故云妙。謂東面黃金。西白銀。南頗梨。北馬瑙。餘山唯金故非妙。獨出九山故云高。高八萬四千由旬。經廣正等。亦名安明山。頂者山巔也。謂此山頂中央有帝釋宮。四面各有八埵如臺。去釋三由旬中別有宮城。三十二天輔弼帝釋。并釋有三十三也。今趣釋宮故云頂也。約處表法明十住成位不退勝故居山頂也。即從人用及處三義立名。問何不在人間說耶。答爲顯行位漸昇進故。又表成位離染故居天也。問何不至四天王天。答有三意。一以彼是雜鬼神天。顯法非勝故。超過也。二爲寄法以十信是外凡退位十住是內凡不退。欲表進退懸殊。故越四天王處也。三若未至山頂。容有進退。到山頂上即安住不退。是故越彼山腹處天至此頂處以表法也。二來意亦二。初會來者一答前十住問故。二前已明信今顯依信起。解故次來也。三前信但是位前方便。方便既滿。正位顯彰故次來也。二品來者前品辨信

究竟。今將赴後位故來也。三宗趣亦二。初會宗亦二。先約人謂化主及助化各有體相。用約住準之。二約法謂十住教義義中以平等法界爲體。十住行位爲相。應教所詮爲用。教中以六決定爲體。十住不同爲相。益機爲用。相即無礙準上思之。二品宗者以嚴處請佛。如來赴感爲宗。四釋文者就此會中有六品分二。初二明方便發起。即序分。餘四品是當會正宗。前中二初品是如來應感序明果德備。後品明集衆光讚序明因德圓。即顯十住位中具因果宗圓備故也。前中三。初辨化緣。二爾時帝釋下嚴根欲三爾時世尊下明根緣契合。初中二。先體融遍周法界。後明用融。謂不動而進。前中初一句明體融所由謂佛力也。下明融遍之相。於十方各一一閻浮等者。是上光明覺品所辨。十方各乃至不可說不可說虛空法界等世界中皆有菩提樹下盧舍那佛。各與海會菩薩衆并與文殊師利乃至寶首等悉各說法。以諸會衆各不雜故云自謂在也。今並同時集衆各昇本界天上而不離本處也。若約小乘三乘等中說經施化。但論在某處等。無此一說一切說等。今欲明一乘法。即主伴圓明故。法如此也。於中三世間融。二依正二融。三於正報中有三寶相融。謂說種種爲法寶。菩薩爲僧。對如來故。四於諸菩薩有三業融。謂顯現是身說法爲語。自謂爲意。問何須集此者。答欲明具主伴。凡一法起必具一切故。問

何故皆以菩提樹爲本。答以是得法初處。故。又是覺門故。第二用融中初一句用融所由。次不起等正明用相。此中不起。此而昇彼者。古人三釋。一云本釋迦身不起道樹別起。應化以昇天上。若依此釋昇天。之身是重化身。既非深妙。恐乖文意。一云不起是法身。昇天是化用。此恐非理。豈可法身坐道樹耶。一云此昇天是不往而至。以昇天也。如不來相而來名善來等。若依此釋。但是無昇相而昇天。非是樹下有不起之身。故亦難用今解此文。略有八義。一約處即入門。謂以一處中有一切處故。是故此天宮等即本在彼樹王下中。故云不起也。然先未用此天宮處。今欲於中說法。用法說爲昇也。又相即故不起也。門別故有昇也。二約佛謂此坐。樹王下之佛身即遍法界一切處故。是故佛身本在彼初利等處。故不待起也。今欲用此初利門中之佛故曰昇也。是故若起即不成昇也。三約時謂由此樹下座上佛身即遍前後際等九世十世一切時故。是故此佛坐樹下時昇天。去時到天處時。一一時皆遍法界攝前後際盡。即知坐樹下時永無起時。法云不起也。若正去時亦如此。故唯有去無餘也。皆念念不相至。各各收法界。如是緣起門無礙恒不雜。四約法界門謂此昇去無自性。故即攝真如法界。以彼樹下坐等亦不異真故。同真如在去門顯顯故。不起而昇

也。五約緣起門。謂坐由行故坐。坐在於行中。行由坐故行。行在於坐中。是故由行中坐。故昇天即不起也。由坐中行故不起而昇天也。行坐無礙故即昇常坐。即坐恒昇故也。六約佛不思議德。謂即不起此坐。即是行即是臥即是住。即是到一切處。即是作一切事。並非下地所知。七約所表謂表前位行成究竟堅固不壞。故云不起前座。而有赴機用。故云昇也。八約成會謂後會必具前故不捨前而成後。若捨則壞緣起。是故不起前而昇後也。第二嚴根欲中遙見佛來者。約佛用從體起。約機境從心現故也。於中二。先嚴座表。相於中先總後別。別中初外報後內報。二合掌下辨欲。第三根緣契合中亦二。先昇殿後昇座。益前中二。先赴感。二成益。此二各二。謂此界及結通益中二。初寂然等示得定益。後偈讚發慧益。於中二。初憶本行。二頌德。頌中理實過去一切諸佛體同用融。法爾無二。皆於此殿說十住法。而今却次但說十佛者。爲顯無盡故。爲說十住故。迦葉是姓此云飲光。拘那含牟尼此云金仙人。拘樓孫此云所應斷已斷。謂生死煩惱等也。隨葉亦名毘舍符。此云一切勝。亦云遍現。謂諸處皆身現故。尸棄此云有髻。毘婆尸此云種種見。新名淨觀。弗沙此云增盛。以無闕減故。亦是星名。提舍此云說。謂常說法也。亦名光也。波頭摩此云赤蓮華。錠光是燃燈佛。此佛爲太子初生時一切身邊如燃燈。故名燃燈太子。

太子成佛亦立此名。問此中後七佛是過去莊嚴劫中佛。何因得於此寶劫中初利天宮。而說法耶。答此天宮等有龜有細。龜者前劫燒滅。細者常存故也。如經天人見劫盡我此土常安穩等。又三乘所說者滅。一乘所辨者常存故。第二昇座後辨益。謂廣其殿後結通。前中二。初昇座後辨益。謂廣其殿者改常所見。故破情也。同天處者顯同理故也。前昇殿益人。此昇座益處者。爲顯依正俱勝故也。

菩薩雲集品第十

四門同上。釋名者。菩薩是證。雲是相。以諸菩薩含法雨故。相斷斷故。集是用。殿是集處。妙勝有三義。一佛衆爲妙勝。妙勝者之殿。二於中說此妙勝法故。三殿即妙勝。以稱性故。說偈是語業謂法界。菩薩如雲而集。各以妙辯宣揚佛德。故云菩薩雲集說偈品也。二來意者。前明如來昇天將欲說法。必有所被機緣。故次來也。又前明果德臨機。今因力助化。先主後伴義次第故。三宗者謂集衆放光。偈歎爲宗。衆有三類。一助化衆。謂十方菩薩影。嚮如來。二表法衆。謂諸首諸慧諸林諸幢等各爲寄人表。示法也。三當機衆。謂教所被等。此文通茲三也。四釋文中三。初集衆。二放光。三說偈。

初中二。先此土後結通。前中二。初顯所從來處。二佛神力下明菩薩集來。前中二。初明分量者。前十此百顯行位漸增故也。此中

意者取百佛世界抹爲微塵。如是東方過爾許塵數刹外有一世界名因陀羅。從此間東復過如上百塵刹外有土名蓮華。如是向東十重世界。各各相過百塵界外所。以說十重者。以顯無盡故。如東方十界餘九方亦爾。世界佛名菩薩等皆同故。云「一方各十界等。並同列名也。此唯據斯一天宮會。餘十方界皆各如此。爲法界無邊會耳。謂一會一切會等。如結通處辨。二正顯。本處三世間名。其世界名難者表所解法相非一故。佛同名月者。此是住中果相有其三義。一約體是圓滿義。二約用是光照義。三約德是清涼義。又初是正體。次是後得。後是大悲。用月表況菩薩同名。慧者是住中因相。謂解達真俗明了義故。各於本佛修梵行者顯。因依果成故。相順故。二正集來中。一初至此致敬。二敬已安坐。皆云佛力者是來坐所由。果力加威也。充滿十方者是緣起無礙義。

本末以顯佛德。後皆於此總說上歎差別德。是故總別無礙。唯一如來法界身。於中或即理即事。即教即義。即因即果。即人即法。即心即境。圓融自在。舉體全攝。此等即是十住中法。下諸偈應准知此意。初偈中分二。先叙此會事。後三釋疑。前中初二叙昇天品事。次三叙此處集相。次二叙結通事。於中先明所由。後顯其相。二釋伏疑。疑云。佛果自在可得。一身赴一切會。無有障礙。思議不逮。菩薩因人既局不足。何因亦得如此。普遍釋中三。初偈初發心深。二修行深。三成德深。故得同佛。二一切慧者以解一切法離相故。十偈分五。初三明佛非妄取所見。一明小菩薩取相見。佛不親真法。二明凡夫妄染總不見佛。三明明二乘雖觀法執不亡著假名法也。次三既妄取不見。誰能見耶。謂離妄正解佛常現前。於中一見真佛。二泯能所。以無所取無能見故。三顯觀益。三一偈明妄取何失而不見耶。謂寢冥故。四二偈真佛何德而超妄耶。謂法界淨等故。於中初偈約佛明修生功德不生滅義。謂初二句明相好功德。三三生生滅。即立宗也。下二句舉二因釋成。一云以此功德住於無住之本。故同無住也。又顯即無自性。故云無住是故即不生滅而不無功德。一言若無明未盡。障隔真如。令修生德未全同。真故有生滅。今即返此。始覺同本。故云悉淨。故不生滅也。後偈約法。以見緣起法即是佛故。以因緣生即是不生故。見理

第三偈讚中。十菩薩即爲十段。初一總後九別。以是說法主故名法慧。是故總叙此會

佛。與第四偈不生滅見佛同。五後一偈推功在本。三勝慧者以淨慧勝眼解佛深智深智爲勝也。十偈分五。初三舉妄情失。一迷。或佛深智。二妄取障。佛相。三迷陰障。法身。次二辨慧解益。於中初偈中。若約三乘觀法不實。即見理佛。一乘即見舍那法界身通理事。後明陰轉無我是佛。次三喻顯前失。於中初雖因闕緣失。二雖緣因難失。謂難無明故心不淨也。亦是無信心也。三雖緣闕因失。次一喻顯前益。後一推功在本。四功德慧者以福莊慧故。十偈分四。初四辨迷失。一取相。二見取。三無明。四無法眼。又釋上二起妄後二迷法。前中一執虛爲實。二取劣爲勝。後二中一迷自心。二迷真空。次四辨解德。一求法眼。二心無著。三有淨眼。四離能所見。上一句無見即見。下一句見即無見。次一歎佛順法攝生。後一推功。五進慧者以離妄想放逸故。十偈分二。初一明寢妄之失。後九明慧悟之得。於中初一雙了真偽。謂了妄僞不實。真理是實。次二捨僞歸真。謂初約所執無相觀。後約依他無生。次三明明僞雙融。則圓成無性。一俱真。二俱泯。三釋不俱所以。後三僞盡真圓。一不可議。二不可思。三觀益。六善慧者知佛離害心故。善說明淨道故。十偈分四。初三偈舉佛實德。一二利圓妙。二積德方見。三同理超情。四四偈辨佛所說法。一顯法無說。二明無說之說說無盡也。又亦前偈明無說故盡言。此偈明

盡言亦離故云無盡三釋前見大名稱初
偈明無見見中衆生是見者此亦無也後
偈明見無見中不壞者一見不待破故二
見不壞之理故三見體即真故三一偈半
結前知佛及說益相四一偈半推功七智
慧者聞教生慧故十偈分四初一辨自順
教生慧故立其名次六明衆生達理損於
中初二橫計入法故不見佛初人後法謂
不觀身實相故後四約位明不見佛初
二約凡位一就情過二就正理謂生死涅
槃相待故俱不可得又是二乘涅槃故又染
分是生死淨分是涅槃雙融故俱不可得後
二約二乘一約迷教二取相如港提遮
呵舍利弗云我在靜室中尊常目前現仁
稱阿羅漢常隨而不見次一勸令順理成
益次二學法釋成謂何以執有不見佛耶
釋云法實是無以佛智求不可得故又云
以明了三世一切法空故名如來是故當
知若取相等不見佛也八真慧者見法
身真理故又慧同理名真慧十偈分二初
二歎佛名德一標二釋後八明佛義德於
中二初三會佛所知二諦境成法身觀一
標謂以爲無和合故俗等真二釋約三時
求合相不得三成觀益次五會佛境智成
絕能所行於中四一舉境智二泯能所
謂境智一亦不可二亦不可證如反望無
如外智故無覺亦無智外法可取故無所
覺是佛所修故無一無二也此有三義一
約境真俗非一二二約智虛照非一二三

約境智非一二准釋可知三釋無一二
以境智無和合故又上中標宗下釋以一法
無自所依故爲衆也爲一亦爾兩俱無性
何有緣合又藏性依緣一爲衆也諸法依
藏衆爲一也互無自性各無所依無所依
故云何有緣合以體用俱泯故云作者及
所作俱無也四若能下明觀成益二句標四
句釋謂此不可得處是佛所依此中絕能所
故云無依無覺也九無上慧者慧離上相
故十偈分三初一釋已名次八顯佛德
於中初六辨佛內證德謂一境離塵妙修生
德是龜由空故不作也眞理是細本有不悞
望也二離數無數此二約境三離照無照
此約智四一偈半離依無依五一偈半離
一二相此上約境智俱融後二顯佛外化
德一教令住法無所住也二得見眞身
無所見也後一推功十堅固慧者知佛
恩不可壞故十偈分三初六舉佛恩深次
三慶已逢遇後一結歎無盡前中初一句標
恩餘釋顯恩相一爲物出現二見物深苦
三明救苦唯佛四興樂亦佛五佛衆亦能
六見聞獲益二慶遇中三一慶已益二衆
同益三重慶見智益亦是結已所說後一
是總結上九人說

十住品第十一

初釋名者菩薩是人十住是法謂得位不
退故云住住法應圓依則說十即帶數釋
又此住法是菩薩所有是有財釋又菩薩之
住依主釋又菩薩即住持業釋問前外凡賢

首品唯約入名後十地聖位唯約法名於
此內凡三賢之中入法合目者何耶答前位
未成故就入法目三賢位劣人法合稱聖
位顯著故唯約法名此亦是施設漸增之相
問等是人法合目何故十行十迴向提別人
名此中舉通名耶答於賢位中有三謂下
中上此當下品劣故舉通名十行是中賢
次故雖提別名然約義少改名華聚等
也迴向是上賢勝故稱本別提名金剛幢迴
向也二來意者序義既彰正宗宜顯故次
來也三宗趣者十住法爲宗依此得果爲
趣餘義如本分中說四釋文者就正宗
中有四品分二初三品是當位行德後
一品是勝進趣後前中三品即爲三段初
品明位次品明行後品歎德又初是解次
是行後顯德同上明難等三品問何故前
會無別勝進趣後此中有耶答此中位成
故勝前故又前信無位總爲趣住方便故
今此位成是故別有進後方便也問若爾
何故迴向品後無勝進耶答以世間位滿
故不須也又總攝前諸位作證地方便故
也就此品中有七分一二三分二加
分三起分四本分五說分六證成
分七偈頌分初中何故入定者有六意
一以此三昧是法體故二顯非證不說故
三顯此法非思量境故四察機審藥故五
爲受佛加故六爲顯諸佛同說故文中
四一辨入定人何故法慧入者是衆首故
餘入則亂衆調伏故顯十住法慧能說故

二顯非已力三明所得定謂簡佛果故云
菩薩觀解善巧故云方便即住法也方便多
端故云無量即是十種也四納法在心故
云正受二加分中三初總辨能加二顯
加所爲三正明加相初中六初顯能加佛
處所遠近二能加佛數論云何故多佛加
顯法及法師所增長恭敬心故又欲顯一
切佛同說是以承諸佛神力於此法慧說即
是一切佛說也此通因果二說故三顯佛
名同者有四意一明得法不異故二彼菩
薩聞諸如來同已名重增踊悅故三顯往
中因果同故四俱諸佛於此住門中爲能
加顯顯皆名法慧以法力故法爾故四
歎得此定乃能者是希越之辭明希有能
入此三昧者問何故諸佛於大眾中歎入
此定答以彼法慧默入斯定爲衆不知所
入是何無心渴仰不得爲說是故諸佛舉
三昧名對衆稱歎起衆欲樂也五善男
子下明得定所依謂彼諸佛自說由已作
加力故令得此定六又盧舍那下彼佛自
釋作加所由有三句一由舍那本願力故
令我作加依地論釋舍那過去曾見有一
盧舍那佛加一法慧菩薩說十住法當時
能加諸佛同名法慧因即發願願我成佛
亦有斯事今如本成是故加耳二亦是舍
那現在神力相感同加三是法慧自善根熟
堪說法益衆上感諸佛是故同加略無大
衆機感之力後會處具有又舍那宿願顯法
根深謂久遠已來修此住法擬於今時爲

機宜說威神力者正顯今時傳授此上是化
主力後一助化力顯因果俱顯主伴合辨以
成化事耳二顯加所爲中初句總次九別
後一結同異成壞准可知別中一增長本有
佛性慧慧令向佛果成不退故此約智也
二開解在經法界理令得顯現此約境
也又開示解法界理故三剖析衆生性
類令辨在十住等位各差別故又知五性
差別此約後智又衆生之界即如來藏分別
者爲了因故又是解釋故又分別一衆生
處即有一切衆生及一切諸法門等故也四
約一乘即治滅性滅三障四障使習等故
三乘除外道我執上心黑障此約斷德五無
明障盡智冥真境故云入無礙境也又入
因陀羅境故云無礙也此約勝進入果境
六巧入果智相攝總持此約入果智即入
密智也七明照真俗此約智用八知衆生
根生熟多端又知同如又知一根即一切
根如根欲性海等九稱根說法任持根
性使不差失又持行不失持義不散又
持法不滅等結者謂廣說何法成此等事
所謂菩薩十住也三加相中三業加口加勸
說以增辯意加冥被益智身加摩頂以增
威何故先口加以因前語便故次意加中
二初加後釋加中十句初一總謂令於大
衆中說法無礙即無礙解也九句別顯無
礙同異成壞可准之一無住著故無礙即
無著辯才二說時不斷謂不忘名義即住
放辯才說不待次言辭不斷等三說時不

難無明以不乖正理故四所說理決定
故又異論不能壞故五善淨無過故謂不
求名等惡故六於一切法能隨順說故又
達一切義故七超過下位故又餘無能越
故八說無厭倦故又離慢故九言無退失
故又言無退理故又言不退屈故下釋偏
加所由諸佛有力有慈悲何故唯加法慧
不加餘者釋有二因一以得定力故二法
爾故謂如水流法爾趣下今此亦爾凡有
能說十住法人理數如此諸佛神力流聚
在中故云也身加摩頂者增其威故令從
定覺故安慰令說故又彼諸佛等不來至
此手亦不長而摩此頂又諸佛手皆全摩
其頂而互不相礙是法界緣起不思議法也
第三起分者有四意故一已內證法故二
已得勝力故三說時至故四定無言說故
是故須起也前初會普賢爲果法深細故
定中說又顯普賢自在故此明因行故寄
出也第四本分中二先證本後教本亦是
先體後相初中先對前後諸位料簡者何故
信中無此義者以未成位故此是位體故
何故此名種性乃至十地名善決定者以
此位最劣約種爲名十行大增約依種所
發業行爲名十迴向更增故約行後大願
爲名迴前諸行向正證故十地已得真
證必然故名善決定此等並是位中通體隨
位漸增有茲階降是故十住十行無大善決
定者是劣故也又以三賢中下故最劣故
未辨此大用也又以自利增故又以約

●(此)一● ●俱二但● ●顯二現● ●故十(爾)● ●折二折● ●(機生)一● ●任二任● ●住二任●

種未現行故。種性義略作三門。一釋名。種是因義。性是體義。又性是族義。謂種族也。又姓是類義。謂種類也。二出體。有二。一性種性。二習種性。性種有二門。一就有為無常門。如瑜伽云。六處殊勝無始展轉法爾所得云云。二約無為常住門。如寶性論云。真如性者如六根聚經中說云云。習性有無者。一約護月唯本性。二勝軍唯習性。三護法俱二。四如緣起俱離。三諸門分別作五門。一約性習前後。二約五性。三約六性。四寄位。五諸教並如別說。又性起品云。菩薩摩訶薩自知身中悉有。一切諸佛菩提。何以故。彼菩薩心中亦復如是。無量無邊。無處不有。不可破壞。不可思議。文中六句。初一句總。謂五種性中簡去餘位。故云菩薩種性。下五句別顯種性義。一甚深者是幽遠義。一約有為性。徹窮後際故。二約無為性。真如法性離相離性故。三約用出生勝德。不可盡故。四徹同佛果故。又照窮逾遠曰深。畢竟無底曰深。幽玄無極故曰甚深。二廣大者是。苞含義。普遍義。無邊義。前即深無底。此即廣無涯。此通有為無為能生所生因果等法。准別顯之。三與法界等者是勝善義。謂大白法界等故。又具足人法教義因果理事等一切法故也。四與虛空等者是因善義。謂成無常愛果因故。如虛空。以在地前略。無常果因。又亦由上深故等法界。廣故同虛空。或俱通二。或與上別可知。五是不怯弱義。

以從佛種中生。故亦是釋種性名義。又亦得諸佛從菩薩性中生。又是釋上諸句。謂何以得知深廣等法界等耶。釋云。以是三世佛種性能生一切菩薩等故。二顯相中三。初標數引證。謂三世佛果無不皆由十住因感。如大王路。埋無歧徑。故云同說。二列名。謂一周圓以明十種。三結說。此中十住義略作十門。一釋名。二辨體。三明所依身。四所行行。五所觀境。六所離障。七所成德。八所寄法。九所攝位。十所成果。初釋名有。二總名如前釋。別中初者謂依外凡。十千劫來修信善根方便行滿。於大菩提起決定心入位不退。故云初發心。初發心即住。是持業釋。此當起信論中信成就發心也。二精練此心使離染明淨。故云治地。謂歸治心地也。三妙觀空有而正行薰修。故云修行。四生在佛家種性尊貴。故云生貴。謂此寄當無流位故。五巧不滯真。起悲愍物。滯真隨俗。此二合觀離邊巧備。故云具足。此同五地難合真俗而能合也。六觀無二法。既漸純熟。聞讚毀佛等心不傾動。故云正心。心即是正。故云正心。又正是境。心是智。以心住正理。故云正心。七止觀雙運。緣不能壞。故云不退。此同七地雙行相。八三業光潔。離染如童。童行性成物莫能沮。故云真也。此同八地無功用行。九應機善說。紹嗣法王。故云子也。十住位滿足成就。就智身。諸佛法水以灌其頂。故云頂也。若依圓教。此灌頂位滿即成佛更無十行

等。如下文海幢比丘處說。若三乘教則不如。此但是解相未證真。故得名有三。謂第四八九十從喻為名。第七約離過受稱。餘並約功能為目可知。二明體性者。作三門。一約所依。即以無量方便三昧為體。以依此定說十住故。下論云。此三昧者是法體故。二約本。即以前種性甚深等為體。以彼是此十住體故。但隨位說十。而無別性。三剋性約所緣。以真俗二諦。約能緣以悲智二行。餘行眷屬皆此所攝。又真俗境俱融。悲智唯一。此二復圓俱融。法界無障礙具德自在是其體也。此約圓教辨別。第五說分者。十住有二分。一果分圓融不可說。二因分隨說有二分。一約普賢自體行。二約普賢位相。此有二分。一阿含位。此品說。二證位。如十地品說。今此正說阿含位。於中有二。初明攝體之位。後辨隨相之位。初中釋十住。即為十段。一一皆有二。謂先標後釋。釋中皆二。初修行是其別相。以一住中各修一行故。二觀解是其別相。以諸住皆有解悟相故。前中各二。初自分行後學。十法為勝進行。勝進行各二。先正修。後何以下釋修意。其中第一第十文相加者。以初為行本。賴多緣故。後為位滿。德深廣故。又釋一一中皆二。謂標釋。釋中皆三。初明入住行。二學十法為淨住行。三住滿得果。準地論。諸地皆有因體果相。即入住為因。淨住為體。住滿為果。並可知。今且依前釋。初住中先標名後釋義。釋義中二。

①位一性②深二底③苞二包④遲二遲⑤別二例⑥理二理⑦國二攝⑧流二漏⑨帶二帶⑩沮二阻
〔等爲…緣以〕二十七字一①②③④⑤⑥⑦⑧⑨⑩⑪⑫⑬⑭⑮⑯⑰⑱⑲⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺

先別行中二。先自分後勝進。前中二。先明行本謂發菩提心爲十住之本。但轉此心漸增勝故。後諸住故也。二所得。前中初六句。舉發心所依緣。次一句明所發心體。次一句明發心所求。後一句明不退還。又釋初六句釋發。次句釋心。次句釋菩提。後句釋住義。前六句中二處聞說法者。初聞餘人說。後聞佛說。又初略說後廣說。又初說因法。後說果法。又七緣發心準辨。又一向不迴者。簡異外凡也。二所得中。分是因義。謂由初發心得成。十力果法之因故。此約始教辨。二分是未圓義。謂由入住不退。始生佛家得佛體分故。謂於十力隨分而得。此約終教辨。三分圓無礙故。得分即得圓。但以就普賢門中辨。是因而非果故云分也。此中於流盡亦分得者。準教知之。又此十力小乘中至佛果始得。三乘中地上始分得。一乘入位即得故也。二勝進中二。先正辨後釋成。前中有十句。一供諸佛。二歎諸菩薩能捨自樂忍苦求果。三以勝妙法化諸衆生。不令彼心墮。凡小位故云護。又護善根令得增長。四準下頌當第三常歎實聖。此云親近者此約自利。頌約利他。謂進而常歎也。五歎淨妙法。魔等不壞故知不退也。六以佛功德安立菩薩故云修。此順頌。七巧化衆生令得見佛故云歎美生諸佛前。八善修三昧以教衆生故云方便。九轉妙法輪滅生死輪故云也。十爲生死苦類作清涼歸處。又釋九令離無常苦。十令其得常

樂。此十並準下頌文知之。二釋意中。先徵後釋。徵云發菩提心已。何故復須學此十行。釋有三義。一欲使此心轉增勝故。二令堅固故。三令成果故。又一令自分堅固。二勝進轉增。三終成佛果故須也。二同相中明悟必賴緣故云有所聞法。解從內發故云不由他悟。然他義有三。一小教。二心外。三性外。自解亦三。翻前可知。故下云雖知一切法不由他悟。而求善知識無有厭足。下諸住中隨位漸增義皆同。此二住中。初自分內十心者有二義。一隨於一衆生即起此十心以顯無盡。二爲辨十心別異相故明於十種衆生處起。一於怨憎衆生不念加報。二於受苦衆生三於乏資具衆生。四爲不善衆生令住善行故。論云安者因處樂者果處。五於得善因樂果衆生。六於有流衆生度令發心。七於初發心衆生。八於修善薩道少劣於已衆生攝令同己。九行與己學推之同師。十德少過己敬同於佛。此十並如第二地集果中釋。二勝進十行中。初一總謂若不多聞行無所依。又以何化生故須也。餘九別。一標求多聞意。又是捨離已欲。二近善友。三順其教。四不非時請問。五不畏不得法。又不畏深法。六解深義。七達正教。八於教義中擇取修行之法。九依法正修離障成德。故云不動也。下釋云以此十行修治慈等令更增廣。故須修也。三住中初十分是護煩惱行。謂是中令行不住。故總明無常

義。初一是總。無常者是無物可爲常。謂自性不成實。無常等三性準之。二苦謂五蘊洞達空爲苦等。三空謂三無性真理空等。四無我謂無二我。又於我無我而不二等。具如掩提遮說。五繫屬因緣不得自有。所有在。六世法妄機惡不淨相。又以速滅樂所以不逮。七成無所集壞無所散。八無實可當名。又不得須臾住。九相有體無曰虛。執虛爲實稱妄。又無實故虛。詐實故妄。十世法速滅。縱加心防護亦不能令住。又釋緣中無力故云無精勤。由無力故無和合。無和合故無堅固也。此十無常如三地論中釋。後十句勝進中是護小乘行。於中初一是總。謂分別衆生假名不實等。又分別種類差別等。餘九是別。一知衆生惡業染淨法界差別。二知衆生依處別。次四知四大成衆生別。次三知三界。別衆生處細別。又釋第三句總知依報。次四大出器體。次三界辨器相。皆分別即空及差別等。釋中徵云前既但觀無常空等。何故復起如此分別。釋云以即空分。別事方令慧明淨故也。四住標中釋名可知。法華云。從佛口生從法化生等。初十分同。四地中十種法。知初三攝心入理以修止行。一體心於佛。二窮法原底。三安心契彼。以此寄當出世位故。於三寶得不壞淨信。後七照達事相以修觀行。一分折所化衆類多端。二應機現利差別非一。三衆生依報染淨類異。四業有黑白不同。五果有苦樂之異。六生死有七種差

●(一)十分● ●此中於二於中● ●進一近● ●學二齊● ●別二明● ●知二智● ●願二深●

別。七涅槃二四五異。皆於此等分析顯空及聚類差別二義準之。又釋七中一總舉。正報染淨。次二依報染淨。次三因果染淨。次二分位染淨可知。後十勝進中。初三尋思簡擇。次三擇已正修。後三修已成滿。末後一總結無二。又釋初三教法。次三行法。次三果法。後一理法。徵釋可知。五住中初自分內。初一總餘九別。前第二住發起此心。此住舉善根。顯所為漸熟故別也。九中一令修善行。二令得樂果。三不令著樂。四令修出道。五令所生處離。八難等。又令離惡業等難。六舉欲令出分段變易等苦。七示以正法令滅不信及疑故喜。八授以三學控御造修。九令得學果。又七智八定。十斷果勝進學中。一由無對治故生死無邊。二此約去來。故為二句。三約現在苦。四約十方。又約體性。又約根欲。五約下二界。六約無色界。又約類多。七約所執性。八九約依他性。謂初句依緣後句無實。又初無性後似有。十約圓成實中空如來藏辨。又七約無相。八約無生。九約無性。十總結三無性。下釋中無染著有二義。一既以善根救攝衆生。以學知衆生無邊等故不著。限分等心。即是廣常二心也。二學知空等故不執著。實是不顛倒心也。由此所學。令前慈等方得順理。行增故須學也。六住自分十中。初四約所敬三寶修平等觀。次三約所悲衆生修平等觀。後三約知法界明平等。以讚毀之辭皆從緣起同無自性。無性

之理是此觀境。是故不動名正心住也。又佛具勝德理宜褒讚。故聞歎不動若執佛情有既非正理。故聞毀不動。又毀相令盡。讚理令顯。故皆不動也。是故商主天子經云。又復問文殊師利。若復有人毀汝所說。彼將何云。答言當向涅槃。又問何緣作如是說。答言一切無有不毀語言而能得至聖解脫中者。所以者何。其聖道中無有名字章句語言可說。示。若不信者彼等當不解脫。又問何緣作是說。答言不可已得。解脫復得解脫。又法界隨證有淺深。故云量無量也。世界多故云法界成壞。故顯中云世界成壞也。空不空為有無也。由得此十種決定心。故於緣逆順皆不能動。於此位中有示現退。為引初心懈慢等故。如舍利弗法才王等。是故第七方名不退。勝進十中。初三約三無性觀。四約惡業。五約果報。六約能現。七約所現。八無體。九現實。十緣集。又釋此十皆展轉釋疑。疑者聞所執法無相。即謂依他為有。釋從緣無性。復執既無依他。在纏真如豈不須修顯。釋性淨故不待修也。復云真若性淨煩惱業等豈不斷除。釋無所有故。執云若爾何故現有依正果報。釋以依真不實故。復云若世法不實。真理與諸法作依。此應是有。釋如虛空與色等為依。然自體非有。復云所依若無能依諸法應有。釋以依他無自性故。復云若爾應壞業果。釋如幻故。復云若爾世人何不見是幻。而見是實。釋以在夢故。復云夢

者見夢境。悟者則不見。世法不爾。凡舉同見。釋如善雖長幼俱聞。然了不了別也。何以故者。問云前聞十法。心定不動。已順正理。何須更觀如是等耶。釋云欲更深入。令得後位不退忍故。七不退住自分中。心堅不轉者與前正心何別。釋前正心入理。今理事不退。以念念淳至。雙現前故同。七地也。又可前位會事入理。此俱行。後位從理向事。以漸純熟故也。是故前位但於三寶等處聞讚不喜。聞毀不憂。猶未堪聞有之與無。以不勝故。此中聞有無利害。轉深堅固不動。故過前也。中約理為無。約事為有。以是有即無之有故。聞有亦得無。不為有所動。以無。即有之無故。聞無亦得不為無所動。以得雙行故爾也。又約三性以釋有無。又不出生死者以無可出故。大悲不捨故。又三世同如故。一相不壞。差別故非一。勝進中十法五對。一一多相。即二教義相依。味是教也。三有無無礙。一所執理無為非有。即是情有故為有。二有此理無故非有。即是情有故為有。二有此理有。四依他似有故非有。有此有故以為有。五依他無生為非有。不壞似有故為有。六有此無生故準之。七真如離相故非有。有此真故為有。八空真如為非有。即是不空為有。九無性性為非有。有此為有。十隨染隱故非有。性本淨故為有。有是非有者。翻前十義。即是應知。四相非相無礙。五性非性無礙。並具十義。逆順同前準知。又

釋後三對約三性三無性。如次應知。釋所學中。欲使雙行無礙善巧圓滿故云。具足等也。八住中謂從理向事而不失理。故云。心得安立。自分中初三業無染是童真體。以不失真理令事清淨。是自利行。餘是利他行。以三業淨故。能受生自在。知信等心。從心起欲樂。習欲成性。依性造業。並如第九地十稠林處說。又如發心功德品。說。知器世界二十劫成等。又知集故成散故壞等。神通自在。總結三業勝用也。勝進中初六外器自在。後四自身自在。又釋初七明廣學。知廣大三業。後三明自在三業。初中。光明意業。中一總知器。二知已能用。三雖動以願力持令不壞。又持令常用。四觀其即真等。又觀染淨差別。將欲往詣故。五明身業。謂觀已須往處詣之。六非但大第往詣。亦能一時遍至也。佛剎定有佛也。世界通有佛無佛也。七明語業。謂若至有佛處能問佛妙法。若至無佛界能善答衆難。別本中同後釋。八明自在身業。謂非但一身至多世界。又能變化復作多身成。法界身業。九語十意。皆成法界自在勝用可知。下微釋中明凡於一切法即得巧用自在圓滿成就。故九住中同善慧地。於自分內一解六趣。即是生行稠林。二是使行稠林。三是習氣行稠林。上三所化。四是能化方便智。五是智成就解法藥。六知化儀。示法師威儀。七解化處。謂所化衆生住處。八解化時。謂所化根機生熟時等。故知三際也。九不動真

際建立諸法。十不壞假名。示諸法實相。勝進中既爲法王之子。故須學知法王住處等。於中一住處者有八。一約法身無住處。二約智住真理。即住無所住也。三約報身住淨土等。四約行德住。四梵三空及慈悲殿等。五約化身住摩竭國等。六約十佛住國土海。七住華嚴界等。八內住無障礙法界。二善知外化現四威儀。謂隨衆生須行即行等。三善知安立法王處者。謂由機感及悲願。赴故身土方現。故云安立。別本名與立也。四巧證真理。又巧就應機。五依證起說。又就機剖別。六知佛以智水灌得位菩薩頂等。七知佛法當以何持而堪受持。八知佛十無畏答難不怯等。九知佛處世不染。又無著辯才等。十知歎佛之軌則。又知佛可讚之實德。釋中爲得九地四十無礙智故。十住自分中二。先十顯所成就智。後十歎其勝德。前中初五明世界無礙智。二隨心迴轉。二暉光照覺。三顯等。任持。四自在普入。五至處皆嚴。次三知衆生心行智。一知心。二知心所行境界。三知根海。後二授法智。一應根與法。二令滅惑成德。故云調伏也。又亦初標意後釋成。謂云何度。以三學調伏故也。二辨勝德十中。初四明身業不可知。即是業自在義。後六心智不可知。即是智自在義。前中一。身色微妙。二依身起勝業。三變現奇異。四奇特無礙。又釋初身體。二用。三神足體。四用皆不可知者。以事即同理而顯事故。又以用顯顯密故。後六

中初三智窮三際。即三達妙智知一切時也。四嚴淨刹智。即器世間自在智。知一切處也。五衆生世間自在智。以染淨業集起心是衆生故。六智正覺世間自在智。又釋心即定也。後爲慧也。又釋心境是俗諦。以是集起故。即是上九之本智。境是真。以照理故。即結歸真也。以此真俗無礙雙照懸鑒。故皆不可知。下簡定其位。謂豈可同位菩薩及佛亦不知耶。今釋如文。後勝進十中學。佛一切智一切種智。即當位滿足灌頂作佛。以攝諸位皆具足故。如下入法界品海幢比丘頂佛說法處。知之。一準下頌文總學三世諸佛智。二學佛教法智。三理法智。四理事多門無礙智。五大用普周智。六對緣覺照智。七世界依持智。八下窮生界智。九上盡佛果智。十果德多門智。此中灌頂有受職義。與法雲等同異云云。第六顯實證成分中。二先顯實。後證成。此二各二。先此界後結通。顯實中此界內三。先動地內。一動因。二動處。三動相。二兩供即身業。三出音即語業。以法準之。二證成中此界內四。一菩薩來。此於中有來因來處來人也。二發言讚美。三述已引證中。一說人同。二處同。三主同。四義同。五衆同。六教同。四顯其來意正結成證。第七偈顯分中以四句成一頌。即有一百一頌半。分二。初有九十二頌半。頌前十住法。後九頌結歎勸修。前中頌十住。即爲十段。就初住有四十六頌。於中分四。初三頌前發心緣及體。二三十二頌得

十力分。三從菩薩如是發心已下十。一偈頌應學十法。第二中亦三。初十頌十力行。二有二十頌求所知二諦法發心。三震動下二十頌爲求佛三業發心。於中初十頌身業。二十方已下三頌語業。三一切十方下六頌意業。下一結歎。又此廣大三業是此住中所得。謂三業隨智行等。三頌勝進所學中。不退敬者說順。正理教無改易。又說。此入位不退之義。教。又順此教法得不退。故。前是持業。後二依主。於前勝進十法之中。十頌次第各頌一法。後一總結並可知。第二住中六頌。初二頌自分。後四頌勝進。第三住中有五頌。初二自分。後三勝進。第四住有六頌。初三自分。後三勝進。第五住有四頌。半。初三自分。後一半明勝進。第六住有五頌。初四自分。後一勝進。第七住有四頌。初二自分。後二勝進。第八住有三頌。初二自分。後一勝進。第九住有三頌。初二自分。後一勝進。第十住有八頌。初五自分。次一顯德。後二勝進。第二段結歎勸修中九頌分三。初一總歎十住。二有七別歎初住。後一以初住倍顯頌後。

梵行品第十二

初釋名者。離妄念之染。故云梵。會無我理。故云行。此行即梵。二離染中極名。梵即真境也。智能證此。故云行。三涅槃果爲梵。以寂靜故。修因爲行。此二梵之行。淨與梵何別者。有六別。一約報。欲天爲淨色天爲梵。二約人。在家戒是淨。出家戒爲梵。三行位。信

中修爲淨行。入位已去修爲梵行。四約二利。三學自利爲淨行。四等利他爲梵行。此如涅槃經說。五約二行。隨事造修施戒等爲淨行。離念契玄爲梵行。如文。六約因果。涅槃爲淨。道諦行爲梵。經云。梵行已立。是也。二來意者有五。一前位次行。謂前明正位。今辨成位之行。故云文。何修習梵行。具足十住。二前明正位。今辨依位起行。三前別此通。謂前十住之中各修一種別行。今辨諸位中同行之行。四前通此別。謂前辨位通。今別明出家人行。五前顯位相差別。今會緣入實。即前相後體故也。三宗趣者以無念正行爲宗。所成十住位及速成佛等爲趣。無念理觀略作五門。云云。四釋文有二。初問後答。問中明受離染法之器。故寄天子。離妄念器方能受故名正念。具下文天光女。文也。文中初舉事信家。非家是空法非家也。二彼諸下正問有三。初問修梵行。二成位。三得果。答中所以法慧說者。以照法之慧方能示法故也。於中亦三。初答修梵行問。二又復修習下答成位問。三如是觀者下答得果問。又亦可。此品重更釋成上十住中初住之義。於中三。謂初釋上發心。二釋發心所得十力。三釋上自悟得果。會同法界是故即此初住具攝十住也。初中有四。一明尋思觀。二又知過去下明如實觀。三菩薩正念下觀成益相。四是名下結觀名。初中三。先舉十法爲所觀。二應如是觀下以理微破顯梵行真理。三當如是下結。何

故但就十法觀者。以攝法略盡故。謂身口意是有爲果。三業是彼因。佛法是出世果。僧戒是彼因。又出家人修出世行要依此十法方成梵行。謂三寶及戒是不壞淨境。即所信所入也。身口意是能修行具。即能信能入也。三業是對境所修所成行。今推求此梵行在何法中。既求不得。即相盡理顯方爲真實梵行。是故文中約此十法唯微梵行不微餘法。文中二。先以理案定。二若身是下縱破顯非。又初是總後別。初略後廣。此中微。數十法。即爲十。初中若身是梵行者。定其所立。下以理推微。謂梵既淨法。身是難穢故非也。以此身等六事是通染淨法。故但約染淨相達明非梵行。不被彼六之自體。後四是淨法。順梵行故。即別推折以顯真理。身中八句。初一總餘七別。一無可軌則非。是出世之法。二飲食資成。三惡氣燒。四具三十六物。五垢汚塵染。六邪命自養。七諸蟲噬食。依觀佛三昧經。佛將成道。魔來惱。時佛以白毫擬之。令彼魔女自見。身內膿囊涕唾九孔根本生藏熟藏迴。宛轉踊生諸蟲。有八萬戶。戶有九億諸小蟲等。遊戲走入小腸中。張口上向。大蟲遊戲入大腸中。張口亦爾。噬食藏髓。生蟲細於秋毫。數甚多。其女見此。即便嘔吐。等。又小乘中說。蟲頭向內。蟲尾向外。編作人皮。又此蟲是觀境故。雖實有之。作蟲觀時方見。如白骨等亦觀時見也。小乘即實初教即空等準之。上來但是縱破。故云當知

●(一)一●法十(四是說菩薩下一頌總結)●三十(約)●具二其●天十(主)●文二父●說二文●取二廣●
短二說●碼二浦●(諸)十藏●(共)十數●編二篇

梵行則爲蟲等。若具應云蟲等既非梵行。明知梵行不即是身。如身無梵餘門亦爾。以依此等成梵行。是故於此十法求梵不得。離此十法亦求不得故。下文云何等是梵行。梵行法爲在何處等。其意如此。隨文準知。二身業可知。三口中心觸者。是觸數緣境起。言助發口業。俱舍論十六種觸中名增語觸。四口業中語言與前何別者。前約報體後約業用故別也。實論口體屬身分攝。但取能發語邊名語。所發語法名語業。是故新翻爲語業。古譯就相名口也。作無作是語業體中表無表義也。五意中幻夢者。以睡中意識行故。夢中所見能所等事皆心幻作故也。此中覺觀等既是心法。猶是舉數以徵王也。六意業中約遍行五徵之。以是根本動作故。想是想數。施設是思。寒熱飢渴是觸。苦等是受。略無作意也。上來但染淨相。反顯非梵。不待細破。後四順梵故別破。細折方顯真理故不同也。第七佛中。一約五陰。二約相好。三約神通業報者示金鎗等也。此上三處皆依前起。後次第徵之。八法中六句。一淨教。二理果。三約緣生不生。四就體實不實。五就情爲虛妄。六成壞爲合散。此中通有三義。一淨謂初二句。二染謂虛妄。三非染非淨謂所餘句。以約三性隨見一分餘分性不異故俱非法也。又約執故。梁攝論云。計涅槃以無生寂靜爲體。能離三苦爲用等。皆成法我及我所執。是故俱非法也。九僧中。一約位求

僧。謂四向四果以同證無我。和合者誰。故無僧也。二約德用求。謂三明六通。三約根求。謂鈍根羅漢假託時處方得解脫。名時脫。利根。反此名非時脫。十戒中尋思可知。上來是四尋思方便亦名求智。一以名求。二義求。三自性求。四差別求。自下第二明如實智觀。於中六。初徵梵行所依時。謂三世皆空。初總觀後別釋。謂此現在法無體可住故。無有流至過去世中。又由無體故無可續流。至未來世。又以過去滅無故。無物可相續流。至於現在。又以未來無體故無法可起。今至於現在。剎那前後當知亦爾。二徵梵行體。三徵梵行所依處。謂於上十法何者是梵。梵在何處。四徵梵行主。五約有無徵。六約五陰徵。第三觀成利益中。初觀成中先法說。如上約三世觀。十法皆空。故云分別三世諸法平等。後喻。況可知。二如是下明益相。有二。初妄不礙心益。謂云何得不礙。以不取相故。何因不取。以無性故。二洞照法界益。法喻可知。又亦可前觀身等六法平等如空。後觀佛等四法如空。第四結名可知。答初問竟。自下答第二問。由前觀行成。故更增修勝行入十住位。文中有三。初深觀果智。二增長大悲。三悉分別下以理導前。二即是三心三戒成。三德三身等也。以彼上文於初住中得十力分故。今行成入位。最初辨也。初二文可知。第三內二。初法後喻。法中二。先以理導悲。謂不捨寂滅。不捨衆生。以空有不二

是衆生故。般若大悲是一心故。二以理導果。謂行無上業不求報者。以即空故不求。以不壞故常行。亦是止觀俱行空有不滯中道行也。何因得如此。以觀諸法如幻等故。無體如幻。現實如夢。有用如電。緣聚如響。成事如化。答第三問中。二。初牒前二起後。起後中兩重顯。少因得。大果於中各二。先標後釋。初標中以少方便是因。疾得等是果。釋中何以少因而疾得。大果。釋以常樂觀悲智空有等無二法故。是故疾得。故云斯有是處也。第二重中。標者初發心時是因。便成正覺是果。亦是轉釋。謂前云疾得佛果。未知何時名疾得。今釋發心時。即得故。下云。初發心菩薩即是佛故。悉與三世諸如來等。此明行滿入位時。即得普賢位故。一位即一切位。乃至佛果無不圓備。故云正覺。下釋何因得如此。以知一切真實者。顯理圓也。具足慧身者。智德備也。不由他悟者。內自開覺也。豈是因中說果耳。此一乘普賢行位。因果圓融。相即無礙。故致然也。宜須思準之。

初發心。菩薩功德品第十三

初釋名者。本覺內薰。大心創起。故云發心。行成位立。名爲菩薩。功超遠劫。德廣塵沙。故云功德。此明菩薩初發心之功德。是此所辨爲簡二乘故云菩薩。簡終心故云初發。此明發心所攝功德。非辨發心之相。故以題名。二來意者有三。一前住及梵明行位體。今顯其勝德故來也。二前品末初發心

時便成。正覺未知此心有何功德便能如
此。爲來釋此義故也。三前二品以法就機
說令行位有分齊。今則以機就法顯德量
無限。是故前二通同別二教。今則唯明別
教爲一乘玄妙故。下偈中以美言詞讚述
故次來也。三宗趣者。辨初發心攝普賢德
具因果分量與法界等。是其宗也。四釋
文於此品中有說分爲四分。初請。二說
三證。四頌。今說於中有二。初長行散說。
後偈頌總攝。前中亦二。初此界後結通。前中
亦二。初正說後證成。前中亦二。初問後答
答中三。初總歎甚深令生希欲。二校量顯
勝生其淨信。三當相辨深令生正解。初問
中天帝問者在天故顯功德自在。故法慧說
者稱法之慧方窮功德之際。二說中二。初歎
深令信。二雖然下正說令解。又釋前起其
希欲後正授法理。又釋前顯體甚深後明
用廣大。又釋前顯義大深後顯教大廣故
也。前中初句總六句別。一自不能知。二他
聞不信。三思惟不解。四言宣不明。五修慧
不能通。六報生智不能分別。故甚深也。又
釋一教量難知。二義深難信。三思惟難解。
四應教難說。五欲證難通。六數極故難分
別也。第二校量顯勝中總有十一段校量。
一約益物校量。二約步利校量。三算
劫成壞。四善知欲樂。五善知諸根。六
善知希望。七善知方便。八善知他
心意。九善知業相。十善知煩惱。十
一供佛功德。論中攝以爲六。初三爲三。

次五爲一。次二爲一。後一爲一。故爲六
也。釋有三門。一對前六甚深。二約菩薩善
提心相似。三約治六障。初中有二。先校量
顯勝。後何以故下釋勝所由。前中有十重
爲二。初一別說後九通說。初中有四。一舉
廣事。二正徵問。三答顯廣。四辨超過。初中
亦有四廣。一所供廣。謂僧祇衆生等。二供事
廣。謂一切樂具。三供時廣。謂一劫等。四利益
廣。令修五戒等。下九中亦四。初併舉九事
於中亦具四廣。准初知之。但增多等爲異。
二問三答四超過並可知耳。二釋顯勝中
二。初何以故正徵責。徵責有二意。一云如
前所說功德甚多。何因此此而非類。故釋
云。初發心菩薩不爲齊限爾所等故非比
也。二云初心菩薩有何勝德而超過前位。
釋云悉欲不斷佛種等故。是故過前也。下
諸文皆准之。二佛子下釋成。釋成中二。先明
不爲齊限事故發心。顯前四廣非爲廣
也。二欲不斷佛種下明。爲無齊限事故發
心。是故顯此超過彼也。此中有十二句。初
一位過。是總以菩提心是佛種。菩薩恒起名
不斷。又菩薩化衆生立。如來種中不令取
小果亦名不斷。不同前五戒也。餘句是別
一是心過。準下應云欲以慈悲心充滿十
方界。顯前十僧祇界等。二行過。謂欲度一
切衆生。顯前限局。故云一切也。三知器相
成壞過。是知所化處。謂知成壞差別。又知
成即壞等。是佛一切智。是故廣也。四知器中
衆生報類垢淨皆由業異。即是業力智也。五

知前器體本淨。是如理智也。六知所化生使
習能細。是流盡智。謂知彼即空亦即成障
等也。七是生死智。通即天眼力也。八根力智。
九他心智。十是三達智。亦有宿命智。十一亦
如理智。又此十一中。初二是大悲。餘九是大
智。智中第五及十一是佛地一切智。餘是一
切種智。並無分齊。故是故超過也。第二步
利校量。中亦二。先明喻所不及。後何以
故下釋顯勝相。前中喻相有一百重。初十
重別說。餘者總說。釋中二。先徵責。後釋成。
釋成中亦二。先明不爲齊限事故顯前
不及。後悉爲下明無齊限故顯此過前。此
中亦十二句。初二約悲心。初總標。後別釋。
謂欲令度得果故云爲也。次十約智。爲
成自在智故。於中初一總知。次八別顯。後
一結意。又初一平漫普遍知。次八重重即入
無礙知。此中一大小相。二多少相。三廣
狹。四一多。五相入。六染淨。七帝網。八相生。
此八中有二義。謂相即相入。此二各有二。
謂同體異體。此二復有二義。得成。即入。一
約緣起門。二約真性門。初中亦二義。一約
體。有空有義。故得相即。二約用。有有力
無力義。故得相入。約緣有待不待義。故有
同異二門也。約性亦二義。一不壞緣故相
入。二緣相盡故相即。並圓融無礙自在之義。
準上思之。第三算劫校量。此中亦二。初
明喻所不能及。後何以故下釋超過之相。
初中亦二。先辨喻廣大。二對顯超過。前中
初辨東方有十重倍倍可知。後類結九方

亦各十也。二釋中先徵後釋。釋中二。初不爲齊限。知爾所等。故是故過前也。後菩薩欲悉了知下明。爲知無齊限事。故是故不可喻也。此中有十句。初一總知。次八別知。云何分別知耶。謂如是即入重重相攝自在無礙如是知耳。亦可。初是平通而知後重重即入無礙而知顯純熟之相。此八中。一長短相即者。長是大劫短是小劫。又娑婆界是短劫安樂界等是長劫。相即故無礙也。二一多相即。三約佛有無。如莊嚴劫及賢劫等。是有佛劫。如過星宿劫後有六萬二千劫。空過無有佛。以此二劫相即故也。四約佛多少者。如星宿劫中有八萬佛出。是一劫中無量佛也。如大通智勝佛出世時。梵王讚云。或千劫等空過無有佛。今始得見。大通一佛。亦相即故云也。五異無異者。是純雜無礙。或過未名異現在名無異。過未入現現入。過未故云也。六盡不盡者。是存滅無礙。如天人見劫盡此土常安穩等。七一念即無量劫。以積念成劫無別劫體故即念也。八有無相入者。推妄歸真。劫入無劫。依真起妄。無劫入劫。又初以事從理。後以理從事。故無礙也。結中初總結所知。後結其本誓。是故功德等於佛果。故不可說也。第四知衆生欲樂校量中亦二。初明喻所不能及。十方各有十重。倍倍可知。後何以故下釋。超過於中初責勝所由。後釋勝所以。此中先不爲齊限等。明前不及。此後欲悉知下明。過前之相。此中初一句是總。謂以如來

一切衆生欲樂智力。知於衆生欲樂之海。故云種種欲樂也。下別顯中有二。初約法別知。後一衆生下約人通知。論名前爲遍知後名微細知亦得。前是異相後是同相。前中有二十三句。一約衆生求心。別名無量欲。同期一果名。即一欲。雖同期一果。然求行恒別故云不壞一切欲性。又以希望之念無二。同是別境中欲數所攝。心法不殊故云。即一。而所樂差別故云不壞等也。此約一衆生心前後欲樂多端而相即無礙耳。二樂欲繁多深廣如海。三異類衆生欲樂心海緣起無礙故相即也。又知一衆生善惡無記。一切衆生亦爾故云也。四於一衆生隨三際中前後欲樂種種而知。一衆生悲智如是。故云一切等也。五於中流類同者名相似。所樂異者名不相似。六約三乘欲別名一切。同歸一乘名。即一欲。實即一乘名爲一欲。權開三乘名。一切欲。又約緣起無礙。通自他等位可知。七同佛果智。是十力中欲樂智力故也。八求三乘等名。有上欲。求一乘名。無上欲。九於所求處若是究竟名。無餘欲。反上名有餘。十求理名等。求事名不。等。十一託餘心所是有所依。獨起欲數名。無所依。又依境起。欲名有依。知境唯心心。智無寄名。無依。十二同求名。共。異求名。不。共十三欲在。因位名有邊。至佛果位名。無邊。以惑障盡故。十四順理名。善欲。達理名。不善。十五隨流名。世。返流名。出。十六求佛智德名。大智欲。十七求佛斷德名。淨欲。

十八過凡小位名。勝欲。十九求成。菩薩諸地證智波若之欲。又論中釋。大智欲在。種性位。淨欲是見位。勝是修位。無礙智是八地已上無功用位。二十在佛果位。大智無礙圓明解脫。二十一染而不染名。清淨欲。不染而染名。不清淨。又若離世名利名。淨求世名利名。不淨。二十二多求名。廣。少求名。狹。又大悲救生名。廣。專求自脫名。狹。二十三求深名。細求淺爲。廣。下約人辨。欲同相中。初舉十數列名。有八。此是滅數十也。一因生死苦逼。遂樂涅槃。謂因苦念樂。如囚求脫。二於善惡事中。因聞思惟而生欲樂。故名方便欲。三於可意事求名。希望欲。四得已不捨名。味著欲。五由宿因種子生名。隨因生。又從思想生。經云欲欲知。汝本但從思想生。我今不思。汝汝還不得生。六外託境生名。隨緣生。又爲善惡。發化引生亦名。隨緣生。七無法不求名。盡欲。又求涅槃盡滅亦名。盡欲。八廣求諸法名。一切欲。又求無邊菩提亦名。一切欲。下總結中。欲綱者有三義。一難脫義。如世羅網魚鳥難脫。由種種欲網生。死難出。此約染欲。二滂灑義。如世網滂灑。謂起淨欲。諸有情令出生死苦海。下文云。智慧王所說欲爲諸法本。應起清淨欲。志求無上道。此約淨欲。三隱映義。如帝網差別。染淨等欲交涉無礙重重相入。故云網也。此約欲體。第五知根校量準例。亦應具顯爲類同。故文中略辨爲求。如來十力中種種諸根智力。第六希望與。

前欲何別。通即是一。於中分別。欲據始故
根前說之。希望就終故根後說之。第七知
方便者。造緣起行名方便。是發業方便故
不同業。第八知心意者。為求如來他心
智故。前明心法此辨心體。第九知業者
為求佛十力中業智力也。此上五門並略
舉。類上欲門應知。第十知煩惱校量中
二。先明喻所不能及。後釋顯勝相。勝相中
先徵後釋。釋中先不為齊限。知故顯此過
前。後悉欲分別下為無齊限。流盡智力故
明。前所不及也。此中初句總。所謂下別顯
有十八句。略作十門分別。初二句約輕重
分別。謂率略心起名輕煩惱。慳厚心起名重
煩惱。又徵起易止名輕。難起難息名重。又
正使為重殘習為輕。又本煩惱為重隨煩惱
為輕。又隨中小隨輕。上中重。可知。二有二
句。約使輕分別。使謂十使即五見及疑貪瞋
癡慢。纏謂十纏即無慚無愧悔慳嫉掉。眠
忿及覆。地持瑜伽說八纏除忿覆。何故除
者。為有論師說。忿覆是使性。謂忿是瞋使
性。覆是貪使性。為貪他利覆藏已過。使纏
何別者。難心云。根本名使。津液為纏。垢急
縛名纏。輕縛名垢。又此中結即是九結可
知。三有二句。約因果分別。一。衆生無量
煩惱是貪瞋癡等所起果。煩惱覺觀是煩惱因
由彼而生故。涅槃經說有八種覺觀。故云
種種。一欲覺求可意事。二瞋覺念欲瞋他。
三惱覺念欲惱他。四親里覺憶念親緣。五
國土覺念世安危。六不死覺積財資養。七族

姓覺念族高下。八輕侮覺侮是慢念。自恃欺
人。四有二句。約本末分別。亦是癡愛分別。
謂無明是無明住地。依無明起是恒沙上煩
惱。愛是欲色有三愛。是有愛住地相應是與
愛相應之煩惱也。謂因愛生愛等。五有四
句。約三不善根分別。可知。六有二句。地起
分別。初句是五住起。後句是五住地也。七約
利鈍分別。我我所是利。慢是鈍。八約相生
次第分別。邪念虛妄是心想見三倒。生煩惱
是從三倒生。四倒。九約諸見本末分別。謂
六十二見皆依身見生。以彼為本故。十有
二句。約過患分別。蓋謂五蓋即貪瞋睡眠掉
悔及疑。覆蓋行人不得禪智故名蓋也。障
謂二障即煩惱所知。以所知障亦得名煩
惱故。下結中以煩惱難脫通名惑網。由委
細了知一切煩惱是一切種智。皆欲斷令
永盡。是大慈悲也。第十一供養佛功德校
量中二。初舉事校量明喻所不及。後何以
故下釋。顯超過前中有十重。初一重別說餘
九總說。前中四。初舉廣。二對問廣不。三答
顯極廣。四校量顯勝。初中先舉東方後類
餘九。前中有五。初一念見多佛多衆生。二
自於多時與多供。三勸前衆生同已供。四
自起勝塔供。五勸他亦同起塔供。餘文可
知。就釋顯超過中二。先徵後釋。徵問意
云。且如東方一念即見無邊諸佛。以此念
力經無量劫供。明佛等甚廣如東方餘亦
爾。即顯極廣。如一人既爾更復勸他一切
衆生亦如是。況復倍倍過前。至第十明此

功德分限難知。因何比此發心功德。乃至
於不可說分中不及。其一故云何以故也。
下釋中。先明不為齊限故顯前劣。此後欲
悉下為無齊限故顯此過前。此中過相難
復無量。太略而言有六種。一處過。謂盡欲
供養十方無盡法界虛空等無盡世界處佛
故。此通帝網等處故不同前。二時過。謂盡
三世佛即通九世十世等無盡重重時也。三
佛過。謂盡佛境界所有諸佛皆供養故非但
如前。四供過。謂盡法界中有自他色心理事
行等並以供養。非但如前五心過。謂於前
無盡佛境一一佛所各以無盡供事各經無
盡時供心猶不盡是故過也。六行過。謂了
達能所三事平等圓融無礙故過也。問只可
。全比非等。豈可不可說分中不同一分耶。
答此發心功德即同法界。不可分折故。縱
不可說分中一分亦即遍法界。無問多少
皆無比也。如常住僧穀米一斛亦遍十方
僧乃至一合亦遍十方僧。以是不可分故。
思之可知。第三當相顯深中二。先標後釋。
初中發是心已者。牒前諸喻所校量之心。
即是標發心字。得知下標辨功德甚深。於
中初攝因盡故深。二等佛果故深。此中是
發微。後際之善提。心是窮盡佛境也。前中
初舉所知境。謂知三世佛功德智慧。二成
深行。謂信向是十信。受持是十住。修習是十
行十迴。得證是初地已上。身證是十地滿已
還。又內證為得證。相外彰故云身證。如小
乘中以滅盡定為身證。此亦同也。又初是

行證後位證。又初智相應後身相應。又可證約。因圓身證約。果滿。二悉等諸佛功德者是等佛果故深也。二何以故下釋。前二標。於初三。初釋因等。次釋果等。後結因分齊。初中先徵問。謂何以知初發心已即能證得三世諸佛大福智耶。下釋中二十句。顯謂同三世佛音所行路故云等也。於初中十。一句外化德。後九句內自德。又前是悲德。後是智德。前中初一句是總。謂化衆生使發菩提心。紹繼佛種故云不斷也。後十句別顯。一起慇懃心。二作救度意。三知所化住處。四知所化類別。謂善惡業起苦樂報故云垢淨起。亦是十力中業智力也。五起廣大意。亦是令離業障。六知所化惑障輕重。亦是求流盡智力。亦是令斷煩惱障。七知輪轉相。亦是天眼智力。亦是令捨報障。八知根生熟。是起行所依。即是諸根智力。九知心造修。正明起行。亦是他心智力。十總結所知。亦是三達智力也。下九句求佛自利德。中。初一是總餘八別。於初中二因果分別。初知菩提果。二知菩提因。謂淨法。是也。次二理行分別。初知理法平等。二知智行清淨。次四體德分別。初三佛德。一十力。二無畏。三不共。後一佛體。謂實智平等故也。二釋果等中。先徵起後釋成。釋成中。初一句總。二別。三結。初中即是佛故者。有人釋。或云因中說果。或云解同佛境。或云約理平等。若約三乘教。亦得如上說。今尋上下文。約一乘圓教。始終相攝。圓融無礙。得始即是終。

窮終方原始。一由陀羅尼門緣起相攝故。二由普賢菩提心遍該六位故。即因是果也。三由法性無始終故。發心入始即正是終故也。是故上文云初發心時便成正覺。具足慧身不由他悟此之謂也。二別中有十五句。初五句約佛內德圓滿。後十句約佛外化用普周等。初中一總四別。別中初二所依法等。一俗諦境。二真諦境。後二能依德等。一身。二智。三外用。初中一總餘九別。別中初三化令出苦。一動令生信。二照令驚覺。三正令出苦。後五化令入法。一嚴化處。二現成佛。三現通令喜。四正令入法。五入法已護令不失。後一結外化智。又釋此十五句中。初一總十四別。別中初五句是智正覺世間自在等。於初中二約法。等。一所緣及分齊等。二理數等。下三三業等。謂所化約諸業。辨也。次四器世間自在等。於中。一動。二照。三除。四嚴。後五衆生世間自在等。一爲現。二令欣。三授法。四護持。五得果。若不謹恐墮二乘地故也。第三結因分齊中。不離三世之中三寶衆生染淨等法者。此有二義。一由菩薩得通三世之身。是故常遍三際無所不在故也。二由菩薩得即法界之身。堅含染淨橫遍三際故云不離。餘文可知。知第二顯實證成中。二。先顯實中。一動地。二雨供。三振音。四放光。二證成中。二。先現身證。後舉益證。前中何故佛自證者。以初發心即攝佛因果。此事難信。故佛自證。又表因果同性故。又表勝進之因果攝成故。二

舉益中。舉彼一切世界之中法慧所說。既有此益。明知此法決定不虛。亦以此說難信。受故致此證也。由此心藏攝德圓淨故名淨心如來。上來此一世界中說竟。第二結通中。二。先顯法普周無盡世界。後有十句。釋遍所由。謂何故此法遍於十方。說處說人說法及證悉皆同耶。釋佛力等十句故也。一此舍那佛及一切佛各以現在威神之力。同共加持故使然也。二諸佛本願之所攝持。三爲欲顯示佛所得法。理數如此。遍十方故。四明佛智光使普照。故五欲令解悟真理。普遍故。六法界緣起相由法爾故須遍說。七爲欣大法者。示此稱性廣大之法。令歡喜故。八佛德普周欲具讚故。九顯示十方一切諸佛同所得法。謂平等無差故也。十爲令解知十方法界無二轍故。由是十義故說普遍所以說十。亦是式則顯無盡耳。上下諸文結通之義。並準此知之。上來此界他方總無盡世界一切處長行散說竟。第二大段偈頌總持中。二。先序說意。後正重頌。初中十句。一以十方無盡世界同說此法故須觀也。二欲令十方一切衆海悉同聞故。三爲顯自心如空無偏局故。四觀成。就衆生之法門故。五觀稱法性。雖淨如空而因果不失故也。六欲令離惑。七得一乘解脫。八了達根海。九會緣入實。十現自無盡發心功德。令衆見已而修學故。就正頌中。總有二百四十一頌。半分四。初一百六十三頌。半逆頌。前第三段當相之文。二

有二十九頌頌前第二喻校量文。三有三十九頌頌前最初略顯甚深文。四有十頌結歎顯勝。就初中文中長分有二十七段。初六頌頌前欲令慈悲心充滿十方世界等文。二從欲悉分別知下七頌頌前欲悉知一切世界廣狹即入等文。此中並顯作用益生等。三從欲令諸佛種下三頌頌前欲不斷佛種故等文。四從信心不可沮下二頌頌前悉得諸佛智慧光明文。五從悉能分別知下二頌頌前欲知衆生種種業種種心種種根性等文。六菩提心無量下六頌頌前欲得法界等三世諸佛平等智慧文。七從清淨無量心下二頌頌前供養一切佛文。八於諸甚深法下八頌頌前得佛智慧因緣文。謂智慧所因即是甚深三昧及從真如境所生也。此中並顯通慧作用故也。九從具足大悲心下九頌頌前度脫一切衆生等文。十從世界若成壞下三頌頌前知世界成壞等文。謂此成壞唯佛智境。今信佛無疑故亦了知。十一從盡於未來際下五頌頌前休息一切世界衆生諸惡道苦。十二從菩薩放大光下七頌頌前悉能普照一切世界。此中兼辨所照利中問佛說法。十三從明淨利智慧下四頌頌前與三世諸佛正法等文。十四從清淨妙法身下十一頌頌前悉於一切世界示現成佛等文。十五一身悉充滿下八頌頌前得佛智慧等平等文。十六從一切諸世界下八頌頌前得如來一身無量身等文。十七從其心無所染下十頌頌前亦與三世佛境界等文。此

是分齊境界有十種齊等。一離染等。二救生等。三智慧等。四相好等。五所知等。六證理等。七深定等。八行堅等。九心安等。十充滿等。十八從欲求道師慧下二頌頌前德勸修。十九從菩薩摩訶薩下四頌頌前說分齊。上二不頌前文。二十從善分別衆生下六頌頌前得三世諸佛智慧光明。謂照俗境常在真故。二十一從無量不可數下四頌頌前悉能嚴淨一切世界文。二十二從慧眼無障礙下八頌頌前與諸佛所化衆生皆悉同等。二十三悉能分別下四頌頌前知劫長短相即相入等文。二十四成就智慧力下十二頌頌前初心得佛十力智。二十五從一一毛孔中下九頌頌前悉能震動無量世界。謂入帝網等。二十六如是深法門下七頌頌前悉欲長養諸佛智慧文。二十七從菩薩摩訶薩下六頌頌前菩薩不離諸佛菩薩及二乘衆生等文。上來至此總是逆頌第三段。當相辨文竟。自下第二。有二十九頌頌前第二約喻校量文。於中初六頌頌前第一益生喻。二從無量無有邊下二頌頌前第二步剎喻。三從去來現在劫下有四頌頌前第三算劫喻。四十方世界中下六頌頌前欲等五喻。謂一欲二桶望三根四方便五心法合可知。五一切衆生類下四頌頌前第九第十知業煩惱二喻。六十方諸世界下七頌頌前第十一供養諸佛。上來第二段喻校量竟。第三世人中尊下有二十九頌頌前第一標歎顯深文。於中分七。初有七頌頌前最初總句

甚深之文。謂深微佛果故。深超群有故。深同法性故。深用普遍故。深智遠知故。並如文可知。二常修。妙下有七頌頌前第二難知甚深。於中初四句深廣難知。次二佛以深德加持難知。後一結德難知。謂德如虛空非算能知故名難知也。三初發菩提心下五頌頌前難信甚深。謂以初發心即成佛果無邊功德此難信受故也。四一切時支佛下八頌頌前難解甚深。謂令二乘三界所得安樂。乃在菩薩初發心中。此事難解。是故文中。初四頌標二位得樂。各二頌。後四釋彼二位得樂所由。亦各二頌可知。五無量智慧明下五頌頌前難說甚深。謂智深德廣業用數多言說難及故云稱讚不可盡也。六普觀一切法下四頌頌前難通甚深。謂心住平等爲衆說法。二位相遠令極相順甚難通會故也。七無量妙功德下三頌頌前難分別甚深。謂此初心同佛位際限難分故也。第四大段欲得一切佛下十頌結歎勸修。初二學德勸修。次二顯德深廣。次四顯德用勝能後二勸學究竟。

明法品第十四

四門同前。初釋名者有四義。一後位行法。二明前位。此明即法也。二明是教法是義。三明是智法是境。此二法之明明之法。四智行離染當相名明。即明可軌是以稱法。又諸行煥照稱性爲明。當體妙軌故亦云法。故云明法。不爾是聞即亦非法。二來意者前明當位體德今辨勝用趣後義次第故是

故來也。又前明自分。今顯勝進。故來也。

三宗趣者。明法不同有四種。一理法謂真如性。二行法謂六度等行。三教法謂十二分教。四果法謂菩提涅槃。今此正明行法兼明餘三故以為宗。又此四中依理起行依行成果。教說前三故唯四耳。四釋文者此文分三。初請分。二說分。三證信分。初中二。初長行後偈頌。前中二。初領前自分。後問後勝進。前中若非勸策照理之機。無以堪受勝進轉增之法。又若非具此洞真淨行法。無以能說。故進慧問法慧說也。頌中有八句。一總七別。別中一大誓自嚴。二行乘果乘。三入於因位。離猶無也。謂至無生位道餘處釋為初地位也。此在地前相攝故也。四背。五向。六同。佛住。七定成果。二正問。後勝進中二。先正問行法之體。後問依行所成之德。前中總有十一句。初六自利行。次四利他行。後一通結俱利究竟。前中彼菩薩者。前發心具德之人。初句問修習何行。令功德轉勝。問前品中云。甚深諸三昧無量陀羅尼諸佛自在力無量妙功德莊嚴初發心。又云。即是佛等。何所少故更修習耶。答此圓教普賢行中大位有二門。各攝法界。前約自分。此辨勝進。前中亦具。後後中亦具。前。然前恒非後。後恒非前。謂具前之後非前。具後之前非後。故位分前後。攝義恒周故也。二問修習何行。如來歡喜。是故云何修習之言貫通下諸句。准之。三問位地。四依位起行。五大願助成。六積德

成藏。利他中初應物機化。二不廢自行。三赴欲度生。前生此熟為異。四化令趣善提故。使三寶不絕成與隆耳。下一結俱利中。善根境結自利。方便結化行。二俱究竟故云。不虛。善哉。下乃至欲聞。此文有二意。望上則為結請勸說。望下即是希聞。後問二問所成德中。如諸菩薩所修功德者總舉所依之德。滅除已下明依德所成是所問法也。於中准下答總有十八句分。二。初十七句明德備。後得善根力下明勝用。前中二。先十六句內德圓。後天王下外尊敬。前中二。先九句明自利德。後具足佛刹下七句問利他德。前中二。先有七句問因德。後莊嚴下二句問果德。前中二。先六句明行修具足。後菩薩一切下眾德圓備。前中有二。初四句是斷障行。謂先離無明住地是離惡因也。二伏魔。三制外。道是離起惡緣。四離塵垢是離惡習也。二修善行有三。初修成福德。二超離惡果。謂離三惡八難也。三修具淨慧。此慧下文將為答也。故唯有六句。總是除二障成二嚴。行修具足故也。下德圓中有七。一攝十地。二具十度。三多三昧。四妙總持。五六通。六三明。七清淨法總結也。下果德中二。先依正三業果。後力無畏等攝眾德差別果。下利他中四。初一句應機現利具足。二隨成就眾生下以正行攝生。於中初隨成行緣。二及諸菩薩下正結行法有五。一勝德。二所軌。三依法造修。四行能至果。五廣攝所緣及分齊。皆悉滿足。是

總結也。三速成等者。明行有辨果功能。故云速成也。四成護法行有。四。初句總明護法行。云何護耶。下三句別顯。一廣說教開。示義。二不為異道所侵。三自具文義總持。常說。頌說而無窮盡。上來內德圓。下明外敬護中有二。初總舉世間十王及佛法王守護。二別顯中三。先一切世間等顯前十王護。二常為下顯法王護。三一切菩薩下明同位護。行體德圓備竟下明勝用。謂依諸德有此勝用。於中四句。初增自無流法。故云白法。即自成證行也。二能開等者。以證法教人。三自具教行。四次第等教人教行。二偈頌中。四句成頌有十一頌。初一總請。下別頌。別中二。初一頌頌前文。二云何下正頌問後行法。於中初頌前十一種行法。二人雄下頌前依行所成德。於中初二句頌上善哉願說文。次一頌半頌上行修離障。次二句頌眾德備。次一句略頌果德法。次隨其下三句頌上利他中行緣。次一切下一頌頌上護法行。後一頌上十王敬護。於中四。初智德無畏猶師子。二福德圓備如滿月。三斷德離染若蓮華。四淨果現前如最勝。此四亦是頌上善根力增白淨法等勝用文也。第二答中二。初直說。後重頌。前中二。先歎問許說。後以法正答。前中二。先歎問。後佛子下許說分齊。前中先歎所問益。後歎能問者德。前中先辯益。謂饒益增善因。安樂授樂果。慧利令得出世法利。後哀愍下結意歎能問中。先歎自分德有五。一稱實慧。二不

動而進故云大力。三無間修故云一心等。四位成就故云不退。五當位滿故超出世也。又初句明有解。後四明有行。又此等亦是釋進慧名可知。下款勝進德。謂於問自在等如來也。

下正答中。二先答前十一問行法之體。後答彼依行所成之德。前中依問次第答之。答初句功德轉勝有二十句。初十始修。後十終成。又初是自分。後是勝進。前中已得發心之藏。後前擬後也。應離癡等是總舉也。又涅槃經云。不放逸根深固難拔。因不放逸根固一切諸善根皆得增長。不放逸有二。一約事如論釋云。二約理如法集經云。下別中三。初標數。二列名。三結數。列中。此中對治十種放逸。一破戒逸。二迷苦提逸。三失悲心逸。四懶墮逸。五樂誼難逸。六樂世間逸。七樂劣善逸。八樂二乘逸。九樂功德逸。十生絕分逸。如次十句對治應知。初者既得發心已。要須持菩薩三聚淨戒。然持三種。一不作三業惡。二不為名利。三不起戒見。此是標中守護也。二者不於菩提起有無等見而發心。此是標中離癡也。三依言攝。物故離諂曲。四所作善根必使終成。故云不退。此是標中精勤也。餘皆不離。此等三也。五者造業求。生是凡夫行。菩薩離之常樂寂靜有二種。一約身有二。一。所住靜。謂離家室喧擾等處。二能住靜。謂持淨戒離三業非。此以福捨罪離。在家凡夫。二約心亦二。一所住謂真妙境。二能住

謂定慧之心。此以慧捨惑離。出家凡夫。六厭背世樂。七專修出業。八難求出捨。二乘無悲救世之心。九離修善薩大悲功德而不見。能所修故無汚也。十知己身有四義。一。知身從緣而有離。我我所。二。知己道行力若劣終不強對煩惱境界。三。知力若強即須精苦作進修行。四。定知己身有菩提種當得佛故。二勝進中。淨法者謂練治前行使純熟離染故云淨也。十中一正念淨。二捨離下離過淨。三安住下正行淨。四常樂下求法淨。五隨所下除疑淨。六具足下智慧淨。七心常下三昧淨。八聞好下解空淨。亦是嚮忍淨。九等視下勝想淨。十恭敬下報恩淨。亦是敬養淨。第二答令。如來歡喜有二十句。亦初十自分。後十勝進。前中初結前。不捨下生後。於中初句。下初五句。二心無倚。下第六。修甚深法。下七八二句。於無諍等下。下第九第十。是故總標下。十行。稱可聖心。故令。如來歡喜。下別十中。初三修有行。初一動勇行。次二於有中離過行。謂內身不情外財不求。次三修空慧行。一加行修空。二正證照實。三後得分別而猶無倚。七常求善提。故名大願。八勝相現前。故云光明。九隨有離。過故云善損益。云云。十以無著心造。履諸法。故云清淨也。下明勝進十法。修已成就。故云安住。十中一對過不染。二證實捨相。三四慈悲攝物。五六行滿離染。餘四顯智具。一大願具。二巧慧雙行。三思擇勝力。四達性無礙。故云無依止也。

第三答善薩所住功德亦二十句。初十自分中。一起行心。二正行行。三智順。理故超言。此上修始也。四近善友。五若不精勤。離近無益。六若不取意會。法雖動無益。又善取佛意者有三種。一約教。以二諦三性三量四理四悉檀四意四密六相六釋八聲五力等會取經意而受持之。二約義。謂言近意遠。雖說法相諸門。意在真理超言之處。三約行。謂意在滅惑成德。非但口言故也。七若不依行會意亦何益。此上修次也。八成大誓二嚴。九因位成滿。十圓同果位。此上修終。勝進中。二。先明觀解。後摩訶薩作是念。下明依解起行。前中初結前生後。謂善成諸地名巧方便。又於地不著亦名巧便。成地之要。故云先應修習也。十中初八是所成地法。初一總。二是諸地證智。三施戒等行。四所依淨土。五所緣及分齊。六勝通及十自在等。七示現異身。八後智說法。此並諸地非一。故皆云隨其也。下明能成方便。謂雖分別而無著是方便也。由心造者釋無著所以。謂知心外無法。故無所著。心造有三重。一轉識分別作。二本識隨熏作。三真心依持作。皆心作故不有。心作故不無。是故無著也。菩薩若能下結能成地。下明起行於中三。先標。二釋。三結。並可知。第四答清淨行有二十句。初十自分中。謂十度純熟出障故。淨謂初施即無不捨。二戒即無毀犯等。皆明清淨相也。前六可知。七巧成諸行。故是方便也。八大願堅誓尊重如山。此

同下尊重行。九由思擇力修習力說。法除熱。如世涼池。十智度攝。生令同。佛法後勝進中。以後過前故云轉勝。十中。初三宿成行。次三依緣行。後四悲智行。前中。一內有實德外感。佛念。二由依護念。更增勝善。三能同佛八相現。龜隱細名密方便。又了達如來玄密之義。如王醫中珠等。又善解權密之教等。故名安住也。次依緣中。一近善友。謂身親近心依附。二依善友起正行。三生正解。謂攬別成總。故非總。分總成別。故非別。全奪俱盡。雙融無礙。是故緣起俱非總別。後悲智行中。先一大悲。後三大智。於中。一實智。後二巧智。一成因巧。二向果巧。第五答。大願滿有二十句。初自分中所求皆得名願滿。一忍惱攝生。二嚴土為物。三於佛興供。四於法守護。通論護法有四重。一護理法。謂照理不難。無明等。二護行法。謂行不難。名利懈怠等。三護教法。謂如法說授廣宜流布等。四護果用法。謂存護形像等。五令物身生淨土。六令物智入法門。七令他願滿。八無足修行。謂行盡。未來際。令如須臾不生厭倦。又願劫隨心轉。九願因究竟。十願果圓淨。後勝進十中。一大誓嚴心不慮不成。故無憂也。二仰念勝侶轉起彼願。三悉願往生者頓起諸行。四究竟等常起所行。上自利。五化令願滿。六常化不倦。七處苦益生。八捨樂利物。九授以果法。十得果平等。上利他。第六答。得菩薩藏。初結前生後。總有十句。謂以盡

德成。藏深廣無盡。故無勝進。一見佛。二持法。即是持藏。三說法。即辯藏。四悲普。五妙定。六勝用。七入證。八依證起。通謂以天眼見。地伏藏及海中衆寶。并知衆寶出處。價直等事。九佛加增德。十智達器界。第七答。隨其所應而化度之。先結前生後。謂稱機授法名。隨應化。於中三。初知根機。二教離過。三教修善。初中亦三。初知衆生病患所宜。二知宿習因緣。三知現在心念。二教離過中三。先一句總次九句別。第八由觀自他平等不起。慢於他也。第九心諂曲者多為名利喧心不直。菩薩知其非有。故心靜也。三如是下結。三教修善中。初一句總下十三句別顯。於中初八自分法化。後五勝進法化。前中初二於法能說。一觀理等而不違事別。二折事壞而不礙理存。良以理事雖復相奪俱盡而不礙雙存故也。又釋。分別是說。謂於平等法上。雖更以異門種種別說。而皆不失。本宗故云先後無違。此是本末無礙。二說緣起法無性名破壞。而亦不礙緣起法界無所散滅。此是成壞無礙。已下於人能益。三化令生信。信除疑故歡喜也。四化令生解。解實理名入。下教令起行。五福行趣果。下教慧行。六破相行。七入實行。八無著行。法皆依心。二邊俱離故云無染。下明勝進化。九教以此無二平等之念。念敬諸佛。此近佛身。十教自學。歡音而無所著。十一於他異音而無差別。此二學佛語業。十二學佛法教。十三具足下修。佛智

慧。此二學佛意業。下結可知。第八答。不捨諸波羅蜜。先結前生後。此有二義。一雖常化物。而內心恒寂。故云不捨自行。二為他行此。是故不捨自行。即是利他故云也。以十度中後四是第六中開出。故但標六。又以後四嚴前六。故云一切諸度具莊嚴。六於十中第二內。不倚戒以自高。又不執戒為有故令淨也。三初中安受苦忍。聞惡無憂等耐怨害忍。聞好無喜法思惟忍。未曾等雙結達。四中初勤修佛因。究竟下勤修佛果。五禪中一入定體。捨欲等是初禪。次第八入是後三禪。此是事定入而不著。故云無染。下明滅惑。出定是理定。下明定用起通。二超次。謂於八九次第入。及超越入。此是上。事用。三入一知多。四漸具智德。此二是理定用。六智度中。初求聞慧。次所聞等下明思慧。次入具等明修慧。上是加行智。次妙善等辨正證智。次具足等明後得智。趣佛慧。七方便中有六種方便。皆以悲智相導。巧無住著。故云方便。一悲示威儀。智離愛見。二悲現身。智無染。三悲外示。童智內具。四悲現。轉脫智巧不取。五悲智現。六悲能入趣。智了所行。八願中有十。一一皆願盡。彼原際各云究竟。初化衆生願。二淨佛土願。三供養佛願。四攝智慧願。五修法界行。六大志願。謂以志力修上行時盡來劫住。謂若須臾。七修促願。謂願以長劫為促。上句但轉能見之心。此迴所住之劫。是故上句有住字。此無也。八成壞願。謂願

①〔未〕一② ③〔下結〕一④ ⑤出二生⑥ ⑦事十〔定〕⑧ ⑨故十〔故〕⑩

解達世界成壞。一緣集成不作壞。二劫初成劫未壞。皆顯了達。九現淨土。顯十成正覺。顯九力度中有十義皆有堪能。不可屈伏故名力也。一一各初標名後釋義。初中釋。內離煩惱等是離過也。具淨等是成德也。此二成自行故名。自專正。二釋中。謂以勝力正理他時無能壞者故也。此二總舉。利他。三拔苦心滿。四與樂心齊悉能覆護一切。是力義也。此二利他心。五持力內蘊法義。六辨力外宜應機。此二利他德。七大行具厥力。八弘願不斷力。九因力多出。十果力普覆。十智度中。謂識病了。根稱理授。法故云智。亦有十句。於初中四知。病輕重。次三知根欲。謂一知病者學位。二知其心中串習所行。即根行也。三知欲樂希望。次三知法藥。初知境法。二知智法。三知境智無礙無邊法門。故云法界。第九答所謂衆生皆能度脫中三。先結前生後。二教化一切下十句正顯度脫。於初中一化出惡道。謂初句修善因後出。苦果。二化出衆難。謂精進修出因。超難出。八難果。次三教治三毒。但貪欲有二種。一貪色教不淨觀。二貪財教離欲觀。嗔亦二種。一嗔有情教慈心觀。二嗔無情教平等觀。以不稱意無情物與稱意物無二。故云平等。愚癡亦二種。一頑無知教界分別觀。二邪見愚癡教因緣觀。以諸法從因緣生非自在等作故也。又以不信因果故教因緣觀也。次三教化令出三界。初教離欲患等。捨欲界至初禪等。二教增上觀。捨色

界增上至無色處。三教細微智。以照察細想。令斷盡證空。超出三界。次二句化令入三乘中三。乘初教寂靜行有三義。一以彼二乘修離生死喧雜行故。二令修證。入人空寂靜行故。三無餘涅槃名寂靜。修彼名行。二教以十力等。是超過凡小。嚴顯大乘。三下釋所謂度義。謂如初發心學。其本願。指本曰。如見生墮惡學。願所爲。大師子吼。舉其願辭。言決定名師子吼。知病法濟。正顯願相。此中文意顯從初發心見衆生苦。故以決定言。請取一切衆生智悉度之。具足下結意可知。第十答與隆三寶中三。初標。次釋。後結。釋中初九別後一總。別中九句爲三重。有釋云。初約教道。次約證道。後約不住道。今更釋。謂初中後分三也。且約佛實。初教發菩提心。次已發菩提願者。讚彼大願。令不退轉。三令依願起行。使佛因圓。故云下佛種等。因圓果發。名生正覺牙。是故始終相繼。令佛實不斷。二約法寶者。初示深教法。次釋理法。三護持等明行法。又釋。初總示深法。次以法深難解。故須解釋。令解法流行。三法既行。已即加守護。不釋身命。是故令斯法實廣行不絕。又釋。初契經。次是對法。後是毘尼。故須嚴護。三約僧寶者。初受持威儀教法。是僧行方便。次行六和敬。僧行成就。成行不乖。曰和。行和相導曰敬。謂三業慈爲三。同戒同施亦云。同捨同見亦云同慧。故有六也。後善御。大衆心無。惱。是僧德已成。統攝緝御。是故能

令僧寶常存。下總結可知。此中有三寶章。如別說。第十一答所爲境界不虛。於中初結前。從菩薩如是安住。下生後。於中三。初總。次別。後結。總中三。初語業不空。二彼菩薩下身業不虛。謂所作不謬是也。三如是。一切下意業。智慧迴向不虛。二別中三。初法。次喻。後合法中。初標。次列。後結。列中初五明。自依正嚴。後五明。法攝生戲。前中初三業。即正報嚴。次二依報嚴。於初中明土離染。謂受用此土長道滅惑故也。後明土具淨德。謂常有光明故也。後五。一攝勝衆。二示神力。令生信。三授聖教。令生解。四化現成佛。謂涅槃者此非是圓寂之義。梵云泥畔。此名化也。是此所用故。應云化地戲。謂是現化處故也。五量機授法。餘結可知。喻合亦可。知。上來答初問。竟。第二答行所成德中有二十句。初滅愚癡是牒。前問。具智慧故是答也。下諸句皆先舉問後顯答。二慈悲答降魔問。三慧功德力答制外道問。四入金剛定。除心習垢。答離塵垢問。上來離過行也。五於先佛所等答。具足成一切德。問。六淨慧滿足。答。能離惡道等問。上六總是行修具足。七次第方便智慧力。答。諸地等六種名衆德圓備。一地。二度。三定。四通。五明。六無畏。上來因圓。八白淨法力。答。佛依正三業之問。九智慧分別速解諸法。等。答。得佛十力等問。前句明。依正相好果。此句明。功德差別果。此二總明果滿也。上來總是自利門。竟。十願力神力智力。答。隨其佛利問。十一隨

應受化等答隨成就眾生等問。十二菩薩如是修行等答。修行成佛問。十三於無量利等答。護持法藏問。十四成就四辯等答。分別廣說問。十五於大眾中無所畏等是。問。具足增上般若。是答。魔不能壞問。十六次第分別等答。攝持正法無窮盡問。十七具足大悲。下答。於一切世界悉能演說問。十八十王敬護略無答文。又此是行果故無答。又除佛無過等亦是通答耳。問。十地滿後受職菩薩方云。唯除如來餘無能過。何故此中位是地前十住之處。即有此言。答。此是圓教普賢位相陀羅尼法。是故一位圓滿之處。即攝一切諸位。皆盡。如下海幢比丘頂上佛說法處。十住滿後。即補處成佛。更不言入十行等者。同此說。此據初位為言。如下小相品中。從地獄出。即到十地。無生忍後位。至離垢三昧前等者。彼據終位而說。中間二。答位準可知矣。十九一切世間恭敬等亦無答。同行果故。亦可同在後。門內通。二十佛子下答。得善根力增長白法等問。於中初總舉後釋成。前中初身業勝利。次以慈心下意業勝。後具足辯才下語業勝。下釋中有十一句。初六成。自分因德。一。成證智淨。二。如證而巧說。三。於教能念持。四。如念能巧說。五。於已得法能記持。六。於未得法能推求。後五成勝進果德。一。得佛外力用。二。得佛內實智。三。得佛巧說智。四。正說深法。五。成佛勝智。謂具理量及善護願智等也。第二偈頌中有二十偈。初十。三頌前初段十一種行法。後

有七偈頌後十八種行所成德。前中初四偈頌初二段。謂初一偈半頌所修轉勝。謂名初發心住為初地也。已得發心功德之藏。故云長養也。次句頌。滅放逸。次句頌。離癡闇。次二句頌。菩提心不忘等。下二句頌。如來歡喜。次一偈重頌修勝。初三句頌。不退轉。下一句頌。離在家出家凡夫。餘略不頌。後一偈重頌佛喜可知。次有二偈。頌次三段。謂初五句超頌第四。清淨之行。次。具足諸地。一句却頌第三所住。功德下半。頌第五大願成滿。次半頌第六得菩薩藏。次一偈半頌第七隨其所應而化度之。次一偈頌第八不捨諸波羅蜜。次一頌第九隨所請眾生皆悉度脫。次一頌第十興隆三寶。次二頌菩薩所為不虛。自下七偈頌行所成德。於中初一偈半頌。十八句中初九句因圓果滿文也。次二偈半頌。護持正法及廣說等。次三偈頌。第十八三業利益文。謂頌上於大眾中安諦威猛堅固甚深說法除惑故也。下明所說契理故。如來隨喜所說合機故。大眾奉行。此上第三會竟。

華嚴經探玄記卷第五

華嚴經探玄記卷第六

盡此第四會

魏國西寺沙門法藏述

佛昇夜摩天宮自在品第十五

初釋名者有二。先會名約。處名夜摩天會。

約法名。十行會。準釋可知。二品名者。佛是化主。依體起用。赴機云。具應感何處。所謂夜摩。夜摩者。若具云。蘇夜摩。蘇者此云善也。夜摩此云時也。謂此天無日月可知。知時節。故大集經云。觀赤蓮華開。是晝。青蓮華開。是夜。俱舍論。釋名。唱樂天。亦名多戲樂天。天者是淨義光明義。此天著樂全不念善。頌有孔雀王菩薩。及彼天主名。牟修樓陀天王。每以開導。或實天失伴。悲泣告王。或化天墮水。怖令生厭故也。問。前後俱是不離而昇。應齊名自在。何故此會獨標自在。答。不動昇遊。此空居天過。前地居故。稱自在。創越地居不同。兜率故獨標名。又約行入玄過前解故。以自在表之。又以解行相接故。次切利而至夜摩。俱是內凡不同。前信。以威果在此表行離相。故屈此空天。二來意者。亦二。初會來謂依解起行故。答前十行問故。是故來也。二品來者。謂明法是前會住極昇天。是此會由致。隣接次第。是故須來。又明法解深起用入行。是故昇天。故須來也。此約法辨。三宗趣中亦二。初會宗者。約人化主及助化。約法教事及義理。皆各體相用相融無礙。準前知之。但就行為異。二品宗者。嚴處請佛如來赴感。是此所明。四釋文者。此會有四品經。初二品序。後二正說。前中二。初是請佛序。後是讚佛序。又初是彼昇天。後菩薩集。以佛是化主故。於先。菩薩是伴大居後。又初果後因。初能化後所化故也。初中科文。一釋同。前會初說

●〔答〕一● ●門二四● ●三十(偈)● ●清淨二起清淨之● ●具足諸地一● ●三十(菩薩)● ●功德下半二後二句● ●此上二
是● ●釋二●

又釋有七。初十方覺樹法王同現。二十方諸佛各昇夜摩。三千方天王各嚴。座請佛。四十方諸佛受請昇殿。五十方天王獲益歎佛。六十方諸佛同昇華座。七十方寶殿各皆廣博。何故皆於十方同辨。以圓教法門。且周法界凡一法起必一切俱現。是故將說此法。理非偏局。故致十方無盡同說。即一說一切說等故。此中有三重無礙。一。即多故。一樹下佛即一切樹下也。二。動即靜故。樹下之佛即昇天也。三。動靜則一多故。是故一切處不動昇天也。此是十佛具德無礙圓融之相。非餘宗所辨。思準之。文中前之二段同。前會釋就第三嚴請中有三。初遙觀勝緣。二嚴座表根。三請佛顯欲。嚴座中初總後別。前會一萬此中十萬者。表位增相。又前殿非寶此中寶嚴者顯行可貴具德之相。別中有二十三句。初七辨器世間莊嚴。次十萬天子七句顯衆生世間莊嚴。後十方如來下九句智正覺世間莊嚴。又釋初七外事嚴。次六內報嚴。後十法門嚴。法門嚴中。初句因相。二果相。三德相。四定相。五顯相。六勝相。七法相。八用相。九妙相。十教相。三請佛中。初結前。後正請。第四受請昇殿顯機緣相契。先明此土。後顯餘方。第五天王獲益中。亦先辨此界。後顯餘方。前中先得定益。後發慧益。慧中先憶自善根。後歎昔十佛顯今處勝。理實過去一切諸佛皆同於此說十行法。然今爲表位相漸增故。於前會十佛向前次第舉此名稱佛等十佛歎之。向後迦

葉等向前諸餘佛。非不皆曾同於此處說十行法。第六昇座。第七廣殿。並準前可知。

菩薩說偈品第十六

初釋名者。自體妙因。行集文斑。教則顯彰。故云菩薩說偈。餘義并來意及宗。並同前釋。四釋文者。三義同前。初集衆內。先此界後類通。前中初顯所從來處。後佛神力下明。菩薩集衆。前中初分最遠近者顯位漸增。故前百此十萬等。餘分齊同上準之。二正顯本處三世間相。世界同名慧者。用前解慧爲行所依故也。佛名同眼者。表行心見法明白故。又表行諸度導引世間故也。菩薩同名林者。表行法界之行成法界之德。德高方樹。行廣稱林。十度齊備齊修萬行森然潛發法況相似故名爲林。餘文可知。行森然潛發法況相似故名爲林。餘文可知。第二放光中。足指是光出處。但足指有行住二力。前影住此顯行故別也。餘同前釋。第三偈讚中。十菩薩偈即爲十段。初一總叙此會事理。後九別顯佛德義門。先德林者標別說人。以是會主故先首說。承佛神力顯歎所依。普觀十方者四意。一地論云。顯無我慢無偏心故。二顯所說法遍十方故。三十方等化故。四十方夜摩同有此說。合會同時而方說故。十一行偈分二。初七總舉會中事後四歎佛自在德。前中初一頌此品放光事以近故先顯也。次二頌前品中事。於中初一半頌此界。下半頌類餘十方。次三頌此品中事即十方處通顯顯示。次

一頌不離覺樹而至夜摩等。文人中是前一闕浮也。道場是前菩提樹下也。下四歎佛德中。初一歎佛德深用廣。各半偈顯。次二釋前用廣。謂一應世離世。亦各半偈。二多無礙。上半標下半釋。此即現一盧舍那身。一切樹王下。現者是也。後一釋前德深。亦上半標下半釋。可知。第二偈因果益故名慧林。十偈分二。初一標章。謂上半舉佛德難達明。值可慶。下半舉衆難遇顯。值可欣。離垢大人是菩薩也。後九釋中。初一釋菩薩衆難遇所以。上半顯自智明。下半辨益物勝。後八釋佛德難達所由。於中初六正顯佛德。後二約解校量。前中初一明佛爲燈破闇。二六度圓照三勝德超情。四寂用益生。五見聞獲益。六因深果厚。下明知解益中。初一寄對供佛。校量解益。後一寄對廣施以彰迷損。第三由悟殊勝法故名勝林。十偈分二。初四歎佛光深廣。後六明照理見佛。前中初二舉喻。後二法說。前中八句。初句喻佛成佛之時。二喻佛心垢障盡。三喻佛身放淨光。謂日喻佛身也。四喻光普照。五喻光廣多。六喻不知邊。七喻智尙不知。八喻何況愚癡等。下法說中。初一顯光廣大。後一顯光甚深。以同法性。下六中。初三離相。次一離性。後二釋疑。前中一離三三相。二離生滅相。下半明觀益。後諸偈皆準此。三離所有相。次一離性。以從緣虛假。是故無性。無性故無所解也。次二釋疑顯無生。疑云若緣起無性何因有生。釋

云由所生故。所生即是妄想。以妄想依緣而起故名所生。由此妄想執故說有生。而實無生。此約所執性。又釋所生是果。由待對此果說因能生。果既依他無生。因亦無待故不生也。此約緣起性。又釋所言有生者是明。如來藏隨緣義也。由所生者由能薰薰故。是故隨緣。能薰既虛。所薰不動。故亦無生。以彼能薰亦是心之所生故名所生也。此約圓成性。此偈是待所生。生泯能生後偈顯能生。故云所生觀亦如是也。

第四由信樂深理。不懼惡趣故名無畏林。十偈分五。初二明聞信此佛所說法益。先辨所聞。此處者此華藏處也。又是此佛所說法處。上二句顯廣大。次句辨隨緣。下句顯不變。後一偈顯聞信此法利益也。二有二偈。明聞餘方佛法有益。先明所聞。初半顯聞處廣也。次句所聞深也。下句聞不忘也。後偈彰利益。上半據前所聞。次句用之求佛。下句明求必得。故云究竟等也。三有二偈。明聞信過去佛法有益。各上半舉所信。下半明信益可知。四有二偈。聞信現在佛法有益。於中初句能信。次二句所信。佛下句所信法。後偈顯益。以得聞難故也。又釋前偈上半明信現佛。下半明信益。謂彼由此信成等正覺等也。後偈顯法勝難聞也。五有二偈。結上來一切佛法結勸修學。於中初偈勸持勸說。初句牒上法。次句勸持。次句勸說。下句勸勝勸之。後偈勸持勸行。上半勸行由勸修行成二證也。次句

勸持與前別者。前由持故能說此由持故能行。下句明修行利益。謂得菩提也。第五離。無漸分別故名慚愧林。十偈分二。前九別歎佛法。後一雙結前二。前中初一歎佛所證法。上半法勝。下半信益。後八歎佛能證智有二。初一明證法周盡。上半明一切佛說自所證。次句明一佛慧證無不盡。是故難思也。後七明無證為證。於中初一標章。謂上半無證。下半為證。謂上半中有五。一。約智釋。謂此正證無分別智。不從世間分別智生。亦不從愚癡及色法等生。故攝論云。此智非智非非智。非智非是分別智。非非智非是色法。此中非智據愚癡也。二約境釋。謂所證理智但為了因非生因故。愚癡無智生了俱非故。皆云不生也。三約境智正會釋。謂智如境故非智。境如智故非無智。四約寂照釋。謂智即寂故非智。不失照故非無智。五約絕待釋。謂智相盡故非智。無智可待故。非無智也。下半中如此無智之智方能照法滅。開故為證也。後六偈中。初五釋上半章。後一釋下半章。五中皆上半舉喻。下半法合。初一愚智性別喻。二同成虛妄喻。三二性相乖喻。四愚智緣隔喻。五用無相成喻。此五皆顯愚智事別。俱不真故。迷悟斯絕智相盡也。後一釋妙智勝用。中上半舉喻。伽陀此云良藥。謂能除一切毒。下半法合可知。後一雙結中。上半結佛智勝。下半結上法勝。第六勸觀理事而無分別故名精進林。十偈總歎

佛照無差別智。初一總餘九別。前中諸法性相無差別義。唯佛能知。然委細具知名分別知也。次句備知。下句深知。別中皆初喻後法。初一真妄交徹喻。謂依真起妄如金現色。非法是妄喻以金色。無體即真故性無別。又真心隨緣為法非法。心體不殊故性無別。是故楞伽云。如來藏作善不善因。又涅槃云。與不善俱名為無明。與善法俱說之為明。明與無明其性無二。無二之性即是實性。此之謂也。又維摩經不二法門品皆是此義也。二兩俱無實喻。謂眾生約內報喻法。非眾生約外器喻非法。皆無定性。俱不有。又釋。以眾生即無我故。眾生不真。無我不礙眾生故。非眾生亦不真。理事相奪故皆不真。經云。於我無我無二者是無我義。又以眾生即非故非相亦離故皆不真也。法合可知。三生無滅相喻。謂生法即無生。猶如無滅相。又此未來當相即無。猶如未來無過去相。四滅無生相喻。謂生法即不生。猶如已滅法。又過法即無過。猶如無現未。五法體離取喻。謂涅槃離相故不可取。約報煩惱滅處說餘無餘。而實滅理無有差別。六性無差別喻。謂數法不殊法同。空性。七隨緣成異喻。謂以十數為本。增至多十。智慧於上作百千等解。故云差別。然於彼數皆是諸十故云皆是本數。況彼真理隨緣成異。求彼異法不異。一真略無法合。八體堅無壞喻。謂雖同有為而恒常湛然。九執異乖同喻可知。第七達世間空

①(生)一②結二就③次句二下半④(謂)一⑤五十(釋)⑥約智釋一釋約智⑦非二無⑧國二時⑨成二感⑩約內報喻法二喻法約內報⑪(衆)一⑫真二實⑬(然)一

名力成就。●林偈意明會染淨空。●顯歎真佛十偈分二。前九會境。後一成行。前中初六約緣起性以顯無生。後三約所執性以顯無相。前中二。初四顯世法不生。後二顯顯出世。前中初二生空。後二法空。前中初一偈半推未歸本。後半以本顯末。謂心隨薰變以作衆生。心既如幻不真。即心衆生事容有實。下二中。初由不知世間虛故還復輪轉於空世間。後由不知世間苦故而常流轉於苦世間。此中世間非自作。非他作。有四重。一約外道云云。下二類。出世中。初標謂翻此世間名為出世間。世間既空。寧有出世而可取耶。故云二俱非真。上半理實。下半情妄。後偈釋中。初三句釋顯世空。下句無世對故。出世亦不真。又準此文。但遮世名出。無別表示故亦空也。二約所執無相中亦二。初二世間空。後一類。出世。前中初一徵情後一顯理。前中初句徵體。次句徵相。下二句明凡迷失。後偈中。上半明情執無。下半明理性顯。後類。出世中。佛及法是出世。並約情計。俱無所有。下明成行。上半滅妄見真。下半明法佛常現。第八照佛法身名堅固林。歎佛法身體寂。十偈分二。初七顯法。後三成觀。前中初二標能所二章。先顯所歎體寂。謂地生草木。然於地中求草木種實不可得。喻佛應機現有差別於佛求別意不可得。故下云。無量身非佛等。後顯能歎平等可見。下五廣釋中。先三偈釋前能歎空。一明業非有。二以

業類身亦非有。三以業身類識識亦非有。下二偈釋前所歎非有中。先明應機大用。後明體非若干。下三明行益中。一證見法身益。二破相歸真。三證實離相。第九由觀心真如故名如來林。十偈分二。初六明心作凡。後四明心起聖。前中初四偈半舉喻。後一半法合。前中初二。是畫師造畫喻。妄法依真。次二明畫心造畫喻。妄依心。後半明畫師不知畫心喻。緣起無知。此中意說。一切衆生皆依真緣起。本識之心隨名言有支我見等薰有六道身現緣起虛假不礙。無不壞有。是故會攝有其二門。若會緣從實即差別相盡唯一真如。若攝未歸本即六道異形唯心而轉。約初緣起不存。是真如門故。約後緣起不壞。是生滅門故。是故存壞無二。緣起二門無礙。唯是一心故。起信論云。依一心法有二種門。一心真如門。二心生滅門。然此二門皆各總攝一切法。此之謂也。今此文畫亦二義。一依壁故唯平也。二依畫師巧心故似有高下也。初二偈明初門。謂初偈上半喻。隨薰布異。次句顯異。在妄情。下句相盡同真。四大喻真。心也。彩色喻緣起虛相也。後偈上半明真妄不即。上句明能造非所造。攝妄之真不即妄。以性真故。下句明所造非能造。依真之妄不即真。以性虛故。下半明妄不離真。謂以虛徹真。虛盡真現。故云不離。是故不離不異不即思之。次二偈明畫像依畫心喻。後生滅門。此畫師心喻。本識等

能變之心。畫色喻五蘊身所變之報。上半明能所不即。下半顯本末不離。謂以心本形末所以不即。心變爲報是故不離。此明心能變境。心體非境。境從心變。境相非心。從心變故。境不離心。能變境故。心不離境。是故雖不即不離。而要唯是識非唯境也。問前偈但明彩不離四大。不明四大不離彩。何故與此不同耶。答前明真不變妄。此顯心變於境。故不同也。後偈上半明畫師工巧心喻。能變識。無住爲本。故難思也。下半顯所現畫色喻所變相。各從心現無體可相知。後半畫師不知此畫皆從心現。喻諸衆生迷自心量。下一偈半法合可知。第二明心起佛中。如心佛亦爾。將凡類佛。如心造。凡作佛亦爾。皆從心起。如佛衆生然。將佛類凡。下二句會以顯同。謂心作佛。心佛無別。心作凡夫。心凡無別。能所依同。故云無別也。又釋。此是第二結勸修學中。初一偈融結本末。本末有三。一唯本謂真理。以就性淨本覺名佛。二唯末謂所變衆生。三俱謂能變之心。以依真能變故。此三緣起融通無礙。隨一全攝餘。性不異故云無差別也。次一舉益勸修。上半明佛已知。舉上勸下。次句勸下同。上。下句結明。知益。次一偈明身心不即不離。上半身心相別故不即。下半依心現身故不離。下一偈勸修。上半舉所求。下半勸依理觀。謂此會心入實則是如來。返此爲去故也。又釋。亦是心變佛相而現故也。第十知佛體用深廣故名智

半偈顯。可知。亦是佛地無說說在。機緣明矣。

功德華聚菩薩十行品第十七

林十偈分三。初三。歎佛法身離相。次。一明。能歎佛得大功德。後六。歎佛應現色聲。前中初一明。離六塵相。謂初句離香味觸三塵。故云不可取也。次句離色塵。次句離聲塵。下句離法塵。次一離。量無量相。無量是多。有量是少。皆是妄計俱不可取。次一離。言說相。有二義。一謂如八時不應說而說。故自他無益。二不知法身非言說境。而謂如言而為。他說則墮有無。四謗等故欺誑自他。如下隨聲取義五過失等是也。上二偈明法身心行處滅。此偈明言語路絕。故不可思議也。第二一偈明。歎佛所得功德可知。第三。歎佛應現德。六偈分二。初三。明佛身相。謂無身現身身則無身。後三。明佛語相。謂無聲現聲聲則無聲。前中一。所現非真。喻。謂如如意珠以黃衣映則作黃色。此有二義。一珠非黃而現黃。二所現之黃非實黃。佛身亦爾。機映而現。二義同喻。故下句。答云佛亦如是也。如智慧莊嚴經廣說此喻。應知。二能現離見喻。謂依空現色而空非可見。喻佛應現色而佛非色不可見也。下一舉法合。謂佛地。大智有二義。一圓明義。前喻顯之。二離相義。後喻顯之。皆有應機現色。而非色。故云莫能觀也。準此文。自受用身無色等。應功德明矣。佛地論云。第二明。佛言聲中。初一明。非聲非不聲。各半偈顯。以依證會實。故云離聲不知也。次一歎深勤學。莊嚴無上道趣實之益。遠離諸妄捨虛之益。後一明。非說非不說。各

半偈顯。可知。亦是佛地無說說在。機緣明矣。初釋名者。十度利潤體名。功德。有莊嚴之功。如華結果。衆行交飾如華聚。又德是行體。華是行用。聚是行相。菩薩是人。有彼德者則有財釋也。此是功德林之異名。如下金剛幢迴向品相似。十行是位法則帶數立名。菩薩之十行亦依主受稱。人法題章。二來意者。前序分既彰。正宗宜顯故也。又前。衆。既集。次正說授故次來也。第三宗趣者有三。一明。約三乘寄位法。二明。別行法。三。一乘普賢行位法。初中諸聖教說多門統收有十。一因果二度中是因度位。二七阿僧祇中地前三內第二精進行僧祇攝。三地前四行中成破虛空器三昧行。四法身四德了因中成樂德了因種。五地前方便四人中是第三十行人也。此上並如梁攝論等說。六六慧中是第二思慧位。七六忍中是。行忍。八六種姓中是性種性攝。此上並如本業經等說。九三持中是行方便持攝。如瑜伽地持說。十地前除。四障中是第三伏。除聲聞畏苦使得。銀輪王報王三天下。第二明。其別行者。仁王經第二性種性位有十心。謂觀身受心法不淨苦無常無我。三善根則施慈慧。三意止謂過去因忍現在因果忍未來果忍。已過。我人知見衆生等想及外道倒想所不能壞。本業經亦同。又行有二種。一通謂信等十行。二別謂此十度。此中明別非通。別中

復二。一因。二果。此中明因波羅蜜也。此並約三乘教中寄法顯行。第三就圓教明普賢行者。則此十行中具攝前後諸位中行。一切皆盡。是故此位滿際則至究竟位。如第十行滿云。入因陀羅網法界自在成。就如來無礙解脫爲。人中雄。大師子吼爲。法輪王轉。無礙法輪等。解云。此是究竟中菩薩猶非是佛。以果分當不可說故。第四釋文者。此正說中有二品。初品明其所行。後品顯其所成。又初是約位階降行。後是通相始終行。又初是位。後是行。又初自分。後勝進。就初品中七分同前。一三昧分。二加分。三起分。四本分。五說分。六證成分。七偈顯分。何故爾者。欲明依證起說故先入定。顯法殊勝。故佛同加。說時將至故從定起。言不顯彰。故略標本分。非略能具。故後廣說。顯所說稱周故結證究竟。於所說法。令易受持。故有偈顯分。初中何故入定者有六意。同前釋。此中三。先舉入定人。謂行成功德。如林說十故不異名。入也。二顯非己力。謂推化歸。佛故云承力也。三正明得定。謂潛神證契。故云入也。菩薩者。標人別法。簡佛果。定善伏者。舉能顯異。善有二義。一巧能義。二順理義。伏亦二義。一制伏義。二調伏義。初是約障巧能制伏。令永不起故。云善伏。二是約行修行順理。調伏之行。故云善伏。三昧同前釋。第二加分中三。初云善伏。三昧同前釋。第二加分中三。初總顯能加。二釋加所爲。三正辨加相。初中五。一明諸佛現身。二彰佛同名。三款此得

定四明由加得定。五彼佛自釋作加所因。初中。問此諸佛爲當過萬佛剎塵之外一處。併有爾許佛爲當故居耶。答是故居。云何。散耶。且如東方過萬佛世界塵數剎外有一功德林佛。從此向東復過萬佛世界塵數剎外復有一功德林佛。如是向東展轉數至萬佛世界。塵數諸佛各各相去。數亦同前。如東方餘九方亦爾。又多佛加者增長大衆敬人重法心故。又顯諸佛聚力同說故。二佛名同者四意同前。一令功德林增。踴悅故。二彼佛同得此法故。三顯此位中具因果二德故。四於此門爲能加佛。法爾皆得功德林名。以法力故。三歎此得定中。乃能者是希越之辭。顯能入此希有之定。何故爾者。以功德林默入斯定。衆既不知所入是何。無心渴仰不得爲說。須佛默顯起。衆欲樂四由加得定者。謂彼他方諸佛自說彰已作。加令其得定。五釋自作加所由中。有三句。初由盧舍那本願力故是故作加。何者地論釋。舍那過去曾見有一盧舍那佛加菩薩說此十行法能加佛同名功德林。因則發願。願我成佛亦有斯事。今如本成。是故加也。二云亦是舍那現在威力相感同加。是故加耳。三云又諸菩薩善根之力應聞。此法感佛同加故也。又前說十住則云以法慧善根力故。今云諸菩薩者顯前劣此勝故多也。又前顯自利增。此顯利他廣。又是文綺互影略。理實齊有。第二明加所爲中。初句是總。謂欲令汝廣說普賢十行法

界前後諸位及諸因行。無不此至。無不此收。故云甚深。甚深者有九種。一養果深。謂長本有之因。令成。果故。此約自智。二照性深。謂分折衆生性類差別故。又知性種異故。又於衆生如來藏性開示解釋故云分別。又知一衆生則具一切法門及一切衆生。以性融通而分別故。如下文第八行中云。不離一衆生著多衆生不離多衆生著一衆生。不增衆生界不損衆生界乃至云。菩薩深解衆生界法界無二無二法中無增無損無生無滅法性真實。如是等此約所知。三除障深。謂障約煩惱礙約所知。種現正習無不盡故云離一切等也。若依三乘此中寄伏聲聞畏苦黑障現行四入法深。謂證入真理境不礙心故云無礙。下偈云。悉入諸法界隨順到彼岸究竟得自在法日之所行也。又亦能入帝網法界相即相入圓融自在無礙之境。下文云。入因陀羅網法界自在成就如來無礙解脫此之謂也。五巧便深。謂巧以一法攝一切法。又巧以一行一位各攝一切。一身赴一切有無俱不滯。如是多門善巧故云成就一切方便。下云。窮盡諸佛方便大海故也。六成果深。謂能成就種種智果故。前養據始此成約終。是如量智種別而知故。七理智深。謂如理智覺一切法皆同一性故也。八知根深。謂善知衆生根器差別。又知生熟不同。又知同一如性。又知一根則一切根等。如諸根海說。九開持深。謂成十種大陀羅尼。如下第九行中說。下一句

結。謂廣說如上。總別十種甚深之法是何位法。所謂菩薩十行是也。第三加相中。初一句。告說是口業加。二意加中。二。先加後釋。此並當時有事無說。結集者如事而結之。前中十句。初一總餘九別。問何故此中與法前與智耶。答所與是一。但前會爲成。解見理增故名爲智。此中爲成行軌範增故名爲法。總中謂起說自在名無障礙。又與無礙辯令說無滯礙故也。下別中。一於法不疑情無異緣故云安住。又與無畏智令說時心安不懼他壞。二解發自中故云無師。又與同佛智令對衆說同佛無師故也。三見法分明故云無癡。不難無明故。又令說時無所知障礙故也。四見法次第故云不亂。又不雜餘乘及世間章句等。五所解真正故云清淨。又智體無過。六所解廣多故云無量。又是稱法界法門。七所解深勝故云最勝。又與果法相應。八令說時不慢不諂不憍不貪故云無垢。九所得不忘故云不退。又言無退失。又無退於理。又無退屈故也。下釋偏加所由并身加及起分。並同前釋。第四本分中。二。先行體後行相。體中行業不思者。標體顯德。謂此普賢圓融之行具德超情名不思議。此行不思議有十種。一廣大故。謂以一切身於一切處遍一切時念。念頓修稱法界行。是故此行名不思議。二甚深故。謂此廣大行則。是思數皆無自性。則同真如。而彼行相宛然不失。是性起之行故亦不思。三殊勝故。謂超過餘乘非下位圖

●勇二勇 ●五十(顯) ●告二告 ●是十(不可) ●

度故亦不思。四攝位故。謂此在地前能攝一切前後諸位名。不思。五證理故。謂此行能證不思之理名。不思。六斷障故。謂此行能頓斷難斷不思之障故。七利他故。謂此行能一念廣利盡諸衆生界故不思。八圓融故。謂一行則一切行。一切行則一行。難定量故名。不思。九重成故。謂此所作如。因陀羅網重重無盡故不思。十成果故。謂能成佛不思之果。故亦不思也。所以辨十欲顯無盡。如下偈中大龍所行等準知。此約圓教辨。若約三乘則不得作如此釋。以此猶是有漏位故。廣如法界究竟如空者。顯前不思之相。然法界有十。如下說今舉二門以釋此行。謂行寬名廣。行深曰大。此廣此大皆稱性成。故曰如法界。虛空亦有十義。如下第八地虛空身處說。今亦舉二義。一行能破相證入畢竟法性虛空故云究竟如空。二行能出生無量愛果如依空現色色無盡故云究竟如空。下釋中先徵後釋。以此行是三世諸佛之所行。故是故如此也。又釋前行業當觀相善決定。不思當真實。善法界當勝善。如空當因善。學三世等當不怯弱。餘同前會釋。二行相中先標數顯要。謂三世諸佛同共說故。二列名。此十行之義略作十門分別。一釋名。二體性。三建立。四種類。五修相。六定位。七行相。八所依身。九所離障。十所得果。初釋名者有二。施戒等十從行體爲名。歡喜等十約行用爲目。今辨後名。於中總名如品初釋。二別名者

施悅。自他名爲歡喜。歡喜則行名歡喜行。此約自喜是持業釋。又亦歡喜之行名歡喜行。此約令他歡喜成自行故依主釋也。二淨持三聚雙益。自他。三忍力息除自他悲恨。四精勤修攝勝德無盡。五止觀雙運癡亂斯絕。六般若照理善現朗然。又觀法實相般若現前。七巧起勝行於空不滯。又以無著之心起諸所行。八無礙大願攝勝善根深可尊重。九深達根器善於法化。十言行相應不空受稱。又此十中得名有三。謂第八從德立名。第三第五第七約離過受稱。餘並從功能爲目。可知。二體性有二。先總後別。總中有三門。一約所依以善伏三昧爲體。以依此定證十行體然後說故。地論云此三昧者是法體故。二約本。以本分中行業不可思等爲性。此是思數廣大等十義如前釋。以是廣說之本故爲體也。三統收約境。二諦雙融。約行悲智無礙。復心境圓融。無礙法界具無邊德以爲體性。思之可見。二別辨體性者各如下釋文處辨。餘門待第五說分中釋。十行有二分。一果分同性海平等不可說故。此中不論。二因分約緣隨說。有四重。一唯約比位行。如仁王經及本業經等說。二唯明自體普賢行。如下普賢行品說。此不依位。三以自體行從位而說。即如此中長行所說。四會攝位相從於自體圓融之行。如下偈中說。今說分中唯辨後二。文中有一。初明此一世界十行。後如此下明十方界中十行。以此一說則一切說故

合爲一部。前中有二。初正辨十行。後動地等顯說益相。前中別釋十行。卽爲十段。釋初行中作六門。一辨體性有三。一約隨相亦三。一以無貪善根。二彼俱思。三兼取三業無表。假實通論此三爲性。此約初教。二約性或以具如爲性。起信論云知法性體無慳貪隨順修行檀波羅蜜。此顯順同法性之中無貪之功德故也。此約終教。三約實準下文於施門中所攝無盡圓融法界爲性。此約圓教。二明種類者。施有三種。謂財法無畏。財中亦三。謂外內俱。外中二。一無過之物隨索便施。二有失之具。謂刀杖。霜網毒藥等皆不應施。增不善故。二內中亦二。一約自破慳心於彼有益則便施與。仍亦有二。一施身力等。二施支節等。二若自慳已破於彼或雖有安樂無饒益。或俱無等於餘有情有廣利樂則不應施與。或天魔等故欲損害菩薩而不與。或初心菩薩未能耐苦。且許而未與是說。或初心菩薩未能耐苦。且許而未與是亦無犯。故十住論令說偈安慰彼乞者。言我初發道心善根未成就願我速成就後必當相與故也。三俱中亦二。一身及王位依正同捨。故云內外施。如十藏說。二吐食及髮爪皆亦內外施。如瑜伽等說。三法施至下第十迴向於彼當辨。三無畏施者。或以財施濟危。或施法存軀。或施二免苦。皆則無畏施也。或俱非。謂於怨不酬等。或救拔苦厄。總說有二類。一根緣相應者救之。二

作業受報二種定者暫時捨之。又此施種類
瑜伽地持九門。十藏離世間各十門。第六迴
向一百二十門並如彼等說。三收攝者有
二。一約三檀攝六度行。謂財施攝初。無畏
攝二。由持戒故應殺不殺。由忍故應酬
不酬故。法施攝三。謂勸說一心說不倒說
故。由方便等四助前六故。是故十行總
在初攝也。二只一財施亦則十度及萬行
等如。下第七地中說。應知之。四因果者
有三。一隨分果謂大財等云云。二位果謂地
前因地上果云云。三得佛果。佛性論第二云
捨有二種。一由昔捨物施他今即損於貪
愛。二由昔捨法施人今則輕滅無明。由
此捨故貪愛無明並稍輕薄。以是因緣得
解脫果。又成佛果大功德聚等。如賢首品
說。五祕密行者。商主天子經云。又復問文
殊師利汝寧憚耶。答言我實為憚。又問何
故。答若心不捨是即名憚。又問云何不捨
名憚。答我常不捨諸佛法衆而不捨一切
衆生。以是義故說我為憚。六釋文中三
謂標釋結釋中。一先明財施後觀察下明法
施。前中北臺意法師云。先明行體。後從菩
薩修歡喜行時下淨治此行。又釋分三。初
明行順。理自慶歡喜。二菩薩修下遂物求心
令他生喜。三從離諸我想下明離三輪以
成檀度。初中先釋後結。釋中三。初正行施
行。二簡其所離。三顯其所求前中三。初施
主者。對法論第八云。為大施主者此顯數
數施義。由申習成性。數數能施故為主也。

捨離一切釋。顯主義則是解脫捨舒手施也。
二等心等者。是論中無偏黨施義。三者行
成。大喜故云無悔。二所離者是對法中無染
意樂也。於中四句。一不望未來資財之報。
二不求現在名聞。三不期常來人天勝處。
四不憚現在利養。三所求者既不求報等。
為何事耶。下十句顯其意。一救現貧苦。二
攝令向道。三益令修行出離之行。上三是
以施物攝生。四學習諸佛本昔所行。是自
分始。五正憶。是自分終。六勝進始。七是勝進
終。上四是隨物而行。八弘顯。此行令他施
習。九兼行而說。令他受學。十結傳授意。上
三以行益物。
第二對緣行。施生衆生喜中二。初總以標
舉。二隨方下別顯其相。於中有一。先明
修施方便。後於念念下正明成行。方便中貧
處者是依止苦田。願生者是依止願。對法云
依止願修。謂由依止本願力於波羅蜜多
修習正行。豪貴者是對法依止報修。由勝
自體力於波羅蜜多修習正行。財無盡者
是依止大財修成施行。二於念念下正明施
行中。依對法論第十二中。菩薩依止六種
意樂修波羅蜜多。一無厭意樂者。謂諸菩薩
於一有情一刹那頃。假使說伽沙等世界滿
中七寶以用布施。又以說伽沙等身命布
施。如是經說伽沙等大劫。如於一有情所
如是乃至於一切有情界。如是施時皆令
彼於阿耨多羅三藐三菩提。速得成就。就修
行。如是差別施時。菩薩意樂猶不厭足。是

名菩薩於施波羅蜜多無厭意樂。二廣大
意樂。謂乃至菩提施無暫息等。三歡喜意
樂。謂遇受施者等。四恩德意樂。謂見受施
者於已有恩以助我菩提故。五無染意樂。
謂雖於有情。與大施福而不希報恩當
來異熟六善好意樂。謂廣施之果皆施有情。
又以此福共諸有情迴向菩提。具說如彼
論文。此文有四。初明無厭意樂及廣大意
樂。無財曰貧。空盡曰盡。二從不以求索下
明歡喜意樂。三作如是念下明恩德意樂。謂
生我福故名福田。起我行故名善友。我今
應下結報其恩。四從我於三世下明善好
意樂。於中三。初用行成果以濟衆生。二施
福與生令先成佛。三然後自得可知。第三
明離三輪著成波羅蜜。於中二。初觀解破
執。後如是觀時下觀成捨相。又釋。初通離
二執。後別泯三輪。前中先七句明離人執。
於中福伽羅者此云數取趣。謂數數取諸
趣故。舊翻名人是也。依瑜伽第八十三有
八名。一我者於五蘊起我我所見現前行
故。二有情者謂諸賢聖如實了知。唯有此
性更無餘故。又復於彼有愛著故。三意
生者謂此是意種類性故。四摩納縛迦者謂
依止於意或高或下故。五養育者謂能增長
諸有業故。能作一切士夫用故。六補特伽
羅者謂能數數往取諸趣。無厭足故。七命
者謂壽和合現存活故。八生者謂具生等
所有法故。依大般若有三十三名。八同。瑜伽
更加五種。一作受者。三見者。四知者。

五士夫更檢般若論中釋。二法界下七句明離法執。一謂衆生界空與法界無別。二體空無取故云離欲。三性無定實。四相無所有。五不能自住。六非可依據。七緣成離作。二觀成捨相中九句。初三見三事空莊嚴論云。施有三礙。謂我相他相施相。著此三相布施是世間檀非波羅蜜。以於世間中不動不出故。離此三著名出世波羅蜜。以世間中能動出故。四不見生福之田。五不見所生福業。六不見因。施得異熟果。七不見得等流果。八不見得佛地大果。九不見於菩薩地中所得小果。

第二法施中二。初念傷物苦。二起意饒益。前中謂觀三世衆生。一無明所覆。二四住所纏。此具苦因。三受深苦果。四明開正濟。謂不得佛三堅之法故也。我當下起意饒益於中先自修佛因。化他同習。二自當成佛令他同得。令淨對前苦因。順滅對前苦果。下結可知。

第二饒益中亦作六門。一體性者三門。一隨相門。謂於思上假立無表。亦有三事。一思。二無表。三身語表業。故論云菩薩戒以三業善爲性。二約本亦以真如爲性。起信論云。知法性體淨無染。隨順修行戒波羅蜜。三約實以無盡法界爲體。云云。二種類者有十類差別。一依梵網等經有菩薩三歸戒。二依善生經五戒。是在家菩薩戒。三依文殊問經八戒名世間菩薩戒。四亦依彼

經十戒。謂卽沙彌所持者名出家菩薩戒。五依方等經二十四戒亦在家菩薩受。六依瓔珞梵網十無盡戒通在家出家菩薩所受。七依瑜伽地持四波羅夷戒。觀此戒相多分似是出家所受。亦兼在家。八善戒經及重樓戒經等八重戒。謂聲聞四重上加瑜伽中四重。故爲八。此文局爲出家菩薩受。以先受五戒十戒具戒方得受菩薩戒。如四重樓閣漸次成等故也。九依梁攝論戒學云。如毘奈耶瞿沙毘佛略經說。菩薩戒有十萬種差別。十依華嚴經有十等無盡戒品。如十藏品及離世間說。三攝行中。依瑜伽論。七衆所持解脫戒是菩薩律儀戒攝。六度十地等是攝善法戒收。四攝四無量等是饒益有情戒攝。又有攝義。如對法論第十二中說。四得果者亦三。初隨位得果。攝論名大生攝。故謂卽由戒所得勝利勝善趣攝。二由此資糧當得地上所得勝報及自性戒。三得無上菩提果。謂由律儀戒得斷德法身果。由攝善戒得智德報身果。由益衆生戒得化身恩德果。五祕密中菩薩亦破戒。如商主天子經云。又復問云。我惟付文殊所說。汝於今者亦是破戒。答言。我亦破戒。問何故。答若人破戒破墮三惡道。我故思惟墮於惡道成就衆生。以是義故稱我爲破戒。六釋文中三。謂標釋結。釋中二。先略辨離過以明行體。二菩薩如是下對緣廣顯堅固行用。初中亦三。先舉淨戒行。謂自持淨戒不染六塵。說此化人成二利行。

下顯二意。先明所離。後但堅持下明其所爲其所爲中盡不爲求世間勝報爲何事耶。爲有四種。一爲離生死大過患。故煩惱等是苦因。悲苦等是苦果。此是律儀戒所離。二下於衆生不違悲願。故云不負。謂稱本弘誓而救拔。故此攝衆生戒所成。三上順佛意故令歡喜。此是攝善法戒所成。此上是因圓。四爲菩提果滿故也。第二對緣廣顯中有三。先明難持能持則律儀戒。二從作是念衆生長夜下明難救能救。則攝生戒。三從我當捨離下明難作能作。卽攝善戒。前中有六。一非其境逼。二爾時菩薩下深見其過。三是故下明心堅同佛。四不違方便而內心逾堅。五不爲下釋顯堅相。於中先順釋。寧捨下返釋。六自見佛下舉輕況重。謂從自昔初發心來名見佛來。中間至今未曾起想。是舉輕也。何況從事是況重也。謂想尚不起況有行事。下返結其無二。明攝生戒中三。初念衆生爲欲所縛。二我今下建志標其所作饒益。三觀一切佛下依標順理以法正益。前中五句。一未得思求名憶念。二創見纏染名貪著。三得已深味名愛樂。四久處不捨名常流。五於後不厭名永沒莫能出也。二標意作益中二。先標所作。後何以下釋顯其意。前中三。先立地前淨戒。二令得地上不退。三成菩提涅槃果。下釋中。先徵意他人有惡於已何念。下釋。此是我業。謂令衆生立於淨戒乃至涅槃。是諸菩薩家業法爾。是故應作。三世諸佛本

在因時亦同作此。安人淨戒乃至涅槃故云。離諸非行。下傷已不及行之太晚。由我無知昔來不作。今始方為。猶恨遲耳。三依標順益中亦三。初總明得平等法為說。除倒。二不離衆生下辨釋倒相。即是不等。三悟一切法下明觀解之益。第二中衆生是依他緣起性。顛倒是妄想所執性。謂依似執實。不離生有倒依執似起。不離倒有生。二倒能起生倒內無生。生能起倒生內無倒。三倒從生起而非生。生從倒有而非倒。四即生非倒。倒非內。離生無倒。倒非外。五生亦爾相相依相。俱非內外。空無所有下類。除一切法。皆是虛妄不實。三觀益中。先自知之益。未度下化他益。於中九句。一令度苦。二令脫集。三授與戒學。四與定學。五與慧學。六令離憂惑。七細習亦盡。故云清淨。八令得涅槃。九得菩提。第三攝善戒中五。一起願心修善上。順故令佛喜。二出所喜事成。就佛因安住佛果。三成觀解。謂覺衆生平等了法亦空。四遠離染障。於中離惡是捨業障。餘是煩惱。五成就淨德。初句是因。悉得下成果。初得教智。後空慧是證智。

法為體。初無瞋。次動。後慧并思。是三業通前故也。又起信論知法性體無瞋離惱故隨順修行忍波羅蜜。二修忍方便者約初忍莊嚴論云。由三思五想即能忍受。三思者。一思他毀。我是我。自業若報即重自造苦。苦不由於他。二思彼我俱行苦。以彼無知於苦加苦。我今有知云何復爾。三思聲聞自利尚不以苦加人。菩薩利他豈得以苦加物。五想者。一修本親想。一切衆生久來無非親屬故。二修法想。打罵者不可得故。三修無常想。衆生性是死法。尚不應瞋。況加害。故四修苦想。衆生不離三苦。止應令離不應加。故五修攝取想。本願令衆不令苦。故又智論云。若被毀害但思對治法。不應起瞋。如遭風雨但求遮法。而不瞋之。廣如智論有多門辨。三種類者。或唯一。謂忍度。或二。智論云。一衆生忍。二法忍。或三。如前。或五。謂信忍等。或十如下十忍品及離世間品說。四秘密者。商主經云。又問文殊汝有瞋恚心耶。答言如是。又問何故。答言不瞋心。是不愛耶。答言如是。文殊言。我於煩惱二乘無有愛念。以是義故我有瞋心。餘門如別說。云云。五釋文中。釋內初標行顯意。二菩薩成就下對緣辨相。前中初一句總以標舉。謙卑下別顯。先顯自行。後教人前中先約三業性有忍。想。謂自謙敬。他是心忍相。和顏是身忍相。愛語是口忍相。下約離三毒現成忍相。初約離瞋。謂不自害等。自有苦事不能安忍。自刑害等。違安苦

忍行。於怨不加名。不害他。此是耐怨忍。雙辨前二故云。俱也。智論有二忍。一於違能忍。二於順能忍。上是違忍。二約離貪。於順能忍。謂不為名。利起。慢自高。傲他及俱並可知。三約離癡。不言自是。離慢也。不虛是他離諂也。雙離不俱也。又於所作自不言是。於所愛處不。言是。彼是。二俱捨不言兩是。此是法思忍相。又釋。約三業。初由和顏故不害。次由謙卑故不舉。後由愛語故不惡。二教他。化亦是顯意。為欲教人斷惡。先自修忍。於中先教離過。二以大忍下成治行。謂具三忍治三毒等。故云。大忍。二對緣辨忍行。相謂離忍能忍。於中有二。先廣舉害辱。二於辱能忍。前中四。一多衆生。二多罵辱。三多傷害。四經多劫。此難忍也。二安心能忍。於中亦四。一深見瞋過忍。二思往勵今忍。三身苦俱空忍。四同佛攝生忍。初中遭苦生悲。反舉不忍。下彰其過有八句。初七失自行過。於中。一不自調心過。二不護身口過。此二無戒失。三明無慧由。瞋覆心不見。法理名。不明了。四由瞋瞋心令不寂靜。此障修定方便。五障修正定。六行虛非實過。上是妨善失。七增惡過。謂由自愛身不受他侵。故致瞋惱以增惡業。下明失利他過。何能令喜明。無始善。而得度脫明。無終利。第二思往自勵中。謂自思於往昔因護此身心。起淨造惡受苦無窮。今若不忍更重增苦。多劫無慈。以此自勵令心喜忍。又釋。由我

●不十(處)● ●忍二和● ●利二利● ●(言)一● ●(化)一● ●反二返● ●或二或●

有此身心爲苦因故。令他得有所傷害事。苦本在己。何不責。故涅槃經云。因手刀杖及以我身故得名打。我今不應橫。瞋於他。乃是我身自招此咎。譬如因的則有箭中。我亦如是。有身有打。以此自勵。又釋。我於往昔未曾不有凡愚身心。或由惡業於地獄等處。尙無量劫虛受大苦。無一饒益。況今受此小苦成就菩薩大忍之行。以此自勵。故生歡喜。對前門忍說此爲重。勸心不退勵心令進。由見此益於辱喜受名。心歡喜。調心離忿。攝不造惡。故云調攝下釋。調攝意。先徵後釋。爲令自他住無上法。故此亦是安受苦忍。第三身苦俱空忍中。對前二門說爲復更思也。思益經云。諸法念念滅其性常不住。於中無罵辱。亦無有恭敬。若節解身其心常不動。知心不在內亦復不在外。身怨及刀杖皆從四大起。於地水火風未曾有傷損。此中初是生空。無真實下明法空。此自觀也。諸法空下明利他。方欲爲他說空。豈得自迷不忍。是故下結可知。此亦法思惟忍也。第四同佛攝生忍中。先有七句念衆生苦。後一句欲同佛救護。前七中一啓其有惡。二益令修善。三安其樂果。四不令著樂故云。攝取。五速令至佛故云不捨。此令至地前六令得地上不退。七令得究竟善提果也。下明同佛行。謂諸佛因時修此法。我今亦同方於衆生作大饒益。何容不忍。反加惱害故云佛所行等也。

第四無盡行即是精進波羅蜜作四門。一以勤思二法爲體。依起信論知法性。等二種類者。依瑜伽有三種精進。一被甲精進是始修。二加行精進是次修。三無厭足精進是修究竟。以三業策勵爲性。依此文及下離世間品俱說十種精進。三祕密者。商主經云。問文殊汝有懈怠。答言有。又問何故。答夫懈怠者不以身口意發修諸行。我今如是。亦不發行亦不欲行不捨不取。以是義故我名懈怠。四釋文。釋內有二。先標行顯意。後從菩薩成就如是精進下對緣辨相。又亦前是當位行體。後是難行能行淨治此行。前中二。先標行。後菩薩復作是念下顯意。前行中二。先行體。二彼菩薩下明離過。前中初句總餘九別。別中過凡名勝。二越小名。最三修善行極名。第二四化他行極名。大五離過行極名。妙六上能過。下名下。七下不能加名。無上八下不能齊名。無等九過。下同上名。無等等。二離過行中離大小煩惱。通有十種。如文云。上是被甲精進亦名勤勇精進。二顯意中。初不欲惱生顯其所離。後正顯所爲。此中有二十句分三。初三爲斷惑。次七爲知所化攝生。後十爲知法理。初中初句伏離現行。次句正害種子。後句離殘習氣。知所化中。初一總餘六別。別中初二知染過。一知苦報轉。二知惑集因。後四知受法之器。一樂欲多門。二分齊差別。三根有利鈍。四心所念異。三爲知法中。初句總餘九別。別中初四

爲知佛理法。一知如來藏具恒沙功德不空實性。二知如來藏在染當相平等。三約因位前後三際不殊。四在果淨位亦無生平等。又此三亦是三種佛性。初約自性住。次約引出。後至得果。又初是地論中自性無生。次數差別無生。三佛果作業無生。次二爲證果法。初句標。下句釋。謂以一巧智門廣攝佛果之法。次二欲知佛果大用法。一知佛無盡神通德。二知佛權實智慧德。方便是權也。後一句知佛教法。又亦得。初四約加行。次二約正體。後三約後得。又此二十句中。初三約自利。後約利他。利他中。初七知所化器。次九知化法樂。後一正以法授機。可知。第二對緣難行顯行堅固。於中有二。初假舉重苦以要問。顯行。先二問後兩答。二假以塵海令數要顯。亦先問後答。答中二。初令他免苦利。後自他成果益。此上亦是攝論中難壞精進。瑜伽中無厭足精進。第五離癡亂行即是禪波羅蜜亦作四門。一以別境中定爲體。起信論知法性。等二種類者。依瑜伽亦有三種。一現法樂住靜慮。謂八定等。二饒益有情靜慮。謂依此起四攝攝有情等。三引神通功德靜慮。謂能引十八變等。又下文有十種以顯無盡。三祕密者。商主經文殊言我有亂心。何以故。夫亂心者無有住處。我於聖中心得解脫。成就一切諸衆生故無有住處。以是義故稱我亂心。四釋文。釋內由修觀離癡習止息亂。梁攝論云。諸菩薩於諸位中。常修

妄境也。辨中邊論云。依識有所得。境無所得。生。舊論云。由依唯識。故境無體。義成此之謂也。大明識體無生觀。無量心等者。觀能取心性同。一切所取法性同。無性相等。猶同也。此是依無塵以遣識。辨中邊論云。依境無所得。識無所得。生。舊論云。以塵無有。故本識則不生。此之謂也。示現無相相者。印前所取空。謂無相之相現前故也。深無底者。印能取識空。以識空為本。識盡故無底也。如如性者。雙印二空。謂心如境如。同一真性。雖於如中。無相可起。名離業報。然此加行能起正證。故云善方便。出生離生。離生則是證位。謂總結前加行有起證功能。自下第二明正證智。謂境智相如之理。不為生滅所遷。故云不生滅。同真理。故云涅槃等。此明不有不有。即是不無。故云非有說有。有無。既絕言。猶無。起故云言語道斷。簡證異比。謂世智有依住。此中無倚。故云離一切等也。自下顯證益有五句。一增善益。由證真故。令先所起善。極倍增長。故云長養等也。二初利那無。流智起則更受。薰成令其增益。故也。三斷障障益。謂順證名入。捨妄名離。斷煩惱障種名。無縛。害所知障種名。無著。三證真益。謂證昔未證之真理。四超位益。謂過世間也。五起智益。謂由此證理。能起後智。分別世法。第三明後得智中。二初明以理會事。方便思求。二菩薩解如是下明理事無礙。彰如實正解。先總次別。別中八句。初解世寂滅。知妄體

空。二解佛深法。知真離相。三染淨雙融。故等無別。四即染淨世入佛法。五不染而染。佛法入世。六染淨門別。故不難。謂全體即淨而不失。染淨體則染而不失。淨。是謂染淨不二。而二。七釋不難義。以世法虛故。不待壞不礙存。以不待壞故。未曾不即佛法。以不礙存故。未曾難於佛法。故云世法不壞。八以佛法真故。不可破不礙隨。不礙隨故。未曾不則世法。不可破故。未曾難世法。故云佛法真實等也。又釋。佛法雖入世間。不為世法所壞。何以故。以真實法界不可壞故。問若爾。何以不言世法入佛法。世法亦不壞耶。答以世法入佛法。可有壞盡故。不論也。以真妄不齊。故如此也。所以如此。踐蹋染淨。為欲常於世間攝化。而恒住涅槃。故下大悲攝生。而不乖觀理者。是此法也。第四大悲觀中有五。初安住三世等明。依理起悲。二建攝生志。三以已惑物。四自誠不捨。五對緣正救。第二中五句。一我不成。生誰成者。化令成善。二調離惡業。三寂滅煩惱。四喜得因成。五淨得果滿。三以已惑物中。是一句顯已所解。後正惑物苦有二。先明具諸重苦。二不離三障下無解脫樂。前中法喻合。法中見生。受苦是現苦。趣危徑是當苦。此是苦果。煩惱纏是苦因。合法中。恩愛繫是苦因。在生死等是苦果。此四惡趣義云。其闍羅王依諸聖教。說有五種。一是地獄趣攝。如瑜伽第二說。二是鬼趣攝。如瑜伽菩薩地說。更有經文未

見。三非二趣攝。如此經文。別有闍羅王趣。故四是變化作。如觀佛三昧經第五說及二十唯識論等說。五是菩薩作。如瑜伽第七十。七云。炎魔名法王。為作益為作損。應言唯作益。故知是菩薩也。又正法念經中。闍羅王為罪人說。偈言。汝得人身。不修道。如至寶所空。手歸。汝今自作還自受。叫喚苦者。欲何為。問此王為斷中有衆生。為斷本有衆生。答斷本有衆生。以中有不在地獄中故。無解脫樂。中初明有障。謂不離煩惱業苦。為三障。下明無脫。文有三對。一無脫因。謂癡闇是有障。不見真明。是無治。二無解脫果。謂無窮生死是有障。不得脫亦無治。三成前二。謂初明有障。不觀正道。明無治。第四自誠中。衆生有是重苦。若不先化彼而自先成不應道理。第五正攝生中三句。成善調。惡度令解脫。第三大段行益。以此般若行勝餘行故。是故前諸行後皆無此益。如文可知。第七無著行。以無住心。集諸善根。又以悲智相導。巧無住著無著之行。無著則行則方便度也。以後得智悲為體。種類者有二。唯識論云。一迴向方便。二拔濟方便。下文有十種可知。釋內有三。初自分行中修。無著行。二菩薩於諸佛國下勝進行中修。三於一念下明。成滿行中修。前中二。初明大智行。彰自利無著。二菩薩如是觀真下明大悲行。顯利他無著。前中三。先見淨不染。二觀緣不嫌。三雙釋前二。初中二。先別釋。後此菩

薩下膝結前中十四句。初四成淨土行。於念
念中是無間修也。於中一觀。嚴刹無著。二詣
佛供無著。三造修巧無著。謂無所行是無著
也。四所成業無著。謂思是業體。以入其名。
無思法住是無著也。二於念念下十句。明法
身行。於中初三見佛寶無著。次二於法寶
無著。初一聞法處。後一正聞法。次三於僧
寶無著。一見僧處。二見聲聞僧。三見菩薩
僧。上八於三寶境修無著行。下二於自己
行修無著行。一於攝法行中修。二造修正
行中修。一膝結中二。初膝前淨土行。二見
佛下膝前法身行。下結以成嚴。謂以此
等法嚴彼淨土。結別成總顯初句也。二
於染無著中唯一句者。以淨法順求易著
難捨故約多門。三釋中先徵問。一切世人
愛淨憎穢。菩薩何故不如是耶。下釋中。
初對問總釋。觀染淨法寂滅平等故。無憎愛
下別顯六對法。並相待相奪。各無自性故
不憎愛也。第二大悲行中。初膝前入後。謂
膝前觀法性智。便則順入衆生性中。以同
性故。是故化生而常無著。下正顯相有七。
一於所化無著。二於化法不著。三於化
心無著。謂大悲同果住佛所住。四於化
教無著。謂隨方言異故云種種語等。五於
化處無著。謂六道等是衆生所居。又是化行
無著。謂以二乘等是所化行處故云道六
於起化所依無著。謂依三昧起化他事。七
於遊利無著。此等並於諸行及事令智圓
轉而無滯著。第二勝進行中三。先自成勝

行。二得受記已下大悲攝化。三不著身下大
智照理以顯無著。初中九句。一悟實教。於
前所遊諸佛國處。以無著心領解佛說盡理
之教。故云實教。二尋教得旨。故於道無礙
三依教立行。故云於法已立。四因修行成
故云具菩薩行。五行成不動。故云住菩薩
心。六依心成德。故云成寂解脫。七德成離
相。故云不念著所行。八離相入證。故云住
淨道。九證成攝果。故云受記。受記義如。
離世間品中具說。二大悲行中。一先念衆生
無善有惡。二爾時菩薩下與悲濟度。又前是
大悲增長。二是大悲隨逐前中。一初明由
癡愛故流轉生死。謂不知苦無見滅。闇
無信不斷集。心不真者遠離道。此上癡過
也。常行染者是愛過。流轉者由前癡愛集業
故苦果相續。二不見佛下明由邪見慢故
受種種苦。於中二。初由障故不遇正人法。
是故起邪見。二不求下明由慢故謗正人
法。入魔邪境。於中初不求善友。二聞空生
怖者拒聞正法。三不正思故謗。四棄捨等
明倒修行。下明由此邪慢著有受苦。二
爾時菩薩見下結悲心增長不著自善。二大
悲隨逐中三。先起化心。次顯無著。後成化
行。前中初總顯意。謂爲多衆生各經多劫
各無暫離。不去如毫端。明大悲心隨逐衆
生如續逐母等。二別顯悲深。謂多處各多
時爲化一生。多生亦爾。念念不絕明無間
修。下一一毫處具等明起化行。是長時修
也。第三大智照理以明無著所由。於中先

有十句直辨無著。後何以故下釋成所由。
釋中先徵問。何故菩薩一切不著。下釋中約
八喻顯。一謂總釋。以觀一切緣起法界非
有爲有猶如幻故。是故不著。下次第遣疑。
疑云世間幻火不成。燒用佛今出世廣益衆
生。豈同彼耶。釋云如電亦有照闇等用。豈
是實有。然電有三義。一忽有義。二照闇義。
三速滅義。佛果三義。一即寂起用。是忽有
義。二即用恒寂。是速滅義。三寂用無礙廣
益衆生。是照闇義。此顯上於佛不著。三疑
云。若佛如電何以菩薩起行往求。因既不
虛果寧不實。釋云菩薩行如夢安得是實。
然夢亦三義。一體無義。二現實義。令夢者
見有故。三有用義。與覺爲緣故。如夢中因
走遂便驚覺返顧無來不。走望自身本不
動。菩薩既未成佛。於自心大夢。未究竟悟。
是故修行亦有三義。一證理故空。二無明未
盡故實。三能成佛果故用。謂於無明夢內
動勇多劫。豁然大悟佛果現前。返望夢中都
無所作。順順本性具德宛然。如下第八地
中夢度河喻知之。由此釋上文於菩薩行
無著。四疑云。若菩薩行如夢無所有。何故
經說此是菩薩行。此是二乘行。釋云所聞法
如響響亦三義。一以聲谷等緣成義。二無
本義。三言詮義。聖教亦三。一機感佛應。二當
體無本。三稱根詮示。是故此教是不說說也。
此等釋上於自行無著。五疑云。向說果行
等可狹。是空世界事廣。此應爲實。釋云如
化。化亦三義。一神力持起。二非衆生數。三

有衆生用。世界亦同。一自識發起。二性相無實。三盛貯有情。此顯上文觀淨穢國心無所著。六疑云。若土如化。不有故彼因有善惡差別。釋云。業報起如摩訶摩化身。古德釋云。此名重化之身。謂化上更起化。是故因果俱化故也。今更問三藏師。摩訶摩化此云。意生。或云。意成。即意生身也。彼身更起化。故復云化身。此亦三義。一兩化俱非有。二兩相現宛然。三有因果生酬之用。業果三義同。此準知。是故即有是不有也。七疑云。若業果俱空者。衆生報類由何差別。釋云。由心畫故。畫像亦三義。一平浪義以同壁故。二有高下義以畫工不失故。三無礙義平高無礙故。衆生亦爾。於真如平壁。心畫成像。一是空義。二同真故。二有義。業果不失故。心隨業變故。三無礙義。謂空有無礙。則是全空相宛然相顯。無所有是故攝化不廢。恒無所化。故不著也。八疑云。若衆生如此何故菩薩赴機說法。釋云。所說法如實際。謂即此言說常同實際。非謂無言方爲同彼。向來四門釋。上利他行中無著義。第三就究竟滿足行中明無著者。於中三。先自行。二化他。三釋成。前中三。先行廣一念是時速。二滿十方是處廣。三行大。四如法界顯行勝。五如空影行廣。謂由照見法性而成。此稱性之行。二明解廣。謂解知諸佛證理。決定所有方便。三釋成。前二以顯無著。謂由了知自己之心迅速一念能遍十方世界。頓成解行如前成就。又知己心性隨緣而

起即亦無起。理事無礙。不一定住。故云迴轉迅速。由此故能稱法而起。大行。二天悲利他行中。先行。後乃至下明無著。前中五句。初觀勝生喜。二起大慈下自他不憂。三未成下標其化意。謂成善調惡。四遠離下明起其化行。五若聞下有正化。謂一言音不同。二造業各異。三諸方法則名施設。四攝衆差別故云和合。五趣向不同故云流轉。六所修各別名諸行。七分齊差別亦是所緣。八得位亦殊。九趣果不等。十我當下起。顯正化。三雙釋可知。

第八尊重行作五門。初釋名。菩薩願行深廣高勝可貴立名。二體性者。以大願爲行體。然是後得智故。瑜伽第四十九云。佛求後後地。智殊勝性名。願波羅蜜多。又以信欲勝解三法爲性。又起信論云。三種類者。唯證論云。願有二種。一求菩提願。二利樂他願。或四弘五願。如瑜伽說。或十願如下說。四功能者。由此大願通遍諸行。由資令高勝。從此功能名尊重行。

五釋文辨相內有二。先明自分行。後彼菩薩下。顯勝進行。前中有三。初明行起所依。謂諸善根。善是順理義。根是增上義。生長義。於中九句。初一總餘八別。別中。一起行心堅。二高出情表。三行深難測。四生德廣多。五證寂難動。六行妙無對。七取捨心息。八廣行同佛。具此諸義故名尊重。第二正顯行相。於中有四。一內心堅謂起。顯行二念。二外緣勝謂逆順二緣。度是逆緣亦能成行。

三行成。尊重謂淨苦二行。四顯成不退。第三此菩薩下明行成利益。於中安住尊重行已者。結此自分行已成也。念念下正明二利。先自利中於惠轉離於德轉增。理實通增一切行願。約顯顯者。以此是顯度位。故也。下明利他。由此菩薩內具實德。令外見聞皆不虛也。第二勝進行中三。初修成尊重心行。二依心修成尊重慧行。三依慧修成尊重悲行。初中亦三。先明修無礙心行。二菩薩如是下明修無盡心行。三而菩薩下雙結二行。初中二。先依理起化明無礙行。二於衆生數下明理事混融無礙之行。初中法喻合。問既不趣生死不趣涅槃。應言不住。此二中流云何偏言不住。生死中流。答遠法師釋云。前不趣二處是離有也。不住中者是離無也。謂生死無處名斷中流。不住此無故云不住中流。今更釋如東流水。不住南岸。不住北岸。亦得說言不斷北岸中流。以中無別體約岸分故。若爾南岸亦得。何以不言涅槃中流。釋以所度衆生在岸故。是故偏就生死而論。約彼亦得。問何以離岸無別中耶。答如於一切衆生以如水之如來藏爲彼岸。以如波之妄心爲此岸。以即波之水非動故彼岸非此。以即水之波非靜故此岸非彼。由此義故兩岸俱存。又以非動之水即波故彼非彼岸。非靜之波則水故此非此岸。非此非彼是謂中流。是故菩薩居中未嘗不即。則凡小在岸未嘗不即中。依此義故。菩薩是能化終

是不能。衆生是所化終亦無化。以中邊相即能所圓融無礙思之。二理事混融中作二釋。一約相二就實。前中初句是總通於一切。心無所著下別顯中。先直辨有五對十句。一上云無著者非。是於一衆生無著餘皆有。著亦非是多離一。蓋以一切俱不著故也。二益以修善不增。化令斷惡不損。此望因位未成果說。三善滿果起不生。惑障永盡不滅。又功德果滿不生。住大涅槃不滅。此望初成果說。四縱皆成果。生界不盡果位不長。此望已成果後說。五雖如上說無增損等。然此化事成益不虛。化事雖復不虛。然不違前說。故亦無二。此都結前也。下釋中二。初中微問。現化衆生有增有損。何故乃言無二。釋以生界同。法界是故無增損。生滅等無倚著。釋前不著。一多等。後釋中。先微問。設同法界豈得無二。釋以法界無二。故令生界亦無增損等二也。二約實釋者。初句顯菩薩自心無染。以有著之智不能照此無礙法。故下顯無礙相。初五對中分三。初二爲一。會事令融。一多無礙。初標後釋。著猶置也。謂於一衆生置多衆生於一。不增於多。不損。於多置一。返上可知。衆生界者是如來藏也。以性通相融。故得事隨理而無礙。次二爲一。明事已同。理起盡無礙。亦一標一釋可知。後一雙結前二。明理事無礙。謂同真理而不失事故云。不虛現事相而即真。是故無二。下釋中二。先釋事同。理後釋以理攝事。不增不減

經云。衆生界。法界無二無別。即此法身以惑污。故流轉五道。名爲衆生。又云。法身則衆生衆生則法身。法身衆生義一名異。又云。若有言衆生界法界有二。有別者。我說彼人名一闍提也。第二菩薩如是下依無盡心修無盡德。於中二。先直顯後釋成。前中先依理起行。後勝德自顯。初顯福勝。善能分別下明慧深。以照法原際。名到彼岸。二悉分別下明外化普應。初身業普現。次意業無染。後語業廣說。二釋成中法喻合。法中謂雖於一切法離諸欲際而不斷自行之道。不捨化他之行。是故依寂起行行德無盡。令前二利德相殊勝故也。言功德無盡者。德廣也。入淨法界者證深也。合中二利可知。三雙結者謂融前二心爲一行故。是故形聲兩相俱泯。於中五對十句。初對約行修。謂究竟無礙心行。以入理息求故非究竟。是無盡心行以生德無窮故。以生德則入理入理恒生德是故雙非。下並準此。二約斷惑。謂照惑性空無可斷離。異本末照故非不離。三約證理。謂由理無相非是可依則由照此無依之理。令智圓明非是不依。四約所成。謂證理之時約染空無可捨故非世間。淨非。斯有故非佛法。又無染可厭無淨可欣。五約位非凡。少。謂得果是二乘四果等。自下第二依心修。成尊重慧行。於中初。句騰前起後。謂成就重心是騰前心也。修習菩薩行者正明。依前修習智慧之行。於中二。初明照行入理智。二譬如

虛空下理行雙融智。前中初明化行無教。二自行無念。前中初五對十句。正顯可知。二何故下釋成。於中無受無轉者。無正法可領受。無邪惑可轉滅。又不納異緣。故無受。正行堅住故無轉。又於上五對二乘等法而能不受。於不教正理而能不轉。理起行而無退歇。故云不退也。二自行無念中二。先正顯後釋成。前中行是寂滅時者。騰前也不念等正顯無念。此同八地無功用行故無念也。不爲十法動念。謂三時三科三位。內是正報。外是依報。內外具二。又根境識三亦得後一就位結。以此位中雖修大願而亦無念。下釋中二。先釋何以無念者。以了達諸法平等之中無有智行而能趣向所緣所成故無念也。後釋何以無向者。以能向所向無二故無二亦離。故云無不二也。又此亦是釋前起後。謂理行不二釋前也。雖合而無二。然能所宛然。故云無不二。此起後文也。二理行雙融智中二。初正明理行無礙。二此菩薩下明功成德立。前中二。初法喻標起。謂無差別顯行同。於理行相泯也。非不成等明。理同。於行行功存也。此二是一行准喻中。只非無此無差別之。虛空。非謂有餘物。是則法中非不成。此無差別之正覺。非謂無別約理成等約行。此明以無成爲成思之下釋中。先釋無行之行。後釋行即無行。又初明理不違行。行攬理而成功。後明行不違理。行而歸寂。先釋初義。謂攬理之行雖萬行而恒寂。此是八地之行

也。於中初一句正顯真理不違正行。下彰即理之行相。先自利行。二調伏下利他行。不壞因果結。二行謂不礙存故。不待壞故也。下釋行不違理可知。二明功成德立中有二。初於佛能等。謂三世如來皆同成此無礙之行。今亦得彼是故同也。此是總。下別辨。初顯內本覺故云。不斷佛性。二行雖即理而造修恒起故云。不壞正法。是故等佛。二於法能興。初句總。辨才下別顯有三。初興法之辯無染。二安住下明興法之智無畏。三不捨下明興法之行無著。第三依慧修習尊重悲行。於中初明。二牒前起後。菩薩如是成就尊重智慧者。牒前所成深智慧也。修菩薩行者依彼修此大悲行也。下正顯中。二先總標悲行之意。謂先化令出障教化成。下化令住道。又前令出惡難得人天益。後令出生死得解脫益。二如是教下以事考心顯成悲行於中有二。初明心無異求。二但欲調伏下唯為益生。前中先直辨後釋。前中先惡人後善人。謂設彼惡人各有明慧善友滿世間。我終不為名利等。故競化為修又釋。菩薩終不於邪見惡人捨化。以彼不顧恩不得名利故。於明慧善人而攝化。以彼顧恩得名利故。云我不為善。人得名利處修菩薩行。下釋無異求。一總利中極少。一愛言是名中極少。少尚不為。況多也。二唯為益生中。亦先直辨。為他調者授三學。淨者令斷惑度者令得果。下釋中先徵。何以不求己安但為益生。釋云一切諸佛

法如是者。舉佛類己下彰己同佛。於中初化心同。二欲令下化益同。第九善法行中作七門。一以得善巧智力。說法為機故名也。二來意者。大願漸淨增成力度。又云云。三體性者。又依攝論以後得智大悲無邊智能為體。四業用者。依攝論有二種。一思擇力。能伏一切正行等所對治障。令不起。二修習力。能令一切善行堅固決定。五種類者。或二力如前。又有十種。如前後說。六差別者。此位同。第九地無礙辯力故也。以約圓教。此位滿後則便成佛不待餘故。文內顯之可見。七釋文中四。一標。二辨。三結。四嘆。第二辨相中。二。先自分。後勝進行。前中初總顯其相有三句。初以法益機。謂能以淨法除生熱惱名。清涼法池。二弘揚正法。謂以持辯弘顯正法名。守護三弘法之益。謂以十身多劫宣化不絕名。佛種不斷。是故智論云。令般若流行世間。則是佛種不斷此之謂也。此等亦是略顯善法行名。下別辨中有四。一持成就。二說成就。三問答成就。四語益成就。初中由持法不忘方能演說。故先明之。十中皆初明持體後顯業用。由持法分明故云清淨。依此說法故無障礙。此是總句餘九是別。初四持起。四辯。五由行入佛境。諸佛為說。一切智甘露之法。灌其心頂。持此不忘說稱物機故令歡喜。六由內自證法故起同證之辯。無盡。七由入同理之辯故說文義廣多無盡。八由善正方言故。

能與異言論名。無量辯。與前何別。前據語圓義足。故名正語。又是當義之語。故別於此也。九能現身同佛。歎不可盡。下顯業用可知。第二隨所應化下明說成就。中。二初正顯說相。二隨所應化。一下明開化無礙。前中初明所應之機三句。一隨多所化熟機。二各各以彼所解言音。三各隨彼根宜。開差別。下正為宣說。說稱化心名。不違悲。二開化。無礙中。初多音開化無有障礙。二設有下以。一音開化無礙自在。又前是一多。後是多一。此二無礙是一圓音。第三爾時下明問答成就者。有四義。微細過前說成就。一前但云世界未顯微細處自在。初假舉此中一毛頭一念中有無量衆。二一念類餘念乃至盡過未劫。三異語異問。四菩薩無法畏言。設一切衆生問尚一言答。況此少。衆況以多言。此明智力辯才有餘自在。此在地前得此自在者。是圓教中普賢位也。若餘宗未得如此。如瑜伽等說。第四語益成就者。顯上所說言具義利五句。初句總。二言具深慧。三能成福藏。謂受持生福。四照理周備。五能成果智。第二勝進行中。二初總標。後如此下別釋。前中初牒前謂自分行成故云安住。同。下初地中安住地分。次標。二利兩章。二釋中。一先略。後佛子下廣。前中先釋自淨。前自分中但言於三千界現佛三業。今顯過彼故云。如三千乃至不可稱數世界。身口可知。於一切法無礙明。意業淨。作佛事者明。此三業所作。下釋益。他謂以前自淨

之三業能作化他事。二廣釋中二。先廣前自淨。後廣訶薩下廣前利他。前中初標數。二別釋十身作五門。一辨體性者。以淨法界及根本智并後得智三法爲體。如文可見。又總唯境智爲性。又境智雙融唯一法界爲性。二釋相者。一身皆先標後釋。初中理無不證故入無邊法界。世無不超故滅一切世。世滅理現爲法界身。二理無能滯故向未來世。無不生故一切趣生。前則超世令盡此則遍世同生。三雖遍趣同生然住寂不動故云不生。四雖即生不生然彼趣中身恒不滅。此不異不生而不滅者言不及故言語道斷。五彼離言身無有實狀。以則是真如故。又釋以真如爲身。然真離相故云不實。以是理性真實故是故離實也。六離癡者體出妄染。隨應者淨用無礙。如日出雲照用自在。七雖起應用常無來去離死。此等釋成準此定出分段生死。八非但用無來去。亦乃體無變壞。亦是緣不能阻。九非直不爲四相所遷。亦乃妙絕三際。不可以已未等言而取故。十無相不礙相。通名身者皆有依止義故也。三攝者有二門。一約三身。謂此中法界不實不壞一相此四是法身。不生不滅無來無去無相此四是實報身。未來離妄此二是化身。二約十身。初約下離世間品說十身云云。二約勝天王經十身云云。三約法集經十身云云。四得處者有四位。一或唯地上得。如勝天王及法集經十身。此約三乘辨。二或唯地

前得。如此所說。三或通二得。如下離世間十身四或非地前非地上得。如三身十佛等果位得故。五定分齊者。若三乘中菩薩地前必是分段之身。地上方有變易身。除迴心二乘地前亦有。是故此十非彼所攝。若一乘中有二說。若攝方便言地前地上俱有變易。以二一位終至佛地故。若就自教言俱是分段。以白淨寶網轉輪聖王得普見肉眼等是十地菩薩故。如下文說。又如善財童子以分段身至普賢位。然並是即法門之分段故非過患也。第二廣前益他者。先牒前起後。謂依此十身化導衆生。句別有十。一生善。二離苦。三住樂。此上世益。四示其出路。五令其趣入。六令解俗諦。七令得真諦。八令其斷惑。九令成因位。十示果令向。

四嘆中。初作清涼池總歎也。得佛法底釋能作法池所由也。又初結歎前自分後結歎勝進也。

第十真實行中亦作七門。一釋名者依言依行。成德稱言。行不虛故云真實。真實即行。持業得名。二次第者。行力轉勝增入實智。三體性者。以後得智用爲性。兼以大悲等。四業用者。依梁攝論不住生死涅槃是智用。利益凡聖是智所成事。五種類者有二。一照物機智。二授法藥智。又有十智如下說。六所成者。以此位同下第十地滿足相故智波羅蜜增上。餘行無不皆具。是故此位行滿已入普賢無邊境界故。

下文云。入因陀羅網法界自在成就如來無礙解脫等也。七釋文中亦四。標釋結歎。釋中三。初舉本誓言。二此菩薩下依言成行。三得一切法下行成德立。又初即言實。二行實。三益實。初中亦三。初總標舉。二略釋。三此菩薩成就下舉事廣釋。初中如說能行者。謂行稱初誓而成。顯先言實也。如行能說者。言稱終成之行。顯後言實也。由此始終實言無二故名第一誠諦之語。然此始終二誠實言總有三類。一約自行。如菩薩初誓言。捨眼。若有乞至。如言而施。有問其故答。爲菩提。此言何證。便發誓言事若不虛令眼平復。表非妄語。眼隨言平復。此則初言能起行。後言能增行。二約利他行。如菩薩初誓度衆生。如言救度。縱自行滿亦不就果。要稱本誓以盡生界。此亦初言能起。後言能滿。三約因果。謂如菩薩初發誠言。要修萬行當成佛果。如言行滿後果成佛。師子吼言。我獨尊等。此即初言辨因。後言顯果。下云。人中雄大師子吼等。是此門也。上三義中。於此行內義通具三。文唯後二可知。二略釋中二句。初釋如說能行。謂如言起行故云實語。證入諸佛平等實性起。入理行也。善根齊等起緣事行也。二釋如行能說。謂雖成廣善而不乖化志。不失先言故無二語。以終不改始故名無二。此即初能行故實。後終不改故無二也。此並三世諸佛同行順佛果智故云隨順等也。三廣釋中。二初行德雖高而不捨本誓。二何以故下釋。

不捨意。初中先成十力智顯德尊高。後而不捨下明。不捨本誓救攝衆生。菩薩之行十力之義如淨行品處已釋。淨名經云。雖得佛道轉於法輪。入於涅槃而不捨於菩薩之道是菩薩行。下釋意中三。初。反釋。謂舉失。違誓自誠不應。二我當下順釋。謂酬遂本願以理自開。三何以下轉釋。謂憶本念今令心勇悍。於中二。先憶本謂言發自裏。豈還自食。此恐違本誓失。二是故下念今謂由非他所請。而能廣自爲他。是故令自德成殊勝。今若捨救便乖此德。此恐違現德失。由前起後故云是故也。又釋我於衆生是有勝德堪爲救度。若捨不救則違此德。於中六句。皆初標後釋。一無著故勝。二能調故上。三解空離闇。四顯滿已得。五具德能變。六佛念能攝。上來成立本誓。顯不可違。

自下第二依本誓言而成所化。於中三句。初由前不捨得。此度生無上智慧。二隨一切下正明救度。三隨其等明成滿本願。謂如言所作無不究竟故云滿足已也。自下第三行成德立者。謂此位滿成就普賢法界圓明自在之德。於中有二。先成因滿足後摩訶薩住大悲下明成果德備以德滿菩薩具此因果二用故。前中三。先標二利。二釋顯成滿。三此菩薩義身下結德無盡。前中得自在智標自行滿也。令衆生淨者標利他圓也。二別釋中二。先顯前自在亦二。一明身無不至等空法界。無量無礙者明一

處現即一切處現故也。無依者明身起無本故得自在。二明身無不容內含一切。謂三世間等悉身內現。由此法界之身堅含三位橫該九世。是故未來諸佛亦於中現。二此菩薩下顯前令衆生淨。於中三。先知化器二隨其下現身說法。亦是化自身內之衆生。三於化不著謂以諸幻法化衆生是故雖化恒是無化。三結德無盡中二。先由前外化滿顯量智無盡。二入諸三昧下由因行圓顯理智無二。衆生依二者舉凡顯聖。上來因德竟。同等覺位也。智度論第四。十復次十住菩薩與佛無有差別。如遍吉文殊師利觀世音等。具足佛十力功德等而不作佛。爲廣度衆生故。乃至云。是諸菩薩於餘菩薩爲大比於佛不能遍知。如月光雖大於日即不現。解云。彼約十地名十住。是第十地。同此第十行中業用也。第二同果德用中。初標前起後。得佛下正顯所成。此同妙覺位。文中通成如來十種功德智。一得佛圓明十力智。二入帝網法界智。三成佛無礙解脫智。謂不思議解脫如不思議品說有十種四成人雄無畏智。謂吼其寶德故也。五得轉大法輪智。謂法王宣法故。六成佛無礙智。顯無微細礙無明。七絕生死下成佛無垢智。顯無微細著無明。亦顯變易盡處也。八廣益衆生智。九興護正法智。十無功攝化智。謂能盡同古佛攝化方便下結及嘆可知。上來正說竟。自下第二明說別益有二。初動地者生信功德。二兩供等者是敬重功德

有四。一兩供。二作樂奏十行曲。三天光。四天音讚十行德。上來總是一世界中說十行竟。自下第二大段明十方無盡世界所說十行。供等亦爾。與此合同。結成一部謂十行即一切十行故也。上來一說一切說總明說分竟。自下第六明證成分。於中二。初明此處證後明一切處證。前中四。初明菩薩來集。二歎此所說三各舉證事。四是故下述意成證。問既由行法圓融令彼菩薩世界諸佛同名功德。何故此處佛及世界不名功德。答此經中凡是所證皆悉同是盧舍那佛。世界同是華嚴娑婆。其說法菩薩即從法受名。凡是能證必同法名。以主伴異故。若此處望彼此爲能證。即此名同。彼彼名同。此是此經中。規例宏致之所爾也。上來十方各十萬剎同說十行。總屬於此一主之伴。猶自非是十方主攝。是故後更結於十方。明一切處同證。上來一證一切證總明證說竟。第七重頌分中二。先叙意後正頌。前中句別有十。一觀十方顯同說。二觀眷屬令樂聞。下正顯說意。三爲令紹果。四爲令淨因。五願堅。六行續。此上自分。七勝進攝佛。此上自德。下明利他。八說十行衆生善根差別。令物習學。九量器授法。十總結。此等並約因門而說故俱名種。又是性種之位故也。正重頌中。七言五言梵本無別。俱以四句爲頌。總有百一偈耳。此中偈頌與前長行文勢不同。略論五例。一前即約位始終布列而說。今即會融前說令無始終。是故一

一行中具一切行也。二前約別行此明普行。以普別無礙二文互顯。三前唯約因此通果行。以因果圓融爲此行門法界故也。四前約同教攝彼中根。今顯別教被斯上達。以同別無礙爲一圓教故也。五前約不難辯才此約在放辯才。說不待次言辭不斷故也。文中二初有五偈歎佛功德令人願求。二十方一切下頌菩薩行令人習學。顯此位中具因果二行故。又爲由佛加說故。先歎佛由行所說故。後頌行。前中二。初二頌歎舍那佛。此化主故。於中初一歎佛無垢無量礙智。次二句歎佛勝德廣大。後二句歎佛證行圓淨。二歎十方佛。以是助加故。於中初一頌二嚴果滿。謂解真惠深。無等福勝。速究滿果。次一真悲廣益。後一顯智斷德齊。第二頌菩薩行中三。初七言六偈頌前本分行業不思廣如法界。究竟如空。二句句廣分別下頌前說分十行差別。末後四偈結歎顯勝。前六偈中顯六種行業皆不思議。初一見佛離妄行。二見理成德行。三無功廣大行。四寂用無礙行。五願堅算勝行。六攝位多門行。各一頌顯可知。二頌前十行中。初一總說十行。下別顯中。初六偈頌歡喜行。於中初三無畏施。一離害益生。二濟苦令安。三語意受惱。次二法施。一究竟義。二說教。後一財施。百福者。涅槃經說下中上上上五品心中各修十善。卽爲五十。始修五十。終修亦爾。故有百福。百福一相也。第二善入下五偈頌饒益行。

於中初一頌律儀戒。謂過不能動。次二頌攝善法戒。一頌法行。二離二行。次一偈半攝衆生戒。一化處。半化行。下半總結三聚。第三智慧不可量。下四偈頌無害恨行。於中初一法思勝解忍。次二安受苦忍。謂自修行時有苦堪耐。一忍心苦。謂上半舉所修。心無念明。心安忍。二忍身苦。亦上半舉所修。身行無礙明。身安忍。次一他不益忍。上半舉所忍境。菩薩悉救舉益翻損正明能忍。第四修習佛法。下五偈頌無盡行。於中初二加行精進。一頌前勤修精進等十句。二頌前欲悉知衆生根欲性等故修行精進。次一被甲精進。前爲衆生受地獄苦等。後二無厭足精進。一智光遍益。物後一神力常益。生故無足也。第五善解下二偈頌離癡亂行。於中一現法樂住。上半加行。頌前分別世間色法。經論等。下半住定。明慧彰離癡。不動顯離亂。後一引功德。無盡地者。頌前聞受正法。乃至多劫不退忘等。第六無量下二偈頌善現行。前加行正體略不頌後得智中。一大智自行。頌前而不捨善提心等。二大悲利他。頌前不捨化衆生增大慈等。第七佛甘露下四偈頌無著行。於中初一頌前受真記。以方便度此中滿足故云究竟也。次一頌前悲念衆生等。後二頌前於語言道心無著。第八安住下八偈頌尊重行。於中初一頌前深解法界住無相住。次一頌前於無量劫行菩薩道不計衆苦而生憂惱等。次二以普眼見佛亦是頌前與三世佛等。次一延促解脫是不

思議解脫亦得。頌前非究竟非不究竟等。次一頌前若有衆生恭敬見聞皆得住不退轉等。次一頌前心常愛樂諸佛妙法。後一頌前不離一衆生著多衆生等。第九具足智下三偈頌善法行。於中初一頌持成就清涼法池等也。次一頌說及問答成就等。後一依定現身。頌前金色身及十身等。第十究竟下四十六偈頌前眞實行。於中分五。初三總頌。初一忍智過盡。次二身土無礙。一如意通。一幻通。次二有七偈。頌前行相應。於中初三偈頌所成十力智。次一頌正言行不虛。下三偈頌入三出佛性及善根等。三深入智海。下有十二偈。頌前依誓起行如言攝生。上文略此中廣。於中初三授眼雨法。次二堅信知心化。次不思下四偈頌三業自在化。次二知根授法。後一結嘆顯勝。四彼智無與等。下九偈頌前所成圓滿之德。於中初二嚴兩利滿。後五三業二用極。一身二意。三語。四身用。五語用。如次應知。是上文此菩薩義身味身不可窮盡也。五修習佛解脫下十五偈頌前所成佛果德。於中初一初七偈別頌上文。後八通頌彼德。前中初一頌前成如來無礙解脫人雄無畏等。次一頌絕生死流入智慧海饒益衆生等。次三八相恒寂頌。前窮盡諸佛方便大海。次一頌前觀不二地等。次一頌前護三世諸佛正法。下通頌此行德。於中八偈。初四二利成滿德。先三自利中。初一偈歎色根勝。偏歎眼耳及身是通性故。不論鼻舌。次二歎心勝。一慧一定。又初

歟。通歎智。後一歎定歎慧。下一利他。次一切知見。下四偈三業殊勝德。一生處勝。二言辯勝。三身光勝。四應機勝。第三四偈總結十行歎以顯勝可知。

十無盡藏品第十八

釋名者。標人別法。故云菩薩之十藏。非是人法合目。謂此十種是諸菩薩所行之法。菩薩之十藏。依主立名。一周圓數。依則說十。含攝蘊積出生名藏。此一藏內含法界體非限分。故云無盡。二一一各攝一切行相。故云無盡。三一一皆能出生果德。無有窮竭。故云無盡。無盡即藏。持業釋。約十帶數。菩薩依主。三釋可知。二來意者有五義。一為答普光十藏問故。二前明正位。今依位起行故也。同上梵行品。三前明約位。別行此辨。始終通行。四前行位成立。今辨淨治彼行。同上地等信等十行。五前自分究竟。今勝進趣後。同上明法品。准問應在迴向後。今此辨者。但藏有二義。約蘊攝義。在十行後。約出生義。在迴向後。義通二處。問答互顯。三宗中作二門。先通辨藏義。或一同一法界藏。或二謂大小。或三謂契經等并三乘等。或四加雜藏。或五謂名相等。或六謂大小各三。或九謂獨覺亦三。或十如下離世間品。或無盡如。此品二別顯此宗者。此中正十種行法該括終。具足普賢法界行德。為此品宗。四釋文中。通文及義總作六門。一舉數。二釋名。三體性。四攝行。五釋相。六結歎。初中功德林說者。以是會主故。又

表此行法衆德建立故。三世同說者。謂佛出雖異。同說十藏。顯此十種法界之行。如大王路三世無異。故云同說。二釋名者。總名如前。別中。信者於實德能。深忍樂欲。心淨為性。對治不信。樂善為業。由此含攝出生諸德。故名為藏。則持業釋也。下並同此。二防非名。戒。三業善為性。止惡作善為業。三漸者。依自法力。崇重賢善為性。對治無慚。止息惡行為業。四愧者。依世間力。輕拒暴惡為性。對治無愧。止息惡行為業。五嗔。教廣多聞。慧為性。聰敏為業。六輟。已惠人無貪思為性。破慳為業。七慧者。於所觀境。簡擇為性。斷疑為業。八念者。於曾習境。令心明記。不忘為性。定依為業。九持者。任持所記。念慧為性。經久不忘為業。十辯者。巧宣所持。以慧為性。應機為業。此上十中。信慚愧念慧。此五各當體得名。餘五功能受稱。謂戒施行用立名。聞持辯智。用為目。三體性中有二門。一約相。謂信慚愧是善。十一中三法各當自體為性。念慧是別境。五中二法。亦當自體為性。戒以三業善思及表無表為性。施以無貪相應思為性。依智論持以定慧為性。聞辨二種俱以慧用為性。二約融通。謂總是一法界之行。隨義說十。一是法界性自澄淨義。如清水珠。二法界性自離過義。三四俱是法界性能滅過義。五法界攝德廣多義。六法界自性能捨義。七法界自性開覺義。八法界自性明照義。九法界自體任持義。十法界隨緣應機義。是故一法界為性。四攝行者。作七門。一

約二利分別。別論前九為自利。後一為利他。通論皆具二行。一約本末分別。初一行本。故上云信為道元功德母等。餘並依成故是末也。三約正助分別。慧正餘助。四約資導分別。慧為能導。餘為所導。餘是能資。慧是所資。五約財守分別。前七則是七聖財。由念持守護。使不損失。由辨販致令得增長。六約行相分別。初四離過行。一是本。二防未起過。三四殄已起過。餘六修善行。聞是修始。施慧修次。六度皆修。舉初舉後。中間可知。後三修終。初二自熟。後一化他。七約生起次第分別。信為入法之初。是故先辨。依信起行。離過為先。故次明戒。戒或有犯。深生慚愧。莊嚴戒行。令其光潔。故云有二白法。能教衆生過。既防離將增善品。要以博聞為首。為求所聞。要必捨自內外。既忘私為法。必正慧現前。正慧既現。必須溫念增明。正念既明。必須憶持令久。持既不忘。要須辯說於他。令二利行圓。方為究竟。五釋相中。釋此十藏。則為十段。就初信中。四謂標釋結歎釋中。一先明修相。後成就如是無量下明修成。前中三。初明對法起信。二明由信故聞法不怖。三何以下釋。不怖所以。又釋初信理法。次信教法。後信果法。初中信十法。於初中初三信。所執無相空。謂情有理無名。空。空無。空相。名。無相。無相。故無所願求。次三信。依他無生。一緣起無作。二如幻不實。三無體自守。後四信圓成無性。一性德無量。二勝故無上。三深不可

到。四常不可生。又初一切法中量不可得。上亦不可得。上。文云上相不可得故號爲無上此之謂也。二由信故聞法不怖。於中十句。初二於勝上法不怖。次四廣多法不怖。何者所化謂衆生界。以何法化。謂法界。何處化。謂盡空界。化置何處。謂涅槃界。後四寬遠法不怖。謂三世入劫爲十世也。此十中不思有二義。一則無所有而說有故非可有。無所能思議。二此等十法並無邊無盡非餘位智能知故云不思。亦由二信故聞之不驚。一由信達三性三無性理故聞初門不驚。二由仰信佛智平等無量無邊此既佛智所知我亦隨信。此聞後門而不驚也。初義如前顯。後義釋中彰故也。三釋中先徵後釋。釋中初一句顯信佛心堅。次句明前十法是佛智所知故云佛如是知也。彼境廣大佛云何知。良以佛智亦如彼境無盡無邊故。彼既佛知。菩薩信佛故不驚也。十方下釋佛智是可信所由。先大用不虛故可信。二彼諸佛下明體無增損故可信。於中有十不。此文顯佛智非生滅法同無爲也。第二修成相中二。初一句總乘如來乘趣於佛果。二別顯中。先成行體有八句。一稱所信故無邊。二體堅不退。三所信不雜故名不亂。四緣不能沮。五深信離相。六信從慧起。涅槃云從聞。思生也。又有慧之信名有根。無慧而信長。無明。無信而慧長。邪見。信慧具足方得入法故。梁攝論第十一云。由菩薩自證施故行施。不由信他故行。

施前信有根故成信。後信無根故不成信。七順。同古聖。八家業法爾下顯行功能有四句。一能護法。二能增因。三能順果。四德從佛生。三是名結。四住此數有二利可知。第二戒藏中三。謂標釋結。釋內二。先開十章。後一一牒章廣釋。光統云。初一攝衆生戒。次八攝善法戒。後一律儀戒。又第二中不受外道烏鷄鹿狗戒等。第四中以先不犯故後無疑悔。准此文。似故犯一切戒人往昔曾作五逆罪來。是彼惡習也。又涅槃經云。何故持戒。爲不悔故。何故不悔。爲歡喜故。何故歡喜。爲悅樂故。乃至爲得大涅槃故。第五中不食蘇鹽等爲更造立。又斷殺服氣等法外立制等。第七中若以斷常見持戒。即是難。無明故名犯戒。第八中邪命或四種。一方口食。二仰口食。三維口食。四下口食。又十住論第二云。誰名五邪命法。一矯異。二自親。三激動。四抑揚。五因利求利。矯異者。有人貪求利養故。若作阿練。若著衲衣。若常乞食。若一坐食。若常坐若中後不飲漿。受如是等頭陀行作是念。作是行。得供養恭敬。我作是行。或亦得之。爲利養故。改易威儀名爲矯異。二自親者。有人貪利養至檀越家語言。如我父母兄弟姊妹親戚無異。若有所須我能相與。若有所作我爲作。我不計遠近能來問訊。我住此者正相爲耳。爲求供養貪著檀越能以口辭牽引人心。如是等名自親。三激動者。有

人不計貪罪。欲得財物。作得物想。如是言。是鉢好若衣好。若戶鉤好。若尼師檀好。若我得者即能受用。又言隨意能施。此人難得。又至檀越家作是言。汝家羹飯餅肉香美衣服復好。當供養我。我以親舊必當見與。如是示現貪相是名激動。四抑揚者。有人貪利養故語檀越言。汝極慳惜尙不能與父母兄弟姊妹妻子親戚。誰能得汝物者。檀越愧恥仰施與。又至餘家作是言。汝有福德受人身不空。阿羅漢常入出汝家。汝與坐起語言。作是念相。檀越或生是心。更無餘人入出我家。必謂我是。是名抑揚。五因利求利者。有人以衣若鉢僧伽梨若尼師檀等資生之物。持示人言。若王王等及餘貴人與我是物。作是念。檀越或能生心。彼諸王貴人尙能供養。況我不與是人。因以此利更求餘利故名因利求利。第九中諸法無行經云。若見破戒人不說其過惡。應當念彼人。久久亦得道。問涅槃云。見破戒者應當默呵。噴舉處。當知是人得福無量。此文何故將護不呵。豈爲攝生。答彼據慈心呵令悔過。以根熟故。此約護彼。恐更增惡心。根未熟故。餘文可知。三四二藏慚愧者。涅槃云。慚者羞天。愧者羞人。慚者自不作惡。愧者不教他作惡。慚者內自羞恥。愧者發露向人。又俱舍論云。無慚者若善人所呵於中不見怖。是名無慚。無羞者於功德及有功德人不尊重。無敬畏心。名無羞。無羞者是無愧。經部說。觀自身由過失。

●上十(相)● ●思二難● ●[中以]一● ●維二過● ●作二住● ●若十(若)● ●(他)十作● ●[人]一● ●[有]一●

不恥名無羞。觀他身由過失不恥名無慚。又瑜伽對法唯識云。慚藏釋中三。初念昔自他無慚之過。於中先自後他也。六親者謂父母兄弟妻子為六。二自惟下舉。過自誠。三是故下正修。慚行。愧藏中三義。同慚可知。第五多聞藏釋內二。先所學之法後摩訶薩下明其學意。前中亦二。先開十章後次第釋。十中初四約十二緣生。後三約理實出世間亦有無取五蘊。今是取蘊擔苦積集。故是世間。又約小乘亦得。又五分法身翻前五蘊。故為出世。又理實有為更通餘位。今取三界及衆生並是惑業之所為。故是有為。於無為法中。一開合者或唯說三。謂虛空擇滅非擇滅。此約小乘或說四。加真如。如掌珍論說。或說六。加不動是第四禪及滅定如。百法論等說。此二約初教初說。或說八。於真如中開善法真如不善法真如無記法真如。如瑜伽對法說。此約初教終說。四中擇滅有二義。一滅惑障名擇滅。滅定障名不動及滅定。是故總攝在擇滅中也。八中欲漸展一切法悉真如故。開善等三性證門顯示。二假實者。唯真如無為是實餘並是假。以於如上假建立故。如佛地論說云云。又真如中亦二。一安立是相分故。二非安立非識現故。初假後實。三轉異義者如。此文六無為。一事無處名虛空。二性淨之果名涅槃。三無間道數斷結所得名數緣滅。四餘緣不起名非數緣。五十二因緣是無為者。依俱舍論僧祇部賴子部並說。十二因緣

是無為法。以如來出世若不出世此法常住。故。經部師破如彼說。又遠法師引涅槃經釋。就人論三世流轉是其有為。廣人談法法相常定。故曰無為。如十二因緣陰界入等一切皆然。如涅槃經說。今釋。以此緣起各無自性。各無造作。故名無為。涅槃云。十二因緣則是佛性。又大品云。菩薩觀十二因緣猶如虛空不可盡等。六法界者是如來藏體。實不生滅故是無為。又於一真如義立此六。一無相義。二所證義。三惑盡義。四性淨義。五隨緣義。六不變義。亦是為因義。有記中四諦等者。約順理善有可記錄故。上來多是小乘法。下無記中虛妄法不可記錄故也。智論說。十四難。此中十六種。俱舍論有外道名郁底歌。此云能說。問佛世間有邊無邊等四。此約始終為問。常無常等四約斷常問。所以不答者。若彼執我為世間已我無故答不應理。若執一切生死名世間四答亦不應理。若世間常住者無一人得涅槃。若非常住即一切皆斷滅自然涅槃。若具二必定一分不得涅槃。一分自然涅槃。若非常非非常者應非得涅槃。非得涅槃。問若自得涅槃有何失。答若自然得者由涅槃至。得隨屬道故如尼乾雀握不可定答也。如來有異死等四問此約縛解問。以外執梵王及已師已得解脫名如來。由觀問人意故佛不答。以彼執已解脫我名如來。既執有我故佛不答。餘檢智論第二第十七瑜伽俱舍舍利弗阿毘曇并正疏總

計會具作之。第三四句中如去不如去等四中。如來者如從前來。向後亦爾。故云如來。非是佛。四句何別。有人計神我與陰一陰滅我亦滅。若言還如來時去。此語不受。二計我與陰異陰滅我不滅。若言不如來時去。此亦不受。三計我體常如虛空。說有來去俱不受。四執我有龜細說無來去亦不受。謂龜我與陰一。同滅故如去。細我與陰異。不同滅故不如去。不受。第四四句中。我是體衆生是用。由我有衆生。依體有用。二反此。三雙存。四雙反。餘文可知。大況上來所學之法並小乘及外道等法為知故。為欲因此攝衆生故下明學意可知。第六施藏中。釋內先列十門。後一。次第釋。一。各三。標釋結。初中由久宿習乃至自食。亦有施心。謂捨所極要命受。中天附近死邊名最後難。又諸施中最在後故。內施中少壯輪王者明難捨能捨故。內外施依瑜伽剪髮剔吐等為內外。此中通依及正唯除妻子。一切施中并有妻子故別也。七過去施中。初舉所食境。二開已下以理正觀。於中先直觀空不失方便後況其謝滅。三菩薩下正成捨行。此三世施但捨自貪心。與無貪善根相應故。入此中收。又通論四句。二捨而非施。如三世施。二施而非捨。如自食施身蟲等。三亦施亦捨。如前門。四非施非捨。如信藏等。未來現在亦各三義。同上可知。現在所食中淨法內但舉二乘者。以佛菩薩現在緣成非不求故不同過未

謝及未至無緣起故。是故不同前。第十中四。初乞至。二菩薩喜。三觀身過患。四開意成施。謂縱是好物我尚應捨。況此惡物。又縱無所益我尚應施。況復令我得三堅法。身財自在。第七慧藏釋中三。初明照法成慧。二菩薩成下明慧成益相。三顯無盡義。初中二。先明慧自照法。後明爲他正說。前中初總學所知。二釋成能知深妙。前中以四諦歷知十法。謂五蘊無明愛及三乘。五蘊約染果。癡愛約因。此七皆當相是苦。緣成是集。無性即滅。顯滅爲道。以爲詮門。顯滅故。又是菩薩巧迴成道具用。故如論諸惑成。觀分生死爲涅槃。後三約淨。聲聞是人。四諦爲法。所行道品爲集。所成果爲涅槃。十緣是緣覺法。無邊法界是菩薩法。又釋知聲聞即是知苦。以聲聞苦是已知故。但舉其位。二是彼所行法則道諦。三彼惑習等未滅。緣覺菩薩準可見。二釋能知中。初問意。知有二種。一隨相知如小乘人。二稱理知如菩薩人。今但言知於此二中是何知。故云云何知也。下釋是稱理知。有六句。一總舉因起。二非我下二句顯無二我。上句明相不實。下句體空無三。不取下三句明對法離染。不取堅固對前上句。不取所有對前下句。三知一切下釋。不取所由。二爲他說中。初句標。二云何下釋。釋中三。初總。二何等下別於前十法略舉。九門。以卽同如故不可壞也。三何以故下出所由。先徵現見。

色等是可破壞。何以言不壞。釋以從緣起自他共言皆不到故。色心俱離也。二菩薩成就下慧成益中二句。一少功廣達。二自悟非他。三顯無盡義。中十句內。初三自分。於中先二自利後一利他。後七勝進。於中。初四自利後三利他。第八念藏釋中三。初對境明念。二菩薩下顯念勝相。三菩薩作是下彰念益相。初中有十。一念過去一生至多。二念過去一劫至多。三念一佛至無量。四念一佛授記至無量。五念一佛出世至無量。六念從一佛受經至無量。七念一部經如別章。七念一會一時說法至無量。八念一法器根至無量。九念一所治煩惱乃至無量。十念一三昧乃至無量。二顯念勝相十句。一妙念者妙過餘人。二淨念者所記分明。三不濁念者不雜。四遍淨念者於法悉明。五離塵念者於所念事不生貪染。六離種種塵念者不生餘結。七離垢念者不計我能。八光曜念者廣照無極。九樂念者樂修不息。十無礙念者發意卽知不待思量。三彰念益中四句。一世苦不亂。二根淨不染。三念堅不壞。四持法不錯。第九持藏釋內十一法。一一品經乃至無量。二佛名。三界名。四劫名。五佛記。六一部經至多。七會名。八說法。九根。十煩惱。十一三昧。下結數中。唯佛境者顯因深微果故也。第十辨藏中亦四。標釋結數。釋中二。先舉辨體謂後得甚深智故。二顯辯功能有二。先自分。二此菩薩下勝進。自分中初廣說不違典是總顯。下

別辨。於中二。先明說自在說前所持十法也。二何以故下釋自在所由。二勝進中二。初總顯謂法光辯演深法。二以廣長下別辨。於中二。先無礙說有四句。一明說益。二善入下於教自在。三入普照下於義自在。四不捨下明不失自行。後何以釋無礙所由。謂此位卽是究竟位故。成此滿空法界清淨法身。是無垢其身故云淨也。數中十句。一無量者多門故。二無分齊者一一皆無邊故。三多門無間。四和難不壞。五自體無斷。六不爲緣斷。以非是可斷法故。七言無法憚。八懸遠甚深。九廓然無底。十攝法釋成。第六結數十藏。初一句結。下數勝。數勝中。初一句結數謂令衆生得菩提故。下十門別顯。別釋唯有七句。各標釋。一歎行利。二行常。三行廣。四行巧。五行多。六行堅。七行入理。是名下總結數也。此後應有證成及偈頌等。文不足。或是略故耳。上來總第四會竟。華嚴經探玄記卷第六

華嚴經探玄記卷第七

盡第五通向

魏國西寺沙門法藏述

如來昇兜率。天一切寶殿品第十九

自下明第五會。四門同上。釋名中。會名者。約處名。兜率天會。約主名。金剛幢會。約法名。十迴向會。品名者。如來明佛法。界身。

昇是赴機起用。兜率是所赴之所。三義題名。又赴此喜足天者。表世間行滿故也。一切寶者。表攝行多門。可貴交飾故也。二來意者。初會來為答前十迴向問故。又前明解行今起。大願若不超願。恐證無為。故次來也。又迴前解行。向於真證故也。二品來者。將欲說法。先辨所依處。故明也。又前會既終。赴後之始。故先辨此。三宗趣者。先會宗亦有入法主伴教義。各體相用。准前可知。又以大願迴向無盡之行。為此會宗。至下當辨。品宗者。謂天王殿。稱法界之器殿。為能感。如來以遍法界之身雲。為能應。感應契而無動。無動寂而繁興。緣起具德。為此品宗。四釋文者。此會三品。初二序分。後一正說。何故無後進趣者。以攝前解行總為趣。地方便迴向。當體自是勝進。是故無也。此經上下此例有四。一約行滿入位之際。如賢首信滿總為入。住方便。二約比滿入證之際。如此迴向品初。僧祇滿總為入。地方便。三約功用滿入。無功用之際。如第八地初總攝前七地為方便。此二僧祇滿。四約因位成滿之際。如第十地初攝前九地為入方便。此約三祇滿處攝也。餘同位相接。即別有方便故。非一例。就前序中。二品二序差別同。前辨異。初品中有七。初本會圓現。二不動昇此。三天王殿處。四迎佛設供。五觀佛勝德。六天王敬請。七受請成益。初謂前十方便樹普光。初利夜摩等說法之會。並皆未散昇此。所說與彼同時。是故橫遍。

十方堅通八會。同時前後無礙而說。餘義同前說。

第三嚴處中。二。先明一方嚴。三結會十方嚴。前中。二。初遙見佛者。明觀勝緣。二。即於下顯嚴勝座。於中先總顯後以無量下別辨。前中以。此座是實德所成。是故有十三種圓滿相。一。自相謂實德具德故。二。因相謂宿善所生故。三。不壞相。佛護念故。四。勝相。多因所生故。五。真淨相。佛淨法起故。六。共相。衆生共嚴同受用故。七。具德相。八。離惡相。九。微妙相。觀無厭故。十。出世相。十一。無染相。十二。同相。謂相同在世間緣集成故。十三。無盡相。謂衆生見不能盡。亦是其深相。唯佛境界。故第二別顯中。初一句標。二所謂下正顯。於中有二。一。先辨器世間莊嚴。後百。萬諸天神下辨。衆生世間莊嚴。此中亦分有智正覺義。前中亦二。先外事嚴。後從百萬億神力下明內法嚴。前中。一。先色相嚴。後百萬億天蓋幢一切寶鈴下音聲嚴。前中。四。初雜事嚴。有五十種。第二百萬億大海月下別事嚴。於中寶有二。一。一種香王。七。種雲雨。二十一。種。第三百萬億天寶幢下重明雜嚴。有二十九種。第四天雜寶衣下重明別事嚴。於中衣幢各十種。第二音聲嚴。中有四十二句。分二。一。先樂音有十種。後妙音下明法音於中。二。先總歎三寶功德。後別歎十住菩薩功德。前中三。初十句歎佛寶功德。二。歎一切菩薩下四句歎菩薩僧寶功德。三。歎深法下八句歎法寶成益功德。二別歎十住功德。以是正位

攝因行故可知。外嚴竟。第二內法嚴者。亦是上來莊嚴。今辨嚴已出。生勝德顯座德用。於中三十一句。分三。初十三句。出信進念定慧等難行。淨解脫是不思解脫也。二有十一句。十度行。於中末句結十度可知。三普入下七句。明出三業大用。此是師子座三業。以依正無礙故。器世間嚴竟。第二衆生世間莊嚴中。亦二。先有五十八家外相嚴。後出菩薩淨顯下內法嚴。前中。二。先四十四顯入天衆嚴。後十四辨菩薩衆嚴。前中。先十五欲界人天八部等。後二十九色界天等。然餘處說。於四禪中各有三天。此各四者。皆一是總餘。三是別故也。謂初禪中梵眷屬天。二禪中光天。三禪中淨天。四禪中密身天。此各是總故不同也。又四禪中。少密身餘處說名福愛天。無量密身是。稱福生天。密身是果寶天。亦名廣果。以第四禪天身行斷無出入息故。俱名密也。次五淨居天。後更云。百萬億種種天者。應是無色界天。既不顯名。或通一切也。第二菩薩衆中。初十依本位名顯德用。後四以天名說。此上並是海印中法界自在差別實德。以入法無礙依正混融故。致然也。第二內法者。亦是上來莊嚴。今是嚴已成。德堪為勝用。有二十句法門行相可知。上來一方嚴座竟。第二如此世界結通十方無盡世界數座。可知。上來十方天王殿主伴座竟。第四迎佛興供中。二。先出迎興。自分供。二佛神力下設勝進供。前中。二。初諸天與天

供。於中先雨十種供。後從身出。衆總合觀。二不可數下明菩薩與出世間供。第二勝進供中亦二。先諸天與天供。後菩薩與出世供。前中四初佛力令天親希自慶。二阿僧祇下衣盛華等詣佛奉散供養。三億那由下於佛行處莊嚴虛空。於中十種。初一總餘九別。別中一一各初起勝心。後與妙供可知。四無數億下從身出供在路供佛。八句可知。二菩薩與出世供中三。初從意業出供。二從身業出供。三語業歎佛。初中二。先總顯供事。後一切寶蓋下別明供佛。前中二。先標。謂離三界標供分齊。從眞法生標。供所因。下釋中先釋分齊。以離惑故慈普故智深故唯佛能知故離三界也。下釋所因。從四因生故名眞實法生。一堅信是加行智。二不愚善是正證智。三變化是後得智。四眞法是所證理。既從此起還稱性平等故以無行法印之所印定。下別辨供佛中九種。一一中各有五義。一舉供事。二遍法界明稱眞性。三用供佛。四過天顯勝。五出因。又亦初四是上總中分齊。後一是上所因。於高座供中心境等佛者明證理同佛也。依此起座令座亦同佛境也。以此菩薩並是普賢極位因果同等故。餘准可知。二身業供中從身出八事雲供可知。三無量菩薩下語業供養歎佛法身無邊功德可知。第五觀佛勝德中二。初大眾觀佛法界身雲。二爾時如來下明佛現此身雲之意。前中亦二。初見法界身無邊德用。二爾時諸天見如

來身下明見佛身光妙用無盡。前中然此所現所見佛法界身豈有限量今且依下結文分爲十門。於中二。先顯十門之德。後如是正念下結十門之名。前中辨此十門。即爲十段。然望後結少不次第。從初至清淨善根來超明第十見佛示現不可思議自在神力門。於中先舉能見人。後顯所見佛身。無量者正顯法界無限量之身。顯前一切世界菩提樹下無不現也。不思神足者顯前不離覺樹昇天等也。文中有四。初妙用益生。二周遍下德普利物。三成就下用深令敬。四隨所下應機成濟。二顯現如來下却辨第一。一大衆如是正念如來門。於中二。先明如來現自勝德。謂大福大智大定及體遍。二令一切下廣益衆生。於中三。初益地前。二悉能下益地上。三一切法雲下益令果滿。三以正覺下明第二觀察正覺門。於中二。先明自覺成滿。謂初覺俗諦境。後於不退下覺眞諦境。二教化一切下明覺他成滿。四示現色身下明第三入智慧淵門。於中色身是起智所依。下顯智相。有四。初觀衆生智。二善解下明知佛十力等智。三住一切下知法門智。四悉能下明成智淵海。五如來下明第四入功德海門。於中有四功德。一寂用無礙德。謂照機日不沒恒住佛寂滅。二於我我所下明大行無染德。三在大衆下明大智無著德。四以大悲下明大悲攝化德。於中初舉化事。悉善分別下明化意。謂爲衆生分別菩薩智信等行令成正覺。彼方出佛大慈

之心顯佛之悲。不爾豈在佛慈心內。六佛身無量下明第七正如如來門。於中初辨如來身語二業。二於去來下明如來意業。於中二。初照三際以攝生。後普於下遍十方而化物。七佛智慧月下明第五至虛空慧門。下文云。菩薩清涼月遊於畢竟空。此中顯佛月遊空故也。於中二。初明照空無礙慧。先照眞。次慧心下照俗。後一切世間下會俗顯眞。二順衆生下益物無著慧。於中三。初現身含受益。解了下明無著。二隨順下拔苦離染益。未曾下無著。三正觀下令成善利益。永離下無著。八放光明網下明第八觀察如來淨業相好門。於中二。初佛光照現。二令一切衆下明衆尋光見佛十方淨業相好。此中二。初見佛自相業。謂先見佛於十方刹所現相好。後菩薩所行下見佛淨業。謂先見自利淨業。善分別下利他淨業。二成就下見佛能成他相好。謂先能成。後皆令成就下所成。九自在法王下却明第六知衆生福田門。於中二。先總顯後別顯。總中初照現如來福田勝相。後釋顯勝義。以依智緣生故勝也。二別中顯如來十種功德爲世福田。一身智遍世德。二無礙天網下勝福臨機德。此二是田體狀。以爲田生福義。在世間故皆云世間。自下明益物成德。顯田勝用。三無上導師下明導師巧引德。無畏乘是導師遊處也。四一切世下明醫王善療德。初治惑障。次善能下令離苦報。後隨其下令離惡業。五隨其所應現佛下隨應現身。方增善德。

六一切衆生下覺迷安怖德。七如來最勝下智王開曉德。八無量功德下因圓果淨德。於中初句標果。業行下顯因圓。謂因時於世所修業行但能感示世間之報。及慧到岸成佛之時。前行等皆悉清淨。以出染故。九能滿下能滿世願德。十示世下能爲世友德。是故名佛爲勝福田。十光明清淨下却明第九正知法身普照十方門。於中七。初照除行障。六弊中學初也。二悉令下淨其行願。三等觀下破染生淨德。於等觀等佛智普照也。起淨業令修對治降魔殄染緣。滅惑除染因。生力是所成德。謂十力也。四一切世間下破癡授智。前破四住此滅無明。初破癡法施下授智。五如來智下令離怨滿願。六最勝下爲緣生善。初總。少修下別。謂以佛田勝故少修供養獲大功德置衆生無盡智地。是故德大顯。上果報無量。智地顯。上具足清淨。七喜德除難。謂善由心起。心既見佛生喜。喜心中生善廣大。是故除三惡八難也。上來十門別辨竟。自下第二總結名。但此佛德既圓融無礙同一法界之身。是故此結皆有通別。如是正念如來者。通論總具。上諸功德名爲如來。明此大衆於如是如來專心住想名。如是正念。別論此結上第二門。二者通論上諸功德總名。正覺以無不照察故。明衆於此攝慮照達故名。如是觀察正覺。別論此結上第三門。三者通論上佛諸德無不總是智慧之源。以明照無底故。明衆於此智契相應名。如是入

也。別論此結上第四門。四者通論上佛諸德總是功德大海明。此衆智契合名入也。別論此結上第五門。五者通論上佛諸德總名。虛空智慧。以鑒照名。慧則慧稱性一味無限無礙名空。明此衆智達到其際名如是至也。別論此門超結上第七門也。六者通論具上諸德之佛名爲衆生福田。以此堪能生勝福故。衆了達此名如是知。別論超結上第九門。七者通論具上諸德名爲如來。以皆從證理而成。故衆知可解。別論却結上第六門。八者通論上德無不皆是佛果淨業之相好。衆觀可知。別論此結上第八門。九者通論上德無不皆是大功德法而成。佛身無不明照普遍十方。衆知可解。別論超結上第十門。十者通論上德無不皆是如來不思議自在神力。別論却結上第一門。又此上十門應以六相融攝取之理方顯。耳。自下第二明衆見佛身光明妙用。於中有三。初見佛毛孔出光用有十句。初本餘九。末是光中事。并法門可知。二爾時諸天復見下明見佛從身出光用。三又觀自在下見佛神力益物用。就身光中有二。先見出離色光。後又佛身下出妙寶光。前中七句。一光照法界。二示現下光現說法。三顯現阿僧祇下光現奇嚴。無盡中生者釋不窮盡義也。四悉普照下現光中刹內佛出益生。五顯現下現多化身。六普照無量下照窮法界。七持一切下明光起意。下出光因。謂平等真如是佛所住從彼生也。二身出妙

寶光中有二。先出光辨因有三。一功德二大願。三不放逸。後出生無量顯光用。三。明見佛神力益生中。二。初通益衆生。一。於一切下廣益菩薩。上來大衆觀佛法界身雲竟。自下第二明佛現此身雲之意。於中有二。一現此身雲爲益衆生令隨正行。二如來顯現下爲令衆生知佛無邊自在勝德。前中大悲普覆明佛現德之心。智慧莊嚴顯所示現德。謂牒舉上文所現之德。以皆是大智莊嚴顯故也。欲令下正顯所爲。於中三。先隨位漸次益。有六句。即是信等六位之益。於果位中得深法。是大涅槃。具慧光是大菩提。餘可知。二滿足下隨行漸次益。於中亦六。一求果心堅。二不壞法性下於法觀解。三滿足下依解起行。四成就清淨下行成入證。五具足修下明證滿德備名普賢行。六成就如來下因圓得果。三遠離下隨義差別益。於中三。一令遠邪魔得正智願。二令常見佛得大智斷。三令常依佛得法入衆。二令衆知佛無邊德中現如是等類無數淨善。總牒上文所現之德。以皆是佛淨善根相故。調衆生總舉其意。云何現德而爲調生。謂悉令知佛功德海。正顯所爲有二。初別辨後總結。別中五。一令知佛德備。二如來下用廣。三本所下果極。四成就法王下智圓。五成就最勝下德深。謂體淨德齊。相嚴麗也。二於一切劫下結德無盡。以別說難周故。總結第六天王敬請中。善來者明佛具法界德不動而來故巧應機來故順理而來也。

第七佛受請成益中有二。初昇殿益。後爾時世尊下昇座益。前中二。先受請昇殿。後爾時下明其益相。前中二。先昇此界殿。無邊相海是佛。相莊嚴。令天王喜等正明受請意。即昇殿等明機緣契合也。二如此下結會十方昇殿圓滿。二益相中三。初嚴處益十句可知。二爾時下明天王得定益。於中初不亂正念正明。得定。下依定增善。增善有四。一進心。二喜心。三菩提心。四總持。三令天王憶自宿善歎佛。顯處益中二。先此界謂歎前夜摩十佛之前十如來。寄顯漸深遠過前故也。理實通於一切諸佛。後結十方。第二昇座益中二。先此界昇。後十方昇。前中二。先昇座。後益相。益相中。先法益謂初現同三世佛之身。二應機說法。三明法身無著。下明事益及結並可知。

兜率天宮菩薩雲集讚佛品第二十

初釋名者。明如來將說妙法。必英徒影赴。電速雲集。遍滿虛空。集於法界。各以妙偈。嘆佛實德。故以為名。又天宮是處。菩薩顯人。雲集是身業自在。讚佛是語業功德。約身語處用以題名。餘來意及宗並同。前釋但加歎菩薩德及光益為異。四釋文中四。一集衆。二放光。三歎衆。四歎佛。初集衆內。先此界集後十方集。前中三。初舉本位。二一菩薩下明集衆。三以正直下顯德。初中佛力顯集所因方等顯分量。國名堅固者表顯所依行成難壞故也。佛與菩薩同名。幢者表邁向善巧因果獨出攝伏。

故也。寶網覆身表德備也。放光用廣也。三歎德中二。初嘆其行德。於中二。先自行後一切衆生下利他行。謂十地已還等一切衆生同時於此菩薩身念念觀見。別別法門皆新新引攝。故云觀無厭足。二此菩薩下顯所得法門。於中初總。後所謂下別有十種法門。一身遍遊。二智見理。三多身遍。四入果用。五得果智。六巧便光。七廣辨。八深持。九見法界。十盡虛空。應以六相融攝思准。第二放光中兩膝放者過前足指表行漸勝故也。又膝有屈申進趣用表邁向果進昇之相故也。於中四。一出處。二光數。三所照。四緣見。謂因時同行果會故見也。

第三歎衆德中二。先別歎後總結。前中二。先明所樂。謂佛不思議解脫用也。二明所得於中有五。一得法界身。二得無礙下明得法界心。於中有四。一三昧心。二無著心。三無礙心。四離垢心。實心是證心故能離垢也。三得佛無量下顯得佛力。初標。決定下釋。謂入深智是證體底。淨法身等所證底。五得一切下明得佛智。於中十句。初句總標。下九別釋。於中。一智依理起故云。妙趣生也。二智起謂明。三成金剛大智。四金剛喻定破微細愚。上來本智。下明後智。五攝生智。六自在智。七無著智。八照俗智。初名學數終名究竟。九善住下照真智。後成就下總結。無盡。此等並是究竟位中菩薩與佛同一法界。是故皆云得佛所得也。但就因門說為。

菩薩耳

四偈歎佛中十段內。初金剛標別說人。以此菩薩為先首者由是會主故。承力顯說所依。普觀四意同。前會釋十顯歎佛寂用無礙德。於中分五。初二明佛無生滅。示現有初頌正辨。於中。初半無生滅。下半現有後頌寄對彰深。謂上半寄劣顯深。謂則寂之用非。四心境是故難思。下半就勝顯妙。既非。四心是誰境界。謂彼智還是佛智及普賢位滿智境。以稱佛境智要佛智方盡。故明深也。二有二頌明佛非色聲。示現有。亦初頌正辨後頌寄顯。上半亦寄劣彰深。謂凡小及地前名劣智也。下半就勝顯妙。謂地上證智能為佛本名。本業智。十地位滿名成就則普賢智也。又成就亦是佛智。三有二頌明佛無來去。示現有。初頌正辨後頌顯深廣。謂此則無來去之來去身遍諸利語廣說妙意恒住寂。又上三句顯廣。下一句顯深。四有二頌明佛智不動示現用。亦初頌正辨。上二句入證。下二句現用。後頌顯深廣。上半深。下半廣。五後二頌勸修辨益。初頌勸修。後頌辨見益。第二以觀佛心堅名堅固幢。十偈分三。初七歎佛德。次二勸修趣入。後一結見聞益。初中五。先二偈明體用超情。謂初一體深。次半用廣。下半超情。二有二偈明德深勸近。初偈德深。上半說深法。下半起淨身。謂明佛淨身隨順萬行因緣而起。謂本性為因所修為緣。何故顯此德者明。從緣起是可成法。後偈

勸求義理便故。三一偈歎佛令供廣。益德謂淨心常心供令成佛。四一偈歎佛令觀增行德。初句增。長德。二長行。三離惑。四結觀。五一頌歎大人觀解德。謂究竟法性之佛子方解了故。勸修中。初偈勸起欲求道。後偈勸報恩敬近。下結。益。上半結歎。謂見佛結。上佛德。開佛法結。上導師所說等法。下半顯益。第三智力勇健盡佛海原名勇猛。顯佛自在之德。前中初一明佛難見。要具淨信心。爲因佛力爲緣方得見佛。細色合佛以難見故。二明見難盡。謂要以普賢猛智方盡。原底三。明佛難成。謂要依圓淨心海十地之所出生。四明佛法難遇得便離垢。五明佛難逢見能滅惑。六明聞信難成。要由善友七校量顯勝。若化一人令信入佛德過。上施下顯佛德中。一德圓。二用廣。三體寂。第四以於生死夜現。顯智光名。夜光幢。十偈分三。初一歎佛用廣十方普見故。次七明佛用深。融理而起故。後二雙結深廣無涯底故。用深中。初一體一無一故。現多。二明無二而二現莊嚴。三。明一二雙融德無盡。謂空喻體幻喻用。上歎此佛下類餘佛。四依體起用。五用相無功。攝論云。如摩尼天鼓無思成。自事。如是不分別種種。佛事成。六明體用無礙。謂則體成用而不失體故云。不壞法性。即用常體而不廢用故云。不著法界。是故由不著理故恒用不廢。由不壞性故用無不寂故也。七雙

融自在。上半約體絕待。謂化非化俱不可得。下半約緣示現化非化。又上二句標。下二句如次釋可知。又釋此明依真起化作二門。釋。一開義。二融合。初中真應各有二義。真中。一不變義。謂雖現化而常湛然初句顯之。二隨緣義。謂不守自性。無不現應故云亦非非化。二化中。一無體即空義。謂攬緣無性故云諸法無化。二從緣幻有義。故云示現有化。二融合亦二義。一別合。二通融。初中由真中隨緣則不變故。是故亦真亦不真。非真不非真名爲真法身。化中體空則幻有故。是故亦化亦不化。非化非不化名爲佛化身。二通融。謂由真不變顯化體空。此是真不無化不有。以爲法身不無化用。以有化中空義故。又由真隨緣顯化幻有。此是化不無其不有。以爲化身不無真理。以有真中隨緣義故。又由隨緣幻有不異不變體空故。是故現化紛然未嘗不寂。真性湛然無會不化。真化鎔融爲一。無礙清淨法界思之可見。下二偈雙結中。初結上體深無底廣無涯。後結上用。上顯深下彰廣。第五深慧無礙名智幢。十偈分三。初四歎佛德用無限。次四歎佛一異無礙。後二歎佛生滅自在。前中初二顯用無限。後二明德無窮。前中先辨顯用之器。謂具無礙智及無限悲修行之者普於十方常見諸佛。此顯如來於彼大機之所無時暫隱。然有五義。一。一身圓。廣故云十方見。二。一身則一切故云見一切佛。三。明此用未曾暫歇故云常

見。四顯此用未曾不寂故云無來處。五彰所說復深故云法亦無著。下明德無窮。內謂前所現一切之身彼一身各攝法界無盡之德。是故於不思劫說彼一身之德尙不可盡。況餘一切之身三世衆生等校量顯多。二歎一異無礙中。初一法說。謂無二法界融故不可思議。何者謂不可無二思以現多身故。不可多身思未曾有異故。不可一多思以無兩法故。不可俱非思以體用宛然故。是圓融難測量也。次一喻況。次一法合。下一釋非一異。並可知。三生滅自在中。初一明不生滅而現生滅。後一明所現生滅還則不生滅。第六照理可貴故名寶幢。十偈分二。初三歎佛身心自在。後七歎佛出世自在。前中初二明身。一無量現量。二無處遍處。下一自明心。上句明無八識心王。次句明無心所有。下半結。法體智論云。佛地無有心心法也。問若約法身可如上說。約受用身無心法。豈可令佛同非情類。答若依初教佛地具有清淨八識及二十一心所。設言無者但無染識。非謂無淨。又由智勝但云有智。非謂無識。若終教唯一圓智內證。真如外起化用。亦無心王心數之異及八識差別故。梁攝論佛果唯如如及如智獨存故也。若約頓教以始覺則同本覺無始覺之異故。遂合此智當相則是如。智相亦盡。唯一妙理離言絕慮爲佛果也。若約圓教。既理智混融。法界俱爲智說。十顯無盡。是故此智未曾不即

①長一 ②原一源 ③源一廣 ④佛一 ⑤顯二現 ⑥廣二應 ⑦明一 ⑧法體一體法 ⑨若十依 ⑩合今

法界、思惟之機七中。初四明此佛後三類餘佛。前初二明佛爲益出世而則無出。謂初一明不出有損。次半明出世益。下半顯實無出。諸法無行經云。如來不出世亦不度衆生。衆生強分別作佛度衆生。解云。明此釋迦身出世之時則常無出。非謂別約法身。下二釋不出世所由。謂凡論佛出皆於時處。今推此二俱非等覺。是故卽出而無出也。下明衆生機熟。自於心內見佛日出。然佛自覺本非淨日。下類餘佛。中初一法說正類。上半牒前出。此佛出世則無出義。謂前衆生心所見佛並是虛妄無有故言語斷也。下半正類三世佛出。理亦同然。次一喻況。上喻佛出則無出。謂破闍名日出。日出關已無闍無日非出。是故出則非出也。下半喻不出而出。出但有名也。下一法合。上半合出則無出。下半合無出而出。出但有名。是故不異彼不出也。第七勤觀妙理名精進幢。十偈分二。初一汎舉諸佛標德。同應異。後九正歎此佛。前中身同是法身同。義是功德同。下半應異亦是用同。文意理實諸佛體德齊同。所有異者皆隨應現。此同等功德。如無性攝論云。於法身中所依樂作事無差別功德者。則是開示速得一切佛平等性。所依無別者。一切皆依清淨智故。意樂無差別者。一切皆有利益安樂。一切有情勝意樂故。作樂無差別者。一切皆作受用變化利他事故。後九中二。初三略釋。後六廣顯。前中初一明境義深廣。釋上義同。二明身

二來意者。序分既彰。正宗宜顯。故次來也。三宗趣者。十種大行迴。向三處。爲此品宗。又以無邊行海隨順無涯大願成就普賢法界德用爲此宗趣。如下文顯引之。四釋文中有六分。一三昧分。二加行分。三起分。四本分。五說分。六證成分。以隨行別顯。故無偏顯分。同下地品。初中何故入定者。亦有六意同前。釋文中三。先標入定人。爲說金剛法。故高說法。故不異名入也。二承力。三正顯所入。菩薩者。標人別法。簡非果定。明智者。汎論有四義。一初加行定。謂是證智之明。故云明智。如明得明增等。二約根本智定。本智證理。破無明等。名爲明智。如大乘光明三昧。地論釋。光明者。對治無明。故三約後得智定。明了所緣。故名明智。四約自在智定。謂普賢圓智。照法界。故名明智。如錠光顯照。珠照十佛世界等。此中智是體。明是用。又若三乘寄位。言此中唯初定。若約剛幢自德。論具本後二智定。若約圓教顯唯約後。一門三昧。此云等持。如前釋。二加行分。初中總顯能加。三辨加所爲。三正顯加相。前中亦五。一明諸佛現身。謂十方百萬等散居相去同。前准之。又多佛加者。增重法顯。同亦如前。二同名者。四意同前。三告歎得定。四善男子下明得定所依。謂十方佛自說作。加令得此定。五又廣舍那下。彼佛自釋。作加所由。有四句。一由舍那宿願力。故令我作。加。二由舍那現在神力。相感同加。三由剛幢智淨上感

是故作加。四由諸菩薩善根機熟。應聞此法。感諸佛加。是故剛幢得入此定。又前十住中。但有自善根力。無諸菩薩力。十行中有諸菩薩力。無自善力。此中具者。顯位相漸增前後影略。故也。四初中二果力後。二因力。何故須此四力者。初力顯法根深。久遠積德而成。二德成現在。動發扣機。此上化主。三助化力。四機感力。二辨加所爲。中二十二句。初十標所成。後十二明所作。初中欲令菩薩字通下諸句。十句分三。初四令諸菩薩得智德圓。一十無畏智。於緣無懼。二四十無礙智。常說不窮。三入緣起法界。相即自在。四令因智入果顯。成圓極廣心。是大悲也。次三令諸菩薩福德滿。一明善根廣多。二明善離染。謂無漏故名白淨。三明善甚深。謂入善法界。又顯重重無盡。以一門中攝一切門。名普門。故乘此普門。故入深法界。是故具德無窮盡也。後三令諸菩薩起用自在。一令現。佛神足通。二令淨宿念。三令得諸根智力。謂分別佛境。以持機根。又有本作。謂持彼善根。使增長也。爲成此等益事。是故加也。二明所作。中十二句分二。初三正明所作。謂廣說正法。一總顯多門。下別辨。初句明持成就。則起說方便。後句正顯所說。十向圓備。故云具足。下九顯說所爲。分三。初三約位。一攝地前。二安地上。三紹佛果。次三約修。一令開發十向大願。二令說入實際迴向。三令知迴向廣大法界。次三約入。一令種根

者生喜。又以迴向是一切菩薩同所修。故悉歡喜也。二明此迴向是一切佛同所修。故勸令修也。三結成因行。謂行爲了因。能顯性故名護持也。又釋前十成諸菩薩自利行。後十二成諸菩薩利他行。然亦互通。又皆初總後別。同異成壞。准地論應知。第三加相中三。先語業加。次意加。後身加。初語加中九句。汝說此法者。是總餘是別。此說法有二種。一他力說。亦是果力。亦是增上緣力。如經承佛力說。故。二自力堪說。亦是因位力。亦是因緣力。是故此法以自他因果親疎融合。方得有說。自力八中。初三明有作淨法力。一總謂既住佛家。理宜宣法以行家業。下別一長無漏功德。二入總持智慧。故在佛家。次二句無作淨法力。一證佛常身。二照法真性。後三顯身淨力。一白淨等。是二乘不同。盡二住廣等。是菩薩盡。三住無礙等。是佛盡。此是地前而云佛盡者。是圓教普賢位攝。如前後說。二意加。二。先正加。教釋偏加意。前中十句。初一總餘九別。別中初三與授說智。一分別句身。是辭無礙。二無留礙。是樂說無礙。三無礙法明。與法義。二無礙。次三與同化三業。智令以三輪同佛成化。故可知。後三與說法儀式。智。一令說法時心無偏黨。但爲利益。故云向福智也。二觸對諸法。皆能發生巧便勝解。三對緣正說。無有窮盡。又初是說心。次說解。後說行。一切處是頓說。不斷是常說。釋偏加及身并起分。並如前釋。第四本分中。先警告大衆。下明顯有二。

●【一】—● ●【中】—● ●【開】—● ●【故】—● ●【佛神足通二令淨宿念三令得諸根智力謂分別佛境以持機根又有本作二神促通二令淨宿念三令得諸根智力謂分別佛境以持機根又有本作機根】 ●【二】—● ●【身十】—● ●【明二正】—●

先明體後顯相。前中二。先總標二。悉普下別辨。不思。大願者總標起。謂期求名。願。深廣名。大出。過分量。名。不思議。此是普賢自體無障礙願。具盡法界無限德用。如下此品所說。諸德總在此一大願句內。故云。不思議。總說雖爾。別論有十。一。所期不思。謂要得無上大菩提。二。忍苦不思。謂無有世間惡道等苦。經多劫受能壞。此願。三。受惱不思。謂於背恩惱害菩薩。難化衆生。如初攝化大願不轉。四。難壞不思。謂無有天魔二乘異說能壞。此願而不從化。五。廣故不思。謂盡法界衆生界等。如十盡句說。六。深故不思。契同法性。如性起願。七。佛攝德不思。當體具攝法界之無限大功德海。八。出生不思。謂依此大願。出生一切波羅蜜行。不可窮盡。猶如大海出寶無盡。九。大用不思。謂大願宿成無功辦事。如滅定聞聲。願力起等。十。逆順不思。謂大願普應。類機成益。逆順多端。非下位測。然大願實德無盡。依則辨十。並皆如下說分中顯。下別普救等明。利他廣大。學三世等願。自利廣大。各具前十義可知。又此中初是觀相。次大善。後不怯弱。六決定中有三也。餘義同。前釋。二顯相中二。先舉數顯勝。謂三世同說顯法要勝。二列名顯勝。先列名後引三世同說顯勝也。列名者十迴向義略作五門。一釋名。二義相。三體性。四定位。五行法差別。初釋名者。先釋總名。一周圓數依則說十。迴向是義即帶數釋。然迴向有三。初約理者。捨相曰

迴入理名向。二約利生者。得理不證曰迴。大悲隨有救生名向。三約善提者。所修善根不願。三有二乘名。迴正趣無上菩提。曰向。二別名者。善薩善根。濟諸衆生煩惱業苦名。救。令。住。菩提名。護。雖成救護。然於衆生照性平等故名。離相。又救是大悲。離是大智。又初是廣大等心。後是不顛倒心。迴向是行。謂以善根迴向成。如此救生離相之行。故名迴向。從所向立名。二於三寶得不壞信。以此善根而成迴向。此約能迴行體爲名。三學三世佛所作迴向名等諸佛。從所學立名。通能所迴。四善薩令善根至一切處。而亦迴向於一切處。通能所立名。五以自所成無盡功德之藏。而成迴向。從能迴向行爲名。六施絕三輪名。順平等。此亦是能迴之行。又名堅固善根者。捨三不堅順。成三堅故名也。七以善根等以順益衆生。能所立名。八善根合如。以成迴向所依爲名。九不爲相縛。不於見著作用自在故名解脫。如不思解脫等。亦能所合目。十稱性起用。謂以法界善根迴向法界。當法立名。第二顯義相者有二。先別後通。別中前七隨事行。後三稱理行。前中初一悲智不住明行本。次四明行相。於中初一起行心堅。二約佛辨廣。三約法顯遍。四約德顯多。下二明行成。一智行成。二悲行成。後三中。一正與理合顯體深廣。二明依體起無方大用。三顯體用無礙圓明自在。二通論一。一。中皆有三種迴向。謂以善根迴向衆

生。迴向菩提。迴向實際。此各二義故成。迴向。且衆生二者。一由善薩善根必依衆生。成。是衆生之分。是故法爾還向衆生。二。汎既是善薩必爲度生。是救生具故理須向彼。不爾即同。二乘自度。非是善薩。二善提二者。一善薩善根依大菩提成。從彼流故。是彼分故。法爾歸彼。二。汎是善薩意。其必至求無上菩提。是故家法向大菩提。三。實際二者。一善薩善根緣成無性依。真而成。從彼流故。是真之物法爾向彼。二。汎是善薩必爲證真。背無明。故照二空。故問何故須此三迴向耶。答此三有多義。略論十種。一約菩提心有二心。故起信論云。菩提心有二。一。直心正念真如法。故二深心樂修。一切諸善行故。三大悲心救拔一切衆生苦故。二約成善薩三聚戒故。謂律儀離過向實際也。攝善廣修向菩提也。攝生大悲向衆生也。是故法集經云。若善薩捨於三聚迴向之心。善薩不應共住。三約成二行。實際向護煩惱行。餘二護二乘行。四成二利行。向實自利。向衆生利他。向菩提通二利。又釋。菩提自利。衆生利他。實際俱非。五。爲成三德。三身。由因位三行果成三德。向實際成斷德。向菩提成智德。向衆生成恩德。三身如次可知。六約成悲智。智中。照理顯事分。二故有三也。七唯約悲。謂何故向菩提。爲衆生故。何故爲生。以彼即真而不知故。八約智。謂見衆生染相盡。故即是實際染相不壞。是故爲生授以佛智。故向菩提。九

約無礙謂菩提智證同理性。衆生染相即真無異。是故向一即向三也。十約圓明謂三法圓融各攝法界具德自在。一切法門相即相入無礙思之。第三明體性者有二。先總後別。總中有三。一約所依以明智三昧爲體。二以本分中大願爲體。三具論有六法爲性。一定二智三願四悲五所依法界。六并通慧作用不思解脫等爲性。二別辨體。下說分處隨位顯之。第四定位者此常解行位終第一僧祇滿。依佛性論至此位滿方名不退之位。依瑜伽此中猶自墮地獄中。有說此猶屬資糧位以於迴向後別說四善根爲加行故。有說此通二位以於第十迴向之中攝加行故。有說此總加行以住心已還屬前二善根位滿心已還屬後二善根位故也。上總約初教說。有說十住初即位不退。況至於此。又三賢總爲趣聖方便。不分資糧加行近遠此約終教頓教一切行位俱不可說。又準此文於此位中攝一切位具普賢行。是故位滿即是因圓。此約圓教普賢位說。

第五行法差別者有二。一約實位普賢行相。二約寄法差別行相。並如下說分中辨。第五說分中。但大迴向位有二分。一果分當不可說非此所論。二因分隨說有四。一唯約位相。如始終教說璣珞本業經等辨。二唯約自體。如普賢大迴向行不依諸位。三以行體從位門階差說。如此下文分迴向爲十門者是。四以位門隨行體圓融說。如下

一一位中攝一切位。第十卽至究竟法界因圓滿者是。今此文中正辨後二兼攝前二。亦內攝果分准思之。文中二。先辨一方說十迴向。後結通十方所說一切無盡十迴向。前中亦二。先正說。後動地等明說益。前中說十向卽爲十段。一一各二。先長行。後偈頌。長行各二。初位行。後位果。亦有不具者。至文知之。諸位行各三。初標起。二釋顯。三結名。

初迴向釋中二。先舉行體。謂此菩薩所行六度四無量等諸行善根。擬將迴向。其文可知。二修善根已下正明迴向於中二。初迴向衆生及菩提明救護衆生。後從菩薩如是迴向亦無著下迴向實際明離衆生相。前中四。初明爲衆生利益安樂而作迴向。於中三。初總標。二以此所修下別辨。三佛子下結。別中二。先以善根濟三惡道名救。二復作是念下拔苦置善名護。又初令離苦名安樂後令修善名利益。於中十句。一拔現苦。二令除煩惱障。三離業障是故無怖。四令至菩提。五令得涅槃。六令斷所知障。七令斷所知障習。八令得如理智。九令得如量智。十令得理量無礙智。三佛子下總結。令得一切智。二佛子此菩薩下於怨惡衆生調練深悲受惱迴向。於中有五。初於怨惡衆生調練悲心。二於惡衆生調練悲心。三何以故下以理釋成練行所由。四菩薩如是觀下調練行成悲念轉增。五菩薩以諸善根迴向時下正以善根迴向成益。初中二。先明菩薩平等觀心有標徵釋。二若衆

生壞惡下對怨境以練心有法喻合。二一切童蒙下於惡衆生調練悲心。於中亦二。初總於惡類心不動亂有法喻合。合中二。先明不動本心。二正意下不失饒益。前中被惱退大學小名散亂。二一切衆生下別於惡類不捨饒益。於中有五種衆生。一於多惡不嫌。二於難化不捨。三雖有下於邪瞋不轉。四若見下於無信不棄。五若與下攝癡無惱。三以理釋中。先徵後釋。微意惡人何幸背恩蒙救。菩薩何事被惱仍救。下釋中。先總釋。謂由菩薩大智見理能不計惡。由有大智堪救人惡。如日有二義。一雖生盲謗無日無計念。二亦不捨還照謗人。菩薩智日亦爾故云乃至調伏一切衆生也。二別釋有二。初念本大志成調伏行。亦二句。初反舉六事。謂既本志不爲一衆生等豈遇小違而乖。大志。二順顯亦六事可知。謂方成大事。理應受違救彼惡人。二重現大心以成調行。於中初句是總。謂此菩提心體可尊貴故名寶。是故設有違惱爲存護此心理應無轉。下別中六句。一勢力義。謂能生如來之境。是故名爲彼境力也。二普遍義故云廣大。三甚深義故云平等。四離垢義故云無懈怠。五希有義故云修難得。六最勝義故云與佛等也。爲此大心理應如此救惡人故。是故菩薩令行增也。四菩薩如是觀下結調練行成令悲增長。於中如是觀善牒前行解信心淨者於前所解道理信心決定也。下依此決定令悲增長。

●此十(又三寶菩薩能生佛國沉隱惡道)●(之)一●(向)一●(從二教)●(根)一●(句)一●(大二本)●

謂悲行不虛故云非但口言此悲心是總於諸衆生下九心是別。一歎樂饒益。二無。行疑濁故云明淨三屈已就物故云柔軟。四憐愍情懇故云慈心。五慈念深徹故云愛念。六攝令同已菩提法中故云攝取。七授與大行故云饒益。八令得涅槃故云安樂。九令得菩提故云最勝。由前思擇行解力故於諸衆生此等心是故依此以成迴向。五調練善根正以迴向於中先舉善根。謂彼菩薩依勝心正以善根迴向之時作是警念非直令我昔本善根迴向衆生。若我因前迴向衆生所有功德及爲衆生迴向菩提所有功德復將此功德迴向衆生令得如此清淨趣等以此要警送諸善根令至衆生所也。於中有二。先迴向衆生令成法器。二復作念下令得法成滿。前中二。初令得法器身謂淨趣是修行處也。淨生是修行身。餘是行緣。具不可盡也。二常得下令得法器心有二。先令於過不染。謂身雖尊貴心不錯逸。雖居淨趣而不迷惑。故云分別趣。二思量下於德起求可知。二令得法滿中二。先見佛得信。二聞法持行。於法行中二。初令成自分行德。七財者。依涅槃經信戒慚愧聞施慧爲七。卽十藏中前七是也。二修學一切下令成勝進德。於中三。初令自利德滿。二於一切下成利他滿。有三業可知。三令一切下成佛果究竟。第三從菩薩復念衆生造作下明於受苦衆生以深厚大悲代苦迴向於中有

七。初總於苦生起念代救。於中二。初念衆生罪業受苦。二我當於彼下起念代救。於中二。先總舉。不以苦故心退等者調練悲心深厚無倦。二何以故下釋顯代救之意。於中先徵意云。他諸衆生自受苦惱。於菩薩。何念而欲代受。下釋中二。初爲滿自本願。是故代救。謂菩薩從初大誓捨自身命只爲衆生離苦得樂更無餘爲。是故衆生皆是菩薩所荷之擔。爲滿如。此同體大願。是故彼苦是菩薩所憂。下度脫一切等顯其所作。謂救苦因果也。二衆生常爲下爲懲其迷謬代救無倦於中三。初標癡愛是苦因。二染著下明依愛受苦。三隨諸下明依癡受苦。於中隨魔是癡從邪疑佛是癡背正。此無善因。不得出世道明。不得菩提。不見安隱明。不得涅槃。此無善果。常馳等明。恒受苦果。二菩薩見衆生下標。自所作迴向救儀。於中三。初總舉如前衆生受苦悲見迴向。二以大迴下正顯行儀有三句。初以大迴等盡自大心。此有四義。一以稱法界善根迴向一衆生。餘一衆生亦爾。二爲一衆生於無量劫受苦無倦。三要令一衆生先得無上菩提。四然於衆生及迴向行不見能所。同一法界平等無二。是名大迴向迴向。二順。同三世菩薩所作。謂三世菩薩所應作迴向我亦如彼而作。三順。極至教。謂如圓教所說普賢迴向我當順彼教而作。三令一切下明因迴向令有所得。三復作是念我當悉令下標。自迴向教所成益。

於中三句。初智王住處是涅槃。二令得一切智心是菩提。三拔出等令離生死。謂拔惡喻等出分段苦。度生死流出變易苦。四復作是念我當爲一切下明既見上益建志正欲代其獄苦。於中四。初總標舉。二我當爲一切下建志欲於一切處代苦。三我當於一切下明於一切時代苦。四何以故下釋代苦意。問自作自受云何菩薩能得代邪。答此中菩薩代衆生苦。通論有六義。一謂以苦事自要增其願行故。瑜伽第四十九云。問菩薩從勝解行地隨入淨勝意樂地時。云何超過諸惡趣等。答是諸菩薩依止世間清淨靜慮。於勝解行地已善積集菩提資糧。於如前說百一十苦諸有情類。修習哀愍無餘思惟。由此修習爲因緣故於彼色類諸有情所得哀愍意樂及悲意樂。由是因緣爲利惡趣諸有情故暫居惡趣。如己舍宅。作是誓言。我若唯住如是處所能證無上正等菩提。亦能忍受爲除一切有情苦故。一切有情諸惡趣業。以淨意樂悉願自身代彼。領受苦異熟果。爲令畢竟一切惡業永不現行。一切善業常現行。故心發正願。彼由修習如是世間清淨靜慮悲願力故。一切惡趣諸煩惱品所有重負。於自所依皆得除遣。由此斷故菩薩不久獲得轉依。於諸惡趣所有惡業畢竟不作。於諸惡趣決定不往。齊此菩薩說名超過一切惡趣。亦名超過勝解行地。亦名已入淨勝意樂地。解云淨勝意樂地是初地。由於地前起此

悲願斷惡趣業，卽入初地。於彼有情未，必實代。此依初教辨，二約菩薩留惑同事受。有苦身，同苦衆生爲其說法，令聞法免。苦故名代也。三設有衆生而欲造作無間等業，菩薩化止不從，遂斷其命，由斷彼命，菩薩自受惡趣苦報，令彼得免無間大苦。此亦名代。此依梁攝論第十一辨也。此上二釋依終教，四由菩薩從初正願爲生受。苦修習此願，至究竟位願成自在，常處惡趣救代衆生，如地藏菩薩等及莊嚴王菩薩等。五由菩薩此願契同眞如，彼衆生苦亦緣成無性卽是眞如，以同如之願還潛至卽眞之苦，依此融通亦名代也。此約同體願力。六由普賢以法界爲身一切衆生皆是法界，卽衆生受苦常是普賢故名代。今此經文順後三釋，雖是地前是普賢位故，是故能代。問若爾何故猶有受苦衆生，答此事不定，若令受苦而有利益則菩薩令受亦名爲代。此密益非常人所知故不可難，又釋由業有二，謂定不定，得報亦爾，彼不定報由二緣力，是亦可轉，一由因力，謂彼衆生增上作意力，二由緣力，謂由外緣增勝境力。今菩薩於不定報所爲勝緣力及令彼發增上作意故，令彼報有輕有脫。五菩薩復作是念，我當下明誠言表志願爲物不離，於中三，初誠言爲物，有總標別釋，謂因見衆生苦發心爲救，此言若虛卽本不發心，心因此發，是故言行不虛，二不求得下彰不自爲，亦初總辨，次何以故下釋成，後善

薩明見下結，不爲三，但欲下結其所爲，六善薩復作是念，我當以諸善根下明正，以善根如言迴向令得利樂，於中二，先令得樂，後令成利，前中初得種種樂是總標，下別有十句，一佛果窮極名究竟，二利潤無涯名饒益，三超過餘人名不共，四無爲常安名寂靜，五離過清淨名無染，六緣不能壞名無動，七稱性廣多名無量，八性無變易名不死不轉，九常恒無盡名不滅，此是大涅槃樂，十明慧自在名一切智，此是大菩提覺知樂，依解節經亦有五樂，一出家樂，解脫家難故，二遠離樂，以斷欲得初禪故，三寂靜樂，二禪爲首覺觀息故，四菩提樂，於法如實覺故，五涅槃樂，息化入無餘故，二我當爲作調御下令成利益，於中十句，初六併舉，一師，二臣，三明，四炬，五護，六離難及解法，以並同上故略之耳，七令解深理，八智行成度，九福行求果，十令向涅槃故云，示彼岸也，七菩薩以是無量下明行實成益，於中十句，初一牒前迴向，次二下救，生苦上順佛意，次二得正捨邪，次二遠離近善，次二成淨滅染，後具足下總結，第四菩薩以善根止迴向已下明，孤標大志，普爲衆生無念迴向，於中三，先標已大志，二明無念求，三顯至極迴向，初中先結前，作是念下起後，於中二，先喻有二，初一日多照喻，二日照業成喻，後善薩亦如是下法合，於中二，初明獨志廣益合，初喻也，二欲爲下正成，益事合後喻也，於中十句，可知，二菩薩復

作是念，下無念求，於中二，先反舉，謂於善衆生無念求，思於惡衆生無念捨離，後但勸下順願，謂初令得樂果攝少下令成善因，謂以少善根迴求大菩提果，故名迴向廣大，此顯悲深，縱令少善亦以方便成廣迴向，三若諸善根下正明至極迴向，謂善無不攝向無不極，於中二，先舉至極善根，初反舉，謂若我善根實不能益生我亦不修彼善亦不作迴向，下順願，謂以我善根實能益生是故迴耳，此明徹到迴向，二令一切衆生下明迴成至極，不著法等令捨妄，以衆生性等明入眞，此亦是令衆生入實際也，第二大段菩薩如是迴向亦無所著，下明離衆生相，卽是實際迴向，於中二，初明會相入實，二隨方便智下明依實起用，亦是初明無迴後明無不迴，前中二，初會前迴向衆生明入實際，二修行清淨下會前迴向善提明入實際，前中三，初正顯，二但欲下釋疑，三以如是下總結，初中亦三，初離妄相，二不住心願下明離妄想，三不著下明離假名，諸經中多約此三明離妄也，初中三，先會前大悲救護衆生，二不求下會前調練悲心於怨惡等，三不取衆生相下會前代苦等行，初中二，先會能迴之行，謂不見有能迴有三句，一總顯無著，二破性三破相，二業報下會所向衆生，謂不見有所向，能所兩絕平等平等也，於中初總顯衆生業果俱妄，是以菩薩不著下別顯之，不取五陰是不住有也，不壞五陰是不住無也。

此上於衆生報果不著也。不取妄業者於衆生業因不著。二會前調心中不爲求報於背恩等所起嫌恨等。虛妄因緣下釋。謂因空故不生。緣空故不起。報空故不住。大悲忍惱名堅固。空故不住之求。恩報等是虛妄法亦空故不住。三會代苦中。不取衆生相者明所代衆生。空無代也。不分別世界者明所受苦處。是上文於一切利一切地獄等空故無代處也。謂見苦樂染淨世界平等故云不分別。上離妄相竟。二離妄想中。三倒即是皮肉心三煩惱也。三以相想俱空名言亦絕。故云不著語言道也。二釋疑中。疑云若衆生皆空迴向亦離。菩薩何因而作迴向。釋中五。初句總釋。爲令衆生解此生空無迴實法是故迴向。非謂有迴。此同淨名經爲衆生說。如斯法是則真。實慈。二觀察等者別觀所向衆生平等。爲作迴向。三法界印等別顯能迴善根稱性迴向。初以理印行。後行性離染故云離欲等也。四解一切下明能所無二同一法界無迴而迴。五轉疑云若如是迴向於諸衆生何所增損。釋此無二之迴向於德不生於惑不滅。何以故。以皆即空同。真性故。故云不生等也。三以如是下總結平等迴也。二修行清淨下會前迴向菩提。以入實際。於中三。初離舉前行修對治是出世因也。善根向出世正是前迴向菩提。二於善根下正會入實。於中初句總標舉。不作二相者善根業是因所向。出世薩婆若是果隨相爲二。會緣歸性平等不

二故也。下別顯之。先明因果不即不離。顯俱離有無故名不二。後顯智業下明離有無之因果稱性皆明淨。明淨性不殊故名不二。此二下並同。淨名經布施迴向一切智爲二。布施性即是迴向一切智性是名入不二法門。三捨離下明觀益。初離散動益。離憍慢等離惑染益。上來久實竟。自下第二依實起用。於中三。初總標。謂於寂不滯即實起用名隨方便智。二令一切衆生下正明所作。謂令衆生得此即真之脫。不著法性者不滯寂也。稱性善根故云無量等也。無業報出業報者明依理起事以成無功之大用。明業果不亡也。三結觀益。離惡是離過益。佛讚是成善益。又離惡趣下益。佛讚順上益。佛子下第三總結名也。第二重頌中二。先叙意後正頌。初中承佛力顯說所依。觀十方明說分齊。謂十方同說故也。及一切衆彰說所爲。觀法界顯說理。入深句義明教義玄。大悲普覆。辯說心廣。護持等明所傳益。謂令此法流行即是佛種不斷。入一切佛等顯所入益。出生等明所出益。善能分別等彰應機以法。謂分別心是知欲也。過去善根是知根也。知時不失是機熟授法不失時也。具足等明所現說法之身。謂內具法身外現色身。此是有法門之身故也。下正偈頌中以四句爲頌。有二十八偈分。初二初五頌總歎殊勝。非頌前文。二十方一切下別頌前文。初中分二。初二頌明大心爲物方入此藏。於中有六心。初二句明廣心。二

堅心。三常求等是勝心。四淨心。五敬養心。六深心。解法是智。救生是悲。彼能善入等者結行入位。具此六種殊勝大心方能入此迴向之藏。是故此藏爲極殊勝。二有三頌。明大力爲益。生方入此地。亦有六力。於中初一頌中三力救生。一猛動力。二淨智力。三堅忍力。常能下一句正結救生。二頌中二力益生。初淨信力。謂無等是佛。心安是信心安固也。喜淨釋。顯信相。二大忍力。謂受惱荷載故如大地。下句結爲益生。三不以苦行下三句明大悲力救生。初二句舉悲行。常能一句爲結。救生上來總明大力救生能入之行。下彼人速入等結行入位。謂具彼大力方能速入。如此迴向大無礙地。是故此地爲極殊勝。第二正頌前文中三。初有三偈頌前所迴行體。於中初一偈頌前四等行。謂普攝衆生。心安住通具四心也。修迴向者明行堪迴向故也。後二偈頌六度行。二十方一切世界中十偈頌前救護衆生即是迴向衆生及菩提分。初二偈頌前利樂衆生迴向一頌安樂。二頌利益。二有一偈頌前代苦迴向。三有一偈頌前迴向意。謂不爲五欲。但爲生求佛。四有一偈頌悲智行迴向。初是智及行。後是悲及行。謂遊界安生是悲也。此猶是前調練行也。五除滅下二偈頌離染心迴向。猶是前於惡衆生不起嫌心等。六菩薩未曾下一頌明不著五蘊三界迴向。七諸佛下一頌總結菩薩攝生行極。三菩薩一切心安住下十偈頌離衆生

相，即實際迴向分。二、初三頌，前會相入實，初二明三業契真，後一明三業順理，故令佛喜也。後七偈頌，前依實起用，於中有四。初一頌明身業勝行，二有四頌明意業勝行，於中一止惡，二契真，三行堅，四行滿。三有一頌明語業勝行，謂不著言不礙語，故也。四末後一頌結行順理，令佛歡喜。

第二不壞迴向中，二、先長行後偈頌。前中亦二、先位行後位果。前中三、謂標釋結。釋中三、先舉所迴行體，二菩薩如是等善根下正辨迴向，三菩薩如是善根迴向欲度一切下明迴向益相。初中二、先明不壞信，二佛子菩薩安住下明依不壞信生長善根。前中十句分三。初三於三寶境得不壞信，先佛次僧後法。二有四句，於所修行得不壞信，於中一信護，持正法決定成行。二信迴向衆生決定令益。三信所修善根順理。白淨文有標釋。四信所行迴向之行直心等釋成。三有三句，於難知境得不壞信。一信說法師如夜叉，說法亦起佛想，又縱見違行爲重，法故不壞自信。二信佛果作用，逆順難知。如現爲老比丘等。三信菩薩善巧，示現逆行秘密之事，如現姪女等。此並難知而能堅信故也。二生長善根中有三。初牒前信境明種生善根，於中初牒前不壞信，於諸佛下明對生善，於中聲聞等亦是僧寶攝。衆生是前愛眼所觀所利之境，如是無量境通結前所信多境，由於彼境信不壞故種生得。此無量善根，二分別下明依

此善根復增，大心以生善根，亦先牒善根，謂分別思惟前所生善根，令心勇銳增其大心，復生善根，謂由分別前於三寶等所生善，故令菩提心長養也。由分別前於衆生境所生善，故修習大慈也。由此二心增廣，故依此復更生諸善根，故云所生善根也。三廣修下明，依此大心復增，大行以生善根，於中二、初成阿含行，先依前慈心起大悲等觀行，後學佛所學等，依菩提心起佛所學行，依此悲智二行攝生一切淨善根。二明證理行，先依智證理集功德，後依悲慧施修功德，又釋。前阿含行是加行中攝善根入實，是正證中集功德行，大慧施等是後得內修功德，行體竟。

第二正迴向中，二、初迴向善提及衆生，二觀無生性下明實際迴向。前中亦二、初正以前善根迴向，二菩薩善根迴向已下明，以迴向所生勝報復將迴向。前中亦二、初正迴向後菩薩如是精勤下結成。前中十句，初迴向一切智總標所求菩提，常見佛下九句，迴向成因行，於中初五句成行所依，一常見佛，二近善友，三菩薩同會，此三成行緣。次一句成行因，謂念薩婆若，是上所向一切智也。次一句攝行法，謂於佛興處受佛教法，於佛滅後護佛遺法，自下四句所成行。初一成利他行，謂願能處有益生而常不離出世之向。次三成自利行，一供師行，二照理行，三滿願行。二結成中三、初結上所迴善根，謂無量善是前依信所生善根，積集長養

等是前依菩提心等所生善根，二正念等下結能迴之智，謂籌慮觀照迴向道理義實故。是故迴向，三恭敬下正攝威儀以成迴向。二依前迴向所得勝報復更迴向。於中初牒前起行總舉所迴，令我下正迴所向，於中初供養佛，二明供養所爲，三結供分齊，四辨能供之心。初中二、先供現佛，後供舍利，初中先舉所供佛，於諸如來下正明興供。於中三、先總，謂如佛所應者明稱佛境界所應之供，而以供養，謂遍法界等不可知故，但云如佛所應。二以阿僧祇下別顯供有六十七句阿僧祇供具，三以如是等上妙下總結常供。二此諸最勝下明供舍利，二欲令下明供所爲有三。一爲益衆生，是故供佛於中三句。一令衆生見，此殊勝供養歡喜愛樂生，長善根，故云攝取。非是菩薩攝衆生善，二令依善離苦發菩提心，三依菩提心起行自嚴超出世表。二示現下有二句，爲重佛德，是故興供。一爲佛希遇，二爲滿佛供力，謂於佛興，此大勝供養爲顯。如來威力圓滿，三清淨下二句，爲自心於佛信樂至重，是故興供。一爲信重佛德，二爲愛護佛法，謂與此勝供，令人敬重於佛故也。三如是下結供分齊，謂不窮盡也。四諸佛成就下辨能供行心，於中十句。一初即不退，二中即無休，三終未曾懈，四三時喜悅無間名不壞憂惱。五情無異，求名利等故云無著。六亦無彼念，故云無心想。七都無現求，故云無染無依。八於所生善根亦不

生著故云不味等。九既不現名利復不味。善根如何成行。謂佛真寶法印印彼所作之業。十心淨平等。稱佛境界故云。住佛所住。第二實際迴向中二。初始修。二善薩如是捨離下明。終成前中二。初明。稱實迴向。二以此善下明。迴向益相前中七句。迴向。初一句明。加行智觀。謂觀無生境印。能起心明。能所寂滅。受持等明。順佛聖說。二觀平等法性一句明。正體。智證入實際。三入無行下四句明。後智修行觀於中。一明。趣證起行。二巧隨有行。三處有離染行。四二行無礙行。後一句總結悉迴。二以此善根下明。益相。於中八句四對。初句厭有心堅故不可壞。二求果心徹故云不退。三自行不亂。四化他不著。五自行廣大。六化行堅固。七因行圓淨。八果德窮滿故云究竟等也。自下第二終成行中。初牒前起後。觀察平等下正顯入法之行。於中二。先明無礙行。後如是菩薩下明。攝行迴向。前中二。初十句明。解法至深。二分別善薩下明。起無礙行。前中初句總觀諸法理事無礙故云平等。謂等理之事。窮徹聖源故云深入。等事之理盡。茲事際故亦云深。雙融無際智解窮。底故云深入。下九句別顯。一明業無體。二報暫酬。因三諸行無主。四緣生無屬。五正行似有。六無著法眼生者釋。善薩行如影所由。謂如世眼瞳所現影像。今此亦爾。依法眼現也。七既由無作法眼之所作。故其性恒寂也。八會有為同。無為故云入也。九雙融無二故云解

如實性。涅槃云。明與無明。愚者謂二智者了。達其性不二。不二之性即是實性。此之謂也。下明起無礙行。於中四句。初明理事無礙行。謂由解前不二法。故分別行相而不著相也。二二利無礙行。謂同事利。他不捨白淨為自利也。三障礙斯離。故結無礙著。四由解行深。故諸佛護念外緣勝也。遠愚癡內行增也。自下第二攝行成。迴有三。初則不壞事而明見。理以事即理。不待壞故。二善解下明。不礙理而巧現。事以不待壞之事。不礙存故。如是無礙方於法性。而到彼岸。三了法迴向。謂如理之迴。以向佛地大智。令諸餘善根皆稱理成。故云心淨也。是故此迴終日迴而無迴。故云行無所行也。自下第三大段明。迴向益相有四。先為度生益。於中。初令增佛種。滅諸業苦。後一切衆生得下令。成果智。滅諸煩惱。二究竟下明。成菩提益。三得平等下結。實際益。四摩訶薩下總結。迴向成趣果之益。上來別釋竟。佛子下第三結名。上來位行訖。摩訶薩下第二明位果。於中。初十句別顯。後一句總結前中。初一見佛益。二得法益。下八成行益。三普於衆生。下利物心成。四捨癡入法。自利解成。上來自分行成。下明勝進。五得諸如來等明。破邪行立。六具足生貴等明。具正行本。謂出世間心為生貴也。又從佛正法。生故也。七得無礙智等明。大智內發。八於一切法等智起照實。上來成智正覺世間智。九於一切利下成。器世間智。十智慧具

足下成。衆生世間智。下一句總結可知。第二偈頌總有二十五頌分。四。初二頌前所迴行體。二一切上妙下九頌半。頌前迴向衆生及菩提。於中分四。初四頌前因。迴向得勝報。供養諸佛。二善分別下二頌。前供佛所為。為益衆生。三一切諸佛下二頌。半頌前供佛舍利。四菩薩善知下一頌。頌前供佛迴向行。三勝妙智下七頌半。頌前實際迴向。於中分四。初三頌明。觀理隨緣行。一半自利一半利他。二觀衆生心下二頌。明推緣入實行。三分別所有下一頌。半明雙融無礙行。四方便迴向下一頌。明結行成相。四菩薩一心下六頌。前結迴向益相。於中初一上念諸佛。十地論云。如佛所得。我亦當得名。為念佛。二下救衆生。三守護正法。四處有離著。五攝法離生六德圓離。相。各一頌顯可知。第三等諸佛迴向中亦二。謂長行及偈。前中亦二。初位行後位果。前中三。謂標釋結。釋中三。初標舉所學迴向之意。即釋名也。二此菩薩修行時下正顯迴向。三如是摩訶薩以諸善根。正迴向。已成。就妙身。下明迴向所成益。第二正迴向中二。初衆生菩提迴向。後復作是念。如彼過去下明。實際迴向。前中亦二。初因事以行迴向。後摩訶薩若在家下隨緣攝善迴向。前中三。初舉因事之行。二正以迴向。三摩訶薩以大願攝。取行等下結。成益相。初中謂於二境得三淨心。一於違順二境得離憎愛之結。二既離此結喜樂無

●〔智〕一● ●起二● ●故十(是故)● ●〔下〕一● ●〔足〕一●

壞。三既離結情。數令身心調暢輕安適悅。既得此樂。因即迴向。二正以自樂迴向之中有三。初迴向佛。二迴向菩薩。三迴向衆生。初中明自得樂之時。念欲迴向供諸佛。是故先讚諸佛自樂。故云諸佛雖有淨妙快樂。下有十句。正顯諸佛所得之樂。問諸佛德滿樂圓。何須願佛得樂。設願佛德登增。答佛豈須人間香華爲表。孝情供養。以此菩薩愛敬如來。是故自所得樂迴向以向佛。十中初一總。謂願佛得非我測量佛所住樂。餘九別顯。皆不思議也。一三昧樂是佛自德所依。謂出入遊適故也。二大悲樂是佛化德之本。謂處生死如遊園觀。三解脫樂是佛不思議解脫。如下不思議品說有十種等。謂離礙自在故稱樂也。四神足樂是佛通自在故樂。如十通等。五尊重樂是佛勝德。獨出無比故。云樂勝樂被人名。覆如來。六無量樂是佛十力智用在名。力樂。上來是大菩提樂下是大涅槃樂。七離覺樂是佛涅槃離覺觀故。涅槃經云離諸覺觀名爲涅槃。八不變樂是變易生死盡故也。九不壞樂是佛德圓常樂。略舉三事。一佛德無礙無能使礙。二無不在定無能使亂。三無不知之。二行無能使。二故云不壞也。又此九種攝爲四。初一三昧樂。二大悲樂。次四名大智樂。後三名寂滅樂。二迴向菩薩中十句分二。初令成自德。二能下令成化德。前中六。初令得信位百四十願。二令入十住正解直心。三令修十行波羅蜜行。四令

住十迴向金剛幢大菩提心。五令成初地已上求智佛心證不退轉。六令得八地上無功用行。故云不捨大嚴守護菩提等。二令成利他德中。初化令成地前行。二安住下化令成地上行。三得諸下化令得八地上德。四證薩婆若。下化令成果。三迴向衆生中。初結前生後。次正迴向。於中二。初明菩薩自力迴向衆生。二如佛下希同諸佛迴向衆生。前中十句迴向。初一迴令見佛開法近僧。次三迴令念三寶。餘六迴令起行。五不離佛是近善人。六令於佛起淨信。七令分別生解。八令起行成德。九令成淨通之因。十令疑或永盡。二同佛益生中。先總舉同佛。二令一切下別顯其相。於中十事。初五令離苦。謂出四惡趣及諸難處。後摩訶薩下五令住善。初成地前行三句。一發心。二長心。三離障常樂。下成地上行。令一切生究竟等成。果德。三結歎益相中。以諸大願攝取行等者。此文意難見。致令諸德釋各不同。光統師云。此結上三道究竟之義。行等行者結樂與佛成證道行。積聚等者。結與菩薩成助道行。長養等者。結與衆生成不住道行。遠法師云。證心遊理名行。一備一切名等行。助道漸滿名爲積聚。一一行中具一切行名等積聚。不住漸增名爲長養。一一門中備攝一切名等長養。範法師云。但起一行名之爲行。總衆多行名爲積聚。增進勝前名爲長養。猶是前行異名顯耳。菩薩所行行既無量不可備舉。但等

言之故皆云等也。正法師云。善根者施等善也。以諸大願攝取者願大故行大也。行者二利行也。等行者等行。一切行也。積聚者積行成位德也。等積聚者成一切德也。長養者從行生行。等長養者生一切行也。辯法師云。行者是佛於願樂位中所行。菩薩以大願攝同彼行。故云等行。積聚者是佛功用位修積聚。菩薩同修名等積聚。長養者是佛無功用位修。菩薩同修名等長養。是故上云如佛迴向開化一切。菩薩迴向亦復如是。此之謂也。今更釋。菩薩所有善根皆以大願迴向力。故令此善根攝成勝行。諸行齊行。故云等行。又由願力攝此善根所成諸行。令不散失。故云積聚。有行斯積。故云等積聚。又由願力攝此善根所積衆行。復生諸行名爲長養。一一行生一切諸行名。等長養。是故皆由願力令此善根皆悉廣大具足充滿也。上來第一因事之行以成迴向竟。自下第二隨緣起行以成迴向。又釋。亦得上來是爲菩提迴向衆生。是故結云長養等也。自下爲衆生迴向菩提。是故結云今集等善皆迴向也。於中三。初明大悲深重迴向。三如是菩薩下總結三世迴向。初中先別顯。後是爲下總結。別中三。初明悲故隨染巧智無汚。二摩訶薩下正念現前動與道合。三摩訶薩以如是下明於諸群品廣成利樂。於中三。先總舉。二無量諸願下別成饒益。於中。初辨能益之行。二除滅下明所

【歡】一【心】一【皆】一【豈】二【云】十【云】【力】十【名】【能】十【令】【下】一【或】二【舉】一【結】十【樂】* 【也】一【】

成之益。先令除障念法。後修習下成。行入地。三令一切下別成。安樂謂離苦等也。二大悲深重迴向。謂乃至畜生等苦皆救拔也。於中二。初救生離。苦後如是等下總結迴向成益。前中初令離苦。因離畜生趣下明離苦果。永度苦海。是總。謂衆苦繁多深廣如海。苦受者三受中取苦受也。苦陰者惡趣五陰。苦覺者苦從內發。以覺觀爲苦。此上皆是龜重之苦名。增上大苦下明細苦。苦行者是行苦亦是。以苦爲業行。苦藏者身心攝苦衆多蘊積。苦根者謂惑業生苦處也。又以苦爲依。苦爲根本。又欲界二禪已來爲苦根。苦舍者謂以苦自覆故云舍。又釋。苦受是受陰。苦陰是色陰。苦覺是想陰。增上大苦是識陰。苦行是行陰。通論一切有流之蘊爲苦藏。苦因能生爲根。苦果自陰爲舍。小乘爲實苦。初教即空。苦。經云五受陰洞達空無所起爲苦義。終教即真如爲苦義。頓教絕言是苦。圓教通法界具一切法門爲苦。如是等下總結。二迴向之中二。初爲生迴向及教生迴向。如是菩提境界。二正念下迴成二利之行。先成自行。後修如來下成利他行。有十事五對。一慈悲遍。二令得樂守善。三令究竟正遠邪。四令入深出淺。五令具因住果。文皆可見。三如是菩薩下總結三世善根皆悉迴向。問未來善根未有以何迴向。答有二義。一以今逆起大願迴向未來善根。亦修成時即向菩提更不待迴向故須迴也。二依圓教宗九世之中三現

是有。是故迴向亦通三際故也。第二實際迴向中有二。初學三世佛迴向。後摩訶薩學三世下結歎顯勝。前中二。初學過去佛行後例同現未。前中亦二。初學過去菩薩所行。二如彼下以已善根同彼迴向。前中二。先舉彼善根迴向菩提。二而無所著下明。彼菩薩修離相行。於中二。初離妄樂真。謂離蘊入界不住世法。是十八界也。二知法如空下行窮真際。中二。一總窮空際謂超越五趣故云非趣岸也。又至真源更無所趣故云非趣也。二照解下別約三性照三無性。於中。初明所執無相中。先照實捨相。一切諸下明正契無相。謂法相自無。何處說虛無淨可趣無染可壞故也。二無有自性下明緣起無性中。先顯法無性。於一念中下明正契無性。真三常樂下明圓成具德以成佛果。二以已善同彼迴向。如彼過去佛類。已我亦如是彰已同佛。於彼過去諸佛所行法起。始樂心起終證心。又於彼行法理法故云樂證也。然於如是離相法中發心修習而亦不違諸法之相所以者。何以所有起法悉如幻等是故此有不礙於無。又既此有不礙於無。故於真無如實修入。初舉喻顯法。悉分別釋法同喻。唯如來地等簡果異。因明迴向所趣也。下二明以過去例同現未可知。二結歎殊勝中。先舉三世諸佛菩薩殊勝迴向。我亦如是已同彼勝。第一下結顯勝相有二十句。初十句約形對辨勝。一過凡名第一二越

小名爲勝。三超因名最勝。四獨出故名。上五無加過故名。無上。六無與齊。均名。無等。七至極無二故云無等而相等也。八無相似比。九無待對。十德重可尊。下十約自體顯勝。一體微。二稱實。三理正。四攝德。五大用。六離障。七具善。八淨行。九離過。十捨染。上來正迴向竟。自下第三明迴向成益。於中二。先因前迴向成淨三業。二因淨三業令所作淨。初總顯淨。住菩薩下別明淨行。於中二。初明離惡得位。二入一切法空下明入理捨著。先觀空。無著分別下了有無。猶謂空有無礙心無住著故也。三佛子下結名可知。上來位行竟。自下第二明位果內得此一位。成十種勝德。一深入佛因。二趣佛果德。三智入深理。四不離悲業。五巧無住著。六入理轉深。七成大福善。八照解佛性。九巧知諸法。十無著受生。第二偈頌中有二十四偈分。六初一頌上標意釋名。二次二頌上迴向佛樂。三一切世間下十一頌上迴向衆生令成佛。於中三。初四偈以隨喜及樂迴向衆生。二菩薩修此迴向時下四偈明同佛迴向利益衆生。三菩薩所修諸行業下三偈明正念迴向安樂衆生。四十方無量下四偈頌上迴向菩薩。五心不稱量下二偈頌上迴向實際。初偈達法際後偈盡想原謂知想無性名度一切想。亦不壞想以想心必無性不待壞故。亦不壞無想以無不無性故。如是了知衆生之想離有離無。六下有四偈頌歎利益。於中初一偈

●苦後如是等下總結二善生趣下明離苦果 ●(苦)一 ●(爲)十苦 ●(二)一 ●其十(理) ●(爲)一 ●均二故 ●位二
住 ●尚二倫 ●二二三 ●薩二提 ●(心)一 ●

頌三業淨。次二頌學三世佛迴向。後一偈歎勝有七慧可知。

第四至一切處迴向中亦長行偈頌。前中亦

二。初位行後位果。前中亦三。謂標釋結。釋中三。初迴向衆生及菩提。二摩訶薩如是善根迴向了無所有下迴向實際。三摩訶薩如是善根迴向令衆生下結歎利益。初中三。初以善根迴供三寶。二如是莊嚴下明供所爲。正顯迴向。三譬如無我下辨彼善根攝德勝用。初中二。先略明。後摩訶薩復作是念下廣顯。前中三。初法次喻後合。初中如是迴向總。以標舉德力。至一切指顯其相。謂一切處是所至。善根是能至。能至故名力。此由迴向故使然也。喻中實際無處不至略論十處以顯無盡。此以理喻行故也。一切有者是三有二十五有等。餘並可知。合中二。先總顯供三世佛。二過去下別顯供三世。先令過去佛本願所作悉得圓滿。次令當來佛速具佛嚴。後虛空下於現在佛及大衆皆悉供養者明此菩薩普供於彼。如諸天者如諸天所作隨念皆成。菩薩一念无遍亦爾。顯供自在也。廣大下顯成供所由。謂以已廣大福智迴向力故令於諸佛成上供耳。二廣顯中二。先於一切界供現在佛。二復作是念下於一切劫供三世佛。前中三。初舉所供佛。二摩訶薩下明與供養三。以此一切下正以深心迴向。初中二。先一切界佛後彼有菩薩下明有菩薩同佛所作。謂所供佛有二種。一實報佛。二位極菩薩能於十方示

現成佛。此二俱是現在佛故。是俱現在所供收。故論之。文有十句。一。所解深。二。化現廣。三。身普遍。四。證法。源。五。同佛體。六。巧圓應。七。從理起。八。體堅固。九。持用久。十。從德生。二與供養中供現佛及於滅後供於像塔。三以此下明深心迴向。於中有十心。謂如何迴向。以一心等者以是用也。一。一心下應。皆有迴向字。但文家存略初後安也。中則準知。一情專注。二念不散。三非緣。四深崇。五喜樂行。六不留滯。七不染著。八無能。行亦是離。所爲。九質直離害。十正順涅槃。自下第二於一切劫供三世佛於中二。初舉所供田。謂多時多佛相嚴報身。理嚴法身及多衆也。二我以已下正迴向與供。謂由前善根十心迴向重成。此供於中初有十供。一。香。二。華。三。鬘。四。塗。五。末。六。衣。七。寶。八。燈。九。嚴具。十。摩尼。又此十內各有香蓋等二十門。故成二百。於中一一復各有阿僧祇欄楯等十門。故成二千門。各阿僧祇并前二重總有二百二十門。皆云不可說。或云無分齊等。又釋。初供佛正報。後於一一境下明嚴佛依果。三如是莊嚴下明供所爲。於中二。初總顯所爲。謂令衆生出生死至佛地。二於諸下別辨有三。初令成化行滿。於中法明是化法。教化等是化行。無量心等是化心廣法。無所至是化絕功用。出善是化所成德。二今生親佛下使成自德圓。於中見佛是行緣。安住等是所成。普入等是行成。入理善根迴向等是行成趣果。三

令生因此下使因成得果。三譬如下明至一切處善根攝德勝用。於中先喻後合。初舉喻顯法。我善亦爾。辨法同喻。此亦以理喻行。謂此善根既如無我遍一切處。是故攝取彼法以增已行。文有二十句。初十二攝成自利行。後八句攝成利他行。前中初三攝成敬順三寶。四成行。五成解。六攝佛通成自善。七攝化德成行心。八攝因德成理解。九攝巧便示果用。十攝果用成與供。十一攝利爲嚴。十二攝劫爲時修下明利他。一爲物現身。次二化令成德。一行德。二斷德。次四稱器化益。一應根化。二赴欲淨。三現身調。四令解已。後一護法。自下第二實際迴向。於中有三。初一明盡事而歸理。二不礙事而顯理。不礙理而成事。三理派而事用。由上三義混同一際。是故派理而唯事。未嘗事而非理。盡事而唯理。未曾理而非事耳。良以事虛攪理無不理之事。理實應緣無礙事之理。故此三門或破有顯空有未會損依空立有有未始存。是故約理不隱不顯。約事不存不壞。思之可知。初段之中如是迴向。牒前了無所有總明入實際。下別顯之有二。一先離所取。後離能取。謂不因中計果內計。因故云業中不取等也。又釋。業空不見能生報。報空不見從業生。故也。上離妄。下明入真。勝善是理善也。遠離下明益相。謂離散修善也。以照所取空故。於情有諸法而不信入。求彼妄法之有。不見自性。而是成就。下釋顯。以作者

經亦同此說。三勸請者。智論說勸請諸佛有二。謂初成道時勸請轉法輪。般涅槃時勸請久住世間。雖知諸佛而自無時。然生勝福。故須勸請。又准地藏菩薩經三時勸加勸。菩薩速成正覺。四隨喜者。準智論及十住論有三位。一遍於十方一切諸佛所有已成無盡功德。二十方界菩薩聲聞等所有現修一切功德。三下至人天凡夫善根。於上三位皆悉深心而生隨喜。無量善根。五者迴向亦三。謂衆生菩提及實際廣如。上辨三止作分別者。或五俱止。俱離障故。或五俱作發。勝行故。或懺悔止障除發。勝善。四餘障分別者。禮佛除我慢障。懺悔除惡業障。勸請除謗法障。隨喜除嫉妬障。迴向除異求障。又除樂世有障。五生德分別者。禮懺生勝福。勸請生勝慧。隨喜通福慧。迴向迴前二行。令有所成。又由迴向攝持力故。令此不墮三界二乘。六次分別者。初禮讚佛求滅罪主及生福緣故。先辨也。二依佛勝緣令得罪滅器淨故。次懺悔。三依此淨器希心請法。四於他勝行。忘私生喜攝同。自行。五迴前所成。以向善提。方爲一。周故也。七得果差別者。果有二種。一別果。謂禮佛得尊貴果。懺悔除障得具足依正果。勸請得正慧果。隨喜得大眷屬并大福及大財等果。迴向得離邪果。謂常遇佛世常能修行而不退等。二通果。並皆遠得無上菩提。八約教顯異者。若小乘五行皆實宗中亦不。上之初教即空以成五行。終教即如

而成頓教絕言爲五。圓教內法界無盡一行中攝一切行。各無盡爲五行也。初行體文中有七。一悔過善。二隨喜善。三於諸如來下明禮供善。四勸請善。五入法善。於中四慧初開慧。二憶念是思慧。三如說行是修慧。四入不思是證智。所有善根。六重明隨喜善。何故明者以攝善多故。依大品經隨喜品。問於初發心菩薩功德乃至一生補處菩薩功德起隨喜心得幾許福德。佛言四天下國土可秤知斤兩。乃至三千大千國土皆可秤知斤兩。是隨喜心福德不可秤量。又三千大千世界國土滿中海水取一毛髮破爲百分以一分滌取海水可知滌數。是隨喜心福德不可數知。文中三。先於佛菩薩善根隨喜。謂此善薩由增上深心隨喜彼善。是故令心契攝彼善。故云喜已安住彼善。二三世下於諸佛所度衆生善根心生隨喜。三三世下總結。三世佛因果位所有善根皆悉隨喜。七彼諸如來下修餘善根有四。一護法善。二念佛善。三因位善。謂菩薩道法是自己境界。四果位善。上來辨所迴行體竟。自下第二顯迴向善提及衆生。於中以此善根皆悉迴向者是總舉。迴向。下別顯之有三。初牒前善根。二如此善根盡過去下正將迴向。三如是摩訶薩善根迴向。下結迴所成。前中有十二句。一於前善根若創修時所得功德。二若進學時所發善根皆將迴向莊諸利等。三若久累功時。四若深解悟彼善根時。五於彼善根生慶悅時。六而彼善根若具

備時。七彼善成時。八依彼善根成餘行時。九依善得證時。十思擇彼善時。十一領納任持時。十二攝同自實執志守持時。於此等時皆發善根普將迴向。自下第二正明迴向。謂此菩薩以善根迴向莊嚴三世佛刹令衆生淨。即是迴向善提及衆生也。汎論嚴土有三種淨。一處所淨。二住處衆生淨。三法門流布淨。亦名受用淨。今此文內具此三義。初明菩薩迴求事嚴。二摩訶薩復如是迴向。下明求人實莊嚴。三摩訶薩以善根方便迴向。下明受用淨。前中有三。初別顯三世佛刹異嚴。二總攝以用嚴諸世界。三顯所嚴刹之分齊。初中三。先辨嚴過去佛土。二嚴未來佛土。三嚴現在佛土。初嚴過去中如此善根牒前所修盡過去際明時長也。一切佛界彰處廣。無量行起顯因多。佛知菩薩識約人顯深。應衆生等明土應機。如來所持等明。佛淨識所現。淨因所成。此是主圓淨。普賢等明。廣因所起。是眷屬圓淨。彼界若有等顯。是佛土。以於此中成正覺故。二莊嚴未來土中。二。先明土嚴有四。一處廣。二時長。三一切諸佛下明。土因淨。四雜寶下明。土果嚴。二摩訶薩下明。菩薩修因行有五。一解淨法。二持不忘。三依法起行。四入證定。上是因圓。五佛慧光照攝。成果滿。是故令土得圓淨也。三如未來下明。嚴現在土。於中。初類同未來。種種下別顯。嚴相。種種是嚴多淨。具足是離垢極德。普是利益廣。色香等七別顯嚴。隨善知識等下

用以莊嚴一切香等十三種。二以如是等下總攝上三世利嚴用嚴已界。於中三。先總次別。後結。別中有二十七句。此等皆是三世諸佛異利莊嚴而用總嚴。於己世界。三如是莊嚴於一世界下顯所嚴分齊有二。初以三世莊嚴而嚴一界。二以一類多皆盡三世略論。九種佛刹莊嚴。上來事嚴竟。自下第二求菩薩人實莊嚴彼利。即住處衆生淨故名淨土也。文中有三。初總明迴求人實充滿。二此諸下別顯嚴相。三於一佛刹少分下結所嚴分齊。別中二。初明人德滿利。後充滿下顯成嚴相。前中辨菩薩德有二。重初明菩薩行修具足。後悉從下顯諸菩薩德用圓備。前中二。先別顯後總結。前中二。初顯福慧勝能行後成就殊特。下明善根心志行前中二。初福慧成二利。於中先舉福慧善能等成利他。入深等成自利。二成就念佛下明福智生勝德。於六念內略無戒天二念。此是福行。法日下明智行。於中初廣智普照。次顯深智入玄。謂從無所有生釋。顯深相。智依理起故深也。下明生德。謂從智生力無畏等一切淨德。故云出生等也。二善根心志行中。初成善根。謂成即真理之善名殊特。垢染斯盡。故云清淨。過下名最勝。上出名增上。二建立下顯大志行。先舉行本謂大善提心也。後淨魔業下辨行勝能。五句一淨魔業。二了物機。三照法空。四捨四倒。五滅無明下結。修諸善者結上善根也。滿大願者結上善提心願也。二成就如是下總

結多德可知。自下第二明菩薩德用圓備。中三。初悉從法門生者總顯勝德所成也。下別顯後成就如是下結。別中二。初自分德。二隨順下明勝進德。初中三。初明善根德用。二得善提下明大智德用。三於諸菩薩下明三昧德用。初中勝善是德。常作等顯用。就智用中三。初是明智德用。先舉智體謂無礙闇。故是明也。一身等顯。勝用。二成就下是大智德用。初智德分別法界是智用。三遍遊下是淨智德用。遊利心淨是智體淨。謂無功用故如空也。悉能分別是妙用廣。三三昧德用中。初顯所得三昧。謂體用深廣名。不思議。下彰勝用有三。一巧便趣果用。二住依了正用。三達深無畏用。上來自分竟。自下第二明勝進入佛境界。於中十句分二。初六上攝佛境德。二悉能下四明妙用無方德。前六中。一同佛因善。二照佛所證。三持佛所說。四演佛圓音。五得佛同辯。語言法是也。六得無上佛地。者是結得果位。二下明妙用。四中。一遍利無礙。二攝法無染。三心智廣用。四稱實說法。此四中初一身業。次二意業。後一語業可知。成就下結德顯多莊嚴。世界者顯人實莊嚴。故法華云。國名大寶莊嚴。以菩薩爲子寶。故此句總嚴。下別顯有六句。二勝人滿利。二實德成嚴。三稱理而住。四進德相資。謂善修者自德進也。薰修者諸菩薩德互相資熏也。五德淨無染。謂不雜無明。又不念異乘也。六息繁順道。下第三結所嚴分齊有三。初約一刹內一少分處

既有如此十種大數菩薩充滿。二類顯彼一刹內餘一少處皆有如此十種大數菩薩。悉滿。三既一刹中有如是多十大數重菩薩。類虛空法界等世界皆如是菩薩充滿。自下第三明受用嚴淨。亦是法滿嚴淨。於中有十事。一向刹令嚴淨。如前辨。二令菩薩滿。亦如前。三令佛現。四有所求果法。五有能求大願。六行法出要。七令所化機淨。八令於彼界當得見佛。九令佛常住。十轉實教法輪。以非權教故云不退轉也。上來正迴向成嚴竟。下第三結迴向所成有五句可知。第三實際迴向。於中三。初正迴向實際。二辨入實成益。三結行成相。初中有六句。初牒前起後。二心淨等因前成行。謂由前迴向趣大極果。是故令心極淨。若空安固如地。三入不思下正明入實。謂絕無能所而有迴向名。不思也。四樂觀等釋。顯無能所。由五無盡等謂無能所。成稱性功德。六平等順等明釋。顯無盡之所由。二摩訶薩下明入實。成離妄益。有十對。初對離能迴之妄。次不妄取佛等三對明離所向之妄。次不取業等二對明離迴向業果。初對離總報業果。後對離別報業果。上來離有。次不壞等明離無。以即空而不礙存。故是故不壞。又性自即真。故不待壞也。次不取有等明有無雙離。以不取有是遣有執不壞。有是遣無執也。次生死非離。離等明離背向相。以法離生死相。故非離亂。亦離涅槃相。故非寂靜。今謂文意只如此。然

古德有多釋。遠法師云。汎釋有二。一就破相解。解生死體空。故非雜亂。涅槃亦如故。非寂靜。二寂用解。解生死體寂。故非雜亂。何者是體近說。空是深說。則不空如來藏。是大般涅槃能建。大義妙用繁興。無所不為。故非寂靜。然依後義。此二佛境。佛所行道名。境界道。生死涅槃法無定相。故曰無法。諸聖同依故名同止。衍法師云。以緣就實。生死非雜亂。以實從緣。涅槃非寂靜。辨法師云。如來境界道者。此非有非無。真如是佛證智行處。故云境界道也。非他作無法同止者。自心真如故。非他作。唯佛智依故。無法同止。今更釋。此第十對明離迴向行果相。謂能趣佛境之道。此道無性即空。故非他作。趣至佛果。冥同性海。無能依智與所依理同處而止。故云無法同止。又因相絕。故道非他作。果相離。故無法同止。下明結行成。於中二。先結上修入行成。後離諸下結。上行益相成。可知。第四依前所得無盡善根。復將迴向。中有三。初顯所得無盡善根。二以如是等下正將迴向。三眼終不見下明其益相。初中十句。初句是總。由前迴向已得此無盡善根。常念下九句別辨。一由前念學三世諸佛。迴向般土。是故發生無盡善根。二因前願求人寶般土。生無盡善。故云度菩薩也。三因前般土。令諸刹淨。所生善根。四因前迴向求淨。衆生所生善根。五因前實際迴向。中隨順法界。所得善根。六因前心淨如空。不動如地等。所得善根。七因前解如來境界道。非他作等。所得善根。八因前不虛妄取等。成菩薩淨業。所得善根。九總結。因前般土等。行皆通三世。所得善根。自下第二正以前善復迴向中。先總標迴向之能。以者用前善根。至極迴向。故能稱性。度脫衆生。下別顯有十句。一爲度故。入衆生界。知體空。故不見衆生。迴向求此無障礙德。故名迴向。二無壽命。三無自在。我。四無人。福伽羅。舊義翻爲人。今正名翻爲數。取趣以數數取諸趣。而受生。故上四約生空。下約法空。五以法無是非。故離忿。評。六緣生不實。七理實無著。八知土體真。故無染。九了行從緣。故無堅固。十達境唯心。故空無也。自下第三辨益相。中三。初見理益。於中九句。初五句明離相。後於如來下四句得實。二此菩薩下明成德益。於中上攝佛果。中具佛因。下攝衆生。三彼菩薩下妙用益。於中寶藏是用體。次莊土。後攝生顯用相。上來第四段竟。自下第五明。由前迴向所成行德。威力故。者由前起後也。有十句。一行勝無倫。二行堅無壞。三威高伏魔。四成德不退。五滿本要期。六心廣。七用速。八深智。九廣智。十菩提心力。稱同法界。上來別釋竟。下第三結名可知。上來位行竟。自下第二明。此位果。得此位。故復得斯果。有三。先舉數。次列釋。後結。釋中十內。皆先列藏名。後釋其義。一見佛藏。二法。三念。四慧。五義。六願。七德。八智。九辯。十果。又此十中。初六自利行。一見佛。五知法。五中。初知理法。二聞持

教。三解。文教。四悟。意趣。五證。法實。亦是聞思修證。次三利他行。一以功德身應。二以意業曉悟。三語業辨說。後一攝行成果。謂由此迴向力。令菩薩行速得圓滿。是故受職而得成佛。後佛子下結。第二偈頌總持中有二十五偈分五。初一偈頌前行體悔過等中。但頌隨喜行德。三三下九偈頌前迴向菩提及衆生。於中三。初四頌上莊嚴三世佛利。一學佛嚴。二攝法嚴。三願所嚴。四結同佛嚴。二彼眞佛子下四頌上菩薩人寶嚴土。於中初一頌上法門中生。次一頌業勝具身口也。後二歎德勝。亦是意業勝。未曾想念等是上文。淨淨不雜等。三一偈頌上受用淨。亦是法。滿淨。令生成佛具佛法。故名佛土也。三十方下有二偈。超頌前第五結所成德。於中初二句頌上威攝衆魔。次句頌上一切世間所不能壞。次句決定修等頌上行無倫。足。次句上大願成滿。次句迴向功德等頌上成就不退功德。次二句通頌所成德深報廣。四善能觀下有五偈。頌上第三實際迴向。於中初一頌上正向實際。兼頌成益中不妄取業報。餘四並頌成益。次二句明無色心之有無。即頌上不著意業及果報也。次二句頌上不取有爲及無爲。次一偈頌上不壞因果。不取有無等。一切衆生下。一偈三句頌上生死非雜亂。後一句佛利亦如是者。亦得頌上涅槃非寂靜。類同世法空如。故云亦如是也。五菩薩如是知下有八偈。頌上第四依前生善復將迴向。於中初一

頌上所得十種無盡善根。次二偈頌。上以。前善根正成。十種迴向。次五偈頌。上迴向益相。於中初二妄見已滅。棄等是上眼終不見不淨佛剎等。後三偈頌。上不見異相衆生。謂衆生稱性離有無等無異也。第五迴向竟。

華嚴經探玄記卷第七

華嚴經探玄記卷第八

此迴向品

魏國西寺沙門法藏述

第六隨順一切堅固善根迴向。於長行內亦二。謂位行位果。位行中亦三。謂標釋結釋中有三。初行所依身。二離諸業障。下明依身起行。三摩訶薩若能以此善根迴向下辨行所成益。初行所依身者。依轉輪聖王身而起施行有四意。一在家是能施位。二有七寶可施。三明難捨能捨。四攝化無敢違命。文中二。先顯王統攝自在德。後此摩訶薩下辨王正報殊倫德。前中輪王成就七寶義略作三門。

初顯名者。下文云。一金輪寶名勝自在。二象寶名曰青山。三紺馬寶名勇疾風。四神珠寶名光藏寶。五主藏臣寶名曰大財。六玉女寶名淨妙德。七主兵臣寶名離垢眼。得是七寶。於閻浮提作轉輪聖王。

二辨相者。先辨輪寶。依涅槃經。頂生王於十五日處在高樓沐浴受齊。即於東方有

金輪。千輻轂輞具足。非工匠造。我嘗試之。

以左手擎此金輪。右手執香爐。右膝著地而發願言。若是輪寶不虛應。如過去轉輪聖王所行道去。作是誓已。是金輪寶飛昇虛空。遍四天下。已還來住在王左手。依俱舍論。但閻浮提有輪王出。以福力故。令帝釋宮內地熱。帝釋即知有輪王出。遣守宮門。五百夜。又扶一輪寶下應輪王。以得輪寶。故曰輪王。又有小論說。輪王未出此輪寶等在鐵圍山間。諸大力鬼神守護。輪王亦出即送至王所。是故先有往處。若準此經。上文云。譬如轉輪王成就勝七寶。彼無所從來。明知但由業力所起。無別來處。然此輪有四種。一鐵輪二百五十輻。二銅輪五百輻。三銀輪七百五十輻。四金輪千輻。菩薩本行經輪有千輻。縱廣四十里。周匝百二十里。王欲行時輪在前導。不資伏者金輪自然。在頭上旋。自然降伏。不用兵仗。二象寶者。七支至地。六瘤成滿。如白蓮華。行疾如風。王乘其上。一念之頃。周四天下。三馬寶。其色紺炎。髦尾金色。行不離驟。迅踰疾風。致遠不疲。乘者安豫。巡遊四方不失主意。一念之頃。遍四天下。四神珠寶。依涅槃經。於王宮內自然有摩尼珠。大如人脰。能於闇中照。一由旬。此珠力故。爲天雨。雨如車軸。能作蓋覆。二由旬。遮此大雨。不令下。過此珠。依觀佛三昧經說。是金翅鳥心。依智論是佛舍利。於末法後。變作摩尼珠。又依賢愚經有三品上者。置高幢頭。

王燒香請。隨王意。雨諸財寶及飲食等。滿八十由旬。中者雨四十由旬。下者雨二十由旬。其光常明。及遮雨亦爾。又菩薩本行經中。珠寶晝夜常照。千六百里。又真諦三藏云。如意珠有三種。一如意珠能隨人意所欲。從心。二清水珠。令濁水變清。三吐金珠。自有三品。一下品。投一兩金得千倍。二中品。投一兩金得萬倍。三上品。投一兩金得無量倍。五主藏臣寶。依俱舍。主藏臣寶得眼根力。能見一切地中伏藏。以手攬海寶。隨五指現。又菩薩本行經典藏臣。王意欲須金銀七寶。衣被飲食。披其兩手。七寶財產一切所須。隨意所欲。從手中出。而無有盡。六兵寶。未伏之處。立計平論。無斯不伏。又菩薩本行經典兵臣。王意欲得百千萬兵。自然而至。七玉女寶。不長不短。不黑不白。身諸毛孔。出栴檀香。其目視一由旬。耳聞鼻嗅。亦爾。共舌覆面。以手觸王衣。即知王身安樂病患。亦知王心。此女定從蓮華化生。又依菩薩本行經。女香潔如優曇華。王意欲得清涼之時。身自然冷。王欲得溫時。身自然溫。聲如梵聲。常使王喜。三諸門者。有五重。初一約龜報。謂有彼寶能遮四十里雨等。是相似七寶。如薩遮尼經云云。二約細報。謂寶報金輪王七寶如前辨。三約行緣。謂菩薩輪王七寶等物。皆是菩薩淨業所起。堪爲菩薩修行所用。准有五義。一令菩薩不生愛染。二令成施行三滿。乞者意。四令乞者發心修行。五堪令敬。

王燒香請。隨王意。雨諸財寶及飲食等。滿八十由旬。中者雨四十由旬。下者雨二十由旬。其光常明。及遮雨亦爾。又菩薩本行經中。珠寶晝夜常照。千六百里。又真諦三藏云。如意珠有三種。一如意珠能隨人意所欲。從心。二清水珠。令濁水變清。三吐金珠。自有三品。一下品。投一兩金得千倍。二中品。投一兩金得萬倍。三上品。投一兩金得無量倍。五主藏臣寶。依俱舍。主藏臣寶得眼根力。能見一切地中伏藏。以手攬海寶。隨五指現。又菩薩本行經典藏臣。王意欲須金銀七寶。衣被飲食。披其兩手。七寶財產一切所須。隨意所欲。從手中出。而無有盡。六兵寶。未伏之處。立計平論。無斯不伏。又菩薩本行經典兵臣。王意欲得百千萬兵。自然而至。七玉女寶。不長不短。不黑不白。身諸毛孔。出栴檀香。其目視一由旬。耳聞鼻嗅。亦爾。共舌覆面。以手觸王衣。即知王身安樂病患。亦知王心。此女定從蓮華化生。又依菩薩本行經。女香潔如優曇華。王意欲得清涼之時。身自然冷。王欲得溫時。身自然溫。聲如梵聲。常使王喜。三諸門者。有五重。初一約龜報。謂有彼寶能遮四十里雨等。是相似七寶。如薩遮尼經云云。二約細報。謂寶報金輪王七寶如前辨。三約行緣。謂菩薩輪王七寶等物。皆是菩薩淨業所起。堪爲菩薩修行所用。准有五義。一令菩薩不生愛染。二令成施行三滿。乞者意。四令乞者發心修行。五堪令敬。

①圓一圓* ②又二及* ③仗二仗* ④頃二頃* ⑤爲二若* ⑥雨二雨* ⑦意十(而)* ⑧寶二報* ⑨王二主* ⑩寶
一 ⑪日二日* ⑫定二寶* ⑬後二皮* ⑭准二唯*

化衆生故。智論十二云。實有三種。一人中實能兩物如輪王寶等。二天寶能解語使願等。三菩薩寶能說法化衆生等故也。四約深報。謂如回教世界性等已上有萬子。已去輪王所有寶等如白淨寶網轉輪聖王有錠光頗梨珠。照十佛刹度數世界海。以一恒河沙金轉輪王善根所生如是等。五約行德。如下經云。波羅蜜金輪諸通爲象寶。神足爲馬寶。淨慧無上殊妙行爲女寶。四攝寶藏臣方便。主兵寶無上轉輪王。今此文中據後三門所說。以於無盡法界中成善賢無邊行海故。後此摩訶薩下明正報殊倫。那羅延此云堅牢力。依俱舍能持一大千界風輪。是那羅延量。依涅槃經校量可知。二依身起行中三。初略標行事。二摩訶薩如是諸善根迴向已作如是念下廣顯行相。三摩訶薩以此善根迴向時下行極契真。前二即是菩提衆生迴向後一即是實際迴向。又前二是廣大迴向後一甚深迴向。初中有三。先略標七十事所施之物。從飲食至床座。十從住處。至蓋。二從幢至眼。三從耳至肉。四從心至爪。五從爲法投火至以身覆佛。六從以身施一切至悉能捨離。七於中有內施外施內外施。又財法無畏。代命救殘是無畏施。斷殺有二。望所殺是無畏。望能殺令持五戒等。是法施。普告佛名亦是法施。又釋此等既是法門。是故俱通三施也。又此就是無盡法界大緣起門。普賢無礙自在之行。以是等若內若外情非情物及

法門行盡以施與於一衆生。如一衆生一切亦爾。於一世界一微塵處施一切衆生一切塵處皆亦如是。如一世界虛空法界等一切世界塵處皆亦如是。施於一刹。那即遍如是法界世界行此施行。如是念念盡前後際。一切諸劫一切刹那皆亦如是。此一菩薩以滿法界身備起如是無邊大施。仍有純雜門別。若約純以施眼門者。即見如上一切處一切時一切物一切田唯施於眼畢竟不見所餘諸門。何以故。餘門不觀如虛空故。即此一門遍法界故不見施眼之初際。亦不見施眼之後際。以無始終故。餘門亦爾。隨其純雜皆悉不同。可推思之。二若諸衆生下明對田成施。三作如是念下顯施所爲中有八句。有人解云。此攝取佛果三堅是迴向菩提。今謂此文猶辨菩薩攝取。稱法界之依正。在此堅固善根門內。令具勝行之緣。更得成稱法界之行。勝人是國中。眷屬是已眷屬。餘文可見。第二廣顯行相中有二。初別顯向前七十門大施之行別明迴向。後此摩訶薩以如是等下總結所爲大喜迴向。前中七十門有開有合。至文當辨。初施食內二。先明自施心離過。後以此慧施下正明。以此施食善根迴向衆生。但以法食者。依阿含經。出世間食有五種。一禪悅食。二願食。三念食。四解脫食。五法喜食。永離搗食者。阿含世間食有四種。謂段思觸識爲化衆生。現受搗食者令衆生成化身佛。攝論云。爲生施主善

但如來食時諸天爲受施諸衆生令得成佛。故示現以手觸食。施食獲五果。經言得常命色力安無礙辯。又瑜伽云。施飲食能感大力。問若貧無多食。願有得成大施行不答有。如大乘方便經上卷云。若生貧窮家是菩薩乃至乞食若得一揣食持用施僧。若施一人不以爲愧。應作是念。如佛所說。心增廣大勝以財施。我財施雖少以一切智心願是善根成一切智令諸衆生悉得寶手。猶如如來以是緣故具足施或禪定。禪處。是名菩薩行。於方便施飲中。迴向內得淨法愛。是法喜食。法身柔滿是解脫食。三昧調心是禪悅食。施味中。先舉所施。二善根迴向於中得上味相。甘露充滿者是佛三十二相中上味相也。經云。如來大牙復有甘露泉。但食入口悉爲甘露。下諸迴向中悉以事同法。相似相類而成迴向。三是爲下結名。施乘是令得代步喜。施衣令得蔽形喜。瑜伽施衣服能感妙色。又若能新作衣成持用供佛有二種。一暫獻便取得無量福。二作時分施亦得大福。如今日午時以衣施佛直至明日午時。若中間取即是取佛物。至期限滿取即無失有福。施華令得供養喜。又華令人喜。施自身者。如智論第十三達維摩菩薩施外道有諸天遣自施福勝外道無量。如彼具說。嚴嚴飾喜有二種。一貫華作環置於頭上。二以線穿華絡於身上。西國尚此也。施端正報。香亦供養戒德氣。故同香也。塗香亦嚴身。床座

●校二交● ●肉二完● ●爪二爪● ●諸一教● ●者二君● ●顯二現● ●(轉)十更● ●顯二佛● ●經言二謂● ●顯二顯● ●● 戲二弊●

令安穩喜。上是初十也。施住處及房舍。亦令安穩喜。施燈明令。破闇喜。近令得好色報。遠令衆生得佛慧光。施佛施諸燈明。能破淨明。又燃燈功德經中。燒燈供養大滅罪生。福令發願言。願能以大海爲油。須彌爲炷。燃火。燈明。遍佛刹海。供養無休。又願以法性爲油。大智爲炷。燃火悲爲燈。普照世間。故經云。淨信心爲炷。慈悲爲香油。正念爲寶器。燃彼照世燈。施湯藥令除病苦。白。近得無病。如薄俱羅比丘五不死等。遠得藥樹王身。又如藥王子。手觸疾病無不皆愈。死後取其燒處灰土。亦能除疾。身疾既除。心病亦遣。施器令得盛貯喜。施車令得運載喜。亦是代步。施伽施重乘。能感快樂。於中有三。先列五種福田。天列十種寶車。後隨田成施以善迴向。此中施五田卽爲五段。初施佛及塔有二種流類迴向。一約用相似迴向如文。令衆生乃至云得諸如來無礙解脫。一切種智等。二約所施物相似迴向令衆生攝取大乘等。餘文中亦有約施心迴向。謂歡喜心施亦卽隨發迴向等。竝通准之。二施菩薩及善知識迴向。三施佛大衆僧寶迴向。四施聲聞緣覺迴向。五施一切福田迴向。菩薩十種道者十度行乘。又十地道也。四輪義略作三。門。初辨相者。一住正國輪。莊嚴論第六云。有四種不放逸輪。一者勝土輪。土勝有五因緣。一易求。謂四事俱身不難得故。三善護。謂國王如法。惡人盜賊不得住故。三善地。謂處所

調和無疫癘故。四善伴。謂同戒同見爲伴侶故。五善寂。謂晝日無喧。夜絕聲故。二者善人輪。善人亦具五因緣。一多聞成就。阿含故。二見諦得聖果故。三巧說能分別法故。四憐愍不貪利故。五不退無疲倦故。三者自正輪。亦具五因緣。一善緣妙法爲緣故。二善聚福智具足故。三善修止觀諸行相應時修故。四善說無求利故。五善出所有上法恭敬修故。四者先福輪。先福亦具五因緣。一可樂由住勝。士爲因故。二無難由值善人爲因。三無病。四三昧。五智慧。此三以自正輪爲因。第二除難者。依成實論。四輪除八難。住正國輪。彼論名住善處輪。謂生中國除五難。謂三塗。北洲。長壽天。依正。上輪彼名依善人。謂值佛世。除佛前佛後難。平等願輪。彼名自發正願。謂正見。除世智辯聰難。本功德輪。彼名宿植善根。除生盲聾瘡癰。前五惡處難。第六是惡時難。第七是惡因難。第八是惡果難。第三成德者。四中。初二。是外緣。後二。是內因。謂顯是智因。德是福因。菩薩無邊淨行皆賴此因緣。而德成滿。上通約三乘教辨。又正國眞如法性土也。正土般若正觀也。功德施等五度行也。本願菩薩十種大願也。此約終教辨。又正國卽十佛國土海。正土卽十佛正報。功德卽性起功德。願卽普賢願海。此約圓教。同一無盡大法界緣起故也。象馬別施合以迴向。施床座中。前所施是泥師床座。今此是聖王所坐之座。故不同也。三種世間所不能壞者。辨法師

釋。地前願樂世間。初地至七名功用世間。八地至等覺無功用世間。令得佛殊勝座。因位三種無常世間所不能壞。衍師云。是三災不壞。今釋以應是不爲過。未等三世之所遷壞。三相亦得。以是稱法性之座故。經云諸法空爲座。第二十施蓋中。如寶積所持如來合蓋遍覆三千。明攝化境也。又菩薩本行經佛在憍卑羅國涉熱而行。有牧羊人卽以淨心編草作蓋覆佛隨行。佛便微笑。阿難問故。佛言此人草蓋覆我。十三劫中不墮地獄。天上人間生便輒有七寶之蓋。隨而覆上。後得出家成辟支佛也。幢幡合施。亦可。是幢上懸幡俱施。百緣經佛出世時有長者子名波多迦。生已室中有一大幡遍覆城上。隨行覆之。值佛出家得阿羅漢。阿難問故。佛答昔毘婆尸佛滅後起七寶塔。時有一人於塔設會。作一長幡懸著塔上。發願而去。九十一劫不墮惡道。隨所生處。幡常覆上。今得見我。開寶藏施中令得十六智寶者。依小乘八忍八智爲十六。辨師云。地前光得等四定。地上大乘光明等四定。各有自分勝進爲十六。依此發智爲十六智寶。以下釋云。三昧正受究竟增廣智慧之寶。又有人釋。佛地四智。智各有四爲十六。以果位自在互得融通。施莊嚴具中。百福具好者。依涅槃菩薩修身。不殺戒十善有五福心。謂下中上上上上上。乃至正見亦復如是。是五十心名。初發心具足。終成有五十心。如是百心名。百福具足。以此

●明二眼● ●燈明二明燈● ●爲一● ●施十(三世)● ●士二士● ●士二士● ●人十(輪)● ●植二植● ●瘡二瘡● ●木二平等● ●別二二● ●車二車●

百福共成二好。故云百福具好而自莊嚴。又依瑜伽決擇中。百福行者謂離十不善業道。小分離殺生。乃至小分離邪見。是初十行。多分離殺生。乃至多分離邪見。名第二十行。若全離殺生。乃至全離邪見。名第三十行。若小時離殺生。乃至小時離邪見。名第四十行。若多時離殺生。乃至多時離邪見。名第五十行。若盡壽離殺生。乃至盡壽離邪見。名第六十行。若自離殺生。乃至自離邪見。名第七十行。若勸他不殺生。乃至勸他不邪見。名第八十行。若稱揚讚述不殺生。乃至讚述不邪見。名第九十行。若見離殺生。乃至見離邪見。若慶悅大喜。名第十行。又依肇法師法華疏中。十善爲本。一善以九善莊嚴。名爲百福。不知出何聖教。施冠珠中。以施惠心。令更成勝進大施。故云向增上。因此施念。令慧深見。施中正理。故云修慧。又因施作意。令成捨根。謂究竟大捨也。因施作意。令慧廣覺。餘一切行迴向中。令得無見頂相者。是佛三十二相中。無見頂相。表佛勝出更無過故也。摩尼寶冠者。如文殊師利頭上天冠。是毘楞伽寶所成。首楞三昧所起。於中常現無量佛刹及諸佛身。救獄囚苦。如大悲菩薩等者。此等菩薩。主當此門。於一切處。一切時常行此。餘下諸門。所引菩薩。皆亦如是。身代死囚者。是捨身命比前財施極超過。如菩薩本行經中。過去有五百長者子。各出珍寶象馬車乘衣被飲食。隨之悉與。有一貧人見而問言。汝等施福求何等願。答

欲求佛道。又問何謂佛道。答中廣歎佛德。貧人聞已自念。我今欲習學此願廣度一切。加復貧窮無財行施。當持己身而用惠施。念已索蜜塗身。臥於塚間。我今以身施與一切。若須血肉。皮頭目髓腦悉以與之。持是功德。用求佛道。廣度一切。作是願已。應時三千大千世界而大震動。諸天惶惶。帝釋天眼見。於菩薩臥在塚間。以身布施。下來欲試。化作衆狗鳥獸。來就欲食。菩薩見有欲來噉身。心便歡喜。無有退轉。傾動之意。天帝復形讚問所求。爲求輪王帝釋梵王。答言不爾。唯求佛道。廣度衆生。帝釋諸天同讚。善哉。諸菩薩言。汝此勇猛過彼五百菩薩。所施百千億倍。不可計倍。當先作佛。時貧人者。今我是五百長者子。今此彌勒五百菩薩。是我以精進勇猛之力。故超諸菩薩所作功德。而先成佛。施連膚頂髮及髻明珠者。有二事。一割剝頭皮連髮而施。二依西國貴種。皆初生時。刀開頂皮內。一神珠封藥。著已珠在皮內。今有人乞執刀開施梵言周羅此云頂髻。第三十施眼中。依瑜伽四十九。菩薩內施有二。一總求菩薩身。以身施而作。僕使有三意。一爲速證菩提。二爲衆生利益安樂。三爲布施波羅蜜多速圓滿故。二別求眼手足頭目支節血肉筋骨乃至髓者。隨其所欲。一切施與。又智論十四舍利弗六十劫行菩薩道。欲度施河。逢乞眼退不到彼岸。迴向內令衆生得十種眼。又如與他貫計衣道。並是施眼之用。

亦應如是迴向。後漸能總捨。施耳鼻用亦準應同。而門者。有人解是口。光統云。鼻下當柱爲面門。豈以施鼻得口端正。施牙齒中。象王者。如十輪經說。又智論第十四云。如象王施牙。是法身菩薩。又引法身菩薩變身作象與彌猴及象爲親友。存仁敬以化人獸等。施舌中亦有施用。施頭中。菩薩本行經月光王欲捨頭與婆羅門。諸臣諫王。王身是我等一切人共有。如一妙寶。衆人共有。豈得一人獨自用耶。王語婆羅門。汝何不屏處索。汝今少去。我安慰臣。語臣言。此於我有宿怨。今若不償。更何時還。後去。臣喚婆羅門。汝於林中待我。後至今。彼斷取其頭。遂以王髮繫樹。下刀斫之。誤斷樹枝。婆羅門謂已斬竟。即生歡喜。以諸天力。不令見王身首等。樹神呵噴婆羅門。婆羅門謂真斷頭。惡心得解。即便還去。手與足合。施問若菩薩施身支節等。爲一切所求皆施。爲有不施時。答瑜伽三十九云。若諸菩薩於所行施。意樂清淨。見有無量利衆生事。正現在前。設有來求自身支節。不應施與。彼菩薩爲令於施意樂得清淨故。須捨現前利衆生事。而施身分。若魔天衆并魔所使衆生來乞菩薩身分支節。不應施與。其魔惡心。恐彼當獲上品罪故。有癡狂人來求菩薩身分支節。不應施與。由彼不住自性心故。不爲義利而乞求。故其心狂亂。不自在故。空有種種浮妄言說。是故不應施身分。除上所說來求菩薩

①表二標 ②乏二乞 ③(皮)一 ④二二拾 ⑤勸十(等) ⑥(力)一 ⑦(云)一 ⑧二二笑 ⑨四二二 ⑩(以身)一 ⑪計衣二針示 ⑫(云)十引 ⑬象二鼻 ⑭象二腹 ⑮少二小 ⑯後去二去後 ⑰(全)十等

地三淨勝意樂地四行正行地五決定地六決定行地七到究竟地初二地前次一最初地次一從二地至第七次一第八地次一第九地未後是第十地及佛地合說以因果俱究竟四依瓔珞本業等亦有七位。一信二十住三十行四十迴向五十地六等覺七妙覺。歎佛出世是法施如上善莊嚴童子讚佛偈聲普遍世界又如悲華中釋迦往作大悲菩薩行遍諸國大聲教言如來出世如來出世爲甚難遇等施大地中如來及塔菩薩知識并父母等是恩田亦敬田。聖僧二乘是德田亦敬田。餘乞者是貧人等是悲田亦苦田此等皆能生福故名福田。從喻爲名又有四句自有是敬非悲如佛等自有是悲非敬如貧苦衆生等自有亦悲亦敬如貧病羅漢等自有非悲非敬除上所餘等智論十四云若憐愍施謂於貧窮下賤賊及諸畜生二恭敬施謂於佛及法身菩薩等三憐愍恭敬施謂於老病貧窮阿羅漢辟支等問恭敬二田何者爲勝答有三義一若就約境救彼現苦約心增大悲行爲利他行本卽悲田爲勝是故像法決疑經中乃至施佛菩薩聲聞衆生不如人施畜生一口飲食等二若就約境恩深德厚約心領法增智爲自利行源卽敬田爲勝是故校量功德經中施畜生得百倍等校量又甚希有經以七寶等供滿四州施四果聖人及滅度後起極廣塔不如造麴麥等佛塔功德乃至算數譬喻非比等又大品中天

一七三三 華嚴經探玄記卷第八

帝云我非不欲供舍利但舍利從般若
中出是故寧供養般若也。三若約二利齊
均悲智雙舉。即二田平等。如淨名云。一分
施難勝如來。一分施最下乞人。猶如如來
福田之想無所分別等。于大悲此之謂也。
問等是敬中如父母恩田與聖僧德田勝劣
云何。答如校量經乃至云供養百羅漢不
及供養一生身父母。又阿含經中供養父
母功德其供養一生補處菩薩功德齊等。
問等是恩田。師僧與父母勝劣云何。答舍利
弗問經在家人父母恩大。師僧恩次。出家人
師僧恩大。父母恩次。以師於在家教授力
劣。出家反此。又以師僧生有法身法身
累劫無盡。父母生育生身恩及七世。問等
是德田。供養別衆勝劣云何。答如梵網經
別請五百羅漢不如僧次一凡夫僧。問施
有三事。一田。二物。三心。此三勝劣云何。答
有四句。一自有田劣心等勝。如闍昵吒王
禮讚尼乾。子塔塔遂崩倒。二田勝心物
劣。童子施土於佛鉢中。就爾故心輕。由田
勝故得作鐵輪王。三田心勝而物劣。如智
論第九中老婢以紺澱奉佛得十五反受人
天福後得時支。淫繫有人疑佛以妄語
佛以舌覆面而決彼疑云。引尼狗子小生
樹大等。四三事俱勝。如龍女獻寶珠速成
佛等。今此中菩薩與施心悲智齊於虛空
辨施物事種窮平法界。舉施田凡舉盡於
十方。是故此中三事性盡深無底。三事殊特
勝無比。三事廣大遍無崖。三事相融俱無

礙。又俱舍論問施支提塔此中無能受用
云何成福。答福業有二種。一棄捨爲類。若
由捨物此福業得生。二受用爲類。若由受
用所捨物此福業生。若施支提有捨類福
無受用類福。類是因義。問若不受用云何
有福。答若福要由利他得成。福者修慈
三昧及正見等。應皆無福。如慈等心觀中。
雖無能受用及利益他。有無量福生。從自
心起。今此文中。前施佛造殿堂受用生福。
後施塔是棄捨生福。舍利者正音名。設利
羅。此云身謂是如來或全身或碎身。塔者正
音名。窣堵波。訛名。偷婆。更訛單名。塔也。此
翻爲歸宗之所也。依長阿含經四人應起
塔。一佛。二辟支。三聲聞。四輪王。真諦三藏
引十二因緣經八人應起塔。一如來。露盤
八重已上。是佛塔。二菩薩七盤。三緣覺六盤。
四羅漢五盤。五那含四盤。六斯陀含三盤。七
須陀洹二盤。八輪王一盤。若見不得禮以
非聖塔故。又依僧祇律有凡僧亦起塔。
謂持律法師營事比丘德望比丘應起塔。既
非聖人總無露盤。仍令在屏處。若違結罪。
準此等文。今方有爲師造塔廣起露盤。非
直現人得罪。亦乃累彼先亡。深可悲矣。又
汎論造塔有六意。一爲表人勝。二爲令
他生淨信。三令標心有在。四令供養生
福。五爲報恩行畢。六生福滅罪。問如造
佛塔得幾福。答有二。一近得梵福。依俱舍
中得梵福有七種。一此地未造支提於
中而作。二立僧伽藍。三僧已散能和。四修四

無量。五代父母佛命。六自出家教人出
家。七建立法幢。若人於上七業中隨作一
業。如梵光行天受喜樂報。一劫。其梵福量
者。用諸衆生共業感一三千大千世界業爲
一梵福之量。二遠盡苦際。得脫生死。死
故無上依經供佛舍利芥子等悉得究竟
脫生死苦。大悲經亦同。施僮使令其代勞。
又捨自身爲彼給使。是爲第六十門也。
是同事攝也。是以自身作蓋作蔭。覆障如
來成孝供養。又身施衆生爲奴僕。是躬
代勞苦。又以己身奉給諸佛爲報恩行
等施。國土及王位者。問如有惡人乞此王
位欲惱害衆生豈得施與。答菩薩見此亦
不施與。如瑜伽四十九。若有上品逼惱衆
生行暴惡業來求王位終不施與。施殿師
大城者。前通施國土。此文別施王所都處。
大城自居異餘小城故也。實女即爲侍人。
非是二物合施。問此實女等爲是化作爲
是實報。答是實報。經云皆是菩薩淨業果報
而用布施。又下法界品中皆是往昔同善根願
如妙德女等。故云若能審納我甘心受此苦。
又如寶華女等。是故施之皆不生惱。問瑜
伽云。若有衆生來求種種能引戲樂。能引
無義所施之物不應施與。今此實女既生
彼貪染云何施與。答此中有三義故。是故施
之。一菩薩觀彼有益無染方乃施與。若有
染過則不施之。二此女既實是菩薩同行眷
屬。是故不令前人生爲施貪染。三此女能以
法門有利。益彼是故施之。若反上三義則

①般二波②* ③反二返④ ⑤別衆二衆別⑥ ⑦子一⑧ ⑨倒十(等)⑩ ⑪劣十(如)⑫ ⑬紺二紺⑭ ⑮淫繫二佛⑯ ⑰(以)一⑱ ⑲與
二與⑳ ㉑慈十(心)㉒ ㉓等心二心等㉔ ㉕佛二死㉖ ㉗死十(苦)㉘ ㉙利十(如)㉚ ㉛(是爲第六十門也)㉜ ㉝養十(是爲
第六十門也)㉞ ㉟己二自㊱ ㊲施二說㊳ ㊴實二實㊵ ㊶施二於㊷

不應施。攝論中。有利益有染污。無利益無染污。有染污無利益。此三菩薩不行。有利無染污。菩薩乃行。瑜伽約前三。此文據後一故不相違也。施妻妾男女此亦合論。如須達尊者此云善愛或云好愛。如太子經具說施妻子等。現莊嚴王。者即大王莊嚴經中說施妻子等。又菩薩本緣經中一切施王子施王子大戰。象與怨國人。王臣同瞋。王子於雪山。山中施二子已。天帝化來。從乞。妻得還寄。王子。後更乞。眼。王子欲排。乞者止之。且還寄。汝。我須。即取。汝更不得。施人。王子言。我今何得受。兩物寄。廣如彼說。問此中所施妻子等。為是實報。為是化作。又彼乞者。為是實。為是化。答此有三義。一約上品。俱實而施。如一切施王施兒與婆羅門。婆羅門。鞭打將去。至一樹下。更欲打之。樹神手捉婆羅門。婆羅門即倒。神欲斷彼命。奪王子送還。王子告神。請勿害之。我若再還令。我父王檀行不足。即為不孝之子。神遂放之。解云。准此妻兒亦是同修。菩薩行入。尚須自捨身命。豈有辭苦而退。二約中品。互有實化。亦行布施。如賢愚經。佛昔為王。有毘沙門作夜叉。又語從王索妻子食。食訖為說偈云。一切行無常。生者皆有苦。五陰空無相。無有我。我所說此偈已復。本形。妻子猶存。此則妻子是實。乞者是化。淨名經中多是住。不思議解脫菩薩。為調練餘小菩薩。增其行位。故作此乞人。欲破此菩薩妻子愛。盡。是故

對前示現食之。又。攝論中。毘陀王捨兒與婆羅門。是逼惱他事。此兒是化作。是故無惱。解云。此乞者是實兒。是化也。以菩薩方便。薄婆羅門。顯令怨心盡。故作是化也。又如菩薩化為女色。施貪愛者。調令離欲等。三約下品。俱實不施。瑜伽三十九菩薩於自妻子奴婢。使親戚眷屬。若不先以正言曉喻。令其歡喜。終不強逼。令其愛惱。施來求者。雖復先以怨言。曉喻。令其歡喜。生樂欲心。而不施。與怨家惡友。藥。又羅刹凶暴業者。不以妻子形容。軟弱。族姓男女。施來求者。令作奴婢。解云。此據軟根初心。說也。又若兩俱是化。則互無義利。故無此句也。施家宅。令眾得住。處喜。施園林。令得遊歡喜。設大施會。若無遮大會。種種皆施。謂不限物。不局時。不遮眾。無前後等。施一切故也。如下香牙。圍處。設大會等。梵名般遮于瑟。此云。無遮大會也。施一切資生具者。是第七十門也。以別說諸門。不可盡故。是故末後總就一切資生之具。而成大施。上來隨大門有七十。若更細論。所施物中。種類不同。依光統師。有一百二十。次廣有八萬四千。何者。謂百二十事中。皆有十善業。而行施。故成一千二百。以七施法。乘之。成八千四百。一一行中。具十種。迴向。故成八萬四千。施行之門。七施法者。隨相有六。入理復一。即為七也。隨相六者。心有三種。即三時喜等。事有三種。即施者受者及財物等。入理有。二。謂照三事。空寂之理。又釋以七聖

財乘之亦得。如一施行。有八萬四千。餘一行。皆亦如是。若散說。行相無量。不可說。第二大段。此摩訶薩。以如是下總結。所為。生喜。迴向。於中有四。初結行所為。二有來求者。下顯行成。無失。三菩薩爾時。下度行。無失。而生大喜。四摩訶薩。善根下。以所成喜行。用將迴向。初中二。先約行結意。二以大悲。下約心顯意。瑜伽三十九。又諸菩薩。於諸有怨。以慈意樂。而行慧施。於諸有苦。以悲意樂。而行慧施。於諸有德。以喜意樂。而行慧施。於諸有恩。親善同意。以捨意樂。而行慧施。當知。亦名菩薩。巧慧。而行布施。建立如來論者。上云。受持諸佛本行。顯現諸佛。本行。如行能說。故云。立論。由立此論。令生不斷佛善也。下顯行成。無失。中二。初明三事成行。無失。於中初明。稱乞者。意離乖。意失。二施心。無悔離。離念失。三捨一切等。明施物。廣多。離。既乏失。二於諸眾。生下重釋。成。初釋。上施心。視如一子。悲心深也。是我善知。荷其恩也。由初心。故長養大悲。由後心。故長喜心。俱由上二心。令悲喜不壞。依此悲喜。廣行大施心也。下釋。上以物豐。遂求稱意。欣悅。問何菩薩。見乞生喜。於財無染。答以施行。熟故。施障盡故。何者。施障。瑜伽三十九云。又諸菩薩。於施障及對治。如實了知。施障有四。一先未串習。二施物。尠闕。三耽著上妙物。四欣樂當來具足財果。一若諸菩薩。現有種種可施財物。乞者現前。而施心不發。即以正慧。知我於施先

○(者)一○ ○(子)一○ ○妻二妾○ ○緣二親○ ○五二牙○ ○(云)一○ ○二二一○ ○長十(養)○ ○問十(云)○

未串習過失。決定知我先世於施未曾串習。致今有財乞者現前而施心不發。若今世不強施者。復來世定背施行。是故菩薩力勵思擇而行慧施。二乞者現前。由財物少施心不發。以正慧通達。或由我宿業有過失故。或由現在繫屬他故。令我現受飢渴等苦。不能發一切衆生。設令行施乃至殫殫猶爲最勝。況有菜葉可以活命。是故忍苦而行慧施。三乞者現前。由可施物妙施心不發。即以正慧通達。是我耽著過失。我今於苦妄生樂想。由此顛倒生當來苦。是故菩薩勵力行施。四若菩薩施已欣樂當來大財利果。不求無上正等菩提。即以正慧通達。是邪果見過失。觀彼諸行皆念念滅。所受用果速疾滅盡速疾離散。是故滅彼樂邪果見施行。迴向無上菩提。問准此經中諸大菩薩財寶無盡。悲心復廣。如何世間猶有貧苦衆生類耶。答依攝論偈云。見業障礙善。厭現及惡憎害他。彼衆生不感菩薩施。此有五義。一菩薩見衆生貧不作惡業。富即作惡業。二衆生貧。即修福富即障善。三衆生貧即厭生死。心現前富即不厭。四衆生貧即惡善富即憎惡他人。五衆生貧即不能害衆生命。富即損害他生命。菩薩由見此五種義。令衆生百千萬劫常貧窮不作惡業。染著生死。不令衆生於一利那富放逸作惡墮四惡趣。是故瑜伽中於諸有情有安樂無利益菩薩亦不作。第三慶喜文二。初勝喜資神。丈夫行論中菩薩

喜樂過於世間及彼二乘涅槃之樂。此中但望世間超過。後摩訶薩下因喜增心。五句可知。第四善根迴向中有十句五對。一令離苦因果。二令得樂因果。上二對各先因後果。三境心。四心行。五分滿上來廣顯行相。即衆生善提迴向竟。自下第三明行極契。眞即實際迴向。又前明行廣大此下彰行甚深。於中有二。初顯行心無念總明迴向而無縛著。二摩訶薩下明於境無染別顯迴向而無縛著。前中以此迴向時。前行於身等不縛著總明能迴向。三業無念而成迴向。下別顯無念之相。於中二。初明無我等法想。後明無業報等念。前中初九句明無我想。禪頭者古人云。此名見一切生有形有體。今更問三藏法師云。此翻名生者。二無有想下十句五對明無法想。一離有無法想。二離三世流轉法想。三離常無常想。四離三界非界想。五亦離想離無想。上明能緣自體無想。下明能緣業用無念。謂不爲想念所縛。名無縛著。遊空無礙而成迴向。故云無縛無著解脫心迴向。於中思及思報約意業。因業及業報約身語業。又業約似業。思約業體。如是無心無無心而作。如前大施迴向。自下明於境無染別明迴向。於中四。初別明無著。二摩訶薩若於下別明無縛。三若於此法而不縛下別明解脫心。四摩訶薩以此一切善根下別明迴向。初中如是迴向時者將欲別釋。如前所作大迴向時。常無緣念。是故今更重總牒之。下別顯無

著於中內是六根外是六塵。緣是能緣境是所緣。餘可知。二無縛中先牒前。無著者依前起後也。謂心染於境名爲著。境纏心爲縛。楞伽云。心縛於境界。覺想智隨轉此之謂也。由貪著境深。是故心被境縛。不得自在。今皆無也。於五蘊上各有三義。一不縛色者是總顯無縛。不縛色取者別約。凡夫執取五蘊。不縛色滅者別約。聖人無取五蘊。又不縛不取者不縛有也。不縛滅者不縛無也。俱無執著不爲所縛。下明解脫心。於中三。初標謂牒前起後。於此法者於上五蘊有無法也。由本了彼法本自無縛。性本解脫非今始脫。故云亦無有脫。次微下釋。先別釋於前。有法之中性脫所由。謂此有法即無生滅等故性自脫也。後菩薩如是見法下別釋於前。無法之中性脫所由。見法則非法言語斷。故牒前有法即性自無。非法爲法者起後於無而亦性離。以不住無故不礙有也。前則有不有故於有解脫。此則無不礙於無解脫。由不壞業故具修。行不滯空故不同。二乘是故不退求一切智。餘句可見。四別釋迴向。先總謂向種種智。以化衆生下別顯。先問起後答顯有十句。皆是教化衆生。成此等事故名迴向。可知。上來實際迴向竟。總是大段第二依身起行竟。自下第三辨行所成益。於中有二。初二順成迴時順同因果益。句別有九。初二順同佛實法實。次二同。因智果智。次二同。隨事心境。謂義是境義。次二同。入理心境。後一

①復十(於)②力勵二勵力③在二世④能十(德)⑤修二致⑥(云)一⑦即二有⑧以此二如是⑨(向)一⑩等法二法等⑪非十(三)⑫(業)一⑬似二假⑭(無)一⑮(不)一⑯說二解⑰故十(者)⑱遇十(向)⑳

順同清淨法界二百下明迴向已後令自他入法益。於中亦九句。初句利他益。餘八自行益。謂稱法而了故無違失。又不捨真空不違緣有。空有無礙故云。法力具足也。佛子下結名。上來位行竟。自下第二明當位所成果。句別有十。一外蒙佛護。二內得堅法。三上修佛智。四善解所證。五照達理性。六得堅固善。七滿足所願。八得行法順堅。不可壞。九得堅固願。十於法自在。又此十種望前行益配釋可知。第二大段偈頌中。二先序說偈因緣後正顯偈。前中承佛力明起說所依。下辨依力所成。有十句。一觀十方顯于方同說。二觀大衆明說所被。三觀法界明說義。四深入等顯能說之教。五修無量等顯起說之心。六覺悟等明開覺說智。七入佛功德明得佛說。得。八速得等明得佛說身。九分別等明了根應時。十隨順法身等明依真起應應起順真。是故即說而常不說。正偈頌中。四句成頌有。四十一偈。但頌位行不頌位果。於中分三。初五偈頌上行所依身。二菩薩具行布施下有三十偈。半頌上依身所起之行。後隨順思惟下五偈。半頌上行所成益。就第二所起行中。初十九偈頌上略標行事及廣辨行相。即是迴向衆生及菩提。於七十門施巧。略不盡說。菩薩觀察一切法下十一偈。半頌上行極契真。即實際迴向。於中初二偈頌上總明無念迴向。次心不分別下七偈。半別頌上於有不著而性自解脫。後菩薩雖復推求下二偈

別頌。上於無不住而自解脫。餘文可見。第七等心隨順一切衆生迴向。於長行內亦二。初位行後位果。初中亦三。謂標釋結。就釋中分三。初明舉所修行相。二摩訶薩離垢清淨菩提心下攝將迴向。三摩訶薩行如是迴向勝出下明迴所成益。初中二。初明所修善根。二摩訶薩行如是等下明因修成德。又釋前明行體後明行用。前中三十句。初十直說善體。次十約境以明善根。後十約十度行以明善根。光統云。初十行出自中。次十起從緣發。後十功成在已。初中增長三品善者有二義。一三品各別。各別增長令俱廣等。二於一善根始修熏識初成種種名增下品。從種生現令更增長名增中品。重熏成種名增上品。又釋起隨事行名增下品。令行入理增成增中品依理起行令稱理廣大。名增上品。無量等下皆是上品善中差別。四行德非一名。無量善。五各等法界名為廣善。六隨緣不同名種種善。七體深。莫測。八妙用難思。九數不可窮。十絕於際畔。下約境中。一因求佛境所生得善。二因求法境。三因學僧行。四因求善友。依上四境生智善根。五緣衆生為境生悲善根。六令悲智相導名方便境。七俱同契真名微妙境。八自利善名內。九化他善名外。十總結多門名無量功德各生善根故也。後十約十度行境所生善根。初六可知。七方便巧知衆生心器。八大願積集諸淨功德。九念力度業用十大智普彼下明第

二所成德。中乃至開解已者。騰前起後也。則能下正明所成。於中二。先明體德圓備後善能下明作業殊勝。初中二。先成自功德。有二。自利中。初忍。二善調等戒。三永離等慧。堪為等結。三行成法器。普為等是利他。後常為下成勝進德中。先由佛守護生善滿願。後由深樂佛心得等佛。二作業勝中。二。先上供佛業。謂供行順理。不求等離過也。二一切善根下明下救生業。於中二。初化他德備。二於生死中下成化他行具。於中三。初令出生死安善。提大智。二普示下令。捨塵染得大淨功德。三令一切衆生下總結所益。上來明所迴行竟。自下第二攝將迴向。於中四。初約菩提心收攝善根。二摩訶薩復作是念。如此善根若有果報。下以前善根迴成行具。謂令修行之時諸緣不闕。稱本期願而成大行。三以此善根念迴向。下以此依行所起善根迴向衆生。令得菩提。四修行如是迴向時不著業下明行極契真。行無所行迴無所迴。前則衆生菩提迴向。此則實際迴向。又前則以智從悲成。廣大迴向。後則以悲從智成。甚深迴向。初中先標舉大心所攝善根。作是念下顯所攝善根之相。於中十句。前五約心體起善。後五約心業用成善。前中。初一總。後四別。一自分始。二自分終。三勝進始。四勝進終。業用中。初一此心以大悲為本。慈物起善。次二為衆生故求佛果智。一始。二終。後二集起彼因。一行廣稱法界故。二行堅不退故。自

下第二迴前善根以成行具。於中先總舉要明。謂此善提心所攝善根若決定有果不虛者我當盡未來劫行菩薩行不捨衆生等。此有二意。一以此善根如我意願成益生果故。二以此善根所得依果令我修行攝衆生時緣無所闕。是故我能盡未來際修菩薩行。此文取後意。二令無數世界下別顯所成行具。於中二。初迴成資財施行。二復次下令成生財施行。問何不迴向令成餘行而亦成此慧施行耶。答此中菩薩爲益衆生行菩薩行。由此施行具有三義。一財等現益令得離苦。二因施攝令入法成行。三以所生善迴施衆生。餘行不具故唯此也。初資財施中有四。一資財廣有十一事故。二明乞者廣一切衆生故。三明施心廣四施時廣盡未來故。就施心中有一。初於怨不簡名平等心。二於親不著名無偏心。三不爲世名。四情樂非強故名無憊。五施已稱慶故無中悔。六注想菩提。七不雜無明故云清淨。八情無異念故云一向。九大悲現前。十調離有爲。十一住入無爲。第二生財施中三。初財廣亦有十事。婆羅門王者三藏說。正音具云婆羅訶此名雲馬。謂遊行空雲迅疾無礙。因以爲名。又云大海內有一洲名跋陀羅。此馬常居其中。每恒出聲云。誰欲出海。我當送之。此應是龍馬。然有慈心或菩薩所化也。二修習下約時處對人明施行廣大。三摩訶薩復作是念下明施心純淨有十四種心。一

不著施因。二不求施果。三遊空離繫。四寬遍善被。五與理相應。上五是入理心。六巧施攝生。七等施無偏。八不計身命。九極結已破名善調心。十定心利物。十一於生不惱。上六是攝生心。後三是求果心。十二求果不捨名安住等。十三觀解照法。十四趣入佛果。又前五離有爲心。次六攝衆生心。後三求佛果心。又前五護煩惱。次六護二乘狹心。後三護二乘小心。又前五直心。次六大悲心。後三是深心。上來迴成行具竟。第三迴向衆生令得菩提。此即是捨施。智論十四云。有二種。一世間人。能捨財不能捨。二出世間人能捨財能捨施也。此中文長分齊難見。但一一句各是一行。亦不可別分。今且依遠法師分爲二分。初明慈心迴向。二如是菩薩憐愍已下明悲心迴向。前中總有一百十。八句分二。初八十句迴向衆生令修因趣果。二令衆生諸諸佛所開法下三十。八句迴向衆生令因圓果滿。又可前明自分後明勝進。前中有六。初令修善趣賢首位行。二令得不可壞正直之心下令成種種性位中修行。三令具足菩薩無量清淨下令成解行位中修行。四令成就清淨平等施下令十地位中修十度等行。五令修平等行具諸善下令於等覺位中修行。六令顯現一切嚴淨下令成佛果行。第二勝進行因圓果滿中有四。一令衆生於種種性位。二令於諸法中得離虛妄下令解行位中因行圓滿。三令悉得菩薩不退下令

十地位中因行圓滿。四令得薩婆若成等下明成佛果滿。上來慈心迴向竟。第二悲心迴向中有三。初令離惡業而成苦行。二令衆生安住下令離喧得靜成平等心行。三以如是等下總結迴向利益之相可知。上來廣大迴向竟。自下第四明甚深迴向。即實際迴向也。於中二。初明會事同理迴向。無迴後摩訶薩如是迴時作如是下明依理起事無迴作迴。又初即離有後即離無。又初是自行同如。後則令他亦同。又初正是實際迴向。後是迴向所爲。前中修行如是迴向時者。牒前廣大。下顯甚深。有十句五對。一約已業報因果一對。二約自正報身財一對。三約依報方處一對。四約所化衆生有無一對。五約所迴行法總別一對。皆云不著者無分別也。皆云迴向者明上廣大迴向之時。常如此不著而恒作。彼迴向行事故亦不無彼迴向矣。下明修迴所爲。如是迴時者。牒前甚深之迴。下顯所爲有五句。初二句標次二句釋。後一辨位。初中一佛智是菩提。二淨心是涅槃。三釋初句。四釋心淨。佛家是位。上來明迴向行竟。自下大段第三明迴向益。即是此行所成廣大之德。於中有四。一成因德廣大。二摩訶薩修行時成就下明成果德清淨。三摩訶薩如是行迴不違下明成會違自在德。四摩訶薩得平等業下明得達盡平等德。又初一是現成德。第二是當成德。此二因果一對。三是會相。四是得實。此二攝法一對。初中十句。初二總歎顯勝。下八

別顯勝相。一行廣勝。二以少下普見勝。三悉得下持辯勝。四於念念下現生勝。五又於念念下嚴土勝。六令不可說下益生勝。七得無礙下開法勝。八住無所有下神足勝。準此德用。若非圓教諸位相攝。何容地前得有如是無礙德耶。白下第二明有成果之德。於中三。先牒現況當二懸辨當相三舉當結現。初牒現況當結前生後。謂結前因德尚爾無盡。況當成果位豈可量也。二所謂下懸辨當成果德之狀。句別有十。初六果相圓。後四果德滿。果相中。初二嚴土攝生淨。次二正報總別淨。謂根是眼等根也。下二是主伴圓。淨。謂業報是主淨也。後四是德滿中。初二行圓證極入法是證也。後二是願滿自在。皆言清淨者染無不盡也。平等者理無不證也。此等並是由此位中迴向力故令。此菩薩當成如是佛果之德。三摩訶薩下舉當結現。謂得淨法門是得體離染。莊嚴是德相圓備。此是現所得也。白下第三明會達自在。於中三十句為十五對分三。初七對明融緣起事令達相斯盡。次有一對理事互融俱無障礙。後七對會緣就實顯理融無達。此亦是顯法之漸次也。前中初此迴向行為淨佛利故云不達利為安生故亦不達。二令衆生依利起行利業不達。三業依心起王數不達。又思是業體熏本誠心故不達也。四業託境成思境不達。以是唯心所現之境故云心境。五業所感果則緣報不達。六業與業迹正助無達。遠公云。解

或等心起。業所依名為業迹。辯師云方便造作名業。根本業道名迹。今釋謂決定思是身口業所遊履處名為業迹。又釋初利那思為道引發第二利那思為業體。道即迹也。又釋思體為業。熏在本識成種子為業迹。又釋思為業。業有威諸道果報功能為業道。道即迹也。七法體與相能所不達。謂彼業等既有為。必具四相。上來有二不達。一由各緣起相資相順故離相達。二既各相依互無自性。自性無故其誰相達。次一約理事雙融以明無達。謂法生不達性者以緣生即無性故。性不達生者依無住本立一切法。又初不壞假名以說實相。後不動真際建立諸法。下七約理融明無達。謂利與衆生相隨似異。平等之理此彼不殊故無達也。餘句可知。白下第四得達盡平等。於中二。初十句明得不平等。由前達相盡故得此平等稱性之事。謂業報等十也。後得見佛下十句得成行位究竟。就可知。佛子下結名。

上來位行竟。白下第二明位果中有十六句。二二為一攝為八對。一斷染果。謂伏魔怨止惡緣也。拔欲刺斷惡因也。二入證果。謂無生道修證因也。到無二正證性也。謂理絕能所故無二也。智契彼法故云到也。三得無量下成益生果。謂道法救生神通化物。四常樂下寂用無礙果。五悉能下明行願廣大果。六分別下智通殊勝果。先智後通。七得無礙下明見聞自在果。八修諸下行修具足果。下結可知。第二偈頌中有二十一偈分三。初半頌上行相。中間諸偈頌上迴向。末後一偈頌上迴益。就頌迴向中三。初三偈頌上迴成行具。二以此下六偈頌上因行生善。迴向衆生令得菩提。三深入下十偈半頌上實際迴向。於中二。初三偈半頌上不舍業等自行同如。二菩薩觀察下七偈頌上令他入實。後一結歎益可知。第八如相迴向同理。善根是。如相稱理而迴名。如相迴向。此與上下何別者。謂前七明會事向理。此第八明事盡理現。是故行等俱是如相而迴向。後第九明從理起用。第十明用同體同體而用。故云法界迴向也。長行內亦二。初位行中亦三。標釋結釋中亦三。初舉行體。二摩訶薩以如是等善根迴向欲令下正將迴向。三摩訶薩如是迴向時下明迴所成德。初中先有三十句。舉差別善根。末後一句結成一觀。前中初十句顯所修善根。二慧眼十句明長養善根。令更增廣。三摩訶薩下十結歎善根差別具德。初中先二句明觀成入理善初句標下釋顯。謂離癡釋智。正念釋念。堅固釋安住。不退釋不動。此是正念成止。離癡成觀。止觀雙運無礙現前。故云成就等也。後得大乘下明隨事大行以集善根。有依八種心集善根。一依深心以起善根。先舉心能。謂心依理起故勇無畏。依此猛心起二善根。一廣多無盡。二稱理勝妙。三依白淨證起。同體大悲。即悲心也。四明直心正念諸佛。五迴向心稱理不轉。六依衆

①或二等 ②句二白 ③謂一 ④或二惑 ⑤師一 ⑥隨二 ⑦刺二判 ⑧如十之 ⑨十十句 ⑩證二法 ⑪即悲一

道心巧出堅善。七依正念心出一切善。八依巧慧心迴成利他。下明長養善根十句。初慧眼觀察善根之實。是故令此善根增長。此是長養善根所由。下明所長善根。於中初句總顯。下八別辨。一明善根分齊不同。故云分別等。二備德無缺。故云具足。三體離染過。四唯住菩提。不向凡小。故云一向五修治。使增。六修行所成。七思惟令廣。八稱實廣說。自下第三結歎差別。於中明此善根多能異德。故堪成迴向。十中一種種門者。通遊非一。一種種境者。所緣不同。種種相者。體狀區分。種種事者。緣成各異。種種分別者。分齊不雜。無量行者。施等多種。語言道者。此善根是無量言教所行處也。出生等者。依此善根能生多分別智。修行等者。諸善互嚴。悉能等者。俱趣佛果。下結成一觀顯其深中。謂雖有如是多門種種。然皆一味同於真性。故云無二。一切智境者。謂此同性之善。唯佛智能知。又釋此同性善堪成佛故。是彼境也。此則前諸門無差別之差別。故有多門。此即差別之無差別。故唯一味歸於佛果。上舉所迴善根行體竟。自下二用之迴向。於中有四。一因成自行以修迴向。二復次下因事起行復修迴向。三摩訶薩善根如是迴向。不著世下明。前一迴迴無迴相。前二是衆生善提迴向。此是實際迴向。四如法門下明。稱性純熟自在迴向。又初二是大迴向。次一是甚深迴向。後一是深廣迴向。以同如之善根成稱真之迴向。釋成如相也。

初中二。先以前善根迴成自行。後如爲已身下正向衆生前中。初迴成法身三業行。二得離礙下迴成嚴飾淨土行。前中三。初成身業行。二成口業行。三成意業行。意業行中三。初明依心成自行德。二任持下成利他德。三具足下一句總結所成。初中依七種心成七勝行。一依無礙心成清淨行。謂洞理無礙令行淨也。二依大施心成財施行。滿衆生意也。三依照法心成法施行。四依不壞心成求佛智堅行。五依菩薩心成照一切法行。六依念佛心成三昧行。七依正直心成離染行。下明利他行中句別亦七。初一成化行。謂攝機不失名在持。充滿一切是廣化也。而無休息是常化也。次二句明化行所依。一化同佛智故云安住也。二依定起用以。赴群機故云得深三昧。次二句明攝化處。一廣遊二遍住。次一句成化。他事故云化生不息也。後一句成化智。謂成方便慧也。下一句總結所成。謂具足成就。自他行慧深廣難測。故不思也。自下二明淨土行。先別顯有六對。初中離礙是體分別是用。謂離分別而分別也。二一念嚴土是用廣也。三於諸通慧是用所依。三入實法是用深。示現等是用廣。四一見一切是用無礙究竟等是用所依。謂持一切不令壞也。五以菩薩具嚴是德體。應現調生是用相。六一佛世界等是體廣。得究竟等是用持。下總結所嚴之土令衆生滿。謂本嚴土只爲攝生。迴向分別持智者是總結。上來迴向持刹之智。

也。上來成自行竟。爲欲迴向救衆生故。先辨自行爲本。方堪長劫攝衆生也。自下第二正迴向衆生。於中先舉自例。他結前生後。下正顯迴向有。二初迴令出障六句。初三出三障。謂一離報障。二離業障。三離煩惱障。後三成治行。初一對離煩惱。二對離業。三對離苦可知。下令成德。如大雲雨者有五義。一普潤故。二成潤故。三能出雨。四雨能滅塵炎。五雨能生卉木。迴向大願亦具五義可知。下別顯所成有九句。初二成行。一離過名淨。二生善名田。次二令入證。一入證方便。觀謂如來藏令不忘失。名護受持。二正證成就。故云住淨法界。次二令成德。一成心自在德。二令身自在德。後三成三善根。一無礙善。二無貪故名攝淨。三無瞋善。自下第二因事起行復修迴向。前已成自行迴向。今更成因事迴向。故云復次也。於中三。初因事起行。二摩訶薩如是迴向。下正將迴向。三如是摩訶薩下明迴所成益。初中二。先因見勝事。二巧隨起行有。三初明所成自行德。有法喻合。謂隨所見事。託彼成行。故云修巧方便等。既見可樂之事。即樂求實義等是也。二巧妙下明行勝用。三如善根等結行同體。二正向衆生中皆令得可樂者。由前見可樂之境。遂起可樂之善。令迴向衆生。成可樂之德。此是巧便之用耳。於中三。初未入法者。令得入法。此在地前。二令菩薩下已入法者。令得入地。此在地上。三具善提下已得地者。終令

①之②即③ ④向⑤同⑥ ⑦治⑧一⑨ ⑩行所成⑪思惟令廣⑫思惟令廣⑬修所成⑭〔根〕⑮〔第〕十二⑯〔一〕一⑰赴⑱二趣⑲〔他〕⑳〔於〕㉑觀謂②謂觀③〔行〕④即十〔有〕

得果。初中七句。初中非但見佛不取體性。亦乃見衆生亦不取故云。亦復如是也。又釋令見佛如法。於佛不著不取。法性見法不著。無數衆生等於僧無著故云。清淨維摩云。不著佛求。不著法求。不著衆求。同於此也。二令作稱佛意之侍。三令國淨可樂。四樂所求法處。五令樂出世法。六樂持不忘。七得正慧法明。下明地上行中。初二句成初地財法兩施行。二得三昧下明。二地已去功用位行。一得深定。二得總持。三得記智。四得勝通。上是自德。下明化德。五廣說。六巧說。七化心。謂悲是。八常化不息。九廣化。謂於多時多處也。下明八地已下無功用位行。於中。初由現佛勸得捨寂起修名巧方便。二稱理起行名深方便。三永離下明八地以無礙故捨愛佛菩提等貪心。故云離欲深解等明攝治行成。四具足下明八地入無生觀。五九地中稱機說法名無諍。六十地中得金剛無間道現前名成滿。滅微細著礙等障故云滅障道法。下明地滿成佛果可知。

自下明第三迴所成益。謂由因事起行迴向力故令自善根轉更增多名為長養得淨下別顯有十句。初內增明慧。二外善友護此是生解益。三佛慧照心。四癡障盡。上二是斷障益。五修法入智是證法益。六善學下起後智益。七一切善根下大願益。八一切菩薩下盡福原益。九成就下成智堅益。十明解下顯解廣益。上因事迴向竟。自下第三明。

前。迴向無所迴。即實際迴向。此上諸迴向實際與此何別者。上皆攝相歸體。此中攝相歸相故異也。於中有二。先約行辨。後如是下約心顯。前中。二先明此迴向即常無著。二觀其深下明以無著而成迴向。前中四。初不著有謂於上嚴土攝生俱不著故是故云不著界等也。心無依者明所取無相寂然不亂者能取不起。正念法者明妙絕能所正理相應。起信論云。住正念者當知唯心無外境界。此之謂也。二具足下於無不著不礙起行無分別智名無選擇。不違迴向是不礙起行。不違正法是不礙入理。三不壞佛相下明雙離有無。初不壞佛相不著無。等觀三世不著有。此約所敬無著。了衆生空是不著有也。無所依是不住無。謂不於無而住著也。此約悲境不著。是即觀如來空而不失敬養了衆生寂而不失攝化此之謂也。四順如來下明離著之益有三。初正解漸至益。二如實分別下智慧周圓益。三未曾下明寂用俱行益。有法喻合可知。下明以無著而成迴向觀上深法以生實智。謂不著有無之智依此實智而成迴向。下別顯初明理事無礙止觀俱融迴向。二以前無礙成自行迴向。三攝取下成化行迴向。上約行竟。自下第二約心辨有八種心。一不怯弱心迴向佛法。二廣大心迴向淨衆生。三無顛倒心迴不染刹四無餘心迴不染境。五離世心迴得出世。六無著心迴成悲行。七見法心迴成趣果勝道是也。八厭離

有爲心迴生真善。上來實際迴向竟。自下第四明純熟自在深廣迴向。於中廣明如相迴向。釋真如義作四門。釋名者。不壞曰真無異稱。如。前則非四相遷。後則體無差別。此約始教。又不變曰真順緣稱。如。由前義故與有爲法非一。由後義故與有爲法非異。二義合爲一法名曰真如。二種類者。或唯一味。謂約實無差別故。或二。謂安立諸真如。非安立真如。又二空所顯。亦二。即生空所顯真如。法空所顯真如。又二。謂空真如。不空真如。染法不染名空。具性功德名不空。或三。謂約三無性。即無相如。無生如。無性如等。又有善法真如不善法如無記法。如出離集論。此約詮辨也。或七。顯揚論云。一。者流轉真如謂思惟諸行流轉實性。二。實相真如謂思惟諸法無二我性。三者唯識真如謂思惟諸法唯識之性。四者安立真如謂染污法體思惟苦諦。五邪行真如謂染法因思惟集諦。六清淨真如謂淨法體思惟滅諦。七者正行真如謂清淨行思惟道諦。或十真如。謂約十地中所證真如有十重等。或百門。謂十十無盡。應於圓通無礙法門也。或通一切法也。三。明德用者。一成。依持用。謂染淨法依持而立。二成觀境。謂入證用。三依起信論有三。一。一體大謂真如平等不增減故。二。相大具足無量性功德故。三。用大能成一切世間出世間善因果故。問不善等法既非真用應離如體。答由違真故不離真。由違真故非如用。此論意

以諸善法順真故並是真用。問經說如來藏與造一切世間猶如伎兒作種種伎兩等。準此染法亦是所造。所以言非。答理實染淨俱是所持而得建立。但違順異不同也。何者如觀施行三事空令施福廣大等於虛空。若觀罪體空則令罪障滅。何以不亦令罪廣大。是知罪違於真。入如則滅善順於真。入如則廣故不齊也。此則遍與染淨順用非違。此上約始終教說。又別隨緣通一切法。總是真用。具帝綱微細重重無盡。自在圓融即相不待會。即性不待隨。如此百門所辨約則教顯耳。四約教顯者真如有二門。一乘真如。三乘真如。一乘亦二門。一別教謂圓通諸事統含無盡如。因陀羅網及微細等廣此百句如中說。二同教者則與三乘義同。但由智迴向故入一乘攝。二者三乘真如亦有二門。一頓教如維摩直默以顯玄意者是。此如絕於教義和想俱不及。如大般若經那伽室利分說。二漸教者略有二門。一終。二始。三世間所知。初終教中復有二種。一始如三十二菩薩顯不二法門者是。二終即文殊所顯不二者是。此始終兩門並具無分別教義空有二門。二始教中亦二。一始如百法論六無爲屬一切法攝。顯入法二空得。知真如不及二空爲上。此門通分別無分別教義。二終者如維摩爲迦旃延說。不生不滅是無常義等。又金剛般若微塵則非微塵等。又對法論開六無爲成八則三種真如屬無爲攝。得真如成無

爲上。此初教始終並通分別無分別教義。無分別義者謂證真如。無分別教者謂比觀意言無分別境悟大乘言教。故分別義者謂教義則空故。今初教中真如但是空義不同。終教也。三世間所知真實者復有二種。一始謂入天正善根及慧法二乘等入真實性攝。故中邊論云。世間所知真實入真實性攝。準彼論文世間唯除虛誑妄語等。餘並入真實。由許是善提遠方便故。二終者故論云一切法但有名。謂分別名思惟名得知。不同遠方便法。此義唯局二種十名中。爲是大乘近方便故。真如者乃至流在十名理不可壞故同是真如也。於此文中。數有百句。檢文缺一句。初一句是總。餘皆是別。總中真性不異名如。自體妙軌稱法通智遊入日門。亦是不同生滅門故名門也。至一切道者顯其分齊。謂明理遍衆行。無量無邊善根迴向者明行遍如理。謂稱如而成迴向。又釋理實真如遍一切道無量無邊差別之法則彼諸法爲如詮門。真如於彼異異詮門而全體顯現。門乃多途故云遍一切等。今且就百門明十無盡。此則一切法是真如之門故云如法門也。此順梵語故是倒也。義正應言如遍一切道無量無邊彼一切法是如之法門。故云如法門。此是標也。遍一切等釋顯謂一切道者道是門也。以能顯真如故。善根迴向者謂明以同如普遍之善根隨異門而成迴向。下別顯。一一句中皆有二義。一如如者標舉如理謂如彼真

如。二善根亦爾者舉善同如。三迴向等者以同如善根迴成同如之益。是故所迴善根及所向衆生并所成益相俱是真如而有所成也。又此三中。初釋如二顯如相。三釋迴向故名如相迴向也。又初辨如體。三三相。用則是真如三大也。下一句皆亦如是。於此別中。英法師分爲十分。謂初十明賢首位中如。二十明十住中如。三十明十行位中如。四十明十迴向位中如。五十明淨心地中如。六十明行迹地中如。七十明決定地中如。八十明究竟地中如。九十明等覺位中如。十末後十明佛地中如。此等分又亦未見其順。又靈裕法師北臺意法師炬法師等各分作十各悉不同。然於文勢並皆不順。故不叙之。遠法師云。此等何異異相難識。今且言之。初十句約就地前所行辨如。後八十八就初地上所行辨如。此判亦難。今謂諸門各是一法。並取真如體相用盡。亦不可相從科爲分段。於中諸門真如皆體從緣異。謂性如非相如等。善根同如亦隨門別。是故性如善根非是相如善根等。從異門體起用亦異。是故性門迴向無性相門迴向實相等。下諸門皆准知之。過去非同等者。相州大範法師云。此破小乘三世之執。謂彼執過去爲有。若是有者便同現在。今既滅無故云非同。言未來非故者小乘亦執未來有法流至現在。若爾應是放法今既未來。緣未至故畢竟無。法云非故。現在非異者彼執現在決定是有。今明待緣假合。推

①兩二衛②所二何③綱二綱④局二局⑤(大)十數⑥亦二又⑦全二令⑧法十(故)⑨

之則無故不異。過未之無。故云非異。裕法師云。過去非同者。集起而無集起。非故者。轉變而非轉變。非異者。相別而非相別。發起新新者。稱過去也。除滅生死者。同未來也。清淨生者。似非異也。遠法師云。過去無常。同歸盡滅。於現本無故曰非同。未法新生非本。有性故曰非故。現法皆空故曰非異。各此三非。以之爲如。炬法師云。過去非同者。明如體。雖在過去而非過去。滅不同於無。未來非故者。雖復集起而無起。相明已起之處。非故。現在非異者。雖在現在而無形處。不異過未。英法師云。過去滅法與無相似。名之爲同。今明依如起。新行願不同。彼無故曰非同。謝落故業當報方受。名之爲故。今明證如捨彼故業。故云非故。現造業結不同。過未名之爲異。今觀業結本無造起。畢竟清淨。故云非異。發起新新等釋。過去除滅等釋。未來也。清淨等釋。現在也。今更釋沉論。三世法有二門。一性空門。二成有門。性空者。謂過去已滅故空。未來未至故空。現在不住故空。今此文內約成有門。謂前念法是過去滅。以能引起後念法生。是故過去非同。一往唯斷滅也。後念是前念家。未來雖由前念滅。令此後念生。然今無前念法可傳至後念。故云未來非故也。是故前念中舊法今無。後也。現在法望前念同。未來望後念同。過去故云非異。是故前念。流滅雖非同。然無法至後後念續前。雖依前起。然法新非故。是故

迴向中發起新新菩提心者。以前念非同令後念續起。今菩提心不斷也。由後念非故。所以念念新新。今菩提心不常也。除死淨生。顯心作業。文意如此。思之可見。又現在念念成。正覺者。謂達現在亦平等。故見理名覺。上來四段總是第二正迴向竟。自下第三結迴所成德。如是迴時者。膝前起後也。謂由前善根同如迴向。是故得一切法即平等而利用也。十句分五。初二約處。一即等而成就。二即等而於中轉法輪。二次二約人。一菩薩等而得出。彼願。謂起一切智願者是菩薩也。二觀多佛體不殊。三次二約法。一約法性。二約法相。又一真二俗。四次二約行。一菩薩行。二佛行。五後二約德。一約佛體等。二約佛用等。是名下結名可知。知上來位行竟。自下第二明位果。中得十果。一得佛法果。謂得無邊淨法門者。證法多也。深也是得佛體也。爲人雄者。成佛相也。無畏吼者。得佛說也。成就菩薩者。得佛所化也。不休息者。得佛化時也。又初證法深也。二成人高也。三化益廣也。四化時常也。此上是總句。下九句別顯。一得佛圓身。二得佛圓音。三得佛圓力。四得佛圓法。謂超出生生故云勝。而即赴機故云示現一切也。五得佛圓通。六得佛圓用。謂不思議脫是也。七得佛圓定。八得佛圓辯。九得佛圓覺。謂現佛等覺於衆生也。下結。第二偈頌中。二十九頌分五。初二頌前行體。二菩薩思惟下四頌。迴向衆生及菩提。三以此下二頌實際迴

向。四深樂下十六頌。純熟無礙自在迴向。於上。百門略頌不盡。又不次第也。於中初七正頌。前純熟同如迴向。後九兼頌。後位果。思之可見。五末後五偈頌。迴所成德可知。第九迴向作四門分別。初釋名者。此無縛無著解脫心。迴向約無等大行立名。無縛無著有六種。一由離凡故不縛生死。以出小故不著涅槃。二離六識取外境不縛。離第七執於內不著。三離現行縛。無種子著。四不取有縛。不執空著。五無惑障縛。無智障著。六無龜使縛。絕習氣著。故名無縛無著。此明行體。解脫是大用無礙。非但脫離諸障。此是行用也。心者是行體。用所依之心。謂菩薩大智之心是善根所依。以此心中所攝善根皆用持迴向。成於普賢深廣之德。故以爲名。此從能迴向立名。問下文亦有無縛無著解脫等所攝善根。亦成迴向。何故標名唯就心立名。答理實通餘。但彼下文四門之中。此無縛無著解脫心內百門。迴向文處廣辨。餘並準通。是故就此廣處爲名。二來意者。前會相從體。今依體起用。顯純熟自在。故此位來。三法體者。以普賢三業無邊自在甚深廣大無礙大用爲此位法。四釋文者。就長行中亦二。初位行。後彼果。前中釋內有一千門釋分二。初無縛無著解脫心內百門廣釋。餘九百門準例通釋。就前中百門內復分二。初二門辨能迴行體。餘八十門顯所向行用。就前中亦二。初十以不輕心攝善根。二常樂

①現二理②未二來③有性二性有④各二名⑤往二法⑥後二彼⑦流二謝⑧盡二盡⑨顯二顯⑩別顯二顯別
⑪無一⑫持二持⑬向一⑭脫十身⑮名一⑯十二千⑰來二成

下十積集長養擬將迴向。前中初一心是總辨。餘九心是別顯。別中準總具言應云於出生死善根不生輕心。故云不輕出生死心。下皆準此。何故不輕者二義。一以從佛果流故。二攝成無上大菩提。如法華經中乃至一小音皆以成佛道等。如尼俱陀子小果大等。如上賢首品中掃塔等善成佛果中端嚴光等故不可輕也。問理應更有勝妙善根。何故下。一約合掌等而明不輕。答此最微少世人所輕。菩薩收攝下至此尙爾不輕。況餘一切。故約此等辨也。別中。一離惡。二攝善。三廣修餘可知。二積集中十句。初一總由不輕前諸善根故。是故常樂攝受彼善。下九句別。一攝令不失。明二契合相應故云安住。三思念不斷。四巧便更增名長養。五不以染心污彼善根。故云不著。六純以正心而成。彼故云具正等。七無過失可簡却。故云不選擇。又亦有善斯收。故云不選也。八攝成佛果故云隨順。九能得佛果。故云得自在。前句順向佛果。此句正得佛果。舉所迴善竟。自下第二正迴向中。二初六十門明廣大迴向。二從不妄世間下二十門明甚深迴向。深廣無礙爲大迴向。又亦初是菩提衆生迴向。後是實際迴向。前中有六十門。內廣顯普賢自在德用。於中初一門是總。謂無縛無著解脫心是能迴之心。彼善根者彼前所攝諸善根。迴向具足等正是所向也。問此中不言迴向衆生何耶。答但令成就普賢三業。方能盡窮衆生

界而攝化也。是故亦是迴向衆生等也。下別顯普賢三業德用。於中但知一一門皆攝法界自在德用。或理或行或智或境或自利行或化衆生或體或用或因或果或人或法。皆各總攝一切法故不可相從別科。今能分二。初二十四門顯普賢因位究竟。二從於一境界下三十五門顯普賢果位究竟。以普賢門內通因果故有此二門也。又釋前約自分後勝進。以二分無礙是普賢德故。前中亦二。初十四門明普賢自在三業。二復作是念。下十門明普賢廣大三業。前中初一是行所依。謂由勇進令行德成。下明所成德。初四門明總持無礙。是意業自在。次六力用無礙。是身業自在。次一明圓音無礙。是語業自在。後二門於衆生世間器世間自在。第二明廣大三業。中十門分四。初三門明普賢廣大語業。一說聲遍。二持所說。三說無休。次二門明廣大身業。一體。二用。次二門明廣大意業。一因智。二果智。後三通結三業。一明三業廣勤。二明身語深廣。三辨意業攝法。上來普賢因竟。自下第二明普賢果德。有三十五門。隨相分三。初十門明得普賢攝法廣大德。二於一念頃悉能下十五門明攝法自在。三妙智知色微細下十門明普賢微細智。又初是一重平漫知法。二相即相入重知法。三微細容持甚深知法。此亦是漸次之相也。前中一巧智自在名方便王。二無明住地盡名離礙法王。三慧照行法名法明。四巧成所化名爲方便。於中列十。如是等

下總結無盡。問前段明普賢因。何故彼中亦有佛行。此中明果。何故亦有菩薩行耶。答辨公釋前舉果顯因。此舉因顯果。又云菩薩修行與佛等名普賢行。佛行。大行。名爲普賢行。今更釋經云雖得佛道轉於法輪入於涅槃。而不捨於菩薩之道。是菩薩行。因滿成果用。得果而不捨因。又以因果二位即入無礙各收法界。謂因窮法界具於果也。果攝法界合於因也。五身業令見喜六知語淨口業。七知一切法智。八得佛法身自體相用。九得圓滿根。根有二義。一生後義謂出生無盡。二受法義謂根器領法無限量。故約所出所領說。及自體差別列十。五種可知。十得無盡神力。於中初一句總後十句別。依此等力修普賢行也。自下十五門明重重攝法無礙自在。於中初一無礙身智。謂身能外遍而內含容智入。無生而生。大行。二生如來家。修法界行智。三以普眼見自在法界。故云於一毛道等也。容一毛之路名爲毛道。於中。二法圓滿。一容一切剎約事。二一切法界約理。三究竟空界就事空。何故爾耶。謂有二義。一以法性融通事理融故。二以緣起相由無礙即入容持自在故。此有同體異體。准上思之。四入劫智自在謂長短無礙。五身業自在謂令一身即多。多內各容。六見佛聞法自在謂不著佛不倒法。七入世界自在智謂迴動轉變隨智無礙。八知想自在智。謂一切法皆是想念中而成立故。是故一切悉是想法。

①以二已②一約二約一③便二便④辨二明⑤因二互⑥合二合⑦五二六⑧二二三

於中有三。初一句是總。二列三十八種所知之想。三如是下顯能知之德。先明離障德。後一切如來下明。知心所成德可知。九知心自在智。謂諸心相入及業依心異。十知處自在智。謂一切等。十一知業自在智。十二知法自在智。十三知語自在智。謂得無礙淨耳。十四得知根說法智。十五知根自在智。上來十五並是一中一切而了知耳。自下十門明。普賢微細智自在。初一明。知世間法微細智。於中有三。初一句總舉。能知之智。二列十一種微細之法。衍法師云。所知之事幽微故。能知之智微細也。辨公云。此等並難知故名微細。今準上下經文於一法中。有一切法。齊頭炳然同時顯現。是微細義也。三如是下明能知之德。二知衆生微細智。初列十種所知。後結能知之德。三知菩薩行德微細智。謂舉初發意等。取一切菩薩也。列二十一種所知微細也。四知菩薩位德大用智。先列四十二種所知。初十一明行位成滿。生兜率天下明位滿大用。謂八相等也。二如是下明能知之德。謂成普賢自在行德。五知衆生性智。先列十種所知。後如是下能知之德。六知世界智。初一總。次列二十種。別有三世間自在。後如是下結能知之德。又此等皆云微細智。者是智從境名也。又此微細在智中。故智即細也。七知法界智。先舉所知。一總十別後結能知之德。八知入劫智。微細初一句總。無量下別列十種。後如是下結能知之德。成十種心可知。九知法智微細。先

列十種微細法智。後如是下結能成德。前中法義有四重。一法體具德。二一切即一等。明法用相即。三入非法等明。理事相即。四入方便無餘。是體用善巧。十知無餘智微細。先列十種所知。後如是下結能知之德。皆出生者。謂量智從理起名。出生。知無不盡名。無餘。此門亦是總結。結故云知無餘也。上來廣大迴向竟。自下第二明甚深迴向中。二十句中皆兩兩合舉。總爲十對。一世與世法假實相對。二菩提菩薩圓分一對。三體用一對。行是體。出生死是用。梁攝論云。於分別依他性不見。菩薩所行行及行道此之謂也。四入法五生熟。謂不調者是根熟也。六行願。七自他。八施受。九因果。十境智。此等是上廣大迴向之中諸事。雖成廣大自在之德。而於彼法無妄執取。是故皆云不虛妄取也。上來百門竟。自下第二類。餘九百中列十種章門。初一結前百門所屬。餘九次第結後九百。謂如無縛無著心所攝善根成。此百門迴向。無縛無著解脫身所攝善根亦如是迴向。餘皆準此。十中初三是三業。次二業報。次二染淨土。謂世間染是化處也。次二根業謂衆生是所化。法是法藥也。下一正智。此十皆是無縛自在而生善根。用成迴向具普賢德。是故皆云無縛無著解脫故也。初一置善根如是迴向。餘略略合準。皆合具有應知。上來廣略總一千門大迴向竟。自下第二明彼果中有二。初行果後位果。前中有十句。初三。因三世佛菩薩迴向行。四得正教。五滿

正法。謂證法也。六等境界謂衆生爲悲境也。七同善根。八等所住謂大悲地是所住。論名梵住。九同一境謂眞諦。十不違等不礙多也。上來釋竟。佛子下結名位行竟。第二明位果。於中十二句得二種果。一現成果。二轉生果。現成亦二。初行堅果。二行勝果。初二句標此二果。一切衆魔下釋顯初果。三普現下三句釋行勝果。一廣行勝。二巧化勝。三離染勝。二摩訶薩下六句明轉生果亦二。初外得眷屬果。謂不壞眷屬也。二內得成德果。有五句。一成法器德。二深行德。三因圓德。四果用德。五因果無礙德。第二。偈中有五十一頌分三。初三偈顯所迴行體。二所作下四十四偈顯廣大迴向。略不顯甚深迴向。三過去一切下四偈顯迴向所成果。就第二四十四中。初一頌普賢因位究竟。餘頌因圓果滿。於中初世間無量群生一偈。顯知世間微細智。次一偈顯知衆生趣微細智。次一偈顯知世界智。次一頌知心智。次一頌知根智。次一頌知業智。次三頌入劫智及知三世癡慢等。次十方世界諸如來下二十七頌菩薩行位成滿大用。於中初一總頌。次一頌住兜率天。次一頌入胎。是微細故胎中具八相也。次二頌初生。次四頌七步現。現試吼放光。各一頌可知。次一頌在宮及出家。次五頌坐道場降魔成覺。次五頌轉法輪。次三頌般涅槃。又顯餘趣所現自在。次一結此菩薩善根迴向。次三頌迴向大果之行儀。上來位用竟。次有數無數下四偈顯入劫及刹

●云十(以)● ●智二知● ●[謂不]一● ●因二同● ●偏十(頌)● ●[偶]一●

並所行行。次二頌。出生無餘智。次一頌。衆生性微細智。下四頌。彼果分中。初二頌。行果。後二位果可知。

第十迴向中亦作四門。初釋名者。法界等無量迴向。從法立名。有其四義。一約所迴行法。謂以法施之行。成迴向故名。法界等也。二約所迴行體。謂所迴行體廣大無邊等。於法界。三約能迴之智。四約所迴之德。謂以稱法界之大智迴等。法界之善根。迴向。法界之大用故立名也。此則位滿至極。故標以法界之稱。二來意者。前明依體起用。此明體用無礙。圓極自在。故次來也。三法體者。以法施廣成普賢自在大善巧德。是此法也。

四釋文中。長行內亦二。位行位果。行中三。標釋結。釋中三。初舉行體。二摩訶薩於彼善根迴向。下正明迴向。三如是迴向時。下明迴所成德。前中三。初舉所成行。二摩訶薩下明長養善根。又前自分後勝進。又前利他後自利行。前中十句。初一句總明得法師位。如第十地受位分得。離垢三昧。垢染斯盡。受職位滿。內得彼定。灌其心。首外相顯彰。故云繁頂。法從喻稱名。離垢垢。但有此繪繁其頂者。即知。彼人得離垢法。受位成滿。由得此位。方能雲雨說法。廣益群生。故云受大法師記。又如楞伽中大慧等十地菩薩得佛手灌頂神力。故能自在說法。同於此也。然受職有三。一約喻。如輪王太子受位等。二約理行。如內心證。理灌其智頂。其約位事。

有五重。一約信行滿。如賢首品說。二約住滿。如上灌頂住及下海幢比丘頂上佛說法處。辨三約行位。如十行滿處。入因陀羅微細法界等說。四約善巧位。如此位說。五約證位。如第十地說。此五重內隨一成處必具。理行內相應故。又此五中但一位滿。即因圓究竟更不待餘。又若得一即得餘位。又總是一法界受職。隨門差別五位不同。法體融通含攝無礙。此約圓教宗說。若餘教中不通。此事思准之。下九別顯法師之德。初一句明法師德立。能廣法施者。辨慧無竭。成大慈悲者。顯施心無盡也。安立等者。施所成益也。謂令得大心。成於大行。方是法施故。經云。若以小乘化我。則墮慳貪。又法施過。財百千億倍。乃至不可說分。非其比也。丈夫行論云云。古德云。夫法施者。一則發之以智慧。爲生解之妙方。二則化之以多人作。津濟之弘闊。三則爲起行之本定。倚仗之良詮。四爲入聖之階。標引導之要路。故。此經中託人以弘道。多嗟法師之勝德。寄行以表法。每引普賢爲末篇。故知法施爲究竟之道。智慧爲滿足之極。自利利他功之不朽。其唯法施也。二饒益等者。明常施謂以菩提心。生長善根。廣益衆生。不休息也。三建師名。謂作教授之師。示成佛之道。四照之以法日。前師此法故名。法師。即所授行法也。五顯法師心。謂等心是無偏心。廣大心不側心也。欲令等是常心。六增長等明。福惠化增。二嚴。謂善根是福也。七爲衆生等明導之相。探

寶所示正路也。八以利他爲先修諸行。故得爲慈悲法師。九化令更事。餘諸善友不局。於已。是無著法師。如善財知識。更示餘人。令求者是也。下第二明長養善根。有六句。一依此法施善攝。取佛果心。二徹到彼岸。三依法施善修。金剛菩提心。四成大願。五依善友正意求法。六了達果境。是故令前法施更復增廣也。行體竟。自下第二正明迴向。於中亦二。初以善根成廣大迴向。後安住法界下成甚深迴向。前則衆生菩提迴向。後則實際迴向。前中廣大有十五門。初一門以彼善根迴向。見佛修自他梵行。於中三。初以善根迴向。同念三世佛菩薩行。建奇特想。二得是想故。下明依想見佛。三諸佛菩薩下明依佛起行。於中三。初爲他修。自行二。以自化他行。三何以下釋他化以順自。初中有二十句。初十明已成。後十上修。前中初五離染。一總顯二性成。三威儀具。四性離濁。五威儀無垢。下五順法。一守行心堅。二外緣不壞。三上順聖心。四下無異求。故云無依也。五稱理平等。故無所有。後十上修中。一不執著名。離倒。二不爲所拘名。無礙。三不取戒相。又離戒取。四將護物心。名無諍。又不非。先制不更造。立五無失可擇。六契合相應。故云安住。七過二乘。八情專故不動。九不散。十離瞋。皆離染之極。故云梵也。自下自化他行十二句。初一舉自例也。修習下別顯令他所成。一始修。二行具。三無失。四不執。五照理。六

①(還)一②(同)十法③(者)一④(伏)一伏⑤(生)一⑥(顯)一⑦(相)一⑧(餘)二諸餘⑨(住)二立⑩(同)念二
念同⑪(顯)二須⑫(修)二顯⑬(也)二他

離我。七離惑。八離犯。九。犯離。無慚。十持心決定。十一。不強生。惱。下三釋成中。二。初反釋。後順釋。前中何以故者。徵問云。此中菩薩行已滿。何故不但說法。化人。令修梵行。而自修耶。下釋。若自不修。令他修者。無有是處。有十句可知。攝論云。若自住。邪行。設欲正他。非是人終不能制。正他過失。後何以故。下順釋中。先徵問云。既自不修。教他不得。若為即得。教他修耶。下釋中。先總釋。自如說行。離倒。能說。離倒。授人。言行相應。故云。實語實行。下明。淨三業。離染滅障。益。下別釋。自行教他。五句。一直。二忍。三離疑。四信。五堅法。是。軌持法也。善根如是。迴向結。上迴也。第二復次。下明。迴向。令得諸法。於中十句。一。令得。法門。謂能證。法能摧。邪論。二。悉得。三世下令。得。法海。先總標。於一。下別顯。十種法海。一。生法。是立宗相。二。方便。是因喻等。巧成。宗法。三。語言。法是隨。方語。則。四。施設。是施名於義。及隨。機意。樂立。義。前後次第成等。五。文教。成。範。又安。布教。則。六。由。言。顯。義。說。授。儀式。七。所說。解。通。曰。門。又諸。宗。法。門。八。令。入。開。解。名。入。九。宗。義。分明。令。解。決定。十。結。宗。究竟。成。義。安。立。名。住。法。悉得。無盡。法。藏。總。結。所得。也。三。得。無畏。法。下。令。得。法。辯。四。得。不。退。下。令。得。法。明。五。得。法。界。等。無量。身。下。令。得。法。身。六。得。法。住。七。得。法。實。故。云。決定。法。八。學。多。法。九。住。行。法。十。向。內。證。如是。迴。向。下。結。成果。也。第三復次。下明。二。利。行。圓。初。十。自行。圓。謂。見。法。界。

等無量佛等可知。復作是念。下復令。衆生同。已故云。如我無異。十一句等顯。無異也。第四復次。下明。行。稱。法。界。亦有十句。初智依。理。起。故。亦。同。性。無。邊。法。界。莊。嚴。衆。生。者。有。三。義。一。依。此。法。界。衆。生。得。成。故。云。莊。嚴。二。以。衆。生。即。同。法。界。令。衆。生。即。清。淨。也。故。云。莊。嚴。三。以。衆。生。同。在。大。法。界。緣。起。門。中。攝。法。界。故。云。衆。生。具。德。也。第五復次。下明。見。佛。解。法。於。中。三。先。總。二。有。十。句。見。佛。成。行。三。有。十。句。解。法。界。初。一。不。隨。緣。變。故。無。生。二。不。守。性。故。三。不。二。故。四。非。是。能。依。五。妄。不。能。染。六。非。是。所。緣。故。離。相。七。非。是。能。緣。故。寂。靜。八。滿。一。切。處。非。一。切。處。故。云。無。處。九。隨。流。不。去。染。現。不。集。又。捨。染。不。去。淨。現。不。集。十。在。諸。位。中。性。不。改。故。云。不。壞。照。達。法。界。同。名。解。也。第六復次。下明。衆。生。成。佛。法師。於。中。令。成。二。十。種。法。師。令。衆。生。成。佛。及。大。菩。薩。爲。法。師。也。二十句中各二。皆先標。法。師。名。後。釋。顯。義。亦。是。所。作。也。以。是。同。類。迴。向。故。是。法。施。善。根。迴。向。令。成。法。師。等。也。法。華。法。師。品。中。云。大。菩。薩。藏。經。法。師。品。云。仁。王。經。有。十。三。種。法。師。謂。十。二。住。及。佛。是。也。又。於。十。方。界。佛。滅。度。後。守。護。受。持。如。來。正。法。廣。宣。流。布。開。化。不。絕。爲。法。師。也。如。辯。積。法。師。及。那。羅。延。法。師。他。摩。室。利。法。師。等。並。由。其。人。使。佛。法。再。興。久。住。世。間。等。此。爲。持。正。法。法。師。也。覺。諸。魔。事。者。如。莊。嚴。論。中。有。魔。詐。現。神。通。作。羅。漢。形。惑。亂。諸。比。丘。恐。皆。歸。伏。有。多。聞。比。丘。以。阿。尼。達。摩。石。磨。之。假。金。遂。露。即。呵。嘖。之。餘。愚。人。瞋。此。法。師。後。

果方知云。第七摩訶薩下明。無分選擇行。不選擇者是不分別也。又以所作諸事皆稱性無失無可簡擇故云。不選。文中十句成法。是所成果法也。餘句可知。第八摩訶薩下明。成無著大行。中二。先明無著簡所不欲。二但欲下明。所願樂爲成。大行。前中十八句。初十七護煩惱不著世間後一護二乘不著小果。毒心迴向者如沙彌迴向作龍等。壞善根迴向者迴向作魔王等。及作大力王滅三寶等此無彼也。二欲成大行。中九句。謂成。自他普賢大行。故迴向也。第九摩訶薩如是平等心下明。正修望大行。中有四。初十句明。能迴之心。二。令一切衆生下四十二門迴向。欲成。自他大行。於中分別緣起得法化生心者。謂由分別彼法生起。智心。故云。從法化生也。此等就是普賢大行也。三。明。離。染。先。標。何。以。故。下。釋。成。離。染。四。如。是。迴。向。時。下。結。迴。向。利。益。第十復次。下明。衆。生。得。法。音。語。業。初。一。是。總。餘。三。十二音是別。並。是。佛。圓。音。具。德。之。貌。可知。第十一復次。下明。向。衆。生。令。得。法。身。中。三。初。十。令。得。十。身。行。體。二。摩。訶。薩。下。十。令。得。十。身。行。相。二。映。無。不。徹。名。明。淨。身。二。於。中。普。現。五。道。衆。生。體。無。隔。障。名。離。濁。身。三。因。圓。果。滿。名。究。竟。身。四。淨。德。內。充。名。清。淨。身。五。煩。惱。障。盡。名。離。塵。身。六。所。知。障。盡。名。離。種。種。塵。身。七。習。氣。亦。滅。名。離。垢。身。八。常。光。恒。照。名。光。明。身。九。一。身。上。各。有。十。蓮。華。藏。塵。數。相。好。名。可。樂。身。十。形。充。法。界。色。遍。十。方。虛。通。不。障。名。無。礙。身。三。以。如。是。下。明。十。身。勝。

●(犯)一● ●(邪)二● ●(正)三止● ●(執)二執● ●(下)一● ●(範)二執● ●(解)通一通解● ●(摩)二摩● ●(於)十中● ●(作)一●
●(心)一● ●(先)二初● ●(通)一● ●(說)二類● ●(身)一● ●(滅)二亡●

用初總示現衆生菩薩行十句別顯用相。下一句結迴向所成。第十二復次下明成無邊大行。於中初身遍起行爲能益之緣。見者不空下正明所成益。一令發心。二不壞心。三廣行。四具悲化物。五見佛修善。六安生住法。得法輪聞慧也。法明是思。行菩薩行是修也。七入衆生。下一句明照法。原故云。入略舉。十一實即無盡是爲結迴也。第十三復次下迴成嚴土。於中二。初明同體嚴有二。先同法界。二互相攝得最正覺顯。已成佛。彰是佛土耳。二彼一。一刹下別相嚴。於中有十事嚴。一寶嚴。二香。三華。四鬘。五塗香。六末香。七衣。八蓋。九幢。十幡。就初寶嚴中三。先辨能嚴差別。二復如是念下顯所嚴分齊。三是爲下結。初中有百事嚴內。從初座帳及至樂器有八十三事外法。莊嚴寶身已下十七事明內法莊嚴。謂三業六根等寶趣者意趣也。又是志趣高遠矣。餘可知。良以依正無礙互嚴顯勝也。初寶嚴竟。二如寶嚴下舉實例。餘九門各有百事。成一千種莊嚴。令准知故云。亦復如是也。第十四如是摩訶薩下明結迴向大意。於中三。初一句爲長養善根。謂由此廣大迴向力故令善根增長。是故迴向。二有一句爲嚴淨佛刹。故是故迴向。三有二十句爲令衆生清淨平等。是故迴向。此一句是總。下十九是別。爲令衆生得皆平等。二嚴淨德圓備。摩訶薩下結平等結清淨可知。第十五摩訶薩復作是念下明令衆生證法起說。於中三。初令證法謂得之言證。所證深廣

名無量法海。二於一一下依證起智。三令衆生下明依智起說。有十句。一令善教。二令持義。三同果辯。四同佛身。五說法心。六得說智。七遍說處。八無間說。九令樂求。十令喜說。上來衆生菩提迴向竟。自下第二明實際迴向。准下地品安住之言。此文當是淨治迴向行耳。二十八句。初十約三業五陰三科內外。卽相同真故迴法界。內謂正報外是依報。餘十八約行約事會同法界。故說迴向。上來正迴向竟。自下第三大段明迴向所成益。謂由三業等皆同法界。故是故得安住法界等無量清淨三業等也。十句中。初六句明平等三業法界攝化。後四句明廣大三業。調生安善可知。上來釋竟。佛子下結名。上來位行竟。自下第二明位果。謂此位滿成四種果。一得普賢行願成滿果。二嚴淨法界佛刹果。三證理圓滿成佛果。四普賢廣智德用果。初二如文。三具足成就下明第三果。於中三句。一理智深證得佛體。二現身成佛得位。三悉得下十二句明得佛量智自在德可知。四悉得無邊滿足下明第四果。於中有十句。一得普賢眼。二得普賢耳。三得普賢量智。四得普賢眼。五得普賢理智。六得普賢語業。七得普賢光。八得普賢速。成果。九得普賢令生淨。十具足成下得普賢究竟彼岸。上來正說竟。下明說益。謂動地生信。興供表行文中。初動地。後興供。供中。先外供。二天身下內供。上來總是一世界中說此大迴向法竟。二如此下明十方法界等世界中亦同。說此是故

合成一切會也。於中一切四天下者。明此世界中百億四天下也。上來一說一切說總明說分竟。自下第六明證成分。於中先證此界中說。後證十方界。前中二。先來到歎說。二我等下述彼同此。證成竟。第二偈頌中二。先序意可知。後正頌中九十四偈分四。初十四偈頌前行體。一行願得法師位。餘頌法師德。二菩薩法施下六十八偈頌前廣大迴向。三譬如如下二偈頌甚深迴向。四如是殊勝。下十偈結歎顯勝。就第二廣大迴向中顯。任放辯才說不待次。言辭不斷。普賢行德無礙自在。於中應分爲八。初八頌前菩薩自行殊勝。二十方一切無量下八偈頌嚴土攝生行。三一切佛子下四偈頌上得佛自在果。四菩薩能於一念下十二偈明於一切處供一切佛。五無量無邊一切諸劫下六偈明於一切時供一切佛。六悉能覺悟一切法界下十五偈明以一切供。供一切佛。七安住普賢下十三偈頌攝普賢行悉以迴向。八身口諸業下二偈頌上迴向所成德餘文可知。問此經上下多說普賢行願。此品之內說之最廣。何故入地竟不涉言。答此約一乘地約三乘故也。問一乘豈無地上三乘豈無地前。何不齊顯。答理實是齊。但地前顯一乘便。地上攝三乘便。故作是說。何者是便。謂地前劣位。卽得普賢顯位自在之便。故若於地上勝位得普賢自在相不顯。餘意下當別辨第五會竟。華嚴經探玄記卷第八

華嚴經探玄記卷第九第六會

魏國西寺沙門法藏述

十地品第二十二之一

將釋此文四門同前。初釋名亦二。先釋會名者他化天會約處爲名。謂他化作樂具自得受用顯非己力表入地所證真如非由緣造故名也。二品名者。此品名有四種。一別譯本名漸備一切智德經。二下文名集一切智智法門品。此二就功能立名。謂十地因行能集生一切佛智德。然十德漸增故云漸備三更別譯一本名十住經。四此中名十地。此二約義帶數受稱。謂十是一。周圓數地是就義約喻爲名。謂生成佛智住持故也。餘釋總別名等下本分中辨。二來意中亦二。先會來意者前是阿含行滿次明入證成果。義次第故是故來也。二品來者前明迴比向證今明迴已得證顯行不虛故來也。又前約比位寄顯普賢圓滿行德今約證位寄顯三乘差別行德顯法次第故次來也。是故前諸位內皆悉廣顯普賢自在之德於此地上絕無其名者是此事也。豈可地前深廣證地反劣。但是寄顯不同故也。問宜應證地是深順同普德。地前位淺。應順三乘。何不爾耶。答此中文意爲顯教相不同故爾。謂若於地上得普賢德則與三乘教便不別。今明若是三乘行位則於地前實不自在。顯此一乘則不如是故於彼地

前則便自在得普賢德。是故若准此普賢地前而取地上其地上行相甚深。甚深非如此說。此即下普賢行品是也。若准此三乘證地行相而取地前其地前行甚極龜淺。不同前說。即是瑜伽菩薩地內十二住中初二。是也。問何故不齊。謂一乘地前有普賢德。一乘地上亦有普賢行。如普賢行品說。三乘地上德如此品說。三乘地前行文中何不說。答此經宗明一乘故是故一乘行廣。論三乘位略辨也。又釋以一乘十地甚深故通攝三乘。等總爲十地。仍以六相陀羅尼門融顯無盡成普賢十地自在之義。地前則未能如是。但直顯普賢故不同地上也。三宗趣者亦二。先明會宗。謂約人有化主及助化各有體相用並通性起及修生可知。約法有生了因果及差別平等二種因果。亦是修生本有因果亦有教事及義理體相用準前可知。但通性起爲異。餘義爲宗。別說有十義。一約本唯是果海不可說性。二約所證是離垢真如。三約智謂根本後得等三智。四約斷謂離二障種現。五約所修。初地修願行。二地戒行。三福行。四道品行。五淨行。六緣生行。七菩提分行。八淨土行。九說法行。十受位行。六約修成有。四行。謂初地信樂行。二戒行。三定行。四已上總。是慧行。慧行中四五六是二乘慧。七地已去是菩薩慧。七約位有二位。謂證位阿含位。是十地之位故也。八約寄乘法。謂初二

三地寄世間人天乘。四五六七地寄出世間是三乘。八地已上出出世間是一乘法。故以諸乘爲此地法也。九約寄位之行。謂於十地成檀等十度行。十約報現十王事相。餘義下當別辨。四釋文者亦二。先科簡後釋文。初科簡者今此會中有十一品。問此會與前二三四五會何別耶。答有五別。一前有流此無流。二前未此本。三前不共。謂是普賢德故。此爲共。謂此十地通三乘人天等共探故。地論云亦能生成人天道行可知。四前但論因行此會通果故。五前比位此明證位。問此會何故無昇天集衆等序耶。答爲表此會證法無二不可以事相標其玄趣。此則前會後細故。二爲地前攝一乘別教普賢之法故有昇天集衆表勝方說。地上寄位同於三乘。故隱彼自在之相同餘經而說。此則前細後龜故也。此文分二。初九品明緣修因果。後二品辨性德因果。初中亦二。先六品顯因位德滿。後三品明果位德現。就前中亦二。先十地一品顯其證位。後五品明位中行用。前中亦二。先長行散說。後偈頌總攝。前中亦二。先明所說十地。後他方菩薩來證。此說前中亦二。先顯此界所說十地。後結十方無盡世界所說十地。就前此方所說中。或總爲一或分爲二。或三四五乃至十或爲四十八段。言二者謂總是一十地法門也。言二者初正說十地。後動地雨華等明威顯顯實。或爲二者謂序正流通。此中所辨要唯教證既殊三分亦

①(譯)一① ②(周)住② ③(等)一② ④(華)二② ⑤(科)二② ⑥(釋)二② ⑦(有)一② ⑧(標)二② ⑨(亦)一② ⑩(爲)十② ⑪(證)十② ⑫(教)證②

異。就教三者初至起分。是其由序。以起發正說故。二本分已去。是其正宗。於中雖。後有廣有略同說地法判爲正宗。三地利益分下辨法力感益判爲流通。二就證三者。初一序分判爲由序。二三味分是證。正宗。因入此定正顯實證故。地論云此三味是法體也。三流通之義釋有二類。一以己之德流被信地。說爲流通。若從此義。加分已去。皆是流通。以說自所得令信行。地著薩證入地。故。二顯法利益流及未代。若從此義。即地利益分方是流通。今據前義說也。或爲四者於正說內。自分爲二。先是法說顯地。後影像分寄喻彰地。教證准前故爲四也。或爲五者并後結證偈頌。佔前爲五。或爲六者隨行以分。初至起分是起化之由。爲生物信。二本分中略說地法歎其殊勝起衆樂欲。三請分之中彰地出言令生正解。四說分中廣明修相令物起行。五影像分中寄喻顯德。六地利益分中明德成證。實感化斯現。故地論云以得法力大地動等。或爲七者從初至請即爲六分說分通。十。總爲第七。或爲八者分後地利益分異。前故有八也。或爲九者分影像分爲第八。利益分爲第九。或十者增其偈頌。此十大第有其三義。一就化相通爲起說。二就化意通爲顯證。三隨宗要證教雙辨。初起說者。如來將說先記時。處現相集衆。發起所說以之爲序。由序既興。將爲衆說時。金剛藏默入三昧。顯己自證能爲衆說。又爲受加故。次

第二明三昧分。由入三昧十方諸佛讚歎與力故。次第三明其加分。既得聖力欲爲衆說。但定無言說宜從寂起故。次第四明其起分。從定起已略宣地相起後廣說故。次第五明其本分。然彼本中略說地名。不廣分別。大衆渴仰聞名欲義。相與啓請故。次第六明其請分。衆既請已正爲廣陳故。次第七彰其說分。乃至十地通亦名說。法說難解。宜以喻顯故。次第八明地影像分。爲說既竟。宜顯法勝益。勸信傳通故。次第九明地利益分。既長行散說。宜以攝總攝分。易受持故。次第十明於偈頌。二顯證者爲化之意宗爲顯證。於中初分顯證由序。後九正顯證相。九中前三就相顯證。次四就說顯證。次一就益顯證。後一重述證德。前三之中。初三昧分寄入顯證。二加分因加以顯證之相。地論云何以故加。由得大乘光明三昧法故。三寄出顯寂說。必宜起即顯所入寂滅離言故。地論云定無言說。是故宜起。次四之中。初本分者略說顯證。二請分拂相顯寂。說及影像寄相表德。說分寄修表德。地影像分借喻顯德。地利益分就所攝化顯地利益故。地論云以得法力動地雨華等偈頌可知。三隨宗要證教雙辨者。初一是其由序。後九正顯證教之相。於中初一入三昧顯正證。後八大第明起言顯教。同初門辨。又可隨地不同分爲十也。或爲四十八者。初地第十各八分。二地二分。三四與九各四分。五六各三分。七地五分。八

地七分故。合爲四十八也。問論云。初地所攝有八分者。如序分等。是十地家序何故論主判入初地收。答地論。科文有四例。攝一以後攝前例。以前序等後近初地。是故以後初地攝前序等。是以名爲初地所攝。而實序等屬於十地。非唯初也。二以前攝後例。以影像分地利益分前近法雲地。是故以前攝後法雲所攝。而實彼二屬於十地。非唯法雲。三當相分文例。謂非攝前後如中間諸地。或二分三分等皆當相攝也。四顯地該收例。謂顯十地是陀羅尼法。是故分諸地文改勢廢與隱顯前却。即一地皆有四十八分也。如序分等。既全屬初地所攝。即知亦得屬第二地攝。餘地例然。餘地。科文於初總有如是準知。十種地內總有四百八十分可知。二釋文者。初地八分文處分齊準論可知。就序分中有三世間。初智正覺。二器世間。三衆生世間。或分四。一時。二主。三處。四衆。彼論經中爲論主別釋。此品二部別行。是故取此經初。如是我聞。致此品首也。又彼中言。第二七日者。取經初始成正覺之文。今此中無者。以經初有故。同是一部故。即經初始成則是論經二七。明知華嚴一部總是第二七日同時說也。若不爾者。此品之初何不別安二七之言。豈此品初脫彼文耶。是故當知。有人。臆判華嚴十地已前諸會是初七日說。唯十地品爲第二七日說者。恐不順文也。又地論主釋。初七日但思惟行因

●後二復● ●[地]一● ●佔一估● ●[者]一● ●云一言● ●全二令● ●即二既● ●置二唯● ●意●

緣行自受法樂。始末說法。是故名。初時及勝處說。故知初七非說。爾時即是二七之時。顯時勝也。以佛具於三德六義於世獨尊。故名世尊。即梵名婆伽婆。義同前釋。此主勝也。他化等者。顯勝處故。法勝有三重勝。一他化天勝。簡下五天。二在王宮勝。餘天宮。三摩尼寶殿勝。餘殿。問欲頂高出表法勝者。色界彌勝。何不在彼。答地論云。此處感果故。謂機感在此。是故此說。謂感是能感機也。果是如來赴根酬欲之相也。又釋表所證真理非自作故。寄他化顯也。又上二界是難地。非修行身故不在彼。修行之身要是欲界。他化最極寄顯法勝。故在此也。又第七地攝報果位在此天王。寄顯十地攝法寬故。何者以第七地是菩薩位。故攝上一乘。是出世位。故攝下二乘。表此十地通攝五乘故也。又此天寶殿。密嚴經此他化天摩尼寶。是十地菩薩常所遊履。又準大乘同性經。此處有報佛淨土。又準上兜率莊嚴。此殿亦更過彼故。與虛空法界等。然表行德證真純一。無雜故。以摩尼寶顯之耳。是故此天處有五義。一凡處。二七地菩薩處。三十地菩薩處。四佛處。五圓通具諸處。無障礙故。與大菩薩下顯眾生世間。於中有五。一簡定其人。二歎其功德。三列德者之名。四結名者之數。五標衆中上首。初中準論經有四。一簡大異。小謂別地前二簡住異。退謂別於七地已還。三簡始異。終謂別於十地初心等。故彼云皆一生得阿

耨菩提等。此文略也。亦可於阿耨等是此終位不退。即是簡住異。退。四簡新異。舊亦是簡主異客。於中諸義並同。前釋二歎德中。二先別。後如是下總以菩薩功德不可頓顯。故先別歎。非別能盡。故須總結。前中亦二。先略後廣。以菩薩德廣難以頓彰。故先略歎。非略能周。故須廣顯。前中二。先明自分行滿。謂菩薩二智證遊真俗名行處。窮盡彼際。因位成滿。名悉自在。後勝進行。謂佛慧入處。是果位所得圓智契。如名為入處。明此菩薩以勝進慧亦隨得入。故云悉皆得入。前是自分成在己位。故云自在。此是勝進仰成機云。得入二善能下廣歎中二。先十一句歎自分德。後一切菩薩無作下八句歎勝進德。前中二。初五句明行修具足。後六明德用圓備。前中二。初二句明利他行。一正教輪。二神通輪等者。等取記心輪。二具足下三句明自利行。一具願是起行心。二正起行修。行通三際名一切世。各盡多劫。名一切劫。此是長時修也。然遍諸刹故云一切國。此是無餘修。又前是一切時。此是一切處。常修者是無間修。三具足菩薩下明修所成德。謂福智成滿。故云具足也。二德用圓備中。二初三歎利他勝能。一能饒益者。總舉所作益相。謂令衆生修出離因。二能到等者。明窮盡善巧。慧之際顯到能化智岸。三能令等者。明成所化益相。生死是苦果道是集因。涅槃是滅果。門是道因。以了因能顯故云門也。後三歎自利德。一行修殊

勝。謂化他不斷自行。二衆德圓滿。謂四禪定。謂八定。解脫。謂八解脫。三昧。謂三三昧。通謂六通。明謂三明。慧謂三慧。又此菩薩既並悉是一生補處。準下文十神定十解脫。謂不思議等。十百千等三昧。十神通。十明。十慧。皆悉無盡也。三諸所施等者。顯妙用自在。謂依前通。慧所作巧現。故云善能示現也。第二勝進中八句。初四明殊勝三業攝修所行。後其身下四歎廣大三業備具諸德。前中初歎身業勝。言無作者無功用也。謂無功之大用。即是種類俱生。無行作意生也。二於一念下歎語業勝。謂攝法上首。請轉法輪。三受持下歎意業勝。謂持正法。大心供也。四常能修下明攝修所行。謂依前三業修起。菩薩諸勝行。事二後四之中。初歎廣大身業。如普賢身遍現諸刹。二其音下歎廣大語業。三共心下歎廣大意業。四一切菩薩下明備具諸德。上來別歎竟。如是下總結無盡三列名中。同名。藏者。謂表地法有含攝衆德。出生果用故也。故地論云亦能生成人天道行。解脫月一人不名藏者。表受法之機清涼器故也。四如是等下結數。依論經此中有第五所從來處。謂種種佛土。此中無者。前已云從他方世界來集。故此不繁也。五金剛藏爲上首者。標顯會主也。金剛略有二義。一是利義。論云一切煩惱難壞。此法能破。二是堅義。論云善根堅實。猶如金剛。故不異名。說下釋藏義。何故名金剛藏者。此問意云爲藏中有金剛故名。金剛藏。爲是以金

●始一元●●(謂)一●●(顯)十是●●(顯)十文●●名二●●(是)一●●(行)一●●(十)一●●行作一作行
●(身)十也●●(地)一●●(者)一●●

剛爲藏故名金剛藏。答云藏即名堅者此顯以金剛爲藏非是藏中有金剛。其猶樹藏者此喻顯是堅是藏。謂樹心堅密而有生長功能故下合云生成人天道行等是釋堅藏也。如孕在藏者此喻能破而是藏謂子能破胎而出也。力最大者合此喻也。餘義如別集十地論疏中釋。第二三昧分內六句分別。一釋名者。梵語正音名三摩地。此云等持義同前釋。大智慧者從業用爲名。謂此定中發起無漏聖智。慧光明能破無明故立此名也。謂此定與智俱。即以如此不散亂無漏智爲十地體。又正證名智。慧後智名光明。又論經名大乘光明者謂此二無我慧過二乘故名大乘。破無明故名光明。此則過地前也。又此慧能運轉諸行令至佛果故名爲乘。約功能立名。唯識論第九云。大乘光明定謂此能發照了大乘理教行果智光明故。二體性者。別授五中以無漏慧俱定數爲性。又以三法爲體。一定二慧三真如。是故爲無爲爲性。以其能所證故。三業用者有二。一謂依此定能受諸佛三業加被。二依此定發後得智宣說十地。以是赴機感滿佛本願爲其業用。四明種類者。謂此地上諸菩薩等所得三昧雖復多門統論四種。一大乘光明三昧。二集福德王三昧。三賢護三昧。四首楞嚴三昧。此翻名健行定。謂十地菩薩名爲健士。健士所行故名健行。又初二三地得初定。四五六地得第二七八九地得第三十地。故佛得

第四廣釋此定如諸本攝論。五明入定意者有五意。一受加二審根。三證法。四表深。論云顯示此法非思量境界。謂非同地前未證真法但正思量而能有說。此一文顯後二義也。五成儀軌者。謂諸聖說法皆先入定如佛將說法華大品皆先入定。豈可如來有不在定。故知說法儀式皆爾。此經諸會爲式大同。六釋文者。一標入定人是上首故。二明入所依謂仰慕佛力名承佛威神。三正明入定謂簡異果定名菩薩。大智等同前釋。問既是菩薩定何故承佛力耶。答有四義。一爲推化在佛故現承力。二雖實自得對佛勝人不得自在。縱極小事亦須仰承。以非佛加無一法事而得成故。三雖分證得窮滿在佛故承也。四佛既出世況令弟子有所造作。皆與其力故須承也。第三加分中有三。初總明作加所因。二顯加所爲。三正辨加相。初中二。先明作加後舉所因。前中二。先現身同名後同讚顯加。前中五句。一處遠近。二佛頭數皆倍前會可知。三現身令衆見以生信心。四同名令主。聞以增進踴悅。五結十方同。二同讚中四句。一讚其得定。二顯已佛數三彰已名同。四正辨作加。第二釋作加所因中三句。一舍那往願力。二現在威力。此二是緣力亦是果力亦是他力。三汝有等是因力亦是自力。謂自他因緣因果等合方得成此十地之法。第二論釋中二。先釋前後生後。前中四。一釋多佛加可知。二釋同名

加於中有四。一徵問本願釋。二徵顯顯多釋。謂舍那本願使多佛同加也。三法通古今釋。謂此是同證同說之法故云是法體也。然有二釋。一即後十億塵數諸佛過去亦曾同作。加剛藏菩薩受加說此十地法門。今成正覺亦在此。二法門故有說處即能加。是彼佛本願也。謂此剛藏菩薩當成佛時亦同此事。此釋順論文。二約舍那佛釋。謂舍那本行菩薩行時見一舍那佛所能加諸佛同名金剛加說地法。舍那今成正覺。本願今成故彼能加佛亦名金剛故云不異名也。此釋順經文。以經云舍那本願故令諸佛加也。如涅槃經云往昔此處有佛名釋迦待者名舍利弗目連有大利益。我因此與願故今亦同之在此說法是類也。四又是下明同名增顯釋可知。三何故不言下釋十億之數三句。一通微顯多釋。謂若直舉無量或容不至十億塵數以言總無定故。同下文多百千等又釋前會百萬佛剎塵數諸佛此中十億者以百萬爲一億故。是故方便漸次以顯多佛。若直言無量則乖方便故不言也。又釋此顯多佛者以十數爲一則以顯無盡故云多佛。若直無量但得一重無量非是重重無盡是故十數多於無量也。二何故定言下徵定數同釋。三此經下爲則大同釋第四彼佛下釋作加四。一先作是願者釋。本願加二今復自加者釋現在威神力加。三後餘佛加者簡後異前。謂此並是舍那力加非是餘佛加。加餘佛加在後文處

①被二破②③④⑤⑥⑦⑧⑨⑩⑪⑫⑬⑭⑮⑯⑰⑱⑲⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺㊻㊼㊽㊾㊿
二勇①②③④⑤⑥⑦⑧⑨⑩⑪⑫⑬⑭⑮⑯⑰⑱⑲⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺㊻㊼㊽㊾㊿
一①②③④⑤⑥⑦⑧⑨⑩⑪⑫⑬⑭⑮⑯⑰⑱⑲⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺㊻㊼㊽㊾㊿

辨四故言等舉經帖也。生起後中何故。加說此法者。生後所爲。謂說此地法故也。復云何加生後加相。以文在後遠是故不舉下文對顯。第二釋加所爲中。二十句文依二利分。初十共他自利。後十共自利他。以二利行相融攝同在。地中本後二智之處具足。今以寄顯文義差別。故分二別。前中論主作四門解釋。一總釋顯本。二依本開末。三明會末歸本。四顯本末無礙。初中總論地法緣起有六義。一一切菩薩是信行地者。舉所被機。謂地前菩薩未證真如。但依信心而起。行故。無著般若。經論中亦同此名。問若唯地前是所爲者。何故下文解脫月歎衆請中云。此衆有五種阿含淨四種證淨。又下大衆請中爲十力淨心。論釋云未入地者。令得淨心。已入地者。令得十力。又約下文轉生時益。亦通外凡。據此等文。即通外凡及地上。何局內凡迴向等位。答有二釋。一理實是通。誠如所說。但今論主就於教力益強處釋。何者。謂地上菩薩設不得教。亦能自進假教義徵。外凡之人。設令蒙教。未能依教。即令入地。教益亦弱。唯信行地得教。便進故。異外凡。闕教不進故。異地上。假教義強故。偏就釋。無著論云。此位菩薩欲入初地。先求教授教誡。是此義也。二如初地加行位。既名信行地。即諸地之前俱加行位。皆名信行。以攝論中意。言無分別觀通四位。故知地上亦有也。如外凡遠位。亦通收。彼然據親入內位現證故。約此辨也。二

不思議佛法名出世間道品者。此是所得之法。然有二釋。一約因。謂十地法體是出世間無流之法。心言路絕。名不思議。通生佛果。故名爲道。下云大聖道者。是彼因故。十位品類差別名品。又道是智品。是檀等行眷屬也。二約果。謂佛果所得之法。故名佛法。非下位圖度名。不思議。今地上菩薩分證此法名。出世道品。地智所遊曰道。分證未圓名品。三明者見智。得證者般若經。名悉知。悉見。楞伽中聖智聖見。聖慧眼及餘論眼。智明覺等。皆此類。創闢名見。委照名智。智照非比。故名爲得。冥神契合。故復名證。初二觀解。後二行契。各初始後終。可知。四欲宣者。論云。說者於中分別者。於此能所證得法中。以言分折。十位差別。明地行優劣巧。慧等異故也。五入者信樂。得證者謂地前信樂。遠有入義。地上得證現成。交入。通論入義。必從彼至此。故具始終也。亦信始樂終。得始證終。六智。慧地者。謂十地智。如本分中說者。謂此證理。聖智有生成住持佛果等用。名地。始從歡喜。終至法雲。本分中顯可知。此上六義融合無礙。通教及義。通證及比。通境及智。通入及法。通因及果。混通無礙。總爲一圓。名十地法。若展之於後。種種差別。皆悉於此總句中出。是故名此爲根本。入上來總釋顯本。竟。自下第二依本開末。分成九句。於中四位。謂願樂位。見位。修位。究竟位。初四寄在地前願樂位。次一寄初地。次三寄修位。後一明究竟位。問此中正爲

說十地法。何故乃說地前及佛果。答爲顯十地前有起下之功。後有成上之義。又釋由十地證智。放阿含光。是故地前是此十地阿含分攝。由此地智依果海成。故有佛果上不思佛法及下鳥跡所依空等。並是其事。初中初一約開。慧修善根。攝一切。二明思。慧之始簡擇道理。論中智方便者。釋善分別也。道品釋佛法也。三思。慧之終。謂因思廣知。彼彼義釋諸法。種種知釋。廣知。四明修。慧無疑立。教可信。故云決定說。謂修通二利。今據利他菩薩。化他即是自成佛法。故入自利收。論中隨所思義。是上思。慧所思。名字具足。是聞。慧所持。故決定說也。上來顯信樂。自下辨得證。五見位。智謂由地前加行位終觀。於唯識無境之義。依無間定。雙印於彼。能所取空。彼增上力。引起識中本性。無流生起。大智照遍。滿法界。名爲初地。入真見道。論中一切法平等智。釋無分別智。謂於初地。正證真如。無能所二相。故云平等。唯識論中。或云有智無境。以真絕相故。或云雙泯。以境智相如故。今辨四句。皆得可準知之。見道時中善淨者。釋善淨不雜。謂離二我分別。隨眠。此文善分別者。是彼不雜之義。謂煩惱離故。名分使。永斷名善。此無間道中斷障之義。又釋善淨不雜。是解脫道中證彼無爲清淨之義。故云不雜。此善分別者是領證無爲之義。又釋無分別。是根本智。善分別是後得智。勝進道中起行之義。六明修道位。中地地別斷。一無明。故

①加十(爲)②(智)十行③(地)二論經④(明)二開⑤(云)一⑥(名)一⑦(知)二智⑧(知)⑨(果)一
⑩今二令⑪上十(上)⑫(地)一

於煩惱障亦永伏離故云世法不染。名不放逸入魔法是世法也。七明修位中智行轉進名地地轉入。謂無流善根永離一切三不善法故云清淨。無貪等者等取無。瞋無癡也。復有善根能爲出世間道品因。者是諸地中加行善根也。八十地學窮名菩薩盡入。下大盡分中明。第十地菩薩入。如來十種秘密之智。以祕隱深。密難可測。知故名不思議。法雲契入名得彼智力。如歎淨名云。諸佛祕藏無不得入此之謂也。九究竟位明。因道既圓佛果斯彰。窮滿果原名佛盡入論中入智者釋得字也。

上來第二依本開末竟。自下第三會末歸本。言是諸入者。上九入爲校量等者。顯其無別之別。謂寄地上乃至佛地。校量地智差別次第轉勝之相。非謂根本入中亦如此等行布次第決定差別。是故融末歸本顯無二矣。前依本起末明無別之別。今會末歸本明別而無別故也。第四明本末無礙者。謂明六相總別無礙故也。釋此六相義作六門。一明教興意。謂破定執見以顯緣起圓融之法。此理現前一切惑障一滅一切滅。一切行位一成一切成等。二種類者。不自不他生等四句。及不有不無等四句。并不生等八不十不等。皆悉會事入理。是此流類。但彼等入理以順一寂。今此入理圓融彼事便相即相入成普賢法。有斯左右耳。三明所出者。此文出在下經第四大願中。經家自說非是論主率意而作。四明建立者。何故

唯六不多不少者。謂汎論緣起法要有三門。一未依於本有起不起。二彼所起未既帶於本。是故相望有同有異。三彼帶本之末既爲本收。是故當體有存有壞。若不具此三不成緣起。三中各二故但唯六。五問答決擇者有二。初逆謂非總非別等各互相形。譬諸相皆盡故也。二順謂亦總亦別等各各順相成就等思准作之。六釋文有五。一約法舉數。謂於所說法中有六種相等。二辨定教義。此言說解釋者是定教。謂於此中安此六相之言說爲欲解釋經文應知此意。又釋此中釋六相非是此處經文。但是論主解釋之意應知。除事謂陰界入等者此辨定其義。謂約道理說融通非是陰等事相中辨除簡之。三列名可知。四釋相中。別依本者明依總開別。滿彼本者還能成總。謂要依本之別方能滿本故也。增相者是前九入漸增之相以顯異也。緣成和合略言標顯。緣散無作廣辨因緣。如世界成壞者舉喻以顯。謂如百億四天天合成一娑婆界。略言標顯爲成。若分別廣說百億差別。合一娑婆無所依住故爲壞。五餘一切等者。勤於一切處準類知之。第二共自利他中十種始終經本略無始終總句。始者信欲親近等者。此明求法之初。非信不求非欲不能忍苦求法。由內起信欲是故外能親近善友爲得法方便也。終者念持。諸地者此明得法不妄憶念所受任持不失。所持是何謂諸地法也。理實此二通在諸

地。以下十句皆名始終故。若寄位分始在地前終在地上。同上入中信樂地前得證地上復有阿含及證。如是次第依初相應知者更以「翻釋始終義始配阿含終配證得如次配釋同前應知。故云初相指前始終相也。阿含正音名阿含摩。古翻名淨教。又譯名來。以此言教從無煩惱人邊來。今譯名傳。謂此聖言是三世佛之所同說。但古今諸佛相傳而說。非新制作故名傳。又依此論上下文內阿含及證總有九重。一行教相對。音聲言教名爲阿含。一切功德說以爲證。猶下說中字義二藏是也。二約位地相對。解行已前依教修行名爲阿含。初地上說之爲證。猶下解脫月第二請中歡衆是也。謂地前起聞思修等名阿含淨。初地已上一切行德通名證淨。三修成相對。一切地中聞思修報生識智。此等四心緣照之解名曰阿含。眞智出言以之爲證。故下論言聞思修等是則可說。以可說故名曰阿含地智離文名之爲證。四眞僞相對。一切地中眞僞合修名曰阿含。捨僞契眞名之爲證。猶下所明義說二大。說大阿含方便修。義大是證行成也。五相實相對。世間修中得彼證相名曰阿含。契本實相名之爲證。猶下所說增上妙法光明法門。增上是證光明是教。六體德相對。就彼離相所成行中無始法性本隱。今顯名之爲證。依本所成方便行德依教修生名爲阿含。猶下文

●藏一● ①新二● ②校二● ③一切一● ④天十(下)● ⑤合二令● ⑥安二忘● ⑦調二翻● ⑧地一●

七體用相對前體及德相從爲證。依此所起隨順世間教智之用名爲阿含。猶下文明珠放光等所況法。是珠輪等淨喻於證體。光炎等喻於阿含。八自分勝進相對。自分所成體德及用皆名爲證。能受佛教稱曰阿含。猶下文金剛藏二力是也。妙智及辨名爲證力。於佛教法念堅淨。慧名阿含力。九約詮就實相對。其智之體說以爲證。即此證體約言分十名爲阿含。猶下文虛空跡處所況法。是虛空平等喻地證智。故下論云。字身住處證智所攝。空中之跡喻地阿含。故下論云。非無地智名。字身。名。字身是阿含法也。此之九種通上及下。應准知之。此中別辨十句。始終中。初三地前思修利物。次一見道。餘六修道。此十始終狹於前入。以彼入中前。該聞慧後攝佛盡。此不同者。理實齊通。但以聞慧及佛非是正地。前已明故不重辨也。一攝始終。謂稱思宜法故云實說。實說成德故名爲攝。以彼聞慧從他受。法師義不便故不論也。二欲始終。是思慧上品增上求心名之爲欲。菩薩教化欲令衆生契合諸地。故云令證一切佛法。此是安住義也。念是其欲。隨順是令證。三行始終。即修慧於此加行位中正觀。意言唯識等觀名之爲行。以非證位是故名爲觀分時中。於彼地上真無流法作帶相觀。是故於彼無流道品但能修相。觀未得無相觀也。復依相觀說授前機名爲分別。攝論現前立少物謂是唯識性等等。

唯識論帶相觀心等並此位行也。是意言觀故。經中名說論經名觀。其義一也。四證始終。即見道位。大智光明是根本智。善分別者是後得智。以自嚴者二智成德。又論經擇字。是此分別。分別中勝名善分別。勝者法無我。故過小名大。治惑曰明。此事中彼時中皆善知者釋。方便字。是相見道故有此知。論既不顯。今作三釋。一此事中者是此見道事中也。彼時中者是地前觀分時中也。正照於此。兼巧知彼名皆善知。以爲方便。方便猶是以自嚴義。二釋此事同前。彼時是後修道位中所有行相。以此後智照前達後名皆善知。三此事中者是此後智相見道中。彼時中者是彼本智見道時中。皆善知者巧具二智。用以自嚴名爲方便。又釋以法真見道。兼知彼故云皆善知也。五修道始終。謂出世智辨其智體。智力明有入法功能。法是行法。義是義理。是智所入。謂此法義能出生具智名。具智門。修道智力能入彼門。故云也。後五始終論主寄治五障翻對以釋。問此處五障爲實爲虛。答亦實亦虛。謂有此障者不得此位。得此位者無此障。故是故假對此障翻顯治行。即十種釋中顯發釋也。論中先別辨五障。後舉經對顯。今並通釋。一障中各二。先舉障名。謂不能以正摧邪。下釋障義。已說正義。他言能壞自行失也。眷屬離散化他行失。故成障也。下舉經顯治。隨彼所著顯已正義對治邪執。故云隨所應住。次第說故此標也。下句釋。

以得無礙樂說辨才智。慧明故。是故能破他。論經此二合爲一句。二不能答難者。此列名。前明不能破此明。不能立。於問茫然失。自利行。設言不信。失利他行。下舉經顯治。謂證得無礙大智地。故云具足等也。三於小起。微失。於二利不妄。大心。故以成治。四於生忘化亦乖。兩利。化物不疲。故以成治。故云教化成就等。五於化不巧。故無方便。亦失二益。以五明等一切處法明達巧。慧名決定智爲能治也。又此五障中。初一不能破他邪宗。二雖能破他而不立。自己正宗。三雖能立破而情樂小乘。四雖不樂小乘而懶化他。五雖化不疲而無化他方便。是故至五化行略周。上二十句總明加所爲竟。自下第三明其加相。於中有三。謂口意身加。此三加次第有其二門。一約他方佛。先口加者乘前言便勸說。於先說由內智淨覺爲因。是故大明意加與智得智堪說事次起。後身加摩頂令起。二就舍那佛。先意次身後口。爲令得決定由意力。是故居先。身光照燭以增威德。雲臺說偈。口業加教。方能有所說。是故此三從微至著成於說耳。就初口加內十句。初句是總。汝當說者令其辨說。即是辯才。謂隨所得法義。憶念不忘。說故法門差別。如論應知。汎論方便有三種。一發起方便。謂如加行發起根本即七方便等。二無住方便。謂由悲智巧相導引不住生死及涅槃。故如方便度等。三集成

●(殊)十光●●●該二跡●●[也]一●●觀二覺●●●[中]一●●芒二茫●●化十(仙)●●證二德●●

方便。謂諸緣起巧相集成如六相方便等。今此當於集成方便故云。此善巧等也。下九句別中分二者。謂自他二力以諸緣起法皆有因緣親疎二力成故他力中二。一。如來神力。二。智明加故。經中二句顯之也。自力中分四者以因中有四義故。一。有力能作義。二。無力不作義。三。具二義故能引衆生。四。泯二相故稱理成德。又釋此四漸次釋疑。疑云何故得加。以有因力故。若是有力何須復加。以因不作故。若是不作應無用。以由無作方堪益物。若逐機益物應失自體以身淨圓滿故。又釋初二自利。一。教行。二。證行。又一相。二體。次一利他。後一二利滿故成德。成德中三義內。一。當位顯益。後二寄對辨勝。初因位窮終故云。菩薩盡位滿成益故云。有二利益。謂法身真理唯是無分別智正證。依止非是染心等所取故云也。楞伽云。取相名識。不取名智。理智合成。依止義故云。法身智身。十地終心受佛職相故云。受佛位故。如法雲地受位分說。在因位中有此益相此位不改。因故云。現報利益。謂一切佛放益一切智光。入此菩薩頂故云。於一切佛得受記。受記即是受位也。二轉此因位至成果之處故云。後報利益。此是十地菩薩攝報果處。便於此處成報身佛。理實剛藏猶未成。此當必成故結德在身。如下佛盡亦同此辨。摩醯此云大首羅。此云自在。智處有四義。一。以下三禪慧多定少。令智不勝。四無色中定多。慧

少智亦不勝。此第四禪定慧等故是故智勝。故云智勝。二。此處五那含。天是聖人所生處。聖人智勝故云。智勝。三。此處有十地菩薩攝報果。彼菩薩攝十度行別成智度故名彼處以爲智勝。四。此處成報身佛得一切智一切種智故名。此處以爲智勝。此是世間中最高勝處。於彼現成佛故云世間高大之身。後二寄對顯勝中。初一對下彰出。於彼二乘無少分同故云。不同盡。又彼二乘見有世間而超過故。於此世間超而不盡。見有涅槃而可取證。於出世淨亦未得盡。今菩薩皆盡彼際故云。不同盡。後一望上顯同。謂於佛果窮盡彼際故云。佛盡。經略此句。謂二力之中自力勝故以多義顯上。故云校量轉勝上上也。又釋此佛盡理實剛藏猶未成就。何故此中辨耶。以爲顯自力辨勝故此說耳。第二意加中二。初十句正明意加。後十句釋偏加所以。何故就意加釋者。以意加是本故。又前口加有自他二力。今意加亦爾。初十明他力正加。後十明自力堪加。初十句內初句亦總亦別。餘九唯別。問意加與智何故初句明色身勝。餘九顯名身勝。名身是語。此但身語。何關意業。答此有二義。一。智慧勝故威儀亦勝故舉色身以彰。又欲觀其智當觀其說故舉名身以表示耳。又汎論名身亦通意業。如分五蘊爲名色。即四蘊名等。二。釋但彼諸佛所與之智略有二種。一與處衆無畏之智顯之於色身。二與說法無礙之智彰之於語

業。是故論中皆名。辯才。初中內德不虛名。眞實衆內莫善加名。無上。由衆中無上故處之無畏故。論經名無畏身也。名身九內初二句爲一對。謂初一於說無滯。後一於義深達。又初總知無礙。後善入差別。初是四無礙中樂說辨。謂智宜妙辯理無所倚礙故云無著。不爲礙礙令言中歇。故云不斷。此釋無障礙辭無礙礙故云無滯。此釋樂說通釋可知。二由照法差別。正宜說故云堪辯。依相續解脫經有四種成。一。以有成因緣名相言說諸法得成。二。所作成一切所作各有成辯。三。法成一切諸法成立。四。助成以智言說助成諸法。今言緣者是彼以有成也。二法者是彼法成也。三作者是彼作成也。四成者是彼助成也。又古德釋云。一緣者如山中草木得緣即生不假功力。二法者謂以法而成如有法成易無法成難等。三作者謂加功用如造舍等。四成者謂內外相假而得成等。今更釋緣是作法之緣。如欲作柱匠斧木緣。作是衆緣。扣鑿造作。法是所作柱法。成是識心了別方成。謂若無識心了別彼所作柱但是無分別法。要待識心以爲構畫爲立其名方可說成。是故此成即是不成。故云成不成也。問准此釋義及前經文法當第三。何故論中法居第二耶。答謂初舉能成之緣。未知此緣是誰緣。故次舉法明緣所屬。未知此緣如何造作。故次明作。未知作已爲成不成。故後明智助成之矣。論約此辨是故法在第二。又此

●集成二成集 ●此十(法) ●合十(明) ●(利)一 ●(攝)一 ●(以)十成 ●(十)一 ●(辯)二 ●(義)一 ●(初)一 ●(故)一 ●(實)一 ●(法)十(性相) ●(以)一 ●(釋)二 ●(在)二 ●(二) ●(三) ●(四) ●(五) ●(六) ●(七) ●(八) ●(九) ●(十) ●(十一) ●(十二) ●(十三) ●(十四) ●(十五) ●(十六) ●(十七) ●(十八) ●(十九) ●(二十) ●(二十一) ●(二十二) ●(二十三) ●(二十四) ●(二十五) ●(二十六) ●(二十七) ●(二十八) ●(二十九) ●(三十) ●(三十一) ●(三十二) ●(三十三) ●(三十四) ●(三十五) ●(三十六) ●(三十七) ●(三十八) ●(三十九) ●(四十) ●(四十一) ●(四十二) ●(四十三) ●(四十四) ●(四十五) ●(四十六) ●(四十七) ●(四十八) ●(四十九) ●(五十) ●(五十一) ●(五十二) ●(五十三) ●(五十四) ●(五十五) ●(五十六) ●(五十七) ●(五十八) ●(五十九) ●(六十) ●(六十一) ●(六十二) ●(六十三) ●(六十四) ●(六十五) ●(六十六) ●(六十七) ●(六十八) ●(六十九) ●(七十) ●(七十一) ●(七十二) ●(七十三) ●(七十四) ●(七十五) ●(七十六) ●(七十七) ●(七十八) ●(七十九) ●(八十) ●(八十一) ●(八十二) ●(八十三) ●(八十四) ●(八十五) ●(八十六) ●(八十七) ●(八十八) ●(八十九) ●(九十) ●(九十一) ●(九十二) ●(九十三) ●(九十四) ●(九十五) ●(九十六) ●(九十七) ●(九十八) ●(九十九) ●(一百)

四釋差別。經中名分別。成不成釋。清淨以。離相故。三任放等者。次二一對。初於說自在。後於機巧化。初任意放縱。辯論圓音。故云。任放辯才。雖言義超越而辭無停滯。故云。說不待次言辭不斷。異義雖多而終結歸本。故云處處隨意不忘名義。以隨門異說。不忘本宗。故云善憶念不忘意力加。故者釋加字也。四能說應機巧宜名能說。辯此列名。下釋隨所應度者巧能應機也。種種譬喻巧能說也。後巧能除疑故名能說。以善能機決定無疑。故云與善決定。之慧五不雜等者。次三一對。初一證理。後二起說。理同無異。故云不雜。三種同相智。有說三空門是有說所證三無性理是有說。依金剛仙論說無常苦無我是有說。助道證道不住道。謂同相三道是有說。依別翻本自相同相不二相。即世諦真諦一實諦是也。義雖通前依本為勝。照達此三故云至一切處智六教出等者。此二一起說。初一說令起行。後一說無怯懼又初於熟教出。後於生不畏。並可知。八九二種為一對。初知佛教法。後依知而說。知教多門名無量辯。六正見者。古德有說。即總別等六相解釋聖教。成正見故。有說。依金剛仙論。一真實智正見能知理法。二行正見能知行法。此二教旨。三教正見能知教法。四離二邊正見能知前理法。不同情取。五不思議正見能知行法成德。出情六根欲性正見能知前教法說隨物心。又相傳說。西國別有六正見論。一。忘想。二。忘

想。依三亦忘想亦非忘想。四忘非忘依。五非忘想。六非忘想依。初即現行忘想。二即所依染心。三聞等三慧。四淨教為依。五證真正智。六真如為依。又初二外凡。次二內凡三賢位。後二地上聖位。九同化者。三業齊同成此化事故。又釋此三輪化是一切如來同用此化故云同化。又釋此中令金剛藏三業俱同。如來化事偏名同化。非彼前八而是不同。佛無畏身等。等取口意。三種教。化總舉隨所度等釋。經中起字。殊勝釋。莊嚴是上妙也。謂身業神通輪。意業記心輪。口業正教輪。並是神力各成事故。云神化故也。自下釋加所以中。先徵後釋。徵意云有力者明佛有普加力。有悲者明有普加心。自有普力無普心亦不致疑。自有普心無普力亦不可怪。今明佛有能普加力亦有平等悲。何故唯加剛藏一人。故致問徵。故云何以故也。下明釋意有十句。初一是總得此三昧法。餘者不得故。復何故得此三昧者。下別顯有二因故。一以是菩薩往昔本願力所致故。二由此菩薩具彼三昧之行德故。故云三昧身攝功德有八種。於中初四自利。後四利他。前中初一是起行之本。即欲樂心故云趣盡地。盡地即是十地滿也。徹至終位故云深心。情無異願故云直心。然無二也。餘三是行德。一證理行。二是助道行。三不住行。又初一智德。二福德。三斷德。由後智所現身增福令成滿故云身轉淨也。雖在後智位。不捨正證故令習

氣亦不行故云善修本業也。後四利他中。初一利他方便。後三利他行體。一身二語三意。初身業神通能生淨信。故云以決定信力攝取通故。此文會釋經論也。以光明是通能生彼信。依是生信故說此通故云攝取等也。二語業巧說前後無違故云不壞能一字中攝一切字。故云總持。三意業正智教授衆生不異照理平等一相。故云不異。此則離彼執化之慢。故云智印善印也。論主又釋八德俱成三昧之因。由此而得彼三昧故。八中前四因有二釋。一配前四句。如次應知。二配後四句。從後向前精進因是離慢。不忘因是陀羅尼。勢力因是通淨。彼不染因是聞攝淨。是故此四因通收八句。俱為自利。又後四因配後四句。從前次第一可知。轉法理因者有二。一轉深從淺說而不失自深法。如轉大乘深理從小乘等說。如論云。一真實理門二隨轉理門。以於總持門中巧轉變故。二轉真從妄說而亦不失自真法。如在外道位佛法不行處假彼尊言誦持自法。彼執諸法常。菩薩亦云常。而菩薩意以諸法即真如。故是常。不同彼計。然與彼語同任持自法亦同。四秘密准可知。如是化者得自利。不忘者此有二義。一以此四句逆為自利順為利他。是故利他不。忘自利。二以此末後句教授於他不礙照理。出顯化事故云不忘自利。第三身加摩頂令覺。下論通有四種。一如意通於自身脩短得自在。故此於內根。二幻

●後二復●●(之慧)一●●(說)一●●●忘二妄●●●(化)一●●●之本二心●●然一體●●俱二但●●●故十(云)●●
●顯二摩●●

通轉變外事。器世界等。三法智通照。即入法。四聖自。在通苦中生樂等。此中不離彼等經略。此句。是如意通非餘三種故云也。餘義同。前釋。四起分中四義內。初二是本入所爲。後二是今出所爲。初事訖者審理故儀則故。二得勝力者受加故。三說時至者機熟故。四定無言說者要須言聲故餘同。前釋。五本分中作三門。初釋名者以略爲廣。本故亦與請爲本故。二來意者。因前加起略說地體起後請分略說地相起後說分若望以後成前由請分顯深成前地體。由說分廣宣成前地相。此則本末互成也。三釋文者此文有三。初辨六決定爲地體。二列十名顯地相。三舉三世同說明地要勝。初中此六決定既是地體。今作五門釋。一釋名。二通辨地體。三與地持。瑜伽六決定相攝。四分其行相。五釋文。初釋名有二。先釋總名。六是數。決定是義。數義彰名。即帶數釋也。謂聖智證真決擇楷定順理離過復名爲善。即地持三決定中證決定也。通論有六義。一約行體決定堅固不退。二望所證決定已證。三約煩惱決定能斷。四約所信決定不疑。五約所化決定能度。六望佛果決定能成。二列名者。一觀相善決定。謂彼正智照理名觀。契同一味名相。此當體得名。二眞實者則實智離倒惑之過。證理不虛故相形立名。三勝者過劣故具勝德故。亦常相及形他立名。四因者諸能成果故從功能立名。五大者普被群生情無限局。體

用得名。六不怯弱者謂因入果德情無怯懼。此從心境立名。第二因此通論十地體性差別略作十門。一以此六決定爲體。以此正是所說十地之本體故。二以前大乘光明三昧爲性。以此定中具含止觀證法無礙故。論云此三昧是法體故也。三以教證二行爲性。以加行緣修唯是教行。本智契理唯是證行。後智具含二義通教證。如下論說。四以證助不住三道爲體。亦通釋可知。五唯約所證眞如爲性。以能證智緣成相盡同眞理故。梁攝論云出離眞如爲十地體。下文鳥迹同空等是也。六唯約能證之智爲性。無性攝論云法無我智分位名地。此論下文亦云上來所說皆依智地。今此亦依智地故也。七具含境智。謂眞理妙智如前二說。梁論後文亦云如及智爲性。八約通收。唯識論云總攝一切有爲無爲功德爲性。九約因果。如下文大海十相別喻。十地總一大海以喻佛地。又云地有二分。則所盡太空以況果分能盡十相以喻因分。是故通能所依俱是地體。十通約諸門。謂信等十行爲成地法故。檀等十亦爾。又三漸次等諸門並如下辨。悉爲地法體。第三與地持瑜伽六決定相攝者。地持云決定相有六。一能自修習起菩提願。超餘一切淨願。二者無等不共果超。餘一切世間境界。三者隨度諸衆生苦不共。一切聲聞緣覺。四者發一念願性自然樂。無量淨法及無厭行。五者得無盡常不退轉。六者增長勝分究竟大菩

提是眞實願。解云此中第三是地論中第五。以地持意攝。二利方爲因故。餘相會釋可知。四分行相者。此六中前五是自分行。後一是勝進行。前中初四自利行。後一利他行。前中初三明行體德。後一顯行功能。謂有成果之功故也。前中初二行體圓。後一行德備。前中初一明行自體。後一顯行離過。是故自體離過攝德爲因。二利行圓成就佛果也。此行相也。五釋文中。若不自說者前雖入定受。加衆人不知。出定爲爲說法爲爲餘事。是故自說顯爲說法令衆請法。設令衆知爲說法事。然復不知欲說何法。故亦不知所請分齊。是故自說十地名體歎勝令請。初句此總。菩薩願者。標人別法。於大菩提立誓趣求名發菩提心。亦則是願。故會釋顯同。簡地前願故云決定。決定則是證智眞實。是故決定則是善。善即是決定。故云善決定者則是決定。別中六內。一正智眞證不帶相觀心。以不離無明之過故名一味相也。二以超出世間可壞之法故名眞實。眞實故非世智所見。三明此智同彼所證法界具勝德。論中二釋。一案文釋。謂大法界故名勝。此釋經中大字也。一切佛根本故名勝。此釋經中廣字。法界字後別釋。二開義釋。先標四名顯法體無異。但隨法相說此四義。即爲四別。一釋大謂一切法是法也。法爾是界也。界是眞性故云法爾。下皆准此。二釋勝謂淨法界智超過凡小。三釋

●在十(身)● ●(由)一● ●喻二喻● ●列二別● ●量二量● ●十十(行)● ●(相)一● ●超十(起)● ●(者)一● ●(顯)十常● ●也二● ●(入)十出● ●此二● ●(者)則是決定● ●(諸)十勝● ●(超)一● ●

廣謂大乘法界廣集。大行。四釋高謂無流白法高出世表。又釋初顯所如法界。謂論中名勝。經名。大。廣及高皆是異名無別體性。此並顯法之體狀。釋法字也。一切法法爾者釋界字也。餘三釋能如法界之地智。一正體智。二加行智。三後得智。又古德云。一證道。二不住道。三助道。又釋初一正證智。後二是後得智。後得智中。一巧集。大行以成利他。二反緣觀內以成自利。此三皆悉稱同真性。故云如法界也。四為因義。一為生因。生苦提有為果。二為了因。了涅槃無為果。又釋此一真智有二功力。一為依因。以依起應機報化用故。二為攝因。以攝用歸真故。又初則應機示有虧盈。後則相續盡窮。未來際又初則外起化用。後則內證真性。又初則寂而常用。後則用而常寂。經中略無常果因。五大悲益。物普周生界故云。遍覆亦名大也。次前善決定是前常果因。此顯者是此大善相導故。大善不往。涅槃常因不往世間。故云世間涅槃非一向住也。六上入佛境。故云不往。文中三。初為一切佛護者。標也。何以故者。微噴也。下釋謂入三世佛智地。故為之護也。此六中六相圓攝可知。地體竟。第二地相中四。初寄問發起。二舉數歎勝。謂此地法以能生成佛智。住持故三世諸佛同證同說。是故今此亦同彼說。三依數列名。四結名顯勝。就列名中且依地論略釋別名。餘論釋名。及十障等義並如下廣釋中辨。故論云。成就無上自利利

他行。初證聖處多生。歡喜故名歡喜地。解有三義。一。二利創成故。二。真理初證故。三。聖位新得故。遂本期心。故生歡喜。二。離能起誤心。犯戒煩惱垢清淨。戒具足。故名離垢地。此亦有二義。一。離煩惱。即因離。謂能起誤心等。二。離惡業。即果行離。謂犯戒等。三。對治離。謂清淨戒具足也。此中誤犯尚離故。即亡言。三隨聞思修等。照法顯現故名明地。此亦有二義。一。以此地得四地智。慧光明相故。如明得定等故。下論云。彼無行無生。慧此名光明。依是光明故名明地。二。依此地禪發。起後地。慧光明。故如大乘光明三昧等。餘論名發光地。故地持云。三昧照明故名明地。地論云。三昧地故定。慧合說。三得三。慧照法。故名明地。此約當地加行等釋。地論唯就此門釋。四不忘煩惱薪智火能燒故名焰地。此有二義。一。內證之智。焚燒惑薪故名焰。即前地開持名為不忘。恃此起慢名為煩惱。為是所燒。從喻名薪。則是解法慢障。能燒之智。就喻名焰。問前後諸地豈不燒惑。何故獨此稱焰。釋有二義。一。就寄位言。此地寄當出世間。無流故。二。以三學寄此地當。慧初得故也。二。就後智起用故。下論云。彼證智法明摩尼寶光中放阿含光明。入無量法門。義光明智處。普照示現。以此義。故此地釋名為焰。五得出世間智方便善巧。能度難度故名難勝地。此亦二義。一。得出世等釋。勝義能度等釋。難義。又對前三地得出世難故。下論云。十

平等甚難得故。故云得出世間智也。二。對前四地能隨世間難故。下論言。又現世間最難得故。故云方便善巧也。即下五地中十平等心及諦觀等是初義也。慈悲利生及五明處等是後義也。此二相。遠難以相到。於此地中。能令相到。故以為難。故云能度難度。度猶到也。後諸地亦有此義。何獨此耶。釋以初得在此。是故得名。六般若波羅蜜有間大智現前故名現前地。此有二義。一對後彰劣。謂證空實。慧名為般若。七地已上念念常現。今此未能故名有間。二。對前顯勝。即前般若名為大智。此智現故名有間。現前此地就後義立名。若前義應名有間。地七善修無相行功用究竟能過世間二乘出世間道故名遠行地。此亦二義。一。此位之中善修行離有相。現無相行故云善修無相行。此釋行字也。二。功用究竟等釋。遠也。於中有三義。一。有功用行。位至窮滿最為後邊。故云究竟。二。望前三地隨有之行相同世間。今此望彼已為懸遠。故云能過世間也。三。望四五六地修習道品。諦觀緣起。相同二乘出世間位。今此過彼故云能過二乘出世間道。故名遠行地。八報行純熟無相無間故云不動地。此亦二義。一。報行純熟故不為功用所動。以由修起名為報行成。熟。在此無功在運成。諸勝行故云純熟。下經釋名中名無功用。地善起先導也。無相者不為相所動也。無間者以無相觀。恒現前故不為煩惱所動也。下經釋名為

●反緣二返觀●●[未]●●一實●●●一歡●●●云二言●●●十(心)●●●二遠●●●即二目●●●自●●●現二離●●●[位]●●●然二就●●●也十(二)●●●恒二常●●●

加行地他不動故。九無礙力說法成就利他行故名善慧地。此亦二義。一得四十無礙辯名無礙力。此釋慧二巧說益生名。說法成利他等。此釋善。此義如下文當辨。十得大法身具足自在故名法雲地。此亦二義。一爲法器之身名曰法身。然能普周法界故名爲大。能受諸佛雲雨說法名具足自在。二爲出法之身名曰法身。普遍一切名之爲大。能降注法雨滅塵生善故云自在。下釋名分中具廣分釋。故名法雲地。此十地得名有四對。一約法喻者或唯就法立名如歡喜等。或唯約喻如焰地或法喻合目如法雲地。二約體用者如歡喜善慧約體立名。所餘就用爲目。三約無他自義者如離垢不動約無他立名。所餘約自義爲稱。四約當位相形者如離勝遠行相形爲號。所餘約當位立名。四是十地下結名歎勝可知。第三我不見下彰地要勝釋顯諸佛同說所由。於中二初我不見等者明盡十方虛空法界諸佛世界無有一世界不說如是十地法門。是知若有不說此法之處。彼非佛土。二何以故下釋成。先徵。云諸佛差別。何故同說。此十地耶。釋中有四句。初最上妙道是其證行。以是諸佛同所證入。離此更無是故同歎。二最上明淨是阿含行。以是諸佛同所修行。離此亦無是故同說。三所謂分別下顯。前阿含行相差別。四是事不思下顯。前證行玄妙難測。上來三段總本分竟。第六請分中作四。門一釋名者重

法懇懇啓請令說故以爲名。二來意者有四意。一爲令大衆敬重法故。二爲起說由故。三因請顯地法甚深難言相故。四令衆既解地法超情後開說分寄法之說不隨聲取離錯謬故。是故若無請分則後說分不得說故。若無請分則衆聞說分不正解故。三明請分分齊者有七。一約起說。然有二種。一就菩薩請。謂彼剛藏欲說地法。衆若不請不顯。法重則不說故。要賴衆請方得起說。二約佛請。然有三義。一就佛請。謂彼剛藏欲說地法諸佛不請不顯。法重不得令衆尊敬攝受。徒說無益。是故要待佛請方說。二就佛加。謂剛藏欲說地法。權有不堪不得宜說。待佛放光加被聽衆。令其堪聞方得宣說。三就佛教。謂彼剛藏欲爲衆說。懼衆不信默住不說。待佛教已方乃宣說。大衆知是如來所教言雖寄傳金剛藏口皆是佛教語。必可信方得說也。二約正助。謂解脫月一人是正請。佛及衆人是助請。謂解脫月是衆上首知衆有疑爲之啓請。請中云此衆堪聞。若此大衆不自彰德顯。示同請。則解脫月言便成虛謬。令金剛藏何由得說。故須大衆顯已堪聞助成彼請。又解脫月請中云諸佛力加。令人信解。若佛不加。解脫月之言復是虛妄。令金剛藏何由得說。故佛加請。三約因果。謂菩薩四請爲顯地法。是諸菩薩所學法故。如來加請爲彰此法諸佛所證既佛菩薩同依此法故。顯要勝令人敬重故方說也。

四約說儀。謂解脫月觀默勝疑爲衆先請。一人之威未若多人故。次第二明大衆請。同類啓請率感猶漸故。次第三明佛加請。五約顯法。謂不請自說不顯法重故。解脫月爲法先請。一人之請顯法不勝故。次第二大衆同請。菩薩學人顯法未極故。次第三諸佛加請。六約儀式有二。先明解脫月何故三請。釋有二義。一諸經請法不過三故。多即繁廣少則不慙至故。隨一化儀去廣去略故唯三耳。二酬請至三更不酬故。如下說之二何故大衆及佛唯一請耶。釋是助請故。顯前所請令圓滿故。故不至三也。七約所數。謂諸經中請不過數人歎法。歎人之中不過說聽說聽無過數法。有益方乃說故。三請之中。前二歎人。後一歎法。衆及佛請亦同入法。

第四釋文者。於中有二。先明剛藏說已默住明菩薩及佛正興五請。二爾時金剛藏觀察下明請既滿足示說分齊令衆正知。就前中隨人分三。一解脫月請。二大衆請。三佛加請。初中三請即爲三對。皆初說者默達。後明啓請。第一對中。初說已默住。後解脫月騰衆疑請。謂仁者堪說。大衆堪聞。何故不說。此名怪默請。第二對中。初剛藏顯已默意。謂法難說證信難得故我不說。後解脫月歎衆重請。謂既云證信難得。今此菩薩衆有證有信。仁者宜說。此名歎機請。第三對中。初剛藏舉損以達。謂此衆雖淨餘樂小者聞生疑惑故我不說。後解脫月歎法

【行】一〇〇〇 〇准二准 〇滿二則 〇門二行 〇【分】一〇〇〇 〇待二待 〇必二示 〇【解】一〇〇〇 〇漸二數 〇【月】一〇〇〇 〇【不】一〇〇〇

重請諸佛護念令人易信勿慮餘疑此名歎法請其解脫月請義有餘金剛藏達請理盡但爲重法默待餘請不卽爲說初對中二先剛藏默住二爾時下明因啓請前中二句一初說地名已牒前起後二默不分別正待後請論云何故默然住者問也謂前不請口說今何故默住下對釋之通論默意略有五種一欲令大衆渴仰請法二爲令諸佛同請顯法尊重增衆尊敬三爲使諸佛加被聽者於說能受四欲令諸佛教說令物生信五欲因默令請顯地法寂滅離言絕相今此論中唯就初二義釋可知二就請中二初明大衆生欲生疑後時大菩薩下明解脫月爲衆正請前中二句初明即名欲義對前說十地名已二各作是念下觀默生疑對前默住不復分別於中何因何緣者是疑怪之辭也是金剛藏說已默住者便所疑事也何因何緣通釋是一蓋是世人疑怪之常辭於中分別何因對彼說者生疑謂金剛藏不能說耶何緣對彼聽者生疑謂我等大衆不堪聞耶二明解脫月正請中二先舉解脫月領衆疑念二偈顯請辭前中論云何故解脫月先請者徵問記發向前大衆同疑何故解脫月專輒獨請下釋以此是衆中上首故況是衆首皆須爲衆作所應作餘問即亂者餘非上首非衆率伏故成亂也故別云云餘者成亂爲調伏衆故今顯解脫請令衆調伏今爲調衆不爲亂衆是故唯令解脫月

請二偈顯辭者頗有二種一言巧故少字攝多義也二言美故諸讚嘆者多以偈頌故又凡作文具二事名巧一有理即初少字等是也二文美即後讚等是也五偈中作二門釋一徵請分別謂徵者徵其默意拂遣衆疑請者請彼令說遂衆心欲初二頌徵其默意故云何故也後三頌請彼令說故云願爲分別說也二就所歎說聽分別謂初一頌歎說者堪說爲遣大衆何因之疑後四頌歎衆堪聞爲遣大衆何緣之疑是故論云此五偈示說者聽者無諸過故若有過者則不應說此總釋也謂反舉有過可不應說今既無過正應可說次別顯無過謂淨覺無過是初偈也同法決定是第二偈也同法者簡異生衆也異末後二偈也決定者明有根器異第三偈也有樂聞者是第三偈明同法衆有樂欲也復示餘者淨心者是第四偈明異生衆名爲餘者又顯此衆皆堪聞法者是第五偈通結二衆無不堪聞故別本云又顯此衆無一人不堪聞故迭共和瞻住者舉偈顯成皆堪聞也就初偈歎說者中經偈慧字當是論中覺字聖德無量何故唯歎淨覺以意在請法偏歎說因是口言行者行是因義由覺起言故名覺觀爲口言行問八地已上乃至諸佛皆言不待思何故此中金剛藏是第十地菩薩而有尋伺言說所因釋有三義一示現爲彼說法儀故無過二既是淨覺即是無功用之念智是亦無過三如八聖道中

正思惟通於佛地故亦同此應知下別釋爲二初攝對治者明能治之行現前令所治障不起一離諸過者明能過久離正行光潔所治障中一凡夫語起所因之覺與常等四倒而和雜故名爲雜覺二二乘發言所因之覺與自性等八種妄想不相捨離與前雜覺爲所依因名雜覺因不見法空妄取染淨名憶想分別此辨其相也念智二治如論可知三過者初慳慳不說二雖不慳嫉懶墮不說三雖不慳不憚說不巧妙令人不樂初中慳者惜自所知故云其心惜法嫉者妬他過已故云忘他勝智不瞋等者等取不貪以不瞋離妬不貪離慳故也不癡屬前念智故此不取此經中略無功德具然義亦不少謂此剛藏既於本分說諸菩薩十地名已明於三過無不皆離第二後四偈歎聽者中分三初二偈歎同生衆次一偈歎異生衆末後一偈總歎二衆初中二偈初一歎根後一歎欲根是宿習欲是現起若單有欲無根雖聞不解有根無欲設聞不受故須並歎又釋前偈述前大衆觀默生疑後偈述前大衆聞名欲義可知就初偈中今諸大菩薩等者論中名決定決定者點慧明了故者決定是根根體是智智中知教稱點入證名慧此二無聞故曰明了下別辨中一以是上求菩提之根器如經菩薩故二積行既久名稱遠聞如經大故三根器堪聞令說者攝受如經說是名故次偈明有欲中論云有阿含

●故一● ●向二問● ●況二況● ●此十(是)● ●處二諸● ●妄二忘● ●[有]一● ●根二之●

決定等者料簡根欲也。謂有唯阿含決定無證決定不可爲說。有非顯前決定無現前決定者。阿含及證二決定約是根非欲故云。非現前雖有此根若無現前欲樂亦不得爲說。故云無現前決定。如是根欲有顯不能聽法結成也。大智有二。謂證法者明此同法衆具根本智。先已證法。二現受者明具後得智。堪能現受證教法也。此二明有非現前決定也。咸皆欲聞者明有現前決定欲樂心也。次顯辨異法衆中直云菩薩不云大。故清淨者離六濁故。一不欲濁者無心貪探。二威儀濁者形不恭肅。三蓋濁者五蓋覆心。四異想濁者妬勝望入破壞。約法五不足功德濁者多病等障。六癡濁者愚闇無解。下明對治。無瑕者離初二濁。一內無不欲聞之瑕。二外無威儀不嚴之瑕。無穢者是淨義。離於蓋濁以五蓋穢染心故。安住堅實中者離異想濁。以於所說法修行堅固不難餘想故也。具足功德者離不足功德濁。具足智者離癡濁。於此六中隨相。往分初二及第四約欲。餘就根可知。末後一頌總歎二衆求法純至。論中二衆相瞻經中瞻仰法主。有何義耶。迭互相瞻顯齊心求法情無乖異。瞻仰法主明法想專求心無雜染。自有求法而懷妬慢。是故初言皆以恭敬心也。齊心趣證如蜂欲就蜜。專意求教如渴思甘露。經中略無初發初請竟。

第二對中二。先金剛藏乘前啓請顯已默

意。後解脫月因言重請。前中亦二。先序意。後偈頌。序意中欲令衆悅者是總酬答相。謂前大衆見默不說。生疑生欲以惱其心。解脫爲請今此說偈。爲遣彼惱令生喜悅。故云也。頌中六偈別顯令喜之相。初有二頌明法難說。次有二頌顯法難聞。次有一頌喻難說聞。末後一頌舉難結默。以直云難說不言自身無智不能說。去前大衆何因之疑故令生喜。亦直云難聞不云此衆不堪得聞。故去大衆何緣之疑令生喜。喜。於論中名大智。故無所畏故。離不堪答離不正答也。就二偈中。初偈顯難說之法。後彰難說之義。又釋初正顯難說。後辨難說所以。初中菩薩所行者是出世間智故。謂證智也。此是難法之體。言第一難思者顯其難相。謂證出名相說爲最難。在相。無所名未曾有。又此一偈內。初句明證行。次句辨難相。次句分別十地顯教行。後句諸佛根本彰此證教二行。是出生佛果之處。故爲根本。由約證行最難故難證也。約教行未曾有難故難信也。佛者覺佛智故者謂覺悟佛果之智方名佛也。第二頌釋難所以論中先生起內。彼菩薩行事義住不可。如是說者。行者彼前菩薩所行也。事者彼前地事分別也。此行與事即理而成名爲義住。並超言表故云不可如是說也。此偈中所以難者以非四心所能知故。一以微故非聞。慧境。二思。慧非。此應可得。見故非彼境也。三修。慧行。此應可得。

以離念故非彼境也。經中略此句。亦可同於非心及中攝矣。論中名世間修者爲簡地上。但取地前故也。四既非地前所知地上報生之智亦非地前應得彼法。以彼但是從因所生變易等報異熟心識非是照實之智故非境也。故論云心境界者是心地也。故云非心所及也。下云心地者隨心所受報又隨心所行境亦名心地。既非四心是誰境耶。唯智境故。是何智境耶。唯根本智。以彼見實義故。何故非餘境。以是無漏故。經中佛字是論中無流也。如是甚深者結上離四心也。如是可解者結上從智慧出也。以是智慧照現故名爲出。如是不可說者結上無流。是出世佛境故。聞則迷沒者謂執言取法迷覆真理。故云迷沒。論中隨聞取著者解悶也。謂沒在言中故。聞者即聞非是不聞者解迷也。謂隨言取實名爲則聞。不知地法寂滅離言名非不聞。釋難說竟。持心下二偈明難聞。於中持聽法之心。堅如金剛。此爲總句。信堅證堅爲別。若無堅信於他分法不能受故。若無堅證於自分法不能入故。是故要具此二方堪聽法。如智論中無信即不受無慧即不解。信慧具故方能入法。亦同此也。先釋堅信。謂深信佛智。慧者論云唯佛所知非我境者。仰推如來自更無知故顯信深也。勝靈經有三種正智中。初仰推智亦同此也。佛菩提下彰深而信也。明佛果德等同法界分量斯絕故云佛菩提無邊也。顯佛自德

①顯二現②住十(望)③想二相④住二性⑤仰二於⑥就二衆⑦云二之⑧於二故⑨無所二所無
⑩爲二自⑪事⑫前十(所知)⑬如十(故)⑭初二後⑮

無邊。又爲衆生機感萬差。佛爲說法。有秘密顯了諸乘差別。前後相連。極無限齊。故云。佛化衆生所說法門種種也。此明外化無邊。於此二處。自己不知而能信受。故云。信故也。以爲第一妙者。以此所信爲第一。爲微妙尊所信也。心無疑難者。顯難信處而能信也。後偈辨證。論中何者心地問所證法。云何無我智問。能證智隨心下答。所證法隨心所受。三界中報者。明五根身也。又隨心所行一切境者。明六塵境也。如此內外根境皆是心識所依。故名心地也。無我智者。下答能證智通而論之。內外法中皆具。二無我寄別言之。於內身得我空。於外境得法空。經中離計我者。約內報明我空也。及離心所行地者。約外境明法空也。如是菩薩者。具此二堅方乃堪聞。則顯此法只是難聞。非是不可聞。寂滅下一偈。辨第三喻。難說聞中。作二門釋。一隨經。二會論經。中畫空者。如虛空不可彩色所畫。此寂滅智。非名句所詮。如執疾風者。如疾風不可執捉。此無流智。非音聲能說。故云。說甚難也。二會論顯意中。亦二。先顯意後釋文。顯意云何。此中二喻事有三重。一太空喻以所依平等果分。二畫風喻以能證言說之教。三畫風住處喻以所說十地因分。然此三義有其四句。一如空雖平等約風畫遊履。非無住處。雖有住處。以空爲體。故離相難見。此則約風畫而不無就太空而不有。然此不無即是不有。故難說難見也。此約十

地因分。辨耳。二就平等果分。亦離有無。謂如虛空體淨。故不無。隨風畫有住處。故不有也。然此不無即是不有。故不可見。三約風畫動作。故不無。不能自現。相故不有。然此不無即是不有。故亦不可見。四混前三句。謂淨空不有。即是風畫及處不無。即是無說不異。說示風畫及處不有。即是淨空不無。故雖如幻說。亦則是無說無示。問此與下鳥跡何別。答此中文意。以言即不言之教。示彼有即不有之義。是故難說難聞。況之於說。下文鳥跡處直辨所詮十地不可宣示。況之於證。有此不同也。二釋文者。此論釋中有三。先解喻。二如是佛智下解合。三畫者。重合前中喻。內有四重三句。一約畫。二約風。三雙辨四合喻。初畫中三句者。一如空中畫色是初句。總舉喻相。明動筆之畫。二如壁是第二句。別辨畫處。明其不無以空中畫處有相難。明故更轉喻。壁上顯示。謂彼空中畫處不無如壁上畫處相似。三是不住故不可見。是第三句。別明不有。以彼空畫不得。停住故不可見也。二約風。三者如空中風是初句。如樹葉是第二句。是中不住等爲第三句。義同畫釋。三雙辨三者。一此動作者是初總句。動是風作是畫也。二非不空中有此二事者是第二句。是雙顯不無。謂於空中非無風畫。二種處事也。三如是虛空處事不可說處者是第三句。雙顯不有。謂此二處事空爲體。故不可分。別此是畫處。此是風處。此是高處。此是

下處。故云不可說處也。前云不可見。此云不可說。約聽約說也。四合法三句者。一是畫風如說者合初句。謂說中具有聲名等故。兩喻同合說也。二以非自性下超合第三句。不有之義。離相難見也。謂所說十地不有。能證故不可見。然出三因。一以風畫處自性無故。同於虛空。故不可見。二何者非性。以不能自住故。三云何不往。以是客故。謂風畫處望於虛空。非本有。故是客也。由是客故不住。故無性。無性故不可見。地法況之可知。三非不於中有此言說者。是却合第二句。問此明所釋地法不無。何故乃云非不有。答十地差別由言分異。旨從證目故云言說。由彼空中風畫不無。故說有彼風畫之處。此中亦爾可知。二顯所喻勝妙中。如是佛智者。是十地智。即是經中寂滅無流智也。如是地智之言。說謂無說之說等。由此顯示校量地法出過言議。故云勝也。三明立二喻之意者。於中先畫合名等。次風合音聲。後以說聽要藉此二故。須二喻。謂若無音聲耳識不聞。若無名等意識不解。如是可說者。牒前以二事說也。如是可聞者。牒前以一事聞也。如是難見者。牒前顯示地校量勝分別難見也。何故不說者。生後偈也。謂如上說。只言難見。非難說聞。何故不說。後學偈答以證信難得。故我不說。難證者。解第二句。難信解第三句。此偈下解第四句。默然之義。如論可知。知華嚴經探玄記卷第九

華嚴經探玄記卷第十

是盡初地說分

魏國西寺沙門法藏述

自下解脫月第二請中二。先長行。後偈頌。前中三。初總告請。二是大菩薩下歎衆正請。後是故下結請。就正請中十句。初直心清淨者是總句。謂正念深。法云直心。離諸難礙。故云清淨。下九句別。前五句是阿含淨。後四句是證淨。謂順教修行名阿含淨。證理起行名爲證淨。又地前所行名阿含淨。地上所成名爲證淨。阿含五中。初欲淨隨所念阿含者是所求法非。一故名隨所也。得方便等者是能求心。經名善修菩薩道者念所聞法順教修行也。二是論中第四生得淨。謂出世勝報名上上生。地前起於助道之行。願得彼生名爲念勝。故云善集助道法。三是求淨以身口恭敬。求法行故名敬行。以此隨順諸佛求法名爲隨順。故云善能恭敬。供養諸佛。四受持中先釋受。於無量世者聞來久也。多聞者所聞廣也。下釋持。憶持者非全忘失。言不謬者非少錯誤。如經於無量佛多種善根者親近多佛。種聞持正法善根也。五行淨中爲求地上真證法。故習行少欲頭陀離著之行。積集成就功德。故方能入地。故云成就無量深厚功德。下明證淨有四。一得淨者謂初地證實名得。以初見道眞智現觀決擇正證。故云現智善決定故。又釋法顯於心名爲現智。心安於法

名爲決定。經中離疑是現智也。離疑悔是善決定。二不行淨於修道位中。滅彼一切大小煩惱令永不行。故云無有貪等。然見道位中非不斷惑見理義增。修道位重視眞理。除障義增故偏說也。三無厭足淨中。對下彰出名。不樂小乘。望上顯入名。得上勝希望。重釋中復念持彼功德故者。謂念彼佛果功德。憶持不忘。釋經中安住也。又念彼能對治功德常現前故。四不隨他教淨。謂位在究竟道中。名趣盡道。以菩薩道極名之爲盡。所證自心開覺顯示名自正行。故云不隨他教也。

下釋第二句。以疑故於正行不受。以惑故於退行而受。以此爲因。故感彼生死長夜流轉無樂故衰也。有苦故惱也。二頌中。初一頌半頌。前頌所歎。謂隨阿含信堅者。須彌定心證理不亂如海。後一頌半。頌前舉損以達中。初四句頌散善損。經云取相名誠不取相名智。又分別名識。隨言取義。故不分別名智。深解離言法故。次句頌衰惱等。後一句頌默意可知。第二解脫月請中二。謂長行與頌。前中亦二。先正請後結請。前中有三。初願承力等總相勸說。翻前默意。二佛所護念下明。佛力加護令人信解。翻前疑惑。三一切菩薩下明。地法要勝說必多益。翻前衰惱。初中勸承力說者爲明大衆承力堪聞故。善分別者令順理說故。不思法者明此地法縱因誘得聞猶獲利益故難思也。第二文中二。初標後釋。標中明此地法雖不思議。佛力加護必令易信。釋中所以名此地法以爲佛護念事。釋十方世界中但說十地。十方諸佛法爾護念如上加分等。第三文中有四。初立宗。謂一切菩薩護持如是十地事。故勤行精進。如下他方證成等。二出因。云何故菩薩同護此法。以是菩薩最上所行者。上是首義。首是初義。論經名爲最初所行。是阿含行故。得至一切佛法故者是證得行故。三舉喻。初中章者是悉曇章中初偈阿等十二音。或加明離等爲十四音。則字緣也。及迦佉等三十六字爲界也。以音加字轉成一切諸

爲決定。經中離疑是現智也。離疑悔是善決定。二不行淨於修道位中。滅彼一切大小煩惱令永不行。故云無有貪等。然見道位中非不斷惑見理義增。修道位重視眞理。除障義增故偏說也。三無厭足淨中。對下彰出名。不樂小乘。望上顯入名。得上勝希望。重釋中復念持彼功德故者。謂念彼佛果功德。憶持不忘。釋經中安住也。又念彼能對治功德常現前故。四不隨他教淨。謂位在究竟道中。名趣盡道。以菩薩道極名之爲盡。所證自心開覺顯示名自正行。故云不隨他教也。

自下第三結請。於中二句。初請承佛力說。後歎衆能證知。就第二頌中。初頌舉法請。上半舉法願說。下半明說有益。後頌歎衆請。上半頌阿含淨。下半頌證淨可知。第三請中。三。初明金剛藏舉損以達。後明解脫月歎益重請。前中二。先長行。後偈頌。前中二。先領前所歎舉德兼失故云雖也。二其餘樂小下舉損以達。此中三句。一敗善之損。二是人下失樂之損。又可前成苦因後得苦果。三我惡下結其默意。又指彼餘處。後時小衆爲餘。非是會中有此小衆。又是地前不定種性。不能一向修菩薩道。故云樂小也。論釋中三句內。先釋默意。謂不見樂小衆生有此法器。法器無故聞增疑惑。二釋初句。於中疑妨正行。心迷義者惑障解也。次顯過失。謂以有疑故敗先所修名壞善法。以有惑故一向不行名遠善法。如是

自下第三結請。於中二句。初請承佛力說。後歎衆能證知。就第二頌中。初頌舉法請。上半舉法願說。下半明說有益。後頌歎衆請。上半頌阿含淨。下半頌證淨可知。第三請中。三。初明金剛藏舉損以達。後明解脫月歎益重請。前中二。先長行。後偈頌。前中二。先領前所歎舉德兼失故云雖也。二其餘樂小下舉損以達。此中三句。一敗善之損。二是人下失樂之損。又可前成苦因後得苦果。三我惡下結其默意。又指彼餘處。後時小衆爲餘。非是會中有此小衆。又是地前不定種性。不能一向修菩薩道。故云樂小也。論釋中三句內。先釋默意。謂不見樂小衆生有此法器。法器無故聞增疑惑。二釋初句。於中疑妨正行。心迷義者惑障解也。次顯過失。謂以有疑故敗先所修名壞善法。以有惑故一向不行名遠善法。如是

①是此②法十故③起十求④之二五⑤減一⑥三二⑦性二姓⑧隨一⑨頌二
領⑩以十佛⑪加護一⑫必二心⑬標二標⑭爲一

名句文等故。故云初章爲本。然此所成一切諸字皆即不離本初章故。故云皆初章所攝。四如是下合結。謂十地合初章也。一切佛法合一切字也。上來請竟。二是故下結請可知。論中何故復重請者。前已重請。今此更重故名復重也。疑惑有二。一不定者則可避。二定者不可避。此約定爲言。故云不可避也。不說多過者略有四過。一不定疑惑衆生不得轉之以成信解。二已成信解者不得成就阿含行故。三已得成就阿含行者不得入證故。四得入證者不得佛法故。有斯四失故云多過也。不成一切佛法者是上四種皆不成故也。下釋疑中。先問諸佛有力能令生信。何故猶起謗意。此依前不可避爲問。下釋中以諸衆生有二種定。故不可避也。會已造作決定之業。受報必然名感報定。宿罪熏心令必造惡名作業定。縱佛自在於彼二定欲差。闕其緣使不成就終亦不可攝論云。斷字師子形相者梵本斷字似師子。踰踰故也。餘義可知。初中初一頌半頌。前初段總勸說文。於中初二句歎說者。次四句頌前善分別不思法等。謂十地行是行也。所入十地法是所入位也。又地行是加行智。地法是根本智也。又地行是施戒等智。所入地法是遍滿等十地法界。又初阿含行。後入證法下二句因圓得果。所有十方下頌前第二文諸佛法應護念等。後之二頌頌前第三文。於中有法喻合。法中初二句頌最上所行阿含行。次二句頌得

其佛法證得行。餘文可知。解脫月請竟。第二大衆同請中。先長行後頌。頌中五頌半分。一初四頌半歎人請。後一歎法請。前中二。初二歎說者請。餘歎聽者。請前中初五句歎金剛藏具證德阿含德。後三句歎金剛藏能令聽者入證入阿含。前中初四句歎證力辯才成就後一句歎阿含力辯才成就。以此二力方能有所說故偏讚也。故論云以證力等是故讚歎。初中上者此總。總有二義。一寬謂該二力顯俱上故。論云上者是總也。二狹謂唯就證力以顯勝故。論云又復上者顯證力等。妙智慧者是真實智。則正體智也。樂說無有量者是後得智。與說法爲本故云體性也。德重如山王者顯上二智尊重之相。哀愍說十地者是後後智對緣巧說故云果也。此三皆依前起後可知。字義有二。一詮表義。二莊嚴文辭義。論云字義成就者是初義也。釋彼經中真實義相應復是滑利等者是後義。釋彼經中美妙言也。謂言辭。流澤名爲滑利。言辭巧妙故曰勝上。經戒念慧清淨者此一句歎阿含德。謂戒者禁心。守念是念經念學也。能受佛雲雨說法持之不失故云受持。復爲他說令分明顯了故云顯說。此釋念堅也。是菩薩於阿含中淨慧無疑者釋慧清淨也。自下三句能令聽者入教證。於中說是十地義者謂令聽者得阿含行。故下二句令其入證。十力根本者已入地者令得佛果也。無疑智本行者未入地者令得入地無礙智故。以

十地智能治十障。故云無礙也。自下歎衆堪聞。於中初一頌半歎衆有根。後一頌歎衆有欲。前中戒者善住外威儀對治於慢。定者離取執著內心調伏對治於我。謂由執我故於法不恭。由起慢故於師不敬。戒定除此堪聞阿含故云。憍慢已滅也。慧者正見善思義。對治邪見故。功德者正意歡喜對治疑惱故。由此二行堪能得證。故云諸邪見已盡也。是衆無疑也。然此大衆如是行德明金剛藏久自先知。故云集在仁者心。謂仁者是剛藏也。餘句可知。論中妄者妄是妄想故。上云有二妄想不堪得證。問妄想是根本非見疑。何得說云有二妄想。釋以是倒見中同是使故攝入見中。論中深者細意善思惟故者觀真如理故。對治前妄故云細意等也。時病思良醫下。頌歎衆有求法勝欲。論經四種此中唯二具釋如論。但世甘露有四義。一除渴如水。二遣飢如食。三療病如藥。四生樂如蜜。是故況所聞法也。謂聞思修證如論應知。自下一頌明歎法請。此中廣大意者是論中淨慧。此是後得智是說法所依下三句是體性。此是所說法之體性。三依此所說得佛十力菩提名爲果也。經中略無此句可知。此中三義與前不同。前約本智後智及所說爲三。此中約後智與所說并依法所成爲三。故不同也。論文可知。第三佛加請中有二。先長行明光加後偈頌明請說。但加請分別有四

①今二令②③④⑤⑥⑦⑧⑨⑩⑪⑫⑬⑭⑮⑯⑰⑱⑲⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺㊻㊼㊽㊾㊿
【請】一①②③④⑤⑥⑦⑧⑨⑩⑪⑫⑬⑭⑮⑯⑰⑱⑲⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺㊻㊼㊽㊾㊿
一①②③④⑤⑥⑦⑧⑨⑩⑪⑫⑬⑭⑮⑯⑰⑱⑲⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺㊻㊼㊽㊾㊿

句二是加非請如上加分。二是請非加如。上菩薩請。三亦加亦請如此段文。四非請非加如餘文。又光明之身是加非請。偈出音聲是加是請。若望聽者是加非請。就長行中准論經中有五義。一此佛放光照彼。二彼佛放光照此。三此衆等光見彼。四彼衆等光見此。五光臺說偈此光臺偈應屬口加。何故在此。以所出聲是口加攝令取。能發聲處判屬身。眉間放光表從中道法界流出教道白。毫表十地是無流法。故於此五段經中略無三四彼此相見之文。又於此作三門。一明八業。如論應知。於中略無三卷舒業及降伏業二身者。八業中卷舒敬示三種是光體往來名。流星身第八疑停在空名爲日身。三業身相對有四句。一是業非身。謂覺因伏止。二是身非業。謂空中光臺。三亦身亦業。謂卷舒敬示。四非身非業。謂於前五段中第三第四段但令尋光相見。非是業身。餘義如地論攝論中說。第二頌中有七頌半作三門。一教請分別。前六頌是請說爲彰。法是勝令人敬重。後一頌半是教說爲顯。說眞使衆深信。二加請分別。就六頌中初二頌半望於說者亦加亦請。謂與力名。加勸說稱請。後三頌半中初一望聽者與力堪聞爲成其請。後二頌半舉法利益爲成加請。三釋文中初一頌半明能加。次一頌明教說分齊。初中作二釋。一隨經。二就論。隨經中六句顯佛六種殊勝。一極位

勝無等等故。二無染勝如空無染故。三威力勝具十力等故。四眷屬勝菩薩爲世間尊佛爲彼主故。五會主勝以釋迦佛爲此會主諸佛放光對此佛前助。揚化故。六作加勝現神力加說聽者故。二就論者此中神力是彼作加。此中而現者是能現。即天人也。又此中釋迦佛前現者。釋迦是姓。現猶生也。釋顯如論。又此四義爲法王者。一自在不爲他屈。二力勝能摧伏他。三眷屬輔弼豪強。四種姓藉胃尊高。初中二句。一慧無比。二心無礙。是故二障并習皆永盡也。何故不。但無等。示現等正覺故者。此有二義。一以諸賢聖望於下地皆亦無等。然其未必上齊佛果故。須明等以顯上齊。二明佛無等。則謂餘佛亦非此等故。顯佛齊等無有勝劣。故云無等等也。餘義如論應知。二加所爲中以佛力開者。令承佛力除衆疑。謂佛不能說疑。法王無畏藏者。文義蘊積故名爲藏。文義稱理。無能破者故名無畏。此藏唯佛自在之處。故云法王。此上總顯。下二句別辨中說諸地所行者是字藏成就諸地義差別者是義藏成就。下明說法利益有三時益。承諸佛神力下一頌明聞時益。謂以法勝故。聞時則得諸佛加護。離諸魔事。上半加故能聞。能聞決定故云無能壞者。下半聞故已得護。上解脫月云佛所護念事。令人易信解。是此義也。漸次下二句明修行時益。謂漸次修行諸地具足。必得成就無上菩提。即上句因圓。下句果滿。自下一頌

半明轉生時益。初一頌正明有益。後半簡餘無益。若人堪任聞者。謂有菩薩種姓。會種此一乘善根者。堪聞此法。能正信受。故雖生在大海龍世界長壽。亦得聞此經。此是惡道難處長壽者。如說右脇著地未動之間。已經賢劫千佛出世。更一轉時復經爾許時。但暫臥息有爾許時。況其一生。何可計知在中不聞佛法故名難處。若是此法器雖生在彼。而亦得聞爲顯法隨機不捨。不簡難處故。問若堪聞此。何故生彼。答由餘宿業故。如龍女聞法等。又以龍宮有經故。問若生彼得聞何名難處。答不聞多故。得聞少故。從多名難故。論經云決定信無疑者得聞故。此經云疑礙不得聞故。及劫盡火中者此言順西國語。若順此應言劫火盡中。此言不足。若具應云劫火盡時在光音中。以頌在巧略故也。以光音是第二禪免火災。論中云等等者。取三禪免水四禪免風。此並是善道長壽天難處。問通論色界俱是難處。何故不說初禪直舉二禪等耶。答以彼初禪有覺觀故。難輕不舉。問若此色界俱是難處。何故梵網等經有彼處說答此據聖境故有說法。令彼法器衆生亦得聞經。如此所說。若就實報則成難攝。又亦從多以爲難攝。問無色亦難。何故不說彼。答菩薩不生無色天。故又釋。理實亦聞但隨相。彼無形色。絕聽受故不彰聞也。下二句簡非利益。謂雖生在人中無難之處。然無慧無信終不能得聞。問人中

●(不)一 ●(疑)一 ●(佛)一 ●(說)十 ●(但)一 ●(攝)二 ●(謂)一 ●(說)一 ●(二)一 ●(三)一 ●(四)一 ●(五)一 ●(六)一 ●(七)一 ●(八)一 ●(九)一 ●(十)一 ●(十一)一 ●(十二)一 ●(十三)一 ●(十四)一 ●(十五)一 ●(十六)一 ●(十七)一 ●(十八)一 ●(十九)一 ●(二十)一 ●(二十一)一 ●(二十二)一 ●(二十三)一 ●(二十四)一 ●(二十五)一 ●(二十六)一 ●(二十七)一 ●(二十八)一 ●(二十九)一 ●(三十)一 ●(三十一)一 ●(三十二)一 ●(三十三)一 ●(三十四)一 ●(三十五)一 ●(三十六)一 ●(三十七)一 ●(三十八)一 ●(三十九)一 ●(四十)一 ●(四十一)一 ●(四十二)一 ●(四十三)一 ●(四十四)一 ●(四十五)一 ●(四十六)一 ●(四十七)一 ●(四十八)一 ●(四十九)一 ●(五十)一 ●(五十一)一 ●(五十二)一 ●(五十三)一 ●(五十四)一 ●(五十五)一 ●(五十六)一 ●(五十七)一 ●(五十八)一 ●(五十九)一 ●(六十)一 ●(六十一)一 ●(六十二)一 ●(六十三)一 ●(六十四)一 ●(六十五)一 ●(六十六)一 ●(六十七)一 ●(六十八)一 ●(六十九)一 ●(七十)一 ●(七十一)一 ●(七十二)一 ●(七十三)一 ●(七十四)一 ●(七十五)一 ●(七十六)一 ●(七十七)一 ●(七十八)一 ●(七十九)一 ●(八十)一 ●(八十一)一 ●(八十二)一 ●(八十三)一 ●(八十四)一 ●(八十五)一 ●(八十六)一 ●(八十七)一 ●(八十八)一 ●(八十九)一 ●(九十)一 ●(九十一)一 ●(九十二)一 ●(九十三)一 ●(九十四)一 ●(九十五)一 ●(九十六)一 ●(九十七)一 ●(九十八)一 ●(九十九)一 ●(一百)一

不聞何不難攝。答亦從多故由疑故不信。不信故不受也。由疑故不解。不解故輕棄也。自有受而不解。解而不受。是故要須起信。翻此疑。故得聞也。是故下二頌教說中。初一頌教依三漸次說。後一舉二利勸說。前中諸地智道者。此是觀漸次。謂加行智推求名觀。通生入證故云。是諸地智之道也。論。觀若觀若依止能生諸地智。此釋觀中漸次之義。謂觀者意言觀察。依此增上力生諸地正證智。故云。若依止能生等。二入勢力觀法者是證漸次。謂正證智正證真如。此智能斷惑證理。依起後得。具此三力。故名漸次也。次第而修行者是論中漸次也。得至於餘地者是論中上句展轉也。各得下二句明修行漸次。是後得智。更重觀前所證及開。受上地進修之法。成自利行故云。得利益。又為他宣說等故。利一切世間故。論云。此行種種異行境界。境界者分齊也。此三次第成故云漸次。又此三中。一一各有漸次。故亦名也。又此三隣接漸次云。願說勿令斷也。

慢。隨觀一佛承力便足。何假十方示無偏心。二約授說中。何故觀十方。以示現說相故。謂前已三位五請。備盡殷懃。今若不說。即成我慢。是故觀十方示說。令眾咸知。顯已無慢。若爾觀察一眾足。示說相。何須具觀十方眾耶。示無偏心故。又觀察有二。一內心觀察。二舉目。眴視故。二明說意中。增益信敬者。前金剛藏酬解脫月初請之時。已令眾悅。今更使明故云。益增也。信敬者有四義故。一金剛藏示已能說去。眾何因之疑。故令信敬。二明此剛藏不畏大衆。不堪聞拂。眾何緣之疑。故亦令信。三顯義大之法深妙。出言令眾知深故生信敬。四許宣說大令其眾人得聞。在今故云。敬信也。頌中有十三頌半。分二。初七頌半明義大。後六頌明說大。此二大義略作四門。一定名。二辨相。三明可說。不可說。四釋文。初中所詮故所以故名。之為義。深故廣故名之為大。謂義則大故名。為義大。表義故顯境故名之為說。因於此說得彼義故。教從所詮亦名為大。此即大之說故名為說大。二辨相者。此十地。中宗要有六。一。所依果海如太虛空。二。地智所證十重法界如空中所畫之處。三。根本地智能證法界。如能依畫相。四。諸地後得隨事起行。悲智不住等。五。諸地加行所起行解為趣地方便。六。寄法顯成諸地差別。如第二地中唯明十善為其正地。三地禪支。餘地所寄如是可知。於此六中。前之三門合為

義大。後之三門合為說大。三。明可說不可說者。先就義大。次約說大。後辨雙融。義中有三義。一。約果海。可以總標。令人知有名為可說。不可指斥示人名。不可說。二。約證處。既此所證離相離名。還云。此法不可說。以此道言之。言當彼法故名為可說。有言斯遣故名不可說。三。約本智。謂以遮詮令解故名可說。直詮不逮故不可說。攝論云。無分別智離五相。謂熟睡昏醉等。以直詮不到故約遮詮。以示彼法。二。就說大中。亦三。約後得智。隨事行相可。以言分。是即可說。是出世間故不可說。二。約加行智。謂是意言觀故。是即可說。觀中行相言不至故名不可說。又諸法自相皆不可說。諸法共相皆是可說。此一門通一切法。准之。三。約所寄法。可以寄此表示令人解。十地故名為可說。不可以此即為十地名不可說。三。就雙融中。此上六中各說即無說。無說即說。無二。俱融准思可見。又果海離緣故不可說。所證就緣是即可說。二。所證非修故不可說。能證修起是則可說。三。正證離相故不可說。後得帶相是則可說。四。後得無分別相不可說。加行有意言。故是則可說。五。加行觀無分別故不可說。寄法表地是即可說。此上不可說皆各不異。於可說。以真理普遍故。可說不異。不可說。以緣修無性故。是故下文雖說一分義亦不少故。論云。如實滿足攝取故意在於此思之可見。

以(中)一(爲)一(念)一(今)一(全)一(益)一(增)一(二)一(眼)一(防)一(十)一(二)一(云)一(觀)一(故)一(行)一(十)一(證)一(說)一(證)一(二)一(隨)一(二)一(九)一(五)

半總顯地微。二有二頌別顯微相。三有一頌半舉例顯微。四有一頌半寄對彰微。五有二頌引喻辨微。就初中云。諸佛聖主道者正出十地智。謂道是因義。修行此十地能到諸佛聖主之處。故云。道也。論云。此偈依何義說。依智地故。解云。論主何故起此問答。以此頌中所明義理深玄微妙。似是佛果。恐人謬解。謂是佛果非關十地。故起此問答。猶恐未悟。更重引彼前後經文證成地。知故云。上來所說等。微妙已下顯地智微妙。言微妙甚難解者。此中微妙是總句。難解者難知故。別中微有六種。一證時微。如經聖主道故。二說時微。如經甚難解故。三離念微。如經非思量所得故。此顯自體無念非是意。言比觀所得。四依止微。如經唯智行處故。此顯既非比智境是誰能知。證智行故。論釋中。自證知者釋智行義。謂內自證故名。行非謂遊故名。依彼生者釋行處義。謂此真如是一切依處。復是此智依生之處。見實諦義故名智。此釋智義。謂內照實義故也。智中開出三智。一善解法者是加行勝解故。二善寂滅者是正體智。令惑永滅證寂理故。三世間智。隨聞明了知者。是後得智。隨聞上地勝進。明了無錯謬故。以此三智俱堪趣地得為智者也。五清淨微。如經其性從本來寂然故。言自性離煩惱者。解寂滅義也。非先有染後時離者。解其性從本來義。六功德微。如經無生滅故。謂寂用之功無住之德。言無滅者非一往滅。

為不捨利益衆生故。言無生者出世間故。如是此智不住涅槃世間中故。又釋於此六中準論。前三是二種微。謂說時證時非思量等釋成。後三是四種甚微。經中略無第一觀門甚微故。唯三耳。自下第二別顯微相中。初二句明同相。後六句明不同相。此二相中略作三門。一定其文。二辨相。三釋文定。文者。有人釋云。此既即是性淨方便淨二種涅槃。故知前微此相總明果法。欲說地法。何故明果以辨甚深。果位顯故。舉顯十地甚深之義。因之與果。高下天殊。云何相顯。然此雖復隨入高下。法體不別。其猶虛空約釋分異。異即是空地法。像此。今明此相總是地智。論釋云。智相有二種等智。即是地智。故不通餘釋。若是地智即是因位。如何得有二涅槃耶。釋此是地中所依果分。如下文云。如因大海有十寶山。因於佛智有十地等。如一山下悉有大海。一一地內悉有佛果。若約三乘佛果唯在第十地後。若就圓教佛果。通在一地中。是故一地攝一切地。問若爾證得一地已得佛果。何須說十。答引漸機故。是故十地多。就三乘差別位說。問若就三乘則無果法。答以三乘十地就一乘說。故有斯趣。釋文中。同相內。言從本已來。空者此總明同相。論中先釋相後釋同。前中云。何相者問。意云。色等法空皆名同相。今言相者是何等相。答彼智相故。今此所說。是地智相。引頌中。自體空是智自空故。非餘色等諸法空。

相。又此是體相非是標相。下釋同中。云何同相者。問意既唯局在智相。云何名同。答中一切諸法如說自體空者。以此真空通一切。法名同也。言滅除諸苦惱者。此別。辨同相苦惱者。惡取空故。惡取空者。空亂意故。依實性論。空亂意有三種過。如彼論云。起如是心。實有法斷滅。後時得涅槃。又復有人以空為有物。我修應得空。又生如是心。離色等法別更有空。我應修行令得彼空。解云。今此經中本來空者。離此三種亂意苦惱。故云滅除也。論經名有不二不盡者。言別意同。言不盡者。離滅色故。不二者。離色外故。有者。離以空為有故。此義云何。以若妄謂空為有物。即令真空於此不有。若真空有情。有即無。是故理有治情有也。彼論約色等簡。此論就地智明空。下明不同相中。淨相解脫者是總顯示。謂對治雜染故。別顯中。二。先何處解脫者。問所脫之處。諸道即六道也。惑業生者。煩惱是道緣。業是道因。生是道果。六道不出。此三故遠離名解脫也。二者云何解脫者。問解脫之體。五句顯能脫之體。一平等相。既言遠離諸趣。云何離脫耶。謂見世間即同涅槃。如是遠離。非如二乘有背向故云等同涅槃相也。無中亦無後者。第二斷惑相。論經名非初非中後。謂於三時皆無斷義。方為斷也。釋此文有二門。一約相翻門。二約相續門。初中謂無間道智正斷惑時。為智先起惑後滅耶。為惑先滅智後生耶。為同時耶。此三

①(地)一② ③知二智④ ⑤智十(者)⑥ ⑦故十(也)⑧ ⑨(如)一⑩ ⑪微此二此微⑫ ⑬就十(就)⑭ ⑮法十(故)⑯
⑰辨二顯⑱ ⑲(如)一⑳ ㉑(修)一㉒ ㉓(者)一㉔ ㉕之微二微之⑹ ㉖(脫)一㉗

時惑智各有兩失。故不成斷。謂智有自成。無流過不能滅。惑過。煩惱有自滅過不障聖道過。於三位中思之可知。如燈破闇三時不破。此亦如是。如難集論第四云。從何而得斷耶。不從過去。已滅無故。不從未來。未生故。不從現在。道不俱故。從諸煩惱重而得斷。乃至廣說。經云。毘婆舍那不能破煩惱等。皆是此義。故云。非初非中。後也。問唯識論第九中。聖道現前惑種必滅。如秤兩頭低。昂時等。若據此說。即是同時。如何此中三時俱非。答。龜說可爾。細思實難。何者。若同時者。智自生時惑自滅時。不相由。故何成對治。如東家男。生西家女。死雖亦同時。然無相由。不成對治。問若爾云何斷。答。則此三時求斷不得。方成斷義。此則不斷斷也。前中後取故者。謂於前中後三時之中。取彼非初中後非異。三時取彼非三也。如於色等處。取彼具空非異。色等別取斷空。此亦如是。故不失斷義。二約相續門者。謂此地智生滅相續。前中後三。何時定能斷煩惱耶。唯前不能斷。以落謝故。唯後不能斷。以未起故。中亦不能斷。以不住故。是故三時皆無斷義。若爾云何斷。論云。如燈炎非唯初中後前中後取故。此即唯初唯中等不可。有斷前中後相續取可有斷義。問既三時單取。各不成斷。縱此和合豈成斷耶。答。有人解云。三時別取各不成斷。三時相續。假說為斷。故云。前中後取也。此龜說可爾。細思不然。以別就三

時各不成斷。總此三時豈成斷耶。如一沙無油多沙亦無。今釋此言。前中後取者。是簡濫之言。何者。人謂此智前中後位各不能斷。即謂同於無聖智處。惡取空也。故簡云。此於初上取非初。中上取非中。後亦爾。不同無智故。非惡取空故。云非初非中後前中後取故。問餘處論說聖道初起即能滅惑。何故此中乃云非初。答。依毘曇。一念有燒始終方盡。治結同然。依成實。一念不燒相續方盡。治結亦爾。若大乘初教。初念亦斷中後亦然。若依終教。如緣起性三時俱不能斷。即由不作緣起方成故。不無斷也。言非言辭所說者。第三觀行相。謂此無分別觀智非同世間言說所及故。又不同小乘從聲得悟故。言出過。於三世者。第四轉依相。謂此微智依止真如常住法身。以是究竟轉依故。能依所依俱悉常故。出於三世遷動相也。問所依本有可得。是當能依修智。豈無生滅。答。初教隨相修智生滅。終教已去智如境故。始覺同本覺。故亦非無常。論云。非如無常意識者。簡未轉依時妄念意識是無常。即知轉依已去。真智是常。此簡能緣也。依止無常因緣法者。簡未轉依時所緣境也。修多羅中決定說者。引經證成境智俱常。如處處大乘經中皆說。佛果常住。又如此經十藏品。中信藏之內信。佛智無生滅等。具如彼說。言其相如虛空者。第五解脫相。謂如一乘智。雖離惑障。猶有法執故。其解脫猶有障礙。此即不爾。二障及習一切皆盡。故云。如虛

空無障礙也。又此明自體清淨如虛空無染。又論中重結此五種中後三。何故重言者。以後三種皆對妄顯真故。云如是觀觀等。問審此五句。初句了世間即涅槃。明離而無離。二明三時無斷惑義。即斷而不斷。乃至其相如虛空。準此等義。與上同相。何別。答。舉實無別。但約自體處名同相。約智證入處名不同相。若不同彼同相不得成。此不同相也。是故義說有二。法體無別。言諸佛所行處。下一頌半明第三舉例顯微。於初中三句。牒前深妙。下三句類顯地微。前中初二句。舉佛所證二種涅槃。於中寂者是同相涅槃。以自性常寂故。滅者是不同相涅槃。以智緣滅故。清淨者顯此二種自性無染及對治離染故。深者顯此二種甚深微妙故。此一唯是諸佛所證故名佛所行處也。言說所難及者。正顯此二深妙超言。下三句類顯地法。同彼玄妙。故云地行亦如是。言地者境界。觀者謂照境之智。是地正體故。行者智眷屬者。檀等諸度與智同行故。亦如是者。同一涅槃之深妙故。說之猶尚難者。顯教尚難。言何況當以示人者。況義深玄。何容可示。論云。何故不但說無言等者。徵文顯意。謂何不一向說無言乃至言說所難及。顯示依言以求解故。不說無言也。諸佛之智。慧下一頌半。第四寄對彰微。以此地智是諸佛境界。故名佛之智。離諸心數者。此智不同思慧境界。離心道者。不同於報生識智。彼二可說。此智非彼境故。云不可說。

①(惑)一②(生)十(無)③(非)十(後)④(是)二(昇)⑤(何)時二(時)何⑥(有)斷一⑦(如)二(妙)⑧(於)一⑨(妄)二(忘)⑩(之)二(大)⑪(以)一⑫(於)一⑬(二)一⑭(之)一⑮(之)一⑯(之)一⑰(之)一⑱(之)一⑲(之)一⑳(之)一㉑(之)一㉒(之)一㉓(之)一㉔(之)一㉕(之)一㉖(之)一㉗(之)一㉘(之)一㉙(之)一㉚(之)一㉛(之)一㉜(之)一㉝(之)一㉞(之)一㉟(之)一㊱(之)一㊲(之)一㊳(之)一㊴(之)一㊵(之)一㊶(之)一㊷(之)一㊸(之)一㊹(之)一㊺(之)一㊻(之)一㊼(之)一㊽(之)一㊾(之)一㊿(之)一

也言不可得思議者以非耳識所知非意識思量故。此顯不可聞言非有陰界入者如陰界入有有心根境識等差別是即可說證智不爾無能所平等無分別故。離於文字不可說也。是故但可證智內契不可分別。非染識所能了知故。楞伽云取相名識不取相名智。此之謂也。論云智者是地智即根本智也。起者以何觀者以加行觀智起本智故。以何同行者檀等餘行亦資起故。言如空迹下第五一頌舉喻顯微。上半舉喻下半顯法。此中喻義略作三門。一對前辨異者。謂與前盡空何別者。太空喻果海跡處喻地體跡相喻地相鳥足喻言教。意不同者前喻地法難說難聞成默不說今喻地法難說難聞成捨著許為宣說。二顯義意者。如鳥行空鳥身過後跡處不說相狀亦不可見。然有鳥行不可言無非以有鳥行故令有跡相可取。非以無跡相故總無鳥行鳥行喻言教跡相喻地法尋鳥求跡跡不可得。尋言求地地不可得。但約鳥行十步說有十跡實無十跡之異。約言分十地實無地異相。是故十地如空中十跡豈有差別。問如空中鳥已行未行及正行處俱無有跡豈可十地言下無所詮義。答有所行空處故有所詮義。問鳥足空中不能現跡。言下既不顯理何用斯言。答鳥行沙土如足現跡。鳥行空中足現無跡。小乘言教顯如言義大乘言教顯離言義。若無鳥行無以得知虛空無跡故

知鳥行能顯無跡非無能證所況可知。三釋文者。論中有二。初三句解喻後三句合法。喻中鳥行跡處是一句直舉喻體。二不可說相亦不可見是第二句。顯跡離相難說難見。謂不可說其跡數多少不可見其跡相差別下釋成。何故問也。釋以空無相故。即空之跡亦不可分別也。三非無行跡是第三句。以有鳥行故非無跡。又此三初中總舉二離有三離。無下合中三句次第合。如是鳥跡處。牒前初句名等住處證智攝者。合之以法准法驗喻應言如是鳥行跡處虛空所攝。文中存略也。名句字身合鳥行住處證智攝合跡處虛空所攝。不可說聞合第二句明離有難說聞也。下二釋成非如聲性者。明此地法出言非如音聲之性是可聞法又釋明地出言非如音聲性而執取也。非無地智名句字身者合第三句。現不無義。非無地智者有所詮離相之法。非無名句字身者有能證之教。何故言有教擬欲宣說故何故言地離相不令如言而取故云何故我復說此汝等不應隨聲取義。此是論主義。作金剛藏語誠衆離著五過中。前二違行過。次二違人過。後一違法過。謂如言之義都無所有而謂實有故不正信。二不能勵心捨相求實。名退勇猛三法實不爾。爲他宣說云法正爾故云誑他四言是佛說故言謗佛。又佛意正在離言之義而謂佛智緣所執相故亦謗也。五謂法淺薄同於世間稱言之事

故言輕法又佛教旨示離言義令諸衆生越凡成聖。今取如言只是世語不能令人超凡得聖故。輕法之過實爲重也。釋義大竟。自下第二明共說大於中六頌分五。初一頌三句明所說分齊。二有三句彰已無過誠衆除失。三有一頌半顯其所說略而非廣。四有一頌勸衆敬聽彰已善說。五有一頌顯已得力爲生物信。前中初一句是總言是事雖爲難者。是事謂牒前義大之事雖者是不定之辭。謂此地法有其二分。果分雖不可說然因分可說。故論經云我但說一分。謂因分於果爲一分故。此二分義諸說不同。有說能詮之教爲因分所詮之義爲果分。此說甚疎。有說地前因行爲因分地上證智爲果分。此品豈說地前法耶。故知不然。若約諸地加行等爲因。正證爲果。亦少分得有說。十地有二種門。一若約漸增之門名因分。十地是即可說。有分齊故。如月漸增可說差別。二若就圓滿時門名果分。十地是不可說。無分齊故。如月滿時無差別。故此二十地其體無別。但隨分滿假立二分。此亦未然。豈可未至法雲即歡喜可說。待則十圓滿方不可說。若前能起後爲因。後依前起爲果。亦少分可然。猶非文意。有說十地有二種義。一者教所安立十地法門。在聞者識上似義顯現名爲因分。由此表彼離言義故。二者亡詮證入十地正行。離諸言教所安立相說名果分。由彼因分之所表故。是故因分可說。

○(是)一○ ○(謂)一○ ○(聖空何)一○ ○足十(前)○ ○意二言○ ○(今...說)六字一○ ○(鳥)一○ ○不十(可)○ ○鳥二鳥○ ○無以二以何○ ○何○ ○後二行○ ○是十(第)○ ○之二即○ ○可知二如可○ ○現二顯○ ○連二道○ ○兩二然○ ○(問)一○ ○經二經○ ○(第)一○ ○齊十(次)○ ○亦二二○ ○未十(次)○ ○(烈)一○ ○(由)一○

果分不可說。此說少順。文意猶非。正當

今釋有兩重。一此十地有二。二就實十地。唯佛所知。佛智所行。名為果分。上論云。此智是誰證。稱云佛智所行。故又上文云。智起

佛境界。故又上加分中言。不思議佛法。又如鳥跡。所依太空。為果海等。二隨相十地。菩薩所知。菩薩所行。名為因分。是即果分玄絕。當不可說。因分約機。是即可說。此義通一部經中大意。問若爾。菩薩證智。豈可說耶。答教說修中。滿足修等。是也。二言十地有二

分。一約妙智。正證智。如境。故離相。離言。故名。果分。即不可說。如彼鳥跡。同於虛空。不可說也。二約方便寄法。顯地差別。如下文

初二三地。宮同世間。四五六地。同一乘等。又寄禪支道品。諸諦緣生。以顯地別。今眾因此表解地義。故名。因分。如空中跡。約鳥

說。異名為。因分。同。空。無別名為。果分。一跡通二。故為二分。問約鳥跡。空跡。皆離相。云

何有可說。有不可說。答跡雖離相。就鳥得說。就鳥得說。所說常離也。跡同虛空。理不可說。所說地智。准此可知。此釋局斯地品

故云。雖為難。即是一分也。此為總句。下有六句。別顯三大。初一句明。因成就大

次有一句明。因漸成就大。餘有四句明。教說修成就大。釋此三大略作四門。一釋名

者。悲願熏心。為起行本名。因成就。說大之中。開出之。故名之為大。二聞思修等次第

能生出世。證智。故名。因漸成就。三實智證。真指陳。不到假言寄顯。故教說修。問此三

俱是說大中出。何故前二不名。教。又俱是

因分中出。何故後一不名。因耶。答前二生後。功能顯。故同得名。因。體非玄妙。故不待言

簡。不稱教說。後一證智。玄妙。濫同果分。故以言簡名。教說修。二就處以定。有二。先約假處。寄顯。因成。寄在地前種姓位。以彼種

子。因成就。故。因漸寄在解行位。起聞思等行。趣真證。故。說修寄在初地。已上智證

實故。二約實位。此三俱在地上。但初地之前。加行修中。慈悲願等名。為因成。聞思修等

名為因漸。正證後得名。教說修。三就文辨定者。下說分中。諸地之內。皆有此三。何者

且菩薩因。何求此智。有二所因。一為救衆生。二為求菩提。由上求菩提。下救衆生

名為菩薩。故云慈悲願也。二既內有此因。欲趣求諸地。有何漸次。謂修學三。慧漸入諸地。此二同在。加行智中。三加行智既

終必示契真理。前相。直陳可得。故不別寄。證智地體。不可。直示。故寄別法。用

以顯表示。如一地正地中。說十善等。三地正地中。說四禪等。四地正地中。說道品等

並是。如此教說修攝。四釋文中。初句慈悲。是利他行。發願是自利行。釋此二文。如論應知。因漸成就者。如揭漸次具諸地。故謂三

微妙甚難見者。明觀境。非餘心所能見也。不可以心知者。不可以染心能知。論云

自心清淨。可知。此中滿足修攝。根本智觀修約後得智。反緣觀內。俱不可說。故名。教說

修也。自下三句。是第二顯已善說。誠衆除失。先顯已離二過。一離佛不隨喜。故云當承佛力說也。二離不平。等說。故云。咸聽

也。二誠衆令離二失。一於說者不敬。離是過。故云。汝等當恭敬。二於法見謬。離是

過。故云。共一心聽也。自下一頌半。第三明所說略而非廣。初二句。牒舉地法。是智所

通達。故云。隨順也。以此智入。彼諸地相中。故云。諸地相入。行論云。如行修故者。如加行

修而得入也。如行修滿足者。加行入證契理圓滿。故云。如實滿足。攝取入。此智入之行。無

量無邊。故云。於無量億劫說之不盡。今但略說者。是要略。故云。如實也。雖是略說。而

具攝廣義。故云。其義無有餘。自下一頌。第四勸衆敬聽。彰已善說。一心恭敬待者。有

二。一身恭敬。如威儀住者。釋敬也。堪受說法者。釋待也。二心恭敬。請決意求法。故云。如

心決定。此釋心敬。堪能憶持者。釋持也。前則身恭能受。此即心敬能持。今承佛力說者。顯非已力。離增上慢。故。下半顯所說。謂

【此說】一【云】二【智】一【智】二【所】一【如】十【所】一【初】十【地】一【之】二【此】一【故】十【名】一【教】十【說】一【起】一【初】二【諸】一【教】二【教】一【衆】生【二】薩【婆】一【諸】二【初】一【智】一【示】一【直】二【具】一【法】十【法】一【之】一【地】一【是】一【具】十【總】一【諸】二【持】二【特】一【天】二【大】一【善】二【名】一【

一巧同他音。二詮義周備。如論應知。自下一頌第五。現已得力。令物生信。初二句明。雖得廣多諸佛神力。聚在我身。後二句然。現已所說如海一滯所不說者。猶如大海。況無佛力。縱此一滯亦不能說。上來至此請分竟。

白下第七明說分作四門。初釋名者。演暢宣陳十地差別故名說分。二來意者。前既請滿。剛藏告衆許說一分故。次正說以現地法。三說意者。前本請分中已說地體。今彼上機悟解玄旨。今辯地相。令中下之流隨相開解。故明說也。又前已略示令生正解。今更廣陳令起行修。故明說也。四釋文中說十地即爲十段。就初地中略作七門。一釋名。二來意。三斷障。四證理。五成行。六得果。七釋文。初釋名者。唯識論第九云。一極喜地。初獲聖性。具證二空。能益自他。生大喜故。解云此有三義。一得位。二證理。三成行。皆初獲得故生歡喜也。攝論中唯依第三成行義釋故。無性及世親各第七卷云。由此最初得能成辨自他義利勝功能。故謂如菩薩入現觀時。得成辨自他義利最勝功能。生極歡喜。非聲聞等入現觀時唯得成辨自利功能。生如是喜。故不說彼名極喜地。依十住毘婆沙論唯約證理釋。彼論云。始得法味。生大歡喜。依瑜伽七十八及解深密經第四同約二義釋。彼云成就大義。得未曾得。出世間心生大歡喜。故解云大義即是二利行成。出世間心

是得聖位。同十地論成就二行及得聖位。如本分中釋。餘義如下釋名分辨。二次第者。何故最初明此地者。謂先地前行功力無間發起本性無流功能。令生現行。初無*流智證見真理。滅惑成行。故先明此。三所斷者。唯識論第九云。一異生性障。謂二障中分別起者。依彼種立異生性故。二乘見道現在前時。唯斷一種名得聖性。菩薩見道現在前時。具斷二種名得聖性。解云異生者執異見而生故。曰異生。即舊名凡夫也。性者即是分別二障。種上假立不相應法。依彼種上立此性故。即說彼種名異生性障。此即異生之障。依主釋。梁論名凡夫性無明。十地論名凡夫我相障。解云此約二執通名。我相故不相遠。又此異生性雖依種立。然見道前現行分別。亦此障攝。故唯識云。執著我法愚。即是此障。故知通現。問若分別二障現種爲體。如何二愚唯現非種。答障寬愚狹故不相遠。又此異生性雖通本隨分別現種。然由執著之所引發。故貪瞋等攝屬二執。問聖位翻凡。何故初地聖性唯依種立。答以現行間斷故非聖性。問若爾地前已有無流法爾智種。何不於彼立爲聖性。答以凡聖二性同時相違過失故。雖有種而非聖性。如滅心定依種假立微微心時。雖有彼種而非滅定。以有心無心義相違。故此亦同。彼又釋地前未有彼無流之種。故非聖性。法爾種子非所許故。問既異生性是不相應行攝。聖性翻凡。何不立不

相應耶。答依大乘宗聖性亦是不相應攝。即二十四中非得是也。以大乘宗許此通無*流故。不同小乘不通無流。又釋異生劣故別立不相應。聖法力勝故不別立。亦不相違。又唯識云。雖初地所斷實通二障。而異生性障意取所知。說十無明非染污故。無明即是十障品愚。上來且約斷煩惱說。理實初地亦除惡趣諸業果等。是故要說具斷二愚及彼龜重。一執著我法愚。則是異生性障。二惡趣難染愚。即是惡趣諸業果等。應知。愚品總說爲愚。解云顯上二愚非唯無明。執我法時所有愚及俱起法說爲初愚。愚品類惡趣業果。體雖非愚。愚所發業及所感果。總說爲愚。彼論又說。利鈍障品俱起。無明以爲二愚。即與五見利品俱起。同時無明名爲初愚。與貪等鈍品俱起名爲後愚。言龜重者。彼論二釋。論云。彼龜重言顯彼二種或二所起無堪任性。解云此初釋龜重即是二愚種子。惡故名龜。沈沒稱重。故知二愚唯約現行。後釋是二愚所引令身心中無堪任性龜重更沈重。故名龜重。非現非種。准此二愚亦通種子。又案此二愚或分爲三。謂惑業報。或分爲四。加彼龜重。或分爲五。謂惑中分二障故。此等並是此中所除。況論斷義有其三種。一自性斷。謂諸煩惱及相應心所。不善有覆無記。諸染污法。見修道生惑種永斷。此中心王遍行別境性非染污。非可斷法。與煩惱俱名相應縛。斷煩惱故亦說名斷。二離縛斷。謂有流

○辨二辨 ○說十(分) ○得十(能) ○密二賢 ○流二漏 ○時一 ○日二同 ○日一 ○之 ○性
一 ○大業 ○無明 ○稱二種 ○稱二種 ○更二種 ○亦一

善無覆無記通色心等。非正遠道。性非可斷。由斷六識緣彼煩惱故說爲斷。三不生斷。謂此見道斷見惑已。捨外道身。所依身無。即無想定及無想報並永不生。又招三惡道總報惡業。皆非擇滅亦名不生。三惡道報無根二根斷單越等。亦皆不生。畜生餓鬼別報善業所依。依果無亦不生也。此上且約初教說之。若約終教。初地亦捨三界分段及惑業苦。地上唯斷彼所知障及變易報。其煩惱障地前漸伏。初地斷盡。所知障地前亦學伏。初地斷一分。餘在諸地各斷一分。佛地方盡此如梁論及寶性論等說

四所證者。謂法界真如通行之義。唯識論云。一通行真如。謂此真如二空所顯無有一法而不在此故。解云。行謂有爲諸行。我法二空所顯真如。遍於一切有爲諸行故名通行。梁攝論中名爲遍滿。遍滿一切有爲行故。世親攝論第七云。無有少法非無我故名遍行。無性攝論第七亦云。無有少法非是空故名爲遍行。理實二空通餘九地。以初位創證故以爲名。五所成行者略有四種。一約增勝修成施行。二約所成起十大願。三約修成。謂信等十行。四約實行。謂十度等行無不皆修。餘所修行釋文自顯。六所得果者略有四種。一得當地滿時調柔等四果。如下應知。二得檀行所成大財等果。三依攝論通達障空義得一切障滅果。四通論得唯識三性三無性理智及奢摩他毘鉢舍那等果。餘如文說。七釋文者。就此地中

文別有二。初長行。後偈頌。前中有四。一始住地分。二地釋名分。三安住地分。四校量勝分。就初分中。論主分爲四。一依何身者。謂厚集善根爲所依身。二爲何義者。爲求佛果。三以何因者。以大悲爲因。四有何相者。過凡得聖爲相。此四各有十門。別辨名爲創住菩薩初地。又此四義與瑜伽四十八住品中極喜住內菩薩發心有其四相。文同語少別。會意可知。彼云。一何相菩薩發心。二發心何所緣慮。三發心何狀何相。四發心有何勝利。彼論依此經文。作彼略釋。不具。初依何身中有三。初結前總告。二正顯行相。三如是衆生下結行入位。正顯行中初句是總。謂一大僧祇積集勝善故名厚集。若有衆生者是此初入地衆生。非是地前。有人判此十句屬地前發心方入初地者。此不順文。豈可地前屬初地攝。以此文說初地不說地前故。應知。此是初住地處說。此所依善根行相。別辨中此集有九種。一行集。善作眷屬。持戒者以慧爲主。戒隨助伴故云眷屬。如經修諸善行故。謂三聚非一故云諸善行也。二定集。謂定助智道。名爲善作眷屬三昧。如經善集助道法故。三親近集。謂親近諸佛供養恭敬。習聞慧智。如經供養諸佛故。四聚集。謂思慧智善能思量。積集諸度故云聚也。如經集諸清白法故。謂六度治垢故云清白也。五護集。謂修慧之行上順善友。故爲攝護。出世真證修能趣入故名修行實證。行實證故爲彼善友。教授

攝護故云善知識所護。六廣集。謂廣於一切衆生以慈至深心作利益故。七信心集。謂決定信樂求大法故。八現集。謂隨所集善多向益生故云。心多向慈悲。於中慈念依苦苦壞苦者。以慈行施故。悲依行苦者。明是細故。問上文云慈與樂悲拔苦。何故與此不同耶。答此二有通有別。別如前辨。通論俱有與樂。如三地中慈有廣大無量者與樂。謂廣與欲界樂大與色界同喜樂。無量與色界不同喜樂。悲喜捨亦爾。故知同與樂也。又如三地爲苦衆生入慈悲故知同拔苦也。此文亦爾。是故知同也。九求集。謂與衆生求一切智智故云。好求佛智。慧依論經此句攝在第八信。心集中。別有第六淨心集。謂出世真證心無垢染故云。善清淨心。故又此九中。初五護煩惱行。謂一戒學。二定學。餘三慧學。即聞思修三。慧依論有四。加淨心。集出世智故。後四護。二乘行。於中初二護。二乘心。謂廣護狹心。信護小心。後二護。二乘行。謂慈護狹行。求護小行。又此十中。初一總相。謂統括諸行成一厚集故。餘九皆是集中。間出故是別相。九中皆有集義是同相。戒定等別名爲異相。成壞同前可知。依此諸集集成之身。乃能發此真證之心。住於初地故。此諸集總在地中。初分所攝故。云如是衆生乃能發阿耨等心。此心即是本分中願善決定。彼文指此也。第二爲何義生如是心者。如經爲得一切種智故。此顯佛無上智具知斷證

攝護故云善知識所護。六廣集。謂廣於一切衆生以慈至深心作利益故。七信心集。謂決定信樂求大法故。八現集。謂隨所集善多向益生故云。心多向慈悲。於中慈念依苦苦壞苦者。以慈行施故。悲依行苦者。明是細故。問上文云慈與樂悲拔苦。何故與此不同耶。答此二有通有別。別如前辨。通論俱有與樂。如三地中慈有廣大無量者與樂。謂廣與欲界樂大與色界同喜樂。無量與色界不同喜樂。悲喜捨亦爾。故知同與樂也。又如三地爲苦衆生入慈悲故知同拔苦也。此文亦爾。是故知同也。九求集。謂與衆生求一切智智故云。好求佛智。慧依論經此句攝在第八信。心集中。別有第六淨心集。謂出世真證心無垢染故云。善清淨心。故又此九中。初五護煩惱行。謂一戒學。二定學。餘三慧學。即聞思修三。慧依論有四。加淨心。集出世智故。後四護。二乘行。於中初二護。二乘心。謂廣護狹心。信護小心。後二護。二乘行。謂慈護狹行。求護小行。又此十中。初一總相。謂統括諸行成一厚集故。餘九皆是集中。間出故是別相。九中皆有集義是同相。戒定等別名爲異相。成壞同前可知。依此諸集集成之身。乃能發此真證之心。住於初地故。此諸集總在地中。初分所攝故。云如是衆生乃能發阿耨等心。此心即是本分中願善決定。彼文指此也。第二爲何義生如是心者。如經爲得一切種智故。此顯佛無上智具知斷證

●(依)一●● ●散二●● ●(爾)一●● ●八二七●● ●(心)一●● ●問二●● ●(此心)一●●

修究竟滿。故此爲總句。佛智業用利。益衆生差別有九。爲求彼故生。如是心。一。力。佛智能作。問記業。此是如來處。非處智。隨諸衆生問。因果等義。悉能記。別。此義廣。說如餘修多羅說。故云。爲得十力故。二。無畏。了佛智能作。破邪業。以四無畏。破外道說。故云。爲得大無畏故。三。平等佛智能作。教授業。謂得二空具足佛法。轉教衆生。令同證入。故云。爲得具足佛法故。四。救佛智能作。救濟業。謂以四攝巧化衆生。故云。爲救一切世間故。五。淨佛智能作。救攝因業。以大慈悲爲救衆生。因故云。爲淨大慈悲心故。六。無餘智佛智能作。普觀之業。謂常以佛眼普觀十方世間衆生。無不窮盡。故云。爲向十方無餘無礙智故。七。無染佛智能作。嚴土攝生。爲業。謂莊嚴一切世界。令無障礙。無有雜染。不待功力。以土應機。令生信入。法。故云。爲淨一切佛國。令無餘故。論中智心無礙者。智無礙。顯前無障。心無礙。顯前無染。又初慧解脫。後是心解脫故也。八。覺佛智能於一念頓覺三世衆生心數。以爲業用。故云。爲於一念中知三世事故。九。轉法輪佛智於諸衆生。能令解脫。善巧爲業。故云。爲自在轉乃至佛神力故。生如是心者。即是前發阿耨菩提心也。論云。何故唯言生心不言生智。爲二問也。及餘心數法。謂念定等。爲二問也。理實此時諸德皆生。何獨心耶。釋云。心是總主。舉此即攝智等心法故。云。心中即攝。知斷證修。答初問也。亦攝一切助道法故。

者答後問也。第三以何因生。如是菩提心者。如經是心以大悲爲首。故前說爲何義中顯。所求果。今此以何因顯。能成因。謂以何因求大菩提。以大悲爲首。濟衆生故。求此菩提。非爲自安。何以故。若非如是。大菩提法。無以究竟救衆生故。是故諸行大悲爲首。此悲大有九種。一。增上大緣。微細苦。生增上智。故云。智慧增上。論釋。智與慧。二差別者。然此智。慧有通有別。通而言之。所知無別。別有。二門。一。智知俗諦。慧。照真諦。如十度中第六名。慧。以照理故。第十名。智。以鑑事故。二。智能決斷。因果逆順。染淨差別。慧能照達諸法假實體性。有無。此中約後義辨。又觀衆生十二緣起。前能起。後皆名爲因。後依前起。悉名爲果。逆順觀之。有染有淨。染逆順者。無明緣行。乃至老死。是名順觀。何緣老死。謂由生故。乃至無明。是名逆觀。淨順逆者。無明滅。故行滅。乃至老死。是名順觀。何緣老死。滅。由生滅。故。乃至無明。是名逆觀。是觀名。智。決斷義故。觀一切法。但名無實名。自相觀。觀一切法。真如一味。名同相觀。是觀名。慧。照察義故。二攝大。謂前既知苦。今以四攝方便善巧。救苦衆生。故云。方便所攝。三。淳至大。淳謂淳厚。至謂至到。慈悲增上。故曰。淳至。淳至有二。一。直心淳至。謂向時發心。許盡衆生界作利益。其心一向無改易故。二。深心淳至。謂愍苦情。愍徹於後際。故云。直心深心淳至。故又直心令證理。深心令集善。故

起信論云。直心者。正念真如法故。深心者。樂集一切諸善行故。四。無量大。謂攝取如來無量神力。化物生信。故云。量同佛力。故。五。決定大。上妙決定信。深智勝對治者。決定信。知諸佛深智。堪授衆生。令成最勝對治之用。故云。善決定衆生力。佛力故。謂以佛智力。授與衆生。益其智力。故云。衆生力也。六。隨順大。謂隨順善提。令得正覺。故云。趣向無礙智。隨順自然智。故。七。正受大。謂能領受諸佛大勝教法。轉受衆生。故云。能受一切佛法。以智慧教化。故。八。最妙大。攝受勝妙平等功德。故云。廣大如法界。故。九。住盡大。謂住是無常愛果之因。盡是涅槃常果之因。故云。究竟如虛空。盡未來際。故。第四明是心生時。有何等相者。如經菩薩發如是心。即時過凡夫地者。以此心即是出世間道。此時捨離凡夫性。故。又創得聖位。過於地前內凡位。故。此是總句。過義有八。下別顯之。一。入位過。此時初成出世間心。猶如世人初始住胎。相似法。故云。入菩薩位。故。此句約位。故。瑜伽住品名。入菩薩正性離生。梁攝論第十云。一。入菩薩正定位。以入菩薩初無流地。故。二。家過。以得佛所證法界之分。故云。生在佛家。故。梁論二。生在佛家。如諸菩薩生法。王家具足尊勝。故。解云。前雖住胎。若下賤家不足爲過。要在王家受生。方顯其勝。故。此句約得法。爲家。瑜伽住品云。生如來家。三種姓過。以大行成立。堪紹佛種。故云。種姓尊貴。無可

①別二前②③④〔說〕一⑤⑥⑦〔了〕一⑧⑨⑩⑪⑫⑬⑭⑮⑯⑰⑱⑲⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺㊻㊼㊽㊾㊿
照二知①②③〔染〕一④⑤⑥⑦⑧⑨⑩⑪⑫⑬⑭⑮⑯⑰⑱⑲⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺㊻㊼㊽㊾㊿

說嫌者。梁論云。以過二乘及世間種姓故。解云。良以二乘亦得生空法界。然彼不能紹佛果位。如雖生王家。然或是王之僕隸等。不足為貴故。今要得王之體分。繼於王位。故子相似也。四道過。以非有流故。世道不攝。是無流故。出世道攝故。云過一切乃至出世間道故。以雖得大乘在世間。無足為勝。如雖是王種。若是鬼神之王。不足為貴。要是人天之王。方顯道過。故云異道生相似法故。梁論云。四已轉一切世間行。決定不作殺生等邪行故。五法體過。謂菩薩正以大悲為體。於作他事即是已事。以為自身體性。相似法。故云住菩薩法中故。瑜伽云。設有問言。菩薩以何為體。當云何答。應正答言。大悲為體。此之謂也。前雖道勝。若已身殘。闕未足為勝故。舉大悲顯成自體。六住處過。以不捨世間。是不住涅槃。方便不染。是不住世間。巧離二邊。住無住處故。云在諸菩薩數。論經名。住在菩薩正處故也。如王子諸根備具。若住處下劣。亦不足為勝。菩薩雖有大悲。若著二邊。亦未為勝。七生業過。以順空聖智。等入三世真如法中。顯無終極無際限相。生命相似故云。等入三世如也。論經名。三世真如法中。是故此中如字兩處用之。應知。如彼王子雖依正俱勝。若壽命短促。不足為勝。八畢定過。佛種不斷顯因畢定。究竟涅槃顯果畢定。成就相似者。如王子雖依正命勝。若志氣不立所作不成。不堪紹繼故云。如來

種中畢定究竟阿耨多羅三藐三菩提故。住如是法。等者。牒以總結。謂前四義中。初明內所依身。二辨外所求果。三顯求果所因。此三明發心由致。四正顯所發心相。此即是初住地相。故云住。如是法名住菩薩歡喜地。以不動法故。不動法者。釋成住義。謂一證真理。不復失故。二乘異道所不動故。已說住義竟。第二釋名分中有三。初十句明多喜。次十句念當得生喜。後十句現得生喜。又釋此三中。初一明歡喜差別。後二明喜因差別。又前一正是此地行。相之喜。後二明於此地舉善緣得此位。故。次對何身生喜。以厚集善根得此位。故。次對前為何義生喜。以所求佛果定當得故。後對有何相生喜。以現離凡得聖位故。何因中不對辨喜。謂悲心惻愴喜相隱故。初中言多喜者。謂適悅衆多故。論中三種。一喜者入觀之心。心則適悅故。二體喜者出觀喜。受相應故。三根喜者由前心體喜故。令所依身色根調暢。輕安。適悅故云多喜。此是總句。別有九種。一敬喜。於三寶中得不壞信故云多信故。此如小乘入見道得不壞淨相似故。二愛喜。樂觀離染真如法故云多清淨。故論經名多愛念。故。上。是心喜。三慶喜。自覺所證。校量。勝過於地前故云多踴悅故。四調柔喜。身心安適遍增益故。論經第五有踴躍喜。此中略無。五堪受喜。自見至菩提。近故云多堪受故。此與念當得何別。謂念當得念果預喜。今此念因

能受故喜。上來自行喜。下三明化他喜。六不壞喜。由於自心。先已調伏。是故或他論義自解說時。或自論義他解說時。皆心調無訛。離諸擾動故云不好聞諍故。七不惱喜。以心慈悲身口調柔。設見惡人。以道漸化。不惱他故云不好惱亂衆生故。八不瞋喜。謂見衆生。不如說行心乖法也。威儀不正。身違道也。見之生感。故忍不瞋。故云不好瞋恨故。此前二句不惱壞他。此句能受他惱。又前二不令他惱。此句自不起。瞋。第二念當得故生歡喜中。初句總。此中欲明已當得義。何故乃念他佛耶。論釋。如佛所得我亦當得。如是念故心生歡喜。此即念他成已也。別有九種。一念佛法者。正是念法。但以總該別。於念佛門。開出餘九。是故九種皆名念佛。此是念佛所得之法及所說法。已亦當成故云念佛法生歡喜心。二念佛菩薩。有人釋云。此念佛過去為菩薩時。我亦同彼故生喜。今解念佛成道有菩薩眷屬。我亦當有故生歡喜。文意在此。故云念諸菩薩等。三念佛行。此中正是念菩薩行。何故名念佛行。釋以諸菩薩行佛所行故。從佛有故。四念佛淨。謂念佛所有諸度離染故。云念諸波羅蜜清淨故。五念佛勝。謂念佛菩薩勝餘衆。故云念諸菩薩與衆殊勝故。六念佛不退之力。故云不壞也。七念佛教化之法。八念佛能廣利益衆生。九念佛所入之門。謂善巧智門也。問看此十句。唯初一句念佛餘念別事。論主何故

①無二末 ②生十(住) ③如二似 ④又二各 ⑤相二報 ⑥故一 ⑦適二道 ⑧論經...無)十二字 ⑨近十(者知已行成立取菩提近)十字 ⑩堪二動 ⑪(是)一 ⑫從二諸 ⑬(諸)一 ⑭蜜二密 ⑮[故云...衆)八字

總稱念佛。答此依一乘無盡緣起無礙相成。即一緣中無不皆攝一切諸緣論主依此例故。迴九入一。俱名念佛。如初句攝九。餘二句皆亦如是。此即句句之下悉皆無盡。以此地法是陀羅尼法。如土舉悉曇章爲喻。是此義也。依此例故。上十信爲總。乃至十地及佛悉爲別攝。別人總無不在。信中具足。餘位亦然。是此義也。又此十句論主更作一番解釋。論云於中初二念共念佛者。謂於十中初二念共。同是所念。今還分爲二。謂念佛念佛法。故云念佛佛法二。故此意欲簡成於三寶。言念佛菩薩二者。還將念佛簡念佛菩薩故爲二也。言念諸菩薩故。直舉菩薩。以念佛前簡法處已顯故。是故佛中具足三寶。餘七皆是念佛行攝。此爲總。餘下六句顯此行故。言隨所顯彼菩薩行者。謂此六句隨彼所顯菩薩行故。是故得在行中所攝。言以何顯如是諸念者。謂前言隨所顯未辨以何法顯。下出能顯行體故云。如是諸念應知。此中菩薩行有二種。一離染行。二勝進行。六中初句別顯離染行故云復何顯彼波羅蜜淨行。二餘五句別顯勝進行故云何顯彼菩薩行乃至轉去故。於中初二句勝及不退顯勝轉去。以後地望前皆名轉勝。前地望後趣入不退皆名轉去。後之三句顯其盡去。十地位窮名爲盡。上入佛果稱之曰去。三句中初二顯盡。謂法雲地中能受法雨。及能注雨利益群生後一句受職成佛故。云上入佛地此

初念佛行該攝後六。因之爲總歸。初念佛說以爲別。故云亦總亦別也。第三念現得生歡喜中。初總中離世境。論釋離凡夫取著事。此六塵境是世凡所取。又未入初地所取不亡。如論云現前立少物等。非入地故。今入出世證真如法。離所取著世間境事。故云我轉離一切世間境界生歡喜心。此轉離有九種。一入轉離。謂入諸佛所行法中故云入一切佛平等中故。此九種與前入過既少相似。有何別耶。釋前中舉此正顯發之相。此文念此現得生於歡喜。理實初住所得無別。二遠捨地前凡夫位故。三近到出世聖智地故。四斷離分別煩惱惡趣業果故。五依止堪與衆生作依止故。六近見自念行成趣佛不遙故云近見。七得生佛諸受用土中淨土。是佛分齊境界。八平等轉離。與諸菩薩同證真如。入在彼數。九轉離捨勝報自在故云捨離恐怖。此文有二。初直說。後重分別。又此十中初二句顯所行事不相似。此以佛法爲所行事。不似凡夫取六塵事。次二句顯自身不相似。謂此以聖慧爲身。不似凡地妄識身故。後六句顯六種不相似。一斷轉得出世淨行。不似凡夫智惡道行故。言行不相似。二菩薩大悲依衆生起還爲物依。不似凡夫自不濟不能作依故。三菩薩見佛得力助行。不似凡夫非器不得。四菩薩生於淨佛國土。不似凡夫生於五趣故云處不似。五證知正智以資慧。不似凡夫雜業所生。六

內心純熟所作無怖。畢定成就就不似凡夫帶障恒怖。由此不似故名轉離也。言怖畏者。不愛等者。謂不活等五令心憎惡。名爲不愛。所畏不定便生疑慮。所畏定者即生憂想。此是心法與心俱起故名相應。此是畏體以心畏故現相於身。故有毛豎等事也。第二重分別佈中二。先徵問標二章門。一怖二離。後釋前二門。先釋怖章。釋此五怖作六門。一出體有四法。二疑。三慮。慮猶思也。三憂。四想。如前可知。二明說意。所以者何徵其意。理實初地斷除煩惱等障。何故此中乃說離畏。論釋此五怖畏是初地障故。偏在此說。若爾何唯在釋名處說。論云復說地利益勝故。欲明歡喜利益與怖畏相反。故此舉之。三依三業分別者。論云第一第二第五依身口意者。此有二義。一別。二通。別中。不活依身。惡名依口。惡名雖發他口。以性是口業故。衆畏依意。意無智德故生衆畏。二通。不活三業衣不蓋形。食不充口。苦困逼意。餘二通可知。三四唯依身者。善道可愛。捨故生畏。此是死畏。惡道可憎。得故生畏。此墮惡道畏。捨得在身。非餘業故。四建立者。論云何故但說五怖畏。打縛等諸畏皆五攝故。五出因者。論說二因。一邪智妄取想。見愛著故。二善根微少故。初爲三畏因。邪智是不活因。由邪智計我懼已不活。追求資財妄取想。是惡名畏因。以妄想怖取美名。遂起此畏。見愛著是死畏因。由見我故。愛著自身。懼其死也。此三同是

①(一)一②③④⑤⑥⑦⑧⑨⑩⑪⑫⑬⑭⑮⑯⑰⑱⑲⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺
②(近見)一③④⑤⑥⑦⑧⑨⑩⑪⑫⑬⑭⑮⑯⑰⑱⑲⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺
怖十(畏)②③④⑤⑥⑦⑧⑨⑩⑪⑫⑬⑭⑮⑯⑰⑱⑲⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺

惡法故合爲一善根。少是餘二因。功德善少畏墮惡道。智慧善少畏於大眾。又過去善少今畏。大眾現在善少畏當惡道。此二俱是善少合爲一因。六對治者。離此因故怖畏隨盡。並如經可知。釋名分竟。第三安住地分中有三。初總明安住。二所謂下三十句別辨安住。三成就下一句總結安住。初中亦三。初大悲爲首。是安住因。菩薩所行皆爲衆生悲。爲行本。故云悲首。二於衆生心無嫌恨等。是安住觀。此中有二。一於衆生違惱心不嫌恨者。見非不嫌。觸已無恨。此煩惱不能壞故名堅固。二直心者。深悲慙煩惱不能壞故名堅固。二直心者。深悲慙物。爲求菩提小乘不能壞故名堅固。此二不壞故云自然淨。三轉復勤修一切善根者。是安住行。如下所說信等善根。一切皆是此地攝。故總修也。此勤修有三。初信心是行所依。二修行是依。心成行。三迴向是迴行。威德。初十句明信心成。言信心增上者。隨所有事。於中信增上成就。解云。此是總句。隨下別句。所有三寶等境事。於中深信決定名爲增上。別中有九種信增上。於中初六名起信心。後三信增成欲。前中初二自行。後四利他。前中初向上信。三寶謂淨信敬行。故云多行淨心。下句於理證信。謂眞智開神。故云解心清淨。利他四中。初一化他行。謂說己所證授與衆生。名信分別。後三化他心。謂慈悲是化心大也。不疲懈。化心常也。後三中。初於行離過。謂不染著世是慚愧能也。於慍等下辨慚愧相舉。慍等取餘

五藏故由深慚愧六藏不行故云莊嚴二於人將護三於法敬順信心竟第二修行成就中論經九句此中八句論云十句者據減數十爲名初句總集諸善根無休息故無休息故是常修也一切善根是頓修也別中八內初七阿含行後一證入行前中初二攝法方便一近善友略無此句二愛樂法謂於直諸直報爲問答設難釋通爲論義分別本文爲解釋於此三時稱悅適情心生喜故云常要樂法次三成三慧正行於中間思可知修於定中不味著故後二是隨緣離著行於名於利已得不貪是知足行也未得不求是少欲行未受戒者有此貪求不得受故名障菩薩戒也已受戒者起此二種令戒退失上來阿含行言常生寶心等者是證行證行可貴從喻名寶證行超出念念常現故無厭足修行竟第三迴向成就中依論中作四翻釋一顯意釋二總別釋三隨要釋四就行釋初中先問以發起此求一切智等說何等事何以有此問者爲文中無迴向言故作此問示現迴向成就者答以顯示也以求佛果是迴向義故二總別解釋如論應知三隨要分別者此中分三初求何等事求一切智地故者此是初句所求果法求猶樂也二以何觀求觀諸佛力無畏等故此顯能求觀解是第二句三云何求求諸波羅蜜無著法故此顯以何行求用諸度離六蔽等若求此通攝後十句總盡此三求中家

者。結一切智地。是所求處故名家。依家者結能求觀解。謂所觀力無畏等。是一切智中別德故名依家也。無障求者結能求行離障蔽故。四就行解釋中。初二句非。是此中正所修行。故別釋。此唯解前能求之行。論中云何求等。總標前三門爲此總句。下開別故云差別。果求。施二垢中。初見乞。詐設是語。諂也。無心許與。是心曲也。對治此如經離諂曲故。此是一向不許。二許而不與。有三義。一先許後不與。二許多與少。三許勝與劣。皆是不隨先言。對治此如經如說能行故。二戒有一垢。不護實語有二。一犯戒以違本受時能持言。二覆藏不露犯默妄語等對治此故。如經常行實語。菩提資糧論經云。雖由實語。犯戒退失轉輸王及以諸天王。唯應作實語。三忍一垢。佛家正以利他爲業。反此惱他卽汚佛家。對治此如經不汚佛家故。四精進一垢。謂於戒生退。此三種。一法廣故退。論云菩薩戒無量。二時久故退。論云劫數長遠。三深細故退。論云難持難行。以廣故難可具持。時長故難可常持。深細故難可善持。又律儀戒中。惡無不離故難持也。餘二聚中。善無不攝生無不度故難行也。由此便生退墮之心。是此垢也。對治此如經不捨菩薩戒故。由精進策修能行難行故。五定垢二。一事中。攀緣名亂心。內情妄取名憶想。又初龜後細。又初不得止故。後不得觀故。對治中。不動治亂。生薩婆若治憶想。六

①(煎)十修②有二見③(解)一④(減)二成⑤(向)一⑥(依)一⑦(故)一⑧結一⑨(是)一⑩故
十(不)⑪果二果⑫(智)二⑬犯戒二死⑭舉二舉⑮治十(垢)⑯

辨後三約位顯。論說後三初名得地校量勝故。此從初地乃至第九地轉勝故。二得菩薩地盡校量勝故。此在第十地菩薩位窮故云地盡三得一切地盡究竟故。此在佛地。佛果究竟一切地盡。第六因果分別者亦有通別。通說俱因。以在因位故。若爾第十何故成佛釋有二義。一此是地上菩薩願力示現他方成佛。理實非佛。二地中起願願當成。佛今亦未成。或是果。以地前起願未成爲因。得地成就爲果。如十度行地前爲因。地上爲果等。別說中有二。初隨顯言。前九爲因。後一爲果。二具攝言。前五成因行。第六知世界智是所求種智果。第七是所求淨土依果。八九亦因。第十所求正報果。第七釋文有四。初一句結前生後。起願方便。二正顯十願三廣攝眷屬。四以十盡要期。以顯無盡。初中生如是定心者。論大方便大行。故謂巧起大志標期所作。名大方便。是願心也。依願造修行成必然。故名大行。成此願行也。於此二作心成決定。更無二念故名定心。二正顯十願卽爲十段。諸願之中皆有二義。一舉所作事。卽行體也。二發如是願。明對行與願三廣大等顯願分齊。此願中通論有七種大。一供心大。清淨心者。論名上深信清淨。以增上敬重故釋上也。迴向菩提深也。決定信釋信也。此中淨心具此三義。又一向不雜餘念亦名淨心。二福田大。謂有佛斯供。故曰無餘供養三種。有人配供三佛。或可或不

可准可知。於中香華但表敬。無資用故名敬也。其行供與行敬何別。但義一行可別。資順義爲供養。虔仰義爲恭敬。亦配三佛同前。論說三乘說三佛。准下別教亦十佛也。三供事大。謂一切供具等者此有三義。一事事廣。如論無量。故二種別多。如論種種。故三皆精妙。如論復勝事等供養。故具此三義。名一切具也。此上行體也。四願大。謂隨行起願。如經發如是願。故此與願也。五攝功德大。勝餘凡小之善根。故云廣大如法界。六因大。生無常愛果。因不盡故云究竟如空。七時大。能盡後際。得涅槃常果。故云盡未來際。故八立誓自要故。云盡供養一切劫中乃至無休息故。一切劫中所有佛者。願供養也。無休息者。常供養也。問諸處多明供養三寶。此中何故唯供佛耶。答理實通有。但文中影顯。初願對佛願供。第二願對法願護。第八願對僧願同。又復供養有三義。一唯供佛。顯行趣求。二供養佛僧。從之求法。三供養三寶。具攝功德。今據初義。故唯供佛。第二願中亦三。初學所作行。於中經有三句。爲二釋。一就始修二約終成。初中三者。先護教法。謂契經等。取應誦等。此是所護法也。書寫等解能護持行。餘經論說有十種。無性攝論云。一書寫二供養三轉施四聽聞五披讀六受持七開示八誦誦九思惟十修習。今此論中且說六種。初五自行護。後一化他護。二攝一切諸佛等者。明攝受護法。謂證三菩提自

行持也。攝此轉授化他護也。三一切諸佛所教化法等者是行法。謂修行者皆是諸佛所教化故。彼修行時。若有障礙。攝令住善。使離障故。濟令捨惡。使出難故。又未起障難護令不生。已起障難救濟令免上。來約始釋竟復名三成就等約終成釋。一明法輪不斷成就二證三正覺成就。何故菩薩證二乘菩提。釋有二義。一證二空攝生空故。如勝鬘經中攝受正法具足二乘世出世法。故二爲物現證。如天女云。若以聲聞法。化衆生我爲聲聞等。又法華云。知衆樂。小法菩薩化二乘等。皆此義也。三修行成就。從初發心乃至圓滿。故云如實修行。成得果故云正覺成也。第二起願。第三分齊。並同前釋可知。下諸願中。此後二段並更不釋。應知。第三願行體之中有四。一明攝法處。如經一切世界等故。此是一切應化身佛。往彼應感成道處。故云一切願也。二明攝法時。謂彼中佛現八相時。此八相亦有化佛具不具者。如天王如來白衣成道。則無出家須眉多佛亦。知出世。無衆生可化。卽入涅槃。留化佛半劫度人。是則無轉法輪。若取化說。亦得具八。餘釋迦等多亦具之。此等並約須彌山世界。若就樹形等世界。總無八相。以彼未必有兜率天等。又此八相論中。但釋五相。以並捨勝就劣。故須釋耳。餘三不爾。故不解釋。以處胎必生。故不待釋。出家勝俗。故亦不釋。轉法益生。亦勝不說。故不釋之。釋生兜率有

○此二知 ○地十(地) ○(以)十佛 ○(佛)一 ○(一)行 ○故十(故) ○(來)一 ○顯二佛 ○(知)一

二問答。一以上界爲問。難處來答。二以他化等爲問。生兜率衆生敬心爲答。釋餘相如論顯之三。成攝法行。如經我於爾時等。論釋中二。一爲道彼衆生故。自供養佛。令他學已故云方便。此成功德。行通於八相。二以彼如來有所說故。啓請攝法。請法爲生故云方便。此成智慧。行唯約轉法輪相。此二總名助菩提法。四明其頓成論經名。一切處一時成。一時轉。論釋。非前後故此名三時轉者。是於一切成佛之處同時三轉故名也。亦是三請轉故。第四願內行中有二。初正顯菩薩所行。二說以化物令心增長。前中論攝爲四。一種種者行義差別。於中有二。一先世間行。二出世間行。此二有二。若約位分。地前爲世。地上爲出。若隨義分地教行名世。證行名出。今就後義。初至第六。於一行中修一切故名爲廣。二第七地中。一切行中修一切故名爲大。三第八已去。念念任運深入。無量佛境。故名無量。出世者。正證眞智不離法執故不可壞。離妄念故無分別也。一體者諸波羅蜜是菩薩行體故。三業者是諸地中所修之業故云助道法故。四方便者。巧相集成一攝。一切要由六相方得顯示。何故論中同相異相。此名有相無相者。以於別類各帶於總名。有是同。然各互無名。無是異。故不相違。二一切菩薩下說。前四行。用以化人。於中菩薩所行。前種種也。及諸波羅蜜。前體也。本行。牌業及方便也。教化下正以化人。

令心得增長。第五願內行中有二。一先明所化衆生。後明化所成益。前中論攝爲六。初施細者顯報相差別。於色中細者無想。是無想天。在第四禪。與廣果天同處。外道取爲涅槃。修無想定。生於彼天。得五百劫無心報。無佛弟子。彼天中。就無色中。前三空名。非無想。第四空名。非有想。以非有。施想故名。非有想。非謂無細想故。論經名。非想非非想也。二生依止者是報之所託。四生差別作三門。一明通局。二顯寬狹。三釋文。初中化生於五趣中。二全。謂地獄及天。餘三分。如劫初時。人畜及鬼。一切化生。餘時通別故。胎於三趣。少分。謂人畜鬼。餘皆無故。胎濕於二趣。少分。謂人畜。餘悉無故。人中濕生如。頂生王等。卵生如。毘舍佉母生。肉卵出三十二子等。二寬狹者。以四生望五趣。四生寬。五趣狹。雜心云。爲生攝趣。爲趣攝生。論自釋言。生攝趣。非趣攝生。何者。四生五趣不攝。論言中陰是化生。五趣不收。此四約所依處。受生名。依止。如餘三。依胎。依卵。依濕。化生依何。論釋依業。餘三豈不依業。釋化生業勝。不依外緣。三上界淨。欲界不淨。四種種身者。受報別也。謂下三。陰苦上天爲樂。人及修羅通於苦樂。五以自業。是受生所依。故云生處也。六以名色爲報。自報體故。四蘊爲名。色蘊爲色。以色形可觀。當相說之。餘四是心心法。冥漠非名。不辨故說爲名。楞伽云。以名宜說。無色四陰。故號爲名。是謂衆生也。二爲何義。教化者。

有三。一信入教法。故云教化成就。二得小果。故云斷世間道。道是因義。卽惑業也。世間是報。卽苦果也。三得大菩提。準此二乘人無不皆向大菩提也。第六願中。初所求行中有三。初明世界形類。故。二明世界分齊相遍。故。三世界數多。十方無量。故。初中二。先舉所知。後隨入下求。能知。前中有四。初約廣狹分別。小千爲狹。中千爲中。大千爲廣。二義類分別。初類多無數量。二義難分別。三體不可壞。四相不可動。五事不可說。三龜細分別。論云。隨何等世界意識身者。意識是心。身色。心龜故。世界亦龜。其細亦爾。又如法華中天人見劫盡者是龜也。我此土常安隱者細也。四依住分別。正住者是仰世界。倒住者是覆世界。如蜂窠等。言平坦者無龜阜等故。言方者四方故。如斗形。言圓者圓圓故。如珠形。下明能知。隨如是世界。以智入中而明了知。二眞實義相者。如帝釋妙勝殿上有寶珠爲網。天珠明淨。一珠中現一切珠。一切珠亦爾。互無障礙。世界亦然。於一處中有多世界。多世界塵中復有多界。如是重重無障無礙。如幻業作。故者轉喻。顯之。如世幻士作幻業用。今於水處見火。火處見水。小處見大。皆無障礙。此亦如是世界眞實。故名眞實。此是如理智中。如量境界。故云唯智能知也。三無量相者。如前二相。遍於十方名。無量差別。盡十方際。故名入也。下明能知。皆現前知者不取。比知。故願求此智。第七願

①離二維 ②巧二行 ③廣二途 ④十十(名) ⑤論二各 ⑥多一 ⑦小二大 ⑧見十(小小處見) ⑨

成益故。云以一言乃至歡喜。五不斷佛種業。謂菩薩所行名為佛種。得佛常起名為不斷。故云示大涅槃而不斷菩薩所行故。六法輪復住業。謂大聖滅後。令法久住。示佛智地。行果法修多羅等。顯其教法軌則不失。明住持如本。名為復住。故云示眾生乃至假偽。七日在業。言以大智慧者法智通也。言神通自在者如意通也。言出生變化者是幻通也。以轉變外事故言充滿法界者。通結上三皆滿法界也。又以法智照理不住世間。除二隨事不住涅槃。總三合取名為無住。上來別釋十願竟。第三明攝眷屬。此十願中一一各攝百千萬阿僧祇諸大願。故云諸佛子乃至阿僧祇大願也。第四願願無盡有三。初舉十法無盡。二以願反要。彼若有盡我願乃盡。三以願順同彼無盡。故願亦無盡。此十法中略作三門。一隨事分別。隨此十法一一皆無盡。對之以顯願如文自顯。二廣略分別。謂前九廣散。後一略攝。謂眾生世界空界心所緣。此四是世間轉法界涅槃起智。此三是法轉。佛出世及佛智慧。此二是智轉。又釋心所緣亦是智攝。以是染智故。是故論云略說三種三轉示現各三。是故第十句略攝前九。三依論總別分別。謂初句是總。以為化眾生故。眾生為總。攝餘九事在眾生中。意亦甚玄。應依一乘緣起無礙。准思可見。於別中。一眾生住何處。謂世界故。二世界依何。謂空界故。三說何法化。謂法界故。四隨所化眾生

安置何處。令得涅槃故。五亦令得大菩提。故云佛出世。佛出世者是遠離世間成菩提故。非謂佛應世間名為出矣。以論說名化所置處故。六以何方便巧化。謂佛智慧故。七云何隨物心器。謂心所緣故。八復以何法化。謂佛智所入境法即真性理。此名起智者智依此起故。今此論主餘前二門相顯如文。不待別釋。此總別相收。圓融之義義隱在文。故今別顯願校量竟。第二行校量中有二。先明大願熏心令心調暢堪能起行。二如是則成信者下攝行成人正顯所修。前中二初決定發願者。前大願。以用熏心。二則得下正顯大願熏心成益。十心中初句總餘九別總中利是增益義。安是順理義。又障不能動是安也。令行增長是利也。別中一柔軟者性善故。二調順者離惡故。三寂靜者不亂故。四不放逸者不失念故。五寂滅者不起煩惱故。六直心者正向真理故。七和潤者救護眾生故。八不患者不捨眾生故。九不濁者不雜餘心故。自下正顯所成行相。於此十行略作七門。一顯名。二辨體。三明成處。四約心行分別相。五約二利分別。六明次第。七釋文初顯名。一信佛因果淨心不壞。二慈與生樂。三悲能救苦。四施捨珍財。五無有疲倦者策勵求法。六知諸經論書者慧達教法。七善解世法者俗智知宜。八慚愧者輕惡崇善。九堪受者堅固不退堪受法器。十供養佛如說行者。順佛興供順法修行。

二體性者有二。一約所依。總以後得智為性。以依此起故。二別別自性。初信當法為性。慈悲以無瞋善根及不害為性。施以無貪相應思為性。不疲倦及堪受俱以精進為性。知經善解世法俱以慧為性。慚愧當法為性。供養佛如說行。通論三業善表無表為性。是故通總有十法為性。一信。二思。三無貪。四無瞋。五不害。六勤。七慧。八慚。九愧。十色。三明處者。此信等行大分三位修之。初在十信位中。即初修學。如信進念慧等是也。二在三賢位修之。漸熟如十藏品信藏等。亦多與此同。三至初地已上修之。純熟堪任勝用。以將淨治諸地。今此所說是後門也。故地論云。此信等十行盡是彰地淨法。四約心行分別者。通論此十俱表心。是心無非是行。別分而辨。前三是行方便心。後七是造緣正行故。地論云此十種行顯二種勝成就。一深心成就。謂信慈悲等。二修行成就。謂所餘七行。此與地持相似。彼云。前三名心淨。後七名行方便淨。五約二利分別者。前七別顯二利。後三通約二利。前中信是自利行。地論云於中依自利行。謂信能信菩薩行及諸佛法。求必能得故。依利他行。所謂悲慈安隱釋悲。與樂釋慈。施以財攝他故。不疲倦者自為他起。攝法行。後二以法攝他行故。後三攝護前七。初二護成。後一成攝。由慚愧故。護令離惡。能令信等成。無著行。由堅固力。護令住善。能令信等成。不可動。由如說行。起。後信

①名二為 ②顯一 ③行一 ④後二彼

等故名攝離垢清淨名依止行由供養佛亦攝起信等善根故六次第者初自既證信成佛因果二傷惡衆生處苦流轉故起大悲三警覺救彼具得佛果之樂故起大慈四爲欲救他自無顧戀故一切悉施五爲益他故爲他求彼世出世法無有疲倦六由求無倦證解經書七善知經論故於衆生上中下類善能應作不應作等故起善解世法八依應時分量等正行故起慚愧九於前所作勸無退轉故起堪受十以堪受力能供養佛如說行也第七釋文中二先別釋十行後佛子是菩薩下結其十名前中十行即爲十段就初信中二初一句攝德成人故云即成信者餘句顯其信德於中初二句總次諸句別後舉要下一句結初總中言樂以信分別功德者於佛果功德別深信二信佛本所行因道能至佛果下別中初二句廣上信因行論云云何菩薩信行者信行六度等行能得增成佛果故二云何次第成者信入十地漸得佛果殊勝功德下明所信果德論云此善提本行入者爲簡前善薩本行入故云善提本行入也前則標因別果此標果別因又前是能入名入此是所入名入此所入果中論攝爲六種勝由此境勝令信心亦勝故云是故信勝也六中前五別顯後一總結良以此句是末後結中結因果之內舉其結果入此六攝故也五中前四智德後一斷德前中一寄對顯勝謂十力降魔怨

無畏伏外道不共過二乘故此三句合爲一皆悉不爲魔等所壞故云不可壞下三當相辨德一信眞智難測故云信不思也二信通慧深廣故云信神力等三信種智多門故云信如來等下一信佛斷德中從斷惑因緣得此涅槃果德故云信從因等下一句總結以別說難盡故云舉要言也信菩薩善行是結信因也諸佛等結信果也威力是加等取說也第二明慈悲二心於中有二先明三觀爲二心方便後即生大悲下正顯所起二心行相前中三觀即爲三段初眞樂本有迷隔名離慈由此生二妄苦本虛情取名具悲由此起三於此得失復不了知名彼二倒衆生既爾可惑之甚雙結悲慈又釋此三各有二義一但無他樂已爲可惑況復此樂本自有之而反遠離二但令離樂已是可惑況更有苦設苦是實亦甚可惑況本虛妄而枉受之三彼二倒者若離無樂有苦自有能覺知力容有反苦得樂之期由無明倒故體有妙樂不知怖求方復謗云都無此事虛妄容苦不知厭離方乃甘受妄想輪迴由此菩薩起深重慈悲就初中作是念等者乘前所信故今念法甚深傷物不悟故起悲慈也十中初一總謂超情曰深深極名甚別中一離妄計實有所取之相故云離相此約遮顯二眞理體寂名爲法定恒沙德義寂名義定故云寂滅三無二我故云空四無根境等故云無相五離取捨

願求故云無作若約治障論中分別者即是妄想能取心也相者即是名相所取相也取捨者即是妄心於妄境順處願取違處願捨對治此三如次三句應知故又佛性論此三脫門治皮肉心三障可知又彼論中配三無性觀次第應知六性淨不雜故云無染七生德無窮故云無量八俱從自他故云廣大九多劫方證佛果堅固故云難壞第二具足諸苦中有三初顯十二緣相二如是下結成苦聚三是中下明緣體空彰有是倒論中於前初段內前三支合爲一分二於三界下辨後九支及後二段合爲一分故爲二段也就前中亦二初一句總餘九句別總中凡情迷理沒於二執故云心墮邪見別中惡業皆名邪見釋有二義一是彼品故如惡趣業愚等二如緣起六相相即無礙上下文中例同此釋九中初五屬無明支次三是行支後一是識支前中初三依法義妄計後二於追求時心過故前中初是無明住地迷覆法體障其慧眼論名蔽意故云無明癡等次二慢愛由癡迷覆因果之義妄計內外初一於內執我自高款物名爲憍慢建我如幢恒起名常故云常立等後一於外貪取愛網自纏故云墮在等又上三句初一癡使二慢使三愛使下二追求時過二於可得處詐善外相生諂曲過二於不可得處情忌在內生嫉妬過又妬他內報嫉他外財由此生卑賤鄙陋是妬心爲因資生不足嫉心爲

●〔信〕一●●中二因●●〔因〕一●●智一如●●悲慈一慈悲●●〔本〕十有●●容二客●●〔治〕一●●〔故〕一●●〔時〕一●●款二跋●

因。此釋經中而作後身生處因緣也。此經名慳嫉者。於已得生慳。可得生。諂。不得生。嫉。又由慳。自財故。資生不足。由嫉。他身故。身形賤陋。下三明業支。一總明三毒造業。後二別顯業相。初中於樂受生。貪。苦受生。瞋。捨受生。癡。捨翻前二故云。彼顛倒非迷。前二名爲顛倒。由此三毒集起重業。下別中初句內心思業。後句動身語業。前中煩惱如風。思心如火。煩惱動心如風吹。火此思中始也。常令熾燃思之終也。論云於怨恨時。互相追念者。釋嫌恨吹心也。欲起報惡業者。釋熾燃也。二明起業者。從思發動身語業也。顛倒是煩惱。煩惱發業。業還與彼顛倒相應。謂作惡時迭相加害者。望殺業說。第九一種明識支。以識支亦是所引亦是能引。今取能引。以彼能持惑業種子。令四流不斷染諸善業。悉成有流。四流者。謂欲界中一切煩惱。除見及無明。名爲欲流。色無色界一切煩惱。除見及無明。名爲流。三界無明名無明流。三界見名見流。流者是流注不斷義。心意識名。有通有別。別言本識集起名心。末那審思爲意。餘六了別爲識。通則俱有可知。言起種子者。有二義。一隨流造業。熏在本識名起。彼種。二由無明行能引識中五果種子。令隨業生名起種子。今取後義故云起也。第二段於三界地下辨後九支。於中論主分爲三。相。一自相等者。釋有二門。一約分位。二約隨義。分位者。自相者謂明現在因緣體狀故。同相

者謂未來因緣同現在故。理實現在亦有生者等。未來亦有識名色等。今約分位分相故立二相。三顛倒相者。顯緣體實空。顯執有是倒。二約隨義者。一約從因生微細行相。是緣起自相。二約果相顯彰緣起過患。遍通果位故云同相。猶如色法礙爲自相。苦無常等爲其共相。其猶同也。此亦如是。從生名色牙。即生義。次第乃至有彼老死。過患同故。三緣實無我。妄取爲倒。問同相中。二支一向是果。一向現行。自相七支爲現果。爲因種。設爾何失。俱有過故。若取因種則不應言。三界地生牙。若取現果則彼前四不異生等。後三復非所生果攝。答此等並是現生果位。却談因名以顯自相。就自相七支內。此中和合者。是論中共生義。亦是不離義。論分爲三。一報相名色共。阿梨耶識生者。謂名色支中有義通攝一切名言種子。阿梨耶即識支。通有三義。一依雜集論第四。以業種爲識支故。屬能引識種入名支攝。是故此支前支一處釋者。以俱是能引故。爲四流等潤彼業種及五果種。轉爲有故。令其生果。是故前言起。心意識種子。由起彼種子。令三界地生苦報牙。二以本識種爲識支故。唯識第八云。此中識種謂本識因。是故此中識種及名色等種爲前。惑業引潤力故。起此種子。令生苦果。三現行第八亦是識支。唯識第三引經證。彼第八是識支故。是故此中因相云名色。不離本識故。謂此共識所生名色生已依於現行第

八爲彼執持故名。因相理實此中識等五種由前業發同時而生。但依當來現起分位有次第。故說爲前後。是故名爲彼果次第相也。愛取有三雖非所生。然正生時具有此故。唯識論說生引同時。是此義也。問此三相與攝論中本識三相何別。謂彼云一自相謂本識自體。二因相謂種子識。三果相謂異熟識。答此中三相與彼不同。彼中一本識從種生邊名爲果。能持種邊說爲因。此二無二名自相。今此明本識與能依和合名爲報相。二顯能依無體。依於所依故說此識名爲因相。三能依相盡。唯所依轉轉入彼位名爲果。亦以本識轉爲此果。是故漸略餘相皆盡。唯有識在。此上約始教。若約終教。即此本識是如來藏。初即與染和合。次即染法依真。後乃染不異真。故唯真轉。二如是因緣下結苦聚也。是中無我下顯顛倒相。正如論釋可知。第三凡夫可惑下明彼二顛倒。謂失樂不知。得苦不覺。第二菩薩於此下正起悲慈。先見苦生悲。後令得最上樂故生慈。此二皆與後智俱故皆名智慧也。第四施行中三。初總。次別。後結。初總中句別有五。一牒前慈悲。二深心住地。三於物不惜。四重佛妙智。五盡捨一切爲求彼智故。論云求佛無上大妙智故。二與金下別辨。九句。前八外財。後一內報。外中金等是貯積。餘是所用。此二中不攝內報。通九爲二喜。一金等攝益令物生喜。名藏攝喜。餘八利身名利益喜。亦攝內

①者二老 ②即十有 ③三一 ④此十支 ⑤子一 ⑥此十 ⑦果十相 ⑧與一 ⑨名藏攝喜

報一殿飾。二代步。三代苦。四自在。五戲樂。六眷屬。七。愷著者物未。必上。但快己情名。所愛著。八稱意。竝如。文可知。第五無疲倦行中三。初驟前起後。二懇求下正顯。不倦之行謂前用財施攝之未具。更爲求法轉成大益。世間勝事亦堪益生。是故世事亦是所求。三是故下結成行相。第六知經書行中略無驟前。正顯及結可知。第七世智中初驟前。二善能下正顯行相。中論云隨自己力者量己智力也。隨彼能受者量衆生堪聞也。於自於他有宜應作。無宜不作。如論中說者如瑜伽菩薩地菩提分品具顯此義。言上中下衆生者謂勝中劣衆生也。隨其所應隨其所宜而利益故。三是故下結。第八慚愧中。初驟前起後。二即知時下正顯行相。謂雖得世智能爲利益衆生。然於或利那時或晝夜時或所作成就時。每自斟量。不令自心隨逐世法。常生慚愧。不失自行故云。習自他利道也。第九堪受中。論名堅固力。謂是精進於上八行遍能策進故云。如是功德。即信等也。然精勤有二。一自分處。處無退捨。二勝進分中修不息堅。心辨此名堪受。第十供養修行中。利供是財。行供是法。即上二事可知。上來別釋十行竟。下結位顯名中。初結位。此是當地離障所顯地之淨法故云。起如是淨地法。前安住中亦名淨地法者。彼是能治淨行此是障淨之處。二顯名可知。行校量竟。第三果校量中。四果之義略作十門。一釋名。

二體性。三屬因。四攝果。五分齊。六通局。七同異。八行相。九次第。十釋文。初名者調柔。有二義。一約能調。謂供養攝化及迴向等。能鍊信等名曰調柔。地滿足故稱之爲果。此則調柔之果。依主釋。二約所調。謂信等十行。爲供養等所調。鍊故令離垢清淨。故名調柔。調柔即果。持業釋也。二發趣果者。謂亦二義。一發於前地趣向後地。行相差別名爲發趣。地滿明解名之爲果。此從境爲名。二在於此地滿處發正慧解。求趣解。知後地中所有義相名爲發趣。發趣慧解即是果故。三攝報果者亦二義。一王位之身酬因。力果相爲名。二勝生之身業感名報。屬此地收故名爲攝。攝報即果故以爲名。四願智果者亦二義。一內證顯成通慧外用。體用合舉故名願智。此在地滿故稱爲果。二以願力助智令業用無邊故以爲名。二體性。初果以信悲願相應智爲性。以信與供悲化衆生迴向願求。謂初地後得與此三行相應斷彼龜重名調柔故。二以欲熱慧三法爲性。謂勝進道中尋師求法熱無懈倦。正慧明解名發趣故。三以報五蘊爲性。四如名以願智爲性。又初足行。二是解。三是報體。四是業用。三屬因者有二。一別。二通。別論調柔是前安住地分及行校量家果。二發趣是前釋名分家果。以彼念當得中解諸地等。此處顯故。三攝報是前初住地家果。以此王身是依何身。果此中常不離

念佛等。是爲何義果。此中於一切衆生爲首爲勝等。是以何因。果。此中能動百世界等。是有何相果。四願智是前顯校量家果。二通論四果遍屬此地可知。四攝果者。此四中幾是等流果及離繫果。謂初二。幾是異熟果及事用果。謂第三。幾唯事用果。謂第四。幾作增上果。謂一切五分齊者。初二是其行修方便。後二明其行報純熟。前二唯在地滿之處。後二該於當地始終。謂從初住地乃至地滿所受王身名爲攝報。所有業用說爲願智。六通局者。發趣一種文局。初地。義通十地。其餘三果義局。初地。交通十地。何以得知。發趣義通釋以後地地行既漸增解亦明故。若爾解行何故不齊。釋解可懸解。行無懸修。故不類也。等是懸解何故唯在初地釋。以是初首故。又是見道可懸見故。三果交通。何故義局。釋以地地皆有。是故文通。各各屬當地。是故義局。七同異者。前之三果諸地有異。願智一果諸地齊同。所以爾者。良以諸地相別難分故。以前三顯其優劣。實德須論故。明願智。彰地平等。又前約三乘顯地差別。後約一乘明地齊等。謂以一地即一切地。一切地即一地。是此義也。八行相者。通論四果。各通二利。別顯其相。發趣自利。餘三具二。九次第者。何故於先說此調柔。以前說信等十行。今此轉更鍊使精妙。義便先彰。既當地行熟必趣後地。次明發趣。問若爾何故瑜伽住品。先明發趣。後說調柔。答此是本經彼論引

此計應不別然論主迴之隨別義意義意云何彼論意說當地修行信等滿則便推求後諸地事是故先明發趣然後方說當地鍊行。故後辨調柔此約說時以明次第今此本經中約行時說是先調柔行後求上進亦可法實隨說皆得三前二行解細故先說攝報是施是故後顯若爾願智非施何乃最後釋前三俱是差別果故同在先論願智是其無差別果是故後說前中行細解次報非最施以為先後也十釋文者文中四果即為四段初中三謂法喻合法中四初見佛是能練行緣二心大下明所練行體三多以下顯別地行相四是菩薩隨所下明所鍊淨初中此名少見論名多見就是總言非是數數法長引聲讀其義相似以勝通力飛往他方見佛色身及聞正法即他受用身也又以內正願不動一處見法身遍滿義等又依瑜伽住品正願得生受用上中常見佛地論通力願力即是瑜伽二因緣見佛也此中一願二力亦同彼論故云以願力故下明所見廣多約數漸增論名方便示現多佛等故二行體中成三種行一供養佛僧行三供如論二以是下迴向菩提行三菩薩下教化衆生行三別地行中論有二行二攝利他檀度自利此略無檀度者以二攝中施是財施愛語是法施無畏通二處是故二攝以攝具檀行故不重顯四是菩薩下明所鍊淨於中初牒前供佛化生二行為能鍊也行淨地法是信等行

是所練行也如是功德勝所練信等迴向種智勝前迴向亦是能鍊鍊此所鍊令出障成用謂前地滿時已得清淨今此更淨故云轉益明顯此出障也言堪任有用者謂柔德成堪為勝用第二喻中金師喻菩薩金喻信等行火喻所見佛數數入火喻供養等三行此名隨火力是論數入也調柔等喻所鍊淨問餘經論說佛性猶如在鑽之金鍊出令顯此中復說信等如金此有何別義答佛性有二一理性二行性此二地前為障所纏如金在鑽一大僧祇勤修資糧及加行力發本行性生得初地初無流智及顯理性一遍滿義如金出鑽此中信等是行性所發初無流法又如彼金新出沙鑽更須火練令其清淨地法亦爾初一剎那所生無漏唯行性力第二念去更重新重增益轉盛況今至此地滿果位燒鍊純熟所況如是餘文可知第二發趣果中有二初正明發趣行後是名下總結地相前中有四一法二喻三合四結法中亦四一問二知三行四到問中三先別問初地次別問二地後總問餘地於中相貌者謂立障立治階別十地以為地相以對地體說為相耳言行者論中名得即是出世無分別智證得所證真如言果者依因本智力得有後得智然後得通緣俗故名世間無分別智故亦是出世是故論名世出世智又此三初中初是無間道與惑相翻二是解脫道證彼無為三是勝進道後智進修何

故不說加行者以地前加行非地攝故地上加行勝進收故此三就是諸地所修言成地法者信等十行是諸地所行能成滿地故須問此二種法也是菩薩善知下明第二知於中十一句作三門一散為十一二攝為五三行體唯三初十一者初即對治十障故梁論第十云地是對治義二成壞者攬行成位集故名成諸行各住散故名壞三行果者諸地正證及後得智四分別得者諸地所證法界各別又分別得相有四種如攝論五清淨行者諸地後得離染行成六從一地至一地行者依前起後地背捨相七處非處者所斷二執名為非處所證二空名為住處八轉住處者自地行滿不滯住故九勝進者勝進趣求後地住故十不退者念念趣後不退息故十一菩薩淨地入如來智者善知因圓必剋果故二論攝為五初二名觀方便者一觀障對治二觀地成壞初約所斷顯觀後約所知明觀次三名得方便者得之言證一始證二正證三證滿次三名增上方便者修進後位名為增上修不頓成初中後別故有三句也次二名不退方便者一勝求二不息故云不退末後一句名盡至方便者菩薩位窮名盡至佛果位名至此五皆善巧而成同名方便三攝為三者謂此五種不離諸相得果初一是相次一名得第三是果第四顯前三種進修不退第五明三因窮入果是故唯三也諸佛子下第三能行中既喜知已雖未

①柔二前 ②能一 ③論十知之 ④攝一 ⑤力十隨火力 ⑥別一 ⑦遍二流 ⑧智一 ⑨住二位

發初處。然去心決絕。必定能行。故云。乃至無有障礙。言得諸地下。第四明能至中。以必定能至。後菩薩地及佛智地。故云。得諸地。乃至佛慧光明。第二喻中亦四。商主喻菩薩。將人喻利他。初問中。向於道路行處。宿處。皆有利害。故須問也。二未發。初下。喻知前問行路不問宿處。今知宿時。不論行處。文綺互。又前處此時。文互顯耳。三能以智下喻能行。既能善知行處宿處。行時宿時。各有利害。是以等量辨諸資具。避害就利。令達所至。凡論導師。要具此二故。論云。一不迷道方便。二資具利益方便。此之謂也。故云。乃至正導衆人也。四得至大城下喻能到可知。第三合中初問及知通合。二爾時下別。今能行。三乃至令住下別。今能到。第四是故下結彼數行可知。上來別辨。諸佛子下第三總結略說。第三攝報果中二。先明在家果。二若欲捨家下明出家果。前中亦二。先明上勝身顯其報勝。二能以大施下明上勝果顯其行勝。又亦前是異熟果。後是等流果。前中間此王身是實是。應答若約初教未離分段應是實報。然其所受非唯此身故云。多作。不言純也。以生淨土受彼身故。又是應化。以有妻子非實身故。若約終教。初地。已上捨分段故。變易微細非此身故。安立十王。爲別十地。非謂十地如實爲王。如璣路經。地前信等四位。如次已作鐵銅銀金四輪王故。豈可十信已作閻浮王。今至初地還作彼王。故知前寄四王

以別四位。今寄十王。以別十地。故不相違。二上勝果。謂依王報起勝行也。施中二。初自分行。二常生是心下明勝進願。前中初隨有攝生行。二是諸福下明智念無染行。又前正成利他。後不失自利。前中二。初以施行調物。於中二。初巧施調慳。二常施恒攝。二所作下四攝攝生。令其入道。二自利中論攝爲四。初三名上念。念三寶故。次一名同法念。念諸同行菩薩故。此一兩向用。以經中略無念僧故。次一名功德念。念自他行是所行道也。自體是波羅蜜也。轉勝是十地也。下四名求義念。念佛力等。是所求境義。又是大義利。又此等竝隨有攝生時不起妄念。故云念也。如論云。如是諸念於事中。行已者正明隨有攝生時也。言成大恭敬除妄想者。明不失自行。謂上念三寶故。成大敬念。行離障故云除妄也。下論重釋。約施中離三輪及所求菩提。二約四攝等云。如是作業中等。皆離四事可知。第二勝進願中。初六自德。後五攝他。前中爲首唯總妙等唯別。勝大二種。亦總亦別。後五非總非別。此經略無微妙。就後五中。初一導以阿含。後四皆證。一成斷德。後三或智德。智德初教令得出世名師。二令學位窮滿名尊。三令得佛果位種智。並如論釋可知。第二出家果三。初出家方便。二於佛法中下正明出家。三須臾下明出家所得。所得中二。初得三昧勝自在力。以是用本故。如經得百三昧。二依三昧所作勝。於中有十。初見

百佛者。謂於十方各見十種他受用身。於彼佛所聽法。習智故。又瑜伽住品云。以淨天眼能於種種諸佛國土見百如來。二知佛力者。於佛神力所加諸說法菩薩所聞法習智故。瑜伽云。變化住持菩薩住持皆能解了。上二自利行。三能動者。神力遙化。令生信故。後三身往授道。四飛過者。往至能入故。五能照者。正見彼世界故。又是身光照普令他見故。六能化等者。正教化故。上四利他行。七住壽者。五種生中攝取勝生。故瑜伽云。若欲留命能住百劫。八知過未等者。爲化衆生作離惡爲首故。是故說彼過未善惡業道。用以教化諸衆生也。九善入者。爲欲增自智慧故。於羶界處等種種法門能正思惟簡擇義理。十變身等者。速疾變身以爲百故。作多利益者。各百菩薩爲眷屬故。以百身起彼利他之行。速益萬衆故名。作多利益速疾行故。然初地已上入佛境界。所化無量非局限此。但爲寄數別於十地。辨斯百耳。下二地等明千等數。皆准此知。

第四願智果中。若以願力者。內證正願久積成也。自在者。智力作用也。以願自在。諸所示現。過前百數無量無邊。縱百千億那由他劫計不可知。問論經所示現中有十一事。何故此中總不顯耶。答大都與前百數所示十一種法不多別。故不重辨。少有不同。如論顯之。長行散說竟。第二偈頌中有四十五頌半。分爲三。初二十二頌說分。次二十

①向二問②初十(處)③令二合④三二二⑤應二羅⑥已二以⑦施二於⑧二二三⑨果十(中)⑩爲二上⑪作多二多作⑫十十(萬)

一頌半。頌校量勝分。後二頌結說。前中分十。初二頌依何身。二有四頌為何義。三有二頌以何因。四有三頌有何相。五有二頌半。頌釋名分中多數喜。六有一頌念當得。七有二頌念現得。八有一頌半頌安住中信心成就。九有一頌修行成就。十有三頌迴向成就。上來十門頌前百句正地竟。下頌校量勝分。於中六。初五頌半頌十大願及十盡句。二有六頌頌行校量信等十行可知。三有二頌調柔果。四有二頌發趣果。五有五頌半頌攝報果。六有半頌願智果。末後二頌結說分齊。初地竟。

第二地中七門同前。初釋名者。依唯識第九。具淨尸羅遠離微細犯戒垢故。十住論云。行十善道離諸垢故。攝大乘云。由極遠離犯戒垢。世親釋云。性戒成就非如。初地思擇護戒無性亦同。瑜伽深密並同。此說地論釋名如前本分。二來意有三。一。地論云。如是已證正位。依出世間道因清淨戒。說第二善薩離垢地。解云。已證正位是前初地。依此出世修三學行。戒最居先。故此來也。二。前地創證真如。猶有微細誤犯戒障。不能性自不待思擇護持淨戒。故有此地成斯戒行。三。前施此戒。義次第故。三所離障者。依十地論。名邪行於衆生身等障。梁攝論第十云。依身等諸衆生起邪行無明。唯識第九云。二邪行障。謂所知障中俱生一分。及所起誤犯三業。彼障二地極淨尸羅入二地時。便能永斷。由斯二地說斷二愚及

彼能重。一微細誤犯愚。即是此中俱生一分。二種種業趣愚。即彼所起誤犯三業。或唯起業。不了業愚。解云。此二愚中。初是能發。後是所發。問所知障不能發業。亦非潤生。如何此中能發三業。答唯識第一。一生煩惱發犯戒業。通所知障。此約誤犯故不相遠。又此二愚。一是能發業愚。二是不了業愚。若依此釋。二愚皆用無明爲性。深密經論伽論皆同可知。又唯此地中總除五法。一。所知障一分。二。彼所發業。三。彼障能重。四。及煩惱能重。以十地修位雖不斷煩惱障然必伏彼斷其能重。五及離報障相應心所離縛不生。准前知之。此上約始教。若依終教。如梁攝論等。其煩惱種初地永盡。唯有彼習。其所知障一分能者亦初地盡。餘分及習於諸地中各別正斷。二無明爲緣。劣無流業。三所感變易方便生死報。並是所離。准前知之。四所證者。依唯識第十證真如最勝義。謂是真如具無邊德。於一切法最爲勝故。無性攝論第七云。第二地中由最勝義者。謂此空理一切法中最高殊勝。如說離欲最爲殊勝。了知此義。得入二地。五所成者。謂成就戒度。具足三聚及十善行。又云。如論具足八清淨等。六所得者。梁論云。若通達法界最勝功德。得一切衆生最勝無上菩提果。此約當得。若約現得。二界同前。七釋文有三。初偈頌讚請分。二正說本地分。三以偈重頌分。初中五頌分。一。初三明大衆慶聞前地。一聞法心喜。二身

業散華。三語業讚歎。後二解脫月正請後地。二。知衆心。二正爲請。第二正說分中論分爲二。初發起淨。後自體淨。地果同前更不解釋。亦不科出。謂正地三聚無誤犯垢名自體淨。直心趣彼名發起淨。論云。依清淨戒直心者。謂依此直心持戒純熟名清淨也。性戒成就至自然行者。依直心戒淨成就正地性戒。不待思擇。性自持戒故云自然行也。又中三。初結前標後。二正顯十心。三結行入位。就正顯中。直心是總。別中十心內。初六律儀戒。次二攝善戒。後二攝生戒。前中一不惱他故名柔軟。自有入雖直心持戒然心剛獨共住惱他。今此反彼故名共喜樂等也。二自不起惱故名調和。謂於違順任運持戒不爲惡牽故名自在力等。又不爲戒取煩惱所雜故也。三能受他惱故名堪受論中無此。四能除細惡名不放逸。謂善護諸根不令誤犯。誤犯尚離。況有放逸。此與正地何別。釋此作意不誤。正地性自不誤。五不恃己戒自高輕彼故名寂滅。又釋得戒實相。心無所執。故不自高。名爲寂滅。六遇難堅持不壞名真。謂無有難持之戒。而不能忍苦持之。如世真金燒打磨等終不改變。又釋此亦屬攝善法戒。瑜伽住品云。六者於諸妙善菩提分法常勤修習。意樂下二明攝善戒。七修善無厭。不難懈怠故名不難。論中所得功德不生厭足者總標意也。依淨戒者。依前離戒。更求等者。進修攝善故名勝戒。下論云攝善法

①(頌)一② ②二一③ ③者十(金光明等)④ ④一十(云續)⑤ ⑤唯二準⑥ ⑥等十(除四法一)⑦ ⑦習十(二)⑧ ⑧劣二發⑨ ⑨三二四⑩ ⑩是二此⑪ ⑪及十(五重)⑫ ⑫如十(梁)⑬ ⑬八十(稱)⑭ ⑭等十(莊嚴論云第二住發業及果能護戒故)十五字⑮ ⑮者十(別果亦三類一)⑯ ⑯得十(於)⑰ ⑰上二等⑱ ⑱果十(二金光明第三云二地發心得可愛三昧果三)十八字⑲ ⑲又二文⑳ ㉑ ㉑二續㉒ ㉒等二勝

戒淨者。於離戒淨爲上。故此名勝也。樂寂靜者。增長此心。故。瑜伽云。七者。即於復修。爲隨順。故。樂處。遠離意樂也。八修。善求。佛不願。人天。故名。不貪。下。攝生戒。九悲心。益。生故名。勝。謂。願常在世。攝化衆生。名爲不斷。三有之願。此是大悲。不往涅槃。瑜伽云。遠離下乘。趣證大乘意樂也。十智心。無染故名。爲大。謂離隨順諸有。攝生。而其內心常不染世。此是大智。不住世間。瑜伽云。欲一切有情義利意樂。又。瑜伽中於前地未起。此十心意樂。此經二地初亦相似也。言以是十心入第二地者。結行入位也。瑜伽云。即由如是十種意樂。成上品故。極圓滿故。是諸菩薩入證第二增上戒住。同於此也。第二自體淨中。論主分爲三聚。此三聚戒義略作十門分別。如別說。文中初明離戒淨。以離殺等故。亦名正受戒淨。亦名律儀戒。二從作是思惟。一切衆生墮惡道下明攝善法戒。三從此十不善業道上。若地獄下明攝衆生戒。就初中有三。初總明此地性戒成就。二捨棄下別顯遠離十惡業等。三菩薩如是下總結常行。初中住離垢地。自然遠離者。正明性戒成就。不待思擇。方離殺等。故云自然離也。於此十惡乃至微細。亦皆遠離。故云離一切殺生等也。瑜伽住品云。於此住中。性戒具足。極少邪惡業道所攝諸惡犯戒。尚不現行。況中上品也。又遠離殺等。沉論有四。一但防三業。過。如凡夫戒行。二止其細犯。如三賢菩薩。上二約現行。

三除種子。謂初地。四誤犯亦離。即此地。上約初教辨。又有四種。一防現起。二除種子。三滅習氣。四顯性淨。後二是此地。爲性淨難彰。寄除殺等以顯彼淨。上約終教辨。又爲地體超絕相實難分。寄顯地別。非即是地。若不爾者。豈可地前迴向等位行相極深。今至地上。方離殺等。故知寄顯地相差別。後禪支等當知亦爾。上約圓教辨。二別釋文中。離十惡。即爲十段。初離殺中別辨內三。初因離者離殺因故。此有二種。外具名受畜因。謂刀斫杖打除呪藥等。但是能殺之具。皆悉遠離。梵網經名離殺緣也。二內起貪等名起因。實具三毒。何故論中但舉貪瞋。釋癡心邪求祠祀殺生。爲難遣故。非謂不離。是故對治離中別明此離。問貪瞋俱足起因。何故文中。離瞋處言。無瞋離貪處不言。無貪。但言有慚愧耶。答殺業道中瞋爲究竟。故難集論第七云。殺生業道貪瞋癡爲方便。由瞋究竟。如殺生。能惡語。瞋惡業道亦爾。殺生謂爲皮肉等。是貪。爲除怨等。是瞋。爲祠祀等。是癡。離無慈悲。必不殺害他。有情故。是故由瞋乃究竟也。言有慚愧者。謂貪利殺生。沒命無恥。反此有愧故無貪也。梵網經中名離殺因。二言於一切下明對治離。謂內起慈悲對治殺事。何容得有殺法成就。梵網經中名離殺法。此中對治即離名對治離不同。因離等。治行有二。一授與世出世樂因。二與彼二樂果。此中悲心是論安隱心也。言常求樂事者通

結因果之樂也。三果行離者正離殺業。攬因成殺故名爲果。離此所作。故名果離。有二細約。一念念惱尚不曾有。況能約身害。是即亡言。論中內五緣成殺。離集第七云。亦有五緣。一事者謂有情數。二意樂者謂此想及必害意。三方便者謂爲害故加刀杖等。四煩惱者謂貪等五究竟者謂彼衆生由方便故。或無間死。或後時死。地論五中略無煩惱。離集五中略無有情。以簡自害。二論合釋通具七緣。一他簡自故。二衆生簡非情故。三衆生想簡迷心故。四殺心簡錯誤故。五與方便加刀杖故。六起貪等簡慈救故。以菩薩爲救重罪殺不犯故。七究竟命斷故。闕緣辨罪。思准可知。下諸戒中皆具此緣。亦准之。離殺生竟。第二離盜中亦三。初因離中准殺應有二。因資生不足是外因。貪等爲內因。何故不說內。因。釋以同前故不重說也。又釋內懷知足爲離盜因。又初地上得無盡財故說資生常足也。二對治離者於自資財當能捨施令當來大財報果不壞故。論經名不壞他財。謂他世財也。此經略無此句。三果行離者亦二。細謂草葉。能謂資具。殺淫二業於他衆生正報處起。細約心念。能就身事。資約外財物有微龜以分輕重。論經五緣此中略無三。四餘如論顯。第三離邪淫中亦三。初因離者自足妻色故。以初二三地相同世間故。寄同凡夫故云足妻也。又釋此地攝報寄作輪王故有妻色。又釋梵行有餘故云自

足也。二對治離者。現在梵行淨故。不求未來妻色。故云。不求他妻。此經略無此句。三果行離中。亦二。初微細約。心故云。不生一念也。二龜重約。身中邪有三種。釋有二門。一約龜。二就細。龜中初不正有五。一他女。二他妻。三已親。四姓議。謂上族非下姓所配等。五標護。謂已許他。他已下信。為標。誠所護。此竝如地。論智。論第十五云。若女人父母兄弟姊妹夫主兒子世間法王法守護。若犯者名邪淫。二非時有三。一者智論名。梵行護有。二。一出家。二。一日戒。又自妻受。八戒時。二有孕。子時婦人厭本所習。又為傷胎。三乳兒時。其乳竭故。皆是邪淫。三非處。謂非道有二處。可知。二約細顯中。不正者非。已妻妾。菩薩不自受。妻妾。故常不邪淫。二非時者。謂修戒時。菩薩無時不修。戒故究竟不淫。三非處者。是過龜。永斷不為。若細辨邪正。二淫俱不可得。上三身業戒竟。第四離妄語中。初句總。後別。別中。二。初對治離。二果行離。以對治離即是因離。如初殺中。因有二。謂內外後盜淫中。單舉外因。謂資財不足及妻色不足。其內因貪等。更不重舉。今妄語中。既無外因。內復無別故。論云。無外事復無異因。故。是故誑他之思。心是妄語。因離。此即實語。成實語即是。謂離故不別說對治三。中初常實語者。不違。自心。隨想語故。二誦語者。審諦思量。如事而語故。三隨時語者。離過語也。自有發語。心事俱實。而言不合。時自憐惜。他菩薩不爾。善

知時語也。二果行離中。亦二。舉細況龜可知。論中覆見。忍見者。依大婆娑論。覆相妄語名。為覆見。覆心妄語名。為忍見。謂本見前事實。生見想。誑言不見。此覆己所見。名為覆見。又實不見前事。妄生見想。誑言不見。於事雖實。於見有違。故名忍見。此忍見已見故。第五離兩舌中。新翻名。離間語。言無破壞心者。是對治離。以破壞兩頭是所治故。於闍譯下。明果行離有。二。一細心中。憶持其事。二龜身往異處說。論云。此二種。明者。謂於兩頭各詐現為。明。此由成於兩舌。故如野干詐親。師子及虎破其兩處等。又云。此聞不向彼說。此壞故者。此明舉經顯離也。謂彼前人聞此語。已於此人所起。惱壞事。是故不說。又釋。恐彼人於此人所和合心壞。是故不說。彼聞亦爾。餘如論說。第六離惡口。亦名。離龜惡語。論中初果行離。正離龜惡之語。論經中有十六語。此中有四語。一龜。龜者是損。他語。能令。他瞋。故。二苦者。是苦。他語也。三惡者。是惡。惡語。四自壞壞他者。已有同意樂事。自身失壞。令。他失壞。故。餘語如論。二對治離。謂潤益語等。有十二語。此經略無。如論具。顯。第七離無義語。亦名。離綺語。亦名。離雜穢語。初對治離中。論經九句。此中有五。於中初二教化語。化令生信。故。言常自護者。言合理不令失。故。言應作不應作者。顯不失之相。謂若見在不善。眾生令捨不善。安住善法。彼時教化。成利益。故。方始語故。故

云。知時語。次一名。教授語。教令起行。故。論中依展轉等者。謂互相策勵。修勝行時。說義說法。故名利益語也。次一名。教誡語。誠令止惡。故。論中展轉舉等者。互相舉罪。令懺悔時。及有諍事。令殄滅時。作如法語。及阿含語。故云。順法語也。後一名。攝受語。謂說法攝受眾生。令修行時。如威儀住。而發語。故名籌量語也。二果行離中。戲笑是細故作。是龜二俱離也。餘如論辨。第八離貪下三。明離。意業惡。皆但有對治離。無餘二離可知。論中不貪有三。種。一事財屬他。事此有二。謂已攝者。財事現在。攝想者。物雖不在。遙有所屬。彼有護想。此二名為。若物屬他。也。二體謂財體也。此亦二。謂金等。但是所用。不堪喫著。衣食有資身用。此二。是所貪之境。故云。他所攝用也。三差別謂貪有。下中上三種。故。謂初起。希望。二願得。屬己。三起奪取。意。離此三貪。故云。不作是念。我當取之。第九離瞋中。論經內有三。初攝治中。二離障。三起行。此經略無。後二。就攝治中。論有六心。為五眾生。此唯四心。一於怨起。慈。二貪苦起。慈。三於著樂。眾生起。潤益心。以法律潤。令離放逸。故。四發善提心。勞倦。眾生起。愛念心。而作利益。故。又論云。此慈心等有六種障者。明。前六心有此六障。此非分別者。非二三等障。同障一治。亦非二。三治。同治一障。不可如此分別。故云。非分別也。亦非一一各別相對。但是通障及通治也。六中一約。怨生。長。是瞋力耳。二約。親

◎說二識◎ ◎論十(又)◎ ◎論十(中)◎ ◎子一◎ ◎謂二治◎ ◎而一◎ ◎別二別◎ ◎故十(也)◎ ◎顯二說◎ ◎令二合◎
◎同二因◎

不生等。是恨力。三約自善不生等。是垢力。四約不善生長。是害力。五約他不愛事等。是妄想力。六約愛事不生等。是妬力矣。故云。文句次第說也。無量惡行根本釋等字也。餘如論可知。第十離邪見論中七種見作二門。一約行。二約入。約行中。初一。離邪。離小乘故。次三解邪。顛倒見故。一邪見。二戒取。三見取。次二行邪。藏非詐善故。一藏非。二詐善。後一信邪。信世間故。對治此七名離邪見。二約人中。初四是梵行求衆生。一是同法小乘。後三邪見外道。次二是欲求衆生。後一是有求衆生。今此經略無異乘及戒取見。餘五中深信罪福是不姦欺。餘如論辨可知。言菩薩如是常護善道者。第三總結行成也。初離戒竟。第二攝善法戒中有四。一智。二願。三觀。四行。初言作是思惟衆生墮惡道者由十不善者。此是智有其三義。一何所知。知衆生苦因果。二何因知。因前自離十惡。即念衆生不能離惡。三何故知。知物有惡自行善業爲欲化他。是大悲故。論中乘惡等者釋道也。亦名趣苦。身苦處。釋惡也。常墮者釋墮也。上釋苦果下釋苦因。謂十不善業攝到一切惡果數故。論中以數攝經中十也。惡攝不善。果攝三塗。到攝其業。以業能到果處故。受解集義。謂集果名。集。納果名。受。義相似。故行解因義。謂生果名。因。趣。果稱行義相似。故第二我當自住下明願中亦三義。一何所願。願自住善亦令他住。二何因願。因前

知生由業墮惡。三何故願。以大悲心不捨離故。故自行皆爲衆生。文中二。初總舉願事。二何以故下徵責釋成可知。攝論頌云。第三又深思惟下明觀。謂通觀十善有其五重。義亦有三。一何所觀。通觀障。所治十惡能治五重。二何因觀。因前願自住善亦令。他住。若不識善知何所住。三何故觀。觀善爲欲攝起行故。文中有二。初思惟十不善墮惡道是所治障也。二行十善下明五重十善。是能治行也。問此中十善與上律儀戒十善何別。答前望止惡今約作善。止作不同。故分二位。問十善翻十惡。十惡既唯一十善。何得有五重。答計翻不善亦應是一。但以善隨無智故名世間。隨智勝劣故有出世間之四位。問善既五重。所翻十惡亦應有五。何者謂人天十善翻惡道十惡。聲聞十善翻人天十惡。乃至如來十善翻菩薩十惡。應如是耶。答不爾。翻善之惡違理損物。不善相能不通上位。故唯有一反惡之善順理益物。福隨於智通於上位。故有五種。是故五位所離惡齊故唯一種。所成善異故有五重。此即止同而作別也。是故此地是菩薩十善。尚非二乘。況同凡位。若約寄言亦攝凡位。問不善業種不通上位。不得約上說。有五重。不善望下。未知亦有階降以不答約心約境亦有五種。一極重如如來祕藏經云。如父得緣覺道子斷父命。是殺生中重。除如上說。二稍重如殺人等。如戒經說。三重如殺畜等。如此中說。四輕如祕密

藏經。後復次說五無罪。如菩薩戒說爲救生多命及救無間業而斷彼命。不犯等也。並具如前十不善章說五重之中。初人天可知。一聲聞內論云實相觀者總觀十惡及人天十善。具四諦故名實相也。下別顯二門四諦觀。如論可知。與此四諦觀智和合修聲聞行。論中智慧同觀。修行無分別者有二義。一約境。於前善惡二種四諦同觀齊修無別異故名無分別。二約智。謂此聲聞觀諦之智。與十善道和合故名同觀同行無分別也。上來總句對下彰勝。下別有五句。對上顯劣。論中五內。初三明劣菩薩。後二對劣緣覺。五中初因集有二義。一性因。二習因。今此論中且舉習因。謂過去所習狹劣善根。依之集起今所成行。故因集亦是集。成種性。名曰因集。如經若心劣等可知。餘四論文自顯可知。第三緣覺十善中二。初總二不從他下別顯有三。初不從他聞。自然得知者。地論名自覺義。謂不假佛說及菩薩故。瑜伽第三十四。獨覺地中明獨覺種姓有三相。中第三相云。本性獨覺先未證得彼菩提時。有中根種性是慢行類。由是因緣深心。攝願。無師無敵而證菩提。二不能具足大悲方便者。地論是不能說法義。謂不起心說法者釋不具大悲也。不堪說法故者釋不具方便也。瑜伽名薄悲種性。由是因緣。於說正法利有情事。心不愛樂。於少思務寂靜住中深心愛樂。三言而能深入乃至辟支佛乘者。地論名觀小境界

義。謂觀微細因緣境行故。此中小境有二。一約十二緣。但有苦集二法故名小。二是緣生深細名小。今取後義。瑜伽云有薄塵種。性由此因緣。於微細處心不愛樂等。瑜伽中五相。一約性。二道。三習。四住。五行。廣釋如彼。地論云。因集畏苦捨衆生等者。明與聲聞辨同異。謂聲聞五相中。三同二異。二異者此不依師故。依止勝。能觀深細因緣法故。觀勝。問此不能說法與捨衆生何別。答聲聞亦有能說。辯力爲無大悲。捨生趣寂。今獨覺亦無說力。瑜伽云或濟度他下劣愚昧。以身濟度不以語言。何以故。唯現身相爲彼說法不發言故。示現種種神通境界。乃至爲令心誹謗者生歸向故。然此有二類。一成就獨覺者名麟角喻。二成獨勝者名部行喻。餘如瑜伽說。第四菩薩十善中。地論四內。初一行因。次二行相。後一行位。初言行是十善乃至無量無邊者。此是因集。謂宿習善根依之起行。論中三義。釋一依一切善起行者明。自利行因。二依一切衆生等明。利他行因。三大乘心等出。因體。謂此廣大心無量等也。又釋初釋大心。二廣心。三無量心可知。二言於衆生下明用。謂利他心緣苦能益故。見衆生習苦因受苦。起慈悲。是菩薩用也。三言有方便力者。明彼力是利他行。即四攝方便依前慈起故。是彼力。四言志願下明地。謂行所依位。於中分三。謂三阿僧祇各滿處爲一。故有三位也。文義如論具釋。應知言淨諸地等

者。以淨諸地上上淨故。及淨波羅蜜第一淨故。令彼第三廣成之行方得圓滿論中問答解釋可知。第五佛十善中論經有總有別。此中但別無總。別中四內。初三正是佛果。後一是此地中行。前中言得佛者。彼十不善習氣同滅故。方得佛。二言十力下顯佛別德。明善自在威捨於二乘故。三言集諸佛法者。謂依菩薩乘方便善巧集諸佛法令圓滿故。上來觀竟。四是故下是第四行也。釋有二義。一近望佛善以結求心。故名無厭足。論依此釋。屬佛善中收。二上既通觀善有五重。今乃結已應行十善唯求佛善攝善法戒竟。第三大段攝衆生戒。亦名利益衆生戒。於中論分爲五。一智謂善知衆生苦因果故。二依智起願願爲衆生自修善故。三依願起行。如誓而修故。四依行攝生。悲爲益本故名爲集。五依悲正成攝生之行。名爲集果。初中有三。初總知苦因。二從於中下別知苦果。三佛子下總結所知。前中論名時差別者。謂對果明。因。果有三。三塗不同。明知因時亦有三位差別。故云上者地獄因等。此上中下有二義。一約境有三品。二約心亦三品。思以准之。問難集等論皆下是傍生。中是餓鬼等。何故與此不同。答依正法念經。此三各二。謂大海下無間等八大地獄爲正地獄。如或在鐵圍山間等諸處小地獄名邊地獄。又如波吒迦餓鬼。鐵腳餓鬼等名正餓鬼。謂頭如大山。頭如針等。極大苦惱如餘人間坑塹等處。有

鬼食。人涕唾等名邊餓鬼。又畜生中如熱沙龍等受天苦名正畜生。人間諸畜名邊畜生。此三三地獄邊正望於鬼畜。一向苦故更無異說。若以邊鬼望正畜。則畜重鬼輕。此經約此說。若以正鬼望邊畜。則鬼重畜輕。難集等約此辨。是故不相違也。下別顯中。地論顯二果。一報果。謂三惡道受苦報。故二習氣果。人中受殘果故。難集論第七各有三果。一異熟果。二等流果。三增上果。初殺生異熟果隨下中上受三惡趣苦。二等流果彼論但一果謂短命。比中有二者。謂殺命未斷時。令他苦故。約此方便位得多病報。二正命斷故得短命報。三增上果者。難集云。所謂外具之少光澤。是殺生增上果。二劫盜中報果可知。等流中共財不自在者。亦約方便位。以雖有財不得用故。增上果者不與取故。多遭霜雹。三邪淫中得不隨意眷屬。亦是約方便得果。三增上果者。欲邪行故多諸塵勞。四妄語中等流內。被謗約違境得。爲誑約違心得。又爲誑亦是方便以有誑心故。增上果者妄語故。多諸臭穢。五兩舌等流中弊惡眷屬。是方便中令他眷屬不相喜見。故得此報。增上果者。離間語故高下險阻。六惡口等流中。言恒有誑訟約方便得。又常聞惡言約語體龜惡得。等流果言恒有誑訟約違總他人得果。增上果者。龜惡語故。其地鹹鹵確礫穢惡。七無義語等流中。言不明了者。言不威肅故。是正等流果。人不信言者是約方便得果也。增上

果者。綺語故時候乖變。八貪欲等流中。多欲約方便。無厭就正位。集論名貪轉猛盛。增上果者。貪欲故。菓實少。九瞋恚等流中求長短。約方便得果。正果可知。集論名瞋轉猛盛。增上果者。瞋故。菓實辛苦。十邪見等流中心諂曲是方便果。集論名癡增上故。增上果者。邪見故。菓味辛苦。或全無菓。三言諸佛。下總結無量大苦聚也。智覺。第二願中。作是念等願離不善也。行十善道者願住善也。亦令等正為攝生故也。第三修行中。如是念已下明。依前願修起自行。亦令他下明。依自行成攝生行。論中遠離障是釋離十不善也。修行對治者釋安住十善道。第四集中言是菩薩爾時等明十種心。初為救惡業。二為苦眾生。三為怨。四為貪。五為樂。六為外道。七為入法眾生。八與己齊者推之為師。九德過己者尊若大師。十齊者推之為師。九德過己者尊若大師。十初發菩提。劣於己者攝同己身。論中乘大乘進趣者。釋師心集具足功德者。釋尊心。餘義如論釋可知。第五集果中有二。初別明攝生後諸佛子下總結。前中救攝亦有十類眾生。文皆有二。初舉所化。後明化益。前集中為分釋十心寄前十種眾生以釋差別。今此十類一一生所皆有。如前十心救拔。初一。解邪眾生。餘九邪行眾生。又十中論分為四。初一化顛倒眾生。謂違理乖境也。次有五化欲求眾生。謂求外五欲也。次二化有求眾生。求三有中果也。後二化梵行求眾生。妄求出道也。初中先舉所化。後我應

下明化益。初中先總二邪心下別。別中邪心是論中惡心也。論中有惡意。言惡心者此是我淨一倒。望於常樂。根本集起故說為心。我是常本。淨為樂原。此二性成非作意生故名惡心。非專念行。又惡意者常樂二倒。伺緣現起名為惡意。專念行也。此經中舉本收末。故略無惡意。言行邪險道者明此四倒是惡道因也。下明能化。先悲後攝。攝中令住。住正見者治前墮邪見也。如實法中者治前險道。餘如論釋。第二是諸眾生下明化欲求眾生。此有二種。一於現五欲受用生過名受用時。此約受果時。二於未得五欲追求起過名追求時。此約造因時。就前中有三。初受不共財者。謂已得之物不與他共。於費用時起瞋過也。二受無厭足財者。求時無厭生貪過也。三受貯積財者。貯而不用。順生三毒增癡過也。就初化不共財。眾生中二。先所後能。亦是先過後治。前中初開詳於言中。後對怨於心中故。名分別彼我也。論中思念作報解。瞋恨也。行熾解熾然也。增長解不息也。能治中為治瞋故令住大慈。第三是諸眾生常貪下化受無厭足財眾生。先所化後能化。前中初常貪等者。內心難滿也。二恒以等者。身口侵奪也。論中斗秤是身。妄語是口。言等者等取餘計也。此等並能巧侵他財。不令彼覺。名方便奪。下能化中令住。淨身口治前邪命。淨意治前貪心。第四是諸眾生隨逐下化受貯積財眾生。先所化中有二。初因貯生三毒。二

常為下結過癡。論中因體過者釋彼經中因字也。謂由貯積與貪等為因故。下別釋。彼染著故者。解貪也。散用起瞋者。釋瞋也。實瓶等釋癡也。數為下釋結成癡過。謂不見火燒不求對治。下明能治中。清涼處是涅槃。治前火故。上來三門是化起煩惱眾生。下二門化造業眾生。謂追求生過。於中二。初追求現報造諸惡業。後追求後報造有流善業。第五是諸眾生常為無明下化。追求現報習諸惡行。眾生。先所化中四句。初無明覆心過。謂以無明不見現在實是苦報故。妄生樂想。求此妄樂。而作大罪。復不知此罪未來當有大苦果報。二入大黑下明增惡遠善過。謂由此迷異熟思故。造惡趣業。論中是愚癡因等者。下釋此第二過文也。謂依癡起貪瞋等。使滿足名癡。為使之因。言善行障是遠善。即離無流智處故。順不善行。是造惡業。三入於生死下明受苦報過。論中受至大對過下釋。此第三過。謂此業因納果名受。到果名至。所受苦果多有對礙故名對也。對極名大。又大對有。二。一受彼苦身。二至彼苦處。四隨逐下增邪見過。論中多作罪因。下釋此第四過。謂由多作罪因緣故。臨欲終時見地獄相。心雖生悔。不能集彼正見對治故名隨邪見也。下能化益中三。初化彼眾生令得慧眼。翻前初句。二以慧眼見實法相。治第二句。三見實。使得無礙佛智。治後二句。謂證從心起名不隨他等也。餘

如論釋第六是諸衆生墮生死道下化，追求後報習諸善行衆生，謂由迷出世勝義，無明造福不動業，求於未來入天之報也。先明所化，後能化。前中句別有十，論分爲三。一險道自體名爲體也。二在之難出，名爲障礙三住之失於出。世善法故名爲失。初中善根既少，令人天報。危易可顯，墮名爲險道。二障礙中有八。初二迷苦。次二迷集。次二迷道。後二迷滅。初中一有苦。二迷苦。前中將墮等者，謂厭離三塗造善求樂，論名求出也。然順世墮惡是過也。如世險道，險危將墮。二入邪見網者，如世險道草葛交橫，無由進涉。生死險道惡見難出，謂人天實苦妄生樂想。三爲種種下二句中。初迷集。後造集。前中如世險道有荒榛闇障，視眴莫由。生死險道癡闇所覆，不識苦因。四隨逐下明其造集。如世險道多諸危徑，欲進返迴，生死險道邪法滿世，入邪失正。五常爲下二句迷道。初無道體，後無道緣。初中如人在險失目難出。凡無慧眼，無由得出。謂著人天果癡愛覆心，六遠離導師者明無道緣。如人在險自既無目，復無將導，進趣無由。論中生惡道是三惡道也。放逸等是北洲長壽世智三難。亦通餘人天處也。雖值佛世，不見不聞，是生盲生聾也。七非出要下二句明迷滅。初句迷正後句有障。初中如人在險迷，東謂西南入北，謂欲求涅槃，認求梵天正報，梵世依報，此並初禪等，取於上。

以爲涅槃。八隨順魔心者明障於滅。如人在險，惡賊所侵，難得出離。凡夫亦爾。惡魔所侵。五欲是魔境。煩惱是魔心。貪著名隨順，已有功德却令盡，未起功德不令集。下明於失論經有三。初一失人。後二失法。失法中一失離惡法。二失於善法。今此經中略無初二，謂出世善法起順佛心，名爲佛意，違背名離。下明能化中二。初令度等治前險道之自體。二令住等治前障礙。反失可知。上來二門明造業差別。第七是諸衆生爲煩惱下明有求衆生，辨其受報差別。亦有二門。一道差別者五趣流轉過。二界差別者三界繫閉過。初中一先明所化。後顯能化。前中初句總欲有下別。總中論名沒在大河過者。五趣漂溺煩惱流轉猶如大河。求有沒中故，是過也。別中句別有十三。論攝爲三。初煩惱是五。起河體。二處之多。害名爲起難。三離出世道名之爲失。又初名惑體。二明障道。三失善友。初中五。一欲有等者顯深故。如世河深名爲大河。四流盈滿名。無量水也。二隨生死流者。顯流故。如河雖深若無流，即可枯竭。今煩惱常流故不可盡。三入大下立河名。如名大河。顯其非小。以有愛水所沒故。故愛河。煩惱非一。何故愛獨標名。以愛能潤漂溺中強生死連綿以愛爲本故偏彰號。理實通餘。四爲諸煩惱下顯漂急也。如流若緩人在易出急則難度。煩惱若緩聖道可生。現行無間聖道難發。論云念念不住者無間斷故釋。

煩惱勢也。不見岸者無對治故釋。不能求等也。五常爲欲覺下顯廣如河。若狹難急可度。多起惡覺故難得越。又如河無毒蟲，或可易濟。今爲惡覺蟲所害故難得出。下明起難四中。初一見執。次二是愛。一約種子不滅故還來。二約現行染著故泥溺後一是慢。如人在河四事難出。一被執住。二被迴流。三爲泥溺。四滯枯洲不到彼岸。謂愛令著。慢令心舉。沉陸熾枯法水不沾也。論中舉我等取三種我慢者。如下三地中。一我慢。二大慢。三憍慢。初於下自高。二於等自大。三於上不恭。餘如論釋。下明失三中。初一惡道無救失。後二善道無出失。初一失出因。後一失出緣。又釋後二中。初一在人天無出意失。後一生八難異處去失。餘如論顯下能化中二。先起化心。二以善下成化行。行有四句。一令離苦因。二得安穩者令得涅槃。三離恐怖者令離苦果。四住智洲者令得菩提。第八是諸衆生深心下明界差別。中先所化。後能化。前中初總謂於三界深心貪著。在之難出事如牢獄。下別顯之。論中如世牢獄有五種過。一打棒楚撻。二費用資生。三親屬分張。四枷鎖著身。五欲出無由。三界牢獄亦有斯五。二病苦。二求不得苦。三愛別離苦。四愛鎖纏縛。五無明障。前三苦報。後二煩惱論中五種難者翻對釋也。如無病是樂。障此名難。餘四亦爾。此中言多有憂悲者是論中第三愛離也。二苦惱患難是初苦事也。餘

①名爲一故曰 ②世二難 ③危二色 ④險二途 ⑤險二流 ⑥荒二塗 ⑦危二疾 ⑧迷正二迷 ⑨二一 ⑩別一
⑪故十爲 ⑫〔著〕一 ⑬〔心下喻河深流不登涅槃也〕十慢

三可知。下明能化益中。治前繁閉。故云令住無礙涅槃也。化有求衆生。竟下明化梵行求中亦二。初化邪梵行求令捨邪歸正。後化正梵行求令捨小入大。第九是諸衆生深著我下化邪見諸外道等。先所化中初句爲總。謂諸外道先俱生著我重。復分別計執難脫。故云深著等也。論中此餘見根本者釋疑也。謂何故偏舉我見爲過。以是餘見本故。斷常等見皆依此起。下別中六句。初三遠。離第一義樂。後三具足諸苦。前中初後三也。初無始發方便。次造行不正。後終趣不真。初欲求涅槃以滅諸苦。由執我故不出陰宅。入天如巢。惡趣猶窟。二常隨下造行不正。以倒想故謬行異路。三依六入下明終趣不真。計虛妄我欲趣涅槃。安置此我妄求梵天自在天等六入果報。以爲涅槃。爲妄我所居。妄我實無故云空聚。下三具足苦中。初二內苦。後一外苦。內中四大相違苦。二五陰遷逼苦。此經是煩惱殺善根。三受此等爲外苦。亦是總結多苦。餘如論釋。下能化中二。初令住道諦治前我相二所謂下令住滅諦治後六句可知。第十是諸衆生其心下化正梵行同法小乘。先所化中三。初不求大因。謂其心狹劣者不能廣度衆生故。樂小法者不求大菩提。故翻此二心廣大名爲菩提薩埵。二遠離下不願大果。上二是求心過。三貪著下明失行過。謂不定聚中實有大乘出離之法。而反樂修小乘法行。故是過。下明能化中二。初

令住廣大心者治前狹少也。無量下治前願行也。上來廣明攝生戒相諸佛子下第二總結。言隨順持戒力者。依前持於律儀攝善起此攝生之力。論名依持戒行故得此戒力。是故能作善法善巧起諸攝生善行。故云能廣生大慈悲心也。上三戒明地體竟。自下第三明其地果中。三果同前地。初調柔果亦三。初調柔相。二菩薩爾時下明別地。三是名下結。初中三法喻合也。法中初見諸佛爲練行緣。二以衣被下明能練行。三是菩薩下明所鍊淨。能鍊中二。初供佛。二於諸佛下受法。以戒地故受十善法也。論中有者同明調柔等三同前地。無者應知明無發趣。勸知也。此中勝事等者調柔中勝過前地故。今略顯就所鍊淨中。由多劫離二垢故。令施戒俱性成淨也。前地戒未性淨。令施亦未淨。若爾何故前名施增上。釋彼望前爲上。至此轉勝。因此略論諸地行有其四義。一就別顯異。初地唯檀乃至第十唯智增上。二辨勝過劣。初地檀勝。二地施戒。三地三度。乃至十地十度。皆以後兼前故。後勝前。前不兼後故。前劣後。三約實行修。一。地中皆具十度。四約證理行。唯平等平等非。一非。多下諸地准之。喻合可知。別地中離口四過故兼愛語也。攝報中金輪過前。前百此千者。喻伽云。當知威力過前十倍也。餘義如論。及同前地應知第三大段重頌中有二十六頌分六。初二頌頌前十種直心。二有四頌頌前律儀戒。

三有四頌頌攝善法戒。四有八頌頌攝生戒。五有七頌頌調柔等果。六末後一頌結歎所說第二地竟。
華嚴經探玄記卷第十一
華嚴經探玄記卷第十一
第三明地中亦作七門。初釋名者。唯識第九云。成就勝定大法總持。能發無邊妙慧光故名發光地。解云。由得勝定發修慧光。由得總持發聞慧光。金光明經云。無量智慧光明三昧不可傾動。無能摧伏。聞持陀羅尼爲作。本故名明地。攝論云。由無退轉等持等至所依止故。大法光明所依止故名發光地。世親釋云。由此地中與三摩地三摩鉢底常不相離。無退轉故。於大乘能作光明名發光地。無性釋云。靜慮名等持。無色名等至。或等持者心一境相。等至正受現前。大法光明所依止者於大乘教得智光明。此地是彼所依。因故名爲發光。解云。地從所發果法爲名。解深密經及瑜伽論意同。攝論顯揚論云。證得靜慮三摩地。蘊大智光明之所依止。智論四十九名爲光地。十住論云。廣博多學爲衆說法。能作照明。故名明地。仁王經名明慧地。地論等並如前辨。第二來意者有三。一前戒次定義次第故。是故須來。二前位能持微細戒品。未淨

華嚴經探玄記卷第十一

此經第五地

魏國西寺沙門法藏述

圓滿世間等持等至及圓滿法總持爲令得此因說此地令勤修學此依深密經三者初之三地總寄世間施戒修法前二施戒今此顯修是故來耳第三所離障者依十地論離障相於聞思修諸法忘障解云此與所得地法敵對相翻故立斯四號唯識論第九名聞鈍障謂所知障中俱生一分令聞思修法忘失彼障三地勝定總持及彼所發殊勝三慧入三地時便能永斷由斯三地說斷二慧及彼龜重一欲貪愚則是此中能障勝定及修慧者彼昔多與貪欲俱故名欲貪愚今得勝定及修所成彼既永斷欲貪隨伏此無始來依彼轉故二圓滿陀羅尼愚則是此中能障總持聞思慧者解云此實是所知障與欲貪同體故名欲貪愚以貪妙欲掉動散亂障定發修慧聞持等者從所障因法以立名以親障聞思二慧是彼總持所起果故此是忘念不正知等同體所知障解深密經及瑜伽金光明經及梁攝論等各有一愚大同此說又有離業障及報障准前知之第四所證者唯識論云勝流真如謂此真如所流教法於餘教法極爲勝故攝論第七無性釋云謂此所流教法最勝故捨身命求此善說不以爲難梁攝論釋云從真如流出正體智正體智流出後得智後得智流出大悲大悲流出十二部經是故名爲勝流法界第五所成行者略有三種一十度中成忍度行二成禪定行三成求法行莊嚴論云第三住能生欲

界而不退禪故餘行如下辨第六所得別果者亦有三種一依梁攝論通達勝流法界得無邊法音果二當位行果金光明云三地發心得難動三昧果又下文四無量五神通亦是當位所得之果三顯分位果謂初利天王等四果如下文說第七釋文中亦三初讚請分二正說分三重頌分初中十頌分二初六慶聞前地餘四請說後地前中初一慶聞心喜次一身業雨華餘四語業讚述於中初一總歎次一別歎說法心次一別歎所說法後一歎爲機結說就請後四頌中初三大衆請後一上首請前中初一總請三地行後二別請十度行就第二正說中論爲四分

一起厭行分 二厭行分 三厭分 四厭果分

此地修禪厭伏煩惱名爲起厭初入地心修起彼厭名爲厭行趣地加行起彼厭行名起厭行分所起地初名厭行分正住地中修八禪等名爲厭分地滿足故名厭果分又釋此四分如其次第則是加行道無間道解脫道勝進道可知就初分中三初結前起後二何等下正明十心三菩薩以是下結行入地就十心中初二對一離過心謂依前淨戒起此深念趣禪淨心二住善心謂依自所住大乘之法堅心不動故名猛利次三一對於中初二離過後一造行離過中初一厭當來欲故名厭心二捨現在欲故名離欲心當來未起但可懸厭現在

受捨論名不貪造行中謂不捨前地自分所修進起此地勝進之行故名不退心次三一對於中初一離過後二成善離過中謂此加行深伏三地所斷煩惱不令彼惑成於過患論釋云自地煩惱不能破壞名爲堅心遠師釋前二地爲自地辨師釋四禪四空爲自地皆恐不當後二成善中初成善體後成善用體成故出入自在名明盛心謂淨之極也三摩跋提此云等引出入定名後用成故受生自在雖生下地不失定用由此淳厚名爲無足此二種心至下地滿中究竟成就下云於禪能入能出是明盛心成不隨禪解脫力生即此淳厚心也下論云彼淳厚心此處現成故末後二心爲一對初一離過論名依彼生者依欲界生也以大智故煩惱不污故名勝心後一利生以大悲攝化不斷諸有故名大心加行分竟第二厭行分中論分三初厭離有爲名護煩惱二捨狹劣心名謹小乘行三上求廣大名方便攝行又由善巧攝起八禪等行故名方便攝行就初中有二十句先十句明無常觀後十句明無有救者約人願失就初中先一句總謂如實相者有爲之法理實無常故名實相論名命行不住者有爲諸法相續名命遷流稱行即此不住名曰無常別中分二初云何此無常者問彼有爲法無常法二何者是無常問彼法上無常之義前中經有六句於中初四約內正報後二約外依報前中一約苦無常者

①學十(也) ②[法]一 ③斯二此 ④[四]一 ⑤[攝]一 ⑥受二交 ⑦引出二至則 ⑧乃二皆 ⑨法二所

論釋。依身轉時力生三苦者。內報還流名。身轉時轉能生苦。說轉爲力。苦由轉生故名爲依。以其苦故性は無常。二無我無常者。論經無此謂過達緣而便損壽。不自在故無我無我則無常也。三不淨無常者。依於飲食好惡之力令其形色不淨。有增有損增損不定是無常也。四不久無常者。論經名無常。此乃以能無常顯細無常。論依不護諸惡力者。履嶮食毒名爲不護。依此力故令身夭壽。下二約依報中。初約世界後約資財。初中依世界成力者。由依成力有此滅壞故名敗壞無常。後一由財無定主之力。一處不住故名不可信相。二何者是無常者。明無常之義。或以生滅流轉爲無常義。通大小乘。如餘處說。或以不生不滅爲無常義。此唯大乘。如維摩說。或說二種。如此文。或說三種。一無物無常約遍計性。二生滅無常約依他性。三離不離無常約圓成性。以在纏時名不離垢出障離時名爲離垢。約斯不定名爲無常。具如中邊論及佛性論等說。上二並大乘終教說。言小時無常者。以念生滅無暫時停故。此中名不生不滅者。謂不定生故速滅。不定滅故還生。是故約俱不定亦名不生滅也。二自性不成實無常者。謂三世中法無自性故。不從前際中來名爲不生。不去至後際名爲不轉。現在不住。此中三世約相續門說。若約生滅門即應說當來名來過去稱去。由有此二門故與餘處不相違也。第二

無救者。初牒前無常是實也。知諸法下正顯無救。初言知無作無起者。於無常法中無能爲其起作救護。論經名無有救者。此是總句。言無來下別辨。於中初四就死時明無救。一於少壯時無常未至。望於後死無所依。估使其得免故名無所依止。此中名無來無去者。無有依怙來能令無常去故云也。二於年衰將死。無常至時。無能救者。以無常死臨。多共憂故名憂。謂憂念相續曰多。與心俱起曰共。三於生蘊壞時死相現前中間憂念轉增名悲。四於四大分時生諸苦惱。上四死時無救相顯故於先辨也。次二句於外愛求事中過患無救。初憎愛繫者。謂追求時謂貪其所欲憎其不欲。於順違境愛憎妄想常轉不捨。對治不入故名無救。二論經名憂惱轉多者。於受用時樂少苦多。謂於資財守護致怨心乃至失命。苦惱多於貧窮苦也。此經略無此句。下四句約身苦無救。於中初無停積者。明身老時小壯不可復集。故名無救。二無定生處者。明沒命盡時不能定知生於何道。論經略無此句。三但爲貪等者。明小壯時依三受起三毒自燒善根亦是衰損自身故名無救。四增長後世者。於年衰時無量痛苦所增長也。病通始終老時多故。又釋因病造業增後世苦。無實如幻者。明虛妄也。論中重釋。後三句與初四俱是身患事。何不在此初一處同說。示身數數過患事者。顯身患多故。謹煩備行竟。第二護小乘行中。初十

句護小心。後二十句護狹心。前中初總後別。總中先牒前。謂初觀無常已生厭心。後觀無救轉更生厭。故云轉復厭離。下趣後謂正護小乘小心。求佛大果故云。趣佛智慧。下別辨中。二初五句求佛菩提。論名攝功德大。後四求大涅槃。論名清淨大。前中一通力大。知佛神通難測故云。智不思議。智即是神通之體。二無比大。寄對顯勝。無有敵對故云。不可稱。論經名無等也。上二明妙用自在。三大義大。謂義利。益無量衆生故云。有大勢力。此利他德。四無讎嫌大。希有難得故云。無能勝者。論名難得也。此自利德。五不同大。亦寄對顯勝。理實異外越。小超因顯勝。今論主從首而說故云。不離外道也。上三顯行德圓備。第二求涅槃淨果中。論主初總釋攝爲三義。一離惑。二離苦。三得涅槃。二別中初離二障及習故名無衰。二苦根本。盡憂悲。亦亡故名無惱。三得涅槃中經有二句。一至涅槃安隱大城名自利德。二至彼不還。能廣利益故云救苦衆生也。此是無住涅槃故。第二護狹心中。初十起悲。後十救度。亦是先悲後慈。初中先牒前起後。舉數總標。謂見佛智勝利。傷物不得。觀有爲苦惱感物憂之。是故轉生殊勝悲心。二何等下正顯悲行。於中初句爲總。以諸衆生遠佛慈父。曰孤。無智悲男。女稱獨。由此孤獨在苦。無救深成可愍。餘九別中。初二依欲求衆生。一求財無厭名貪無依。二於他資財非分起惑。求無休息。

故云「三毒等」下三約「有求衆生」於中一苦果未脫。三界六道輪轉不絕故云。閉在等二苦因不除。謂煩惱所覆。是彼苦因故云。常住等。三無對治力。謂生在難處。離善導師。無善根。治云。無正觀力。下四約。梵行求衆生。初三小乘。後一外道。前中初不求大因。名不起勝念。故云於善法心薄。以唯樂小善不樂大善故名薄也。二不求大善提果。故云失佛妙法。謂妄取小果特爲究竟。名懷增上慢。三不求大涅槃果。故云而常隨等。謂縱得小乘無餘涅槃常隨。變易生死水流下一外道過。妄行邪道。怖真涅槃。第二正救度中。初牒前起後。發總救心。此是總句。下九別中。初三除三障顯度處。次五授三學明度行也。後一令苦滅即度果也。初三中應解其業結淨。其惑染脫其苦報故云也。次五授行中。初二授三學。謂一勸置持戒處。故云著善處也。勸住定慧處。故云令安住。何故定慧合爲一句。以前地戒成分戒別辨。後地明慧位未至故。慧從定說合爲一句。論云三昧地故定慧合說。下三明授法利益。初二句約戒。一欲受戒者令除戒疑。信重於戒。有大功德。使樂受故名爲歡喜。二已受戒者示以持犯及顯戒德。令心樂住安固不動。故云令知所宜。後一約定慧。謂掉沒障定。煩惱障慧。除滅此二定慧成就故云。令得度。又釋掉是掉舉障。於定沒是昏沈障。於慧煩惱通障。此是細惑隨逐行人故名隨。非隨煩惱也。以

是使故。下一救度成者。令得餘無餘二種涅槃故云。使滅苦。第三修方。使攝行中。先述意後釋文。初者菩薩因前觀有爲多過衆生未出。佛智大衆生不得。復念衆生墮惡業苦。以何方便拔令得樂。即知不離佛無礙智。智由何生。即知不離八地上如實智。實智由何生。即知不離四地已上無行慧。慧由何生。即知不離三地禪定。定由何得。即知不離開法。是故菩薩先求正法。既聞法已。靜處思惟。思已修習入禪無色。依定觀法起。無生慧。依此漸增生。無功用如實智。依此漸增生。佛無礙智。得智已能盡衆生界拔苦與樂。常化不絕。文意如此。是故名爲方便攝行。二釋文者。此文方便有其五重。一起觀方便。謂牒上三心起後觀求。二即時欲具下標趣方便。謂標其佛慧彰行所趣。三作是思。下觀求方便。謂觀察推求度衆生法。四即時知住下正知方便。謂知佛智能救衆生乃至。知由聞法。五菩薩如是知已。下攝修方便。謂修聞法行攝取正法。初中三。初牒上護煩惱行。故云如是厭等。二牒上護狹心行。故云深念衆生。三牒上護小心。故云見一切智等。論主依此三心能起後行。故說此三爲三種因。初一可知。後二中發精進因者。見佛智有利能救衆生。是故因此起大精進修彼因行。論云能修行彼道。故深念爲因。故能善化衆生也。二標趣方便中。論云依如來智慧救度衆生。此言示現發起方便攝行故名也。三觀

求方便中。衆生墮苦等論經亦有業。問前救度十心中。於惡業苦處以三學救度。何故今言以何方便而拔濟之。答前知戒等度法。而未知用何智慧能授此法。問若爾前護小心中。已知如來智慧有大勢力能救衆生。何故今言以何拔濟。答前雖見佛智能救。佛果在當未可現用。謂於佛智外更有餘法能救濟不。故云以何方便也。簡小涅槃同彼化城。非爲究竟。故云畢竟之樂。第四正知方便中。若具有五法四對。論攝爲三。言五者一無礙解脫慧。二如實智。三無行慧。四禪定。五開慧。四對者。一依開得禪。二依禪發慧。三依慧得實。四依實證畢。畢竟盡。未後開慧名爲第三。彼起依止行中間三種名。起上上證畢。畢竟盡。以此三種皆有下從他起上能起他漸增至佛故。攝爲一名上上等。然此五中。初唯所起。後唯能起。中間通二故合爲一。此經中如實智內略無不離之言。無行慧中略無不離禪方便。餘如論釋應知。自相是現量境。同相是比量境。皆有緣造名行。證空捨此名無行慧。此是四地法。此地但得彼慧光明故名明地。例如地前明得定等。言勝進禪者。小乘中淨禪有四。一退分。二住分。三勝進分。四決定分。今即是此第三勝進。以望前趣地方便中禪說。此爲勝也。言決定者是決定分。謂於他四地決定向故。言自智觀者。簡異所生慧明。是此地菩薩知觀故也。餘如論知。第

●治十(故) ●修二修 ●發總二總發 ●除滅二滅除 ●使二便 ●知二智 ●[無]一●

五攝修方便中。初牒前起後。謂前爲救度已發大精進。今此正知所聞法要。勇猛追求故名求法轉加精勤。此是總句。二日夜下別顯。於中有二。初明求法。二菩薩如是方便顯重法心成。亦即初顯聞慧。後明聞慧因。前中此十一法中。或總約所受。唯教與義。謂初五求教法。餘並義。或約所成具成。三慧。謂初五聞慧法。次一思慧法。餘五修慧法。依是義。故論主釋名云。隨聞思修照法。顯現故名明地。或約所求法體有四。初五求教法。次三求理法。後三求行法。略無果法。以彼非是正所行故。論中如前說者。次前段論文未說教義是也。一日夜聽等以無慢怠心故。二聞法喜悅無妬忌心故。三愛法。聞義無折伏他心故。四依法者。依大乘教自見。正取不忘失故。謂自悟不由他也。五順法者。依披讀習誦順聖言故。六滿法者。靜慮思惟。義圓滿故。七辨法者。順教宣明。爲他說故。八究竟法者。依定修行故。謂此三地以定成爲究竟也。九歸法者。謂求四地已上出世間無漏智法故。十求法者。求後諸地大悲攝生法故。論經無此句。十一隨順法者。求八地已上無功用行法。隨順能起佛果解脫無礙智故。此十。一中。初二示現常勤行故。是此地能求法行也。喜。法等下正修行故。是所求法行也。第二重法之中。二。先明能求法因。二。又如所聞下顯所求行因。又亦前求法後思義。前中論云。彼常勤行以何爲因者。問能求法行之因也。云敬重

等略答爲重法爲因起求法行。敬重極故名畢竟盡。也是故不惜身財等也。文中重法校量略舉十事。一輕實重法。於中初至不生難想爲法捨財。二但於說等重人輕實。二爲求下能捨內外。於中初總國土下別。別中初外。前遊財易捨。國宅難故大辨之。論中名財所得處也。妻妾下內。論名財所爲者是妻妾等也。國外財易捨。妻等難故大辨也。三又爲下盡敬給使。經云乃至以身而爲床座等。論名及彼所爲者。是前內外所爲。謂自身也。餘物易捨。己身難故大明也。四破除下破慢忍苦。先破慢。於上不恭名。僞慢。執我。後下名。我慢。於等自大名。大慢。並能爲法破除也。前身敬易爲。心慢難遣故次明之。論云彼高大意此亦能捨。五諸惡下忍苦求法。情慢易捨。身苦難忍故次辨之。六若得下過得重寶。三千重寶難離故。七勝得輪王。入中上故。八勝得帝釋。欲天上故。九勝得梵王。色天勝故。十捨身投火。具如第六迴向中說。此是以事自要。顯求心鄭重無難不能也。悉能正觀者。是繫念思惟得其義旨也。論中釋正修行因也。餘如論辨釋。厭行分竟。第三厭分者即是修慧。又前明聽聞正法及繫念思惟。今明如說修行故也。文中有三。初牒前起後。二菩薩如是下正顯厭體。三順諸法下明入禪等意。初中先明四禪。後顯四空。就四禪中略作七門。一明入意。二顯體性。三立支數。四明假實。五顯廢立。六釋名。七

辨相。初中通論。何故菩薩入禪無色無量神通。論釋。爲五種衆生。一爲禪樂憍慢衆生。故入諸禪。解云。有得世間四禪之樂。特著起慢難化以道。菩薩現入過彼所得息。彼慢心。授之以道。而自不味著故還捨之。二爲無色解脫憍慢衆生。故入無色定。解云。有得無色定。謂爲涅槃。示入化之。三爲苦惱衆生。入慈悲無量。四爲得解脫衆生。入喜捨無量。五爲邪歸依衆生。故入勝神通力。令正信故。二體性者。有八門。一隨事門。依薩婆多宗支雖十八事。但十一。謂初定五法。一尋。二伺。三喜。四輕安。五一心。二定中增內信。足成爲六法。三定中更增捨念正知樂。帖成十法。四定中不苦不樂故。爲十一。以喜樂及不苦不樂此三別說故。二類攝門。以喜等三不別說故。三同是受數名。唯有九法。一尋。二伺。三定。四慧。五受。六念。七輕安。八行捨。九信。頌曰。安捨念各二。受定各分四。尋伺與信慧。守位不分支。釋云。輕安分二。謂初禪二禪各有樂也。捨念亦分二。謂三禪四禪各有行捨及念。受分四。謂初禪二禪各有心一境性。信是內樂。定分四。謂四禪各有心一境性。信是內淨。慧是正知。三會假門。依大乘宗體唯七淨。初二定樂亦以是受數故。除輕安。二禪內淨依捨念正知上假立故。除信。是故唯七。頌曰。捨念各分二。定四受有六。尋伺及與慧。守位不分支。捨念各分二。謂三禪四禪。定四謂四禪。受六謂初二各喜樂。三樂四

不苦不樂。又不定四中二謂尋伺。別境五中三謂念定慧。遍行五中一謂受。善十一中一謂行捨四重攝門。唯以五法爲性。以尋伺二法用慧爲性故。此上約初教。五會相門。此上禪門。及上禪支當相即空皆無所有。是禪支體如智論勘。六事盡門。即此禪門內攝。如來藏真如功德。如勝鬘等經勘。此約終教。七泯絕門。如理無定無不定。如文殊巡行經等勘。此約頓教。八融攝門。謂此定門即攝無邊自在法界相即入等。如下離世間品勘。此約圓教。第三廢立者有八門。一約無爲問無爲是清淨法。何不立禪支。答。禪是有爲故。二約色行問。色及不相應行是有爲。何不立禪支。答。禪支是有行有緣相應法。彼非行非緣非相應故不立支。三約心王問。心王爲心法所依。是相應法。何不立禪支。答。隨順禪義是禪支義。心王但爲依無別攝心用。是故不立支。四約心法問。等是心法。何故遍行五中唯受立支。餘不立耶。答。汎論禪支要具三義。一是對治支。二利益支。三彼二依止自性。於中隨入一數有隨順義。是支義。以受通四禪利益支故。是故立支。作意警心。觸三和生。想境分齊。思能役心。各順起心。不順靜慮故不立支。問別境五中何故念定慧三立支。餘二不立。答。定是心一境性通爲四禪彼二依止自性。念是三。四對治支故。明記所治過患相放。慧是三。禪對治支。分別所治深見過故。各有隨順故得立支。欲及勝解於境希望。

印持所緣。各非順定故不立支。問善十一中何故唯行捨立支。餘法不立。答。捨是三。禪四禪對治支。以能捨彼所治障故。是故立支。信者深忍樂欲心淨爲性。慚者崇重賢善。愧者輕拒暴惡。無貪者無著爲性。無瞋者無害爲性。無癡者理事明解。精進者勉勵策發。不放逸者妨惡修善。不害者不損有情。皆於靜慮無隨順義。不入三位故不立支。輕安在定調暢身心。爲喜捨所覆。亦不立支。問不定四中何故尋伺立支。餘二非支。答。尋伺是初禪對治支。惡作追悔睡眠。昧略皆不順定故不立支。問大小煩惱何不立支。答。禪不濁染故彼不立。五約支分者。問等是隨順義。是支義。何故初定以尋伺爲對治。不立內淨等。答。爲此定初故。尋求伺察欲界過患。而能治彼欲等尋伺。故立此支。內淨爲此尋伺。能治彼欲等尋伺。故不顯現。是故不立。問捨念正知何故二禪合爲內淨。三禪四禪方乃分之。答。二禪捨等爲喜。能治彼欲等尋伺。故不立。但約離外尋伺。名爲內淨。問等分三法。何故第四不立正知。答。正知明顯。四定行捨其相微隱。相違不立。又爲勝捨所覆障故。以勝捨受是無明分正知是明相違害故。是故不立。問輕安在定一切地有。何故不立。輕安支。答。輕安浮動。初二靜慮喜受浮動相。順所覆。三四靜慮行捨沈靜相。違所覆。總不立支。問若爾小乘何故初二立輕安支。答。彼據除欲界五識身及初定三識身。各除所引身。能重故。

立輕安。後以二三定中無。能識身及所引身。能重可對治故。三四定不立輕安。今依大乘。是樂受攝故不別立。六約建立者。問禪既有四支。數應同。何故初三各有五。二四各唯四。答。爲欲界欲惡難除。二定喜深難離。欲爲牢強對治。是故初禪及三各立五支。以初定及三無此難遣。是故二四唯立四支。七約決擇者。問若初定支亦二。禪耶。答。應作四句。有是初支非第二。謂尋伺。有是第二非初禪。謂內等淨。有通初二。謂喜樂定。有非初二。謂除上說。又問若是初支亦第三耶。答。亦作四句。有是初禪非第三。謂尋伺喜。有是第三非初禪。謂捨念慧。有亦初禪亦第三。謂樂及心一境性。有是俱非。謂除上說。又尋伺喜樂是初非四。捨受捨念是四非初。心一境性亦初亦四。與上相違。非初非四。以第二等望餘。各四句準之。可見。八約道品者。問若是禪支亦道支耶。答。應作四句。或是禪支非道支。謂尋伺樂及不苦不樂。或道支非禪支。謂精進信輕安正思語業命。或俱。謂喜行捨念定慧。或俱非。除上所說。第四業用者有四。一約發智斷惑。二約發通起用。三約諸定超間。四約定用自在。初中若諸外道修得四禪起有流智。伏欲界惑得生上界。或取無想以爲涅槃。若諸小乘依此能發無漏聖智。斷入我惑得阿羅漢。若菩薩人或爲衆生示入世定而不隨生。或復依此成於無相無生等觀發真聖智。斷除二障得成佛果。若普

賢及諸如來依此示入百千三昧。第二發通者。外道依此發起五通見。過未等起諸邪見。二乘依此所起六通。然有限分。菩薩依此發五或六。分齊過小。隨位應知。普賢及佛依此所發或六或十。皆無限分。第三諸定超聞者。外道於定不得自在。二乘或有次第出入。或於九定次第超入。或雙雙超或首尾超。菩薩能依一定出百千定等。普賢及佛能入應數定。一復各生於塵等。如是自在無有數量。第四定用者。外道總無。二乘只有依定發用。不得即定爲用。若初教菩薩在於定中。雖無五識業用。由前願力擊發除識。示有作用。說爲俱起。若終教菩薩能即定即用。雙行自在。以理事無礙故。若頓教菩薩定用爲一。雙絕兩名。故若圓教菩薩即在定爲起用。而不改定。相以二事相即故。七辨相者。四禪即爲四。一中各有四義。一離障。二修行對治。三修利益。四彼二依止三昧。初禪離欲等。明離障諸說不同。依毘曇離五欲故名離欲。斷十惡故名離惡。除五蓋故名離不善法。依成實斷貪欲心名爲離欲。以離欲故亦捨殺等名離惡不善法。依智論離五欲名離欲。除五蓋名離惡不善。又諸欲發惡行墮極下惡處名欲惡。違生善品名不善。或總欲界諸惡不善俱皆捨離。依雜集論第八云。能斷欲界欲患害等。二有覺有觀者是修對治。智論云。譬如振鈴。覺聲喻覺細聲。觀雜集等論名爲尋伺。謂龜緣曰尋。細

緣曰伺。如唯識論第七說也。以尋求伺察欲界過患能除滅故。瑜伽第十一以不淨治欲慈治悲悲治害故。修三行對治三患。入初禪定也。三離生喜樂者是修行利益。遠法師云。慶背欲惡是故生喜。離過猶息故名爲樂。又欣悅名喜。依薩婆多身心調暢故名爲樂。體是輕安。依大乘適悅名樂。體是受數。又雜集第八由尋伺支治所治已得離生喜樂故。解云得離所治生此喜樂故爲利益。四入初禪者是彼二依止三昧。是彼對治及利益支所依止定。何故不說所離障。但云前二釋障爲所斷非是支故。雜集第八云。心一境性是彼二所依自性支。依止定力尋等轉故。解云專住一境令心不散名心一境。第二禪中初滅覺觀者是離障。謂覺觀動發生三識。燒亂二禪。如淨水波動名無所見。二內清淨等者明對治行等。小乘是信能淨心相。謂內等淨離外鼓動。定等內流名內等淨。大乘內淨即攬三禪捨念正知三法爲性。顯揚論第十九云。內等淨以捨念正知爲其體。瑜伽六十三亦同。此說心一處無覺觀者。舍利弗阿毘曇言欲界地中心行六處。以六識身取六塵故。初禪地中心行四處。以四識身取四境故。以初禪已上無鼻舌識故。二禪已上心行一處。唯意識身緣法塵故。又復相續不斷亦名一處。論云修無流不斷三昧行一境故。解云無流。觸實修治不斷等釋。一處等也。三定生喜樂者是修行利益支。前初禪中創

背欲惡慶離生喜。此二禪中法從內生慶得生喜。喜樂同前釋。四入二禪者是彼二依止三昧。第三禪中離喜者是其離障。謂二禪喜心分別想生動亂多過。三禪轉寂故須除遣。猶如貧人得寶生喜。失則深憂。莫若憂喜俱絕。方爲快樂。二行捨成就就念慧者是修對治支。謂捨是捨支。行心調停捨彼喜過故名爲捨。此是捨數簡別捨受。故名行捨成就。念者是念支。謂念前喜過守心一境。故慧者餘論名正知支。謂分別喜過。明見其失故成對治。又此三沈細寂靜。下地喜踊躍浮動。動靜相違故成治也。顯揚論云。住捨者於已生喜不忍可故。平等正直無動安住。念者於喜不行中。不忘明記故。正知者或時失念喜行。於此分別正知而住。三身受樂者是利益支。謂喜在意地樂在五識故云身受。又釋樂受有二。一下品適悅在心。二上品遍身心。就所遍處從末爲名故曰身受。言諸賢聖能說能捨者顯樂深勝。唯有賢聖能說爲過堪能捨離。非凡所能故是深也。四常念樂受入三禪者是彼二依止三昧。謂常念自地樂受利益入此禪矣。第四禪中。初斷樂苦等者是其離障。三禪得樂雖是利益。望第四禪極爲妨害。如重病入觀妙音樂爲障。四禪故須除遣。若爾應但除樂。何故斷苦。釋云。理實苦根前位已離。至此云斷。爲欲對樂雙辨故也。憂喜已滅者總絕四受。明禪不動故。瑜伽第十一云。初靜慮出離憂根。第二靜慮出離苦根。第

三靜慮出離喜根。第四靜慮出離樂根。又彼論云。問何故苦根初靜慮中說。未斷耶。答彼品。龜重猶未斷故。問何緣生在初靜慮者。苦根未斷而不現行。答由其助伴。相對憂根所攝諸苦。彼已斷故。若初靜慮已斷苦根。是即行者入初靜慮及第二時。受所作住差別應無。由二俱有喜及樂故。解云。以初二定俱有喜樂。若齊離苦。即二受不殊。故初不斷苦之龜重。然無現行故有樂支。又小乘此樂。受但是輕安非樂受故。又初禪喜劣。猶為苦根。龜重隨故不名滅苦。二禪喜勝滅苦龜重。名滅苦根。問憂喜先除文言。已滅苦亦久除。何不言先滅。答為苦對樂樂未亡故。雙言不便故不言。先憂喜不爾故不例也。若爾憂喜既不對樂。何須舉之。釋云。樂盡之處。總結四亡。顯禪不動故須舉耳。二不苦不樂者是利益支。餘禪之中皆先明治。今此先明利益。乘前斷苦斷樂對之即明。不苦不樂彰。利益義便故次論之。理實在後。問此正遺樂。何不但不言不樂而云。不苦不樂。答為明捨受不同。苦樂故。問前離障云。憂喜已滅。何不亦言不憂不喜。答有二義。一非此正滅。亦不與樂相對故不類苦。二若攝五受為三受時。憂喜攝入苦樂中故。以苦樂寬故。是故捨受對彼但名。不苦不樂。三行捨念淨者是對治支。前三禪中為樂所覆。故捨念不淨。今此離彼下地樂貪。故云清淨。清淨捨念與樂貪相違。故成對治。四入四禪者是彼二依止三昧。下

釋四空亦各有四。然此經中略無對治行。論主準義置之。初所離中過色想者。依成實論。遠離色想者。遠離香味觸想。滅有對者。遠滅色香味觸之想。以彼色等對礙故。不念別異想者。滅緣聲想。以聲藉眾緣擊發而生。故名別異。亦依大乘。不同前說。謂色雖多種。統攝為六。謂五塵及法處要略唯三。一可見有對。眼識所行。二不可見有對。餘四識所行。三不可見無對。謂意識所行。表無表色等。此中過色想者。以離眼識所行可見色想故。何故不言過色。但言過色想耶。釋以在色地修起。此定未捨色形故。何故但言滅想而不言餘心法耶。釋理實通有。以想取相強故。滅有對者。離餘四識所行。不可見有對四境色。故以想與心俱名為和合。亦是心與境合故也。不念別異想者。離意識所緣法處色想。論言意識分別一切法故。說別異想者。以相隱重釋。謂意識通緣一切諸法。於法處中簡取緣色義邊意識想滅。緣餘意識此中不遺。舉其所滅。簡所不滅。故云別異。問香味之想。初禪已離。色聲觸想。二禪已除。今云何言空定滅耶。答遠釋云。治有四種。一壞對治。謂方便道觀下有流無常等故。二斷對治。謂無礙道正斷下過。三持對治。謂解脫道為首。及後一切無間解脫持。彼無為不令失壞。四遠分對治。謂解脫道為首。及後一切無礙解脫。遠令前障畢竟不起。今此空定據第四治。故說此離。今更釋於二禪中離無色聲觸

想。得借初禪三識之心見聞覺觸。是故乃至第四禪中猶有此想。今得空定。故說滅之。若爾香味二想何故亦說。釋有二義。一亦有借故。二以與聲觸同是不可見有對色。故同辨。如第四禪滅憂苦等準之。是名離障。二對治者。論有三句。過色等境界想者。空定離彼色等境想。故名過也。云何過以不分別故。云何不分別。以見無我故。此辨實治也。問此中既有修行對治。為有支不。答依瓔珞本業經。四無色定各有五支。謂想護止觀一心。今依雜集等論。諸無色定。奢摩他一味想故。無支分建立也。論主但約翻所離障顯能治行。以義說之。非約支分。知無邊虛空者是修行利益。謂三色想絕。廓爾無邊。即入虛空無色定者是彼二依止三昧。一過虛空相者是名離障。見外念龜分別過患。是名修行對治。謂外緣虛空。心念龜患故。能見此失。知過而除彼想。故云對治也。知無邊識者是修行利益。謂捨外住內也。定體可知。三中過識是離障。見其龜事念分別過患。是修行對治。謂猶見住識為龜患故。知無所有者是修行利益。謂前捨外住內。猶為龜念。莫若內外雙離。俱無所有。方為利益。定體可知。四中離障可知。見彼住無所有想。龜念過故。能治彼想。名修對治。知非有想非無想。安隱者。龜想既盡。名為非有。細想未。浪名曰非無。此中非無約聖智說。非謂世定覺此非無。定體可知。下明入意。謂但隨順

化衆生法入此八定。非是自行所樂故云也。第四厭果分中有二。初行果。後調柔等明位果。初中有三。初四無量名行方便果。二五神通是行功用果。三總結自在。初中四無量義略作四門。一釋名。二體性。三建立。四種類。初釋名者。緣無量境起無量行。名四無量。則帶數釋也。二體性者。雜集論第十四以定慧爲體。又慈能與樂無瞋爲體。悲能拔苦即不害爲性。喜慶他樂不嫉爲性。捨令他捨惡即善捨爲體。三建立者。依莊嚴論及瑜伽第十二有四種作意。立四無量。謂緣求樂衆生起與樂作意。立慈無量。緣有苦衆生起拔苦作意。立悲無量。緣有煩惱衆生起隨喜作意。立喜無量。緣有煩惱衆生起不染污作意。立捨無量。此約初教。又依大集經第九云。知諸衆生心性本淨。是名爲慈。觀於一切等如虛空。是名爲悲。斷一切喜。是名爲喜。心遠一切行。故名爲捨。此約終教。頓圓準之。四種類者。諸經論中多說三種。一緣衆生。二緣法。三緣緣。智論中二釋。一約能起。初一是凡夫慈等。次是二乘法執。三是菩薩稱真。二約所益。初一令得人天益。二令得二乘益。三令得菩提。佛地論中諸佛菩薩緣衆生假者。亦緣彼五蘊假法及緣二空真理而教化故。今十地論中衆生念等者。念則緣念也。若依圓教如下離世間品。各有十種。具如彼說。餘義如別章釋文中。二先釋於慈後三類顯。初中三。初衆生念中四。先與樂。廣者與欲界樂。大

者與初二禪樂。以共喜故名同也。無量者與三禪樂。不共喜。俱名不同也。以此三樂與衆生時。無簡彼此。故云不二者亦是等也。第二言無瞋恨者。是二障對治。遠云於怨加損名與不愛。於親與樂名爲與愛。此二是障如經無瞋治初無恨對治後。又釋於不愛者。授與可愛。翻己瞋嫌名爲對治。三清淨謂離五蓋令慈定淨。此經略無四無惱害者是攝果。謂慈定起於色界中受正果。慈行餘勢。力後於欲界受於習果。故云於欲色界受正果習果。無苦惱事。故二信解力遍者明法念。涅槃中緣利生之法。瑜伽菩薩地緣諸衆生五蘊等法。地論具二。先知凡聖衆生法。二及衆生下知衆生心所起分別諸法。用以化生也。三滿十方者明無念。論中亦二。初當體無念。二分齊無盡。如論應知。餘三類慈故云亦復如是也。第二明五通果中作四門。一釋名。二出體。三諸門。四釋文。初中先釋通名轉變無名。即帶數釋也。別名中一名神足通。難測曰神。履涉稱足。從用就喻爲名。又釋神是通用。足是所依之定。定與通爲足故。定用從喻爲名。亦名如意通。出沒隨心故。亦名身通。通慧依身故。亦名神境通。是通慧所變境故。二天耳通。三天眼通。光明義是天義。聞聲是耳義。照導是眼義。並從根及趣以立其名。四他心通。能了他心。從境爲名。五宿命通。亦名宿住通。往謝名宿。宿時色心

相續名命。亦名爲住。通慧照彼。亦從境爲名。此五並是依主立名。謂宿住之通等準之。第二出體者。依薩婆多。凡夫五通若總出體。以通大地中慧數爲體。若別即以等智爲體。若經部宗。凡夫五通總以想智想定爲體。若別即以十智中名字智爲體。若聖人得同以名用無流智爲體。若大乘宗。總以別境中慧數爲體。若別凡夫五通世俗智爲體。聖人五通後得智爲體。若雜集論定慧爲體。第三諸門分別者。略有五門。一辨所依定者。依小乘唯依四根本定。以依勝地發勝通故。未得中間慧多定少。諸無色定定多慧少。復無有支相助。不能發通。經部亦同。大乘瑜伽顯揚亦同。前若雜集論通依四定。多依第四。以功德勝故。二約三業者。依地論。初一身業清淨。天耳他心二通口業清淨。宿命生死智二通意業清淨。解云初即轉變色形名身業清淨。天耳他心能起言說名口業清淨。後二以過未隔世難知。唯意能了名意業清淨。五通是智。理實皆意。但隨用相故。作此分矣。三約業用者。地論約菩薩業用。初身通能到衆生所。次二爲其說法。謂天耳聞他言音不同。隨方爲說。他心知他心器所樂。要由此二方得說法。謂言聲及義也。後二盡知衆生過去未來所應受化。故解云宿命知其過去所習。因以授法。天眼見其未來根熟方能受化。四約智見者。地論中前四通明智。第五明見。解云理實五通體皆是智。但爲天眼照觸分明。

①[心]一 ②故二 ③共二 ④[恨]一 ⑤可二 ⑥[力]一 ⑦二十(以) ⑧重二 ⑨[影]一 ⑩[即]一 ⑪來二至 ⑫[有]一 ⑬能二堪

廢體從根說名為見。若爾天耳何不從根名。聞釋理實應齊。但為智是見性。眼亦是見。見義順智偏就眼說。五約所知分齊者。若凡夫五通但知一四天下。若小乘人依智論第六云。若小乘阿羅漢小用心。天眼見一千世界。大用心見二千世界。若大阿羅漢小用心見二千世界。大用心見三千世界。義準菩薩隨位漸增。若佛總無限量。餘通準之。第四釋文者。五通則為五段。初神足通中論得三種勝自在。一初句動世界自在。約依報。二一句自身自在。一散。二合。三隱顯。謂現沒還出也。三約身作業自在。有八種。略無注水。餘如論辨。若依智論第六。如意通有三種。一能到。二轉變。三聖如意。能到有四。一身能飛。行。二移遠令近。不往而到。三此沒彼出。四一念能到。轉變者。大能作小。一作多等。外道力轉事極久不過七日。佛及弟子久近如意。聖如意者。於六塵中不愛不淨。觀令愛淨等准之。是自在法。唯佛得之。乃至廣說。二天耳通中以天耳過天人故。若若樂若痛若細若近若遠等。聲無不聞。知餘如論辨。三他心通中。先總。後別。別中十句分三。初四知煩惱心。次二知報心。餘四知作業心。論分為八。如論應知。初中前三知三毒有無。論名隨煩惱。此是隨緣現起。故非是小惑名。隨。二垢等知其細惑性。成名為使故。次知報心。是無記心。人是小。欲天廣色天大。無色。二解脫名。無量。此中名狹以定。力多故。餘知作業前三淨

後一染。前中亂等約學定心未得故。或散。或非散。二定等約得定。得定後。或入定。或出。定或在定。三縛解等約慧。於縛得脫故。後一知染心。此中略無不求心。有上等約慢。謂有上處起得想。是龜。於無上處起得想。為細故。論云。龜細習行故。四宿命。中。先總。次別。後結。論中分三。初誰能念。謂智。此釋總句。別中。一念何等事。念一世界等。二我生下。云何念因名字等念。此中種族者是家差別。謂生家等。姓者貴賤等姓。三知本某名。四知所食。五知苦樂。六知壽命。如經如是。久住故。七知死此生彼。餘如論辨。五天眼中。先總。後別。論中先釋能見。為總。初見。衆生死此生彼。故名死生智通。審見委細故。云。清淨。遠見他方。故云過人。二見何等事。下總釋所見。三云何見。下明其見相。即別釋所見。即是諸衆生等。明善惡因果。指同一地說可知。第三是菩薩下。明總結自在。論中具四。一禪結。四禪。二解脫結。四無色者。以八解脫中四無色是後四解脫故也。三三昧是四無量定也。四三摩提提是五通者。此云等引。謂引起五通業用也。能人能出者。謂起心欲入。起心欲出名。生心時。即能入出名。用現前不隨生者。不為定等所縛。故前十種深念中。淳厚心此處成就故也。雖入禪等。而以願力生彼。增長菩提分處。即與佛菩薩共。生處也。此約自利釋。瑜伽住品約利他釋可知。行果竟。一是菩薩住於明地下。明位果。於中三果即為三。初調

柔果中四。初調柔行體。二忍行德。三別地行。四結說相。初中三。先法。次喻。後合法。中言觀一切法不生滅。衆緣而有者。此中論云。於清淨法中不見增。煩惱妄。想中不見減。因緣集生故者。此故字有二義。一由緣集。故有增有減。故云有生滅也。二由緣集之因成。此二義。是故常起。因緣對治。離染成行而恒不見有生滅相也。欲有無明縛皆微薄者。斷一切修道欲色無色界所有煩惱及彼因同。無明習氣。皆悉微薄。遠離故。解云。此是貪等煩惱障現行并種故云。及彼因。與當地所斷所知障種同。此位滅故云。同無明習氣皆微薄。以未盡故但云薄也。地經中諸見縛。先於初地已斷故也。不復集斷三毒者。以斷細不斷。龜故。二是菩薩忍。下明忍行德。中有十心。他人加惡名辱。心能忍。受名忍。善護他心釋安樂也。以此二心分別已下。諸心故云分別示現。言作惡懷疑者。謂有衆生會損惱菩薩自恃已惡。疑菩薩瞋故云也。然菩薩將護身與彼同愛語誘誨。故云現同伴侶愛語等也。此釋同和心柔軟心。此中美妙心具彼二心也。不壞心者。被身加惡不瞋故。不動心者。口惡罵不報故。不濁心者。忍時心不憂惱故。不高下心者。過去久行不憍慢故。是故今能下就與其善言。謂於己不高。於他不下也。地經有二句。二以道化他。不求他敬。二施恩及人不望他報。若有梯敬望報時。少不

釋意即便生瞋。今由無此故成忍。因此中初施恩不念。後小恩大報。不諂曲者非不實釋。不諂及無偏心釋不曲也。以菩薩謙下隨物相同諂曲故。今明實等也。不染心者。微細隱覆垢染心。皆悉離故顯淨也。餘文可知。二偈頌中。三十五頌分五。初二頌起厭行。三有二十四頌厭行。分三。初四頌護煩惱行。次六頌護小乘行。次十四頌方便攝行。三有六頌厭分及行果。四有六頌位果。五末後一頌結說。第四焰地中亦七門。同前。初釋名者。唯識第九云。安住最勝菩提分法。燒煩惱薪。慧焰增故名。焰慧地。攝論云。由諸菩提分法。焚燒一切障故。無性釋云。此地中有焰慧故名。焰地。世親釋云。能燒一切根本煩惱及隨煩惱皆為灰燼。名焰慧地。莊嚴論云。以菩提分慧為焰自性。以慧智二障云薪自性。此地菩薩能起焰慧燒二障薪名。焰慧地。金光明云。能燒煩惱。以智慧火增長光明。修行道品。依處所故名。焰地。深密經第四及瑜伽七十八及顯揚論大同。此說智論名增妙地。如十住論云。施戒多聞。威德熾盛故名。焰地。第二明來意者。亦有二義。一前地明定。自下諸地明所發慧。依定發慧。義次第故。此依解深密經。二前之三地寄在世間。今此出世。義次第故。來。此依十地論辨。三前。三地雖得世定總持。而未得菩提分法。捨於定愛及法愛故。是故此地修證彼行。故次來也。此亦依深密經。第三所離障者。依

十地論離解法慢障。以第三地聞勝流教法生解起慢。四地翻此。故以為障。依梁本攝論名。微細煩惱共生身見等無明。彼論以法執分別種子為體。如梁論第十具釋。又成唯識論第九名。微細煩惱現行障。謂所知障中俱生一分。第六識俱身見等攝。最下品故。不作意緣故。遠隨現行故說名微細。下論釋世親攝論云。分別我見有三。一最初斷。細故名。為上品。二分別起。故三不能遠到故名。為龜。今此俱生最後所斷故名。下品。任運起故。遠到第四方可斷故。是故此障異彼龜。故名微細也。上論彼障四地菩提分法。以入四地時便能永斷。彼昔多與第六識中任運而生執我見等。同體起故說煩惱名。今四地中既得無流菩提分法。彼便永滅。此我見等亦永不行。初二三地行施戒修相同。世間。四地修得菩提分法方名出世。故能永害二身見等。下論釋云。以前三地同。凡三行。由斯未斷迷理我見。四地出世方能永斷燒薪之焰。依此立名。二我見言或二障同體我見。以正斷所知煩惱不起同名永斷。理實但除法執我見。或法執中我我所見為二身見。或分別俱生名二身見。盡處總說故說。四地斷二身見。此三釋中初釋為勝。上論寧知此與第六識俱。此間第七識俱執我見等。與無漏道性相違故。八地以去方永不生。七地以來猶得現起。下論釋有三因。非是第七。此即初地。上與餘煩惱為依持故。此龜彼細。伏有前後故。此

但與第六相應。身見等言亦攝。無始所知障攝定愛法愛。彼定法愛三地尚增入。四地時方能永斷。菩提分法特達彼故。由斯四地說斷二愚及彼龜重。一等至愛愚。即是此中定愛俱者。二法愛愚。即是此中法愛俱者所知障攝。二愚斷故煩惱二愛亦永不行。金光明云。味禪定樂生愛。因無明。微妙淨法愛。因無明。深密瑜伽並同上辨。第四明所證者。依梁論名。無攝法界。彼論釋云。於最勝真如及真如所流教法。於中見無攝義。謂此法非我非他所攝。何以故。自他及法三義不可得故。譬如北鳩婁越人。於外塵不生。自他攝想。依無性世親諸本。多同。唯識第十云。四無攝受真如。謂此真如無所繫屬。非我執等所依取故。解云。等取同類我愛慢等。非彼依止處及所執取境。中邊論云。猶通達此乃至法愛亦能轉滅。解云。與我執等同伴故。第五所成行者三種。一十度中成就第四精進波羅蜜。二成就菩提分增上慧行。三亦成悲智行。莊嚴論云。第四住能入生死而不捨覺分故。又如下文不住道行等。第六明所得別果。略有三種。一依梁論四地通達無攝法界得衆生利益果。二金光明云。四地發心得不退三昧果。古人釋。四地相同出世。由初證得故標不退。三調柔等行。十王攝報。並準可知。七釋文者。三分同前。初證請分。二顯地分。三重頌分。初中八偈分四。初二明菩薩聞法歡喜供養。次一天女妙音歌頌地法。次四天王慶聞供請。於

①初二地 ②此二目 ③處所 ④地 ⑤德二俱 ⑥三 ⑦下論釋 ⑧細 ⑨故 ⑩以 ⑪與二即 ⑫上二亦 ⑬四 ⑭度十細 ⑮法十智 ⑯者十有 ⑰得十果

「中初三慶開供讚，後一請說後地，後一解脫月，同請。」二正說地相。內論中先明依前地淨定總持。今此地如實智淨故說。地四分中，初是入地方便故云。因二，是初入地出障行故云。清淨，三是正住地道品等行，能有所除故。對治進修上上故云。修行增長，四是地滿即彼清淨對治修行增長之果。又初一是地因，後一是地果。中二是地相。又初一加行道，次一無間道，次一解脫道。後一勝進道。何故解脫名對治耶？以翻障顯地。就初中三，先結前標。後二正顯十門三結。行功能，初中法明門者，明謂四地證智，以前地未得明相故。猶如地前四定中明得定相似法者是所說法，即衆生界等法也。門者地經名入。依彼智明入此法中。若能入名入所入名門。又依此能至四地名爲門也。二處順行者正觀思量是方便。如實知是正證。此二同依所說法故。同順行也。十中初五推能依至所依。謂初一觀正報假名，二觀正報所依心識，即本識是染淨法所依處也。後五句依所依立能依。謂初三句明本識中所持染法，約處辨之。三界唯心也。後二明所持淨法，勝信解者猶是勝解，謂於所解印持決定不令煩惱汚心。次大心普被衆生，不同二乘小心故。又釋後五中，初三句起依報。後二句立正報。第二清淨分中有三。初總次別後結。總中亦三。初於佛家轉有勢力，二得內法，三謂十智教化成就。此三皆以後釋前可知。又初地即生

在佛家，然前三地是世間，此地出世故云。於如來家轉有勢力也。又論釋云：依止多聞智究竟者，此釋轉有義。謂依前三地多聞之解得此四地出世間慧名智究竟。理實亦依前地禪定，以教化之智依前所聞法，故偏舉之。論云：除滅智障攝勝故者，此釋勢力義。謂除前地分別解心名除智障。亦是滅當地所斷所知障也。得此四地殊勝之慧，故云攝勝。二釋內法中，論云：此如是淨勝等者，勝前以釋也。謂淨勝除障，勝勝勝勝，並於佛家得故。如來自身等者，當相釋也。有三句，初就人顯法，名爲內法，即顯如來自身所具之法。二以辨法成人故。名此法爲如來法，故云以是諸法顯示如來。三謂十種下釋，十智教化，謂此智與四地證智法明一體無異，得無前後故云同時得。此與所觀法明同時，非與觀察同時。十中論攝爲四，初心不退者，論釋自住處畢竟智，謂大乘法是菩薩住處。住於大乘心不退轉名畢竟智。二於三寶等者，同敬三寶畢竟，謂於三寶，同信不壞故云畢竟。三修習下二句明真如智，即二無我正證智也。一觀蘊等生滅流轉本無人我，二觀蘊等法亦本來不生，是法無我。四常修習下六句是分別所說智，即後得世俗智也。攝爲二，謂染淨，或爲三，謂一染二染淨三淨，或爲四，初二句依正二報，是苦諦，以隨煩惱生故。次句中半句生死，論名世間，即是集諦故云。以何煩惱，次半句涅槃，即是滅諦故云。所有淨，後

三句是道諦故云。隨所淨，又初中以煩惱等順感器世間故。衆生世間皆從業等因生，故云同因也。次分別生死涅槃者是集滅二諦，亦是染淨雙觀，雖全體不二而兩法不離，故云分別也。下三句道諦，亦隨順涅槃淨法故云。隨所淨，一於佛世界中教化衆生，成菩薩自業差別，故云修習衆生業差別。謂於衆生成已差別之業，二前際是生死染法，後際是涅槃淨法，故云煩惱染及淨也。三於前際染中不見一法可損，以其即空故。後際淨中不見一法可增，以其性滿故。又釋前觀前後際平等，今觀現在世常滅無所有也。行是十智，教衆生，即知於如來家轉有勢力也。第三對治修行增長分中有二，初護煩惱，是異凡行，亦自利行。二護小乘，是異二乘行，亦是利他行。前中明菩提分法略作四門，作四釋文中，此三十七種類分七位，三四二五單七隻八，初釋四念處者，謂身受心法是念所住處，故云也。新名念住，此四體實是慧，何故名念。以慧觀守境，與念相近。即六釋中隣近釋也。身謂相續，受謂領納，心謂集起，法謂軌持，此四並是所觀之境。若小乘中，觀身不淨，觀受是苦，觀心無常，觀法無我，是故此四除，四顛倒。若大乘中如諸法無行經云：觀身畢竟空，觀受內外空，觀心無所有，觀法但有名，解云：此觀人法無我故。準勝鬘經能除八倒，就身念處中，先觀內謂自身，次觀外謂他身，後合觀自他，何故初別觀後總耶？釋

①同①一 ②今二合 ③顯二烈 ④行二法 ⑤中十十 ⑥同二口 ⑦三二二 ⑧顯一 ⑨同二四 ⑩教十化 ⑪故一 ⑫位二謂 ⑬人二入

有二義一約破病不同。人有三類。一有人著內情多著外情少。如人爲己身棄捨妻子及財物等。故須觀內。二有人著外情多著內情少。如人爲財喪身爲欲殞命。故須觀外。三有人內外俱著。故須合觀。二約觀行始終。一人通觀。謂有行人本於自身取爲淨相。故先觀內。內求不得。即謂外有故。次觀外。向者觀內不能及外。觀外之時復不能觀內。是故第三內外合觀。初中觀內身者。標別所觀。循身觀者。正顯觀相。循謂巡歷。於身分次第觀察。精勤一心者。顯觀所儀。謂行者欲破自身。非動不辨。故須精勤。故龍樹云。離別常人。易離別知識。難離別知識。易離別親戚。難離別親戚。易離別自身。難行者今欲離別自身。必須精勤。勤由專意。故云一心也。除世間貪憂者。明觀所離。何故此中偏離貪憂。如龍樹說。行者此中多生貪憂。故偏除之。何者謂創棄五欲。念本所愛。是故生貪。未得道法。所以生憂。是故但言除世貪憂。又釋貪者。凡夫多起著境難捨。受生之本。三毒之初故。煩惱中偏說除貪。也愛心一向貪欲者。起障定最重。禪中先離故。五受中偏說除憂。是故若說除貪。餘法隨遣。若說除憂。諸受隨亡。猶如破竹。初節爲難。若破初節。餘節皆隨。貪憂亦爾。故偏說之。次觀外身。後觀內外身。類亦同然。就受念處中。亦內外俱於十二處中。受唯是外法處所攝。何故此中有內等耶。釋有多義。一自受爲內。他

受爲外。二意相應受爲內。五識相應受爲外。三定受爲內。散受爲外。觀此三受不離三苦故也。又智論云。菩薩觀苦樂不苦不樂等三受。無所從來。滅無所至。但從妄想顛倒生等。三就心念處中。自心爲內。他心爲外。又五識爲外。意識緣外。爲外。緣內爲內。末那一向緣內名內心。又定散分。內外。並觀此心利那無常。又觀如幻無體。可知。四就法念處中。以心法爲內。不相應行及無爲法并法處色等總爲外法。內外合觀可知。第二四正勤者。是善十一中精進數爲體。但就止作各分。已未故成四種。謂初二勤斷一惡。是止惡行。後二勤修兩善。是作善行。初中未生之惡。遮令不生。已生之惡。斷不令續。又已生伏現行。未生除種子。後二善中未生善法。習之令起。已曾習起。使更增廣。此即未有令有。已有令增。此四皆由策勵。方辨故名正勤。新名四正斷。於二惡可爾。二善云何。謂斷彼不作。故即是勤修也。第三四如意足者。所作遂志。故云如意。此即是神也。足是所依。即是定也。初欲定者。由欲加行能起。此定果從因稱。故云欲定。此是行體。斷行成者。辨行功能。謂此定行能斷諸結名斷行成。又釋涅槃名斷。斷家行成名斷行成。修如意足者。就前欲定。明其所修也。依止厭下明前斷行成也。於諸煩惱。加行道厭。無間道離。解脫道中證彼擇滅。勝進道中趣求彼果。名向涅槃。又釋資糧道中隨分生厭。加行道中永伏名離。無

間道中正斷名滅。解脫道中證彼無爲名。向涅槃。又釋若寄位言。道前加行位生厭。見位斷見惑名離。修位斷修惑名滅。究竟位得彼極果名向涅槃。此等並是諸行治惑次第之相。不須別分。覺分前後。何故念動不。明此者。以未得定故。得定方有此功能。故二精進定者。亦從加行以立定名。三心定者。餘處亦名念定。謂繫意住緣名爲念定。專心守境名爲心定。並從方便以立其名。四慧定者。地論名思惟。瑜伽名觀。故彼論中說此四名欲勤心觀。謂明慧照察名觀。或是定因。或是定果。餘斷行等類。前可知。第四五根者。依此五行能生見道。故名爲根。下文離世間品云。一信根不可沮壞。二發大精進。究竟一切事而不退轉。三安住正念。除滅亂想。四三昧方便。決定了知。五智慧境界。善巧分別。故解云此正經自約菩薩道釋。依止厭等及第五五力。並準前可知。第六七覺分。亦如下入法界品內。取第七八聖道者。亦如離世間品云。八正道是菩薩道。一正見。遠離邪見。二正思惟。正念一切智。遠離虛妄。三正語。隨順聖教。離口四過。四正業。饒益教化一切衆生。未曾失時。五正命。安住四聖種。成就頭陀功德。具足淨威儀。遠離一切惡。六正精進。勤修一切苦行。修佛十力。無所罣礙。七正念。悉能憶持一切音聲。除滅世間一切亂想。八正定。善巧方便。於一二三昧。出生善藏。不可思議法門。一切三昧故。解云此等並約菩薩道釋。可知。第二

①(已)一●●向二何●●第正修●●易十(而)●●(也)一●●亡二之●●[受]一●●造二遇●●令不二不令●●以二已●●念二童●●(經)一●●思二惡●●

護小乘行中。初句是總。餘九是別。初中菩薩行此三十七品。但爲利益不捨衆生。是故修行非如二乘爲成自利行。此道品別中此不捨衆生心。論攝爲四。於初中三護小乘心。後一護小乘行。初一爲起行所依。故以本願爲始。二以悲慈益物。憐愍爲心。上二護狹心。三爲衆生故。希求佛果。故云爲攝一切智也。此護小心。後五句名修行五種行。一起淨土行求佛依果。二修起佛法行求佛正報。下二句求行彼因。三修彼地方便。無厭足行者謂求五地至七地。修時巧便無厭足也。經中欠此一句。四修不退者。謂求八地已上順佛深解脫也。上自利行。五化衆生行者是利他行。智慧方便善攝衆生故也。第四大段彼果分中。二初行果。後位果。前中論釋中得六種果。一煩惱染生遠離果。二業染生遠離果。三於勝功德中生。增上欲心果。四彼說法尊中起報恩心果。五彼方便行中發熱精進果。六彼增上欲本心界滿足果。初二離障果。後四成德果。前中先離惑障中。論攝爲五。初本身見。是起慢之本。亦是六十二見本故。我知是能知。大知即是所知大法。即是三地中解法慢也。我修是能修。復計禪定。是我所修。此是三地正受慢也。於中著我等是人執。陰入等是法執。出謂三昧起者計有出定。沒謂三昧滅計有入定。又釋出謂修起諸禪。沒謂退失禪定。又遠公云。出者修起諸定。沒者定所除滅。一起者起。不正

思惟起定慢也。推求心者是邪推求。亦妄取定相。同論思惟也。三行者觀心行於緣中於已所得八禪等法。求覓勝相。欲令他知道云。所行也。同論名多觀。四過者堅執自己所得定等。心安諸事故云。愛著即定愛也。五護者數觀勝相。取勝屬己。憶持在心。防已所得。故云寶重所見等也。皆悉斷滅者五結除斷。何故此中說此斷滅。準成唯識論。此是第六識中俱生身見等及所起過。同第四地出世道品。能斷除滅故。此說之。又釋若約寄位。前地寄世間。此當出世爲分世出世。故此斷除。若就此義亦得是分別所起。以仁王經說。四地名爲須陀洹位。故得知也。第二業染生遠離果。如論應知。經中略無也。上來是前護煩惱家果。第三是菩薩轉悟下。明於勝功德中。生增上欲心果。於中十句。初總中牒前起後。謂牒前護小乘家智慧方便。故行助道。分等二隨所修行下別顯。依前所起之心。正明欲樂心。謂由前策勵所修力故。於上功德見其實利。是故轉起殊勝意樂。令心柔和求彼上法。於中成潤益心者。以見勝德能潤益故。起深欲心。故云深欲愛敬故也。下別釋中。柔是柔軟。謂證法適神名樂行勝。二和是調和。謂三昧調心。緣中無礙名自在勝。此二行體。下七爲一名對治勝。是行功能。一總明離過。謂堪任有用下別離六種過。一對治不能離惡過。謂對治求法無疲。不爲食利。不爲妬名。離此過也。次二對

治不能攝善過。二治不攝功德行。三治不攝智慧行。四治不攝衆生過。上四是自分對治。下二勝進對治。一解。二行。五自見取過者達其解也。尊教不順顯其過相。對治如經可知。六捨爲首者如說修行。望於聞思爲勝爲首。今捨彼首故是過。餘文可見。第四是菩薩爾時下明說法尊中報恩果。謂前地中從師聞法。即名彼師。爲說法尊。從前地來。依法修行。今得成辦。稱彼化意。故名報恩。於中初一知恩報心。後九報恩行。初中論釋。彼成知恩心者隨順行。報恩行者釋。知恩。爲報恩。故須知也。下九別顯報恩行。一明報恩心。二能將護同法者。順說者心名爲報恩。謂內心和善同止安樂。三依法起行。以爲報恩。謂隨順受教不違師命。名曰直心。四發修行事。達苦能忍。名爲軟心。五於修行離過。爲報師恩。謂不說己德名無邪曲。六自過不覆名行正行。七實德行成亦不自高。故云無憍慢。上來約行。下二就解。八依教受語明得師言。九不顛倒受明得師意。如是下結行成就。於中如是具足善心軟心者。論釋是前對治修行增長。謂彼對治於此成就故云具足也。具足寂滅心名對治修行增長力者。名前二遠離果爲寂滅心。是前護煩惱對治力也。具足忍辱心等論名彼果。即是此報恩行果。前二句顯是等者。謂初句善心成。次句寂滅心成。合此二句爲第三名善寂滅心成。以爲彼果。第五是菩薩爾時成下

①(心)一②時二習③(釋)一④復二後⑤(中)一⑥著我二我著⑦(亦)一⑧妄二欲⑨等二劣⑩(名)一⑪滅二惑⑫同二德⑬助二此⑭分二品⑮名二具

第六是菩薩修習下明。本心界滿足者。依菩提分樂欲心滿。故云直心清淨。下別顯中。一彼求道品之心。由前精進修行增益故云。不失深心也。二於勝上證中。轉生決定心。故云信解明利。三彼上證之因。治過行增故云善根增長。四除滅諸障故云遠離世垢。五除此地祕密疑事。故云不信皆已滅。六以除疑故。於餘處決定故云無疑無悔等。七依化衆生力。謂佛力能化衆生。故云於一切佛等。八依勝樂行。內證相應故云自然習樂。九依現無量三昧心。智障清淨故云無量之心等。上來行果竟。第二菩薩住是第四下明位果。三果即爲三段。就初調柔果。中有四。一調柔行。二教智淨。三別地行。四結說。初中先法。次喻。後合法中。先見佛爲練行緣。二恭敬等爲能練行。三是菩薩下明所練淨。能練中有出家者。初供佛福行。後近佛慧行。一近佛。二聽法。三信。奉等思。四

流轉寂靜聖道名極難勝。于住論云。第五地中功德力成。一切諸魔不能壞故名難勝地。仁王經名勝慧地。諸餘經論多分皆同。問。仁王經初地菩薩四天王。雙照二諦平等道。如何。諸論唯說五地。答。三藏云。據實初地二。歸雙照而約任運。故說五地。今釋此是寄法顯位。前地出世。此地却入實爲難故。第二次第者亦有三義。一四五六地總寄二乘。第四寄當初果。第五寄當羅漢。第六獨覺。前地預流。此名羅漢義次第故。是故次來以預流創故。羅漢終故。用寄四五二地差別。中間二果略不寄顯。此依地論等。問。若爾何故。仁王經第七地得羅漢果。答。此二各別。地論約所觀行相以配二乘。道品四諦俱覺聞行。第六緣生是緣覺行。第七十度是菩薩行。故非二乘。仁王下卷瓔珞上卷約人配位。前三地相同。凡夫故。後四地配於四果。以顯地別。良由第七未離分段故。寄同下位。二者二乘行中。道品居先。四諦居後。義次第故。三者前地雖得出世。而未能隨順世間五明攝化。今此地中修證彼法。是故次來。第三斷障者。依十地論離身淨是我慢障。解云。以前地出世以爲身淨。取以起慢。便障五地不捨世道。故入五地。翻治此障。此等並是地背。修捨顯增微故。唯識云。於下乘般涅槃障。謂所知障中俱生一分。令厭生死樂趣涅槃。同下二乘厭苦欣滅。彼障五地無差別道。入五地時便能永斷。由斯五地說斷二愚。一純作意背生。

①取二化②* ②欠二無③ ③衆生二一切④ ④〔已〕一⑤ ⑤奉十〔內教〕⑥ ⑥人二仁⑦ ⑦次二須⑧ ⑧〔有二十九類〕一⑨ ⑨可二別應
⑩等三果二果等三⑪ ⑪巧十〔等〕⑫ ⑫〔解〕一⑬ ⑬〔衆生心〕一⑭ ⑭〔化〕一⑮ ⑮諸二智⑯ ⑯二十〔又〕⑰ ⑰劑二對
⑱修三相⑲

死惡即是此中厭生死者。二純作意向涅槃。即是此中樂涅槃者。瑜伽深密同。此可知。解云。以前捨世間。向出世間。背染向淨。故有斯障。此地觀四諦染淨。因果平等。無差別道。不同三地世間之染。不同四地出世之淨。以於世間。能入雙現前故。故無背向。斷斯障也。金光。明云。一意入涅槃。一意入生死。思惟無明。生死涅槃不平等。思惟無明。梁攝論云。一生死涅槃。一向背趣。思惟無明。二方便所攝修習道品無明。解云。此彼經論會意可知。第四所證者。依攝論證得相續無差別法界。世親釋云。謂於此中體無有異。非如眼等隨諸有情相續差別各有異。若如是知得入五地。無性意同。梁論少別。謂彼論中釋此法界能令三世諸佛相續身不異。唯識云。五類無別異。如謂此真如類無差別。非如眼等類有異。故。解云。謂此地中修得生死涅槃無差別道。由此了知。非自他。如得平等意。中邊論云。由通達此得十意樂平等淨心。第五別行者亦有四種。一十度中當禪定行。二當地中得諦觀增上慧行。三莊嚴論云。第五住以得教化。惱不。惱心。以無我故。四下文亦成五明處行。第六得果者三種。同前一依梁論。五地通達相續不異。法界得無差別法身果。二金光明云。五地發心得寶華三昧。三調柔等可知。第七釋文中三分同前。

薩婆以三業供養。次有二頌明天王眷屬三業供養。次有十頌天女歡佛。於中初一敘事。次八歡佛。初二歡因深果現。次二體極用希。謂此一類所化根器久來未熟。故今佛海於彼一類常恒堪然未曾起用。今既根熟。感佛應機。從體起用。故云從久遠來大海相始動。非謂如來從久遠來一切處未用。今始方用。次二頌慶此希遇。次二頌歡佛德勝。後一總結天女歡已歡住。末後一頌眾首正請。第二正說中論分爲三。初勝慢對治。二不住道行勝。三彼果勝。於中以加行道及初住地無間道合爲初分。二以正住地分解脫道爲第二分。三以地滿勝進道爲第三分。就初中勝慢對治者。遠公云。慢有二種。一他地慢。謂前四地中得出世智。取彼勝相名爲勝慢。下以十平等心翻彼名治。二自地慢。謂於此十希求勝相。復以爲慢。下以如道行對治。今釋前地解法慢障。正地中對治。此地所治身淨我慢障。是前地中得出世淨。取以爲慢。此地加行觀十平等。正伏彼障。初入地時。無間道中正斷彼種。是故此二俱名勝慢對治。以勝前地。初說治障。至正住地。但修勝行。於世出世無偏住著。故能隨世以攝衆生。於初分中。二。先地加行。二初住地。前中三。初結前舉。後。二正顯十心。三結能入地。就正顯內。於平等中心得清淨故云平等心。中此十平等與後六地平等何別。釋以前地中取淨法爲慢故。此地中偏觀淨法平

等。後地通觀染淨平等。此等並是地背修捨差別法矣。十中論分爲二。初三名諸佛法。即果法也。謂三世十力悉皆平等。又釋舉力等取餘功德法。後七名隨佛法。即因法也。於中前六自利。後一利他。前六中就行合爲三學。初一戒行。次一定行。餘四慧行。離爲七淨。一戒淨。二定淨。三見淨。四度疑淨。上二同一句。五道非道淨。此前五種大小名同。後二名異。小乘中。六名行淨。七名行斷淨。以彼宗趣盡滅故。大乘中。六名行斷。七名思量菩提分法上上淨。以此宗依其行斷起勝求故。二就位辨者。若小乘初二在見道前。次三在見道。行淨在修道。行斷無學道。若大乘中行斷思量菩提分俱在修道。餘悉同前。何故初二在道前。謂要依戒定方能發彼無流聖慧。何故次三在於見道中。斷身見故。得見淨。斷疑故。得度疑淨。斷戒取故。得道非道淨。入見道時十使俱斷。何故言三。涅槃經說。此三重故。謂十使中五見及疑局障見道。餘四通見修。就六中三本三隨。謂身見爲本。邊見隨。戒取爲本。見取隨。疑爲本。邪見隨。是故此三結三隨轉斷。此三結立三淨。後二在修者。以修道中斷障成德故有二也。餘文如論可知。第二菩薩住五地下明。初住地。論名如道行。初總顯中善修菩提分者。牒前四地所修覺分。依起此地十深淨心。後依此心希求此地。不住道行勝。即能得佛者。即能證佛所證真如論經名。隨順如道行。又論云。如是不住道行勝

破彼慢者謂前四地取道生慢即淨心爲治又彼淨心希此勝道復以爲慢如道爲治以如道行於如法中不取著故亦名不住道行勝也二是菩薩下別辨中八句初二起行心一大願力習善提心是起自利行心二慈心不疲是起利他行心餘六所起之行前三自分後三勝進三得福慧善根力故云得念等也又釋得念等三慧之力故云修福智常不休息故云不捨五正修善巧方便之行故云出生等六勝進之始上求無厭故云欲得轉勝等七行修轉勝得他佛力加持故云也八德成在已名自身得勝力故云生定不退論中有三慧可知又以緣平等真如令心不退故也第二如實知下明不住道行勝有二一所知法中智清淨勝即爲自利護煩惱行不住世間二利益衆生動方便勝即爲利他護小乘行不住涅槃此二說有前後理實合行故名不住若不爾者初應住涅槃後應著世間故知俱也就初中先明四諦實法分別後明十諦化衆生差別有十此十種即是於前四諦作十門觀察亦同下文十門觀察十二因緣相似也故喻伽佳品此地中云於四聖諦由十行相似如實了知故也前中苦集二諦有佛無佛體是世間雜染因果滅道二諦性是出世清淨因果故名實法也就後十諦中依地論及遠公作四句分別一制立者謂四諦門中義合法界菩薩於中窮照無遺隨智異論廣別難窮且就一周圓數以

辨十門然並是菩薩自知知相難明故寄所化以顯其異此乃約化顯自所知故論名所知法中智清淨也二開合者或總爲一謂化衆生分別或隨所化大小分二初九化小後一化大或隨化所起分以爲三前五化生令其生解次四化令起行後一化令入證或約人不同離以爲七初一化根未熟二化根已熟三化疑深法者四化認解法者五化離正念者六七八九化正見者十化於大乘可化衆生或隨法不同分以爲十如文若廣分別數別無量三對實法相辨通別者此之十門於前四諦一一皆通一世諦者通觀四諦法相差別二觀四諦體空三通觀四諦非有非無四通觀四諦有無各異五通觀四諦緣起集成六通觀由迷四諦成於苦事七由迷四諦起作集也八通達四諦得證滅也九通解四諦得成道智十窮達四諦緣起實性清淨法界故成大乘菩薩因果四釋文中二先列十名後次第釋論中小乘可化衆生者非是化衆生令入大乘謂化小乘衆生令入大故云也初一根未熟不堪入大爲說四諦十六行等名知世諦此是四重二諦中第三重內世諦也喻伽云依曉悟他故解云經及瑜伽通諸根器地論偏約未熟可知二爲根熟小乘堪入大故爲說第一義法空經云一乘者令小入大更無餘乘故又理無二故亦名一相喻伽云依自內智解云此釋不約所化也三

有人不解第一義諦一向斷滅名爲疑惑深法衆生知相諦者爲知諸法非有非無一實相也故云相諦又釋既聞真諦將謂斷滅於俗故名疑惑深法今爲分別諸法自相歷然故云相諦喻伽依俱處所名爲此說解云即前真俗名俱處所四爲認解等者聞一實諦謂定是一名認解等今知二諦差別非一前即疑一此即迷異五既聞諸差別謂各有體乖違正道名爲離正念者知說成諦者知前差別四諦諸法但隨言說因緣集成無有自性故云說成喻伽云於契經調伏本母名由此說六爲正見衆生者令得知苦斷集證滅修道喻伽云依於現在衆生苦自性依於未來苦因生性依於因盡無生性依於修習彼斷方便性經云至不二法者謂道諦智能至無二滅理故也七爲大乘可化者謂直進菩薩不從二乘來者知菩薩因果於果位而知者但是信解力顯影像觀智非是佛果無盡智知此簡定分齊下離世間品亦如是簡彼約行此中就解餘文可知第二菩薩如是下明利益衆生動方便於中二先總後別初總中亦二先觀有爲過虛僞者觀內五蘊謂妄想常等不相似無故虛此明所取非實也常作我想慢事故僞此顯能取不真是妄是僞謂於前虛相妄取爲我等三誑詐者觀外六塵謂世法盡壞故誑此明所取不實但是誑也世法似續似若有有利而實速滅無利可得而言有者是

①爲十(彼) ②(彼)一 ③法中二法 ④(勝)一 ⑤二一 ⑥有二又 ⑦(似)一 ⑧(法)一 ⑨(諦)一 ⑩(故)一
⑪諸十(謂) ⑫云十(依) ⑬(生)一 ⑭盡十(彼盡) ⑮(性)一 ⑯(顯)一 ⑰彼十(又) ⑱中十(本) ⑲
過十(謂) ⑳相二想

誑也。世法索取愚癡凡夫故詐。此顯能取迷真。謂由妄取令彼世法隱虛詐實。令其貪取。言假住須臾誑惑凡夫者。總結內外。就人彰過。謂妄境引心名之為誑。心迷前境目之為惑。於前有為內外之中。各境為誑。心為其惑。論中牒釋可知。凡夫依止彼正取我慢身。新名異生。會釋可知。下明正起慈悲。於中悲者憐愍彼衆生故。大者勝前地悲。故轉勝者不住道行勝故。慈者勝利益示現故。光明者救衆生方便智成就故。二得如是智慧力下別辨中。二先牒前起後。智力勝前知有爲過。不捨牒前悲慈轉勝求佛。智正明爲物求大義利下正別顯。中先悲後慈。就悲觀中有二。先觀緣集苦二。又作是念下觀深重苦。前中言觀有爲先後際者。總觀先際因後際果也。知衆生等下別中先觀先際。於中初觀流轉後顯無我。前中但言無明有愛者。顯流轉因是凡非聖。理實亦有業等餘緣。何故不說。以無明發業愛能潤業感報。由此癡愛爲本故偏舉之。三求報起故云生。即先際果也。流轉生死者是欲求衆生也。於五陰等者是妄梵行求。是外道非小乘。故云妄也。增苦惱聚者是有求。衆生下顯無我中。言無我無我所者。是自身無我及彼無我事。第一義故無也。然世俗假立依命根力住。釋命者也。數數受生釋衆生也。謂衆多生死是衆生義。數數即是衆多義也。又釋數數受生釋人也。以梵名補特伽羅此云數

取趣。即數數取諸趣受生故也。衆生身心相續。非常非斷。故說有命有衆生。此釋明世俗假有也。破彼慢取意。故說無命無衆生。此釋就破病說。無假法不待破也。遠離能取等釋離我所也。下類顯後際中。謂如前際。以何因緣彼癡愛。隨所有衆生牒前果也。隨所有苦行牒前無我。謂但有苦果及苦因。行本無我也。經中究竟論中盡字。不知究竟有出者離滅道也。不知無出者明。不知有苦集也。二又作是念下明觀深重苦。謂無量世隨逐是其深苦。種種苦事是其重苦。初觀衆生受苦。不厭離。故云可怪。又於無所有中而生貪著。故云可怪。下明可怪所由。謂無明癡故。已今當滅者是無量世隨逐苦也。二如是生死下牒前可怪。後明種種苦也。謂不生厭。可怪。況更造集令苦轉增。五道苦輪者是身生苦。生死水漂等者是集愛也。歸五陰等者明離彼滅道也。不知不畏等者明有病苦。謂四大相違故。似毒蛇不能拔出等者明具彼集。故釋有四句。一妄梵行求衆生不能拔出。憍慢見箭。二欲求衆生受欲者不能滅除貪患癡火。三欲求衆生行惡行者不能破壞無明黑闇。謂爲見少利行大惡行。後受大苦名爲黑闇。四有求衆生不竭愛。海不求十力等者遠離滅諦。謂佛果大涅槃稱爲滅也。下明離道諦。隨魔意者失道緣也。惡覺轉者乖道因也。悲觀竟第二如是苦下明大慈觀。於中二。初慈衆生修善。二發願益

生。前中先牒前苦衆生處之孤獨無救。謂於已現受苦無有能救。於未受苦無所依得免。此明在苦無救。經欠無依下明於惡無治。此經有一句。論經有四句。謂近友聞法思惟修行。初善友。陰人事等。如舍不能親近。故云無舍也。二聞法如洲。依之即免四流水所漂。不能聽聞。故云無洲。三靜思窮義名爲究竟。不能思故名無究竟。四修慧正見事等。如目不能修故名無目。唯我一人等者。諸佛菩薩充滿法界。何故言孤獨。不欲復待彼助。已度顯示勇猛勝事故也。增長福智依向所化。令近成人天因遠作涅槃因。畢竟淨者令得涅槃果。無礙智力者得菩提果。餘如論釋。二如是思惟下明發願益生。初句總。謂上文於苦無救。今明與善。皆爲拔苦。故云皆爲度故。下別辨九種。一已住善者不令生退失。於樂果。二不善衆生令得修善。又此利樂不同如前具釋。三濟貧乏是順緣不足苦。經欠此句。四救繫囚。是遠緣所逼苦。於中先外緣所繫苦。五病等是內因所發苦。六化令正。住。七斷疑令解。八三學令行。九令得滅果。不住道行勝竟。

第三大段彼果分中有二。先行有四種。一攝功德勝。二修行勝。此二自利。是前所知法中智清淨果。初自分後勝進也。三教化衆生勝。四起隨順世間智勝。此二利他。是前勸方便果。初化他行後化他智。初中初三句論有二。釋先配三慧可知。次配二巧。謂初句總舉。

①智十(慧) ②(別)一 ③我十(等) ④不十(知) ⑤可二(可) ⑥(怪)一 ⑦(已)十(可) ⑧似二(如) ⑨(能)一 ⑩海二河
⑪衆生二物 ⑫(舍)一 ⑬(孤)一 ⑭(拔)一 ⑮度十(生) ⑯四二附 ⑰住二信

二別知法，三別知義，亦是二持可知。以總攝別，是故論中名為攝聞勝也。次二句明戒勝，初微犯能悔，後堅持不犯，前中內有慚愧折伏柔和發露向人，名為自護，又被化舉罪，亦由慚愧能忍，斯辱名為護他。二戒無微缺名，堅心不捨也。下五句明智，一知因緣智，謂果由因名是處，不由因名非處，此治無因，又善惡因得樂苦報，名為是處，反此為非處，此治倒因也。達此之智名為覺者，二證理智，外分別名為魔事，證智能治名不隨他，三知教智，謂正說為是，邪說為非，交參為難，簡邪得正名為隨慧，四神通智，謂現神通能治邪，歸眾生令向正故，五化眾生智，可知。一善集福德，下明修行勝於中十一種，一無厭為因，集福增長，二依進為因，求智不捨，三釋如論可知，四不起邪思，令戒光潔，論經欠此句，上四是自分行，下明勝進行，五起佛果法行，六起佛依報淨土行，論釋中具二種嚴，一約人，謂住處眾生淨，無煩惱是斷德，堅智是智德，二約法，謂佛果位諸功德法以為嚴也。七依佛正報相好法身起彼行求也，八依佛三業作用起行，九敬重法行，以行依法成，故敬求也，十顯取三有巧攝眾生，在染不污名，心無礙，十一日夜常念攝取眾生，離小乘心，名離餘心也，第三菩薩如是行時，下明教化眾生勝於中初一句總明，攝生二以色身等，別明同事應機，三以說法斷疑，別顯愛語，下別明利行攝生，四於

菩提無方便，眾生不解菩薩所行道等，故示行事令解修行，五雖解修行，然疲倦不進故，示佛果大利益事以勸進之，此二化大乘眾生，六為欲求有求眾生，示世過患令不樂也，下二句化梵行求眾生，七為小乘正梵行求不信大乘者，示佛大智廣益，眾生八為外道無智邪梵行眾生，以身業現通，語業教道，令捨邪入正也，九總結結行成，有四句，二因緣方便結前四攝攝生也，二心常在佛者為化眾生求佛勝力故，三不失善根者所得福智皆不退失也，四又復常求等者，彼所修行欲令增勝，勤修行也，第四是菩薩利益眾生，下明隨順世智勝染障對治中有十句，一知經書等，二金石等，三治病等，四伎樂等，五日月等，六施戒等，此六正是隨世間智，七不惱事，八安生事，九哀愍出，十令入佛法，此四是結意，就前中初五是障治，後一是染治，以戒等離染故，就前中初句內治四種障，一書治所作事中忘障，取與等事中障也，聞法等解中障，作不作等行業中障，一作不作者善作惡不作，二於善中有已作未作，三於未作中隨時益生應作不應作，二經者論經名論，因論治邪見，以四校量正理故，聲論治軟智，以解了文章聲字，生勝智故，三論經印者，印記分明，不假守護故治彼障，又伎藝當印，又是六藝等文章亦是聲論，四以數知多少，算記其位，令不生疑故治彼障，上總是因聲，二論也，二金石等者，以工巧

論能治貪也，三治病下是醫方，論病有三種，謂乾消等內四大不調相，鬼著等是外眾生相，蠱毒等通內外，亦四大是草毒也，亦眾生相是毒蛇，此等或但成病，或致令死故為因也，呪藥二種通別治其四，妓樂等治憂惱障，國土等治不喜樂障，金銀等治世間繫四等障，五日月等能治報分過，作惡因障，謂觀災相，修善排惡故說治也，囉等攝者謂日月五星為七曜也，五星謂東方歲星等，二十八宿，謂角亢等，日月五星於中宿故，論中入八業果，一日二月三星四宿五吉凶六動地七夢八想，此中名怪也，身中諸相者愛不愛果行故，謂由有過去愛果因行，今有相，不愛亦爾，六布施等是內明，論是染對治有六句，一施治慳染，二戒治破戒染，三禪治貪欲染，四神通治邪歸染，五四無量心治妄行功德染，謂殺生祭祠而求福者名妄行功德，四無量能治也，六四無色定治妄修解脫染，以外道等妄取無色以為解脫故，下明後四起世間智，有四種相，一諸不惱等是異障中無障，謂無捕獵等惱眾生之障，二安樂生是與無過樂，謂樂不生罪故無過也，三哀愍等是發起清淨，雖令眾生無苦有樂而著欲放逸，是故愍彼故，令離放逸，故云發起淨也，四令入等所用清淨，謂離不放逸，不求出道，是故令入佛法受用淨也，又釋此四句從後向前結前六句，謂令入佛法結前第六施戒，二哀愍等結前第五，以示日等災怪令

①斯摩二摩斯 ②二十(於) ③(因)一 ④智十(謂理) ⑤明二七 ⑥具二各 ⑦(也)一 ⑧(別)一 ⑨(乘)一 ⑩行二求 ⑪福二德 ⑫退二遠 ⑬(勝)一 ⑭出二生 ⑮校二格 ⑯者十(是) ⑰巧十(致) ⑱令二命 ⑲四二閉 ⑳想二相 ㉑(名)一 ㉒今二令 ㉓嗣二祀 ㉔彼十(衆生)

華嚴經探玄記卷第十二

華嚴經探玄記卷第十三

魏國西寺沙門法藏述

離放逸故。三安衆生事結。初四門。以同與樂故。四諸不惱亂衆生事。結前亂衆生六中初三後二。以此五門即五明所攝能除。開障。俱。而能生智。是故論中釋前三句超。舉後二。良爲此也。其第四句但爲與樂。而非生智。故非此結。餘如遠疏應知。第二就地果中。三果科釋同前。言得轉勝多聞三昧者。論經名多聞陀羅尼者。非義陀羅尼。謂對勝彰劣也。以平等淨心難得等者。對劣顯勝也。以能具二難故得聞持。一地初平等心難得。二樂出世間現世間難。此是不住道行勝也。以此地智光證是真如事故。況金器。神樂磨瑩等。日月等喻教智淨。依阿含增長智慧光明勝於前地智故。謂勝前地珠光故也。餘並可知。第三重頌中有三十九頌。初十一頌前勝慢對治。於中初二頌。十平等。次二頌道品。鐙杖喻。次二勝行嚴身喻。次二師子吼法喻。次三頌前初住地。同念不退心。論名如道行。第二常爲下十三頌。不住道行勝。於中初四頌前所知法中智清淨。二如是觀下九頌教化衆生勤方便。於中初一頌半頌總觀虛僞生悲慈二心。次三頌半頌悲中觀緣集苦。次三頌觀深重苦。次一頌大慈觀事。第三常住正念下七頌彼果勝中。初一頌攝功德勝。次一頌半頌修行勝。次半頌教化衆生勝。次四頌起世智勝。下七頌地果。初三調柔。次三半頌攝報。次半願智。後一結說究竟難勝地。竟。

第六現前地亦七門同前。初釋名者。攝大乘云。由緣起智。能令般若波羅蜜多現在前。故名現前地。世親釋云。謂此地中住緣起智。由此智力。令無分別智而得現前悟一切法無染無淨。無性釋意及染論等並同。此說解云。由加行智引根本智。證於真如無染淨法界。令現前故。解深密經現前觀察諸行流轉。又於無相多修作意。方現前名現前地。解云。此有二義。一現前觀。察諸行流轉。二由多作意。令無相觀方得現前莊嚴論云。不住生死涅槃。觀慧現前。名現前地。十住論云。降魔事已。菩薩道法皆現在前。仁王經名爲法現。成唯識論攝論。瑜伽同深密金光明等。更無異說。十地論等如前已辨。第二次第者。亦有二義。一前位寄聲聞。此明緣覺。寄法過前。是故次來。二四地雖出。世不能隨。五地能隨。世間而不能。破染淨見。此地觀察無染淨法界。破彼見故。是故來也。三唯識論云。雪前五地中有相觀多無相觀少。第六地中無相觀多有相觀少。第七地去純無相觀。今此地於無相觀退少入多。是故須來。第三所離障者。依十地論微煩惱習障。解云。以此位中修無相

觀多。障與此違故說微習。又形前地障說此爲微。理實即是所知障中俱生一分執細染淨。達於六地無染淨法界。故以爲障。良以五地超於三四染淨別位。合令同處。而二相未盡。至此方除故說微細。唯識論云。名龜相現行障。謂所知障中俱生一分執有染淨龜相現行。彼障六地無染淨道。入六地時便能永斷。由斯六地說斷二愚及彼龜重。一現觀察行流轉愚。則是此中執有染者。諸行流轉染分攝故。二相多現行愚。即是此中執有淨者。取淨相故。相觀多行。未能多時住無相觀。解云。初愚執苦集流轉門。後愚執滅道淨相門。金光明云。一行相續了了顯現無明。二法相數數行。至於心無明。解云。此後無明還滅淨相數於心現。達彼長時多無相觀。故以爲障。染論深密瑜伽同唯識辨。第四所證者。依攝論證無染淨法界。世親釋云。本無雜染。性無染故。既無雜染。即無清淨。唯識云。六無染淨真如。謂此真如本性無染。亦不可說後方淨。故無性中邊並同。此釋。又中邊論云。由了達此知緣起法無染無淨。攝論云。了知此義。入第六地。第五別行者。十度中當般若行。當地中緣起觀增上。慧行。莊嚴論第六住不起染心。而依緣起受生故。尋下文。第六別果者。染論通達無染淨法界。得自他相續無染果。金光明六地發心得日圓光焰三昧。當地行果及位果。尋文可知。第七釋文中三分同前。初讚請分中十八頌分五。初二菩薩聞

門二句 而一 非十得 具十隨順能超 況二說 神樂二事染 同二得 頌一 是十五地 下十 多十能 基二惠 降二除 過二超 大二須 世一 廣十 前一 一十諸 法二諸 染十淨 日圓 光焰二花嚴 光焰

法供養讚歎。次二諸天歡喜供養。次二天王眷屬供養。次十一天女歌樂歡。佛功德於中初二總歎說益。次三歎大智證空。次一歎大悲攝物。次四歎理行無礙。次一天女靜默下一上首請說。第二正說分中。論同前地。科爲三分。但前却爲異。謂前地趣地方便。及初住地同名勝慢對治。此中初住地入不住道行勝慢。以漸勝故。初勝慢對治者。以前五地觀四諦法染淨相故名取染淨障。是故十平等通觀一切法平等也。文中有三。初勝前起後。二何等下正顯。三如是下結行入地。就正顯中。此十平等分以爲三。初八以無破有。次一以有破無。後一有無雙破。又初一是總。餘九爲別。前中言一切法者。論名十二入爲一切。以蘊中不攝無爲法故。界處攝盡故。初十二處。解一切法。以根塵境識此皆不離三無性故。是故云無性故平等。論經名無相者無性相也。故論。十二入一切法自性無相平等故。下九別中。論主立九種相對治。現無相。初一句明十二入自相。但是妄想所作實無所有。故云無相。論經名無想者。爲明彼相即是想。故云無想也。二外疑云。既所取唯想可說。相空。想能現相。想應是有。論云念展轉行相謂念猶想也。釋意明此想念還依妄相展轉無體。故云無生平等也。餘經云從心想生與心作相和合而有共生共滅同無有住此之謂也。三疑云。既說想相展轉互依。是則諸法生成建立豈是空邪。釋明相依

想故所取不成。想還依相能取不立。互依兩壞。故云無成平等也。此上破於迷苦諦執。四疑云。苦是所生可說爲空。集諦能生豈非是有。論云染相故。釋明惡業本寂自性離故云平等也。此文在第八句。准論應在此處。故此辨耳。五疑云。苦集染法可說爲空。滅道淨法豈非是有。論云淨相故。釋明染法既空無染可翻。不可說淨故云本來淨也。上來遣相。六疑云。若染淨俱空即不應起種種言說。既有名言。明知即有所目之義。論云分別相者名言分別也。釋云但名依義立。義由名現。觀彼義因不見名果。又觀名果不見義因。爲此世間有得名不得義。有得義不得名。故知尋名取義。俱是妄想戲論。故云無戲論平等。七疑云。若染淨名義一切皆空。何故菩薩捨染求淨。既有取捨。豈無諸法。又云妄法既空即驗真理是可證取。論云出沒相者。淨法可取名出。染法可捨名沒。釋明妄法即空無可捨離。真理離念不可取得。故云無取捨故平等也。攝論云。若於生死非捨非不捨。若於涅槃非得非不得。又維摩云。若達生死性即是涅槃。於其中不取不捨者是爲入不二法門。是此義也。八疑云。上起真妄有見。故以無破之。若爾斷無二諦應當正理。論云我非有相。問此我非有豈非正理。何故以爲所治之相。答以取此我非有之相。同斷滅無故是失也。釋如幻緣起不礙存故。不同斷滅。故云以幻等故平等也。九

疑云。我先取有即破爲無。我復取無復說幻有。是故我今取亦有亦無應。正道理論云成壞相者。成是有相壞是無相。釋有二途。云我前破汝謂有故說無。非謂法體實是無破。汝執無故說有。非謂法體如情有。是故正理非是有無故云有無不二故平等也。一云我前說無。是不異有之無故非無。又我前說有。是不異無之有故非有。是故離無無別有可與無爲二。離有無別有可與有爲二。故云有無不二故平等。此中非是有無互遣名爲不二。亦非有無合名爲不二。亦非總無有無名不二。但是有則是無。無則是有。故名不二思之可見。三結行入地中。初總結入位。二菩薩如是下別結。別結中如是觀等。據前所觀十平等法。觀言能忍者忍。受正理遠離障垢故。又忍證深理無分別想。故名忍也。隨順者謂此觀智隨順平等真如法故。明利者能對治微細慢故。前四五二地亦同得順忍。除障未細不名明利。以四地所除解法慢障最難故。得真品順忍。更猶下也。五除身淨慢。中故得中品忍。此取染淨法分別最細。故得上品忍。故名明利。下品能對治上品所治。乃至上品能對治下品所治。障治相翻理必然故。言無生忍未現前者。以七八地上是無生忍位。此地非彼故云未現。然順被忍故名順也。理實初地亦得無生。爲寄五忍以配諸地。故作是說。謂地前名伏忍。初二三地寄在世間。名爲信忍。四五六地寄二乘位。名

①科二科②解二辨③也一④二一⑤現二顯⑥下同⑦唯二准⑧性一⑨俱二但⑩捨非一⑪復二後⑫對治二治對⑬前二不

即爲十段。一一門中皆作四門解釋。一依經別釋。二依論初約厭離有爲釋。三約大悲隨順釋。四約一切相智分別釋。如是四重依經及論收攝方盡。

就第一段中四門之內。先約經文。名因緣分次第觀者。此中正現有支無我觀。於中有二。初明倒執有我妄起緣分。二又作是念下明迷諸諦理起緣次第。初中有三。一辨定無我。二迷成緣起。三結依位行。初中二句初言世間受身由著我者。反舉或情明我非理。若我理有著我順理。應得出世。既生世間。明我非理。二若離著我即無生者。順舉解心明理非我。若理有有我。離我達理。應生世間。既得出世。明理無我。二一切凡夫下明迷此無我起彼有支。於中先順觀緣起後逆觀無我。前中隨邪念等者。是餘經中不正思惟爲無明因也。愚癡著我者。正是初無明支也。習起等者明行支。由彼無明迷世因果造於罪行。迷出世因果造福及不動。謂感三惡趣業。及於人天別報苦樂皆是罪行。感欲界人天業名福行。感色無色界業名不動行。三以是行下明識支。然識支餘論說有二義。一是所引。謂本識中異熟識種。此取種子。二是能引。謂五果種子所依本識名爲識支。此是現行第八。今此文中約後義說。以是行支爲能引故。引起識中五果種子。令熟至有故云。以是行故起有。流心種子也。此爲能引所引一對。言有流有取心故起生死者。由愛取有

故生。生老死。此是能生所生一對。以五果是名言種子通無流位。今行所引明非無流。故云有流也。此中無愛字者是略也。四所謂下辨識生名色等。然有六緣。如世種。植一業爲地者。望所生報爲增上緣故。如地也。二識爲種者。五果種子爲彼親因故。如種子。但以能依種子不離所依之識故云。識如種子。此即舉所依通取能依故也。三無明覆者。受生時無明迷父母等。如世種植下雖有地中有種子。要須上有土覆。四愛水潤者。於父母起染愛等心。潤其受生。如雖土覆。要須濕潤。五我心既者。計有己身。能有所作。如雖濕潤。須人溉灌。六種種見者。以異見網覆令無流法不能得。壞。如世種植須網羅護。不令鳥雀所損。言生名色。牙者明所生果。謂識入胎時。五果種子爲無明業。引愛取潤故俱熟生果。但現之有前後。皆前引後起故云。因名色故生諸根等。非謂名色是諸根親因。餘亦如是可知。三是十二下明逆觀無我。四菩薩下結位所行並可知。二又作是念下明迷諸諦理起緣次第。於中亦二。初順後逆。前中不如實知第一義者。此有二義。一通舉第一義諦。是十二有支所依之本。明依真起妄現有支無體。以無明最初故。先明依起餘支類。此皆依真起。二別顯此是無明所迷。謂此無明由迷二諦造於三行。是故論經名諸諦第一義也。前段明所造三行。此中現所迷二諦。文綺互耳。由各爲增上

緣力。引前起後。令相續成立故也。有四取陰者。但識支有二義。一若賴耶爲識支。餘識即屬名色支中名支攝也。二若通第六識亦入識支。即色受想行。此四陰爲名色支。今約後義故作是說。餘文可見。逆觀中無作者。是人空。無作事是法空。依經釋竟。第二依論約相諦分別釋中三段內。初門名成答相差別。於中門別有四。相從爲三。要攝爲二。總之爲一。四者一舉彼解惑顯成無我門。二論經愚癡下。經本一切凡夫下明責情現。理三依論經無智下。依經本癡盲等下。名辨相現實門。四不知第一義下。明依實辨相門。二相從爲三者。四中初一名成。謂釋成無我。次二名答。答現無我。後一名相。謂依諸諦理立緣生相。要攝爲二者。前三門宗現無我故。一處舉釋。後之一門宗現緣生。依真起相故。別舉別釋。總爲一者。謂第一成答相差別也。論云。五道中所有生死等者。釋世間所有生處等也。下開三門。就初釋成中四句。一總釋成無我。二一切世間下。牒舉經也。即無我義成者。但案經即是現成無我義。三若第一義下。即事現成無我之義。有二句。一若實有我不成。凡夫過。二若我實有不成。聖人過。何者。若第一義中實有我者。定其所取。著我之心。即第一義智者。辨定能取也。不應世間生者。正出過也。謂若第一義中實有我相者。凡應是聖。此爲立宗。以有能證第一義中實我智故。此爲出因。如諸聖者爲同法喻。此

①或一惑 ②(若我非理)二十字 ③(有)十前 ④(行)一 ⑤流二濕 ⑥下阿 ⑦植二狀 ⑧土十(潤) ⑨得壞二得 ⑩得生 ⑪引十(發) ⑫(位)一 ⑬理十(門) ⑭過二通

則凡同聖智。過應無凡夫。理既不爾。明知無我。又聖應同凡宗。因云以理實有我。聖證爲無。違理倒惑。非聖智故。如諸凡夫。應生世間同喻也。此則聖同凡倒。過應無聖人。理既不爾。明知無我。此壞聖失也。準前此文欠一句。應云離著我心則應非。是第一義智。無我既非第一義諦。離我之心豈可得名第一義智。言應常生世間者。以理正徵。若離我心非勝義智。應不證涅槃。常生世間故。前句中凡夫既有第一義智。屬道諦攝。應得涅槃。不在世間。此文現於無我真理。同前可見。四現示下舉經對現可知。第二釋答中。謂難在文外故云。答也。有兩難二答。初執情微理難。情乖正理。答。難云若理實無我。應著無我。云何著我。既著於我不著無我。明知有我如虛空無人。豈有計人。立量可知。下答以疑所盲故。於無我處而執爲我。如目有翳空中見華。豈可空中有此華也。比量可知。二如是實無有我下執相微實難。相不依我答。難云若當有我。可令無明作緣行次第。既云無我。唯爲次第乃至老死。此示現下舉經正答。由癡造業業行起。識乃至老死。如世種植相生次第。何用我耶。答意如此。於中佛常爲有。求斷爲無。希求是愛。無智是癡。煩惱無量。何故偏舉此二種邪。以是有支根本故。次釋行中三句。一釋邪念。二邪道。三妄行。以菩薩行有不妄行。故次釋識支等。先併舉經文是中下釋以異熟賴耶正是

報體故云示生老死體。又釋種子識爲彼因故。云如來藏賴耶體也。又釋爲生死性。故謂此識復能隨順攝持餘支種子。令得成就。能所引生。故云隨順攝取等也。罪福等業爲地。遠釋云。如是住者是色支。如是生心者是名支。結所生名色也。今更釋如是住者是識種業地。如是生心者是癡覆愛潤。此結上四文也。又釋此總標經中我心灌等。謂作如是安住。生如是心。我是我所等。謂見已爲我。如男子受生見父精爲己有故。爲我所。又見母爲己妻。亦是我所。女人反此。言我我想是慢者。慢前我及我所。二想爲慢。自見與父共競。女色謂己得勝。便起想慢。女人亦爾。言我生等釋見網。謂遠云。見已唯在此處生。不餘處生。故云我生不生。又云見常爲我生。見斷爲不生。今釋見已正報。以爲我生。見所遊依報名爲不生。以受胎時或見遊華林或居殿堂等。異見非一。故云種種。以見執難捨如網覆也。下釋逆觀。以緣起法無性故滅。非是智力斷故名滅。下結前生後。若緣無我更依何法。緣相得往。下舉經對現明緣起相依。真而起。論中無明作業。稱名色者。遠公引婆沙。名色有二種。一方便名色。二報名色。若言名色緣。識是方便名色。若說識緣名色是報名色。今既說行以爲名色。故知是彼方便名色。言彼依止者。阿賴耶識是彼名色等所依止故。此約依持門說。二名色與識共生者。是相生義。三相依義。謂識由名

色得起。名色由識得存。下釋逆觀作者作事人法皆空。是名結前。云何問後證此真諦得解脫。答今舉緣生以辨彼觀故也。第三約論大悲隨順中四段之內。此名第一愚癡顛倒者。不解無我名爲愚癡。謬執有我。稱曰顛倒。論中初總釋。謂菩薩觀此第一門十二有支總是癡倒。隨順菩薩大悲之心。故云此事觀故也。下別釋中。先解愚癡。後一切凡夫下釋顛倒。前中先釋癡相。謂著我故生。離我不生。舉離不生現著是癡。次釋癡名。云何問也。無明闇者。以無慧明體是闇。故名爲愚癡。經估可知。二釋倒中。癡盲著我如是倒者。是取我之倒。有相有支中疑惑倒者。是取我所倒。此釋經中無智求等。乃至盡此一門。皆是顛倒。菩薩觀此於諸衆生深起大悲。第四約一切相智分別者。明此十二有支總是一切種智所知之法。攝十爲九。此初門中前半爲一名染淨分別觀。謂著我爲染。離我爲淨。然此一文具含多意。且舉四釋。謂經中明是妄取我。故起此緣生次第之相。二論家初意。舉此解惑以現無我。成無我觀。三舉離我不生現。我是癡順。成悲觀。四取此解惑以爲所知染淨之法。下半門以是依真起故。屬後依止觀攝也。釋初門竟。

第二就一心所攝中。亦四門同前。初約經分二。先明心作三界是約集起門。後明心持十二是約依持門。前中言三界虛妄但一心作者。此之一文諸論同引證成唯識今

①理既一現見②(緣)一③同二自④(下)一⑤示二余⑥(二)一⑦(以)一⑧云十(體也又釋)⑨(也)一
⑩更釋二釋更⑪(見)一⑫後二故⑬前二別⑭(有)一⑮成二惑

此所說是何等心。云何名作。今釋此義依諸聖教說有多門。一相見俱存故說唯識。謂通八識及諸心所并所變相分本影具足。由有支等薰習力故變現三界依正等報。如攝大乘及唯識等諸論廣說。二攝相歸見故說唯識。謂亦通八識王數差別所變相分無別種生。能見識生帶彼影起。如解深密經二十唯識觀所緣論具說斯義。三攝數歸王故說唯識。謂亦通具八識心王。以彼心所依於心王無自體故。許彼亦是心所變故。如莊嚴論說。四以末歸本故說唯識。謂七轉識皆是本識差別功能。無別體故。楞伽云。藏識海常住。境界風所動。種種諸識浪。騰躍而轉生。又云。譬如巨海浪。無有若干相。諸識心如是。實亦不可得。解云。既離水無別有浪。明離本識無別六七。廣如彼說。五攝相歸性故說唯識。謂此八識皆無自體。唯是如來藏平等顯現。餘相皆盡。經云。一切衆生即涅槃相。不復更滅等楞伽云。不壞相有八無相亦無相。如是等文。成證非一。六轉真成事故說唯識。謂如來藏不守自性。隨緣顯現。八識王數相見種現。故楞伽云。如來藏爲無始惡習所薰習。故名爲識藏。密嚴經云。佛說如來藏。以爲阿賴耶。惡慧不能知。藏即賴耶識。又云。如來清淨藏。世間阿賴耶。如金作指環。展轉無差別。又勝鬘經實性論起信論皆說此義。成證非一。七理事俱融故說唯識。謂如來藏攝體隨緣成辨諸事。而其自性本不生滅。即此理事混融無礙。

是故一心二諦皆無障礙。起信論云。依一心法有二種門。一心真如門。二心生滅門。然此二門皆各總攝一切法。勝鬘經云。自性清淨心。不染而染。難可了知。染而不染。亦難可了知。解云。不染而染。明性淨隨染。舉體成俗。即生滅門也。染而不染。門即染常淨本來真諦。即真如門也。此明即淨之染。不礙真而恒俗。即染之淨。不礙破俗而恒真。是故不礙一心雙存二諦。此中有味。深思當見。經云。於諦常自二。於解常自一。論云。智障極官闇。謂真俗別執。皆此義也。八融事相入故說唯識。謂由理性圓融無礙。以理成。事事亦鎔融。互不相礙。或一入一切。一切入一。無所障礙。上文云。一中解無量無量中解一等。含那品云。於此蓮華藏世界海之內。一一微塵中。見一切法界。又此品下云。於一微塵中。現有三惡道天人阿修羅等各受業報。如是等文。廣多無量。如上下經說。九全事相即故說唯識。謂依理之事。事無別事。理既無此彼之異。令事亦一即一切。上經云。知一世界即是一切世界。知一切世界即是一世界。又云。知一即多。多即一。等廣如經文。說十帝網無礙故說唯識。謂一中有一切。彼一切中復有一切。既一門中如是重重不可窮盡。餘一門皆各如是。思準可知。如因陀羅網重重影現。皆是心識如來藏法性圓融故。令彼事相如是無礙。廣如上下文說。上來十門唯識道理。於中初三門約初教說。次四門約終教頓教說。後三

門約圓教中別教說。總具十門約同教說。上來所明通一部經非局此地。又是約教就解而說。若就觀行亦有十重。如一卷華嚴三昧中說。第二依持門中有三。初標宗。二所以者何徵責。謂小乘中十二有支。三世次第前後引生。如何說言皆依一心。下釋云。離本識心一切不成故。於中初總釋三支。俱唯是識。後別辨餘九亦唯是識。前中言隨事者隨其行業。於何趣中從中陰內起。求生愛心。故云生欲心。此心起時與本識中識支種子同時起。至生陰時此求生心滅。唯本識託歌邏羅等。如種種牙生等。故云是心即是識。論經貪欲共心生者。謂第六識中求生時。貪欲共阿賴耶識同時起。故中陰未時。貪滅心續名爲受生。彼所造行變爲境界。謂殿堂等。名爲誑心。以不知故。取之爲實。名曰無明。此是受生無明。非是發行無明。此中大意明受生時。行事是能引。欲心是能潤。此二於識支前說誑心無明亦是能引。以誑故。令取亦是能潤。此二居後。引潤本識中五果等種種生所生果。現起分位有次第。故說名色等。是故十二有支皆唯是識。識外無物。文意如此。餘文可見。第二約厭離有爲。就相諦分別者。論釋此是染依止觀。言二諦差別者。論主意將所依心體是真諦能依有支是俗諦故。此一文名爲二諦。此釋總標文也。言一心雜染和合因緣集觀者。釋所以者何下文。謂一心是真。雜染是俗。即明此心隨染和合雙

①密一蓋②(王)一③實一異④成一識⑤展一屬⑥論一⑦破一礙⑧(深)一⑨十(發)⑩(說)一
⑪(一)十復⑫(教)一⑬(說)一⑭起二應⑮以不二不以⑯受二爲⑰淨二離

辨二語。是勝聲中不染而染等。第三約大
悲隨順分別者。論名餘處求解脫。是諸凡夫
如是愚癡顛倒。常應於阿梨耶識及阿陀
那識中求解脫者。此是舉正現邪言。乃於
餘處我我所中求解脫者。此顯邪乖正。以
諸愚夫背正從邪。深可悲感故。此對治下
舉經顯治可知。第四約一切相智分別
者。論名依止觀。謂分別有依止有二。謂
依真性及依心識。此中二語通是二依。明
是大智所了之法也。

第三自業助成中亦四門同前。初約相用
分別。此十二支。皆有二義。一明自行相。二
助成後用。謂緣中癡惑是無明自相。與行
作。因是助成業用。論經名自業成。問於四
緣中此十二支具有幾緣。答成唯識論第八
云。諸支相望增上定有。餘之三緣有無不定。
契經依定唯說有一。愛望於取。有愛望於生。
有因緣義。若說識支是業種者。行望於
識。亦作因緣。餘支相望無因緣義。而集論
說。無明望行有因緣者。依無明持業習
氣說。無明俱故假說無明。實是行種。瑜伽
論說諸支相望無因緣者。依現愛取唯業
有說。無明望行愛望。於取。生望。老死。有
餘二緣。有愛望於生。愛望於愛。無等無間緣
有所緣緣。餘支相望二俱非有。此中且依
隣近順次不相雜亂。實緣起說異此。相望為
緣不定。諸聰慧者如理應思。解云緣起
經說唯增上緣一切定有。因緣四位。謂二是
實有。一但增愛為取。無別種故。二有支中

具五果種。望生有親生義。若唯說業以為
有支即無因緣。二是假說。謂無明持行種
識為業種。其等無間緣有三位。一無明望
行。二愛望取。三生望老死。其所緣緣有
五位。於前三位加有。望生愛望。餘之六
支總無所緣及等無間餘義如別說。二約
厭離有為分別者。於染因觀內名他因觀。
以前支望後異故名他。前能起後與他為
因故云。他因各辨行相顯他義各能生後
顯因義。論釋死支。以不見知令相續者。
此是無明何故屬死。釋此是死時。無明因
死而起故也。三約大悲分別中四門內。此
當第三異道求解脫。於顛倒因中求解脫。
倒因三種中此文治彼自性因故云。不應如
是求。何以故者將欲廣釋故徵也。謂我佛
法中因前支起後支。斷前因故後果不生。
即得解脫。汝說冥性為因。縱知之何由可
脫。故云不應也。言因緣有支等者。總舉
經文顯正治邪可知。四約一切相智分別
中九門之內。此當第三方便觀。因緣有支
二種業能起。因緣事者。略釋顯中之前巧起
後名方便等。餘文可知。

第四不相捨離觀中亦四門同前。初約不
相離者。謂前能起後。離後無前後依前起
離前無後。不相離故各無自性。無性緣起
如幻現前。此為順觀逆成一真理平等觀。經
文可知。二約厭有為分別。論名自因觀。
無明等自生因觀緣事故者。謂無明生行是
自生。因問無明行異。云何名自。答以行賴

無明無自體故。緣力全攝。非是分故。前
明不即故說。他因此顯不離名為自因。有
人引此子果之文。明無明支有種子現行
者。非此文意。又遠公以五義釋此文。明子
時是前無明能生後無明。令行不斷。與行
別時。果時是後無明從前生。助成行故。與
行同時等。今尋此文。意只發行無明為子
時。所發之行為果時。以行是無明果故。說
無明有二時。問無明望行無親因義。云何
說行即是無明果時。答無明是行增上緣。故
名為子時。行是無明增上果。故名為果時。
文中有四。初開義門。二明不離。三顯不即
四總結同。初中先開。後是中下釋。言子時
令行不斷者。以無明為行因。故有二種義。
緣事示現者。以子時為緣果時為事故。餘
支二義類此。應知。故云餘因緣分等。二自
因者下釋。不相離有三句。展轉釋成。初自因
者不相離故。二云何不離。以現見離前支
無後支故。此顯離子無果。故說果為子
果。三不離。無明即成行者此順釋。不離子
無明即成果故名不離也。三若不離下釋。
不即義。先顯二過失。後引中觀論頌釋成。
言不即因者以是所生非能生故。不異因
者從於能生所生故。以果不則因故。果不
斷。因不常。以因果不異。因故。果不
常。因不斷。又以不則故因果俱不斷。不異
故因果俱不常。又亦反此思之。又以則不
離是不則。故即不常為不斷也。亦思之可
見。四自生下總類結同可知。三約大悲

○(例)一○ ○(業)一○ ○(皆)一○ ○有十(有)○ ○持二時○ ○愛二受○ ○於十(望於)○ ○應二隨○ ○二二一謂○ ○
○(明)一○ ○有二行○ ○(緣)一○ ○(之)一○ ○之十(謂)○ ○厭十(離)○ ○(因)一○ ○(爲)一○ ○(下)一○ ○
等二別○ ○(也)三若不離○ ○(以果)一○ ○(果)一○ ○

分別者。謂邪見衆生執顛倒因內。自在天爲衆生因。甚爲可惡。今此文。顯無明作行等。故對治彼執。故爲因觀也。四約一切相智分別者。當第四因緣相觀。有支無作故者。明此有支非直後依前故。明後無性亦乃前能作。後前亦無作。故諸緣起是種智境界。

第五三道不斷者。四門同前。初約經爲三道不斷者。煩惱有二。謂能發能潤。雖諸煩惱皆能發潤。然發業位無明力增。潤業受生愛取力勝。故偏說也。以無重發立一無明。數數既灌。故分愛取。業亦有二。謂未潤已潤。業在引因愛取未潤初起。造作相顯名行業。在生因愛取已潤。近生當果立名爲有。此約唯業有說。苦亦有二。謂在因與果。識等五種唯是報因。生等二位但是報果。以就所引因位。難知差別相。故依當果位別顯五支。謂續生時因識相顯。大根未滿。名色相增。次根滿時。六處明盛。依斯發觸。因觸起受。爾時乃名受果究竟。依此位立。因爲五支。果位易了。差別相。故總立二支。以顯三苦。然所生果若在未來。爲生厭故說生老死。若至現在。爲了知分位相生。說識等五具。如唯識論第八中辨。又此惡業苦三爲流轉之相。如淨意菩薩所造十二緣論頌云。煩惱初八九。業二及與十。餘七說爲苦。三攝十二法。從三故生二。從二故生七。從七復生三。是故如輪轉。一切世間法。唯因果無人。但從諸空法。還生於空法。解云。此

辨三道相生。顯二無我。廣如彼釋。二約厭離有爲分別者。論名攝過觀。所謂三道攝。苦因苦果。深厭離故也。三約大悲分別者。論名異道求解脫。內對治苦行因。謂邪苦行但是煩惱業妄想因。故非樂因。故如經是中無明愛等。四約大智分別者。論名入諦觀。三道是苦集諦故。是大智所知法也。瑜伽幾支苦諦攝。及現法爲苦。答二謂生及老死。問幾支苦諦攝。當成爲苦。答五謂識乃至受種子性。問幾支集諦攝。答所餘支。解云。當五因二果俱是苦諦。惡業五是集諦攝。又唯識論第八云。皆苦諦攝。取蘊性故。五集諦攝。業煩惱性故。解云。此則苦攝十二。以是取蘊性。集唯攝五。可知。

第六分別先後際中。亦四門同前。初約經。分別先後際者。此十二支初二能引。次五是所引。次三是能生。後二是所生。於中分別三際。諸聖教中略有三說。一依此經開能所引分。先際中際。合能所生總爲後際。以引遠故開之。生近故合也。二依唯識論開能所生合能所引。是故前十現在。後二未來。以十因二果分二世故。三生引俱開。妙智論初二過去。次八現在。後二未來。故成三世。唯識論等十因二果定不同世。因中前七與次三或同或異。若三七各定同世。如是十二一重因果足顯輪轉及離斷常。又由此三際因果輪迴。人法二我永無所有。二約厭離有爲者。論名護過觀。謂外人與此緣生道理出三種過。一一切身一時生者列

過名。何以故者。外人自徵立過所以。無異因者。釋立過相。以無我異因。何爲不得。五道之身一時並生。二中列名。徵立可知。無作者故者。釋立過相。若無我作業。誰受來報。三中列徵可知。釋中既無有我。誰持是業。令使至果。是故應失。前不受報據前望後說。此中失業據後望前說。此三下總牒彰護。謂過現因。別名爲異。因。以此答前三種難。故名爲答。亦通取下句。現未來果異。由彼異因。云何得有一時生過。又差別因得差別報。云何乃言有不受報。差別之報由異因生。云何得有失業之過。下釋文中。先釋過去內。無明緣行是見過去者。牒舉經文。下釋中二句。初明過因能作現。二現果由過因。說現識等以爲當來。此中但說過去因則足。何須復說現爲其當。欲以因果相屬防三過故。則是見下釋已總結過去是因義。二釋現在中。言識乃至受見現在者。牒經文。釋中二句。初明現果由過因。二復能下明。過因得現果。現在是彼過去之未來故。云得未來果。三愛取下釋。未來中。先牒文。言復有生者。釋從愛取等起有生。死名有生也。問前釋過現皆二世相對。今解未來何故不然。答以彼過現經中自分爲兩也。故須相屬以成護過。經中自說愛取有三從果爲未來。不假論主相屬故不論也。言一往定者。結別前文。以上來所明是一分三世名。一往理數如是稱之爲定。下釋展轉三世相生無盡。故云復有後

●伽十(云)●(第五云)●●生十(生)●●妙二如●●(因)一●●(受)一●●●明二成●●

世生轉故也。此說何義下釋。前護過有三義。一況明業不得果。二舉經明得。三雙結得不。前中先總舉。由三義故令過去業不能得報。一或有未作者就過去求。愛取有等爾時未作故。於現在不得生老死果。問觀此文。意似說過去無明未作。業行。何因乃云愛等未作。答若無明未作。業何因乃言過去業。三義故不得報。言或有已作未得報者就現以求。愛取有等。雖已作竟以未熟故。現在不得生老死果。或得對治者。若已潤業熟。計應次此未來得生老死果。或於此生若得聖果者。斷愛取故令已熟之業則便熾亡不得報。二是中無明下明舉經三義得報。謂過去既有無明緣行。故知已作不同。愛等。現在既得識等五果。明知則是業已得果。由現在愛取無聖道斷。令未來生死相續不絕。三是故下雙結中有已作是行支。未作是有支。已得果是識支等。未得果是生支等。聖人已斷凡夫未斷。下正結護業。既有如是差別。何容有一切身一時生過。謂有作未作。何緣一時有得報未得。云何一時有斷未斷。如何得一時若爾下重牒顯示非。一切業當受者是前已斷也。亦非不受者是前未斷。亦非一時者顯前作未作得未得可知。若自作下護第二不受報過。謂自作自受。何不他受。以他不作故。三離彼三事護第三失業過。謂由離前三種不得。是故諸業無不得果。故無失業過。下結可知。三約大悲分別者。菩薩見諸

外道行異道求解脫中計無因等。起大悲心。觀此緣生。救彼邪執。論言先中際因者。過去二支是先際。與現在識等中際為因。故言及中後際因者。中際愛取有與未來後際為因。言中際前後二際故者。於中際內識等五果分屬前際。愛等三因分屬後際。既有此因。云何言無。是故結云若無如是因事。則種種衆生果事亦無也。四約大智分別者。論名力無力信入依觀。過去二支望現有力。望後無力。愛等三支望後有力。望前無力。又釋過二有力。現五無力。現三有力。後二無力。以皆能生為有力。所生為無力。菩薩舉此。化人令離邪入正。故云信入。依菩薩智照故云觀也。言先中後化勝者。重釋成先中後。是力無力化勝是信入。謂照三際以化衆生為種智故也。第七三苦分別中亦四門。初經明。此有支皆是苦聚。將釋三苦。因辨受俱分別。瑜伽云幾樂受俱行。謂除二所餘。解云除受及老死餘十有樂受。以受不與受俱故。老死位中多無樂故。幾苦受俱行。謂即彼及所除中一。解云唯除受支餘十一是苦受。幾是捨受俱行。如樂受說。以老死位多無。客捨故。幾不與受俱行。謂所除中一即受支。以受不與受俱故。唯識論亦同。次三苦分別有二門。一理實遍通門。如瑜伽中。幾支壞苦攝。謂樂受俱行支及非受俱行支一分。幾若苦攝。謂苦受俱行支及非受俱行支一分。幾支行苦攝。謂所有壞苦苦支亦是行苦支或

有行苦所攝非餘二苦。謂不苦樂受俱行支及非受俱行支。一分。壞苦攝。十支全及受支中一分。謂樂受。除受支中苦受及老死支。苦攝。十一支全及受支中一分。謂苦受。行苦攝。壞苦苦支。皆是行苦。或有行苦非二支所攝。謂不苦不樂受。是故行苦通攝十二。唯識第八亦同此說。二隨相增顯門。如此經說。謂初五支還流相現故稱行苦。觸受二種觸對生苦故云苦支。餘為壞苦者。但壞樂名。壞苦。老死支既無樂可壞。何故名壞苦邪。釋壞苦有二。一樂壞為苦。望所壞說。二以壞是苦故云壞苦。此老死支能壞生故。故屬壞苦也。餘文可知。二約厭離有為。論主世諦觀六種之中。此當第五。名不厭厭觀。謂凡夫不厭。菩薩能厭。故云不厭厭。此約龜苦。又二乘不厭。菩薩能厭。此約細苦。故云種種微苦也。以分別此等皆是苦故。及厭種種龜苦者。二乘所厭。菩薩亦厭。又亦得前細是行苦。此龜是彼餘二苦故。三約大悲隨順分別者。感諸外道不達真理。求異解脫。真。解脫有四。舉正顯邪。一離一切苦相者。涅槃樂德也。二無為相者是常德也。三離染相者是淨德也。四出世相者是我德也。涅槃經云。於世間法自在遠離名為我也。言彼諸行苦下辨邪異。正。於下四段經文各配一義。今此當初。言苦事隨逐乃至無色有縛者。舉此三苦現。彼外道求非想等為涅槃者。菩薩觀之皆是十二緣生三苦之法。何有涅槃樂德之義。故順起悲。四約一切

①故二明②得③照二果④大一一切相⑤論⑥各二容⑦幾支支支七十九字⑧解⑨一

相智分別者。此當第七增上慢非增上慢信入觀者。聲聞之人不覺細苦自謂無苦名。增上慢。然覺痛苦非增上慢。舉此令彼二乘信入大乘緣生微細苦事。菩薩照此故名爲觀。不如實知下釋成慢相。此之一門前約大悲以化外道。今就大智以攝二乘。以文含多意。論主善取故也。

第八因緣生者亦四門。初約經。理實無明望行無因緣義。而言因緣生行者有二義。一自種爲因。無明爲緣。合說故云因緣。然隱彼親種顯此勝緣。故云無明因緣也。二但彼增上緣望自增上果。還是親因故。說無明爲行因緣餘亦如是。欲明果不自起。要從因緣因緣形奪復各無性。是故言因緣生乃顯無生。此猶順觀。逆觀一浪非生不生可知。二約厭離有爲中世諦觀六門中。此當第六名深觀。此深觀中攝後三門合成四句。一不自生。二不他生。三不共生。四不無因生。釋此四句諸論不同。略有五說。一約破外道。謂諸法不從冥諦自性生。故云不自生。二不從梵天自在天等生。故云不他生。三亦非微塵大種和合生。故云不共生。四亦非無因自然而起。故云不無因生。二約破二乘。一謂諸法不定從自同類因生。故云不自生。二不定從彼異熟因生。故云不他生。三又亦非俱有因生。故云不共生。四小乘中許無明支前不正思惟託虛而起。似若無因。今亦不爾。故離無因。三約法顯空。一果不自起。名不自生。二自既

不立對誰辨他。又他亦各自皆不成。自成。云何他生。故云不他生。三自他因果既各不成。故云不共生。四離因緣外無別果法。故云不無因生。此上三重如般若燈論。及中論等說。四約因緣形奪對法論云。自種有故不從他。待衆緣故非自作。無作用故不共生。有功能故非無因。凡諸緣起亡雙。二句已爲甚深。況總亡四句。是故緣起最極甚深。五約緣起無礙門。但因緣生果。因緣相望各有二義。一全有力。二全無力。謂因望於果。有全不生。緣必全生。故云因不生緣生。故云緣望於果亦全不生。因必全生。故云緣不生自因生。故云三力不俱故不共生。四二無力亦不俱故不無因生。此門有二義。一據力具有不有義。故令相入。謂因有力時緣必無力。是故由因有力故能攝他。由緣無力故能入他。會彼緣力總歸因力。名不他生。雖言不他。反顯自生。因力歸緣。不自亦爾。反前思之。以二力無力各不俱。故無彼不相入。一力一無力相歸故恒時相入。以不相障礙增上緣寬。故一切諸法無不相入。十忍品云。菩薩善觀緣起法。於一法中解衆多法。衆多法中解了一法。良由此門故也。二據體有空不空義。故有相卽。謂非直因力歸緣。明其相入。亦乃因體。由緣顯因性空。攝同於緣。何者。謂若無緣則無因。因以生果。果因。無緣果不生。是時不名因。明知此因會歸彼緣爲不自生。是故緣是有義。無不能攝。因是空義。無

不所攝。因受攝故。廢已同緣。緣能攝故。攝因同已。餘因攝緣。受等並準思可知。由此義故。諸法相卽無所障礙。上文云。知一即多多。即一等皆此義也。是故無盡大緣起法。無礙自在。皆從此門而開現矣。此中言。因無明諸行生者。論經云。無明因緣行生者。彰因起果。明非他作。言因緣能生行者。明果由因顯非自作。又以無明是行自因。故非他作。亦先無行體在無明中。後還生行。故非自作。餘亦如是。準思可見。此一門中論主開爲不自不他二句也。三約大悲分別者。明諸外道求異解脫中。顯彼所求非想天等。以爲涅槃。菩薩觀之。但是有支緣生之法。非是無爲涅槃常德。是故菩薩隨起大悲也。四約一切相智分別者。於九門內以第八第九二門合爲一。無始觀。遠公云。是真諦觀也。見法緣集。無本性故名爲無始。今謂因緣起法的無元本依之始起。故云無始。維摩中依無住本立一切法。同此義也。中際生故後際生者。舉法釋成。謂此緣生則是不生。故名無始。是謂大智所知之法。

第九因緣縛說者亦四門。初約經。是因緣生縛者。謂此緣起互相縛住不得。是生。以是縛故。復非是滅。以一縛字印此法體離諸分別。然是緣起縛相亦離故。寄言以顯故云縛說。爲明此縛但在說中。此門顯緣起法事相。向盡理性。將現極微妙處。故論云。隨順觀世諦則入第一義諦。是此門也。釋

●實知二知實 ●派二派 ●民 ●各二名 ●(及中論) ●起十(但) ●(二) ●二二三 ●(生) ●(力二) ●(法) ●直二真 ●受二所 ●云二百 ●(故) ●

文可知。二約厭離有爲深觀四門中。此是第三不共作。言非二作者。或因爲自。以緣爲他。或果爲自。以因緣爲他。此二自他俱不作故。若自他俱不作。何得爲緣生。爲釋此疑。故云但隨順生。謂隨俗說。生。理實無生。言無知者故者。遠公釋。此別釋非他。以無我知者能造作。故作時不住者。別釋非自。明彼無明作行之時無行自性。住彼作時。還起後行。故云作時不住也。今更釋。因正有力時。緣必無力故。不得相知。故云無知者故也。此是因緣不共。果起之時名曰作時。於因於緣的無所住。故云不住。此是因果不共。正作果時。此作不住於因。不住於緣。亦不住。果故云作時不住。此義正是經中縛義可知。三順大悲分別者。謂諸外道求異解脫。以非想等爲涅槃。菩薩觀之。但是有支非離染縛。失於涅槃。眞淨之德。故生大悲。故云如是。復染生縛也。四約一切相智分別內。無始觀中名隨順縛故。謂生滅唯縛。隨順無本故也。

第十無所有盡觀中亦四門。初約經明此有支虛相既盡。隨順無所有。徹到第一義。此顯不壞俗而恒眞也。故云無明因緣諸行生。是隨順無所有。問無明生行是順所有。何故乃言順無所有。答乘前諸門。次第至此。顯彼無明正生行時。則順無生入理故也。經意如此。問順觀既爾。逆復云何。答生既性盡。則所有無所有。俱離故云隨順無所有盡觀說。說義同前。思取其意。二約

厭離有爲中名。第四非無因作。隨順有故。何故經中順無。論名順有。釋經意以緣歸理說。論意以性從相說。各現別義。故作是說。又釋論中順有意顯無生。是故與經意亦不別。下別破無因。一縱破謂應常生故。二奪破謂恒不生故。三此非佛法下呵詰破。謂說無因最大邪見。若爾下結非無因。是名下釋說總結。言相諦者。相是前成答相也。諸是前二諦差別。三約順大悲分別者。謂諸外道求異解脫。以爲涅槃。菩薩觀之。是十二支三有之法。隨順有求。妄取無色。以爲解脫。失於出世涅槃。我德。菩薩感此順起大悲。四約一切相智分別。此是第九名種種觀。謂三有相別各多類狀。故云種種也。隨順下釋現其相。此是三世俗之境。大智照此。故以爲門。上來別釋十門竟。二如是逆順下總結十章。既云逆順十種。明知前十門中皆有逆順。前文中無逆觀者是略。故也。一有支行列。二攝歸一心。三力用相生。四前後相屬。五三道輪還。六三際因果。七三苦過失。八從因無性。九似有若無。十浪同平等配結。前十文皆可見。釋不住道行竟。第三大段後果勝中。文別有二。初行果。後位果。前中論分有五。初得對治行及離障。是前勝慢對治果。二得修。行勝。是前不住道行果。三得三昧。望前治勝以說果。謂前修三昧以說對治。彼治轉增名三昧勝。四不壞心者。望前離障以說果。由滅障故。三昧之心不可破壞。名不壞心。五自在力

者。望前修行以說果。謂依前修行上進無礙。自在力。下別釋中釋此五則爲五段。就初文中二。先明治勝。後顯離障。前中釋三解脫門義。略作五門。一名體。二行相。三治障。四攝行。五差別。如別說。言是菩薩隨十二因緣下。正顯於前十門有支皆有。如此三空觀門。先明空門。論中分三。初見衆生無我。二自性空者見法無我。經中略無此句。三彼二作無以見無作者故。謂前二句顯二我體空。後一句現二我用空。亦即前是無我。後無我所。言如是下結可知。二言滅此事。下明無相門。亦三義。一滅障者觀彼有支。自性滅故云滅此事也。問此與前無我何別。答前就諸法以明無我。此中欲遣能取相心。故不同也。二得對治者。常解脫現前。經中略無此句。三念相不行者。見因緣處。無少法相可生。故云餘不相續。遠公云。此三初中滅障者取性心亡。二得理爲治。三取相心滅不見少法生。故離分別取相之心。前滅取性不同。凡夫今離取相不同。二乘。三知此二下明無願門。亦三。一前二則是無願所依。故云依止。二更不樂有者。顯無願體。故云體性。三唯大悲等勝。出二乘故云勝也。二菩薩修行下明離障勝。初離彼我等。是空門所離也。二離有相者。是無相所離也。三離無相者。是無願所離。故云離有無相也。以不取無相故說無願。餘經云以無相故無所願求。此之謂也。論中如是次第。於五地下。舉劣顯勝。初舉五

地顯此空門離我之勝。此文是倒。若正應言以十平等深淨心故遠離也。則遠離四地身淨我慢。今以深空滅彼二我故此勝也。二舉四地離障。現此文離作受勝。三此六地等舉此地初十平等處。彼有無等。顯今地滿無相無礙。破遣有無一切。蓋故云勝也。第二悲心下明修行勝有二。初正修行。後顯修勝。前中亦二。初發勇猛修行者。謂始修決絕也。二菩薩如是知下明丈夫志修行者。謂果決修。終成。前中亦二。先修心。謂以三空觀。彼有支。感諸衆生處而不覺。故云悲心轉增。由悲增進是利他心。未滿菩提等是自利心。下明修行勝。於中二。先修智不著有爲。後化衆生下修悲不住。無爲前中亦二。先知後厭。就知中煩惱業生。合散具闕有增有減。二既知此法有是過患。則生厭離。不應令合。故云我知有爲等也。是故論云知有爲法多過遠。離生業煩惱等。下修悲化衆生可知。二丈夫志行中亦二。先智。後悲智中。論名厭對觀者。有爲名對。見多過觀者重釋成也。滅對者明有爲性滅。故云無性等也。與大慈等明修悲可知。二則得無礙下明修行勝。於中二。先勝相現前。論云智及大悲勝隨順者。牒前二行之中各有悲智。能上順也。依不住道無礙。般若現前者。明依前悲智不住之道。令佛地無礙智光現前。知有爲涅槃平等者。解智悲不住所以也。不共住者。解不住義。謂智不共有爲法住。故云而亦不住等。又

悲不共無爲法住。故云亦不住其中等。彼助道行不滿故者。釋不住所爲。爲滿智助道不住。有爲爲。滿功德助道不住。無爲。故云欲具足等。第三菩薩住現前地下明。三昧勝。於中二。先明空定後。明餘二。前中先舉十空上首後結多門。此中一萬論經名百千萬也。前十空中論攝爲四。一觀是觀解。二不放逸者。依解起行。離過爲名。三得增上者。因修成德得上功德。四因事者依德起用。三昧是大用。本故名。因事。初中除第四三昧。餘五名觀。一生空觀。二法空觀。三合取二空名。第一義。四依本識觀。二種如來藏中。是空如來藏。故云大空。五觀七轉識。不離如來藏。和合而起。皆無自體。故云合空。楞伽云。七識亦如是。心俱和合生。又云不壞相有八。無相亦無相此之謂也。二不放逸者。分別善修是自分也。修行無厭是勝進也。二修滿足故云究竟。三得增上功德者。勝德依空生起現前。故云生空。四因事者。餘三三昧。一依此空定。令智障淨。因是事故名。如實離妄也。二依空起悲。不捨衆生。是故論經名不捨空。三依空三昧。願在諸有。遠離染著。名離分別。然隨順有離。不分別。餘文可知。第四是菩薩住現前地下明。得不壞心果。十句中初一總。深心者。深微難動。論經不壞心謂堅固不退。餘九爲別。一於理信觀。二行堪受調。三於甚深秘密之處。能不驚怖。四自分不失。五勝進無歇。六不嫉他德。不被已戒。二行普淨。故云廣心。

七慈普益生。八求上地智。九巧化衆生。第五如是等心下明。自在力勝。於中三。初總次別。後結。總中如是等心者。得般若也。轉勝增長者。行力勝也。隨順菩提者。能深入也。勝力有九。就總開別。一下伏力。二上解力。三捨小力。四信深力。五摧障力。六治惑力。七遍治力。八巧化力。九治障力。並如論辨。三是菩薩下結可知。第二菩薩住現前地下明。位果。於中三。果同前。就調柔中三。初調柔行內聽受正法。如說行者。論經得三昧。慧光釋以得義持能如說行。因彼事者。因彼義持事。是故說此。依勝三昧得奢摩他。是前如實三昧也。毘婆舍那。是前智。慧光明勝也。行行已憶持者。能持彼行故。所。鍊淨中言是人乃至明淨者。解脫彼障。釋所鍊淨也。證彼義。故釋知佛法藏。釋喻中。出世間智。增上者。顯證智體淨也。光明轉勝者。示現用勝。以顯體也。以教智光勝。顯證智亦增上也。乃至以方便智等者。釋合喻文也。無礙般若。是佛智光明也。方便是前不住道智也。二釋教智淨中。前地取月輪喻。故小此地取月光喻。寬大故勝前也。隨順四流。是魔所行。故云魔道。此名惡魔。是彼魔道。三是名下結說相。攝報願智並。準前可知。第三大段重頌分中三十九頌分五。初三頌前十平等法勝慢。對治。二有二十頌不住道行勝。於中初一頌前初住地心。總觀緣起。二有五頌初因緣分次第觀。三有二頌一心所攝觀。四有二頌自助成。五有一頌。

不相捨離。六有一頌三不道不斷。七一頌三際差別。八一頌三苦差別。九一頌超頌。第九生縛觀。十有一頌却頌。第八緣起觀。十一有一頌半頌。第十隨順有盡觀。十二有二頌半頌。結十門名。三菩薩如是下六。頌半頌。彼果勝。於中初三頌對治勝。次一頌半頌。修行勝。次半頌。三昧勝。次半頌。不壞心勝。次一頌。自在力勝。四供養下八。頌半位果。於中初四。半頌調柔果。次四頌攝報果。略不頌願智果。五末後一頌歎深結說。釋第六地竟。

第七遠行地者。釋有三。一約功用後邊攝大乘云。至功用行最後邊故。世親釋云。謂此地中於功用行得至究竟。雖一切相不能動搖。而於無相猶名有行。二約二義解深。密云。能遠證入無缺。無間無相作意與清淨地共相隣接故名。遠行解云。無缺無間遠於前六隣接淨地。近後第八。三約三義成唯識論。至無相住功用後邊出過世間二乘道故。故名遠行地。此同十地論。金光明云。無流無間無相思惟解脫三昧遠修行故。是地清淨無障無礙名。遠行地。莊嚴論云。菩薩於七地中。近一乘道名為遠行。問誰是遠去。答功用方便究竟此遠能去。由此遠去故名遠行地。十住論云。去三界遠。近法王位故名身遠地。仁王經名遠達地。二來意者亦有三義。一前寄二乘合顯菩薩次第轉勝。是故須來。二於無相觀前地未純。今此進入純無相是故須來。三前功用未

滿。此地中滿。是故來也。三所離障者。依地論離細相習障。解云。以第六地有相觀少名為細相。礙於第七純無相觀。故以為障。唯識論云。細相現行障。謂所知障中俱生一分執。有生滅細相現行。彼障七地妙無相道。入七地時便能永斷。由斯七地說斷二愚及彼龜重。一細相現行愚。則是此中執有生者猶取流轉細生相故。二純作意求無相愚。則是此中執有滅者尙取還滅。細滅相故。純於無相作意勤求。未能空中起有勝行。解云。以所知障執於緣起流轉之生還盡之滅。細於前地所離四諦染淨龜相。故以為名。問此後一愚正迷還滅細相。何以不名還滅愚。答此愚有二用。一執還滅相。二純作意求無相。且依後義立名。又釋相有二種。一有二無。取無之相名為細相。若依此釋。求無相則是愚。梁論名一向無相思惟方便無明。金光明云。一味執思惟欲斷未得方便無明。諸餘聖教可準通釋。四所證者。依攝論證得種種法無差別法界。世親釋云。謂於此中契經等法雖有種種差別安立而無有異。無性釋云。如契經等種種法別。此不如是。唯識云。法無差別真如謂此真如雖多教法種種安立而無異故。解云。謂此真如雖教法中名為法界及實際等安立多名。體無別異。故立斯名。又釋以本從未真如流出種種教法。以未從本種種教法皆歸真如。此與三地各證一義。又釋教法隨機種種安立不失平等一味之法。是

此所證中邊論云。第七地中所證法界名種種法無差別義。由通達此知法無相不行契經等種種法相中。諸本攝論同。五所成行亦三種。謂一十度中當方便善巧行。二當地成就雙行無相行。謂則空方便智發起有中殊勝行。三學無功用行。如此下文說。及莊嚴論第七住雖行功用而上參一道多住無相故。六地別果。梁論通達種種法無別法界得一切法無相果。金光明七地發心得如意三昧。當地行果位果如文。第七釋文者亦三分同前。初讚請分中有十四頌分五。初三天眾供讚。二有一頌天王供養。三有一頌半。餘天王等歡法作樂。四有七頌半。天女讚得。於中初二頌半歡佛身業利益。次一歡佛語業利益。次三歡佛意業利益。次一歡已默住佛聞後地。下一衆首請說第二正顯地體中。論分爲五。初一趣地方便是加行道。次一初住地是無間道。次一正住地是解脫道。次一義該始終說在正地。後一地滿是勝進道。初言樂無作行對治者。前六地中受著三空名樂無作。此地隨有不著於空故名對治。此是地地皆捨修法也。二彼障對治者。前加行雖治前地樂空之心。以其有量有功用故。則後是障。是故初住地中修無量無功用行。以爲對治。故以爲名。三雙行勝者。垢障既除。止觀俱運。四前上地勝者。此地功用過前六地勝後三地。故立斯名。五地滿足故名雙行果。下廣釋中就初分內有三。初結前學後勸修趣入

①(頌)一② ③頌半二半頌④ ⑤半十(五)⑥ ⑦(第)一⑧ ⑨(地)一⑩ ⑪釋十(名)⑫ ⑬寄二聖⑭ ⑮合二今⑯ ⑰須二次⑱
⑲相十(故)⑳ ㉑(依)一㉒ ㉓名十(細)㉔ ㉕(有)一㉖ ㉗證十(法)㉘ ㉙(他)十第㉚ ㉛地皆捨修二背修捨㉜
㉝行十(中)㉞ ㉟則後二即復㊱

二正顯行相三結行功能。初中論云彼菩薩乃至非起增上行者總舉前地樂無作障。下明能治謂方便者不捨衆生法無我智對治攝取增上行此治於無作行中生樂心也。起十妙行者發起殊勝行。此殊勝行於出世間及世間增上行更無勝。即初二三地是世間。四五六地名出世間。彼行劣此。故云勝勝猶妙也。下別釋十行。一皆有一即空方便慧發起有中勝妙行。此中十行論攝爲四。初三各爲一。後七爲一故爲四也。此中初句同論經第二句。謂即三空而起四等故也。論言護惡行因事者舉方便智謂慈不惱生名爲護惡方便。與此爲因故名也。言如是下明發起妙行以即空起悲故名不妄行等。二隨諸佛下明財及身勝。因事者舉方便智謂菩薩無盡財果無礙身報。由不滯寂福行所成故。說方便爲彼勝因。隨所須者是財也。隨意取者是身也。謂隨意受生故財身重勝。因集功德故也。三常樂思惟下明護善因事者以方便智攝護善根。令得生長。故以爲因。下明發起勝行。言得彼勝因增上者勝前起後。言功德增上者正現勝相。故云廣集等也。論主判意。前以三句屬自利行。後七合爲利他行。同名攝衆生因事。俱以方便智爲攝生因。七中初一隨物受生。次二化令離障。下四攝令住善。初中願力受生作彼上首。何故唯作上首以得衆生隨逐受化。故云遠離三界等。二畢竟下令離煩惱障說對治故者。雖照性

滅而不礙說治能滅大小二惑故名煩惱隨煩惱等。常自滅者明不礙性滅也。三隨順諸法下令離智障。故云爲滅四障。如五地中隨世智處說書論等四障應知。四一切佛國下明爲物嚴土集起法會。餘經云雖知諸佛國及與衆生空而常修淨土教化諸群生此之謂也。五知一切佛法身下明爲物現於正報三業。先辨身業。既法身離相。何故現色。爲與衆生作五緣生福。一見二聞三親近四供養五受法修行故也。六知諸佛音聲下明語業。爲生轉法輪故。七知諸佛下明意業。窮照爲諸衆生隨問能釋。故也。三是名下總結勝能。上來釋妙。下釋方便智。論云此十發起勝行共對者。明共方便智對。謂於空不著名方便智則空之有名勝妙行。今明釋方便智也。攝取對治者明不礙空而起有行。故此有行方能對治樂空之心。還爲方便智所攝。故云攝取也。下略舉初二句經。對以顯之。餘類可知。第二是菩薩住七地下明彼障對治有二種相。一修行無量者。前樂對治。有量爲障故。修無量以爲對治。二修無功用行者。前樂對治作意修習功用爲障。修無功用而以爲治。先明修無量中二十句。攝爲十對。一對中皆先明境界無量。後明佛德業無量。或要攝爲五。初一衆生界無量。二世界無量。三有兩對明法界無量。四有三對明調伏界無量。五後三對明調伏方便界無量。亦同上文五海可知。論判此十總爲攝生故云

隨所作利益。以調伏界中分二。問故攝十爲六。門也。初二可知。三以何慧者。以法界中二句難可別問故。就能知智問之。四以何心者問調伏界欲樂心也。五以何行者問調伏中所起志行。六置何業者問調伏方便無量。以此差別下總釋。是中下別釋。於無量衆生釋初句。無量化業釋後句。以入所化無量故修於能化無量化業。以能化中佛化最極故偏舉之。菩薩修入佛廣化業名修無量行。二乘生住何處者。於無量世界中令依清淨國土。故云入無量世界等。又以諸世界中佛土最淨。菩薩修入令物依之故名修無量行。下並準此。三以何等智中二句。一知善惡三性等法。謂無量種種法界釋差別法也。智慧覺釋佛智得道。二知三世差別之法。謂無量劫數釋上句通達三世釋下句。亦入智覺會同前句合爲一門。四以何心有三種事。一知欲二知根。三知起行心。若約能化如大現身口意。初云有衆生信種種天者釋衆生欲樂差別。言身心隨同行者釋入佛色身。若正應言身隨彼心同彼行。說法令其信入佛法。故云入無量衆生欲樂等。二知過去心習軟中利根者釋上句。謂根器宿成名過去習。三品不同名冥中利。如應說法者釋下句。佛音聲等。故云入無量諸佛知衆生等。三以何行者此一文亦是入六中第五。亦是第四中後一攝。以此同是化衆生事故二處辨也。言隨衆生心者釋上句也。說對治者釋下

①[殊]—② ③[爲]—④ ⑤前以—以前 ⑥性—障 ⑦四十(知) ⑧問—門 ⑨門—問 ⑩何十(等) ⑪知十(以) ⑫[化]—⑬ ⑭衆—衆 ⑮是入—入是 ⑯五十(攝)

句謂佛智爲能治故也。故云入無量衆生心等六置何乘者。於三乘中如次三句各顯示一。皆上句所化。下句能化。並可知。二菩薩作是念下。明修行無功用行。於中二。先明觀解方便。二如是智慧下。正顯修行。前中亦二。先舉修行無量中。諸佛如來無量境。二如是勢力下起趣求意。言不以分別者。論經自然不以分別等。論釋自然者自性勝無分別故。謂八地已上無功用心名自然等。以純熟任性能起善行故名自性。依彼能起佛境勢力。是故修習也。以分別心不能亡緣等照法界。所以不成。要以無分別不取相故。成無分別。即是無功用也。正修行中修大方便。慧者。是前十種方便智也。何故前以爲障。今復爲治。釋汎論障治有二。一是染障離離名治。二是生障修熟名治。今約後說。但前者始修力勵而起功用故障。今此數修純熟故治。若爾與八地何別。釋此中修學無功用不同八地也。安住等者明因修行立。以不動故者釋成。以行堅不退故名不動。非是八地不爲功用動耳。第三常起種種下明雙行分。於中有四。一二行雙無間者。內證行熟止觀俱現名。二行雙外修常續名爲無間。上是自分。下三是勝進。二始起信心。於上決定名信勝。三依信起行。行有義利。義勝名大。起修稱作故名能作大義。四行熟成。德名菩提分。就初門內三。先常起乃至無礙者。總明二行雙現無礙故。論云一念中奢摩他毘婆舍那

二行現前故。言行住等者正顯二行無間常起。論云一切行中。彼修行時無間不斷不息行故。不斷者非令停絕。不息者非暫休廢。故云無間也。三離諸陰等者結離惡住善也。二常不遠離下明信勝。彼無量智中殊異義。莊嚴相現前。專念故。謂於佛境依正專念信向故云常不遠離等也。三是菩薩下明能作大義於中二。先總標。二何以下別釋。別釋中先釋能具之智。後釋所具十度。前中二。先徵責云十度行廣何故念念能得具足。釋以大悲者廣心也。修習等大心也。以廣大心念念現前是故能具。二十波羅蜜者下別釋所具十行。謂一念之中捨已善根與諸衆生名爲檀度。即此念中能息煩惱。名之爲戒。慈悲相應不損名忍。進求無厭心無異念忍法。無生巧起此行。大願轉增。異論不壞。妙達所宜。是故一念起一施時即具此十。餘念念中相續不絕。雖前諸地皆欲修此。到七地中方得成就。論釋後四。釋方便中起無量智事者釋方便體相。以是下釋方便功能。謂以方便能起施等無量行時。能以願力具足攝故。一起上上智者釋願體相。以是下釋願功能。謂以願功能起上上智。以此智能起彼施等令上上行生皆攝取殊勝故也。三魔等不壞願力體相。以是能離施等障者是力功能也。四如實知法者顯智體相。以是下明智功能。謂由智力顯施等差別。以化衆生故也。四如是念念下明菩提分差別。有四種。一依大

乘行者謂十度自利故也。二依化衆生者謂四攝攝生故。上二攝善行。下二離過行。三依煩惱障增上淨故家。菩提分解脫門者。何處住者對家問也。以何等門問解脫門。何等修行得淨問菩提分也。經中略無四家句。一般若能照。二諦是所照。三惑滅。四苦盡。四一切助下依智障淨以離無明。令覺分圓滿。第四解脫月下明前上地勝差別。於中有二初明勝前六地。後明勝後三地。就前中二。先問後答。答中先總後別。總中先標。次何以故下釋。謂既諸地齊具。何故第七獨名爲勝。下釋中以此地中功用行滿故云。功行具足也。能入第八無功用道也。通謂五通明後地業用。智是八地證智。如前修無功用行處說。道是彼因即此地也。下別釋勝相中。論主先總問起。云何此地中方便行滿足者。方便行是功用行。彼餘下總舉以釋。謂世出世學前六地。更起殊勝行。舉此第七。是故下結勝過劣。初地願力緣遍滿真如名爲大法。二地戒除心惡。三地求於佛慧。以益衆生名轉增長得。四地智光名得法明。四地入出世道。五地還離隨世。六地入深緣起。上六各是一行中具一切。今此地中一切中具一切。故過前也。論中下地增上如是結前也。云何下生後也。修行下略顯也。智方便是前方便慧。菩提分是前所起菩提分行。於此地功用行滿總結滿也。二何以故下正顯勝後地。於中二。先明此勝過。二解脫月下因辨諸地染淨之義。前中先責

●〔故也〕● ●明二顯● ●〔總〕● ●令二全● ●〔別〕● ●稱二持● ●二十(二)● ●(二)一● ●〔四〕● ●〔是〕●

意既云此地菩提分勝故得名勝。此勝於後有何業用。下釋中先法次喻後合。初中慧所行道是雙行之道。以是力下正顯勝相。謂以此勢力令八地上任運之行自然成就更無加行。二世界者無功用位如淨世界有功用位如染世界。隔位難超故以為喻。又釋前六地喻之以染。後之三地喻之以淨。唯第七地名染淨位。以能越染到此淨處。既染由此越淨由此到。是故此地極為要勝。合中言行難道者是染淨道也。論經名染淨世界據此義也。二解脫月下因辨諸地染淨之相。於中先問後答。答中二。先通明諸地染淨之相。後佛子下別約七地以明。染淨前中有法喻合。法中先總標。次徵責云。前言是染。今復云淨。此有何義。下釋以迴向菩提名離罪染。論經中有一句釋。一向菩提是大心故名離染業。二隨道行如是深心故名離煩惱。喻中二。先舉輪王喻。前七地未名純淨。後舉梵王喻。後三地乃名為淨。合輪王中五句。一菩薩如是以合輪王。二從初地來乘等合乘寶象。三知心煩惱合知貧苦。四不為所污合王雖無苦。五不名為過合未離人。合梵王喻準釋可知。二諸佛子下別明此地染淨相中亦二。初明此地離障勝前故云過貪欲等。二明此地地形前望後得名不定。以不能常在純無流觀。是故將出觀求佛。以為煩惱也。第五從菩薩住七地下明雙果分。理實此果通前諸分。以彼雙行是正地相故名彼果。論分為四

一業清淨者是前彼障對治家果。二得勝三昧者是雙行家果。三過地者是前上地勝果。四得勝行者是前樂無作行對治果。以彼方便及起勝行滿足在此故也。就初業清淨中有四。一戒淨有二。一就具明戒故云成深淨。身等。二約行明戒。謂斷惡修善故云所有不害等。二又世間下明世間智清淨勝。三於三千下明得自身勝心行。二平等無與等者謂深心及妙行為二也。四是菩薩所有下明得勝力。言禪等現前勝者略釋。謂等取神通等也。禪是四禪。定是滅定故云寂滅樂行故滅定。三摩拔提此云等引。謂平等引生諸功德故。餘文可知。二能入下明。三昧勝有二。初別列十門。二總結多類。前中初五起解分別。後五成行分別。前中一依未觀之義伏心令觀。二依已觀之義重更審思。上二知理法。三由義持力。依一句。解無量義進益心慧。四由文持力。依一句。義說無量名故能分別義也。上二知教法。五依通一切五明處智。此知事法故云如實分別。後五中初一煩惱障淨顯。其行深。後四智障淨顯。其行廣。初中以真如觀堅固不壞故治惑障。後四治智障中一勝功德障者。謂不能發起智通勝德故以為障。對治可知。二不能具起無礙法界自在業行故以為障。依定起此故以為治。三於深上佛法怯弱障者。謂如來所說深玄之法。情礙不入故以為障。對治可知。四不住行障者。不能寂用無礙俱行故以為障。經對治中背

二種生死向無住涅槃故名也。三是菩薩下明過地。於中有三。初行修善巧過。二作業廣大過。三行修勝入過。就初中四句。一巧智。二深悲。三過聲聞等。對下彰出。四趣佛智地對上彰入。謂此能入八地已上法流水中。止觀俱現。任運流入佛果海故名也。二是菩薩住是下明作業廣大過。於中二。先正現過相。二彰其分齊。前中亦二。先對下彰出。過二乘故。論云無量三業。無相行者入定遠離相無量。聲聞緣覺亦有淨業遠離。相非無量不能利益一切眾生故。此釋過二乘復次此無量勝餘下地者。此顯過前六地等也。二是菩薩清淨行下對上明入。謂得八地無生忍。光相故能照明也。二彰過分齊中。先問後答。解脫月執前同後難剛藏簡後異前答。答中法喻合。法中緣大法者觀察攀緣佛果大法也。以四五六地寄二乘位。此地出彼故說為過。理實已前非不過也。論云方便行盡念觀住故者。方便慧及殊勝行滿足名盡。於上境界念觀相應故名為住。三佛子下明行修勝入過。於中甚深者。遠入故者。能上入也。遠離者。彼障滅者。離前障也。釋無行可知。言身口等者。論云聲聞辟支佛雖離彼相業不如是。得少為足不求上行故。謂二乘雖亦離相業用不如菩薩。以少為足不上求故。餘文可知。四解脫月下明得勝行。於中二。先明三摩拔提勝行。謂在空不住故。二發起勝行。謂起殊勝行故。前中先問後答。

答中從六地等明得法分齊。今此地等辨勝過劣。於中有法喻合。法中先總明得而不證。後是菩薩成就下別顯。以不捨衆生即寂起用故云。成就就不思身等。喻合可知。二菩薩如是以大願力下明。發起勝行。經中十句。論攝爲八。以後三句合爲一。故有八種行。其對治攝者。謂此八行皆共所治俱而不汚。又障共能治治行常立。如是深樂涅槃現身生死。以能所治俱名共對治二門互收故復云攝也。初中願力智力是能發起從禪等明所起行緣。雖深愛等正明所發行相。一起功德行隨順世間門。謂現世間增修德行。二既現世間以何等身。謂上首之身方能攝故。三既在世間豈不被染。以願力取有故無所染。四既在世不染。爲不同世行故不。被染耶。釋云不爾。示有妻子名家不斷。在此熾然而不爲燒。五非直如上同。凡攝化。亦乃能轉二乘。上入佛智故名入行也。六示資生行。謂飲食資身。睡能資神。皆順生死是魔境界。七示有衰退老病死。三是魔所行。上二轉魔行。八轉行者轉諸凡夫煩惱之行。所轉煩惱不出三種。謂見愛無明故有三句。初化轉諸見。謂外道著見名爲見。貪化離名轉。二化轉無明。謂智不能達世及出世名爲障礙。化離名轉。三化轉貪結。菩薩現受勝妙樂具。過天龍等處而不著。今彼見已生。尊心。各令捨已所貪五欲故名攝取轉彼貪心。又釋此三亦是菩薩自行常正。謂明菩薩處邪恒正。居

礙不礙。在貪不貪。俱皆名轉。下明位果中三果科釋皆同前說。能練行中言護持佛法者。論云於三千界得爲大師。故能護法。次二句釋師義。方便行滿者功用行。修自行勝故。守護上首利他行勝故。爲師。所練淨中言惑衆生故法忍轉淨者。利益衆生法忍轉顯。此地釋名應知者。謂利生是有中殊勝行。法忍是空中方便智。此二雙行名善修無相行也。言善根轉勝者。修行功用盡至故名。遠行言盡至者是功用究竟義也。喻中衆寶嚴金者。示現一切善提分法方便行功用滿足故也。釋教智淨中日光如前地說者。前地取月光勝月輪。今取日光不取輪義同。前地月故指彼也。此地勝者日勝月故。餘文準釋可知。第三重頌中四十。四頌分七。初九頌前十妙行樂無作行對治分。二有三頌彼障對治分中無量行。略不頌。無功用行。三有六頌雙行無間分。四有十一頌前上地勝分。五有八頌雙行果分。六有四頌位中三果。七末後一頌歎勝結說

華嚴經探玄記卷第十三

華嚴經探玄記卷第十四

第十地

魏國西寺沙門法藏述

第八地七門同前。初釋名者。不動名亦有三義。一約一義。攝論云。由一切相有功用行不能動故名不動地。無性世親並同此

釋。無性釋意。第七地中行動相不動。此中行相俱不動。二約二義。金光明云。無相正思惟修得自在。諸煩惱行不能令動故名不動。三約三義。成唯識云。無分別智任運相續。相用煩惱不能動故。梁論三義亦同。此說解深密經由於無相得無功用。於諸行中不爲現前煩惱所動故名不動。十住論云。若天魔梵沙門婆羅門無能動其願故名不動地。仁王經名等觀地。一來意者亦有三義。一前之三地寄同世間。後之四地寄三乘法。第八以去寄顯一乘。莊嚴論釋第七地云。近一乘故。梁論亦說八地。以上以爲一乘。解云從前三乘差別之位進入一乘。是故來也。二前位雖得純無相觀。要待加行作意方證。今此純熟不待加行。任運現前故大明也。三前通分段。此唯變易。是故來也。三所離障者依地論離無相有行障。唯識云無相中作加行障。謂所知障中俱生一分令無相觀不任運起。前之五地有相觀多。無相觀少。於第六地有相觀少。無相觀多。第七地中純無相觀雖恒相續而有加行。由無相中有加行故未能任運現相及土。如是加行障八地中無功用道故。若得入第八地時便能永斷。彼永斷故得二自在。由斯八地說斷二愚及彼龜重。一於無相作功用愚。二於相自在愚。今於相中不自在故。此亦攝土相一分故。八地以上純無漏道任運起故。三界煩惱永不現前。行第七識中細所知障猶可現起。生空智果不違。彼

①今十(住)②③④⑤⑥⑦⑧⑨⑩⑪⑫⑬⑭⑮⑯⑰⑱⑲⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺㊻㊼㊽㊾㊿

故。解云。依護法宗。於無相中有加行智。體非是障。以善性故。由所斷障令作加行。故說名加行障。由此第七有加行故。雖現金等諸相及土。非任運現。故以為障。生空智者。謂生空智所引後得智及滅定。金光明云。一無相法多。有功力無明。二執相自在。難可得度無明。解云。此所述現相亦攝於土。以寬收狹故。梁論等並可準知。四所證法界者。謂證法界不增減義。世親釋云。謂於此中難染滅時而無有滅。清淨增時而無有增。無性釋云。法外無用。所以不增。諸法不壞。所以不滅。無性後釋同。世親中邊云。由通達此圓滿證得無生法忍。於諸清淨難染法中。不見一法有增有減。解云。此同地論。唯識云。謂此真如離增減執。不隨染淨有增減故。即此亦名相土自在。所依真如。謂若證得此真如已。現相現土俱得自在。世親釋云。於諸相中而得自在。名相自在。隨所欲相即現前故。於所現土而得自在。名土自在。如欲令土成金等寶。隨意成故。解云。相約現身等相。土唯器世界等。此地下文具三。世間十自在等。五所成行者亦三種。十中大願行。當地成就無生法忍行。相土自在行。莊嚴論第八。住雖淨佛土而無起作。無功用故。尋下文。六所得果者。梁論通達無增減法界定自在等。得法身果。金光明八地發心得現證三昧。當地行果位果可知。第七釋文中亦三。初讚請分中十五頌分三。初二頌天王大衆慶法興供。

二有十二頌。天女歌樂讚德供養。於中初三作樂總歎佛德。次三別歎三種世間自在之德。次三別歎三輪攝化。次二歎佛神力攝持。後一歎已結。三末後一頌上首請說。第二正說分中論分爲七。初二趣地方便。一總明方便作集地分者是遠方便。總前七地作起此地集成方便。二得淨忍分者是近方便。謂前地所得無生忍光。至此修熟令深清淨。三得勝行分者是初住地行。謂依前淨忍發起勝修。四淨佛國土分者是正住之始。依前勝行更起淨修佛土之行。五得自在分者正住地滿。由淨上行成德無礙。六大勝分者是地滿行。此地望前通皆是勝。今復地滿是勝中之勝。故云大勝。七釋名分者不動之名。辨德彰號。此通始終釋在地滿。就初分中總攝前七以爲二相。諸地通行名爲同相。諸地異修名爲別相。同中三句。妙行慧者是其證道。謂二無我上上證故。從初地來證。二無我轉勝至此故云上上。二方便道淨者不住道清淨。謂悲智俱遊無偏住著。三善集助道法者彼方便智行所攝。滿足助善提分法。謂行是前證方便。智是前不住。彼二所攝助道之法。下明別相有七。一初地十大願能令心住。二地中行十善等行。是佛爲護也。三地中厭得不退。禪定等者。等取神通無量等。名自善根力也。得通達故名得力也。四地中所說十種法智教化衆生。者前論中名智障淨勝也。念通達佛法者釋此同彼。謂彼十法智此名佛法。五

地中十種深淨心平等名直深心。六地中前大悲爲首。及大悲增上也。觀因緣集者是大悲滿足。亦是學成觀法成就福智釋。此同彼。七地中二句。初是前空中方便智有中殊勝行。言不捨衆生者釋彼同此。謂大悲等也。二以無量衆生界故入無量智道。是前十種無量也。何故前六各唯一句。此第七地有二句耶。釋以是近方便故。又問何故於此第八地初總集前地答諸聖教中此例有。四。一十住之初總集十信。如本業經說。此約退與不退以分。其際故作是結會。二初地加行總攝地前如迴向品說。此約比證分際。三第八地初總集前七。如此文說。此就功用無功用分際故也。四第十地初總集前九。如下文說。此約因位成滿總攝前因。又釋此四處初約十千劫滿。二約初僧祇滿。三約二僧祇滿。四約三僧祇滿。故作是說。第二淨忍分中文有三。初十句正明無生忍。次四句明無生忍淨。後一句結忍入位。論中但釋前二。攝爲四種。一破相二破性。三因泯四果離。又前二破相入如。後二證實捨相。又約寄位。初一在加行。次一在正體。後一在後得。其數差別一種通始終。依佛性論。三性品云。如經說。若人已得無生法忍。即不退墮。此云何成立。由三性故。即得成立。如來爲約分別性。故說本來無生忍。約依他性。故說自性無生忍。約眞實性。故說垢苦本性無生忍。就初事無生中論攝爲七。初四明不增。後三明不減。即是

●有二用● ●〔云謂〕● ●〔所〕● ●住二云● ●〔釋〕● ●謂二諸● ●爲一力● ●者前二故者● ●前者● ●〔前〕十通● ● ●〔無功用〕● ● ●〔信〕● ● ●經十〔中〕● ● ●〔故〕● ●

無增減法界。論中先立「七實對治此實」以顯無生。一淨分法中本有實者。計自性住性爲事物有。爲對治此。故云「入諸法本來無生」。二新新生實者。計習所成性爲實。對治此。故無起。三相實者。計前二性所生行相對。治此。故無相。四後際實者。計於佛果後際出纏。對治此。故無成。又此四中初一自性住佛性。次二引出佛性。後一至得果佛性。又初一道前凡位。次一在三賢之位。次一在地上。後一在道後。通即可知。又此四展轉釋疑可知。五先際實者。對佛果後際說。凡染爲先。對治此。故云「無壞」。明煩惱卽空無可壞也。良以衆生心中有其二分。一如來藏名爲淨分。故如前說淨分無生。二煩惱藏名爲染分。如此所說染分無生。六雜染實淨分中者。謂修行位中背染向淨來。對治此。故「無來」。七盡實諸衆生者。衆生向涅槃去。對治此。故云「無去」。論經名「無盡」。第二自性無生。此經略無。論云「自性無生者是法無我」。彼法無我自體無性故。如經非有有性。故彼觀事故等者。明理不無。謂彼前諸地所觀事故。亦是此地所忍法。故不得言「無」。下明「理不二」。謂理非事外。故名「不二」。同於上文有「不二不盡也」。三無初無中下明。數差別無生者。於三時中染淨法不增減故。謂先際爲染。後際爲淨。中際染淨三際無生故無增減。四入如來下明。作業無生者。於真如中淨無分別佛智故。如是下釋已總結也。次示現下釋無生忍淨言「一切心意識等」。

者一切有二。初一離報心憶想分別故云行遠離等。二離方便心憶想分別故云攝受分別性想故也。想者遠離障法想。非無治法想者簡言濫也。彼治想於下地中有三種勝事。一無功用自然行故云無所貪著。謂於上佛果不待起貪求任運起行。二遍一切法相者。現能治廣。故云一切法如空。三入真如不動自然行故者顯治深也。如空之言通二句。用可知。第三入不動下明得勝行分。於中有二。初明深行勝。謂對前彰出。二發起勝對後顯入。前中二。先總明深行。謂入此位行玄奧故。下別有七。相從爲三。初三一分明此地中境分殊絕。次二一分明此地中正行廣大。後二一分明此地中離障寂滅。喻中有三。從後向前喻。此三分七中。一難入深。故名深行菩薩。二同行深。諸淨地菩薩同故。謂純無漏位名爲淨地。與此位人同故云世不能測。不能測者如麥在麥聚不測其差別故。論經名無能分別。三界界深。能取所取不現前故云離一切相等。言護一切障想者。謂防護一切障法之想。爲簡治法想。故名離貪著。四修行深。自利利他行廣大故。此經略無五不退深。謂彼二乘不能形奪壞其勝故云一切聲聞等。六離障深。謂離功用障故云深大遠離。七對治現前深。謂能治之行常現在故云而現前。論經名爲寂靜現前。卽真如寂靜非事靜也。下釋三喻。喻前所說滅盡喻者。示彼行寂滅故者釋。現喻意。釋喻中言無彼依

止故者。明滅盡定中心王不行。想等心數無所依。故亦不行也。以得無功用自然行者。釋勲方便。三業行息滅也。論經報行成有二釋。一約教道。故云得彼相違法。二約證道。故云善住。阿梨耶識真如法中者。但本識有二分。凡時唯住。妄染分。今此住真淨分。若至佛地。單住真如。不云梨耶真如。今此爲有變易報苦。是故雙舉也。言住大遠離者。是論中住報行成也。釋第二夢寤喻中。示此行中護彼過想。有正智想者。如從夢寤。雖無夢想而有寤想。所況如是。雖捨前地。要安修過想。非無此地正智之想。言此行寂滅者。顯此正智卽用常寂故不同前顯此深行故也。是中下重分別依清淨世間涅槃二心不行者。此釋經中不行二心。謂夢中渡河。此岸喻世間。彼岸喻涅槃。既覺寤已。此彼俱亡。名依清淨。故云不行二心也。言依境界受用念想不行者。釋諸所憶想不復現前。謂於夢中受用船檣等境。想不復現也。釋第三生梵天喻中。如生色界下結不行。此地如是下地心一向不行。望下彰得出報地者。對此彰得。此說離勝結明喻意。下重分中順行是世間心。不順行是出世間心。故名二分也。心等者。舉心等取意之與。識及憶想等。卽是順行也。佛等者。舉佛等取菩提涅槃等。卽是不順行也。下就不順行分中更開二門。經中但就大乘論主對辨大小。一言差別者。非是大小不同名爲差別。但是大小乘中生法兩

①[爲]—②③ 故十(云)④ 故十(云)* ⑤[對]—⑥ ⑦[佛]—⑧ ⑨[對]—⑩ ⑪現二顯⑫* ⑬故十(行)⑭ ⑮[中]—⑯*
 ⑰[深]—⑱ ⑲故十(定)⑳ ㉑裂二裂* ㉒[義]—㉓ ㉔[唯]—㉕ ㉖今二合 ㉗苦二在⑸ ㉘也十(經)⑹ ㉙[著]—
 ㉚ ㉛顯二顯⑳ ㉜(正)十深㉝ ㉞波二度㉟ ㊱故二故⑳

異名差別。二言大小乘中衆生法差別者。非生法異名爲差別。明此大小乘中衆生自異法法自別。三言無學學差別者。就小乘中辨人差別。非是學與無學不同名爲差別。但明學學不同無學亦爾。上開門竟。佛等涅槃差別。說者舉經對顯。謂佛是第一句佛心等取中間二句涅槃是第四句應知也。何故世間行中而不開異。出世行中開此差別。以出世是大人所求。恐有染取故。委釋令離。下釋顯中先釋順行可知。後釋不順行中。言大小差別是總舉。下別中大乘內佛菩薩是人涅槃是法。小乘中涅槃是法。羅漢等是人。二釋人法各差別。論釋可知。小乘羅漢差別者。如毘曇中六種不同。謂退思謹住勝進不動。成實有九。並廣如彼說。餘文可知。二佛子下明發起勝行。於中二。初明本願力住諸佛勸發。二若不與下明勸利發。前中亦二。初本願住。二又諸佛下明勸發。前中隨順是地者是論經中住義。以本願者釋住所由。謂從前地來同求此地無生忍門。名爲本願。得已以息故名爲住。然住義釋有二門。一顯義。二說意。初中明諸菩薩住與不住。況釋有四。一觀入分別。謂始時不住。終即樂住。從前地來求趣無生。以未得故。是以不住。今此得之樂寂故住。二起行分別。始時樂住。終即不住。今此地中始得無生樂寂故住。後以佛勸發起勝行所以不住。三就寂分別。始終常住。謂佛菩薩隨所證入無暫時捨。四起用分別。諸佛菩

薩一切不住。常隨世間利益衆生。今此文約前二說。二明說住意亦有四義。一爲漸悟菩薩有樂寂習故云本願力住。二爲引定性二乘。明菩薩此地。大寂滅處猶有動起。況彼所得豈爲究竟。三爲顯此地甚深玄奧難捨故住。四但有此深奧法流之處。必有諸佛作七勸橋。是故無有一人墮墮下明勸發中三。先總勸。二諸佛下別勸。三是菩薩下結勸。初中流水者。在無生忍不起功用。任運起行。趣於佛果。如大河水不待人力流。赴大海。何不前地與智。以得法未深故。何不後地與。以依此勸發修不住故。何故與智。理實通餘行。以智是行主故。何故在此位與。以此忍門攝德本故。下文云亦莫捨此忍門。依此力能成大行故。何故與。如來智。以約果說故。作因緣者論云此與如來智慧力轉彼深行樂足心故。下別勸中。先歎其所得。第一是上法也。後我有下彰其未得。勸云修習於中七勸攝以爲二。前六舉多未作轉其住心。後一明其少作能成增其去心。凡勸法如是。前六中攝爲三對。自利利他初對中。一明自德未成。後一自化未出。第二對中。一化願未滿。後一自德未勝。第三對中。一明化業未廣。後一明自得法未窮。初中句別有三。初舉力等彰其未得。二爲得下正勸修習。論云不得修教授故。解云不得釋上句修教釋此句。三亦莫捨等明起行所依。論云若不捨此等明反釋可知。依彼有力能作者順

釋第二勸中。汝雖得此等明。自所得一切凡夫下明。他未出於中亦三。初就凡夫總勸名。依彼衆生無利益事。二顯其過失。現起煩惱者不善也。三使者釋離寂滅。在家煩惱。出家覺觀。三汝當下勸其感念可知。第三勸中。汝應念本願者總勸。憶念本所弘願。下別二句。一欲利益衆生者是廣心願。下化衆生。二欲得不思智者是大心願。上求佛智。論中依願化衆生釋。上句智行廣釋後句。能轉者。依前二義勸轉名。依名轉故。第四勸中三句。初一切法性等舉所得。法性自爾不令生著。二一切如來下明上求。同佛。謂佛具大用。非但一寂。三聲聞等明下齊二乘。謂定性二乘亦住寂捨化。此是抑挫之辭。論中不共義者釋第二句。功行疲倦者釋第三句。有此二過名爲彼垢。依此勸轉名。依名轉。第五勸中。初汝觀我等者。舉佛六種化業。二汝今下結勸起修。論中先釋化業。言無量身等者。據學經文。彼佛法成就有力者。彼身等佛法修成之時。明此有能化衆生力。言示現依利益衆生者。辨定其行。謂此六皆依利他而說。次此利益衆生事下廣釋。六種皆爲化衆生。於中攝伏者。善者以光攝之。惡者以輪伏之。謂三輪也。二如來作無量下釋。結勸起修之文。第六勸中亦四。一初汝今適得等明所得未廣。二我等下舉所未得勸之令起。論中一入是所入法門。二作是法門業用。三轉是業用不斷。餘文可見。第七勸中明少作在增其去心。

●京二著●〔宣〕一●●行二用●●起二就●●諸二謂●●〔明〕一●●大二太●●動二勸●●起二趣●●云二●●
●之●●少二小●●勝二乘●●使十〔是〕●●覺二學●●〔中汝應念本願者總勸〕一●●〔他〕一●●〔名彼名轉〕一●●
●〔名〕一●●利二依●●二二三●

於中先舉三種無量。汝應下勸盡通達。論中少作者望佛果不遙。故云。少在。隨所見等釋。三無量也。少觀即成釋。如實通達。以此增其去心。故云轉也。①。二是菩薩下結勸可知。第二諸佛子下明。因勸成益。於中。二。先對上本願住彰不勸之損。論釋即入涅槃者與智慧示現者此釋經意。謂舉此滅為顯佛與智故。二以諸佛下對上佛勸彰勸之益。於中有法喻合。法中亦三。初明佛與智門者。論釋彼行中攝功德因勝者。明與智所依。謂彼發起行之中。無生法忍攝功德。因最為殊勝故。佛與智也。同作教授說者。正解與智諸佛共勸名同教授。二於一念下明由勸故起行速疾。論釋可知。三所以者何。下問答辨釋。謂向前二大僧祇所修。比此一念所起之行不及者何。下釋中先以一身等明前不及今。此無量辨此過。前問前初地百身。二地千等。何故言一。答實報唯一變化百等。故非異也。於中有十一句。初無量身者。論釋一切菩薩。身信解如自身故者。勝解力故以自身。令同一切菩薩身故。是故一切所修是自修也。此是同體智力故也。此非文意。又釋以勝解力令自身無量。如一切菩薩數量齊等。此豈非是變化身耶。釋以此菩薩既不出觀。即稱法界而起身雲實德非化。此是文意。音聲起等類身應知。言此十句。一依教化衆生者。是十句中初六利他。二依助道者。其次二句自利行。三依障淨者。明後二句德用淨也。應知。十

句有此三義。下別顯之。隨身。任者是無量身。謂隨所住法當現彼身。如觀音住大悲身等。二隨說者是無量聲。謂隨所說法音聲亦無量。三隨依智者無量智也。隨所知故。四隨所取生者。無量生處形類不同。即種類俱生。無行作意生身也。五隨何國土者。無量淨國。六得教化衆生者。無量化衆生。次釋二句自行中。一供佛集德。二順佛集智。下二句明德用淨。一神通障淨。二無量大會明正覺障淨。以於大會知根說法等故。言此一切處隨順無量身口意業等。此釋結文。無間不斷釋不動義。二釋喻中船喻行疾應知。因勝者顯行疾所因。以無生忍是行勝。因令行疾。三善集下釋。合文善集等是前七地中所修諸行。助發於此故曰資糧。餘文可知。第四淨佛國土分中有三自在。一器世間自在。二衆生世間自在。三智正覺世間自在。初是化處。次是所化。後是能化。具後二淨方名淨土。於此三法。起化無礙故名自在。就初器世間自在。行中二初總以標舉。謂先廣前。後思惟佛智力者正辨其相。謂能了知諸世界相故名智力。下別顯之。文別有五。一隨心所欲者。於此世界隨於已心。欲知即知。又亦隨他衆生之心。欲知即知。此是智自在。彼能現不現者是通自在。能現是成。不現是壞。又釋能現成壞。不現反之。二知以何業下明。隨何欲彼能現。謂隨何業成。何業壞。欲知即知。能現同前業集故。成業

盡故。壞智能知彼故云業集盡智。三隨幾時欲者略無此句。四是菩薩知地下隨廣狹欲。彼能現者於中。二。先明四大差別。非定地等者明欲界所知狹故名小。二定地等上界所知廣故名大。三佛知無限故云無量。上三俱約所知分齊同名境界。知此之智故名境智。次顯相智。四大體伏名為自相。於上有空無我等名為同相。此二不同名為差別。下知微塵塵細等準前可知。二於一世界下明。知微塵聚散多少。於中初總知。二此一世界下別。別中四句。一知外四大塵多少。二知衆生身塵多少。三知前世界物塵多少。四知前衆生三界六道差別身塵多少。此中大身小身者。論經名。龜身細身。此是三界差別。論云。身龜細者色龜。無色細。色中欲界龜。色界細。故云如是次第。以此當知大乘宗無色界中亦有微塵。即定自在所生色。次知六道身微塵成者。以覺慧分析顯此微塵非實有性。五是菩薩入如是下明。隨幾許欲。於中三。初知三界成壞。二知大小等相。三知衆生隨之現化。論釋後二。論云欲界等境界智相智者亦開二門。舉欲等取色無色界。於此三界知事分齊。名境界智。知法分齊。名為相智。下廣釋境界智。欲界中人小。天大。色界中有覺觀。是初禪無覺。是二禪已上無色界中。為簡却彼外道妄取以為涅槃故說佛法。凡夫菩薩聲聞是聖智。此上各為所知廣狹以分大小。上來但釋大小未釋無量相。今此同釋一切三

①(二)二三②(釋)一③(具)二實④(身)一⑤(令)二合⑥(所)一⑦(任)二住⑧(起)二知⑨(又釋能現成壞)一⑩(隨)十何⑪(中)一⑫(界)一⑬(塵)一⑭(等相)三知⑮(覺)十(觀)⑯

界。如來所知皆寬廣無邊故云。無量相也。三
是名菩薩下明。知衆生隨之現化。於中三。
初知衆生二隨。知現化。三起化自在。論云
初中先牒文。善知身不同總釋。所知衆生。
方便等者。釋現化巧同。彼生也。異生同生。差
別應知者。是所現同類身也。諸佛國下。彼處
處去身體示現者。釋起化自在。身。遍三千
界等也。法喻合可知。二隨衆生身下。明衆
生世間自在。於中三。先總明自在。二若
於沙門下。別顯自在。三不可說下。總結自在。
論釋中。彼調伏衆生自在。是總釋。其相。以此
菩薩調伏衆生。生中得自在。故能種種現。言
彼行化衆生者。此釋經中。隨衆生信於大
會現。皆往示現。名行化生。言身心自同事
者。釋別顯文。內化同。物身。謂菩薩自身隨衆
生心。以自己身同。形事故。言身心自同事
也。言身心等分。示者。此釋中化應物心。
菩薩自身隨衆生。必量宜而現。名等分示。
謂應以聲聞身等。餘文可知。三而實遠離下。
明智正覺世間自在。行。於中有二。諦智。先
明第一義智。以是本故。言遠離身相差別
者。謂釋離一切身相分別也。言常住平等
者。自身他身不分別。謂己身為自十身為
他。同一理性故不分別。何故說此。謂欲顯
諸身相作所由故也。二是菩薩下明。世諦
智。中有三。初列所知十身。二明諸身相作。
三釋十身義。初中十身內。初三染分。次六
是淨分。後一是不二分。各言分者。此是同一
大緣起法義分出故。如攝論中。於依他起上

離染分名。遍計。清淨分名。圓成。不二分
爲依他。是故若見一分餘分性不異。皆融
通全攝此中。不二分約相盡爲言。故以虛
空身表也。論中重分別內衆生世間器世間
舉初二身。彼二生因業煩惱者。是第三業報
身明。前二種生起之時。因煩惱業故名爲
報。言是染分者。結上三也。次明淨分。言
三乘淨者。聲聞辟支菩薩如來四身是也。此
三乘隨何智者。舉智身。隨何法者。舉法身。是
彼能知及所知法。彼淨顯示者。結上六種是
淨分也。虛空非是前二相知名。不二分。二
是菩薩下明。諸身相作中。通自身有十。一
身亦十。一度相作成一。一百一十身。皆無礙自
在顯現。文中且辨三重。一以衆生身爲首
作。己身等十。二以國土身爲首作。三如是
乃至第十以己身爲首作。彼十身應知。
釋何諸身得如是相作。釋有多因。略論三
種。一約法性融通門。是故此文先說。自他身
平等不分別等。二約緣起相由門。如下頌
說。菩薩於因緣和合中自在。乃至能隨意
示現於佛身故也。三約菩薩自在智力。以
此位中。遠前二門無礙道理。是故能作。論釋
以衆生身作自身者。彼自在中所作攝取
行。種種示現者。謂智正覺自在中作攝他行。
諸身相作名。種種示現。皆隨物心所現也。
三是菩薩下廣顯十身。初釋衆生身中五
句一業。二生是報。三煩惱妄想染差別。四色
五無色界差別。後二就報開也。二釋國土
身有十相。論中千等者。釋初三相。謂一千

小。二千中。三千無量。舉千等。取後二也。故
云應知。淨不淨差別者。釋垢相淨相也。廣
等釋。餘相指同初地。次四身假名差別者。
論釋自相同相差別假名分別無我人故。謂
諸身各異名爲自相。假名義齊稱曰同相。若
就人說。假佛身之處。何不說耶。以佛勝德
超餘人故。七釋如來身中自有十身。一菩
提身者。示成正覺故。二願身者。願生兜率
故。三化身者。所有佛應化故。四住持身者。自
身舍利住持故。五相好嚴身者。所有實報身
故。以福業所生。六勢力身者。所有光明攝伏
衆生故。七如意身者。所有不同世間出世
間心得自在解脫故者。隨意現生示同世
間名同。實即出世故名不同。下釋所以。以
於出世間自在解脫。故能現同。以於世
間自在解脫。能示不同。八福德身者。所有不
共。能作廣大利益因故。明福超凡小。名爲
不共。因此大福廣現。無量身財等相。廣攝衆
生。九智身者。所有無障礙智故。是故此智能
作一切事。彼事差別皆悉能知。謂能作一
切。釋無障礙義。彼事下結。能知。十法身者
所有如來無流界故。謂諸佛斷德名。無流
界。即十佛中名。涅槃佛。又是如來內證法身
名。無流界。八釋知智身者。論經中有八
釋。初二句三慧分別。一思量者。聞思慧。二善
如實觀相者是修慧。三果行中所攝者。因果分
別所得名。果。彼因名。行。四世出世者。就位
分別。道前名世。見道已去名爲出世。五三
乘者。大小分別。六共不共者。龜細分別。龜即

①通二通②[生]一③示十(現)④釋十(經)⑤必二心⑥謂二論⑦自二已⑧[身]一⑨[諸]二法⑩離二
⑪遠二遠⑫住持二持住⑬[間]一⑭流二漏⑮[知]一⑯[所]一⑰

同修。細唯在大。七乘不乘者種姓分別。已習三乘種姓名乘。未習非乘。八學無學者修成分別。習求名學。果極無學。第九釋法身者論經五句。一平等相者無量法門明。等一法身故。謂佛無量法明同一法身故云。平等。此是理法。二不壞相者如聞取故。此是教法。中實教。稱理而說故云。如聞也。三轉時假名差別者。隨所化衆生根性相應時。說差別故。謂隨所化根性。熟時稱根差別說。是權教法。四衆生非衆生者。衆生有六根等依報。非情名曰非根。此是染法。五知三寶者知第一相。謂三寶殊勝故也。第十釋虛空身中六句。一無量者廣窮無盡。二周遍者一切色象。三無形者不可見故。四不異者無障礙。相不同色法障礙故也。五無邊者無爲相以通。容受色相。因色彼分別皆悉能知。色因解別異也。

第五是菩薩善知起如是下。明自在分。此十自在略作四門。一辨相。二治障。三出因。四得位。初辨相如論經具顯。二治障對治十障。如地論具顯。論既與此。共故不待錄。三出因者。依攝論第十殊勝中以六度爲因。初三施爲因。以一切時施得命自在。一切處施得心自在。一切物施得財自在。次二以戒爲因。由戒調身語以成勝業。復由戒淨。隨欲受生。忍爲信解自在。因以修忍時隨衆生意故得一切皆隨心轉。謂變地爲金等皆隨勝解而轉也。精進爲願因。以

策勵所作無懈廢故。令隨所願如意成就。禪爲如意因。彼名神力自在。以依定發通。如意成故。般若爲後二因。謂內照所知名智自在。應根宜說名法自在。四明得位者。攝論約果明。佛地所得。謂彼法身五相中。白法所成內攝。今此就因。八地所得此約。始終教說。下離世間品十自在約。普賢位貫通諸位。又上賢首品云。十地十種自在力等約別教一乘說。第六是菩薩得十自在下大勝分有三。初智大。二業大。三彼二所住功德大。就初智大中。不思智者不住世間涅槃。明寂用難測。此是總句。下別顯三種。一無量智者修行盡至證理深也。二廣智者所知不思。照境廣也。三不壞智者除障不思。破相極也。二菩薩隨如是下明業大之中。初牒前。論云如是至已如前說者。指前所說得自在已也。如是智成亦如前說者。指前所說不思智也。二畢竟下十二句正顯業大。於中初三句明三業淨。是業大體。下九句約修辨業攝爲四。一起能起。起同時。謂前三業是起智慧。起彼是名能起。彼業起畢竟共慧相隨名曰同時。故名身業隨智行等。二智攝不染作利衆生行等者。明智悲一對故云。般若增上大悲首等。三因攝。自行他行因等者。此能感所感爲一對。謂自起大願名爲自行。此之自行與他佛行能加爲因。故名他行因等。故云善起願善爲佛護。四作業所持者。謂三業行成不壞名持於中三句。初二利他成。就一說法益生故云。常不捨利

益生。二淨土神通化故云。悉知無邊等。下一自行。謂成就一切佛法故云。舉要言等。三是菩薩住此地下明。彼二住功德大。於中初十句正釋。後三句結成前中論攝爲七。初四爲一。是住德體故名善住道功德。後六各一是約修辨德。前中四句。初二自行一淨心離障。二深心攝善不離道故名對治堅。後二利他悲慈不捨救也。下約修辨德。二不惡德是意業總持德。三成就口業辨說德。四定心自在是身業德。依定發通故。五依願力起行。六修行成就者明行力集法。七與智者行成。證入佛境界名佛與智也。三是菩薩如是下結。智力者。牒前智大。得無憎愛。不分別衆生有惱無惱也。示一切所作者。牒前作業大。謂平等作業故無過咎者。是彼二住功德大以得。前七種功德故。諸行事中無過失故。第七諸佛子。菩薩此地下明釋名分有二。初地釋名者約法顯位。二智者釋名約人辨德。前中十句論攝爲六。謂第三第八各爲一。自餘八句兩爲一。故有六也。初二染對治。一治下地功用行小乘願諸魔業故名不動。二治煩惱習行故名不轉。以智能治也。二能得難得甚深無生故名一切世不測等。三次二句名發行淨。一發淨。謂發修之時離功用過。如王子不愛居家農務之過。菩薩亦爾。生在此家。無功用之失。故云無家過。此中如童子無欲。譬純無流無惑染之過。二行淨。謂正行之時離不成過。住生地。所欲事自在成就故

●七乘二乘七亦● ●點二就● ●相二者● ●容二客● ●共十(讀)● ●如二隨● ●[十地]● ●測二開● ●[起]一
●[克]二重● ●[就]一● ●忘二妄● ●兩十(兩)● ●[世]一● ●[一發淨]● ●[子]一●

名自在。地四次二句爲一。世間出世間有作淨勝。謂教道修起名。有作。有作名。成。福德名世。慧名出世。出世之慧決定知故名究竟。五無作淨勝。謂證道真理非修所作。梵語涅槃與變化相近。故致二譯不同。由願起用不帶寂。故名變化也。六次二句名菩薩地勝。謂位分過前也。一住持者論名加地。即加持也。此勝六地者發起殊勝行。謂顯此過前也。他事念動彰前劣。此即六地觀空。以有爲他動其空觀。今則不爾故勝也。二先修善名無功。用地者明勝七地。有功用明前劣。此地善起等彰。此勝彼。餘文可見。二菩薩得如是下明智者釋名。謂以何義故。爲得不動菩薩有二義。一一向不動。謂行修上順故。二一體不動。謂與諸菩薩行同體故。前中先四句明一向義。初言入佛境者論經名入佛性。謂入佛果法身理性。亦是佛智所證之境故云果滿足勝。謂釋性也。滿勝釋佛。以是果圓故。隨順因者。標後三句隨順佛因也。二名佛德照明者。是攝功德善清淨義故。明觀解攝德。三隨佛威儀者名爲正行故。依解起修。四趣向佛法者論經名佛境現前者近佛境界故。依行近果也。次十句釋不動。初一是總。常爲佛力護者。上果下加故。餘九是別論攝爲五。謂前四各一後五爲一。初中常爲四天王等者是供養功德。明感天供養。二。密迹等者護功德。已前密護今此已去現形守護。三善能等者依止功德。以依定成德。四能

作無量身者國土清淨功德。謂前淨土分中現身差別也。次五爲一化衆生功德。一於諸身等者願取諸有生命身業化益。二得大果等者根心使智力明。意業化也。能知衆生根欲性。三於無邊三昧等者無量法力轉法輪故明語業化。依定證法名法力。以此法力能轉法輪名爲語業。四堪受多佛記。五示現成佛說法度人。二是菩薩入如是智等下明一體不動。言入如是智者。論經名入大乘衆數。謂同此位諸無功用菩薩大智故名不壞。此是總句。餘九爲別。一善通達法者。是智不壞。以內證法實故。二常放等者。說不壞。以依證起說故。三度無礙等者。解脫不壞。以無礙法界業用自在。四善知世界等者。佛國土清淨不壞。以於諸佛土自在無礙故云善知也。五能示一切等者。入大乘不壞。意業入法能示現也。六隨意自在者。神通不壞。是身業也。七善解先後等者。能解釋義不壞。是語業也。八能入轉魔道智者。坐道場不壞。謂降魔怨也。九入如來等者。正覺不壞。以能現佛說法也。下能於無邊等總結。以行無障不顯絕故。名爲得不動地菩薩。佛子下明地果中。三果同前。調柔法說中。從佛受世界差別等者。取衆生世間智正覺也。以依此三能起無量淨土作用名爲法明故。說所受爲彼因相喻中依入顯勝。謂得清淨地。身心勝故即純淨無流也。善根光明。更明淨示現者。釋教智淨。餘文可知。第三重頌中四十四分九初

三頌。前方便作集地分。二有三頌。淨忍分。三有十五頌。勝行分。於中初五頌。勝行後十頌。發起。即七勤等。四有十二頌。淨佛國土分。於中初四頌。器世間。次五衆生世間。後三智正覺世間。五有一頌。自在分。六有二頌。大勝分。七有二頌。釋名分。八有五頌。地果分。九末後一結說分齊。不動地竟。第九善慧地七門同前。初釋名者。攝大乘云。由得最勝無礙智故。世親釋云。由無礙解智說名爲慧。此慧妙善故名善慧。無性釋云。謂得最勝四無礙解。無礙解智於諸智中最爲殊勝。智即是慧故名善慧。四無礙者法義詞辯。由法無礙自在。知一切名句。由義無礙自在。通達一切義理。由詞無礙自在。分別一切言詞。由辯無礙。遍於十方隨其所宜自在辯說。於此地中最初證得先未曾得無礙解智故名善慧。莊嚴論云。於九地中四無礙慧最爲殊勝。於二剎那三千世界所有人天異類異音異義問。此菩薩能以一音普答衆問。遍斷衆疑。由此說言名爲善慧。金光明云。說法自在無患累故。增長智慧自在無礙。解深密經於一切種說法自在。獲得無罪廣大智慧故名善慧。瑜伽住品云。由此地中一切有情利益安樂。意樂清淨。速得菩薩無礙解慧。由此善能宣說正法。是故此地名善慧地。十住論云。其慧轉明。調柔增上名善慧地。成唯識論成就微妙四無礙解。能遍十方善說法故。仁王經中名爲慧光地。智度論中名善

相地。二來意者亦三義。一前地雖得於無相中無功用行。而未能以無礙解隨機說法。今此進修令證彼法。是故來。餘二門可知。三所離障者。依地論離不能善利益衆生障。唯識云。利他中不欲行障。謂所知障中俱生一分。令於利樂有情事中不欲勤行樂修。已利彼障。九地四無礙解。入九地時便能永斷。由斯九地說斷二愚及彼龜重。一於無量所說法無量名句字。後後慧辯。陀羅尼自在。於無量所說法陀羅尼自在者。謂義無礙解。即於所詮總持自在。於一義中現一切義故。於無量名句字陀羅尼自在者。謂法無礙解。即於能詮總持自在。於一名句中現一切名句字故。於後後慧辯陀羅尼自在者。謂詞無礙解。於言音展轉訓釋總持自在。於一音聲中現一切音聲故。二辯才自在。辯才自在者。謂辯無礙解。善達機宜。巧爲說故。愚能障此四種自在。皆是此中第九障攝。解云。此用能障四無礙解所知障種。以爲體性。以八地上六識中所知障無現行故。金光明云。一說法無量。名味句無量。智慧。分別無量。不能持無明。二四無礙。辯未得自在。無明。梁攝論云。一無量正說法。無量名句味。難答巧言自在。陀羅尼無明。二於四無礙解決疑生解無明。解云。後中言四無礙者。即第四同深密等。餘並可知。四所證者。此地中證得智自在依止法界。唯識釋云。謂若證得此真如已。於無礙解得自在故。無

性釋云。謂此地中得無礙辯所依止故。分證得智波羅蜜多。於一切法不隨其言。善能了知諸意趣義。如實成就一切有情受勝法樂。解云。無礙辯等釋依止義。分證等釋智義。不隨言等釋自在義。中邊論云。有四自在。一無分別自在。即相自在也。二淨土自在。三智自在。四業自在。法界爲此四種所依。名四自在依止義。第八地唯能通達初二自在所依止義。後二如次在後二地。五所行者亦三。一於十度中當力度行。二善達法器自在說法行。莊嚴論云。四辯自在成就衆生。三無邊總持廣受法行。並如下文應知。六所得果者。依梁論通達智自在。依止法界得應身果。金光明九地發心得智藏三昧。當地位果如下應知。第七釋文者三分同前。初識請分中有十九頌分。四。初二說前地益。二有二頌明菩薩天王所設供養。三有十四頌。天女讚請。於中初一頌半出音數。佛次三頌半歎菩薩行供。次八頌。半歎佛菩薩三輪攝化。初一身業德。次五語業德。謂無聲響現聲說三乘一乘差別之法。良以此地是法師位說法相增故。次二意業德。對幻現可知。下一天女結歎。四末後一上首請說。第二正說分中有四分。一法師方便成就者。此地能起辯才說法名法師地。趣地行立名方便成。二智成就者。知法智成故。三入行成就者。知所化器故。四說成就者。稱根正說故。第八淨土。第九辯才。分其行別。成就一切相等。顯勝過劣。謂具

前四分名一切相。就初法師方便中。初牒前起後。謂無量智是前八地深廣之智也。欲求下正顯方便。依他利自利。一一五三句示現者。初一句利他。次一句自利。故云。一一也。次五句亦利他。後三句亦自利。故云。五三句示也。初言求轉勝寂滅解脫者。依無色得解脫相。可化衆生以作利益。謂化彼令得眞涅槃故。二欲轉等者。依未得究竟佛智自利益故。下五句亦明利他。三欲入等者。化根熟菩薩。令入深密。四欲觀等者。化邪念修行可化衆生。令得正念之行。五欲觀諸陀羅尼等者。化未知法衆生。轉法輪令得知。謂總持定智皆是說法之所依故。六欲令等者。以大神通化邪歸依衆生。令入正法。七欲分別等者。以通達世界差別行。故示清淨國土。轉信生天衆生。令入佛法。故。下三句明自利行。八欲修等者。欲得佛內證正覺大智等也。九欲順等者。欲得佛外化攝生法輪大智。十欲不捨等者。欲得佛無住涅槃不捨悲願。下結可知。第二菩薩住此地。下明智成就。初總知三性淨染不二。後就善別開以作三重。一就善中開。流無流。謂見道前善名有。流見道已去善名無。流。即就無流復開。世出世間。謂緣修阿含名爲世間。正證眞行名出世間。二復就彼善開。思不思。謂地前可思。地上不思。即就可思。開定不定。謂聲聞忍位已去。緣覺世第一法已去。菩薩十迴向已去。俱名定。已下名不定。此約初教。若約終教。入

①(於)一②(解)一③(解)一④(即)一⑤(十)一⑥(首)一⑦(華)一⑧(一)一⑨(分別無量)一⑩(所)一⑪(十)一⑫(一)一⑬(於)二
依⑭(多)一⑮(半)一⑯(現聲)一⑰(對)一⑱(欲)一⑲(十)一⑳(相)一㉑(二)一㉒(益)一㉓(故)一㉔(第
一)一㉕(一)

十住已去名定。十信如輕毛故云不定。三彼復就善開出三乘。即就三乘開。有爲無爲。謂能證修起名有爲。所證真理名無爲。以三乘皆依理成。名依順行。經云一切賢聖皆以無爲法得名。是此義也。第三隨順如是下明入行成就。於中有三。初略標十。一章門。二次第廣釋。三總結安住。初中論經但云心。此中菩提心者。此約出離法器爲言。釋此標章。論中有三。初略釋。一依共者。是心難以是善惡染淨所依。故名爲共。煩惱業是次二也。生是第九以相生義親故同處辨復言共者是根欲性直心。此四相似俱是法器故名爲共也。染者是使心也。煩惱染淨等者是習行。以習無別體。依染淨殘氣故舉彼也。依不定等舉三聚難。二別釋。相似義言根等次第者。明依根起信等。故云次第也。何故依起以相似故。云何相似。謂宿習爲根。依根起欲欲必似根。論經名信。謂深忍樂欲意與此同。習欲成性。性亦似欲。依性起現行直心。心又似性。但依前後不定時。故有如此次第差別。三結釋名義。衆多釋林。難知釋稠。此二俱句故云難也。行者不正信義。遠師釋云。於理證信。能滅心想。心想滅故一切不行。由無證信心等集起故名爲行。

第二知衆生諸心下別釋十一門。即爲十一段。初心難中三。先一句總。次九句別。論攝爲八。謂前七各一。後二爲一。遠云八中初四妄心。後四真心。妄中一約事。二相。三體。四用。

初言莊飾世心者。心以八誠心能莊世也。

論名心意識六種差別者。心謂賴耶。意是末那。識即六識。以心意各一識中具六故。云六種八識不同。故名差別。差別同處亦名難相。二速轉等者是心上行相。即四相遷流。謂速轉是住異。以不停故。壞不壞是生滅。三無形者是心體性。謂觀彼心心相混故名爲離心。下釋以心身不可得故名離也。問第一義既非是心。何故此說。答以真性隨緣起此心故。如云自性清淨心不染而染。成就染心等。四無邊等者。自相順行無量境界取故。謂攀緣之用是心自相。隨境非一。故云無邊。下明真心。五清淨者。自性不染。故。此本性清淨也。六垢無垢者。同煩惱不。同煩惱。明在纏不染。七縛解者。同使緣縛。性離名解。下二名因相者。謂願力業力引。受報心。八以諸菩薩願力受生。幻起不實。似同詭曲。然實成益。故云質直。九餘衆生等隨業受生。故云隨道也。論重分別中。言以自性清淨心故第六第七等者。釋六七二句染淨所由。謂若無第五性淨之心。即六七二句唯垢唯縛。無不垢不縛。又由此二句中染縛煩惱故。示後句中隨道受生。第二是菩薩知煩惱下明煩惱行稠林。於中先別顯後總結。別中十句。論攝爲三。謂初二各一。後八爲一。故也。初深相者。遠入乃至有頂故。若小乘中。非想非非想爲頂。若大乘中。至金剛定。二淺相者。論經名行無邊相。謂無量善根修集之時。煩惱隨行難可知故。三染中

有八句爲三。初三明煩惱染。次二約生顯。

煩惱。後三約業明煩惱。初中言心伴相不相離相者是隨所縛。即緣縛之義。迭共同事者。釋共生義。心伴是也。謂心王與惑互相扶起也。迭共相依者。釋不相離義。謂起已互依不相離也。共生不離者。舉經雙結。二言使纏差別者。是以何縛者。謂使也。以有使故。不得解脫故。說使爲能縛之體。謂十使十。纏故云差別。言煩惱使一義者。舉經會釋。謂此辨煩惱。何故說使。以是一義故。若是一義。何故下文別明使行。但此十使有繫縛義。屬此門收。有隨逐義。屬後門攝。此經本中分出使纏。俱是能縛。三言是心相應等者是所縛事。謂心者出所縛體。心相應等舉經對顯。重釋不相應。示可得解脫者。以在纏心性恒本淨故。今此縛可有解脫。次隨道生等二句。約生明煩惱。論言身事。生道界因者。明此煩惱與六道三界生身之事爲所因故。生煩惱染示者。結此就生明煩惱。故後愛癡下三句。約染業。明煩惱。三分中業因障解脫者。愛癡及見是爲三分。愛是欲求。癡是有求。見是有邪。梵行求俱障解脫。釋爲太過。言隨順世間身口意業。不斷起因者。以憍慢愚癡造重罪業。明煩惱是三業罪因。以不斷故。乃至下總結。八萬四千者。準賢劫經說。佛一代有三百五十度功德法門。謂始從光曜無極度終至分布舍利度。一一各以六度爲因。便有二千一百。以此對治四大六衰十種惱

○(有)一○ ○(習)一(氣)○ ○(云)一○ ○(之)二云 ○(非想)一○ ○(即緣縛)一○ ○(纏)二縛 ○(纏)十縛 ○(今)一 ○(縛)二縛 ○(深)一 ○(求)一 ○(度)二 ○(度)二 ○(度)二

患即成二萬一千四大是內報身也。六義是外六塵衰耗善法故名也。以此二萬一千各化四種衆生。一多貪。二多瞋。三多癡。四等分。即成八萬四千諸度法門。能障之結即是八萬四千煩惱業等亦爾。下並準之。

第三是菩薩知業下明業行稠林中。亦先別後結。別中十句。初善等者明業能爲六道因。故謂善中上者天因。中者人因。下是修羅。惡中三品三惡道因。無記非因。相對故說。又亦得有名言業義。二分別等者自性差別。思爲自性。然有三種故名差別。謂審慮思決定思。此二在意地。未至身語名籌量時。未作故不可分別。發動思正在身語名作業時。善惡業成名可分別。三心伴等者方便差別。謂此業思共意識生。各爲心伴。隨其善惡生已。即薰本識成種。種似能薰故云不別生果。此釋不離也。四自然等者盡集果差別。謂無始時業自然念念滅境。然集果不失故。言有爲作業者釋自然滅。以是有爲必無常故。因盡集者顯功能不亡。釋集果次第。此念念滅全能引果。行道滅亦分引果。如轉重爲輕等。如此非一故云種種相次第也。五有報等者已受果未受果差別。謂過去生報業。現在已受名爲有報過去後報業。現在未受名爲無報。非謂全無。六黑黑等者對差別。謂四業相對顯其差別。謂初二句善惡相對。後二句流無流相對。故俱舍第十云。諸不善業一向名黑。染汚性故。異熟亦黑。不可意故。色界善一向名

白。不雜惡。故以無色界不具中有生有二報。亦無身等三業。故不說也。欲界善業名黑白。惡所雜故。異熟亦黑白。非愛。黑難故。諸無流業名非黑白。廣如彼說。言能盡業相者是無流業。業起者起賴緣故。受業法者能納果故。論經名爲正受也。七無量等者是因緣差別。謂隨多因緣皆能起業。八世間等者未集已集差別。謂出世未集。世業已集。九現報等者明三時定不定故。現作現受名爲現報。次來生受名爲生報。於第二生已後受者名爲後報。於此三中有定不定也。十隨諸乘等。三種乘中有定不定。謂退不退也。非乘世間中。易度難度爲定不定。故論經於乘非乘各有定不定業可知。下結八萬等可知。

第四是菩薩知諸根下明根行稠林別中。一軟中上者是說器故。謂是說法所授之器。亦名鈍根中根利根。謂速受名利。遲受是鈍。中容是中。又受深名利。受淺名。中容可知。又廣受少受中受亦爾。各通教理準之可見。二先後際等者根轉差別。前後根者解先後際。謂前是能生後是所生。所生若增前根即下。所生若下前根即增。相似則平。三上中下者三性差別。謂三乘性別。上者大乘。中是中乘。下是小乘。四煩惱伴者煩惱染差別。謂喜樂等五受根。隨煩惱習使染故云煩惱伴不相離也。俱舍第三云。於雜染中。樂等五受有增上用。所以者何。由契經

說於樂受貪隨增。於苦受瞋隨增。於不苦不樂受無明隨增。故解云增上用是根義。五隨諸乘等者定不定差別。於三乘中。於世間中者此解乘非乘也。定不定熟不熟者總釋。謂大乘中熟者定。不熟不定。小乘中熟者不定。轉向大故。於三乘中各定者各於自乘中解脫故云。一乘等也。報定者捨者於世間中定不可化令入道故暫捨也。此約初教大乘。許五性別故作是說。六隨根轉等者。順行差別有三種順行。一依身順行者。根法依於六入之身。迭共相轉。六入展轉故。此釋隨根轉也。二生滅順行輕壞故。此釋易壞也。三觀行取相者釋深取相。七增上等者聲聞淨差別。行增上障滅能成義故。望凡爲行增。此釋初句。次斷障行成。釋不可壞。八轉不轉者菩薩淨差別。地前名轉。地上不轉。又前七地名轉。八地已上名爲不轉。九三世等者示一切根攝差別。初行名始。正修方便。終成名熟。約此三時辨根差別。謂根與行俱名爲共生。以行有始終根亦隨。爾下結可知。第五欲六性七直心。各軟中上論云如是性入者。釋不廣說所由。以根等四法性相順入故不廣釋也。第八知諸使下明使行稠林。使者隨逐縛義。從喻名使。如公使逐賊得便繫縛。煩惱亦爾。隨逐衆生得便繫縛。十句中初四句明何處隨逐。後六句以何隨逐。前中四處隨逐。一句句約心明處。謂共非報心生不共報心生。二約界明處。欲界下色中無色上。當界起心名。

●各二名● ●始十(滅)● ●(滅)一● ●七二六● ●善十(業)● ●(名)一● ●故十(異熟本白是可意故)● ●黑二果● ●作二在● ●(別)一● ●說二諸● ●鈍二種● ●少二小● ●(根)一● ●(三)一● ●(地)一● ●(句)一●

心相應異界相望即不相應。使即不爾。一切相應故云。不離相也。論經有遠入故者約位明處。乃至有頂經欠此門也。三約時明處。言無始來惱衆生者。無邊世界唯智怖畏如怨賊。以未曾有聞思修智。是故不滅。恒惱衆生。四約行明處。禪等相違者世間禪等不能滅心隨順行。若無使隨此禪等諸德即成出世。與彼出世正修相違不令得出。下明以何隨逐。有六種隨逐。一有不斷是標也。以有不斷等釋也。謂以有使故能令三有相似相續。故云三界繫也。此約前處以明隨逐。二遠時隨逐由無始來使隨逐故。令無量善心不得現前。故云無量心等也。三一身隨逐。是標也。謂就今一身明現種隨逐。下釋眼等入門者是六根也。六種生集識者是依根所生六識也。同生隨逐者明使於根識俱生隨逐。此是現行及阿梨耶薰者。此薰本識明種子隨逐。現相資令煩惱滋茂。故云開煩惱門也。論經開諸入門者。約六入等起惑處也。四不實隨逐者。不得實對治。故云不知對治。五微細隨逐下釋微細相。謂於三界九地中六入處煩惱身隨逐故。以使微細不可見故名無所有。如麻中油不可見。見論隨順者明是有也。不隨順者明其是細同此無所有也。六離苦隨逐出世間行。餘行不能離故云無聖道等。第九是菩薩下知生行稠林於中八句。一身種種。明形類不同。故云生差別。二由業異生別經無此句。三住處種種。明

六道不同。故云地獄等也。四色。相上下種種。明三界不同。故云色無色界等。問既是無色。何故言色上下。答依大乘無色界中有微細色。是色中上也。想中上下亦爾。外道爲無想實有細想。五同外色。因種種明類。同草木依地等生。故云業是由等六自相種種。謂名色共本識生。是報自體。故云名色共等。七本順生。因種種。若正應言順。本生因從癡愛生。還順彼故云癡愛等。八集苦諦。種種差別者。現生能集未來之苦。三求衆生集苦不同。名種種別。言欲生者。復有樂。有衆生愛。自身他身。心著相。往來上下界。取著故解云。此是有求衆生愛。自界是自身。愛他界是他身。由著相故。於上下界往來故也。欲作欲受者。論經名欲受者。樂貪共取處。求故。此是欲求衆生以貪及取處處追求故也。不樂等者是邪梵行求衆生。小大無量釋三界。無想是別舉。無想天以外道取彼爲涅槃。故輪轉釋相續。理實輪轉妄爲出想故也。第十是菩薩下知習氣行稠林中。有十。初一是因習氣。謂過去所作善惡等業。彼習氣與今現果。或同現起。或不同起。故云有起不起。二是果習氣。道謂六道。薰是彼習。如從天來今猶鮮淨等。廣說道習。如大威燈光仙人所問經內應知。故云隨所生等。三是緣習氣。親近衆生薰。如近善人即便善等。故云隨衆生等。四是起作。習隨所起煩惱。如數起貪等。即成串習。隨所作業。亦有習氣。如陶師之子。堪修數息等。故云

隨業煩惱。五是業習氣。謂所作善等有串習。故云善不善等。六厭離欲等。便有串習。後易斷除。故云離欲等也。七中陰望現以說習氣。如入現在樂修梵行至中陰中亦無欲染。故云隨後身等。謂在後中陰身處有前本有習也。八與果次第薰。謂隨一串習於諸趣中次第受身。皆有彼習。故云次第等。九世間禪因薰下釋成。由彼禪中不斷煩惱。煩惱牽故生於上界。猶有彼習。故云久遠等也。此經欠後二句。一邪正相對。謂同法是一乘解脫。以諸外道不同佛法故名爲異。彼取無想以爲解脫。於此邪正各有習氣。故名爲薰。故云有實不實。實是小乘。不實是外。二大小乘相對。謂於三乘人法隨有見聞親近。皆有習氣。故云也。第十一是菩薩下知三聚行稠林。論中爲五。初一約種姓以分三聚。謂無涅槃法者是邪定。有涅槃法者是正定。正定中三乘各別。一向自定離此。二是不定種姓。論略不釋。此論就初教釋。應知二約解惑以分三聚。謂正見是善行因。三善根中正見一種。定起善業。名爲正定。無貪無瞋不定起善。名爲不定。邪見是惡行因。諸煩惱中。邪見一種。定起惡業。名爲邪定。餘名不定。三約行業以分三聚。謂五逆中一一逆罪。定招惡道名爲邪定。信等五根定招善道名爲正定。不同此二名爲不定。四約邪正位以分三聚。謂翻彼八正名八邪。因此以立外道邪位。名爲邪定。正性離生名爲正位。因

①(與彼出世) ②(諸) ③(相) ④(想) ⑤(根) ⑥(有) ⑦(受) ⑧(愛) ⑨(習) ⑩(氣) ⑪(公) ⑫(名) ⑬(爲)

此以立聲聞正位。名為正定。五直約大乘菩薩得失以分三聚。言深入邪聚難轉者。論經名妬惱惡行不轉邪定相。謂忌他勝己。不以法施捨可化。機故名爲妬。慳財不施故名爲惱。能生他苦名爲惡行不轉者。謂殺盜等也。波羅蜜相違者。此中六。蔽障六度行故名相違。謂妬障後三慧定進也。恪障施行惡行障於戒忍二行。由此障故。令諸菩薩正行不成就爲邪定。正定不定準釋可知。佛子下通結於前三種成就可知。

第四菩薩住是地下明說成就。於中先總後別。總中知衆生諸行者。牒入行知法器也。隨其解脫等者。正明稱根說法令得解脫。是菩薩化下別明說成。文有四段。義有三重。一盡此初段是智成就。二爲大法師下一段亦智成亦口業成。三用無量慧下唯口業成。四得陀羅尼下是法師成就。初段中。一先明隨所知者是所說法。二隨所依者是所逗器。前中化衆生法者說解脫器得。熟故。謂說化法令諸衆生解脫器。熟也。度衆生法者解脫體正度故。謂正令其得解脫果。然此所得解脫差別。即不出三乘故云。如實知而爲說等。二如實隨衆生下明隨所依中。先總明隨器說法。二隨心下別辨也。說法對器解隨心言。隨應度者授對治法。解論經隨使謂隨使對治故。上二句是化法器也。言所說法器成者明度法器解隨根等。以器成說法故。言隨行處者隨心所行境界之處。即以彼喻令其生解。名爲彼器。言

隨智慧處者。依前生解爲令起種種異行。名爲彼器。言知一切行等二句者。乃至得成就。器明依行成德之器。言隨趣等者隨辭辯器。謂生業煩惱久習難除。勝辯教化方令捨離故。名生等爲辭辯之器也。薰解習氣同行解轉。此中略無定等三聚。言隨乘等者。論經信是三乘因能乘出器故也。第二是菩薩住此地下明亦智成就亦口業成。是故論中先徵問口業。結云智成。從前爲智。知說儀故。從後口業。具二十種法師德故。論中說者是共口業明入深義也。持者是智成顯守護法也。其二十種法師事如論具說應知。第三用無量下正明口業成就。於中。一先略明四無礙智能起口言。後廣以十門次第分別。前中用智方便者牒前起後也。名前所說爲智方便。用彼起此無礙智也。下明依四無礙智起言辭說。法所得無礙無暫間動故云不壞。四無礙義廣如別章。但無礙解體是後得智。就所緣境分爲四種。一法體者明法自體。二法境界體者於法體上有差別義。三正得與衆生者。依自所得說與衆生。四正求與無量門者。隨諸衆生正求差別與無量門。下重釋中。初釋法無礙中遠離二邊。生法所攝者遮餘法故名離二邊。表自體故名生法攝。如色礙相。舉例顯示。等餘一切。二釋義無礙中。彼遠離等。舉前法。如實智下就法辨境。菩薩住彼約人辨境。如色下亦舉類顯虛妄分別。正顯差別之義。若小乘說

隨智慧處者。依前生解爲令起種種異行。名爲彼器。言知一切行等二句者。乃至得成就。器明依行成德之器。言隨趣等者隨辭辯器。謂生業煩惱久習難除。勝辯教化方令捨離故。名生等爲辭辯之器也。薰解習氣同行解轉。此中略無定等三聚。言隨乘等者。論經信是三乘因能乘出器故也。第二是菩薩住此地下明亦智成就亦口業成。是故論中先徵問口業。結云智成。從前爲智。知說儀故。從後口業。具二十種法師德故。論中說者是共口業明入深義也。持者是智成顯守護法也。其二十種法師事如論具說應知。第三用無量下正明口業成就。於中。一先略明四無礙智能起口言。後廣以十門次第分別。前中用智方便者牒前起後也。名前所說爲智方便。用彼起此無礙智也。下明依四無礙智起言辭說。法所得無礙無暫間動故云不壞。四無礙義廣如別章。但無礙解體是後得智。就所緣境分爲四種。一法體者明法自體。二法境界體者於法體上有差別義。三正得與衆生者。依自所得說與衆生。四正求與無量門者。隨諸衆生正求差別與無量門。下重釋中。初釋法無礙中遠離二邊。生法所攝者遮餘法故名離二邊。表自體故名生法攝。如色礙相。舉例顯示。等餘一切。二釋義無礙中。彼遠離等。舉前法。如實智下就法辨境。菩薩住彼約人辨境。如色下亦舉類顯虛妄分別。正顯差別之義。若小乘說

色有苦無常等義。今約大乘說。此色法但是妄情理實本無。是色之義。三釋辭中。隨他所喜言說正知者。謂解知於他所樂之言。釋正知也。隨他等釋與也。四釋樂說中。先牒舉前詞。無量下約辯樂說。無量種種義語是詞中差別。釋無量門也。隨知下釋與也。新名辯無礙解。謂明辯巧說令他生樂。亦名樂說。自下廣釋中。理實此四於一切法隨說皆具。今依圓數且列十門。於中初五汎知理教。後五知三乘淨德。前中初四正就所知明無礙。後一約能知智。前中初三知義。後一知教。前中一約知事法。事法緣別各住不離名爲自相。二知理法。理法遍通名爲同相。此二當相明法。三約時辨法。謂三世遷流故名行相。四對機宣教名爲說相。五約能知智分。四無礙。非是知於智故名爲智相。後五中。初一總知三乘離相淨證名無我慢。後四別中。一通知小大。餘三別知大乘菩薩地。初一知因。後二知果。一體二用可知。下次第釋中。釋此十章即爲十段。就初自相中。法義是總別一對。於緣生法。總知自相別知差別。詞及樂說廣略一對。少名顯法名之爲詞。衆多異名爲義。堅彼義。令他愛樂名爲樂說。言想堅者。想是起言所依。是故餘論中或云想。或云聲。或云名。或云字。或云施設。皆是名之異號。以言名顯義令義堅固故名想。堅想堅多種名想差別。重釋中不壞牒辭。隨所覺明自解也。隨彼彼等顯應機說

色有苦無常等義。今約大乘說。此色法但是妄情理實本無。是色之義。三釋辭中。隨他所喜言說正知者。謂解知於他所樂之言。釋正知也。隨他等釋與也。四釋樂說中。先牒舉前詞。無量下約辯樂說。無量種種義語是詞中差別。釋無量門也。隨知下釋與也。新名辯無礙解。謂明辯巧說令他生樂。亦名樂說。自下廣釋中。理實此四於一切法隨說皆具。今依圓數且列十門。於中初五汎知理教。後五知三乘淨德。前中初四正就所知明無礙。後一約能知智。前中初三知義。後一知教。前中一約知事法。事法緣別各住不離名爲自相。二知理法。理法遍通名爲同相。此二當相明法。三約時辨法。謂三世遷流故名行相。四對機宣教名爲說相。五約能知智分。四無礙。非是知於智故名爲智相。後五中。初一總知三乘離相淨證名無我慢。後四別中。一通知小大。餘三別知大乘菩薩地。初一知因。後二知果。一體二用可知。下次第釋中。釋此十章即爲十段。就初自相中。法義是總別一對。於緣生法。總知自相別知差別。詞及樂說廣略一對。少名顯法名之爲詞。衆多異名爲義。堅彼義。令他愛樂名爲樂說。言想堅者。想是起言所依。是故餘論中或云想。或云聲。或云名。或云字。或云施設。皆是名之異號。以言名顯義令義堅固故名想。堅想堅多種名想差別。重釋中不壞牒辭。隨所覺明自解也。隨彼彼等顯應機說

①數二解②然二執③然二就④〔即〕一⑤生二正⑥〔法〕十器⑦辯二辨⑧名二各名⑨〔預〕一⑩爲堅二堅固⑪首名二名首⑫〔彼〕一

也。次第不斷名。不息者是常說也。無量衆多等。於一一法。能以無量異名廣說也。爲堅彼義者。謂以異名多說。意成。本義。故令堅固也。第二復次下明同相。於中法義約二諦分。後二亦約廣略分。初一切法同一無性。二有爲法同無常相。三假名同者。法同無名。但假以說。四假名假名同者。復以假名更重顯之。下重分別。無常入無我者。釋義順法。謂觀無常即解無我。是故第二門入初門智境也。次牒詞文。於前假名法上。復以餘假名隨應根說。次不壞無邊者。牒樂說文。不壞前假名。而能以餘異假名說。謂異名雖說不達前詞。故云不壞也。第三復次下明行相。於中丁知一念緣生現法名。法無礙。已未曾常名。差別義。於此二法。假設名字。名詞無礙。即以此名爲諸衆生。宣說彼事。名爲樂說。下重釋中。一。一世現在故者。通論過去各有現在。故云。彼彼世間。是則一。一世中各有。多門異說。言見過未。知現在者。釋義順法。如是菩薩下結。後成前。謂以後義成。前法無礙智境也。下釋樂說言。事行相。不出三世者。釋前所說事。經中一。一世皆不出。三世。言無邊法明者。異法明。異法明即是聞思慧照法故也。第四復次下明說相中。就教本釋。以分法義。約所隨心言分。詞樂說。謂隨物音說。故云。隨順說。謂隨心異說。義不殊。故云。相似說。相。餘文可知。第五復次下明智相。於中法義約現比。詞及樂說約淺深分。初中以法無礙

智知。法智所知境。非是法智即法無礙。如以苦智知。欲界苦名爲法智。知上界苦名爲比智。今此亦爾。以義無礙。知比智境。新論名。法智類智。然此二智。昆曇宗約時通處別。二智並皆通知三世。別知欲界。名爲法智。別知上界。名爲比智。若成實宗。處通時別。二智俱知三界。知現名法。知過去未名比。若大乘宗。時處俱別。知現在欲界。名爲法智。知上界及過去未俱是比智。詞中言。欲得方便者。詞說世諦。與得第一義。作方便也。樂說中言。得智者。說第一義。令正證得。故下重釋中。釋初法智內。知諦差別。是二諦不同。不異方便。是釋不壞方便。謂見不異法名。爲不壞。法智等學。經對顯釋。比智中。如此如實等釋。顯比義。以現所知類餘。知法釋樂說中。非顛倒異說者。稱理說故。第六復次下明。無我慢相。於中真俗二觀。以分法義。謂觀真一相。無我不壞。觀俗蘊等差別。無我說中。妙勝分。詞樂說。謂愜情稱美。順理名。妙攝令。歸趣也。言理殊勝。成益轉多名。無上也。下重分別。釋初無礙中。先順釋。謂無我不壞。故下反釋。謂取已能解。名爲我知。取已能得名。爲我證。如是等壞。即明不取名。爲不壞也。陰等方便。下釋義順法。謂觀陰等。以爲方便。得入真諦。無我法故。是故下結。後成前。故是菩薩智境。成也。一聚積下釋。顯無我。謂迷陰故。計聚積我。以迷界故。計異因我。以迷入故。計欲著我以迷四諦十二緣故。計作著我。說此陰等

對治四我。以顯無我。雜集論第一中廣顯。蘊等所治之我云云。第七復次下明。大小乘相。於中約權實。以分法義。謂以約實同觀。唯是一乘。約權異性說。有三乘。詞及樂說約總別分。總說三乘。令得解脫。名詞無礙。隨物心念。於一一乘。無量種種說名。爲樂說。下重分別。文顯可知。第八復次下明。菩薩地相。於中法義約地體相分。詞與樂說。同體義分。謂說地名。詞中差別名。爲樂說。智相是地體。說相是地相。謂隨相說。十故。巧授十地名。與方便。隨物心樂於一地。以無量門。令入故也。下重分別。釋菩薩行中。法行智行。示者。以此二行。合爲菩薩行。謂證法成。行名爲法行。即智成。行名爲智行。以此智行。能入地故名。隨智行。觀智說故。者釋所由。謂何故智行是菩薩行。答以說觀智。爲菩薩行故。次釋義無礙中。十地差別。謂心者。出地體。謂地別由心說。爲口言。下釋詞無礙中。不顛倒解。不壞說。教授解。隨順地道也。第九復次下明。如來地相。於中法義約佛體用分。詞樂約廣略分。初一念證得名。法身相。二時處應現名。色身相。三謂前二身中。智德差別名。正覺相。四隨物心樂。廣顯佛德。無量差別名。爲說相。下重分別。釋義內。隨何等劫。成何等佛者。示化時也。如釋迦佛。成在賢劫。釋事中言。隨以何國。是成道處也。隨何等佛。是現佛身。釋相中言。隨名所記。可得見聞者。謂如名所記。身土聲色。可見聞故。釋詞無

礙中。隨正覺等者。以十佛中最初名為正覺佛故云。依說。第十復次下明。作住持相。於中法義約知。佛說。總別分異。說前法義名詞。詞中差別名為樂說。初覺相者是佛起。說住持德也。二差別相者是佛隨機現差別德。三說相者依前差別為衆生說。四彼無量相者隨物心樂異異說也。下重分別中。佛語者能說故。力是神力破憍慢衆生故。無畏降邪。不共異。小悲能常說。智為說依。轉法則是隨順正說。此上皆是一切智攝。釋義無礙中。隨心性者是種性差別根欲可知。言諸佛智行等者。釋樂說中智行名。法身。此行利生不壞名圓滿也。隨彼信等釋。隨信說故也。第四大段菩薩摩訶薩下明。法師成就於中有四。一持成就。盡法在心。二說成就。依持起說。三問答成就。他惑疑問菩薩善答。四受持成就。能更受勝法為他宣說。就初中先牒前起後。二得衆義等。正顯十時。並約所起業用分異。謂初三起。意業。一能知義。二能知教。三智起。通化。次三起身。四身放光明。善與衆生慈光攝取。五剛強衆生威力伏取。示達伏物是善巧之慧。六上供諸佛下攝貧窮。故云衆財。下四起口業。七於大乘中被劣衆生示教利益者。示大乘中名聞威德。令其捨劣趣入不難故也。八不斷者常說也。九無盡者深說也。十種種者廣說也。下結可知。自下經文論主不釋。第二是菩薩於一佛下明說成就。於中三。初明能受多法。二是菩薩得如是下能廣說法。三

是菩薩處法座或以一言下。能起說自在。第三是菩薩三千界所有衆生下明。問答成就。於中二。初一世界中答難。二明一切世界。第四承佛神力下明。受持成就。於中二。先於一塵處。後類一切塵。憶念等可知。下明地果。三果同前。文處可見。第三大段重顯中有四十二頌半。分六。初四頌。法師方便。二有四頌。智成就。三有十二頌。入行成就。四有十四頌。半說成就。於中初。一頌半智成就。次三頌。半口業成就。次九頌。半法師成就。於中初二持成。次二說成。次半問答。次五受持成。五有七頌。地果三果可知。六末後一頌。歎深結說。善慧地竟。

第十法雲地亦七門同前。初釋名者。釋有三義。攝大乘云。大法智雲含衆德水。譬如大雲。無性釋云。由得總緣。一切法智總緣。一切契經。法等。不離真如。此一。切共相境智。譬如大雲。陀羅尼門三摩地門。譬如清水。智能藏。彼如雲含水。有能生彼勝功能。故。二。蔽如空。龜重猶如大雲。無性釋云。又如大雲覆隱虛空。如是總緣。一切法智覆隱如空。廣大無邊惑智二障。言覆隱者。隔義斷義。三。充滿法身猶如大雲。無性釋云。又如大雲注清冷水。充滿虛空。如是總緣。一切法智出生無量殊勝功德。充滿所證所依法身。唯識論云。大法智雲含衆德水。蔽如空。龜重充滿法身故名法雲。此中三義同於攝論。金光明云。法身如虛空。智慧如大雲。遍覆一切故名法雲。真諦釋云。如虛空者。譬三如如也。虛空有三義。一容受義。譬自性法身不礙生死。二無邊義。譬顯了法身。雖得顯了。猶未究竟。如空有清淨。無有塵霧處。如道內法身通惑解中道也。三清淨無塵霧。譬衆果法身。智慧如雲者。譬如智有三。一道前性得。二道內修得。三道後至得。文言遍者。性得如智遍。如如理。滿者修得如智滿。如如理。覆者至得如智覆。如如理。境智相稱。雲即是雨。雨有三義。一能陰塵。道前自性智清淨無染義。二能洗垢。道內滅惑除惡業。三能生萌芽。道後能生如萌芽。又空如法身雲如應身莊嚴論云。於第十地中。由三昧門及陀羅尼門。攝一切聞薰習因。遍滿阿黎耶識中。譬如浮雲遍滿虛空。能以此聞薰習雲。於一剎那於一一相於一一好於毛孔。雨無量無邊法雨。充足一切所化衆生。由能如雲雨。法雨故故名法雲。仁王經名為灌頂。十住論無佛世界能雨法雨。名法雲地。解深密云。龜重之身廣如虛空。法身圓滿譬如大雲。皆能遍覆故名法雲。解云。謂我法執所薰種子無堪任故名龜重。遍障二空無我理故。是故經云。廣如虛空。其第十地十種法界法身圓滿。喻如大雲。證法界時。由圓滿法身及修生法身。覆隱如空。廣大龜重故名法雲。餘義如下釋名分中說。二來意者。亦有二義。一前雖得彼辯才說法未能圓滿法身現前故。今進令彼修證圓滿是故來也。餘二門可知。又地論云。於九地中已

①〔一頌半〕初二十五字。②〔五〕十半。③法等二等法。④切十〔法〕。⑤清二淨。⑥〔云〕一。⑦無二處。⑧〔惑〕一。⑨芽二牙。⑩如十〔智〕。⑪密二雲。

作淨佛國土及化衆生。第十地中修行令智覺滿足。此是勝故。三所離障者。依地論離於諸法中不得自在障。唯識論云。於諸法中未得自在障。謂所知障中俱生一分令於諸法不得自在。彼障十地大法。智雲及所含藏所起事業。入十地時便能永斷。由斯十地說斷二愚及彼龜重。一大神通愚。即是此中障所起事業。二悟入微細秘密。即此中障。大法智雲及所含藏者。解云。以能障通等所知障一分爲體。金光明云。最大神通未得如意無明。微妙秘密。藏修行未足無明。梁論大同。又此地終心亦離二障。便有餘障未名最極。謂有俱生微所知障。及有任運煩惱障種。金剛喻定現在前時。彼皆頓斷入如來地。由斯佛地說斷二愚及彼龜重。一於一切所知境極微細著愚。即是此中微所知障。二極微細礙愚。即是此中一切任運煩惱障種。故集論說。得菩提時頓斷煩惱及所知障成阿羅漢。及成如來證大涅槃大菩提。故解云。此二微細過前障外。故名餘障。金光明云。一切境界微細智礙無明。二未來。是礙不更生未得不更生智無明。梁論名微細礙微細著。同此可見。四所證者。證得業自在等所依止法界。世親釋云。謂此法界是身等業自在所依。及陀羅尼。門三摩地門自在。無性釋云。業自在等依止義者。謂隨所欲門。身語意業用自在依五神通。隨自作業皆得成辦。得文義持諸陀羅

尼自在力故。能持一切佛所宜說文義無忘。得三摩地自在力故。於諸等至。等持能斷。隨其所欲虛空藏等諸三摩地三摩鉢底而能現前。中邊論云。隨欲作種種利樂有情事。故此但總說不別開也。唯識釋云。謂若證得此真如已。普於一切神通通作業總持定門。皆自在故。解云。準上諸論於此地中得四種自在。一五通。二三業。三總持。四諸定。尋此地下文。大盡分等更當會釋。唯識云。雖真如性實無差別。而就勝德假立十種。雖初地中已達一切。而能證行猶未圓滿。爲令圓滿。後後建立。五所成行者。亦有三種。一成就受位等行。二當智波羅蜜行。三依莊嚴論第十住三昧門陀羅尼門極清淨故。六所得果者。依梁論通達業自在依止法界得化身果。金光明第三卷云。十地發心得首楞嚴三昧。當地行果。位果又梁論十果並當所成佛地大果。餘悉現得。又金光明說修行十地得大總持果。如彼經說。第七釋文中。初讚請內二十五頌分五。初二頌明首陀會天設妙供。二有頌明菩薩燒香供。三有頌明天王眷屬寶衣供。四有十八頌明天女樂讚供。於中初二總明作樂。次二歎佛體相普遍德。次三歎佛業用成益德。次四歎佛八相應機德。次二約幻喻歎佛廣大德。次三歎佛法身平等德。次二結勸修學。下一天女結歎。五末後二頌衆首正請可知。第二正說分中有八分。一方便作滿足地分者。攝前九地所修諸行。總爲

方便滿此地也。二得三昧分者。初住地行行德無量。以此地受職必依三昧故。偏舉之。三得受位分者。正住地行。謂依勝定能攝佛智故名也。四入大盡分者。是地滿行。此爲望前已是窮盡。盡中之極故云。大盡五釋名分者。此地學窮辨德顯稱。六神通力無上有上分者。地滿足已妙用自在。故曰神通。通用過前名爲無上。仰劣如來名爲有上。已下二分通於十地。但以初攝後。於此地收七影響者。以喻顯法。如因。像知。質。八地利益者。彰說勝益勸信趣入。就方便滿足地分中。先總標舉。謂無量是廣智。善修是深智。前諸地中具起。此二通名善修。謂妙智決擇故也。實性論中地上菩薩起二修行。一約根本智名如實修行。當此善修也。二約後得智名遍修行。當此無量智也。下別辨中九句。論攝爲七。初三爲一名善修行者。謂於諸地皆同善修證助。不住。似前八地中同相故也。謂白法足證。助道可知。大功德等是不住。不住無故不捨功德。護是不捨也。不住有故不捨智慧也。此三句次第相釋。謂何因得證。由起助故。何因成助。由不住故。下六句別顯中。初一句攝前七地二利行相。第八地初以辨七地差別。故此總攝一句顯之。言廣行大悲者。普遍釋悲意。七順自利釋行也。隨順利他釋大悲也。二言深知分別等者。別舉第八地令佛土淨行。下四句別舉第九地中行。於中初句是九地中自分之行。教化衆生故云深

①智二地②即一③之十藏④論一⑤一十一⑥是顯一智十一字二未生處未得不起七字⑦門一⑧在十所依⑨等二能⑩三二二⑪喻一⑫二二一⑬作一⑭爲二地⑮像二衆⑯通二道⑰者二名⑱意七二廣發

入即是入行翰林等也。下三句明勝進行於中初解次行後證。言入諸等者解佛所行真如境法言趣向等者求於佛果無厭足行。言得至等者地盡至入。謂十地位窮名為地盡。依行得證名為至入。以此地中受佛智職故云一切智位。第二菩薩摩訶薩行如是下明三昧分。於中初牒前起後。則得下正顯所得。於中四。先別顯十門。二通結百萬。三是菩薩下明能入能知。四顯最後名。就初內論中舉初等後。故云離垢等。舉後百萬故云眷屬。離煩惱垢顯其相。以此位中是障盡處故。不加功者成就相應故。餘九是別。以六七二定共離一垢。故離八種垢。一入法界差別者是入。密無垢謂法界深奧名為密處。二行近佛果名莊嚴道場。三身光業用。四口辯總持。五意業現通。六廣七深俱顯淨土。無量釋廣。正觀釋觀。上來自德。八隨一切等者化衆生無垢。利他德。上二利自分。九如實知等者是勝進。上覺名正覺無垢。謂將成正覺諸佛迭共現前證知。此如下文受職處說。言一切智智無分別釋一切智也。一切智智平等受位。佛智釋受位也。滿足三昧事釋悉入。其體知其業用可知。第三是三昧現在前下明受位分。於中有六。一隨何等座者。如世王子受職之時在閭浮金白象寶座。菩薩亦爾。受佛職時在於大寶蓮華王座。二隨何等身者。如輪王子玉女寶生具足王相為得位身。菩薩亦爾。殊妙之形為受職身。三

隨何等眷屬者。如輪王子受位之時文武百貴共相輔弼。菩薩如是。受佛職時諸大菩薩共相圍遶。四隨何等相者。如世王子受位之時掃治街巷。懸繡幡蓋。鑼鼓振響。菩薩如是。受佛職時振動大地。惡道休息。放光普照世界嚴淨。以此為相。五隨何等出處者。如世王子受職之時。口出教書恩及天下。獄囚得脫庫出賜臣。菩薩如是。十處放光。令惡道出離菩薩增行。六隨所得位者。如世王子受位之時。父王手執金璽。四海水灌太子頂。即名灌頂輪王。菩薩如是。十方諸佛白毫所放一切智光入菩薩頂名受佛位。此六段經。前三段文論家一處釋。次二亦一處釋。後一別釋。就初座中有十相。一華王是主相以自在故。二周圍等是量相以廣大故。三衆寶等是勝相以具德故。四過於等是地相以是生處故。五出世等是因相以從彼生故。六知一切等是成相以空慧所成故。如世蓮華種種植所成。七光明等是第一義相。如世蓮華令心取著。菩薩華座善照法界論約照理。經約照事。可知。八功德相經無此句。以與地相相似故不辨也。又此明所生果。相與前異也。九瑠璃等是體相以瑠璃等是體狀故。十無量光等是莊嚴相以德用備故。二爾時下明隨何等身。身體殊妙廣稱華座。三即時下明隨何等屬。諸處座得定心敬目瞻。四是菩薩昇下明隨何等相有五相。一動地。二息苦。三光照四嚴界。五見佛等。五何以故下明隨何出

處。言何以故者徵前起後。論言以出光明故總釋出處也。文中有三。初十處放光。二爾時下由光普照諸佛菩薩咸皆覺知。三即時下由覺知故下位菩薩俱來供養。就初中此十光明論攝為三。前之九種是利益業。謂初五益。凡夫。次二益。一乘。後二益。菩薩。又八九十此三名為發覺業。謂第八發覺從初發心乃至九地業。第九發覺十地菩薩。第十發覺一切諸佛。又八九二光名攝伏業。謂第八能攝。能令九地已還菩薩咸來供養。第九能伏能使魔宮隱蔽。就第十頂光中有四。初照十方。二成光臺。三設供養。四入足下。初二可知。就供養中有三。先顯供養。二正供佛。三明供養。言必定無上道者論有二釋。言於地中決定義故此約地上證決定也。言復有異義等約下位令入正定益。謂定不放逸者離惡定也。所作之事決定心者集善定也。言入佛足下者。遠公三釋。一就教相。頂光入足顯深敬故。二約相顯實。菩薩智光證入佛境。從下趣入名入足下。故論名為平等智攝。三約實以論菩薩自己因行趣成果時。從下證入名入佛足。第二爾時下由光普照令一切諸佛菩薩咸知。第三即時下明由覺知故令有所作。於中二。先下地菩薩來此與供。謂先供養後得益。一同位菩薩德光相助亦先光入後明益。良以菩薩內有萬德故。於胸前有萬字相現。論釋可知。第六爾時諸佛下明隨所得位。於中有四。謂法喻合結。

①知二智②象二寶③殊二殊④實二官⑤世一⑥老二家⑦相一⑧一二二⑨供十(養)⑩言二意⑪亦一⑫隨所二所隨

者。此是祕密隱顯俱成門。謂將護初心根未熟者。現龜隱細。令彼不怖。依彼說。沒此微細智也。六入劫智者。善解諸劫互相涉入。名入劫智。時劫相續說以爲命。遷流名行。一攝一切名曰加持。一入一切名之爲捨。以廢已隨他名爲捨故。劫隨心轉名自在意。七入道智者。知諸世法堪爲出世對治之用故名入道。初集智大者。諸釋云因緣集智應知。彼復隨所有分染或淨或滅者。此是總釋。於中有六重。一或唯染。謂初五句及邪見煩惱集。二或唯淨。謂涅槃集及聲聞等集。三或唯滅。謂虛空集。四染淨合。謂識及有爲世間成壞。五淨滅合。謂無爲及涅槃。六通於染淨及滅。謂法性集。論經名法界。卽不善法界名染。善法界名淨。無爲法界名滅。論別釋中。言隨所有三界處者。釋初三句可知。隨所有衆生者。釋次二句可知。隨所有染淨等心者。釋識集可知。隨所有有爲無爲法無知知故者。釋有爲無爲集。卽有爲有心故名爲知。無爲無心名曰無知。隨所有處虛空等者。釋虛空集。以是世界等所依處故。隨所說正不正法者。釋法界集。卽淨法名正。染名不正。等取滅也。隨所證不證。謂於涅槃者。釋涅槃集。以聖人所證故。下明不證卽釋邪見等。謂何因不證。以邪見故。是誰邪見。謂餘外道等。彼不能證故。隨所有器世間成壞釋可知。隨所有三乘彼集差別者。釋聲聞等應知。結文可見。第二是菩薩以如是下釋應化智。於中先別顯

●得二明◎●* ●智二知◎ ●作二化◎ ●[深]一◎ ●[知]一◎ ●[諸]二諸◎ ●復二後◎ ●[皆]一◎ ●[作]一◎ ●(所)十
特◎ ●得二諸◎ ●示二不◎, 示一◎ ●得十(作)◎

知業前後。知逆順之行。同得菩提。第六是菩薩下明。入劫智論云。是中入者。平等解脫一切劫迭相入故。謂不思議解脫之法。平等齊均。遍諸劫海故。令諸劫迭互相入。餘文同。上發心品等說。第七是菩薩下明。入道智於中經內。次初入凡夫道智。論云。依凡夫地者。釋此句也。依我慢行者。釋微塵智。謂以微塵分別色故。令離我慢。言依信生天者。釋國土智。謂智現淨土。過彼所信。言依覺觀者。釋衆生身心等智。謂煩惱亂心通名覺觀。下有六句。化之。合離。謂知所化至處行佛道。示逆順行難思。具三乘並可知。結文可見。第二是菩薩摩訶薩下明。解脫大。於中先別辨。後總結。別中有十。初不思議解脫者。依神通境界。謂轉變自在難測量故。二無礙者。能至無量世界。以願智無礙故。此是速疾自在也。三淨行者。論經名淨智。所知淨行略有三門。一知世出世約位分別。二知學無學約因果分別。三知聲聞等隨入分別。此是所知自在。前二是通。此一是智。四普門明者。隨意轉事。謂隨衆生意普於一切色。像門中示現自身。如觀音等。名普門自在者也。五如來藏者。法陀羅尼。謂所知真如。蘊積恒沙如來功德。名如來藏。總持法也。六隨無礙輪者。能破他意。而不退故。七入三世者。三世劫隨意住持。是入劫智也。八法性藏者。一切法一切種因緣集智。此同上集智。九明解脫者。光不離身而能普照。十勝進者。依一時知無量世界諸衆生

心。總結可知。次三昧大。次陀羅尼大。後神通大。並可知。大盡分竟。第五大段是菩薩成就下明。釋名分。於中有三。一能受諸佛雲雨說法。名法雲地。二自從願力下能注法雨。滅諸衆生煩惱塵炎。名法雲地。三復次佛子。下明能注法雨。生物善根。名法雲地。初中若從所受應。名法雨地。若從能受應。名法海地。但今就彼受法之處。名法雲地。是故論釋一雲法相似。以遍覆故。此地中開法相似者。此所開法寬廣遍覆。是故名雲。與法相似也。言如虛空身遍覆故者。明能開法身。謂受雲之所。其唯虛空故。說能受法身如空。若隨所對。佛身如雲。說法如雨。即所受若雨。能受如海。若對所說之法。如雲遍覆。即所受若雲。能受如空。二滅塵。三度生。論顯可知。就初中先總明成就念力者。近說受持義故。謂近佛聽說受持義。二能於一念下別明受法。於中三。初於一佛所聽受多法。二如大海下於多佛所聽受正法。三問答明。前二種分齊。就前中有法喻合。論釋中先總釋說衆多故。釋法中無量法明也。二入如來微密處。釋合中微密法雨。三速疾釋。一念頃能受。以此地中聞勝故。能受多法。所受雖多。若魚淺易解之法。受亦非奇。故復云密法。雖多密。若積時方受事亦不難。今明一念速疾能持故是勝也。論云是中無量下別釋前三。初二所聞之法。後一能聞之德。先解所聞法。謂性故作故。開爲二相。謂三慧所知名法自性。說授衆

生故名爲作。別釋性中。大法明是聞思智攝受故。大法照是修慧智所攝受故。經欠此句也。云何作大法雨。如大雲與他法雨故。下釋能聞。謂起信名受。領教名堪。是文持也。取義名思。是義持也。不失名持。通前二位。經中略無堪思二句。第二釋多佛所受法中。大海亦有四義。相顯可知。第三問答辨分齊中。先問後答。答中亦二。先校量顯示所聞廣多。顯前初段二如一佛所下顯多佛顯前第二段也。前中言三世法藏者。論釋於法界中三種事藏。謂明照雨爲三種。蘊在法界名爲藏也。第二釋名中。初寄雲雷等以顯菩薩能化之德。二一念等明化時促。於上等明化處廣。餘是化益勝。又風雲雨等如論應知。第三釋名中。八相現成漸長。物善文處可見。第六是菩薩住此地下明神通力無上有上分。論開六種。一依內者。通依內德。此有四種。是前大盡分中五種大。以智大與陀羅尼大合說故爲四。以彼並是此地德用。故此同說。二依外者。神通業用依外境起。三自相者。轉變作用是神通相。此上二門。經文是一。義開釋故爲二門也。四作住持者。常用不絕。五令喜者。斷衆疑惱。六大勝者。超過前地。就第二依外者。外事地等。是所動世界依報故也。復有外事自他身等。是後現身等即正報也。何故身等說爲外邪。釋以對前解脫大等是內德故。說此身等以爲外事。三自相亦二種。一轉外事等。土及他身俱名外等。二應化自身

①廿二念②合二令③經一④像二象⑤道二言⑥所十石⑦其二至⑧所一⑨所二治⑩所一⑪一⑫受法中⑬中⑭本⑮顯⑯前⑰作二化⑱住二作

觀三世是三達智。次三昧是前三昧大。次智力是前智大。次遊解脫是解脫大。變化等是轉變外事等可知。三佛子下總結廣多可知。第二解脫月言下明此對佛顯其有上。於中先問後答。問中舉菩薩疑佛不勝。問辭同上。疑意有異。準答應知。下正答中三。初總詞所問。如一四天下望十方界已爲少竟。於四天下中。復取豆土。卽是少中之少。此四天下望豆許土已爲多竟。彼十方界望四天下復更爲多。卽是多中之多。但以少疑多已爲不可。況以少中之少欲類多中之多極不可也。故云汝所問者我謂如是也。如來無量等結詞反徵。一佛子下約事顯之。謂十地德中。前所說者如豆許土。所未說者如四天下土。如來功德喻十方界土。所說地德尙不得比於所未說者。焉得比於佛果功德。三我今當說下引佛證成地德無量。地德無量。然不及佛。義在難信。故引佛證也。如十方下正顯菩薩德劣於佛可知。第二佛子是菩薩隨如是智。慧順如來下。正是調柔攝報願智等果。就調柔果中四。一明調柔行。二菩薩住是地下明教智淨。三十方佛說三世下明得法自在。四是名下結其地相。於此四中。前之二段論中名爲說法令喜。餘及後二果俱名大勝分。前中初調柔行內有法喻合三可知。初二教智淨中亦法喻合可知。第六大勝中。初三世等名神通勝。二攝報中得十不可說百千世界塵數三昧等名。算數勝。此二種事勝

(第)十二、^①不二示、^②(下)一、^③(下)一、^④復二謂、^⑤此二比、^⑥高二高、^⑦信二後、謂、^⑧離二惠、^⑨其二
 至、^⑩素生故二也、^⑪歷二二、^⑫(地)一、^⑬(西)一、^⑭梨二葉、利、^⑮又二双、

故東面五河人皆具見。總取爲喻。餘三本河有「大聲名」人雖不見莫不同聞。亦取爲喻。通前爲八。餘河名小人不聞故不論耳。滿四天下者。非是四河各流一天下。此乃總是一閻浮提。何故乃名爲四天下。釋此是言總意別。以此閻浮提。是四天中一洲攝故。是故總言四天意在閻浮。如上諸會結通處言。如此四天下十方亦爾等。皆是此類。合中四攝利他。合四河滿足。無有窮盡至一切智。增成自利得大菩提。合入大海也。論中依本願力修行者。釋菩提心流出善根大願之水。此中但言菩薩必具菩提心。不待說故。以四攝作利益他行者。釋彼四攝滿衆生。自善等釋自利可知。第二山喻。上勝功德中有四。一總攝法。二列山名。三現山中物。四以法合。初中言十地因佛智有差別者。謂以佛智爲所依因。而起十地差別之相。如因大地增上依持有十山王故。論云依一切智增上行十地故。列名中。詞梨羅山者。於此山出法陀羅木。故以爲名。法陀羅此云苦鞭木也。由乾陀此名持雙山。尼民陀。羅此名持邊山。祈迦羅此云輪。圍山餘名可知。三如雪山下顯。山中物以喻十地。於中一喻初地聖智妙藥。二喻二地戒香。三喻三地禪定妙寶。四地出世似於仙人。五以夜叉喻五地善巧自在。六以菓喻六地因緣集觀。說聲聞果不盡者。以六地超出生聲聞境。說彼無窮盡也。七龍喻七地。亦以超出辟支能說彼道。八

心自在者。是諸密迹神名。自在衆喻八地中十自在等。九脩羅喻九地善巧攝生大力之相。十諸天喻十地滿足。又論中釋。是中純淨諸寶山喻八種地。善清淨故者。謂十山中除初雪山香山。以是土石山故。餘八皆是金寶之山。故云純淨寶。喻後八地厭地者。是第三地。彼以淨禪厭離煩惱。如寶純淨也。善清淨者。是四地已上。以彼無流斷諸煩惱。如寶純淨也。言復次諸山下釋。諸山中所有諸物。謂神仙等是衆生數。藥寶等是非衆生數。於中一藥等能資內報名。受用事。謂藥能除病。名增損對治。香菓資身名。長養事。二寶不資身。但可貯積以除貧乏。故名守護等。言依雪山等者。指定其處。謂初三及第六。此四是非衆生數所依。下釋衆生數中。治六種難。一五通福田供。以生富故治貧難。二夜叉威制眷屬。不令害入故治死難。三龍降時雨。以治險難。四金剛力士摧伏惡人。治不調難。五修羅說呪力調其眷屬。不行殺害。名治惡業。六須彌頂上天帝釋等名爲自在。須彌腹上所有四王名。四天王。彼能對治脩羅怨敵。下釋集中不窮盡義。謂如上所說事。能生一切物故。言集在其中也。順行不斷不休息者。解不窮盡義。謂次第相續名爲順行。不永斷故名不斷。非暫無故名不息。下釋山因海名。謂山因海故得高勝。海因山故得深廣。前說依地。今說依海者。由彼十山依斯二處。故互舉也。下釋法同喻。謂佛智如海。依起

十地高深相顯故云因果相顯也。是即一山下皆有大海。一內地內皆有佛地。此是圓教中義。若餘教中要十地後方到佛地。可思難之。第三大海十相明。難度能度大果功德。於中先喻後合。各有總別。總中言不壞者。謂此十相同一大海不可易奪故云不壞。地法亦爾。同一佛智義分十地。不易奪故也。論云因果相顯故。十地如大海。難度能度得大菩提果故。下釋別中。攝十爲八。以六七爲一。九十亦爾。故爲八也。初三可知。四護功德者。護名爲捨。捨餘一切差別相故。又釋護同一味。恒不失故。言不竭者。以六深七廣水無竭故。言護世間功德者。潮不過限。不枉害物。此喻九地應機說法。受水無厭能容納百川。不令餘水損壞世間。餘法雲地受佛法雨利益世間。餘法合等如文可知。第四寶珠十事喻轉盡堅固功德。於中亦先喻後合。各有總別。論中先釋總中過十寶可知。以出故取者。此是經中初句。謂以出海故。取以爲用。放光是第九。示現是第十。超中學後故云乃至也。攝十爲八者。以合六七八故。此八中初後二句約喻顯法。餘但釋喻。初出海益物故稱功德。以善觀者顯法也。謂初地聖智出煩惱海善觀察也。二體色分明。三圓圓可喜。四垢穢斯盡。五光色鮮澤。六異相莊嚴名爲起行。三句合釋可知。七放光名神力。八隨王雨寶故無護惜。下顯法以已善根與一切衆生同一善藏合與衆生寶物也。過

●大二本●大●●〔提〕●●〔是〕●●現二顯●●尼二耳●●〔羅〕●●圖二圖●●四十(四)●●無二不●●(濟)十淨●●東一果●●依十(地)●●到二至●●法十(也)●●

十聖等文並可知影像分竟。第八佛子是菩薩下明地利益分。於中有三。初顯法利益。二結通十方。三他方來證。若依論經。更有第四如來隨喜。第五佛在下結說究竟。今依此經。就初中有二。一生信功德。二兩華等是供養功德。前中二。先開益後動地。前中亦是初總舉難聞。二問答顯益。答中亦二。先正顯。謂舉佛。類法。舉法難聞。二何以故。下釋成。以發菩提心行菩薩道者。是此法器。故方說聞。是故此聞必同。彼法成。益廣大故也。動地是生信功德。為緣生義。釋十八相等及為四種衆生等。並如初會所說。餘結通證成等。皆同。前諸會可知。

第三大段重頌中二。先觀察等明說偈意。十種所為釋同。前會可知。正頌中九十頌分為九。初二十九偈頌方便作滿足地分。於中初七偈地總頌。前九種地中善擇智。次二別頌。初。次二頌。二地。次二頌。三地。次二頌。四地。次二頌。五地。次二頌。六地。次二頌。七地。次三頌。八地。次五頌。九地。二欲得下二頌。三昧分。三若能下十頌受位分。四住於是地下七頌。大盡分。五此地下六頌。釋名分。六大士下七頌。神通力無上有上分。七菩薩住此下八頌。調柔等地果。八為得下十九頌。影像分。於中初十一頌。山喻。次四頌。海喻。次四頌。珠喻。池喻及九地利益等並略不頌。九末後二頌。結說無盡。十地品竟。

華嚴經探玄記卷第十四

華嚴經探玄記卷第十五

魏國西寺沙門法藏述

十明品第二十三

初釋名者。謂妙用自在。委照稱明。明用無限。寄圓辨十。即帶數釋。也。

二來意者。一通論以下五品來意。謂前顯證位成滿。自下明其勝進行用。又前是位體。此辨行用。又前位內行。此位後行。又前本智證滿。今辨後智大用。由斯四義是故來也。古人亦有配等覺妙覺。依此經中。不辨斯義。況前法雲地終心已顯等覺之義。二別明此品。謂答前十自在問也。以別譯菩薩本業經彼經問中名為十明故。

三宗趣者。即此十明是理量二智明用自在。無礙為宗。十明義略作三門。一顯名者。一他心。二天眼。三宿命。四未來際。五天耳。六無畏神力。七音聲。八色身。九真實。十滅定。於中滅定相應受稱。天眼天耳。從趣及根為名。餘從境為目。此十皆是智之業用故。同名智明也。二體性同以大智為性。然通普賢性起之智。若隨相分之。前八是量智。後二是理智。據實唯一無礙智。以後二明亦不礙起用故。前八亦不廢即寂故。三諸門分別中有十。一。下與離世間品十明相攝者。彼文約所知明了。非約業用自在。唯彼第四出生不可思議淨妙音聲。無量世界無不普聞。方便智明。此一約。用同此。餘並

別事。二約與十通相攝者。此中他心天眼宿命天耳如名攝。彼十中四通。此中無畏神力攝。第五出生不可思議自在神力示現衆生智通及第七於一念中往詣不可說不可說世界智通。此中色身莊嚴攝。彼第六一身示現不可思議世界智通及第九出生不可說不可說示現衆生智通。彼中第八出生不可思議莊嚴具莊嚴一切世界智通亦入此收。彼約。嚴。依報。此約。嚴。正報。此中未來際智明亦攝。彼天眼。以彼所見故。此中音聲明亦攝。天耳。此中末後二明攝。第十不可說世界成阿耨菩提不可思議示現衆生智通。餘準可知。三與智論中三明相攝者有二義。一非三所攝。以彼亦為二乘所得。此不爾故。二縱佛菩薩所得三明。於此十中但三攝五。亦非盡故。謂天眼攝二。謂天眼及未來際明。宿命唯一也。漏盡攝一。謂末後二也。依涅槃經亦有三明。一諸佛明謂一切智。二菩薩明謂般若波羅蜜。三無明明謂畢竟空。與此不同也。四約六通相攝者亦二義。一非六所攝。以彼亦為二乘得故。二若佛所得攝非不盡。謂於六中天眼天耳神足漏盡。此四各分二。故為十也。即天眼約見。現未分二。以未來生死智明亦是天眼所見故。天耳約聽聞聖教及分別音聲故。分爲二。神足約業用及色身為二。漏盡約定慧爲二。第九是慧也。餘二不分故。六攝十也。五通明差別者。智論第三問曰神通明有何等異。答曰直知過去宿命事是名通。知

過去因緣行業是名明。復次直知死此生彼是名通。知行業因緣際會不失是名明。復次直知盡結使不知更生不生。是名漏盡通。若知漏盡更不復生是名明。六約教顯異者。若小乘三乘並三明六通但分齊差別。若一乘十明十通。與前亦寬狹爲異。七約所知分齊者。智論第三云。此三明二乘亦得。但有不滿。謂於過去或知一世。極至八萬。後不能知。未來亦爾。又不能一念頓知。四諦十五心結使生住滅等相。故不同佛也。以佛知三世衆生漏盡故。解云小乘但知三明。知不能遍。三乘三明。互遍滿知。一乘十明重重遍知。因陀羅網。謂一念攝九世等。一塵內十刹。餘念餘塵皆亦如是。於中所有皆如實知。八約三業。分別者。十中天耳及音聲境是語業淨。神力及色身是身業淨。餘六屬意業淨。若據自體但是意業。以悉是智明故。九約見等分別者。十中二是見。謂天眼及未來。二是聞。謂天耳及音聲。餘並是智。十約建立者。三乘等中但約所知三世以立三明。今此一乘理實明用限量無盡。依則表圓。寄十以顯故。唯說十不增不減。四釋文中有一。初正說。十明。後安住下結歎顯勝。前中初舉數。二辨釋。三結數。釋中十明即爲十段。一一各二。先釋後結。初善知他心明。釋中二。先知此一大千界衆生心。二如是等百世界下知十方無邊世界衆生心。前中先總。二所謂下別。三如是下結。別中知三十種心有二。初約行明心。二聲

聞下約報明心中。前初三性心總舉也。二廣狹者。於善心中分差別。三惡勝者。順上不善名為惡心。反此為勝。無記順流。反此為背。二約報中。菩薩是廣勝心。二乘是狹心。三乘俱背。八部順流。三塗為惡。餘皆可見。

第二天眼明。釋中三。先總舉。二善惡下出。所見境。於中善惡等是通。天龍等是別。三菩薩下顯天眼能見中。無礙明淨天眼者。以所知障盡是報得自在明也。下見用並見。現在衆生生死等也。智論六度品云。菩薩天眼有二。修得報得。以得天眼。故見十方佛。得念佛三昧。是報得五通行。菩薩道。問若天眼根見。根是障礙。應見障內色。不得見障外色。答修得天眼。根名天眼通。通以慧為體。故見障外色。若見障外色。何故聲聞緣覺。菩薩見有遠近不同。答通慧有增微故。見有遠近。如磁石。不吸一切不至之處。於中如所迴轉者。謂是不定業有迴改易等。餘並可見。

第三宿命明中。二先憶知自他本事。二又憶下憶過去諸佛因果等事。以是為衆生出世之佛。故多約八相辨也。以此菩薩得九世眼。見過去現在法。故是故所知無限量也。若不爾者。彼過去法若不落謝。非過去故。若已謝滅。則無法。無法而見非真實。故若言但會所經事心中。有種影現前故說。憶知者。此則但見己之心影。不見彼法。又此曾不經事。應不憶知。又亦但見現在。非

是過去。何名宿住智。餘文可見。第四未來

際智明中亦二。先知未來衆生業報之相。二知未來下知未來佛因果之相。前中先總知。二知衆生業下別知。略舉十對。一業報一對。二知所作善不善。三就善中。知解脫分善名出世。知非解脫分善名不出世。四就解脫分中。得位定者名定。未得者名不定。五就前不出世善中。有種姓者名正定。無種姓者名邪定。六就有漏善名有使。無漏名無使。七就無漏中。果位善。報名為具足。因位不具。上七約位。知衆生下三約行。八初起名攝取善惡。九造修名積。十中不積集惡。未必修善。二知未來佛因果中。初唯知果用。後悉知下兼知。因行。問大乘宗未來世法體用俱無。今云何知耶。答若依方便教釋。此但見彼現在因種。知彼當來果相差別。非謂見彼未來法體。若一乘宗於九世中未來現在體用俱有。故今稱彼如實而知。問未來未有。何名現在。答非是現在現在。故現在中無也。但是未來之現在。故未來中有也。問此有為是緣有。為是性有。若是緣有。緣今未會。若是性有。則同小乘。答若今時看緣性俱無。以是現在之未來必定不有。故若遂未來時處看。是未來之現在。還如今現在。決定是緣有。是故得見也。餘文可知。第五天耳明中有四。初學能聞之德。二菩薩成就下總辨所聞自在。三於東方下別顯一方所聞。四如東方下類顯十方所聞。初中無礙是總。謂無有礙。其聞無聞礙。其慮下別顯十

德。一清淨者離習障故。二廣大者德遍故。三具足者德滿故。四不可稱量者德多故。五

修習者。多劫修成故。六得證者。證理成就故。七明淨者。所知障盡故。八離障者。煩惱障盡故。九了達者。所知明了故。十決定者。所知稱實故。二總辨所聞自在。於十方中有遠聲。欲聞無有礙。令不聞。於近聲欲不聞。亦無礙。遍令聞。欲近不欲遠。及遠中不欲。近中亦爾。並皆自在隨意故也。三別顯東方。初學佛。二顯法。三能聞持。就顯法中有十句。初所說者總舉。教相。二所發者發起隱義。三所開者開顯深理。四所示者示其宗本。上四是理教。五所制者制其學處。六所調者違者折伏。上二是制教。七所教化者化令起行。此一是化教。八所念者六念等法。九所分別者解釋等法。十所教深妙者大乘至理法。善解等總結。多門所聞法也。三如是一切下辨能聞持。於中亦十句。一總善解文義。謂味是文也。二隨何大眾所說之法。三隨何別人而所說法。四隨以何類音聲說法。五隨彼智力所解說法。六隨何識心所變之法。七隨彼所化得功德法。八隨何所緣境界而所說法。九隨何所依根器說法。十隨於何乘而出離法。悉能下結天耳聞持。四如東下類顯十方亦爾。是即天耳聞持無盡無盡也。第六神力智明有四。初標名。二顯體。三若聞下明業用。四是名下結就顯體中有十二種神力。一無功用。二同理性。三能普遍。四量難知。五不待依。六

●(彼)十苦 ●(問)十若 ●[菩薩]一 ●近十(不同) ●報二根 ●多劫修成二行滿 ●證理成就二理圓 ●所知二智 ●

應念至。七不起此。八不廢用。九無窮竭。十非餘壞。十一增善根。十二順彼行。三顯業用。中五。初明所往處佛。二聞已下顯能往彼。設教知法。是前廣大等神力業用。三示現下明其自在。謂現十方不離一處。是前不轉神力等業用也。四悉自下請法。了知是前長養神力等業用。五無損神力下明。遍至成行。是前念至及順行等神力業用。結名可知。第七分別言音智明中。初總知。所謂下別。於中三。先知報。類言音。二善分別下知。語法施設。謂飯喫等。三摩訶薩隨其下明。得知所由。先法說。由此菩薩遍入世界。識知彼中衆生性類。是故解其言音。施設喻合可知。第八色身莊嚴智明中有三。初知。無色法界。二而菩薩下巧現。多色。三佛子下明。無色現色之意。又初明。色相無色。次無色即色。三雙顯其意。初中五句。一總知。色性。二不生是稱真性。三無種種是離異相。四離妄執。五離形顯。二現。多色中總別合有一百一十種色。此等就是稱法界之實色。不同餘教或十一色或二十五色等。三明現色意。三初總舉應機。二所謂下別顯。益用有十種。並是前法色之勝用。益生成化。三悉能下結業用。結名可知。第九眞實智明中。一初本智證理明。二不捨下後智攝化明。亦是初自內證後外利他。亦是初證法體後說法用。亦初即事常理。後理恒事故。不礙業用也。前中二。先正證法。略辨五十門。明遠離二邊。不著中道。相性俱泐。有無雙遣。依

三。性三無性。準釋可知。二菩薩知如是下結證成智離著之益。二後智業用中有十。初明照實不捨權。謂前雖照實約非安立。不著二諦。然爲不捨本願。還約安立。見於二諦。決定知法。是知世諦也。二與雲雨法。三度入善巧。謂創起名入。終極爲度。四巧說深廣。謂不達眞法者度順深也。五以大慈爲因。巧說無盡。六於無名。在名而不壞名性。性是文字則解脫相也。七觀察下巧觀離染。八解了下善言攝生不捨自證。九於不二下明於理事無二之法。不退事而沒理。不退理而沒事。亦是寂用雙運故也。十具足下明。無礙具德自在之相也。第十滅定智明中有六。初明所得滅定。言不退轉者正明。常定。未曾退失。二亦不捨下顯寂而恒用。謂身在滅定。不捨菩薩十種業用。一總明菩薩作事。下九皆是菩薩事故。二別顯慈悲三十度行。智。四大願救。生。五轉正法輪。六方便調生。七敬養諸佛。八入法自在。九常見佛。十恒聞法。三悉能出生下明滅定業用。謂此滅定非直與前十種行用而不相違。亦乃由此定力出生十種殊勝行用。一總明出生。謂即定起用名能出生。定用無隔名無礙法。此悉能出生。貫下諸句。二知法平等。三具足下成。果法顯。四深入下智。容土海。五究竟下究。盡因際。六於一切下遍學。所學。七一切下深悟。法相。八善知下妙達緣起。九了一切下明解。教義。十於一切下明權實智具。四菩薩摩訶

薩下明。住定劫數。五願容下明。住定威儀。六悉能成下不廢行用。問此住滅定身儀不動。云何得有所作事耶。答若小乘滅定總無業用。若依初教正在滅定。雖諸轉識總不現行。由前加行悲願力故。擊發第八阿賴耶識。令具威儀作諸所作。是故亦云不起滅定現諸威儀。若依終教觀事則理。故在滅定而不礙事用。現諸威儀。亦名雙行自在。此上二門皆心中止定而身儀作用。以此但得理事無礙故。頓教中不可說用不用。若圓教中由得二事無礙故。是故滅定如坐則是往來說法。亦不分身而動靜成就如佛昇天不起覺樹等同此。準之。餘義如滅定章說。下結可知。別釋訖。第二菩薩摩訶薩下結歎顯勝。於中三。初歎勝。一過人天。二越世間。三超二乘。四踰下地。此四形劣辨勝。五總三業。六別舉定。七顯智用。此三當相辨勝。八唯佛方窮。二佛子下結。三此菩薩下顯業用。謂得三世佛智明。非謂是三明也。十明品竟。

十忍品第二十四

初釋名中。十者圓數無盡。忍者智照觀達。亦帶數釋。二來意有二。遠答前善光十定問。故來也。以忍受眞理。情安不動故名也。近顯十明。所依故次來也。三宗趣者。先宗後趣。宗有五門一體性。此忍以智爲性。若小乘忍劣屬因。智勝屬果。大乘不二。但忍受堅微約用分之。二所斷障。此中寄常斷微細著微細礙無明。三定位者。若漸教此十

忍行通。諸位。寄當十地之後等覺位中。若圓教遍通。五位寄於此說。四種類者。或一。謂無生忍。或二。謂二無我忍。或三。謂三無性忍。出佛性論。或三。謂信忍。無生忍。出地持論。或四。謂四無生忍。如第八地論中。或五。謂地前名伏忍。初二地名信忍。四五六地名順忍。七八九地名無生忍。第十地及佛地名寂滅忍。此依仁王經。或六忍。謂信忍法忍修忍正忍無垢忍一切智忍。解云。初三如。次是地前三賢。後三如。次是十地等覺妙覺可知。此依璣珞經。或苦忍等八非。此所辨。或十亦如第八地經中。又十此文。或十四。依仁王經。五忍中前四各分三。謂上中下。後一唯分二。謂因果。五別釋。十忍。於中初三約法。後七就喻。法中初一約資糧位。次一約加行位。後一約正證位。寄相如此。若通則遍在十地可知。第二宗趣者。由學如此十忍行故。得因圓果滿。故文云。能得一切等也。四釋文中。一。長行與頌。前中三。先舉數勝。二列名顯要。三解釋結歎。初中。一。先總告舉數。二歎勝中能得無礙忍。者顯自分圓滿。又得下明勝進果圓。由此十忍得斯因果。

二列名顯要中。亦二。先列名。後顯要。前中初音聲是教。隨順是行。謂於說無生之教。信順忍受境行為名。二順觀真理。而未契真故名順忍。行體立名。三順觀既極證契真理名無生忍。無生是理。從境為名。又亦無生是行。當相為目。下七喻中。光統云。前之四喻喻音聲忍。電化二喻喻於順忍。虛空一喻喻無生忍。又云。幻者起無起相。焰者境無境相。夢者知無知相。響者聞無聞相。電者住無住相。化者有無有相。空者為無為相。又古人云。觀識如幻。觀想如炎。觀受如夢。觀聲如響。觀行如電。觀色如化。觀總一切蘊界處等畢竟空。故如虛空也。又遠公約知三諦法。謂知俗非實如幻。知俗倒有如炎。知俗從心起如夢。知聲塵不實如響。知俗暫有如電。知變易無體如化。知真離相如虛空。又前六喻有為空。後一喻無為空。如金剛般若九喻。皆喻有為。又準攝論八喻。顯依他。並為釋疑故。攝論第五何緣如經說。於依他起自性。說幻等喻。總問也。於依他起自性。為除他虛妄疑故。答他復云。何於依他起自性。有虛妄疑。則由他於此。有如是疑。云何實無有義。而成就所行境界。為除此疑。說幻事喻。無性釋云。虛妄疑者。於虛妄義。所起諸疑。云何無義。遍計度時。分明顯現。似所行境。為遮此疑。說幻事喻。如實無。像而有幻。像。所緣境界依他起性。亦復如是。雖無色等所緣六處。遍計度時。似有所緣。六處顯現。云何無義。心法轉解云。此疑意幻法不生。實見世法不爾。故非無也。論云。為除此疑。說陽炎喻。釋云。又如陽炎。於飄動時。實無有水而生水覺。釋云。可以生水覺故。即為實有水。世間亦復如是。論云。何無義。有愛非愛受用差別。釋云。炎水無有解渴受用。世

法不爾。故是實有。論為除此疑。說所夢喻。釋云。又如夢中睡眠所起心。心法聚。極成昧略。雖無女等種種境義。有愛非愛境界受用。覺時亦爾。釋云。可以夢中有見女等遠順受用。即為實有。又疑云。夢中受用於夢者。有覺已。即無世法不爾。凡聖俱見。釋如響長幼同聞。可即為有。論云。何無義。種種戲論言說而轉。為除此疑。說谷響喻。釋云。又如谷響。實無有聲。而令聽者似聞。多種言說境界。種種言說語業亦爾。又疑云。響是聲非色。世法不爾。色亦具有。云何非有。釋如電亦色。豈是實有。論無此喻。又疑云。電色速滅。世法經久。豈同彼耶。釋云。如化亦經久。豈是實有。又疑云。凡愚顛倒妄見。謂有菩薩無倒。不見其有。如何亦有攝化衆生。釋如化所作。故非實有。論云。何無義。有諸菩薩無顛倒心。為辨有情諸利樂事故。思受生。為除此疑。說變化喻。釋云。如變化。雖無有實。而能化者。無有顛倒。於所化事。動作功用。菩薩亦爾。如論應知。又疑云。所作如化。可無有實。能作化者是化所依。應是實有。釋如虛空與色。為依豈是實有。是故諸法畢竟性空。佛子是。為下結要。以三世佛同說此故。顯其要勝也。第三何等下別釋十義。一一各三。謂騰起釋義結名。初中釋內有十句。初一總舉。所聞謂三無性理名。真實法。下九顯能聞入法。二聞無相。真不驚。以解遍計無所有。故三聞無生不怖。以解依他必無生故。四聞無性。

不畏。以解其如無性性故。又釋於真空法。聞時不驚。思時不怖。修時不畏。又聞有無。所有不驚。聞空無所有不怖。聞斯二無。所有不畏。竝如諸本般若論釋。五信解者。聞慧之始。先信後解。六受持者。聞慧之終。先受後持。七愛樂者。思慧之始。謂愛法樂觀。八順入者。思慧之終。謂思擇得味。故云順入。九修習者。修慧之始。謂對緣造修。十安住者。修慧之終。謂行修成立。具釋如瑜伽菩薩地中。第二順忍釋中四對八句。初創修止觀。謂止行順寂。觀照諸法。二止觀漸次。謂平等正念者止行堅固。不違諸法者觀照隨緣。三止觀純熟。謂隨順深入等止行深玄。清淨直心等觀行深玄。四止觀俱行。謂即止之觀。名平等觀。即觀之止。名深入具足。起信論云。行住坐臥皆應止觀俱行。所謂雖念諸法自性不生。而復即念因緣和合善惡之業苦樂等報不失不壞。雖念因緣善惡業報。而亦即念性不可得。釋云。約法既理事混融。約行則止觀雙運。如是方為順法之忍。

第三無生忍釋中。先標何以下釋。前中不見法生。必不待滅。緣起事故。亦不見滅。又此無生理非是斷滅無。故云不滅也。又既本不生故。無可滅。下釋中先徵有二意。一云既標無生。何故亦云無滅。二云既言無生。為但寂然無生。為亦有行願位果等邪。下釋中十句。初一句釋初意可知。問若爾亦得名無滅忍。不答理亦應得。但無生必帶無滅。無滅必隨無生故。多從首名。信力入印經云。菩薩有五種法。即能清淨。初歡喜地何等為五。一謂菩薩得住無生忍故。亦令。他住。又云無生忍。謂寂滅故。二謂菩薩得住無滅忍。故。亦令。他住。又言無滅忍。者。證無生法故。解云。以此當知。亦得無滅忍也。二若不滅下釋第二意。謂由不生故。不滅。由此不生。之不滅。故無盡。是故此無盡亦在不生中。乃至莊嚴亦皆如是。悉在一念無生之處。無盡有二義。一理無限盡。二行無斷盡。三離垢亦二義。一入理不帶寂。二隨事恒無念。四無壞亦二義。謂入理不壞事。隨事不壞理。五不動亦二義。謂雙融二諦。一念不動。六寂滅地亦二。通境行故。七離欲亦二。離種現故。八無行亦二。斷能所故。九大願亦二。願不沒寂。願能應機。十住莊嚴亦二。理行相嚴方為究竟。

第四如幻忍中作六門。一總明所喻。攝論幻喻。所緣六處。下離世間品喻。誠蘊蜜嚴經喻。第八識。般若論喻。外器世間。此經總喻。世間出世間依正染淨等。楞伽中喻一切法。掌珍論直喻有為法。大品中乃至一法過涅槃。我亦說言。如幻如夢。故知文通為無為也。問涅槃無為何得如幻。答意在絕見故。亦如幻。謂有無等見非見幻故。若見為幻。亦非見幻。見幻若絕方為見幻。況有餘見。是故非幻之幻方是幻法。絕見之見方是見幻。取意思之。言說難及。二別開義門。如一幻鬼有其五義。一所依之市。二幻師術法。三所見幻鬼。四鬼生則是死。五愚小謂有。於中巾喻。所依如來藏。二幻師及術喻。能起因緣。如無明等。三幻鬼之相喻。依他起性。四鬼存則亡喻。依他無性。五凡小謂有。取為人法。問術法成幻。非則是幻。若爾果法是幻。因緣非幻。答因緣亦依他。展轉皆是幻。問若爾幻師亦應是幻。答此中舉所作幻以喻一切非謂。即同若不爾。喻即是法。何成喻況。十喻論引。德女經。佛言。從幻樂器作幻樂音。從幻無明。生幻行等。廣如彼說。三有無。門有三重。一於上四義各有有無。巾性有相無以為。鬼所隱故。二術用有體無以依。巾無體故。三鬼相有實無以實無而現故。四生即是無。死則是有。以無礙為一故。二由各有四句。思准可知。三四位互相對。如次交絡。門有四句。亦思准可知。四一異門亦三重。一巾約自位辨。如巾有二義。一住自位義。二舉體成鬼義。此二無二無。不二故非。一異等。四句可知。餘三位各四句。亦准知之。二相對辨。如鬼亦二義。一相差別。二體空義。此鬼巾相對非。一非異。略有十句。一以巾上成。鬼義及。鬼上相別義。此二合為一際故名。不異。此是以本隨末。就末明不異。經云。法身流轉五道名為衆生等。楞伽云。如來藏受苦樂。與因俱若生若滅等。二以巾上住。自位義與。鬼上體空義。合為一際。名為不異。此是以末歸本。就本明不異。經云。一切衆生則如也。不復更滅等。三以攝末所歸之本。與攝本所從之末。此二雙融無礙不異。此是本末

①(言)十不②從二標③(故)一④解二釋⑤(之)一⑥樂十(者)⑦門十(中)⑧(一)十巾⑨(門)一⑩(多門)十四⑪鬼二義*

平等名爲不異。以前二經文不相離故。四以所攝歸本之末亦與所攝隨末之本。此二相奪故名不異。此是本末雙泯。明不異以真妄平等異不可得故。五下明非一。以巾上住自位義與兔上相差別義。此二本末相違相背故名非一。楞伽云。如來藏不在阿梨耶識中。是故七識有生有滅。如來藏者不生不滅此之謂也。六巾上成。宛義與宛上體空義此二。本末相反相害故名非一。勝鬘經云。七識不流轉。不受苦樂。非涅槃因。唯如來藏受苦樂等。七以初相背與次相害。此二義別故名非一。謂相背則各相背捨相去懸遠。相害則相與敵對相相害。是故近遠非一。以前經文不相離故。八以極相害俱泯而不泯。由極相背俱存而不存。不存不泯義爲非二。此是成壞非一。以七識則空而是有故。真如則隱而是顯故。九上四非一與四非異而亦非一。以義不難故。十然亦不異以理遍通故。法無二故。是故若以不異門取諸門極相和會。若以非一門取諸門極相違害。極達而極和者是無障礙法也。三巾。兔相對既爾。餘二及交絡諸句准之。五則入門有四門。二理事相則。謂巾兔無二故。經云色則是空空則是色等。二二理相則。謂兔頭即巾。兔足亦即巾。二巾無別故名。即經云衆生賢聖即如無別。三以理從事名說事相。即如兔頭巾不異足巾。故說頭即足。無行經云。若人欲成佛勿壞於貪欲。諸法即貪欲。知是即成佛。解云應

說諸法即空。何故乃云即貪欲者。以貪欲即空故。是故舉貪名取貪實。文意如此。四以理融事。二事相即。如兔頭無別有。即以巾爲頭。巾體圓融故。全頭即是足。此經云一即多。多即一等。又此文云深入如幻於一法中解衆多等。此約法性融通力也。五以緣起相由力令二事亦相即。如幻師幻術力令多則一。一則多等故。賢首品云。或現須臾作百年。幻力自在悅世間等。良以幻法虛無障礙。是故得自在也。如相即既爾。相入亦然。如異體既爾同體亦然。如此門既爾餘門亦然。竝思准可知。六釋文者。釋內三。先略次廣後成忍行。初中先喻。後觀。緣起下法合。此依相入門以合。如幻緣起可知。一菩薩下廣中三。謂法喻合。初中七句。一分別剎。二解衆生界。三解緣起法界。四觀世間平等。五佛出世間亦如幻也。六佛入世間用常寂故云不二入也。七不失利生。故云出生住持。喻中初喻上衆生界。二非樹下喻剎等。三非晝下喻世間。四非定下通喻所餘門。五種種下結幻法體。謂種種非幻者結幻無。若干幻非種種者結若干非幻。是故幻體非一切。但以幻故。示衆色者既非物現物明。物則無物之物也。合中初總。二所謂下別辨。九種以顯總中一切世間可知。三菩薩下成忍行。中有二。初稱法正觀。二出生下明起業用。前中八。初約衆生界。即是業煩惱世間。不起者不作。有解不壞者不作無解。又本來不起亦無可壞。下竝准之。二約佛剎世間。三約法世間。四約三世世間。五不觀菩提等。亦約法世間。六佛與等約成壞世間。謂佛出爲成。涅槃稱爲壞。七不住大願等約行世間。謂不住大願是大智行。不取清淨等是大悲行。八無出無著約流轉世間。謂不捨故。無出在中無著。二出生下明業。一約剎顯用。而定知體真。二約衆生界。三法界。四三世世間。五出生陰等明。流轉世間。用常寂。六度脫等明。行世間用。七知一切等明。法世間之用。八不著化等。九爲衆生故等。十說過去等。竝明佛與世用。皆是理事無礙行故也。第五如炎忍中有四。初總明所喻者。無性攝論喻器世間。梁論喻所緣境。此經下文喻想蘊。此文喻一切法。二別開義。炎有五義。一平地。二陽氣。三陽氣與地合。似水炎現。四本來乾無水。五令彼渴鹿取以爲水。法中亦爾。一如來藏平地。二無明習。氣三習氣熏動心海。起緣起。似法。四此依他起本來無生。五凡小無知執爲實有。又十喻論中有七義。一日光。二熱風。三動塵。四在曠野。五見野馬。六遠見炎相想謂爲水。七近則無水。初日喻結使。二塵喻諸行。三風喻邪憶念。四喻無明曠野。五喻無智慧者。謂爲一相爲男爲女異名爲炎。六若遠聖法不知。無我於空法中生男女等想。七若近聖即知諸法實相等。乃至廣說。三有無等句數多同。前幻准思可釋。四釋文內。先法。二喻。三菩薩下合。謂依本心現無有方

●背一過 ●(多即一) ●(爲) ●[下] ●用十(而) ●[之] ●氣十(蒸) ●似二假 ●一廣

處。於內外有無斷常等處。求此法。皆不可得。二觀一切下忍行成中。初方便行成。二具足下證行成可知。第六如夢忍作。八門。一總明所喻。無性攝論。又如夢中睡眠所起。心法聚極成。昧略。雖無女等種種境界。義有愛非愛境界受用。覺時亦爾。梁論云。譬如夢中無有實塵。亦見有愛憎受用。此依他性中亦爾。無有實塵。亦見有愛憎受用。又功德施設若論云。譬如夢中。隨先見聞。憶念分別。熏習住故。雖無作者。種種境界分明現前。如是衆生無始來有諸煩惱善不善業熏習而住。雖無有我是能作者。而現無涯生死等事。世親無著般若論皆喻過去境。非證智所知。二開義者。夢有五義。一所以。謂悟心以喻本識。二所由。謂睡蓋以喻無明習氣。三所現。謂依前顯示夢相差別。以喻緣所起法。四此夢事不有而有。五令夢者取爲實有。三辨有無者。有四句。一夢是有義。以是夢故。謂於夢者夢事現故。問此既是夢。何得爲有。又此若是有。夢者見有應非。顛倒非顛倒。故是覺非夢。又覺者見夢無。所有時應是顛倒。是顛倒故是夢。非覺答此既是夢。何得不有。如其不有。應同非夢。竟何所說。又若無此夢者。見有。則無顛倒。無顛倒故是覺非夢。又此夢有本在夢者。非謂覺處。若無覺者。見無所有。而非顛倒。顛倒則無夢者。所見顛倒夢事顯現。是故由彼見無。方知此有。二夢是無義。以是夢故。謂虛妄所見。性必空故。問若夢是無

應。同非夢。夢義安在。答要同。非夢方爲是夢。以其夢處及非夢處無二相故。問若爾。夢者何不於非夢處而見夢相。答夢者現今於無處見。是故此夢體不異。無若不爾者。應非是夢。問夢若是無。夢者應不見有。不見有故。是覺非夢。答正由夢者見有。有非是有。以夢者及所見俱無所有故。是故若非夢者。見有不得言無。由彼有故。方知是無。問凡言夢法。相有實無。今言總無。豈不成謗。答然此有無必全攝故。非二相故。若不爾者。則謗於夢。三夢是亦有亦無義。以是夢故。夢法理必具二義故。問具此二義。豈不相違。相違之法。豈不謗夢。答半有半無。則是相違。今此全有之無。與全無之有。二門。共在不相違。是故具有無。方乃是夢。以是夢故。不相違也。四夢是非有非無義。以是夢故。二義俱融。形奪雙盡。故俱非也。問若此二義要相形奪。如何前說二義俱存。答要由形奪方得俱存。是故若不奪。無全盡。無以爲無。若不奪。有全盡。無以爲有。是故存亡不礙。俱泯自在。方爲夢法。是故經云。世間猶如夢。智不得有無。此之謂也。四一異門者。有二重。初中有四句。一夢是一。以是一夢故。二夢是異。以夢現種種故。三俱。以於一念現多劫等。無二而二故。四俱非。以形奪俱盡。方是夢故。又夢是一。以約所依心故。二夢是異。以約睡蓋所現故。三俱。以約所現夢相故。四俱非。以約夢性故。融通無礙。思之可見。是

故前門有無於無處爲有。此中一異於一處爲多。如此無礙方爲夢法。是故上經云。以夢自在法門教化。此之謂也。五真妄門者。亦四句。一夢是真實。以是夢故。如前所說。具諸義故。聖智所知夢性甚深。故問夫言夢者是虛妄法。何得輒言是真實耶。答了知此是虛妄之法。不顛倒。故是實也。二夢是妄。以是夢故。若非虛妄。不是夢故。是故亦實亦虛。非真非妄。四句無礙思之。此經云。夢性寂滅。此之謂也。六自在者。夢境虛妄。相則相入。多處現。少處現。多。皆無障礙。故上文云。以夢自在法門教化。此之謂也。攝論云。處夢謂經年。寤乃須臾。頃。故時雖無量。攝在一刹那。緣起夢法。無礙自在。則入重重如帝網等。並准可知。七明觀者。觀諸世間。皆悉如夢。以爲正觀。問若在夢者。謂爲實。故不知是夢。不名見夢。若夢覺者。即無夢相。復無所見。是故此夢誰能見耶。答夢者不見夢。以其是夢故。覺者不見夢。以其覺已無有物故。了知如此。是覺者故。是故夢義是覺者所知。非於夢者。由此道理。夢是觀境。經云。菩薩受持一切法。如夢此之謂也。問覺者見無而了知夢。夢者見有亦了知不。答若此覺者了知夢法。正夢時無。則名知夢。若言覺已爲無。此是覺無非。是夢無。不名識夢。是故夢有夢無。但是夢時。非望覺時。若取覺已爲無。此還是夢。不名爲覺。是故夢覺前後。謂有謂無。俱不識夢。思之可見。第八釋文中。亦三。初一句

總舉二譬如下別辨。三覺悟下結義。初中一切世間者。謂清淨緣起之法。亂識所現故云。如夢。二別辨中。一初學喻。二如是下顯法。又釋亦得。初是方便觀故云。解一切世間等。二是真實觀故云。覺悟一切世間等。前中亦二。先明夢有。則非有二明。非有而現有前中五對。一非是世出世法。二非三界上約。依報。三非生死約。正報。四非淨穢約。世出世因。五非清濁約。世出世果。皆悉實非彼法。而不現彼。是夢法也。二顯法實觀中八句。初一總顯。二不壞夢者明。此夢法自性非一切。不待壞故。又無可壞故。又此顯非是世間。不為四相之所壞故。三不可著者。解知緣起夢。離無所著故。此顯非是離世法。故不可證也。四夢性寂滅者。明此從本來性自寂滅。顯非三界喧動法故。五夢無自性者。明此無性非生非滅。顯前非生非死。六受持一切等者。結成觀相。謂常作此解。不離心首故云。受持等也。七不壞夢者。不取捨夢故。顯前非淨穢。以非捨穢取淨故。八不虛妄取者。不分別故。顯非淨濁也。下一句結義等可知。第七如響忍中作四門。初喻相者。無性釋云。又如谷響。實無有聲。而令聽者似聞。多種言說境界。種種言說語業亦爾。梁論云。譬如實無響塵。而顯現可聞。言說事亦爾。實無所有。而顯現可聞。此經意有三義。一知一切法如響。二知佛聲如響。三能以如響言音而為說法。二開義者。響亦有五義。一空谷。二有聲。

三聲擊空谷。便有響應。四此響非有而有。五愚小謂有。三有無等諸句。並准前知之。四釋文中。有四。初知一切法如響。謂出生等顯。能知德。知一切等。明所知。二分別下總知。音聲如響。三別知。佛聲如響。不從內等者。佛如空谷。離聲不成。故非內出。機感如聲。離谷不成。故非外出。兩俱相依。故非內外。離聲無聞。故非內。離根無聞。故非外。非二故俱非。由此無性緣起如響。是故恒有而非有。非有而說法。云亦不壞法。施也。四深入下。明能以自如響之聲而說法。亦是忍行成就。起用自在。於中有十句。初稱法善學。二如帝釋下。喻況圓音。三菩薩下。明稱性起用。四於無量下。顯業用分齊。五受持下。勝進仰學。六出生下。明妙音廣大。七普令衆生下。顯業用成益。八而音下。顯用則甚深。九知音聲下。辨定聲語。十亦不染下。明能知自在。第八如電忍中。亦四。初喻相者。般若論喻。現法不久住。故功德施論云。譬如電光生時。則滅。心亦如是。剎那必謝。又彼論八不中。譬不去義也。此經中亦三。一喻一切法速滅如電。二喻菩薩身無礙如電。三喻菩薩智了。開如電。二開義者。亦有五義。初三如。上速滅等也。四能現。顯彰。五體非遠近。能照遠近。三亦有有無等諸句。思之可見。四釋文中。三。先法次喻。後合。初中。二。先約遮成。止行有九對。皆離三邊。玄絕無寄。二所行真實。下約表成。觀行。亦不受持正法流轉者。得理不證。故。二喻中。四。初電。

能照明。二譬如下轉喻。如鏡。日光壁上現影。油等亦爾。同於電光。故也。三電不離等。明體用不相離。四電能遠照等。體用不則三法合。中。二。初合。前照現。二而其智下。合照遠而非遠。三如種下轉喻。種無根芽。能生根芽。若有則不生。菩薩亦爾。無二說。二有則無二。故云無礙際也。二若菩薩下。忍成德用。謂身智無礙。速疾如電。第九如化忍中。亦四。初喻相者。攝論喻。開思慧。意業所生。果似有而非實。亦喻菩薩變化身。又龍樹十喻論云。如彼化人。無生無老。無病無死。無苦無樂。異於餘人。以是義故。空無有實。一切諸法。亦皆如是。無生住滅。以是故說諸法如化。廣如彼說。二開義者。化有四義。一依化心。二現化事。三實無有四現業。用。十喻論云。猶如化事。雖空無實。能令衆生愛苦。瞋喜。樂癡。惑。諸法亦爾。雖空無實。能令衆生起瞋。迷等。以是故說諸法如化。三亦有融通句。數應。應准思辨。四釋文中。四。初約法辨化。二就喻明化。三合法顯化。四忍成化用。初中。二。先顯所知。後辨能知。前中。先總。所謂下別。於中。初八句約染法。一業從心起。二行造修成。三妄境虛無。四倒起。苦樂。五妄取情有。六世間依。真有七覺觀起。語言。八想起相惱。次三句明菩薩化。後二句佛化。並各出因。故名爲化。於中無生平等者。以得無生。方名不退。是故不退無體如化。問此化爲喻。有爲法。亦通喻無爲。答或唯喻有爲。大品云。問若一切法。

如化者。云何言涅槃一法非如化。答若說一切法乃至涅槃皆如化者。新發意菩薩則驚怖。為新發意菩薩故。分別生滅者如化不生滅者不如化。或亦喻無為。如十地如化智中名法界化。或俱通。如大品若不為新發意菩薩則明通也。但破彼實見。令見實法。何定所喻。佛子下結化。世間結前八句。離世間結後五句。二決定知下顯能知相。初能知所知深廣明徹。具足下顯知自在無礙起行。第二約喻中四十句。初不從心起者。非從心內種子生。故餘說可知。第三合中四。初總合化行。二不著下合化行體。三而不捨下合化行用。四譬如下重喻明。從無所有建立行果。佛子下結。第四佛子若菩薩下忍成化用有十句。初一忍成。餘九化用。明化有九義顯菩薩九種業用。於中初二句先法後喻。後七句舉喻顯法。準釋可知。第十如虛空忍中四句同前。初喻相。佛地論喻清淨法界。以離差別相故。中邊等論喻圓成實性。此經及大品等喻一切法。以悉無性故。十喻論云。猶如虛空非可見法。以遠觀故眼光迴轉則見縹色。一切諸法亦復如是。空無所有。以凡夫人遠無流慧棄捨實相則見彼我男女等物。而實此物竟無所有。一開義者如第八地虛空有十義。具如前辨。十喻論中有四復次釋。初一約近無遠有。二約性淨謂染。三約無初中後。四約體實無物。廣釋如彼。佛地論亦十復次。如彼應知。此經中多門釋如文可知。三

亦有離有無等諸句。思准可知。四釋文中三。初明忍解。二佛子如是菩薩下明忍行。三若菩薩下顯忍德。亦可總分四。謂標釋結歎。就釋中二。先明所解。後顯成忍。前中十句。以虛空十義喻十種法故。初一虛空無性義同法界故。二不起義喻利從緣亦無起故。三一味義喻法性無二故。四無行義喻行即無行故。五無分限義喻法無分別故。六無異義喻佛力齊等故。七遍三際義喻入理之禪。盡三世故。八離言義喻諸法自相不可說故。九無礙義喻佛身不相障故。隨感則應故。十周遍義喻法體普遍故。第二成忍中三。初總舉三業忍相齊空。二別顯空義類菩薩德。於中學。虛空十一義顯於菩薩十一種德。初一釋。虛空等身。二三四三句釋。空等忍智。初一體。後二用。於中向是因成是果。五釋。空等口。謂依無方所空亦海際畔。古人云。齊海水已上為虛空故。又云大海雖廣空容其際故也。六七二句釋空等身業。八釋。空等口業。九釋。空等心。以性淨故。後二句釋。空等心業。三何以故。下徵實釋成。責云何因菩薩得虛空等三業。耶釋云思惟自善根。如虛空。依此得三業。亦如空也。於中先舉十種善根皆如虛空。一分者緣起。二分中真分也。一量者同理性故。二不忘一切下十句明所得三業。初不忘等意業。二遊行等明身業。三普於十方等明意業。四出生等明口業。第四歎德用中有二十句。初十得十身。後十通三業。一一各

有標釋。此十身與前十行品十身及離世間品十身。各有相攝可知。得虛空際下通三業。皆如虛空。中初總顯含藏。次二別辨口業。次三別明意業。離貪欲故者。心淨故佛土淨也。次三別明身業。一用二體三相。謂諸根也。後一總結。深問此七喻何別。答幻等五以似有破實有。如化以不有有破。似有末後虛空以性相俱絕。破於一切。又前六遣有會空多。依空立有少。後一遣有入空少。依空立有多。問何須多喻。答令理智明淨故。異門顯法故。義理堅固故。長行竟第二重頌中有一百一十九頌。長分十一段。初十頌隨順音聲忍。於中初二頌前開真實法。次一頌不驚等。次二頌信解。次二頌受持愛樂。後三頌順入修習安住等可知。第二臂如功德人下十頌隨順忍。初三頌初隨順寂靜觀等。次一頌不違諸法。次一頌隨順深入等。次二頌清淨直心等。後三頌修平等觀深入具足。第三從三十三天下十頌頌無生忍。初三頌前不見有法生不見有法滅。次四頌何以故下十句釋成。後三頌結歎顯勝。第四觀察諸世間下十頌頌如幻忍。初二頌前略說。次四頌廣說中喻合。後四頌忍行成立。第五菩薩摩訶薩下十頌頌如焰忍。初二頌法說。次四約喻顯法。謂焰水從想生故喻之。又想故有法而實非有。如焰似水而實無水。故以為喻。後四喻法雙舉。顯法甚深。第六彼能解世間下十五頌頌如夢忍。初二頌一切世間如夢。次一頌夢非欲界等次

一頌夢性寂滅及不著夢。次二頌不壞夢。次二頌夢無自性。次四頌受持一切法如夢後。三頌不壞夢不虛妄取夢等。第七菩薩摩訶薩下十七頌。如響忍。初二頌知一切法如響。次三頌分別衆聲如呼響。次三頌解如來音不從內等。次二頌入離虛妄法界巧出無量聲等。次三頌無礙音令衆生發起善根等。後四頌音聲非語而隨順語亦不染著等。第八寂靜下七言十頌二十行頌。如電忍。初二頌觀意。次二頌不生世間等。次二頌不隨世流不受正法等。亦頌於不二法分別二相。等。次二頌不內世間等。次一頌不行菩薩行不捨大願等。後一頌歎德成益。第九修習甚深下十頌。頌如化忍。初三頌行菩薩行如化。次三頌知衆生業行等及佛菩薩等皆如化。次二頌業行隨世。後二頌歎德化用。第十虛空忍亦十頌。初二衆生及世間如空。次二境與智如空。次二慧及法空。次二能所說空。後二三世三業空。第十一是名下七頌結歎顯勝。初三二利圓。次二因果滿。後二結廣勝。

阿僧祇品第二十五

初釋名者。心王菩薩是能問人。表數法依心。如數識等。菩薩洞達自在名王。阿僧祇是所問法。十數之初。從首爲名。若具應名。十大數品。二來意。非答前問。何故。來前十明辨行用。十忍明行體。今顯行德校量分齊。則下頌中所數德是也。又釋前諸品中所有數量。謂如光覺品等中。皆有數法。今

此釋成故也。三宗趣者有二。一能數之數。二所數之德。前中亦二。先定所知。後顯能知。前中阿僧祇此云無數。即數之極。故諸聖教中通有四說。一准俱舍論。數至六十重。名一阿僧祇。此約小乘。二依智論第九。數過十重已後。名阿僧祇。論云。一名二。二名四。三名九。十名百。十名千。十名萬。千萬名億。千億名那由他。千萬那由他名頻婆。千萬頻婆名迦他。過迦他名阿僧祇。如是數三阿僧祇。解云。此既云過迦他。亦即通過後諸數。故名阿僧祇。此約始教說。三依智論第六。引此品文。還有百數。至阿僧祇等。此約終教說。四依此品。百數僧祇。始是初數。如是次第以所數等能數。至第十名。不可說轉。不可說轉。轉等方爲數極。是故前數數極。乃是此中初數。故知此門極廣約圓教辨也。二顯能知者。亦有五重。一人中數法最下。二諸天數法過於人。天中亦不同。如自在天王一念數知。大千兩帝等。三小乘中含利弗善知數法。過於人天。四諸菩薩中數知亦差別。如下釋童子算沙數法。非二乘能知。亦如文殊普賢知剎塵數等。非下位所知。五佛自所知。最極自在。一切餘位總不能知。智論第九云。佛在祇洹外林中樹下坐。有一婆羅門來問。佛此林有幾葉。佛答若干數。彼心生疑。誰證知者。則私却少葉。還問佛。此樹林定有幾葉。佛答今少若干葉。如所劫語之。婆羅門知己心大敬信。求佛出家得阿羅漢果。

以是故知佛能知恒河沙數。解云。此約佛知恒沙之數。今此品文。唯佛所知無極之數。故佛自說。又云佛智境界甚深之義故也。二所數之德亦二。謂普賢因德及佛果德。並各通因陀羅網等。具如下頌中辨。四釋文者。此文有二。先問後答。問中亦二。先舉取問法。後世尊云。何下以法諸問。初中何故。此十數者。是諸品列名及結通處。皆有此十。然未解釋。不知分齊。爲顯令知。故今問也。十句中第二不可量。下答中名無量。第五不可數。下名無數。第六第七同一句。謂不可稱及不可量。不可量。下答在第八。不思議在第七。餘竝可知。第二答中三。先數問誠。聽。一心王敬順。三舉法正答。正答中二。先長行正顯能數之法。二偈頌辨所數之德。前中總有百二十轉。答前十問。初一百二轉。答初僧祇問。後十八轉。答後九問。前中百千百千者。謂百千箇百千故云。百千百千。皆以所數等於能數。不同智論皆以十億爲量。名一俱梨者。新名俱。翻名億。此恐不可以百千是十萬十萬爲一億。此即億箇億方名俱。亦俱梨箇俱。梨方名一不變。餘皆准此。其中或此土名或存梵音。皆是數名可知。於後十八中。初十七是因數。後一不可說轉轉爲果數。以極即越數之表。同於果海越絕故也。第二頌中有二百二十二頌。分二。初七頌定能數之法。二於彼一下總顯所數之德。前中積數有十重。一初句以第十不可說不可說爲本。二

次一句復積入一切不可說中此二句爲總三未知幾不可說名爲一切耶次二句顯不可說劫故名一切也四次一頌辨以彼多劫所說入一塵內五前直言不可說佛刹末爲塵未知幾復不可說刹故次一頌半辨一念中即不可說刹如是念念復盡不可說劫六次一頌明多刹塵內各有多劫所說不可說七次半頌明多刹塵內各攝多衆生八次半頌以彼衆生歎普賢德廣九次

衆生行八從彼於一一毛端下明三業深淨行九從彼諸菩薩下明願智自在行十從不可稱說一切劫下一頌結德無盡也第二明果德深廣因能趣入中二亦先果後因就初果中三先總歎佛果德二從若於一小下別顯依報果三從於彼一刹中下別明正報果第二從菩薩究竟下明因順入中二先自分行二從或於一時下明勝進行阿僧祇品竟

壽命品第二十六

一頌以此廣德之普賢復有不可說箇同在一毛端同時各說如上不可說之言十有半頌顯顯十方無邊世界亦同此說此十重積集中初六是所用數法廣後三校量顯能說人廣以如是等人說如是等數數於如下所數諸佛菩薩殊勝之德文意如此思之可見第二所數德中有初明果德無礙因位善容二從不可稱說諸如來下明果德深廣因能趣入前中亦二先辨果法無礙後菩薩於一毛端下明因位善容前中亦二先依果自在後一一毛道出名身下明正報自在於此中有四初總明三業自在二攝取下別明語業自在三無礙心下別顯身意業二自在四淨方便下明以法應機德就第二因位善容中有十初明因陀羅網土是起行處也二從意根下明三業勤勇行三從一切衆生下明應器攝生行四從應現色像下明遊方供佛行五從成就施心下明廣修十度行六從被淨法輪下明攝法遊刹行七深入衆生下明調伏

初釋名者往業所引報果名壽任持色心不斷名命品內辨此故以爲名一來意者有二一遠意爲答普光十頂問故以十重相望各爲終極得名頂故知安樂界爲娑婆頂等古釋將答佛壽命問此名字雖亦相當文勢不順謂此壽命問在十地等前不合答在此處十頂問在地後更無別答之文故知屬此二近意前僧祇品顯佛菩薩實德平等超過數量此品別辨佛德就機示有脩短後住處品別辨菩薩法用約機明住處差別三宗趣者有三義一況明命有三種一報命謂煖識不捨不退衆同分故不相應行爲性二戒命經中名淨命由不破戒故不失比丘法以淨戒爲性三惠命由不放逸故不退正法名爲惠命正惠爲性二別定此文者諸佛壽命亦有三義一約德謂具足如前三種命故其報命是無盡善根所生故也二就實謂命根無盡盡於未來故三就權謂隨機所感

現脩短故今此文具斯三義三顯次第者亦有三義一約漸教謂娑婆等局爲地前爲化佛土故安樂等通爲地上爲報佛土故乃至賢首刹當十地後不可說處也二約同教謂娑婆等爲三乘上漸漸向細入於一乘乃至賢首刹等方爲究竟何以故以就別教娑婆則是蓮花藏故三約別教娑婆是見聞解行處中間諸土唯解行處末後佛土通解行滿及證入故是故信滿位處亦名賢首故也四釋文中心王菩薩說者顯世識自在故有劫數也於中有三初舉十世界校量漸次次類顯百萬後辨最後玄極如安樂世界等以何爲晝夜釋或以蓮花開合辨用當娑婆一劫又釋此娑婆一劫中總有若干日夜依此日夜數數一劫爲一日夜還數王若干劫方爲安樂世界之一劫則以此劫量於後諸世界皆准此量計可知是則至最後世界一劫於最初世界當不可說不可說劫也至賢首刹已後則剎海平等無有優劣是故此中說普賢等充滿者以望下最極故以普賢爲量望上猶在數中故不說唯佛充滿此諸世界大佛名經中亦說又玄奘法師別翻一卷名顯無邊佛土經是此品也

菩薩住處品第二十七

①一三二②容二第③業二二業④就一⑤明一⑥彼於二於彼⑦一十⑧阿一⑨上二士⑩題二從

充滿。未知婆娑染界爲有菩薩以不。今辨此界亦有無量菩薩所住。故次來也。三宗趣者有二。一心住。謂智證真理。悲念衆生。二身住。謂實報居淨土。權現於染界。由此大悲就機所住。亦由大智非世所染。由此悲智無二相。故則住無住處。四釋文以於處識得自在故。亦心王說也。於中有三。初舉八方住處。二辨四海住處。三諸國住處。初中八方唯據此界。非約他方。就此界中。唯約此閻浮提。非是餘洲。初仙人起山應是東海蓬萊山等。二樓閣山應是下文南海樓閣城側自在海師所住處等。又勒梵本應名勝峰山。三金剛炎山應是西海邊等。四香聚山應是在北香山王。是以彼山中多有菩薩住故。五清涼山則是代州。五臺山是也。於中現有古清涼寺。以冬夏積雪故以爲名。此山及文殊靈應等有傳記三卷。具如彼說。六枝堅固山勒梵本正云制多山。此云歸宗。即塔之類也。應在此國。南正海邊。七樹提光明山應是下文觀音住處光明山相連。梵名樹提。此云照曜。八香山山應是在香山西畔。有風穴故也。此八皆在山者。表山居寂靜長道之處。賢聖所住故也。第二四大海中有二住處。一枳怛者具云。呢枳多。此云湧出。則海島山之名。曇無竭此云法生。亦云法勇。二窟是海別處。准梵本應名間錯莊嚴窟。第三毘舍離下明諸國中菩薩住處有十三所。初毘舍離是中印度。亦云吠舍離。此云廣嚴城。即

維摩所住也。此城南十四五里有塔。是七百賢聖重結集處。更南八九十里有僧伽藍。其側有過去四佛。坐及經行遺迹之處。具西域記第七說。二巴連弗者。具言波吒訶補怛。離其波吒訶。此是黃花之名。即母之號也。補怛。離此云子也。兒也。即上代黃花女之子。創於此居故以爲名。亦是中天摩竭國也。具如西域記第八說。三摩倫羅者。正云秣羅。此云孔雀。或云密。豈是古世因事爲名。是中印度。此國中有舍利弗等塔及文殊師利塔。於王城東五六里有山寺。是烏波多所造寺。北巖間有石室。是魏多度人安籌所也。又東有大林。中有過去四佛經行之迹。亦有舍利弗等千二百五十人修定之所。具在。西域記第四說。又准梵本。此處是窟名也。四。俱陳那者。俱陳是姓也。那是法律也。昔有五通仙人名拘持。此云大盆。謂大池形似大盆。此仙在彼修仙。因立斯號。彼仙於此廣說法律。謂護淨經行養性等法。令人修學。相繫不絕。衆人同姓。拘陳那也。五清淨彼岸國應是南印度。牟真此云解脫。是龍名也。隣陀此云處。即解脫龍所住處。六風地者有風孔。處名無礙。是龍王所造窟也。七甘菩國者。正云劍蒲。是北印度。此國多出美女。故以爲名也。最上慈者。大集經中名慈窟也。八眞旦者或云震旦。或曰支那。是此漢國名也。那羅延山此云堅牢山。則青州界有東牢山。應是也。彼現有古佛聖迹。九邊夷國者准梵語似當疎勒國。

今但潤州江南有牛頭山。彼中現有佛窟寺也。則北印度境。傳云有四辟支佛影。時時出現。又此潤州古時亦有蠻居。此處現蠻王陵故。亦名邊夷也。十闍賓者。正云迦濕彌羅。此云阿羅入。此國舊是大池。因末田底於佛滅後。降彼池龍。乞容膝處。池龍既許。與羅漢通力。以廣其身。得多地處。遂得造國及僧伽藍。如佛所記。於中現有佛牙寺及五百羅漢造毘婆娑處。如西域記第三說。鬱提尸山此云遠聞山。謂多處遠人皆聞故。即此國四周之山處也。十一難提拔檀那者。難提此云喜。跋檀那此云增長。即南印度梯羅浮訶者。此云上座。即尊者之名。以居此窟故。因以爲目。文殊問經體昆裏部。此云上座部。同此名也。十二菴浮梨摩國者。正云菴羅。此云無垢。是菓名也。以此菓能療衆病。故云無垢。彼國多出此菓。故名浮梨摩也。正治耶曲。託此爲號。十三乾陀羅國者。正云建默。此云香。陀羅此云遍。謂遍此國處。香草先發故。以爲名。寂靜窟。相傳是佛留影之窟。具如西域記及大集經月藏第十卷中說。上來明此閻浮菩薩住處。餘四天下准之。餘須彌世界及樹形等世界。並准之無盡無盡也。

佛不思議法品第二十八

●州二潤●●南正二正南●●呢二呢●●滿二滿●●(云)一●●坐二座●●具十(如)●●離二離●●俱一拘●●(者俱...是)字二(耶正云俱珍是名此云大盆也那耶云)十五字●●人名拘持此云二於此置一●●(謂大...彼)十一字二(吉水)二字●●我十(右)●●與二而●●漢十(發)●●安二沙●●故二故●●阿二阿●●耶二耶●●城二城●●得十(提)●●等十(十)●●

起也。若爾前諸品何不爾耶。釋以前諸品同是因位。今辨果法隔位故也。又釋此是念法悖說。非是別請。若爾何為前諸品無此例耶。釋為果法深細。顯法器懸至故。須念。說因法反此故非例也。二次來意者。為前已辨修生因滿。今此正顯酬因果圓。故次三品來也。三近來意者。前住處品是因滿之終。此品是果成之首故次來也。三宗趣者。此中正明佛果德法。略作四門。一通辨佛德。二別顯義相。三辨定此文。四顯不思議。初中若說一百四十不共法等通小乘及初教等。若辨淨法界及四智為德即通始終漸教。若以一味實德則唯顯教。如光覺等品說。若具一切無盡之德。如此文等是一乘圓教。二別顯義相者。諸佛功德無過二種。謂修生本有。此二相對總有四句。一唯修生。謂信等善根本無今有故。二唯本有。謂真如恒沙性功德故。三本有修生。謂如來藏待彼了因本隱今顯故。四修生本有。謂無分別智等內契真如。冥然一相故。此有四義而無四事。猶如金莊嚴具。若稱取斤兩本有如金。若嚴具相狀工匠修生。若由成嚴具方顯金德。則修生之本有。若嚴具攬金成無別自體。則本有之修生。是知唯金而不礙嚴具。故唯一法身不礙報化也。唯嚴具而不礙金故。單報化亦即具法身也。餘並准之。是故得說化身即法身等。全體收盡餘准思之。三辨定此文者。然上四義攝有二門。一約佛自德。四融無礙不可說也。二就

機出現復有二門。一分相門。謂化身為化地前現染土等。報身為地上現於淨土。此約三乘差別機說。二無礙門。謂報化不分。即權恒實。如樹王下現十佛身。丈六遍於十方。八相該於法界。諸根毛孔各無限量。亦不礙限量。是則無限無礙。此約一乘圓機說。攝有四重。如此品說。一略舉十門。如品初所問。二次辨三十二門。如答中大位。三具顯有三百二十門。如答中別辨。四廣明多門。如類十方。一皆各無盡無盡也。四顯不思議義者。汎論有四。一理妙難測。二事廣難知。三行深超世。四果用超情。今此品文通具前四。別辨第四辨第四中復開為四。一何者不思。議略辨十種。一智超世表。二悲越常情。三無思成事。四同染恒淨。五所作祕密。六業用廣大。七多少即入。八分圓自在。九依正無礙。十理事一味。並如文顯恐繁不列。二於何不思議亦有四位。一過世間故。二越二乘故。三超因位故。四顯法自體故。三云何不思議亦四種。謂非聞思修及報。生智境故。四何用不思議亦四種。謂令信向故。起行求故。隨分證故。圓滿得故。第四釋文者。此下三品果法亦有諸德。將配三身。謂初法次報後化。文恐不順。以此品中廣顯八相等用。豈唯法身乎。亦有將配佛體相用。後二品可然。初品有妨。以此品中亦有相用。今謂此品總顯佛德體用殊勝。次相海品別顯勝德之相。後小相品別辨勝德益用。就此初品中分

文有四。一請分。二加分。三證分。四說分。初分中。二先明能請人。眾同念者表法深細故也。二正顯所念十法。此言不思者顯果德法出過言慮。念此不思。悖其說也。初一問佛出處。二問出現之因。謂由本願。梵本云。過去願清淨。三問出生處種族家。此釋依梵名。非是因中佛種性。等。四總明應機現世。次三別顯三輪業用。八問大用之體。九問大用之相。十問大用自在。第二加分中。先知法器。二與青蓮等者正顯加相。表果不自彰。寔由因顯。故加青蓮。令其說也。十句中。初五與勝德充身。於中初三句與佛三業顯同。化辨等。神力是身業。智是意業。辯是語業。後二句與佛福智。無畏是智。後五與智用充心。二究竟等與佛內知法界無餘智。二與佛作用境界智。三與佛無礙行智。謂無思成事等。四分別等與佛知法器智。五不可數等與佛多門善巧智。令其能說。何故無身語加。以不入定故。何故唯意加。令入法界故。此菩薩豈不證法界耶。釋彼證分限。非甚深故。非無礙故也。第三證分中。初五自利。一總謂佛果法界無障礙故。佛加令得故云。入也。下文云。一切諸佛所說皆入甚深法界。餘四別顯。一深行。二廣顯。此二自分。即是普賢法界行願。今既入此故得成也。三順果。四現果。謂以佛果自嚴故也。後五利他德。一總悲覆。眾生要令離垢故。令咸淨行故。令得淨信故云。清淨也。餘四別顯。一量智。二理智。三總持。

●(諸)一● ●(爲十(化)● ●(業十(二於何不思議三云何不思議四何用不思議初中)● ●(生)一● ●(化二佛)●

四辯說。何故不云入三昧。古釋此則是入定。又古釋果法已深。更入定顯。恐退信解。故不入定。復爲法深故。審入法界。今更釋此得加力。入於勝進佛果法界。今能說故。第四說分中。皆蓮花藏者。顯深奧勝器。又表含攝果法。當有開敷。故名也。果德無限。略以三百二十門。以答前問。於中初十門。標宗略答。後三百一十隨義廣顯。前中初句所住淨妙答。前判問。二住無量自在答。二淨願種姓二問。以此俱是佛出所依。故云自在。三應機出現名不失時。則答前佛出問。四法輪。五四辯答音聲問。六不思議法。答神力無礙住及解脫三問也。七淨音重顯。前音聲分齊也。八分別法界答。前智慧問。九光明照答。身業問也。十亦顯語業。所說至深也。又釋此十總明。如來應機成事。一。明顯佛自住真理。二。明不滯寂。故云自在。三。非但內不滯寂。亦外應不差。四。應機不失作。何等事。謂轉法輪。五。以何轉。謂四辯。六。說何法。謂不思議。七。能轉齊何。謂無所不至。前辨說無窮盡。一切時也。此明音聲遍一切處也。八。所轉之法。爲幾許耶。謂無量法界。前不思法顯深也。此中無量明廣也。九。語用既爾。身用云何。謂光明普照。謂息苦報滅惡業。警群機。今入法等。十言教則同理。故云入法界。又說法就機令悉證。真故云入法界。無有究竟不入深法故。未後結歸也。第二隨義廣答中。三百一十句。大門有三十一位。依古諸德屬答前問。依

問次。第一文極不順。今更超次科配。少有相當。終自難見。良以佛德無限自在。非言能次。就中長分爲十。初四門答。前第一佛刹問。二從十種出生住持智慧下三門答。第二淨願問。三從十種功德離惡清淨下二門答。第三種姓問。四從於一切世界一切時有十種佛事下三門超答。第七佛智慧問。五從十種無量說佛法門下三門答。第六佛音聲問。六從十種無礙住下三門超答。第九佛無礙住問。七從具足十種不思議法已成。正覺下六門却答。第四佛出世問。八從十種最勝力下一門答。第八佛神力問。九從十種定法下三門却答。第五佛法身問。十從十種一切智住下三門答。第十佛解脫問。且龜作此配。通相圓融。並推可知。就初四中。初十辨佛六根依正。明勝德之體。二善於諸剎應機出生。明依處起用。三明用應機化不失時。四業用廣大出過圖度。並於剎現。此舉正顯依。以答初問也。一一門中各有三。謂標門別列及總結。初中色身等名。法界者。一多故名。法界。二廣故名。法界。三妙故名。法界。以十八界中法界攝故。四從所依。以證法界成故。五從義相。謂妙軌稱法。分齊各別名界。六約當相。即同真性故名。法界。此色身爲總。是餘入所依故。次六可知。第八無礙解脫。是自在業用。如下文。於一塵內現三世佛等。第九嚴土應機。第十因圓果滿。第二出生無盡智者。前以相從性同名。法界。今以用從體同名。

爲智。又亦前則相依性現。今用從智起。無盡有三義。一時無盡謂念念等。二處無盡謂一切世界等。三用無盡謂命終出生等。初五可知。第六明所成利益。第七嚴身應機。謂黑象脚等。第八異異嚴應。以機感不同。故第九清淨衆生者。謂調伏衆生令離障。上九別辨。第十現三世佛。爲種種根等總結。多門益物故也。第三未曾失時者。所作合宜。藥病相應。初一機感現成而不差失。二宿願善根。現報不差。三根熟與記令增善根。又記當得果。時無改易。四於耶歸依衆生等。應示神力。五於念佛衆生等。應現佛身。六化威益訖捨而不失。七入城行乞爲施食時。至八見佛生喜受化時。至九暫捨難化令生戀仰。十隨機逆順自在難思。亦是總結也。第四世無比況云。不可喻情。不能慮名。不可思。此顯業用自在。超過情況。初四可知。五不離本等者。如不起覺樹昇天等。六決定一法等者。以一法即一切而不壞。一法故云。決定也。七於一念等者。如意神能力速普遍。八示現果德。九現三世佛。十教化衆生常在滅定。以用而恒寂故。上來答初問竟。第二大段出生住持智慧下三門答。前第二淨願問。初十皆依本智出生後智。教化衆生故名。出生住持智。又釋理實無差別而智照。此反起知差別智。謂住理而持事。故云出生住持。亦住事而持。理故皆云智。若不爾者。住事迷理。是愚非智。初中先舉理實。故無趣向。後顯隨事。故出生淨願。此

①(故)一②(二)一③(明)一④今二令⑤能十(顯)⑥中二十⑦離十(垢)⑧現二業⑨[示]一⑩切十(法)⑪

正答前問標之在首第三中。無二者無能覺所覺而生等者。巧出能所不乖。無二下乖。無二而出。生二餘竝准之。第二內法者。蘊德。在心名爲內法。亦是內心所證之法。一內身無垢。能順入三世。二內具三輪。一身業神通輪。二語業正教輪。三意業記心輪。三內有總持持法智。四內具四辯說法智。五內有無緣大慈悲。六內證理觀機。七內有善根。竝是巧便堪調衆生。八內有法界。是所證也。住者是智能證也。無礙住者能所平等無障礙故。九內現多佛。十內照多劫本來是一日。非新相卽第三甚深大法者。業用無礙。涯名爲大法。無思稱理名曰甚深。又過小云大。超因曰深。初二力用大。次二攝化大。次四三業不空大。次二依正自在大。末後一正覺大。此剩一句。增數十也。上來答淨願竟。第三大段離惡清淨下二門答。第三種性問。初十過無不盡故云離惡清淨。後十德無不圓故云究竟淨。皆是種姓清淨。無可譏嫌故也。初十中。初一宿因淨。二現果淨。謂三世如來家生。正答種姓問標之在首故也。三未來淨。四三世淨。以皆無著故。五一味淨。六多德淨。次二身語淨。九名稱淨。十應念淨。第二究竟淨者亦是畢竟無染。初三顯行淨捨離優婆塞者。有釋此是優婆夷。離此女想故也。有釋此翻名闍維。明佛久捨故云清淨。又翻名戲論。佛已捨故。次四依正家眷淨。後三。現智業用淨。亦是法身般若解脫三德淨。上來答種姓問竟。

第四大段於一切世界下有三門。超答第七佛智慧問。於中初十明智用照機。次十明智體宏深。後十明智德無斷。初十者。謂時處廣大頓。赴成益故云也。又一切世界者。遍也。一切時者常也。謂相續無絕。攝論云。如恒受樂。如恒施食等。初二現身說法。次二增行定位。言正法位者初地已上也。次二應機遊利。次二悲化攝物。後二體用利生。第二無盡智海者。前應用常遍。此卽智海宏深故云。無盡。一智同理深。二福同智廣。三所見懸遠。四善根難量。五行同法性。六法雨。漫流七讚德無盡。八行願廣大。九常用無竭。十知心行海。十一福智無盡剩一句也。第三常法者。此之十法是諸如來常所有故。常所行故。初二成行離過。次二大悲大力。次二說法度生。次二應化現身。次二存歿無念。答智慧問竟。第五大段從十種說佛法門下三門答。前五佛音聲問。於中初十言聲說法。次十餘事說法。後十舉因結果。就初說法門者。顯所說之法門。初三說衆生當位法門。一如來藏是界也。二善惡不動是行也。三苦樂等是業所得報也。次二化衆生門。一無量方便度衆生者。謂貪欲多等教不淨觀等。二淨衆生行者授與戒學等。次二化菩薩門。一行二願。次二說染淨欣厭。門初說染果成敗令厭。後說淨令欣。末後說三世佛與令往供養門。第二當爲衆生作佛事者。以此十法開覺衆生入法成益名爲佛事。作無停息。故云常也。初二身語作。

次二受不受作佛事。謂受令成檀不受令放學少欲。次二以四大神力作佛事。次二名號利土作佛事。後二佛刹海默住而作佛事。乃至一切法悉堪爲佛事。常作不息。第三堅固土法者。若能行此十堅固法名堅固土法。一願堅。二行堅。三教化堅。四大悲堅。五大心堅。六背世向出堅。七背小向大堅。八照法淨心堅。九願大救生堅。十代苦攝生堅。上來答佛音聲問竟。第六大段從十種無障礙住下三門超答。第九佛無礙住問。於中初十正顯所住無礙。次十明於具德無礙。後十辨彼自在無礙。初中身智所安物莫能礙名無礙住。初五身於世界無障礙住。後五智於所知無礙住。於中初二證理說法住。謂住三世法界。是證絕三際之真性也。次二下化上同住。謂下於衆生知根巧化。上於佛法惠身安住。後二分別染淨住。剩一句。第二最勝者已超下位故。無上者上無加過故。莊嚴勝德自嚴故。十中各先釋莊嚴義。後結其名。初三明三業嚴。第二語業中。八音等明聲體具德。演說等明聲用善說。悉令等益物不虛。三意業中。先明意攝衆德。於一念等顯意用無涯。四光明莊嚴中。初光體一一等明。因業普照等示現業。除滅等止業降伏業。現佛等敬業。五笑光中。初顯普照義。悉授記等顯離癡。謂成益不虛故。六出纏法身離染爲嚴。七常光嚴中。以諸餘光皆此中出。故名爲嚴。八妙色有六句。初一總。除五別。皆超絕世表名爲妙。

①(者)一② ③(佛)一④ ⑤(障)十⑥ ⑦(性)二⑧ ⑨(現)二⑩ ⑪(謂)一⑫ ⑬(赴)二⑭ ⑮(漫)一⑯ ⑰(也)一⑱ ⑲(放)二

也。九種姓者此是生家種姓。亦是真如家
生也。十大慈等般中。言無上受者者。受施
田中。佛最無上故名也。第三自在正法者於
法自在無障礙故。初二於教法自在。先說
教後應根。次二於世界自在。先動後靜。次
二時處自在。先時後處。亦是住壽自在。遍至
自在。七正覺自在中有二釋。一隨文釋。謂
一切佛各為調化自所化故。各各示成正
覺故云念念非是一佛。既各示成非。先不
覺今乃始覺故云非不先覺等。此是現化
身用。二就義釋。一佛即遍一切衆生。周十
方微塵。盡三世。念念同時。前後俱成。正覺
此即實成非化。但以不成即已。成即舊來
成故云非不先覺等。以攝三世盡故。無
過去不成。故云不住學地等。此可准宗思
之。八諸根互用自在。若小乘但變化用。漸教
大乘即改轉用。圓教一乘亦不變不改。一入
舊來作一切用。九毛孔置衆生。依法性融
通門思之。此是衆生世間自在。十一念現正
覺。此是智正覺器世間自在。於中先於一
念現。一等法界佛。二於彼念中類顯多佛。
三舉一念類顯多念。四舉一花座類顯虛
空法界等世界。各現等法界之佛身。思之當
知。佛境界不可思議在於此也。上來答無
礙住竟。第七具足十種不思議法已成等
正覺下六門却答第四佛出世問。於中初
攬緣現覺。二無中巧現。三所現難量。四果
位齊均五智住。妙境。六知法無遺。各提門
可見。初中十內。初二果相具。謂先外相備

後內德圓。次二因德滿。謂先福後行。次二應
機現。謂無壞勝法是降魔功德。次二嚴刹具
智。次二相圓德備。後一事畢示終。第二巧
妙方便者。謂證理平等能起有中殊勝之行
故云巧也。初一知法無究竟者證理也。而究
竟說等是巧便也。若處理無乖。此事有。或
說事有乖。彼理無。皆非巧便。若二義。岳
別。或合一雙失俱非巧便。今並反此。故名
巧妙方便。以是釋佛出世之義故。就方便
向事說也。二證無能見所見而巧見法界。
三無相知相。無性現色。四證。混三際之理。
而見三世佛宛然。五三業無造。而演法熾
然。六理亡染淨。而不壞世間及佛智。用七
以依非時法而融時相入。又恒住非時而
應時說法。八以所證非時不離時。具足十
辯說無盡法。九證法無名。巧起名句。十無
蘊界處而不壞法相。又善達二空。巧分三
聚等。第三有十種佛事無量等者。謂果現難
量皆攝。物入道。同名佛事。業用廣大。並是
微細相容。門故非餘境也。初兜率天作攝生
佛事中。初別舉能攝總顯所攝。二大慈下
總顯能攝。別明所攝利益。並如文顯。二從
兜率天降神母胎作佛事中有四。先智德
內圓。二於最後等辨其位處。三或以神力等
正顯業用有十。如文。於中或從初發心者
攝過去故。或涅槃者攝未來故。是故入胎
之時。無非具於八相。亦攝過去因行。如下
法界品摩耶處說。四此第二地下正明具攝
八相時方等。而作事三在於王宮受欲境

時攝化佛事。於中初自行內圓。二大悲下四
等善觀。三廣能為說下正顯攝益。四雖處王
宮下明攝益深廣。謂一切處為廣。淨三業為
深。四出家時攝益中有四。初為引貪愛衆
生令得淨行。二示現世間捨離下引熱癡
衆生令得智慧。三示現衆生無上下引薄
福衆生令具福智。四廣為衆生下授與正
法之相。五成道時攝益中有三。初現自正
覺。二莊嚴一切下攝內眷屬。三令一切衆生
下廣益衆生。謂先令行成德滿。悉分別下
令廣大智立。六轉法輪時攝益中有十種法
輪。一教堅不退。二輪多遍知。三所說決定。
四成益不虛。五輪體廣大。六輪境甚深。七輪
用下照。八輪能上現。九輪性平等。十總結無
盡。一乘十轉。無盡法輪。應著此文。七入王
城等時攝益中。初入城益物。二一切說佛色
身下明能以色相威儀等益。三彼諸衆生下
顯所益之相。四以如是下總結無盡。八或
住阿練若下明隨所住等攝益之義。於中四。
初所住攝益。二以境界攝益。三以所說攝
益。四以所住時攝益。九以無盡功德攝攝
益。於中有三。初明化所成益入。菩薩位。二
或現涅槃下顯能化方便。三或發衆生下化
入佛境界。十示涅槃時攝益中三。先示滅戀
慕益。二碎身舍利益。三爪牙髮。起塔。謂令
成。因得果。念恩歎德。第四法王無異法者
明果位齊均。一記別無異。二遂願皆同。三法
身不殊。四智慧齊等。五所知佛同。有本作
所知利同。以果無優劣故。七語同法言。八

●〔可〕一● ●問二問● ●岳二各● ●無非二非直● ●作十〔佛〕● ●著二者● ●〔起〕一●

無非化物。九染淨同派。十善根同如。然餘處說四種等。故說毘婆尸即是釋迦。此中十種無異。亦是平等意趣可知。第五向十種住法者。謂佛向此十種法上之。所住故。初一佛住。二梵住。三依宿願。四住現悲。五無功用。六離妄情。七念無暫失。八心無限礙。九無不在定。十住真實際。第六知十種悉無餘者。大智無限照境無遺。初三即三達圓明。次三知世間衆生。謂多類衆生言音路別名。語言道。次二知出世。謂菩薩及佛。後三知法門。初總知緣起。二別知事相。三以理會事。如帝網重重。竝如前地論中已釋。上來答佛出世。問竟。第八大段十種最勝力。下答第八佛神力問。於中有一百門。謂初列十門是總標。下十門別釋。一一總門具十別門。及一一別門攝十總門。故成百門。何以知者。以標中云十種最勝力。大力無量。力乃至佛所住法。爲一句標。故知十種之言。貫下九力。各有十也。後何等爲十之言。通徵前十力各十之義。但以義同故。亦通以十門通釋前十。是故結中各唯結初。以此十種皆是大力。羅延等也。以大力爲總。餘九攝在大力中。故有十種大力。初力用過劣名最勝力。二當體廣能名爲大力。三多門業用。四大福勝用。五威德特尊。如外道見佛。違自先制。不覺起禮等。六所作不局。七能壞魔軍。八不爲他所壞。九業用超世表也。十舉世無能破。言大力那羅延幢等者。結歸初總。那羅延者。此云堅牢。即帝釋力

士之名。舉近爲況。佛所住之力。下別釋中。初一身命無損力。此釋最勝大力。佛所加持衆生。及佛所使衆生。如七金剛雨等。悉不能損。如遺耆婆。入火抱兒。如蓮池等。二毛孔容持力。此釋無量力。如虛空者。能廣容故。無疲倦故。三毛持圍山速步力。此釋大功德力。如來一身毛孔。與十方法界一切衆生所有毛孔。頭數齊等者。顯毛孔既多。各持如上。金剛圍山。明所擊重也。一步等行步大也。念念等所行疾也。十方虛空界等所至遠也。盡過去等行時長也。無羸弊等。與不行無異也。四定用自在力。此釋尊重力。於中初身不起定。化不失時。二指持生界不起遍坐。五普通常轉法輪力。此釋不退轉力。於中二。初以一佛身周遍法界。常轉法輪。二如來一化身。下明一切身常轉法輪。前中先一一等是多說也。盡塵數劫等。是常說也。轉正法輪等說益也。後中一一毛端處。念念化等。顯佛身多重重普遍無礙常說。問若據此文。佛無不說之時。何故乃至一部奉行。答此是衆生感處說爲一部。而如來說法。曾未暫息。以大機常感無間斷故。問若遍空界毛端處。悉有說法。何故此處現今不聞。答以根無熟故。猶如生盲不見日。非謂無日出世間等。亦豈故不聞。非謂無說。若爾說應不遍衆生界。耶。釋以遍故。至不聞處。能令不聞至聞處。令聞。至有限聞處。無限聞處。皆如彼現故名爲遍。是故今者不聞。亦是佛說法也。六胸德字相

降魔力。此釋堅固力。七音聲遍徹力。此釋不可壞力。八證理現事無礙力。此釋一切世間不能思議力。於中初證理玄絕。後隨智慧轉下現事自在。九法身微密力。此釋一切衆生不能壞力。於中初平等。法普現無礙。二其身充滿等。下應現無方稱性平等。十具菩薩行佛大智力。此釋末後大力。結同之力。於中初具菩薩行。順佛果用。二住諸佛住下明。勝智圓滿德。三以明淨智下照達無邊境界德。第九大段十種定法。下三門却答第五法身問。於中初門明身業。指定。次門明見已獲益。後門顯勸觀勝德。初中化身八相諸佛等有故。云定法。略無涅槃相。此中正顯身業作用。如文。第二見佛得十果報者。明所作不虛。於中初二滅惡生善報。次二善因樂果報。次二除疑不退報。謂入在地前三賢位。次二證位淨根報。從初地至七地。以證地故名出世。有出觀故名世間。後二滅障得辯報。謂八地已上。第三有十種淨法。菩薩應念者。念因微學。念果增善。於中初六念因行。後四念果德。可知。上來答法身竟。第十大段從十種一切智住。下三門答第十無礙解脫問。於中初門。明後智業用。次門。顯妙定自在。後門。正明解脫無礙。以此解脫依定慧成故。初中智能迅疾。廣知名爲智住。初二知所化器。次二成能化事。次二現佛及神力。次二說法及知趣。後二應念現形。第二有十種無量不。思三昧者。在此法定於彼法用。又此定即用故難

思議於中初二約入法。次二約時處。次二約佛三業。普遍法界而說。一切處有現不現等。次二約理事法。九定在離世而恒現。世嚴。十定在衆生而恒至佛趣。第三有十種無礙解脫者。礙障既盡名為無礙。作用自在名為解脫。若三乘教中說佛有八解脫等。非此所收。此十門無盡是一乘解脫。應准知之。初二現佛說法。次二調生現土。次一調已授記。次三現三世佛依正神力。後二現於三世能化所化。此等約法。是法性融通力。約智。是如來自在力。良以此智達彼法。故無礙圓融。故能如是。此約果圓滿說。若菩薩分得如維摩不思議解脫。皆此類也。不思議法品竟。

如來相海品第二十九

初釋名言。如來者標人顯德。相海者依人顯相。福報奇狀炳著名相相德廣多奧積如海。勘梵本名如來十身相海品。以深廣之相在十身故。二來意者。若約遠此與前品同。答普光會中後佛果德問。若約近即前品總明果法。此品別顯相德故來也。三宗趣者。正辨佛果無邊相海。即以為宗。別釋此義略作八門。一釋名者。智論第五問相義云何答。易知故名相。如水異火。以相故知。解云顯著義明了義標別義是相義。二體性者。此三十二相小乘俱以色形為體。若初教大乘依瑜伽於二十二根中四根為體。一眼根二舌根三男根四身根。若依終教依對法論以定慧為體。又攝相歸本

唯是淨識為體。又會緣歸實唯是真如為性。若回教相海以無盡法界為性。三種類者。依觀佛三昧經有三類。一略中略說有三十二相。二略說有八萬四千相。三廣說有無量相。如雜花經中為普賢賢首等說。解云雜花即花嚴異名。此品中十蓮花藏世界塵數相名無量也。此三初中唯小乘。次兼前為三乘。後具前為一乘。又初唯地前見。次唯地上見。後通五位見。又初唯化身相。次唯報身相。後是十身相。四出因者。略明七種。一依智論此三十二相俱以布施為因。彼論中一一約施別別釋出。二依瑜伽地持俱以持戒為因。三有經中。用忍辱為因。四善生經以大悲為因。彼經云是三十二相即是大悲之果報。五楞伽經及如來藏經。說如來藏中恒沙功德具三十二相則以藏性為因。六依涅槃經以十善為因。七依大集經第七三十二相一一各別出因。餘經云云。解云良以佛果萬德圓融故。或一行通感。多相。或萬行俱成一相。或性待了因而唯說行。或行證理成唯約性具五積成者。智論第五云。一一相皆為百福所成。其百福者或以一轉輪聖王福為一。如是數至百。或以一帝釋福為一。或以一他化天王福為一。或云除補處菩薩。餘一切衆生福為一。或云同感一三千大千世界福為一。或云如大千世界一切衆生皆盲。一人治差。一切人被毒藥。二人治差。一切人應死。一人救脫。一切人被戒破見。一人教淨戒正見。如是等

為一福數至百等。或云福德不可量不可譬喻等為一。乃至百。解云彼約小乘及初教等說。若准此相海無盡福所成。上文云。求空邊際猶可得。佛一毛孔無涯限。是則若大若小皆滿法界。悉無限量。六修時者。三十二相若小乘及初教三僧祇後百劫中修。相好別業。若或極遲百劫。或超九劫等。如智論第五說也。若終教已去。從初發心修因滿果。便現或是修生或是修顯。若一乘相海無量劫修。七建立者。智論第五云。問菩薩相。何故三十二不多不少。答有言以端正不亂故。若少則不端正。若多身相亂。又觀佛三昧經佛生世間示同人。故說三十二相。為勝諸天故說八十種好。為諸菩薩說八萬四千相。以菩薩修八萬四千諸度行故。上約三乘等說。若一乘此十蓮花藏塵數相。為普賢等說者。以修普賢無盡行海故。八明業用者。一乘業用如小相品說。餘乘相用如別說。四釋文者明佛相海曠周法界故普賢說也。文中三。初誠聽許說。二略說九十四相。三廣結十蓮花藏塵數。就第二略說中。大相有九十四種。明相所依有十九處。然一一相中皆有四義。一列。相名。二顯相體莊嚴。三明相光業用。四辨業用成益。亦有不具者。至文應知。最初明頂上相。最後明足相者。依觀佛經有順觀逆觀。從頂漸下。明順觀。從足漸上。明逆觀。今顯順觀故也。初頂有三十二種相。何故此中略明十九處相多少不同者。釋此

●數十(中)● ●(略明七種一)一● ●用二同● ●(涅槃依)十字一● ●應二病● ●何十(以)● ●(蓮)一●

皆無盡。但隨說少多。多少無在。問既各無在。何故頂相最多。答以。最勝故。故善生經云。一切世間所有福德不及。如來一毛功德。如來一切毛功德不及。一好功德。聚合八十種好功德。不及。一相功德。一切相功德不及。如。一白毫相功德。白毫相功德復不及。無見頂相功德。頂相中初七正明。頂相。後二十五別顯莊嚴。初中名明淨者。勘梵本名毘盧遮那者。具翻名光明遍照莊嚴也。二三十二寶以爲莊嚴者。正顯相體具德。釋名中。淨字卽是莊嚴義也。三普放等辨放光業用。此釋明字。則光明義。四遍照等明業用。成益之相。則釋遍照義也。此之一門亦總亦別。以標三十二相。故是總。則三十二中是初門。故亦別。二中圓滿下明相體具德。三金剛下顯光業用。起此光明於彼世界。故云。所起。此釋名佛方便海也。四普照法界者。顯業用成益。證理法界。故照事法界。故。三初中窮事遍理。充果該因。故名充滿法界。雲者周遍義。潤益義。無本義。無礙義。現相義。降雨義。是雲義。下竝准此。四中名普照者。有二義。一相中現難思佛刹名普照。二照現法界佛光名普照。五中摩尼寶王下明第二相體具德。釋名中瑠璃寶也。三普照下辨相光業用。釋名中普照也。歎佛等略出往因。四悉放下正顯成益。釋名中大自在雲義也。六中初名體合舉。二放諸光明下業益齊明。謂以平等普照法界等。以教聲法燈。令菩薩功德。在佛離垢。智寶幢海。

七中伊那下顯相體具德。伊那羅此云主。則天主寶等。竝可貴義等。具六種義。是故名寶。自在義等。是故稱王。悉是佛果無障礙。德此釋佛光三普照下明業益。釋廣雲義可知。自有下二十五種莊嚴頂相。於初中內瑠璃摩尼下明業用及益。釋成圓滿光明之義可知。二中先名體同舉。二無量世界下顯業用。釋光明雲。三出生無量下明成益。等明第三業用。明身光聲智釋普照雲也。四中於一切下明業益。有開覺除障。釋覺雲義。五中業用內長養智身者。釋體中心海王也。長法身者。釋如意法寶。令彼滿足。如來相海。六中初寶花嚴剎。後四行嚴入。或四攝。或四無量等。亦得初相嚴事法界。後行嚴理法界。故名一切莊嚴也。七明。佛於三昧念念現佛。令機得見。用此爲相。八從佛無障礙意業中所出依正一切化用。故名化海。九於其座內現諸佛像。名爲解脫。光明演法。嚴剎稱雲。十內業用中正法光雲。嚴淨一切者。開覺菩薩。令因種姓增修正行。故名嚴淨。則釋覺佛種姓。餘亦同此。十一過去去福。智如輪顯現。故以爲名。十二頂寶花中盡窮法界。諸佛依正皆於中現。故名普照自在雲。十三中普照一切等名。入一切也。十四名明淨者。若具亦名。遍照莊嚴。體用中具釋此名可知。十五以法輪。光明開覺一切。故以爲名。十六能現菩薩道場成佛名。一切莊嚴。十七現衆生業報名。法

界因。但現因必帶果。故亦有報。十八以法輪普被一切世界名。普照。莊嚴令深解法界。故云淨法輪雲也。十九中標釋可知。二十巧入衆生等位。照現法界名。淨燈雲。二十一智照無量諸三寶海名。分別法界。令一切衆生等明。分別所爲可知。二十二相光凝住。遍空法界。普現諸佛菩薩功德。令觀無厭足。二十三中於眉間出寶光等者。古人將此下三相屬眉間相。收令以次後二相。竝是頂相。末後一種復是眉相。此之一相或是交錯。或亦用此莊嚴頂相屬頂收。以光明普照成勝益。故名寶光炎雲也。二十四頂上次第起諸莊嚴。謂嚴現佛身嚴現佛刹嚴現菩薩故名一切法界莊嚴雲。二十五如來頂相悉能等。總結中先龜結前三十二種寶相莊嚴。後細結莊嚴一切法界。智論第五頂有骨髻。如捲等在其頭上。觀佛三昧經如合捲相也。上來三十二門明頂相竟。第二大段明眉相中有一相。釋中二。先釋普照法界。後出生下釋遍光明雲。智論白毛眉間生不高不下。白淨右旋舒長五尺。第三眼相亦一釋中。初所見無礙故名自在。後眼光現佛亦名自在雲。智論真眼相如好青蓮花。又如牛王眼睫長好不亂。第四鼻一相可知。第五舌有四相。初明廣長相中。先舉名體及因。次普照等顯其業用。後出生等明其益相。二中釋舌掌相。謂於舌掌內以衆寶爲嚴。故云安住此明勝德備也。安住一切法者。明一切所說

●在二盡● ●(一)一● ●照十(法)● ●在二立● ●智一相● ●相體二體相● ●(佛)一● ●智十(相)● ●(名)十光● ●相二
智● ●合二今● ●眉十(間)● ●(好)一●

法門。並在舌掌之內安住。此明大智具也。是故舌掌名法界地也。三明舌端相。於中出生無量下明用益。謂光照佛海名順法界。又妙音遍至亦名順法。又令衆生樂聞。順入法界。故立此名。四亦舌端相中。出生下明用益中。一妙音等讚。二妙德等覆。三妙智等入。四妙利等現故名平等法門。智論舌相覆面至髮際入口亦不滿。第六斷相德體中。一勝德外嚴。伊陀尼羅此云帝青寶也。二法界內充。三大衆悉滿。以佛斷斷中既諸法界地悉在其內。是故諸菩薩雲亦悉充滿在其斷內。出生下明其用益於中所照十方還在斷內。以諸法界非唯現故。是故但此斷中則攝法界盡。頭背手足亦在其中。十方世界及諸衆生菩薩諸佛悉唯在此中。餘門如虛空無所有然。斷相不大。法界不小。全在其內。外相宛然。空界無邊不出。斷外。是謂如來勝相。非是心識思量境界。此一既爾餘竝例然。第七大牙相有四。謂四大牙。初右邊下牙。衆寶莊嚴者明體具德也。放大光等明業用廣大也。普放光等顯利益之相。此是所照佛身。復放光益。二右邊上牙。用中一光內現佛依正故名爲藏。三左邊下牙用中。照現一切佛及眷屬故名。燈雲。四左邊上牙於中出生下明業用。謂因此大牙出大妙音現佛因果法等。智論牙白勝雪山王。第八齒有一相。梵言金。慕者婆。一齒間不容一毫者。此云額旋螺文。則佛齒形狀也。放大光下明業用利益智

論齒有四。不多少。齊密無龜。細人不知者。第九肩相有五。初右肩相名爲一切寶地者。從體德爲名。光炎普照等明用益可知。二右肩平滿相普照。明業用。三左肩相中普放等明業用內現。盡法界諸佛神力。四左肩遍照相用中。放光現。法界佛依正等報。五右肩無動相中。出生下明業用照理事人法因果法界。智論肩圓好相一切。治肩無如是者也。第十胸相有一。言胸有勝妙相海者。此是德字之相。能破怨敵。周遍下明業用利益。第十一脇相有一。於中出生下明用益也。此是兩脇同辨。智論云。兩腋平滿相不高不深。第十二腹藏相有一。初相中菩薩功德下明體具德。普現下明業用利益。釋成普現如來雲義。二一中一標名。二如來下釋花義。三放香炎下釋開敷義。三中妙樂充。心名可悅等。此是世人五藏中心藏。何故不說餘肺等藏。以佛金剛身無餘藏故。何故唯有心藏。以最勝故。令他有觀見故。放摩尼等明用益。四勝德深廣圓滿故名勝海。釋相可知。五光照法界名爲電光。下第二勝功德平等地相者。或是五藏中當第二等。或身分中。句下第二等。既無別指的。是故難定。下文第三等准此。六照現無量菩薩法界。故以爲名。七照現最淨法界及極果依正三世間相故名照最高雲。第十三明下。部相有一。初是妙音轉法輪相。離垢清淨者不同。餘人之穢故正法道者非是穢路故。香炎等。明業用照現佛

內心及所證法界故。二宣暢佛因智嚴利故名莊嚴。第十四手相有十二種。初手掌相中。放大光等明用益。轉法輪照佛海。嚴法界也。二寶手相中。體具衆德名海。用光顯物名照。三妙手相中。以常青瑠璃寶用嚴其手名普莊嚴。亦名微妙之手。普照一切下明業用利益。四離垢燈照手相。亦是網縵手相用中。導引菩薩令到彼岸。五現寶手相。謂寶蓮花光照。法界故以爲名。六照明手相用中。寶光照。法界香光嚴利。海七瑠璃燈手相中。體具瑠璃之德。光用燈照之雲。八智燈手相中。金光普照則爲智燈也。九蓮花手相中。體具寶花名曰蓮花光。覆世界故安住。十滿法界手相用中。初光照現如來及普光法界。後如來妙手下明手具德及用滿利海。智論正立手摩膝。十一右手指相用中。寶花妙音嚴現利海故名成就等。十二指端出寶相。以能照佛寶藏法界。故名安住一切寶。從德爲名。放大光等明用益。初照現三寶海。後出生下明出聲遍覺增長願行。第十五馬藏相有三種。初隱密相用中。照法界者證理深也。照虛空界者照事廣也。寶嚴法界者行嚴真性出生妙果也。二一相現一切相海用中。釋顯此名。復照現餘一切佛神力。三法界海中。體能照現十方諸佛及法輪海。用能示現日摩數相。此上是十身相。若化身相者智論馬陰藏相。佛令弟子見陰藏相者爲決疑故。又有言化作馬寶象寶。示諸弟子。我陰藏相亦

①故一水②現二理③新二解④用中一如慈寶王等者釋成寶炎須彌藏也故寶光明下業用深廣也⑤慈二華⑥一齒間不容一毫⑦者十謂爲一齒間不容一毫⑧明一⑨治二諸⑩句二內⑪部二分⑫導引二引導⑬初一⑭充十滿⑮故一⑯馬十王

如是 第十六牌相有二。初右牌相名普照。示現雲者。衆寶現嚴故。妙法光現故。出聲寶嚴故。念念示心海故。二左牌相名普照。一切迴向海雲者。用中放光。普照一切衆生。令趣向佛海故。以爲名。第十七牌相有二。初右牌相。伊尼延者。此是鹿名。以踰似佛故。以爲喻。智論第五云。如伊尼延鹿王。隨大麟藏也。用益中初光照震動。次佛音普聞。次化身充滿。次身光淨利。後化滿法界。文並可見。二左牌相用中。光遍無量開化法海。第十八毛端相有一。初毛內現利。是標名也。於一毛孔悉放等顯德也。一毛孔示現等明勝用也。智論中一毛孔一毛出相。毛不亂。青瑠璃色。毛右摩向上。第十九足相有十三。相。初金剛足。下相名善薩海莊嚴者。用中釋顯。謂光照開善薩法故。出化善薩故。光住善薩海故。以爲名。智論足下安平相。足下一切著地。間無所受。不容一針也。二足踏上相。名明淨雲者。衆寶莊嚴者。體攝衆德。智論足踏上真金色。於上毛青瑠璃色。其足嚴好。如難寶履種種莊嚴也。放妙下明。用益釋名可知。三足指間相。名覺雲者。用中初示覺相。次照所覺法。次現覺法。次現覺處。後照覺用時。未來未有。若爲照。以依九世。如彼現故。智論足指網縷纖長端直。次第薦好。指節參差。指爪如淨赤銅。四千輻輪相。名照法界海者。用中初嚴照利海。次嚴照佛海。後照淨法界海。故以爲名。智論千輻輪嚴三事具

足。自然成就。不待人工。諸天工師。雖思首羯摩天。不能化作。五足相。名示現一切諸佛雲者。用中初發行雲聲教雲花嚴雲。示現世界。故以爲名。六足相。名自在光明雲者。示現佛光明。故云自在常放等。顯業用可知。七足下後分者。是足跟相也。普照下明。用中。初照法界。現化身普覆。後一。身出音聲海。充滿法界。故以爲名。智論跟廣平相。八足底相。名深寶原底者。體具寶嚴。用窮深底。如文可知。九中初一切寶等名體合舉。後於念念下。益用俱陳。可知。十名普雲藏者。體具普雲。光明照藏。十一名平等光雲者。出生下明。業用中。音聲稱法界。故云平等。次一。一相下光。稱法界。故云平等光也。十二名示現莊嚴雲。初體具德嚴。次用嚴佛刹。次佛雲滿刹。次嚴因法海。後照因果法。同嚴法界。故以爲名。十三名諸佛自在。普示現雲者。放不思下明。業用中。先現佛光自在。後顯佛聲自在。雲可知。上來總十九處略明。九十四種大相竟。佛子。下大段第三廣結大相者。以別說難盡。是故總結。非略能盡。故須顯廣。然一箇蓮花藏界已遍法界。況復說十。復顯無盡。是則無盡。無盡非普眼。而不親也。相海品竟。花嚴經探玄記卷第十五。乙巳歲分司大藏都監開板。

花嚴經探玄記卷第十六

此盡性起品

魏國西寺沙門法藏述

佛小相光明功德品第三十

初釋名佛者。標人表德。小相者。形大辨體。光明者。依體起用。功德者。用所成益。此則依入顯德。體用爲名。二來意者。前品大相各有光明。皆照法界。而未顯所照利益之相。故今此品正明益事。爲大相難明。故辨小相。小相復多。但論一相。一相有多時之益。且說一時。此一時益復難明。故佛自說也。以此而論。前大相業用無邊無邊。極難知耳。又依前大相流出形好。故次來也。三宗趣者。宗明如來相德利用。略作二門。一定分齊者。既三十二相有八十隨好。以嚴。則知十蓮花藏微塵數相。一一各有塵數等好。又此大相既一一深廣。與三十二中諸相不同。則知隨好亦甚深廣。大不可量也。二辨業用者。如八十隨好。但嚴形佛生淨信。今此明小相。佛爲菩薩時。相輪隨好最下位處用。謂放一光照十世界。塵數刹地獄衆生。皆得生天。成就十地十眼耳等。即此天子毛孔。香普熏衆生。亦得十地白淨輪王。又此輪王放光復令無量衆生復得十地十眼等。如是展轉盡於未來。傍無邊際。皆不可說。菩薩小相既爾。如來大相之海。利用自在。不可說不可說也。四釋文中。二。先略後廣。前中亦二。先明果用攝益。後又普

①〔照〕一② ③〔相二〕一④ ⑤〔覺法次現〕一⑥ ⑦〔嚴〕一⑧ ⑨〔佛十海〕一⑩ ⑪〔無盡〕一⑫ ⑬〔乙巳〕一⑭ ⑮〔板〕一⑯ ⑰〔形佛二佛形以〕一⑱ ⑲〔淨十時〕一⑳ ㉑〔明〕一㉒

薩下明因用攝益前中何故佛自說者。古人釋云。前僧祇品明因究竟。此品明果究竟。故但佛說。又釋。明相極至小。用極廣大。此事難明故佛自說。告寶手者能採取故。海王隨形好者是足下相輪處。大相邊。隨好之小相也。以餘大相業用難明故說最下相輪之用。又以相輪大相猶難明故說隨好。隨好猶多故說海王一好。此是果用猶亦難明故。說在兜率爲菩薩時之攝益。就此因用二。初令離苦生天。成安樂行。二生天上已以下令不著天樂成饒益行。亦是前身光益。後是空聲益。前中令淨十眼等者。以彼衆生宿有見聞苦賢法種。復遇舍那法界光觸。故得十眼普賢之益。二天上益中初示聲名不可樂者。不令著樂故。下正說法有四因緣得生天上。初不放逸者。厭惡對治。二宿植勝善。三曾遇善友。四今佛加持由此生天。示此因果不應放逸。第二廣辨中亦二。先廣前光救惡道。後廣前聲益。天處。前中亦二。先明放光。後明照益。前中普照王光是相輪大相中光。於彼者於彼大相處。有此海王隨好小相。一名清淨者。簡去多光。今但說一。普照下明照益中。隨衆生境界者所住差別亦是所觀不同。隨善根者隨其宿種。何乘善根。隨意者意樂差別。亦是欲願不同。皆稱根成益。越於餘益。故云。以此下文但說彼照地獄生兜率天一益故越餘也。第二廣天上饒益中有六。初因勸釋疑。二汝等應當

下正勸報恩。三時諸天子聞是音。聲下依勸與供。四是故諸天子下教發心悔過。五說是法時下聞教獲益。六爾時諸天子於一毛孔下明得益傳通成無盡行。初中三。先勸次疑後釋。初中善哉者歎其所得明有重恩。次顯舍那所住勸不忘恩。故令敬念。二爾時諸天子下正生疑怪。何由者。由何也。謂從何因由出此音聲。三爾時音聲下釋疑顯法。於中亦三。初總大別後結。總釋云此聲是善根功德所成。亦無來處。二諸天子如我下別釋中有六門。一空聲無我喻。喻佛離二我。復疑云若實無我誰來成佛。二釋天聲無從來喻。喻佛勝果無來處。復疑云佛果證理可無來。凡愚苦報應有體。三猶如汝等下苦報無本喻。喻善起天聲亦無方處。復疑云勝報劣報可俱無體。佛果大用豈不有耶。四如普照王下明果用無作喻。喻天聲是定慧所起無作成益。復疑云若爾何故現有所益天報。五譬如須彌下明天樂無來喻。喻天聲應無方面。復疑云少益可無來。多用應有倦。六諸天子譬如下明天聲廣益無疲喻。以此天聲則稱性故。常無所有故。所益衆生亦如是故。是故無疲。於不可化衆生不生厭惡。於難受化衆生不生疲倦。於易心化衆生不生放逸。於已化竟衆生不生憍慢。此上六種是喻況。亦即是法說。末後結辨。舍那者以是初門總勸故離垢三昧有二位。一約因終。如第十法雲地菩薩所得離自二障微細垢故。二

約果初。如此文是。將現成佛在此天上住。此三昧能利衆生令離垢故。二乘不能知者結用深廣故也。第二大段從汝等應當下明依前正勸於中分四。初明報恩大益勸其修行。於中有法喻合結四文可知。二諸天子其有衆生下明背有損勸其捨離。三諸天子汝昔下明昔受重恩。今應長善。四譬如下示以正法勸令修學。亦是示天樂空令究竟不著。於中初舉無我有用喻。喻天報依正似有實無義。五欲具等依報五蘊等明正報。以緣起無作即有常空故不生滅也。若如是下結成破執之定。第三大段時諸天子聞是音聲下明依勸與供中二。先隨相事供養亦二。初與供天宮不見菩薩。遂生無見。後觀見閻浮將欲往供。復生有見。二時天妙音下示平等慧。於中有四。謂法喻合結。不命終者令離無見。不生彼聞者令離有見。以體實普遍非眼所見而能起用。化不失時。捨離等結離執也。第四大段是故諸天子下正教發心悔過法。於中二。初舉法總教。二問答別示。初中先教發心者。以是衆行本故。佛正因故。正法器故。次教住三業淨戒。威儀是身語戒。意淨是意業戒。次教懺四障。業報約因果分二。煩惱及見約利鈍分二。以增上。耶見能斷善根故別分出也。後以法界等教懺悔方便。此是普賢廣大懺悔甚深懺悔故稱法界也。二時諸天子下問答別示中。先問後答。問意云。既以如是三業爲憶念四障

●但二俱● ●(聲)一● ●由何二何因● ●起二總● ●(益)一● ●(心)一● ●背十(恩)● ●耶二邪●*

對佛懺耶。爲若爲耶。答意但觀罪空非直障滅。亦乃即此成於大行故。以此門教令懺也。答中先顯答起所由。謂外緣內因二力。次正答中有十。初推障無體但由倒起。經云一切業障海皆從妄想生。此之謂也。二天聲隨說無我喻。喻業所作雖有因果而求不得。經云若欲求除滅端坐觀實相。此之謂也。前中總說因果名隨業報行。別隨三學故云隨戒等。喜是慧也。三少福不聞受化者。聞喻喻業不作不受作已定受。四聲非生滅喻。喻業感報故不滅緣成故不生。又釋業性即不生滅而不失業報。五天聲無盡喻。喻業若不懺滅受報無盡。又釋業即空無可盡也。六天聲不墮邊見喻。喻業性離斷常。七天聲隨應喻。喻業作善惡即有苦樂報應。八鏡含萬像喻。喻業影現本識而實無來去。九幻師眩目喻。喻業體本性空似有誑。凡夫十若如是知下結成真懺悔。第五大段說是法時下明開法獲益於中有四。一餘兜率天子得忍益。或當初地或是八地。二六欲天子發心益。三天女益。此二地前益。四爾時下益。當機天子。以是普賢五位相攝大善巧法。是故創得。出地獄已聞此普法。即得十地。明與三乘漸次教不同也。於中初得位益。二成行益。三勝報益。四滅障益。五見佛益。六結益。分齊謂難得十地因滿。簡不同果故云猶未能見等也。第六大段爾時諸天子於一一毛孔下明展轉通成無盡行。於中有二。先於毛孔出。

法界供具供養於佛。二顯供具所成利益。於中有三。先花益廣見諸佛故。二香益廣滅惑障故。三蓋益廣成。大行故。就香益中。一法二喻三合四結。又釋此四中。初二聞香得樂。次一滅障。後一成善。前中身心快樂者定香熏故也。滅障中於五塵內外各五百煩惱者。四分律中雖有五百結總數。亦無別列名。既不見經論。古來諸德皆作解釋。有一師釋云。衆生煩惱根本有十使。然一惑力復各有十。即爲一百。計應分爲九品。但上品重故開爲三品。中下輕故各爲一品。合爲五品。即爲五百。於內外境起合爲一千。此是根本使。然以自五塵爲內。以他五塵爲外。一一各千。即爲五千。別迷四諦即成二萬。并本一千。即有二萬一千。依三毒等分故有八萬四千。又有釋云。以十惡爲本。展轉相成。一一各十。故成一百。迷自五塵爲五百。迷他五塵爲五百。合爲一千。正迷十諦法門。謂四諦三諦二諦一實諦。或迷說誠諦等十諦。或迷十善。故成一萬。然迷十諦空有不同。分成二萬。或迷十善。二諦亦是二萬。并本一千。總二萬一千。依三毒等分故有八萬四千諸塵勞門也。若依寶劫經。別有八萬四千。如上九地釋。此諸煩惱皆悉除滅者。現種使習一切皆盡。以普滅非別故。何位滅者。通五位故。云何滅者如虛空故。本來盡故。三見蓋利益中。三初明見。此法門之蓋故。得一恒沙輪王善根。皆如白淨寶網等。此是世界性中萬子已。

去輪王。如愛見善慧王等。非是金輪千子王。四洲等。謂一恒沙箇白淨寶網輪王善根。暫見此蓋。頓得成就。二菩薩摩訶薩下明得此王位所化利益。於中初所化廣多有法喻合。二放曼陀羅下明所益殊勝。亦有法喻合。遇光得十地者。此中有三重益。初明佛光普照。諸天子令得十地。二此天子毛孔所出香花蓋等。復益衆生。令得輪王。亦是十地。三輪王放光照。餘衆生。亦令得十地。此三位皆悉齊等同時頓成。各塵數多類。以此却推。總是如來一小相中一光明力。一光既爾。餘光亦然。一小相既爾。餘小相亦然。小相既爾。其餘大相海等。即不可說不可說也。文意如此。思之。言此等衆生悉先修善者。明宿有見聞一乘修普賢善根。故喻中如在欲界已得初禪。身雖未轉。得彼天樂。如是衆生遇此光明。頓得十地。身猶未轉。令本身肉眼而得普見。是法力故也。是即三祇可以念屈者。明一攝一切也。塵劫不窮。一位者。明一切攝一也。如是遲速無礙自在。是此圓教非餘宗也。三如是成就清淨下釋顯所得利益之相。既言即此身上得十眼等。未知分齊故。今於十眼中。肉眼最難釋。其分齊餘眼深妙。可以類知。於中二。先明見世界廣大。後亦於念念下見佛廣大。前中四。初明一重廣大。於中並取下座點盡處已來。利并本塵。總合爲一廣大之利。二問答辨難。三佛告寶手下重積數顯。謂以如上一廣大。利復數至此千億等。復

●此十(法界)●之三位●三位之益●●不十(可)●●(一)一●●(見)一●●●十(攝)●●(然)一●●●千二百●●●成行一行成●●五二●●●●二更●●

末爲塵。此一塵各與一切佛刹之塵數等。菩薩取此諸塵經八十反。種一一生得一切佛刹微塵等果。四菩薩下結肉眼見。謂如此數量。如此廣大。是此肉眼。所知所見分齊境界。明知此眼深廣無邊。智論云。五眼中肉眼但見三千大千世界內事。若見大千界外。即何用天眼爲。解云。彼約三乘漸次教說。故不同也。二亦於念念下明見佛身。如錠光珠照。屬廣大復明淨故。下辨殊分齊。亦非餘位所見。故結屬輪王。如是廣大肉眼是第三重益者。通釋向上。輪及天子皆有十眼等。准釋可知。小相光明品竟。

普賢菩薩行品第三十一

初釋名者。先辨義名。就第二修因契果生解分中有二。上來明修生因果。竟。自下二品明修顯因果。亦是上明差別因果。下顯平等因果。若就五周因果中。此是第三明自體因果。二品名者。德周法界曰普。用順成善稱賢。攝德表人名爲菩薩。對緣造修目之爲行。普賢之行。普賢則行可知。二來意亦二。先分來。謂會前差別因果。令歸平等。即會前從第二會至菩薩住處品來差別因。歸此普賢圓因。故性起品會不思議品來三品差別果。歸平等性故。是故來也。又釋上來差別明三乘因果。此下明一乘因果。明與上三乘爲所依故也。又推前差別至此本位故來也。又前明修生此明修顯故也。二品來者。前品明前位修果。此品辨後位了因。義次第故是故來也。三宗趣

者有二。先宗後趣。宗明普賢行略有十種。一達時劫。二知世界。三識根器。四了因果。五洞理性。六鑒事相。七常在定。八恒起悲。九現神通。十常寂滅。此上十種各有十門。如時劫中。一陀羅尼門。一念中有十劫等。二相即門。三世即一念等。三微細門。多在一中。現等。四帝網門。重重顯現等。五不思議脫門。隨智自在現。脩短等。六一身普遍門。身遍即入三世劫等。七一身普攝門。三世劫海在。一毛孔等。八現因門。遍前後際常行。菩薩大行願等。九現果門。普於三世現成正覺等。十現法門。普於劫海雲雨說。法等。前五意業自在。後五身語自在。如約時劫有此十門。餘九亦各十。准之即略辨百門普賢行餘義具如文顯。第二趣者。明此普賢意在對顯性起果用。問此與性起何別。答有三別。一此約因彼就果。二此是能發彼爲所發。三此通修生彼唯性起。餘如性起品說。四釋文者。就後二品中。先此品明普賢圓因。後品顯性起滿果。就此品中分二。謂長行與頌。就長行中亦二。謂正說及瑞證。就正說中亦二。初序說所因。後正顯所說。又釋亦可爲三。初舉略顯廣。釋成普義。二從菩薩起一。顯下舉惡顯善。亦是舉剛顯柔。釋成賢義。三從佛子是故。下辨六十行門。釋成行義。是故名普賢行也。就初中二。先總標。小說。二何以下釋。小所因。前中如向說等者。釋有二義。一約近如前小相品所說。令諸天子成普賢行。是徵。小說。

以隨所化愚癡衆生惑業障重墮惡道者。顯小相用。故爾也。若約障輕智慧衆生。辨大相業用。即廣大不可說不可說也。二約遠即五周因果中如前第二周。是徵。小說。以前五位漸次因三德差別果。雖諸門內亦有普賢圓融之義。不同三乘。然其門相階降同。彼三乘。逐機就病。不盡法源名微降同。此下二品明普賢因果。遂於法性。不。就染機以分階降。名廣大說。文意如此。就釋中先徵後釋。釋中先總釋。一切如來者。謂如此隨病就機。小說。三世諸佛皆悉同爾故也。二別釋中。所隨衆生惑業雖多略顯十種。一無明。二諸纏。三計。我所。四著。我見。五四倒。六耶見。七橫計。八欲縛。上備苦因。九具足苦果。十遠離出道。三爲如是下結。既爲如此具縛衆生。如來出世說法。豈能具盡法性。第二明普賢行中先明所治廣大有百千障。後顯能治廣大有六十行。前中三。謂標釋結。標中雖諸煩惱皆悉遍障一切聖道。然一瞋一種親障。菩薩大悲攝物。是故偏舉於瞋。以例餘惑。又釋以瞋障最重。故偏說之。決定毘尼經中菩薩事起百千貪心不起一瞋。以違害大悲莫過此故。菩薩善成經亦同此說。釋中言百千等。是總舉。何等下別辨百門。於中寄位分五。初障十信行。二不樂佛法下明障。十住行。三菩薩清淨諸根下障。十行。四誹謗佛法下障。十迴向大願行。五不樂菩薩共住下障。十地。眞證行。菩薩萬行不過五位。起一瞋心一

切頓障。又以所障法界如帝網重重令能障同所亦皆無盡故。起一。顯成百千障。理實無盡。結中有結有釋可知。第二辨釋普賢能治行中。先正顯後結勸。初中有六位。皆依前起後。初中佛子是故者。是前一。顯成於百千邪法障故。勸令修習十種正法。用以翻之。然此十法非直翻前耶。顯亦乃疾得菩提故也。正辨中十句攝爲五對。初二約人。一不捨下。二不慢上。次二約法。一不謗教。二不迷事。次二約心行。一樂行。二堅心。次二約因果。一果智。二因辯。後二約悲願。一悲。二願。第二清淨中。初依前正法明行成離染故云清淨。十中亦爲五對。初三於教法淨。一信二求三護。次二於理法淨。一廣二甚深。次二於化法淨。一了器二增善。次二於時劫淨。一不著二觀察。後一結成性。第三正智者由離染障令智明淨故云正智。此十亦爲五對。初二了所化智。次二知化法智。次二知持辯智。次二具身語智。後二照依正智。第四巧隨順入者。以得正智能迴轉所知互相順入故也。此十亦爲五對。初二身土無礙。次二時法無礙。次三根境無礙。諸入是境也。又釋智入所知也。非根是真理。又亦是境。次二言相無礙。後一三世無礙。第五直心者以迴轉自在令正趣真實故云直心。此十亦爲五對。初二念機設教。次二住深廣法。次二住教義法。次二住行法。後二住果法。並正心趣向故名直心。起信論云。直心者正

念真如法故。第六巧方便者依前正直起此巧便。初三依證起說。一照深理。二出勝智。亦是顯理性。三巧設言。次二證真達俗分別別相。是俗諦法也。後五入法自在。於中前四入法。謂一入理法。二入果法。三入行法。謂行巧便能一入一切。四入教法。謂多門善巧故也。後一於上所入自在不轉故。第二佛子是故下結勸。初勸聽受。何以下釋顯要勝。以普賢行必一攝一切故。是故以少功力疾得菩提。此方便者是功用也。正說竟。第二感證中二。先感瑞。後證成。此二各二。謂此土結通。初感中三。初所因謂佛力。法力。二動地。三雨供。問此會在他化天說。何因結通乃云。如此四天下佛坐道場耶答以菩提樹下本。故結歸彼也。又雖昇天以不離覺樹故。若爾何故前十地等皆不同此。答前約同教。通結天宮及彼覺樹本末合說。此就別教會未歸本。唯據道場意存於此。下性起品等皆同此釋。二證成中亦三。初所由。二力同前。二來人數量。三作如是言下讚述證成及結通等。並可知。第二偈頌中二。先序意。後正頌。前中二。初示相。謂自他二力是所因也。觀十方是設教分齊也。觀法界是顯義理深廣也。二欲明下述意。謂爲欲述此十種意故說此偈頌。一明因行。二顯果德。三說大願。四行起時處。五機熟現。佛六稱根授法。七所說利益。八修因得果。九果現淨身。十語業開覺。此十種義。下偈頌中並具顯之。正頌中有一百

二十一頌分二。初二十二頌顯說之分齊。餘九十九頌正辨。普賢行相。此等並不是重頌前文。但與前綺共顯普賢行用。謂前略此廣。前體此用故。亦有諸德。將配前長行文。文無相當故。知意異。不可抑度。就前中四。初一頌誠聽許說。二一切諸劫下八頌明此菩薩於過去佛弘誓願行。三於一賢劫下十一頌明於現未佛修三輪行。於中初七舉現未佛。後四於成三輪淨行。四行者下一頌結說分齊。自下第二正顯普賢行相中亦二。初有六十九頌明自德。大智行。二度無量衆生下三十頌明外化大悲行。前中明普賢十種大智行。一初七頌明善入帝網大智行。二深入微細下十七頌明深入時處微細智行。三世界及如來下五頌明了三世佛心祕要行。謂世界名及佛名。此等最難猶於多劫說不能盡。況佛心中所知境界。謂真妙法界等。然此菩薩亦能了知成普賢大智行。四如是未來世下四頌了未來攝化業行。五現在十方下四頌通達現在佛境界行。六菩薩具出下五頌明六根化用行。七深入智境下十頌明器世間自在行。八菩薩知諸法下六頌明智正覺世間自在行。九清淨法身下五頌明非身不身法身行。十譬如工幻下六頌明非量不量淨心行。上來自德智行竟。就第二外化大悲行中亦十行。初六頌化物令發菩提行。二如來淨身下二頌讚歎現佛攝生行。三有一頌分布過佛舍利行。四有一頌能知未來佛德行。五如

①諸二辨②諸二謂③[釋]一④[爲]一⑤行十(法)⑥[法力]一⑦[也]一⑧修二明⑨[普賢...顯]十九字一⑩抑二證⑪(四)一⑫四十(明)⑬(大)一⑭過十(去)⑮

是三世下四頌明法輪深入行。六無量無邊心下五頌了。物心器染淨行。七一切衆生下三頌了。物業報緣起行。八如是諸根下五頌了。達根境無礙行。九有一頌了。知五種說法行。十末後二頌明。三世相是自在行。

寶王如來性起品第三十二

初釋名者。寶王是摩尼寶珠。最可珍貴故名寶也。以能出寶自在故實中最勝故。衆寶所依故故名王也。喻性起法亦具三義。謂出智義最勝義。所依義。佛性論如來藏品云。從自性住來至。來至得果故名如來。不改名性。顯用稱起。即如來之性起。又真理名。如名性。顯用名起名來。即如來爲性起。此等從人。法及法用題品目。又別翻一本名如來祕藏經。又一本名如來興顯經。又此下文具有十名並可知。二來意者。前品明能發之因。今辨所顯之果。故次來也。三宗趣者。明性起法門。即以爲宗。分別此義略作十門。一分相門。二依持門。三融攝門。四性德門。五定義門。六染淨。七因果。八通局。九分齊。十建立。初分相者。性有三種。謂理行果。起亦有三。謂理性得了因顯現名起。二行性由待聞熏資發生果名起。三果性起者。謂此果性更無別體。即彼理行兼具。修生至果位時。合爲果性。應機化用名之爲起。是故三位各性各起故云性起。今此文中正辨後一兼辨前二也。二依持門者。一行證理成。即以理爲性。行成爲起。此約菩薩位。以凡位有性而無起故。二證圓

成果。即理行爲性。果成爲起。此約佛自德。三理行圓成之果爲性。赴感應機之用爲起。是即理行徹至。果用故起。唯性起也。

三融攝門者。既行依理起。即行虛性實。虛盡實現。起唯性起。乃至果用唯是真性之用。如金作銀等。銀虛金實。唯是金起思之可見。四性德門者。以理性即行性。是故起唯理性起。此與前門何別者。前約以理奪行說。今約理本具行說。問理是無爲。行是有爲。理顯爲法身。行滿爲報身。法報不同爲無爲異。云何理性。即行耶。答以如來藏中具足恒沙性功德故。起信論中。不空真如有大智慧光明義遍照法界義等。涅槃云。佛性者名第一義空。第一義空名爲智慧。解云此即無爲性中具有有爲功德法故。如來藏經模中像等。及實性論真如爲種性等皆是此義。是故藉修引至。成位名爲果性。果性赴感名爲性起。五定義門者。問下文云。非少因緣成等正覺。此乃是緣起。何故唯言性起耶。釋云有四義。一以果海自體當不可說不可說性。機感具緣。約緣明起。起已遠緣而順自性。是故廢緣但名性起。二性體不可說。若說即名起。今就緣說起。起無餘起。還以性爲起。故故名性起。不名緣起。三起雖攪緣緣必無性。無性之理顯於緣處。是故就顯但名性起。如從無住本立一切法等。四若此所起似彼緣相。即屬緣起。今明所起唯據淨用。順證真性。故屬性起。

六染淨門者。問一切諸法皆依性立。何故下文性起之法。唯約淨法。不取染耶。答染淨等法雖同依真。但達順異故。染屬無明淨歸性起。問染非性起。應離於真。答以達真故不得離真。以達真故不屬真用。如人顛倒帶靴爲帽。倒即是靴故不離靴。首帶爲帽。非靴所用。當知此中道理亦爾。以染不離真體。故說衆生即如等也。以不順真用故非此性起攝。若約留惑有淨用。亦入性起收。問衆生及煩惱皆是性起不。答皆是。何以故。是所救故。所斷故。所知故。是故一切無非性起。七因果門者。問菩薩善根亦順性而起。何故下文唯辨佛果。答以未圓故不辨耳。若約爲性起因義及眷屬義皆性起攝。如下文藥樹王生牙時一切樹同生等。若從此義。初發菩提心已去皆性起攝。唯除凡小。以二處不生。牙故。若據爲緣令彼生善。亦性起攝。如日照生盲等。八通局門者。問此性起唯據佛果。何故下文菩薩自知身中有性起菩提。一切衆生心中亦爾。答若三乘教衆生心中但有因性。無果用相。此圓教中盧舍那果法該衆生界。是故衆生身中亦有果相。若不爾者則但是性而無起義。非此品說。文意不爾。以明性起唯果法故。但以果中具三世間。是故衆生亦此所攝。問既局佛果。何故下文通一切法。答若三乘教真如之性通情非情。開覺佛性唯局有情故。涅槃云非佛性者謂草木等。若圓教中佛性及性起皆通。依正如下文辨。是故成佛具三世間。國土身等皆是佛身。是

①[來至]—②[法]—③[淨十(門)]—④[果十(門)]—⑤[謂理性得二初謂理待]—⑥[果二義]—⑦[起]—⑧[即十(是)]—⑨[成二果]—⑩[問十(云)]—⑪[故]—⑫[證二於]—⑬[順二信]—⑭[蓋十(而)]—⑮[故十(是)]

故局唯佛果。通遍非情。九分齊門者。既此真性融遍一切故。彼所起亦具一切。分圓無際。是故分處皆悉圓滿。無不皆具。無盡法界。是故遍一切時一切處一切法等。如因陀羅網。無不具足。十建立門者。問法門無。何故下文唯辨十種答顯無盡故。何等爲十。一總辨多緣以成正覺。二正覺身三語業。四智。五境。六行。七菩提。八轉法輪。九入涅槃。十見聞恭敬供養得益。此十略收佛果業用。故不增減。此十義通前九位。皆具准之。餘義下文當現。四釋文者。此品長分爲七。一加分。二本分。三請分。四說分。五顯名受持分。六表瑞證成分。七偈頌總攝分。就初分中有二。先毫光加請主。二口光加說主。前中亦二。初光加。後加益。前中有十。初明出處。眉間者表證道離二邊故。白毫者表性起。是諸教之本故。二顯光名。明如來法者欲表說佛性起法故。三因業。四舒業。五敬業。六覺業。七止業。八降伏業。九示現業。十卷業。入妙德頂者正明加相。何故加此菩薩者如名表說性起法故。入頂是加持之相故。二爾時下辨加益。於中二。先大衆益。初心喜等成法器益。二念法益。二妙德益中。以光入頂三業改儀。以成請相初身儀祖跪。二意無異念。三語偏讚請。讚請中十偈分六。初一歎佛申禮。二有五頌歎佛放光三有一頌歎前光益。四有一頌歎衆有堪聞之德。五有一頌歎佛有開示之德。六末後一頌請佛示說主。何故不

請佛乃求餘說主。以光入身時已令知覺。非佛自說。又同上多例。知非佛說故別求說主也。二口光加說主中。前既請示故。今示之亦二。先加後益。加中亦十。初明出處。口放光者表教道傳通也。二光名無礙者表辯才無礙故。言教自在故。無畏者不懼理深故。處衆無畏故。餘義同前。入普賢口者令說如佛說故。又是口傳故。又若出口入耳爲令聞也。今出口入口爲令說也。何故唯加普賢。表此所說是普法故。等是加相。何不入頂。以兼教故。又涅槃經中。佛自口放光還入自口。表收滅故。彼經云如來光明已還入。非無因緣。必於十方所作已辦。將是最後涅槃之相。與此別也。二爾時下明加益中。過百倍超過同類。以表法勝。恐濫同佛故對簡之。加分竟第二本分中二。先問。二爾時普賢下答中三。先引古事。二類今答。三開名爲初動地者。明本分。提名表此大法將興之感。出論難光者。明此妙德開名發。生請問之覺。故能請問十門性起。若不爾者。知何所請。第三請分中亦二。謂長行與頌。長行中三。先舉法請。二歎衆請。三歎說請。就歎衆中三。初標衆大。二善學下歎德具。三成就如是下結衆集。就歎德中略歎十德。一淨戒業。二念慧成。三滿三嚴。四住佛儀。五具佛行。六正念下大定德。七大悲德。八決定下大智德。九勝通德。十住果德。三結可知。三仁者下歎說者有堪說德。亦顯十德。一殖多善。

二成妙行。三定自在。四證深密。五善除疑。六達教法。七善知根。八隨器說。九順佛智。十結無盡善哉下結請。善哉有三種。一法要妙。二衆堪聞。三仁堪說故云願說也。二偈請中有十九頌分三。初一頌半標歎說聽。二正請十門性起。三清淨真下歎德勸說。就正請中。初二句請。初總門。二次句別請身業。三次句語業。四次句意業。五次句所知境。六次句所行行。七次句示所得果。有本此中更有二句。謂修習等。八次二句所轉法輪。九次二句所入涅槃。十佛子下四頌半請。第十見聞敬養益。並如下答中廣釋。三清淨下歎德勸說中有六。初一請普賢說深廣境。二次一歎衆樂聞德。三次二勸以巧言因喻說。四次二重舉三業以請說。五次二歎衆會希有以勸說。六次二結請願衆樂。第四說分中答前十問。卽爲十段。一一各二。長行與頌。十中。初答性起正法者是總相故。身業等九種是別相故。皆是性起。同異成壞皆准可知。又釋此初是所依之法。餘九是能依之德。依法成德同名性起。又此十門皆約緣顯性。性從緣現故名性起。亦有諸德。將此十中初一爲因。後九爲果。文相非順。就初長行中三。先約法略說。二就喻廣陳。三據法通結。此三各有十門。於中初之十門有將配十地。一一別釋。恐不順。今釋此略。一一皆通十廣釋中。下十結文亦一一通結十廣釋。是故此中因緣數總

有四種：一云十種者據初略也。二云百者約初略十入廣十中。一一具十故有百門。三云千者就後十結一結百故有千門。四無量阿僧祇等者。彼廣等中一一各有多門。如四智風輪十光明等。又亦通攝身等九中諸因緣故無量等也。釋文中二初告衆。二顯釋顯釋中二。初總歎甚廣故云不思。二所以釋成。初總釋有二義。一以因緣廣多無量名爲不思。故下云非少因緣等。二甚深微妙名爲不思。故下云無有作者亦無成者等。此二並非下位測量故云不思也。二以十種下正顯。於中有釋釋結。釋中初一是行本。由此大心長劫熏習不捨衆生。是故於今現成正覺。二久修衆善。正直深心。引此善根現成正覺。三以慈悲救生無限盡故現成正覺。四積行廣大願無竭盡。於未來現成正覺。五雖積德成滿。而度生增善情無厭足故。現成正覺。如與盲比丘貫針等。六二利德圓是以成佛。七巧智多端。應機出現故成正覺。八福藏圓。九智嚴具。是故出現正覺。不可窮盡十若不成佛。無由宣說無盡法義故現成正覺。此十皆是果成之處說彼因緣。但是爲生現佛之因。不取自德。又亦即以爲生現佛爲其自德。更無別自是故攝因無不皆盡。如是因緣既無自性。無自性理爲本起用故名性起。結文可知。第二就喻說中亦十。一一中皆三。先喻次合後結。前請中言因緣及譬喻爲我分別說前十辨因緣。此下明譬喻。亦有

因緣義。初是大千興造喻。喻佛衆緣共起性起德。於中喻內。初總舉多緣。二別辨雲雨。三因雨起風。一名能持者。衆生業力於空劫處世界將成。於上空中先起雲雨。若無風持。雨水無停。壞餘世界。是故業力起。初風輪水若不滅。無由得起諸天宮殿。是故業力起。次風輪。雖能消水處起無由。是故業力起。第三風。滅一節水起。一天宮。如是漸下至成須彌山及大地等。雖起總處。不能辦彼別類莊嚴故。彼業力起。第四風。令此世界方得圓滿。此器世間先成。衆生世間後成。廣如俱舍論辨耳。四結業因。中言菩薩善根者同受用故。地前菩薩生穢土故。五結多緣。此四爲首。理實無量故云如是等。無量也。六法如是故下明緣起法爾。水無自性。無有作者。明能作體空。亦無成者。明所作性空。二法合中。於上六句略無第五。餘次第合。此中四智有人將配聞思修證。文相不順。今釋四中一總持。細法智。次二依法起行智。一滅惑。二成德。後一依因得果智。前三既因。何故皆言如來智。耶。釋以在果位說。彼往因故云曾於過去等也。果中但取攝化之果。故云令衆生等也。四如來無漏下結。餘並可知。第二洪澍大千喻。此即是前風所持雨以喻。佛深廣難知德。謂得無盡陀羅尼力名成就諸力。若約一乘。十信已去菩薩是也。若三乘八地已上能受此法。問此門但顯法之難知。何成因緣。答以彼大水是衆生業感令成世界。彼大菩薩機

所感故。如來興世說此法雨故。是因緣。第三大雨無從喻。此亦是前所說大雨衆生業力。從雲所澍本無停佇。後消滅時亦無去處。況性起賴緣無來去德。謂於佛無從入機無去。由此佛興故。是因緣。第四大雨難知喻。亦名摩醯知滴喻。此亦是前劫初大雨況。佛性起大機堪受德。謂已具修十地行力。是故器大方堪受此。古人釋云以性起有四。一教廣。二行大。三因深。四果遠。是故二乘不能知也。第五大雨成敗喻。況佛滅惑成智德。各有五種。初能滅。炎熾。二能起處所。三能壞大水。四能成海中一切諸寶。五能莊嚴分別大千界處。法中初二滅障成福。次二滅障成智。後一以法照機可知。第六一雨隨別喻。況佛一味隨器德可知。第七有二喻。初先成色界喻。況佛勝緣先濟德。下一喻釋疑。謂二先成由業力。二法異由機別故也。第八喻中三。初蓮花表佛喻。二風輪起處喻。三是爲結。初中依五卷大悲經第三云。何故名賢劫。阿難此三千大千世界劫欲成時。盡爲一水時。淨居天以天眼觀見此世界。唯一大水。見有千枝諸妙蓮花。一一蓮花各有千葉。金色之光。大明普照。香氣芬熏甚可。愛樂。彼淨居天因見此事。心生歡喜。乃至讚言。奇哉希有。如此劫中。當千佛出世。故號此爲賢劫也。解云此中花名如來起者。爲表佛出世。又此中應云生千蓮花。故下云知如花數諸佛出世。同大悲經也。又一節水滅。一風輪起。成一

處所十風次第成處滿足。法合況佛成辦大
事德。初佛出世合上大水。先授菩薩記合
上花生表佛。又能善知下合上知如花數
佛出。二復有光名離垢下合十風。亦有諸
德。將配十地。次第別釋。文似少順。恐非其
意。但知各是一義皆表佛德。應感不同。如
來大悲下合上結文。佛子如來性起下釋疑
初辨。正理。二衆生念言下舉疑情。三此非如
來下釋疑。四外疑云既非佛造。佛復何用
釋云佛但爲善友。因緣所成無作無性。是故
還同性起本法。第九四輪相依喻。況佛體用
依持德。然水輪所依之風有四義。一持水
名安住。二性無移改名爲不動。三相續一
期名爲常住。四體性密微名爲堅固。依俱
舍論厚十六洛。又等。法合中初合四風。後
合四輪。前中一攝取。二授法。三守護。四照
實。亦有配四攝合四風。並可知。合四輪
中。饒益衆生合前地輪。慈悲合水。方便智
合風。如來合空。依持可知。第十大千饒益
喻。況佛與世利生德。令得三學益慧中一
內得真實。二外用照明。餘並可知。第三結
勸知中十句。一皆通結前十門。謂一皆多
故。二皆廣故。三皆深故。四皆妙故。五皆大
故。六皆常故。七皆遍故。八皆續故。九皆等
故。十皆益故。上來略辨總顯千門性起因
緣竟。第二偈頌中有六十五頌分二。初
二十八頌歎深許說。頌上總答。二譬如大
千下三十七頌頌上十喻。前中二。初二十四
頌歎法難量甚深。後是故下四頌明許說分

齊。前中亦二。先二十二頌歎所知甚深。後如
來甚深下二頌顯能知深淨。前中亦二。初二
總顯佛德深廣難量。後一切諸如來下二十
頌別顯佛德十門難量。各二頌顯佛一德。初
二顯佛難思德。先總舉。後別辨可知。下約
喻中各先喻後法。二末塵喻佛無限德。三
量空喻佛廣大德。四數心喻佛無量德。
五法界喻佛甚深德。六如如喻佛離相
德。七無際喻佛無礙德。八性空喻佛性
淨德。九離言喻佛無比德。十鳥跡喻佛
體用德。又釋此十即是頌前結文十句。於中
唯第九門却頌前第七句。餘並依次配釋可
知。次二頌能知淨中。初頌總勸淨意。後一
別辨。上半令離想。見顛倒。下結淨意樂。
下四許說中。初二誠聽總許。後二別舉。下九
門以明許說。於中如來深境界一句中攝
如來行及菩提。餘門依文皆具。自下別顯十
喻中。初有九頌頌初喻。於中初五頌總後
四頌別。二有四頌頌第二喻。三有三頌頌
第三喻。四有三頌頌第四喻。五有三頌頌
第五喻。於中但頌法合略不頌喻。六有二
頌頌第六喻。七有四頌頌第七喻。八有二
頌頌第八喻。九有二頌頌第九喻。十有三
頌頌第十喻。末後二頌歎益結說。上來答
總門性起正法竟。第二別答性起九門中。
先明身業。以是所依本故。就長行中二。先
總告標門。二此菩薩下釋顯義相此中有五
百門分別。初約法總顯有五門。二就喻別
辨有十身。卽爲五十。三通結能知亦十門。

卽爲五百也。准例亦應有千。但以總中略
故也。初中二。先總標德廣。二何以下釋成。
先反釋後順釋。各有五。謂法是行所依。行是
能依身。是行所成。利是身所依。衆生是所化。
各盡法界。皆言無量。二就喻別辨中。略辨
如來性起十身。一無邊周普身。二周遍無著
身。三大用成益身。四平等應機身。五潛光密
用身。六圓迴自在身。七一多無礙身。八無思
成事身。九體用益生身。十隨念滿願身。況此
十身亦舉十喻。一一中各三。謂喻合結。就
初中明虛空周遍喻。以虛空無形狀故。
非能行至諸處。故云非至。然此無礙一切
處遍故云非不至。況佛無邊周普身。言隨
應現身者釋疑也。第二虛空離染喻。周遍
無著身。各有標釋可知。第三日光饒益喻。
喻大用成益身。各有總別釋成合。中別內十
益。一滅惡生善益。二發解除惑益。三與樂
拔苦益。四授法長道益。五信成遣障益。六見
理順事益。七照境無遺益。八無緣慈善益。九
開發心花益。十行成究竟益。下釋成可知。第
四中有二喻。初日光等照喻。佛平等應機
身。合中有六位機感。謂三乘及三聚無念而
照益。後喻釋疑。謂若但機感有異法不異。
何故現見聖教不同。釋隨彼希望教亦不
同故也。第五日照生盲喻。喻佛潛光密用身。
喻中初無見後密益。合中有二。先略合。後佛
子下廣顯。就略中初生盲不信。生盲有四。
一耶見。二犯重。三愚癡。四耶命。各無信
眼。故是生盲。後佛子下慧日潛益。初息苦益。

①先二光 ②微二級 ③又二互 ④令二合 ⑤想二相 ⑥下十(半) ⑦以十(此)

後斷集益。二廣顯中二。初辨能益光明。後顯所益衆生。前中先列十光。初一發戒。次二成定學。次二成聞慧。次一成思修。次二成證智。後二成後得智。下結廣有千。古人云。五百照。下者是五位自分。行。五百照。上者五位勝進行。二所益中有四。初利益菩薩。先令得普賢位。十之德。後因得彼法。成。就種智。於中諸入者是前十眼耳等也。二利益二乘。以不求種智。不能利生。故但減。自惑。三利益生盲凡夫。一令身樂。二心調。三成行。謂四念處也。四利益惡道衆生。於中二。先身光救惡道。二慈音破。耶見。又釋有七。一拔苦得樂。二因起。耶見。謂初迷佛力。後執梵作。三爾時下慈音示正。四彼諸下救成正見。五歡喜已下。起報恩行。六佛與授記。七結光利益。第六日光奇特喻。佛圓迴自在身。合中明。佛此身有四奇特。一無相現超過。二常身即延促。三住體恒現影。四一身普對現。菩提器者。古人云。以心海澄清離諸妄念。故佛影現。今更釋。謂是成菩提之器故也。又隨所聞法者是地前機隨解脫地。者是證地器也。第七梵身普應喻。佛一多無礙身。亦無起念等可知。第八醫王巧術喻。佛無思成事身。喻中二。先顯醫王現德。二彼大醫下。明。殞後持身如本救物。合中亦二。初合醫王現德。二無量億下。合中呪藥持身。合。殞後持身。於中三。初到彼岸者正合。命終。以生死永盡故云。到岸也。二善學等者。合藥塗呪持令。隨有

起。化住持不絕。三如來以少方便等。合雖無思念具。四威儀療治衆病。第九摩尼利益喻。佛體用成益身。合中二。先體後用。大福智藏。者。福智是體。以能出生故云。藏也。合。摩尼藏能出衆寶。二光用中。初令諸外道捨。耶同。正色。二成淨因。三得樂果。合。前雨寶也。目法者。此云。面。即寶名也。第十寶王稱念喻。佛如意滿願身。除佛神力下釋。疑可知。第三結勸知中亦十。一信心多。二入深等證法廣。三住真等住。理玄。四無生等結體常。五三世等圓。三際。六悉能等捨妄情。七入未等。達彼岸。八正法等化用遍。九一切法界者。化體周。正法充滿之言。貫下二句。十一切佛等果德圓。以此十種知前十身。故成五百門也。頌中四十二偈。頌前十身。於中第四第八各有五頌。餘門各四頌。應知。答身業竟。第三性起語業。謂前明身。次明語。前色。大聲。義次第故。釋中長行內三。初總略說十。二別廣辨十。各具前通故成。百門。三後以十門通結前百故亦有千門。分別音聲。細取各各無量。如下結中皆言無量也。就初總說中二。先辨所知音聲有十種。一體廣。二德妙。三悅機。四演法。五開悟。六應時。七增戒。八增定。九增慧。十稱性故云。如響無主也。下顯能知益相。以此能知如所知故。是故同彼。極無邊也。略論五。種各有列名釋義。知見出生者。列名也。此有二義。一此知見即是出生長善根者。釋出生也。二知見佛聲能出生長養衆

生善根故。餘四各二釋。一約能知。一約所知可知。又此五中。一約多。二深。三廣。四常。五實。並可知。二廣辨中顯。如來十種音聲。亦以十喻。第一劫盡唱聲。喻。佛平等說法聲。謂無主平等說法。無廢。於中三。初法說中。量約分齊。主約體性。智約業用。非量等者。一云。以普遍故不可量。成證表故。非無量。二量亦不可得。無量亦不可得。故云也。非主等皆同。二釋二喻中。先徵。次辨。後結。依俱舍論。生無色界有二因。一因力。謂近習及數習。二業力。謂上界後報業果報欲。至故。若生色界有三因。謂加。法爾力。但器壞時。法爾有聲。又不得。越。次生。二釋等。仍待火至。初禪始生。二禪。乃風至。三禪始生。第四。合中明。佛欲壞生死世間。亦出四聲。說四乘法。聲體平等無主無作。餘並可知。第二響聲。隨應喻。佛無方應現聲。第三空聲。開覺喻。佛教誠放逸聲。合中五。先總。二別說。二乘法。三出生無量。下別說。大乘法。四衆生聞下正答。所益。五如來妙音下明。聲絕相離言。而有聞機說法故也。大乘莊嚴論云。若諸佛六十種音聲。是有法。非無法者。諸佛不能以音聲遍至十方無量阿僧祇國土。以音聲無法非法故。諸佛能以音聲遍至等。乃至廣說。第四寶女妙聲。喻。佛法。各隨異類解故也。第五梵聲。各聞喻。喻。佛根熟獨聞聲。不出衆外者。以根未熟故。第六水隨器別喻。喻。佛一異無礙聲。第七龍王

降雨喻。佛長養善根聲。不從外來者。離佛無聲故。不內出者。離機無聲故。第八龍王漸降。雨喻。佛漸次說法聲。亦是審根授法聲。合中二。一先現身雲。七日思惟。不即說者。待根熟也。後漸說法。又亦不。煩說深法故也。第九龍王連注。喻。佛種種差別聲。謂聲異說異。並從淨法界流故。無異之異也。第十龍王遍降。喻。佛普雨。法界聲。喻中有六。一雲。二電。三雷。四風。五雨。六結合中亦六。先合十身雲。初總九別。別中初四約外相。次四約內德。後一稱性。二合依身雲。放十電光。三合雷震。中言三昧者。明依定起說。從所依爲名。十種可知。四合風。謂將說法時。先從慈悲起。後智覺加被。令身心柔軟。以成法器。然後說法。五合十法雨。初坐道場。菩薩者是現坐道樹。臨將成佛。雨不壞法者有三。一是金剛三昧微障莫。沮故云不壞。二出纏真如故云不壞。三降諸魔軍。不令得壞。二後身菩薩者是已處胎出生。未坐道場。雨密教者是佛秘密之教。即入密智也。娛樂自在者是大神通法也。上一是等覺位。三一生菩薩者是未處胎。前同彌勒等智位。普照大法雲雨也。四得記者是第八地雨。大莊嚴法者是九地上大法也。五得忍者是初地至七地。雨功德等者。福貴如寶。智數猶花。二行相續名爲不斷。以七地已還有間斷故。雨此不斷行法也。六向行者是地前三賢位。以趣向正證故云向也。雨不退等者。以得位故。利

他不疲。名入化門。自行不厭。名入甚深。七初發心者是十住位。初發心住雨。如來定等令修止行。大慈等令修觀行止觀。雙修二利俱起。八爲緣覺雨深等者。知無明行感識等果名離斷見。果起因流故。離常見。又順觀離斷見。逆觀離常見。雖離斷常而亦不壞。得解脫果。九令得四諦智。降四住惑。怨十爲三聚衆生。初正定。二耶定。三不定。各順已根。令得法益。故歡喜。六結中正覺心等合。龍王心平等也。但以下合衆生根不同。感說有異。第三通結十聲。先總。次別後結。別中十種無量。一一各通結前十聲。於中各先列無量名。後釋無量義。義皆可見。上來相乘總以一千門分別音聲。竟。頌中有四十頌。頌前十段。一一各四頌。如次應知。答音聲竟。第四性起意業。先身語。次明意。故從龜漸細明次第也。於中標門釋義。釋義中先約法總辨。二就喻別顯。三總結。所知。初中言心意識非即如來者。此辨定法體。謂此文中欲明佛心。然佛心等並轉依成智。是故說智歎佛意業。故云但知智無量等也。此文意明佛無心意。但是智故。攝論第八云。謂無分別智所依非心非思。義故。亦非非心爲所依止。心種類故。以心爲因。數習勢力引得。此位名心種類。解云。非謂此位而有心想也。若爾。豈此智數無所依王。釋有多義。一云理實佛地有淨八識。但云智者就強勝說。論云如來無垢識圓鏡智相應故也。言智無量。故心亦無

量者約數例。王。舉能依顯所依。佛地論等具明此義。當知此約初教辨。一云理實佛地唯是大智。不說八識及餘心法。經云。佛無心意識等。論云。唯如及如智獨存。餘一切皆絕等。并此經文及攝論等同顯此義。當知此約終教而說。一云佛地大智內同真性。以照即寂故。十藏品中如來大智不生不滅等者是此義。當知此約頓教說。一云佛地大智即理即智即王即數。或開或合。以前三說不相離故。無障無礙具十智故。當知此就圓教說耳。二就喻別顯中略舉十種大喻。喻如來十種大智。一虛空無依喻。喻佛平等無依智。謂能與他作增上緣故。能爲他依。自不依他。故無所依也。又釋以位滿故。更無所依也。又釋因智依果。果智無依。又釋世間智是加行。離世間智是後得。同依根本。本智無依。何故不言依真如耶。釋依是佛求義。證真圓滿更無趣求故名無依。又釋智性自離故。更無所依。若爾餘智豈不爾耶。釋此智證理極故。第二法界無改喻。喻佛性無增減智。如三乘能證自有淺深。所證法界無有增減。合能依後得隨世虧盈。所依真智性無增減。第三大海潤益喻。喻佛益生無念智。謂加持衆生資其念力故云潤澤心也。第四大寶出生喻。喻佛用體密智。合中一合佛海有智珠。二合出寶之用。三列四名。辨法師云。此即能生四乘智慧。一能生聲聞乘。二能生緣覺乘。三能生菩薩乘。四能生入天乘。衍英等

●〔雨〕一● ●〔說深〕二● ●〔沮〕二● ●〔大莊〕上九字一● ●〔合〕一● ●〔雲〕二行● ●〔見疑〕一● ●〔於十〕法● ●〔機〕二● ●〔釋〕一● ●〔得〕二● ●〔合十〕中●

云。初證道智斷惑障。二名助道智斷於智障。三不住道智捨於報障。上三自利。四利益衆生智卽利他行。今釋一無住著智。謂無染不著。有方便不住。無二分別法相智。謂剖折有爲無爲差別。三稱法開演智。謂說異不礙。同故云不壞法界也。上三約法。四化不失時智。此約機。四合深勝。有標釋可知。同法花中王。譬明珠唯有功勳臣方得見等。五合方正可知。第五寶珠消海喻。佛滅惑成德智。喻合中各有三義。一總舉。二列名。三顯功能。若俗書中海。有沃焦石消大水。又云注於尾廬令海不增。又小乘中以阿毘地獄在大海下。火氣上吞以消海水。今此文中之爲究竟說故不同。前合中四智。有古德將配四三昧智。初是大乘光明三昧智。一是集福德王三昧智。二是賢護三昧智。四是首楞嚴三昧智。又英云。初是禪定智除不善障。二是方便智除著障。三如理智除煩惱障。四如量智除所知障。今更釋初能除流散染業障。二能除昧定著淨障。三能除根本無明障。四障盡成果智。此四皆從龜漸向細。佛子下結要勝可知。第六虛空含受喻。喻佛依持無礙智。釋中云。如來智無所不至者。謂以佛智遍於一切衆生心中。是故衆生從自心內種。性生智卽是從佛智生。還依佛智住。而於佛智無有迫近。第七藥王生長喻。佛種姓深廣智。喻中有六。初明樹處及名。二明從生因深。三樹功廣大。以此樹能生一切諸樹故云也。四釋顯樹

名。五簡非生處。六不失生性。合中亦六。初舉法同喻故云。亦如是。二從一切下合從生因深。謂初是本性住性。於過去等是習所成性。三世無量下明所生果滿。於中有四句。初內德圓。二皆悉下外化廣。三除滅下益不虛。四巧方便下辨果相。有六事。末後云。持無增減者。謂果德生已盡。於來際。用歇無減。新起無增也。三佛子下合名及釋名。謂得果不捨。因故名不斷菩薩行。四彼如來下合功用廣大。亦六事成利他行。謂由佛因地慈悲爲根。今根堅不斷。故生菩薩慈悲行也。二以巧便爲本名爲莖。此能策成菩薩勤行。三淨法界界是分齊義。義名枝流也。流出菩薩十度之行。四禪解脫成蔭之業。生他戒等業行。五七覺內敷之花。成他善嚴之相。六無上果力令得記果。亦由佛智爲本。能生菩薩行位。是故佛智爲性。能成菩薩行等名。起。五合二處不生者。以彼二處無起義故。問准上文。依佛智生三乘善根。皆是性起。何故此中簡去二乘。答前據性起所益。非是性起自體。以彼但是能依故。若爾菩薩亦是能依。何故取耶。釋以彼二乘無大菩提心。不順性故。不名爲起。菩薩不爾。故不同也。此中二乘涅槃合地獄深坑。以火燒灰斷故。犯戒等合水輪處。有四過失。一犯戒約不懺悔者。二耶見約爲斷善之因。三貪著據不可轉改者。四非器就無出世道器。戒此亦是通結。上三若直看此文。似初約定性。二乘後約無性凡夫。是

故二處不可生也。若據後文合。不捨生性。卽知非畢竟無。以此二位約現在說。若約當來。皆悉能生也。以於二處不生。不名爲滅除。能生不名爲增。故知定有也。第八劫火燒盡喻。佛知無不盡智。合中略舉四境。無不知盡。釋中言不可破壞者。能知之力無竭故也。第九劫風持壞喻。佛巧便留惑智。謂授與菩薩令留隨眠。或滿菩薩行。至於佛果。第十塵含經卷喻。佛性通平等智。於中三。法喻合。初中二。先標謂佛果智與衆生中因性本覺無差別故。是故卽在纏之因具出纏果法。以圓教中因果無二。餘聖教中未見斯義。二何以故下釋。因具果。既言無衆生身如來智不具足者。卽知若有不具者。彼非衆生數。何得更有無性有情。若俱有者。何故不知。釋以顛倒故。若顛倒不知者。何以知有。釋若先無者。離倒之時何處得有。既云離倒智起。明知不無。一切智者是始覺智。無師智者是本覺智。無礙智者是始本無二智。喻中亦五。初塵藏經卷。二天眼見經。三傷無饒益。四作念破塵。五出經饒益。合中六句。初智在衆生中。合塵內有經。一切塵者是一切衆生也。以妄念無體細末如塵。性德圓滿如太經卷。迷妄覆真如塵藏經。二以倒故不能比知。不能證見。復不信此教。三佛眼觀見。四傷無饒益。五我當下教除妄染合作。念破塵。六如來卽時下如念而作。合出經饒益。第三大段總結可知。頌中三十七頌。初一

①〔有〕一② ③〔三〕十是④ ⑤昧二昧⑥ ⑦性二性⑧ ⑨〔是〕一⑩ ⑪於十〔未〕⑫ ⑬戒二惑⑭ ⑮〔是〕一⑯ ⑰或二惑⑱ ⑲〔知〕一⑳ ㉑無十〔智〕㉒ ㉓太二大㉔

頌前總說。餘頌十喻。於初二各三頌。三
四各四頌。五六亦各三。第七有五頌。第八亦
有三。餘二各四頌。是故三十六如。次頌十
喻。答。意業竟。第五明。性起境界。前既有
能知大智。今明所知境也。於中先徵問後顯
釋。顯釋亦三。先舉能知。二顯所知。三總結
彼知。初中若不。得此無量無邊智。無由得
說廣大境也。下辨所知中。二。初當相明
廣。二約智辨廣。初中亦二。先辨列十境。二
顯其廣大。前中有五義。一約二諦境。初五
約俗量智境。後五約真理智境。言非境界
境界者。非是識所變境。故云也。二約三性
境。初五依他性。次四圓成實。後一遍計。所
執。三約五海境。初一衆生海。次二及第九世
界海。次二。是根欲性海。次三。是法界海。後一
是佛海。謂佛智是非境故。四約前明難品佛
境十種相攝可知。五釋文中。初一是所化
二是化所依時。三世劫等。三所化處。四化所
用法。五化所成行。六法界體不壞。七法界用
無礙。八體用俱實。又釋此三初真如體大。次
相大具。恒沙功德名法界。迭不相妨。名無
礙。後體相無二名實際。又釋此三。如次即三
無性真如。九虛空是事無爲境。十境智不二
名非境界。以不異智之境名爲非境。即
以此非境爲如來境。二佛子下。顯境廣大
可知。第一約智顯廣中三。先法次喻後合
初中以當相難明故。約智海以顯境深廣。
然智必依心故云。心境界也。恐迷此事。故
釋云。隨心無量生智亦爾也。此同。前門初心

意非。即如來等准之。又釋如來所智之境。並
是如來智海中事。是故下文廣說智海。即是
釋境界也。又釋境界有二義。上來十種約
所緣明境。此下約分齊明境。即以如來智
慧大海爲分齊境。喻中有三。初龍王心雨
喻。佛依心無本智。二海從龍顯。顯佛心
願所起。智。三海水宏深。喻佛深廣無涯
智。此喻中先明海水深廣。一四洲河水多。二
龍王雨水多。三龍王池水多。後結四種無量。
三佛子如是。下法合中亦二。先合海深廣。謂
顯法過喻非。此所比。即爲合也。後合大海
中有四種無量。初發心等合海中水無量。二
道品等合海中未足等實無量。三無量衆生
等合海中衆生無量。四大地等合海中有大
地無量也。三佛子是爲下總結。所知。頌中
十偈。初二頌。法說。次四頌。初二。後四頌。
第三。喻。可知。答境界竟。第六性起行者
前明。智所依境。今辨。依境所成之行。故次
明也。就辨釋中。長行內三。謂標釋結。初中
標二行。古人釋無礙行者。明。俗諦行。二如如
行者。明。真諦行。今更釋初是會。事同。理。
不礙事。是無礙行。二。事盡理現名。如如行。
又釋初是量智於外事用無礙。二是理智內
證。如如也。二如如過去下釋中有五喻。一
真無變變喻。佛至絕三際行。即釋。如如行
也。下四釋無礙行。二此法界無形喻。佛體
無限礙行。三飛鳥翔空喻。佛圓無分齊行。
四金翅搏海喻。佛勝用濟生行。五日月行
空喻。佛無功成事行。皆以後釋前可知。

三結文可知。頌中十偈。頌五喻。各二頌。頌
一喻。可知。答行竟。第七明。性起菩提。前
既對緣造作。必有示現菩提。故次明也。於
中略作五門。一釋名。菩提此云覺。謂大智
開悟故以爲名。舊云。道者非也。二體性。攝
論云。二智二斷爲菩提體。若依此經通。一
切法。如文知之。三種類有五。一菩提有二。
謂性淨菩提及修成菩提。出。大品經。二有三。
菩提。一聲聞菩提。二緣覺菩提。三諸佛菩提。
出。十地論。三有五菩提。一發心菩提。二伏
心菩提。三明心菩提。四出到菩提。五無上菩
提。亦出。大品經。解云。五中初一是十住初位。
二是三賢位。三是初地見道。四修道滿。五
是佛果究竟道。四有十菩提。如離世間品
說。五通。一切法。經云。一切法即菩提等。解云。
三菩提約初教。二五約終教。一切法就頓
教。十種據圓教。通即可知。第四業用者。謂
緣二諦斷二障。證二空。起二智。印群機
現萬像。具十身。遍十方。周於毛端微塵等
處。通因及果業用無邊。如此文中具。已五
釋文者。就長行內。辨釋中。釋菩提義。略有
十門。一明體性。二顯業用。三辨甚深。四顯
廣大。五現因果。六離虧盈。七無增減。八依
定起。九周法界。十遍心中。初亦以十門
明菩提體性。一覺解爲性。言一切義者。真
俗境義也。二斷障爲性。滅除疑。或者斷二
障也。三證理爲性。謂證離。能所故云。不二
等。四別舉離。所取相。故云。無相。五離能取
見。故云。無行。六令此相見永不。再起。故云。

無退。又釋四當體離相。五性不遷流。六隨流不變。七具多功德。故云無量。八盡於未來。故云無邊。九性淨爲性。謂在纏無縛出障無脫。十中道爲性。故云離二邊。上來亦是內證平等。第二知處非。處下明業用門。謂隨緣外照。故成業用。於中三。謂法喻合。初法中亦十門。一知處非。處。即十力中初也。二知字。三語。四他心。五根。六煩惱習。七性。八宿命。知過去。九天眼。見未來。十漏盡。知現在。此三世同一念知也。此十所知境現。菩提智中故說知也。非謂有能所等。二喻中明。大海印現。喻此菩提現。機洞照德。三合中心念諸根等略舉。前十境也。而無所現者。與能現不殊。故即自體顯照。故名爲覺。起信論云。諸佛如來。離於見想。無所不遍。心眞實。故即是諸法之性。自體顯照一切妄法。有大智用。乃至名一切種智。解云。此即無思顯照同體之境。名菩提業用。不同餘位有能所取也。第三佛子。一切下明甚深門。有四義。一離名故深。二絕言故深。三無譬故深。四不滯寂故深。故云但隨等也。又釋此是釋疑。謂既非言譬所及。何故上下皆以言喻說耶。釋顯如文。即無說之說。非喻爲喻。可知。第四佛子。如來下明廣大門。於中有三。初舉身廣大。二類顯語意。三總結多門。初中言成菩提時。住佛方便者。明此菩提由方便對機說有成也。此增數十身故有三十三種耳。初一是衆生世間身。謂得能同一切衆生身之身也。等猶同也。又釋等猶遍

也。即遍以一切衆生而作自身故云也。下皆一釋准之。二同一切染淨之身。亦即可知。三同器世間國土身也。亦即以國土爲身。四同於一切九世十方諸劫之身。亦即以彼爲身。五同一切佛證道之身。六等一切佛智覺之身。亦前如道平等。此是覺道平等。上二智正覺世間身。七以彼能證言教爲身。即如論中名言說法身。八以所詮法界爲身。九同大虛無爲之身。十同因陀羅網法界之身。互相涉入。故云無礙。十一用無不起身故云出生也。十二德無不備身故云一切行。十三體無不寂身故涅槃也。又此十三攝爲六對。初二人法一對。次二時處一對。次二境智一對。次二教義一對。次二理事一對。虛空爲事也。次二因果一對。行是因也。後一總結平等。二類顯中依身辨語意。語意亦十三。同身可知。三總結中。身等一各等法界。故皆云無量也。第五佛子。如來身中下明現因果門。於中三。謂標釋結。標中以菩提身等衆生故。是故衆生悉於中現。以彼所現同能現故。是故衆生無不成佛。此文是大節。幸不輕之。問此中所現衆生成佛爲是約事。爲是約理。若是約事。何故下釋皆悉一性。以無性故等。若是約理。何故標中乃云有發心修行等。答此是別教中義。若不約諸宗分別。無由得解。何者。然諸衆生若於人天位。看具足人法二我實物。若小乘教中。看此衆生。唯是一聚五蘊實法。本來無人。若大乘初教。唯識所現。如幻似有。當相即空。無人無法。若約終教。並是如來藏緣起。舉體即如。具恒沙德。乃是衆生故。不增不減經云。衆生即法身。法身即衆生。衆生法身。義一名異。解云。此宗約理。衆生即是佛。若約頓教。衆生相本來盡。理性本來顯。挺然自露。更無所待故。不可說即佛不即等也。如淨名杜默之意等。若圓教即一切衆生。並悉舊來發心亦竟。修行亦竟。成佛亦竟。更無新成。具足理事。如此經文。問若爾。何故現有衆生不即佛耶。答汝今就初人天位中。觀彼衆生。當相即空。猶亦不得。況復得見圓教中事。是故汝見現有衆生。我不約彼說此成佛。但令情見若破。法界圓現。一切衆生無不成佛。問若爾。何故諸佛更化衆生。答教化衆生。亦有淺深。今即此菩提身中現衆生成佛者。名究竟教化。不同餘宗故。下結中名如來無極大悲度脫衆生也。問既總成佛。何故亦有發心等耶。答若成佛門中總成。若修行門總修行。若發心門總發心。若離此等總即。空無所有。准大緣起門思之。言乃至涅槃者。於八相中。舉乃至末故也。二皆悉下釋成中。云何現。同一眞性故。如是現。何以衆生同菩提性。略以十因釋成此義。一以衆生依於菩提。無自性故。是故同於菩提。成正覺等。二無自染相故。三無所盡故。四本來不生故。五亦無新滅故。上四同爲一句。六我性自空故。七衆緣之生非是生故。八設起覺智。無所覺故。九所依法界亦無性故。十本

①〔處〕一 ②譬二比 ③方二世 ④以無性一 ⑤即十佛 ⑥門十中 ⑦舉十初 ⑧所十可

性空界無體性故。三如是等下總結中。無盡智者照用無限故。自然智者不待功用故。無極大悲者同體攝化故。問准此釋結。似約理性說。衆生成佛。何故標中有發心等五位。因成佛等八相果。答此是以法性融通門釋。謂事隨理以融通故。得相即相入故也。又餘教中觀無生唯照理性。此圓教中具足一切佛菩薩法。依宗准之。第六佛子譬如下體離虧盈門。於中二。謂喻合。初虛空常性喻。善提性無增減德。以體常滿成無不成。性無二故。第七佛子設有下明用無增減門。於中三。謂喻合結。初化現無形喻。善提成不平等德。喻中初化多心者。喻各修多因也。心化如來者。喻成多果也。以此因果俱無色相。是故化與不化等無有異。合結可知。第八佛子如來應供下明依定起用門。於中三。初舉一定門。謂順理。譬機名為善覺。依此定門出衆生數等善提之身。二類顯。如一定既爾餘一一定各出爾所身。如多三昧既各如是。餘一一法門。謂大悲大智大總持等一切法門。各如是出。即知善提之身無盡無盡不可稱說也。三結可知。第九復次佛子下明周遍法界門。於中三。先標中亦三。初一毛道者謂於空中容一毛處名為毛道。即於此處見前門中衆生數等善提之身無不圓滿。二類顯一切毛道一一皆爾。三類顯一切法界處悉重重普遍。二何以下釋成周遍義。三如來下結法屬人。謂此處舍那佛於善提樹下成善

提時。究竟具足如是等類。周遍法界。重重善提。是故佛身不思議不思議也。此即遍於非情一切處也。第十復次佛子下明遍心中門。於中二。先舉自二例。他初自中先標此明佛地果德。善提遍在菩薩及諸衆生身心之中。非是菩薩有善提因性。佛文中正辨佛善提故。二何以下釋成。以菩薩心既無自性。無自性法即佛善提故云。不離若爾無自性理。即性淨善提何必要是佛果位法。釋以佛果大智內契真原。融同一性。是故如理普遍衆生。衆生心中善提之性既與果法無有差別。則衆生身中有果德善提。非唯因性。此亦諸教不同。若小乘宗總不辨佛性。若三乘宗一切衆生位中但有因性。如涅槃云。佛性是因而非果。若一乘宗亦具果法。如此經文。問此菩薩心不離。如來善提者。似是發善提心。緣善提為境。故云不離。何必即是心之自體。答若爾衆生既未發心。不緣善提為境。不應例觀彼亦有善提故。不約所緣也。二例他中。先例。二無量下結德。無處不有者明普遍也。不可壞者雖遍在染不為惑業所壞。亦不為治道所破。不可思議者同染而非壞。是不思也。同因而是果。亦不可思也。三結中方便門者。結前十門。知見善提並是善巧之義也。頌中十二偈。初二頌初體性門。次二頌第二業用門。次二頌第六體離虧盈門。次二頌第七用無增減門。次二頌第八依定起用門。後二頌第五顯現因果門。及頌初門業用中法

說也。餘門略無頌。答善提門竟。第八明性起轉法輪。謂前得善提次轉法輪。以為次第。長行中三。標門辨釋結知。釋中有七門。分別轉法輪義。一體相。二深。廣。三無盡。四無住。五分齊。六出生。七知益。初中略以十義明其體相。一一切顯者是法輪所依。二一切法者是所轉之法。三轉無所轉者會相明體。四本無所起者稱性辨體。五三轉圓滿者德相圓滿。謂示相勸引證為三也。六皆悉清淨者是梵輪故。性淨故。經云三轉法輪於大千。其輪本來常清淨。此之謂也。七悉能等者離障故。破見故。業用故。八離欲等者離無所離故。九一切諸法等者離言故。十一一切法等者離相故。此第十中故字。通上九義。一皆有准之。第二菩薩摩訶薩下明深廣門。於中有四義。各有標釋。初一廣。次一深。後二亦深亦廣。初中先標廣大。如來下出。因釋成。佛如來音聲於一切世間文字語言無不至故。皆轉法輪也。二中先標甚深。實性故者釋成深義。三中先標深廣。佛轉法輪無主故者釋成。以各從緣成無自體故。同為一性。悉是法輪。四中先標無流故深也。無盡故廣也。內外無所有者釋成也。第三佛子譬如文字下明無盡門。於中先文字無盡喻。後合法輪無盡可知。第四如來法輪悉入下明無住門。於中有法喻合三也。字母無住喻。喻入緣無住德。於中一切處是總也。別舉五處可知。第五一切衆生諸語下明分齊門。於中二。先標後釋。若小乘一說五音是

①薩一提②廣二足③善二善④佛二以⑤生十(心)⑥廣十(相)⑦

法輪聲。除問阿難天雨等皆非法輪攝。若三乘中佛一切音聲等皆是法輪。餘即皆非。若一乘一切衆生言音等亦入法輪。約用皆得。成法輪故。第六復次佛子。明出生門。於中四。一標門。二何等下徵起。三如來下總舉。四何以故下別釋。別釋中先通辨。謂欲轉法輪入此三昧者。是所依門故也。無礙者是辯才也。無畏者言無怯懼。二如來入此下正顯出生多音。釋成總中衆生念心等音也。悉令衆生等者稱根授法故。令喜也。第七佛子。若如是下顯知法益。明如。上而知順。大菩提。不爾即非。三結文可知。頌中十偈。初一頌初證相門。次一頌第三無盡門。次二頌半頌第四無住門。次三頌半頌第五六出生門。末後二頌却頌第二深廣門。第五第七略無頌。答轉法輪竟。第九明性起涅槃。謂轉法輪既訖。次辨涅槃。以爲次第。涅槃之義略作五門。一釋名。二體性。三種類。四業用。五釋文。前四如別說。釋文中。長行內釋中。長分有八門。釋大涅槃。一體實真常。二簡異灰斷。三不礙出沒。四隨器虧盈。五起盡隨緣。六存亡常滿。七用窮來際。八總結所知。就初門中三。先舉法勸知。當云何知。謂如如般涅槃等當如是知。二如如下正辨所知。先標一如門以會涅槃。謂即此雙林北首涅槃。即同真如平等一味不生不滅故。云猶如真如涅槃亦爾也。下九例然。並是如之異名。意顯涅槃同彼真性。令明淨。故約此多門說也。三何以故下釋

法同喻。亦是釋事同理。何故不約彼性淨門說。此真如即是涅槃。乃言猶如耶。釋云。若約真如實際。即涅槃者。此即但是性無有起義。若但取彼化現涅槃。即但是起無有性義。今顯起同不起。明是性起。即是約會事同理說。性起。涅槃下喻說中此義彌顯。第二簡異灰斷門。於中有標有釋。標中不爲菩薩說。究竟永滅者是約人顯實。謂於二乘亦說如來永斷滅故。今就大機實教盡理故不說也。下釋中有。一初欲令菩薩稱實見彼三世諸佛總無涅槃。前門同理性而常住。今辨實德亦無滅度。何故不云總無涅槃。乃云不說究竟涅槃。釋云。爲諸菩薩亦說方便示現涅槃。但非究竟。十住斷結經第六卷云。佛告最勝。三世諸佛世尊有名號已來。吾未見泥洹者。此經下文善財知識長者。開栴檀佛塔見三世諸佛無涅槃者。二出生妙色。應機不絕。然無分別用常寂故。不令菩薩見有起用入滅之。二亦不令著此無二處。標釋可知。第三佛子但如來下明不礙出沒門。於中先標。謂應機有出沒。不礙實不遷。二何以故下釋。顯無礙可知。第四佛子設有日出下明隨器虧盈門。於中先喻後合。謂舉日影隨器現不現喻。喻佛隨器有虧有盈故。無性攝論第十云。問若如來是常住者於一切時何故不現。答衆生罪業不現。如月於破器。以破器中水不得住月影不現。此非月過是器之失。衆生身中無奢摩他清濁定水。佛影

不現。非如來過。是衆生失。解云。要論中器喻持戒也。又攝論明顯現甚深。有現不現。由於機非。如來答此經明滅度甚深。有滅不滅。由於器不全。亦非佛過。又此中涅槃亦是器感故云。應見等也。第五譬如火下明起盡隨緣門。於中有三。喻合結。初舉火隨薪有無燒不燒喻。喻佛隨彼化緣有起盡故。攝論第十云。或涅槃如火者。如世間火有處燒然有處息滅。諸佛亦爾。於諸善根未成熟者。現等正覺。令其成熟速得解脫。於諸善根已得成熟已解脫者。現般涅槃。無所爲故。解云。此上二喻攝論並依此經而作。第六復次佛子如大幻下明存亡常湛門。於中亦三。謂喻合結。先舉幻師隨捨不捨喻。喻佛隨機此滅彼存本智常滿。言如來幻身常住如法界者。明佛修生之身亦同法界爲常故也。第七復次佛子如來示現下明用窮來際門。於中有十。初定力現身。二光現花座。三依座現佛。四數齊所化。五具德滿願。六應機化益。七化窮來際。八體離有無。九明常住所由。十正結知見。此等並是如來雙林北首入涅槃之時有此事也。第八復次佛子此菩薩下總結能知相於中十句。一無量無邊者。結上簡異灰斷門。明大涅槃功德無邊。二究竟法界者。爲萬德所依。結存亡常湛門。故上云如來幻身常住如法界也。三無障礙者。結起盡隨緣門。明滅與不滅無有障礙。四不生滅者。結隨器虧盈門。故上云其實如來不生不滅也。五淨如虛

空者。結不礙出沒門。故上云。其實如來無有出世亦無涅槃。是故同虛空也。六安住實際者。結前最初體實真常門。謂上文實際等十義可知。七隨其所應示現者。通結諸門內應機現用文也。八本願所持不捨衆生。九不捨利。十不捨法。此三結末後用窮來際門。謂願力持故盡窮來際等可知。願中初二願。第四次二願。第五次二願。第六次四願。第七次二願。初門餘三略不願。答涅槃竟。第十明性起見聞敬養善根。前既示涅槃。今明供養。餘跡成益不虛。故次明也。長行內釋中三。先就法。二約喻。三簡喻異法。初中先總辨。所謂於佛。若見佛及像。若聞名及稱念。若三業恭敬。若四事供養。於此四位所種善根。廣多無限。不可稱說。故云功德無盡。下別顯中略舉三種果。一斷滅惑障果。二於一切下德窮來際果。三起諸佛下成大菩提果。又初唯斷果。令得涅槃。後唯智果。令得菩提。中間通二。謂棄有爲隨順無爲故也。第二喻中亦三。初吞少金剛喻。喻前第二德窮來際果。謂微少善根性不可盡也。二小火能燒喻。喻第一斷滅惑障果。謂少善根性能滅惑。又釋前滅所知障。後滅煩惱障。三藥王多益喻。喻第三成大菩提果。合中二。初以佛合藥樹。見聞等明佛在世作六根境。故實性論云。諸佛如來身如虛空。無相爲諸勝智。作六根境界。示現微妙色。出於妙音聲。令嗅佛戒香。與佛妙法味。使覺三昧觸。令知深妙法。大同。

此經也。二若有得經。卷下合地土等明。佛滅後益上來明。廣饒益。二佛子乃至不信下明。深饒益。如來祕藏。藏經。藥服之得力等。屬沈憊已還香等。屬佛猶勝。敬外道等。五卷大悲經。但出家人袈裟著身。假令左手携男右手携女。從一酒家至一酒家。佛言我記此人。不出資劫當般涅槃。如是等文同明。如來法不思議也。第三簡喻異法。有標有釋。以非世喻所能類故云。過思議也。但隨下明方便說喻。非是比類。是爲下結可知。偈頌在下。顯其鉤鎖故也。上來說分竟。第五大段顯名受持分。於中二。先與二問。後還兩答。何故此中辨名持者。顯義實故。以性起是法體故。要妙故。答中先答名。依光統等總作十名。一名諸佛祕密藏經。以是諸佛內證法故。二名世間不能思議經。以凡小莫測故。三名如來所印經。以此深廣是如來所印之法故。四名大智光明經。佛智垂光。令得明故。五明開發示現如來種子性經。性起品名從此而立。又釋令佛種子性起。用現前名開示也。六名長養菩薩功德經。前依種子性發心起行。今令此行隨修漸長。七名世間不能破壞經。明彼行體常在世間。非八法所壞。又釋非四相所遷故也。八名隨順如來境界經。以彼行因能順果故。九名令衆生皆清淨經。令於佛果生淨信故。又利他令離雜染障故。十名分別說佛究竟經。上約義。此句約教。以所說佛果性起是究竟法故。又義。

上十名皆以後釋前可知。二佛子如是經典下答。奉持於中有四。初辨定法器。二學益勸信受。三信順成益。四明勸修成益。初中三。謂法喻合。初法中二。先總標器非器。二何以下釋成。前中先標器乘。不思議乘。乘者運載義。但運載有二種。一次第運載。謂從微至著。階位漸次。以至究竟名。可思議乘。二一運載。即一切運載。謂十信滿心。即攝諸位。圓融無礙。名不思議乘。一向專求者。非直所乘之法。相攝無礙。能乘之行。亦不難。餘念如下法界品云。一切菩薩無量劫修善財。一生皆得。皆由直心精進力故。二不爲餘人者。簡非器。但餘有三種。一凡夫。二二乘。三權教中初住菩薩。謂乘可思議菩薩。如此下文億那由他劫行六波羅蜜。不聞不信等。二何以下釋中。一乘深廣普該。群品。何故不爲餘人說耶。釋只爲深廣普該。非狹機所受故也。不入衆生手者。手有七義。一約位。謂修學此經。必定超出生境。故名不入手。以此非是世法攝故。二約心。謂若不發起大菩提心。非此經器。云不入手。是故若不發心。終日執卷未曾入手。三約行。謂此經是行菩薩道者之所要。若起惑造業。名衆生行。經非彼要。故不入手。是即若爲名聞利養。講讀此經。篇數縱多。未嘗入手。四約智。謂諸世間執見之智名衆生智。經超彼見。名不入手。是即若受持此經。執見不破。無與此經。曾不相見。是故要須連衆生見。順此法者。方名入手。十地云。若

聞即迷悶者。論釋開作。聞解。不得不聞等。五約信。謂雖未能破見正入。於此情外難思議事。能決定信。亦名入。若不信者。名不入。故法集經云。是經雖行。閻浮提。於諸佛所護。衆生中行。於能信深法者。常住如是衆生心中。行解云。信能採納。同手義故。賢首歎信云。爲清淨手。受衆行斯之謂也。六約二乘人亦不入其手。七約權教菩薩亦不入。以雖聞不信故。唯除菩薩者。既言不入一切衆生手。此言有濫故。今簡除翻前七種。簡取法器。則是乘不思議乘菩薩。喻中五句。合中亦五。一此經合七寶也。二不入手。合無堪持也。三唯除眞子。從種姓中生者。合第一夫人所生太子。四種如來相等者。合具聖王相。五若無此等者。合若無太子。七寶散滅。以無修行教法不行故名。經滅。般若論云。法欲滅時。修行滅故。何以故。下釋。眞子。經滅所由。可知。第二舉益勸信。中二。先明聞信之益。有標有釋。少作方便者。以依普門。互相攝故。一得一切得故。如善財一生龍女速疾等。二明聞信難得。謂若菩薩依於三乘漸次教中。縱經爾所劫修習六度道品等行。以根未熟。故不聞。不信。此一乘經。若不爾者。瓔珞經等十千劫中。修信成滿。豈可無量億那由他劫。修行六度。猶不信。此經。既非二乘。更是何等菩薩也。此同法花中。若不信。此法。當於如來餘深法中。示教利喜。亦同上文。求大乘者。猶爲易。能信是法。爲甚難。聞

所許劫行。猶未能信。今諸凡愚云。何得信。答。宿有種性。聞便信受。若不爾者。多劫難入。今時有人。多不信者。不足怪也。問。此等不信。是何位菩薩。答。文無正斷。准其劫數。十千已過。僧祇未滿。應是三賢位人。問。更至何位。則能信此。答。極至此位。必定信入。此一乘法。終無證地而不信。此。問。何故二乘縱得羅漢。亦未信入。三乘菩薩不至地上。而能信耶。答。以三乘勝故。是近方便故。不同二乘也。是故若入此法。則於十信滿心具。一切位。同時而得也。言假名菩薩者。但依權教。修行未得。一乘實行也。不從種性生者。方便非是。佛正因故。未順三世佛本性故。第三佛子若菩薩下。明信受利益。於中十句。一。成眞子。二。順佛境。三。具因法。四。住上境。五。背下位。六。長佛行。七。因位滿。謂十地終極爲菩薩彼岸。八。入果法。謂於佛祕密自在神通難測量處。能善達也。九。得果位。謂唯佛無師也。十。窮果際。故云深入也。於此十中。初三成三賢益。次四成十地益。後三成佛果益。信受此法。成此等益。應知第四佛子菩薩聞此。下明修行益。於中亦十句。一。悲智心。謂平等是智。無量是悲也。二。遠離下背向心。謂直心向理也。三。面對下念慧行。謂念對面現慧照平等。四。分別下達。因行。五。具足下成果智。六。遠離一切下離染行。七。發清淨下廣大行。八。深入下其深行。九。平等觀下親果行。十。深入此等下證玄行。佛子下結益相可知。頌中但頌前第十

見聞等益。不頌名持等。八偈分四。初二頌法說。餘六頌三喻。各二可知。第六表瑞證成分中二。先表瑞亦二。先此土。謂動地雨供表法眞實。後如此下結通十方。即顯一說一切說也。此亦通結前所說法。皆順根成益故。令菩薩皆大歡喜。二證成中亦二。先果。後因。各有一證。一切證。就佛果證中。亦二。初現身證有三。初現身。二讚說。三引證。二說此經時下舉益證。於中五。初菩薩位滿益。一切明是智也。二衆生發心益。同號勝境者。以緣性起勝法爲境。發心因立。此名三。是故下明佛護持意。四如此下結通普遍。謂乃至法界虛空等世界。一各有。所許菩薩所許衆生。各得斯益。五出。遍所因略。出八因。是滅數十也。初二能說所說爲一對。次二能感所感爲一對。謂善力是能感也。次二能化所化爲一對。謂緣根熟。化不失。即時緣會故也。後二能成所成爲一對。謂普實行是能成因也。第二菩薩證成中。何故此品有因果二證者。顯性起玄妙故。爲因果本故。佛果所得故。菩薩所學故。此經上下證有四句。或唯佛證。如發心品。以初心成佛事恐難信故。二或唯菩薩證。如前諸會。以諸位所行善。薩得故。若爾何須證耶。釋以一一行位攝於一切事。越常規。是故須證。三或俱。如此品。所由如前。四或俱非。如第一會等。以彼文未盡故。就此文中。二。先一證。後一切證。初中有五。一菩薩來此充滿法界。二示現下十門辨其德用。三時彼下歎此所

說四佛子下述已顯同。謂名同處同主同行同說。同字同義同理同。五顯已來意爲。作證故。佛力法力。略出二因也。下結通一切證可知。第七重顯分中。二。先序意。後正顯。序中先觀衆。後顯意。顯意中有十一句。欲重顯前十門性起。初性起正法是前初門。二無量功德明身業。三正法不壞明音聲善說。四智慧同。五具佛法超辨如來行。六群生心是境界。上云。心境界是如來境界。七化不失時。是應時示得大菩提也。八分別一切等。是轉法輪也。九變化是示現涅槃。十身無異是法身常住。上二顯涅槃。十一出生一切等。是見聞敬養。廣生勝善。下正顯中七偈。初二顯前說分。次三顯前顯名受持分。後二顯勝勤持。就初中。所成就威儀者。明佛動止所作非言能說。非覺能況。此顯佛果性起當相難明故也。若爾何故上文十門性起。就是如來所成威儀。廣以言喻而辨說耶。釋爲益衆生令得解故。方便影響以少分喻說巧顯其實。令其懸會。非謂彼法即如此喻。故云以非喻等。此約緣方便以顯性起。次三顯顯名受持分。中初一明。現在具德方堪得聞。謂精進顯前一向專求等。智慧顯前乘不思議乘等。微密及如來藏顯前經名。次一顯明。具宿因力。即便生喜顯前種如來善根等。次一明。天佛讚護顯聞益相。後二顯勝勤持中。初一約人歎法。上二句顯此經是佛勝人之內藏。次句顯佛以此內藏被大菩薩令其歡喜故。

上結。通云。令諸菩薩皆大歡喜。此之謂也。後偈中上二句約用歎勝。明諸菩薩緣此勝法。出生普賢無流聖道。下二句結勸奉持。釋性起品竟。總第六會了。花嚴經探玄記卷第十六。乙巳歲分司大藏都監開板。

華嚴經探玄記卷第十七

蓋此第□會

魏國西寺沙門法藏述

離世間品第三十三

將釋此文四門同。前初釋名有三。一者分名。謂此明第三名。託法進修分。即依託行法修成正行。故立斯名。二會名者。約處名。普光重會。今何故於此而重會者。以前普光是生解之初。今明依解起行。故重會之。若爾何不三四等處亦重會耶。釋前是生解之法。可寄多處。今但依前法。成行故不多會。三品名者有四。一下文有十義。至彼當辨。二別翻一本名。度世經。三更有。一本名。普賢菩薩答難二千經。四此品名離世間。亦有四義。一約妄執爲世間。即空爲離故。上文云。一切諸世間皆從妄想生。是諸妄想法其性未曾有。二約緣起爲世間。無自性故名爲離也。上文云。三世五陰法說名爲世間。斯由虛妄有。無則出世間。三約行。謂常在世而非世攝。故云離也。四約位。人天是世。二乘爲離。二乘爲世。菩薩爲離。菩薩分段

變易俱爲世間。佛果究竟方以爲離。今此所辨六位。行故。因果二位俱即世而非世。故云離也。品內明此故以爲名。二來意者亦三。初分來者。上明修因契果生解分。則於法起解。今明託法進修行德分。則依解起行。義次第故。是故須來。二會來者。前第六會明。修因契果生解。周圓次顯。正行處世無染。故次來也。三品來者。前性起品明顯。性果殊勝。今明依彼所起行用。故次來也。第三宗趣者。二。先約類。二約義。前中亦二。先約人後約法。人有化主助化。化主以內證行海爲體。助化以入定動地爲相。餘並同前準之。二法中教事內。以略標二百問爲本。廣答二千爲相。讚成益物爲用。義理中平等性海爲體。塵算行德爲相。與教相應爲用。餘相即等並准之。二約義者有四。一法。二行。三俱。四泯。初中二。先明世間。後明離。前中有三類。一約事相世間有二。一器世間。二五蘊世間。此就依正分之。如餘論說。二約龜細亦有二。一有爲世間。二無爲世間。此據分段變易爲二。以變易非。是三有攝。故名爲無爲。勝鬘云。有爲生死無爲生死者。是此義也。三約染淨有三種。一器世間。二衆生世間。三智正覺世間。初是所依。次是所化。後是能化。如地論說。二明離者有二。初明世間即是離。二明世間之離。前中有三種。一不同故名爲離。如智正覺名爲世間。而不同世故名爲離。二相望離。如無爲世間望於分

●是十(衆生)●●(分)一●●次十(二)●●通十(即)●●流二●●乙巳...板十一字一●●行十(相)●●(修)一●●者十(有)●●

段亦名為離。三性自離。如諸世間皆無自性。本來無生故亦名離。論云世間與涅槃無有少分別。是故世間即為離也。二超出世間名為離。中亦三。初不同離及相望離。皆超出他世名為離。性離之理亦非世攝。是故俱名超出世間名為離也。二約行中亦三。一行從緣起名為世間。自性無生即名為離。二行能滅惑令背於世故名為離。三行成妙果永超二死故名為離。此三如大辨中。以世間為境。悲智為行。以悲故常行世間以智故恒離世間。又以世間與性離無二為境。悲智無二為行。境行通融亦有二句。一智無不悲故世無不離。是故常在世間未曾不出。二悲無不智故離無不世。是故恒超世表無不遊世。三雙融故動靜無二。唯是一念。謂無念也。是故菩薩無念不智念常行世間。常出世間無障無礙。四俱非中亦三。一約境世間與離形奪兩亡。二悲智俱融。三念雙泯。三境行相由形奪齊遣。絕待離言不可說也。思之可知。下文二千行相是此等義。思以准之。

第四釋文者。此會之中長分為八。一序分。二三昧分。三起分。四請分。五說分。

六結勸分。七表證分。八偈頌分。就序分中有三。初明器世間圓滿。二顯智正覺世間圓滿。三衆生世間圓滿。初義如前釋。第二中成等正覺等者。此是受用身二十一種功德。如攝論第五及佛地論第二並廣此

文。今依彼二論略示少分。初一句是總。餘二十句是別。初中具後二十殊勝德故名爲正覺。即稱正理而開覺。又離邪障之覺故名也。又正覺約理智等覺約量智可知。知論名不二現行。別中二不二念者是一向無障殊勝功德。以離二障故。異凡小住二處故。又釋於遠時方等境無知不知二念故。即由此故名等正覺。三無相念者。彼論名趣無相。是調化方便功德。令他趣證無相涅槃故。又釋名能入無二功德。謂自能入離有無相清淨真如。亦令他入故。四住佛住者。是觀所調化功德。謂住大悲常觀世間故。又是任運佛事不休息功德。恒住聖天及梵住故。五等一切佛者。是得一切佛相。似事業功德。又於法身中所依樂作業無別功德。謂所依智同。益生意同。報化業同故云等也。六到無礙趣者。是永斷所治功德。謂證得二障習滅。及修彼治道成就就現前故。七得不還法者是伏外道功德。謂證教法彼不能轉。伏彼顯已正道法故。八無礙境者。是伏魔怨德。謂遠順中境不能礙心。及世八法不能拘礙。九住不思議者。是安立法教功德。謂諸勝教出過尋思非餘能測故。十離三世者。論名遊於三世平等法性。是記別三世功德。謂記別去來皆如現在分明無倒故名平等。此中離者離於三世。記不明了故也。十一於一切世界普現身者。是同時普於一切世界示現受用化身功德。十二知一切法者。論名於一切法

智無疑滯。是斷一切疑功德。謂於諸法自斷疑得決定智。今他亦得。十三具足成就一切妙行者。論名於一切行成就大覺。是入種種行功德。謂隨所化有情所宜。現同類身令彼入故。十四永滅疑。或者。是達當來法生智功德。謂過二乘境微細善種。如瓦石中細金種子。如是等境無倒遍知故。十五離虛妄身者。論名不可分別。是自身無染德。謂非惑業苦難染分別所起故。又隨其勝解。如應現身如末尼珠。雖無分別增上力故現金色身等。十六能與菩薩無量智慧者。論名一切菩薩正所求智。是成就佛種不斷方便功德。謂諸菩薩依諸有情調伏方便。皆由如來增上力故。得聞法思修次第獲得妙智。異類菩薩攝受付屬展轉相續無間而轉。十七住佛無二彼岸者。論名得佛無二住勝彼岸。是諸身諸度極成滿德故。謂法身無二度行滿故。十八具足乃至法門者。論名不相間難。如來解脫妙智究竟受用身及土。隨機應現互不雜等。此不可沮壞是彼不間難也。十九究竟無量無邊者。論名證無中邊佛地平等。是三身方處無有分限功德。又是證真如離有爲無爲中邊相故。遠離方處中邊相故。此佛地在後句中。又釋世界無中邊故。佛現亦無中邊。無中邊故。即總無邊也。二十法界等者。論名極於法界。是證得果相功德。謂窮清淨法界故。又是窮生死際。常現起作一切有情利樂功德。謂依淨界流起經法益生

●能二種 ●智二起 ●廣十(勝) ●知十(別中二不二念者) ●別中...者七字一 ●似一 ●功一 ●或二惑 ●諸二法 ●論名一 ●樂二益 ●法十(巧)

故二十一虛空等者。論名盡虛空性。窮未來際。雖經劫成壞。而空常無盡。此同自實德也。未來際無盡。期利他勝用。常無休也。第二會初唯有初十句。准此釋知之。問佛地經及解深密經。十八圓滿受用土中。歎受用身有此二十一功德。今此佛身在摩竭國。即是變化。何因亦得具此功德。設此化身約地上見。具此德者。何故見佛而不見土。又此見化即爲報者。豈地上菩薩不得兼見變化身耶。答是知此中約十佛功德。見通五位。處該染淨。以二千法中亦有地前四十位故。地前地上同所見故。摩竭花藏融無二故。餘如前說。第三衆生世間圓滿中有二。初舉數歎德。二列名歎德。亦是前舉數總歎。後是列名別歎。前中二。初舉數簡定。二具足下歎顯勝德。前中一舉數。二簡大異小。三簡終異始。四簡客異主。二歎中二。先別歎。後總結。前中亦二。初十句歎。因位自分德。二於一念下歎。果位勝進德。前中亦二。初五句歎巧惠德。後五句歎攝生德。前中初句總標。謂此中夫一菩薩即已具成一切菩薩所有方便智慧故也。下四別顯中二。初釋前二義後雙顯功德。前中二。初釋成方便。謂具此調生入法之巧。故云方便也。不令衆生墮二乘地故。縱入者亦令起故。要當令住菩薩法中故。名善巧勝方便也。二釋上智慧中二。先量智知世界染淨差別。二理智觀達解脫真境。又釋前句知世界相不同。後句知相入相即爲解

脫境。如十解脫等。二顯功能中二句。一滅障德。二成行德。謂由前巧惠故。障無不盡。行無不具可知。二攝生行中亦五。初一句總標。謂善攝等者巧識根器也。深入無量等者深解法藥也。下四別釋亦二。初二釋上二義。後二顯化歸體。前中二。先釋識器中。一了衆生報類差別。二知心之所念。三知彼煩惱使有輕重。四知根機有生熟軟中上等。五知其所緣境界差別。六知彼入法方便所宜。又亦知是起行方便。二三世下釋上深解法藥。謂三世佛說顯法勝也。善聞者巧聽故。受者領納故。持者不忘故。廣說者授持機故。下二釋化歸體。一雖能遊入無邊世間教化衆生而常超出世間之表。二何以處世而恒出耶。釋以解有爲即是無二法界故也。第二勝進中十一句。初一總謂速成佛果。依新譯花嚴不思議佛境界分中。普賢文殊等。並是他方諸佛爲欲與毘盧遮那佛爲衆會故現菩薩身。故知此等並實是諸佛。故云得一切佛智。下別顯果用。一自現佛身。謂念念無間盡未來際。當現成佛。自爲法主。常作菩薩。爲他助化。二能令他成佛。謂以殊勝巧便之力迴轉衆生。要合當得大菩提時。必當得故。三得自在智。謂一切衆生心所行境無量無邊。直爾遍知。已爲希有。況今入一而知一切。明其智德極自在也。四得自在身。謂不離果位現因身故。五得自在位。謂雖現因身而不轉果智。以因果無二故。六得自在行。謂不

捨隨事行而入於無行。以約境理事無礙故。約智寂用無二故。七得自在悲。謂雖已成佛。爲衆生故。更於無量劫。常修菩薩行。未曾休息。八顯自在德。謂此自在希有之寶難值遇故。九攝化自在。謂轉法輪明化法體。調伏者顯法勝用。令速得等者顯所成益。見理深徹故云明淨。又令離所知障故云明也。令離煩惱障故云淨也。智照法界名爲法眼。十結同諸佛。謂同三世諸佛所有清淨功德及所住位地。所成行相所起大願。此諸菩薩皆悉成就。與彼無二故。二具足下結德無盡可知。第二列名歎德中三。初列名中。行相遍周。備滿法界。同名普也。二結數可知。三歎德十句。初一總謂具得普賢無邊之行及普賢無障礙願。此歎普賢德也。別中一攝法上首行。二受持正法。上二歎普正法德行也。三化諸衆生令佛種不斷。此普化德也。又釋次後更有佛興故云佛種不斷。四了知諸佛與諸菩薩次第受記之法。又釋知諸佛滅後次第受記諸佛興世。此普惠德也。五隨諸下成佛說法行。此普眼德也。六隨處現佛行。此普光德也。七令離惑染行。此普觀普照德也。八能除業行。此普幢德。高出業障也。九令證法界行。此普覺德也。此上九種。若望宿誓今成。即是普賢願攝。如十大願等。准配知之。若望現緣所作。即是普賢行攝。是故此父亦願亦行。序分竟。第二爾時普賢正受下明三昧分。於中有二。先入定。後辨益。前

●〔未〕一● ●歎十(德)● ●〔德〕一● ●當一(當)● ●賢十(無障礙願此普賢)● ●〔此〕一● ●法十(行)● ●處十(要)● ●衆十(障)●

中普賢入者。以是會主故。表此行法普周遍故。從此出彼無邊行故。花嚴定略作四門。一釋名者。以因行花嚴感果相。令顯著。故。二體性者。法界行門。心海為體。以等持廣大無限量故。三明業用者。有二。一依此顯說花嚴法故。無量壽經歎菩薩德中。言得佛花嚴三昧。宣說諸佛經典。二依此顯示花嚴行故。上云。施戒忍辱精進禪方便智慧諸功德。一切自在難思議。花嚴三昧勢力故。解云。以諸行法深廣多端。不能別說。故云。一切自在等。即下文二千行法也。四明位地者。有四句。二若攝始歸終。在第十地方得。如法雲地說。二若攝終歸始。在信位滿心得。如前賢首品說。三若始終無礙。遍一切位。如前二說不相離故。以彼始終括中間故。四若超絕始終總不依位。如此文。但約行法以辨其相。故。二益相中。一先動地。以驚悟機緣。故。後出聲令聞法音故。即此亦是三昧業用。何故此中無加分者。以所顯行法依前解起。無別法故。若爾何故更須入定。謂攝解成行故。次入定。法不異前故。不須加。三昧分竟。第三起分以三昧事訖。故說時至。故。定無言說故。是起也。安祥者。審諦之狀。謂從定起已。念不亂。故云安祥也。第四爾時普賢下明請分。於中有三。初總舉問意。二正辨問辭。三結請願說。何故前諸會入定。前問。此不爾者。以前諸會從相入。實以成正解。此中依體發起以成正行。故不同也。又未入定前。眾則

不知誰為說法。故先入此定。令眾知主而起問故。何故普惠問者。表滿法界之惠。堪發起故。何故一人問者。表此行法各獨成。故知諸菩薩雲集者。知問時至。故知顯法之緣已具。故。此明問所依也。問普賢者。以無盡行法從通。占法界而流出。故。二明所問法中有二百句。其別行度世經。彼中別作六翻問。還作六翻答。古來相傳皆依彼文。用科此經。即為六段。初二十句問。十信行。二從何等發普賢心。下二十句問。十住行。三從何等發持。下三十句問。十行。位。四從何等發實住。下二十九句問。十迴向行。五從何等發身。下五十句問。十地證行。六何等為觀。下五十一句問。四圓果滿究竟位中行。此經上下總有三遍。說六位中。此當第二約行說六位。以普賢行該六位故。是故度世經云。唯為解說諸菩薩行。從始至終。令無疑也。彼經六段雖不配於信等六位。既云從始至終。次於末後明成佛果為終。故知最初信行為始。此不待言。故知決定約六位耳。

第五大段爾時普賢下明說分中。初總告二正答。於前二百。門。一皆以十門答。故有二十行法。釋此二千普賢行法略作五門。一約因果。二分行位。三顯普別。四明互攝。五辨行相。就初中有四句。一約大位以分前五位等。總為因行。後成佛等總為果行。二細別而辨二百門行。一皆悉徹於佛果。是故諸文之末悉皆結云。即得佛等也。是則皆通因果二位。三或總屬因位。以普賢位中亦現成佛攝生等故。四或總屬果。以下文多云。雖得成佛而不斷菩薩所行。是故此行皆是果行。二分行位者。謂二千是行。實稱位。位攬行成。位虛行實。亦有四義。一東行成。位東此二千分。成六位。二總屬位收。以行並是位中行。故。三總屬行攝。以普賢行體不依位故。唯有自分勝進。即為究竟。四一行遍六位。一位該二千。如是無礙而不壞前後故。是普賢行也。三顯普別者。謂一行相必遍一切。然恒不離。不離故別義元分。必遍故。普義該收。猶如錦文朱紫。眾別故得成文。朱紫縱通織而非繡。當知此中行相亦爾。即普是別。即別為普。皆無障礙。思之可見。若爾此則普別具足。何獨名為普賢行耶。釋非謂守普而不能別。亦非作別而失於普。實謂能別而不壞普者。是普賢也。四互收攝者。有四重。一以位收位。六位之內。一各收一切位。故。是故一位即具二千為萬二千也。上云在於一地普攝一切諸地功德。此之謂也。二以門收門。即二百門中。一各收一切門。故。即成二百箇二百為八萬行也。三以行收行。即二千行內。一各攝一切行。故。即成二千箇二千也。過億兆名等也。四以略攝廣。如此所說二千行等。下頌結云。如大地一塵之說也。以此一塵之略說不離十方之廣地。是故攝廣亦無不盡。此乃等無極之法界超無際之虛空。下云。虛空可度量。菩薩德無

●大二須● ●是十(故)● ●前十(空)● ●故二以● ●占二滿● ●位二行● ●次二復● ●[決]一● ●門二問● ●二十(初)● ●二顯● ●[名]一●

盡斯之謂也。五辨行相者。隨文解釋應知。就此二千行中。依前六位。即分爲六。如前應知。初二百句答前二十。信問明。信位行中。於中分三。初九十句明。自分行。二從十種入。下八十句明。勝進行。三從十種不可壞智。下三十句明。二行究竟。就初中。何故最初明。依果者。以是行起所依。寂居首故。文中有四。一舉數總標。二列名釋義。三結說分齊。四歎勝勸學。下諸文中多皆具此。亦有。不具。至。文當知。言依果者。簡非從因所生之果。亦非世界依報之果。但是諸行。或依前起後。或互相依。各得增長。故以爲名。即相依之果名爲依果。又釋如世界依果是衆生所依。依果若增即失。所依正報不立。今菩薩亦爾。以此十法爲所。住依果。此若斷絕則失。所依非爲菩薩。如忘失菩提心。即非菩薩。是故文中取不忘失以釋成也。十中皆先標名。後義初句是總以菩提心是萬行之本。是故二千之首。唯此建初。謂依此不忘菩提之心。方令餘行悉得生長。二雖內有勝心。若外無善友行亦無成。若不順同善友。無功。即非依果。是故要以隨順和合。釋成依果也。三雖遇善友。若宿無善根。不能順修。又亦病等餘障礙故。是故要依宿善。更增新行。四雖有宿善。若不得所行諸度之法。無所造修。五雖得行法。若不達於理法。虛通。即觸途皆礙。是故依一切法。皆得出也。六雖得理法。若無大願。即便滯寂。不增菩提。七雖

有自分之行。若不勝進廣修。無由究竟。八雖內具二行。要須外依勝侶。以一生菩薩於餘菩薩爲兄。爲長。方堪爲依。此據極說。九雖依菩薩。理宜與供。於佛以成堅信。十要唯如來是究竟所依。以於菩薩能正教授令離倒故。又能正教授故。離倒教授故。第四歎勝勸學中。佛以無上果智爲所依果。菩薩住此十法。當亦得彼故云也。又釋菩薩未曾不依菩提之心。以恒不忘故。二菩薩未曾不依善友。以常隨順與和合故。三菩薩未曾不依善根。以常長養故。餘亦如是準之。第二十奇特想者。前依因緣以成諸行。今依勝想以攝善根。十中初以隨喜他善根作已善根。故云奇特。二凡小等善皆堪成佛。故云種子。三下至闍提皆善提。以悉有佛性故。四以一切菩薩願同已願故。五以一切法性淨非生死故。六他同已體。他行即已行。又他所行是已行法。故生自想。七一切法即是真如故。又一切法悉堪成覺。故云佛法。八一切語言皆堪作法輪。故云道也。九知菩薩善根皆是諸佛慈悲體分。故云慈父也。十知一切如來悉同一體。故云無二。此十皆超意外之想。故云奇特。若得此想。即得能轉一切法之想。以一切法皆隨想轉。此是佛德也。第三十種行者。以依勝想之解。起此大行。故次明之。十中初四戒行。於中初二攝衆生戒。次一律儀。後一攝善。次一三昧行。次二智慧行。一加行。二正證。次一嚴佛土行。後二報

恩行。第四十善知識者。以行起必示依善友。故次明也。初一令發堅心。二令習修善。三令滿度行。四令得智行。五令成悲行。六具辯才行。七無染著行。八無厭倦行。九成善行。十入佛智。第五有十精進者。雖遇善友。若不策勵。無由進行。故次明也。此中意爲何義。故修此精進。爲欲作此十種所作。於中入一切法者。智證入也。令衆生滅惡者。滅其苦因也。餘如文顯。第六有十正憶望者。由前精進。憶欲自他。令行究竟。故次明也。於中初一約行本。次二約離過。次二約成行。一行因。二行果。次三約證入。一證位。二證法。三證道。謂由證法。故離謗也。後二約勝進佛果。一佛願滿。二佛智圓。言無上平等大智。佛望者。是佛地無功用。故云平等。攝生無盡。亦云佛望。第七有十法成就衆生者。此有二義。一以此十法通用成就一切衆生。二各別成就一類衆生。別中一成慳貪。二各別成就一類衆生。別中一成慳貪。三各別成就一類衆生。別中一成慳貪。四各別成就一類衆生。別中一成慳貪。五各別成就一類衆生。別中一成慳貪。六各別成就一類衆生。別中一成慳貪。七各別成就一類衆生。別中一成慳貪。八各別成就一類衆生。別中一成慳貪。九各別成就一類衆生。別中一成慳貪。十各別成就一類衆生。別中一成慳貪。依衆生十。耶智發滑衆生。以此十法。如次教化。令其入道。故云成就。第八有十戒者。依前十法成就衆生。故惡無不離。善無不積。故次明也。此十中初者。若失壞菩提心。即是破善薩戒。乃至第十若取著如來身。即是犯戒。餘亦如是準之。此十隨其所應。三聚所攝。第九有十種自知受記者。依前離過德成。自驗已行。必當得果。決定無疑。

①(之)一 ②(信)一 ③(指)一 ④(今十)一 ⑤(此)一 ⑥(住)一 ⑦(後十)一 ⑧(釋)一 ⑨(十)一 ⑩(六十)一 ⑪(以)一 ⑫(得能)一 ⑬(四十)一
⑭(有)一 ⑮(示)一 ⑯(俱)一 ⑰(欣)一 ⑱(耶)一 ⑲(其)一

故云：自知受記。一自驗善提心一向不迴故。二自驗所修善薩苦行無厭足故。三設多劫修謂若須臾故。四自驗不違佛教法故。五自知於佛所說深法決定信故。六自知所修善根悉具足故。七自知能令衆生住善提心故。八自知於善友不違其教。同善根故。如善財等。九自知於善友起佛想成故。十守大善提願當不忘故。於此十行自驗有一即知定當得佛受記。又瑜伽菩薩地中善薩由六相佛受記。一安住種姓未發心位。二已發心位。三現前住。四不現前住。五有定時限。謂爾時證菩提。六無定時限。謂不說時限與授記。又善戒經云：非但種姓人得受記。非種姓亦得受記。解云：如不輕菩薩敬四衆與受記者。約非種姓人。遠亦當得故。亦受記。如十信中記是種姓人。以約種姓決定故。如發心已去決定不退故。是三賢位。如梁論第六十行菩薩名受記者是也。初地已上證理成就故受記。如地論如第八地中受記是無功用行成故。如燃燈佛邊得記等。此中十種約圓教通諸位。據始在十信中。餘義如別說。上來九十句明自分行竟。下第二從十種入下即八十句辨勝進行。於中初十入者。既自分行成。大明勝進入諸所入之處。入猶證也得也。初二入大願行。三入八萬四千法聚等。四入十度等。五入行位圓滿故云。具足。六入差別大願。七證入真性。八入嚴刹。九隨心現神力。十入於一切世界示現

出生。第二十種深入如來者。前明入因境。今明轉勝入果境也。初一示成善提。次八以三輪攝化。後一示入涅槃。前八中初四語業。一總舉法輪。二所轉巧便法。三能轉之妙音。四正調衆生。次二身業。一依身現通。二現多異身。後二意業。一定二慧。又以三世諸佛悉亦同作如是作用。故云亦共入也。此中信內亦得此法者。是圓教中普賢行相故也。第三有十種入衆生心行者。前即上入佛境。此辨下入衆生故也。初三總明入三世衆生心行。次二別入善不善衆生。六明入欲樂心行。七入根利鈍。八入其種姓差別。九煩惱輕重。十起治不同。謂根未熟者待時故。已熟者不待時。又釋時者待其熟時調伏故。非時者方便開覺不待時故。又因此十入。則普入一切同佛果也。第四有十種入世界者。前知衆生正報。今知其依報故也。於中初二約染淨。次四約龜細。次二約形狀。謂伏者向下。仰者向上。後二約佛有無。又普入一切者以不離此十故。第五有十種入劫者。前明入處。今辨入時故也。於中前五入別劫。後五入相攝劫。前中初三別入三際劫。次二別入多少劫。後五相攝中。一以少攝多。故云可數不可數。二以多攝少。三以會事入理。劫入非劫。四從理起事。非劫入劫。五二事相即。謂前可數等約緣起相由門。非劫等約法性融通門。此一切劫即一念者。通約二門無礙自在故。又由皆是數識所現。故得自在也。第

六有十種說三世者。前約劫。此約世故明也。於中前九別說。後一總顯。別中未來說。未來。既是無盡。過去說。過去。何不亦同耶。釋以未來續起故。云無盡。過去不起故不云也。又現在說。現在。即與現不殊。故云平等。過未說。過未。何不亦同耶。釋以過未之過未是無故。現在是有故不同也。餘義如十世章辨。第七有十種入三世間者。前既達時劫無礙。今明入時中之法。故次明也。於中初一總明所入。餘九別明所入。此中一以語言爲道。顯所詮義故。二性者文字性。類即字界等。三施設者言教假施設故。四想者依想立名等。即名等異名如論云。阿毘達磨想爲標幟等。五名字者正顯名。句字身體等。六語言者明音聲語業。與前何別者。前成能說。此中通舉。如惡阿等聲。七無盡者明上諸門。並是虛假施設。無有盡故。八離欲者體不可得故。九寂滅者性清淨故。明此十法皆通過未等三世之中。故云入三世間也。又釋前語言道是所詮法。以是語言所遊路故。二性是理性亦是所詮。此義理世間。次四是言說世間。後三是實相世間。又釋十中初一器世間。次六衆生世間。後三智正覺世間。雖有三釋。初釋順文。第八有十種捨離憂惱等者。前既達解時法。起行攝心。故離憂等。謂行成遂志。捨離憂惱。時無空過。心無厭悔。於中初四供佛近友。求法聞法。此四自利行。次三攝生。一說法。二調令離過。三令住佛道。次一重明自行廣次

一重辨化他廣後一明二行滿足出「生佛果」上來八十句明「信中勝進行」竟。自下第三從「十種不可壞智」下有三十句。明前二行究竟。於中初十種不可壞智者。謂稱法而「知更無改易故云不可壞」。於中知衆生等約染法。知三寶等約淨法。知世界等約亦染亦淨。知法界約非染非淨。並可知。第二有十種陀羅尼者。前既知法不壞。此明持法不失故也。智論以定慧爲體。佛地論伽增上念慧爲性。以慧照法。念憶持故。智論中正翻云持。能持種種善法。令不散失。如「完器盛水等」或云遮能遮諸不善心等。不令生故。瑜伽等有四。謂法義忍忍與此十種不可相攝。以類別故。此中初二持教法。一持修多羅法。二持阿毘達摩法。三持理法。四持慧法。五持定法。六持異方語法。七持三世異義。八持辯才法。九持無礙耳根法。十持果法。安住者與相應故。第三分別說十佛者。前明持法。今辨解佛故也。又此信滿明得佛果。故明也。若爾後解位滿。亦得佛果。何不耶。釋以信初故。解准此故。此十佛義具如別章。今略釋名。一自然開悟名爲正覺。正覺即佛。二自體無礙大顯成滿。顯即是佛。三萬行因感故云業報。四萬德積成任持不失。五應機化現。六稱理普周。七唯心所現。八常恒在定。九眞性不變。十無功大用名如意佛。如末尼珠等。又釋同下十種見佛處。以彼釋此。應知。上來二百句答前二十句問。明「十信十行相純熟」

竟。自下大門第二從十種發普賢心下有二百句。答前二十句問。十住中行法。於中龜分爲四。初六十句別明十解中。初位發心住義。二從十種波羅蜜下六十句明餘九住中所成內德行。三從十種說法下三十句明諸住位中外化攝生行。四從十種勝法下五十句明無礙殊勝行。就初中。創得住位以大心爲本。是故最初明發普賢心。於中初三下救護衆生心。次三上求佛果心。後四厭離有爲心。具此三心乃名大菩提心。又釋初六護小乘心。初三護狹心。後三護小心餘四護煩惱心。是故異於凡小名菩提心也。又此十心各是一行。亦不相收。以顯無盡。各先標後釋可知。二有十種普賢願行法者。謂依前大心起廣願行故次明也。於中前九因行廣。後一成果廣。以普賢通因果故也。前中初二自行廣。次一益生廣。餘通二行廣皆廣立大無限之誓願。故同云普賢願。依願成行名願行法。三有十種大悲者。依前普賢行法中別辨大悲。以深要故次明也。是故論云菩薩以大悲本故別顯也。用此悲心緣念衆生無會暫廢故云常觀。於中一苦逼無歸。二設欲求依乃倒求。耶道。三設欲向正乃貪無宿善。四設有小善樂著生死不能開覺。五設欲求覺唯倒行不善。六設有修善不能離欲。七設求離欲還復輪迴。八無始無明久遠所病。九不欲佛因。十失佛果法。又釋此十初二顛倒

衆生。一無眞。二逐偽。次四欲求衆生。一多。出因。二無。出果。三具縛因。四處縛果。次二有求衆生。一深。二遠。後二梵行求衆生。一異道求。二求異脫。菩薩緣此起大悲心。要當救拔。四有十種發心因緣者。悲願行起必賴所因故次明也。又前明所發心體。今辨發心所因故也。或四緣發心如。瑜伽地持等。或七緣如。智印經起信論等。並如前說。今顯十緣以明無盡。於中前五下以衆生爲緣。後五上以佛果爲緣。論云菩薩以菩提薩埵爲所緣境。此之謂也。前五中初一總後四別。別中初二除苦與樂。後二除愚與智。後五中亦初一總後四別。別中初二順教見相。後二順義顯德。餘義可知。五有十種親近善知識者。既發心已。理宜近善知識。具菩提心。而得增長。故次明也。又釋此上五十門行悉並同時說有前後。以依善友方能發心等故。於中有五。一標意。二徵責。三總釋。四別辨。五結數。別中十內。一善友走使。二語順救命。三意不乖隔。四身心俱悅。亦慶見善友。五情無異求。六唯期出道。七同其勝行。八同彼要期。九敬師如佛。十同果圓成。又前六事友。後四同修。六有十種清淨者。依前發心得此淨報故也。此是發心家近果。於中初三業淨。謂前三體淨。後三用淨。次眷屬下二明伴主淨。後二明願行淨。並可知。上來別明初住位竟。下第二從十種波羅蜜下有六十句通明餘住中所成內德行。於中初十正明諸住所行之

①(知)一②③信十(中)④⑤初三二大⑥廣立二立廣⑦悲十(爲)⑧異道求二求異道

行於中十度並約深勝以釋。是故檀中不云捨財等。乃云捨一切有淨佛戒具佛忍等。應知第六般若約正體智。故以如如爲境。後四多並是後得智。第七應名方便。以能深入佛力故立智名。第十應名智。以能領攝諸佛法故從境爲名。餘並如前十行處說。二有十隨順覺知者。由前行成。能於所知無倒了達。故云隨順覺知。於中一知。依報染淨差別多門。二知衆生正報異類難思。三知緣起之法一異無住。四知真如法界平等離相。五知虛空無爲無際。六七八知三際世界。又亦知一切俱是過去俱是現未。九知諸佛具萬行在一念中。十知諸佛同一行以遍三際。三有十決定智者。由前隨順無倒覺知。故能得此決定智成。於中初二知法分明。一知在於一念者顯能知迅速也。二以無礙智知者顯能知自在也。以無所知障故云無礙耳。次五知衆生。一知心樂欲。二知根同異性。亦同是菩提根。三知煩惱細習。四知正使之行。五知所化善惡。後三知菩薩及佛可知。大一一門檢餘本四有十種力者。由智既決定多有堪能。故明力也。於中初一總餘九別。別中初二解依他性如幻化。三解圓成性。四解所執性即空故無染也。五求行法。六敬養善友力者。以法從彼。得求力無壞故也。七由迴向力能令善根至佛果故。八由信解力能於甚深佛法免誹謗也。九於求大果心堅強不退。又釋前五解力。後五行力。五有十種平等者。既

有智力堪能故。能於諸事作平等真觀。故次明也。於中一情絕怨親。二真俗一味。三染淨理均。四一道無二。五同會一性。六果法豈殊。七因無異願。八十度齊備。九行契理原。十法身等無二。又釋前五行等。一等悲。二等智。三等淨。四等行。五等修。後五德等。一果德等。二願行等。三六度等。四因行等。五法身等。六有十種方便佛法句者。前既平等正證理。宜起於後得巧便設教。故次明也。於中初知一切法。但有言說。此約遍計性。二似有如幻。三速滅猶電。四無性從緣。五緣作本淨。六言有但名。此上約依他性。七無生真。八無相異。九無性。性真。上約空如來藏。十具德法界是不空如來藏。由以佛法句顯此十義。故同立此名。上來內德成訖。下第三十種說法。下有三十句。明外化攝生行。於中初十於教能說。次十於法能持。後十於言能辨。初十中初二說理法。一深一妙。次四說行法。一具德法。二佛智法。三順度法。四生果法。後四說因果法。初一說三世染法因果。後三說淨法因果可知。二有十種受持者。前既宣之於口。今此蘊之於心。故次明也。於中初七記因法。後三記果法。前中一記持行法。二記持教法。三記順法之喻法。四巧令生解法。五令生總持法。謂少文攝多義等。六答難斷疑法。七菩薩行位法。後三中一佛定法。二佛慧法。三佛通法。三有十種辯者。前明記持在心。今明巧宣於口。故也。於中一不取情謂故名爲

辯。是知若在性執。縱巧言百端未足爲辯。二順法無行。三顯無著法。四此辯亦空方爲辯也。五體無無明。六辯同佛持。七辯法令他自悟。八於無名相法。巧以名言。說令他於言不作言解。九說衆生義門辯。上應機令善辯。又前五無作淨辯。後五有作淨辯。上來外化攝生行竟。下第四說十種勝法。下有五十句。明無礙殊勝行。亦是當位成滿行。於中初十勝法者。前以辯才無滯。遂顯德相挺。過凡小。故云勝法。於中一悲勝。二智勝。三修勝。四行勝。五戒勝。六迴向勝。七策勸勝。八降魔勝。九因行勝。十成果勝。二有十無著者。前行德超昇故。今於境無執。故云無著也。又前即行高殊勝。今即下離染著。此十皆是自心顯現。意言所作。是故智慧於中不著。初於化處不著。二於所化不著。三於化法不著。四正作化業不著。五化所成善不著。六應機受生不著。七於自本願不著。八於所行行不著。九於因不著。十於果不著。由自安住此無著智。即能速轉異念衆想。得佛無上智。無著三有十平等心者。以成無著智故。於衆法中心無分別。故云平等心也。此與前十平等何別者。前約法辨平等。此約心辨故云平等心也。於中初八約因等。後二約果等。前中一於所長養。二於所發。三於所化生。四於所化因果。五於所知法。六於染淨土。七於好醜人。八於所行行。後二中一功德。二正證智。於此十中皆不生異念。故云

平等心也。四有十種出生智慧者。從前平等體寂出生後得勝智故云也。於中初入衆生性者證入衆生真性也。出生智者入已出生後得智也。餘文入出皆准。知。二利無一異者約體俱絕故。又攝相從體故明無異。以體從相故明無一。又多則一故無異。一即多故無一也。三知世界如帝網。四知土形相。五巧入法體無一無異。三釋同利應知。六知異類之身報。七知倒惑身之因。八知究竟一乘通同別也。九知法界自在德。十知佛種不斷德。五有十種變化者。前依正證起後得。今依後得起自在用故大明也。謂轉變本無。化現今有故云變化。於中初一變他衆生身。如文殊變爲童子等。二變自身作異類等。三變染利爲淨等。四變現香花等。五化現言聲等。六化現願行。七化現調生如滿足王等。八化現成佛。九化現轉法輪。十化現舍利等。又釋此十亦是以實用化顯其平等。上來四段二百句文總是釋十住位竟。

自下大門第三從十種持下有三百句。答三十句問。十行位中行法。於中分三。初六十句明。大志曠遠行。二從十種不思議下九十句明。定慧業用行。三從十種蘭林下有。一百五十句。明德備成滿行。就初中有二。先有二十句。明依起大欲行。後四十句。明依起勝念行。前中初十持標行所依。謂依此任持力方能起大志。此中通攝地持中三持及地品中十持准辨應。知於中初三則三寶

力持。衆生是僧寶也。四大悲所作名業持。五十大願力令行相續。亦由佛力持故。佛果化用盡未來際。六十度行力住持所餘。七衆生及菩提爲所緣境持。起菩薩悲智行心。八以真如理爲妙也。九福十智。各有勝力故云持也。問此持與前十陀羅尼及十種受持。各何別耶。答陀羅尼是總持文義等。受持約領納憶持等。此中據加持等故不同也。二有十種大正稀望者。依前持力起此廣大無邊欲樂。名大正稀望。與前正稀望何別者。前約自分故不言大。今據勝進故不同也。何故起此大欲願者。以行成由。此故也。上文云智慧王所說欲爲諸法本。應起清淨欲志求無上道。此之謂也。於中一定望願佛令喜。二定望供佛令盡。三定望同法成行。四定望長時修行。五定望離畏。六定望令衆生先已成佛。七定望盡嚴刹海。八定望令衆生滅惡因果成善因果。九定望直心見佛聞法。十定望盡窮來際轉大法輪。第三有十種深入佛法者。明稀望不已便能深入。是故依前大欲能盡佛法深遠邊際故云也。下四十句中初二十爲所依。後二十爲所起。前中初十深入內證。於中初四入器世界佛法。一切世界一一各別入。一切世界。故云一切世界悉分別入一切世界也。次二入衆生世間佛法。次三入智正覺佛法。後一總就法界入於佛法。以理就行分故云。於無一異而說一異。謂五乘位異成佛爲一。行同歸理故云。入無所入。

二有十種依止者。前顯行深入。今辨所託緣。於中一依善友教授。二依多聞熏力。三依善住處資緣不。四依悲力。五深證大行。六依滿本願力。七依本菩提心。八依佛果。是所求故。須知本。三有十種發無畏心者。前既有所依。道令行心深勝。於可畏事。能無所畏。以無有難作而不能作故也。於中一以奮大勇猛故。能於十種難作事中而悉能作。一惡業難滅。二遺法難護。三惡魔難降。四身命難捨。五外道難伏。六物心難離。七大衆難喜。八八部難調。九下乘難離。十上行難修。於此十難皆無畏也。又智論第六云。菩薩有四無畏。一以聞持善說。二以根欲說令得解脫。三一切方中不見有難而不能答。四不見有疑而不能釋。四有十種發無疑心者。前以於難無懼。由此自知所作皆易故無疑也。於中一以十度攝生。二三供佛嚴土。四大心無疲。五滿本大願。六定作世燈。七巧說諸法。皆攝攝生。俱是佛法。八定成正覺。九會事即理。十滅倒顯智。上來六十句明大志曠遠行竟。下第二從十種不思議下九十句明。定慧業用行。於中分三。初三十句明融慧超情行。次十三昧下二十句明。深定普周行。後十法門下四十句。明業用自在行。就初中。初十約行。次十約語。後十約智約行。中有十種不思議者。由前心決無疑故令所修無測也。於中一乃至一念善根悉至佛果故云。不思。如尼俱陀子小樹大。二由本

願力無思任運果用無盡。如滅定前願力等。三如幻法不有而有。四依無住而不失善。五得理不捨事。六在因能現果。七得果不捨因。皆不思議也。八解法無礙。於中五對十句。一約迷悟境。謂凡於無相妄見有相。聖於凡有悟見無相。又即相是無相。無相即是相。一事雙離故難思也。餘對準之。九解發心等菩提。以始齊終。大句以終等始。後心佛及衆生是三無差別。解心不錯故無三倒。三倒如前發心品釋。十中四句。初盡流不盡。流而無二。二佛法世法一而不雜。三攝事同理入而無入。四釋成無二。不變者一味故無二也。是故俱難思也。二有十種巧方便微密語者。正以內行難測遂令發言巧密。況論密語有五種。一說彼深密法。故名爲密語。如上性起中名如來密藏等。二以一言說一切法等爲密語。三以近而不聞。如鷺子如響等。遠而無限。如目連尋聲等。名爲密語。四言近意遠。如說三乘爲究竟等。亦名密語。五以異言說異法。如說覺不堅爲堅等。今此文中唯約初義說。於中初一約教法。得意玄故。會同異故。二示同涅槃密現受生。三如東方入定西方密出等。四巧說衆生善中有惡等苦中有樂等。五巧說衆生不染而染爲垢。染而不染爲淨。六巧說一中有一切等。七壞處有成。如法花中天人見劫盡此土常安穩等。八於佛普通現生入滅。見此密處而發言故。九解衆生。即涅槃不復更滅。而不捨

大願攝生。以爲巧密。十自悟不由他。而求善友不息。以爲巧密。三有十種巧方便分別智者。前既巧說密處。今智達明了故云也。初二知世界一淨一染。次三知衆生機。次三知三乘行相。後二知世。出法。又釋初二器世間。次七衆生世間。後智正覺。又釋初二何處化。次三何所化。次三化置何處。後二以何法化。上來三十句明融。惠超情行。竟第二有十種三昧。下二十句明深定普周行。於中初十明定體。後十明業用。又初明深定。後顯普周。前中一明入定處。謂遍一切種種利。二明入定身。謂以一切衆生身而入定故。如童子身入正受等。三明定照法。實四定中見佛。五定持多劫。如十明品第十智明說。六定出身雲。如海幢比丘等。七或以佛身示現入定。八爲覺悟衆生入定。後二各於一念中得一切菩薩定慧。具足二行入定。又初一入定處。次一入定身。次六入定用。後二入定時。二有十種一切處者。前明入定。今辨從定起用。遍一切處也。一悲託處。二身依處。次三起解處。一解正報根性。後二解依報劫壞。三災中略無風災。次一有所供處。次二所成處。一依一正。後二是所作處。一惠一福。上來深定普周行竟。第三有十種法門者。下四十句明業用自在行。於中初十明自在現法門。初一身普現。二多處異現。三令多入。四不失住持。五上同果現。六無處不遍。七無時不遍。八一剎現多身。九一身現多處。十一念普示

現此等並是法性融通門等故名法門也。二有十種神通者。正以身現法門。業用無限故云也。一宿命。二天眼。三他心。四天眼。次五神足。一現神力。二示多身。三速往來。四能嚴刹。五現化身。後一。流盡示成菩提。此十皆以通慧爲體。故名智通。悉從定起。齊名出生。三有十種明者。前以無。聖曰通。今委顯爲明。於中初一知衆生業果差別。二知衆生於寂滅境起淨信心。三知衆生證入理智。上三知所化。四語業。五意業。六身業。此三顯能化。七於境轉分別想爲正智。因八知理平等起行無礙。初知。三性理不礙。起行成佛。九知衆生真心稱理隨緣顯事不失化用。於中初知稱理現事。事不失化用。二何以故。釋成無礙。初中又初一向化他。二不失自行。三何以釋成。前中初四句知衆生真體。二知因下八句知衆生緣起相事者。是從因緣所生報也。三知愚癡下六句三對知衆生染淨差別。四知生死下八句四對知衆生理事無礙。五知轉下八句四對知衆生道器差別。初知轉依未轉。二知治道起。三知惑滅道立。四知行成根。報別。下句總結成化。謂稱緣起而觀察也。十中有七。初善能離著。二不見下善起行。願三見一切下善植德本。四自在下善起勝通。五知種種說下善能照境。六永斷下善益。自他。七除滅下善能得果。並可知。餘義如前十明品說。四有十種解脫者。前大智明起。今辨無明障盡。故云解脫。解脫有二種。

①以十 ②故十(下) ③三十(無) ④應二施 ⑤種種二重重處 ⑥竟十(世間) ⑦出十(世) ⑧同十(般) ⑨流二漏 ⑩未十(起) ⑪報一

一作用自在名為解脫。如上不思議法品十種不思議解脫等。二於縛離繫。名解脫。如此所說。於中初四於凡夫得脫。初二脫惑障。二鈍使。二利使。次一脫業障。後一脫報障。五於小乘得脫。六於地前得脫。七於地上因位得解脫。八於微細著微細礙得解脫。亦是道果外自在故云解脫。脫後二門也。上來四十句明業用自在行竟。下第三從十圓林下一百五十句明德備成滿行。於中分四。初四十句明報德圓滿行。二十種發不動心下二十句明心住堅深行。三十種智慧觀察下五十句明智德殊勝行。四從十種不可稱量下四十句明德重高深行。就初報德圓滿行中。初十遊賞園林。次十柄止宮殿。次十於中娛樂。後十將出東帶故曰莊嚴。就初十園林中。一一皆初舉園林名體。後以義釋成謂遊觀適悅故也。前七自分因行。後三勝進果行。前中初二利他行。後五自利行。一時二處。三達。四順。五修行。以道品等從佛流出故云慈父境也。後三中心一念果法。二現法輪。三示正覺。二有十種宮殿者。前園林外遊。今宮殿內安。故次明也。亦皆先標名體。後釋顯義。相謂若妄失菩提心。即令正行無所栖止故云也。此一為行本。次七明利他行。初四化三界衆生。色界中分二故。四梵者四無量也。無色是難處。為滅彼難菩薩生中也。次三中一通化。二化眷屬。三化憍慢。後二自行成滿。一修因。二得果。三有十種樂者。既住宮殿情忻勝利故

云樂也。於中初八因法中樂。後二果法中樂。前中初六自利法。後二利他法。第四有十種莊嚴者。既樂心成以勝德自嚴。故次明也。於中初二力無畏。次二義法辯。次二顯行。次二攝利雨法。後二持行現化。上來報行竟。第二有二十句明心住堅深行。於中初十心堅。後十深入。初中一捨有心堅。二向法。三供佛。四悲觀。五慈攝。六專求。七常修。八信堅。有根信者生佛果故。不濁信者不雜。無明故。離垢信者不求。世有故。明淨信者正證理故。供佛信者向果故。不退者因行堅故。不壞者外緣不動故。九窮果。十行圓。二有十種不捨深心者。以行堅不動。乃窮達深理故云也。又令此心不離。慍至。故云不捨深心也。於中一智。二悲。三顯化意。四近友。五供佛。六求法。七持淨戒。八攝同行。九持佛法。十修願行。下第三有十種智慧觀察。下五十句明智德殊勝。能行。於中初十者。以能心慍不捨。遂令智慧巧觀所作。於中一觀教法。二觀行法。三觀通力法。四觀巧便法。五佛持者。若約用明佛神力加持。若約體法身。住持萬德。上觀法自在。六內持。七外說。上說法自在。八觀深。九觀廣。十觀多。十一觀無礙。上觀法深廣。是增數十故。剩一門也。二有十種分別者。既能觀察。遂能簡擇諸法。故云分別也。於中初二分別依他起性。一法一喻。次一知遍計性無所有。故無可證也。後七分別圓成實性。一知恒沙功德。二體實無依。三堅若金剛。四則是

法身如來。五法身體寂。六證道所攝。七體相一味。三有十種無垢者。由簡擇深法除障離垢故也。此中離十種垢。一無異求垢。二無疑惑垢。三無邪見垢。四無所知障垢。五無不欲佛果垢。六無謗言垢。七無法弱垢。八無障大悲垢。以悲是菩薩所住故。又無障十地之無明。以十地是菩薩所住故。九無散動垢。十無微細礙著垢。又釋初三約心淨。一深心。二信心。三解心。次一約境淨。次五約行淨。後一約果淨。四有十種智印者。以離垢障令德堅固。指定不動。故大明也。於中一於安受苦境。忍智不動。故明印也。變易苦者是壞苦也。二於他不饒益忍行決定。三於深佛法。信忍決定。即法思忍也。四決定成佛當度衆生。五決定解教等諸佛故。六大欲決定有十一句。初善欲是總。餘十是別。七決定不惜身命求佛果。八於善根未熟衆生。令生長。九已熟衆生。令入法。十因圓果滿。五有十種智慧光明者。既行能決定。遂令照用無礙故也。於中皆先明所照。後顯能照。初二求果見佛。次二見機授法。次二依友示佛。次二攝生說法。次二佛持行滿。第四有十種不可稱量。下四十句明德重高深行。於中初十明尊重行。次十勇修行。次十高勝行。後十深廣行。初十中明行用難測。凡小莫闕故云也。於中一住真不證難。二成善不取難。三解理不疑事難。四長劫無怠難。五得滅不住難。又釋四不厭生死。五不住涅槃。六無劫說劫難

◎名十(爲)◎ ◎道一◎ ◎安二忘◎ ◎攝一持◎ ◎能二勝◎ ◎住二任◎* ◎無二除◎ ◎別十(也)◎ ◎住十下◎

七非行起行難。八解了唯心難。三界是處識。三世是數識也。心無邊者通攝餘一切法也。九悲廣無限難。十得果不受難。由此難測故過凡小。言不能稱。智不能量。故云也。二有十種發無懈怠心者。既行用超過。遂令勇猛無間故也。於中初三破邪授。正次二滿行攝生。次二成果調物。次一多利現。佛次一切廣施。後一念頓解。於中有五。初舉所解之法。有九門。二如是等下對辨能解之相。三於一切下略明解不顛倒。四無二智下廣顯無倒解相。五法界等下辨無倒智業用。三有十種須彌山王正直心者。正以勇猛中大心決定。正。向菩提不可傾動故云也。於中初一修能證智決定。二觀所證理決定。三決定令此福慧趣入所證無垢白淨真如。四決定成。熟求法之行。離盜法者。謂從他聞法言。我自解不稱。讚師。准觀佛三昧經。墮地獄如箭射也。起一切施心者。欲擬法施於一切衆生故也。五大忍度生行如如捨者。觀如捨相故。大忍法者。大智現前故。六成就超魔境界。行於中四。初成就勝法。二不味此勝。三但求正法。四舉因釋。成。七精進勇修行攝論云。愚修雖小時。念心疑已久。佛於無量劫勸勇。謂須臾八不捨惡人行。九孤子勇修行。十即空成有行。於中。初無有一法等。正明見理實無。二而菩薩下明不捨悲願。三舉法釋成。謂即此無所有。出生菩提故。四而此菩薩下明稱理造修。亦不生如是

恐怖。若一切空。我有何義。求無上道也。四有十種入深智慧大海等者。前明志山堅誓。今顯智海宏深。故次明也。謂以如大海之智慧。深悟證入此十種法。成無上菩提故名也。非是入此智慧海中。以別顯中云。入無量衆生界等。故得知也。一入衆生界。無量。二入世界。無量。三入虛空界。四入法界。五入三世佛無邊善根界。六七八入三世諸佛界。九能供多佛。十能求多法。上來總答第三十行位行相竟。

自下大門第四從十種寶住。下有三百句。答前二十九問。明十迴向位中行相差別。以十自在中章門十句不在問中故。有三百句。二十九問也。於中分三。初一百一十句。明迴向位中行體堅固義。二從十自在下一百二十句。明行用自在義。三從十種遊戲神通下七十句。明行位圓滿義。就初行體中分二。初四十句。明行體成就高栖彼岸。二從十不壞信下七十句。明行體離障攝諸勝德。就前中初十種寶住者。住於正法可貴之所。故云寶住。又以無住爲住。亦名寶住。於中一近佛。二聞法。三自在受生。四知法自在。謂總別無礙。五智斷自在。謂資糧道息。加行道離。無間道斷。而不證實際者。異二乘故。留惑故。到實際岸者。到法無我際故。究竟也。六悲智自在。謂知衆生空而化度。七知理事無礙法。八知理無不礙。起行。九於空善巧所願不虛。十聞多佛異說善解會通。謂以四意等而決故也。以佛智不思議多異說。法體不殊。故云言無二也。二有十種發金剛心者。既所住可貴。能於大乘無限齊法。以堅固心窮盡其際。故名莊嚴等也。於中一知三世無際法。二引多菩薩自策勵已。三嚴無際世界。四福惠治及無際衆生。五以善根供無際佛。六深解無際佛法。謂釋中云。一切攝取者。謂無相不壞相爲攝取。以無相攝相故。相攝無相故。云一切攝也。七能忍無際苦惱。級者。俗書云。斬賊首爲級。賜爵一級。因以爲名。住不二法者。苦及我不二。卽法思忍也。八無際無際時。於無際無際處行菩薩道。九以心要成無際大行。十卽寂起用行。於中四。先住空寂。二而亦不捨下明起事用。三何以故下舉大願釋成。四善知是法下明變融大願行。三有十種發大事者。於所作大事令發起現前故云也。於中初三福業大。次三化業大。嚴土爲攝生也。次二明勝進攝福。九成佛。十說法。四有十種究竟大事者。前於大事但能起現前。今明所作成滿故云究竟。於中一供盡佛境。二滿本所請三求。盡正法。四次二增。因出果。次二願行成滿。後三供人聞法。第二有十不壞信。下有七十句。明行體離障攝諸勝德。於中初四十句。明信惠善巧。後三十顯心行攝位。就前中初明十種不壞信者。於深入法淨信不壞。破不信障。初六信行緣。後四信行體。前中信衆生者。信是所化悲境故也。又信其有如來藏佛性等故。二有十種

●向二高● ●熟二就● ●成十(也)● ●中十(四)● ●治二沾● ●三十(作)● ●位二德●*

受記者既內懷堅信外蒙記別故有受記前明自知受記今明諸佛與記故爲別也於中一種解脫分善根聞法毛髮等二得初地見諸名滿等三於修位中廣行諸行四對現前五對衆不現前六因悟自心本之覺義七法忍位成八化功已立九劫數已滿十位至自在餘如前說三有十種善根迴向者以已善根順同善友故云也初二同心次一同行次二同修次二同治謂正念能治現前清淨所治已離次一同位後二同證則無異同者謂此菩薩善根迴向與善知識善根一體無異故名爲同非是別體相似名同四有十種得智慧者以迴向德熟得智慧自在故明也於中初四自分一解脫二樂法三入佛境四能遣疑後六勝進一悟實二入權三解小善生佛四具德五往佛六悟法由解此等故得智自在也第二有十種發無量無邊廣心者下三十門明心行攝位於中初於無限之境發稱境之心故云也一廣念所求二廣念所度次二廣念所顯一會事二顯理次二廣念因果位七廣了業報八廣嚴利九入大衆十觀圓音二有十種藏者既以大心普周故令德窮海奧故大明也一字藏二義三持四辯五惠六通七巧八見佛九入劫十喜敬此等皆有含攝蘊積同名藏也三有十種調順者既積德盈滿剛猛斯盡故大明也一離謗二離疑三捨慢四捨自見五背下乘六離散動七

捨異見八離三不善九降魔怨十離六弊此約遮釋若就表言所作行熟至順調柔故也上來釋行體堅固竟下第二十自在下有一百二十門明行用自在於中初十總明自在後一百一十別顯自在前中十自在者作用無礙延促由已故云自在此中十自在同第八地中釋此中莊嚴彼名財物自在此中解脫彼名信解自在准梵本應名勝解此中神力彼名如意自在一皆標名後釋義同前可知法集經第二卷中亦明此義第二別顯中初列十章後以百門次第解釋列名中第九約身力第十約智力餘如下釋後次第釋中先辨衆生自在以是所化故於中初五於衆生中轉變自在後五於衆生中作上首自在又釋初一總餘九別別中起其願樂想不斷名持二依物授法三令得益名變四令入法界後五上首身可知二利自在中初三以能入細自在漸次深入乃至無盡次三身上無礙自在一身滿利二利滿身三攝令動次二嚴利自在後二現佛現利自在何故皆得如是自在者釋略有五義一了達緣起相由門故二達法性融通門故三定力自在起勝通故四得解脫力能迴轉故五智力了如幻夢法隨自心得自在故並由所知障盡故得然餘上下文皆同此釋應知三法自在中一一多自在二要由智出三理事無礙四總別善巧五無言之言六巧轉一乘七多劫說一八即染成淨九巧現多端

十體不礙用四身自在中初二自他無礙次二果德無礙次二依正無礙次二定慧自在後二理事自在亦是染淨自在眞妄自在也五願自在中一因願同求故彼即自也二果願同現皆爲衆生三願令得果四常願不息五無身現身謂離凡夫識身不著二乘智身又離取相識身亦不著無相智身而能現身由願力也次二同事教化八修因多時九成果多處十普雨法雨並由願體無障礙願力不待作意自然成就故名願自在六境界自在者於分齊境界迴轉無礙於此十種勝劣相違境中皆得勝現劣故稱自在一理事相違二耶正三染淨四因果五靜亂六眞妄七凡聖八悲智九體用十大小謂處大現小故也七智自在者智不自顯約所知顯之初二能化智一說二持次三知所化智一知根二知欲三知惑治六亦上入十力七下知三世八示正覺七知根業十達音聲八通自在中一神足二天耳三流盡亦是應成四語業五宿命六幻通七義法智通八教法智九敬護十理法智九神力自在中初二幻通力塵中現者塵內先有非是外入次三如意通力初二正中現依謂毛孔是正報故後一毛繫團山次三於劫自在一多少自在二示現三災不惱衆生三劫災壞時持其資具不令壞損後二於處自在一遠擲二解空十力自在是悲智之力故不同前門一調生力二嚴上力三法身力四常修力五開

覺力。六攝行力。七度生力。八自覺力。九種智力。十大悲力。各先標名後釋義。皆業用不。屈稱爲力也。下通結可知。上來行德自在竟。下第三十種遊戲神通下七十門明行德圓滿。於中初二門明行德殊勝。後五十門明行德圓滿。前中初十明。住志行成遊賞自在故云也。於中初二以染正報對淨依報以明相作。此中有四種自在。一依正相作。二染淨相作。三染正淨依相作。四此上相作已甚希有。況各不壞不雜故爲極自在。名遊戲通也。下並准之。次二以佛身對二乘。明相作。問佛是果人菩薩因人何故因人能令佛身作二乘耶答此是普賢位中菩薩與佛齊故。又釋是佛下就容其作故。次二因位果位相作。次二生死涅槃相作。而不著涅槃者生死不染涅槃也。亦不究竟無餘者明生死不亡也。此中唯是果位方便淨涅槃。此中非是性淨涅槃。性淨涅槃與生死相作不足爲奇。後二明定用相作。二十勝行者。以遊履自在故。令所作皆悉精微。故云勝行。於中初三攝生行。前二以法就機。後一攝機同法。次三知法行。一因果相出。二有爲無爲相出。三生死涅槃相出。後四三業行。一語業。次二身業。後一意業可知。第二有十力。下五十門明行德圓滿中。初十力者。正以德勝智用地能故云力也。皆有標釋。於中初七分自因力。一不染三界。二不壞四信。三巧修。行上三自行。四知物心。五滿物願。六常化。七現乘。上四利他行。後

三勝進果力。一現佛身。二悟菩提。三轉法輪。二有十種無畏者。正以智力功強外無所懼故云也。於中初二具持文義答難不畏。三了達二空。不畏妄念。四威儀無缺。五三業無失。六不畏魔等。七無有不聞持畏。八悲願不畏生死。涅槃。九示同二乘而不畏。二乘。十不畏機感而不現。三有十不共法者。正以智力雄猛凡小莫闕故云不共。又釋既皆云不由他悟。即知行起。自心非他所共故名不共。一自己行。二化他行。三迴向行。四巧便行。於中已有三。先巧離。二乘。二於生死中下巧順世間。三於世間下巧窮彼岸。五智慧行。於中三。先總舉定慧。二常在涅槃下別辨十門自在智慧。三菩薩成就下總結歎勝。六三業隨智行。七悲代他苦行。八慈受他供行。九自淨淨他行。十位滿常修行。四有十種業者。正以內德不共。令所作必然故云業也。於中初一約處。次三約人。次一約時。次二約用。一身行。二身光。後三約護持。一護法。二說法。三願持。此等多約境事爲名。各有標釋可知。五有十種身。由業因既備身果現前故也。此亦是迴向位滿所得十身。初二約體以不來入趣故。後於趣中亦無可出去故云也。次五約用。一順同世。二不失真。亦是世間所知真實。三用盡來際。四五正以隨緣不變故得堅固不動也。後三約相。一福相。二理相。三果相。此十身與前十行品中第九行內十身有同有異。相攝可

知。上來有三。百答十迴向中行相竟。此上十業十身自。古諸德多將入後十地位中收。然別行度世經六翻問答中。此在第四末。今依彼經科判此文入迴向攝。自下大門第五從十種身業。下有五百句答。前五十問。十地位中行相。於中分四。初一百二十門明。十地中三業殊勝行。寄在於初地。二從十種方便。下九十門明造修離障行。寄二三地。三從十種離生。下九十門明造修純熟行。寄在四地已上位。四從十種足。下二百門報相圓滿行。寄八地已上位。就初中分三。初二十明身業行。二次四十明口業行。後六十顯意業行。就初中先依身起業。一遍。二一切處。二。趣。一切機。三同。一切生。四遊。一切刹。五詣。一切佛。六攀。一切土。七碎。一切山。八現。一切事。九覆。一切生。十現。一切佛。皆是身之作用同名身業。二有十種身者。准前問。應名淨身業。下口業中亦同此。又此是行法爲身故不同前。於中初二六度四攝。次二慈悲。次二福智。次三體用。後一成果。第二有十種口。下四十明口業。初十明口業體應名語業。以口是身分攝故。於中一離惡口。二離兩舌。次二離妄語。一龜。二細。餘六離綺言。此並約遮釋。若約表十種各顯一德。如文可知。二有十種清淨業。莊嚴菩薩口業者。顯語業淨因以嚴其語故云也。於中初二攝法行。次二離過行。次二攝善行。次二法施行。後二聞法行。由此十行。使語業嚴淨也。三得十守護者。

●二十(有)● ●修二終● ●涅槃一真悟● ●身十(者)● ●此十(多)● ●百十(句)● ●趣一起● ●條二後●

由發言誠諦，幽靈懸鑒，故加守護。於八部之外，加梵王衆及佛法王爲十可知。四成

十大事者，由內因誠實，外緣加護，致令語力廣大，成其所作，故也。一能斷疑，二能普

至，三動其根，四入其性，五拔其使，六除其習，七生淨信，八起深樂，九令證理，十得

大果。第三有十種心，下六十門明意業。於中初十明意業體，後五十顯意業用，就前

中一廣心，二深心，三勝心，四淨心，五利心，六堅心，七無染心，八希有心，九智慧心，十無

邊心，此並是意樂之心也。二有十發心者，心體既滿，理宜發起勝用，故也。於中初

六明利他心，次二自利心，後一勝分中利他，又釋初一總，餘九別，並是利他心可知。三

有十種滿心者，前既發心修成所作，遍滿法界，故云也。於中一悲心廣，二智契深，三

解脫用，謂是九世卽一念名爲解脫，四滿八相五遍知器，六了真諦，七解俗網，八滿無

生，九達心界，十現等覺，四有十根者，由前心滿，堪爲法器，能出生故名根也。一信

根，二樂根，謂信增爲樂，三精進根，故不退也，四定根，住位，五慧根，六悲根，七堅智，八

明慧，九爲法身器，十作報身根，五有十種直心者，以生後體立正向所作故。云直

也，於中初二直背下，次二直順上，五於達不動，六於順無染，七隨法能持，八悲不擇

處，九入深義，十習廣教，第六有十深心者，由前正向令信樂，感至故曰深心。於中

初二深離障，次二正入法，一行二解，五知

法無礙，六入異方便，七成辨所作，八定深，九願深，十悲深，上來初地行相竟

下第二十種方便，下九十門明二地已上行相，於中分三：初三十句明智慧方便行，二

從十種入衆生下三十句明慈悲方便行，三從十種趣下三十句明悲智究竟行，就前

中初十方便者，巧修正行故，初六是捨相方便，巧修六度可知，後四是攝生方便，一

慈與樂，二悲代苦，三授智，四與法，二有十種樂修者，正以善巧無礙而能欣求諸

行，故云也。一樂勝善，二樂異嚴，三樂廣大，四樂甚深，五樂四無量，六樂持戒，七樂慈

忍，八樂明解，九樂神通，十樂聽法，上辨因，後一顯所成果，三有十種解脫深入世

界者，謂樂修不已，能以解脫勝力，令一切世界相入等故，以爲名，於中初以多入一，

二以一入多，三佛滿十方，四示界全空，五同佛莊嚴，六一菩薩滿一切，七入毛孔，

八入衆生中，九一果處遍，十一妙音滿，第二有十種入衆生下三十明悲方便中，初十

明無緣大悲，巧會物性，故名入衆生性，又令衆生界有所入，故名入衆生性，性亦名

界，界有二義，一分齊義，二爲因義，文中前五明相入自在，一攝事入理，次二多事入

一，四攝未入本，五多界入一，後五迴入化用，初一入所化器，後四入能化相，初一入

隨類相化，餘三可知，二有十習氣者，由善入物性，令成串習氣分，以爲行因，卽熏成

習氣也，一行本氣，二成行氣，三下化，四上

見，五受生，六大行，七十願，八十度，九理智，十量智，三有十熾燃者，前習因既立，能發

生現行，繁興大用，故名也。初二嚴土攝生，次二依緣成善，次二慈悲，次二行巧，後二

因果，第三有十種趣下三十句明悲智究竟行中，初十趣者到行到果名爲趣也。初二六

度三學，次二妙智真境，次二依法成善，次二依人起行，後二成佛說法，前八趣因，後

二趣果，二有十種事能具佛法者，由此十事現前，令諸佛法無不成滿，故云也。初二

信人法，次二離過失，次二信入勝境，次二住正離耶，後二念佛信果，於此十中，遂

作一種如教成就，卽令佛法皆悉具足，況具十事，三有十種退失應遠離者，既能具足佛法，便能修道在緣不退，故云也。初四

失利他行，後六失自利行，觀令遠離，下第三有十種離生，下九十句明，四地已上至

七地，來出世間行，於中分三：初三十句明因行體廣，二從十種名號，下二十明行用殊

勝，三從十種無量，下四十顯行德成就，前中初離生者是捨有爲行，故名離生，又得

無生故名離生，又顯行純離生，生證等過患，故名離生，廣釋如婆沙中，又大小乘同

辨離生位在見道，今此寄在四地已上出世間位，於中初二約智悲，次二就捨著，次

三離惑就生，若二乘捨惑離生，不能隨有親近衆生，菩薩反此，八離而不離，九不離

而離，十得果不捨因，二有十種決定法者，正以離生之患，能得法決定，初五自分

行。

見，五受生，六大行，七十願，八十度，九理智，十量智，三有十熾燃者，前習因既立，能發

●滿二佛 ●云二去 ●(世)十界 ●果十(故) ●熟純二純熟 ●沙二安

一生佛種中。二入佛境界。三解。四行。五成。善。後五勝進行。一住果體。二得果用。三顯果位。四回果身。五同佛住。三有十出生佛道者。於法既決。能從緣出生聖道。故云也。於中初二順人信法。次二顯善不虛。次二時處廣長。次二無間普遍。後二顯行攝生。第二有十名號。下二十句顯行用殊勝。中初十正以實德內充。嘉名外響。故云也。菩提是所求。薩埵是能求之士。以從所求名。菩提薩埵。於中初四約所求菩提境為名。一總舉菩提。二約過小乘三約過因位。四約體勝。次二約自行為名。一惠無比。二上精進。次二約所知解為名。一能示上法於衆生。二能知十。方於諸佛後二約德為名。一福高。二惠深。又如瑜伽第四十六云。一切菩薩隨德假名有十六種。所謂名為菩提薩埵。摩訶薩埵。乃至十六名為法師。顯揚第八。莊嚴論第十二。皆同此說。莊嚴論云。此十六名皆依義立。一切菩薩總有此名。又商主天子經有五義立名。一於菩提分住持入故。故名菩提。二入大乘。故滿大智。故名摩訶薩。三不可求法智德入故。故名最勝薩埵。四不與煩惱共住。為諸衆生滅煩惱故。發精進故。故名淨薩埵。五令諸衆生行淨道故。故名極淨薩埵。二有十種道者。以名德稱實。遂得行解。虛通故云。道也。於中約增數以明十種。初一約行本。以菩薩萬行皆菩提心為本故。二約實。惠方便。惠亦是正助二行。三約三空定。遊出三界。故云

道。四約四行。除四障。一業障。二嫉妬障。三謗法障。四樂世有障。亦是異求障。智論云。行是悔過等四行。疾至阿毘拔致地。五約五根。六約六通。七念中於六念上加念衆生。是悲心也。八正道可知。九次第定者。並是寂用雙行故。是菩薩道攝。於中初禪可知。二從喜悅者是二禪利益支也。離退過者是二禪離覺觀障也。三息喜悅者是三禪也。四離世苦樂者是第四禪也。見佛等明定用。并四無色定及滅盡定為九也。十力道中知欲樂先知。後為說法現身等。除並可知。第三有十種無量道。下四十句明行德成就。於中二。先總標四名。後各別顯釋。初無量道者。謂是菩薩智所遊路無邊際故。一事空。二理性。三正報。四依報。五時劫。六施設。後四是佛三業力用。淨識為體。二道具者。以前染淨等無際限。菩薩起道之緣亦同無際。故云也。約前所知十種廣大。顯能知集起亦同無際。更無別法。三修道者。對緣造。行故名修道。非是見修等修。又攝論中總集修亦在地。上同此也。初三別約三無性修。一無相觀中不見所執染法可著。亦不見淨法可依出離。由此能令三業無失。二於無生觀中。不見染分可滅。淨分可增。以無生理實故。三於無性性觀中。不見前二性為有。不見三無為。無。又真如相非有體非。無。上約正證智。四約後得智中。別就依他性以成修行。觀唯識如幻等。成不顛倒行。五作三空不離三界。為欲在中長善根故。六

於教法不著。七於理中恒沙法不壞。八於真體平等。九起行勇猛。十於佛德平等不疑。四莊嚴道者。謂修道行互相交飾故名也。又釋皆以逆行用嚴道。於中初五自行無染。一在亂常定。次二處小常大。次二在欲行禪。次三隨有攝化行。一化樂世。二化耶道。三化犯戒救苦。九自行成滿。於中三。初得法滿。二為一切衆生下巧便示現。三何以故下釋成善巧。十因圓果滿。於中三。先因圓得果。二而亦不斷下明得果不捨。三何以故下釋成行相。可知。下第四從十足下。一百門明八地已上報。德純熟行於中分五。初二十句明手足外用行。二從十腹下三十句明內德盈滿行。三從十莊嚴下二十句明外相嚴備行。四從十頭下七十句明六根業用行。五從十行下六十句明四威儀動止行。就初中十足行用進涉表其脚足從下為初。是故先辨於中初二約行。一戒一進。次二約通。一總一別。次二約心。一信一願。次二約法。一護一聽。後二約德。一福一斷。二有十手者。行用取授表其身手。於中初四自行。一取。二與。三恭。下四敬。上。次四利他。一除疑網。二拔欲泥。三濟四流。四授正法。後二明二行滿。一除惑病。二破無明。第二有十腹下三十句明內德盈滿中。初腹者如世人腹含容不淨。今明菩薩行腹。反彼說淨。於中初三約戒淨。一持戒心。二正護戒。三不覆過。次一約定淨。謂定心無著也。後六約惠淨。一斷惑障。二

●決十(故)● ●勝殊二殊勝● ●方二力● ●行二修● ●三二二● ●無十(錢)● ●德二得● ●[明]一● ●說二說●

滅業障。三納實法。謂如食滿腹之想。四悟緣起。五覺八正。六破耶見。二有十藏者。前總舉其腹。今明前腹內五藏相。似有攝藏義。故次明也。於中初六下攝衆生。後四上攝佛果。前中初三總攝。一授解。二令行。三成德。謂成僧寶也。後三別攝。三聚衆生。耶定衆生。令得生善根者。此約菩薩爲外緣力也。涅槃經一闍提人雖斷善根。由佛性力故。未來善根還得生長者。彼約內因力也。後四上攝中。一攝佛十力。二攝四無畏。三攝不共法。四攝佛證智。三有十心者。前通明腹內諸藏。今別明心藏。爲最勝故。五藏主故。中實故。集起故。於中初二攝善心。一勇。二勤。次二破惡心。一破惡緣。二破惡因。次二成行心。一堅。二淨。上六自行。次二攝生心。一令悟。二慈救。謂梵住是慈也。後二成德心。一深。二固。第三從十莊嚴下二十明外相嚴備行。初十猶同世人服飾。嚴身。初二慈悲嚴。次二願求嚴。次三攝生嚴。後三攝德嚴。二有十器械者。前既束帶嚴身。今固執持器械。顯行能除障故。初五以順杖破障。次三以達杖破障。如奪賊器械。還用害賊。後二成德建功杖也。第四有十頭下七十句明六根業用行。先明頭者。以身之上故。於中初一斷德深。次三福德高。次一悲德堅。次二智德廣。次二攝生德。後一護法德。二有十眼者。行德淨勝照了於緣故。同眼也。十眼義略作四門。一釋名。二體性。三諸門。上三如別說。四釋文中。智論

中。無常肉眼眼。大風故不見他方。此經是眞常肉眼見十方色故。無量壽經慧眼見眞。又法眼觀察究竟諸道。與此不同。准釋可知。此中皆從根境立名可知。後五中智眼分別事法。無礙眼見事不礙理也。普眼見五事平等。餘並可知。三有十耳者。如理聽聞故。依聞起行故。初二離違離順。次二棄小欣大。次二感苦離樂。次二求佛究法。後二了俗至眞。四有十種鼻者。飲嗅行香依鼻增進故云也。於中初四聞香體。難集論唯有三種。此文有四。會釋可知。次三聞香表用。瑜伽等中上二界既無鼻舌兩識。亦無香味二塵。此中聞非想等香者。明其不無微細香等。以菩薩鼻識過人天故。能了知也。後三聞出世法香。五有十種舌者。明語業自在。依之增善故也。於中初五約辯說顯德。後五約順用顯位。六有十身者。明身業自在。應機現形故。於中初三現凡身。次五現三乘身。後二現體用身。一用一體。七有十意者。明意業自在。於中一信。二聞。三思。四修。五止。六觀。七總調。八調內思。九調外境。中十明佛定。第五有十種行。下六十門明。四威儀動止行中。初十行者。謂發動遊行故。初二能聽能說。次三自調化物。次一成己淨。惠。次二下化上敬。後二得果存因。二有十種住者。行有止息故。明其住。若小乘令住。四念等。今明菩薩住。此十行初一住行本。二住行相。三住正慧。四住定處。五住戒處。次二順入法。次二智

忍圓。後一住果滿。三有十種坐者。住戒有疲故。明安坐。菩薩處此。而成行攝生故也。初四同世坐。以攝物。後六以法坐。而成德。一辨二持。三定。四慈。五悲。六力。四有十種臥者。坐亦須臥。顯慈悲歸靜故云也。初二定加行。一息諍。二趣定。次一得定。後七定果。一起慈。二離悔。次二惠悟。次一。如願。後二作滿。又如經中不得仰伏左脇等臥。唯以右脇思明相等。今此菩薩就法以明攝用。歸體故爲臥也。五有十種住者。明智有攝止故云。住也。前明能住。此辨所住。又前明身住。此明心住。是故前屬四儀。此約心行也。於中初四住四等。次一住六度。次三住三空。後二行位滿。六有十種行者。遠師釋。前明利他行。此明自利行。又正云。前明始終方便。故以樂聞等爲行。今此明淳熟修。故以正念等爲行。又厚云。前是四威儀中行住之行。此說始終起行之行。今謂亦是前約身儀。此約心行。若爾何故前十亦有起行耶。釋此經菩薩身外事。並就內行以顯其相。例皆如是。故不疑也。於中初四自行。一加行。二覺法理趣。三後智順佛。四起六度行。次四攝生行。一總舉。二同事。三愛語。四利益。謂示同食等。而覺悟彼也。後二行成滿。上來總五百二十句明。上第五大段十地位中相竟。自下大門第六從十種觀察下五百一十句答。上第六因圓果滿行於中分。初三百二十句明。因圓究竟行。亦是等覺位相似。二從十種住兜率天下

①同二日 ②五一理 ③位二德 ④[中]一 ⑤智十(兼) ⑥戒二或 ⑦臥顯一 ⑧如二妙 ⑨經二律 ⑩厚二連摩 ⑪身十(等)

一百九十明現果圓滿行。亦是妙覺位相似。就前中分三。初有一百四十門明。因行體性。二從十種義下八十門明。方便造修。行三從十種魔下一百門明。因行除障。就前中二。初四十明起行方便。二從十種魔下。明十度行體。就前中初二十明。意業觀察。次十身業奮迅。後十語業哮吼。前中初十種觀察者。觀解方便故。善達所行通塞相。故於中初三觀所化。一知業。二知報。三知根。謂能不迷。理性無根。而能觀隨事根別。次六。覺法實。一理法。二果法。三教法。四行法。五六觀位法。一滅障。二得記。後一定法。亦是所成。果用。二有十種周遍觀察者。謂審察窮盡。解能起行故。又釋亦得。前是審虛。審度。此明舉。目周察故也。初六令衆生得六度行。故後四令。他得四丈夫法。一近友。二聞法。三思惟。謂不捨悲也。四修行。令得菩提。故。又釋後四是自利。一重人。二順法。三悲。四智。三有十種奮迅者。謂實行內充。威德外溢。又建功。玄極。威肅勇健。故名奮迅。初一身勝。二心大。三教威。四行用。五破。耶六滅惑。七達法。八廣持。九具辯。十圓果。四有十種師子吼者。既勇健無畏。即能決定宣唱故名也。依涅槃經師子吼有十一事具。如彼說。此中一覺心吼。二大悲吼。三報恩吼。四大誓吼。五淨戒吼。六積德無厭。七積智無足。八證理決然。後二果成決定。此皆先顯所成。決後結能成之行。可知。第二有十種淨施。下一百門明。十度行。

初十施者。輟已惠人故。一捨心施。二滿願。三一心。四了。田。五無簡。六不著。七捨身財。八求大果。九益衆生。十淨三輪。二有十種戒者。防三業非。具止作故。於中初七自分中。初三律儀戒。次三攝善戒。一過。凡。二背小。三順大。次一攝衆生戒。謂巧拔犯禁。故名微密。後三約勝進。亦三聚可知。三有十種忍。情安於法故。初三耐怨害忍。忍他三業所惱。故。次五安受苦忍。一不害他。二不惜命。三不輕小。四受割截。五忍苦惡。後二法思惟忍。一離惑。二得法。四有十精進者。順理勲策。故。初五明三業精進。身語初二。意業三心。亦是勲勇精進。六無足精進。七難壞精進。八成事精進。九入理精進。十用進。五有十禪者。攝心不散。故。初四方。便。一出俗。二近友。三在靜。四離鬧。次二正定。一初得。二堅成。次二發。惠。一起。智。二斷惑。上八是現法樂住。九利益衆生。禪十引起神通等。禪。六有十慧者。正解照理。故。初三解法慧。一解因。不即果。二解緣不離果。三解果不離常。次四攝生慧。一拔邪。二知器。三授法。四降魔。後三證理慧。一見法身。二攝勝德。三覺平等。又釋初三加行。次四後得。後三正體可知。七有十慈者。與樂意。故。初一離怨親。二令得實益。非但口言。謂令離苦。因也。三救苦果。四授樂。因五令得斷果。六令求智果。七身放。慈光。八心廣如空。上八緣衆生慈。九法緣。十無緣。並可知。佛地論中法緣慈緣。五蘊假法。

與此不同。八有十悲者。拔苦意。故。於中初總顯。餘九別辨。別中初六對物起悲。後三授其所益。一感其容。妄故。為滅。二傷其真。隱故。為顯。三念彼不知。故。令悟。九有十喜者。慶物獲益。於中一慶自發心。二慶捨所有。三慶救毀戒。四慶和諍訟。五慶護正法。六慶樂正法。七慶物同行。八自慶供佛。九慶他得定。十慶他智滿。十有十捨者。情無取著。故。一捨貪。嗔。二捨世法。謂八法中利衰依身。稱譏毀譽依口。苦樂依意。又利及稱譽。是生樂因。衰及譏毀。是生苦因。以因果通說。故有八也。三捨非器。謂於法器衆生。知時授法。於非法器。捨而不嫌。四捨二乘。五捨惑染。六捨背有。七捨異語。八捨非時。謂根未熟。待時且捨。九捨非緣。謂有衆生。應受佛化。非是菩薩所化。亦不強化。是故捨之。十捨異見。上來明。因行體性。竟。第二有十種義。下八十門明。造修方便。行。於中初四十明。自分。行。二從十種明。足下四十顯。勝進。行。前中初十義者。所詮旨。故。依義成。行。故。明也。一如教旨。二解俗諦。餘八解真諦。一離相。二離染。三絕言。四平等。五一味。六證得。謂正智證。理。順。如而來。故名如來。七真。八滅。並可知。二有十法者。自性執持。故。以法成。行。也。初一實行法。次四離障法。次三離相法。後二果法。三有十功德具者。成福之緣。故云。具也。一謂不斷。三寶是功德法。由何成。此由勸衆生發菩提心。是故此勸名。功德之緣具也。餘句例。

①覺一觀 ②二二 ③月二因 ④四一 ⑤支二立 ⑥決十定 ⑦二二 ⑧田二因 ⑨精一 ⑩有 ⑪初一 ⑫容二客

然二巧迴向。三正惠教。他四悲心不倦。五能捨身財。六勤修相好。七不輕小善。八不蔑小人。九敬養大人。十捨心廣大。四有十種智具者。成智因緣故云。具也。於中一近勝人。能得智故名具也。下並准之。二內調心。三住念惠。十智顯無盡。如前說。四樂真法樂。五六度四等。自折伏故。六出家守心。欲悲癡爲三覺也。七觀法空淨。如因陀羅陳者是帝釋與修羅戰時。列兵在空。影現大海故也。八深解二空。九到無相彼岸。十因漸得智。謂五重漸次相資得也。自分行竟。第二有十種明足。下四十明勝進行中。初十明足者。委解曰。明周備稱足。又惑闇盡故。智用滿故。初七解行。後三別顯。三明可知。二有十種求法者。依求正法以成勝行。初五深心求法。謂自有實心。不能勤求。自有勤不能捨命。有能捨命不能爲他捨。菩薩不爾故。皆能也。後五廣心求法。初二爲智深法住。次二爲授法斷疑。後一爲滿足正法。三有十種明了法者。既求得法。委解照達故云也。於中以普賢法了。知三乘凡聖差別法。初一約外凡法。二內凡之始名。信行。三內凡之終名。法行。四住聖之初名。八人。有人釋約八忍爲八人。今釋大般若中名第八人。謂從阿羅漢却數至須陀洹向爲第八也。五正得初果。滅衆結者。滅八十八結見所斷惑。惡道生死流。六得第二果。觀欲味是患。盡餘三品惑未盡故。謂一受生故云。還來受生。七得第三果。三果

唯捨欲界此約實法。通離三界。八羅漢。九緣覺。十菩薩。四有十種向法者。順向普賢法界故。一若違善友。即背法門。是故反此名爲向法。餘皆准此。二覺悟諸天。不令著樂名向法也。三常懷慚愧。恒向法門。四背二乘名向法。五實心辦事。六捨小。七捨耶。八背染因緣。九稱根說法。十內住法界。上來造修行竟。第三有十種魔下一百門。明離障行。分二。初五十明離障成行。後五十明離障加持。前中初二十明所離障體。次十明離障方便。後二十顯見佛成行。前中初十魔者。於道有障。初一簡去無取五蘊。故云貪著也。以彼非魔故。二簡不染無知等故云染也。以所知障等。非是魔故。三簡善業故云障礙。四是第六識心慢。非是餘識。五蘊壞名死故云捨離受生。六他化天魔。歛妬故。七作罪不悔。令善皆失。又退失善根心不生。悔故名爲魔。八味定廢道。九曲情相附。如依人不依法等。十迷於所求不起大願。此十種魔皆持業釋。謂蘊即魔故。乃不知即魔。問此十魔。攝四魔不。答或攝。謂陰天死各一。餘皆煩惱收。或不攝。彼四與六各是一門故。以顯無盡故。彼據別門。此約普故。二有十種魔業者。前據魔體。今辨所因。故云也。又此十業招感天魔。一既忘覺心所修善根。唯感天人。豈非魔業。此是耶善根故。二求世報名惡施。業報差別經若有行布施。念性多瞋怒。死作大力龍三厭捨惡人。棄大悲故。四內有四門。一

慳法。二呵。法器令退學。三求利說。四非器說深。五不如聞行。六樂小乘。七心瞋口說。身惡眼視。八謗法輕人。九文詞世論。十捨危就安。十一慢法散動。剩一是增數十也。三有十種捨離魔業者。對障修治故云。捨。一他力捨。二自力捨。三誠信力。四憶本力。五離放逸。六求本。七樂深法。八歸佛。九念佛。善提樹者。以善根迴向。要於此樹成善提故。十善根同性。又同一果也。四有十見佛者。行障既離。佛境斯現。故云見佛。十中各標名釋義。初一安住世間者。示於涅槃無著也。成正覺者。示於世間無著故名無著佛。又釋無著是不滯義。謂不滯體寂。現於世間。示成正覺。此是總句。下九別顯。一由願力出現故。上云佛願力故皆悉見。二示往善業。得此妙果。令他信知。業不虛。又釋以勝福業。感此相好之身。令物生信故。三淨識體住持善根。順成正覺。又持淨土等。四雖現世間。而常住涅槃。故前即持令順起。此即欲度常滅。無礙故也。問此豈成總句釋。若不爾。何成正覺。五即是理法界故。遍一切有爲行處。又此現覺之身。即遍一切處。故名法界佛。如結通處佛。如上即佛身充滿諸法界也。六佛雖普遍。機感心中。方乃安住心。即是佛。上云應受化器。悉充滿也。又是淨心緣起集成故云安住。七雖現心中。常在深定。以於多處皆無著故。八體性不變。故云決定。此通在纏等。由此等乃成正覺。不爾即非也。九如龍化意

①七十(約)②勤十(求)③也二捨④(盡)一⑤欲二說⑥乃十(至)⑦攝四魔二四魔攝⑧捨十(摩)⑨欲二水⑩常二成

普覆群機故。又如所化意皆普覆故。又如未尼珠。普覆應機無思念故。又釋如意是自在大用故。此中十佛六相總別等准之。又此十佛攝爲五對。初二能所一對。謂初是所出後是能出。次二依正一對。謂初是正報。後持是依報。次二常遍一對。謂涅槃常恒法界普遍。次二現住一對。謂應現心中住。定無著。後二體用一對。謂體性不動。後用充法界。餘門如別說。又法集經云。菩薩入十種法能知諸佛。何等爲十。所謂習氣佛。果報佛。三昧佛。願佛。心佛。實佛。同佛。化佛。供養佛。形像佛。乃至廣說。五有十種佛業者。前明所見佛體。今辨得佛之因。又此起行順佛故名佛業。各有標釋。初一總約化生。次二顯自利行。次二約別化生。一化悔纏者。二化凡小心。次二於惡時護法行。一正法難時。二魔事起時。八不取小果。九不斷本願。十成無礙行。於中七句。一求道不礙離。二於如來下無染不礙求。三令一切下嚴利不礙空。四教化下化生不礙無。五諸通下具果不捨因。六示現下示圓不捨分。七現大下現寂不礙生。上五十句明離障成行竟。第二有十種慢業。下五十句明離障加持行。於中初二內成離障行。後三十辨外加持行。前中初十學障後十現治。前中慢業者。執我自高。歎他爲業。初輕人。次二慢法。四自舉。五妬他。六謗法。七自恃。八求師過。九不能問。十明慢障道。二有十種智業者。顯對治行也。謂既識障惑不

令增長。成情從理。敬重法行故名智業。初二信法念佛。次二近人樂法。次二敬他自淨。次二順理重行。後二成德滅惑。並此智之作用故名也。第二有十魔所攝持者。下三十辨外加持行。初十明怨障加持。即所離障也。後二十明佛法加持。即能治行也。前中由內行乖理。外魔得便故名攝持。又行乖理。即是魔攝。初二忘心捨法。次二起貪自度。次二捨願起斷。次二成小捨大。後二捨悲謗法。二有十佛攝持者。既離魔攝。即佛加持遠。耶入正理宜故也。初二約心攝。次二約起行攝。次二約悲智攝。一悲。二智。次二約巧惠。一巧。二惠。後二約智斷。一斷。一智。並此佛力攝持令成此等行也。三有十種法攝持者。捨過從法故爲攝持。初四即四法印法。次二十二緣生法。次二即三乘法。後二此淨法。一性淨。二斷淨。並由法力成此等行故名攝持。上來總三百二十門。明因圓究竟訖。

力下四十明成佛果德。初中前十在天行。後十現終行。前中一生菩薩在彼天時作何等事。謂作如此十種事業。一謂於彼化欲界天。二化色天。三化三千界生。四爲十方同類說下生法。五授彼十方同處法化。六說法降魔。七眷屬樂聲化。欲諸天。八詣佛聞法。九供養多佛。十多身益生。二命終示十事者。所作既了將欲下生。現茲十明。大乘方便經下卷中。菩薩如其本願處。兜率天宮。能得阿耨菩提轉于法輪。非爲不能。菩薩思惟。閻浮提人不能至此。兜率天上聽受法教。兜率天人能下閻浮提。聽法是故。菩薩捨兜率天。於閻浮成佛。一輪光滅。苦覺彼令知。二毫光驚覺宿世有緣。三手光嚴界。併除非器。四膝光覺天。令辨供侍。五心光覺力士。六毛光覺助化。七堂光照處眷屬同生。八樓光照母胎內。現闍九足光延壽。十小相中光應現八相。餘結百萬等可知。第二有十事降神。下二十。初十明入胎。後十明往胎。前中何故入胎。爲十事故。一化小根。二攝眷屬。三念不亂。四現奇廣益。五稱物本願。謂彼應在胎中化。故六同人類故。七機宜見故。八同類共集。九定力現奇。十供佛聞法。問據此上文。兜率命終即入胎等。何故梁攝論明化身二十年。在中陰中。答具論三藏金光明疏中釋云。有少乘別部師云。聽待父母受生竟故。二十年在中陰。今釋並是機感現形。所見各別故也。二有十微細趣者。明胎中廣攝。幽

①通二道 ②辨外二外辨 ③初十(一) ④(種)一 ⑤成二制 ⑥過二已 ⑦此二即 ⑧明二內 ⑨唯十(此) ⑩(十)一
⑪詣二諸 ⑫明二相 ⑬提十(受) ⑭少二小*

密難知故名微細。初一現本因行。次八現。八相。後一現神力。並在胎內同時齊現。第三有十生者。於右脇出時有此十種。一內離。二外放。三未來更無。此最後邊。四稱理而生。五如幻似生。六頓現十方。七內智具。八外光用。九定慧滿。十震動益。第四有十大莊嚴。下四十明。在家行。初十明。初生未行之前。大誓自嚴故也。一拔欲泥。二開慧眼。三得勝身。四摧憍慢。五接退屈。六令大益。七見佛力。八覺同行。九救疲頓。十蒙光觸。皆奮起大志用以自嚴。二有十事。行。七步者創起遊行。顯自在之貌。初一示有俱生力故。二若在家有輪王七寶。出家七聖財寶。三滿他本願。四自現超過。五現大人相。六履地現金。七加他與力。八同數相表。九示現自悟。十稱己最尊。後身菩薩為化衆生。同卅七數故不增減。三有十事。現童子地者。幼稚無染現學攝生故也。初三符同世務。次二常無過失。次三色力救生。後二供佛受法。四有十事。現處中宮者。彩女圍遶顯行無染。一以同行。在彩女中。故如下文。監惠女等。二以不同。二乘捨欲之善故云。欲明菩薩善也。如文殊在龍女宮坐。夏等。三處彼能捨以化著樂。四順同濁世。五在欲而行。禪等。六七應本期。謂受化在此故。八以世樂供佛。九現定力自在。十為守護法。上來在家行竟。第五有十事。出家。下六十門明捨家期道行。於中初明出家內。初二令厭捨染。次二顯

勝令欣。次二令其捨惡。次二現於挺出自在之德。後二順果同因。二有十事。現苦行者。明示同異道。推諸邪見。初一有小乘機衆生。謂菩薩生在王宮。未經苦行練神。何能得道。故示化彼也。二外道。耶見以自餓為道。菩薩示餓。六年而不得道。食乳糜後方覺。菩提是故破彼。見邪三化無業報邪見者。如大乘方便經第二卷中。佛於往昔迦葉佛時。為化外道五人。令得無生忍。故須為五人。屬迦葉佛言。禿頭道人。何有禿人能得菩提。實以般若觀空。而發此語。示現此業。得報不失。苦行六年。令餘衆生信知。一生菩薩方便之業。猶有此報。況我等耶。乃至廣說。四順五濁者。謂五濁衆生皆有重罪。憂惱覆心。不得解脫。為除彼憂。示此業報。令彼念言。菩薩勝佛。尚得解脫。況我等耶。即當悔除。亦如彼經說。五策解怠。六令求法。七令離我樂。八顯殊勝。者示此苦行。非此正故對顯菩薩之勝行也。九策未來。十待根熟。三有十事。詣道場者。明捨邪趣正。亦是因圓趣果。於中初二現處。次二現身。次二嚴處。次二見佛入定。後二愛供觀佛。並於趣向道場行路之時。有此十事。四有十事。坐道場者。處此受道故。初四約處現相。次三約三業現相。後三成德相。一滿金剛喻定。二受古佛所坐。餘經受吉安草坐。三納所應化生。五有十種奇特者。大果將臨。奇相先現故名也。初二佛加讚。次二人物歸向。次二得定總

持。次二通慧具。亦是上供諸佛。下識化器。後二明身業體用。一體二用。六有十種降魔者。彼對魔怨。顯勝幢獨絕故云也。依方便經下卷。若非佛力召來。彼等惡魔莫得近佛。為欲界中此最尊勝。尊勝若降餘皆隨伏。波旬四兵滿三十六由旬。圍菩提樹欲作留難。菩薩住慈悲智慧。以手指地。一切散壞。八萬四千八部大衆發阿耨菩提心。廣如彼說。此化魔眷屬也。諸天本見魔王自在。將謂勝佛。為決彼疑。故云降也。四示征以入道。五顯已德力。六起他信力。七八為未來軌則。謂修行之時。未免魔障。不宜放逸。九顯惡劣德勝。故十順惡世法。故第六有十種覺如來力。下四十門明成佛攝化。於中初十成佛。次二十轉法輪。後十入涅槃。初中覺如來力者。前降魔當無間道斷障也。此當解脫道證果也。初中魔是惡緣。煩惱是惡因。此二是所離障也。究竟行是治道成也。次二得定自在。次二德滿。一自德圓。二化德備。次三三業具。後二同諸佛。一三業同。二十力同。是故結名如來。不名菩薩也。二有十轉法輪者。大覺既圓。機熟時至。理宜開甘露門。授以正法。餘經此中有梵王請。於中初十明所轉法輪。後十顯能轉之因。就前中。若小乘等法輪四諦下各有見智明覺等四行。今此十行以顯無盡。又彼四行既在諦下。今此亦在十諦之下。各有十行。成百行法輪。並如前法輪章辨。於中初三可知。此等並是所轉之法。非能轉

●符一府● ●彩一采● ●行十(人)● ●聖一賢● ●見邪二邪見● ●圓一滿● ●納二內● ●彼二賢● ●此十(是)● ●示二樂● ●(就)十初● ●德十(四)●

者具此等也。四順入佛果無礙之法。五悲心普覆法。六教法不虛。七顯宿因法。八顯教聲至一切處。九說盡一切時。十轉該一切法。三因十白淨法等者。顯能轉之因是佛無流清淨法界故云白淨。由此轉入衆生心中成開薰種子也。出生無相者。依此種子出生無相聖智也。決定不虛者。更無異因故。攝論中。多聞薰習從最清淨法界等流生無流現了。是此義也。一由佛過去弘誓願力。令此法入衆生心中。出生無相決定不虛。餘亦如是。二宿世大悲所任持故。三現在不捨衆生故。四稱根說法。五不差別故。六不令生厭。又非不足。七知三世智。後三殊勝三業。四有十義示現大涅槃者。化緣既畢。息用歸真。故名示現大般涅槃。初二顯有爲失。次二顯涅槃德。五令求法身。六無常決定。七明愛必有離顯不自在。八總舉三界皆不堅牢。後二顯涅槃體相。一體二相。佛子一切如來下總結三世諸佛化儀齊等。上來一百九十句明第六究竟位中行法竟。上來總辨二千行門六位差別。明大門第五普賢說分竟。第六大段從佛子是爲菩薩清淨下明結勸修學分。於中二。初結義勸修。二從佛子此經出生下結名勸學。前中亦二。先結義。後若有衆生下勸信修行。前中初總結。二引證。結中障盡名淨。德高曰勝。用廣稱大。理深爲妙。此四之中淨勝是行。大妙爲法。二諸佛所說下引證。謂如上所說並是三世諸佛所說。令有智等

明說有。益。二佛子若有下勸信修行中三。先標益。二何以釋成。三佛子下結勸。第二佛子此經出生下結名勸學中亦二。先結名。二是故下勸持名中有十。一生諸行。二出妙德。三入深智。四攝法門。五離世間。六遠二乘。七顯不共。八普照法。九長善根。十度衆生。前中功德義花者。是功德妙行。間錯如花。以成嚴飾。如上功德花聚十行相似。花嚴之名依此而立。此十並是所證之義從義立名也。二勸持中先總勸。若菩薩下舉益勸持可知。上來結勸分竟。第七大段從說此出生下明表瑞證成分。於中二。先明說經表瑞。謂動地放光。二爾時下諸佛證成。於中四。一總讚善說。二佛子汝已下別歎說德。此中久已善學。中間決定證知。今時臨機快說。三我等下顯已同說。明現說不殊故。四是故下述已護持。令未來不斷故。上來表瑞證成分竟。第八大段從爾時普賢下明勸分。於中有。一百三十一頌分。四。初有。一十六頌顯德廣難說。二從持衆生善根。下一百三十三頌半明略示行德差別之相。三從常依如來下四十三頌正略顯前二千行相。四從菩薩修諸下三十八頌半顯前結勸修學文。就初十六頌中。各二頌爲一結。則爲八事。一歎供佛攝生行。二於上二事皆無染行。三摧魔滅惑行。四現化爲物行。五救生求果行。六六度四等行。七捨自存他行。八總結廣多許說。少分。第二持衆生下一百三十三頌半略示行德

差別之相中。總分爲二。初六十七頌明託事表法。顯行相殊勝。二從一身無邊際下十六頌半明行用廣大。就前中有十五種行相。初八頌明法樹鳥獸行。二生死下四頌導迷治惑行。三菩薩爲法王下四頌明法輪王行。四甚深智慧海下四頌明大海須彌行。五深心下四頌明金剛法雨行。六白淨下四頌半明法城金翅行。七淨戒下四頌明日月照臨行。八自在下四頌辨法王梵主行。九遠離下四頌離過成德行。十無量方便下四頌明四大珠寶行。十一菩薩功德下四頌明花香幢蓋行。十二菩薩無上下四頌明龍象希燈行。十三菩薩功德河下四頌明河船。園藥行。十四菩薩等如來下六頌等同佛果行。十五菩薩悉成下四頌半明障盡德圓行勝行。略示結勸。令聽行相殊勝竟。第二一身無邊下六十六頌半明行用廣大。中分爲十行。初六頌明三業深廣行。二菩薩現如是下五頌半明供佛受法定慧行。三示現種種下四頌明逆順行成德滿行。四或現聲聞下五頌半明隨類現身難思行。五或在天宮下八頌半明八相念劫法印行。六如是知衆生下七頌明了衆生根欲行。七菩薩一念中下七頌半明身心迅用甚深行。八猶如人夢下六頌半明智慧悲廣大玄絕行。九觀色如聚沫下十一頌明智德圓明照法行。十廣入甚深下五頌明結德殊勝無盡行德用。略示結所說。但以功成德立行該法界。其旨深奧。詎可言哉。聊舉一塵之說以擬玄絕也。三常

依如來下四十三頌正頌前二千行法。於中頌前六位則爲六段。初四頌前十信位中二百門行。二一切妙。功下四頌前十住位中二百門行。三住持一切劫下六頌前十行位中三百門行。四金剛妙寶住下六頌前十迴向位中三百門行。五清淨身身業下十頌前十地位中五百門行。六觀察善逝智下十三頌前因圓果滿究竟位中五百門行。第四菩薩修諸行下三十八頌。前結勸修學。中分三。初一頌總結所說。謂結前二千名舉小分。二無量劫下三十三頌半別結德用。三末四頌結廣勸修。就前別中二。先二十一頌半別結德用廣大。三淨身下十二頌。結別行德殊勝。前中分五。初五頌半明於刹自在。二無量金剛山下六頌明三業自在。三過去一切劫下三頌明三世間自在。四深知下五頌明身智自在。五示現如是下二頌結自在無盡。三淨身下十二頌別結行德殊勝。中分三。初六頌半明輪王七寶宮殿器械。二陀羅尼下三頌半明林泉遊觀飲食乘御。三此等下二頌結上諸行多劫修得。三末後四頌中。初二結德無盡。後二舉益勸修。離世間品竟。

花嚴經探玄記卷第十七

花嚴經探玄記卷第十八

此處十住知議

魏國西寺沙門法藏述

入法界品第三十四

將釋此品四門同前。初釋名有三。一分名者謂廣依勝友深證法界故名。依人入證成德分矣。二會名。約處名。祇洹重閣會。謂表此法濟物攝生故在給園。又顯悲依本智。重出之相故在重閣。三品名者。入是能入。謂悟解證得故也。法界是所入法有三義。一是持自性義。二是軌則義。三對意義。界亦有二義。一是因義。依生聖道故。攝論云。法界者。謂是一切淨法因故。又中邊論云。聖法因爲義故。是故說法界。聖法依此境生。此中因爲義是界義。二是性義。謂是諸法所依性故。此經上文云。法界法性。辯亦然故也。三是分齊義。謂諸緣起相不雜故。初一唯依主。後一唯持業。中間通二釋。心境合目故云。入法界也。二來意者。初明分來。謂前顯託法進修。今辨依人入證。義次第故是故來也。會來品來。亦同此說。三明宗趣者。亦分會品同。既明入法界。即以此爲宗。於中分別作三門。一約義。二約類。三約位。初中先明所入法界義有五門。一有爲法界。二無爲法界。三亦有爲亦無爲法界。四非有爲非無爲法界。五無障礙法界。初有爲法界有二門。一本識能持諸法種子名爲法界。如論云。無始時來界等。此約因義。二三

世諸法差別邊際名爲法界。不思議品云。一切諸佛知過去一切法界悉無有餘。知未來一切法界悉無有餘。知現在一切法界悉無有餘等。二無爲法界亦有二門。一性淨門。謂在凡位性恒淨故。真空一味無差別故。二離垢門。謂由對治方顯淨故。隨行淺深分十種故。三亦有爲亦無爲者亦有二門。一隨相門。謂受想行蘊及五種色并八無爲。此十六法唯意識所知。十八界中名爲法界。二無礙門。謂一心法界具含二門。一心真如門。二心生滅門。雖此二門。皆各總攝一切諸法。然其二位恒不相雜。其猶攝水之波非靜攝波之水非動。故迴向品云。於無爲界出有爲界而亦不壞無爲之性。於有爲界出無爲界而亦不壞有爲之性。四非有爲非無爲者亦二門。一形奪門。謂緣無不理之緣故非有爲。理無不緣之理故非無爲。法體平等形奪雙泯。大品經三十九云。須菩提。白佛言。是法平等。爲是有爲法。爲是無爲法。佛言。非有爲法非無爲法。何以故。離有爲法無爲法不可得。離無爲法有爲法不可得。須菩提。是有爲性無爲性。是二法不合不散。此之謂也。二無寄門。謂此法界離相離性故非此。二由離相故非有爲。離性故非無爲。又由是真諦故非有爲。由非安立諦故非無爲。又非二名言所能至故。是故俱非。解深密經第一云。一切法者略有二種。所謂有爲無爲。是有爲非有爲非無爲。無爲非無爲非有爲。乃至廣說。五

●〔十〕一●●功十(德)●●結別二別結●●林十(井)●●〔此〕一●●(起)十重●●〔謂〕一●●●辯二並●●非二是●

無障礙法界者亦有二門。一普攝門。謂於上四門隨一。即攝餘一切故。是故善財或觀山海。或見堂宇。皆名入法界。二圓融門。謂以理融事故。全事無分齊。謂微塵非小。能容十刹。刹海非大。潛入一塵也。以事融理故。全理非無分。謂一多無礙。或云。一法界。或云。諸法界。性起品云。譬如諸法界分齊不可得。一切非一切。非見不可取。此明諸則非諸也。舍那品云。於此蓮花藏世界海之內。一微塵中見一切法界。此明一即非一也。是故善財或暫時執手。遂經多劫。或入樓觀。普見三千。皆此類也。上來五門十義總明所入法界。應以總別圓融六相准之。二辨能入。亦有五門。一淨信。二正解。三修行。四證得。五圓滿。此五於前所入法界五門之內。有其二門。一隨一能入。通五所入。隨二所入。通五能入。二此五能入。如其次第各入所入五中之一。又此上心境二義十門。無礙圓融總爲一。圓。無障礙法界亦以六相准攝思之。第二法界類別亦有五門。謂所入能入存亡無礙。初所入中。亦五重。一法法界。二入法界。三入法俱融法界。四入法俱泯法界。五無障礙法界。初中有十。一事法界。謂十重居宅等。二理法界。謂一味湛然等。三境法界。謂所知分齊等。四行法界。謂悲智廣深等。五體法界。謂寂滅無生等。六用法界。謂勝通自在等。七順法界。謂六度正行等。八達法界。謂五。熱衆轉等。九教法界。謂所聞言說等。十義法界。謂所詮旨趣等。此

十法界同一緣起無礙銘融。一具一切。思之可見。一人法界者准此。下文亦有十門。謂人天男女在家出家外道諸神菩薩及佛。此並緣起相分。參而不雜。善財見已。便入法界故名入法界也。三人法俱融法界者。謂前十十法同一緣起。隨義相分。融攝無二。思之可見。四人法俱泯法界者。謂平等果海離於言數。緣起性相俱不可說。五無障礙法界者。謂合前四句。於彼前人法一異無障。存亡不礙。自在圓融如理思之。二明能入。亦有五重。一身。二智。三俱。四泯。五圓。謂入樓觀而還合身證也。鑒無邊之理事智證也。同善賢而普。遍俱證也。身智相即而兩亡俱泯也。一異存亡無礙自在圓融也。又發心品云。甚深真法性妙智隨順入無邊佛土中。一念悉周遍。案云。前二句智入法界。後二句身入法界。由身智無礙故。智入理身遍土也。餘准可知。三能入所入混融無二。際限不分。就義開異。理仍不雜。此五能所如次。反通。如理思攝。四能所圓融形奪俱泯。五一異存亡無礙具足。上來約類辨竟。第三約位明入法界者。准下文。中所入法界大位有二。所謂因果。於前人法無不皆是佛果所收。即如來師子奮迅三昧所現法界自在是也。又於前人法無不皆屬因位所收。即文殊普賢所現法界法門是也。此因位中曲分有五。則信等五位之法界也。准攝可知。二明能入。准文亦二。對前果位明諸菩薩頓入法界。對前因位寄顯善財漸入

法界。因果既其無礙。漸頓亦乃圓融。但以布教成證寄斯位別耳。四釋文者。此一品中大分有二。初明本會。二爾時文殊從善住樓閣出已下明末會。亦則前明果法界後明因法界。又前明頓入法界。後明漸入法界。又前總後別。則本末圓融無礙思之。就前本會中長分有十。一序分。二請分。三三昧分。四現淨土分。五集新衆分。六舉劣顯勝分。七偈頌讚德分。八普賢開發分。九毫光示益分。十文殊述德分。就初序分有三。初爾時佛在明。智正覺世間圓滿。舍衛城等器世間圓滿。與五百等衆生世間圓滿。初文可知。器中有三。謂一城。二園。三閣。城名具言名室羅伐悉帝。訛略稱舍衛。此翻云。聞者城。謂昔有古老仙人住於此處。復有少仙名爲聞者。於老仙所聽受法要。老亡已後。少於此處建立城郭。因以爲名。園在城南。可三四里。祇是太子之名。具言晉多。此云戰勝。又無父曰孤。無子曰獨。須達長者惠施資給名給孤獨。然長者側金買地。太子施樹同成。二人共立伽藍。故俱以名焉。園內別開宣法之所。名曰講堂。體無不周。曰大德無不備。曰嚴。用依體起故曰重閣。第三衆中亦三。謂一菩薩。二聲聞。三諸天王。初菩薩中亦三。謂一舉數。二列名。三歎德。名中先標上首二人。以其是助化主故。釋有三義。一普賢當法界門。是所入也。文殊當般若門。是能入也。表其入法界故。二普賢三昧自在。文殊般若自在。三普賢明。

廣大之義文殊。明甚深之義。深廣一對。故標上首。次列名中有一百四十一位。十有十四位。初十同名幢。顯行德高出故。二十同名端嚴。表福智二嚴故。十中欠一。是減數也。三十同名。藏顯德備含攝故。四十同名眼明照法界故。十中剩二。是增數故。五十同名天冠。表淨德冠於心頂故。六十同名周羅。此云頂髻。表德重尊高故。七十同名光。十四位中各以二義釋。妙光。具身智光照內外故。八十同名幢者。幢有二義。前明獨出義。今辨降伏義。九十同名音明。美音悅機故。十同名上德過衆表故。故十一十同名妙德吉祥顯勝故。十二十同名王於法自在故。十中剩一亦是增數也。十三十復同名音者。音有二義。前明音體美妙。今顯巧詮妙法。十中剩一亦增數可知。十四十同名覺鑒理察機故。十中欠二亦是減數可知。如是等結也。就歎德中十句有三義。一此十句德遍通上諸菩薩。二一皆具。二別歎前十五位德。謂初句歎前二上首德。以普行普境皆通一切。彼二同成此德。故二持無量等歎。前十幢十嚴二位菩薩。謂身幢獨出。具德端嚴。能遍至故。三具足無礙。等歎十藏十眼二位菩薩。謂具無礙藏淨眼見佛故。四至無量等歎。十天冠十周羅菩薩。謂天冠頂髮以自嚴身。同梵王形。至諸佛成道之所。觀佛無休。請說法故。五無量智光等歎。十光十幢菩薩。謂智光普照。甚深法故。又伏疑聞故。六於無量等歎。十音

菩薩。謂美音清辯說無盡故。七究竟等歎。十上妙德菩薩。謂同虛空之上智極淨境之妙德也。八無所依等歎。十王菩薩。謂無依現色自在。爲王亦現王身故。九除滅等歎。後十音菩薩。謂內離智障。巧說分別衆生界故。十虛空智等歎。十覺菩薩。謂放阿含光善覺照故。又釋此十句攝爲五對。初二一對。初行德內充。後多身外遍。次二一對。初淨眼觀佛。後觀無厭足。次二一對。初內智照法。後辯說無盡。次二一對。初內智同空。後現身普應。次二一對。初內離智障。後外演慧光。又釋此十句中初句爲總。餘九是別。莫不皆顯善實行故。一身詣佛普。二遍見佛普。三見無休普。四智照理普。五辨多劫普。六理智淨普。七量智現身普。八斷障普。九光照普。並准釋可知。二聲聞衆中。亦二學數歎。德言聲聞者。佛地論云。聞佛言音而入聖道。故曰聲聞。又瑜伽八十二云。從他聽聞正法言音。又能令。他聞正法聲。故曰聲聞。大者是第四果故。又是不動種姓故。諸聲聞中最尊大故。如驚子等。又此等並是迴向大乘之聲聞故。云大。佛地論云。如實義者。皆不定種姓。聲聞得小果已。趣大菩提故名爲大。解云。以其未入圓教。一乘普實法故。是故下文如響旨也。如上性起品云。聲聞緣覺不聞此經。又云。若菩薩憶那由他劫。行六波羅蜜。種種道品善根。不聞此經。雖聞不信。是等猶爲假名菩薩。此之謂也。又釋此等並是大菩薩示現作聲聞。如新譯花嚴

不思議境界分中說。以顯此法深勝。故示現如響旨也。二歎德中十句分四。初四句證涅槃捨生死。謂覺真諦者見道也。證實際者修道也。深入性者無學道也。由此證理滿足故。捨離分段。故云離生死海。又由怖畏生死故云離也。又由無方便慧故證實際也。由無大悲故捨離生死也。二次二句住空斷結。初住空者。謂此人空之理亦是如來一空之一故云。如來境也。唯契此分故云。安住。後句由住入空斷離四住之惑。謂九結十使相應纏縛。三次二句通力自在。謂於世無染故云。不著一切神通遍遊故云。遊行虛空。四次二句疑盡信堅。謂成就就不壞信故也。又釋此並信佛甚深自在果法。明知是大菩薩。三諸天中亦二。學數歎德。歎德中十句攝爲五對。初二一對歎宿因德。謂已供過去佛。久已益衆生。自下皆歎現行德。次二一對歎行慈入智德。謂慈念無間救生入智。次二一對歎在染顯淨德。謂不捨染衆生出。佛真淨法。次二一對歎護持德。謂護於果法。使正教流通。持於因法。證性決定。又外能守護持法之者。內自受持佛真性法。後二一對歎家業德。謂生於佛家作求佛業。一切智因名爲智門。以能通至佛智故云門也。上來序分竟。第二請分中有三。初衆念請。二念所請。三念請現。問准下聲聞皆如響旨。何故此中而同疑念。答意法師釋曰。理處不隔。故得同疑。未積大心。故不應。其次。又釋表同在祇洹。故同念請。

①〔明〕一② ③藏十(者)④ ⑤〔十四 光〕十一字一⑥ ⑦具二見⑧ ⑨〔謂〕一⑩ ⑪〔外〕一⑫ ⑬〔亦〕一⑭ ⑮他聞二聞他⑯ ⑰〔故〕一⑱ ⑲〔四〕一⑳ ㉑者十(是)㉒ ㉓薩十(也)㉔ ㉕智二彼㉖ ㉗應二乘㉘

普眼未開故如盲等。又釋實是菩薩。是以同念跡現聲聞。是以如盲云。所謂中總有六十句。古德釋云。初三十明佛自入法界。後三十明佛令他入法界。今釋六十中。初十念請果法。何以得知。所謂是果。謂次十明下位不能測量。故既下不能知。云何今欲請。謂次十明。因緣力具。或亦得知。雖力具得。知未知。此衆有知力不。謂次十顯此衆根器力具。雖衆器具。若無佛力。亦無能知。謂次十明佛利他。因具。雖利他。因滿。若無現起利他果用。亦無由令。知。次十辨果用攝生。既此緣具。故結請云。唯願現等。又釋此中初三十句念法請。後三十句念德請。前中初十正念。所謂果法。次十明深玄難測。後十明緣會可。涉。初中一問。悲智無礙無功用行。如性起品說。二問。佛智所知具俗無礙。亦如性起境界中說。三佛地總持無邊念。惠。又如十佛中持佛所辨。又如不思議品說。十持等。四是處非處等十力。又那羅延幢等十。種火力。亦如彼品。五四無畏十無畏。六師子奮迅等。不可稱量諸三昧海。七理及功德并諸利土。皆是如來身智所住。亦如不思議品說。八殊勝功德。初二會問中名佛勝法者。彼就通辨。此中別約。福德顯勝。九三身十身圓滿之相。十四智十智理量融照。又有經本此中更有一句。名如來法。或是剩來。或是結上諸句。又此十問與前初會所問果。德多分是同。以彼攝門於此宜用。又十中初一是總。餘九是別。別中初一所智德。次三

智用德。次一大定德。次一依德。次一勝福德。後二身智德可知。第二非下位測量中。謂於前十種如來法中。高故不能知。廣故不能度。深故不得底。多故不能受。此四非聞慧境界。玄故不能思。妙故不能觀。此二離思修境。稱法界故不能分別。一即一切故不能開。發因智不證故不能宣明。超過言議故不能解說。又前六離三慧。後四超四辯。謂法辯不能分義。辯不能開辭。辯不能宣。樂說不能說。又釋此十配前十種。次第顯示甚深之義。可准知之。又釋於前一義則有此十。於此一門亦有前十。准成百門等可知。第三緣會可知。初中四佛力爲緣。後六根力爲因。方可得知。初中佛持力者是佛加持力。如加持青蓮花菩薩令知。佛功德說。不思議品等。二自在力者是迴轉無礙力。如文殊轉驚子令知。說深理等三威神力者。密以威加令。知德如令迦葉知。如來心等。四本願力者是佛往昔本誓願力。是故令他知道。佛深德。下六初中宿世多生種善根力。二多生親近一乘善友力。三現在深微淨信心力。四於上勝法欲願求力。五不雜無明。眞法所發大菩提心力。六深心專求一切種智。不雜二乘心力。於此十中隨一種力可分得知。或二或三乃至十種以顯無盡。第二三十句念德請中。初十歎機堪受德。後二十歎佛能說德。初中思量是意多故種種也。從思起欲欲增名解。則勝解印持也。依解發言方音亦異。所住行

位優劣不同。故云地也。受法根器利鈍生熟三品不同。故云根。依根作業造修不同。故云方便作業。所緣境相非一。故云境也。皆依佛果爲緣。差別而得入法。或依佛光。或因說法等。樂聞所說淺深廣略。各多少不同。故云樂聞法也。二歎佛能說中。初十念佛說。因圓滿。後十念佛說果德備。前十中初一明昔初發菩提心願。二依願起行。故云淨波羅蜜。三行成入位。故云諸地。四依位成行。故云滿足行。五總說諸行皆具。二嚴故云菩薩莊嚴。六別辨一行巧攝一切。互相嚴飾。故云方便嚴。七別顯自利行攝同。前名道莊嚴。道是因義通至果故。八別明利他行巧多端。故云出方便海。嚴義同前。九二利無礙雙融究竟。各攝一切成普賢行。故云自在莊嚴。十多劫受身。恒修勝行。故云本生海。顯本生身多故。如海多身修行行亦廣多也。後十明佛說果備中。初前既因圓。有何所得。謂菩提自在也。二既得菩提。有何所用。謂自在轉法輪也。三於何處轉。謂淨刹也。四轉何所益。謂嚴衆生界。五轉何法。謂法王法。六以何智轉。謂道明之智。七佛智照法機。何由悟。謂自在能入衆生處。故八入至機處。作何所益。謂作福田。故九以何成福。謂說成功德之達觀。達觀者尊婆須論作檀曜。此云財施。律云施之法名曰檀曜。導引利他亦名達西域記云。正言達觀。或云歡器尼。此云右也。以用右手受他所施。爲其生福。故從之立名。今

①云二之②涉二知③惠二慧④種十(等十種)⑤[德]一⑥知十(佛)⑦眞法二直往⑧發二起⑨果十(德)⑩諸二請⑪法二諸⑫須十(寶)⑬云十(報)⑭利他二顯地⑮達二達觀⑯右十(手)⑰

明佛施與衆生功德故云功德達觀十用何攝生謂三輪。身業神通輪。破疑成信。語業正教輪。破惑成解。意業憶念輪。破結成行。下結請可知。請分竟。第三三昧分中。何故入者。前問顯具現故。今入定爲其現法。何故前諸會集衆後入定。此乃居先。釋前明從相入實。今辨依體起用。又前因入入定。今果位自在故不同也。何故此會佛自入定。爲表法界解脫自在唯佛窮。原故。文中有四。一入定緣。二入定因。三正入定。四入定意。初中知心念者。以他心智領前疑念。即入定之緣。二以四種大悲明入定之因。謂入定益物。要以大悲爲本。故以爲因。一身者利物之身。積悲而立。即三昧所依之身也。二門者然佛有大智大定大悲等門。今欲益生故唯依大悲門也。又亦開此悲門以攝群品故也。三首者即明益物諸所造作皆以大悲先導故爲首也。四隨順方便法者雖悲爲首。若無巧便悲法隨物根緣。無以令其同入法界。此四亦從佛向機之漸次也。三正入三昧者明定業用從喻爲名。謂如師子奮迅之時諸根開張身毛皆豎現其威勢。哮吼之相令餘獸類失威竄伏。令師子兒增其雄猛身得長大。今佛亦爾。一奮大悲法界之身。二開大悲之根門。三豎悲毛之先導。四現應機之威。吼法界之法門。令二乘諸獸藏竄聳首。菩薩佛子增長百千諸三昧海及陀羅尼海。如是相似故以爲喻。又離世間品十種師子奮迅於此具論。四令

一切下明入定意。謂現此法界清淨之法。令衆觀入名樂法也。三昧分竟。第四現淨土分中有三。初現器世間圓滿。二智正覺世間圓滿。三衆生世間圓滿。初中一。先明此祇洹現嚴淨土。後類結十方同現淨土。前中亦二。初正顯莊嚴。後出所因。前中三。初重開莊嚴。二園林莊嚴。三虛空莊嚴。光統云。嚴空表無爲緣起。嚴園表有爲緣起。嚴閣顯自體緣起故也。初中二。先廣處無邊。忽然廣博者。謂案權顯實破情顯法故。二正顯莊嚴。於中有十種。一金地。二一切摩尼下明地上布寶。三瑠璃下明閣柱。四閣浮下正明成閣。五摩尼下於閣上安網。六建寶幢。七懸幡蓋。八放光照法界。九雜寶莊外。十四邊階道令可登涉。二嚴園中佛神力是所因也。忽然廣等顯廣處也。衆寶下亦十種莊嚴。一總句。二以寶布地。三寶牆。四寶樹。五香河。六多闍樓。七光照。八寶莊地。九出妙香。十建寶幢。有十七種。三莊虛空亦有十種。一天寶宮。二香樹。三須彌。四寶樂。五寶樹。六寶座。七寶像。八珠網。九樓閣。十解脫音樂。第二出嚴因。中有二。先徵謂何以有此不思議嚴故。二釋中有十句。一由是如來不思議善根之所生故。此約因也。二由是佛果無流法故。此約果體。下明果用。三總舉神力。四別舉身通。五六二句明身土無礙微細相入。七八現過去佛照現在刹。九十出佛現刹。此上莊嚴並是如。此佛果體用非餘位能知。是故皆云不思議也。上

來一方祇洹竟。二類結中。如此祇樹等舉此也。一切法界類通法界。同此現土。此處隨龜。是須達所造。然其據細。乃稱周法界。該於十方盡於三際。以通不礙局。故須達新造。以龜不異細故。所造則微細而周。法界如常在靈山及案足所現。皆此類也。二如來滿等明智正覺世間圓滿。此並於斯所現刹內各有如來。俱來詣此滿祇洹中。三衆生世間中。二初菩薩充滿。二雨十種供養雲。上來現淨土分竟。第五集新衆分中有二。初明所集之衆。後皆是如來威神力故者。釋集所由也。前中亦二。初別集十方。後總歎其德。前中十方則爲十段。於中初二及第六各有九門。餘方有十。先東方九義。一集處遠近。謂過不可說刹塵界表法深遠也。二有世界海名金剛等。表所依之法界也。金剛有二義。一堅。二利。雲亦二義。一遍。二潤。明淨亦二義。一普照。二離染。今勘梵本。但此名明淨之言。皆梵名毘盧遮那也。燈亦二義。一破闇。二照現。莊嚴亦二義。一飾事。二嚴理。三佛號等表能依之圓果。謂明淨同前。妙德梵名室利則吉祥之勝德也。王顯自在。四標上菩薩名顯能依之分因。明淨同前。顯是自體大願也。光明破無明。照法界也。五眷屬俱來。六興供養雲。謂天花等事供滿虛空。七詣佛禮供。八本方化作樓閣花座結跏而坐。九寶網覆身。顯勝德自嚴。若准下餘方加第十。或髻珠或天冠。顯其勝相爲標幟故。餘方世界佛名

●(原)一● ●勢二怒● ●怨二怨● ●涉二涉● ●閣樓二樓閣● ●(寶)一● ●身二力● ●周二同● ●斯二此● ●但二俱●
●上二主● ●標二標●

等准釋可知。南方供中。妙香等雜事充滿。一切佛世界者。此並稱法界法門成。此供故。是故或云滿虛空。或云遍法界。或遍一切剎。或充衆生界。皆無障礙。參而不難。西方供中同名須彌。山雲者。顯妙高具德之相。皆充法界者。行同理性故。一切如來相好爲須彌山者。明果德妙高故。爲菩薩所行。須彌山者。因行高成故。此等並以人同法。以正同。依以果同。因無礙法界自在之德。北方供中同以衣供。顯慚愧嚴身之相。故也。亦通人法教義等。東北方中同以樓閣爲供者。顯重成高出階級之相。亦通理事等。東南方同以圓滿光雲爲供者。是身所顯表具德勝用故也。雖通內行及外事。文中以佛無見頂相爲供具者。顯尊貴之極。明以佛供。佛方窮際故。西南方同於毛孔出諸炎雲者。顯燒惑薪而照理故。身出此炎。乃照三世者。明九世緣起貫通故。以遍一切處該一切時也。西北方同於相好及毛孔出三世十身通三世間。明身業勝能。同法界佛果大用。以爲供具。下方同於毛孔出十音雲。明諸業自在。同佛果德應機。設法無礙之相。上方同於六處之內出三世佛十度等行。因果圓融。明意業自在。此上十位供具。亦從初至末顯漸深之相。並是圓滿教中菩薩同佛果而自在。是故非下位及二乘等所能知見也。第二歎德中有四十句分三。初一句總歎。二成就三世下三十八句別歎。三此諸菩薩下一句結歎。

別中亦三。初明攝佛三業。二於大衆中下明攝化之智。三知世界智。初中亦三。初四句明語業自在。一得佛眼見法。二能轉佛所轉。三攝佛圓音。四超因至果。二於念念下六句明身業自在。一念念無間諸佛所無有休息。二明法界身雲一週一切。三能於佛衆現淨法身。四幻通之力塵中現刹。五雖常在佛所而化衆生恒不失時。六於身毛孔出法雷音。如密嚴經中。金剛藏菩薩遍身毛孔同時發聲。演妙法。亦同此也。三知衆生界下七句明意業自在。一知衆生緣集如幻。二知諸佛有用如電。三知有趣現實如夢。四知起果酬因如鏡像。五知生相有體無如焰。六知廣器顯現如變化。七具足等結能知具果智也。上來同佛三業竟。二攝衆生三業中十句分三。初五句明語業攝生。一決定宣說。二辯海無盡。三同物言音。四於理不礙。五於靜斯盡。二有二句身業攝生。一具通智者。通以惠爲性。故名妙智也。二勤行摧魔者。以精勤力故魔久摧伏。又以神通力故伏。耶歸依衆生故也。三安住下三句明攝生意業。一三達殊勝智。二處世無染智。三得佛圓果智。三知一切有下十一句明世界自在智。於初中二明眞諦智。一了妄空。二深入等證眞性。三眞智普入。謂不改眞而入俗故云不壞智也。四入已迴轉現身自在。五同時示現多處受生。六知方圓等形類差別。七八二句明廣狹自在智。亦是知微細世界智。九得

佛持刹智。身能住於佛住。卽器世間身也。十淨。惠照十方。十一自在普周遍。結文可知。如來神力。者集衆所因。此文應在前。但爲順西方語法故。在此後辨。上來集新衆分竟。第六舉失顯德分中有三。初顯能不見人。二明所不見境。三釋不見所由。初中前文通列大數五百。今此別標上首故舉十大弟子。舍利弗者此云鶻子。梵正音云奢喇補咀囉也。奢喇此云驚。卽驚百舌鳥之類也。吳僧會法師六度集中譯爲鶻鷲子也。此是母名。以其母有辯才。敏捷似同彼鳥。眼轉明利亦如彼鳥。故從喻爲名。補咀囉此云四子。以兒從母爲名矣。古譯爲身子者。以梵語中名身爲舍利。如佛身分爲舍利。非此所用也。智論中。亦是過去發願。爲釋迦佛弟子而立此名。以能論義。亦名優波提舍。二摩訶目連者。梵正音摩訶沒特伽羅。此云大探菽氏。上古有仙居山。靜處常採菽綠豆而食。以爲姓。尊者之母是彼之族。取母氏姓而爲其名。得大神通。簡餘此姓。故云大探菽氏。此與鶻子二人因緣如別說。三摩訶迦葉者。梵音具名摩訶迦葉波。此云大飲光。飲光是姓。婆羅門姓中上古有仙。身光飲。奪日月之光。迦葉是氏之族。故以爲名。是迦葉身光亦能飲奪日月之光。又是大富長者之子。捨大財姓出家能行少欲頭陀大行。爲大人所識。簡餘迦葉故名大矣。四離波多者。具云頽麗伐多。此云室星。卽北方星也。配之得子。因以

①[云]—②③[山]—④設—說⑤⑥演十(說)⑦起果—果起⑧久—王⑨耶—耶⑩者—是⑪攝—攝⑫子—子(也)⑬波—波⑭日十(乾)⑮錄—錄⑯(因)十以⑰氏—波⑱屬—屬

釋中。微云聲聞因果豈可。不是佛境界中一分所攝。何以總言無彼法耶。若總無彼與凡夫何別。故云何以故。釋意以出三界故不同。凡夫以往權垂實故無彼法。又由有四失故。是故總無。一出。龜而不離細。謂但出分段三界不離變易生死故。二得權而不得實。三滯寂而失悲。四自調而不救物。又初離過不盡。二得法不深。三無大悲心。四無四攝行。三是故下結不見。上來法說竟。問如有經云。聲聞緣覺若智若斷皆是菩薩無生法忍。既亦彼菩薩所得。何故此中而言總無。答二乘是菩薩法忍。非菩薩是二乘所知。問若爾何故經云。汝等所行是菩薩道耶。答由迴心故。是漸悟菩薩道非是頓圓。此約頓圓故非彼分。問只可聞而不信。如文殊行經中五百聲聞聞不信受等。何故此總不聞見。答彼是三乘逐機說。今得故亦聞。今此一乘逐法高。出故不能聞。其猶重陽麗空發雷振音。蟻子等類不能聞見。問若爾二乘應非法界所攝。答法界廣故攝於二乘。二乘狹故不攝。法界問法界緣起一塵猶能攝於一切。何故二乘狹而不攝廣耶。答廣狹相攝是菩薩所知。二乘無此故非此攝。問二乘豈不亦是菩薩所知。法界。何故不攝答是此攝故彼不知見。如聲聞也。問若是此攝應得見。如菩薩衆答法界緣起略有二門。一順緣門。如成法因等。即佛菩薩要是知見方得攝耳。二違緣門。如相違因等。即二乘衆要不

知見。方乃攝耳。此二緣門望所起法悉有功力。是故同此。緣起所收見不見異。問若爾凡夫外道亦是違緣。何不此攝。答彼無德人不堪於此。如聲聞故。設餘聲聞猶恐不堪。是故要以驚子等類諸大聲聞。或是菩薩變化所作方顯法勝。是故辨之。問若爾此聲聞等得此法不。答並得法。何以故如聲聞入緣起故。以此爲得。思之可解。問若得應知見。答若知見即不得。以非是相違緣起攝故。不名得也。菩薩不同此故不例也。正由二乘問二乘高德尙如聲聞。如今凡夫豈得受持。答往昔凡時不受持故。今時對面如聲聞。今若不還亦同彼。是故只爲高德二乘如聲聞故。故須受持。增長信力。令後得之。第二喻況中有十喻。況之。遠法師等諸德皆將十喻配前所述。佛果十句功德。唯第九二天喻。喻上第二如來莊嚴。餘皆次第配釋可知。又就此十中見不見分別有三義。一第一第五第十此三喻。二乘不見。佛果功德。二第二第三第四此三喻。菩薩能見。佛果功德。餘四喻。如來自見。果德亦見。二乘等法。又釋此十別相者。一鬼對恒河喻。喻二乘有所知障故不見。殊勝境。辨法師云。如餓鬼者。喻二乘人不得菩薩法界行食。故云餓也。鬼者似人非人。喻二乘所得涅槃似而非真也。裸形者以無菩薩慚愧行服。飢渴者以不得無二理觀。沾其神故。舉身燒燃者四相所遷不息也。毒獸所逼者不知生死是自心所作。乃怖而

捨之也。往詣恒河求水飲者。趣祇洹處求解脫味水也。或見枯竭等者。唯證斷涅槃不見法身淨土法界之德水也。由罪業障者喻法執無明之所障也。下合喻可知。二覺對夢境喻。喻二乘人守劣乖勝故不見於中先喻後法。法中先總次別後結。別中菩薩親見出九種因故可知。三愚對雪山喻。喻二乘人狹心無悲故不見。四呪見伏藏喻。喻彼二乘無淨慧眼故不見。五盲人至寶洲喻。喻二乘無淨眼故不見。六塗眼隱身喻。喻彼二乘無深智故不見。七遍處定境喻。喻彼二乘無深定故不見。喻中天者。是空處識處也。衆生境界者是青黃赤白也。八墮身自見喻。喻彼二乘無深行故不見。九二天墮入喻。喻彼二乘無密智故不見。十滅定無見喻。喻彼二乘住位息求故不見。上來總舉劣顯勝分竟。第七偈頌讚德分。於中十方菩薩說即爲十段。初段中十頌分二。初九明述前三昧用。後一結用所依。即顯是前師子奮迅定也。前中初五歎佛身土無礙。於中初一自在。次二甚深。後二廣大。後四歎菩薩衆德。於中一顯前雲集。二顯行深。三超二乘。四定惠堅。第二頌中分六。初二歎衆具德。初位滿後德深。次二歎處衆集。次一斷障證理。次二不動普遍。次一結歸佛力。後二了達佛法。初義後教。第三頌中分二。初三法說。一歎佛說法應時。二歎佛力用。耶。三歎佛法超情表。後七喻況中。一智達三際喻。二無漏德

①法十(也) ②亦十(此) ③故此二以此中 ④今得故亦二故亦令得 ⑤音二 ⑥法界何故不攝二之法界 ⑦正由二乘 ⑧(如)十今 ⑨(佛)一 ⑩淨慧眼二巧方便 ⑪人至寶洲二不見寶 ⑫(彼)十二 ⑬淨十(兼) ⑭(是)一 ⑮殊十(兼)

圓喻。三自在遍知喻。四德無限礙喻。五法輪荷戴喻。六無礙速遍喻。七智輪爲本喻。第四頌中。一德山益物喻。二悲海除炎喻。三行高深證喻。四五二顯明智海出生喻。六巧現應機喻。七隨願畢遂喻。八種智普照喻。九隨方現法喻。十見佛淨根喻。又釋此十中一大福。二大悲。三大定。四五理智。六量智。七悲用。八種智。九鑑智。十慈用。第五頌中分四。初一歎見益。次三益菩薩。一總歎。一別令得法。一別令成行。次一現三世間。次三現法成益。一舉能。一廣現。一成智。後二法輪益物。第六頌中分三。初三明凡小不能知。次四明所不知之德。一智深。一福廣。一巧化。一德法。後三顯能知之德。一修行。一破我。一願滿。斯等能知非是佛德總非可知。第七頌中分三。初五歎佛體德圓備。於中初一總歎身淨。次二萬行爲因。次二滅障成德。次三歎妙用難測。於中初一色用。後二智用。末後二總結。一不思。一不議。第八頌中分三。初二出智德。一依聞出。一依心出。次三堅固行。一精進行。一信智行。一回向行。後五斷德行。於中初二離染成自行。後三離染成利他。第九頌中分四。初二歎佛語業利益。次二身業利益。次二身語雙益。後四利益見聞。第十有十一頌分四。初二歎佛益菩薩。一現德令見。一轉法令聞。次五歎佛爲生忍苦。是大悲深厚也。次一釋忍苦所以。餘三明見佛成益。上來偈讚分竟。自下第八明普賢開發分。令衆生信故。於中

二、初長行後偈頌。前中三。初明說意。二顯能說方便。三辨所說分齊。初中欲重等者。前明教主自入此定。廣現其事。開現法界。未_レ有言說。今明普賢以言廣說。更重開前定。用法界使顯現。照明令諸菩薩同入此法。故云重開等也。二以法界等下明能說方便有三。初總次別後結。別中十一種方便。言以者是用也。用此等法界等諸方便。而得十種廣說。如來三昧德也。一法界等者。謂如法界既無邊盡。此能說方便亦同法界。故云等也。餘皆如是。何以爾者。以奮迅定業用廣大。用餘方便不能顯故。是故十一皆將無分齊法。以用類之。此一_レ是總句。餘十皆是法界別句。於中惴望約始欲據終。法光是能化法。隨時約就根生熟時等。餘門可知。三爲諸菩薩下結成顯意。謂以法界等方便。爲諸菩薩十種廣說。師子三昧。虛空界等方便亦十種說。餘並准之。三何等爲十下明所說之法。亦有十門。望前能說有二門。次第配前十一方便。謂以前方便如其次第說。此所說是故各配一種。唯第十中攝後二方便。准釋可知。二前十一方便一一皆有十種廣說。則成一百一十門也。細思准釋義理可見。此十何別。一多佛出。二多時說。三多處現。四攝多衆。五一念此。一與前念諸中初十可計會思之攝。九世六一身充法界。七依報境中現佛德位。八依報微塵中現佛自在。與前何別者。境。佛塵細故別也。九正報毛孔出音恒作。十

遍坐道場常轉法輪。此十。並師子奮迅三昧之德。猶是略說。佛子下顯。未說者更復廣多。唯如來智境者明。更有廣多。非菩薩能知。第二爾時下明。其重頌。文中亦二。初序意。後正頌。意中承佛力者顯。非自能故。觀如來者明有所承故。觀大衆者明有所爲故。餘句觀其所說故。此等並是佛果差別德故。正頌中於前十法次第頌之。初中一一毛孔中頌。前一切法界中也。餘三句頌。佛與等。二中淨法輪頌。前一切佛所說。三中最勝加坐等頌。前現成正覺。四中菩薩雲集等頌。前大衆皆往詣等。五中說諸法界等頌。前充滿一切法界也。六中顯現諸佛刹入法界智海等頌。前充滿一切世界海等。七八二頌半頌。前第七法。安住於如來一切諸境界者頌。前一一境界也。亦有本作。一切諸世界。世界亦是依報境也。安住如來地者頌。自在功德地也。中間並是三世佛功德法。九中初二句頌。前第九法。後二句却頌第八法。末後頌中初二句頌。前遍坐。後二句頌。常說。上來開發信分竟。自下第九毫光。示益分令衆證入法界故。於中有三。初舉佛放光爲示法之緣。二時祇洹下明衆依緣見法。三其有衆生下辨見法得益。正入法界。初中五句先標意。欲令菩薩因人隨分亦得此三昧故。又此三昧中所顯現事卽是大衆前所疑問。故佛答問而入此定。令衆亦得方爲益也。二放白毫光者顯中道平等白淨法界。是前三昧攝生之用。三名照法界者依義立名。謂

照現三世法界法門。今諸菩薩得入此門。故云也。四攝眷屬明。具主伴故。五照十方等者。辨攝化分齊也。二今衆見法界中。二先舉能見人。謂普雲集通新舊二衆也。二明所見法中。亦二。初見此法界。後類見十方法界。初中亦二。先見一切世界中現身說法。二或見天宮下明。見一切宮殿中現身說法。前中先舉所現之處。如是等下正明現身說法。具三世間可知。二天宮等中亦二。先所現處。即於前世界中更取微細十種宮殿。二現種種身下。正明現身說法。亦有十種。於中種種持者。義持也。教持是法持也。此等所現。並是通答前十句疑問。謂佛自在等可准思釋。二類見十方中。二初舉此類。彼二顯自在。類彼中初龜類。十方世界。諸業所起者。彼十方中器世間及衆生等。並是實報顯現故名也。三細類。毛孔中可知。二顯自在。中初一句不壞廣事。謂雖在毛孔微細之中。而亦不壞三世九世廣大無邊衆生界等。差別宛然。次三句明業用。一照其心。二爲現身。三開示法。後一句結神力。三明見法得益中。二先辨見法因緣。後辨所得之益。前中亦二。初約佛有緣。宿緣得見。二約行已修。具德方入。三句。一利他。二自利。三攝成入法方便。二明所得益中有三。初明因見得法。二彼諸菩薩下明。因法成德。三爾時下明。因德起用。初中二。先總得下一句標。其所得。謂得佛地廣大三昧。以此衆並是普賢位中諸菩薩故。是故所得無有。

漸次故即究竟。二或得下辨其所得。於中三。先總標所得略列十門。於中初六明得菩薩行位究竟。後四明得佛果自在圓滿。二此諸菩薩下結略顯廣。於中初結數後結名。名中十一句者是增數十也。何以知者。以結數中云十不可說等故知也。種種道者結前。法身是智所遊處故云道。然有多類不同。故云種種也。理實無二。何以言多。謂攝生異故。能遊之智有淺深故。二種種門者結前色身異類。標別故云門。三種種入者結。具諸行能有證入故。四種種度者結。諸波羅密度到彼岸故。五方便者結前淨行巧能圓故。六至者結得菩薩究竟地故。七方者結菩提自在遍十方故。八光明者結三昧業用起光明故。九功德及具者結諸行智力故。十自在者結無礙辯才故。三深入菩薩下釋但廣前。初句所得三昧。一門餘類准之。就中二。先明因顯廣義。於中二。初深因位明。自分終極。後入如來海下妙契。果海顯勝進圓滿。前中三。初一句總標。二所謂下百門別辨。三如是下結略顯廣。此百三昧於上十句種種之中。一一各有如此百門及後結廣。以彼十種是標。大門故。所謂已下是別辨故。是上文結數云十不可說。此中下結直云不可說。故此是十中一也。又釋此百但是前十之中種種。門之一門也。何以得知者。以下結云不可說剎摩三昧門。不云道等故得知。又上文但云十不可說等妙功德。不唯言三昧故也。問此種種門內

含有陀羅尼門等無量諸門。何以此中唯辨三昧門耶。答以初標云。逮得如來不思議自在三昧。是故就此以廣顯之。又前云。爲欲令諸菩薩。安住師子奮迅三昧。是故偏顯此門。理實諸門無不皆具。如下文云。一皆得不可說等大悲法門。亦是此類也。又百門並由業用異。故差別立名。准釋可知。於中初一明所依之本。以無盡行海用類平等法界。使出經。結究竟圓明具德故。以爲名。末後一明攝歸其位。故名觀察師子奮迅菩薩三昧。上諸三昧皆爲趣向此三昧。故云觀察。然此不同佛地所得。故云菩薩也。中間諸名隨義思釋。二入佛果者。由前所得因位終盡。是故果海方能趣入可知。上來因見得法竟。第二因法成德中。二初令座廣大。二現大自在。下正顯所成德。於中二。先別顯後總結。別中有十門顯德。初成就深智德。二悉爲衆生下。法爲師德。三樂寂滅下。緣無著德。四安住莊嚴下。成就衆生德。五解一切衆生下。解深具行德。六具足十力下。得法智能德。七巧妙方便下。巧便勝智德。八得一切法無礙下。理智契真德。九放淨法光下。攝生見佛德。於中初攝生成益。後常見下見佛得益。以分別了知諸法自在大小相攝故。是故於一切法得無靜境界也。十決了如來下。照法圓融德。於中先總持轉法德。二成就如來下。妙窮佛境德。二彼諸下總結可知。上來所成竟。第三明因德起用中。三初總次別後結。初中深入等結前也。身

○者十(是) ○深十(窮) ○故十(知) ○門十(內) ○安一 ○又十(此) ○結一 ○座二坐 ○(是故)一

中等起用處也。樂法力等用因也。於念念等總舉用相也。別中十事差別可知。結中法力者是此所得法界法門力也。上來大段第九示法成益分竟。自下第十文殊述德分。於中二。先述德。後顯德。前中二。先序意可知。後正顯有十三半頌分。二。初五款。祇恒中所顯示法。於中初二款。祇恒中器世間自在用。次二款。善薩衆生世間自在用。次一。智正覺世間自在用。二餘頌款。諸菩薩等得法業用。於中初一頌。前境界等中所出妙用之內初。句款。三世佛功德。次一頌。款。前第二句。說衆生淨業果報等。次一超頌。出佛化身雲等。次一頌。於一切佛刹讚佛功德。次一超頌。未後轉法等。即方便度生是也。次一却頌。顯行莊嚴等。次一頌。三世佛嚴道場雲等。末後一頌。半頌。所歎普賢行等。此等並是祇恒林中當時所現之事。今文殊頌中述讚辨矣。第二顯德益中有三。初明所得行體。二。一一毛孔下明所得行相。三隨其所應下明行勝用。初中由佛三昧照故得此大悲爲利他行體。毛孔光所出。尊重身雲明大悲之相就。第三勝用中二。初總辨大用。以清法界。二現不可說下別顯悲用。於中有五門。一以欣厭二門化。二或於一切世下以十度門化。於中三。初明現處。二爲一切衆生下正明所現十度。於中初六可知。七從善知時會下明方便度。八悉能供養諸佛菩薩此一句是顯度。九降伏下是力度。十知一切下是智度。三以如是下結法成化。三或現天

宮下明以三輪門化。於中四。初明化處。二大悲智下明化心。三或以名號下明化行。於中光明等是身業神通輪。餘二可知。四現處。處下明化實。謂此菩薩處。遍法界化用攝生。而本不離此佛衆處。閣內座上。此顯不動而普遍繁興而恒寂靜也。四或放化身下以三世間身化。於中初以智正覺身化。無二者爲無爲無二也。又一身即一切故無二也。二或現聲聞下明以衆生世間身化。三或現一切城邑等像是器世間身。隨其所應結成化用。五或現種種下以三業門化。於中初明身語化。次種種巧術下明意化。後悉現下結成化處。上來從會初至此十段不同。總明本會竟。

第二從爾時文殊下明其末會。於中前則不異末之本故。雖卷而恒舒。則後文是也。後則不異本之末故。雖舒而恒卷。即前文是也。是故本末無礙同爲一品意。存於此。今通釋。此文略作十門。一叙諸古說。二會數開合。三會主多少。四定會名義。五二位統收。六分成五相。七圓攝始終。八明法界人類。九法界事義。十隨文解釋。初叙古中諸說極多。難以備舉。且叙一二。一家云。此中知識有四十五人。後文殊不立只有四十四人。初一是十信知識。次四十是十住等。四十位知識。次二爲等覺位知識。後一是妙覺位知識。以舊無補闕文故但辨四十四耳。光統等諸德並多同此說。更依一家。總不配位亦不懸科。

但隨諸會依文散釋。即如五臺論及意法師等並同此釋。此二之中前說於文小違。後說於義無妨。准思可見。二明會數開合者。於中有六。一若約所攝之機。唯有三會。一攝比丘會。二攝龍王會。三攝善財會。功德雲已去並同第三會攝。以所攝之機無差別故。二若就能化之主。有五十會。謂初三及後第五十四普門城會。俱是文殊無別主故。餘五十一各別人會。是故約主唯五十二也。三若約能所通辨。有五十會。謂善財有五十。比丘及龍各有一。故四若約主伴別分。有一百一十會。如下文辨。五若約散說所依。有三千大千世界微塵數會。如後文殊處說。此約引彼三乘機辨。六若約普賢德。有十方世界微塵數會。如下結通處辨。三明會主多少者。有二重。一若唯就人說。有五十四人。謂於五十五會中四會唯一人。謂文殊。又有兩會各二人。謂遍友衆鬘并童子童女。是故會有五十五主。有五十四。二若約會顯人有五十七人。謂於五十五會中二處各加一。謂遍友等可知。四定會名義者。問此等諸會並無佛說。何得爲經。答此等。並是傳法菩薩。結集當時求法說法諸菩薩事。同上本會所現祇恒自在等法。令彼大衆親已入法。雖無佛語。豈亦非經。問前本會中佛雖無說。諸所現事並在佛會之中。今此乃在遠方異處說。非佛說。復不對佛。豈得爲例。答雖在遠處而不離本會。是故常在佛前。如上文

祇洹林內。一一境界尚攝十方一切佛刹。況此諸處而不攝耶。是故此五十五會不出。本故名爲一會。謂入法界品也。問既此諸處並在祇洹。下文善財應見普賢及佛大衆在此重閣。何故乃見在金剛道場。答以覺樹金剛爲八會本故。是故不動覺樹。遍諸會處。尋末見本。還在此故。又此會初普賢及佛在祇洹中。更無移動見之覺樹。即此祇洹亦在樹下。思之可見。五攝二位者。此五十五會二主統收。初文殊至後文殊。是文殊位屬般若門。後普賢一位屬法界門。非般若無以入法界。是故善財創見於文殊。非入法界無以顯般若。是故善財終見於普賢。是故二人寄二位以明入法界。又前文殊即法界甚深義。後普賢顯法界廣大義。是故二門相影具德。問前中亦有功德雲等餘善知識。何故乃云總是文殊。答皆是文殊攝化德故。悉從文殊智慧大海所出世故。是故下文或云文殊教我相。攝法等。彌勒亦云。汝今得見諸善知識來我所。皆由文殊師利之所攝受。勸之是故有形文殊作開覺之初緣。無相妙德。結終之妙趣。於中有三。初一明始起於先際。二從功德雲下明善修於中際。後文殊明終歸於後際。此亦是一周之行相耳。就中際中。初四十人明位內行緣。則寄四十二心位。後十明位後行緣。即位外所修等也。六分五相者。長科此文總爲五相。二寄位修行相。有四十一人。二從摩耶夫人下有九會十一人。明會緣入實

相。三彌勒一人。明攝德成因相。四後文殊一人。明智照無二相。五普賢一位。明顯因廣大相。又此五相亦是菩薩五種行相。一高行。二大行。三勝行。四深行。五廣行。七圓攝始終者。謂此諸會差別位中。一一各攝一切諸門。是故一位即有五十及百一十并剎塵等。如一切亦爾。重重准之。但爲寄法顯異布之前後。思之可見。問若一即具一切。善財何須廣歷諸位。答此之所歷。並是一中之一。故故不出。一也。問若是一中之一者。得一即得。彼何須更歷耶。答得一即是歷多。是故同時無有障礙。思之可見。八法界人類有二十。先辨類別。後顯義相。前中雖總通論有五十。七人。收攝流類。但有二十。一菩薩二比丘。三尼。四優婆塞。五優婆夷。六童男。七童女。八天子。九天女。十外道。十一婆羅門。十二長者。十三博士。十四醫人。十五船師。十六國王。十七仙人。十八佛母。十九佛妃。二十神。二顯義相中有四句。一約果攝化。總是佛智攝生之用。海印三昧之所顯現。二約因成行。總是菩薩成行攝生。但隨願力現形差別。以應群機。三約義顯德。總是緣起法界之中。入法門攝四約相辨異。即是菩薩五生所收。一息苦生。二隨類生。三勝生。四增上生。五最後生。於中菩薩有六。三處現身。一初文殊爲佛母故。本有緣故。初位劣故。唯一人也。二中間漸進現於二人。謂觀音正趣也。後位成滿顯德勝故。具有三人。謂彌勒文殊及普賢。餘人寄

顯位別至文當辨。九法界事義中通。下諸位總有十門。一正報法界。二依報法界。三現相法界。四表義法界。五言說法界。六義理法界。七業用法界。八說往因法界。九結自分法界。十推勝進法界。然此十門同一緣起互融無礙。隨一皆具。於下文中有具不具。隨文准之。十釋文者。今依五相科釋此文。就初寄位修行相中有四十一知識內。初文殊一人。寄當十信知識。以信不成。位故不辨。十人。餘四位成故各有十。就初中分二。先明發起能化之緣。後爾時尊者承力下明成彼化事。初中三。先主伴出。闡明依本起末也。證如離念名善安住。法界數重名爲樓閣。從此正證起後妙智名從闡出。同行者智眷屬故。以文殊表是吉祥智故。菩薩是內眷屬。餘力士等外眷屬。十天者梵云提婆。此云天。亦云神。同上初會中地神河神等。並是法門之神。如名准釋。此顯內報離染。次有八王表法自在可知。此並顯文殊之威德耳。二俱到佛前三設敬辭去。明就機救濟。故二成化事中有三會則爲三段。初攝比丘會中有二。初明身儀。攝益則令根熟起欲。二爾時文殊告諸下明語業攝益。則正授法門。前中有七。初觀勝緣。二起勝念。三攝勝機。四示勝境。五得勝益。六諸勝人。七蒙勝攝。初中驚子向會如旨。何故此中乃云得見。釋以出本會故。承佛力故。二見已等者。以根熟故作此勝念也。三爾

●攝二顯● ●結終二爲終● ●男二子● ●[子]一● ●(最)十勝● ●生十(如良國等息苦生攝外道等女人等夜天等諸隨生攝大光王等善現比丘等皆勝生攝滿尼王等及所餘皆增上生攝彌勒等皆最後生攝通即前四各具知之)六十三字● ●故十(出)● ●[攝]一● ●得二明● ●證二到● ●人十(所)●

時下攝勝機於中。初總辨。六千比丘是所被機。從自房出者表捨小涅槃也。向文殊者表趣一乘道也。又文殊出闍維佛南遊爲化主故。鶻子出房辭佛南遊從爲助化。引攝六千正爲所化。問若爾鶻子亦是大菩薩。何不同在闍。答寄迹是聲聞故不在彼。二此六千下別顯所被機。於中三。先標數位。共行者同鶻子行。如上文殊同行菩薩。此亦如是。又釋同被鶻子相示聲聞。德實菩薩之行故云共也。新出家者未得離漢果故。染習未深。明易迴故。又釋新出小乘分別心家。已入三乘位。以鶻子是三乘之中法將故。引之新出文殊。此一乘法將。方便引之。二其名曰下列名。比丘者梵有三名。或云比丘。或云苾芻。或云比丘。此無正譯。義翻有三。謂怖魔破惡及乞士。釋相可知。三已曾下歎德。於中有八句。初二句明宿有大因。三性樂下現有深信。四現行大願。五觀佛勝境。六了法實相。七大悲益物。八樂求佛果。此等皆是下結德由緣。謂明過去已蒙文殊攝護。是故今時還爲救濟也。四爾時下明示勝境。於中二。初勸觀自分境有六。一令觀身光勝。二眷屬勝。三威儀勝。四行處勝。五依果勝。六供養勝。二海智下勸觀勝進境。謂加持勝也。五爾時下明得勝益。於中初問讚悉喜是總句。下別有十三句益故歡喜也。於中分五。初五句明離障益。二現見下二句發心益。三速得下二句成器益。四長養下三句增

行益。五悉見下一句見佛益。六時諸比丘下明諸勝人。於中二。先白尊者等起勝欲樂也。二往詣等告來意也。七爾時文殊下明蒙勝攝。於中三。初象迴顧視者明攝受之相。二比丘禮足明歸誠之相。合掌而立明佇聞說相。三作如是念下顯勝願熏心方堪受法。初願知法以得涅槃。後願身相等以得菩提。前中如舍利弗者約生空實相。釋迦者約法空實相也。又釋如舍利弗所依之釋迦。此則舉舍利而取釋迦也。上來文殊身儀攝化竟。自下第二語業授法。中文有二。先授自分法。二爾時文殊下授勝進法。前中亦二。先授法。二彼諸比丘下明益。前中三。初警告總標。二何等下別示行法。三若善男子下學益勸修。別中十門以顯無盡攝爲五對。初二爲一。謂大心敬佛。次二爲一。謂求法修行。次二爲一。謂依定起用。用者則是大悲方便。隨有受生不失正念。能於生死久處攝生。此即翻彼二乘怖生死見也。次二爲一。嚴土攝生。後二爲一。謂自行化人。又釋前八自分。後二勝進可知。三學益勸修中。舉十種益以勸修學。一生善益。二離染益。三超出等出小益。四生如來等大益。五具足等大願益。六行菩薩行成行益。七住位益。八成果益。九降魔益。十制外益。二彼諸下正明聞法得益中有二。先明聞法得定益。二得此下明因定行成益。前中亦二。先明所得定體。謂所見徹過故云無礙。能見離障。故云淨眼。下明業用亦二。

先見現在無礙。後又能下見過未無礙。前中初見正覺及衆生。二見器世間。謂明所見境界廣大無邊。故云如來十眼境也。三聞前所見諸佛說。四他心通等知前所見衆生根欲。五以生死智通知彼受生等。二知過未中八位各言十者。以應圓數顯無盡故。二明因得此定。令行成。立初句標所得心。具十者廣無邊故。實際者深無底故。二主伴定。三主伴戒。四主伴智。五十明是智用。如十明品說。此是圓教攝機頓成。大益故。創立大心。乃得十地之後十明之用。以始攝終。如上發心功德品及小相品等說。餘數中則無此事。第二勝進中亦二。先教勸後得益。不死通明者。大悲爲因離業繫故。又釋離分段故。又釋通明作用無休息故。不離此處等有二。一不動。此因出生果故云生如來等。二不離。一處能出佛身滿十方界。此是不死通明之力。具一切佛法者明成果德之法。上來明攝比丘令入法界一會竟。此中明二乘迴心義。略作三門。一明迴之有無。二明迴心身位。三辨迴心至得云。自下第二攝龍王入法界會中有四。初結前起後。二辨說法處。三辨所說法。四所得益處中。辨法師釋云。覺城者本覺也。東者始覺也。大塔廟者始覺覺本覺也。則於此處說普照法界者。則於始覺覺本覺處。覺心無初從。本已來遍照法界故。又日照三藏云。此城在南天竺。城東大塔是古佛塔。佛在世時已有此塔。三藏親到其所其

①初一 ②(據)十德 ③(勸)一 ④等十(謂) ⑤(生)一 ⑥四十(以) ⑦以二如 ⑧立十(中) ⑨(之)一 ⑩辨二定

塔極大。東面鼓樂供養西面不聞。於今現在。此處諸人處處唱善財歌。詞。此城內人並有解脫分善根。堪為修道之器。有覺分者在此城內故云覺城也。此則覺者之城名為覺城。又釋文中既云是過去諸佛所遊止處。佛既名覺故知亦是覺者之城。又。准釋下文城山。處所有名義皆是法門之所表也。謂覺者表於生死有覺察故。城者防敵外難內守德故。即覺用也。東者開明之始。表是發覺之初簡終位之覺故云也。塔廟者顯此覺德是歸宗之所故也。若餘教中託處表法。非處即法。此圓教中所託之處即是所表之法。名義即事義。故也。思准之下文處意並同。此三所說經從所詮立名。謂智用宏舒名為普照。所照深廣稱為法界。即是入法界經也。具足主伴是圓教法門。四獲益中。初捨惡身。後堅勝心。此亦同。前比丘住不退轉普賢菩提心位也。第二會竟

自下第三攝善財會。今通辨下文相別不同。略作十門。一明起求差別。二修入眾別。三示方差別。四示處差別。五教問差別。六歎不歎別。七推不推別。八結不結別。九去不去別。十釋文

故。二修入眾別者。於中唯初位內有三會四眾。以是修故。餘位唯善財一身以行別在入故。三示方差別者。大位有三。初地前知識多在南方。地內無方。地後亦有南方之者。其南有四義。一是正義。如指南之說等。表所向非耶。故。二是背闇向明義。表捨障向理故。三是離增減義。如日東出西沒。是增減相。南離二邊表。中道法界。四是生義。謂南主其陽。是其生義。北主其陰。是滅義。此表善財因行漸增。故顯生義。如來涅槃金棺北首表其滅義。於此四中。前二後一地前表之。其離增減義地後表之。地中正證離相故。不可南表。地後顯業用。不同地內也。後文殊有示無方。表般若有加行證無二也。末後普賢無示無方。表法界德國普遍故也。四示處者有四句。初三賢求證散在諸處。二地上證真生。在佛家故。多佛眾中等。三地後起用亦散隨緣。四普賢表因圓觀果。亦在佛所。五遣不遣中有二。初後二位無教遣而自往。初謂文殊自往。往就故無人教。後普賢遍故眼開自見。又至。後文殊般若智成自見。法界故不待教。餘位無此二義。皆有教遣。又若不教遣。即諸知識獨著於己。何成自行。又唯言知一。若不遣餘求。何成圓備之益。又若不遣。豈合一位。不進昇後。六歎不歎中。三。初文殊亦歎亦不歎。謂善財未發心。但勸令發。心故不歎。後勸令發心。已方乃歎之。中間知識皆有歎。以發修進故。有不歎者。應是略也。

後文殊普賢不歎。以位成滿故。七推不推中。二。謂諸位知識皆有結。自分仰推勝進。唯初一。後三無結。無推為顯。入尊德滿故。爾何以有遣。謂表令位增故。顯法門別。故。餘位有結。有推。以因行未圓故。若爾普賢等何以不推。佛。以非因位善友攝故。八結不結中。前諸文皆無結通。以行未究竟故。唯後普賢有結。通十方等。於摩利以普遍故。行滿故。事究竟故。九去不去中。唯末後二位無辭去故。文殊以離相故無去。普賢以德滿故無去。餘位非此。皆有辭去。若不辭去。封守一師。何得遍求法界知識。何成昇進之行。十釋文中。就覺城攝善財會。令成十信行中。文別有四。初明眾集。顯所被機。二明觀機辨授。說方便。三正說所授之法。四引起勝進之行。初中。二。先總舉。二時有下別顯。別顯中。四眾優婆塞者。古翻名善宿男。今譯名近事男。謂親近比丘而承事故。女亦同之。又修達多此名善施。婆須達多此名財施。跋陀羅此云賢。餘名准釋可知。第二文殊知覺城人下。明觀機為授。說方便。中有二。初通標。說意可知。二觀察。下別觀善財。於中亦二。初觀其現生勝事。二此童子者。下察其宿因德行。初中。三。初總標。二別顯。三善明相師下總結。別中。由此福報財寶相起。立善財名。即善為因財為果。又得此順道之財。故曰善財。又生時實現為財。後歎其行德為善。亦如善現空生等。又智論釋。常啼名等。准此可知。二歎

①詞二辭 ②准釋二釋准 ③處十(等) ④[故]一 ⑤此十(辨) ⑥[物]一 ⑦修十(始) ⑧[其]一 ⑨多十(在) ⑩[往]一 ⑪[有]一 ⑫著二善 ⑬合二令 ⑭[心]一 ⑮(若)十爾 ⑯[令]一 ⑰婆二波 ⑱歎二歎 ⑲[下]一 ⑳[亦]一

其德行中十句爲五對。初會供佛種善明。此善財已會宿種。解脫分善根也。二樂淨近友。三三業淨修。四求修果法。五心淨具行。以心無異念。故淨如空。又無現煩惱等。故問此善財是何位菩薩。答經無正斷。位相難明。或有判爲地上菩薩。設後發心則是四種發心中後二位也。又是論中三發心內體發心也。或有說是實報凡夫。但有信心能求善友。今更准釋。應善趣信中行。人依圓教宗有其三位。一見聞位則是善財次前生身。見聞如此普賢法。故成彼解脫分善根。故如歎德中辨者是。二是解行位。頓修如此五位行法。如善財此生所成至善賢位者是。三證入位。即因位窮終潛同果海。善財來生是也。若爾善財定是何位。謂是何位。以在信是信位在住是住位。一身歷五位。隨在則彼位遍。一切故如普賢位。餘義准宗思釋。第三文殊如象迴下明正說所授之法中。二。先明攝機許說。身首俱迴如象王。現身攝受相。觀察。自視明意攝受相。告而許說明語攝受相。二則爲下正宜所說。說佛果法。令成信故。令彼發心求此果故。八句之中。初一總。後七別。別中初三妙用攝生德。一明爲機出世。二放光集眾法。三正說所說法。後四明體相圓備德。於中前二後二。各先相後體可知。第四爾時文殊下明引成勝進行。於中有三。初文殊南行引發。二善財隨逐求教。三文殊象迴攝受。初中先結前後遊行。南方生後也。前中令成信位

菩提之心。故云歎善等也。顯明過去善根者。令彼過去所修善根。由今菩提心故更得增長。使不失沒。故云顯明也。不捨本座等者。明不離覺城而遍遊。故也。同上不起覺樹至六天等。如上已釋。若爾童子亦如文殊不去而遍諸位。准之二善財隨逐中有二。先經家敘事。二善財說偈求教。於中有三十四頌分。一。初四傷已迷淪不能自出。後三十歎文殊德。請求救濟。前中四頌通皆具有惡業苦三別分。三初二起惡。次一造業。後一苦轉。初中三有等起惡處也。癡關等起惡因也。惡魔等起惡緣也。三毒等正起惡也。就造業中初二句失正行。後二句成。耶行。就苦報中。慳等。舉餓鬼因。下結成。受苦果可知。就第二三十頌中。亦二。初九歎文殊德求其救厄。怖離生死之苦。後二十一歎德求其與法。怖離成行得果。又前希離。凡地苦。後望離。二乘樂。又前望得涅槃。後望得菩提。初中九頌歎文殊九種功德。一悲智德。二慈惠德。三法化德。四願滿德。五救苦德。六自在德。七力用德。八善淨德。九淨眼德。又前八及後頌。皆初三句歎德。下一句求教。二遠離下求菩提法中分。四。初二求示果法。令知所求菩提。次一求見三世諸佛。成菩提行緣。次十七正求能得菩提因行。是故皆云乘。或云道也。後一結請。就因行中分。四。初五歎智悲定攝德。次三歎十度行圓德。次四歎二利滅障德。後五歎隨事攝生德。第三文殊攝受中分

五。初迴視歎善明受之相。二是故善男子。下教近善友問菩薩行。三說偈歎德令其喜修。四指示後位。令其趣入。五時善財下慶聞辭退。依教趣求。就第二教近善友問行中。初教近善友。二教請問行。於中十句。初一句。總後九句別別中。一問創修行法。二問行成滿法。三問淨治行法。四問淨已圓成法。五問從行。出行法。六問念持所行道。七問緣彼差別境界道。八問增長法用。九問攝成普賢行。亦是攝別成普行。此上九種皆依前起。後可知。三偈頌中十頌分。二。初一歎善財已成行。令喜。後九歎普賢行。令修。初。一教發大願爲行。之本。次二舉普賢行。勸彼令求。一舉行。一勸求。後六辨普賢行。令修。一多聞。法行。二多見。佛行。三順教修行。四一切處行。五一切時行。六成大益行。謂有衆生聞彼普賢名號者。還成彼行。得大菩提。上來明信位成滿竟。就第四指示後位第五慶聞辭退。此二段文。若約會分。即屬前會。以是前位善友說故。若約法分。即屬後位。以是後位之方便故。今通辨下文諸善知識略作四門。一明求善友意。二顯善知識義。三料簡文段。四消釋本文。初中何故文殊不即爲其一切宣說。而令善財廣歷多處求善友者。釋云。意乃多端。略論八種。一爲軌範故。謂諸菩薩於佛聖法。恒修二行。謂求法說法。經云。明諸菩薩求法不懈。說法無倦。此中顯斯二行示諸衆生。是故善財成求

①信二位 ②自二月 ③妙二好 ④三 ⑤成二慈 ⑥說二觀 ⑦友 ⑧總後 ⑨八字 ⑩由二生 ⑪初 ⑫之 ⑬

法各說一門以授機緣卽人法雙辨也以
此是解善知識說法授人不同前位真善
友等准之可解今此下文於上三位六門
之內有通有別通卽六門皆有別唯未後
以並成就普賢行故又離世間品有十種
善知識亦於此叙之二別辨下文諸善知
識皆具前三此三位中各有三義且人中
三者初聞名等爲方便二正見人爲得法
界三問法等彰其德二法中三者初言教
爲方便二智眼所得爲得法界三通明業
用以顯其德三人法合辨中初聞名至處
爲方便二見人得法爲得法界三說往
因及推勝進以顯其德下諸知識皆准此
知

第三明科文分齊增數有十初總爲一謂
各一位故二依遠法師分一初親近善友
後告言下總結聞正法其繫念思及如說
行並攝在聞中就近友中有四初聞善友
二求善友三見善友四請問法就初聞善
友中亦四初列國名是通處二山名是別
處三善友名四教往詣二求善友中有三
一初聞心喜二禮足辭去三漸行訪友三
見善友中二初往見後設禮退住四請問
中三一已向已發心明已有機二而未知
等問行法三我聞等歎德請近善友竟二
聞正法中二初歎其發心後正爲說法
說法中初說證量法門後仰推等說教量法
門此上科文諸位多同少有不同者三依
辨法師分三分初聞名求覓等是加行位二

①現二顯◎ ②如二智◎ ③[勝]一◎ ④十(離細魔故封人守一非直徑行不增亦乃成執著之失故肇世間品十種魔中有善知識魔於受生著心故是故離著更進修也五)五十一字◎ ⑤[嘗有去]一◎ ⑥[以]一◎ ⑦五二六◎ ⑧六二七◎ ⑨歛二陵◎ ⑩恥二耶◎ ⑪顯二德◎ ⑫[以]一◎ ⑬名十(爲)◎ ⑭未二未◎ ⑮且二共◎ ⑯[得]一◎ ⑰[結]一◎ ⑱[辭]一◎ ⑲向二白◎

受其所說是正證法界。三仰推勝進是後得位。四依衍法師等分爲四量。一初聞名等是教量。二依教尋求是信量。三見彼依正是比量。四聞彼所說爲現量。此四即是聞思修證也。五有諸德。分五於上。第四現量中開出自分勝進二位。餘同前辨。六依意法師等分作六分。一明求詣心行。二明敬諸問。三讚說已知以授善財。四說已未知五更示知者勸令往詣。六辭退還彼。七或分爲七。於此六中第二內。先見後敬故也。八或分爲八。於此六中第三內。先讚發心後說已法。九或分爲九。於此八中第五內。先指示後勸往。十或分爲十。於上九中第六內。先致敬後辭去。謂一求。二見。三禮。四問。五讚。六說。七推。八指。九敬。十去。此上增數十種科中。初五約位科。後五約會科。第四釋文中。今且依位五分科釋。一舉法勸修。二依教趣入。三推求簡擇。四正得法界。五仰推勝進。

就此初位發心住知識內五分中。初舉勸內有四。一處名。二人名。三教問。四歎德。初處中國者表攝生分齊之義。但此十住之初是信地所欣故名可樂。山者隨相閑靜。賢聖所居。亦是修三昧之所。若約法即表住位高出信門之上。名和合者。比丘在中得三昧。相應故云和合。又令善財與住位相應。亦名和合。又辦法師云。聞熏與解性和合。轉成聖人依故入發心住也。二人名中比丘義如前釋。爲創出外凡故。以比丘表之。勸

天竺本。梵名迷伽室利。迷伽此名雲室利。此云德順。彼應名雲德比丘。但雲有四義。一普遍義。二澤潤義。三蔭覆義。四注雨義。德亦四義。一定德。二福德。三悲德。四智德。於雲四義如次配釋可知。又定眼普開如雲見。佛好德境智立名。又普眼見佛多故如雲。有斯德故以立其名。此經是于覺本。翻名功德雲義。亦相似可知。三汝詣彼下勸往教問問中。十問同前。是故舉初二乃至十也。四善男子下歎彼比丘德。令其喜去。舉法勸修竟。第二依教趣入中。聞法歡喜者知有所向故。悲戀者荷深恩故。第三推求簡擇中。二初登山者明見心陟位故。二於彼下明尋求實義。七日者古說表度七方便方見本位。又亦應是於彼山處先淨身語七支之失然後得見真善知識。第四爾時善財見彼。下明正得法界。於中五。初見入。二設禮。三諮問。四讚問。五正說。初中見在山頂者表茲住位不退之際。靜思經行者明修般舟三昧等故。亦是一行三昧故。又靜思修止。經行成觀。又是賢護等經。思惟諸佛現前三昧之相狀也。二禮中右邊是極尊敬相。三諮問中。二。先白已發心願有法器令其易說。二問所未知彰已渴。法令起悲速說。下文諸處皆同。此釋問中雖前教十問下諸位內多存此。二依勸梵本。應云而未知菩薩於菩薩道應云何學。應云何行。此即先解後行。文處可解。我聞大師善能宣暢者。依梵本。應云我聞大

師於諸菩薩善能教授善能教誡。此即由教授成前解。由教誡成前行。傳譯存略故總云宣暢下諸文皆同。此釋四讚問中。一先總後別。別中九句。同前所教。初二句正同。餘句不次。三入菩薩境是前緣菩薩境也。四出生等亦同。五廣心是前增廣等。六具足等是前具普賢行。七隨順等是前滿足等。八於生死等是前究竟等。九有爲等是前清淨及正念等。此並以他心智稱根而歎。五善男子下正示法界。於中有二。先示義。後我唯下結名。前中二。先明所得法體。二普照下明其業用。前中解脫力者。正法師云。此是發心住體。謂本解性由大乘聞熏習故。轉凡夫依令其得脫故。名解脫。依此所證能證智名。之爲力。今釋此。是依定所發作用無礙稱爲解脫。如不思議解脫等。於一塵處見多世界。今此亦爾。不離此處見十方佛依正差別。是此解脫之力用耳。言遠得慧眼者。然此解脫有能小處容致廣大。有於一處而見一切。今於一中偏取能見。不取能致故云。於彼逮得此也。此別簡定所得法體。二四明用中。先通後別。通論此眼見一切世界等。非但見佛。普照等釋。慧眼也。境界無礙釋方便也。除一切障釋清淨也。二一切佛化下別辨見佛。先明能見之力。謂陀羅尼此云總持。以念惠爲性。然有多種。或法持或佛等持。今簡法等持故云佛也。然佛中亦有法身報化。今簡法報但取化佛故云一切佛化也。是故所

①分五二開五分②明十(見)③開十(周遍)④下十(則)⑤文諸二諸文⑥[釋]一⑦[二]一⑧之云云⑨[是]一⑩明十(業)⑪[佛]一

見之佛種種形色等並是化身佛也。二正明所見佛中。先見佛身。初東方後類九方。二種種下見。佛作用於中先見佛隨機現種種依正。二見佛於衆決定說法。一善男子下結名分齊中。普門者簡異別門故。謂別門中或見一方二方一佛二佛等。皆不稱十方。今不依彼故云。普門。此門若開普見十方塵數諸佛。如文所顯光明者。顯所見分明故。此普門光明是前普照也。觀察者所見審細故。是前觀察也。正念者見時不亂故。是上除障等也。上是能見。諸佛是所見。三昧是彼見所依定。初入住位光明念佛三昧廣見佛者。以佛是究竟所依本故。自分竟依佛方成餘行故。第五豈能了知下明仰推勝進中。二先總後別。前中豈能了知等者。顯已於彼實不能知。不知何法。謂菩薩圓滿等。即名為智行。障無不盡故云清淨。德無不備故云圓滿。二諸大菩薩下別顯有二十一門。各先舉所得定門。後辨業用差別。初十明念佛勝德。後十一念佛妙用自在。前中初一具見佛主伴依正故名圓滿。普照。二念佛令衆生離倒之德故名清淨。總中圓淨依此應知。三念佛是處非處等。十力之德亦是大力。那羅延等十力。四念佛於法無倒。能說能授亦是菩薩心於法無倒故。能見佛已開法受持。五以達佛海智分。別如來約能念智為名。六念佛微細境界。謂一念具八相等。如前後說故云自在。下位菩薩總不能見上位菩薩。雖見不能證

入故名也。七以念佛常住故云。無倒。八念佛應機未會斷絕故云。隨時等也。九念佛依土現身。十念窮三際佛。第二明妙用自在門中。初一念佛遍滿一切差別境界。二念佛涅槃相故云寂靜。三念佛超時不離時。四念佛身滿法界故云廣大。五念佛毛孔重現。六念佛於一切處現成。正覺故名莊嚴。七念佛光照離染轉淨法輪。八唯心心念佛。九由念佛故見所作業。由如鏡像。無體有相離執著染故云淨業。十念佛修生功德嚴真如法界。十一念佛大智等功德遍照法界等。十住第一位竟。第二治地住位中五門同。前初舉法勸修中。前既推己不知。誰能知耶。故今指示後位勸令修入。於中言海門者。此國近在南海。城門向海故名也。又表觀海門開見治地法界故以為名。比丘同前。海雲者。此比丘常在海岸觀緣起大海及彼海上人法莊嚴遍覆如雲。從所觀為名。如菩提薩埵等。又表此比丘內具勝德深廣如海。外應群機雨法若雲。又所觀法界深廣如海。能觀大智周遍如雲。故從境智為名。勸往教問同前可知。二善男子下歎彼勝德有十句。初一總餘九別。具因善者地前善也。大地是地上。大力是佛地。次二能歎因令增廣。次二令行願淨現。次二令二利德滿。三時善財下設敬辭去。第二爾時善財下明依教趣求中。先心念法門顯無散動故。溫前所得故。佛望後位故。長養淨心故。二身步漸

進至於後位。第三見已敬請中。二先設敬後申請。於中先申己意樂。二而未知下正請所要。十句。初五句問自行。後五問利他行。一一各二。謂背凡向佛。捨生死向佛。果初一約轉位。餘多約喻。准釋可知。第四爾時海雲下明示法界中。二初歎法器為授法方便。後正示法界令其修學。前中亦二。先問答審定。二善男子下正歎其德於中初總歎。二得普門下別歎。別歎中初十句歎能發之德。謂具此德者方能發心。二大悲心下十句歎所發心德。謂具此十德是菩提心。前中初得字貫下九句。後者字亦通前九門。其初普門普照等多是前功德雲處所得之法。亦是宿有普賢種性故也。十心中增數有十一。初四攝生心。一救現苦。二授現樂。三滅當苦。四除彼因。謂惡業也。次二滅障心。一斷煩惱障。二除所知障。次二證理心。一正證。二後得。後三。赴佛心。一見佛身。二順佛量智。三究佛理智。二善男子下示已法界於中有五。初觀察大海為證門方便。二得見法界無礙依正。三領受所流無邊教法。四傳授衆生同入法界。五結已所知唯一非餘。初中十二年者。有人釋觀十二因緣大海故。有云住菩薩十二住故。有云此是十住之第二故云十二也。觀海中初二句是總舉所觀能觀。下十句別顯觀相。此中十種與十地品中大海十相有同有別。准釋可知。善男子我如是下重更研覈令海門開。二從作是已下明海門既開

●顯二明● ●上十(來)● ●即十(諸照達佛境)● ●[十]● ●是二此● ●無二不● ●[正]一● ●(有)十● ●赴一起●

見法界依正於中先見依報後見正報前中四初見蓮花出明依真法界淨土集成二百萬下明外相莊嚴有二十句初十一明衆生世間莊嚴後九器世間莊嚴三彼寶蓮花下明出所因亦是智正覺世間莊嚴於中亦十句可知四隨順世間下結歎無盡謂據實唯佛境故總不可說若約方便順於世間說亦不盡二見彼花上下明見正報佛身有二十句初十明佛果德備後十明妙用自在並可知三時如來下明受所流教於中有五初摩頂身加顯攝受之相二說普眼下明所說經法普眼者從所詮爲目此是總名唯如來境下十種別名准釋可知三善男子我從下總顯已聞四假使下別辨所聞法廣五我於佛所下別顯已有廣聞持力此十持力中皆先舉所聞廣法後辨能持大力以大海等墨等書一品不盡於一日中以十持受爾所阿僧祇品如是於千二百歲一日新受以此普眼經是一乘無盡修多羅故也四其有十方下明傳授衆生同入此法可知五善男子下結已所知第五豈能盡知下仰推勝進於中二先總舉二何以故下十句別辨初五自分行後五入佛果行皆云海者以此比丘但知自一海更有多海非已知故皆推也第二治地住竟

解云此國通向楞伽山故也又到勝流法界之岸故又前入於海門今達到海岸故也善往者巧入理住又身住虛空行路無礙名爲善住勸往教問敬遠辭退並可知略無歎德第二爾時善財下依教趣入中先憶念前法隨路而行有十句中初念佛教法次思惟彼義次修習法行後入深正證攝法除障第三見已敬請中四初至彼推求見其依報二見彼下明見正報以智住無相身遊虛空下天等供養有十句明眷屬行三爾時善財下親臨設敬四白言下申已請意初十句問於法起行後我聞大聖下十句問行起勝用前中十種皆從微至著准釋可知後十句中初二句明不捨佛行次不捨大願下二句明三利行次不捨佛刹下二句明攝佛依正行次不離有爲下二句明悲智無住行後常聞下二句明攝法行第四爾時善住下正示法界中二初歎其發法器二我已成就下示已法界於中四初總標法門謂證法界無障礙義能令隨事用亦無礙也二我已修習下釋上法門初釋上成就義謂修習明了故也速得下釋無礙義謂照達所作名無礙慧光則十二句是照用自在無礙之相刹那者此云念頃於一彈指頃有六十刹那一百二十刹那一名一呬刹那同此間瞬息頃六十呬刹那一名一羅婆三十羅婆名一摩睺路此云須臾三十摩睺路名一日一夜何以下釋成無礙義無所有者稱理性故無作

者無功用故天竺本名無體性無作神力三善男子下顯法門業用中三初總舉通用二於一念下明速至十方見佛供養聞法等行三若有衆生下明利物不空行四結名可知天竺本云得普速疾不空超度究竟無盡菩薩解脫解云速至十方名普疾超度供佛利生名不空此用無限故云究竟無盡第五仰推勝進中二初別辨二十門淨戒善男子下總無量皆不能知說第三修行竟

第四生貴住中五分同前初舉法勸修中顯通城別名自在者良醫於此攝化自在故以爲名又表此位中種姓尊貴生在佛家是故國名自在城名呪藥者謂於此城中放三昧光破無明闇如呪除鬼病說輪字法破餘煩惱如藥療餘病以此良醫者天竺本名達閑多解云此是種類之號在南天竺如此方吳楚等類但此類中此人善醫故能以法藥善治惑病故以爲名以此寄當無流位故滅障義顯故以表之彌加者此翻名雲謂能注法雨潤益衆生故名也略無歎德餘同前辨第二爾時善財下依教趣入人中思念前法使純熟成滿十句中初二句念所得所具次正念佛下二句念所歸所離次念善知識下二句念所求所度次於一切下二句明護煩惱行後悉能下二句護小乘行以此熏心增其正行漸至等明進至後處第三見敬申請中四先入見依報二見正報法堂顯

〔梵〕一○ 通二道○ 路二顯○ 次十(略)○ 名二爲○ 念十(中)○ 總十(結)○ 行十(住)○ 呪二說○ 病二疾
○ (亦)十如○ 人二入○ 見一○

其正位說輪字莊嚴光經者明所說教。法有本錯作論字諸德種種解釋近勘兩本梵經皆名輪字請則改正謂三藏解云輪有多義一約字相楞伽中字輪圓滿如象跡等二約所詮盡理周備如輪滿足三約用謂下所言不虛等有傳授義滅惑義如法輪等即輪字教法證示莊嚴光行除障為光證理為嚴三時善財下親近設教四白言下申請請問問中初二句為總後十句為別就准釋可知第四爾時良醫下明示法界中二初敬歎法器後授已法門前中四初審其發心二敬禮供養何故禮者古釋云顯敬法重入故明諸弟子修行法時敬法具顯師即不爾已有過教之德是故於弟子常有敬法之必但身事不得起禮今此以心行難明故現相表之又云敬其道器也又云不輕末學也今更釋以菩提心是佛因故重其果而敬其因此敬則是行菩薩行故示此軌則令眾敬學又釋佛果大心不足為難創起大心此則為難是故經云發心畢竟二不別如是二心前心難自未得度先度他故我頂禮初發心又釋此心希有能廣出生是故敬禮如新翻法界無差別論中敬禮菩提心者如世間人禮白分初月不禮滿等以希現故滿月由此故三敬重下明言中歎德中三初十歎大心功德能初二為佛果依正性性者因也以菩提心是因法故皆云性次二成所化因次二成業行因次二願智因謂願常隨

有智恒離欲後二為大果因謂菩提涅槃也二為一切佛下十句為十王敬護三彼為安慰下明得敬護之因亦十句可知四善男子下況明一切菩薩勝德中二初法說二菩薩為大風下十三句約喻顯德准釋可知二爾時良醫下示已法界中二初口光集眾說法廣益二還昇本坐方示已法界問前既敬禮今何故復坐答前未與法非弟子故致敬無咎今現師位是故還坐所言不虛者言必饒益故天竺本名得妙音陀羅尼法門解云即是此中分別知天龍等語言是也業用及結名可知第五云何能說下仰推勝進中三初一句總舉二彼諸菩薩下別顯十句悉是言音字句施設等繁廣如海勝進深入非已能知三速得下結彼所得深妙之法第四生貴任意第五方便具足住中五分同前初學法勸修中住林者行德建立名林安固不動稱住又此長者栖薄大林長道之所因以為名又住三昧身內廣現佛境依正因果如林長者名解脫者有財有德名為長者身內容現無邊佛境定用自在名為解脫第二爾時善財下依教趣入中初念法熏修也二如是念已下明身遊涉前中初一句總念前法二入菩薩下六句明利他行三堅固菩薩下十句明自分行成四遠得普眼十句明勝進行立二身遊中十二年者古人云自分勝進各修六度故以表之後漸至後處第三正敬請中三先推求簡擇

見已設敬二作如是念下生勝欲樂起難遭想以佛望多年今方見故九句可知三白言下申意請問諸文皆先述已力發菩提心然後請法以此文驗即知欲受大法要須發菩提心若不發此心非此法器是故諸文皆先定發心或善友重問然後為說此為佛法之大轍應思記之請中三初申自欲樂二我聞大聖下歎德勸說三唯願下結請令說前中四初十句欲窮佛寶境界二欲聞一切佛法下十句欲窮盡法寶實境界各五句可知三欲得一切諸佛菩薩因緣下十句明欲窮盡十藏源底四欲滿諸願下十句明欲令萬行圓備欠一句二白言我聞下歎德勸說中初歎能善教令餘菩薩離障得果二其心下歎其自心常淨具德三唯願下結請可知第四時解脫長者下示法界中三初入定默示二出定告示三結唯知此一初中亦三先具緣入定內文殊憶念力者善財善友不捨之力攝利從境為目旋持從智為目攝彼利隨已智轉含攝總持故為號二入已下明法界業用無礙之相於中初身內現佛三種世間實報因果二或於一剎下明現佛八相權化攝生三善財悉聞下明善財入前法界聞彼身內佛所說法又見彼身內佛神力等二爾時解脫下明出定告示中亦三初學法門體二正辨業用三勸修令入初中無礙有四義一者一如來各具一切無礙莊嚴二者一如來互遍無礙三者一切如來莊嚴悉皆

●法二輪●●中一●●(於)十中●●[德]一●●[界]一●●[故]一●●[初]一●●名二者●●者十(是)●●名十(以)●●
●修二明●

入此長者身內。四、長者微見十方佛海。此文具四故云無礙。二得此法門下正顯業用中四。初略見十方各。方刹塵佛。二若欲見安樂下隨心廣見一切諸佛。皆佛不來。此而令此見此不往彼而常見彼如是無礙。三知一切下釋不來往知見所由中。先標有五對。初一對標下釋。何以無礙。從至以能見所見俱在夢中各無自體。何所來至。以夢無處所故。此約體釋。二對中如電等。約佛大用有四種義。一照水現影以應機故。二破闇見道滅衆生障故。三不可執持。以離相無礙故。四速滅不住。以非世攝故。心水定澄能現彼像。水亦不去電亦不來。而像無不現故也。三如幻對中以幻心無礙故能現無礙之幻佛。於幻身內現多幻佛。無所障礙。此是緣起相由門中自在之義。思准之。四如響對中釋。上開佛說法音聲等。如是知下結知。證入故得自在。四善男子當知下通結。所作皆由自心。以諸佛境界遍滿一切。但以心垢對之不見。若修治自心令離障得定諸佛境界當處便現故云也。三是故善男子下勸其修學。是前所說由自心得故。勸以十法修治。息心。謂一以善長心。二以法調心。三於境鍊心。四以勤策心。五以定攝心。六以智洗心。七以惠反照心。八法純熟心。九等佛果心。十十力照心。下結已唯一可知。第五仰推勝進中。初一句總。次五句別顯行體無礙。次於一切諸方下明行用自在。然

諸文仰推有二類。一即於自己法門之內更有深細。非已能知。即如此文及前位等。二推異類法門非已能知。如前第三住中推菩薩戒等。上下諸文皆此應知。第五住竟第六正心住中。初學法勸修內。國名頂者。此在閻浮最南畔處。故云頂也。表第六般若終極故也。海幢者。古人云。定深如海。智勝若幢。又釋定身獨出名幢。業用繁多云海。設敬辭退中歎德悲泣者。傷已無始不逢善友。今遇會心原故也。又指示般若門。荷恩深故。第二爾時善財下依教趣入。謂念前趣後念中。初二句總。下十句別。一能入慧。二所證理。三所攝德。四所起用。次四了知剎海。後二受持行願。皆是解脫業用難知。同名不思議也。三漸趣至後。第三見敬請中。初見彼依報推求簡擇。二見正報靜處安禪。第四從三昧正受下正示法界。於中七。初辨法體。二示法界業用。三令善財觀證法界。四出定歎德。五問答現名。六問答現用。七結唯知。一。初中身安不動。心寂無覺。七轉已息。唯第八持身。定前加行誓願力故。令於定身起諸業用。若圓教中融攝法界自在無礙故。業用無方未曾起念。總有十四門。初足下出長者等衆。明修行之初以施爲首。二從兩膝出刹利等者。具云刹帝利。刹此云土田。帝利此云主。則王種。王種以福化人。婆羅門以智化導。三從腰出。仙人者以多著斷常故。兩邊出也。三。岐杖於上安居。持瓶洗淨用也。西域

外道多執此瓶杖。四脇出龍。五胸德字出。阿修羅。六背出二乘者。與大乘正面相背故也。此是貪他財故。慈觀治也。嘆無情物。故教緣起觀。是耶見愚故。教巧觀。法體無二我也。七肩出。夜叉。八腹出。緊那羅等。九口出。輪王。十兩目出。日。十一眉間出。帝釋。十二額出。梵王。十三頭出。菩薩。以十波羅密教化衆生。十四頂上出。佛者明極果尊勝故。於中二。先十二位攝菩薩衆。後二十事攝雜類衆。前中初平等法者。令道場菩薩速成佛果。齊諸古佛也。二普門法者。因位既滿。令攝別歸普。三普莊嚴法者。以灌頂受職普嚴法門授第九位。令其修學。四堅固山法者。第八住中成三業離過不動故也。又令不捨此不動而進受第九無礙說法。是故方云堅固如山。五海藏者。以第八住無生藏海授與第七。令其修學。故六普境界法者。以七住中善巧周遍所緣境法。授與第六。令其修學。七月性地音聲法者。第六住中讚毀自性但有言聲授與五住。令其修學。八隨順世間法者。令第四住進修五住隨於世間五明等法。九厭離法者。令第三住厭離世間。向於第四出世住故。十長養法藏者。令此受持第三住聞持陀羅尼甚深法故。十一精進法者。策此初心令更進修至後故。十二信行者。住前信中菩薩何以不言善薩者。以不成位。但是行故。言無盡法者。令修普賢無盡行故。問准依此文。十住滿後即至道場成佛而不說十行等。

①長一②方二萬③顯十(後釋)④從十(來)⑤至二去⑥約二歎⑦善男子一⑧自一⑨息二自⑩八十(以)⑪准十此⑫者十(以)⑬彼二奇⑭位二注⑮云一⑯住二授⑰以十六⑱善薩一

者何也。答此是普賢十住攝。後諸位皆在此中。顯一位即一切位故。是故一位滿後即至佛地。如十行等後成佛同此也。此是以位攝位門。若以行攝位。即十信滿心成佛。如賢首品說。此之一轍。非此圓教餘處。總無正是一乘宗之大例。自下二十門。為諸天。是入法界之器。非是世法。一以色究竟天。雖是長壽終歸有盡。今為說法身平等無盡法。二者初禪梵王有慈不普。為說大慈普覆衆生。三者自在天。雖世中大力終歸滅盡。為說法身生善根力。四者建正法幢降彼耶心。此亦是化天攝。五者化樂自念化作樂具。為說淨念令念法門。六者為說出世淨意樂故。令其遠離執手染心。七者夜摩喜樂終竟無常。為說出世真法歡喜。八者彼著地居有為莊嚴。為說智莊嚴性空。九者令此夜叉捨離惡護衆生命。故云歡喜十者。彼屬諸天而不自在。為說出世法樂圓滿不繫屬他。十一者修羅大力為天所伏。為說出世法身大境物莫能過。十二者彼金翅鳥雖有大力只遊一界故。今為說法身金翅覆無量世界。十三者緊那作樂愚著無益。為說出世勝智益生自他俱樂。十四者人王樂著世間五欲。為說欲過名不可樂。十五者龍有熱沙金翅等憂。為說無我令彼歡喜。十六者摩睺羅性事中好靜因。則為說甚深寂靜。十七者地獄苦逼心亂。為說法安心令得正念。十八者說智治癡。十九者聞羅王處苦具可畏。說法除

之故云無畏。二十者餓鬼飢渴常惡希望。令說法翻之言。悉令衆生下結上所說。皆向出世賢聖之門。明放光利益可知。第三爾時善財下明善財觀見得法中二。初觀比丘身明證入法界。二念彼三昧下證法法界中四句。初一句念彼法體。二思業用難測。三思其大用深廣。言無量者明前十四處所出廣多故。言無作者明不作功用。顯其甚深四觀察法界下明法起所因。謂法界嚴智是因力。依佛智等是緣力。出生等現所作事。明善財委得其本。故具知也。第四出定歎德中二。先出定者利益事。訖。六月六日者是第六住故。二爾時善財下明言中歎德。於中二。初十句歎三昧體深廣具德。二大聖其有下歎業用。於中初歎上救三途人天等。二發菩提心歎上益菩薩用。謂從信行終至道場等。第五問答顯名中。答有三名。初一總名。普眼平等法門。見法界故。障無不盡云捨。理無不證名得。二淨般若約智離障。三淨嚴約境證德。善男子下釋立所由。良以此德當其第六般若位故。第六大聖下問答辨業用。答中有二十三句。初六句明於器世間自在。二見一切佛下十一句明於智正覺世間自在。三大悲攝下六句。明於衆生世間自在。第七結已唯一可知。第五仰推勝進中三。初一句總推。二皆悉深入下別。三我尚不能下結不能知。以積行成德行尚不知。況所成德。第六住竟

第七不退住中。初舉法勤修中。海潮者顯別住處。近大海側。潮浪至之處。表此第七巧便就機用。不過限故。園林者衆行建立栖止之所。普嚴者勝德圓備。優婆夷者是慈悲之貌。休捨者智論第八名。呼捨羅。勤天竺本名。阿舍。此翻名。意樂。亦名。滿願。以能滿一切衆生願故。二勸往教問。三時善財下慶已所得。設敬辭退。第二爾時善財正念下明依教趣入於中。二先敬念人法。二又作是念下見其勝德身漸遊行。第三至海潮下明見已敬請於中。四先見依報。二見正報。三設禮。四申請。初中有十三事。嚴此園林。初寶樹。二花樹。三堂。四閣。五殿。六池。七有大宮殿。八殿內有十種座。九寶帳覆座。十寶網覆帳。十一光明普照。十二有十種電光。十三百種雲霓。二時優婆夷下辨正報莊嚴於中。三初勝德嚴身。吉由羅者此云臂印。莊嚴也。二眷屬團圓。三其有見下明利物不空。三爾時下明善財正設禮。四白言下申請可知。第四答言下正示法界。於中有四。初學法門體用。二明因緣厚薄。三來果久近。四顯法門名字。初中四。初一句舉法門體。二若見聞下明其勝用。三東方下顯佛被益。四我此大衆下明眷屬行成。二往因厚薄中。先問後答。答中二。初舉過去所事諸佛。涅槃中八恒佛所。此位中多於彼也。二了知下十句明所成法界行德。三來果久近中亦先問後答。答中三。初不為限齊。故發心。二欲教化一切下正為作

◎十(之)◎ ◎又二知◎ ◎惡十(心)◎ ◎彼十(眷)◎ ◎生二菩薩◎ ◎說十(故)◎ ◎心二下◎ ◎明一◎ ◎八二十◎ ◎二
十(爾)◎ ◎遠二遠◎

無齊限事故發心。於中各有十四事相。翻可知。三是故下結。自修行。無限齊故不辨。自身成。佛期。問若爾豈可成耶。答善薩開提亦不成故。衆生須成。亦現成故。望自證理無成不成故。四顯法名字中。先問後答。言離憂安穩。幢者大心多劫遭苦無憂。造修正行安穩無倦。大志獨拔。是故云幢。天竺本名無憂建立幢。我唯下結。已可知。第五仰推中二。初一句總舉。二諸菩薩心下九句別顯行德。我當下總結。第七住竟。

第八章真住中。初舉法勸修中。國名海潮者。雖起潮浪。海無增減表。此位得無增減法界。又證理起悲如海起潮。同前處者。表第七已上同是菩薩故。仙人者表第八童真清潔之貌。又表純無漏故。又表唯變易身故同八地等也。毘目多羅者。天竺本名。毘目多羅。淫懼沙。此翻名最上無恐怖聲。上文歎佛處。云以一切智微妙音安慰無邊衆生界。此名得也。二歎德勸往教。問可知。三善財荷恩敬辭中十一句。初一句總餘十句別。一大乘真友暫逢亦難。二況得同止多時。此二善友難遇值之。三若自無大乘根器亦不成故。云得菩薩根難。四雖得根器。正直真心此發亦難。五雖具此因。得同行同願。仲善知識亦復更難。此三法器難辨。六正得法身難證。七正說法身難聞。此二法義難得。八生大心難。九求果智難。十長大行難。此三心行難備。第二爾時下依教趣入中。初念前法。初句總。心能長養

下十句別顯所念。皆言心能者。心若淨則行無不成。是故順教念。心法功能也。初二心爲行緣。次二心能起行。次二心能攝法。次二心能成定慧。後二心能除障。二漸遊下正趣。後位推求簡擇。第三見敬請中五。初見依報。二爾時善財見彼下明見正報。樹皮衣等明。少欲之相。三設禮中五體投地敬之極也。四念善知識下起。勝念想十句。初五句念彼能作。成之因。後五句念彼悲智巧運度故。五作是念。下敬遠申請。第四時彼仙人下明。示法界中二。初歎發心爲授法方便。於中三。初仙人歎有十句。明善財大志所作德。二眷屬供禮歎亦十句。明善財廣益衆生。三時彼仙告大衆下結歎大心當成大果。二告善財下正授法界。於中四。初示法門名體。以此位中高出功用之表。故云幢。然不爲相惑所動。故云無壞。智慧是其法體。是故天竺本名。無能勝幢善薩解脫。又此仙人定慧作用勝出無屈。故以爲名。二辨其業用中。先問中境界者。問其業用分齊也。則申右手下示用現答。摩頂執手是加持之相。於中三。初入廣處見佛。開法以修大行。二或自見下。復多時以修勝行。三明法門照得益之相。有十句五對。初一總後四別。能照皆是無壞幢之別義。因照所得。皆是明淨藏異德。以此明淨梵本名爲毘盧遮那藏。是故該攝也。三放手下明息用歸本。放手者令其出觀。還在本處者不移。此處而見十方故。處既還本時亦未經一日。

是故於一時一處頓修。成十方多劫行成者。皆善友圓教法門力也。是故善財一生至究竟位者。良由此等也。下文云。一切諸佛無量劫修善財一生皆得者。亦由是也。是故普賢位中或無量不可說劫修非。唯三祇。如法力加持所經時劫。或一生一念如本時等。皆無定限。可准通之。汝憶念者。問觀中事。唯然者。正憶不忘。知識力者是勝位加持。顯非自力。則答所由。四我唯下結。已所知。明授法。即盡更無遺惜故。第五仰推勝進中三。初總推。二諸大菩薩下別。於一切時輪自在者。古人云。於一切時機三輪自在。又可於一切時劫迴轉自在。故說輪也。三我豈能下結。非已分。第八住竟。

第九法王子住中。初舉法勸修中。國名進求者。反道之相。人皆背捨既成。順用。故令進求。又在反道之位。不宜怠慢。故以爲名。依天竺本名。伊舍那。此云曠野。亦名稀求。婆羅門者。梵志淨行。方便命者。隨事以方便爲命故。刀火不能損也。又刀火返道以爲方便。正行相續故稱爲命。天竺本是野人。也。第二爾時善財下依教趣入中。亦先念前。二漸漸等趣後。此等亦得總屬前位。謂初見敬申請。是親近善知識。二告言等總。是聽聞正法。三念前法門是繫念思惟。四進至後處。是如說修行。是故總成。四親近行。念前法中四。初念前因。無壞幢照所得。三昧等法。於中聲聞忍是人空。無生忍是法空。善財此處得無生忍。者。以是前第八住

●十(之)● ●可十(不)● ●比二● ●三十(雖廣遠值之友)● ●能一● ●成十(果)● ●復十(經)● ●也二之● ●即二既● ●返二反● ●亦十(二)●

位之益故同第八地也。二常行菩薩行下念前遊諸佛所成勝行。三於一念頃下念前遊諸利海行。四又知無量下念前所見諸佛化衆生行。是即諸文成益皆悉在此憶持法門。使純熟明。淨證會究竟。二到處可知。第三見敬請中三。初見苦行相。二禮。三問。初中四面火聚者。正法師云。四無礙智能燒惑薪。刀山者真無分別出妄解也。從彼山上自投火聚者。加行相應意言。分別緣真望證真顯妄滅故也。又解火聚者是根本般若故。智論云。般若波羅蜜猶如火火聚。四邊不可觸。遠離於四句。解云此智火有四義。一燒煩惱薪。二破無明闇。三成熱善根。四照現證理。刀山者加行智趣證疾利故。高峻者非即正證故。投下者從彼入此故。又刀是斷德障無不割故。火是智德。理無不照故。投下者障盡證理故。此火聚刀山。即法門更無表示。若爾何故有刀火相。解云即以此相即是法門。其難解者是。此文意設敬申請可知。第四答言下示法界中有六。初示法勤修。二善財作如是念下對此生疑。三作是念時下菩薩加勸。四童子聞奇特下除疑悔過。五登刀山下如說修行正證法界。六我唯成此下結已唯一。就初中言若能登刀入火者。勸其捨分別入正證法界也。菩薩行淨者。分別盡故離障清淨。證法界故。菩薩行成。何故要以如此法勸爲破其見故。令解菩薩深密法故。順相易解。逆相難知。故令知也。如是反道。上下文

中總有三類。一此位同。耶見。二滿足王同。瞋恚。三婆須密同。貪愛。是故三毒相竝有正法。然有四義。一以當相即空故。諸法無行經云。貪欲即是道。患疑亦復然於此三事中。有無量佛法。解云此約即空是佛法。非謂三事即是佛法。二約巧攝生說爲佛法。非謂即是。如淨名云。先以欲拘牽後令入佛智等。三約留惑潤生長菩薩道說有佛法。非謂即是。如淨名一切煩惱爲如來種。四約當相則是不同。前三此極難解。不思議故。如此文是也。二生疑中。初十二句念現得生疑。恐壞道緣失正行故。二此將非下念當得生疑。壞我應得不令得故。惡菩薩者實是惡魔。詐現菩薩。又是初心菩薩已退。本心欲妬害者名惡菩薩。如瞋菩薩狗菩薩等。三加勸中有三。初色界梵天勸。二欲界六天勸。三龍神八部勸。初中三告善財莫作是念者。總勸莫疑。二別歎其身本意德。三時諸梵天下明。因此通化攝生德。四種道者四無礙智道也。二一萬魔等六天中。一萬諸天者是夜摩天。與忉利四天王同說。曼陀羅花等者大小白花也。伊那樹葉故。墮在龍中立。此名也。難陀等名歡喜極歡喜龍也。餘勸等可知。四除疑悔過中三。初起真心。二禮謝悔過。三說偈受機開導善財是大人。何故疑者。以相是反道。理須疑也。若不爾者無以甄別。耶正何故勸者顯示實德故。若不爾者亦無以簡真僞。

是故拒其耶相。勸故受其實德。問若是魔王作此。豈亦不能現此勸耶。答亦如前善知識指示此人。固非誤也。況勸中正說非魔所能。善財已得超魔之眼。豈不見之。若爾知非是魔。何故生疑。以大菩薩境界未能知故。法須疑故。如前說也。偈中初一勸順教除障。後一勸因得果。五如說修行中三。初得安住三昧。者加行定。謂無散動智。以刀應割斷。反此故安住也。二既至者到正證位。寂靜是所證理。安樂是能證智。照明是證相應。亦是破無明也。入火應燒苦。反此故寂靜安樂。三白言者明後得智說。證中事觸者是證智與理融故云快樂。六我唯下結名。無盡者智依大定。遍照法界故云也。又反道之用普周法界故云無盡。天竺本名得普攝道場菩薩解脫。解云普攝無盡諸衆生界。如上加勸中顯。皆令向佛果故云道場。梵本名毘目。又此云解脫。舊翻名法門。但依得出離名門。則此名解脫。亦有業用自在可知。第五仰推勝進三。初明淨法王等一句是總。二滿足下別。三如是等下結。推可知。第九住覺第十灌頂住中。初舉法勤修中。城名師子奮迅者謂三昧德用自在之相。童女者位滿離染貞潔之相。彌多羅尼者此云慈女。謂智德內圓慈相外彰故名也。天竺本名彌多羅衍那。此云慈救物也。彼本亦云此女父名師子幢。即是王女也。以位滿故。第二爾時善財下依教趣入中。先念前法。後至後處。

●釋二● (無)十分● (是)● (即)十(是)● 無十(別)● 門十(知)● 五十(即)● 拘二(拘)● (總)十(益)● 四故十(疑故)● 山勸十(修)● 四[是]一● 四(亦)十名●

前中初念自分境中觀實際等二決定了知佛下明念勝進分中。果法等漸至後處可知。第三見敬請中五。初推問。二指示。三入見殊勝依正。金色者可資之貌。位滿顯彰。四設敬。五申請可知。第四答言。下示法界中四。初示法令觀。二觀已顯名。三辨法業用。四結已唯一。初中三。先一句舉法勸觀。則業用自在依止法界。二見一一下明正觀證法界。略辨十句。一。理實無邊下文普賢毛孔現塵刹等。即正報現依。此中則依報現正。皆是無礙法界自在故也。又此亦是器世間內現智正覺。亦是因位中現果法。亦是體中現用。有法喻合。三皆是彼女下結法屬人。亦是結果由因。二爾時善財正念下顯法門名。先問後答。答中名般若者。第十住位智度滿故。即智自在。依止法界。普莊嚴者。依智起用。具德圓備。如法雲所顯則其事也。彼諸如來以異門令我入者。攝別歸善故。一切成一故。顯一甚深故廣多故。三白言下辨業用中。先問後答。答中二。先舉法總標。生平等時者。明正證相應時。明得法門之體也。得普門等者。總明所得業用也。以此中得陀羅尼門三摩。提地門。依止法界故。以十住十地境界同故。得法亦相似也。二所謂下別顯所得。於中略舉。總有一百一十六門。分作十位。初八門明所知理事持。二功德下十門明行持。三從業陀羅尼下八門明業持。四從善行三昧下六門明定用持。五心海下五門明知他心持。六發起

衆生下十一門明知所化持。七大悲下十五門起能化持。八世界起下十七門知剎海自在持。九分別佛身下二十七門知佛海自在持。十菩提心色下十門知色海無礙持。我唯下結已何知。第五仰推勝進中三。初一句總推深廣之德。二安住下十句別顯於中初二句明行深。次離癡下二句明惠廣。次得無礙下明眼智無礙。次一切世間下二句明行堅固。後善巧下二句明攝化自在。三如是下結非己分。上來十住總明十住竟。花嚴經探玄記卷第十八

花嚴經探玄記卷第十九

盡第六地知識

魏國西寺沙門法藏述

自下明十行善知識有十人。各當一位。初歡喜行中亦五分。初舉法勸修中。國名救度者。常以法財施一切故也。又行能濟物故名爲救。令得出世。復名爲度。比丘善現者。行相超昇比丘。表示施行內成勝報外現故名善現。勸往教問等可知。第二爾時下依教趣入中。先思念前法。後漸至後位。前中初一句總念前般若普莊嚴門。下一句別一所證。二所依。三所度。四所行。亦是有爲諸行無性。五剎那離生滅心。六幻現如光。七念理真性。次二念語義。後二念因果。第三於城下見敬申請中。初推求簡擇。於都市等求表無著之行。隨緣造修也。二

見彼比丘下明見勝相。言在林經行者表出世之相。亦顯修行之所。次正報殊勝。表行順佛果。故相同。佛也。地品云。如說行者乃得聖法。斯之謂也。次天龍下明勝容屬興諸供養。三爾時下設敬申請可知。第四答言。下示已法界。於中三。初示依緣得法。二善男子下顯法之業用。三我唯下結法門名。初中亦三。初年少出家日近者。初入行位故名年少。創離十住之家。故云日近。二自我下明所供諸佛。前位三十六。此中漸增故三十八恒也。又云自我生來者。似於一生經爾所劫供彼諸佛。此何義也。釋云。或報命極長。或以一生攝於多劫。如念攝劫等。或入佛法爲生。謂云自我生此菩提心來。經爾所劫供爾所佛。又涅槃供八恒佛攝因位等。云云。三彼諸佛所下明成行得法。一句總。二莊嚴下別中。標三種。一定願。二歡行。三具足下德備。三嚴淨下釋出。三因。如次可知。二就業用。十一句。皆先辨業用。後出所因故。初三前定願莊嚴力。次一是前善實行力。餘七是前菩薩行願力。於中初二供佛聞法。是前知菩提護法輪等。次二行定深。後三所知廣。三結名者。遠照顯煥名曰燈明。則十不可說等。常用無竭。名爲隨順。天竺本名不休息智燈菩薩解脫。第五諸金剛下仰推勝進中。此是同類仰推。初顯生族勝。二報命勝。前雖一生到不可說劫。未得不死。故今推也。三報體勝。謂內智無盡。外色無壞。四普觀下明業用勝。

①〔提〕一② ③善巧二 ④能 ⑤住總明二位照得 ⑥〔卷〕一⑦ ⑧〔世〕一⑨ ⑩現二行 ⑪現 ⑫〔似〕一⑬ ⑭謂二論 ⑮ ⑯二標 ⑰ ⑱歡二顯 ⑲ ⑳〔中〕十 ㉑今二令 ㉒

五我當云何下結非已分。第一歡喜行竟。第二饒益行中。初舉法勸修內。初國名輪

那者此名淨亦名善。是大江名也。謂國有。此江從事爲名。諸外道世人皆云。於此江中洗浴。悉滅罪增福故以爲名。表持戒行捨離業非。童子名釋天主者。童子以表戒行清潔於戒自在。故名天主。又准天竺本。應名諸根自在。以梵名因陀羅此云帝釋名也。因達喇此云根也。濕筏羅此云自在。亦名主也。以釋天及根梵言相近故。各據一名也。二勸往教問。第二時善財下依

教趣入中。初明起勝念。二設敬辭退。三與衆同至。第三見敬申請中。初推求告示。善城亦是輪那名也。天竺本名城善。而言城外者表戒行外防故也。河水側者表發定水故也。河水即是彼江水也。二見其所作。弄沙戲者明三聚戒數方便集起也。三設敬。四申請可知。第四答言下示已法界。於中三。初舉法門體。二善男子我因下明業用。三我唯下結其名。初中文殊教者表明人能護戒故知相。十善是吉。十惡是凶。戒相非一故云算數法。智論云。菩薩戒品微塵數也。善惡因果理決定故名印法。又有人釋云。初相凶除斷律儀戒也。次算善恒修攝善戒也。後印機救療攝生戒也。因此得一切巧術等者。巧知世法轉成出世之用。是天竺本我得巧能轉變一切法智。二明業用中。二初顯相印二法功能。以相知善惡印除災故。是故同辨。二復次下現算法。巧

能羅又此云萬也。三結已分可知。第五諸大菩薩。下仰推勝進中。初總舉所推。後我當下正推非已分。第二饒益行竟

第三無惡恨行中。初舉法勸修內。城海住者。若隨相釋此城近南海而住。若准下文。出於財法施不可盡故云海住。優婆夷名自在者約行。則忍離瞋癡故云自在。若約德用。則作用任志故云自在。即下所顯是也。天竺本名眞實富滿。解云以財法通充故也。第二時善財下依命趣求中。初明得熏修。二設敬辭退。三戀慕歎德有十對可知。第三見敬申請中。初推求等明

入法方便。二進入下明見正報。除嚴具素服者表忍相故。三於其宮下見依報。開四門者四攝攝生故也。四一萬女下見眷屬勝。於中語音身香。智大益物。設禮申請。第四答言下正示法界中有三。初舉法門體。二以一器下辨業用。三我唯下結法屬己。初中以出生業用無窮竭故名無盡藏。所出利物。具勝德故名功德莊嚴。二業用中。三初明法門業用。二汝見我此下令見同益。三且待下舉現驗成。前中三。初施衆生食等益。二施二乘等益。三施菩薩益。初中一器食者。古釋云。勝流所依一味真如也。隨其所欲等者稱機說法也。而無增減者用而無盡也。又釋只是一器飯。即融同法界無盡緣起。是故無不應機。應無不益。益無不稱本位法界故。故云隨欲而無增減也。二現同益中。二初舉已眷屬。報行等

同有二十八句。初十句名自分方便行。次同境界下四句所修法同。同具菩薩下十四句自他行滿同。二此諸菩薩下顯已攝成相。三善男子且待下舉現事驗成。三我唯下結名可知。第五仰推中初別舉所推。二結非已分。第三無惡行竟

第四無盡行中。初舉法勸修內。城名大興者精進熾然故云也。又廣以財法起成大施故以爲名。長者如前。釋精進行味之中最勝故名甘露。行德勝出表之如頂。第二時善財下依教趣入中。先設敬辭退。二爾時下憶念前法。三漸漸下至後位處。第三周遍下見敬申請中。初推求。二樂求下起勝欲。三正見殊勝依正及勝眷屬。四設敬。五申請問行。第四長者答言下示已法界中

初發心。二善男子汝見我下法攝眷屬令成十種饒益可知。三標已法門。謂財法無盡盡在虛空。隨意給施故以爲名。四隨其所須下明法門業用中。初總舉功德寶藏如意益生。二且待下舉事驗成。先見衆集。次觀空雨物。此同破虛空器三昧。正是十行所得。後授法令喜。五結已法門。第五仰推勝進中。初總推。二謂下別有十句。三我當下結非已分。第四無盡行竟

第五離癡亂行中。初舉法勸修內。城名師子重閣者十德疊起狀類重閣。諸佛菩薩雄猛之士處。在彼位故云師子。此宅在彼城。城依宅號故以爲名。長者法寶周羅者周羅此云頂髻。則以法成人。寶爲頂

●術二迷● ●巧二功● ●[下]一●* ●城十(名)● ●[則作用]一● ●對一● ●智二● ●滅二成● ●報二● ●同十(後)● ●顯二現●* ●初十(數)● ●[周羅]一●

鬚天竺本云。有法長者。名寶周羅。顯其定
 用可貴尊極之相。第二依教趣入中。初設
 敬辭退。一念前法門。熏修長養。三漸至後
 位。並文處可見。第三周遍推求。下明見敬
 申請中。於中於道遇見者。明道力隨緣觸
 物便應。第四時彼長者下授己法界。於
 中四。一。執手等是授方便。則加行也。二。遍
 觀等正見法界。則正證也。三。問法因緣。則
 後得也。四。我唯等結己所知。即立名也。初
 執手將歸者。表攝歸所證。且觀我家者。以法
 正授。二。善財遍觀下證見法界。先總觀。二其
 宅廣大。下別觀。謂此宅十重者。向上重也。此
 相難定。略作三釋。一依古師云。十重即十
 地也。以八聖道通遊入故。以爲八門。或四
 攝。四無量亦爲八門。初施食者。謂初地檀行。
 二施寶衣者。二地慚愧。戒衣服。三施寶
 嚴具者。三地忍行。用以嚴身。四施內眷屬
 者。四地道品助行。五結集正法。等者。五地得
 五明論等。六得波若菩薩充滿等者。六地得
 般若。大智現前。於中三。初總顯深智。二所
 謂下別顯十門。一照則寂。二寂即照。三外
 緣不轉。四內照離染。故五體堅。六用廣。七
 含勝德。八見法界。九多巧便。十稱物機。十
 一約喻顯。是增數故也。三結集如是下。結廣
 顯略。七。響忍菩薩等者。七地得有中殊勝
 行。知種種教法。無別異。義成於響忍八
 常住菩薩等者。此中有二德。八地證得無增
 減法界。神通利等者。於三世間自在故也。詣
 一切等者。明九地受持佛法也。九補處等者。

明「十地受職位等亦是等覺位」，十一一切如來者妙覺位。從初發心等明攝因成果。第二更釋此上十重，卽總是此十行之位。始從「施食名歡喜行」乃至第十如來充滿是真實行，以於一位攝一切位故。此有二重：一以十行前攝十住及十信行後攝迴向及十地位，二既以十行攝諸位盡，於自十內復以一位攝一切位，是故於此第五行中具斯十行前海幢比丘在十住位，頂佛說法，還以此以十住門攝一切位，今此長者在十行位，所居之宅還以十行門攝一切位，是卽兩處攝義齊也。但以「前寄第六住說，此約第五行辨」，又前寄頂佛此約居宅者，並爲表勝劣不同故也。第三又釋總不約位，但此菩薩以行就機，現居勝躋，依則說十以顯無盡，初四以物施，初易後漸難，次二集法施，初淺而後深，次二領受法，初狹而後廣，後二現勝德，先因而後果，總此十位皆從龜漸細可知。又此長者具攝因果行位等法，總爲所依，故以爲宅。三後得中顯法本因，於中先問後答，答中善根迴向三處，謂初滅除貧苦者，卽十重中初四是其報也，二見佛菩薩等三恒聞正法，此二卽五重已上是其報也，故獲斯報者迴求三處滿十重也。四我雖下結法名字，謂宿願所求之三處稱，遂成滿之十重，故名滿足。大願法門，天竺本云得菩薩解脫名，無礙願莊嚴道場，解云十重之宅名嚴道場，宿願微微名無礙願，則以彼無障礙願力嚴此宅處名道場。

也。第五仰推中初別辨十句。皆云不可壞者。德窮滿故。無進昇故。不爲緣動故。我當下結非己分。依梵本云。我當云何能知彼功德。能說彼行。解云。是則於彼已成之德。不能了知。現行之行亦不能說。上下諸文皆同。此應知。第五行竟。

第六善現行知識中。初舉法勸修內。國名實利根者。國者境位分齊也。般若離倒稱理名實。明照生後故名利根。此是託處顯。第六行。城者防外守內。是妙智用。簡狹取廣。故云普。通入遊涉故。復稱門。普則是門。普門卽城。皆持業釋。此約法辨。又釋城攝眷屬爲多所趣。故名普門。此約事釋也。長者普眼妙香者。智照根藥。普熏衆生。故以爲名。第二依教趣入中。一辭。二念。三到念中十句。初一句總念前法。次二句明因念所得。次一句樂求無厭。次三句成就菩薩解脫根力。次二句行願隨心。後一句得智體用。第三見敬申請中。初求趣作念。二見勝依正。三設敬。四申請。第四授己法界中三。初歎發心爲授法方便。二我知一切下授法門業用。三我唯下結法名體。就業用中有二。初療病通化下益衆生。二我又善知下因香起行。上供諸佛。前中有四。初除其身苦。二與其身樂。三然後爲說下療其心病。四稱揚下正授大行。此四中初二共安樂衆生。亦是攝化方便。後二是利益衆生。亦是正授法行。就第四中有十四句。初三授菩提心法。以是行本故。一讚佛功。

* ① 漢二篇 ② 漢二篇 ③ 漢二篇 ④ 漢二篇 ⑤ 漢二篇 ⑥ 漢二篇 ⑦ 漢二篇 ⑧ 漢二篇 ⑨ 漢二篇 ⑩ 漢二篇 ⑪ 漢二篇 ⑫ 漢二篇 ⑬ 漢二篇 ⑭ 漢二篇 ⑮ 漢二篇 ⑯ 漢二篇 ⑰ 漢二篇 ⑱ 漢二篇 ⑲ 漢二篇 ⑳ 漢二篇 ㉑ 漢二篇 ㉒ 漢二篇 ㉓ 漢二篇 ㉔ 漢二篇 ㉕ 漢二篇 ㉖ 漢二篇 ㉗ 漢二篇 ㉘ 漢二篇 ㉙ 漢二篇 ㉚ 漢二篇 ㉛ 漢二篇 ㉜ 漢二篇 ㉝ 漢二篇 ㉞ 漢二篇 ㉟ 漢二篇 ㊱ 漢二篇 ㊲ 漢二篇 ㊳ 漢二篇 ㊴ 漢二篇 ㊵ 漢二篇 ㊶ 漢二篇 ㊷ 漢二篇 ㊸ 漢二篇 ㊹ 漢二篇 ㊺ 漢二篇 ㊻ 漢二篇 ㊼ 漢二篇 ㊽ 漢二篇 ㊾ 漢二篇 ㊿ 漢二篇

德令發求一切智心。二大悲救衆生心。三諸度淨智是厭離有爲心。亦是廣修勝行。心說諸大願下十一句正授。所修十度行法。初因大願施行攝生。乃至末後二句顯於智度。二因香起行中。初知諸香體。二燒香起願。三如願普熏成。大供養。文處可見。以梵本中是寶香人故。三結名體中。令衆生歡喜者。如前所說。利樂衆生故。普門者如前所說。燒香普熏嚴法界故。見一切佛者是所供諸佛故。天竺本云。得令一切衆生喜足。普門見佛供養香身法門。第五仰推勝進分中。初一句舉其人。次一句總推大益。三其有見下別推見益。我當下結。非己分。第六行竟。

第七無著行知識中。初舉法勸修內。城名滿幢者。方便境備勝出爲名。王名滿足者。善巧智圓達順自在故。以其王復表斯號。第二依教趣求中。初辭二念。三到就念。中初一句總念。以此無著是善巧位故。總攝已前諸位之法。故云次第憶等。此則念其教法。二復作下念。其人力。三如是下明。因思念得勝進。大心有十六句。初九自分行心。二見諸佛下得勝進心。第三見敬申請中。七初問答指示。二遙見彼王下見勝依正。三觀其逆相。四以生疑怖。五空天爲決。於中二。初舉前教眞實令不生疑。二菩薩方便下明。後行玄密令其信入。初中謂前善知識教汝至此。彼教不虛。何以致疑。問善財豈不自憶前教。何故生疑。答以對瞋。瞋害障道相故。理須要疑。方乃顯

知菩薩道中反道順道二行差別。不爾。耶正無以甄別。梁論戒學中釋甚深云。菩薩由如此方便勝智行。殺生等十事。無染濁過失。生無量福德。速得無上菩提。要大菩薩堪行此事。此有二種。一實行。二變化。實行者。了知前人必應定作無間等業。無別方便令離此惡。唯可斷命使不作惡。又知此人若捨命已。必生善道。又菩薩自念。我行殺業。必墮地獄爲彼受苦。彼雖現受。少輕苦惱來世。必受樂果報也。解云。此同瑜伽菩薩地中戒品內說。二變化者。如那羅王及善財童子。或見可愛事。或見可畏事。各令衆生。生於善處。解云。彼引此經。是變化作。那羅是梵語。此云滿也。或見可愛事者。引此前文。初見依正。生於可愛。後見犯王法等。生於可畏。皆爲益生故也。二明菩薩所作玄密之中。初二句巧智難思。後五句業用難思。謂迹達行順。非下位測量故云也。六設敬。七申請。第四時滿足王下明。授已法界。二初授法方便。謂執手將入等。攝彼加行令趣眞證。二善男子汝觀下正示法界。令證相應。於中五。一舉果令入。二見我此報。下示因令修。言幻化法門者。出所修因。謂逆相不實。故以爲名。天竺本名住幻三昧。三我此下學幻用。四當知下辨實行。五結已自分。第五仰推勝進中。初一句總推。謂後第八位當無生忍故。此推之。下九句別顯幻等甚深。後一句結。非己分。第七行竟。

第八尊重行善知識中。初舉法教修中。城名善光者。謂順理益。物業用爲光。王名大光者。大慈定光照。益群品。攝化自在。故以爲名。第二依教趣求中。三謂敬辭念。前至後。就念中。熏修前法。令更增勝。謂例知世間一切法。幻同入法界。第三善財作如是念。下明見敬申請中有五。初起勝念。作必見想。二見勝依報。有十種莊嚴。一七重池。二七重寶。三十億街巷。四四巷僧祇衆。五僧祇寶閣。六純寶帳。七寶蓋。八建幢幡。九別闍王住。十善財無染。謂知如幻。故往求善友。無異念故。三見勝正報。具大人相。以十種喻。歎美其德。二十八者。現因位未滿故。四彼王殿前下見。主伴攝生。先施資具。後攝衆生。故下十門辨施意。欠一句。五設敬申請可知。第四授已法界中。五。初示已法門。謂慈勝出離染圓滿。備故以爲名。二我於下明。得法因緣。謂於多佛所聞此法。觀察者思惠故。清淨者思已明淨。故修習者修惠故。莊嚴者證得故。三我住此下顯法門業用。於中四。初以法攝生。謂授法令。得慈心等益。二我以如是下。以財益物。三隨行異見。四爲我宿世下。簡定機器。四此城衆生。下明慈定功力。中二。初說彼定用。二且待下對現其用。於中先入定後顯用。情與非常。咸成勝益。五結已自分。第五仰推勝進中。初一句總推慈益深廣。二七句約顯顯德。三我當云何下結。非己分。第八行竟。

第九善法行知識中 初舉法勸修內城名

安住者契合實法不爲緣境故以爲名。優婆塞。夷名不動者。初發心時不爲二乘煩惱所動。因以爲名。第二依教趣求中六。一設敬辭退。二念前法門修習增長。三作是思惟下因思得益。四復作是念下念。知識功能。五善財如是悲心下因念感讚。隨菩薩天者是已業行之神。如來使天者。是佛爲攝生神。但修善薩行位。著已去皆有二天。常隨其人。既見善財深悲入定。於定現身加讚安慰。六出定漸至等可知。第三推問下見敬。申請中有四。初推問知處。二爾時善財歡喜下見依報得益。謂光觸得定。以是法門之宮殿故。寄光觸身得五百三昧。三前詣下見正報益中六。初見身勝。二宮殿勝。三香嚴勝。四眷屬勝。五離染勝有。二句先伏後斷。六牒見總歎。頌中上半略歎。三行。下半舉喻總顯。四偈讚已下申請可知。第四爾時彼女下授已法界於中五。初答言下歎美爲授法方便。二我成就下授法門體。三白言下辨得法因緣。四我入此下顯法門業用。五我唯知下結已自分就第二授法體中。無壞法門者所修大行非緣能壞故以爲名。此總標也。修學下四句釋成。一以行堅是故無壞。二以持妙。謂總持稱性故。三以體玄。謂證理無二故。四以定深。謂遠離諸有莊嚴三昧故。是故名爲無壞法門。就第三因緣中。四先問。二略答顯難。三重請。四爾時優婆塞下廣答。於中有六。初舉往

見佛爲發心緣。謂先見佛後起求念。二時彼如來下教發十心。令便不壞。三我於爾時下聞法發心以求佛果。四我發是心時下明心堅離障。五若有衆生下明利他攝益。六我初發心來下總結。自他行位滿足。就第四法門業用中四。先舉法總告。一善財願見。三入定顯示。謂三昧力故。六種動世界。八相如來周于法界。四出定印述。及結自分可知。第五諸大菩薩下仰推勝進中三。初一句總推。二如金翅下約喻歎深。三我當下結非已分。第九行竟。

第十真實行善知識中 初舉法勸修內國名不可稱者所觀玄妙故。城名知足者般若盡相故有出家外道名。隨順一切衆生者巧智順機方便反道。天竺本云外道名。一切處常行。第二依教趣求中亦三。謂辭念及到。就念中十句。初句念人。次二句念法。次二句念往發心等。次四句念彼堅行及示業用。後念彼修習等念其修定照理。漸到中

日沒入城者表行位終極故也。第三周遍下明見敬申請於中四。初推求。二於中。夜下見其依報。謂表所依法光破二邊闇故也。三爾時善財下見其正報。天明者障盡位顯故。登山者得位相應。故見外道者證入法界故。一萬梵等者主伴具足故。四設敬申請可知。第四答言下授已法界於中有四。初歎發心。二我已安住下示已法門體德。三以平等下顯法業用。四我唯下結已自分。初中至一切處者明十行滿故也。第十智

度遍知故也。有二義。一依定發智普照法界。二依定發通遍至一切。下二句釋此二義。如次應知。三業用中亦二。初明普觀智用。二無作通用。前中三。初舉平等。惠光二觀察下照機差別。三以妙智下說法被益。復次下第二無作通中二。一機莫能測。二類顯十方。種種智是意業。色像音聲是身語。亦如是者此有二義。一明彼無作神足所現色像。亦如巧智用遍十方。故云亦復如是。二以知足城類闊浮。以闊浮類三千界。以三千界類十方界。故云亦復如是。此則雙結智通三業具也。第五諸大菩薩下仰推勝進中十句。初身等衆生數者顯至一切處神足過於己也。次一句所依定過。次二句所發通過。餘句所發智過。我當下結非已分。第十行竟。

自下大段第四有十知識。明十迴向功德。初甘露味國等明第一救護衆生離衆生相迴向。於中五義同前。初舉法勸修中。甘露味者救生善巧之勝味也。長者同前德相淨勝名曰青蓮。巧知諸香故復名香。從相及智名青蓮花香。第二時善財下依教趣求中四。初設敬辭退。二爾時下起勝欲樂於中四。初於世不著。二常樂下專修。大行。三專求此等下結其意樂。四漸遊等明至後位。第三見敬申請中三。初設敬。二白言下申意十句。初五上求果德。後五修成。因行。三而未知下請問所要。第四答言下示已法界於中二。初歎發心。二正授法界。

●夷二譯● (是)一● ●若一善● ●問二向● ●句十(慈)● ●(四)一● ●令便二念便●令便● ●(授)十● ●夜十(時)● ●故十(進)● ●通十(用)● ●亦十(復)● ●德一位●

第二不壞迴向知識中。初舉法勸修內。城名樓閣者。大悲依智勝出之狀。海師自在者。於佛法海及生死海。能善通達及運度故。以爲名。教問可知。第二依教趣入中三。初設敬辭退。二在路起勝念。於中初觀法眞正。二復作下念。法由人起。於求心。先總念。後何以下釋成。三作是念下至。彼推求第三見敬申。請中三。先見所在。謂海岸等者。是說法所作之所也。二設敬。三申請並可知。第四答言下示已法界。於中二。先歎。

第三等諸佛迴向知識中 初學法勸修內
 城名可樂者。已境界等佛土可願樂也。
 長者無上勝者。以得勝通更無加過。故以

①〔中〕一③④ ②清二情③ ③〔者〕一③④ ④〔者〕一③ ⑤導二道⑥ ⑦已二以⑧ ⑨整二整⑩ ⑪等十(下)⑫ ⑬陵二陵⑭

師子奮迅者淨。惠無畏決定說法。第二依教趣入中三。先設敬辭去。二至後推求。三指示所在。准律中尼投陀皆在王園。以藉外護方得長道。第三見敬。申請中亦三。一見二敬三請。初見中亦三。初見依報。二見正報。三總結奇特。初中依報淨土略顯六義。一見大樹莊嚴略舉八種。二復見彼園泉流下寶池莊嚴。八功德水者。一輕。二冷。三軟。四美。五淨。六不臭。七飲時調適。八飲已無患。三從一一樹下。下敷座莊嚴。四無量莊嚴下明雜種莊嚴。五善財見下出其所因。謂皆是出世善根及如幻智之所成就。六三千下明果用自在無障無礙。二見正報中二。初見遍坐諸座。勝德顯彰。於中先遍坐。後約十喻顯德。婆樓那者此名水。應是水天。佛見已成益故也。二見處一座下明見處遍坐廣說。法要於中有五。初為八部衆說法。二樂聲聞下為二乘說法。三為樂大乘者下為菩薩說法。四見處如是下總結化益。五何以故下釋其所由。初為淨居天說。無盡者。彼天形中最淨無常有盡。為說出世無盡性故。為梵說善妙學者。彼於世中自謂好聲。為說法界勝流善妙音也。為他化天翻世自在故說。菩薩自在也。為化樂天說淨行法具德莊嚴。為兜率天說心藏旋復者說。大迴向不退轉也。為夜摩天翻其有量莊嚴。為說無量嚴也。為釋天說令厭離五欲也。為龍王說方便救護衆生者。方便降雨濟衆生故。又以法救龍金翅

等苦。提頭等。等取餘三天王。為說無盡行法。為摩睺等說理智巧嚴。為迦樓等說法。捨世海中大力。令於生死海中以悲智力。令無畏也。為緊那說佛正行智光令破著樂。為摩睺說佛喜者。以蛇性多瞋。開佛則喜也。為人說出世勝趣。為羅刹說慈悲不令奪命故也。下為二乘中。初為樂聲聞說勝智光者。令捨小惠樂大乘智光也。為樂緣覺說令捨劣樂佛殊勝功德故也。下明為大乘人。初為地前說定惠之光。次為地上。初地發心。說十大願。餘九地可知。為金剛力士說智慧金剛者。此是十地滿後說。金剛喻定智。破微細著等也。此比丘尼既為第十地菩薩等說法。明非是。小人為寄位故當迴向位也。四見如是下總結化益。五何以故下釋其所由。以此尼成百萬等中。略舉十門般若。則是前所說之法門等。三善財見下總結見聞奇特。可知。二五體下明設敬中。以根緣相稱。故自見己身遍尼所在。同皆右邊等。彼所入故也。又亦即是至一切處迴向隨心自在故也。三白言下申請可知。第四我成就下正示己法界。於中有四。初標名。二顯體。三辨用。四結位。初中菩薩一切智底者有三義。一位居菩薩得百萬僧祇般若。智用盡佛一切智之原底。謂如上文。乃至為等覺地菩薩說法。非下地能爾。故得斯法。二智光顯照。三際窮種種智之境。故以為名。三廣興供養盡佛八相智之原底。故得此名。

二大聖下明體。於中先問後答。智光等者明般若具德也。於一念者頓照也。普照三世者廣照也。則以廣智具德為其體性。三大聖下明業用。中亦先問後答。答中先辨業用所依。謂此法門境用之前處有此法林三昧。今入此定已現斯業用。下正顯業用中三。先上供八相諸佛。二若有衆生下明下救衆生。三我不起下遠離二。相顯無思業用。四我唯下結自分位。第五諸大下仰推勝進。於中十事五對。一窮法無著。二約身外廣遍內包容。三外速往內含力。四外遍舉內廣容。五一念廣攝。生後攝於多劫。則知一念中攝生無盡。我當下結非已分。至一切處迴向竟。

第五無盡功德藏迴向知識中。初學法勸修內亦三。謂貪相遠。道得險難名。實行內備名。寶莊嚴。婆須密多此云世友。亦名天友。以巧能引攝諸世間故。第二依教進入中亦三。謂敬辭念法及至後位。就念法中。初因前尼惠照其心。故令長養佛智。二一心下因思念前法。後更增長悲智願行。就至後位推求中四。初推問勝故。二為淺智疑怪。三為深智歎善。四指示所在。問何故前示瞋及耶見善財自疑。今現貪相乃令他疑。答以前二親障善薩道故。貪愛順悲障行。劣故。是故決定毘尼經菩薩寧起百千貪心不起一瞋等。又釋善財於前瞋及耶見已為調伏。是故於此更不敢疑。指示中在深宮內者。依三法度經。國是智慧境。城

【中】一〇〇〇 【爲】一〇〇〇* 【說】一〇〇〇* 【小】一〇〇〇* 【結】一〇〇〇* 〇三二二〇 【智】一〇〇〇* 【法】十〇〇〇〇* 〇相二〇〇〇*
〇〇〇 【下】一〇〇〇* 〇齊二〇〇〇* 〇後二〇〇〇* 〇〔位〕一〇〇〇* 〇劣二〇〇〇*

是神通境。宮殿是說法境。今此女人正證欲

如故在深宮。往詣門者加行位終至。正證三

昧門也。第三善財聞下明見敬申請。於

中三。謂見敬請。就見中二。先見依果。後見

正報。依報中。古釋云。十重寶勝者是十地位。

十行樹者是十度行。十重寶勝者是十地中戒

行。八功德水者是八定水盈滿也。敷以覺花

樓閣者。後得依正體重成故也。二見正報中

二。初見三業勝相。二大衆下顯眷屬殊勝。

說敬申請可知。第四答言下示已法界。

於中有四。一標名顯體。二若天見下辨

其業用。三白言下得法因緣。四我唯下結已

自分。前中離欲實際清淨法門者有二義。一

約自行。雖悲願留惑示現欲處。然大智照

約則體性空名。實際淨也。如淨名在欲而

行禪等。又諸法無行經云。貪欲則是道患癡

亦復然。二約利生。謂雖留惑示現在欲。

令處欲衆生要當離欲得此實際清淨法

也。如掩提遮女等。二明業用中。二初身同

器現。二若有衆生下以法益生。於中有十

種三昧。皆是以欲化處。欲衆生令得如此

甚深三昧。阿梨宜者此云抱持摩觸。是攝

受之相故。得彼三昧也。阿衆毘者此云鳴

口。得言教密藏之定。如是下總結。並是極位

大菩薩所作非下位所知。如攝論定學中說。

三明得法因緣中。二先問後答。答中先答

於何所種善。後善男子下答修何等業。並

可知。四我唯下結已唯知此一方便。第

方便。我豈能知。無盡功德藏迴向竟

第六隨順平等善根迴向知識中。初舉。法

勤修內。首婆。波羅者此云善妙到彼岸。安

住者謂得佛法身。常住供養故。又准天竺

本應名攝持。或名執持攝入。攝取諸善

法故。常供塔者以於塔處常見法身故

第二依教趣入中略無念法。第三見敬

請中。略無見敬。故云乃至也。第四答言下

示已法界中。四。一標名。二辨體。三業用

四結德。初諸佛常身名不滅度。因位照達

名菩薩法門。二住此下顯體狀中。二初見

佛功德身常除化衆生者。但變異他心。令

見出沒。其實常身無出無滅。又佛月常住

但衆生心水影有現滅。二開塔戶下見佛法

身常。以見佛體性無限盡故。以開塔者開

其事相也。得定者見理性也。得妙法者

得理中恒沙功德法也。三白言下明業用

中。先問後答。答中二。初見此界三世諸佛

後類結十方。前中初見過去佛因果等事。二

類未來現在。四我唯下結自分位。第五諸

大下仰推勝進中。長者雖知三世佛不滅。然

未能以能知之一念與所知之三世平等

無二也。二未能即能知智住所知佛位。三

知前後一切劫不能知。無劫想。四雖見

佛不滅不能知此佛則彼佛平等義。五如

來下亦不能以染淨能所平等無二。謂心

佛及衆生是三無差別。六淨莊嚴下雖照三

世不能則智攝德。七成就下雖知佛未能

下總結。已不能堅固善根迴向位竟

第七隨順等觀一切衆生迴向知識中。初

舉法勤修內。光明山者彼山樹花常有光

明。表大悲光明普門示現。此山在南印度南

邊天竺本名通多羅山。此無正翻。以義譯

之名。小樹蔓莊嚴山。又十一面經在此山

說觀世音者。有名光世音。有名觀自在。梵

名通盧羯底攝伐羅。通盧羯底此云觀。毘盧

此云光。以聲字相近是以有翻爲光。攝伐

羅此云自在。攝多此云音。勘梵本諸經中

有作攝多。有攝伐羅。是以翻譯不同也。觀

世音經中即時觀其音聲皆得解脫。解云

等觀世間隨聲救苦名觀世音。彼經中具

有三輪。初語業稱名除七災。謂水火等。二

身業禮拜滿二願。謂求男女等。三意業存念

除三毒。謂若貪欲等。並如彼說。若偏就語

業名觀世音。以業用多故。若就身語名

光世音。以身光照及故。若具三輪攝物無

礙名觀自在。第二依教趣入中亦三。就念

法內十句。皆是依前教力增修。餘並可

知。第三見敬申請中亦三。初見中。一先善

財見觀音。後觀音歡善財。前中四。初見勝

依正。住山西阿者。謂據山阿面東而住。是

向明之相也。二爲衆說法。三諦觀不瞬。四

作如是念下勝念熏心。於中初八句別顯。後

二句總結。二時觀音下歡善財德中十句

初歡心勝。謂具三心。二向普賢下歡行願

勝。三欲聞下歡持法勝。四增長下增善無

①[於]—②③ ④持—⑤⑥ ⑦[得]—⑧ ⑨[法]—⑩ ⑪波—⑫ ⑬供—⑭(養) ⑮[知]—⑯ ⑰等—⑱(之) ⑲[世]—⑳ ㉑衆—㉒(生) ㉓觀—㉔(世) ㉕

賴彼發心故云從彼海起。又釋從本覺所流故云從彼智起。七成就下歎成善根故得佛加被力定也。八離懈怠下歎求法專誠。九歎見佛成行。十智慧下歎智滿圓證。爾時下敬請可知。第四答言下示已法界中二。先歎發心明授法方便。二我已下正示已法。於中四。一標名。二辨德。三顯用。四結位。初中大悲者是同體悲也。又是無緣悲也故名大悲。又具三悲故名大悲。光明之行者以悲光益物故以成行。天竺本名一切佛悲。密智藏解脫。解云以巧悲密攝衆生故也。二教化下辨其德。於中二。初不離佛所現衆生前。二或以下以四攝等成攝化之益。三善男子下明其業用。於中三。初行法立誓。二令離怖畏有十八種。三復次下令行不退四我唯下結已自分。第五諸大下仰推中四。先推普賢願行。二不斷下行業流續。三知一切下明攝生相續。四我當下結非已分。隨順等觀一切衆生。迴向竟。第八如相迴向善知識中。初學法觀修內。二初正趣東來。二觀音指示。三教其問道。初中東方來者表如相證智開明之狀。名正趣者神力速至。十方諸趣以正法攝生故以爲名。天竺本云有一菩薩名不行餘道。解云唯行佛道不行餘二乘等道。即當正趣謂趣正故也。梵本約遮。漢本就表。住金剛山頂者則是此光明山也。表住於如相不可破壞故也。下明動地寶嚴。放光雨供。來詣觀音者明智就悲。亦是隨化有緣。

示導善財。二時觀音下對審指示。三汝詣下教問可知。第二時善財下依教趣入中二。初禮二念法至後。位何故不念觀音悲門。以悲不離智故。令悲深入於智海方爲究竟。第三辭詣下見敬申請。前已見故但有詣敬申請。第四我已成就下示已法界於中三。初標名。二辨義。三結位。初中十方無際名爲普門。一念遍至號曰速行。二白言下辨義中。先與三問。後還三答。一問得法之處。二問來處遠近。三問來時多少。答中三。先歎深簡器。唯精進等者則是善財正當其人。以根緣相稱。欲爲說故。二唯願下起勝欲樂。三答言下正釋所問。妙藏利者答所從來處也。佛所等答得法處也。從彼發來下答來時久如也。亦顯是遠近也。二於一念下釋爾許劫中之分齊。正顯速行義。三所經諸國下辨速行成修義。謂上供諸佛下救衆生。非直不廢速行而成妙行。亦乃則以速行成此勝行。四乃至下結通十方。謂從東既爾十方亦然。三我唯下結已自分。第五諸大下仰推中。初一句總推。二別推。所住境界無量無壞不同。正趣唯此住。一金剛山頂。三別推速行。謂以法身本來滿法界不待速行。四分別下推其所作。謂說法度生皆等三世無著等也。五我當下結非已分。如相迴向竟。

天者無縛淨報勝出自在故立斯號。第二依教趣入內四。初禮辭。二念法中三。初思求前法。二出生下因思得法。三得不思議下出所得之法。三漸漸下至後推問。四有人指示是伴善知識也。第三善財往詣下明見敬申請。第四爾時大天下示已法界於中二。初授法方便。後正授已法。前中亦二。初身業。後語業。身中以四長臂。者四無礙解方便用也。取四海水者與法界勝流義相應。洗其面者淨已應機之面。古來皆謂洗善財面。今勘梵本。以四長臂於四方處各取一海水自洗已面。是則水洗淨已能對花散善財。就其所。二作如是言下語業歎機。初一句總。奇特法者世間所無故。二別歎爲歸攝以正道。三別歎爲師護以正法。四別歎爲將引至智城。五具足下結離過應機。二我成就下正示已法中三。初標名體。二顯業用。三結自位。初中雲網者六度行法有潤益義。遍覆義。喻之如雲有滂澍義。隱映義。況之以網則以六度行爲體。二自言下明業用中。先問後答。答中三。初教行施行。於中初積物。二教施三類餘衆生。二復次下教行戒等。三如是等下總結行成。三我唯下結已自分。第五仰推中約五喻顯五行。初二自利。後三利他。我當下結非已分。無縛無著迴向竟。

第十法界無量迴向知識中。初學法勸修內前諸位。並是南天竺。今指中天竺摩竭國道場神者欲表二義。一約因。表地上證

●者 ●經二運 ●顯二即 ●十字(起勝) ●(以) ●二二三 ●就二熱 ●所十(對) ●

真同於佛位。迴向位終。是以成。向此處。二約果。表佛臨機方便現。身是善巧之相。屬迴向位滿。是故於此辨成道之處。良由五位終極各有成佛。樹下現成。屬此位。故又神者表。是智德玄密義也。然守道場神。有道場樹神。有道場地神。今是地。表所依心地。以心中得道。為道場地。名安住者。攝諸善根。迴向菩提。安在道場地處。住持不失。要令成果。故以為名。第二時善財下依。教趣入中。一初設敬辭去。二至後位處。第三一萬地天各作是言。下見敬。申請四。初地天歎善財德。二時安住下嚴土攝生。三告示寶藏。四設敬申意。第四時彼地神則以下示已法界。於中五。初示體。二顯名。三業用。四因緣。五結位。初中以善財宿世善根。悉皆迴向大菩提故。是故在此道場菩提樹下。藏中安住。則是菩提心藏也。今欲證地。加令總現。則一切善根皆在此處。二我已成等顯法名者。以住持不失成佛決定名。不壞藏。三我於下明其業用。於中十句。初一句總。謂常護者持彼所行故。下九別顯。內一智深證。二滿大願。三淨妙行。四出勝通。五具德力。六成堅法。七聞佛說。以守護行增是故。聞佛與記之法。八下以法化。九上受佛力。四乃往下明得法因緣。於中三。初往古時處。二修習下得法增廣。三於其中下更遇諸佛。皆於道場成正覺處。恒作供養等。以其主當此門故也。五我唯下結。已自位。第五仰推中。一常能隨侍者。以此地神

唯道場處見佛。不能常隨。故仰推也。二悉聞下推廣。聞三深入下明。深聞四於念念下明。頓聞五一切佛影下明。因出果不可壞等。六我當下結。非已分。上來十迴向位。竟。自下從婆娑婆陀至。釋夷有十善知識。明十地位行。第一歡喜地。知識內亦為五分。初舉法勸修中。正云。迦里羅婆塞塔。此云黃物城。則往古黃頭仙人先在此處。後於此作城。故立斯號。亦名寂靜住處。何故在此城者。表初地已上生佛家。故在佛生依止不異。即下文廣與怖畏衆生而作依止故也。天竺本婆僧多此云春也。謂表能生長萬行。如春時也。夜天者。同初會中主夜神等。謂在於夜中。耀光救物。故以為名。表證智妙離衆相。破障障故也。此九種夜天依梵本皆是女天表。是慈悲之狀也。第二時善財下依教趣入中。一敬辭。二念法十句。初一總。餘九別。皆是無壞法門之德。又釋以此九行入彼法門。三漸遊至彼從東門入者。是開明之初。入證之始故也。中城住者。表離邊也。第三爾時善財日沒下明見敬申請中。先見內三。一推求言。日沒者。表息地前分別智盡也。又以是夜天非晝日所見故。於開夜方乃得見。二見彼下明正見身。古人云。城者謂初地教道。上空中住者。謂證道。身如金者。實德顯彰也。服朱衣者。表證智光明也。三於其身下見其業

用。於中三。初身現。星光等者。開夜攝生也。二毛孔現。法以益衆生。三隨所經下。於一毛孔中見聞菩薩教化衆生。二善財見聞下設敬。三白言下申請。言一切智道者。明十地是佛正因道故。第四夜天告下示已法界中。二。先歎其發心順知識益。二正顯已法。於中四。初標名體。二顯業用。三得法因緣。四結自分。初中光明普照諸法者。正證法界也。壞散等者。破異性障遣二惡也。又釋普照諸法者。明其大智。壞散衆生愚者。明大悲用。又釋前自利後利他。又釋普照等是能化之智。壞散等是對機化益。二我於惡衆生下明業用中。先長行後偈頌。前中二。初起救物之心。有九種可知。一我當下正對緣救攝。於中有十門。初一總辨。後九別顯。前中初明救時。亦是釋夜天義。以主當世間夜中攝化。亦表地上變易開中以攝衆生。次城邑等明救處。後於此衆生以種種等成救事。若有迴海下別顯九門救處。難衆生。皆有二救。二以世間救。二以出世救。一救海難中。先明所救難狀。後顯能救方便。雖救世海亦欲救拔生死海中衆生。此初段中略此文。二救陸地衆生。為作光明等。是世中救。二發如是心下。以惠光滅煩惱。是出世救也。三救在山衆生。作菓樹等。是世間救。令衆生越生死山者。出世救也。四救曠野衆生。令離飢渴等。是世中救。二復作是念下。究竟智道是出世救也。五見樂著下。救著國土衆生。令滅其樂

著是世中救。二作如是念下。亦令除五陰著住佛境界。是出世救。六見著聚落下救。著聚落衆生。說法令厭。是世間救。二復作是念下令離。六入空聚。入一切智城。是出世間救。七復次下救。迷。或衆生令其解脫。是世間救。二發如是心下明。出世間救。令滅癡闇。止諸惡逆。於中先顯所救衆生。後如是下明。能救之德。八我見貧苦下救。老病衆生。方便救濟。是世中救。二復作是念下令得法身常住。是出世間救。九我見諸惡衆生下救。外道。耶見衆生。令住正見。是世間救。二復作是念下令得出世佛果等。此上九門於前九種衆生起。九種心等。應准此知之。二偈頌中二十一頌分四。初一頌。法門名體。二有四頌。明四無量心。是能救生心。三有十頌。明六處殊勝。初三眼。次二耳。次一鼻。次一舌。次一身。次二意。四末後六頌。明業用廣大。初一神通廣。次三智慧廣。後二所見廣。第三善財白言下明。得法因緣。先與二問。後還兩答。答中先答發心時節。二復次善男子。過此下答。得法久近。前中八。初總明。過時劫佛興。二顯過去父王。三初佛興出。四辨本生身。五善友告讚佛興。六供佛及衆。七結會古今。八顯善力不虛。二答得法久近中五。初總明時處佛興。二顯本生身。三彼淨月下。明善友勸導。四詣佛聞法。五明得三昧。於中四。初得方便三昧。二得此下明正得法門。三放光下明光照見佛增長法門。四一身下明身廣遍利見佛增法。此

上所說明。此一法門根。芽深遠。迹至。於此。四我唯下。結自分位。第五仰推中。初推其自行。二於念念中教化下。推利他行。我當下結。非已分。初歡喜地知識竟。

第二離垢地知識內。初舉法勸修中。女夜天名者。最勝法界稱曰。甚深。正智證入名爲。妙德。戒無誤犯之垢。智有照俗之功。故云。離垢光明也。第二依教趣入中。四。一歎前。二辭去。三念法。四到後。初中以十偈歎德。初二歎身智甚深。次二歎身智廣大。次二歎毛光化用。次一歎本因莊土。次二見聞獲益。後一結歎無盡。就念法中。初思前有二。一思其初發心時。二思其得法圓滿之時。下明由思得益中有十句。行相可知。第三見敬申請並可知。第四答言下。示已法界於中有五。初歎法器。二示法方便。三顯法名體。四辨法業用。五結已自分。初中歎發心能問依地之行及行所依地。二示法前方便行。於中三。謂標辨結。辨釋中十行內。初一總謂依定見佛。餘九別。一見佛色身。次知佛功德身。次知佛光明身。次見佛毛光益物身。次見佛毛孔現光身。次見佛身業化。次二語業化。一廣。一深。末後一總結神力。三我已成下。顯法名體中。寂滅定樂本智內證也。精進者後智策修也。准下以四禪四勤爲其體性。四悉見三世下明業用中。三初釋寂滅義。二禪樂義。三精進義。初見佛無著釋寂滅義。於中初十句見佛依正主伴。無著。二何以下徵責釋成。亦有十句。於

中初三妙絕三際。次一。迴超言表。次二性離虛實。次二體無改變。後二一性無性。此明所見色身等則如此平等是故不著也。二我如是了知下明得禪定樂。於中初牒前起後。二正受下正。顯得定樂。正受初禪明定體。滅意業者明所離。滅意業中欲惡等也。得寂智等是所得樂也。二禪中滅生死覺觀不廢攝生。三禪中滅煩惱苦故得真樂也。依第四禪增長大菩提心。出生下增成餘行。三我如是修習下釋精進義。一菩薩依禪化衆生故名精進。又化衆生令離放逸。亦名精進。初化在家令離放逸。有十二種想。二化出家離放逸。三又復下歎近善友。令勤斷二惡。勤修二善。五我唯下結已自分。第五仰推中六。初推普賢行願。二離障具善。三成佛智境。四處染無染。五攝佛及法。六滅闇照夜。我當下結。非已分。離垢地竟。

第三明地知識中。初舉法勸修內二。初指示後位。後偈頌前文。初中三。先示處者不遠者。二三隣次故。如來右面者證理同。果攝生之便故在右也。喜日觀察衆生者。內證深理。外現慈眼以視衆生。故立斯號。天竺本名喜目光明照衆生也。二顯前法。中十三。初正頌前法。後一頌指示後位。前中初二頌顯前依定見三世佛。次十頌明見舍那佛。於中初三頌明體。德圓備。後七頌佛妙用自在。於中初三身業自在。次二語業自在。後二意業自在。第二依教趣入中三。初

①或二意②③④⑤⑥⑦⑧⑨⑩⑪⑫⑬⑭⑮⑯⑰⑱⑲⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺㊻㊼㊽㊾㊿

設。禮辭去。一起勝欲樂。三往至。後位。就起勝欲中。三。初十句自力思念。識知識德。次十句喜目加持。轉起勝念。三則時了。知下明。因前勝念得增長法。第三段中略無致敬申請。見彼夜天下則是第四示已法界。於中有四。一體狀。二業用。三出因。四結名。初中身安寶座。智處法門。謂依法界身現。普光幢差別人法。以益衆生。令其喜悅。爲法門之狀。二一切毛孔下明。業用。於中有三。先現大業用。二明善財親見。三善財偈讚。初中有三。初毛孔出身雲行。十度以化衆生。二從又於一切毛孔顯現。下明於毛孔夜天。自現所修本行。以任持不失故。三從又一切毛孔出無量身雲。下明現諸趣身雲。說夜天本行。初中三。先總。二所謂下別辨。十度。三如顯現下類通餘法。別中十度卽爲十段可知。就第二現夜天。本中。初總。二行檀下別顯。十度。前六可知。方便願力中各五句。一標行體。二修行身。三所修行。四行離障。五行本因。智波羅蜜中先舉智度分齊。二隨順下顯所知法。就第三現諸趣身雲。說夜天本行中。有四。初明所出身雲。二明所說本行。三明以種種聲說。四明說法利益。初中先總舉。二所謂下別顯。別中始從阿迦尼吒。下至金剛力士有六十類衆。充滿法界可知。二爲一切衆生下顯。所說功德有三。初明積劫之行。二得諸三昧下明。所得通明。三得諸菩薩下明。所得行位。三如是等類下明。以聲說中。三。初

總舉。二所謂下別辨。二十四種音聲。三以如是下結說。四彼一。一身雲下明。說法利益。中。初嚴土益。二無量下利生益。有六位漸次益可知。第二善財見聞證入法界。於中。三。先辨所見聞。二正念下正證。法界。三何以以下釋成證因。有十種所由可知。第三善財偈讚中。先明說偈所因。後正以偈讚。十偈分五。初二歎依勝因現用益。次二歎依法身現化益。次二益物無著。次二歎依定現奇益。後二總結現身說法益。第三歎已白言下明得法因緣。於中。二。先與二問。一問發心時。二問得法久近。答二。初偈頌。後結會。前中有八十九頌半。分爲二。先有七十。七頌半。答發心時節。二從功德幢佛下十。二頌。答得法久近。前中有十復次。初寂靜音劫中有五。初八頌頌。夜天本身。二從日沒下十一頌。明見最初佛。三從我時下三頌。頌明往到佛所。四從時彼如來下三頌。明聞法發心。未曾忘失者。明不退也。五從是後下五頌。明發心。後於彼劫中所供諸佛略列十佛。以顯本數。未得惠眼者。明在信位中。未得十解正。惠眼故。二天勝妙劫中四頌半。未離五欲者。未得正解。猶著欲樂。三莊嚴梵音劫中有五頌半。猶未了真實者。未到十行位。中如實而行。真實行故。四歡喜德劫中有五頌半。猶未得妙智等者。未得巧便。十迴向智稱。法界等。無量迴向。五寂靜惠劫中五頌半。猶未解真法等者。未得地上本智證解真如法。亦未得後得智遊利

供佛等。六香燈雲劫中有五頌。成八正道者。得初地見道故也。七明淨堅固劫中有六頌。嚴淨最勝道者。明二三四五地中勝道行成。未得六地緣生深順忍也。八勝王劫中有五頌。於彼正道者在。於六地修緣生中道觀。九千功德劫中有五頌半。在七地位。未得八地無生忍故也。十無著莊嚴劫中有五頌。明供佛。二功德幢如來下十二頌。正明得此法門。初陀羅尼念力等者。明九地得四無礙解及持成就。願受如來所說法雨。二我得明淨眼三昧陀羅尼者。明得十地法門。一。一見佛者。攝報果中見佛也。心淨如空者。明微細障亦盡也。得佛力者。則十地受位。隨在佛數也。觀察下。明大悲攝物德。法雲波羅蜜等結。位名也。佛子下二頌。結成普賢行位。該通一切也。二結會古今中。初法會入。二顯已發心益。三乃至下明。得法益生。第四我唯下結已自分。第五大段諸大下仰推中。二。先別辨十重可知。後我當下結。非已分。三地竟。第四略地善知識中亦五。初舉法勸修中。同在證位故云。此佛衆中。吉祥勝智名爲妙德攝物起行名。救護衆生。第二依教趣入三。初拜辭。二思念中。一。先思前所現法有五句。一總舉法門。二分別者。剖折其門。三深入者。證入盡原。四開發者。探其所隱。五顯現者。露其體狀。二隨順下念。前所指示。已法界。此二合辨。於中有四。初現法加

●二教● ●自十(在)● ●現十(前)● ●本十(行)● ●[至]一● ●劫二功● ●二十(款)● ●十(亦)● ●七
頌半二八頌● ●二頌二一頌半● ●地二如● ●彼十(修)● ●明十(得)● ●一十(念)● ●

證。二見用禮讚。三顯得。法因緣。四結。已自分。初中三。先示己法門身。二眉光加證。三善財則得法門。離垢者眼。眼盡故。圓滿者淨智具。故能見法也。二得此三昧。下明見用禮讚中四。初見彼大用。二善財設禮。三天服本形。四善財偈讚。初中三。先明用所依處。二正明所現用相。三出用起所因。初處中亦三。一先微塵中見世界顯。因陀羅網重重之相。二世界中見衆生生死流轉。三分別塵內世界形類不同。此中世界趣淨者衆生在染土中修淨土行故。趣不淨者作不善業向惡道故。又釋趣淨者是劫增向淨故。趣不淨者是劫減向穢故。淨不淨者淨多穢少。不淨淨者穢多淨少。又釋前淨中有穢。後穢中有淨。二如是等。下正明所現用相。於中二。先總顯。二爲地獄下別辨。則辨中二。一爲救苦。二爲教化。前中三。初救惡道衆生苦。二救欲界天苦。三救人趣中苦。有二。十種畏非時受生畏者是不值佛世生也。二又復教化下授之以法。謂四生三界通收一切也。三滿足大願故下十七句釋成化所由。謂何因菩薩遍諸塵內。於五趣四生常現其前。拔苦與樂。釋云爲滿足大願故。一一皆是一所由。准釋可知。二爾時下明善財喜敬設禮。三夜天則捨下明現本形。謂隱其寶德現夜天形。四善財偈讚中二十頌半。初一總頌。餘下別中。初九頌半歎夜天身光利益。二喜目下十頌述前所見。前中四。初三頌半歎身光益物。次二歎香寶光益。次二歎

口眼光益。次二歎身普益物。二喜目下述前中四。初二述前指後光加證法。次一述所得三昧。次三述前夜天遍諸塵刹救攝衆生。後四頌述前夜天遍塵刹敬養如來。第三明得法因緣。中二。先問後答。就前問中初總歎深奇。下別問法門有三問。一問法門名字。二問得法久近。三問法門因行。二善男子下答中有二。初歎深難說。二諦聽下承力許說。前中二。初下位非分。二何以下微顯上境。又初凡小不知。二責不知所以滿普賢下示不知所由。以唯是修善賢行已成滿者大菩薩所知境故。非二乘等所知。文中略舉八句顯難知。明善財亦具此知可。得爲器。謂以事廣故理深故時遠故。是此法門根芽深厚之相也。二許說中二。先誠聽許說中。諦聽者誠聽不謬故。承力者顯說所依故。二佛子下正說中。先長行後偈頌。前中有三大段。初於離垢圓滿劫中供佛修行。二從其後有劫下於大光明劫中供佛修行。三從如是等下總結結塵等劫中供佛修行。就初段中有十。一總舉本事。二顯本生處。三本生父母。四本生之身五佛興利益。六普賢引導。七德女興供。八聞經得益。九宿因堅固。十結會古今。就本生處中三。初通舉世界。二彼世界東際下於彼界中別顯。一四天下。三彼閻浮下別顯。一王都。三時彼城中下明其本生。父母四彼有一女下明本生之身。下明時人起惡是佛興所因。五時彼城北下明佛興利益於

中先明道場處。二最初妙德幢下明佛興攝化於中有四。一放光警覺放光有十二重。漸次各令表知。已後佛興。佛子彼佛下總結光益。二滿七日下動地集衆。三一切金剛下讚頌興供。四時彼三世下明會衆說法。於中三。先菩薩衆會。二佛轉法輪。三令無量下明衆得益。有二。先明益衆。後何以釋能益所由。前中初得入天益。二得二乘益。三立衆生於勇猛下明菩薩益。於中有十六句。初十令住十信位。發菩提心者令進入十住位。以彼初是發心位故。菩薩道者是十行位。淨波羅蜜者是十迴向中令前十度行淨也。次令得初地乃至十地可知。大願殊勝是等覺位中行。普賢願行者是一乘無障礙普遍五位之行願也。何以微釋可知。六爾時普賢下明普賢引導。於中四。一身光映奪。二語告佛興。三時彼衆生下大衆歸心。四時彼聖王下明輪王趣詣。於中三。初昇身在空。二十偈普告。於中分四。初一總勸往詣。次五歎佛積德出世難值。次三明佛已出大利現前。後一令辨供供佛。三往佛設供。七爾時妙德眼女下明德女興供。於中三。初解嚴具奉佛。二變成寶蓋。三女見歡喜初者。若隨事言。以重佛故解身重服以散佛也。若表行言。以己所修福惠二嚴迴求佛果故奉佛也。二時莊嚴具下明佛納受變成寶蓋。於中初顯蓋莊嚴。如明淨樓閣者。學下文彌勒樓觀爲喻。二於其蓋中下明蓋內所現。於中四。初現盧舍那

●談二映●談二●●故十(智)●●服二現●●(正)一●●十十(一)●●●等二方●●●經二已●●●二十偈普告於中
二普告二偈勸於中十偈●●

佛及菩薩衆等。二又見一切諸劫下明。現餘剎餘佛三見。普賢業用。四見重重帝網世界種種佛與異異說法。三時彼女見下明。見聞歡喜以增善根。成於法器。八爾時妙德轉佛下明。聞經得益。於中初舉佛所說主伴經。法輪約義。妙音約教。二明所得益。於中三。初得三昧益。先總次別後結。別中略辨十二種。二復得淨心下明。得淨心益。文略列三十四心。三如是等下明。得法門。初如是等心出生者。明法門所依總舉。次別顯九種。後如是等總結可知。九善男子。下明宿因堅固復於是前者。是離垢圓滿劫前會造像已發堅心。十結會古今。中三。初正會古今。二善男子。我以下結所成益。三恭敬供養下明。轉修勝行。淨前法門。第二大段其後有劫下明。大光明劫中供佛修行。於中三。先總舉。二其最初下別辨。九佛各轉生供養聞經受持。三佛子如是等下最後佛邊所得法益。第三大段佛子如是等世界微塵下總結座數劫中供佛修行。於中四。初供佛聞法。二於一一下得法攝行。三於念念下見佛行成。四何以下釋成行所由。以所說法多故。依法成行亦廣也。第二重頌中三十八頌半。初二頌與所得法門誠聽許說。餘正頌前文。於中初二頌離垢劫中總數。二三十一頌半別顯略列所供一百一十佛。三如是等下三頌結得法勸令速具。四我唯下結已自分。天竺本名現一切世間前教化衆生對見法門。第五仰推中十句。初行廣。二悉從等

行深。三正身心。四滿根海。五具顯門。六具廣定。七成勝通。八修多智。九入證原。十結非。已可知。災地竟。

謂初不求大果心。後捨化衆生心。二爲無色者。下三門化。厭色樂無色衆生。三爲苦惱者。下二門化。有苦衆生。四爲國觀者。下七門化。著處衆生。五爲貪欲多下七門化。惑障衆生。三我以如是下總結成前法門名也。此則化衆生令莊嚴德成生歡喜故也。第三復次善男子。下答境界問。於中二。先辨觀察菩薩境界。後又善男子。下明觀察如來境界。前中初舉所觀境。釋顯莊嚴。後我見下辨無量歡喜。前中有二十四句種種。初自分德中差別德。從種種方便入如來下明勝進入果差別德。並可知。就觀佛境界二。先有十門觀佛境相。各先見佛果莊嚴。後生無量歡喜。初三身光嚴。次二光雲嚴。次二行相嚴。後三出來嚴。二起者非起下明。所見身光相用等。起則非起明用而常寂故。能喜所喜俱平等無性也。於中先標。二何以故下釋不起所由。佛子。下結境界。第三佛子。此法門者。下答法門方便善巧之義。於中有三十二門。初一是總顯方便。次八約法說方便。後二十三約喻顯方便善巧。後結。以非喻爲喻者。理實此法非世喻能譬。略舉少分喻也。第五善財。白下明法門因行。以去前問遠故。是故重問發起。答中三。初總標數。二別列行相。以修十波羅蜜行。故得此法門。三佛子是爲下結行得果。第六善財。白言下明法根深淺。先問後答。答中二。先長行後偈頌。前中四。一明知過去普照幢劫中發心修行。二於彼刹下二佛世界塵數劫修行。三最

結非。已可知。災地竟。

明。所觀法境界。四善巧方便五得法所由六根深淺。七結名歸已。初標名體中無量歡喜莊嚴法門者。一以莊嚴法化無量衆生。令歡喜故也。二見佛因果莊嚴之法。生無量歡喜故也。下文具此二故作二釋。即以悲智適悅爲性。天竺本名起廣愛樂心。利那速疾莊嚴菩薩解脫。二辨業用。中先問後答。此中通問。四法門。一問法門所作正顯業用。二問法門境界明其所觀。三問法門方便顯其善巧。四問法門因行正顯所因。下答中答上四問則爲四段。初答所作業用。中三。初能淨衆生心海。二能爲衆生滅障成德。三總結所作。初中先十心欠一。初一總謂授以教法。令聞熏心海。令息妄念。現淨心體故也。八心別辨可知。二善男子。我爲衆生下滅障成德。中二。初總明拔苦與樂。二若見衆生在家下別顯滅障成德。於中有三十三種分五。初十四門分十度化十四種衆生。初施戒有五門。顯度有二門。

門十(益)③④ (是)一③④ 已十(分)③④ 七二四③④ * (明所…六)十七字二(法)一字③④ 三二二③ 五二四③④ 六二三③④ 彼十(佛)③④

後命終下明於此賢劫中修得法。四善男子汝所問我下結答所問。初中有三。一明於最初佛邊發心得定。二彼道場上下明轉生更值餘佛得法。略舉十生值於十佛得十三昧。三如是次第下總結。十剎塵佛及受生得法。上明一劫中所見諸佛。二於彼佛剎下明二剎塵劫中各供佛修行及所經受生。顯此法門根無極深遠也。三最後命終下明此賢劫中供佛修行。於中三。初值拘樓孫等三佛得定。以此忍土在花藏中。舉本統末故云生此等也。二今復下明見舍那佛正得此法門體。三得法已深入下得法門用。於中有十。初總舉所得善巧之海。二以此下九門別顯業用。一見塵中諸佛。二見舍那普遍。三見彼諸佛。一毛孔下明見化身諸佛充滿法界。四觀察三世下明同佛入證故。觀佛體同故。出生等依證起用差別故。初總持出生門。謂依平等出一切方便便此一切中各出一切。如是重重出生至十一重一故也。此是無盡無盡法門海也。五得圓滿智地下明照過去佛十度行海。六普照如來過去無量下明照過去佛所得地位。七知無量佛下明知過去佛菩薩時二利行海。八普照如來一切智下明持法照佛。九於念念下總結所知。結答中五。一總結。二如。此界下以四佛類賢劫千佛三如供養賢劫下類十方一切世界。未來一切劫諸佛悉皆供養。四彼離垢界猶在者以是十世中過去現在則現在現在故。又是

淨土無災壞故。五汝當等結勸令學。二願中十偈分五。初一誠聽勸學。次二明修因曠遠。次三供報恩田。次四救衆生苦難。後一顯已大願四我唯下結已自分。第五仰推中先舉所推。謂善知時處。後非已知難勝地竟。第六現前地知識中。初舉法勸修中。道場佛衆並同前釋。妙德守護諸城者依證。智總持智名妙德。常入一。切城故云守護。又以觀智守護心城令離妄念故名也。第二依教趣入中四。初偈讚中十願。初一。辭已受教來見此希境。二虛妄不知。三妙觀無厭。四無著現力。五不動見佛。六惠光照機。七知業現身。八知世佛平等。九離相說法。十修廣大行。二設敬辭退。三思念前法。初智慧分別者簡釋其義。隨順等趣證相應修廣身證者正證在身現露相應也。四往詣等至後位也。第三見彼下見敬申請中三。先見勝依正中。一見依報眷屬。二見正報身雲有十一種身。二善財下設禮敬。三白言下申請。第四時彼夜天告下示已法界。於中二。先歎法器。二我已成下正顯已法。於中有四。一標法名體。二顯法義用。三辨法根深淺。四結唯自分。初中正證法界名曰甚深。後智顯辯名爲妙德。宣教隨機廣略無礙名自在音聲。二是故佛子下顯義用。於中有二。先總後別。初中六。一勝大師化。二調御師化。三明淨日化。四平等心化。五我常以法施下正顯法施攝生。六我以

如是下總結智慧益。二復次佛子下別辨中四。初釋甚深義。二釋妙德義。三釋自在音聲義。四總結上三義。初中三。初舉數總標。二所謂下別名釋義。三佛子我以下總結業用。初總中觀察者智照故。隨順者趣向故。攝取者正證故。別中舉法界中十種義約十種行。顯之。以行必稱理理由行顯故也。二佛子我如是思惟下釋妙德義。初總舉。二所謂下別辨十門。總持勝智妙德備具故名圓滿。三以如是下總結益生。三復次佛子我或下釋自在音聲義中。初別顯有二十三句。初三句約三慧。辨法。後二十句以十法約廣略辨法。二佛子以如是下總結可知。四佛子我深下都結前法。謂入無壞法界者結初甚深義也。悉究竟如來正法者結妙德總持也。以無上法施等者結自在音聲也。佛子我已成下結自分法體。念念下結業用。三爾時善財下辨得法久近明法根深淺。於中先問後答。答中二。初明離垢光明劫中供佛修行。二復次佛子下明於佛利塵數劫中供佛修行。前中三。先於最初佛所得法門。二大有佛下略列所值九十八佛。三佛子於離垢下總結須彌山塵等佛。初中六。一舉往時。二時有世界下顯往處。三於彼城外下明往佛興。四時有轉輪王下明父王修行。於中三。初王聞法出家。二見惡毀法。三護法令興。五時有比丘尼下明夜天本身發心得法。六佛子時輪王下結會古今及得法利益。二大有如來下略列九十八

●經一還● 還● 土二出● 土一● 知十(四)● 結一● 此十(世)● 智一起● 常二當● 切十(智)●
●辭一彰● 義二業● 辨二辨● 別一● 毀二解●

佛三佛子於離垢下結須彌摩等佛各供佛修護法門。二復有佛剎摩等劫中供佛修行是故佛子下顯夜天名可知。四我唯下結自分第五仰推中十句。一了語。二知心。三入語音。四善設語。五分別法。六攝總持。七巧出法。八攝衆生。九順淨智。十吼法施。我當下結非已分現前地竟。

花嚴經探玄記卷第十九

華嚴經探玄記卷第二十

盡法界品

魏國西寺沙門法藏述

第七遠行地知識內。初舉法勸修中三。先指後位次。二顯前法。三善財得利益。初中開敷樹花者。若約位此地是有行有開發無相住故名也。約事此天在香樹樓閣中故立此名。二顯前法者。臨去殷勤。囑付令修學。故於中十四頌。半初二總頌。授智法。次十頌。離垢光劫中供佛修行。於中初三總舉。次五別頌於初佛邊發大心等。次三總明。已後須彌摩等佛邊修行得法。後一頌半結轉利塵劫中修行淨治此法。三爾時善財下明。聞偈得益。於中二。先長行得法有六句。一總舉法體。二三昧。三總持。四通明。五辯海。六深法。後五是用。二偈讚夜天。於中十四頌分五。初四頌悲智甚深。次四頌度生廣大。次二離障攝德。次三見時衆除妄。後一用同佛果。第二依教趣入中。初敬辭。

二念法。三往後位可知。第三見敬請中。初見依正主伴。二設敬。三申請。就可知。第四答言下。示已法界。於中有五。一顯法義。二立法名。三明業用。四辨根深。五結自分。初中二。先明安樂衆生行。光救夜中衆生。謂日沒等夜中放光是夜天之義。令免世險路求一切智道。若於山等救難中衆生。釋光明義。二又善男子。下明利益衆生行。初化放逸衆生。令修知足行。次授與十波羅蜜。令破十障。釋成歡喜行。可知。二我已成下立法名。依上三義。遂立此名。天竺本名生廣喜處。知足光明菩薩解脫。三業用中。先問後答。以是業用分齊。故云境界。答中二。先舉佛果力用。益生彰已所學。於中先總後別。可知。二我入此法門。下明知菩薩因行業用。顯已同成。於中二。先總顯。後我知下別辨。別辨中三。初知盧舍那佛本發心時修益生行。二知行菩薩行時修益生行。三通結一切所修行。初中五。先明大悲救物行。於中初見衆生苦。二起悲救攝。三結成慈悲。二以知足法。下明大智益生行。三成就菩薩下成神通利物行。四以無上淨法。下嚴土說法益生行。五分別一切未來下廣攝時處修攝生行。二佛子。盧舍那下明行菩薩行時益生行。中二。先見衆生具苦。因苦果。謂初顯集因。常於生死等是苦果。一發起大悲等明。救令出離。授樂因果。謂初教修道。滅不善下令。得滅果。三佛子。以如是下結中。二初結前初發心時益生。二以如是下結

修行菩薩行時益生。並可知。四善財自言。下明法根深淺厚薄之義。於中先問後答。答中二。初歎深難。辨承力許說。二乃往古下正顯承力所說之法。前中亦二。先長行後偈頌。長行中三。初歎境難。辨非但久遠故難知。亦是當時發心。即得深法。滿佛境界。故是故難知。此中難者。一非聞惠能知。二非思慧能信。三非修慧能入。上心行處滅。四言語路絕。五非二乘智能證得。若爾豈可善財亦不可得。知耶。二除佛神力下明。有因緣亦可得。知。初一句佛力加持為緣。依善知識等明。內行高勝。為其因。方可得。知。善財正是其人。故云能須佛力方能信等。翻難也。三何以故。下資。何因要須佛力方能知。耶。釋以是佛境界。故。若爾夜天云何得說。釋亦我承佛力說。頌中二十一頌。半有五。初一舉境甚深。頌前難說等。二有四頌明所不知。人頌前非諸天等能知。三有十四頌。半頌前除佛神力等。於中初二頌。前佛神力及依善知識成善根。次一頌。前淨正直心。次一頌。前哀愍衆生等。次六頌。六度行及頌。前拔煩惱樹等。次二頌。半頌。前滅諸染污得普照等。次二頌。得如來樂入佛功德等。四有一頌。勸善財學。五有一頌。前我當承力說也。二正說發心久近中。有二。一先長行後偈頌。前中三。初明過去大王起行。即是本事。二有童女下明。夜天本生同修勝行。三結會古今。初中有五段。一總舉時處。塵數佛興。二佛子。彼世界海中。有世界性下別舉。

①(第)一② ③聖本卷末與舊曰古本朽損之間加朱點修補表紙奉送納經藏者也應永十四年四月廿九日辨經 ④(後) ⑤十頌 ⑥(囉)一 ⑦(半)一 ⑧一頌二頌半 ⑨三頌二頌半 ⑩先二初 ⑪(時)一 ⑫(知) ⑬(一)一 ⑭(一)一 ⑮(一)一 ⑯(須佛力方能)一 ⑰(故)一 ⑱不十(能) ⑲惠二意*

本處明輪王興化。以是鐵輪王。故云彼閻浮提。三彼大劫中。明有惡劫起。於中五濁熾然者。總舉也。謂劫濁見濁煩惱濁衆生濁命濁具如別章。行十惡等造苦因也。死入惡道。明受惡果也。命短等明受等流果也。以諸貪著下明增上果。四彼時人民下明苦人於王上訴求救爲大悲之境。五時彼大王聞下對境起心成大悲之行。於中三。先心得大悲法。謂百萬僧祇等。二口發大悲語。謂十種悲語等爲愍衆生十種苦故。一地獄苦。二煩惱苦。三老病死苦。四恐怖苦。五見疑苦。六愚癡苦。七慳嫉苦。八生死苦。九生盲苦。十障礙苦。十種對治如文可知。三時彼大王下明身行大悲事。於中五。先宣勸普告。二時城東下設大施會。三爾時閻浮下大衆普集。四時王見已下明見乞者現前王大歡喜。是適悅意樂。於中四。一法說校量。二喻。三合。四何以故下釋大喜所由。文竝可知。五復次佛子時彼大王下正起勝想。普施所須。第二時彼會中有一童女下明本生身同修勝行。於中六。初歎女德勝。二作如是念下順善知識拾物。同願脫莊嚴具者示背世間榮華之報。置王前而發願者。佛同出世菩薩大行。三時彼大王告此下王施與女者明菩薩攝受同行故也。四女人說偈讚王德者賀恩報故。五十二頌分。二初二十五頌總顯大王興世利益。後二十。七別明本生利益之相。前中四。初六頌明王未興時損。二。次二偈明王興益。三

有十頌顯王興世翻損成德。四有七頌明大王聲教利益。二從王父名。淨下二十七頌別顯本生中五。初四頌明前王世末。二有八頌明王興先相。三有三頌父王遊池。四有五頌明童子出生益。五末後七頌明王出利益。五爾時等明女讚已設禮。六王讚女德以衣授之主伴同益。第三結會古今中略不結云。爾時彼童女者今則我身是第二重頌中十偈。初二天眠。次一天耳。次一他心。次一宿命。次四廣知諸佛因果等事。後一結勸修學。五我唯下結自分可知。第五仰推勝進中五句。初明行。廣。二大願滿。三攝多。德。四行無礙。五法自在下結。非已分。遠行地竟。第八不動地知識中。舉法勸修內。願勇光明守護衆生者。以此地中願波羅蜜增上故云勇也。又准梵本是精進勇猛之義。非是勇出之狀。以此願勇之光。饒益衆生。故云守護教開。八地淨佛刹等行也。餘同前釋。第二依教趣入中二初辭前二趣後。略無念法。第三見敬申請中三。先見。二禮。三觀。略無申請。以理法於身見已無請。初中二。先見身所在下顯身相。於中二。初光明普照等總明身光深廣。謂稱理法界故遍事法界故。一切日月下別辨二十種身雲自在。於中初八是應機攝化身。二諸諸佛所下八是應法成行身。三離熾燃。下四是應理平等身。二善財見下禮敬念觀。三於善知識下因觀得勝心。初總次別後結。別中十

心皆先舉所得心名。後釋心義竝可知。第四爾時善財一心下明現證法界。於中四。初證得法體。二顯法名義。三辨法根深。四結法本位。初中三。先得共法。二得正直心。三偈讚德。初中三。先觀此天。身得塵數等是總舉。若約自分。是極位菩薩。共所得故名爲共法。若約勝進同諸如來。共所得法故云共法。望下皆是不共。衍法師云。菩薩共法通論有四。一人法無二。與一切法界共。二因果無二。與一切諸佛共。三自他無二。與一切菩薩共。四染淨無二。與一切衆生共。二所謂下別列八十四種。一中皆初標名後釋義。竝如文可知。三得如是下結。二爾時善財入如是下明因此共法更得直心無邊可知。三頌讀中十偈分。二。初三頌前法。餘七請後行。前中初一頌所起十心標。初心統於後也。次一頌所得共法後一頌所得正直心。二唯願下請後行。初三請授法。次三請授行。後一結重恩。第二爾時善財說偈下顯法名義。先問後答。此中亦問法根深厚相通有三問。一問名義。二問發心久近。三問幾時成佛。答中不答後問故唯二。答。初答名義中。先名者身隨應化。智善開覺。令物增善。故云長養。二我入此下顯義用。中四。初釋覺悟義。謂了法平等是正證故。二解一切下依證現用。釋隨應化義。於中三。先無邊現色是總句。謂攝論等名土自在依止法界。當此地也。二所謂下別有一百種色。檢文。欠二句。三於念念中現如是等總

◎故十(故)◎ ◎譯二希◎ ◎七十(頌)◎ ◎淨十(光)◎ ◎[明王]一◎ ◎[爾]一◎ ◎廣十(修)◎ ◎德二位◎ ◎理二現◎ ◎見十(已)◎ ◎答二問◎ ◎法平二平法◎ ◎邊二色◎ ◎欠十(共)◎

結。以是起信論中第八地名色自在。此地此之謂也。三或見或念下。隨機滅不善法。安立善法等。釋長養善根義。四佛子我住下結。法門業用廣大。第三如汝所問下。明法根深厚。於中二。一歎深許說。二正說所說。前中三。初牒問許說。二菩薩圓滿下。數顯甚深。於中約五譬喻。以顯深義。初一日性無闇喻。喻菩薩智慧無妄能破妄。二日光遍照喻。喻菩薩寂而常用義。三虛舟濟物喻。喻菩薩無住攝生義。四空性無礙喻。喻菩薩無功益物義。五化無形質喻。喻菩薩用而常寂義。三佛子菩薩智慧下。明結承力許說。二乃往下正說所說中二。先長行後偈頌。前中三。先明善光劫中供佛修行。二明日光劫中供佛修行。三結塵數劫中供佛修行。初中有

二。初明於最初佛所修行得法。二轉生值餘佛。初中有十四段。一古佛出世。二昔人造惡。三佛正開導。四王力治罰。五太子悲救。六臣議令死。七請代。八命。九王怒令誅。九母請王審。十太子確救。十一代獄放。十二王許修福。十三正設施會。十四佛救太子。於中有八。一國人已集。二佛衆雲赴。三見佛威光。四敬禮申請。五說法益衆。六太子得法。七結會古今。於中有四人。一太子。二惡臣。三獄囚。四大王。八出家得法。第二我於爾時下。明轉生值餘佛略舉八佛。通結一萬。第二次復有下。明日光劫中供佛修行。於中三。先總舉數。二別列十佛及轉受十生。三我諸趣。受身下總結六十億

佛一得法。第三如一劫下總結塵數劫中供佛修行修此法門。二重頌中三十六偈分九。初一頌承力許說。次六頌古世佛與昔人造惡。次七頌太子悲救代命。次五頌初佛說法利益得法。次一頌結一萬佛。次一頌結塵數劫等。次四頌結會得法。次八頌法門業用。後三頌長時益物下結自分。仰推勝進。並可知。不動地竟

第九善惠地知識內。舉法勤修。初指處。此圖在迦毘羅城東二十餘里。是摩耶生太子處。流彌尼者無正翻。義翻云花菓等勝妙事具足也。二示人名。妙德圓滿林天者謂善妙之德內備。發願守護此林故以爲名也。天竺本云有留彌尼天女名妙圓光勝愛樂也。三教問中以是生佛處。故教問生佛家等。第二依教趣入中亦三。一敬辭。二念法。三至林推覓。第三見坐下明見敬申請中。初見。二敬。三請可知。第四答言下授已法界。於中作五門分別。一顯法義。二立法名。三明業用。四辨法根。五結自分。初中二。長行與頌。長行中有四。初總標歎德。二列十名。三釋十義。四結歎益。初中三。先總歎能行生如來家。二於念念下別顯修法成行。三具足下明行成趣果。二列十名者有諸德釋將配十地。一一別釋。今就通釋。一供佛願。二覺心。支者依菩提心出生餘行名。支也。三觀寂滅。四淨直心。五智普照。六生佛家。七佛光力。八達佛智。九嚴法界。十勲至佛。由行此十行令諸菩薩得

生佛家故也。三提名別釋中。十種。卽爲十段。一一各三。謂標釋結。初可知。二中有十種菩提心。皆有標名釋義。支者差別。義有十種故。又是因義爲餘行本故。三中有九種心。與前十心何別者。前是行本心。此是現行心。故生佛家也。四中亦以十句釋成直心。謂正直趣法堅心不動。故生佛家也。五中亦以十行釋成普照。初六可知。無礙眼者是方便。深入等是願力。智者等是智度。由十行普照得佛家。六中亦以十句釋生如來家。一隨佛教。生證深法門。二同佛大願。三行同。四體同。五背向同。六長善同。七住法同。八得佛定。九攝衆生。十聞持法。七中以九句釋顯佛光明力。謂知諸法如幻等故成就如化通明之力。同佛光力遍遊十方故也。八中亦十句釋分別薩婆若。一總觀。二於無量劫下別顯分別果智及智所知境等。並分別可知。九中亦有十句釋莊嚴法界。謂嚴刹土化身嚴。起行嚴。攝生嚴等。並准可知。十中亦有十句。釋勇猛精進至佛。二總。二一切世界下別顯三世佛智所知及示成正覺教化衆生故也。四住是法下結成利益。於中先顯十種利益行成。後以一切法下隨應成佛。結生如來家。二重頌中十頌如其次第。各頌一受生法。文顯可知。菩薩具此下結二我成就下明立名言。無量境界自在者。明菩薩爲物現生故云自在。奇瑞非一名無量境。天竺本云。我成就菩薩解脫名無量劫執持一切菩薩受生自在

生佛家故也。三提名別釋中。十種。卽爲十段。一一各三。謂標釋結。初可知。二中有十種菩提心。皆有標名釋義。支者差別。義有十種故。又是因義爲餘行本故。三中有九種心。與前十心何別者。前是行本心。此是現行心。故生佛家也。四中亦以十句釋成直心。謂正直趣法堅心不動。故生佛家也。五中亦以十行釋成普照。初六可知。無礙眼者是方便。深入等是願力。智者等是智度。由十行普照得佛家。六中亦以十句釋生如來家。一隨佛教。生證深法門。二同佛大願。三行同。四體同。五背向同。六長善同。七住法同。八得佛定。九攝衆生。十聞持法。七中以九句釋顯佛光明力。謂知諸法如幻等故成就如化通明之力。同佛光力遍遊十方故也。八中亦十句釋分別薩婆若。一總觀。二於無量劫下別顯分別果智及智所知境等。並分別可知。九中亦有十句釋莊嚴法界。謂嚴刹土化身嚴。起行嚴。攝生嚴等。並准可知。十中亦有十句。釋勇猛精進至佛。二總。二一切世界下別顯三世佛智所知及示成正覺教化衆生故也。四住是法下結成利益。於中先顯十種利益行成。後以一切法下隨應成佛。結生如來家。二重頌中十頌如其次第。各頌一受生法。文顯可知。菩薩具此下結二我成就下明立名言。無量境界自在者。明菩薩爲物現生故云自在。奇瑞非一名無量境。天竺本云。我成就菩薩解脫名無量劫執持一切菩薩受生自在

顯現三善財白言下明法門境界。先問後答。答中有三。初明下生有十瑞應。二明生時有十光。明三明受生有十自在。初中三。先天神自顯。本顯生此。二菩薩下生所現十瑞相。三此相現時下見。瑞知菩薩生。二佛子摩耶夫人出迦毘羅下明生時有十光明。有舉數列名總結可知。三摩耶於此畢利又下明受生於中有四。一總標。二別顯。畢利又者具云鉢刺。又義翻云高顯樹也。有處名阿輸迦樹。此云無憂樹也。又阿說他樹此云無難樹。謂遠三匪能滅罪障。此是菩提樹非是生處樹也。又名畢鉢羅樹。此云樹樹在嶺南亦有此類可知。十自在者。一八部雲集光照息苦。二腹受三千遍坐。三有億三毛孔現佛過去行法。四毛孔現佛過去本事。五毛孔現佛過去形色。六毛孔現佛往昔本施。七身中出佛本嚴土事。八身出八部宮殿滿林。九身出菩薩讚歎舍那。十金剛地輪生大蓮花以承菩薩。三摩耶生時下顯相狀。於中五。一朗耀挺特如空中日現。二威光赫奕如雷電光。三應機現身如山起雲。四現破無明如闇中燈。五雖生不生用常寂故。四我於一念下明夜天結自所知受生分齊。四爾時善財下明法根深厚先問後答。答中二。先長行後偈頌。前中十。一古世佛興。二出往佛母。三攀樹生佛。四授與乳母。五乳母得定。六得此法門。七結會古今。八廣見受生。九知本大願。十供佛持法。二頌中二十三頌半。分四。初一誠

聽許說。二有八偈半。明初佛所發心得法。三我於億刹下十三偈。明更供多佛淨修增廣。四末後一偈。結歎無盡。下結自分及推勝進。並可知。善惠地竟。

同行德。於中有十句。一本行同。二四攝同。三大悲同。四大慈同。五大智同。六不退同。七行滿同。八離障同。九普行同。十成果同。三致敬請問中。皆問悲智等。逆順無礙行有九句。一在染不污。二得理不證。三得果住。四出世恒入。五處理現事。六無言現。說七知空攝化。八知寂恒供。九知真行。俗。第四爾時瞿夷下示已法界中二。初歎問許說。二正示已法。於中作五門分別。一法義。二法名。三法用。四法根。五法位。初中二。先長行後偈頌。前中亦二。先十法顯。因陀羅行。有總標別辨及結可知。二勸修十法。值善知識。亦有標釋結可知。二頌中十三偈。初二頌。前依善知識。次九頌。餘九行。後二結歎行用。二我已下立法名者。謂一切菩薩三昧深廣以勝智觀察分別。天竺本云成就善薩解脫。名觀一切菩薩三昧海境界。三善財白言下明法用中。先問後答。答中三。初知此娑婆世界中境。二知十方世界中境。三盧舍那下釋。能知所由。初中四。先知衆生善惡。耶正。二彼諸劫中下知佛因果。三知二乘眷屬。四知彼眷屬菩薩下明知菩薩衆及其行位。亦是知菩薩三昧海。有諸句可知。二如前此娑婆下知十法界。各十世界者是無盡故也。三盧舍那下明能知所以中。有標釋。並可知。四善財白言下顯法根中。先問後答。答中有四。一明於初佛修行開法。二更值六十百千億那由他佛修行供養。三於最後佛所得此法門。四後於塵數

勝進。並可知。善惠地竟。

第十法雲地知識內。初舉法勸修中。城名如前釋。瞿夷者古譯名明女。又勸諸梵本或名瞿比。此云覆障。謂在家父母所護。不令人見等。或名瞿婆。此云守護大地。佛爲太子時有三夫人。瞿夷第一。耶輸陀羅第二。摩奴舍第三。又瞿夷是王女寶。今表因位終極慈悲之相。顯著故取第一也。又以證法既滿。法喜適悅。是妻義也。第二依教趣入中。一敬辭。二念法。三至後。第三見敬申請中。三。先方便推求。二見其勝報。三致敬請問。初中四。先天衆迎讚。二善財印述。三天衆供歎。四昇堂推覓。初中二。先迎二白言下讚。此是守堂神讚中四。初讚行究竟。二我觀下讚精進得果。三我觀下歎精進得法。四何以釋成可知。二善財答言下印述中二。初一句印其所說。二欲令下述自所作。於中四。初於惡衆生起大慈行。有法喻合可知。二於修善衆生起大喜行。三何以釋成所由。四若有菩薩下結行利益。於中十六句皆有標釋可知。天神下總結可知。三善財將昇下明天衆供歎中。先供散其身。二頌歎其德。十偈分四。初三歎利生行。次一求友行。次三無礙行。後三勇猛行。四爾時下昇堂推覓可知。二即見下明見勝報。於中一見正報。二見眷屬。三顯眷屬

報。於中一見正報。二見眷屬。三顯眷屬

●[明]一● ●又二及● ●理二罪● ●結二增● ●[名]一● ●中十(有)● ●守十(護法)● ●中十(三)● ●耶二邪● ●[此]一● ●方十(世)●

劫中修治此法。初段中長分有十五段。一古世王都。二太子福報。三寶女端嚴。四太子求聘。五時彼國下明。佛與女夢。六天勸詣。佛七女求。天子十偈分。初二自述。已德堪爲行侶。後七偈歎。太子德請其納受。八太子問。女說十一偈分。初四彰。已離過後七勸成勝行。九女母偈答。女有勝德。願爲納受。有二十四偈分。初二總說女緣。次六說女生處。次五具勝色聲。次四智德過人。次二遠離世患。後五具出世行。十太子答。母能不障。道我當納受。於中先長行有九句。一發心積德。二淨修度行。三供佛護法。四嚴淨刹土。五利樂衆生。六修行具地。七行檀。八出家。九汝莫障我。二偈中七頌半。初一頌初行。次一起頌第六。次一頌第二。次一頌第四。次一頌第五。次半却頌第三。次一頌第十。後一頌第八。九可知。十一時女答言。下順。命同志幸唯見。納有十四偈分。初三求慕心堅。次六偈同勝行。後五說佛勸詣。十二太子聞佛歡喜。贈寶。十三女母遂意重歎。女德。十偈分。四。初三歎德同。太子。次三歎身業勝。次一語業勝。後三意業勝。十四時太子下相與詣佛。於中三。初見佛勝相。二致敬供養。三聞經得益。十五還告。父王。於中八。初總白佛興。二問答所聞。三王喜告言。四拾位詣佛。五聞法獲益。六出家得法。七太子紹位弘。其佛法。八結會古今。於中一會。太子。二會。父王。三會。女母。四會。眷屬。五會。女身。第

二彼佛滅後下更值六十百千億那由他佛。文中略列四。十佛名。悉皆敬養。第三其最後佛下明。於末後佛所得法因緣。第四我得此法門下。更於已後摩數劫中值。摩數佛修治此法。於中四。初供養多佛。行猶未滿。二佛子下聞多佛法。未至普賢。三何以釋非普賢。所以四何以故者。重責云。既未能知普賢所行。何以得知。齊佛境界。釋以於彼毛孔中。念念悉見等故。此則彰。已但能見彼所現。不能作彼現事。於中三。先見器世間及智正覺世間。二復次下見衆生世間。三我於菩薩。一一下總結所見。下結。自分及推勝進。並可知。法雲地竟。上來總四十一人明。大段第一寄位修行相竟。第二大段摩耶夫人下明。會緣入實相知識。謂會前諸位差別之緣。令歸平等。一實法界。生於佛果。如摩耶生佛故。大明也。此中有十人分之爲。二。初一是總。餘九是別。以初摩耶得智幻法門。末後童子童女亦得幻住法門。以始終相會。總別相融。無二故也。就初中。亦五義同前。初舉法勸修中。二。初長行指後。次說偈頌前。就長行中。摩耶者此云幻生菩薩。夫人者梵名提婆多。正翻應名天后。古人就義名曰夫人。問餘經論說摩耶生佛七日命終生。初利天。云何此中指迦毘羅城。答化相示滅。實報常存。若爾迦毘豈非化處。釋此亦。深非。常人可見。如菩提樹下。即蓮華藏等。又如雙林示滅。常在靈山等。又摩耶等諸眷屬。若小乘中。是實非

化。若始教大乘中。是化非實。若終教中。亦實。亦化。謂實是大菩薩示現爲化故。若願教中。非實。非化。以即相無相故。若圓教中。並是法界實德。是人亦是法門故。又是舍那海印定中所現。故屬佛實德攝也。餘並准之。二汝詣彼問下。教問可知。二偈頌前法中。三十三偈分。三。初一總顯。已行。次十七偈。還說前劫事。佛因緣。前長行所無。次於後所過劫下。十五偈。正頌前長行所說因緣。於中先十頌。前於諸佛所得法門。次我於菩薩身下。五頌。前於菩薩毛孔所見等事。第二依教趣入中。六。初辭前。二念後。三引導。四見勝。五致敬。六申請。就念後中。三。初總念。知識德。二具淨法身。下別念其身。有十九種。三如是等。下結成難見起。四種念。一云何見。二云何親近。三云何知其相。四云何聞法受持。三作是念。已下明。伴善知識方便引導。於中三。初城天教守心城。二妙德天讚德加持。三羅刹王教令起行。初中三。先供養善財。二教守心城。有二十四種。一各初勸所作。後釋作所以。初中應守。護心城者。忍不起。妄念也。離生死者。由無妄念不起。惑造業。故云離也。又云應修。無壞心城者。以信法不壞故。又持法不妄故。又云應放。心城普照光明者。以根欲性力。智光照達。群機故。餘並准釋可知。三菩薩摩訶薩下。釋成利益。於中先總標。二何以下釋。所以三佛子下。結。第二爾時有天下明。妙德天讚德加持中。一讚歎摩耶。令其欣樂。

◎天二太◎ ◎十二七◎ ◎其佛一佛聖◎ ◎中一◎ ◎十(六)◎ ◎[摩數]一◎ ◎既二盡◎ ◎深十(無)◎ ◎又十(此)◎

二放光加持三善財獲益。於中得十種眼。一各先標眼名。後顯眼義。並准釋可知。第三時有守護下明羅刹王教令起行。於中三。初教十法得近知識。初總次別後結。別中一直心。二悲心。三智心。四不退心。五堅信心。六深心觀性故。七大心普覆故。八廣心了法界故。九巧心應病與藥故。十常心行不斷故。二復次下教十三昧。見善知識者以入三昧。知佛菩薩平等法身故。又依三昧得見諸佛菩薩故。又以摩耶是三昧境故。初總次別後結。並可知。三爾時善財答下明教求善知識。先善財領前問。後二答言。下正教求處。以摩耶所在遍十方故。令禮十方求也。第四爾時善財隨順下明見勝依正。於中先見依報中。古德云。見大蓮華從地出者是所詮法界名。大蓮花。如從心顯名地涌出。又釋前城天等三位。調鍊善財令心至微。慧眼得開方見摩耶實報境界故。云地涌出等有四。一蓮花。二樓觀。名攝取法界方藏者。攝取十方各盡法界。蘊在其中故云藏也。古德云。五位自分勝進故名千柱也。三師子座。四於金鈴中下出音聲等九種法門。流化。二善財見此下明見正報身有二。初見身。故二見身業用。初中三。初總舉。次正見法界身雲。後結勝。就正見中有五十七種法界身雲分三。初二十種直列身名。二從不去色身下三十種皆先出身名後釋身義。三如是色非色下七句簡非世間五蘊所攝。三善財見摩耶下結其

所現殊勝身雲。第二善財見如是等下明身業用。謂此身雲能增長衆生十波羅蜜行。然不次第。初長其檀行。二出生下明精進行。三知一切下明忍行。四具足下明禪行。五皆悉嚴淨下明方便行。六以明淨下明般若行。七淨佛道下明戒行。八得淨法身下明願行。九一念充下明力行。十如來智下明智行。第五善財見摩耶下明見已致敬中四。初牒前所見。二變身等彼。三禮已得定。四起已遶住。第六白言下申請中二。先申其本情。二願爲下請其爲說。以此門是都會於前諸位法故。是故舉初文殊教發。乃至於今至大聖所。總叙始終。欲同會平等故也。第四大段答言下示已法界。於中四。一標名體。二明業用。三辨根原。四結自分。初中大願者宿願力。由此生生常爲佛母。如悲花經說也。大智者即般若爲母也。幻者是願智所作生佛之義。謂於己身不壞小。而廣容於佛身實無生而現生。天竺本云。我住菩薩解脫名。大願智幻莊嚴矣。二得此法門下明其業用。於中二。初爲舍那佛母。二總爲賢劫千佛母。前中長分有十。一得法生佛。二光入我身。三因見八相。四身容十方。五衆同入胎。六胎內遊行。七又念念下十方同入。八悉皆容下明大小無礙。九於此世界下結通十方。亦不分身者以此處身即是彼身故不須分也。十何以故下釋所由。謂攝用歸體也。二總爲賢劫千佛母中二。先略列二百七十九佛。佛子如是下總結千佛。二

亦於十方下明此處爲佛母不廢自身。於十方界教化衆生三辨得法根原中。先問後答。答中六。一往時輪王。二臨欲成佛魔來惱亂。三輪王降魔菩薩成佛。四願爲其母復供多佛。五結會古今。當爲其母。六廣顯過現爲十方佛母。四我唯下結自分。第五推勝進可知。會緣入實相知識中總門竟。第二明幻智念力知識者。自下九位知識皆是舊翻于。實本所欠。應是西域覺賢之所略耳。余共日照三藏。勘天竺諸本及崑崙本并于。覓別行本。並皆同有此文。是以於大唐永隆年。西京西太原寺三藏法師地婆訶羅。唐云日照。共京十大德道成律師等奉勅譯補沙門復禮親從筆受。文中亦五初舉法勸修中。初示處內。何故此中上三十三天者。顯是摩耶。後所住故。人間諸位會相盡故。二示人內。正念。天者。顯大智自在。入理不忘故。童女者。慈悲離染故。天主光者。顯淨義光明義是天義。最勝義自在義是主義。破闇義照現義是光義。即顯悲智勝用以立斯名。三教問可知。第二依教趣入。及第三見敬申請並可知。言誘誨者。依梵本應云。善能教誡教授諸菩薩等願爲我說。第四天女答下示已法界。於中四。初標法名體。二顯法根深。三明法業用。四結已自分。初得菩薩解脫者。以人簡法。不同佛解脫。解脫即是法門。名無礙念者。隨所憶念無不現前。名爲無礙所念分

①明十(依)②註二證③緣二緣④名十(十)⑤故二相⑥[發]一⑦其二闕⑧後所一捨化所後行⑨天十(王)⑩

明名為清淨。念佛境具德名莊嚴。以宿命念智為體。二善男子我念過去下明。法根深固。於中二。初明。所供諸佛有三。初憶青蓮劫中。先總明供佛。二又彼下別記八相。念力分明。二又憶下略列九劫中所供諸佛。三善男子下總結恒沙劫中常不離佛。二從彼一切下明所得法門。於中二。先總舉所得。二受持下明修治明淨。三如是先劫下明業用中。謂以此念力憶前諸劫及佛法。明了現前無有障礙。故以立此名。四我唯下結。已自分。第五仰推可知。念力知識竟。

第三幻智師範知識中。初舉法勸修內。童子師者顯教導師範故也。名遍友者。謂遍於一切學類衆生悉為師訓。故以為名。二依教趣入中。先得法利益。二禮足辭退。三見敬申請可知。四答言下應示已法界為與童子法門同。故是故示彼童子令往問之。又釋此童子則是法門以名。無二故。人法無礙故。

第四幻智轉藝門知識中。初三可知。四時彼童子告下示已法界。於中二。一標名體。二顯業用。三結自分。初名善轉衆藝者。衆藝者是所知所解世間。技藝則文字等也。善轉者是能知。巧智善。謂善巧轉。謂轉變以善巧智轉世衆藝成出世般若。故以為名。以善巧量智為體。二我恒下明業用。於中三。初總舉根本。二唱阿字時下別顯。四十二門。初唱阿字時入般若門名威德等者。梵語威德名阿答摩。是故唱世阿字時便即轉入

般若威德。以阿聲同故。即此得彼以為難故。餘門並皆多悉如是。准釋可知。三善男子下總結多門。言根本字者有二義。一以此等字並是世字之中根本字故。依此以入般若門。故云為首。理實無量。二以此等字為所依根本。仗之以顯般若法門。三我唯下結自分。第五如諸菩薩下仰推勝進中。二。初總標通達世及出世二位章門。二別釋。二門。先明世法有十門。一知文字。前約此方。此通殊方故。是所推也。二知醫藥。三別珍寶。四相住處。五觀天地。六能相人。七解畜音。八別雲霞。九知豐德。十識安危。如是下總結世法。皆是於此而顯般若。非但文字知是推也。上來諸位善財所求。於此世法並皆捨棄。令此悉成般若法門。為甚難故。是故示之。二又能下釋出世法。初總與所知之法。謂釋名出體。言隨順修行者明說法之意。二智入下明能知深證。故無過失也。我當下總結。非分。

第五幻智無依門知識中。初舉法勸修內。婆阻那者此云圓。謂具德圓備。出生無盡。故以為名。又以調柔至順超過餘位故名賢勝。二三可知。第四答言下示已法界。於中亦三。一標名體。二顯業用。三結自分。初中法門依梵名那阿賴耶。蔓茶羅。那云無也不也。阿賴耶云依處也依止也。蔓茶羅云道場也。圓圓場。謂無阿賴耶染分依處而有淨分圓滿道場。出生勝德不可窮盡。即轉依究竟顯德無盡也。二業用中。初一句標

業用意為利衆生故云。既自等也。二得無盡三昧等總舉。三以能下別顯十種無盡。初六六根。後四勝德。一明。二通。三德。四光。三結自分。五推勝進。並可知。

第六幻智無著門知識內。初舉法勸修中。城名伏田者。是南天竺近水下濕田稼甚茂。故以為名。與下海潤國同。亦名寶城。又於所得解脫堅固安住故云堅固解脫。又一得永脫故云堅固。又所得菩薩真寶解脫更無所求。故以為名。四示已法界中。三。一標名。正念現前離所知障。故云無著。離煩惱障。故云清淨。謂順理之念不離。二障。故以名焉。二我自下明法具德備足無求。既是因人何得乃爾。釋說更所解不異。於此但須修行故。無復求下結。自推勝進可知。

第七幻智光明門知識內。初中妙月者悲德清涼故以為名。上文云菩薩清涼月遊於畢竟空。此之謂也。宅有光明是法門之用。四示已法界中標名內證離障為淨智。後智攝物故曰光明。又光明者對治無明。故淨者治惑染。故餘文可知。

第八幻智無盡門知識內。初中城名出生者。城中出生人物故。長者無勝軍者行德超過名為無勝。當體具德從喻如軍。下示已法界中。三。初標名。無盡相者所成德相無盡窮故。二我以下明業用可知。三結自分及推勝進。並可知。第九幻智誠語門知識內。初中聚落名法者。

●所二諸 ●應十(華) ●技二伎 ●巧智一 ●(一)一 ●仗二仗 ●德二德 ●與二與 ●蔓二蔓 ●攝十(德) ●伏二伏 ●賢二賢 ●(焉)一 ●解二求

在此弘法故。表此即法故。尸毘最勝者梵本具言名達磨。濕昆阿羯達磨云法。濕昆云空營。謂如軍家去後空營之所也。阿羯云最上。應云最上法空營。營則是聚落處也。從處以立人名。

下示已法界中三。初標名。誠願語者此有二義。一從初發心立弘誓言。後必如言而行。不乖先言故名也。二菩薩行時如施眼時有問。悔不答言。不悔此言誰信。則立誓言。若實不違令眼平復。如言則善故云誠願語也。二過去下明業用中釋上二義。先釋初義。二我以住於下釋後義。以能成滿行故。下結自分推勝進可知。

第十幻智歸幻門知識內。初中城名妙意花者梵名蘇滿那也。以彼城門之側有此花故立以為名。此亦在南天竺童子童女表智慧相資。智則依德而起。悲則蘊德以成。舊本名妙德。當此德生也。妙德惠當此有德也。以本語名室利末。此云有德。室利末底此云德惠。以聲字相近故。二譯不同也。下示已法界中三。初標名。幻住亦二義。

一。明所知諸法依緣虛立名為幻住。二能知之智住幻境中。此則住幻故云幻住。二以斯下明業用中。二。初略知十種幻住。一皆先標名後釋。初六知世間法幻住。一總知。次二知人法幻。次二知三界生滅幻。次一知國土幻。後三知三乘幻。初二乘。次一菩薩後一菩薩所作。下結幻境。自性不思者則有則空無二故不思議。又以自性亡

二邊亦不住於中故云不思議也。下結推可知。下利發善財亦可見。上來十人總明。第二大段會緣入實相知識竟。

大段第三。彌勒位是攝德成因相知識者。前既會緣入實。定堪成佛故。辨一生補處成因之義。五分同前。初學法勤修中亦三。

初指處。二示人。三教問。初指處中此是南天竺近海岸故名海洲國。天竺本名海岸門國。園林具德名大莊嚴。林中有樓觀顯耀名明淨藏。梵本里盧遮那莊嚴藏。次菩薩往昔下出樓觀因。二彼園林下示正報。彌勒者梵語具言名迷帝隸。此云慈。是其姓也。以姓為名。名曰慈氏。然有三緣。一由本願。謂過去值大慈佛。因則發願。願我成佛亦得斯名。二由三昧名。下云見彌勒。初得慈心三昧。因以為名。三就相立名。母懷時有慈心。相師占曰。由所懷子慈令母慈也。如母懷驚子能論義等。又名阿逸多。此云無勝。以生具相好更無過者故云無勝。下歎其所作中四句。初化親眷屬。二化餘人。三為善財。四通為一切。三汝詣下勸往教問中三。初教起十問。二何以以下釋廣問所以於中二。初明所求彌勒德廣。二善男子下勸彼能求亦起廣心。前中二。初通顯彌勒德成位滿。二別辨彌勒是汝真友。以設若德滿非已有緣。亦不可求也。二勸善財廣心中。初略舉十事中不應足想。二何以故下釋。所以既不於一善根生足。未知作幾許耶。釋云無量等也。文中總有八十句無

量分。七。初二十句明救生斷障行。二。淨修無量下十句成已心志根欲行。三。發起無量大精進下九句明力用自在行。四。悉分別下十句明攝法治惑行。五。諸佛剎下十句明供佛攝生行。六。不惜壽命下十句明求法攝生行。七。攝持下十句攝成菩薩深願行。三略說下九句。一切結顯無盡。三是故善男子下正勸求善知識於中七。初總勸敬求。二何以故下明行因善友。三何以故下釋友能成行。四復次下顯善友要勝。五又善男子下教起勝心。六何以故下釋勝想所由。七善男子略說下明順友成益。初中由前勸起廣心。是故勸敬求善友也。第二何以故者但起廣心。何須敬求善友。釋以因善友廣行方成。於中四十句行。初十句明願行堅心行。二一切菩薩總持下十句明備具勝德行。三出生一切下十句明攝法益生行。四遠離惡道下十句明殊勝超過行。第三何以故者何以此行皆因善友成耶。釋以善知識能令行人除障起行。故於中三。初能滅障礙。二示導下能成行位。三滅一切下能令得果。第四復次下顯善友要勝。於中十句約喻顯德。皆有標釋可知。二是故下結勸第五又善男子下教起勝心。於中三。初二句教於善友起此勝心。皆有標釋。明心中下下堪見善友堪為法器。二又善男子應於下明於三處順。於法想。於中初有十句。一一皆有想可知。三善男子諸善知下結勸。第六何以故下釋勝想所因中先徵

但求善友則得成行。何須起此心想。釋因淨此直心。方堪見善。知識順教。增善故也。於中十句。一一皆法喻雙舉。第七善男子略說下明順友成益。於中三。初得十重十不可說願行。二略說下九句一切結因善友滿。三如是等下八句明依善友起行之義。可知。第二善財聞如是下明依教趣入中。略無敬辭。念法。至後可知。第三以過去際下明見敬申請。於中三。先見二禮。三請。初見中二。先見依報後見正報。前中三。初起勝念。二禮觀察。三遠念讚。初中亦三。先念勝願行。二作是念下明信智轉增。三善財如是下結觀勝境。二五體等明身禮智觀。觀中四。初於法界樓觀起三寶福田想。二作是念下明等觀樓觀照三無性法界。初觀圓成性。次等觀如來除妄等明觀遍計性。後等觀如影等明觀依他性。三深信下明觀成得益。於中二。先總信解。謂觀見無性平等理。而不失緣起業果故云信解也。此中有七句。皆空無性而因此起彼。二解了迴向下別辨解益。中五初解迴向法。二捨離下明離倒執。初從自在而生者是外道執梵天自在天等生諸法也。本有實性次第生者有二釋。一是外道冥諦之中本有其性。後次第出也。二是小乘一切有部未來藏中。先有體性次第待緣而生也。三離我所下明大乘正緣起法。四見有為下明見空有無礙法。五悉知下明見法稱實。多喻證成。四善財禮未起下結益分齊。三稱首畢下明身

遠念讚。念讚。於中有三。初身業遠旋。二意業念觀。三語業偈讚。就第二念有八十句。一一皆舉能住者德歎所住處樓觀。以初二句具顯餘並略之。於中分十。初約境顯勝。二住甚深下約德顯妙。三以一劫下約用顯自在。四普照下約行顯勝。五可尊重下約對治顯勝。六住四禪下約定自在。七一切煩惱下約利他行。八得九次第下約護小乘行。九觀陰下明染淨無二行。十如是下結德住處。三語業偈讚中有五十五偈。分七。初二偈總顯彌勒德勝。二有八偈歎自行勝。三有九偈歎利他勝。四有八偈歎功德勝。五有九偈歎方便勝。六有十一偈歎三昧勝。七後八偈歎願行勝。二見正報中三。初欲見。二遙見。三歎德。言從外來者攝化就機放。還來歸本故。威德下歎德中。初。擬特普照。二超世魔染。三深入下德齊因。果。四住大智下歎受位灌頂。二致敬。三請問並可知。第四爾時彌勒下授已法界。於中二。初歎善財法器利益。二正令入已法界。前中有六。初為已眷屬歎善財德令人敬習。二正為善財歎德令喜。三勸歸文殊。彌勒攝受。四善財自慶重請彌勒。五彌勒以偈重歎善財。六具歎無盡大菩提心。就初段中文有八。初指示大眾。二歎善財精進德。頻陀伽羅是猶覺城也。百十者。占師有三釋。一云上來至此應有一百一十。但文中脫漏故不具列也。一云上來所列是正善知識。若通取主伴方便導引等。則百

一十也是故上文未。欠。滿足王及大光王等。前皆云漸。經人眾聚落城邑曠野等。故知通取所經處有一百一十也。一云信等五位則為五十。後摩耶彌勒。文殊普賢及佛為五。此五十五。各有自分勝進故有一百一十也。此等並為舊經不足有此諸釋。今既文具。不勞異釋。此是總括前後知識有五十四位。分德生童子及有德童女。則為五十五人。各有自分勝進故有一百一十也。如是童子下歎善財直學大乘德。文中有十句。文可知。四如是之人下歎行勝。希有德。於中二。先標。二何以釋成。釋成中三。初總釋。二度無智海下別釋。於中化二十一種衆生。三救護。下總結釋可知。五諸善男子下歎善財菩提心希有德。六諸善男子若有菩薩下歎善財堪為勝軌德。七此童子者入威儀下歎善財如海深廣行。八顯現一切下明一切處遍修行。第二善財汝今得下正為善財歎德令喜。於中四。初歎善財本見文殊益。於中先總。二所謂下別遠離惡導等入十信益。過童蒙地者入十住益。住功德地者入十行。十迴向益。具智惠地者十地益。下明入勝進佛智益。二若能如是下歎善財見功德雲等已後諸善知識益。於中初總辨見勝人益。二隨彼下別顯聞妙法益。三善財汝應發大下歎善財超劫速成行。於中初總舉得果速。次別顯修因速。謂進行超群也。餘菩薩約隨位差別說。一生皆具者約普門該攝說。又此一生亦攝

●念二聞● ●念讚● ●處● ●從二遷● ●則二有● ●欠十(見)● ●經二遷● ●此五● ●下● ●通●

多劫。如上仙人執手成多劫行等。又此普
賢法雖圓融相攝一位則一切故一生皆得。
然亦要由直心精進方得速成。直心者心中
不雜異念故。趣入猛盛故。精進者稱心而
作故。後其有下歎成利益。四善財當知下
歎普行希達德亦二。初歎行希成。謂過去
佛。往修行時。無有於一生身得達爾許善
知識者。是故汝今極爲希有。二其有衆生下
亦歎利益第三爾時彌勒下勸歸文殊。彌勒
攝受於中五。初勸往文殊。二善財悲泣以
念深恩故。三文殊授。四善財奉散明以
智導令成。福行故也。五彌勒摩頂明加持
攝受之義也。第四爾時善財下明。善財自慶
重請中。先說偈自慶。後設敬重請。於中三。
初總敬請。二大聖下歎德請。於中初歎行
位成滿。次爲煩惱下歎攝生濟物德。三唯願
下結請第五彌勒以偈重歎。德中有六十八
頌分六。初一總歎專求。次有十偈別歎善
來。次有八偈歎其來意。次有十偈明行位
成立。次有二十二偈歎利他兼自行。下有
十七偈雙結自他行。第六爾時彌勒下廣歎
菩提心無盡德。中有四。初結前生後。總歎
發心。二汝得善利下歎得十種善利。三何以
故下廣顯發心功德有二百一十八句。初一
百一十五句明菩提心殊勝功德高齊佛果。
二譬如有人得自在藥下一百三句明菩提
心自在功德廣多無量。前中依光統師分配
十二住科爲十二段。今謂此中一一各顯菩
提心中。一種勝德皆通始終。此亦不可別

配諸位。一一皆約世喻顯德准釋可知。天
德瓶者於中所索悉皆得故。如意珠也。
恒婆者此云鵝毛。以此爲衣水澆不著。喻
菩提心塵垢不染。七使者貪等五鈍使。復取
身邊二見故爲七也。波羅提毘。又藥者此
云燈照藥。毘樓那風者應是毘嵐風。此云
旋猛風也。次佛子菩提心者如是下結其
功德等。於因果下釋以善薩諸位功德及佛
果功德並皆從此心中所出生故。是故此
心等彼所出。第二善男子譬如有人得自在
藥下明菩提心功德廣多無量。於中一百三
句。亦有諸德配十地分之。今亦通辨。一一
各顯一德。皆先喻後合。准釋可知。以此說
者聽者俱是大人皆廣見故。是故所舉譬喻
多非人間所有。頻伽陀藥者具。正云毘藍
摩此云除去。謂能除去毒惡。剎故。刪陀那
大藥王樹者此云續斷藥。謂此樹藥能令所
傷骨肉等皆得後續。故云也。藥草名阿藍
婆者具云阿羅底藍婆。此云得喜藥。謂得
塗身令身心惡皆止生。悅故以爲名。憂
陀伽。婆羅樹檀者具云地毘烏羅伽婆羅也。
地毘此云妙。烏羅伽此云腹行。即龍蛇之
類。婆羅此云勝。亦云堅固。謂此樹檀堅
固勝。生在龍宮故以爲名。波利質多樹正
云波喇耶咀羅拘毘陀羅。此云香遍樹。謂此
樹枝華實一切皆香故立此名。又此樹香氣
於初利天處一切普熏故名香遍那利羅樹
者具云。棕喇羅吉喇。此云莖等有用樹。棕
喇此云莖也。羅是多聲。謂莖等枝葉花果也。

吉喇此云能作。謂此樹莖等悉有用益衆
生故。此樹出海中其形甚高。似多羅樹其
葉甚美。於中有汁似椰子樹。阿羅婆藥者
具云呵吒迦阿羅婆。此云金光汁藥。呵吒迦
云金光明。阿羅婆云汁藥。出於山中井內。
諸龍守護。若有得飲皆成仙人。迦里伽鳥
者具云迦羅頻伽。此云美音鳥。謂迦羅云
美音。頻伽云語言。謂雪山中一切鳥聲皆悉
不及。又在卵中則能出聲。阿夜健多鐵者
具云阿夜塞建那。謂阿夜此云鐵。塞建那此
云勝伏。謂此鐵能伏碎餘鐵。故名勝伏鐵。
摩伽羅魚者此云極大之魚。謂是巨龍魚也。
四善男子下結前功德廣多無量。初通舉。後
別結。善財何故在此廣歎菩提心者。以是
位終極故。功成德立。由本大心故須歎也。
第二大段善男子汝先所問下正授已法
界。於中有四。一授法體。二顯法名。三辨
來處。四明生處。初中五。先明攝入方便於
中二句。所緣問勸入令其趣證。二請其開
門爲求證方便。二彌勒彈指下加令入證。謂
若就因力。即是善財修無間道斷除妄想。
所證理現名曰門開。解脫道中正證法界名
爲即入。若就緣力。即是彌勒加持。今約緣
力說也。證已反顯本來性滿非新得故。更
無入處之門。故云還閉。又以一證永得無
有退失。更無復出。故云還閉。三爾時善財
觀察下明證所見境。於中五。一見依報。二
見正報。三見諸佛。四聞法音。五見出生。初
見依報淨土。四中先見後益。見中此是彌勒

①往十(音) ②勸一 ③顯十(音) ④也十(因陀羅火者) ⑤正一 ⑥利一 ⑦發一 ⑧生二出 ⑨探二 ⑩ ⑪ ⑫ ⑬ ⑭ ⑮ ⑯ ⑰ ⑱ ⑲ ⑳ ㉑ ㉒ ㉓ ㉔ ㉕ ㉖ ㉗ ㉘ ㉙ ㉚ ㉛ ㉜ ㉝ ㉞ ㉟ ㊱ ㊲ ㊳ ㊴ ㊵ ㊶ ㊷ ㊸ ㊹ ㊺ ㊻ ㊼ ㊽ ㊾ ㊿

實報所成樓觀。次於內具百千樓觀者明。一土則一切土主伴具足也。二爾時善財。親見下明得益。於中先心喜障除益。後身遍樓觀益。二又見無量下明見正報因果。於中有六。初總舉本緣。初發心時。二或見初得慈心下。明發心已後修行得記時。三或見爲輪王下。見本生隨類生身有十三種。四或爲四天王眷屬下。見本生說法益物有十種。五或見滿足下。明本行成滿德。六或見正受下。明見業用自在德。於中先毛孔出身雲。後復見下明毛孔出法門。三或於樓觀見諸如來下。明見諸佛攝化之德。於中三。先總通見。後爾時善財諸樓觀中下別見。八相成道攝生之相。以自在力無障礙故。一中見也。三善財自見下結所見利益。四又聞下明。聞法音。於中二。先聞五種法音聲。一總辨所聞行法音。謂金鈴中聲及餘聲具亦聞。此音二聞。初發心聲。三聞成正覺聲。四聞財法二施聲。五聞成佛攝生聲。二聞如是等下結聞聲益得十種行門可知。五見寶鏡中下明見出生於中有六。初見寶鏡中三世間。初見智正覺。次淨世界下器世間。次又見下見衆生世間。二又見寶柱中放光網。三見珠寶璣。四見水及光。四見花中人物。五見寶樹中凡聖。六見半月像中行用。於中有十四種。一放光。二見彌勒本行施行。餘十二種現身化導可知。又釋通前總有七種法門。一鈴現音聲法門。二鏡現形相法門。三柱現住持法門。四璣現莊嚴

法門。五花現開敷法門。六樹現建立法門。七半月現住位起行法門。四彌勒告下問答辨定中三。先問。次唯然答。三。譬辨定其見。於中有十喻。顯示一夢見山海喻。喻善財超妄見勝境。二臨終業現喻。喻難思境界。現三非人所持喻。喻加持見勝法。四龍宮奄久喻。喻長劫須臾。五寶藏廣現喻。喻一中現多事。六遍處定境喻。喻勝境隨心現。七乾城無礙喻。喻所見無礙法。八昇天見人喻。喻見法得自在。九海現三千喻。喻所見明了德。十幻現無礙喻。喻威力現。奇德。五爾時彌勒下攝威令起。於中三。初攝威警起。二先問所見。三稱實而答。並可知。按法體竟。第二顯法名中。先問後答。以攝前。後際故云。入三世智。此即九世中三現在也。正念思惟者。顯能見之智明了無倒。莊嚴藏者。明所見之境具德含藏。即樓觀中攝一切劫一切刹各具勝德。皆有出生故立此名。又以此人位極。不言我唯知此。又是法行圓滿故云。得如是等不可說法。第三大聖下辨來處。於中二。先明依報。初問後答。問意云。此小樓觀內有爾許奇特事。爲是從外入來。爲不爾耶。答中有二喻。先明神力出生無從喻。二智願所現無本喻。二善財自言下顯正報。於中二。先問後答。問意前見彌勒從外來。不知來處。故問也。答中有三。初就實無趣。二從行說有。三隨事辨來。又釋初約法身。次就報身。後約化身。又初體大德。後用。就初中有十句無趣。趣者是處

義。謂無從來處。亦無所至處。又趣是趣向義。亦無來去發趣故。二善男子下從行說。有中。明法身隨緣從行說趣同。淨名云。吾從道場來。相似有七句。一悲。二戒。三願。四通。五體。六用。七化。可知。三汝所問下隨事說。來中。以海湖樓觀是修道處。摩離國是本生處。暫住生處。化人故從彼還。此也。摩離者具云摩離底數也。摩離此云驚。底數此云中。謂震中國此近摩羅耶山故名相同也。觀波羅此云守護地。第四明生處中二。先問後答。問意前既云前生處來。未知何者是菩薩生處。答中二。初明依法家生行德處。二依事家生化身處。前中有五。一顯所生處。二生緣眷屬。三校量顯勝。四所知自在。五體用廣大。初中十種俱是生起行處故。一行因。二行緣。三行相。四顯扶。五化他。六觀理。七隨事。八益物。九無住。十順古。二善男子下明生緣眷屬中二十句。初七明生育。次四爲長益。餘九爲成立。同太子可知。三如是菩薩超凡下明校量顯勝有十句。初一句超。凡體性是總。生如來家下別九句可知。四摩訶薩生如是家下明所知自在。於中七句。一知趣空現受生。二了趣。如化在。有不著。三達無我。化衆生。四了生死能長時。五知陰幻。六了一切法。七得法身離染。五善男子我淨法身下明業用廣大。有十句。初一法身无法界。餘九德身滿法界。二若諸同行下明依事家生化身處。於中有三。初生人中。拘提聚落者具云。

●(觀)一● ●明十(見)● ●(聞)一● ●門二聞● ●警十(如下)● ●乾二凡● ●(法)一● ●(總)一● ●(句)一● ●一(如)一● ●有二染●

拘吒迦羅。此云樓觀。即次前文名樓觀聚落也。爲三類衆生。一爲同行。二爲滅慢。三爲父母等。二生兜率爲四種衆生。一爲化彼天。二集一生說法。三化宿世同行。四開佛所化。謂釋迦遺法所化衆生根本。熟故如花未開。又利益未得亦如花合待。彌勒佛令其開發故也。三下生成佛汝及文殊俱見。我者釋有三義。一云我當來成佛時亦說此花嚴。彼時亦有文殊善財所說之法故云也。二云我成佛時汝與文殊俱來。助我宣揚法化。三爲表法。謂善財何故上於佛會。但求諸善知識而不求佛者。以善財此生是修因之身。未成果故不至佛所。非謂不求。但成果隔。因故說當見佛。以是滿位故無仰推等也。上來攝德成因相知識竟。

第四智照無二相知識者。顯前因法生果體無分別絕境智等諸二相故。初舉法勸修中。初勸往教問。以位極故教問。具足善實行也。二彼當下歎德勸往。於中有二。初通顯勝德。先徵責後十句釋成。一能滿他行。二爲佛母三菩薩師。四教化生。五大名聞。六大法師。七佛所讚。八住深智。九多劫修。十滿善行。二善男子下別歎其是善財本緣。於中三。初明善財所成功德皆文殊力。二是故下結勸令往。三何以故下釋顯所由。是故上來所見所成皆是文殊也。二時善財下明依教趣入。於中三。初設敬辭退二爾時下造詣其處。今從彌勒却向文殊。

還行百一十城。故知從初至彌勒定經百十故也。至善門者攝別歸普故。謂攝前諸差別位歸此文殊普門故也。三觀察下起念推求。此中漢本經欠十七行文。今勘梵本並翻補訖。三作是念時下明正證法界。以表智照無二平等義故。無見敬申請等也。於中初申手摩頂。言過一百一十由旬者。徹過如前差別之位。至此平等普門之所。摩善財頂者示以普法灌其頂也。二而作是言下明語示教悔。於中二。先舉所作行闕。後顯不能入理。則顯善財無此失故能得斯法。前中十句。一無信根者以闕行本故。二心沒憂悔者行心不發故。三功行不具者不修加行故。四已起精進。五退失故。五不期多行故。六於一住著故。七不善發起菩薩行願者此中二句。一不發願。二不起行。九善友不護。十如來不念。二是等下明不能入理有十。二句初四舉所知理法。二若周遍下顯不能知分齊。三是文殊下明所成益。於中二。初讚慰令喜。二令得下明得法。於中初令得廣多差別法。有七句可知。二復令得入下令得普賢廣大法。四既置下明攝用歸本。以普賢道場是文殊自所住處。還安善財置於此處。同己所得所作既畢。是以不現也。五於是善財下明成德究竟。於中初廣見勝友。皆能順教明其行緣。行緣既多。明成德非少。增長下顯所成德有十句。一成悲智德。二寂用德。三深廣德。四正勤德。五證教德。六行願

德。七照境德。八破障德。九成位德。十修普德也。智照無二相知識竟。門。竟自下普賢當法界門也。故。

第五顯因廣大相知識以前照理無二顯。其甚深方堪成佛廣大之因。故於中三。初舉法勸修。一依教趣入。三正證法界。初中聞普賢名等者是何處聞。謂前文殊言聲說故。又亦是前文殊所置善財於普賢道場。是故於彼聞此名等。於中初總顯普賢德位。二地具下別辨普賢地位有十句。一地具者助道法等。又釋信。等行爲成地法。二地法者諸地所行法如。初地十願。二地戒法等。三地得者諸地所得果。謂調柔等。四地次第者諸地連接等。五地修者諸地中不住道仰修上地等。又是攝論中五修等。六地住。處者功德住處故。又證智相應故。七地境界者二諦爲境故。又遍行真如等爲所證境故。八地持者任持所餘諸功德故。又瑜伽三持中是圓滿持故。九地共者三種同相智。諸地同行故。十地正道者根本後得二智爲體故。二爾時善財下依教趣入中四。初起勝心。二見瑞應。三見光相。四結所見。初中起十種心者此十心之境。是普賢境界。是故起心還稱彼境。方可得見普賢故也。二見十瑞應中先明得見所因有自他二力也。十瑞相者謂見普賢依報也。於中攝爲五對。中。先明土淨。後住處衆生淨。可知。三見十光相者謂見普賢正報相。又前但直見此中重見。又前能相見。此中微細見。又前但見

●但二俱● (調)一● (心)一● 心二必● 二二三● (其)一● 故十(也)● 等十(十)● [處]一● 中二各●

其體。此中見業用於。此十中初二但放光明。次四放光。能供具。後四人物利益可知。四結前所見。必見普賢。三爾時善財下明。正證法界。於中有八。一見身得。二見摩頂得益。三因深果厚。四學益勸觀。五觀見奇特益。六校量所得。七結齊佛果。八偈頌因果。初中二。先明所見法身。後明見已得益。前中有四。一總見普賢。二別觀毛孔。三重觀支節。四結遍十方。初中依前十心所念稱境而見。初依前第一心見。在這場如來前者表普賢齊佛果故。因果位同故。二心如虛空者依第二心見。三無染著者依第三心見。四除障淨刹者依第四心見。五以無礙法者同前心。六充滿十方亦同。七住一切智者。是第七得薩婆若境心。八入諸法界者是深入法海心。九教化衆生者是教化成就衆生廣心。十於一切劫下明前末後具因果心。亦攝前莊嚴道場心。二明見毛孔業用者前亦初總見淨土。後見塵中業用。今亦先總見正報。後見毛孔作用。於中二十種分五。初一光教法界衆生。次五出法界供具供養諸佛。次四出法界身雲利益衆生。次三出法界土調伏衆生。後六出法界善薩諸佛雲。三重觀支節等中。初見一三千界。次十方下通現十方世界風輪等。皆悉現顯。四如此婆娑下結通十方中有四重普遍初學舍那結賢首。二學賢首結東方三學東方結十方。四學十方結微塵是故當知。前即身中苞容法界。廣無

邊故顯其普義。今即明此含法界身潛入微塵調柔無礙。明其普義。是即內外周遍限量斯盡故名也。二爾時下明善財得益中。初總舉因見所得。以究竟位中智故云。不可壞也。下別顯十智中。初四身遍見聞。後六智內充實。初五是佛智。後一是普賢智。並可知。第二摩頂得定中。二初明此處一世界中。摩益。先摩頂。次得定中三。初學。定。二攝眷屬。三明定用成益。有八句所益可知。二如此下結通十方世界佛所。摩益同之。以善財等普賢故。周遍十方也。第三爾時普賢下明因深果厚中三。先問答審見。二明因深遠。三明結因成果。就因中初明所修之行有四句。初總明多劫修。二明修起大心。三在家修。四出家修道行。二善男子下結十句行。明說不可盡。可知。三善男子我得下結因成果。於中先結得是力下所成果德。於中初由了因得法身果。後由生因得色身果。第四汝且觀我下明學益勸觀。於中二。初總明難聞見。二別成不退益。於中五句。一聞名益。二見等益。有七種相可知。三思念益。先約時後約生。四以如是下總結益用。五明轉生益。二句。一聞修因生淨土。二見聞身生法身。第五汝復觀我下明觀見奇特。於中二。初身分之內見三種世間。並各無邊。二又見下明見從身所出佛果業用。第六爾時善財。逕由下明校量所得。於中二。初正

校量顯多。二何以故下釋顯多義。於中六句。一所入多。二所得多。三所知多。四所度多。五所修多。六不此沒等明平等普遍同。普賢境。第七爾時善財能自下明位滿齊。佛。於中有十六句。初一句總顯因圓。二不。久下總明等果。三一身充滿明得普賢身。下有十三種等於諸佛。此是因位圓滿更無所修。是故但云與諸佛等。不辨更求。知識修因。普賢位竟。第八偈頌中有九十九偈半。問既云重頌未知頌何處文。答有人釋。此是頌前善財當得十三種所等佛境。即科此文亦爲十三段次第配釋。此釋不便。前善財所得是結集者說。非是普賢說。何因乃爲重頌。又有釋云此頌前普賢說。自往因所事諸佛等。此亦難用。以偈文中總無此意。今釋前長行中唯明因行。未說果用。今明重頌說果非因。文綺互顯故也。又釋今頌學果顯因。是顯發釋故也。何故唯顯佛德者爲善財因行窮滿不爲可說。因門是故說佛果業用。又爲普賢對佛前坐承力攝化其用究竟。推功在佛。偈中分六。初有五偈。誠聽許說。略歎佛德。二時諸菩薩下三偈。明衆領勸歎說聽受。三諸佛微妙下二十偈。半通歎十方報佛勝德。於中五。初三明大智無著照機德。次四歎形言隨感顯德。次七歎主伴嚴土自在德。次五半歎遍轉法輪微細德。後一總結十方諸佛德。四或見釋迦下別歎釋迦化身功德。於中四。初二十半歎佛意業作用。二安住下十九

此十中二十中 一 二 三 四 五 六 七 八 九 十 十一 十二 十三 十四 十五 十六 十七 十八 十九 二十 二十一 二十二 二十三 二十四 二十五 二十六 二十七 二十八 二十九 三十 三十一 三十二 三十三 三十四 三十五 三十六 三十七 三十八 三十九 四十 四十一 四十二 四十三 四十四 四十五 四十六 四十七 四十八 四十九 五十 五十一 五十二 五十三 五十四 五十五 五十六 五十七 五十八 五十九 六十 六十一 六十二 六十三 六十四 六十五 六十六 六十七 六十八 六十九 七十 七十一 七十二 七十三 七十四 七十五 七十六 七十七 七十八 七十九 八十 八十一 八十二 八十三 八十四 八十五 八十六 八十七 八十八 八十九 九十 九十一 九十二 九十三 九十四 九十五 九十六 九十七 九十八 九十九 一百

歡佛語業作用。三具足智功德下十五歡。佛身業作用。四譬如工幻師下八偈半。喻顯無礙就。初意業作用中有五。初五明。六度行智用。次三。天身八相用。次二。常在恒滅用。次四。巧化隨機用。次六。半用。身光壽利用。第二語業中四。初五明。轉三乘法輪。并業用無生等是大乘法也。次五明。六度覺品對治法。則釋前三乘唯一圓音也。次五明。五乘總別乃至多乘。次四明。本等語業而應一切。第三具足下十五偈明身業作用中五。初三示。凡身。次二現。聲聞身。次三現。外道身。次三現。示大力身。後四現。諸天身及結。第四譬如下八偈半。喻顯三業。中。初五偈明。喻身業。一幻。師喻。二現。四德喻。一體圓淨。二示增減。三應淨心。四映二乘。三海現二能喻。一出。寶。二現。影。次一喻。前意業。謂智日。滅闇喻。後二半喻。語業。謂法雨無從喻。化身竟。第五如來淨法身下六偈。歎法身德。於中四。初二明。法身相。先法說後喻況。前中攝論法身具五種故。此中同彼。謂初句是白淨法身為相。以是果圓滿轉故。二次一句是不思議相。謂於世間無物比故。三非有無者是無二為相。以非有為無為故。四次一句是無依為相。謂無所依故。五次一句是常住為相。以無來去常住故。次二句舉夢見及空畫為喻。二有一偈。明法身離相。亦先法說三句。一約用。二約德。三約體。下一句喻顯如空也。三有一偈。明法身用無積聚。初一舉。二喻。謂摩尼出寶喻。二光明無

體喻。謂諸天菩薩等皆名衆生。悉有光明。故云衆生諸光明也。辨此等光各無停積。處。同摩尼所出寶。亦無本相似。下一偈合。法可知。四大仙下一偈。圓法身。即相常寂。於中大仙現者。明佛出現。於世虛空下學。七喻以顯。一空。二如。三自性。四實際。五涅槃。六離欲。七寂滅。謂佛現世則同此七義。是故即寂以顯法身也。第六末後二頌。即結說勸持。先舉四喻可知。以顯佛德深廣。一心慮無限喻。二微塵難量喻。三海滿難知喻。四虛空無際喻。此下一舉。益勸信。謂信此普賢自在法者。究竟要賞終齊佛果。如善財與諸佛等等也。上來於下本十萬。偈花嚴內釋。前分三萬六千偈竟。花嚴經探玄記卷第二十

華嚴經文義綱目刊行序

No. 1734 (Ch. No. 278)

按擬然師述法界義鏡曰。天平八年大唐道璿律師齋此宗疏章而來。又審祥大德者新羅國人也。嘗入唐謁賢首受學華嚴宗。而來此國住大安寺。應良辨等請講華嚴經。然則初傳章疏璿師有功。最初開講。祥公為尊也。此章之傳雖未見實據。璿祥兩師之間焉。又我弘法大師釋華嚴教往往取則是章。疑璿公等將來之本。故大師亦有所受教。且請來錄不載此章。則受學于本邦者居然可見矣。

且餘諸師亦能釋此章以綜文義之綱目。況本宗古德等據此論理。翼成教觀。辨駁通議。以作一家之學。好古之徒豈可不研覈耶。雖然本邦中世以來。賢首宗教沈貝葉而振者鮮矣。其疏章亦棄散失。末學者寧不慨然乎。予亦需發願欲搜羅墜編。未有所得。今獲是章。無異窮子見衣中之珠也。嗚呼。亦時節因緣使然耶。抑護法善神所授耶。喜躍之餘。輒加點校。以付剞劂。以布遐邇。庶幾華嚴之佛日再囑幽途。圓融之法水永同狂瀾耳。是為序。

元祿甲戌七年臘月穀旦

東奧仙臺龍寶住持比丘長與實養題於洛之智積輪下

花嚴經文義綱目 一卷

夫以茫茫性海。緣象詎測其源。眇眇玄猷。名言罕尋其際。有融圓智朗。巨夜而闢重昏。無限大悲俯群機。而臨萬利。於是無象現象。猶陽谷之昇太陽。無言示言。若滄波之傾巨壑。是故創於蓮花。藏界演無盡之玄綱。學龍上達之流。控引靈津之表。然後化露忍土。漸布慈雲。灑微澤以潤三根。滋道牙而歸一揆。是知機緣咸異。聖應所以殊分。聖應雖殊。不思議一也。華嚴經者。斯乃集海會之盛談。照山王之極說。理致宏遠。盡法界而巨真源。浩汗微言等虛空而彼塵國。於是無虧大小。潛巨

〔示〕一。〔中〕十。〔三〕。〔海〕十。〔巧〕。〔滿〕二。〔際〕。〔十〕化。〔明〕一。〔圖〕二。〔明〕。〔即〕二。〔明〕。〔偈〕一。〔此〕序。文。依。宗。教。大。學。本。教。二。天。治。二。年。寫。仁。和。寺。藏。本。元。祿。八。年。刊。宗。教。大。學。藏。本。天。平。神。祿。元。年。寫。知。恩。院。藏。本。卷。十。〔沙。門。釋。法。藏。撰〕。卒。二。年。

刹以入毫端。未易鴻纖融極微以周空界。故因陀羅網參互影而重重。錠光顯。黎照塵方而隱隱。一即多而無礙。多即一而圓通。攝九世以入刹那。舒一念而該永劫。三生究竟堅固種而爲因。十信道圓普德顯而成果。果無異因之果派。五位以分鑊。因無異果之因總。十身以齊致。是故覺母就機於東城六千疏。其十眼。童子詢友於南國百十成以一生。遂使不起樹王六天斯眉。詎移花藏十刹盧騰。示寶偈於塵中齊暉八會。啓玉珠於性德七處圓彰。浩浩鏗鏘抗思議而迥出。魏魏煥爛隔視聽於聾盲。是故舍那創陶甄於海印二七之旦爰興。龍樹終俯察於虬宮六百年後方顯。然則大以苞含爲義。方以軌範爲功。廣則體極周用。佛乃果圓覺滿。花譬開敷萬行。嚴喻飾茲本體。經則貫穿縫綴。能詮之教著焉。從法就人寄喻爲目。故稱大方廣佛花嚴經。世間淨眼品者器等三種顯曜於時。光潔照矚況於淨眼。法喻合舉故云世間淨眼。語言理。均格類相從。故稱爲品。此經有三十四品。此品建初故稱第一。故言大方廣佛華嚴經世間淨眼品第一。餘義如下說。今總括此經七處八會事義差別略開十門。一辨教起所因。二釋經題目。三明經宗趣。四說經時處。五辨定教主。六明衆數差別。七請說分齊。八所入三昧。九佛光加持。十正說品會。初教起所因中有二。先明教傳之相。後辨教興之意。初中教傳之相者。西域相傳。此經結集已後收入龍宮。佛滅度六百年後龍樹菩薩。往龍

宮。見此大不思議經。上本有十三千大千世界微塵數偈。四天下微塵數品。中本有四十萬八千八百偈。一千二百品。下本有十萬偈三十八品。龍樹遂將此下本出至天竺國造不思議論。亦十萬偈以釋此經。今耶舍三藏所翻十住毘婆沙論是彼一品也。爰有東晉沙門名支法領。從于闐國但得此三萬六千偈。并請得大乘三果菩薩禪師名。伏跋跋陀羅此云覺賢。俗姓釋迦氏。即甘露飯王之苗裔。來至晉朝。以安帝義熙十四年歲次鶉火三月十日。於揚州謝司空寺別造淨華嚴法堂。於中譯出此經。時堂前有蓮花池。每日有二青衣童子。從池而出掃灑研墨。還歸池經了便止。相傳釋云。以此經久在龍宮。慶此傳通故令龍王給侍耳。後因改此寺名興嚴寺也。有晉沙門釋法業。惠嚴惠觀等親從筆受。法業因此出義記。名花嚴旨歸。二卷。有吳郡內史孟頌右衛將軍褚叔度等爲檀越。至元熙二年六月十日譯出訖。至大宋永初二年十二月二十日與梵本再校勘畢。當時五十卷成。後人亦有融作六十卷者。於法界品內先有所欠八九紙文。今大唐永隆元年三月內。有中天竺三藏法師地婆訶羅唐言日照。奉勅與沙門道成等十大德。於西京太原寺譯出補之。沙門複禮筆受。其經感通及覺賢神述等。並如新集花嚴傳中辨二明教興意者。夫大教之興非無因緣。及非小因緣。今此教起。故下文性起品云。以須彌山微塵等因緣故起此性起法輪。今略題十種。謂願

力故。法爾故。爲本故。爲歸故。顯德故。顯位故。開發故。見聞故。成行故。得果故。初願力故者。謂佛與菩薩及彼機緣三位願力之所起。故下文云。盧舍那佛本願力。故普賢願力故。又云若。有得聞者。當知本願力。又云開發大願故。因本願力之所出也。二法爾故者。謂。汎諸佛初出興世將欲開顯所化蓮花法門。皆於第二七日海印定中演出如是無盡法門。下文云法如是。故此則如大王路法爾常規。三爲本故者。謂。將欲逐機漸施末教。故於最初先示此法以爲末本。以依此本得起末故下文云。譬如淨法界與三乘法爲所依。又云猶如日出先照高山等。四爲歸故者。謂。顯末教所歸處。故下文云。猶如衆水流歸大海等。五顯德故者。謂。顯如來自所得法體相用。故體謂法界理智無礙。相謂十蓮花藏微塵數等。明謂毛孔孔現刹廣益機緣。普賢亦爾。六顯位故者。謂。顯信等六位圓融相攝前後。是故一位即一切位。而前後歷然。下文云在於一地普攝一切諸地功德等。七開發故者。謂。開發衆生性起心中法界無礙自在法門。令顯現。故下文云。中破微塵出經卷等可知。八見聞故者。謂。示此一乘無盡自在具足。主伴無礙法門。令物見聞成解脫分金剛種故。如性起品說。九成行故者。謂。令衆生成普賢行。一行即一切行。初發心時便成正覺。具足慧身不由他悟等。十得果故者有二。初斷果謂除障故。即一障一切障如普賢品。一斷一切斷如小相品等廣說。二智果。謂具十身盡三

①緊二衆 ②(一)十均 ③(自)十往 ④伏二佛 ⑤商十(也) ⑥惠嚴惠觀一慈宅 ⑦說十(二卷) ⑧(然)十今 ⑨有十(衆生) ⑩力十(故) ⑪孔十(中) ⑫中二云 ⑬小二少

世間、逆順自在依正無礙等。由此十義同一緣起無礙圓融自在力故。今此經教依無住本而建立也。

第二別釋經題目者於中有二。先釋衆名後解別目。前中諸聖教立此經名略有五種。初依觀佛三昧經及涅槃經。名此經爲難花經。此隨喻爲名。以理行交難緣起集成故。二智論屬累品名爲不思議解脫經。有十萬偈。此從法就用爲名。故性起品云。此經爲乘不思議乘菩薩設。又智論自指此經也。三梁朝攝論第十勝相云。百千經者。卽花嚴十萬偈爲百千也。此從數爲名。四如下離世間品出生菩薩深妙義花等。彼當釋。此約法喻合目。五約十義立名等。如性起品。亦至彼當釋。二解別目中。二。先總解後別釋。總者如入大乘論說。有五義。一爲衆生說對治法故。二有衆多乘故。三多莊嚴具故。四能出生無量大果故。五除斷一切諸邪見故名毘佛略。難集論釋方廣者。菩薩藏相應言說名爲方廣。一切有情利益安樂所依處故。宣說廣大甚深法故。亦名廣破。以能廣破一切障故。亦名無比。無有諸法能比類故。此等皆是大乘差別名。由與七種大性相應等。乃至廣說別釋者大方廣等是一部通名。世間淨眼是當品別目。前中有二。先開義後合釋。開者先舉所詮之義。後經之一字舉能詮之教。此依主釋。前中先明所喻。後花嚴二字是能喻。前中先明所依法。後佛一字顯能依人。前中先別明體用。後廣一字合辨體能。前中先大字明

法體。後方字辨勝能。合釋中大者當體爲目。包含爲義。方者就用爲名軌範爲義。廣者體用合明周遍爲義。此中大卽方。大方卽廣。皆持業釋。又大者古德解有三義。一常義。經云所言大者名之爲常。二是體性普周義。經云所言大者其性廣博。三是勝能義。經云能建大義名大涅槃。又具體相用三大也。今更尋下文略有十義。一境大。於中有二。一依報大。謂十蓮華藏。二正報大。謂十佛三業等。如舍那品等說。卽所信境也。二心大。如寶首品初及發心功德品說。三行大。如離世間品說。通修六位行也。四位大。如明難品已去至第六會說彼五位。謂信大。解大。行大。願大。證大。等也。五體大。如入法界品說通證六位法也。六因大有二。初生因。如前五位說。二了因。如普賢品等說。七果大。於中有二。一隨緣果。如不思議品等說。二自體果。如此經中果分不可說者是也。八體大。如性起品等說。九用大。謂念念益生頓成位等。如小相品等說。十法大。於中有三。一教大。謂一名句皆遍一切十方法界。如下文說。二義大。稱無邊教所顯義是。三事大。謂一一塵等具一切者是。此上十義皆各總攝一切法盡。具足卽入故稱大也。方有三義。一是方正義。謂此十義性離邪僻。二是方法義。謂此十義皆有模範軌則故也。三是醫方義。謂此十義皆能對治諸重障故。廣有二義。一遍一切處。謂凡一法門皆遍一切無盡世界乃至塵道及餘一切諸法之處。如下結通等說。二遍一切時。謂遍前後

際。通於十世下至剎那等。此二有二種遍。一重。二重重如帝網等。雖約一攝一切故名大。一遍一切故稱爲廣。而亦得前名廣後名大亦無違。佛者覺照爲名果滿爲義。此通十佛及三佛也。方廣是所得法。佛是能得人。又前是所覺境。佛是能覺智。此中境智有二義。一相成二相卽。前中方廣之佛簡下乘佛。佛之方廣簡因位法。此二相成各有有性無性緣起四句。思准之。人法相依皆依主釋。二相卽者。或方廣卽佛佛卽方廣。以人法無礙故。令體相卽亦具四句。思准之。此唯持業釋。華有三義。一微妙義。二感果義。三莊飾義。初一喻行體。後二喻行用。用中初喻生因。後喻了因。又初是生果華。不與果俱。如生死爲道具及因位善根等故。下文云。此經出生一切菩薩諸行功德深妙義華。若從此義應名菩薩方廣。又後莊果花與果俱。如果位善根。今此文申明佛方廣。故約果位但論佛花嚴耳。又別分微妙喻。前法。後二譬前人。通論人法皆具此三。故成況也。嚴之一字通含能嚴所嚴。由是銘融便成四句。或萬行如華爲能嚴。眞性爲所嚴。以理由修顯故。或眞性如華爲能嚴。修生諸行爲所嚴。以行從理起故。故攝論云。無不從此法身流。無不還證此法身。此之謂也。或俱融能所不二而一。以非眞流之行無以契眞。非飾眞之行不從眞起。良以體融行而因圓。行該眞而果滿。是故標爲佛華嚴也。或雙泯能所二而不二。以卽眞之行非行。卽行之眞非眞。是則理行雙絕能

①(至)十彼②釋二辨③諸二諸佛④諸⑤(謂)十苦⑥名十(爲)⑦[之]一⑧*⑨蓋二通⑩令二全⑪前二先

淨提等。由此當知非是淨土。若染土者何故下文云此蓮花藏世界海六種十八相震動等。明知此經非染土說。如此相違如何指定。答但依此經染淨二土。鎔融相攝有其四句。或唯染淨。以本從末故。或唯華藏。以末從本故。此二如上辨。或雙現。以依華藏而有染淨。染淨相分未依本。故如下文云。華藏。世界中娑婆世界。此之謂也。或染淨雙絕。以就果海不可說故。此上四門合爲一土。鎔融無礙隨說皆得。二辨融攝者。亦有三重。一此覺樹下即攝八會入中天上。是故皆云不離此也。二攝十方無餘刹土。皆悉不離此樹王下。三攝毛端微塵內等重重之刹。猶如帝網。無有窮盡。以皆是此蓮花藏界之所攝故。第三顯差別者。然佛說經處有三種。一唯界內十六大國。化身說處。此通小乘及三乘教。二唯界外諸妙淨土十八圓滿受用。土中。報佛說處。如佛地經等。此妙淨土非三界攝。而亦不離。以遍一切處故。此通三乘及一乘說。三染淨圓融。如帝網無盡花藏界中十佛說處。依正渾融具三世間。此唯別教一乘說處。今所辨正唯後一。兼攝前二。以彼本末不相離故。四總表示法者。託此勝處表示法勝。地論云。此法勝故在勝處說。說有二門。一總二別。總有三重。一此樹下得菩提故不起此說。明表所說如所得故。非逐異機有改動故。如鹿園說等。二託圓融蓮華藏界表示所說圓滿殊勝性開敷故。三託此重重帝網之處表示所說亦重重無盡。如不思議解脫等。此三通於八會故

名總也。五別顯處會者有二。初約佛。赴機會別有八。二約菩薩求法有五十四會。初中第一會在摩竭提國。寂滅道場菩提樹下。此一會處亦總亦別。貫通餘會得稱爲總。故下文云。菩提樹下須彌山頂等。是故此初則爲總處。如下所說。一切十句中皆初句爲總餘九爲別。此之謂也。總門表法如前已顯。別示此會說果德法。是故託此得果之處用以表示。第二會在摩竭提國普光法堂。西域相傳。此堂去菩提樹東南二三里許。在尼連禪河曲內。諸龍爲佛所造。如來於中放相輪光。遍照十方無邊世界。是故名此爲普光法堂。此中表說信行普周蔭初機故也。第三會在須彌山頂帝釋宮中妙勝殿。須彌者此云妙高山。謂四寶所成。是故稱妙。挺出衆山故曰高。表此所說十住不退窮至山頂超過凡小寄於妙勝故也。第四會在夜摩天宮寶莊嚴殿。夜摩名時或云善知。表說十行隨時進修勝德交飾故託。茲殿。第五會在兜率陀天宮。一切寶莊嚴殿。兜率此云喜足。表說退向世間位滿成喜足行。攝德多聞寄一切寶殿。第六會在化他自在天宮摩尼寶藏殿。表說十地所證真如非自所作。又表因圓窮欲界頂。證智摩尼出阿含光故。故託此殿第七。會重普光法堂。表此所說六位行法依前信等圓滿周盡。是故重會於此處也。第八會在舍衛國祇樹給孤獨園重閣講堂。爲表所顯法界法門當體希奇功用濟物。用依體起似關重重成。故託斯處也。問從人向

上次應先至四天王。越彼而昇忉利有何別意。答十信寄在人間。十住乃居山頂。信是外凡菩薩。住是不退賢人。欲表賢愚進退兩位懸殊故。寄越此四天王處。問兜率會了次臨化樂。越昇他化復有何意。答兜率位當迴向。世間修相已終他化行有十階。出世真如今證。既世間出世間爲異。漏與無漏有殊。假修真證絕懸故表超於化樂。問何須重會。復以何義唯會普光。答普光是起信之首。歷位至於他化。今明位中之行。行修從首理宜會此。但以位相約解寄會昇沈。行就理玄一位相攝故唯會此處。二約菩薩求法會者如善財童子。於覺城東娑羅林大塔廟處。文殊師利初爲諸大衆及善財童子一會說法。如是次第乃至末後。普賢菩薩於金剛藏道場所爲於大衆及善財等現法界身雲之法。爲末後第五十四會。是故通前總六十二會。此據一方說。若論結通十方世界是則微塵微塵數虛空法界等諸會處也。第五定教主者亦作五門。一定佛身。二明融攝。三顯差別。四表示法。五明業用。初定佛身者。問此八會佛是何等身。答有人釋云。是化身佛。以菩提樹下八相成道是化身故。不離昇天是重化故。以釋迦異名名盧舍那非別報身。故又有釋云。說此經佛是實報身。以是盧舍那法界身故居蓮華藏淨土中。故下第七會初歎佛有彼二十一種殊勝功德。是實報也。但以不離化故該此樹下。非是化身。今釋此佛準下文文中是十佛之身。通三世間。

●(覺)一● ●(門)二● ●(淨)十● ●(此)十● ●(莊)二● ●(十)十● ●(妙)十● ●(莊)二● ●(會)二● ●(王)十●
●(天)十● ●(是)十● ●(有)十● ●(有)十● ●(十)十● ●(復)二● ●(相)十● ●(經)十● ●(觀)一● ●(報)十● ●(身)十●

以說十信及三寶等。地前所見非實報故。然居花藏非是化。故國土身等非前二。故具攝前二。性融通故。具足主伴如帝網故。是。唯周遍法界十佛之身。第二融攝者有二。一。直攝一切三世間盡。以具此三事方為佛故。三身二。身。但是三智正覺攝。諸妙淨土及同生之身。無不皆是此中所攝。二。於正報毛孔及依報塵中。皆重重具足。攝彼三世間等一切諸法如帝網現。準思可見。第三顯差別者。此一釋迦身隨應群機差別多種。或同凡而非聖。如見三尺黑象脚身及樹神。身等此約人天位。或是聖而非凡。以同羅漢聖人身故。或亦凡亦聖。以是父母所生實報身故。四大成故同凡身也。具五分法身諸漏盡故。是聖也。或非凡非聖。以是大乘三身攝故。非同小乘羅漢聖故。或是化非法報。以具八相在閻浮故。色頂別立彼實報故。如梵網經等說。此約初教。或是報非法化。即此身具二十一種殊勝。德受用身故如佛地經初說。此約終教。或是法非報化。以色即如故。經云吾今此身即是法身。此約頓教。或亦法亦報化。如前三說。故或非法非報化。以是十佛故。通三世間故。具足主伴故。如此經下文說。此約圓教。是故此釋迦身圓融無礙極難思也。第四表示法者。然說法之佛總有四位。一。羅漢身佛表說小乘。二。化身佛表說三乘。廣說地前略說地上。三。報身佛表說三乘。廣說地上略說地前。四十身佛表於一乘。六位齊說。由此所說具足主伴無盡法故佛亦同

此十身無盡。第五明業用者。問下文云。不離菩提樹而昇。切利天等。云何不起而得昇天。答有人釋云。本釋迦身不離覺樹。重現化身以用昇天。此則本釋迦身竟無昇天。昇天之神非本釋迦。經意不然。故不可也。又有釋言。不起是法身。昇天是化用。此恐非理。豈可法身坐道樹耶。又有釋言。此昇天是不往而至。以往即不往故。所以不起也。不往即往故所以昇天也。如不來相而來名善來等。若依此釋但是無昇相而昇天。非是樹下有不起之身。故亦難用。今解此文略有八義。一。約處即入門。謂以一處中有一切處故。是故此天宮等即本來在彼樹王下。故云不起也。然先未用此天宮處。今欲於中說法用故說為昇也。又相即故不起門別故有昇也。二。約佛。謂此坐樹王下之佛身即遍法界一切處故。是故佛身本來在彼切利等處故不待起也。今欲用此切利門中之佛故曰昇也。是故若起則不成昇也。三。約時。謂由此樹下座上佛身即遍前後際等九世十世一切時故。是故此佛坐樹下時昇。天去時到天處時。一時皆遍法界。攝前後際盡。即知坐樹下時永無起時故。云不起也。若正去時亦如此故唯有去。無餘也。皆念念不相至各各收法界。如是緣起門無礙。恒不離四約法界門。謂此昇去無自性故即攝真如法界。以彼樹下坐等亦不異真故同真如。在去門顯現故不起而昇也。五。約緣起門。謂坐由行故坐。坐在於行中。行由坐故行。行在於坐中是故由行中坐。故昇

天即不起也。由坐中行故不起而昇天也。行坐無礙故。即昇常坐即坐恒昇也。六。約佛不思議德。謂即不起此坐即是行即是臥即是住。即是到一切處即是作一切事。並非下地所知。七。約所表。謂表前位行成究竟堅固不壞故云不起前坐也。而有赴機用故云昇也。八。約成會。謂後會必具前故。不捨前而成後。若捨前則壞緣起。是故不起前而昇也。第六衆數差別作十門。一。明衆數。二。新舊。三。定器。四。世出世。五。界趣。六。諸乘。七。權實。八。位地。九。表法。十。因果。初衆數多少者。謂此初會有五十五衆。始從普賢至摩訶薩衆為三十四衆。復從善海還至普賢為十八衆。帖前總為五十二衆。海慧內衆并新集十方。及勝音衆帖前總為五十五衆。第二會中有新舊二衆。帖前總為五十七衆。三四二會各有天王菩薩二衆。帖前總為六十一衆。第五會中昇天品內有五十二衆。及雲集衆。帖前總為一百一十四衆。第六會中有同生異生二衆。及第七會一衆。帖前總為一百一十七衆。第八會中菩薩聲聞天王三衆。帖前則為一百二十衆。於中一或以十佛世界慶數為量。如是等皆無分齊。然此且約此一世界八會中說。若通十方虛空法界一切世界皆各有此無邊衆會。相入重重如帝網無盡即不可說不可說也。是謂花嚴海會之衆。二諸會新舊者。或唯舊無新如六七二會。或唯新無舊如三四五三會。或亦新亦舊如初二八三會。

●唯周二故是● ●身十(佛)● ●孔十(中)● ●身一● ●具十(足)● ●功十德● ●法十(法)● ●天十(宮)● ●一一二● ●之● ●(知)十無● ●以上知恩院本缺 ●(世)一● ●(世)十昇● ●少二小● ●(從)一● ●(有)一● ●中十(有)● ●此十(義)●

餘意各如下集衆中說。三定器者汎論列衆有三義。一是當機。二是影響。三是寄法。今此通三也。四世出世者有四義。或俱是世間以時中顯現故。又三世間中是一故。或並是出世。以其行德非世攝故。或亦世亦出。由具前二義故。又隨相論。初普賢等是出世。餘是世故。或非世亦非出。以是世出出世攝故。是故此衆通其三位具斯四句也。五界趣者於三界中除無色天。以隨相寄法非殊勝故。若人王經亦有無色天等。五趣中除地獄衆。以彼極苦寄相顯法亦非勝故。若陀羅尼經亦有此衆。又無人王衆。以相顯非奇故。或菩薩即人衆也。或唯列王衆。如後十八衆說以表法自在故。或通王臣。如此三十四衆。中說以具主伴故。六諸乘者。大智論云。若小乘經初唯列聲聞衆。若大乘經初具列菩薩聲聞二衆。義準。若一乘經初唯列菩薩。所以知者。彼論以大品等爲共教。別指華嚴爲不共教。以不與聲聞共說故。又此上三門各有二說。初中二者。一若爲成小教得小果等。唯列聲聞。此是愚法小乘。如阿含等經說。二爲迴小乘顯所被機。唯列聲聞。是大乘遭心教。如金剛波若經初辨。二具二衆中亦二。一或先列聲聞。後列菩薩。此通始終頓三教。如淨名等經辨。二或先列菩薩。後列聲聞。此通頓教及同教。如羅摩伽經。惟樓王經和休經等辨。三唯列菩薩。中二。一雖列菩薩主伴不具。是同教一乘。如十一面經等辨。二若主伴具足即別教一乘。如此經說。七權

實者。若約三乘佛居此娑婆界。雜衆是實。以實報生故。菩薩是權。方便現故。如經云。彼諸菩薩隱其無量自在力等。或菩薩是實。以地前菩薩猶生此土故。雜衆是權。依大集經。並是他方大菩薩等權形所作故。若佛居淨土菩薩唯實。實報生故。雜衆是化非實有故。論云受用土中實無此等衆生。欲令淨土不空故化作如是雜類衆生。若一乘中佛在此花藏界。菩薩雜衆或並是實。以是海印定現。實德攝故。或俱是權。以隨緣而現故。餘義思準。八明其位者。若約三乘此普賢等皆是十地已上菩薩。彼神王既多分是隨類生攝。即是八地已上。若一乘中如緣起際。諸位皆齊。是故一人具五位。位位皆遍收准之。九人法者。若三乘中但寄人顯法。仍人非是法。若一乘中此等諸人並是法界緣起法門。又此一衆即通三世間。以或作河池井泉水等國土身故。餘可知。十因果者。若三乘但是因位。若一乘中或皆是因。以未是佛故。或俱是果。以並是佛海印中現故。又乘解脫力入佛海故。或通因果。由前二義故。或俱非。以離性平等故。並如下歎德中辨。

第七諸會請問者作四門。一明有無。二顯所問法。三辨能問人。四問儀式。初有無者。於八會中初二後二有請問。餘會皆無。所以爾者。初會標果起因故有問。第二會初爲尋因至果故請問。但爲因中行位階降寄五會答也。以果位無優劣故當會答耳。然五會中諸品之內更有問者。並是當會所說法中隨說請問。非是別問大位之相。以第六會來唯答第二會初所請問故。第七會中明行熟因果。是故請問。謂行修無礙六位頓成故。當會答也。第八會中明稱性因果。是故請問。謂俱入法界無差別故。亦當會答也。二顯所問法者。初及第八具有果法。而分有因法。但所信攝化爲異。第一第七具問因法。但行位爲異。三能問人不同者。初及第八各具同異二衆齊問。以所問法衆同依故。第二唯是菩薩同生衆問。以所入位同生勝故。第七唯普賢一人問。以造修之行名別成故。

四問儀式者有二。一約言念。二約通別。初中泛論請問有二。一言請二念請。答亦有二。一言說答二示相答。此二問答如次及交絡四句可知。爲成三慧有斯二例。初之一會及第八會唯是念請。答通二位。謂佛有示相答。菩薩有言說答。以對佛與請。上能知下。不待言故。爲顯佛心能領疑身相現答。自在故也。第七會言請言答。以對普賢起問。還是普賢答故。二通別者。初及第八別問通答。第二第七別問別答。皆可知。

第八所依三昧者略作八門。一辨分齊。二有無。三明出入。四顯因果。五入定人。六業用。七入定意。八雙行非雙行。初明分齊者有二。先總後別。總者然此八會入法教義等皆依如來海印三昧之所顯現故。賢首品云。一切示現無有餘海印三昧勢力故。二別顯者。第一會入一切如來淨藏三昧。以垢無不盡德無不苞名爲淨藏。標果異因名如來三昧。第

①[是]一①② ③以二如④ ⑤[本]一⑥ ⑦出十(世)⑧ ⑨[世]一⑩ ⑪人二仁⑫ ⑬[中]一⑭ ⑮中十(本)⑯ ⑰(唯)十列⑱
⑲[所]一⑳ ㉑定十(中)㉒ ㉓等十(法)㉔ ㉕力二門㉖ ㉗因二問㉘ ㉙不十(得)㉚ ㉛[請言]一㉜ ㉝(具)十起㉞ ㉟門二

二會不入定。第三會入菩薩無量方便三昧。巧解多端名無量方便。標因別果名菩薩三昧。第四會入善伏三昧。行能伏障令永不起名爲善伏。第五會入明智三昧。照理除闇故稱明智。第六會入大智慧光明三昧。入地正證。過小曰大。對治無明名慧光明。第七會入佛花嚴三昧。妙行開敷飾顯真體。因嚴果滿名佛花嚴。第八會入如來師子奮迅三昧。謂顯佛果大用雄猛之狀從喻標名故立斯號。此上七種業用異故立名差別。心一境性等持無別。是故通皆名爲三昧。第二有無者唯第二會不入三昧。以所表法未成位故。餘會所表法位成故。若依海印諸會通有。第三出入者。唯第八會入已無出。表於法界有證無失。又顯佛果大用自在故不待出。餘會不爾。表起化應機故。不同佛果用故。第四因果分別者有四句。或唯果定。謂初會及第八以初說果法故。第八證理玄故。或唯因定。謂三四五六以彼唯說因位法故。不思議品等所說果法別有所依。非彼定故。或亦因果俱。謂第七會以花嚴攝因佛是果故。所表行深具因果故或非因果。謂第二會總無定故。第五能入定。入者第一會普賢菩薩以普賢因圓滿顯佛果。第二會文殊師利表信無位故不入定。第三會法慧菩薩以表十住慧解法故。第四會功德林菩薩以表十行勝德建立故。第五會金剛幢菩薩表十迴向大願堅固。獨標出故。第六會金剛藏菩薩以表十地無漏行深。破障智堅含攝具德故。第七會普賢

菩薩表行深廣該於六位稱普賢故。第八如來入定以表法界解脫自在無礙唯佛窮。故第六業用差別者通辨定用。有其三種。一發慧二引通三具二。此七定中或唯發慧。謂除初後所餘五會以皆從定起智說故。或唯引通。謂第八會以顯如來身土無礙法界門故。或具二種。謂初會普賢定中說法亦是通故。第七明入定意者略有四意。一爲證法令說決定故。論云何故入三昧。顯示此法非思量境界故。二爲受加。佛力加持此爲器故。論云何故加。以得此三昧故。三成軌則。諸有說法要審而說方可信故。四表示法。以聞此定名解彼法故。此七定中初五具四。第七唯三。以行法依解不待加故。第八唯二。以佛無新證無受加故。第八行非雙行者有四句。或唯雙行。謂第八會在定起用無障礙故。或唯非雙行。謂除初二會所餘諸會以要出定方有說故。論云。何故出定。以定無言說故非雙行或俱。謂初會定中說彼五海十智故是雙行。後出定已方乃說彼十世界海故亦非雙或俱非。謂第二會總無故。第九光加不同者。先辨放光亦作五門。一有無。二出處。三光意。四光體。五光用。初中八會之內。唯第七會不顯放光。以所依行法不異前故。但純熟爲異。二出處者初會二處。一從面門牙齒放光表教道迴舒。二從眉間毫相放光。表證道圓潔。第二會從足下相輪放光。表信行最卑故居足下。又表衆行依信而進。如身依足而有所趣。第三第四二會之中。皆

從足指放大光明過前位故。增至足指。指有二義。一能距地有立住義。二能申展有進趣義。前表第三十住之法。後表第四十行之法。是故二會同此放光。第五會從兩膝放光。表行位過前漸增至膝。大願迴向屈申進詣。以膝表示。第六會眉間豪放光。表十地正證。第八會亦眉間放光者。亦表法界法門普該體入故。三光意者。此諸放光略有四意。一爲現相表法。二驚起信心。三照觸救苦。四集衆遠召。四光體者亦有四種。一是事光如流星霞雲等。二是法光謂顯示法門故。三是理光謂非青黃赤白。不生滅故。四無礙光。前三無礙融現前故。五光業用者。八業二身如十地論說。第二明諸佛同加作四門。一有無。二加相。三加意。四能加之佛。初有無者於八會中第二及七八此三並無加。第二位未成故不入定。故第七行法。依解不異前故。第八如來自入三昧不待加故。餘會非此。是故皆有一。加相者謂彼諸佛皆以三業同作加。故口加語業資其慧辨才。意加與智增其慧悟。身加與力令威過衆表同於如來三輪攝化。又口加與辨令能說。意加冥被以增威。身加摩頂而令覺。三加意者有六。一地論云。盧舍那佛本願力故加。二是彼菩薩善根願力故。三得彼三昧法如是故。四爲說此法故加。謂十地等諸位法也。五者十方諸佛各以三業加彼菩薩令說此法。即表諸佛同所宣說。六令彼大衆知佛加說。於彼所說生淨信故。四能加之佛名數者。初會之中有十方世界海諸佛。第三

①(顯)十佛②海二法③入二不出④失十(故)⑤證二顯⑥表十(法)⑦(非)十果⑧入二又⑨(自)十願
⑩八十(會)⑪來十(自)⑫界十(法)⑬[法]一⑭說十(法)⑮[以定]一⑯雙十(行)⑰[八]一⑱
行二引⑲[第三]一⑳以該二該以㉑表十(相)㉒辨二辯*

會十方各過千佛世界塵數刹。外有千佛世界塵數諸佛。同名法慧。第四會十方各過萬佛世界塵數刹。外有萬佛世界塵數諸佛。同名功德林。第五會十方各過百萬佛刹塵數刹。外有百萬佛刹塵數諸佛。同名金剛幢。第六會十方各過十億佛刹塵數刹。外有十億佛刹塵數諸佛。同名金剛藏。解云欲表三賢十聖位相漸增故。令佛數從小至多。皆同所加菩薩名者。地論釋云。令彼菩薩聞諸如來同己。名已增踊悅故。又彼諸位各說如佛名之法故不異名加。

第十所說法者略作四門。一約品。二約會。三約文。四約義。初約品者第一會中有二品。一世間淨眼品。二盧舍那佛品。第二會中有六品。一如來名號品。二四諦品。三光明覺品。四菩薩明難品。五淨行品。六賢首菩薩品。第三會中有六品。一佛身須彌頂品。二菩薩雲集說偈品。三菩薩十住品。四梵行品。五初發心菩薩功德品。六明法品。第四會中有四品。一佛昇夜摩天宮品。二菩薩雲集讚佛品。三功德花聚菩薩十行品。四菩薩十無盡品。第五會有三品。一佛昇兜率天宮品。二菩薩說偈品。三金剛幢菩薩迴向品。第六會中有十一品。一十地品。二十明品。三十忍品。四阿僧祇品。五壽命品。六菩薩住處品。七佛不思議法品。八如來相海品。九佛小相光明品。十普賢菩薩行品。十一寶王如來性起品。第七會有一品。謂離世間品。第八會有一品。謂入法界品。頌曰

二六六四三 十一各一一 是故於八會

品有三十四

第二約會者有二。初攝因從果會別有八。二分因果有六十二會。初第一會中普賢定內

觀五海說十智。言五海者初一切世界海。二一切衆生海。三法界業海。四欲樂諸根海。五

三世諸佛海。言十智者。一切世界海成敗智。二衆生界。赴智。三法界智。四如來自在

智。五轉法輪智。六力無畏不共法智。七光明

讚嘆音聲智。八三種教化衆生智。九無量三

昧法門不壞智。十如來種種自在智。第二會

中初品說佛身名普遍。次品說佛諸語迴周。

次品明佛身意舒光廣擬開覺。上三顯佛果

三輪差別攝用。次品說信位正解十種甚深。

次品說信位淨行百四十願。末後一品說信

位德成廣攝諸位。乃至成佛。第三會中所

說十住者。一發心住。二持地住。三修行住。四

生貴住。五方便具足住。六正心住。七不退住。

八童真住。九法王子住。十灌頂住。第四會

中說十行法。一歡喜行。二饒益行。三無患

。恨行。四無盡行。五離癡亂行。六善現行。七

無著行。八尊重行。九善法行。十真實行。第

五會中說十迴向法者。一救護。衆生離衆生

相迴向。二不壞迴向。三一切。佛迴向。四至

一切處迴向。五無盡功德藏迴向。六隨順平

等善根迴向。七隨順平等。觀迴向。八如相迴

向。九無縛無著解脫迴向。十法界無量迴向

。第六會中說十地法。一歡喜地。二離垢地。

三明地。四炎地。五難勝地。六現前地。七遠行

地。八不動地。九善惠地。十法雲地。第七會

中普賢菩薩起二百句問。普賢菩薩句別。答

十故成二千法門。第八會中大衆起於六十

句問。如來現於法界身雲。令諸菩薩皆入法

界。舍利弗等五百聲聞雖在會中如盲如聾

無所聞見。後顯善財隨位修行證入法界。上

來攝助歸正。故以八會統收皆盡。第二分

助異正散說。諸佛及諸菩薩赴機。顯法會別

通有六十二者。初之八會如前所顯。次約菩

薩赴機攝化有五十四會。總相料勘以爲五

分。初有四十一位名寄位修行相。於中初覺

城東文殊一會。令善財入法界信位。次於可

樂國和合山功德雲比丘令善財得普門光明

三昧觀察正念諸佛法門。乃至第十師子奮

迅城中彌多羅女令善財得般若波羅密普莊

嚴法門。已上十位令善財各得一種法門滿

足十住之位。次從救度國善現比丘令善財

得隨順菩薩燈明法門。乃至第十知足城中

出家外道名隨順一切衆生。令善財得至一

切處法門。已上十位各令善財得一法門滿

足十行之位。次甘露味國青蓮華長者令善

財得入香法門。乃至第十摩竭提國道場地

神名曰安住。令善財得菩薩不可壞藏法門。

已上十。住各令善財得一法門滿足菩薩十

迴向位。次從迦毘羅城婆娑陀夜天令善財

得光明普照諸法壞散衆生愚癡法門。乃至

第十迦毘羅城釋迦女名瞿夷。令善財得分

四十一總明寄位修行相竟 自下初從摩耶夫人令善財得大願智幻法門。乃至第十德生童子有德童女令善財得菩薩幻住法門。已上十位各令善財得一法門滿足菩薩第二會緣入。實法門 自下海潮國大莊嚴林中嚴淨藏樓觀內。彌勒菩薩令善財得三世智正念思惟莊嚴法門。已上一位令善財入第三攝德成因相。法 自下普門城邊文殊師利遙申右手摩善財頂。得見三千大千世界塵數知識。不違其教。乃立善財於自所住處。善賢道場法門。此一位令入智照無二相。法 自下於如來前金剛藏道場上。普賢菩薩令善財得十不可壞智慧法門。此一位令入顯因廣大相。法。又此上所求諸善知識種類有五。一約位有五十如前辨。二約主伴有一百一十也。三約同教見大千世界塵數知識。四約別教見十佛世界塵數知識。五約稱法約通十方無盡世界。則見虛空法界等不可說不可說諸善知識。第三顯文分齊者有六重。一約三分。初品是序分。二盧舍那品下是正。經。來不盡故無流通。又釋此經總無流通。以前七會各無流通故。大般若經十六會末各別流通。此不同彼。故知此經總無流通。表顯法門無終盡故。二依正法師等作四分。初品是序分。二盧舍那品下至光明覺。四品經文名舉果勸樂分。三從明難品下至性。起。二十七品經文明修因契果分。四七八二會明依人入證分。三正說有五。初一品教起因緣分。二盧舍那品中一周問答

是舉果勸樂生信分。三從第二會盡第六會有三十品。亦一周問答是修因契果生解分。四第七會中一周問答是託法進修成行分。五第八會中一周問答是依人入證成德分。以此經中唯有如此四翻問答。是故兼序。但得科為五分不得異說。又四問答中。初生信。二起解。三成行。四證真故義圓足不增減也。四或為五周因果。第一會中果廣而因略。是所信因果。第二會至小相品是修生因果。善賢性起是修顯因果。第七會中成行因果。第八會中入證因果。五或八會各一法。初一所信之境。二依境起信。三依信生解。四依解起行。五隨行起願。六行願證實。七練行純熟。八該攝法界。亦是義理圓滿故無增減也。六或分為十。謂前五周因果之內初後二位先果後因。餘三皆先因後果。各分因果二位故為十也。第四約義顯者。總標此經大意義理略作十門。一同時具足相應門。二因陀羅網法界門。三祕密隱顯俱成門。四微細相容安立門。五諸藏純雜具德門。六十世隔法異成門。七一多相容不同門。八諸法相即自在門。九唯心迴轉善成門。十託事顯法生解門。此上十門中各有十義。一人法。二教義。三因果。四理事。五解行。六分齊境界。七師弟法智。八主伴依正。九逆順體用。十隨生根欲示現。此等十義皆同時相應成一緣起。隨別義門入前十門。皆準思之。又更重釋前十門。初是諸緣契合義。是總也。約緣起全有力全無力義故有相容門也。約緣起空有義故有

相即門也。緣起力用重重攝故有帝網門也。緣起有無各不立。故有隱顯門也。約緣起同體門攝法故有微細門也。約所起法分前後際故有十世門也。約緣起諸門所收諸法各有純雜故有純雜門也。約緣起自性故有唯心門也。約緣起相用理觀如事故有說託事顯法門也。此十義通一部經思之花嚴八會綱目一卷

天治二年十月二十三日於池上房之僧寬有之本也
未來領知人人可令後世訪給也

實十(相) 法十(門) 乃十(至安) 處十(之) 法十(門) 宗十(分) 來二本 起十(品) 初十(一) 起十(品) 門十(中) (約)十緣 約十(緣起) (緣) 此十(上) 剛二綱 一 知恩院本與舊曰天平神護元年四月二十二日東大寺僧興顯 此書寫者重內終不久當成廣佛子遇此功德施法界皆願當得安樂

法如觀隔隙見無際空。而此時處即同無盡。以一處即一切處。一時即一切時。故二酬宿因者。何以法爾如是轉耶。宿因深故。夫根深則果茂。源遠則流長。宿因既深。教起亦大。深大云何。我佛世尊。創躡玄蹤。棲神妙寂。悲智雙運。行願齊周。是以妄想弗萌。而廓徹性空。靈鑑匪磨。而頓朗萬法。乃以無障礙解脫闢斯沙門。宿因雖多。略有二種。一者大願力故。現相品云。毘盧遮那佛願力周。法界一切國土中。恒轉無上輪。兜率偈云。如來不出世。亦無有涅槃。以本大願力。示現自在法。諸會佛加皆言。願力及餘諸文。成證非一。二者昔行力故。謂無量劫依願起行。行成得果。方能頓演。故主山神偈云。往修勝行無有邊。今獲神通亦無量。法門廣闊如塵數。悉使衆生深悟喜。三順機感者。謂昔因法爾雖能常遍。約可流傳。皆由機感。離機說法無所用故。其猶上有白月。月下資澄潭。潭清影現。機感應生。故兜率偈云。見佛亦復然。必假衆善業。十方諸佛告功德林言。及諸菩薩衆。善根力故。解脫月云。此衆無諸垢。志解悉明潔等。皆是機感。廣顯機感。如第四教所被機中。然此機感通於現未。諸會當機即是現在。今之聞者是未來機。四爲教本者。謂非海無以潛流。非本無以垂末。將欲逐機漸施末教。先示本法頓演此經。然亦有二。一爲開漸之本。出現品云。如日初出先照高山故。二爲攝末之本。如日沒時還照高山故。無不從此

法界流。無不還歸此法界故。法華亦云。始見我身。聞我所說。即皆信受。入如來慧。此漸本也。次云。除先修習。學小乘者。即開漸也。又云。我今亦令得聞。是經入於佛慧。即攝末歸本也。斯則法華亦指此經以爲本矣。五顯果德者。謂此法中顯佛勝德。令諸菩薩信向證故。不識寶玉。不得其用。不知此德。安能仰求。然果德有二。一依果。謂華藏世界海等。二正果。如來十身等。此二無礙以爲佛德。然依正無礙通有六句。一依內現。依。如塵中剎海。二正內現。正。如毛孔現。佛。三正內現。依。四依內現。正。五依內現。依。正。六正內現。正。依。其文非一。又有四句。一或唯依。佛。即剎故。二或唯正。剎。即佛故。三俱四。泯。思之。可知。隨舉一門。則攝一切。並如下說。六彰地位者。爲顯菩薩修行佛因。一道至果有階差故。夫聖人之大寶曰位。若無此位。行無成故。此亦二種。一行布位。立位差別故。二圓融門。一位即攝一切位故。一位滿即至佛故。初地云。一地之中。具攝一切諸地功德。信該果海。初發心時便成正覺等。然此二無礙。以行布是教相施設。圓融是理性德用。相是即性之相。故行布不礙圓融。性是即相之性。故圓融不礙行布。圓融不礙行布。故一爲無量。行布不礙圓融。故無量爲一。無量爲一。故融通隱隱。一爲無量。故涉入重重。故世親以六相圓融。上下之文非一。七說勝行者。欲登妙位。非行不階。故君子不患無位。患

己不立。行亦二種。一頓成諸行。一行一切行。故十住品云。一即是多。多即是一。等。普賢行品說。一斷一切斷等故。二遍成諸行。此即行布。謂自大菩提心體相功德。乃至等覺中行。此二無礙。例如位說。八示眞法者。欲成行位。須解法理。不體理事。行亦非眞。故兜率偈云。不了眞實法。諸佛故與世。此亦二種。一顯事理無礙法。二顯事事無礙法。並如義分齊說。九開因性者。謂上因果理事。皆由衆生性有。若性非金玉。雖琢不成寶器。良以衆生包性德而爲體。依智海以爲源。但相變體殊。情生智隔。今令知心合體達。本情亡。故談斯經以爲顯示。亦有二種。一以言顯示。令其知有。二使其修行悟入。顯現如下。破塵出經卷等。亦如法華云。唯以一大事因緣故。出現於世。所謂開示悟入佛之知見。衆生等有故言。唯一。十利。今後者。既等有其分。故廣利無邊。此亦二種。一利今。即佛在當機。二利後。即今之。見聞。發心品云。我等諸佛護持此法。令未來世一切菩薩未曾聞者。皆悉得聞。此益復二。一令得見聞。爲堅種。故出現品云。如人食少金剛。終竟不消等。二令起行成。證入故出現。又云。設有菩薩。無量百千億那由他劫。行六波羅蜜。修習種種善提分法。若未聞此。如來不思議大威德法門。或時聞已。不信不解。不順不入。不得名爲眞實菩薩。以不能生如來家故。若聞此法。信解隨順悟入。當知此人生如來家。乃至

深入如來無量境界。良以有作之修。多劫終成敗壞。無心體極。一念便契。佛家賢首品云。十利應數如來所。悉皆承事盡。一劫若於此品能誦持。其福最勝過於彼等。又此利益別對前九成十種益。謂一聞法爾。則知常通成。見聞益。二聞本行。願學佛發興。成發心益。三聞機感。知法由善起。成造修益。四聞爲本。知其義圓。成頓得益。五聞果德。則信樂願。齊成滅障益。六聞位。期心證入。成攝位益。七聞行。發意修行。成起行益。八聞法。決須解了。成稱性益。九聞因。知一切皆同。成轉利益。十總具前九成。速證益。故前九因皆爲今益。亦可前一門皆成十益。可以意得。因上十義。故此教興。發心品中有十所因。彼云。以佛神力故。世尊本願力故等。因緣相參。對會因緣。可以意得。二明說經緣者。一切經首說時方人等。皆是緣起。今有十緣。一依時。二依處。三依主。四依三昧。五依現相。六依說者。七依聽者。八依德本。九依請者。十依加者。今初依時。夫心冥至道。則混一古今。法界無生。本亡時分。下經偈云。諸佛得菩提。實不計於日。況無涯之說。念劫圓融哉。今以無時之時。略顯十重時別。初唯一念。二盡七日。三遍三際。四攝同類劫。五收異類劫。六以念攝劫。七劫念重收。八異類界時。九彼此相入。十以本收末。謂以非劫爲劫故。於前十時。恒演此經。又此十種隨一圓收。依此說時。則無終始。亦隨見聞說。初成

等。如前法爾中辯。若依此時。則通異餘教。而餘教時不出於此。或說三七六七等。隨見聞故。廣如旨歸。第二依處者。夫智窮真際。能所兩亡。假說依真。而非國土。況剎塵即入染淨參融。圓滿教之普周。難以分其處別。然真非事外。不壞所依。以上無時之時。遍非處之處。然有言。此經在穢土說。居摩竭等故。有云。處淨土說。在華藏故。有云。如實義者。二種身土。無定異處。即於一處見聞異故。上之三義。後一近宗。然說此經處。淨穢無礙。通局交徹。各二四句。初淨穢中。謂或唯染或唯淨。如前二義。或俱華藏內娑婆故。或俱染淨相。盡同一法界故。又或唯染摩竭等覆淨相故。或唯淨。其地金剛染相盡故。或俱隱顯無礙故。或俱非。各相形奪二相盡故。次明通局交徹二四句者。謂或局此一界故。或通該十方故。或俱。即此即遍故。或混二相盡故。又或局。此界攝一切故。或通。此入一切故。或俱。即攝即入故。或混。形奪相盡故。又以一塵例剎。亦有四句。可知。若從隱至寬。略顯十處。初此閻浮七處。九會而周法界。如四升須彌品。二周百億同類一界。亦遍法界。如光明覺品。三遍異類樹形等剎。四遍剎種。五遍華藏。六遍餘剎海若種若剎。七遍前六類剎塵。皆有同異類剎。八盡虛空界。容一一毛端之處。各有無邊剎海。九猶帝網。十餘佛同。然上十類一一各遍法界。而前九正是遮那說法之處。然說十住等處。雖復各遍法界。乃至塵

毛。爲門不同。亦無雜亂。若約十住與十行等。全位相攝。則彼此互無。各遍法界。若約諸位相資。則彼此互有。同遍法界。一二品會準。此知之。十餘佛同者。此佛既爾。餘佛亦然。故諸會結通皆云。我等諸佛亦如是說。然主主不相見。伴伴不相見。主伴伴主則互相見。若互不相見。即各遍法界。互相見故。同遍法界。亦無雜亂。亦無障礙。又上十處共爲緣起。舉一全收。以一一處稱法性故。而隨前一。一時皆遍此諸處。又隨一處。皆具前時。頓說此經。此猶約器世間說。若約智正覺及衆生世間。即一一佛身支節毛孔。皆攝無盡重重之刹。普賢衆生一一皆爾。並是遮那說經之處。第三依主者。夫真身寥廓。與法界合。其體包羅無外。與萬化齊其用。窮源莫二。執跡多端。一身多身。經論異說。今說此經。佛爲真爲應爲一爲多。若言真者。何名釋迦。居娑婆界。入天同見。若云應者。那言遮那。處蓮華藏。大菩薩見。見佛法身。若云一者。何以多處別現。若云異者。何以復言而不分身。故說此經佛並非前說。即是法界無盡身雲。真應相融。一多無礙。即盧遮那是釋迦故。常在此處。即他處故。遠在他方。恒住此故。身不分異。亦非一故。同時異處。一身圓滿。皆全現故。一切菩薩不能思故。今先明十身後彰無礙。言十身者。自有二義。一約融三世。間爲十者。一衆生身。二國土身。三業報身。四聲聞身。五緣覺身。六菩薩身。七如來身。

①是二攝 ②(第)十二 ③混一源 ④[下]一 ⑤諸佛一如來 ⑥計二繫 ⑦終始一始終 ⑧亡一忘 ⑨隱二廣 ⑩升二界 ⑪此彼二後此 ⑫品會二會品 ⑬亦二例 ⑭(處)一 ⑮支二肢 ⑯十十(身) ⑰來二前

八智身。九法身。十虛空身。二就佛上。自有十身。一菩提身。二願身。三化身。四力持身。五相好莊嚴身。六威勢身。七慧生身。八福德身。九法身。十智身。廣顯其相。如第八地。及離世間品。辯言無礙者。略有十義。一用周無礙。謂於上念劫剎塵等處。遍那佛現。法界身雲。業用無邊。悉周遍故。經云。如於此處。見佛坐。一切塵中。亦如是等。其文非一。二相遍無礙。謂於上差別用中。各攝一切業用故。三寂用無礙。無私成故。四依起無礙。無心頓現。海印力故。五真應無礙。應即同法。一味平等故。六分圓無礙。一身分即具全身故。七因果無礙。不礙現因故。八依正無礙。不礙現依故。九潛入無礙。入衆生界。如來藏。雖作衆生。不失自性故。故出現品云。佛智潛入衆生心。又云。衆生心中有佛。成正覺等。又亦攝一切衆生。在一毛孔善化。天王云。汝應觀佛。一毛孔。一切衆生悉在中等。十圓通無礙。謂此佛身即理即事。即一即多。即依即正。即人即法。即此即彼。即情即非。情即深即廣。即因即果。即三身即十身。同一無礙法界身雲。以此身雲。遍前時處。常說華嚴。是知或說報身在色究竟。約攝報說。或說報身在餘淨土。約引攝說。或說舍那坐千葉華。攝二地說。或說登地方見。約勝機說。或分三異。從體相用說。俱非此經真實之義。設分三十不同。亦權實對說。若不融前義。亦失經宗。第四依三昧者。夫動靜唯物望豈然乎。

示軌後徒。明將有說。必須靜觀前理。受諸佛加從定起而發言。言必真實。言必真實。當故受者之心。自然篤矣。故於諸會。多明入定。爲說經緣。有不入者。至文當說其所入定。皆盡法源。業用難思。第五依現相者。謂法性寂寥。雖無諸相。無相之相。不礙繁興。起教多端。相非一準。或放光動剎。或華雨香雲。皆爲發起。故諸會之內。將欲說法。多先放光。通表智光。以被物故。然有二種。一不壞次第光。隨位增微。二圓通無礙光。隨一光。皆結通故。隨處放異。總有十光。各有所表。至文當知。其動地等多在說後。則是慶聞。如十地中。雖是慶前義。兼起後。則是教緣。第六依說人者。法無廢興。弘之由人。下文云。佛法無人說。雖慧莫能了。今此能說。通三世間。開即爲五。謂佛菩薩聲聞衆生及器。更開爲十。謂加三世。微塵。毛孔。器及有情。各有分圓。故毛孔微塵即是分說。此上諸說。通三世故。故普賢行品云。佛說衆生說。及以國土說。三世如是說等。廣則無量。法界品中類非一故。如僧祇隨好。即是佛說。餘會多菩薩說。法界品初有聲聞說。諸善友等多菩薩說。亦名衆生說。菩提樹等即器界說。至文當知。其能說人用法不同。或用音聲。或用妙色等。如教體中。辯第七依聽人者。子期云。爽百牙鞞絃。若無聽者。終無有說。即下諸衆略有十類。至文當明。除當機衆。餘皆是緣。第八依德本者。川有珠而不枯。山有玉而增潤。內

無德本。外豈能談。然唯約說者。前人此法。故略有二類。一者智慧最爲首故。十方諸佛。告金剛幢言。及由汝智慧清淨故。告金剛藏言。亦是汝勝智力故。二者餘行願力。十方諸佛。告普賢言。亦以汝修一切諸行願力故。十方諸佛。告法慧言。及汝所修諸善根力。令汝入是三昧。而演說法。若感者善根。若化主行願皆屬說因。第九依請人者。若約慈悲深厚。亦有無問自談。若約敬法重人。要須誠請後說。初心識昧。未解諸求。上智慈悲。騰疑啓請。然有二類。一者言請。二者念請。諸會有無現相品賞。辯第十依能加者。夫聖無常應。應于克誠。心冥至極。故得佛加。然若佛自說則不俟加。如第九會。因人有說。要假上加。其第八會。行依法修。不異前故。略無有加。二七不入定。故無有加。餘皆具有。所以加者。欲顯諸佛同加即同說故。一說一切說故。亦顯果海無言。因相可說故。若爾僧祇隨好應。非一切表微細難知故。超出因果故。然施設不同。不應一準。加有二種。一者顯加。具於三業。二者冥加。但與智令說。普光法界。無顯有冥。餘皆具二。顯必有冥。故餘至下明。教起因緣竟。第二藏教所攝中。二。先藏攝後教攝。前中亦二。先藏後攝。今初。藏謂三藏二藏。通稱藏者。以含攝故。世親攝論第一。莊嚴論第四。皆云彼三及二。云何名藏。答云。由攝故。謂攝一切所應知義。攝即包含。言三藏者。一修多羅藏。二毘奈耶藏。三阿毘達

●磨藏。初中先辨名。後顯相。今初。亦名修妬路。亦名素相續。此皆梵音梵夏。古譯爲契經。智論之中。名爲經藏。契謂契理。契機。經謂貫穿攝化。即契理合機之經。依主受名。契經即藏。持業釋也。復云。正翻名線。線能貫串。經能持緯。此方不貴線稱。故存於經。有云。案五印度。呼線爲經。并索。聖教。皆曰修多羅。則經正是敵對。斥於古德。經非敵對。今更詳之。若一名四實。皆爲敵對。則古如所破。若兼順義。經自屬於席經。敵對應名聖教。故梁攝論。譯爲聖教。彼論云。有阿毘達磨。非是聖教。爲成聖教。故加修多羅名。古德見此。儒墨皆稱爲經。遂借彼席經。以目聖教。則雙含二義。俱順兩方。借義助名。更加契字。揀異席經。甚爲允當。二顯相者。西域四名。所目雖殊。意義相似。故同稱修多羅。而聖教多含具上三義。故難心云。經有五義。一曰涌泉。二曰出生。三曰顯示。四曰繩墨。五曰結繫。涌泉則注而無竭。出生則展轉滋多。義同井索。有汲引故。顯示正是聖教。顯事理故。繩墨則指一定正邪。亦是繩之爲經。能持於緯。同席經義。結繫同線。線能貫串。結成盤故。總上五義。不出貫攝。故佛地論第一云。能貫能攝故名爲經。以佛聖教貫穿攝持所應說義所化生故。此或貫攝通。所說所化。或貫穿法相。攝持所化。又世親攝論釋貫穿云。謂能貫穿依故相故法故義故。依者。謂於是處。由此爲此而有所說。相者。謂世俗諦相勝義諦相。法者。謂

蘊界處。緣起諸食。靜慮無量。無色解脫勝處。遍處菩提分。無礙解無諍等。義者隨順密意說等。瑜伽二十五。顯揚二十。大同此說。餘義至十二分中當明。第二毘奈耶藏。初名後相。前中亦名毘尼。梵言之略耳。此翻爲調伏。謂調練三業。制伏過非。調練通於止作。制伏唯明止惡。就所證之行彰名。即調伏之藏。或能證藏。有調伏之能。即有財釋。契經藏中類有此釋。毘尼或翻爲滅。滅有三義。一滅業非。二滅煩惱。三得滅果。或名尸羅。具云。翅但羅。此云清涼。離熱惱因。得清涼果。故亦名波羅提木叉。此云別解脫。此就因得名。然有二義。一揀異定道名。之爲別。二三業七支各各防非故名爲別。亦翻爲隨順解脫。此據果立。隨順有爲無爲二種解脫果故。亦名性善。如十誦律。亦名守信。如昔所受實能持故。後顯相者。前名之中已含止作。即毘尼相。若別說者。世親攝論云。毘奈耶有四義。謂犯罪故。等起故。還淨故。出離故。廣如彼論。第三阿毘達磨藏。阿毘名對達磨云。法有二種。一勝義法。謂即涅槃。是善是常故。名爲勝。二法相法。通四聖諦。相者性也。狀也。二俱名。相法既有二對亦二義。一者對向。謂向前涅槃。二者對觀。觀前四諦。其能對者皆無漏淨慧。及相應心所等。由對果對境。分二對名。故慧但是對而非是法。非所對故。言對法者。法之對故。故對法藏。特名慧論。舊譯爲無比法。以詮慧勝故。世親攝論云。阿毘達磨

有四義。謂對故。數故。伏故。通故。對義同前。數者於一。一法。數數宣說。訓釋言辭。自共相等無量差別故。伏者由此具足論處所等。能勝伏。地論故。通者此能通釋素相續義。故。亦名優婆提。含此云論。義亦名磨恒。理迦。此云本母。謂以教與義爲本爲母。亦云依藏。生解。藏爲解母。本即是母。亦名摩夷。此云行母。依藏成行故。行之母故。然此三藏。約其所詮。略有二門。一者剋性則經證三學。戒唯戒心二學。論唯慧學。如攝論說。二約兼正則三藏之中經正詮定。毘尼詮戒。論詮於慧。兼各通三。第二明二藏者。一聲聞藏。二菩薩藏。即由前三藏。詮示聲聞理行果。故名聲聞藏。詮示菩薩理行果。故名菩薩藏。故莊嚴論第四云。此三藏由上下乘差別故。復爲聲聞藏及菩薩藏。攝大乘同此。此就二乘理果同故。合之。若約教行別故。即開三乘。以爲三藏。如普超等經。又由緣覺多不藉教。出無佛世。佛在世時攝屬聲聞故。但分爲二。即是大小半滿不同。第二明所攝者。此經三藏之中。正唯修多羅攝。兼詮餘二十藏等品。廣顯戒故。問明等品顯論。義故。若就修多羅中以義揀教。則唯十藏攝。具足主伴顯無盡故。教義融故。二藏之中唯菩薩藏。若分權實。但菩薩藏一分所攝。權不攝故。若約此攝。乃至聲聞。亦此經攝。此能包含無量乘故。揀於權實。至下立教中明。已辯。藏攝。第二明教攝者。教有二種。一者通相。十二

分教。亦分大小。至下十藏品。辯二者諸宗立教不同。今當略釋。夫教海沖深。法雲彌漫。智光無際。妙辯巨窮。以無言之言。詮言絕之理。以無變之變。應無窮之機。極位所承。凡情難揭。今乘理教之力。略啓四門。一大意。合離。二今古違順。三分宗立教。四總相會通。今初。且西域東夏弘闡之流。於一代聖言。或開宗分教。或直釋經文。以皆含得失故耳。且不分之意。略有五焉。一則理本一味殊塗同歸。故不可分也。二一音普應。一雨普滋。故三原聖本意。爲一事。故四隨一文。衆解不同。故五多種說法。成枝流故。以斯五義。故不可分。分之乃令情構異端。是非競作。故以不分。爲得其分教者。亦有多義。一理雖一味。詮有淺深。故須分之。使知權實。二約佛雖則一音。就機差而教別。三本意未申。隨他意語而有異故。四言有通別。就顯說故。五雖分權實。須善會佛意。有開顯故。又王之密語。所爲別故。不識權實。以深爲淺。失於大利。以淺爲深。虛其功。故莊嚴聖教。令深廣故。諸聖教中。自有分故。諸大菩薩亦開教故。以斯多義。開則得多而失。少。合則得少而失多。但能虛己求宗。不可分而分之。亦何爽於大旨。故今分之。第二古今違順。曲分爲二。先叙此方。後明西域。今初。諸釋雖衆。略叙數家。勸爲五門。一立一音教。謂如來一代之教。不離一音。然有二師。一後魏菩提流支云。如來一音同

時報萬。大小並陳。二姚秦羅什法師云。佛一圓音平等無二。無思普應。機聞自殊。非謂言音本陳。大小。故維摩經云。佛以一音演說法。衆生各各隨所解。上之二師。初則佛音具異。後則異自在機。各得圓音一義。然並爲教本。不分之意耳。第二立二種教。自有四家。一西秦曇摩讖三藏。立半滿教。即聲聞藏。爲半字教。菩薩藏。爲滿字教。隨遠法師亦同此立。斯則文據混糅。蓋是對小顯大。通相之意。未於大中顯有權實。亦含半滿。二隋遠法師。立漸頓二教。謂約漸悟機。大由小起。所說具有三乘。故名爲漸。若約頓機。直往於大。不由於小。名之爲頓。此雖約機。說有漸頓。而所說法。不出半滿。三唐初印法師。亦立二教。一屈曲教。謂釋迦經。以逐機性。隨計破著。故。如涅槃等。二平道教。謂舍那經。以逐法性。自在說。故。如華嚴經。又此二教。略有四異。一主異。謂釋迦化身。與舍那十身異。二處異。謂娑婆界木樹草座。與華藏界中寶樹寶座等異。故三衆異。謂爲聲聞及菩薩說。與唯菩薩及極位同說異。故四說異。謂局處之說。與該通十方之說異。故。此約化儀以判。然華嚴雖有隨諸衆生。各別調伏。皆是稱性善巧。一時頓演。涅槃等雖說一極。或對權顯實。或會異歸同。一切如來。或說不說。故云屈曲。約釋迦爲主。則未顯十身。十身爲主。必具釋迦。娑婆之處。未融華藏。華藏之處。必融娑婆。略云四異。異實有多。誠如所判。

但以屈曲之內。未顯法之權實耳。四齊朝隱士劉虬。亦立漸頓二教。謂華嚴經名爲頓教。餘皆名漸。始自鹿苑。終於雙林。從小之大故。然此經。如日初出。先照高山。即是頓義。慈龍降雨。以證漸義。於理可然。漸約五時。天下當辯。第三立三種教。亦有三家。一南中諸師。同立三教。謂於前漸頓。加不定教。由漸中。先小後大。而央。攝經六年之內。即說爲遮。此難故立不定。謂別有一經。雖非頓攝。而明佛性常住。即勝鬘金光明等。是爲偏方不定教也。漸中開合。諸師不同。或但分爲二。即是半滿。或分爲三。即武丘山岌法師。謂十二年前。見有得道。名有相教。十二年後。齊至法華。見空得道。名無相教。最後雙照。一切衆生佛性。闡提作佛。名常住教。此與唐三藏三時之教。大同。至叙西域中說。真諦三藏。依金光明。立轉照持三輪之教。亦大同。此而時節小異。謂七年前說四諦。名轉法輪。七年後說般若。具轉照二輪。以空照有故。三十年後具轉照持。以雙照。空有持前二故。或分爲四。即宋朝岌法師。謂於前三時。無相之後。常住之前。指法華經。爲同歸教。以會三歸。一。善悉向菩提。故。或開爲五。然有二家。一道場慧觀等。於無相之後。同歸之前。指淨名思益等。爲抑揚教。二者即前劉公。不開抑揚。而有教之初。取提冒經。爲人天教。上來諸師。皆於漸中。約時開異。若不加不定之教。則招難尤多。以初有大故。雖加不定。猶

有妨難。略顯五時之妨餘可。例知初明十二年。前爲有相者。自違成論。成論云。我今正明三藏中實義。實義即空。又阿含中云。無是死。即法空也。無誰老死。即生空也。又智論云。三藏中明法空爲大空。摩訶衍中明十方空爲大空。皆顯小乘已有二空。若云第二時說空者。十二年後。方制廣戒。豈唯說空。又智論云。從得道夜。乃至涅槃。常說般若。豈前不說空。若云第二時中未顯常住者。實相般若豈無常耶。涅槃亦說佛性。亦名般若。是知實相般若即是正因佛性。觀照即爲了因。又般若離四句。何曾存空。般若若不壞四句。豈無妙有。是知小大各有四門。而但言初有次空者。各得一門之意耳。若云第三時中但名抑揚。亦非常者。淨名云。佛身無爲不隨諸數。觀身實相。觀佛亦然。豈無常耶。般若亦云。二乘智慧。猶如螢光。菩薩一日學智。如日之照。豈非抑揚。若云第四時中但顯同歸。亦未明常者。壽量品云。常住不滅。又方便品云。世間相常住等。豈無常耶。五以涅槃爲常住者。當教可爾。而涅槃之時。亦有小乘之見。如阿含中說。如來涅槃之相。故。若以人天爲初者。提冒雖說戒善得道。皆通三乘。故彼經云。提冒得不起法忍。又達密跡經中。第二七日說三乘故。然上五時等。皆以約時而定。則有所乘。揀去不定。從多分說。亦有理在。二後魏光統律師。承習佛院三藏。亦立三教。謂漸頓圓。初爲根未熟者。先說

無常。後方說常。先空後不空等。如是漸次。故名爲漸。二爲根熟之輩。於一法門。具足演說常無常空不空等。一切具說。更無由漸。故名爲頓。三爲於上達分階佛境之者。說於如來無礙解脫究竟果德圓滿秘密自在法門。故名爲圓。此亦約化儀。說有前後耳。意明今時堪受頓者。必昔曾受化故。云根熟。上達之言。義兼地前。分階佛境。即謂地上。於理亦通。三階末唐初吉藏法師。依法華第五。立三種法輪。一始見我身。聞我所說。即皆信受。入如來慧。即根本法輪。二除先修習學小乘者。即枝末法輪。三我今亦令得聞是經。入於佛慧。即攝末歸本法輪。此判全約化儀。據法但有大小。然法華爲於一類開顯本末。若將定判。一代聖教。收義不盡。以法華之前。亦有大故。豈般若等皆爲枝末。又無量義云。佛一切時說大小故。

是三乘後一是一乘。無乘教理。若唯說法華爲實。則抑諸般若及諸大乘了義之經。是知昔大亦有權實。法華但會昔權。故說三皆虛指。昔實不滯方便。故不會之。若約會權歸實。即是會三爲一。若破小顯大。即是會二歸一。若開權顯實。則三是一。更無別一。故彼經云。汝等所行是菩薩道。先所出內。是子所知。若廢權立實。義說爲四。如攬三點以成一伊。點別非伊。伊具三點。昔三既別。實不兼權。今一全兼。成四無爽。若依昔未顯說一切具有。如來知見。根敗之種。今並說成。則今昔有異。於文有據。義亦極成。二陳隋二代天台智者。承南岳思大師。立四教。云一三藏教。此教明因緣生滅四真諦理。正教小乘。旁化菩薩。二者通教。通者同也。三乘同稟故。此教明因緣即空無生四真諦理。是摩訶衍之初門。正爲菩薩。旁通二乘。大品云。欲得聲聞乘。當學般若波羅蜜等。然教理智斷行位因果皆通。淺深不同。於共般若。唯共於淺。三別教。別即不共。不共二乘人說故。此教正明因緣假名無量四真諦理。的化菩薩。不涉二乘。故聲聞在座如聾如盲。不名不共而云別者。兼欲揀非圓故。以一因適出。一果不融。歷別而修。不得因果圓融。故四圓教。圓以不偏爲義。此教正明不思議因緣。二諦中道。事理具足。不偏不別。但化最上利根之人。故名爲圓。華嚴經云。顯現自在力。爲說圓滿經。無量諸衆生。悉受菩提記等。

大方廣佛華嚴經疏卷第二

唐清涼山大華嚴寺沙門澄觀撰
第四立四教者。略有四家。一梁朝光宅法師。依法華第二。立四乘教。謂臨門三車。即是權教三乘。四衢等賜。即實教大乘。以臨門牛車亦同羊鹿。俱不得故。並無體故。諸子皆索故。是知三皆虛指。以爲方便。此則前三

別則教理等皆別。圓則教等皆圓。又此四教由三觀起。從假入空。析體異故。有初二教。從空入假。從假入中。有別教起。三觀一心中得有圓教起。又此四教。不局定一部。一部之中。容有多故。又更以四種化儀收之。謂頓漸不定秘密。頓漸同前及公。後二。謂一音異解。若互相知。名為不定。互不相知。即名秘密。此師立義。理致圓備。但三藏教名義。似小濫。以餘三教亦有三故。所以爾者。良以智論之中多詬小乘為三藏故。成實論中亦自說云。我今欲說三藏中實義。故初對舊經戒定慧。立此三事。迥然不同。異後三教。通教意融三故。別教依一法性而顯三故。圓教三一無障礙故。所以不名小乘教者。此教亦有大乘。六度菩薩三十四心斷結成。真佛故。故藏通別圓之義四教互有。而嚴其定實。餘三不成。唯成當教中義耳。但判華嚴兼於圓別。以就登地已上。約寄位行布。為別義。故名異義同。亦無大過。三唐初海東元曉法師。亦立四教。一三乘別教。如四諦緣起經等。二三乘通教。如般若深密經等。三一乘分教。如梵網經等。四一乘滿教。如華嚴經等。然三乘共說諸法空。是為通教。不共二乘。名一乘教。於中未顯普法。名隨分教。具明普法。名圓滿教。然此大同天台。但合別圓。加一乘分耳。自言且依乘門略立四種。非謂此四遍攝一切。故無有失。四賢首弟子。宛

公。依實性論。立四種教。論云。有四種衆生。不識如來藏。如生盲人。一者凡夫。二者聲聞。三者辟支佛。四者初心菩薩。言四教者。一迷真異執教。當彼凡夫。二真一分半教。當彼二乘。三真一分滿教。當彼初心菩薩。四真具分滿教。即當彼識如來藏者。初教謂諸外道迷於真理。廣起異計。二謂小乘。於真如隨緣不變二分義中。唯說生空所顯之理。故名為半。如涅槃半字。三謂但得不變。不得隨緣。故名一分。而雙辯二空。故名為滿。四由具隨緣不變二義。故名具分。廣如彼說。然今判聖教。那參邪說。若對教主。應如此方先立三教。或如西域。分內外及六師等。又依涅槃。為半滿者。後二既滿。不應復有一分之言。既但得不變一分。豈名為滿。又涅槃半滿。豈唯約二空。豈彼不說妙有。而詞空耶。故其所立。未為允當。第五立五教。略有二家。一波頗三藏立。一四諦教。謂四阿含等。二無相教。謂諸般若。三觀行教。謂華嚴經。四安樂教。謂涅槃經。說常樂。故五守護教。謂大集經說。守護正法事故。此釋名局。以觀行等皆互有故。二賢首所立五教。至下當知。第二叙西域者。即今性相二宗元出彼方。故名西域。謂那爛陀寺同時有二大德。一名戒賢。二名智光。戒賢遠承彌勒無著。近踵護法難陀。依深密等經。瑜伽等論。立三種教。以法相大乘而為了義。即唐三藏之所。宗師謂佛初於鹿野。轉四諦小乘法輪。說諸有為法皆

從緣生。以破外道自性因等。又緣生無我。翻外有我。然猶未說法無我理。即四阿含等是。第二時中。雖依遍計所執。而說諸法自性皆空。翻彼小乘。然於依他圓成猶未說有。即諸部般若等經。第三時中。就大乘正理。具說三性三無性等。方為盡理。即解深密經等。是故於彼三時。初隨有邊。次墮空邊。俱非了義。後時具說遍計性空。餘二為有。契會中道。方為了義。此依深密。所判二智光論師。遠承文殊龍樹。近稟青目清辯。依般若等經中觀等論。亦立三時教。以明無相大乘為真了義。謂佛初鹿野說小。明心鏡俱有。次於中時。為彼中根。說法相大乘。境空心有唯識道理。以根猶劣。未能全入平等真空。故後第三時。為上根。說無相大乘。辯心境俱空。平等一味。為真了義。又初漸破外道自性等。故說因緣生法決定是有。次漸破小乘緣生實有之執。故說依他似有。以彼怖畏此真空故。由存假名。而接引之。後時方就究竟。而說緣生即空平等一味。此三次第。如智光論師。般若燈論釋中引大乘妙智經說。然此二三時。並不能斷一代時教。以各有據。互相違故。各別為於一類機故。深密經意。為於一類。般若若者。聞平等空。撥無因果。不了空有無二。故第三時。為其分析於一法上。空有之義。其妙智經。則以一類聞說三性迷唯識者。未能忘心觀緣起者。定謂似有故。今總忘心境。即事而真。得斯意者。

此十(前) ① 冠二死 ② 辯一辨 ③ 證一說 ④ 叙一明 ⑤ 宗聞一師宗 ⑥ [於]一 ⑦ 法二賢 ⑧ 出二賢

則不相違。然欲會二宗。須知二宗立義。有多差別。略叙數條。一者一乘三乘別。二一性五性別。三唯心真妄別。四真如隨緣凝然別。五三性空有即離別。六生佛不增不減別。七二諦空有即離別。八四相一時前後別。九能所斷證即離別。十佛身無爲有爲別。且初二義者。由性有五。一不同故。令乘有三。一權實。如法相宗意。以一乘爲權。三乘爲實。故深密三時教中。初皆不成。次一向成。是爲若過若不及。皆非了義。第三時中。有性者成。無性不成。方爲了義。故云普爲發起一切乘者。又初二卷中。皆云一乘是密意。說故知是權。又勝鬘經。以一乘爲方便故。大般若五百九十三中。善勇猛菩薩言。唯願世尊哀愍我等。爲具宣說如來境界。若有情類。於聲聞乘性決定者。聞此法已。速能證得自無漏地。於獨覺乘性決定者。聞此法已。速依自乘而得出離。於無上乘性決定者。聞此法已。速證無上正等菩提。若有情類雖未入正性離生。而於三乘性不定者。聞此法已。皆發無上正等覺心。深密第二大意同此。又云。一切趣寂聲聞種性補特伽羅。雖蒙諸佛施設種種勇猛加行方便化導。終不能令當坐道場證阿耨多羅三藐三菩提。又十輪第九亦說。三乘各定差別。皆以性定五故。故楞伽中。佛告大慧。有五種種性。一聲聞乘性。二辟支佛乘性。三如來乘性。四不定乘性。五者無性。大莊嚴論及瑜伽論皆同此說。善戒地持。雖但說

二種性。一有種性。二無種性。亦云無種性人。無種性故。雖復勤行精進。終不能得無上菩提。但以人天善根。而成熱之無性。瑜伽亦同此說。若法性宗意。則以三乘是權。一乘爲實。法華經云。十方佛土中。唯有一乘法。無二亦無三。除佛方便說。又云。初以三乘引導衆生。然後但以大乘而度脫之。以性唯一故。故云諸佛兩足尊。知法常無性。又第三云。一相一味究竟涅槃常寂滅相。涅槃亦云。佛性者名爲一乘。師子吼者名決定說。決定宣說一切衆生皆有佛性。凡是有心定當作佛。三十三又云。一切衆生同有佛性。皆同一乘。一解脫。一因。一果。同一甘露。一切當得常樂我淨。是名一味。又法華第三云。我滅度後復有弟子。不聞是經。不知不覺菩薩所行。自於所得功德生滅度想。當入涅槃。我於餘國作佛。更有異名。是人雖生滅度之想。入於涅槃。而於彼土求佛智慧。得聞是經。唯以佛乘而得滅度等。智論九十五亦同此說。明知趣寂決定迴心。法華論中四聲聞內決定及增上慢。此二根未熟故。菩薩與記方便令發心。既云未熟。明必當熟。方便令發。即菩提心。不可不順。已宗判爲論錯。入楞伽第二第四第七。皆同說。二乘無實涅槃。但是三昧力故。後必當得無上菩提。法華論中。意亦同此。皆是假說涅槃。故云三昧。勝鬘亦云。言諸二乘得涅槃者。是佛方便。又無上依經實性佛性二論皆說。入滅二乘。於三界外。更受

變易密嚴經中。二乘畢無灰斷永滅。如是經論。其文非一。永寂聲聞。必無明矣。涅槃第九菩薩品中。廣明闍提斷善不能發心。當文即云。彼一闍提雖有佛性。而爲無量罪垢所纏。不能得出。如蠶處繭。此則有而非無。又云。或有佛性。一闍提有。善根人無等。則知無有無種性人。況前引楞伽五性自迷其文。彼經第五性云。五者無性。謂一闍提。此有二種。一者焚燒一切善根。即謗菩薩藏。二者憐愍一切衆生界。即是菩薩。若有衆生不入涅槃。我亦不入。大慧白言。此二何者常不入涅槃。佛言。菩薩常不入涅槃。非焚燒一切善根者。以知諸法本來涅槃。不捨一切諸衆生故。此意則明。菩薩入而不入。既云菩薩常不入。非闍提者。則明闍提後必入矣。況經自云。復以如來神力故。或時善根生耶。莊嚴第五。無性亦有二種。一是時邊。二者畢竟時邊。謂暫時之無。即前闍提。畢竟謂永無。即大悲菩薩。是知前來所引大般若深密等經。皆是未說法華之前。就其長時云。定性無性非。永定永無。諸論隨佛方便成立故。云定無耳。故實性佛性等論皆說。以一闍提謗大乘因。依無量時說。無佛性。非謂究竟無清淨性。若謂法華是第二時教。爲引不定二乘故。說一切悉皆成佛。而猶未說定性不成。故名密意。非了義者。何以自判法華爲第三時教。誰敢判於法華。爲不了耶。妙智經中。及梁攝論成立正法中。皆以一乘居三乘

後。故真諦三藏部異執記云。三十八年後。說解節經等。無量義云。四十年後。說法華經。明知法華居後。故經云。臨欲終時。若不信。法華居後。涅槃臨終。居然可信。豈不亦以一乘一性破三五耶。若以般若為第二時。法華為第三時。於理即通。復自達深密第三時中。普為發起一切乘者。以法華破三故。明知深密三時。不能定斷一切聖教。以未居最後故。且約顯二類義。故分三耳。義如前說。若將法華望之。應有四時。以一乘教。破前三乘故。若謂佛性有二。一者理性。二者行性。理性定有。行性或無。斯言可爾。故涅槃云。或有佛性善根人有聞提人無。即是行性。或有佛性二人俱有。即是理性。然涅槃依於理性。明其等有。故云。凡是有心定當作佛。不言凡是有行定當作佛。若謂理性定有。容趣寂不成。則違教理。是知聞提不作佛者。以作佛非聞提故。乃抑揚當時耳。若謂法華入滅後信一乘。即是變化權聲聞者。權必化實。無實化誰。又豈不誤於一類怯弱好滅眾生。是知趣寂皆是法華前意耳。又勝鬘經云。若如來隨彼所欲。而方便說。即是一乘。無有二乘。二乘入於一乘。一乘者即第一義乘。此意明隨欲方便而說二乘。明知即是一乘。無有二矣。不曉此意。將上方便。連下一乘而讀之。輒斷一乘。以為方便。惑之甚矣。又彼經中。廣破二乘。云無涅槃。又云。此經斷一切疑。決定了義入一乘道。豈說一乘。以

為方便。設有方便之言。尚在法華之前。況復無耶。法華云。此經難信難解。佛現在世。猶多怨嫉。況滅度後。誠哉斯言。若信執三乘五性。不信一乘。一性者。深為可惡。故百喻經第二中。王改聚落。五由旬為三由旬喻。以喻方便於一說三。後人但信於三。不信於一。即其事也。上約二宗各別所據。則互相違。反若會釋者。亦不相違。謂就機則三。約法則一。新熏則五。本有無二。若入理雙拂。則三一兩亡。若約佛化儀。則能三能一。是故競執是非。達無違諍。大集五部。雖異不離法界。涅槃各說身因。佛許無非。正說餘義。次下當會古今違順。竟第三立教開宗。分二。一以義分教。二依教分宗。今初以義分教。教類有五。即賢首所立。廣有別章。大同天台。但加頓教。今先用之。後總會通。有不安者。願為改易。言五教者。一小乘教。二大乘始教。三終教。四頓教。五圓教。初即天台藏教。二始教者。亦名分教。以深密第二第三時教。同許定性二乘俱不成佛。故今合之總為一教。此既未盡大乘法理。故立為初。有不成佛。故名為分。三終教者。亦名實教。定性二乘。無性聞提。悉當成佛。方盡大乘至極之說。故立為終。以稱實理。故名為實。上二教並依地位漸次修成。故總名為漸。四頓教者。但一念不生。即名為佛。不依地位漸次。而說故立為頓。如思益云。得諸法正性者。不從一地。至於一地。楞伽云。初地即為八。乃至無所有何次

等。不同。前漸次位修行。不同。於後圓融具德。故立名頓。頓詮此理。故名頓教。天台所以不立者。以四教中皆有一絕言故。今乃開者。頓顯絕言。別為一類。離念機故。即顯禪宗。五圓教者。明一位即一切位。一切位即一位。是故十信滿心。即攝五位成正覺等。依普賢法界帝網重重主伴具足。故名圓教。如此經等說。若約所說法相者。初小乘中。但說七十五法。但說人空。縱少說法空。亦不明顯。但依六識三毒。建立染淨根本。故阿含云。貪恚愚癡是世間根本等。未盡法源。故多諍論。部執不同。二始教中。廣說法相。少說法性。所說法性。即法相數。說有百法。決擇分明。故少諍論。說有八識。唯是生滅。依生滅識。建立生死及涅槃。因法爾種子。有無永別。是故五性決定不同。既所立識。唯業惑生。故所立真如。常恒不變。不許隨緣。依他起性。似有不無。非即無性真空圓成。說經空義。但約所執。既言三性五性不同。故說一分眾生決不成佛。名生界不滅。真俗二諦。迥然不同。非斷非常。果生因滅。同時四相。滅後無根本後得。緣境斷惑。義說雙觀。決定別照。以有為智。證無為理。義說不異而實非一。既出世智。依生滅識。種故。四智心品。為相所遷。佛果報身。有為無漏。如是義類。廣有衆多。具如瑜伽雜集等說。三終教中。少說法相。多說法性。所說法相。亦會歸性。所立八識。通如來藏。隨緣成立。不生滅。與生滅和合。而成非

●達深密一為深淺 ●信二保 ●一五 ●(為)一 ●(不)一 ●與十(不)●

一非異。一切衆生。平等一性。但是真如。隨緣成立。依他無性。即是圓成。一理齊平。故說。生界佛界。不增不減。第一義空。該通真妄。真非俗外。即俗而真。故雖空不斷。雖有不常。四相同時。體性即滅。緣境斷惑。不二而二。有能所斷。二而不一。說爲內證。照惑無本。即是智體。照體無自。即是證如。非智外如。爲智所證。非如外智。能證於如。世出世智。依如來藏。始本不二。則有爲無爲。非一非異。故佛化身。即常即法。不墮諸數。況於報體。即體之智。非相所遷。如是義類。亦有衆多。次第對上。如楞伽等經起信等論。若會上二宗。廣如別說。四頓教中。總不說法相唯。辯真性。亦無八識差別之相。一切所有。唯是妄想。一切法界。唯是絕言。五法三自性俱空。八識二無我雙遣。訶教勸離。毀相泯心。生心即妄。不生即佛。亦無佛無不佛。無生無不生。如淨名默住顯不二等。是其意也。五圓教中。所說唯是無盡法界。性海圓融。緣起無礙。相即相入。如因陀羅網重重無際。微細相容。主伴無盡。十法門。各攝法界。義分齊中。當具宣說。二依教開宗。宗乃有十。如經宗中。辯第四總相會通。曲分爲二。先通會諸教。後會化儀前後。今初。諸德立教。各自所據。今雖立五。亦會取諸說。略有五重。一或總爲一。謂唯是如來一大善巧。攝生方便。一音所演。則前之二師立一音者。不失道理。二或開爲二。此更有三。一對小顯大。初是半字。後四皆滿。則無違

二藏等言。二對權顯實。前則二是三乘。後三爲一乘。則不違法華四乘。三者三四二教。雖則泯二異前。而對三顯一。曲巧順機。後一直顯本法。一向不共。如智論說此。同印公平道屈曲。三或分爲三。初一小乘。次一三乘。後三一乘。或唯後一是不共一乘。智論指此以爲不共。大品等經。共二乘說。故。此三亦順四乘。又梁論第八云。如來成立正法有三種。一立小乘。二立三乘。三立一乘。第三最勝故。名善成立。此亦同妙智經。真諦三藏部異執疏第二卷中。亦同此說。四或分爲四。此亦二門。一中間三教。存三泯二別。故開之爲四。一別教小乘。如四阿含等。二同教三乘。如深密等。三同教一乘。如法華等。四別教一乘。如華嚴經。二約歷位。無位開漸及頓。故分爲四。總合二三。以爲漸教。餘皆如名。五或分爲五。如前所立。以漸中有始終故。然取多分。略指數經。實非局判。以一經中容多教故。第二化儀前後者。今辯如來一代時教。略啓十門。一本末差別門。一依本。起末門。三攝末歸本門。四本末無礙門。五隨機不定門。六顯密同時門。七一時頓演門。八寂莫無言門。九該通三際門。十重重無盡門。初中本末同時始終一類。各無異說。然有三位。一若小乘中。則初度陳如。後度須跋。中間亦唯說小益小。如四阿含經及五部律。二若約三乘。則始終說三通益三機。如密跡經等。三若約一乘。則始終唯爲圓機。說於圓極。如華嚴

等。其中不通小乘。復攝九世該於前後。更無異說。然此三類。依於此世根性定者。常聞如上一類之法。故佛所演各通。始終更無前後。二依本起末門。此有五類。謂初爲菩薩說。大。二爲緣覺。三爲聲聞。四爲善根衆生。五爲邪定。如出現品。日照高山及三千。初成喻中廣辯其相。皆明先大後小。約法名從本起末。以於一佛乘分別說三教。十八本二皆大乘出故。約機各是一類之機。非約一機前後大小。三攝末歸本門者。依無量義初時說小。次說中乘。後時說大。故法華亦云。初轉四諦深密妙智。雖復二時三一不同。皆先小後大。四本末無礙門者。謂初舉照山王之極說。明非本無以垂末。後顯歸大海之異流。明非末無以歸本。故本末交映與奪相資。方爲攝生之善巧矣。是故通論總有五位。一根本一乘。如華嚴經。二密意小乘。三密意大乘。四顯了三乘。上三如深密。五破異一乘。如法華。上之四門圓通無礙。是則前後即無前後。無前後之前後耳。五隨機不定門者。此上四門。初門明三類機始末常定。次門明五類機異時常定。第三門明一類機自淺之深。第四門明二類機。初機開頓後機從淺至深。更有一類不定之機。或從小乘次入三乘。後入一乘。亦有從小直入一乘。或多類機隨聞一句。異解不同。六顯密同時者。若異聞互知是顯不定。若互不相知即是秘密。密顯同時亦無前後。七上來諸門。一時

◎義攝二類義◎ ◎攝十(及)◎ ◎起二啓◎ ◎開二開◎ ◎復二後◎ ◎密顯一秘密◎

頓演。八從初得道。乃至涅槃。不說一句。九此上諸門盡通三際。十上之九門。隨處隨時重重無盡。皆無前後。後之二門。正是華嚴境界。融取前八。亦不離華嚴之用。第三義理分齊。已知此經總屬圓教。未知圓義分齊云何。然此教海宏深。包含無外。色空交映。德用重重。語其橫收。全收五教。乃至入天總無不包。方顯深廣。其猶百川不攝大海。大海必攝百川。雖攝百川。同一鹹味。故隨一適迥異百川。前之四教不攝於圓。圓必攝四。雖攝於四。圓以貫之。故十善五戒亦圓教攝。上非三四。況初二耶。斯則有其所通。無其所局。故此圓教語廣。名無量乘。語深唯顯一乘。一乘有二。一同教一乘。同類同實故。二別教一乘。唯圓融具德故。以別該同皆圓教攝。今顯別教一乘。略顯四門。一明所依體事。二攝歸真實。三彰其無礙。四周遍含容。各有十門。以顯無盡。初中十者。一教義。二理事。三境智。四行位。五因果。六依正。七體用。八入法。九逆順。十應感。教即能詮。即前五教。乃至光香等。義即所詮。即五教等一切義理。理即生空所顯。二空所顯無性真如等理。事即色心身方等事。餘可思準。第二攝歸真實者。即真空絕相。經云。法性本空寂。無取亦無見。性空即是佛。不可得思量。亦有十義。如法界觀。第三彰其無礙。然上十對皆悉無礙。今且約事理以顯無礙。亦有十門。一理通於事門。謂無分限之理。全遍分限事中。故一一

纖塵理皆圓足。二事遍於理門。謂有分之事。全同無分之理。故一小塵即遍法界。由上二義互該徹故。皆同一性。故出現品云。如來成正覺時。於其身中。普見一切衆生成正覺。乃至普見一切衆生入涅槃。皆同一性。所謂無性。理遍事故。一成一切成。事遍同理。故說都無所成。經云。譬如虛空無成無壞。一性無性。即是佛性。故涅槃云。佛性名第一義空。第一義空名為智慧。又出現云。無一衆生不具如來智慧。無不有者。即一乘義也。三依理成事門。謂事無別體。要因理成。如攬水成波故。於中有二。一明具分唯識變故。覺林菩薩偈云。心如工畫師。能畫諸世間。五陰悉從生。無法而不造。此明唯心義也。何以得知是具分耶。次頌云。如心佛亦爾。如佛衆生然。應知佛與心。體性皆無盡。既是即佛之心。明非獨妄心而已。二明真如隨緣成故。問明品文殊難云。心性是一。云何見有種種差別。即緣性相達難覺首答云。法性本無生。示現而有生。即真如隨緣答。又云。諸法無作用。亦無有體性。明隨緣不失自性。即同勝鬘。依如來藏有生死。依如來藏有涅槃等。四事能顯理門。謂由事攬理成故。事虛而理實。依他無性即是圓成。如波相虛令水現故。夜摩偈云。云何說諸蘊。諸蘊有何性。蘊性不可滅。是故說無生。分別此諸蘊。其性本空寂。空故不可滅。此是無生義。衆生既如是。諸佛亦復然。佛及諸佛法。自性

無所有。又十忍品云。譬如谷響從緣所起。而與法性無有相違。須彌頂偈云。了知一切法。自性無所有。如是等文遍於九會。五以理奪事門。謂事既全理則事盡無遺。如水奪波波相全盡。故說生佛不增不減。出現品云。譬如虛空。一切世界若成若壞。常無增減。何以故。虛空無生故。諸佛菩提亦復如是。若成正覺。不成正覺。亦無增減。何以故。菩提無相故。乃至云。設一切衆生。於一念中悉成正覺。與不成正覺。等無有異。皆以無相平等故。不增不減。經亦同此說。非約一分衆生不成佛者。說無增減耳。六事能隱理門。謂真理隨緣而成。事法遂令事顯理不現也。如水成波動顯靜隱故。法身流轉五道。名曰衆生。財首偈云。世間所言。說一切是分別。未曾有一法得入於法性。等。七真理即事門。謂凡是真理。必非事外。以是法無我理故。空即色故。理即是事。方為真理。第七迴向云。法性不違法相。等故。八事法即理門。謂緣集必無自性。舉體即真故。上之二門。正明二諦不相違義。如濕不違波波不違濕。舉體相即故。夜摩偈云。如金與金色。其性無差別。法非法亦然。體性無有異。此亦喻於如來之藏與阿賴耶。展轉無別。又由事即理故。雖有不常理即事故。雖空不斷。又由事理相即故。起滅同時。須彌偈云。一切凡夫行。莫不速歸盡。其性如虛空故。說無有盡。智者說無盡。此亦無所說。自性無盡故。

●上二向● ●名二明● ●實二同● ●二十(總)● ●過十(有)● ●有二又● ●[等]一● ●等二亦● ●說二論●

得有難思盡等。則同時四相不待後無。亦令究竟斷證離。於能所。十地品云。非初非中後。非言辭所及。迴向品云。無有智外如爲智所入。亦無如外智。能證於如等。九眞理非事門。卽妄之眞異於妄故。如濕非動。十事法非理門。卽眞之妄異於眞故。如動非濕。故慚愧林偈云。如色與非色。此二不爲一。又云。如相與無相生死又涅槃。分別各不同等。上七八二門。明事理非異。九十二門明事理非一。故爲無爲。非一非異。第四迴向云。於有爲界。示無爲法。而不滅壞有爲之相。於無爲界。示有爲法。而不分別無爲之性。上之十事。同一緣起故。云無礙。約理望事。則有成有壞。卽有離。事望於理。有隱有顯。有一有異。逆順自在。無障無礙。同時頓起。深思令觀明現。以成理事圓融無礙觀也。第四周遍含容。卽事事無礙。且依古德。顯十玄門。於中文二。先正辯玄門。二明其所以。今初。一同時具足相應門。二廣陝自在無礙門。三一多相容不同門。四諸法相卽自在門。五祕密隱顯俱成門。六微細相容安立門。七因陀羅網境界門。八託事顯法生解門。九十世隔法異成門。十主伴圓明具德門。此之十門。同一緣起無礙圓融。隨其一門。卽具一切。今且於前十中。取一事法明具後十門。如下文中。一蓮華葉或一微塵。則具教等十對。同時相應具足圓滿。亦具後之九門。及彼門中所具教等。以是總故。故下文云。一切法門無盡海。同會。

一法道場中。華嚴頌云。華嚴世界所有塵。一一塵中見法界。一塵尙具況一葉耶。二卽彼華葉普周法界。而不壞本位。以分卽無分無分卽分。廣陝自在無障無礙。十定。品云。有一蓮華盡十方際。而不妨外有可見。是故或唯廣無際。或分限歷然。或卽廣卽陝。或廣陝俱泯。或具前四。以是解境故。或絕前五。以是行境故。下皆準此。然此廣陝亦名純。難。普周法界故。純一無二不壞本位。則不妨於難。萬行例然。三卽此華葉舒已遍入一切法中。卽攝一切。令入己內舒攝同時。既無障礙。是故鎔融。或有四句六句思之。下云。以一佛土滿十方。十方入一亦無餘。若一與一切對。攝則攝入各具四句。謂一入一切。一切入一。一入一。一切入一切。互攝亦然。四此一華葉廣已同他。舉體。全是彼一切法。而恒攝他同己。令彼一切卽是己體。一多相卽混無障礙。解行境別。六句同前。下云。知一卽多多卽一等。五華能攝彼則一顯多隱。一切攝華則一隱多顯。顯顯不俱。隱隱不並。隱顯顯隱同時無礙。全攝俱泯。存亡俱成。句數同前。下云。東方入正受。西方從定起等。如八日月隱顯同時。六此華葉中微細刹等。一切諸法炳然齊現。下云。於一塵中一切國土曠然安住。又於一毛端處。有不可說諸如來。及第九迴向微細中說。七此華葉一一微塵中。各現無邊刹海。刹海之中。復有微塵。彼諸塵內。復有刹海。如是重重不可窮盡。非是

心識思量境界。如天帝殿珠網覆上。一明珠內萬像俱現。珠珠皆爾。此珠明徹互相現影。影復現影。而無窮盡。下云。如因陀羅網世界等。亦如鏡燈重重交光。佛佛無盡。八見此華葉。卽是見於無盡法界。非是託此別有所表。下文云。此華蓋等從無生法忍之所起等。九卽此一華。既其遍一切處。亦復該一切時。謂三世各三。攝爲一念故。爲十世。以時無別體。依華以立華。既無礙。時亦如之。是故晉經云。過去無量劫。安置未來今未來無量劫。迴置過去世等。普賢行云。過去中未來。未來中現在等。又云。無量劫卽一念。一念卽無量劫等。時無別體。故不別立。以爲所依。十此圓教。法理無孤起。必攝眷屬隨生。下云。此華卽有十世界微塵數華。以爲眷屬。又如一方爲主。十方爲伴。餘方亦爾。是故主主伴伴各不相見。主伴伴主圓明具德。舉華既爾。一塵等事亦然。如此事華既帶同。時等十義。具此十門。而此事等具餘教等十門。則爲百門。事法既爾。餘教義等具百亦然。則爲千門。如教義等有此千門。彼同時門中。亦具百門。餘廣陝等例爾。亦有千門。若重重取之。亦至無盡。於此十門。圓明顯了。則常入法界重重之境。第二明德用所因。問有何因緣。令此諸法得有如是混融無礙。答因廣難陳略提十類。一唯心所現故。二法無定性故。三緣起相由故。四法性融通故。五如幻夢故。六如影像故。七因無限故。八佛證窮故。

九深定用故。十神通解脫故。十中隨一即能令彼諸法混融無礙。十中前六通約法性爲德相。因法爾如是。後二皆是業用。義通因果。七約起修。義通德相業用。八約果德。唯是德相故。前之十門。通德相業用。約佛則用亦德相。後上用故。約機則相亦稱用。令知相故。即用之相。染淨雙融。即相之用。能染能淨。故相及用。不分兩別。初唯心現者。一切諸法。真心所現。如大海水。舉體成波。以一切法無非一心故。大小等相。隨心迴轉。即入無礙。二法無定性者。既唯心現。從緣而生。無有定性。性相俱離。小非定小。故能容太虛而有餘。以同大之無外故。大非定大。故能入小塵而無間。以同小之無內故。是則等太虛之微塵。舍如塵之廣狹。有何難哉。舊經十住品云。金剛圍山數無量。悉能安置一毛端。欲知至大有小相。菩薩以是初發心。一非定一。故能是一切。多非定多。故能是一。邊非定邊。故能即中。中非定中。故能即邊。延促靜亂等。一一皆然。三緣起相由者。謂大法界中。緣起法海。義門無量。約就圓宗。略舉十門。以釋前義。謂緣起法要具此十義。緣方起故。闕則不成。一諸緣各異義。謂大緣起中諸緣相望。要須體用各別。不相雜亂。方成緣起。若雜亂者。失本緣法。緣起不成。此則諸緣各各守自一位。文云。多中無二性。一亦無有多。二互遍相資義。謂此諸緣要互相遍應方成緣起。如一緣遍應多緣。各與彼多。全爲一故。此一則

具多箇一也。若此一緣。不具多二。則資應不遍不成。緣起。此則一一各具一切。下文云。知以二故衆知以衆故。一三俱存無礙義。謂凡是一緣。要具前三。方成緣起。以要住自一方。能遍應。遍應多緣。方是一故。是故唯一。多一自在。無礙融融。有其六句。一或舉體全住。是唯一也。或舉體遍應。是多一也。或俱存。或雙泯。或總合。或全離。皆思之可見。文云。諸法無所依。但從和合起。此上三門。總明緣起本法。竟。四異體相入義。謂諸門力用遞相依持。互形奪故。各全有力。全無力義。緣起方成。如論云。因不生緣生。緣不生自因生。故若各唯有力。無無力。則有多果過。一一各生。若各唯無力。無有力。則有無果過。以同非緣。俱不生。故是緣起要互相依具力無力。如闕一緣。一切不成。餘亦如是。是故一能持多。一是有力能持於多。多依於一。多是無力。潛入一內。由一有力。必不與多有力俱。是故無有一而不攝多也。由多無力。必不與一無力俱。是故無有多而不入一也。如一持多。依既爾。多持一。依亦然。反上思之。如一望多有依有持。全力無力常含。多在己中。潛入己在多中。同時無礙。多望於一。當知亦爾。俱存雙泯。二句無礙思之。五異體相即義。謂諸緣相望全體形奪。有有體無體義。緣起方成。若闕一緣。餘不成起。故緣義則壞。得此一緣。令一切成起。所起成故。緣義方立。是故一緣。是能起能成。故有體多

緣是所起所成。故無體。由一有體。不得與多有體俱。多無體。必不得與一無體俱。是故無有不。多之一。無有不。一之多。一多既爾。多一亦然。反上思之。如一望多有有體無體。故能攝他同己。廢己同他。同時無礙。多望於一。當知亦爾。準前思之。俱存雙泯。二句無礙。亦思之可見。六體用雙融義。謂諸緣法。要力用交涉。全體融會。方成緣起。是故圓通亦有六句。一以體無不用。故舉體全用。則唯有相入。無相即義。二以用無不體。故舉用全體。則唯有相即。無相入也。三歸體之用。不礙用。全用之體。不失體。是則無礙雙存。亦入亦即。自在俱現。四全用之體。體泯。全體之用。用亡。非即非入。圓融一味。五合前四句。同一緣起。無礙俱存。六泯前五句。絕待離言。冥同性海。此上三門。於初異體門中。顯義理。竟。七同體相入義。謂前一緣。所有多一。與彼一緣。體無別故。名爲同體。又由此一緣。應多緣。故有此多二。所應多緣。既相即入。令此多一。亦有即入也。先明相入。謂一緣有力。能持多二。多一無力。依彼一緣。是故一能攝多。多便入一。一入多。攝反上應知。餘義餘句。準前思之。八同體相即義。謂前一緣。所具多一。亦有有體無體之義。故亦相即。以多一無體。由本一成多。即一也。由本一有體。能作多二。令一攝多。如一有多。空既爾。多有一空。亦然。餘義餘句。並準前思之。九俱融無礙義。謂亦同。前體用雙融。即入自在。亦

有六句準前應知。此上三門。於前第二同體門中辯義理竟。十同異圓滿義。謂以前九門總合爲一大緣起。令多種義門同時具足也。由往一遍應故。有廣狹自在門。由就體就用故。有相即相入門。由異體相容具微細門。異體相即具隱顯門。又就用相入爲顯令就體相即爲隱。即顯入隱亦然。又由異門即入爲顯。令同體即入爲隱。同顯異隱亦然。又由異體相入。帶同體相入具帶網門。由此大緣起即無礙法界故。有託事顯法門。顯於時中故。有十世門。相關互攝故。有主伴門。此第十圓滿一門。就前第三門中。以辯義理。故下文云。菩薩善觀緣起法。於一法中解衆多。衆多法中解了一。又云。一中解無量。無量中解了一。了彼互生起。當成無所畏等。皆其義也。上來緣起相由門竟。第四法性融通門者。謂若唯約事則互相礙不可即入。若唯約理則唯一味。無可即入。今則理事融通具斯無礙。謂不異理之一事。具攝理時。令彼不異理之多事。隨所依理皆於一中現。若一中攝理不盡則其理有分限失。若一中攝理盡。多事不隨理現。則事在理外失。今既一事之中全攝理盡。多事豈不依中現。華藏品云。華藏世界所有塵。一一塵中見法界。法界即事法界矣。斯即總意。別亦具十玄門。一既真理。與一切法而共相應。攝理無遺。即是諸門諸法同時具足。二事既如理能包。亦如理廣遍。而不壞礙相故。有廣狹純雜無礙

門。又性常平等故純。普攝諸法故雜。三理既遍在一切多事故。令一事隨理遍。一切中遍理全在一事。則一切隨理。在一事中故。有一多相容門。四真理既不離諸法。則一事即是真理。真理即是一切事故。是故此一即彼一切事。一切即一。反上可知故。有相即自在門。五由真理在事各全非分故。正在此時彼說爲隱。正在彼時此即爲顯。故有隱顯門。六真理既普攝諸法。帶彼能依之事。頓在一中故。有微細門。七此全攝理故。能現一切。彼全攝理同此頓現。此現彼時。彼能現所現俱現。此中。彼現此時。此能現所現亦現。彼中。如是重重無盡。故有帝網門。以真如畢竟無盡故。八即事同理故。隨舉一事即眞法門。故有託事門。九以真如遍在晝夜日月年劫皆全在故。在日之時不異在劫故。有十世異成門。況時因法有。法融時不融耶。十此事即理時不礙與餘一切恒相應故。有主伴門。故一理融通十門具矣。五如幻夢者。猶如幻師。能幻一物以爲種種幻。種種物以爲一物等。經云。或現須臾作百年等。一切諸法。業幻所作故。一異無礙。言如夢者。如夢中所見廣大。未移枕上歷時久遠。未經斯須。故論云。處夢謂經年。覺乃須臾。頃故時雖無量。攝在一刹那。六如影像者。一切萬法。略有二義。一皆如明鏡含明。了性一心所成故。二分別所現如影像故。由初義故爲能現。由後義故爲所現。故一切法互爲鏡

像。如鏡互照。而不壞本相。下經云。遠物近物。雖皆影現。影不隨物。而有遠近等。七因無限者。謂諸佛菩薩皆在因中。常修緣起無性。等觀。大願迴向等。稱法界修。及餘無量殊勝因故。今如所起果。具斯無礙。八。佛證窮者。由冥真性得如性用。故經云。無比功德故能爾。九深定。用者。謂海印定等諸三昧力故。賢首品云。入微塵數諸三昧。一出生塵等定。而彼微塵亦不增等。十神通解脫者。謂由十通及不思議等解脫故。不思議法品十種解脫中云。於一塵中建。立三世一切佛法等。由上十因。令前教義等十對具上同時等十門。以爲別教一乘義之分齊。大方廣佛華嚴經疏卷第二

大方廣佛華嚴經疏卷第二

唐清涼山大華嚴寺沙門澄觀撰

第四教所被機者。夫教因機顯。離機無言。上說義理弘深。未委被何根器。若明能應者。十身圓音。今直彰所被。通有十類。前五揀非器。後五彰所爲。前中一無信非器。以聞生誹謗。墮惡道故。二違真非器。依傍此經以求名利。不淨說法。集邪善故。下經云。忘失菩提心。修諸善根。是爲魔業。三乖實非器。謂如言取文。超情至理。不入心故。論云。隨聲取義。有五過失。上三皆是凡

愚故下文云。此經不入餘衆生手。四陟劣非器。謂一切二乘。出現品云。一切二乘不聞此經。何況受持。故雖在座如響如贊。五守權非器。謂三乘共教諸菩薩等。隨宗所修行布行位。不信圓融具德之法故。下經云。設有菩薩無量億那由他劫行六波羅蜜。不聞此經。或時聞已。不信不解不順不入。不得名為真實菩薩故。後五顯所爲中一正爲。謂是一乘圓融故。出現品云。此經不爲餘衆生說。即通指前五唯爲。乘不思議乘菩薩說。即正爲之機。謂一運一切運。圓融行位即深不思議。又能遍達諸教。即廣不思議故。文云。非餘境界之所知。普賢行人方得入等。二兼爲。謂即時雖未悟入。而能信向成種。如出現品食金剛喻故。地獄天子十地頓超。大海劫火不能爲障。約未悟入故名爲兼。三引爲。即前權教菩薩。不受圓融之法故。十地之中寄位顯勝。借其三乘行布之名。彼謂同於我法。後因熏習。方信入圓融。以離此普法。無所歸故。權教極果無實事故。四者權爲。即是二乘。謂既不聞。況於受持。故諸菩薩權示聲聞。或在法會。而瞞盲彰其絕分。或示在道而啓悟知。可迴心。五遠爲。謂諸凡夫外道闍提悉有佛性。今雖不信後必當入故。出現品云。如來智慧大藥王樹。唯除二處不能爲作生長利益。所謂二乘墮無爲坑。及壞善根。非器衆生溺大邪見貪愛之水。然亦於彼曾無厭捨。前三非器。是溺邪見。第

四非器。是墮深坑。故皆揀之。今四及五明。佛無厭捨。故示而誘之。熏其成種。又彼品中。明不信毀謗亦種善根。謂謗雖墮惡道。由聞歷耳終。醒悟故。又云。如日亦與生盲作利益故。又如大海潛流喻中明。無不具有如來智慧故。又破塵出經卷喻中。若除妄想皆見佛智故。此皆明有自性住性。即是所爲。況法性圓融感應交徹。無有一法而非所被。第五教體淺深者。無盡教海體性難思。從淺至深略明十體。一音聲言語體。二名句文身體。三通取四法體。上三皆能詮體。四通攝所詮體。五諸法顯義體。六攝境唯心體。七會緣入實體。八理事無礙體。九事事無礙體。十海印炳現體。十中前五唯體。後五亦體。亦性。又前四通小。後六唯大。前七通三乘。後三唯大乘。前八約同教。後二唯別教。就前三中。大小乘中通用四法。一聲二名三句四文。取捨不同。各有三說。小乘三者。婆沙一百二十六云。如是佛教以何爲體。一云。應作是說。語業爲體。謂佛語。言。唱。辭。評。論。語音。語路。語業。語表。是謂佛教。其名句文。但顯佛教作用。不欲開示佛教自體。發智論中亦同。此說二云。名等爲體。謂名身句文身。次第行列次第安布。次第連合故。聲但依於展轉因故。謂語起。名。名能顯義。評家意取。語業爲體。離心論同。俱舍。俱舍論云。牟尼說法蘊數有八十千。彼體語或名。此色行蘊攝。謂若語爲教體。卽色蘊攝。名爲教體。卽行蘊攝。此

乃雙存。前二情無去取。故致或言。正理論中意符名等故。彼第三釋前頌竟。又云。詮義如實故名佛教。名能詮義故教是名。由是佛教定名爲體。舉名爲首。以攝句文。顯宗第三亦同。此說三者然俱舍意。情無去取。若取其雙存。卽合四法。以爲教體。若經部意亦唯取聲。故正理十四破彼師云。汝不應立名句文身。卽聲爲體。大乘有三。大意同。前一云。攝假從實以聲爲體。離聲無別名句等故。深密第五云。如來言音略有三種。一契經等。既云言音有三。明以聲爲教體。難集論云。成所引聲謂諸聖所說。二云以體從用名等爲體。能詮諸法自性差別。二所依故。故無性論破經部云。諸契經句語爲自性。不應理故。成唯識第二。亦破彼云。若名句文不異聲者。法辭無礙境應無別。唯識云。此三離聲雖無別體。而假實異。亦不卽聲。三云。聲名句文合爲其體。由前二說皆有。理教爲定量故。深密第四云。不可捨於言說文字。而能宣說。故淨名云。有以音聲言語文字。而作佛事。故十地論云。說者以二事說。聽者以二事聞。謂善聲善字故。以余之意。亦應雙取。若就前二有去取者。寧依名等。良以音聲一種。正就佛說容爲教體。流傳後代書之竹帛。曾何有聲。豈無教體。書雖是色。亦與名等爲所依故。亦色蘊攝。前淨名十地通取四者。但言所用非正顯體。仁王云。是名句味諸佛所說故。然大小諸宗。雖通用

四法而理不同。謂薩婆多宗四法皆有實體。經部聲有實體。名等是假。若大乘中。或有四皆非實。或有四皆如空。俱不立故。淨名云。文字性離。無有文字。是則解脫。十地論釋。空中風相等云。風喻音聲。畫喻名字。皆不可取。佛藏經云。諸法如毫釐。不空者。則諸佛不出世。又下云。諸法畢竟空。無有毫末相。有說四皆事理無礙。或說四皆圓融。故。宗不同也。第四通攝所證體者。瑜伽八十一云。謂契經體略有二種。一文。二義。文是所依。義是能依。如是二種總名。一切所知境界。即依於六文顯於十義。此明教義相成。若不證義教文何用。故通取所證成契經體。又十住品云。文隨於義。義隨於文。文義相隨。理無舛謬。方為真教。又瑜伽云。佛菩薩等是能說者。語是能說相。名句文身是所說相。故皆通取。不同前義剋取所說。第五諸法顯義體者。謂但能顯義理。一切諸法皆為教體。淨名第三云。有以光明而作佛事。有以諸菩薩而作佛事。有以佛所化人而作佛事。有以佛菩提樹衣服臥具。乃至八萬四千諸煩惱門。衆生為之疲勞。諸佛即以此法而作佛事。又十卷楞伽第四云。大慧非一切佛土言語說法故。有佛國土。直視不瞬。口無言說。名為說法。乃至云。有佛國土。動身名說。又香積世界。餐香飯而三昧顯。極樂佛國。聽風柯而正念成。絲竹可傳心。目擊以存道。既語默視瞬皆說。則見聞覺知盡聽。苟能得法契神。

何必要因言說。況華嚴性海雲臺寶網。同演妙音。毛孔光明皆能說法。華香雲樹即法界之法門。刹土衆生本十身之正體。于何非教耶。下云。刹說衆生說。三世一切說。又云。一切世間諸境界。皆悉能令轉法輪等。其文非一。第六攝境唯心體者。總收前五並不離識。唯識等云。一切所有唯心現故。起信亦云。依一心法有二種門。一心真如門。二心生滅門。然此二門。皆各總攝一切法。以此二門不相離故。梵行品云。知一切法即心自性故。唯心現。然有二門。一本影相對。二說聽全收。前中通就諸教以成四句。一唯本無影。謂即小乘不知唯識故。二亦本亦影。謂大乘初教。謂佛自宣說。若文若義。皆是如來妙觀察智相應淨識之所顯現。名本質教故。佛地論第一云。有義聞者善根本願增上緣力。如來識上文義相生。此文義相。是佛利他善根所起。名為佛說。若聞者識上所變文義。名為影像。佛地論云。如來慈悲本願增上緣力。聞者識上文義相生。此文義相。雖親依自善根力起。而就強緣名為佛說故。二十唯識論云。展轉增上力二識成。決定護法論師等。皆立此義。然云。文義相生。復說五心集現。謂如說諸行無常。即有四聲四字四名。一句及所詮義。此十四相。於聞者識上聚集顯現。然西方多釋。今略舉其一。謂如說諸字。有率爾尋求二心。然未定知諸字所屬。無決定心。次說行字。由先熏習連帶解生。有三心起。謂率爾尋求

決定。以決定知諸字所屬一切行故。聞諸行字。雖知自性。然未知義。為令知義復說無字。但有二心。謂率爾尋求。未有決定。以未定知無字所屬。後說常字。由前字力展轉熏習。連後字生。具起五心。謂率爾尋求決定染淨等流。於最後時。四字周圍方能解義。總十二心。初二。次三。次二。後五。故有十四相。義如前說。餘如別章。三唯影無本。謂大乘實教。離衆生心。佛果無有色聲功德。唯有如如及如如智。獨存。大悲大智為增上緣。令彼所化根熟衆生心中現。佛色聲說法。是故聖教。唯是衆生心中影像。夜摩偈云。諸佛無有法。佛於何有說。但隨其自心。謂說如是法。龍軍堅慧諸論師等。並立此義。四非本非影。如頓教說。非直心外無佛色聲。衆生心內影像亦空。性本離故。亡言絕慮。即無數之教耳。須彌偈云。法性本空寂。無取亦無見。性空即是佛。不可得思量。淨名云。其說法者。無說無示。其聽法者。無聞無得。龍樹等宗多立此義。此前四說總合為一。圓融無礙。自淺之深。攝衆生故。第二說聽全。收成二四句。一約同教。以成四句。謂一佛真心外無別衆生。以衆生真心即佛真心故。則唯說無聽故。所說教唯佛所現。二衆生心外更無別佛。以佛真心即衆生真心故。則唯聽無說故。所說教即衆生自現。梵行品云。知一切法即心自性。等三佛真現時。不礙衆生真心現故。說聽雙存。二教齊立。四佛即衆生故。非佛。衆生即佛故。

非衆生。互奪譬亡則說聽斯寂故淨名云。其說法者無說無示。其聽法者無聞無得。二約別教以明四句。謂由不壞相生佛互在故。一衆生全在佛中故。則果門攝法無遺。生尚在佛心中。況所說教不唯佛現故。出現品云。如來成正覺時。於其身中普見一切衆生成正覺。乃至普見一切衆生入涅槃。又佛性論第二如來藏品云。一切衆生悉在如來智內。故名爲藏。以如智稱。如如境故。一切衆生決定無有出。如如境者。並爲如來之所攝持。故名爲藏。衆生爲如來藏。又下出現品中明。三世劫刹衆生所有心念根欲。尚皆一身頓現。況佛智廣大。如虛空耶。二佛在衆生心中故。則因門攝法無遺。佛尚在衆生心中。況所說教非衆生心現。故出現品云。菩薩摩訶薩應知。自心念念常有佛成正覺。何以故。諸佛如來不離此心。成正覺故。如自心一切衆生心亦復如是。悉有佛成正覺。此明佛證衆生心中真如成佛故。本覺無異。以始同本。總在衆生心中。從體起用。應化身時。即是衆生心中真如用大。更無別佛。如起信中多明此義。而是自心體用。今以此經心佛衆生無差別故。佛證衆生之體。用衆生之用。三由前生佛互在時各實非虛。則因果交徹。隨一聖教全在一心。故衆生心中佛。爲佛心中衆生說法。佛心中衆生。聽衆生心中佛說法。四由生全在佛則同佛非生。佛全在生則同生非佛。兩相形奪二位齊融。即隨一聖教俱

非二心。則佛心中衆生無聽。衆生心中佛無說。是以賢首品云。因緣所生無有生。諸佛法身非是身。又偈讚品云。如來不說法。亦不度衆生。大般若四百二十五云。我從得道來不說一字。汝亦不聞等。是故此四於一聖教圓融無礙。方爲究竟甚深唯識道理第七會緣入實體者。前來六門同入一實故。亦有二義。一以本收末。二會相顯性。前中以諸聖教從真流故。不異於真。故攝論中名爲真如所流十二分教。唯識第十釋勝流真如云。謂此真如所流教法。於餘教法最爲勝故。彼宗雖不立真如隨緣而說。佛正體智證最清淨法界。而於後得安立教法。名爲如流。以本收末。亦名如爲教體。二會相顯性者。謂彼一切差別教法。從緣無性即是真如。是故虛相本盡真性本現。如來言說皆順於如故。金剛三昧經云。如我來說者義語非文。衆生說者文語非義。仁王二諦品云。大王法輪者。法本如應頌如。乃至論議如等。此經明教即是如。不說如皆是教。若取諸法顯義皆爲教體。一切法皆如也。則無如非教。第八理事無礙體者。謂一切教法雖舉體即真。不礙十二分等事相宛然顯現。雖真如舉體爲一切。不礙一味湛然平等。由如無礙。佛之音聲亦順如無礙。皆與如智而相應故。如前義分齊中廣明第九事事無礙體者。文義皆圓。文即圓音。此中亦具十種玄門。現相品云。佛演一妙音周聞十方國。衆音悉具足。法雨皆充遍。即同時

具足相應體。十住品云。欲具演說一句法。阿僧祇劫無有盡。而令文義各不同。菩薩以此初發心。即廣陝無礙。體亦名純雜教。一句不壞陝也。純也。文義不同廣也。雜也。又云。於一法中解衆多。衆多法中解了一等。皆一多相容教也。出現品云。如來音聲普入一切。譬如書字等。此亦相入即相容也。十住又云。一即是多。多即一。文隨於義義隨文。即相即教體。出現品云。道場皆顯不出衆外。各各隨解。即隱顯教體也。又云。如來言音唯是一味。隨諸衆生心器異故無量差別。亦隱顯教體。亦純雜教也。又云。如來於一語言中。演說無邊契經海。如善口女等即微細教也。阿僧祇品云。於彼一一修多羅。分別諸法。不可說。於彼一一諸法中。又說諸法。不可說等。一法既爾。餘法亦然。交映重重無盡無盡。即帝網教也。觸事皆法。即託事生解教也。一念頓演。即十世教也。如諸會中此方所說十住等。十方亦爾。即主伴教也。若隨說一法。一門。皆有無量修多羅爲眷屬等。即眷屬教。雖不得爲主亦是伴類。此且約言說。若類通諸法皆爲教體。即所詮義。義即普法具十玄門。如義分齊第十海印炳現體者。如前差別無盡教法。皆是如來海印定中。同時炳現。設所化機亦同緣起炳現定中。是故唯以三昧爲教體。如出現品。辯此約果位。若約因位。圓信亦得印現。賢首品云。如是一切皆能現。海印三昧神通力。以上十門該羅收攝。

未有一法而非教體。然後二門正是經宗。融取前八無所遺矣。第六宗趣通。別者語之所尚曰宗。宗之所歸曰趣。先明其通後顯於別。前中通論。一代佛教。諸部異計各是一宗。謂十八本二各不同故。以義相從更復合之。然隋朝大衍法師。總立四宗。一因緣宗。謂薩婆多。二假名宗。謂即經部。三不異宗。謂諸般若。四真實宗。謂法性真理佛性等教。又此四宗初名立性。二名破性。三名破相。四名顯實。初二小乘。後二大乘。各初淺後深。此亦有理。但收義不盡。以十八部中但判二故。今總收一代時教。以爲十宗。第一我法俱有宗。謂犢子部等。彼立三聚。一有爲。二無爲。三非二聚。非二即我。又立五法藏。謂三世爲三。無爲爲四。第五不可說藏。我在其中。以不可說爲有爲無爲故。然此一部。諸部論師共推不受。呼爲附佛法外道。以諸外道所計雖殊。皆立我故。二法有我無宗。謂薩婆多等。彼立諸法不離色心。或立三世無爲。或分五類皆無有我。以無我故。異外道計。又於有爲之中立正因緣。以破外道邪因無因。然西域邪見雖九十五種。或計二十五諦從冥生等。或計六句和合生等。或謂自在梵天等生。或謂時方微塵虛空宿作等。而爲世間及涅槃本統收所計。不出四見。謂數論計。一。勝論計。異。勒沙婆計。亦一。亦異。若提子計。非一。非異。若計一者。則謂因中有果。若計異者。則謂因中無果。三則亦有亦無。四則非有非

無。餘諸異計皆不出此。雖多不同。就其結過。不出二種。從虛空。自然生。即是無因。餘皆邪因。此方儒道二教亦不出此。如莊老皆計自然。謂人法地地法天。天法道道法自然。若以自然爲因能生萬物。即是邪因。若謂萬物自然而生。如鶴之白。如鳥之黑。即是無因。周易云。易有。太極是生兩儀。兩儀生四象。四象生八卦。八卦定吉凶。吉凶生大業。者。太極爲。因即是邪因。若謂一陰一陽之謂道。即計陰陽變易能生萬物。亦是邪因。若計一爲虛無自然。則亦無因。然無因邪因乃成大過。謂自然虛空等生應常生故。以不知三界由乎我心。從癡有愛流轉無極。迷正因緣。故異計紛然。安知因緣性空真如妙有。言有濫同釋教者。皆是佛法之餘。同於涅槃盜牛之喻。乳色雖同。不能善取醍醐。況押乳。安成酥酪。廣明異計。如瑜伽第六。顯揚第九第十。婆沙十一十二。及金七十論說。中百等論。亦廣破之。今但說正因緣已總破諸計。是如佛法之淺淺。已勝外道之深深。三法無去來宗。謂大眾部等。說有現在及無爲耳。其過未之法體用俱無。四現通假實宗。謂說假部。就前現在之中法在蘊爲實。在界處爲假。其成實論經部師即是此類。五俗妄真實宗。即說出世部等。謂世俗是假以虛妄故。出世反上。六諸法但名宗。謂一說部等。一切我法。唯有假名。無實體。故七三性空有宗。謂遍計是空。依圓有故。八真空絕相宗。謂心

境兩亡直顯體故。九空有無礙宗。謂互融雙絕而不礙。兩存。真如隨緣具恒沙德故。十圓融具德宗。謂事事無礙主伴具足無盡自在故。然此十宗。後後深於前前。前四唯小五六通大小。後四唯大乘。七即法相宗。八即無相宗。後二即法性宗。又七即始教。八即頓教。九即終教。十即圓教。又第七亦名二諦俱有宗。謂勝義真實故不無世俗。因果不失故是有。如深密瑜伽等第八亦名二諦雙絕宗。謂勝義離相故。非有世俗。緣生如幻故是無。如掌珍頌云。真性有爲空如幻緣生故。無爲無有實不起似空華等。即般若三論中一分之義。九二諦無礙宗。如維摩法華等。義如前顯。然十宗五教。互有寬狹。教則一經容有多教。宗則一宗容具多經。隨何經中皆此宗故。若局判一經以爲一教。則抑諸大乘。又夫立教。必須斷證階位等殊。立宗但明所尚差別。前之六宗執法有異故分六宗。斷證位次不離八輩合爲一教。餘義如前立教中辯第二顯別宗者。一切諸經各自有宗。今此別明此經宗趣。然楞伽云。一切法不生。不應立是宗者。斯言遺滯。若無宗之宗則宗說兼暢。略以二門分別。先叙異解後申今義。前中略舉十說。一。衍法師以無礙法界爲宗。二。裕法師以甚深法界心境爲宗。謂法界門中義分爲境。諸佛證之以成淨土。法界即是一心。諸佛證之以成法身。是故初品中云。無盡平等妙法界。皆悉充滿如來身。末後明入

●別二同 ●各二名 ●非一非異二一異 ●(自然)一 ●如十(此) ●太二大 ●因二同 ●謂二爲 ●唯二但 ●

法界品故知唯以法界爲宗。三有說以緣起爲宗。法界緣起相即入故。四有云以唯識爲宗。經說三界唯一心現心。如工畫師故。五敏印二師同以因果爲宗。謂此經廣明菩薩行位之因。及顯所成果德。下文不離此故。六遠法師以華嚴三昧爲宗。謂因行之華嚴能顯佛果故。七寂多三藏以四十二賢聖觀行爲宗。說其行位令成觀故。八有說言以海印三昧爲宗。逆順理事乃至帝網。如海波澄一時現故。九光統律師以因果理實爲宗。以因果是所成行位。理實是所依法界故。十賢首以前各互闕故。總以因果緣起理實法界以爲宗趣。謂前之二師。但得所依法界。三四二師但明緣起。五六唯明因果。七唯因修八唯果用。並皆互闕。故賢首意取光統而加緣起法界之言。由光統師以因果即緣起。理實即法界故不開之。賢首以因果是緣起中別義。理實是法界中別義。故加總名。以法界有事理及無礙故。緣起體上之用故。所以加之。二申今解者。依後二師而顯爲改易。若取言略攝盡。應言法界緣起不思議爲宗。若取言具於第十師加不思議。此則攝一總題。理實即大方緣起即方廣。法界總該前二。因果即佛華嚴。觀其總題已知別義。而法界等言。諸經容有。未顯特異故。以不思議貫之。則法界等皆不思議故爲經宗。所以龍樹指此爲大不思議經。斯良證也。淨名但明作用不思議解脫。蓋是一分之義。未顯法界

融通等不思議故。不同也。若就題中分體宗用。則以理實爲體。緣起爲用。因果爲宗。尋宗令趣理實體故。法界總攝上三。今釋前義略分爲二。一釋名。二顯義。今初。法界名體廣如本品。今略申其二。一事法界。二理法界。二法俱含持軌二界。則性分不同互用皆通。二顯義中曲有四門。第一別開法界以成因果。謂普賢法界爲因。遮那法界爲果。是故因果不離理實法界。於中十事五對即五周因果。一所信因果。二差別因果。三平等因果。四成行因果。五證入因果。下實指文。而此因果互爲宗趣。一經始終不離因果故。但因果爲宗。不違所依法界。第二會融因果以同法界。法界門中。亦有十事五對互爲宗趣。一教義相對。謂舉教爲宗。顯義爲趣。或以義爲宗。顯教爲趣。以辯義深令教勝故。二人法相對。舉人爲宗。令知法爲趣。舉法爲宗。令人爲趣。三理事相對。舉事意令趣理故。舉理意爲融事故。四境智相對。舉所觀境令成觀智故。舉修成智令證同真境故。五因果相對。舉彼修因令證果故。舉其勝果勸修因故。五對別明是宗之趣。五對相即爲宗即趣。上五周因果。不離此五對之法。即事理法界。況因果無性當體同真。所以但用法界爲宗。亦不違因果。第三法界因果分明顯示。亦有十義五對。一無等境。此有二位。一在纏性淨法界。爲所信境。二出纏最清淨法界爲所證境。二無等心。此亦二義。

一大善提心。爲普賢行本故。二信悲智等隨行起故。三無等行。此亦二義。一差別行。各別修故。二普賢行。一即一切故。四無等位。此亦二義。一行布位。比證別故。二圓融位。一證一切證故。五無等果。此亦二義。一修生果。今始成故。二修顯果。本自具故。此上五對。各初句爲宗。後句爲趣。又上五中。初一真法界。二即緣起。又二三四皆緣起因。後一緣起果故。光統具用二義爲宗。無所違矣。第四法界因果雙融俱離性相。混然無礙自在。亦有十義。一由離相故因果不異法界。即因果非因果也。此即相爲宗。離相爲趣。或離相爲宗。亡因果爲趣。下九準思。二由離性故。法界不異因果。即法界非法界也。三由離性不異性故。法界即因果時法界。宛然。則以非法界爲法界也。四由離相不壞相故。因果即法界時因果歷然。則以非法界爲因果也。五離相不異離性故。因果法界雙泯俱融。迥超言慮。六由不壞不異不泯故。因果法界俱存。現前爛然可見。七由五六存泯復不異故。超視聽之妙法。無不恒通見聞。絕思議之深義。未曾礙於言念。八由法界性融不可分故。即法界之因果各同時全攝。法界無不皆盡。九因果各全攝法界時。因果隨法界。各互於因果中現。是故佛中有菩薩。普賢中有佛也。十因果二位。各隨差別之法。無不該攝法界故。一法一行。一位一德。皆各總攝無盡無盡帝網重重諸法門海。是謂華嚴

無盡宗趣。上之四門。初一即體之用。次一即用之體。三即體用雙顯。四即體用銘融。又初一即因果緣起。次一即理實法界。三即雙明。後一即不思議。既以第四融前。則四門一揆。故即照而遮。即遮而照。雙照雙遮圓明一觀。契斯宗趣矣。第七部類品會者。既知旨趣沖深。未審能詮文言廣狹。於中有四。一彰本部。二顯品會。三明支類。四辯論釋。初中性海之詮。常說遍說。言窮法界難。可限量。今自陝之寬略爲十類。一略本經。即今所傳八十卷本。及舊譯六十卷。皆是十萬偈中之略譯。未盡故。二下本經。謂摩訶衍藏。是文殊師利。與阿難海。於鐵圍山間。結集此經。收入龍宮。龍樹菩薩往龍宮。見此大不思議經。有其三本。下本有十萬偈四十八品。龍樹誦得流傳於世。故智度論名此爲不思議經。有十萬偈。梁攝論中名百千經。西域記說遮拘堅國有此具本。三本經。即彼所見。有四十九萬八千八百偈。一千二百品。四上本經。即彼所見。有十三千大千世界微塵數偈。一四天下微塵數品。此上二本。非閻浮提人心力能持。故不傳之。五普眼經。即海雲所持。以大海量墨。須彌聚筆書。此普眼法門一品中一門。一門中一法。一法中一義。一義中一句。不得少分。何況能盡。但是入深法界菩薩陀羅尼力之所。能持。已下諸經。並非凡力能受。六同說經。謂約一類須彌山形世界。遍於虛空。容毛端處。以言聲說無有窮盡。如不思議法品

云如。一佛身。以神通力。轉如是等差別法輪。一切世法無能爲喻。如是盡虛空界。一毛端分量之處。乃至一一化身。皆如是說。昔聲文字句義。一一充滿法界等。又阿僧祇品云。光中見佛不可說。佛所說法不可說。乃至於彼一一修多羅。分別法門不可說等。此意但約一類音聲說法。已不可結集。豈下位能持。七異說經。謂樹形等世界既異。其中衆生報類亦別。如來於彼現身立教。施設不同。不可定其色與非色。言非言等。則部類難量。八主伴經。謂遮那所說。雖遍法界。然與諸佛互爲主伴。如說十住時。十方來證。皆言我國皆說等。則前七經皆有主伴。九眷屬經。謂餘根器不能聞此通方之說。隨宜說教。令入此門。皆爲此經勝方便。故名爲眷屬。故下經云。普眼修多羅。以佛刹微塵數修多羅爲眷屬等。則前八皆有眷屬。十圓滿經。謂此上諸本。總融爲一無盡大修多羅海。隨一會一品一句一文。皆攝一切。無有分限。故現相品云。毘盧遮那佛願力周法界。一切國土中恒轉無上輪等故。七十三中名圓滿因輪此之謂也。第二品會差別者。即顯今經與晉譯同異。今經九會。以普經第七會初闕。十定品重會普光。故唯八會。今有三十九品。初會有六品。彼經唯三十四。由初會中唯有二品。一世間淨眼品。即今世主品。二處舍那品。即今現相已下五品。初會闕四會闕十定。故唯三十四品。餘諸品會大同名有小異。至文當顯。

第三明支類者。於中復二。先顯支流。即別行經。藏中兜沙經一卷。是名號品。菩薩本業經一卷。是淨行品。小十住經一卷。是十住品。大十住經四卷。及漸備一切智德經四卷。並是十地品。等目菩薩所問三昧經二卷。是十定品。無邊功德經一卷。是壽量品。如來性起微密藏經二卷。是出現品。度世經六卷。是離世間品。羅摩伽經三卷。是入法界品。此等並是隨器受持大本支出。二明流類。謂修慈經一卷。金剛經十卷。如來不思議境界經一卷。並是華嚴流類。而非本部別行。或是別行來未盡者。未敢詳定。餘如纂靈記辯。第四論釋者。略舉其四。一龍樹既得下本。遂造大不思議論。亦十萬頌。備傳西域。此方十住毘婆沙論十六卷。即是彼論釋十地中初二地。二世親菩薩。造十地論。釋十地品。魏朝勒那三藏。又菩提流支各翻一本。光統奏請。令二三藏參成一本。爲十二卷。即今見傳。三北齊劉詠之。於清涼山感通造論六百卷。備釋一經。四後魏僧靈辯。於五臺山頂戴此經。行道一載。遂悟玄旨。造論一百卷。亦傳於世。第八傳譯感通分二。先明翻譯年代。後明傳通感。徵前中此經前後通唯二譯。并其補闕四本不同。一晉義熙十四年。北天竺三藏。佛度跋陀羅。此云覺賢。於揚州謝司空寺翻梵本。三萬六千頌。成普經五十卷。或六十卷。沙門法業筆受。慧嚴慧觀潤色。謝司空寺者。即今潤州興嚴寺是。由興華嚴故。二大

●與二於● ●名二諸● ●拘二俱● ●經一● ●今十經● ●二二兩● ●十二一● ●微二塵●

唐永隆元年中。天竺三藏地婆訶羅。此云日照。於西京大原寺譯出法界品內兩處。脫文。一從摩耶夫人。後至彌勒菩薩前中間天主光等十善知識。二從彌勒菩薩後至三千大千世尊微塵數善知識前中間。文殊申手過。一百一十由旬按善財頂。十五行經。大德道成律師薄塵法師大乘基法師等同譯。復禮法師潤文。依六十卷本爲定。三證聖元年。于闐三藏實叉難陀。此云喜學。於東都佛授記寺再譯舊文。兼補諸闕。計益九千頌。通舊總四萬五千頌。合成唐本八十卷。大德義淨三藏。弘景禪師圓測法師神英法師法實法師賢首法師等同譯。復禮法師綴文。四即於前第三本中。雖益數處。却脫日照三藏所補文殊。按善財頂之文。即賢首法師以新舊兩經勘。以梵本將日照補文。安喜學脫處。遂得文續義連。其文之要至下當辯。今之所傳即第四本。其第三本先已流傳。故今世上之經。猶多脫者即第三本。願諸達識見闕而續之。二明傳通感應者。自晉譯微言則雙童現瑞。唐翻至教則甘露呈祥。冥衛昭然親紆御筆。論成西域則地震光流。志徹清涼則感通玄悟。其書寫則經輝五色。栳香四達冬寒發。瑞鳥銜華。讀誦則眇然履空。煥若臨鏡。每含舍利。適會神僧。涌地現金色之身。昇天止修羅之陣。觀行則無生入證。偈讚排空。海神聽而時雨降。天童迎而大水瀾。講說則華梵通韻入天共道。洪水斷流。

神光入字。良以一文之妙攝義無遺。故一偈之功能破地獄。盟掌之水尙拯生靈。故讀誦思修功齊種智。宿生何幸感遇斯文。其事跡昭彰備於傳記。第九總釋名題中。先解經題後明品稱。今初。總題包於別義。該難思之法門。無名之中。強以十門分別。一通顯得名。二對辯開合。三具彰義類。四別釋得名。五展演無窮。六卷攝相盡。七展卷無礙。八以義圓收。九攝歸一心。十浪同平等。今初。諸經得名有其多種。或以人爲目。或以法爲名。人有請說等殊。法有法喻等別。或體或用或果或因。乍復乍單其類繁廣。今經受稱亦多種不同。一從數彰名。如梁攝論第十勝相中云。百千經者。是華嚴經有十萬頌是也。二從喻受名。如涅槃及觀佛三昧經。名此經爲難華經。以萬行交雜緣起集成故。三從法彰名。如智論釋。囑累品。名此經爲不思議解脫經。四從義用受名。如下離世間品及出現品。各有十名者是。依今梵本。三摩訶毘佛略初陀健摩羅詞修多羅。此云大方廣佛華嚴經。今略難飾字耳。前三異名義多總略。二品十目多從別義。又局當品。故今譯者具以六字爲名。則人法雙題。法喻齊舉。具體具用。果有因理盡義圓故。標經首。二對辯開合者。題中七字有十事五對。一教義相對。謂經之一字是能詮教。大等六字是所詮義。二就義中法喻一對。謂大等是法。華嚴是喻。三就法中人法一對。謂大方廣是所證無障。

礙法。佛是能證之人。亦名境智一對。四就法中揀持一對。大之一字是揀方。廣是持。即揀大異小。揀實異權。揀果異因。亦是體用一對。大方是體大方無隅故。廣即是用。五就人中。借下華字以喻其因。即因果一對。佛是果故。是以單用華字則但喻因。若合以華嚴。則亦喻上之四字。至下當明。三具彰義類者。謂大等七字義皆無量。並略以十義釋之。初明大十義者。一體大。謂若相若用等。皆同真性而常遍故。即是大字。涅槃云。所言大者名之爲常。此明體不變易。如人最長故名爲大。又云大者。其性廣博猶如虛空。此明體遍。二者相大。謂恒沙性德無不具故。互相即入微細重重等。具十玄門。皆其相故。即經方字者法也。三用大。謂業用周普如體遍故。即經廣字。涅槃云。又大者。能建大義即是約用。良以涅槃無廣。廣與大同故。以廣釋大。方廣無大。大與廣合故。以大釋廣。今經具有故。各配之四果大。謂智斷依正普周。法界故。即經佛字。五因大。謂發菩提心起解行願證精勤匪懈成諸位故。即經華字。六智大。謂大智爲主。運諸萬行。遍嚴一切無所遺故。即經嚴字。七者教大。謂一文一句無不結通。遍於一切十方三際重重無盡故。即是經字。八者義大。謂所詮法盡窮法界。乃至帝網無所遺故。即總是大字。九者境大。以上法門。普以無盡一一爲化境故。十者業大。謂盡三際時窮法界處。常將此法利。

①脫二說②寫十(也)③色二彩④妙一渺⑤性二流⑥歸二在⑦義二名⑧但十(舉)⑨各二名⑩一一二衆生

益衆生。無休息故。如攝大乘等七種大性。不離於此。二方十義者。方者法也。即前十。大皆名爲法。謂體法相法等。三廣十義者。廣者多也。用多繁興。包無不盡故。則前十皆多。即明「遍一切名之爲大」。一攝一切。名之爲廣。亦可反此。此約離釋。若合釋。方廣二字。亦有十義。一廣依義。謂言教繁廣。爲生依故。二廣說義。宜說廣大甚深法故。三廣破義。破一切障無有餘故。四廣超義。無有諸法能比類故。五廣治義。具攝無邊對治之法。爲能治故。六廣攝義。通攝無邊異類法故。七廣德義。具攝二嚴諸勝德故。八廣生義。能生無量廣大果海故。九廣絕義。非是心識稱量所能知故。十廣知義。具足種智。破邪見障。無有餘故。此之十義。前四即雜集第十一中四義。後六即入大乘論第一中六義。四解佛十義者。即是十佛。大即法界佛。方即本性佛。廣即涅槃佛。及隨樂佛。佛即成正覺佛。華即願佛。及三昧佛。嚴即業報佛。經即住持佛。總不離心。七字皆是心佛。釋十佛義。如八地中及離世間品。辯又佛地論第一說。佛亦具十義。謂具一切智一切種智。離煩惱障及所知障。於一切法一切種相。能自開覺。亦能開覺一切有情。如睡夢覺。如蓮華開。故名爲佛。又真諦引真實論。亦有十義。恐繁不引。五釋華十義者。一含實義。表於法界含性德故。二光淨義。本智明顯故。三微妙義。一諸行同法界故。四適悅義。順物機故。五引果義。行爲

生因起正覺故。六端正義。行與願俱無所缺故。七無染義。一行門三昧俱故。八巧成義。所修德業善巧成故。九芬馥義。衆德住持流馨彌遠故。十開敷義。衆行敷榮令心開覺故。然華有二種。一草木華。喻萬行因。然或。因與果俱。或不與俱。二嚴身華。通金玉等。喻於神通衆相等。唯與果俱。前十義中。一五九十局於草木。餘通二華。六釋嚴者。即上十華同嚴。一佛爲嚴不同。亦是十義。又上十華。如次嚴前十佛。即是十義而總別無礙。更有十義。一用因嚴。果以成人是佛華嚴。果由因得故。二以果嚴。因以顯勝成果之後。令一一因行皆無際故。三以人嚴。法而顯用。謂佛曠劫修因。方顯法之體用。故四以法嚴。人以顯圓。若不得法之體用。因果不能圓妙故。五以體嚴。用以令周。謂用不得體不周遍故。六以用嚴。體而知本。若無大用。不顯體本之廣。大故。七以體嚴。相而知妙。謂相若有體。便即入重重故。八以相嚴。體以明玄。體若無相不顯體深玄故。九以義嚴。教超言念。由所詮難思能詮言離故。十諸因互嚴以融攝。如禪非智。無以窮其寂。智非禪。無以深其照等。又上來互嚴。皆有相資相即四句。今且約理行互嚴。以明初相資四句者。一理由修顯故。以行華嚴理。二行從理發。則以理華嚴行。梁攝論云。無不從此法界流。無不還證此法身故。三理行俱融不二而二。非真流之行。無以契真。非起行之真。不從

行顯。良以體融行而因圓。行該真而果滿。是故標爲佛華嚴也。四理行俱泯二而不二。以理之行故非行。行之理故非理。是則能所兩亡超情絕相。非嚴非不嚴。是謂華嚴。相即四句。理行全收華思可見。則法喻交映昭然有在。七釋經十義。離心五義。已見上文。佛地論有「二義」。一貫穿所說三攝持所化。即離心結繫一義。合之應除結繫。開成六義。依此方訓復有「四義」。一常二法並如前辯。三經義。即衆生徑路四典義。令見聞正法故。寶雲經中亦有「十義」。恐繁不引。第四別釋得名者。先得後釋。先得名者。大以當體受名。常遍爲義。常則堅無初際。遍則橫該無外。方以就法得名。軌持爲義。雙持體相軌。生物解故。廣以從用得名。包博爲義。包則廣容博則廣遍。佛以就人得名。覺照爲義。照則朗萬法之幽遠。覺則悟大夜之重昏。華以從喻得名。感果嚴身爲義。感果則萬行圓成。嚴身則衆德備體。嚴以功用受名。資莊爲義。謂資廣大之體用。莊真應之佛身。經以能詮得名。攝持爲義。持性相之無盡。攝衆生之無邊。後釋名者。一就法中體用相對。大之方廣。謂有體之相用故。方廣之大。有相用之體故。皆依主釋。若相即者。即持業釋。二就人中果行相望。佛之華。非因位之行故。華之佛。非餘行之佛故。亦通相即。三以入法相對。大方廣之佛華嚴。非小權乘之佛等故。佛華嚴之大方廣。非因位所得法故。相即可知。四

教義相對亦通二釋。教望於義及前人望於法兼通有財。並可思準。第五展演無窮者。謂初於最清淨法界。開爲理智兩門。即涅槃菩提之異。又理開體用。即大方廣。智開因果。即佛華嚴。總連合成證。即題中經字。又展此目以爲初會。初會總故。十海是理。十智是智。十海之中含於體用。十智之中亦含因果。又華藏世界及遮那遍中。即依正二果皆是佛字。大威光太子略示因華。彼二所證所觀即大方廣。即總成一會。所信因果體用。又展此會。以成後八四因因果。各因是華果即是佛。其所修所證之體用。即大方廣。又展此九會。遍周十方。謂如第二會光明覺品。辯一類之會已遍十方。餘會亦爾。又展此諸會各有主伴。如說十住。十方菩薩皆來證云。十方國土皆說此法。則前遍法界之會。各有重重主伴。乃至遍於塵刹異類界等。無盡時會。皆不出大方廣佛華嚴清淨法界。第六卷攝相盡者。謂從後漸卷乃至不出九會。九會不離初會。初會不離總題。總題不出理智。非理不智。故理外無智。非智不理。故智外無理。則理智不二。亦攝智從理。離體無用。攝用歸體。體性自離。故體即非體。本來清淨。強名之清淨法界。是以極從無盡乃至一字無字。皆攝華嚴性海。無有遺餘。第七展卷無礙者。謂正前展時即後常卷。正後卷時即前常展。展時即卷故。無量無邊法門海。一言演說盡無餘。卷時即展故。如來於一語言中。演說無邊

契經海。第八以義圓收者。上來諸門。或以七字攝盡。如前已辯。或以教義攝盡。或以理智攝盡。或以人法攝盡。或以信解行證攝盡。或唯普賢文殊。毘盧遮那三聖攝盡。謂大方廣即普賢。普賢表所證法界。故華嚴即文殊。文殊表能證故。佛即遮那具能所故。又大即普賢。普賢菩薩自體遍故。方廣即文殊。文殊表即體之智故。華即普賢。普賢行故。嚴即文殊。文殊以解起行故。佛即圓解行之。普賢文殊證法界體用之普賢文殊。成毘盧遮那光明遍照。第九攝歸一心者。上來諸門乃至無盡。不離一心。一心即法界。故起信云。所言法者。謂衆生心。心體即大。心之本。智即方廣。觀心起行即華嚴。覺心性相即是佛。覺非外來。全同所覺。故理智不殊。理智形奪雙亡寂照。則念念皆是華嚴性海。第十泯同平等者。爲未了者。了自心。若知觸物皆心。方了心性。故梵行品云。知一切法即心自性。則成就慧身不由他悟。然今學法之者。多棄內而外求。習禪之者。好亡緣而內照。並爲偏執。俱滯一邊。既心境如如則平等無礙。余曾瑩兩面鏡。鑑一盞燈。置一尊容。而重重交光。佛佛無盡。見夫心境互照。本智雙入。心中悟無盡之境。境上了難思之心。心境重重智照斯在。又即心了境界之佛。即境見唯心。如來心佛重重而本覺性一。皆取之不可得。則心境兩亡。照之不可窮。則理智交徹。心境既爾。境境相望。心心互研。萬化紛綸皆一致也。唯

證相應名佛華嚴矣。第二釋品名者。梵云薩婆嚧鷄印。擊。依摩訶奈耶鉢囉巨婆娜忙鉢里勿多。此云一切世間主莊嚴法門威德名品。今文存略。世時也。即是世間主者。君也。謂諸王及佛。然世間有三。一器世間。即是化處。二衆生世間。即所化機。三智正覺世間。即能化主。主則唯二諸王及佛。主於器界及衆生故。佛非世間。從所統受稱。妙謂法門體用深廣難思。即主之所得。嚴謂嚴飾。乃有多義。一器世間嚴。謂其地堅固等。二衆生世間嚴。謂衆海各具法門威德故。三智正覺世間嚴。謂於一切法成最正覺。三業普周法門無盡故。所以長行諸王之嚴。偈頌讚德皆顯嚴佛。衆生不嚴不感。佛與正覺不嚴不能爲主。器界不嚴非真佛處。復由佛嚴顯。遇者有德。衆生嚴顯。顯佛超勝。如是互嚴亦爲妙嚴。諸經無此廣嚴故。但初名序品。今明序已兼正。故廣讚諸嚴。以爲華嚴之由序。舊云。世間淨眼品者。謂所得法眼能淨世間。故淨即嚴義。餘如前說。

大方廣佛華嚴經疏卷第三

大方廣佛華嚴經疏卷第四

唐清涼山大華嚴寺沙門澄觀撰

等十別解文義者。然此經。文富義博。勢變多端。況一義一文。包攝法界。是以古德明十

①〔者〕一②〔以〕一③〔信〕一④學法一法學⑤二佛⑥華十(上呼)⑦律十(良返反)⑧嚴飾二莊嚴⑨〔淨即嚴義〕一⑩

例科判。欲顯難思。其第一名。本末部類。但顯此經無盡非科。今文前已具明。故今略之。加前後鈎鎖。亦有十例。一。本部三分科。二。問答相屬科。三。以文從義科。四。前後。疊科。五。前後鈎鎖科。六。隨品長分科。七。隨其本會科。八。本末大位科。九。本末遍收科。十。主伴無盡科。初本部三分者。謂序正流通。初品爲序。分現相品下爲正宗。流通有無古有七釋。一。光統律師。以法界品爲流通。由入法界廣無邊故。二。隋遠法師。以法界品內善財下屬流通。寄人顯法故。三。裕法師。以法界品後偈爲流通。以歎德無盡故。四。有云。末後二頌爲流通。以結說無盡歎。益勸修故。五。或云。經來未盡。故無流通。六。或云。以餘眷屬經爲此流通。以彼是此所流出故。七。或云。此經總無流通。以法無盡說無休息故。故諸會各無流通。不同。大般若諸會皆有流通故。此上七解各是一理。而前六皆有第七獨無。若義會之應。成四句。一。有序正無流通。如第七。二。唯正宗無。二。分。由。自初發後。皆顯玄微。並悟物故。初雖列衆而歎佛德。後雖寄人有修相故。三。具三分。四。俱不可說。即言亡言故。約義包含不可局取。今依具三。以分三分之興。彌天高判。冥符西域。今古同遵。所以三者。夫聖人設教。必有其漸。將命微言。先彰由致。故受之以序分。由致既彰。當機受法。故受之以正宗。正宗既陳。務於開濟。非但篤於時會。復令末葉傳芳。永耀法燈。明明

無盡。故受之以流通。非唯一部當會當品等。皆容有之。故依三也。雖六解皆通。今依第二。以奇人進修。示物有分。流通相故。故慈氏云。若有敬慕心。亦當如是學。初之一解。令正宗中關於證入。第三但屬善財之一相故。末後二偈。但結偈中佛德。非通一部。十行等末類。有此偈。經來未盡。未必在後眷屬流通。但約義故。故依遠公。二問答相屬科者。古云。此九會中。大位問答總有五番。第一會中。大衆起四十問。或當會答盡。名舉果勸樂生信分。二。從第二會初。有四問。至第七會末。答盡。名修因契果生解分。中間雖有諸問。並是隨說隨問。非是大位問答。不思議品不問。因故。三。第八會初起二百句問。當會答盡。名託法進修成行分。四。第九會初起六十句問。如來自入師子頻申三昧。現相答名。顯證法界分。五。福城東善財求法等別問別答。名歷位漸證分。古德以善財猶屬正宗。故今既判入流通。則前唯四兼取。流通。以爲五分。未爽。通塗。三以文從義科者。此經一部有五周因果。卽爲五分。初會中一周因果。謂先顯舍那果德。後遮那一品。明彼本因。名所信因果。二。從第二會至第七會中。隨好品。名差別因果。謂二十六品。辯因。後三品。明果。亦名生解因果。三。普賢行品。辯因。出現品。明果。卽明平等因果。非差別顯故。亦名出現因果。四。第八會初明五位因。後明八相果。名出世因果。亦名成行因果。五。第九會中。初明佛果

大用。後顯菩薩起用修因。名證入因果。因果二門俱證入。故各分因果。果亦爲十也。四前後。疊疊科者。一部分二。謂前九會是本會。亦是佛會。佛爲主故。從文殊至福城東已後。並是末會。亦是菩薩會。以諸善知識爲會主故。二。就前中。亦二。初八會明所成解行。後一顯所證法界。三。就前中。復二。初七會明歷位修成行。後一明圓融周普行。四。前中。復二。初明修生因果。後普賢下二品。明修顯因果。五。就前復二。初明修生因。後不思議法等三品。明修生果。六。就前復二。四明位中因行。後十定下。六品明位後之行。七。就前復二。初明地前比行。後第六一會。明十地證行。八。就前亦二。初。明位前十信行。後第三會已去三會。明入位三賢行。九。就前亦二。初明所信佛果法。後問明品下三品。明能依信菩薩行。十。就前中。復二。初會明佛依報果。後名號下三品。明佛正報果。五。前後鈎鎖科。亦分爲十。一。第一會爲依報因果。前明依報果。後毘盧遮那品。辯因。二。更取毘盧遮那。及第二會初三品。爲正報因果。前因後果。三。以名號至菩薩住處。名依起因果。依於本有而修起故。前果後因。四。從問明品至隨好品。明差別因果。前因後果。五。取不思議下至普賢行品。爲圓融因果。前果後因。以不思議等與前爲果。果別於因。與後爲果。則一一融攝。然有六義證成。一。因果相屬科中。多先果後因故。二。四十八後未有證成。普賢行後

有證成者。結屬前故。三普賢品初。無別發起。便即顯前云。略示如來少分境故。四以義明之。不思議法顯佛德難思。一一圓融故。五前雖有問不思議品初重念問故。六第二會初已有三業。為差別果故。由斯六義故。普賢行品得屬前因。六取普賢行及出現品。為平等因果。前因後果。七取出現及離世間品。為出現因果。前果後因。成佛涅槃亦因現故。非說真成。由離世間為因方能現世。八離世間品為成行因果。通辯行故。具因果故。九取離世間品及法界品。為法界因果。前因後果。由離世間稱法界故。故因不依位果唯證入。十法界一品自為證入因果。先果後因。共善財已下亦為無盡因果。先因後果故。歷事至普賢一毛因則無盡。普賢說佛德過虛空。而果無盡以為流通。故不明之。六隨品長分科者長分。為十。一通辯教起因緣分。二現相品下明佛果無涯。大用分三。毘盧遮那品舉彼。往因證成分四名號下三品明大用應機普周分。五問明品下至十地品末。明諸位差別。令修分六十定品下至隨好品末。明差別因圓果滿分。七普賢行品下二品。明普行因成現果分。八離世間品明因果超絕世間分。九法界品中前分。明大眾頓證法界分。十爾時文殊下。明一人歷位漸證分。七隨其本會科者。亦為十分。一初會名舉果令信分。二第二會明能信成德分。三第三會初賢十住分。四第四會中賢十行分。五第五會上賢十向分。六

第六會聖位十地分。第七會因圓果滿分。第八會普賢大行分。第九會初行成證入分。十善財下善友教證分。八本末大位科者。本會為九。末會有五十五。總為六十四分。九本末遍收科者。先九會為九分。文殊為六千比丘說法。為第十分。及善財歷一百一十善知識。總一百二十分。若開諸龍及三乘會。及彌勒後文殊普賢三人。便成一百二十五。以慈氏云。此長者子經由一百一十善知識。已然後而來。至於我所。則彌勒已前已有一百一十故。及三千大千世界微塵數善友。其分數彌多。若合為一則一百二十六分。十主伴無盡科者。一一會一一品一一法。皆結通十方。如此問說十方虛空法界一切世界。乃至一切塵中皆如是說。此結主經也。又彼一一會等。皆有他方塵數菩薩來證法。此結伴也。即主伴相與周遍法界。重疊無盡。是則段數亦無盡無盡也。上來十例各顯一理。然亦無盡。若依常用。應依三分。謂初品為序。現相品下正宗。法界品內。爾時文殊師利從善住樓閣出下明流通序中就文分二。初此土序。二結通十方無盡世界序。初中復二。初證信序。後爾時如來道場下發起序。然此二序廣如常解。今但略陳。初證信者。若原其所由則阿難請問如來令置。如智度論及大悲經說。若覈其所以意有六焉。一為異外道故。外道經首皆立阿優以為吉故。此約如是二為息諍論故。智度論云。若不推從佛聞言自制作。

則諍論起。故今廢我從聞。聞從佛來故。經傳歷代妙軌不輟。此局我聞三為離增減過故。佛地論云。應知說此如是我聞。意避增減異分過失。謂如是法我親從佛聞。文義決定非謂傳聞有增減失。四為斷眾疑故。真論引律云。結集法時。阿難昇座變身如佛。眾起三疑。一疑大師涅槃重起。二疑他方佛來。三疑阿難轉身成佛。說此如是我聞三疑頓斷。既言我聞即非佛明矣。上二義通約信聞。五為生信故智論云。說時方人令生信故。此局後四。六為順同三世佛故。此通六種若準佛地論科為五事。一總顯已聞。二教起時分。三別顯教主。四彰教起處。五顯所被機。今依智論開初總顯已聞。作信聞二種為六成就。一信。二聞。三時。四主。五處。六眾。然信聞二事。文局初首義通九會。時主二種文義俱通。處眾二事文義俱局。隨相則爾約實互融。上來略依三分二序。然此經體勢少異。故依五分釋文。而合後二名。依人證入。就第一舉果分中。或科為十。一教起因緣分。即初一品。二大眾同請分。三面光集眾分。四毫光示法分。五眉間出眾分。已上在第二品內。六普賢三昧分。七諸佛同加分。八法主起定分。九大眾重請分。已上在第三品內。十正陳法海分。在後三品內。若以義從文。且分為三。一教起因緣分。二現相下說法儀式分。三世界成就下正陳所說分。就初分中亦分為十。一總顯已聞。二一時下標主時處。

①或二有②住二住③令二今④品一⑤一⑥經一⑦昇二升⑧入十(今為四分者初舉果勸樂生信分二修因契果生解分三託法進修成行分四依人證入成德分)三十六字

三始成正覺別明時分。四其地下別顯處。五爾時世尊下教主難思。六有十佛世界下衆海雲集。七從爾時如來道場下稱揚讚德。八爾時如來師子座下座內衆流。九爾時華藏下天地微祥。十如此世界下。結通無盡。今卽初也。如是我聞者。謂如是一部經義。我昔親從佛聞故。佛地論云。謂傳佛教者。言如是之事我昔曾聞。如是總言依四義轉。一依譬喻。二依教誨。三依問答。四依許可。具如彼論餘更有釋意不殊。前此上總合信聞。若離釋者。先釋如是信成就也。智論云。佛法大海信爲能入。智爲能度。信者言是事如是。不信者言是事不如是。故肇公云。如是者卽信順之辭也。信則所言之理順。順則師資之道成。經無豐約。非信不傳。故稱如是。有云。聖人說法但爲顯如。唯如爲是故稱如是。此唯約所詮之理。次真諦三藏云。真不達俗名之爲如。俗順於真稱之爲是。真俗無二故稱如是。此約所詮理事。若云如斯之言是佛所說。則唯約能詮有云。如者當理之言。言理相順。謂之如也。是者無非之稱。此明說事如事說理如理。明能詮之教。稱於事理也。融公云。如是者感應之端也。如以順機受名。是以無非爲稱。衆生以無非爲感。如來以順機爲應。經以言教出於感應。故云如是。此兼對機。上來諸釋各是一途。更有諸釋。言異意同。若依生物之信。應如智論及佛地合釋。若取敵對阿便。應如真諦所釋。

今當廣之。外謂阿之旨無。優之謂有。萬法雖無不出。有無。此卽斷常之計。今云。如卽真空。是卽妙有。既無。俗外之真。故空而非斷。無。真外之俗。故有而非常。卽對彼邪宗以彰中道。一代時教不出於斯。故云如是。若華嚴宗。無障礙法界曰如。唯此無非爲是。應隨教門深淺。以顯如是不同。二我聞者聞成就也。將欲傳之於未聞。若有言而不傳。便是徒說。不在能說貴在能傳。故次明我聞。我卽阿難。聞謂親自聽聞。云何稱我卽諸蘊假者。此用何聞。若依大小乘法相。各有三說。一耳聞非識。二識聞非耳。三緣合方聞。然或具四緣八緣等。雖因耳處。廢別從總。故稱我聞。法雖無我言語便故。隨順世間故稱我聞。非邪慢心而有所說。若依無相我既無我。聞亦無聞。從緣空故而不壞假名。卽不聞聞耳。若約法性。此經旨趣傳法菩薩。以我無我不二之真我。根境非一異之妙耳。聞無礙法界之法門也。然阿難所不聞經。或云展轉傳聞。或云如來重說。或云得深三昧。或自然能通。上皆就跡而說實。是大權菩薩影響弘傳。如不思議境界經。斯爲良證。但隨機教別。故見聞不同。上來總顯已聞竟。第二標主時處者。卽三成說。言一時者時成就也。時者亦隨世假立時分。一者揀異餘時。如來說經時有無量。不能別舉。一言略周。故云一時。如涅槃經云。一時佛在恒河岸等。卽法王啓運嘉會之時也。亦可機教一時。謂上言如

是言。雖當理若不會時。亦爲虛唱。今明物機感聖聖能垂應。凡聖道交不失良機。故云一時。佛者主成就也。具云。佛陀。此云覺者。謂自他覺滿之者。雖具十號佛義包含。故偏明之。義見題中。三在摩竭下處成就也。真身無在而無不在。故次辯之。摩竭提國者。通舉說處。此云無毒害。以國法無刑戮故。表能化法。或云。遍聰慧。聰慧之人遍其國。故表所化機。阿蘭若法者。別舉說場也。阿蘭若者。此云無諠譁。卽事靜也。法者所證真理。二障業苦誼難斯盡也。事理俱寂故加法言。菩提場者。菩提云。覺。卽能證大智圓明究竟也。場者證菩提之處也。然事處卽天地之中。王舍城之西二百里。金剛座上。約法則萬行皆是道場。理智相會之所。故爲表所說如所證。故不移其處說之。若圓融時處等。並如前說。第三別明時分者。前標一時未知何時。故今別顯是初成佛時。亦彰大師出現時也。此教勝故衆教本故。在於初時。初言尙總幾日之初。九會之文同。此初不略爲三解。一約不壞前後相說。纔成初七說。前五會。第二七日說。十地等。第九一會乃在後時。以祇園身子皆後時故。常恒之說不妨後時。雖能頓說有所表故。初五信解行願最在初故。故皆云不離道樹。第六會因地證位居其次深。故無不起菩提樹言。法界極證最在於後。故亦顯二乘絕見聞故。雖異處別時亦不相離。爲寄機土以顯淨故。須前後耳。若

①[今卽初也] ②[修二階] ③[公] ④[法] ⑤[地十(論)] ⑥[俗二有] ⑦[宗十(以)] ⑧[或] ⑨[三] ⑩下十(三釋)

爾世親那云初七不說但思惟行因緣行耶。世親纔見十地即爲論釋。或則未窮廣文。或則知見有異未全剷定。菩提流支意大同此。二順論釋。九會皆在二七日後。二七非久亦名始成。三約實圓融釋。皆在初成一念之中。一音頓演七處九會無盡之文。海印定中一時印現以應機出世機感即應。應即有說無非時失故。祇園身子。蓋是九世相收。重會之言亦猶燈光涉入。故法界放光亦見菩薩遍坐道場成正覺故。此經十地之初無二七之言。二七之言順別機故。故諸經論顯初說時有多差別。謂普曜密迹二經。第二七日即說三乘。法華過三七日方云說小。四分律中六七。興顯行經七七。五分八七。智論五十七日。有云與十二游經一年大同。時既不定說亦不同。皆根器所宜見聞有異約佛赴機無時不說。望器無感未曾有說。登地恒見常說。一味之經。就佛而言無說不說。若攝方便。皆一乘之印現差別耳。無涯之說不應局執。故應總攝以爲十重。如前已辯。上顯時分。次釋成正覺義。約教不同。小乘三十四心斷結。五分法身初圓。名成正覺。是實非化。大乘之中約化八相示成。約報十地行滿四智創圓。名曰始成正覺。據實即古今情亡心無初相名之曰始。無念而照。目之爲正。見心常住。稱之曰覺。始本無二目之爲成。約法身自覺聖智。無成無不成。若依此經以十佛法界之身雲。遍因陀羅網無盡之時處。

念念初初爲物而現。具足主伴攝三世間。此初即攝無量劫之初無際之初。一成一不成無成無不成。一覺一切覺無覺無不覺。言窮慮寂不壞假名。故云始成正覺。如出現品及不思議法品廣顯攝前諸說。皆一乘之所現也。第四別顯處嚴者。然此下處主及衆。即三世間嚴。三前二即如來依正。衆即淨土輔翼不空。今初器界嚴者。即廣於前場之嚴。顯成前覺之妙。異於餘經之處。於中四事各十種嚴。明即染顯淨即爲四別。第一地嚴。第二樹嚴。第三宮殿嚴。第四師子座嚴。然此諸嚴各具三釋。一約事可知。二表法。謂地。表心地法身。樹。表菩提。宮殿。表無住涅槃。座。表法空等。三就因行。謂一以窮心地法身之因。報得增上金剛之地。二以般若爲因。三以悲智相導爲因。四亦以法空爲因。然或一因行成一一切嚴。或一切行成一嚴。或一行成一嚴。或一切行成一一切嚴。以通融別純雜無礙。今但明一行一嚴顯所表故。然各攝無盡之德故。四事皆有十句。初總後別。今且就文各分爲四。今初心地十句分四者。第一總顯地體。二四地相具德。三四地上具嚴。四一舉因結用。今初標以堅固釋。以金剛諸教或云。木樹草座。多云。座是金剛。今全地金剛。則權實斯顯徹華嚴故。廣如後品。次上妙下地相具德。約因釋者。一寶輪者。一攝一切圓行致故。二及衆寶華開覺悅他故。三清淨摩尼圓淨明徹故。以上三行用嚴心地故。結云。

以爲嚴飾。上皆形色四即顯色。謂青黃等殊。名諸色相種種重疊深廣如海。互相映發。等彼波瀾。或諸色俱生。或更相攝入。含虛瑩徹。現勢多端。名無邊顯現。此由隱顯自在定散無礙。隨機利行之所致也。三摩尼下。明地上嚴者。一寶幢曲有五句。一摩尼爲體。二三光音明用。四五網縷辯飾。就因行者。降魔伏外爲幢。智光常照慈音外悅。顯行交羅戒香芬馥。四攝周垂故。二摩尼雨寶表神通如意。隨機變現雨法寶故。三妙華散地。亦多因行遍嚴心故。四寶樹行列者。德行建立故。四佛神力下舉因結用。佛力者出所因也。嚴具多門別說難盡故。總云一切悉現。或於樹中現。或於上諸嚴具及地中現。明一一行中皆道場故。第二覺樹嚴者。即大智因威有十一句分四。初一總顯高勝。長聳迥露圓妙獨出故。約因即智超數表爲高。本性不昧爲顯。成物具德曰殊。更無二異爲特。約果樹即菩提。二金剛下六句。明體攝衆德。一身是金剛金剛三昧本智因故。正行成立爲樹身也。二幹是瑠璃。本智發解內外明徹故。三雜寶枝條。解隨境差故。四條假葉以爲嚴。智資定而深照。寶葉雖異共成一蔭。百千定門同歸一寂。自蔭蔭他也。五寶華異色在樹。分枝承光色。同於地布影。表神通等法依定有差。俱承智光影現心地。六華雖不同。果皆如意無邊行海。同趣菩提。若自利果成內則含輝。若身心湛寂外便發焰。

若觸境斯明。若利他果立未熟。則含輝解生。佛相已熟。則發焰還流。教光體如之行。所成果無異。因之果故。與華間列故。下經云。菩薩妙法樹。生於直心地等。三其樹下三句。明妙用自在展轉成益。初依菩提智放教智光。次依智光雨圓明法寶後教成。悲智。即菩薩現前。無心行成。故如雲出。四又以下一句。舉因結用。謂佛力為因。流音演法。以如力。則智演法音。音還如性。故無盡極廣多故。無盡豎長故。無窮無間故。稱恒也。第三如來所處下。明佛宮殿。十句分四。初一總明分量。宮可覆育。即是慈悲。殿可朝宗。所謂圓寂。悲智相導。若樓閣相依。廣者無邊法。無外故。博者不隘法。內空故。嚴者莊飾具衆相故。麗者華美法義備故。充十方者。稱法性故。二衆色下二句。體相圓備。一體是摩尼積德鎔融之所成故。二相嚴多種。神通等法。悲寂用故。三諸莊嚴下六句。妙用自在。一衆行發光灑法如雲。雲更多義至下當辯。二光幢獨出。萃者聚也。即承光聚影而成。謂悲寂交際承智起。應降魔超出故。三內容衆海。無邊菩薩。即道場外者亦在其中。即依中有正。亦果中有因。即明涅槃衆聖冥會。四聲光寶網。網者。爲防禽穢以益嚴殿。猶大教網。外防惡見內益悲寂。教皆圓妙以寶而成。故能出佛智光。圓音妙說言。不思議音。略有四義。一音聲繁廣。二所說難量。三聲即無義。四具一切。五出生果用。即正報大用在

此依中。依正混融參而不雜。明依大涅槃能建大義。故曰出生。六無染現染。衆生是正居處。是依染達性淨。不言出生。妄無自體。還依真現。四又以。下舉因顯廣。謂德廣難陳故。今總結由佛力故。一念頓包事理染淨一切法界。況多念耶。然上充遍十方。即通局無礙。集菩薩衆出佛神通。即攝入無礙。現生含宅即染淨無礙。悉包法界廣。無礙。一念即能延促無礙。又集菩薩因果無礙。出佛神通依正無礙。十種宮殿。此應說之。第四其師子下。師子座嚴十句分四。初一總顯形勝。師子座者。人中師子處之。又說無畏之法。故得法空者何所畏哉。空乃高而無上。深不可測。廣而無外。邊不可窮。妙乃即事而真。好謂具德無缺。二摩尼下六句。體德圓備。一座臺。摩尼即處中。正可依處。摩尼隨映有差。法空隨緣成異。中道妙理正是可依。二周座華網。即外相無染交映本空。三淨寶爲輪。輪謂臺之處。中周匝輪圓。即具德周遍。四華纓周垂。諸覺諸通垂化周攝。五寶嚴填飾堂等略舉。凡諸總包無處不嚴。故云備體顯於法空。全收萬像。無事非理故。六寶樹間飾。上物。象也。即菩薩妙法樹。隨化分枝。隨因感果。並依無相義曰周迴。凡聖相資名爲間列。三摩尼光下二句。妙用廣大。一淨寶出光如雲。涉入法空亦爾。一智中知一切法。一一法體顯一切智。爲互照也。二主伴寶用互相發揮。謂佛化摩尼能作佛事。智

論云。輪王寶珠但隨人意能雨寶物。天寶塔能隨天使令佛寶十方能作佛事。菩薩寶珠亦能分作。如文殊師利冠中毘楞伽寶珠。十方諸佛於中顯現。今菩薩寶珠即是其類。下文雲集菩薩寶珠亦爾。用此嚴座者。凡初成佛。皆一切諸佛現形灌頂。一切菩薩親授敬養。故因果寶珠俱來瑩燭。如來從果起用。故云化現。理圓解滿。義曰珠王。菩薩心頂智照圓淨。故曰髻中妙寶。寂照照寂。皆瑩淨照燭。四復以下一句。佛加廣演佛境如空。故云廣大。有威斯至爲無不及。顯教皆從法空所流。是故所流還周法界。非智不顯。故云佛力。顯處嚴竟。第五爾時世尊下。明教主難思。前但云佛未顯。是何身佛。又但云始成正覺。未知成相云何。故今顯之。謂具十種深廣功德。即是遮那十種無盡法界身雲。遍於法界成正覺也。非權應身。文分爲二。先總後別。今初總辯。即菩提身具無盡德爲世所尊。座相現時身即安處。智處諸法無前後故。於一切法示所覺境。即二諦三諦無盡法也。成最正覺示能覺智。開悟稱覺。離倒爲正。至極名最。獲得名成。此當相解。若棟別者。凡夫倒惑佛覺。重昏二乘雖覺。不名爲正。但知法有未空。沈涅槃。顛倒未除。豈得稱正。設許稱正。亦未名最。菩薩雖正。有上有修。不得稱最。設位極稱。最亦未得名成。我佛獨能故。云成最正覺。謂如量如理了了究竟。

已出微細所知障故。後智入下。別中。即約十德。別顯十身。文即分十。一三業普周。二威勢超勝。三福德深廣。四隨意受生。五相好周圓。六顯身演法。七化身自在。八法身彌綸。九智身窮性相之源。十力持身持。自他依正。今初。即別顯菩提身之相也。以成菩提時。得無量清淨三輪故。文中先法後喻。法中三。先意次身後語。今初意業。即釋上成正覺。言前云於一切法。此云三世。乃橫豎影略耳。智入平等是正覺成也。智即二智三智四智。無障礙智。二智者即如理如量也。此復有二。一以如量智達俗。名入三世。以如理智證真名。悉平等。故佛地論云。以二智覺二諦是也。二者證差別性即無差別。故三世即平等。瑜伽云。如其勝義覺諸法。故名等正覺。言三智者。即俗智真智中道智也。此亦二義。一真俗互泯雙遮。辯中則三世平等。二相兩亡。方為智入二真俗雖。而不壞相即雙照明中。此二覺三諦之境。境既雙泯而變現。智亦寂照而雙流。為無障礙智。覺無障礙境。為正覺也。言四智者。即圓鏡等四智也。通緣三世境故。並入三世。言平等者。鏡智離分別。故依持平等。平等性智證平等性故。妙觀察智觀察平等。成所作智普利平等。四智圓融一句攝盡。下身語等皆是四智之所發現。四智圓融無二性故。修生本有非一異故。不失經宗。然上能覺即成上菩提。就其所覺即法身也。理智無二為真法身。二其身下身業也。通三

世間故云一切。此正覺身以是十身之總。故。此其身通於三身十身無不充滿。法身普遍世所同依故。智身證理如理遍故。色身無礙亦同理遍。並是圓通而非分遍。謂一切世間一一塵塵等處。佛皆圓滿。總看亦現別看亦現。又國土等。即是我身土等。體外無別我故。我即土等。我之體外無土等。故餘一身互望融攝。猶多燈光各互相遍。三其音下語業也。順有三義。一順異類言音經云。一切衆生語言法。一言演說盡無餘。故二順所宜說法。如來於一語言中演說無邊契經海故。三則順遍佛以一妙音周聞十方國故。二譬如下喻顯。通喻三業。然佛三業非喻能喻。唯虛空真如略可顯示。更以餘喻便為誘佛。然虛空喻有同不同。故下經云。解如來身非如虛空。一切妙法所圓滿等。此顯不同。今分取同義。同義多種。如下十忍。今有二喻開成。四義一含攝喻。兼無分別義。二普通喻兼遍入義。以此四喻喻意業者。下經云。佛智廣大同虛空。故。此總喻也。量智包含而普通理智無分別。而證入。又大圓鏡智純淨圓德現種依持能現能生身土智影。即含攝義。下經云。菩提智普現一切衆生心念根欲等。而無所現。無所現言無有分別。平等性智觀一切法自他有情。悉皆平等亦無分別。無分別言顯無差別。故。下經云。於一切義無所觀察。等。是以太虛能含衆像。衆像不能含太虛。太虛不分別衆像。衆像乃差別。太虛以

況我法不能容。佛智。佛智乃能容。我法。有我法者分別如來。是如來者不分別我法。二普通喻中。妙觀察智無不遍知。即普通義。成所作智曲成無遺。即隨入義。又下經云。佛智廣大同虛空。普通一切衆生心。此即體通。悉了世間諸妄想。此約智通。又云。得一切法。界等心。此約證通。智性全同於色性。故。此約理通。云何遍入不壞。能所。有證知故。故下經云。世間諸國土。一切皆隨入智身無有。非彼所能見。由隨於如。即入無所入。故云平等。是以虛空遍入國土。國土不遍入虛空。有國土處。必有虛空。有虛空處。或無國土。虛空之於國土。平等隨入。國土之於虛空。自有彼此。虛空可喻佛智。國土可喻三世。三世有處佛智必在其中。佛智知處三世或無其體。佛智之於三世平等隨入。三世之於佛智。自有始終。此猶約不二而二說耳。若二而不二。國土虛空三世佛智同一性故。皆互相入。舉一全收。普通亦然。三世間圓融。則言思道斷。故名佛智為不思議也。次以二喻喻身業者。一毛向容。法界全分。必含衆像出現身業第二喻云。譬如虛空寬廣。非色而能顯現一切諸色。而彼虛空無有分別。亦無戲論。合云如來身亦復如是。一切衆生諸善根業皆得成就。即含攝義。而如來身無有分別。即第二義。佛身充滿於法界。即普通義。又云。譬如虛空遍至一切色非色處。非至非不至。如來身亦復如是。遍一切法

●下十(第二)● ●中十(分二初總科二別釋今初總中)十二字● ●中十(分二)● ●為二語● ●(能)一● ●即十(智)● ●智十(用)● ●界十(量)●

一切國土等。即普遍義。亦非至非不至。即平等隨入義。次以四義喻諸業者。如來於一語言中。具一切語言故。含支天鼓無心出故。如來音聲無不至故。應知。如來音聲無斷絕。普入法界故。又云。如來音聲無邪曲。即平等義。隨其信解。令歡喜故。即隨入義。以空一喻遍喻三業。故云正覺得。無量清淨三輪明文昭然。非是穿鑿。菩提身竟。第二身恒下。威勢身起勝。謂隨諸有情所樂。示現受用身土影像差別。無不周遍。言一切道場者。略有十種。一智身遍坐。法性道場。二法身非坐而坐。道場。三法門身安。坐。萬行道場。四幻化身安。坐。水月道場。此四義便故來。若正約威勢身。略辨六類道場。一遍一切同類世界道場。如名號品等說。二一切異類世界。謂樹形等。如世界成就品。三一切世界種中。四一切世界海中。並如華藏說。五一切微塵中。文云。如於此會見佛坐。一切塵中亦如是等。六剎摩帝網無盡道場。并前十種故云。一切言。菩薩衆中威光赫奕者。正顯威勢超勝勝於勝者故。獨言菩薩非不超餘。如日輪出照明世界。約喻以顯映山出沒無隱顯故。處處全現無異體故。喻遍坐道場。大明流空。餘輝掩輝。赫日之照難究其涯。喻彼威光超映菩薩。菩薩不能測也。既云照世則終益生。先照高山獨言菩薩第三三世下。福德身深廣。三世佛德昔皆遍學。今三際已斷垢習斯亡。故衆福皆淨。第四而恒下。隨意受生。一隨他意處處受

生。二隨自意。能無不生。謂慈悲般若恒共相應感而遂通。窮未來際。第五無邊色下。相好莊嚴身色無盡。故名色無邊。十蓮華藏微塵數相名相無邊。而皆稱真。則一無邊。諸相隨好放光。常光皆稱法界故云圓滿。廣處廣處皆圓現。故名無差別。第六演一切法。如布大雲。即顯身演法。謂雨大法雨。斷一切疑。故下經云。毘盧遮那佛願力。周法界一切國土中。恒轉無上輪。然經二句上法下喻。文含多意。一雲喻於身雨爲說法。法喻影略。又先與慈雲後雲。法雨一雲。一雨所潤不同。亦隨物機宜。雲雨各異。掩塵蔽日。普覆無心等。第七一下化身自在。謂於大衆會能現無邊作用差別。皆自在故。文中二。先明廣。容謂於如來身一毛頭。容一切刹而無障礙。無礙有二義。一以一小毛現多大利。則一多大小無礙。二此毛多利。與彼毛多利參而不雜。則隱顯無礙。後各現下。普遍以廣容不礙。普遍故。還於前毛內刹中。神力調生。若廣遍十方。示現種種變化三業。成所作事。居然易了。第八身遍下。法身彌綸以法爲身。本來湛遍故無來往。依法現色還如法身在此。即是在彼。亦不待往來。第九智入下。智身窮性相之源。相別曰諸性皆空寂。性靜寂寂。相無故空。第十三世諸佛下。力持身。能持自他依正。於中先持正報。神謂妙智。變現現身。轉變現俱名爲變。皆能持之。尙持於他。況於自事。後段亦然。後

一切佛土下。能持依報。橫盡諸土。賢窮諸劫。所有嚴事常持令現。上約十身。若約三身者。則初三段皆名報身。而恒下化身身遍十方下法身。就報身中。前一自受用報。後二即他受用報。故云處菩薩衆。以諸教中說三身四身。成說等別。今皆圓融。於一始成。無不頓具十身爲正。三四義兼。又毛內調生光中持利。如空普遍等。亦即國土等十身三世間之圓融。豈報化之云別。是知略以十德歎於教主。其一德無不圓融。當去情思之矣。

大方廣佛華嚴經疏卷第四

大方廣佛華嚴經疏卷第五

唐清涼山大華嚴寺沙門澄觀撰

第六有十佛世界下。明衆海雲集。衆雖深廣難測略啓十門。一集意。二集因。三辯類。四定數。五權實。六地位。七前後。八有無。九聞不聞。十釋文。今初。來至佛所。何所爲耶。有十義故。一爲影響爲主伴故。二爲作輔翼得圓滿故。如普賢等常隨之衆。三爲守護如來。如執金剛等。諸佛住處常勤護故。四爲莊嚴。如道場神等。常爲嚴淨佛宮殿故。五爲供養。如偈讚即正行供養。華幢等。即財供養故。六爲發起此經。諸請難者即其事。七爲聞法獲益。當機領悟即其類故。八爲表法。諸首諸林表信行等。皆同名

故。及座出菩薩等顯奇特故。亦通表萬行俱成佛故。九爲顯證。佛菩薩等證說不虛故。十爲顯顯。即聲聞不開顯法不共故。爲斯多意所以衆海雲集。非唯證信而已也。第二集因亦有十因。一會與毘盧遮那如來同集善根故。二蒙佛四攝會攝受故。三往在生死間圓法故。四會發大心護一切故。五往發大願願事佛故。六隨逐如來無厭足故。七樂聞正法心無倦故。八善能散滅我慢心故。九願智已淨身周遍故。十同一法性善根大海之所生故。爲此多義得預斯會。中有集因亦通集意。及隨諸衆各有別因。可以思準。第三辯類。即上集意便成十類。一影響衆。二常隨衆。三守護衆。四嚴會衆。五供養衆。六發起衆。七當機衆。八表法衆。九證法衆。十顯法衆。準前可知。第四定數者。稱法界衆焉能數知。即文而言。九會都數。總有一百七十五衆。都序之中有四十衆。謂同生有一。異生三十九。師子座中一。若兼取前菩提樹中所流。及宮殿中無邊菩薩。總四十三衆。此四十三遍於九會第一會中有二衆。謂新集十方衆。佛眉間衆添成四十五。第二會有新舊二衆。第三四會各有四衆。謂新舊及證法衆。第五會一百一十一衆。謂新舊衆昇天品內供養衆。有一百七井天衆證法衆。第六會四衆。謂天衆同生異生證法衆。七八兩會。各唯一衆。謂普賢等舊衆。第九會三衆。謂菩薩聲聞及天王等舊衆。舊衆雖重隨會別故並皆取之。

然此諸衆或總爲一。一乘衆故。或分爲二。以有實衆及化衆故。或可爲三人天神故。或爲四。佛菩薩人非人故。或五非人開天神故。或六加畜生故。或七天分欲色故。或八菩薩有此界他界故。或九他方有主伴故。或十加聲聞故。或一百七十五如前說故。或無量無邊義類多方故。一一或以佛剎塵數等爲量故。又如新集菩薩。毛光出衆。例上皆爾。故一一衆皆無分齊。此猶約相別。若融攝。一一會中皆具一百七十五衆。以稱法界緣起之會。互相在故。上且約一界。若通十方及異類剎塵。帝網無盡無盡。是爲華嚴海會衆數。第五權實者。夫能對揚聖教影響其跡。靡不是權。當機之流多皆是實。諸教所明穢土之中。雜類菩薩聲聞皆通權實。地前是實地上是權。法身無生。五道故。淨土菩薩唯實。實報生故。雜類聲聞是權。攝論云。欲令淨土不空。化作雜類衆故。若依此經。同生異生皆通權實。海印定現實德攝故。隨緣隨位而示現故。第二會初云。莫不皆是一生補處故。對前十類辯權實者。影響一衆自有二類。一果德衆。謂能加證法。諸佛互爲主伴非權非實。若位極菩薩影響一向是權故。有經云。昔爲釋迦師。今爲佛弟子。二尊不並化故。我爲菩薩等當機唯實。餘八通權實。第六地位者有說。一切皆是果位。以是舍那海印現故。或說一切皆因果海。非可見聞。世尊亦是因者。識所現故。或皆通因果。果

得不捨因隨類現故。因位願力助佛化故。當機之流正修趣故。或俱非因果緣起大衆因真性故。將此對前權實。則果位一向權。因位通權實。若對前十類影響證法通因果。餘八唯因。因位高下難以準定。第七前後者。初列菩薩後列餘衆者。表從本以起末。下讚即後明菩薩者。表尋末歸本。良以本末無二故。二文互舉。又從本流末。必先小後大故。自在天爲末。攝末歸本必從深至淺故。先明自在。然皆顯法界緣起逆順自在故也。又表四十位。一一皆微因門。並該果海故。互舉前後。令物不作優劣之解故。第八有無者。亦有十類。一約界無無色。二約趣無地獄。此二非器故。若約轉生有地獄天子。若約所益亦通無色。三界皆益故。三約洲但列閻浮。餘三略無故。或成難故。四約乘無二乘不共教故。下爲顯法亦不見聞故。智度論云。若小乘經初唯列聲聞。若大乘經初具列菩薩聲聞。若一乘經初唯列菩薩。故指此經爲不共教。或大乘經唯列小者。爲引攝故。如金剛經或唯列大亦屬大乘。主伴不具故。主伴具者。必是一乘。五約部無四衆。未說小教故。六約主無入王王未知故。七約三聚無邪定。彼障隔故。生旨之流但冥益故。八約內外。無外道非彼測故。九約諸天。無無想入邪定故。十約善惡。無惡魔不爲違害。天中攝故。上十且隨相說。圓融應有即無所不具。第九聞不聞者。約權

前後皆互得聞。約實當會自聞。縱不起前而趣於後。亦各不相知。若約頓機。計一時頓領。上之九門且從顯著。略為此釋。中本廣本。或隱或顯。不可執文。第十釋文。第一會中前總四十衆。大分爲二。初一同生餘是異生。故論云。解脫月是同生衆故。又云。同生衆請則知。兼有地前明知不約地位。餘釋云云。不符論意。云何名爲同生耶。然有二義。一謂難類。作諸異生種種形故。菩薩得法性身。同人作一類菩薩形故。二菩薩爲同者。通諸位故。神等爲異。法界差別德故。其四十衆文皆有二。一標數辯類。二列名。總結。三攝德周圓。今初同生衆中。第一標數辯類中。先辯數。佛世界者下辯世界。略有三類。一世界。二種。三海。今云。世界則非種非海。權實共計。一三千界一佛化境故。或名佛刹佛土。皆準此也。微塵者。七極微量也。謂抹三千界並爲微塵。一座爲一菩薩。則數已難量矣。況舉十數表無盡耶。菩薩摩訶薩者。辯類也。即據非餘衆。具云菩提薩埵摩訶薩埵。今從略耳。然有三釋。一菩提是所求佛果。薩埵是所化衆生。即悲智所緣之境。從境立名。故名菩薩。二菩提是所求之果。薩埵是能求之人。能所合目。故名菩薩。三薩埵此云勇猛。謂於大菩提勇猛求故。摩訶云大。大有四義。一者願大。求大菩提故。二行大。二利成就故。三時大。經三無數劫故。四德大。具足一乘諸功德故。前二通地前。後二或唯地上。

更有諸大亦不出此。此等並是舍那佛。內眷屬。動止常隨。故云所共圍繞。二其名下列名結數。先列其名。後結略顯廣。今初。夫聖人無名爲物立稱。雖得名千差而多依行德。行德皆具而隨宜別標。先十同名。普者。顯具法界總相德故。後十異名者。顯具法界別相德故。總別相融同一法界。今初十名之普是別之總。普下十異顯即普能別。普義方成。此是古今諸佛。同行普賢之行。隨於諸位差別不同。縱成正覺。亦普行攝故。先明之。言普賢者。體性周遍曰普。隨緣成德曰賢。此約自體。又曲濟無遺曰普。隣極亞聖曰賢。此約諸位普賢。又德周法界曰普。至順調善曰賢。此約當位普賢。又果無不窮曰普。不捨因門曰賢。此約佛後普賢。位中普賢悲智雙運。佛後普賢智海已滿。而運即智之悲。寂而常用。窮未來際。又一即一切曰普。一切即一曰賢。此約融攝。所以先列者爲上首故。法門主故。法界體故。一切菩薩無不乘故。無一如來非此成故。令諸聞者見自身中。如來藏性行普行故。上雖多義難釋。今從別稱合釋。無處不賢名曰普賢。即體普也。此一爲總。餘九爲別。二德普。謂稱性之德充於法界。以爲最勝。委照無遺如燈之光。三慧普。遍照嚴剎。決定高出故。四行普。內行圓淨。智焰外燭。故稱爲妙。五音普。具一切音。演佛淨土深廣高出之行故。六智普。照佛法界無盡境故。七心普。智寶嚴

於心頂。通行等華高出。物表故。八覺普。遍覺性相聲皆悅。故無不歸者。九福普。障無不淨。稱真無盡故。十相普。無光相之光相。遍益衆生故。六相圓融思之。二海月下。十異名菩薩。一海月光大明者。十德十山皆依大海。十地十度皆依佛智。海中看月淨而且深。依智嚴剎深而且淨如海。即大如月即明。故以名也。二講如雷震。故曰雲音。辯才汎濫猶如海光。又海上有光天涯無際。佛智起用一念普周。淨惑無窮名無垢藏。三修治二嚴猶如淨寶。祕密高顯故有鬘言。四法王出現作用自在。二嚴圓滿爲功德光。五勇猛化生不染化相。雨法玄妙如解髻珠。六慈雲智日互相資映。長劫普應高出如幢。七堅利智慧與精進俱。故得稱大智爲行本。若齊爲壽因。八戒等行發是爲香焰。種智高直故曰光幢。九智光遍照是大明德。稱真適物名深美音。十大智發光遍照佛境。令福非福相。福亦稱大。二如是等下。結略顯廣。第三此諸菩薩下。攝德圓滿中。一初別歎勝德。後總結多門。初中亦二。初二句就緣歎。餘就行歎。今初。初句往因同行顯主伴有由。後句從德海生明。生爲輔翼。言毘盧遮那者。毘即遍也。盧遮那光明照義。迴就方言。應云光明遍照。然有二義。一身光遍照。盡空乃至塵道。二智光遍照。真俗重重法界。身智能所合爲一身。圓明獨耀。具德無邊。故立斯號。又毘者種種義。盧遮障義。那者盡義入義。即種種障

●(十地)十論● ●總結一結數● ●先辯二初標● ●內二自● ●(以)一● ●也二之● ●顯本二所以●

盡種種德圓故普賢觀經云釋迦牟尼名毘盧遮那遍一切處。即身亦遍非唯光遍。又云。其佛住處名常寂光。即土亦光矣。又云。常波羅蜜所攝成處。我波羅蜜所安立處。即德圓義。又云。淨波羅蜜滅有相處。即障盡義。又云。樂波羅蜜不住身心相處。不見有無諸法相處。即證入義。又云。如寂解脫乃至般若波羅蜜是色常住法故。明皆即應即真爲本師矣。此經文證本品當辯。言其集善根者。即備道資糧。言修菩薩行者。即作所應作。云何共集。互爲主伴故。主伴有三。一迴向主伴。二同行主伴。三如相主伴。皆稱共集。後句言善根海生者。謂佛德無邊。積妙法寶智定盈洽。故稱爲海。從生有四。一從自佛善根海生。謂已圓十身故。二從本師海生。佛爲勝緣會已攝受授法。令行得成滿故。三與遮那同於餘佛海生。以上云共集故。四從法性佛海生。以上德海諸佛共同平等一味。但稱性修即是從生不揀自他故。梵本云與佛同一善根海生。第二諸波羅蜜下。就行德以歎。夫大士。必崇德廣業。虛心外身。崇德故進齊佛果。廣業故行彌法界。虛心故智周萬法。而不爲外身。故功流來際。而非已。故德難名矣。略分爲三一明。自分因行德。二勝進果行德。三二行無礙德。初中亦三。一自利行圓。二利他行滿。三證理位極。今初有三句。一諸度行滿。謂六度十度八萬四千。多劫積集究竟盡事理。故云圓滿。二慧眼。十眼明徹分別名

慧。照攝稱眼。障。醫斯盡智無不闕。故云明徹。五眼之中慧眼觀理。理無異味。故云等觀。十眼之中慧眼觀事。事無不見故名等觀。是則委見其事爲明。深達其性爲徹。欲以一眼。含諸具通事理。但舉其慧三於諸下。深定已滿。三昧者此云等持。遠離沈掉平等持心。趣一境故。而云諸者。其餘諸緣亦一境故。真如三昧爲其定體。隨境入別塵數多端。故云諸也。橫則無定不窮。豎則深入無際。故云具足。定障。永亡故云清淨。第二辯才下。利他行滿有三句。即三輪化益。一語含四辯。即正教輪。辯謂巧顯深理。才謂巧應機宜。萬法咸演則廣大無涯。千難殊對則無竭盡。故如海也。又海遇風緣則洪浪雲涌。智達機請則口辯波騰。諸者既許。無邊辯亦廣大無盡。二具佛下。身業神通輪。謂三業無失智深回。爲具佛功德故。得外儀儼若。肅然可敬。三知衆生下。意業記心輪。根義總明文含性欲。言如應者。根有生熟化不失時。器有大小授法無謬。化謂教化。即應攝受者而攝受之。伏謂調伏。即應折伏者而折伏之。由此具行入正法故。第三入法界藏下。證理位極。亦三句。一證理法。謂以大智證入平等眞法界藏。依佛性論說有五藏。一如來藏。謂在纏含果法故。二自性清淨藏。謂在纏不染。三法身藏。謂果位爲功德所依。四出世間上上藏。謂出纏超過二乘菩薩。五法界藏。謂通因果外持一切染淨有爲。故名法界。內含一

切恒沙性德。故復名藏。此義寬通故今證入言智無差別者。所證之藏平等。要無分別方契此。則智自無差。即由上義能所不殊。又此能證智與所證藏冥合一味。無有境智之異。故云無差。此復有二。一同無相故。下經云。無有少法爲智所入。亦無少智而入於法。二同法界故。則能所各互攝盡故。下云。無有智外如爲智所入。智攝如盡故。亦無如外知能證於如。如全攝智故。若皆一味。豈令智同於境而無智耶。古德釋云。智相盡故。不有能令智相盡。故不無。不爾豈令諸相皆盡而智獨存。是故於境則不礙真而恒俗。於智則不礙寂而恒照。即境智非一。境則不礙俗而恒真。智則不礙照而恒寂。即境智非異。境則空有無二。智則寂照雙融。故云無差別也。上來所釋。約眞理寂寥與止寂相順。俗諦流動與觀照相順。起信等中且爲此釋。未盡其源。以令照眞不得。謂言用則同而異。由境不能照智有照故。言寂則異而同。境智無異昧故。同故無心於彼此忘。心契合故。異故不失於照功。智異木石故。故名眞智證理。境則唯寂智則寂而常照。若約照俗。則以後得智照差別之境。若約融眞俗者。境則眞俗不二。智則權實雙行。亦爲一味而不失。止以雖雙行而即寂故。若約三觀及融境智。至下當辯。二證佛下。明證果法。言解脫者。謂作用自在。如不思議法品說。於一念中建

立三世一切佛事等。總有十種廣如彼說。即用而真故。甚深用無涯畔故。廣大上窮。彼際故云證也。三能隨下。明得位極。謂普賢身遍於六位。隨在一位。以願海力持於一切。故舊經云在於一地。普攝一切諸地功德。今此文順西國。若順此方。應云能以方便隨入一地。以願海力攝持一切地也。然有引梵本廣明此中句數開合不同。不必應爾。何者夫譯梵為唐。誠乃不易。苟文小左右貴於旨不乖中。若理不可通。則正之以梵本。譯人意近則會之。以舊經言異意同。何必廣引。言恒與智俱者。明智窮來際。文含二義。一望前。謂雖在因中一地。而願力持一切地功德。皆與智俱盡未來際。不離一地。如一地餘地亦爾。是故因門盡於未來。恒是一諸位菩薩不見作佛時。二望後。以盡未來之大智。入如來之果海也。雖有二義順前義勝。第二了達下。明勝進果行。分二。一得果法。二起果用。今初有四句。一入佛密境。此有二意。一佛即密境。以三業業具非餘測故。謂非色現色。摩尼不能喻其多。非量現量。應持不能窮其頂。不分而遍。一多不足異其體。全法為身。一毛不可窮其際。此身秘密也。佛言聲也。非近非遠。目連尋之無際。身子對而不聞。非自非他。若天鼓之無從。猶谷響而緣發。無邊法海卷之在一言。無內圓音展之該萬類。是謂佛口密也。意則無私成事。等覺尚不能知。密之至也。皆廣大無涯

超絕奇特。故云希有。二佛之密境。即謂一乘。如來知見禪定解脫。深入無際常網之境。時乃說之。故云希有。久默斯要。甚為秘密。又權實隱顯。唯佛方知。故云秘密。今洞見其源。故云了達。二善知下。入佛平等亦有二意。一佛佛平等。謂一切諸佛體性平等。法身無二故。智慧平等。德無增減故。內用平等。悲願普應故。二者佛所證法平等。即第一義。此二無一。稱此而了。故名善知。三已踐下。明得佛位。謂佛有十地。如大乘同性經說。一甚深難知。廣明地。乃至第十名。毘盧遮那藏海智地。此十同是佛地。約德用成別。今普光明當其第一。普即廣義。光明即明甚深難知。此文雖略。義在普中。舉初攝後。理實皆踐。又普光明亦十地之總。總不出於普法智光故。四入於下。證佛三昧。謂海印等定。皆深廣如海。並通一實。故得稱門。第二於一切下。明起果用。文有三業。一現佛身業。遍世同事。二同佛意業。總持大法。三得佛語業。能轉法輪。不退有四。一稱理不退。無改說故。二應機不退。無虛發故。三利益不退。聞已必定故。四調伏不退。天魔外道不能動故。復有四種不退。謂信位證念。今當第四念不退也。第三一切如來下。二行無礙德。謂引攝佛德。不礙修因故。文有五句。一引攝佛德。然有二義。一則行成攝果。二則諸佛同加。二一切下。隨佛遍生不揀淨穢也。三已會下。供佛集福。十方無邊三世無際。此一切佛皆供養故。

歡慶有遇不住。福相故。長時無厭。四一切下。長為輔翼。義通真應。五恒以下。悲願調生。不以偏小利物。唯以同體普願攝物。令證菩提。方顯智體圓足。第二成就下。總結多門無得而稱也。菩薩之德焉言不可周。宜以類取。故云如是無量。第二大段。異生衆中。總三十九衆相從為三。第一雜類諸神衆。第二阿修羅下。八部四王衆。第三三十三天下。欲色諸天衆。今初有十九衆。通名神者。靈祇不測故。文皆三段。第一標數辯類。第二列名結數。第三攝德圓滿。今第一金剛神衆。初辯類中。以執持此杵守護佛故。然一類皆通有所表。如地表心地海表德海等。觀其數德。則知通意。今此表般若堅利。導於衆行。到彼岸故。二所謂下列名結數。然諸衆立名。皆隨所得法門。為物立稱。一邪羅延者。此云堅固。由見佛妙色皆不可壞。故受此名。二見佛身毛。猶如日輪現。種種光速摧障惱。故名曰幢。三見佛身光映蔽一切。猶如須彌顯于大海。神通等法如華開敷故。四圓音隨。類如雷震故。五現為世主。以美妙根。令物悟故。六智光演法。令愛樂故。七寶飾妙相。如華嚴樹。方便警物。如雷震音。八福深相妙炳著光明。如師子王處。衆無畏。九慈眼視物。為吉祥目。神通之焰密現物前故。十雨。此蔽具及光明故。下諸衆皆類此知。至得法處。名當自顯。恐厭繁文。下略不釋。第三皆於下攝德圓滿。十句分二。初二句總彰願

●勝十(初自分行四行德)● ●明十(智德)● ●得二德● ●[段]一● ●明十(如是等下結數)●

行由苦願力得預法會常爲親侍由今行滿故能遍侍後積集下別顯滿相一福積淨業二智達定境事定之境隨事百千理定之境即眞如實相不思議定則以無礙而爲其境今皆智照故云明達三通隨佛住四入用難思五處衆超絕六應物調生七隨佛化形八護佛住處文並可知第二身衆神文三同前初辯類有二義一身謂神之自身衆即同生同名及所隨者凡有其一必更有二共有其三三故名衆能所合目名身衆神二約所主謂此類神專以變化多身爲佛事故二名三德文並可知第三足行神亦有二義一謂依止足行衆生及守護故如下善見比丘足行之神持華承足故下德中戀仰如來二足所行處即道路神通表修行履佛所行故第四道場神從所依所守得名下諸神衆類皆同此言道場者非唯護佛道場但有莊嚴道場之處即於中護故下德中顯供養佛表護萬行道場及修行者故第五主城神表行德防御法城心城故如摩耶處說德中以己德行嚴佛宮殿者一佛殿爲所守之最瑩飾爲尊佛故二主伴善根互融攝故三瑩飾自心佛安處故第六主地神表深重願荷負行德故亦表心地爲依持故第七主山神通表萬德高勝性皆閑寂別表智德最高故德中云得清淨眼名中多有光稱第八主林神表以無漏智導於衆行森聳建立故德中云皆有可愛光明第九主藥

神表行德伏惑資益法身若約利他則三業不空如藥樹王故下德中性皆離垢即伏惑去病也仁慈祐物即進善補益也名中總名主藥藥既不同神神各別吉祥者主香茅之類也清淨光明謂乳石之流名稱普聞如藥樹王雪山忍草等明見十方謂眼藥等約法準之第十主稼神稼者樹五穀也表萬行法味資益自他他自益稱心故德中大喜成就十一主河神即河伯之流也表法河流注潤益群品又於生死瀑流拯彼漂溺江河淮濟清濁俱河故生死法流此神皆主德中勤益生者謂遇沿流則平波息浪逢湍泳則微風輕動水性之屬深止而住居陸行之流富生而應采導百川而去害灌萬頃而開利爲勤作意利益衆生約所表法隨意消息十二主海神即海若之輩表具含萬德一深廣也名中三名遠塵離垢者瑜伽八十六云現斷煩惱離故遠塵彼隨眠離繫故離垢今約近事塵謂塵境垢即煩惱六根對境了彼性空故曰遠塵衆惑不行誠爲離垢心境相藉離垢由於遠塵十三主水神者通上河海等水及雨露霜雪等也表法水含潤等多善里故德中拯溺爲救濟危爲護謂已溺邪見貪愛水者救之將沈者護之而爲利益即雲雨等潤發生萬物也法合可知十四主火神即宋無忌之流也以顯智慧火燒煩惱薪成熱善品破無明闇耳德中夫火有二能一能爲益二能爲

損今用益止損表法亦爾示慧光以去闇用益也除惑苦之熱惱止損也十五主風神通表方便無住無所不摧別表如下十六主空神表法性空別即離染周遍等各如名辯德中若情塵亂起翳本性空智日高昇則情雲自卷空有日而廓爾無際智合理而杳然無涯故云爾耳十七主方神即東方青帝等類也表顯邪正方隅使行無迷倒德中身智教光無不引攝名普放也無時不放所以稱恒如日周天故相續不絕十八主夜神表於無明闇闇生死長夜導以慧明令知正路德中夜分亡寢是曰勤修翻彼長迷故以法爲樂十九主晝神於晝攝化顯行德恒明也德中先修正解後勤正行有信無解增長無明有解無信還生邪見信因解淨解藉信深晝之義也上來多主器界故但名神準梵本除金剛神餘皆女神表慈育故菩薩同於彼類以攝衆生自下攝領有情皆受王稱並是丈夫第二八部四王衆文有八段前四雜類後四能統是天王所統是八部今初阿修羅亦云阿素落梵音楚夏耳婆沙譯爲非天佛地論云天趣所攝以多行諂媚無天實行故曰非天依阿毘曇亦鬼趣攝諂曲覆故正法念經鬼畜二攝以羅睺阿修羅是師子子故伽陀經天鬼畜攝具上說故由此或開六趣或合爲五多好鬪爭懷勝負故或居衆相山中或居海下如正法念說然有大力者廣修福故今之修

故十(所謂下) 自一 微風輕動二微動輕風 解一辨 爾一 故一放 亡一忘

福有懷勝負媚心者多生其中。羅睺此云攝惱。以能將手隱攝日月。令天惱故。二毘摩此云絲也。質多羅種種也。謂此王能以一絲幻作種種事。故德中實者因果俱慢故。權應偏指非不斷餘。故云及也。二迦樓羅昔云金翅。正云妙翅。以翅有種種寶色莊嚴故。此就狀翻。若敵對翻此云大味項。以常著龍於喉中。故此鳥能食。消魚龍七寶然鳥及龍各具四生。謂卵胎濕化。後後勝前。劣不能食勝。謂卵生鳥不能食胎等。勝能啖劣。化食四生。如增一辯。以化食化暫得充虛。亦表菩薩攝生故。離世間品云。菩薩迦樓羅如意為堅足。乃至攝攝人天龍。安置涅槃岸。大速疾力者。增一中說。此鳥食龍。從金剛山頂鐵樹下。入海取龍。水未合間還至本樹。是為速疾。大海處攝持力者。即是攝彼命將盡者食之。而龍受三歸及袈裟一縷在身則不可取。菩薩亦爾。如前引離世間品說。又出現云。取善根熟熟生。置佛法中。此為命盡。若心有邪歸斷見所覆則不可取。善觀海者。即周。四天下求命盡龍。德中。大方便力。即雖了衆生空。而能入有。是十力止觀也。普能救攝即鼓生死大愛海水。取善根熟者。也如出現品說。三緊那羅者。此云疑神。謂頂有一角。形乃似人面極端正。見者生疑。為是人耶為非人耶。因此立稱。依難心論。畜生道攝。亦云歌神。以能歌詠。是天帝執法樂神。即四王眷屬。表菩薩示衆生形而

非衆生。常以法樂娛樂衆生。故德中要勤觀察。則得法樂怡神。自他兼樂為自在遊戲。四摩睺羅伽者。此云大腹行。即蟒之類。亦表菩薩遍行一切而無所行也。德中。此類驢駱駝。令方便捨疑。五夜叉王。初一是北方天王。即毘沙門是也。若從能領是天衆攝。今從所領為名。然四王各領二部。從一立稱。夜叉此云輕捷。飛空速疾故。亦云苦活。此天又領一部名羅刹。此云可畏。名中云毘沙門者。此云多聞。以福德之名聞四方故。此一是天夜叉之王。餘九是夜叉。夜叉即王。雖一是天。又從所領。況九皆夜叉。故非天衆。下三例然。如龍中娑竭羅王。豈是天耶。德中。此類飛空啖人。故菩薩示為其王。翻加守護。亦令愛見羅刹不害法身慧命也。六龍王亦初一是天。即西方天王。毘樓博叉。唐三藏譯云醜目。毘樓醜也。博叉日也。日照三藏譯云。毘遍也多也。樓者具云瞻波。此云色也。博叉又此云諸根也。謂眼等諸根有種種色。故以為名。此不必醜也。此王主二部。謂龍及富單那。富單那者。此云熱病鬼也。娑竭羅此云海也。於大海中此最尊故。獨得其名。德又迦舊云。多舌。以嗜語故。正云能。害於所害。德又者能害也。迦者所害也。謂若瞋瞋視人畜皆死也。無熱惱者。即阿耨達池之龍也。諸龍有四熱惱。今皆離故。四熱至下當釋。智論云。此龍是七地菩薩。須彌藏經云。是馬形龍。主。又一切龍總有五種形類。一象形。善住龍王為主。

二蛇形。難陀龍王為主。三馬形。阿那婆達多龍王為主。四魚形。婆樓那龍王為主。五蝦蟇形。摩那斯龍王為主。德中。外則雲行雨施散。去炎毒。內則慈雲廣被法雨普霑。散業惑苦之熱惱。七鳩槃荼王。初一是南方天王。即毘樓勒叉。此云增長主。謂能令自他善根增長故。此王更領一部。謂。薛荔多。薛荔多者此云壓魅鬼。餘如音義。德中。此類障礙深重故。偏明無礙。自學權實無礙。法界智光以利衆生。八乾闥婆此云尋香。謂諸樂兒不事生業。但尋諸家飲食香氣。即往設樂求食自活。因此世人號諸樂人為乾闥婆。彼能執樂故以名焉。亦云食香。止十寶山間。食諸香料。即帝釋執樂神也。帝釋須樂。此王身有相現。提頭賴吒即東方天王。此云持國。謂護持國土安衆生故。此從所領為名。更領一部名毘舍闍。此云嗽精氣。謂嗽有情及五穀精氣故。德中大法即大緣起法也。信解故。歡喜深心故。愛重既歡重故。不替修。行。第三月天子下。十二段明欲色諸天衆。天者自在義。光明義。清淨義。智論云。天有三種。一人天謂帝王。二生天謂欲色等。三淨天謂佛菩薩第一義天。今通後二。然諸天壽之長短。身之大小。衣服輕重宮殿勝劣。俱舍十一。及瑜伽等論。起世等經皆廣辯之。恐繁不叙。文中先有七段。明欲界天。後有五段。明色界天。前中即分為七。今初。月天子。月者缺也。有虧缺故。下面頤毗迦寶水精所成。能冷

●消魚龍二龍魚● ●也一● ●所一● ●者十(害)● ●也一● ●主二王● ●薛二辟● ●號十(爲)● ●行十(二八部四王衆已竟)● ●恐二文●

能照。表菩薩得清涼。慈照生死夜。如云。菩薩清涼月等。名中初一。是總。雖標總稱。即受別名。下皆準此。德中。顯發衆生心寶者。水珠。見月則流潤發光。淨心遇緣則慈流智發。生了既發。正因顯然。生由性成。則了非外入。生與不生。無二發。乃發其本心故。顯發雙辯。二日天子。日者實也。常充實故。下面亦顯照寶火精所成。能熱能照。表菩薩智照故。又日以陽德。月以陰靈。一能破暗。表根本破惑。一能清涼。表後得益物。又依實性論。法日有四義。一破暗如慧。二照現如智。三輪淨如解脫。四上三不相離。如同法界也。名中可畏敬幢者。爲惡者畏。其照明。爲善者敬其辦業。以斯超出故。以名幢。德中。居者辦業成就。本行等利益也。生長穀稼。開敷覺華等。爲增長善根。如出現品。三十三天者。佛地論等皆云。妙高山。四面各有八大天王。帝釋居中。故有三十三也。下釋天名。皆依佛地。名中言釋迦等者。釋迦能也。因陀羅主也。具足應云。釋迦提桓因陀羅。提桓天也。卽云能天主。撫育勸善。能爲天主故。更有異釋。如音義說。德中。言發起廣大業者。令修普賢行故。以此天居地天之頂。總御四洲。雖勝事頗多。猶懼修羅之敵。若修善者。衆卽天侶增威。苟爲惡者。多卽諸天減少。故多好勸發。況受佛付囑。大權應爲。至如堅常暗之心。施雪山之偈。成尸里大行。破盧志巨慳。談般若於善法堂中。揚大教於如來會

下等。皆是發起廣大業者。四須夜摩天。須者善也。妙也。夜摩時也。具云善時分天。論云。隨時受樂。故名時分天。又大集經。此天用蓮華開合。以明晝夜。又云。赤蓮華開爲晝。白蓮華開爲夜。故云時分也。隨此時別受樂亦殊。故大論云。隨時受樂也。德中。心恒喜足者。喜足在於第四。今慕上而修。五兜率天王。此云喜足。論云。後身菩薩於彼教化。多修喜足之行。故得少意悅爲喜。更不求餘爲足。德中。彼天是諸佛上生之處。故令修念佛三昧也。召體曰名。響顯人天。爲號。通號別名。皆悉念也。不計一方。故云一切。以諸如來同一法界體德均故。念卽明記而慧逾增持而不忘。故無間斷。以佛爲境。何五塵之能惑哉。六化樂天王。論云。樂自變化作諸樂具。以自娛樂。又但受自所化樂。不犯他。故名爲善化也。變謂轉變。轉龜爲妙。化謂化現無而忽有。德中。以出世化故得解脫。七他化自在天王。論云。令他化作樂具。以自娛樂。顯己自在故。名中寂靜境界者。境爲入理之處。卽是門也。根無躁動。故稱寂靜。根卽門也。根無取著。方見境空。合爲門也。故驚掘經云。明見來入門。具足無減修。德中。物我自在。卽廣大法門。第二色界。諸天衆有五衆。以第四禪有二衆故。然四靜慮攝天多少。下經頻列。至十藏品。當會釋之多。依十八。初靜慮四。二三各攝三天。皆舉最上以勝攝劣。故但列一。下文說。頌遍觀諸天。

第四靜慮自攝九天。上五小乘聖居。非此正被異生位中。廣果至極。故今列之。大自在天三千界主。所以別列。今初大梵天王衆。佛地論云。離欲寂靜。故名爲梵。具云梵摩。此云清淨寂靜。謂創離欲染。故名清淨。得根本定。名爲寂靜。尸棄此云持髻。謂此梵王頂。有肉髻似螺形。故亦名螺髻。或云火頂。以火災至此故。貌如童子。身白銀色。衣金色衣。禪悅爲食。德中。本修慈心得生。梵世等流相續。還惑衆生。好請轉法輪。故智光照。物不爲汚行。故身光發揮。若有遇之。身心悅樂。第二光音天。二禪第三天也。智論亦云。第二禪通名光音。彼天語時口出淨光。故有云。彼無尋伺。言語亦無用。光當語。故名光音。瑜伽名極光淨。謂淨光遍照。自他處故。德中。定生喜樂。離尋伺。故得寂靜。名然凡得之。捨動求靜。故非廣大味定之喜。非無礙法。今菩薩卽動而靜。不散不味。是爲廣大無礙法門也。第三遍淨天。此天離喜身心遍淨故。德中。身心遍淨未爲廣大。物我無二。普益世間。方爲廣大也。第四廣果天。卽第四禪第三天。於異生善果此最廣故。所有功德勝下三故。德中。此天離八災患。世中最寂。今以實智住本寂之宮。第五大自在者。梵云摩醯首羅是也。於三千界最自在故。智論第二云。此天有八臂三目。乘白牛。執白拂。一念之間能知大千雨滴。下經同此。準智論第十一。過五淨居。有十住菩薩住處。亦名淨居。號

●[大]一● ●率十(陀)● ●計二記● ●門十(初欲界天衆已竟)● ●[華]一● ●[十]一●

大自在天王。又三乘中立。此爲淨土。是報身所居。約實但是第十地菩薩攝。報之果多作彼王耳。德中。三界之頂。非無相不超。非離。相求故所行平等。然上釋名歎德。多從義便。以順類殊。若約實德。無不互有。皆可虛求。來海雲集竟。

大方廣佛華嚴經疏卷第五

大方廣佛華嚴經疏卷第六

唐清涼山大華嚴寺沙門澄觀撰

世主妙嚴品第一從第二經

自下下文第七稱揚讚德分。亦是發起序。文中。有三。第一總結威儀住。第二此諸衆下。總顯德行因緣。第三所謂下。別明得法讚。佛前中有三。初結衆集。次明相異。後顯意同。今初。數廣德深故名衆海。起於自地。集空道場。多數大身重重無礙雲之象也。又浮雲無心龍吟則起。菩薩無住佛現愛來。二無邊下相異也。不唯上列。故云品類無邊。旋環不空。故云周匝遍滿。大小等形妍媚等色。部主徒從各有區分。故云差別。三隨所下意同也。隨所來方參而不雜。皆得見佛。各對目前。其猶百川各全觀月。同無異念。故曰一心。諦觀欽承瞻而且仰。不唯直觀。丈六。乃微見法界身雲。第二總顯德行因緣者。以上列中隨宜別歎。今方總顯德行齊均。又與下。別得法門。以爲總故。前同

生衆中共集善根亦是別故。又前共集明主伴所由。今會攝受顯眷屬所以。影略其文。此文多勢且分爲三。初明離障見淨。二如是下受化根深。三種無量下德行圓備。初後是因中一是緣。以因緣緣。大衆自見以緣奪因。佛力令見因緣和合。無定親疎。故因緣間說。又初段德行現深。後二因緣宿著久攝。今見即緣成。因感應道交故常居佛會。今初離障見淨者。煩惱即煩惱障也。心垢即所知障也。此障翳心迷所知故言一切者謂分別俱生。若種若現。言餘習者。二障氣分龜重。龜重如畢陵上慢迦葉不安。今皆位極菩薩智現情亡。證理達事心鏡瑩淨。故云已離。若諸位圓融。一斷一切斷。亦通初位。言摧重障山者。通以證顯。以能摧道摧二障山。障體堅厚崇崇如山。又別則智障菩提惑障圓寂。通則俱障及一切佛法。故名爲重。言見佛無礙者。斷障果也。然有二義。一就見佛無礙。由斷二礙智明理顯。理顯故見法性身。智明故見佛身。理智冥一見無礙身。無礙亦即涅槃。二約所見明無礙者。具十無礙已如上說。第二如是下。受化根深。於中初總後別。初中如是者。指前斷障之衆。劫海者。明攝時曠遠。言四攝者。即攝化之方。謂布施愛語利行同事。布施是攝緣與彼資持故。愛語是攝體。正示損益故。利行是攝處。安住善處故。同事謂釋疑。令彼決定故。後一下別示攝相。於中向言劫海會攝。何所

攝耶。謂一佛所。何時攝耶。種善根時。將何法攝。謂種種方便。攝相云何。謂教化成熟教化約始成熟就終攝意云何。令其安立一切智道。道者因也。謂唯爲佛果修佛因耳。第三種無量下。德行圓備。前攝何益。令德圓故。於中先辯因圓。後入果海。今初文有五句。一種無量善。已超七地殊勝善根故。二悉已下。已超八地大願滿故。三所行下。已超十地行滿障淨故。四於出離下。前明德圓此具出道一道無量道。已超生死不住涅槃。故云善出。五常見下。結成見佛。謂德高十地。是以常見。非比量見。故曰分明。不取色相名爲照了。又塵毛刹海佛遍重重有德斯觀名分明照了。二以勝解力下。入果海也。此一段文望前是別。總具德中別入果故。望後是總。四十衆中解脫標故。今且屬前於中二初乘。因入果。是比智知。如見鸞翔知太虛可冲。觸龍躍知宏海可汎也。謂以勝解力印可佛言知福慧之深遠。以信解力瞻仰佛化。知慈悲之廣大。是入如來功德大海。亦是勝解印持果德。二得於下。明分得果用。言解脫門者。佛果障寂大用無礙。故稱解脫。眞解脫者。卽是如來通智。遊入故號門也。衆各證契故名爲得。此解脫卽門。佛得其總衆海得別。又佛解脫但名解脫。衆所得法稱之爲門。以能通入彼果用故。此解脫之門。又衆所得法。離障自在名爲解脫。智所入處亦名爲門。以因解脫入果解脫。亦稱爲門。

此解脫即門。然總別圓融因果交徹。重重無礙。方為真解脫門。故下或歎佛果德。或歎因行。或約天等所得欲彰顯。故次遊戲神通。正明入相。遊戲者出入自在。神通者難測無礙。約觀心者。心境無礙稱為解脫。由此入理。故號為門。若以門為門。非能通矣。門即如實。何所通耶。正入雙亡。為真門矣。如此入者。則本覺湛然名窮果海。真非妄外。則因果圓融。心境無礙。則解脫無際矣。第三所謂下。別明得法讚佛。四十衆中。各先長行得法。即經家序列。後說偈讚。即當時所陳。然衆集偈讚並在。一時。文不累書。故編之作次。而各得其一者。顯佛德無盡故。乘別入總。盡衆不能及故。故海慧云。如來境界無有邊。各隨解脫能觀見。而普賢得十者。顯等佛無盡故。文中先異生衆。後同生衆。前中三。初諸天。次八部。後諸神。今初分二。先色天後欲天。前中有五。今初自在天。長行十法第一法界等者。即法身解脫也。法界虛空界即用。所遍處空即事空。法界之言義兼事理。謂非但遍空。亦遍空內色心等事。及空有稱真之理。又但言空。則一重遍。今云法界則重重皆遍。何者。謂空界容一。一塵處及彼事物。一一塵中。皆稱真故。各有無邊刹海。佛身大用皆悉充滿故。下頌云。無窮盡也。言寂靜者體也。然有二義。一明前大用。用無用相不礙常寂。二由此智用即寂同真。是故隨一一用遍一切處也。言方便者用也。亦有二義。一明前

寂無寂相不礙大用。二內同真性不礙外應。群機故云方便寂用無礙。所以稱力。二普觀一切法悉自在者。智身解脫也。此有三義。一以普眼於一切法。無不能觀。二觀一切法不壞事而全理。三於一切法中見一切而無礙。並名自在。三知一切法不生等者。自共相解脫也。亦有二義。一知不生等內證真理。二無功用行外應群機。然不生等佛法之體。釋有多門。略申二兩。一別釋。以不生滅約境。不來去約行。初不生滅略有五義。一就遍計。由是妄執無法可生滅也。又情有即是理無。故不生也。理無即是情有。故不滅也。不滅不生是一法也。又求遍計相。不可得故。不生能顯無相性。故不滅。不滅即不生。亦一法也。二就緣起性。謂法無自體。攬緣而起。即生無生。既本不生。故無可滅也。又緣起無性。故不生。無性緣起故不滅。中論云。以有空義故。一切法得成。是故不生即不滅。不滅即不生。為一物也。又推緣無起故不生。能顯無生性。故不滅。三約圓成性。謂非是有為。故無彼生滅相也。又非妄心境界。故不生。聖智所證。故不滅。又體非遷變。故不生。隨緣令法起。故不滅。不滅即不生。為一物也。四通就三性混融於一法上。就遍計故不生。就圓成故不滅。就依他故。亦不生亦不滅。就三無性故。非不生非不滅。五然此四句合為一聚。圓融無礙。頓思可見。二不來不去者。約行謂正智背捨妄執而無去。向證真理而不來。

又依體起用而不去。應機現前而不來。又往應群機而不去。恒歸寂滅而不來。不來即是不去。無二為一味也。由此大智無念應機。如摩尼天鼓。無思成事。故云無功用行也。二通釋者。不生不滅亦可約行。不來不去亦可約境。謂妄念斯寂。猶若虛空。何生何滅。又雖起大用。見心無生。用謝歸寂。了本無滅。又常稱真理。寂照居懷。於此心中。有何生滅。此約行釋。不生滅也。約境釋。不來去者。猶如空華。無可去來。又緣會即來。來無所從。故無來。緣謝而去。去無所至。故無去。又諸法即如如。豈來去。三展轉釋。又何以不生滅。由無來去故。何以不來去。由無生滅故。又既無來去。則非一非異。不生不滅則無斷無常。智契前理。故無功用。不礙生等。故云行也。是則不生之生。生之不生。無功用故常寂行故。常用寂用無二。是於功用得解脫也。斯為正法之要。義味難盡。無厭繁文。四現見一切法等者。觀義解脫也。現見之言。揀比知故。真實相言。略有三義。一以智觀事實。事不虛故。故下經文。觀有為法如實相故。二以慧觀理實。所謂無相。無相不相名為實相。三以無礙智知無二實。窮實故深盡邊故廣。稱智慧海。不為相縛是解脫門。五與衆生等者。慈障解脫也。離諸危怖曰安。適悅身心為樂。見佛則獲二利。故安樂也。煩惱不生。故得定也。佛德難思。故樂。定無邊斯為大方便也。六令觀等者。悲障解脫也。衆生癡故

造業。造業故受苦。開故不見未來。不見未來即顯。故大怖之極。莫越愚癡令觀。本寂則寂相本空。尚不造善。豈當爲惡。七善入等者。業障解脫也。佛現十方是無邊境。了無依性。稱爲善入。尚不依佛事造業。思八普往十方等者。即無相解脫門也。雖身應十方寂然不動。智宣諸法。怕爾無依。不取於相。如如不動。故九入佛等者。即名相解脫也。佛智契如名入寂境。寂而能應。故普遍十方。身智發光。又令物入無相。故靜。無名故寂。十中此天王名。與前列中少倒。前名極精進名稱光。上下諸文多有此例。或義存名異。或廣略參差。皆譯者不善會耳。法門名住自等者。此離二取相能益自他解脫門。自悟處者。即離覺所覺。自覺聖智常現前也。而以無邊等者。謂緣無邊法界。度無邊衆生。得廣大菩提也。二上首說偈中。先彰說儀。後明正說。今初。焰海是當衆上首。仰承佛力爲衆申心。十地論云。承佛力者顯無我慢。普觀十方示無偏心。今觀已樂通局小異耳。然頌總有四種。一名阿耨窺觀婆頌。此不問長行與偈。但數字滿三十二。即爲一偈。二名伽陀。此云飄頌。或名不頌頌。不頌長行故。或名直頌。謂直以偈說法故。三名祇夜。此云應頌。四名喏駄南。此云集施頌。謂以少言攝集多義。施他誦持故。今此即伽陀頌也。下皆準之。爲何意。故經多立頌。略有八義。一少字攝多義故。二諸讚歎者多以偈頌故。三爲

純根重說故。四爲後來之徒故。五隨意樂故。六易受持故。七增明前說故。八長行未說故。今此正唯前一義。兼五六二正說中。十偈次第。各一法門結集。取此以爲長行。非此頌前也。然此中長行。與偈有多不同。謂偈字則定長行多少不同。而長行則約天得法。偈中即是歎佛。此必然也。若二文互望。或因果之殊。或體用有別。或互相影略。或難易更陳。或法喻不同。或能所遞舉。故傳授者善消息之。二文相映於義易了。今初中初二句。即前所遍法界虛空。兼明能遍佛身。則十身皆遍。無窮盡者。一出現無盡。若高山之出雲。二非滅盡法。猶虛空之常住。次句寂靜也。由無性故。不可取爲一異俱不俱等。後句方便合二爲一。此偈是說者自法故不結。天名下並準知。二中初句是上自在佛爲法王。於法自在故。次句觀也。第三句普也。後句結法屬人爲他說故。然其結名義同。法門恐繁不配。他皆倣此。三初中句無功用也。不思議是標。離分別是釋。次句即不生等。相即生等無即不義。第三句即行也。長行約要先知。法無生。方得成。無功用。偈則要無分別。方能見法無生。內證與外用同時。所以二文前後。四中初句明廣。次句明深。即上智慧海也。第三句自見法實。故能令物不迷。事理五中初句方便定也。次二句與安樂也。六中初句即前癡闇。謂長迷妄境。鎮覆真心也。次句即令觀寂靜。次句因滅無明。則得熾然三菩提。明是前

滅義。七中初二句。即善入無邊境。無邊境即所應處也。無有比善也。次句無性者感而應故。無依者思念寂故。由此能令物不造業。八中初二句。即普往十方說法。次一句即不動無依。九中初句。即入寂靜境。次二句即普現光明。十中初十一字。即無邊境爲所緣。求菩提即自所悟處。次句既緣其境。必起通化。前文略耳。第二明第四禪廣果天。長行十法中。一普觀等者。此應根授法。明於不知根說法無果障中得解脫也。斷疑生信是說法果故。謂觀機識病稱根說法。藥病無謬。故疑除疾愈。二中隨憶念言。略有二意。一隨念何佛如名應之。二隨念有淺深。令見佛有龜妙。此於現身得解脫也。三中法性平等者。唯一味也。無所依者。離能所也。莊嚴身者。證真莊嚴即非莊嚴。故雖現世間還如法性。不依諸有。此於有依得解脫也。四中知世間法者。謂衆生世間心法各異。知已隨宜現通說法。故云安立一念速安。非入天外道所能思議。以此莊嚴如來教海。此於安立教法遲鈍障得解脫也。五一毛等者。約偈不思議解脫力也。無礙有二義。一唯就所現。則毛中多利自互無礙。二雙就所能。一毛不大而多利不小。一多大小皆無礙也。又由無大小相故。此於取著障得解脫也。六普門者。一門攝一切門。名爲普門。隨一一門。各全收法界故。於其中觀察法界。深智契達故名爲入。此於隨相中

得解脫。七中衆生無邊根器各異。應形說。法種種不同。既根熟不。休故窮劫長現。此於長苦不化。生障得解脫。八中觀一切等者。謂觀事入理。理超情表。云。不思議此於諸業報得解脫。九中法門無邊出者。爲要根器萬品故。出要難思。此於著相得解脫。十中種種方便。但隨所應。終成種智。名入佛法。以大悲出現。皆等雨故。此於不欲利生得解脫。上云。出要令離妄苦。今云。入法令得真樂也。顯中觀已衆內三類天者。上五淨居非所被故。十偈次第一如長行。初中前二句。卽所疑境界。境界之言。通分齊所觀。普令者。觀根爲說故。生信解者。斷疑也。信佛大用。分齊難測。故斷佛上疑。生其正解。信佛所觀之境。則斷法上疑。亦生正解。謂如有疑云。爲存因果。非真空耶。爲是空故無因果耶。今明。只由真空能立因果。因果立故。乃是真空也。第四句釋一切之言。佛以利生爲意樂故。既該一切。故廣大無盡。二中初句卽憶念。次二句令見佛。三中初句。則法性平等無依。次二句卽莊嚴身。謂如法性爲嚴。故無依處。四中初一句。卽了一切世間。次二句。卽一念安立。不思議莊嚴海。五中初二句。卽毛孔現刹。上云。不思議佛刹。但以橫多。今云。過去。乃豎窮。前際。皆示現者。如鏡現像。次一句是無障礙。令應度者見卽佛神通。依佛鏡智而觀。乃法性恒爾。六中初二句卽普門。次一句卽法界。末句義兼於入。七中初二句。卽

爲一切衆生種種出現。次句。卽無邊劫常現前。謂約機隱顯。佛無去來。故常現也。八中初句。卽觀一切世間也。次二句。卽入不思議法也。若約理論。深是深非。甚。今不壞事而卽理。故曰甚深。全攬理以成事。名爲幽奧處。兼上二法。常寂然。釋上義也。以諸法卽寂故。不可以理事思也。九中初二句。示一切衆生。次一句顯出要法。十中初二句。卽觀應化衆生。次句令入佛法。第三明三禪長行十法。第一門卽寂普現名爲方便。說卽是道。由說入佛解脫海故。此於體用有礙得解脫也。又方便言。亦通入解脫之方便也。第二門隨一切等者。謂不能普現得解脫也。光影之言。略有二釋。一謂因光發影。影但似質。而不似光。依智現形。形隨衆樂。不隨自智。隨樂卽應名普示現。二水中之月亦名光影。謂佛月不來影現。心水。影多似月。少似於水。謂水動則流光蕩漾。水濁則似晦魄。臨池若止而且清。則圓璧皎皎。此亦隨自他意也。此就天王且隨天衆所樂。偈就於佛無不應也。第三門佛境界有二。一如如法性是佛證境。二十方國土是佛化境。嚴淨亦二。離相息妄。則嚴如境。萬行迴向。則嚴化境。此二無礙大方便也。此於無巧莊嚴得解脫也。第四隨諸等者。謂大悲深厚故。隨入生死衆生無邊故。永流轉而示導也。此於無大悲捨衆生障得解脫也。第五門佛調衆生。或折或攝。或兼二行。雖悲願多門。皆令趣無

上道。若憶念此。居然受化。不滯於權。此於勝所緣有忘念障得解脫也。第六得普門等者。佛以稱法性之總持。包攝一切總持故。云普門。復能流演無盡故。得稱海。此於聞思有忘失障得解脫也。第七門。謂佛出難值引之令信。信心難生。勸之令生。信含衆德。所以名藏。下經云。信爲寶藏。第一財故。此於嫉妬邪見障得解脫也。第八能令等者。上令信佛。此令信法。仰依卽信。領解便喜。信可趣入。喜則奉行。因得解脫名而出離。此於迷覆衆生障出離道得解脫也。第九門。謂衆生界法界。調伏界虛空界。皆無邊無盡。菩薩悲智以方便界。開示法界。行調伏界等。虛空界。於有限礙障中得解脫故。第十觀衆生等者。由悲故憐愍。由智故觀察。觀察煩惱知病行。已化而度之。此於無悲無方便障得解脫也。顯中十一頌。初十次第如前行。依梵本列名中。此長行闕第十一。彼名星宿音妙莊嚴天王。下言妙音者。略而未迴。第一頌中初二句。是了達方便。依法性而現故。後二句說卽是道。說不思議解脫。令衆同歸。二中初二句。明光影普現。無依故如影。第三句成上二義。以無生故如影無依。略不明隨天所樂。三中初句標方便。無量劫修衆顯大義。次二句。正明方便嚴佛境界。四中初二句。卽衆生永流轉。謂無明所盲覆本淨心。造業受身故恒居生死。次句卽隨而示之。五中總相。顯佛調

生行。初句高次句深後句廣。六中初二句即普門陀羅尼。次一句即所流出。示教者示其善惡教使修行稱性無偏。故遍而無盡。七中初二句信佛。次句生信藏。不信則佛難值。正信唯佛能生。既值佛生信。反覆相成。今之一過。何得不信。八中初二句。即所聞之法。以無性為法之真性。次句即令衆生信。出離淨則出。不信濁。成無漏故。九中初句能調伏人。前因此果耳。化衆生界即調伏行。無邊無盡為不思議。思惟悅生是名為入。十中初二句。即衆生無量煩惱。謂利鈍二使。愛見羅刹皆其可怖也。次一句。以悲感之以智令離。十一中既闕長行。對名略顯。初二句星宿莊嚴義也。謂佛光流於法界。若星羅。次句即妙音莊嚴化衆生事。不出三輪。上云妙音。舉一立稱耳。若長行立名。應云得放光現佛三輪攝化解脫門。第四二禪長行十法。初中二義。一內證真樂。經論共說樂有五種。謂一因。二果。三苦對除。四斷受。五無惱害。無惱害樂更有四種。謂出家遠離樂。禪定適悅樂。菩提覺法樂。涅槃寂靜樂。今當第四。若通取受字。兼禪定菩提則含因果。言恒受者。以無所受受諸受故。若待境界即非恒也。二而能降下。外建大義。降神現相除苦因果。此於涅槃體用障得解脫也。第二門。謂無緣大悲與性海相應。拔世愛患故出生喜樂。無盡名藏。此於惱害心得解脫。三一念等者。修福德因感依正果福之力也。雖多

人多劫所感念劫融之頓現。此於時劫得解脫也。第四門。謂以佛力不動成住壞三。皆如空劫。常清淨也。此於遷變得解脫也。五愛樂等者。謂信樂佛菩薩法。敬奉修行。則二障得解脫也。第六門。地謂地智義。謂證淨。即離念超心地也。方便者。教導及入地之由。入住出等也。以無盡辯演無盡法。故能經劫。七一切等者。通有二義。一現多身與多供俱多佛。皆稱真故名大方便。即長行意。二一念八相遍法界。故名大方便。即偈中意。於上自在名為解脫。八於定慧障得解脫。九果滿應機。是於現身化生。無堪任性得解脫。十見佛大願雲愛樂隨學。此於自輕障得解脫。二頌中十偈次第依前。今初前三句。明寂靜樂。通舉因樂以顯果樂。後句降現之用。二中初句即所相應海。次句即能應大悲。大悲荷物故名為地。次句即生喜藏。愛除故。喜惠除故樂。三中初句能現。次二所現。四中初二句。即普使成住淨土不毀故。然三四二偈似如前却。且順文釋耳。五中初二句。咸敬奉是愛樂。餘是聖人。次一句。即上法及信受也。六中初句經劫住。次二句即地義。方便無邊。是一切也。七中通顯八相普周。略無供養。八中初句是前智慧。次句神通。次句無盡及海。以隨根令淨是深廣故。九中初二句。即德海滿足。次句出現世間。十中三句。通明前昔誓願力。第四句。結中便顯深信愛樂藏。以文云大歡喜

故。第五初禪長行十法中。一普住等者。大用應機故普遍說法。用而常寂故行淨無染。得心無行故行淨。了境無相故無染。二佛為定境。住定則所見深故。三普入等者。法海難量名不思議。一言演盡名為普入。四圓音隨類名音聲。海要無分別方入佛聲。五能憶等者。化生即是趣菩提行故。以宿住智明記。六衆生報異隨業有差。佛示現受令生正信。七於法自在方。能隨類調生。八佛身無相。等法性之清淨。現而同化。為寂滅之行矣。九不著諸有故。能常現三業。無邊更無可依。十觀性無相。猶如虛空。何有可盡。察用隨宜。如擊水。文隨擊隨生。復何可盡。偈中先上首觀衆。開成四天合則梵身。即衆亦有。經云梵衆梵身梵輔。梵眷屬身即是衆。輔即眷屬。十偈。初中初句。法身普遍道場。次句智光說法。次句行淨無染。境相智行既亡。則大用影像亦寂。後句通以喻顯。雲不離空空不礙雲。以況寂用。二中初二句。入禪之境。如來法身即是心性。若能觀之為上定故。次句示入方便。雖多同入一寂。三中初句即不思議法。次二句明普入義。以一言說盡故。一言說盡之辯。劫海亦不能窮。顯法無盡也。約能包則一言說盡。約能久則劫海莫窮。然一言但說剎塵。未是無盡。設欲一言盡者。則二三兩句相達。一言說盡。劫海更何所演而得無窮。更有所演前則不盡。又不可重說。若欲通者。總望則可說盡。隱映重重則

不可盡。如擊水文。小擊大擊。遍擊。各隨文生。盡未來際。擊盡。未來文生。爲難思法也。四中圓音之義。文略有三義。一廣無邊。二別詮表。三無分別。如次三句。餘如出現品辯。五中初二句。即教化衆生方便行。三世諸佛皆以利他爲向。菩提。自清淨業故。次句前就梵王。故云憶念。今據如來。故身現耳。一毛尚現。何況全身。六中初句業相差別。次句報相差別。次句現同世間。七中前二句。即隨類調生。調法自在故。能隨類廣遍。次句顯明前義無思成事故。八中初二句。明佛體性。即前清淨寂滅。不可盡下略顯四義如空。次句佛用應現爲行。既皆如化。不失寂滅。九中初二句。所現無有邊。次句勤現無依著。十中初二句。常思大用無盡。謂安住大悲宮。能現大事故。次句常觀法體無盡。自下第二欲界諸天。文有七段。第一他化天王。長行十法中。一謂現衆生前自在調伏。使其成熟。化法無盡。故名爲藏。二觀世樂相。皆苦故應捨。觀世樂性。即入聖樂。三隨樂斷疑。令起正行。四一言善攝諸義。遍於時處。爲物而說。五倣佛修慈。六示現等者。大悲十力。摧彼慢高。而無摧心。故云示現。七以智慧光照諸世間。令離三毒之闇。則無惡趣之果。瞋癡障重故。與偈互陳。八十方等者。爲念佛三昧純熟故。隨念何佛。即能得見。如林捨解脫等。九應念現成。十普入等者。寂用自在。現世調生。總名威力。偈中亦十。初中初句體遍。次句用周。故能現

前。次句教藏能成。後句所成自在。開於法藏。悟深法門。即成熟也。二中初二句二樂。次句令入。三四可知。五中三句。共顯如來大悲。初二句學劣顯勝。次句以喻正顯。謂世慈有相。若須彌之高大海之廣。終可傾盡。佛慈稱性。若芥子之空投刃之地。即不可盡。又如空有。普覆常攝。廣容無礙難壞。無盡略舉。一無盡耳。六七與八文亦可知。九中初二句。明佛體普遍無成不成。次句隨衆生心現成正覺。十中普現十方。即普入一切世間。餘皆威力自在。第二化樂天長行十一法中。一爲物開示諸業。如化化雖體虛而有作用爲力。業亦從緣無性而報不亡。二捨離等者。攀取緣慮是惑病之本。若心。境無得則捨攀緣。三開滅智生如月盈缺。四示現等者。梵聲微妙故云悅意。應遍十方故云無邊。五知一切等者。此有三義。一福德之相。有十蓮華藏世界微塵數。故無有盡。二謂清淨慈門等無限因所生故。一一因果皆稱真故。一一即無有盡。皆同虛空。三大慈悲行是福德相。使盲聾視聽等。皆慈善根力故。涅槃經中。有讚讚佛爲大福德。慈云。生經七日。母便命終。豈謂大福德相。讚者云。年志俱盛而不卒暴。打之不瞋罵之。不報。是故我言。大福德相。慈者聞而心伏。故慈爲無盡。福相然與前義相成。六三達圓智了三世劫。此就天王且言宿住耳。七開悟等者。此門闕偈。上下文中屢有開悟。即同法華開示悟入。以開攝示以

悟攝入。謂開示約能化。悟入約所化。彼論云。開者無上義。謂除一切智智更無餘事。即雙開。菩提涅槃。謂以知見之性爲涅槃。知見之相爲菩提。衆生本有障礙不現佛爲開除。則本智顯故。示者同義。三乘同法身故。悟者不知義。不知唯一實事故。今令知成報身菩提故。入者令證不退轉地故。即是因義。爲證初地已上爲菩提涅槃因故。廣如彼釋。八稱性之光有阿難遍九一切等者。謂契理具修長劫無倦。故衆魔外道所不能摧。十善惡等殊苦樂等異。皆知性相。十一示現等者。無邊品類一毛頓現。更無來去尤顯難思。偈中脫於第七。唯有十偈。初中初句總。次句開示。後二句顯如化力。差別業者果不亡故。二中初句所攀緣。後二無得。然緣境有二。一真二妄。真佛有緣亦成妄惑。況於妄耶。種種觀者五求不得故。謂佛有耶常見爲惑。謂佛無耶邪見深厚。四句百非所不能加。故無所有。非唯一佛。十方亦然。應化示現非真實。故求實無得。即見真身。真即無緣佛向應捨。何況餘境。三四可知。五中初二句福德相。次句無盡相。相好者經云。盡入中福不及一天。乃至云盡世間福不及如來一相等。六中約天之智善知。約佛一毛能現。七中初二句。明毛孔過空。謂靈智證理非如虛空。眞理超事故亦非比。無限理智不可分析。隨其少分即融攝重重。故一毛之量便越虛空。次句別示越相。謂毛孔不大而無涯。即廣

陝無礙故。杜絕思議之境。前即一光外展。今即一毛內廣。文綺互耳。一毛本自。遍空十方。豈得難滿。八中初句長時修。次句無餘修。次句無間修。具此三修。故進力難壞。而言廣大波羅蜜者。至第五經釋。九中初句。總顯業之性相。即緣生。果報之亡。便是無性之非有故。不可有無思也。次句。佛如是說。天如是知。次句。以法性示業性。十中初二句。小一現。大多為一難思。次句現時不來不現不去。又難思也。第三知足天長行十法中。第一天得總相法門。諸佛將興。皆生彼天。下生之時。普應法界。頓闡華嚴。為圓滿法。二盡虛空等者。光明色身皆遍。空界了不可取。故云清淨。三以淨願力滅。惡業苦四。可知。六普化等者。普即無偏。常即無間。示其真樂。即如來藏。七自覺智境。佛已入之。故示物同。悟。八以淨福堅。菩提心。九謂仰觀下化。十即照現迅疾也。偈中。初偈前半。即出世義。上句體智俱遍。下句悲用皆普。後半即圓滿教輪。前句即實之權為妙門。後句會權入實為圓滿。二中可知。三三初二句。以行淨願。次句難染本空故。前令滅佛法本具故。今令滿妄盡真顯。二言相成。四初中二句。依體普現。若月入百川。尋影之月。月體不分。即體之用。用彌法界。體用交徹。故不思議。次句稱根說法。五中前半。即所淨之衆生。具三難染。故於中上句標。下句略示惑相。慢是根本。憍逸隨惑。憍謂染自盛事。慢謂恃己陵他。

放逸即是縱蕩。憍謂染法所依。慢能長淪生死。放逸衆惑之本。故偏舉此三。蕩者動也。謂境風鼓擊。飄蕩馳散。次句能淨法門。謂不取於相。當體寂故。六七及八文並可知。九中通顯。上既親近。必當敬養。聞法以聞調他。為真供養。列名中云。星宿幢。今故莊嚴與長行互出。十中前半。所知衆生心。上句標深廣。下句顯相。念慮不住。多於草故。廣也。深者有三義。一恒轉如流。故不住。二本體寂然。故不動。三從緣妄起。無別所依。次句即一念悉知。第四時分天十法。一善根若發。憂惱自除。二以無限方便。普證法身之境。三悲摧惑苦。故名爲輪。四以三達智。知機授法。五陀羅尼等者。總持入理。故名爲門。以慧爲體。故云光明。若取助伴。則兼念定。念即明記。故能憶持。定乃心一。常無忘失。四無礙等。一切諸法。皆是所持。六可知。七轉法等者。轉法示菩提之道。即是成熟衆生之方便。八十眼圓見。隨宜往調。九超出等者。超出業障。使離惡因。不隨魔作。捨惡緣也。十等雨法。雨誘令進善。使彼受行。誨令斷惡。得心清淨。此就於天。偈通一切。偈中亦十。初偈通顯。前半彰已離。後半開發。能離善根。二三四五文並可知。六中初句。即業性。言廣大者。一念造一切故。無窮盡者。未得對治。無能止故。有多門故。次句善入智了。自入開示。令他人入。次句入門多種。七八亦可。知。九中初句。見佛爲緣。次二見佛二益。一正智生。必內超業

障。二佛爲真導。豈外逐魔緣。既不隨魔。安造魔業。十魔並離。故致諸言。十亦可知。第五三十三天衆長行。有十一法。初中承力。故憶念。念過去佛者。曾入此天故。三世有二。一亦念未來。二過去。自互相望。亦有三世。生大喜者。境殊勝故。慶自福故。二能令等者。然佛身無染淨大小。亦無勝劣。猶若虛空。雲屯即開日朗。即明。色昏即劣。物隔言小。今安雲盡而智光照。故清淨。性空現故。廣大妙色顯故。無比。皆解脫力。故曰能令。三大慈不揀怨親。若雲無心而普覆。四恒見等者。人天世主多恃威德。故佛現超之。令其敬慕。五知其因果差別。使物勤修。因果並得名福。六開示等者。示佛調生。令菩薩傲習。七初成後壞。住時轉變。乃至毛孔細利。皆悉知之。言轉變者。福人出世。則琳琅現矣。薄福者出。則荆棘生焉。八憶念等者。佛毛現。因調行。天憶則能思齊。九一切諸樂。以佛爲因。具勝德故。就樂增勝。說諸天耳。十開示等者。受生善根。即念佛力。開示令不迷惑。則去放逸而進修。十一疑自疑他。疑理疑事。有多種種。如聞空疑斷聞。有疑常聞。雙是則疑其兩分。聞雙非疑無所據。又聞空疑有聞。有疑空等。互相疑也。今開之使悟。偈中亦有十一。初中云平等者。化儀同故。又但以世俗文字。數故說有三世。非謂如來有去來今。二中初句廣大。次句無比。次句清淨。然古德明通有六義。一廣謂總法界爲身故。二

◎通二變◎ ◎八二九◎ ◎廣二密◎ ◎九二十◎ ◎十十(一)◎ ◎法二相◎ ◎悟十(故)◎ ◎淨二靜◎ ◎謂二爲◎

遍全通。一塵至十方故。三妙色即無色。無色之色故。四勝無有比故。五益利物無涯故。六用光破闇故。三前半即慈雲。上句果大。下句因深。一切佛法依慈悲。慈悲又依方便立。俱稱深廣故致海言。次句即普授也。次後六。偈文並可知。十中初二句。即前善根少功德者。以少況多彰因為勝。次句即入天受生。故離三惡怖。十一中初句。即能開之法是寂滅智通。次二句由普應故疑皆斷也。第六日天長行十一法。既為日天多

辯光益。初一名及法門。皆是總也。謂佛身智光。猶如彼日無私而照。是日淨光。此光體也。次辯光用略有四義。一約心高下齊明。故名普照。二約處則窮十方界。三約時盡於未來。四約功用常無間斷。如斯利益即大智之功。二以一切等者。衆生本有佛智。如海滂流。今佛以隨彼類身設種種方便。務在開悟令其證入。三衆生愛染深泊無依。佛德無礙應為其主。隨修絕染名淨功德。一行契理即曰無邊。況其具修耶。四修一切等者。以智導悲為物受苦。故深歡喜。五謂體離障惑用而遂通。故云無礙。若身若智俱得稱光。周而不偏故云普照。身心明利是益精爽。爽明也。大集經云。國王護法。增長三種精氣。一地精氣。謂五穀豐熟。二衆生精氣。謂形貌端嚴無諸疾疫。三善法精氣。謂修施戒信等。今文正在第三。益其福智義兼前二。法力遠資故。六淨光等者。身智二光淨。物身心。信解深廣于何不喜。

七晝則勤心修善業故。八大悲海等者。謂無緣大悲坐於道樹。出多奇寶故。色相寶者。應言寶色相圓明可貴故。以寶為體。寶莊嚴故具十蓮華藏。

故云種種。一一色相用周法界。名現無邊境。如是皆從大悲海流。悲海包納不揀賢愚故。九慧除癡翳法眼則淨。淨見法界法界即藏。藏如前說。十發生等者。謂於佛所發生清淨心。會一供養能令其福積至菩提故。如出現品食金剛喻。況相續耶。十一使物居業莫越日光。令人進德寧過法義。偈中亦有十一。初中前半淨光普照。後半常為利益滅惡生善。破愚為智等為多方便。二三可知。四中前半即一切苦行。此有四難。一背己利世難。二行相唯苦難。三處經諸有難。四時劫無量難。於此具行故云一切。次句明深心歡喜。亦有四義。一為物苦行滿本願故。義在初句。二智照苦性本空寂故。即光明照空。三遍淨無染非雜毒故。即遍淨如空。四自他有果非無利故。即第三句全。五六可知。光網之義如寶首。七中通明舉劣顯勝。以辯難思。故能成辦諸妙功德。言世不及者。世雖多光益非究竟。佛光雖少必徹其源。不可盡故以一況諸。八九與十文亦可知。十一中初句。即能照法門。猶一日宮千光並照。隨舉一法有無量門。然有二義。一約相類。如一無常門有生老病死聚散合離得失成壞三災四相外器。內身利那一期。生滅轉變染淨隱顯皆

無常門餘亦如是。二就性融不可盡也。次二句普運照義。一日周天則日日無盡。一門歷事則劫劫難窮。方便多門終歸一極廣者無邊。大者無上。第七月天長行十法。初名。法亦總謂光有身智二殊。法界亦事理兩別。事即機之身心及所依利。身光照身令覺照利令淨。智光照心破癡照理令顯。身智二光相即。則所照四法亦融。以之稱普。並除惑障俱得淨名。二觀察等者。悲心普觀授以多法。令人無邊法界。三衆生藏識皆名心海。前七轉識名攀緣轉轉謂轉生。亦流轉也。緣境非一立種種名。故經云。藏識海常住。境界風所動。種種諸識浪騰躍而轉生。喻云。洪波鼓溟壑。無有斷絕期。既知機殊隨應授法。四與一切衆生等者。謂示物聖樂令得初地。此樂本有染而不染。為不思議。五謂以菩提心為家。二利為作業。並以身口為牛利智為犁。耕於心地。下聞熏種生信解芽起正行莖。開諸覺華。獲菩提果。自利則以不放逸隨時守護。利他則以能化大願守護。不令魔惑禽獸

侵犯。從因至果得成就也。六慈悲等者。謂慈護現樂悲救其苦。令見因果斷惡修善。名真救護。七以佛智風持大悲月。使明見正覺離苦清涼。八開示等者。一切法有二種。二足所迷。謂緣起不實故如幻。緣成故無性。二是能迷。謂遍計無物故如空。妄計故無相。又緣起法有二義。一無相如空。則蕩盡無所有。是相空也。二無自性如幻。則

遍全通。一塵至十方故。三妙色即無色。無色之色故。四勝無有比故。五益利物無涯故。六用光破闇故。三前半即慈雲。上句果大。下句因深。一切佛法依慈悲。慈悲又依方便立。俱稱深廣故致海言。次句即普授也。次後六。偈文並可知。十中初二句。即前善根少功德者。以少況多彰因為勝。次句即入天受生。故離三惡怖。十一中初句。即能開之法是寂滅智通。次二句由普應故疑皆斷也。第六日天長行十一法。既為日天多

辯光益。初一名及法門。皆是總也。謂佛身智光。猶如彼日無私而照。是日淨光。此光體也。次辯光用略有四義。一約心高下齊明。故名普照。二約處則窮十方界。三約時盡於未來。四約功用常無間斷。如斯利益即大智之功。二以一切等者。衆生本有佛智。如海滂流。今佛以隨彼類身設種種方便。務在開悟令其證入。三衆生愛染深泊無依。佛德無礙應為其主。隨修絕染名淨功德。一行契理即曰無邊。況其具修耶。四修一切等者。以智導悲為物受苦。故深歡喜。五謂體離障惑用而遂通。故云無礙。若身若智俱得稱光。周而不偏故云普照。身心明利是益精爽。爽明也。大集經云。國王護法。增長三種精氣。一地精氣。謂五穀豐熟。二衆生精氣。謂形貌端嚴無諸疾疫。三善法精氣。謂修施戒信等。今文正在第三。益其福智義兼前二。法力遠資故。六淨光等者。身智二光淨。物身心。信解深廣于何不喜。

無常門餘亦如是。二就性融不可盡也。次二句普運照義。一日周天則日日無盡。一門歷事則劫劫難窮。方便多門終歸一極廣者無邊。大者無上。第七月天長行十法。初名。法亦總謂光有身智二殊。法界亦事理兩別。事即機之身心及所依利。身光照身令覺照利令淨。智光照心破癡照理令顯。身智二光相即。則所照四法亦融。以之稱普。並除惑障俱得淨名。二觀察等者。悲心普觀授以多法。令人無邊法界。三衆生藏識皆名心海。前七轉識名攀緣轉轉謂轉生。亦流轉也。緣境非一立種種名。故經云。藏識海常住。境界風所動。種種諸識浪騰躍而轉生。喻云。洪波鼓溟壑。無有斷絕期。既知機殊隨應授法。四與一切衆生等者。謂示物聖樂令得初地。此樂本有染而不染。為不思議。五謂以菩提心為家。二利為作業。並以身口為牛利智為犁。耕於心地。下聞熏種生信解芽起正行莖。開諸覺華。獲菩提果。自利則以不放逸隨時守護。利他則以能化大願守護。不令魔惑禽獸

大方廣佛華嚴經疏卷第七

唐清凉山大華嚴寺沙門澄觀撰

業果恒不失。卽性空也。此二不二爲一緣起。是故兩喻共顯一法。既不迷。能所則悟。眞如成。正智火。九悲願爲物現。相好形。是大業也。十普斷等者。毛光普演何疑不。斷。偈中亦十。初二可知。三初句。卽心海攀緣轉。若以生滅八識。卽彼第八亦名爲轉。以恒轉故云。念念殊。恒故非斷。轉故非常。新而生。念念而滅。念念殊故體恒不。卽彼如來藏功德常具義亦不離。如彼瀑流。離水無流離。流無水。又如海波濤有漂溺故。多畜養故。法合思之。次句明了知。謂此識深細唯佛智知故。次句示心海性。卽是佛智不令外求。稱機故。四初二句。明失聖樂。聖安樂者。卽聖智涅槃。本有今無故沈迷妄苦。次句明與示其性有樂。非苦外名。不思議。見性得樂性卽是門。五中但是法說。如來卽田主也。悲何物田爲利入有。是所作業。爲利同於求果入有似於耕犁。說法卽是下種。勸善正當守護令熟可知。六中前悲救護語其本心。此明智光彰其所用。悲智相導能真救也。七中初句。佛爲福依。月爲涼本。次句應言大風持宮。而今云爾卽是轉喻。大地如佛宮室如福。次句卽照現義。亦清涼義。八中可知。九中初句。佛如虛空。大業性也。次句大業體也。不利衆生非大業故。次句大業相依光有影。可以知動靜。依鏡有像可以辯妍媸。然彼影像無自性相。如來相好當知。亦爾。十亦可。知天衆竟。

卽一切也。無盡樂總顯也。謂佛現於世足履影覆。若在人天現增快樂。若在下苦七日之中身心安樂。乃至終獲涅槃之樂。故云無盡。次句別示出世因果之樂。先因後果。先世後出世皆次第義。又總取偈意。佛身清淨是解脫因。生無盡樂是解脫果。世無盡樂又解脫因。能現淨身又解脫果。又佛身清淨是樂見因。樂見卽爲清淨身果。衆生樂見是安樂因。無盡安樂是樂見果。無盡安樂是淨身因。能現淨業是無盡果。如是展轉因果名次第成。七中初二句。寶所濟機。堅謂難壞密謂無隙間。無空處。智不得生。次句正散寶也。八中結句。應云普放寶光如是見。而云妙音譯者之誤。妙音屬前師子幢故。九中初二句。法水普滋。次句道樹普榮也。又方便多門是開權也。入菩提行是顯實也。種種方便但爲一乘是普滋也。十中初二句佛境也。次句安樂也。佛力能現無所動者。遮妄見也。非促多劫就一剎那。非展剎那受於多劫。本相如故名無所動。隨應度者佛力令見。第二燒燬茶王長行十法中。初卽南方天王。謂內惑外營皆名怨害。安住忍力並能伏之。二修習等者。二利之行趣。果曰門。深廣難窮名無邊海。三知其現欲如應化伏。四普成就等者。鈍識者現之以通。利智者示之以法。遍世多劫名普成就。並如虛空故云清淨。俱能照世卽是光明。三輪化生是所作業。五世間惑苦可畏不安。菩提涅槃安隱無畏。萬

唐清凉山大華嚴寺沙門澄觀撰
③已下入 自下第二有八段明八部四王衆初四段皆初一是天義如前釋。今初乾闥婆王長行十法。初一卽東方天王。謂攝受折伏逆順多端。善巧應機故名自在。二普見等者。謂令衆生見佛一切功德嚴。佛一毛而爲利益。一一皆爾。故云普見。三以慈愍方便除憂則喜生。憂苦既如海廣深。喜樂亦難盡名藏。然則世之憂喜生乎利害。利害存乎情僞。苦樂存乎吉凶。吉凶存乎愛惡。愛惡盡則吉凶苦樂皆亡。情僞息則利害憂喜永斷。如此方爲永斷憂苦。喜樂生焉。四永斷等者。謂得決定智光。則邪惑永斷。五謂慈雲普蔭。材與不材皆涼。慧澤廣霑。三草二木咸發。六現廣等者。現身益物也。稱性普應故廣大。具相清淨故妙好。七佛出說法是大名稱。佛法衆僧俱稱爲寶。令此遠聞。義云普散。八現一切等者。身光普照。塵不能染。見者必歡。智光悅機。惑果不生。又歡喜也。故云大喜。九法水遍滋。菩提實行。行既樹立見者必歡。無復二乘一切皆菩提樹也。十善入等者。一多無礙名爲佛境。天王智達故云善入。偈中亦十。前五可知。六中初句現身。次二句一切獲安樂也。世間

行爲其因道則無畏滅果成矣。六消竭等者。愛欲漂流深廣如海。智日赫照則妄竭冥明。七謂於諸趣普現身雲。耀通明等之電光也。八普放等者。身智光明遣除二障。九多劫修悲究竟滅苦。爲不退轉。悲多方便故復名藏。爲安衆生所以開示。十普現等者。稱性神通。無來去而流轉。偈中初偈通顯明。佛已滅。怨之大者莫越。橋慢有之則卑陋。滅之則端嚴。次四偈可知。六中初句。欲海欲爲苦本。云具衆苦。次二句消竭。既欲惡止當說善行。七中初句普現身雲。次句明等電光。故云種種。次句兼明雷雨。雷有二義。一遠震二發生。謂蠢蠢發動草木發萌。圓音之雷可以思準。餘三可知。第三龍王衆。準偈及梵本皆有十一。長行脫第五。但有十。法。初一即西方天王法門。及第二如偈當釋。三與偈文通有六義。一諸趣是化處。二淨音是化具。三佛名是化法。四神通是化本。五衆生是化機。五隨樂是化意。四普現等者。謂一毛普現無邊依正。以毛稱性能廣容故。廣容即是普遍。故能現之佛還自住於毛孔。所現刹中能所無難。依正區分大小宛然。名建立差別。五靜法云。準梵本有焰龍王。得一切衆生瞋癡蓋纏。如來慈愍令除滅解脫門。謂大慈居懷則三毒俱滅。六開示等者。佛大慈悲是福德海。二資糧滿然後得。故衆生慈福即是百川。佛毛示現以表同體。既知同體自然朝宗。因示悟入故得大喜樂。七慈音智

俱放云清淨。淨無貪愛。何畏何愛。八示現等者。謂於身中現身土也。九觀佛昔行深廣。故愛樂歡喜。海言通二。謂歡喜供養。十示現等者。謂爲衆演音故云。示現。音有四義。一類多謂一切。二普遍謂平等。三稱根清雅故云悅意。四一音隨類故云無礙。無礙即方便也。十一謂此無熱龍住清涼池出香香水。流注四海導引百川。時布慈雲降澍甘澤。是故能滅諸世間苦。偈有十二。初中諸龍有四熱惱。名熾然苦。今並有治。一金翅所食苦。初句爲治。以觀佛法同三歸故。二行欲時復本身苦。三鱗甲細蟲苦。並第二句爲治。學佛等利故。四熱砂著身苦。後二句爲治。以不堪蟲蟻熱砂中騷。今大悲哀愍故能治之。有說四苦無鱗甲細蟲而有風吹寶衣露身之苦。亦以第二句治之。就龍且說龍趣。末句約佛通拔畏塗。二中此就佛論。示現。前約龍云能轉。又前一念時促。今一毛處小。二文影略。餘九可知。但第五偈即前所脫第四夜叉王衆長行十法。初一即北方天王。得以無邊等者。謂善者自樂不待加哀。惡者必苦心則偏重。巧救多門故云無邊。又此天能伏惡鬼。令不犯衆生是救護也。二普觀悲救。救苦護善不滯空有。故云方便。三惡業障重名甚羸惡。又羸無善力。謂一闍提。惡即弊惡。誘方等者。明示妙理是謂資益。四做佛歎佛。得名聞果。五悲智二照合爲一心。與法身俱故恒觀察。六妙音說法利益多端。唯

應度者聲聞能益。七教廣理深。一句能演即是普入。八令物離邪則能住。正爲守護矣。然住正道者。則不分別是邪是正。云不思議。九集福德因受快樂果。由身智光得增長也。十念佛修因生十力果。天未證極故云隨順。偈中亦十文顯可知。第五摩羅伽衆十法。一普現威光名爲神通。不動性淨示涅槃因。故云方便。依因集德。必得無依涅槃。二除惑契寂是清淨因。清涼悅樂是涅槃果。三善者善之。不善者佛亦善之。善不善覺亦亡。乃入本淨。四福非福相深不可著。非福現福名自在相。佛佛無二是平等相。五無智黑因如燈開示。怖畏苦果如幢爲歸。六以知佛德同空齊己一性。故歡喜也。七見理決斷。聞深不怖聞淺不疑。聞非深非淺意而有勇。八風不傾爲勇猛力。既以自正必能正他。爲救護主。八往修喜因故見念皆喜。九見理智成則緣不動。智爲行本諸度悉圓。亦猶海納百川。更不流矣。十開生等理。示佛等應。破情不令悟性。爲平等道。十偈如次文顯可知。第六緊那羅王十法。一世喜樂業。皆因佛生。二聞深適神故法喜無上。終得涅槃無盡安樂。三佛德深廣信亦包含。四音演真法令聞。故妄憂除而意悅。五達境唯心而本空。則安立衆生於覺悟。六難遇益生所以示現。相嚴常住名爲妙色。七大智普慈是二嚴果。一切智因。是能生業。八業細難窮自觀示物。九神通益物無間稱恒。十知機巧化

①〔無〕—② ③〔電〕—④ ⑤〔慈〕—⑥ ⑦〔慈〕—⑧ ⑨〔慈〕—⑩ ⑪〔慈〕—⑫ ⑬〔慈〕—⑭ ⑮〔慈〕—⑯ ⑰〔慈〕—⑱ ⑲〔慈〕—⑳ ㉑〔慈〕—㉒ ㉓〔慈〕—㉔ ㉕〔慈〕—㉖ ㉗〔慈〕—㉘ ㉙〔慈〕—㉚ ㉛〔慈〕—㉜ ㉝〔慈〕—㉞ ㉟〔慈〕—㊱ ㊲〔慈〕—㊳ ㊴〔慈〕—㊵ ㊶〔慈〕—㊷ ㊸〔慈〕—㊹ ㊺〔慈〕—㊻ ㊼〔慈〕—㊽ ㊾〔慈〕—㊿

謂攝心。正智御心如境。十頌次第文並可知。第七迦樓羅王。依賢首靜法。皆云準。頌長行脫第五執持王。一智無著故見無礙。悲普觀故通悉調。二遍坐覺樹名住法界。現通說法名為教化。三進策諸度往修故成。四境界如偈文。難思則入方為勇猛。五諸本多脫。遇一本有文。云大海處攝持力迦樓羅王。得能竭衆生煩惱海。解脫門。多是古疏本脫。今依有本。然偈約能竭說。佛福智。六衆生無邊故成就智多。七城有三義。一防外敵。二養人衆。三開門引攝。今言法城通教理行果。行契理教。則無不俱嚴。故各有三義。謂了心城之性空。則衆惑不入。見恒沙性德則萬行爰增。道無不通。則自他引攝。便能契果。絕百非以成解脫。養衆德以全法身。開般若而無不通矣。方顯教城無非養所詮旨。句句通神。有斯多義故。偈云廣大巨窮。重重四門故無數。量究竟能闡唯我世尊。八法身無相故不可壞。體即真如凡聖平等。無分別智安住證會。名成就力。九現同類形方便調伏。十衆生救生皆由行業。佛生死智方能普入。頌文如次配釋可知。但第五偈。或有前脫故略釋之。初二句甚深廣大。次句福智相嚴。行通因果。因深果遠。已不思議復有一行。是如來行。所謂大乘大般涅槃。則行爲果。果皆絕言道。佛行。如出現品。第八阿修羅王十法。一修羅尊勝等須彌之高。如來威光蔽十方大衆。衆生各見眞勝主也。二彼能以一絲

作種種事。今一刹那。現於多劫調生等事。三以多法門入佛境界。則苦滅心淨。種種法門亦如幻也。下云。苦末羅即巧幻梵音。四多劫多苦爲物非已。如尸里救鷓鴣墮投崖。已是丈夫最勝嚴飾。況終剋寂智萬德以嚴。翻顯無利勤苦誠爲可醜。既爲物而行。故有大奢屬。五以大幻通力動刹憐機。不怖衆生斯爲大力。大力婆羅華梵異耳。六開種種權門。安衆生於一極之樂。權爲入大之本。故皆佛智因。權實不迷斯爲遍照。七萬善順理善不可壞。斯解脫處。何染不亡功歸正覺。故偈云。佛力如是修者堅固妙嚴。八悲用智故普令無疑。主斯事者廣大因慧。九供事修善有勝德故。十普入諸趣。明處無不遍。偈云三世時無不均。同有佛性名爲決定。具上三義平等行焉。不宜實義非善音也。此上一段及後夜神。皆結歸名。上下例然。恐繁不釋。頌文如次可知。自下第三諸神衆。有十九衆。今初主壽神十法。一智了物心如空入色。光照身器如日合空。身還器中如像在鏡。世間主力能攝此身。此身之性等世間。故皆入觀機故名普入。所入之處即爲宮殿。二義圓稱機故滿心成益。三身法二光皆可愛樂。四法雨潤種。已含實者解開。善未芽者信發。五無法不悟名普明力。曠劫修集成智莊嚴。六方便開示世樂亦苦。令其悟入。見理法樂如歡喜地也。七如來身雲就體。則非有無約。機則差別遍於十方。不可謂

之無約。佛則稱眞法界。不可謂之有。此則隨緣非有之法身。恒不異事而顯現。以化寂滅非無之衆生。恒不異眞而成立。即無差別之差別也。八處危者護之令安。有苦者救之令樂。九衆生聞於多欲。故沈淪長夜。以法開曉喜足爲先。喜足智俱是功德力。能令離苦得安樂故。十有覺德行故名稱普聞。既福廣名高故不虛其益。偈文可知。第二主夜神十法。初七夜神。是善財十地善友。見解深廣。彌顯衆海法門難思。一普德淨光。即善財離垢地善友。彼名全同法門。名寂靜禪定樂普游步。普游步言。即大勇健也。寂靜禪定樂。即是定體。現法樂住。故名爲樂。大勇健者。即是定用。健則堪能勇則無畏。謂見佛淨機游戲神通。故名勇健。亦游步也。勇健廣大。故稱普德。無惑智俱可謂淨光。二即發光地善友。彼名喜目觀察衆生。解脫名大勢力普喜幢。謂此解脫德無不備化無不周。名大勢力。即今廣大身。惑俱淨無不樂見。故云普喜。悲爲德相。即幢義也。觀察普喜名爲喜目。三即焰慧地善友。彼名普救衆生妙德護世精氣方是救生。由護生故顯德之妙也。法門全同。次第又當。謂威必現前。調令清淨故。四即難勝地善友。彼名寂靜音海。法門名念念出生廣大喜莊嚴。念念出生即積集義。見佛利生故生大喜莊嚴。二義。一見佛修歡喜。因嚴樂見果故。二積集此喜神自莊嚴。由定發音名寂靜音。深廣如

海五即現前地善友。彼云守護一切城增長威力。偈云尸利以梵音含於二義。一云吉祥三翻爲守故。下譯破陀室利以爲寶首。又以首字音同義別。彼爲頭首。法界品中乃爲守護。皆譯者方言少融耳。若以義會增長威力即是普現吉祥正當次第法門。又同彼云甚深自在妙音解脫妙音故悅意。悅則意淨。即寂能演。故名自在。六即遠行地善友。彼云開敷一切樹華。一切開敷即普發也。法門彼云菩薩出生廣大喜光明。文少倒略耳。舊經云菩薩無量歡喜知足光明。知足滿足文相近也。謂能知如來巧智。示法大福威光。故曰光明。佛以福智滿足物心。則含喜名藏。七即不動地善友。彼名大願精進力救護一切衆生法門名教化衆生令生善根。教化開悟文異義同。令生成熟始終異耳。謂現通示相。皆爲調化。一切善根皆令生長。平等護育即救護一切。精進大願故能爲之。今文略耳。八念念久修恒遍救護。是無邊慈也。此與善財歡喜地善友。似同而文多異。又非其次。故但直釋。九於三毒難壞衆生。以大悲門現莊嚴身故。石室留影毒龍革心。況現身耶。十本爲衆生故成。自德令。他樂滿。偈中十偈如次。初中初句。解脫之力能觀。次句即寂靜樂。神以此定觀佛此體。故下經云。普見三世佛而無取著。以知如來無相性相本空故。故云寂靜虛空相也。次句即大勇健。準下經則自他兼淨也。次句定果也。上約佛說。若

約天說。即四句皆是定用。以往此解脫。能見佛體用因果故。二三可知。四中稱理遍喜。爲廣大無邊。縱內心不搖而外現威怒。更深難測。五以寂寂能遍。六以衆生本來自盡故是寂滅。是以智窮妄末理無不顯。妄徹真源惑無不盡。喜方滿足餘四可知。第三主方神十法。一現身說法令悟得果。皆救護力。二神通示相。是能成辦業。衆生出苦。是所成辦業。三法光破闇。開斷智生。智與法喜俱生。斷以寂滅爲樂。四普現說法。聞必惑滅故不唐勞。五聖人無名隨物立名。貴在生德及滅惑耳。六七可知。八業同性空。並不失報。俱無差異。性相無礙爲自在力。說能感報令除惡業。說業性空善業亦亡。九前約說業性相。令物絕業。此約知業差別擬隨機化。十世人靡不有初。鮮克有終。今聖人有志有能故。所作究竟。世人以人隨欲不能兼亡。今有慈有慈故令物喜。謂十波羅蜜無不究竟。四無量心令物歡喜。願中次第配釋可知。第四主空神長行十法。一智慧造理。則十眼廣照日月。合空則萬像歷然。二身智二光遍入法界。三佛身如空。是無邊境。無生無染爲吉祥風。四廣說聖道。則離三障安住二空。五上求下化名廣大行。爲安衆生如妙醫焉。六沈生死之厄難。悲智光以濟之。七不礙福智相導。是謂勝力。八惑由智遣。九妙音善說。十不壞本處。而稱周十方。偈中十頌如次。三中空有四義。含於五法。一離能取

生即絕妄想。二離所取相無相無名。三境無自性即是如如。四心無所得是爲正智。迷如以成名相。妄想是生。悟名相之本。如執翻成智。如外無智智體即如。此二猶空寂照無礙。如斯見佛是曰吉祥。四中長行及列。並名安住。今云圓光。圓光表智。安住表定。二事相資前後互舉。並能滅障於理無違。六中生死海者。喻伽七十云。五法相似生死得大海名。一處無邊相似故。二其深故。三難度故。四不可飲故。五大寶所依故。釋曰。由前四義衆生流轉。由第五義菩薩入之。且約分喻。第九十云。由三相故不同水海。一自性不同分。謂水海唯色一分。二淪沒不同。唯人畜故。唯沒身故。三超度不同。未斷欲者亦能度故。生死海反上可思。餘七偈可知。第五主風神十法。一以方便風合智日光。智入深法而無障礙。身入世間而無影像。二菩薩以求菩提之大心。持稱真之供具等。虛空之廣大。不礙事之繁多。而以全法之身。一念供無邊之佛。如彼風力無不成也。三長風忽來浮雲散滅。慈風忽起惑苦病亡。四福智莊嚴之風。摧壞如山之障。五十力降魔。十軍皆殄。獨名竭水者欲愛爲初故。六毛孔慈音滅除五怖。若百竅異吹遍吼悅機。七智入實相。故妙辯如海。如風擊樹故能下垂。八調生方便爲智所入。故名爲藏。九禪定宮殿必定慧雙游。故能滅癡闇。約佛則動寂無二。見必滅癡。十日月明照非風不運。智行無

礙方便力焉。十偈可知。已下入第六主火神長行十法。有云。準梵本此脫。第四一以進力現世除物無明。以最初故偏從火義。二惑有二義。一漂二惱。善巧迴轉則能息之。三稱性之福相惑不動。與大悲合自利不動。俱能攝德無盡名藏。四有云。準梵本神名勝上藥光普照。法門名普能除煩惱塵。謂劫海行滿故。今能現通滅惑。偈云。衆妙宮神同。前列名衆妙即勝上義耳。然諸本多無或有本。則具云。衆妙宮殿主火神得大慈悲廣隆衆生解脫門。恐是傳寫脫漏耳。五光明照耀等者。日光合空等。空無際。智符實相稱實無邊。雖曠劫修成。全同本有。窮靈極數妙盡難思。實爲惑本。即是正因。智照心源即是了因。如空與日。今略申十義。以辯難思。一謂日與空非即非離。二非住非不住。三而日善作。破開良緣顯空之要。四雖復滅。開顯空。空無損益。五理實無損。事以推之。開顯永除。性乃無增。空界所含萬像皆現。六而此虛空性雖清淨。若無日光則有開起。七非以虛空空故自能除闇。闇若除者必假日光。八日若無。空無光無照。空若無。日闇不自除。九然此闇性無來無去。日之體相亦不生不滅。十但有日照。空則乾坤洞曉。以智慧日照。心性空。亦有十義準喻思之。非唯釋此。文亦乃遠通衆經。該羅前後。六體寂發。照名寂靜光。以斯成福莊嚴身相。七八可知。九分別法相。永離不了愚疑。悟法實性。便無執著之見。十以

行扶順故能現世。作師子吼。頌加第四餘並可知。第七主水神長行十法。一無緣大慈是日平等。二無邊行法莊嚴自他。三寂然不動。以觀機感而遂通。以隨攝若冬則積雪凝白。夏則無處不流。四妙音演佛深旨。令悟妙法旋復。五身智二光遍覺開化。大充法界清淨無垢。六清淨法界性相俱絕。德無不見。則大用不亡。七衆生不窮。故大悲無盡。滿而不溢。有知足義焉。流止從緣。斯爲自在。八處處見佛。故大喜無窮。喜從佛生。即佛名藏。若聆泉流之響。無不悅也。九性相無礙之福。故能普現神通。若空色相映之流。威光蕩濤。十調生行廣如空無邊用。應暫停。如空無盡。偈中第一偈。前半辯一相因果。次句例餘後句辯益。初言清淨者。離過無緣故。門如塵數者。隨宜利樂。故以慈爲因。得妙相果。以相爲因。得無厭果。然如來相有純有雜。此就純門。若以雜門。則隨一相一毛。皆收如來法界行盡。亦相相皆爾。純雜無礙因果相融。圓成非分成故。佛一相一毛。即同法界。無有分量。今此神從一慈門入。無盡相耳。此約十身之相。若三十二相之因。但說一相一因。如智度論伽等論。涅槃大集等經。至相海品當引第五偈。初言無盡以顯光常。次充法界以辯光遍。不思議者。以顯光深。非色現色。非青黃而青黃故。其第三句是顯光用。餘九可知。第八主海神十法。頌脫第三。一爲物供佛。是等施福。得衆寶相。以莊嚴

身。二巧隨根欲說法護善。使其長成。三謂演深廣法體。煩惱空。梵本偈云。一切世間衆導師。法雲大雨不可測。消竭無窮諸苦海。此離垢塵入法門。若準此文。乃竭苦海。四若見佛境。則惑亡苦息。準現經文。三是煩惱。四是於苦。若依梵本前苦後惑。既譯入脫漏。致使文義參差。故古德云。脫第四頌。結名既同。故知脫第三。恒住波浪者。即是普用水爲宮殿。五以智滅癡。六爲行所遷一切皆苦。若提因起。則生滅苦亡。便得涅槃寂滅安樂。七將智滅癡。未免於見了。癡見性癡見自亡。真妄等觀是佛境也。八一切衆生有佛種性。圓明可貴。具德稱寶。佛眼普觀佛智普示。正因令顯如出金藏。大心若起。如種生芽。故云出生。緣了二因爲能悟之妙道。九了如不取。則心不搖動。湛如停海。萬德攸歸。故須彌可傾。魔豈能燒。一念降魔。如本行集。十入法界定。如法界遍。偈可知。第九主河神十法。一行成雨法。若豁然洪雲滅。惑生德。若懸河迅流。無所滯礙。二現身息。惱若泉澗洗心。三眞實離垢。慈智相資。若碧沼澄潭。空色交映。故名離塵淨眼。四圓音遍益。若崩浪發響。五拯救漂溺。六善根無惑。可謂清涼。若阿耨達池永無熱惱。七施門無量。令彼無慳。若蘊藻蓬蓮。普令物喜。八行福契實。故見無不欣。若深湖廣陂。是爲廣德。九方便慧力。難染皆淨。慈彼怨害。瞋反成歡。若萬頃波澄。光映天下。十總收萬善。令會涅槃。若彼

●(已下經)六字一● ●辯二辨● ●思十(第二開章別釋於中分二先別事十門之喻)十七字● ●(一)十文● ●餘二文● ●清二證● ●九二八● ●得二德● ●偈十(文)●

百川咸會大海。會海由智名海德光明。偈亦可。知第十主緣神十法。一功德智慧。二種法味資成佛身。三喜樂由於苦除。三衆生爲所淨之境。四悲深故通廣。五下種物田必至果無壞。六智教物信獲果稱華。七慈眼視物故福聚無量。慈則恬和怡悅。偈云勝道。八以行成佛故始成即宜。九懈於修習憂惱。是生勤策諸根衆惡清淨。十隨根爲說遂求故喜。偈文可知。第十一主藥神十法十頌。一順情則易攝。逆意則難調。故普觀之。二三可知。四始學者以名爲實。實大士以名爲佛事。五以慈善根力。放月愛等光。身心兩病穩念便滅。六迷理迷報。二愚盲冥起惑造業。備受衆苦。佛以正法金鑲開其智眼。分明見三諦。故云清淨。七八可知。九無愛見之大悲生。物德故名藏。十世醫療治難。瘡還生。永滅生德無先念。佛因病因光皆是方便。謂佛有無邊相。相有無邊好。好放無邊光。光攝無邊衆。言隨念者佛德齊均。隨緣隨樂趣稱一佛。三昧易成。敬一心濃餘盡然矣。況心凝覺路開。大方頌可知。第十二主林神十法十頌。一佛德無邊皆依智海。含德流光所以名藏。二等衆生悲是爲廣大。一一離障名普清淨。三一切勝因皆爲佛道。各各心淨則種種芽生。四一切功德莊嚴一毛。一一皆然。故佛爲德聚。良以佛果攬因。皆圓成非分成。是故一因生一切果。一果收一切因。皆圓融無礙耳。五智通萬法是曰普門。

客塵不生故曰清淨。悟如日照頓周法界。功如拂鏡說智漸明。明是本明漸爲圓漸。六知遍趣行如應布法。七了音聲性皆同佛音。故無不可意。能令世間皆聞佛音。方云清淨。八昔行稱周法界是廣大境。神通普令物見做而行之。如下喜目即其事也。九衆生諸候自不修德。寧有進賢之心。今福智益他。則物我兼利。偈云諒說即諂佞也。十敬念則佛興。佛興則莊嚴德藏。障重者。不念不見於佛。豈無常哉。故應見常見也。第十三主山神十法。一寂而常照故光無不闡。二相光熟機。皆慈善根力。如涅槃廣明。三修因嚴根本爲順物故。囑蓮目而欣樂。觀月面而歡心。或見諸根一一皆周法界。喜益深矣。四如空不染故長劫無怠。五癡故長眠。唯福智之能覺。次三可知。九若睡若寤皆令聞法進行。斯爲佛業。如大瓔珞經說過去有佛凡欲說法。令大衆眠夢中說法。令增善根覺得道果。涅槃亦云。其人夢中見羅刹像等。亦表萬法皆夢。大夢之夜。必有大覺之明。十稱性法門無邊大義。一音能演是出現也。第十四主地神十法。一念念無間平等普觀。修慈護法故得金剛之體。金剛即內照之實也。一一毛福力頓現衆福。三證入無生不礙嚴刹。一向爲他。五觀機出現名爲遊戲。六現淨惑身方調物惑。七內具德海現威力身。如地含海潤發生百穀。百穀苗稼皆地香毛故。八長行一言盡攝無餘。偈頌則一言普遍無極。九焰雲

普遍。令物離垢爲性。十法能攝持心行。如金剛之輪佛則不動現世。若須彌出海。此下頌中。亦有二句結法。屬人。可以意得。第十五主城神十法。有云。脫第九法十頌具足。一光等方便成熟利益。二應病與藥令得服行。三護法法存則物受福德。教理行果皆有護也。四悲救無盡名藏。五了佛大智。六方便現身。七同修佛德。八迷真俗理。故云愚闇佛出開示令其悟入。本迷無始猶若生盲雖聞譬喻竟不識乳。唯佛出世方能曉之。九準梵本。云香幢莊嚴主城神得破一切煩惱臭氣。出生一切智性香氣。解脫門。謂正使爲臭物。殘習爲臭氣。智性爲香體。利物爲香氣。香氣若高山之出雲。稱智性而無盡。臭氣若香風之卷霧等。性空之無邊。煩惱則塵習雙亡。智慧則自他兼利。有本亦具云。香鬘莊嚴主城神得開。發衆生清淨妙智解脫門。亦恐傳寫之脫漏耳。義不異前。偈云現夢中者。夢是神遊。亦見聞之氣分也。夢中尙調況於覺悟。如迦旃延爲弟子現夢境界等。十二障五蓋重疊如山。非智光明莫之能破。第十六道場神十一法。十一偈。一出現字兩用。謂有佛出現。即出現莊嚴具。而爲供養。佛昔如是神以大願做之。二對物成行令物做之。施爲行先故偈偏舉。三夢覺皆化則時處俱遍。四外寶內眼重重難捨。爲物說行故云能雨。五清淨焰形神。前列中無。謂色相道場俱妙莊嚴。並爲熟物。六疑境

會海由智二由智海故 見一 二差 世十十頌可知 神十長行 香二春 卷二德 破十偈文可知 說二捨

界者以唯心爲正念疑法性者以無得爲正念實則無正無邪方稱曰正無念不念是真念矣諸念不生正念方生耳故隨根雨法斷疑生智七辯才雨法稱根故喜八深廣讚佛故名實雙美九樹王眷屬並如經初十即前身遍十方而無來往智入諸相了法空寂也十一種種力者佛有無量力故因行亦然皆嚴具顯示既是道場之神故得道場事中解脫第十七足行神十法初二可知三內則念念安於理事外則處處建立道場四舉足下足海印發輝諸有威儀無非佛事五以華以光雨寶雨法六衆生無邊是佛化境見佛聞法故生歡喜七圓音警物等栴檀之香風暫一熏修覺身心之調順餘三可知第十八身衆神十法一淨喜境界神者初列處名華鬘莊嚴或是名廣略舉其半或梵音相類譯者之誤未勘梵本○法門初三可知四相即無相故如空遍住空非獨處亦遍於色住非分住一座亦周如芥子空即不可盡身與法性不可分故五威儀施化無心頓現斯即佛境難以言思六佛爲良田出世難遇一與微供果獲五常略言色力亦有常命安樂辯才此五皆常方云滿足受報無盡故悉離貧窮七齒光除垢表所說淨故八有染於五塵無惑於六趣者愚癡魔業也體五欲性虛已棄亡彼業斯轉而名云守護攝持者善守根門攝持德則遠魔矣然魔事惑不出三毒及慢魔惱衆生不

出三事謂上妙五欲及諸苦具爲說邪法則三毒是生三毒內著即爲魔業今守護覺察魔如之何即偏中解脫道也九有三意一身雖周於法界多示爲王攝御自在故二八相處於王宮俯接物故三法界菩提樹下法王宮故十迷於本空故有妄苦無漏本有是淨善根第十九金剛神長行十法一見如來身普現非別豈唯凡現之處即無邊相亦隨一色相皆無有邊次四可知但第五神初卷中名諸根美妙今但云妙臂文義俱闕又加天主以現爲世主故六法海深奧繁節差別巧說令現無有遺餘七約神且說寶飾爲嚴巧攝已衆約佛方便相好爲嚴無不攝也八因深故大福爲能嚴果勝故德相皆明足九惡謂十惡險者惡之因也能陷自他及險道故十若以現文則摩尼髻是所雨若以義取此神名摩尼髻亦得髻是能雨一切菩薩嚴具是所雨表菩薩智光圓滿故偈中第六云洩洩者水之洩流洩洩之處一甚深故二迴轉故三難渡故法海洩洩亦然一唯佛能究故二真妄相循難窮初後故三聞空謂空則沈於洩洩聞有謂有等皆類此知故云一切差別義也餘並可知上來異生衆竟已下入自下第二同生衆文分爲三初明普賢菩薩得一切法門次十普菩薩各得一門後十異名菩薩各一法門此三各有長行及頌就初普賢長行中二初總標所入二別顯十門今初二句先指陳法體次辯法功

能今初言不思議者謂數過圖度理經言思故言方便海者謂不動真而成事巧以因門契果故云方便後入如來下辯法功能謂證入因圓趣入果海故然前後但明以別入總故各得一解脫門猶如百川一入海今明以總入總如海入海故得難思解脫門復稱能入爲方便海以普賢是同異二衆之上首故二所謂下別顯十門以彰無盡一嚴土調生調隨所化衆生取佛土故一切佛土者豎通四土橫該法界橫豎相融故一塵一刹皆廣大嚴淨故云一切演最妙法故今所謂究竟出離二佛遍塵道諸彼修德乃了彼境三通辯安立菩薩六種功德一位二願餘四在偈四身普應機演所證法五國土不同所敬各異故隨宜立稱成益不空如名號品六塵中現身說菩薩行境七以時隨法融今三世劫及劫中成壞一念中現無所障礙然事通能所成壞事謂火水及風所成壞事天地萬像八菩薩根海雖繁廣多類但能入自所知境界豈能測量佛無邊法則顯前來衆海未測佛德普賢能知此理九明如來身體同虛空用周法界第十攝因成果故云一切菩薩行入一切智也妙音宣此故云顯示此亦別釋標中第二句頌中大第如前十門第一偈前半辭淨佛國後半調伏衆生兼顯人法爲嚴之義佛子有三一者外子謂諸凡夫未能紹繼佛家事故二者庶子謂諸二乘不從如來大法生故三

●脫十(頌亦可知)●●譯二●知十(偈亦可知)●○[法門]一●初二●●根十(頌亦可知)●○[已下...經]五字一●●調二謂●●時隨二隨時●

者眞子。謂大菩薩從大法喜正所生故。此言清淨意願第三。最妙法者。揀非權少。昔以妙法淨所化心。故所感土亦有清淨佛子來生其國。還雨妙法。二中前半明總遍。別中後半明體用無礙。亦是總遍。總中三。中四句即前四義。一修十勝行。二起十方。便三所證十如。四正證法界。成薩婆若地位。爲總。餘五爲別。四中前半普現身。後半演所證。次四偈可知。九中初句智身。次句智身等法身後二句。化用等法身之周遍。略舉正覺實通一切。故上云種種。十中三句攝因後句成果。第二十普菩薩各得一門。第一菩薩前列名中無。以前與普賢共爲十普。今普賢別說故加爲十。以表圓足。然偈文具十。長行中第七菩薩及法門俱脫。又脫第八菩薩法門。及第九菩薩名。至文當知。十中第一嚴處說法。皆名爲嚴。二塵塵皆成正覺。已爲無盡。方是正覺一門。有如是等無量成正覺門。如出現品辯。隨所成正覺門。調生亦爾。故云成熟不思議衆生界。三修行福海嚴出剎海。四以深妙智觀難思境故。多處不迷多劫不厭。五如一逝多林會。頓現一切淨土。會會皆爾。念念現殊。六法界含攝無盡。故名爲藏。觀佛法界之身。一毛即無分限。七梵本中名。普覺悅意聲菩薩。得親近承事一切佛。供養藏解脫門。謂佛昔行因無佛不供。今成佛果。無衆不歸。猶如百川馳流趣海。八準梵本。應云普清淨無盡福威光菩薩。得出生一切

神變廣大加持解脫門。謂遍利充廣劫窮來際。皆佛加持之力。九梵本中。即普賢警華幢菩薩。得普入一切世間行。出生菩薩無邊行門。解脫門。即今經中威光菩薩法門。是由脫第八法門及第九菩薩之名。遂令第九法門繫於第八之下。譯者之謬也。謂若無大悲不入生死。則不能出菩薩行門。如不入海安能得寶。此即化他成己。十即依體起用。頌文前已配釋。欲表菩薩法門互入。故不結法屬人後段亦然。第三十異名菩薩。亦各一法長行中。一得成菩薩四種方便。一地位。二度行。三調生即行位所作。四嚴利通二利因果也。或一地一度滿。或地地諸度滿。此一爲總下九皆別。然不出上四。多顯調生。謂二遍轉法輪。三普示滅惑。四普嚴法會。五以法隨機。六爲物永存。七法印悟物。八頓顯終始。九同佛往修。十光顯如來難思之境。以偈對釋文並可知。唯第六偈略須開示。初句所證性淨法身。言無相者。示眞如相。身即體義在纏不染。出障非淨。凡聖必同。故云平等。次句出纏法身也。眞如出煩惱障。故云離垢。出所知障。故云光明。又塵習雙亡。故云離垢。眞智圓滿故曰光明。淨法身者。揀於在纏後半體用無礙。身由出纏故應用無方。約理即是體用無礙。約用則止觀雙運。故得果則寂照爲身。即用之體故寂。即體之用故智。體用既無不礙。在佛身何有量耶。故能普應十方。此句正顯化用故。經云。水銀和眞金。能塗諸

色像。智慧與法身處處應現。往即斯義也。大方廣佛華嚴經疏卷第七

大方廣佛華嚴經疏卷第八

唐清凉山大華嚴寺沙門澄觀撰

自下第八。明座內衆流分。於中長分十段。一明出處。二顯衆類。三列衆名。四結衆數。五與雲供。六供衆海。七敬繞佛。八座本方。九歎德能。十申偈讚。今初座即是總。寶等爲別。如是已下結廣從略。非獨輪等故云。一切所以此能出者。良以座該法界依正。混融一一纖塵。無不廣容普遍。座所遍剎恒在座中。故從中出。非是化也。若約法空之因。及法空之座。則萬行爲嚴能生菩薩。二一下。顯衆類皆菩薩故。三其名下列衆名。出處既多名亦多種。略舉上首十名耳。即如次十方。四如是等下結衆數。嚴具非一故。有衆多剎座。五此諸菩薩下與供雲。六彼諸下供衆海。衆多菩薩各與剎座供雲。已重疊難思。況相續不絕。而諸供具皆稱雲者。乃有多義。謂色相顯然。智覺無性。從法性空無生法起能現所現。迥無所依。應用而來故。來無所從。用謝而去故。去無所至。而能含慈潤澤法雨。益萬物重重無礙。有雲像焉。上下諸文雲義皆爾。七現是雲已下。明敬繞佛。順向殷重瞻望不足。

乃至百千。八隨其下。坐本方參而不雜也。如師子子。亦師子故。菩薩座亦名師子。自化自坐者。自心智現。還自安處故。諸佛菩薩坐多跏趺者。爲物軌故。智論引。偈云。若結跏趺坐。身安入三昧等。九是諸菩薩下。歎其德能者。有十二句。初總餘別。別顯一。一各是一種清淨廣大。略束爲三。初三明三業清淨廣大。一智證。善法。二身隨佛行。三語入辯海中。一義求亦通三業。次三明得法清淨廣大。一獲自分解脫。二住勝進果位。三遍具諸持。普門地言。即同經初已踐。如來普光明地。後五福智清淨廣大。初二正明。後三重顯。今初中一智安。理事故云。善住。二福無不修。故生信實。然三世平等經初已明。今更略示。謂依生及佛善住平等。且依佛說。佛平等。法身智身無增減故。若依衆生。生平等。煩惱業苦有支持等。若生佛相望者。凡夫。現在等。佛過去。進修得果等。佛現在。成佛究竟等。佛常住。此約三世互望。煩惱佛則本有今無。衆生則本無今有。菩提則衆生本有今無。諸佛則本無今有。約迷悟異。則說本今。涅槃之性非三世攝。故知三世有法無有是處。若以性淨而說。則佛與衆生現今平等。而不妨迷悟之殊。是故三乘亦有差別。亦無差別。衆生寂滅即是法身。法身隨緣即是衆生故。寂滅非無之衆生。恒不異。眞而成立。隨緣非有之法身。恒不異。事而顯現。是故染淨三世一切諸法。無不平等。況稱性互收。如是解者。名爲善住。

一切智地。如地能生終歸於地。萬法依於佛智究竟。還至一切智也。後三重顯中。一淨前福障故。令諸福無邊清淨。二成上智慧。由觀法界虛空。三近勝緣。故成前二十。爾時下說。偈讚佛中。十菩薩各別說。偈。卽爲十段。就初海慧。顯中。歎佛身座。初五歎佛身具德。一讚智慧。二讚功德。三神通。四因深。五果勝。後五歎所坐嚴麗。此衆既從座現。故多歎座。文並可知。第二雷音菩薩十頌歎座及地。文分三別。初四直歎座。可知。次三歎於場地。卽轉顯座嚴。於中初一總顯。因深德廣。故嚴事難思。金剛下別顯。末後一句結。寶座。後三偈歎地上之嚴。於中前二地神興供。後一佛力展轉嚴。第三衆寶光。普菩薩讚中。獨讚場地殊異德。十頌分二。前五德用圓備。後五法化流通。言如佛座上所應演者。九會五周之文。一化隨宜之說。已具演於場地之中。第四大智日頌歎佛所處宮殿。十頌分二。初一總明。次段讚處彰人。故此偈標人顯處。疑者嚴整之貌。辟者視也。謂肅然而視。後九別明。於中二。前四明宮殿體攝衆德。卽廣其前半。後五明妙用自在。卽廣其後半。今初。初一宮殿雖離佛坐增明。卽廣前炳然照耀宮殿中也。次二頌略辯七嚴。結以智海。廣上疑。辟處法堂也。謂內持寶柱。簷垂金鈴。外列門階。上羅華帳。寶樹交映。寶璽周垂。爲七嚴也。闔小門也。洞達也。如雲布者。重重無量。次次相承也。上云疑。辟。則目視不瞬。

特由內無識浪。故云智海湛然。次一頌。羅以寶網。列以香幢。布以焰明。覆以嚴具。結云超世。卽廣上世尊處法堂也。光如雲布者。若彩雲向日上下齊明也。後五中。一羅身雲以調生。正顯前文現十方土。二寶樹現三世之嚴。三略舉多嚴。四卽上諸嚴卷攝多嚴。重重佛坐。五結歎無盡主伴雲會。第五不思議菩薩。通讚場樹自在德。十頌分二。初一總顯。謂宿因願力深廣難思。神通現緣生果嚴淨。後九別顯分三。初五歎樹具德嚴場。於中初二身幹森聳。次二枝葉蔭映。後一華果芬輝。二有一偈。歎場地蓮網。謂蓮華布地。則下轉光輪。寶網羅空。則雲間響發。三有三偈。歎樹自在。初一收入後二出生。第六百目菩薩頌中。雙歎場樹備德。自在法化宣流。前九偈各一門。後一結嚴周遍並顯可知。第七金焰頌。歎佛十方功德。一頌一力下。諸經文屢明。十力是佛不共之德。佛佛等有菩薩緣。此發心。梵行品云。復應修習。一力中有無量義。悉應諮問。故不可不知。然大般若五十三。顯揚第四。對法第十四廣辯。今略以七門分別。一立意。二釋名。三自性。四作業。五次第。六差別。七釋文。然了其名。則知作業。對文料揀。差別易見。故將作業差別。并釋別名。並於釋文中顯。今初立意者。智論意云。顯佛大人有眞實力。令外道心伏。二乘希向菩薩傲之。能成辦大事。終獲其果。故須辯之。如來唯一諸法實相智力。此力有十種用。故說

爲十。謂於十境皆悉正知故。由時品類相續分別。有無量力。度人因緣故。但說十足辦其事。謂以初力。知可度不可度。次業力。知有障無障。以定力。知味著不味著。以根力。知智多少。以欲力。知所樂。以性力。知深心所趣。以至處力。籌量衆生解脫門。以宿命力。分別先所從來。以生死力。分別生處好醜。以漏盡力。知衆生得涅槃。佛以此十度生審諦。故但說十。第二釋名。初總後別。今初總名力者。能摧怨敵義。不可屈伏義。故說名力。瑜伽云。與一切種。饒益一切有情。功能具相應故。畢竟勝伏一切魔怨。天威力故。說名爲力。對法云。善除衆魔。善記問論。故十名力。十者是數。帶數釋也。別名至文當釋。三自性者。瑜伽五十七云。佛具知根慧根爲體。對法論云。若定若慧。及彼相應諸心所爲性。菩薩地。總以五根爲性。統其文義。應具六種。一最勝體故。決擇分中。慧根爲性。二引生體。對法兼定。三剋實體。菩薩地云。五根爲性。由慧勝故。且說十力。慧爲自性。所以但言處非處等智力。不言信進等力。四相應體。對法兼取相應心法。四蘊爲性。五眷屬體。五蘊爲體。定共道共無漏色等。助爲體故。此雖無文理必應爾。遮犯戒垢助摧怨故。六依此經。融一切法。以爲其性。無礙法界理應爾故。四作業者。卽是辯相至文當顯。五次第者。諸文或有前却各有所由。此文所列次第。與十住全同。淨行品則界在解前。梵

行品禪定解脫當。其第三宿命居天眼之後。餘同此。次瑜伽四十九。及智論二十七。亦禪居第三。餘同此。次且依論明。次第者。智論云。初力爲總。餘九爲別。於初力中。分別有九故。初一力通知萬法。下九展轉開之。謂初令知因緣果報。故起業力。次業煩惱故縛淨。禪定解脫故。解令去縛。就解。次根有利鈍。鈍者爲有造業。利者爲不生故。集業由善惡二欲。成上下根。此二種欲。由二種性。以有種種性。因緣故。行二種道。謂善道惡道。次知其過去審彼未來。次以方便壞其因緣果報相續。故說漏盡。瑜伽有多門次第。廣如第五十說。上來依論次第。而今禪居第七者。二論梵行。爲對自業。有離欲不離欲。故禪居第三。此經十住。爲對遍趣行。有清淨不清淨。故居第七。若習欲成性。卽界居欲後。若由性起。欲則界居欲前。若執常者。先說宿住。若爲執斷。先辯其天眼。餘無別理。故經論皆定。六差別者。謂此十力展轉相望。亦有差別。亦無差別。至文當明。七釋文。然此經宗異義。皆融攝故。一力中具攝十力。乃至包盡法界。是以宿命乃云智包三世。天眼則見盡法界。非唯見盡。佛眼如空。卽是法界。非唯智包。亦能毛孔頓現。業力卽觀法性。豈唯是有爲。約門有殊。故他宗不壞。第一偈卽處非處智力。謂善因樂果。斯有是處。善因苦果。無有是處。惡因苦果。等例上可知。處者建立義。依義起義。能建立果與果爲依。能起果

法故立處名。於此正知故名智力。其作業者。卽如實知因之與果。及能降伏無因惡。因種種諍論。既遍知已。可度者度。不可度者爲作因緣。文中上半往因。下半顯智力。於諸境界。正解明了。卽辯此力通知一切法也。第二偈。卽過未現在業報智力。瑜伽名自業智力。今言一切業者。謂於三世中善等三業。及順現等皆名自業。於自所作受用果業。如實知故。與初何別。若正了知所造善等業。感愛等果。此由初力。若了能造善惡等業。感愛等果。是自業力。文中上半往因。下半現果。第三偈。卽根勝劣智力。謂信等五根。此較中上名爲勝劣。於此正知。及能於彼如應如宜。爲說正法。卽是作業。偈中三句往因。一句今果。四卽種種解智力。亦名勝解。謂若從他起信。以爲其先。或觀諸法。以爲其先。成較中上愛樂名種種勝解。亦名爲欲。欲謂信喜好樂。如或貪財利。或好名聞。好定好慧種種不同。如來正知。令捨不淨。增長於淨。此與前根何異。根約宿成。智有多少。解約現起。好樂不同。論云。若照諸根爲先。彼彼法中種種意樂。是根智力。若正分別意樂差別。是解智力。在文可見。五卽種種界智力。界卽性也。謂或一二三四五乘性等。或貪瞋癡等分行等。乃至八萬四千行名種種性。性卽種子。卽解現行。故智論云。性名積集相。又九十云。性內欲外用。性作業必受果報。欲或不爾。瑜伽云。若照勝解所起相似種子。此由解力。若

照即彼種子差別。由界智力。若習欲成性。復云何別。欲唯大地一數。性通諸數。即寬。陝不同也。智論云。習欲成性。性名。深心。事欲名。隨緣起。若性即種子與根何異。根唯信等優劣。性通善惡不同。以信等望果寬長。能生人天三乘聖道。爲道之根。三善根但是翻對不望果義。尚不名根。況性通於惡。豈得同耶。偈云。悉能顯現毛孔中者。謂非唯佛智如空包納衆生之性。毛孔內空亦現衆生之界耳。六即一切至處道智力。論名。遍趣行智力。遍即一切。趣即至也。行即道也。謂諸衆生種種所行。若出離行不出離行。各能至果。如行有漏行生五道中。行無漏行至涅槃果。名。遍趣行。若知如是種類行跡趣入。此由界智。若知即彼行。跡一切品類。如是行。跡能令。雜染。如是行。跡能令。清淨。此由。遍趣智力。初力處對非處。此中但明至處。又初力指因。爲得果之處。此約果是酬因之處。故不同也。經中初句總標。次一念即能知迅速。下十二字。所知時處。後一句委悉開示。七即禪定解脫三昧智力。淨行品中。加於染淨通漏無漏故。佛皆善知。及知依此所得諸果。故名。智力。此與自業智力何別。若了諸有能修諸定。即彼能入而非所。餘名。自業力。若了依如是靜慮等定。現三神變。無倒教授所化有情。此由靜慮智力。偈中上半所知。下半善用。言佛爲示現者。示其諸定現三神變。令有情喜使。滌煩惱。即令去染而得清淨。八即宿住

隨念智力。謂過去境本生本事住。宿世。故名爲宿住。於此宿住而起隨念。念俱。行智名。宿住智力。瑜伽云。若知前際隨念一切趣因。是遍趣力。若知前際名姓。苦樂等事名。宿住力。此與智論云何會釋。謂彼論云。但知宿命所經。不知諸業因緣相續。但名爲通凡夫亦得。若兼知業因緣相續則名爲明。二乘能得。若知上二無量無邊則名爲力。斯則力亦知因矣。故應通云。若但知因是遍趣力。若雙知者。即宿住力。瑜伽爲對。遍趣之因。故但云果耳。文中初句標。能念智包三世者。三世全在佛智之中。況於隨念。不知三世從門別。故但云宿住。剎那悉現即包現之時極促現毛孔中。即能現之處至微第三句。即所現所念之事廣。第四句結歸智力。非唯能念亦能現也。九天眼智力。獨此從所依以立名也。若從境者。瑜伽名。生死智力。謂死此生彼墮善惡趣。大小好醜皆能正知。知前際生死。名爲宿住。要知後際得此力名。今文乃云佛眼者。若約五眼。餘眼在佛皆佛眼故。此非經宗。今依十眼。佛眼能見如來十力故。故此一力即攝十力。舉一爲例餘九皆然。文中初句體大。次句用廣。次句用勝。以無等故。後句結其甚深。故唯佛能演。既言普見法界非局未來。約宗別故。於未來門。普見法界也。十漏盡智力。於自解脫無惑無疑。亦知衆生漏盡涅槃。於此正知名爲智力。文中。初二句所斷。諸結即現行。隨眠即種子。習氣即餘習。

二乘不能盡習亦不能盡他漏。故不名力。後半顯佛能滅。然上十力智即是體力。即是用。然智即力更無別性。此中宿住隨念相應智力。是隣近釋。自餘從境皆依主釋。設天眼從所依亦依主釋。若宿住是境。隨念相應智力。亦依主釋。然此十力望於自事。各於自事中。大如水能淨如火能燒。各有自力。若約總攝初力爲大。若約辦得涅槃漏盡爲大。若以無礙解脫而爲根本。則平等平等。第八法界頌中。歎佛往修十度行滿。今得果圓。十一頌分二。初一總餘十別。今初也。佛威神力略有三類。一者俱生力。謂風不動衣等。二者聖威力。謂通明等種種功德。三者法威力。謂波羅蜜圓滿法力。令五根中無諸非淨。四支百節有無量力。故名堅固不可壞法身常身無邊之身。言遍十方者。即無邊身。廣大示現謂變化身。無分別者。平等智身。大菩提行者。波羅蜜身。昔所滿足者。衆行先成。皆令見者。大果今出。二有十頌別顯二頌一度。皆上半往修因。下半今得果。十度之義。十行十地。一經始末亦多辯之。須粗識其相。略啓十門。一釋名。二出體。三辯相。四建立。五次第。六相攝。七修證。八約教。九觀心。十釋文。今初又二。先通名後別稱。今初通稱波羅蜜多者。唯識云。要七最勝之所攝受。方可建立波羅蜜多。一安住最勝。謂要安住菩薩種性。二依止最勝。謂要依止大菩提心。三意樂最勝。謂要慈愍一切有情。四事業最勝。謂要具

●陝二決● ●得二有● ●跡二迹● ●說二說● ●聖二聖●

行一切事業。五巧便最勝。謂要無相智之所攝受。六迴向最勝。謂要迴向無上菩提。七清淨最勝。謂要不爲二障間雜。即三時無悔。若七隨闕非到彼岸。故此十度應各四句分別。其別稱及出體。三辨相至。文當釋。四建立者。爲十地中對治十障證。十真如。故但有十。爲對六蔽漸修佛法。漸熟有情。故但說六。六中前三增上生道。感大財體及眷屬故。後三決定勝道。能伏煩惱。成熱有情及佛法故。又前三饒益有情。施財不瞋忍彼惱故。後三對治煩惱。勤修加行。永伏永滅故。又由前三故不住涅槃。由後三故不住生死。能爲無住涅槃資糧。後唯四者助。六令滿。方便助。前三願助。精進力助。靜慮智助。般若如深密說。五次第者。謂由前前引發後後。及由後後持淨前前。又前前發後後。易難修習次第如是。六相攝者。此十一皆攝一切波羅蜜多。互相順故。般若論云。檀義攝於六。資生無畏法等。智論云。有未莊嚴波羅蜜即不攝者。有已莊嚴波羅蜜即相攝者。今此經文必具攝十。若但說六六攝後四。若開爲十。第六唯攝無分別智。後四皆是後得智攝。七修證者。五位通修佛方究竟。十約四位總有三名。謂初無數劫。施等勢力尙微。被煩惱伏。但名波羅蜜多。第二劫去勢力漸增。能伏煩惱。名近波羅蜜多。第三僧祇勢力轉增。能畢竟伏一切煩惱。名大波羅蜜多。故上下文中。屢言廣大波羅蜜也。八約教者。諸教

可思。此教要須一一融攝徹果該因。九觀心者。可以意得。十釋文中。第一偈明施度。輟已惠人名之爲施。即以無貪及所起三業。而爲其性。此有三種。謂財法無畏。止半因中大悲行施已該此三。此悲亦是七最勝中前三最勝。下半果中財能資身。無畏益心。法資法身。故得果身最殊妙。三皆悅物故見者必喜。亦由其七最勝故。身殊妙也。二戒度。防非止惡名之爲戒。即受學菩薩戒時。三業爲性。戒有三種。律儀攝善得淨身果。攝衆生戒能除物苦。遍十方者。無作戒身等衆生故。三忍著。堪受諸法。未忘懷名之爲忍。此約生忍。又忍即忍可。忍即是慧。雙忍事理。即以無瞋精進審慧及彼所起三業爲性。忍亦有二。謂耐怨害忍。安受苦忍。諦察法忍。偈云。信解眞實即諦察法也。色相圓滿前二忍果。放淨光明第三忍果。四精進者。練心於法名之爲精。精心務達目之爲進。以勤及所起三業爲性。亦有二種。一被甲。二攝善。三利樂。初句通前二。以被甲精進。瑜伽釋云。設千大劫爲一日夜處於地獄。唯爲脫一衆生故。次句即第三。下半通三果也。因既離身心相故。果能身遍十方。五禪者。梵云禪那。此云靜慮。即以等持爲性。亦有二種。謂安住引發辦事。既引起神通辦利生事。故見者深喜。現法樂住諸惑不行。又資慧斷惑。故見者感滅。六般若者。般若梵言。此翻爲慧。推求諦理名之慧也。此及後四。皆擇法爲

體。亦有二種。一生空無分別。二法空無分別。三俱空無分別。攝論以加行正體後得爲三。約六度說。璣珞以照有照無及照中道。而爲三者。唯約法空。三觀之義至下當明。慧導萬行。故云修諸行海。言具足者。具上三也。因如有目。故果獲身智二光能滅諸闇。七方便者。即善巧也。方謂方法便謂便宜。下四但各二種。今初謂迴向方便。拔濟方便。文云。種種化生。即拔濟善巧。所修成就。兼於迴向菩提。所化無邊。果得十方而橫遍。爲物取果賢窮來際而不休。八願者。即希求要誓。有義。即以欲勝解及信爲性。亦有二種。謂求菩提願利樂他願。由初願故出現世間。由後願故救生不息。九力者。不可屈伏。故隨思隨修。任運成就。亦有二種。謂思擇修習。今言法力。即思擇諸法而修習故。攝論由此二力。令前六度無間現前。經云。成自然力。即無師而成。不習而無不利。何能壞哉。十智度。決斷名智。謂如實覺了。亦有二種。謂受用法樂智。成熟有情智。無性論云。由施等六成。此智復由此智成立六種。名受法樂。由此妙智能正了知此施戒等。饒益有情。經云。普門智。總含二智。別配即初句成熟有情。次句即受用法樂。此二無二故。成無礙力。舒光普照。第九雲音頌。述菩提樹摩尼果中。默佛往修十地行果。十一頌分二。初一總舉。謂佛果大用。由若地行及結說處。餘十次第各述一地。地義

當品廣明今皆略述而已。初地略述四義。一。加行多劫。諸論皆說地前爲一僧祇。已爲無量。更有異說。恐厭繁文。二。標入地名。三。出生廣智。謂生如來家見法實性。得妙觀察平等智故。四。普見佛海。同下願智果中。二地四義。一。舉法標名。二。別地行相。三。修行時分。四。供佛多少。三地四義。一。舉法標名。世間中極云積福德。二。修諸禪定。三。忍度偏多。四。開持廣博。四地四義。一。歎慧標名。世無等故。二。了道品境界。凡夫故。二起慈悲。異小乘故。四淨身土。離身見故。五地四義。一。標入地。謂積集福智故。云普藏。二。平等心故。曰等門。三。標地名。三真俗極達會令相順。四。諸法俗境無不等觀。六地有四。一。歎行。二。標名。三。正顯行相。即了緣起法。四。明地用。得十空三昧故。七地有四。一。先標果用。二。照達群機。三。雙行巧攝。四。寄行標名。八地四義。一。別地行相。二。明淨土果。三。略釋地名。四。歎地結說。九地四義。一。標地作用。二。善達教法。三。標示地名。四。廣行多劫。十地有四。一。標起地名。二。含藏法雨。三。能蔽如空庵重。四。深廣難測。故云佛境。諸偈多有結說文並可知。第十善勇猛說。頌儀中。前文多。皆觀衆會。此觀十方者。觀衆表無偏心。觀方表說周遍。二文影略。十頌歎佛體用應機自在德。文分爲三。初一總顯。次八別明。後一結歎歸佛。一一頌中各有四義。今初總歎佛令。物悟入福智。有四義者。一。多衆。二。心異。三。悟

智。四。了福莊嚴。即福也。亦通二嚴。皆佛令。爾故顯衆德。即爲歎佛。別中一見佛體用。亦四義。一起。顯。二。具行。三。見體。四。見用。二見法身。一。勝故無等。二。淨故無礙。三。大故周遍。四。深廣故包含。三見佛色身。一。色妙。謂如金等。二。相具。十華藏相等。三。光盛。謂常放等。四。隨機變。謂三尺無邊等。四見佛智身。一。無礙。無二礙故。真俗無礙故。二。等空稱法性故。三。知根。四。巧現。五。了佛音聲。一。音普遍。二。說應器。三。言同類。四。應無礙。六見佛光明。一。多種。二。遍照。三。見佛。四。現變。七見佛毛光。一。顯光名。二。明出處。三。示往因。四。令信悟。八見佛福相。一。見福相。二。了福因。三。示因體。四。明見處。後一結歎德廣。一。數多。二。深廣。三。用普。四。結說。謂推功歸佛。謙己無能。上來總明第八大段座內衆流竟。自下第九明天地微祥。謂動地興供。即是顯證。上來佛成正覺。衆海雲集。各申慶讚。顯佛高深。而下稱機情上協佛願。故世主爲之興供。天地爲之呈祥。就文分二。先動地後興供。前中三。一動處。二動因。三動相。今初自陝之寬。且云華藏。約下結通。實周法界。諸天重重並華藏之內。故云其地何所不該。又染淨融故。雖標摩竭而地震華藏。二動因中就主顯勝。但明佛力感應道交。亦由物機。然沉明動因。總有其土。今當轉法輪。亦兼成道。餘如別章。三動相者。其地下是震即是聲。動即是形聲兼吼擊。形兼起踊。故有六種。

此六各三成十八相。搖颺不安爲動。自下漸高爲起。忽然騰舉爲踊。隱隱出聲爲震。雄聲郁遏爲吼。砰礚發響爲擊。十八相者。唯一方動直爾名動。四方若次第。若一時動者名爲遍動。若八方次第。或一時動名普遍動。又四方八方十方如次名三相動。又一方獨動。十方次第動。十方同時動。又爲三相。餘五例之。然動何所爲。依勝思惟梵天經。所爲有七。一。令諸魔怖故。二。爲說法時。大衆心不散亂故。三。令放逸者生覺知故。四。令衆生知法相故。五。令衆生觀說法處故。六。令成熟者得解脫故。七。令隨順問正義故。此上七緣正是今經所爲。地論有四。非當此文。上約外器。若心地聖賢地法性地。亦有震動等義。可以虛求。二興供中三。一。標數。同生之衆亦得稱主。爲物依故。二。所謂下略列。三。此諸下結遍。第十如此下結通無盡。文分有二。一。結華藏內。二。結華藏外。前中亦二。先舉此界。二其華藏下。類華藏中一切世界。於中三。初類衆海興供。一切世界者。謂華藏中有十不可說佛刹微塵數世界種。一一種中。各有不可說不可說佛刹微塵數世界。彼等一切諸世界中悉有世主而爲供養。二其一切下。類佛坐道場。然有二義。一。彼諸世主。各供當處之佛。二。彼諸世主。亦供此佛。此佛亦坐彼界道場。三一一下類結大衆得法。於中有十一句。爲聞法得益。得益有三。一聞益。各各信解故。謂信其言而解其義。

二思益。謂於所對審緣慮故。三修益。修益有七。一修門。謂三昧方便故。二修法。謂資糧助道故。三修果契。理成就故。四修益。隨有所得。成法喜故。五修轉。各各趣入無量乘門。及衆生界故。六修同悟解法門。合先聖故。七修極。修極有三。一大悲極。入佛神通境。入佛神通境。但爲益生。故此成思德。二大智極。入佛力境。如來力境悲智超絕。無能及故。成佛智德。三自在極。入如來解脫門。盡一切障。心境自在。成佛斷德。亦即是前諸解脫門。二如於此下。結華藏外謂以華藏例於法界。各有此會同爲一大法界會。方是華嚴無盡說耳。上來十段。總明教起因緣分竟。

大方廣佛華嚴經疏卷第八

大方廣佛華嚴經疏卷第九

唐清涼山大華嚴寺沙門澄觀撰

如來現相品第二。此下第二正宗分。第六經。卷第十一。

將釋此品四門分別。一來意。二釋名。三宗趣。四釋文。然下諸品多用此四。若有增減。至文當辯。今初來意中。二。先分來後品來。今初三分之中。目下正宗。由致既彰。正宗宜顯。故次來也。四分之中。已明教起因緣。大辯說法儀式。故次來也。二品來者。曲有二義。一前辯衆集。今顯現相。二前明舊衆。今辯新集。故次來也。二釋名者。一分名者。

正。宗正陳宗旨。揀序流通。若四分中。名舉果勸樂生信者。舉依正果勸物信樂。是故亦名所信因果。亦名說佛依果會。以從多說故。二品名者。如來是能現之人。相是所現之法。現通能所。能所合說。體用雙陳。以立其稱。然如來現相各有五義。以成其十。如來五者。一就理顯。謂法性名。如。出障名。來。二唯就行。瑜伽云。言無虛妄故名。如來。三涅槃三十二亦同此說。三理智合說。轉法輪論云。第一義諦名。如。正覺名。來。正覺第一義諦。故名。如來。此與成實大同。四離相說。般若云。如來者。無所從來。亦無所去。故名。如來。五融攝說。謂一如無二。如若理若智若開若合。無不皆如。故名爲如。如外無法來亦即如。如是來者是眞如來。現相五者。現。面門光相。召十方衆。二現。眉間光相。示說法主。三振動利網。以警群機。四佛前現華表。說依果。五白毫出衆表。教從佛流。如是等相。是如來現相品中辯此。故以爲名。三宗趣者。亦二。一分宗。三分正宗。已如。上說。四分之宗。即以佛果無邊利海。具三世間無盡自在。故以爲宗。令諸菩薩。發生淨信。修行涉求。以之爲趣。二品宗者。以光相表示爲宗。令上智玄悟爲趣。四釋文者。此下二品說法儀式。是當分方便。即分爲二。一初現相品爲遠方便。後三昧品爲近方便。今初一品大分爲六。一衆海同請。二光召有緣。三所召雲奔。四現瑞表說。五稱揚佛德。六結通無窮。今初先以五門。料揀諸會請

問之殊。一問之有無。二所問法異。三能問人別。四儀式不同。五疑之權實。初中前二後二。此四有問中五皆無。謂初會標果起。因故問。第二會尋因至果故問。但因有升降。寄六會以答之。果無差別。第七當會答也。然諸會更有問者。並當會別義以總收之。或重明於前非。大位問。第八會明因果純熟。故須有問。謂行修無礙。六位頓成。故當會答。第七會明稱性因果。故別有問。謂俱入法界無差別故。亦當會答。四處都有三百一十句問。謂初及第二。各四十問。第八二百。第九三十。中本廣本問則難思。二所問異者。初兩會問果廣因略。爲成信解故。第八會問因廣果略。爲成行故。第九會問全同。初會。而因舉主佛之因。明因是果。因顯唯證故。三能問人異者。初及第九。皆同生異生。二衆齊問。以所問法衆同依故。第二會中唯同生問。以所入位同生勝故。八唯同生。一人自問。以造修之行各自成故。四請問儀式。復有二義。一約言念。二約通別。初中請有二種。一言二念。答亦有一。一言答二示相。交結相望。應成九句。在文唯。四。初會之中。具二問答。謂現相品長行念請供聲言請。初光示法主現華表義。現衆表教。即示相答。三昧品中以言重請。下之三品亦以言答。第二會唯念請。如來初相答。菩薩言說答。佛心自在不待與言。佛力殊勝現相能答。第八會言請言答。此顯菩薩不同佛故。第九會念請示相答。顯以心傳

心唯證相應離言說故。二通別者。初後二會別問通答。二八兩會別問別答。又初會亦得是別問別答。次文當明。第五疑之權實者。問諸王菩薩位皆圓極。何得有疑。有云。爲衆生疑故有云。希佛果故。又顯因果懸隔故。然上二解初權後實。並皆有理可通。餘教。然此經中。若實若權。無非法界之疑。以疑爲有力。與所說證爲緣起故。此事舊爾海印頓現。疑之與答。念念常疑念念常斷。其猶像模因模之高成。像之下。因模之下成。像之高。緣起法界理應爾故。次正釋文。文分二別。先長行念請。後供聲偈請。前中亦二。先舉人標念。謂盡於衆海。皆希佛境。並欲利生成緣起門。故標同念。二云何下。正顯問端。有四十句。且分二別。前二十句直爾疑念請。後二十句引例學法請。準義二文皆應具舉。互有影略。不欲繁辭。故下偈中。更不引例。合二處文直爾請說。第二會中亦有此二。而引例中問同。此直請。正欲顯於諸佛道同影略之義。又四十句中。初二句問果。後十句問因。中間十句明化用普周。通問依正染淨因果。前是所求後是所行。中是所知故。分是舉果故先問果。據斯義類亦可分三。今以兩段皆有結請。故但分二。前中亦二。先正疑念後明結請。今初前十句問。德用圓滿。後十句問。體相顯著。今初十句文唯有八偈。有神通及自在二問。世界成就品初答中亦同此。有今文闕者。或是脫漏。或是義含。無能攝取之中。攝

此二故。故下法界品中。闕無能攝取及與神通。唯有自在。故此三事合則可一。開則爲三。故出沒不同。言佛地者。即智德分位。然此經宗通收萬德故。廣則無量。略有十種。如上所引同性經說。然體不出五。謂清淨法界及與四智。以斯五法。攝大覺性具。如佛地經。及彼論說。然要唯有二。無所不攝。謂真理妙智融而無二。是諸佛地。並有生成住持功能。故名爲地。此句爲總該攝諸德。下明佛果。皆答斯問。二佛境界下。諸句皆別明佛地之德。言境界者。悲智所緣故。亦分齊故。廣亦無量略有十種。如出現及問明不思議品廣說。然出現多明體遍不思議品。以辯超勝。故云十種無比境界。問明該其因果體用。小有不同。至文當知。若準。瑜伽。如來境界。謂五界差別。一有情界。二世界。三法界。四調伏界。五調伏加行界。或說要唯有四。一所緣真俗。二所住利海。三所起業用。四所應攝化。並如下說。此與瑜伽大同。總唯有二。謂佛即境約分齊說。或佛之境。約所觀化等。今文多顯佛之境也。三佛加持者。謂佛勝力任持。令有所作。廣亦無量略有十種。如不思議法品及法雲地說。離世間品。十種佛所攝持。亦其例也。然不出三類。一如加持化身及舍利等。二如加養婆入。火不燒等。三如加非情作佛事等。此與神通寬狹不同。謂六通中。唯神境一有。加持故。今此加持即是神力。四所行者是佛所作。或說十種。如不思議

品云。諸佛世尊有十種化。不失時等。亦是所行之行。如出現品。謂無礙行。是如來行等。或大悲攝生。或大智造緣。無思成事。方便善巧所作究竟。皆名爲行。然約人望行。標云所行。既是所作實通能所。故不同彼境界之中。彼智所觀所應攝化但就所故。況所望不同。故不相濫。若準。瑜伽七十八中引深密經佛答文殊。此二別相云所行。謂一切種如來。共有不思議無量功德莊嚴淨土如來境界。謂一切種。五界差別。五界如前。五佛力者。即佛大力自在廣有無量。略說有十。即處非處等。又有十種。謂廣大平等。如不思議品六無畏者。無諸畏懼故。離世間品說有十種無畏。或說四種。如常所明。昔云。前四是異。二乘功德。佛力是破魔功德。無畏是伏外道功德。未必全爾。十力無畏亦不共。二乘故。然上來多明大智功德。七佛三昧者。謂佛果等持數過塵算。如師子頤申等。略說十種。如不思議品說。佛有無量不思議三昧等。八準答及頌名。佛神通者。謂依定發起無礙神用。或說有十如十通品。不思議品云。一切諸佛有無邊際無礙解脫。示現無盡大神通力。十通唯局菩薩。或說有六如常所辯。然名通大。小。九準答及頌名。佛自在。謂所作任意無礙成就故。廣有無量。或說百種。謂於衆生自在等。各有十故略有十種。謂命自在等。並如離世間品說。不思議品亦說有十。謂諸佛世尊於一切法。皆悉自在等。十無

能攝取者。頌名無能制伏。答中名無能毀壞。謂佛所作無有天上人中。沙門魔梵。及諸二乘大菩薩等。神力能制。是故舊經翻爲佛勝法也。略有十種。如不思議品。諸佛有十種最勝法。若取無能毀壞。即十種大那羅延幢勇健法。是上之十問。多在不思議品。至下當知。二云何是諸佛眼。十句問體相顯著。謂六根三業。於身業中開常光爲身光。放光爲光明。故有十句。不思議法。諸佛有十種法。普遍無量無邊法界。謂無邊際眼等。離世間品一一各以十門辯釋。又出現品說佛三業。各具十義。然諸經論。說佛常光一尋。準不思議品常妙光明不可說不可說。種種色相以爲嚴好。爲光明藏。出生無量圓滿光明。普照十方。無有障礙。然放光則有時不放。如諸會面門毫相所放之類。然相海品。其一相常放光明。斯即放光亦通常光。而分別者。常即湛遍。放則見有去來。故言佛智者。廣即無量。略說有十。體不出五。謂清淨智及大回鏡等四智。要唯有二。謂根本後得。總攝唯一。諸法實相無障礙智。此之十句多如相海及隨好品。二惟顯下結請。將欲引例故。且結請。二又十方下。引例舉法請。亦分爲二。初引例後結請。今初分二。前十句問。化用普周。後十句問。因德深廣。今初文唯有九闕安立海。一世界海者。是化用處。如華藏品。二衆生海是所化機。即剎中所持。三準答及頌名。法界安立海。如世界成就品。

通明。法界所安立海。起具因緣等故。若因緣者。賢首云。所化生法也。亦是前二。於法界中施設安立故。諸經論皆說世諦。爲安立諦。然安立言。梵云奈耶。而義多含。或云理趣。或云方便。或云法式。或云法門。或云安立故。知即安立法式也。四佛海者。能化主也。如華藏品廣舉其名。亦如不思議品。五波羅蜜海者。化所成行如離世間品。六佛解脫海者。化所得果如法界品。七佛變化海者。隨機神變化難化衆生。即身業化也。如諸會不起而遍。光明覺品長行身業阿僧祇等。皆是其文。八佛演說海者。稱根說法語業化也。如四諦品。九佛名號海。隨機立稱如名號品。十佛壽量海者。隨器所感住世修短。如壽量品。二及一切下問。因德深廣中。一創於生死立大誓願。二勝進大心趣求佛果。三積集菩提福智資糧。四運諸菩薩從因至果。五慈悲喜捨。四菩薩行。六謂永背業惑證契真理。餘四可知。然此十句有通有別。別則初二寄十信。次二十住。次一十行。次一十向。以向出離故。大三登地。已上。後一等覺。此約橫論一切菩薩。若約通說各通始終。即豎論一切菩薩也。故此十句文通行位。然皆普攝法界深廣無邊。故云海也。並如下諸會說。二顯佛下結請。既是引例故致亦言。此四十句答文在。何問有通局。答亦如之。通即諸會與此相應皆是答。此上所引者居然當之。謂前衆海既是九會常隨。豈得此問

局於初會。豈復衆海問不盡耶。故知初會爲總九會同答此問。而爲分意別。故諸分初皆重學諸問。則顯分分之中皆通。因果等故則從此盡光明覺答十海問。問明已下答十因問。不思議品下。答二十句果。至下當知。又就四十問。十海爲總九會同答十海。一世界成就品。答世界安立海。二華藏品。答世界海。遮那但引因釋。成現相三昧。但是說法由致。並非別答海問。三名號品。答如來名號海。四四諦品。答演說海。五光明覺至十忍品。別答十句因問。通答衆生海。修因之人即所化生故。六阿僧祇品。答變化海。長行舉數欲顯化用難量故。偈中廣明變化重重微細難說。七壽量住處。皆答壽量海。八不思議等五品。別答二十句果問。總明佛海。就德深廣以顯佛故。九第八會。答波羅蜜海。總攝諸位皆成行故。十第九會。答解脫海。證入法界起大用故。問中爲大與答異者。問約本有修成自行化他。而爲次第。謂先有世界衆生。則有佛出修因得果故。波羅蜜海是因。解脫是果。餘四皆大用。謂隨機變化隨宜說法稱物立名。隨物修短。答中先人後已故。大用四海居先。自利。因果二海居後。又衆生一海。亦可通在。九海皆爲生故。種種隨宜。顯生多故。若約局言當會答盡。此復有二。一現相答。下文賞示。二者言說答。此亦有二。一經來未盡。二答二衆。餘成就品當引。第二爾時下。供聲偈請中分二。先明因緣。後正

①以二有②惟二唯③等品二品等④已二以⑤答二益⑥因果二果因

說偈。今初前請在念。佛雖已知。今請彰言。使大眾同曉。前既爲法與供。今乃以供宣心。不因拈擊。故曰自然。非無因緣。即菩薩威力。同異。生衆皆菩薩也。又表身口爲供具故。供具皆即法界體故。二正說偈中。十頌分二。初三歎德請。後七舉法請。前中亦二。初二歎佛明具說。因後一歎衆明具說緣。今初也。前偈即悲之智已滿。爲物現身。後偈即智之悲已圓。能斷疑除苦。有悲必普。有智必能。故應說也。後一歎衆請中。前半歎衆顯無異念。後半結請明說則斷疑。後舉法請中分三。初四述前初十句問。小有不次。但取文便。及餘一切廣大法者。結例所餘。謂二十句外佛無邊德。亦願說之。不思議品廣說餘門。諸說果處皆答此也。次一頌。述前體相顯著十句。略示可知。後二頌。述化用普周十句之間。現文唯七。以佛海中。舍於神變壽量名號。以此三海不離佛故。不問因者。長行。名通諸會。故列因疑。今彰初分請當會答。又顯此會因略果廣。第二會果略因廣故。第二爾時世尊下。明光召有緣分。長分爲十。一放光意。以領念故。供聲易了故。略不明念但疑法。何以放光現相答故。答相云何。謂佛三昧力加持放光。令菩薩來遠。遠能爲。此即佛地境界。是佛所行無攝無畏故。此爲總意。若別明者。如文思之。又召來菩薩亦是言答上之十問。至文當知。二即於下。明光依處。而門即口。言衆齒者。表四十問。教

道遐舒。口生真子故。咀法滋味益法身故。總處放者。此會總故。三放佛下。顯光體隨機多演故。四所謂下列光明。略列十名。皆從體用立稱。五如是下結光數。六一一下彰眷屬。七其光下。辯色相。衆寶隱映表。教道含容。八普照下。明光應遠。九彼世界下。彼衆咸通。十以佛下。偈聲命召即通舉十號示。爲所歸。十偈在文且分爲五。初六偈自彰因果已圓。勸同觀禮。於中初一總明二利因滿。成正遍知。次一毛光開覺。是明行足。次一頌往來諸趣。是世間解。一念解脫可謂善逝。次一云成。正覺。即佛義焉。次一大音演寂。謂無上士。隨心開覺。是調御丈夫。次一諸力皆圓。即天人師也。二有一頌明衆海已集。引例勸歸。既云已。雨諸雲爲供。是應供也。爲對引例故不當次。三一頌圓音隨機見必蒙益。結云兩足尊。即世尊也。四一頌義海頓演。宜速及時。如三世佛大願而來。故結云如來也。五一頌特命有緣。是光本意。第三爾時十方下。所召雲奔。文分爲三。第一同會道場。第二現自在用。第三聲光自述。今初。亦三。初總明。二所謂下列顯。三如是等下總結。別中十方即爲十段。一一方中皆有十事。一定方。二土海。三世界。四佛名。五主菩薩。六眷屬數。七至佛所。八興供雲。九中禮獻供。十化座安坐。此中應有世界種種名略不說耳。其東方供雲應有十種。而但九者。塗香燒香二文合故。言各現者。主伴一一皆現也。重重無礙各遍虛

空。一一可觀名不散滅。十方化座體相各異。而皆同名蓮華藏師子之座者。師子之義已見上文。蓮華藏言。通有三意。一約菩薩表含藏開敷故。二約所詮將說依報故。三約諸會通顯華嚴故。上下還於本方坐者。佛圓迴身皆見而故。異於餘宗但八方故。三總結中文有其八。一略示前文云如是等。二總明海數。謂十億刹塵。以上來所列是華藏鱗次之海。口光各照一億十方。故有十也。上二段前別中所無。三結主。四結伴。五結來至。六結與供。七結禮獻。八結安坐。既爲總結。故闕定方。已至會中。故闕初海等三事。第二如是坐已下。現自在用。即爲歎德。謂塵塵近佛念念益生。文有其八。一明諸菩薩毛孔現光。二光現菩薩。三菩薩入塵。四塵含廣刹。五刹有如來。六菩薩往供。七助佛揚化。八所化成益。初二可知。三言安立海所有微塵者。略有二義。一一切施設依正等塵。一一稱真故。二約觀心衆生意識所緣。即是法界。例依名相分別而轉。是謂安立妄故爲塵。體皆可依是名大利。皆有覺性。是曰如來。此明菩提證入衆生性海。四中可知。五隨世俗故說有三世。全稱性故並在塵中。六中供養者。通財及法。七於念念下。助佛揚化。及第八念念中下。所化成益。於中賢首對前開悟。以三義釋之。一別配釋。二圓通釋。三各別釋。初者謂以前十法門。對後所成十益。一門得其一益。二三前却餘並如次。一以

①指一攝 ②生衆一衆生 ③〔後〕一 ④〔二〕一 ⑤會二含 ⑥名二明 ⑦列十〔別〕 ⑧云二頌 ⑨明二名 ⑩〔及〕一

夢自在門。夢中警覺造惡衆生。令得斷惡。免苦益故。二以菩薩行門。令人正定。三以現諸天殺生門。令生天受樂。以放逸則致。剋念便生故。上三人天乘。四以動利現。無常令厭。以歎佛神變令。欣成二乘益。下皆大乘。五以嚴刹大願令。修福求向。六以攝生言詞令。發大心。以佛音聲即同體大悲故。七以佛雨法。令入菩薩不退之位。已上三位在地前三賢。八以照遍滿法界土及神變令。得初地已上智眼見平等法。九以佛普現遍法界解脫力。令得八地已上大力大願無盡智淨國土益。十以普賢建道場。令住佛果大願海。言生如來家者。入佛果位故生。非是初地已上生佛家也。二圓通者。此上十法。於此十益。一一遍通。謂或一法成十益。或十法成一益。如是互遍無所障礙。三各別者。謂前十法門。各自開悟世界海微塵數衆生。此以法爲益。後十益但言須彌塵數。不言刹塵之國。則是己身以人爲益。既各別釋則夢自在門。亦顯一切皆如夢故。延促等無礙故云。自在。餘並可知。此上菩薩法化。始從放光。終於得益。順數八段。若逆推十二金疊無盡。一其十須彌塵數衆生。得。益方在一國。餘一切土皆爾。故云。一一國。土各令等也。二此一切土益在一念時中。餘一切念時皆爾。故云。念念中也。三如是念念之益。方是一法門。所開悟。一一法門皆爾。四彼多法門。方是一念所用。餘念念所用法門亦爾。五彼多念法門方論。

一廣刹。如一廣刹。如是十刹塵數廣刹皆爾。六彼多廣刹方論。一塵內。如一塵。一切安立中諸塵亦然。七如上諸塵。方是一安立海。如一安立海。遍法界諸安立海亦然。八遍法界安立海中業用。方是一化菩薩所化。如一化菩薩。十世界海化菩薩。一一皆然。九諸化菩薩。方是一光所現。如一光。一一光亦然。十彼十刹塵數光明。方是一毛孔現。如一毛孔遍身。一一毛孔皆然。十一彼遍身毛孔。方是一菩薩。如一菩薩。有如是十億佛刹微塵數。各世界海微塵數菩薩。遍身毛孔皆爾。十二上來所明。十一重作用。方論來此一會。如此一會。於餘佛會亦復如是。此後一段偈文具之。又上十二重。一一開之爲二。便成二十四重。且如一念望一切念。即是二義。類例相似合之爲一。餘十一重準此思之。如是重疊無盡。各周法界。唯智頓觀非。心識境。華嚴海會大用皆然。第三光聲自述。前既光聲召命。今亦光聲自述。菩薩位極用窮深廣。若非自述時衆難知。十頌分二。初一總明。兼陳說處。後九別顯。德用殊勝。文分爲三。初三通顯體用自在。初偈悲智相導。度衆生而不疲。次偈空有雙觀。入法門而常寂。後偈物我無滯。故化他而自清。次五頌。別叙前現自在與前影略。一身遍十方智觀寂滅。即顯不唯來此會也。二身光普入智眼遍觀。三住一毛端遍動諸刹。況乎於上處寶蓮華。四塵塵多身。門門化異。舉一殺生門可以例諸。五念

劫無礙結。由證深。念劫既融。故於念念能作法性無礙者。分與無分皆無礙故。謂證理不唯無分。故在一切處而全在一法。一切法亦然。各有四句身等不唯分。故常在此而無。不在思之。後一偈結廣有歸。普賢勝行皆入。非獨向來所陳故。能光中演。斯自在。大文第四現瑞表法。上所現相。但召有緣衆集。將陳故重現斯瑞。瑞文有三。初光示法主。二現華表義。三現衆表教。法藉人弘。故先明主義。爲教本故在教前。今初示主。文分爲六。一意。二體。三名。四相。五展。六收。今初可知。二放眉間光。即光體也。眉間者。表離二邊故。於體不計有無二邊。於義不著常無常等諸法相邊。於行不習苦樂二邊。於道不住邪正二邊。於入不執因果二邊。於教不說世出世二邊。於諦不見真俗二邊。於化不定權實二邊。是故爲衆放眉間光。三此光下辯光名。菩薩智光者。令得能知智也。普照十方藏者。令照所知境也。藏有三義。一智光含德無盡故。二以十方刹海各於塵內重含諸刹故。三亦通於五藏。以言智光故。照初二藏。令菩薩證。照次二藏。令菩薩成。證則得於涅槃。成則得於菩提。照第五藏。令化令淨。三後一如下業中。四其狀下顯相。謂色如燈雲猶日月。洞照周遍潤澤雨。法雨故。具如相海品。五遍照下展。即光業用。於中分五。一所照分齊。謂盡十方一切佛刹。二光所現。謂土及衆生。三動刹網。以諸世界

●欣二忻● ●〔若〕一● ●益二一● ●土一● ●各二箇● ●九二明● ●於二施● ●〔不〕一● ●召二名●

重疊影現。交互相當。猶如網孔。四塵現如來。五隨機雨法。略舉三法皆下所顯。初法輪雲示其所行。二出離雲示其所度。三大願雲示說法主。謂將說普法。令知法主大願。普周剎塵內故。第六作是下。收則示有終歸。證從佛流。眉間出光修因。順果故須右繞。自下升高故從足入。履佛所行方證入故。第二爾時佛前下。現華表。義文有二別。一總標華現為坐。所現中方衆。故通表所詮佛華嚴故。別表華藏佛所淨故。故於佛前出此蓮華。既通表華嚴亦具同時具足等十門及教義等。而其本意正表義耳。忽然現者。依理起事難測。量故。二其華下顯具德嚴文亦有二。先標十種顯德無盡。後所謂下。別列十句。前六體備衆德。後四妙用自在。今初。蓮子住處有含藏之義。故名爲藏表。示法門。一含一切。華藏之名由此而立。後妙用中。一念況多摩尼寶王。即前藏體影現佛身。即依正無礙。既發多聲聲皆演法。第三此華生下。現衆表教。文略有三。一現衆時。言一念者華生無間表教義相應。二現衆處。謂白毫中表教從所證淨法界所流。爲衆教源。如白爲色本。三有菩薩下。正明衆現。亦分爲三。一主屬齊現遍詮諸法。故云一切所詮圓滿。是曰勝音圓教法門。必攝眷屬故。下文云。世界海微塵數修多羅。以爲眷屬。權實無礙故曰俱時。二右繞下。申敬就座。主伴雖殊並修因順果。故右繞如來。文義

相隨故。依華坐。正助不等臺巖有差。上義依理明故忽然而現。今教由人立。故衆從佛流。亦如涅槃從牛出乳。三其一切下。彰其德業。主教是宗教偏歟主。文有十句。略爲二解。一暨配十地。此明普攝十地功德。一句一地。初地歡喜得智證如。二地性戒。是佛所行。三地多聞入法身海。四行道品。善友是依。五地總行現通利物。六觀法。界般若現前。七功用已終。故佛與力。八無生無動任三昧心。九爲法師見無邊法。十具於大盡三昧等圓。初地尙攝諸地功德。況於後後不具前前。二橫就極位釋者。一理智了真。二量智入行。三證窮法身。四常觀受用。五毛現神變。六念觀法門。七外威佛加。八內安身定。九賢見來際。十橫無不圓。故此十句攝爲五對。若橫若豎能證必具。故爲二釋。

大方廣佛華嚴經疏卷第九

大方廣佛華嚴經疏卷第十

唐清涼山大華嚴寺沙門澄觀撰

大文第五稱揚佛德。既現既至任力稱揚。自中岡極之情。顯佛無涯之德。文分爲二。初一眉間菩薩讚。後十十方菩薩讚。新衆繞集佛便現瑞文。不累書故編成次。以讚德相類結集。併之一處。乘現勝音之次。先舉勝音之偈。後十菩薩即如次十方。昔人不

曉斯文。便將後十爲勝音眷屬。非唯章疏之失。亦乃翻譯有違。何者。且眉間出衆。即主伴皆讚。十方來衆寂無一言。主伴禮儀一何疎索。況準法界品例來者皆有讚詞。細尋菩薩之名。與前十方如次相似。但由譯人不審致令名小乖差。至下文文。一對辯。今初勝音文分二。先說偈儀。後正說偈。下十例然。偈中總相讚佛。亦舍諸問思之可知。十頌分三。初三直就佛歎。次六約衆歎佛。三有一偈雙結主伴。初中三偈皆歎如來體用無礙。於中初一不動本而周遍。則十身圓融遍四法界。後二不壞小相而廣容。上則事如理故。此則事含理故。於中前一偈半。一毛攝三世間。後半類餘謂遍法界內皆有佛身。無有一毛不含利海。又一毛表解脫門。諸佛菩薩智所住故。現多利海者。門門皆是淨土因故。次六偈約衆歎者。聖賢輔翼顯主勝故。六偈總明主伴皆遍於中。初二總身總相遍。後四總身遍別中。既微細難思故。唯普智方知普行方立。三雙結可知。第二十方菩薩讚德。十方即爲十段。今初東方。言衆中者。大衆海中前列名處。名觀察勝法蓮華幢。幢相高出。王是超勝。此喻相似。光慧即是所喻幢體。偈中讚佛真應二身密答。上佛地。如來智等攝佛地故。十頌分二。初三讚真後七讚應。讚真必體用雙美。讚應唯約用明。欲顯門差實非體外。今初也。於中初一讚智身。次一讚法身。後一雙結智。含四

◎證二正◎ ◎此明二明此◎ ◎身二深◎ ◎證二證◎ ◎大二此◎ ◎舍二舍◎ ◎三二二◎ ◎上二一◎

智法即法界五法具矣。智中上半正體證真。下半後起隨俗。又句各一智。初句大圓鏡智。行相深細故。次句平等性智。自他平等即法界故。次句妙觀察智。於自共相無礙轉故。末句成所作智。成就利他導世事故。二讚法身中。上半體相皆同。同有二義。一本性法身體同。言無依者。無住本故。無差別者。體無二故。二已證法身相同。力無畏等皆無異故。此則無礙慧身不依一切。離諸分別。是無差別。下半用同。能現能生身土智影皆無二故。即法身無色應物現形。三雙結者。上半結智。上句根本下句後得。下半結法。但舉其用體通上下。以智契如故。金光明說如及如如智。為法身故。後七讚應分三。初一隨樂現應。不思議者隨緣無邊故。光明覺云。億那由劫共思量。色相威德轉無邊等。次四身光演法。初一化身演法。望前應身即重化也。次二毛光演法。後一結歎難量。法輪義如別說。後二偈成道起通。上皆圓融亦有十身。且從一義耳。第二南方。法喜菩薩。前。雲集中。名。普照法海慧。會義亦同。光明即照法故。十頌歎佛寂用應機德。答前境界。法身顯現即分齊境。無生無體。即所觀境。衆生國土皆所化境。於中分三。初四依真起應。於中分二。先一。偈顯真。佛身常者第一義。常出三世故。智符於理。湛然常照。顯者離二障故。現者常在前故。不同衆生自體常也。法界悉充滿者。諸根相好一一無邊無限。福智所莊嚴故。次

二句言恒用普。恒自受用廣大法樂故。下三偈起用。初一普隨物樂。次一感應道交。後一法光無際。二有三偈體用無礙。於中初二句。約相無生現生。次二句約性無住而住。次一偈約用無去住而普。周。後偈體用雙拂。謂無體拂上無生。無生為佛法體故。今體即非體。無住處者拂約性二句。亦無生可得拂。示生句。下半拂前第二偈約用。用如影故。三有三偈明真應無盡。一法雲無盡。二衆會無盡。三身相無盡。無盡相言兼真身故。終不盡者全同體故。第三西方香焰菩薩。前名月光香焰普莊嚴。此中光即月光。明慧即是智慧莊嚴。十頌讚佛身含衆海。即答加持問。由加能入故。於中前九讚衆海。則佛德可知。後一結德歸佛。前中初一總餘八別。別中二。前四不遍一切。於中初一智身入剎塵。次一色身普現用。後二釋成前義。一普賢行圓故。二身心平等故。後有四偈。明微細入。於毛孔剎中。而作用故。後一結中非唯一會。一切菩薩皆入佛身。方為讚佛。第四北方菩薩。此同。本名但加慧字。然此十頌。歎佛依體起用。轉大法輪。答前佛行。佛以轉法化生。為其行故。文中分三。初二句總。次八偈半別。後一偈結。別中讚佛十化。初二句現受生。化。處處受生身雲遍故。次一偈讚神通化。末句雖云轉法意在通用。三有三句讚業果化。一切諸刹名號不同者。示同趣類業報名字。故上三依身。四隨應演妙法者。即辯揚化。隨應則能斷彼

疑故。五一偈勸讚勵化。妙音讚勵故。六一偈慶慰化。普雨法雨。令彼進修無生法故。上三語業。七有一偈。領受意化。領問受取。演昔行故。八有一偈。決擇意化。決擇有精心行差別。及揀諸法性相不同。方能普化故。九一偈發起意化。發起宿善及三乘大行。為善調故。十有一偈。造作意化。建立佛法事義。種種皆令見故。依實起用。即是化身故。說化身無別心色。此之十化。與佛地經大第無違。但令相融不違經旨。末後一偈。結歸斯會可知。第五東北方法海菩薩。前衆集中。名最勝光明燈無盡功德藏。法海可當最勝光明。義與慧同。功德藏名前後無別。無盡二字前有後無。十頌讚佛攝勝眷屬。答佛力問。寄讚菩薩。實由佛力故。結云住力地中。文中。初一智滿得法。即為總相。如是方便門者。此有二意。一指前。謂具前三輪之化。能周遍一國土。二即下九別為如是方便也。餘九別相共讚七事。一讚普演大音。有三種大。一者處大。一一國故。二者義大。說佛所行故。三者體大。周聞十方故。二讚時無空過。念念觀法證真。實故。三能入勝處。諸佛身中修淨國故。四於染無礙。塵中證法而周行故。五能入佛境。見佛神力。入行處故。行處有二。一智行處。謂十力境。二佛化處。謂器及衆生。六有三頌。善入音聲。初入大音。次入妙音。後入一切音。七一頌善知諸地。言從地者即出心也。而得地者即住入也。力地中者即佛地

也。所獲法者結上方便也。第六東南方慧燈菩薩。名全同前。十頌讚諸菩薩悟入深廣。由三昧力見佛三昧。即答三昧問也。於中分四。初二歎見佛真體。一見佛離相。二見佛自在。言離衆相者。般若云。離一切諸相。則名諸佛。慈氏論云。但離四相。即離一切。謂名義自性及差別也。言自在者。由菩薩定慧雙運。故見佛自在也。次四頌明悟法。一證深理法願力而現。二悟多行法福智成。形三達果法體無不遍。四了教法深廣難知。三有二頌歎身業普應。一深二廣。云堅密者。齊佛體用。堅即金剛之身。密謂三密之一。即一而多。故遍一切。即大而小。故現塵中。無功之應。故無相而現。若約法門。此身即如來藏性也。不可破壞。故堅。深而難見。故密。衆生塵心無不皆具。本自有之。故曰無生。體絕百非。故曰無相。衆生六根是謂諸國。四後二頌歎得佛加持。一此佛力。二餘佛力。第七西南方。前列名處。云普華。光焰髻。少同多異。十頌歎佛攝生自在德。答前自在問。文分爲三。初六攝生無遺。次二寂用無礙。後二大用無涯。今初文二。初二能攝。謂身語深廣。前偈語後偈身。身中上半體。客塵不染。故下半用。隨物見異。故亦是釋疑。爲物現相不乖。如空。後四偈所攝。初偈何人能了。內信外攝者。次偈以何眼見。唯勝非劣。次偈了見何法。謂一切法地地三心。後偈何位究竟。菩薩地盡。至入佛海。次二寂用無礙中。初偈用遍出興。

體無來往。後偈即用恒寂隨解自差。後三。大用無涯者。初一一毛皆普現通。後一一身各遍轉法。第八西北方菩薩。前名無盡光摩尼王。此云威德慧即摩尼王。法喻異耳。十頌歎佛出現說法皆周遍德。答無畏問。說法無異故。於中分三。初二總顯身光遍應。次七辯其所作。後一結用歸本。辯所作中分二。初三明光照無遺。後四演法周遍。一遍應內外法界刹中。二遍佛身中一切刹內。三明所轉性相。四明能轉圓音。後一結用歸本。不可得故。第九下方菩薩。前名法界光焰慧。此云普明。即前光焰。十頌讚佛境界用菩薩能入。答神通問。文云。各各現故。於中二。前三顯佛境界勝用。先半偈標其體。謂妙身色相。後二頌半辯其用。後七菩薩能入。謂入佛境界。於中三。初二具德故知見。次三知見成益。後二結用速疾。並可知。第十上方菩薩。此與前名顛倒而已。十頌讚佛圓音現身神變自在。答無能攝取問。謂此願力普周。無能令不取故。於中分三。初三頌歎佛圓音雨法德。然具十義。一唯一妙音。一梵音故。二遍聞。一切稱法性故。三此一即多事理融故。四彼一音雨多法雨。五彼法各具一切文詞。六各同。一切衆生之音。七此音各各遍一切處。八所說各顯性淨之理。九各令一切普得見聞。十各各皆得究竟之益。上之十義。從一妙音展轉開之。具十無盡。方曰圓音。文處可見。次四歎佛現身無礙德。初偈解脫力故。現處周

細。次偈法身力故。現相即虛。後二偈以般若德發揮前偈。初偈釋下半。言影像者。顯無方所故。謂光東則影西。光西則影東。質對像生來無所從。質謝像亡去無所至。故此影像即空無體。後偈釋上半。言如空者。不可取等故。故雖現形猶如水月。平等如空。後三歎佛神變自在德。一則毛孔廣容。二則顯能普遍。三舉少況多。又上略配十句。其中具有四十句。意不能繁指。第六大段。結通無窮分中分二。初舉此。二應知下類彼。言四天下者。意在闊浮言總意別。既以結通菩薩集尤顯上歎。是彼十方。遠方便竟。

普賢三昧品第三 入第七 經初

將釋此品四門同前。初來意者。前衆既集。光示法主。今將說法。是故法主入定受加爲近方便。故次來也。二釋名者。普賢明說法主。以說普法故。三昧是業用。以非證不宜。故此則人法合舉。普賢之三昧。亦此三昧是普賢所有。又三昧境界名爲普賢。一切如來藏身爲普賢。故此則普賢即三昧。揀除定也。若準梵本普賢三昧威德神變品。威德神變皆定之用。攝用從體。但云三昧也。縱佛加光讚皆因定故。餘會入定受加起。定即說。同爲一品。今此開者。文多義廣。勸修學故。言義廣者。建立普賢之行願故。故此比餘龜相。而說四同六異。言四同者。入住加出。言六異者。一數異。餘會入起唯一。此會入起俱多故。二者類異。

類餘方故。三利益異。定起多人益故。四光讚異。如來毛孔光明讚故。五衆請異。從定起已待衆請故。六證相異。餘會經終方有證相。此品益已即便地動雨雲等故。四十二種十地雖有而不具六。今此具六故別立品。以此說果餘皆因故。又爲諸會本故。總故。七八九會雖是果定。說通因果。又非總故。三宗趣者。入法界定法界佛加爲宗。令法界衆成法界德爲趣。望於後品。亦說世界海爲趣。四釋文者。文有六分。一三昧分。二加持分。三起定分。四作證分。五毛光讚德分。六大衆偈請分。初中有二。一明此界入定。二類通十方。就初分三。一承力入。定二彰定名字。三明定體用。今初有六。一時說偈竟時。二主顯佛普德。唯普賢故。三處依。如來者常對佛故。四所依座。大集云。菩薩得蓮華陀羅尼故。說法處皆有蓮華表所入三昧自性無染含果法故。五所依因。謂所入深廣要承力故。六正入三昧心境冥故。二此三昧下。彰定名字。毘盧遮那前已廣釋。復有釋言。廣大生息。具此三義名。如來藏身。身即體也依也。此有二種。一者修成。二者本性。本性者凡聖俱成。修成者唯諸佛有。諸佛有者。慈悲無邊故名爲廣。智慧無上故稱爲大。生相已盡故云生息。涅槃云。離有常住故名如來。萬德含攝是謂藏身。即是出纏之法身也。言本性者。謂即藏身。即是種子。建立趣生故名爲廣。本覺現量與佛等故。名之爲大。新新生故名之爲

生。染淨苦樂所不能動。故名爲息。即上法身在經名藏。謂空不空。空爲能藏。藏不空。故。若以光明遍照。解毘盧遮那。毘盧遮那即是能觀大智。如來藏身即所觀深理。凡雖理有佛智方照。又毘盧遮那亦通本有。本有真實識知遍照法界義故。斯即本覺迷而不知。不得其用。唯佛覺此能無不爲。故云一切諸佛。揀非凡也。亦非因也。顯於依正離如來藏。無別自體。故入此也。賢首釋云。諸佛遍於一切。即顯諸佛無不周遍法界利海。及彼塵中所有諸刹。諸刹塵中復有諸刹。如是重重不可窮盡。言如來藏身者。明即此遍利之身。包容所遍法界利海。無不皆在。如來身中。故名藏身。是故融通總有四句。一身遍利海。二利在身中。三身遍身內利。四利入遍利身。即內即外依正混融。無礙無障。是此三昧所作。故以爲名。將說此法故入茲定。三普入下明體相用。此定相。用無量無邊。皆悉依於如來藏說。略舉其要。句有十三。門乃有十。以後二門。收五句。故攝爲六對。後之二門各一對。故文有四節。義唯有三。至下當明。言六對者。初二句明體用一對。謂無分別智證平等性。以爲定體。影現法界爲勝用也。謂以因因性證彼因性。成彼果性。顯果果性。如是佛性則具七義。一眞二實三善四常五樂六我。七者清淨。生佛之性本末不殊。況佛果。果豈不平等。佛平等性即如來藏。是故但入如來藏身。即是已入佛平等性。此爲

第一契合佛性門也。言勝用者。即示衆影像門。謂能現能生身土智影也。次二深廣一對。廣者無邊。不在內外故。大者無上究竟實際故。無礙者無所障故。同於虛空。成上三義。通爲廣大無礙門。後句即入法海。漩澓門。漩即深也。三有二句出納一對。初出生三昧門。謂若自相若共相等。一切三昧皆從此生。此爲諸定本故。後攝受法界門。終歸此故。法界體性故。四有二句境智一對。初句能成佛智門。謂不體此理非佛智故。後示現諸境門。然安立言總有三種。一者世界安立依報。二者聖教安立妙義。三者觀智。安立諸相。皆法界藏顯現現前。五有二句。即依正含容門。爲內外含容對。謂內含因果智力。外含塵容法界。由塵全依法界藏現。同異性故。六有三句。即成就攝持門。爲成持人法對。謂初成果人功德大願。後持法輪令不斷絕。由斯玄理法眼常全故。上言四節者。初四句明無幽不入。釋上毘盧遮那遍照之義。次四句無德不生。釋上一切諸佛之義。次二句內外含容。釋上藏義。後三句。成德持法釋上身體。言義唯有三者。體相用也。入平等性是定體也。廣大同空是定相也。餘皆定用。此三圓融總爲無礙普賢三昧。二如此下。類通十方及諸塵道。於中有二。初舉此。後如是下類彼。類彼中二。初明平遍法界。後明重疊無盡。前中十一句。初一總明。謂盡窮法界。後十別指以彰曲盡。一盡虛空界。二於空中盡

●此十(是)● ●(用)一● ●(影)一● ●廣一旋● ●(體相用也)一● ●類彼中二於中分●

十方處。三於十方中遍三世時。四於三世中微細物處。謂毛端等。五凡諸小隙無礙之處。六或廣大百千由旬等處。七人天日月光明等處。八盡佛眼見處。九盡神力到處。十佛身能現之處。此第十句有二義。一者結上國土之言。通十一段。二者成下。以是身內之利爲微細故。二及此下。重疊通中略有四重。一盡法界塵。言及此國土者。指前十處之國也。二塵中多利。三利中多佛。四一一佛前有多普賢。於上諸處皆入此定故。普賢身不分普遍。細深廣平滿重疊。此處入定。類通既然。法界入定。類通亦爾。故約主定。佛前唯一普賢。一切一故。若就類通。佛前各有塵數。一切故。第二爾時。一下。加分有三。初口加。次意加。後身加。初中有四。一諸佛現前。以此口加後無結通故。此總舉重重時處。一普賢前也。二彼諸下。讚其得定。此雖果定菩薩門入。故云菩薩三昧。三佛子下。明得定所由。所由有三。一伴佛同加。佛佛道同故。二主佛本願。此二爲緣。三自修行願是入定因。又上三義。前前由於後後。餘豈無斯行耶。法門主故。表說普法故。四所謂下。辯加所爲。此文二勢。一辯加所爲。二顯上行願之相。故云所謂也。所爲謂何。爲轉法輪故。有十一句。初總餘別。別中初一總攝。十智。餘九即是十海。一即安立海。二即衆生及業海。三即世界海。四即佛海。五即名號壽量。及解脫海。變化大用皆功德故。六即波羅蜜海。到實相

岸故。七即轉法輪海。八即根海。九即演說海。與下十智令知此十二爾時下。明意加。於中有二。先加後釋。前中亦二。先此土後類通。前中與十種智。初一總。謂與果海之智。而言與者。佛力灌注令增長故。一切智性即果海也。智性即力無傾動故。具十力故。末後智字即能入也。餘九爲別。即是成就品中十智。由與此智故。後能說彼智。觀彼十海。而文少不次。一即第三法界安立海智。安立無邊量故。二即第四佛海。佛海唯佛分齊之境。三即第一。四即第二。衆生業海。業因微細故云廣大。五含二句。一即第八佛神變海。解脫作用即是神變。神變依定加三昧言。二含三世智。下文一念知三世。由佛不思議解脫力故。由加總句故。合此二六即第五。七即第九。八即第七。願海以願力故。入法界中一切世界。九即第十建立演說。又菩薩根更有三義。修十善道有三善根。修諸地度。精進爲根。攝受正法。信慧爲根。攝養衆生。慈悲爲根。爲成佛道。悲智爲根。種種差別善知故。二如此下類通可知。第二何以故下。釋所因中二。先微意云。諸佛有力能與。有慈能普。何以十智偏加普賢。釋云。普賢得此三昧法。爾應與。三是時下。身加中亦二。初此土。後如此下類通。前中復二。先佛手摩頂。明加彼攝受。又準梵本明十方佛身皆不來。此舒臂不必長。而同時摩頂。各全觸頂互不相礙。皆是如來自在業用。二其手下。辯手相用。於中

十句。以顯無盡。前五德相圓備。謂顯藏直等。故云相好莊嚴。後復出下。五句明妙用自在。意明此手亘十方。而包三世。收因果而該入法。深廣體用無邊自在。非言能說也。後結通可知。第三爾時下。起定分。所作事竟故。於中二。初此界後類通十方。前中亦二。初起定後衆益。前中亦二。初起主定。二起眷屬定。於中亦二。初總謂一起一切起。由此妙定。即是一切三昧海故。餘定爲門皆入此故。彼全同此。亦受海名。二所謂下別。辯塵數既多略列其十。一即能知智三昧。謂無一念暫差。故云念念無差。而不廢遍知爲善巧智。二即所知塵境。上能所一對。三現廣利。四現居處。即於世界總別一對。楞伽經云。如來藏識。頓現一切身器。及諸受用器。即廣利受用即是舍宅。五知心念差別。六知身相名字。即衆生色心一對。七知廣處。八知廣身。即依正一對。雖說微塵。意彰佛廣虛空無方。有物處則現。唯如來藏是實物有。依此建立處所各別。隨菩薩行。利有淨穢。隨衆生業。趣別別故。微塵中佛復有一義。謂如來藏是真佛身。其體廣大無能知者。恒在六七微塵之中。一一有情各有藏識。故云各有無邊大身。九從知一切法理趣者。上八約事別門顯。此約理趣總該諸法。故云一切。大般若經理趣分。說諸法皆空。無生無滅。無自性性。離一切相。不可願求。然第一義湛然常住。當知即是此如來藏。思益經說。處處避空皆不離空。

深密經說理趣有六。一者真義理趣。謂二障淨。智所行真實。二證得理趣。謂於真義得。如實知三教導理趣。謂自證已開示衆生。此三爲本後三解釋。四離二邊理趣。謂有問言云何名爲真義理趣。應答彼言。非有非無。非常非斷。五不思議理趣。謂有問言云何證得。應答彼言。謂不思議。若於諸法遠離戲論。爾時證得真勝義性。故知言說皆非真義。六隨衆生所樂理趣。謂有問言云何教導。應答彼言。隨諸衆生意樂各異。順彼所欲。方便開示。彼真義者。即此藏身。彼不思議。即此三昧。無著菩薩說四意趣。釋一切經亦理趣也。如攝論辯。上來九句。唯第三四從現得名。餘七皆從所知立稱。如此等類。有一切世界海微塵數。合爲一定。即知此定是一切定耳。二普賢下。大衆得。益。初標益時分。亦是得益所由。後其諸下。正明得益。滅數說九。初五得菩薩法門。句各一義。皆以前定含此諸義故。又此五句後後成。前前後後四得佛果法。即如來三業。一得照藏身之實智。二得藏身力用之權智。三身毛現刹四應垂。八相義兼口轉。亦以藏身含此義故。普賢出定他人益者。感應道交故。如春萌芽陽氣久滿。東風一拂衆藥齊敷。諸菩薩衆積善以深。久同行願。獲觀勝境。萬德頓圓。冥顯雙資。于何不可。二如此下。類通可知。第四爾時下。現相作證分。然得。益。心喜。喜則地動。及有諸瑞。諸會聞得。益。故現相居後。此會雖。即未聞。已先得。益。故先現

瑞。以此會。辯果顯殊勝故。文中有四。一世界微動。兼出瑞因由。因果二力。言微動者。是前相放。二衆寶莊嚴。三出音說法。四佛會雨寶。略舉十種。以顯無盡。前三事相實。後七法化傳通寶。並是出世善根所生。第五普雨如是十種雲已下。毛光讚德分。於中二。初結前生後。後正顯偈詞。詞中十頌分三。初一總述前定。次八別顯遍相。後一結讚所由。別顯中二。前二偈半直述前遍。後五偈半舉因顯遍。於中二。初半偈緣力遍。後五因力遍。於中四。初偈即體而用。故遍。前半體後半用。身相如空法性身也。依真而住法性土也。隨機普應受用化也。問法性身土爲別不別。別則不名法性。性無二故。不別則無能依所依。答經論異說。統收法身略有十種。土隨身顯。乃有五重。一依佛地論。唯以清淨法界。而爲法身。亦以法性而爲其土。性雖一味。隨身土相而分二別。智論云。在有情數中名爲佛性。在非情數中名爲法性。假說能所而實無差。唯識云。雖此身土體無差別。而屬佛法。性相異故。謂法性屬佛。爲法性身。法性屬法。爲法性土。性隨相異故云爾也。今言如虛空者。唯識論云。此之身土俱非色攝。雖不可說。形量大小。然隨事相其量無邊。譬如虛空遍一切處。故如虛空。言通喻。身土二或唯大智而爲法身。所證真如爲法性土。無性攝論云。無垢無礙。智爲法身故。若爾云何言。相如虛空。智體無礙。同虛空故。三亦智亦

如而爲法身。梁攝論及金光明皆云。唯如如。及如智獨存。名法身故。此則身含如智。上則唯如。四境智雙泯而爲法身。經云。如來法身。非心非境。土亦隨爾。依於此義。諸契經中皆說。如來身土無二。此則依真之言顯無能所。方曰。依真成。如空義。五此上四句。合爲一無礙法身。隨說皆得。土亦如之。六此上總別五句。相融形奪。泯茲五說。適然無寄。以爲法身。土亦如也。此上單就境智以辯。七通攝五分。及悲願等所行。恒沙功德。無不皆是此法身故。以修生功德必證理故。融攝無礙。即此所證真如體大。爲法性土。依於此義。身土迥異。今言身相。即諸功德。言如虛空。即身之性。下經亦云。解。如來身非如虛空。一切功德無量妙法。所圓滿故。八通收報化色相功德。無不皆是此法身故。故攝論中。三十二相等皆法身攝。然有三義。一相即如故。歸理法身。二智所現故。屬智法身。三當相並是功德法。故名爲法身。其所依土。則通性相淨穢無礙。我此土淨而汝不見。衆生見燒淨土不毀。色即是如。相即非相。身土事理交互依持。通有四句。謂色身依色相土。色身依法性土。法身依法性土。及依色相故。又以單雙互望。亦成五句。謂色相身依法性色相土等。準以思之。此上猶通諸大乘教。九通攝三種世間。皆爲一大法身。具十佛故。其三身等。並此中智正覺攝故。土亦如之。即如空身而示普身。于何不具此唯華嚴。十

○土分權實唯有第九屬於此經若據融攝及攝同教。總前九義爲一總句。是謂如來無礙身土。普賢亦爾。義隨隱顯。不可累安。達者尋文無生局見。上言土有五重者。一唯法性屬前三身。二者雙泯屬於第四。三具性相五六七八所依。四融三世間屬於第九。五總前諸義即第十依。一普賢安住下。一偈半大願故遍。兼顯遍於正中。之依也。重重皆遍。今不見者機不應故。不見即是虛空身故。亦遍不見處故。三有一偈半。明所現超勝。四有一偈。果德已滿不捨因門。第三一偈。結讚所由者。自在難思現無不普。標入一定實則普游。非佛光雲安能讚述。第六大眾讚請分。前衆問。佛佛示法主衆觀定起故。讚請普賢。前但舊衆。此通新舊故云。一切所問同。前故。但略舉十頌分三。初八歎主請彰其能說。次一舉法請。正陳所疑。後一歎衆請。明有堪聞之器。前中二。初五頌歎普賢因果深廣德。明有說因。後三歎能遍應利雨法德。明有說果。今初偈各一義。初一讚已淨法身。三句明緣了。二由大願起即是緣因。三依如來藏證真平等。此爲正因。真如即是不空。虛空即是空藏。平等與藏通。上二義。二讚遍住。佛利第三句遍因除皆遍相。因中具智莊嚴故。能等照具功德嚴令無不親。三讚近佛。四讚常定。實境中者。不隨想轉故。曹者輩也。五讚度生曲盡。微塵者。細處有多

衆生故。二有三頌說法果中。初一讚常演大法。如空之言下喻廣大。前喻無盡無差。次一讚說無等法。無等有二。一能說力勝具二嚴故。二所說無等。說佛所行故。後一頌舉因結果。顯德有由曠劫因圓故。故能雲雨說法。二一頌舉法請中。前品所問雖有多門。統其要歸。莫過三種世間故。今三句各顯其一。又前問總該諸會。此令當會答故。末後一頌歎衆請。亦名自述此有二義。一恭敬一心內堪受法。二諸佛隨喜。外有勝緣故應說也。說則上順佛心。下隨物欲。

大方廣佛華嚴經疏卷第十

大方廣佛華嚴經疏卷第十一

唐清凉山大華嚴寺沙門澄觀撰

世界成就品第四

初來意者。前說緣既具。此下正陳所說。總明果相別答。法界安立海問。故此品來。二釋名者。世謂三世。墮去來今故。界謂方分有彼此故。又世謂隱覆界亦分齊謂諸有爲可破壞。世即隱覆無爲不可壞。法從真性起同無爲法即隱覆有爲可破壞。世各不相離。是其分齊。是故感娑婆者。對華藏而見。娑婆感華藏者。對娑婆而見。華藏成就者。即能成之緣。謂十緣等。能所合目。若以世界之成就。即依主釋也。準梵本中。云

世界海成就下文辯海譯人略也。意云。佛果依正聞修方起。衆生業報本自有之。故但標世界耳。三宗趣者。標列無邊勝德。廣釋所知世界海爲宗。然其意趣乃有多種。一令諸菩薩發大信解悟入爲趣。謂令知佛及菩薩大悲行海廣覆。無邊盡衆生界。微而行故。世界無邊悉嚴淨故。衆生無邊悉化度故。剎由心異。當淨自心及他心故。世界重重無盡無盡。以大行願悉充滿故。佛界生界非一非異。能正了知成大智故。未了者。熏成種故。皆意趣也。亦爲顯此深意故。此品來。故下頌云。離諸諂誑心清淨。常樂慈悲性歡喜。志欲廣大深信人。彼聞此法生欣悅。若不聞此無邊無盡無二之境。滯於權小。普賢行願何由可成。故普賢自說。爲令衆生等文。皆是此品之意趣也。四釋文者。三品正陳法海。於中分二。初二品明果。後一品辯因。然有二意。一約兼明則前二品通答。前三十句果問。後一品答。前十句因問。說因爲欲成果。從多而說分。明舉果。二將前二品。望前品末三問。通答。依正。若望下廣文。正明於依。榜顯於正。留其正報後分廣故。於中初品通辯諸佛及諸衆生所有剎海。後品別明本師之所嚴淨。又此品明成剎之緣。後品別辯果相故。此品答安立之問。其中雖明形等亦是緣故。今初分二。先總標綱要。即爲本分。後正陳本義。即是說分。前中亦二。先承力遍觀。後牒問許說。今初。上入三

味內契其源。今云遍觀外著其相。十海之義已如問釋。但小不次耳。但觀於十已含餘三十佛海之中。具身等故。大願之中。含因等故。第二如是觀。察已下。牒問許說於中分。四。一牒問略歎。二許說分齊。三說所成。益。四讚勝誠聽。今初分二。先結前生後。後佛子下。正牒稱歎。即從後向前。牒上果問三十句也。初十句。牒上世界海等十問。觀乃觀海歎。乃歎智者。智之與海。反覆相成。謂前自智觀海。微細難知。知唯佛智方能究盡。海難思。故佛智難思。佛智難思。故海為深廣。若爾何不說智。而但說海。智離海境。安知其相。又表唯所證知。故但說海。十智望海。與問開合小異。名或小差。謂一中前問及觀。但云世界海。今加成壞。望前與智中亦有成壞之言。此乃廣略之異耳。言清淨智者。離所知障。決斷分明故。初句貫下。置清淨言。餘皆略也。然皆以多故。廣故深故細故。重疊難知。通超言念。皆云不思議也。二知衆生業海者。衆生即報類差別。業即善惡等殊。從此別義觀中。開為二句。而因果雖殊。同是所化衆生故。此及問并與智中並合為一。三即世界都稱。或化衆生法。謂安立施設方便軌則等也。四能化諸佛數量無邊。五即所化根欲差別難知。而問中合在後之五海。五海皆須知根欲故。六即所應之時。前就所觀。但云三世。今就佛智故云。一念能知其間及與智。皆云佛解脫海者。以一念普知三世。是佛不思議解脫故。七

稱性大願為現身說法。遍化之因故。前問是名號海及壽量海。與智之中名。普入法界。一切世界海智。皆由願力故也。八應機作用神變無方。九轉稱性大法輪海。若據問中攝法輪海。在演說中。若約向觀。攝演說海。在法輪中。今此開二演說。第十謂隨方施設言音差別。及法輪隨機故。與智中亦開名佛音聲智。二清淨下。十句。牒上六根三業十問。向十約智明不思議。此下直就法體為不思議。又望前問開合影略。顯無盡故。以總收別。但廣身光等。一應機之身修短難測。二現金銀等色。類無邊。三十蓮華藏剎塵數相好。過於此。四圓光大小。隨機無盡。五隨緣放光。色類非一。六常光如焰。具衆寶色。七圓音無盡。深廣難測。八三輪攝化。謂神足等。九調令成。益得果不空然。其調伏曲有三種。一者始終軟語。應將攝者而將攝。故。二者始終龜語。應折伏者而折伏。故。三者有時軟語。有時龜語。應成熟者而成熟。故。由具此三故。無空過。三安住佛地下。十句。牒上最初德用。圓備十問。前問中略無變化。及自在二句。以攝在無能攝取句中。義如前會。亦以前文十海有故。神變屬身自在屬智。餘並可知。第二如是等下。許說分齊。謂具足說故。承佛力者當會佛也。若言具者。何以下文唯說安立及世界海耶。經來不盡故。又雖說二世界海。亦已通具三十句。問。謂界必有生而依住故。有佛現故。安立異故。行業感故。餘可意求。第三為令下。說

所成益。十句攝為五對。一證智成福對。二嚴利紹種對。亦即時處對。三顯義演教對。四生善滅惡對。五淨業普顯對。文並可知。此亦通為一經教起之所因也。此十亦對前十海十智。惡繁不。會。第四是時普賢下。讚勝勸聽。中文二。初長行辯意。後偈頌正顯。今初十一句。初一總標。謂令聞法必生喜故。餘十別顯喜義。亦為五對。初二樂法生信對。三證性立願對。三了真入俗對。四持法示佛對。五開法增智對。如文並顯。二正頌中。十頌分二。初八讚後二勸。前中亦二。初二明佛出現意。後六辯定法器。於中初一揀非器。次四示法器。後一結歸佛力。○及後二勸文並可知。然通此十偈。亦是牒問以讚。前長行總顯難思。此下略示難思之相。而三十句間列不次。含義並足。欲委配釋。恐厭繁文。第二廣陳本義分中分二。初結集生起。二諸佛子下。普賢顯說。於三十句果問中。廣釋世界安立海問。餘並攝之。文分為二。初標舉章門。後依章別釋。今初分三。一立數顯同。二徵數列異。三結略顯廣。今初。先告佛子者。使時情注其耳目也。世界廣深目之為海。謂積利成。種種種種成海。海無別體。世界都名。然事類。廣多略舉。其十。以表無盡。三世同說彰其要勝。又顯說決定無改易也。二徵列中。一明攬緣成立。二成已依住。三外狀區分。四內體差別。五寶等莊校。六垢穢不生。七佛出差殊。八劫住修短。九隨業改變。十包容必均。此十亦攝十八圓滿。

後品當會。三諸佛子下。結略顯廣。言世界海塵者。智猶難測。言豈具陳。非證法雲安受。故說然上十事。於「一刹多少不定。具緣一種。或一或二或三或多。或成四句。謂一成。一。成。二。一切等。清淨一種。或一或多。或亦無之。以有純穢利故。其次七事各各唯一。謂依空住者。非依光等故。餘準思之。其無差別一切皆具。以約體性平等。佛力融攝。故說無差。所以染淨皆具也。有云。一切世界相望。互同名無差者。則違下經文。經云。一世界海。有世界海塵數。無差別故。若依相望互同。則無有差別之事。若將此十望刹種者。具緣一種多少不定。不得云「一。以其種中含有多類刹故。清淨一事不得定言有無。以其種中必含淨穢故。其無差別多少亦均。佛出劫住隨業轉變。不得云「一。依形體嚴不得云多。以其刹種別有體等故。若以此十。獨望刹海形體依住莊嚴等四。許其唯一。餘必兼多故。經云。一世界海有種種形故。今言。有世界海塵數者。約融攝無盡之說也。有云。約「一刹海中所有諸刹。各各一因等故。有刹海塵數者。孟浪之甚。何者。且如刹海中刹雖多。豈如刹海盡。末為塵之多。若欲相同。即一塵一緣方得相似。何得以「一刹一緣。充「一刹多塵之數。況積具緣等十。有刹海之塵。其一具緣。自有刹海塵數。是則通有刹海微塵數。箇刹海微塵數矣。一刹一緣一依一體。安得充耶。亦不得言通一切世界海說。以下

依住云。一世界海。有世界海塵數。所依住故。第二依章別釋者。十事不同則為十段。一皆有長行與偈。長行中各三。謂標釋結。今初。起具因緣。標中略舉十種通成三世一切佛刹。二何者下釋。然佛土之義。雖有多種不出其三。一法性土。二受用土。二變化土。若開受用。有自有他則成四土。統為二種。謂淨及穢。或性相。融而為一。有異餘宗。又此淨土一質不成。淨穢虧益。異質不成。一理齊平。有質不成。搜源則冥。無質不成。緣起萬形。故形奪圓融。無有障礙。土既不等。因緣亦殊。今文中。初三通顯。次四別明。後三則融攝轉變。言初三者。一如來神力者。謂一切淨穢等土。皆是如來通慧力成。為物而取。擬將普應。佛應統之。皆稱佛土。故達華藏海佛所嚴淨。而內含淨穢。然就佛言之。故無國而不淨也。既即穢而淨。故不思議。二法如是者。梵云達磨多。此云法爾。或曰法性。若是法性。即以本識如來藏身。為所依持。恒頓變起外諸器界。若云法爾者。謂有問言。何以諸佛衆生起於刹土。答云。法應如是。不可致詰。若會此二。謂法應如是。藏識變起。三衆生業力者。業有善惡。國有淨穢。故淨名以萬行為因。又云。衆生之類是菩薩佛土。謂法性雖一。隨業成異。佛隨異類。取土攝生。涅槃微善。觀經三心等。其類非一。上三。初因二緣三因。次四別明者。有因有緣。初一自受用土因。大圓鏡智之所成故。二變化土因。謂衆生

菩薩共構一緣。各隨行業來生其國。凡聖同居。三四二種他受用土因。然初即初地以上。如十大願中修淨土願。是也。後即八地已上功用。不退行之所成故。八地中有淨土分。後三融攝者。通於因緣。初一即八地已上。攪大海為酥酪。變大地為黃金。以染為淨。以淨為染。自在攝生。故十自在中有刹自在。窮其因者。清淨勝解。勝解印持隨心變故。次一謂成正覺時。其身充滿十方世界微塵刹土。念劫圓融一時成立。由二種因。一善根所流語。因中也。二成道勢力。明果用也。此一受用變化相融也。即如經初。即摩竭陀地堅固等。後一無間。成與不成。常能融攝。又前是妙覺。此是等覺。其法性土。通為諸土之體。窮其因者。有正有助。謂法爾為其正因。以一切智及總以諸因。而為緣因。故其後三亦融。前土非有別體。又此十事展轉生起。謂諸佛土總由佛力。何以由之。法如是故。法爾云何而有異耶。業不同故。衆生由業。佛復由何成。一切智之所變故。生佛有異。何以凡聖同居同構一緣故。何以復有純菩薩國。菩薩願行力故。既由行業。何可轉變。勝解自在故。云何復得融攝重重。佛及普賢自在力故。結略顯廣。如前已釋。第二偈頌。多以果顯。因。文有九偈。束為八段。第一偈頌。佛神力。據此無邊刹海。皆遮那嚴淨。則下嚴華藏。猶是分明。理實而言願周法界。次一起。頌衆生菩薩同集善根。三一頌。頌第四成。一

切智自受用土因前半因後半果成唯識云。大圓鏡智相應淨識由昔所修自利無漏純淨佛土因緣成熟。從初成佛盡未來際。相續變為純淨佛土。周圓無際。眾寶莊嚴。配經可見。四一頌。頌第六嚴淨願力。及第七不退行願。修諸行海無有邊者。論云。謂平等性智。大慈悲力。由昔所修利他無漏。純淨佛土因緣成熟。隨住十地菩薩所宜變為淨土。或小或大。或劣或勝。前後改變。上經雖云。願力非無有行。為分功用有無。長行成其二句。皆他受用故。偈為一。初句頌第六。次句頌第七。以八地已上念念入法流。心心趣佛境。故後之半偈通其二文。五一偈。却頌第三眾生行業。加造業因煩惱所擾。造於穢利。欲樂非一。感土有殊。前與菩薩同修。必多善業故。此明於煩惱六。一頌頌菩薩勝解。七一頌。超頌普賢願力。以普賢有三。一位前普賢。但發普賢心。即是非今所用。二位中普賢。即等覺位故。此居佛前三位後普賢。謂得果不捨。因行故。長行居後。八有二偈。却頌如來自在。前偈頌果用。後偈頌善流。略不頌法爾。法爾即是法性通故略之。又第七偈依中有依第八偈正中。有依第九偈融於三世故。三共願融攝無礙。然其無礙通有十種。諸教說土或謂但是無常。或云。心變理事懸隔。多不一融故。今經宗要辯無礙。一理事無礙。謂全同真性而利相宛然。經云。華藏世界海。法界無差別。莊嚴悉清淨。故二成壞無礙。謂成

即壞壞即成等。三廣陝無礙。不壞相而普周故。經云。體相如本無差別。無量國土悉周遍等。四相入無礙。下文云。以一利種入一切。一切入一。亦無餘。及此文云。身包一切等。其文非一。亦是一多無礙。五相即無礙文云。無量世界即一界故。六微細無礙。經云。清淨珠玉布若雲。炳然顯現諸佛影等。七隱顯無礙。謂染淨異類隱顯等殊。見不同故。八重現無礙。謂於塵中見一切利。利內塵中見利亦然。重重無盡如帝網故。九主伴無礙。凡一世界必有一切。以為眷屬。下經云。毘盧遮那。昔所行種種利海。皆清淨。種種利即眷屬也。十時處無礙。謂或於一利現三世劫。或於一念現無量劫。如今第九偈文。又下文云。三世所有諸莊嚴。摩尼果中皆顯現。此十無礙同時具足。自在難知。散在諸文。可以六相融之。第二段所依住通染淨也。長行釋中。十事文並可知。然依異者。由於心樂有差別故。謂一依莊嚴住者。樂飾好故。二樂無礙故。三樂即質光故。四怖眾苦故。五愛離質光故。光作寶色。非寶發光。六奉聖教故。七求神護故。八求天護故。九菩薩願力所任持故。十普安眾生故。如何廣大世界。依有情等小類而住。此有二義。一外由內感故說。依身。此復有二。一宿因力。頌云。業力之所持故。二現在轉變力。即世主菩薩神力。任持攝屬已故。二由無漏體事。大小無礙得相依依住。故二頌有三十二文分兩別。初一總顯。一

切世界。依佛神力而住。故梵本云。一切依佛神通現。長行不列者。若列則餘九非佛神通故。偈以此文該於前十皆佛神力。後二十一偈。別顯前文分之為九。初一頌。依莊嚴住。舉能顯所。莊嚴之具皆寶成故。二半偈。依空。三半偈。依寶光明。四一偈。頌佛光。稟佛教光成世界故。五一偈。頌寶色光明住。以嚴及覆影顯。依住。六二偈。頌佛音聲。謂妙善所感。音聲有威神故。七一偈。頌七八二住。兼顯說法。八有六偈。頌依菩薩身住。若樹若水皆菩薩身菩薩現故。長行但云菩薩。此中兼依佛身。此中雖有願力。是上宿善所持。非普賢願。九除八頌。皆頌普賢願所生住。於中三。初二偈。明廣大國土。周法界故。前偈明淨識所生。心外無體故。如影像。後偈難思業起。不離空。次四偈。明微細國土。調生自在。然佛力現。此亦普賢願收故。二段文皆兼佛力。末後二偈。彰剎體性結歸有在。初偈明剎依性有。有即非有。次半成壞更起。猶若尋環。後半結歸普願。兼顯廣業。第三形相亦通染淨。長行釋中。非圓方者。三維八隅皆非圓方。故云。無量差別。山焰形者。如山似焰皆取上尖。對上方圓等故。餘並可知。三。結頌中。十偈。分二。一。初一總讚勸觀。餘皆正頌。前義兼舉。因顯果。於中初二頌。前十段。後七頌。前無量差別。今初。摩尼輪者。即水旋之類。淨焰莊嚴。頌上山焰門闍。開義兼宮殿。後七中分二。前三彰剎由因異。後四明自在

●他二陀● ●別十(無等)● ●故二二三結可知● ●結十(文可知)● ●[分二]一● ●初一二初之一頌●

由佛。一毛孔內難思刹者。更有一理。謂修行者。居自報土。各各不同。佛攝衆生所現國土。以彼報故。重重而現不離。一毛。第四刹體。唯約淨刹。長行略辯。二十種體。然其刹體諸教不同。或以八微爲體。或以唯心爲體。或法性爲體。或一切法爲體。今皆具之。謂衆寶等即是八微。加之佛音聲。即九微也。一念心現是唯識頓變。佛變化者或通果色。或一切法。令三世間互相作故。又融上諸說爲無礙刹體。言日摩尼輪即日輪也。香通質氣。佛言爲體者。無礙體事故。又依如來說力起故。願中十偈。初偈願三謂初二及第六不可壞金剛。次一偈願第三第四三有一偈。願第五一切莊嚴光明。四有一偈。願二種體願力生者。願佛力持。如影像現。願妙寶相。若兼二事。願佛變化。五有一偈。願二種體。上半願日輪。下半願微細寶。第六偈願寶焰殊妙之言。亦兼香也。第七偈願寶冠寶冠亦佛。變化。非正願佛化也。第八偈願一念普現境界。第九偈願一切寶莊嚴示現。及願後三體。摩尼光者。願菩薩形寶及寶華葉。佛光明者。願佛音聲。聲光成刹故。第十偈結歸普賢。第五段刹莊嚴中。唯明淨刹。其中或實爲嚴。或人或法。或說法修行示現顯攝。皆爲嚴刹。以人法爲寶故。又由說法因等得莊嚴果。以果名因爲莊嚴也。十願分二。初一總願刹嚴。後九別願上文。於中初一偈。願初妙雲。次一偈願第二菩薩功德。及第四菩薩願海。

次一偈。却願說衆生業報。後六偈。如次願後六事。第六段明刹清淨方便者。唯約淨也。若約隨宜攝物。佛應統之則淨穢皆稱佛土。若就行致唯淨非穢。然淨有二種。一世間淨離欲穢故。以六行爲方便。上二界爲淨土。二出世間淨。此復二種。一者出世所謂二乘以緣諦爲方便。權教說之無別淨土。約實言者。出三界外別有淨土。二乘所居。智論有文。二出世間上上淨。此謂菩薩即以萬行而爲方便。以實報七珍無量莊嚴。而爲其土。今此正明菩薩兼顯二乘。然出世上上淨中。復有二種。一者真極佛自受用。相累兼亡而爲方便。二者未極等覺已還。故仁王云。三賢十聖住果報。唯佛一人居淨土。未極之中復有二種。一八地。已上一向清淨。以永絕色累照體獨立。神無方所。故其淨土色相難名。二七地已還。未出三界。無漏觀智有間斷故。非一向淨。若依瑜伽入初地去。方爲淨土。三賢所居皆穢非淨。此分受用變化別故。約此經宗。十信菩薩即有淨土故。今此文始自近友。終成佛力。皆淨方便。故通萬行。然淨方便即是淨因。長行亦可爲等流果。如云久近善友。得生有善友之刹中故。即十事皆淨相也。然望莊嚴有同約門別故。望具因緣當知亦爾。又起具因緣通於染淨。此則唯淨莊嚴多約其果。清淨多約其因。又前多修善此多治惡。故於世界。此如洗滌彼如粉繪。別釋中。一近善友。同善根者。如善財夜。神

處廣說。二智導慈雲大彌法界。三法門勝解。皆已淨治。約位地前也。四即初地證遍行如故。云觀察一切境界。生如來家。故云安住。五修治等者。見道之後修治位故。餘雖未滿一切皆修。若約圓融亦得稱滿。六初地勝進遍學十地行法。後復但是依法行故。上三皆初地。七初地發願順行。至第八地。一切皆成故名。出生一切願海。而言淨者。純無漏故。八即九地。二乘出要唯止與觀。菩薩出要唯無礙辯。令衆出故。九一切莊嚴者。十地二嚴皆成滿故。十淨方便力。即是普賢佛功德也。十中前三變化淨因。後七受用淨因。上欲總收諸土故。依次豎配。若約橫修。初心即可圓具其十。願中。九偈分二。初一總明能所淨。前半方便。後半清淨。皆上句果下句因。後八別願前文。於中初四。如次願上四淨。初地慈悲爲首。故云爲生修行。遍滿真如故。云廣大。第五偈。願修治淨。及超願第七願淨。以願通初地八地。此據初地故超願也。第六偈。願前第八出要。第七偈。願第九。及却願觀菩薩地。地義通前後故。第八偈願方便力。上來且配長行。其間亦兼餘義第七段。佛出差別者十事五對。於海及種有此差別。五中初二隨彼類故。次一緣廣陝故。次一隨機宜故。五熟未熟故。十願分三。初一願總標。次五偈別釋。如次願前五對。後四願總結。既隨心總遍故。刹海塵數未足爲多。第八段劫住不同。謂刹住經停時分也。隨能感因有長短故。

●以二似● ●變化二化變● ●(上)一● ●已二以● ●(善)一● ●神二天● ●十十(如是等下三結可知)● ●(云)一● ●故十(如是下三結可知)●

長行略列有十大數更有多少不同。如標結中及頌所顯並通諸刹不謂淨長。如大地獄其壽更長人趣却促故。極惡極善受時即多。更約異門亦不可定也。十中唯九者欠不可說不可說也。並如阿僧祇品。偈中十頌。然劫但時分無別義理。故此偈文轉勢頌之。略分爲三。初二總標許說。頌上標也。次有一偈。通頌上列。兼顯修短之因。以顯力故。餘七頌總結。偈各一義。一明修短通於染淨。結以心想。二淨劫住久釋以因深。三列諸劫名。染淨相攝。四佛與願異故。入劫不同。五一多互融齊攝雙現。六時法相攝。普入無邊。七結由想心示以方便。一方便者。卽了唯心也。一念與劫並由想心。心想不生長短安在。非長非短是謂清淨。不壞於相則劫海無邊。第九段劫轉變。故差別者。此有二種。一者但約感成住壞。劫皆名轉變。二唯約住劫之中居人善惡令染淨轉變。釋中具二初一卽是前義。故云無量成壞劫轉變。言法爾者。法爾隨業轉也。若爾何異。起具因緣。因緣意在於因。轉變意彰於果。又因緣通有唯成不壞。如自受用因是也。餘九釋後義。一遇惡緣故淨變爲染。下文云。泉池皆枯涸等。二修入天大福令世界多染少淨。故先云染。如下文云。糞米自然生等。三卽地前以未斷障故非純淨。以淨多故。故先云淨。經多云染淨與前何別。或譯人之失。或傳寫之誤。四卽證發心居受用土故。但云純淨。五各各遊者。卽二

地至十地諸菩薩。遊戲神通以多莊嚴而嚴。一刹或以一嚴而嚴多刹。所至染刹則能莊嚴也。六大莊嚴者。卽普賢位。嚴於微塵內刹。如上日光召衆等。是七莊嚴滅者。此明失善緣而惡現。謂如來示滅。能事隨滅。佛滅百年乳不及水。況今之世。況於滅極。釋爲上味。鐵爲上嚴。八如彌勒來也。九以佛神通于何不淨。淨名足指案地。法華三變淨土卽其類也。上之十事初總餘別。不出業故。又初二屬凡。次四菩薩後三屬佛。又約佛菩薩卽染令淨。約於凡夫卽淨成。染。十頌如次頌前可知。第十無差別者。謂前九辯諸世界。約相不同隨業染淨。由於衆生有差別故。今云無差別性無二故。故偈云業性起也。又約權設則種種差別。今約實說則一切無差。如教法中或說三乘。卽是差別。說華嚴時一切無差。又皆是諸佛之所用故。一融攝等無異故。故前九差別。是此無差之差。今此無差。卽是前九差之無差也。故法華云。衆生見燒淨土不毀。二皆相卽。由依此義說淨土中十八圓滿。一稱眞皆周遍故。二釋中十事。一海中包數同。則盡海之塵。一塵一刹。已是含攝之義。二佛示威力同。三道場同。眞性故。四衆會同。常隨衆故。五光明。六名號。七音聲。八法輪方便。上七皆約不動。一而普遍無差。九塵含刹海千塵容佛境。此二約不壞相而廣容無差。頌中十頌如次。頌上十義。但第六約身與前名體異耳。而前但約平漫無差。今

顯塵內重疊融攝無差之義。若云約共同事者。何以不言染同業苦同。豈世界海中都無此耶。

華嚴世界品第五 第八經

初來意者。前品通明諸佛刹海。今此別明。本師所嚴依果。答世界海問。故次來也。二釋名者。梵本具云華藏莊嚴嚴具世界海。之遍清淨功德海光明品。譯者嫌繁。乃成太略。處中應云。蓮華藏莊嚴世界海品。謂蓮華含子之處。目之曰藏。今刹種及刹。爲大蓮華之所含藏。故云華藏。其中一一境界。皆有刹海塵數清淨功德。故曰莊嚴世界深廣故名爲海。有云世界依海故。立海名者。恐非文意。以下云華藏莊嚴世界海住在華中故。其梵云嚴具卽是能嚴。其遍清淨功德海光明。卽顯嚴之相用。依體有用故致之言。今文學體攝用。但云華藏。約事可爾。何因刹海相狀如斯。略舉二因。一約衆生如來藏識卽是香海亦法性海。依無住本是謂風輪亦妄想風。於此海中。有因果相恒沙性德。卽是正因之華世出世間未來果法。皆悉含攝故。名爲藏。若以法性爲海。心卽是華。含藏亦爾。然此藏識相分之中。半爲外器不執受故。半爲內身執爲自性。生覺受故。如來藏識何緣如此。法如是故。行業引故。二約諸佛。謂以大願風持大悲海生無邊行華含藏二刹。染淨果法。重疊無礙。故所威利相狀如之。是以出現品中。多將世界以喻佛德。細尋文意。乃由佛德世界

●[故]一● ●染十(如是等下三結可知)● ●差十(三諸佛此下結略顯廣)● ●[已下入第八經]一● ●[之]一● ●梵十(本)●

半偈以果持果。後偈兼明能成之因。前半離障願令清淨。故後半無礙。願依空住。故二有一偈。願香海尋此了名。三有三頌。半頌蓮華。初一偈半。釋種種光明藥。則顯此華以寶爲體。次一偈釋香義。就法以明寶中出佛。佛出世主如從寶發香。遠熏之義。後一釋幢義。演佛是高出義。調生是摧伏義。四有二頌。明剎自在。總頌上所持剎海。初偈自在。一一稱性故。卽同時具足相應門也。心塵準思。寶光現佛者。依正互融故。後偈結歸普因。故能含攝。第二別顯安布莊嚴。文分爲六。第一四周輪山。二寶地。三香海。四香河。五樹林。六總結各別有偈。今初。輪山則清淨戒德。內攝外防之所成也。長行中三。初總舉所依。二栴檀下別顯體相。三如是下結德無盡。今初山所依處卽地面四周。日珠王者。所依處地故。舊經云。依蓮華日寶王地往。亦有言。大華之上別有此蓮。爲山所依義。似不順。所以地受此名者。前華名種種光明藥。偈中云。光焰成輪。又云。一切寶中放淨光明。知此華以寶爲體。是則如日輪之珠王爲蓮華也。斯卽總華之稱。二別顯中。前取堅利。且云金剛。今明具德略有十相。前四自體圓滿。後六外相莊嚴。一身爲總形。摩尼圓明栴檀芬郁。皆戒之德也。二山峯。謂秀出孤絕。威伏諸惡。三山輪。古有二義。一山彎曲之處。二山腹跳出如師子座。半月爲輪。準下偈文。輪居山下。爲山所依。四成山之緣。上舉三事各別有體。今顯金剛內

含光焰遍成其體。如世土石雜而成山。金剛遍故得金輪名。餘六文顯並在山間。應顯有十文分爲二。前六明山體相莊嚴。顯前別顯。後四辯山妙用自在。亦顯依正無礙。即顯前結文。前中五。初一總顯圍山。初句所圍。次二句能圍。後句出因。言無邊者有其二義。一但總相顯多故云。無邊。實有邊表。二設有圍山外者。是無邊之邊。不礙理而即事故。今云無邊者。是邊之無邊。不礙相而即理故。二有一頌。顯前山輪三一。顯山體四。一頌成山之緣。五六二偈顯前水等諸嚴及加衣等。後四妙用自在。並顯可知。第二臺面。實地即體。心性定之所成也。長行文三。初標所在。二一切下。別顯體相莊嚴。三總結。二中十句。初一地體標以金剛。釋以堅固不壞。遍華藏地盡是金剛。故上菩提場地徹華藏也。二地相平淨。餘八皆莊嚴。謂三飾以寶輪。四畜以寶藏。五間以異寶。六散以寶末。七布以蓮華。八分置香摩尼。九充以莊嚴具。但云諸嚴嚴有多少。三世佛國之嚴。而爲嚴者。顯無盡之嚴具也。十覆以寶網。隱映莊嚴。網有何用。普現佛影。此網何相。如天帝網而布列也。又此帝網重現無盡。成上普現。如來境界。及上一一境界皆無盡也。偈有十頌分二。前七顯前別顯。後三顯總結。前中三。初四顯前八段。而小不次者。顯前無優劣故。或重或廣者。顯義無方也。恐繁不配。可以意得。次二頌。嚴具如雲。後一偈。顯如天帝網。謂一

寶既收。一切則彼刹諸塵復攝。一切即重重也。後三偈。顯總結者。結其所屬。初偈結屬道場。次屬佛力。後結能知之人。第三地面。香海者。上之大海。既是藏識。今明心華之內攝諸種子。一種子不離藏識海故。有多香海。然一一具於性德。故皆有莊嚴。長行分二。初總舉數準。下別種及梵本中。皆有十不可說。今闕十字。或是譯人之漏。或是傳寫之失。下標種處亦然。二一切下。別顯莊嚴。準後總結。應云。一香海各有若干莊嚴。今文略無。若案文取義。一切之言。即一切海。總以妙寶而爲其底等。文有二十句。前十明海體狀。一底二岸。三網四水。五華六近。七聲八光。九人衛現通。十結廣無盡。後十寶下。十句攝異莊嚴。唯白蓮華當於水中。餘皆在岸。言十寶者。有云。金銀琉璃。碾磑。碼瑙。珊瑚。琥珀。真珠。玫瑰。瑟瑟。爲十。十中前七即是七寶。芬陀利者。即白蓮華。亦是正敷榮時。戶羅幢者。應云。試維。此云美玉。若言戶羅。此云清淨。二義俱通。餘並可知。以法門合之。可以意得。顯中菩薩持蓋。經有頌無。日焰光輪。經無頌有。且分爲二。初三頌。初十句。一頌底。二頌岸及網。總即網類。三頌餘七細尋可見。餘七偈。顯後十句。而小不次。謂一頌階陛欄楯。二頌樹林。三頌華數。四頌幢相。五頌城珠。六頌牆閣。繞者纏也。七頌結嚴屬佛。一昔因二現力。第四海間香河。即隨一一心。同時相應功德流注也。長行亦三。初舉數。二一切下辯嚴。三

若廣下結廣。嚴中嚴事並無差別。故云一切皆以請並用。寶體寶嚴聖靈游集。光雲相映。萬象浮輝。十句可知。三結廣中。既繞小海之小河。已有刹海塵數之嚴。彌顯諸標。結文非唯約事。皆是一多無礙耳。偈中初半。偈顯岸體金剛。次一偈半。顯摩尼嚴岸。三頌。光雲言音。次三皆顯。漩洑出影。七頌。網鐸垂覆。及總現諸嚴。前現事嚴。此說道行。八頌現佛依正。九頌浪出妙音。十頌水出光雲。更有影略。可以意得。第五河間華林。長行有三。初總標。次一下別顯。後其香水下總結。別顯二事。謂華及樹。水陸各一實有多事。然此一段文勢少異。不列十事。以顯無盡。而但舉二展轉明多。謂初一。白蓮後一寶樹。於此一樹出五業用。一出莊嚴雲。二寶王照耀。三華香盈滿。四出音演法。五雨寶遍地。於中文有總別及結。別有八事通。三世間。初六現器。次一現正覺。後一現衆生世間。初劍葉林等。現惡業報。天意樹等。即善業報。男女林中。朝生暮落。皆業報海。如是等下。且結樹之雨寶。已有刹海塵數。例上出雲等四。一一皆然。一樹之中。已有多刹海之嚴矣。次例芬陀利華。亦同於樹。其華與樹各有四天下塵。一一皆爾。如華樹等類。復應有刹海塵數之物。故爲無盡之嚴也。後應顯不次。文分爲三。初六頌。寶樹。次一頌。白蓮華。後三結嚴所因。謂由佛等力。明體用無礙現而常如。然此。三偈有多意趣。一者初一偈。則器世間。次一智正

①問十(如是等下三結) ②三三 ③也十(後其香水下總結) ④三三

覺後一衆生。欲明「一事中皆現三世間」嚴影略其文耳。又初明「一果能現次例」一切莊嚴。後明「塵塵皆爾」。從略至廣從僞至細。又初明佛力。次彰願力。後隨樂力。又初果後因顯通因果。又初自後他顯通自他。又初明即性無性體本不生。次明即相無相現無來去。後明不壞於相各見不同。方顯華藏之嚴。皆言亡慮絕非可情求也。第六辯總結莊嚴。上來諸段雖說莊嚴猶未能盡。故今總顯「一一之境」。若說不說。皆具刹海塵數功德莊嚴。是以文云「一切境界長行文」。二。先標莊嚴難測。二何以下。徵釋所由。清淨功德文含二義。一謂衆多果嚴。即是清淨功德。二謂「一果嚴」。從多清淨功德因生。以因果果應成四句。謂多因一果。一因多果等故。隨「一事即難思」。是以頌云。但由如來昔所行神通願力而出生。斯即因也。若語果嚴略有五相。一者令多周給。一切。二者令常永無之絕。三者令妙悅可衆心。四者稱性無生無相。五者自在銘融無礙。偈文具之總斯五義。故曰難思。況因果相即。偈文有「十大分爲二」。前六果嚴用勝。後四對因辯果。前中分三。初四別明嚴用。次一結屬現緣。後一總結多類。後四對因辯果中。一由行願神通爲因故。獲變化如鏡像果。二以普行勝智爲因。故得一塵淨衆利果。三由長時近友爲因。故得利那頓現之果。四彰淨國之意。使做而行之。前半智境嚴即無嚴。謂自受用土周遍無等。法性之

土體性無生。二皆無相。後半悲應無嚴之嚴。嚴遍法界。無住之住常住。剎中。上釋莊嚴竟。第三明所持剎網。釋品目世界之言。又前明本剎今辯末界。故兼染淨。文分三別。第一告衆許說。二諸佛此不可說下。雙標第二章。三諸佛子彼諸世界種下。廣釋第二章。二章者謂種及剎。然剎種依剎海。諸剎依剎種則寬狹可知。名從何得。欲明世界無邊方便顯多。故立此名。謂積多世界共在一處。攝諸流類故名爲種。如是種類復有衆多。深廣無邊故名爲海。如積多魚以成一種。魚龍龜鼈山泉鳥嶼。乃有多種並悉攝在一大海中。而言世界無邊者。海外有海。海無窮也。若爾種無別體。攬界以成。何以下文說有形體。雖依種類以立種名。何妨此種別有其體。如多蟲孔共成一巢。豈妨此巢別有其體。上舉魚龍蓋分喻耳。即依後義。亦得名爲種性。依於此種能生世界。如依一禾有多穀粒。舊經云。性多取此義。恐濫體性故。改爲種。言有不可說者。若準下文。香海及種。皆有十不可說。梵本亦有令脫十字。多是傳寫之漏耳。三廣釋第二章中。文分爲二。初通明剎種不同。釋剎種章。二別明剎種香海。雙釋第二章二段各有長行與偈。今初長行文。二。初列十門。後隨門廣釋。今初也。然此十門剎種之異。並悉不離所依華藏。故云於世界海中。所列十事。與成就品都望全異。彼通一切海。此明一海中種故。若別別相望。互有互無。起

具因緣。清淨佛出劫住轉變。彼有此無。方所分齊行列趣人力持等五。彼無此有。依住形體莊嚴無別。彼此名同。前後互出。都有十五。皆顯十者俱表無盡。而或異者彰義多端。復有同者恐濫全別。何以起具前有此無。前段總明成立因果。此中正辯何等世界住故。餘可思準。然與前同已如前釋不同。五事今當說之。各各方所者。若圓滿方所。周滿法界。無處不有。不即三界不離三界。若隨宜方所。隨十方中。向背各別。各各趣入者。依門趣入。約法門者謂三解脱。又互相現入而無來去等。各各分齊者。約事隨宜廣陝異。故約佛分齊則十方無際。各各行列即是道路。路約事可知。約法謂大念慧行以爲遊路。各各力加持者。即約食能令住。約法廣大法味喜樂所持。又此互出顯佛淨土十八圓滿十五攝故。言十八者。顯色形色分景方所因果。及主輔翼眷屬任持事業攝益無畏住處路乘門及依持。云何攝耶。此具因緣即因圓滿。依住即是依持。形狀即當形色。體攝二種。一攝顯色。七寶光明爲體性故。二攝果滿隨類之果可知。約佛大圓鏡智相應淨識之所變故。故上偈云。或一念心普示現。爲體莊嚴攝三。謂一攝住處如來莊嚴爲住處故。二攝輔翼菩薩嚴故。三攝眷屬有餘衆故。清淨攝三。一攝事業。謂作有情之義利故。二攝攝益。謂現證解脫滅彼煩惱及災橫故。三攝無畏。謂內無災橫外無怖畏故。此中佛住攝二四

滿二攝主二攝乘或說一乘等故方所分齊二名全同行列即路趣入即門力持爲任持劫住轉變十八中無義同於果及事業攝亦可成二十圓滿於理無違謂劫住窮未來故轉變即如來神通變化世界海普清淨轉變即圓滿義其無差別彼文雖無即由此故方顯圓滿餘皆隨宜故云各各無差既同云何各各所無差事有多種故若將此十對成就品十亦得相攝恐厭繁文又上諸文一段中具多圓滿一一融攝故異餘

宗二隨門廣釋但釋其三謂依住形體餘七雖略義上已說今初依住中初列後結文並可知二形狀中初列二十種後結塵數不同今初迴轉形者攝變往來之形也壇墀形者築土爲壇除地爲壇估勒迦者梵音此云竹箭也三明體中先別後結列中亦二十種前十色相後十是聲會釋如前應顯有十分爲六段初一頌依住次一形狀及布列安住次三體性次三頌於五事謂初偈初二句頌所入門次句方所第四句莊嚴餘二偈中廣大刹之本相即是分齊廣陝此彼相入亦顯趣入初偈以多入一後偈一多互入皆入而無入入則壞緣起不入壞性用又要由不入方能入耳又約體本空故無來無入約相不壞故如本無差以性融相故得互入次一頌無差謂塵容佛海等無差故後一頌力持主伴皆是神力任持普化之言兼於法味

大方廣佛華嚴經疏卷第十一

大方廣佛華嚴經疏卷第十二

唐清凉山大華嚴寺沙門澄觀撰

第二別明種種利香海雙釋二章者謂香海依利海利種依香海諸利依利種亦有長行偈頌長行分三初總舉諸海所依二次第別顯海種及利第三總結結釋今初也上來雖復但標利種及利二章而釋依住中皆云依海故列海數此多香海並在利海地面故云所依言如帝網者大都分布則似車輪其有別者謂帝釋殿網貫天珠成以一大珠當心次以其次大珠貫穿匝繞如是展轉遞繞經百千匝若上下四面四角望之皆行伍相當今此香海雖在地面分布相似又有涉入重重之義故云如也第二諸佛子此最中下次第別顯諸海種利文分爲三初辯中間一海次辯右旋十海後明十海所管之海然十海各管不可說佛利塵數之海總顯則有十不可說佛利塵數次第說者但有一百一十一海餘皆略指今初中央一海文分爲二先明香海出華以持利種後有不可說下明所持世界前中有三初香海名以多華發光故亦由菩薩行華而爲因故二華名謂以香摩尼嚴此華故又從摩尼底而出生故約法即萬行圓明之所成故海能有華故受華名華依於海取海底稱三種名約事實光遠照故約法其世界種正是所含種子一一皆有大

智光明遍照法界義故性德互嚴故第二所持世界中三初總舉大數次其最下方下別辯二十層大刹後諸佛子下類結所餘初文可知第二別辯中準標及結皆有不可說利塵其別辯中但列十九佛利塵數爲二十重其能繞利但有二百一十佛利塵數下當會釋二十層即分二十段最下層中文有七事一舉名二辯際謂世界所據之際如金剛際三依住若準此名大同利種所依蓮華而舊釋云於前無邊香海所出華上更有此華持此一界者以例上諸層別有依住故爲此釋何妨最下依於總華思之四形如摩尼者爲摩尼狀有於八楞似方不方似圓不圓故異下八隅五上覆六眷屬七本界佛名離二障垢智眼清淨照世如燈然佛德無邊各隨一義二層已去或有八事謂加去此遠近故或有九事加純淨言故準此若無此言即通染淨此上眷屬漸加利數中間諸事可以準知五中云普方者都望即方而一面之中亦有多角隅隅即是角文體容爾其第十三主利即此娑婆言形如虛空者靜法云大小乘經並說虛空體無形質不可見相今云有形者迴文者誤梵本云三曼多周轉瞻矚曩宮仰仰那虛阿楞迦羅蓋微僧塞恒那形迴文應以形狀置周圍之前虛空安天宮之上然後合經飾云其形周圍以空居天宮莊嚴之具而覆其上靜法此正深有理致今依經通之亦有理在謂空雖無形

①知十(如是下二結也)②也十(如是結也)③別二判④五二三⑤(偈)一⑥(隅)一⑦兩二耳⑧其第二十一⑨三十(層)⑩

隨俗說故。以俗典指空爲天。謂天爲圓穹其形如鏡。故說天勢圓平野。亦如法華云。梵王爲衆生之父。亦隨俗說耳。第十五云形如卍字者。靜法云。室離鉢瑤本非是字。乃是德者之相。正云吉祥海雲。衆德深廣如海。益物如雲。古來三藏。誤譯洛利。義爲惡利攏遂以相爲字故爲認耳。今義通此相以爲吉祥萬德之所集成。因目爲萬意在語略而義含合云萬相耳。餘並易了。第三類結所餘。此中非唯結數。兼總顯上文所依住等。文分爲四。一總結都數。二各所依下結形類。三此一一下結眷屬。四如是所說下。彰其所在。今初卽舉本利種種有若干。此所結利定是主利。以下文指此不可說佛利。更有兩重繞故。其直上中間。但有十九佛利。而結有不可說者。以傍論故。不爾豈一利種最下唯一主利。故知如向所說。主利橫豎共論。有不可說故。下結其所在。云及在香水河中思之。二結形類中初三列十門。既言周匝圍遶。則知旁去二所謂下。廣說十門形狀有十八事。望前利種形中。關須彌山形及嚴具形。餘皆全同。但此約利爲異耳。三如是等下。結歸都數。三結眷屬中。然有兩重主伴。此一者指上不可說塵數也。若望前文主利。直上繞數漸增。今總相說故云一一各有十利塵也。又是欲顯無盡義故。一復有如上所說微塵數者。如上之言文含二義。一卽總指前能繞所繞之數。繞一世界。不欲繁文。故云如上。

二者如上亦用十佛利爲能繞也。依此則似譯人文繁理隱。何不言一一復有十佛利塵數耶。若依前義。則譯者之妙。四彰所在。卽最中香海既言及在香河明知。傍去已下入。第二明右旋十海。卽繞處中之海。有第九經。各有種利十海。卽爲十段。今初第一離垢焰藏海。文二。先牒中海。以定方。卽是所繞從東爲首。二次有下。明能繞之海。於中二。先明海華利種。後此中最下方下。明種所持利。有二十重。下九海例然。今第一海二十重中。各有七事。一相去遠近。二利名三形狀。四所依。五上覆。六眷屬。七佛號。或有說體。或說清淨。卽或八或九。其第一重無去遠近。但有最下方言。然文並可知。有難卽釋。其第十四重中云。形如四洲者。水中可居曰洲。準俱舍東洲如半月。南洲如車。西洲如滿月。北洲如方。四洲形異而云如者則全似此界也。此中文無標結大數。準例可知耳。第二從諸佛子此離垢焰藏海南下。第二無盡光明輪海。此下九海文皆有二。先牒前海爲所依。後有香水海下明能依之海。皆不牒中海爲所繞。故云南也。第三海去但言右旋。又不云南者。十海如環繞於中海故。不正南也。如以十疊繞於一盤方所可見。又第二已去。或無蓮華者。前總釋種中云。或有依蓮華住。或有依海故或無也。後能依之海。文亦有二。先明海華利種。後此中最下方。下所持之利。二十重中。初一世界文卽有七。後一文八加。

純淨故。中間唯三。謂相去數量利名佛號。餘八海例然。已辯二海。第三金剛寶焰光明海。第四帝青寶莊嚴海。第五金剛輪莊嚴底海。第六蓮華因陀羅網海。第七積集寶香藏海。第八寶莊嚴海。第九金剛寶聚海。第十天城寶瑤海。文並可知。有欲解釋利中佛名。足可留思。已下入。第三大段從第十經去。明十海所管之海。一海各管不可說佛利塵數。現文但各說十。卽爲百海。亦有利種及所持利。十海卽爲十段。但記次前十海之名。此文居然易了。十段中一有一。謂先標能管之海以定方。後次有下。列所管之海次第。於所管中各有三節。初從能管海邊。隣次列九。唯第一段。九中關一。二如是等下。總結一海所管之大數。三其最近下廣說最近輪圍一海。於中文皆有二。初舉海種名體。第二此中最下方下所持之利。亦皆二十重。於中超問文有四節。一舉下層。二超至第十等。金剛幢者。卽中央香海。利種中第十重利三更超至第十三者。以等此中央娑婆故。四更至第二十重者。以最上故。言最上者。利種最上。若云二十重最上。何以得此最上之名。設不欲繁文。何以不加。乃至最上耶。然超問者。意存略故。云齊等者。恐失次故。又上下橫豎皆相當故。又此隨所管海有不可說。皆望本能管之海。方面一道布列故。下但云此海之外不言右旋等。第五金剛輪莊嚴底香海所管。但列九海而結文。及最近輪圍之海九行許經。諸梵

本中皆同此闕。準前後例。此必定有第十海所管。近輪圍海。所持二十重刹內。最初文云。此中下方有香水海。名因陀羅華藏者。從香字至藏字並長。由前已說香水海故。前諸海中無此例故。縱依海無過在文不便。前第一海所管中。九海闕一。今此長者多是梵本脫漏。後人注之。誤書相似貝葉耳。餘並可知。十海次第。但觀次前疏文不俟重舉。第三總略結釋。文分爲五。一總結都數。謂一海各管一不可說。十海即有十不可說。一海一種。是以數同。二皆依下結海種所依。謂即是前能持刹海。本大蓮華彼名種種光明藥香幢。今此乃云。現菩薩形等者。是此一華隨義異名。有此用故。與前最中海底名同。以中間海底即此大華之體中受總稱故。取大華體名。或是譯者之誤。三各各下結。種異門。此與前釋刹種章。及世界成就中十相參大同。四此一一下。結種中之刹。言成世界網者。一世界猶如網孔。遞相接連。如以網持橫堅交絡。皆悉相當。如天珠網五於華藏下結歸華藏。即建立之處。上來雙釋二章長行竟。第二重頌。總有一百一偈。分二。初一明華藏自體。初句標名。次句不壞分量。即同真性。次句具德莊嚴。末句無礙安住。餘一百偈頌所持刹網。於中二。初九頌能持刹種。餘頌所持諸刹。初中初一頌參而不難。次一安布行列。次一刹種體嚴。次二辨形。次一依住。次二方所趣入。後一佛力加持。第二頌種所持刹。九十一

偈多頌結文。但一二不同。謂體及形餘皆同也。大分十段。第一有二十八頌。明刹異由。因緣。即結中各各衆生遍充滿。下云。種種衆生居故。及各各佛力所加持。至文當見。第二有二頌。顯刹微細。即結中各各普趣入。第三十頌。明世界體性。結文即無。義見前經。第四五頌。明世界各各莊嚴具。第五五頌。明各各莊嚴際無間斷。此二如結名。第六有十頌。明世界形狀。義見上文。第七二頌。明各各劫差別。第八有八偈。明各各佛出現。此二亦如結名。第九有十。頌光明有無。即各各放寶光明。及各各光明雲覆。第十有十一頌。明音聲善惡。即各各演法海。今初爲二。初半偈標章。種種多端故曰難思。餘偈廣釋難思之相。於中分二。前九偈半喻顯。後十八偈法說。前中分三。初三偈半明由染因利有成壞。初一偈半明種。則長時刹有成壞。次一偈刹種雖一居刹有殊。後偈結歸業種。次有三偈。明由淨因。一淨心因。二佛願通因緣。後一明淨業因。後三通結染淨因。一隨心染淨因。二分別起業因。即以正喻依。亦是以因喻緣。心即是因招異熟果。果之龜妙蓋由業緣。三一偈雙明心業。行即業故。亦喻衆生同處異見。後十八偈法說中分三。初六明染淨。次四明成壞。後八明苦樂。今初分二。前二顯淨相不同。後四對因以辯。於中初一唯染由煩惱故。次二通染淨心。業通善惡故。屬於菩薩及衆生故。後一唯淨。以屬佛故。二有四偈顯成壞。

中。初一龜壞細存。壞由惡業存由二。因一約佛二善業者。故法華云。我淨土不毀天人常充滿。然滅雖不俱而起必同處。雖曰同處而恒相無故難思也。次偈業存處立。次偈世相不同。性無生滅。後偈結歸因緣。內由心變則染淨萬差。外假佛緣于何不淨。三八偈明苦樂中三。初三總相。約刹論苦樂。次三約一刹中有三惡趣。後二明入天樂。第二一一毛下。二偈顯刹微細。初偈舉果。後偈對因以辯。第三十偈明體性中。亦兼餘義隨釋可知。第四五頌。明莊嚴。第五有五偈。明莊嚴際中隔三世嚴故。無間斷結歸佛故。一塵普見。第六或有衆多刹下。十偈明刹形差別。第七二偈。明刹住時分。第八有八偈。明佛出多少。文並可知。第九十偈光明有無。初一無後九有。第十有十一頌。刹中音聲善惡。初二惡道唯惡。次三人天通善惡。後六佛菩薩善而非惡。正顯各各演說法海也。

毘盧遮那品第六已下入第十一經

初來意者。前明此因之果。今辯前果之因。答前因問故。次來也。因是果因故。標果稱。又不以人取法知是誰因。前品初言。毘盧遮那曠劫修因之所。嚴淨。今方顯其事。二釋名者。略云光明遍照。廣如前釋。三宗趣者。明因廣大爲宗。證成前果爲趣。四釋文一品分三。初總明本事之時。二有世界下。別顯本事之處。三彼勝音世界。最初劫中下。別顯時中本事。今初即二佛刹塵數劫也。

二辨處中亦三。第一總明利海。第二此世界海下。別明二利。略無利種。利名勝音者。多佛出世說法音故。次彰其相後說劫名。可知第三諸佛子彼勝音下的指一方。如今娑婆中。別說一四天下也。於中亦三。初總明感應之處。第二諸佛子此林束下別明能感居人。第三諸佛子彼大林中下。別顯道場嚴事。今初有三。初明香海者。非持種之海。即如今四洲之海耳。二其海下。海出華山三於其山下。明山頂之林。先標舉後顯嚴說。此林者佛於中現也。說城居人者總舉所化也。第二別明能感居人中亦三。初標主伴二城。二釋主城。三釋伴城。今初雖有天城以佛出故人城為主。二清淨下廣釋主城於中先顯嚴城上守禦曰。繞城別築土臺曰。却敵。優鉢羅等。即青赤黃白四色蓮華。從此大城下彰其人勝。三其城次南。下略釋伴城。於中先辨城名居類後此一下。顯圍繞莊嚴。世界不同安立少異。不可例此也。第三明道場中。先辨場嚴二其道場前下。明蓮華香海為佛現故。大文第三別顯時中本事。文分為二。先總舉劫中多佛。後其第一下一。一別顯。正彰本事。經來不盡故無總結。今初將欲說別。先舉其總言最初劫者。即種種莊嚴劫也。既云最初。即此後更有大劫。於理無違。第二正顯本事中歷事四佛。即為四別。第一逢一切功德山須彌勝雲佛。第二波羅蜜善眼莊嚴佛。第三最勝功德海佛。第四名稱普聞

蓮華眼幢佛。各有諸佛子言。就初佛中文分為六。第一總標佛號。第二先瑞熱機。第三正顯佛與第四毫光警召。第五當機雲集。第六廣演法門。今初也。一切功德山者。福德崇峻不可仰也。復言須彌者。定慧高妙難傾動也。言勝雲者。慈覆智潤廣無邊也。第二諸佛子下。先瑞熱機分二。初現瑞熱機。二其世界中下。觀瑞熱機。前中三。初標現時。謂百年前。次此摩尼下。正顯瑞相有其十種。於中說前世所行者。示其種子將成熟故。說佛名號令憶念故。說大行願。使修發故。說轉法輪。使當聽習生法眼故。後現如是下結瑞意也。二機熟可知。第三爾時下。正顯佛與。於中分二。初一處道成。二如於下結通廣遍。初中先總。後其身。下別。別顯勝德略有十相。一示身相。法無不在。本自普周。智與理冥故。等彼真界。能令色相隨彼。融通法界塵毛重重全遍。二悲相。不捨因行無所不生。三成相。理行時處為一切道場。身智俱遊名為普詣。四色相湛然常住稱為妙色。色色無邊故云具足。並無質累。是謂清淨。五勝相。色容蔽於大眾。威德攝於群魔。力無畏圓。何能映奪。六貴相。無邊寶相圓明可貴。超過聖帝故曰分明。七應相。不往普現如鏡中像。八無礙相。有威斯見無隔山河。九者化相。化從真流源無有異。十吉祥相。身智光照普稱世間。此上大同經初二結通中且結同類一界。餘皆略也。第四爾時下毫光警召。文分為五。一

放光處顯中道故。二王光名。發。動宿種生起新善故。善根有三。一者生。福及不動業。以施忍智三而為善根。二厭苦求滅。以信等為根。三求無上慧。以四等不放逸。五法為根。通說善根。以依聖教發心為性。故云音也。三眷屬數無盡法故。四照分齊。充滿十方通方教故。五若有下明光勝益。文有十句。二無明重者自覺智開。二煩惱深者息現行惑。三勤修難出。裂五蓋網。四三障重者摧諸障山。五未解脫者淨心垢種。六未信大者發起入住。七闕資糧者生其勝善。八未入地者除五怖畏。九色累功用滅。身心苦。十滯無生者見佛趣果。此約差別對治以釋。若約橫配。生善見理。可以準思第五當機雲集中文。二先通顯諸王雲集致敬。後諸佛子下。別彰諸王雲集儀式。於中分二。先廣明喜見。後略列諸王。今初即正出本事之緣。文分為六。第一標名辨統。二總辨眷屬。三威光得益。四偈讚如來。五父王宣話。六俱行詣佛。初文可知。第二夫入下總顯眷屬者。有德曰夫人。有色曰采女。王子別本云。二萬五千者。別梵本也。案璽珞本業經上卷。云十住銅輪寶璽珞。百福子為眷屬。生一佛土受佛學行。教化二天下。銀輪寶璽珞五百子。金輪一千子。初地四天王一萬子。二地忉利天王二萬子。三地已上乃至淨居天王。但云眷屬亦如是。故知無過二萬子者。若三界王即當等覺。又以一切菩薩為眷屬。案喜見所統但以城言。

又見佛興至第三佛。方云去世五百銀輪
斯爲正也。或約教異理亦可通。上首云大
威光者。有大威德。聖道光明故。第三爾時
下。威光得益文分爲二。先舉因總標。後何
謂下列益明體。皆從勝用標名。一佛德圓
滿摧障稱輪。定中能知故受斯稱。二此總
持能持諸佛法。三即空涉有名爲方便。
斯則權實雙行。爲不共般若。稱體用之廣
大。四以二嚴調伏真實慈也。五法雲震音
能拔苦本。六稱理法喜故德無邊。自他俱慶
心爲最勝。七知離名法法亦應捨。如實捨
也。八善巧起用平等無思。通從此生。故名
爲藏。九盡衆生界荷負無疲。要令信解
爲大願也。十所有辯才皆入佛智。自他俱
照是曰光明。此上十法。初三功德法。次四熏
修法。後三起化法。多言大者。境界無邊稱性
廣大。智契貫達並受證名。第四偈讚。如來
文分爲二。先說偈之由。後正陳偈頌。十偈
分三。初二示佛出現既滅。開難遇不可
失時。次五令觀佛德。有德有慈真可歸
也。後三引例勸歸。無遠不歸固宜往見。第
五父王宣。語文分爲二。初宣。語所因。以聞
讚故。太子道深親承佛益。王機猶淺轉假
他聞。二正以偈。語。偈有十。一分。之爲
三。初三集衆勸觀。次七勸令辦供。鄭注
禮云。巾猶衣也。謂以繒綵衣帶於車。廣雅
云。駟駕也。餘並可知。後一偈勸辦供佛。
第六俱行詣佛。初導從持供。後至而設敬。
第二復有妙華下。略列諸王文易可知。第

六時彼如來下廣演法門。文分爲五。一佛
轉法輪。二威光獲益。三以偈讚述。四傳化
衆生。五佛加讚勵。今初也。佛解脫用主教。宣
示利塵眷屬隨機益殊。第二是時大威下。得
益中初總後別。總中上說三世佛法。即佛昔
所集也。既見佛得益。轉受菩薩之名。所謂
下別。智即是體光明語用。所照境殊故分十
一也。一深定智明。一切法聚。略有三義。一
正定等三。二善惡等三。三總收一切。不出
有爲無爲二種法聚。二位相收一味性現。故
云平等。定中證此名彼三昧。二大心智明。
謂後後因果。皆入初心。略有三義。一後因
初得故。言一切悉入。若修習至在初步。
學者祇在其中。二菩提直心正念真如。真如
門內攝一切法。三者三德開發初後圓融。
初發心時便成正覺。故三大智智明法界者。
所照之體大也。普光明者。即相大也。智慧光
明遍照法界義故。蘊恒沙性德故名爲藏。
妄惑本空。故云清淨明見。稱眼見性肉眼
即同佛眼。四大願智明。知諸佛法願爲本
故。五大行智明。無邊果德此行入故。六速疾
智明。謂趣入無生功用不退。無功大力一
行含多。受斯稱也。七神通智明。三輪幹事
出離不能。八大福智明。照福嚴故。九大解
智明。謂佛勝解力成莊嚴海。十佛用智明。普
周法界。十一佛德智明。降魔制外。後三佛
境故。但了知餘可證知。故云得入。第三以
偈讚述文分二別。先因後偈。偈中分三。初
一標益體用。次八顯用所見。於中前七見

因後一見果。三一偈發願思齊。即前品初
修治大願也。第四傳化衆生。文分爲三。初
明自悟。二爲一切下。明轉悟他。顯示十法。
與前自得十一。有同有異。文並可知。三今
如須彌山下。利他之益。第五如來讚勵中。偈
有十一。初三讚發心得法大果當成。次四
對劣顯勝進者圓德。次二外加。內智決證
無疑。後二舉一例餘。行者即得。第二遇
第二佛。文分爲二。先結前生後。二正顯佛
興。今初。謂將說後佛。故總論劫壽明。多小
劫者。欲顯多佛現故。說人壽佛壽者。由
佛壽促而人壽長。故得威光一生歷事三佛。
二彼佛滅下。正顯佛興。文分爲五。一明滅
後佛興。二觀相獲益。三讚德勸詣。四眷屬
同歸。五聞經悟入。今初也。此中佛名。謂智
導萬行皆到彼岸。見性了了故名善眼。果
由因飾。是曰莊嚴。二爾時下。威光親相獲
益中。二。先親相即獲益之由也。二即得下
正獲益也。先列後結。列有十種。一念佛三
昧者。菩薩之父故首明之。乃至十地不離
念佛。無邊海藏門者。蘊積名藏深廣稱海。
然略有三義。一由此定中見多佛故。下文
云。以佛爲境界專念而不捨。是人得見佛
共量與心等。由念能見所以稱門。二一一
佛德。是無邊海藏。由念能知所以稱門。云
何無邊海。劫海所修有行願海。成就色身
有相好海。成就智身有辯才海。建立念
處有名號海。修諸助道有功德海。安立
衆生有淨利海。如是諸海一一無邊。各各

① 聖二共 ② 五十(偈) ③ 語二告 ④ 有(一) ⑤ 一十(偈) ⑥ 之(爲) ⑦ 初三二初有三偈 ⑧ 勸二偈 ⑨ 以(一) ⑩ 帶十(奉) ⑪ 餘並可知 ⑫ 勸實二實供 ⑬ 益二途 ⑭ 發初二顯前 ⑮ 得十(初達一切功德山佛已竟) ⑯ [正] ⑰ 立二處

出生蘊積名藏。三無邊勝德由念佛生故。此一門深廣蘊積。何者念法性身則契如理。念功德身成無邊德。念相好身證無邊相。障無不滅。德無不生。一言蔽諸總由念佛。從此通悟所以稱門。即此一門說不可盡。二總持大智能達深法。三無緣普應。四等除煩惱。五佛深德海蘊積力用。菩薩緣此喜遍身心。六悲則心感喜便浮動。深契法性則曠若虛空。悲喜兩亡。為平等清淨。七般若者。覺法實性離分別也。有可離者非真離也。知自性離不復離也。無離之離即真法界。真法界者。本來清淨。法界清淨即般若清淨。般若清淨則萬法本淨。萬法淨者無淨無不淨為真淨也。實相般若為萬法之體。觀照冥此衆德攸依。故云身也。八通用智俱。故無礙隨現。九入法之深離。說之垢于智照佛法淨所知障。含藏衆德。二如是下。結中明歷事增進。故云十千。通達之言釋前即得。第三爾時下。讚德勸詣。文分為二。初說偈後偈益。偈中分三。初一偈歎希慶遇。二有七偈歎佛勝德。於中三勸衆同歸後諸佛。子下偈益可知。第四時大威光下。眷屬同歸。第五其佛下。聞經悟入。文分為三。初佛為說經。二當機獲益。三如來讚述今初主經。法界體性大方廣也。清淨佛也。莊嚴即華嚴也。有多眷屬者。顯此教圓。二彼諸下當機獲益。亦有十益。既云大衆或一人得一。或二三四或具十者。威光先證

故略不標。大衆之言亦已含矣。故下佛讚。然此十事略為二釋。一者如次配於十地十度。或取地義或取度義者。達一切法本來清淨名清淨智。不取淨相是名方便。即初地入證之智也。二則二地離被垢。是所除障。照諸善品即戒光明。三即忍度。忍為上嚴一切愛樂。四無利不入無法不照。無見不淨。是為精進增廣衆行。約地義釋。以諸道品燒無盡惑成無邊光。五趣向諸行能入俗也。禪度增故性能離垢。涉俗化物成福德雲。不迷實理為光明幢。六般若現前名隨入證。照深緣起名法海光。七功用已遠將入無功。為深發趣。權實無礙為大莊嚴。八見法實性。無功而修為極妙見。由此智慧復得灌頂故。仁王經云。後之三地同遣無明。同無功用故。非灌頂地是灌頂智。九顯了藥病。是功德海相辯才遍應。若月影流光。十智圓離障。方於佛願而生信解。故曰出生。二者此上十門。隨一以立其名。未必全將配於地位。或通配諸位。或復不次。以人無量隨證不同。普賢巧說故。文含多義。第三時彼下。如來述讚十願分。二前六讚其已具勝德。當成極果。皆前半已獲。後半當證。獨第四偈三句是因。後四偈行齊佛因。當如佛證。皆三句舉佛行。後一句齊佛德。然此中述讚望前遇光得益及向大衆所得多有相同義。必述上可以意消息之。遇第三佛文分為六。一如來出時。前佛滅後等時也。二彼摩尼下。正明現世。

立斯號者。功德海滿無加過也。三時大威光下。威光往供。四時彼如來下。佛為說經。見善法故名善眼。以慧為性故曰光明。況一眼即十眼。融無障礙。眼外無法。方真普眼。以諸緣發見即緣各為根。因沒果中緣皆號眼。故全色為眼。恒見色而無緣。全眼為色恒稱見而非我矣。五爾時下威光得益。五度皆福定為最。大寂無不照名普光明。得此已下彰其定用。福非福言略有二意。一福即是善非福是罪。二福即是相非福即性。雙了性相故。經云。福德即非福德性。此即深也。一切者廣也。故有海言。過於初佛但得十者。自力未勝故。次佛十千者。道轉深故。今唯一者道已滿故。第六時彼佛下。如來記別。十一偈分。四初四顯具菩提心。謂初有願。次偈有悲。四有智光。三兼精進。通策三心故。菩提心圓當成妙智。次四上入佛境。三有一偈示其果相得同諸佛。四有二偈讚其現能利他住普賢行。遇第四佛文分為四。一佛出入中。二天王就供。三如來說法。四得益還歸。今初。約相日類青蓮。約德心無所染相德高顯名稱外彰。摧邪衆歸故曰幢也。二是時下。天王就供中。二先明菩薩行進。報處天宮。此城即是品初所列之一。後知佛可歸持華往供。三時彼下說經。方便之言略有三種。一無實權施曲巧方便也。二理本無言假言而言。大方便也。三權實無滯。亦大方便。事理皆彰方曰普門。四時天王下。得益還歸中。聞上普門。

正受安住。法喜無盡故名曰藏。由此證達諸實相海。此劫之中。十須彌塵數如來。今但云四。又無結會古今現證得益等者。經來未盡故也。若結會者。應云爾時威光菩薩者。毘盧遮那等。所信因果會竟。

如來名號品第七 此下第二修因契果生解分
第二會初從此第十二經
菩薩問明品

將釋此品。五門分別。初來意者。先明分來。前既舉果令生信樂。今明能生因果信解。故次來也。二會來者。生解之中信為其首。故又前舉所信之境。今明能信之行。故次來也。三品來者。前品舉因顯果。成所信之境。今舉果辨因。彰能信之行。果中三業身為其總。故先來也。又遠答前名號海問。故二釋名亦三。初分名修因契果生解分。謂修五位之圓因。成十身之滿果。令諸菩薩解此相故。即生修因契果之解。依主釋也。二會名。約處名。普光明殿會。然有三釋。一以殿是寶成光普照故。二佛於其中放普光故。三佛於殿中說普法門慧光照世。故立其名。依前一義。即依主釋。後二有財。約法則名信行之會。三品名。如來現相品已釋。召體曰名。表德為號。名別號通。一切諸佛通具十號。名釋迦等則不同故。如來即十之一。品中正說隨機就德以立別名。既表德之名。則亦名亦號。如來之名號。依主釋也。三宗趣亦三。初分宗。謂以修生修顯因果為宗。令諸菩薩修行契入為趣。二會宗者。若就總望。信解行德攝位為宗。通成佛

果為趣。信能必到。如來地故。近望唯信為宗。成位為趣。若依長科十分之宗。此下三品以爲一分。即果用應機周遍法界。以爲其宗。依此起信為趣。此亦名正報因果。亦是所信。信何法門。信佛身名等。於衆生。則知我名。如佛名也。信佛法門。隨宜而立。知我妄念苦集。亦全法門。信佛意業光。明遍照。則知自心。無不知覺。故先古諸德。亦將上三品舉果分收。三品宗者。顯佛名號周遍為宗。隨機調化。利益為趣。或上二皆宗。生信為趣。第四問答。問五周因果差別平等不同。何以分名合之爲一。答通生差別平等解。故離於修生說何修顯。故問前會舉果本為生信。今何重舉名號等三。答凡約境生信有其二義。一標舉境界。明有所在。二攝以就心令成信行。前會約初義。此會約後義。又前會果廣因略。故名舉果。此會因廣果略。故總攝爲因。先依後正文影略耳。若約鈎鎖者。自屬正報果。故不同。第七會說所成。此中自辯信所依。故問何不。入定。以未入位性不定。故若爾十定豈散善耶。然說法之儀通有四句。一定後說如諸會。二說後定如無量義經等三。定中說如第九會。無出言故。四不入說如此信中及第七會。諸文非一。第九表證唯證能說。一得永常不礙起用。故第七爲表常在定。故又入爲受加。彼不須加。故不須入說。後入者說在行。故將起後故。是知動寂唯物學無常規。故下文十信之用。一方

入正定。餘方起出說。自在無礙也。餘會摩頂後說。此會說後摩頂。是知此經體勢縱橫不可定準。第五釋文。若隨義約品科十分之中。此下三品。當果用應機普周分。若約隨法就會科十分之中。此一會當第二能信成德會。今就四番問答。從此終第七會。即當第二修因契果生解分。若順諸會應直分問答。今爲順文。一會分三。第一序分。第二請分。第三說分。今先序分。具如經初。但加普光以爲小異。略分爲三。初標主時處。二始成下別顯三事。三與十佛下。輔翼圓滿。二分三。初別顯說時。二於普光下別顯說處。處在菩提場東南可三千里。許熙連河曲。彼河之龍爲佛造此今舉總攝別。前標國名。以本收末。上舉場稱。故下不動覺樹而遍十方。三妙悟下別顯主德。亦即示成正覺之相也。準第八會初及深密經等。皆說佛有二十一種功德。升兜率品當廣明之。今文有初十句。亦略釋耳。十句之中。初總餘別。總中妙悟皆滿者。妙悟普經名。善覺。論經名。正覺。良以梵音云。蘇含於妙善及正等故。譯者隨取。悟即覺也。雙照真俗。故稱妙悟。備下諸句。異於因人。故復稱滿。別中一二行永絕者。煩惱所知生死涅槃。皆名二行。俱不現前。名爲永絕。二達無相法者。清淨真如。無相法。達者了也。三如來常住。大悲。任運利樂。又常安止。聖天梵住。故云住於佛住。四所證。能證。及以化用。皆等諸佛。五具能治道。解脫障。故六所說教法。外道

不能轉故。七行諸世間違順魔。怨不能礙故。八安立教法超言念故。九於三世境若事若理了達記別無錯謬故。具此九別成初總句同異成壞華思可知。第三輔翼圓滿。文分二別。一標數揀定。二歎其勝德。前中菩薩揀非凡小。補處明非下位。他方面來非舊衆也。言一生者。釋有二義。一約化相謂如彌勒。此復有三。一人中一生。二天上一生。三下降一生。正取天中二。約實報一生。謂於四種變易生死中。唯有末後一種。名無有生死一位所繫。此文多約化相耳。二普善下。歎德。德雖無量略歎一。普善觀察者能觀智也。普有二義。一普衆同有此德。二普觀十境。善有三義。一善知相。二善知無相。三善知此二無礙。衆生界下。明其所觀皆具上三義。十中初是總句所化衆生。次此生何來。由迷法界起於世界。我當令彼住涅槃界。淨諸業果故。須識心行之病。文義之藥。令厭世間欣出世間。不盡有爲不住無爲。上辨橫觀十法。今豎達三世觀涅槃。知已現當證觀諸業已現當造果報。已現當受心行已現當發餘可類知。亦以六相融之。第二時諸菩薩下。請分中二。先舉人標念。後若世尊下。正顯問端。然句雖五十問但四十。以第二十句是說意故。此四十問望第一會有同有異。後二十句全同。前二十句大同小異。又復前後不同。初十句即前第三十海。前會即總說所觀深廣。此則別說如來依正。以前會中爲總故。

此會別顯信所依故。故前會皆致海言。此中但云利等。第二十句前名菩薩十海。此列住等行位。前通諸會總顯圓融行布因故。此約當分。欲顯差別因之相故。後二十句雖則全同。前總此別。又前即所信。今辨所成。欲顯所信所成體無異故。文句全同。若唯約義亦可分三。謂初十句問佛德應機無方大用。辨因所依果。次十句問菩薩行位。即果所成。後二十句佛果勝德。顯因所成果。是則以佛爲緣而起於因。還以此因而成於果。是此分之大意也。故論云。多聞熏習。無不從此法身流。無不還證此法身。即其義也。今取文義俱便。大分爲二。初十句直爾疑問。後三十句引例請問。義不異前。然所依所成文應互有。但是影略不欲繁辭。故初會直爾與問。即此中引例。此中引例即彼直問又前但明一重所信。故合三十句果。今爲分二段。故問之以因。今初十句先總顯請意。後開示下別列所疑。十句依正問問者。正報應機必依利故。亦表依正無障礙故。五句依者。一利類。二莊嚴。三清淨。四體性。五成就。上五即前二海。廣如四五二品。其佛住等五句即正報大用。一佛身遍住諸刹。佛心常住大悲。二所具功德及所證法性。三隨機說法。四作用威光。五修行得證現成菩提。然此五即前會七海。一即佛海。二即解脫海。三即演說海。四即變化海。五即名號及壽量海。波羅蜜海。其衆生海但是所化故略不舉。含諸海中。此之

十句下。有言說及現相答。至下當知。第二如十方下。引例請問。文分爲三。初十句標彼說意。明其有悲。後三十句。舉彼所說顯其有智。末後一句結以正請。彼佛既爾。此亦宜然。初中初句總。謂令諸菩薩行願成就。故餘九爲別。一上繼佛種。二云何繼以救衆生。故三云何救令離惑。故四如何救知彼根行。故五以何救說法藥。故六成何益。二除集諦染。二決道諦疑。三拔苦希望。四證滅愛處。故。又成菩薩行具悲智也。具此悲智何所爲耶。令佛種不斷。佛種不斷有何相耶。謂成三德。救護衆生成就恩德。永斷煩惱。成於斷德。了知諸行。成於智德。諸行有三。一者心行。二所行行。三所了行。謂一切行無常無相。即所了也。云何救護演說諸法。云何永斷淨諸雜染。永斷煩惱。現雙亡。除諸雜染。謂唯現惑。云何成智。謂永斷疑網。智成。何益斷諸希望。惑除何益滅諸愛著。一切著者。著有著空著。行著果。不著諸法。正智現前。悲救衆生。佛種不斷。是菩薩之要也。諸佛之本意也。所陳諸問。一一皆有斯益。又釋。一切菩薩是所成就。云何成就。不斷佛種。即自成就。救護衆生成就於他。云何救護。謂離二障。永斷煩惱。無煩惱障。了知一切無所知障。以何方便能斷二障。謂說諸法。此煩惱障。其相云何。謂愛與見。除諸雜染。絕愛煩惱。永斷疑網。絕見煩惱。此所知障。其相云何。謂於境不了有所希望。法執未忘。一切生著。今相

無不了何所希望。達法性空當何所著。二障既寂。二智現前。成菩提涅槃。謂不斷佛種則菩薩成就矣。第二說諸菩薩下。舉彼所說。文分爲二。初十句問。因後二十句問。果今初文有九句。昔云。欠第九十忍一句。又以十信自不成。位是住方便攝。在住中。故不別問。故仁王經教化品云。伏忍聖胎三十人。十信止十堅心。故信住不分也。有義云。有四義。故信不入位。一進退不定。故二難修十心。無定階降。故三未隨法界修廣大行。故四未得法身。顯佛種性。故由斯不開十信。則成此會及第三會俱答十住問也。十行第四會答。十迴向第五會答。十藏第四會中答。以藏有二義。一收攝義。謂收攝諸行以用迴向。故答在迴向之前。二出生義。以出生地上證智。故問居迴向之後。十地第六會答。十願初地中答。十定十通第七會答。各有自品。十頂一種答文不顯。古有多釋。一云準梵網經說。十忍後有心地法門。即此十頂理亦可通。但彼經說處乃有十一。初無菩提場會。但云方坐千光王座及妙光堂說。十世界海。其二三四與此三四五會處法全同。他化十地次第亦同。而化樂天說。十禪定。初禪說。十金剛心。二禪說。十願。三禪說。十忍。四禪摩醯首羅宮。說我本源蓮華藏世界盧舍那佛所說心地法門。不云重會普光及祇園重閣次第。又別難可會通。又此中問。因後更有果問。故彼佛心地。即後如來地等。非十頂也。有云。僧祇品

答以準。環珞等覺。別有頂位。以因位窮終。今僧祇中說十大數。數中之極。故云十頂。彼問雖十答有多數。對上定通。亦非其類。故不可也。有云。壽量品答。彼中十重佛土。皆上爲下頂極。至賢首佛刹名爲十頂。又佛名第二。名此十一世界爲上首。故但舉此初後十一。即顯過百萬阿僧祇世界壽量之數。此爲標首。首即頂故。然復彼無別問。似有少理。但標此十界將爲問端。對十地等。甚不相例。今謂。新舊梵本俱無忍問。答中即有故。知彼忍即此頂也。言十頂者。因位終極。十定十通皆等覺位。十忍居後。又得頂名。問中約位終極。故名爲頂。答據法門忍受。以智印定。故云忍也。非位終極。不具十忍。非有十忍。不極。因位二文更顯。故十忍品末云。通達此忍門。成就無礙智。超過一切衆轉於無上輪等。既言超過。即是頂義。亦猶四善根中忍頂法門。義相類故。不爾忍無別問。空答何爲。設欲成十應脫十信。十信雖未成。位亦隨法界修廣大行。德用殊勝。別一會答。應有問。故若將十忍已下四品共答。頂問於理無失。俱是等覺之終極。故第二二十句問。所成。果全同。初會於中亦初十句。明內德成滿。後十句體相顯著。初中如來神力。前會名佛加持。即神力加持。故神通約外用。無礙。神力約內有。幹能。離世間品各有十事。其相自別。言無礙者。謂如來所作無能障礙也。上文名無能攝取等。義皆同也。後十中辯才是語業。智慧是意業。

最勝是身業。準前會中。唯欠佛光明之一句。餘如前釋。其所答文亦如前引。出現不思議相。海品說。但前總會故引此文。所引之文正答今問。說者宜重引之。三願佛下結。請請同。彼說。故致亦言。請分竟。第三說分。於中通。下六會。答此所問。準問長科。亦爲三分。此初三品答。所依果問。二問明已下。答所修因問。三從不思議品下。答所成。果問。其平等因果。因乃果中之因。果乃此果之用。故屬果收。初中分二。先如來現相。答由其念請。故又如來證窮。故後文殊言。說答。伴助主故。假言顯。故今初分二。一佛現神通。二衆海雲集。今初。知其心念者。領念請也。現神通者。示相答也。言隨類者。有其三義。一隨疑者所宜異。故謂或示色。令見以聲。令聞。冥資令曉。皆是現通。以法界身圓明顯現也。二隨疑者流類別。故三隨疑者所疑異。故謂若疑十信。即見如來足輪放光。周乎法界等。若疑十住。則見如來足指放光。百剎塵外。菩薩集等。如放光一事。既爾。餘料皆然。故知初會現相。遍於九會。此會現通。通於一分。結集隨義編之作。次耳。故下三會。皆有不超覺樹之言。第二現神通下。衆海雲集。即現相。答初十句之問。光現。佛刹答佛刹問。刹有金色等。是刹莊嚴。既以金成。亦答刹體。彼刹菩薩亦刹莊嚴。菩薩大寶以爲嚴。故亦刹清淨純淨。佛刹唯菩薩故。淨修梵行。是刹成就淨土行。故亦刹清淨所修淨。故。此已上答五句。依問。兼答五句。

大方廣佛華嚴經疏卷第十三

唐清涼山大華嚴寺沙門澄觀撰

名表所得之智。今初東方言金色者。心性無染與緣成器。爲自體故。本智如空離覺所覺。湛然不動動即是妄。非曰智故。又縱成佛果不異凡故。即本覺智住心真如。菩薩妙德者。慧達佛境。處處文殊由慧揀擇。契於本智。故分因果。二覺首者。覺心性也。無性不礙隨緣。隨緣不礙無性。無礙智也。不染而染染而不染。俱難了知爲妙色也。三財首者。法財教化即滅開智。了衆生空如蓮不著。四寶首者。真俗無違可珍貴故。善知業果不犯威儀。性相無違。唯一乘旨。是爲唯喚瞻華矣。五德首。了達如來應現說法之功德故。即是明於法相。又了佛德心明白也。若有此智。如青蓮華最爲第一。六目首。福田照導如目將身。平等福田爲究竟智。是最可重故云金色。佛爲福田以佛爲境故。同上文殊依金色界。七精進首。正教甚深必在精進。能策萬行爲最勝智。圓明可貴故。復云寶。八法首。法門雖多必在正行。於法能行方得自在。得般若之堅利。爲金剛色。九智首。佛之助道雖無量門。智爲上首。能淨萬行。故云梵智。智淨體淨猶若玻璃明徹無染。十賢首。前佛後佛一道清淨。由自性善故稱曰賢。能知此實是觀察力。觀察本性常平等故。又十佛相望不動是體。餘皆是用。十菩薩相望。文殊爲總。餘皆是別。以總導別故。九菩薩不離妙德。以前後流例略爲此釋。惟虛已而求之。不信此理。甚深法門於我何預。

第二爾時文殊下。辨言說答。就文分四。一歎衆希奇。二諸佛下。牒問總歎。三何以故下。徵歎總釋。四諸佛下。如來下。廣顯難思。今初也。前衆疑問。佛令文殊答者。以文殊示居此土。生有十徵來自他方。體含萬德。降魔制外通辨難思。化滿塵方用周三際。道成先劫已稱龍種尊王。現證菩提。復曰摩尼寶積。實爲三世佛母。豈獨釋過之師影響而來。一切咸見故。其說也。何不待請。敬同佛故。何不待告。承佛神力。佛意許故。衆既念請佛方現相。非夫尊極大士。安得理契潛通。故上以光示普賢。此乃冥加妙德。若爾普賢云何定後更請。表說所信甚深細故。何不入定。以果從因。同於信故。餘如上說。何故無加。以無定故。又承佛神力是冥加故。歎衆希有者。略有五義。感應懸隔難一遇故。德行內充總稱歎故。以名表法甚希有故。創起信行未曾有故。此一衆會即是等空法界會故。二牒問中脫於剎體。佛出現者。即前威德也。阿云無也。釋多羅上也。三者正也。藐者等也。又三遍也。菩提覺也。謂道不可加曰無上也。無邪委知爲正遍也。三徵釋中。徵上難思言也。下釋

正報土。各有佛及見。如來坐蓮華藏。是答佛住。現通放光是答威德。名不動智等是答法性。見佛轉法輪是答說法。佛成正覺是答菩提。文殊在下義皆此具。光明覺現即現此故。十方衆集即爲十段。一方內文各有八。二遠近。二土名。三佛號。四上首。五眷屬。六詣佛。七到已致敬。八化座安坐。去此遠近皆十利塵數者。前會爲說所信因果深廣。故須遠集華藏之外。十方利海。今爲說於生解因果漸漸增修。故但集娑婆隣次之利。信行最劣故。復云十。後後漸增至法界品。還集利海。初不云一直云十者。表無盡故。要剎塵者。比餘勝故。爲有所表故。分階級非初信等。不是通方故。結及證成十方齊說。又隨迷名外悟處名來。而實佛土本無遠近。土皆名色者。表信能現故。亦表顯然可生信故。佛號同智者。有信無智增無明故。信中之智。本覺起故。主同名首者。梵云室利。一名四寶。一首二勝。三吉祥四德。是以譯者前後不同。今通用之以信爲首。攝諸位故。次第行中信最勝故。甚難得故。於生死中創發信心。爲吉祥故。信能增長智功德等。一切德故。此十菩薩同表信門故。皆名室利。各隨一門達一切法。故復有差。次文當釋。亦有傳云。梵云室利。此云吉祥。室利云首。亦是一理。眷屬皆十利塵者。表一行攝無盡德故。皆詣佛者。有歸向故。餘如前會。又下菩薩名等。皆是表法。菩薩表所行之行。本利表所證之理。佛

云。能感之機差別無邊。如來普應周于法界。廣難思也。下結文具顯。又隨宜說法。意趣難思。又等法界者。舉一說法等。餘多門。門不可盡量等。法界。法門難思。第四廣顯難思。文二。先總顯多端。二隨門別顯。今初也。舉娑婆為首。略顯十種差別多端。準下結通。實通法界。十句不出三業。一身為總。相現十法界不同。故云種種。二名以召實。次下廣辨。三金銀等色不同。三十二相等異。四形有長短三尺丈六。乃至無邊。五壽命限量。或無量劫。或不滿百年。下至朝現暮寂。六處。謂化處染淨等殊。七根。謂眼等隨感現異。八生處。有利利等別。九依語之用。隨方言音施設非一。故十觀察者。周旋顧盼以應群機。又觀存亡安危。可不智照諸境。示有多端。下結意云。令諸眾生各稱己分。而自知見得調伏耳。第二諸佛子下。隨門別顯。文分為三。初終此品辨身名差別。答上佛住之問。近廣種種身等八句。以色相等皆屬身故。二四諸品。辨言教遍周。答佛所說法問。近廣種種語業。三光明覺品。明光輪窮照。答上威德法性菩提三問。近廣種種觀察。其五句依報。但有現相答。廣在前會故。今初廣上名者。然聖人無名為物立稱。若就德以立德無邊涯。若隨機立名等。衆生界。雖復多種。皆為隨宜。生善滅惡見理。而立海印頓現不應生著也。文中分四。一娑婆之內自有百億。二娑婆隣近。即百億之外。三類通一切。謂盡十方。四釋差別所由。由

隨物故。初中分三。初此四洲。二四洲之隣。十界。三總結娑婆。今初亦三。初標處。次列名。後結數。他皆倣此。舉四洲者。昔云意取閻浮言總意別。餘三天下佛不出故。然雖不出。除北俱盧餘容有往。下並準之。一切義成即悉達也。無事不成就故。圓滿月者。感斷智圓恩蔭清涼故。師子吼者。名決定說。釋迦牟尼者。釋迦云能。能仁種故。牟尼云寂默。契寂理故。第七仙者。七佛之末。故若取賢劫當第四仙。即喻也。無欲染故。毘盧遮那。廣如前釋。瞿曇氏者。唯約姓也。此云地主。以從劫初代代相承為轉輪王。故。然上云釋迦。乃是族望。此即姓望故。智論第二云。釋迦牟尼姓瞿曇。故佛名經亦然。沙門此云息惡。無惡不息故。復稱大。最勝者。聖中極故。德無加故。導師者。引導衆生離險難故。於生死海示衆寶故。然名含多義。略釋此十恐文繁博。餘但隨難解之。二此四天下東下。此洲之隣十界。即為十段。其善護等。皆四洲之通稱也。今初東方斷言論者。證離言故。無能說過故。南云帝釋者。為天人主能稱物心故。西云水天者。水善利萬物。天光淨故。北方醫羅跋那者。具云醫濕弗羅跋那。醫濕弗自在也。羅跋那者。聲也。即圓音自在耳。上云盛火者。盛火焚薪不擇林木。佛智利物無揀賢愚。問餘聖教說。大輪圍內平布百億。上即諸天下安地獄。如何此說。上下皆有四洲。答此教所說事隨理融。隨說法處即是當中。縱極上際

旁至大輪圍山。亦有十方互為主伴。以融為眷屬。本數非多。十方界融亦準於此。因此略說娑婆融通。改非改相略有其五。一約事常定。如小乘說。二隨心見異。若身子梵王。三就佛而言。本非淨穢。四隨法迴轉。如上主伴互為。五潛入微塵。如前會說。若通論餘淨土更有五義。謂諸刹相入義。相即義。一具一切義。廣陝自在義。帝網重疊義。並如前後諸文所說。三諸佛子。此娑婆下。總結娑婆。二諸佛子。此下彰娑婆隣近十方。亦為十段。密訓唯九者。勘晉經開曉意下。闕一聞慧。南方。唯二舊經。則具。乃是新本脫漏。準前後例不應獨此便略。西北方名有十一者。獨此有餘不成。文體。此中專念法。應即是前所脫聞慧。亦是梵本之漏。注者誤安貝葉耳。下方云。帝釋弓者。如來念定之弓。以明利箭能射業惑。阿修羅故。然舊云。法命主意。取帝釋以法教命為天主。故。今云其弓但一事耳。若作宮室字。以處取人大同。晉本。第三諸佛子如娑婆下。類通一切。準四諸品。更有舉此例。餘十方亦如娑婆。互為主伴。第四如世尊下。釋差別所由。此有二意。一自既由於差別名言等。而得成就。今還倣古以差別熟他。二昔菩薩時隨機調物。今時出世稱本立名。如昔教衆生令空妄境。今成正覺為立超境界名。他皆倣此。故而得成熟之言通自他

釋此一品。五門分別。初來意者。此品廣前種種語業。即答前佛說法問。亦遠答前會佛演說海之一問故。既知佛可歸。次知法可仰。上名隨物立。今法逐機差故。次來也。二釋名中。言四聖諦者。聖者正也。無漏正法得在心故。諦有二義。一者諦實。二者審諦。言諦實者。此約境辨。謂如所說相不捨離故。實實故。決定故。謂世出世二種因果。必無虛妄。不可差失。言審諦者。此就智明。聖智觀彼審不虛故。凡夫雖有苦集。而不審實。不得稱諦。無倒聖智審知境故。故名聖諦。故瑜伽九十五云。由二緣故名諦。一法性故。二勝解故。愚夫有初無後聖具二故。偏說聖諦。四謂苦集滅道。總云四聖諦。帶數釋也。性相云何。逼迫名苦。即有漏色心增長名集。即繫煩惱。寂靜名滅。謂即涅槃。出離名道。謂止觀等。此約相說。通大小乘。智論云。小乘三是有相滅。是無相。大乘四諦皆是無相。涅槃云。解苦無苦名苦聖諦。謂達四緣生故。空則超。空悟旨成大。又涅槃云。凡夫有苦而無諦。二乘有苦有苦諦。而無真苦。菩薩無苦有諦。而有真苦。謂若苦即諦。三塗之苦豈即諦也。二乘雖審知之。而不達法空。不見真實。又二乘雖知苦相。不知無量相。故大經云。苦有無量相。非諸聲聞緣覺所知。瑜伽說苦。有一百一十。然此經中。雖彰名異。即表義殊。以名必召實故。是無量四諦義也。約一界一諦。即有十千。婆娑四諦有四百億十千名義。而

文義包博。言含性相。又究此四。非唯但空。便為真實。今了陰入皆如。無苦可捨。無明塵勞即是菩提。無集可斷。生死即涅槃。無滅可證。邊邪皆中正。無道可修。無苦無集。即無世間。無滅無道。即無出世間。不取不捨。同一實諦。故斯一品。有作無作。有量無量。皆在其中。準下第五地中。復以十重觀察。至下當明。三宗趣者。以無邊諦海隨根隨義。立名不同。遍空世界。以此為宗。務在益物。調生為趣。又上二皆宗。發生淨信。為趣。四解妨難。問既彰。佛語業答說法問。佛所說法多門。何以唯陳四諦。答以名雖在小義通。大小事理具足。謂苦集二諦是世間因果。所知所斷無改易故。滅道二諦出世間因果。所證所修事決定故。知斷證修能運眾生到彼岸故。世界有異。此獨無改。況無量無作何義不收。是故約此。以顯差別。又為破計引機故。謂演彼聲聞四諦局法。令亡所執。引入大乘無邊諦海故。約此辨。何以四諦皆帶苦言。謂苦滅聖諦等。然謂生苦之集故。云苦集。盡苦之滅名為苦滅。至苦滅之道名為苦滅道。不得單言苦道。以道非生苦不同。集故。又非滅苦不同。滅故。能證苦滅故。云苦滅道。五正釋文。一品分二。先標告。二諸佛子。下正釋於中。分四。初婆娑諸名。二隣次十界。三類通一切。四主伴無窮。然此望前品略於單說。四洲就初二中。一一方內文各有二。一別列諸名。二結數辨意。然其立名或有因從

果稱果籍。因名約事。約理或總或別。如文當知。初婆娑中列內四諦。即為四別。一苦云。罪者摧也。謂摧壞色心故。二逼迫者。不可意境逼迫身心也。此二總顯。三變異者。壞苦也。繫緣者。追求苦也。聚者。五盛陰苦也。刺者。從喻立名。如刺未拔。依根者。由苦能生一切惡也。虛誑者。於下苦中能生樂想也。癱瘡處者。此喻二苦。有癰瘡處。性自是苦。此如五陰苦。若加手等。觸苦上加苦。是苦苦也。愚夫行者。行苦也。愚人所行故。如以毳毛置掌不覺。若置眼內。為苦不安。愚夫不覺行苦。如掌內之毛。而復以苦反欲捨苦。皆愚夫行也。二集中初二通顯。謂有業惑者。繫縛三界。滅壞善根。次二別顯。煩惱餘多通業惑。三苦滅中。無譯者。煩惱為譯故。體真實者。非唯惑滅而已。實乃法身常住。為滅諦之義故。次云住自性也。謂本來滅故。四苦滅道。謂云十藏者。謂信聞等如十藏品。說二結云。四百億十千者。准望前名號。一四洲有十千。今一四天下。一諦亦有十千。四諦歷於百億。故有四百億箇十千。隨眾牛心下。顯差別之意也。第二辨十方諸名。一密訓即東方界也。苦名分析悉無力者。推之於緣。無實物也。形狀物者。有形皆苦也。集中病源者。謂有繫緣故。滅云一分者。惑由妄起故。分數塵沙。理不可分。故稱一分。道言上行者。所之在滅。言觀方者。謂觀四諦也。更有四方。如十定。品二最勝世界者。即是南方。前名豐盈。

豐溢是正翻最勝。乃義譯耳。苦名有勢力者。生老病死猶四山臨人。世雖賢豪力無與競。集名非已物者。己本性淨妄惑何預。滅名義中義者。事善有義滅理尤勝。義中義也。道名燒然。以智慧火燒煩惱。故三西方離垢世界苦名有無數者。三際無涯故。集名增長者。從惑生感業故。滅名稱會者。以事之滅稱會理滅故。破印者。世之陰苦若蠟印印泥印壞文成。此陰緣滅彼陰續生。今云破印永不生也。道名諸有邊者。照實即生死可盡也。故中論云。眞法及說者聽者難得故。是故則生死非有邊無邊。謂三事難得故非有邊。難得者。容有得義。得則生死有邊受寄全者。業寄於集暫受還亡。業寄於道永不失。四北方豐溢世界者。豐溢自南方界名。前品此方名為豐樂。梵云微部地。切。豐樂得旨。譯者不審二名相參耳。苦名有海分者。二十五有各一分也。數所成者。數體即集集所成故。集名分數者。無一理以貫之。則惡業萬差矣。攫噉者。攫搏也。噬噉也。集之損害猶惡禽獸也。滅名無所修者。修已極故。道名無量壽者。謂證滅永常。今因標果。稱五東北方攝取世界。苦名地獄性者。未入忍來常有墮性。根本空者。約性以說。同淨名五受陰洞達空故。集中由妄惑故。愛見羅刹橫相執取。妄體本空故。無可取故。中論云虛誑妄取者是中何所取。佛說如是法欲以示空義。滅道俱名離言者。滅性離言。道令言離。故六東南繞益世界

苦名如賊者。五盛陰苦劫害我故。集名無力者。於出生死無有力能。善法治之。不復相拒故。滅名捨囚者。無爲無因而體是果。菩提之道望此亦因獨寂滅涅槃得稱。果故曰捨囚。道名一切印無不審決故。印義後說。七西南鮮少世界苦名邪行者。體非正道是行性故。集名廣地生大苦樹故。宅主即無明也。滅名絕行處者。心路絕故。道名廣大路者。先聖後賢游之而不厭。故。八西北歡喜界中苦諦闕。一者。晉譯少出生唐譯少失利。集名無底者。煩惱深故。非習道學浮沈而己。滅名破依止。身與煩惱互爲依止。展轉無窮唯證滅理方能永破。道名廣大性者。無不在故。九下方闍闍世界苦名我所成者。我見有故。集名我心即我見愛。滅名覺分者。所覺處故。道名入義者。能入滅諦第一義。故。十上方振音世界苦名匿疵。身爲惑病所藏處故。傲慢者。慢以生苦爲業。果取因名。染著性者。性令染故。如樂受壞苦誰謂苦耶。駛流者。剎那性故即行苦也。不可樂者。苦苦也。覆藏者。藏苦因故。樂藏壞苦故。不苦不樂藏行苦故。速滅者。流轉苦也。難調者。誰不欲捨莫之能出。不憚疲苦方能調之。集名至後邊者。不斷無窮故。門者入苦趣故。滅名不可取。取則不滅也。小之則無內不容一物也。大之則無外法界性也。道名難敵對者。有惑必破不爲惑破故。猶明能滅闇。故無闇而不滅。闇不滅明何能相敵。第三諸佛

子下。類通一切。初舉娑婆以類東方。後舉東方以類餘九。第四如娑婆下。顯主伴無盡。文中初舉此例。彼謂娑婆爲主。有密訓等盡空世界皆爲伴。後彼一切下。以彼類此。則知密訓等盡空世界爲主。攝伴亦爾。則無盡無盡耳。此猶約娑婆同類世界而說。以結數中同百億故。餘樹形等異類世界。彼一類皆遍空法界。是則重重無盡無盡。非此所說也。如是皆爲調伏衆生。

光明覺品第九入第十

解此一品略以五門。初來意中自有其十。一爲答前所依果問故。然古德對前二品已答二問。此品正答三問。謂長行放光答佛威德。見成正覺。答成菩提。文殊說偈正答佛法性問。今更一解。謂長行但現相答。已如前說。偈中具答三問。謂初五答菩提。次一答威德。後四答法性。二爲廣名號品總標多端故。正廣種種觀察是意業故。三者即說十信之體性故。如下三會將說正位。皆有揭讚此其類也。四顯實遍故。但所說有二。一佛二法。佛有二。一身二名。法亦有二。一權二實。前但佛名遍此顯身遍。四諦即實之權遍。此品顯即權之實遍。故。五現驗故。上二云。遍衆未目觀。今光示遍相。故。六顯總遍故。前但名諦別遍。今此一會即遍法界。一一皆悉同時同處同衆同說同遍。故。七顯圓遍故。謂前顯差別。一切方能遍。一切今顯無差別。一切即圓融遍。一切故。八與下經爲其則故。謂下結經通云。遍一

●故十(最勝世界下二結也)● ●故十(豐溢世界下二結也)● ●故十(獨取下二結也)● ●說十(饒益世界下二結也)● ●故十(鮮少世界下二結也)● ●故十(闍闍世界下二結也)● ●故十(振音世界下二結也)● ●通十(虛)●

切者。皆如此辨以。如來一乘圓教。於須彌山等一類世界。施化分齊。皆若此故。九示前神通相故。上云現通。如何現耶。一會不動。遍法界故。十爲顯理事俱無障礙。令捨執從法故。此意雖通在文。通顯有上諸義。故此品來也。第二釋者名。一開二合。初開者。光明體也。覺者。用也。此二各二。謂光有身。智二光覺有覺知覺悟。又光有能照所照。覺有能覺所覺。如來放身光照。事法界。令菩薩覺知見事無礙。文殊演智光雙照。事理。令衆覺悟法之性相。二合者。良以事理俱融。唯一無礙境。故得一事即遍無邊。而不壞本相。身智無二。唯一無礙光故。涅槃經。瑠璃光菩薩處云。光明者。名爲智慧。知悟不殊。唯一平等覺悟之心。知無事非理故。又此二光不異覺境。此三圓融。唯無礙之法界。雖平等絕相。不壞光明之覺。品中辨此。故以爲名。若從開釋。光明之覺。光明有覺之用。通依主有財。若從合說。光明即覺。可持業也。第三宗趣者。以身智二光無礙覺悟爲宗。令物生信爲趣。又釋。名並是品宗來。意盡爲意趣。第四解疑妨。問此足輪光何時放耶。若說名諦意如何。佛刹菩薩衆數並同名號。如前已放前何不說。答是前名號品放。但前二品明。文殊此會說法。不俟光照。今辨百億刹中。乃至遍法界說故。須光以顯。示其所來菩薩。即前菩薩。故並全同。次有妨云。光照百億百億何不照此釋云。此爲主故。若彼爲主。則說彼照。又疑云。下光

既窮法界。金色更在何許。當利當利有本會處。皆去十刹主伴遍故。第五釋文。大分爲二。初如來放光。二照此下。光至分齊。今初。足下放者。表信四義。一自下而上。信最初故。二最卑微故。三爲行本故。智度論第九云。足下放光者。身得往處。皆由於足。四顯信該果海已滿足故。輪義亦然。圓無缺故。言百億光者。以遍法界所照之刹。皆百億故。第二光至分齊者。此中光照大數約其現文。且有二十六節。前九別名。後十七同辨。卽爲十段。若據實義。應有等法界無盡之節。節節有偈。中上本經必應廣說。然非多度放光。亦非一度放光。次第照於多節。唯一放光。同時頓照。盡空世界。但爲言不並彰說有前後。隨機心現節節各見。則如來光明節節而照。金色文殊節節而至。乃至法界各見亦爾。在佛文殊節節皆遍。如月普照百川各見。若法界機頓見。前來諸類所見。信會既爾。住行等會同遍亦然。十段之中。文各有二。皆長行。佛以身光照。現事境。令衆目觀。偈頌文殊智光讚述事理。令衆悟入。十段依答文三。初五答菩提卽分爲五。初一總顯菩提超情。二通顯菩提因果。三顯八相菩提。四顯菩提體性。五體菩提之因。今初長行中。二先照本界染淨。二如此處下。現自法會普通之相。前中三。初總標分齊。二百億閻浮下。別顯所照。三其中下。類結明顯。今初言三千大千者。俱舍論云。四大洲日月蘇迷盧欲天梵世各一千。名一小

千界。此小千千倍說名。一中千。此千倍大千。皆同一成壞。梵世謂卽初禪。故云同一成壞。以三度積。故曰三千。略去小中舉其末後。故云大千。長阿含十八。雜阿含十六。正理三十一。及瑜伽智論雜集顯揚。亦不殊此。有云然顯揚第一明三千世界三災所壞。故知初禪小千。二禪中千。三禪大千。若金光明直至非想。皆云百億意在遍諸天。故此經文中。但至色頂約無色無處故。今依二經。二別顯所照中。初現人中。二現八相。三現諸天。初中閻浮提者。新云瞻部。俱舍云。阿耨達池岸有樹名瞻部。因以名洲提者。此云洲也。東弗婆提者。此云勝身。身勝餘洲。故西衛耶尼。此云牛貨。以牛貨易故。北鬱單越。此云勝生。以定壽千歲衣食自然故。大海者。卽外鹹海也。百億輪圍者。一四天下。一小鐵圍。故中者有千。大者唯一。皆云百億者。此方黃帝算法。數有三等。謂上中下。下等數法十變之。中等百變之。上等倍變之。今此三千。若以小數計有萬億。今約中數。從千已上。百變之。則有百億。故唐三藏譯爲百億俱胝。測公深密記第六云。俱胝相傳釋有三種。一者十萬。二者百萬。三者千萬。由此三千以俱胝數。或至百數。或至千數。或至百千。唐三藏譯是千萬也。故至百數。又依俱舍譯。洛又爲億。此譯俱胝爲億。故下光照一億十億等。梵本皆云俱胝。總由俱胝之數不同故也。二現八相中。文有五相。受生含三。佛成道後始放光明。

却現初生及後涅槃者。約微細門。融三世故。亦非能照是報所照是化。以放光身在摩竭故。此經報化融故。大菩薩等化處見報。下位之機報處見化。二不並故。能照所照唯是一佛。顯佛自在超思議故。三百億須彌下。現諸天中舉須彌者。二天所依故。二現自法會中。二先現本會。此是一會遍一切處。非是多處各別有會。乃至法界亦如是遍。此圓融法非思之境。二悉以佛神力下。現新集衆。言佛神力者。亦即是前各隨其類現神通也。文有四段。謂總顯列名。刹號佛名皆同名號品中。但增百億爲異耳。偈文分二。先彰說人後顯偈辭。今初言一切處文殊者。略申三義。一約當節如初節中。百億佛前有百億文殊。爲一切也。各各皆說當節之偈。故文皆云各於佛所。二一文殊從一處來。即從一切處來。至一法會。即至一切法會故。雖東來而即一切處。以是法界即體之用身故。三約表法。文殊乃是不動智之妙用。觸境斯了。六根三業盡是文殊。實相體周萬像森羅無非般若。何有一處非文殊哉。下九節中皆有二段。做此可知。二正顯偈辭。然釋此偈有通有別。通者此明菩提超情。別謂顯前光中所見之事。於中又二。一約境。謂融前所照顯理法故。二約觀。謂令大衆深絕諸見。於所照事不生執取。然觀資理成理由觀顯故。通而釋之。即明菩提超情。大分爲二。初一反顯餘九順釋。今初。反顯違理之

失。謂菩提證德超絕一切。佛地論明佛非漏非無漏。亦應於世非著非無著。今乃見佛。內離諸漏外不著世。則有漏可離有世不著。取捨未亡此見違理。故非道眼。證道眼者。無分別故。餘偈顯見理之益。皆上三句觀相。下句觀益。於中九偈各是一義。且分爲四。初六觀佛。次一趣求。次一觀生。後一了法。初中初偈正顯佛菩提性本來自空。稱此而知則無上失。體謂真性。相謂德相。並性無所有。竟何所離。本無有著誰爲無著。如是知者名爲正解。修習明了斯爲正行。下句觀益。言疾作佛者約文殊門情盡理現。即名作佛。約普賢門信終圓收。約行布說則不見此理。成佛未期他皆做此。次一偈依正等。觀佛菩提性依正無二故。亦顯光所照處以明離見。謂上平於前所見世界。今離妄動。知真法界不應動故。次句例前八相。佛身亦同。平等不動而了故。成勝智。次偈佛法等觀了同體故。二念豈生一亦不存。得離思果。次偈生佛等觀言身即衆生。以梵本中云佛及我故。我即行入之身稱理普周。云平等住。平等則無能所故曰無住。我即法性。更不證入法性無性復何所入。如是知者曠世難逢。故般若文殊分云。若知我性即知無法。若知無法即無境界。若無境界即無所依。若無所依即無所住也。又本會即住無所住。新集則入無所入。問若皆平等。云何分別有三寶耶。智論答云。平等即是三寶。謂平等即法寶。

法寶即是佛以未得法不名佛故。得平等法分別有須菩提等。次偈會通平等。謂上來主伴依正不離五蘊五蘊性空即是平等。有相差別總名爲數。即同無爲故非數法。離數超世成寂靜果。次偈拂上出世。謂眞出世者。超越出入不礙照知。故成光耀。又上第三偈佛即是法。第四偈法即是衆。第五偈。明是三寶皆無爲相。此偈與虛空等。二有一偈。趣求者。以上雖離見而知。猶恐帶寂故。上半勸求。次句又觀性離。謂了迴向心本自不生。是離相迴向也。離相求佛得名稱果。三次一偈。所見衆生亦皆稱眞。故無生壞知無衆生。是無上道故。下經云。無上摩訶薩遠離衆生想。末後一偈知法。即成前法會周遍所由。上半標門。即十玄門中。一多相容不同門也。次一句釋所由。即十種所由中緣起相由門也。並如義分齊中。謂一與多互相生起。且一依多起。則一是所起而無力也。多是能起故有力也。以多有力能攝一。以一無力入於多。是故此一恒在多中。多依一起準。上知之。是則此多恒在一中也。以俱有力及俱無力。各不並故。無彼不相在也。以一有力一無力不相違故。有此恒相在也。緣起法界理數常爾。稱斯而見何所畏哉。由此緣起成前平等。由前平等成此緣起。文理昭然不許事事無礙。恐未著深思。第二重光照十方各十佛土者。是娑婆隣次之十刹也。十偈通顯菩提因果。分三。初偈菩提之因。次五菩提果用。後四令

●故十(其中所有下三類結明顯)●●名二明●●[故]一●●[明]一●●●帶二帶●●三二二●●●許二信●

物思齊。今初上半所爲。謂無明造業愛能潤業。故生死無窮。如泥中刺不覺其傷。如瘡中刺爲其所毒。下半能爲。即從癡有愛。菩薩悲生非大善提莫之能拔。無此悲智非佛法故。次五菩提果用中。初偈悲智雙滿。智見諸法悲以轉授。普見通於性相故。離二邊謂真故無有俗故無無。真故無有則雖無而有。俗故無無則雖有而無。雖有而無則不累於有。雖無而有則不滯於無。不滯於無則斷滅見息。不存於有則常著永消。俱不俱等何由而有。諸邊都寂故云皆離。次一美往因行。次一慈力降魔。次一智斷致用。後一法鼓濟機文相並顯。後四令物思齊者。斯即佛因。能如是行得諸佛道。四偈顯四種行。一游利無著。謂不壞其相故能普游。了利性空故於有無著。二念佛生喜。上半所念法身顯故。如空永常。解脫累亡如空清淨。下半能念憶持明記。故喜生願足。三亡苦濟物。四護法輕身文並可知。第三重光照百界。偈中顯佛八相菩提。十偈分二。初偈標德充滿。後九別廣調生。今初謂了俗即真故。如幻本虛真不礙俗。故達諸法相性相無礙。是真通達。無二礙著則轉依心淨。大悲同體故。調伏衆生則三德備矣。故能攝化。後九中即悲願自在調伏普周。雖數越塵沙。略論其九。皆言或見者。然有多義。一或多機異處各感見。二或同處各見。三或異時別見。四或同時異見。五或同時異處見。六或同處異時見。七或異時異處見。

八或同時同處見。九或一人於同異交互時處見。多人所見。十或一人於同異俱時處見。一切人所見。以是普眼機故。然佛不分身無思普現也。一初生時身如夜月。皎鏡可觀。智猶滿月清涼照物。故云永作。二行七步時顯其具德。三願時觀方現笑。四師子吼時說我獨尊。五出家時解縛修寂六坐道場時障盡德圓。七轉法輪時因悲度物。八顯神道時調彼難調。九示入涅槃不妨神用。又下二句亦總結前九。皆是神通並有深意。如第八會。第四重光照千界。頌中顯善提體性。十頌分三。初偈雙具悲智爲善提體。次四三德內圓。後五即體悲用。今初上半智深下。半悲濟。次四偈中一歎菩提永絕。二我德。謂二我之見必因於身。今觀。於身若我即陰。我即生滅。若我異陰以何相知。故但妄情曾未暫有。既無有我誰是我所。我我所空身從何有。無身之身顯法身德。二顯解脫般若德。涅槃二十五云。貪瞋癡心永斷滅。故心善解脫。於一切法知無障礙。故慧善解脫。涅槃略有一百八句。以顯深廣。言明行者。即般若德。若作明行足釋。即福慧德。瑜伽三十八云。明謂三明。行諸止觀。二品涅槃十六又云。明者三明。一菩薩明。二佛明。三無明明。菩薩明者。即是般若波羅蜜。佛明者。即是佛眼。無明明者。即畢竟空。然皆般若因果理智異耳。足有二義。一腳足義約。因。二圓足義約果。此文略無。無數下。顯其離過非有爲故。無數超下位故。

無等豈是因明能求其過。因明立量依世俗分別定有定無。故曰世間。今體絕有無。故彼莫能過也。如說佛聲非定有故。不同外道立常。從法性生離造作故。不同菩薩所立無常。三科皆爾。豈將佛德判屬無常。諸因量者。謂諸因諸量。及自他共等三種比量。比量雖有三支。五分因是量主。故曰因量。三一偈歎佛超絕三科德。蘊者聚義。謂是有爲生死果相。界者種族義。謂是愛著生死因相。處者生門義。謂諸識內外緣相。然不離色心。俱舍論云。愚根樂三。故說蘊處界三。蘊等有二。一者有漏是世數法。非此成。二是無漏則佛非無因。滅無常色等獲常色等故。如來妙色常安隱故。四歎佛超離根境界。境智雙寂契彼性空。根塵兩亡內外解脫。亦常照內外脫於無知。空尚不存妄從何起。又上四偈初一法身故常。二無過故樂。三數不能成。故自在稱我。四解脫故淨。後五即體悲用中。初偈不動普應德。上半不動下半普應。二我永亡稱性不動。智周法界何有去來。次偈動寂無二德。三句入寂一句起用。一相是表。所謂無相。無二是遮。體不可分。又無二者。非對有說。無也觀無始終。故心不增減。三輪之化云。無量神力。次偈無染了機。次偈度心平等。後偈無生現生智契。非有。悲心遍生隨機引之。令歸常寂。第五重。光照十千界。頌中明等菩提因行文有十行。皆三句辨相。一句勸修。雖皆作業。而展轉深細略分爲五。初一大悲下。

救業不求自利。故云永出人天。次四修習上攀業。一信二樂三念四學。又初一長時修常信不轉故。次一殷重修志樂不退故。清涼慧者無惑熱故。次一偈無間修不暫斷故。後偈無餘修常遍學故。三有一偈內照業觀。身實相者。如淨名觀。佛前際不來等。又如法華不顛倒等。中論法品云。諸法實相者。心行言語斷。無生亦無滅。寂滅如涅槃。即上半也。又云。諸佛或說我或說於無我。諸法實相中無我無非我。即下半也。又離我者。超凡夫。離無我者。超二乘。故能悲濟。然我無我通有四句。一唯有我。二唯無我。三者雙辨。即生死無我涅槃有我。四雙非上二互形奪故。四一偈等觀業。大悲同體所以等觀。見真息妄不起分別。妄盡契如名入真實。五後三偈大用業。初偈神足通。後二法智通。於中初一知土。法性土為非色。餘皆為色。此二融即皆悉委知。後一知佛。又十展轉者。初悲欲救生當云何救。信樂近佛。樂其何法。樂佛功德。佛以功德成其身故。空樂何益。當念念修學。學他不如自觀。自觀不及物我齊致。入真滯寂當起大用。用何所為當擬。窮十方界入諸佛海。第六重照百千界。即第二答佛威德間。威德約身故。前五法身後五智身。前中分二。初一揀迷謂以威德則自在熾盛。色相則端嚴吉祥。種族則名稱尊貴。雖是薄伽而見從外來。取相乖於最勝故。為倒見猶眼有病故。見外空華執內為外。謂空為有。後四示悟顯最勝法。初偈明如來色相無邊故。起情莫測。無邊有二。一深故隨。一相稱真無邊。二廣故。謂具十遠華藏塵數之相。次偈釋上二義。前半釋深相。即無相故。後半釋廣無相之相故。廣復有二。一無限因成。二應機普現。謂色無定色。若金剛之合朱紫形無定形。猶光影之任修短相無定相。似明鏡之對妍媸故。隨樂皆見。三一偈明所證超情以成前義。前半正顯。謂欲言其有體相寂滅。欲言其無色相無邊。故止言顯妙唯智方契故。心慮巨量理圓言。偏故。言說莫及。後半重釋。謂應緣非不合。住體非和合。又緣起修成非不合。契真相盡非和合。又緣即非緣故。非和合。非緣即緣故。非不合。合相離故。無諸相。非合亦離。體寂滅也。四有一偈明能證超絕。結歸佛身。上來體性寂滅遣有。身相具足遣無。非不合遣俱有無。而復謂佛是非有非無。還成戲論。中論云。戲論破慧眼。是皆不見佛。故次遣之。謂妄惑不生故非蘊聚。起心則生便成戲論。決定見者。不隨境相名自在力。有無不能累其神。故無畏也。非言行處為絕言道。後五智身中。初知解脫智。謂外身非業繫。內心無取著。為皆解脫常契等理。故云正念。又內脫。二障外用無繫。此明自在。住下四大用自在展轉相釋。初一以寂照智利生意淨寂也。光明照也。淨故無著。明故智周。故能大作佛事。次一云何利生。謂變化智自在。上半一多無礙。下半隨器普現。次偈明

勝法。初偈明如來色相無邊故。起情莫測。無邊有二。一深故隨。一相稱真無邊。二廣故。謂具十遠華藏塵數之相。次偈釋上二義。前半釋深相。即無相故。後半釋廣無相之相故。廣復有二。一無限因成。二應機普現。謂色無定色。若金剛之合朱紫形無定形。猶光影之任修短相無定相。似明鏡之對妍媸故。隨樂皆見。三一偈明所證超情以成前義。前半正顯。謂欲言其有體相寂滅。欲言其無色相無邊。故止言顯妙唯智方契故。心慮巨量理圓言。偏故。言說莫及。後半重釋。謂應緣非不合。住體非和合。又緣起修成非不合。契真相盡非和合。又緣即非緣故。非和合。非緣即緣故。非不合。合相離故。無諸相。非合亦離。體寂滅也。四有一偈明能證超絕。結歸佛身。上來體性寂滅遣有。身相具足遣無。非不合遣俱有無。而復謂佛是非有非無。還成戲論。中論云。戲論破慧眼。是皆不見佛。故次遣之。謂妄惑不生故非蘊聚。起心則生便成戲論。決定見者。不隨境相名自在力。有無不能累其神。故無畏也。非言行處為絕言道。後五智身中。初知解脫智。謂外身非業繫。內心無取著。為皆解脫常契等理。故云正念。又內脫。二障外用無繫。此明自在。住下四大用自在展轉相釋。初一以寂照智利生意淨寂也。光明照也。淨故無著。明故智周。故能大作佛事。次一云何利生。謂變化智自在。上半一多無礙。下半隨器普現。次偈明

一多所從。以無生智隨物而感。謂一身多身。但由衆生分別心起故。無積無從其猶並安千器數步而千月不同。一道澄江萬里而一月孤映。情隔則法身成異。心通而玄旨必均。云云。自他於佛何預。後偈復拂前迹。謂即前分別之器。亦無所有。妄見之身。豈當可得。此法是佛所知當依此理見佛。此後二句兼通結上。第七重光照。十方百萬世界。此下四段答法性問。佛以功德為法性故。即分為四。初一總顯內外包攝德。二方便幹能德。三大悲救攝德。四因果圓通德。今初。偈中分二。前五歎佛法難思。後五示入方便。今初分三。初三直就佛明。次一對機以辨。後一約法以明。今初。初一句所緣。及一切種智清淨。於所緣所知中。無礙智自在轉故。次句所依清淨。煩惱習氣永無餘故。三一切種心清淨。一切善根皆積集故。四具大悲故。五無憂喜之。離染安住捨故。故無所著。六惡想都絕不依止名聞利養故。七八二句。體雖巨量具相好故稱歎。九智光遍覺離倒名淨。身光可知。十永害習氣故。十一住正念故。離邊常明記故不動。亦是成上智光所觀故。結云佛智。又此一偈即四無所畏。光明即正覺。清淨即出苦。滌累漏盡及與障道無畏。不動即無畏之義。外難不能傾故。不墮勝負二邊故。是無畏智。二一偈對機以辨中。身心離分別者。含於二意。一約佛。以三業隨智慧行等故。二約機。即知上功德。而能身心無分別者。則得無疑。無

①故一②重十光③二二④二二三⑤住二在⑥離二離⑦則一⑧無淨一⑨

滯益三有一偈約法以顯難法界遍轉無性寂滅故無所轉。假以言宣云方便說其能轉智即十力智。後五示入方便者。上來說佛不離功德菩提。上所說法。不離教義次第令入初偈令念菩提。初句善決性相。次二句契理絕想。以生分別想。即戲論故。具斯二義為念菩提故。大般若云。覺法自性離諸分別同菩提故。又心絕動搖言亡戲論。又喻伽九十五有六種戲論故名。為諸。次偈隨教。上二句了法。亡言。次句得旨方名隨順。次偈入佛功德。上二句雙存一多相別故。次句雙泯相形奪故。一因於多有中應有一多因於一有一中應有多。今多中無一。一無從矣。一中無多多無從矣。故二俱捨也。而性相融通入一即是入多名善入也。然一多相依互為本末。通有四義。一相成義。則一多俱立。以互相持有力俱存也。即初二句二相害義。形奪兩亡以相依故各無性也。即二俱捨是。三互存義。以此持彼不壞彼而在此彼持此亦爾。故上文云。一中解無量等是。四互泯義。以此持彼相盡而唯此。以彼持此此相盡而唯彼故。下文云。知一即多多。復即一是也。諸文各據一義故不相達矣。復總收之以為十義。一孤標獨立。二雙現同時。三兩相俱亡。四自在無礙。五去來不動六無力相持。七彼此無知。八力用交徹。九自性非有。十究竟離言。次偈入佛菩提。依正皆寂。故無所依智契於斯。故無分別。後偈知法義。上明生土

皆寂不可言異。依正兩殊不可云一。第八重光照。一億界。前云百萬。今十倍於前。即千萬為一億也。十偈歎佛權實雙行方便幹能。然方便之言略有三意。一以因中十種加行方便之力。修成佛果自在之德。二但是差別之用皆名方便。其無礙慧無若于故。三即實之權起用自在。故名方便。今文具三。皆三句辨相。一句結名。初偈即禮起用為方便。然有六義。一智超下位。二證法無邊。三解脫有海。四具上三義到涅槃岸。五壽兼真應。六身光無涯皆佛功德。二歎寂照方便。初句橫照。次句豎照。次句即寂照而無思。故難思也。三歎佛事理無礙方便。初二句有無無礙。次一句定散無礙。四歎佛修無修方便。初句善窮性相。次句無念勤修樂於解脫。釋修涅槃。離不平等。釋前正念。以不見生死為難染涅槃為清淨。此二無差為真寂滅。五歎迴向方便。初二句趣。如法界。是迴向實際。餘皆迴向菩提。次句迴向衆生。住如化物故為方便。六證知方便。初句隨順證入。次句知而無障。次句知遍趣行。即利生法。即知即證為自在修也。七寂用方便。初句寂。次句用。次句寂用無礙。為無住涅槃。凡小難到。八時數方便可知。九難思方便。初句了生滅。剎那一期皆悉了知。次十一字了相即衆生體。不出三界九地。下二界是色。無色界非色。二界八地皆名為想。無想天為非想。有頂非想非非想。悉了知者。能了兼了其性即是無生。此是無邊之

境故難思也。上二偈但了差別即是方便。十無比方便。初二句知相。上句豎窮下句橫攝。次句知性。此二不二故。無比即為方便也。第九重光照。十億界。歎佛大悲救生德。十偈多以第四句為結。於中分三。初偈總標行海已圓而能普化。次八別顯化類不同。後一總結悲智周遍。初中初句無餘修。廣謂遍受大謂極苦。次句長時無間。次句功行已圓。極惡難度已能度故。云何能度。謂師子吼。師子吼者。名決定說。決定說一切衆生皆有佛性。度一闍提。決定說無我。度諸外道。決定說欲苦不淨。以度波旬。決定說如來常樂我淨。度諸聲聞。決定說大悲。以度緣覺。決定說如來無礙大智。以度菩薩。故云普化衆生。次八別中云何普化。初化癡愛衆生。前半所救。如人墮海五事難出。一水深。二波迅。三迷闇。四蟲執。五憂迫失力。衆生欲海流轉亦爾。此中愛有二義。一已得無厭深廣如海。二於未得處無足如流。癡亦二義。一迷不見過。二妄見有德。結網自纏。五由前癡愛招大憂苦。次句舉古佛已行。亡身為物故曰至人。後句立誓當作。二度著欲衆生。上半所救。放逸者。著欲緣也。著五欲欲事也。不實分別欲因也。受衆苦欲果也。未得已失皆受大苦。正得亦苦橫生樂想。況當受三塗故云。衆苦。次句受教自修。後句立誓轉化。三救著我衆生。前半所救著我為因受生死果。未證無我浩無邊際。次句救方。說二無我唯佛有之。四救惡趣衆生。三句所救。謂無善

可恃。顯唯惡業及惑病因招三惡趣。展轉復起三毒之過。因果俱燒末句救方。但淨其心因亡果喪。五救邪見衆生。前半所救。上句明因迷四真諦。惑現境故。次句起見邪見。理即爲闇宅。後半能救之方。六救著有衆生。前半所救。三有深廣總喻。於海漂至人天還溺惡趣。未遇如來多成難處。希求不已故名爲憂。未有對治故無涯畔。具上諸失故不可處。後半能救可知。七救無明衆生。前半所救。由本住無明故不見無住之本。迷理惑事狂走於生死之中。後半能救。佛既授法正念即升也。八救險道衆生。前半所救。人天報危臨墮惡趣。名爲險道。能救可知。後一偈總結者。前半結有教證之智。能導無緣之悲。次句結有同體之悲。能通十方六道。後句結於所救不越群迷第十重光照十方。總結無盡長行分二。先明世界數量。略有十七漸窮法界。後明彼諸世界所有皆現。十頌明因果圓通德。於中分二。前四示佛因果遍說。後六勸物順行。今初。初一偈因圓果滿。彰有說因初三句三達因圓。後句十力果滿。次一偈大用外彰正明說法周遍可知。後二對因辨果。初一偈遍因初可爲因。三句皆果法供養佛故於法順知。普爲衆生故能通用。斯即等流名相似果。晉經云。正心供養。明是法供養也。後一偈深因故能速證。初二句六度自利。謂供佛是檀意。柔兼戒。從初至末是進策也。次句利他兼方便等。二行既圓則

佛果朝夕。故云速成。後六偈觀物順行。佛昔如是行今得說法果。令物行之亦得。斯果初一偈求法行。二說法行。三聽法行。四有三偈破相行。今初。初句離過。勝他名利名爲異情。次二句顯德。一句滿福。一句圓智。又無異者。於一切法都無所求。若此之求則見真法身也。二說法行。前半說法益物。義利者。今衆生得離惡攝善故。此世他世益故。世出世益故。福德智慧益故。上四對皆先義後利。後半若無說無示同佛說也。三聽法行兼顯法輪之體。初句教法。次句即教成行。無有一文一法非菩提因。豈止三十七品。次句悟理揀去隨文。後句理無廢興。故常見佛果也。後三破相行。初一正明後二轉釋。今初三句。反顯金容煥目而非形。安可以相取。後句正顯法性超乎視聽。唯可虛己而求。後二轉釋云何不見。前偈以妄喻真。衆生妄惑尙不可窮。諸佛契真如何見盡。後偈復轉釋云雖遍十方不可定取。如剎遍空有其四義。一多剎滿空。二體無來去。三不妨成壞。四無別所依。佛身遍空亦具四義。一頓遍多剎。二恒不去來。三應有出沒。四體用無依。是故佛身亦不可以遍空而取耳。上來三品。答初十句所依果問竟。

大方廣佛華嚴經疏卷第十三

大方廣佛華嚴經疏卷第十四

唐清凉山大華嚴寺沙門澄觀撰

菩薩問明品第十

釋此一品亦有四門。初來意中有通有別。通謂上來三品已答十句生解所依。此下正答主解因果。故次來也。生解因中先答十住。住攬信成。將答所成。先辨能成。又正答十信。故下三品來也。後別者。三品明信有解行德。解爲二本。此品先來。二釋品者。菩薩是人問明是法。遮果表因。故云菩薩問即是難。明即是答。然問有二種。一汎爾相問。梵云必理事。二者難問。謂以理徵詰。梵云鉢羅室囊。即今品意也。答亦有二。一但依問訓報曰答。二若俱爲解釋旁兼異義美言讚述令理顯煥曰明。即今品意也。明亦破闇。能除問者之疑闇故。今文殊九首互爲明難。遞作確樞。研覈教理以悟群生。故以名也。又長行明起於問。偈頌明解於問。故曰問明。不云答者。欲以明兼於問故。問有二義。故得稱明。一問中徵責詰難理盡。使答者亡言。此至明之問也。二以問中進退詰理令現使答者易釋。故以爲明。又明即法明。以十菩薩問出十種法明。故曰問明。雖諸義不同。皆菩薩之問明。依主釋也。三宗趣者。亦先通後別通復二義。一通分宗二通會宗。並如會初二別明。此品有其二義。一望當品以十甚深爲宗。依

成觀解爲趣。二望後二品。則以甚深觀解爲宗。成後行德爲趣。第四釋文。此下至菩薩住處。明生解之因。配十句問。如前問中依文次第。且分爲六。初此下三品明。未信令信。二第三會已信令解。三第四會已解令行。四第五會已行令起願。五第六會已起願令證入六十定品至往處品。已證入令等佛。今初三品即爲三別。此品明正解理觀。次品明隨緣順行。實首品明德用該收就。初分二。先問答顯理。後示相結通。前中以十菩薩各主一門。顯十甚深。即爲十段。一緣起甚深。二教化甚深。三業果甚深。四說法甚深。五福田甚深。六正教甚深。七正行甚深。八正助甚深。九一道甚深。十佛境甚深。此十甚深次第。云何緣起深理。總該諸法。觀解之要。故首明之。衆生迷此。故須教化。達化順化。有善惡業。欲知此業。由說法成。然說法成。善唯佛福田。既說順田。須持聖教。教在勸行。行須正道助道。助必有正殊。塗同歸。得一道者。當趣佛境。故爲此次。又此十種亦可配於十信。但不次耳。文殊佛境即當信心。文殊主信故。佛境即所信。故約發心次第信居其初。約所信終極最居其後。亦明十心不必次故。勤首即進心。財首爲念心。明四念故。覺首定心。能觀心。性爲上定故。智首則慧心。慧爲上首。兼已莊嚴故有十度。法首即不退心。如說修行得不退故。寶首即戒心。三聚無缺如寶珠故。業果甚深戒所招故。德首即護法

心。說法甚深是所護故。目首即願心。福田等一由願異故。目能將身如願導行故。賢首即迴向心。以歸一道。即迴向真如。一身一智等即是佛果。文云。如本趣菩提。所有迴向心等。以是圓融十法故。各兼多義。又亦攝十信之十德。恐繁不叙。且爲十甚深解。然有二義。一約行。二約法。言約行者。文殊發問九菩薩答。明妙慧通於衆行。九菩薩問文殊爲答。明衆行成於妙慧。言約法者。初九顯差別義。後一顯差別同歸佛境。此二不二成信中之觀解。文中十段皆先問後答。又先起明問後解問。明。今初。問中二。先彰問答之主。問覺首者。彼得此門。故緣起深義不覺則流轉故。二。佛子心性下正顯問端。略啓五門。一。問所爲。二。述問意。三。定所問。四。會相達。五。釋本文。初所爲者。有二義故。最初問之一。拂異見。二。顯深理。拂見有三。一。令諸菩薩知法從緣異外道見。二。知從心現捨二乘見。三。但心性起不同權教。二顯深理者。令諸菩薩於此實義發深信解。起行證真。始終皆實。故問斯義。起信論云。有法能起摩訶衍信根。是故應說。所言法者。謂衆生心。依一心法。有真如門及生滅門。彼論依此生淨信故。二述問意者。謂明心性是一。云何見有報類種種。若性隨事異。則失真諦。若事隨性一。則壞俗諦。設彼救言。報類差別自由業等熏識變現。不關心性。故無相違者。爲遮此救。故重難云。業不知心等。謂心業五依

各無自性。自性向無何能相知。而生諸法。既離真性。各無自立。明此皆依心性而起。心性既一事。應不多。事法既多。性應非一。此是本末相違難。亦是理事相違。亦一異相違。亦真妄相違。三揀定所問者。準此問意。離如來藏。不許八識能所熏等。別有自體。能生諸法。唯如來藏是所依生。亦不可言八識無二類。故名心性一。以能生種種非相違故。亦非第八而爲性一。熏成種種非相違故。心性之言。非第八故。答中既言。法性本無生。不現而有生。法性即是真如異名。正與報事相違。故成難耳。文殊欲顯實教之理。故以心性而爲難本。欲令覺首以法性示生決定。而答海會同證。楞伽密嚴皆廣說故。四會相達者。問若爾。爾伽等中。異熟賴耶從業惑種。辦體而生。非如來藏隨緣所成。如何會釋。答。瑜伽等中。對於凡小約就權教。隨相假說。楞伽密嚴對大菩薩。依於實教。盡理而說。既機有大小。法有淺深。教有權實。故不相達。故密嚴云。佛說如來藏。以爲阿賴耶。惡慧不能知。藏即賴耶識。此明守權拒實。詞爲惡慧。又彼經云。如來清淨藏世間。阿賴耶。如金與指環。展轉無差別。楞伽中真識現識。如泥團與微塵。非異非不異。金莊嚴具亦復如是。皆此義也。又彼經云。如來藏爲無始惡習所熏。名爲藏識。又入楞伽云。如來藏名阿賴耶識。而與無明七識共俱。又起信論云。不生不滅與生滅和合。非一非異名阿賴耶識。又如達磨

①(第)一②(正道)一③(覺)一④(說)一⑤(性)十(無念)⑥(德)二⑦(說法)二緣起⑧(問)中二先二緣起中二初問分二初爾時下⑨(佛)子心性下⑩(啓)一起⑪(一問所爲)二述問意三定所問四會相達五釋本文⑫(二十)字⑬(初十(問))⑭(五)二五⑮(向)二向

經頌云。無始時來界爲諸法等依。攝論等就初教釋云。界者因義。即種子識。實性論翻此頌云。此性無始時等。彼論就實教釋云。性者謂如來藏性。如聖者勝覺經說。依如來藏故有生死。依如來藏故有涅槃。以此等文。故知兩宗不同。淺深可見。又唯識等亦說真如是識實性。但後釋者。定言不變失。於隨緣過歸後張耳。五釋文者。文分三別。初心性是一者。立宗案定。二云何下。設相違難。三業不知心下。結成前難。今初謂心之性故。是如來藏也。又心即性故。是自性清淨心也。又妄心之性無性之性。空如來藏也。真心之性實性之性。不空如來藏也。皆平等無二故云一也。第二設難。中二。先總顯相違。謂心性既一。云何而有五趣諸根總別報殊。故云種種。不同二所謂下。別示相違。有十事五對。一約總報明趣有善惡。善謂人天惡謂三塗。下四對皆約別報。於中二。謂於前善惡趣中。各根有滿缺。謂眼等內根。三。於滿缺中各生有同異。謂四生不同勝劣處異。四。於上同異生處。各貌有妍媸。五。於上妍媸各受有苦樂。上之五對前前皆具。後後必帶前前。展轉異同成多差別。故云種種不同。心性是一其義安在。第三結成前難。中。此文意稍難見。略爲二解。一依古德作遮救重難。如前第二問意中辨。二直結成前難。且依此釋文。自有三意。由前難意亦有三故一直問。所以故。今結云。非但本性是一。我細推現事各不

相知。既有種種何緣不相知。既不相知誰教種種。若謂業令種種業不知心。若謂心令種種心不知業。一一觀察未知種種之所由也。二者懷疑故結云。既不相知爲是一性。爲是種種。三作相違難。結云。一性隨於種種即失真諦。種種隨於一性即失俗諦。今見種種又不相知。此二互乖云何並立。已知大意。次正釋文。亦有十事五對。略爲二解。一通二別。通謂總觀前來總別二報。於中初一對。就先業因約能所依以難。然有二意。一約本識。謂業是能依心是所依。離所無能故云業不知心。離能無所故云心不知業。以各無體用不能相成。既各不相知誰生種種。下並準之。二約第六識。業是所造心是能造。並皆速滅起時不言我起滅時不言我滅。何能有體而得相生。成種種耶。第二對約得報果時難。能所受。謂受是報因。即名言種爲業所引。受所受報離報無受故云受不知報。離受無報故云報不知受。以並無體故準前應知。三約名言因就難。謂前能受報因。依心無體故無相知。餘義同前。四約因緣就親疎相假難。謂所引名言種爲因。能引業爲緣。相待相奪各無自性。如不自生等準之。五約境智相對相見虛無難。謂境是心變境不知心。心託境生心不知境。以無境外心能取心外境。是故心境虛妄不相知也。第二別觀者。以初二對結起善惡趣善惡者。正由業熏受總報故。二復以

第二及第三對。結受生同異。初對以名言種種對所生處。次對以名言種種對能依本識。三復以第三及第四對。結苦樂不同及端正醜陋初對觀現受時。次對觀苦樂因及彼妍媸。皆由緣令異。謂損益因成苦樂果。以瞋忍因成妍媸果。四復以第四及第五對。結諸根滿缺亦由有滿業因緣有損他益他之異。故成內六處滿缺之異。又由內根有滿缺。故於分別位了境不同。並皆無性各不相知。既不相知誰令種種。第二時覺首下。答中二。初一偈讚問許說。上半讚問。謂自究深旨。一向爲他仁心弘益也。次句許說分齊稱性說故。後句勸聽。言同意別故。令諸受後十偈正答。答勢縱橫具答三重問意。且分爲二。前五答前釋成之中。以何因緣而不相知。用此釋成答前難故。首而明之。後五正答前難。令初分二。先一法說。後四喻況。今初意云。特由從緣種種。故不相知也。即此偈上半出因。下半結歸本宗。後四即爲同喻量。云眼等是有法。定不相知故是宗法。因云從緣無體用故。同喻云如河中水。河水無體用。河水不相知。眼等無體用。眼等不相知。若以緣起相由門釋者。初句因緣相假互皆無力。次句果法含虛故無體性。至下喻中別當釋之。是故虛妄緣起略有二義。一由互相依各無體用故。不相知。二由依此無知無性。方有緣起。三由此妄法各無所有故。令無性真理恒常顯現。現文但有初後二意。言諸法者。非唯舉前

○〔者文〕一○ ○別初心性是一者二初佛子下○ ○〔二云一初〕二十字一○ ○〔第〕一○* ○中二先二相違難分二初云何下○ ○報殊二殊報○ ○〔不同〕一○ ○〔有〕一○ ○〔一〕一○ ○於中二謂二諸根下○ ○三二受生下○ ○於十〔前〕○ ○四二境正下○ ○五二苦樂下○ ○〔中〕一○ ○疑十〔重難〕○ ○已知大意次二○ ○別十〔初〕○ ○於中初一對二業不下○ ○滅起時不言我起一○ ○第二對二受不下○ ○三二心不下○ ○四二因不下○ ○〔種〕一○ ○五二智不下○ ○結一能○ ○有二由○ ○後十偈二○ ○答十〔前來〕○ ○〔且〕一○

十事五對亦該一切有爲法也。果從因生果無體性。因由果立。因無體性。因無體性。何有感果之用。果無體性。豈有酬因之能。又互相待。故無力也。以他爲自。故無體也。下半結中是故者。是前體用俱無故。故彼一切法。各各不相知也。第二喻況。略有二意。一以此四喻通釋諸法不相知言。二別對前文諸不相知。兼通前設難。今初以四大爲喻。然各上三句喻況。下句法合。然此四喻各顯一義。一依水有流注。二依火焰起滅。三依風有動作。四依地有任持。法中四者。一依真妄相續。二依真妄起滅。三妄用依真起。四妄爲真所持。然此法喻。一一各有三義。一唯就能依。二依所依。三唯所依。今初喻中。唯就能依者流也。然此流注有十義。不相知。而成流注。一前流不自流。由後流排故。流則前流無自性。故不知。二後流雖排前而不流於前流。故亦不相知。三後流不自流。由前流引故。流則後流無自性。故不能知。四前流雖引後而不至。後故亦不相知。五能排與所引無二。故不相知。六能引與所排無二。故不相知。七能排與所排亦無二。故不相知。八能引與所引亦無二。故不相知。九能排與能引不得俱。故不相知。十所排與所引亦不得俱。故不相知。是則前後互不相至。名無自性。只由如此無知無性。方有流注。則不流而流也。譬公云。江河競注而不流。即其義也。然上云。前後者。通於二義。一生滅前後。謂前滅後生。

互相引排。二此彼前後即前波後波。小乘亦說當處生滅。無容從此轉至餘方。而不知無性緣起之義耳。二依所依者。謂前流後流各皆依水。悉無自體。不能相知。然不壞流相。故說水流。三唯所依者。流既總無。但唯是水。前水後水無二性。故無可相知。是則本無有流而說流也。二法中三義者。一流喻能依妄法。二妄依真立。三妄盡唯真。初中妄緣起法。似互相藉。各不能相到。悉無自性。故無相知。是則有而非有也。二依所依者。謂此妄法各自自虛。含真方立。何有體用能相知相成。即由此無知無成。含真故有。是則非有而爲有也。三唯所依者。謂能依妄法。迥無體用。唯有真心。挺然顯現。既無彼此。何有相知。正由此義。妄法有即非有。以非有爲有。復說真性隱。即非隱。以非隱爲隱。此上三意。即三種答。答上三種問思之。何故以水喻真心者。以水有十義。同真性。故一水體澄清。喻自性清淨。二得泥成濁。喻淨心不染而染。三雖濁不失淨性。喻淨心染而不染。四若澄泥淨現。喻真心感盡性現。五遇冷成冰。而有硬用。喻如來藏與無明合成本識。用六雖成硬用而不失軟性。喻即事恒真。七燄融成軟。喻本識還淨。八隨風波動。而不改靜性。喻如來藏隨無明風波浪起滅。而不變自不生滅性。九隨地高下。排引流注。而不動自性。喻真心隨緣流注。而性常湛然。十隨器方圓。而不失自性。喻真如性。普遍諸有爲法。

而不失自性。略辨十義。少分似真。故多以水爲喻。此義見文。雖似不具。而大通衆經。第二依火焰起滅喻中。三義同前。初唯焰者。謂焰起滅有。其二義。一前焰謝滅。引起後焰。後焰無體。而不能知。前焰。前焰已滅。復無所知。是故各各皆不相知。二前焰若未滅。亦依前引無體。故無能知。後焰未生。故無所知。是故彼亦各不相知。妄法亦爾。剎那生滅。不能自立。謂已滅未生。無物可知。生已則滅。無體可知。是故皆無所有也。斯則流金鑠石而不熱也。二依所依者。謂彼火焰。即由於此無體。無用。不相知。故而有起滅虛妄之相。是則攬非有而爲有也。妄法亦爾。依此無所依之真理。方是妄法。是非有爲有也。三唯所依者。推起滅之焰。體用俱無。無焰之理。挺然顯現。是則無妄法之有。有妄法之無。湛然顯現。遂令緣起之相。相無不盡。無性之理。理無不現。上三義中。亦如次喻答前三問也。下二喻準知。第三依風有動作。喻妄用依真起。三義同前。一唯動者。離所動之物。風之動。相了不可得。無可相知。妄法亦爾。離所依真體。不可得。故無相知。斯則旋嵐偃岳。而常靜也。二依所依者。謂風不能自動。要依物現動。動無自體。可以知物。物不自動。隨風無體。不能知風。法中。能依妄法。要依真立。無體知真。真隨妄隱。無相知。三唯所依者。謂風鼓於物。動唯物動。風相皆盡。無可相知。妄法作用。自本性空。唯所依真。挺然顯現。是故。

妄法全盡。而不滅。眞性。全隱而恒露。能所
重等法本自爾。思之可見。第四依地有。任
持者。喻妄爲眞所持。三義同前。初地界因
依有二種義。一約自類。二約異類。前中從
金剛際。上至地面。皆上依。下下持上。展轉
因依而得安住。然上能依皆難。所無體。而能
知下。然下能持皆亦難。所無體。可令知
上。又上上能依徹至於下。無下可相知。下
下能持徹至於上。無上可相知。是故若依
若持相無不盡。所現妄法當知亦爾。必僞
依細謂苦報依於業。業依無明。造無明依
所造展轉無體。無物可相知。斯則厚載萬
物而不仁也。肇公亦曰。乾坤倒覆。無謂不
靜也。二約異類者。如下文地輪依水輪水
輪依風輪。風輪依虛空。虛空無所依。準此
妄境依妄心。妄心依本識。本識依如來藏。
如來藏無所依。是故若離如來藏。餘諸妄
法各互相依無體能相知。是則妄法無不皆
盡。二依所依者。地界正由各無自性。而得
存立。向若有體則不相依。不相依故不得
有法。是故攬此無性以成彼法。法合可知。
三唯所依者。謂攬無性成彼法者。是則彼法
無不皆盡。而未嘗不滅。唯無性理而獨現
前。餘義同前。上通答釋。成前難竟。第二別
對諸不相知及通前難者。初水流轉喻。前
二對不相知。答趣善惡難。以善惡趣流轉
體故。二大火喻。第二三對不相知。答前諸
根受生。如火依薪有生滅故。次以長風
喻。前因緣。答前好醜遇物鼓扇現諸相故。

次以地界亦喻。因緣。答前苦樂。展轉因依
以輕重故。又喻前境智答。前諸根。隨種種所
生根等異故。上來總別並答釋成中。以何因
緣各不相知竟。第二五偈答前設難。文分爲
三。初三偈。正答前難。次一偈。釋成前義。第
三一偈。拂迹入玄。今初先明大意。次正釋
文。今初前問有三重。今此三偈。一一具答
上之三問。謂第一直耳。問云。既有種種何
緣得不相知。前五偈答竟。既不相知何緣
種種。答有四因。一妄分別故。二諸識熏習
故。三由無性不相知故。四眞如隨緣故。初
偈具二三。餘二各一義。然此四因但是一致。
謂由妄分別爲緣。令眞如不守自性。隨緣
成有諸識。熏習展轉無窮。若達妄源。成
淨緣起。諸宗各取並不離象。受非餘斯爲
偏見。上第二疑云。爲是種種爲是一性。今
答云。常種種常一性。第三難云。一性隨於種
種則失眞諦。種種隨於一性則壞俗諦。今
答云。此二互相成立。豈當相乖。性非。事
外會何乖乎種種。種種性空。會何乖乎一
性。由無方有一性。性能成種種。緣生故空。種
種能成一性。是以緣起之法總有四義。一緣
生故有。即妄心分別有。及諸識熏習是也。二
緣生故空。即上云。諸法無作用亦無有體
性。是故彼一切。各各不相知是也。三無性
故有。論云。以有空義故。一切法得成。經云。
從無住本立一切法。即上隨緣是也。四
無性故空。即一切空無性是也。是以無性緣
生故空。則非無見斷見之空。爲真空也。無

性緣生故有。則非常見有見之有。是幻有也。
幻有即是不有有。真空即是不空。不空空
故名不真空。不有有故名非實有。非空非有
是中道義。又開此空有。各有二義。一真空
必盡幻有。以若不盡幻有非真空故。二
真空必成幻有。以若礙幻有非真空故。二
幻有二義者。一幻有必覆真空。以空隱有
現故。二幻有必不礙真空。以幻有必自盡
令真空微現故。文殊各以初義致難。覺首
各以後義而答。以初二義空有異故。以後
二義空有相成故。然此二不二。謂有非有無
二。爲一幻有。空非空無二。爲一真空。又非
空與有無二。爲一幻有。空與非有無二。爲
一真空。又幻有與真空無二。爲一味法界。
即中道義。離相離性無障無礙無分別法門。
思以準之。復次性有二義。一者有義。二者
空義。復有二義。一者不變。二者隨緣。以有
義故。說二空所顯即法性本無生也。以空
義故。說依他無性即是圓成。即各不相知。
以有義故。說於不變。以空義故。說於隨緣。
此二不二。隨緣即是不變。不變故能隨緣。若
唯不變性何預於法。若但隨緣豈稱眞性。故
隨其流處有種種異。而其本味停留雪山。
又若性離於法則成斷滅。法離於性則本
無今有。又法若即性性常應常。性若即法
法滅應滅。故二相成非常非斷。此二相奪
故。說非有非空。爲中道義。苟得其會不
惑。百家異說。願諸學者。虛已求宗。次正釋
文。且第一偈答三問者。初答何因種種。此

具二意。一以八識熏習而成故。初句五識次句心。是本識集起義故。意通六七。七謂審思量故。六謂意之識故。了別義故。偈文窄故不立識言。亦諸情攝。此從別義。通則八識皆得心意識名。諸情根者。通於八種。類非一故。五依色根。六依第七。七八互依。又第七識爲染汚根。第八又爲諸識通依。云諸情根。言以此者。以上八識爲能所熏。展轉爲因。而常流轉。無別我人故。云無能轉者。又識外無法亦爲無者。二明由不相知方成種種。上半出種種。以此者。以前不相知故。舉體性空方成流轉。即此八識各無體性故。無實我法而爲其主。向若有性不可熏變安得流轉。次遣疑者。以虛妄中有二義故。一虛轉。二無轉故。常種種常一性也。次答難者。虛轉故俗不異真而俗相立。無轉故真不異俗而真體存。故互不相違也。第二偈亦答三問。初明真如隨緣故成種種者。答所以也。初句印上心性是一是不變義。次句答上云何見有種種。是隨緣義。唯心變現全攬真性。生非實生故云。示現下二句印上業不知心等者。以是隨緣不失自性義故。是以諸趣種種了不可得。生即無生無能現者。性不動故。無所現者妄法虛故。次遣疑者。常生常無生。上半即無生之生業果宛然。故勝鬘云。不染而染難可了知。下半生即無生真性滿然。故勝鬘云。染而不染難可了知。又法性本無生。不空如來藏也。此中無能現。空如來藏也。答第三難者。

此中無能現性非性也。亦無所現物相非相也。又示現而有生。性不違相。亦無所現物。相不違性。無二爲二。二即無二無礙圓融豈有乖耶。言法性者。法謂差別依正等法。性謂彼法所依體性。即法之性故名爲法性。又性以不變爲義。即此可軌亦名爲法。此則性即法故名爲法性。此二義並約不變釋也。又即一切法各無性。故名爲法性。即隨緣之性法即性也。本有二義。一約不變。本謂源本。本來不生隨緣故生。二約隨緣有此法來本自不生非待滅無即示現生時本不生故。故下云無能現也。第三偈答三問者。初答所以者。上三句種種即一心性。亦印前文殊不相知等。下句出因。由妄分別故有種種。正答前問。此復二意。一上二句依他起也。次句圓成實也。後句遍計性也。由遍計故能起依他。依他無性即圓成實。故唯識云。依他起自性分別緣所生。圓成實於彼常遠離前性。故此與依他非異非不異。二者上二句因緣所生法也。次句我說即是空也。後句亦爲是假名。此二不二是中道義。又妄心分別有者。情計謂有。然有即不有故云。一切空無性。常有常空。是即萬物之自虛。豈待宰割以求通哉。又前偈從本起末。末不異本。此偈攝末歸本。本不礙末豈相乖耶。第二一偈釋成前義。然有二義。一者云何得知無性。以法眼觀稱性非倒。成淨緣起。當知此理甚爲決定。二者前偈詞其見有種種是妄分別。此不應依。此偈印其觀察

無性各不相知。斯爲法眼固應依止。即依智不依識也。第三一偈拂迹入玄者。謂前法性無生。一切皆空實也。示現有生。眼等差別非實也。妄心分別有妄也。如理觀察。非妄也。以妄爲緣生。世間流轉。以如理觀成出世間非倒法眼。皆是名言而無真實。何者。如言取故。又欲言其實而復示生。欲言不實體性即空。欲言是妄妄不可得。欲言非妄。能令流轉。欲言世間即涅槃相。欲言出世無世可出。則染淨兩亡。是以物不即名以就實。名不即物而履真。然則實理獨靜於言教之外。豈文言之能辨哉。故但假說。是以什公云。唯忘言者可與道合。虛懷者可與理通。冥心者可與真一。遺智者可與聖同耳。又後三偈。亦如次明三無性觀。又此五偈合前四驗。初以流轉合水漂流。次頌合火。火本無生隨緣生故。次頌合風。風即空無。因見物動妄謂有故。次頌合地。法眼見理無分別故。後一總顯令亡言故。又前五偈是印成答。次四出所以答。後一奪令亡言。文殊一問以含多意。覺首縱答體勢無方。逆順研窮以顯深致。幸諸學者不吝文繁。第二教化甚深。先問中二。初標告。告財首者。彼得此法財益生門故。二正問中二。初立宗。衆生即非衆生。彼此同許。亦可攝前覺首八識皆空。二云何下設難。謂衆生既空佛云何化。若佛不見生空則無大智。便成謗佛。若見空而化豈不違空。空有相違進退何據。於中先明十隨辨。

所化差別。後明三輪顯能化不同。今初一隨根生熟時。如是時中堪如是化。又此句爲總。謂隨何壽命時等。下九爲別。各有二義。謂隨其壽命脩短而化。又以無命者法而教化之。身二義者。謂隨其所受何等類身而受化故。又宜以觀身空寂等而得度者。以彼化故餘準此知。故下答中多說後意。行謂三業善惡。解謂識解差別。言論者。國俗教誨此六多約未發心前。後四多約發趣已去。心樂者。有所欣求。方便者。隨所進趣。思惟者。依法求義。觀察者。如說修學。二於如是下能化差別。先牒十隨。後現三業。教化調伏通於諸意。爲以十隨化故。衆生非空耶。爲以衆生空故。十隨虛設耶。第二財首答中。準諸深經及此偈文。略有四意。一佛見衆生本來自空非斷空故。不礙隨化。偈云諸法空無我衆報隨業生故。二佛知衆生不能自知真空故悲以隨化。偈云隨解取衆相顛倒不如實故。三隨化即空。不異衆生空故。二不相乖。偈云。此是樂寂滅多聞者境界故。四融上諸義。良以攬空爲衆生。生與非生唯一味故。不增不減經云。即此法身流轉五道。名曰衆生。法身即衆生。衆生即法身。法身衆生義一名異。以斯義故。佛見衆生舉體自盡。本是法身不須更化。大智現前見於法身隨緣即衆生。故大悲攝化。今以寂滅非無之衆生。恒不異真而成立故。是不動真際無化而化。以隨緣非有之法身。恒不異事而顯現。故不壞假名。

化即無化。所化既空有不二。能化亦悲智不殊。不礙有而觀空。方能入理。不動真而隨化方能究竟化他。衆生不知此理。故流轉無窮。今令衆生悟如斯法。是則真實隨化。非直十隨不違空理。亦由此十方契真空。故淨名云。當爲衆生說如斯法。是即真實慈也。十頌分二。初一舉法勸聽。上半以人顯法。已含答意。上句體深下句用廣。即聞之寂則聞無所聞。故無衆生。大經亦云。若知如來常不說法。是名具足多聞。即寂多聞則善解藥病。不礙隨化。下一句許說勸聽。後九頌別答前問。文勢多舍略爲二釋。一者一別答。謂初三答隨身。次一隨命。三一頌答隨觀察。四一頌答隨行及方便。五一頌答隨心樂及解。六一頌答隨言論。七一頌答隨思惟時通此九。二謂依前五隨答。後四隨亦時通於九。今依此消文。文分爲六。初三頌教依隨何身時。隨其心樂修其方便。思惟觀察。此四遍於五段。二有一頌依命時。三二頌依行時。四一頌依解時。五一頌依言論時。六一頌教離二取。通結上文。今初三頌。若著我時作界分別觀。分別觀身皆無我故。若愛染身時作念處觀。觀於內身及心法故總相而言即二空。觀初一我空。次一法空。後一類通一切。今初。上半即尋思觀。觀於內身四大五蘊。若即若離。尋求主者。不可得故下半觀益。如實知於假我則有。計實我無。次偈觀身實相法無我觀。上半歸了身空。謂攬緣假立。

來無所從故本無住處緣盡謝滅。去無所至無停積處。虛假似立實無所住。下半觀益。後偈類通以身觀身。既明見自身二我皆空。則知萬法皆是虛妄。此觀亦寂故不起心。若作念處釋者。內身揀於外器及他身故。念處有二。一通二別。通則身等皆無我等。別則觀法無我。今是通也。復有二種。一小二大。此中是大。觀身性相同虛空故。空無二我。誰是我言已兼二我。次偈觀受不在內外中間故無方所。後偈觀心及法不得善法及不善法故。云知法虛妄心如幻故不起分別。又別則身受不同。通則受等皆身。是故三偈皆致身言前問意云。衆生既空。云何如來隨其身化。今釋意云。以彼不知身本空寂。教如是觀故。說如來隨衆生身而教化也。下皆準之。二一頌令於壽命思惟觀察。命謂命根。能令色心連持。故名爲命。壽謂壽限即命根體。實謂由業種力。引一期報衆同分體。住時分限假立壽命。從業緣起起即無起。業盡便滅滅無所滅本無主者。況剎那生滅實無自性。喻以火輪。謂旋火速轉不見始終。生滅過流寧知本際。又薪火不續識鈍謂輪。命實遷流妄謂相續。又輪資火有命假心明。待他而成固無自體。三二偈令依行時思惟觀察。成四種觀。一無常觀。二空觀。三無我觀。四無相觀。於中初偈略標其四。一切有者三有也。亦一切有爲。然無常等經論異說。今且依辨中邊論。以三性釋之。初。無常三者。約

●【此是樂】一● ●者境界二● ●離十(分別)● ●含二合● ●【無常三者】一●

遍計名。無性無常。以性常無故。約依他起。名生滅無常。有起盡故。約圓成實名。垢淨無常。位轉變故。空亦有二。一。無性空。性非有故。二。異性空。與妄所執自性異故。三。自性空。二空所顯為自性故。無我亦三。一。無相無我。我相無故。二。異相無我。與妄所執我相異故。三。自相無我。無我所顯為自相故。無相亦三。一。相都無故。二。相無實故。三。無妄相故。然皆融攝則此宗旨。而偏正意多約前二性辨。後一偈略顯二觀。上半明空觀。報從業生。如夢從思起。不實故空。下半明無常觀。由上不實。故念念無常。前即過去已滅事顯。例後現未當滅不殊。四。一偈依解令入唯識量觀境。即心變。故心為主。然此唯識略有二分。一。相二見。今隨其見分之解。取其相分之相。心外取故為顛倒也。五一偈依言論時。令尋伺名等入。如實觀。謂了名等唯意言分別。無別名等。意即意識分別。言即名言。名言既唯意之分別。名下之義亦無別體。故所言論以兼名義。既隨分別則妄計意流。尚未了唯心安入法性。若能如是自覺通達。是入唯識之方便也。即復此心無相可得。妄想不生。便入法性。上約心垂。體非不即。又不入者。妄想體虛無可入故。六一偈通結。亦近結。次前二偈。能緣所緣即見相也。又觀一切法。唯是意言未能除遣。此境亦為能所也。以此為方便。得入唯心。種種法出生者。此相見二分。由無始數習有。種種法相似生。謂能緣心生。則

種種境生。所緣境起。則種種心起。起法必滅。安得暫停。若了相無相生。無有生名了。種種。則了唯心。若了無性。心境兩亡。則住無分別。自覺智境。不動法界名人。法性。故末後偈結上諸觀。令亡觀相也。佛如是化應。如是知。幻人化幻皆無化也。第三業果甚深。問中亦二。初標能所問人。以事中顯理是可貴。故問寶首也。二一切下。正顯問端中三。初舉法按定。謂諸衆生身但四大。假名四大。無主身亦無我。安有我。彼此同許。以為按定。二云何下。正設疑難。能造能受是謂為我。所造所受即是我。所以無我。故無能造受。誰令苦樂。無我所。故無所造受。何以現見而有苦等。十事五對。一。苦樂者約龜相說。三。塗為苦。人天為樂。二。就苦中各有妍媸。三。於其樂中有內身外境。四。通於苦樂受中。若時若事皆有多少。此上皆約生報。前生作故。五現作現受名。現報。隔一生去受名為後報。三。然法界下結難。謂二無我理即。真法界。真法界中。定無善惡。未知苦樂從何而生。此問所以也。為無我。故無我所。耶。為有所受。亦有我耶。此致疑也。以聖言量及正理量達於現量。如何可通。結成難也。第二答意云。達體業亡迷真業起。報因業起何須我耶。業報攬緣虛無自體。故無我所。由法無我非斷滅故。業果不亡。斯乃正理。聖教所明不違現事。法若定有不可造受。便違正理。在文分二。初一法說餘九喻況。今初。上半約俗諦緣生。

即業報相屬。答前現見。次句勝義。即空印。其按定。此不二故不相違。無所有言談上。業果。則亦無我所。後句是聖教量。智論第二云。有業亦有果。無作業果者。此第一甚深是諸佛所說。下九喻顯。通相而明。喻於業果從緣無性不壞事相。別彰喻意。喻各不同。初三頌喻業報無性不壞虛相。次一偈喻無造受者。三一偈喻性一相殊。後四喻體無來處。初中初偈雙喻業果皆真心現。雖無實體而相不同。次偈喻能生因緣相虛。後偈喻所生業果無實。今初。若法相宗。唯以本識為鏡。今依法性宗。亦以如來藏性而為明鏡。然有二義。一。隨境界質現。業緣影故。合云業性亦如是。二。隨業緣質現。果影像故。前偈云。隨其所行業如是果報生。二文影略。共顯業果似有無體。合云業者謂善惡等三性者。通性及相。謂此業體以無性之法。而為其性。不失業果之相。而為其性。由無性故能成業果。由不壞相方顯真空。故中論云。雖空亦不斷。雖有而不常。業果亦不失。是名佛所說。不失業果。方顯中道。又如鏡現穢像。非直不污鏡。淨亦乃由此顯。鏡淨如來藏。現生死業果亦然。非直不損真性平等。亦乃由此知。如來藏自性恒淨也。此有四位。一。能現位。復有二。一。由真淨故現染。二。由真淨故不為污。二。所現位。亦有二。一。由相虛故不能污。二。由相虛故虛相現。三。相對位。亦有二。一。由分明現。染方顯性淨。二。由性本恒

淨令染妄現。四真淨虛染融一味無礙圓融。思之。此約染淨門。以但有所現。即爲染故。更約喻中。以一異門釋。謂一鏡是定一門。二所現染淨妍媸等殊。是定異門。染淨雖虛。不能相攝。故是異也。鏡現染處。不異現淨。故是一也。三像不異。鏡是非異義。鏡外無像。故鏡不異像。是非一義。正現像時。去像亦失。鏡故。上二即非一非異門。四像雖即鏡而不壞像。鏡雖即像而不礙鏡。是亦一亦異門也。二田種生芽。喻能生者田喻業緣也。種子喻於識種因也。此二相待。無性故不相知。由不相知方能生。於後有苦芽。故云自然能出生也。亦本識爲田名言爲種。三幻師現幻喻喻所生者。若幻色喻報。則幻師喻業。若幻色喻業。則幻師喻業。因以業亦緣生同報無體。而幻相不亡。故中論內。以化復現化喻業果俱空。若幻唯喻報業。則不空。四衢以喻四識住。造業處故。二機關出聲。喻無造受者。機關緣造體虛無人。喻業從緣故。無造者。從機出聲尤更非實。喻報因業起。安有受人。夫無我者。因對我無。既無有我。何有非我。著無我者。亦是倒故。三出聲音別。喻性一相殊者。如鳥在巖。含聲未吐。喻業同一性。出聲聲別。猶感報無差。然鷄子之中。終無風響。業雖無性。善惡冥冥。四有四偈。喻體無來處。皆從緣來。即無來故。然亦不同。初一喻因合於果。故無來處。次偈果酬於因。故無所從。此二喻內。異熟業果也。次偈轉輪

王七寶。喻外增上業果也。後偈喻無漏業果。無漏智火。焚蕩有漏智。因漏發故。亦無來業果寂然。方依幻住。第四說法甚深。亦可名應現甚深。問及答中。通三業故。以說法化勝故。從此立名。先問中初總標。告問。德首者顯佛德故。二正顯問端。初三初舉法按定。謂佛證一味法界。彼此共許。二云何下正設疑難。謂證悟既一。說現乃多。爲一耶多耶。偏取互妨。並立相違。就法即體用相違。約佛是證教相違。下辨十種相違。前九是別後一總結。三而法性下釋。成前難。謂非唯佛悟於一。我觀法界亦不有多。能證所證既並不殊。以何因緣而現多種。將無如來垂法界耶。答有二意。一云。所證雖一。隨機現多。多在物情。佛常無念。二者所悟一法。即無礙法界。即事之理。全在多中。所現乃即理之事。全居一內。以即多之一。是所悟。即一之多。是所說。既無障礙。何有相違。豈唯不達。亦由得一方能廣現。由多現故。方令悟一。偈中分二。初一歎問利益。上半歎深。但言一理深而非甚。今即多是一故。曰甚深。即一之多尤更難了。不可但以一多知故。下半知益。知此甚深。方知愛樂。後九喻答。皆三句喻況。下句法合。喻中皆上二句即體之用。三二兩句即用之寂。又初二句以一成多。次句不礙常。一故不相違。然此九喻別答九種無量。總顯境界無量。初地一持多喻。答現無量。剎依住勝劣地無異故。二火一燒多。答化無量。衆物從火化。不擇薪

故。三海一波異。答說無量法。義海波濤無窮盡故。四風一吹異。答震無量界。隨物輕重動有異故。五雲雷普雨。答無量音。圓音普震法雨無差故。六地一芽異。答無量莊嚴。芽莖華實爲藻飾故。七日普照。答知無量心。無私普照。皁白故。八淨月遍見。答無量神通。不往而至。隨器現故。九梵王普應。答現無量身。不分而遍。彌法界故。大方廣佛華嚴經疏卷第十四

大方廣佛華嚴經疏卷第十五

唐清涼山大華嚴寺沙門澄觀撰

第五福田甚深。問中初標告。以福田是照導引生。又施爲諸度之前導。故問目首也。二顯問端分三。初舉法按定。佛爲生福之田。名爲福田。田德無二。名爲等。二此理共許。二云何下正顯疑難。謂田既是一。植福應齊。施報有差。由何而起。前等此異。即緣果相違。別顯十事。文並可知。三釋成前難。云田雖齊等。心有高下。容可有殊。既心無異。思報云何異。答有數意。一約衆生由器有大小。心有輕重。故得報有差。非如來答。二約佛遍稱差別之機。方稱平等。即一之多。差不乖等。即多之一。等不礙差。由心平等。無私方能隨現多果。終令解脫一味。會何異哉。十願舉十喻。喻上諸義。初一總喻印成。後九別顯。所以前中初句。印等是

●[印]一● ●二會● ●一●[持多喻答現無量]● ●二異●

緣等。彼此共許。次句印異乃因異。答別之由。次句無異思惟誠如所見。下句總合。後九別中皆上半喻。下半合。一水喻。器有大小。方圓任器故。二幻喻。體外方便貴且悅。心三王喻。體內方便終得實樂。上二喻。佛巧稱。物機四鏡喻。約衆生。謂隨妍媸而影殊。心高下而報別。與前鏡喻因緣不同。餘義無異。後五皆約佛明。五藥喻。即多之一。具百味故。善去一切煩惱毒故。六日喻。即一之多。無幽不燭。大小之闇並除。七月光普照喻。佛平等拂上諸迷。雖隨機現。要且無私。八大風普震喻。遍動群機。九大火普燒喻。終歸寂滅。又此五喻。喻滅惑智二障。至平等智地。普動諸有。皆證無爲。前四即善巧隨機。此五則終令造極。豈不等耶。第六正教甚深。問中初標問人。以破懈怠故。問勸首。二正顯問端。中四。初佛教是一者。舉法按定。一有二義。一謂斷煩惱集證出離滅。此義不殊。彼此共許。二謂多人同見所見不異。二衆生下正設疑難。難亦有二。一對初義見教之後。何以久而不脫。故云。云何有脫不脫。故言。云何不悉斷惑而出。三然其下釋成前難。正釋後義。多人苦集皆不殊故。五蘊是正三界通依此苦果也。癡愛發潤爲集因也。兼顯初義。前後苦集亦不殊故。四是則下結成相達。出者有益。不出無益。佛教是一其義安在。答意云。修有勤惰。障有深淺。機有生熟。緣有具闕。智有明

昧。功有厚薄。故成有遲速。答初難也。修與不修。故見同益。異。答後難也。上之別義。不出勤惰二門。故十頌分二。初一開章許說。謂上半許稱實而說。下半開二章門。餘九別釋。初一釋速解脫。後八釋難出離。今初。上半牒疑。下半爲釋。勤則道策萬行。離身心相故能速出。然有五相。一有勢力。由被甲精進故。謂於佛法中發大誓願。二勇悍。謂於廣大法中無怯劣精進故。三堅猛。由寒熱蚊虻等所不能動精進故。四常不捨善軛。由於無下劣。無喜足精進故。五精進由加行精進故。由斯五相發動精進。速證通慧。滅障解脫。下八以喻釋難出。章。總相翻前皆名。懈怠。一火微熾濕喻。喻善根生及三障重。暫一聞教。幾少修行。而業惑內侵。令所聞速失。所行速廢。故成懈怠。難出離也。二鑽火數息喻。喻修有懈怠。然此下喻。多通三慧以辨懈怠。此喻約聞。即聽習數息。明解不生。約思。即決擇數息。眞智不生。約修。即定慧數息。聖道不生。聖道如火能燒惑薪。煖頂已前皆名未熟。已熟而息火尚不生。未熟數息雖經年劫終無得理。故遺教對此。明小水長流則能穿石。禪宗六祖共傳斯喻。願諸學者銘心書紳。若直就修行以釋。當以智慧鑽注於一境。以方便繩善巧迴轉。心智無住。四儀無間。則聖道可生。譬爾起心暫時亡照。皆名息也。三闕緣求火喻。物者艾等也。教詮聖道。等彼火珠。要持向智日。以行承之。則聖

道火生。空持文字不能決擇。心行乖越。道何由生。四閉目求見喻。智微識劣。喻彼孩稚。約聞慧者。雖對明師不肯諸決。約思修者。雖對教日。心眼不開。責聖道之不生。何其惑矣。五闕緣心廣喻。喻愚人無淨信手。以持定。及復無戒。足以拒惑地。以劣聞慧箭。欲遍射破業惑厚地。空欲難遂。六毛滴大海喻。謂以少聞思欲測法海。妄生希欲。懈怠尤深。七少水滅火喻。劫火遍熾。觸境惑增。少分三慧安能都滅。八不動遍空喻。喻雖知性空。智未遊履。而言遍證。亦增上慢人也。第七正行甚深。問法首者。以行法故。二顯問端。中三。初出聖教。受謂心領義理。持謂憶而不忘。二何故下申其所疑。佛言能斷。今有不。斷。即教行相違。先標相違。隨貪已下出所不斷。勢力已下結成不斷。謂有持法非唯不滅。舊惑亦乃隨解。新增十一種惑。勢力所轉。前四根本後七隨惑。皆言隨者。難集第七說諸煩惱皆隨煩惱。有隨煩惱而非煩惱。由此即顯根本煩惱亦得名隨。隨他生故。通釋貪等如九地中。今約依法新起者說。即貪求名利。瞋所不解。迷其自行持法自高。覆藏己短。論難生忿。結恨擬酬。疾彼勝己。慳自所知。不解言解。廢法逐情。三能受持下結成難也。佛言受法能斷煩惱。今受還起其故何耶。答意云。法是法藥要在服行。服與不服有斷不斷。非醫答也。故十行品云。如說能行如行能說。智論云。能行說爲正。

不行何所說。若說不能行。不名為智者。故如說行方得佛法。不以口言而可清淨。十頌分二。初一勸讚略說。初句勸聽。遠離貪高輕慢法。二種難染。方名善聽。求悟解故。專一趣心。聆音屬耳。掃滌其心。攝一切心。方名諦聽。次句讚問顯行稱理。故名如實。下半略說。言非但者。要兼修行。獨用多聞。不能證人。故下諸偈皆云。於法不修行。多聞亦如是。此名不行之失。非毀多聞。若無多聞。行無依故。是以不行為失。如調達善星行之為得。如阿難身子故。自利利他之行。並須明達。誓窮法海。為種智因。但應善義。勿著言說。婆沙四十二云。多聞能知法。多聞能離罪。多聞捨無義。多聞得涅槃。淨名云。多聞增智慧。以為自覺。下經推度生之方便。乃至不離善巧多聞。上單顯聞。涅槃四事為近因緣。即雙美聞行故。智論云。多聞廣智美言語。巧說諸法。轉入心。行法心正無所依。如大雲雷霖雨。如是教理無量無邊。恐繁且止。九頌喻。明皆上半喻況。下半法合。初懼溺渴死喻。喻貪隨文義失。謂義門波濤漂蕩其心。慮溺溺他無暇修行。自絕慧命。故名渴死。二設食自餓喻。喻隨說隨忘。說法施人。多求名利。不思法味。損滅法身。三醫不自救喻。喻善知對治。而不自治。四貧數他寶喻。喻說佛菩薩功德。不能求諸身心。故無分也。五王子饑寒喻。謂王子違王法。致於內起。過故受饑寒。學人亦爾。生在法

王教法宮中。行邊佛教。起惡惡業。故無慚愧忍辱之衣。寧餐法喜。憐悅之味。故饑寒也。六聲樂悅彼喻。喻不解自說失。謂夫真說聞者。必忘說聞。逐語而說。為自不聞。七盲畫示彼喻。喻不見自義。失八船師溺海喻。謂將導眾人。游佛法海。倚自所解。不慎身行。為法所淪。九巧言無德喻。謂亦說修行。或談己德。內無實德。但有虛言。獨此一偈。三句是喻。合文但云。不行亦如是。彌顯不毀多聞。又此九偈。亦可別對隨貪等義。如理應思。第八助道甚深。問智首者。以顯智為正道之體。統其助故。二正顯問端。初三初舉法按定。謂斷惑證理。導行得果。唯是大智彼此同許。一如來下正設疑難。謂既智為上首。應唯讚智。那亦讚餘。此是正助相違難。三而終下結成前義。前難云。智為上首。已應不合讚餘。況非以一法成佛。固當不合偏讚。為要假多。為唯用智。為隨一行皆得佛耶。若隨一得成。亦違智為上首。進退皆妨。下答意中。印其初後。釋其中間。謂智為上首。誠如所言。智如明王。為眾之御。故大品云。般若如目。五度如盲。故印後義云。終無唯以一法。實如來歎三世諸佛皆具說故。以餘萬行資於智故。釋其中間。別讚乃有多意。謂隨心令喜故。隨時生善故。所治蔽殊故。八門不同故。眾生不能盡受故。下當屬文。又智論云。般若必具一切行。是故讚一即是讚餘。讚餘即是讚智。十頌分二。初一歎問許說。餘九正答

所難。略分為二。先二頌開二章門。後七雙釋二章。今初。初偈標眾行成果章。謂正助相假必萬行齊修故。諸佛同說。言無有說一者。必具說也。後偈標隨機別讚章。文具顯經四隨。謂初句即隨樂也。將護彼意。稱悅其心。故性不同者。即隨宜也。附先世習。令易受行。習以成性。故分不同者。即隨治也。觀病輕重。設藥多少。謂貪分多者。教不淨等。隨其所應度者。即隨義也。道機時熟。聞即悟故。下別釋中二。初三釋隨器別讚章。後四釋眾行成果章。前中二。初兩偈半別釋隨治。後兩句結前生後。今初。然六度成。其行四等。曠其心。四等多約利他。六度多明自利。六度如初會四等如下說。然並通四隨略舉一治耳。涅槃云。慳者之前不。得讚布施者。即隨樂意也。二結前生後中。上句結前下句生後。後四偈釋眾行成果中。各上半喻下半合。然有二意。一仍前漸具之義。便得釋。成智為上首。二正明所用不同。故須兼具。然攝論第九明立六度。通有三意。一為除惑故。二為生起佛法故。三為成熟眾生故。前段具初意。此段通具三。謂二二合者。對治別故。先基後室等。即漸具故。皆為利他。即成熟故。文中初偈二度。為治。不發行因故。合云。行本。謂著財不發施。著家不發戒。故基堵有二義。一基即是堵。即施為進善之首。戒為防惡之初。並稱基也。二堵為環牆。即檀為萬行首基也。戒防未起非堵也。宮室者。解脫也。大偈二度。已發

修行心。爲治退弱心因故。謂不能忍。生死苦事。長時修助善品。有疲忘故。今忍城防。外惱之敵。進郭長內行之衆。通說則此二皆能防外養內。次偈二度治壞失心因故。謂散亂壞靜慮邪智壞正解故。今明菩薩定靜惑亂慧鑑萬法。動寂自在故。菩薩依之以發通慧。賴之以證理果。其由有力之王。澄清四海。明鑑萬機。故率土戴恩。天下仰則。後一偈四等爲因。自他安樂招果無盡故。第九一道甚深。亦名一乘。問中標問賢首者。至道柔順故。又賢猶直善。佛佛皆同。一直道故。二顯問端。中三。初標宗按定。謂佛佛所乘同觀心性。萬行齊修。自始至終。更無異徑。故云一道。此理共許。二云何下。正設疑難。先總後別。前中謂因道既一。果應不別。云何現見佛刹等殊。爲果異。故因非一耶。爲因一。故無異。果耶。若雙存者。即因果相違。下別辨十事。一界有染淨等殊。二居人善惡等異。三諸乘等別。廣略等殊。四或三學調伏。或強軟折伏。五壽有修短。六光明或色相不同。或常放具闕。或照有遠近。七隨染淨土。居人異故。現通亦殊。八衆會異者。此有三種。一多少。二會數。三凡聖大小。九教儀者。如此土以音聲爲教。香積以衆香教化等。十法住者。有久近故。各有差別者。通上十位。然若約一佛。十事各不同者。德首已明。今問諸佛十事互望不同耳。第三無有下結。成前難。謂若諸佛於因行法。有具不具。可有刹等不同。今皆同具。刹等

那別。同具卽是一道。第二答中意云。非。唯因同果德亦同。而見異者。隨機感耳。非佛自位而有差別。何者。諸佛因果具同異故。謂同滿行海是同。因也。將此同。因隨所調伏。種種迴向。應機之果。是異因也。由此異。因感差別果。由上同。因。同感真應身土等果。是則約佛卽同能隨異。約機同處而見異。以生就佛雖異。而常同。以佛就生雖同。而見異。以佛望佛。能異之必同。其猶錦窠常同。常異。瑜伽三十八。諸佛平等。唯除四法。一壽量。二名號。三族姓。四身相。意明隨機故。除此四事。餘皆等也。就果同中。自性身土一向體同。自受用者平等無二。相似名同。餘二身土亦相似名同。而隨機見異故。成唯識云。自性身土。一切如來同所證故。體無差別。自受用身及所依土。雖一切佛各變不同。而皆無邊不相障礙。餘二身土。隨諸如來所化有情。有共不共。所化共者。同處同時。諸佛各變爲身。爲土。形狀相似。不相障礙。展轉相難。爲增上緣。令所化生自識變現。謂於一土有一佛身。爲現神通說法。饒益於不共者。唯一佛變。諸有情類屬佛異故。偈中義理多含故。文勢非一。且分爲二。初二偈印其立宗。明真身無二。餘偈答其疑難。辨應有異同。今初。初句總印。先標文殊者。警其聽受。法常爾者。明因果無異。法爾常規。餘顯一相略明。四二。初句法一。以法常故。諸佛亦常。次句人。次句因。一。後偈果。一。略舉其五。一者身。一。此有二義。

謂若約所證。法界爲身。則體同爲一。若衆能證。無量礙智爲身。卽相似名。一下既別。明心智。則正當初意。然體同義異。二心一。八識心王俱不可知。故三智慧一。四智三智。二智一智。皆無別故。四十力一。五無畏一。此五亦略攝諸德。二答疑難。中分二。初二偈總明。隨機見異。於中前偈約佛。後偈約機。前中卽隨本異。因爲物迴向各得差別。故云如是。如是卽差別之義也。異舉十中三事耳。卽隨所化衆生。而取佛土。後偈約機者。約佛則刹等皆圓。約機隨行見別。如直心爲行。則見不諂之國。故衆生之類。是菩薩佛土。餘六偈展轉釋疑。分四。初一偈有疑云。若皆圓滿。何以不見。答意云。衆生不見。豈得云。無然有三義。一約他受用。則地前凡小衆生不見。二約自受用。則等覺衆生亦皆不見。若約卽應同。真權教菩薩不見。次偈有疑云。若皆不見。何以知。有釋云。有見者。故亦有三義。初則淨意樂地已去。由願自在力故。見他受用。二淨無塵習。普賢願滿方見。自受用。三圓解之人。則名心淨。卽應見真。意在初後義兼中間。三有一偈疑云。若應由物見。何名佛土。釋云。佛威神故。則知生佛共成。既攬同成。異亦稱體成。益四有三偈。釋疑云。上云衆生不見淨刹。又云佛神力令異。爲利體處別。佛有分別耶。故釋云。刹實同。處佛亦無心。物自見異耳。於中初半顯實。云刹無分別。佛無憎愛。分別卽差別義。故晉經云。佛刹無異相。如來無

憎愛若順今經。亦可此二通佛及刹。大半
偈明異自在物。大半偈明正見。剎異。大半
偈彰非佛答。次三句釋佛無憎愛。有威便
現。非佛有愛。無感不見。非佛有憎。末後一
句總結。一切諸佛法皆是。隨機隱顯真體
常存。亦通結一段。第十佛境界甚深。十信觀
圓便造佛境。於中亦先問後答。問中分二。
初標能所問人。大眾同問者。攝別歸總故。
總別無礙六相圓融。問文殊者。佛境甚深。
除般若妙德無能達故。始信終智皆託佛
境。故無按定結難者。表尊敬故。若人若法
難致詰故。二佛子我等下。正申請問。又分
爲二。初結前。標後。加讚妙辯者。敬上首
故。二何等下別顯問端。句有十一。初總除
別初境界有二。一分齊境界。謂從十地因
後果位之法是佛所有。二所緣境界。謂佛所
知之境。並非餘測。總爲佛境。二。請問佛境
以何爲因。三請佛境界生儀式。四應機普
入世間。五能知之智。六所知之法。七圓音起
說。八明知體相。九內證平等。十顯現何法。
十一量之大小。並非因位作用所及。亦非
下位能知。故云佛境。若約能知能度等。即
是分齊。約所知等名曰所緣。能所雙融異
即非異言思道斷。是佛境也。答中十頌次第
而答唯廣一義。獨在於初與總合辨。欲顯
分量遍於總故。即深而廣故。初句總標體
深。次句分量廣大。故佛地論引經釋云。諸佛
境界唯除虛空。無能爲喻。次句釋上廣。後
句釋上深。然有三義。一約一切衆生即如

來藏。更何所入。翻迷之悟。故云證入。二約
理非即非異。故云入無所入。三約心境。心
冥真境。故說爲入。若有所入。境智未亡。豈
得稱入。實無所入。方名真入。即廣之深
本起言念。即深之廣。安測其涯。二答因問。
謂此因無限略示三義。一殊勝。以行超絕無
等等故。二微妙。以證理深玄盡法源故。三
廣大。以多劫說少。亦不盡故。三答度問。謂
隨其心器意樂不同。隨其智力解悟差別。誘
引進修令各獲益。以遍法界。委悉無謬。差
別難知。故云佛境。四答入問。謂世間即是
衆生世間。國土即器世間。一切者遍法界
故。入有二義。一以智身潛入。密益衆生故。
二以色身現入。顯益衆生。智身難知。文中
偏顯。五答智問。上半權智。橫無不知。故云
自在。豎達三際。故無所礙。下半實智。故云
慧境平等。如空無若干也。虛空之言。亦兼
喻上無罣礙也。權實無礙。方爲佛境。六答
法問。法界是理。生界是事。攬理成事。理徹
事表。故云無別。是故事則不待壞而恒真。
理則不待隱而恒俗。非直廣大無限。亦乃
甚深無際究盡了知。故稱佛境。又法界是所
證。生界是所化。了知是能證能化。究竟其
本亦無差別。是難知之佛境也。七答說問。
一切言音隨性隨相。皆悉了知。未曾起念。
故無分別。以一切差別言音即是如來法輪
聲攝故。以斯答說。音聲實相即法輪故。八
知即心體了別。即非真知。故非識所識。譬
起亦非真知。故非心境界。心體離念。即非

有念可無。故云性本清淨。衆生等有或翳不
知。故佛開示。皆令悟入。即體之用。故問之
以知。即用之體。故答以性淨。知之一字。衆
妙之門。若能虛己而會便契佛境。九答證
問。即證大涅槃三德圓也。非業繫。故解脫
也。非煩惱。轉煩惱。即菩提是般若也。無物
者。虛相盡故。法身顯也。無住處者。成上法身
無所在也。無照者。成上般若能證相寂也。
無所行者。成上解脫無業行之用也。由無
用。故用彌法界。由無照。故無所不知。由
無在。故無所不在。故結句云。平等行世間
也是。謂三德祕藏。佛之境也。十答現問。上
半所現。初句橫盡十方。次句豎窮三際。下
半能現。並於如來圓鏡智中。無念頓現。故出
現品云。菩提普現諸心行。即斯義也。上來辨
十甚深。即問答竟。自下第二現事結通。於中
二。先現事後結通。今初。因何而現。上來十
首法光開曉。衆生身心故。佛力暫現。示相
而答。令其目驗而欣厭故。所現有十。第一
法即所行之法。謂三學等殊。二業謂正行。漏
無漏等。三集因苦果。四身類不同。五根機差
別。六四生非一。七持戒則人天勝劣。八犯戒
則三塗重輕。九國土則依處染淨。十說法則
近報淨居。聰明利智速具佛法。此經文闕。晉
本具之。又此亦可配十甚深。以是示相答
故。一法首正教甚深。二寶首業果。三勸首懈
怠難出。四財首觀內身等。五德首佛法一
味隨根異說等。六覺首往善惡趣。七智首六
度順行。通爲持戒之果。八目首佛田平等。但

●標一起●●謂二謂●●入二如●●八十(答)●●也十(文有三初標舉二釋相三結示)●

犯戒布施得果差別。九賢首隨心世界有差別等。十晉經既有說法。即是說佛境界法也。第二如是下。結通廣遍於中二。初結東方。後南西下類。餘九方。亦現十事。以此處說法。則現事通於十方。餘處說法亦應類此。總爲一法界大會。思之。問明品辨信中解竟。

淨行品第十一 入第十

釋此一品五門分別。初來意者。夫欲階妙位。必資勝行。有解無行。虛費多聞。故前品明解此品辨行。又前明入理觀行。今辨隨事所行。又前行此願並義次第。故次來也。次釋名者。梵云具折。此云所行。波利此云皆也。通也。成輪。律提云清淨也。謂三業隨緣。歷名爲所行。巧願防非。離過成德。名爲清淨。又悲智雙運。名爲所行。行越凡小。故稱清淨。以二乘無漏。不能兼利。非真淨故。得斯意者。舉足下足。盡文殊心。見聞覺知皆普賢行。文殊心故。心無漏亂。是曰清淨。普賢行故。是佛往修諸佛菩薩同所行也。所行即淨持業釋也。三宗趣者。以隨事巧願防。心不散。增長菩薩悲智。大行爲宗。成就普賢實德。爲趣。四解妨者。問文中但辨一百餘願。何有行耶。答文中辨行略。有數重。謂就所歷事中。始自出家。終於臥覺。皆事行也。知家性空。理行也。觸境不迷。善達事理。智行也。以願導智。不滯自利。大悲行也。上二不二。悲智無礙行也。遇達順境。心不馳散。止行也。智不沈沒。觀行也。即止

觀雙運行也。又對於事境。善了邪正。當願衆生。皆假觀也。知身空寂。心無染著。空觀也。見如實理。中觀也。或先空後中。或先假後空。或一或二。或一念頓具。斯爲妙達三諦觀之行也。又所造成行。皆施衆生。不起二乘之心。安忍強軟兩境。唯增善品。心不異緣。妙達性空。善巧迴轉。皆願利物。同趣菩提。二乘天魔所不能動。善知藥病。決斷無差。即十度齊修之行也。又皆願利生。皆成佛德。見惡必令其斷。見善必令其具。即四弘誓願之行也。故智首總標諸德。以求其因。文殊令善用心。頓獲衆果。但言惟願。豈不感哉。復有問言。夫妙行者。統唯無念。今見善見惡。願離願成。疲役身心。豈當爲道。答若斯見者。離念求於無念。尚未得於真無念也。況念無念之無礙耶。又無念但行之一也。豈成一念頓圓。如上所明也。行學之者。願善留心。第五釋文中二。先智首問。舉德徵因。後文殊答。標德顯因。今初。亦先標問答之人。後陳所疑之問。今初。此二菩薩爲問答者。歷事巧願。必智爲導。故事近旨。遠唯妙德。故文殊則般若觀空。智首則溫和涉事。涉事不迷於理。故雖願而無取。觀空不遺於事。故雖寂而不證。是爲權實雙游。假玆問答。二陳所問中。有二十云何。總十一段。段各十句。成一百一十種德。第一段明三業離過成德。二得堪傳法器。三成就衆慧。四具道因緣。五於法善巧。六修涅槃。因。七滿菩薩行。八得十力智。九十王敬護。

十能爲饒益。十一超勝尊貴。此十一中。若就相顯。二四與六。此三唯因。八及十一。此二唯果。餘通因果。或攝爲四對因果。初二十句問。福因福果。先因後果。次二十句問。慧因慧果。先果後因。三二十句問。巧解因觀行果。四有五段。問衆行因成德果。初一爲因。餘四爲果。或分爲二。初十云何。問淨行體。是因。義後十云何。問行所成。是問果義。以善修七覺等。亦是淨行之能。故皆言云何得者。爲修何行而得之耶。初十望後故說爲因。望歷緣巧願成淨行體。即是於果未是因果。而是分果故。上總云舉果徵因。今分爲二。初之一段。總問其果。後十別明。今初十句得此十種三業。成下十果。由無過三業。故超勝尊貴。由不害害故。常爲饒益。由無餘惑不可護毀。故十王敬護。由惡緣不可壞得佛十力。由修行不退轉。滿菩薩行。由遠離諸相。如如不動。成涅槃因。由德行殊勝。故於法善巧。由體清淨。如虛空。故成具道緣。由涉境無染。故德堪傳法。器由智先導。故成就衆慧。又由後十能成。就此十。以三業永無失等。唯佛不共。分分無失。一通於因。又此十句。初一總顯無過。次八別顯無過。後一總出其因。若以智慧爲先導。身語意業。常無失故。又於中八前二離。過後六成德。又後九中。不隨於瞋。故不害。不隨於慢。故不可毀。不隨惡見。故不壞敗。不隨於疑。故不退動。恒修勝行。不隨於貪。故清淨無染。不隨於癡。故智

◎故十(故)◎ ◎律三事◎ ◎[知家性空理行也]◎ ◎云二因◎ ◎德一得◎

爲先導所作稱真如是等業云何而得。後十段別明中。初一異熟果。次四土用果。次二離繫果。次一增上果。後二等流果。今初。即修道之器。以菩薩起修行時要具此十。方成二利之行。瑜伽具釋。一常生中國有佛法處。二種族尊貴非下賤等。三生信向三寶修善之家。非外道等家。四形色端嚴非醜陋等。五具丈夫相諸根不缺。六正念不忘。亦宿念現前。七慧悟高明善解世法。八柔和調善離過修行。九志力堅強故無怯弱。十性自開覺不染世法。又無畏者。依智度論。菩薩有四種無畏。一總持無畏。於法記持不懼忘失。二知根無畏。知根受法不懼差失。三決疑無畏。隨問能答不懼不堪。四答難無畏。有難皆通不懼疑滯。今並皆得故云具足。又此十事。若約法者。生在佛家。是生處具足等。思之。又具足者。唯佛一人云云。第二十慧下四段。明士用果中。一慧爲揀擇。二力謂修習。三善巧謂智。四道品助修。悉以三業而得成就。今初。言慧者。即道之體。十中一勝世間故。二過一乘故。三揀權教故。四佛果超因故。上四揀劣餘六當體。一無分量。二無若干。三超言念。四無等匹。五難比校。六唯證相應。欲言其有無相無形。欲言其無事以之靈。欲言俱者慧無二體。欲言雙非非無詮顯。故不可說第三力者。即具道因緣。皆言力者。此十各有資道之能故。一因力者。即是種性。謂已有習種無倒聞熏與性種合。故名爲因。梁攝論

云。多聞熏習與阿賴耶識中解性和合。一切聖人以此爲因。無性攝論云。此聞熏習。雖是有漏。而是出世心種子性。二欲力者。有勝欲樂。希大菩提。及起行故。三方便者。謂造修力。依六方便。成悲智故。一慈悲願樂。二了知諸行。三欣佛妙智。四不捨生死。五輪迴不染。六熾然精進。攝論廣說。四緣力。謂善友勸發。五所緣力。即所觀察悲智之境。六根謂信等。七觀察者。謂於自他事理藥病善揀擇故。八奢摩他。此云止也。九毘鉢舍那。此云觀也。瑜伽起信等論。深密涅槃等經。廣辨其相。具如別章。今略顯其相。以爲十門。一心行稱理攝散名止。二止不滯寂不礙觀事。三由理事交徹而必俱。遂使止觀無礙而雙運。四理事形奪而俱盡。故止觀兩亡而絕寄。五絕理事無礙之境。與浪止觀無礙之心。二而不二。故不礙心境而一味。不二而二故。不壞一味而心境。六由即理之事收一切法故。即止之觀亦見一切。七由此事即是彼事。故令止觀見此心即是彼心。八由前中。六則一多相入而非一。七則一多相是而非異。此二不二同一法界。止觀無二之智。順見即八二門同一法界。而無散動。九由事則重重無盡止觀。亦普眼齊照。十即此普門之智爲主故。頓照普門法界時。必攝一切爲伴無盡無盡。是此華嚴所求止觀。十思惟者。籌量應作不應作故。第四於法善巧。皆約流轉以明。前四流轉之體。三界流轉之處。三世流轉之時。三科之

義略如前釋。廣如別章。緣起六地廣明。三界三世如前後釋。皆言善巧者。一善知彼法空無所有。二善知不壞假名分別法。相加能攝無盡彌善巧也。第五修涅槃因。七覺三空地品廣說。第六滿菩薩行。此下二種明離繫果。初六度四等修。即土用滿即離繫。治諸蔽故。及第七具足十力。並見上文。第八十王敬護是增上果。第九云何得與一切衆生爲依下二段明等流果。由本願力爲依救等。由本行力爲第一等。今初能爲饒益。依等十句。如迴向初。第十爲第一下。超勝尊貴。十地論釋。今就佛果略釋其相。謂如來功德海滿更無所少。故稱第二。此亦總句。大者體包法界故。勝者自利圓滿故。最勝者利他究竟故。妙者煩惱障盡故。極妙者所知障盡故。上者。望下無及故。無上者。望上更無故。無等者。望下無儔故。無等等者。望儔皆是無等者。故所以廣舉諸德者。欲顯行之勝故。上來問竟。第二文殊答中。文分爲二。第一歎問成益。饒益者利益也。安隱者安樂也。利樂者即上二也。佛地論第七有五重釋。利樂之義已見。光明覺品。第二佛子下。正酬其問。於中。一先標因成德。酬其舉德。後指事顯。因酬其徵因。今初。先標其因。謂善用其心。心覺神明之奧心。正則萬德攸歸。言善用者。即後歷緣巧顯觸境入玄如上所辨。則獲下顯所成德。初總後別。總謂一切勝妙功德。皆因用心。一百一十門。德何足難就可。謂一言蔽諸。勝謂獨尊。

妙謂離相又德無不備云勝。障無不盡名妙。此之總句。亦即酬上十種三業之總句也。餘九別顯句雖有九義亦有十。如次酬上十段之德。一於諸佛法心無所礙者。即初第一堪傳法器德。念慧覺悟皆具足故。二住去來今諸佛之道。即上成就眾慧。三世諸佛唯以佛慧為所乘故。三隨眾居住恒不捨離。即上具道因緣。成就種性欲樂方便。常以眾生為所緣故。四如諸法相。悉能通達。即十善巧義無惑也。五斷一切惡。即七覺三空揀擇棄惡無越此故。六具足眾善。即六度四等。七當如普賢色像第一。由此故得十王敬護。八一切行願皆得具足。即是前文成就十力。得佛果位方具足故。故晉經無此一句。而有成就如來一切種智。斯為十種智力定無惑也。唯此一段望前不次。以內具種智外具色相。此二同在果圓前後無在。或譯者不迴。九於一切法無不自在。故能與物為依。為救為炬為明。十而為眾生第二導師。即是上文於眾超勝。上求第一唯佛一人。今纔發心則道亞至尊。故云第二。然舊經中亦云。而為眾生第一尊導。故知第二譯者意也。第二佛子云何下。指事顯因於中三。初總徵次別顯。後總結成益。二別顯中五門分別。一總明大意文中。總有一百四十一願。菩薩大願深廣如海。應如迴向非止爾也。此蓋示於體式餘皆倣此。又非無表。一百者。十信圓融一一具十也。四十一者。即四十一位也。明此諸位所有惑

障。由此能淨所有勝行。由此能行故。二通顯文旨。然此諸願句雖有四事但有三義開為六。言三事者。謂初句願所依事。次句願所為境。後一句是願境成益。開為六者。初事有二。一者內。謂菩薩自身根識等。經云菩薩等故。二者外。謂他身或依正資具等。經云在家等故。次事亦二種。一能發願者。二所願眾。經云當願眾。後事亦二。二者自益。由此諸願成前諸德。故二者益他。由此發願願眾。此後二句。或前句是因後句是果。如云所行無逆成一切智等。或二俱是因。如云巧事師長習行善法等。或二俱是果。如云永離煩惱究竟寂滅等。或俱通因果。如云以法自娛了妓非實等。或三四二句共成一句。如云演說種種無乖謬法等。亦可後。二句中初句所入法。如云知家性空等。後句所成益免逼迫等。以不必具故合為一。三別開義類。然上三事中願所依事。雖有多類。不出善惡依正內外。隨義準之。二願所為境。其一一願盡該法界。一切有情不同。權小談有礙無故。又願即是行。成迴向故。一一皆成所行清淨善業行故。如云知家性空。則菩薩之心必詣空矣。三願所為境。成利益中。由願於他成種種德。自獲如前所說功德。然有二義。一通二別。通則隨。一一願成。上諸德。斯為正意。二別顯者。如願於他得堅固身心無所屈。則自必成十種三業離過成德之德也。二願於他具足成滿一切善法。則

自成就堪傳法器。三願於他深入經藏智慧如海。則自成眾慧。四願於他具諸方便。得最勝法。則自成就具道因緣。五願於他語業滿足。巧能演說。則自成就十善巧德。六願於他得善意。欲洗除惑垢。則自成七覺三空。七願於他所作皆辦。具諸佛法。則自成滿菩薩行德。八願於他捨眾聚法。成一切智。則自成就如來十種智力。九願於他皆如普賢端正嚴好。則自成就十王敬護。十願於他統理大眾。一切無礙。則自成饒益為依救德。十一願他得第一位。入不動法。則自成就超勝第一德。以斯十一配上答中總別十一段。文並可知。通別交絡應成四句。謂一切願成一德。一切願成一切德等。以因願一多相即故。成德亦一多鎔融。四對辨成例。謂若以初後二事相對辨例。略有十例。一會事同理例。如菩薩在家事也。性空理也。二處染翻染例。如若得五欲染也。拔除欲箭翻染也。三相似類同例。如若有所施令。一切能捨等。四世間出世例。如上升樓閣願升。正法樓等。五以因同果例。如正出家時願同。佛出家等。六捨偽歸真例。如著璣瑤願到真實處等。七以人同法例。如見病人願離乖謬等。八以境成行例。如見涌泉願善根無盡等。九以妄歸真例。如見婆羅門願離惡等。十以近同遠例。如受和尚教願到無依處等。五正釋經文。長分為十。初有十一願。明在家時願。二有十五願。出家受戒時

願。三有七願。就坐禪觀時願。四有六願。明將行披挂時願。五有七願。澡漱盥洗時願。六有五十五願。明乞食道行時願。七有二十二願。明到城乞食時願。八有五願。明還歸洗浴時願。九有十願。明習誦旋禮時願。十有三願。明寤寐安息時願。今初。在家有十一願。初一總舉在家。以家是貪愛繫縛所故。若了性空。則雖處居家。家不能迫。次一在家行孝願。以是至德行本故。首而明之。大集經云。世若無佛善事。父母事。父母者即是事佛。父母於我爲先覺故。今翻令事佛者。生長法身故。護養一切者。一切衆生皆我子故。護之。一切男女皆我父母故。養之。生生無不從之。受身故。平等敬之法身佛故。次四受家室等願。然五欲射心猶如箭中。王侯有宮餘皆名室。次五在家所作事業等願。在願曰。現。在身曰。路。路以持衣。環以繫冠。一切悉捨亦捨心也。了聚無性成。佛智也。第二捨居家下。出家受戒時有十五願。初一正捨俗家。次三出家方便。僧伽藍者。此云衆園。衆有六和法。則事理一味。故無諍也。大師謂佛。衆所宗故。小謂和尚。親所教故。若約末世三師爲大。七證爲小。靡不有初。鮮克有終。故希不退。次四。正落髮出家。袈裟者不正色衣也。亦云染色。表心染於法要。無所染。方曰染也。然二乘之染亦非眞染。必心染大乘故。云具大仙道爲於正法除其結使。方爲究竟寂滅。落髮披衣之後。爲正出家。餘七受。

學戒時。初三自歸。佛在之日。則五受之一。佛滅之後。受五八戒。必依三歸。歸要三者。翻彼外道邪師邪教及邪衆故。猶如良醫良藥。及看病人。煩惱病愈故。爲與衆生爲緣念。故三寶之義至下當釋。受學戒者。即十戒也。亦通五戒。優婆塞戒經云。欲受菩薩戒。先應遍受五戒。十戒。二百五十戒。若尼則受六事及五百戒。受謂受戒。學即隨戒。願中即止作二持。聞梨者。此云正行。軌範教授故云。具足威儀。和尚此云親教。亦云力生。道力自彼生故。故翻云。入無生智。依之得戒。故翻無依。具足戒言。義含二種。一則大比丘戒。二則菩薩戒。亦制意地方爲具足。第三若入堂下七願。明就坐禪觀時願。初四爲修方便。次二正修止觀。後一修行事訖。第四下足住時下。明將行披挂時六願。下衣蓋。醜故願。得慚愧。上衣即衫襖之輩。前已辨。袈裟故。此直云僧伽梨。僧伽梨者。義云和合。新者二種。故者四種。要以重成故云。和合。即是三衣中第一衣故。第五手執楊枝下。澡漱盥洗時有七願。楊枝五利是曰妙法。去穢爲淨。西域皆朝中嚼楊枝。淨穢不相雜。此爲常規。凡欲習。則別須用之。盥者澡也。第六手執錫杖下。乞食道行時。總有五十願。更分爲三。初十二願。游涉道路。次見衆會下十九願。所觀事境。後見嚴飾下二十四願。所遇人物。今初。錫者輕也。明也。執此杖者輕煩惱故。明佛法故。更有多義具如經辨。今略明二用。一執爲行道之儀。二振

以乞食故。發相似之願。無依之道是真道也。向無餘法。眞涅槃也。眞淨法界心所履也。險道有二。一多賊鬼毒獸。二陝徑阻絕。初惑業罪苦。凡夫之險道也。後自調滯寂二乘之險道也。皆爲難處。不斷生死而入涅槃。正法界也。二觀事境。願初觀衆會。謂衆聚多談無義故。願說深法。衆心易乖故。令和多合。二大柱者。舊經云。大樹。梵云薩擔婆。太聲。此云樹也。薩擔婆入聲。此云柱也。由茲二物呼聲相濫。古今譯殊。柱有荷重之能。一舍由之而立。翻此願離。我能之譯。恐恨何由而生。三德猶叢林森聲可敬。十一陂澤者。畜水曰陂。不集諸流故。願一味。十二說文曰。穿地通水曰池。沼即池也。取其盈滿引法流故。亦可巧思穿鑿能有說故。十三汲者取也。辯才演法猶汲水。無憂林者處之忘憂。故三見嚴飾下二十四願。所遇人物。六云。獲根本智。滅衆苦者。若得見道。無分別根本智。則斷惡道業。無明故。三塗苦滅。則三苦八苦亦皆隨滅。死及取蘊直至金剛後根本智。則能永斷七願入眞實慧。永無煩惱者。此有二種。一約入眞見道之慧。斷身病之苦惱及煩惱病。謂一切惡趣諸煩惱品。所有龜重是分別起。亦爲身病。遠因。至歡喜地眞見道中。一剎那斷。頓證三界四諦眞如。身病及惑永不復有。二約金剛心慧頓斷一切諸煩惱病及習氣隨眠。證極圓滿眞實勝義。諸惑永亡。依上解者。眞實慧者即根本智。但約所滅惑苦不同耳。八四大乖

達成病。知空則永無所乖。於佛菩薩能知恩德者。諸佛菩薩。始自發心。普緣衆生。難行苦行。不顧自身。垂形六道。隨逐衆生。見其造惡。如割支體。迄成正覺。隱其勝德。以貧所樂法。誘攝拯救。見其憊恣。示迹涅槃。留餘福教。以濟危苦。故自頂至足。從生至死。皆佛之蔭。斯之恩德。何可報耶。得人小恩。常懷大報。不知恩者。多遭橫死。故經云。假使頂戴經塵劫。身爲床座遍三千。若不傳法利衆生。畢竟無能申報者。故唯自利利人。如說修行。爲報佛恩耳。沙門此云。止息。畢竟止息。唯大涅槃。世之甲冑。隨於師旋。進忍甲冑。趣於無師。能離五邪。方爲正命。謂一詐現奇特。二自說功德。三占相吉凶。四高聲現威。令他敬畏。五爲他說法。行此五事。若爲利養。皆邪命也。第三句通願。

離五。第四句但離。初一。明斷方稱長者。守王正法。始曰大臣。第七。若見城郭下。二十二願到城乞食時願。初三。總處王都。則賢達輻輳。林藪則衆德攸歸。次三。入家未入。則諸家差別。入已。唯一無多。如入佛乘。無二三也。次八。乞食得不。得願次七。得食正食後。一食訖說法。亦爲報施主之恩故。其中云。藏護諸根者。瑜伽名。善守根門。淨名云。所見色與盲等。乃至云。知諸法如幻相是也。第八。從舍出下。還歸洗浴時。節炎涼。五願可知。第九。誦誦下。習誦旋禮時。有十願。右者順義故。菩薩經第二。亦云。菩薩降神趣右脇者。所行無逆故。佛功德者。謂如來十力

等。第十。若洗足下。寤寐安息時。三願。一切智覺者。非唯三世齊明。抑亦十方洞曉。一日始終既爾。餘時類然。第三。若諸菩薩下。結歎因所成益。若能如上。爲善用心。若此用心。則內德齊圓。外不能動。心游大智。故人天不能動。心冠大悲。故二乘不能動。不動有二。一修行時。此等不能惑亂。故二不希彼故。

大方廣佛華嚴經疏卷第十五

大方廣佛華嚴經疏卷第十六

唐清凉山大華嚴寺沙門澄觀撰

賢首品第十二

初來意者。夫行不虛設。必有其德。既解行圓妙。必勝德難思。收前行顯成信德用。故大來也。又前智首舉果徵因。文殊廣顯其因。略標其果。云獲一切勝妙功德。故問賢首令廣斯言。是以偈初顯前起。後二釋名者。謂體性至順調。善曰賢吉祥勝德超絕名首。即以此名菩薩演說此法。賢即是首。賢首之品。以當賢位之初攝諸德。故偏舉賢名。三宗趣者。於信門中成普賢行德。而自在莊嚴。無方大用。建立衆生。通貫始終。該攝諸位。以爲其宗。今起圓融信行成位德用。而爲意趣。四釋文者。文有三分。初文殊發起。次賢首廣說。三十方現證。今初分二。初經家敘述。二正明發起。二段各有結前生後。今初。先結前已說。順達皆順客塵。不能濁其心。悲智雙游萬境。不能亂其慮。是曰清淨行矣。大功德者。即前所成之果。後欲顯示下生後。文含始終。約終則顯示信滿善提心殊勝功德。廣具五位因行盡故。約始但於生死。智證菩提。萬德依故。今顯示二偈。正發起中前半結前。偈文窄故略無所成之德。後半勸說。令說修行之德。則與長行文有影略。第二時賢首下。賢首廣說。於中先總標舉。以偈答者。此略有二。一少

言攝多義故。二美詞讚說令淨信故。以始德該終散說難盡故。顯此勝妙之功德。故第二正顯偈詞。有三百五十九頌半。大爲三分。初四頌讚許說分。次三百四十六偈半。正說勝德分。三九偈校量勸持分。初中分二。初偈總明。前半讚問勸修。後半讚已少說。海喻次下當明。後三開章以發心之德。況出修行巧顯深廣。於中初偈舉發心章。次偈況出修行章。初心祈於當證德已巨量。況長時入位遍修故。多佛不能盡說。後偈許說分齊。前半法說。如是者雙指發心修行。下文具顯故。前文雙問故。後半喻明。然有二意。一顯喻少分。謂發心行德如太空大地。所說者隱如足履一塵。二密喻不異。謂鳥足之空不異。太空微細之塵不殊大地。故此略說義無不周。若廣若略皆無邊故。出現品云。如鳥飛虛空經於百年。已經過處未經過處。皆不可量。何以故。虛空無邊際故等。彼就果行。此就因德。然普賢行德似同佛果。是故皆以虛空爲量。上下文皆同此說。此初發心。與下文十住初發心住。及發心功德品。各何別耶。此中發心該於初後。取其成德。乃是信終。取其爲本。乃在初發。雖如輕毛功歸初發。十住初發。即是此終成彼初發。此終爲能發。彼是所發。此正是發起之發。義兼開發。彼是開發之發。義兼發起。其發心品。正顯十住初心之功德耳。以斯顯別。非無有異。故聖略云。發心住者。是人始從具縛未識三寶。乃至值佛

菩薩教法中起一念信。便發菩提心。既云始從。凡夫最初發心。明知此中發心該於初後。問此既是初。何得乃具後諸行位及普賢德耶。古德釋此略有二門。一行布次第門。謂從微至著。從淺至深。次第相乘。以階彼岸。如璣珞仁王起信瑜伽等說。二圓融攝門。謂一位即具一切位等。如此經所說。亦如大品等中。一行具一切行。此中有二門。一緣起相由門。二法界融攝門。前中普攬一切始終諸位。無邊行海同一緣起。爲普賢行德。良以諸緣相望。略有二義。一約用。由相待故。有有力無力義。是故得相收及相入也。二約體。由相作故。有有體無體義。是故得相即及相入是也。此經之中依斯義故。行位相收總有四說。一或始具終。如此門中。具一切行位。普賢德海者是也。二或終具始。並在十地位。後如下文十住十通等說。三或諸位齊收。並在十住等。一位中各收一切。悉至究竟。如下文十住十行等說。四或諸位皆泯。行德顯然。如離世間品說。二法界融攝門者。謂此諸位及所修行。皆不離普賢無盡法界。然此法界圓融無限。隨在一位即具一切。今在信門收無不盡。下諸位中皆具一切者。並準此釋。問下發心功德品亦說。初心具無邊德。與此何別。答此據行首信門所具。彼約行本菩提心具。問約法相收。是則可爾。約入修行。豈十千劫修信纔滿。即得如此無邊德海。答以法是圓融具德法故。若諸菩薩行此法行。是彼

所收。或無量劫或無定限。十千劫言非此所說。如下善財童子。及兜率天子等所行所得。並是其人不同。行布次第教中之所說也。又十千劫。乃是一經。環珞但言一劫二劫。此經縱有行布。亦皆圓融。亦有引此下文證成。此信乃是捨異生性。成就聖性。出無明地。生如來家。以有則獲灌頂而升位。等。非是信故。若爾初地豈得灌頂升位等耶。若云展轉進入佛地。何以不得始自於信展轉入耶。若許從信展轉入者。何以要判此乃捨凡入聖。下文自有十地之會。此中尙隔住行向等。判爲入地。乃孟浪之談。下發心品。亦判爲初地發心義。同此會。問下云。無量億劫勤修學。得是無上菩提智。斯則非一生也。亦非十千以爲無量。通斯難者應有二義。一此約行布展轉義故。二約圓融展促無礙義故。如上所辨故。善財見仙人執手一佛所。經無量劫故。修短難思。特由於此故。賢者菩薩云。信大乘者猶爲易。能信此法倍更難。以初心即具一切功德。故難信也。第二菩薩發意下。正明發心修行勝德。文分爲五。初五願發心行相。二信爲道元。下略示勝能。三若常信奉下。所具行位。四。或有利土下。無方大用。五一切如來下。喻況玄旨。然此五段。初一顯正發心。後四發心之德。第三亦兼修行。此及後二皆修行之德。今初發心行相中。初偈總標餘文別顯。喻菩薩地。明發心有五種相。一自性。二行相。三所緣。四功德。五最勝。今文五偈具

之。謂發意。即是正願爲發心自性也。希求菩提及下作有情義利。即行相也。菩提三寶有情皆其所緣。能攝一切菩提分法。爲其功德。不求五欲等。反顯菩薩所求最勝。言因緣者。謂親能發起求。大菩提曰。因。假之助發爲緣。因即自性住性內熏之力。緣即習所成性。又上二皆因善友及境外熏爲緣。喻伽云。由有四因四緣四力。菩薩發心。四因者。一。種性具足。二。賴佛菩薩善友攝受。三。多起悲心。四。長時猛利難行苦行。無所怯畏。四緣者。一。見聞佛神變威力。二。聞法微妙。三。見法欲滅。四。見生受惡業苦。四力者。一。自力。二。他力。三。因力。以宿習故。四。加行力。謂於現法親善聞法修善加行故。若具上因緣及初三力。當知不退。若因四力。心不堅固。今經即初及三也。又起信論智印經有七因緣如彼應知。下別顯中。以三因四緣攝上諸義。三因者。謂信悲智。四緣者。三寶衆生也。今文中。後半總以信智因緣三寶境。信謂於實德能深忍樂欲。心淨爲性。故云淨信。然實謂一切事理。德謂三寶淨德。能謂世出世善。有其力能。今法寶中已攝。初後亦三寶中。皆具此三。體實具德。大用救世故。大者智心求。大菩提。廣者悲心廣濟含識。翻彼二乘小隘心也。別中初半偈揀去偏僞。謂攝眷屬過。所不能染故。文中不求五事。求即過故。一若求人天五欲。此能長貪多是鬼因。二求王位長眠多地獄因。三求富饒長癡是畜生因。實通三塗各從多說。四求

自樂是二乘因。五求大名稱若勝負心。是修羅因。若我慢心是外道因。又以理求樂是人天因。爲王攝屬是魔羅因。有二乘心目之爲偏。有餘心者名之爲僞。後三偈半直顯真正別釋。因緣於中初偈悲因。下救嚴土供佛。亦爲調生故。滅苦是悲。利樂是慈。次一偈半大智上供。上二不二爲真正發心。後偈總結成信。兼信因行。其中對上四因四緣。可以意得。又上從不求五欲。下即顯信心之德故。環珞經云。修十信心。須具十德。今文並具但不次耳。一。遣苦能忍。即前反顯。二。正顯中。初二句即慈悲深厚。三。次句及莊嚴國土。即修習善根。謂利他善及淨土。因故。四。有三字。即供養諸佛。五。受持一句。志求勝法。六。證菩提。即求佛智慧。七。一句即深心平等。八。次二句即親近善友。九。次二句即心常柔和。謂至誠供養柔和善順於佛法。故。十。有一句即愛樂大乘。十德備矣。又此調伏一切衆生。盡無餘故。發菩提心等。又末後偈。初句即自性住佛性。以信心佛衆生無差別故。方是真法可謂深信。次句即引出佛性。後句即至得果性。又文有四弘。可以意得。又上云。深信解常清淨者。與理相應。方曰深心。若昔染今淨。淨則有始。始即必終。非常淨也。信煩惱即菩提。方爲常淨。由稱本性而發心故。本來是佛。更無所進如在虛空。退至何所。慨衆生之迷此。起同體大悲。悼昔不知誓期當證。有悲故

◎等二前◎ ◎經一◎ ◎或二惑◎ ◎苦十(即)◎ ◎四一◎ ◎有二必◎ ◎信二審◎

不爲無邊所寂。有智故不爲有邊所動。不動不寂直入中道。是謂真正發菩提心。第二信爲道元下。七頌略示勝能於初中。初句又總標。次五頌別釋。後一頌總結今初。初句又標道有二義。一果所謂菩提涅槃。二因謂三賢十聖。乘一直道。元亦二義。一本義。菩提本故。其猶滔滔之水。始於溫觸。二首義。元者善之長也。卽一因之初功德。二義通。因及果。母有二義。生長養育。下三句共釋。初句長養卽母二義。亦道元義。一切善法及第二句。卽因功德。第三句卽果功德。無上道者。卽大菩提。由信長善得此菩提。由信斷疑出愛成涅槃證。不信身心如來知見。豈能開示菩提涅槃。次信無垢濁下。別顯中有二十句。一句辨一勝能。一心淨爲性故。能翻不信濁。二信理普敬故翻憍慢。三十藏之內信卽是藏。七聖財中信爲第一。四信。方受取奉行。五信。財如夢故無所恃。六智論云。佛法大海信爲能入。七增福智因。八到二嚴果。九十五根五力各在初故。十一信本無惑方斷惑根。十二若向餘德不名淨信。十三信境本空故無所著。十四正信之人不生八難。十五非不正信。十六正信解脫。十七成不壞本。十八爲菩提根。十九增佛勝智。二十究竟見佛。謂信自己心自佛出現。信外諸佛諸佛現前故。下經云。一切諸佛從信心起。三是故下一偈。總結勝能。前法後喻。信樂者信三寶性。已於方便諸度求欲修行。信樂二字是菩薩正意。由此二故。於諸

行有能故名最勝。非佛不信故云難得。喻如意珠。略有五義。一勝義。法寶中王故。二希義。非佛輪王餘無有故。三淨義。能清不信濁故。四貴義。出位行寶等不可盡故。五蘊義。蘊衆德物無障礙故。第三若常信奉下五十頌半。廣明信中所具行位。然有二意。一行布。二圓融。古約圓融故名。信中所具於中三。初明所具行。次辨所具位。三結歎功德。今初八。頌半分二。先五頌明信三寶以成諸行。後三頌半。明信展轉以成諸行。前中初三頌信佛成行。初二句標章。持戒惡止也。修學處善行也。瑜伽云。既發心已。應於七處修學故名學處。謂一自利處。二利他處。三真實義處。四威力處。五成熟有情處。六成熱自佛法處。七無上正等菩提處。次一偈半雙顯二德。若不持戒。尚不能得。疥癩野干之身。況於菩提。戒止妄非則性淨。菩提開發。因果功德。皆依學處而生。故云地也。後一偈別明成供養行。謂財法供養故云大也。次一信法。後一偈信僧。文並可知。二有三頌半。成展轉行。展轉依前功歸於信。二若爲諸佛下。三十九頌明所具諸位。於中成後四位。卽爲四段。初三頌明十住位。有六句。初句發心住。次句治地修行二住。次句生貴住。次句方便具足住。次句正心住。後句增上是不退住。最勝心是後三住。準下釋之。二若得增上下。二頌半明十行位。波羅蜜是十行總名。摩訶衍是異二乘行。初二行收。如法供養。是順理行。次二行攝念佛

心不動。及常見佛並是定慧行。故屬後六行。釋相可知。三若常觀見下。三頌明十迴向位。通顯三種迴向。佛體常住是向菩提。法永不滅是向實際。餘向衆生。四若得堅固下。三十頌半明十地位。初半頌是初地。謂深法是所證真如。愛樂是極喜異名。二半頌是離垢地。以離犯戒有爲過故。三一頌離慢等。是三二地。以三地於禪不著故無慢。又以求法不懈亦名離慢。第四地得出世間道品。故云無放逸。然不捨攝生故云。兼利四有一頌明五地。謂離得出世而還處。生死故無厭。真俗互達難合能合。餘地不過故云勇健無能勝。此是難勝之名也。五有一頌明第六地。悲智不住般若現前。謂神通攝物是大悲行。知衆生行是十二緣生。是大智行。六二頌半明七地。謂初一明有中殊勝行。後一頌半明空中方便智。準釋可知。七若具最勝下。三頌明第八地。略辨六義。一道勝。謂無功用道。故云勇猛無上。二力勝。謂智力摧魔。三用勝。謂超四魔境。捨分段。故無蘊魔。無捨命。故無死魔。惑不現行。故超煩惱魔。覺佛十力。故超天魔。四位勝。不動地故云不退也。五行勝。謂得無生忍。六因勝。謂此位中當大授記位也。八二頌明第九地作大法師。略辨四義。一諸佛加持名佛現前。二解了諸佛深密之法。三諸佛憶念增其慧力。四佛德自嚴爲衆說法。九若以佛德下。十九頌明第十地位分五。初八頌三業殊勝德。初五。頌半身業。於

中前三頌明身體德殊勝。後二頌半明身業大用。次演說一頌半。語業勝說法益生。後二頌意業勝智先導故。二若以智慧為先。四頌明三業廣大功三輪攝生德。初一頌身業。次一語業。後二意業。三若知煩惱下。二頌辨得法結位。四若得十地下。三頌明三昧分大盡分受位分。並顯可知。五若蒙下。二頌明大用難測。亦是釋名分事也。謂以大法智雲含衆德水。能蔽如空龜重故。又若蒙下二頌。亦是進入佛地。第三菩薩勤修下。三頌結歎其德。初二法說。後一喻況。前中賢首云。初二句悲願內滿。謂菩薩勤修等者。結前若字下義。無不果者。結前則字下義。以若有彼則有此。非是前後鉤鎖相因。唯是本位信字。有此則有彼。同時具有而說有。前後是故信門具足一切行位之相。然行雖無量。皆以悲願為首。故就此結之。次二句。明此悲願益物不空。次一頌。結前所具行位。初句舉人標法。威神即信為能具之由。次句結能證智。眼證如如。永常故。次二句結所證道。十善舉二地行。等取餘地及餘位餘道。謂教證等勝寶皆現。後一頌喻況。唯喻後偈。初句及威力喻。前初句。信體堅固以喻金剛。並居智海之內。以信威力能生。所生衆寶即喻前第三句行位。第三句喻前法眼常全。第四或有利土下。二百三頌明無方大用。分彼能無邊大用者。由普賢德遍一切時處法界無限故。略辨十門三昧業。用一圓明海印三昧門。二華嚴妙行三昧門。

三因陀羅網三昧門。四手出廣供三昧門。五現諸法門三昧門。六四攝攝生三昧門。七俯同世間三昧門。八毛光照益三昧門。九主伴嚴隨三昧門。十寂用無涯三昧門。以無不。定心故皆云三昧。作用不同略辨十種。又初門依體起用。末後明用不異體。中間並顯妙用自在。又十三昧皆具。此三。今初六頌明海印三昧。文分為二。前五別明業用周遍。後一總結大用所依。前中三。初三佛事。次一三乘。後一類餘。總顯十法界之化也。前中初一總明現佛說法。次一體用自在。初句揀非二義。一念無分別。二動無功用。下三句顯正二義。謂無念之念。一念遍於十方。無功之功。多門攝於群品。月喻四義準法可知。後一結用所依。海印之義。昔雖略解未盡其源。今以十義釋之。以表無盡之用。下經云。如淨水中。四兵像。乃至莫不皆於水中現。又云。海有希奇殊特法。能為一切平等印。衆生寶物及川流。普悉包容無所拒。故大集十四云。如閻浮提一切衆生身。及餘外色。如是等色海中皆有印像。以是故名大海為印。菩薩亦爾。得大海印三昧。已能分別見一切衆生心行。於一切法門皆得慧明。是為菩薩得海印三昧。見一切衆生心行所趣。然此經文多同出現。但出現現於四天下像。又約佛菩提。大集唯閻浮淨菩薩所得。然皆見心所趣等了。根器也。此文所現形類應根器也。二文互舉皆是所現。菩薩定心以為能現。言十義者。一無心能現。

義經云。無有功用無分別故。二現無所現。義經云。如光影故。出現品云。普現一切衆生心念根性欲樂。而無所現故。三能現與所現非一義。四非異義。經云。大海能現能所異故非一。水外求像不可得故非異。顯此定心與所現法。即性之相能所宛然。即相之性物我無二。五無去來義。水不上取物不下就。而能顯現。三昧之心亦爾。現萬法於自心。彼亦不來。羅身雲於法界。未曾暫去。上之五義與鏡喻大同。六廣大義。經云。遍十方故。普悉包容無所拒。故明三昧心周于法界。則衆生色心皆定心中物。用周法界亦不離此心。七普現義。經云。一切皆能現故。出現云。菩提普印諸心行故。此與廣大異者。此約所現不揀巨細彼約能現其量普周。又此約所現無類不現。彼約能現無行不修。八頓現義。經云。一念現故。謂無前後如印頓成。九常現義。非如明鏡有現不現時。十非現現義。非如明鏡對至方現。經云。現於四天下像故。四兵羅空對而可現。四天之像不對而現。故云非現現也。以不待對是故常現該三際也。具上十義故稱海印。諸佛窮究菩薩相似。問仁王三寶。都無八相之文。初地方云。方生百三千一時成。正覺此之八相豈在信門。答即上所引大集亦云。灌頂住菩薩得佛神力。若菩薩成就如是等法。能於無佛世界示現八相。乃至廣說彼說住終。若占察經漸次作佛。略有四種何等為四。一者信滿法故作佛。所謂依

種性地。決定信諸法不生不滅清淨平等。無可願求故。二解滿作佛。三證滿作佛。謂淨心地。四一切功德行滿作佛。依究竟菩薩地。起信依此說信成就發心。能八相作佛。文據昭然。況圓融門中不依位次。寄終教說信滿即能。因果無礙。以因門取常是菩薩以果門取即恒是佛。或雙存俱泯自在難思。又此化現非唯一位。依一類界而能具攝。一切地位遍於時處。故云念念遍十方也。第二嚴淨下。華嚴好行三昧。文有十句。略辨七行。前六句各一行。七八是十度行。九結上自在。十總結所依。萬行如華嚴法身故。餘如別說第三一微塵中下。四頌明因陀羅網三昧門。於中初二句。標定心境。然有二意。一由一多相即放入一定。能成多定。由成多定。令一塵內有一切塵。一一塵中現一切刹。二但令一塵現刹一切亦爾。故云成就一切微塵定。次二句明不壞相而普現。故云不增。次二頌明一塵中所現刹相無礙如焰重現如帝網。次半頌舉一例。餘亦有二意。一例上一塵之內所具之塵。二例如一塵入一定示現。餘塵入一定示現亦然。後二句結用所因。略辨三門。一三昧力。此同標中。二不思議解脫力。如不思議品云。於一塵中現三世佛刹等三神通力。謂幻通自在並如下說。第四若欲下十八頌。明手出廣供三昧門。初一總標。後一通結。中間別顯。欲顯勝妙略舉一手。為供所依。由於昔時以手持供。佛施人。稱周法界。故令真流供具等。

諸佛之難思。第五菩薩住下。八頌明現諸法門三昧門分。四。初一總標多門。二有五頌。別顯二十種門供等。即門通入佛果故。三一頌半結。多所因。由四悉檀故。初半對治。次半世界。隨行差別即當為人。而成就言。謂第一義。四半頌結用難測。第六有妙下。十頌明四攝攝生三昧門。文分為二。初一偈總標名用。餘頌別顯。於中分四。初四頌布施攝。初一偈半。求受用者悉其所須。次半偈。求自在者施以王位。又此施位即難行施。以是可愛著故。次偈身行法施。後偈妙色悅心。是無畏施。又後二偈。初身行法儀後服世妙飾。貴悅物心。隨求即與。次二頌愛語攝。一切愛語。謂慰喻慶悅勝益之言。言種種梵音者。即八種梵音。一最好聲。其音清雅。如迦陵鳥。二易了聲。言辭辯了。三和調。四柔軟。五不誤。六不女。七尊慧。八深遠。言俱相離者。亦云都吒迦。此云衆音合和。微妙最勝皆愛語之具。隨心說法應在後偈。隨世所宜應在前偈。以瑜伽一切愛語略有二種。一隨世儀軌語。二順正法教語。今開示佛說八萬法門。即順正教也。三有二頌明同事攝。物見菩薩俯同其事。知有義利而修行故。於中初頌一切同事。八風等事皆悉同故。後偈。謂行同事。忍於諸苦而同事故。四有八頌明利行攝。謂說趣義利之行。以益有情。於中初二偈。一切利行。此有三種。一於現法利勸導利行。謂令以德業招守財位。以益近故。經文略無二。於後法利行。謂

勸捨財位清淨出家。即當初偈。三於現法後法利行。謂勸離欲即後偈也。又初一偈。即難行利行。此自有三。一不識出離。即外道異執。二不求解脫。即未種善因。三現捨國財。誘耽財位。於此利行。是謂難行。次一句。即攝二利行。一即十種清淨利行也。二令離十惡。即此世他世樂利行。次三句。即善士利行。慈心勸導等故。次二偈。即尋求利行。謂衆生為八纏所繞。解令離故名。尋求。初偈。即化無愧。以特壽長。不知進修。不知此身但姪欲生。終竟敗壞。具諸煩惱故。後偈。解無慚。衆生餘略不具。次二偈。即一切利行。初偈。即應攝受者而攝受之。後偈。即應調伏者而調伏等。後一偈。即一切利行。謂不信令信故。亦總結諸利行也。瑜伽廣說利行居先略明同事居後。此則先略明同事者。以利行中若以行勸修。與愛語相近。若自示行即同事相近。同事即是利行。利行未必同事。此二相近廣略互彰耳。又次下三昧。亦同事故。第七雅思下。十七頌俯同世間三昧門。於中三。初六身同世間利益衆生。若依若正無不示為。次六示同外道救彼邪黨。初五別辨。後一總結。義如別說。三衆生迷惑下。五頌明語業大用。初一總明。次三別顯。後一總結。別中云。或邊見語者。梵云達邏鼻茶曼達邏鉢底轉。言達邏鼻茶者。是南印度中邊國名也。此云消融。曼達邏者。呪也。鉢底轉者。句也。謂其國人稟性純質。凡所出言皆成神呪。若隣國侵害不

用兵仗。但以言破之。彼自喪滅。故曰消融。呪句也。或云。唯童男童女方得言成。呪句。餘不得也。又天密語等者。婆沙七十九說。世尊有時為四天王。以聖語說四諦。二王領解。二不能解。世尊憐愍。故以南印度邊國俗語說四諦。二天王中一解一不解。世尊憐愍。故復以一種殘戾車語。說四聖諦。時四天王皆得領解。善破於他者。以因明比量等。真能破故。非外所動者。真能立故。不為他破。後一偈類結。非唯說四諦。六度萬行等皆然。一心說。法得語實性。能起隨類之用。名三昧力。已下第五經第八有勝三昧下。八十九頌半。明毛光照益三昧門。智契解脫之門。慈惠身語意業。故得身同。法界大用無涯。毛光觸物為益。萬品遍於時處。緣者會之。是謂菩薩圓建立衆生也。文分為五。初一頌標門總辨。二所放光明下別明。一毛光明業用。三如一毛下。類顯一切毛光業用。四如其本行下。釋成分齊。五若有聞下。聞信光益今初。就所益說。故名安樂。就第二段中。二初略辨四十四門光用。後如是等下。結略顯廣。就四十四光中。皆有四義。一標光名。二辨光用。三出光因。四結光果。類例相從。分為十段。五對初有二光。顯示三寶。二有四光。令發大心。上二即三寶四弘對。三有二光。總圓福智。四有二光。入理持法。上即二般二持對。五有六光。六度行圓。六有七光。四等救攝。即六度四等對。七有一光。總彰三學。八有八光。雜彰萬行供養為先。

為三學萬行對。九有六光。令六根內淨動與理會。十有六光。明六塵外淨觸境皆道。即根清境淨對。今初二光中。前一顯現。於中初句標名。以近初標。但云所放。不言又放。次三句辨用。後偈辨因中。示三寶令其正歸。示正道令其正向上通。一體及別相三寶。亦示佛塔。令其正信。義兼住持。後一光照耀用有七句。一偈辨因並顯可知。第二四光。令發大心中。即四弘願也。初一令衆生無邊誓願度。因中與有為而毀有為。二一光令煩惱無邊誓願斷。因中與有為而讚禪定。上二皆事理兼修。三上欣佛果。四愛樂三寶窮盡法門。因中四弘之終故。總結云。及示發心功德行。第三有二光總圓福智。智因中分別法相。決了真理。無虧理事。不減佛法。故得一念悉解。多門第四二光入理持法。初一慧入。二空即義持也。後一具四總持於法自在。第五六度光中。戒因中。云發大心者。謂若發一乘心。則破淨戒。大心導善。不在入天。勤策萬行。慧為上首。各加一偈。餘可思之。第六有七光。四等救攝中。初一慈光與佛慧真樂見。無量佛。此有二義。一見事佛。真樂因故。二見心佛。一心華有覺性故。次三悲光拔苦。初一厄難苦。次一疾病苦。後一死苦。令見佛者。一捨命不恐。二惡道不畏。又要臨終勸者。智論二十八云。臨終少時。能勝終身行力。以猛利故。如火如毒。依西域法。有欲捨命者。令面向西於前安一立像。亦面向西。以

旛頭。挂像。手指令病人手捉旛脚。口稱佛名。作隨佛往生淨土之意。兼與燒香鳴磬。助稱佛名。若能行此。非直亡者得生。佛前。抑亦終成。見佛光也。若神游大方。去留無礙者。置之言外。不爾勉旃斯行。次二光令生法喜。初則欣法聽說。法喜已充。終則觸境無非。佛法成喜之極。後一令成大捨。捨除放逸。衆惑之根。第七一光總彰萬行。三學攝盡。故曰普聞。第八八光難明。諸行供養為先。前五供敬由。後三施悲田。第九六光內淨六根。第十六光外清六境。文並可知。戈者平頭戟也。鑿者小矛也。第二如是等比下。結略顯廣。一毛之用光。有塵沙。第三如一毛下。類顯一切毛光業用。及結用所依。謂三昧力。第四如其下。釋成分齊。如是等光。今何不見。謂有緣者見如目覩光。無緣不覺。盲瞽常聞。於中分二。初偈總明。如其本行。隨前往往因。所得光者。標前果用。若有宿緣及會同行者。則隨其所見。如是差別。後六偈別顯。於中初二法說。後四喻說。前中初偈宿緣。宿有四緣。一昔同業。二愛其行。三能隨喜。四但見所作。後偈現因。不必有緣。但功行內著。光明爰燭。有三種因。一修廣福。二供多佛。三求佛果。即福智二般也。上之七類皆蒙光照。二喻說中。雙明見與不見。二喻皆有法合。初日出喻。喻光為益。因合中謂法日常明。有智慧者心不住法。如人有目。則能得見。有三類人。則不能見。一者凡愚。二邪信外道。三劣解二乘。皆無因

緣如入無目。後寶嚴喻。喻光正益。明法寶常存。由福無福。有處不處。第五若有下。一顯明。聞信。光益。謂信仰解了。不生疑惑。則成佛果。不以不見疑菩薩之無光。不以極苦莫救。謂光明之無益。亦不高推。果用謂菩薩不能。故云。永斷諸疑。第九有勝三昧下。六頌。主伴嚴麗三昧門。亦是出現三昧文分三別。初一標門顯意。次四明一方業用。於中前三法說。後一喻合。既言量等三千。則不壞次第。劣於十地及等覺也。三一頌類顯十方。第十有勝三昧。名方網下。三十四頌半。明寂用無涯三昧門。約處名為方網。約相是謂寂用。亦總顯上來動寂無二。故文分為三。初一標名總辨。十方交絡出入縱橫。故名爲網。二或於下。三十二頌半正顯業用。三是名下一頌。總結難思。就業用中分三。初二頌。於十方處交絡出入。明於器世間自在。二有五頌。十方佛所出入。無礙。明於智正覺世間自在。三於眼根下。二十五頌半。通顯於三世間自在。菩薩於三世間自在。略有二義。一以自身作三世間。故得自在。二菩薩於三世間處。示現自在。今此三段。初二約後義。後一通二義。文或綺互理實皆具。初二世間略有四重無礙。一約處。謂東處即是西處。是故菩薩常在東恒在西也。二約佛。謂東佛即西佛。是故在東佛恒在西佛。三約菩薩身不分。謂在東之身即是西身。四約定。謂入定即是出定。所以爾者。略顯二因。一以所觀之法。事隨理

融相即在故。二能觀之心。亦寂用無礙故。然此文中。爲顯菩薩秘密隱顯自在德故。但說後二若辨前二。則似菩薩無力。三於眼下。通顯於三世間自在。文分爲四。一明根境相對以辨自在。二童子下。明於他身自在。三鬼神下。明微細自在。四一切塵下。器界事中以辨自在。今初。十二頌六對。一一對中。有十義五對無礙之相。欲辨無礙。先須明識定慧。此中云。三昧起者觀也。入正受者定也。定慧雖多不出二種。一事二理。制之一處。無事不辦。事定門也。能觀心性。契理不動。理定門也。明達法相。事觀也。善了無生。理觀也。諸經論中或單說事定。或但明理定。二觀亦然。或敵體事理止觀相對。或以事觀對於理定。如起信論。止一切相乃至心不可得爲止。而觀因緣生滅爲觀。或以理觀對於事定。下經云。一心不動入諸禪。了境無生名般若。是也。或俱通二。如下云。禪定持心常一緣。智慧了境同三昧是也。或二俱泯非定非散。或即觀之定但名爲定。如觀心性名上定是也。或即定之觀但名爲觀。如以無分別智觀名般若。是也。或說雙運。謂即寂之照是也。所以局見之者。隨隨一文互相非撥。偏修之者。隨入一門。皆有剋證。然非圓暢。今此經文巧顯無礙。言五對者。第一對根境無礙。謂觀根入定。應從根出。而從境出者。爲顯根境唯是一心。緣起無二。理性融通。是故根入境出耳。境入根出亦然。第二對理事二定無

礙。謂分別事相應入事定。而入理定。欲觀性空。應入理定。而入事定。以契即事之理而不動故。入理即是入事。制心即理之事而一緣故。入事即是入理。而經文但云。入正定。不言理事。及乎出觀境中。即云分別色相。斯事觀也。根中即云。性空寂者。理觀也。亦合將根事對於境理。以辨無礙。第三對事理二觀無礙。謂欲分別事相。應從事觀起。而反從理觀起者。以所觀之境既真俗雙融。法界不二故。分別事智即是無生之智。二觀唯是一心故。亦應將境事理對根事理。以辨無礙。第四對出入無礙。以起定即是入定。故起定而心不亂。若以事理相望。應成四句。謂事入事起。事入理起等。若以根境相望。又成四句。謂根事入境。事起等。一一思之。皆有所由。第五對二利體用無礙。謂於眼根起定。心不亂是體也。自利也。而不礙現於廣境是用也。人天不能知利他也。良以體用無二故。自利即是利他。此上十義。同爲一聚。法界緣起相即自在。菩薩善達作用無礙。思之思之。又經且約根境相對。亦應境境相對。謂色塵入正受。聲香三昧起等。此如下童子身中入正定等。中明復應根根相對。謂眼根入正受。耳根三昧起等。一塵入正受。多根三昧起等。並略故不說。上來無礙深妙難思。始學之流。如何趣入。今當總結。但能知事理無礙根境一如。念虛不生。自當趣入。又向云。色性難思等。即色等總持。是色陀羅尼自在佛等。亦應云。分別

眼性難思。有眼陀羅尼自在佛等。又眼中云。性空寂滅。即眼之度門。眼等本淨。亦應云。色等度門。色等本淨。不唯取相。為染無心。為淨而已也。又以智論三觀束之。分別色相等。是假名觀也。性空寂滅是空觀也。此二不二。性難思。中道觀也。三無前後。皆是一心。對此三觀。應辨三止。謂方便隨緣止。體真止。離二邊分別止。既止觀雙運。亦名一心三。生也。即一而三。即三而一。雙照三。一雙遮三。二一。是無礙也。一一釋文準思。可見此是菩薩圓融功德。而自莊嚴。觸目對境。常所行用。希心玄趣。幸願留神。二童子下六頌半。於他身得自在。此有三義。一如前眼根入等。但約見境為出入耳。二菩薩化現彼身。作此轉變。速疾也。三菩薩以衆生身作自身。如下十身相作等。是故於彼身入此身出。而彼不覺知。唯應度者知得度也。三鬼神下二頌半。微細自在。謂毛孔約正報。即佛及衆生。毛頭約空處。微塵是色相多約器界。並身在中入定出定。為顯三昧純熟。隱顯自在。故亦通觀彼入出定等。即於境無礙也。若唯約身在彼下十定中。亦云無生法中入起。安有處耶。四一切塵下四頌半。器界事中周偏入出。然菩薩身普遍略有四位。一普遍一切十方利海。二遍彼刹內樹等物中。三遍一切塵毛等中。皆周遍非分遍。是故皆全身顯現。四以是法界身故。不異不分恒在此常在彼。無有前後。第三是名下一頌總結。初句以德命人。次句依人顯德。後半

明說不盡。近結第十定用無盡。遠結前十大用無盡。以是無盡之法門。故第五一切下。喻況玄旨分。亦名舉劣顯勝分。以上所說普賢行德。窮于佛境。蓋是信滿之位。既越常規。乖於視聽。滯情封敎。取信無由。故舉斯近事。以鏡玄趣。令開悟也。七十九頌分為三段。初二總標喻意。二十七十六頌別顯喻相。三一頌結說顯德。今初先一偈半。明非喻能喻。後半偈借喻通玄。今初舉四難思。意在菩薩神力。喻伽決擇分有六種不可思議。謂一者我。二有情。三世間。四有情業果。五諸修靜慮者靜慮境界。六諸佛世尊諸佛境界。今衆生含其前三。加龍變化。所以有四。菩薩神力。即靜慮者境界。舊經梵本。皆云禪定力用故。然衆生業報四因難思。謂處所差別。故事差別。因差別。異熟果差別。故諸龍變化不起。心念。六天四洲雲雨不同等。故難思也。佛自在者有五難思。謂真如甚深故。自在轉故。無漏界證得故。無障礙故。成立有情所作事故。菩薩神力由三種相。除佛後二。以今經文分同佛五。以皆超言念故。無可同喻。後半中然取分喻。以小喻大。令聞喻者忘象領意。故。以智者。二聲聞下別辨中。略顯二十種大喻。以況菩薩之德。初有三頌半。明聲聞現通喻。況菩薩自在益生德。先明喻末偈舉劣顯勝。不為衆生無大悲也。不求菩提無大智也。大饒益者具悲智也。二有三偈日月現影喻。況菩薩普應群機德。三有二頌水現四兵喻。

喻。菩薩海印現像德。四有二頌善音巧辨喻。喻菩薩總持巧說德。五二頌女授辯才喻。喻授法益生德。六譬如幻師下。二頌幻師巧術喻。喻不思議解脫德。七二頌修羅隱形喻。喻勝通隱顯德。八五頌象王隨變喻。喻定用自在德。九二頌修羅大身喻。喻法界身雲德。同於上文主伴嚴麗。十有四頌帝釋被怨喻。喻降伏衆魔德。十一初利天下六頌。天鼓說法喻。況菩薩以無功用現身說法德。十二有三頌。天鼓安慰喻。況菩薩慈音除惱德。十三有三頌。天王普應喻。喻普應悅機德。十四有二頌。魔繫愚夫喻。喻攝生同行德。十五有二頌。梵王殊現喻。況菩薩解脫自在德。十六魔障下二頌。自在數滴喻。況菩薩一念普知德。十七三頌大風成事喻。喻大願宿成德。十八二頌衆聲悅意喻。喻四辯悅機德。十九二頌。大海包含喻。喻禪慧普修德。二十大海龍下。二十四頌半。龍王遊戲喻。喻菩薩遊戲神變德。文分為二。初二十二頌半。明龍王大用不同。後半二頌正明舉劣顯勝。前中初半偈總標。餘頌別顯。於中四。初四偈半雲色不同。喻菩薩身雲各異。次有四頌電光差別。喻菩薩光明等殊。第三偈云寶藏色者。梵云室利揭婆。此云勝藏。勝藏即寶名也。閻浮提中帝青色者。梵云天帝火焰摩尼色。亦珠寶名也。三有三頌半雷聲不等。喻菩薩三昧多種。四有十頌所雨不一。喻菩薩說法多門。言曼陀羅者。此云悅意。澤香即塗香也。鷄羅多摩者。鷄羅此云。

●以二有● ●生二止● ●子二於● ●有(一)● ●德十(王)●

華嚴多摩此云天上華。謂此香是天華。藥所作故也。婆利師迦者。此云雨時生華。末利香即華名。其色猶黃金。第一如是無量下。二頌正舉劣顯勝。謂婆竭羅龍。於六欲天等總十五處。現斯作用。而身不動搖。心無分別。但由業報之力。現斯自在。菩薩亦爾。住無功用。不動不思。於十方界。應現多種。亦以菩薩功德之力。隨機見殊。此就喻意顯勝可知。第三被諸下。一頌結說難思。前半非喻能喻。後半結上略說。引諸喻者。略有二意。一顯菩薩自在不同。二貴令衆生起信。且江南之人。不信千人懸帳。河北之者。多疑萬斛之舟。皆耳目不暨故耳。所以或舉目擊或據具縛之人。自在若斯。菩薩之用固當無惑。今猶疑者。豈不傷哉。大文第三第一智慧下。九頌校量勤持分。此廣大用人皆有分。見而不習。誠爲自欺。故中人可勸而進也。於中分二。初一頌結前所說略就六慧結之。第一者上無加故。二廣大者。語其分量超二乘故。三真實者。明其體性內證無虛故。四無邊者有二義。一量智普知故。二離種種二邊故。即中道慧也。五勝者。超地位故。六殊勝者。同普賢故。二此法下八頌。明信受難得。於中初一總顯餘七別明。前中希有者。佛出懸遠已難可遇。唯初成頓說故希有也。奇謂初能具後。特謂超出諸乘。此句讚也。下文勸耳。開謂遇經。忍可謂信因。信則心淨。受謂領文領義。讚乃通言通筆。說唯約言。上皆所作總說皆難。後

別明中三。初二偈半明難信。次半偈況出餘行。後四偈舉事校量。前中初一偈明入天之器。信爲甚難。若爾今或能信何耶。由二力故。一現修淨福稱所求故。二昔因聞熏。今發種故。今不信者。願少聽聞。爲毒塗鼓。終成堅種。後一偈半舉三乘之信。展轉難得。況於一乘。明文昭然。權實有據。第二半偈。況出餘行。中信忍尚難。況其餘行。難中之難也。真實解者。亦有說行而不信。圓融之旨。非真實解也。願諸學者。善擇知見。第三四頌舉事校量。初三校量難信。初二舉二難。以況信難。後一舉福勝以彰信勝。後一校量餘行之難。唯明誦持。餘略不說。後過於前。巧辯深勝。大段第三時賢首下。顯實證成分。於中有四。一動世界大機發故。二蔽魔宮唯佛境故。三息惡道利樂深故。四佛現證契佛心故。於中摩頂讚善隨喜。即三業皆證。勸物信行第二會竟。

大方廣佛華嚴經疏卷第十六

大方廣佛華嚴經疏卷第十七

唐清凉山大華嚴寺沙門澄觀撰

升須彌山頂品第十三 已下第六經

初來意者。先辨會來。前信此解。義次第故。又答十住問總有二段。前信是住之方便。此明正位故次來也。二品來。前品說信究

竟。此品趣後說住。故次來也。二釋名。亦先辨會名。約處名。初利天會。約人名。法慧菩薩會。約法名。十住會。皆依主釋。二品名。須彌正云。蘇迷盧。此云妙高。如來以自在力。不起覺樹。應機現彼。故云升也。表位漸增不處人間。顯位清淨。故居天也。若天表淨何獨妙高。妙有十義。如於法故。一者體妙。謂四寶所成。二者相妙。謂八方四級。三者色妙。謂四正色。北金東銀南吠瑠璃西頗胝迦。一切草木鳥獸等物。隨所至處。則同其色。自常不變。四者德妙。謂八方猛風不能令動。五眷屬妙。謂七金山七重圍繞。及七香海印旋流。六依持妙。唯天依住。得通者居七作業妙。不離本處。而鎮四洲。映蔽日月而成晝夜。八生果妙。謂波利質多能益天衆。九爲首妙。於四洲地。最在先成。十堅固妙。於輪圍中。最在後壞。高者高八萬四千由旬。入水亦爾。下據金剛上隣空界。頂上縱廣量亦如之。獨出九山。故稱高也。十住之行亦復如是。聞思修解而爲妙體。四德八聖以爲妙相。四辯爲色。令物解同。雖同衆音。自智不變。八法不動而爲妙德。七支奉戒金山圍繞。七識流轉而爲海印。第一義天依持而住。可以神會。非情能升。不離本處。遍應十方。映蔽佛口及菩薩月。而成涅槃。生死晝夜。生教行果。而爲妙樹。世界初成。菩薩先出。爲衆生現種種寶具。世界將壞。菩薩後沒。爲說上定。令免三災。高者具成八萬四千諸度法門。自在障外。爲衆生故。入

生死海。亦具八萬四千諸度法門。據金剛性勝義空。又智入佛慧。必窮其底。德超方便。迥出群峯。爲顯十住功德妙高。是故須升妙高山頂。四王處。半旁而非正。表住不退異信輕毛。故越彼天居妙高頂。善財童子於妙峯山頂見德雲者。亦表斯位彌顯有由。然上所釋皆圓教意。故下發心品云。應知此人即與三世諸佛同等。與三世佛功德平等。得如來一身無量身。幾發心時。即爲十方一切諸佛共所稱歎。不可同於方便教說。若約觀心妙高者。謂三昧須彌寂然不動。無思無心不收不攝。任性而定稱本心地。入佛智海湛然不遷。是妙法樂觸境自在。合本性淨。是四德寶而自莊嚴。斯則本覺如來。升法須彌之頂。三宗趣者。先約會以十住行德爲宗。攝位德果爲趣。二品以嚴處請佛赴感爲宗。根緣契合說法爲趣。四釋文者。此會六品分爲二分。初二品方便發起。後四品當會正說。前中初之一品唯是由致。偈讚一品義有兩兼。一是方便。謂前品化主赴機。後品助化讚佛。主伴圓備方演法故。二是所依。謂三天說法各有偈讚。欲顯三賢皆依佛智有差別故。離如來智無自體故。獨爲方便甚抑讚詞。行向二會同此科判。今初一品長分十段。一本會齊現。二不離齊升。三各見佛來。四各嚴殿座。五皆來請佛。六俱時入殿。七樂音並止。八各念苦因。九同讚如來。十殿皆廣博嚴淨也。言爾時者。即前二會時。主

伴齊遍演前二會之法也。今此明遍。即十重說處中第一重也。何須舉此。欲明前會不散成後會故。後必帶前。合成法界無礙會故。一一諸會無休息故。後後諸會皆同時故。若散前會即無後故。所以唯約覺樹會者。此爲本故。得佛處故。理實第二亦同。此遍若同時遍。何有九會前後。若有前後。何名同時。應云。即用之體同時頓遍。即體之用不壞前後。猶如印文第二爾時下。明不離覺樹各升釋天。問動靜相違去住懸隔。既云不離。何得言升。古有多釋。一云。本釋迦身不起。道樹別起。應化以升。天上二云。不起是報升天是化。一云。不起是法身升天是化用。並非文意。以此文中俱是毘盧遮那十身雲故。一云。以去即非去。故名不起。非去即去。是以升天。如不來相而來等。若爾但是升相離故。非是樹下別有不起之身。故不可也。有云。此佛神通同體業用。即住是去。去即是住。住是體遍去是用應。應是體應。雖升後而不離前。體是應體。雖不離前而升後。若爾何殊第三師。不起是法。又以住釋於不起。而言住是體遍。何得獨住。菩提樹耶。升天何得非體遍耶。菩提樹下寧非用耶。今顯正義。然佛得菩提智無不周體無不在。無依無住無去無來。然以自在即體之應。應隨體遍。緣感前後有住有升。閻浮有。感見在道樹。天宮有。感見升天上。非移覺樹之佛。而升天宮故云。不離覺樹而升釋殿。法慧偈云。佛子汝應觀如來自在

力。一切閻浮提皆言佛在中。此不離也。我等今見佛住於須彌頂。此而升也。文理有據。更以喻顯。譬猶朗月流影遍應。且澄江一月三舟共觀。一舟停住。二舟南北。南者見月千里隨南。北者見月千里隨北。停舟之者見月不移。是爲此月不離中流而往南北。設百千共觀八方各去。則百千月各隨其去。諸有識者。曉斯旨焉。古德釋此。略有十義。一約處相入門。以一處中有一切處故。是故此天宮等。本在樹下。故不須起。然是用彼故說升也。二亦約相入門。以一處入一切處故。樹遍天中。亦不須起。欲用天宮表法升進。故云升也。三由一切即一故。天在樹下。四由一切樹在天上。不起等準。前五約佛身。謂此樹下身。即滿法界遍一切處。則本來在彼不待起也。機熟令見故云升也。是故如來以法界身常在此。即是在彼。六約佛自在。不思議解脫。謂坐即是行住等。在此即在彼。皆非下位測量故也。七約緣起相由門。八約法性融通門。九約表示顯法門。十約成法界大會門。然此十解前五玄門。次四所以。後一總意。欲成十義相參而立。雖似雜亂不達經宗。並可用也。然此中相望有四對。法相即無礙。一此處彼處。二此身彼身。三若去若住。四若一若多。約處此處彼處相即無礙。應如十中前四。約身相即無礙。應如五六及前正顯。又十中後四通於身處。約處唯有此彼。約身更加去住。謂此身即是彼身。去身即是住身。若

身若處俱通一多。上來諸法同在一時。無前後也。一多相望應成四句。一不離。一切樹下一升。一不離。一切樹而升。一切天。三不離。一切樹而升。一切天。經云。十方世界悉如是故。四不離。一樹下而升。一天。經中欲顯一多相即。故舉初句。升釋天既爾升。餘天亦然。如後二會升。天既爾升。餘處亦然。復應樹樹相望而成二句。謂不離。一樹下常在。一切樹。不離。一切樹而常在。一樹復應以不起餘處。類不起樹下。展轉相望皆悉周遍。不壞前後自在難思。又既一處有一切處。亦有微細義。所用不同有隱顯義。若加前後時。有十世義。唯見說住。及於餘法有純雜義。後後帶於前前有帝網義。此天望餘成主伴義。十玄具矣。問帶前起後事理應齊。何故三賢獨有斯旨。答顯異義故。謂初二會相隣接故。不假帶前。此三人天隔越。故須連帶。又此三會同證賢位。六已入證不假帶前。第七即位中普賢居然不假第八顯彰五位體用已融。第九唯明證入體用一味故。並皆不假。第三時天帝下。明各見佛來。約佛則用從體起。約機境從心現。隣而未即故云遙見。第四即以下。各嚴殿座。表嚴根欲之殿。爲法器故。置師子座。表十住之法門故。文有十句。初總餘別。總云普光明藏者。此是解位智照。法空含衆德故。從信始入故有。置言別中初句約體。餘並顯嚴。皆云十千者。萬行因感故。言層級者。萬行熏成故。金

網防護慈悲帳蓋以育以覆。四攝綯綺以爲周垂。圓融行願交絡萬善。柔忍慚愧以覆法空第一義天。清淨梵行繞斯法體。一一智照故日光明於生死中。遺長夜闇。舉斯果德。令物行因。下行向中。約位漸增表法無異。第五爾時帝釋下。請佛居殿。於中三業崇敬以爲請儀。言善來者。應機來故。不來相而來故。帶法界會來故。三稱善者。喜之至故。舉三號者。略歎德故。願哀處者。希仗勝田生大福故。第六爾時下俱時入殿。謂根緣契合成益不虛。十方如是。通上六段入殿事訖。故一結通。下四段文殿中之事。第七爾時下樂音止息。謂攝散歸靜得定益故。第八即自下。各念昔因獲智益也。散緣既止勝德現前。寂然無思發宿住智。種善根者。即下十佛會入此殿。開法供養故。亦表見自心性。同昔佛故。第九迦葉下。同讚如來。然三世諸佛。皆於此處說十住法。獨讚十者。表說十住及無盡故。所以讚者義乃有四。一十佛會處則殿勝可居。二互舉一德例讚本師。三叙昔善根慶遇堪受。四昔佛同說表法常恒。文中先明此界後辨結通。今初十頌。各上半標名讚德。上句別下句通。下半以人結處。唯初一句諸佛不同。然佛別名多因德立。讚者取德以釋上名。初迦葉者此云飲光。若從姓立示生彼族。若就佛德。一者身光蔽餘光故。二者悲光飲蔽邪光故。拘那牟尼舊曰金仙。亦云金寂寂放無礙。金故明見。迦羅鳩駄者。具云

迦羅鳩駄村駄。此云所應斷。已斷如金已淨。如山不動。亦可見無礙者。是此佛德。如金山者是前佛德。毘舍浮者。亦云毘濕婆部。毘濕婆者。此云遍一切也。部者自在也。亦云遍勝無三垢。故無不自在而超勝也。三垢者現種及習。尸棄亦云式棄那。此云持髻。亦云有髻。無分別智最爲尊上。處心頂也。又警中明珠即無分別也。毘婆尸者此翻有四。謂淨觀。勝觀。勝見。遍見。如月圓。智滿是遍見也。魄盡惑亡是淨觀也。既圓且淨。是勝觀勝見也。弗沙亦云勃沙。此云增盛。明達勝義是增盛也。提舍亦云底沙。西域訓字底邏那。此云度也。沙是瞻沙。此云說也。謂說法度人。或但云說辯才無礙者即能說也。波頭摩者。此云赤蓮華。身心如蓮華淨無塵垢。然燈者。智論云。此佛從初現生。乃至成佛。舉身帶光如然燈故。身智光明普周稱大。然十中後七乃過去劫佛。如何賢劫曾入殿耶。古釋有二。一約時劫相即入故。二約其處有龜細故。龜隨劫壞細者常存。如法華天人見燒我土不毀。又梵王見淨身子見穢。今此天帝是大菩薩同梵王見。亦佛加故。二如此下結通十方第十爾時世尊下。殿皆廣博。即示如意相廣殿。同處以遣局情。亦表廓大慈悲等衆生界。又如來入殿。即覺智現前。忽然廣博則身心無際。十方已下結無盡。唯結後四前已結故。

須彌頂上偈讚品第十四

將演住門先陳體性。性即佛智先讚如來。故品來也。二釋名者。須彌約處讚稱佛德。依處有讚故立此名。亦頂上之讚揀餘處也。三宗趣者。以集衆放光偈讚爲宗。爲成。正說爲趣。又顯佛德爲宗。令知住體爲趣。第四釋文總爲三分。第一集衆分。第二放光分。第三偈讚分。今初文有十同。義兼三異。謂五六七。一集因同皆佛力故。亦同。會前時。二十方下主首同。三一各下眷屬數同。四從百佛下。來處是同。前十此百位已增故。五其名下。表法名同。慧即十解能見。法故。菩薩名異至。偈釋之。六所從來。上。世界名同同名。華者。位相創開無著感。果故。別即次第配於十住。一發心主。導世間故。二淨治心地。如蓮開故。三修行回淨故。四水生之貴故。五方便堅誓故。六正心無相如香氣。故。七不退意悅故。八阿盧那者。此云日出時。紅赤之相。童真明淨故。九那羅陀者。此云人持。以華香妙入皆佩故。王子佩持法王軌度故。十智遍如空故。亦可別明十住勝進十法。思之可知。七各於下。所事佛同。同名月者。表位中。佛果智明開恩。恩益清涼。應器周故。別名即十住。自分十法之果。一以十難得法。可謂殊特。二發十大心。不可窮盡。三觀於空等。不可傾動。四了知業行生死涅槃。如風不住。五饒益安樂一切衆生。如水普潤。六開十種法。心定不動故得解脫。七聞十不退可謂無上。八三業無失。如星明淨。隨意受生。燦然滿空。神足自在。

若依空運轉。九善知煩惱現起習氣。故得清淨。十觀察無數衆生根欲智慧心。餘不能知唯自明了。以此十因成茲十佛。上且隨要相屬以爲此釋。委明其相如十住文。八是諸已下申禮敬同。九隨所來下威儀住同。十如此下結十方同。又上十方從東次第。如名號品問。準此結通。即於十方盡空世界。皆有菩薩而來集會者。且如東方過百剎塵土。外亦有衆集。未知彼因陀羅華世界爲在何處。餘界亦爾。答如名號品。第二爾時下。如來放光分。文義有六。一時。二主。三處。四數。五相。六業處。謂兩足指足拒地得。住有力。成位不退而行有恒。數位過前加於千也。相表解顯故云妙色。普照十方顯佛衆會。一光照於一切則一切亦爾。重疊無礙不互見。爲一法界圓明大會。第三爾時法慧下。偈讚分中十菩薩說。即爲十段。初一是總餘九爲別。以法慧是說法主故。總叙此會本末事義。總顯佛德。餘九歎佛差別之德。總別共顯如來無礙之會。此十菩薩名亦表十住其所說法表位勝進。勝進有二。一趣後位。二趣佛果。今約佛果。今初東方法慧總了佛法故。勝進中云。欲令菩薩於佛法中。心轉增廣。文中觀佛現用。及與往修皆周遍故。十頌分三。初五叙因佛光見多盛事。初一叙此品放光。次一叙前品請讚。餘三重叙此品。次二勸觀佛力。更發勝心。即前品不起而升。後三舉因結果。初一舉因後二結果。由因中行願。

剎剎齊修。故果位身智遍應遍斷。第二南方一切慧者。了。一切法真實之性。淨心地故。頌意爲顯於諸衆生。增長大悲。以稱實而觀。救世者故。十頌分六。初二達理觀佛非見。佛次四了法眞性眞見佛。三有一偈迷性取法不見佛。四一偈。佛即同法爲眞佛。五一偈引已了法爲見佛。六一偈。推功有本了眞佛。初中前偈出其妄觀。假設長時以況暫見。後偈明其有損。由上。不依眞實。則取相乖眞。但見集網繫於苦獄。盲無慧眼。冥然不見佛之法身。然此遮取相故。假設長時無有多劫。全不了義。以見如來增智慧故。第二四偈了法眞性眞見佛。於中二前二眞觀後二眞止。前中初二句。空觀緣生無性故。次二句。假觀隨俗假名故。次二句中。觀由前生滅一切諸法即無性故。相體即是不生滅也。後二句觀益。諸法如即是佛。如。無生滅佛體本常。觀稱於如則佛常現。況三觀一心則佛之體用。無不現矣。後二眞止中。以觀觀法能所紛動。故須寂寂之。初句牒前法性。次句泯其能所。法性本空非觀之使空。故無所取。何有能見。次二句。心冥性佛故止絕思求。又上來空以遣有假以遣空。如則雙遣空假。形奪兩亡。若謂雙非還成戲論。故辨起心皆妄絕念方眞。念本自無斯絕亦滅。故中論云。如來寂滅相分。別有亦非。如是性空中思惟亦不可。用斯文也。後一顯觀益。心冥體性。惑何由生。亦含三止意也。又亦通結止觀。稱上而觀見。惑性空。

①會前二前會 ②如二妙 ③位一會 ④與二於

即同佛性。何能染哉。第三一偈。迷性中。上半取法次句。迷性末句。結過。第四一偈。佛即同法。如謂同空法。故離三世。同假法。故相具足。同雙遣。故無住無著。同如體。故遍不動搖。第五一偈。引己中。此親自證。希衆無惑。第六一偈。推功有本者。非師心也。亦謙己推人。異乎凡情。令法鉤鎖。殊途同致。下八準之。第三兩方勝慧。以解佛勝智。隨空心淨。故以爲名。顯意。爲顯欲令諸薩智慧明了。即大智了。如及佛性。故十頌分四。初一讚智爲迷悟本。次四正顯迷悟。次四喻前得失。後一推功有在。今初。由難思故。迷難則容有。思者故有悟。次四迷悟中。初二迷後二悟。迷中初一心外取境。生想違理。故不能見。無相之佛。後偈取蘊內相。不了蘊性。故不見心佛。亦是愚法小乘。故名無知者。後二迷中前明倒想。內外俱妄。今有了因。內外皆悟。初偈翻前外取。謂了一切法即心自性。性亦非性。情破理現。則見舍那。稱於法性。無內外也。後偈翻前內取。了蘊性相。則見自心之佛。與盧舍那。非一非異。故難思議。然此一偈文。舍多意。一但是蘊縛無有。我人則破前凡夫取我相也。二前後因依相續無性。則破凡小取法相也。此性即第一義空。第一義空即是佛性。又上性無所有正因性也。前解此了。皆了因性。此蘊相續即是正因。亦名生因。言正因者。是中道義。中道即是佛性。謂現在陰滅中陰陰生。是現在陰終不變。爲中陰五陰。故現陰非常如。

種生牙。種不至牙。雖不至牙而能生牙。此現在陰雖不至後。而能生後。則現陰非斷。而中陰五陰亦非自生。不從餘來。因現五陰生中陰陰。斯則後陰非無因。故後陰非常。既能續前。故後陰非斷。非斷非常。是中道義。正因性也。能生佛果。故曰生因。衆生佛性有二種因。一者正因。二者緣因。正因者。謂諸衆生是故五陰即正因也。緣因者。謂六波羅蜜。非蘊相生名緣因也。今以了因了彼正因。故曰於此性了知了。即般若亦緣因也。第三四偈。喻前得失者。前三喻失後一喻得。前中二。初二喻內取失。於中初一顯無緣了。不見正因。闇中實者正因性也。圓滿可貴。所以稱寶。居於無明五陰室內。如在闇中。燈喻緣了之因。下半法合。無人說者。關於緣因雖慧莫了。義含二意。一慧即正因。合上寶也。關於緣因故不能了。二佛法即寶。以闕緣因雖內有慧不成了。因不見真性。然則緣因即是了因。了因未必是於緣因。有親疎故。善友是於緣因而必是了。佛性名爲了因。未必是緣。此約智慧性故。若以第一義空爲佛性者。唯是正因。而非了因。但爲了因所了。而非生因所生。若以智慧爲佛性者。即是了因。若以五蘊爲佛性者。名爲正因。亦名生因。然復生必對了。正必對緣。今燈一喻。雙喻緣了。闇中之寶。雙喻正了。義意包含。具如涅槃二十六七所辨。又上燈喻既是正義。何以涅槃師子吼立。佛不許耶。故師子吼言。一切衆生

有佛性。性如乳中酪。以有性故。要須緣因。何以故。欲明見故。緣因者即是了因。譬如闇中先有諸物。爲欲見故。以燈照了。若本無者。燈何所照。故佛難言。若使乳中定有酪性。即是了因。若是了因復何須了。又善男子。一切衆生有佛性者。何須修習無量功德。若言修習是了因者。已同酪壞。結正義云。乳有酪者。以定得故。佛性亦爾。衆生有者。以當見故。然上諸義總有二意。一燈了於寶爲正義者。約因性。故師子吼立。佛不許者。約果性。故二者燈喻正者。約其體性。與有不異。佛不許者。約其現惑與無不殊。故知若言定有名爲執著。若言定無是則妄語。應言衆生佛性亦有亦無。然衆生智慧是佛性。因菩提涅槃是佛性果。然則佛性非因非果。今此經宗。宗於法性。故以法性而爲佛性。則非內非外。隨物迷悟。強說升沈。佛性要義不可不知。廣如別章。及涅槃師子吼品等說。後偈目有翳者。此喻了因與惑俱。故見不清淨。以不淨故。不見佛法。佛法即見佛性。故涅槃云。佛性二種。一者是色二者非色。色者諸佛菩薩。非色者一切衆生。色者名爲眼見。非色者名爲聞見。佛性者非內非外。雖非內外。然非失壞。故名衆生悉有佛性。二一偈。喻上外取之失。譬謂全無於目。如鼓皮故。則全不見佛。無垢障。爲明淨目。取相是識非智慧眼。故不見也。三一偈。喻前悟中。扶去取相之翳。捨於空華之像。絕見契。如則見。如佛。第四一偈。推

功有在準上可知。第四北方功德慧者。生在佛家善解佛德故。此顯意顯於三世中心得平等。了知自心窮法空故。十頌分四。初四明凡小妄覺。次四示其真覺。三有一偈佛覺雙圓。後一偈推功有本。今初分二。初一偈說凡迷緣起之無性。執著相而輪迴。後三頌通凡小。初一辨迷執隨言作解。可謂小智心外取法。為妄分別。餘二偈明過失。初二句曲徑趣寂迷一直道。次半有常等倒。長世間惡。有無常等長無明惡。次半不見二空。受二死苦。後半無實諦觀。何有法眼。三乘縱有亦不名諦。次四示其真覺中。初偈引己之損勸物成益。次偈教其真見。謂見佛無取即是見如。如即佛所知也。次偈教其了俗。上半躡前證真。下半方了俗。後偈拂前二見。以成真見。謂上半取真俗之見忘。方見真俗之正理。下半反釋。謂有真俗之可見。不能見真俗之真源。故智論云。若人見般若。是則為被縛。下半意也。若不見般若。是則得解脫。上半意也。若人見般若。是則為解脫。即第六七偈意也。若不見般若。是則為被縛。即第四偈意也。唯忘言者可究斯旨。第三一偈顯佛二覺雙圓。不可覺中而自覺。故是曰奇哉。知無衆生而能覺他。大導師也。第四可知。第五東北方精進慧。以勤觀真理。集無量善。俱無住故。顯意為顯欲令其心轉復精進。無所染著。文中由離分別如實見故。十頌分二。前九觀法後一推功。前中三。初三

所執無相觀於中。初一舉分別過。後二顯無相觀。一離所取。上半知於情有。下半知於理無。如迷木見鬼。知鬼是迷有。名如實知鬼。知鬼本無。舉體是木名為見木。二離能取。以所取空故。上半舉失。如若見鬼。即不見木。下半顯得離於鬼見。方為見木。次三明緣起無生觀。二遣所緣。然依他二義。一者幻有從分別生。即是上半。二者無性即是下半。二浪能緣。上半牒前生過。有無生見同世非實。下半見等無生名真見者。三辨觀益。後三明圓成無性觀。一牒前二無。謂能所分別皆不可得者。即圓成性淨故。二正顯真性。初句體有次句相無。此二融即故無能說。三觀成利益。及第二推功。文並可知。第六東南方善慧菩薩。成就般若。慧鑑不動。可謂善矣。此頌為顯欲令其心轉復增進。得不退轉無生法忍。文中離垢解脫無體性故。十頌分四。初二見佛。次三見法。次三觀成利益。後二推見有依。今初前偈讚所見。上半標讚。下半釋成。智離所知心脫煩惱。兼二利故。二障難除衆生難度。自強不息為希有勇健。後偈中。能見謂我如實見。如大菩薩見。次三見法中。約衆生說。初偈正顯。盡即有為諸行無常速起滅故。有為之性湛若虛空。便是無為體常遍故。次二偈拂迷入玄。上半拂前無為。謂既如虛空。何有無為之相。次四句拂前有為。謂既約自性論無盡。則不壞於盡。故曰難思。盡即無盡故無衆生也。後二句。觀成利

益見法身也。次三觀成中。初偈顯法空。由下半了。能所見緣成無性故。上半能所之見自亡。次二句顯我空。能所之法尚空。誰為能見之者。後二句顯實。但除上病不除真法。三空之體及所顯圓成。即真佛也。三一偈雙結。知佛法益。文顯可知。四有二偈推見有依者。謂佛說一道清淨。故能遣有。進慧演無量門。復能遣無。想滅理現。方知如來。乃住無有無之際也。又智論云。法性為實證實為際。凡夫有實未能證也。第七西南方智慧者。決斷不動所以名智。顯意為顯於一切法皆能出離。文中生死涅槃皆善離故。十頌分二。初一引己勸衆。餘偈希衆同己。於中亦二。前六示迷後三啓悟。前中亦二。初一人執。理實無人橫計成險。餘皆法執。於中初二執世法。後三雙執世出世。今初。初二句明執。謂計蘊為實。不能親身實相。餘皆明過。初二句執實乖理。不見佛。次二句無慧不見佛。後二句但益流轉。後三雙執中亦分為二。初二執法後一執佛。前中亦二。一立理二起執。初中上半假立。謂待前流轉生死。以立涅槃。煩惱名諍。觸動善品損。害自他。故名為諍。此有漏法諍隨增。故名為有諍。有彼諍故。故生死者有漏為體。無彼煩惱故稱涅槃。下半雙非。謂生死涅槃。俱因煩惱假立其名。何有真實。又二互相待故俱空。二互相奪故皆寂。後偈起執。上半執下半損。後一執佛中。亦上半執下半損。執有三義。一佛佛相望。二三身等相

望。三心佛相望。後三菩提中亦二。初二順理之得。後一舉佛釋成。前中亦二。半偈明順理而知餘顯順知之益。益中亦二。半偈標一偈釋。云何超言。若取知能知寂未免於言有所緣故。知自知知亦非無緣故。須能所平等不。失照故。無知之知不同。木石故云能見。後偈舉佛釋者。上云佛然。佛云何然。釋云。覺於三世離分別故。種習斯亡爲斷根也。又亦無心捨於分別。名爲斷根。第八西北方真慧菩薩。心不顛倒是真實慧。頌意爲顯欲令增進於一切法皆得善巧文。於法不顛倒如實覺了。是善巧義十頌分二。前二明依實立名。名能益。物後八顯名下之實。辨益所由。今初前顯明損益受苦聞名速解脫故。受樂不聞反沈淪故。後顯叙昔以成今說。後八中分三。初三覺妄證實。是覺察義。次一雙覺二諦。是覺照義。後四非覺而覺是妙覺義。今初也。初偈證實立名。初句揀似比量。無常計常。常計無常等。是顛倒法。名似比量。次句證其現量。如眼見故。次句揀似現量。顯其現量。謂男女天地等見。一合相。名似現量。一合相相不可得故。故名爲離非離所覺離合。亦無如外之智與如合也。下句結名。次偈例去來。後偈成現觀。次一覺照者。真諦名實無和合故。俗諦非實假和合故。互融無雜名究竟解。夫實見者。尚不見實何況非實。見非實者。知其即實。故中論云。一切法眞實一切法非實。亦實亦非實非實非實。

是名諸佛法。後四非覺而覺者。初偈正顯如智。相離名不可覺。寂無遺照故名了此要不可得方是真修。次二偈展轉釋成。初偈釋無一之義。上半相待而有通。向異體。下半緣生故空。則一多相盡矣。後偈上半釋前偈下半。無能所作故無所依。從業想生故是和合。下半釋成上半。云何知無能所。異業想外無我所故。後有一偈結成妙義。上半所住下半能住。由無住故無所不住。謂不住有以即空故。故能住有契有實故。亦不住無無即有故。不住俱有無。無二體故。不住雙非不壞二相故。能住例知。既以無住爲住。則心絕動搖。方契本覺湛然常住。第九下方無上慧。名如初頌。又從法王教生當紹佛位。故名無上。頌意爲顯欲令增進心無障礙。文云無著無念不住法故。十頌分三。初一釋已名義。次八顯佛勝德。後一推功結益。次八中分二。前六內證德。後二外化德。前中亦二。前偈正明證入。後五照境顯理。今初即菩提涅槃。以無所得得菩提故。處即涅槃。本覺自然。故非造作。悟亦冥符則智無分別。三細已盡六塵居然。又不可以識識故無龜者。不可以智知故無細者。又有能所證名之爲龜。無能所證目之爲細。皆言語道斷故並無之。菩提涅槃絕心行故。後五中。初偈正明照境。境即俗境有能所故。即俗而真故云無數。心同無爲故云遠離。是佛眞法雙結能所。後四遣相顯理。皆躡迹遺滯。初偈雙非顯中照

理滅障。菩提涅槃離有無故。次二偈釋前雙非。一偈半釋非照義。初句是總次句能照無著。故云無念。亦不染此無念。次句所照無著。以無處所爲所住故。次句不壞能所。次二句雙遣性相。次二句釋非無照。稱理照故。後偈拂前無二之迹。言無二者但言無有二。非謂有無二。若存無二之見則還成二。以無二必對二故遣之。又遣之以至於無遣。故云三界一切空。空謂第一義空。諸佛同見。後二外化德中。前偈正顯令住無住之覺。後偈釋成。身即非身故無可悟。悟身見起此見如身。身見兩亡眞法身也。觀身實相觀佛亦然。故就佛結。推功可知。第十上方堅固慧者。智力成就不可壞故。頌意爲顯欲令增長一切種智。文云得淨慧眼了佛境故。十頌分四。初偈總歎爲物與世。智光遍照大悲勇健。次四別示悲相。初偈觀機次二反以釋成。後一正明兼顯僧寶。次三頌半見聞利益。後一頌半結德無盡。此爲終極故總舉前十。

十住品第十五

●實見二見實● ●(位)一●

趣後。前會無勝進者。但足趣位。方便未成位故。迴向是位無進趣者。三賢位滿總爲趣地之方便。故亦顯趣無分別離趣相。故今初分三。初品辨位。次品辨行。後品明德。初亦名解文分七分。一三昧分。二加分。三起分。四本分。五說分。六證成分。七重領分。今初。何故入定。略辨六意。一此三昧是法體故。二非證不說故。三顯此法非思量境故。四觀機審法故。五爲受佛加故。六成軌儀故。餘如玄說。文有三別。一入定人。法慧入者是衆首故。餘入則亂不調伏故。顯十住法慧能說故。二入定依。謂承佛力推功化主表無慢故。三入定名。爲揀果定故。云菩薩。任性能知觀解善巧。故名方便。十住各攝多門善巧。故云無量。心詣於法。故云入也。又一切三昧皆有。三昧謂人住出。五識對境意從門出。遠境護根意識却入。此通權小。今卽照之寂故名爲入。卽寂之照故名爲出。入已未起故名爲住。餘三昧等並如前釋。二以三昧下加分。於中三。初總辨因緣。二明加所爲。三別顯加相。今初又三。一標加所因。二加緣顯現。三證說因緣。今初。謂以三昧力故。論云。所以偏加金剛藏者。得此定故。前由佛力能入。今由定力佛現。互爲增上力相。云何謂無作三昧。顯自覺智寂不失照。冥同佛心故。感佛現三業加也。二十方下加緣顯現。來處佛數皆云千者。望行猶劣故。多佛加者。顯於法及法師增敬心故。又顯諸佛同說故。加佛同名。法慧

者。得法不異故。論云。此菩薩聞同己名。增踊躍故。但諸佛於此住門中現。皆名法慧。以法力故。法應爾故。普現其前者。不來而至故。三告法慧下。證說因緣於中。一證有。加因能入定故。言汝能者。希越之辭。此定難得。汝今乃能入故。舉定名者。向來默入。衆未知名。故舉歎之。令衆仰故。二善男子。十方下。雙說加定因緣。於中先別顯四因。一伴佛神力。諸佛自說者。令衆敬仰。故。二主佛宿願。三主佛現威。四法慧善根。略無大衆機感。後入此三昧。令汝說法。二句結因所屬。謂由上四事前三爲緣。第四是因。因緣合故。入此三昧。故前四定因。令汝說法。卽是加因故。論云。何故加。爲說此法。故。故十行十向之中。皆云令汝入是三昧。而演說法故。又此令汝說法。亦是後文之總。然十地論。釋諸佛遮那皆由先願故。加則此四段俱是加因。以彼經中諸佛但云。加汝威神。遮那則云。本願力故。古人便將諸佛之加。爲得定因。下之三緣轉爲加因。便令得定無後三因。則又字何用。既結云。令汝入是三昧。何得後三不爲定因。非唯達經文理。亦乃乖論所釋。如實義者。此之四因通於二義。一由此四爲得定因。如上所辨。二由後三復是加因。諸佛卽以願力而爲加因。論主爲顯斯旨。故云。彼佛先作是願。今復自加。問加之與定何先後耶。若先定後加。則不應云。汝能入此三昧。此是十方諸佛共加於汝。乃至云。及汝善根力故。入

此三昧。若先加後定。則不應在三昧分後。方說加分。又十地論云。何故加。爲說此法。故。不言爲入三昧故。又云。唯加金剛藏不加餘者。以是菩薩得此定故。既俱文證如何會通。古人答云。加定同時。謂若未定而加。則散心不能勝受。若未加而定。則自力不堪入此深定。是故同時。此解亦達教理。現言入三昧竟。諸佛方現身稱讚得定。及說加所爲。竟方與三業之加。而云同時。豈不違文。若言同時。爲因不成。斯則達理。亦不應引俱有因證。以此二事容相離。故。若正釋者。加有二種。若約內外。善根威神願力冥資。令其得定。則在定前。若約與智。讚述摩頂勸說三業顯加。則居定後。二文昭著。何其惑哉。第二爲增長下。辨加所爲。且對加因名。加所爲。然加所爲正在說法。此十亦卽說法所爲。展轉相成。文分二別。初十句別明。後一結說。前中文含二意。望加所爲卽是別說。望於說法卽說法之意。謂加爲說法。說法爲何。爲增佛智等。然說法所爲卽加所爲。於十句中。初總餘別。總。謂說十住法。今信解諸菩薩修行。增長性習。二性生菩提智故。又此因智卽同佛智。亦得言增。增智何用。深入法界等故。九句五對。初二證眞了俗對。謂入無入相。故云深入。了相了性。故云善了。次二無障無礙對。由入法界離煩惱礙。由了衆生離所知障。次二圓因趣果對。謂巧安真俗無等。故因圓入薩婆若。故云果滿。次二識法知根對。後

一句雖非文對而是義對。謂內持諸法外說利他。所謂下總結所說。謂若說十住。則前所謂皆得成就。第三善男子下。正辨加相分三。先口加勸說以增辨。二意加冥被以益智。三身加摩頂以增威。今初可知。二是時下意加中。先加後釋。前中與十種智。初總謂四無礙解智。是說法所依。故餘皆樂說無礙。一無著者論名不著。辯才於所說法無住著故。即七辯中捷辯。須言即言故無著也。二無斷知即無斷辯。謂相續連環終無竭故。三無礙者即是迅辯。明於事理心無礙。言則迅疾如懸河故。四無異者即應辯也。應時應根無差異故。五無失者即無錯謬辯。凡說契理無差失故。六無量者即豐義味辯。名數事理皆無量故。七無勝者。即一切世間最上妙辯。此有五德。一甚深如雷。二清徹遠聞。三其聲哀雅如迦陵頻伽。四能令衆生入心敬愛。五其有聞者歡喜無厭。具斯五義故云無勝。上即七辯。八無懈者。通策前七無疲倦故。九無奪者。具前總別無能制伏令退屈故。後何以故下徵釋。先徵意云。諸佛有力能與有慈能普。何故十智唯與法慧下釋云。法慧得此三昧。法爾如是。是得諸佛加。三是時下身加。一令增威。二令起故。然三加同時隨義爲次。承前說便故先語加。爲令起定身最居後。準地論經有諸佛不離本處。則去住無礙。手又不延。則延促無礙。同時觸頂。一多無礙故。是奇特。要摩頂者。楞伽云。若有不爲。如來二

種神力之所建立。而能說法無有是處。一者身面言說神力。即前語加。二者灌頂神力。即智灌心頂。手摩身頂。頂受摩者上稟尊力故。右手者。法慧所說順理機故。諸佛隨順法慧說故。第三法慧菩薩下起分。略由四意。一三昧事訖故。二已得勝力故。三說時至故。四定無言說故。此四後復以釋前前大方廣佛華嚴經疏卷第十七

大方廣佛華嚴經疏卷第十八

唐清凉山大華嚴寺沙門澄觀撰

第四告諸下。本分文分爲三。初總顯體相。次標以許說。後別陳其名。今初。然十住體略有三種。一約所依。即前三昧。依此說於十住法故。論云三昧即法體故。二者約本。即下所辨。三剋性體。若約所緣。即真俗二境。若約能緣。即悲智二行。二境既融悲智不別。境智冥契同一法界也。今約本體。若直觀經文。則住處二字總示其體。廣大已下略顯其相。住三世佛家。結示住處。今依地論類例以解。則住處爲總。餘皆是別。總即示體。此云住處。十行名。行業。十向名。願。十地名。願善決定。皆當位證也。而得不同者何耶。然三賢十聖。皆以菩提心而爲其體。菩提心有二。一者直心。正念真如法故。二者深心。樂修一切諸善行故。三者大悲心。救護一切苦衆生故。所念真如。亦即本智本覺智

故。後二顯是恒沙性德。然此三心有二。必兼餘二。而三賢互有增微。十住直心增故。故名爲解。解爲行願本。故首而明之。十行深心增故名爲行。依於前解以起行。故十向大悲增故名爲願。迴前解行願諸衆生離苦得樂故。十地三心等證故名決定而大悲爲首故舉其願。是以論云願善決定者。如初地中發菩提心。即此本分中願。十信通信。此三等覺此三等佛。故知菩提心是諸位通依。今此住位名住處者。若從增勝。則以深般若住於真如。即復由此。而爲行願之所住處。若從通說。俱住上三菩提心家故。住處。梵本名爲俱羅。此云家也。家即家族。是以舊譯名爲種性。即四種性中習種性也。良以此家菩薩所居故。翻名住處。下文還就佛家以結。別中句乃有二。義乃有三。一廣大與法界等。是勝住處。然地經總句。是於決定不應學彼。此中廣大即是勝義。其法界言含於四義。一正念真如。同理法界深無際限。勝諸凡夫。亦勝二乘偏真理故。二普該菩薩無邊行相。大悲深心同。事法界無有邊量。勝二乘故。三者三心無礙。同無礙法界事理融故。四同圓融法界。一塵中無不具故。此與第三勝極菩薩。二虛空等者。是因住處。因有二種。一無常愛果因。是因如虛空。依是生色。不盡故。二常果因。今是地前故闕。此也。古德又云。一位中。如空包含無邊行海。又如空周遍非至。非不至。又如空無礙故。三住三世諸佛家。準論

此名。不怯弱住處。謂菩薩所住。即佛所住。故名。佛家。進住。佛家。是不怯弱。若直釋。經文。即結示也。謂向言住處。何所住耶。謂住。佛家。佛家。即是大菩提心。諸佛住。此生。菩薩。故真如悲願。究竟唯佛方能住故。言三世者。是讚勝也。二彼菩薩下。牒以許說可知。三諸佛子菩薩住有十種下。別陳其名。文有三。別。初標。數引證。二依。數列名。三總結。顯勝。今初。謂三世佛果無不由此。十住因成。如大王路法爾常規。故同說也。二何者下。依。數列名。初發心住者。瓔珞云。是上進分善根人。若一劫二劫。一恒二恒佛所。行十信心。信三寶。常住八萬四千般若波羅蜜。修一切行。一切法門。乃至始入空界。住空性位。故名爲住。依仁王起信。即十千劫來修信。滿入位不退。創起大心。發心即住名發心住。三種發心中。即信成就發心也。二治地者。謂常隨空心淨。八萬四千法門清淨潔白。故爲練治心地。使悲智增明。名治地住。三巧觀空有。增修正行故。四生佛法家。種姓尊貴故。五帶真隨俗習。無量善巧。化無住故。六成就般若。故開讚毀。真正其心。念不動。故七入於無生畢竟空性。心心常行。空無相願。止觀雙運。緣不能壞故。八心不生。倒不起。邪魔破善提心故。九從法王教。生解當紹佛位故。十從上九住觀。空得無生心。最爲上故。諸佛法水灌心頂故。然住十住得名有三。謂四八九十從喻爲名。第七離過受。稱餘約功德從其所喻。皆持衆釋。若

從能喻。或依土釋。三是名下。總結可知。若定位者。略有十義。一依唯識等五位之中。即當初位。言五位者。一資糧位。即是三寶。從初發心。積習福智。爲道資糧。爲衆生故。修解脫分善。二加行位。順解脫分。既圓滿。已爲入見道。復修加行。亦名順決擇分。三通達位。即是見道。謂初入地。二種見道。四修習位。始從初地第二住心。乃至金剛無間心位。名爲修道。五究竟位。金剛心後解脫道中。盡未來際。皆此位攝。二依攝論。第六說有四位。即當初位之初。言四位者。一勝解行位。始從十信終於地前。餘三見修究竟。同五中後三。三依瑜伽四十七說。十二住。當其第二之初。言十二者。一性住。謂彼菩薩性自仁賢。性自成。就菩薩功德。任持一切佛法種子。性離龜垢。不能現起上煩惱。纏。二勝解行住。謂從初發心。乃至未得清淨意樂。所有一切菩薩行。是三極喜住。四增上戒。五增上心。六七八三名。增上慧。分成三種。謂六覺分相應增上慧住。七諸諦相應增上慧住。八緣起流轉止息相應增上慧住。九無相有用住。十無相無功用住。十一無礙解住。十二最上菩薩住。十三最上如來住。前言十二住。就菩薩說。加後如來爲十三住。第二即是三賢。第三已去。如次十地。四亦依瑜伽及顯揚第七。於十三住。建立七地。二種性住。二勝解行地。三淨勝意樂地。即前三住。四行正行地。謂從第四乃至第九住。五決定地。即第十住。六決定行地。即第十

一住。七以後二住。爲到究竟地。前六唯菩薩。第七菩薩如來。難立爲地。五依仁王下卷。說十三法師各住一位。即當第一。言十三者。一習種性。二性種性。三道種性。四善覺摩訶衍。五德慧。六明慧。七爾焰。八勝達。九常現真寶。十安達。十一等覺。即八地。十二慧光神變。即當九地。十三觀佛菩薩。義當十地及等覺。而佛非十三之數。六依仁王上卷。五忍之中。此當伏忍之下。言五忍者。謂伏忍。信忍。順忍。無生忍。寂滅忍。各有上中下。如次配三賢十地等覺妙覺。七亦依仁王五十。二位。當其第二。八依瓔珞四十二賢聖位。當於下賢十住。以不立十信。十信攝在十住中故。九依瓔珞六種性。亦當第一。言六性者。一習種性。二性種性。三道種性。四聖種性。五等覺性。六妙覺性。若依楞伽等無復地位。十依此經說。四十二位。無別資糧加行等名。然所說位。依法性。立行布圓融。二俱無礙。如玄文辯。十信開合已見。賢首品。第五佛子云。何爲下。說分。即是行相。釋此十住。即爲十段。一段中皆先徵後釋。釋中皆先明自分。後明勝進。又前是住位。後是起行。今初發心住。先徵可知。釋自分。中二。先明發心之緣。後正明緣境發心。今初。文列十緣。義含四因。謂信悲智及種性也。見佛世尊是初總相。發菩提下。結前生後。中間十句別顯不同。一形貌容儀。二顯色大相。三具隨好。故人所樂見。上三觀外相也。四時乃一出。出便利益。故爲難遇。此通內外。

●爲二謂● ●然十此● ●二二三● ●十性● ●約一● ●其一●

五十力無畏降魔制外。此明內德。六神變難思即神足論。此唯外用。於上六中隨見一事。發生淨信。欣心上求。此若可修。我定當取。七聞授記。含於二義。一聞授記作佛。希預其數。二聞記當事。希得此知。皆記心輪。八聽教誡。知惡可斷。善可進修。即教誡輪。上皆信智為因。九見受苦起悲心。未必聞教。以種性內具法爾慈恕。即悲因也。十聞廣大法。謂佛功德。義兼法滅。或傳或護。因通悲智種性之因。義通前十。此之十緣。與賢首品所引瑜伽四緣。但開合之異耳。謂前六見佛緣。次二聞法緣。次一見生受苦緣。後即見法滅也。後結前生後者。唯證菩提。方成前事結前也。求一切智。生後緣。難得法而發心也。第二此菩薩下。正明緣境發心。前言求一切智。十種智力即一切智。文有標徵列名結數。而義見初品大同初地。為得十力故等。又此十力於一實智而開為十。化生事足義含悲智。故略舉之。非不緣佛餘之功德。第二勝進文分為三。初總標次徵列。後徵釋。今初。謂欲求勝位。應自勸勵。亦勸他學。列中有十不出。悲智供佛為總。通財及法。下九為別。行下九事。真供養故。一樂住。生死大悲為首故。智了。其空無所懼故。二住為主。道除惡。三即能導理教之法。四示果令欣。即教之所至。五學。佛德行以為能至。六成德依緣。故生佛前。七寂。前上求下化之紛紛。八寂必遠離生死輪迴。九不失悲故。常為物依。亦

是總結前義。諸所施為皆為衆生大悲增上故。問八遠離生死。初令樂住。此云何通。略有二意。一勸物遠離自處無厭。二要自無縛方能攝物。三即智之悲故。樂住。生死。即悲之智。遠離輪迴。故瑜伽云。菩薩厭離生死。過於二乘。百千萬倍。非不厭也。斯則不斷生死。而入涅槃。不動真際。常隨流轉。成不住道。又初既樂住。生死。六復云何生。諸佛前。亦有二義。一為誘物故。二求攝物之方故。三悲智無礙故。又十藏約實。智契捨聞。諸佛土。不願往生。此約權不壞事。故生諸佛土。三何以下。徵釋。何須學。此令得通別二種益。故別。謂增勝廣大。此之別益。皆希後位。準下頌文。亦令不退轉。故有所聞下。諸位通益。以解從內。法故不由他。他有三種。一他人。二者心外。三者性外。自解亦三。一者薰習成性。故能自解。二了唯心。三了唯性。故下云。知一切法即心自性。若爾云何復言有所聞耶。謂況爾聞故。或自披尋。聞乃約法。開悟約義。必不假人委曲指授故。不由他究竟。則是佛無師智。下諸位中並同此釋。有云。從自種生云。不由他。但是初意。何足可尚。又引下文。雖知諸法。悟不由師。然求善知識。無有厭足。亦非此意。彼據雙行此約自悟故。第二治地住中亦二。先徵可知。二釋中。自分內文有四別。一標二徵三列四結。下諸自分皆做此知。列中十心有其二義。一於一衆生。各起十心。二為辨差別對八種衆生。一於

怨衆生。非直不念。加報。亦乃授與利益。二於貧苦衆生。欲令遠離。故起悲心。三於危懼無樂衆生。令得樂具不盡。四於惡行衆生。令安住善行。五於得樂衆生。以於慙心。不令放逸。六於外道未發心者。攝令正信。發心。七已發心同行者。守令不退。八於一切攝菩提願衆生。取如己身。於此開二。謂於乘大道集進趣者。推之如師。集具足功德者。敬之如佛。此十大同第二地集義中釋。以斯十心。治自心地。二勝進亦三。列中十法有通有別。通相可知。別依展轉。一總求多聞。為二利行依。二聞已閑靜思修。三聞必依友。四於友求請言必和悅。五問不非時。六不怖深法而不能受。不怯行法。而不能行。七以思慧力。解達深義。非但多聞於義不了。八如說修行。涅槃經。說親近善知識。聽聞正法。繫念思惟。如說修行。是大涅槃近因緣故。今展為十。九成行伏惑。故離愚迷。十觀智照理。決定究竟。故安住不動。三徵釋。所以修者。上十多約智。以智導悲。令轉增也。通益可知。第三修行住。釋中先明。自分。是護煩惱行。後明。勝進。是護小乘行。前中。然此十無常大同三地。彼論具釋。引中邊釋。已見問明。既文義包含略舉。一兩。論云。命行不住總名無常。此總句也。然復有二。一者念念無常。二者一期無常。於何無常。依五盛陰。逼迫相故。苦也。瑜伽三十云。由無常行作意。為先趣入苦行。由苦無所得。行趣入空行。空故不自在。由不自

在趣入無我。此四即苦下。四行相也。五無作者。但緣有故。由念念無常故。無造作。由皆苦故。無有樂味。但於下苦中。橫生樂想。即一切世間不可樂想。以彼空故。萬法無體物。無當名之實。以無我故。無有處所。非在色中。乃至識中。無分別者。觀能取也。無堅實者。觀所取也。問。涅槃比丘作無常想。佛呵。倒惑。云何入住作無常觀。答。彼但得。名不得其義。以無常等該涅槃故。故佛呵之。今但說生死。故無有失。又無常者。未會法身故。苦者。未得涅槃故。空者。無善有故。無我者。未得八自在故。則前四句自說生死。次無作等四。自說涅槃。常故。無作樂故。無味。我故。不如名。淨故。無處所。然二理不偏。照與之符。猶懸鏡高堂。萬像斯鑑。又初四句。則因緣生滅。是無常義等。次四則不生不滅。是無常義故。云無作。五受陰洞達空無所起。是苦義。因起有苦。起即無起。故無味也。諸法畢竟無所有。是空義。人法二空空亦空故。故不如名。於我無我而不一。是無我義。諸佛或說我。或說於無我。諸法實相中。無我無非我故。無處所。故菴提遮經說。不生不滅。是無常義。生滅却是常義等。瑜伽四十六云。云何菩薩觀一切行皆是無常。謂觀一切行。言說自性。於一切時常無所有。如是諸行常不可得。若得斯意。則入中道。若依中邊論約三性說。則初後二性不生不滅。是無常義。依他起性。則生滅。是無常義等。又無作者。非常非。無常故。無味者。非苦

非樂故。不如名者。非空非。不空言不及故。無處所者。非我非無我。不在生死及涅槃。故無分別者。念想無故。無堅實者。實與不實相待有故。後勝進中。是護小乘行。小乘不求種種智。不欲廣知。故十中初三。是作佛事處。衆生是所度。法界是能度。世界是度處。次四界是起見處。外道計大為諸法本。小乘計大為諸色因。又成身之體。後三界是繫縛處。云何觀耶。一觀其相。委細而知。二觀其性。甚深平等。三微意云。但總觀無常。何用廣知。釋意云。觀空不礙廣有。知見性相。兼了法智增明故。第四生實住。自分中有五。謂釋名標徵列結也。從聖教生者。謂多聞熏習。等流無漏教法生。其智故。又下偈云。佛子。於法如是觀。從佛親生名佛子。此約能說人也。又偈云。了達諸有無。所有超過彼法。生法界。此約理也。上三義皆能生後一義。兼顯所生之處。又能說所說能證所證。成此三異。從此三生。並可尊貴。列中十事。同四地。十種法智。但有開合耳。既從聖教生成。就四智。教化衆生。一自住處智。不退轉。故亦所生也。二同敬智。於佛淨信。故亦能生也。三真如智。善觀察法。故亦所生處也。法即法界。四分別所說智。即餘七句。謂了衆生空有。佛土權實。世界染淨。行業善惡。果報苦樂。二種生死。四種涅槃。具如常釋。後十勝進。初三解了通於教理行果。次三修集行法。次三警當滿果。後一別了理法。後徵釋。意欲進後位。真俗平等故。偏觀三

世不殊。方知平等故。第五具足方便住者。自分十心。亦是方便也。勝進十心。亦具足也。今自分中。即第二住發起此心。今以所修善根。正向上所。為。例。前解釋文。並可見。今別為一勢。謂初是總句。救苦護善故。云何護善。一授與樂。因如經饒益故。二令得樂果。謂安樂故。三哀愍。安樂。不令著故。四云何救苦。度一切苦。得解脫故。何者是苦。苦有二種。一三災八難。二二種生死。云何能離。一教生淨信。二由淨信。故授以三學。令諸煩惱皆得調伏。云何得樂。謂咸證涅槃。究竟滅。苦是真實樂。初句九字。流至於此。後勝進中。前六義含深廣。後四唯顯甚深。云何廣耶。一無涯畔。二無分限。三離算數。四言思莫備。五色類非。一六非。稱量盡。所言深者。無邊。謂非有非無。非斷非常。故。無量者。常一刹那。無長短。故。無數者。非一非異。不墮數故。不思議者。即妄即真。言語道斷。心行處滅。故。無量色者。頓現身器故。不可量者。出二量故。後四中。七為總句。入法空故。此云何空。八約能成。非是自他共所作故。九約所成。內外推尋。無所有故。十無自性。釋成上義。無性故空。無性故誰能作。無性故無所有。非斷無也。又七八九是三脫門。三微釋意云。雙明深廣。性相交徹。則轉復增勝。形奪兩亡。皆無染著。成般若。若故第六正心住。初自分內。由成就般若了法性相故。皆不動名為正心。初四約所敬三寶。由了法平等。聲如谷響。故。於讚

發不生放感。又在執應毀就理應讚故。故商主天子經云。無有不毀語言。而能至其解脫中故。次三約所感衆生。有量無量是斷常邊菩薩不墮。有垢無垢是增減邊菩薩遠離。易度難度是苦樂邊菩薩不住。又有垢者難無垢者易。又亦反此。以不發心不知垢故名之爲無。後三約所知法界。有量無量亦是斷常餘二增減。已得正心故皆不動。又約衆生。大悲大願無限量故。了法界性超量非量。故知法界相緣成世界。說有成壞非成壞故。體有相無體無相有。皆自在故。況並音聲性離。何足動哉。後十勝進中。然勸學者。通聞思修。偈云。聽聞乃一義爾。列中一自性之相不可得故。二緣起想成故。三圓成性淨故。四能成非有。五所成無實。六自性本空。七空性亦離。八喻上緣現。九喻上想生。十總離。取捨出沒想故。此與六地取染淨法分別慢對治。文多相似。三徵釋云。此如順忍欲進後位不退忍故。第七不退。住自分十中初三三寶。次二別顯前法。次三別明初佛。後二約佛境界通佛法也。而十皆言不退轉者。大同前位。然此位中。已入無生。知所聞法畢竟空故。又前位會事入理。令心不動。今此理理現。而心不退。後位從理向事。唯隨事行轉純熟故。是故前位於三寶等。但聞讚毀忍之尙易。今聞有無利害轉深。成忍則難。故過前位。又前言不動。但能正心。今云不退。有進趣義。又權實方便皆悉通達。有無等言皆有在故。佛則色相

虛無。應機爲有。法則離相離性不壞相性。菩薩同佛。次二中約事行爲有。入理行爲無。出離有二。一約自行義同前文有垢無垢。亦約事理。二就化他。悲故不出由智故出。次下三句。亦論有無何異。初句。初句邪見爲無正信言有。此三亦非正見。雖許有佛不遍三世。或言過去入滅是故非有。未來未成安得爲有。現在生界未盡佛願未滿。今有佛者皆應現耳。俱有可知。今知其謬說爲無正說爲有。後二句中初智後境。佛智有盡等者。一堅約智體。以盡智故名爲有盡。窮未來故名爲無盡。又若入永滅則名爲盡。不永滅度是。即無盡。約從修生則名爲盡。即同無爲故名無盡。二橫就所知。謂法無盡。故智亦無盡。以無盡智稱無盡法。則名爲盡。盡故。法華云。唯佛與佛乃能究盡諸法實相。智度論云。如函大蓋亦大。還將無盡之智。知無盡法。是故如來名一切智。今菩薩窮究。知依堅義半了半不了。知依橫義二俱是了。又相待說有盡無盡。就理而言並非二相。後一就境約性一相。約相非一。知其隨說皆非。遍知。後勝進中十事五對。此大因地中樂無作行。對治發起十種殊勝行。由此知其事理無礙。至地則得權實雙行。初一多對。總含三義。一約權實。於一佛乘說無量故。雖有衆多皆佛因故。二約事理。理能成事說一即多。事能顯理說多即一。三約事事無礙有同體異體。義如上說。二文義對。文隨於義。轉變密

意故。即如初句一言隨於多義。義隨於文。顯了直說故。即下三對。但顯事理一無礙義。若望下偈云。如是一切展轉成。則文義亦通。事事無礙。三遍計理無情有無。二。四依他幻相性空無二。五圓成性空與不空。二如不異。又上三中。皆以三性三無性相即準思。三徵釋中。善能出離者。不沈沒於事理。成後位自在也。第八童真住。自分中初三。三業無失。永離習氣唯佛得之。任運無功在於八地。此中多同八地。能行無漏故得無失。無十不善失亦無錯謬失。此三自行亦爲化體餘皆利他。初一能化身。頓悟菩薩隨願受生。貴在利人不揀淨穢。慚悟地前。許受變易意生身故。次四以能化智知所化境。即十力智之四智也。次一化處後一化法正化。後明勝進是不動行。初六於剎自在。後四三業自在。此同八地。若色若土皆自在故。初一總知分齊。次二作用持兼。願力。四十眼智觀。五有佛便詣。六游以化生。後四中。一意二身三語四通三業。下徵釋意。爲得善巧。入於後位。辯才自在故。第九王子住。初自分十中。一知六趣四生受報差別。又知九種命終心受生差別故。二知現行煩惱。三知種種相續。非如現行有間斷故。習氣有四如九地說。四知諸行作業所入法門。皆善巧故。上四多同九地十種稠林。彼據入地尤多細密。故名稠林。此但云知。五知法藥。是智成就義。六知法師軌儀。七知所化處。八知化時。隨根生熟不差失故。後

二依二諦說。皆說成就也。後勝進十法皆言。法王者。既言王子。做佛之儀。合子法度。而言處者。即是位也。如世王子之於父王。今對辯之二善巧者。言辭安立。及諸伎藝。悅可王心。今此菩薩學佛法。說法言辭。安立權實善巧方便。以悅佛心。二軌度軌。謂坐立動中規矩容止可觀。度謂升降出入往來進退可度。此明無虧戒行。住佛威儀也。三宮殿者。父王在宮。即行子禮。父王處殿。即行臣禮。若處涅槃正殿。即令萬行歸宗。若處慈悲宮室。則子愛含識。四趣入者。趣者。就也。謂澤及萬人。入者。收也。謂庭來萬國。菩薩則無機不收。無德不收。五觀察者。入則觀父王。察其聲色。出則觀群臣。知其賢愚。菩薩入則觀佛教理。出則審機可否。六灌頂者。十地有文。出現法喻雙辨。七力持者。聚人則以財為力。慎危則以戒為力。降怨則以忍為力。廣業則以勤為力。定亂則以靜為力。謀安則以智為力。固衆則以仁為力。制敵則以衆為力。菩薩六度四等。萬行總持皆力義也。持財以儉持衆以信。持安以不憍持力以不奢。餘可類取。皆能持也。八無畏者。爲上無亢則無憂悔之畏。節儉財色則無病畏。居上不憍則無亡畏。爲下不亂則無刑畏。在醜不爭則無兵畏。三不備者。永無死畏。菩薩修行離老病死五種怖畏。得十無畏。九宴寢者。晝無故不內宴。夜無故不外寢。宴於側室。寢於正處。菩薩入定同佛。不過明以就其味。不

昏沈以滯於境。無幽不得其味。正定不易。其心十讚歎者。樂則歌讚苦則哀歎。讚音宜和樂。歎音宜哀思。其情切其辭文。菩薩應仰讚佛德。哀歎衆生。情詣於理。使令欣厭。二徵釋云。欲令增進得於後位。無礙智故。第十灌頂住。文亦分二。先徵後釋。釋中亦二。先自分後勝進。前中二。初有十句。所成德用。後有十句。讚勝難測。以位終故。加此一段。前中前五。了世界無礙智。後五成。就衆生無礙智。以智度滿故。多同大盡分。智成就說。後十讚勝。及後勝進皆是神通。有上無上分中義。今讚勝中。前四即業自在不可知。一身二身用三十通四通用。後六心智自在不可知。初三即三達圓明智。四知器世間自在智。五定心所現之境。六大智所知之境。並深廣故。下位不知。後勝進中三。初標即學佛一切智。一切種智。以當位滿灌頂成佛。以攝諸位皆此中具故。如法界品海幢處說。玄中廣明。二徵列中。一學佛三達智。此是總句。二佛法智者。覺法自性善出現儀。三事理無礙。四事法橫廣。五大用周遍。六身智光照。七神力持令不壞。法力持令進善。八窮盡所化。九知化法。十了化主。三徵釋成。十勝智。復更學者。爲欲成佛種種智位故。然上所釋大依十地。第六顯實證成分中。二。先現瑞顯實後菩薩證成。前中先此界有動地雨供。一萬佛刹猶劣行故。後如此下結通。二又以下。菩薩證成。於中二。初能證現前。二作如是下。發言讚述。於中四。一讚

其所說。二我等下。舉同顯證。此有四同。一能說人。二所說處。三者會主。四所說法。初後與此同。中二但彼同者。法慧表解。不可不同法。若不同豈名爲證。中二異此者。表人異道同處殊法。一方表通方之說。成證義也。若亦同此。將謂餘異名界佛不同說也。若爾何故同名法雲妙法。不多舉耶。爲有表故。謂所說法該於十地故。非龜淺故。就所說中。衆會約人眷屬兼法。文句義理主伴皆同也。三佛子下。舉因結成。四如於此下。結通廣遍。謂非唯來此爲汝作證。於餘處證亦同證。此彌顯所說是通方也。此是彼菩薩結通。不俟經家結通也。問此經何要十方同說。答引攝之教隨機不一。諸方有殊。圓實之教法爾常規故。十方同說。十方如來同一道故。三賢十聖無異路故。問說此經處。何要遍於十方。答能證如所詮故。所詮義理無不同故。表位優劣證有多少。據其所說無處不該。有云。此上瑞應證成應在偈後。有四因故。一未說。偈經猶未了。不應先瑞顯證。二瑞證本爲證經。既不證偈。則偈應非經。三證辭不應云。文句無有增減。四若許瑞徵合在頌前。頌中應頌二分。假使梵本如此。譯者即合迴文。此乃靜法佳判。今爲一救。理或可通。爲欲表說證同時故。然文不累書。編之作次。若全居末。則似說竟方證。若更居初。未說復何所證。故置於散說偈文之際。深有以焉。諸會文同皆做此釋。第七重頌分中。總有一百

頌分二。初九十一頌正。頌前法。後如是十住下。九頌結歎勸修。前中十住即爲十段。初住中有四十六頌。文分爲四。初三頌頌發心緣。次三十二頌緣境發心。次十頌勝進所學。後一總結。今初。尊重即前衆生樂見。第三偈即廣大法。二。中分二。初十頌緣十力發心。一頌一力。初中謂。以因感果斯爲是處。從我心冥性等生。無有是處。餘文可見。二。二十二頌別顯所求。長行結前生後。云求一切智。今偈略顯一切智相。此二十二頌。一以類例相從攝爲十智。初一俗諦智。次一真諦智。三一偈神通智。四五頌解脫智。五過去下。一頌劫刹智。六一頌三乘智。七有七頌三密智。謂二頌身密。三頌語密。二頌意密。八一頌唯心智。九過去下。三頌。一多無礙智。十有一頌權實雙行智。三菩薩如是下。十頌。頌勝進十法。一頌一法。皆言令其不退轉者。顯勸學之意也。不退有三。一位不退。七住已上。二證不退。初地已上。三念不退。八地已去。今此近希。位不退故。若約圓教當位。從信入。住得位不退。初發心時成正覺故。四。一頌總結亦是引證。第二住五頌。初二頌自分。次二頌勝進。後一頌結說。第三住五頌。前二頌自分。後三頌勝進。第四住六頌。初三自分。次二勝進。後一結歎。第五住五頌。初三自分。次一頌勝進。後一結歎。第六住四頌。初三自分。於中後半頌。是顯不動之意。二。一頌勝進。第七住四頌。初二自分後二

勝進。第八住五頌。初三自分後二勝進。第九住五頌。初二自分後。三勝進。第十住六頌。初四自分。於中三頌。頌所成德用。一頌頌讚勝難測。後二頌勝進。第二。大段結歎勸修。九頌分三。初一頌總歎十住。次六別歎發心住。後二結歎初心。況出修行。十住位竟。

大方廣佛華嚴經疏卷第十八

大方廣佛華嚴經疏卷第十九

唐清涼山大華嚴寺沙門澄觀撰

梵行品第十六 從第十七經盡夜摩宮中佛讚品

四門之中初來意有六。一。前是正位。今辨位中之行。故次來也。二。前明諸位別行。今辨諸位通行。三。前通道俗。今別顯出家所行。四。前明隨相差別。今顯會緣入實。五。爲顯入住之因。謂自他二種梵行淨故。則入初住也。六。別顯初住成佛。則類前諸位。位位成佛。不由他悟之相也。具上諸意有此品來。二。釋名者。梵是西域之音。具云勃嚧摩。此翻爲淨。揀上淨行立梵行名。離染中極故名爲梵。即梵爲行故名。梵行。持業釋也。亦有云。真境爲梵。智契爲行。或涅槃爲梵。修因爲行。此二依主釋。梵行以何爲體。體略有三。一者即戒。戒能防非故得稱梵。二者四等。三者是慧。涅槃五行中。梵行即四無量。亦七善知。今此品中具含三義。然此三

各二。戒有二。一。隨相二離相。今文即相無相依。如來教染衣出家乞食正命。是隨相也。於修無所著。則戒相如虛空。即離相也。四等二者。一。有緣二無緣。生緣法緣皆名爲有。今即緣無緣觀察衆生。而不捨離。是有緣也。了知境界如幻如夢。即無緣也。慧有二。一。有分別二無分別。今即分別是無分別。謂於十法一一推徵。是分別也。觀無相法了知平等離念契玄。即無分別也。上三中二義。各初義通凡小。後義唯大乘。此二不爲實教梵行。若一行具一切佛法。方是華嚴之梵行也。梵即是淨。但以性淨故即行淨。行淨故則智慧淨。智慧淨故則心淨。心淨故一切功德淨。乃至成佛功歸於行。故云淨行。然前信中之淨。隨事造修悲智兼導。至此純熟了。心自性。悲智無二故。小有不同。三。宗趣者。即以悲智無二事理雙修觀行爲宗。疾滿一切佛法爲趣。第四釋文。文分爲二。先問後答。今初亦二。先叙問答之人。正念天子問者。天者淨也。表所問事理染相絕故。梵依天行而得成就。念與無念二而不二。爲正念也。法慧答者。表巧慧窮法。後佛子下。正顯問端。於中先舉所問。次云何下。述所問相。問相有二。一。問行淨所因。謂隨相持戒之梵行。云何得離相之清淨。故不應言淨劣梵也。二。從菩薩下。問因所得果。第二法慧下答。答前二問。即爲二別。先答行淨所因。後若諸菩薩下。答因所成果。斯即觀成利益也。今初分二。先明自行清淨

祇百劫所修感相好故。次一化身神通化現故。業行通爲三身之因。果報通語三身之果。若依大乘。前八皆是化身。後一報身。業行通語二身之因。涅槃是果離繫果故。菩提是報報本願故。今一一推徵。若一是佛餘者應非。一皆佛則有多佛。和合成佛則無自性。故中論云。非陰。不離陰。此彼不相在。如來不有陰。何處有如來。陰合爲如來。則無有自性。進退推求。佛體寂滅。尙非是有。豈當是無。邪見深厚者。則說無如來。諸法性空中。思惟亦不可。是知真佛既超心境。依斯成行。行豈和耶。第八觀法。但有八句者。應梵本脫漏。豈餘九皆十此獨八耶。若約有所表者。表除九十八使故。加十總觀破百八煩惱故。然法有教理行果。今就後三略能詮故。八中初一理法。次一果法。餘六通三約理可知。約行者。謂不善不生妄想不起。言語道斷。智無分別。定無行處。如智兩冥。此六究竟卽是果相。今推徵云。若一是法餘則應非。一一皆爾。若謂總。是則和合不實。隨得一法卽應得餘。和合而成則無和合。若以無合而爲法者。無合之法豈當有耶。又此舉法皆舉寂滅不生等者。欲明一一自虛。法卽非法。梵行何從。第九觀僧十事。前八約人後二就德。且依小說。言預流者。始超凡地。預聖流故。一來者。修惑未盡。一度來生欲界中故。不還者。欲界惑盡。更不還來生欲界故。阿羅漢者。此有三

一七三五 大方廣佛華嚴經疏卷第十九

義一名殺賊已斷一切諸煩惱故。二名不生三界之生永已盡故。三名爲應受。人天大供養故。有四向者。向於果故。謂斷三界見惑有十六心。至第十五道類忍時。名初果向。至第十六即入修道。名須陀洹果。欲界修惑分爲九品。斷至五二向。斷六一來果。斷七或八品名第三果向。九品全斷盡即得不還果。次斷上二界修惑。乃至有頂八品盡盡。名阿羅漢向。三界見修都盡得阿羅漢果。今此欲明梵行。粗陳名目。若廣引婆沙俱舍雜集瑜伽則清淨梵行有累名數。力有餘者付在說時。此中觀意。謂僧名和合而有八輩。一若是僧餘則應非。又一一別辨則無衆義。集此無衆豈成衆耶。況於入流無所入等。以無爲法而有差別。則其體自虛。後二就德。德若是僧何須八輩離法無人離人無法。一一窮究爲僧者。誰體既虛梵行安寄。第十觀戒。戒爲行體。亦賴衆緣。從緣成戒戒性如空起心持者。是謂迷倒。無善無威儀不離二乘心。是名持淨戒。此戒乃名眞梵行也。其中十事。前八是受後二是隨。受中壇場得戒之處。問淨教儀並教授師。三說羯磨即得戒法。和尚得戒根本。阿闍黎者。正即二師。義兼七證。剃髮著衣是戒外相。隨中乞食四依之一。正命。謂離四邪五邪。若依菩薩戒類例上文。具如善戒經。及彌勒菩薩所造。受菩薩戒羯磨所辨。此上十境。正約菩薩傍衆聲聞。設依小受修觀則爲菩薩。即如此方。又善戒

經欲受菩薩戒。皆先具受前之三戒。故所觀境通於大小。其能觀智唯實教大乘。上來尋伺觀竟。第四如是觀下。辨觀成之相望。前尋伺即爲觀。蓋望後得正覺果。此但如實觀成。文分爲三。初約所觀十境如實觀成。二此中何法下。約所成梵行如實觀成。三如是觀察下。結成梵行清淨之相。今初。有十句。初六句明三輪清淨觀。一不取能持戒衆生。言身兼口意也。二不著所修行事。三不住於戒法。亦即是事。亦通不住前法。次三句。以三時門明不住持戒時。兼釋上不取等言。三世推求不可得故。已滅未至空理易明。現在多滯偏語。空寂以利那不住過未分之。故空寂也。次二句明二空觀成。作受者。人業報是法。後二句以不還理釋成因果空義。此世不移動。謂不從今至後彼世不改變。謂不從後至今。是爲因自昔滅無力感果。果不俱因無力酬因。何有報受。以物各性住性本空故。二約所成梵行如實觀成者。有十一句。初句總顯無名。十已空故。餘句爲別。一不從十生。二非屬身等。皆十已空故。上二句約緣以徵。次二句就體以徵。初句明離前十外無別無作戒體。十外有體不假前十。次句亦無有作。作之受隨前。已空故。次句雙非顯中。無性防非故。次五句約五陰有二意。一就戒體有說。無作戒體體即是色。有說。非色非心。五蘊之內。初一是色後四是心。今言爲是色者。顯非是色。以其所立無表依表

生。表色無表色。今明觀意。表色尙空。何有無表。爲非色者。顯非非色也。從色生於戒尙不名爲色。從色生於戒豈是非色耶。言爲是識者。意顯非心。若言是心者。一切皆有心應常有梵行。是知非心也。若言非心。木石應梵行。是知非非心也。若言非色。非心行蘊攝者。但是行蘊應皆名戒。二就修行梵行。行不離五蘊。若即蘊者。有蘊皆梵行。若離蘊者。豈是我梵行。故後結云皆不可得。第三結成梵行清淨之相。以無得故。文有十一句。初句爲總。次九句別顯無得。一由上三世皆空。故二由於身無所取。於修無所著。故三言心無障礙者。即前於法無所住。故。於風行空無有礙。故。四作受二念不現行。故。五雖空不礙涉有。故。六七涉有不迷於空。故。受觀無相。受謂忍可於心。觀謂起用於境。八結歸平等。大般若曼殊室利分云。我不見有一法非佛法者。故無法不等。九一收一切方顯具德圓滿。末後一句總以結酬。由上義故名淨梵行。上辨自利行淨竟。第二復應下。明利他行淨。文分爲二。初深觀果智。即利他之方。後慈念衆生成無緣四等。是則自利利他上求下化。皆具足也。今初文三。初舉法應修謂梵行體也。緣體宛然一心湛寂。梵行用也。不思不造萬行沸騰。故不但心觀圓明。復應廣集佛智。二何者下。微起別列可知。三於如來下。結勸廣學。第二開已下。慈念衆生成無緣四等。文有四句。一雙起慈悲如積

●已二以● ●蓋二益● ●行十(之人)● ●於二如● ●深觀果智二觀深智● ●方十(便)●

母隨子。二思惟藥病成。大法喜。三即行無求以成大捨。四智了諸境導成無緣。此中五喻廣如十忍。然釋有通別。別者如幻似有不實故。似有故假不實故空。此二不二中道智。如夢者。虛妄見故。如影者。從業緣現故。如響者。屬諸因緣故。如變化者。須臾變滅故。若如是了境。即終日化而無化。亦為衆生說。如斯法。是謂利他梵行清淨也。第二大段若諸菩薩下。答因所成果問。文中分二。先牒前因深。初總指前文。不生二解則舉其要。即所行無二。二一切下。酬其果滿。先標後釋。今初。由理觀深玄。了性具足。萬行齊修故。令大果無邊德用現證在。即一切明其果大。疾現語其速證。後初發心下釋。先釋疾現之言。後釋現前之相。今初。上言疾得疾在何時。故云初發心時。何法現前謂無上菩提也。後知一切下。釋現前之相。亦是出其所以。何者。夫初心為始正覺為終。何以初心便成正覺。故今釋云。知一切法即心自性故。覺法自性即名為佛。故下經云。佛心豈有他正覺覺世間。斯良證也。斯則發者。是開發之發。非發起之發也。何謂現前之相。夫佛智非深情迷謂遠。情亡智現則一體非遙。既言知一切法。即心自性。則知此心即一切法性。今理現自心。即心之性已備無邊之德矣。成就慧身者。上觀法盡也。正法當與今諸見亡也。佛智發起。覺心則理現。理現則智圓。若鏡淨明生。非前非後非新非故。寂照湛然不由他悟者。

成上慧身。即無師自然智也。又不由他悟是自覺也。知一切法是覺他也。成就慧身為覺滿也。成就慧身必資理發。見夫心性豈更有他。若見有他安稱為悟。既曰心性自亦不存。寂而能知名為正覺。豈唯定之方寸。不取則於人哉。況初後圓融不待言也。梵行品竟。

初發心功德品第十七

初來意者。謂前二品明位及行。今顯勝德。舉初況後巧顯深勝。故次來也。又前品末云。初發心時便成正覺。未知此心有何功用。願得爾耶。今釋此義。故次來也。二釋名者。初有二義。一三種發心之初。二十住之初。發亦二義。一發起上求。二三德開發。能知三世佛智故。永斷一切疑網故。得如來一身無量身等故。在於信位久已研窮。至此位中豁然開悟。故得功齊果位攝德無邊。受斯稱矣。三宗趣者。即以初心攝德為宗。令物窮究發心為趣。然住會發心。定是信成就攝解行及證自在後文。生如來家。自約解說。不應謂此便是證收。若謂久習無明云何頓成大智者。豈不聞冥室千年之闇。一燈倏忽頓除耶。若謂云何能知三世佛法者。豈不聞具縛凡夫。能知如來秘密藏耶。餘義至文當釋。夫機差教別聖旨深玄。並未證真如同居學地。共詳聖智誠曰才難。且以淺為深有符理之得。以深為淺有謗法之愆。以遠為近則有益於行人。以近為遠則法非我分。諸佛說教貴在俯就。

物機。後輩學人若欲高推聖境。儻失大利。豈不傷哉。且夕鈞鑒。朝升台輔。豈與夫明經常選。而語其優劣者哉。況纔生王宮。貴極臣佐。寧同百戰夷。項備歷艱辛。況十千劫之功高。亦非聊爾人耳。是以語其智等。虛空而非類。論其德。碎塵刹而難量。極念劫之圓融。盡法門之重現。初心契於智海。豈有邊涯。猶微滴入於天池。齊無終始。故經云。發心畢竟二不別。如是二心先心難。法慧仰推良在此也。如或未喻勝寶有文。推佛能知。斯言無過餘如。賢首品次正釋。文長分為七。一天王請說分。二歎深難說分。三約喻校量分。四就法略示分。五動地興供分。六他方證成分。七以偈重頌分。又釋於中分二。初長行。後偈頌。前中亦二。初此界後結通。前中亦二。初正說。後證成。前中亦二。先問後答。今依前辨。初中天帝問者。在彼宮故。聞前速成生疑念故。菩提心是萬行主故。問法慧者。是會主故。初心具後之德。唯慧境故。下正顯問端。雖則正問功德。下法慧答功德之量。便顯發心之相。是為菩薩善巧辯才。第二法慧菩薩言下。歎深難說。所以歎者。法體深廣去。疑令樂故。下寄言顯說未盡其源故。於中初句總言。甚深者。謂約時深徹後際。約德深至佛果。約理深同法界。約行深包萬行。並深中之極故云甚深。又數廣難量理玄叵測。雖深非甚。今即少而多。即事而理。初心具後是謂甚深。下十句別由斯十義。故曰甚深。於

物機。後輩學人若欲高推聖境。儻失大利。豈不傷哉。且夕鈞鑒。朝升台輔。豈與夫明經常選。而語其優劣者哉。況纔生王宮。貴極臣佐。寧同百戰夷。項備歷艱辛。況十千劫之功高。亦非聊爾人耳。是以語其智等。虛空而非類。論其德。碎塵刹而難量。極念劫之圓融。盡法門之重現。初心契於智海。豈有邊涯。猶微滴入於天池。齊無終始。故經云。發心畢竟二不別。如是二心先心難。法慧仰推良在此也。如或未喻勝寶有文。推佛能知。斯言無過餘如。賢首品次正釋。文長分為七。一天王請說分。二歎深難說分。三約喻校量分。四就法略示分。五動地興供分。六他方證成分。七以偈重頌分。又釋於中分二。初長行。後偈頌。前中亦二。初此界後結通。前中亦二。初正說。後證成。前中亦二。先問後答。今依前辨。初中天帝問者。在彼宮故。聞前速成生疑念故。菩提心是萬行主故。問法慧者。是會主故。初心具後之德。唯慧境故。下正顯問端。雖則正問功德。下法慧答功德之量。便顯發心之相。是為菩薩善巧辯才。第二法慧菩薩言下。歎深難說。所以歎者。法體深廣去。疑令樂故。下寄言顯說未盡其源故。於中初句總言。甚深者。謂約時深徹後際。約德深至佛果。約理深同法界。約行深包萬行。並深中之極故云甚深。又數廣難量理玄叵測。雖深非甚。今即少而多。即事而理。初心具後是謂甚深。下十句別由斯十義。故曰甚深。於

●別者如二通則可知 ●遠證二證遠 ●〔以〕一 ●顯說二說顯

中初四能所對辨各前能後所。一難言故難宣示。二無相故超心識。三非自力辯能分別。四非劣慧能信解。後六通能所證。五非有所得及一慧能證。六非起行及一行能行。七次第修慧不能通達。八九思慧不能思惟。十聞慧不能信向趣入。此六後後劣於前前巧顯深也。所以廣說難者。非唯成上甚深正誠。今後令信。第三雖然下。約喻校量分於中二。初結前生後。謂約自力則甚深。承力則可說。二佛子下。正顯校量中有十一大喻。一利樂衆生喻。二速疾步利喻。三知劫成壞喻。四善知勝解喻。五善知諸根喻。六善知欲樂喻。七善知方便喻。八善知他心喻。九善知業相喻。十善知煩惱喻。十一供佛及生喻。然此十一喻。後後過於前前故皆捨置前更舉。後後巧顯深勝。又此諸喻合有通別。通但通合發心德廣。謂如初喻中便合云。爲悉知一切世界成壞等。此不同於喻也。別謂所合同喻。但喻有分限法無限耳。如初喻合云。不但爲以一切樂具供養十方等。初一具通具別。下十略無通合。此諸喻文皆應有四。一舉喻二徵問。三領答四校量。初後具四。中九略無中二。又諸喻內一。一皆有十重。皆應舉喻問答校量。文無者略。今初喻十重中。初一廣說。後九略明。初中有四。一舉廣事。二徵問三答顯廣。四辨超過。今初有三。先與現世益。文有三廣。爲供具田時。次然後下。與後世樂。後南西下。類餘九方。

二徵問。三答廣並可知。四超過中云歌難者。此云豎析。人身上毛。爲百分中之一分也。或曰。十六分中之一分義。譯爲校量分。優波尼沙陀者。此云近少。謂少許相近比類之分也。百千後即云億分者。中等數也。後九略說中文四同前。今初併舉九事樂具皆同。一切所經劫數漸漸增多。其所教法轉轉增勝。據初世界亦合漸增。以此十前文標一故。餘無者略。若十方共十則界不增。第四校量中三。初辨超過。二何以故者徵。微意云前云功德除佛難知。何以比此猶少非類。三釋意有二。一別翻前喻。謂發心無限前有限故。亦是反釋。二爲令如來種性不斷下。通對前十總顯具德。亦是順釋。於中有十二句。初三總相對前辨勝。一翻前小果三翻前限處。三翻前有限衆生。下九句即下十喻之本。一即第三知劫成壞喻本。二即第四善知勝解喻本。故下文云。乃至垢解淨解等。三却是第二速疾步利喻本。四即第六及第十本。五即第九本。六即五七本。七八皆第八喻本。九知佛境界平等。即第十一供佛喻本。此中九句即佛十力智。一知成壞垢淨自性。即業報智。心樂即種種解智。知煩惱即漏盡智。生死即天眼智。諸根即根勝劣智。方便即禪解脫三昧智。此及佛境並是一切至處道智。心行即種種界智。三世智即宿命智。其處非處智以是總故。亦是前三總句中攝。然此所知皆約一切無齊限也。下文廣釋其相第二佛子復置下。明速疾步利喻。然次

下。九喻文皆分四。初舉廣喻。二辨超過。三徵四釋。釋中皆先反釋後順釋。今初喻中前三可知。四釋中先反釋彰前不及。後爲了知下順釋。辨此過前。於中。十一句初句總所謂下。別知世界相即相入無障礙義。前七正明。即入。八一毛端下二對。釋上即入所由。略舉三門。初以法性融通門釋。謂一切世界差別性。與一毛端體性無二故。是故事隨性融。此彼相即事攬性起。彼此相入各有同體異體。準上思之。九一世界中出生一切世界者。此約緣起門釋。謂諸緣起更互相生。有其二義。一約體有體無體義。是故相即。二約用有力無力義。是故相入。亦有同體異體義。並準上思之。欲知一切世界無體性者。約無自性門。以大非定大故。能即小等。十總結。欲以一念盡知如是廣無邊際。重重即入無障礙事。故發菩提心。又此言知。偈中亦身往彼。第三佛子下。知劫成壞喻。文亦有四。初明喻廣大。舉成攝住舉壞兼空。二佛子下。對辨超過。三徵四釋釋中亦二。先反釋後順釋。順中三。初總次所謂下別。三是名下。結能知智別中言平等者。通相即相入。就緣就性唯心等殊。皆無障礙故云平等。一長短者。如娑婆爲短安樂爲長。遞傳相望以爲長短。二三及四文並可知。五量無量者。如勝蓮華界劫更無有上。名爲無量。已下皆有量。六有成壞則有盡。無成壞則無盡。標中但云成壞從多分說。亦能盡細不盡。七念劫相望。八劫非劫自有。

①(說)一②但通二通但③重十(小喻)④爲二謂⑤初二四⑥其二是⑦(辨)十十⑧(此)十下

三義。一約未經增減。縱百千年。名為非劫。若經增減。成壞名劫。二如勝蓮華剎。既不可校量。亦無劫數。故名非劫。三推妄歸真。劫入非劫。依真起妄。非劫入劫。斯則前七事無礙。此乃理事無礙。九一念速知兼總。包無盡。以斯無限。安可比前。三結能知智。即十通中。知盡未來際。劫神通也。第四佛子下。善知勝解。喻文四同。前初學廣喻。梵云阿地目多。此云勝解。謂於決定境。印持為性。不可引轉。為業。今譯存略耳。釋中亦先反後順。順中初總。後所謂下別。別中總有十三句。初有八句。總相以辨。後有五句。一一別明。前中又二。初三解。為得方便解。智光此光通。因通果。於中一廣二深。約理解。故三即能知。後五句。為得佛十力。中勝解智。解一切法。初一約人。謂眾生海解。故次一約時及性。三約境。明似不似。上皆明所知廣。四事相即顯所知深。上皆所知後一能知。即得十力之一也。第二從欲悉知有上。下一別明。上但云多。未識差別之相。今略示之。於中五句。各是一義。初句三對。約佛菩薩相望。一妙覺無上。餘皆有上。此約堅論。二約橫辨盡未盡。故三同位互望。為等。高下位相望。為不等。第二句有六對。約五乘凡聖相望。差別有依無依。約自性差別。託於根境及稱真故。二約淺深差別。甚深般若若不共。小乘故。三約境差別。佛解無邊餘未盡。故四約二諦。世諦差別勝義無差別。五巧拙差別。六漏無漏差別。第三句有四

解。約佛乘說。一深故。二廣故。三無分量故。四契真如正位。得果解故。事理無礙故。無二礙故。第四句。三對。唯約眾生以辨。差別。於中初能知方便。不礙空而知假故。後悉知下。明其所知。有三對六解。與惑相應名染。不相應名淨。廣略者。約境及作意差別。龍細者。約行相差別。委悉不委悉故。第五句。三對。多約知。聖教解於中文。二。先正明。二。切下。通結前文。初中深密者。開則深約。方廣。一乘。密謂密意。合則深即是密。以祕以妙。即事而真故。二方便者。略有三種。一進趣方便。謂見道前方便道是。二施為方便。即第七波羅蜜。依實起權。皆善巧故。實無此事。假施設有故。三集成方便。諸法同體。巧相集成。如六相巧成。可名方便。今並能解。言分別者。凡於一法。多門決擇故。言自然者。法爾本覺內熏發故。隨因所起者。過去聞熏之所發故。或於現在正思惟等。而能知故。言隨緣所起者。謂得善友增上緣力。所開悟故。二一切下。總結。廣多交絡故。如網也。為此無限而起大心。豈同前喻。第五知根。智。第六知欲樂。欲謂於所樂境。希望為性。勤依為樂。即勝解智所攝。會釋如前。第七知方便者。即禪善巧及至處道智方便三種。如向所辨所望別故。無相濫失。第八知心義兼王所。即他心智。第九知業。即業報智。上皆文中。廣顯差別。如第九地。第十佛子復置下。明知煩惱差別。喻文亦分四。前三可知。第

四釋中亦先反後順。順中初總後所謂下別。別有六門。各先惑後治。謂非但空知。意在斷故。初門總明後一義兼總別。中間四門別舉其重。今初門中輕重眠起。通下諸惑。故名為總。就中輕重總中之總。以品言之。一切煩惱各有輕重。約起惑者。心有異故。據難易斷現行為輕。種子為重。即眠起是。又分別為輕。俱生為重。若據破壞三寶。焚燒善根。則邪見最重。餘悉名輕。若據自他障菩薩道。瞋恚最重。餘悉名輕。若據發潤生死流轉。無明愛取為重。若依為諸惑根。則三毒為重。若依障初聖道。不受聖教。見慢為重。若據遠隨現行障。無學道。我愛慢為重。餘可名輕。若煩惱當體相望。十大煩惱為重。隨惑為輕。隨煩惱中。大中小隨展轉輕重。又正使為重。習氣為輕。更有異門可略言也。言眠起者。眠即種子眠伏藏識。起即對境發起。現行。言一眾生無量煩惱。總結多端。種種差別。如後略說。廣唯佛知。種種覺觀通。能所治。有染淨故。染為所治。煩惱依故。如欲害覺。能生貪等。無量煩惱。涅槃加五說有八覺。一欲覺。求可意事。二瞋覺。念欲瞋他。三惱覺。念欲惱他。四親里覺。憶念親緣。五國土覺。念世安危。六不死覺。積財資養。七族姓覺。念族高下。八輕侮覺。即是慢。念自恃欺人。此等非一故云種種。皆能引起一切煩惱。對上一眾生無量煩惱。亦名引起分別。言淨治者。欲以不淨觀治。瞋以慈治。惱害以

●中十(二)● ●(三對)一● ●可二亦● ●智十(可知)● ●[四門]一● ●損二煩● ●[煩惱]一● ●[現行]一●

悲治。次四以無常觀治。後一以無我我所觀治。故云種種覺觀淨治一切雜染。第二依流轉門。於所治中。即癡愛發潤。斷一切下明治。由癡愛故。諸趣流轉。從癡有愛。菩薩病生故。一切衆生。三有。五趣。三結。要當斷盡。一欲界諸愛別名。欲結。二上二界愛合名。有結。三三界無明名。無明結。三結亦名三漏。即上癡愛斷已。永盡生死流故。第三依病行門。四分分別。分是性義。各據偏多。受貪等名。名爲不等。三分俱多名爲等分。然不出三。此三別名。三不善根。故治中云。斷根本也。第四依通諸識門。明我我所。謂第七識恒執第八爲內我故。惑謂爲我所染之起慢。故云我慢。通至第六內執我身外執資具。恃己陵人。又此我者。亦兼法我。若盡此惑。則諸惑皆盡。故治中云。盡無餘也。第五約相生門。以利鈍分別。先鈍後利。故淨名推身。以欲貪爲本。欲貪以虛妄分別爲本。虛妄分別以顛倒想爲本。顛倒想以無住爲本。今以無住非煩惱。故略不言耳。而順明之。從顛倒虛妄分別生貪等惑。依貪等惑有諸隨惑展轉相生。顛倒想者。不淨計淨等故。利中即身見爲本。生六十二見。此有二說。一依三世五蘊。至下當明。二依異道邪見。具如瑜伽八十七說。第六約出家修行門。以障蓋分別。蓋謂五蓋。已見上文。障即二障。此亦總結前諸惑不離二障。發大悲下。明能治道。謂救有障者。護修行者。此言在末。義兼總結。謂菩薩發心不自爲己。

但以大悲救護一切。令斷上來諸惑之網。斷之何。爲令本智清淨。然能治道。雖復衆多。不出三種。一通二別。別如上來隨分開示。如不能斷。應宜轉治。謂如起貪以不淨觀治之。不去當起慈悲。緣於前境。應以淨法與之。云何出家無慈悲心。反更染汚。如是隨便種種迴轉。皆以無得而爲方便。所言通者。但當深觀第一義諦。謂當觀諸惑即是本覺菩提。故無行云。貪欲即是道。悲癡亦復然。如是三法中具一切佛法。故惑性智性皆本淨故。但由虛妄分別。凡夫不了。如大富盲人動轉爲寶所傷。二乘熱狂。謂爲毒蛇驚走。遠避權菩薩。猶謂有之可斷。今乘一切智乘。以淨慧眼。觀惑即真。則煩惱自虛。智性常淨。是爲開佛知見。使得清淨。不斷煩惱而入涅槃。有斯悲智。如是知斷發菩提心。豈與夫前喻同年而語哉。第十一明供佛及生喻。文三。初舉喻校量。二徵三釋。今初分二。前廣明一人。後略辨九人。初中有四。一舉廣喻。二問三答。四校量顯勝。初中有二。初廣說東方。後南西下略例九方。初中又二。先明佛在供養。後至佛滅下明。滅後供養。前中又二。先自行後又勸下化他。前中有四深勝。一供具廣妙。二供田廣勝。謂無數界悲敬田故。三供心勝恭敬等故。四供時勝。相續無數劫故。此自行已勝。況於教他。況復滅後況於餘方。餘並可知。後略辨九人中。二先舉廣喻。二佛子下校量顯勝。前中九人展轉遞望。念敵多劫數量復

增。此中如第一人一念以無數供。至第二人皆增至無量。乃至第十增至不可說不可說。皆積當位之念。以至當位極時也。後校量可知。二徵意云。共第十人供福。已至不可說不可說。全比容許不齊。何以不及。少分。第三釋中分二。先反顯不爲齊限。明前不及此。後爲供養盡法界下順釋。以無限故辨此過。前略申十種。一時過。謂窮三際念劫重重時故。二處過。謂該十方相即入故。三供過。謂盡法界稱理之供故。四田過。謂盡虛空界塵毛等處。諸如來身各充法界故。五心過。謂一心中。各以無盡供。供無盡佛。經無盡劫。心猶不足故。六悲過。自作教他。以此善根。唯爲衆生令先成佛。我亦供養故。七智過。了達三事。隨其一。一稱法界故。如海一滴。則具百川之味。芥子之空已無分限。八善巧過。能以一事爲多攝。多爲一。善巧成就融攝諸位。眞實行故。九所求過。唯爲菩提。不爲餘趣故。十平等過。謂生佛自他供與不供。皆平等故。東上十義總不出三。一無齊限故。二稱法性故。三事事無礙故。無此三意。設更重重廣喻。亦不及少分。第四發是心已下。就法略示分。前喻顯大心因廣。此明攝德深勝。亦是讚勝勸學。文中有二。一發是心已者。牒前諸喻所校量心。二能知下明。此大心所攝功德。於中有五。一解行圓滿。二妙果當成。三與佛平等。四能作佛事。五大智現前。初中三。一總舉所知。現佛正覺。但云智慧。過佛

示滅故加涅槃。當佛在因云善根也。過現已從緣應可得云知。未來未有但可云信。亦信一切皆當佛也。二彼諸下攝以修證。有為能得無為能知。能證使智身成就法身等佛。古德判此一段為攝位修成。謂於諸佛功德智慧。能信是十信。信成就故。後攝初故。能受是十住。能修是十行。能知是十向。得證是十地。謂本智證後智。得能成就。是結因究竟。能與佛等是果滿。平等謂與諸佛能證所證平等無二故。初心即攝諸位。乃至佛果亦是一理。三微釋所以。何以初心即滿因位。釋意云。以等真性。所為無齊限故。有十一句。初總餘別。文並同。前初喻中辨第二以發心故下。妙果當成分二。初標因。得果。二微釋所由。今初得於八事。一解契佛心故為憶念。二入正定聚故當得菩提。三真器已成故佛授妙法。妙法者即如來知見也。四知心性故與佛平等。五圓修助道六度四攝。六力等未證亦定無疑。故云成就。七十八不共修習莊嚴。八得四無礙辨名。說法智慧。上七皆言三世明其證。該今云。法界辨其攝。前後影略。二微釋所由中。初微意云何以發心即得果法。釋云。以是發心為因。決定當得佛故。望圓極之果。故定當成。約見性成智身。上品云即得故。晉經梵本。此中皆云即是佛故者。當此義也。第三應知下與佛平等者。見性均故。發心畢竟二不別也。文有四句。初總餘別。總言等佛何所等耶。有三種等。一所緣境界。及

分齊境界等。二大悲大定力無畏等。皆悉平等。三得知身無從。亦無積聚。隨物分別見種種身。如是智慧與佛平等。第四總發心時下。能作佛事有十一句。皆是總發即得。言即得者有二意。故一約法圓融。初心攝諸位故。通說諸位相攝。總有三類。一以行攝位。如十信中具一切位。賢首品說。二以位攝位。如十住滿即得成佛。如十住品。及法界品海幢比丘處說。其十行十向十地皆爾。各如自品說。三初心攝終。如十住初心即攝諸位。如此品說。並就因位滿說。如普賢作用大分同佛。猶未是佛。此中亦爾。二約見性齊故。說與佛等具諸佛法。豎論位次。優劣非無。若爾此與歷別何異。請以喻顯。若彼虛室置之。一燈。光周室內。加二。加三乃至百千。各各重遍於室內。雖同周遍。不妨後後益。明初心等佛若彼一燈。妙覺等初同第百千。若器中盛燈。雖復百千共置一室。互不相見。歷別修行類同。此也。依於此義。故初心即云振動光照。一切世界。登地已上。却說百刹千刹。如理思之。又即由此義。廢高就下。十住之中。即齊地故。第五此初發下。明大智現前。此文二意。一別是一段。謂以無著大智求菩提故。二通釋上四段。謂由於一切無所著故。稱性圓融。能成攝一切功德。文中分二。初正明無著。後釋其所由。前中初總所謂下別。謂從三世門見佛法僧非佛法僧。同三世攝。於中三位。初八清淨次四通染淨。後

二唯染。後唯求下釋。不著所由。文含多意。一云唯為菩提。故云求一切智。不餘趣向。故於法界佛等無著。此雖有理。不順今文。以佛及佛法豈非一切智耶。二云求之於己。不求佛等。求之於己。尚未免求。今釋有二。一為求一切智故。求而無著。以有所著非真求故。故淨名云。夫求法者。於一切法。應無所求。了法無求。順一切智。二者言求者不壞相也。不著者稱法性也。性相雙鑑。終日求而無所求。經云。無所求。中吾故求之矣。第五爾時下。動地與供分。全同。上文第六是時十方下。十方證成分。望於上文有同有異。同義可知。異有三種。即為三段。一佛現證成異。前菩薩二顯益證成前文所無。三結通無盡。前略此廣加說。因故今初也。先現身次讚說。後引已同。以初心攝德深廣。恐難信受。故佛自證。二汝說此法時下。顯益證成。益通二世。初益現在。後我等悉當護持已下。顯及當來。今初清淨心者。以聞菩提心見心性故。而經多劫者。然餘教說定三僧祇。此宗所明劫數不定。略有四類。一或展則無量。不可說不可說剎塵。如法界品說。二或千不可說。或減或增。如威光太子及此中說。三或一生二生。如善財童子兜率天子。四初心即得。如前所說。所乘之法。既自在圓融。能乘之人亦遲速不定。念劫融故。故彌勒云。一切菩薩無量劫修。善財一生皆得。起信則以若遲若速。皆為方便。此宗則以楷定為權。並有聖言無煩固執。

不以「長時」而生退怯。不以「速證」而起輕心。若遲若疾。皆要當觀。是佛意也。後益末世。令信仰。故今之聞者。皆由佛力。願深愧信。行三如此。下結通無盡。是證佛結通非經家也。先明說遍。後其說法下示。所說同。文中有三。一說人同。二說儀同。謂神力本願故。三說意同。為欲下是此文大旨。同前十住並顯可知。第七爾時。下以偈重顯分。先辨偈意。有十一句。初一後一。是說偈儀。而離開者。欲顯中九。皆承佛力。該十方故。中九正明所謂。初總餘別。別中四對。一淨業顯理。二除惑開信。妄想分別為難。染根。三知病識藥。四觀果淨因。即由利他。自業便淨。第二正顯偈辭。有一百二十一頌。文分三段。初八十二偈。超頌就法略示。二有三十四偈。却頌就喻校量。三有五偈。結德勸讚。令景慕發心。歎深難說。遍於三段。又歎為長行偈頌之本。故略不頌之。初中文亦分五。初有十七偈。頌第一解行圓滿。二菩薩始發下十七偈。超頌第四能作佛事。三菩薩所住下十八偈。却頌第三得佛平等。四趣向菩提下十六偈。頌第五大智現前。五恒勸衆生下二十三偈。頌第二妙果。當成。文不次者。顯德無前後故。又長行明。先因果體。後同果用。偈頌明用可在。今果明當得。大智通遍故。前後互明。初中文分為二。初一偈。頌前正明解行圓滿。然初句是總舉發心為因。餘十六偈。頌前徵釋。於中有七。初一偈。頌充遍一切世界。二有二

偈。頌為欲度脫一切世界衆生。三有一偈。頌知世界成壞。知者意在往化觀佛。故四一偈。頌為悉知一切衆生垢淨故。及一切世界三有清淨。知垢意在令淨故。五趣三有左右耳。五紹隆下兩偈。却頌為不斷如來種性故。初半摧邪顯正。即紹隆義。次句示佛種之體性。次二句即起佛種緣。餘是種起之相。化化不絕。是報佛恩。心如金剛。是種性義。照佛所行。修菩提行。則佛種不斷也。六五偈。頌知衆生心樂煩惱習氣下。四種發心。於中初偈。總明所知事。想是妄想。即煩惱也。業即習氣。果即死此生彼。心即心行根性。即諸根。次二偈。顯知之體相。皆即事入玄。次偈。非唯知病。亦識法藥。故如世尊。後偈。非唯空知。行願相符。能為實益。七有三偈。頌知一切衆生三世智。謂離三世障。故障有十種。一煩惱雜染障。二觸境迷倒障。三長時懈怠障。四取著因果障。五邪教邪師引轉障。六趣下乘障。七龜相現前障。八於遍趣行無堪能障。九隨言生解障。十不亡能所障。如次十句各一對治。末後二句總結通達。第二菩薩始發下十七偈。頌上能作佛事。總分為十。初二偈。頌即能說法教化調伏一切衆生。以悲智相導故。云有一偈。頌諸佛讚歎。歎必加故。三有一偈。頌即能振動一切世界。動入互舉。四菩薩具足下六偈。頌即能息滅一切諸惡道苦。於中具悲智之德。故能拔。因果之苦。而無我人。五有一偈。頌即能光照一切世界。照世意在照諸衆生。六一偈。

頌即能嚴淨一切國土。毛孔現刹。即神通嚴也。七有一偈。頌上即令一切衆生歡喜。供佛問法。但為益物故。八一偈。頌上即能入一切法界性。初半聞而通達。次半思而兼說。後半修而無著。九有半偈。依修而證。頌即能持一切佛種性也。十有一偈。頌即能示現成佛。第三菩薩所住下十八偈。頌得佛平等。於中分四。初三偈。半頌佛境界平等。初偈分齊境。次偈兼所證所緣境。後一偈半。舉況顯勝。二善知下四偈。頌功德平等。三有一偈。頌前文得如來一身無量身平等。回於諸下九偈。頌真實智慧。於中有四。初四偈。發離一切妄想。廣大心。二有二偈。發窮三際。廣大心。三有二偈。發順涅槃。菩提廣大心。四一偈。結勸可知。第四趣向菩提下六偈。頌大智現前。於中初一結前生後。餘正頌大智現前。初偈於佛無著。次偈即若衆生若衆生法。次偈即若佛若佛法。次偈若世間若世間法。次偈若菩薩若菩薩法。二乘文略。後半偈。頌上結文。念十方佛。即求一切智。無依無取。即於諸法界心無所著。第五有二十三偈。頌前妙果當成。於中有九。初三偈。頌常為一切諸佛護念。以具德故。二半偈。頌當得無上菩提。三半偈。頌與其妙法。大人法者。八大人覺也。四有一偈。頌佛體平等。時處平等。即佛體故。五有一偈。頌已修三世諸佛助道之法。六有六偈。頌成就三世諸佛力。無所畏。廣十力之別名。略無畏之都號。於中五偈。半別明十

力。後半偈顯得分齊。七有五偈。頌已莊嚴。三世諸佛不共佛法。三世間圓融不共權小。故八五偈。頌悉得諸佛法智慧力。九一偈。結德無盡並屬初心。該前諸段。大文第二十方國土下。三十四頌。頌前約喻校量於中分。先十四頌。正頌前喻可知。後二十偈。通釋諸喻不及所由。前雖略釋。今此廣辨。又長行中多隨喻別明。今此總辨。亦總相頌。前歎深難說。若將別配。則令難證等互有所局。於中分三。初半偈結前生後。次十七偈半正釋。所由。後二偈結德無盡。就正釋中分三。初一偈標章。次十二偈半別釋。三四偈顯德圓滿。今初也。謂標出生無盡體相無限。二章二別釋中。初四偈釋無齊限。或一句是一義。後一偈半頌六度義。可以意得。後八偈半釋出生無盡。於中分三。初二偈半結前生後。以體無限故出生無盡也。次菩薩乘本。由勸正行為人天乘本。由闡妙業通為三乘涅槃之本。三四偈顯德圓滿。中初偈總顯。次二偈別顯願滿。後一偈別明智圓。第三二偈結德無盡可知。大文第三欲知下結勸發心於中三。初半偈正勸。次三偈半釋勸所由。總舉具足一切德故。後一偈結勸速發。

大方廣佛華嚴經疏卷第十九

大方廣佛華嚴經疏卷第二十

唐清凉山大華嚴寺沙門澄觀撰

明法品第十八

入卷第十

初來意者。前明當位所成之德。今辨趣後勝進之行。故次來也。又前明發心之勝德。今辨所具之行相。故次來也。二釋名者。準梵。本具翻應云。法光明品。統有四義。一法慧智慧。於能所證進趣行法。分明照了故。即明所知法。二明是能證。以能顯行故。法是能證。可軌則故。此則證旨合目。明有法故。法之明故。通二釋也。三明是智用法是理行及果。境智合說俱是所證。法之明明之法。依主名也。四所修行法體離無明。亦唯所證有明之法。法即是明。通有財持業也。三宗趣者。明法不同略有四種。謂教理行果。尋教悟理。觀理起行。行成得果。皆初宗後趣。又此四皆宗。為成後位及成勝德為趣。第四釋文。文有三分。一請說分。二正說分。三結說分。今初分二。先長行後祇夜。前中亦二。初叙問答之人。勝進趣後非勸不能故。精進慧問。二佛子下正申所問。亦分為二。初領前自分勝德。後請說勝進之行。前中先總。後具大莊嚴下。別別有七句。一領德。即領前莊嚴。一切諸佛不共之法。二領乘。即上已住。究竟一乘道。三領位。位不退故。即上已住。如來平等性。三世諸佛家中生。此下晉云。離生道者。即是領道。圓教初住離生因故。今四

五二句。成此一句。以捨世間得出世法。入住正位。即上於諸世間不分別等。六去來現在諸佛攝受。領得勝緣。即上佛護佛讚等也。七決定至於菩提。領其當果。即上云當得三世諸佛無上菩提。德雖無量。不出於此。故略舉耳。此約當住位釋。若約攝於上位。理無不通。而於求勝進義。非慨當。二彼諸菩薩下。請後勝進中亦二。先問所成行體。後問行成德用。以破疑等。為德用故。前中先正問後結請。前中十句為三。初五自利兼他。一問云何修習順佛令喜。其修習言亦總亦別。總遍諸句。別謂策勵。即下答中明不放逸。二問順法入位。三順行四順願。五順德積德成藏故。次四利他兼自。東為一對。初常說法而不捨自行。後下念四生上弘三寶。末後一句。總結二利不虛。二佛子下結請可知。第二復次下問。行成德用。文亦分二。初正問後結請。前中分二。初問行所成因德。二問結因成果德。今初有十二事。初十一字貫下諸句。一能滅無明。未審修何行法。而能滅耶。諸句皆爾。意在徵因。無明有體。黑闇為用。非明無之處。即名無明。故別有惑體。由無明故事理皆昧。名為黑闇。二問降魔。三問制外。四問究竟斷道。心垢即是所知。亦名習氣。五善根以何而成。六三惡八難云何可出。七智境何由淨治。八地等七種淨德云何成就。九依正三業功德。云何莊嚴滿足。十以何觀力。知佛功德。十一一切智境復云何知。十二何法能成。

①[所出]—②③[本]—④成此二晉經⑤⑥[前中]—⑦

就衆生乃至作大佛事。第二及餘下結因成。果於中二。先正結等。謂結所不說及等。如來。第二於諸如來下。顯等佛之用。護持正法。便等佛故。故偏明之。文有十句。初總餘別。總謂開示演說教理行果。皆有護義。諸魔下別。一異敵不侵。二攝持修行。三王外助。四舉世同欽。五諸佛灌頂。準梵本云。一切如來共所守護同灌其頂。故應迴文。六菩薩愛敬。七得衆善根。八能演深法。九攝德自嚴。若得此九方名護法。二一切下結請可知。第二爾時下偈文分二。初一讚說者。餘十頌上文於中亦二。初一頌頌前。餘頌頌後。於中亦二。前四頌所修行體。後五頌行所成德。於中亦二。前三頌行所成德。後二頌結因成果德。大文第二正說分中分二。先長行後偈頌。前中亦二。先讚問許說。後正答所問。前中三。初讚所問利益。二佛子下讚能問具德。三諦聽下誠聽許說。第二正答中二。先答所成行體。後答行成德用。前中答前十問。即爲十段。今初段中有五十句。前二十句答前修習。後三十句答令佛歡喜。前修習言亦總亦別。今不放逸亦通總別。總則遍下十段。皆由不放逸成。別則屬於修習。在文分二。先牒前標後。勸智守心不犯塵境。名不放逸。是修習相。不守根門。則名放逸。涅槃云。不放逸根深固難拔。因不放逸。一切善根皆得增長。故首明之。即精進三根。於所斷修防。非爲性對治放逸。成滿一切世出世間善事爲業。

二別辨中有二十句。前十始修。後十終成。今初有四。一總標。二徵數。三別列。四總結。他皆徵此。列中一對治破戒放逸。三聚非一故名爲衆。即三德三身之因。故首明也。寧捨身命不犯小罪。故名護持。二離癡智顯故善提心淨。三四可知。五恐負自心。故思本發六遠離惡緣。七修善無住。八離小行。大寧起。疥癩野干之心。不起二乘之心。難反復故。九積善無替。十亦愛亦策。不令過分使不相續。若不續者當令相續。故須觀察。二終成十中。一行清淨由不放逸。得無違教失。故名清淨。二念智清淨。念則明記智則決斷。念有智故念即無念。智有念故常得現前。此二相資故名成就。三等持清淨不沈不掉。故名爲等。然此沈掉乃含多意。如始學者。不昏沈不惡作。亦名爲等。未是深定。今稱性寂然。故能不掉。智照不昧。所以不沈。如此深定非深非淺。四動聞清淨。五思修清淨。六等引清淨。七妙慧清淨。稱理平等故。八攝受清淨。等利益故。如大地者。勝鬘云。譬如大地負四重擔。一者大海。二者諸山。三者草木。四者衆生。菩薩大地。荷負四種重任者。謂離善知識。無聞非法衆生。以入天善根而成熟之。及三乘人隨機遍攝。名等作利益。九同行清淨。謂如彌伽讚敬善財。十承事清淨離。離心故。次答令佛喜。有三十句。初十結前生後。次十正成行相。後十純熟究竟。今初。此即牒前十種清淨。如次配屬。前八可知。九攝二句。以善提

心佛法無邊誓願知故。既敬此心及事於師。故能順了。上九結前第十生後。故令佛喜。次十正成行相者。前明即前修習故令佛喜。今更別明於中一動而不退。成上精進。二內不憎身正念方成。三外絕異求故唯有勝進。四加行觀空方能不息。五正證入理故無所依。六窮得法印方順深法。法印多種。或五或四或三或一。但廣略之異耳。言五印者。即五非常觀。謂無常苦空無我寂靜。言四印者。合空入於無我。空即我所故。或名優陀那。菩薩藏經第二中。名法郎陀南。郎陀南者此名標相。涅槃寂靜是無爲法標。相印即決定義。如說有爲決定無常等善戒。第七地持第八。瑜伽四十六。廣有分別。言三印者。四中合苦入於無常。或除涅槃寂靜。有爲印故。今以諸印印於一切。亦無能印。故云不著。則入唯一實相印矣。後四依理起行。七願護小心故增廣大。八智護。凡見方順佛法。九自無法愛。十無作而修故。入無諍門矣。後十純熟究竟中。行修成熟故云安住。初二入理行。一加行離逸。二正證捨相。次二救生行。次二隨緣行。十度別修諸行總攝。後四願智行。即十度後四也。亦可。前十如大成此十種。但生熟之異耳。思之。第二答入菩薩所住處問。文分爲三。初有十法起。入地行。次住地觀修。後明地要勝。今初列中初三自分。一具資糧。二成加行。一度具十名大莊嚴。三智契實相故不隨他。後七起勝進行。謂四外近良緣。五內須

自策六能安果用。七不厭修因。八雙遊定慧。深心契寂。利智貫達。以斯二法。嚴於法身。故法華云。佛自住大乘。如其所得法。定慧力莊嚴。以此度衆生也。九不住法門。住有二失。一不契地智。二不能進趣。不住反此。十善窮地體。謂依一佛智。方便多門。更無異體。二復次下住地觀修。有十一句。初一是總。一切法門是成地之法。次九爲別。二諸地證智。三修加行因。四攝報等果。五所知分齊及所化境。六進德修業。斷障力用。七示百身等。八分別諸願。十善等法。九所證法界。皆言隨其者。諸地非一故。十悉善下辨成觀相。皆自心者。智與心相應故。因由心學果是心成。境由心現。力用是心分位。神通是心現起。分別是心決擇。所得是心造詣。並心外無得何所。若耶。十一如是下結觀成益。三佛子下顯地要勝。標徵釋結文並可知。第三答大行清淨問。有二十句。初十是因後十是果。今初行成出障故云清淨。雖數名小異大同。十行亦通十度。十行所行即是十度。欲勝進彼故此前修。又下文由爲物說法自增諸度故。復廣明所望處別互有影略。前七可知。八於惡衆生修菩薩行。心不傾動。是難得中義。本願誓化故。九善法行中。與衆生爲清涼法池。大悲堅固普攝衆生。爲舍爲歸。是廣度衆生。如橋梁義。有力能故。十真實行中文云。此菩薩入三世諸佛體性。與三世諸佛善根同等。智決體同故。第二菩薩既得下。由行淨因

得勝法果。一他力勝。二自善勝。三深定勝。四同行勝。五助道勝。六眞智勝。七意樂勝。八觀慧勝。九修行勝。十增進勝。第四答大願問。有二十句。初十起勝淨願。後十勵志令滿。今初全同。初地十願。一成熟衆生願。二淨佛國土願。三供養四護法。五承事。六同善根。七攝法上首。法通至佛名。如來門。八三業不空。九具修諸行。十現成正覺。但彼文廣依彼次者。五七一二六八三九四十。爲今之次。二佛子菩薩下。令願成滿者。由斯十句。能滿前十及餘多願。於中五深心則可久。六悉成則可大。可久則菩薩之德。可大則菩薩之業。餘並可知。第五佛子已下。答護菩薩藏問。文亦有四。初是結前生後。謂以前行願蘊積成藏故。唯十句更無成熟等異。文有五對。並顯可知。第六菩薩得是下。答隨所應化當爲說法問。文分爲三。初結前生後。謂蘊積福智用以攝生。二佛子下微以標起。三所謂下正解其義。於中分二。前知器授法。二具德成益。初中先知器有四。一識習氣所作。如金師之子。應教數息等。二知種性因緣。聞法發心。爲因隨因成性。遇師聞法。爲緣隨緣成種。三知心行之病。謂多貪等。四知希望差別。二貪欲。下授法文有十句。初二可知。三癡有二種。一迷於事理教觀法相。二惡邪推求不信業因。今其觀察十二因緣。能離邪執自性等計。上三唯對治四等分者。等謂相似三觀不可。並施若等重者教觀勝義。謂淫欲即道等。若

等輕者。可以生善爲人化之。釋此四分具如雜集十三。五求人天樂爲樂。生死說三苦者。乃至非想行苦所隨故。次四可知。十樂事寂者。令成理寂。若沈空寂。令成事用。菩薩已下總結隨宜。二爲說法時下明具德成益。有十句十對。一文連義正。二法智無差。即依法不依人。依智不依識。三審定無違。即依了義經。不依不了義經。四立法義故能遍斷疑。五了物根故入於佛教。六寂契眞際。照法性源。七斷眞法愛。除入法執。八念佛了音。九亡言巧說。雖無說無示善順宗因。十令悟隨宜終歸平等。即說之益。第七菩薩如是下。答恒不捨離諸波羅蜜問。於中二。先結前生後。則正說法時便具十度。設自修此亦爲利他。一向大悲了平等故。通至佛果。故皆名道。二是時下。正示不捨度相。十度即爲十段。皆先辨相。後是則下結名。前四辨相中。先辨施等相。後無著等辨波羅蜜相。檀戒可知。三忍中諸惡通於內外。其心下契理平等。成波羅蜜。四進中普發衆業。是無餘修。亦利樂動常修靡懈。是長時修。恒不退轉。是無間修。上即加行勤也。勇猛莫制。是勇捍修。亦被甲勤於諸已下是顯度相。五禪定中文有十一句。一詞五欲。所以訶者。夫禪定虛凝湛淨。猶淨海高懸。聖境尙曰妄情。馳想五塵。豈當爲道。云何訶之。色如熱金丸。執之則燒。聲如毒塗鼓。聞之必死。香如弊龍氣。嗅之則病。味如沸熱蜜。舐之則爛傷。觸如臥師子。近

之則曠。此五欲者。得之無厭如火益薪。亡國敗家。世世爲害。過於怨賊。故不應著。況菩薩體。此卽如復何所著。二入次第定。謂四禪四空及滅受想。爲九次第定。下十地離世間品具明。卽一切門禪。三安在理定。寂愛味住。智契不出名。正思惟以見心性故。亦善土相。上二定體卽定自性。餘六定用。四消滅煩惱通愛見慢等。故云一切卽清淨相。五出在諸定。如起信云。得此真如三昧。能生無量諸三昧門。上文云。一三昧生塵等定是也。卽難行相。六引發神通。謂精義入神以致用也。亦遠求相。七逆順自在。亦難行相。從滅定出入。非非想乃至初禪。是名爲逆從。初禪出入第二禪乃至滅定。是名爲順。此中逆順應各有超間。謂超一超二乃至全超。文無者略。此亦名爲師子遊步三昧。八一多自在攝一切定。應有四句。謂在一入一。在一入一切。在一入一。在一入一切。得其源故。九悉知定境。定境有三。一諸定所緣。二諸定分齊。三諸定境用。皆能知之。十者總結體用無違。言三昧者。此云等持。唯局有心而通散心。三摩鉢底此云等至。通於有心及與無心。唯諸位定體。此二功德名爲等引。上二句定體通於此三。六句定用卽是所引。言智印者。卽一實相故。智論釋百八三昧中。第二名實印三昧。謂與實相般若相應故。上二是定。此一是智。合卽雙運。今菩薩隨在。一定卽與一切三昧。此三無違。十一連入智地。亦卽定果。以若

薩之定。事窮無邊理極無際。故能速至一切智地。亦難行相。亦二世樂相。又上二三四。卽現法樂住禪。次五引生功德禪。五亦饒益有情福。後二通三。又通十種清淨。一由世間淨離諸愛味故。卽第三句。二出世間淨亦此句攝。三加行淨卽是初句。四得根本淨卽第二句。五根本勝進淨卽第五句。六入住出自在清淨。七捨靜慮已復還證入自在清淨。上二卽第七句。八神通變現自在清淨。卽第六句。九離一切見趣清淨。十一切煩惱所知障清淨。此二共是第四句攝。餘如瑜伽四十三九大禪說。十行之中當顯其相。六般若中句亦有十。前之三句。聞法近友卽聞所成慧。初句正明。二近友不倦是聞慧緣。三樂聞無厭是聞慧因。暫聞則已慧不生故。四卽思慧學而後思故。云隨所聽也。內正作意故云如理。五亦思擇慧。又於無煩惱中善決擇故。捨煩惱故。六善觀下皆是修慧。此句悟入於如。七宿習思量故了無功用道。八周備悟入。一中一切等名爲普門。九入二智門。十總結已圓故云休息。後三連環。此中亦有九門之相。惡繁不配。其中雖定慧互有互相嚴故。而爲門不同。若全雙運故。起信論合於六度。以爲五門。後之方便義亦準此。涉有不迷於空則名方便。不厭有而觀空。便稱般若。豈令般若不能知有耶。方便若不觀空。何名方便。非唯此三萬行皆爾。況般若能行萬行。何法而不用之。寂照盡於理極。不得一行無此君耳。所以開

則萬行森然。泯則一不爲一。得意則無所不通耳。七方便中亦有十種。一巧智現世爲方便。二悲非愛見故化而無厭。卽悲智相導爲方便。三依體起用。四非捨非受故一切無染。五凡聖雙行由雙非故。六行無住道。七觀察進趣。八現相不著。九遍入諸趣。卽無生現生。十度脫衆生是無化現化。初九拔濟餘皆迴向。依瓔珞因果品。後之四度亦各有三。方便三者。一進趣方便。卽第七句。二巧會有無除第四句。皆此所攝。三不捨不受卽第四句。八願中亦有十願。前五後三盡字爲初。六身恒住盡劫海。七智盡心海。八窮盡有支。九盡現國土。十窮佛果智。此求菩提前九利樂。若依三願。二三四五爲自行願。六七爲神通。初及八九爲外化。十通二利。皆云盡者窮彼源故。九力中十句各二。謂標名釋義。一契理。深心是思擇力。樂則無力。翻此故有也。餘可準知。皆修習力。瓔珞有三。皆名通力。一報通力。二修通力。三變化通力。觀彼似當九十二句耳。十智度中。識病知根順理授法。名爲智度。亦有十句。初四知病輕重。次三知根欲樂。一位二行三心。後三知法樂。一知理法。二知果法。三普覺法界。前七成就有情。後三現法樂住。瓔珞三智。一無相智卽知法真實。三變化智卽如來力。餘皆第二一切種智。餘義如初會說第八佛子下。答前所念衆生咸令得度。問於中分三。初結前起後。二正明化度。三結如本誓前中初結前。清淨約離障圖

滿具事理，不捨謂常相應。住大莊嚴者。總結十度爲繫。是大乘體。後隨其所念。下生後。由且前故。二墮惡道下正明化度。文有十句約爲四類。初二令離惡果。三塗除無間皆容發心。如慈童女。二令勤修則脫八難。值佛聞法。次三令離惡因。貪有二種。上偏語色貪。教修不淨。今通語貪財名等故。但云示無貪法。無貪法者。謂不淨觀空少欲知足。二瞋亦二種。上偏語能爲違害。故令修慈。今通瞋情非情故。觀同體不。應自瞋。三癡亦二種。已如上文。此約邪癡令觀緣起。次三令離流轉三界循環。皆可厭故。初欲害等義見。三地。二色界雖定慧似均。然是定地。恐其滯寂故。爲說觀。又無生正觀。令得無漏。三無色定多故。爲說妙慧。又示諦觀方得永出。後二示以三乘隨機爲說。又引權歸實令。知本寂。三如其往昔下結如本誓。故能真度。師子吼者。決定度故。第九佛子下。答前紹三寶種使不斷絕。問文分爲二。初仍前總標。二所以下徵釋。所以由化衆生入三寶海故。能紹前令不斷也。文有四番爲成十句。前九別明後一總結。就初三番釋通總別。然後後轉深。前前通者通在諸位。別者初在十信。次居三賢後約登地。三番佛種差別云何。初教發心令具因性。未發唯有本住性故。次讚大願令成因行。今所發心不退轉故。言大願者。謂求菩提願利樂有情願。又防惡願如戒經說。有進善願如常所明。三下佛

種子令成佛智。謂證真如成無漏故。上約別顯通者發菩提心總有三心。謂即大悲大願大智。初番爲總已含大悲。次番是願後番是智。謂示妙理令暫見心性。成金剛種。三番法種差別相者。初開法藏令教不斷。次說因緣令義不斷。後具四種護令教理行證皆悉不斷。復次初雖領教未發真解。次具解行未能證故。三番僧種有何差別。初受法無乖始墮僧數。次修六和敬僧行已成。後統理大眾令僧清淨。復次初雖奉教解行未具。未是真和。次雖具解行未離衆怖。不能控御。言六和者。三業爲三及戒見利。謂身和同集口和無諍。意和無違見和同解戒和同奉。利和同均。又約菩薩三業同慈六皆同體。真實和也。一切恭敬令僧久住。後總句者。弘法奉戒三學兼修。則不斷三寶化化不絕。第十菩薩如是下。答前善根方便皆悉不空問。先略後廣。略中分三。初結前生後。謂由能紹三寶故所行無失。二隨有下由不空故。三業無瑕。謂所作迴向是不空業。三無瑕玷放下。由無瑕故不空。所作反覆相成。玉之內病口瑕。瑕謂體破。外病曰玷。玷謂色污。以顯三業內外無失故。白珪之玷尚可磨也。三業之玷不可爲也。初句牒前。次所作下示無瑕相。後皆與下顯不空相。方便有慧方便不空。慧有方便慧亦不空。此辨所行不空。迴向智智辨趣果不空。第二菩薩如是下廣明有二。初明自業不空。後辨利他不空。初中雖明不

空。義兼無失。以一切清淨離煩惱故。又此無失即自業不空。順止寂故。文有標徵釋結釋中皆先標後釋。初四依正莊嚴。次六攝化莊嚴。言涅槃地者。以涅槃最嚴地也。謂隨有成道入涅槃處。當知其地即是金剛。今於一切處成。則無非金剛也。標云涅槃釋云成道。文影略耳。四菩薩成就下結文可知。二若有衆生下利他不空。於中有法喻合。文則可知。佛與菩薩俱益不空。今不見者不宜見故。見不益者無行力故。亦遠益故。上來並答所成之行問。竟第二佛子菩薩摩訶薩住此下。答行所成德問。前文有二。今亦二段第一答以行成德。二答以因成果德。今初具答十二問。各有二句。上句答下句。上云修何滅癡。今答以智他皆做此。二用慈降魔。夫欲害人反招自害。苟欲安人則物我俱安。故柔勝剛。勝勝強。以慈安一切惡魔。無以施害。慈善根力其功巨量。三福則怖之以威。智則屈之以辯。次四後四文並可知。八以方便智慧出生是答。一切菩薩已下即是所問。準上文此有七事。今波羅蜜下欠總持句。然方便有二。若加行方便出生地度。若善巧方便。亦生諸度及餘五法。智亦有二。若根本智即成內證。若後得智即成業用。是故此二出生。此七言清淨者治彼障故。二佛子下答以因成果問。於中亦二。先結因成果。謂但勤修上來諸行。則能次第從因得果。二於無邊世界下。正答所成之德。謂護持正法。但當勤修上

來以行成之德。自當成。後護持法等諸德。故乘前結因成德明之。答上十句文分九段。第一答初總句。如來法藏守護開演。二佛所護念故。即答衆魔外道無能沮壞。以佛護故三守護受持下。答攝持正法無有窮盡。四於無邊下。答於一切世界中。演說法時十王敬護。謂身勝音巧令聞者入智故。五知諸衆生下。答舉世同欽稱機令喜故。六其身端正下。答菩薩愛敬端正有德故。其佛灌頂。在前第二佛護之中。七善知衆心下。答得善根力增長白法。於中先總明三業。後得心下別顯十種自在。皆是善根。其十自在之能。並是增長白法。八菩薩如是下。答開演如來甚深法藏。九佛子菩薩得如是下。答攝持正法以自莊嚴。於中初明自嚴。次徵後釋。以攝正法故。有十句德。亦即是前所成之德。可思準之。第二重頌分。十頌分二。初六

偈頌前十種所成行體。後四偈頌行所成德。前中初二偈頌佛喜。於中初半頌不放逸。餘頌佛喜。二有一頌頌入地及大行大願。三一頌頌菩薩藏及所應化而爲說法。四一頌頌不捨自行諸度及所念衆生。皆令得度。五半頌頌不斷三寶。六半頌頌善根方便皆悉不空。二菩薩所修下頌行所成德。初一頌初行所成因德。後有三偈頌以因成果德。於中初二頌通頌前之八段。後一頌別頌第九答攝持正法以自莊嚴以喻而顯。一身儀安諸願前現身。次辨德威猛。頌前以無畏辯。三心定不動頌安其怯弱。四智深如海。

頌以深智慧。五法雨滅障。頌前而爲說法。第三時法慧下明結說分。謂契理合機故佛喜衆奉也。第三會竟

大方廣佛華嚴經疏卷第二十

大方廣佛華嚴經疏卷第二十一

唐清涼山大華嚴寺沙門澄觀撰

升夜摩天宮品第十九

第十 自下第三中賢十行會。初來意者。酬前十行問故。匪知之艱行之爲難。前解此行若齊明相。賴目足更資。故次來也。次品來者。此會四品分三。初二品當會由致。次一品當會正宗。後一品勝進趣後。於由致中。後品明證德顯體。此品先明感應道交。前會已終將陳後說。故次來也。二釋名者。會名有三。一約處名。夜摩天宮會。夜摩此云時分。即空居之首表十行。涉有化物宜適其時。時而後言聞者悅伏。時而後動見者敬從。涉有依空即事入玄。託此而說。約人名。功德林。約法名。十行會。並如後釋。三皆依主。次品名者。大同於會。然梵本中。上無升字。下有神變。譯者以升爲神變。升爲神變。略有四義。一不離前三而升。此故。二升一處。即升一切處故。三升已廣其處故。四前後同時無障礙故。謂佛以圓遍之身。不起而升。時分天宮。升屬如來夜摩。約處相達釋也。前升須彌後升兜率。準此可知。三宗趣

者。會品之宗並如名說。意趣可知。四釋文者。一品長分爲十。第一本會圓遍。謂前會不散而說。後會故。初句遍因。十方下遍相。亦有主伴等。並如上說。但處加須彌。則而演說法通上三會。第二爾時世尊下。不離而升。第三時夜摩下。天王見佛並如前會。第四即以下。各嚴殿座。初一句總依空起行。故云化作。無著導行故曰蓮華。一行含多所以稱藏。餘如上說。百萬已下別顯嚴相。於中四。初明座體備德嚴。皆云百萬位漸增故。次百萬夜摩下。明座旁圍繞嚴。三從百萬下法門行德嚴。文有八句。攝爲四對。一因緣。二福智深心契理故。三願行四體用。無生法體之所起故。四末後一句法教流通嚴。第五時彼下請佛居殿。第六時佛下如來受請。第七爾時下各念昔因。然晉經亦有樂音止息。今略無者。譯人之意。謂不如十解會事歸理。不云樂音止息。不及迴向事理無礙。不云熾然。退可同前進可齊後。故並略之。第八偈讚十佛。此十佛是前會十佛之前。如次十佛明位漸高。念昔亦遠。理實三世諸佛皆同。此說。餘如前會。文亦有二。先明此界後辨結通。前中十偈亦各有四。初句標名讚別德。次句通顯具吉祥。三憶會入此殿。四結處成勝極。亦初一句諸頌不同。初二字別名次二字通號。下三字別德。亦皆以下別德釋上別名。一以開十方釋成名稱。二以世間登釋寶王義。珠有夜光可代燈者。爲寶中王。佛有智光照無明

夜故曰寶王三四五六義並可知。七以世燈釋勝天者身智光照勝於天故。八以論雄釋無去者具勇智辯不可動故。九十可知。又此中殿各舉別名初一嚴體下皆寶之別德。謂此寶清淨以用莊嚴殊勝無垢此寶發香是否必妙。能嚴之寶無所不見可謂普眼如是嚴者。是善莊嚴無處不嚴名普嚴也。又善嚴者善因生故第九爾時世尊入下佛同升殿第十此殿下處忽寬容並如前會。

夜摩宮中偈讚品第二十

初來意者。助化讚揚故。說行體性故。行所依故。然三天偈讚來意宗趣大旨是同。但解行願以爲異耳。釋名。宗趣亦不異。前約處約行少有別耳。四釋文者。文亦有三。一集衆。二放光。三偈讚。初中有十。一明集因。亦即各隨其類爲現神通也。二十方下。主菩薩。三一一下眷屬數。四從十萬下來處分量。然顯數隨位增。信十住百迴向是萬。此合當千而云十萬。或譯人之誤。或是十百則傳寫之誤。五其名下列菩薩字。同名林者表十行建立故。行類廣多故。聚集顯發故。深密無間故。扶疎庇映故。此十菩薩表行之體也。可以意消息之。六此諸菩薩下。來處剎名同名慧者。十解之慧行所依故。七此諸菩薩各於下。明所事諸佛同名眼者。以智導行。了了分明。成有目之足故。斯即十行當位之果佛。於此位顯者皆名眼故。宜以當界之佛與當界菩薩共相屬對思而釋之。八

是諸下至已設敬。九隨所下參而不難。十如。此下結通無盡。第二爾時下放光足上。謂跌背行必動故。背依輪指得有用故。表行依信解而成用故。餘同前會。第三爾時功德林下。明說偈讚。十菩薩說即爲十段。亦以東方爲始。上方爲終。各有說偈所依謂承佛力等。今初菩薩且就說偈積行在躬功德圓滿。故名功德若就所歎。歎佛勝德。故云功德林有十二頌。以是會主總叙此會普遍之事。於中二。初八述讚奇特。後四舉德釋成。前中四。初一偈叙此品放光。次二叙前品感應。次三叙此品衆集。後二明自在普周。後四舉德釋成中二。前二舉因顯用。後二辨果用深廣。於中一體用自在。上半不去遍至。下半卷舒相盡。謂一身即多則一相不可得。多即是一則多相不可得。是故恒一恒多恒非一多。由此自在。一塵內身無不周于十方。遍十方身並潛一。塵之內皆悉圓遍非分遍。故難思議也。後一深廣相成。上半牒廣辨深。下半釋深顯廣。謂不住故無處不至。不去故不離本位。此釋深也。塵毛等處無不普入。廣無邊也。第二上明功德此辨智慧。悟此除冥難遇之慧。故名慧林。偈中歎此十頌分三。初一明佛難遇。次六別釋難遇。於中亦三。初二益廣難遇。次一因難難遇。後三果深難遇。三有三偈校量。顯勝於中初一長時大行校量。次一長時供佛校量。後一勝物供佛校量。第三勝林悟勝義甚深之法。故偈歎深廣無涯之

德。十頌分二。初三明佛德廣博。後七顯法體甚深。橫豎互顯。前中初二喻況。後一法合。喻言孟夏月者。取意譯也。梵本敵對翻云。後熱月。西域記云。從正月十六日至五月十五日爲熱時。則後熱月。言兼得此方孟夏後半餘之二際。各有四月準釋可知。赫日之言。但取陽光時。長難窮其際耳。彼方或爲四時。與此名同。但以正月黑半爲首耳。不見此文妄爲異解。後七中令於依他修三無性觀。以除之二性不離依他故。由於二性成依他故。謂圓成是依他體性。遍計但橫執依他。又迷真似現故。即依三性說三無性。三性尙一豈有三無。三無但是即有之無。三性但是即無之有。有無不二爲一實性。有無形聲性亦非性故。於一依他中具修諸觀。文即分三。初三作生無自性性觀。次二兼修勝義無自性性觀。後二修相無自性性觀。今初即分爲三。初偈正觀。無生初句果空。謂緣生果法非先有體。從世性微塵。及未來藏因緣心識中來。若有來處。即先已有。如鳥來棲樹何得言生。次句因空既無有果。對何說因。又世性等。亦是妄計因緣有故。次句雙遣所從。是因所生是果。又初句不自生。次句不他生。次句不共生。又初句非先有而生。次句非先無而生。次句非半有半無。三義各以末句息妄成觀。次偈以無生釋無滅。略有二義。一無生可滅故。二無待對故。三例生從緣故。後偈觀成利益。

〔初〕一〇 〔二〕十釋 〔三〕十宗 〔主〕十辨 〔下〕十明 〔讚〕二儀 〔塵〕二身 〔顯〕一〇

經云無生即是佛。故論云。若見因緣法。則爲能見佛。依他因緣即無生故。次二偈約依他。兼修勝義無自性性觀中。前偈遣所觀。上半辨觀。下半明益。各含二義。故致兼言。一者成前。謂非唯能相之生。生即無生。所生法體從緣無性。即無所有。此顯依他無生是圓成。性益云深者。即事而真故。二云無生真性亦無所有。即彼勝義無自性。性益云深者。真性不立故。後偈遣能觀。然有二義。一。成前所觀。謂以無性故。無有能了。如無有人能了龜毛長短大小。知無所了。是究竟了。二是正道能了。既無所了。亦無能了。能所兩亡。爲究竟解。後二偈明相無自性。性觀中初偈正明後偈總結。前中上半顯執不了。國等依他。謂爲現見。妄計爲生故。晉經云。所言有生者。常知由所生。下半明觀。若知無性。則離遍計故。後偈總結。結稱於事理之實。以觀世等。故善說也。第四以信樂力開深。不畏名。無畏林。偈歎信向益深德。故十頌分二。初一所信之境。謂法身體即法界。智身證極法界。致令應用之身不動而遍。後九聞信之益分五。初一聞信離惡。次二辨其難聞。次三明聞信成佛。將過去已成證現未當成。四有一偈明聞必有由。勵物起願。五有二頌顯起行益。第五拒妄崇真。拒迷崇智。智名爲慚愧。林。偈讚如來大智勝益。十頌分三。初三法說難思。次六以喻並決。後一結德歸佛。今初初偈明聞生勝益。令物希聞。自在法者。即佛智也。次偈

佛窮種智。故下位難思。後偈顯智從生。此文反顯。然有二意。一者成前。謂欲生智慧。當於佛求。佛無不知故。不應求之於凡。凡暗冥故。猶夢芙蓉。必於深水。而於木末。安可得耶。二者成後智。從重習自種而生。不從煩惱無智所生。是故下言。二心不同時。屬自愚智。故故應慎所習也。若爾何以經言煩惱泥中有佛法矣。此說在經如來藏故。然此大智從藏德生。非從迷起。若爾煩惱即菩提。復云何通。約體性故。從所迷故。如波與濕。然實義者真妄愚智。若約相成二門峙立。若約相奪二相寂然。雙照二門。非即非離。若說一者離之令異。如此章中。若云異者合之令同。如後章是善須得意。勿滯於言。若準普經。云非從智慧生。亦非無智生。了達一切法滅。除世間闇。則顯智體絕於愚智。不稱實了。則名無智。此偈雙明性相。後喻但顯二相不同。二並決中二。先五明二性相違。後一辨功能不等。今初唯第二偈三句是喻。餘偈喻合。各有半偈。一約色非色者。非色謂心緣虛實礙體性不同故。二中有二喻。相無相者。理非相反。生死涅槃真妄相反。雖同一體。分別義門。不相是故。三成之與壞約相別故。四初心後心時不同故。五諸識身所用別故。緣會不同故。眼無耳用。又此眼識不合餘根。識身同識尙不相合。愚智性異。安得相生。二功能不等者。非唯二性各別。然智能滅愚。愚不滅智。藥能去毒。毒不去藥。亦猶明能滅闇。闇不

滅明。三一偈結歸如來。適出世表。故難值遇。第六勸觀理事同無差別。離身心相故名精進。十頌總相顯佛此德。前即無差之義。此乃差之無差。二章相接顯非即離。亦互相成。十頌分二。初一約法雙標。後九就喻雙釋。今初也。初句標其所知。五類之法皆無有差。餘三句對人以顯。次句揀非餘境。下半唯佛究竟。後九釋中前五釋所知。後四釋能知。前中初四正釋。後一遣疑。前中皆上半喻。下半法無差所由。在於末句。然其能喻不離諸法。取其所易喻。其所難耳。一體色無別喻。此喻爲總。喻雖是一法。合有二。該橫豎故。豎約理事交徹。法者事也。非法理也。色即空故。亦可法真法也。非法妄法也。取文雖異。義旨乃同。謂如金之黃色與金體。斤兩性無差別。隨取互收。合中金是所依喻其真法。色是能依喻妄非法。以妄無體。攬真而起。則真無不隱。唯妄現也。以真體實妄無不盡。唯真現也。是則無體之妄不異體實之真。故云無有異也。亦同密嚴如金與指環。展轉無差別。橫者異法相望。法者可軌之法也。非法者不可軌之法也。又法謂有法非法。謂無故。中論釋。法不生非法。云有不生無故。體性無異者。謂同如故。然前義正順於喻。後義乃順標中諸法之言。要由初義性相無差。方得顯於後義事無差。若但用後義。未顯相全同性。那得顯於事事同於一性。第二偈假名不實喻。以真奪俗。是故無差。攬緣成衆生。即虛非衆

生所遣既無能遣安有故俱無實以喻諸法皆無實義並從緣故。若以正報爲衆生依報非衆生乃全是所喻非實之相。尙難顯了。三三互無喻。喻無相故無別。謂若未來有過去者。應名過去何名未來。故知定無過現之相。文學一隅。應反餘二。諸法無相如彼互無。此以差別喻無差別。四四相非實喻。喻無性故無差別。生等四相離所相法。無別自性。一切諸法離所依理。無別自性。此以相無喻於性無。後遣疑者。疑云若都無別。云何見有性相等殊。故此釋云。亦如涅槃離離有無百非斯絕。而強立名字曰。餘無餘。諸法亦然。真俗並虛分別成異。若離分別則無一切境界之相。第二四偈。喻能知者皆展轉遣疑。初偈疑云。既有分別則有能知。故釋云。離所數物無能數。既所知無性何有能知。無知之知是真了法。次復疑云。若依向喻能數喻能知能知雖無所知猶有故。復用能數法以喻所知。智慧差別以喻能知。反覆相遣顯無差別。謂一上加一名之爲二。乃至百千。皆是諸一。由能數智作百千解故。晉譯中第三句云。皆悉是本數。今譯明一多相待故。無體性喻。彼妄想於無性中計爲有無耳。次又疑云。都無能所何名佛智。故釋云。能所雙亡佛智斯顯。故所知妄法如世成壞。能知真智湛若虛空。尙不初成。況當有敗。如出現品。又橫智照俗同世成壞。橫即是實如不離空。末偈疑云。佛智既等應用何殊。釋云。

隨心妄取佛無異相。又謂常無常如各取空。佛智雙非如空無別。第七智了三種世間。性相諸邊不動。故名力林。十頌顯佛離相真智。於中分三。初四遍明世間。次五雙遣世及出世。後一觀成利益。今初略有二觀。初二偈攝末歸本觀。顯衆生世間空。後二緣生無作觀。兼顯器世間空。今初也。初二句。推假名衆生不出三世。顯是無常。次二句。推三世衆生不出於蘊。顯無有我。次句蘊由業生。以明果空顯非邪因。次句推業唯心明。心外無法。次句體心如幻。不離性空及與中道。如幻無性故。非有非無。故末句以本例末。則上五一如皆展轉緣生故。二緣生無作觀中。初偈無作故緣成。後偈緣成即無作。今初言不自他作者。通遣諸非一約外道非自性等作。亦非梵天等他作。但以虛妄無業報故。廣如三論破。二約小乘非同類因自作。亦非異熟因他作。以皆相待無自性故。三約因緣相待。如十地論及對法所明。四約以因果望果。中論云。自作及他作。共作無因。作如是說。諸苦於果則不然。此自他言含於二意。一以果爲自以因爲他。論云。果法不能自作已體故。二以因爲自以緣爲他。此明不從因緣。無果待對故。離既不成立亦不成故。論云。若彼此共成應有共作。若彼此尙無作。何況無因。作彼此即自他也。下半二意。一不礙緣成。以遣無因。二非但不礙幻有。亦由有空義。故能成因果。是則不動真際。建立諸法。又

非但說於苦四種義不成。一切外萬物四義皆不成。成壞之言顯兼器界。後偈緣成即無作者。向約幻有。雖言成壞幻有即空故不應說。是則不壞假名而說實相。第二五頌雙遣中。初半偈假徵。次半標答。次偈出體釋成。蘊是世間緣成。寂滅即出世間故。淨名經云。世間性空即是出世間。一體說二故云。假名。次二句徵蘊名體。世以蘊爲體。蘊以何爲體。次二句標答。上句答體下句答名。應名無生五蘊。既云性不可滅。則顯前非事滅。次一偈釋成空故不滅亦非事在。不滅則知本自不生。是無生義。後一偈例出世間。顯智正覺世間。亦應緣無性。又證無性之理爲自體故。末後一偈明觀益者。佛以實法爲其體故。見法則常見佛也。第八照理觀佛而起正修。故名行林。十頌觀佛體相普周德。於中分二。前七約喻顯修。後三見實成益。前中復二。初二地種無性普周喻。喻佛無生遍應德。後五業相無依成事喻。喻佛難思現用德。於中二。三偈喻二偈合。前中初一明業果互依。次偈明相依無性。業不離生故業性空。因業有生故生無性。業不離生故業性空。因業有生故生無性。來處。後偈雙結難思顯成真觀。若逆推其本。業復有因卒至無住。無住無本故無所見。無見之見方了業空。二頌合中。初偈難思普應。合上業果互依。次二句。以互不相是合互依無性。身若是佛轉輪王等即是如來。佛若是身。正覺之心應同色相。後二句結示真體。唯如唯智。合第三偈難思達本。二

有三偈明見實中。初頌見佛即了法。以見佛稱性不疑。同體故。次偈見法即見佛。了法即性淨。知佛不住性相。故。後偈明了正修行。照了無相心。寂分別。寂照雙流。故名正念。則從佛法生。是法王子故。又上三偈初知離名為法。次知法名為佛。後知無名為僧。窮見三寶之實體也。第九照心本末名為覺林。十頌顯於具分唯識。大分爲二。前五約喻顯法。後五法合成觀。前中二。前二約事後三約心。乍觀此喻。似前喻所作後喻能作。細尋喻意。前喻却親。故喻真妄依持。後喻心境依持。然依生滅八識。但有「心境依持」而即如來藏心故。有「真妄依持」以會緣入實差別相盡。唯真如門。即前喻所顯攝境從心不壞相故。是生滅門。即後喻所明。存壞不二唯一緣起。二門無礙唯是一心。故下合中但明心造欲分義別。喻顯二門。是名具分唯識。今初二偈真妄依持即真如門。攝一切法也。初偈初句總喻「一心」次句喻隨緣熏變。成依他也。次句不了。依他故成。遍計第四句喻依他相盡體即圓成。後偈喻依圓真妄非即離義。上半不即能所異故。大種中無色身所觸故。色中無大種眼所見故。又能造無異畫色差別故。喻妄依真能所異故。性無差別相不同故。下半不離義。謂所造青等。離能造地等無別體故。假必依實同聚現故。喻妄必依真性相交徹故。然大必能造色。非色能造大。喻妄必依真起真不依妄生。故不云也。然不離

於色有大種可得。後三約心者。喻於唯識心生滅門。於中初一亦明心境不即離義。上半不即。心中無彩畫。不可見故。彩畫中無心。無慮知故。喻能變所變見相別故。下半不離隨心安布故。喻離心則無境界相。故。要由心變於境。非是境能變心。故云唯識。不言唯境。但云然不離於心有彩畫可得。不言然不離於畫而有心得。次一偈喻能所變之行相。明畫師巧思不住。變態多端。所畫非心誰相知者。法合彼心者。真妄和合心也。恒言遮斷。不住遮常。如瀑流故。含一切種。故云無量相。甚深細名難思議。次句頓現萬境。下句喻所變境。離心無體。又常不住者。無住爲本故。無量難思總標深廣。下二句釋。示現一切廣故難思。各不相知深故難思。三一偈重喻。上來不相知義。謂非唯所畫之法。自不相知。喻所變之境無有體性。能畫之心念念生滅。自不相知。故。亦不能知於所畫。變喻心境皆無自性。各不相知故。言不能知自心而由心故畫。又雖不知畫心。而由心能畫。喻衆生雖迷。心現量而心變於境。又由不能知所畫。但畫於自心故。能成所畫。喻衆生由迷境唯心方能現妄境。又喻正由無性方成萬境。故云諸法性如是。第二五偈合中分四。初一偈合初二句初句合。最初句心者。即總相之心也。下三句合。第二句諸世間者。即諸彩色。此句爲總。下出諸相。即蘊界處。故云無法不造故。晉譯云造種種五蘊。正法念云。心

如畫師手。畫出五彩黑青赤黃白及白白。故上文云。布諸彩色。畫手譬心。六色。如次喻地獄鬼畜修羅人天。若言種種。則十法界五蘊等法皆心所造。次二頌合前初偈下半。於中二。初一舉例以合。由成前諸言。謂如世五蘊從心而造。諸佛五蘊亦然。如佛五蘊。餘一切衆生亦然。皆從心造。然心是總相悟之名佛。成淨緣起。迷作衆生成染緣起。緣起雖有染淨心體不殊。佛果契心同真無盡。妄法有極故不言之。若依舊譯云。心佛與衆生。是三無差別。則三皆無盡。無盡即是無別之相。應云。心佛與衆生。體性皆無盡。以妄體本真故亦無盡。是以如來不斷性惡。亦猶闍提不斷性善。又上三各有二義。總心二義者。一染二淨。佛二義者。一應機隨染。二平等達染。衆生二者。一隨流背佛。二機熟感佛。各以初義成順流無差。各以後義爲反流無差。則無差之言。含盡無盡。又三二中二義。各全體相收。此三無差成。一緣起。上約橫論。若約一人。心即總相。佛即本覺。衆生即不覺。乃本覺隨緣而成此二。爲生滅門。下半此二體性無盡。即真如門。隨緣不失。自真性故。正合前文大種無差。若謂心佛衆生三有異者。即是虛妄取異色也。後一偈反勢合。謂妄取異色則不知心行。若知心行普造世間。則無虛妄。便了真實。即正合大種無差。兼明觀益。三一偈有二義。一雙合前真妄心境不即離義。上半合前二三偈之上半。即前互無不即之義。心即

能變及心體故。身即所變。謂有根身是識相分及性之相故。下半雙合前兩偈。下半不離之義。謂雖不相住。而依心現境依體起用。作諸佛事。體用不礙。爲未曾有。二又將合前第四偈。謂上半合前恒不住義。及各不相知。而能作佛事。合示現一切色。自在未曾有。合無量難思議。爲兼此義。不以互無言之。而不住譯之妙也。晉經但云。心亦非是身。但得前文互無之義。末後一偈結勸。即反合前盡師不知心喻。若不知心常盡妄境。觀唯心造則了真佛。上半有機下半示觀。然有二釋。一云。若欲了佛者。應觀法界性。上一切差別皆唯心作。以見法即見佛故。二觀法界性是眞如門。觀唯心造即生滅門。是雙結也。又一是眞如實觀。一是唯心識觀。大乘觀要不出此二觀。此二門唯是一心。皆各總攝一切法盡。二諦雙融無礙一味。三世諸佛證此爲體。故欲知彼者。應當觀此。既爲妙極。是以暫持能破地獄。第十鑒達諸佛通超色聲。心言路絕。故云智林。頌顯此德十頌分二。初一標章後九解釋。今初。若準晉本。第四句云。所思不可思。則四句皆標章。今經則上三句標章。第四句總結。謂標章過。今不依識明。佛三業非凡境故。第四總結顯德。示智入門。謂若了唯一真心。言思斯絕。則合菩提之體。故梵本第四句云。於不思何思。即是以一真心而成三業。三業不離一眞形。將相融。不可以一多思也。又非唯佛之三業同一眞心。亦

與觀者真心非異。非一。故難思議。若能離於思議。則終日見聞。亦無所見聞矣。後九別釋中。即分三別。初二釋不可取。次四釋不可見。後三釋不可聞。今初也。初半偈。以正釋。後一偈半。縱以生過。然有量等實通三業。爲對下二且就智明。有如理智不可言量。有如是量。不可言無。又一智即是一切智故。衆智所用不相離故。後縱中初半。縱其令取必無果利。後一偈顯取之失。夫說法者。當如法說法。無所得而欲取得。心計有說執石爲寶。是謂自欺。理無謂有。是爲自誑。終不契理。故云。已事不成。汚他心識。故不令衆喜。又以量無量。取則墮斷。常自損損。他故皆不可。第二有四偈。數佛色身深奧。釋不可見。章文分爲二。初一法說後三喻。況今初。非色現色。故稱爲妙。物感斯現。是曰無邊。又色即空。故邊即無邊。又淨識所現。空色相融。故身分總別。乃至一毛皆無。邊量攝德無盡。具上三義。豈可以盡言。次三喻中分二。初一摩尼隨映喻。喻佛地實無異色。隨感便現。故言無色而現色。喻全似法。故但合云。佛亦如是。後一偈淨空現色。喻佛法身體非是色。能現。應妙一切諸色。初偈喻後偈合。四句對前。但二三前却此是分喻。故委合之。以空但不可眼見。而可心知。佛所現色。心行處絕。故爲分喻。心眼向不能見。況肉眼哉。此即見中絕思議也。問二喻。豈不違經上云。有無邊妙色。今云非色無色耶。亦達諸論。佛有妙色。爲增上

緣。古德云。若約初教大乘義。如前說。若實教大乘。佛地無此色聲。能相功德。但有。大智大悲大定大願諸功德等。然諸功德等。並同證眞如。若衆生機感。即現色無盡。既無不應機時。故所現色亦無斷絕。此以隨他爲自。更無別。他自約此爲有。故云無邊妙色。今約自說。不約隨他。故云無色非色也。亦可前喻初教後。喻實教。有云。若爾彼能現體爲有無耶。十蓮華藏塵數之相。皆示現耶。八地七勸。言佛色聲皆無有量。寧不達耶。若執佛果。唯有如如。及如智獨存者。無漏蘊界窮未來際。遍因陀羅網。皆非實事。亦達涅槃滅。無常色而獲常色。此義具如智慧莊嚴經說。然上二解各是一理。並符經論。今當會之。攝末從本。唯如如智。自受用色智所現故。攝相從性。但有如如。既所現即如。何妨妙色。故有亦無失。然如外無法。何要須現。萬法即如。即法身。更何所現。故云唯如如。及如如智獨存。於理未失。如色相即有無交徹。若定執有無。恐傷聖旨。故今二喻前後相成。摩尼現色。但云無色。無即但是無他。非無自體。淨空現色。既云非色。非即非其自體。不獨無他。前喻自受用身後喻法身。此二不二。爲佛眞身。故下經云。佛以法爲身。清淨如虛空。所現衆色。形令入此法中。第三三偈。釋所聞不可聞。中。初約應聲緣感。便應離。相離。性故。聲非如來應不差機。非聲之聲。故云不離。故以聲取是行邪道。若離聲取。未免斷無。次

頤約體釋。湛然不還。心離分別。尚非心見。安可耳聞。猶如天鼓無心出故。此即聞中不思議也。後偈釋疑。疑云。爲是有法不可聞耶。爲是無法。無可說耶。上半順理後句答。次疑云。若爾何以現聞教法。下半釋云。但自心變非佛說也。若依權教。此約有影無本。然本影相望通有四句。若依此宗。果海離言故無有說。用隨機現謂如是說。而此本質亦是自心餘如懸談中說。

大方廣佛華嚴經疏卷第二十一

大方廣佛華嚴經疏卷第二十二

唐清涼山大華嚴寺沙門澄觀撰

十行品第二十一 從第十九經下
疏第二十一經

來意有二。一前序此正故。二前辨所依佛智。此辨能依之行。故二釋名者。隨緣順理。造修名行。數越塵沙。寄圓辨十。仁王名爲十止。就三學中定心增故。梵網名爲長養。長道根故。若具梵本。應云功德華聚。菩薩說十行品則兼能說人。今文略耳。宗趣可知。四釋文者。此品不同前。二有行德者。以行爲主。故略無之。又行德已純熟進趣中收。故唯一品義當行中之解。品有七分。一二三分。二加三分。三起分。四本分。五說分。六現證分。七重顯分。今初三味分。功德林入者爲衆首故。表說十行衆德建立故。承佛神力是入定因。入菩薩善思惟者。顯定別

名。揀因異。果故名菩薩。巧順事理。揀擇無礙。無心成事。善思惟。二入是已下明加分有三。初總辨作加因緣。二辨加所爲。三正顯加相。初中四。一總標加因。二十方下加緣顯現。三告功德林下讚有加因。四善男子下雙顯加定因緣。於中二。初別顯所因。二令汝入下結。因所屬。今初。亦有四因。一伴佛同加。準十住會。即是神力加也。二主佛宿願。三主佛現威。四大衆機感略無助化善根。或是諸字中攝故。餘義具於前會。二爲增長下辨。加所爲。有十一句。前十別明。後所謂下一句總結。乃至起分皆同前會。但住行之殊。第三善男子下。正辨加相中三。初語業加。命其說故。二是時諸佛下意業加。與智慧故。有別顯徵釋。別顯中初總餘別。別中一捷辯。二無斷辯。三無障智。前後二會並無此智。即是本覺之智了因自得悟。不由師假。佛緣顯故得云與。及無癡智並是迅辯。四應辯五無謬錯辯。六豐義味辯。七一切世間最上妙辯。八總策前七九。此七無勝。三爾時下身業加。增威力故。第三時功德林下。起分可知。第四告諸下本分文二。初行體後行相。前中若約所依。即前善思三昧爲體。若約所觀。即二諦雙融。若約能觀。悲智無礙。今從教相。即下四行爲體。若約十行別體。即以十波羅蜜爲體。義見初會。今就教相中。若直就經文。文分爲二。初標顯。二何以下徵釋。初中先標行體難思。行即深心所修。行海也。與法界下顯難思之相。深等法界

廣齊虛空。故心言罔及也。又超下位名。不思議。又即理之修行。同事法界之無量等。虛空之無邊。即事之理。行同理法界之寂寥。等虛空之絕相。此二俱非。言之表詮。心之顯證。故難思議。況二交徹。能令一行攝一切行。二位攝一切位。純雜無礙故。第十行云。入因陀羅網法界。成就如來無礙解脫。人中雄猛大師子吼。乃至到一切法實相源底故。又若唯遮者。則凡聖絕分故。非但遮常心言。亦應融。常心言。是則於中思議不可盡也。遮融無二。則思與非思。體俱寂滅。方曰真不思議。從徵釋中。何以因人之行便思耶。釋云。同佛果。故佛窮事行之邊。極理行之際。斷一切障證一切理。因圓果滿。融無障礙。菩薩同彼寧可思議。若取論勢。菩薩行爲總句。餘皆是別。不可思議即真實行也。彼約地前不見。此約凡思回思。亦名真實行布。位中無真如觀故。無觀相行。二與法界等即是勝行。亦是佛本故。三與虛空等即因行也。是無常因亦未得地智。缺常果因也。四學三世佛而修行者。是不怯弱行。未能順理真實救護。故無大行。餘同前會。第二佛子何等下。辨行相。文分爲三。初總徵其名。二佛子下標數顯勝。故云三世諸佛同說。三何等下徵數列名。先徵次列後結。列中。然與本業名雖小異。而義意大同。一施悅自他故名歡喜。約三施說在。因皆悅故。下經云。爲令衆生歡喜故。若就果說。財獲富饒無畏。身心安泰。法施當獲。法喜皆

歡喜義此約隨相。本業云。始入法空。不爲外道邪論所倒。入正位。故名歡喜行。此約離相。二三聚淨戒亦益自他。故名饒益。或以後攝前。本業云。得常化一切衆生法。皆利衆生故。此唯據利他。三忍順物理名無違逆。彼云得實法忍。無我我所名無瞋恨。此約以後攝初。晉云無恚恨。亦是以初攝後。而實二忍順物理忍順理。以後攝前。皆順事理。四勤無怠退名無屈撓。亦通三勤。彼云。常住功德現化衆生。故名無盡。謂若有怠退斯則有盡。而攝論三精進中。三名無弱無退無喜足。則是以後攝初。五以慧資定離沈掉故名無癡亂。彼云。命終之時。無明之鬼不亂不濁住正念。故名離癡亂。此但從一義。故下經云。於死此生彼心無癡亂。六慧能顯發三諦之理。般若現前故名善現。彼云。生生常在佛國中。此但據得報。謂即空照有而能現生。七不滯事理故名無著。彼云。於我無我乃至一切法空故。此即涉有不迷於空。謂於我而無有我。若於我無我皆不著者。則雙不滯也。以有不捨不受方便智故。八大願可尊故。又成大行願乃能得故。故名難得。彼云。三世佛法中常敬順故。名尊重行。彼約修心。此約難勝。九善巧說法名善法行。彼經云。說法授入動成物則故。同於九地法師位故。十言行不虛故名真實。又稱二諦故。故彼經云。二諦非。如非相非相故名真實。然上約十度釋名。度各有三。並見初會第五佛

子何等爲下說分。十行則爲十段。一一各三。謂一徵名。二釋相。三結名。今初。歡喜行即是檀度。初徵名中已如前釋。第二佛子此菩薩下。釋相分二。先略辨體相。後修此行時下。廣顯名相。今初。瑜伽菩薩地。菩薩六度各有九門。一者自性。謂出行體。二者一切謂能具行。三者難行。謂就中別顯。四者一切門。謂行差別。五者善士。謂作饒益。六者一切種。謂偏攝聖教。七者尋求。謂隨所須。八者與二世樂。謂於現在作大饒益。令得未來廣大安樂。九者清淨。謂勝離相成波羅蜜。今文分三。以攝於九。一總標施主。二共心下離所不應。三但爲下彰其意樂。今初。令攝前四及與六七。謂一者施主惠施顯施自性。惠有二義。一惠即是施。二謂巧惠等量。可不凡所有物悉能施者。攝餘五門。謂一若內若外。二若難若易。三財法無畏。四一切種門。五隨求與故。二離所不應。即清淨施。文有五句。以攝十義。心平等者略有四義。一無執取。離妄見故。二不積聚。施觀漸與頓皆平等故。三不高舉。但行謙下。不與他競。離憍慢故。四無向背。不朋黨故。言無有。悔格者。此有三義。一不退弱。施已無悔故。二不下劣。勝物無格故。三不留滯。速與無格故。言不望果報者。不求異熟果故。不求名稱者。無所依故。不貪利養者。不望報恩故。三彰其意樂中。有十二句。攝上二門。謂前十一句明善士施。此有五相。一但爲救護者。不損惱故。二攝受者。自手授與

故。三饒益者。應其時故。上三下益。次有八句。明其上攀。不出二意。一淨信故。二恭敬故。八中一創起習學。二憶持不忘。三愛樂不捨。四淨治其障。五更修增廣。六住持不斷。七令不隱沒。八演以示人。後令諸衆生離苦得樂。結歸慈悲。即二世樂。上但爲之言流下諸句。又上救護是無畏施。攝受是財饒益。是法。第二廣顯名相中。廣前一切施也。亦具諸施。恐繁不配。文中二。先現行財施。後願行法施。財中復二。一隨相。二離相。前中亦二。一明施行。二迴向行。前中亦二。初願受勝生行施。二示異類身行施。前中依無著論有六意樂。一方便。二歡喜。三思德。四廣大。五善好。六清淨。下並具之。於中文四。一願具施緣。即方便意樂。先作意故。亦即廣前爲大施主。二假使下難求能求。三爾時菩薩下。明難捨能捨。舉難況易。即便施者無留滯也。四如是下。明一切無違。有三意樂。初即廣大意樂。能廣行故。二但更下。即歡喜意樂也。三作如。是念下。思德意樂也。我今應下。是隨順心。第二又作下。明示異類身而行布施。迴現施善未來受身。以悲深故。亦廣大心也。第二以此下。迴向行。初自期大果。亦廣大意樂也。後願施田亦得二果。是善好意樂。第二菩薩如是下。明離相施。即清淨意樂也。隨相離相行必同時。言不並彰。故分前後。應將離相別別貫前。如大般若不欲繁文。故併居一處。前後體勢類此可知。文分爲三。初人空觀。次法空觀。後二觀

之益。即成彼岸智。今初也。如是利益衆生者。雖前事行。欲顯正利益時。即無我想等故。所無之法略有十句。我謂主宰諸蘊假者也。故智論三十五云。於五蘊中。我我所心起故。瑜伽大同此說。此句爲總。但是一我隨事立下列名。然由迷緣生實性。計有即蘊異蘊之我。既了性空。迷想斯寂。故云無也。若別別觀無之所以。如十定品第二定辨。二衆生者。智論云。五蘊和合中生故。瑜伽名爲有情。謂諸賢聖如實了知。唯有此法更無餘故。三有想者。智論瑜伽俱名生者。謂計有我人能起衆事。如父生子故。有即所起諸趣生也。四命者。謂命根成就故。瑜伽云。壽命和合故。活存現。五種種者。智論名爲衆數。謂陰界入等諸因緣。是衆數法故。新譯名異生。能受異趣生故。六補特伽羅者。此云數取趣。瑜伽云。計有我人。數數往取諸趣無厭故。此名依一聲中呼一人。若依多聲中呼多人。即云補特伽羅。七人者。有靈於土木之稱。智論云。行人法故。大般若名士夫。瑜伽釋云。能作一切士夫用故。八摩訶婆。此云儒童。謂計有我人。爲少年有學之者。此名依一聲中呼一人。若呼多人。多聲中呼。應云摩訶婆。摩訶也。九作者者。作諸業故。智論云。手足能有所作故。十受者。智論云。計後世受罪福果報故。大般若第三四。大品第二及金剛般若中說數有增減。名或小異。大意不殊。迴向十定準斯會釋。二但觀下明法空觀。菩薩既了法空。

安有我耶。故上云。入空非。如一乘人空法有。故此直云。但觀法界空等。法界衆生界總舉。所觀法體。不出此二。菩薩了之究竟無差。橫則無邊。等虛空故。堅則無際。離始終故。空法者。此二皆空也。空亦總句。何以知空。但有名字。無實所有故。無何所有。一外無自共之相狀。二內無有爲無爲之體性。三無所住之處。所謂不在內外中間。有中住故。四無二法之相依。有去不留。空故。五無造作之功用。故無所有。無所有故。空。空故衆生界即法界也。第三作是下觀益。九句皆云。不見者。窮於法性。到彼岸故。初三即是三輪。福田者。施所生也。業約成。因而招當果。剋獲爲果。酬因曰報。習因習。續於前。習果剋獲爲後。習因習果。通名爲因。能牽後報。此報酬因。此則果通現得。又報謂有漏。果謂無漏。同是當果。漏無漏殊。小施小果。大施大果。第二願行法施。文分爲二。初觀悲境。爲起願由。二我當盡學下。起願利益。不壞法性是堅固因。安隱快樂是堅固果。第二饒益行。釋相之中。先略後廣。皆顯三聚。含於九戒。今初略中文三。初明持相。次彰離過。後顯持意。今初。初句爲總。總該三聚。即戒自性。於色聲下。別釋淨義。意地無著。是真律義。亦爲生說。即饒益有情戒也。二不求下彰其離過。亦是於果無依。顯清淨義。三但堅持下。顯持戒意。初句爲總。盡壽堅持。作如是下。以誓自要成。上堅相。謂一切利養恭敬。他論本隨煩惱。不能伏故。一切惡止得。佛正

法。是真善行。經謂八經。即無慚無愧掉舉惡作。惜睡憊嫉。初二障戒。正障律儀。次二障止。次二障觀。後二障捨。即障善法饒益。於相修中。纏繞身心。所以偏說。或說十纏。謂加忿覆。於被舉時。爲重障故。此即隨惑。縛謂四縛。即貪欲瞋恚戒取我見。貪利不遂。熱惱生瞋。梵行命難則生毀謗。謗則戒取我則濁亂。不毀不持。方爲平等。第二佛子菩薩如是下。廣顯三聚。即分爲三。初攝律儀。二攝衆生。三攝善法。今初即堅持不犯。爲第一難持。文中亦二。先顯難持之境。謂多而且麗。加以惑心。日日長時。故爲難也。後爾時菩薩下。起觀對治。即能持於難持也。言乃至者。大品云。貪著五欲障礙生天。況復菩提勝事皆障故。云乃至。第二唯除下攝衆生戒。於中四。初明忘犯濟物。如祇陀末利。唯酒唯戒。唯除教化。即行於非道。不捨智心。即通達佛道。二佛子下輕身益物。爲第二難持。乃至捨命亦無缺故。三菩薩自得下。彰持分齊。是第三難持。謂恒住正念。無誤失故。即以難況。易以誤況。故本性慣習。故分齊者。初發心住。了見心性。成正覺。故解法。無生常見。佛故。觸境皆佛。豈容佛所生欲想耶。四爾時菩薩下。明深起大悲。是善士相。在文分三。初悲物著欲。二生勸持心。三微釋所以。今初。七句初二爲總。無時不起。是長夜中想念。下別。一想念未得。二趣向可得。三貪著已得。四決謂爲淨。五耽染無厭。六迷醉沈溺。七隨境流轉。八欲

罷不能。二我今下生勸持心。初勸他持戒。次住淨戒下兼說戒功德。三微釋者。大悲益他菩薩家業故。第三作是學已下。明攝善法戒。文分爲二。初明自分現攝。後辨勝進當攝。今初善法雖多不出悲智故。文中略舉於中分三。初雙標悲智。二然知已下。雙釋二相。三如是解者已下。雙明二果。今初也。先智後悲。智中先明離過。謂離惡行無明。後以智下明其成德。爲衆生下即是攝悲。二雙釋二相中。悲智雙運文分爲二。先以智導悲自成正觀。二一切諸法下。通明入法顯彼倒因。今初。文有四對。前三互相望。後一當體以辨。前三對中。前二不離後一不即。即顯生之與倒非即離也。衆生即能起顛倒之人。乃染分依他。顛倒即所起之妄。是遍計所執。初對明不離者。謂依似執實故。離生無倒。依執似起離倒無生。第二對明不相在。重釋前義。言不離者。明因果相待緣成非。先有體。二物相在因中無果。故倒內無生。若必有者則應遍計是依他起果中無因故。生內無倒。若要令有者。則應無有不倒衆生。第三對明不即。不壞因果能所遍計之二相故。由前三對則知生倒非一非異非即非離。第四對當體以辨倒心託境方生故非內法。若是內者無境應有境。由情計故非外法。若是外者。智者於境不應不染。既非內外寧在中間。則知心境當體自應將何對也。以明即離衆生亦爾。即總求無故非內法。離蘊亦無故非外法。

既非內外亦絕中間。本性自空何能起倒。將何對。他明非即離。既如是知則自無倒。爲物說此倒惑自除。二一切下。通明入法顯彼倒因。謂由不達緣成不堅。妄生遍計。故云誑惑愚夫。實則愚夫自誑。若獼猴執月。三如是已下。雙明二果。即前悲智所成之果也。亦九戒中二世樂戒也。先總後別。總中由解諸法不實幻化。即是覺了諸行了行相虛。名達生死。知行體寂。是了涅槃。了之究竟即得菩提。自得度下別有九對。一度苦。二脫集。以了生死故。三調之以道。四寂之以滅。以了涅槃故。次四即證四諦之德。如次配上。謂由斷苦故。得安樂等。九即證佛菩提之樂。第二佛子已下勝進當攝。於中有二十句。前十具勝德。一順佛二離世。三行勝法。四住等理。五等慈。六明智。七離過。八忘緣。九捨執。十不斷煩惱而入涅槃。後十住深智。末句爲總。即是佛智。餘別顯深廣之義。一上無過。二言不及。三離依著。四無變動。五超數量。六無邊畔。七無終盡。八絕色相。由上故深。第三無違逆行。即是忍度。於釋相中文分二。別初略辨行相後對境正修。今初分三。一修忍行。二離忍過。三修忍意。今初。常修忍法。即標行所屬。謙下等言彰忍之相。文有十句。初總顯自性。謙下而光卑而不可踰。若海之下百川歸焉。恭敬崇彼安敢不忍。不自害下九句別明。通有三釋。一約三毒。二就三業。三據三忍。初云。前三治瞋行忍。

瞋必害故。一無如前境而自刑害。二力及害他。三以死相敵。無論先後。及與一時但取兩害。次三治貪成忍故。梁攝論云。取是貪愛別名。一自貪名利。二使彼令取。或隨喜彼取。三兼行上二。後三治癡修忍。癡故執著一著已德能。云何毀我。二彼人若是云何辱我。三俱染可知。此九皆過菩薩正觀。以不不之能治之觀下文自辨。二約三業者。害必加身著必由意。自他讚譽名爲取也。苟心讚他尙爲諂媚。況自稱譽。故並安忍之。三約三忍者。害即怨害。取即不能安。受饑寒等苦。妄受取故。著則不見諦理。由見諦理。三忍皆成。故思益云。諸法念滅。其性常不住。於中無罵辱。亦無有恭敬。若節節解身。其心常不動等。又上三即約達順中庸之境。故成三毒。餘可準思。二亦不下離忍過也。名引中人利誘下士。菩薩上士。故不貪求。三但作下修忍之意也。所以修者。先自忍己後爲生說。令修忍行離惡斷惑。是內安忍惑亡智現。則住法忍。既去煩惱鐵穢。則身心柔和堪任法器。如彼鍊金。上來皆是清淨忍也。第二佛子下。對境修忍廣顯行相。文中分二。一先明修忍行。後明修忍意。前中有三。初耐冤害。次安受苦。三諦察法。今初分二。先彰難忍之境。後明能忍之行。此亦難行忍也。今初分三。初明口加毀辱故。梁攝論以耐冤害。亦名他毀辱忍。略顯十種。一觸忌諱故。二惡軌則故。三令憂感故。四無風雅故。五極庸

賤故。六證邪惡故。七不入人心故。八證
猥雜故。九極鄙惡故。十極龐獷故。以是言
下總結所作。多人多口各多惡言。二又此下
身加逼害。上二事廣。三如是經下總辨長
時。是謂難忍之境也。二菩薩遭此下明能
忍行。先結前生後。謂遭前極苦。二作是念下
正顯忍相。以失自要。文有十句。初一假設
不忍失念易忘故。云動亂餘九明失。一則
不調瞋恚。二則不護根門。三迷忍法門。四
不修忍行。五隨風外轉。六動亂內生。七不
能善根。八未忘彼此。上八自損。由此不
能利他。今能忍故。以不不之。便成八行。
自他俱利。自他俱調。若說此勝利。成善士
行。二菩薩爾時下。安受苦忍。雖仍前文義
當安受故。引往所受苦以況今苦。而欲安
受。所以引者。無始顯昔苦時長。諸苦明其
事廣。雖事廣時長而空無二利。今時促苦
少能成忍。度自利利他安不忍哉。故練磨
頌云。汝已惡道經多劫。無益受苦尚能超。
今行少善得善提大利。不應生退屈。由
斯重自勸勉誠勵。令淨而無亂喜不憂感。
調其瞋蔽。護根門。是自住忍法。令物同
忍。第三復更已下諦察法忍。亦仍前起故
云復更。斯則一忍之中。便具三忍。表非全
異故。一境具明。文分三別。一自成法忍。文
有十句。初句總標。無我已下釋成空義。以
苦空無常無我四行釋之。倒為其次。又約
大乘故苦樂等雙遣。一人我法我兩亡。二常
與無常非實相待有故。三空有俱寂故云

無二四苦樂。皆遣云無所有。二諸法空下
令他成忍。衆生迷空故應為說皆清淨忍。
也。三是故下結行應修。然莊嚴論中。由三
思五想則能忍受。一思他毀辱我是我自
業。二思彼我俱是行苦。三思聲聞自利尚
不以苦加人。此三文在安受忍中。思昔諸
苦自他調攝故。言五想者。一本親想。衆生
無始無非親屬故。二修法想。打罵不可得
故。三修無常想。四修苦想。五修攝取想。即
此文攝對前可思。第二為慈念下明修忍
意。文有十句。義兼通別。通則三忍皆為此
十在義可知。別則為初五。故修耐冤害。慈
念為總。次但欲饒益於他。不懼他不饒益。
本欲安人。豈當加報。惡彼淪倒寧懷恨心。
以忍調行攝諸惡怒。次一安受苦忍。隨逐
衆生無疲苦故。次二句。為覺自他修諸
察法。後二通於前三。上一為言下流至此。
斯即九中二世樂也。第四無屈撓行。撓者曲
也。弱也。即牢強精進也。釋相中二。先總顯
其相。後隨難別釋。前中文三。初正顯精進。
二性無下明離過失。三但為下辨進所為。
此之三段。初即總舉。次是釋精進無難故。三
是釋進趣所為故。今初正顯中。初句標行
所屬。所謂已下顯勝列名。精進多名望業
用故。初第一者亦是首義。此義有三。一大
故。第一謂為大菩提故。二勝故。第一光明
功德故。三殊勝故。第一謂超出故。第二大亦
三義。一最勝故。大勝中極故。如世大王。二
最妙故。大道理融通故。如世大德。三上故。

大行體高上如世尊長第三勝者亦有三義。
一無上故。勝不可加故。二無等故。勝不可
匹故。三普遍故。勝體周法界無可勝故。二
離過中即難行精進。性無間難最為難故。
先離自惱之過。謂本隨煩惱任運不起。故
曰性無。圓融教中地前得爾。後終不為下明
離惱他。三辨精進所為中。有二十句。具
含三種精進。但為是被甲四弘願故。而行即
是方便加行所為之法。是所攝善。文分為四。
初三斷惑。次七度生。次四知法。後六求佛。即
四弘也。今初。初斷現行。次斷種子。後斷餘
習。二度衆生中為成十力智故。煩惱是漏
意令其盡。境界即遍趣行。心行義兼於業生
死義。兼宿住處非處力。總故不明。三有四
句。知法中初總餘別。別中一事法界。若自入
法則以淨信為根本。若約利他則以慈悲
為根本等。二即理法界。云平等性。三事理
無礙法界。三世之事。即平等理性也。事隨理
融義含事事無礙。四有六句。求佛中初二即
智。初句教智光明。後句證智。次二知境先真
後俗。後二皆權智。前句知機識藥。後句四
辯宣陳分別演說。即是樂說。說於法義句。即
是辭上之四弘。初二知苦斷集。後二修道
證滅。即無作四諦之境也。第二佛子菩薩下
隨難別釋。於中二。先明被甲精進。後明利
樂精進。今初。全同瑜伽之文。但論以被甲
為初。約先心自誓故。本業三進之中初名
大誓。今居攝善之後。就假設遇緣耳。文有
兩番問答。初番可知。後設復有下第二番中。

更難於前。得大善利者。我本發心願代。物苦但慮。不容相代。今聞苦身能遂順。本悲心。不慮時長。但增喜慶。長劫不懈。況盡壽耶。一念不悔。即忘身無間。自慶得利。即平等通達。有深功德。為難行也。第二菩薩以此下。利樂精進。即用前加行攝善。以利眾生。令彼涅槃。具安樂也。第五離癡亂行。釋相中二。先總顯無癡亂。後別明無癡亂。今初。句雖有六義。乃有十。初總餘別。總云。成就正念者。然通三義。皆名正念。一就奢摩他品。名為正念。正念即定。以彼定心。離妄念之亂。故名正。此從業用立名。亦隣近立稱故。八正道中正念定攝。起信論云。心若馳散。即當攝來。令住正念。二就毘鉢舍那品。亦名正念。謂不偏墜達明了於緣。故下經云。正念諸法。未曾忘失。三雙運道名為正念。次下經云。以正念故。善解世間等。謂於緣明了。是無癡義。不異所緣名。無亂義。即雙運也。又下經云。禪定持心。常一緣智慧。了境同三昧。雖有毘鉢舍那及雙運道。皆就心一境。辨名。禪自性。別中初句。便是無亂之總。謂不隨境轉。故無散亂。三障不能壞名為堅固。四緣不能牽故云不動。五超劣顯勝故云最上。六異世無染故云清淨。上五釋無亂也。下四義釋無癡。謂七稱法界。故云廣。八趣一切智故云大。九引發難量。故云無量。十不捨大悲名。無迷惑。上九別句攝為三禪。前六現法樂住。次二引生功德。後一饒益有情。第二以下。別顯無癡亂。如

次釋前十義。即為十段。亦初一為總釋。前正念於中分二。初結前生後。後善解已下。顯正念之能。文曲分二。一先雙標後雙釋。今初也。正念有觀故能善解。正念有止。所以能持。世言無益。但須善解。出世有益。偏語憶持。出世不應。不持義。世言不持。應無記憶。故文雖影略。義必兩兼。解事解理。故名善解。二所謂下雙釋分二。先通就諸境。明無癡亂。後此菩薩下。別約所持。明無癡亂。今初也。據無癡亂。文但有九。開初為二。句亦有十。謂法義別故。初句即法無礙合。蘊成二。謂色與心。非色謂心。即餘四蘊。二能持建立下。義無礙也。義有二種。自性亦二。一事二理。事即質礙為色性。等理即無性為色等性。皆無名相中。施設建立。持言及義。即文義二持。今正覺理事。離妄分別。名無癡亂。此二釋。上能持。下八釋。上善解。義必兼具。故癡亂雙舉。三於五蘊生滅得。無癡亂。十地品云。死有二種業。一能壞諸行。二不覺知。故相續不絕。今此菩薩。於二事理靜無遺照。故無癡亂。四偏語。胎生。明無癡亂。瑜伽第一說四種入胎。一正知。入而不知。住出。所謂輪王。二正知。入住。不正知出。所謂獨覺。三俱能正知。所謂菩薩。四俱不正知。謂餘有情。前之二人。尚有癡亂也。凡夫癡亂相者。謂下者見所生處。在於廁穢中者。見在舍宅。上者見處華林。若男於母生愛。於父生瞋。謂競母故。女則反上。大集二十七。涅槃十八二十九。俱舍第九。皆具說

之。次三及十文並可知。八九各有通別。別謂四魔十魔及業。如離世間品。及如大品魔事。品起信論說。若依智論。除諸法實相。皆菩薩魔事。起心動念。悉是魔業。今以智覺察不隨其轉。如入覺賊及偷狗故。知魔界如與佛界如。如無二故。既覺其事。即不造其業。第二此菩薩下。別約所持法門。明無癡亂。文有二別。先正明後徵釋。前中三。初結前標。後次所謂下。正顯所持。三菩薩下。結無癡亂。二正顯中有十五法。一所謂證理體。大分深義。所謂空故。即事真故。二即體業用法。三具德相故。四一具一切故。云種種。上四即所詮理法。五即能詮教法。義見初卷。六行法以因。嚴果故。七果法。上七通明。四法。下八唯約地位。亦果行收。謂八即初地。大願已證。理故名正希望。決定解斷二障。故云清淨。九即根本智。十即後得。此二通至七地。十一甚廣大法。即八地法證深法忍。如法界故。十二九地是法師位。了物機故。十三十地。知世間集共不共等故。苦無常等通色心故。名之為共。色心類殊。名為不共。又器世間名共。共業感故。眾生世間名不共。自業成故。此二唯約所知。又隨他意行名共。隨自意行名不共。又靜慮無色四等五通。雖共。凡小菩薩。無漏大悲。故名不共。十四等覺智。十五如來智。上堅明諸位。若約橫配者。初一唯因後一唯果。中間六智通於因果。而別義相顯。三結無癡亂者。不忘不癡。不失無亂。心常憶下。通結相續。第二何以故

下微釋釋中。以因深故不亂衆生。得無亂果。不壞正法。增廣大智。得無礙果。不斷善根。得相續果。因果影響。屏然無差。第二復次下別釋上九攝爲三。初六釋前現法樂住。即爲六段。今初釋前心無散亂。文二。初標。二所謂下釋。釋中又二。前釋種種音聲。略列七種。言沮壞六根者。非唯引奪耳根。亦令餘根不能緣境。故名沮壞根。以見等而爲義故。又沮壞者。如治禪病經云。因於外聲動六情根。心脈顛倒。五種惡風。從心脈入風動心故。或歌或舞。作種種變。此即破壞之義。既壞意身。餘皆隨壞。然色可冥目觸味合知。香少詮顯。爲禪定刺。唯在於聲。故偏語之。明無礙亂。非餘四塵不能亂也。故上忍中遇身加害。心無散亂。二此菩薩下釋。不能惑亂。文亦分二。先總明長時不亂。後所謂下。別顯不亂之相。句有十一。初總餘別。別爲五對。二境審心定。二教達行成。三憶因念緣。四觀真起用。五外淨他惑。自決義門。雖遇惡聲。此皆無損。上皆一切種種。謂通名義止觀及二利故。第三不作下釋。前堅固。謂四障不壞。是知正念堅固。亦是出前不亂之因。言法障者。於法不了。如彼牛羊。此即所知障也。三障爲言。攝在煩惱。體即無明故。斯亦清淨靜慮也。第四佛子如上。下釋前不動。謂諸惡緣不能牽故。悉能壞亂衆生身心。彰聲之過。不能壞此菩薩心。對顯難思。第五菩薩入下。釋前最上。謂超劣顯勝故。此下三段亦即出前無礙亂緣。正

示現法樂住之相。言超勝者。初標人揀禪。云菩薩入。異凡小故。住於已下。舉法以揀聖法。即是無漏。揀於凡夫。思惟觀察。揀於二乘。二乘入禪。不能緣境。故身子不覺。利害之手。迦葉不聞涅槃之音。善知已下。正顯勝相了。性相故。相則念念不住。取不可得。性則三相性空。固無所得。不得性相。達順何依。第六如是聞已下。釋前清淨。即清淨禪。順達中境。不生三毒。不染善。取有定慧。故了相無相。故名善取。有斯正念。大地爲鼓。妙高爲椎。豈能亂哉。第七知一切下。釋廣。謂稱法界。如虛空故。亦近釋前文有六句。初總餘別。別中無得相空。無作人空。無際性空。此三相盡。故法界理現。與法界等事如理。故無有差別。理即事故。第八菩薩如是下。釋前大義。此下二段。釋引生功德。今云大者。趣一切智不退轉。故即難行禪也。第九善入下。釋前無量。謂能引發難量功德。文分爲三。初引自利功德。文有六句。初標一切門禪。次四別顯後一類結多門。則何定不攝。復云門者三昧無量。數如虛空。今一中攝多。故名爲門。如牽衣一角。如蠶王來。次增長下。引利他德。後是時下。結不爲亂。非唯不亂。本定更增。如緒搭金山。風熾於火。第十作如是下。釋無迷惑。謂耽著禪味不起大悲。是爲迷惑。今悲以導禪。故無迷也。此即饒益有情禪也。住清淨念。即現世樂得。智斷果。即後世樂。是謂與二世樂也。第六善現行。體即般若。瑜伽一切般若。亦有

三種。一能於所知真實隨覺通達慧。二能於如所說五明處及三聚中。決定善巧慧。三能作一切有情義利慧。攝論以加行根本後得爲三。皆六度明義。唯識以生法俱空。本業以照於三諦。皆十度明義。經有十度。應依本業。今爲順文。且依瑜伽。則權實無礙。皆名善現。雖彼依六度。今圓行菩薩則十度齊修。據行布分。兼正不同。亦不相濫。就釋相中。古人亦依本業三慧分三。初明中道。次念生無性等。以爲照無。普入已下。明其照有此得。次第三諦。失於圓融。又照無經中佛法世法二互不異。亦不難亂。豈獨是無。今約圓融。依於瑜伽兼正以辨。各具三諦故。彼論釋初慧云。於一切法。悟平等性。入大總相。究達一切所知邊際。遠離增益損減二邊。順入中道故。文分三。一別。先明行相。後顯成益。前中亦二。先略後廣。前中又二。先總標。後能知下。解釋。今初也。三業清淨。是能示體。示於三業。正是現義。住無得現。現即無得。寂用無礙。斯即中道。可稱善現。若異後有無。而說中者。相待中也。二釋中能知三業。皆無所有。是住無得義。不妄取有離二邊縛。是清淨義。凡所示現。無性無依。釋示無得義。以境無定性。心無所依。皆不可得也。三業皆示故。致凡言。二住如實下。廣辨行相。中三。初如實隨覺慧。二佛子此菩薩作如是下。於五明等善巧慧。三菩薩爾時下。能作有情義利慧。今初如實覺。於三業而現三業。於中先別明後總結。前中三業即

爲三段今初意業是二本故。首而明之。如實心者用所依也。住者心冥體也。知無量心等者不礙用也。卽所示意業。多心多法皆有諦也。境既無相心何所得。卽無諦也。有無不二故曰甚深。卽中道義也。不可以次第三觀而觀。故名難入。唯圓機方能入故。何者。若偏觀三諦是常是斷是相待故。若總觀者一則壞於三諦。異則迷於一實。故卽一而三。卽三而一。非三非一。雙照三一。在境則三諦圓融。在心則三觀俱運。住之與知卽是觀也。古德以凡所下至於難入。明唯識觀。非無所以。然且唯識之義不彰。又有釋云。心非境外故無得。境非心外故無相。卽心是境故甚深。卽境是心故難入。亦是一理。二住於正位下釋。示身業。正位等三卽示所依方便已下依體起用。由非惑業之生故。生滅卽無生滅。此中正位卽真如異名。非約見道以智契會。故稱爲住無住。住者卽住真如。三住涅槃下釋。示語業。前之三句示之所依。言語道斷。顯示而無相卽言亡言。是斷言。道故晉經云。非有說有言語道斷。然上之所住總有七種。體一名異。異從義別。一如實心者。卽自性清淨心。是爲總相。次正位等三。卽心之體性。正位者法所住故。真如語。其自體是實是常法性。約爲諸法之本。迷此真如有諸法故。成諸法已不失自性。故名法性。亦卽因相。涅槃等三卽是果相。住涅槃界卽是真如體寂寂故。出二礙故。故智論云。有菩薩發心卽觀涅槃行道。恐此涅槃

涅槃唯在果。故云住寂靜性。謂約真如體無妄動卽是涅槃。如此之性體爲有無。故云無性。無性之性卽是實性。非謂斷無。故舉多名。方顯所住之深奧。依此示現方明。所現之爲善。二入離下總結三業中。初句結心故無縛著。次句結身卽所住真如等。三結前語。卽超諸世間等。末句總結三業。皆寂用無礙故名善巧。善現之名從斯而立。第二佛子下辨五明處三。聚中決定善巧悲故。於文中解世間法。於中分三。初以理會事。二菩薩如是下。事理無礙。三永不下順。理起悲。今初。文有六句。一衆生緣生故說無性。二法依真起故會歸無爲。三國是心之相分。故四時依法以假言故。五名無得物之功。故若名在法中見義。應知名故。六物無當名之實故。若法在名中聞名則應識義。召火應當燒口故。二菩薩如是下。明事理無礙。文有七句。初一總顯甚深。餘句別顯深相。然世法與佛法實無二體。假約事理以分其二。故以五句顯非一異。一世相卽空故云寂靜。二佛法平等故無增減。三以理無不事故。佛法不異世法。事無不理。故世法不異佛法。四此全理之事與全事之理。而事理不雜。五各全收盡互無所遺。故云亦無差別。末句了前諸法。同法界體。故得銘融。普入三世橫豎該攝。若約漏無漏。說爲世法佛法。各具事理釋者。一生死卽涅槃故。云世間寂靜。二無有一法非佛法故。更何所增。三二法染淨雖殊。同一真性

故不相異。四不壞相故。無有雜亂。五皆是卽理之事。而各互收無遺。卽無差也。六同一法界總顯所因。三永不下順。理起悲。謂無緣之悲以導前亡機之智。入假化物。初句爲總。謂雖深入智慧不忘本心。非如八地心欲放捨。下三句別。一不捨願住。二增大悲油。三兼前智光故。堪爲依處。第三菩薩爾時下。作一切有情義利慧。於中二。先建攝生志。二先人後己。今初文有。五句成熟是總。或因成果熟故。或始末勸獎故。餘句是別。一折伏。二攝化。三令悟。本性成大菩提。四斷惑清淨得涅槃果。二復作下先人後己。文分爲四。一假設自度。二而諸衆生下。觀物輪迴。具業惑苦。三菩薩如是下。結所不應有。二過故。一違本誓心。二墮慳貪失。此爲不可。四我當下決志先拔。第二是菩薩下顯行成益。於中三業不空。是爲遍益。終至菩提是究竟益。此下入

大方廣佛華嚴經疏卷第二十一

大方廣佛華嚴經疏卷第二十

三 此下入二十經

唐清涼山大華嚴寺沙門澄觀撰
第七無著行體卽方便。依二方便由迴向故。不住生死。由拔濟故不住涅槃。俱無住故名爲無著。本業後四亦各有三方便。三者一進趣向果。二巧會有無。三一切法不捨

不受。初即迴向。二由巧會故方能拔濟。不捨不受相同般若。唯識唯明後得。故不立之。本業約兼正不同不妨此一。三皆善巧故俱無住著。則不二而二之悲智。即二不二之一心。是無著也。有是幻有無是真空。幻有是不有。有故即真空。真空是不空。空故即幻有。此二無礙故名巧會。如是相融故無所著。有能起用空可觀察。故皆不捨。若受有同凡夫受無同趣證。故俱不受。二釋相中大分為二。前明自分無著。後明勝進無著。於自分中已含前說。二三方便在文分。三初唯明自行無著。二何以下微釋所由。後菩薩如是下。顯顯萬行。前中又二。先明淨境無著。後見不淨下。染境不嫌。前中三。一明嚴利無著。二往詣下於三寶無著。於中初敬事供佛。次如是下顯供所為。後於念念下。別示無著之相。義兼三寶及自進修。皆無所著。言念念者顯速而且多。三此菩薩下長時無著。二明染境不嫌。唯一句者染易捨故。第二微釋中微意云。欣淨惡穢人之常情。菩薩如何不嫌不著。釋意云。不依佛慧淨穢是生順法。而觀二相安在。故云如諸佛法而觀察故。佛法即法界佛慧也。第三顯顯萬行。若自若他皆無所著。於中初句結前生後教化已下廣列所行。言佛所住者即聖天梵等。餘並可知。第二菩薩摩訶薩下。勝進無著。文分為三。初明自行。二得授記已下利他。三菩薩如是觀身下。結行圓滿。今初分二。先牒前自分。後於佛法下正

顯勝進。有十一句。初總餘別。總謂了達教理行果之法故。別中一了果法。謂佛菩提。二了理法。謂證法毘尼。毘尼梵音具云毘奈耶。此稱為滅。若律藏受名義兼調伏。今云法滅通四種法皆有滅義。謂教證滅故。行滅惑故。果證滅故。理本寂滅故。今文上下既有餘三故。此滅者即理滅也。又與證義相應。圓融教中此容證故。三任佛正教。即了教法如所教住故。四修菩薩行下。皆行法也。三句隨相行。行即萬行。心謂四等。解脫即諸解脫門。次二句無相行住處。即前教理及果所行即前萬行等。皆無染著也。由此故能淨菩薩道。堪受記別。第二大悲利他中二。先增長大悲。後要心拔濟。前中又二。先觀其所悲後增悲無著。前中又二。先觀迷四諦故入於險道。後觀迷勝義故入於險道。今初也。初二句標起念時。凡夫已下辨所念境。有十三句。初總餘別。總謂迷於四諦。皆曰愚癡。別中前五彰迷後七顯過。前中一不知苦諦。二不見集過。三不信性本寂滅。四五不能修道。一解二行。後七顯過。一不見集過。故頑闇貪著即癡愛也。二由貪愛故受生死苦。次不求見下四句。釋不修道。初三缺道緣。四由不信故迷正道失。本解以邪為正名為錯謬。後一由前不修故入險失滅。上一向是凡。二不敬下明迷勝義故入於險道。通於凡小。初二句離勝緣。次二句缺勝因。三有生空皆為住處怖。法空者謂斷滅故。故大般若諸會之末。善現

皆惑衆生怖畏法空。而與問言。云何令諸衆生悟諸法空。佛言。非先有法後說為無。既非先有後亦非無。自性常空。勿生驚怖。遠離已下覆疏上義。由著處怖空故。遠正住邪捨夷入險。由離勝緣故。背佛隨魔執有不捨。魔變生死佛住空故。二菩薩如是下增長悲心。結成無著。第二菩薩爾時下要心拔濟。以大悲心長劫隨逐。文分二別。先起行。後乃至下顯無著。前中亦二。先明心無疲厭。以無著故即大悲堅固。不以難化而厭捨之。後又以下明其心廣大。謂一毛量處化多衆生。法界皆爾。是為廣大。二顯無著中三。初舉少況多。次於一下廣顯無著。後何以下微釋所以。所以不著者。後釋有二意。一稱深無相而與念故。二廣遍虛空起加行故。前中無相難明寄以喻顯。然此諸喻通喻諸法。如下本品。今取義便各舉其一。則明前所見皆無相也。初句為總觀事法界。從緣如幻無實體故。是以不著。餘句為別。一佛隨機現。如影隨質故。又現心水故。二菩薩行想念生故。未大覺故。三緣成之聲故。隨感有說故。餘句經文自釋。一切法如實際者總結也。又前明法界如幻。即體從緣。後結一切法如實際。即事而寂。世人皆謂實際不變。而謂諸法無常。以其所知喻所不知。故置如言。理實圓融世間之相。即是常住。然古德以後七喻展轉釋疑。一疑云。世間幻火不成。燒用佛現益物豈同幻耶。釋云。如影。亦有應質陰

覆等義。豈是實耶。然諸法喻各有三義。一緣成義。二無實義。三有用義。意取無實故不著也。二疑云。若佛如影菩薩何以起行。往求因既不虛果寧非實。釋云。如夢。夢亦三義。無體現實與覺為緣。謂有夢走而驚覺。故菩薩起行亦爾。證理故空無明未盡故似實。能與佛果為緣動勇不已。豁然覺悟。如夢渡河。三疑云。若菩薩行如夢者。何以經說。此是菩薩行。此是二乘行。釋云。如響。緣成無本稱聲。大小聖教亦爾。機感無本隨機異聞。四疑云。果行可然世間未悟。此應是實。釋云。如化。心業神力所持無實有用。五疑云。若皆如化何有差別之身。釋云。如幻。六疑云。身若如幻何有報類不同。釋云。如心。此二三義如前影說。七總結可知。上來古德之釋。既二經小異略加添改。然其所解似過穿鑿。亦是一途。二又作下遍周虛空起加行故。所以不著。初明處廣念念明達彰其解廣。正念現前是不著。因第三結行成滿中分三。初結自行成。二為化下結利他行成。

三何以下微釋雙結。二行成就。利他中三。初總顯教化無疲。大無疲厭故下。別示無厭之相。其中施設者。隨方儀式異故。和合者善惡緣會故餘可知。後不令下結成無著。三微釋雙結可知。第八難得行體即是願。就釋相中文分二。別前明。自分行。後明勝進行。然此二行。各攝上求下化之願。略無神通。今初分四。初明自行。次辨利他。第三雙結二

行動寂無礙。第四雙非二行拂迹入玄。初中分三。一明修成善根。二顯善根行相。三行成利益。今初也。斯即起行所依。善謂順理益物。根謂增上生長。獲之在己故名成就。文有十句。初總餘別。總具後九受難得名。二此菩薩下顯善根行相。亦有十句。如次對前。謂由得最勝解。故受難得名等。亦可有難得根能有勝解。又亦以後一行成前十善。隨前一善具後十行。而別配分明。三是菩薩下行成利益。文中先結前後。於念下顯益於中初自益。能轉生死成大智益。不捨大願成大悲益。若有已下顯能益他。由前自行成此能益。夫正利他第二此菩薩下辨利他行。文分為三。謂法喻合。今初。謂有大智故了衆生非有。則不住生死。有大悲故不捨衆生界。則不住涅槃。大悲般若互相輔翼。成無住道。二喻中。初句喻能化人。次三句喻悲智不住之行相。後而能下三句。喻不住之功能。初二句正喻功能。以往返不息一句。結能度所以三法合中二。先正合後微釋。前中具合三段。生死即此岸。涅槃合彼岸。合上中流。亦言生死者。以發心之後成佛之前。十地三賢尚居二死。是以中流即是生死。故云生死中流。非生死涅槃之中間。名生死中也。文旨顯然。晉譯失旨不應廣引。有以煩惱為中流。約其漂溺從因說也。有以聖賢為中流。約受生死之人也。有以中道為中流。約觀行說並不應往。安隱已下涅槃之德。常故安隱。樂故

無畏。我故無憂淨則無惱。亦不已下廣明。以智導悲。合前往返無休息義。謂由不住著故。所以往返運濟無休。及顯法中非有不捨之義。謂非唯悲故不捨。亦由了其非有無可捨故。則終日度而無度也。初句總明。不捨下別有五對十句。初一对對。已化未化俱有。捨著二義思之。二增減對。化之成道生界不減。不從化者生界不增。此約多人相望。三約一人。果起不生惑盡非滅。四謂空為盡。謂有為長。五一對總結。四對不亡並名為二。今無分別契本不二。第二微釋中文有兩番。前番正微。不著。後番重徵。前義今初也。先微意云。現化衆生有增有減。而言不著。其故何耶。釋意云。以菩薩深觀。生界同於法界。無增等故。所以不著文中。初二句總。上句是不異義。故云如也。下句是相即義。故云無二。後無二法中下。別彰無二之相。即屬對上文。無取依著釋。不分別。餘文相顯。此文昭著。而未學之徒。但謂一分衆生不成佛。故名不滅生界。深可悲哉。第二番重徵意云。何以生界即同法界。釋云。一切諸法皆同法界。豈獨衆生而不同也。第三菩薩如是下。雙結二行動寂無礙。亦名無盡心行。有法喻合。法中十句。初二牒前起後。既方便深入故性相無礙。住於下餘有八對。正顯行相。一約起行之身。二了法藥。三識根緣。四遊佛刹。五達佛法。六深契離言。不捨言說。七無求離欲。而萬行爰修。前七明即寂之用。八常勤下一對。明即用之寂。亦通

顯所由由勤修故涉權入法界故常寂
二喻中。木喻法界火喻所成身智。火事喻
悲化。無邊本火不滅喻身智常滿。三合可
知。第四非究竟下雙非二行拂迹入玄者
然初自行云。能轉生死而不捨大願。已有權
實雙行。而謂多明照體大智次利他之中。既
云無住運濟。則悲智相導。而多似起用大悲
次復以導悲之智遣彼著心。復似悲智二
心行有前後故。第三段辨動寂雙行。則理無
不盡。而猶虛物。謂二事不融故。此明形
奪兩亡權實無寄。豈唯十行菩薩修行善巧
彌顯功德林悲濟之深。文有五對十句。然其
所非之法。即前權實二行。且如究竟即實
不究竟即權。今乃雙非者。實即權故非究竟
權即實故非不究竟。又但言非究竟。非謂
有不究竟。故亦非之。是則借權以遣實。實
去而權亡。借實以破權。權亡實不立。言窮
慮絕何實何權。體本寂寥孰非就是。唯蕭然
無寄理自玄會。故辨雙非非有雙非可立。
然雙非是遮雙是為照。即遮而照故雙非即
是雙行。即照而遮雙行即為雙遣。總前諸段
理極於斯。下諸句中皆做於此。二對所化
能所取寂故非是取。了知心行故非不取。
三約化處。不著世界故非是依。依利現
身故非無依。亦約所證智。無分別而善入
故四約化法。深達義理故非世法。隨世
語言故非佛法。五證離欲際故非凡夫。不
斷菩薩行故非得果。第二菩薩成就下。明
勝進行。文分為二。初明慧行。後菩薩如是

下辨悲行。今初分二。先牒前自分行。後不
說已下正辨勝進行相。皆即事入玄。分四。
初總明離相無說。二微釋以顯雙非。釋意
云。所以不說者。一無法可說故。二菩薩於
如是下。明無心說。謂不起念故。三何以故
下。轉釋無念。所以無念者。稱法界故。故不
說聲聞法等。四假微以顯雙運。微意云。既
無所著。何以復修二利之行。釋意云。性相
雙非故能雙運。文有法喻合。法中諸法無二
故無說無著。無不二故不妨起行。二喻可
知。三合中皆顯性不礙相。於中二。先正
明。後善與下辨功成德立。勝進之相故。晉
經此初有此菩薩言。第二辨悲行中分三。
一牒智顯悲。悲假智深所以先牒。二於三
惡下正顯悲相。三復作是下偏語化惡。顯
勝進相文中三。初明惡是所悲。次明善非
化境。後微釋所由。今初所悲中。先明有違
教之惑。後貪愛下明。總具塵勞。惑病既深方
假歸救。前中不知恩報者。必無敬養更相
酬對則難以詞責。邪見執著則不受正教。
迷惑顛倒所領不真。愚癡無智為說不知無
有信心。絕於希向。隨逐惡友必違善人。
起諸惡慧無由正解。故難化也。二設有下
善非化境可知。三微釋中。初微次釋後轉
微釋。初微意云。菩薩化生理宜平等。偏惡棄
善其故何耶。次釋意云。菩薩於物無主定
於親疎。就於惑重偏是化境。如母於病子
豈不等耶。又若求名利應化知思本為淨
他理應隨惡。若棄惡從善魔攝持故。三轉

微釋。微云。菩薩衆生本不相預。何為長劫悲
救無求。釋意云。諸佛菩薩法爾同遵。不爾
不名為明導故。第九善法行體即力度。就
文分三。初微名。二釋相。三結歎。今初唯識
有二。一思擇力。二修習力。本業有三。一報
通力。二修定通力。三變化通力。唯識約修本
業約用互舉一邊。由前一力為機說法。則
成語意二業之善法。有本業三力。則成身
意二業之善法。以修定通。即意業故。依梁
攝論。由思擇力。能伏一切正行等所對治
障令不起故。由修習力。能令一切善行堅
固決定。既言一切善行。此則二力通三業
善。此位大同九地。是法師位善說法故。釋
相中二。前自分後勝進。然此二段各具二
力。至文當知。亦有二力。謂善知根緣。一普
善應。成就十身義該三通。初自分中。先總
明後別顯。前中作清涼法池標也。言合法喻。
謂如無熱惱池清淨無濁。下二句釋。上句
如池含於德水故。云攝持正法。下句以四
辨才出願智等。饒益衆生和順無盡。究竟
入於一切智海。名不斷佛種。如彼大池流
出四河相續入海。二得清淨下。別顯文分
為二。初廣攝持正法。二此菩薩大悲下。廣
不斷佛種。今初也。具十總持是攝持義。十
持為體十辯為用。初句為總。寂隱鑒法名。
淨光明。餘九為別。初四即四辯才。四持即池
之德水。四辯即池之四口。五即外力加辯。智
水灌心故稱根令喜。此即得辯之緣。六即
內力自證之辯。謂道契內心光明外微。此乃

得辯之因也。七同類音辯此約順機。八訓釋辯此約窮法。前四辯中但明通相文句。此明曲盡其源。義身即當名身。名所詮故。體是名境義即境義。梵云得種種名身故。九總顯深廣持辯無邊。旋有入空旋空入有等故無有邊。皆言無盡者稱法界故。第二廣前不斷佛種中。文分三別。初總明三業利生。二假使下假設深勝。三以得一切下總釋所以。前一含於四河。今初即大悲河。大悲堅固標其體也。悲紹佛種故首明之。普攝衆生正明不斷於三千下示其攝相。二假設深勝於中有三。即爲三河。一大會斷。疑明問答成就。處多大眾頓領頓酬。由其諸度故。即波羅蜜河。二復次下微細斷疑。前直明大會異問能答。今乃云於一毛端處有不可說。如前大會多劫殊問一念能答。不怖大眾不怯文義。決斷揀擇顯轉超勝是三昧力。即三昧河故。下經云。菩薩住此三昧。能於自身一毛孔中。見不可說不可說佛刹微塵數諸佛如來。亦見彼佛所有國土道場衆會聽法。乃至云。其諸衆生亦無迫隘。何以故。入不思議三昧境界故。彼約聽法此約答問。以之爲異。餘義大同。此約圓教普賢位中。故於地前有斯自在。非三乘中得斯作用。三而作是念。下周遍斷疑。上舉毛端多衆猶有量故。今明一切衆各具多言。悉能答故。即願智河。願智相導悲救無休。故云作念。文中先顯多衆。後假使下復顯多言。第三總釋所以者。所以得此四河。

廣利者。略舉四因。此之四因。或以一因成前四河。或以四因成其河。一他佛外加故。二自藏離礙故。三所照法圓故。四能照智具故。或各配屬一同體悲加故。二見心性故。三諸度圓故。四二智滿故。第二佛子此菩薩下明勝進行。亦即是前四河之相。文分爲二。初機自分行成。二能自下正顯勝進。文分爲四。一辯四河清淨之義。二如於此下辯四河入海無能障義。於多界中化無障故。三佛子下。辯此四河旋遠池義。四菩薩成就下。辨累劫入海無疲厭義。三旋遠中。謂成就隨順身語意業。智爲先導。身語意業四方流注入智海。故隨順即是旋遠之義。文中二。先總標。二所謂下列釋。皆上句標名下句釋和。勸此十身以爲五對。一證滅示生對。二不生不滅對。三非實非虛對。四不遷不壞對。五一相無相對。東此五對不出體用。一一對中體用對辨。第一對體用自體。第二對體用之相。第三對體用之力。第四對體用之性。第五對體用之德。今初。理無不證名。入無邊法界。世無不超名爲非趣。下釋中。但釋非趣者。謂若入法界必滅世間。若滅世間即入法界。標釋相成。此即體之自體也。二用無不遍故入無邊法界。隨類受身。故云諸趣。此言入者應往之入。不同上來證入之入。釋文可知。此即用之自體也。第三對。初不生生。即前應用之身生而不生。言住無生平等法者有二義。一依體起用。用不離體故。二體之與用平等無生故。此即

用之相也。後不滅身。即前體滅離言說故。一因滅顯理非滅故。二寂滅之理離滅相故。此即體之相也。故上體滅現生之身。即以不生不滅爲相。第三對體有何力得如實理。離世俗之實也。用有何力隨應而現。不同塵也。第四對。用以何爲性。隨流應而不遷。體以何爲性。即法界而無壞。第五對。體有何德過去無始。未來無終。現在非有故。三世言斷用有何德。體即無相能照法相故。此十身不離體用。用有聚義。體具體依。皆得名身。體外無用用即是體。用外無體體即是體。即法性用即智應。二既不二理智圓融。唯一無礙法界之身。隨相顯。十以表無盡。一乘圓融地前能爾。更有餘義。如十地離世間品明。此略學成就隨順之身。言身兼語意也。四顯無疲厭。謂四河入海累劫無疲。菩薩亦爾。以普賢行願盡未來劫。修菩薩行。入如來海。不生疲厭。是以廣顯與生爲歸爲救等。文中先牒前所成之身。爲益他之本。爲一切下正顯成益。句別有十。在文可見。十地又明。今略其要。俗須委示。故名爲燈。真但高明故曰爲炬。甚深則能所不二。如光合空爲照爲明。但約入地示德爲異。第三佛子已下結歎分二。先結名。後菩薩安住下歎勝。盡法源故。以清涼法池即是行體故。標結皆舉。顯中是其相。第十真實行文三。同前初徵名者。如本分釋。體即智度今更略釋。若約二智受用法樂成。熟有情。並如行能說如說能行。即是

真實本業有三。一無相智即受用法樂。二一切種智。三變化智。皆成熟有情下文云。入一切三昧真實相。即受用法樂智。知衆生種種想等。即成熟有情。知十力智是一切種。不著一切世間解。衆生無際。即無相智。我爲善變化及示現如來自在神通。即變化智。就釋相中文分三別。第一總顯名體。二別顯行相。三結住行益。今初。初句總標。後如說下解釋。謂言行相符故名誠諦。誠實審諦即真實義。此有二義。一約先誓自他。二利決志具修。今如昔說決能行之。亦如此。行以爲他。說故下文云。我若先成則違本願等。二約現修自他。二行如所演說。決定能行。非數他實故。云如說能行。亦如所證宣示於人。不昧所知名如行能說。第二此菩薩學三世下。別顯行相。文分二別。先標後依章別釋。今初。文有五句。一稱實演。法師子吼故。二深住實相契一性故。三二利善根等同佛故。四得如說行同本誓故。五學佛十力智已成故。第二此菩薩成就下。依章別釋。從後倒釋即分五段。第一釋智慧成就文中三。初顯所成十力。言時非時者。垢淨之時不同。化不化時別故。次而不捨下得果不捨因。後何以下徵釋所以。十力化生之智故須得之。令物清淨故須不捨因行。第二此菩薩復生下。釋得三世諸佛無二語。文中三。初反舉違誓自誠。不應。次是故下順釋。要當先入後已。後何以下徵釋。所由徵有二意。一云何以違誓。是所不應。

二云何以要須先入後已。釋此二徵即分二別。初釋前徵云。由先許故不與則違。先誓不請強許今之不與豈是所應。後是故下釋第二徵。菩薩之道必先入後已。不爾豈得名最勝耶。文有六句。當句自釋不俟繁文。第三此菩薩摩訶薩不捨下釋同佛善根。本誓智慧究竟故。文中二。先標德成滿。二於一切下別顯同相。一意業智慧同。二念念下身業神通同。第四此菩薩現無量身下。釋入佛種性。於中二。一約身明入。入世無依。又身中現利皆得性融故。二此菩薩知衆生下。智入種性。於中二。初入悲種性。知根善化故。二觀諸菩薩下。入智種性。窮實相故。故結句云。住一性無二地。以此智性導前悲性。成無住道。是爲如來無二之性。文中初會緣人實。次得義身下依實了。和後智慧最勝下性相無二。文有三句。初句約智則雙照性相。次句約定動寂契真。後句釋成並出。住無二性。第五菩薩摩訶薩以諸下釋學三世諸佛真實語。文中二。先標前起後。衆生著二不能悲智雙遊。菩薩即寂修悲故得不二。後得佛十力下。成果起用顯實語相。能師子吼轉法輪故。結云。知實相源方爲實語也。文中大同。十地窮佛所得。圓融教中位位果滿故。窮法實相。謂如是性相體力等。皆盡源故。餘句可知。第三菩薩住此下。結行成益。第三結名並如文顯。說分已竟。下文第六爾時已下。顯瑞證成分。文分二別。一瑞證一人證。前中先此會。後如

此下結通。二復以下人證。亦先此界。十住一萬此云十萬。表位增故。前現瑞中。亦應云。十方各有十萬。文無者略。餘義已見。十住之末。後佛子我等下結通第七重顯分中分。二初說偈儀意。先彰說儀。後欲令下說意。意有九句。初總餘別。別中一淨治因性。二不退願性。三行性續願。四以真性導行。五上攝果性。六開已修性。即十行所習。七觀所化性。八照常果性。二正說偈辭。總有一百一頌。大分爲三。初之一頌總中歸敬。次九十六頌正顯前文。三有四頌結歎深廣。今初也將申偈頌再展敬心。初四字申敬。十力下顯佛三德。十力智德。次句斷德。次句思德。衆生爲境故。末句通喻三德。智廣惑淨悲深遠故。第二正顯前文大分爲二。初十一偈頌前本分。後八十五偈頌前說分。然十住頌文則舉其次第。今沒其次第。直云行斯道者。略有四意。一前則約位始終行布而說。今將融會前說令無始終。欲顯一位之中具行諸行。一行之中具一切故。二前約別行。今約普行。普別無礙。二文互顯。三前約同教。今約別教。同別無礙。爲一圓教故。四前約不雜辯才。此約任放辯才說不待次。言辭不斷故。又前多約因此多就果或廣略綺互體用更陳。總別遞明互相影發。顯菩薩行深廣難思。下文雖依次第既沒本名。一同離世間圓融之行也。今初亦可。總歎行深不顯前文。顯亦無失。今頌本分曲分爲二。前四頌前學三世佛而修行故。

後七頌前行體不可思議。今初分二。初三別明後一總說。各初三句辨德。後句結德。所行下諸文行斯道言。皆做於此。後七頌行體中。然文旨包含略爲二解。一頌行體。二頌加之所爲。然所爲正爲十行。義旨不殊。故得同頌。配文少異。分爲二解。先配行體。文分爲四。初一頌總顯。不可思議。故云。心無分別。彼無動故。二頌顯。前與法界等。等法界有三義。所有皆明了等。等法界。次句等理法界。此二無二等。無礙法界。由此等故能破惑成德。三有二偈頌等虛空界。等空五義。初偈顯。二。謂空無分別而顯萬像。菩薩衆生故。結云等空。由入法界故等。虛空二界相成故。舉入法界。後偈顯。三義。一等空廣大。初二句顯示。二等空清淨。三等空不可壞。第三句顯。由等虛空。是勝寂靜名曰。牟尼。四有三偈。頌前菩薩行。初偈總舉。自分之行。後二即勝進之行。二以此文頌。加所爲。雖開合不同。依次不亂。初偈顯。前爲增長佛智。前半所觀後半能觀。次偈顯。深入法界餘如前釋。三。中初句顯。了知衆生界。次二句顯。所入無礙。四。中頌所行無障。往諸國土則身無障。說法清淨則自行無障。異論不壞則外無障。第五偈顯。得無量方便。以願行等皆善修故。六。中頌攝取一切智性。無邊一切地即智地故。十地之智同佛智故。歎勝可知。七。中初句顯。覺悟一切法。次句知一切諸根。隨宜摧伏。次句即持說一切法也。

第二遠離下頌前說分。十行即爲十段。第一六偈顯歡喜行。文分四別。初一財施。財去。慳過安隱他故。次二偈無畏施。前偈修因。後偈得果。次二偈法施。後一頌總結。因圓果滿。言百福者。涅槃二十四云。五品心修十善。謂下中上上上上上。各十善成五十。始修終修故成百福。然十善之中。不殺不瞋。是無畏施。不盜不貪。是財施。離口四過。不婬不癡。是法施。故具上三施成百福果。第二智地下頌饒益行。五偈分。四。初偈律儀。謂有智能護心不動故。是菩薩律儀。次二攝善。三有一偈。德益有情。舉處攝入。後偈總結。三聚。第三智慧下無違逆行。四頌中。三。初一諦察法忍。次二安受苦忍。一引他勸。已以策修。二引所成德。以進道。後一頌耐怨害忍。遇害無惱。但增救心。第四於諸下無屈撓行。五偈分。三。初二頌前攝善精進。亦名加行。初半偈。即頌第一精進等十句。次句。即頌前離過十句。後偈顯。前所爲。次一頌。被甲精進。爲物受苦。心無厭等。後二偈。利樂精進。第五善解下頌離癡亂行。二頌中。三。初一頌現法樂住。於中前半。頌能持色法言說等。後半通頌。前無癡亂等七句。次半偈。顯引生功德。禪了一切法。無有邊際。得一切法。真實智慧。故云得究竟也。後半偈。顯饒益有情中。我當令一切衆生。乃至究竟無餘涅槃。即無盡地也。第六功德下二頌。顯善現行。第七四偈。顯無著行。對前思之。第八安住下八偈。顯難得行。分五。初一偈。即自行之願。次

四神通。次一外化。次一求菩提。後一成熟有情。若屬經文。初四偈。頌前於佛法中得最勝解等十句。二無量下三偈。頌自行成益。第三一偈。顯前利他不捨一衆生著多衆生等。第九修習下六頌。顯善法行。初一修習力。次一思擇力。次二修定通。次一報得通。後一變化通。若屬經文。初偈。顯釋名。前半攝持正法。後半不斷佛種。亦大悲河。次偈。即波羅蜜河。問答成就。次偈。即三昧河。前舉三昧之用。此約三昧之體。次一即顯智河。次一十身體用。後一即示現如來自在。第十了達下四十三偈。顯眞實行。文分爲六。第一三偈。顯得十力。二善守下三偈。顯得三世諸佛無二語。初偈。正明依法修行。即無二語。餘二偈。顯我爲最勝等。三六偈。顯同佛善根。四法界下十一偈。顯入佛種性。於中分二。初三偈。顯身入。餘頌。意入。於中初四頌。入悲種性。後智眼。下四頌。顯入智種性。五成就下十八偈。顯學三世諸佛眞實語。得佛十力等。如文思之。六一光下二頌。顯益物不空。第三大段四偈。結歎深廣。文顯可知。大方廣佛華嚴經疏卷第二十三

大方廣佛華嚴經疏卷第二十四

唐清涼山大華嚴寺沙門澄觀撰

十無盡藏品第二十二 此下當集二十二經

初來意者。總有五義。一爲答前第二會初十藏問故。二前明正位今依位起行故。同梵行品。三前約位別行。今辨始終通行故。四前明成位行。今辨淨治彼行故。同十地中信等十行。五前明自分究竟。今辨勝進趣後。同上明法華問應在十迴向後。今此辨者略有二義。一云藏有二義。約攝攝義。在十行後。約出生義。在十地前。義通二處。問答互顯。一云迴向無別自體。但以能迴前行爲其自體。今十藏既爲十行勝進。亦爲迴向勝進故。迴向後無別勝進。此即前後互舉顯義方備。然明法品及第五迴向。皆有十藏隨三賢異。故不相攝。又前是勝進所成。後是一位之果。今通爲勝進故意。旨不同。二釋名者。藏是出生蘊積之義。謂一藏內體含法界故。攝德出用。一一無盡。寄圓顯十即帶數釋也。三宗趣者。十藏爲宗。攝前生後得果爲趣。四釋文中大分四別。第一唱數顯同。二徵名列異。三依名廣釋。四總歎勝能。今初三世同說顯勝令遵。二何等下徵名列異。藏如前解。信等對藏皆持業釋。心淨名信制止名戒。崇重賢善爲慚。輕拒暴惡爲愧。餐教廣轉爲聞。報己惠入爲施。決擇諸法名慧。令心明記爲念。任持所記爲持。巧宜所持爲辯。各有業用。然念慧及信慚愧等五。皆當體爲性。餘五行用立名。此約隨相。若就融通。皆順法界之行。良以法界性自清淨。離過等故。隨義說十。然約隨相前九自利。後一利他。通皆具二。信爲行本。故首明之。依信離過。慚愧莊嚴戒行光潔。上三離過之行。餘皆進善。進善之首必藉多聞。如聞而行。唯福與慧念使增明。持令經久。辯以利他。故前七即七聖財慧爲正導。故終辨之。次二守護。後一積而能散。第三依名廣釋十藏。即爲十段。信中有四。謂徵名釋相。結名辨益。辨益一種唯初七十。餘之七段。文但有三。今初段中初徵可知。釋中分三。初明信相。次若菩薩下明信力。三此菩薩入佛下總結信成。今初也。十句爲四。初三三空。信所執無相。謂情有理無名空。空亦無相。空無相故無所願求。次三信。依他無生。一緣起無作。二不實故。無能所分別。三無體故無所依。次三信。圓成無性。一廣無邊量。二勝故無上。三深不可越。後一總信三性無生。如初會辨。則十皆無生。並通三性。如一無生觀。但信依他無遍計。法自然之生性。則是無性圓成。餘例此知。第二明信力中二。先正顯業用。後徵釋所由。今初文有十句。遍從前十十並成此十。若類例辨。初二於勝上法不怯。次四。廣多法不怯。一所化衆生。二即化法。三是化處。四化之所歸。後四寬遠法不怯。若剋文取義。以後十句逆配前十。謂由信

法無生故。於佛法不怯。佛法以無生爲體。故佛難超故。衆生無盡故。法界無邊故。虛空無依故。涅槃無分別故。過去之因不作。果放。未來之法無可願故。現在之法即無相故。入劫無障礙。以即空故。此十皆深廣難思。二徵釋中。先徵意云何。以深廣難思。菩薩聞而不怯。釋意云。以於深廣皆堅信故。文分爲二。初總後別。總云一向信者無猶豫故。堅者異說不壞故。所信謂何。即佛智慧。智慧何相無邊無盡。然通二義。一廣無邊涯。豈不可盡。二無二邊之偏。同真性之無盡。二十方下別釋。初釋前意。十方無量是無邊義。已現當入是無盡義。言得菩提是自證義。出世入滅是應現義。法無邊故佛智無邊。一佛之智尚不可盡。況橫遍十方。賢該三際。菩薩於斯廣遠堅信不移。寧有怯耶。二彼諸下釋第二意。聞深不怯。謂已得今得菩提而不增。當得未得而不減。已出今出而不生。已入今入而不滅。當出而不進。當入而不退。現得出入而不近。在於已當而不遠。照窮萬法而無知。頓寂諸相而不捨。以寂照之體。如如超戲論故。但以世俗文字數故。說有三世。非菩提涅槃有去來今。菩薩既堅信於此。寧聞深而怯耶。此二段釋文。具前十句難思之法。如文詳之。第三總結信成。於中二。初一句總牒信成。謂由明達佛智無邊無盡故。稱此成信。二得此信下顯成信之益。亦是正顯成相。有十一句。前七行體堅牢。初句爲總。二內心不雜故不退。三外緣

不沮故。四不染相故。五有正慧故。無慧之信長。無明故。靜法云。梵云阿慕羅匿陀。此云不從根生。謂無生之信。無根生故。經本云。常有根本者。譯人不審。阿字沒在上。句翻無爲。有於理背也。此或應爾。今以理通二義。無違。無根語慧之體。根本約慧之用。亦猶從無住本立一切法故。無本者。即是根本。六順同古聖故。七安住菩提心故。後四攝德無盡。一護已成性。二復長新解。三順如生善。四不滯有無。三足名下結。四菩薩住此下辨。益易知。第二戒藏文三。釋相中二。初列十名。後隨。釋。初中十戒皆通三聚。取其相顯。初但饒益有情。後一律儀中八通三。約遮過罪。皆菩薩律儀。但爲救護等。即是饒益攝善可知。爲顯此十皆通三聚。故。釋。後一復顯三聚。二牒釋中十戒爲十。皆先牒後釋。初饒益者。菩薩本意故。首明之。二不受中文有二意。一不受邪戒。謂難狗等。二三聚宿成動不逾矩。三中唯爲菩提及衆生故。非如難陀之類。四中涅槃云。何故持戒。爲不悔故。何故不悔。爲歡喜故。乃至爲得大涅槃故。五中有四。非者達也。一不違制立。不同調達。二不違涅槃。不取相故。三不違律儀。具足持故。四不違利物。不惱他故。六有二意。一非爲欲惱衆生。先須持戒。二非爲欲成淨戒。逼惱衆生。如殺馬祀等。七中戒正見邪故名爲難。定有定無爲斷常難。觀緣性離非有非無。則名爲持。又無煩惱之難。真出離矣。八

中不現異相。彰已有德。五邪之一。已見淨行。又如十住論說。一者矯異。二者自親。三者激動。四者抑揚。五者因利求利。大同前引智度論說。今文即矯異也。九中不輕毀者。無行經云。見破戒人。不說其過惡。應念彼人久久亦當得道。問涅槃云。見破戒人。應當擯黜。詞責舉處。當知是人得福無量。豈不達於無行。此經答略有三義。一此經約自行涅槃攝攝衆。二此經約根未熟。護恐增惡故。且攝受。涅槃約根熟者。慈心拔濟。故。應折伏。三彼約慈心。此約輕毀。故。不問也。十中釋內分二。初明律儀。十善衆戒之本。故偏明之。廣如二地。二菩薩持此下雙明二聚。攝善提善。益衆生故。第三漸藏。釋相中二。先標章。二謂彼下別釋。今初然慚愧相別諸說不同。涅槃云。慚者羞。天愧者羞。人慚者自不作惡。愧者不教他作。慚者內自羞恥。愧者發露向人。瑜伽四十四亦云。內生羞恥爲慚。外生羞恥爲愧。大同涅槃後解。成唯識云。依自法力。崇重賢善爲慚。依世間力。輕拒暴惡爲愧。俱舍亦同。若無慚愧。但翻上慚愧。謂不羞。天則是無慚。餘可例知。若說羞恥爲慚。愧者。是二通相。今經多同唯識。而以不相恭敬爲二通相。二別釋中分二。先釋過去作惡。即無慚行。二自惟下釋。而生於慚。前中亦二。初自念無慚。後一切下悲他亦爾。第二正顯慚相中。初自念昔非。恥佛知見。現修慚相。自惟即是內自羞恥。是故已下決志斷證。文言去來

現在行無慚者。言總意別。菩薩自惟昔過惡物。三世常行故。專心斷除。防已伏之。再起爲衆生說。則物我之兼亡。第四愧藏。釋相中三。初自念無愧而修愧行。故云。我今不應復行是事。即愧行也。二又作下。傷物無愧。不覺苦集。故云。無知無見。三於母人下。依願世間而修愧行。誓益自他。於中初所愧境。有智慧下。願他生愧。即外羞也。初因人後諸佛。是故已下決志斷證。言不淨之法。者。從婬欲生。即種子不淨。母人腹中即住處不淨。成垢穢身。即自相自性。究竟髮白意。含究竟不淨。又垢穢形。是內污穢不淨。處胎受生有苦觸不淨。從婬欲生下劣不淨。若觀待涅槃三界並爲不淨。其五取蘊體是違壞不淨。上來煩惱亦是不淨。言誑三世佛者。違本四弘誓斷惡故。餘文易了。第五聞藏。釋相中二。初明所知之法。後菩薩摩訶薩下。顯多聞之意。今初標稱聞藏。釋云。知者聞爲本故。實則多知耳。文亦分二。先標章後牒釋。今初句。雖有十義。束爲七。初之四句。但是緣生故。謂一緣生。二有漏五蘊。三無漏五蘊。四有爲五無爲。六有記七無記。二何等下牒釋。即爲七段。初緣起中依生引二門。開爲四重徵釋。謂十二支。初二能引。次五所引。次三能生。後二所生。故爲四也。然依難集第四云。十二有支。皆具此有彼有等義。故。彼論文釋支相云。相者謂無作緣生故。無常緣生故。勢用緣生故。此有彼有者。顯無作緣生義。唯有緣故。果法得有。非緣有實

作用能生果法。此生故彼生者。顯無常緣生義。非無生法爲因故。少有法生而得成立。無明緣行等者。顯勢用緣生義。雖復諸法無作無常。然不隨一法爲生故。一切果生。以諸法功能差別故。然今經中欲顯緣起無性。舉前二門。勢用一門六地廣辨。就二門中。從增勝說前後互舉。前七許同。因位故。名能引所引。後五要因果相望。云能生所生。由此能所引中。但云此有彼有。後文則云。此起彼起。起卽生也。故集論云。謂於因時有能引所引。於果時有能生所生。然文有染淨二觀。初於能引中明染觀。故云。無明有故行有。第二約所引。亦通能所相對。以明淨觀。故云。識無故名色無。以識通能引有二種業。一持諸有情所有業縛。謂與行所引習氣俱生滅故。二與名色作緣。謂由識入母胎。名色得增長。今言識無者。卽不爲業熏不持業縛。故不入胎。增長名色故。云識無故名色無。第三能生所生相對。以明染觀。故云。愛起故苦起。苦卽當果愛卽能生。能生有三。舉初攝末。下明淨觀。舉末攝初。蓋巧辨影略耳。第四亦能所生相對。以明淨觀。謂因亡果喪耳。後之三門皆能所相望。何以無明與行。唯約能引而相望耶。答欲顯十二支皆有無作無常二門故。於初一位相次以明。不爾則謂要四位相望。方得此有彼有故。下之三門。欲顯四位不同故。能所相望。又爲顯能引支中或二或三。故於前二別爲一段。蓋說者之妙也。

第二有漏五蘊。蘊者積聚義。雜集第一云。藏果重擔義而標名世間者。世卽隱覆義。隱覆勝義故。又可破壞義。三世所遷故。問者墮虛僞中故。隱覆之法卽墮虛僞故。世卽是間。然色等蘊通於無漏。出世之義。欲訶毀故略舉一分。云何知之。應知三種。一知其相。謂色以變礙爲相。受以領納爲義。想者取像行謂遷流。識以了別。二知其生滅。謂生無所從來滅無所至。三知其不生不滅。謂法本不生今則無滅。故力林菩薩云。分別此諸蘊。其性本空寂。空故不可滅。此是無生義。況知一切法趣蘊。蘊卽法界無礙。方名其實多聞。然諸蘊性。性皆遷流。隨勝立名。行之一種。雖標總稱卽受別名。又攝法多故。第三無漏五蘊。亦名無取五蘊。然無漏蘊亦有二類。一仍本名。亦名色等。不與漏相應。故名爲無漏。二從已轉立名。卽五分法身如今文是。欲顯戒等德是可欣故。從極果標以出世。理實亦有世間戒等。戒定慧三上來頻釋。解脫卽是離繫。爲名解脫。知見由離繫縛。於境自在觀求覺了。智論八十八云。戒衆者攝一切戒和合戒衆。衆卽蘊也。餘皆準之。然卽轉前五蘊成此五分。謂轉色蘊成於戒身。表無表戒皆色蘊故。轉受蘊而成定身。定名正受。入四靜慮出四受故。轉想成慧。凡所有相皆是虛妄。見相非相見法身故轉行爲解脫。無貪等行名心解脫。永斷無知慧解脫故。又轉識成解脫知見。若與邪受妄想相應。謂

識依根了別諸境。若與正受智慧相應。卽是現量如實知故。仁王觀空品云。觀色識受想行得戒忍知見忍定忍慧忍解脫忍。卽斯義也。知見與慧此二何別。佛地論第四。總有三說略舉其一。謂無漏淨戒。名爲戒蘊。無漏定慧名定慧蘊。無學勝解名解脫蘊。無學正見名解脫知見蘊。前三是因後二是果。此五別說四法爲性。謂定慧勝解及無表色。然此五分法身。不覆勝義不爲相遷。不墮虛僞故名出世。雜集云。謂能對治三界。無顛倒無戲論。無分別故。是出世間義。問無取五蘊卽有爲無漏。何以言不爲相遷。答約教異故。前是權小所明。若實教定說。非爲無爲。同眞性故。但似蘊相現立。以蘊名故。涅槃純陀云。善覆如來有爲之相。應言如來同於無爲。況一融攝。若如是知名爲多聞。第四有爲者。瑜伽一百云。有生滅繫屬因緣。是名有爲。智論云。有所得故。是名有爲。二論心境爲異。今略舉四事。三界卽所依處。衆生卽能依之者。然所依處隨心成異。故論云。欲所屬界名欲界等。第五無爲。爲者作也。卽前生滅今虛空等。寂寞沖虛湛然常住。無彼造作故名無爲。瑜伽云。無生滅不繫屬因緣。是名無爲。智論云。無所得故名爲無爲。淨名云。不墮數故。然諸論總名大旨無別。然其名數開合不同。小乘多說三種。卽此中初及三四。諸大乘中掌珍說四。謂加眞如。法相論中或說有六。復加不動及想受滅。謂於擇滅中滅惑障。故名爲擇

滅滅定障故復加後二或開爲八於真如中開出三性謂善法真如等漸欲展此真如遍諸法故此經說六於擇滅中開出涅槃二道別故復加緣起顯無一事不即真故略無二定未究竟故言虛空者離諸障礙無物所顯故二涅槃者古有二釋一云性寂滅故此即性淨涅槃涅槃三十四亦同此說此與擇滅顯未顯殊一云即性淨之果此即解脫道後擇滅乃在無間道中然大乘非擇滅既約性淨又下說法性則後解爲正三數緣滅者數謂慧數由慧爲緣揀擇諸惑能顯滅理故唐三藏譯爲擇滅謂擇力所得滅名爲擇滅然此滅言有其二義一理性寂滅此從所顯得名二因滅惑顯名理爲滅則從能顯得名四非數緣滅者非由慧數滅惑所得但以性淨及於緣缺之所顯故五緣起者有別有通別謂十二因緣故分別論者大衆一說難亂化地說出世部皆立十二緣起以爲無爲彼意以其次第作緣恒無雜亂故說爲常有佛無佛此法自爾名曰無爲故智論三十二云聲聞法中亦說法性實際故難阿含中說有一比丘問佛十二因緣爲是佛作爲是餘人作佛告比丘我不作十二因緣亦非餘人作有佛無佛諸法皆如法相法位一切常有所謂是事有故是事有等涅槃亦說即是無爲遠公云就人論法三世流轉是其有爲廢人談法法相常定故曰無爲望今經意緣起無性故曰無爲大品云菩薩觀

十二因緣如虛空不可盡涅槃云十二因緣即是佛性雖舉十二因緣已攝陰界諸法六法性住者即真如也謂非妄倒故名真如又真如如常揀妄揀事於一切位恒如其性而云住者離遷變故與法爲性是隨緣義復云住者是不變義即妄即真事皆如矣若準智論法性法住各是一義云云即爲七法然小乘說三虛空則就外空復計三皆實有若大乘說非唯數增義亦有異唯識論中二義建立一唯心變故二依法性假施設有謂此諸義但一真如隨義假設一無相義二所證義三惑盡義四性淨義五隨緣義六隨緣即不變義此中法性即是真如然法性真如亦假施設遮撥爲無故說爲有遮執爲有故說爲空勿謂虛幻故說爲實理非妄倒故名真如爲法之性名爲法性非離色心別有實體今多聞之人不唯知名而已應如是知第六有記法者有釋云謂能招愛非愛果故名有記此乃通說餘處辨記即是善惡今唯舉善應云順理善法可記錄故下出所記法體句有十一義攝唯五四聖諦如前本品已辨四沙門果如梵行四辨如第九地三十七品如第四地四無所畏今當略明謂外難無法故名無畏瑜伽云如來於此諸難都不見有如實因相由是因緣能自了知坦然無畏無畏有四一切智無畏二漏盡無畏三者障道四出苦道此之四段各有難答初外難云若佛是一切智者有諸比丘

從他方來何須問言安樂住不言一切智無所不知今問於他一何相反佛自唱言我是一切智人但爲攝受來者隨順世間師弟人事故二有難云若佛自言漏永盡者何以愛語羅睺阿闍調達佛於此難正見無由安隱無怯自唱德號我實漏盡但爲隨根而調伏故三有難云若佛說欲能障道者何故預流一來尙有妻子之愛佛於此難心無怯懼謂自唱德號我說欲能障道但障不還羅漢非初二果四有難云若佛說諸聖道能盡苦者何故羅漢受瘡潰蛇螫之苦佛於此難心無怯懼自唱德號我說聖道實能盡苦邊際但說未來非現在故四中初一離所知障次離煩惱障三是出離道障四即出離之道初二自利後二利他所以自歎此四者初一爲菩薩第二爲聲聞後二通爲智論二十八瑜伽五十對法十四廣辨其相第七無記中分二一徵名後謂世間下辨相今初無記二義一非善非惡不能招感愛非愛果名爲無記可釋餘文今此正謂虛妄推度非理間難不可記錄故名無記非對善惡故俱舍第十九云諸契經說十四無記即其義也亦名置記記即答也不應答故所以不答者何謂此乃無義語也知之不免生死不知不障涅槃前說有記則反於此智論第三云所以不答十四難者此事無實故諸法有常無此理故言斷亦爾如有人問犍於牛角得幾升乳豈曰問耶復次世界無窮

猶如車輪復次無利有失墮惡邪中覆於四諦諸法實相復次人不能知復次稱法說故第十七云有一比丘思惟十四難不能解辭佛不為弟子佛言我為老病死人說法濟度此是闡譯法如中毒箭不應推尋楞伽亦云皆是世論非我所說言十四者即此中前四句其第四四句但合為二謂身與神一身與神異然諸經論多說十四難而相或同異不繁會釋今經委論不出我法二執文分五段第一有四四句就我明無記第二過去下就三世橫論凡聖數之多少三何等下約凡聖聖論初後四世間從何下徵三世間所從五何者下約生死際畔以辨無記今初句雖十六其過不出斷常二見言世間者準大品中通三世間謂眾生世間五蘊世間及器世間今此文意正顯眾生世間兼明五蘊世間以眾生是總主假者外道計以為我故有邊等諸見初有邊四句約未來世常等四句約過去世如來有無依涅槃起故中論邪見品云我於過去世為有為是無世間常等見皆依過去世我於未來世為作為無作有邊等諸見皆依未來世涅槃品云如來滅後有無等依涅槃起我及眾生有無四句約現在說既知起見之本次隨文別釋即為四段第一四句言有邊者即斷見外道計我於後世更不復作則與此身俱盡無邊者謂我於後世更有所作三俱句者身盡故有邊我不異故無邊四俱非句者亦以我

存身盡見上有過故立此句謂身盡故非無邊我存故非有邊既皆邪見故不答之若欲破者初之二句墮無後世過謂有邊則與陰同盡無邊則是今身故皆無後世無後世者修道苦行為何益耶第三句亦有邊無邊者若身盡我存身我為一為異一則不應有盡不盡異則離蘊何相知有我耶若謂捨人生天人分猶在天分更增則半天半人故皆不可第四句非有邊未免於無非無邊未免於有云何於此強分別耶二常等四句約過去者過去世我即是今我名之為常若常即有大過破壞因果涅槃等故若謂我今始生名為無常若爾我是作法亦墮無因無因則亦無涅槃等第三見上二過便謂我常身無常離身何處有我及成上二過第四謂我不異故非無常身有異故非常破同第三句中又中論云一切法空故何有邊無邊及常等見餘義廣如彼論三如來滅後等四句釋有二義一明如來者非是佛也如即相似來謂從前際來謂一有執云如從前世來生此間去向後世亦復如是故云如來滅後有謂如前際來時有故此由計我異陰故二云如從前世來此間死後斷滅故云如來滅後無謂不如來時去故此計陰我一故三由計我有龜細故謂龜我與身俱盡故云不如去細我異陰不同滅故亦如來時而去故云如來滅後亦有亦無四云我如虛空體無來去故晉經云如來滅後如去不

如去等此則通望三世以辨若依中論附涅槃起四句如來即佛也順此經文亦是外道自立已師而為如來有謂如來滅後定有不變或謂入無餘依同於太虛或謂法有應無或謂約應非有約法非無以其四句皆成戲論不見如來寂滅相故亦為邪見此則權小之徒未能免也瑜伽八十七云依二道理如實隨觀俱不可記如來滅後若有若無所以者何且依勝義彼不可得況其滅後或有或無若依世俗為於諸行假立如來為於涅槃若於諸行如來滅後無有一行流轉可得爾時何處假立如來既無如來何有無等若於涅槃涅槃唯是無行所顯絕諸戲論自內所證絕戲論故施設為有不應道理亦復不應施設非有勿當損毀施設妙有寂靜涅槃又此涅槃極難知故最微細故說名甚深種種非一諸行煩惱斷所顯故說名廣大現量比量及正教量所不量故說名無量四我及眾生有無等四句此並雙立眾生即是五蘊非約總主有即定有定有著常無即定無定無著斷三遠上二過雙立有無即墮相違四避此相違立俱非句又成戲論然此四句亦有單計我有所無所有我無亦不離初之二句又合上成第三互奪成第四亦不出初之二句第二門明三乘凡聖數之多少者以橫無邊故不可記也第三門聖無際故不可記也有人答問云有初佛言自然悟引賴祭天亦為應機寧加置記若

有初佛如來應知。則可說名。言何法者。染淨等一切法也。第四門徵世間所從有。六句。初二句問衆生及蘊世間。次四句約器世間。以外道計衆生有最初生故。或謂從冥諦中來還至冥故。或謂世界皆微塵成。謂至妙之色常恒不變聚。則爲身器。散則成微塵故。此皆邪見之源故。不應答。有情世間不言成壞者。喻伽云。有情望器有五不同。一謂器界生死共因所生。有情生死但由不共故。是因不同。二謂器有除斷有情流轉不斷故。是時不同。三謂三災壞不壞故。名法不同。四謂器界因無永斷有情不爾。名斷不同。五謂器則斷而復續。有情斷已無續名續不同。以斯義故略無成壞也。第五約生死初後際。唯有一句。問初際無始聖教所明。生死有終豈非正理。答略有三義。一約一人則可云終。通望一切則無終極。二以彼定執長邪見。故亦不應答。謂若許有終必有始。故常法無始亦無終故。三約法性皆不可說故。中論云。大聖之所說。本際不可得。生死無有始亦復無有終。若無有始終。中當云何有。是故於此中先後共亦無。既言本際不可得。亦不應定謂無始無終。況有始終之見耶。又有偈云。眞法及說者聽者難得故。是故則生死非有邊無邊。上諸邪見多是外道。亦參小乘。菩薩善知則問答無滯。便舉破者。令自他造中故也。第二菩薩下顯多聞之意。謂悲物無聞長淪生死。故誓持聞藏自證利他。第六施藏文三同前。

釋相中二第一標列十章。第二佛子下依章釋。釋中十段。一各三。謂標釋結。然此十施前六事捨。謂身命財。次三心捨。謂不取著。後一俱捨名爲究竟。第一分減施。釋中三。初明分減之相。二若自食下明施善巧。外無施境而不捨施心。三復作下對治施障。第二竭盡施者。不顧活命。竭所有也。然施心須成施行須量。若彼爲成大利則身命無惜。若彼但爲貪求無厭。或惡心欲行。大害。應以方便勿成人惡。如月光王施頭。與怨奪萬姓之歡。施二人之死。怨王喜死。乞者恨死。雖有賢行未全可準。今言竭盡者。以彰菩薩施心已成。有應施境終無格也。內施內外準。此可知。若不爾者。菩薩能雨七珍。充足一切。何不施耶。亦見衆生所不宜故。釋相中三。初明難施之物。二或時下乞境現前。三菩薩自念下正修施行。下之四施皆有此三。第三內施。謂內身也。覺者單也。玉篇云。無見曰覺。無子曰獨。頤者損也。冀者望也。第四外施即王位也。冀者無財備禮也。第五內外施者。王位爲外兼身作役爲內也。第六一切施者。凡所有物也。此與竭盡及內外施異者。竭盡揀異分減。但約資生內外合前二門。空言作役王位。今云一切通前諸門。又是事捨之終故。總該收舉難攝易。略列數條。廣則無邊。如第六迴向所辨第七過去施者。然三世之施。通相皆明。不著。別則過去不生追戀。未來預止貪求。現在心無染著。今過去釋中分

二。先明於佛法無著。後又復下於一切法無著。前中初二句總明。次不起分別下別顯。先顯不著之相。不分別者。稱法性故。次不貪染不愛味。亦不方便求取以爲己德。亦不依此而起修行。次見法下。廣上了達釋。不著所由。次但爲下釋疑。疑云。既俱無著云何而說。釋云。爲化衆生令無著故。二於一切法無著者。以般若智求不可得。觸目現境尙了性空。過往法中事當計有。第八未來施釋中分二。先正顯後釋疑。前中不著修行之因。不願淨土之果。不味其好。不厭其事。不迴向者。釋上不味。不自安處求勝樂故。不退已下。釋上不厭。修彼行故。二但欲下釋疑。疑云。既於淨不味修行何爲。釋有二意。一者約悲。但爲攝物故。二然此下約智。智了非有故。生即非生故。不著不礙事故。非生之生故修行。非有處所者。與冥冥故。非無處所者。事像形故。非內者。相分境故。非外者。心所淨故。非近者。十萬等殊故。非遠者。我淨土不毀故。此約淨國以說。若通論未來法者。可以意知。復作已下。更約性空結成捨義。又目擊尙捨況於未形。第九現在施釋中有三。初明所捨之境。二聞已下正明捨心。三爲令下釋通外難。今初先列諸天。後列二乘功德。上二世中學佛菩薩。今舉諸天二乘者。文影略耳。天中初六欲界。已如初會。梵天已下。明色界天。然色界攝天多少。諸說小異。俱含正理。皆說十七。故頌云。三靜慮各三。第四靜慮八。長行之中。建

立十六。以梵王梵輔同一天故。瑜伽云處有十八。謂色究竟外說大自在。不言無想。意在廣果中收。今此即文而數有二十二。然四禪初一皆是總標。則初靜慮四。二三各三。第四有八。還成十八。正理初說有三。今加梵身。晉經梵衆名梵眷屬。若然身亦衆義。則梵身是外所領之衆。梵衆則爲內眷屬衆。梵輔即大梵前行列侍御大梵。即彼天王獲中間定。初生後發威德等勝。故名爲大。次光天下。即二禪三天。一自地天內光明最少。故二光明轉勝量難測。故三光音者口出淨光故。次淨天下。即三禪三天。意地受樂總名爲淨。一於自地中此淨最劣。故名少淨。二淨增難量。故三此淨周普。故次廣天下。明四禪八天。初三凡離八災患。皆稱福廣。於自地中此福猶劣。故名少廣。三福難量。故三異生果中此最勝。故無煩已上名五淨居。謂離欲諸聖以聖道水濯煩惱垢。故名爲淨。淨身所止故名淨居。或此天中無異生雜。純聖所止故名淨居。一無煩者。煩謂繁雜。或謂繁廣。無繁雜中此最初故。繁廣天中此最劣。故依正理。若順今經。皆作此煩。則無廣義。二無熱者。已善伏除雜修靜慮上中品障。意樂調柔離熱惱故。或熱者熾盛爲義。謂上品修靜慮及果。此猶未證。故三善現者。已得上品雜修靜慮果德彰彰。故名善現。四善見者。雜修定障餘品至微見極清微。故名善見。經本先見後現。或恐誤也。五色究竟者。更無有處於有色中能過於此。

故。或此已到衆苦所依身最後邊故。言乃至二乘功德者。中間越於四空等。故二正明捨心中。聞上世出世境已。不迷爲實。不沈沒於貪。不聚集其善因。不散動以分別。但觀下釋其所以可知。三釋難者。疑云。既言不聚善因。何以說五乘因果。釋云。拯三塗之劇苦。示人天以蘇息。止劣見之妄情。說二乘以引攝。爲物然耳。非自不捨也。第十究竟施文三。同前徵名者。略有五義。得究竟名。一前六捨財命。次三捨著心。今則兼上二門故。二又發大願。令物無著。故三令物得究竟果。故四不生一念愛著。則微細無著。五究竟能令物質益。故如無眼等而施之者。如世凡人。豈能將他之目安之於己。今菩薩福力令彼還得。以慈善根力故。如五百群賊。平復如故。故云究竟益。釋相中三。初施境現前。二菩薩聞下正明施行。三如我下迴向衆生。二中分二。初正施無悋。二但自下釋成行之由。由入觀故。此觀即是念處觀也。皆言身者。觀有通別。別觀五蘊。一名身故。淨名云。是身如泡。不得久立等。通觀五陰。皆無常等。智論云。五陰即無常無常即苦。苦即無我等。今此不淨偏諸色身。餘之三觀皆通五蘊。第一苦觀。謂始從入胎皆生苦。攝老等可知。二又觀下明無我觀。謂無真實主宰。故無有慚愧者。雖假以澡浴衣食。一旦背恩如小兒。故非賢聖物者是世間故。故智論云。由無我故。令捨世間。三臭穢下明不淨觀。四復作

下明無常觀。觀危脆故。三迴向者。揀小乘故。然菩薩修此觀時。以無所得而爲方便。故同法界。故已不共。小況迴向耶。第七慧藏中分四。一徵名。二釋相。三結名。四歎益。就釋相中二。初明慧藏後釋無盡。前中三。初明如實知境。次云何下釋如實知義。三菩薩成就下總結多門。以彰善巧。今初以四諦慧照十種法。攝十爲五類。前五五蘊。次二有支。後三三乘。收此五類。不出二門。初二凡境後三聖境。又若後三就果。則初二有作四諦。後一無作四諦。界內外因果異故。此就所觀。若約菩薩能觀皆無作也。又初二流轉後三還滅。前有滅道。是流轉始修之還滅。後有苦集。是還滅未盡之流轉。又前是所知之法。後是能知之人。人中有法。即是前法。歷於四諦。是聲聞法。所緣有支。是緣覺法。五蘊即是三乘共法。皆如實知。是菩薩法。皆言如實知者。下經總釋今當略辨。一如事實。二如理實。十中前七常相是苦。無明與愛有漏性故。行苦隨故。行蘊攝故。緣成是集。無性是滅。顯滅爲道從證顯故。此則總說及就理滅。若別說者。不了無常不淨等過。而生愛著。名爲色集。若滅癡愛。名爲色滅。唯止與觀。是色滅道。由止離愛。由觀離癡。若兼助道。即有戒學及道品等。受想行識例此可知。無明集者。由他言說。不如理引。由自妄想。不正思惟。滅此名滅。言愛集者。謂無明觸爲緣。所生受故。亦滅此名滅。癡愛之道。皆同蘊說。十二支中唯舉二者。

發業調業唯此二故。能引能生各舉初故。從
癡有愛病之源故。涅槃三十四云。從無明
生愛。當知是愛即是無明。從愛生取。當知
是取即是無明。愛等亦似斯義。又約三際。無
明爲本。愛取爲際。此二中間。有識等五。及生
老死。今悟無明。由迷過去有識等五。現在
之愛即是無明。若不斷者。輪轉不息。今思
斷之。將來無復生死矣。後三約淨。聲聞是
人四諦爲法。所行道品爲集。所成果爲涅
槃。十二因緣是緣覺法。無邊法界是菩薩法。
又知聲聞即是知苦。以聲聞苦是已知故。
但舉其位。法即是彼所行之法。即是道諦。集
即是彼惑。集未盡是爲集諦。已有斷故。法
後說之。涅槃即是滅諦。已證滅故改名。涅
槃。緣覺菩薩準斯可見。前釋通。因後釋就
果。若定以前二爲分段。後三爲變易。則小
乘三果已前應受變易。直往七地已下。非
此所知。故不可也。第二釋。如實知義。非唯
能知行相。亦顯所知之相也。先徵後釋。徵
意云。爲隨相知爲無相知。若隨相知。則異
凡小。若無相知。無相無知。故言云何知。後釋
意云。知相知。性無有障礙。是菩薩所知。無
知之知。是菩薩知。文分二別。先約自利明
知。苦集。後約利他彰知。滅道。一文影略
應各具四。又二段中含前五類。具顯三乘。
今初段中知。從業報是五蘊相。業集報苦是
二諦相。言諸行因緣之所造作。十二支相。諸
行因緣。即是集相之所造作。是苦諦相。上辨
知相。一切已下顯知無相。通於苦集。初

有二句。共三乘相。非我已下釋。成上文。揀
二別相。由非我故。空無有實。但假五陰是
聲聞相。以非堅固。空無有實。但緣成假。是
緣覺相。若無少法可得。空無有實。但虛假
幻相。是菩薩相。非安立諦。無可成故。二欲令
已下。次約利他彰知。滅道。能知實性是道
諦相。法不可壞及所知性。即滅諦相。廣爲宣
說。唯菩薩相。文中二。初標說意。二爲說下展
轉徵釋。總有三重。初微意云。說何等法。令
知實性。釋云。說不可壞。此略示其宗。次徵
云。此不可壞。爲性爲相。此尋說處。釋云。相
即性故。五類等法。皆不可壞。依般若中。自
色已上種智已還。悉皆遍歷。後徵云。現見
諸法。猶如聚沫。泡焰。芭蕉。幻夢。不實。那言不
壞。下釋。所由略由三義。一色。等性。空。無。可
壞。故若壞。方空。非本空。故。二由空。即真同。
法性。故。若壞。方真。事在理外。故。三由。即空
不待壞。故。壞則斷滅。文中十句五對。初無
我。無造。故不可壞。二離能所。證故。三。能生
不生。所生不起。故。四。因不取。果不與。因
故。五。體無動。轉用無作。相故。第三總結。多
門以彰善巧者。更有多門。皆以無所得等。
爲少方便。則色空見盡。壞與不壞。兩亡。不
隨境轉。名不由他悟。第二釋。無盡義。有標
徵。釋結。釋亦十事五對。一因緣。二教理。三福
智。四持辨。五智通。福智中云。一味者。百華異
色。共成一陰。萬法雖殊。貫之一智。亦如上
酥。無不入也。三結。四歎。文可知。第八念藏。
釋相中有四。一總標念體。二所念差別。三

能念勝相。四明念益相。二憶念下所念差別
中。唯依宿住以辨明記。略舉十事。以顯無
盡。一生二劫。三佛名。四授記。五演教。六衆會。
七說義。八根性。九所治。十能治。文並可知。十
二分教。今當略說。舊名。十二部經。悉漲部
帙。改名。分教。各有二相。唯修多羅。或二或
三。修多羅者。此云契經。廣如初卷。言二相
者。一是總相。謂涅槃十五云。始從。如是我聞。
終至。歡喜奉行。皆修多羅。二者別相。難集十
一云。謂長行。綴緝。略說。所應說義。然更有
異名。異名有四。一法本。二但名。經。三直說。
四聖教。言法本者。遠公以五義釋之。一教
爲理本。二經爲論本。三總爲別本。四初爲
後本。五略爲廣本。以彼立三修多羅。故。一
總相。二別相。三本相。亦名略相。總不異前。
別謂就前總相。分出十一。餘不收者。還復
攝在修多羅中。名爲別相。用斯別相。望祇
夜等。爲其本故。名初爲後本。言本相者。
於彼別相。十二部中。初略標舉名。修多羅。
後廣釋者。隨別名之。如言色者。即是根本
略相。復云。青黃等者。是名廣相。故云。略爲
廣本。然其後二。不違難集。長行綴緝等言。
綴緝。即是十一所不攝者。如賢首品云。爾
時文殊師利說。無濁亂清淨。行大加德。已等
類。此是結集綴緝。非佛正說。故云。十一所
不攝者。其略說。所應說義。即是略爲廣本。
如欲顯。示菩提心功德。故。即其類也。此第
三略相。亦順成實。成實名。直說。語言總相。而
言名爲直說。一一語言多義分別。名非直

說。斯則通十二分教皆有此一。若十二分中修多羅。並通前三。若三藏修多羅唯局總相。但開雜集別義以成後二。有不曉者妄非。先賢而云。修多羅但依總相業用。則達諸論長行綴緝等。言二祇夜者。此云應頌。一與長行相應之頌。由於長行說未盡故。雜集云。不了義經應更頌釋。如十住品發心住頌。即其類也。二為後來應更頌故。涅槃云。佛昔為諸比丘說契經竟。爾時復有利根衆生。為聽法故後至佛所。即便問人。如來向者為說何事。佛時知已。即因本經以偈頌曰。我昔與汝等不識四真諦。是故久流轉生死大苦海等。三授記者。梵云和伽羅那。亦云記別。記者錄也。別謂分別。一記弟子生死因果。其文非一。二記菩薩當成佛事。如記彌勒。此發心品及出現品。並有其文。四伽陀者。此云諷頌。諷即是頌。謂孤起偈。一為易誦持故。二為樂偈者故。三天偈讚皆是其流。五尼陀那此云因緣。一因請方說為重法故。如三家五請等。二因事方說知。本末故。如觀善財。又雜集云。又有因緣制立學處。即因事制戒。亦第二攝。六優陀那此云自說。一為令知而請法故。如十地本分等。二為令所化生殷重故。念佛慈悲為不請友。如普賢行品等。七本事者。梵云伊帝目多伽。一說佛往事。如說威光太子等。二說弟子往事。如說諸善友因緣等。八本生者。梵云開陀伽。謂說昔受身。一說如來如說威光數數轉身值諸佛等。二

說弟子如諸善友等。然其本事。但云其事除所生事。本生要說受身耳。九方廣者。梵云毘佛略。一廣大利樂故。二正法廣陳故。此經一部全受斯稱涅槃云。所謂大乘方等經典。其義廣大猶如虛空。雜集開為五義。云方廣者。謂菩薩藏相應言說。亦名廣破。以能廣破一切障故。亦名無比法。無有諸法能比類故。一切有情利益安樂所依處故。宣說廣大甚深義故。十未曾有者。梵云阿浮達磨。亦云希法。一德業殊異故。如佛。初生即行七步。斯經不起而升四天等。二法體希奇故。謂說佛菩薩不共功德。經文非一。十一譬喻者。梵云阿波陀那。一為深智。說似令解真故。如法華云。諸有智者以譬喻得解。如出現品。二為淺識。就彼取類誘令信故。如為擔人說二蘊等。此經所無雜集通說為令本義得明了故。十二論義者。梵云優波提舍。一以理深故。二義不了故。並須循環研覈。或佛自說或菩薩相論。如問明品等。此之十二。於大於小為局為通。若皆大者則達涅槃等文。涅槃第三云。護大乘者受持九部法華第一云。我此九部法隨順衆生說。喻伽等論說聲聞藏。無有方廣。然諸經論且約一相故作是說。如實說者。大小皆具。如深密中。菩薩依十二分教修者摩他。喻伽二十一云。佛為聲聞。一一具演十二分教。而涅槃說大但有九者。依三部中之小相故。謂因緣中取因事制戒。於譬喻中依為誘引。於論議中約

非了義法華九部小者三。相大故。於記別中取記作佛。自說之內依不請友。方廣之中依廣大利樂。其正法廣陳通大通小。然契經望餘總相略則許通。有別相則無。應頌諷頌本事本生。互望並無。本事本生望於記別亦是互無。自說因緣容得互有。如因事說不由請友。除上所除餘皆互有。此經之中具足十二。已如上引。十二分教義已略周。有欲廣知。如涅槃十五。雜集十。一。喻伽八十一等說。言一三昧種種性者。如一定中。凡小權實多差別故。又一多即入故。三此念下明能念勝相於中十句。一靜慮相應故。二無漏俱轉故。三淨信俱故。四了了知故。五不取相故。六離分別故。七離所知故。八與慧俱故。九具上諸德故。十離上諸過故。四菩薩住此下明念益相。亦有十句。既世與出世皆念故。能離過成德並顯可知。第九持藏。釋相中三。初別舉文義顯長時持。二持一佛下。遍舉諸法顯能廣持。所持即前所念之法。三佛子下辨能持德量。文有十句。一大之無外。二廣能虛受。三深難至底。四四邊絕相。五外無能制。六體無分量。七用無窮盡。八內含衆德。九因微果源。十除無能究。第十辯藏文有四別。謂微釋結歎釋相中四。初總舉體用雙照事理。二種實相名深智慧。二說一品下顯能廣演。三或一日下明長時演。二先正明。後微釋。以是十藏之終。故說具前十藏。近接總持。復舉陀羅尼門。四其說法下彰辯之德。亦有正

明徵釋可知。四獸勝中文有十句。義該七辯。一無窮盡是豐義味辯。一句中出多事理。故二即捷辯。欲言即言無分段。故三無疎謬辯。不以邪錯間深理。故四無斷辯。相續連環。故五應辯。應時應機無變異。故六迅辯。迅若懸河無隔礙。故已下四句。即一切世間最上妙辯。此辯有五德。一甚深如雷。即第八句。二清徹遠聞。故不退轉。即第七句。三其聲哀雅。如迦陵頻伽。故能普入一切佛法。即第十句。四能令衆生入心敬愛。五其有聞者歡喜無厭。故難可得入。上二即第九句。上來第三依章別釋。竟。第四佛子下。總歎十藏勝能分三。初標歎二徵釋。釋有十句。攝爲五對。一下化上求。二譬窮橫遍。三捨相契實。四無變善攝。五外護內明。三是爲下結歎。此後應有偈等。或是略無。多是經來未盡。第四會竟。

大方廣佛華嚴經疏卷第二十四

大方廣佛華嚴經疏卷第二十五

唐清涼山大華嚴寺沙門澄觀撰

升兜率天宮品第二十三 從三十二經元
二十五經一

自下第五會。明上賢十向。四門同前。初來意中。先會來者。正爲答前迴向問。故迴前解行。以向眞證。廣益自他。令行彌綸。無不周故。菩薩大乘藏經云。以少善根引無量果者。謂迴向心。以迴向心爲大利。故故行

後明之。又前解行既著。今悲願彌博。後品來者。前會既終。將陳後說。先明說處。表法。故來。二釋名者。先會得名。亦有二義。同前二會。二釋品名。兜率是處。佛以法界之身不起而應。故名爲升。處此說者。表位超勝。是次第故。又上下放逸。此天知足。表世間行滿。故居喜足之天。又以彼有一生補處。表菩提之心。功行滿故。又積功累勳。知階未足。迴勸授子。乃知有餘。菩薩亦爾。勤苦積行。未見有餘。迴向衆生。乃知自足。又欲界六天。此居其中。表悲智均平。處於中故。又生此天。而修三福。謂施戒定。自餘不具。偏多不均。故處此說也。第三宗趣者。會以十向大願爲宗。得地爲趣。品以升天赴感爲宗。說向爲趣。第四釋文。此會有三品經。初二當會由致。後一正說。所以無勝進者。由二義故。一以此會是三賢位終。攝前解行總爲趣。地方便。迴向當體自是勝進。是故無也。此經上下其例有四。一約行滿入位之際。如賢首品。信滿總爲入住方便。二約願滿入證之際。如此迴向初僧祇滿總爲入地方便。三約功用滿。入無功用之際。如第八地初。總攝前七地以爲方便。此第二僧祇滿。四約因位成滿之際。如第十地初。攝前九地爲入方便。此約三僧祇滿處。攝也。餘同位相接。即別有方便。故非一例。二。方欲入地。必離進趣相。與無分別爲方便。故就初二品。前一化主赴機。後品助化讚佛。今初品中大分十段。一本會齊現。二不離

而升。三見佛殿處。四迎佛興供。五觀佛勝德。六請佛處。殿。七如來受請。八天王獲益。九承力偈讚。十如來就坐。今初也。初言神力。即是遍因。未必起神境通。但是修成心自在力。十方已下。辨所現相。於中亦有化主助化。望第四會。既加及須彌頂。此亦應云。坐於樹下。及須彌頂夜摩天宮。文無者。略以第二段中帶前升。後既全舉。前四則影顯。前四皆圓通也。而演說者。亦通四會之所說也。第二爾時下。明不離而升。謂前十方一切處。四會皆儼然不散而升。此說意明橫遍十方。暨該九會。佛法界身遍時處。故餘義具如第三會初。第三時兜率下。見佛殿處中。二初明威應緣會。二即於已下正顯嚴處。於中分二。先明一方嚴處。後結通十方。今初。初雖標座。下列樓帳等。皆兼處嚴。文分爲二。初總顯體德。後有百萬下別明體用。今初有十一句。初總餘別。總中無盡大願。隨意出生。悲智必俱。生死無染。名摩尼藏。展行彌布。故有敷言。別有十種圓滿勝相。以斯妙座實德成故。初一自體相。以寶成。故次六因相。一深遠相。二勝妙相。三廣大相。四同體相。五具德相。六堅固相。後三總顯殊特。即座之德用。一端嚴故。二離染故。三無極故。二別明體用中。通有。三百二種百萬億。廣上三段。即爲三別。初廣自體。次有百萬億初發心下廣。前殊特。三百萬億善根下廣。前因相。初一多明。器世間嚴。後二顯衆生世間嚴。皆智正覺世間之力也。皆

言百萬億者。位增十行之百萬故。初中長分爲十。前九色相嚴。後一言聲嚴。其一嚴事皆卽法門。可以意得。第一有十句。座體嚴。於中初句。辨座層級。後九覆座之嚴。雖四而行列。蓋亦爲覆座。第二樓閣下十句。復於殿內建。立樓閣。繞座莊嚴。亦是嚴處。於中初句總。下九句別顯嚴閣。第三寶鈴帳下。十句辨帳嚴。亦是繞座。前已辨覆故。若重辨者。帳上建樓閣。上覆帳。重重無盡耳。第四妙寶華下。有十二句。辨嚴座身。其頻婆帳應在寶華之前。類例懸便。亦可十二句辨帳。九句嚴座身。頻婆者。此云身影質。謂帳莊嚴具中。現外質之影故。第五因陀羅金剛寶下。有十七句。亦嚴座四周皆明。妙寶以爲憲門。及覆亦嚴座體。以莊嚴其藏。是蓮華藏故。標中表法有異。住行不言蓮華。理實應有。或是座身之龜名藏。第六眞珠瓔珞下。十二句。瓔珞周垂。嚴其摩尼身下二句。文似缺略。謂因陀羅妙色寶下無所結屬。又非下之香類。不可別爲一段。第七黑栴檀下有十六句。以香爲嚴。阿樓那者。此云紅赤色。第八雨百萬下。二十句。雨雲爲嚴。第九建百萬下。四十八句。座外四面嚴。於中有四。初二十句。雜難莊嚴羅列座側。言樓閣延袤者。靜法云。梵云蒲莫迦。此云帳與。若是樓閣應云微塵。既不爾者。譯之誤也。此或應爾。前文已有樓閣故。若重辯者。亦無大失。寶悉底迦者。具云塞縛悉底迦。此云有樂。若見此相。必獲安樂。其形如萬字。

具於音義。今寶形似此。二光明寶下九句。光明嚴。言網覆者。若世之燈。以護夕蟲。成隱映故。三天寶衣下九句。寶衣敷布嚴。四天鈴幢下十句。寶幢行列嚴。第十天蓋出。妙音下。辨音聲嚴。於中二。初十句樂音嚴。後悅意音下二十句法音嚴。前中云。牟陀羅者。此云鋒鼓。謂天樂初奏。此鼓先作故。後法音嚴中。初十一句讚歎三寶。後隨順音下九句。說法益物。大文第二廣前殊特者。前文略云。見者無厭。亦已略明。益相。今廣顯之。卽座之德用。恭敬供養復顯爲嚴。文分爲二。初明獲益後申供養。前中有三十九句。曲分爲四。初十句位辨益。二得自在下有十二句。雜辨得益。三得檀下十句。約行辨益。四入一切佛刹下七句。約大用辨益。後三並通諸位。或可第二段明迴向。第三段明十行。第四段明十地。或唯約十住。通別無礙。二諸天恭敬下。明供養文分爲五。初十七句。雜明八部人天菩薩三業設敬。其中所作各隨類所宜。二天女專心下二十六句。唯明諸天三業敬養。初之三句。卽欲界天色究竟。後復言種種天者。或通無色。或總上諸類。善思惟天亦通諸類。三菩薩天下有十二句。明菩薩事供養。四諸天子從天宮出下四句。諸天身供養。五思惟菩薩下十句。菩薩修法供養。亦明得益。菩薩多明得益。諸天但說供養者。諸天供養是益。因故諸天得益。卽菩薩故。第三百萬億善根下。廣前因深十句可知。所以此會嚴事偏多者。一此天多以

補處爲王故。二賢位已極大悲普周故。所以十住無菩薩嚴。表凡入位故。夜摩卽有已入位。故然亦未廣。而此勝相皆是如來海印所現。法界差別自在實德。人法無礙。依正混融之嚴事也。第二如此世界下。結通十方可知。第四爾時下。迎佛興供。於中二。先將迎興供。二爾時如來威神力下。見佛興供。前中二。初奉迎。二以清淨下興供。於中先諸天興供。皆從身出者。非唯顯諸天福力。亦表身爲供具。供具自心生。後兜率宮下菩薩興供可知。第二見佛興供。中二。先諸天後百千億那由他。先住下明菩薩。前中三。初明承力見佛。一現佛神力。二宿善力。三法門力。二同興下慶。遇奉迎。三各以下正明興供。於中三。初十句衣盛供。以散佛。表修寂滅。以趣果故。二百千億下十句。明起心雨供。嚴空。顯所修萬行稱法性空。空有無礙。是嚴空義。三百千億那由他阿僧祇天子下九句。雜申供養。表萬行難修故。調順寂靜無放逸心。應分爲二。則有十句。第二菩薩興供中二。先明行成依報供。後其諸菩薩下身出正報供。前中二十七句文分爲三。初十句。多因成。多果之供。次八句。一因成。一果供。後九句。一因成。多果供。應有四句。由多因成一果。攝在初段。以多因能一。成故。又初段卽一切中有一。及一切中有一。次段卽一中一。後段卽一中一切也。今初十句。一時併舉多因。後通成諸供。出過諸天者。勝故多故餘可知。第二一因一果中。皆因果相

似一蓋以障塵。若度能除敵。二帳以庇蔭。若悲爲佛境。華以開敷。如覺解清淨。三法忍和悅。用法身。四演教網。則震金剛之妙音。觀教網則不礙文而見理。五香氣聞而不可見。見而不可攬。猶幻法見而不可取。取而不可得。知幻無堅以成堅法。六周遍法空。是佛智身所依之境座之義也。七摧解慢幢樹。法勝幢故。八諸法如夢。是佛棲託之所也。第三無著下一因多果供。無著無生但是一義。無生約理無著約智。此二契合方成。一因文中九句可知。第二身出正報供中。文有十句。初二明現身德量。謂一量周法界。德齊佛故。次以從下三句。明勝辯之因。次具足下四句。顯勝辯所依。後以不可下一句。正申辯讚。皆從總持辯藏之所流故。情動於中。故形於言。言猶不足敬之至也。第五爾時一切下。觀佛勝德中分二。先明觀佛身雲勝德。後爾時如來大悲下。明現勝德意。前中分二。初觀佛勝德。後爾時大衆咸見下。見佛光用。前通十眼所見。後約天眼所見。今初也。然此經文。次第具顯。如來二十一種殊勝功德。以文言浩汗。致古釋同迷。然離世間品雖具二十一。而此文義兼廣。故隨便引於諸論。文分爲三。初總觀如來。次別觀德相。三結成觀解。今初略舉三德以顯一德。一者如來。二言應者即是應供。三正等覺。即正遍知。此一應字亦通屬下。隨應覺故。此即總句。離世間品名。妙悟皆滿。佛地攝論皆名。最清淨覺。親光釋云。

謂佛世尊。普於一切有爲無爲所應覺境。正開覺故。此釋正義。揀異邪覺。又於一切所應覺境。淨妙圓滿。正開覺故。此釋最清淨義。亦明覺滿。揀異菩薩。又於一切如所有性。盡所有性。正開覺故。此釋符今等字。謂雙照二諦平等覺故。亦是遍義。故云正遍知。彼經無正等言。此經缺最清淨。上妙嚴品則有最言。故云於一切法成最正覺。下離世間中復有妙悟。妙者微妙。離覺相故。悟覺及知名異義同。妙正遍最名義俱別。所揀異故。若世親無性不解總句。但以下別德成。斯一覺。故清淨覺句句皆遍。第二其身下。別觀德相。二十一德分二十段。後二合故。然攝論中二十一德通有三節。一先列經二十一一句。二無著菩薩立功德名。以爲解釋。三無性等。但釋論名以符經旨。今各句句配屬。其佛地論釋有同攝論有異。攝論異者引之。今初明不二現行經也。即觀察如來一向無障礙轉功德。此是無著立名。他皆倣此。無性二釋。云謂佛一向無障礙智。於一切事品類差別無著無疑故。非如聲聞等。有處有障。有處無障。二種。此約所知障智德滿故。非如聲聞有處有障者。謂於極遠時方無邊差別。諸佛法中有無智轉。第二釋云。或二處現行。此中無有如。是所說二種現行。此釋二處亦前有障無障。但前釋約表爲一智轉。此釋約遮故。無彼二正同下經二行永絕。世親同於後釋。親光云。凡夫二乘現行二障。世尊無故。凡夫現行生死起諸難

染。二乘現行涅槃。樂事。世尊無彼現行二事故。名不二現行。無性生起云。云何而得此最勝覺。故次說此諸聲聞等。於所知境有二現行。所謂正智不染。無知。佛無此故。文中分二。初廣顯利樂。明離所知故。不問二乘二住於下結成所住。彰離煩惱。不問。凡夫前中三。初明應廣順。機令喜。二普遍下。明其遍應。定慧莊嚴。生。物善根。三示現下。彰應用深。離超語言。而無遺曲濟。二結成所住者。初句明智住。法身。能住所住。二俱廣大。下句心無煩惱。善根清淨。色相超倫。具上二義名清淨覺。他皆倣此。第二智慧已下。明趣無相法。即觀察如來於有無無二相。真如最清淨。能入功德。無性云。爲明斷德。故次說之。不住生死涅槃相故。即無住涅槃。然無相法即是清淨真如。趣謂趣入。謂此真如諸法無性以爲相。故非是有相。體即圓成自相有故。非是無相。此二不相離名。無二相。諸法中勝故名最勝。遠離客塵故名清淨。既自能入亦令他人入。爲最清淨。自入則不住生死。他人入則不住涅槃。文中先明自入。後明他人入。今初先明不住生死。智稱如境。皆不可盡。無比三昧。令智出生。又令真如出。二障故。二其身下明不住涅槃。同體大悲。遍住物身。心真如性。物遍故。二令無量下。辨令他人入。一則大悲冥熏。二則大智爲說。令於身中見如來性。成一切智故。種性不斷是入義也。此用常寂名爲涅槃。第三住於諸佛究竟已下。明住

於佛住。即觀察如來無功用佛事。不休息功德。爲欲得上無住涅槃。故次明之。文中初明所住。後彰住益。今初言住佛住者。謂聖天梵等皆佛所住。而於空大悲遍善安住。大悲性空即是佛家故。能不往生死涅槃。爲究竟住。此即恩德。是以親光亦名爲觀所。調化功德常住。大悲晝夜六時觀世間。故後令不可下彰住家益。初明由住大悲。故能益物無遺。是不休息義。由住性空自無功用故。能令物住無分別。出過衆生。總顯勝也。第四獲一切下。明遠得一切佛平等性下云。得佛平等。即觀察如來。於法身中所依意樂。作事無差別功德。如上佛住爲共不共。故次明之。此一切諸佛展轉和雜而同住故。一切諸佛三事無差。非如聲聞但有所依。文即分三。初明所依無差別。謂一切智。以一切諸佛。皆依真如清淨智故。放大光下顯智之用。二普使已下明。意樂無差。謂同有利樂勝意樂。故普使之言。即意樂也。不可壞智即如來藏。普賢菩薩自體遍故。染而不染名不可壞。反源照極故名安住。三遍住下作業無差。一切皆作受用變化利他事故。於中先明作業周遍。次從於下作業所依。即自受用身。一受不失名爲不退。謂得法性即念不退。此後親生佛智。此智生已還住法界。次明了已下正顯作業初觀機。後現不可說下。作業受用變化。各有多類名不可說差別之身。能令已下彰業之益。一能益他。二隨初下滿本所願。亦令於

物能現色身。此上四段明其自利。後十七段明其利他。第五等觀衆生下。明到無障礙。即觀察如來修一切障對治功德。利他之中先明化障對治。故次明之。謂已慣習一切煩惱及所知障對治聖道。即一切智及定自在性。故論名爲修治。又已到永離一切習氣所依趣處。經名到無障礙。二文互顯。以有治必無障。無障由有治故。文中中心無所著。是無煩惱障。住無礙住明無所知障。得佛十力即是種智。是所知障治。心常寂定住一切智。即煩惱障治。第六善能開演下。明不可轉法。即觀察如來降伏一切外道功德。由有上能治故。他不能轉利有情事故。次明之。謂教證二法。皆不爲他所動轉故。無有餘法勝過此故。文中初明教道。能悉已下證道。出生已下二道之益。第七恒以佛日下。明所行無礙。觀察如來生在世間。不爲世法所礙功德。顯示如來所化之中。無高下礙。故次明之。謂世八風不能拘礙故。親光名降魔功德。謂色等境不能亂故。文中以佛身日普照法界。則橫無礙。常現不沒則堅無礙。不以無信生盲等而不現故。正顯八風不礙。恒住已下顯無礙因。無有變異示無礙相。如摩尼珠不隨物變。不著我所於內無礙。世法不染於外無礙。由住出世如蓮華故。如有。頌云。諸佛常游於世間。利樂一切有情類。八法勢風邪分別不能傾動。不拘礙。第八於一切下。明其所安立不可思議。即觀察如來安立正法功德。

由依前方便能作饒益之事。故次明之。謂十二分教名所安立。由深廣故不可思議。文中分二。初約所詮以辨深廣。後約能詮以明深廣。今初。初句總顯。建即安立。其智下釋。超世廣大。即是幢義。拔置智地即是建義。所有已下福智相對。明高廣義。二以大慈下現身說法。約能詮教以明安立。第九於去來今下。明遊於三世平等法性。即觀察如來授記功德。以上加行利有情事。三世諸佛皆悉平等。故次明之。謂於三世平等性中。能隨解了。過去未來會當轉事。皆如現在而授記故。故下經云。普見三世。文中初明三世平等之義。故云。心常清淨自得平等。令物不著使他平等。恒與已下正明授記。授記未來令同過去種性。亦名平等。第十常遊十方下。明其身流布一切世間。即觀察如來於一切世界。示現受用變化身功德。顯上利益一時頓遍非次第作。故次明之。文中初通辨二身常約暨窮。遍約橫廣。十方法界。綺互其文。後諸衆生心下總顯。現相德無不淨。故不住生死機無不察。故普現世間。第十一以智慧月下。明於一切法智無凝滯。即觀察如來斷疑功德。以於上十方彼彼之處。作斷疑事。故次明之。謂於諸境善決定故。故下經云。智恒明達一切諸法。文中初自斷疑。非不自決能斷他疑。故智月普照總明了境。了達無得是了真境。非不證真能了俗故。恒以智下明了俗境。一切皆以心爲自性義通二境。攝境爲

心是世俗勝義。心之自性即是真如。是勝義。勝義如是而住。以無所得而為方便。雙照真俗無住住故。菩薩智光月法界以為輪遊於畢竟空世間靡不現。亦可屬上現受用身。二隨諸已下能斷他疑。初明隨機現身。如來已下所斷疑境。為說緣起是斷疑法。深入緣起疑見亡故。知緣起無性。故知法無相。無相無異故名一相。智體理成故為其本。後欲令下正明斷疑。若離相著開示菩提。疑方斷故。第十二為欲救下。明於一切行成就大覺。即觀察如來令入種種行功德。由所化生性有差別。故次明之。謂入種種行皆成大覺。下經但云了一切行。文中初約說法令入。開示佛道者令悟入。故後令其下約現身令入。攀緣修習是進善行。除滅已下是離惡行修善提行。總舉萬行心不散動。即是入義。既萬行齊修則因無不滿。果無不成。第十三悉能觀察下。明於諸法智無有疑惑。即觀察如來當來法生妙智功德。由即於前所化有能無能善巧別知。故次明之。謂聖聲聞言此人全無少分善根。如來知彼善法當生。現證過去微少善根種子所隨故。故文云悉能觀察。下經云盡一切疑。如求度者遠劫探薪興一善念。佛便知故觀已便化故。不壞其清淨業報。智慧已下釋其所以。以智普入無不知故。故親光名為能隨所應。恒正教誨功德。謂於諸法懷疑惑者。無有堪能隨應教誨唯佛能故。名智慧明了。則第十一是自斷

疑。此斷他疑。第十四永離一切下。明凡所現身不可分別。下經但云無能測身。即觀察如來。如其勝解示現功德。由上云善巧別知故。此次云於前所化邪正及俱行中無有分別。文中初二句明無分別義。世虛妄。解種現俱亡故云永離。由自無分別故。餘不可以分別知故。親光名為能正攝受無染自體殊勝功德。謂佛身功德非是雜染分別所起。無煩惱業生之雜染故。不可分別。而無性云隨機現身。如摩尼珠無分別者。則順今文佛無分別。不順彼經不可之言。次放光明下彰所示現皆無分別。見無厭足而顯衆生不能分別。如瞿波觀佛毛孔念念無厭不能窮究故。以大功德下辨能現德。出生已下明所現益。諸根已下辨所現相。謂諸根圓滿境界自在。作諸佛事總彰現意。作已便沒明現時分。既隨勝解現則感謝應移第十五善能開示下。明一切菩薩等所求智。即觀察如來無量所依調伏有情加行功德。為欲引發任持不定種性聲聞菩薩唯讚大乘故次明之。言等所求者無不求故。佛地名為正所求智。謂唯菩薩正能求故。文中初明所求即一切智。此所求智即是無量菩薩所依。而言道者通因果也。為諸已下即成所依義。謂由無量菩薩為欲調伏諸有情故。發起加行。要以佛增上力故。聞法為先獲得妙智而為所依。令其發起廣大欲樂者。即是調伏有情加行。受持修習者即成智之因。第十六成就一切下。明得佛

無二住勝彼岸。即觀察如來平等法身波羅蜜多。成滿功德為遮所化。於大師所疑一切智非一切智故次明之。由滿諸度是一切智。言無二者即平等也。平等有二。一法身平等。於法身中滿諸度故。二果位諸度無增減。故名為平等。親光則以住於法身。即是彼岸。不說諸度故云法身無差別相。名為無二。緣彼勝定常住其中。故名為住。即無二住名勝彼岸。佛已窮到故名為得。文中初滿諸度故云熾盛。次無邊下。以度滿故莊嚴身故法華云微妙淨法身具相三十二。以八十種好用莊嚴法身。以十身圓融不相離故。言一切世間者不隔凡聖。靡不現觀。雙觀受用變化之身。永離已下無二礙故和合識彼相續心滅故。於一切下顯現法身智純淨故。於功德下諸度滿故。第十七為大法王下。明不相間雜。如來解脫妙智究竟。即觀察如來隨其勝解示現差別佛土功德。以外人聞上平等謂同一性故。次說言不相間雜。謂一切如來十身體用各各別故。猶如冥室千光。但經云如來解脫。無著釋云隨其勝解。世親無性皆云。此中勝解名為解脫。又勝解者通機及佛故。無性云。謂觀衆生勝解差別。現金銀等土不相間雜。如來勝解現在前時。隨衆生樂皆悉顯現。無不了知。名如來解脫等。親光又為一釋。即離障解脫故云如來妙智。令衆生解脫。名如來解脫妙智。佛於此智已得究竟。觀今經中諸論各得一意。復應加佛自得離

障及作用解脫。謂文云。離諸障礙故。具無邊德故。令其入道故。明見善惡是如來勝解。其心所樂即衆生勝解。是以不可偏取。下經但云。具足如來平等解脫。在文分二。初明變化身上不雜。二明受用身上不雜。無著但云。差別佛土。略舉一邊。親光則雙明身土。合今文意。今初變化中。先身後土。初中先總顯化身超勝。次普現者。通十法界身。放智慧光。合如日義。欲令已下彰所化意。能爲多化。方顯佛德無邊所以。名不問難者。以於一切世間。普化一佛。既爾餘何所化。故知所屬不同。重重皆遍是不問難義。後以無礙下。別化因圓果滿之身。初明因圓。爲大醫下現果滿身。二一切世下明現化土。初明非唯能化。亦能遍往。清淨慧下明佛觀機。即是如來勝解現前。於作不善下隨機現土等。隨諸衆生。應以何國起調伏心。入佛智慧。而取佛土。故云善取時宜。無適淨機。故云種種。欲該餘化略無土。言義必含有。又對後平等。但言不善。亦應含有有漏之善。二若諸衆生下。現受用身土。先土後身已證真如。名平等心。親受用土是平等報。上則心有高下。此則依於佛慧。後隨其心樂下現受用身。故親光云。於淨佛土現受用身。亦不相雜。令其已下明現之益。親光云。大集會中現種種身。與諸菩薩受用法樂。亦不相雜。得智心喜等皆法樂也。又心大歡喜。即是初地見諸佛故生歡喜等。以證生信故名深重。以證不退

故得永言。第十八一切衆生下。明證無中邊佛平等地。即觀察如來三種佛身方處無分限功德。由疑上如來妙智究竟。非一非異其相云何。故次明此無中邊等。常無常等皆二邊相。言方處者。謂諸世界。無分限者釋無中邊。此無中邊略有四義。一世界無中邊。佛德如彼無有分限。二世界無邊。諸佛十身。即於其中稱世界量。平等遍滿。三此法身等。於佛地中平等遍滿。無中無邊。無有分限。四此法身等遍一切處。爲諸衆生現作饒益。然非自性無中無邊。親光復名此爲真如相殊勝功德。謂真如相無有中邊。如此真如。即是佛地平等法性。證此性故遍知一切。於中不染。今此文總顯十身皆無分限。文中分二。先別顯四智十身。後無數下總結因果。今初先就覺他翻明自覺成就法身。於中先明覺他。即妙觀察智及成所作智之所利樂。若得見下彰其所益。無依義智即大圓鏡。是無中邊。佛平等地以無礙智身無所依故。則證真如爲佛地性。轉昔染依爲智所依。即是如如及如智。既令他證顯自己證也。次智慧下二句。即妙觀察智莊嚴無量。顯圓鏡智所現之形。智山清淨即平等性智。平等高出所以名山。四惑已亡故云清淨。因惑爲種生必待時。今能生自在故種受芽稱。或現已下。即平等性所現之影。兼顯十身不唯此二故。復言或令諸衆生至無患地者。即成佛地。以遠離微細念故名爲無患。後總結中初

總明謂十力四智等莊嚴法身。業行所成即是報佛現於世間。結他受用及變化身。總上諸義則有十身。一切已下總結。異因同歸一智。謂智導萬行故。能證此佛平等地。若報若化無不清淨。第十九常守本願下。明極於法界。即觀察如來窮生死際常現利益安樂一切有情功德。以上言無中邊相。云何無相故次云。極於法界。謂此法界最清淨故。離諸戲論是法界相。能起等流利益之事。極此法界無有盡期。親光亦名此德爲證得果相殊勝功德。謂得窮極清淨法界。如是法界修道得故。以斯則極法界言有於二義。一同法界常故。二同法界清淨故。文中先明常利樂。二廣利樂。今初常守本願者。謂本發心法界生界。若有盡者我願乃盡。今生界未窮故常現利樂。作善友者。世之善友略有七事。一遭苦不捨。二貧賤不輕。三密事相告。四遞相覆藏。五難作能作。六難與能與。七難忍能忍。如來亦爾。爲物隨於六趣。苦而不捨。貧無法財而不見輕。本性客塵無不相告。善根未熟則以權覆實。堪真實化則以實覆虛。著弊垢衣執除糞器。爲難作能作。解髻明珠爲難與能與。生遠佛化。乃至多劫心無退動。爲難忍能忍。無不究竟方名堅固。次清淨已下明同法界清淨。雖復常化。離能所相故名第一。次六趣下廣多不捨。次若有已下不捨昔緣。次而於下通顯不捨。若暫不隨則捨本願。如願能作名不欺誑。次

悉以下彰攝巧益。令同法界清淨摧魔惑故。第二十從無礙際下顯於二句。謂盡虛空性窮未來際卽觀察如來無盡等功德。謂上利樂皆無盡故。深密佛地具斯二句。開則別中自有二十一一句。下離世間但云等虚空界而無窮未來際欲顯圓數故。親光亦云。次後二句顯示世尊無盡功德。初句自利後句利他。故云。謂如虛空經成壞劫性常無盡。如來一切真實功德亦復如是。如未來際無有盡期。利他功德亦復如是。而無著釋但云無盡功德等。不言開合。世親無性開此等字爲究竟功德故皆云等言。等取究竟功德則以無盡功德釋初句。究竟功德釋後句。而無性意。後句是究竟無盡與前無盡異者。前則橫論無盡。故云盡一切界遍作有情諸饒益事。後句則豎顯無盡。故云顯佛功德永無窮盡。所化有情永無盡故。同顯無盡故。二句合白他等異。二句則開今文意合。欲顯二利不相離故。窮未來際。通在極於法界及盡虛空故。前段中已顯常隨不捨爲順。二論文分爲兩。初唯橫論無盡。正明盡虛空性。二爲上福田下。雙約橫豎以顯無盡兼明窮未來際。今初先二句。總言無礙際者。卽法身智身如彼虛空。無有障礙。無邊無際無盡無減。無生無滅。無有變易名無礙際。而能現前作諸利樂。如彼虛空容受質礙。故云出廣大力。次最勝日下別顯依空無礙之用。略舉一日而有四德。一蘊藏千光。二百川現影。三有目皆

許入證故。三滿足。下三句十行益。初句位中之行。後二句位中之德。四離魔。下三句十向益。初句起行。一向利他。離二一乘等魔。迴向菩提。故入佛境。次句得法。隨相離相。無礙難思。後句行成。五常見諸下。盡明十地。初四句皆歡喜地。一見受用身故。稱曰常。二根本證真。後得證無量法。又證遍行真如。亦名無量。三則僧祇積福證理出生。名福藏力。四發歡喜心。是此位名入見道。故名無疑地。離惡清淨是第二地。依一切智見法不動。是三。四地。得入一切菩薩會。是五六七地。常生佛家。八地已上。念無有間。故曰常生。若約圓融。初之五句。信中攝位。句各一位。如理思之。從觀甚深下。義通諸位。以圓教中位。攝德故。二辨現因。既積善所成故。為益深大。為欲調伏諸衆生。故一句。文含二勢。一結前請結因所屬。二生後。生後開示亦是為生。第二明上弘佛道中分。二先別彰所為。二自在已下。舉因結歎。前中有十七句。為欲顯前二十一種殊勝功德。初句為總餘皆是別。於中前五各攝一德。餘句各一。第一照明無礙智慧藏句。顯二德者。一顯不二現行故云無礙。無二礙故。二顯趣無相法故云照智慧藏。慧為能照。藏即所照。無相真如。照明趣達。眼目殊稱。第二句一顯住於佛住。謂住空大悲。任運利樂無休息時。名曰熾然。二顯遠得一切佛平等住。謂依清淨智起利樂意。作一身業。皆熾然故。第三句一顯到無障礙。二顯不可轉

法。謂此二是降魔伏外功德。前由有對治。則不為他動。今由有神變。乃能轉他。第四句一為顯所行無礙。今遍趣現身。即是所行有漏。盡通八風不染。又神通力。即能遍因。二顯其所安立。不可思議。謂佛威神所建立故。第五句。初顯遊於三世平等法性。約記三世事。亦是神通無邊際言。即平等性。二顯其身流布一切世間。此言甚顯。下皆各攝一德。六顯於一切法智無凝滯。本願已滿故。七顯於一切行成。最正覺名。智遍往。八顯於諸法智無有疑惑。名於法自在。九顯一切菩薩等所求智。十顯凡所現身不可分別。十一為顯得佛無二。住勝彼岸。彼岸已圓。十身殊妙故。十二顯不相間雜。如來解脫妙智。究竟功德。又諸佛平等皆遍而不相雜故。十三顯證無中邊。佛平等地。平等之地。即清淨藏。十四顯極同法界。故云上妙。十五有十力。故能盡虛空。見者無厭。十六窮未來際。故照三世。第二舉因結歎。前舉積因。後歎無盡。第六爾時兜率下。天王請佛處殿。亦稱五號。並曰善來。及下文意。皆如第三會說。第七爾時世尊下。如來受請分。二先受請入殿。二爾時一切下。入已現嚴。前中先明此界後辨結通。前中初一句。明能應之德。次明所為之意。三正受請並顯可知。第二現嚴顯是佛力故。出過諸天。第八時兜率宮下。天王獲益。文中初得定益。往昔已下。是進善益。佛神力言通。此二位。十住位劣。攝散歸靜。故樂音止息。此位

超勝得動實性故。動寂無二。熾然音樂。心不動也。第九爾時下。承力偈讚。然憶念昔因。亦是益相。取文便故。為說偈依。文中二。先明此處偈讚。後結通十方。前中先說偈所依。後正陳偈讚。十頌頌各一佛。佛名有異。略無別德。餘同前會。此佛即前會十佛。次前十佛寄位漸深。憶念漸遠耳。第十爾時世尊下。如來就座。文分四別。一明就座。二法身下顯德亦大。同前二十一德。恐厭繁文。不能具釋。三不可說下。衆集即眷屬圓滿。然後品衆集有所表故。但云一萬。理實遍集。故此但云不可說衆。未必但是後品之人。四坐此座下。現嚴。初此界後結通。有云。此升座一段。宜置入殿之後。歎處之前。迴文不曉者。未必然也。謂初請入殿。讚為請坐於理何遠。

兜率宮中偈讚品第二十四 已下入第三會

初來意者。前明化主赴感。今明助化讚揚。及顯位體所依。故次來也。二釋名者。謂十方菩薩於此宮中。讚佛實德。故受斯名。通二種釋。如第三會三宗趣者。集衆放光。偈讚為宗。為說迴向為趣。四釋文亦三。初集衆。二放光。三偈讚。初中二。先明集因。謂佛神力。二十方下衆集。於中文二。先明此會。後如此世界下結通。今初長分十段。一總舉上首。二眷屬數。三來處遠近。位增數增。故各一萬。四主菩薩名。同名幢者。略有五義。一高出義。表三寶位極故。二建立義。大悲大智。建立衆生及菩提故。三歸向義。謂大悲攝。生智願攝。

善歸向菩提及實際故。四摧殄義。如猛將幢降伏一切諸魔軍故。五滅怖畏義。如帝釋幢不怖惡業故。異名即表十向行體。至揭當明。五所從來剎皆稱妙者。迴向之力微善彌於法界故。其別名即表十向所修法門。一救護衆生離衆生相。最可貴故。二得不壞信常樂因故。三等佛白淨故。四如金遍至諸色像故。五出用無盡如摩尼故。六善根堅固如金剛故。七隨順衆生不染塵故。八真如之因如水生華最爲勝故。九如白栴檀。能去熱惱之縛著故。十如彼香氣能普周故。故下文慈氏座前燒一丸香。彌滿法界。即其事也。六本所事佛同名幢。義不異。菩薩別名即表修十向智。亦表當位之果。謂一救護之心不可盡。故成無盡佛。二如空中風不住不壞故。三等佛解脫故。四威儀中無不至故。五明了功德相故。六常能隨順善根故。七隨順衆生善最勝故。八同於真如得自在故。九淨無垢染不縛著故。十觀察即是入法界故。七其諸已下至已修敬。八以佛神力下。善住威儀。座體云妙寶者。十住以慧光遍照故。以尼盧遮那藏爲體。十行以行淨離垢故。以摩尼藏爲體。今十向大悲處。於生死普該萬法。不拘乎一故。座體直云妙寶。不限色類。以教行遍周籠攝衆生。如以寶網彌覆其上。九其身悉放下放光利物。此位多辨悲智救物故。復辨此於中。初光體。次此無量下辨光因。即圓淨迴向心。後顯示下略示光業。一智敬

上業。二悲救下業。十其菩薩衆下略讚勝德。有十一句。初總餘別。別中十門。一神通門。二入證門。三以智下依智修福。四入於下上入果用。五住於下住善決擇。六於諸下四辨無盡。七智開總持。八慧眼見性。九智慧遍知。十究竟離障。結通可知。第二爾時世尊下。放光文分四別。一放光處。言膝輪者位漸高故。又表迴因向果等。有屈申進趣之相故。又悲智相導屈申無住故。二放百千下光數。三普照下光照分齊。四彼諸下光所作業。謂令彼此互相見故。於中分三。初正明彼此相見。二如是下釋見所由。三如是等下結德所屬。二由中。一因故見。一宿因同行故。二悉已下現德圓滿故。文有二十句。束爲十對。一離障成身對。二入刹近佛對。三用速心淨對。四外護內證對。五能覺所覺對。謂一切智處是所覺故。六用廣證深對。身即智身同住法界及大悲故。七得智生身對。身即應身。八行深解廣對。九智極定深對。此位中顯名金剛幢對。金剛定即菩提智。十得通立法對。由得通故調化無數。由離數故而能安立。數有二種。一數是數。二色心有爲皆名爲數。今文具二。謂由不著一多能立一切。故不著於有能安立故。即真俗鎔融。謂世俗幻有之相。相本自空勝義真空之理。理常自有。有是空有非常有。斯有未曾不空。空是有空非斷空。此空何嘗不有。有空空有體一名殊。名殊故真俗互乖。迢然不雜。體一故空有相順。冥然不二。一與不一不即不離。

鎔融無礙。菩薩智契其源。所以雖通絕無寄而善修安立。三結德所屬。謂無盡德屬。於此會菩薩。及光中所見也。第三偈讚中。十菩薩即爲十段。亦十方如次。皆先標說人及設儀式。今初東方金剛幢者。此是會主名含總別。總顯迴向不出悲智。金剛者堅利也。即悲之智。二乘實際不能壞堅也。斷難斷惑利也。故文云。智慧到彼岸。即智之悲愛見不能動堅也。無所不救利也。故文中遍刹利生。七十八云。譬如金剛唯從金剛處及金處生。非餘寶處生。菩提心金剛亦復如是。唯從大悲救護衆生。金剛處一切智智殊勝境界金處而生。非餘衆生善根處生。故知金剛不獨喻智。攻般若者不得此意。但以標名獨將金剛喻於般若。不觀文中悲濟九類而無所度。悲智相導方爲真實不共般若。智者應知。別名即是救護衆生悲也。離衆生相智也。義不殊總。說頌儀式頻見上文。正顯頌文。十頌歎佛寂用無礙德。大分爲二。初八讚佛勝德。後二結勸修行。今初分三。初五偈寂而常用。次一偈用而常寂。後二無礙自在。今初分三。初二偈無生滅而不生滅。於中前偈就法正顯。後偈寄對顯深。以依體起用體用無礙。故難思議。又心有相動不能行。故難思議。智無智相名到彼岸。方見佛境。次二偈非色聲而現色聲。亦前偈就法正顯。後偈寄對顯深。少智謂機小。久修謂圓機。素習見聞故能了實。後一頌明無來去而示來去。覺

處即現不從方來迷處自無不從此去以神力故示有來去然從神力中來即無來矣二用常寂中三句用末句寂三無礙自在中初偈了事理無礙起用自在後偈了生法無礙起用自在可知後二偈結勸中初偈勸修智進行後偈勸修福斷疑第二南方堅固者表不壞迴向故菩提心堅故觀佛無厭故十頌多明如來爲物所依德於中分二初三讚佛勝德後七勸修辨益前中初頌明佛體離言次偈無相現相後偈現相所因後七中舉修有益即顯佛德深玄文中分三初偈指德勸依即結前生後次三示能入者令物思齊各先舉行後彰行益後三正勸進修然夫進修略有五法謂欲精進念巧慧一心初偈明欲次偈辨念後偈巧慧前二正明後一反顯一心精進攝在志求之中又慈氏論引醍醐喻經共說九善謂一切法欲爲根本作意所生觸所集起受所引攝以念爲主定爲上首慧爲最勝解脫爲堅固出離爲後邊有前未必有後有後定須有前是故先說欲爲其本下二句揀非惡欲爲勝希望次偈上半念主下半作意後偈反釋初句慧勝次句觸集及受次句定及解脫後句出離第三四方菩薩淨心智力見佛盡源等一切佛故名勇猛十頌分二前六明感應道交見佛開法後四令捨僞求真拂見聞相故此一段總顯如來見聞弘益之德前中前五各上半喻下半合通分爲二初二見佛後四開法前中初偈雙明

感應淨心如淨眼爲見之因佛力如日爲見之緣如來如色爲見之境如入入關則無所見斯則獨因不見也如明淨日轉者莫見獨緣不見也此辨因緣和合方能見也後偈偏舉於感以因奪緣如出現品云此非如來威神之力等後開法中四偈分三初偈顯因能生法次二顯得法之益前偈得權智能離所知心垢後偈有根本智能除煩惱之患三一偈顯緣令開法故上文云佛法無人說雖慧莫能了後四令捨僞求真中二前一示僞令捨住相施故以色見佛行邪道故後三顯真令求初二偈顯真佛前偈即相非相故非色能見後偈即寂而應故不可以寂取末偈顯真法真法無生亦無滅故第四北方菩薩以大悲力運智慧光明彼重昏無所不至名光明幢又以智慧令諸善根無所不至故此頌中多顯如來即體化用周普之德十頌分三初一化用廣亦明化處次七化用深亦明化依後二雙結釋化依中分四初四雙明能所依次一拂其能化心次一拂其所依體後一雙融自在亦拂能依今初初偈總明一多無礙依一總心變多王所於一實佛應化多端故無礙也次一相二無礙無相現相無二現二體絕能所故云無二相依身有是即二也然相二相對應成四句略舉其一無二現二即於一現多乃至百千亦名二故次偈顯依性起起不異性故如幻無盡後偈從法身流舉三世佛以顯道

同二拂能化心中謂如摩尼珠無私成事故三一偈拂所依謂上無二無相法性法身即是法界法界本自無差亦無定有爲化依止由無依無別故爲依爲別故下文云虛空雖無所依能令三千世界而得安住如空無色而能顯現一切諸色四一偈雙融自在言非非化者此有二義一假非化以遣化非謂是非化則上半約體絕待下半依體起用二不礙化故然真化無二融爲一身不壞體用名依真起依真起者則報亦依真非謂三身獨一是化且依真起化略有二門一開義二融合初中真應各有二義真中一不變義謂雖化而常湛然初句顯之二隨緣義謂不守自性無不現故故云亦復非非化二約化中一無體即空義謂體緣無性故云於無化法中二從緣幻有義故云示有變化形二融合中亦二義一真化別合二真化融通初中由真中隨緣即不變故是故亦真亦非真非真非不真名真法身化中體空即幻有故是故亦化亦非化非化非不化名爲佛化身二融通者謂由真不變顯化體空此真不無化不有以爲法身而不無化用以有化中空義故又由真隨緣顯化幻有此是化不無真不有以爲化身而不無真理以有真中隨緣義故又由隨緣幻有不異不變體空故是故現化紛然未嘗不寂真性湛然未曾不化真化鎔融爲一無礙清淨法界宜審思之第三二偈雙結釋中前偈結歸於體謂智冥

真境等法界故。深無底等虛空故。廣無涯皆絕。言道爲不可量。後偈舉因釋成。所以法界無礙者。智行遍故。第五東北於佛寂用之境。決斷無礙故。又智導萬行出生無盡故。名智幢故。頌中多款。如來應現出生無盡無礙之德。十頌分二。初一標章勸信。信有修行之益。後九所信勝德。於中分二。初一總餘八別。總中上半用而無盡。下半寂而無住。不著應處。不住法體。即本末雙寂也。通爲寂用無礙。別中二。初二明無盡。一衆生前能現無盡身故。衆生可知。佛不可數。後六明無礙。於中三。初四。一異無礙。亦是本末無礙。一法。二喻。三合。四釋。次一偈延促無礙。後一偈性相無礙。第六東南方菩薩。以圓淨智照平等理。不礙應現。隨順一切如摩尼寶。故名寶幢。頌中多顯平等超世之德。十頌分二。前五總顯難思。後五通超時數。前中初二正明。前一超量現量。後一起處遍處放。出現品云。譬如虛空遍至一切色非色處等。如是難思雙結。上二。後三展轉釋成。初云何以難思。若身若處非生滅心行之境故。何以非心境。佛自不起心故。何以不起體無生滅故。若爾何以現見。次偈釋云。病眼所視。取色分齊。勿謂爲實。次疑云。若爾豈無如來出現世耶。次偈釋云。自機見耳。上三句以應就感。衆生謂出。末句既因物感出。即非出。名實不出故。諸法無行經云。如來不出世。亦不度衆生。衆生強分別作佛度衆生。既無有出安有

沒耶。上三亦初一超心行。次一超內外。後一超出沒。後五偈通超時數而現時數。於中初一偈結前標。後國土結前處故。後四別顯超時。初偈立宗。上半標妄情。下半正立菩提是有法。定不繫時是宗法。次偈立三因。二智無分別故。三三世不遷故。三體非有爲之數故。次偈舉同喻。謂日體常明故。不合昏夜。後偈合結。上半合下半結。合中語倒。若順應云。一切諸如來不與三世合。又若以超時現時爲宗者。則上宗中四句皆宗。應云菩提是有法。定不繫日隨機說。日是宗法。因云體非三世等。不礙三世等故。同喻云。如日輪不合昏夜。以山映故說有日夜。合云佛無三世。以不應見機之所映。故而說三世。是則上三句皆合。下一句結。第七西南方。勤觀如來真應皆同故。能平等隨順一切衆生。名精進幢。十頌顯此同義。文分爲二。初一總標餘九別釋。前中上半正標。下半略顯同相。言身同者。三身十身皆悉同故。義亦然者。此含多意。且約三身體依聚義。無不同故。所覺能覺覺他同故。又義名所以。所以得名佛者。正覺真智力無畏等。無不具故。得名爲佛。佛佛皆然。故義同也。又應用利樂無不同故。故攝論第十云。諸佛法身。應知恆時能作五業等。二十一種功德之中。名爲逮得一切佛平等性。所依意樂作業無差別故。二約十身釋義。同者皆通三世間。彼此互望無差別故。種種利樂居然是同。此有三因。一行海齊滿。二

大願齊具。三同一法性故。非唯相似。亦一切互相融故。餘如問明品說。下不同相略舉應用同。以應即真故。非應之外別明。法身是同。然普有二義。一約諸佛。謂無有佛不遍十方故。二約一佛。謂無一方而不現故。後九別釋中分二。先四頌正釋。後五頌轉釋。前中初偈。釋前普於十力無餘二義。一無處不遍故。二一切皆佛身故。諸佛本師二頌影略。次偈釋前現義。謂有威方現故。云非內神力能現故。云非外。次偈釋前隨應種種義。一隨物類。則十法界等萬類殊應。二於一類中。隨其先業各見不同。如金色塗灰等。後偈釋前身同之義。結成難思。佛身皆同無數量故。唯除大覺者。佛佛同證。故後五轉釋中。從後向前釋。上四偈。前四兼喻。後一唯法。於中初二釋。第四無能思義。一以我爲喻。謂如妄計之我。本無所有故。不可思。此以妄計情有理無。非聖智境。以況法身理有情無。非下位測。後偈以利爲喻。喻雖絕相難思而不礙相。次一偈釋第三隨業異現。所以要隨業者。同一切法必假緣故。此以總喻別。次一偈釋第二非內外義。如珠現物。雖非內外能滿物心。後偈釋充滿法界義。所以能滿者。本願普周故。第八西北方菩薩。真如體淨能成白法。復淨世間故名離垢。十頌多款如來淨德。前六淨他後四自淨。前中前二總明。後四別釋。今初前偈智淨安惑既寂。真智不無開示。無我知見性相。故名爲法。後偈身淨謂拂應顯真。

後別釋中前二釋第二偈。後二釋初偈。前中初偈。正明欲見諸佛。應專佛境。隨念隨現。故名心等。又了心境。即佛真性。迷則不知。念則便現。次偈轉釋專念之義。無漏具德。故能專念。後二中前偈釋普淨世間。說法現身而能淨故。後偈釋開示佛法。示其所悟。二無我故。後四自淨中初一已淨差別之用。後三內淨三德。一見性成佛。自開法身稱性現應。次偈無得成佛。自開般若。佛法所覺。菩提能覺。必能所相。因故俱得。無所得者。則得菩提。後偈離妄成佛。自開解脫。不動無住故。妄倒斯寂。名真解脫。第九下方菩薩。解佛通應。法界之身而不離法性。若彼星宿。然離空不可縛著。故以為名十願顯。佛此德分為三別。初三總顯即體之應。次六別釋體應自在。後一拂去自在之迹。前中初偈約處顯身之遍。謂法性身則無所住。約自受用。則無所不住。名為普住。約他受用及變化身。有感則往。故云一切處咸見。次偈約機顯身之多。故云一切及八相事皆由物感。後偈結歎難思。初句總標。下三句顯相。二句約感不能思。思惟約心見通。心眼下句約應難思。云誰能現。次六別釋中。初三順釋。後三反釋。今初。初偈釋前誰能現義。謂現即同如無生滅故。次偈釋前誰能思義。謂起心而思是妄分別。有依有正。法性之中能所斯寂。後偈釋前誰能見義。謂能應隨緣體本自無。能感之機竟何所見。後三反

釋中。謂由無思見等方能思等。則反顯前有思見等。不了佛境。於中初偈無思。要無著無礙。故次偈無現。神力之現體即虛故。後偈明無見見。躡前無所有為見。則稱實之見非唯見佛。亦得疾成。三一偈拂自在之迹者。上明自在尚假言詮。正覺超言。故拂言迹。超言亦假應忘言契之。第十上方菩薩。知真實之法。普入法界。則所修行皆無分量。故名法幢。知法名佛故。先讚見佛之益。十願雙顯佛法難聞。於中分二。前四讚佛勸入聞見。後六讚法勸物聞求。前中初一正令甘苦近佛。後三釋其所以。略舉三事。初偈聞名益。次偈發心益。後偈生信益。既受苦得聞成斯勝益。受樂不觀不免長淪故。應甘苦而近佛也。後六中已遇良醫復須法藥。於中初二由聞實法能成行法。前反後順。次二由聞理智成於果法。前順後反。後二以感應釋成。前偈佛興由生迷實。後偈說法示於真實。不動真際建立諸法。則性不可壞。不壞假名而說實相。則相不可壞。斯則天魔外道等皆法印故。無能壞。餘如十藏品。上十菩薩之偈。應以六相圓融。所以偈後無結通者。為顯法界咒率讚德異故。猶彼處處文殊偈偈各別。顯佛德無盡故。

大方廣佛華嚴經疏卷第二十五

大方廣佛華嚴經疏卷第二十六

唐清涼山大華嚴寺沙門澄觀撰

十迴向品第二十五

初來意者。當會序分已彰。正宗宜顯。故又已總示所依佛智。次別顯能依行位。故次來也。二釋名者。迴者轉也。向者趣也。轉自萬行趣向三處。故名迴向。迴向不同有十種。然十之別名本分當釋。迴向通稱今當重明。隨境所向義有衆多。以義通收不出三處。謂衆生菩提及以實際。上二皆隨相。實際即離相。開三為十。一迴自向他故。初迴向云。若有善根。不欲饒益一切衆生。不名迴向。二迴少向多故。下文云。善根雖少普攝衆生。以歡喜心廣大迴向。又云。隨一善根普以衆生而為所緣。乃名迴向。三迴自因行向他因行故。第三迴向云。菩薩以諸善根迴向佛已。復即以此善根迴向一切菩薩。所謂願未滿者。令得願滿。心未淨者。令得清淨。四迴因向果。此復二種。一向自果。下文云。修諸善根迴向阿耨菩提故。深密論伽藍攝論等。大同此說。二迴向他果。第三迴向云。願以我今所種善根。令諸佛樂轉更增勝故。五迴劣向勝。謂隨喜凡夫二乘之福。迴向無上菩提故。六迴比向證經文非一。七迴事向理。故不壞迴向。云與諸法性相應。迴向入無作法。成所作迴向。第六迴向云。永離依處。到於彼岸。故名迴向。永

絕所作至於彼岸。故名迴向。八。迴差別行向圓融行故。如第九迴向廣說。九。迴世向出世故。下文云。所有善根皆悉隨順出世間法。教化成熟一切衆生。心常迴向出世之道。第六迴向云。永出諸蘊。到於彼岸。故名迴向等。十。迴順理事行。向理所成事故。廣如第八迴向所說。前十義中。初三皆迴向衆生。次三皆迴向菩提。次二迴向實際。後二義通於果及與實際。若依總云。十迴向。即帶數釋。若準梵本。晉經皆云。金剛幢菩薩十迴向品。則人法雙舉。或人之法法之人。人有法通二釋也。三宗趣者。以無邊行海。順無盡大願爲宗。成就普賢法界德用爲趣。四釋文者。文有十分。一。三昧分。二。加分。三。起分。四。本分。五。說分。六。瑞應分。七。結通分。八。證成分。九。偈讚勸修分。十。校量功德分。初中金剛幢入者是衆首故。表歸向高出等義故。不異名說。承佛神力彰入定緣。入菩薩智光三昧者。顯所入名揀異果定。故云菩薩智。即是體。謂根本智。光有三義。一是證智前相。如明得定等。此約寄位在賢終故。二光即根本智。對治無明故。如大乘光明定等。三光即後得了所緣故。一智無礙朗照法界。此約剛幢自體釋也。第二入是下加分有。三。一總顯能加三辨。加所爲。三正顯。加相。今初有二。一明佛現。二明讚善。今初有五。一標所因。謂入是三昧已故。十住中云。以三昧力。二十方下佛來近遠。三有十下佛數多少。上二顯位過行故。云十萬。四皆同下

顯佛名同。五而現下正明佛至。餘如前說。二威稱讚下明。佛讚善。於中初標稱善。次別歎得定。後顯得定所因。先別顯五因。一伴佛神力。二主佛宿願。三主佛現威。四說者智淨。五聽者善根。十住無聽者善根。十行缺說者自力。此則具二理應。遍具而影略者。表住初自悟。行則捨己利他。今則悲兼自他俱無障礙故也。所以要此五力者。因果主伴皆具足故。謂法因久遠願遂將化故。主伴加威非器不傳。明因主自力。非威不應顯。因伴善根。餘之差當如第三會。後令汝下結前生後。第二爲令下辨。加所爲。有二十二句分。一。前二十一別明所爲。後一結爲所屬。前中初十標所成。後十一明所作。亦猶十地前十自利後十利他。前中初九內德。後一外加。謂得佛護持信等根故。前中前八橫具諸德。後一豎繼不斷。從前所成。明記決斷故。前中前七法體。後一大用。佛神力者。非神境通。離世間品。神力神通義有異故。通謂無難力。謂幹能。通多就外力多約內。就前七中。前六別明。後一總說。謂一門之中。具於多門。總攝福智重重無盡。名普門法界故。就前六中。前五所具。後一離過。謂所具福智不與二礙有漏相應故。前五中前四智慧。後一福德。就智慧中。前三自分。後一勝進住佛智故。就自分中。前二說教。後一入證。謂入緣起法界相。即自在智故。前中無畏則於緣無懼。辯才常說不斷。上來從後攝疊已釋所成。二以無量下明其所

作。於中初一總謂廣說故。後十別於中初一約法。次三約位。一攝地前。二安地上。三照佛果。次三約修。一令開發。十向大願。二令解實際。三令知迴向廣大與法界等。後三約人。一稱根令喜。二喜故學三世佛迴向。三救護一切衆生故。不斷佛種。後一總結所屬者。謂若說十向前益皆成故。加所爲即說所爲。六相融攝如理應思。然約行布地約說地。此爲迴向故與下不同。況彼義皆次第。今復反此。第三佛子下正顯加相。於中三。初語業勸說以增辯。二意業冥加。以益智。三身業摩頂以增威。今初口加承語便故。文有十句。初總餘別。總云說此法者有二種力。一者他力。如經得佛護念故。此亦名果力。亦名增上緣力。二者自力。即下八句亦名因位力。亦是因緣力。是故此法要自他因果親疎融合方得。有說。自力八中。初三明有作淨法力。一總謂既住佛家理宜宣法以行。家業下二別。一長。無漏功德。二入總持智慧。故在佛家。次二句無作淨法力。一離所淨障。謂無二障礙。二得所淨智。謂事理普照。後三顯身淨力。即三種盡。一二乘不同盡。謂雙集悲智。離於捨悲。入寂過失故。二菩薩盡。謂離心意識。唯依大智法身境故。三者佛盡。無障礙智是佛法故。此是地前有盡者。一圓教普賢位。願攝故。二約金剛幢內德位已極故。又前加所爲中。住行但有十句。正口加中唯有一句。今並過前者表位增故。隣於地故。多同地經。二爾時

①退二回②化二云③懷一無懷④今二令⑤盡二盡

下意加中二。先正明「加相」二何以下釋。偏加所以前中十句初總餘別。然此十句大同。地經唯五六前却餘如彼次後別中。一不著辯才。說法不斷無留礙故。二堪辯才。以善淨堪智有四種。謂緣法作成故云。分別句義。三任放辯才。說不待次言辭不斷處處隨意有忘名義故。云無礙法光忘不隨意則有礙故。四即第五不難辯才。三種同智常現在前者。慧身平等知三三相故。故彼云。與遍至一切處智。五即第四能說辯才有淨音故。六教出辯才。靜聲雙流故。七不畏辯才。智不可壞何有畏哉。或六七前却思之。八即無量辯才。謂一切法智隨順宣說修多羅等六種正見故。九即同化辯才。得一切佛無畏身等。三種教化隨所度者。顯示殊勝三業神變化故。次釋偏加。及爾時下身加。并第三金剛幢下起分。並如前後說。第四告諸菩薩下。本分中分二。先總顯體相後佛子菩薩摩訶薩迴向有幾下。別示名相今初。若直就經文應分為三。初句總標願體難思。希求名願。即具攝普賢無盡願海深廣難思。二充滿下顯難思相。謂體充法界故難思。用普救護故稱為大。又約體深不思議。約用廣不思議。又深廣無礙名不思議。又體相用三並充法界隨所遍處無不救護。實難思議。三所謂下釋成難思。以行同佛故。然總論品內一難思。別示其相略申十種。一體深。二用廣如上已辨。三攝德無盡。四出生衆行。五餘不能壞。此三充滿法界中攝。六

都不自爲。七忍苦無倦。八背恩不轉。九逆順多端十盡窮來際。此五普能救護中攝。此之十句一超於言念。皆不思議。故收前後有三種體。一所依體即智光三昧。二約剋性。即上大願。三約總含通有六法。一定。二智。三願。四悲。五所依法界。六通慧作用。即不思議解脫以爲體性。而圓融無礙爲迴向體。若取論勢。亦初句是總。下三句別。一充滿法界即是勝願。以是一切佛根本故。二普救一切即是勝願。順作利益故。三所謂學佛迴向是不怯弱願。決定入佛大願故。亦未入地故。無觀相及真寶願。大悲增故加前行住大願利益。而住行中有無常變果因今此缺者。大悲既增惟願救護。不欲自求菩提果故。第二別示名相。文分四別。一舉名徵數。二佛子下標數顯勝。諸佛共說故。三何等下徵數列名。四佛子是爲下。結數引證。三中先徵後列。十迴向義略以五門分別。一釋名。二義相。三體性。四定位。五行法差別。初中先總名已見品初。後別名今當略釋。然通相而辨有其二意。一迴向二字。皆是能迴之願。救護等名皆是所迴之行。故皆依主受名。二救護等名。皆迴向之別相。迴向二字皆別相之通名。當名相望。救護等即迴向。若互相揀是救護之迴向。非不壞之迴向。則通依主。隨其義便。不可局定。第一救護等者。大悲廣濟名爲救護。一切衆生。大智無著故云。離衆生相。即是廣大不顛倒心。迴向是行。謂以善根迴成救生離相之行。故名迴向。從所向

立名。故下文云。願此善根。普能饒益一切衆生。明知救護非是所迴。自以十度爲所迴向耳。又唯以離衆生相爲能迴者。則迴向中無隨相也。將墜者護已墜者救。救令脫苦護令息惡。並以善根願能成此。二於三寶等得不壞信。以此善根用將迴向。三學三世佛所作迴向名等諸佛。四菩薩令其善根至一切處。五由迴向故。能成無盡功德之藏。六願。理修善事。理無違入於平等。七以善根等心順。益衆生。八善根合用自在故名解脫。如不思議解脫等。十稱性起用。謂以法界善根迴向法界故。至隨文中當更開顯。第二顯義相者。先別後通。別中前七隨事行。後三稱理行。前中初一悲智不住明行本。次四明行相。於中一者起行心堅。二約佛辨廣。三約法顯遍。四約德顯多。下二行成。一智行成。二悲行成。後三中。一正與理合顯體深廣。二明依體起無方大用。三顯體用無礙圓明自在。三通論一。中皆有三種迴向。謂以善根迴向衆生菩提實際。此三各有二義。故成迴向。一以善薩善根必由衆生而成。是衆生之分。故還向彼。由餘二成餘二流故。菩提分故。稱實。除故法爾向彼。二凡是菩薩必爲度生不爾同。二乘故。必求無上菩提。是家法故。不爾同。凡小故。必證實際。背無明故。照二空故。所以要須三者。義乃無邊。略申十意。謂依三法故。滅三道故。淨三聚戒。

顯三佛性。成三寶會。三身。具三德。得三菩提。證三涅槃。安住三種祕藏。故。一依三法者。謂眞性觀照及與資成。即起信論體相用也。實際依體菩提依相。衆生依用。二滅三道者。見苦實際方能滅苦。照煩惱空即得菩提。迴結縛業爲利生業。三淨三聚者。謂向實際故律儀離過。向菩提故廣攝衆善。向衆生者即是攝生也。四顯三佛性者。實際正因。菩提了因。向衆生者即是緣因。五成三寶者。實際成法。菩提成佛。向衆生成同體僧。六會三身者。謂法報化。七具三德。謂斷智恩。八得三菩提。謂實相菩提實智菩提方便菩提。菩提樹下示成佛故。九證三涅槃者。謂性淨涅槃。圓淨涅槃。方便淨涅槃。謂薪盡火滅。若依地論。唯有上二者。則眞極之成事殊示滅。菩提亦爾。上四皆如次配。迴向實際菩提衆生。可以意得。十安住三種祕藏者。由向實際則住法身。佛以法爲身清淨如虛空故。由向菩提能成般若。菩提朗照居極照故。由向衆生能成解脫。自既無累令他解脫。隨機應現亦無礙解脫也。以斯十義立三迴向。若立三種菩提之心。亦依此十。又此十內。舉一爲首展轉相由。又此三者。成二行故。向實自利向生利他菩提通二。又向實護煩惱。向生護小乘菩提通二。又爲成悲智智照理事。故有三也。又隨舉悲智亦具此三。悲中三者。令彼衆生知其實際同證菩提故。智中三者。照生相盡即同實際證菩提故。又此

三者其必相資。一即具三方成其一。一爲體實際故迴向衆生。以化衆生。成其自利。斷障證實故。亦向菩提速證菩提。具一切智。斷於二障。方窮實故。二爲救衆生故迴向實際。速證實際。於惑自在方能化故。故淨名云。若自有縛能解彼縛。無有是處。亦向菩提速證菩提方能廣利故。地經云。欲度衆生不離無障礙解脫智。三爲得菩提故迴向衆生。不化衆生不證果故亦向實際。不證實際豈得菩提。故此三事相資成立。非唯三事自互相資。隨一事具攝法界德用。即入無礙。方名眞實迴向三事。第三體性者。有總有別。總如前說。謂大願等別在說分。隨位顯之。第四定位者。若約資糧等五諸說不同。一云。此迴向位。是修大乘順解脫分資糧位。終從十信來皆資糧故。十迴向後別立加行故。莊嚴論說。行盡一僧祇長養信令增上。增上修達分善根。又成唯識第九云。初無數劫福智資糧順解脫分既圓滿。已爲入見道住唯識性。復修加行。雜集十一亦同。此說有云。此十迴向是加行位。復有二說。一云。四順決擇分中。是後二攝。謂十解爲煖。十行爲頂。前九迴向爲忍。第十迴向爲世第一法。成唯識云。此四善根亦勝解行攝。此文爲證。雖不分明。玄奘三藏意存此釋。一云。四加行中世第一攝故。眞諦翻攝大乘云。如須陀洹道前有四方便。菩薩亦爾。有四方便。謂四十心。若依此釋則無五位。地前四十心皆加行故。

餘約四位十三住等。並如十住品明。上來多是大乘初門。接引二乘擬議彼立四善根故。有說三賢總爲趣聖方便。不分資糧加行遠近。此據終說。有言。一切行位都不可說。此約顯眞性而說。若依當部。一位之中頓攝諸位不礙前後。而位滿處即是因圓。約圓教說然與前教相參應成四句。一唯約相如前諸教。二唯約自體如前頓說。三以體從相。四以性融相。此二即當今文。謂以性隨相性不差別而位歷然以性融相不相壞而常相即故。下一位中具一切位。非但融因亦常融果。融果之因方是真因。第五行法差別者。行隨位別。亦有圓融及寄法差別。若對前教亦成四句。準位應知有以十向配於十度。隨勝受名。雖位位所迴皆具諸度。以名收之亦有理在。四結數引證可知。第五佛子云。何下說分。說十迴向即爲十段。一一段中皆先長行。後明偈頌。長行中各二。初位行後位果。有不具者。至文當知。位行中各三。初牒名微起。二依微廣釋。三依釋結名。文處可見。今初迴向文缺位果。於位行中先牒名者。具如本分。又本業云。常以無相心中。常行六道而入果報。不受而受諸受。迴易轉化故名救護等。二廣釋中。一先明所迴善根。後修善根時下。正明迴向。今初古人名。此以爲行體。若順前名救護衆生是悲離衆生相爲智。則以悲智爲其行體。以是初行故。將總體以爲別體。若以爲欲迴向故修諸善根。即彼

善根亦得稱體古義依此。後正明迴向中二。先明隨相迴向。後我應如日下。明離相迴向。前即迴向衆生及與菩提。釋救護衆生。後即迴向實際釋離衆生相。前中二先總明令物離苦。至究竟菩提。即雙明慈悲及二迴向。後菩薩摩訶薩下。別顯文分爲四。一利樂救護。二佛子菩薩見諸衆生下。代苦救護。四救護三佛子菩薩見諸衆生下。代苦救護。四佛子菩薩以諸善根正迴向。迴拔救護。初中三。一總標。二我當下別顯。三佛子下。總結。今初。晉無菩薩等言。而有復作是念之語。彌顯前已迴向。別顯中文有十句。初離苦果。二離苦因。三通因果。五怖畏中含三道故。上三通於深淺。後七唯約究竟。四得菩提。五得涅槃。六滅煩惱之源。根本不覺若滅此者。如天之大明。七滅所知之闇。故云一切無明。即觸事不了者。若滅於此。如人執炬委悉而照。八令得解脫故。涅槃云澄淨清淨。即真解脫。已脫重昏故云。燈也。九令證法身故言真法。十令成般若。若無二礙智亦是權實無礙之智。三結中以前十句有通淺深故。令究竟得一大事。第二受惱救護中二。先明受惱之相。後佛子菩薩摩訶薩以諸佛法下。明迴向之相。前中亦二。先法後喻。法中有標微釋可知。後喻中有二喻。先大海不變喻。喻遇惡緣不變。本心海喻。菩薩器量大故。衆毒喻。惡衆生。不變喻。菩薩不亂。二日輪普照喻。喻遇惡不息。利益。於中三。初喻次合後微釋喻中略有其

二。先日輪具德。後遇緣不息。有十一惡緣合中具合。先合具德舉其十德。以合於日影。顯於日亦具十德。一福德之輪已圓。二智用深廣難測。三正念游空無有高下。四慈風運用不退不疲。五圓福智輪顯照空法。六三乘山谷普照無私。七使目觀萬像。了真俗之義。八使居自乘業。以智成辦。九常爲利益晝夜不休。十無器生官亦不語捨。後不以衆生下合。非緣不阻於中有四。不以具合十一事。初一不以通合生官。先正合。後但以下反合。故出現品云。無信無解。毀戒毀見等。皆名生官。若別合者。弊惡合生官。邪見合乾城。令人妄謂爲實故。瞋濁合修羅手。日爲帝釋先鋒。彼瞋故覆障。次不知思。合閻浮樹崇巖遶谷。次不以凡愚下。合前塵霧烟雲。以彼能遍空。猶彼凡愚同一處住。後不以衆生數起下。合前時節改變。謂頻起過惡。乍善乍惡。如彼晝夜陰陽失度等。三何以下微釋中先微意云。何以惡不厭捨。釋意云。悲智均故。文中二。初喻後合。合中二。初總合。後不但下。別合。於中二。初以大悲合。日惡是其境。本爲一切豈獨揀於惡人。如日普益事復棄於槁木。二如是已下。以智合日善惡均照故。第二明迴向之相中二。先辨迴向之心。後佛子下。辨迴向之願。前中依悲智心行迴向故。於中二。先緣境廣大上等佛心。即以圓覺因果之法爲所緣境。圓明可貴所以稱寶。後菩薩如是下。悲成利樂下救物心。於中先

牒前起。後生二種心。一於上等。佛得淨信心。二下與衆生同。大悲體由依此二。成甚深等十心。一契理故。二自慶慶他故。三離過故。四超二乘故。五定樂相應故。餘五可知。善爲已下。結其所用。心順口故名爲真實。第二正辨迴向之願。文中二。先願衆生令成法器。二又作下。令得法圓滿。於中四。一總舉迴緣得法。二於諸佛下。成自功德滿。七財者。即十藏前七。三於諸佛所常隨下。勝進德圓。四令一切下。明得果滿。先標佛樂下。二句釋故。第三迴向略明十種樂。謂不可思議佛所住樂等。又不思議法品。略明十種無量住。謂常住大悲等。第三代苦救護中。文分爲三。初總明代苦迴向。二復作是念我所修行下。別明迴向之心。三佛子菩薩摩訶薩以諸善根如是迴向所謂隨宜下。總結成益。今初分二。初明先救重苦。後菩薩爾時作是念言下。念遍救諸苦。今初有二。先見苦與悲心堅不退。堅有七相。謂不捨所行。不避苦事。不驚忽至。不怖迷倒。不退大悲。多苦不怯。長苦無厭。二何以下。徵以釋成。徵有二意。一云生自造苦何干菩薩。而欲代之。二云劇苦難堪何爲不厭。釋意云。本願荷故。逢苦若厭焉能荷負。二念遍救諸苦中二。先救八苦。八難等苦故。有諸言。隨業流轉是業繫苦。邪見無智是愚癡苦。我應已下。起救之心。二又諸衆生下。救迷四諦苦。文中分二。初念苦境。二菩薩見下。正興悲救。今初。於中先不知集。謂癡愛爲

本是煩惱道。染著已下。明其業道。爲有造行故名。染著。隨業入苦。如彼鳥獸。因食愛。故入於籠檻。作魔業。行明有惡業。福智都盡。明無善業。次常懷疑惑。無生道見。滅之。因故不見安隱圓寂。不知出離道諦。在於生死苦諦。二與悲救中起大悲心者。令脫苦集故。大饒益心者。令得清淨滅道故。故用善根迴向。大迴向經者。賢首云。如圓教所說。普賢迴向故。然藏內有大迴向經。此教最初不應指彼。若結集從簡於理。可然。第二別明代苦迴向之心。中有五復念。前三明代苦之心。後二明迴向之心。今初。即分爲三。初明一向普救無自爲心。次衆苦備受無懈怠心。三決志保護無虛妄心。初文可知。二中復二。先正明後徵釋。今初。言大賢者。如尾閼繫。欲縮衆生無暫已故。後徵釋中先徵。意云何以獨爲衆生備受衆苦。復勸修耶。釋云。一身之苦。令多解脫故。願自受顯悲之深。問衆生之苦。自業所招。自心所變。云何菩薩而能代耶。答通論代苦有其七義。一以苦自要增悲念故。瑜伽四十九問云。菩薩從勝解行地。隨入淨勝意樂地時。云何超過諸惡趣等。此問菩薩云何自離惡趣。下答文廣。意云。謂菩薩於世間清淨靜慮。已善積資糧。於多苦有情修習哀愍。無餘思惟。由此修習故。得哀愍意樂及悲慈樂。爲利惡趣有情誓處。惡趣。如已舍宅。設住惡趣。能證菩提。亦能忍受。爲除物苦。願身代受。令彼惡業永不現行。一切善

業常得現行。由此悲願力故。一切惡趣諸煩惱品。所有龜重。於自所依。皆得除遣。得入初地。釋曰。約此但有悲願意樂。身不能代。由悲決定自獲勝益。二約菩薩本爲利生求法苦行。已名爲代。後能爲物爲增上緣。亦名代受。三約菩薩留惑同事受有苦身。爲生說法。令不造苦因。因亡果喪。亦名代受。四設有衆生。欲造無間等業。菩薩化止不從。遂斷其命。菩薩自受惡趣苦報。令彼得免。無間大苦。名爲代受。此依梁攝論第十一說。涅槃仙預國王。亦同此義。非唯意樂而已。五由菩薩初修正願爲生受苦。至究竟位。願成自在。常在惡趣救代衆生。如地藏菩薩及現莊嚴王等。乃至饑世身爲大魚。皆其類也。或以光明照觸。或神力冥加其事。非一六由菩薩此願契同眞如。彼衆生苦即同如性。以同如之願。還潛至即眞之苦。依此融通。亦名代也。七由普賢以法界爲身。一切衆生皆是法界。即衆生受苦。常是菩薩。故名爲代。上來七義。初但意樂。次二但約爲增上緣。四五二義實能身代。六七二義理觀融通。問若依四五二義。應能普代。何故猶有衆生受苦。答此有三義。一有緣無緣故。與菩薩有緣則可代也。二業有定不定故。不定者可代。三若受苦有苦。菩薩令受。方能究竟得離苦故。如父母教子。付嚴師令治。如是密益非凡小所知。第三決志保護中。二先正明後徵釋。微意云。云何不捨何名。不願釋有二意。一異小

乘不自爲故。二亦不爲下。明異凡夫著欲過故。文中三。初正明。不求二徵釋所以。所以不求者。見多過故。文中體即是苦復能生苦。近障天樂。況大菩提。感習雙亡。今言經欲即是道者。善須得意。三菩薩如是下。結成前義。第二有二復念。明迴向之心。即分爲二。初念令彼得樂。後念身爲保護。今初。乘前欲苦故。令得樂。文有十句。初總餘別。別中前八涅槃後一菩提。於涅槃中。一住涅槃能建大事。名爲利益。二滅心數。三證無爲。四無能所。五相不能遷。六廣無分量。七生死眞性。即是涅槃。故無所捨智眞。眞理是以不退。八一得永常湛然。不滅依解節。經說有五樂。一出家樂。脫家難故。二遠離樂。以斷欲得初禪故。三寂靜樂。二禪爲首。覺觀息故。四菩提樂。於法如實覺故。五涅槃樂。息化入無餘故。彼通人天。今唯究竟。會釋可知。二保護中。初示安隱道。令得菩提。名知實義。後又於下。令度生死海。得大涅槃。名到彼岸。第三總結成益中。初總標。所謂下別顯。別中初句救護餘皆成益。第四迴拔救護。謂孤標大志。普爲衆生。而無冀望。文中二先喻後合。喻中有二。一獨照喻。二又諸下。成益喻。法合亦二。先合獨照。後修習下。合前成益。即正顯迴向。初之一句通其二勢。一成前二標。後所謂下。別顯。文有十句。初總餘別。照謂照機顯復之義。見於毛詩餘文可知。第二大段我應如日普照一切下。離相迴向。於中二。先以忘機之智導

●問云二云問● (此)一● 或二或三● (爲)一● 知二了●

前大悲令成無緣。後安置下。正明大智離衆生相。今初。功高。二儀而不仁。明離日月而彌昏故。於中先正明無私。不求恩故。能容受惡。爲普照故。不以一惡而捨衆多。設盡背恩。尚無嫌恨。豈況一耶。後善根雖少。顯成廣大。大智導悲。能普緣故。如聲入角。小亦遠聞。第二正明離相迴向。謂向實際。然一一隨相皆具。如下諸句離相。說有前後行在。一心文分爲二。先正明離相。後菩薩如是下。總結成益。前中義雖總通。且取文便。略分爲二。先會前迴向衆生。明入實際。後以如是等下。會前迴向菩提。明入實際。然入實際。即事理無礙故。前段亦明不離蘊等。後段亦明離我我所。前中二。先廣明離善根迴向之相。二解一切下。雙結二相。前中有二十一迴向分四。初十四句離所取相。次二句離能取想。三一句離能證名言。四有四句顯如如理。由離妄想。成正智故。令前名相皆即如如。今初。初總餘別。總謂令所向衆生契。同所向實際。故名安置。實際即法性。性自無著。別中二。前十入理。後三離過。今初。初句遣所向衆生。了自性故不著。凝然不動。隨緣不變。二遣能迴悲願。不依於悲。不取願相。三遣所迴善根。四遣所獲果報。五六二句雙明起行之身及所向衆生之相。即真故不著。即俗故不壞。七遣所成業行。八遣所得報相。上四遣體。九總顯諸事能成。因緣。十總明前事從緣所起。明上迴向不出前十。由後二句故無性。無

性故。即法性。故無所著。後三離過。一不著虛名。二不著報處。三敬養等名。虛妄法。二離能取想中。初句對所說能。後句別無三。倒謂於前諸事起心。分別常無常等名。爲心倒。於常等境。取分齊相名。爲想倒。於相執實名。爲見倒。翻背正信。立以倒名。翻上名。爲不起三倒故。大品十七。彌勒語。須菩提言。新發意菩薩。隨喜諸佛及佛弟子善根。已迴向菩提。云何不墮想心見倒。須菩提言。於彼善根。心不生想。用此心迴向菩提。於此迴向心。亦不生心想。如是迴向。則非想倒心倒見倒。若取相迴向。爲想心見倒。光明覺品云。若於一切智。發生迴向心。見心無有。生當獲大名。稱此亦無三倒也。若依大般若第二會。隨喜迴向品意。則上諸事皆盡滅離變。此中何者是諸事耶。若菩薩知此一切乃至菩提。皆無所有。而復能行。隨喜迴向。則非想心見倒。以無所得。爲方便故。然小乘或說。想心見三次第而起。或說一時義分。前後心想非倒。由見亂故。立以倒名。雖諸說一同。皆六識建立。若大乘中亦有多說。一云依七識心義分。三倒謂七識妄心性是。乖理。顛倒之法。名爲心倒。依是心故。便有一切妄境界生。如依夢心。有夢境起。即於彼境。妄取其相。說爲想倒。於所取法。執實分明。說爲見倒。依此三倒。於爲無爲境起。常無常等八種顛倒。諸宗異說。恐厭繁文。三離能證名。四有四句。顯如如者。前明妄空一切皆空。此彰實有一切

妙有。又即前之空。是此之實。二義不二。爲眞法印。是即妄取迴向菩薩。不有眞實迴向菩薩。不無。文有四句。初總顯實性。次別約衆生。三印諸事善。四心絕貪求。第二雙結者。一句結所迴善根。善根可以獨修。但云種種。一句結迴向行。迴向必有能所。故觀無二。如此則德本不生。惑本不滅。又惑果寂然不生。眞德湛然不滅。第二會前迴向菩提。入實際者。又前明隨相次辨離相。欲顯此二同時。故雙非即離。文中三。初結前生後。二非即下。法喻釋成。三離我下。結成迴向。今初。由前離相所行清淨故。順出世無上菩提。而言二者。善根迴向世與出世。若有若無。若即若離。皆名爲二。今並無之。二釋成中。先法後喻。法中二對。初以所迴善根對能迴行願。辨非即離。明因中無二。初句業非迴向。能所別故。次句不離。離業無可迴故。亦同淨名布施迴向一切智。爲二布施性。即是迴向一切智性。故不離斯爲不二。非即故無不二也。後對因果相望。初句果不即因。後句離因無果。文影略耳。理應因果各有非即離義。後喻中乘光發影。及水月之影。皆緣生無性。非即非離。故云清淨。初二句。以因對報。報通十地故。後二句。以報對果。三結成迴向者。能迴之我所迴我所。若隨若離。並稱動亂。今照而常寂。故離斯分別。而不壞相。故名方便。第二總結成益者。山隨離不二故。成無礙離過之益。及第三結名文並可知。第二爾時下。重顯分二。先

叙儀意於中初後二句說儀。入深句義者說依。以無量下。亦是說依。依此說故亦說所爲。爲此說故後正陳。偈詞二十八偈分二。前八偈半頌所迴善根。前六四等。一慈二悲。一偈半喜。一偈半捨。如地無心故。一偈結其普遍。後二偈半明六度。後如是下。十九偈半。頌迴向行分二。前七偈半頌隨相。初一偈半頌利樂迴向。後六頌代苦迴向。餘略不頌。未會下十二偈頌前離相。於中二。前五頌正明離相。後十方下七偈頌前成益。文並可知。自下入第。第二不壞迴向。長行中二。先位行後位果。位行中三。謂。牒釋結。今初。牒名徵起。謂於諸寶等十種勝境。深信堅固。得不壞名。然十表無盡。信通事理故。本業云。觀一切法但有有用但有名。念念不住故名不壞。是知善根迴向皆通事理無礙。方真不壞耳。第二佛子下。依微廣釋中三。初舉所迴善根。二辨迴向之行。三明迴向所爲。今初分二。先明起。不壞信。後佛子下。依信種善。今初十句不出三寶四信。初句佛寶。次句僧寶。餘皆法寶。於中初句是總。兼含理法。餘七句別。別中初一教法。次四行法。一大悲行。二惡止善行。行亦攝於戒。三迴向行。四近友行。次一果法。後一重舉行法。意欲總包其中理法。即信真如。第二依信種善根。中二。先種善根。後令菩提下。長菩薩道有十句。初總餘別可知。第二菩薩摩訶薩以如是等善根下。明迴向行中二。先將善根迴向。後將勝報迴向。前中即雙向衆

生菩提。文中又二。初正明迴向。後善薩如是積集下結成。今初。先總明迴向菩提之果。願常下。別明迴向成得果之因。文有十句。初三行緣。次二行因。後五所成之行。初成利他行。即迴向衆生意。次三自利後一通。二利。二結成中九句。前三通顯收攝。亦是聞慧。一積一至多。二令至究竟。三隨一使增。次四皆思慧。後二修慧起行爲修習。相應爲安住。二菩薩摩訶薩如是積集諸善根已下。將勝報迴向。謂依迴向得報。復將迴向通向三處。文中二。先明所迴善根。二如是修習無量功德下。顯迴向行。今初又二。先結前生後。後於念念下。正明供佛善根。於中又二。先總標。後以阿僧祇下。廣顯。今初言。如其所應者有二義。一隨何所要。如應即供。二稱佛境界所應之供。謂不以稱法界之供。不能供稱法界之佛故。二廣顯中四。一廣列供事。二明供佛。三顯供意。四結分齊。今初廣列供事。有六十七句爲六。初二十句雜門。明內外之供。下皆純門。二座三經行處。四宮殿。五樹。嚴六嚴宮殿。亦純雜無礙可知。二佛子下。明供佛中二。先供現佛。後一。下。明供舍利。三爲令一切下。明供意。有十一句可知。四如是供養現在下結供分齊。謂非唯如上所列。故云不可盡。第二如是修集下。顯迴向行中三。初迴向之心。二迴向之相。三迴向行成。前中有三。初不離大悲兼迴向衆生之意。無有執著下。離妄契真即離相之意。後諸佛下。結

前生後。二與諸法性下。迴向之相。兼顯迴向菩提。於中有十一句。前六離相後五隨相。三佛子下。迴向行成。於中三。初隨相行成。二以清淨下。離相行成。三菩薩如是善巧下。雙結。二行無礙。今初有三。初牒。前由前離相非唯不礙隨相。亦能成此隨相。次雖隨下。正顯文有十句。一由前法性相應故。隨生死而不變。二以入無作成所作故。求一切智未曾退轉。三由捨離想若故。諸有不動。四住多善巧。能度衆生。五永出諸有。故不染有爲。六修行不住相故。不失無礙智。七普攝善根。故因緣無盡。八普淨大願。故世法不動。九發菩提心。故具修諸度。十由善根同住。故具足十力。如次配上。後菩薩如是下。結前生後。即由前最上信解心生。二明離相行成。由前事不礙理。故觸境了如。於中初一句總。了一切下別。別中初唯心觀成。次知業下。緣生無性觀成。次出生下。法眼了真。具菩薩下。妙行無著。亦如次配前。一了心性故。二業無作故。三不起想故。四行善巧故。五諸有緣生故。六行無住故。七普攝無著故。八諸行廣大故。九了菩提性無有二。唯一實故。十由與善根同住故。能具菩薩行。十一由最上信解故。於無漏白法。無有廢捨。若通由前則易可知。三雙結。二行無礙。以成迴向中。初總明不迷理惑事。故名善巧思惟。後不違下。別皆事理無礙可知。第三菩薩摩訶薩以諸善根如是迴向下。迴向所爲。初句總明。後不斷下

別顯。於中前離魔業。通一切惡。後魔事業。通一切相。但達法印。皆魔事故。故下釋云。以平等印普印諸業。則離魔也。餘句可知。知。第二位果。亦如十地調柔等果。文中初離得時。次得見下。正辨果相。後菩薩下。總結所屬。第二偈頌。二十五偈分三。初二頌。所迴善根。及第一節迴向。次十八偈頌。所成供行。復將迴向。後五偈頌。迴向所爲。二中亦二。前八頌。所迴善根。後十頌。迴向之行。文中三。初四頌。迴向之心。次二頌。迴向之相。後四頌。迴向行成。所爲可知。

大方廣佛華嚴經疏卷第二十六

大方廣佛華嚴經疏卷第二十七

唐清涼山大華嚴寺沙門澄觀撰

第三等一切佛迴向。長行亦二。先位行後位。果前中亦三。初標名者。若準次文。但等三世諸佛迴向之道準。下亦等善根。故下文云。如過去佛所行。一切善根。我亦如是。故本業亦云。三世諸佛。法一切時行。兼顯無間。故下文云。與妻子俱未曾暫捨菩提之心。此從所等立名。即等一切佛之迴向。以深入法性行。善門善。而爲其性。二依徵廣釋中。二先總標舉。即釋名也。後如是下。廣釋亦二。先顯迴向。後明成益。前中又二。先等隨相。後等離相。前中復二。先明對境善根。以將迴向。後總攝萬善。以將迴向。前中又二。

初所迴善根。後佛子下。正顯迴向。今初。謂學佛修時。於六境達順。成四淨心。一於順達。成就行捨。不爲境牽。名心自在。二異於凡小。以悲智廣大淨諸惑。故三離憂過。故有喜樂捨。無憂苦惱。四禪定輕安。故心意柔軟。不妄取境。故諸根清涼。第二正迴向中。迴向五乘之境。文分五段。一佛。二菩薩。三有善衆生。四二乘。五有惡衆生。初中二。先牒前起。後願以我下。正顯所願。初總願樂增。然佛德已圓。今願增者。尊重荷恩。展誠敬故。亦猶獻芹於上。香華奉佛。非彼須待。所謂下。別文有十句。初句望九亦是總句。具下諸住。故由此名不思議。二即天住。謂海印等。三即梵住。四即聖住。謂無邊解脫等。五種類俱生。無作行通。六十自在樂。或八自在。七智用無邊。八離覺圓寂。九大用恒滿。十二行永亡。二佛子下。迴向菩薩亦二。初結前生後。後所謂下。正顯有十。前六自行後四利他。前中通有三義。一通相辨隨願行等。而滿故。二究竟滿故。三從次滿。初信中隨緣之願。如淨行品。二淨十住解心。故善經云。未淨直心者。三成十行。四成十向故。菩薩戒名十金剛。五得初地已上證不退故。六得八地已上無功用行。名大精進。任運了。一切法。名護菩提門善根。後四利他中。初令證發心離二我故。二遍安諸地。三通得地中之德。四令證佛果。三佛子下。迴向有善衆生。亦是迷真實義。愚衆生有於少善。但爲求有處。人天乘。今令

住佛乘。以成十益。初三令念三寶。次三念已成德。後三由德成益。各如次配佛法僧寶。念佛三昧能發通故。四如爲下。迴向二乘。然衆生於佛法易反復。故先迴向之。二乘終竟迴心。故亦不捨。例前成益。五又願下。爲於有惡。謂不遺闡提。亦是迷異熟愚衆生。不見苦果。故初令離苦果成善因。後永不下。令離惡因。成當果。上來五段。初一迴向菩提。餘四迴向衆生。第二佛子菩薩摩訶薩。所有善根下。總攝萬善。迴向中二。先總顯其相。後佛子下。歷事別陳。今初。所有善根。即所發起等也。皆以大願。即能發起等也。別有三句。一未生善根。以大願方便發起。令生。故晉經以發起爲行。二亦以大願。積集令多。三隨已生善。一一增勝。令充佛地。而皆有重句。云正發起等者。謂隨發起。積集增進。必向三處。不餘趣求。離諸過失。名之爲正。悉令已下。總結成益。由正發等。故令稱悲智。故名廣大。由發起積集。故諸善具足。由增長故。一一充滿法界。等於如來。無善不爾。故云悉令。而晉經譯正爲等。以梵本云。三通正及等。然等有二義。一者等佛。謂以菩薩之行等。佛之行。二者等餘。謂以一行等。餘諸行。然古德將爲結上。雖穿鑿非一。並未會下文。若以等爲平等。與正相近。亦攝義不周。並非今用。第二歷事別陳。諸善非一。略舉一兩。以顯隨緣攝善。皆成迴向。文中二。初顯增長迴向。後佛子菩薩爾時下。明積集迴向。其發起迴向。通在

二處。前段亦是大悲隨順。後段以明大悲深重。此約善根。若據迴向。前明迴向善提。爲衆生故。後迴向衆生令得菩提。皆是綺互欲顯。一時迴向三處耳。今初增長中分二。先別明。後菩薩如是下總。結前中三。初明隨染無汚迴向。以慈故隨染。以智故居清淨道。念薩婆若。二菩薩摩訶薩下。動與道合迴向遍而無間。三爲欲下。總顯迴向之相。正顯前文大願發起增長之義。文中二。先總明。初句標意。安住下。即能發起願。攝取下。所起所增。善根普救一切。即結成正義。二永離下。別顯文有十句。一離惑故。二正趣向故。三不取餘道故。四正觀故。五捨難染故。六具修因故。七於菩提因捨二障故。八持誦智地。九以智集善。十不染世行受出世法。十皆自德能向菩提。若以上善救一切貫之。則十皆爲生令得此善。二總結中。以此文。證釋增長義理甚分明。第二明積集迴向中二。初別明。後菩薩摩訶薩如是下總結前中二。初明微細積集。後菩薩初發下。長時積集。前中亦二。先明所積善根。下至一擲一粒。其福至微。施與畜生其田至劣。積此微善。亦以大願令正發起。成迴向行。二威作下。明迴向行。先總明離苦得樂。次永度已下。別彰離苦。文有九句。初總顯深廣。次八別明苦相。受即苦之自性。蘊即苦依。謂五盛陰。苦覺謂苦相。亦攝怨會愛離等覺。聚謂生老病死三苦。八苦。行即罪業因即諸惑。本即貪欲處即三塗。乃至變易

所依。皆得捨離。通後五句。後菩薩如是下。總結令得菩提。第二長時積集者。從初發心即積集故。文中二。先總標善根迴向。後欲令下。明迴向意。即是迴向之相。以欲令之言是心願故。文有十三句。前十二爲六對。得隨相益。後一句入平等理益。前中一離苦果得滅樂。二出集因修正道。三具悲智成上修。四護善近佛則出煩惱海。餘二對共成初對。第二總結中。一擲一粒等。即現集也。初發心來即已集也。當集之善。雖則未起。願力逆要。起必任運注。向三處。況依此教。九世圓融。第二復作是念。如過去下。等。佛離相迴向者。即向實際。統於前二。說有前後行在一心。文中二。初等過去。後佛子下。等於現未。前中二。先舉所等。後如彼下。顯於能等。前中三。初標隨相即有離相。故末句云而無所著。次所謂下。別顯離相之相。三如是深入下。結其無礙。二中先離妄契止。初蘊次處。不住世法。即十八界。有根境識是世間故。不依不著。即是出世。次知一切下。釋前不著所以。不著者。由見實成。觀故。初句是喻。無所從下。文含法喻。但觀所喻能喻可知。皆由從緣無性。故無來等。五句展轉相釋。上文云。一切法無來。是故無有生等。遠離已下。結其成觀。心無分別。故寂然不動。外緣不轉。不失於照。不壞於止。故與實際相應。實際謂何。即是無相。何名無相。體離十相。唯是一相。一相謂何。即是無相。又無相約理本自無故。離相約

智離取相故。唯是一相心境冥故。三結無礙者。既稱法性。修隨相故。一攝一切名。普門善悉見諸佛。略辨成益。二顯能等中。二先標所等總顯能等。二解如是下。別顯等相。初二句顯等佛解證。次二句依之修行。不違已下。顯修行相。至究竟地即是修果。第二等現未中分三。初標所等。即學過去例於現未。次我今下。總顯能等。三第一下。別明等相通能所等。前過去章中已廣顯離相。今此文內直歎殊勝。義存影略。不欲繁文。有十九句。晉經具二十句。謂廣大下。有明淨迴向。今譯謂同清淨。故缺此二。於中初九形對辨勝。初總明首出故名。第一二越凡小故。三超因位故。四獨出故。五無加過故。六無與齊故。七唯至極無二者可齊等故。八無匹故。九無敵故。後十約自體顯勝。一尊可貴重故。二妙者言思不及故。三稱理無差故。四不餘趣向故。五攝德故。六周法界故。舊云大願。七離無記故。八離垢染故。九自無惡行故。十不隨惡緣故。上來正顯迴向竟。第二明迴向成益。文顯可知。第二位果略辨十種勝德。一因修佛業。以等佛迴向故。迴向衆生是佛業故。又如離世間品十種佛業。二趣佛果德。向菩提故。三智入深理。向實際故。餘可知。第二偈頌二十四偈分三。初二十一頌頌前位行。次二位果。後一結歎。前中二。初一頌總標釋名。後二十偈頌上廣釋亦二。先十九頌正明迴向。後一頌成益。前中隨相離相雙

頌文中亦二。初六頌對。境所生善根迴向。於中初二偈。頌所迴善根。兼迴向佛樂。後四頌迴向衆生。令得佛安樂。二有十三偈。頌總攝萬善迴向。分三。初四頌增長迴向。二有三偈頌積集迴向。三六偈却頌上對境善根。迴向菩薩。迴文前却初四隨相。後二離相。於中初偈達法際。二與不二相待皆寂。後偈了妄源以想遣境。境盡想亡。非想遣想相待俱寂。寂而常照。方名了想。其成益位果結歎可知。第四至一切處迴向。長行亦二。先位行後位果。前中亦三。謂牒釋結。今初。牒名徵起。至是能至善根。及其供具。一切處即所至供境。謂以大願令此善根供具。遍至一切時處。隨所應供。供諸福田。本業云。以大願力入一切佛國中。供養一切佛故。然準下文。若因若果皆至。一切略舉十事。一法身至。一切處。如來藏身普周遍故。二法身至故智身至。三智身至故大願至。四大願至故供具善根至。五則見佛聽聞至。六則現身開悟至。七則無來無去至。八則不出。一毛孔而能至。九則一身一毛等。一切身毛。至十則一念等。一切劫至。若剎陳別體。則以供佛善根。及勝解心爲體。通則該於法界。第二依微廣釋中三。初迴向衆生菩提。二迴向實際。三結歎成益。前中二。初略明後廣顯。前中三。謂法喻合。法中謂以願力及善根力。此二相資故。能遍至。次譬如下。喻況中實際者。即一切法真實之際故。無不在一切物者。謂凡是有形故。晉經中名一切

有餘並可知。此與如相及法界迴向有差別者。此據善根迴向。成供具至。一切處。第八約善根迴向。同如體相業用。第十約所迴向行廣多無量。故無盡也。第三願此善下。以法合中。先總後過去下別明。於中二。先舉三世合所至處。能事已畢。過云願滿。修因已圓。未云具足。現成正化。故云國土道場。後願以信下。明能至供。於中先成供。因因有三種。一以勝解則隨心轉變。二以大智了無障礙。三以善根迴向稱願而成。以如諸下。辨所成供可知。第二佛子菩薩摩訶薩復作是念。下廣明。於中二。先約十方佛明其遍至。後約常住佛明其遍至。前中分三。初總明供處。二如是一切下。別明供養。三以此善根下。通顯迴向之心。今初。先約處顯多。次種種業所起約。因顯多。十方已下。約數顯多。種種世界約形類顯多。義通受用及變化土。二別明供養中。二初供現在佛。後若佛形像下。供住持佛。前中二。先所供田。後佛子下。明能供行。前中二。初實報田。二彼有下。辨權應田。於中二。初現身。次說法言。以至一切處智者。意明。今此位菩薩亦能爾也。此即本下迹高。若佛爲菩薩。則本高迹下。或俱高俱下。因果交徹思之。三法身下釋權佛所由。初之三句顯與果佛平等。同性起故。一得法性身同遍往故。二等有智身入法界故。三普賢自體如來藏身不生滅故。由上三義故。能善巧普現世間。若爾衆生豈無如來藏身。故下三句復

釋成前義。一證法實故得同法身。二有無礙智力。故普入法界。三佛種中生。故得如來藏身之用。謂絕二障。權實無礙。是如來見。廣大威德。是如來用。菩薩隨順悟入。是生彼種性之中。故出現品云。若得聞此如來無量不思議無障礙智慧法門。聞已俱解隨順悟入。當知此人生如來家。廣如彼說。得斯後三。因位尙即爲果。況應現耶。上亦供行所因。二明供行及供住持佛等。文並可知。三通顯迴向之心。中初句總牒善根迴向。後所謂下。別顯行相。謂前以善根迴向成供。供諸田時。如是用心。文有十句。一不生妄念。二專注正境。三不由他悟。四於田殷重。五達順不動。六不住於法。七不依於境。八知我空。九心行安審。十正順涅槃。第二約常住佛明遍至者。謂三世住壽盡未來際。應亦常也。三身十身融無礙故。不同前文有塔廟等。文中有三。初以善根迴向供佛。二願令一切下。以供佛善迴向衆生。三譬如下。總願善根善攝迴向。初中二。先所供境。後如是一切下。顯能供行。今初。盡空法界。明處無不遍。去來現劫時無不窮。諸佛世尊總該真應得一切下。明真極之成。於種種時下。明應現成。成即有始。應乃無終。故皆住壽盡未來際。真應無二故。一各以法界莊嚴主伴圓通。故道場衆會皆周法界。出非在我。故曰隨時與必利。生名作佛事。二顯能供行中三。初結前生後。二願以下。所成供具。三以如是下。結成供行。二中三。初以香

爲蓋等二十事。次無量華蓋下。以華蓋等九例於前香。各具二十。香等離蓋等。更無別體。故有二。後如是一下。隨彼蓋幢等中。若總相說皆有。標等九事。成一千八百。并前本門總有二千。是則香等成蓋等。蓋等有標等。從無數無量如是漸增。且至不可說。理實皆等。法界難可稱也。然一一諸言定通香等。不全通於蓋等。以衣及光明。何有門闥樓閣等耶。是則都數未必二千。但通相言。一諸境界也。三結成供行。可知。第二以供佛善根迴向衆生者。正顯迴向之顯。然前段供。後有不亂等心。今此供後明清淨等顯者。文有影略。義實相通。文分爲二。初總顯所爲。謂令得果感淨智明。後令一切下。別顯顯得因圓果滿。初明二利因圓。成就已下。智用果滿。第三總顯善根普攝迴向者。以上來三段別明善根。但說成供供佛。今欲顯此善根無所不成。故復明此。於中二。初喻謂。二無我理普攝理事無不周故。二我諸下。法合有二十句。前十二句攝成自利德。後八成利他並顯可知。第二佛子至。以諸善根。如下。實際迴向中二。初總標。二不於下別顯。今初。用無所得爲方便者。略有二義。一以無所得導前隨相。即涉有不迷於空。爲入有之方便。二假無得。以入有不存無得。即此無得亦是方便。此爲入空之方便也。今文正用前意義兼於後。欲顯隨相離相無前後故。然略云無得。準大般若。亦以無生無滅無住等。皆爲涉

有之方便也。二別顯中三。初正顯觀心。二菩薩如是了達下。明觀成之相。三菩薩如是觀一切下。明觀成益。初中十句義有四節。初一會事歸理。謂事法既虛相無不盡。理無不現。故業果皆空。業空故無體可招報。況謂因中而有果耶。報空故無體可以酬。因。況謂果中而有因耶。若約觀心名會用歸寂。次五句明理不礙事。約心則寂不礙用。於中初句。理無能所分別。而不礙有能入之智所入法界。次句無作而造作。次句無起而修起。次句無能所信。而能即事入玄。此與初句。但事理之異。大般若云。若信一切法。則不信一切法。以不信一切法。名信一切法。此約不信是真信。今約不信不礙信。末句不有能所見。而不礙能所見。三有二句事理雙絕。約心即止觀兩亡。初句正釋。作事也不作理也。待對假言故皆不可得。下句釋成。法從緣起。不能不生。諸緣離散。不能不滅。從緣生滅。不能不有。緣生無性。不能不空。故諸法性無暫自在。何有性相而可得耶。四有二句明事理無礙。約心即寂照雙流。良以事虛攪理無不理之事。理實應緣無不事之理。所以寂而常照。照而常寂。故終日知見而無知見也。上四句初則會有歸空。有未會損。次依空立。有有未始存。次空有兩亡。無隱無顯。後空有無礙存沒同時。四句鎔融。方名離相實際觀也。二觀成之相。然此段文更有二意。一前是即觀之止。後明即止之觀。前雖云知意明。

無知。二以後段釋成前文。由知因緣等故。不於業中分別報等。雖有此二觀成相顯。於中分二。初句結前生後。由依如前了達心境故。能成下如是知見。後知一切下。正顯其相。文有八句。初總餘別。總中由上觀故能知。因緣何等因緣。謂一切法若漏無漏爲無爲等。皆以因緣而爲其本。云何爲本。謂因緣故有。因緣故空。因緣故不有。因緣故不空。因緣故流轉。因緣故還滅。乃至一切皆由因緣故。中論云。未曾有一法不從因緣生。有爲緣生無爲緣顯。因有有爲則有無爲。又形奪相盡是真無爲。下別有七句。釋成上義。由觀因緣得見佛等。是故因緣爲諸法本。一見法身因緣無住。無住之本即是法身。經云。佛以法爲身故。論云。若見因緣法則爲能見佛。二見法實際。因緣性離爲法實。故三無性緣生。故如化似有。四理外無事故。唯一法。皆如來藏事事皆虛故。無二性。尙無有二何況有五。五緣性無礙故。於業境皆得善巧。以業攝報境必對心。則內外因果皆善巧也。六即事顯理而不壞事。故云於有爲等。七即理成事。而不隱理。故云於無爲等。若滅壞有爲。則失有爲本空。若分別無爲。即壞無爲之性。是以若約和即。爲即無爲無可滅壞。無爲即爲亦無可分別。若約無礙。則事能顯理而非理。理能成事而非事。事理相即性相歷然。故爲無爲體非一異。示謂顯示有爲界分無爲界性。三觀成之益。文顯可知。第三佛子至。稱可下。結歎

成益。上來近明離相之益。今則通辨一迴向益文中。二。先明自分。二利益。初句上稱佛心。餘句自成二利。二佛子下勝進。二利益文兼體用並顯可知。第二大段菩薩下。位果中。三。初牒得時。二得至下。正顯所得。文有十句。初三三業體遍。次三三業用遍。後四顯用自在。三佛子下結第二重頌有十一偈分三。初七頌迴向衆生及菩提。次三偈半頌迴向實際。後半頌成益。前中二。初一偈頌前略明至一切處。但頌法說所修善根。後六頌前廣明。於中初半偈通頌前所至處。次一偈半頌前迴向衆生。後四頌前普攝迴向。餘可知。自下入第五無盡功德藏迴向。長行中亦二。先明位行中亦三。今初。牒名徵起。由緣無盡境行迴向。故成無盡善根功德之行。得十無盡藏之果。從能迴及果。行受名。或無盡功德之藏。或即藏通。二釋。以迴向望行。迴向爲能藏。無盡功德是所藏。以因望果亦然。並有財釋。本業云。常以三寶授與前人。故名無盡功德藏。此義亦通。所迴善根。即以五門善根迴向而爲其性。第二依微廣釋中三。初明所迴善根。二明迴向之行。三結行成德。今初。文有八句。初三可知。四開法修證屬於勸請。以對佛親請必聞。法故。後四皆隨喜。然依離垢慧所問禮佛法經總有八重。一供養佛。二讚佛德。三禮佛。餘即五悔。或合禮讚。或略供養。或但爲五。以發願迴向但總別之異。如十住婆沙。今文依此迴向在於下文。故此有

四或但爲三故。智論云。菩薩晝夜三時各行三事。謂懺悔。勸請。隨喜。行此三事功德無量。轉近得佛。若依善戒經。但有二事。謂懺悔迴向皆隨時廣略。然懺名陳露先罪。悔名改往修來。除惡業障。故須懺也。然懺有二種。若犯遮罪。先當依教作法悔之。若犯性罪。應須起行。此復二種。一事行。如方等經及禮佛名等。二依理觀。謂觀諸法空。如淨名說。當直除滅勿擾其心等。若依普賢觀及下隨好品。皆具事理無礙之懺。至下廣明。言禮敬者。除我慢障。起信敬善。故勸那三藏說。七種禮。今加後三。以成四。十。一我慢禮。謂依次位立無敬心故。二唱和禮。高聲喧雜。故此二非儀。三恭敬禮。五輪著地。捧足殷重。故四無相禮。入深法性。離能所。故五起用禮。雖無能所而禮不可。禮之三寶。一一佛前皆影現。故六內觀禮。但禮身中法身佛故。七實相禮。無內無外同一實故。八大悲禮。前雖有觀。未顯爲生。今一一禮普代衆生。故九總攝禮。總攝前六爲一觀。故十無盡禮。入帝網境。若佛若禮重重無盡。故言勸請者。名爲祈求。除謗法障。起慈善根。故聲聞自度。但懺己罪。菩薩愍衆。故須勸請。但勸如來普雨法雨。則自必霑洽。此文略云勸佛說法。智論復加請佛住世。占察經中亦請菩薩速成正覺。次句因聞法。故起悟入善。言修習者。瑜伽八十三云。修者了相作意。習者勝解作意。故。又修者。於所知事而發趣故。習者。無間殷重修。加

行故。言隨喜者。爲慶悅彼故。除嫉妬障。起平等善。然十住智論皆有三位。一諸佛善。二二乘善。三三人天善。今文四句。初一總明具於三善。二乘正是所訶故。不別舉而含在一切衆生之中。後三句別。其第二句別明三善。結一隨喜。後一隨喜諸佛因果。大品隨喜品。明大千海水一毛破爲百分滴。取海水可知其數。隨喜之福不可知。數法華展轉第五十人。尙難校量。況初隨喜。此據隨喜如來權實功德。其福更多。然佛是除罪勝緣。故與懺悔前後無在。既淨身器。次希法雨。復攝他同。已迴向三處。不墮三界。及與二乘。然禮等五果通得菩提。別則懺得。依正具足。禮則尊貴身器具足。勸請得慧。隨喜得大眷屬并大財福。迴向離邪常遇佛世。常能修行。約教不同。可以思準。第二菩薩如是下。明迴向行中二。先結前善根。後悉以下。正明迴向。前中二。初橫結上來及不說者。後凡所下。豎結前善。謂隨前一善皆有積集等故。具足爲圓滿學成爲成就。證入爲獲得了性爲覺知。餘文並顯。二正明迴向於中二。先迴向善提。後迴向衆生前中二。先明隨相後明離相。前中亦二。先正起行願。後結行成益。前中又二。先迴向淨土。後總攝迴向。前中亦二。先明衆寶莊嚴。後明入寶爲嚴。沉論嚴淨有其三種。一處所淨。二住處衆生淨。即前二段。三法門流布淨。亦名受用淨。遍上二段。又此二段之中。具足十八圓滿。今初有二。初總標所成。二如

●(行)一● ●近得二得近● ●(習)一● ●(瑜)一● ●復二後●

過去下。別顯嚴相。於中亦二。先舉三世土嚴二顯成彼嚴。今初亦二。先別明二總。結前中三世。即爲三。別謂過未現在而爲。其次今初分二。先總明後別顯。今初先舉時辨處。次所謂下。總標世界種者。即方處間列如初會說。無量者。無分量故。無數者。數多故。佛智所知者。淨識所現。唯佛窮故。菩薩所識者。登地分見故。大心所受者。地前能受故。莊嚴佛刹者。即正顯示。此雖義當。形色意是總該。二清淨下。別明有二圓滿。初辨因圓滿。謂出過三界淨土。亦有出過之因。然上世界成就品中。起具因緣。總有十種。生佛衆說有淨穢故。今此唯五。欲同佛淨故略衆生。初句亦總亦別。總明三土之因。皆無漏業故。云清淨。自受用土。淨行所流。萬行生故。他受用土及變化土。淨業所引。隨業現故。別則唯約受用。因緣所流。增上緣所引故。佛地論云。如來藏識中。無漏善根爲因而生。有義。但是增上緣生。以外法故。有義。亦是因緣而生。親能生故。若不爾者。應無因緣。外法相望。非因緣故。意以後義爲正。言亦是者。通二緣故。有云。威報淨土。以四塵種子而爲正因。親感土故。六度萬行而爲緣因。助成土故。或以自利後得而爲緣因。依此經宗。以一切波羅蜜行。隨其所應。依正二果互爲二因。互相資辨。以皆是法性相應善根成故。常融常別。餘如世界成就品。下四唯別。初二變化土因。初句約爲緣義。後句約爲因義。次句是自受用因。故云出世淨

業。後句義兼。自他受用土因。登地已上皆修。普賢之妙行故。又此妙行。即圓融因。融上諸土。無障礙故。二一切下。事業圓滿。自能現作一切有情。一切義利故。如來雖即是主意。取義利。第二盡未來下。舉未來土嚴文中。二。初總標。二盡法界下別。顯有九圓滿。文分爲五。一分量圓滿。此通二土。謂約自受用。從初得佛。盡未來際。相續無變。橫周法界。故無邊際。約他受用。爲於地上隨宜而現。勝劣大小。改變不定。但地前不測言。無邊際。登地常見。亦無斷盡。此文兼明。方所圓滿。以方所有二。一自受用周遍法界。於三界處。不即不離故。二他受用處下文當辨。二皆從如來智慧生者。即果圓滿。自受用土圓鏡智生。他受用土平等智生。三無量下。依持圓滿。故佛地經云。無量功德衆所莊嚴。大寶華王是爲依持。今文中先總標妙實。所謂下別列。初三事嚴中有蓮華。次二德嚴。初即無量功德。佛力即是能持。後一即是所持之國。佛地。唯據於事。但云蓮華。今通事理。故云佛力功德莊嚴。亦通事理。四如來所都明。主圓滿。五不可思下。輔翼圓滿。復兼四種。文中分二。初總顯則兼眷屬圓滿。眷屬謂人天八部。然皆菩薩化作示淨土不空故。今但云諸清淨衆則兼之矣。後未來下別顯勝德。兼三圓滿。初明方所圓滿。佛地經云。超過三界所行之處。今云一切諸佛之所成就。通於自他受用。非世所親。即是超過菩薩能見。是他受用。受用方所或說淨居。或

說西方等。是二此諸菩薩具大威下。皆門圓滿。以三三昧爲所入門。此中初句顯門之因。知一切下。是空門相。行菩薩業。是無相門相。善巧方便下。是無作門相。入不思議三昧。通該前後。三又此淨業。即攝益圓滿。以離煩惱纏垢等爲攝益。故名爲清淨。第三現在下。舉現在嚴中亦二。初總標類同。過未云。亦如是。二無量下。別顯有三圓滿。一者形相。即形色圓滿。二無量光色。即顯色圓滿。悉是已下。總以因結。三無量香下。住處圓滿。於中有三。初總明住處。次隨順下。別顯處因。即他受用因。故云示現。後所謂下。廣顯處嚴。以超過一切菩薩及餘住處。名處圓滿。第二如是等下。總結三世嚴具及土。於中二。初總結能所嚴。後所謂下。別顯所嚴。有二十九種。隨體德用。立名不同。亦可并前總標通。結上來十八圓滿。隨勝立土。如理應思。第二如是過去下。顯成彼嚴。於中二。先嚴一界。後如一世界下。例嚴普周。顯嚴分齊。令法界土皆具三世一切莊嚴。既一佛土即具無盡莊嚴。則一嚴一切嚴。亦顯一圓滿。即一切圓滿。重重無盡。方是華嚴淨土圓滿。第二佛子菩薩至復以善根下。人實爲嚴。同十大願中第七願也。亦即是前輔翼圓滿。文中三。初總顯所成。二共諸下。別顯顯相。三願令如是下。結以嚴利。二中文二。先顯德高。後顯業廣。前中亦二。先正顯德。後結德嚴。土前中有二十句。初二總明體實智圓。後善能下十八句。別顯於中先明智圓。

●相二如● ●唯二經唯● ●空一定● ●德高二得實● ●圓二慧●

後深入下明體實。今初即路圓滿。大念慧行為所遊路。路即道之異名。文中初明大慧。分別是權深入是實。此是慧體離癡慧業。成就念下即大念也。七念之中略舉前四。七念如離世間品。後法日下即是大行。行即修慧故。後釋體實亦是行攝。二結德嚴土中。初句總。次生如是處指前淨土。有如是德即指。向文。第二常作佛事下。願業廣中分四。即四圓滿。初明事業圓滿。上辨佛業。今菩薩業。二得大智下即乘圓滿。大止妙觀以為乘。故。三趣薩婆下無畏圓滿。內無災患外無畏。故。四隨順三世下即任持圓滿。論云。諸佛菩薩後得無漏。能說能受大乘法味。生喜樂。故。文中二。前明能受。後知阿僧祇下能說。第三結以嚴刹中。初總彰人通。次熏修下結行德深。謂以止以觀唯智唯悲。熏修身心無有間斷名極熏修。現惑不生故云純淨。種習不起名極純淨。恬和也。宴安也。恬和安寂即照寂之相也。亦一乘也。後於一佛刹下別示遍相。兼顯數多。於中三節。一刹中一方有多數量。次以方例刹。後以利例法界。一方所言義兼大小。準下僧祇品。於一微細毛端處。則有不可說諸普賢也。言如是者如前具德也。第二佛子。菩薩摩訶薩以諸善根方便迴向下。總攝迴向。非唯但向佛淨土故。文有十句。初三結前已說後七辨所未明。言出要者。小乘出要唯有四種。謂進定念慧。三十七品不離此故。今亦兼有。大乘出要唯有三科。謂四攝四等及與

十度。三乘切要唯止與觀。大乘切要唯智與悲。故十地皆云大悲為首。智慧增上餘並可知。第二佛子。菩薩摩訶薩如是迴向下。結行成益。總收三種世間。第二佛子至以如是等下。離相迴向即向實際。文中二。先明見實智冥實際。後彰離妄德合實際。此之二段反覆相成。今初。初句離前迴向菩提。其心已下正顯離相。寂然無涯為入不思議。即事契真故常平等。由此故能遍入。若事若理無礙法界名為一切。二佛子下彰其離妄。文有十對。初六遮妄執有。以緣成無性故。皆前迴向之法。思所起者謂身語業。餘文可知。次一對遮妄執空。以即空故。不礙存故不壞假名。說實相故不壞因果。後三對雙遮。空有。初遮事理。法即理法。互相即故不可定取。次遮生死涅槃。離向背相通有二義。一約離相。為生死涅槃相待而有。俱空得。二約體融。以緣就實生死即涅槃故。無妄分別。以實從緣涅槃即生死故。非真寂靜故。中論云。涅槃之實際。及與世間際。如是二際者。無毫釐差別。而晉經云。生死非離亂涅槃非寂靜。言異義同。後對即遮能所證。既二際無差。唯佛能證故復拂之。上句標下句釋。亦通二意。一約離相。能證相離不能證於佛境。所證體空故。無少法與能證智同止相。契故楞伽云。遠離覺所覺。二約體融。佛即法界。不應以法界更證法界故。文殊問經云。若以法界證法界。則是誑誑如智一體。如外無少智為能

證。智外無少如為所證故。無可同止。次下文云。無有少法為智所入。亦無少智而入於法。影公云。法性不並真。聖賢無異道。即斯意也。上來三節皆約遮邊。前來契實已辨。雙照。則四門備矣。第二佛子下。迴向眾生中。初總明。謂即前迴向菩提時。便以善根迴向眾生。故云如是迴向時也。次決定下別顯行相。有七句。二句隨相。一無放捨心。二無怨親相。五句離相。一不見眾生相。二不取化緣。三不稱量根性。四無能度我人末句總結。第三菩薩至如是迴向已下。結行成德。有四佛子。兼此為五。一成無盡善根德。二成二空智慧德。三成境界清淨德。四成福智無盡德。五成福智廣大德。就此五中。初一雙明。次二離相。後二隨相。今初。由隨。一一行發無盡心。故成無盡德。文有十句。初總。所謂下別。於中前四隨相所成。初二因果。後二依正。次二離相所成。顯其深廣。次二解行。通於隨相及與離相。後二通顯。上來迴向同三世故。第二佛子下。成二空智慧益。中十句。初四我空。一無眾生。離眾生垢故。二無壽命。離生死故。三無作者。亦名無我。離我垢故。四無數取趣。前後際斷故。餘如十行說。後六法空。文亦可知。第三佛子成境界清淨德。一刹淨者。略有二義。一了穢即空故。二如螺髻等。穢處見淨故。三雖觀淨穢無見相故。四眾生淨同一空故。同如來藏故。無見相故。三法淨。對法辨智義便故。來。此亦二義。一空無能所故。二同一如故

①〔菩薩摩訶薩以諸善根〕②〔菩薩摩訶薩〕③〔空一眞〕④〔為二謂〕⑤〔契二企〕⑥〔三二二〕

舉一全收。智外無，如爲智所入，如外無智而入。於如法性寂然故名爲如。寂而常照故名爲智。何有異耶。亦同上。來無法同住。後一佛淨。爲破執有說。佛如空。若同空。無此見非淨。今明二利德圓。非如虛空一向無也。第四佛。子福智無盡德。初上攝佛智。謂十力智地。有不可說用故。念念得多福。次具足下自爲福田。此菩薩下福智無盡。第五佛。子福智超勝德中。初句總顯福智之因。次

頌二段離相中三。初七頌前菩提離相與前見實及離妄相參而頌。顯此二相成故。次二頌衆生離相。後四頌結行成德離相。中初二偈。頌境界清淨德。後二頌二空智慧德。第五迴向竟。

大方廣佛華嚴經疏卷第二十七

大方廣佛華嚴經疏卷第二十八

唐清凉山大華嚴寺沙明澄觀撰

十迴向品 從二十五經一
半卷三十三經

智超勝第二菩薩下辨位果中四謂標微釋結。三中有十句。皆先標名後釋義。於中初六自利。初一見佛。約微細門。一毛之義。前文頻釋。今重發揮。謂心性本無大小。悟之成智身。土皆爲智影。智淨影明故。大小無礙。一多即入。次五見法。即相入門。一證理法。二持教法。三慧知密意。謂以實獲權等。四義窮意趣。謂四意趣等。亦是窮於性相。五聞藏義兼修證。次三利他。一福滿他意。二智滅他惑。三辯教平等。後一攝行成果。此上多有同于藏品。可以意得。四結可知。第二應頌二十五偈分二。初一頌所迴善根。文並具含。餘二十四偈雙頌前迴向善根。及結行成德。於中二。先有十一偈。頌一段隨相。後十三偈。頌二段離相。今初分三。初八頌向菩提。於中亦三。初四頌上嚴刹。次三偈半頌入寶嚴。後半偈頌總攝迴向。二菩薩如是下一偈。頌迴向衆生。三十下方二偈頌結行成德。五段通頌。第二菩薩善觀下

第六隨順堅固一切善根迴向。長行中亦二。謂位行位果。行中亦三。謂牒釋結。今初牒名微起。謂所修善皆悉順入堅固法性故。下文云。則爲隨順眞實住。本分名入一切平等善根。入即隨順。平等即堅固。平等之理不可壞故。若順等理則順諸善根故。下文云。則爲隨順佛住等。又本業云。習行相善無漏善而不二故。名隨順平等一切善根。此則不唯事順於理。理事相順受平等名。如此平等方名堅固。此約所迴善根。及所向實際以立斯名。亦可名爲堅固之善根。堅固即善根。若以隨順望堅固。善根亦通二義。即以無礙善根而爲其性。第二依微廣釋中二。先明行所依身。二具足下依身起行。前中復二。先明得位。後顯具德。今初。菩薩行檀之身。隨宜萬類故置或言。而偏語王者。一則在家是施位故。二難捨能捨舉

勝策劣故。三者菩薩多爲王故。以菩薩位唯有二種。一者法王。二者人王。法王教化人王攝化。具菩薩戒處處爲王故。發號施令無敢違故。具能施物遂所求故。帝者主也。王者王也。臨者治也。御亦主領千乘之國。即稱爲大。下言爲轉輪王。則以一洲已去可稱爲大。二威德下顯具德中二。先統領自在德。後菩薩下正報殊倫德。今初。有十二句初二句總。有威則下必畏之。有德則下必懷之。故令名振。次凡諸下十句別。初句釋威祖父之讎曰怨。四夷有土曰敵。由威被敵敵歸怨順。大發號下釋上有德。依正施令物可則也。執持一蓋等兼釋臨御。一蓋有三。一則無私。萬物故。二等教十善故。下施蓋中云。爲令衆生得自在蓋。能持一切諸善法故。三慈悲蓋。大光王云。如諸菩薩爲高蓋。慈心普蔭諸衆生故。以離垢增釋爲帝義。於法自在釋爲王義。不刑已下雙顯威德。謂不以刑戮微罰之威。但令威德從化。則威而不猛也。又加苦曰刑。削奪爲罰。導之以德義。莫敢不服。則庶人無刑。齊之以禮樂。莫敢不敬。則大夫無罰。次以四攝下。顯是菩薩揀異世王爲轉輪王。結成有位。一切周給。結有大財。即財位果。二正報殊倫德。初句結前義兼生後。有大眷屬下具七種果。一宗族果。二離衆過失。不亢不驕。發言誠實。見者無厭。有慈有慧。入所信順。即信言果。三福德已下顯大色果。四獲那羅延堅固之身。顯壽命果。五大力成

○子二此菩薩下○ ○(次)一○ ○二二三○ ○嚴莊嚴○ ○二二云○ ○被二彼○ ○(結)一○ ○慈二恩○

就等顯大力果。六得清淨業。謂得大念慧。成就總持。曾事不忘未萌先覺。由斯有上名振天下。即聲譽果。七離諸業障顯入性果。有業報障非丈夫故。兼上財位具八異熟。是增上生。如是在大勢生。第二依身起行中三。一明隨相迴向。二明離相迴向。三釋迴向名。初即迴向菩提。及向衆生。次即迴向實際。後段通二。又初是廣大迴向。次甚深迴向。後兼深廣。今隨相中分三。初總相標列善根迴向。二佛子菩薩摩訶薩隨所施下。依標廣顯善根迴向。三佛子菩薩摩訶薩隨諸衆生下。總結多門善根迴向。今初亦三。一列所施物。二其中下辨所施田。三佛子下顯行所依心。今初初句總或施下別。別中若望下。迴向應爲六十。若直就文數都八十事。初從飲食至床座爲一十。以床座但通是一床。下文別施座。故次房舍至蓋爲二十。傘至頂髻爲三十。以王位爲重。爲明外財施竟故。結云。乃至王位。下文自有王位。後迴向中此次後無故。次眼至足爲四十。血至腸爲五十。厚皮至救損他形爲六十。示佛與至邑爲七十。從聚落至終爲八十。救獄囚中雖有妻等四事。但爲一救囚之行耳。於中前二十七事是外財施。次救獄囚。一兼於內外代四命。下二十九事唯明內財。下諸門中或兼內外。但是外可以意得。又前二十七施無樂者。是爲慈行。救囚代命等爲大悲行。餘或通二行。若通相辨皆兼二行。又代命救殘。

害男形。是無畏施。斷殺有二。若望所殺。是無畏施。若望能殺。令持五戒。是爲法施。告示佛與即是法施。財施可知。又此等既並是法門。俱通三施。二所施田中等皆施與者。不揀賢愚等故。悉令滿足者隨所求故。三顯能施迴向之心者。望前是能迴向心故。云如是施時發善攝心。望後是能迴向心故。云發善攝心。悉以迴向。故下諸門迴向之內皆以此心貫之。文中二。先總明。後所謂下別顯。於中所攝有五。總收上來能施所施。及以施物。言善攝者釋隨順義。謂此菩薩若行於施迴向之時。於自他五蘊等心無住著。不令馳散故云善攝。如此則與實際相應。便能隨順堅固善根。謂捨住著故隨順施善。無異求故隨順戒善。忍深理故隨順忍善。離色相故隨順進善。不馳散故隨順定善。了無生故隨順慧善。如是乃至一切由順實際。任運順於一切稱性之善。第二依標廣顯中。施相望前略有五異。一傘二頂前有後無。舍宅一種前無後有。即有無異也。二前以法導化。即後禁殺令住五戒。即名字異也。三承事供養前合。後開象馬等事。前開。後合。即開合異也。四後文舌居牙齒之後。眷屬居妻子之前。骨居腸下。飲於食後。即前後異。五前略後廣。其文非一也。餘皆大同。然其都門但有六十。由開合故。謂十二段。二二相合。一象馬。二幢幡。三寶冠明珠。四耳鼻。五牙齒。六手足。七髓肉。八厚薄皮。九手足指。十僮僕。十一園林。十二妻子。

復有二段各五事合。謂一腸胃肝肺四事。及大小腸。合一迴向。二王位邑聚落宮殿合。一迴向。故下文云。國土一切諸物。即斯五事都十四門。合二十事。雖缺二事。而加二事。謂舍宅及開承事。與供侍別故有六十門。昔光統師以後都門東前標中。亦唯六十成。一百二十門。皆有十善成。千二百。以七施乘之。成八千四百。一具十迴向成八萬四千。言七施者。隨相有六。謂心有三種。即三時。喜事有三種。即是三輪。入理有一。即照三輪空。又以七聖財乘之。亦得如一。施行有八萬四千。餘一行皆亦如是。此上且約法門。非無有理。若散說者行相無量。如施資具及大會等。不可言一故。次標云。無量無邊後都結云。阿僧祇物。實則皆是法界大緣起門。普賢無礙自在之行故。以一切所有施於一田。一切皆爾。一微塵處即施一切衆生。遍法界皆爾。一刹那中頓成此行。盡前後際。亦爾。此一菩薩滿法界身。備起此行。仍有純雜。若以純門於一施眼。遍上時處。唯見施眼。十方無邊。初後無際。餘門如虛空。難則隨一施眼。具足諸門。餘亦如是。純雜無礙重重無盡。故知六十八十乃舉其大綱耳。文中二。初總標施行。成迴向行。無量之義。已如上辨。第二所謂下一一別顯。六十門內一一皆四。一施行。二迴向行。三雙結。二行。四迴向所爲。若缺所爲則但有二。亦可合後二段爲雙結所爲。此科宜記。下有廣略至文當知。若具四段門前多不科判。

今第一施食以食爲世命。貴賤同依故首明之。文但有二。先明施行。言其心清淨者。離施過故。謂不求名利果報爲怖畏等。而行施故。不貪著者是無貪思。無顧恪者是無慳思。又施時無貪著。施已無顧恪。隨所施行與衆生共兼於事理。名爲具足。此心在初亦貫下諸段。二願一切下迴向行。然其所願。正爲衆生令得成佛。卽向菩提也。下皆準之。然阿含唯識等說。世間食。總有四種。一觸。二思。三識。四段。說出世食。有其五種。一禪悅。二願。三念。四解脫。五法喜。今翻四成五。一翻思食成智慧食。卽是念食。念慧隣故。二無所食下。翻於觸食以成法喜。觸以攝受喜等。能爲食事故。但願法喜。其出離食卽解脫食。總離四故。三智慧充下。翻於識食以成禪悅。禪則不動故。以法堅住引生功德故。攝取善根能除煩惱故。二身清淨並如識食能執持故。四哀愍下。大悲願力現受段食。今云博者尚依古譯。三是爲下雙結。二行第二施飲中亦三。初施行。二以此下迴向行。於中先牒前起後。後所謂願一切下別。願願相下皆做此。然望食雖異不離五食。望水雖異多同。用水故所願事。或翻或順。或敵體相似。或流類以明。不全刻定文中。一如飲無間。易得充足。飲法精勤速具。大道餘並可知。第三施味文四。加所爲故。初施行可知。二以此下迴向行中十願。初願晉經得上味相。則是三十二相之一。經說佛大牙後有甘露泉。但食入口悉爲甘

露。約法亦卽涅槃。爲甘露不死之味。餘文並顯第四施車乘分三。初施行者。義通馬等。以第十六別施車故。迴向十願皆約代。步。初一唯果餘兼通因。然乘體性通於理智。隨義立名。一體性包含。二不可廢立。三超劣。四無過。五不歷。三祇。六十力普運。七兼。五度萬行。八無漏相應。九發心趣者卽名菩薩。第五衣中。喻伽施衣能感妙色。以衣禦寒令顏色潤澤故。人新衣成。暫持獻佛得無量福。若要。期日。數未滿而取成。取佛物。第六施華文四。初施行中先列施物。後供養下明所施田。下至自身身爲福田。是法器故。依之進道故。故施自身勝施外道無量。迴向十願前七可知。八赤蓮華等不遇日光。翳死無疑。菩薩之行必資乎智。涅槃第九云。譬如蓮華爲日所照無不開敷。九月開青蓮。華佛智照行。涅槃二十云。譬如月光能令一切優鉢羅華開敷鮮明。十約寶華。後二段可知。第七施鬘者。貴華如環而爲首飾。或以纓身故。未見則樂見。正見則愛樂。第八施香中。準下塗香十度萬行皆香。此偏語戒者翻破戒之機故。願有十二。初一總標。次十別顯。少同十藏多同智論。隨宜不同但案文釋。一具持三聚。二不離外道。三無染心。涅槃經中乃至染環釧聲亦名汚菩薩戒。四不犯重故。犯重之人多生悔恨。五設有誤犯深慚愧故。如其故犯數犯不生慚愧。深愛著犯見犯是福。名之爲纏。六七定共相應故。無惑熱常持如

初八九道共相應離斷常邊。成出世行。十遠離二乘圓修十度。方名不犯菩薩律儀。是智所讚戒。末句結因成果。謂五分之一。第九塗香十度皆有熏發。香長菩提心義。辟除障礙。俱得稱香第十施床座中初舉施行。下第十八別明施座故。晉譯此以爲床敷深允當也。迴向行中十願。一卽第一義天大智證故。二菩提心是賢聖依。三涅槃解脫。四首楞嚴定名爲究竟如。四禪座能發神通餘六可知。十一房舍中。攝取一切諸佛所住。謂聖天梵等。後言不捨佛最上住者。住大寂室餘取事類。例可以虛求。十二住處。謂僧坊等。十三施燈。一明施行。於中列其施物。寶燈者如夜光之類。沈水栴檀用和酥油。無量色者。然膏色白。然漆色赤。然油色黃。然檀色綠。如是種種。如是等下明其施意。二以此下迴向行。於中先正顯迴向願。後辨迴向意。前中十願。然準。瑜伽寶首。皆明施燈得淨眼報。然燈功德經。燒燈供養大能滅罪生福。令發願言。當以大海爲油。須彌爲炷。然大燈明。遍佛刹海供養無休。又願法門之燈大願爲炷等。今文願中。具身智光並可思準。後菩薩如是下。顯迴向意。三是爲下雙結。四如是迴向所爲。其迴向意。諸文應具。大同所爲。故略不明。十四湯藥中三。一施行施藥。近果得無病報。如薄俱羅遠得藥王樹身等。如十大願中辨二迴向行。言不重發者。經云世醫所療治雖差還復生。如來所治者畢竟不復發。餘可知。

①三菩薩下。雙辨二行所爲。言金剛剛山所不能壞者。如不思議法品。十種大那羅延幢勇健法中。第一說堅固滿足力。亦是彼品中。十力第七名堅固力。不可奪樂者是常樂故。自在堅固身者。卽金剛身。金剛爲內照之寶。非唯金色故。云自在。十五施器中文四。初施行中三。一所施物。二或施下對。田顯施聖僧通三乘。三如是下。成波羅蜜。二菩薩下明迴向行。十願。一廣。二深。三高。四堅。五勝。六淨。七果。八悲。九熏開納教。十攝法上首。然隨施一器。卽發多願。未必一器以對一願。三結四所爲可知。從此已下入十六施車中。二。先標列財田。後佛子菩薩摩訶薩。以如是下。隨田別顯前中三。一總標所施。二奉施下別舉福田。於中先辨類。後此諸人下彰其來意。因緣故。來者往昔有緣應受施故。三菩薩是時下。別列所施。以明施行間。瑜伽三十九云。若有衆生。來求種種能引戲樂。能引無義所施之物。不應與。今施美色。豈不相違。又云。施妻子時。不應施與怨家。惡人。藥叉。羅刹。凶暴業者。今云種種福田。豈皆施與。答能有二。謂必知能爲損惱。不施無咎。若不委知。但作利安之心。施亦無咎。況菩薩能知無染。又同行之女。必不生物染。又女能以法而化。彼故。故攝論中。有利有染。無利無染。有染無利。此三菩薩不行。有利無染。菩薩乃行。第二隨田別顯。約五類田。則分爲五。一一段中文皆具。四。今初。施佛。先施行可知。迴向行中有二十願。初十約

所施佛田立願。後十約所施車立願。並顯可知。但云修安樂行者。法華安樂行品說。四安樂行。一畢竟空行。經名行處近處。已入於理。而履行之名。爲行處。故經云。又復於法無所行。而觀諸法如實相等。雖未入理。能遠諸惡。親而近之。名親近處。故經云。不親近國王及外道等。爲遠惡也。觀一切法空。爲近理也。二名身口無過失行。三者心無嫉妬行。四大慈悲行。廣如彼說。然安樂者。略有二意。一涅槃之果。名爲安樂。此行能趣卽安樂之行。二住。此四行。則身靜神定。身靜神定。則外苦不干。故稱安樂。又常見外道因果俱苦。斷見外道因果俱樂。故析法二乘。因苦果樂。唯有菩薩因果俱樂。故涅槃云。定苦行者。謂諸凡夫。苦樂行者。謂聲聞緣覺。定樂行者。謂諸佛菩薩。因果俱樂。名安樂行。三結文中。加及佛滅後。所有塔廟。塔安舍利。廟置形像。塔者正云窣堵波。此云高顯。亦曰歸宗之所。言所有者。不局佛塔。故長阿含說。四種人應可起塔。一佛。二辟支佛。三阿羅漢。四輪王。十二四緣經云。八種人應起塔。一佛。其露盤八層已上。餘七謂菩薩緣覺。四果輪王。次第減一層。輪王唯一層。見一層塔不應禮拜。非聖人。故僧祇律說。凡僧亦許起塔。然不得安露盤。令在屏處。謂一持律。二法師。三營事。四德望。今造塔者。宜審此文。況論起塔。總有六意。一爲表人勝。二爲令生淨信。三令標心有在。四令供養生福。五爲報恩行畢。六生福滅罪。若

造佛塔。近招梵福。遠脫生死。故無上依經。供佛舍利。如芥子許。悉得究竟脫生死苦。二施菩薩中有二十願。前十約所施田發相似願。後十約所施車發相似願。並顯可知。三施僧。初施行中顯十施心。一財無不捨田。無所揀。二了事可不。受畜不淨不應施。故三淨三輪故。四順檀行故。五因佛有僧。佛難遇故。六依僧知佛故。七依僧知教故。八應景慕。九不局一僧。十由教說僧故。二迴向行中。有二十願。亦前十約田。後十約車。其十三云。乘虛空身者。當其無有車之用故。四施二乘中亦四。初施行中言。如來勢力生者。設是獨覺。亦由曾習佛法。後道成無佛世故。六七翻彼三生百劫故。二以此下迴向行中。亦二十願多翻劣願勝。前十多翻緣覺樂獨善寂等故。無諍有二。一人嫌我行。我則長立等。二觀緣無性。無乖違故。後十翻聲聞。一翻彼小乘。非究竟滅罪之法。彼犯律儀。容可懺滅。犯四重禁。爲不可救。大乘至教。無所不滅。佛名經說。一聞佛名。滅無量劫生死重罪。涅槃第十云。若犯四禁及五逆罪。若爲邪鬼毒惡所持。聞是經典。所有諸惡悉皆消滅。又云。犯四重禁不還生者。無有是處。如是等文。處處皆有。由會所未聞大經力故。二聲聞雖從佛聞。未悟深理。故三不能廣傳。故四望於大乘。猶是邪故。所以諸處多說九十五種。別有九十五種外道邪論經。今言九十六者。自有二義。一依薩婆多律說。外道六師。各

①三一二 ②熏開一聞熏 ③是十等 ④與二施與 ⑤形二佛 ⑥佛二僧 ⑦(過去)十會 ⑧却二劫 ⑨由會所未二犯重得佛

有十六種所學法。一法自學餘十五種。各教十五弟子。師徒合論有九十六。二者外道有二。一外外道。即佛法外。二內外道。此復三種。一附佛法外道。起自續子方廣。自以聰明讀佛經書。而生一見。附佛法起故。得此名。續子讀舍利弗毘曇。自別制義。言我在四句。外第五不可說。藏中佛說此人。不異外道。諸論皆推不受名外道也。又方廣道人自以聰明讀佛十喻。自作義云。不生不滅。如幻如化。空幻為宗。龍樹斥言。此非佛法方廣。所作亦邪人法也。二學佛法。成外道。謂執佛教門而生煩惱。不得入理。故智論云。若不得般若。意入阿比曇。即墜有中等。三以大斥小故。七卷楞伽第一云。大慧云。何為外道惡見。謂不知境界。自心分別現。於第一義。見有見無而起。言說。又第二云。復有說。言見一切法。因作者有。此是涅槃。大慧彼無解脫。以未能見法無我故。此是聲聞及外道種性。於未出中生。出離相。應勤修習。捨此惡見故。諸大乘詞。彼二乘同於外道。非奪方便之意。今合後三總為一類。成九十六。依此義故。發願永離。七中得目見者。非聞見故。餘可例知。五施諸田。初施行中有悲境故。加以拜跪等言。以有劣田。重舉妙物。最下乞人等。如來故。言袪服者。大盛玄黃之服也。二以此下迴向行。亦二十願。施田非一故。但就車發相似願。其中亦兼所施女等。可以意得。六云。十出離道者。即是十地。以十度行。出

十重障難。十龜故。七乘四輪乘者。文中自列。然莊嚴論第六名。四種不放逸輪。先辨相者。各具五緣因緣。一住好國土輪者。彼名勝土輪。言五緣者。一者易求。謂四事易故。二善護王。如法故。三善地處。調和故。四善伴。同戒見故。五善寂。無喧聲故。二依止善人輪。五緣者。一多聞。二見諦。三巧說。四憐愍。不貪利故。五不退。無疲倦故。三集勝福德輪者。彼當第四名。先福輪。一可樂。由住勝世為因故。二無難。由值善人為因故。三無病。四三昧。五智慧。此三以自正輪為因。四發大誓願。彼當第三名。自正輪。故成實論名。自發正願輪。一善緣。妙法為緣故。二善聚。具福智故。三善修止觀。諸行相應修故。四善說。無求利故。五善出所有。上法恭願修故。然前一就果立稱。後二從因立名。雖俱通。因果影略互顯。前二外緣後二內因。願是智因。福是福因。此四何因受輪之稱。依成實論。以此四輪能摧八難故。謂初住善處能除五難。即三塗北洲。及長壽夭。次依善人除佛前後難。三發大誓願。除世智辯聰。四宿植善根。除主盲瞽癡。前五惡處。六惡時。七惡因。八惡果。已知四輪。云何總名為乘。瑜伽論說住好國土。謂得人身。出諸難處。以為車體。二由集勝福。諸根完具。如車轂軸釘鋼。可施脂膏。三發大願。如良牛引重致遠。四依善人。謂佛菩薩如善御者。由具此四。成大涅槃。故云。成滿一切清淨梵行。因圓必至果也。若依此經。國土即十國

土海。善人即十身如來。勝福即性起功德。大願即普賢願海。共成無盡大法界緣起車也。餘並可知。十七施象馬二事。合有十願。一如性調順。二如隨意所往。三似彼盛壯。四如超步萬里。五猶行步平正。六如彼象寶七似彼如華。八即迅疾如風。九上云。調順通顯。增於功德。今云。具菩薩地名。最勝調象馬。各有調義。故分二願。十似彼上立金幢。十八施座迴向中。言三種世間義。如常釋。辨法師云。地前為願樂世間。初地至七地名。功用世間。八至等覺名。無功用世間。有云。兩域相傳。衆生界中有三。世間。一地下世間。龍修羅等。二人中世間。三天上世間。若依智論。三世間者。即衆生五蘊及器為三。於彼顯勝義。皆無失。餘並可知。十九施蓋中。本行經。說編草為蓋。七寶蓋隨。況衆寶嚴功報何極。四所為中有十。為令二十又欲。皆令衆生因圓果滿。觸理皆蓋。方顯菩薩悲智深妙。可謂隨順一切善根。並可虛求。法門浩大。不可具釋。二十幢旛二事。合一迴向。十中初二。幢旛合願。一建善翻惡。二重法翻慢。次一唯就旛旛書字故。後七皆就幢辨。二十一開藏施寶。迴向行中言。十六智寶者。辨法師云。地前。明得明增印順。無間等四定。地上。光明集。福德王。寶首健行等四定。此八各有自分勝進。依此發智。為十六智寶。有云。佛地四智。智各有四。故為十六。以果位自在互融通故。今依寶首。即是八忍八智。然此有二。一依觀能所取。以立十

六、一苦法智忍觀三界苦真如。正斷三界見苦所斷分別隨眠。二苦法智。謂忍無間觀前真如證前所斷煩惱解脫。三苦類智忍。謂智無間無漏慧生。於法忍智各別內證。言後聖法皆是此類。四苦類智。謂此無間無漏智生。審定印可苦類智忍。前二觀如後二觀智。苦下有四三諦亦然。爲十六智。二者依觀上下諦境別立。謂觀欲苦有法忍法智。初即無間道後即解脫道。次觀上二界苦爲類忍類智。類同欲故。如苦既然餘三亦爾。爲十六智。廣如薩婆集第九所明。第十願言無上寶主者。佛爲法寶之主故。十二施莊嚴具中十願。初一利他後九自利。於中初三約身。次三約語。後三約意。其中言百福相。前文已引涅槃二十四說。依瑜伽五十三。名百福行。故論云。復由百行所攝律儀。謂少分。離殺乃至邪見爲一。二多分離殺等。三全分離。四少時離。五多時離。六盡壽離。七自離。八教人離。九以無量門稱揚讚述離。十見離殺等深心慶悅。生大歡喜。十門各十。總說爲百行所生福量亦爾。此且就同教三十二相化身而說。若依此經十身相海。隨一一相無盡因成故。上普興雲幢主水神偈云。清淨慈門剎塵數。共生如來一妙相等故。餘可知。二十三施寶冠及髻珠二事。合一迴向。六智慧明珠等者。體圓德備。鑒徹惑亡。爲智明珠。極果所宗。故名頂上。是祕是妙。無能見者。亦以權隱實名。在髻中。開權顯實。故名解髻。文無解

義。因便故來。若不明解。佛有祕藏前後。可知二十四施。妻子等。救獄囚者。上來皆明。外施。此下二段明。無畏施。初一兼於內外之財。內財爲難故。佛本行經說。昔五百長者子。各捨珍寶等施。有一貧人。問求何願。云欲求佛道。遂自念貧無以資養身。塚間而捨。天帝試之心安不動。知求佛果而稱讚云。汝此勇猛過彼五百菩薩所施百千億倍。當先作佛。彼貧人者。即我身是。故知難中之難。施行有三。初觀境興悲。二如大悲下指。同先例。大悲即觀自在也。以其偏主此門。故下文引例皆準此知。後既救度下施以財法。迴向行十願準思易了。二十五捨身代死囚。一向內財。文四可知。此從此已下入二十六連膚頂髻即肉髻也。施行中三。初總標施行。二如寶髻下指物同修。三菩薩是時下正明施行。於中六。一觀乞生欣住。種性故。二而語下語意清淨。離二障故。三便執下身業正捨。事業勝故。四正念下欣慕上流。意樂勝故。五於諸法下巧安諦理。無相攝故。六是故下決志思齊。依止勝故。此及迴向有七最勝。成波羅蜜前後諸施文多略無。二菩薩下迴向行中十願。一無見頂者。縱窮上界亦有餘故。言如塔者。菩薩敬故。二堅無中斷故。五中靜法云。準梵本。令得二相髮。謂室利鉢蹉塞縛悉底迦相髮。義如前說。六云。得佛相髮。準梵本。却是右旋。餘可知。迴向所爲中。總結諸髮成髻圓滿。故云爾也。二十七施眼。智論十四說。施有三種。飲食爲下。珍

寶爲中。頭目五臟爲上。廣如彼說。文中施行內有四。一標章引例。二菩薩摩訶薩下發起勝心。三爲究竟下明行心所爲可知。四佛子下彰施儀式。二迴向行願。成十眼。與離世間大同小異。二十八施耳鼻中。二事合明。施行。別顯迴向而行。但三。今初。施行有二。一標章引例。二布施之時下安住勝心。一具佛種性即安住最勝。二念諸下事業最勝。三常勤下依止最勝。四隨順下清淨最勝。五免濟下意樂最勝。六生長下巧便最勝。二迴向行中。先耳十願。初及第七俱名。無礙者。準梵本。初名無著瞋者。從生即瞋。故爲耳王者。聞與不聞皆自在故。後施鼻迴向中有四。初牒起。二正顯中有二願。前一願得十鼻。言隨好者。兩孔不現故。善相者。相海品云。如來鼻有大人相。名一切神通智慧雲故。隨順鼻者。隨宜所現故。後一願得十面。鼻居面中。好醜由起。故相從立願。一切法者。正向諸法故。三是爲下結。四爲令下迴向所爲有十。以鼻香氣所入故。攝受香故。了知故。住於覺故。如眼見色故。合中知故。不壞鼻根故。不邪分別故。香氣嚴潔故。五分法身香故。二十九施牙齒。初施行中。安住堅固。自在位者。登地已上故。智論十四云。象王施牙。是法身菩薩事。廣如彼及十輪第四。二菩薩下迴向行十願。唯第三單約心說。謂智能調惑。趣於彼岸。如牙調食以資法身。餘皆約牙齒說。萬字成就者。準梵本。但云右旋及有樂耳。放無量光者。即如相

海品說三十施舌願中。初即相海品廣長舌相餘可知。三十一施頭。初施行中三。初標章引證。引迦尸國王。又本行經說。月光王報恩第五名。大光王施頭與婆羅門。具說如彼。次為欲下。顯施所為。有十種。皆約佛智隨義不同。一入理。二導悲。三見事。四離障。五融事理。六為所依。七超劣。八見無初相。九現用自在。十即事而真。故不可壞。後佛子下正顯施行。亦具最勝。可以意得。二菩薩下。迴向行等可知。三十二施手足。二事合願。文但有三。初施行亦三。初標章引證。次以信下標。因祈果。信為手因果能雨。實行為足。因果普遊步等。後佛子下淨心正施。於中初施手。心願力已下明施足心。如足住地能持身故。願住智地能成智身。離心垢故。能顯法身。法身湛然故不可壞。智證永續故無有斷。二佛子下明迴向行文。二。初廣辨一用。手能雨。實足能遊利。次又令下略舉諸手。諸用。三十三壞身出血施。文亦唯三。施行引例。及下施髓。竝如智論十四中說。三十四施身體肉中。二事合願。初施行中三。初標章引證。次於諸趣下正顯行相。後佛子下彰施現益。二迴向十願。三云。意生身者。七卷楞伽第二云。譬如意去速疾無礙。名意生身。此乃意是舉喻。然此身類有其三種。一三昧樂。二覺法自性。三種類俱生無作行。初者楞伽第四云。謂入於三昧離種種心。寂然不動。心海不起。轉識波浪。了境心現皆無所有。云何覺

法自性。謂了法如幻。皆無有相。心轉所依。依如幻定及餘三昧。能現無量自在神通。如華開敷速疾如意。如幻如夢如影如像。非造所造。與造相似。一切色相具足莊嚴。普入佛刹了諸法性。故云何種類俱生無作行。謂了達諸佛自證法相。釋曰。初身從所依定為名。次身從所依智立稱。三自證法相。義兼定慧及法性相。故名種類。由此故能隨衆生願種種一時現生。任運而成。云無作行若依地位。初即五地前。次即八地前。後即八地後。若成唯識第八名為意成。隨意願成。故意明但轉變成。非新生。故。故論又云。亦名變化身。無漏定力轉令異本。如變化故。上皆通因。今即十身之一。義取亦通後一。廣如別章。四云。百福相身。此舉三十二相之通因。若別因者。如涅槃師子吼品五。云。八十種好者。謂皆殊妙立隨好名。具如瑜伽四十九。大般若三百八十一說。餘文可知。十云。菩提藏身者。如出現品。如來成正覺時。於其身中。普見一切衆生成正覺等故。三十五。施心。初施行。二迴向行中先辨意。後顯願有二十心。初云。金剛藏者。藏即名堅。其猶樹藏金剛亦堅。即佛地智世法莫壞。如不思議品十種勇健法中第一法說。二中外標。五相。表萬德吉祥。內智契。如名金剛界。界者性也。由契性故堅如金剛。不可損壞。由成智故利如金剛壞難壞惑。故十地受職分內。名金剛莊嚴隱德相。不思議法品及離世間。皆有此心。名大同也。第九

迴向及離世間。又名金剛界根金剛焰相。亦即此名。以清淨心王。於無分別智有所依。增上義。故立以根稱。其大勇猛幢取降伏義。言堅固幢。取不為他壞。義。被金剛甲是大誓義。餘竝可知。三十六施腸腎肝肺。四事合一迴向。前有大小二腸。今合為一腸。言智藏身者。身為智依。故餘可知。三十七支節諸骨。前云骨髓。髓已前明。而加支節諸骨。若合者。但是一事。謂支節之骨。若開支節自是一事。如節節支解等。即前列所無。迴向行中言無繫界者。即涅槃界。言具那羅延支節大力者。如涅槃校量言普照現身者。如淨明鏡無不現故。餘可知。所為中言得智者。智為萬德之骨。故。三十八施身皮。引例中。清淨藏菩薩未見同名。智論十六中。如毒龍受一日戒。被剝五色皮忍而施之云云。言金剛鹿王者。智論及菩薩本緣集經第四說。金剛鹿救於溺者。彼人背恩告王取鹿。大例名同而非施皮。願中云。相好皮者。謂金色等。所為云淨佛利者。皮為外相。故。三十九施手足指。迴向十願。鐵長者量。圓圓者形。赤銅者色。能攝者力。此以智為指。隨好者妙。言十力者。隨一指。能持一切世界等。齊等者不參差。輪相等者。準梵本云。願一切衆生得十指端。裏面皆有千輻輪相。所餘節中裏面。皆有本那伽吒及以塞縛悉底迦相。相間莊嚴準。此則圓滿之言。應云。滿餅。右旋之言。應云。有樂。若準觀佛三昧海經。一一指節端有十二輪相

①(諸)一② ③造所二四大④ ⑤(云)一⑥ ⑦(施)一⑧ ⑨(二迴心)十五字二(分二初標章引例)七字⑩ ⑪四二三⑫

現八中準梵本。願得大蓮華難提迦物多相指却是右旋。十力業報者。亦十種大那羅延幢勇健法也。相即纖等好即殊妙。有云。卽字旋者約中文也。華三昧海經指端各有萬字相。萬字點間有千輻輪相。網縷者。經云歛指不現張時即現。如真珠網分明可愛餘可知。所爲云得清淨心者。得指由心故。四十施連肉爪中言赤銅相者。卽是小相。五無比者。事爪則不染塵垢。智爪則不染境相。言善生者善業生故。有云。西域方言。謂善生爲端正餘可知。所以求法偏語施爪者。一則以引例中有現事故。下入火求法亦準此通。二有所表。以爪能取順求義故。下入火求者表難取故。故智論云。般若波羅蜜猶如火聚。四邊不可取。無取亦不取故。四十一求法入火。施行中言七偈者。一偈七尺也。迴向行中。初及第九約求法爲願。餘約入火爲願。四十二爲求法護法受衆苦者。如香城粉骨雪嶺忘軀。其類非一。四十三求法捨海內所有。卽捨王位所統也。迴向行中言疑箭者。如涅槃說入中毒箭應速拔之。若妄分別未究而終故。四十四爲王斷殺等。施行中自住三聚淨戒。令他住於五戒。是爲法施。五戒殺初故。此偏語。若望所殺是無畏施。四十五救於形殘初施行中具足三施。於中三。初觀境興悲。次菩薩爾時下以法諫喻。後作是語下財法雙救。財救所害之現苦。法救能害之當苦。示寂靜滅修淨業道滅集因故。俱舍

論說。昔有黃門。救五百牛毀形之事。善根力故男形具足。二迴向行中。修諸梵行未。必制心。後離欲心。必無身過。具男子形。但異女身。具大丈夫。必心壞道德。四迴向所爲中。初令得果。後常勸下令得起行。丈夫行者。涅槃十八云。一切男女若具四法。卽名丈夫。一近善知識。二聽聞正法。三思惟其義。四如說修行。又四相品具四相故。名爲丈夫。又云。雖是女人能信自身有佛性者。卽是丈夫故。男子不信卽是女人。顯示七丈夫道。卽丈夫用道字。梵本名爲揭底。此云事業。晉本云。丈夫趣與道相近。然七丈夫總有多說。一約世間。瑜伽丈夫有其七義。一長壽久住。二妙色端嚴。三無病少惱。四非僕非女。非半擇迦。五智慧猛利。六發言威肅。七有大宗業。具此七法。名爲丈夫道。卽是彼之因也。卽下所列六句小有開合。可以思準。前令具丈夫形。卽非女等也。二依小乘有七丈夫。卽七賢聖。一隨信行。二隨法行。三信解。四見至。五身證。六慧解脫。七俱解脫。離世間品當說。此應不願成彼小乘。三依大乘。瑜伽七地卽七賢聖。如十住品初說。四依瓔珞。六位及信卽上生賢聖家。復有說言。卽七善知。謂知法知義知時知足知自知衆知尊卑故。佛丈夫種。所謂大悲成十力等。爲佛丈夫。丈夫正教卽內三藏及外五明。餘文易了。從此已下入第二十八經

大方廣佛華嚴經疏卷第二十九

唐清凉山大華嚴寺沙門澄觀撰

四十六歎佛出世。如上大威光童子揭聲是告等。初施行者。卽法施行。於中三。一見佛興世。二以大下法施益生。三爾時下結所成益。二三四。初令聞名離惑益。二復更下見身起行益。三復爲下讚希增敬益。四復於下展轉增長益。結益可知。二迴向可知。四十七施大地中。但通相言也。初施行中略列諸田。實通一切。言別人者。有資財人非敬非悲故。菩薩通於一切善知識。要在益我。於中佛塔菩薩知識。父母是恩田。亦敬田。衆僧二乘是德田。亦敬田。貧孤是悲田。亦苦田。此等皆能生福如世之田。若敬田有病。則亦敬亦悲。乃成四句。故智論十四云。一憐愍施。謂於貧窮下賤及畜生。二恭敬施。謂於佛及法身菩薩等。三憐愍恭敬施。謂於老病貧窮阿羅漢辟支佛等。總收爲二。謂悲與敬。其非敬非悲亦悲田攝。無德可敬故。然此二田以理御心則等無優劣故。淨名云。最下乞人猶如。如來福田無異。無所分別等。于大悲若直就境論。則敬強悲劣。以恩深德厚故。如校量功德經說。若就於心。卽悲田爲勝。親引悲故。故敬則田強而悲心弱。悲則田弱而悲心強。各有其美。俱爲良田。若等是敬田恩則勝。德故。校量經云。供百羅漢不及一生身父母阿含中。說供養

父母共一生補處功德齊等。若同是恩田。在家人則父母恩勝。出家則師僧恩勝。如舍利弗請問經說。或約生色身及生法身。則優劣可知矣。等是德田。別不如普故。梵網經說。別請五百羅漢菩薩僧。不如僧次一凡夫僧。又由主財田異。感報勝劣種種不同。恐繁不載。然今此中菩薩施心。悲智齊於虛空。事物窮乎法界。施田凡聖盡於十方故。三事性空深無底。三事殊勝無比。三事廣大遍無涯。三事相融俱無礙。二迴向行中初一果地。餘九因地各相似義。如理應思。四十八施僮僕。少美曰。僮以擬瞻侍。執守曰。僕以備勞役。然不放之。從良而施。與人還令成僕者。以菩薩行海無善不修。若唯放從良有三義缺。一行海不具。二彼僕本願不滿。三佛果缺。此應機之德餘可知。四十九施自身為給侍。二迴向行中有二十願。前十進善後十住持。五十開法喜悅捨身供佛。初施行者。即財法二供。文中三。初標行體。二欣樂下。別顯行相。初自利行。後能以如下利他行。三佛子下結行成益。五十一以身普施一切衆生。施行中亦具事法。二施初總標。後菩薩下別顯。若約事則身為日月光明河池井泉。以施於物。以三種世間身得自在故。若約法施。則法燈照耀法日利益等。文中或法或事。而義實兩兼。二迴向行中。上之施行。以身就生等翻願衆生。以身近佛等。隨義思之。五十二施身給侍諸佛。初施行亦有身侍心侍。二迴向行

亦依三侍立願。五十三施國所有乃至王位。初施行中先明事捨。後於諸下明其心捨自在是總。下十句別現棄萬乘。猶如脫屣何緊縛哉。餘義見十藏品。五十四施王都城可知。五十五施內宮眷屬。初施行中二。一女麗具德。二而於下明施心清淨。二菩薩爾時下明迴向行。文分為二。初迴向意。二正顯迴向。今初以歷事將終文勢稍展。此一段文貫於前後。然晉經迴向二字皆在句初。則是迴向菩提意也。今經在於句末。則是迴向之意。然迴向意與迴向所為。大同小異。小異云何。謂有此意故所以迴向。今迴向者為成此故。又意則多通諸行。所為別約施行。言大同者意為此故。就文又二。初正顯迴向之意。文有十句。後佛子下重牒前意欲將迴向。初句總指上意故。云住如是法。生如來家下從後倒牒。亦有十句。一牒入佛家。二勝因即出世善。次五可知。八善巧者謂不堅易墜。九修習者是得法喜。十常攝善根為令出離。西域文勢義多如此。反騰前辭。二菩薩爾時下正明迴向。文有十願。隨一一願具前十意。十願皆云三昧者。禪定輕安身心柔軟猶彼女故。故善財偈云。定女常供侍。三結四所為並可知。五十六施妻子。二事合願。初施行中二。先標章引例。須達擊者此云善愛或云好愛事。如彼經。現莊嚴王如大莊嚴經說。又如菩薩本緣經說。一切持王子施。二子等。二菩薩爾時下明能施心。於中初自分所依。

後菩薩摩訶薩下勝進所為。初結前生後。次自觀下觀身不堅。況於妻子。後又以下而修堅固二利之法。一佛子下明迴向行。有十一願。初一依於施心欲令普遍故。次二依妻立願。次三及後一依子立願。生自己心。如已骨肉等故。餘通依上三立願。然所施化實應成四句。一乞者是化所施為實。如賢愚經說。毘沙門化作夜叉從王乞子等。此破菩薩執故。二乞者是實所施是化。如攝論說。毘沙門王捨子與婆羅門。是化無情以菩薩方便滿乞意故。三者俱化旁警衆生。四者俱實。復有二種。一始行者欲將施時再三本問故。瑜伽三十九說。施妻子時先當曉喻令喜。終不強逼令其憂惱。於來乞者雖以正言曉喻不施。怨家等。二根熟者其所施人。多與菩薩同結志願。互為主伴。今將為施遂本所祈故。下經云。生生行施處願常以我施。五十七施宅舍可知。五十八施園林等。施行中二。先標起念。後佛子下離過成德餘可知。五十九設大施會。初施行中初總標。次一切下離過成德擇薪而爨。水而用。不強乞求名。不惱衆生。今多反此豈成大益。次開置下略顯儀式。次發甚難得下顯施所依心成。波羅蜜。六十施資具者。以別說。諸門不可盡故。末後總說一切資具。文但有二。一施行。二迴向行。以隣後都結故。後二。今初有四。一施時離過。二善思惟下辨施所依。三隨諸衆生下正明施行。四行此施下顯所成德。二佛子下

明迴向行中二。先牒前起後。後願一切下正顯顯中十願。資生多種願亦類別。一施洗滌資具願。二施掃拭資具願。餘可準思。又資具總明願亦總發。未必別配。上來依標別顯善根迴向竟。第三從佛子菩薩摩訶薩隨諸衆生下。總結多門善根迴向。別不可盡故。此總明文分二別。先結善根。即前施行後佛子下結前迴向。今初分三。一結。施物。謂菩薩所施非止六十。故等以僧祇。二爲令下結施所爲。三時十方下結能施心。二中文含二意。以初貫後。即是所爲。若依大悲等而行布施。是施所依。所爲即通爲自他所依。則自心所住。瑜伽三十九云。又諸菩薩於諸有怨以慈意樂而行惠施。於諸有苦以悲意樂。於諸有德以喜意樂。於諸有恩親善同意以捨意樂。而行惠施。當知亦名菩薩巧慧而行布施。文中初句總。後大悲下。別顯不斷之相。謂以四等心而行萬行。爲相續不斷。初悲次慈不斷。一切下明其大捨。後段廣明大喜。又下離相亦是。大捨。三結能施心中四。初對多田。生喜離過。二時諸乞下明其田彌多其喜彌廣。三假使下校量顯廣。略舉十王所受之樂。不及菩薩喜樂之心。其中色天缺於光音。若依瓔珞十五輪王則二禪王。當第十三。應言王二千樂。若王三千。即當第十四覺德光相輪。作三界王。當等覺菩薩也。又依十大數不可思後。有不可量。今文缺此。則似梵本脫於二禪四禪已上雖捨受相應地無報樂。而有定

樂。凡是禪定皆有輕安適悅之樂故。又五那舍分有解脫樂故。無色界中報非顯現。故此不言。若依大丈夫行論中。菩薩喜樂過於世間及二乘涅槃。今但過世間者。淨居天中兼二乘樂。四菩薩摩訶薩下結喜廣深。何等菩薩見乞生喜。謂施行熟。故施障盡故。言施障者。瑜伽三十九云。又諸菩薩於施障及對治如實了知。施障有四。一先未慣習。二施物鮮缺。三耽著上妙物。四欣樂當來具足財果。云何對治。若現有施物乞者現前。而施心不發。應觀此心由往習故。今若不施。後世之中定背施行故。應勵力思擇而行惠施。二觀宿業過。今受飢渴之少之苦。尙應亡軀。況有少活命而不行施。三應觀妄樂能生當苦。四應觀當果。是因果報速滅離散。求大菩提。第二結前迴向。迴向隨義已具上文。今但結其迴向所爲。則顯前來別。別迴向不出於此。可知。大文第二佛子菩薩摩訶薩。以諸善根如是迴向時下。離相迴向即向實際。行稱涅槃。此彰行深前彰行廣。深廣同時言不並彰耳。文分爲二。先正明離相後菩薩如是觀察下不礙隨相。前中三。初略標。二無衆生下別顯。三何以故下徵釋。今初三句解脫是總。不著於解不繫於縛。是真解脫。二別顯中分二。一內絕想念故無縛解。二佛子下觸境離染故無縛解。今初分二。先明絕想。後如是下彰其行成。前中又二。先絕我想。但法上妄執故。具如前釋。後無有

想下絕其法想。前段以法奪我。今則以我除法。既無有我則無我所。故法我無礙。文有六對。一不於法體起增減想。二於法時離三世想。三於分位離流轉想。四於法義離斷常想。五於影像離依處想。六於法本遣心非心想。無知所以。下經自釋。今且略明初對爲總。言無有想者。有即空故。二空一味等無差故。言無無想。乃有五意。一以事例。無有法觸目尙不生想。無法無物安可念耶。二者相無來去故。謂有本自無非有去無來。即以此義則無可無也。故無無想。三者有即非有。不可謂之爲有。況得言無。則言思道斷。四者假非有。以遣有非。謂有於非有。故復遣之。五者以是法無我理。非是斷無。必不礙有故無無也。故下釋云。非有非非有矣。有無既寂俱及俱非豈當有寄。餘對例知。末對總結。前有無等想。總名爲想。一切都絕是曰無想。假非想以遣想。非有非想。故云非非想。餘義例知。二顯行成。文有五對。初對爲總。由絕如是。我法想故。無有縛解。謂非想故非縛。非非想故非解。下四對別。初對唯語於縛。但因果之異。由無作者及受者故。次對雙顯縛解。由無有無等想故。即顯上來有分別業無分別業。二皆絕故。次對雙顯二業行俱爲思行。後爲思已。後對亦雙明縛解即思所依。王有心則生死波浪。無心則同乎外道。又以無心爲是。則未免於有。故皆非之。第二觸境離染。無縛解者文分爲三。初明。

無著次辨不縛。後明不解。心染於境故名爲著。由境纏心故名爲縛。楞伽云。心縛於境界覺想智隨轉。此之謂也。離於心境故名爲解。今初無著中。初牒前起後。謂內無想念。迴向之時。則於諸境心無所著。文有十六句。初十句五對。顯界處空。故不染著。內謂六入外謂六塵。次對兼前即十八界。能緣是識所緣通於內外。因果一對。即界處爲緣所生之法。法與非法總顯諸法。通其三義。一則有無。二則善惡。三則性相。已如上辨。末後一對別語業體性相。後之六句顯不著。蘊六般若中觀色等有二。一相二生滅。三無生滅。今不著前二。即契無生滅。不著色者即是色相。知色緣成如聚沫故。不著生滅者。生無所來滅無所至故。由此則入無生滅理。後之四蘊但相有異。餘二並同。已遣三科則無所遺矣。二佛子下明其不縛縛著雖異義不出前。三若能下明其不解。若本無縛其誰求解。離縛取解未免於縛。故復遣之。遣之又遣以至無遺。儻然無寄理自玄會矣。三微釋中。先微意云。設我假立法體不無。今無念著其故何耶。後釋意云。法性爾故。文分無二。初總顯法體離相。後非一下別彰所離。今初先顯法體。無生故不可取著。即般若中第三義也。三世求生不可得故。從無而有故名爲生。已生已有不可名生。如母已有不名生故。未生未有亦不名生。若未生名生。衆生菩提應名爲生。諸未生法悉應名生。現在之法利那

不住。恒屬已未。離於已未。別現故。爲生之理。不出三世。三世既無生將安寄。既無有生則亦無滅。無生無滅則無境可取。於何執著。次應問云。生是能生之相。可許推無所相。法體豈應非有。故復釋云。一切諸法自相如是。離生滅外有爲法體不可得。故從緣而生相即無相故。生即無生故。此顯相空。次應問云。法從緣生相可觸目。云何言無。故復釋云。從緣而生無自性故。此顯性空。自性相離雙結。上二。又顯法本自離非推之使離。二別彰所離者。上但云離。爲離何相謂一二等。文有十對。初二約數。次二約量。外望論大小內望論廣狹。次二約理智。淺深約事理。靜論語識智。次二約教法。處非處者邪正教相對。法非法者善惡相對。後二約體相。初對約體。色心之體不可得故。離色心外非體之法亦得。故。後對約相。爲法之相不出有無。設非有非無。若有此者亦不出有。若無此句亦不出無。但遣有無萬法。斯寂由離性相故。觸法斯非。第二菩薩如是觀察下。不礙隨相者。凡情封執觸言生滯。聞於離相則謂乖前隨相之言。失於業果菩提之行故。此略爲雙會。二文。言隨相者約隨俗說。言離相者約勝義說。諸佛依二諦爲衆生說法。此之謂也。然俗是真。俗則不壞假名而說實相。故云觀察諸法則爲非法。真是俗真故。不動真際而建立諸法。故云於言語中隨世建立非法爲法。由建立故。不斷諸

業道則不壞世間。不捨下不壞出世因果。次了知下。却釋觀察諸法。則爲非法。初了俗即真而不壞俗。謂依他業緣等皆如夢幻。無真實故。俗即爲真。由即俗而真。故不壞因果。本來自真不假壞故。不妨了業。其用廣大。謂業雖如幻一念幻惡長劫沈淪。一念幻善遠階佛果。故云廣大。次解一切下。明了俗即真不礙修真。無作真道尙須修行。若不修行不契真故。況不壞俗寧無修證。隨相離相準此應知。此二無礙異於凡小。大文第三佛子此菩薩摩訶薩住一切下。釋迴向名。文分爲二。初總釋。後以何下別釋。今初住一切智。是自善根由此能成下諸義故。若處已下釋平等隨順義。若約對境。處即是善非處爲惡。若約自行。處即隨相非處離相。處非處殊皆向智性。於一切處悉皆迴向。是隨順一切善根義。迴向智性是迴向義。無有退轉是堅固義。又向智性亦堅固義。二別釋中三。初假微起釋迴向義。二佛子下釋隨順義。三又佛子。釋堅固一切善根義。今初然隨相之名。以堅固心修諸善行。皆願衆生向菩提果。不言自顯而離相受稱非釋不知。所以偏明。故微起云。離相之中無能所殊。以何義故說名迴向。下隨順等例。此可知。略顯十義。雖一離相得成迴向。謂但能離相順一切智。則自度世等。至於彼岸豈非迴向義耶。一過世八法。至不動岸。二度我我所至。解脫岸。三離尋伺。至實際岸。四滅盡諸想。至實智

岸。五離煩惱本至有餘岸。六離苦依身至無餘岸。七出一切業至施等岸。八出三界至無住涅槃岸。九盡有漏至法身岸。十出生住滅見至自覺聖智岸。二釋隨順。然下二段兼顯益相。正為釋名。亦應徵云。實際之內。誰是能隨誰是所隨。故此釋云。但能如是離相迴向。自然隨順佛法智等。以佛法等實為體故。三釋堅固。一切善根。亦合徵云。實際非相何名堅固。實際無差何名一切。此釋意云。如是離相迴向方名堅固。凡是有相可破壞故。但能離相自成諸善。諸善皆以實際而為體故。於中一不。法無相。不名為了故。二佛以法為身。心詣於法為事。佛故。三若身承事則有事不事。若事於理則一事一切事。佛無二體故。四如理修行具供養故。五相即無相不須滅壞。六無非無相不可乖違。七八染淨皆生無貪無厭。九世間常住故無少滅壞。隨緣起滅故不違因緣。十究此根源法方具。又由無礙故名具足。第三依釋結名可知。大文第二菩薩摩訶薩住此迴向時下。明位果。隨離無二招斯十果。第二應頌。先說因緣。有十二句。初一總辨儀式。後一總明所依。前文屬釋。中間十句別顯二義。初二儀式。一觀所被。二微事理。上觀察言通心及眼。下辨所依。一依教智。本下三句依廣大心。初句為總。大悲普覆即上廣心。長佛種性即前大心。次二句上依果德。一依說德。二依說身。次二依權智。觀樂觀宜。後句依

體起用。後正顯偈四十一頌長分為三。初五偈頌行所依身。次飲食下三十偈半。頌依身起行。後隨順下有五偈半。頌釋名中隨順等義。兼頌位果。二中分兩。先十九偈頌隨相迴向。於中初一頌標。後三頌結。中間皆頌廣顯。標顯二文影略不具。後菩薩觀察下十一偈半。頌離相迴向。文分四別。第一五偈頌內絕。想念。於中初句總顯觀力。次句人空餘皆法空。知菩提等者。菩提性淨不礙從緣。淨法為緣有菩提起。起即無性不違法界。是性起菩提。若業依身有則不由心。若住心中則有心皆業。既許有心無業。則業假緣生其性安有。二菩薩已到下二偈。頌觸境離染。由到不可得岸故無所著。三有二偈頌前微釋。四二偈半。頌不礙隨相餘並可知。從此已下入第七等隨順。一切衆生迴向。長行中亦二。先位行後位果。初中亦三。今初牒名徵起。謂以善根等心順益故。等即平等通於能所。所順衆生無相平等。能隨順心智照平等。此從迴向受名。等即隨順故。本業云。以觀善惡父母無二一相一合相。故名隨順。觀一切衆生迴向。名無等字。釋有等義。有云善惡即怨親。此二平等俱生。法身皆名父母。應云善父母者方便般若也。惡父母者無明貪愛也。不滅癡愛起於明脫。故無二相。智契無二名。一合相。即以無貪等善根而為其性。第二佛子下。依微廣釋中二。先明迴向。後佛子菩薩摩訶薩修行如是迴向之時下。辨所成益。初中亦二。先辨

所迴善根。後佛子菩薩摩訶薩以淨志下。攝將迴向。前中復二。先正修善根。後佛子菩薩摩訶薩於此善下。因修成德。亦可初是行體。後明行用。前中有三十一句。分為三段。初十一句明善根分齊。次十善所依緣。後十善根體性。然其前十一遍從中十。中十一一能生。後十。後十一一容具。前十。前十一一該後二十。思之自顯。今初十一句即增數十也。於中初三約分量。如小心施名為小善。為菩提施名為大。為利他施名為廣。餘之九度例此可知。又從佛境所生之施有此小等。從九境生亦有小等。如施既爾餘九亦然。此三既爾下八例知。次三約類。謂有多色類。乃至無量種種不同。未至無量但可名多。三五相望亦名種種。餘五約數明多。於中後二亦顯甚深難思。傍無分量。二佛境下中十句內。前五為緣境。前四智境。後一悲境。後五造修境。初一能修智。次一能修心。次二所觀境。後一修法。因觀此法能起十度等。三勤修下後十中前七可知。八願心積德。九念力習行。辯力說法以為業行。十由智自在故能覆育。二因修成德中二。先牒已修後顯成德。初有十句。初總餘別。一住作意。二加行趣入。三攝行屬己。四漸集成多。五假緣資助。六照其事理。七惑障不生。此上自修後二轉教。八開顯指示。九勸如說行。隨修一善則有斯十。後得堪忍下正顯成德。文分為二。初成自利德。後為諸衆生下成利他德。前

中十對皆含因果。一得忍息惡。二攝根具戒。三離倒行。正。四上受下資。五佛護善增。六住願起業。七心等諸佛行。詣道場。八內入佛力外相超世。九不樂當報不貪現樂。十不著諸行而修迴向。此雖有迴向之言。意取所迴之善。十中前八成德。後二離過。九離凡。十離小。後利他中先總明。悲智雙運爲究竟道。於虛妄下別顯。又並易知。常勤修下一句總結。第二攝將迴向中。初念修善根本因法應迴向。後佛子下正將迴向。今初先經叙念時。次此諸下正陳所念。初之五句。總顯諸善由善提心。多聞積集思惟義理發起修行志樂無厭。唯深唯廣。皆爲下三句顯善提心。三迴向義。種智證於實際即是善提。三心迴向三處也。後作是下結。第二正將迴向中。文爲三別。初向衆生及向菩提。二佛子菩薩摩訶薩如是迴向時不著業下。明向實際。三佛子菩薩摩訶薩以此善根普施世間下總結三種迴向。今初分二。初迴己修善。願成資具以施衆生。佛子菩薩摩訶薩以所集善根於念念下。復迴此施願令衆生具足財法。今法亦二。先總顯要期。二願令下別彰施行。今初所以偏願成施行者。一則自具行緣故。云修善薩行。二則衆生現益故。云惠施一切。三則檀爲行首。舉一例餘四。則此一施行具一切行。二別彰中。先願成外施。後佛子菩薩摩訶薩復作是念下願成內施。以情非情而爲內外。今初分四。一顯施廣大。各僧祇故。

二假使下辨施無限。長時多田隨求無厭故。三佛子下。明施殊勝離過順現故。文有十句前五離過。追悔不已則生熱惱。後五順理。前二大智後三大悲。四又佛子結成二行。謂由迴向行以成施行。第二內施文四。初對一田顯施廣大。謂一衆生即施多事各僧祇故。二菩薩下。以一例餘彰施無限。先舉人例。人佛子下舉處例。總收其義有六無限。一物二時。三心四田。五施六處。三大悲下。結成所作該六無限。一處遍法界故普覆。二時盡未來故無息。三田盡生界而加哀。四施隨所求而滿足。五物該種種行不息。六心住大施而無疲。四佛子下。顯施殊勝離過成德。有二十心。初一勝前起後後所謂下正顯。一十九心。一不染施行。二不爲施縛。三由遮前二故得解脫。四達緣不傾。五詣甚深理。六無相善攝。上六皆巧便殊勝。次五清淨殊勝。初句總。總無二執。故。下四別。初句無我執。餘三無法執。一不取法相故。二了唯心性故。三見性空故。次有三心。即安住殊勝。初句爲總。善薩種性萬行齊修。皆可貴故。二心爲別。無瑕而明故。次有二心。即迴向殊勝善決諸義。具三迴向故。次有一心。即意樂殊勝。悲愍一切故。後之二心依止殊勝。依善提心故。初句因後句果。上顯施中廣大無限。即事業殊勝。具上七勝。檀度行成。第二迴上施行。願令衆生具足財法中。文分爲三。第一慈悲迴向。二又勸衆生下勸物迴向。三又以諸善如

是迴向下。究竟迴向。今初分三。初正明迴向。二佛子菩薩摩訶薩如是迴向時發歡喜心下。明迴向所爲。三佛子菩薩摩訶薩如是悲愍下。結其成益。今初先總標。後所謂下別顯。十願。初一豐財以財施故。餘皆具法。積善本故。文意總顯。第二迴向所爲中。二先牒前起。後爲令下隨義別顯。總有一百一十句。文分爲二。前七十二句。令成行布修因至果。後三十八句。令成圓融。因圓果滿。此二無礙爲迴向意。亦是前自分後勝進。前中六。初二十一句。爲令修善趣賢首位之行。然純明施行。末云攝如來智施行者。照三輪空離諸分別。同善提故。二爲令一切善根下十句。成種性位中修行。三有十句。令成解行位中修行。第十云無量者。四等也。四從成就清淨等施心下。令成十地位中修十度行。七云滿無邊淨法界。此通事理故曰無邊。是方便度也。八成滿神通即是。大願。九住平等方可名力。十入佛境是謂智圓。五有十句。令成等覺位中修行。故持。有善言。六從具諸相好下有十一句。令成佛果位中行。言六十種音者。第十迴向有而不具。至文當知。密迹力士經第二具說。莊嚴論亦引此經。而云百千種法而以莊嚴者。不思議法品云。如來具足六十種音聲。一一音有五百分。一分有無量百千清淨之音。以爲嚴好。即其事也。復有處說六十四音。以聲有八轉。謂體業具爲從屬於呼。是八轉聲各具八德。所謂調和聲柔軟聲。諦了聲易

解聲。無錯謬聲。無雌小聲。廣大聲深遠聲。八則有六十四種。四云。無盡法明者。第八地云。如來法明有無量轉等。第十云。一莊嚴者。無二相故。以一莊嚴。一切故。無量莊嚴者。衆多差別故。大莊嚴者。稱法界故。若依若正。皆具此嚴。第二悉能往詣下三十八句。明圓融行。因圓果滿。明位位中有佛義故。若將此下屬前佛果。則令果中有修菩薩行。遇善知識。便達正理。文分爲四。初十句。令衆生於種性位。因行圓滿。四云。行不動業。得無礙果者。毀譽不動。則觸境無礙。有云。其因有四。一就機法施。二無障礙。三悲心亡。已爲物受生。四修法性。隨行感三業。皆無功用。盡衆生界。同時普應。無所障礙。二從了達正法下十句。令解行位中。因圓果滿。二云。大力田者。謂於其中。種少善根。能壞大惡故。三云。堅固第一者。悲智大願。無能壞故。三從悉能具足一切菩薩清淨心下八句。令十地位中。因行圓滿。晉經第一名。直心平等。即初證真如。此約離障故云。清淨。二云。見善知識。生大歡喜。正順初地。得見多佛。故云。咸事。四從令得一切智成等。正覺下十句。令成佛果。圓滿八云。非一非異等者。即十通中。無體性。無作神通。以了一切爲無爲等。非一異故。於一切染淨。自他等境。轉變自在。相即相作。而非一異。業用無礙。又非一異。應成四句。如十忍品說。然上諸義。望一位各有。所由。忍厭。繁文。舉其大略耳。又行布圓融。無礙不可。

定執。第三結其成益中二。先結前生後。後咸令下別顯益相。文有十三句。顯二種生攝一切德。初三句顯勝妙生。二句爲因。一句爲果。清淨者。戒受人天身。離慳者。施有大財位。人天財位。即勝妙生。有大威德。後之十句顯功德生。功德生者。即決定勝道。有人天中具大財位。無信解等。非功德生。一生大信解。揀異邪小。二永離三毒障。翳即癡濁。即是貪。亦兼餘障。故致諸言。三其心下。即離毒之德。初句爲總。質直下別。由離瞋。故質直柔軟。由離貪。故無有諂曲。由離癡。故無有迷惑愚癡。四修真定慧。爲出離道。五運同體悲爲平等心。六入無漏。因爲白淨法。七由離前過。不惱衆生。自行無失。兼能迴向。八自他兼利。九滅除惡因。十修行善本。第二勸物迴向中二。先令悲智雙行。而成迴向。後爲令下明迴向意。意通能所。約能菩薩爲此。故教約所教。其當如是爲。文有六句。二中性即體性義。即所以通於理事。第三又以下究竟迴向。上來展轉迴向。以隨宜故。或通因果世及出世。今迴向既終。惟願得成究竟之果。安隱者。無障礙故。安樂者。唯寂滅故。第二迴向實際中。先牒前隨相。後不著下正顯離相。十句五對。一已業因果。二自己身財。三起行方處。四所化衆生。五所迴行法。亦通一切不著一切法者。了法空故。不著無一切者。空亦空故。第三佛子已下。總結三種迴向。近仍前起。謂即上離相不礙隨相。遠結上文。普施世間。

即向衆生。願生成佛。即向菩提。得清淨心。下即向實際。成就三世佛種。即總結三種迴向之能。大文第二迴向成益。即此行所成廣大之德。有四佛子。即爲四段。第一佛子成。因位廣大德。二佛子果位清淨德。三會達自在德。四相盡平等德。前之二段。即隨相益。後之二段。即離相益。又初一現成德。次一當成德。此二因果一對三。是會相德。四。是得實德。此二會達攝法對。今初先牒成益之時。顯正修時即成此益。後超出下正顯。顯有十二句。初二爲總。初句顯深無能過故。後句顯廣歎不盡故。後十句別攝爲五對。初二所行所見。對行中初行。後詣刹所見中。初見果後見因。二說法深廣對。事理善巧故。法義甚深。總持廣包。辭辯無斷。三爲衆生下現身嚴利對。於嚴利中。先果後因。四念念令下成就攝生對。初成就。後於彼下攝。取五得無礙下。遠聽速往對。初明遠聽。聽必修行。後住無得下。速往往皆無得。不假靜慮。故曰無依。不起加行。故云無作。不染通境。故云無著。依此無依。故能剎那頓現等。同一見者。詣剎雖多。道風無異。第二果德清淨。文分爲二。一牒現況當。謂結前因德。尚爾無盡。況當成果德。豈可量耶。二一切佛刹下。懸解當相。謂成果之狀略舉此十。前六果相圓備。後四舉因顯果。謂此果滿由因圓故。皆言清淨者。無染不盡。云平等者。無理不證。染淨皆虛。故云平等。淨符乎理。但云清淨。此上因果德用。若非圓教諸。

①故二故如是 ②二一第二 ③取二生 ④二一

位相攝何容地前得斯無礙第三會違自在德中二初結前生後此結有二一近結上德德果德無邊上言不盡故云一切功德清淨二通結因果以隨相益竟欲明得隨相益即有離相故總結云得一切功德乃至圓滿莊嚴由此故有不違等也二如是迴向時下正顯會違之益有十五對大分爲四初十一對法法相望無違次二對世世無違次一對世法無違後一因果無違卽是總結前中分三初六對事事無違次法是性下二對事理無違三利平等下三對理理無違今初一依正二業果三王所四心境五業報二是引業此是滿業六正助無違行前之思方便造業但名爲業思之所起身口意行名爲業道以是思之所遊履故晉經名業迹迹卽道也此之事事所以無違者隨性融故緣起相由故同一緣起義故亦由後二段令此無違次二對理事無違者初對約所相之法論性相無違後對約能相四相辨性相無違略舉一生耳性不違相者理能成事故相不違性者事能顯理故不動眞際建立諸法故不壞假名說實相故三理理無違三對一依正二人說法三能所證離欲際卽所證理衆生安住卽能證智智冥於理故二無違然上三段無違初後二段唯約異類相望由後段中以達初後二段唯約異類相望則有事取理有多平等故中間事理無違則有二義一自類相望如剎望剎平等二異類相望如剎望衆生平等平等卽無性之理

勝果。謂內德外用。五往一切下寂用無礙果。六具一切下行願廣大果。七分別下智通殊勝果。八得無礙下見聞自在果。九於一切境下修行具足果。初成就後無得。第二重願。二十一偈分三。初十一偈願迴向。次九偈願成益。後一偈結讚。今初分二。初半偈願所迴善根。餘願攝將迴向。於中三。初三偈半願迴己修善願成資具。以施衆生。次菩薩爲度下五偈。願復迴此施願令衆生具足財法。三菩薩言詞下二偈。願迴向實際。二知諸世間下願成益中三。初二願因德廣大。次五願果德清淨。後二願相盡平等。略不願會達。上已委具。然願三段勢少異。前直直語益。今兼願迴向之因。

大方廣佛華嚴經疏卷第二十九

唐清涼山大華嚴寺沙門澄觀撰
第八真如相迴向長行中二。先廣明後結示。
前中亦二。先明位行後辨位果。前中亦三。
今初標名。善根合如以成迴向。從所依立
一名義通。能所故本業云。常照有無二諦。一
切法一合相故。若梵本中。具名真如相自性
迴向。相卽德相性卽體性。以二非卽離。所
以雙舉多說德相。唐本單名。卽以法界印
爲其性。此與前後異者。謂第七明會事向

理。故云平等。此明事盡理現故。行等同如。第九明從體起用。第十明用同體。同體而用。餘如第四迴向會釋。第二依微廣釋中三。初明隨相迴向。二佛子菩薩摩訶薩以此善根下。離相迴向。三佛子此菩薩摩訶薩如是迴向時得一切下。迴向成益。初中分二。先積善迴向。後佛子菩薩摩訶薩若見下。觸境迴向。前中亦二。先明所迴行體。後菩薩爾時慧眼。攝將迴向。前中亦二。先積集資糧。後成就無量下結德成就。今初文有十句。初一爲總。謂正念堅明下。九爲別。文有三節。初三正念菩提。一遠離迷惑是明了義。專意修行卽爲正念。正念是定明了是慧。定慧雙運爲道之源。二契理不動故曰深心。緣不能沮成不壞業。卽自分堅住。三求佛不退卽勝進堅住。次四句正念化生。初句爲總。勇求兼濟。爲大法故下三句別。一悲智雙運爲明了。般若爲衆德之本故。二進善去漏爲正念。三悲增智圓爲堅住。後三正念三寶。一念佛。二護法。三信增。上有正念下句堅固。影略該攝。二結德成就。文有四句。前三結前。一非止上十故云無量。二三統而收之。不出福智大悲。末句生後迴向。第二攝將迴向中二。先觀察善根本期迴向。二以諸善根下正明迴向。今初有三。初總標。次其諸善下別顯三。如是下總結。於中二。先結種類多門。有十句。謂隨前求緣等。有多差別。一通遊非。一故如一趣入。爲用有門。爲用空門。乃至無量故。慈行童女云諸佛

各以異門。令我入此普莊嚴門。二隨其入門緣。何爲境。爲佛爲法等。三隨一境上相貌不同。四相所依事。謂色心等。五隨一事上有分位。六施等萬行。七能詮名字。八分別決擇。九生多知見。十若定若慧。上中下修。後其中下結。修本意。本意既然。事不迴向。第二正明迴向分二。初向菩提。二佛子菩薩摩訶薩如爲己身。下迴向衆生。前中有二十願分三。初十願願成。智行。卽菩提因果。二得三昧下四願。周遍利生。卽化用因果。一化所依。二化時處。三知藥治。四識病宜。三得自在下六願。普嚴佛刹。卽淨土因果。一神通智嚴淨事土。二入理。智嚴法性土。亦非嚴嚴故。三事理無礙。智嚴帝網土。四以前三願用化衆生。上四因圓。後二果滿。第二迴向衆生文三。初牒前起後。卽從後倒牒前之三。二所謂下。正顯迴向文有八句。初二願離三障。障礙之言義繁煩惱。次四成四智。後二結二果。謂菩提涅槃。菩提不唯四智故云無量。三佛子下總結所爲。第二觸境迴向。大同淨行對境發願。於中五。一列所見境。二見是事下觀境成德。謂增悲智。三以佛善根下總明迴向。亦是迴向之德。四菩薩爾時下別明迴向。五佛子下迴向成益。前三可知。四中初句總標。標將說別上起行中云。以諸善根方便迴向。未知迴向其相云何。故云爾時如是迴向後所謂下別顯。顯如是言。三十一願皆言令得可愛樂者。由見可愛樂境。起可愛樂善故。願

成可愛樂德。釋此諸願通有二意。一橫對上境發等流願。二豎配地位以彰總願。總者隨見一境卽發多願。該因果故。言橫對者。初之十願對上國土。一若見國土當願衆生見法性土。二土之供具。三通受用變化淨土。餘皆土中之事。可以意得。對此一境發十願者。以一例諸皆應有多。不欲繁文。下漸從略。次得無畏下三願。對上園林。無漏法林。無所畏故。總持三昧爲園苑故。次一願對上草木。善觀五乘。三草二木智差別故。次三對華。神通等法如華開敷。處衆開演皆華敷故。果之一種留在後明。從發大悲下一願以對一境。謂大悲重心以對上香。令根喜悅如彼上服。生如來家得珍寶分。以調伏行爲聖財物。無礙辯說爲莊嚴具。可樂世界猶如於村。悟入多門等彼城邑。無礙無本如彼聚落。畢竟無二若國無二王。證離欲際方得自在。無戲論法爲離諍難。後之三句卽對前果。二豎配地位者。文分爲二。前顯因圓。後三果滿。前中分三。初七未入法者令得入法。卽是地前。一最初發心同佛見理。二行法供養。此二十信。三生諸佛前。四解心見法。此二十住。五如說行卽是十行。六同善友見。七觸境無違。此二十向。二證得下十七願。已入法者令得入地。初三初地。一證如理。二得教光。三成施行。次一二地行不慮誤犯故無所畏。愛語偏多故能說法。次二三地行。習諸禪定。求多聞故。次有三願。如次三地。謂焰

慧觀道品，難勝具神通，現前深般若。大方便下二顯七地行，謂方便偏多故，雖善修空無相，而慈悲不捨衆生，故云平等大悲。次二八地行，謂諸佛勸起利他大心，無間現前常悅豫故，得無生忍，真生家故。次二九地行，善知稠林能調伏故。四、十無礙辯善說法故。次二十地行，得入劫智入微塵世界等，廣利樂故，能受如來大法雨故。三、有四願，已入地者成普賢位，一切境中得無礙見，覺法本源無根本，故二得無二住斷二障故。三、住真實際等，如來故。四、得寂滅忍，無戲論故。第二三顯明果滿者，即是三德，亦初金剛智而爲能斷，次離二礙以爲所斷。此二爲無間道，後一解脫道，證成出現智周法界故。用前二釋文旨有據。次第五無差，金剛幢之巧談非說者之罪鑒也。第五迴向成益中，先明得時，後得智下正顯十句攝爲五對，一以因感緣，由智內明外爲友攝。二以緣感因，外蒙慧照內滅癡冥，此除障益。三由勤修入三慧業，此明學益。四上學證智自善普充，此證入益。五盡善福源入實智海，此成二嚴益，即爲向實際之本，以智窮入故。第二離相迴向，即向實際，此與前諸迴向小異，前多攝相歸性，少有依性起相。今此多顯性相無礙，以爲如相故。上諸標文，皆顯前隨相之時，今不要對前以成無礙，故無時字。文分爲二，初直明迴向，後譬如下對如廣辯，今初分二，初順如之行，二於諸佛法下，順如之益，前中

亦二。先約心明則止觀雙運，不著有無，後雖善下別約行明，則權實雙行，不違性相。今初復二，一止寂妄取不違體用，二等觀下觀達空有信智雙圓。前中初二句標，次其心下二句釋上句，無所取故。下句離能取故，不捨下明其不違，一不違因，二不違法，三不違果，所以不違者不著無故。觀中初觀真空，善順下觀其妙有，二權實雙行中，初句立宗，以無礙爲宗，次句同喻，如幻相有體即虛故，後知一切下合及出所因，一法無性故，二觀一切下觀無著故。上二順於空如，三知如實下知一實故，則順不空如。四知諸法下結成無違，五與諸下結成所作，謂能橫入一道，豎入一門，二順如益中十句五對，今四心彌固，一上安深法下淨衆生，即廣大心。二我不生世見斯絕，即不顛倒心。三於境無染出世勤修，四不依世間，正道唯固，上二即第一心，無住涅槃爲第一故。五妄見斯寂，了實體同即常心，常不捨離同體悲故。第二對如廣辯，如相迴向，生此段文略以五門分別，一釋名，真謂真實，顯非虛妄，如謂如常表無變易，此法相宗。若法性宗云不變爲真，順緣曰如，由不變故，與有爲法有非一義，由順緣故，與有爲法有非異義，而起信云，無違曰真，無立曰如，唯就遮詮顯彰真理，二明種類，或唯一味，無有差別，或分爲二，即生空真如法空真如，又安立非安立二，又空不空二，並如常釋，或分爲三，約三性辨如，瑜伽等，或分

爲七，謂一流轉真如，即諸行流轉實性，二實相真如，謂思惟諸法無二我性，三唯識真如，即唯識性，四安立，五邪行，六清淨，七正行，上四即如，次四諸體性，如顯揚說，或分爲十，十地當明，或有百門，十無盡，如今經辨，則上來所列皆是其中一義，設言通一切法，亦一義耳，三辨德用，一成依持用，與一切法而爲所依，此能持故，二成觀境，謂爲賢聖證觀境故，亦是百門之一德耳。起信說有三德，一者體大，謂真如平等不增減故，二相大，謂具足無量性功德故，三用大，能生一切世間出世間善因果故。然彼依心說於三大，真如乃是一，以一統二，二皆屬如，然違真名惡契，如則滅，順真爲善，稱如則大，約善順義故說如爲善因。然違順離殊離，如則無可違故，惡亦以如爲體，若會此經，百門之內，或體或相或用或兼，實則一皆通體等，故爲百門融通理事，使重重無盡猶如帝網，四約教不同可以思準，五釋文者，然此百門古釋非一，一英法師十分之，如次配於十位中如，一賢首位，二十住，三十行，四十向，五淨心地，六行迹地，七決定地，八究竟地，九等覺地，十佛地，更有諸德各分十門，賢首並皆不許，遠公分三，初十配地前，次八十八句配地上，後二句佛地中如，理皆難通，佛地何以無前如德，如第二門真實爲性，何以不得通於諸位，若取隨位之德，以立如名，如十地十如，理則可通，然又不出其相，實則百門之德

必貫之一如。能如之德豈無異相。異相難見。且從不分。分亦無過故。末句云。究竟清淨義同於果。今且十十科之。以配十地十如。初遍一切及無相為相等。即遍滿真如之義。二中無能測量無有比對。即最勝義。三中於法無礙為衆法眼。即勝流義。四中無著無住等。即無攝受義。五中畢竟無盡無有變易。即類無別義。六中無有分別體性無生。即無染淨義。七中無所不在住有無法。即法無別義。八中體性清淨體性平等。即不增減義。九中遍一切法是佛境界。即智自在義。十中住一切地。成就一切諸佛菩薩等。即業自在義。其中餘義。可以類取。隨地別顯。唯說十如。一具一切十十成百。欲顯如德無量無邊。地前通修。等覺遍等如來窮證。然異從義別體本常顯。但契一如自含衆德。非由作意順差別如。能同迴向亦融攝無礙。稱如起行體即是如。但人信如德尚迷迴向故。以如德喻迴向德。若取文義便者。應云真如體相遍一切處善根迴向。以同如故。亦遍一切無邊際等。又遍一切方得同如。百門之內各有二句。上即所同之如德。下善根下能同迴向之德。最初十中初門顯在緣中故。無不遍。二明不變故云真實。三明隨緣即不變。云恒守本性。四示其性。五示其相。此五一向就。如以辨。次二對智以說故為智境。八顯真如非境為境。謂要忘境方契。如境故。如之本性非安立故。九即安立如。十即如常之義。餘可思準。逐難當解。十二云。

充滿一切者。謂若色若心。若大若小等。極微剎那亦皆圓滿。非分滿故。如不可分。分則多過。即由此義及下。四十不離諸法故。諸法隨如遍一塵中故。下果中得此門故。一毛容納一切利等。十四無比對者。法性不並異故。十五六俱是不壞入惑不同。十七寂而常照。智即如用故。二十二既以照明為體。何無照觸之眼。又由見如成法眼故。大般若云。三世諸佛皆以性空而為佛眼。三十云無根本者。前無所依故。即無住本故。三十七云安住者。由無所住安住真實故。四十一畢竟無盡者。雖在諸法諸法盡而體常。又正在法中取不可盡。如芥子之空故。五十一性常覺悟者。能內熏發起厭求故。五十二不可失壞者。在於生死染而不染故。五十三即大智光明遍照法界義故。五十四離言真如。六十一無所不在者。上遍一切即無邊際。今隨一法皆全在中。六十二在晝夜乃至盡未來者。一念長劫各各收。如各各依如故。得念劫互收互入。七十住有無者。理無惑計。有無常實故。七十二性覺為明離念為深。八十九非可修者。無所得故。非不可修者。為聖境故。九十五捨離諸漏者。準梵本云阿那薩攔闍此云無漏。今言捨者性本捨故。猶心體離念。九十六云無有少法。而能壞亂令其少分非覺悟者。如遍非情則有少分非是覺悟。況經云佛性除於瓦石。論云在。非情數中名為法性。在有情數中名為佛性。明知。非情非有覺

性故。應釋言。以性從緣。緣則情非情異為性。亦殊。如涅槃等。浪緣從性。則非覺不覺。本絕百非。言亡四句。若二性互融。則無非覺悟。起信云。以色性即智性。故說名智身。以智性即色性。故說名法身。遍一切處。論云。菩提菩提斷俱名為菩提。說智及智處俱名為般若。亦可證此。既二性相即緣復即性。故無少分非覺悟者。況心為總相。又融攝重重哉。九十七云。過去非始等者。過去初際所以名始。未來為終。故稱為未。現在似有已未分之。無暫住時。故名為異。今明真如。雖遍三世之中。體絕三世初中後相。故並言非。迴向亦爾。雖為衆生新新起願。同彼真如。遍三世中。而令永離三世生死之相。方名清淨。而晉本云。過去非同未來非故。現在非異。若以今文會取。非同過去之始。雖在未來非是性本故有。又晉經誤將後門三世無分別。同入此門。致令百數缺。一紛然異解。繁不叙之。言三世無分別者。前約遮詮。不同三世。今約顯詮。常無分別。意旨相似。故晉本合之耳。又上不同三世總顯非故。今無分別亦明非故。而性相互融。能新能故。新故雙絕。第三迴向成益。及結名並顯可知。大文第二菩薩住此下明位果。初得因。後證得下正顯所得。文有十句。初總餘別。皆云無量者。同如廣大無盡故。皆云得佛者。同佛所證故。作佛事故。大文第二佛子下。總以結示。第二應頌二十九偈分。四。初六頌隨相。於中先二所迴行體。後

四迴向之行。二有十六偈。頌離相迴向。於中先九頌對。如廣辯。後七却頌約法直明。菩薩住是不思議等。宜善思之。三彼諸佛子下六偈頌迴向成益。四一偈結迴向意。並可知。從此已下入第九無著無縛解脫迴向。長行中亦先明位行。後顯位果。前中亦三。今初牒名徵起。謂理智無依。不為能所見著相惑所縛。由此即名解脫。此約行體釋之。故本業云。以諸法無二般若無生。二諦平等三世一合相故。又解脫者。亦作用自在。如不思議等。此約行用。由攝善根皆用迴向。普賢三業無邊自在德用故。於何無縛著耶。謂心等十以自身有心身口業果。及所作佛事。有世界佛刹衆生法智等故。不為何等所縛著耶。略如上說。別有十事五對。一由離凡故不縛生死。以出小乘不著二乘。二離六識取不縛外境。離第七執不著於內三離現行縛無種子著。四不取有縛不執空著。五無惑障縛無智障著。皆縛著細若約一事由若故縛義如總中。或縛著一義。此約無礙大用受名。通能所迴向約脫惑障無縛無著。即是解脫。約用解脫。乃無縛著之解脫若望心等。亦是無縛著之心。即上體用並無其性。第二廣釋中分三。一明所迴善根。二佛子下能迴向行。三菩薩摩訶薩如是迴向時如三世下明迴向成益。今初先總標尊重。以一毫之善皆佛因故。無非佛所流故。次所謂下別顯。後於如是下總結並可知。第二迴向行中。二先仍前

進修擬將迴向。二以諸下正明行願。今初亦二先總牒前後。究竟下別顯修相。文有十句。前五修前即釋尊重等言。謂一欣樂故尊重。二信解故忍可。三自隨順。四令他順。五總顯無著以該上四。後五進修。一積集勝進。二志樂普賢無方德用。三上入佛境。四善根增勢。五知見逾明。第二正明願行中。義有十門。文分為二。第一廣顯其相。二佛子菩薩摩訶薩以彼善根如是迴向所謂心無縛下總結多門。前中分二。先明衆生及菩提迴向。後佛子菩薩摩訶薩以無著無縛解脫心迴向不分別下。實際迴向。前明廣大後顯甚深。廣大迴向。有六十門。甚深之內有二十門。并前尊重進修復二十門。總有百門。顯圓融無盡。深廣無礙。為大迴向。就廣大六十門。廣顯普賢自在德用。大分為二。初之四門。總顯餘皆別明。今初前三成三業。以下諸門不出三業故。後一精進通策萬行故。於中無著無縛解脫心。是能迴之心。成就普賢身業。正是所向。他皆倣此。前諸善根即是所迴故。以諸善根之言下流八十門內。此一迴向不願成佛。願成普賢者。以普賢通於位前及以位後。得道不捨因行窮盡生界。利樂有情故。願成普賢。兼二迴向。下別顯中。一門內。皆攝法界自在德用。或理或行或智或境。或自行或化生。或體或用或因或果。或人或法。皆各總攝一切法故。不可相從。別科略分為二。初二十三門。顯普賢自分究竟。即位中普賢。後三十四

門。顯普賢勝進究竟。即位後普賢。二分無礙是普賢德。前即因因果滿。後即得道。不捨因行故。二段中皆含因果。今初分三。初四成普賢總持德。二有十二願。成普賢自在力用。三有七願。成普賢行。然諸門德多約三業。今初總持亦具三業。初一語業總持。二身業見佛。三意業解了。後一三業用之時處。標名約時辨用就處。文互顯耳。第二力用中復二。初九願。一多攝入自在。文有三業化時處等。可知。後三廣大自在。可知。第三成普賢行。中分二。初四願成神通。二有三願願成。四辨。初一總具。四辯。次二別顯。法義。初法後義。即顯果滿究竟。第二始從此生下。明勝進究竟。而言因者乃果中之因。於中分三。初有九門。攝法廣大自在德。次有十五門。相即相入重重德。後有十門。明微細容持甚深德。初中分六。初三願成智。前一實智後二方便智。初是照行方便。後一照方便之方便。二有二願成利益。不空三業。三有一願廣大三業。廣大衆生者具大心故。四一願成清淨三業。五一願諸根三業。別有十四根。皆以勝用增上光顯義。故立以根名。初聰利等三根約眼等六。兼五受根聰利者。領覽敏疾故。調順者內無剛強故。自在者外境不牽故。餘約信等五根。初一信根信心無盡故。亦兼命根。次一進次一念。唯念佛平等故。次一定及精進。以不退轉是定義故。餘七皆慧。金剛界根者義兼定慧。金剛三昧即是定故。金剛正智即是慧故。

界即是性智了。心性名上定故。亦即未知當知根。現觀位中得不壞故。金剛焰者。焰通事理及能所故。即已知根已成智故。離世間品云。如金剛根證知一切諸法性故。即此界根又云。金剛光焰根。普照一切佛境界故。佛境有二。一所觀境通於事理。二分齊境即能觀智。亦得稱境。次三調化。後二果圓惑淨。即具知根也。六一願神力三業。文雖缺語義亦兼具。第二即入重重德中分六。初三入普賢門。一行門。二智門。三法門。二有三願成普賢方便。一深心方便。以契理深心故。於一心能現多心。二迴向方便。一身悉包一切。但向一身已向一切。故云方便三大願方便。以無得心入佛境故。三有二願入普賢位。初一始入於地故。能入刹無礙。後一終成故得灌頂成智。於中三。初標能所知。次所謂下列所知想。有五十二。其業行解解根等。皆十力智所知。如初會釋餘亦攝在其內。持謂執持善惡。地謂斷證分齊。菩薩成者解行正命。菩薩壞者戒見邪命。餘皆可。後如是等想下結能知德。謂離四過失具五功德。四有四願成普賢智。一修行智。無機不知。以化衆生爲其行故。二大願智。無處不知。顯遍化故。三窮業智了。因緣故。四知法智。知化法故。五有二願。願成普賢聽說。初耳無不聽。次舌無不演。六有一願。成知根德。一攝一切。於中言大行王者。以遍知根於化行自在故。一根知一切根者有二義。一約理融。二

約事別。謂如一人有多乘根性。一一乘中有無量品。如聲聞中有信行法行等。此二通有退思護住等上中下根。隨於一品。復有信等種種善根之異。第三得色甚微細下十門。明願得普賢微細知法。以所知之事幽微故。能知之智微細。微細有二。一準無性攝論以難知故。二就經宗於一法中。有一切法炳然齊現故。如文云。衆生業報微細等。即約初義。如來在母胎等。通於二義。十門即爲十段。第一明世間法微細。智。瑜伽云。色微細性有三。一損滅微細性。即析至極微。二種類微細性。謂如風等色中有色。三心自在轉微細性。即色無色界色。如經說有天住一毛端量。地處展轉無礙。此三即難知微細也。餘之難知類此。各有異義。文中分三。初標得所依。次得色下列所得法。後如是等下。結能知之德。不怖甚深不迷理事。亂謂錯謬。散謂不專。濁謂垢染。劣無堪任。今皆反此。上明離過。下顯成德。緣謂專注一境。故不散。善寂謂心境兩忘。故不亂。即定而知名。善分別故不迷。即照而止名。善住。故不怖。此能知之德。以在初門義通下九。皆應爾知。第二知衆生趣微細智。住謂住壽餘並可知。第三知菩薩行德微細智。列所得中有二十句。前十別類後十同明三昧。第四知菩薩位德大用智。於中三。初標所修。次悉知下列所得。有四十一種。初十一事位行成滿。後生兜率下。三十事明位滿大用。現八相等。其中有菩薩佛名因

果之異。皆是用中之事耳。其微細之事。離世間品。及不思議法品廣明。三如是下結能知德。謂成普賢自在行德。德亦名益。此德通從諸智而生。亦可別配惡厭繁文。於中云。心非心等者。以識緣境名爲心地。以智了境名非心地。識所了境通於善惡。善唯有漏。智所了境唯無漏。善漏無漏境心能含之心即名藏故。晉經云。究竟了知思議不思議地諸功德藏。言於非心處示生於心者。即非心量之心量也。由此故能離言語道。安住智等故。晉經云。於不思議出生思議。示諸法門。離言語道。上經云。菩薩住是不思議。於中思議不可盡。入此不可思議處。思與非思俱寂滅。即斯義也。以心與非心生滅真如非即離故。不爲此釋。令人誤解。謂使無情有心。設令無情有心。既云示生。於理無失。餘文可知。第五知衆生界智。其第二知衆生趣。即十力中自業智境。此知生界即是性異。十力之中種種界智境故。晉經云。入衆生性微細也。文中亦三。初標德所依。次得一切下列所得智。於中十句。初總所謂下列。別言衆生界分別等者。亦可言衆生分別界等。一分別者。自性強思起。邪見等。二言說界者。依邪師教名言熏習等。三謂戒見等。四五可知。六欲求趣天。有求趣靜慮邪梵行。求趣無色無想。各謂爲涅槃故。七謂諸行界。諸求衆生行各異故。隨一邪求。有裸形等種種殊故。八多貪瞋等雜染異故。九聞一乘三乘無量乘等。皆

清淨故又染淨二句通前七句。謂又染分別淨分別等。又通有四義故甚深微細。一顯倒即空故。二理有真實故。三緣成離念故。四相入無礙故。三如是下結能知德業。初結德後廣攝下明作業。亦有通別思以配之。第六知世界智。文三。初總標。次所謂下別顯。有二十一智。初九直語器界。次九明其受用。其多相作。亦是菩薩受用。後三正知無取著故。二如是下顯能知德。於中亦有通別。別可思之。第七知法界智。此顯即理之事法界。故云一切法界即事之理。復云不生等。亦初標所修。次得下辨所得。初句總餘十別。後如是下。結能知之德唯就通說。於中初。標二利滿足。後不捨下釋成滿義。普賢行滿不出二種。一證道二化道。初離二邊顯證道滿。不捨於義此離空邊。不著於法此離有邊。故得不平等無礙之智。言知無礙本。即是所證。次不住下雙照二諦。明化道滿可知。第八知入劫智。初標。次所謂下列。後如是等下。結能知德亦是益相。先結後益可知。第九知法智。初標。次所謂下列。文有十句。義有四重。一法體具德。二一切入。一等明法用即入。三入非法等明理事相即。亦有無相即。以非法有三義。一非善法故。二非即是無如。免角等。三非即是理。今是後二。次云。無法亦即非法。晉本名非。今譯以非。進二義。故互明之。依第二義。則法本自無。因緣生諸故云。安立。若依第三。則從無住本立一切法。故不相違。四入方便

無餘。是體用善巧。後如是下結德可知。第十得總知一切盡無餘微細智故。晉經十句。皆有無餘之言。文中分四。初總標。二所謂下別列。即牒前十門名或小變。次或不等會。意皆同。三乃至下結所不說。四生如影下顯知之德。亦有通別。通從前生別則次第。對前十句。一外利是心之影像故。今能知利則知影像。二衆生想現故云。如夢。三者果報緣生故如幻。四心性寂然緣感成異故云。如響。五說時如化。六即空界。七言語本寂。八即法界。九世間無依。十出世間行即是佛法。第二迴向實際。文有十對。初即假實對。二即人法。求菩提故名菩提薩埵。三即體用亦名能所。梁攝論云。於分別依他起性。不見所行。及能行道。即此義也。謂證智能行則出離故。第九因果等正覺者。約人契法異。前菩提。三中雖有菩薩行意取所行。此約爲因故不重也。十法即教法教智相對。餘並可知。第二佛子下總結多門。由心無縛。今身等皆無縛著也。第三菩薩下成利益。初牒後顯。顯有十句。初總除別別中一迴向者。正起修行。二道者常遊法徑。三迴向教四平等智。五所緣境。六功行絕修。是佛善根。七了見本源成如來性。八無礙悲智是佛所行。如出現品。九無盡體用是分齊境。第三結名。從初廣說故有心言。第二位果成三種果。一現成果。於中先自利後爲欲。下利他。二在下成當得果。初自利。後盡未來下兼於自他。三普賢下明終成果。因果無礙。第二應頌。五十一偈分二。先

頌位行。後二位果。前中三。初三頌所迴善根。二所修下四十四頌。頌迴向行。三過去下二頌。頌行成利益。今初。云。不爲自己等者。照理大智。無私自他同體大悲利益迴向。二頌迴向中。但頌廣大略不顯其深。以迴在廣大中故。文二。初一偈頌普賢自分究竟餘願勝進究竟。於中前行有三。一攝法廣大德。二即入重重德。三微細容持德。今通頌之但顯微細。於中分十。第一有三偈。頌世間微細智。二一偈頌衆生趣。趣由行別故。三有三偈。超頌第五衆生界。界即根性故。四有三偈。頌第三菩薩行德。菩薩亦受衆生之稱。神通等行名顯。三昧等行名隱。餘義細詳。五十方下二十七偈。頌第四位德大用。於中三。初一總。次二十三別頌。因果八相等。後三頌能知之德。六有數下一偈。頌第八知劫智。七一偈頌第六世界智。八二偈頌第七法界智。九一偈頌第九知法智。以法與法界性相互舉。前分二門。義必相通。偈居一處。十有二偈。頌一切法智成益位果。二段可知。已下入第三十二等法界無量迴向。於長行中。先位行後位果。前中亦三。初牒名徵起。次依微廣釋。後依釋結名。今初謂稱法界起大用故。然等者入義。故本分中名入法界。法界無量即是所入。何法能入略有其四。一所迴行法。謂法施之行稱法界施故。二所行行體廣大無邊故。三能迴之智。四所向之德。謂以稱法界之大智。迴等法界之善根。向同法界之大用。成法界之行

體。此則位滿至極故。標法界之名。當法受稱等。何法界。此通四義。一。等。理。法界故。經云。如法界一性。如法界自性清淨。善根迴向亦復如是。其文非一。二。等。事。法界。經云。欲見等法界無量諸佛。調伏等法界無量衆生。或願起等法界無量行。或願成等法界無量德。或願得等法界無量果。皆即理之事也。三。等。理事無礙法界。經云。願一切衆生。作修行無相道法師。以諸妙相而自莊嚴。則相無相無礙。皆其類也。四。等。事事無礙法界。故。經云。一佛刹中現一切佛刹等。然其四事全等。四種法界。融而無二。故。此能等即是所等。非有二物。而可依之。故。上稱入無所入。本業但云。法界無等入言。即斯意也。彼釋云。覺一切法第一義諦中道無相。一切法皆一相照故。第一中道即是所入。皆一相照即是能入。此二無二即是法界。故不可但以事法界爲名。言無量者。亦有二義。一。無分量即理法界。二。無數量即事法界。前迴向明依體起用。此明體用無礙圓極自在。即以法施及諸相。應普賢自在大善巧德。爲其位體。第二佛子已下依微廣釋。文分爲二。初明所迴善根。二。以此善根下攝將迴向。三佛子菩薩摩訶薩如是迴向時安住下。迴向成德。初中二。先明行依身位。第二廣行下依位起行。今初。如第十地得離垢三昧。受智職位。內得此定。灌心首故。外示表彰白繪繁頂。法從喻稱名離垢繪。但有此相知得彼定。表位成滿方能雲雨說法。

以益群生。名法師位。然斯位滿總有五重。一。約信滿。如賢首品說。便得灌頂而升位等。二。約解滿。如灌頂住。及海幢處說三約行滿。如第十行入因陀羅網法界等。四。善巧顯滿。如此位辨五約證滿。如十地說。此五重內。隨一成就必具理行。內相應故皆名位滿。然信解等殊故不相濫。若約圓融。但一位滿即因究竟。更不待餘。又若得一即得餘位。總一法界受職之位。隨門差別五位不同。法體融通全攝無礙。不同餘教。二依位起行中。二。先明起行。後佛子下顯其行成。又前即利他。後明自利。又前明自分。後顯勝進。今初十一句。初總餘別。別謂慈等皆是法施。夫法施者。生解之妙方。起行之根本。入聖道之階漸。越苦海之津梁。古德云。此經中託人以弘道。多歎法師之勝德。寄行以表法。每引普賢爲末篇。故知法施之功。過財施之難喻。於中十句。一。慈悲安物於菩提心。二。益物無息。上二即廣大心。三。大心長。善揀非餘爲。四。究竟調御。以佛道上。二即第一心。五。法日普照。六。等勸修善。普經云。欲使衆生修諸善根。上二即常心常愛衆生。同於已故名爲平等。七。心淨無礙。即不顛倒心。顛倒有二。一心染能所之化。今不生於化。其化大焉。名智自在。二見無能所便趣寂滅。今不捨善業。無滯事理。八。示果實。泐故云。商主。安隱正道俱通。因果果即涅槃菩提。因即八正萬行。九。導以萬行之因。上二即作義利。亦第一心也。十。增

長不壞爲護念也。初令發心。終令成就。有始有卒。其唯聖人。然廣等四心。般若雖當發心住中。位位皆用。第二行成中。二。初牒前。普經云。善薩行。法施等一切善法。後攝受下正顯成相。文顯可知。第二攝將迴向。文小異前。諸段通下總有二十一門。若通將上十句法施善根。共成諸段。理無間然。今且分三。初九門別對十一句善根以明迴向。即自分迴向。次四門通顯迴向之意。三有八門。更以異門別明迴向。即勝進迴向。今初即爲九段。第一願聞法見佛修二利行。對前二句。於中二。初一願總明餘皆別顯。今初初句牒前起後。願得已下正顯願辭。一切境者。文局初段。義總該於二十一。段。迴向皆一切境。此一切境廣大如法界。理事事事皆無障礙。如此之境皆得增長成就。後別顯中。二。初願聞法受持。即成上文廣行法施之義。二。願念佛修行。成上文饒益無休。於中亦二。初正明念佛之行。次又願下。迴念佛善成。二利行。於中亦二。先總爲一切。遍於時處修善薩行。後一切諸佛下別明修行。梵行爲萬行之本。故偏明之。於中三。初總舉所願。二。所謂下列所修之行。三佛子下通難釋成。二中有二十梵行。與智論所列十戒多同。所謂不戒不戒。不穿不難。隨道無著智所讚。自在隨定具足。通用性戒而爲根本。今開爲二十一。不戒在初者。謂持四重十重。若犯此者。猶破器無用故。二不缺者。謂持僧殘。殘如器缺。猶可修補。三

持方便。若念破戒事。染心共語。聞環劍聲。皆名爲難。四持波逸提。如白珪之玷。雖則可磨。亦不爲也。五定心相應。乃至吉羅。亦不誤失。六緣不能壞上三。皆不穿戒。穿如漏器。不堪受道。前六皆律儀。七即智所讚。謂事理無違契。聖心故。八不依名利果報。九不得能持所持。由有此二難。秉御自他於世間中得自在也。次三皆隨道戒。十揀小道。十一顯是佛行。十二兼能通達非道。故云無礙。皆隨中道也。十三無著。即見真成聖。次四即具足戒。謂觀中道具。事理故。一事理無違。二順理而行則常不滅。三心能詣理。四對餘超勝。無動已下皆隨定戒。謂隨首楞嚴定。不起滅定。現諸威儀。雖示十法界像。無戒不行。而寂然不動。順境不能亂。違境而無恙。又安住無比。即住大慈悲。無動無亂。即捨心常現。無恙即喜是四等心。亦名梵行。第三通難釋成者。有伏難云。菩薩期心先人後己。今先自行豈不相違。故下釋云。但自修行便能益物。此亦成。上安立衆生於菩提心。及以菩提心長養善根。文中分二。初正明二重徵釋。今初先總明。後令一切下別顯。有十二句。總顯持犯。前六明有持德安住者。通住諸戒。開曉者明。閑持犯三。善行。四惡止。五心無垢。六智能照。後六明無犯過。一不起心過。故無塵染。二不犯身口故無業報障。照明開曉不翳於理。三由不犯則二世清涼。四離無慚及悔纏所縛。五離惡因惡果。六不自惱惱。

他成波羅蜜。二徵釋中二。初正徵反釋。後重徵順釋。今初徵意云。自他行異。如何自行便是爲他。釋意云。自身不正其令不從。故上自行便爲爲物。淨名云。若自有縛能解彼縛。無有是處。攝論云。若自住邪行設欲正他非。是人終不能制止他過失。文有十句。例上可知。二重徵意云。石雖不利而能利刀。自雖不行何妨化物。今云不能益者。其故何耶。釋意云。若自犯教。他便成顛倒。菩薩無倒。必言行相符。故要如說而行方能如行而說。文中先總明後菩薩下別顯。初門竟。第二復次顯得法廣演以益自他。亦成上文爲調御師。示一切智道。文分爲三。初牒前起後。次所謂下正明。三是爲下總結。二中二顯。初一顯總明得法。文有四節。一得法。二解說。三益機。四摧滅下成自德。二一顯別明演法。釋前四段故。晉經異論之下。無顯我之言。文分爲五。初總明。二於一下明得法。三獲無所畏下能演。四爲欲令下明所爲機並可知。五作是念言下。自修成德。即爲物勸修。自成已德。成十種德。初二云遍。遍於事理。餘八云等兼等無礙。影略其文。其中云住者即聖天梵等。第三總結中。上成自德。亦爲攝生故。復重云。爲令衆生成一切智。第三復次顯得二利行圓。成上作法藏日。獲智見佛等皆普照故。文中二。先通二利。後又顯下別明二利。即成上文。於諸衆生其心平等。初以自等於理。後如我所得下令物等自。第四復次顯行稱法界。

成上心淨無染及智慧自在。以動合法界。故無所染。是以末云。永不失壞諸清淨行。此章多同理法界也。如智因理發。故同法界。餘皆準之。即向實際意也。第五復次有十四顯願。得見佛解法。成上大智商主。初三自成智性是商主德。餘爲衆生是商主事。第六復次顯解法界。即理法界。豈以此文而名隨相。然此中云。如晉經云。解。解契於理。故名爲如。即是成前安隱正道。文有十句。一不隨緣變。二不守自性。故爲法本。三如亦復如是。其自體故。晉經中名爲如。如。四非是能依。五不暫離。如六隨緣無性。即是如性。七無性。亦無本來寂靜。八無二性離。能所故。九不隨三世。十一味平等。第七復次顯衆生成法師。即成上而作導首。導首即是法師。上爲他作今令他作。仁王經說。十三法師。如來滅後流化不絕。亦名法師。如法華菩薩藏經。各有其品。今此多就極勝而說。於中有二十法師。七云如眼者。現證非聞見故。九無相之相是妙相故。二十唯有說法能安世間。第八復次不取著迴向。即向實際。此及第九。成上作不可壞堅固善友。此之一段明堅固緣文顯可知。第九離過成德迴向。先十七句離過。即離可壞緣。後但爲下成德。明其所爲。爲不可壞堅固善友。今初前五事護煩惱行。於中初二不耽現境。次一不求當報餘通二世。後一護小乘行。其第十六。若解脫三昧唯小乘因。諸禪三昧通生死因。未得不求已得不著。謹

復求死。所謂求生必死故。求和合者除涅槃樂。皆有合故。沙彌求龍是懷毒迴向。願為魔王。即壞善迴向。後顯成德亦是所求在文易了。大文第二四門。總顯迴向之意。故初不云復以善根。但云以彼善根迴向時。居然揀別四門。即為四別。初一門明應向實際。及向衆生。第二門明應向菩提。第三門明應離過。第四門明有成益。初門為二。初明應向實際。後又為令下明應向衆生。今初本性即不變性。法性即隨緣性。衆生是人即無分量。無謂是法理事不乖自性。則起無所起。諸法則橫該本寂。三世則豎入無差。以知法性為緣。則生起佛種。依性依用無退失時。照斯實際。實智行立。後應向衆生中。有二十所為。七云。十力輪者。圓滿摧伏故。十四云。無畏菩提心者。不畏生死長遠衆生難度。轉依難證。萬行難修。菩提曠遠故。第二應向菩提者。有二十二迴向。前三無為字。欲成二十。故於中前二十迴向。明因圓果滿。後二明得果不捨。因窮未來際。以化物。第三明應離過中。有標徵釋。及第四成益。文並易知。大文第三有八門。更以異門別明迴向。即是勝進。文分四別。第一二門迴向衆生。二有三門迴向菩提。三有二門總顯所為。四有一門迴向實際。今初分二。前門顯得圓音。後門總令具德。今初以法師位故。欲令物同得圓音演法要故。有四十五種音聲。即密迹經中六十種音。但數不足。次多不同名。或小

異彼第一名吉祥。與此淨妙義同名異。二名柔軟。次第與名全同。三可樂。即此第五四悅意。即此第二十一歡喜音。五清淨。即此第六。六離垢。即此二十三遠離癡癡。七顯耀。即此第三十一一切法光明照耀音。乃至第六十宜諸德音。即此第二十九能說不可說字句差別智藏音。然後無天鼓。今此缺彼師子龍鳴。好雨海雷龍王。真陀羅伎哀。應鳴鶴鳴等。以從喻說。此略不論。又此所顯顯德廣大。如彼但云普入衆會音。此則云普至法界無量衆會道場等。法有所本。不可不知。名言不同。無俟全會。中間云音聲智者。在心為智。宜吐稱音。皆應具二影略而說。第八云。不可說功德莊嚴者。大悲芬陀利經說。以三千界衆生功德為一聚。更增十倍不及。如來一毛功德。展轉乃至無見頂。前一切功德總為一聚。更增百千萬億那由他阿僧祇倍。不及如來胸中。大種所發音聲一聲功德。彼約總說。即此別明。然六十種中。不出有二。一約具德。如柔軟等。二約無失。如不下劣等故。不下劣初。有又以此善根之言。通言音聲者。聲謂四聲為音之依。音謂五音。依五行別。木聲壅其音角。火聲熾其音徵。土聲寬其音宮。金聲清其音商。水聲濁其音羽。若一音之義廣在下文。第二總令衆生具德。中十句。前五果滿。後五因圓。第二三門迴向菩提。分三。初一門得正果。次一二果因圓。後一依報果滿。今初。然上衆生得果。有其十句。各應有多。今但廣初

一身則餘可。例取文中三。初明得身。次顯身用。後總結所成。前中初總相。所謂下別相。身是同相。餘是異相。成壞可知。然此十身。通法通智。一光明者。身光智光。無不照故。二體無間障。能鑒徹故。三體不染。若彼潤玉。混而不緇。四淨德內充。如玉無瑕。翳五非暫時淨。揀異下流。上三就體辨。次三對境以明。六不為塵。空對上清淨。七極微不著。對極清淨。八垢穢無污。對上不染。若就內德。即煩惱障盡。名為離塵。習氣亦亡。名極離塵。所知不住。名離心垢。九具相具德。十形充。法界智遍十方。山河事理不能障礙。二於一切下。依身起用。前四色身用。前三羅。一身於法界。後一收。萬像於一身。次示諸下。五句智身用。後示菩薩行願下。通二身用。後菩薩下。總結所成。第二門顯二果。因圓中二。初即理起。用行。後入一切下。即事入玄行。今初。初成行。緣身隨住。故次衆生見下。利他不空。後於善知識下。兼通二利。後入玄中智契。名入。無邊法界。通身智入。從此已下。第三門顯成依果。文分為二。先總明。後其一一別顯。今初十句。初牒前起。後後九正顯。顯相。一顯清淨。二顯莊嚴。三分量普周。四純善。五無障礙。六具淨光。七有佛現。八融攝。九舉一例。餘。一刹之展量同。法界。一刹之卷顯現無餘。展卷無礙。是一佛刹。如一佛刹。刹刹皆然。準上華藏。及後人嚴。塵塵尚然。況復刹刹。第二別顯中分二。先顯寶嚴。後如寶莊嚴。下類顯餘嚴。今初分

三初總標次所謂下別顯。三是爲菩薩下總結。二中復二。先通顯寶嚴。後佛子下別明人寶嚴。前中以阿僧祇數。但有九十四數。以晉經皆云無量阿僧祇。初有數事。但云無量則阿僧祇言。非是數中之一。但是無數之言。若定是數便爲限局。今就九十四內。寶樹之中有無量妙寶。以爲華果爲一。宮殿中有無量菩薩爲二。初段顯因之後。有無數寶藏爲三。一一瓔珞中百千菩薩上妙莊嚴爲四。下寶枝中有不思議爲五。寶華中有無量菩薩爲六。足滿百數。文中分二。初十八事略明顯勝。初略明。如是一切下舉。因顯勝。後復有下八十二事廣顯。於中分五。第一二十四事唯以外寶爲嚴。其間三兩。亦標以事名。釋以法門。且從多判。二復有阿僧祇寶光明下。有十五事。標以事名。釋以法門。欲顯即事成法門。故三寶修習下三事。唯約法門。顯即法可貴。非要託事。四寶座下二十二事。約於事實。能成法門。或顯依中有正明。離莊嚴。五寶衆生下十八事。顯於內身六根三業。皆名爲寶。並圓明可貴。故此上諸事。或純或雜。或依正無礙。皆以事無礙法門因所感。故若將一因各對一事。如以寂忍爲因。所感寶衣等。恐繁不顯。觀者思之。復將一因成一切果。四句融通義如常說。二人寶嚴者。法華云。彼國何故名曰大寶莊嚴。其國中。以菩薩爲大寶。故所以楚魏之朝。亦不以金玉爲珍。而以賢臣爲寶。遍法界微塵之處。有多

菩薩。可謂大心嚴刹也。三結成寶嚴可知。二類顯餘嚴。有十一事。一。皆有上之百事。并前一百。則一千二百。言次第乃至過此百倍者。若言嚴事過者。則不應言皆如寶嚴。若準晉經云。衣蓋幢幡乃至百事莊嚴。即以香等爲百。過此倍之三字。譯者不妙。若別理通者。以前寶嚴但列百事。非止唯百。應過百倍。則百爲萬。表圓融萬行。則應迴文云。摩尼寶嚴皆如寶莊嚴。如是廣說。次第乃至過此百倍。理則無違。第三二門迴向所爲中。初一門應爲衆生。後門應爲菩提。今初有二十三句。初之二句文。雖在初義通二處。第三成就衆生是爲總句。下皆是別。始自信心。終成種智。其文並顯。二應向菩提中。明因圓果滿。大用無盡。亦顯可知。第四迴向實際。有二十九句。皆云法界者。理事無礙法界也。皆云住者。智契即事之理。無所住。故住即入義以安住。故法界無二。即是等義。初云無量住者。一切善根皆是所住。今以無住之住。便同法界無量。他皆倣此。第三迴向成益。文有十句。皆言安住者。由上智契。故能得安也。身等即差別事法。今即平等清淨。平等清淨即是法界無盡。法界清淨即是所得。智能安住。全同法界。由八安住。成後二用。一。音普斷物疑。二。上住佛德。佛德雖多略舉。其四。謂十力四無畏。十自在六神通名。廣大德。對上種智爲佛二嚴。是出離法。三佛子下依釋結名。大文第二菩薩下位果分三。初

標得因。次成滿下列其所得。三如是等下結得之相。二中略顯三種果滿。一。因果利益滿。二。於念念下見佛自在滿。初總標。後所謂下別顯。皆以體用理量但無障礙。是佛自在。三。又得下清淨果滿。由淨惑障見性淨。故亦先標。所謂下列文顯可知。三結能得之相。平等者。離能所知故。餘並易了。長行已竟。偈文在下。大文第六從爾時佛神力下。瑞應分於中二。先勸地生信。後佛神力故下。與供表行於中三。一供因。二外事供。三阿僧祇下內事三業供。大文第七如於此世界下。結通十方。以是通方之說。故準上諸會或結瑞應。今此結說故別開章。大文第八爾時復。以佛神力下。證成分。云。百萬者位過前故。大文第九爾時金剛下。偈讚勸修分。於中二。先序意。後正說偈。於中亦二。先明第十迴向偈。後歎勝勸修。前中三十六偈分三。初九偈頌所迴善根。次七偈頌迴向行。後二十偈頌位果。二中分三。初二偈總頌。前文九段迴向。次一偈頌迴向嚴刹。後四偈頌二段中迴向所爲。三菩薩具足下。頌位果中三。初一偈頌見佛自在。由已自在。方見佛自在。次十七偈頌得清淨中。一念中普入三世一切諸佛。衆會道場智清淨。上云。八者必在供養故。此廣顯。此是力能不可頌。前顯成所爲。後過去下二偈總結。第十迴向。然上且依龜相而分。菩薩縱任辯才體勢。包攝大旨無異。故不委論。第二此是下。歎勝勸修通於十向。於中九偈分二。先

六偈舉人就行以歎勝。謂是菩薩所行如來所說。六度隨相等行法界離相。等行故是超勝。後智者所有下。三偈結歎勸修。大文第十末。後二偈校量功德。德既無限宜可修。然此顯德。深勝高遠者。一圓融教故。二約殊勝願力故。登地已上寄位階差故。每結云。若以殊勝願力復過於此。不可數知。勿謂此深便言地劣。第五會竟。

大方廣佛華嚴經疏卷第三十

大方廣佛華嚴經疏卷第三十一

唐清涼山大華嚴寺沙門澄觀撰

十地品第二十六

入第三十四經

初來意者。爲答普光十地問故。夫功不虛設。終必有歸。前明解導。行願賢位因終。今明智冥真如聖位果立。故有此會來也。前是教道。此是證道。教爲證因。證即證前。三心之教。故無性攝論云。此聞薰習雖是有漏。而是出世心種子性。卽斯義也。然會來卽是品來。一會之中唯一品故。故釋名宗趣亦品會無差。晉經此會有十一品。則名等皆別。次釋名者。會名有三。一約人名。金剛藏會。二約處名。他化自在天會。謂他化作樂具自得受用。表所入地證如無心不礙。後得而起用故。事理存泯非卽離故。因他受用而有所作。非自事故。自他相作皆自在故。將證離欲之實際故。不處化樂者。表凡聖隔絕故。三約法名。十地會。卽同品名。所以得此名者。本業云。地名爲持。持百萬阿僧祇功德。亦名生成一切因果。故名爲地。本論云。生成佛智住持故。卽斯義也。唯識第九云。與所修行爲勝依持。令得生故者。但語其因。顯生果義。有別行譯本名。十住經。住是地中一義故。仁王兼明云。入理般若名爲住。住生功德稱爲地。而下經又名集一切智智法門。亦兼因果。復有別譯名。漸備一切智德經。以後後過前前。故名爲漸

備。漸備卽是集義。若名十地。就義約喻。以受其名。若云十住。唯就法稱。十是一周圓數十十無盡。皆帶數釋。後之二釋皆是依主。一切智智之法門故。漸備一切智之德故。十之別名見於本分。三宗趣者。先總後別。總有二義。一以地智斷證寄位修行爲宗。以顯圓融無礙行相爲趣。二前二皆宗。爲成佛果爲趣。後別者。別於上總略有十義。一約本。唯是果海不可說性。以離能所證故。雖通一部此品正明。二約所證是離垢真如。三者約智。謂根本後得亦通方便。四約所斷。謂離二障種現。五約所修。初地修願行。二地戒行。三禪行。四道品行。五四諦行。六緣生行。七菩提分行。八淨土行。九說法行。十受位行。六約修成有四行。謂初地信樂行。二戒行。三定行。四地上皆慧行。於中四五六地。是寄二乘慧。七地已去是菩薩慧。七約寄位行。十地各寄一度。八者約法有三德。謂證德阿含德及不住道。是十地之德故。九約寄乘法。謂初二三地。寄世間人天乘。四五六七。寄出世三乘。八地已上。出出世間是一乘法故。以諸乘爲此地法。十者撮要。謂六決定。宗辯此故。於此十中。二三四八十通於圓融行布。初一雙非餘皆行布。多約寄法顯淺深故。若以圓融融彼行布。則無不圓融。故以別從總。皆十地宗。若別中之別則地地別宗。別論其趣。不異總趣。論其體性。多不出前爲成十故。小有加減。一卽離言體。二所證體。梁攝論

云。出離真如爲地體故。三能證體。無性論云。法無我智分地位故。此論亦名爲智地。故。其所斷約離故非地體。若取離惑所顯又卽真如。四合能所證以爲地體。獨不立故。梁攝論云。如如及如智獨存故。五收五六七及其第九爲隨相體。此等皆爲成地法故。六取光明三昧卽證入體正相應故。論云三昧是法體故。七就德體卽教證不住三道爲體。八隨要體。謂六決定。九總攝體。成唯識云。總攝一切有爲無爲功德爲自性故。十唯因體取其別相異果海故。收此十體不出三體。一總含體。二剋實體。謂智與證。三離言體配屬可知。上二卽因下一爲果。因果非卽離。言慮雙絕以爲地體。問何爲地前顯圓融德地上行。布彰淺劣耶。答顯一乘故。云何顯耶。三乘之位。地前行布地上圓融。今一乘位地前地上俱有行布圓融。若俱雙辯則前後不異。若地前行布地上圓融則全同。三乘前淺後深。又似行布圓融各別。教行不知法性。教行非卽非離。故於地前但顯圓融已過三乘。地上多明行布以顯超勝。勝相云何。謂賢位始終已圓融自在。登地已去則甚深甚深。言所不至。若不寄位何以顯深。不包三乘何以顯廣。故虛空鳥迹迹迹合空。大海十德德德皆海。地地之中具攝一切諸地功德。文之內皆云。若以殊勝願力復過於此。不可數知。故剛藏俟五請而方說。世親以六相而圓融意在斯矣。又此一會文。唯一品。關於方

●圓二爲● ●十二爲● ●淺二淺深● ●唯二爲●

便及勝進者。正表斯義。所以闕方便者。有二義故。一表證法無二離方便故。二總攝三賢皆爲入地之方便故。闕進趣者亦有二義。一十地如佛更無趣故。二以十定等品即此勝進故。若爾何以別會說耶。含二義故。一開此勝進成等覺故。二勝進趣佛行深遠故。若別立方便勝進。即不得包攝前後顯地圓融。十地甚深良在。於此。地前乃我地之前。安得云深。異於地上此解尤妙。學者應思第四釋文。一品分二。初長行散說。後偈頌總攝。偈中雖有第十地偈。以後有總攝之偈。前隔結通等文。故從文便科之。中間諸頌攝在當地。初長行中。一。正說十地。後爾時復以下菩薩證成。前中亦二。先顯此界所說。後如此世界下。結通十方齊說。前中或總爲一十地法門。或爲二分。謂初正說。後動地等顯實證成。或爲三分。爲序正流通。然教證不同三分亦異。就教三者。初至起分是其由致。以發起正說故。二本分已去是其正宗。正說地故。三地利益分以爲流通。益末代故。二就證三者。序分爲序。三昧分爲正宗。因入此定顯實證故。故論云。三昧是法體故也。加分已去皆是流通。由說自所得。令信行菩薩證入地故。或爲四分。於正說中。初法說顯地影像分喻顯地故。教證準前。或爲五分。序爲遠序。三昧已下是近序故。或爲六分。隨行德分。初至起分起化之由。爲生。物信。二本分中略說讚勝。起。衆樂欲。三請分中彰地超

言令生正解。四說分中廣明修相。令物起行。五影像分寄喻顯德。六利益分。明德成證實感化斯現。或爲七分。從初至請分爲六。說分遍通於十地故。問論云。初地所攝八分。第七說分。八校量勝分。明知說分唯說初地。如何得通。答若不許通。何爲初地獨受說名。故知標於總稱。即受初地別名。若以論云。初地所攝便定局者。則前六分亦不應通。是知八中前七皆通。後一方局。又下說分。雖言自此已後正說初地。既有初地說分。則有二地乃至十地說分。或爲八分。開地利益異正說故。或爲九分。影像望前法喻別故。或爲十分。即是十地。或於前九加後偈頌。此十次第有其三義。一就化相通爲起說。二就化意通爲顯證。三隨宗要教證雙辯。初之一義隨文釋中論自具之。今當略辯。一起說由致故有序分。二顯證能說有三昧分。三示說不虛故有加分。四定無言說故有起分。五起先略陳故有本分。六開名渴仰故有請分。七正爲廣陳故有說分。上七依論次第。八別說難曉以喻總明。有影像分。九爲說既竟顯勝勸修有利益分。十散說難知有偈頌分。二顯證者。初分爲顯證。由致餘九正顯證相。於中前三就相顯證。一寄入顯證。二因加顯證。由得加故顯證不虛。三寄出顯證。不起無言不能顯寂故。大四就說顯證。謂本分略說顯證。請分拂相顯寂說及影像寄修相以表德。但法喻不同。次一分就益顯證。後一重述證德。三

雙辯者。初一爲由。後九正顯教證之相。於中三昧顯證。後八顯教。從加已去即有說故。八中次第同初門說。或爲四十八分。謂初地十地各攝八分。二地二分。三四與九各攝四分。五六各三。七地五分。八地七分。故四十八。問初地八中前七十地。八中後二義該十地。何爲論判屬初十耶。答地論科文有其四例。一以後攝前例。以前序等近初地故。判屬於初二。以前攝後例。後二近於十地。故法雲攝。非謂不通。三當相分文例。如中間諸分。四顯地該收例。謂顯十地是陀羅尼法故。諸地中文雖隱顯。義必全收。一一地中。皆四十八。如初六分屬於初地。許該餘九。類顯餘分無所不通。問初不說戒無彼二淨。不說禪枝無起厭等。如何諸分地地皆通。答明言義通。那引文局。豈不經說。地地之中。具足一切諸地功德。寧許初地不持戒等。已略料揀。次正釋文。若依十地。即爲十段。初歡喜地文有八分。七如前明。第八名爲校量勝分。文之分齊至下明顯。今初序分。論經別行具六成就。今攝在大部故闕信聞。但有餘四。謂一時二主。三處四衆。雖有四事。而論但云。時處等。校量顯示勝故。此法勝故。在於初時及勝處說。而不言主衆勝者。意明主衆餘經容有故。若以相從主既十身。衆不可說亦得名勝故。論有等言。今初爾時者時勝。以是初時得名爲勝故。論云。婆伽婆成道未久第二七日故。論經別行故標二七。今經攝在

大部但云爾時。即是初會始成正覺時也。且依論明。若以初表勝。初七最初何故不說。論云。思惟行因緣行故。因者能說之智。緣者所化之機。欲將所得妙法。以返物機。故云。思惟行行。故法華云。我所得智慧微妙最第一。思惟因也。衆生諸根鈍等。思惟緣也。論云。本爲利他成道。何故七日思惟不說。顯示自樂大法樂故。此問意云。在法身地見機堪化。方應成佛。何用更思。今答意云。非是思而後知。自爲受法樂故。大法樂者。卽所得智慧寂靜樂也。論云。何故顯已法樂。爲令衆生於如來所增長愛敬心。故復捨如是妙樂。悲愍衆生爲說法故。何故惟行因緣行耶。顯示不共法。故謂窮智究竟照機無遺。除佛一人無能及者。名不共法。又因緣亦卽所證深理。唯佛窮故。二世尊者主勝義如。前釋三在他化下處勝論云。此處宮殿勝故。宮卽自在天宮。勝下五天。故殿卽摩尼寶藏純寶所成。勝寶殿故。他化天宮。既表地智無心而成。化事摩尼寶殿。亦表慈覆無心出用無盡。若以欲頂爲表勝者。色界尤勝何不被說。論云。此處感果故。謂機感在此故。又色界爲長壽天。難不能感果。能感勝果。必是欲界之身故。密嚴中明。此處十地菩薩當所游履。大乘同性經云。此處有報佛淨土故。於此處說。若唯約機感失所表義。四與大下衆勝。文分爲五。一揀定衆類。二住一切下歎其勝德。三其名下依德列名。四如是下結數難測。五金剛藏下標

說法主。今初又三。一揀大異。小同菩薩故。二其諸下揀尊卑。謂八地已上念不退轉故。彌勒問經云。自分堅固名不退。勝進不壞名不轉。若準論經又云。皆一生得無上菩提。則皆等覺。等覺亦通念不退故。又仁王經。一生正得下寂滅忍。言不退者不復退入無生忍故。顯文雖爾。本迹難量。多是諸佛之所化故。三悉從下揀新異舊。他方集故。二歎德中有二十句。初二略明後二總結。中間廣歎。今初略中。初句自分行滿。謂權實無礙智住真俗雙融境。境智一如無住住故。後句勝進行滿證佛所證。則是如來勤行不息。故名菩薩。二善能下廣歎有十六句。分二。前十三句廣自分。後三廣勝進。前中亦二。初三明行修具足。一神用善巧。二調化應時。三行願遍於時處。餘十句德用圓備。四福智益而不竭。五權實知慧雖已究竟。六以無住道不捨修行。七內證定智通明。八外用施爲自在。七中若順三乘法相。禪卽四禪定。卽四無色定。解脫謂八解脫。三昧者此云等持。平等持心趣一境故。卽三三昧諸有心定。三摩鉢底此云等至。由離沈掉至一境故。局在定地通無心定。謂無想滅定等神通明智。卽通目一切有心無心定地所引功德。今此菩薩皆能善入善引。若就一乘釋者。禪定卽十禪定。解脫卽不思議等三昧。等至各有無量百千通明及智。皆各有十。十無盡是普賢位菩薩所得。九內獲自在幹能。十外能一念周遍諸法。十一護法。十二

供養。十三二利動修。後三廣勝進。卽三業廣大。及下結文並顯可知。三列名中。前三十八同名藏者。表於地法有含攝衆德出生果用故。後一名解脫月者。卽請法上首脫衆疑闇使得清涼。如夜月故。又藏表根本智包含出生。月表後得清涼益物。蘇利耶者此云月也。俱蘇摩者悅意也。卽是華名。餘之別名可隨義釋。四結數可知。五標法主。論云。何故菩薩說此法門。爲令增長諸菩薩力故。謂彼同類而能爾故。菩薩衆多。何故唯金剛藏說。論答云。一切煩惱難壞。此法能破。善根堅實猶如金剛故。不異名說。此釋金剛。謂表地智有堅利二義。如金剛故。能壞煩惱卽是利義。下釋藏義。論先問云。何故名金剛藏。此問意云。爲以藏攝金剛名。金剛藏爲以金剛而爲藏耶。上卽有財下卽持業。而論雙順二句。順後句云。藏卽名堅其猶樹藏。謂如樹心堅密能生長枝葉華實。地智亦爾能生因果。此就藏名藏。次順上句云。又如懷孕在藏。是故堅如金剛。如金剛藏。此謂子孕在胎藏中。善業所持堅不可壞。而得生長。此就所藏名藏。二喻俱有生長之義。論下廣合云。是諸善根一切餘善根中其力最上。猶如金剛。亦能生成人天道行。諸餘善根所不能壞。故名金剛藏。此之一合通上二喻。是諸善根。謂無漏善。餘諸善根卽二乘地前。今無漏善於餘善中如孕在於胎藏。其力最上。雙合二喻堅義。亦能生成通合二喻生長之義。其

力最上猶如金剛。當體名堅。餘不能壞對。他名堅。等二爾時下明三昧分。爾時者衆已集時。金剛藏菩薩者標入定人。爲衆首。故承佛神力者。辯入所依。顯定深玄。唯佛窮究故。推功有在無我慢故。菩薩大智慧光明三昧者。顯所入定名。三昧通稱皆別名。智慧是體光明就用。照二無我。證如名。慧照事名智。此二無礙能破見惑及無明。故名曰光明大有二義。一揀異凡小。二能斷大惑能證大理。成大果故。彰非果定。故云菩薩。即照之寂故云三昧。智與理冥。故稱爲入。論經名爲大乘光明三昧。則光明即智。此與唯識第九四定初定名同。然其體性不出三種。一定。二慧。三所證如。以具能所證兼寂照故。所以入者。意略有六。論但有二。一謂表深。論云。顯示此法非思量境界故。二即以此義顯非證不說故。餘四如十住品。第三入是下加分有六。一辯加所因。二即時下能加佛現。三作如是下讚其得定。四善男子此是下。雙辯加定因緣。五欲今汝下辯加所爲。六善男子下別顯加相。今初。入是三昧已者。若未入定佛不加故。故下論云。所以偏加金剛藏者。得此三昧故。十住會云。以三昧力故。二能加佛現中有五。一佛現時。謂正入定時。二十方下來處遠近。三各有下能加佛數。四同名金剛藏。顯名同所加。五而現其前現身生信。上三三。意明多數勝前位故。若爾何以不言無量世界。而云十億刹塵界耶。論云。方便

顯多佛故。謂無量雖多。其言猶漫人不謂多。今假以刹塵。一塵一刹一刹一佛。便謂細而巨測。若爾但趣舉刹塵即已顯多。何要定言十億。有二意故。一爲說十地故。二此經如是多說十數。顯無盡故。即由此義不云無量。無量不得顯無盡故。何要顯此多佛加耶。論云。顯於法及法師增長恭敬心故。又表諸佛皆同說故。何要同名加。論有二意。一云本願力故。何故如來作如是願。顯示多佛故。此三昧是法體。本行菩薩時皆名金剛藏。同說此法。今成正覺。亦名金剛藏。故不異名加。此中論意云。諸佛因中得定名金剛藏。遂發願言。我成佛時亦同其名。所爲同者。爲顯菩薩所得法體同於多佛。明人異道同故。論意正爾。若以義取亦通遮那本願。以佛因中得定說法。能加所加同名法爾。亦發斯願。以顯道同故。下經云。亦是毘盧遮那如來本願力故。第二意論云。又是菩薩聞諸如來同已名。已增勇悅故。前就法理此就化儀。第三同讚得定。顯有加因。第四雙辯加定因緣中。有四因緣。一伴佛同加故。二主佛本願故。三主佛現威故。四定者智力故。初之一事唯得定因。先由佛加方能入故。故論云。彼佛先作是願。今復自加。後之三事通於二因。由此能入定由此得加故。非正加相故。論云。後餘佛加故。言盧舍那佛本願力故加。此論意云。後文方顯諸佛加相。即由此中本願力耳。則此是加因若約得定。由主佛加

則此中願等已顯加相。但意冥加故。即前承佛神力耳。是則定因有四加因亦四。雖關伴佛加因。而有得定一因。故有四也。所以第三會中。後三因初有又是之言。四五兩會同云亦是故不可將前一因爲正作加。若此已作加。何用下文正顯加相。餘如第三會辯第五明加所爲故。論云何故加。然直就經文則應分二。初總明。後所謂下別顯。論無所謂二字。故取別中入智地句。入初總句。總別合明但有二十。前十依自利行。後十依利他行。義雖兼通從多分判。欲顯二利差別相故。今依論釋。初十句中。論以二門解釋。一直釋經文。二會通本末。初門先釋總句。彼經云。又一切菩薩不可思議諸佛法明說。今入智慧地故。既將別句入總。即經論開合不同。論經云明。即今經光明。但廣略有異。彼云明說。此云說不思議。彼未迴文。即經論方言有異。既知二經同異。次正釋文。初欲令汝爲者標舉章門。總顯加意。意爲何事。謂一切菩薩說等。此中三義。一一切菩薩是所被機。二不思議諸佛法光明。是所說法。三令入智地是說之益。被何等機。論云。是中一切菩薩者。謂住信行地。此通二類。一謂地前未證真如。但依信心而起行故。無著論中亦同此名。二通地上。如初地加行位中名信行地。即地地加行皆名信行。以攝論中意言無分別觀通於四位故。知地上亦有信行。下釋所入智地。及別入中皆通十地。明知所被不唯地

前。況下請分中。論云。未入地者令得淨心。已入地者令得十力。必通被也。二中說何法被。此有二種。一證法。論云不可思議諸佛法者。是出世間道。此明十地法體。是無漏。故名出世間。生佛果故名道。十位行法。類別名品。既是佛因是佛所證。故云佛法。心言路絕名。不思議。二說能證。論云。光明者見智得證。此謂後得觀事差別名。見。根本觀理一相名。智。見達於事名。得。智契於理名。證。直語智體故言見智。以智合境故言得證。地法雖多不出此二。見智雖廣此釋正宜。故解深密第三云。我無量門宜說智見。今當為汝略說其相。若緣總法修奢摩他毘鉢舍那所有妙慧。是名為智。若緣別法修奢摩他毘鉢舍那所有妙慧。是名為見。即斯義也。上云說者令分別上來能所證法。三中說此何益。令入智地。論云。入者信樂得證。此中信樂即所被機得證。即上二智契。合入何法耶。所謂智地。論云。智慧地者謂十地智。如本分中說。即上不思議佛法也。上說能所證者。意令菩薩以能證智入佛所證法。是此總意。已說總句入地之相。次下九句。依本開末顯入差別。論云此修多羅中。依根本入有九種入。此九種入寄於四位。初四顯樂位。次一見位。次三修位。後一究竟位。近地方便亦屬地故。地後勝進趣究竟故皆十地攝。言九入者。一者攝入。謂聞慧中攝一切善根故。二者思慧入。思慧於一切道品中智方便故。智方便

者。即善揀擇道品。即是佛法。三法相入。彼彼義中無量種種知故。彼彼即是諸法。種種知即廣知。此即所思法成。四教化入。隨所思議。名字具足故。能善說此知修慧。修通二利。菩薩利他即是自成佛法故。入自利中收。五證入於一切法中平等智。見道時中善清淨故。言平等者。即無分別。無分別智正證真如。離二取相故云平等。二我分別隨眠不生。名善清淨。最初照理立見道名。六不放逸。入於修道時中。遠離一切煩惱障故。故世法不染。七地地轉入。出世間道品無貪等善根淨故。此明修道位中。離障證理智行轉進。於地地中雙斷二愚。是無漏善能淨所知。以此無漏淨三善根。名淨煩惱。論云。復有善根能為出世間道品。因此明諸地中加行善根淨也。八菩薩盡入於第十地中。入一切如來秘密智故。即下大盡分中。入如來十種秘密之智是也。如來秘密下地不測。名不思議。若入彼所入是智之境。入彼能入即智是境。得即是入。故歎淨名云。諸佛祕藏無不得入。九佛盡入。於一切智入智故。上一切智釋一切智入。下智字即智境界。入即得也。上直釋竟。自下論文融會本末。初會末歸本。謂上九種入。為欲校量地智差別轉勝之相。非根本入有此行布。後明本末無礙。欲顯前從本起末。則無別之別。次攝末歸本。別而無別故。以六相融而無礙。論云。一切所說十句中。皆有六種差別相門者。此標舉顯通。故

云。一切皆有此言說解釋應知。除事者此顯立意。謂此六相為顯緣起圓融之法。勿以陰界入等事相執取。言六相者。謂總相別相。同相異相。成相壞相。此標列也。下釋云。總者是根本。入者以初一入無不攝故。別者餘九入別依止本滿彼本故者。謂依一開九。無總別不立故云依止。由別方成。總故云滿彼。同相者入故者。同名入故。異相者增相故者。九相漸增不相似故。成相者略說故者。攬九緣以成一略言標顯故。壞相者廣說故者。分一作九九外無一。此九因緣各住自相不相成也。又云。如世界成壞者。猶如世界多緣共成。其中事物一舍推微。何者是界名壞。亦如梁等共成一舍。總則一舍別則諸緣。同則互不相違。異則諸緣各別。成則諸緣辦果。壞即各住自法。餘一切十句皆應隨義類知。別章廣顯。第二又令得下。十句依利他行是增數十。經有十餘十為別。總中始者內起信欲外近善友。聽聞。終者憶念任持所聞地法。地地皆爾。故云十地始終。此約教行。復有阿含為始。以證為終。則前皆是教。此教證義總有九重。二教行相對。言聲為教行德為證。猶下請中字義二藏。二地前地上相對。如下請中歎衆。以地前聞思修等為教淨。地上行德為證淨。三真偽相對。即於地中聞思修慧報生識智緣照之解。名曰阿含。真智出言為證。下論云。聞思修等是則可說。地智離言。

四修成相對。一切地中真偽合修爲教。捨僞契真爲證。猶下所明義說。二大。五相實相對。世間中修得彼證相名教。契本實相爲證。猶下所說增上妙法光明法門。光明是教增上是證。六體德相對。就彼離相所成行中。顯本法性爲證。依本成德爲教。猶下鍊金金體與劍等。七體用相對。前體及德皆證。依體起教智之用爲教。下珠放光。光喻於教。珠體喻證。八自分勝進相對。自分所成體德及用皆證。進受佛教爲教。下歎金剛藏。二力妙智及辯名爲證力。堅念教法爲阿含。九約證就實相對。眞智之體爲證。約言分十爲阿含。猶下述處虛空喻證。空處之迹喻地阿含。下論云。字身住處證智所攝。非無地智名句字身。名句字身即阿含也。今當第四。一經之內頻語教證。理須通會勿厭繁文。次依根本始終有十始終。前三地前思修利物。次一見道餘六修造。此陝前入。謂初闢聞慧。後無佛盡者理實齊通。以此二並非正。地前已說竟。故此略無。一攝始終。經云。如實說菩薩十地差別相故。謂以思慧智攝持所聞。稱思宣說。故云。如實。二欲始終。緣念佛法意欲令物證故。此即思慧上品求心。三行始終。以是修慧故名修習。言分別無漏法者。於地上無漏道品。起意言分別觀行故。以未證故。但是觀分之時帶相觀心。未覺無相故云。分別。四證始終。即見道位。大智者即眞見道。根本法無我智過小乘。故名大。治無明故云。光明。此智親證眞如。平等平等離二取

相。名善觀察。實斷二障分別隨眠。名善選擇。巧莊嚴者即相見道。是後得智故論名方便。方便即巧法。眞見道種種建立名爲莊嚴。又莊嚴者即二智成德。由得此二善達法界。於多百門已得自在。故云莊嚴。故論云。此事中彼時中皆善知故。由相見道復有二種。一觀安立諦名。此事中二觀非安立諦名彼時中。以法眞見道正證。如時不可名。事相望前眞故名爲彼五修造始終。論云。出世間智智得入法義故者。以後得了俗由於證眞名。出世間智。智由證眞達俗。故名善入。智能入法即名爲門。上寄從二地至七地竟。次下五句有五始終。寄入八地至於佛地。治菩薩於菩提五障。五障在於七地。至於等覺。經文但有能治障在文外。今初二句即能破邪論障。始終不能破邪論障即是所治。隨所住處者。即邪論心住著之處。言次第顯說者。以宗因喻現比教量。顯已正義隨病治之。上皆論所據。言無所畏者。即論莊嚴。後句辯才即是論體。亦論莊嚴。謂語具圓滿順言敦肅。故名辯才。又上皆論多所作法。所作有三。一善自他宗。二勇猛無畏。三辯才不竭。配文可知。言光明者。性不關故。即論出離。謂善觀。察得失等故。由具上諸義。故不墮負。由破此障得入八地。二能善答難始終。上明能破此顯能立。第九善慧是辯才。地住即證也。三樂著小乘對治始終。不忘著提上求下化故。四化衆生。憐愍對治始終。成就不疲故。五無方便對治始終。善達五

明爲一切處開悟。故能巧化。又上五障。一不能破邪。二雖能破而不能立。三雖能破立情樂小乘。四雖不樂小乘而不動。化他。五雖化不疲而無化方便。治於此五行化略周。第六正顯加相。論云。已說何故加。復云何加。加相有三。謂口意身。約別相說。口加以益辯。意加以與智。身加以增威。如實說者。能加則局所加皆通。乘前語便故先口加。得智堪說事須起定。便身觸令覺故爲此。次此就十方佛辯。若約舍那先意令得定。當有所說。次身光照觸增威後雲臺說偈令演。亦義次第非有優劣。初口加中有十一句。初總餘別。總中令以樂說辯說十地法門。名相差別不達事理。善巧成故。故云。汝當辯說等。所謂下十句別中。依根本辯才有二種辯才。一他力辯即是初句。謂承佛力。承何力耶。如來智明故。二自力辯。即後九句。自他因緣方有說故。攝此九力爲四種淨。以因中有四義故。一有力能作。二無力不作。三具二能引生。四泯攝前三。稱理成德故爲四淨。一淨自善根者。有作善法淨即是教行。亦約相故名爲有作。二普淨法界者無作法淨。此約證行。亦約體故名爲無作。依此性相而有說故。上二皆自利。三普攝衆生者教化衆生淨。即是利他。餘六句經皆名身淨。攝爲三種盡。皆顯二利滿故成德。成德有二義。一當位顯益有菩薩盡。二寄對辯勝有後二盡初菩薩盡者。因位窮終故。攝經三句。初句位滿。謂十地勝進破和合識。顯現法身。非心意識之

所能得。唯如智所依成於智身。菩薩照寂故云深入後二句成益。一成現報益。得佛灌頂受佛位故。二成後報益。十地攝報。生大自在。云高大身。高大二義。一色形中極量最大故。居有頂故。二約三乘。此成報身位極普周。故云高大。論云。摩醯首羅智處生故者。智處亦二義。一摩醯首羅智自在故。二攝報智滿成種智故。二寄對顯勝中一對。下彰出有二乘不同盡。攝經二句。一超一切世間道者。度五道故。道即因義。二清淨出世善根者。論云。復涅槃道淨故。以二乘雖度五道有三餘故。不淨涅槃。今無三餘故云復淨也。由具此二故不同。二乘後一望上顯同名爲佛盡。等覺菩薩同滿種智故。自力辯中多義顯者。校量後後勝前前故。第二意加中二。初正顯。後微釋偏加所以。前中十句初總餘別。總中身有二種。一與無上勝威德身。如王處衆無能映奪。二與辯才無能映奪身。前色身勝後名身勝。後與無礙下別。別開名身成。九種身所加通三故。增其色身。在心名智在口稱辯。經云與智論判爲名。二文影略顯義方備。一與不著辯才。說法不斷無滯礙故。謂無偏住著故。不滯事理。云無礙樂說。二與堪辯。分別法相能正說故。名爲清淨。論云。善淨堪智有四種。一者緣。二者法。三者作。四者成。善知此義成不成相故。此言緣者。即因緣生法亦名觀待。二法者。即法爾之法。三者。此二作用。四成者。引正理例證。

成上三。若順此四名爲成相。不順此四名不成相。菩薩善知故堪能有說名爲堪辯。然其此四經論多明。相續解脫經名爲四成。相續解脫即解深密經。前後異譯。深密第五名爲四種道理。然上二經文博義隱。今依雜集十一釋之。名次全同深密。彼論云。觀待道理者。謂諸行生時要待衆緣。如牙生時。要待種子時節水土等。二作用者。謂異相諸法各別作用。如眼等根。爲眼等識所依作用。色等境界。爲眼識等所緣作用等。三證成者。謂爲證成所應成義。宣說諸量不達諸語。所應成義者。謂自體差別所攝所應成義。諸量不達諸語者。謂現量等不達。立宗等言故。四法爾者。謂無始時來。於自相共相所住法中。所有成就法性法爾。如火能燒等有爲法無常等。而彼經論次第爾者。謂緣生之法。有此作用以理成證。後結諸法性相常爾。今論義次已如前說。三即任放辯才說不待次。言辭不斷。處處隨。意不忘名義。故云善憶念不忘力。謂隨門異說不忘。本宗故。四能說辯。隨所應度種種譬喻能斷疑故。謂應機斷疑故名決定。能隨所應是謂明了。五不難辯。三種同智常現前故。三同智者。即自相同相及不二相。自相者。色心等殊故。同相者。同無常苦無我故。不二相者。即一實理。又自相即俗諦。同相即眞諦。不二即中道第一義諦。金剛仙等諸論。皆明此三無法不爾。故云遍至一切菩薩所了。故云開悟。六教出辯。以十力智自在化。物斷惑得。

果故云自在成道。七不畏辯。於他言說。不怯弱故。八無量辯。於一切智。隨順宣說修多羅等法。六種正見。故。六正見者。即是法門。金剛仙論云。一眞實智正見。能知理法。二行正見。能知行法。此二教旨。三教正見。能知教法。四離二邊正見。知前理法。不同情取。五不思議正見。知前行法。成德出情。六根欲性正見。知前教法。說隨物心。瑜伽六十四名。六種理門。大旨無異。九同化辯。一切如來同以三輪化故。三業殊勝。故曰莊嚴。上十已辯他力。第二何以故下釋。偏加所以。以顯自力堪加偏就。意業釋者。意爲本故。初微意云。諸佛慈力若隨闕者可許偏加。既有力能與有慈能普。何以上十偏加。剛藏而不加餘。下釋十句初總餘別。總明得此三昧法合。偏加剛藏得此餘不得故。何以得此三昧。下別顯中有二。一因故。一本願所致。故。即初句顯示。二善淨下。三昧身攝功德。此復八種淨。依自利利他故。謂前四自利後四利他。一善淨深心是因淨。信樂至極能趣菩薩地。皆盡清淨故。故云善淨。此一爲衆行本。故名爲因。次三。明自利行德。謂二即智淨。趣菩薩地盡修。道眞如觀。如日輪圓滿。普照法界。故。此即智德。三身轉淨。謂生生轉勝。集助道福德。故。四心調伏淨。斷煩惱習。故云修治。此即斷德。上三亦證助不住。後四利他中。五聞攝淨。能聞持佛法。故爲法器。此利他方便。餘三利他行體。即身語意業。六者通淨。以勝神通生物信解。故。七

辯才淨。由總持力於一字中攝一切字句。前後無違故無錯謬。八離慢淨。謂離化衆生。以實智印印之不違法界。故無化慢。上八句中前四自利因。一精進因。二不忘因。三勢力因。四彼不染因。如次配前四句。謂由深心能起行等。後四利他因。謂五是斷疑因。由知法故。六是敬重因。以神通力令信入故。七是轉法理因。法若壞時。假餘尊法誦持故。八教授出離因。論云。如是化者得自利不忘故。此意明若化時取相。以法界印即自利不忘。便能出離。第三身加增威令起故。言各申者。不離本處而申。即延促無礙。諸佛皆摩故云各申。即一多無礙。即四通中如意通也。餘義如前第三會中說。第四摩頂已下起分。所以起者三昧事訖故。云何訖已得勝力故。雖已得力何不且定。說時至故。何不定中說。定無言說故。第五普告下本分略不綱要。爲廣本故。亦與下請爲其本故。不請而說者。不自說本。衆則不知爲說不說。又復不知欲說何法故。文分爲三。初明六決定。以爲地體。次佛子何等下標列十名。以顯地相。三佛子我不見下。舉十方同說彰地要勝。今初地體已如前辨。文中初句標。告諸佛子下正顯。於中初句總明。後無雜下別顯。總中言菩薩願善決定者。標人列法。故云菩薩於大菩提立誓趣求故名爲願。即下初地中發菩提心也。此願所以名善決定者。以真實智攝故。謂攝導此願。皆令順理決擇皆定故。真實即

善善即決定。持業受名。故論云善決定者。即是善決定。此揀依他受名也。此已入初地。是證決定。非是地前信地所攝之願。受決定名。若通論決定。有其六義。一約行體決定堅固。二望所證決定須證。三定能斷惑。四決信不疑。五決聖度生。六決成佛果。後別中此善決定有六種。即經六句。瑜伽地持皆說此六。名次小異大旨不殊。此六行相。前五自分後一勝進。五中前四自利。後一利他。四中前三明行體德。後一顯行功能。三中前二行體周圓。後一行德具備。二中初一明行自體。後一顯行離過。是故自體離過攝德爲因。二利行圓成就佛果。是此行相也。一無雜者。即觀相善決定。真如觀一味相故。謂正體緣如。境智一味爲觀之相。則無帶相之難。二不可見者。是真實善決定。非一切世間境界出世間故。謂此真智超出世間可壞之法。故名真實。真實故非世智所見。三廣大如法界者。勝善決定。論總釋云。大法界故。一切諸佛根本故。此中上句出所如法界。亦釋大義。下句顯能如地智。亦釋廣義。法界所以名界者。一是因義。迷悟根故。二是性義。法本性故。今能如地智爲佛根本。故得如之況體合如無所如矣。下開義釋。經標廣大釋以勝善。此云何同。論總釋云。大勝高廣一體異名。法相義故。言一體者唯一味故。異名者隨法相義故。體無不在曰大。而相非情取曰勝。理超數表爲高。用無不該爲廣。上釋廣大二字。次釋法界名。云

一切法法爾故。一切法者釋法字。法爾者即是界義。性自爾故。下法爾字皆做此知。此上釋所如法界。下辯能如地智。亦受四名。一雙釋。大勝義云。復法界大真如觀。勝諸凡夫二乘智等。淨法。法爾故此云淨者。異前所如體該染淨故。此即根本智地。當體稱如周遍名大。形對凡小超劣名勝。二釋廣義云。復法界大方便集地。謂說大乘佛法爾故者。以證真了俗廣集大行。既通二智故曰大乘。三釋高義云。大白法界善法法爾故。謂無漏善法出世表故。即二智所成之善故。隨義立四。不出境智一如。四究竟如虛空盡未來際。是因善決定。此有二種。一成無常愛果因。是因如虛空。依是生諸色。色不盡故。二常果因。得涅槃道故。故經云盡未來際有釋云。一爲生因。生善提有爲果故。二爲了因。了涅槃無爲果故。此順法相不順經宗。以經宗常與無常非一異故。今更直釋論文。明此地智有其二能。一寂而常用故爲無常因。用雖虧盈而智無起滅。如所依空非無常故。經明此智究竟如空。二用而常寂故爲常果因。雖涅槃永寂而智體不無。不爾將何窮未來際。若會三身者。用爲化身。寂爲法身。智爲報身。非無常矣。設智爲了因亦變了善提涅槃故。論云涅槃道。道亦善提故。若相融攝固不在言。言無常愛者用適機故。五遍一切佛刹救護一切衆生者。大善決定。隨順作利。益他行故。即普覆名大。論又云。次前善決

定此願世間涅槃中非一向住故者。謂由前因善則大智不住生死。由此大善則大悲不住涅槃。前雖有應用亦智所成故。有云。取前常果因故不住生死。取前無常果因。及此大善。為不住涅槃亦不違理。然約雙遮則俱不住。若約雙照即二俱住。謂大悲故常處生死等。是故論云。非一向住。六為一切下是不怯弱善。上入智地不怯弱。故論經關於一切諸佛所護一句。但云。入智地不怯弱。若準此經。由護故入智無怯。言佛護者。智造佛境。佛智照故。故佛所護與入智地反覆相成。論下六相圓融類前可見。第二地相中四。一寄問微起。二佛子下學數顯同。三何等下微數列名。四佛子此菩薩下結名顯勝。初一可知。二中以生成住持故。三世同說。同說之言。文在地相義兼地體。三列名中。為對治十障證十真如成十勝行。說於十地及引諸論。並如下廣釋中辯。今依本論略釋地名。論云。成就無上自利利他行。初證聖處。多生歡喜。故名歡喜地。此有二義。一。二利創成故。二。聖位新得故。遂本期心故生歡喜。二。離能起誤心。犯戒煩惱垢等。清淨戒具足故名離垢地。此有三義。一。即因離。謂離能起誤犯煩惱。二。果行離。謂離犯戒惡業故云等也。三。對治離。謂清淨戒具足。三隨聞思修等照法顯現。故名明地。此唯一義。謂三慧照當地所聞之法。若準下論更有二義。謂得四地慧光明相故。如明得定等故。下論云。彼無行無生

行慧此名光明。依是光明故名明地。然唯識此經皆名發光。謂成就勝定大法總持。能發無邊妙慧光故。此則三義。一定為能發。二持為能持。三後地慧光為所發所持。然三慧就初發光約後。故受名不同。四不忘煩惱新智火能燒。故名焰地。焰即慧焰。故此名焰慧地。此亦兼下二義。今即根本智火能燒前地。聞持不忘持以成慢之煩惱故。二就後得智起用故。下論云。彼證智法明摩尼寶光中。放阿含光明。入無量法門。義光明智處普照示現。以是義故。此地釋名為焰。問約初義者。前後諸地豈不燒惑有。二義故此偏受名。一就寄位言。此地寄當出世間無漏故。二以三學此地當慧。初得慧故。五得出世間智方便善巧能度難度故名難勝。此唯一義。謂真俗無違極難勝故。以三地同世未能得出。四地雖出而不能隨。多滯二邊難以越度。今得出世。又能隨俗巧達五明。真俗無違能度偏滯實為難勝。此初得故偏受其名。六般若波羅蜜行有間。大智現前故名現前地。謂妙達緣生引無分別名般若行。親如日親名曰現前。對後彰劣名為有間。以第七地常在觀故。七善修無相行功用。究竟能過世間一乘出世間道故名遠行。此或三義。一善修無相到無相邊。故名遠行。二功用至極故名遠行。三望前超越故名遠行。合唯一義善修無相行。釋行字。功用下皆釋遠字。然善修有二義。一前地有間不名善修。今常在觀

故云善修。二捨有之無非善修。無。今有無雙離。故名善修。云何雙離。謂空中方便慧故離有。有中殊勝行故離無。下釋遠中功用究竟正明遠義。如極一界之邊故遠。何所過望前三地相。同世間。過之已遠望四五六相同二乘。今亦超過五地真俗無違。何異此中有無雙離。略有三異。一彼猶未能過二乘故。二雖以真入俗猶於雙行未自在故。三彼尚未得甚深般若故。於雙行非深妙故。八報行純熟無相無間。故名不動地。此亦三義。一捨三界行生受變易果。故云報行。依此起行任運而成。故功用不動。二得無生忍無相妙慧。則有相不動。三此二無間煩惱不動。合唯一義。謂前地無相已得。無間相及煩惱亦不能動。而為功用所動。無不動名。今由無功用故。令無相觀任運無間故。三不能動。下輪王梵王之喻可以證此。九得無礙力說法。成就利他行。故名善慧地。得無礙慧尚未稱善。遍說遍益方名為善。十得大法身具足自在。故名法雲。此有二義。一得大法身語法雲體。具足自在釋法雲義。謂能雲雨說法自在用故。此約能說為名。二得大法身此明法義是大法器故。具足自在此釋雲義。能受如來雲雨說故。下釋名分自當廣釋。此十得名略有四對。一約法喻。焰慧法雲法喻合目。餘皆就法。二約體用。歡喜善慧約體為名。餘皆就法。三約自他。離垢不動就他受稱。餘皆自義立名。四約當位相形。雖勝遠行形

他受稱餘皆當位受名。此十圓融地地皆具若約行布。則前前之名應該後後。後之稱不該前前。如歡喜之名義該十地。法雲之稱不預前九。今爲顯別相。各從初得受名。下文重顯。四結名顯勝可知。第三彰地要勝者。爲欲令物生渴仰故。文中二初明不見不說。反顯十方報化皆說。二徵釋所由。微云。佛國不同化儀亦異。如何十地要皆說耶。釋意云。此最勝故。謂諸法皆如體如成聖。離斯證智皆是隨宜。故爲要勝。文有四句。初二句總標顯勝。初句證行。謂諸佛證此爲因成菩提故。餘皆助道故。此最上最勝大句阿含法門者。名爲法體。光明者顯照一切餘法門故。後二句別顯其相。初句釋前阿含。云分別說即明前法光明。是教體用。此句是教所照法門故。論云。分別十地事者。顯世間智所知法故。後句顯上證道非地前世智所知。名不可思議故。論云。顯示出世間智故。說證將默。故呼佛子已說本分。

大方廣佛華嚴經疏卷第三十一

大方廣佛華嚴經疏卷第三十二

唐清涼山大華嚴寺沙門澄觀撰

第六爾時金剛藏菩薩說。此下請分中三。初說已默住。二是時下三家五請。三爾時金剛藏觀察下。許說分齊。所以默者。將欲演之。

必固默之。欲令大衆渴仰請說故。所以俟請者。略有二意。一增諸菩薩尊敬法故。二前本分中。舉地歎勝。爲增樂。欲令此請中生正解故。云何生解。謂由請故得說。默之由。顯地體甚深離於言念。令衆先解。後聞說分不隨聲取。離謬解故。即復由此故。有第三示說分齊。初默可知。第二請中三家請殊。即分三段。謂初解脫月請。二大衆請。三如來請。所以要三家者。顯法深妙。令聞解故。衆首顯揚當機渴仰。化主加勸事方周故。道大兼亡法應請故。爲順請主。此衆堪聞言不虛故。爲成請者。如來護念而生信受言有微故。此約因請生請亦是次第。又佛請者即名爲加。謂衆雖已請要假主佛威光。方堪說故亦名爲教。如來教說顯剛藏說。傳佛教故。又前二家請。顯此地法因人修故。後一家請。顯此地法佛所證故。前之二請餘經容有。後之一請餘經所無。法華三請但是一家。良以地法甚深寄位難說故。又三請次第者。初解脫月者彼衆上首故。餘問則亂。何緣大衆不亂問耶。衆調伏故。由前二止三請抑揚時衆故。次衆請以表虔誠。然非爭起。依前請儀同聲齊請。故亦不亂後。聽說理窮故如來勸說。今初衆首請中。總有三請。所以三者順世儀式。少不殷重。多則繁亂。正得中故。以止有三。抑揚當時調伏機故。一家助成各唯一請。然依三請應分三段。若兼三止應分爲六。以前默住之止。通爲五請之本。不可唯屬於

初故。止請相乘。且爲五段。一怪默騰疑請。二法深難受止。三歎衆堪聞請。四不堪有損止。謂雖有堪者亦有不堪故。五雙歎入法請。謂不堪聞者以法深故。亦得佛護固應爲說。於是剛藏理窮更無違請。就初請中分二。初明大衆觀默生疑。二解脫月下騰疑爲請。今初言何因何緣者。疑怪之辭。爲因說者不能說耶。爲緣聽者不堪聞耶。金剛藏下出所疑事。二騰疑爲請中。二初叙請因。謂領衆疑故。二以頌正請。文有五偈。顯說聽無過。是以應說。即分爲二。初偈說者無過。亦遣大衆何因之疑。後四聽者無過。亦遣大衆何緣之疑。雖似初二徵默所由。爲拂衆疑。後三請說爲遂衆欲。文彰略耳。非不互通。故依前判今初歎說者淨覺無過。偈初二字偈末三字。合爲徵問之詞。謂有中問淨覺無過。何故不解釋耶。聖德雖多偏歎淨覺者。是說因故。覺即覺觀。由此得爲口加行故。具能所治無思發言故云淨覺。淨覺之人名淨覺人。三字爲總。餘皆是別。別歎淨覺有二勝能。一攝對治。謂念智具。念謂四念智謂如智。二離諸過。謂餘十字。具字兩用。初中由有能治。所治不生。所治有二。一者雜覺。謂凡夫尋伺與四倒相應。即迷事倒。以四念爲治。二雜覺因憶想分別。謂隨名相轉即迷理倒。以真如智爲治。前唯凡夫後通凡小。言離過者離三種過。一由無瞋等功德具故。離慳嫉過。謂無瞋治嫉等取無貪。無貪治慳不

等無礙。無礙即前念智攝故。二由前已說。上妙地故。無說法懈怠過。三由有樂說辯力。無不樂說過。然念智正為治難覺等。故受治名。而無礙等本意不為治於難等。有此任運自無彼故。但名離過。第二款聽者。無過中四。偈分三。初二款同生衆。論云。同法決定故。有樂聞故。次一偈歎異生衆。論云。復示餘者心淨故。後一偈雙歎。論云。又顯此衆皆堪聞法故。今初二偈前偈歎根。故云決定。後偈歎欲故云欲聞。若有欲無根雖聞不解。有根無欲設聞不受。故須雙歎。今初同法即是同生。揀後異生。決定即是根器。揀後樂欲。初句為總。論云。決定者點慧明了故。點慧即根點能知教。慧能入證故。次二句別論云。決定有三。一上決定願大菩提。故云勇猛。一名聞決定。他善敬重故云無怯弱。由內無怯弱外著大名。三攝受決定。謂彼說者善知故。即經說地名由堪攝受方為說耳。下句微歎可知。後偈歎欲中。初句所欲之法。次二句正明有欲。後句結請。論云。是中若但有阿含決定。無證決定。但有非現前決定。無現前決定。如是決定法器不滿足故。不能聽受者。現前是欲現見起故。非現前是根。但冥具故。此中意明。但有根而無欲不堪聞法。今前偈於教決解於理決證具二決定。為非現前之根。復有今偈現前之欲教證決定。則具足決定故堪受也。其心無怯弱者。論經云。佛子智無畏。無畏即無怯弱。契理之心。

即名為智。然智有二種。一證法。故此屬前根。二現受故。此屬今欲。欲亦須智。故於樂聞心無怯弱。總前一偈根欲。雙具諸地妙義。顯為說之。第二一偈歎異生衆。但云衆會故。雙歎根欲。初句為總。心無濁故。名為清淨。三句為別。別離六濁。一不欲濁。謂無心營探故。離懈怠治之。二威儀濁。不恭肅故。嚴整治之。三五蓋濁。貪名等故。潔淨治之。四異想濁。謂貪高難染輕慢難染等。皆名異想。今說行堅固不動治之。五不足功德濁。善根微少故。於彼說中心不樂住。具功德治之。六愚癡濁。謂愚闇不了故。智慧治之。第三一偈雙歎二衆。云一切故。相視為總。論云。迭相共瞻者。示無難染故。餘皆是別。咸恭敬等無輕慢難染。下半喻顯敬法轉深。何有難染。論經云。如蜂欲熟蜜。古釋云。齊心趣證。如蜂熟蜜專意。求教如渴思甘露。今即但云念蜜則二句皆通教證。然蜂之念蜜渴之思漿。喻希法喜解脫之味。更言好蜜復思甘露。顯法之妙思渴情深。第二爾時大智下法深難受止。文中二先叙意。後偈酬前中令衆歡喜。是總酬答相。謂說偈本為除前疑惱得心喜故。酬答有二。一堪酬答。自有大智故。二不怯弱酬答。不畏大衆之不堪故。論云。此二示現自他無過故。故後偈意明法難說。非已無智而不能說。但言難聞。非斥大衆全不堪聞。偈中五偈分四。初二頌明法難說。遣上何因之疑。成上有智。次頌顯法難聞。遣上何

緣之疑。成前無畏。三一偈喻難說聞。後一偈舉難結。默初中分二。前偈顯難說之法。後偈彰難說所以。今初偈末難字。即是總相。謂難得故。難得所以後偈明之。此難有二種。一最難。體出名相故。經云第一二未曾有難在相所無故。經云希有。上二明難相。何者是難法體。即偈初二句。菩薩行者是出世間智。謂即是證道。證心涉境故名。為行地。事者謂十地事行即是教道。相差別故。最上者通說上二勝故。諸佛本者。釋上證智得菩薩行名所以行。是因義。覺於佛智所以名佛。今此證智亦覺佛智。故為彼本。本即因也。此之教證於何處成難。謂顯示分別說。證道亡心故難顯。示教道依證亦難分別。第二釋難所以者。彼前菩薩行事所以難者。由住微妙深義故。故論云。彼菩薩行事義住不可如是說。偈中初二句對劣彰深。次句就勝顯妙。末句舉聞迷惑顯成難說。於中難者是總相。云何難。難得難證。故難得有四。一微細難得。顯非聞慧境故。二難見難得。亦非思慧心眼見故。三離念難得。亦非世間修慧境故。以地智是於真修故。非地前心數分別緣修之境。四超心地難得。非唯非地前之境。亦非登地已上報生善得修道智境。謂變易所起異熟心識名為報生。生使能知無常等。故名善得修道智。以非照實之智故。亦不測地智。知無常等未忘心境名為心地。以七地已還皆容出觀故。又此善得修道智即加行。後得智

非根本故。所以揀之。故瑜伽五十五修道位中。有出世斷道世出世斷道。既通於世故。非其境。既非四心之境。是誰境耶。即佛智境。何者是智見。實義故。出生有二義。一生彼佛智故。二出離於生。是無漏故。未句云。所以難說者。聞者隨聞取著。迷惑故。第二一偈顯難聞者。論云。已辯難說復顯難聞。然偈中舉其德能聞。反顯難聞。兼欲使人學能聞故。於中三句舉德。末句結成能聞。初中初句為總。謂持聽法心。堅如金剛。則能得聞。下二句別。堅有二種。一決定信堅。即第二句。若無此堅。於他分法。不能入故。二證得堅。即第三句。若無證堅。於自分法。不能入故。深信之相云何。謂於佛智。設心智不及。仰推佛智。非我境界。是深信相。即勝義三種正智中。仰推智也。所信是何。謂佛勝智慧。以此地智上。同佛智故。佛智有二。一菩提智。是自行證法。稱性無邊。二化生權智。是利他教法。隨機顯種種差別。即是法華諸佛智慧及智慧門。於此二深智。能信故。云何證堅。此亦有二。一知是證。二心地是所證。言無我者。通能所證。心地即二空真理。所依之事。謂唯識相。論云。隨心所受。三界中報。此即異熟識。又隨心所行。一切境界。亦名心地。此即前七轉識及通八識相分內外諸境。於此二類。如實了知。我法二空。成無我智。下句結成。既知難聞之義。如是具上二堅。方聞上來微細勝智。第三一偈喻難說聞中。上半喻下半法合。此

中喻意。不單取虛空。以無畫處。空不為喻。故亦不單取畫。以壁上畫不將喻故。正取空中之畫。風喻亦然。於中能依風畫以喻阿含。所依之空。以喻證智。然空中風畫。不可言無。謂若依樹壁。則可見故。亦不可言有。依空不住故。非有非無。故不可說。文意正爾。論有三段。初釋喻相。次釋合相。後揀喻不同。初中有三。初離釋二喻。以明非有。次合釋二喻。以明非無。三雙結二喻。成不可說。前中畫喻有二。一正顯喻相云。此偈示現如空中畫色。如壁者。謂此空中畫色。不異壁上畫色。故云。如壁。若爾。何以不見二顯。其非有。論云。是中不住。故不可見。謂壁上之畫。有壁可住。故可得見。空中之畫。無可依住。故不可見。下風喻亦有二段。一云。如空中風。如樹葉。此正顯喻相。二云。是中不住。故不可得見。此顯非有。謂樹葉上風。有葉可依。故可得見。空中之風。無可依住。故不可見。二合釋二喻。以辯非無。云。此動作者。非不空中。有是二事。此論意明。但無可依。故不得見。非風動畫作其體全無。三結成。不可說義云。是虛空處。事不可得說。處者。虛空處。是風畫所依之空。虛空事。是空中風畫之相。由前義。故不可說。有。由後義。故不可說。無。故此空處及畫事。風事。皆不可說。其處所。第二釋合喻中。次第合上三段。而但雙合。初論云。是畫風如說者。此合上喻相。次論云。以非自性。不可得見。是不住。故以其客故者。合上非有。即以非

自性合。上不住。以其客故者。出名無性不住。所以謂名是實之實。故無所住。無自性也。二合前非無。云。非不於中有。此言說三合。前結成。不可說。云。如是佛智言說。顯示地。較量勝分別難見者。佛智即所分別。合上空處。言說顯示下。是能分別。合上空。中事。以證從旨。故亦難見。合上不可說處。然論佛智。即今經牟尼智。牟尼此云寂默。以智相即智性故。此即地智。而名佛智者。無二體故。亦是譯人見。牟尼之言。謂是釋迦故耳。第三揀喻不同者。舉二喻者。喻旨別故。論云。畫者。喻名字句。依相說故。謂畫有相狀。如名句之屈曲。能顯地相。風者。以喻音聲。聲無屈曲。如風之相。假實既殊。故雙舉之。又假實相依。闕一不可。故云。又說者。以此二事說。聽者。以此二事聞。故舉二喻。雙喻說聞。若將二喻。喻所證者。仍有兩重。一風畫喻。地相。所以不可見者。以同地智故。如風畫合空。二將風畫復喻地智。地智所以不可說者。以即同果分。離言說相故。如風畫合空。若以果從。因則亦可說。以智從相。地有差殊。以旨從。證可聞可說。是則無聞說之聞說也。第四一偈舉難結默者。若準上義。以二事說。以二事聞。則可說可聞。但是難見。如何不說。故有此偈。意云。說聞本在證見。難見說之何益。況復加以難信。故我默然。初句所證見法。次句難證。難中之難。故云。最勝。次句難信。非地前證信。故曰。世間。上三句舉難後一句結默。第三解脫

月歎衆堪聞請前已歎竟。此復歎者。由聞上言證信難得。示現此衆有信有證有堪能故。先長行後偈頌。前中分二。先叙請。後佛子下。發言正請於中三。初陳衆集。二善淨下。歎衆具德。三善哉下。結請。二中十句初總餘別。總謂善淨深心離教證過。故名善淨。深心有二。一具修一切諸善行故。即下教淨。二與理相應故。即下證淨。下九別中。前五阿含淨。後四證淨。謂順教修行名阿含淨。證理起行名爲證淨。教通地前證唯地上。今初五中。一善潔思念即欲淨。隨所念阿含得方便念覺淨。謂得方便。即不取念相名爲善潔。二善修諸行者求。淨三業敬順起求法行故三。善集助道即生得淨。願得益衆生處上上勝生。生而便得悲智勝念。以助正道故。四善能等即受持淨。親近多佛意在多聞憶持故。五成就善根即行淨。爲求地上真證法故。習少欲頭陀等離著善根。後證淨四中。一捨離癡惑者得淨現智。善決定故。謂真見道中得無分別智。非比知故名爲現智。相見道中以後得智審觀理智故決定無惑。亦可俱通相見道中。亦名現觀。真見道中決理無惑。皆破無明故云捨離癡惑。二無有垢染即不行淨。修道中一切煩惱不行故。相見道後至金剛無間道中。皆是修道。復數修習無分別智故名修道。滅二重皆使不行。對見道中初斷所知。故云垢染。成唯識第十云。煩惱障中修所斷種。金剛喻定現在前時一切頓斷。彼障

現起地前漸伏。初地上能頓伏盡。令永不現起。如阿羅漢。由故意力。七地之中雖暫現起而不爲失。八地已上畢竟不行等。煩惱即是垢染。不行即是無有。然見道中。非不斷惑見理義增。修道位中審慮重觀除障義勝。故此偏說。三深心信解即無厭足淨。不樂小乘。但於上勝佛德深心希欲。信解決定故。四於佛法下不隨他教淨。趣善薩地盡道中自正行故。上歎德竟。第三結請可知。二偈頌中。初偈直舉法請不頌前文。上半舉法請說。下半彰說有益。後偈頌前請可知。第四爾時下。不堪有損止中二。先長行中亦二。先頌前所歎對下有損。所以言雖後然有下。舉損違請於中二。先舉損劣解之人。通凡小等。皆是迷法之器故。多生疑者。正行相違猶豫義故。惑者心迷於理。能破壞善法。遠離善法故。此明現損。於長夜下。明其當損。後我慈下。結歎違請。偈中亦二。初偈頌前段。淨明有信餘皆有證。如山如海。雙喻教證。後偈頌後段。以取相故。但依於識不能依智。第五雙歎入法請中。復重請者。示彼疑惑應須斷之。豈可避之。避之不說有多過咎。何等過咎不得成就一切佛法。文中先長行。後偈頌。長行中三。初標請。次何以故下。釋請。後是故佛子下。結請。釋中二。先直徵釋。後轉徵釋。前中先徵意云。何以當得佛護而能信耶。釋云。法應得護由得護故必能信受。一轉徵釋中。先徵後釋徵意云。何以說十地時法應得

佛護耶。下釋意云。如來說法不離教證。最所要故。文中三。謂法喻合。法中最初所行者。依阿含行故。成就一切諸佛法者。是證智故。此即九種教證中。第四修成相對。二喻中以字母喻於地智爲諸法本。論云。書者是字母。如斷字師子形相等者。以書記字非正字體。言師子形者。謂凡字如蹲踞形。有云如呼師子爲毛多故。毛字像形似師子頭尾者。全不似也。字者論云隱阿等者。即十四音正是字體。字即文也。等餘十二。然有十四音。二音不入字母。謂里梨二字。數者名句。此二是數義者。謂有二字多字名。必以多字成句故皆數也。說者是語言。皆以字母爲本者。明末依本喻果依因。字母究竟者。明本能攝末。喻因無不攝。上二順明。無有少分離字母者。反成上二言字母者。即迦佉等三十四字。以前十二音入此三十四字。則一十二字中成十二字。復有二合三合乃至六合。展轉相從出。一切字故名爲母。論經名爲初章者。以梵章之中悉談字母最在初故。然五天口呼。則輕重有異。書之貝葉字體不殊。梵天之書千古無易。不同此土篆隸隨時。故此爲母。亦常楷定。三合中初合未依於本。後十地究竟合。因無不攝。所以須此二者。若但言爲本。容非是末。如以百錢爲本。成多財貨等。今明如水爲海本。無海非水故。云究竟無有離者。又爲本者非但因爲果本。亦乃後爲前本地前望證修阿含故。初心即以智觀如

故第三結請可知。問若依上義諸佛有力能令信者。何故今後衆生於彼法中亦有謗意。答有二種定。則不可加。一感報定。以先世今世造定業故。二作業定。宿惡熏心。猛利纏起難曉喻故。上如釋種下如琉璃。頌中初偈頌標請。後偈頌釋請。略不頌結。頌釋中長行法中無究竟之言。而喻中有。今此反前欲顯具有。又法中明本能生末。合中明末依於本。皆影略耳。第二大衆同請者。上來衆首請說顯衆堪聞樂聞。今大衆展誠自陳有根有欲。文中先叙請。後正偈請。於中二。前四偈半歎入堪能請。後一偈歎法成益請。今初亦二。前二頌歎說者。餘歎聽者。前中初五句歎說者。自成教證。後三句歎能令他人。今初。初四句歎證。後一句歎教。自分所成一切行位。通名為證。上受佛教說為阿含。即九種教證中第八門也。今初上者是總。然總有二義。一雙為教證之總。二唯顯證力辯才。對教名上。此中歎證辯才有三。一真實智為辯所依。即經初句無漏故無垢。過小故云妙。二辯體性。即第二句。謂堪能分別無邊法義故。三者辯果。即下二句。依前起詞樂說故名爲果。一證表深旨字義成就。即下一句二滑利勝上字義成就。即宣暢句。二有一句歎阿含。謂念持於教得淨慧無疑名清淨行。三句歎能令他人者。初句令入證。謂已入地者令得佛十力。未入地者令得入地。故云集功德。集功德即論經淨心淨心即初地。由

集德成故。後二句令入阿含辯才分別說者。意令受持十地法故。說主既內具二力。外令他人。何故不說。二有一頌半歎聽者。中二。初偈歎衆有根。後一偈半歎衆有欲。今初由有根故堪受教證。初句有治。次二句離所治。下句結請。結請惟顯是總。惟願有二。一求阿含。二求正證。有二妄想不堪聞教。一我二慢。以我慢故於法法師不生恭敬。以定戒爲治。謂若有定則心調伏。故內無我慢。戒則善住威儀外相不彰。有二三妄想不堪得證。一邪見顛倒見故。二疑念於不思議處不生信故。有三對治則能得證。一證見善思義故。即經集正。謂積集深思故。二者正心。信心歡喜故。二歎有欲者。顯示大衆求法轉深。於中一偈喻明半偈法合。前有四喻。喻四種義門。示現正受。彼所說義。一受持謂求聞慧。初聞即受隨聞受持。如水不嚼隨得而飲。二助力謂求思慧。嚼所聞法助成智力。如食咀嚼以資身力。三遠離謂求修慧。依聞思行能去惑習。如服良藥藥行除病。上三三慧。四安樂行。謂求證智。即三慧果聖所依處現法受樂行故。如蜜衆蜂所依故云貪也。後法合中能求一向是法。所求猶通法喻。以一甘露總合四喻。甘露有四能故。一除渴。二去饑。三愈病。四安樂故。二有一偈歎法利益請。直觀經文似當結請。今依論判故云歎法善哉是總。所說法中善具足故善哉有三。一所依即廣大智。說地必依此慧故。

二體性即第二句。正說入諸地。則地地轉勝故。三者地果即後二句。謂具十力無障礙佛菩提故。行亦果行如出現品說。自下第三如來加請前雖一家四請。爲顯法勝復待佛加前來爲分主伴主佛。唯明意加。今欲具於身口故復重加。又前默與威神令有加請。今加爲說不與前同。若爾諸佛前已具於三業何得復加。前但是加未是請故。今以加爲請並異於前。上力被下說以爲加。因加勸說目之爲請。加即是請故云加請。長行則以加爲請。偈頌則以請爲加。不以常口求請。而以雲臺發言。不以常身展敬而以光業代者。爲不輕尊位故。要復請者爲重法故。前加分中不加大衆。今此加者前若即加說主。無由三止。此若不加請主。前言得佛護念便爲無驗。文中通有八業二身。且分爲二。先長行有二身七業。後偈頌但明請業。前中。一先此佛光照十方。後十方佛放光照。此二光互照必互相見。二段皆有二身七業。今初分二。先明光體業用。後作是事已下。正明所作。今初。先明光本。上加於下多用。肩間之光。亦表將說中正之道。出清淨下。正明體用。於中文有六業。一覺業。即光名體。謂是光照菩薩身。已自覺如來力加故。覺照光用。故曰焰明。二百千下。因業。能生眷屬義。故三普照下。卷舒業。舒則普照十方。卷則還入常光。今文略無卷業。若兼取下文。如日身中於空中住。義則通有。四三惡下止

業。五降伏業。論經云。一切魔宮隱蔽不現。今經闕此。六又照一切下。敬業。顯現佛會。令物敬故。七又照十方下。示現業。正爲令衆見說聽者。皆得佛加堪說聽故。長行受身加之名。偏從此立。二正顯所作。即二身之一。言二身者。一流星身。往他方世界故。論不指經。古德共指卷舒敬示三業當之。以是往來光體如星流故。二如日身。謂如日處空即此所作。於上空中爲臺是也。故以身業相對。應成四句。一業而非身。謂八中除三。二身而非業。即如日身。三亦身亦業。即流星身。四非身非業。此經所無。即論經彼此相見。以身約有體業約有用。三則雙具。四則非正所爲故。二十方佛放光照此者。正爲照此。然其作業亦周十方。七業二身不殊。此佛而加。又亦照此娑婆。經文以主佛普照此。不待言伴佛普照。正意爲此加被相故。第二偈頌明請業中。二初偈所依望前猶屬於身。後正偈請。五偈分二。前四加請所說。後一教說分齊。前中亦二。初二偈舉法請。後二偈舉益請。前中亦二。初偈正顯作加。後偈顯加所爲。今初。加於彼三字是總。此偈正爲加故。其世中上亦總亦別望加於彼是別。以二種加中是具果加故。望四勝義是總。以上即勝義具四種勝。爲世中上故。言四勝者。亦如世王。一自在勝。所作無礙故。即經初句言佛無等者。由離二障解脫自在不染如空。十地已還皆無等故。重言等者。唯與佛等。欲顯佛

佛等正覺故。二力勝。即經十力能伏邪智之怨敵故。三眷屬勝。即無量勝功德及人間最勝。論經即當無量諸衆首。謂具功德堪爲衆首。故云人間最勝。論云諸衆首者。佛於世間最上勝故。四種姓勝。謂家姓勝故。即釋師子法。於中又二。一釋師子是生家勝。謂應生釋姓輪王貴冑故。諸佛同加。偏語釋者以現見故。是主佛故。二法之一字是法家勝。謂非但生家勝。諸佛皆同真如法中住故。由上四義故。稱法王名。世中上。上云二種加者。一具身加。依法身故。謂釋師子是有法所依之身故。二具果加。證佛果故。即是世中上。及別明四勝。異未成佛之色身故。今此具德之人加金剛藏。第二偈加所爲者。欲令開現法藏義故。文中初句及下句。以佛威神是說所依。餘文正辯所爲。開勝藏一句是總。下十字是別。別歎勝藏。有其二種。一義藏成就。二字藏成就。義藏即勝妙行行者。諸菩薩行。所謂助道法故。妙者。眞實智故。即是證道。勝者。神力勝故。是不住道。染淨無礙故云神力。如是顯示深妙勝上之義。二字藏者。即諸地廣智及分別說。謂說十地差別相故。上舉法請竟。第二舉益請者。顯所說法利。他有三時益故。二偈分三。初半偈聞時益。若得上加則法寶入心。成聞持故。次半偈修時益。上句修時因圓。下句所修果滿。後一偈轉生時益。即具堅種人。上半順明。明有信之益。下半反顯學無信之損。論經但有順明。偈云。雖在於大海

及劫盡火中。決定信無礙必得聞。此經。今經堪受即決定信義。此中大意云。若有信有機爲堪受者。無問惡道善道。難處生皆得聞經。以難不障聞故言雖也。海水劫火即是轉生難處。大海即是惡道畜生趣故。故論云。龍世界長壽。亦得聞此經。偈言雖在於大海故。而言長壽者。如有經說。右脇著地未動之間。已經寶劫千佛出世。更一轉亦爾。但暫以息尙爾。況其一生。劫火中者。即是善趣。論云。雖在色界光音天等。亦得聞此經。偈言及劫盡火中故。此即指二禪已上爲長壽天難。然論無長壽之言。而前龍趣却有長壽。且三惡爲難不必長壽。恐是譯人誤。將此中長壽入於前文。然二經中文皆巧略。若具應言劫盡火起時在光音天中故。論爲此釋。以火起時初禪無人。二禪不爲其壞於中得聞故。等言等取三禪四禪。免水風災長壽天難。乃至無色亦皆得聞。今舉初攝後。及對水成文故云劫火。案智論等通上二界。除五淨居皆長壽難。今不取初禪者。以彼有梵王多好說法。有覺有觀聞法障輕。又正已燒故不說之。上順論釋。八難之中善惡二趣各舉其一。理實八難皆容得聞。又劫火之言兼佛前後劫壞之時無佛出故。脩維地獄容在海中則兼數難矣。今經但云劫火。則正在火中亦容得聞。以衆生見燒燒處有不燒故。問若依前義云何堪受法人復生難處。答此約乘戒緩急應成四句。一乘緩戒急

生長壽北洲不開法要。二者乘急戒緩。生三塗中不礙開法。故。佛會中多列龍鬼等類。三者乘戒俱急。則人天開法。四乘戒俱緩。則處三塗諸根不具又不開法。今海水劫火是二三兩句。餘二無乘故。經論不明。即後半意勉。旃學徒。願留心法要故。涅槃云。於戒緩者不名為緩。於乘緩者乃名為緩。第二一偈教說分齊中。應說諸地者。總勸說也。說地何義。謂應說前字藏之中諸地廣智三漸次相故。次修習言即為總相。言漸次者。漸明非頓。次辯不亂云何為三。一觀漸次。二證漸次。三修行漸次。此即十地之中。加行根本後得三智。為地地中初中後相也。勝智道者。即觀漸次。道者因也。以加行智為正證勝智之漸次。故名勝智道。謂說此十地若加行觀。若加行所依止理。能生諸地實智故。次入住展轉者。是證漸次。入者入地心。住即住地心。未轉向餘地故。展轉即出地心。地地轉所住處故。即此三心證智自為漸次。第三句即修行漸次。以後得智要由證真修行。方能了俗故。名修行漸次。言法智者。正辯後得智體緣。法別故名。為法智。此智從二境生。一由證真故。云從行生故。論云。行者入住展轉成就故。二外能了俗故。云從境界生故。論云。境界者。此行種種異境界故。謂以正證之修行。於俗境是後得也。利益衆生一句。結說之益。亦是後得智境。問地地正證者。如初地中正智親證真如。則後九地中不應更證以

如無二無異故。古德釋云。如雖一味。約智明昧。有十親證。此亦順理。故唯識論云。雖真如性實無差別。而隨勝德假立十種。此約所證德異。故有十地親證。又云。雖初地中已達一切。而能證行猶未圓滿。為令圓滿後後建立此。則亦約能證明昧意也。若唯取所證德異。則初地未全證如。亦未能全通。如無異難。如人觀空小時不遠大則漸增。空雖無差。眼有明昧。自下第三詳說分齊。謂所說不過義說二大。是地分齊。於中二。先叙說儀。後正顯偈辭。今初。觀察十方是叙說儀。論云。示無我慢。無偏心。故。觀十方佛將欲承力。故無我慢。觀十方機擬將普被。故無偏心。故。上下文皆云承佛神力。普觀十方也。亦可普觀物機。不慢。旁人。普觀諸佛。不偏。一佛。欲令大衆增淨信者。是叙說意。謂衆先有信深渴所聞。今更示說正地二大增益聞者。堪受正義。不如言取名增淨信。若準論經。更有增喜。彼經云。欲令大衆重增踊悅。生正信。故。以踊悅即是淨信。今略無故。論云。踊悅者。心清不濁。故。由信以心淨為性。則稱理而悅。以前說主遠。請中已令衆喜。故。今云。增如何得此踊悅。論云。踊悅有二。種。一義大踊悅。為得義故。二說大踊悅。因此說大能得義故。義名所以深廣稱大。即是當法受名。說名詮表。因此說得彼義故。依所得義故名為大。大之說故。依他受稱。聞於二大皆踊悅者。因證得旨。湛淨

無疑。法喜內充。故增踊悅。大意如此。然二大體相古說不同。遠公云。此地經中宗要有四。一是言教。二是所說教道之行。三是所顯證道之行。四是證道所表地法。就此四中初二為說大。以行依言成。言依行發。故合為說。後二合為義大。以證依法成。法由證顯。故合為義。賢首釋云。此經宗要有六。一。所依果海。如太虛空。二。地智所證十重法界。如空中所畫之處。三。根本智能證法界。如能依畫相。四。諸地後得隨事起行悲智不住。五。諸地加行所起行解。為趣地方便。六。寄法顯成諸地差別。如第二地中十善為正。三地禪支等。於此六中。前三合為義大。後三合為說大。然其後解不取能證者。意云。如偈中七偈。亦明義大。豈無能證。正應用所以甚深。故名之為義。可寄言說。故稱為說。且依後解。古德因此復辯。可說不可說。義。然下論自明。因果二分說不說義。非無眉目。故今叙之。於中先就義大。次約說大。後辯雙融。義中有三。一約果海。可以總標舉。令人知有。名為可說。不可指斥。示人名。不可說。二約證處。既此所證離相。離名。還云。此法不可說聞。以此遣言之言。當彼法。故名為可說。有言斯遣。名不可說。三約本智。謂以遮詮易解。故名可說。直詮不遠。故不可說。攝論云。無分別智離五相。故謂睡眠昏醉等。以直詮不到。故約遮詮。以示彼法。二就說大中。亦三。一約後得智。隨事行相。可以言辭分別。是則可說。是出世

間故不可說。二約加行智。謂是意言觀。故是則可說。觀中行相言不至。故名不可說。又諸法自相皆不可說。諸法共相皆是可說。此通一切法。三約所寄法。可以寄此表示。令人解十地。故名爲可說。不可以此卽爲十地名。不可說。三約變融中。此上六中各說卽是無說。無說卽說。無二俱融準思可知。又果海離緣故不可說。所證緣起是則可說。三所證非修故不可說。能證修起是則可說。四正證離相故不可說。後得帶相是則可說。四後得無分別故不可說。加行有意言。是則可說。五加行觀無分別故。不可說。寄法表地。是則可說。此上不可說。皆各不異於可說。以真理普通故。可說不異。不可說以緣修無性故。是故下文雖說一分。義亦不少。故論云。如實滿足攝取故。意在於此。涅槃亦云。生生等皆不可說。有因緣故亦可得說。故說不說不可局執。餘至下明。上來叙意竟。

大方廣佛華嚴經疏卷第三十二

大方廣佛華嚴經疏卷第三十三

唐清凉山大華嚴寺沙門澄觀撰

第二正顯。偈詞有十二偈。大分爲二。前七顯義大。後五明說大。今初分四。初四偈總顯地智微妙。二有一偈類地行微。三有一偈寄對彰微。四有一偈喻顯地微。今初

分二。初二總顯地獄後二別顯微相。今初。正顯地智微妙之相。故論云。此偈依何義說。依智地故。依者據也。云何知依智地。上來本分請分皆依智地。後說分中亦說智地。卽今此中第六偈。云智起佛境界。亦依智地。明知此顯地智微妙。非別明佛果。於中論經但有六句。初二句卽此初偈。彼云微難知。聖道非分別離。念言微妙者。二偈總相卽前地智超言念故。餘皆是別。別中初句是微體。餘皆是微所以。於中難可知。總顯所以。下六句別顯所以。論云。云何微。偈言難知聖道故。此卽雙指。謂聖道是體難知。故微也。故淨名云。微妙是菩提諸法難知故。云何難知。此有二義。一說時難知。口欲辯而辭喪故。二證時難知。心將緣而慮息故。上大仙道是所證說。大仙是佛故。言微妙道者。是因修行證智之因。得大仙果故。六句別顯微所以。中。初句卽說時難知。言非念者。非有念慮分別心者之境界故。何以非是念慮境耶。以此地智自體無念故。故云離諸念也。由上二義。如是聖道名爲甚微。下之五句明證時甚微。於中復有總別。初句爲總。求欲證見難證得故。以無見無得方能證故。下四句別有四甚微。第一觀行。第二依止。第三清淨。第四功德。初句卽功德甚微。不生者。契理出世故。不滅者。非一往滅不捨利益衆生事故。卽無住涅槃。寂用無礙功德。次句卽清淨甚微。性離煩惱。非先有染。後時離。故名爲性淨。如此則無不

離時故恒寂然。卽性淨涅槃。言離垢者。卽觀行甚微。謂觀智中離無明垢故。不同世間八禪。爲無明難故。聰慧人下。卽依止甚微。聰慧人者。登地已上有智之者。彼人之智。能行地智。何智能行。若就總就實。唯一實智見。一實諦故。若就別兼權則通三智。一加行智。增上善勝解故。二根本智。增上善寂滅故。謂滅諸惑證寂理故。三後得智。隨開明了故。云何行處。此之地智是彼證智。自證知故。依彼地智說證智生。故說爲行。非正證時有能所行也。上四微中功德異小觀行異。凡依止清淨揀異外道。自尊之者。以智斷異故。前清淨微是斷德。不同彼有見惑及滅心想。爲清淨故。依止卽是智德。不同彼以六行而伏惑故。上依增勝。若通說者。並異。凡小第二兩頌別顯微相。故論云。此甚微智復有何相。此微體相也。是智有二相。初二句明同相。智體空寂故。後六句不同相。智位差別故。今初同中。上句總下句別。總中此是誰相彼智相故。故言自體。此智自體以何爲相。謂本空寂。何以言同。此卽性淨涅槃。上同諸佛下。同衆生。一切衆生皆有此故。橫同諸法諸法如故。此如卽是自體空故。一切皆以空爲自性。智性色性本無差別。一切皆有安樂性故。下句別者。論經加一有字。云有不二不盡。釋云。此智空寂其相云何。謂離三種空攝。是真空相。三種空者。卽地前空亂意苦。薩。一疑空滅色取斷滅空。此失。空如來藏。則損滅也。二疑

空異色取色外空。三疑空是物取空爲有。今云有者。卽初離謗攝。不謂斷滅如鬼角故。言不二者。卽離異攝。不謂異此空智更有異空。言不盡者。離盡滅攝。不謂有彼此自體彼此轉滅故。此明非滅有體之智。或有體之空。亦非空有物可轉滅也。離此三空。卽見自性本空空如來藏。今闕有字如何會通。此有二意。一以不盡攝之。謂有體故不盡。無則異於斷滅。若無可盡滅則非有物。義如前說。二者西域之經自有三本故。論云。有二種頌。一有不二不盡。二定不二不盡。此頌雖異同明實有。若非實有不得言定。此云何定。定能滅除諸煩惱故。意云。定卽是有故能滅惑。今經亦無定字。義同定本。謂定是有無不二法故。離前二空。謂無二中兼得空與有不二故非斷滅。三種空義。如實性論第四所明。二有六句。明不同相者。卽方便淨涅槃。斷惑平等不同。凡小。而能斷故不同外境。但是所證有異相。故不同於空。涅槃是果。此云何是約分證故。又是所依果海。如下十山十德不離海故。此當義大不可說故。今明地智應是菩提。那言涅槃。若分相門。則所證爲涅槃。今顯相融。卽智之性爲性淨涅槃。智出惑障。爲方便淨涅槃。二而不一。難說甚深良在。於此。文中解脫是總。餘皆是別。總謂淨相解脫故異前也。實性論第四云。清淨有二種。一自性清淨。謂性解脫卽前同相。二離垢清淨。謂得解脫卽此淨相解脫。別中以

別顯總別有二種。一何處得解脫。卽經於諸趣也。此顯所脫。謂煩惱爲趣緣業爲趣。因生爲趣果故。三雜染皆諸趣攝。若脫因緣則無生果。二云何解脫。卽下五句。此明解脫之體。五句卽顯五種解脫之相。一等二際。是觀智相。二斷煩惱是離礙相。後三體德圓備。卽是涅槃之相。言平等者。謂世間涅槃平等攝取。非如聲聞一向背世間。故以世間之性卽涅槃故。中觀云。世間之實際。卽是涅槃際。無毫末差別故。二斷惑相者。謂三時無斷方說斷故。故云非初非中後。釋此有二義。一約相翻。二約相續。言相翻者。謂無間道正斷惑時。爲智先起惑後滅耶。爲惑先滅智後生耶。爲同時耶。此三惑智各有兩失故。如不成斷。謂智先起。智有自成無漏過。不能滅惑過。煩惱先滅煩惱有自滅過。不障聖道過。智後同時各具四過。如燈不滅。闇可以喻此。又涅槃云毘舍那。不破煩惱。若爾云何說斷。若依唯識第九明。二真見道現在前時。彼二障種必不成就。猶明與闇定不俱生。如秤兩頭低昂時等。諸相違法理必應然。是故二性無俱成失者。此但舉法相一邊。亦不違餘緣集斷義。若望此宗則有所遺。謂秤衡是一低昂無妨。解惑不爾。豈得俱時。明闇之喻。雖則相傾到與不到俱不被闇。同時則相乖異時不相預。故若此宗斷結要性相無礙。上明非先後俱爲顯無性。無性緣成則說斷結。由能斷無性。方爲能斷。所斷

本空方成所斷。若定有者則墮於常。不可斷故。若定無者則墮於斷。失聖智故。言相續者不約惑智相對。但就一智自有三時。論依此釋。就此三時復有二種。一約初心究竟。通分三時。二約無間道中剎那三時。經論並通此二論云。此智盡漏爲初。智斷爲中。爲後。答云。非初智斷。亦非中後。偈云。非初中後故。此上順釋偈文。兼定三時。唯約智說故。言是智斷惑。若爾三時無斷云何斷耶。論云。如燈焰非唯初中後。前中後取故。此舉喻釋成謂實教斷惑必性相雙明。經文正顯證智。唯據甚深緣性不可說義。論主兼明斷義故性相雙辨非初中後。辨因緣無性。是斷之不斷。前中後取卽不懷緣相。是不斷之斷故。大品云。菩薩非初心得菩提。亦不離初心。後心亦爾。而得菩提。譬如然燈非初焰燃。亦不離初焰。後焰亦爾。而炷實燃。故龍樹判云。佛以甚深因緣答。涅槃二十九亦云。衆生五陰。雖念念滅而有修道。如燈雖念念滅而有光明。上諸經論。皆顯性相無礙。無斷之斷。又今經論反覆相成。謂若定斷者。一念便足。何假三心。既並取方成。明知無性。無初中後。無初中後是無性。故方得成於初中後斷。此則因緣故無性。無性故因緣也。若云。初念則能斷。後念方究竟斷者。不異毘曇一念有燒始終方盡。若云。初念獨不能斷。積至中後方能斷者。不異成實一念不燒相續方然。勿失宗旨。上猶通實教。若依圓宗所斷之

惑一迷一切迷故。一斷一切斷。無斷無不斷。若具顯諸宗差別。如別行章。非言詞下三句明。三德者。初句即般若。是觀行相。謂無分別觀體。絕名言。眞智內發。不同聲聞依聲而悟。前云觀智約其決了。此云觀行約行契極。次句法身是轉依相。謂轉無常依。云出過三世故。此微智依常法身論。云非如無常意識智。依止無常因緣者。此棟未轉依時。今爲所轉依也。無常意識智是彼能依。無常因緣即是所依。持種本識是無常因。所持染淨諸種子等。是無常緣。依此因緣起無常意識。今轉無常識成妙觀察智。轉無常意識成平等性智。以爲能依。依彼本識如來藏性眞如法身。以爲所依。論云。如修多羅中決定說者。是了義故。涅槃經說。轉無常識獲常識故。諸大乘經其文非一。問所依本有可得是常。能依修起寧無生滅。若依唯識。所依常故能依亦說爲常。非自性常是有爲故。若起信等始覺同本。亦皆是常。勝鬘經云。一切法常住故。三共相如虛空。即解脫相。不同聲聞猶有智障。二障雙亡故。如空無礙。三德之義已見上文。然圓滿在佛。圓教十住即許開發。此中約因即言分得。所依果海等佛無差。轉依亦爾。從因門中是見修轉。就果辨者。究竟廣大轉也。此不同相。由得前同成斯不同。能顯前同。令離障清淨。無別不同。如融金成像像非金外。論中結後五句云。如是觀智如是斷煩惱。如是觀如。觀如如是依止。依止

如是解脫得解脫。後三皆重言者。皆上牒前下是結成。謂如是觀而觀等也。偏此後三有重牒者。以前文後三對妄顯眞故。須牒眞就以結之。第二一偈類地行微。於中上半牒前地智離言。以爲能類。下半正舉地行以爲所類。初中謂彼前地智顯二涅槃。皆言不及。寂即同相性淨涅槃。自性寂滅。即不同相方便淨涅槃。要智緣滅非約性滅故。此二涅槃是佛所行。故言不及。行者證也。言不及者。說聽皆難也。何不直說。無言。而云言所不及。若一向無言何由悟解。今尋言求理而知理圓言偏。故但云不及。下半所類者。謂非唯證智如是深玄。而令智眷屬行亦難說受。論云地者。境界。觀行者智眷屬。智眷屬者。謂同行。同行者。謂檀等諸波羅蜜。言境界觀者。如爲境界照達名觀。此即加行。設地是地體。意在舉地取行。故云地行。將此地智修行檀等。故名同行。同彼事而行故。斯即後得爲證智眷屬也。第三一偈寄對彰微者。對聞思等以顯微故。初句舉法體。智是所起地智。即前五偈所明根本之智。起者即加行後得二皆觀如。如即佛境並爲能起故。論云。以何觀以何同行。能起此智。此即前偈何觀者。前境界觀。何同行者。前檀等行。皆言何者。隨何觀行是非一之言。以加行隨地不同。後得緣境各別故。次二句明難說。於中初句非心數故難說。非念者非思慧境故。離心道者。非報生識智境故。報生識者。如上

達請中辨。後句明不同。三科有色心根境。故不可說。論經云。非陰界入說。論釋非說。云離文字故。今經略無說字。門即是說故。法華中以說爲智門。下句明不可聞。智知者。唯證智知故。意不及者。如聞取故。即依智不依識也。第四一偈喻顯地微。上半喻下半合。此中喻者。不唯取空。餘處虛空不爲喻故。不唯取迹。砂土上迹不爲喻故。正取空中鳥迹。論云。鳥行空中迹處不可說相亦不可見者。總顯喻相也。處即迹處之空。相即空處之迹。不可示其長短大小。令見不可說爲有無等。此中迹處之空。以喻證智。空處之迹以喻阿含故。論合云。如是鳥迹住處名句字身住處也。何以不可說。論云。虛空處處鳥迹相不可分別故。意云。鳥足履沙則有迹及處。由履空故處處難分。名句字身亦爾。菩薩證智所攝故。不可說聞。若說若聽心意不能了也。故以證攝教如空攝迹。令名句等非如聲性也。以是證智之名等故。上明能相非有。順喻不可說聞。後明細相不無。以喻可證。論云。非無虛空行迹。故謂迹處之空異於餘空。喻非無地智。空處之迹異於無迹。喻非無名句字身。以有鳥行必有迹故。論云。非無地智名句字身。即雙合也。謂有諸聖親證如故。證尙不無況於言教。又以空攝迹迹不可示。以迹攝空空亦非無。喻以證攝教教不可示。以教攝證證可寄言。喻意正爾。若欲開鳥異迹。則鳥喻言詮。迹喻差

別地相則有三事。而述處中以述隨於鳥。迹相非無。以迹隨於空。迹相非有。喻以差別隨於證。差別非無。地相隨於證。差別非有。若更開述處之空異。太空者。則迹空喻證智。太空則地智離言。雖通此義。在論迹空隨。太空則地智離言。雖通此義。在論無文。若以迹喻證智。如前風畫中辨。以斯鳥迹之喻。映下十地之文。則寄位淺深之言。施戒禪支之類。一文一句。莫不深玄。豈謂地前為深。地上為淺。故論總結云。此中深故。不義大開悅。此中鳥迹亦雙喻。教證難說難聞。何異。請中風畫之喻。故論云。云何復說論。答云。汝等不應如聲取義。此意云。上喻及法。是顯默不說之意。此中喻及難說。誠家捨著許為宜說。意不同也。若以著心隨聲取義。有五過失。一不正信。以隨言解。不稱實故。二退勇猛。不能忘相。趣實理故。三者誑他。以己謬解為人說故。四者謗佛。指己謬解是佛說故。五者輕法。以淺近解解深旨故。謂法如言不殷重故。意令大眾自知無此五過。所以明難說聞。今人以地上為淺者。並陷斯五失。故歎難說聞。則翻斯五失。以成五德已。說深義令生正信。自下第二復顯說大令生正信。五偈分三。初一偈半正顯說大三成就義。二有三偈彰已無過誠。衆除失。三有半偈示說分齊。但是說因。今初言三成就者。一因成就大。謂慈悲願力為起行本。故名為因。二因漸成就大。謂聞思慧等為出世智因。起之

不頓故名為漸。三教說修成就大。謂即修慧真修。契實如於正證。可寄言詮故名教說。教說二字正揀義大。非如果分不可說故。前二不似正證。體非玄妙。不假言揀但為出世智因。故並稱因。當分獲得三皆成就。此三位為在何所。此有二意。一約初地則前二容在地前。地加行故。後一唯居地上。二約通說。地地之中加行修等慈悲願力。即是因成。聞思慧等即為因漸。正證後得皆教說修。聞慈等聞等說。十地中在女易了。正證之相何處是耶。答此有二意。一地體玄妙不可直彰。寄法顯示即是其相。謂如十善禪支道品諸諦等。二因滿入處即是正證。如初地云。名住菩薩歡喜地。不動相應故。八地云。入一切法如虛空性。成就此忍名入不動地等。即其文也。以真實正證不可說示故。此二類皆是說修。若爾上三漸次。何以諸佛教說證耶。彼從所表義大。故名為證。今從可說。但得云說故。上論云。因此說大能得彼義故。已知大意。次正釋文因成就大。即初二句。慈悲是利他願通二利。力通上三。以二利熏修不同。二乘故名為力。下句即二利之功。出生地行正是因義。二因漸成就大。即次第二字論云。說聞思慧等次第。乃至能成出世間智因。故此云等者。通有二義。一者等上以其修慧是第三大。故不等之。二者等修。修有二種。一者緣修。屬此門攝。二者真修。屬第三攝。由等義有含故但云等。不爾

何不。但言聞思修。而以等替修。三圓滿下。明教說修成就大。此有二種。一滿足修即初八字。二者觀修即後兩句。真修位極世虛都寂。能滿地智名滿足。修真智內發寂照分明。名為觀修。初即稱性寂然。後即寂而能照。猶瑩明鏡垢無不淨。如滿足修。靈無不徹。如彼觀修。此二種修望於真證。猶彼等妙。等覺等於妙覺。而但是因圓。妙覺捨行方稱果滿。此亦然也。二修如於出世。但是因分之終。正證捨修方名果分。諸有智者。請鑒斯旨。文中虛即聞思。智即真修之心。心即真修心體。謂若無聞思緣慮之心。方名真修之心圓滿。故唯真修之智所能行耳。若準論經。心是所如出世之心故。論經云。非心境智滿如淨心。論釋云。滿足修者。偈言非心境故。非心境者。此句示聞思慧等心境界處。唯是智因能生出世間智。而此不能滿。彼出世間智者。此明聞思。是心境不能滿。地智。翻顯真修。非心境方能滿。地智故。次便引偈云。偈言智滿如淨心。故。次牒釋云。如淨心者。如出世間清淨心。能滿彼地智故。此明兩蓋相稱。謂欲滿地智。非餘心能。要真修慮寂之心。一如出世智心方能滿也。其所如出世之心。即是正證地智。此言真直。次觀修中是境界者。即真修之境難見者。非聞思能見。可知者。唯真修自心寂照方知。知即見也。故論經云。難說自心。知釋云。自心清淨可見。既難可見亦難可說。而隨修以顯說大中收。不同果分。但是深義

第二彰已無過誠衆除失中二。初半偈總明。後二頌半別顯。今初由說聽者。各有二過。不能得證故。並彰離說二過者。一佛不隨喜說。今云佛力開演。則知佛已隨喜。二不平等說。今云。汝等應受則情無彼此。聽二過者。一見譯過。言我法是他法非。如是執著種種諸見。二於說法者。不生恭敬。是執著種種諸見。二於說法者。不生恭敬。今令敬受。離二過。謂敬法故無見譯過。以敬人故無第二過。第二別顯中。上離四過事但有二。一承力。二開演。三敬受。今三段廣之。初一偈廣開演。次一偈顯敬受。後半偈顯承力。今初。上但云開演未知廣略。今顯略而非廣。上半顯智入之行。深玄廣說不盡言。智入行者。地法爲所入。證智爲能入。行此智行則入地法。又智入是證智行是事行。下半今雖略說攝廣無遺。真實者。即智入行也。無餘者。若事若理無不具故。第二顯敬受者。即示恭敬相。初句正明三句出因。恭敬有二。一身正恭敬待。如威儀住堪受說法故。二心正恭敬待。如心決定堪能憶持故。心敬則身必恭故。偈但云心也。下釋恭敬所因。謂由善說故令物敬待。初句對人彰已善說。說之一字論經名善說。善說者。對於當機無詬無憍慢故。承佛力者。示已無增上慢。不言齊佛故。次二句對法彰已善說。勝法二字即是所說。次六字是能說。其相應二字通能所詮。文雖三節義乃四重。一今之所詮示現何事。所謂勝上地法故云勝法。二復徵云所

詮是地能證多種。或以色香威儀進止皆爲能證。爲用何法爲能證耶。故論云。以何事答云。我用八種梵響微妙音聲以爲能證。不用香等故。經云。微妙音。三復徵云。用此音聲復有多種。爲直爾用爲喻類顯。故論云。云何事。答云。非直爾顯寄喻類明。故云。譬喻。然喻有二種。一是譬事爲喻。如下節節引金莊嚴具。大海珠寶等。二借法相事況出於理。曉喻時聽亦名爲喻。今通此二。四復徵云。雖知喻顯喻亦多種。爲依世間不善文字而爲喻耶。爲依出世善字喻耶。故論云。依止何事。答云。依於善字。經闕善言。論經具有。云何相應通能所詮。一以妙音聲與喻相應。是約能證。二約善字與理相應。是通所詮。故論云。善字有二種。一隨方言音善隨順故。二字句圓滿。不增不減與理相應故。又與能證三事相應。則與理相應也。第三廣承力者。論云。前言承佛神力。未說云何力故說此也。無量佛者。略有二類。一是主佛。二是十方金剛藏佛。三是有十方一切佛也。第三示說分齊者。但是說是十方一切佛之中下句。論經乃在說大。五偈之初云。我但說一分。正是分齊。或是譯者迴文。或是梵本有異義旨不殊。前後何妨。於中上句牒前所請。彙結上來義說。二大爲此處也。難宣示義廣如。上辨。下句許說少分。論上解云。前言十地如是不可得說聞。今言我但說一分。此言有何義。是地所攝有二種。一因分二果分。說者謂解釋。一分

者。是因分。以於果分爲一分故。然因果二分古有多釋。全乖文旨者。今所不論。有可通者。正而用之。直望論意即指義大。爲果分。故不可說。說大爲因分。是則可說。更以義取略有二種。一唯就十地以明。以證智爲果分。方便寄法等並爲因分。此復二義。一以修證相對。則方便造修爲因分。息修契實爲果分。二以詮表相對。則以寄法顯地差別爲因分。真實證智爲果分。如初三地寄同世間。次三寄一乘及禪支道品等。令衆因此表解地義。爲因所表。證智是此因之果。斯皆證智言所不及。故不可說。如彼鳥迹同於虛空。方便寄法可以言顯。故云可說。如空中鳥迹約鳥說異。是以一迹通有二分。即可說不可說也。二約究竟佛果對普賢因。說義通一部。謂即此證智冥同究竟果海爲果分。如迹處之空不異。太空地相之因同。普賢因以廣說則。有無量差別事殊勝願力。復過於此故。是則迹處之空隨於空處之迹。亦有說義。地智亦可寄言標舉故。問上論云。是地所攝有可。如何說爲究竟果耶。答豈不向言冥同果海故。上論云。此智是誰證偈言。佛所行故。又上加分云。不思議佛法。又地影像分云。彼十大山因大海得名大海。亦因十山得名菩薩。十地亦爾。同在一切智。因一切智得名。彼因果相順故。是知論主亦用究竟之果。爲十地攝。有云。彼說十山依海不說大海即山者。大海十德豈離海耶。實

珠十義登離珠耶。明知爲此難者。不見地智之旨。又且依一相不可指陳等。云不可說及與可說。若有因緣故果可寄言。即事入玄因亦巨。說故云說少分也。不可局執。自下大文第七明說分中。三門分別一來意。謂諸儀既終已示分齊。彰其地實。地實難明寄顯在相相即因分。從此已下。廣明地相。今尋相得實故有此來。又請分生其正解。此後顯其行修故次來也。二釋名。演暢宣陳十地差別。故名說分。以上請分通請十地。對請辨說理必宜通。爲歡喜在初受斯總稱故。論云。自此已後正說初地。既有初地說分。即知十地皆有說分。又初地中皆應名說爲分。地滿異於初住。故十願下。更與異名名校量勝。又論家科文但學大格。至於血脈殊不介懷。隨時起盡不應執定三釋文者。十地即爲十段。就初地中七門分別。一來意。二釋名。三斷障。四證理。五成行。六得果。七釋文。初來意者。十地之中。最初斷障證理得聖性故。二釋名者。此論所釋已見本分。當經有釋備於下文。今引他部成立正義。唯識第九云。初獲聖性具證二空。能益自他生大喜故。此有三義。一得位。二證理。三成行。由此三故名極歡喜。攝大乘論第七云。由此最初得能成辦自他。義利勝功德故。此唯依第三成行義說。十住毘婆沙云。始得法味生大歡喜故。此唯約證理義說。瑜伽七十八引深密經云。成就大義。得未曾有出世

間心生大歡喜故。此約二義。大義即是二利行成出世間心是得聖位。此同本論本分中釋。三所斷障者。唯識第九中。異生性障是此所斷。謂二障中分別起者。依彼種立異生性故。二乘見道現在前時。具斷二種名得聖性。菩薩見道現在前時。具斷二種名得聖性。此言異生即是凡夫。梁攝論中名凡夫性。此論本分中。名凡夫我相障。此障障於初地。上來就能起煩惱是根本故說斷二障若具說者。亦斷惡趣諸業果等。由斯初地說斷二愚及彼龜重。一執著我法愚。即異生障。二惡趣難染愚。即惡趣諸業果等。此業果等。雖非是惡趣品類故。下九地中愚皆準此。斷義如前分齊中說。四所證理者。由斷前障證遍行真如。謂此真如二空所顯。無有一法而不在故。梁攝論中名爲遍滿。遍滿一切有爲行故。意明無有一法非二空故。此地最初偏證遍滿。五所成行。略有四種。一約增勝修成施行。二約所成起十大願三約修成。謂信等十行。四約實行。謂十度等行無不皆修。餘所修行釋文自顯。六所得果略有四種。一得當地滿時調柔等四果。二得檀行成大財果。三依攝論通達障空得一切障滅果。四通論得唯識三性三無性理智。及奢摩他毘鉢舍那等果。然上諸門多依行布。若約圓融。一斷一切斷。一證一切證。一行一切行。一得一切得也。第七釋文分二。先長行後偈頌。前中若直就經文應分爲二。初明地法。後佛子菩

薩住此地多作閻浮提王下地果。前中先廣明。後佛子是名下總結。前中有三。初明入心。次佛子此菩薩以大悲爲首下。明住地心。後佛子菩薩住此歡喜地已以大願力得見多佛下。明其出心。十地之文大體皆爾。故依慈氏論於十地內。皆有三心。仁王上卷。亦云地地上中下三十忍。地地中始生住生終生不可得等。理必然也。而論以出心爲調柔果。所以至下當明。今且依論判長行中二。先明初地說分。後佛子菩薩住此下。校量勝分。前中依論總有百句。分爲三分。初四十句明住分。二佛子菩薩住歡喜地下。三十句釋名分。三佛子此菩薩以大悲下。三十句安住分。若通取校量勝。即爲初地四分。初云住者。出世菩提心生。堅守初地。更不退失。故稱爲住。即始住入心。初雖住地未得名善。更起信等地中善住。故名安住。即地中正住及後一分。並是住心。其釋名分十地應齊。但從義顯偏釋三地。謂初及八十餘略不論。以初地是得聖之始。八地無功用初。法雲菩薩地盡各無數劫滿。故偏釋也。然十地中既三心齊證。則地地之中。皆攝前之三位。此中住分。攝發心住。其釋名分攝歡喜行。後之二分攝救護衆生離衆生相迴向。皆文義相順。如文思之。今初住分文分爲二。初別顯住法。後菩薩住如是下。結住入位。前中四十句分四。初十依何身。次十爲何義。三有十句以何因四有十句有何相。初謂深種善根爲所依身。次爲得佛果爲

所緣境義。上二皆發心緣。三以大悲爲發心之因。四以過凡得聖。爲發心福利之相。喻伽四十七亦有四相。論依經造故同於此。又此四事即三種善提心。深種善根是深心。次爲求善提是直心。三即大悲心。具此三心成後入地之相。又此四段各具含三心。可以思準。今初依何身十句。初總餘別。總云若有衆生者。是具行之人。依地持論。是解行人。有如是心則入初地。入已此心常現在前。下諸地中初之十心類。此可知。言深種善根者。正是總句。論經名厚集。厚則深也。集即種也。若約圓融則不定時數。若依行布。謂一僧祇已積資糧。故云深種。別有九種集。前六護煩惱行。後三護二乘行。前中即增。上三學初戒次定。餘四是慧。慧中前三如是聞思修。後一所成出世之智。後三中初二護二乘心。謂大志護陝心。大解護小心。後一護二乘行。已知其意云何。九集一行集。即經善修諸行。善作眷屬持戒故。三聚非一故。名爲諸不淨尸羅不生。三昧故首明矣。一定集即經善集助道。善作眷屬三昧故。即明得等及四靜慮。以定親資慧故名助道。皆云眷屬者。慧爲主故。三親近集。即經善供養諸佛。供佛爲欲集。聞慧故。四聚集。即經善集白淨法。聚思慧善思量波羅蜜等諸善法故。謂依聞思彼若名若義自性差別有上下故。成煖頂位治諸蔽漏。故云白淨五護集。即爲善知識善攝。由內修行實證。得外教授故修行

實證。即如實智。亦分上下。立於忍位及世第一。上五皆同加行。下四皆已入地。六淨心集。即善清淨深心。以得出世間正智。於所緣境無分別智都無所得。不取種種戲論相。故名爲善淨。智能契理。故曰深心。七廣集。即立廣大志。深心廣利故。八信心集。即生廣大解。以求一切智智故。九現集。即慈悲現前。謂多行慈悲無時暫捨。故云現前。然小乘無求佛意故。於護小心中明自利心。求一切智。小乘亦有自利三學之行故。今護行之中。但舉利他慈悲。於中慈依苦苦壞苦。以正在苦思願樂故。悲依行苦拔彼妄樂。不知行苦之所還故。三界不離三苦。故爲慈悲之境。又明與樂即能拔苦故。慈依二苦拔苦即與真樂故。悲依行苦。已知總別集爲同相。戒等異相。略說爲成廣說爲壞。如上具明。第二爲何義者。爲求佛果。先別顯求果之相。後佛子下。總結發心。今初十句初總餘別。總云佛智。謂無上智知斷證修故。約無作四諦說。此四別。修究竟故亦得名修。此智差別有九種業。皆悉求之。一力佛智問記爲業。以十種力隨機答。二無畏佛智。破邪見業。揀異菩薩。復稱爲大。三平等佛智。得人法無我。教授衆生證入之業。四救佛智。以四攝法化衆生業。五淨佛智。能爲救攝因業。慈悲淨願悲故。六無餘智。佛智常以佛眼觀世間衆生業。十方遍觀故云無餘。七者染佛智。若順今經。以無障礙智。嚴其依報。自然應化。令其

信樂爲業。論經闕於淨利。八覺佛智。一念知三世衆生心心數法爲業。九轉法輪佛智。解脫方便善巧業故。言善巧者。於百億閻浮提同時轉大法輪故。法輪即是能令衆生解脫方便。然上九句皆先標智體。後顯其業。初三自利後六利他。利他之中四攝是利他之行。慈悲是利他之心。後四利他之智。二總結發心中。言起如是心者。若直望經文。即指前十心。而論云。即是本分中願善決定者。上求佛智即是願故。前本分中指此文云。願善決定者。如初地中發菩提心。即此本分中願者。即指此文。生心即是生菩提心。以上求佛智故。願即顯於菩提二體不殊故得互指。前指於此。即攝上之十句佛智。此指於前。即攝前文六決定義。彼是總句中指此。是總結中指總攝別故。又但云生心者。心是總。即攝知斷證修。故不云生智。亦攝一切助道法故。不云生餘心所。已說爲何義第三以大悲下。明以何因生如是心。意云何因求大菩提。謂以大悲爲衆生故。如三地中。思惟度生不離佛智。故下總句論經云。是心以大悲爲首。是心即指前求佛智心也。十句中初總餘別。別有九種大。一增上大。細行苦智慧增上生故。謂若了苦苦壞苦智非增上。論又云。智者因果逆順染淨觀故。此約了事名智。論云。慧者自相同相差別觀故。此約了二諦通理爲慧。復是一門別義。言自相者。因緣之有是法自體故。同相者。二空真如

等一味故。念生迷此故起悲心。同六地中大悲增上觀其逆順等。亦如六地廣明二善巧等即攝大。四攝曲巧。隨宜攝故。三最上下。淳至大淳至即最上義。謂向發大心許盡生界無盡利益。故曰深心。緣此悲增淳厚至到。故云最上。常以此二持此菩薩。四如來力無量者。無量大攝取如來無量神力。生物信故。五善觀等即決定大。於上妙法決定信解。名善觀分別。於諸衆生決定能度爲勇猛力。於所治障決能對治爲智力。無礙智現前通結上句。六隨順自然智即隨順大。七能受等即受持大。能取大勝法授與衆生故。大包一切勝即佛法。授與即教化智慧故能授八廣大如法界即最妙大。攝受勝妙功德故。九究竟下。住盡大。無量愛果因盡涅槃際故。爲成十句合於此二後之二大如本分說。但前云無常愛。此云無量者。勝用非一故。上九大中前七悲體。次一悲德。後一悲能。七中前三自分。一拔苦智。二拔苦行。三拔苦心。後四勝進。第四佛子菩薩下。有何相正顯得位福利之相。文有九句。初總餘別。總云始發如是心者。指前二段。即得超凡夫地者。以得出世間聖道故。超即過義。二入菩薩位下。別有八種過。論皆先法後喻。此入聖位生如來家。如世王生子生王家故。故句句皆有相似法。言一入位過。初成出世間心。如始住胎相似法故。喻伽佳品。名入菩薩正性離生。二生如來家者。即家過。生家相似法。謂如世人雖受胎

報。若在凡家不足爲勝。要在王家方爲顯勝。菩薩亦爾。若在外道法中出家。不足爲勝。今得佛所證法方爲尊勝。梁攝論云。生法王家具足尊勝。下諸句例皆攝前揀勝。三無能下。種性過。子相似法大乘行生故。謂大行成立。如得王體分堪紹佛種是子義也。非賤非客故。梁攝論云。以過二乘及世間種姓故。四離世下道過。以非有漏故離世間趣。如非鬼畜等王之體。成無漏故。入出世道。如要入王之體分故。梁攝論云。永不作殺生等邪行故。五得菩薩法即法體過。以同體大悲爲菩薩體故。以化他事。即是自事。若無大悲法身不具。如揀異殘缺。瑜伽云。設有問言。菩薩以何爲體。應答以大悲爲體。六住菩薩處者。處過。謂不住道是其住處。不同凡小。染世捨世以滯二邊。如世王子不處鄙陋。七入三世平等者。業過。謂證平等真如以資慧命。揀無滋味則壽命夭促。不任紹繼故。是命相似法八於如來下。畢定過。佛種不斷顯因畢定。得無上道。顯果畢定。如世王子。雖依正精勝。志氣不立所作不成。今志氣成立決定紹位。名成就相似法。論云。如是示現凡夫生菩薩生不相似。有煩惱無煩惱故者。顯與地前不相似也。第二菩薩住下。結住入位住如是法者。指上四段。名住歡喜地者。是初住地義。以不動相應故者釋成住義。一證真理不復失故。二乘異道不能動故。然不動有五。一種子不壞。名不動。即

種性地已上。二起行不退名不動。即此初地已上。地持云。初地已上如明分月日夜增長。善法不退亦復如是。三空有無間不動。即七地。四無功用不動。即八地已上。五究竟不動。即佛地也。下文第二釋名分中二。一總標。二成就下別顯。於中分二。初正明喜相。後佛子下。出喜所因。然其喜相對依何身。以深種善根得此位故。後喜因中有念。當得喜。對爲何義。以所求果定當得故。有念現得喜對。有何相。以現離凡得聖故。其第三以何因悲心惻愴喜義不顯。故不對之。今初正明喜相中十句。初總餘別。總有三喜云。多歡喜。一心喜。謂入觀之心適悅。二體喜出觀喜受相應。三根喜。由前心體歡喜內充外及五根輕安調暢故。此喜者亦名爲樂。又內及觀心即無喜之喜。不同二禪浮動之喜。故梵本。他經多名極喜。喜之極故。別中九。一敬喜。證三寶體得不壞信增恭敬故。二愛喜。樂觀真如法故。上二即喜行之心即是心喜。次三正是喜之體相。三調柔喜。身心遍益皆適悅故。即諸根喜。四慶喜。自覺所證勝地前故。此句論當第三。前覺後悅義甚次第。五踊躍喜。身心遍益增上滿足故。增上過前是踊躍義。六勇猛喜。自知堪受苦提去。果不遙。故云勇猛。此一喜能上六皆自行喜。下三化他離於喜障。七無聞靜喜。自心調伏故。論義解脫時。不令自他心擾動故。八無惱喜。化攝衆生時。但以慈柔不惱他故。九不瞋恨喜。見不如

說行當時不瞞。後無恨故。此句不爲他惱。第二彰喜所因。中二。先念當得故喜。後念現得故喜。各有十句。今初。初總餘別。總云念諸佛者論云。如佛所得。我亦當得故者。文中雖皆念他。並是以他類己。故判爲念當得也。以總該別皆屬己。當別有九種。一念佛法。二念佛菩薩。三念佛行。四念佛淨。五念佛勝。六念佛不壞。七念佛教化。八念佛利益。九念佛入。以總該別皆名佛者。爲成佛故。六相融故。若別顯義相。統收十句。不出因果人法。一佛二法。是果中人法。論云。初二念共者。佛及佛法。二事通二乘念。故名爲共。則顯餘八不共。二乘。後八皆因。初一人。謂二地已上。乃至普賢之位。餘七是法。於中更有總別。菩薩行爲總。別中六句次第顯前菩薩行。一以何法爲所顯。謂波羅蜜淨以是行體故。二彼之行體顯相云何。謂一地去一垢淨一度。即菩薩地殊勝故。三何謂此行全顯。謂第十菩薩地盡去障蔽故。則行不可壞。上三自利餘三利他。皆法雲之行。一能受諸佛法明爲教化法。二能雲雨說法則衆生得利益。三受佛智職入大盡等。是一切智行。亦可後三通於諸地。又上十句。初佛法餘皆是僧。僧中有人有德可知。第二念現得中二。初正明所念。二何以故下。隨難徵釋。前中十句初總餘別。總云。我轉離一切世間境界者。轉離一切凡夫取著事故。然事有龜細。龜則外六塵境。通是一切凡夫取著境故。細謂現前立少

物。謂是唯識性。亦爲地前凡夫取著境故。別有九種轉離。然此九種。對前有何相中總別九句。文雖不次法體全同。以是念前福利相故。故論二段之中。皆以相似不相似揀。謂與地前不相似故。九中一入轉離。經云。親近一切佛以了法如常見佛故。此顯事不相似。謂即前生如來家。以佛法爲事。不似凡夫六塵事故。二遠轉離。三近至轉離。此二示自身不相似。謂初即過凡夫地。識爲身故。後即入菩薩位智爲身故。四斷轉離。即行不相似。謂離世間趣行。行出世淨行故。五依止轉離。即迭相依止不相似。謂得菩薩法。大悲爲體。依衆生起。還與衆生爲依。不同凡夫不起悲心。不爲他依。故六近見轉離。是他力不相似。謂以大乘行成種性無過。見佛得助道力。不似凡夫非器不得故。七生轉離。即處不相似。謂不住道是佛境界。亦菩薩住處。依之起行名生其中。八平等轉離。即生業不相似。謂證三平等之性。以資慧命。而生智業。不同凡夫難染業也。九捨轉離。即成就就不相似。謂成就離障畢定勝位。捨約離障。成約得位。即前第八畢定過。成就相似法故。由離怖畏決得無上菩提。前就行位此就斷位。言怖畏者。論云。不愛疑慮憂想共心相應故。不愛是所畏事。不活等五令心憎惡故。疑慮憂想正是畏體。所畏不定便生疑慮。所畏決定便生憂想。由心畏故相現在身。名毛豎等。然此九句與有何相。文同符契。皆已

義引不得異解。由上諸義不相似。故名爲轉離。非唯離障名轉離也。第二隨難徵釋。由捨轉離文義廣。故重徵釋之義。有四重。謂怖畏與離各有因果。而文分五節。一總徵。二列名總答。三轉徵。四舉因顯相。五菩薩如是下。結酬初徵。今初徵意云何。以此中說離畏耶。二答意云。以五怖畏是初地障。得初地時法爾離故。又離此即是此地利益。翻畏名喜。此相最顯故。於釋名分中辨之。三轉徵者。此之一徵文含四意。一云。何以名爲不活等畏耶。二云。何因而有此五畏耶。此二是怖畏因果故。論上生起。云何者是怖畏。云何怖畏因。三何以名爲得永離耶。四因何令此得永離耶。此二離畏因果。若得離因自然無果故。論上云。遠離此因無怖畏故。四舉因顯相者。謂正舉離因顯離果相。反顯畏因及畏果相故。通有四意。酬前四徵。如不愛自身何況資財。是離不活因。則反顯愛身資財是不活畏因。若不愛不活。即是離畏果。則反顯畏於不活。是此畏果餘四例然。又此離因即是能治。其怖畏因即是所治。五怖畏果。不活與死二相何別。懼無資緣身不存於朝夕。名不活畏。懼其因盡正捨報時。名爲死畏。大怖之極無過死故。又不活通於三業。死唯約身故。論云。第一第二第五依身口意。第三第四依身。死約愛於善道。懼捨身故。惡道畏者。憎於惡道。懼得彼身故。但說五者。打縛等畏皆攝故。此怖畏因略有二種。一邪智妄

取想見愛著故。二善根微少故。然此二因通五怖畏善根少者。亦乏資財懼不活等故。有愛著者。未能忘懷畏大眾等故。若取相顯。初一爲前二畏因。後一爲後二畏因。邪智即是分別。身見取我乖理目之爲邪。邪心決斷名之爲智。由有此智妄取於我乃我所想。以成執見而起愛著故。我見爲主我所隨生。愛著於我則有死畏見有我身懼捨命故。愛著我所有前二畏。但著財利有不活畏。著利兼名有惡名。畏但無我所則三畏因亡。然不活因舉。我況所意但取所。後二因者。功德善少畏。惡道。智慧善少畏於大眾。又過去善少今畏大眾。現在善少當畏惡道。今具福智兼二世善以爲對治故。初三離因即二空智。後二離因即二莊嚴。五菩薩如是下結酬初徵。前云何以能離。今酬由上三段如是義故。所以能離意正如此。而論云怖畏毛豎等事。何故二處說耶。前說身怖畏。後說異身怖畏者。意謂前十句屬念現得。故但云身。今通當報惡道等。故云異身。

大方廣佛華嚴經疏卷第三十三

大方廣佛華嚴經疏卷第三十四

唐清涼山大華嚴寺沙門澄觀撰

自下大文第三佛子此菩薩以大悲下。安住地分中三。初總明安住。二所謂下。別顯安

住。三佛子菩薩以成就下。總結安住。今初。文有三句。一大悲爲首是安住因。菩薩所行皆爲衆生。悲爲行本故言爲首。二廣大志樂無能沮壞。是安住觀。論云煩惱小乘不能壞此觀故。謂契理深心爲大。故煩惱不能壞。悲化衆物爲廣。故小乘不能壞也。三轉更勤修一切善根而得成就。是安住行。此望初句是智導悲。望第二句是行填願。此所修善。即下三十句顯示。第二別顯安住。即顯前第三勤修善根。云何勤修。此有三十句。顯三種成就。一信心成就。二修行成就。三迴向成就。信爲行始次依信起行。後迴行成德。以爲行修次第。今初信心十句。初總餘別。總云信增上者。隨所有事。謂下所列諸寶等境。深信決定名爲增上。別中有九。初六始起信心。後三信增成欲。前中初二自利。後四利他。自利中一敬信增上。謂遍信三寶名。多淨信。二淨信增上。自證眞淨智解故。上二皆云清淨。是信之性。三決定信增上分別。令他證淨智故。即利他之行。四悲五慈六無疲厭。此三增上皆利他心慈悲明。心大。無厭明。心常。後三中七慚愧信增上。是所成行體。謂有慚愧故治慳等蔽。不著世間成檀等度故。八柔和信增上。是得等侶於同法者不惱亂故。九敬法信增上。於所入法益敬信故。第二日夜下。修行成就中九句。初總餘別。總云無厭足者。即無間修。別有八集。前七教行後一證行。前中初二攝法方便。一觀近集。近善

友意在不忘諸法故。二樂法集。於問答中論義解釋心喜樂故。後五句次第修行。於中前三內觀順理之行。一多聞集斯即聞慧。二正觀集即是思慧。三不著集即是修慧。於三昧中無依著故。後二隨緣離著行。謂六不貪集是知足行。已得不貪故。七不求集是少欲行。未得不求故。八如寶心集即證行圓明。常現前故。又難得無垢勢力。莊嚴殊勝不改證心。同此具六義。故上依論釋竟。其第六七集更有一理。謂第六心是遠離修。修對治心離三過故。諸說法者有三種過。一著利養求四事故。少欲知足則能治之。二取名聞。爲勝他故。正念定慧則能治之。三爲他屬。過愛敬事故。遠離精進則能治之。此中能治即大人覺。其第七句是觀過修八種不淨。是謂資生。一切不求。見不淨故。此比論釋通局有殊。第三求一切智下迴向成就謂求一切智是迴向菩提。有十二句。初總餘別。總即所求之事名。之爲家。一切智地是求處故。別即能求之因。有十一求。初一顯能求之觀名爲依家。於前家中分別觀察具足十力無畏等故。餘十能求之行。并總都有三求。於求行中。又分總別。總名無障求。謂求諸度無著法故。能除蔽障。下九句別。別治諸障故。初二對治檀中二垢。一者離求。治於陷曲。見乞求者詐現方便。一向無心與故。一如說能行求。治不隨先言許而不與。或許多勝與少劣故。又前是諂後則是妄。三者謹求。治戒一垢。謂不

謹實語達本所受。犯已覆藏故。四不汚求。治忍一垢。謂惱亂他業。是汚。如來利益家。故。五不捨求。治進一垢。謂菩薩戒法無量。不可具持。劫數長遠不可常持。戒法精妙。難持難行。不可善持。生退轉心。本不捨。菩薩戒具能持之。不捨律儀故。能持難持。不捨三聚。能行難行也。進策萬行。而偏就戒律者。有三義故。一戒為三學之首。故。二戒具三聚故。三戒通事理。難行易敗。故。寄以策之。六不動求。治禪二垢。一者亂心外攀如山治之。二者不能調伏憶想分別。一切智心治之。下之三句治般若三垢。即三道障。謂七不捨成就求。治障不住道垢。謂無善巧方便。一向涅槃。現不捨世間。治之一。向世間現成就出世治之。異於凡小。成不住道。八者集求。治障助道垢。九者常求求治障。證道垢。於上勝妙證法之中。願欲心薄故。上來迴向成就竟。第三總結者。上三十句廣於勤行具足。成就此勤行有四。一信二欲三精進四方便。信謂忍受決定。欲謂希求趣彼行故。初十句中前七是信。後三是欲。次十是精進。對行造修。後十是方便。行成巧求故。是名此地說分中安住。故云成就如是淨治地法名為安住。上依論辨更有別理。上多淨信。已能永斷聞提不信障。發生悲愍尊重教法等。亦能永斷凡夫著我障。日夜勤修無有疲倦。又能永斷聲聞畏苦障。求一切智乃至常求上上勝道。亦能永斷緣覺捨悲心障。故云淨治地法安住

地分竟。大文第四校量勝分。謂住此地中勝二乘故。論生既云。住此地中勝者。明知願等初住地分已有。但文不累安。故居安住之後。非是地滿方有願也。問經云。初發已為天人師。勝出聲聞及緣覺故。沙彌發心羅漢推敬。如何至此方辨勝耶。答。然其勝義乃有衆多。統而收之。不出三種。謂願行智。此三歷位故有衆多。略明十位。一初發心勝。通於一切凡夫。如沙彌等。此通三心。二信勝。亦通三心。三解勝。四行勝。五願勝。此三即三賢別歷三心。六證入勝。齊證三心。雙證一空。是為智勝。起十大願。即是願勝。備修諸行。即是行勝。下辨果勝。亦三心果。此中行智由願導故。所以最勝。依行布說。七地已上智方自勝故。下經云。從初地來彼悉超過。但以願求諸佛法故。非是自智觀察之力。今此七地自智力故。一切二乘所不能及。論主立願為校量勝。憑此明文。雖歷諸地。戒定道品等。地地超勝。亦不出三心故。七從第七地去名權實自智勝。八無功起行勝。九上等諸佛勝。十究竟勝。所謂諸佛三心果滿。今此正明願行勝也。文分爲三。一願勝。謂標志退廣。二修行勝。依願造修。三果利益勝。即位行成就。今初二義故勝二乘。一常勤修習無量行故。二與一切衆生同行故。同行即是十無盡句。釋此願勝。先以五門分別。一名體。二修證。三行位。四因果。五立意圓融。五各二義則有十門。初中先名後體。名中先總後別。總云願

者。是希求義故。下論云。發諸大願者。隨心求義故。而言大者。下論云。光明善根轉勝增廣故。謂教證二光。與行願善根轉勝地前廣滿法界故。十願中皆云。廣大如法界也。瑜伽四十五云。菩薩所修正願略有五種。一者發心願。二受生願。三所行願。四者正願。五者大願。初求菩提。次攝生處。生三無倒。思擇諸法。願於境界修無量等四願。當來攝受一切菩薩善法。故名正願。大願即從正願所出。此復有十全同今經。今揀異前四故云。大願兼取所從。即後二願。別別大相至文賞知。後願別名。瑜伽三十五及諸攝論。皆有明文。並如下文當願自釋。今且依梁論略列。一供養願。二受持願。三轉法輪願。四修行二利願。五成熟衆生願。六承事願。七淨土願。八不離願。九利益願。十成正覺願。後體性者。別性即以欲總解信三爲自性。若取所依悲智相導。即後得智。以爲願體。若并眷屬。一一皆以一切俱行功德爲性。故論云。光明善根者。光明即後得智。善根即信等及行。二修證者。先約修行。初七修始。次二修熟。後一修成得果。後約證者。地前已發今此十願齊證。三行位者。先約於行。初二自利。次五利他。一以何身。謂攝法上首。而爲利他轉法之身。二以何心。謂即令他修行之心。三何者衆生。四衆生住處。五自身。住何處。能化衆生。上三可知。後三不定。一即八是自利滿。九是利他滿。十是二利得果。或俱自利。論云。後三願自身身故。或

俱利他。論云。此三示現如實教化衆生故。若約通論十皆二利故。論云校量勝有二。一行無量行即是自利。二與衆生同即是利他。後約位者。通則十皆初地所得。別則前七明行已如上辨。後三明位。下論云。一得地校量勝。初地至九地。二得菩薩地盡校量勝。即第十地。三得一切地盡究竟故。即如來地。四約因果者。若就言顯前九求因。後一求果。若約具攝七。亦求果是依果故。十是正果餘皆是因。五立意圖融者。先立意。所以但說十者。已攝二。二利因果行位。無不周故。又爲表此無盡願故。故下云。一皆攝阿僧祇願。而爲眷屬。言圓融者以稱性故。一願之中具一切願。即入重重如常所辨。六相圓融正在此文。已知大意。次正釋文。文分爲二。初正顯十願彰自勤行後明十盡句與衆生共。今初分四。一總標。二所謂下別列。三佛子菩薩住歡喜地下總結。四以此十願門爲首。下明攝眷屬。今初。初句明成願之位。是歡喜地。次能成就下正明總願。能成就言該下三句。一始起要期。云如是大誓願隨心求義故。二方便起行。云如是大勇猛。謂成彼一一願中。所作方便皆勇猛故。三願遂行成。云如是大作用。謂如供佛願便能供故。餘例此知。論云。菩薩住此地。漸次久習起此三行。非一時故。是知此願亦即是行。稱願行故。非如凡夫空有要期。是以總言能成就也。以總該別十願皆有此三。二別列中十願不同。即

爲十段。一一願中文各有四。皆初四字總標起願。次顯願行相。三廣大下彰願德能。四一切劫數下明願分齊。初後二段文通義局。第二行相文義俱備。第三德能文義俱通。十願無別故。今初供養願。準論顯供養勝田師及法主。此則通供。經從勝故但云供佛。文中闕於總標。以近前總如是大願故。二三兩段各有三義。通成六大。顯初供養大願之義。今初行相之中三大義者。一心大。即經生廣大清淨決定解。謂增上敬重深稱。佛境故云廣大。迴向菩提決定信。故名清淨決定解。清淨解言信因果故。此上論意局在初願。若以義求通。餘九願皆爲菩提。廣大無限無疑淨信而起願故。二以一切供養之具。即供具大。此是行緣。三恭敬下福田大。於中令無有餘是總相。無餘有三。一一切佛無餘。即是行境。二一切供養無餘。三一切恭敬無餘。此二行體。由上二義成。上敬田。上三皆云一切者。佛即三身亦兼十身。供養有三。一衣等利養。二香等敬養。三戒等行供養。恭敬亦三。一給侍恭敬。二迎送恭敬。三修行恭敬。即敬順佛故。上三各三豎論一切。若橫論一切。則佛該十方無盡等。餘二準思。二彰願德能。言三大者。一攝功德大。如經廣大如法界。一切餘善根中勝故。二因大。即究竟如虛空。無常愛果無量因故。三時大。即盡未來際。此因得涅槃。常果故。三明顯分齊。十願文同所作各異。此應盡未來際行供養故。第二受持願。亦名護法

願。瑜伽雙云攝受防護願。行相之中文有四句。皆通二利。然若約能受等說。受謂受領。攝謂攝屬故。勝鬘云。攝受正法。護謂防護持。即任持。故勝鬘云。護持正法。若約所受。初教次果。三行。四理。而受等言。文雖互舉義實互通。亦初教。次證。三云。護教而判爲行者。論經云。一切諸佛所教化。法皆悉守護。論云。謂修行法。於修行時有諸障礙。攝護救濟故。即攝護自行救濟於他。上約始修願。名受攝等。若約終成。名四成就故。上總云。成就如是大誓願也。一者法輪不斷成就。二者證智成就。三修行成就。四入理成就。第三轉法輪願。亦名攝法上首願。先攝後轉故。行相中四。一轉法處。即一切世界佛應處故。二從兜率下轉法時。謂現八相時。八相之義離世間品廣釋。三皆悉下攝法方便。於中初集功德方便。後爲衆上首下集智慧方便。以此二種助菩提法。故云方便四於一切下明轉法願。第四修行二利願。若約成益名。心增長。論從此義故先標云。第四大願心得增長。以何等行。令心增長。一切菩薩所行教化一切。令其受行心增長故。文中亦四。第二行相中分二。初明能增長行。後明所增長心。前中分四。一明行相論名種種二行體。三行業。四行方便。以此四種教化衆生。令其受行。初行相者。世出世間各有多異。故云種種。於中廣大無量是世間行。意明俗智之行。廣從初地乃至六地。大者七地。無量者八地已上。不壞不離是出世

行。法無我不平等觀出世間智故。謂不離世間有漏法故。不壞者冥同其性故。若瑜伽通論云地名廣雖行一切但得名廣。一行故。非大無量地上名大。一一各以一切成故。不動已上乃名無量。一切行中具一切故。不壞者。於前六地。各得成。一不可破壞論主意明此地中之願故。不取地前之行義不異前。二攝諸波羅蜜。即是行體。廣大等相但辨此故。三淨治諸地即是行業。以十度行淨十地蔽。助真如觀淨十障故。四總相已下明行方便。然有二種。一自行方便。謂以六相圓融巧相集成。一具一切仍不壞相。故名方便六相之義廣如別章。略如前釋。二皆如實下即化他方便。不違實道而化物故。二心得增長者。即所增長心。化他受行他心增長。化他成自心增長。第五成熟衆生願。成熟亦名教化。就行相中文分二別。初明所化衆生。教如是等下彰化所爲。今初。初句爲總。有色下別。別有六種差別。一龜細差別。此明報相。下二界有色爲龜。無色界爲細。於有色中有想天爲龜。無想天爲細。就無色中非有想爲細。謂第四空非無想爲龜。謂下三天此經文略。論經云非無想非非無想。謂非無想是龜。餘即是細。二卵生下生依止差別。爲報之所依託故。餘三可依。化生依何依業染生故。然四生攝盡六趣。而通局有異。化生通六趣。胎生不通。地獄諸天。濕卵唯局人畜。又以六趣不攝中有化生故。寬陬有

異。餘如別章。三三界所繫名淨不淨處差別。欲界不淨上二界淨。就果以明故名爲龜。就因以說故名爲繫。四入於六趣是苦樂差別。受種種身故。亦名受生差別。龜相而說。三塗爲苦上天爲樂。人及修羅兼於苦樂。五一切生處是自業差別。此以因釋果。由業異故生處不同。謂於二趣中有不同。如於人中有。中有邊。貴賤家異等。故六名色所攝是自體差別。有體唯名謂無色界。彼處有色非業果故。有體唯色。謂無想天。彼所有想不可知故。有體具二。謂除前二。二化所爲中初句結前生後。今入已下別明所爲。所爲有三。一爲未信入者。令信入佛法。二已信入者。令其離惡爲涅槃因。世間趣者謂業惑苦。三令修善提道道通因果。第六承事願。願往諸佛土常見諸佛。恒敬事聽受故。瑜伽云。願於一切世界示現。意明化生。今經但云。知見者。知生佛住處故。就行相中分二。初明所知後辨能知。前中初句爲總。廣大下別。別有三種相。一一切相。二真實義相。三無量相。今初界相不同故云。一切。於中又三。初明分量。謂小中大如次爲廣大無量。二龜細者明體質龜妙。謂應報等殊。論云細者。隨何等世界意識身故。龜者。隨何等世界意識身故。謂隨能依色心龜細。世界龜細。龜者云色。三亂住下安立不同。亂則不依行伍。倒即覆利。正即仰利。若入若行若去。論無此文。文含二意。一成前安立。謂前三類。

世界道路往來。二者順後。入即攝他入。已去即爲他所攝。行即往來不住故。如帝網正喻於此。二如帝網差別即真實義相。土土同體不守自性。互相涉入如彼帝珠。故名真實。論云如業幻作故者。轉以喻顯。如世幻者。火處見水。水處見火。小等。業所作土亦同於幻故。得涉入重重無盡。三十方下無量相。謂前二相周遍十方。又上說不盡故。結云無量。大菩薩藏經說。虛空中世界重數多於大千所有微塵。但由業異不相障礙。一處重重尙爾。況復橫周。第二智皆明了下辨其能知。若真實義相。唯智能知。餘一切相可現眼見。第七淨土願。願清淨自土安立正法。及能修行衆生故。於行相中總有七淨。一同體淨以同法性故。令一多互相即入。二無量佛土普皆清淨者。即自在淨。如摩尼珠美惡斯現淨穢圓通。故云普皆清淨。三光明衆具以爲莊嚴者。名莊嚴淨。即相淨也。四離一切下明受用淨。謂受用此土離過成德故。初句成斷德。後句成行德。如受用香飯身諸惑滅入正位等。五無量智慧下住處衆生淨。謂具德人居。今略語智慧。六普入下因淨。淨因有二。一者生因。謂施戒等。如淨名說二者依因。此復有二。一鏡智淨識爲土所依。二後智通慧爲依。如初第十地入佛國土體性三昧現淨土等。此二皆是諸佛境界。七隨衆生下果淨。因既有二果亦二種。一所生果。即前相淨。二所示現果。即臨機示現。今依此義。上七淨中。前四當相

明土。次一就人顯勝。後二舉因顯果。就前四中初二土體。第三土相。後一土用。就土體中初彰體同。後明體淨。故有七淨淨土義周。第八不離願。願於一切生處。恒不離佛菩薩得同意行故。亦名心行願。願不離一乘故。故論云。第八大願不念餘乘故。行相中有十二句。初總後結中十別明菩薩行。今初同志。一乘同修萬行故。次無有怨嫉下別於中前五修行同。後五德用同。前中初二自分二嚴。一福善同集。二智觀齊均。後常共下三句勝進。於中初一攝法方便。謂聚集解脫論佛法故。後二依法起行。初一利他故。隨意現身也。後一自利。謂忘緣照境不由他教。云任自心。智契法身。名知佛境。威力外用智慧內明。則兼報化分齊境也。後五德用中。一明通體。如意所成無能退屈。餘四通業。於中前三如意通業。一本身往餘世界。二現多異身於一切佛會。三示同類生名。一切生處。後一法智通業。三修菩薩行一句總結。上十。第九利益願。願於一切時恒作利益衆生事。無有空過故。亦名三業不空。瑜伽云。願所有一切無倒加行。皆不唐捐。行相中二。先總明。謂乘念不退圓滿教輪三業皆益。又三業皆不唐捐。即是不退摧障圓德所以名輪。後若暫下別顯。有二不空。一作業必定不空。三業能安樂故。謂見身行行。知佛法真實故。云必定。開口說法能生智慧。念意實德諸惑不生。此從增勝故。說三業成益不同。實

則互有。二得如大藥下利益不空。二喻皆喻。拔苦故。一切衆生有二。一種苦。一種種種苦。謂逼迫等。藥樹王身以爲能治。二貧窮苦。如意實身以爲能拔。種種義兼身心若龜若細。貧窮通於世財法財。論主對前安樂。此爲利益。故作此釋。實則前喻喻三業捨惡離苦。後喻喻三業進善得樂也。第十成正覺願。願與一切衆生同時得無上菩提。恒作佛事故。文四同前。而論總顯願相云。第十大願起大乘行者。是果乘故。雖得佛道不捨菩薩利益。名起大行故。就行相中分爲二別。初成菩提體。願自運已圓。後不離下菩提作業。即運他不怠。今初。菩提亦是總相。一切世界即得菩提處。謂遍於十方同類異類一切諸刹。真則稱性。應則隨機。故無不在。後菩提作業中有七種業。一從不離至。入涅槃。是示正覺業。一切毛端是成佛處。上來平漫遍於十方云。一切世界。今明遍法界中。一一毛端極小量處。皆於其中八相成道。以彼皆有可化衆生故。故離世間品云。於一毛端量處有多衆生。況於法界。然後復不離一毛端處。而於一切毛端處示現。則不動而遍。一多自在。二得佛境界下說實諦業。謂說四真諦令悟實故。初明能說。謂智慧力。力兼二義。謂神通力。論經具之。此二力用唯是佛境。後顯力用以神通力。念念成佛。以智慧力隨樂爲說。令得寂滅。是說之益。謂能斷集修道。則得苦滅。證於滅理。論釋成佛。云除諸難處。彼

彼勝處生者。以佛生處必非五難處。亦無佛前後難故。云除諸難處。三以一三菩提下證教化業。以一極無二之苦提。契差別之性淨涅槃。則不復更滅。說此證法。令物生信。名教化業。四以一音下種種說法業。一音稱機故。五示入下不斷佛種業。涅槃常住動寂無二。雙林應盡增。物戀情。故云示入。既非永滅。常作佛事故。佛種不斷此亦得果不捨因也。六示大智下明法輪復住業。大智慧地唯一事實。即是佛智能生萬物。終歸於此。故名爲地。示物同歸。而智慧門隨機萬差。名安立一切。前即涅槃能建大事。此即於一佛乘分別說三。對實施權故名復住。七以法智下自在業。於中初顯自在所依。所謂三通。法智通者。觀一切法無性相故。神足通者。自身現生住滅修短。隨心自在故。幻通者。轉變外事無不隨意。故此後二通。但內外爲異。由法智通見理捨相。故不住世間。由後一通有自在事用。故不住涅槃。成無住道。又依智論說有四通。前三同前。四以聖自在種種變化通。謂十八變三輪化等。取此。則自在下當第四通。上來別顯十願竟。第三佛子下總結十願。不異前標。第四以此下明攝眷屬若觀經文似此十之類有於百萬等。依論釋云。此十大願。一一願中有百千萬阿僧祇大願。以爲眷屬。則此十願攝無不盡。如成正覺願。則攝樂師十二上願。如淨土願。則攝彌陀四十八願等。故此經他經。所有諸願不

出此十。非唯攝顯。亦攝一切善提分法。如第七地辨上明十顯彰自勤行竟。第二佛子此大顯下。以十盡句與衆生共。謂前十顯皆爲衆生。由十無盡成前大顯。皆無盡也。文分爲二。初總標舉。後何等下徵以別顯。今初。晉經名爲不可盡法。下釋亦云。皆不可盡。今言十盡句者。窮彼無盡皆無有餘。故名爲盡。斯則盡無盡之衆生等也。故下論云盡者。示現不斷盡。非念念盡。由此故。今前十顯得大顯名。故云此大誓願而得成就。二徵顯中。先顯上十盡。後若衆生界下。顯前大顯成就。今初。先徵。後顯。顯中十句。初句爲總。十顯皆是爲衆生故。餘九句別。別皆集成度生義故。一衆生於何處住。所謂世界故。二世界依何。謂盡虛空界故。三說何法化。謂法界故。四隨所化生安置何處。謂涅槃故。五涅槃何用。謂佛出現故。六以何方便巧化。如來智故。七此智何知。謂知心所緣故。八此心所緣。令隨何境。謂佛智所入境故。即是眞性。後三轉攝。略攝前九義含總別。云何攝九。謂世間轉攝前衆生世界虛空界。其法轉攝前法界涅槃界佛出現界。其智轉者。攝前如來智下三界而言轉者。世法及智。展轉攝前無窮盡故。轉亦是無盡義耳。又十中前四。爲四種無量界。後六皆調伏方便無量界。十皆云盡者。無斷盡故。第二顯大顯成就中。先反顯。後而衆生界下順明。無盡所以十顯同此十者。前十十顯不出此十。故此十盡句增

上力故諸佛以此力。常爲衆生作利益事。我願同然。上來顯校量竟。第二佛子菩薩發如是是大願已下修持勝。即行校量有十種行。就文分三。初明行所依心。二成淨信下顯所成行相。三佛子菩薩如是下結十名體。今初。由先大願熏心故。則得利益等十心。爲起行依。於後十行起作自在。然有二意。一以十心通爲十行之依。隨釋易了。二以十心別對十行。以治十障。文皆次第。唯信行最初。而不濁居末者。以與釋文相接故也。一利益心者。利益拔苦即是悲心所依。治損害障。能成悲行。二與樂柔軟即是慈心。治瞋害障。能成悲行。三隨順所求。即是施心。治於身命財生願懸障。四寂靜無求。方能求而無厭故。是無疲厭心。治希求報恩貪著利養不寂靜障。五三學調伏是知經論心。以經論於定論證於慧。經兼於律復是調伏。治無善巧求加行障。有則調伏故。六雖行世間妄惑不生。故云寂滅。是解世法心。以治性不柔和。不於他心隨順而轉不寂滅障。七高崇賢善拒惡不增。故名謙下。是慚愧心。治於放逸之高舉障。八能修出離。以法潤澤。即堅固莊嚴。治於種種猛利無間無斷生死大苦。生怯弱障。九能如說行故心不動。即供養佛行。治於大師所猶豫疑惑障。十不濁心即第一信行。信以心淨爲性。離不信濁故。此治全未發心。全未受持菩薩學處障。由治十障故。經名淨治地法。地法通於教證。此所治障。具如瑜

伽四十九說。第二別顯所成行相。略啓七門。二釋名先列。後釋列者。一信行。二悲。三慈。四施。五無疲厭。六知經論。七了世法。八慚愧莊嚴。九堅固力。十供養佛。釋名隨文可見。二辨體多同。十藏。三明得處信位即修故。信進念等大同。於此。三賢漸熟故。十藏品有信等藏。初地證得以淨治地障故。此偏明下。論云。此信等十行。盡是障地淨法故。前將一行以對一障。四約修分別十行分。二。前三是行意樂。故名爲心。後七加行造修。故名爲行。故論云。此十種行顯二種勝成就。一深心成就。謂信悲慈。二修行成就。謂餘七故。瑜伽地持皆同。此說。五約二利。前七別顯二利。信及無疲是自利行。餘五利他。後三通約二利。攝護前七故。於中前二護前七謂慚愧治障護令離惡。能令信等成無著行。由堅固力護令住善。能令信等成不可動。後一攝前七。一攝令成行。二攝令得果。思之可知。六明次第者。先自證信因果。既自證信感傷妄苦。智與眞樂爲救。他故捨而無格求法無倦。便能了知經論籌量世法。止惡慚愧進善堅固。能眞供佛。七釋文者。十行分九。慈悲合故。今初。信行分二。一攝德成人。二能信下正顯信相。有十一句。文分三別。初句總信因果。次九別明因果。後一結略顯廣。今初。如來是果本行是因。所入通因果。因果皆有證入義故。二信成就下。別明因果中前二句因。初句行體。後句行能。餘七是果。句雖有

「七攝爲五勝。合初三故。并結有六。五皆佛德故名爲勝。五中前四智德。後一斷德。智中一對治勝。即寄對顯勝。謂十力降魔無畏制外。不共過小故云對治。而經云不壞者。爲對二乘非究竟故。次三當相顯勝。二即不思議神通力。上勝所現絕國度故。三不難染勝。謂證真生智無中邊難。是佛之境故。以即邊而中故無有邊。二邊既無中云何有。四一切種智勝。證真了俗故云隨入。無量差別。是種智境。五離勝。一切煩惱習常遠離故。經但云果。而論判爲斷德。以前四皆果。今復云果。明是果果故。當涅槃三舉要下舉略顯廣。故總信一切因果。智地是證說即是教。力通上二。或謂威力。亦是三輪化益。第二雙辨慈悲二行。中二。先明三觀爲方便。後菩薩見諸衆生下明所起之行相。前中三觀即爲三段。第一遠離最上第一義樂觀。第二而諸凡夫下具足諸苦觀。三然諸衆生下彼二顛倒觀。但失其樂已爲可感。況加妄苦。況復雙迷反本何日。由初觀故起慈。由次起悲。由後雙起。今初觀者。性淨深寂名第一義。不動爲樂。隨妄則離。文中先總標起念。後諸佛下顯所離樂於中九句。初總餘別。總云佛法者。唯佛教證所能顯故。具下諸義所以甚深。別有九種甚深。今經闡論第九難得。一寂靜甚深。謂法體離於妄計實有故名寂靜。自是妄計於中正取非本不寂中論云。虛誕妄取者。是中何所取。此一約遮詮。二寂滅甚深。此

約表詮。論云法義定故。謂一心體寂故云法定。二門亦寂即是義定。次三甚深對治三障。成三脫門觀。謂三治妄分別障。四治有相障。五治取真捨妄障。六明離雜染觀。謂真方便道。七不可算數思量生善根觀。即是助道。八依自利利他增上智觀。故云廣大。即不住道。九論云難得甚深。三僧祇劫證智觀故。即是證道。證性淨信故。今廣大攝之。大稱體故。與證義同。前二直就法體。後七約智顯深。故皆云觀。第二具足諸苦觀。約十二緣明之。然十二緣具業惑苦。但云苦觀者。業惑苦因故。又二流動當相即苦。動即有苦故。文分爲二。先別明緣相。後如是衆生下結成妄苦。前中分二。初明前際三支。後於三界田下顯中後九支。故論主分前三支。一處解釋。後九及結一處解釋。欲顯前三是因。因是倒惑邪見義同故。識支約種是因義故。亦顯前二。前三與次七八許異世故。約果結苦。苦義顯故。今初三支文有十句。初總餘別。總云邪見者。前明正法理本無偏。今迷彼實義理外謬取。皆名邪見。通於業惑非獨撥無因果。涅槃亦云。一切煩惱邪見攝盡。本在其中。云何言隨。此有二義。一約始起一分。名之爲隨。二約迷真隨妄義說爲隨。非有始也。真雖本有迷亦無初相。依無性故名爲真。若定有真真還成妄。若爾真應同妄互相依故。妄必可斷真必可顯。斯則不同。不空之真。非由妄故。但空妄執自見真源。後無明覆翳下。別

有九種邪見。初五無明。次三是行。後一識支業及識種亦名邪見者。義如前說。又邪見俱故。邪見引故。所以無明具多句者。一切煩惱謝往過去。總名無明。故今委說。又顯一切煩惱皆能發潤。而發業位無明力增故名無明。今初五中有一。初三根本迷法。義過後二爲末追求時過。今初。前一迷法。後二迷義。故論總云。此三依法義妄計。如是次第。斯則妄計之言。通上法義。亦可妄計別對第三愛念邪見。初一句是蔽意邪見。此依迷法。謂無明住地迷覆法體。所言法者。謂衆生心名爲蔽意故。此無明迷真之初。妄惑之本。次二迷義者。通四住惑。由前癡故。迷覆因緣無我之義。妄立諸法。所迷諸法有內有外。謂第二憍慢邪見。此依迷內妄立。我法自高。陵物故。經云立憍慢高幢。三入渴愛網中即愛念邪見。此依迷外妄謂我所及外境界。而生貪愛。如渴鹿馳。焰魚爲網纏。如今愛支。四行詭誑下。二種邪見追求時過。如今之取支故。俱舍云。遍馳求名取。由上內計有我外見我所。以我對所便生三過。一初句於可得處。起詭誑邪見。詭誑屈曲虛而似實。故喻稠林不能自出。二於不可得處。則生忌嫉。三於已得處。則生慳惜。上二即第五慳嫉邪見。經云。心與慳嫉相應不捨。由嫉他身故生卑賤中。形貌鄙陋。由慳財故資生不足。故云恒造諸趣受生因緣。次三明行中。初貪恚下集業邪見。由前追求。增長煩惱起業行過。此

句。總明由造業。故六地。云不正思惟起於妄行。亦是行俱無明正發業故。諸業非一是為橫集。日夜增長復顯堅集。然集業因。由於三毒。故云貪患愚癡三毒緣於三受。故論云受諸受時愛憎彼二。顛倒境界故。謂樂受生愛。苦受生瞋。癡從中容故云彼二。顛倒之言通於上三。皆由無遠順中妄謂有故然愚癡無明行相何別。愚即遲鈍多所封著。癡者迷闇不別是非。皆對現境不緣三世。緣三世境而不了達。乃名無明。不見未來發現業故。通義可知。初二別明行支中。初句明吹心識火熾然邪見。即內心思業。為煩惱風動。謂於怨恨時互相追念。名為忿恨。此思之始。欲起報惡業故云熾然不息。此思之終。思通諸惡而殺業在初。故偏云忿恨。下加害亦然。八起業邪見即兼動身口。故云凡所作業。論云。於作惡時迭相加害故。由倒造業業不離倒。故曰相應。三欲流下第九心意識邪見。明所引識支。以其識支通因果故。經欲具明故具顯因果。論欲分析故先明識種。心意識三名有通別。已如前釋。今此文中義含通別。別謂心是識種。意識通餘四種。種子之言據異現行。謂五果種誰能起此。謂善惡業。無記非因故此不論。善業云何復生苦種。以與欲等四流相應。今施戒等皆是有漏。非無念智。無有斷期。若爾何不名為起業種子。理實俱通。望苦樂報業為正種。望生心體識為正種。以就本性一切生

死皆心起故。如芽肥瘦由於水土。而生芽者正在穀子。故諸經論互說二種。上明前際三支竟。第二明中後九支。然論兼結文。總分三段。初明自相。二有生故下同相。三是在中皆空下顛倒相。言自相者。現在名色等支體狀別故。言同相者。釋有二義。一未來二支亦同現在。有名色等故。二約果相顯緣起過患。通遍果位故名為同。猶如色等礙等為自相。苦等為共相。共即同也。是則現在亦有同相。未來非無自相。但隱顯耳。此釋順論。論云。二同相。謂生老病死等過故。三顛倒者。緣體是空執有是倒。今初自相。復有三種。一者報相。二不離二字是因相。三此名色下彼果次第相。言報相者。即初受生異熟識。體共名色生故。論云報相者。名色共阿賴耶識生。此含識支一半名色支全故。攝論云。本識有三相。一自相。謂本識自體。二因相。謂種子識。三果相。謂異熟識。此意明為因義邊名種子識。即前約因。識支為果義邊名異熟識。即此報相名色所依。若不希望因果直語自體。名為自相。今論因相。却是彼中果相。立名雖殊並通因果。經云。於三界田中者。是所生處。下六地中約因位說。以業為田。以識為種。今約果位故。以三界為田。生前識種。復生苦芽者。標所生報。前三支因必依苦果而起。今更生苦所以稱復。此顯展轉無窮之義。所謂已下出苦芽體相。論云名色共生者。名色共彼生故。謂名色共彼本識生也。恐人

謬取名與色共。故有此言。名謂非色四蘊。色謂羯邏藍等。此二與識相依而住。如二束蘆更互為緣。恒時而轉不相捨離。二不離是因相者。即顯本識為名色因。謂是名色不離彼本識。依彼本識故。既依此釋。定知此段具於二支。謂識及名色。三彼果相者。是彼報相名色之果。由名色增長成餘八支。非別有體。初成六處者。名增成意處。色增成餘五。次六處增長成觸。言於中者。於六處中有根境故。餘因緣義廣如六地。二同相中生及老死。正顯同相。如是已下總結成苦。何處是苦。此有三重。一論將入同相中。則以生老死憂悲苦惱。明於苦聚。文義顯故。二近結於果。名色共生此明苦生。餘八苦長。三遠結十二。前二支半為能生長。後九支半為所生長。三顛倒相中。言是中者。是前十二緣中皆空已下明倒所以由空謂有所以名倒此有四重。一緣成無性所以言空。二離我所釋成空義離我人空離所法空。三無知下釋無我所以四以外事釋無知覺。三三四句通外及小初約外道。外道雖衆。不出僧法及與衛世僧法說。覺以為神相。衛世說知以為神相。今無知覺成。上自體本無有我。作受二句。通於能所。能作能受故。是於我所作所受。即是我所。在因名作在果名受。今但緣成故無作受。若約小乘就五蘊說。受蘊名覺三蘊名知。約六根說。身識名覺餘五名知。五陰造業故名作者。當陰招報名為受者。

今並遣之。現有知覺云何言無。隨俗故有約真故無。又心法有四。一事二法。三理四實。謂隨境分別見聞覺知。名之爲事。論體唯是生滅法數。故名爲法。窮之空寂說以爲理。論其本性唯是眞實如來藏法。故名爲實。此四重中說。初卽說知覺等名。若就後三卽無知等。四如草下以彼外事喻。釋無知覺等。以諸衆生現見有於動止語言。云何說言無知覺等。故以外物動不動事。示無知覺。草木則動石壁不動。皆無知覺。故內動止豈當有之。淨名云。是身無知如草木瓦礫。言亦如影像者。顯從緣有似而非眞。卽雙喻二諦。若準論經無影像喻。而有如響可喻。言聲而無知覺。第三然諸下彼二顛倒觀。妄苦本空得而不覺。眞樂本有失而不知。而遠樂就苦名彼二顛倒。上來三觀爲方便竟。第二菩薩見下正起慈悲。初明與悲。謂見苦應拔後復作下與慈。謂無樂應與。既言具苦必知無樂故。第四施行文三初總明施行。二別顯施物。三總結行成。今初文有五句。一明施所依。以見有苦無樂故。二以深重下彰其施位。此地檀度得圓滿。故契理曰深。不捨悲願爲重。此心住地故能滿檀。三於一切下明施體相。四求佛大智顯施所爲。五修行大捨結施行名。二凡所有下別明施物。偏顯上文一切無格於中初總。後所謂下別。別顯一切略有二種。一者外財二者內財。謂頭目等文顯可知。三爲求下總結行成。初結

所爲。後是名下正結行成。然初地中應具三施。從增勝說但舉於財故。般若論二三地中力行無畏。四地已上乃行法施。第五無疲厭行中分三。初牒前起後。二轉更下正顯行相。三卽得下結其行成。下五行中唯除第十顯相。卽是結名。餘皆具三文處可見。第六得無疲下成。經論智。第七獲是智下成。世智行。言隨應者。隨機所應宜以何法。隨力者。隨己智力所能。隨他智力所堪。隨其所習者。約機現作。論釋隨宜言如論說者。卽瑜伽菩薩地菩提分品也。第八成世智以下明慚愧行。知時已下正顯行相時有三種。一者念時。如是時中宜修定等。剎那不間故。二日夜時晝則存心。初中後夜皆勿廢故。三所作得必不斷時。此卽智量。謂量力所能亦愛亦策。勿令過分後休廢故。以此三時。修前八科二利之行。煩惱睡蛇晝夜不雜。爲慚愧服而自莊嚴。第九於此行中下成堅固力。謂此卽前慚愧二利行中。欲早求度應當精勤。不退自分。不轉勝進。第十得堅固下明供養行。利養正行具二供養。第三佛子下結十名體用。先結體用。所謂下結名言體用者。此十卽是淨諸地法。以治十障故。障如前說。然安住地分有三十句。亦明信慈悲等與此何異。論云前是清淨地法。今盡是障地淨法者。前句文略。若具應云前是清淨。此地法以局初地故。今盡是障地淨法者。謂不局初地故。云盡是盡淨諸地障故。故經云淨諸地法。

瑜伽亦云。此十種法於一切地。能淨修治故。下諸地中皆云信等。皆轉淨等。第三佛子菩薩住此歡喜下。果利益校量勝。有四種果。一調柔果。二發趣果。三攝報果。四顯智果。釋此四果略啓四門。第二釋名通稱果者地中滿足故。別言調柔者。謂調鍊柔熟。以供養攝化等爲能調。鍊信等十行爲所調。鍊由行供等令信等調柔。隨意堪用故名調柔。下鍊金喻其義甚顯。二發謂發進趣謂趣向。於地滿中更求明解。爲能發趣。發自此地趣向後後。爲所發趣。下商人喻義甚相似。三王位之身酬。因名報因成納。果故名爲攝。四內證願力教智自在。又以願力助智令業用無邊。故稱願智。三明分齊。初二是其行修方便。後二是其報行純熟。行修唯在地滿。報行該於始終。從初住地乃至地滿。所受王身說爲攝報。所有作用說爲願智。又初二後一此地定有。攝報一果有無不定。容有不作。故云多作。而定能作故亦定有。又初二果亦是地法。初行次解。是所修故後之二果唯果非法。初體後用非所修故。是以經於二果之後。便有結文云略說初地法門。不得此意。則似論家謬取法門濫爲果稱。四辨通局。發趣文局。初地以。最在初故。義通十地通解。十地故。餘三義局。初地報等殊故。文通十地。地地皆有故。第五釋文。四果卽爲四別。今初調柔分三。謂法喻合。法中分四。一見佛爲鍊行緣。二悉以下所鍊行體。三以前二下別地行相。四

是菩薩隨所下鍊行成熟。前中先總明。後所
謂下別顯。總中以大願力是見佛。因力兼
神力故。瑜伽住品。有二因見佛。一願二
力。論經具二。論云。以勝通力見色身佛。
以正願力見法身佛。瑜伽正願得生。受用
土中常得見佛。今云。法身即功德法身。別
中云。見多百佛等者。論云。方便善巧示現
多佛故。此善巧有二。一不直云無量。而巧
歷百千等數。為方便顯多。二言多百者。
是多箇百。多千等亦然。是為一數之中已攝
於多。故名善巧。理實入華藏利海。見法界
身雲也。二所鍊行體中以行入行。故名為
鍊。如金入火。然有三種入。即分為三。一
入功德即供佛行。去薄福垢亦兼供僧。二
以此善下入無上果。即迴向行。去下劣垢
論當第三。意明通迴二行故。三佛子此菩
薩下入大悲心。即利生行。去懈怠垢。三別
地行相中。先約四攝。然四攝望前。猶是利
衆生法。望後為別地行相。以因利生之便
故。於此明下二地中乃在鍊行。成後四攝
雖不足全別十地。為是化生之法。故用之
耳。愛語是法施。初地檀滿故說二增。二約
十度。然證相難分寄十度等。以顯差別。各
說一增。若不爾者。何不二地言二度增。檀
度初地先已增故。乃至九地應言九增。九
地尚云餘非不修隨力隨分。顯寄明矣。是
以具論諸地所行。略有五義。一為別地各
說一增。如今文是二。辨勝過。前初地檀勝
二地二度勝故。二地文云。遠離慳嫉破戒垢

故。乃至十地十度皆勝。是則後後皆勝。前前
三論其實行地地具修。四證理平等非多非
一。五約圓融一具一切。四所鍊行成中總
收三入。初牒供佛化生。以為能鍊。信等淨
法以為所鍊。後舉前迴向能鍊。令信等淨
也。言轉轉者。此之信等。於初地中有三
節。淨謂初住地時。證前緣修。令成真修。已
是一淨。二行校量中對除障法。復一度淨。
今此地後更歷三修。故云轉轉。第二喻中。
金師喻菩薩。金喻信等。火喻供等三行。三
行非一名數數入。調柔成就鍊鍊行成。金
性本有從緣始顯。信等修生云何同喻。信等
有二。一未證真。前但約緣修為對治行。
妄識為體。二證真之後。乃知信等非是今
有。即如來藏中恒沙佛法。真心為體。真心
為體即是理性。信等相殊說為行性。此二不
二並可喻金。雖假供等緣修。以成真德。德
由真起。後成嚴具。亦不異金。既了於真。真
非妄外。故全妄識即是真心。寄相顯真。故
分能所。第三法合準喻可知。第二發趣果
中。二初正明發趣果。後佛子是名下總結
地相。前中有四。一法二喻。三合四結。法中
亦四。一問二知。三行四到。知是名解正能
發趣。然由問故知所以先問。知意在行行
必能到今初問中具問諸地。初地已滿而更
問者。一問勝進非問自分。二者一地之中。
具攝一切諸地功德。故問所攝容許。未知
於中。云相及得果者。相即隨諸地中所有
諸障。及對治相故。謂諸地能所觀相。皆別

十地故。得者即正證出世間智故。果者因
證智力。得世間出世間智故。相即方便智。
得是根本果即後得。後得緣俗故名世間。無
分別故復名出世。又此三者即是三。初是
無間與惑相翻。二是解脫正證無為。三是
勝進後智進修。不說加行者。地前加行非
地攝故。地上加行勝進收故。言為欲成就
此地法者。當地法也。後云彼地法者。後地
法也。若準論意。成就地法即是信等。第二
是菩薩善知下明知。由問故知。知不異問
經展問中。相及得果以為十句。論攝十句
為五方便。言方便者。行修善巧也。第一觀
方便。觀謂觀解攝。初二句。一諸地障對治者。
以能治觀解治十種障。立十地。別本文具
之。此約所斷明觀。二地成壞者。攬行成。
位集故名。成諸行。各住散故名壞。此約所
知明觀。第二得方便。得謂證入攝。次三句。
曲有三種方便。一相果者。即欲入方便是
方便。即根本智。顯是證修非緣修故。三勝
進方便。即後得智。謂信等成地之法。離障清
淨故。第三增上方便。進修後位。故名增上。
亦攝三句。一地轉轉行者。依前起後。地背
相捨故。一二執名非處。二空為住處。亦是
相應不相應也。三以後勝。前增長善巧。名
殊勝智。第四不退轉方便。唯第九句。前三方
便無退息故。第五盡至方便。即第十句。淨
治菩薩地盡。轉至佛智地故。若以相等攝
五方便。初一是相。二具於三。如次三句配

相得果。第三唯果。第四總明三事不退。五通明三因窮入果。若攝十句初三爲相。第四是得。次四果。後二具三。第三佛子下行。第四由此下到。並可知。第二喻中初喻前問。有二方便。一不迷方便。道中喻行因。住止喻得地。各有障治故曰安危。二資具方便。具資糧故不迷多約利他資具多明。自利。次佛子彼大下喻。知三善以下喻行。四乃至下喻。到行中語略故云。乃至。第三合中初合。知然後下合行。安隱下合。到喻中略行。此中略問欲顯耳。第四是故菩薩下結。勸可知。第二佛子下總結地相。行修已竟故於此結前說分齊深故說其一分。此中廣故說所不盡。

大方廣佛華嚴經疏卷第三十四

大方廣佛華嚴經疏卷第三十五

唐清涼山大華嚴寺沙門澄觀撰

第三攝報果利益勝中分二。先明在家果。後是菩薩若欲下出家果。前中復二。初上勝身顯其報勝。後能以大施下。明上勝果顯其行勝。今初闡淨王者。即鐵輪王。然璽珞仁王。地前四位已配四輪。今在初地方作鐵輪。正明皆寄不可定執。常護正法應是行勝。如何論主將屬身勝。護法有二。一護國正法。則賞罰以宜。二護佛法護教理等與建攢斥。論依初義。二上勝果者。依前王報起於勝行。是身之果。於中二。初行後顯。前

中亦二。一大悲利他。謂若施若攝。二如是一切下不失。自利。正作利他業時。即不離念佛等故。謂利他事中迴向菩提。成大恭敬事。不生分別故。除諸妄想。順理合體。故云不離。所念有十一。論分爲四。一初三。是上念三寶。在已上故不離三輪故。次一是同法念。次三功德念。一自身他身菩薩行。二度行自體。三諸地轉勝故。後四求義念佛。以力等是真實究竟義故。已所求故。二復作下明。顯有十一句。前七自德。後四攝化。前中此云殊勝。論經名大餘名並同。首唯是總。謂大菩提位尊高故。妙等唯別。勝大亦總亦別故。首有二種。一勝首光明功德故。二殊勝首獨無二故。勝亦二種。一妙智自在勝故。二微妙。離一切煩惱自在勝故。殊勝亦二。一上無與等故。二無上無能過故。後四中。初一約教。謂導者於阿含中分別法義正說故。餘三顯證。將者令他得證義滅。諸煩惱故。此約斷德。後二約智。前因後果。師者教令入正道故。後句以大菩提而教化故。第二出家果中二。初捨俗出家。後既出家下修行別證。禪定勝業有二。一者三昧勝即勝定體。二三昧所作勝。謂因三昧得見佛等。有十一句。明其三昧分爲三對。初六句橫論。二利。初二自利。一見百佛者。十方各十他受用身。喻伽王品。能於種種國土見百如來。寄位顯百。理實如前見多佛也。二知神力。論意取神力所加說法菩薩。於上二處修習智慧。次四利他。初一有信機

者動利現通。次三有悟機者。往剎光照正授以法。次有二句。堅論二利。一自攝勝生。瑜伽云。若欲留命能住百劫。二三明窮照示物善惡。後三句。一對明二利速疾。一爲增長自智。思惟種種法門。二分身速疾作多利益故。第四願智果。正願久積以智內證。故。其自在示現難可窮究。則顯上來百數彰地階差非定爾也。今行合法界。是圓融實德故云。過此論後結云。略說諸地各有因體果相者。以此地中相及得果。類後九地也。因即是相體即是得果。名不殊應。知此三通於下九。所以於此結者。顯上廣說不出此故。第二應頌四十六偈半分爲二別。初正頌前後二結說。前中分四。初十一偈頌初住分。於中四。初一頌半依何身。次四頌半爲何義。次二頌以何因。後三頌有何相。第二五偈頌釋名分。初二偈半頌喜相。餘頌喜因。於中先半偈頌念當得。後二頌念現得。第三有六頌。頌安住地分。初五句頌信心成就。次七句頌修行成就。後三偈頌迴向成就。第四恒起下二十二偈半。頌校量勝分。於中三。初六頌半頌願校量。次六頌行校量。後十頌果校量。於中初二調柔果。次二發趣果。次五頌半攝報果。後半偈頌願智果。結說可知。初地竟。從此已下入第二離垢地。所以來者。論云如是已證正位。依出世間道因清淨戒。說第二菩薩離垢地。言正位者。即初地見道是出世間。依此修於三學。戒最在初故先來也。前地雖證真。有

戒未能無誤。又以十度明義。前施此戒。故大明之。下之八地依十度。次以辨來意。準此可知。言離垢者。慈氏云。由極遠離犯戒垢故。謂性戒成就。非如初地思擇護戒。唯識亦云。具淨尸羅。遠離微細毀犯煩惱垢故。十住毘婆沙。雖云行十善道。離諸垢故。亦不異戒。瑜伽亦名增上戒住故。此地中斷邪行障。證最勝真如。皆約戒明。言邪行障者。謂所知障中俱生一分。及彼所起誤犯三業。能障二地。由斯二地說斷二愚及彼能重。一微細誤犯愚。即上俱生一分此能起業。二種種業趣愚。即彼所起誤犯三業。言最勝者。謂此真如具無邊德。於一切法最為勝故。此亦由翻破戒之失。為無邊德。是以成於戒行。得於最勝。無等菩提之果。並寄於戒顯地相別。雖經論文異。大旨不殊。次正釋。文分三分。初讚請分。二正說分。三重頌分。今初五頌分。一。初三慶聞初地。後二請說二地。今初。前一經家叙其三業慶喜。後一發言申讚。然此慶聞亦屬前地。以領前請。後故。皆判屬後。後二中亦初序後請。第二正說分中。先明地相。後彰地果。前中分二。一發起淨即是入心。二佛子菩薩住離垢下自體淨。即住地心。三聚無誤地中正行。名自體淨。直心。趣彼名發起淨。今初發起中三。初結前標後。次何等下徵列十名。後菩薩以此下結行入位。今初標云。深心者。深契理事故。論經云。直心。而下列中總句同名。直心。明知深直義一名異。論云。十

種直心者。依清淨戒直心性成就。隨所應作。自然行故。謂發起淨中。順理事持是淨戒。直心則令自體淨中性成就。然性戒有二。一久積成性。二真如性中無破戒垢。今稱如持使得性成。故云成就。二徵列中。列有十句。初總餘別。總云直心者。瑜伽云。於一切師長尊重福田。不行虛誑意樂。此約隨相別釋。今論主為順一乘緣起義。故分為總別。別皆成總。則令總中具於別義。故不別釋總句。別中初四律儀。次三攝善。後二饒益。一者柔軟直心。共喜樂意持戒故。故瑜伽云。於同法菩薩忍辱柔和易可共住。二堪能者。有自在力。性善持戒。煩惱魔事不能動轉。難持能持故。所以鵝珠草繫盡命無違。三守護根門。不誤犯戒。如良慧馬。性自調伏。以於諸行深見過故。四寂靜者。論云調伏柔軟不生高心故。則似不待。前三所持是事寂靜。瑜伽云。於大涅槃。深見勝利者。斯即稱理寂靜。五純善者。謂純修妙善菩提分法。能忍諸惱。如真金故。六不雜者。論云所得功德不生厭足。依清淨戒更求勝戒樂寂靜故。謂雖得前句妙善。而不厭則不雜。懈怠。樂於寂靜則不雜。事亂。身心俱寂即是勝戒。七諸有勢力棄而不顧。不似難陀為欲持戒。八大悲為物不斷有願為廣。九大智隨有而無染。故能作有情一切義利。第三結行。入位。由上十心。成於上品極圓滿故。入斯戒住。第二自體淨中明三聚淨戒。即分為三。初律儀

淨。論云離淨。謂離殺等故。此約隨戒亦名正受淨。此約初受。二攝善法戒。三攝衆生戒。此三聚戒攝前三位。初攝治地住。次攝饒益行。思彼衆生墮惡等故。後攝不壞迴向。謂有智願等。於法寶等皆不壞故。律儀通於止作。攝善唯約善行。前二通於自利。後一唯約益物。又初律儀中。雖有善行而施忍等不行非過故。攝善中無所不行。若爾今經前二同離殺等二相專分。古釋有二義。一同體義分。約離過義邊說為律儀。順理能益判為攝善。二者隱顯相成。律儀中有止作。因離果離是其止行。對治離者是其作行。舉作助止說為律儀。攝善戒中亦有止作。以止助作說為攝善。今更一釋。此中唯約自修正行。下攝善中亦令他修。則攝二利之善。及悲智之善。又此唯已分之善。下攝善中上修佛善。豈得同耶。今初律儀分三。初標所依。謂離垢地戒增上故。二性自已下正顯戒相。三佛子至如是下結成增上。二中有十善業道。即為十段。今初離殺分二。初總明。後不畜下別顯。今初性自遠離。文屬殺生義。該下九。謂自性成就十善業道。即自性戒。然離有三種。一要期離。謂諸凡夫。二方便離。所謂二乘。三自體離。謂諸菩薩。契窮實性自體無染。然諸菩薩同修自體。而復有四。一離現行。所謂地前。二除種子。即是初地。三除誤犯。四顯性淨。此二當於此地。然性淨難彰。除殺等。以顯彼淨。此通餘教。若依此經。地體懸絕。寄顯地勝。

豈可地前位位皆深。今居地上方行十善。二別顯中有三種離。一因離。謂離殺因緣。二於一切下對治離。謂離殺法。三是菩薩下果行離。即離殺業。今初因離。復有二種。一離受畜因。謂不畜刀杖。此雖是緣。從通名因。略舉此二。餘呪藥等皆是此因。二不懷下明離起因。此正是因。因即三毒不懷怨恨。明離起因。殺父母母亦不加報。次有漸下明離貪因。貪有二種。一為貪財利故造諸惡業。乃至沒命心無恥悔。今有慚愧故能離之。二為貪衆生捕養龜黿。令生苦惱。今有慈傷之仁。恕己為喻便能離之。然起殺之癡必是邪見。邪見難遣非對治不離。是故論主就對治中。明離於癡。此略不說。二對治離中亦有二種。一生利益心。是與衆生世出世間二種樂因。二生慈念心。謂念衆生得入天涅槃之果。既於是因果不顛倒求。則離愚癡心。起於殺因殺生祭祠等。此中慈益約能對治即名為離。不同前後殺因殺果而為所離。若爾前有仁恕。故離起貪因。仁恕之心豈非能治。前約本有仁等不起貪等。非是發起仁恕之心。今約於物發生慈益之心。以為能治故不同也。三果行離者。攬因成殺名業為果。今不正殺故名果離。於中亦二。一微細。謂心念害。二龜重。謂身行害。今經以細況龜。龜中成殺有五因緣。一身謂於他故。他是所殺之體。故名為緣。一身謂於他故。他是所殺之體。故名為緣。身。此據自身二事。謂衆生故。此據非情三想謂起衆生想。揀作瓦木等想。四行謂

故以重意。重意是思故名為行。此揀錯誤。五體謂身行加害斷命落究竟。正是殺業。故名為體。則揀前四以為方便。然離集聚伽緣皆有五而合初二為事。復加煩惱。今以煩惱是前起因。故不重明。又境想輕重等。非此全要。故略不明。第二離盜亦初句總非理損財不與而取。故名為盜。別中亦三。一因離。二於他下對治離。三若物下果行離。因中止謂少欲。足謂知足。自之所有尚生止足。故無盜因。然止足有二義。一內心止足。即離起因。若廉貞之士。渴死不飲盜泉。二此地具無盡財。故離受畜因。然殺中殺具畜則為因。姪盜妻財以不足為因。二對治離中。由發起慈心。恕己為喻。則於自資財尚捨而安彼。豈侵損他。然他有二。一他人二他世。不盜則不損當來資生。三果行離中亦有龜細。不取草葉為細。餘資生為龜。而文通為五緣。二者身。謂若物屬他。此揀於自是他物體故名為身。二事。經闕此句。論經云他所事。三想。謂起他物想。四行。謂翻終不盜心。五體謂舉離本處。乃至下是以細況龜。殺姪於他正報成業。故以身心而分龜細。盜戒雖通依正。但約損財。故唯就外物以論龜細。又殺有多類。唯人成重。故就龜中方說具緣。盜易成犯。故總明具緣。若龜若細皆成盜體。第三離邪姪。垂禮曰邪染愛曰姪。別中亦三。一因離。謂自妻知足。此亦二意。一內心知足離。於起因。二自足妻色離受畜因故。晉譯論

經皆云自足妻色。足妻乃由寄報輪王。相同世間。故得示有。知足約心亦不妨梵行。二對治離。謂不求他妻。現在梵行淨故。不求未來妻色。他人之妻蓋不在言。三於他妻下明果行離。亦有龜細。細約起心龜約從事。而文分二。初舉邪境。後尚不下以細況龜。初中邪境有三。一不正。二非時。三非處。非處一種在後況中。初不正中他守護女。此為總句。護有二種。一不共護。謂他妻妾唯夫護故。二者共護。謂親族媒定。親謂父母族即宗族。謂二親亡歿六親所護。夫亡子等所護。媒定謂已受禮聘。二非時者。即為法所護。然法有二。一王法。二佛法。佛法謂修梵行時。此復有二。一分謂八戒。二全謂具足等。然此非時準智論十五。及諸論中廣有其相。今之所列意在不起染心。故於自妻不委其事。二以細況龜中有二重況。一以染心況於正道從事。二以染心及正道。以況非道。非道即前非處。亦應以入況於餘類。以後後龜鄢於前前故。以其姪境無想疑。故論主於此不約具緣。經文不言作他女想。約邪姪說。亦有想疑。為顯此中自妻正境亦定無犯。故不說也。第四離妄語。違想背心名之為妄。別中分二。初對治離。後乃至下果行離。今初對治即是因離。不別明因。何者有二義故。一無外事故。謂無刀杖妻財之外事。故無受畜因。二無異因故。謂但用誑他。思心即妄語因。無別貪等以為異因。異因即起因故

離彼誑心。即成實語實語即是誑心對治故。對治離即是因離。不同身三故。身三各具三離。口四唯二。意三唯一。文中言實語者。隨心想故。謂縱實不見而心謂見。而言見者亦名實語。真語者。審善思量如事真故。謂由心思與事相似。稱此而言。若唯稱事而不稱心。亦名妄語。故加善思量。言時語者。論云知時語不起。自身他身衰惱事故。謂心事雖實而遇改見時。或令自他而有衰惱。今菩薩朝見言朝。暮見言暮。故曰知時。晉經名隨亦順時義。二果行離中。亦以細況。夢中是細故犯是。此言覆藏之語者。論經云不起。覆見忍見。婆沙云。覆相妄語名為覆見。覆心妄語名為忍見。謂實見事心謂見言不見。此謂覆。己所見事相此翻真語。若實不見心生見想。誑言不見。於事雖實於見有違。名為忍見。忍却己所見。故此翻實語。夢中眼見但是智見。第五言不乖離名離。兩舌。離兩舌事成能令離間。別中亦二。初對治離。後未破下果行離。對治離者。即不破壞行。此唯約心。果行離者通心及事。即是差別。今初心者。謂傳說者。必於心中憶持惡言。欲將破壞方成離間故。文云無離間心。論經云無破壞心。及為破彼。故等。而論云二種明心受。憶持者謂詐現親朋。如野干詐親師子等。又狎密成疎曰離間。親舊成冤曰惱害。二果行離。差別有三。謂身心業各有二義。身壞二義者。謂已破未破是離間體。故名

為身。二不喜下明心壞二義。一隨喜他。二自心樂。三不作下業壞二義。謂若細若龜。細則實有惡言。龜則不實虛構。正傳離間之言。故名為業。今菩薩並離故皆云不。第六言不離。名離。惡口。別中分二。初果行離。後常作下對治離。前後諸業治望果行。非全次第。故先顯治。後能離果。今此歷別相對先舉果行。一時彰離。後說能治次第翻前。文義便故先明果行。今果行中先列所離。後明能離。今初有十七語句。各一義。而其論意展轉相釋。於中有二。前四一重總顯惡言體用。後十三語重顯前四。今初四語次第相釋。初一總明語體。次云何獨苦。以龜惡猶苦他故。云何龜獨苦他故。如何苦他令。他瞋恨故。此之四語義一名異。後重顯中。初有四語總釋前四。於中初二明其語時。謂前四有對面不對面故。後二明其語體。不出二類。一部惡謂不遜故。二庸賤常無教訓故。後九別釋上苦他令。瞋為損之相。於中復二。初二明說前龜鄙之言。自違於戒。何以違戒。以能苦他令。他瞋故。云何苦他不喜聞故。云何令瞋聞不悅故。餘七語明自瞋忿心中發言。令他違戒起瞋生苦。初瞋忿語是自瞋語體。下能令。他瞋。他瞋有二無饒益事。一初五語翻喜生瞋。謂聞而不愛如火燒心。憶時不樂故生怨結。熱惱者令心胸閉塞。二末後句達樂致苦。謂已有同意樂事自身失壞。令他失壞。失壞相知之樂故。後如是下明能離可知。

第二對治中有十種語。翻前諸語而小不次。謂潤澤翻苦他令瞋二語。柔軟翻毒害龜。其現前不現前無別體故不翻。悅意語翻上瞋忿。謂和悅意中而發言故。樂聞喜悅翻不樂不悅。上說龜鄙故不悅樂。今說順入天故生悅樂。又悅意下三語展轉相釋。善入人心翻如火燒。心熱惱怨結。上以忿心發言。故如火燒等。今以言順。涅槃故。令善入人心。風雅典則却翻上鄙惡庸賤。前則街巷陋音。今則言含經史。故愛樂悅樂。翻不可愛樂生三昧故。身心踊悅。翻壞自身他身生親善故。第七言辭不正故。綺語。其猶綺文總離可知。別中亦二。先對治後果行。前中八語初一為總。故下結云。戲笑尚恒思審。是以菩薩常樂。三思而後言。則無散亂矣。下七語別。時之一字亦總。亦別。總者上言思審者。謂思合其時語默得中也。云何為時。謂彼此無損自他成益時故。論云善知言說時。依彼此語故時語有幾略說有三。一教化時語。謂見非善衆生。勸發生信。令捨惡就善。即時字別義。次二教授時語。令其憶念實語者。不顛倒故。謂學承有本轉相教誨。後二釋上云何。不倒。以言含於義。故稱行法故。後三教誡時語。令其修行。地持教誡差別有五。一制二聽。三舉四折伏。五令喜。今三句攝之一。謂有罪者制無罪者聽。為順道理。二於制聽有缺如法舉之。數數毀犯折伏與念云。巧調伏。三有實德者稱揚令喜。故云決定。

又此一句總結上四謂若制若聽若舉若折皆須適時。二是菩薩下。果行離中亦以輕況重。第八離貪。此下意三但有對治。以貪等是業有之本。更無所依故非果行。以非果故不可對之更立異因故。但有其二。今初離貪。謂離求欲心。別中有三。一事二體。三差別。於他財物。是事他所攝故。此揀於已。他攝有二。一已現攝用。二已雖不在作攝護想。二他所資用是體。謂所食物體。然用含二義。一所用事。謂金等。二資用事。謂飲食等。三不生貪下明差別。正顯能治。一始欲名求。即他物想。二希得屬己為願。即是樂欲。三終起奪想為貪。此即方便及究竟。并前他物即是五緣故。意三中要具五緣。若闕究竟但名煩惱。今皆性離故以不之。第九離於忿怒。忿怒。故名離瞋。別中有三。一別顯能治。二永捨下總顯所治。三常思下顯通治益。今初為六種衆生起。六種治論攝為五。一於冤生慈治於冤者。欲加苦故。二於惡行者生利益心。治當危苦故。三於貪及苦生哀愍歡喜二心。以此二心有通有別。通則可知故論合此。別則貧窮者愍之。憂苦者令其喜樂。四於樂衆生和潤心。論名利潤治彼染著無利潤故。五於發著提心人起攝受心。攝令成故。二總離障中亦有六障。通障前六非。一一別對。故云總也。於此六中。攝為三對初二已對他用辨冤親。生怨故。敗親故。恨。則未生已生令其生長。親則未生已生令不

生長。次二唯約唯已善不善法。以明生長。障善名。怨增惡名。害。皆有已生未生。後二唯就於他愛不愛事。明其生長。忌勝名。熱。謂見他愛事苦他名惱。謂見他不愛事。皆有已生未生等。喻伽云。瞋恚方便究竟者謂於損害事期心決定。正能成業。今並不行故。上云永離。三類通治益者。謂前所說者亦常思慈祐。第十離於乖理推求。不言性離者蓋文略耳。別中治七種邪見。一住正道者治異乘見。小乘對大非正道。故。二不行占卜。治虛妄分別見。即是邪見。夫吉凶悔吝由愛惡生。故云虛妄。三不取惡戒治於戒取。四心見正直治於見取。五無誑者。治覆藏見。六無諂治詐現不實見。七於佛下治非清淨見。此所治七見釋有二。門。一約行二約人。約行中。初一願邪願。小乘故。次三解邪。顛倒見故。然邪見惡戒唯是外邪。見取一種通於內邪。謂學大乘者。執語成見故。次二行邪。藏非善故。後一信邪。信世間故。又於三寶決不信故。故喻伽邪見方便究竟者。誹謗決定故。二約人者。初四是邪梵行求衆生。於中初一同法小乘。後三外道。次二是欲求。後一有求。今性不求名離邪見。第三佛子下結成增上者。此有三義。一遏護。十善即不闕義。二常無間即清淨義。誤犯之垢不起問故。三常無斷即常護義。具斯三義得增上戒名。第二復作是念下攝善法戒。謂非唯律儀不闕不斷。常攝善法亦無斷闕。文中分三。初略

觀不善起攝善行。次佛子下廣觀障治起。攝善行。三如是方便下總結勸修。今初分二。先明觀智。後是故下明起願行。今初墮惡道者。有三種義。一者乘惡行往故。此即集因。經云。皆以十不善業。二者依止自身能生苦惱。此即能墮一切衆生。三常墮種種苦相處。斯即所墮惡趣。上二皆苦果。業者因義。道者通到義。既要用不善方墮惡道。則非無因所用。唯是不善。故非邪因。後起願行者。由念衆生惡因果故。便起大悲要心。二利。於中先正修二利。後何以徵以反釋。第二廣觀障治。明攝善法中。謂觀五重善法。於上上清淨佛善起增上心。求學修行攝善法戒清淨行故。若直就經文。亦分二別。先明觀智。後是故下要心攝善。今論將後段攝屬佛善故。且分為二。先觀不善唯是所治。後十善業下觀於善法。通能所治。今初具有苦集。此中為明攝善故。略示其惡。既果學三塗。則顯因亦三品。如後攝衆生戒經文自具。後攝觀十善具諸法門。然通相而辨。善皆能治。以順理益物正反惡故。若隨相分人天之善。猶為所治是苦集故。文分五重。今初人天十善。以人天是世間之善故不分之。實則亦具三品。謂人善為下欲天為中。色無色界為上。言三品者。或由三時之心。或約境有勝劣。或心有輕重。或自作教他等。細論其義多品不同。略言三五耳。為不善者反此可知。喻伽六十廣顯差別。第二又此下辨聲聞善

下。三乘中各有三段。初標所修善同。次顯所用功異。後結成自乘。今聲聞中。以智慧下明所用異。於中初句對前彰勝。以實相智修。不同人天無智善故。通觀上來善惡因果。皆是苦集所觀境故。次心陝劣下對後顯劣。有五種相。一因集由集小因故。心陝劣。陝謂修行少善。劣謂但能自利。二畏苦。即怖三界故。三捨心即闕大悲。捨衆生故。上三唯劣菩薩。下二兼劣緣覺。四依止。即經從他謂必藉師教故。五觀即聞聲解了。謂聞入無我法。聲心通達故。三成聲聞乘。結成自乘。然能治十善及與智慧。即是道諦惡因果滅。善因果中使滅名為滅諦。成聲聞乘。義舍道滅。第三緣覺善所用異中。初句總明。以能修習名修清淨。未能圓修。不名具足。次不從下別顯有三種相。一自覺。謂異聲聞。不從他聞。依止勝。二大悲下。不能說法。大悲不具。無心起說。方便不具。力不堪設。若有利物多但現通。此劣菩薩。三悟解已下。即觀少境界。少有二義。一對前顯勝。以是利根。但觀苦集。便悟甚深之觀。勝於聲聞。二對後彰劣。但觀入無我法。不同菩薩求佛大智等故。上之二乘廣如。瑜伽本地中說。第四菩薩十善所用異中。有四種相。一因集二用。三彼力四地。四初中一行因。次二行相。後一行位。言因集者。宿習善根依之起行。此又三義。一依一切善根起行故。即修治清淨具足。具足即一切善義。今經闕此二字。則不能異上辟支。此

明自利。二心廣者。即利他心。三無量者。即大乘心。是二利行體。二具足悲愍是菩薩用。三方便所攝。即以四攝攝生。是彼悲力。四發生下皆顯地。雖有十。就三祇滿處。略舉三地。以攝餘七。一發生大願。即淨深心初地。二不捨衆生。即不退轉地。雖得寂滅。不捨衆生。即八地。三希求佛智等。即受大位地。是第十地。此有三句。一觀求行證智度滿故。二盡淨諸地障故。三盡淨諸度蔽故。三成菩薩廣大行。結成自乘。第五佛善。上上是總。一切下別有四種義。顯上事。前三屬佛。後一菩薩思齊。一者滅。謂不善業道共習氣滅故。種智清淨。二者捨。謂乃至證十力無畏不共之法。捨二乘故。三者方便。謂於菩薩乘一切佛法。皆善巧成就故。四菩薩求無厭足。故云是故我今等行十善。上雖列五重十善。凡小但將化物。非己所行。菩薩十善先已安住故。唯要心等行佛善。佛善望已是餘殘未修。一切智中自在純熟方為具足。亦滅習氣。故云清淨。結勸可知。第三佛子十不善業道下。利益衆生戒。文分為二。初廣明攝生。後佛子菩薩如是護持於戒下。結成益生之戒。前中顯此戒增上有五種義。一者智。二者願。三行。四集。五集果。今初。謂善知衆生苦因果故。文分為三。初總明。知因。二於中下別顯。知果。三佛子下結成苦因。今初。總中果有三塗不同。因有三時階降。論名時差別。三時復二。一者約心。謂如殺生。欲殺正殺殺已。三

時俱重。名為上者。隨一時輕為中者。三時俱輕為下者。二約時。謂少時多時盡壽作等。餘有三品。如上十善中說。復應於一塗中各有三品等。然依正法念經。三塗各有邊正。正者為重邊者為輕。正鬼望邊畜。則餓鬼罪重故。雜集等鬼次於獄。若正畜望邊鬼。則畜生罪重故。今云下者。餓鬼因。二別顯。知果中。十不善中各有二果差別。一報果差別。所謂三塗異熟。二習氣果差別。即人中殘報。是正報之餘。經中若生人中得二種是。然雜集。瑜伽等論。開習氣果以之為二。一約內報名等流果。即如經辨。二約外報感增上果。今經闕此。下依彼顯。異熟報果。十惡攸同。今但解釋等流增上。然二等流多是前重後輕。輕即方便等流。重即正惡等流。十惡即分為十。初殺生中。殺令夭折不終。天年。故得短命。即正惡等流。二未死受苦。故獲多病。即方便等流。怖無精光。感外增上資具等物。之少光澤。二盜損彼財。故獲貧窮。令其不得稱意受用故。其財不得自在。感外田苗霜雹損耗。三淫中令其妻不貞。故方便誘誘故。淫之穢汚。感外臭惡塵塗。四妄語等流。又誹謗約違境。被誑約違心。言無實故。外感農作事業多不諧偶。五兩舌中令其離間。故親友成怨。故由出不平之言。外多險阻。六惡口中。語體惡故。語用惡故。言恒有誹違惱他人。外感荆棘砂礫等事。七綺語言無人受。機不領。故語不明了。自綺錯故。以言綺故。

外感果物不應其時。八貪欲中。已得不足。故未得欲求故。貪則念念欲多。感外增上。日日減少。九瞋恚中。二種等流。似前輕後重。見其不可意故。求彼長短。二惱害彼故。瞋不順物之情。外感增上其味辛苦。又多惡獸毒蟲。十邪見還生邪見之家。若水之流濕。心見不正故多諂曲。總由不正故。外感上妙華果。悉皆隱沒。似淨不淨似不安。是以觀果知因。應當除斷。三結成苦因。無邊苦聚由此生故。第二是故菩薩下明願。依智起願。願為衆生自修善故。但離惡因。惡果自亡。願修善因。善果自至。問惡名殺等離即不殺。不殺即善。離惡住善。二相寧分。答此有二意。一離殺。謂離作犯。住善。謂住止持。體則不殊。約持犯分。二作持止犯反此可知。一離惡。但足惡止。住善兼於善行。具有止作二持。止如前釋。作義云何。前三聚初已略指陳。今當重釋。謂非唯不殺。護衆生命。如護己命。是第一善。守他財物。如自己有。他妻亦然。實語軟語和合饒益。是語四善。非直無貪。更能惠施。非唯不瞋慈悲和悅。何但無於邪見。乃成就正見。智慧深廣。斯即作也。第三自住下明行依願。起行如誓修故。於中初依前願以起自行後亦勸下。依於自行正攝衆生。第四佛子下明集者。依增上悲念衆生。故生十種心。此十亦可俱通一切。論就別相。爲八種衆生。一於惡行衆生。令住善行。故名利。二爲苦衆生。令得安樂。三於怨憎衆

生慈不加報。四於貧苦者悲欲拔之。五於樂衆生。愍其放逸。六於外道。攝令正信。七於同行者。護令不退。八於攝一切善提願衆生。取如自己。以願同故。後之二心亦約此類。但後勝於前。九觀彼衆生乘大乘道。進趣之者。敬之如師。十觀集具足功德者。敬如大師。第五作是念。言下集果。依前悲心起勝上欲。欲拔濟故。文中救攝十類衆生。皆言又作。文各有二。先觀所化。後我當下。與濟拔心。前即所治。後即能治。前集之中。欲顯差別。以其十心對八衆生。今十類中。一一生所容有。如前十心救拔。十中初一解邪故。論云。依增上願。倒爲首。餘九行邪。論開爲三。初五化欲求衆生。求外五欲故。次二化有求衆生。求三有中正報之果故。後二化梵行。求衆生求出道故。通上爲四。然此所化。但攝集中前六而闕。後二者。以集者益物之心。起心義寬。乃至緣於具德生。師仰故。今此正論救拔故。後二並非所救。縱其同行。退轉須化。亦無大乘之外別有安處。可云拔出。今第一化。顛倒衆生中。先所化中邪見爲總。謂四顛倒。理外推求故名邪見。次惡慧惡欲。此二是別。常樂二倒名爲惡慧。專念分別方得行故。我淨二倒名爲惡欲。不假專念。即能行故。以性成故。由計我淨便欲名等。如涅槃說。後惡道稠林者。結其邪見爲諸過因。惡道者非正道故。顯前顛倒爲現行煩惱行處。稠林者亦爲隨眠之因。後結能治中。住於

正見。通翻上邪行。於實道翻惡道稠林。第二化欲求衆生中。五段分二。初三化現得五欲受用生過。後二化未得五欲追求時過。前中即分爲三。一受不共財。二受無厭足財。三受貯積財。今初已得之物。不與他共。於費用時生瞋過也。先明所治。互相破壞。以爲總句。破壞有二。一顯諍於言中。二對怨於心中。即分別彼我。瞋恨已下結其增長。由瞋恨故。思念作報。身心惡行熾然不息。能治之中。慈能治瞋。如來之慈。乃名無上。二化受無厭財。衆生求時無厭。以生貪過。初所治中有二。一貪取無厭明。內心難滿。二唯求財利者。形於身口邪命自活。結上三業。後三業正命以爲能治。三化受貯積財。積而不散。順生三毒。增煩惱過。初所治中。染著生貪。散用生瞋。若積而能散。何有貪瞋癡迷。上二言種種煩惱因之熾然者。直觀經意。因上三毒更生煩惱。若準論意。因貯積財。積財即是煩惱因體。云何熾然。謂實受用。數爲煩惱之所燒故。然癡有二過。一迷前二。亦復不知何者是火。云何爲失。二無求出意。故云不解出要。謂既迷火宅之爲樂。寧有出心。後能治中。涅槃清涼煩惱火滅故。上三即起煩惱衆生。第二有二願化。未得五欲追求時過。即造業衆生。分二。初一明追求現報。造諸惡行。後一明追求後報。造有漏善業。今初。先所治中有四種過。一愚癡覆心過。於中愚癡是癡體。重闇是癡相。亦是癡過。餘皆癡過。

一重開者迷現在苦不知是苦。二妄見者。於現下苦妄見樂故。如見空華。三厚障者。不見未來當受苦報。如眼厚膜都無所見也。二入陰翳下增惡遠善過。初句增惡由迷異熟愚順不善行增長結使。名入陰翳稠林。後失智慧光明者。此明遠善也。癡為善行障故。三行曠野險道。明受苦報過。生死長廣迥無所依。喻之曠野。多難障礙。復名險道。流轉稱行。四起諸惡見者。即無正對治過。論云謂多作罪因。於臨終時見惡報相。心生悔見者。或悔先所修或起惡見。故名悔見。而不能集正對治。所以名過後能治中。先得淨慧眼是體。此眼有二能。一見如實相。二由見實相即不隨他具斯二義名真慧眼。以此二句總翻前過見。前皆實故。二化追求後報習善行者。隨順險道過。謂以迷出世勝義愚造福不動業求。未來報。則常在險道。前所治中十句分三。初句自體謂即生死故。二將墜下障礙。謂在之難出故。三隨順下明失。謂住之失。於出離善故。今初自體。謂由世間少善為根本故。則人天報危故名險道。二障礙者。皆險道中事。文有八句。迷於苦集道滅。如次各二。一明有苦。謂心雖求。出而行順三塗。如臨深淵故云將墜。二入惡見網中。此明迷苦。於苦果中妄生樂想。為惡見網縈。如世險道葛藟交加。三為愚下迷於集因。謂為愚癡所覆。不知煩惱不覺業空。若加深林不見危險。四隨逐下明其造集。世尊正道

學即隨邪。復起邪業。為行顛倒行。如險路多岐。動入豺狼之徑。雖欲行不已欲進返迴。五譬如盲人。顯無道體無正慧眼。但得果貪著愛欲所盲。故法華云。著樂癡所盲。即斯義也。如無目涉險茫無所之。六無有導師者。明闕道緣。導師者謂佛菩薩。既離明導有二種失。一當生惡道。二今世後世。雖處入天放逸障見。故佛雖出世有不見聞。如盲無導師。若不陷深坑則坐而不進。七非出要道。謂為出要者。正迷於滅希求涅槃。而趣異處。謂於梵天乃至自在。依正之所以為涅槃。推斯邪解以為正見。如在險道以塞為通。八入魔等者。顯有滅障。五種妙欲是魔境界。貪著為入。六塵劫善謂之惡賊被牽為攝。三隨順下二句明失。初句依止怨。故失離惡法。後句遠善友。故失進善法。人法俱失。後能治中拔出險道。總離前惡住無畏城。是能離之處。若曠野過城。衆難何畏。近對上文。若無知動念。則順魔心而遠佛意。寂照雙運即出險難。而入智城。上來化欲求覺。第三有二段化。有求衆生。初一道差別。謂五趣流轉。後一界差別。三界繫閉。今初先過後治過中初句為總。入欲下別。總即沒在大河過六道漂溺如彼大河。求有沒中所以是過。然總中含下別義。亦是賴耶瀑流七識波浪。別中彼大瀑水波浪有三種相。一自體漂流。謂五趣因果。二身見下為因起難。謂處之多害。三安六處下便成大失。失出離

道。今初自體有五種相。一深。二流。三名。四漂。五廣。但有其一。已為難度。況具斯五。漂沒何疑。一深者。即具足四流無量水故。為煩惱河。二生死洄洑者流也。上總四流煩惱因深故。此苦果常流無竭。上二即漂溺處。於此生而漂溺故。三愛河漂轉者名也。前明四流。雖無惑不攝愛潤生死。由此漂溺偏受。河名。如愚墮河愛即難出。四湍馳等者漂也。此有二義。一顯河急故云湍馳奔激。謂雖實愛身欲令長久。而念念不住。是漂溺時。二由急故不能如實知其過失。亦復不見涅槃彼岸。故云不暇觀察。是為如此漂溺。五為欲覺等。隨逐者廣也。謂隨欲等覺遍覺五塵。故名為廣。依此漂溺。涅槃則以欲等以為毒蟲。第二起難有四。一者執執著我我所寢宅。不能動發。故云身見羅刹。於中執取言於中者。於陰窟之中。執取之言亦含戒取。二將其下轉還。謂先捨欲已得生上界。由身見執還生下界欲念之中。若準涅槃。愛見皆為羅刹。論經云。愛見水中羅刹者。譯者迴文不盡。三於所貪下。中著。謂於受用時求欲等樂著故。四住我慢原阜者。增慢。謂於受用事時中。我慢大慢憍慢自高輕彼故。慢令心高故喻原阜。上不停法雨下不見性水。廣平曰原。原自是高原上。加阜。則慢上過慢。對涅槃岸以水為患。對佛性水則原阜為非。賢首云。四水中初一見。次二愛。後一慢。愛中一種子不滅故還來。二現行深著故泥溺。如入在河四

事難出。一被執住。二被迴流。三爲泥溺。四滯枯洲。不到彼岸。合喻思之。三明失中有三。一善道無出意失。安六處聚落。故此無善因。二惡道無救失。此無救緣。三無能度者。異處去失。謂離自善行。生諸難處。不值佛故。此雙關。因緣通善惡道。後能治中。初起化心。後以諸下成化行。化行有六。一與善因。謂六度萬行。以爲船筏。二作救緣。三令無苦患。四令離集染。五證涅槃。寂靜。六令得菩提大智。皆翻上三段思之。云何能得此益。論云。以如實法。云何如實了。生死實性本如。即苦患而證涅槃。見煩惱本源性離。即集染而成大智。如斯教者。真與善因。真能救也。第二明界差別。先過後治。過中初句爲總。三界繫縛猶如牢獄。求有處之所以爲過。次多諸下別。別明世獄有五過。隨逐。一苦事。二財盡。三愛離。四有縛。五障礙。三界之獄亦然。此五示五種難差別。一無病難。無病是樂病則有苦。與破爲難。下難義準之。苦謂身諸病苦。惱謂心病愁惱。二常懷愛憎是資生難。愛彼資生求而不得。憎彼貧窮遠之強會。三親難。親愛別離。故生憂怖。四戒難。雖生上界。暫離犯戒。不免戒行相違。還爲貪戒所縛。謂報盡起於欲惡。明上二界非欲永滅故。此貪欲通繫三界五見難。雖得世間八禪定智。亦爲無明所覆。與正見相違。後能治中。若如實了。知三界之相。無有生死。非實非虛。則自無障礙。果證圓寂。第四有二段化。梵行求衆生

分二。初段化。邪梵行求。令捨邪歸正。後段化。同法小乘。令捨權歸實。今初。先明過中。初句爲總。謂執著於我過。然諸外道執見雖多以我爲本。斷常等見皆因此生。次於諸蘊下別。別有六句。前三失道故。遠第一義樂。後三失滅故。具足諸苦。今初。一於諸蘊窟宅。不求出離者。無始發方便。謂彼外道衆生。欲趣涅槃。以有我故。於五陰舍。不能動發。二所趣不真。內入無我。故名空聚。我想妄計。遍於六根。故名爲依。三造行不正。既求涅槃。應行八正。翻行邪道。四顛倒行。以彼計蘊身受心法爲淨等故。後三中。一四大乖違苦。謂老病死苦。人皆欲遠。由計我故。四毒常侵。二五陰隨逐苦。五蘊具諸結過。常能害人善法故。二怨賊六受無量苦者。上不說者。皆在其中。亦總結前五也。後能治中。上由計我處處生著。唯大涅槃是無著處。云何能得。謂如實法。如實法者。略有二義。一上怨賊等。外道不知計我處之。今菩薩教之。觀過了。無有人。二假以世喻。喻所不及。則五陰等過於怨等。三知其實性。人法俱空。皆是最勝。無所著處。餘如涅槃二十一說。第二化。同法小乘。初起過中有三。初不求大。因過。利生憊怠。爲陝。佛法無量退沒。不證爲劣。二不行下。不顯大果。過。三雖欲下明。修行過。不定聚衆生。實有大乘出離之法。而修。行小乘。後能治中。廣大佛法。即諸度萬行。登地已上。名爲廣大。皆佛因法。廣大智慧。通於因果。翻前陝劣總

名廣大。上來廣明攝衆生。竟。第二佛子。下結。成攝生之戒。護持於戒。即前律儀及攝善法。故能增長慈悲之心。即益生戒。第二位果。唯無發趣三果同。前故。論云。有同者。無者亦名果。校量勝者。三果皆勝。初地故。初調柔中三。一調柔相。二佛子。此菩薩下別地行相。三佛子是名下總結地名。初中三。謂法喻合。法中三。初見諸佛。爲練行緣。二於諸佛下明。能練行。於中先供養。後於諸佛下受法。更受十善。即學佛善也。是戒地故。三是菩薩下所練淨中。對前勝者。以離慳嫉。破戒二種垢故。初地菩薩戒未淨故。施亦未淨。前就初地說。檀度滿。令更轉淨。以離二垢。說名離垢故。故喻初地。金但火鍊。以除外垢。今此置礬石中。兼內淨。證明云。一切淨。法合可知。二別地行中。以離語四過。說愛語偏多。二菩薩住此下攝報果。先明在家。後若欲下出家。在家中。二。先上勝身。即金輪王。後能除下明。上勝果。三若以菩薩下願智果。並如初地。第三重願中。有十五願分三。初十願位行。於中有四。初一願。願十種直心。二有願。願律儀戒。三願。願攝善戒。四有願。願半願攝衆生戒。二有四願。願位果。三有一願。結歎所說。二地竟。大方廣佛華嚴經疏卷第三十五

大方廣佛華嚴經疏卷第二十六

唐清涼山大華嚴寺沙門澄觀撰

第三發光地所以來者。前戒此定義次第故。又前三地寄同世間施戒修法。前二施戒竟。今此顯修故。深密云。前位能持微細戒品。未得圓滿世間等持等至。及圓滿開法總持。爲令得此因說此地。令勤修學。此則具前二意。言發光者。智論四十九名爲光地。本論及金光明十住婆沙等。皆名明地。光之與明眼目殊稱。皆略無發字。仁王名明慧。慧亦是明義旨皆同。今統收下經及諸經論。總有三義。立發光名。一以初住地十種淨心爲能發。勝定開持爲所發光。以安住地竟。方始開法修得定故。故瑜伽四十八云。由開行正法光明等持。光明之所顯示。故名發光地。由內心淨能發光明。是故說名增上心住。既言由內心淨能發。明知以十淨心爲能發也。攝論金光明經意皆同。此二以開持爲能發。勝定爲所發。以開法竟。靜處修行方發定故。瑜伽亦說等持爲光明故。此約地中釋之。三以勝定總持。並爲能發。彼四地證光明相。以爲所發。故下論云。彼無生慧此名光明。依此光明故名明地。此約地滿釋。唯識亦云。成就勝定大法總持。能發無邊妙慧光故。謂由得勝定發修慧光。由得總持教法發聞思光。彼無邊慧即是三慧。故上本分論云。隨聞思修照

法顯現。謂就此慧中。四地證法爲所照。三慧光明爲能照。三慧是彼證智光明之相。餘諸經論言雖少異。並不出此故。十淨心唯是能發。證光明相唯是所發。勝定一種通能所發。是以此地偏得增上心名。若所離障通約三慧故。本分論云。開相於聞思修諸法忘障。唯識名聞鈍障。謂所知障中俱生一分。令聞思修法忘失。彼障三地勝定總持。及彼所發殊勝三慧。入三地時便能永斷。由斯三地說斷二愚及彼龜重。一欲貪愚。此障勝定及彼修慧。二圓滿陀羅尼愚。此障聞思慧。及障彼圓滿陀羅尼故。若約所證。唯就總持名證勝流真如。唯識云。謂此真如所流教法。於餘教法極爲勝故。梁攝論云。從真如流出正體智。正體智流出後得智。後得智流出大悲。大悲流出十二部經。名爲勝流法界故。下經中。能捨身求此善說。其所成行。亦唯禪及求法。其所得果。亦法及禪。梁攝論云。通達勝流法界。得無邊法音果。金光明云。三地發心得難動三昧果。下文四無量五神通等。皆定所攝。大正釋文總分三分。初讚請分。二正說分。三重頌分。今初六偈分二。前三慶前後三請。後。前中初偈集經者序。後二偈發言讚能所說。於中善哉是總。第八句是結。別明能說有二。前偈有慈後偈有悲。故云利益。所說亦二。前偈欲相故云律儀。後偈證相故云微妙。真實者契理故。無異者千聖同轍故。無差別者理貫事故。後三請。後中二。初二偈大眾請。

前偈總請三地之法。謂如彼教法相應三智之業。後偈別請十度行法。以地地通有故。慈悲是願道謂道力。佛清淨行即無漏智。未後一偈上首請第二正說分中。先明地行。後辨地果。前中四分。一起厭行分。二厭行分。三厭分。四厭果分。此地修禪厭伏煩惱。亦厭於禪故名厭地。設祈大法。亦爲厭故。正住地心住於八禪。故但名厭。初入地心觀修彼行。名厭行分。地地方便起。彼厭行地滿心中得無量等。是厭之果。亦可初一是入心。餘三是住心。今初分中有三。初結前起後。二何等下微列十心。三菩薩以是下。結行入位。初中標起云。十種深心。論經云。深念心。則異前二地。單云深心。謂更以十心念前十深心故。瑜伽云。若菩薩先於增上戒住已。得十種清淨意樂。復由餘十淨心意樂作意思惟。成上品故。入增上心住。二微列中十心義分。四對初二一對根本建立。次三一對方便發修。次三一對修已成。後二一對德用自在。此四對中皆前離過。後明成善。初言淨心者離過也。論云。依彼淨深念心。謂依二地淨心。起此趣地淨心故。瑜伽云。一者作意思惟。我於十種淨心意樂已得清淨故。二安住心者。依不捨自乘及前十故。此二依前故云根本建立。後八依前起後。次第二對方便發修者。論云。志求勝法起善方便。三地勝定總持。名爲勝法。於中前二句離過。一懸厭當欲。二離於現貪。後一造行進善。若不勝進。則名爲退。故異第二若

准瑜伽。所修對治不復退失。故下頌云不害。若失對治則有害故。第三對中。初一離過。謂自地煩惱不能壞。故名堅固心。自地即第二。以初十心未增。未入三地故。後二成善。初句體成。依等至八禪出入自在。故云明盛。後句用成。即依前句禪定自在力。雖生下地而不退失。故云勇猛。故下經云。於禪能出能入者。即明盛也。又云不隨。禪解脫力生者。是勇猛也。地滿方成。今此作是思惟。即得入地故。瑜伽。十心。皆有作意思惟之言。第四對中。初句自行離過。依欲界生煩惱不能染故。論名快心。晉經名勝心。皆以有智故不染煩惱。今言廣者。兼不樂陝小故。後句利他自在。依利眾生不斷諸有。故云大心。此廣大二心。與前後有異。三結行入地。謂於前十心作意思惟。便入增上心住。第二佛子菩薩摩訶薩住第三下。厭行分中有三。一修行護煩惱。行以觀有為可厭患故。二見如是下修行護小乘行。求一切智。深念眾生捨陝劣心故。三菩薩如是厭離下。修行方便攝行。欲攝眾生。不離無障礙智究竟方便等故。又此三段攝前三位。初及第二一半攝修行住。次護小乘陝心。下攝無患恨行。以慈悲故。後段攝等一切佛迴向。思惟佛智度眾生故。今初二十句分二。初十觀無常即知有為體性。後十觀無救者即人彰過。今初分三。初顯觀時。謂住地已據前趣入。次觀一切下。總辨所觀。言如實相者此有二義。一

事實。謂無常等。二理實謂即不生等。今文具二。後所謂下別示其相。文有十句。初總餘別。總云無常者。論云是中命行不住故。謂命行二字是所無常法。不住二字是無常義。相續名命遷流名行。命學於內。行通內外。故下別中分出依正。別中九句。初五句云何此無常。即前命行。後四句何者是無常。即前不住。初中有二義。一隨事前三內報以顯無常。後二外報以顯無常。二據義。五句以苦等四觀共顯無常。初句即苦。論云依身轉時力生三種苦故。謂三苦依三受。三受依觸生故。依身轉方能生苦。即是無常。二即不依飲食力。形色增損故。三不安隱者。依不護諸惡力摧天壽等。四敗壞者。依世界成。力成必滅故。五不久住者。此句依無我。謂資生依主無有定力。屬於五家。非一處住不定。我所反顯我無。後四何者是無常。然無常有二種。一者少時無常即剎那生滅。二自性不成實無常。謂三世緣生俱無自性故。不成實體。即下三句。一非從前際生者。過去已滅故。二非向後際去者。現在即滅。無容從現轉至未來故。三非於現在住者。念念遷謝求其住相不可得故。約三世遷滅。求生等相皆不可得。即入不生不滅是無常義。此中三世約相續門。如因前身有今身等。若依生滅門。則應從未來藏流。入現在。遷至過去。二門不同也。第二又觀下明其無救。初句總顯。言此法者即前無常。今又觀之。不出生老病死。如四

方山來無逃避處。無能救者。別有九句約生老病死。初四約死以顯無救。此相顯故所以先明。一無依者。於無常未至中無所依告救命不至。二與憂者無常既至無能救者。意地懼死所以懷憂。三與悲者。生陰轉壞死相現前。於此中間彌增涕泗。四苦惱同住者。正捨壽時四大分散。在於五根苦惱事中。其力虛弱。更以憂悲隨逐則憂苦轉增。心生熱惱。次二約資生事。不知是苦。妄生樂想。對治不入故無救也。謂五追求資生境有順違。故愛憎所繫。六於受用時苦多樂少。云愁感轉多。謂受而不散。衆禍皆集。用而毀損如損身命。故曰苦多。七於身老時。盛年壯色不可救令停積。後二約病。初一病因。謂八於少壯時。具樂等三受。故貪等常燒不容。法水。熾然難救。九於年衰時。衆患所纏。如樹將朽。日夜增長。無能令免。然病通始終。老時多故論偏說。老老即病緣故。論云後三句皆明身患事也。何故不在初說。示身數數患事可卒加故。如幻不實總結前九。第二護小乘行有三十句。前十句護小心。後二十句護陝心。今初先總。後見佛下別。總中初結前。謂先觀無常已厭有為。次觀無救故倍增厭離。趣佛智慧明其生後正護小心求佛大智故。別中十句分二。前五攝功德大。即求佛菩提。後五清淨大。即求涅槃果。菩提是德修成名攝。涅槃本有離障稱淨。此二無礙。菩提菩提斷。俱名菩提。智相智性皆名佛智。今

初。一神力攝功德大。智用不測故。二無比德學地無等故。上二妙用自在。三大義德。利他無量故。四無礙嫌德。自行難得故。五不同德外道無難故。顯上二利不同外道。無利勤苦。上三德行圓滿。後五中義攝有三。謂離惑苦得涅槃故。一無惱者。即離惑習。無明不雜故。二無憂者。離苦。苦依根本亡故。憂悲隨盡。三得涅槃有二義。一得體。謂無憂畏城。亦是無餘涅槃。二得用。謂能建大事。亦無住涅槃。即後二句。不住生死。故云不復退還。不住涅槃。故能救無量苦難。由俱不住。方是世間涅槃勝事。以斯爲業。則翻有爲之業矣。第二菩薩如是見。如來智下。護陝劣心。有二十句。前十悲其淪溺。後十決志慈濟。前中二。先牒前標。後。謂見佛智勝利。傷物不得。有爲過患。惑物處之。此是牒前則起悲心。是爲生後。二何等下。正顯悲行。文有十句。初總餘別。總由孤獨無依。故生哀慙。少而無父曰孤。老而無子曰獨。今衆生上遠慈尊。又無方便下不利物。又闕善心。故云孤獨。既孤且獨。何所依救。別有九種孤獨無依。初二依欲求衆生。一已得心無厭足。故貧窮無依。經云知足之人雖貧而富。不知足者雖富而貧。未必無財。方曰貧也。二未得他財求無休息故。三毒火然此即多欲。多欲之人多求利。故煩惱亦多。初求生貪不遂生瞋。非理爲癡。次三依有求衆生。一閉苦果獄。二集因覆障。三無觀察道。由生八難不聞法故。由上

三故安能得滅。後四依梵行求衆生行。前三小乘。一行小因不求。大因勝善之法。二保執小果不求菩提。爲失佛法。當知此輩皆是增上慢人。三不得大般涅槃。長隨變易生死。後一外道雖求解脫。以行邪故失於方便。又上總別十句。亦可通爲五對。一無親無財。二有惑有苦。三有障無治。四關因失緣。五順流背滅。第二菩薩如是下決志救度中。初結前生後。作是念不正顯救心。文有十句。初總餘別。別分爲三。初三何處救度。謂三道中一脫業結。二淨惑染。三度苦果。次五以何行度。謂授三學。初二正授。一著戒善處。二勸住定慧。三昧地。故定慧合說。爲四地。已去方是慧地。此地定增故。慧是定中之慧耳。後三明授法利益。初二戒益。一將受戒者。令除疑生信。衆生受佛戒。便同大覺。固應歡喜。二已受者。令知持犯。見其勝益。安固不動。後一定慧益。滅除沈掉。故云調伏。後一度果。云何救度成。令得有餘無餘涅槃故。上皆論意。更有一理。授行五句中。初三戒。初著戒處。次由持戒得心不悔。故云安住。後由不悔得心歡喜。次一授慧故云。知見。後一授定故云。調伏。然三學對於三道。有通有別。別則戒無業結。慧能斷惑。定度苦果。爲別對前次故。先說慧。然猶附論若直就經文。對前十類生。此十心。一救孤獨故。二脫貧窮故。三淨三毒故。四度有獄故。五著無覆障處。露地坐故。六住善觀察故。七得善法欲生。

歡喜故。八知見性相同佛法故。九調伏諸根不隨流故。十應令涅槃得解脫方便故。論非無理。未若此順經文。第三修行方便攝行。謂修攝生方便之行。故下經云。以何方便而能拔濟。即知不離佛智等故。佛智等即是攝生之方便也。文分爲四。一發起攝行之因。二作是思惟下。思求方便攝行。三便作是念下。思得攝生方便。四菩薩如是下。依思修行。今初分二。先牒前二行以爲三因。後欲依下。依前。三因以明發起。今初。一如是厭離一切有爲。是牒護煩惱行爲離。妄想因。二如是堅念一切衆生。是牒護陝心爲不捨一切世間因。三知一切智智有勝利益。是牒護小心爲發精進因。謂既知佛智勝益。則修行彼道。以趣入故。然三因之中。初後是智。中一是悲。悲智爲因。能求方便。後發起者。既思三因。欲將有益之智。救可愍之衆生。故說經者爲此發起。故論云。此言示現發起方便攝行故。第二思求方便者。亦只思前衆生。墮有爲惑業苦中。欲令永滅得大涅槃。未知方便。故思求之。今經闕一業字。論經具有。問前決志救中。知授三學滅業惑苦。今何故言以何方便。答今但思其能授智慧耳。若爾前護小中。已知如來智慧有大勢力。及上因中。云知一切智有勝利益。今何更思。答前知智勝欲令物得。今亦思其令得攝生方便。下乃知之。要自得佛智方令他得。第三思得攝生方便中。方便有五。自古皆將配位。論

雖無文於理無失。言有五者。一佛無礙智。二八地如實覺。三四地無行慧。四三地禪定。五亦三地多聞。然此五中從微至著。則後後起於前前。故今觀求逆尋其本。展轉相因。並云不離。此五之中多聞唯能起佛智。唯所起中間三種通能所起。論依此義攝五爲三。一佛智窮盡果海。名證畢竟盡。二以中三皆有。下從他起上能起。他漸增至佛。故攝爲一。名起上上證畢竟盡。三以聞慧爲彼中間起行所依。名彼起依止行。以其聞慧未是證行。不得名起。而忘軀求聞亦得稱行。已知大旨。次略釋文。一佛智名無障礙解脫者。無二障故是離障解脫。具十智力權實無礙故。是作用解脫。此是究竟攝生方便。二此智要依如實覺者。八地得無生忍。覺一切法如實性故。若覺實性方能盡惑於事理無礙故。佛智由起論釋一切法云。如來所說一切法者。因音聲忍方得無生。尋於能證悟所證故。釋如實覺云。隨順如實覺者。因於順忍得無生故。三此覺不離無生慧者。欲覺一切法。一切法不出二種。一者自相。謂色心等殊。是有爲法體故名爲行。二者同相。色心雖殊同皆生住異滅所遷。舉初攝後故。但名生。今四地菩薩了自及同。皆緣生無性成無分別慧。故云無行。無生下一行字是慧行相。以無行無生爲慧行相。若如是行。則得八地覺法自性也。四此慧不離禪等者。謂此無生慧非定不發。言禪善巧者。得

三地滿勝進分禪故。出入自在亦不染禪。故名善巧。決定者。於他四地決能發也。觀察智者。論云自智慧觀故。謂即三地禪中之智。非前所發四地無生之慧。彼四地之慧。此中名光明。依此光明故名明地。故四地證慧。由三地禪中修慧而發。五此禪不離善巧多聞者。此中修慧由後聞慧方得起故。三節皆慧而慧不同。言善巧多聞者。不取聞相故。然佛智之因乃通十地。而偏舉三者。此地聞修近所行故。四地是慧增之首故。八地無功用之初故。第四依思修行。上既逆推本由多聞。今則順行。先求聞慧而起聞行。文中二。初結前標後。後日夜下正起求行。於中分二。先明求法行。後菩薩如是下明求行因。今初文有十句。聞法者無慢心故。一喜法者無妬心故。三樂法者無折伏他心。問義故。此三約聽聞時。四依大乘教自見。正取不忘失故。此揀求小不名善故。自見正取者不由他悟故。五隨自讀誦故。六爲他解說故。七順所聞法靜慮思義故。此三約已得法自他利時。八到法者依定修行到究竟故。九住出世間智故。十順佛解脫行故。上之後三皆約修行。然後二揀不同世間之行。若望後服分正修。此十皆是聞慧。若望依思而行。此十皆名爲行。於中初日夜常聞。以顯勤行喜法等九。顯正修行。又此十句。若約所受唯教與義。聞約教成修依於義。思通教義。第二求行因中二。初常勤求因。二菩薩如是下正修行因。

以前十句有此二故。今初論云彼常勤行以何爲因。示現恭敬重法畢竟盡故。於中分六。一總明輕財重法。二是故菩薩下雙捨內外。三無有恭敬下內財敬事。謂心則恭敬捨慢身則承事忘苦。四若聞一句下。況捨外財。五若聞一偈下輕位重法。人天王位終是無常。句偈教義法王爲果。一句一偈。約聞教法淨菩薩行。約聞義法。六若有人言下甘苦重法。以一句之法能盡苦源。地獄多劫誠可甘也。二正修行因中。初結前。後如其下正顯因相。謂靜慮思惟正觀。爲修行之因也。然論經但云正觀無修行字。故是思慧爲修行因。若順今經。此一段文乃是後文標舉耳。大文第三此菩薩得聞法下。明厭分者。前明聞思今顯修慧。即五種方便中。第四禪善巧決定觀察智也。論云云何厭分。是菩薩聞諸法已。知如說行乃得佛法入禪。無色無量神通彼非樂處。於中不染必定應作故。謂不染即是厭義。其無量神通是厭之果。皆修力乘便舉來。經文七相。一依何修。二云何修。三何處修。四何故修。五何時修。六何所修。七何爲修。東此七相大爲三段。初四修行。次二證入後一入意。今初。此菩薩得聞法已。即依何修。以依法故。即了相作意。次攝心安住。即云何修。攝散住法是修相故。即攝樂作意。次於空閑處。即何處修。空閑通於事理。則無處非修。即遠離作意。次作是思下。即何故修。要必修行方證得故。即勝解作

意。然口言者通於說聽故。瑜伽云。非但聽聞文字音聲。而得清淨也。瑜伽三十三明。修行八定皆有七種作意。一了相作意。謂了欣厭相故。二勝解作意。謂正是修行。三遠離作意。謂與斷道俱。四攝樂作意。謂少分觸證喜樂。五觀察作意。謂重觀試練。六加行究竟作意。謂心得離繫。七加行究竟果作意。謂無間證入。上修行中已攝其四。前修行因中有觀察作意。後二作意在證入中。七中前五通貫八定。下八定中各有後二故。此總修下亦總發。然皆即妄即真圓融自在。又任運而發不同欣厭故。下論云三昧地故。得不退禪。不退即無漏定也。又釋內淨云。修無漏不斷三昧故。故知一一皆同。鳥迹第二佛子是菩薩下。證入中分二。初結前。即何時修證。謂在三昧地時是修行時。正修行竟。是證入時。論經云。住此明地。因如說行故。今經闕如說行言。若但云住地。豈初安住即得此禪。但前已有修行之言。故今略耳。後即離下。即何所修。修何所證。謂證八定。八定之義廣如別章。略以四門分別。一入意。二釋名。三體性。四釋文。即當辨相。今初下。經云但隨順法故。行而無所染著。論云。以何義故入禪。無色無量神通為五種樂生故。一為禪樂。憍慢樂生故。入諸禪。謂得世禪。特以生慢。二為無色解脫。憍慢樂生故。入無色定。謂外道證此以為涅槃。恃以生慢。菩薩示入八禪。一一過彼故攝。伏之。三為苦惱樂生入。慈悲無量。令安善。

處。永與樂故。入慈無量。應解彼苦。令不受。故入悲無量。四為得解脫樂住。故入喜捨無量。謂喜其所得。自離動亂故。五為邪歸。依樂生故。入勝神通力。令正信。故又示入禪定。示定寂靜。超欲等過。令物做故。善自調練。知純熟故。寄位次第法應爾故。尚不同。二乘自為。豈與凡外而同年。然無量神通即是厭果。論主併舉者。欲顯皆為順法故。云何順法。為順菩薩大悲化生法故。二釋名者。先通後別。通中先釋四禪。禪那西音此云靜慮。靜。謂寂靜。靜。謂審慮。故瑜伽三十三云。於一所緣。繫念寂靜。而審思慮。故名靜慮。是以靜能斷結。慮能正觀。諸無色定有靜無慮。雖能斷結。不能正觀。欲界等持有慮無靜。雖能正觀。不能斷結。故唯色界獨受斯稱。次無色定者。婆沙百四十一云。此四地中。超過一切有色法故。違害一切有色法故。色法於彼無容生故。俱舍云。無色謂無色。若大眾部及化地部亦許。有色細故名無。俱舍論中廣破有色。次釋別名者。初四禪者。一有尋有伺靜慮。二無尋無伺靜慮。三離喜靜慮。四離樂靜慮。俱舍定品云。初具伺喜樂。後漸離前支。即斯義也。無色別名至。文當釋。三體性者。婆沙云。四靜慮有二種。一修得。俱舍論云。是善性攝。心一境性。以善等持為自性故。若兼助伴。五蘊為性。二生得。隨地所繫。五蘊為性。皆有色者。定共戒故。無色體性。但除於色。餘義同前。故俱舍云。無色亦如是。四蘊離下。

地。大乘宗中亦無異轍。若會相歸性。則八定支林一切皆空。若事盡理現。皆如來藏。湛絕無寄。則定亂兩亡。若事理圓融。一即一切。第四釋文。初明四禪。後說四空。四禪之中。離支有多少。論主並勸為四。一離障。二對治。三利益。四彼二依止三昧。四中後三是支。初一非支。雖後所離是前支。望於當地。並皆非支。然四禪通說有十八支。謂初三各五。二四皆四。為欲惡難除。第二禪喜深難拔故。初三各五。初三不然。故二四唯四。其間除重則唯有十。謂一覺二觀。此唯初禪。三捨四念。此通後二。五喜局於前兩。六樂該於前三。七者一心遍於諸地。八內淨唯二。九正知唯三。十捨受唯四。若分二樂。則有十一。若內淨無別體。則唯有九。此等皆為順益於禪故。立支名故。瑜伽十一云。諸靜慮中。雖有餘法。然此勝故。於修定者。為恩重故。偏立為支。今初初禪。一即離欲。惡不善法者。此明離障。以一即離貫於下。三。然諸論說大同小異。若毘曇離五欲故名。為離欲。斷十惡故名。為離惡。除五蓋故名。離不善法。若智論八十八云。離欲者。謂離五欲。惡不善法。謂離五蓋。五蓋將入。入惡道故名。惡障。善法故名。不善法。若辨蓋欲之相。廣如智論十九。及瑜伽十一。雜集第八。斷欲惡害。惡即是惡害。即不善法。瑜伽三十三亦合惡不善法。被論云。離欲者。欲有二種。一煩惱欲。二事欲。離亦有二。一相應離。二境界離。言離惡不善法者。煩惱欲。

因所生種種惡不善法。即身口惡行。此意則總。棄欲界諸惡不善。已明離障。二有覺有觀者。此有二支。是修行對治。新譯名尋伺。皆初後細。俱舍云。尋伺心能細。智論云。譬如振鈴。魚聲喻。覺細聲喻。瑜伽十一。以尋求伺察不淨慈悲。治欲界欲害害障。又五蓋中。有欲害害不死親里國土等覺。今對惡覺起善覺察。又智論四十四云。小乘以欲悲惱覺為龜。親里國土等覺為細。又唯善覺為細。於摩訶衍。準皆龜則覺空為細。三離生喜樂者。是修行利益。慶離欲惡等是故生喜。身心猶息及得解脫之樂。故名為樂。由此名利益支。瑜伽三十三云。離者已得。加行究竟作意故。所言生者。由此為因。緣無間生故。已獲。加行究竟果作意故。喜樂者。謂已獲得所希義。故得大輕安。身心調暢有堪能故。四住初禪者。是彼二依止三昧。謂於所緣審正觀察。心一境性。為彼對治及利益支之所依止。依止定力尋等轉故。其所離障以無行體。非是支故。不為彼依。而言初者。欲界上進此最初故。而言住者。即安住義。瑜伽云。安住者。謂於後時。由所修習。多成辦故。得隨所樂。得無艱難。乃至七日七夜能正安住四禪。此句大旨不殊。第二禪中。一滅覺觀。是所離障。覺觀龜動發生三識。亂於二禪。如淨水波動則無所見故。初禪能治為此所治。則病盡藥亡。二內淨一心無覺無觀者。是修行對治。言內淨者。小乘是信能淨心相離。

外散動定等內流。大乘即攬。三禪三支。以成故。顯揚十九瑜伽六十三。皆云內淨。以捨念正知為體。以此三法。尚為喜獲。力用未勝。但能離外尋伺。故合名內淨。言一心者。釋於內義。唯緣法塵不同。初禪有三識。故。故身子阿毘曇云。欲界地中心行六處。初禪地中心行四處。謂無鼻舌識。二禪已上心行一處。唯意識身緣法塵故。無覺無觀。釋於淨義。不同初禪有覺觀故。前滅覺觀。顯於所治。此復言無顯。能治無故。非重也。本論釋。一心云。修無漏不斷三昧行一境故。欲異世間。是如實修故。不斷者。相續一心。行一境者。對緣一心。由此即名三昧。無漏。三定生喜樂。此二支是修行利益。初禪慶背欲惡故名離生。今慶覺觀心息故名定生。如淨鑑止水。故身心適悅。若智論意。即從初禪定生。欲界無定故。初但云離二禪。雖離初禪煩惱。初禪有定故。又初禪離欲大障故。四住第二禪。即彼二依止三昧。第三禪中。一離喜者。是所離障。謂二禪利益支。喜心分別想生動亂。三禪轉寂故須除遣。如貧人得寶。生喜失則深憂。莫若雙絕喜憂。方為快樂。二住捨有念正知三支。是修行對治。一住捨者。即是捨數揀非捨受故。諸經論皆名行捨。行心調停。捨彼喜過。故顯揚云住捨者。於已生喜不忍可故。平等正直無動安住。二有念者。於喜不行中不忘明記故。三正知者。或時失念喜行。於此分別正知而住。謂住於捨。瑜伽三十三大同於

此。上三即前內淨漸修轉勝。至此別開深細寂靜故。能治下地喜踊浮動。三身受樂下是利益支。於中初身受樂。正顯支體。正對二禪喜心浮動。是故但言身受於樂。設心受樂亦名身受。故瑜伽云。由捨念正知數修習故。令心踊躍。俱行喜受。便得除滅。離喜寂靜最極寂靜。與喜相違心受生起。彼於爾時。色身意身領納受樂及輕安樂。是故說言。有身受樂。又初禪喜樂。如土石山頂而有池水。二禪喜樂。如純土山頂而有池水。三禪之樂。如純土山在大池。內樂遍身外身在樂中。是故心樂亦名身受。次諸聖所說能捨有念受樂者。釋成勝義。謂下諸地。無如是樂及無間捨。上地有捨而復無樂故。諸佛及佛弟子說第三禪。具有能捨及念正知。而復受樂故。諸樂中三禪樂勝。此瑜伽意。不應別解。文中略牒尚闕。正知。但有捨念。已殊。上下。四住第三禪。即彼二依止三昧。第四禪中。一斷樂先除苦喜憂滅者。即是離障。三禪勝樂於此為害。如重病入。觀妙音樂為障。四禪故。須除遣故云斷樂。得此定者。即於爾時所有苦樂。皆得超越故。總集說先除苦等。先之一字總貫下三。二禪先除苦受。三禪先滅喜受。初禪先滅憂受。并今斷樂則已滅四受。依禪次第應先明憂為對前樂。先言除苦。瑜伽十一云。何故苦根初禪未斷。答彼品龜重猶未斷故。若爾何不現行。答由其助伴相對憂根所攝諸苦。彼已斷故。若初靜慮已斷苦根。是則行者。

入初靜慮及第二時。受所作住差別應無。由二俱有喜及樂故。此意明不斷龜重。故。異二禪而無現行。故立樂支。若依小乘。初二禪之樂。但是輕安而非樂受。三是樂受故不同也。二不苦不樂者。是利益支。餘禪皆光明治。今此先明益者。乘前總無四受。便舉不苦不樂明五受內唯有。於捨受。是不動故。若爾前來亦滅憂喜。此何不言不憂不喜。答五受明義無別不憂不喜。三受明義。苦樂攝於憂喜故但對之。又此正斷於樂故宜對之。三捨念清淨。此二是對治支。三禪捨念與樂受俱。此斷樂。受故云清淨。然其能治大同三禪。但所治喜樂故分二別。喜心浮動常須正知。樂受深細但須捨念。若遠顯清淨者。瑜伽云。從初靜慮一切下地災患已斷。謂尋伺喜樂入息出息。是故此中捨念清淨鮮白。由是此禪心住無動。此論略舉六事應兼無苦及憂故。俱舍等明。此禪中離八災患。然四禪雖曰不動。而猶有捨受。未名無受。瑜伽十一云。又無相者。經中說為無相心定。於此定中捨根永滅。若非無相乃至有頂。皆有捨受。四住第四禪。即彼二依止三昧。然入上色定。其身相狀如處室中。入下四空如處虛空。第二四空空處等。名同心一境性。有何差別。俱舍定品顯此差別。由離下地染故立四名。謂離第四禪。立空無邊處。離空無邊處立識無邊處等。差別既爾。從何得名。彼次頌云。空無邊等三名從加行。立非想非非想昧

劣故立名。謂修定前起加行位厭壞色故。作勝解想。思無邊空。加行成時名空無邊處。厭空想識厭識想無所有。準此可知。其第四空由想昧劣。謂無下地明慧勝想。得非想名。有味劣想名非非想。故前三無色加行受名。第四無色當體受稱。以前三近分加行位中。唯緣空等。入根本位。亦緣餘蘊故。從加行受名。第四非想加行根本。同一所緣故。當體受稱。瑜伽論中亦同。於此。加行等想空識等殊。至文當辨。然此四空亦各有四。謂離障等。而經文中。但各三句義含於四。謂初段離障具對治義。問若有治等為有支不。答準雜集等論。諸無色奢摩他一味相故無有。皮分建立若依瓊瑤本業。四無色定各有五支。謂想護止觀一心。經論相違云何會通。論依相似不同四禪覺觀等異。又慧用劣名無支分。經就相似同皆有五。如初空定厭下色相。起於空想。即今對治護彼色相。不現前。若超色想即名為止。是今離障空無邊行。照了分明即是觀義。是今利益一心。即是彼二所依故。五支顯然。豈得判無邊經依論。今初空處。謂觀虛空作無邊行相。能滅色想。心安空定。名空無邊處。文中三句。初句含二義。一明離障。二明對治。言離障者。曲有三句。謂離三有對等色。論云。超一切色想者。過眼識相。此明超可見有對。二滅有對想者。耳鼻舌身識和合想滅故。此滅不可見有對。三不念種種想者。不念意識和合想故。意識

分別一切法故說名種種。此滅不可見無對。意識雖緣非色之境。今但取緣色自有種種。皆云想者。小乘以在色欲修起此定。未捨色形故不言滅色。但言滅想。想取色相。故偏滅之。大乘之中決唯滅想。若超色相。說無色者。後滅空識應無識空。問香味之想初禪已離。色聲觸想二禪已除。今云何言空定滅耶。遠公答云。香味二想雖盡。初禪今云滅者。治有四種。一壞對治。謂方便道觀下有漏無常等故。二斷對治。謂無礙道正斷下過。三持對治。謂解脫道為首。及後一切無間解脫持彼無為。不令失壞。四遠分對治。謂解脫為首。及後一切無礙解脫。遠令前障畢竟不起。今此空定據第四治。色聲觸三。云二禪雖滅者。二禪已上乃至四禪。當地雖無得借。初禪三識之心見聞覺觸。是故乃至第四猶有此想。空定滅之。此上所釋約次第修。若於色界頓修。空定。則六識行境並皆得滅。故論上言意緣一切法亦無揀故。已明離障云何對治。前三句中不念之言。含於對治。謂不分別色等境故。何以不念見無我故。約菩薩實治。故云無我。若依有漏但厭苦塵。以為加行。順正理云。謂若有法雖與色俱。而其自體不依屬色。諸有於色求出離者。必應最初思惟彼法。謂虛空體雖與色俱。而待色無方得顯了。外法所攝其相無邊。思惟彼時而能離色。此即加行之相也。二入無邊虛空者。是修行利益。謂三色想絕。則入空

理廓爾無邊故。三住虛空無邊處者。是彼二依止三昧。瑜伽云。由已超過近分加行究竟作意。入上根本加行究竟果作意定。是故說言空無邊處具足安住。準瑜伽意。四義之中離障是超下地對治。是加行究竟作意利益。是勝解作意。彼二依止。是加行究竟果作意。前三為近分後。一是根本。後之三定。一同於此。又此四義初何所超。次云何能超。三超前何緣。四超何所證。二識無邊處。心緣內識作無邊行相。故以為名。初超虛空無邊處。是明離障。彼何所障。外念為礙。故云何對治。見彼外念。能分別過患。故二入無邊識。是修行利益。前明捨外今辨緣內。正理云。謂於純淨六識身能了知中。善取相已安住勝解。由假想力。思惟觀察無邊識想。由此加行。為先得入根本。後依止可知。三無所有處者。即內外皆無也。初超無邊識。是明離障。何過須超。事念為礙。云何對治。見能念事分別過患。次入無少所有者。修行利益。前以捨外緣內故為礙。念既無所取能取亦無。故內外俱無。斯為利益。正理云。見前無邊行相。能動起此加行。是故此處名最勝捨。以於此中不復樂作無邊行相。心於所緣捨諸所有。寂然而住。瑜伽云。從識處上進時離其識。外更求餘境。都無所得。此意明識既為礙。識外復無故無所有後住。無所有處。是彼二依止。四非想中。無下七地明了之想。有味劣想。故以為名。超一切無所有處。是所離障。云何對

治。無彼無所有以見。能念分別過患。故為能治。既寂無所有云何名。能。猶有無所有想故經闕。一句論經則具。彼云。知非有想非無想。安隱即修行利益。即入非有想非無想處行。是二依止。瑜伽云。先入無所有處定。超過一切所有有想。今復超過無所有想。故言非想。又言非無想者。非如無想及滅盡定。一切諸想皆悉滅盡。唯有微細想。緣無想境轉故。即於此處起勝解。則超近分而入根本。此中所以不出三界者。由緣無相境。即是細想。外道不了謂為涅槃。未能無緣。豈離心境。況計此為我復生愛味。故法華喻。頭上火然。若知此患更求上進。求上進時求上。所緣。竟無所得。無所得故滅而不轉。則得滅受想定也。若未得此定。厭想為先。後想不行。即入無想定。然婆沙百四十一。顯揚第三及諸論皆明。而文言。浩博。上引二論文略義顯。今更約第一義修略示。四空。謂觀色即空。心安於空。是空處定。次知空色不出於心。是識處定。次心境兩亡。為無所有。次亦亡無所有想。緣無想住名非想非非想。若不緣此無想。則諸漏永寂。第三入意但順化眾生法不同。凡小有愛味等。如前已釋。大文第四佛子此菩薩心隨下。明其厭果。即前八定之所等引。故名為果。文分為三。初四無量即行方便果。次五神通即行功用果。三此菩薩於諸禪下總結自在。今初所以先明者。凡夫味定三界輪迴。二乘上升多皆趣滅。菩薩因定

發生慈悲。廣利有情。成菩薩性。然入之。以前論已辨。為對生死涅槃分。四為二。準瑜伽等。四種無量。為四有情。謂緣求樂眾生與慈。有苦與悲。有喜隨喜。有慈不染。復應此四通緣。一切以智導之。則無所著。此四皆緣無量境。故名四無量。若總相說。皆以定慧而為其體。若別明之。慈即與樂。無瞋為體。拔苦不害慶他不嫉。自他捨惑。即是善捨。文中二。初別顯慈行。後住悲下。類顯餘三。初中有十二句。心隨於慈。此句為總。隨有二義。一心不趣寂動皆合。慈二以此慈心隨逐於物。如犢逐母。次十句別。慈之種類總有其三。初有七句八義。眾生緣慈。次一法緣後二無緣。緣謂緣念。初緣假者欲與其樂。次緣入空。但有慈等善惡行法。以用教化。後緣眾生體空。欲令悟入。初一通。凡次一通小。後一唯大。今初八義曲復有四。初四與樂正顯行相。廣者與欲界樂。欲境廣多故。大者與同喜樂。謂初二禪喜受俱。故高出名大。無量者與不同喜樂。三禪已上離苦離喜故。深故名無量。不二者三樂平等與故。上皆論意更有一理。廣則無樂不與。大謂菩提涅槃。無量謂窮來際。不二者無一不與故。次二治障。不愛之寬亦與其樂。故無怨障。是愛之親亦與其樂。非是偏情。故無對礙。中人無愛不愛故非障也。次一清淨。謂無身心不調。五蓋等障。是行清淨慈。後一攝界慈定。起於色界正果。慈之餘勢起欲界習果。皆無苦惱之事。

故修慈經說修慈有十五利。謂臥安覺安。天護人護。眠無惡夢。常歡喜。水不能漂。火不能燒。刀不能傷。毒不能害。常生善處。鎮受快樂。正報梵世。殘報人王。這果作佛皆慈之果。然此中有多種果。初現報果。常生下後報果。正報梵世。望上生報。望下正報。殘報人王。即是智果。又初七用果。水不漂。等是增上果。常生下異熟果。殘報等流果。作佛是離繫果。修一慈心。三報不斷。五果俱圓。無費一毫而功報無極。幸諸後學思而修之。次通至一切處。即法緣慈。橫遍十方。豎通三界。彼中所有。一切諸法。皆能緣念。然法有二種。一緣聖凡五蘊之法。二者衆生所有分別作業之法。此即所化差別故。涅槃云。緣利衆生法名爲法緣。後二句無緣者。無緣有二。一自體無緣。賢窮法空云。盡法界。二通至無緣。顯空無分齊。橫盡虛空末句。云遍一切世間者。總結上慈成。無量義也。類三可知。

大方廣佛華嚴經疏卷第三十六

大方廣佛華嚴經疏卷第三十七

唐清涼山大華嚴寺沙門澄觀撰

第二佛子下得五神通。明行功用果。前內懷慈濟之心。此外現救生之用。從多分說。但爲邪歸。妙用難測。曰神自在無礙。曰通。文中有五。一神境。二天耳。三他心。四宿住。

五天眼。寄同世間故。但得五。外色內身皆神之境。轉變多種偏受。神名亦名神足。依欲動心觀之所成。故亦名如意。隨意成故。餘名易了。若語其體。通是慧數。別則前四。是智。後一是見見亦是智。照了分明順眼義。故偏立見名。餘處天眼居神境。次者顯自修者。先成自根勝用。次知他心。後知往業。故今約利他三業。故天眼居末。初一身業。到化機所。次二口業。天耳聞佛說法。聞衆方言。以他心智。隨種種言音。皆盡知已。將前所聞之法。隨其方言之異。復宜用何言之異。而授與之後。二意業。宿住知其過去。是何界種。天眼見其未來。遠近成益。隨應化之。餘如十通品。辨今初身通文。二。初總明。後能動下別顯。總中云。得者總修總得。若準瑜伽三十三。得四靜慮。竟。各各別修。皆有假想。則別修別得。既寄位次。第別亦無違。然通依四禪。多依第四。後別中得三種自在。一世間自在。動大地。故二。以一身下。身自在。三石壁下。作業自在。第二天耳通。初總標其體。謂天耳清淨。清淨有二義。一離欲界法。得靜慮。引生清淨。大種所造。故二。離於障礙。審諦聞故。由此故云。過於人耳。悉聞下顯用。釋過人義。遠細皆知故。第三他心通中。三。初總知他心者。通於王所。次所謂下別。後菩薩如是下結。別中二十六心。行相各異。然除小等四心。餘皆障治間明。善惡對顯。總攝爲九。一以初六心。明隨煩惱。謂隨緣現起煩惱相應。故名爲隨。非約小

惑名。隨言有貪者。於可愛所緣貪纏所纏。故離貪者。遠離如是貪纏。故。下四例知。卽三不善根及三善根。以爲能治。論今但以能治亦因煩惱而來。故皆名隨煩惱。下使亦然。二有煩惱等二心。明使卽是隨眠。三小等四心。名生約無記。報心人心。小欲天廣色天。大無色。二解脫無量。以作空識無遊行相故。上二不爾。故非無量。而論不明。上二空處。意明無所有及昧劣故。或是略非略攝之。四有四心學。三昧行。略者謂由止行。於內所緣繫縛其心故。非略者。太沈昧故。或不一所緣。故散者。太舉。於五妙欲境。隨順流散故。非散者。於妙所緣。明了顯現故。前二約定。後二約慧。定等均者。則名等持。論經合之。爲二。名攝不攝。故論以散不散釋之。五有三心。明得三昧定者。正入根本定故。不定者。未入及起時故。六有二心。明得解脫。有縛無縛故。七有二心。餘凡夫增上慢。卽前類之。餘以得四禪。謂爲四果。卽能習行名。上無。此卽細習行名。無上。八有二心。妄行正行。論經名不求。心希求名聞。卽是雜染。反此非染。九有二心。大乘得失。悲智兼濟爲廣。隨闕非廣。論闕此二。上之九類。不出三種。初二煩惱。次一是苦。餘皆是業。業有善惡耳。亦卽四諦開解脫爲滅。善業爲道故。皆如實知者。審於事實。見理實故。亦非心外見法。亦非無境可知。若自他相絕。則與衆生心同一體。故無心外也。不壞能所。故能知也。又他心是

此出世。次第故來。若近望前地。因前定聞。發此證智。故次來也。故論云。依彼淨三昧。聞持如實智淨。顯示故。言焰慧者。法喻雙舉。亦有二義。一約初入地釋。初入證智。能燒前地解法慢薪故。本分云。不忘煩惱薪智火能燒故。二約地中釋。成唯識云。安住最勝菩提分法。燒煩惱薪慧焰增故。由住第四地。竟方修菩提分法。明是地中若唯取此而為慧者。未修道品。應非焰地。以此地正明菩提分法。中該初後。諸論多依此釋。攝論云。由諸菩提分法。焚燒一切障故。障即二障。莊嚴論云。以菩提分慧為焰自性。以惑智二障為薪自性。此地菩薩。能起焰慧燒二障薪名焰慧地。瑜伽七十八。引深密經大同此說。彼云。所得菩提分法。能燒煩惱智火如焰。金光明經顯揚論不殊此意。三約地滿從證智摩尼放阿含光。故名為焰。下論具之。然所燒煩惱即所離微細煩惱現行障。謂所知障中俱生一分。亦攝定愛法愛。菩提分法特達於彼。故能燒之。由斯四地說斷二愚及彼龜重。一等至愛愚味八定故。一法愛愚即解法慢。今得無漏定及無漏教。故達於彼。由此證得無攝受真如。謂此真如無所繫屬。非我執等所依取。故得此真如寧有定法之愛。便能成菩提分行及不住道行精進不退。由達無攝受真如。便得攝生之果。次正釋文。文亦三分。一讚請。二正說。三重頌。今初六偈分。一。初二偈半集經者序述。地海動者表無明厚地。大

愛海水可傾竭故。後三偈半正明讚請。於中初二偈半天王請。後一衆首請。第二正說分中。二初明地相。後明地果。前中論為四分。一清淨對治修行增長因分。謂清淨等。是次二分今趣地方便為彼之因。二佛子菩薩住此焰慧下清淨分。是初入地出障行故。三佛子菩薩住此第四下。對治修行增長分。即正住地行道品等行。能有所除故云對治。進習上上名修行增長。四佛子至所有身見下彼果分。此即地滿。是中二分之果。又此四分即加行。無間解脫勝進四道。又四中初入心。後三住心。出心在調柔果。住心中三分攝前三位。初清淨分即攝生貴住。次攝至一切處迴向。後攝無盡行。至文當知。今初因分文三。初結前標。後。次何等下徵列別名。三菩薩以此下結行入位。今初十法明門者。門即通入之義。故論經名入。明為能入之門。法為所入之處。故論云得證地智光明。依彼智明。入如來所說法中。言證地智者。即四地證智也。光明者。即三地慧光。謂三地中得此四地證智前相。故併舉二處之智。以釋於明。亦猶地前明得定也。故前地論云。彼慧此中名光明。即其義也。言所說法者。前求多聞。從佛聞說。衆生法界等。十種之法。便以智光游入數數游入。游入即是修行。修行即下觀察。觀察增上。極圓滿故。方得證入四地。二徵列中有十種差別。觀察此十略以三重釋之。一初句為總。本為衆生故。餘九為別。皆衆生事故。二前八

為染後二為淨。三前五推能依至所依。後五依所依立能依。前中一觀衆生假名差別。假有三種。一因成假。二相續假。三相待假。假為空詮。故先觀之。因成有二。一五蘊和合假名某甲。則入衆生空。二陰亦因緣而有。則入法空。二空所顯即是真如。不壞假名空有不二。即是中道。言相續者。由前陰滅後陰續生。念念相續假而非實。亦入二空真實。言相待者。待非衆生以說衆生。入實亦然。此一推假入實餘九例知。故論但顯差別之相。二法界者。論當第三是依正之因。即染法界。此從別義。若淨法界通為十依。則十與法界究竟無別。三世界者。彼假名衆生所住依報。四依正所依虛空。瑜伽名為平等勝義。即是理空皆無盡故。五染淨所依是本識。界後五依此所依。立後能依故。此識界前後兩向。向前為依正依。向後為染淨依初三句。由煩惱使染成染分依他。有三界差別著欲著受及著想故。三界唯心故。後二廣大信解成淨分依他。論經前是勝心信解依。煩惱不染與聲聞同。後大心信解依。不捨衆生不同聲聞。今經即前云廣。則明護陝兼濟之心。後是大心。即是護小求大菩提。則二心俱異。二乘。前觀衆生同體大悲。後觀衆生具佛知見。誓令同得。又皆言界者通事理也。事即曲盡差別理則一一入實。即淨法界故皆為明門。三結行入位。觀察圓滿與十理冥。則入四地。故瑜伽四十八云。先於增上心住。以求多

●無二與●●緣二歸●●界二果●●淨二清●

開增上力故。已得十法明入。由此十法明入成上品故。極圓滿故。入初增上慧住。大文第二清淨分。即攝生貴住。故前文云。於諸佛聖教中生。云何清淨。於如來家轉有勢力故。文中三。初總明。次何等下徵釋。三。是為十者總結。初中文有三句。末句生家是總相。初句十智為能生因。次句內法為所生家。由以十智觀察下。諸行等十法得成熟故。成熟則除滅三地解法智障。攝四地出世勝智。契於法體。故云得彼內法。內法者顯非外相。此法即如來所說教化之法。名如來家。此地寄出世之首。故名為生。然如來家略有三種。一菩提心家。初住即生。二大教家。四住即生。三法界家。初地證故生。今此攝四住。故以智契教法。合於法界。具下十義。故名為生。若論伽但云長如來家。論經亦但云於如來家轉有勢力。意明初地已生家。二三地起修方便。早有勢力。今依三地多聞成。出世智。故云轉有。此中智契。即無行無生行慧光。二微列中列有十句。論攝為四。初句自住處畢竟智。謂大乘是菩薩自所住處。深心相應為住。畢竟即是不退。二同敬三寶畢竟智。謂證三寶同體成不壞信故。上二約行德差別。初自分後勝進故。下有二智約智解差別。初證後教。謂三有二句明真如智。謂見第一義證二無我故。一但有蘊等諸行。而生滅流轉故無我。二即此蘊等諸法本來不生。故無法我。四餘六句明分別說智。謂是教智故名為說。知世諦故名

為分別。分別染淨故。謂初二句是染。後三句是淨。第三句具染淨。各有因果。即是四諦故。謂初二句名隨煩惱。染即是苦諦。依正二報。隨煩惱集因所生故。謂初句依報。次句正報。故云有生。同因於業。業與煩惱二俱集因。故論與經影略而說。第三句中初觀生死。論經名世間。即煩惱染。上句以因顯果。云因業有生。此句以果顯因。故云生死。生死以煩惱為體故。即是集諦。此煩論意。次觀涅槃。是所有淨即是滅諦。若直就經文。亦可因業有生是集諦。生死涅槃復雙觀苦滅耳。後三句隨所淨。即是道諦。隨順前滅故。三初中一利他行。論云。諸佛世界中教化衆生。自業成熟故。準此論意。此初句應言觀諸國土化衆生業。則不濫前因業有生。後二句自利行。謂觀煩惱染及涅槃淨。為順滅之道。初句約事觀煩惱無始。故為前際。涅槃無終。故為後際。後句順理觀煩惱本空。無有損滅。故無可盡。涅槃性淨非新增益。自性盡故皆名無所有盡。煩惱影取生死。涅槃影取菩提。菩提之智亦符理故。然是世諦中觀故。與前如智。又後二句即本有今無得意。亦是觀緣起法。無明行為前際。生死為後際。無明滅行滅。自性滅故名無所有盡。如六地中。自下大文第三對治修行增長分中。二初護煩惱行。後菩薩修行。如是下明護小乘行。前是大智自利異凡。後是大悲利他異小。此二相導成不住道。無所不至。故攝至一切處迴向也。今

初即修菩提分法。論主別有道品論。故此不釋。今略為四門。一釋名。菩提是覺分。是因義。此三十七為諸乘覺因故。亦云道品。品即是類。因為果類故。別名至文自顯。二顯同異。瑜伽四十四。大乘菩提分乃有多種。三十七品。乃是其中別義。通於大小。涅槃亦說三十七品。為涅槃因。非大涅槃因。無量阿僧祇。道品為大涅槃因。故下五地中說。無量道品。及離世間品。說道及助道。皆名無量。今約寄位。故但三十七耳。若準智論。但三十七無所不攝。即無量道品亦在其中。如分別四諦有無量相。但心行大小不同。淨名云。道品是道場。是法。身。因。大集名。菩薩寶炬陀羅尼。涅槃云。若人能觀八正道。即見佛性。名得醍醐。皆約大說。三明體性。雖三十七品。但以十法而為根本。謂信戒念精進定慧除喜捨思惟。由信二戒三。念開為四。精進定慧此三各八。餘四各一。故成三十七品。復東此十以三蘊為體。謂戒是無表色。喜支是受餘皆行蘊。五類法中但二為體。謂色及心所。若取助伴則通五蘊。若取所緣通一切法。廣顯差別。如智論二十一。及五十三。瑜伽二十八。九及四十五。雜集第十。下所解釋。依此諸論。四正釋文。即是行相三十七品。總有七類。一對治煩惱。道即四念處。二斷諸懈怠。道謂四正勤。三引發神通。道謂四神足。四現觀方便道。所謂五根。五親近現觀道。即是五力。六現觀自體道。謂七覺分。七現

觀後起道。謂八正道。此七次者。若開法已先當念持。次即勤修。勤故攝心調柔。調柔故信等成根。根增爲力。次七覺分別。八正正行。有時八正在前。則未辦名道已辦名覺。然上猶寄位。若約行者初心通修。況入地菩薩。今初對治顛倒道。名四念處。四謂身受心法。念謂念慧。身等爲其念慧所安住處。故亦名念住。瑜伽云。若於此住即是身等。若由此住即是念慧。體實是慧。以慧觀守境由念。得住與念相近。隣近名念。雜集云。一切菩提分法。皆由五門而得建立。一。所緣。二。自體。三。助伴。四。修習。五。修果。文或略無義。必須具。今初念處身等是所緣。念慧爲自體。循身觀等爲修習。破四顛倒趣入四諦。身等離繫以爲其果。此身等四前三即三蘊。而合想行爲法念者。爲明我所依事我受用事。我自體事我染淨事故。要此四者治四倒故。謂觀身不淨治於淨倒。觀受是苦觀心無常。觀法無我治三可。知。此次第者。從能至細教對治故。智論云。此身既爾。不淨衆生貪者。以其情塵生。諸受故。計之爲樂。誰受此樂。故次觀心心念生滅。後觀二蘊皆不自在。破此四倒行四正行。開寶相門。若爾說四倒中。何以常樂我淨而爲其次。此約先重後輕爲次第故。然此四處。皆容各起四倒。從多計說。各語其一。然觀不淨等通於大小。瑜伽四十五云。菩薩於聲聞道品。如實了知。如聲聞地。云何大乘如實了知。謂勝義修及世

俗修。世俗修者。即觀不淨等。然不計實。勝義修者。謂離相性。大集般若等。皆性相雙觀。智論亦爾。乃至不念身受心法。無行經云。觀身畢竟空。觀受內外空。觀心無所有。觀法但有名。此約如實。然有二意。一。則法性湛然常樂我淨。即遣無常等倒。二。此入法空俱遣。八倒。勝鬘亦說。四念能除八倒。既除八倒。則成八行。涅槃雙樹四雙八隻。四枯四榮正表於此。大品明以一切種修四念處。云何一切種修。應觀此身之色。法性緣生故。一色一切色緣。生即空故。一切色一色。法性中故。非一非一切。雙照一一切。亦非色非不色。雙照色不色。身念既爾。餘三亦然。云何枯榮表此念處。謂法性之色。實非是淨。凡夫計淨是名顛倒。實非不淨。二乘計不淨。是名顛倒。今觀色種即空。一切即空。空中無淨云何染著。則凡淨倒破。枯念處成。色種不壞假名。則一切皆假分別名相。不可盡極。假智常淨。云何滯空而取灰斷。言色不淨。是名二乘不淨倒。破榮念處成。是以八倒俱破。枯榮雙立。觀色本際。非空非假。則一切非空非假。非空故非不淨倒。非假故非淨倒。既非二邊。乃名中道。佛會此理。故於中間而般涅槃。餘三類此。是則對治法藥。其數有四。法性觀智名之爲念。一。諦三諦名之爲處。一切即空諸倒枯榮。無不空寂。一切即假二邊雙樹。無不成立。一切即中無非法界。只一念心廣遠若此。故深觀念處。即坐道場。更不須餘機

宜不同故說餘品。一。科既爾深奧。餘六微此可知。下文之中但略釋相。說者有力一一開示。今經但云觀身。不言淨不淨等。從通相說顯包含故。文中二。初別觀身念。後如是下類顯餘三。今初觀身自有內等三觀。此三智論瑜伽廣顯其相。今略舉一兩。瑜伽云。內自有情色爲內身。外非情色爲外身。他有情數爲內外身。初即自身我愛受故。次即資具等我所愛故。後即眷屬妻子。彼我愛我所愛故。智論二十八亦廣明此。五十三又云。自身名內他身名外。而不明內外。取下釋意但合前二。故云內外。所以有此三者。破三種邪行故。有人著內情多捨妻財。以全身。有著外情多貪財喪妻捨妻捨命。有一俱著。破此三邪成三正行。此約三人對治各別。若約一人起觀始終。謂先觀自身求淨等不可得。或當外有。次便觀外復不可得。便生疑云。我觀內時於外或錯。觀外之時於內或錯。次內外俱觀亦不可得。初二。是別後一。是總。以斯二釋明知但合前二。爲內外身。今初觀內身。初標別所緣。次循身觀者總顯修相。智論云。尋隨觀察知其不淨等。然循有二義。一。尋義。五種不淨遍尋求故。二。隨義。謂雖冥目了見身之影像。隨順本質相似性故。前標內身即是本質。今云循身即是影像。此難集意。次勤勇念知顯修之儀。以貪等世事無始惡習。離之甚難。過於世間慈父離於孝子。故須精進方能除遣。勤即欲勤策勵。勇謂勇猛不

息念則明記不忘。知則決斷無悔。又心若馳散。當念老病死苦。三惡道苦。身命無常。佛法欲滅。名為念知。則能鞭心令復本觀。便生勤勇。具上諸義。則不放逸。次言除世間貪愛者。即觀之果有所離故。觀身不淨。本為治貪行者。既離五欲世樂。未得定樂。或時生愛。如魚樂水。常求樂事。還念本欲多生。此二故偏遣之。又貪為五蓋之首。貪除則五蓋盡去。如破竹初節。於五受之中。偏能障定。如滅惡賊。先除巨害。故偏說之。其不淨等廣如二論。如實觀相已如上說。次觀外身及內外身。所觀小異。觀相大同。後例餘三念處者。準瑜伽意。依前內等三身生受。心法。故受心法。隨所依生。亦有內等。智論之意大同。於此論問云。於四念中心。唯是內受法。唯外。身通內外。云何於四皆有內等。答受有二種。一身二心。心受名內身受名外。又意識相應受名內。五識相應受名外等。心雖是內。緣外法故名外。五識一向是外。又定心為內。散心為外。法雖是外。緣內法。心數法名內。緣外法。心數法。及無為心。不相應行是外。後三念處。亦合前二。以為內外。餘如二論。其循歷觀相如。先總說。第二正勤者。四念智火若得勤風。則無所不燒。故次辨之。精進為其自體。故總名勤。揀非九十五種相違之勤。故名為正。雖是一勤。隨義分四。前二勤斷二惡。是止惡行。後二勤修二善。是作善行。二善二惡皆所緣境。前中未生之惡。遏令不生。

已生之惡。斷令不續。後二未生善令生。已生令廣。亦名四正斷。後二是修而言斷者。善是斷處。正修斷者。斷懈怠故。故瑜伽云。一律儀斷二者斷斷。三修習斷。四防護斷。然其善惡有通有別。別正取前念處觀中懈怠。五蓋等。以為不善。其能對治為所生善。約大乘說。勤觀法性。除實相之外。皆名為惡。就一一勤中。文皆有四。今初一未生不善法。此舉所緣。二為不生。故明修觀意。三欲生者起。希願心。是修習依止。即增上意樂圓滿。四勤精進。下正顯修習。即加行圓滿。勤精進者。常自策勵發心。正斷者。謂策心持心。餘三處文例。此可知。若二惡不生。棄捨二善。得生增廣。是正勤果。第三四神足者。以勤過散亂。智火微弱故。須定制則所欲自在。神即神足。即是定。瑜伽云。如有足者。能往能還。騰躍勇健。能得證世間勝法。世殊勝法。說名為神。彼能到此故名神足。此舉喻也。由出世法最勝自在。是最勝神。欲等四定能證此。故名為神足。亦名如意足。所欲如心故。神足所緣。即種種變事。神足自體。即三摩地。欲勤心觀皆是助伴。欲謂猛利樂欲。勤謂精進無間。心即是定。謂專心守境。觀即是慧。由聞教法。內自揀擇。由欲增上力證。心一境性。名為欲定。餘三亦然。勤觀心性名為上定。皆從加行受名。此四加行。即前正勤中。欲生勤精進發心正斷等。以發心中持心。能生心定。持太舉故。策心能生。觀定策太沈故。是以隨一念處有四正

勤。隨一正勤有四神足。文中先別明欲定。後修行精進。下通顯餘三。今初言修行欲定者。標舉所修助伴自體。斷行二字。總顯修相。亦修之果。云何修相。此復二種。一修習欲定。能斷現行諸惑。二為欲永害所有隨眠。修八斷行。謂欲勤信安念正知思及捨。云何亦果。若將斷行屬下成就。則斷行成就。亦神足果。次成就神足。唯是彼果。後依止厭下復顯修相。兼辨所緣。準雜集論。五根已下方緣四諦為境。七覺已下方有依止厭等。以為修相。今經神足。即緣四諦而修。謂緣苦修必依厭苦。若緣集修必依離欲。若緣滅修必求證滅。若緣道修必趣滅苦之行。能捨於苦緣。此境時必求修習。故云迴向。亦是加行等四道。下文依止厭等並同。此釋。第四五根現觀方便道。增上名根。五根自體。即信等五。此五通於生起出世間法。而為增上。前四復能起後得增上名。而信為上首。能起餘四。文中先別明信根。後通顯餘四。二段中各先標舉所修。後依止等別顯修相。下之三科例。此可知。今此所修。即於諦實深忍樂欲。餘四即於前所信策勤而行。明記不忘。繫緣一境。揀擇是非。餘如前說。然始入佛法。即有信。未有定慧。不得名根。今由前三科。則信不可拔。此中念即念處中念。進即正勤定則神足。慧即緣四諦慧。前三至此總得名根。若依位者。在於見道之前。則以速發現觀而為其果。今在四地。即應以發後地為果。第五五力。

即前五根增長。魔梵惑等不能屈伏故名爲力。又能損滅不信等障故復名爲力。智論云。能破煩惱得無生忍故名爲力。第六七覺。覺謂覺了。若依位說。即現觀自性如實覺慧。覺法自性。覺支自體即念等。七文中亦二。先別明念覺。後通顯餘六。然七覺分七皆自體。而差別者覺爲自體。餘六皆覺之分。謂念是所依支。由繫念故。令諸善法皆不忘失。擇法是自體支覺自相故。精進是出離支。由此勢力能到所到故。喜是利益支。由心勇悅身調適故。猗定捨二是不染污支。猗即輕安。由此不染污故。謂由安故能除龜重。定者依此不染污故。謂依止定得轉依故。捨者體是不染污故。謂行捨平等永除貪憂。不染污位爲自性故。總收七覺不出三品。念通定慧。次三是慧。後三定攝。雖是前三至此增故。依位所明能斷見惑。以爲其果。又雖一剎那七法俱起。而隨行相各說。功能。念除妄念。擇除不正知。餘除懈怠。憍沈龜重散亂掉舉。上約通說。大乘七覺。不念諸法故。決擇不可得故。離進怠相故。絕憂喜故。除安心緣皆得故。性定之中無定亂故。亦不見於能所捨故。第七八正。若依位說。即現觀後起道。爲斷修道諸煩惱故。雖八邪故名爲八正。開通涅槃故名爲道。亦云八聖道。聖者道故。八正自體即正見等。文中亦先別明正見。後通顯餘七。言正見者。是分別支。依前所證真實揀擇故。正思惟者。是誨示他支。如其所證方便安

立。思惟名義發語言故。次三是令。他信支。謂正語者。善依所證問答決擇令。他信有見清淨故。正業者。身業進止正行具足。令。他信有戒清淨故。正命者。如法乞求依聖種住。離五邪命。他信有命清淨故。正精進者。是淨煩惱障支。由此永斷一切結故。正念者。是淨隨煩惱支。由不忘失正止舉相。永不容受沈掉等故。正定者。是能淨最勝功德障支。由此引發神通等無量勝功德故。若能如上分別誨示等。即是道支之果。然其八中。語業命三是戒蘊攝。念定是定餘三是慧。定慧大同諸品。但增勝耳。戒則前來未。有覺支。雖有定共律儀無表相微。此中正行故新建立。此寄位說。若依此經離世間品。八正是菩薩道。一者正見遠離邪見。乃至第八正定善巧方便。於一三昧。出生菩薩不可思議法。一切三昧則與前說旨趣懸殊。上之七類總以喻顯。法性如大地。念處如種子。正勤爲種植。神足如抽芽。五根如生根。五力如莖葉增長。開七覺華結八正果。第二護。小乘行中十句。初總除別。總中如是功德指前道品。爲不捨衆生。正明護義。不同二乘之獨善故。別中具悲智已出於小。況以此導。前九句爲四。一始。二益。三希。四行。前三護小心。後一護小行。一始者大願爲起行之本故。二慈悲益物。上二護陝心。三思念種智爲希。此護小也。四行中有五句。前四自利。初二求果。一修淨土行求佛依報。二修起佛法

行。求佛十力等正報之法。後二求因。三求彼地方便無厭足行。謂五六七地故云。上上勝道。四修。入不退轉地行。即八地已上覺法自性順。佛解脫也。後一利他。即教化衆生行。必須善巧。

大方廣佛華嚴經疏卷第三十七

大方廣佛華嚴經疏卷第三十八

唐清涼山大華嚴寺沙門澄觀撰

大文第四彼果分中。即攝無盡行。離障成德。窮盡生界。爲利樂故。果有二種。一離障果。從護煩惱生。二成德果。從護小乘生。前中又二。一煩惱染生遠離果。此離惑障。二業染生遠離果。此離業障。皆言生者。煩惱染等猶如生食。今是寄位出世之首。能離彼生。今初離惑先舉所離。後於如是下結成能離。就所離中所起執著出沒。是此總相。餘皆是別。總中執著是前地中解法慢也。論云。我知大知者。我知謂執我能知。大知謂執所知大法。出沒者。是前地中正受慢也。出者三昧起義故。謂修起彼定。沒者三昧滅義故。謂定所除。今計我能修此定。此定即我所修故。論云。我修我所修。已釋總句。別有五種。一本二起。三行。四護。五過。本即所有身見至。纏界處。於中身見爲總。我等爲別。別中我人等四爲入我慢。纏界處三。是法我慢。而云本者有二義故。一以此我爲

解法正受二慢之本。二者身見復爲二我。及六十二見之本。有此差別。此中身見。若約實位。準唯識論。此地斷第六識中。俱生身見及所起過。由得出世道。品治故。以分別起者。初地斷故。是以瑜伽名爲微細薩迦耶見。若約寄位。準仁王經四地名。須陀洹位。以寄出世之首故。則亦得斷分別身見。二思惟者。明起。謂不正思惟而起。慢故。三觀察者。明行。謂心行緣中多觀所得。若法若定求。覓勝相。令他知故。四治故。下三句明護治者。數數觀察。治所見我所者。起於我想。取彼勝相。屬我已故。財物者。如畜財者。受用護持故。以上三事。防護自己所得。五著處者。明過。謂心堅安處。法定二事故。五中前三起。慢方便後二隨助慢心。上總及顯相正是所起。後結離中。由得道品正助方便無不離也。第二此菩薩下。明離業染。上修道品。正離煩惱。煩惱既去。業亦隨亡。亡不善業。而修善業。文中先亡惡後進善。惡有二義。故不應作。一佛所不讚者。尊敬佛故。不爲二煩惱染者。畏惡名故。不作惡名。則達利生道故。進善有二義。反此可知。又不作煩惱所染。凡夫業作。順菩薩道業。則異二乘。第二成德果中有四。一於勝功德生。增上心欲果。二彼說法尊中起報恩。果。三彼方便行中發勤精進果。四彼增上欲本心界滿足果。此之四果。前三從前生後一復從此三果生。前中初二護小心果。後一護小行果。前中初果者。由本欲

上求下救。今更爲物轉轉上求。故云增上。文中二初。廣前修因。後如是而得下顯所得果。今初即廣前護小乘中總句也。隨所起方便慧者。廣前不捨一切衆生故。不捨衆生而修道品。是有方便。則道品慧解。修習於道及助道者。即前修習如是功德也。道即四地證智。助道即菩提分法。二顯所得果。有十句。初總餘別。總云潤澤者。深欲愛敬。故。謂由修二道。自有所潤。深欲敬上。由爲物修潤。及含生深欲愛。下別中九句釋。彼潤澤。有三種勝。一柔軟心者。明樂行勝。謂證法適神故。二調順者。調和善順。緣中無礙。是三昧自在勝。上二行體。三利益下七句。明離過對治勝。此是行用。於中初句總利他無過故。利益自利無過故。安樂下六句。隨過別顯。若不寄對難顯。性淨之德。六句即離六過。經中皆是能治。一無雜染心。治爲利於食過。及爲名妬心過。二治少欲功德過。三治不求勝智過。上三皆自利。四治懈怠不攝衆生過。上四皆離於行生過。後二離於教生過。謂五治自見取不遵勝教過。六治捨爲首不隨說行過。如說修行。於聞思中。最爲其首。今捨彼首。所以爲過。又上救生。即前悲果。求殊勝智。即上求果。第二此菩薩下。說法尊中起報恩心果。謂前地中從佛聞法。是說法尊。今起傳法修行之心。則爲以報諸佛恩也。上希求種智。由知佛有恩故。今思報亦上求果。文中先別明。後總結。今初十句。初總餘別。總云知恩

者。謂若隨順師教。行報恩行。方是知恩故。別中彼行有九種。類攝爲七。一知報恩者。依尊起報恩心。尊即是佛。此爲恩主。故偏名報恩。二有二句。依同法起報恩心。此名順。同行善友意。三質直柔軟二句。依法起行。謂隨順受教。不違師命。故云質直。發修行事。逢苦能忍。故云柔軟。四無稠林行者。依受用衣食。於施主所。自過不覆。故五雖實有德而不高慢。六善受教。誨得師言。證七於教。不倒得師意旨。上七品中。初二依人。次三依行。後二依教。所依雖異。皆同報恩。二此菩薩如是下總結。謂十句不出此三忍。即心極和善。同住安樂。調柔即質直。柔軟寂滅。即通結餘句。第三如是忍調柔下。發勤精進果。謂行二利行。勤無怠故。於前不捨衆生。護小行中。修勤故名。方便行。中正是無盡行相。文中二。先牒其得時。後得不休下。正顯於中。十句初總餘別。別有九種。不休息義。一不雜染者。彼精進行平等流注故。難染者。共懈怠共染故。染則著而太過。懈則墮而不及。若琴絃之急緩。若不進不怠。爲平等流。二不退自乘。上二自利三起。廣念利他之心。四爲無邊衆生作利益。願起攝取行。上二利他上。皆自分。下四勝進。謂五熾然者。常志順行。猶如熾火上進。巨滅。論經名。光明兼照他地。六修習過。餘七魔惑莫壞。上三自利。八攝取衆生。即是利他。上八皆行。後一解。謂九自斷。疑惑決是非故。能伏他言。如無畏故。若能具此爲

正修習，第四是菩薩下。彼增上欲本心界滿足果。菩提分心是本心界。正念、真如、修上道品，故云滿足。由精進故，故瑜伽四十八攝前精進，後即云由此因緣，所有意樂增上意樂，勝解界性，皆得圓滿，故知此果從前二果生。謂意樂即第一果，增上意樂即第二果。勝解界性即此心界。謂由第三精進令前二果增長，故云滿足。文中十句初總餘別。別有九種：一、深心不失者，彼道品心修行增益故。此一自分下皆勝進。二、於五地已上勝，上證中。明瞭決斷故。三、即彼上證因，謂對治善根治行過前，故云增長。四、除滅所治煩惱障垢，五、斷除此地中祕密疑事，即是智障。微細法優為祕密疑事，由無攝受則能除之。上二除內障，六、觸境明斷，七、依勝樂行，三昧適神。八、上依佛力化衆生故。九、論云，依現無量三昧心智障清淨，故此除定中智障。若直就經文，總顯本願皆得成就。第二位果中亦三。初調柔中四。一、調柔行。二、如摩尼下明教智淨。三、此菩薩下別地行相。四、佛子下總結地相。初中三。一、練行緣。二、皆恭敬下明能練行。三、又更下明所練淨。二、中一。供佛福行。二、以此下迴向大行。三、於彼下聽法慧行。於中先在家後復於下出家。然登地已上具十法界身。若出若入何雷不可。然隨義顯顯有無前却。以前三地寄同世間，還依世法。初二人王故有。三地天王故無。四地已上寄出世之尊，故重明有。表心出家，故於調柔行中明之。欲

順天無，出家不於攝報中辯六地已上表證法平等，無出無在，故皆無。出家三所練淨中有法喻合，金莊嚴具者，以三地阿含金，現作此四地證智嚴具故。餘所有金者，即未作嚴具之金。二教智淨者，以此地成就證淨，從體起用，故偏有此文。前以教成證，故喻金為嚴具。今從證起，故喻摩尼放光。摩尼寶珠即證智體。無垢名淨寂照名光。圓滿名輪，具上三義，故稱證智。言能放光明者，即放阿含光也。謂以此際智證入無量教法門義故，故能照光明即是證智。所照教法以為智處，證能普照，示現於教，得教光明。依證起，焰故地名焰慧，非餘寶下對前顯勝。風等不壞對他彰堅。餘並如前第三重頌有十七頌分三。初十二頌頌位行，次四頌位果，後一頌名結說。前中四。初一頌增長因分。次二頌清淨分。三有四頌頌修行增長分。於中初初頌護煩惱，後二頌護小乘。四有五頌頌修行增長果。餘並可知。第五難勝地，所以來者，略有四義。一、寄寄位。四五六地寄出世間，前寄初果，此寄羅漢義。次第故。雖有四果，舉於始終以攝中間。此依本論約所觀行相，以後六地既觀緣起，寄同緣覺故。但二地寄於聲聞，仁王下卷，璣路上卷，約人配位。以七地未離分段故。四五六寄同聲聞，二前明覺分相應慧，今辨諸相相應慧故。三前得出世未能順世，今能五明攝化，故次明之。四前得三十七菩提分，今辨方便所攝菩提故

此後三意出於瑜伽言難勝者。解深密云，即由於彼菩提分法，方便修習最極難名。極難勝，此從初說故。初分經云，善修菩提分法，故等。攝大乘云，由真諦智與世間智更互相達，合此難合令相應故。唯識同此。世親釋云，由此地中，知真諦智是無分別，知世間工巧等智是有分別，此二相達應修令合，能合難合令相應，故名極難勝。此通初中後，瑜伽云，今此地中，顯示菩薩於諸聖諦，決定妙智極難可勝。名難勝地。唯約地中，莊嚴論云，於此五地有二種難，一勸化無惱難。二生不從心無惱難。此地菩薩能退二難於難得勝。此多約地滿顯揚論云，證得極淨緣諦所知，諸微妙慧成，極難成。不住流轉，寂靜聖道名極難勝。此大同本分。上諸經論多舉難勝之法，未知何等無能勝耶。十住論云，功德力成，一切諸魔不能壞故。此對人顯勝，亦兼於惑煩惱魔故。然諸經論言異意同，皆辨真俗無礙。若據實位，約仁王經，初地菩薩四天王即雙照二諦平等道，今約寄位，前寄出世，此方却入，故云無礙。故此地中斷於下乘般涅槃障者，即前四地出世，厭生死苦樂趣涅槃，此障五地。今入真俗無差別道，便能斷之。此斷欣厭即是二慧。由此證得類無差別真如一約生死涅槃皆平等故。其所成行亦成二種，謂諸諦增上慧行，五明處教化行。此二無礙故得無差別。法身之果皆義旨相順。次正釋文，文亦三分。初讚請分中九頌半，分二。初

八願半供讚。後一願請說前中三。初一菩薩供讚。次一天王衆。餘皆天女。於中三。初一偈標。次四偈半讚。於初二偈美。咸應。皆言久者。佛應由機難有故。大海動者。動佛智海。竭苦海故。後二偈半讚具德。初偈具智斷。次半具恩。後一具此三德。是故應供。三。一偈結讚及請。並可知。第二正說分中。先明位行。後辨位果。前中論分爲三。初勝慢對治。二佛子菩薩摩訶薩如實知下。不住道行勝。三佛子菩薩摩訶薩住此下明。彼果勝。初即加行道。及初住地無間道。次即正住地解脫道。後即地滿勝進道。初言勝慢者。慢有二種。一他地慢。謂四地中得出世智。取其勝相名爲勝慢。今以十種淨心爲治。二自地慢。謂於此十心。希求勝相。從以爲慢。以隨順如道爲。泊此二通名勝慢故。此一分有其二道。論云。勝慢對治者。謂十平等深淨心者。前段能治也。又云。同念不退轉心者。後段能治也。言同念者。即後總句。順如與如同一念故。不退轉者。即後段末句略舉初後。以該中間前地治解法慢。此治身淨分別慢。所治有殊不。蓋前地。言身淨者。得出世智不染身故。文中二。先治他地慢。後佛子菩薩摩訶薩住此下。治自地慢。前中三。初結前舉後。二徵起正顯三結。能入地。今初平等有二義。一是如理。二是因果淨法。千聖同規名深淨心。是此地觀解故。論云。於平等中心得清淨故。此復何異。後地觀察十平等法。此有三異。一此

地治前於淨起慢故。偏明淨法平等。後地對此依真入俗。通觀染淨諸法皆悉平等。二此約舉等理。以顯心淨。後地舉觀察以入等理。三此通理事二等。後地一向約理融二諦故。此皆地地背相捨後漸勝故。二正顯中十心分二。初三明諸佛法。論云。謂三世力等者。即果位十力等也。後七明隨順諸佛法。二利因行順成。果故。於中前六自利。後一利他。前中合爲三學。初戒次定餘四慧。故。離爲七淨。一戒淨。二定淨。三見淨。四度疑淨。見疑相顯。經合一句爲成十故。五道非道淨。此前五淨大小名同。小乘六名行淨。七行斷淨。以彼宗中趣盡滅故。今大乘六名行斷經云。修行知見。略無斷字。七名思量。菩提分法上上淨。以依行斷起勝求故。若約位者。初二在見道前。以創背凡。過宜以戒防。欲生真慧。理須習定。然未合理判屬世間。次三在見道。以見道中斷身見。故。斷疑故。斷戒取故。戒取是非道。知無漏慧是正道。入見道時十使俱斷。偏言三者。涅槃經說。此三重故。又十使中五見及疑。但障見道。餘四通於見修。故略不言。就其六中三本三隨。偏語其本。邊見隨身見。邪見隨疑。見取隨戒取故。斷三結三隨亦斷。但立三淨。上五大小並同。小乘行淨在修道。起斷行故。行斷在無學道。依行證斷故。大乘後二皆在修道。斷障成德故有二也。行實同時。若約位分。七地已還爲行斷。修道斷結故。八地已上入法流中。順菩提故。名

思量上上餘文易了。第二明如道行。又順經意前明入心從此已下皆明住心。應分爲三。此攝方便具足住。修行十心是方便義。不退轉者即是住義。二不住道行勝攝離癡亂行。智清淨等無癡亂故。三彼果勝攝無盡功德藏迴向攝。德無盡故。今且順論此明如道行。於中三。初標分位爲顯隨。如已入五地。次以善下總顯。後願力下別明。總中四句。皆是正修諸行故總名順如。謂前二句爲所治。即四地修菩提分。以前十心能善清淨得入五地。於此淨心希求勝相。即復是慢慢在文外故。以後二句而爲能治。初句轉求不住道行勝爲能治。謂不住淨心而起諸行。即治住淨慢故。後句雖起諸行。不退失前平等深淨之心。則能隨順真如平等。即如故。後別明中顯上隨如之行。有其八種經有九句。前七各一。後二爲一。八中前二是起行心。一自利願即修菩提心。二利他慈即不疲倦心。後六行謂三得善根力。四不捨衆行。五善巧修行。六無厭足故照明上上。七得他勝力。八自得勝力。此有二句。初句具三慧念。是聞思智即修慧。後句勝進究竟。上六行中前三自分。後三勝進。各有初中後思之。第二不住道行勝有二種觀。一所知法中智清淨勝。二佛子至得如是諸諦下。利益衆生動方便勝。初即自利護煩惱行故。不住世間。後即利他護小乘行。不住涅槃。同時相導。名不住道。今初智勝分二。先明四諦實法分別。後善知俗

下。復就此四明十觀門化生差別。此乃十種觀於四諦。非謂觀十四諦也。故瑜伽住品云。此地於四聖諦由十行相。如實了知。今初言實法者。有佛無佛苦集二諦體是妄想雜染因果。滅道二諦體是出世清淨因果。此約諸實義釋。若約審諦釋者。前二無佛不能。知此是苦是集。寧有後二滅道因果。餘如本品。後十觀中略啓四門。一制立謂四諦義含法界。菩薩窮照無遺。隨智異說難窮。略舉十明無盡。然十皆菩薩自智。智相難明故。論約化生以明其異。以此通名所知法中智清淨也。二明開合。此十總唯是一化生分別。若隨所化大小分二。前九化小後一化大故。若隨化所起則分爲三。前五生解次四起行。後一合證故。約人不同離以爲七。初爲根未熟。乃至七爲大乘可化故。至文當知。三對實法以明通別。此十望前四諦。前五通觀四諦。謂一世俗者。觀四諦法相。二觀其性空。三通觀性相無礙。四觀性相各異。五觀此四緣起集成。次四別觀四諦。謂六七八九如次觀苦集滅道。後一但觀滅道。菩薩地因證佛智故。遠公後五亦通觀四諦。謂迷於四諦故爲苦集。悟其四諦故成滅道。後一窮四諦緣起實性清淨法界。成大乘道。亦有此理。四正釋文文分爲二。初列十名。後此菩薩下次第解釋。於中略爲二解。一依瑜伽。二依本論。今初瑜伽十句不顯文詞。而略所說義闕。其第十知菩薩地而亦有十句。文有三節。初

三名爲此說。謂是所爲故。一依曉悟他故。知俗諦二依自內智。知第一義三依俱處所故。知相諦。謂自相是俗共相是真。二體不分故名俱處。次今經兩句。彼應有三名。由此說謂由三藏教之所說故。故云依於契經。調伏本母名。由此說。經中分位差別應是調伏。知蘊界處義當本母。此中第十義當契經。三有四句名如此說。謂如四諦相各別知故。即依於現在衆苦自性。故知事諦。依於未來苦生因性。依於因盡。彼盡無生性。依於修習彼斷方便性。如次可知。二依本論者。攝十爲七。初一爲根未熟衆生。謂未堪入大爲說四諦十六行等。名知世諦。即四重二諦中。第三重內俗也不同。瑜伽通於大小及根生熟。二爲根熟堪入大故。爲說法空第一義諦。三爲疑惑衆生。故知相諦。謂有聞第一義諦。猶豫不決。若是空耶則無因果。若是有耶云何言空。今明即俗自相是空。共相俱處無違。故名相諦。四爲謬解迷惑深法衆生。故知差別。謂前緣二境故名爲疑。今聞俱處便謂是一。名爲謬解。今明體雖不異。性相分位歷然差別。五爲離正念衆生。故知成立諦。謂既聞差別。謂皆有體名離正念。今明差別但是緣成無有自性。故云成立。隨言顯示故。論經名說成諦。六爲正見衆生。知事等四諦。由無前疑執故名正見。可令知苦斷集證滅修道。事即苦諦生即集因。無生是滅因亡曰盡。即盡智也。後果

不起名爲無生。即無生智也。若小乘說。現在感亡說名爲盡。利根之人保彼煩惱。當更不起名曰無生。此盡無生是其滅體。無學之智如是而知。意在取滅故爲滅諦道。言無二者。論下重釋云。一行故。謂稱滅而知故云一行。前列實法四諦明其所觀。此中四諦明當如是觀。七爲大乘可化衆生。故知菩薩地乃至如來智諦。謂先住大乘。化令進故。言正覺一切相者。大乘要須於五明處善巧知故。菩薩地是因。言次第相續者。如從初地入二地。乃至十地入佛地大果。也以信解等者。爲釋外疑。六地已上乃至佛智。未曾證入彼云何知。故此釋云。信解鏡像觀智力知非成就。智鏡像即影像觀。未得本質。故第二利益衆生勤方便勝中。二先總起悲觀。二佛子下別起悲觀。總中三。初結前。次如實下觀過。後菩薩下起悲於觀過中。先明非真。後誑惑下對人彰過。今初虛妄二字觀內五蘊。謂妄想常等不相似無故虛。此明所取非真理無。不同情有故云。不相似無也。常作我想慢事故妄。此辨能取不實。非有計有常樂我淨。皆名我想。非唯我見。我爲本故獨云我想也。詐僞二字觀外六塵。世法率取愚夫故詐。此顯能取迷真。謂由妄取令彼世法隱虛詐實。使其貪取也。世法盡壞故僞。此明所取不實。世法相似相續似有義利。而實速滅無利故僞。後對人彰過者。上虛僞二境引心。總名爲誑。妄詐二心迷境皆名爲惑。論云。常等

相。無非有似有故。虛事中意正取者。此解虛是誑義。謂令意正取故是誑也。又云。我想慢事正取故。妄事是患。此解妄是惑義。世法利盡故。誑事牽心。此解偽是誑義。世法愚癡凡夫牽取故。詐事相現。此解詐是惑義。愚夫即是依彼正取我慢之人。三起慈悲者。憐愍故。悲勝利益故。慈不住道行勝故。云轉增。皆言大者勝前地故。云光明者。救生方便智成故。轉增光明。俱通慈悲。文有影略。轉前慈愍分同諸佛。故名爲生。第二別起悲觀中二。先明化生願。二如實觀下明化他心。今初先牒前得是智力。近牒觀有爲遠牒觀諸諦。不捨衆生。牒前慈悲。後常求佛智正明起願。願救衆生。義故。二化心中二。先明大悲觀。後佛子菩薩摩訶薩復作是念。此諸衆生下。明大悲觀。前中悲有二相。一如實觀苦因緣集。故。即知苦體性。二佛子至復作是念。此諸凡夫下。觀深重苦。人而多故。即就人彰過。前中四。初總標二際。二知從下順觀二際。三虛妄下逆觀二際。四若有下結。如實知。今初前即過去後即未來。顯無始終流轉相故。二順觀中二。先明前際。後如下類顯後際。前中復二。先顯緣集苦聚。後無我下顯二空無我。今初無明有愛顯流轉因。能發能潤此二爲本故。生即是果故。涅槃云生死本際凡有二種。一者無明。二者有愛。是二中間有生老死。今菩薩觀此而起大悲。亦同淨名從癡有愛即我病生矣。然生果有三。一欲求衆生故流轉

生死。欲貪即是受身本故。二妄梵行求衆生故。於蘊宅不能動出。外道計我常住其中。故三有求衆生故增長苦聚。三有皆苦故。後顯空無我。及類顯後際。並顯可知。三逆觀中順即苦集。逆即道滅。虛妄斷盡即是滅也。出離是道。四結如實知。即雙結二際逆順有無三義。一約凡夫。但有苦集而無滅道。二約菩薩順有逆無。三雙約凡聖。真滅本有道亦符之。妄苦本空集亦同爾。凡夫迷故不覺不知。菩薩正了名知。如實。第二觀深重苦者。無始隨逐故深。種種苦事故重。文中二。初總標可惡。不知本空故名爲可惡。二有無數下釋可惡所由。由迷二苦故初明深苦。不知故爲可惡。後如是盡下明重苦不知。故爲可惡於中二。初牒前詞。後二轉更下正明重苦。於中三。初觀生苦機關苦事即是生苦。言機關者。顯無我故。抽之則動息手便無。若造業因生不生息。隨生死下。明有集愛。於諸蘊下。明離滅道。二不知下觀老病死四大毒蛇。是不知病苦不能拔下。明具彼集。文有四句。一妄梵行求衆生。不能拔出諸慢見箭。外道多起故。二欲求衆生受欲者。不能息三毒火。三欲求衆生行惡行者。不被無明。以見少利行大惡行。後受大苦故云。黑闇。四有求衆生。不竭愛欲大海。三有之愛廣無邊故。觀如實中說彼三求。以爲苦果。今爲集者。三求皆能爲集因而受果故。

二文互舉。次不求十力大聖導師。明遠彼滅。不向滅者故。入魔意下明遠彼道順怨道故。三於生死下總結過患。學生死海總顯於苦。覺觀波濤總明有集。此中兼顯死苦之義。略不明老。第二大慈觀中二。初觀境與慈。後佛子下廣顯饒益。前中二。先觀境。後我今下與慈。今初即觀前衆生受深重苦。以爲慈境。文中先總。無救下別。總中無父曰孤。明前無所恃。塗盡曰窮。明後無所依。任重無替曰困。當受生死故。強力所逼曰迫。業惑所陵故。後別中無救無依釋。上孤義。論云。謂現報已受不可救脫。當報因招無善爲依。次無洲無舍釋。上窮義。溺於覺觀波濤。不聞正法智洲爲對治故。在於生死曠野。不爲善友慈舍庇故。次無導無目釋。上因義。離於寂靜正。念思推究竟前導故。離於正見之明目故。既無導無目非因如何。次無明下釋上迫義。無明者。無明住地舊煩惱故。黑闇者。四住客塵故。常起邪念故。爲其覆翳不聞正法。故爲彼纏裹。二與慈中獨拔修善。令物得菩提涅槃之樂。第二廣顯饒益。亦彰慈所爲。文中二。先牒前總明。上來修善皆爲救護。即是慈相。後利益下別顯救護。有十種相。前二爲救未來。後八通於現未。一住不善衆生。令住善法利益。二住善法衆生。令得安樂果。謂成彼善故。三慳貪乏者。與資生具。四修行多障者。令其成就。上二救順緣不足苦。五世間繫閉者。令得解脫。下有五種令

諸外道信解正法。謂六未信攝令正信。七令離無利勤苦。八疑惑衆生疑除解淨。九已住決定勤修三學。以調三業。十已住三學。令得涅槃。上三即解行證。論意皆爲外道。理實後三兼通餘類。上來不住道行勝覺。自下大文第三明彼果勝。即不住道行勝之果。有四勝果。一攝巧德勝。二名爲無厭足下修行勝。三佛子菩薩摩訶薩如是勤修下。教化衆生勝。四佛子菩薩摩訶薩爲利益下。起隨順世間智勝。四初中二自利。即所知法中智清淨果。初自分後勝進。後二即利他勸方便果。前化他行。後化他智。今初攝功德中十句。初三攝聞勝。然有二義。一即三慧。如次配聞思修。二顯二持。念即聞持智。及有趣即是義持。義有多種。略說二種善巧。謂智即法智勝。有趣即義智勝。然二釋皆聞在初故。論名攝聞勝。次二攝戒勝。一忍辱柔和勝。即戒因成也。謂內懷慚愧不誑。幽明自護。七支不招譏毀。故能持戒。二戒無缺勝。即戒體成也。乃至命難不捨戒故。後五攝智勝。一者因緣集智。此知法相智。無因倒因爲非處。正因緣集名之爲處。知處治於非處。故名覺者。二者證智知魔事對治。隨識分別皆魔事。故三知妄說智。異說對治。即知教智。正說爲義句。邪說爲非義句。邪正交難。揀邪得正。名善分別。四神力起用智。依定起通治邪依故。五化衆生智。折伏攝受。隨世宜故。上五中前三自利。後二利他。第二修行勝。有十一句。前四自分。一增長因行

集五度福故。二依止因行慧爲所依故。此自利福智對。三化生不疲行。四令物證滅行。此二利他因果對。後七勝進。五起佛法行。六起淨土行。此依正一對。七依佛法身起行相好法身故。八依佛所作起行。顯三密用故。此二外相內密對。上四皆起菩提。九敬重法行。進依勝已故。上五自利。後二利他。十顯取有行。十一離小乘行。即顯是棟非對。第三教化衆生勝中二。初正明化生後佛子下。結行成益。今初分二。初總以四攝攝生。後示現色身下。別明四攝。文有八句。一示色身是同事攝。隨順衆生應化自衆故。二演說法即愛語攝。諦語法語爲愛語性。一切種愛語中多約開演。論云。爲疑惑衆生。即一切門中之語也。三開示下。皆利行攝。此句爲於菩提無方便衆生。示菩薩行。即利行自性。四於大乘疲倦衆生。示佛威力。即一切利行未成令成故。五爲樂世間衆生著財位故。示其過患。明位大憂大財多禍多。六爲不信大乘。先未行勝。善讚如來智。七爲無智外道。示以神通。上三即難行利行。八總顯一切門一切種利行。故云種種方便。然利行愛語亦可參用。由彼愛語示其所學。即爲利行故。次下廣明布施故。別中略無四攝。廣義如瑜伽四十三辨。第二結行成益中。初結前。心恒下成益。趣佛智者爲化衆生更求勝力。餘文已作不退。未作增修。第四隨順世智勝者。明染障對治。染即煩惱障即所知。文分爲三。初總

標多門。二所謂下。別示其相。三及餘下總結成益。二中顯五明相故。大般若云。五地菩薩學五明故。即分爲五。一文字算數。是其聲明。通治儒智障。言文字者。名句文身。即聲論中法施設建立故。算數即數建立故。又治取與生疑障。二圖書至咸通達。即當因明。咸通達者。正是明義種種論者。言論尙論。詳論毀謗論。順正論教道論等類非一故。地水火風即是詳論中攝。謂諸邪見計不同故。順世外道。唯地爲因。一切皆以微塵成故。水風二仙外道。以風水爲因。世界水成故。風輪持故。事火外道以火爲因。火成熟故。圖書印璽即尙論。隨世所聞故。又此圖書亦正教量。即治所用事中忘障。論云。取與寄付。即事中障。聞法思義解中障。作不作已作未作應作不應作。皆業中障。印障亦是現量。又治所取物不守護障。璽即玉印。三又善下。即醫方明。即四大不調。衆生毒相病障對治故。善療能斷皆除斷方便。斷已不生故名爲善。顯至癰毒病相病因於中顯等內四大。鬼等外衆生。蠱毒通二。有草毒蛇等毒。故論經說。呪藥等即病因死因對治。即善方藥攝。四文筆下。工巧明。文筆讚詠即書算計度。數印工業中書所攝故。韻屬曰文。對詞曰筆。顯德爲讚。寄情曰詠。次歌至談說。即音樂工業。悉善其事。通上二文。皆憂惱障對治。國城至其宜。即營造工業。草樹華果亦兼營農工業。此即不喜樂障對治。金至示人。即生成工業繫閉障對治。日月至無

錯謬。即占相工業。是所得報分過作惡因障對治。謂皆由前世惡因。感此凶吉等故。日月五星以爲七曜及二十八宿並上知天文。地震即下知地理。夜夢至休咎。即中知人情。鳥鳴即察鳥情。亦是人情所感。咸善無謬。總究上三才。五持戒下。內明治五種染。一持戒治破戒染。二入禪治貪欲染。三神通治邪歸依染。四無量治妄行功德染。謂治殺生祀祠求梵福故。五四無色定。治妄修解脫染。上來所釋多依本論及瑜伽十三四五。其中更有別理。恐厭繁文。又論與經有不次者。但可。以論說經。不可。迴經從論。第三總結成益者。此起世智具四種相。一異障中無障故。云。但於衆生不爲損惱。事中不知名之爲障。損惱生事復是事中異障。今無此捕獵等之異障。二異無過樂。即爲利益故。謂雖不惱令其染著。亦不爲之。三發起清淨。即咸悉開示。謂能起助道之事。四所用清淨。即漸令安住無上佛法。謂用此得淨故。第二位果亦有三果。初調柔果亦四。一調柔行。二教智淨。三別地行相。四結說地相。前中有法喻合。法中正起行內。又更開法得陀羅尼者。論云。非得義持者。對勝顯劣。般若未現前故。所以得聞持者得二難故。一地初十平等心。難得能得故。二地中樂出世間智現世間智。此不住道難得能得故。此之二難對劣顯勝故。得聞持不同。三地唯世間聞持。喻中真金碑礫磨瑩者。證智契如事爲真金。教智光明能示現

如事。猶彼碑礫。二佛子菩薩住此難勝下。教智淨中日月等者。論云。依阿含增長智慧光明勝前地智故。謂勝前地珠光。餘文如前。第三重頌。二十二頌分三。初十七偈頌。地行。次四偈。地果。後一結說。初中又三。初五偈三句。頌勝慢對治。於中初四偈頌。十平等。餘頌。如道行。第二了知下。六偈三句。頌不住道。於中初兩偈一句。頌所知法中智清淨。後既觀知下四偈半。頌教化衆生勸方便。於中初一偈頌。總觀有爲虛偽起悲。二心。次一偈半。頌悲觀中觀緣集苦。次一偈半。頌觀深重苦。後半頌。大慈觀。第三名爲下。四偈半。頌彼果勝中。初半偈頌攝功德勝。次一頌。修行勝。於中如是一切爲衆生句。兼頌教化衆生勝。後半三頌起世智勝。頌位果。三果可知。五地竟。

大方廣佛華嚴經疏卷第三十八

大方廣佛華嚴經疏卷第三十九

第三十

唐清凉山大華嚴寺沙門澄觀撰

第六現前地。所以來者。已說諸諦相應慧。次說緣起流轉止息相應慧。寄緣覺地。故次來也。又四地出世未能隨世。五地能隨。而不能被染淨之見。此地觀察無染淨法界。破彼見故。故喻伽云。前地雖能於生死涅槃棄捨。一向背趣作意。而未能於生死流

轉如實觀察。又由於彼多生厭故。未能多住。無相作意。爲令此分得圓滿。故精勤修習。令得圓滿。故次來也。名現前者。莊嚴論云。不住生死涅槃。觀慧現前故。此約初住地。以前五地雙觀。故今得現前。十住論云。降魔事已。菩薩道法皆現在前。亦約初說。喻伽引深密云。現前觀察諸行流轉。又於無相多修作意。方得現前者。多修無相此約地初觀。十平等故。觀察流轉。此約地中已入地竟。方觀緣起故。攝論云。由緣起智。能令般若波羅蜜多現在前故。此釋正順今經約地中說。無性釋云。謂此地中住緣起智。由此智力。令無分別智而得現前。悟一切法無染無淨。唯識同於攝論。上本分云。有間般若現前者。揀後地故。故所斷障亦斷。染淨唯識名爲龜相現行障。謂所知障中俱生一分。執有染淨龜相現行。彼障六地無染淨道。入六地時便能永斷。以觀十平等故。由斯六地。說斷二愚及彼龜重。一現觀察行流轉愚。即是此中執有染者。諸行流轉染分攝故。二相多現行愚。即是此中執有淨相故。相觀多行。未能多時住無相觀。初愚即執苦集。後愚即執滅道。本分名微細煩惱習者。執細染淨。即是煩惱。形於前地故說爲微。唯識形後名爲龜相。由斷此愚。便證無染淨真如。謂此真如本性無染。亦不可說。後方淨故。攝論名爲無染淨法界。後成般若行。亦得自他相續無染淨果。其揆一也。後正釋文亦有三分。初讚請分九頌分

二。前八頌半讚後半頌請讚中分二。初一菩薩讚餘諸天讚供。於中三。初一天衆。次一天王。後五頌半天女。於中初三句集經者敘述。標讚佛果。佛語下正讚。此句讚教。次一偈讚理。次三偈讚行。於中初偈悲智無礙行。後二十度圓修行。本絕諸惡者。見惡可除非真持戒。善達性空即般若度。分別法即方便度。智力即二度。博濟衆願。後半結。第二正說亦分爲二。初地行後地果。前中同。於前地亦有三分。一勝慢對治。二佛子至。如是觀已下。明不住道行勝。三佛子至。以如是十種下。明彼果勝。亦初分即入心。後二即住心。住中前即攝正心住。後即攝善現行及隨順善根迴向。至文賞知。今且依論。然三分雖同而漸超勝。勝相云何。謂第四地說衆生我慢解法慢治。第五地中說身淨慢治。今第六地說取染淨相慢治。所治漸細故曰勝也。所治既細。後二亦過染淨慢者。前觀四諦。苦集名染滅道爲淨。又十平等隨順如道。但約淨說。染相未亡對染有淨。亦名取淨。今以十染淨平等法而爲能治。下觀緣起。雖有染淨。悟空深故。不能取慢。今初勝慢治中分四。一牒前標後。二何等下。徵列十心。三菩薩如是下。結其行能。四得明利下。辨行分齊。列中十句。初總餘別。總云一切法者。論云。是十二入以三科中蘊不攝。無爲處界攝盡。而處次於蘊。又名生門順。無生義。故偏舉之。言無相者。論云。自性無相故。謂十二入緣成之相。

有來即無。非推之使無。故云自性無也。故瑜伽云。由有勝義自性無相平等性故。亦同淨名不念內外行於平等。別中九句明九種相皆自性無故。論云。相分別對治有九種。謂體生等九。是其所治無之一字是自性無。以爲能治。論以初自性無貫下九句。故但顯所治相之差別。一無體故平等者。論經云。無想。論云。十二入自相想。謂內六根取外六塵之相。總名爲想。即十二入之體故。今經云。體想取像爲體故。亦自性無故。經云。無體故平等。下皆準此。上遣分別心。二生者念展轉行相。謂諸入苦果虛妄分別爲本故。三成者生展轉行相。謂生即苦果從果起。因。故云展轉。上二遣染分依他。但舉緣成已顯無生無我義矣。四即遣淨相。謂本來自淨。非滅惑方淨。故平等。五遣分別相。謂道能分別揀擇滅惑。若有分別則有戲論。今本無戲論。故無分別。上二遣淨分依他。六遣出沒相。謂真如之性。在妄爲沒。離垢爲出。今妄體即真。故無可捨。眞體即空。故無可取。七遣染相。即由上義染本寂靜。即是真如無別真矣。上二遣四成。即十二入之眞性。八遣我非有相。此有二意。一類前釋。謂有執言但我非有不無於事故。云如幻等事有亦不實。一者此句遣無。由上以無遣有。恐便執無。故遣云如幻夢等。但無其實非是全無故。不應執我非有相諸喻雖異大旨無殊。亦可。八喻別對前來總別八句。謂如幻無相故。如夢

想現故。果生如影故。因成如響故。本淨如水月不可取故。正智但是鏡智現故。焰不可攬亦巨捨故。化無心現常寂然故。九遣成壞相。成即是有壞即是無。緣起爲成。無性爲壞。緣成即無性故。有無不二。上之九句。初七以無遣有。次一以喻遣無。後一不二。遣俱則雙非入中矣。又此不二則不壞有無。謂說空遣於有執。說有爲遣空。迷有是不異空之有。空是不異有之空。無別空有而爲二也。是遣俱句。又既不二。亦不壞有無。則不異無之有。是不有之有。不異有之無。是不無之無。則亦遣俱非。斯乃四句百非諸見皆絕。方爲般若現前之因。第三結。行入地。文有五句。一牒前所觀十平等法。二自性清淨者。遠離前地染淨慢垢。三隨順眞如十平等法。四以無分別心無違所觀。五由前四能得入六地。第四辨行分齊中二句得明利忍。對前顯勝。未得無生對後彰劣。仁王經中說有五忍。謂伏信順無生寂滅。前四各有下中上。地前得伏忍三品。九地如次配。次三忍十地及佛得寂滅忍。若璎珞中開出等覺。則亦有三品。今四五六皆得順忍。此當上品治於細慢。故云明利。言隨順者。順後無生忍故。然約實位。初地即得無生。今約寄位。當七八九。寄位何以有此不同。謂若約空無我理爲無生者。即初地證如所以名得。今不得者有四義故。一約空理淺深。初地觀法虛假。破性顯空。但名無我。今此地中破相趣寂。但名平等。

若約證實反望由來常寂。無相可生。斯理轉深故。七地方得。若約契本常寂。斯理最妙故。十地後得。二就行分別。六地已前漸起諸行。謂初顯大戒等故名爲生。七地已上念念頓起一切諸行。故名爲生。三約空有二法。六地已前空有間起。名之爲生。七地已上寂用雙行。故名爲生。四約修分別。行修未熟。名之爲生。行修純熟。名曰無生。此則七地已還未得無生故。經就八地方顯無生。第二不住道行勝中分三。初總顯心境。二作是念下。別明觀相。三佛子菩薩至如是十種下。結成觀名。今初有一。先如是觀已結前。所以結者由前觀察隨順。得至不住道故。後復以下正顯文有四句。前三辨能觀心。後一標所觀境。前三皆悲後一是智。由此相導故名不住。故論結云。不住生死涅槃故。今初三中爲物觀。緣總稱大悲。隨觀不同故分三別。一首者初義。先起大悲而觀緣故。故論云不捨過去現在未來。大悲攝勝故。以雖同一切智觀觀三世流轉。厭離有爲而以大悲爲先。故勝二乘。二增上者。論云一切法中智清淨故。謂以道相智觀。不唯但觀三世而遍了諸法故。云一切法中以此導前。令悲增上故。下經云大悲轉增三滿足者。論云一切種微細因緣集觀故。謂以一切種智委照無遺。故名微細。三悲爲次後轉深。智轉勝故。據論現文。初則雙明悲智。俱護煩惱小乘。後但唯語於智義。當但護煩惱。既三俱稱悲。即

下三觀則皆雙護凡小。俱通二利皆雙不住也。後句標所觀者。前滅後生染生淨滅故。第二別明觀相。即緣起觀。然緣起深義佛敎所宗。乘智階差淺深多種。龍樹云因緣有二。一內二外。外即水土穀芽等。內即十二因緣。今正辨內。然外由內變本末相收。即總含法界一大緣起。染淨交徹義門非一。下當略示。今經文內略顯十重。窮究性相以顯無盡。非唯寄位同於二乘。言十重者。一有支相續。二攝歸一心。三自業助成。四不相捨離。五三道不斷。六三際輪迴。七三苦集成。八因緣生滅。九生滅繫縛。十隨順無所有盡。各有逆順。即成二十。故下結云。如是逆順觀察。逆即緣滅順即緣生。此約逆順生死流注。以爲逆順。若準對法第四。此中逆順彼名染淨。染淨之中各有逆順。則成四十。至下當說。今以易故經中略無。但二十重論。主復以上三悲觀門。解此十重。則成六十。古人兼取彼果分中。三空觀之。則有一百八十重。觀於緣起。論三觀者。一相諦差別觀。二大悲隨順觀。三一切相智觀。初但觀二諦有爲無有。我故即大悲爲首觀也。二悲隨物增。即大悲增上觀。三即委悉窮究因緣性相諸門觀故。即大悲滿足觀。初一下同。二乘一切智也。次一自顯菩薩道相智。後即上同諸佛一切種智故。涅槃云。十二因緣下智觀故。得聲聞菩提。中智觀故得緣覺菩提。上智觀故得菩薩菩提。上上智觀故得佛菩提。初二菩提即初觀意。餘二各一可

知。前約爲物三皆稱悲。今約觀心三皆智觀。是知三句各有悲智相導。融此三觀。唯在一心。甚深般若於是而現。然論三觀。雖遍釋經而與十門開合不等。初一切智觀攝經十門。總爲三段。一成答相差別。此攝十中初門。二第一義差別。攝經第二門中之半。三名世諦差別。攝餘八門半。所以分三者。初一顯妄我非有。後二顯真俗非無。真辨緣性俗明緣相。義理周備故。第二大悲隨順觀分十爲四。一觀衆生愚癡顛倒。攝十門中第一門。二餘處求解脫。攝第二門。三異道求解脫。攝次四門。四求異解脫。攝後四門。此之四觀初一就情彰過。後三就法辨非。於中二。是所依理非對彼正理。名所取我。以爲餘處。三是所依行法。非舉其法非明其行失。後一明所求果。非以苦欲捨苦故。第三一切相智觀。攝十爲九。一染淨分別觀。攝初半門。二依止觀。攝初門後半及第二門。三方便觀。四因緣相觀。五入諦觀。六力無力信入依觀。七增上慢非增上慢信入觀。八五門如次各攝一門。八無始觀。攝八九二門。九種種觀。攝第十門。釋相差別至文當知。然其三觀俱通二利。若隨相分別相諦觀。即自利次大悲觀明其利他。一切相智通於二利。於中分別復各不同。前五自利次二利他。後二二利成熱。前五中初二通染淨。一示染淨相。二示染淨依。後三惟觀染。於中初二建立染法。一染法之因。二染法之緣。後一就染觀過。次二利他中

初一化。凡後一化小。後二利成熟中。初真諦觀見法緣集無本性。故名爲無始。後俗諦觀但順緣轉。故云種種。已知大意。次正釋文。依經十段而並以論三觀次第釋之。更無別理。經之十段。前五佛子次三復次。後二又字以爲揀別。唯初門中中間有一佛子。今初有支相續門。先依相諦差別觀。三段之中當成答相三字。即分爲三。初至則無生處。辨定無我。即論明成。謂雙舉解惑釋成無我故。則知緣集但是妄我。二復作是念下。倒惑起緣。即論明答。謂對難釋。通無我義故。三後佛子迷真起妄緣相次第。即論明相。此三若望十門。皆顯妄我非有三自相望合之爲二。前二顯起因緣明緣無我。後一起緣次第明緣有相。經依此義中間加一佛子。皆有染淨。今初成者將觀緣起。先釋成無我辨定所宗。一以貫諸則顯十門皆成無我。此是正破我執習氣。文中二句。初言世間受生皆由著我者。即反舉惑情明我非理。但是苦集故。若離此著則無生處者。即順舉解心明理非我。是滅道故。此直順經文。已無我義成矣。論經言受身處生者。以我執習氣。但令自他差別故。論云五道中所有生死差別。若五道差別自由業招耳。又論主反徵。惑情顯成無我。初徵著我。明凡應同。聖過云若第一義中實有我相者。此按定所執著我之心。即是第一義智。此反以縱立。謂稱實我知故。次云不應世間受身處生者。以理正徵。謂若

我是滅理著心是道。則凡應同。聖得於涅槃。何以著我世間受生耶。此中應爲立過云。若第一義中實有我者。凡應同。聖爲立宗。以有能證第一義中實我智故爲出。因如諸生盡聖人爲同喻。此則凡應同。聖凡既同。聖即無凡。夫復成一過。次反徵後句。明聖應同。凡過云。又復若第一義中實有我相者。若離著我。應常生世間。以不稱實同於妄執非第一義智故。此中應爲立過云。以理實有我。聖應同。凡爲宗。次聖證無我。達理倒惑非。聖智故爲出。因如諸凡夫爲同喻。此則結成聖應同。凡過。聖既同。凡則無聖人。復是一過。是以經云若離此著則無生處。則反顯妄情定是過也。二過既成。則無我理昭然可見。第二倒惑起緣。即論明答。答外伏難故。兩難二答。一執情徵理難。情乖正理答。二常求下。執相徵實難。相不依我答。今初難云。若實無我云何著我。如空中無人。豈計有人。既著於我。不著無我。明知有我。答云。由無智故。於無我處。執著於我。非由有我。如翳見空華。豈空中有華。第二難云。若實無我。何以貪著於我。世間受生爲緣次第。明知有我。方得爲緣次第。生起。答云。正由無我。計我癡愛爲本。倒惑造業乃至老死。何要我耶。答意正爾。就文分三。初明倒惑順起染緣。二此因緣故下。正智逆觀。結酬無我。三菩薩如是下。就人結觀。今初。然十二支即爲十二別。亦無間然。而諸論中多攝爲四。一能引支。謂無明

行能引識等五果種故。二所引支。謂識等五。是前二支所引發故。三能生支。謂愛取有近生當來生老死故。四所生支。即生老死是愛取有近所生故。此約二世一重因果。明生引別。若依三世兩重因果。則生引互通。今經並具。且依十二支分爲五。初至有無辨無明支。無智是癡常求有無。即是有愛。然依三世。諸惑謝往總名無明。略舉發潤。有支本故。若約二世。雖諸煩惱皆能發潤。而發業位無明力增。故名無明。唯取能發正感後世善惡業者。以爲其體。希常爲有。於有樂事。欲常住故。求斷爲無。於有苦事。願斷滅故。次不正思惟至增長。明行支。文有七句。初三行過。次三行體。後一結成。初云不正思惟者。是行俱無明。涅槃說此爲無明因。亦無明攝。躍前起後故因果互舉。次句就人彰過。謂起妄行者必是凡夫。無明爲因。求有造業故。故初地云凡所作業皆顛倒相應。反示菩薩勝義。謂菩薩雖行於有起於善行。以明爲因。不求有造。不名妄行。下句就法彰過。論云示於解脫處。不正行故。若行涅槃路方爲正道。次三句辨行體相。以三業相應思造。三行故。謂由迷真熱想違正信解。起惑三塗惡業。及人天別報苦業。皆名罪行。然別必兼總。唯感別報非行支故。由迷真實義愚。不知三界皆苦。妄謂爲樂。起欲界善業名福行。八禪淨業名不動行。後句結成行支。謂作已無悔積集增長。有遷流故。次於諸行下。

明識支謂既發行已由行熏心。今此本識能招當來生老死故。名之爲種。若無行熏終不成種故。云於諸行中植心種子。即是所引識等五種。於一刹那爲行所集。無有前後。約爲異熟六根之種。名六處支。爲異熟觸受種名觸受支。除本識種爲識支體。及此三種諸餘異熟種。皆名色支故。無前後。因位難知。但依當起分位說。五有殊。五不離心。但名心種。又隱餘四就現說故。然唯識論中。但識等種以爲所引。而集論中說此識支。通於能引。正取業種爲識支。故識種乃是名色支攝。緣起經說。通能所引業種識種俱名識故。識種但是名色所依。非名色故。不同集論。今經意同。緣起經說。通取二故。雙舉行識論云。此中起心種子者。示生老死體性者。謂未來二果。以此識種爲親因故。次有漏有取成上種義。謂行及識等名言種子。皆通無漏。今與三漏相應故名有支。如初地中。以欲等四流起心種故。有漏是愛有取是取。愛取潤故能招後有。次復起下。辨名色支。初之二句文含二意。一者成上種義。由起生死心得種名。二者總標後義。現行名等皆生老死故。即同初地於三界田中復生苦芽。所謂下。別亦有二意。一通約十二自此至生名色芽。是識生名色。二爲顯前來已具十因。則辨有支生於生死。名色居初次第辨耳。謂由前心等五種。有漏有取愛取潤故。復起後有。是標有支生於二果。今別顯有支之相故。唯識

云。愛取合潤能引業種及所引因。轉名爲有。俱能近有。後有果故。瑜伽第十唯說業種名爲有者。此能正感異熟果故。如後段說。三十八中復說。唯識等五名爲有者。親生當來識等五故。實則總有八支。共立有名。唯除無明通有成。九。今經復加無明。則通前十因。共招二果。若以十二是前世二果。則一世中具十二。矣。且約有支。文有六緣。一業爲田。即是行種望所生果。但爲增上緣故。二識爲種。即是識等五種。爲後生死作親因故。如世種種植依田肥瘦。然其菽麥隨自種生。論總釋云。隨順攝取罪福等行業爲地故。此正明隨順。於愛攝前行識之種而成有支也。三無明闇覆。論主取前經無明故。云前說無智闇障。無明覆蔽故。此則依於等能發起遠爲助故。亦是舉於前世例。今世故。準唯識意。非前發業無明。即是覆業無明。亦是愛攝。即迷外增上果。又諸煩惱皆能潤故。以約十因同一世故。四愛水爲潤。論主指前常求有無之愛。即是舉例。亦即是前標中有漏。以前有愛無明攝故。五我慢既灌者。即是取支。要數既灌方生有芽。我語等取爲我慢故。若悟無我。容不生故。六見網增長亦是取支。見取攝故。我見爲本諸見生故。令無漏法不能壞故。名之爲網。論總釋云。如是住如是生心者。總顯生名色芽。由無明愛。令上識種安住業地。名色心生故。次却釋我慢。彼經云。我心既灌。論云。我是我所我我想是慢者。謂我是我所

釋我字。以非但執我亦執行業。是我所修故。次我我想是慢者。釋彼心字。心即想義。依我起於我想。以陵他故。名之爲慢。正同今經次釋見網云。我生不生。生即是常不生是斷。斷常爲本具。足六十二見故。末句云。如是種種諸見也。如初地中。始於無明終至識支。皆名邪見。然遠公諸德皆云。我我所者。受生之時。自見己身名之爲我。見父母精血名爲我所。又謂父母是我夫妻。當受生時與父母競色。謂已得便起勝想。故名爲慢。我生者。我唯此處生。不於餘處生。此並通取中有求生之愛。於理無失。然上諸句。皆明能生生名色芽。即是所生當報五果。初結生蘊即是識支。今以前辨識種隱於餘四。今辨現行略其總報所依。欲顯識與名色次第相生義故。復欲顯其通種現故。故有隱顯。然名色等必有所依本識故。初地云於三界田復生苦芽。所謂名色共生。論云共阿賴耶識生故。即此後文云。與識共生。次名色增下。辨六入等八支。如後段明。然此一段意。欲答於受生所以故。具出諸惑隱顯等殊。不在顯相。顯相在於後段。二約逆觀。結酬無我。初二句約生明無我。但由無明等集非由我集。又上句揀無因。下句揀邪因。後二句約滅明無我。剎那性滅無使之然。三就人結觀。如是觀者。即隨順緣起之理。第三迷真起妄緣相次第者。即論相差別也。論云。若因緣無我以何相住。因緣集行。謂當相名住生後

爲行故。經意云。迷諸諦理起相集耳。然成答相三。通是有支相續。而兩重緣相差別云何。略有五異。一前約妄我起緣。即迷我執。此約迷諦起緣。即迷真實義。二前約緣起。此約緣次。故前通取十因。一處共起名色。此中一向單說次第。三前通三世二世。以許十因同一世故。義取亦通五世。此唯三世以名色等唯約現故。義取亦通一世。四前文欲明三世並備於無明中說。有愛故。於現在中說無明故。此中三世互有隱顯。不許相通。五前爲答難此爲辨相。如論意故。有斯五異。兩處辨緣。共明相續總破癡倒故。但束爲十門之一。文中亦二。初順後逆。順中初無明支。言於第一義不了者。然十二支皆依真起。無有自性故。下偈云。觀諸因緣實義空也。而無明最初親迷諦理而起。於行既橫從空起。不可復原故。令無明特受迷稱。論經云。諸諦第一義者。即四諦也。故對法云。真實義愚者謂迷四聖諦。所迷即是實義。能迷即愚。別有闡法名爲無明。非但遮證明無而已。二所作業果名。行者行支也。業即罪等三業。是彼無明所起果故。故偈云。所作思業愚癡果。而論云。是中無明所作業果者。所謂名色者。此出果體。體謂行體即名色故。遠公釋論云。行有三業。意業爲名身口爲色故。婆沙云。名色有二。一方便名色。二報名色。若云名色緣識。即方便名色。若云識緣名色。即報名色。今以行爲方便名色。三行依止下識支。

論云。於中識者彼依止故。彼即是行。此中語倒。應言依彼故。論經云。依行有初心識。謂由行熏心有當果種。乃至現行故。瑜伽云。因識爲緣相續果識。前後次第。四與識下。名色支。初一識字即是現行識支。識爲種邊唯是賴耶。在現行位通於六識。今揀現非種故云。共生四蘊識蘊已屬所依識故。若言四蘊曰名。羯刺藍等爲色。則所依現行之識。亦唯賴耶。瑜伽云。俱有依根曰色等。無間依根曰名。則通五蘊爲體。即四七日來根未滿位。論云。名色與識共生故者。此言揀濫。恐人誤謂名共色生故。又云。識名色遞相依故者。釋前共義。謂識由名色得起。名色依識得存。如水與塵互相依持。以爲泥團。亦如東蘆。乃至命終相依而轉故。上答文總名苦果。爲名色芽五六處支。謂四七日後諸根滿位。六處明盛。名增成。意處色增。成餘五。俱舍云。從生眼等根三和前六處。前段爲明意根本有云。成五根耳。俱舍第十一五果之中。前三胎內餘二胎外。六觸謂觸對雖有三和。於三受因。尚未了知。但能觸對。七受支。分別三受領納於觸名觸共生。此前四支唯約現行。八愛支。以三受中樂受纏綿希求。故云染著。即是中下品貪。此雖通緣內外二果。諸論多取緣外境愛增上果生。九取支。雖攝餘惑而愛潤勝故。說是愛增。然上二支通現及種十有支。由四取心中所起諸業故名。有漏。此業親能招當果。故名之爲有。此約

三世不同。前段愛取合潤業等名。有此前三之業。已隔現行名色等故。十一生支。約增上緣云。從業起。始從中有未衰變來。皆名爲生。十二老死即諸衰變位名爲蘊熟。故上二支體通五蘊。唯是現行欲令生厭。合五成二。以顯三苦。老非定有。附死立支。別離等五。餘時雖有死時多故。偏就死說。然此一段有支。亦通一生前後。建立餘支可知。唯生一種通。取於前耳思之。後逆觀中一結是苦樹。謂無明行引識至。受爲苦芽。愛緣引受至。有是守養。生老死爲苦樹。從芽守養是增長義。又於現法中。無明造業爲小苦樹。若愛取潤則得增長。不潤尙滅況更增耶。又初二爲根。大二爲身。大三爲枝。次三爲華。後二爲果。無我我所結成無我。無作無受結成於空。復作是念下。以我況法。結成勝義故。故瑜伽說。由十種相緣起甚深。六義依無常。一義依苦。一義依空。二義依無我。今初一從自種子。亦待他緣。二從他亦待自。三俱從無作用。四此二因性非不是有。此四義即前段中。但因緣故集無有集者。五雖無始其相成就。而剎那滅。六雖剎那滅而似停住。此二即前任運而滅。亦無滅者。一義依苦者。一味苦相而似三相。故結云。苦樹。一義依空者。謂離有情作者受者。然似不離顯現。即今無作無受。二義依無我者。一雖實無我似我相現。即今無我我所。二依勝義諦。雖不可說。而言諸法自性可說。即今復作是念已下。經文

十義備矣。由前緣相皆是似義故。逆觀中直顯真實性相無礙。故為甚深緣起之觀。正在於此。又無作者。即顯緣生非天人作。若佛出世若不出世。安住法性法住法界故。於此一觀已為甚深。況加後二二約大悲隨順觀者。四觀之中。此第一門即當第一愚癡顛倒觀。論總釋云。隨所著處愚癡及顛倒。此事觀故。謂十二因緣是所著處。癡迷性相倒執我所。下別釋意。明癡隨所迷立二顛倒。一從初至則無生處。明迷緣性之無我執。我成倒。以著我故則世間生。明是顛倒。若離此著則無生處。反顯此著必是顛倒。一復作下竟。初一門明愚緣相之緣生。疑惑顛倒。謂無智故常求有無。滯斷常之二塗。故云疑惑。致緣相之相續。明是顛倒。令菩薩順彼衆生愚倒之事。起悲觀察名為事觀。三約一切相智觀。九觀之中。此門攝第一觀全。及第二之半。謂初成答二文名染淨分別觀。此有二意。一著我為染離我為淨。二著我故。緣相生為染。離我故緣相滅為淨。後相經文即屬第二依止觀。謂雖依第一義以不知故即起諸緣。是為染依。見第一義諸緣則滅便為淨依。相諦觀中不知故成緣相。大悲觀中不知便為顛倒。然上相續一門。經文無二隨義分三。初明倒惑起緣。實無有我成一切智觀。次順癡倒事成道相智觀。後委究解惑染淨性相成種種智觀。又初順根本次順後得。後即無礙。雖無我所不壞相故。而起大悲。

能所本空。悲而無著雙窮性相。不滯自他。三觀一心成。無礙智甚深般若。不現前一門尚然況加餘九。

大方廣佛華嚴經疏卷第三十九

大方廣佛華嚴經疏卷第四十

唐清涼山大華嚴寺沙門澄觀撰

第二一心所攝門中。然此一門乃含多意。且分二別。一推末歸本門。二如來於此下。本末依持門。今初依論三觀初約相諦。即當第二第一義諦觀。論生起云。云何第一義差別如是證第一義則得解脫彼觀故。此明修觀所以。以第一義是緣生之性。若見緣性則脫緣縛。故修彼觀。而論經雖云。皆一心作意。取能作一心故云第一義觀。論云。但是一心者。一切三界唯心轉故。此言則總轉者。起作義。亦轉變義。然此文諸教同引證成唯心。云何一心而作三界。略有二義。一二乘之人。謂有前境不了唯心。縱聞一心但謂真諦之一。或謂由心轉變非皆是心。二異熟賴耶名為一心。揀無外境故說一心。三如來藏性清淨一心理無二體。故說一心。此初一心菩薩不為此觀。後二一心經意正明通於三觀。約清淨一心為第一觀。通此二心為後二觀。後二一心略如問明。廣開有十。初之一門假說一心。謂實有外法但由心變動故。下之九門實唯一

心。二相見俱存故說一心。此通八識及諸心所。并所變相分本影具足。由有支等熏習力故。變現三界依正等報。如攝大乘及唯識等諸論廣說。三攝相歸。見故說一心。亦通王數。但所變相分無別種生。能見識生帶彼影起。如解深密經。二十唯識觀所緣緣論。具說斯義。四攝數歸。王故說一心。唯通八識以彼心所依王無體亦心變故。如莊嚴論說。五以末歸本故說一心。謂七轉識皆是本識差別功能無別體故。楞伽云。藏識海常住住境界風所動。種種諸識浪騰躍而轉生。又云。譬如巨海波浪無有若干相。諸識心如是異亦不可得。既云離水無別有浪。明離本識無別前七六攝相歸性故說一心。謂此八識皆無自體。唯如來藏平等顯現餘相皆盡。經云。一切衆生即涅槃平等。楞伽云。不壞相有八無相亦無相。如是等文誠證非一。七性相俱融故說一心。謂如來藏舉體隨緣成辦諸事。而其自性本不生滅。即此理事渾融無礙。是故一心。二諦皆無障礙。起信云。依一心法有二種門。乃至不相離故。又密嚴云。佛說如來藏以為阿賴耶。及如金與指環喻等。又勝鬘云。自性清淨心不染而染。難可了知。染而不染亦難可了知。皆明性淨。隨染舉體成俗即生滅門。染性常淨本來真淨。即真如門。斯則即淨之染不礙真而恒俗。即染之淨不破俗而恒真。是故不礙一心雙存。二諦深思有味。八融事相入故說一心。謂由心性圓融無礙。

以性成事。事亦銘融不相障礙。一八一切一中解。無量等。一一塵內各見法界。天人脩羅不離一塵。其文非一。九令事相即故說一心。謂依性之事無別事。心性既無彼此之異事。亦一切即一。上文云。一即是多。多即一等。十帝網無礙故說一心。謂一中有。一切。彼一切中復有一切重重無盡。皆以心識如來藏性圓融無盡故。上之十門初一小教。次三涉權。次三就實。後三約圓中不共。若下同諸乘通。十無礙。一部大宗非獨此品隨一一門成觀各異。可以虛求。第二本末依持門。此下終於十門。皆是世諦差別。緣相本寂但應觀真。何以復觀世諦差別。論云。隨順觀世諦即入第一義故。俗爲真詮了俗無性方見真耳。中論云。若不知世諦不得第一義。故此觀有六。一何者。是染染依止觀。即雙辨能依所依攝此半門。二因觀觀染因故。攝次二門。三攝過觀唯苦集故。四護過觀護凡邪見故。五不厭厭觀防小慢故。上三大第各攝一門。六深觀顯因緣之理妙過情取故。此攝後三門。六中初二建立染相。次一就染觀過。次二正觀防非。後一觀行深極。今此半門。即染依止觀。因緣有分爲染。而此染相依止一心故。論云。此是二諦差別。以純真不生單妄不成。一心之真難染之俗。此二和合有因緣集。經中三。初總謂依一心分。別十二。則十二爲一心所持。而特言如來說者。一心頓具非佛不知故。謂顯如來過去覺緣性已等

相續起。展轉傳說故。次微意云。十二有支三世行。前後引生。何以今說皆依一心。後釋中論無別解。古來諸德。但云離本識心一切不成。而其釋相經生越世。此雖不失依持之義。未爲得旨。今謂說主巧示。非唯三世不離真心。今一念心頓具十二。彌顯前後不離一心。此同俱舍第九明。剎那十二因緣也。是以此一門中含多緣起。一含攝論二種緣起。彼第二云。若略說緣起有二。一分別自性緣起。謂依阿賴耶識諸法生起。即今一心依持。二分別愛非愛緣起。謂十二緣起。於善惡趣能分別愛非愛。種種自體爲緣性故。即通今釋文及前後九段。二含俱舍第九四種緣起。一者剎那。二者連縛。三者分位。四者遠續。後三通餘九門。此中正當第一。彼云。云何剎那。謂剎那頃由貪行殺等。具有十二。彼廣說相與此大同。故今不必依次。意顯一心頓具。隨事貪欲與心共生者。此則總指所行之事。貪事非一。隨取一事於一念中則具十二。謂行此貪事必依心起。復了別前境故。心即識支事是行者。貪事即是意業之行。若形身口亦是二行。不知貪過。能招於苦名於行迷惑。與無明及心共生是名色者。名色是總。爲二所依名與共生故。晉經云。識所依處爲名色故。俱舍云。識俱三蘊總稱名色。意明。以受蘊自是受支故。名色增長是六處者。不生五識唯名十界。五識依生乃名十處。識依相顯即是增長增長之言。宜譯爲

開顯俱舍云。住名色根說爲六處。謂六根是別。以別依總開成於六。稱住名色。貪必對境爲觸受必領觸。貪即是愛名。受無厭。愛攝不捨即是欲取。愛取謂前六支成有故。但前諸有支生即是有義有所起者。即前諸法起便是生義。生熟爲老者。物生即異故。老壞爲死者。剎那滅故。又依大乘常相壞故。故經云。初生即有滅。不爲過者說故。此若不斷則名連縛。十二支位五蘊皆名分位。即此順後無始來有。名爲遠續。大小理通。或六八識異耳。非聖教量孰信斯旨。論主不解殆似疎遺。此文正辨同時異體十二有支。若同時同體亦具十二。謂迷第一義即是無明。有漏有取便名爲行。體即是識亦即名色。即是意處對境名觸。領境名受。染境名愛。著境名取。招報爲有。體現名生。即異滅爲老死。以此十二有支約時通說。總有六種。一依五世說。十二支。謂過去無明行復從過去過去煩惱生此則煩惱生惑業。過去二因生現五果。則惑業生苦。若現生未來未來更生未來則苦復生苦。此依三世推因徵果假說有五。非約展轉不墮無窮二依三世。三依二世。四依一世。前後建立竝如初門中辨。五同時異體。六同時同體。即如此文。二約大悲隨順觀中。即當第二餘處求解脫。謂是凡夫愚癡顛倒。常應於阿賴耶識及阿陀那識中求解脫。及於餘處我我所中求解脫故。經明唯是一心。則心外無我法。當於一心中求。亦同淨

名諸佛解脫當於衆生心中求。言阿賴耶此云藏識。能藏一切雜染品法令不失故。我見愛等執藏以爲自內我故。此名唯在異生有學。阿陀那者此云執持。執持種子及色根故。此名通一切位。此二即心之別名。論主意明。心含染淨。故雙舉二名。釋一心義求義云何。若有我執成阿賴耶。若我執亡則捨賴耶名。唯阿陀那持無漏種。則妄心斯滅。真心顯現故。下偈云。心若滅者。生死盡。即妄滅也。非心體滅。三約一切相智觀。即當第二依。止觀明此緣集依於二種。一依第一義已如前說。二依心識。即是今文。前唯約淨。此通染淨。依義如前。又前即依真起妄。此則顯妄依真。第三自業助成中亦三。初約相諦觀者。此下二門即當因觀。因觀有二。一他因觀。二自因觀。遠公云。行望無明異故名爲他因。從前無明生後無明名爲自因。他因小通口因有妨。以論云。自因觀者離前支無後支。經言無明因緣能生諸行故。今謂他因者。全賴前支生後支故。此據自性故。大悲觀中據於冥性。一切相觀名爲方便。唯從無明生於行故。名爲自因。此據餘因能生於行。亦猶於酪定從乳生。不從石出故。大悲觀破於自在等因。一切相智顯因緣相故。三觀取意小異文旨大同。諸德不尋論文妄爲異釋。今此一門即他因觀。經明各有二業。則一是自業。二是助成。而並云他者。特由無明迷於所緣方爲行因。若了所緣寧起妄行。又

初明自業顯是他義。二明生後顯是因義。餘十一支做此思準。然生起之因即增上緣。以緣名因從通義說。於四緣中諸支相望。增上定有故。緣起經及此文中。唯明有一。餘之三緣有無不定。故略不明。謂愛望於取有望於生。有因緣義。以愛增爲取識。增爲有故。若說識支是業種者。行望於識。亦作因緣。餘支相望無因緣義。而集論說無明望行有因緣者。依無明時業習氣說。無明俱故。假說無明實是行種。瑜伽論說諸支相望無因緣者。依現愛取唯業有說。上四位相望明有因緣。初二定實。次一不定。後一假說。無明望行愛望於取。生望於死。有餘二緣。並以現行相望。無間引生故。行等思心可反緣故。有望於生受望於愛。無等無間有所緣緣。以種望現故。所生現行却緣種故。餘支相望二俱非有。此中且依隣近順次。不相雜亂。實緣起說。異此相望爲緣不定。以其逆順各有次第及超問故。爲緣既多義不同。經約揀要從定有說。又約因言已含餘三。其十二支各初自業。不異前之二門。論主唯解老死二業者。以此難故。舉一例諸。然無明無因老死無果故。前十一各與後支爲生起因。老死無果與誰爲因。經文意顯與無明爲因。則無明非無因老死非無果故。云不覺知故。相續不絕不覺知者。即無明也。是以十二因緣猶如尋環如汲井輪。無有斷絕。反顯若能覺知則無復生死。論主總以二業爲後

生因。故云壞五陰身。能作後生因。以不見知故。能作後生因。意明前陰但滅則後陰生故。初爲因後意不知。即是無明。無明爲因。則十二支相續不絕。不見此意徒自云云。二約大悲隨順觀。四觀之中。此下四段明第三異道求解脫。論云。顛倒因有三種性因。自在因苦行因及無因。此有四因。如大四門破之。前三是邪因故併云顛倒。一性即冥性。謂僧伽計此爲所知因。謂知此冥性即得解脫故。前云異處求解脫顯其理非。此中雖云所知意取行非。二即迦羅鳩呾計自在天爲所求因。謂自在天願衆生受苦自在天喜衆生受樂。求其喜故。三刪闍夜計苦行爲所修因。但修苦行以酬往業。則得解脫故。四無因。即阿耨多計衆生不由因得萬法自然。若知此者便得解脫。衆生於上邪因無因異道中求經。欲以正折邪故舉四門。令於中求。不應於上邪見中求。此門即破冥性。謂因緣有支各二種業。而能生彼因緣事。不由冥性故。斷前支緣則後支不續。一生之中便得解脫。汝之冥性縱八萬劫知亦無脫期。三約一切相智觀即當第三方便觀。謂因緣有支各有二業爲起後方便。若滅前前即不生後後是解脫方便。第四不相捨離中。三門同前初約相諦。即當自因觀。自因之義已見上文。又論云。自因觀者。無明等自生因觀緣事故。謂離前支無後支故。如不離無明有行等。則無明唯是行自因也。以是自故令行

不斷。以是因故但云助成。若唯不離無明有行。則成太即。不應言無明緣行。若全離無明有行則成太離。無明則非行因。故論云。異則不成不即不離則名自因。亦二義成矣。故論主引中論偈云。衆因緣生法。是則不即因。亦復不異因。非斷亦非常。初句況舉也。次句以是所生非能生故。亦復不異因者。從於能生所生故。非斷亦非常者。不即故不常。不異故不斷。又不即因故。果不斷因不常。不異因故。果不常因不斷。又不即故。因果俱不斷。不異故。因果俱不常。非無因常故。又亦反此。非相續常故。又以不離是不即故。即不常爲不斷思之。文中先順後逆。順中而論云。無明有二。種子時。二果時。是中子時者。令行不斷。有二種義。緣事示現者。子是種子。果是現行。現行之果。雖前已謝。故不取之。種子續故。令行不斷。能助成行。故取子時。亦可初起無明名之爲子。遷至行時。名之爲果。由前等引之力。令行不斷。助成行。故偏取子時。餘十一支皆有二時。例此可了。後逆觀。論云。先際後際滅中際亦無。是故不說者。十二因緣不出三際。過未既無中豈得有。是故不說。有不助成義。又不說者。滅則滅前諸義。故不假說子果等殊。二約大悲隨順觀破顛倒因中。以自在天爲衆生因。今以無明等爲行等因。尚不從於餘支。豈得從乎自在。三約一切相智觀。即當第四因緣相觀。有支無作故者。既由前前令後後

不斷。助成後後。則後後無性。何有前前能作。後後即以無作爲緣之相。是種智境。第五三道不斷。一依論相諦中六觀之內名攝過觀。謂以三道攝十二支。則顯有支但攝於苦因果過患業惑是因。苦即是果。亦有順逆。初順觀中文含二義。一約三世。則過去無明現在愛取名爲煩惱。雖同煩惱過去迷於本際與無明名現在牽生後果。由於愛取從其本末隱顯互彰。行有是業者。宿業名行。現業名有。雖同是業。過去已定當相名行。未來未有業能有之功能立稱。現在五果未來二果。同皆是苦。現報已定當相受名。未來來起從過患立。若約二世。前十同世。則煩惱有二。能發能潤。雖諸煩惱皆能發潤。於發業位無明力增潤業受生。愛取力勝各偏受名。以無重發唯一無明數數既灌。故分愛取業亦有二。未潤已潤。未潤名行初造作故。已潤名有近生當有故。若總取識等種爲所潤。則亦苦攝故。唯識云。有支一分是業所攝。就苦七中五約種說。二約現行種位難知。依當果位別顯爲五。果位易了故。唯立二。竝如前說。三道皆言不斷者。謂從三煩惱生於二業。從彼二業復生七苦。七復生三。故如輪轉。如淨意菩薩十二因緣論廣明。後前後際下逆觀分二。初明對治斷。謂斷前際無明行及後際愛取有。則七苦不生。後如是。三道下。明自性斷。故淨意云。一切世間法唯因果無人。但從諸法空還生於空法。是則生滅因果。如二束蘆

互相依立。不能獨成。則知無性。二我俱空。二約大悲觀中。即當破異道求中苦行因計。謂以業惑而爲苦因。欲求脫苦當斷業惑。反修苦行。是起妄業。計苦行心。即是煩惱。如是妄想。寧是解脫樂因。三一切相智觀中。即第五入諦觀。三道苦集諦故。謂業惑皆集故。瑜伽云。生老死現法爲苦。識等五當來爲苦者。五約種說故。唯識云。十二皆苦諦攝。取蘊性故。五亦集諦業煩惱性故。此則業惑通於二諦。約其逆觀。即滅道諦。滅分別心亦即道故。又體三道即性淨三德涅槃。佛性一實諦故。第六三際輪迴。初約相諦名護過觀。謂說三際護三過故。三際不同諸教三說。一依唯識。合能所引開能所生故。前十現在後二未來。十因二果定不同世。因中前七與愛等三。或同或異。謂生報定同後報便異。若二三七各定同世。如是一重因果足顯輪轉及離斷常。此則但以二世具十二支。不許三世兩重因果。若爾云。何三際。今之二果乃是前際十因之果。二依智論俱舍。生引俱開。初二過去次八現在。後二未來故。成三世。現八之中前五果。酬於過去。後三因復招未來。則一重因果各具三道。可得抗行。三依此經意明三世故。開能所引爲前中際。爲遮前七定同世。復示衆明迷本際故。二屬過去合能所生。總爲後際。爲遮愛等但是潤故。示因招果。令厭因故。以因從果。五屬未來。則能所引生。及所發潤皆容互有。經無生死

者同許爲果。略不明之論經具也。明文昭然。何爲唯取二世不受三耶。已知大意。次正釋文。文有順逆順中有二。先明一往三世。後於是下。明流轉三世。今初云。無明緣行是觀過去者。觀有二義。一觀現在生。是過去二因所作。二則知識等是彼過去當來之果。因果相屬反覆相成。如是方名見過去因義。能防三過。言識乃至受是觀現在者。亦有二義。一觀現在識等由過業得。二復知識等能得未來果報。以不得對治依起愛等故。現在目觀故。分兩向明其二義。言愛乃至有是觀未來者。此未來因決得來果。一往定故。二流轉三世者。謂不得對治復有後世。於後世上轉生後世。後後無窮已知三際。云何護過。謂外與內因緣之法。立三種過。一者一切身一時生過。何以故。無異因故。此過從前自因而生。謂既無自在等而爲異因。唯無明行爲識等因。行有多種。何以不得六道齊生。二者自業無受報過。何以故。無作者故。此過從於無作緣生。作者即我。三者失業過。何以故。未受果報業已謝故。此過從於無常緣生。此上辨過云何護耶。若見三際則能護之。然過去業有三種義故不得報。一未作二作已未潤三得對治。今無明緣行則顯已作。現識等五則顯已潤。已受愛取有三則知未得對治於已作業。既有潤未潤殊斯爲異。因已潤則受生報。未潤則受後報。潤未潤殊。豈得六道一時齊受。此爲異

因何用自在。既自造異因。自招二報。非他身受。何言自業無受報耶。假者自造何用我耶。若已作業不得對治。潤則便生知業不失。因雖先滅勢力續故。現見得報不可言失。三過度矣。後無明滅下逆觀。即得對治義。此滅則彼滅。是觀待斷。又因觀能滅。自性滅故云觀待。然十二緣三世並備。但隨化迹隱顯分三令知過去因招今苦器。今斷愛等當果不生。則愚癡絕命於慧刃。愛水焦乾於智火。高羅四開於六趣。無生超逸於八極矣。二約大悲隨順觀。治異道求中。無因之見。示三際因果。既先際二是中際五因。中際之三是後際二因。若無如是等事。衆生亦無。斯因有矣。何得言無。三約一切相智中。當力無力信入依觀。論云。先中後際化勝故。謂此三際爲因義邊皆名有力。爲果義邊名爲無力。若約三世。前際於現五有力。於當二無力。中際愛等於當二有力。於現無力。以斯三際化。彼凡夫。令信入依行。化中之勝。如是窮究爲種智境。第七三苦聚集。初約相諦。即當六觀之中第五不厭厭觀。論云。厭種種微苦分別所有受皆是苦故。此約微細行苦。又云。及厭種種龜苦故。此約壞及苦。苦皆凡夫不厭善薩厭故。又初微苦二乘不厭。善薩亦厭。二乘雖知捨受。行苦不窮委細。有無量相及變易苦。故云不知。文中亦有順逆。順中從相增說以配三苦。前五還流相顯名爲行苦。觸受二支觸對生苦。故云苦苦。餘但壞樂故名。

壞苦。老死壞生亦名壞苦。若準瑜伽唯識十二支全分皆行苦攝。有漏法故。十二支少分苦苦攝。十二支中各各有苦故。十一少分壞苦所攝。以老死位中多無樂受。依樂立壞所以言無。若約壞生如今經說。若依捨受以立行苦。則除老死。老死位中無容捨故。以此三苦從三受生。謂苦受生苦苦。樂受生壞苦捨受生行苦故。二苦皆言少分者。十二支中具三苦性。若是二苦必是行苦。故言全分。有是行苦而非二苦。又是二苦各不攝二故云少分。逆觀可知。二約大悲隨順觀。此下四段當第四求異解脫。謂不識真解脫求三界苦等爲解脫。故名之求異真解脫者。有四種相。一離一切苦相。二無爲相。三遠離染相。四出世間相。此四即涅槃樂常淨我故。涅槃云。於世間法自在遠離名爲我故。故下四段經。明其但有四妄而無四德。今此明其有苦無樂故。論云。彼行苦事隨逐乃至無色有縛。彼計無色爲涅槃者。豈非妄苦耶。三約一切相智。此當第七增上慢非增上慢信入觀。不如實知微苦。我慢即增上慢。若知微苦非增上慢。不知令知名爲信入。第八因緣生滅亦名從緣無性。初約一切智觀。此下三門皆明深觀。謂四句求緣皆無有生。無生而生故曰深觀。此門明不自生不他生。第九門明不共生。第十門明不無因生。釋此四句略有二意。一破邪。二顯理。理外妄計曰邪。邪亡則理顯。理顯則惑亡。反覆相順。然自

他等四是計是依。不之一字是藥是理。窮生之理不出自等。自等若無生將安寄。故以不不之則惑亡理顯。然其所計略有二類。一者外道。謂冥性爲自梵天爲他。微塵和合爲共。自然爲無因。又此四計亦是僧徒衛世。若提子勒沙婆也。二小乘同類因爲自。異熟因爲他。俱有因爲共。計無明支託虛而起。亦曰無因。上計亦通大乘執相之者三約大乘。果法爲自衆緣爲他。合此爲共。離此爲無因。又賴耶自種爲自衆緣爲他。合此爲共。離此爲無因。又法從眞起爲自。從妄起爲他。合此爲共。離此爲無因。所計雖衆但顯正理。諸計自妄。顯理復二。一約無生以顯深觀。二約生無生無礙以顯深觀。先中略爲二解。一約展轉釋法從緣故不自生。既無有自對誰說他。又一切法總爲自故。又他望於他亦是自故。既無有他故不他生。自他不立合誰爲共。有因何不生無因何得生。二約因緣形奪釋。故對法云。自種有故不從他待衆緣故非自作。無作用故不生。有功能故非無因。論解同此。若爾自種有故則是自生。豈曰無生。此乃假自破他非立於自。次句假他違自。故中論云。如諸法自性不在於緣中也。下二句例然。惟審詳之。二約無礙者。但因緣生果各有二義。謂全有力全無力緣望於果。若全有力則因全無力。故云因不生緣生。故云不自生。二因望果全有力亦然。故云緣不生。自因生故。故不他生。三二力不俱

故不共生。四二無力不俱故不無因。此復二義。一約用則力用交徹。有相入義。謂有力攝無力故。故十忍品云。菩薩善知緣起法。於一法中解衆多。衆多法中解了一等。二據體有空不空。有相即義。謂非但因力歸緣。亦乃因體由緣而顯。全攝同緣。因如虛空故。上文云。一即是多多即一等。力無力必俱故常相即入是爲無盡。大緣起甚深之觀。文中亦有順逆。初順觀中。經云。無明緣行者。無明因緣能生諸行者釋也。論云。有分非他作。自因生故。此以不他生釋。經因字。謂如行支唯從無明。故云自因。即上自因觀也。二者非自作緣生故。此以不自生釋。經緣字。謂行支但假無明爲緣。非有行自體在無明中從自而生。即他因觀。但取揀餘不親生故名因。顯前非後疎故名緣。非謂四緣之因緣也。餘並可知。二約大悲觀。即異求中。計非想等以爲涅槃。又計妙行爲解脫者。非是常德但是生滅。故可悲之。三約一切相智觀。此及後門名。無始觀。此有二意。一若約俗說。因緣爲生滅之本。生死無際故因緣無始。二約眞說。見法緣集無有本性可依故名無始。即淨名云。從無住本立一切法故。染淨眞性皆無始終。顯染可除。但云無始。餘如別說。論云。中際因緣生故後際生。即舉此第八門隨順轉。故。即第九門。謂但一念從緣生即是不生。故無始也。不言初際生者。意顯無初故。今不起妄即不生故。第九生滅繫縛者。亦名。

似有若無。初一切智觀中明不共生。文中三初順觀。經中但明無明爲緣縛行。令行繫屬無明。斯則緣生而爲不共者。論云。非二作但隨順生故。無知者故。作時不住故。意謂但行順無明。緣不得。不生。互無知者。故非二作。若爾但隨順生即是共生。何要知者。故末句云。既從緣生則念念不住。誰爲共耶。此同對法無作用故。又中論云。和合即無性。云何和合生。次無明滅下逆觀。謂滅但滅於繫縛。既無共生安有共滅。言有生滅皆是繫縛。三類餘可知。二約大悲觀。謂彼外道異求非想天等。爲解脫者。菩薩觀之但是染縛。非是涅槃眞淨之德。三約一切相智觀。明無始觀中。隨順縛故而生。非有本也。第十無所有盡觀。亦名。浪同平等。三觀之中。初一切智觀。即深觀中顯非無因。經亦三節。初順觀中。由行從無明緣生。緣生即無性故云隨順無所有。次逆觀中。滅亦緣滅緣滅無滅。方順盡滅之理。然論經順觀云。是隨順有者。顯無性緣生故。不能不有。二經雖殊同明緣生故非無因。無因何失若無因生。生應常生非不生也。何以故。無定因故。此即縱破。亦可恒不生何以故。無因生故。此即奪其生義故無因生。非佛法所樂。以無因能生大邪見故。二約大悲隨順觀。即求異解脫中。外道計非想無所有處等爲涅槃。以順有故。非是出世故。無我德而妄計解脫。故可悲之。三約一切相智觀。當第九種種觀。此即世諦觀。由隨

順有故。有欲色無色愛等之殊。故云種種。即真順有未失順。無上來別釋十門竟。自下第三總結十名。既云逆順觀察。則前二門闕逆觀者。乃文略耳。然此逆順。若對法第四名為染淨。染淨中各有逆順。論云。難染逆順故。清淨逆順故。染中順者。無明緣行等故。逆者。謂誰老死集乃至無明故。緣起經云。由誰有故而老死。如是老死復由何緣。初句推因後句審因。清淨逆順者。無明滅則行滅順也。由誰滅無故老死滅無逆也。今文略無但約染淨為逆順耳。言諸緣起者。十二非一曰諸。前前為緣令後後起。又由煩惱繫縛。往諸趣中數數生起故名緣起。亦云緣生。生即起義。亦約果說。餘如瑜伽第九第三十一九十三。唯識第八。上來多依此諸論解十名可知。然各攝三觀體勢星羅。今重以十門本意收攝初門。明染淨因起。二明緣起本源。三因果有空。四相成無作。五陳其諦理。六力用交參。七窮苦慢除八形壽無始。九有無無本。十真俗無違。復收十門不出五意。初門迷理成事。次門理事依持。次六成事義門。第九事理。雙泯。後一理事無礙。故唯四門不出事理。若從事理無礙交徹則涉入重重。若依事理逆順雙融。則真門寂寂。故法性緣起甚深甚深。即此因緣名。因佛性觀。緣之智即因因性。因因至果成菩提性。因性至果成涅槃性。因果無礙是緣起性。惟虛己而思之。自下大文第三佛子菩薩至以如是下。明彼果

勝。亦前攝正心住。故知緣生此下。攝善現行故。三空等現前。依論云果者。有五種相。一得對治行勝及離障勝。二得修行勝。三得三昧勝。四得不壞心勝。五得自在力勝。各有佛子以為揀別。唯第二段有二佛子。初中分二。先明對治勝。後菩薩如是下。明離障勝。今初。即三解脫門。亦名三三昧。三昧即當體受名。解脫依他受稱。此三能通涅槃解脫故名為門。文中二。初牒前後正顯。今初意通五果。由前十觀得此三空等果故。謂以三空觀緣得第一。第三果。三悲觀緣得第二。第四果。三望於初。初是能治三是所成。四望於二。二是能修四是堅固。第五通從二觀而生。亦可展轉而生。由有治故離障離障故行勝。有治故三昧勝。三昧勝故心不壞。心。不壞故得自在也。二知無我下。正顯三三空。三三空各有別顯總結。初空門中別顯有三。初三句明衆生空。次自性空明法空。此上二句明二我體空。三無作受顯二我作用空。由體空故。並不能作因受果。結云現前者。智與境冥故。二無相門中亦三。一者滅障即觀諸有支。皆自性滅。謂若入空門不得空。亦不取空相。則事已辦。若見法先有後說為空及取空相。非真知空故名為障。故修無相了自性滅。則不取空障。二所以不取者。得對治故。謂知空亦復空。名畢竟解脫。三既有能治治於所治。則念想不行。故云無有少法相生。能所斯寂則無相現前。三無願門亦有三

種相。一依止。謂依前入空無相方得無願故。二體即無有願求。不求三界等故。三勝即大悲化生勝。一乘故。又上三空通緣諸法實相。觀於世間即涅槃相故。亦不同。一乘。餘如智論二十二說。第二明離障勝中。先牒前修。由修得離故。初離三想是空門所離。次離有無想是無相門所離。亦無願門所離。不見有可求故。已知離障云何為勝。經中三句次第勝五四地。及此地方便故。謂於五地中以十平等深淨心。遠離四地身淨我慢。此用深空滅離二我。故此勝也。二四地中。以道品治三地中正受出沒等慢。此用空觀以離作受故勝。三此地方便。但用十平等破顯。有無今此地滿用深無相破遣有無。一切蕩盡。故此勝也。第二大悲轉增下。修行勝中。二。先總明修心悲增心中修故。是利他心為未滿。菩提下。兼於自利。亦修所為。言悲增者。前觀十平等已起三悲。今十門觀緣。彌悲衆生纏於妄法。後作是念下別顯。於中二。先明修行。後而恒下。明修勝。今初又二。先發勇猛修行。謂勵志始修故。後佛子下。明丈夫志修行。果決終成故。又初則悲智勇修。後則窮證性相。今初先智。後悲智中先知後厭。初中上二句明緣有合離。謂業惑相資有為方生。如無明緣行等。後二句明緣有具闕。集即是具。謂業惑隨闕必不轉生。如雖有行無愛潤等。後我如是下厭。既知有為苦過必斷和合集因。然為下。修悲益物不盡。有為。二丈夫志

修中。初厭相。見彼有爲多過。是對礙法故。厭之。後無有下。證性由了。有爲自性。同相本無生滅。便能滅於對礙。而與理冥。第二修勝者。謂不住勝相現前故。有三種勝。一初二句明般若因勝。以是不住所以顯前大智而起悲故。二即得下。般若體現勝。般若若通名無障礙智。是別稱無礙佛智。雖未成就。今般若能照此智。此智前相名曰光明。光明即門也。三成就如是下。明般若用勝。亦是不住之相。謂上二句涉事不失理。故不住。有爲。後二句見理不壞事。故不住。無爲。即有爲涅槃平等證故。以菩提下。不住所爲智。慧助道未滿足故。不住有爲功德助道未滿足故。不住無爲又俱未滿故。俱不住。廣如淨名下卷。大品中亦云。菩薩念言。今是行時非證時。故即此所爲亦是所以。第三明三昧勝中二。先明空定。後如是十無相下。例顯餘二前中復二。先舉十上首。後此菩薩下。總結多門。今初中論分爲四。一除第四前五名觀。二以第四一名不放逸。三以第七名得增上。四以餘三名爲因事。今初觀是觀解。前三就相觀空。一入空者。是入空。亦是總句。二即法空。三即取前二空爲第一義觀之亦空。後二就實觀空。謂四觀本識空。如來藏包含無外故云大空。五觀七轉識。不離如來藏和合而起。皆無自體故云合空。楞伽云。七識亦如是。心俱和合生。又云。不壞相有八無相亦無相也。二不放逸者。依解起行行修究竟。故名第

一。論云。分別善修行故。自分第一也。修行無厭足故。勝進第一也。三得增上者。因修成德功起故。四因事者。依德起用故。有三種用。初一自利名智障淨因事。謂分別是智障。今得如實空能淨分別。後二利他。一教化衆生因事。依空起悲故不捨離二願。取有因事由得空故。故離染。隨順有故不離諸有。上依論解已爲深妙又此十空與涅槃經十一空多同少異。更依釋之前八證實空。後二起用空。入空即彼內空外空內外十二入故。自性即性空。非今始無故。第一義空名義全同。第一空者。彼名空空。謂前空但空第一義。今明若有若無本來自空故。彼經云。是有是無是名空空。是是非是。是是名空空。謂是非亦當體空故。如是空空。乃是二乘所迷沒處。十地菩薩通達少分。故名第一。今亦約少分也。大空名同彼名。般若波羅蜜。合即內外空也。合無合故起即有爲空。八即無爲空。如實即無爲故。不捨等二名義俱別。若欲會者。九即無始空。無始不離生死而即空故。十即無所有空。謂離與不離皆無所有故。餘結等可知。第四不壞心果。此下二段。亦即攝隨順堅固一切善根迴向。此爲進善後起。大行。今初。不壞心者。由障滅行成。若智若悲皆不退壞。文有十句。初總餘別。別有九種不壞。一信理決定。二行堪調柔。三不怖甚深。四自乘不退。五勝進無息。六泯絕自他。七利生無邊。八上求地智。九巧化衆生。亦可對前三

昧心以明不壞。惡厭繁文。九並堅固皆云。不壞。十皆具足名悉圓滿。第五自在力勝中二。初顯其相。後佛子下結其分齊。前中十句。初總。不懼下別。總云此心者。此前十心順佛菩提者。能深入趣向故。論云。得般若波羅蜜行力勝。能深入故。則知此前十心皆是般若現前心也。別中九句。依上十不壞心而得自在趣向。一不懼異論即能伏他力。二上入智地名斷疑力。得法空故。三自乘不動力。以離小故。四密處決信力。趣鏡智故。此與前二前却者。此二相成故。五諸魔不壞力。以精進故。六治惑堅固力。任智明故。七遍治力。具三空故。處有不染故。八化生力。即前第九方便相應。九智障淨力。即前上求智地前智居中導二悲故。此智居後。顯悲智相異故。第二結中由般若現前故。順忍明利。言第三者。三品忍中爲最上故。第二位果中三果同前。就調柔中分四。初調柔行。二教智淨。三別地行相。四結說地名。前中有法喻合。法中三。初鍊行緣。次悉以下能鍊行。於中間已受持下是得義持。三昧慧光是所持義。隨順修行此句示現得義持因。因何事耶。謂因依前三昧勝故。得如實奢摩他等憶持不捨。正顯能持。又得已下亦是所持。三經於下明所鍊淨轉更明淨者。解脫彼障故。又由前證得彼佛法藏義故。喻中真金喻證。亦喻信等。琉璃喻方便智。由方便智數磨。令出世證智發。教智光轉勝前也。合中方便慧即上不住道。合前琉璃。隨

逐觀察合數磨瑩轉更明淨者。般若現前故。轉復寂滅者。證智脫彼障故。一譬如月下明教智淨。以月光寬大勝於前地。但取月輪爲喻也。四種風輪者。出現品有能持等四種風輪。非今四輪。以彼不是壞散風故。有散壞風復無四種。未見經論不可定斷。且就義釋。即四時之風。春日曰和風。喻煩惱魔順愛心故。夏日曰炎風。喻於蘊魔多熱惱故。秋日曰涼風。喻於天魔敗藏人善故。行四魔行即是魔道。餘文可知。攝報中言聲聞難問無能屈者。已知二乘緣諦等故。第三重頌。二十二頌分三。初十七偈頌位行次四頌位果。後一結說。前中三。初二頌一句頌勝慢對治。二有十偈三句。頌不住道行勝。三有四偈頌彼果勝。二中有三。初一句頌總顯心境。次九偈一句頌別明觀相。卽爲十段。第一有二偈半頌有支行列。二一偈頌攝歸一心。既云心滅則生死盡。故知不可離約真心。以真妄和合是說。依心卽真之妄既滅。卽妄之真不無故。起信云。但心相滅非心體滅。三一偈頌自業差別。四半偈頌不相捨離。五半偈頌三道不斷。六一偈越頌第七三苦聚集。七一偈却頌第六三際輪環。八半偈越頌第九生滅繫縛。九有半偈却頌因緣生滅。十有三句頌無所有盡觀。第三十種下五句頌總結十名三如是下頌。彼果勝中。初二頌對治勝。次一頌修行勝。次半偈頌三昧勝。後二句通頌。

後二勝。以義通故。位果等可知。大方廣佛華嚴經疏卷第四十

大方廣佛華嚴經疏卷第四十一

唐清涼山大華嚴寺沙門澄觀撰

第七遠行地。所以來者。已說緣起相應慧住。寄於緣覺。次說有加行有功用無相住。寄菩薩地故次來也。喻伽云。前地雖能多住。無相作意。而未能力。無相作意無間無缺。多修習住爲令滿故。次有此行。又前功用未滿今令滿故。言遠行者。通有四義。成唯識云。至無相住功用後邊。出過世間二乘道故。此有三義。同於本分。已如前釋。解深密云。能遠證。入無缺無間無相作意。與清淨地共相隣接。故名遠行。此有二義。初義卽三中無相揀異。前地云無間缺。後義由隣後地卽能遠去。故下經云。二界中間此能過故。亦是前行後遠攝大乘云。至功用行最後邊者。但是一義。世親釋云。雖一切相不能動搖。而於無相猶名有行者。此解功用之言。謂起功用住無相故。金光明經同深密初義。莊嚴論中同深密後義。雖有四義。然通有二義。立遠行名。一從前遠來至功用邊。二此功用行邊能遠去後位故。十住論云。去三界遠近法王位。故名遠地。仁王名遠達地者。亦通二義。然其能遠去行正是無相故。所離障離細相現行障。謂六地執。

生滅細相現行故。此生滅相卽是二愚。一細相現行愚。謂執有緣生流轉細生相故。二純作意求無相愚。卽執有細還滅相故。以純作意於無相勤求。未能空中起有勝行。至此地中方能斷之。以常在無相故不執生。更不作意勤求無相。故能證得法無差別真如。以了種種教法。同真無相故。以能空中起有勝行故。成方便度。二行雙行乃至亦得無相之果。故知。以純無相不礙起行。爲此地別義。次正釋文亦有三分。初讚請中有十二頌。前十讚。後二請。前中分四。初二天衆讚。說主。次一天主光雲供佛。表智契法身故。三有一頌天衆慶聞。四有六頌。天女樂音讚佛。於中初一顯聲因緣。餘五正顯讚詞。於中初四讚寂用無礙。後一明起用所由。卽悲智無礙將說雙行。故承力讚此。後請可知。第二正說分中二。先行後果。行中有五種相差別。一樂無作行對治差別。二彼障對治差別。三雙行勝差別。四前上地勝差別。五彼果差別。五中初一是趣地方便。卽當入心。餘四爲住出心在果。又住中初一卽初住地。次一正住地。次一說難在後義該始終。後一地滿。初言樂無作者。樂著般若觀空故。卽細相現行障。此地隨有不著爲能對治。二謂向雖能治。前地樂空之心。以其有量有功用卽復是障故。修無量無功用行。以爲對治。三垢障既盡故止觀雙行。四明此地功用過前六地。勝後三地。上卽後也。五由地滿故說雙行果。今初

分中有四。初結前標後。二何等下徵顯其相。三菩薩以如是下結行功能。四入已下彰其分齊。今初具足六地行已。即是結前義。含所治無相行故。以般若無相行滿。於此生著非增上行故。次欲入下明其標後。十種方便即是能治。謂前樂無作不名方便。不能起增上行。非殊勝道。今以十種不捨衆生法無我智。以爲能治。治前樂心。名方便慧。便能攝取增上行故名起殊勝道。是則即有修空故不住空。是空中方便慧。即空涉有故不住有。是有中殊勝道。道即行也。所行殊勝故名增上。於何增上。謂前所寄世出世中。即空故勝於世間。即能涉有故勝出世間。前六地中雖亦修悲不住於無而在寂不能出空方作故。不得方便殊勝之名。雖行空行有而多著空。但名樂無作治。二徵顯中。所以勝行得增上無勝者。由下十義故。義各二句皆上句觀空。下句涉有上句得下句。即成空中方便慧。下句得上句。即成有中殊勝行。不滯空有並致難言。論主攝十爲四種功德。謂前三各一後七爲一故。一初句即護惡行。因事。菩薩惡行有其二種。一不樂利樂。二起愛見。今由上句故無愛見。由下句故能利樂。若二中互闕皆有惡行。今由二句護之。爲無愛見之悲因事。二即財及身勝因事。由供佛故。獲財及身。由得平等故。二事皆勝。勝財則隨物所須。勝身隨意取。其何類。三護善根因事。善根即動集福德爲善提資糧。今以即

空智而集。是得彼勝因增上。令所集功德法皆成。增上波羅蜜行。名之爲護。雖有慈悲但是增上意樂故。三皆自利。後七同是利他。合爲第四攝衆生因事。即爲七種。初一隨物受生。次二化令離障。後四攝令住善。初中願力受生。爲作衆生上首故須莊嚴三界。但是願生非由業惑。故云遠離。二說對治故。謂示起煩惱。欲令治斷而知性寂。方爲第一義治。今見常日寂故。三爲滅智障故。障有四種。如五地隨世智中說。令隨衆生心作書論等。無量事業。而爲能治。四於大法衆會集故。爲物起嚴土行。此明依報下。三明明正報三輪益物。五即身業無身現身者。令生五福。謂見聞親近供養修行故。自身無身同佛法身故。下二亦然。六即口業。轉法輪故。七即意業。於無長短中隨問善釋。記三世事起三世行故。第三總結勝能。中論釋云。此十種發起殊勝行。共對攝取對治攝取者。皆上下二句相對。名爲共對。由此上下各能對治。皆上句治凡下句治小。隨治不同義如前說。由二攝取名殊勝行。對治前障。四彰分齊者。明無相無間故。無相地名從此而立。此亦即攝前不退住。不同前六。前六得住地已捨入地心。以修解入非以行入。此以行入故。常行不捨名不退住。第二佛子菩薩摩訶薩住此第七下。彼障對治。即攝無著行。有量功用皆不著故。言對治者有二種相。一修行無量種。治前有量障。二此菩薩作

是念下。修行無功用行。治前有功用障。今初有二十句。攝成十對。一一對中。皆上句明境界無量爲所知所化。後句明佛德業無量。爲能知能化。菩薩入彼佛化以用化生。要則攝十爲五。即五無量界。初一對衆生無量。論云。隨所化何等衆生。此對爲總。十對皆爲利衆生故。言何等者。類非一故。釋經無量之言隨所者。隨多類宜。而以無量化衆生業而化故。二有一對衆生住何等處。謂住世界無量。以淨土行化故。三有二對。以何等智慧化。初對橫窮諸法智。後對堅窮三世智。皆是種智。二對約其所知。皆是法界無量。四有三對。明調伏界無量。初二對明以何等心。於中初對隨衆生信樂。種種天身菩薩以名色身化故。謂心隨其樂同修天行。得天身故。口隨其信。以名句身說彼行故。第二對知苦根欲不同。以隨類音稱根說故。次一對以何等行。謂知現在心行不同。以遍趣行說對治故。五有三對。明調伏方便界。論云。置何等乘。謂置三乘故。初對爲聲聞說智道。令證滅故。次對爲緣覺說深智。令知因緣故。後對爲菩薩說地度集成事。稱彼方便涉有故。第三修無功用行中二。先加行趣求。後佛子此菩薩下正顯修行。今初先牒前無量。爲所趣求。我悉下要期以無功無相攝取彼境。無分別者。謂不取性相忘緣等照。即無相觀也。加以無功無相尤勝。然任放天性不由勤策。自然而行。亡功合道名無功用。八

地方證。今要心住。彼故云。應以。由功用行。此已滿故。此則修行無功。非如八地任運無功也。二正顯中。初牒前觀智。次常勤修下是修行相。方便已下是所修法。即前空中方便慧。有中殊勝行。既以無功無相智。修能治功用有相之障。後安住不動顯觀成相。此即行成不動。非如八地相用不動。第三無有一念下辨雙行勝。文分四別。一二行雙無間。二常不捨下信勝。三此菩薩於念念下能作大義。四佛子此十下菩提分差別。四中前三別顯後一總該。三中前一自分。後二勝進。今初無有一念休息廢捨者。正顯雙行無間之義。謂不捨前不動之止觀察之觀。爲止觀二行雙行。一念不休即無間義。次行住下顯無間時。謂四儀睡寤舉睡夢者。以昧況審。二信勝者。論云。彼無量智中殊異義莊嚴相現前。專念故者。專念忍可即是信義。常信前十無量。二嚴佛境故名爲勝。三作大義者。一念頓具十度之行。義利廣故念念修起故名爲作。文中二。先總明。後何以下徵釋。徵云。十度行異一念寧圓。釋文分二。先明能具所以。由悲智雙運故。後所有下顯所具之相。檀通悲智忍唯約悲。餘皆約智。然此中十相。意令。念十相不同故。三檀等中隨取其一。可以意得。理實無所不具故。下菩提分中。云一切皆滿前六可知。但釋後四方便涉事云。無量智以是智故。又能出生施等行願。以攝衆生故名方便。願中由此願智。能求八地已上上

上大波羅蜜。攝取彼勝行故。次力中以是智故。遠離布施等障故。不爲彼動智中。以是智故。布施等一切種差別如實了知。爲化衆生故。此四相皆從用立名。通成前六亦有別成前六等。並如初會中辨。一念具十念念皆然。初心欲修至此方得。四菩提分差別中。有四種相。前二攝善。後二離過。一依大乘行。謂十度自利此即大義。結文爲顯十度通二義。故論將屬後巧用經文。二四攝者。即依教化衆生。三四持等。即依煩惱障增上淨故。謂依四持爲所住處。以三解脫爲所依門。修行三十七品則得煩惱障淨。任持自分故名爲持。亦名四家所住處故。四者一般若家此是能照。二者諸家即是所照。三捨煩惱家。四苦清淨家。由初二勝業離此惑苦。若約別說。初一見道前。次三即見修無學。四略說下依智障清淨。以無所不具故。離塵沙無明。第四爾時解脫月下。前上地勝差別中二。初明勝前六地。二何以故菩薩從初下明勝後三地。勝即增上義。前中二。先問。問意云。若先已具此何獨言若先未具何得成此。後答中三。初標次徵後釋釋中二。先別顯此地勝相功用行滿。即自分滿足。得入下勝進趣後。由此二義故能勝前智慧。即八地證智自在。即五通大用自在等。二佛子下。通示諸地滿相。即遠釋十地皆滿足。言近釋七地功用滿語。故論徵云。云何此地中方便行滿足。方便即功用也。具十方便故。論自釋云。彼餘世間

出世間中。更起殊勝行。是故此七地中起一切佛法故者。謂前三世間。次三出世。此則更互各一殊勝行。今一切中具起所以名滿。初地顯中具。二地戒中具。三地聞中具。而云願增長者。欲依如來智慧利衆生。故餘可知。七地一切者。喻伽論中說。佛功德。七地皆得八地成就九地具足十地圓滿有少餘障。未名清淨。離已即是清淨菩提。二明勝後三地。文中四。一法二喻三合。四因論生論。今初先徵後釋。徵意云。何以前六各一至七。方具一切。釋云。從初積集至此成就。此酬前徵。由此便能令後三地勝行成就。斯乃勝後勝前。但約能入八地勝後。令後地無功行成。乃至十地。要由積功以至無功之功故。合中有難染行。合難染世界然有二義。一即前六。二通前七有清淨行。合純淨界。即後三地中間難過。亦有二義。一若六地爲難。則七地爲中間。若七地皆難。則從七至八。即曰中間。難過者。猶婆娑之於極樂。淨穢域絕。前六後三難過亦爾。要得此地大願方便。方能越之。淨由此到染。由此過故。此一地最爲勝要。四因論生論中。先問後答。問意云。前後可知。但言中間爲何所屬。答意明。非染非淨。亦得名爲亦染亦淨。故名中間。於中二。先通將七地對後彰劣。攝此第七通於染淨。則成前七地皆是染淨相雜。非純染行故。論云。從初地來離一切煩惱。示現如是此地名爲染淨。非染行故。二佛子此第七下。別將此地對

前彰勝。顯此第七雙非染淨故。成前第七是中間義。今初通中有法喻合。法中初標離惡業。顯是淨故。次以迴向下釋。上淨義。以二因故。後然未下。即由上二顯同。前染非報行故。次喻中輪王。喻七地隨分捨功用道故。梵王喻於八地報得。初禪游千界故。然法中對問。但明前七。喻中學勝顯劣故。兼明上地合文準。此可知。第二別明。此地雙非染淨。初總明盡超過多貪等者。盡超故勝前求佛之心。貪厭世為瞋。取空著有為癡。至此盡超。又初地超貪。檀度滿故。二三超瞋。尸忍滿故。三亦超癡。得聞持故。四地超慢。道品離我相故。五地超疑。了諸諦故。六地超見。入般若故。此地總超隨惑等。常在觀故。故云盡超。而云多者。顯非報行故。則細者未超。次住此下正明。形前望後以顯雙非。後何以釋雙非義。常在觀故。惑不現行。即過前也。有功用行名求未滿。即劣後也。功用即是煩惱。以有起動故。第五佛子菩薩住。此第七下彼果分中。論主此中名雙行果。此果實通諸分。以雙行是正住行。親生此果故。又以雙行該於諸分皆雙行故。名雙行果。文分四果。一業清淨。二得勝三昧。三得過地。四得勝行。遠公云。初即彼障對治果。二即雙行果。三即前上地勝果。勝行轉增故。四即樂無作行對治果。以彼方便。及起勝行。滿足在此故。又初一即自他二行雙行。二即定慧雙行。三即悲智等雙行。四即寂用雙行。就初果中

復分四種。一者戒清淨。於中初約性戒明戒。但三業淨。後所有已下約制聽明戒。則惡止善行。二世間所有下世間智淨。此辨行用。三此菩薩下明得自身勝。此明行體。論云。心行二平等。無與等者。謂深心及妙行為。二深心即證行。猶是前十方便妙行。即教行亦是前起勝行。此齊起故云平等。不同前地有無間生。四諸禪下明得勝力。謂得禪等現前勝功德力故。上三分此一勝進。文中二。初明離定障。禪等已見品初。論云。寂滅樂行故。此釋三昧是現法樂住禪。次云滅定三摩跋提者。以三摩鉢底有其五種。一四無色。二八勝處。三十遍處。四滅盡定。五無想定。前四菩薩多入為化衆生。後一不入非聖法故。今於五中。正意在於滅定故。論別明下解脫月亦因此言。問。何位中能入滅定也。後此地下離智障可知。第二佛子菩薩住此地入菩薩下。明三昧勝分。二。初別舉十名。後入如是下總結多類。今初前五自利。後五利他。又前五起解。後五成行。又前五現法樂住。後五利益衆生。前中初二知理。次二知教義。後一知事。一云善觀擇者。依未觀義伏。心令觀。二依已觀義重更思審故。論經云。善思義三昧。三依一名說。無量義故云最勝。四依一義說。無量名。故云分別。義含於名。故稱為藏。五依通一切五明處。如事實故。後五中初一依煩惱障淨。真如觀堅固根故。般若云不動。法界故。真如觀為堅。起信云。真如三昧為

諸定之本故。此云根。此一顯行深。後四依智障淨。以顯行廣。為治四障故。經即能治障在文外。四中初一助道。次二證道。後一不住道。初智通者。治勝功德障。智通即是勝德。下三做此。以智與通化利鈍二類。令入一實。故名為門。二治無礙智障。雙照事理。二法界為業故。三治於深上佛法怯弱障。大悲勝利安住涅槃能建大事。是佛深上故。四治不住行障。種種義藏者。種種善根故。此善能生不住故名為藏。修有為善根故。不住涅槃。修無為善根故。不住生死。種種善根即無住之門。後結可知。第三是菩薩得此下明過地。於中三。一行修善巧過。二作業廣大過。三修行勝入過。今初過法有二。一巧智。二深悲。過相亦二。一下過。二乘。三上過。智地智慧地即八地無功用智。由此地中雙觀止觀。便至彼處法流水中。任運雙流趣佛智海。二佛子菩薩住此下。作業廣大過中。二。先正顯過。後解脫月下彰過分齊。今初中先對下彰出過。言無相者。即前樂無作。對治無量者。即前無量對治。入定離相。二乘容有而非無量故。此無量顯異二乘。善淨之言顯過下地。謂修方便行滿足故。後得無生法忍光明。對上彰入過。是彼八地無生法忍明相現前故。下地未得故。二彰過分齊中。二。先難即執前。同後難。後答即揀後。異前答。有法喻合。法中非自力者。障現行故。喻中王家即如來家。王后即得真法喜。修二利故名為王相。合中大法即

法中佛果法。自所行者。即殊勝行。智慧力者。即方便智。於此二中。常不出觀故。是自力能過。此約寄位。廣如初地中辨。餘文可知。知三佛子下明。行修勝入過。謂非但如前廣多無量。而力用難測。深無分量。勝而過也。論云。神力亦無量者。神即難測義也。文中言甚深者。即遠入無底故。遠離者。彼前障滅故。無行者。無相之行。無所行故。彼前六地不能行故。常行者。此無間故。得此三業。即當體深入過。勤求下。即趣後勝入。故二乘亦有離彼相業。而得少為足。不能上求菩提。求故過也。是故已下結。雙行過。第四解脫月下明。得勝行於中。二先得寂滅勝行。在定不住故。即方便智也。二佛子此菩薩下得發起勝。即起殊勝行。前中先問後答。答中先明得法分齊。六地入深緣起之實際。未念念入者。有出觀故。後今住下辨勝過劣。於中有法喻合。法中先正明得而不證。後此菩薩下出。不證所以。以得方便。即寂起用故。成不思議三業故。能不起滅定。現諸威儀。喻云善巧力者。知行船法。知水相故。準大品經。未善巧前亦有其喻。方便未成入水便敗故。合云波羅蜜船。即般若等也。以願力者。是方便不捨有因。二明發起勝行中。亦是上來已攝無著行。此下攝平等隨順一切衆生迴向。且依發起勝行文分為二。初牒前標後。由得滅定三昧。不作證智故。成後大方便也。後雖示下正顯勝行。經有十句。論為八種。共對治攝。謂後三為一

故。能治所治二行共俱互相攝故。如示生死為所治。以恒住涅槃為能治。能治攝於所治。則不為生死所染。亦得以涅槃為所治。示現生死為能治。能治攝於所治。而不證於涅槃。他皆倣此。八中初一為總。故云生死涅槃。論云。一起功德行。謂入生死為福業事故。淨名云。生死畏中當依。如來功德之力。不入生死海。不得無價寶珠。何有功德。二上首攝餘行。謂既示生死必為上首。攝眷屬故。三願取有行。非業所拘。故處而不染。四家不斷行。謂雖言不染。而示有妻子。名家不斷。雖然不燒者。示有常修梵行故。唯此一句。具空中方便慧。有中殊勝行。上下皆應倣此。從略故無。五者入行。謂非獨化。凡亦轉二乘入佛慧故。六資生行。謂雖知五欲即道。含攝佛法。而飲食資身。睡夢資神。皆順五欲。十軍是魔境界。七退行。謂示老病死衰。退即四魔等法。不行其因。名超魔道。八者轉行。謂初四化。凡次一化。小次二化。魔今由自行不染故。轉凡之惑。今絕其因。此有三種。一見貪轉。外道著諸見故。如佛示學二仙。今彼轉捨諸見著故。二障礙轉。如佛示學書算等。三所有下貪轉。如佛處於王宮。不生染著。第二位果。初調柔中文亦有四。初調柔行體中亦有法喻合。法中亦三。初緣。次於彼下能練行。言護持正法者。由方便行滿。守護於他故。得於三界為大師。所以能護。三利益衆生下明。所練淨。論云。此地釋名。應知者。即以經

文為釋名。謂利益衆生是有中殊勝行。法忍清淨。即空中方便智。此二行。善根轉更增勝者。明功用究竟。即是遠義。喻中金喻。證智信等善根。衆寶間錯者。即一切菩提分法。方便行功用滿足故。今前善根轉勝。第二佛子譬如日光下明。教智淨。先喻後合。喻中光義如前地。而此日光盛故。勝彼月光。以月光清涼如般若故。日光用廣如方便故。餘並可知。第三重頌。二十一頌分三。初十七頌半頌位行。次二頌半頌位果。後一頌歎勝結說。前中分五。初四頌樂無作行對治。次二頌彼障對治中無量。略不頌無功用行。三有三頌頌雙行無間。四有五頌頌前上地勝分。言三譯息者。約忍度故。又得法光明故。無有諍。五有三頌半頌雙行果。已下入第八不動地。所以來者。喻伽云。雖於無相作意。無缺無間。多修習住。而未能於無相住中。捨離功用。又未能得於自在。修習得滿。故次來也。又約寄位。初之三地寄同世間。次有四地寄三乘法。第八已去寄顯一乘故。莊嚴論釋第七地云。近一乘故。梁論亦說。八地已上。以為一乘。是知從前差別。進入一乘。故次來也。言不動者。總有三義。故成唯識云。無分別智任運相續。相用煩惱不能動故。謂任運故功用不能動。相續故相不能動。總由上二煩惱不能動。與本分大同。而金光明云。無相正思惟。修得自在。諸煩惱行不能令動。但有二義。由相於前已不動故。行即功用。攝論云。由

一切相有功用行。不能動故。此則略無煩惱無性。釋意云。第七地行動相不動。此中相得無功用於諸法中。不為現前煩惱所動。此但約煩惱不動。上二十住論云。若天魔梵沙門婆羅門。無能動其願故。此即約人不能動。人亦是相。仁王名等觀地者。上皆對他立名。此約當體受稱。即無相觀。下經自有釋名。至彼當知。若不動名。諸論雖異。並不出前三。故所離障。亦離無相中作加行障。由有加行。未能任運現相及土。此地能斷說斷。二愚。二於無相作功用愚。二於相自在愚。今於相中不自在故。其所證如名不增減。以往無相不隨淨染有增減故。即此亦名相土自在所依真如。證此真如現相。土皆自在故。故所成行亦名無生法忍。相土自在。及所得果。即定自在等。皆由無相無功用故。次正釋文亦有三分。初讚請中有十二頌分。二。前十讚後二請。前中二。初二天王天衆供讚。後八天女樂讚。於中二。初二標讚所依。餘六正顯讚德。總讚如來身土自在。將說身土自在在地。於中毛端約利論處。毛孔約身。六中前四依正互在。五依正重重。六轉變自在。兼結無盡。後請可知。第二正說。分中二。先地行後地果。前中有七種差別。一總明方便集作地分。二入一切法本來無生下。得淨忍分。三佛子菩薩成就此忍下。得勝行分。四佛子菩薩住此第八地以下。淨佛國土分。五佛

子菩薩成就如是身智下。得自在分。六此菩薩如是入已下。大勝分。七佛子此菩薩智地下。釋名分。七中初二。是趣地方便。一是遠方便。總前七地集作此地方便故。二是近方便。前地得忍光明。此修熟令淨故。三是初住地行。謂依前淨忍發起勝修故。次二即安住地行。謂四是正住之始。依前勝行。更起修淨佛土之行。五即正住之終。由淨土行成德無礙。六。是地滿行。此地望前通皆是勝。今復地滿。勝中之勝故云。大勝。七。即辨德彰號。通於始終。又前二分即是入心。餘是住心。今初分二。先標集德處。謂總前七地非獨第七。第七雖亦有下十法。而非次第。以是功用行滿無功用際故。總集之。即四節中當第三也。後善修已下正顯所集。有十一句分。二。前三同相。諸地通行故。後八別相。諸地異修故。同中三句。一二種無我上上證。此即證道地地轉勝。名上上證。巧證不著經。云方便。二善淨諸道者。不住道清淨故。悲智雙運故名爲諸。三善集助道者。彼方便智行所攝。滿足助善提分法故。方便是前證道。行即不住道。悲智等行故。善提分即是彼二所攝之助。助彼二故。後大願下別相攝。八爲七。一初地大願攝持能至此故。二。二地攝善戒中如來力加故。彼經爲證。十力四無所畏等故。是故我今等行十善等。即上承佛力。三地中因修自證。禪定神通。名自善力所持。四常念下。論云。四地中所說法分別智教化智淨勝念通達佛法者。謂前

十法明門。是智分別即前觀察。依彼智明入如來所說法中。次教化智。即彼經清淨分中。以十種智成就法故。生如來家。障淨勝者。即彼論釋謂滅三地智障。攝四地勝智故。上之二段皆念通達佛法故。與此同。五地中有十種平等深淨心。故云。善淨深心。此心即是思覺。六能成下六地中三種大悲故。云成就福德。三皆觀因緣集。即成就智慧。七中二句以近此地故。初空中方便智有中殊勝行。皆是大慈大悲不捨衆生行。次句即前以無量衆生界。故入無量智道。第二淨忍分有十五句分。二。初十正明無生忍。次四明無生忍淨。後一結得忍名。然無生忍略有二種。一約法。二約行。約法則諸無起作之理。皆曰無生。慧心安。此故名爲忍。即正明中意。約行則報行純熟智冥於理。無相無功。曠若虛空。湛猶淨海。心識妄惑寂然不起。方曰無生。即淨忍中意。前一猶通諸地。未得於後。不稱淨忍。今初段中言一切法者。總該萬有理事之法。入即證達。以歷事難窮。略陳其十。十中相從爲四。無生。前七爲一名事無生。後三各一。二自性無生。三數差別無生。四作業無生。四中一破相。二破性。三因泯。四果離。即前二破相入如。後二證實捨相。若寄位初加行。二正體。四後得。三通始終。又四中約法性。收不出真妄。妄法本空。稱曰無生。真法離相。亦曰無生。依佛性等論說。三性無生如初會說。事無生中前四不增正顯無生。後三不

滅亦即無滅。法本不生今則無滅。以初攝後皆曰無生。別言七者爲治。七種實故。實者隨相執定故。一淨分法中本有實。謂計自性住性爲事物有。今爲治此故云。本來無生本性離故。先若有生後應滅故。二新新生實。計習所成性爲實。治此云無起。從緣起故。三相實。即計前二性所生行相。治此云無相。前二能生無故。四後際實。謂計於佛果後際出纏。治此云無成。真如出纏非新成故。菩薩成佛時煩惱作菩提故。上四初一自性住佛性。次二引出。後一至得果性。又此四展轉釋。疑可知。五先際實。謂對佛果後際衆生煩惱爲先。治此云無壞。煩惱即空。無可壞故。菩薩未成佛時菩提作煩惱故。染淨和合以爲衆生。前遣淨分。此遣染分。又前即不空藏。此即空藏皆不可得。六論云盡實諸衆生者。謂執衆生念念盡故。揀上煩惱故。特云諸衆生。故上經云。一切凡夫行莫不速歸盡。治此云無盡。其性如虛空故。七論云難染實淨分中者。謂修行位中轉染向淨。治此云無轉。若定有實不可轉故。論經云不行。謂能轉之行不可得故。第二無性爲性者。即自性無生。此則顯論。論經云非有有性者。明非有彼定執自性。此則遮詮。遮顯雖殊義旨不異。無性即是法無我理。此理既以無性爲其自性。則自體無性。非是先有今無。亦非全無真體。故云爲性。以前觀事無生。正忍此理故。故論云彼觀事故。是此忍不得言無。斯則非

有非無以顯中道。此二亦不二。又此理亦非所觀事外故。論云所有觀法無我理。無二相故。斯則非即非離無二爲中道義。第三初中後際皆悉平等者。即數差別無生。於三時中染淨法不增減故。謂先際非染增淨。後際非淨增染。中際亦非半增半減。以知三際皆空無自性故。然準瑜伽前三句約三世。此中約位以明三際故。論就染淨明之。第四無分別下作業差別無生界位。作用名業差別。如智實之則無差別。無差別即是無生。下如是理如上如是智如。智如於真理故無分別。此智是佛究竟入處。今菩薩證如同佛入處。故論云於真如中淨無分別佛智故。如是四種皆是示現無生忍觀。第二離一切下明忍淨中。初句離障。後三顯治。前言離者。論云示現行遠離。謂契實捨妄名行遠離。揀非心體離也。所離一切略有二種。一離心者。離報心憶想分別。謂第八異熟識轉現遍行。亦不行故。二離意識者。離方便心憶想分別。論云離攝受分別性想故。謂六七識及中心所等。亦不行故。是則心行處滅名離一切想。後無所取下明治。上但明所治非有。今明能治不無故。論云想者遠離障法想。非無法法想者。治即無分別智。所以明此有二義故。一揀異斷滅外道無想二乘滅盡故。二揀異如來。尙是照寂。非寂照故。故云此想於下地有三種勝。一無功自然行故。云無所取著。謂無取果心。任性自進故。此顯治妙。二遍一切

法想故。云猶如虛空。此顯治廣。三入真如不動自然行故。云入一切法如虛空性。此顯治深。此則入於起信離念相者。等虛空界無所不遍。法界一相故。云入一切法如虛空性。然論云不動自然行者。任性趣故。非謂有彼自然行心故。上離即止。此治即觀無功雙運唯證相應。勿滯言也。結名可知。

大方廣佛華嚴經疏卷第四十一

大方廣佛華嚴經疏卷第四十二

唐清涼山大華嚴寺沙門澄觀撰

第三得勝行中二。初明深行勝對前彰出。二佛子此地菩薩下。發起勝對。後彰入。前中亦是攝童真住。文中二。先結前生後。以入第八地。是結前入位。生後深行爲所依故。二爲深行下正顯深行。先法後喻。法中八句。初一總相。位行玄奧故。餘七別相。一難可知者。即難入深。正是對下彰出。二無差別者。同行深。與諸無漏淨地菩薩同故。如麥在麥聚故。難知差別。三離一切下境界深。分齊殊絕故。由所取相離能取相不現前故。復言離一切執著者。護此地一切所治障想故。四無量無邊即修行深。自利無分量。利他無邊故。五一切等明不退深。二乘不能壞其勝故。前句當相辨大。此句寄對以明。六離諸諍即離障深。謂離功用障故。七

寂滅現前即對治現前深。以證真如爲能治故。一切寂滅。上七別中相從束爲三分。能離前地四種惱患。謂初三明此地境分殊絕。離第四微細想行過。謂求如來智猶未息等。次二明正行廣大。離前第三化生勤方便過。謂十無量等猶有勤故。後二明離障寂滅。離前二過。一離第二淨地勤方便過。即前修無功用日夜常修。及行住坐臥皆起道等。二離第一有行有間發過。此之四過如地持說。喻伽名四災患。義次亦同。第二喻中文有三喻。從後次第喻前三段。爲順治障從細至麤。故法中顯深故從龜至細。三中各有喻合。今初滅定喻。前離障。寂滅喻中那含羅漢心解脫人多能入之。九次第定當其第九故云乃至。動心息者。謂所依六七心王已滅。能依心所憶想自亡。合中住不動地合入滅定。即捨已下合動心止息。即捨一切功用行者。過所治故。得無功用法者。明得彼治法故。身口等息者。以得無功用法自然行故。即同前無所取著。離第一有行有間發過。住於報行者。文含二意。一亦成。上示現得有功用行相達法。謂得無功用地故。此約教道同。前無所取著。二者謂善住阿賴耶識真如法中故。此約證道。同前入一切法如虛空性。即離第二淨地勤方便過。不同前地修無功用故云報行報行者。前地所修報。熟現前故。住真如者。以本識有二分。一妄染分凡夫所住。二真淨分。此地所住。由住真如故捨黎耶之名。又佛

地單住真如。不云黎耶真如。今爲有變易報在是故雙舉。則黎耶言約異熟識。如來但名無垢識故。第二夢寐喻。喻前正行廣大。論云示此行護彼過想者。離彼化生勤方便過故。有正智想者。非無此地無功智故。如從夢寐雖無夢想。非無痛想。但此行寂滅。故云所作皆息。合中勇猛約心精進約行。合上方便。並是功用。二行已下出所息障。依內證清淨。生死涅槃二心不行。名二行不現。如彼寤時此彼岸無依。外緣境界受用念想不行。故云相行不現。即離化生聖道等想。如彼寤時人船俱無。合中見人墮河喻中身自墮者。衆生病即菩薩病故。第三生梵天喻。喻境分殊絕。合中初正合下地。心意識不現。合欲界心不現行也。所以不行者得報行故。此離微細想行過故。論云此說遠離勝也。後此菩薩下舉勝況。劣。謂佛等不順行世間一分心等尚不行。況順行世間一分心耶。佛心等者。即七地求如來智心也。此中但況世間。亦應以大況小。大尚不行況小乘耶。則若世若出世若人若法若因若果。若智若斷皆不行也。第二明發起勝行。此下亦是攝尊重行因。勸起行皆尊重故。勝亦尊重之義。文中四。一說主總叙。二作如是下正顯勸辭。三佛子諸佛世尊下顯勸所爲。四佛子若諸佛下彰勸之益。今初顯勸因。如第三勸中。論云本願力住故者。迴文未盡。應言住本願力故。諸佛世尊下總顯勸相。諸佛所以與智勸者。

轉彼深行樂足之心。令入法流門故。法流者。決彼無生止水。令起無功用行。河任運趣佛智海。即以能趣爲門。又法流者。即是行海。言與智者有二意故。一現與覺念。猶彼意加。二令起修取。故名爲與。下之七勸皆佛智攝故。但云與智。前地未淨此忍故。此方與。以得此忍攝德本故。一與之後不復欲沈。二正顯勸辭中有二。先讚將欲取之必固與之。後然善男子下勸於中有七。一勸修如來善調御智。二勸悲愍衆生。三勸成其本願。四勸求無礙智。五勸成佛外報。六勸證佛內明無量勝行。七勸總修無遺成遍知道。遠公攝七爲二。前六舉多未作轉其住心。後一明其少作能成增其去心。經無此文。論似有意於理無違。今攝爲三。前三勸其下化。初一化法。次一正化。後一化願。次三勸其上求。初一折其所得非勝。後二引其求佛勝果若外若內。三最後一勸總結多門。以所作無邊別說難盡故。然七皆合轉住增去。今初有三。一明多未作。以未得修十力等。教授衆生法故。二汝應下勸令修習。三勿復下莫捨忍門。然捨有二義。一若以放捨身心住此忍門。斯則不應故云勿復。是以論云。若不捨此忍行。不得成就一切佛法。此令捨著。二全棄捨則所不應故。論云。依彼有力能作故。故云勿復放捨。此令依之。第二勸中三。初明白所得忍。二然諸下明他無忍起過。在家多有煩惱。出家多起覺觀。皆是衆生無

利益事。三汝當下勸起悲心。悲心依上而轉。第三勸中顯有二種。一依廣心下化衆生。二皆令得下依大心。然有二義。一令他得二令自得。自得佛智。依此智行能廣利。故第四勸中有三。初法性真常定其所向。次諸佛下誓其異佛勸其上求。以有深無礙智大用無涯。方不共二乘故。後一切下抑同二乘令不住忍。三默渡河同涉理故。功行疲倦趣寂爲垢故。應勿住。第五勸中舉身相等六。皆是化生事業。若成就此法。則有力化生故。勸修成就。第六勸中有三。初明其所得未廣。次善男子下示佛無量勝行。無量入者。所入法門差別故。作是法門業用。轉是業用上上不斷。後汝應下結勸。第七勸中二。先舉三種無量。即淨土中三自在行。後悉應下結勸明少作在。既言悉應通達明少分觀察。即能成就去佛非遙。此同德生勸於善財。勿以少行而生知足。故云無量。第三勸勸所爲。令起智業。故第四勸勸益中亦是所爲。爲是故勸。於中二。先明不勸之損。故不得不勸。後以諸佛下彰勸之益。是故須勸。今初有二。一自損既不與智即入涅槃。故應須與故論二即入涅槃者。與智慧示現。二者損他不利生故。問始行之流尚修無住。豈深智地取滅。須勸。頗有一人佛不與智。便取滅不答。有四義故。是以須勸。一爲引斥定性二乘。明菩薩此地大寂滅處猶有勸起。況彼所得寧爲究竟。二爲警覺漸悟菩薩樂寂之習。

三爲發起始行無厭上求。四爲顯此地甚深玄奧難捨。所以須勸。但此深奧法流之處。必有諸佛作七勸橋故。無一人便取永寂。又設佛不勸亦無趣寂。爲顯勸益假以爲言。第二勸益中有法喻合。法中三。初牒前與智彰益之因故。論云。彼行中攝功德因勝故。云何勝。諸佛同作教授說故。二於一起行速疾。三何以下釋疾所由。謂先唯一身故長時劣。此一念此地身等無量故。一念頓超有十一句。前十別明。後一總結十中初六依教化衆生。次二依自集助道。後二依障清淨。十中一多身隨現。所以多者。論云。一切菩薩身信解如自一身故。謂智契同體故。能即一爲多。此實報能爲不同。前諸地變化。此對前一身餘音聲等。對前起行類亦無量。二圓音隨說。三隨所知智。四隨取何類生。五隨應以何國。六隨其教化何類衆生。七隨供養集。福德助道。八隨入何法門集。智慧助道。九隨神通障淨。十隨智慧障淨。故能處無量衆會。隨機說法。皆言隨者。隨宜非一。釋無量言故。隨時之義其大矣哉。後一結釋中。先結。謂起行衆多不離三業。後以不動法故者釋。由無相無功無有間斷故。相用不動任運集成。喻中船喻。彼行速疾。論云。應知因勝示現者。釋疾所由。船由入海故疾。行人無生故疾。合中初合未至海。即前七地。次到菩薩下合。若至海。即第八地無生之智。亦是行故名爲行海。又頓能遍起即深而廣。亦得名海。無功

用智以合上風。一切智境明其趣果。前喻所無。以無生智同佛智海故。喻不分。本有已下合前校量。大文第四淨土分者。問經中但云大方便智一切觀察皆如實知廣說。化生應形作用。瑜伽論中十自在。前起智門。後但云得分身智。何以論主判爲淨土分耶。答淨土有二。一是能淨之因。二是所淨之果。此有二對。一相淨果。謂寶嚴等。以行業爲因。謂真心等。二自在淨果。謂三世間圓融等。以德業爲因。謂淨土三昧等。今約後對。然淨土行業始起在凡。滿在十地。淨土德業始起不動終在如來。文分三別。一器世間自在行。二衆生世間自在行。三智正覺世間自在行。初是化處。次是所化。後是能化。具後二淨方名淨土。然初一多約能淨。後二多約所淨。文影略耳。就初分二。先總標舉。無功用智爲能觀智。智所行境爲所觀。方便善巧即無功用因。在於七地。修無功用。今得自在。後所謂下別顯其相。有五種自在。一隨心欲。二隨何欲。三隨時欲。四隨廣欲。五隨心幾許欲。今初觀世間成壞。論云。隨心所欲彼能現及不現故者。謂約能淨。論隨隨自心欲。知即能知故約所淨。論隨隨衆生心樂欲見者。則現成現壞。不欲見者則不現。故經云觀知。則唯約因。論主欲顯義兼於果。故云隨現。即轉變自在。下之四段隨現準知。二由此業下明隨何欲。謂隨物欲。知何業成壞皆能現故。三幾時成下明隨時欲。謂隨時長短即能現故。

若約能淨即隨時智。如此世界成二十劫。初劫成器餘成衆生。壞亦二十。先壞衆生。後一壞器。並稱事稱理名。如實知。四又知地下。隨廣陳欲彼能現故。文中三。初知四大差別。即是廣相。二知微塵。下是知陝相。三隨何世界所有地下水。知能所成。即雙明廣陝相。今初中小相者。非定地報識境界。大相者定地境界。乃至四禪緣三千故。無量者如來境界。上三是事分齊。皆以境界智知。差別相者是法分齊故。以相智知。知其自相同相差別故。後類餘易了。二知塵中細者透金塵故。論經次云。塵相者除塵故。差別同前。無量差別者。一塵之中含多法故。塵之麤細俱通。定散故。不云小大。三知能所成中二。先總知內外。二知地獄下別明。六道斯即楞伽責所不問意顯窮幽。又云無性故。第五又知欲界下明。隨心幾許欲即能現故。文中二。初約智知自在。上即三界互望論大小。今即一界之中自分大小。欲界中人境爲小。天境爲大。色中覺觀爲小。無覺觀爲大。無色界中論云。佛法中凡境爲小。聲聞菩薩爲大者。爲揀外道妄取爲涅槃故。特云佛法。如來所知一切三界皆名無量相。第二佛子菩薩復起下。約通明自在隨物現化。文中三。一隨機現化。於中初標能化智。次所謂下明所知機。有三句。一知身類不同故。二知隨身宜用方便異故。三生何等界能利生故。後隨其下正明隨化。雖言現身意在生處。故屬器界。二此

菩薩於一三千下明化分齊。三此菩薩成就下明。現自在。謂不動而遍猶月入百川。第二佛子此菩薩隨諸衆生身心下。明衆生世間自在行。謂隨感能應調伏衆生自在故。於中三。初總明感應。二所謂下別顯感應。於中顯化生行有。二自在。一化同物身。沙門中現沙門形等故。即身自同事。二又應下化應物心。以身不必同其所化。即心自同事故。論云。彼行化衆生身心自同事。三佛子菩薩如是下總結感應。如是如是者現類衆多故。若身若心無偏頓應故。論結云。自身心等分示現也。第三佛子此菩薩遠離下。明智正覺世間自在行。遠公云。若就行境。應名一諦自在行。今就行體名智正覺。智於二諦正覺無礙。故名自在。今更一釋。以所知十身皆是毘盧遮那正覺之體。亦得從境名智正覺。能令相作亦自在故。文中二。初明第一義智。後此菩薩下明世諦智。今初上句離妄。下句住實。由自身他身不分別故。住於平等。不分別言非唯照同一性。亦乃能所照亡。論云。此不同二乘第一義智示現者。以彼不得法空。不能即俗而真。非一異故。二明俗諦智中有三。一總知十身。二此菩薩下。令十身相作顯通自在。三此菩薩知衆生身下別顯知相彰智自在。今初十身。論攝爲三。初三染分。次六淨分。後一不二分。皆言分者。同一大緣起法界分爲十故。即染分依他淨分依他。同依一實故。染中三者。初是衆生世間。次國土

世間。業報身者彼二生因。謂業煩惱。經略煩惱。故論具之。而云報者。業能招報。從果立名。若有所招。寧異上二。然國土身合通。於淨且從一類。以判爲染。次六總以三乘爲淨分。於中前四是人菩薩及佛。但因果之異。次一是能證智。後一是所證法故。論云。此三乘隨何智隨何法。彼淨顯示。謂因法智殊顯三乘別。後虛空身是不一。分者通爲二依。非染淨故。觀下別顯。多約事空。義兼於理。二諸身相作。皆先明相作所由。由隨機故。文中二。一別顯相作。略有四翻。云何法智虛空得爲自身。入法智中自然應現。自己身故。今於虛空忽見自身。故名爲作。作餘亦爾。二隨諸衆生下總結例餘。上但舉四翻。理應具十成一百身。然自身即是菩薩若將自望菩薩別。則有百一十身故云。則如是現。所以相作得無礙者。廣如懸談。今文略有二意。一由證即事第一義故。事無理外之事。事隨理而融通故。此章初先明勝義。二者緣起相由故。三業用自在故。晉經偈云。菩薩於因緣和合中。自在乃至能隨意。爲現於佛身。今經略無此偈。論主但釋相作之意云。彼自在中所作攝取行種種示現者。謂彼正覺自在中。作攝取衆生行故。隨心樂種種示現。第三別顯知相中。十身爲八。以三身合故。然其類例應各具十。文或闕略。且從顯說。初衆生身有五相。初三業生煩惱妄想染差別。此約總明三界。後二約上二界。即就報開

別。若總開三界五趣則具十矣。二國土身具有十相。前八一切相。後二真實義相。前中初三分齊相。即小中大千。次二業淨差別。次廣即寬狹差別。此略無狹。次二依住差別。真實中一重頓入名為普入。十方交絡故云。方網。又重重現故。多同初地。三四二段共有四身。皆云假名差別者。但有自相同相差別。假名分別實無我人。餘亦假名。偏語。此四者。業因尙假苦果可知。聖人尙假況於凡類。又三乘聖人方能知假。佛德超絕不得云假。五知佛身自有十相。餘之九身既是佛身。一一有此則已成。百若更相作則重重無盡。菩提身者示成正覺故。二願生兜率故。三所有佛應化故。揀異猴鹿馬等化故云應化。即王宮生身。四自身舍利住持故。上四於三身中皆化身攝。五所有實報身。無邊相海等揀三十二等。故云實報。即三中報身。六所有光明攝伏衆生故云威勢。即通報化。七意生身者。論云所有同異世間出世間心得自在解脫故者。同謂同類異謂異類世即地前出世上。謂若凡若聖若同若異。由得自在解脫故。隨意俱生。即種類俱生無作行意生身也。此通變化及他受用。八福德者。所有不共二乘之福。能作廣大利益因故。故種少善根必之佛果。九法身者。所有如來無漏界故。斯即所證法體故。離世間品十佛中名法界佛。諸漏永盡非漏隨增。性淨圓明故名無漏界。是藏義生義含無邊德。生世出世諸樂事故。十智身者。所

有無障礙智。謂大圓鏡智已出障垢證平等性故。次云此智能作一切事者。即成所作智。彼事差別皆悉能知者。即妙觀察智。此通四身但兩重十身。一圓融故異諸教。六知智身有十一相攝爲三類。初二約體分別。初通聞思。二即修慧。俱通理教。次果行相即因果分別。行即是因通於三慧。果唯證入相離前三。除有八智皆約位分別。於中初一是總。世間俗智名之爲世。三乘聖智名爲出世。又道前名世。見道已去名出世。五三乘者。於出世中大小分別。小乘十智等。中乘七十七智等。大乘權實無量。六七二相於大乘中微妙分別。甚深般若不二乘。相似般若若則名共。八九二相通就三乘縛解分別。於新舊性習未習故。後三通於三乘修成分別。七知法身。前能知智。此所知法並通一切。智法不同。前佛法。智唯局。如來。文有五相。一平等相即是理法。論云無量法門明等。一法身故者。謂法門雖殊同證平等法身。生佛無二故。揀理異事皆世諦門攝。二不壞相即是行法。論云如聞取故。謂稱理起行名。如聞取。行符平理則冥之菩提。名不可壞。三即教法。隨所化衆生根性相應時說差別故。理本無言假言顯理。若權若實皆是隨俗假名。四即重顯理法。所遍之境此通染淨。平等法身遍情非情故。五即果法。唯約於淨故。論云。第一相差別。三乘同證第一義故。隨智有異三種不同故所顯理亦說深淺。若約功德等

異如常所辯。八知虛空身。文有六相。一無量相。芥子中空亦無分量故。二遍至一切色非色處故。三不可見故。今世人見者。但見空一顯色。想心謂見。故涅槃經中廣破見空。又此含無爲空故。亦不可見。四無異相者。無障礙故。謂不同色法。彼此相異有障礙故。五無爲相。謂無始終起盡之邊故。六能通受色相持所持故。故下經云。譬如虛空寬廣非色而能顯現一切諸色。既因色分別彼是虛空。則知因空顯彼爲色。下文第五自在分中分二。初牒前爲因。修行三種世間自在行故。得十自在。此但約智通說。若依攝論以六度爲因。如下別明。二得命住持故。心則無量阿僧祇三昧入智故。財謂一切世界無量莊嚴。嚴飾住持示現故。上三以施爲因。如次以一切時一切處一切物施故。業則如現生。後時業報住持示現故。生則一切世界生示現故。上二戒爲因。戒調身語。成勝業故。復由戒淨隨欲生故。願則隨心所欲。佛國土時示成三菩提故。此則由進策勤無懈廢故。解則一切世界中佛滿示現故。論經名信解攝論名勝解。皆一義耳。用忍爲因。以修忍時隨衆生意故。得一切皆隨心轉。謂變地爲金等如意。則一切佛國中。如意作變事示現故。以定爲因。智則如來力無畏不共法相好莊嚴。三菩提示現故。法則無中無邊法門明示現故。上二同以般若爲因。內照所知得智自在應

根宜說得法自在。於此十中若智若通皆無壅滯。故云自在。論以此十治十怖畏。一死怖畏。二煩惱怖畏。三貧窮四惡業。五惡道六求不得七謗法罪業。八追求時轉不活。九法自在。治云何云何疑。十智自在。治大衆威德。此二如論。次此十亦即初地五畏細故。漸開此中。二四七即是惡名。惡名本故三六屬不活。九屬第十故。約因此地方得約果圓滿在佛。此約行布。下離世間上賢首品皆有此十。而約普賢位通貫始終。大文第六得此已下。明大勝分於中三。初智大智解殊勝故。二業大行業寬廣故。三彼二所住功德大智業所成故。今初文有五句。初句牒前爲因。則爲下正顯顯有四智。初一爲總。謂不住世間。涅槃寂用難測。名不思議。此不思議有三。一修行盡至不思議。謂證涅槃無分量故。二所知不思議。廣照世境故。三除障不思議。真如出所知障。天魔外道不能壞故。第二此菩薩下業大有三。初二句牒前爲因。一入自在。二成就智。次得畢竟下正顯業大。三佛子下總結多門。正顯中有十二句。初三明三業淨當相辨業。後九約修辨業攝爲四相。初一句明起。論云能起能起同時。謂身語意是所起。智慧爲能起。此三業起必與能起同時故。經云。隨行智爲導首故。二般若下四句。智攝不染作。利衆生行等。謂由般若攝彼大悲故。不染愛見能起方便利衆生行。三善起下二句因攝。謂內白大願爲自行他行之因。又

外蒙佛攝。得成二因。四後二句作業所持。初句利益衆生。後句淨佛國土。後總結可知。第三佛子菩薩住此下。彼二所住功德大。中三。初標所住分齊。次得善下顯所住德。三此菩薩下結成功德。二十中十句依七種功德。謂初四爲一善住道功德。此是德體。以利行爲菩薩道故。初二自利先契理離障。名爲深心。後對治堅固名爲勝心。後二慈悲利他。後六各一約修辨德。初三三輪化益修上利他。後三願行相符外招佛護。修上自利。三結成中近結。此段遠結前三。得如是智結前智大。以智證理得無憎愛故。次能現下結作業大平等作故。後於諸下結所住功德大。得七功德無過答故。大文第七釋名分。亦攝如相迴向。稱如不動等故。釋名分二。一地釋名。即約法明位。二智者釋名。即約入彰德。今初十句論攝爲六。遠公復攝六無二。初二自分後四勝進。勝進中復三。初一發修離過。次二因修成德。一成就道德。二成證道德。後一依德成位。亦有斯理。言爲六者。一初二句名染對治。一治下地功用行小乘願諸魔業。故名不動地。二治煩惱習行故名不轉。上二即相用煩惱不能動也。二次一句得甚深故可知。三有二句發行清淨。上句發淨。謂得真無漏。三業無失不破觀心能發趣行。然其八地應對八住合名。童真。而論經名王子。似不順文。下句行淨。正行之時離障自在故。四次二句名世間出世間有作淨勝。上句悲故隨

世有作。自無所作。下句出世有作。以智善分別。故智障淨故皆決定義。五有一句彼二無作淨勝。謂於世出世名爲彼二願力變化而不滯寂。故云無作。即無住涅槃。六有二句菩薩地勝。即分位過。前上句勝六地。以六地觀空爲他有動。今念念發起殊勝行故。下句勝七地上依論釋。今更指文別爲一解。謂此諸名對前經立。初二從淨忍分受名。得無生忍入不動故。此句爲總。此智現前故無退壞。次二約得勝行分受名。一得爲深行菩薩不可知故。二離一切相等諸過失故。次三約淨土分受名。生地。謂器世間自在隨樂生故。成地衆生世間自在。隨物成身自無作故。究竟地智正覺世間決二諦故。次一約自在分。隨順成就方名自在。次一約大勝分。得深心等十種力持故。後無功用通該始終。依此釋者。似若論家闕指明據。第二佛子菩薩成就下。智者釋名中三。初牒前爲因。由得智地故。二入佛下正就人顯。三於無量下總結所住。就入顯中。以何義故菩薩名爲得不動地。有二義故。一向不動。謂行修上順故。二一體不動。謂與諸菩薩行體同故。文中先總明。後常爲下別顯。今初文有四句。皆含二義。論總釋云。佛性隨順因故。佛性即初句。以梵云獸都譯通界性致譯。論經云。得入佛性。即是法身果性故。論云。佛性者。界滿足勝故。究竟見性故云滿足。此即分齊境界。菩薩由得地智。能上入之。隨順因者。

即下三句由三爲因故。能隨順佛境。一攝功德。佛功德照者。善清淨義故。謂以無垢慧善照佛德。即是攝義。二者行謂正行威儀順。同佛故三者近。即佛境現前近。如可親故。後別明中。先明一向不動論經十句。今經闕。一初一總顯佛加。解參玄極上德被。已故。既常爲佛加故。名一向不動餘句別依五種功德。以顯不動。一供養功德。即梵釋四王。論經王下有奉迎之言。二守護功德。謂金剛等現形衛故。三依止功德。恒不捨三昧故。四國土清淨功德。即能現諸身差別。若器若衆生皆能隨現。故云無量。五於一下教化衆生功德。此復五種。前三自分後二勝進。一願取諸有多爲主導。故云有大勢力。二根心使智力。即報得神通窮三際中衆生根欲等故。三無量法力。三昧自在轉法輪故。四受力。彼經云。能受無量記故。今經闕此。五說力。即隨有可化示成正覺。真能說故。論經此後更有一句。結云是菩薩如是通達。論云一向不動故。二佛子下明一體不動。文有十句。初總餘別。總云入大乘會者。謂入同類大乘衆數故。入數者不破壞義。和合如一故。別有九種具。此九種堪入衆數。一智不壞。獲法智通故。二說不壞。謂放教智光故。三解脫不壞。謂不住行證入空有等無礙法界業用無礙故。四佛國清淨不壞。知世界自在故。五入大乘不壞。智能示現大功德故。六神通不壞。隨意自在故。七善能下能解釋義不壞。稱三際說故。八

普伏下坐道場不壞萬行。及菩提樹下伏。魔邪故。九正覺不壞。入如來境。同佛覺故。第三總結。所住中行無障礙。不斷不轉念不退故。第二位果調柔中。先調柔行。法說中受世界差別等。無量法明者。等取衆生智正覺故。論名彼因相故者。以所受法爲自在。因故喻中真金作閻浮主冠者。喻得清淨地身心勝故。以此地中報行純熟。三世間自在故。特加於王。無與等者。喻善根光明轉更明淨。三佛子譬如下教智淨。梵王普放光明者。勝前日光。一多故。二淨故。三廣故。第三重頌分中。二十二頌分三。初十八偈半頌位行。次二偈半頌位果。後一結說分齊。今初頌上七分。即爲七段。初一偈半頌集作地分。二一偈半頌淨忍分。三有七偈頌得勝行分。於中二。初二頌深行勝。後五頌發起勝。於中云。但以甚深無礙智者。長行所無。故知唯念法性。則同二乘事理。事皆無障礙。是菩薩學故。晉經全有一偈云。但以得無礙甚深微妙智通達三世故。乃得名爲佛。又此一句亦可總頌餘勸。四有六偈頌淨佛國土分。於中三。初二器世間。次三衆生世間。後一智正覺世間。五有半偈頌十自在故。晉經云。能得於十種妙大自在智。六一偈頌大勝分。七一偈頌釋名分。密迹者。古譯爲力士。餘文可知也。大方廣佛華嚴經疏卷第四十二

大方廣佛華嚴經疏卷第四十三

唐清凉山大華嚴寺沙門澄觀撰

第九善慧地。所以來者。瑜伽意云。前雖於無相。住中捨離功用。亦能於相自在。而未能於異名衆相詞差別。一切品類宣說法中。得大自在。爲令此分得圓滿。故次有此來言善慧者。攝大乘云。由得最勝無礙智。故。無性釋云。謂得最勝四無礙解。無礙解智。於諸智中。最爲殊勝。即是慧故名善慧。即下文。十種四無礙是也。莊嚴論云。於九地中。四無礙慧最爲殊勝。云何勝耶。於一剎那。三千世界所有人天異類異音異義。問此菩薩。能以一音普答衆問。遍斷衆疑。故。此同下文。金光明云。說法自在。無患累故。增長智慧。自在無礙者。此兼顯離障名勝。深密意亦同此。瑜伽住品十住論成唯識等。文辭小異。義旨無殊。仁王名爲慧光者。言兼法喻。智論名善相。從所了得名。能所雖殊。皆明說法之慧。故所離障離名。他中不欲行障。有四辯故。四無礙障分。成二愚。前三爲一。名於無量所說法。無量名。名字。後後慧辯。陀羅尼自在。謂所說法是義。名。名字。是法。後後慧辯。是詞。陀羅尼。自在。愚通於上三。辯才自在。愚。即愚。第四無礙故。所證真如名智自在所依。謂若證得此真如。已。於無礙解得自在故。便成善達法器。自在說法行。梁論云。由通上真如。

得應身果。金光明中得智藏三昧皆一義耳。次正釋文。三分之內。初讀請中有十三頌分三。初二如來現相顯說無功用行。無動之動難思議故。特此現通。次十頌別讀後一頌結請。別讀中亦三初一菩薩供。次一天王供。後八天女供讚於中。初二初供餘七讚。讀中二。初一標讚。後六顯詞。於中亦二。初二讚菩薩通於八地。及說法主。後四雙讚佛及菩薩。三輪化益。此又云菩薩幻智。後結云讚佛已故。文中通讚八九地。如月普現前地有故。此法師位隨機說權實。故文中三。初一身無心而普應。次二口隨機而演說。後一喻結心常契中。既特云最勝智心示如來法。權實明矣。故璣珞經中說十種善。前九依三乘人各成三乘。第十名佛乘種性。謂初聞佛法即發佛心。唯觀如如修佛智慧。終不為悲願纏心。一向不起二乘作意。第九為悲願纏心故。此云慈悲樂饒益明文若斯云何不信。第二正說分。先明地行文有四分。一法師方便成就。謂此地能起辯才說法。名法師地。趣地行立名方便故。二智成就具能知法之智慧故。三入行成就。達所化器之心行故。四說成就稱根正授故。四初中一入心餘皆住心。亦攝三位至下當知。然第八地中。但淨佛土教化衆生。此地辯才力故。教化衆生成就一切相。能教化故。一切相者具上四分故。初分中三。初膝前起。後前得。二諦等智故。次欲更下正顯方便。三得入下結行入地。正

顯中文有十句。不離二利。論云。一。一五三句示現者。初句利他次句自利故云。一一。次五利他。後三自利故云。五三。示現之言通上四段。初句依無色得解脫想。可化衆生利益他故。化其令得大般涅槃故云。轉勝論主謂菩薩不求自滅故作此釋。然經既云。更求寂滅。何妨自求。以七八九地同得無生。八地得忍寂滅現前。依勸起修。此求上品名為轉勝。即用而寂真解脫故。若依此義前二自利。亦可十句俱通。二利。於理無失。且依論解。二依未得究竟自利益故。復修習如來智慧。三依根熟菩薩化入如來秘密。三密化益故。四依邪念修行可化衆生令觀察不思議智得正念故。謂觀無念見智性故。五依未知法衆生轉法輪。令得知故。寂淨陀羅尼三昧門。皆說法所依故。六依邪歸依衆生。具廣大神通令入正法故。七依信生天衆生。令入差別世界佛淨土故。上五中一無證二無行三無解。後二無信下三自利中。一入依正覺內證智德。故修力等。九依轉法輪外化恩德。十依無住涅槃斷德。第二佛子菩薩住此下智成就。此下二三段攝王子住。知法知根皆法王軌度等故。且依智成文中。初總知三性。謂淨染不二。不二即無記。後有漏下展轉別開。一於淨法開漏無漏。謂施戒等取相心修與漏相應。名為有漏。無漏反此。二於無漏開出見道。已前名世。見道已去名出世。三即就上二世出世異名為思議。即世出世名。

不思議。亦可於出世中約教證二道。四彼有漏思議中定能證入。名之為定。為緣所動名為不定。亦可。佛性定。有餘一切法皆悉不定。三聚定等下文自說。五總上諸善開出三乘。謂諸緣度等。皆通上四故。唯佛果一是唯無漏等。而屬菩薩乘果。六於三乘法中示有為無為依順行故。此是善體故後明之。謂滅諸緣性彼岸真理皆名無為。道諸緣智能證修起皆名有為。如來一切皆是無為佛智。有為非極說故。涅槃令覆有為相故。三乘聖人依此起行。依此差別故名順行。第三此菩薩以如是下。明入行成就。此中三。初總標章門。二此菩薩如實知下。依章廣釋。三佛子菩薩隨順下總結安住。今初有十一林。一衆生心者是總故。論云依共。以通是下十染淨共依故。菩薩依此而知故名爲依。下依義準之。餘十是別。不出三雜染故。論云依煩惱業生是苦果。今當第九論釋。餘七云依共染煩惱染淨等。依不定時。謂次根等四同是業故名共。隨眠即煩惱種名。染。眠伏藏識令心染污故。受生即生如前已說。餘二通三故不出三也。二云何通。謂習氣無別體。是染淨等氣分故。三聚但是約時定不定故。論又別釋根信性欲相似之義。云彼復定不定時根等次第根等相似信等者。由下經文。以根例三故。此重釋相似之義。亦須約時故云彼復定不定時。約何論時。亦約根等四事次第也。云何次第。謂根等相似似何等耶。謂

信等故。如宿習名根印持名解。依根起解故云。次第解必似根故云相似。習解成性必似解。依性起欲復似性。若相似未熟時即名不定。熟名正定。全無邪定故。時依根等。論經名解為信是信解故。十皆名稠林者多故名林。難知曰稠。論經十林皆有行字。謂不正信義故。名心行等稠林。心行若絕證信圓明。非稠林行。然此十名多如發心品辯。而習氣一通於二義。二者殘習。二者種子熏習如下當辨。第二依章廣釋文分九段。以解性欲合一例故。今初心中三。謂總別結。別中略舉十門。攝之為八。二三後二合故。一差別相。心意及識六種別故。此八緣境許得齊起。故名難起。又難起者必與所俱。極少猶有。遍行五故。二速轉下二句明行相。四相遷流故。速即是住。住體輕危速就異故。轉者是異壞即是滅。不壞是生故。論經但一句。云輕轉生不生相。論云住異生滅行故三無形質者。第一義相觀彼心離心故。云何離。謂心身不可得故。身者體。依聚義即同起信心體離念等。四無邊際。即自相順行無量境界取故。取境不同故名自。上之四相初一是所相。二是能相。此二並心之相。三是心之空性。性相不同合為心體。四即心用。此四並通染淨。後四明淨心隨緣。由第五隨煩惱緣成。六七隨業生緣成。第八謂第五清淨者。自性不染相。即自覺聖智真妄所依不空性也。染而不染名自性淨。次下二句即不染而染。謂六垢無垢者。

即同煩惱不同煩惱。相隨緣有垢性恒離故。七縛不縛者。同使不同。使相義不異。前但種現有別耳。八有二句同名因相。隨因受生故。菩薩以幻智願力生故。餘衆生隨業諸趣生故。第二釋煩惱稠林。亦三。別中九句攝為三種事。後七合故。一遠入相乃至有頂故。此約四住現行。下至金剛自約種說。久者無始常隨故。二無邊引起者難知相。言無邊者。修習無量善根故。引起者引起惑故。惑與善俱所以難知。即勝鬘中恒河沙等上煩惱也。上明堅深此辨橫廣。三俱生下七句。合為染相。即三難染。謂此煩惱亦與業生二俱起故。即分為三。初三句當體明煩惱染。一俱生不離者明隨所縛。此句總明能所。所縛即妄心。謂惑與妄心遞共同事。故云俱生。生即是事。然離惑不名妄心。離心惑依何住故。迭共相衣名為不捨。二眠起一義者。是以何縛。謂使為能縛使即隨眠。起即現行。現行由使不得解脫。以現及種同一惑義故。然下辨使不必與現行俱。此中現行必由於使。如有種子未必有芽。若已有芽必依種子。故云一義三與心相應不相應者。是所縛事即真心。若被妄染名與相應。是縛非解心性淨故名不相應。示可解脫。二隨趣下有二句。約生明煩惱染。論云身事生道界因故者。苦報集起名身事生。上句是道因下句是界因。三愛見下二句。約業明煩惱染。初句明於三分中業因障解脫故。言三分者。愛是欲求中

追求現報受欲行者。見是邪梵行求。癡是欲求中追求現報習惡行者。故論云。無戒衆生為現少樂。習衆惡行愚癡之甚。慢通上三。而多屬見。有求屬生染所攝。故此略無。上三俱障解脫過患難拔。如箭入木故。外道得非想定。尚與見慢相應。上即論意亦可見愛等通七識中煩惱。故云深入。下句明此惑隨順世間身口意業。不斷起因。故。結中八萬四千煩惱隨好品自明。賢劫經中亦有其相。第三釋業亦三別中。十句為九種差別。後二合故。初一道因差別。謂通說三性為六趣因。引雙唯善惡各有三品。二地已說滿業通三性。名言熏習亦通三性。許為因種故。又俱舍十七以三性因對五種果。無記亦能招果故。論主通以三為道因。或既不招異熟則論主言總意別。二有表示等者自性差別。然論經此句云作未作相。此則並以思為自性故。論云。此有二種。一籌量時。此在意地。唯有審慮一種思故。釋未作義。二作業時。釋經作字有決定思。若在身語唯發動思。成唯識云。動身之思名為身業。發語之思名為語業。然今既云有表示等。即表無表業各通三業。表則三皆是思。無表則非心非色或說色收義如別說。三與心同生不離者。方便差別心共生。熏心不別生果故。謂此業思與等起意識共生。隨其善惡生。已即熏本識。成名言等種種似能熏。故云不別生果。即不離義。四因自性等者。盡集果差別謂無始業因以是有為故。自性利

那壞故云盡。此顯非常而得持至果。功不敗亡故云。集果不失。此顯非斷前念雖滅後念續存。故云次第亦是因即頓重果則次第如識等五也。五有報無者報論云。已受果未受果差別。過去生報業現在已受。名為有報。後報未受名為無報。非謂全無。更有一理。謂已悔之業則許無報。有報可知。六黑黑等衆報者。對差別。謂四業相對成差別故。初二黑白相對。後二漏無漏相對。言黑黑者。即四初中一因果俱惡故。又因果俱與無明相應故。即三塗業等者。等於餘三。謂二名。白業因果俱善故。俱與智明相應故。即色界善業。三黑白業。即欲界善業。因中善惡難故。受報亦受非愛雜。四非黑白業。謂諸無漏業無異熟故。對上黑白二業立雙非名。言衆報相者。上三有報故。論云業集成就故。若俱舍意。其黑白業約相續說。以無一業及一異熟是黑白。五相違故。言相續者。謂或意樂黑方便白。如爲莊。他行敬事等。或意樂白方便黑。如慳弟子現。龜語等。若以義推。正以諂心而行敬事。亦可同時。餘廣如雜集第八。俱舍十六。七如田無量者。因緣差別。謂識種爲因。業田爲緣。隨田高下等殊。令種亦多差別故。論經云。業田無量相。八凡聖差別者。即已集未集差別。出世未集世已集故。九十二句不定差別。前句明三種時報定不定。謂現作現得報名。現受。現作次來生獲報名。生受。現作第三生去方得報名。後受。於此三

中各有定不定。謂前二時定報通定不定。後一時報俱通定不定。第十句明乘非乘定不定。乘即三乘唯修自乘業名。定。乍修此乘。復修彼乘。名爲不定。非乘謂世間無運出義故。定者難度不定易度故。結中亦言八萬四千者。惑因既爾所起之業亦然。根等諸門皆成八萬。翻此即顯波羅蜜門三昧門等。第四釋根中二。先別後結。別中十相爲九差別。五六合故。一說器差別。謂說法所授之器。信等五根有下中上故。亦是鈍中利。謂於教理受有遲速及多少故。二根轉差別。過未爲先後際。現在已定兩望論差。謂前上中下根。於三際中互望轉變。若後轉爲中上。前根則下。後轉爲下。前根則增。是差別義。不轉則平是無差別。故論云。前後根前根下增平故。三三性差別。謂約菩薩等三乘根性。相形爲上中下故不同。第一通於三乘。四煩惱染差別。謂喜樂等五受根。隨貪等煩惱得增上故。五六二相明定不定差別。初句乘非乘皆約熟不熟明。大乘中熟者定。不熟者不定。小乘中熟者不定。可轉向大乘故。不熟者定。各隨自乘而解脫故。若世間非乘熟者不定。可化入道故。不熟者報已定故。且暫捨之。即離世間中待時方化清淨捨也。後句淳熟調柔一向是定。六隨根網輕轉壞者。順行差別。此知眼等根順行境界得增上故。於中有三種順行。一依身順行。謂六入展轉迭共相縛。如網魚鳥不得解脫故云根網。此行內境。二生滅順行。謂

體是有爲。生住不久故云輕。易可異滅故云轉壞。三觀行取相順行。此行外境。即論經云。取相。今文闕此。或根網中收。七聲聞淨差別。望凡夫二乘行增上故。以二乘根由滅障能成故。煩惱無能壞。八菩薩淨差別。此通三種不退也。九遠隨等者。示一切根攝差別。謂三無漏根。總攝諸根。三者一始行。即未知當知根。二方便。即已知根。正在修道故名方便。三報熟者。即具知根。謂前信等共三無漏根。生而隨。優劣。三位不同。自始至末故名遠隨。此之三根。於修無學涅槃得增上故。此上九中。初二約信等。三五七八並約三乘。通於諸根。四約五受。六約眼等。九約三無漏根。二十二根已明。十九。男女命根不足可辨。餘如俱舍根品龜說。即然細分無量故。結云。乃至八萬四千。第五例三稠林。謂解性欲。此三與根性相順入。舉一可反三。隅故。皆略例。第六釋隨眠。先總後別。總中晉及論經皆名爲使。論云。隨順逐縛義故。如世公使隨逐衆生得便繫縛。即是隨眠。眠伏藏識隨逐纏繞故。此唯約種不同。小宗。別有十二句。論攝爲二。前六明何處隨逐。後六明以何隨逐。今初爲五。一合初二句。約心明處。初句於報心隨逐。正顯眠伏藏識。即久安眠處。而言深者。無始來有微細難知故。下句於非報心隨逐。即轉識分別。事識不離現事而生。故但云心。即暫迴轉處。二相應不相應者。約三界明處。唯與當界心相應。不與異

界心相應故。故論云。欲色無色。或上中下差別。無色感微所以名下等。雖則隨眠性皆成就。隨其現惑亦有不相應義。三久遠隨行相者。約地明處。論云。隨順乃至有頂。故然有頂之言。通有二義。一至金剛之頂。二至三有之頂。今取通大小義。直云有頂。論經但云遠入。今云久遠亦無始來上至九地頂故。四無始不拔相。此約時明處。處既無邊時亦無始。唯智能怖。隨眠怨賊。既未曾有。聞思修智故。不能拔出。五與一切禪定等者。此約行明處。由隨眠隨逐。令世間禪定等不能滅愛見等心。不能隨順正修行故。名為相違。故下偈云。禪定境排仍退轉也。後三界下明。以何隨逐。即顯隨逐之相。由此相故。名為隨眠。此有六種。一於上三有不斷隨逐。所以三有不斷相似相續者。由有此使作繫縛故。如世眠者不能起床。二遠時隨逐。即於上無始時令心相續現起無邊。如世眠者夢心相續。三開諸處門者。一身生隨逐。謂於前一身之上報非報心明隨逐也。如世眠者夢中見聞。於中二義。一令眼等諸根門。集生六種識時。使與同生故云。開門。此明外逐方便心。二論云。及阿賴耶熏故。此明內熏報心。論經門字下更有集字。即阿賴耶集起之心。然是諸處通依故。今經義含耳。四堅實難治。即不實隨逐。謂修禪等時不得真實對治故。不實堅實如世重眠。不得重觸大聲無由起故。五地處等者。微細隨逐。此於上有頂處九地

中六入處。煩惱身隨逐故。然九地有二義。一約三界九地。雖並成就細故不知。成處多少名不成就。如世眠者夢中謂覺。二以善慧為九地。十地猶有故名微細。不成就者。此地中分有斷除故。故下偈云。金剛道滅方畢竟故。六離苦隨逐。謂唯無分別智。出世間聖道方能拔出。如眠得觸。第七釋受生稠林中。十句先總後別。論通為八。一身種種。謂形類多故。二業因種種。三住處種種。四四五二句色想上下種種。五同外色因種種。謂田等取外同喻故。六自體種種。名色與識俱生。相依不離是報自體故。七本願生因種種。謂寢愛為本願。生求有。今有續故。八末後二句集苦諦種種。謂三求不同皆是集因。但集苦果故云種種。上句顯欲有二求。欲受即欲求。貪愛共取追求不已故。欲生即有求。愛生三有自得勝身。復攝眷屬故。言無始樂著者。顯上二求之過。下句即邪梵行求。由心取著故。不知三界輪迴貪求三界。小大無量之相。妄謂涅槃。謂或拍腹為道。或計無想非想為涅槃。第八釋習氣中。亦先總後別。總云習氣既通二義。不可局於羅漢餘習。雖標習氣別中皆言熏習。熏謂熏灼。如外香氣習。謂習學。唯約有情習。必能熏以成氣分故云習氣。即賴耶識以為所熏。以恒住一類是無記性。可受熏故。前七轉識以為能熏。由有生滅力增盛有增減故。能所共相和合故名熏習。此如攝論及唯識第二。若依起信。真如

亦能內熏。佛善友等以為外熏。內外和合以成氣分。前中雖聞教等亦因識能領受。故判識為能熏。今並通。此文中心既有因熏與果等。定知熏習種成為氣分義。別中十種差別。一與果現在非現在差別。謂過去善惡業因。與今現果同起名行。不同起名不行。如人行施。今得人身亦常好施等。此即因習。二隨趣熏者。道熏差別。如從天來今猶鮮淨。廣明道習。如大威燈光仙人所問經。此即果習。上二皆是對過說。今三隨衆生行者。親近衆生熏差別。此是緣習故。宜遠惡近善。慎所習也。所以昔王不立。既於寺而立之於屠四隨業等者。功業煩惱熏差別。功業者。釋經業字。謂是起作事業。揀非業因。如鍛金之子宜教數息等。煩惱習者。如人喜眠眠則滋多等。五善不善等者。善業等熏差別。此業即是業因。以是善等三性望來果稱業故。如久行施者施心轉濃等。上三唯約現世以明習氣。六隨入後有者。中陰熏差別。中有即是本有後故。如梵行人至中有內。亦無染欲。七次第者。與果次第熏差別。謂修善惡業。於後有位。諸趣之中受果次第。習亦與果次第無差。上二約現望後以說。熏習。八不斷等者。離世間禪因熏差別。謂諸無漏定名。離世間禪修學無漏。即是彼因。由未斷煩惱。雖修無漏亦為煩惱牽。煩惱隨。至無漏名為遠行。行亦入義。九實非實者。同法異外道行解脫熏差別。同法釋實。即三乘同佛法故。異外道釋非實。在佛法

外故名爲異。行者上二之因。解脫者上二之果。各有熏習。好習本法故。曾修小乘。今雖學大。先發小習。餘可準知。此即邪正雙明。約修證說。亦含三乘餘習之相。十乘熏差別。唯就於正約其見聞故。法華安樂行令。不親近二乘。恐習成種故。上來十種前七約時。三世三有互望明。習通於善惡。八明惡隨於善。後二約入種種習氣。皆能了之。令成如來無習氣之習氣智故。第九釋三聚稠林。亦先總後別。論通爲五。總即第一有涅槃法。無涅槃法。三乘中一向定差別。無即邪定有即正定。各於自乘定故。離此不定。論略不釋。此就種性約位以明。外凡無涅槃。三乘聖人定有。內凡不定。又約一期久遠非究竟無。二善行惡行因差別。此約解惡以分三聚。謂正見是善行因。邪見惡行因。二見定起二行名之爲定。言二俱不定者。無正慧決擇。又不撥無因果。率之則可清升。任之則便鄙替。故曰不定。下不定做此可知。故論皆不釋。三惡道善道因差別。此約行業以辨。四外道聲聞因差別。此約位以分。翻彼八正名曰八邪。外道邪位定。正性離生聖人位定。已入見道故。前三善根則名不定。五菩薩差別。此約修大乘者得失以分。著邪是失所謂六。蔽聖道爲得。即六度等。第三總結安住文。屬入行。論意總結前三。故云前三種事成就。方能安住此地。大文第四住此地已下明說成就。亦攝善法行。辯才饒益多同彼故。文中二。先

廣顯說成。謂了心行。方善說故。後佛子下廣顯說成。有三成就。一智成就。謂知法知器。知化儀。故二口業成就。能起說故。三法師自在成就。得陀羅尼等成。彼德故。各有佛子以爲揀別。今初分二。先明隨所知之法。二一切下隨所依之器。此二何異。前文智成入成。前三各別而知。今此總收以法逗器。今初所知法。即三乘一乘解脫差別。各含教證。教道。以將化生令器熟。故。證道以將度生令得解脫。體正度故。二隨所依中文有三節。初總明。次能隨下別顯。後令生下結益。論主通收爲七種器。一說。所說法對器。自釋云。隨應度者。授對治法故。即總中二句。下句是說所說法。上句即所對之器。別中初能隨及後而爲說法。即上說所說法中間根等諸林。即是所對之器。於中準論經。衆生下有。心字。即是心稠林。通爲五種器。初衆生心根性欲解。明所說法器成。謂十一林之中。此五正顯已成信等法器。可隨根欲等說。故別顯之。二所行有異。含其二義。一約能行之行。名種種異行。器。即上根等能行。二所行之境。即上根等所行名譬喻器。總喻上五故。如世稼穡具。五因緣。彼所種物成就堪用。一有心物。二有根益其生力。三有可生性。四含潤欲發。五決定可生。喻上心等故。云譬喻。四諸聚差別者。即不定根轉器。亦通上根等。五亦隨下隨辭辯器。以彼生煩惱業難捨。要作同行巧辯方能化故。三結成益。即隨乘因能乘出

器。以上諸義不出自乘解脫故。第二佛子菩薩住此下。口業成就。曲分爲二。先總明。具說之德。二以無量下正明口業成就。今初亦是智成就。以具法師行即是智故。而言說者。護如來法藏通於說故。斯則內持於智。外口說故。何名具法師行。深妙義中具二十種功德故。一知時。二正意。三頓四相續。五漸六次。七句義漸次。八示九喜十勸十一具德十二不毀。十三不亂十四如法。十五隨衆十六慈心。十七安隱心。十八憐愍心。十九不著名利。二十不自讚毀他。廣釋如論。涅槃具七善知名。大法師。與此略同。慈氏論說具十德者。名大法師攝義具足。一善知法義。二能廣宣說。三處衆無畏。四無斷辯才。五巧方便說。六法隨法行。七威儀具足。八勇猛精進。九身心無倦。十成就忍力。會之亦同。第二正明口業中。先略明。後此菩薩以法下廣顯。今初先顯名體。謂外由菩薩美妙言辭。而演法義。名四無礙辯。內由智起名。四無礙智。次辯體者。此智即無漏後得爲體。故云善巧。即上知法知機智也。義無礙解或通正體。次此菩薩下約位顯勝。以初地分得此地任運。故無暫捨。後何等下徵列名字。智緣法等。無拘礙故。法等皆智境界。從境分。四。一法者法體。謂法自體有執持故。即二空所攝。即真之俗境故。論云。遠離二邊生法所攝。如色礙相等。二義者。法境界體。調於法體上差別境義。即上二空所攝真諦之境故。論云。即彼遠離二邊

生法所攝中。如實智境界故。然得此真智者。由菩薩於生法二執所攝境中。以智安住求彼色等。但是虛妄。即俗而真是彼色等之中別義。上即遠公之意。其猶不生不滅。是無常義。亦可。不約二諦。法約自體義約差別。謂十一色等虛妄分別之相。即是別義言。如實智者稱事實也。三詞者正得與衆生。謂得彼方言與他說故。故論云。於彼如實智境中。隨他所喜言說正知。此釋正得隨他言說正知而與故。此釋與衆生。四樂說者。正求與無量門。謂樂說乃辭中別義。七辯剖析名無量門。論云。於彼隨他所喜言語正知。無量種種義語隨知而與故。二廣顯中。理實此四通該一切。且約圓數以列十門。各有復次。論云。後五是淨者。謂三乘行果。則顯前五是三乘教理。通於染淨。言十者。一依自相。謂知事法體各殊故。二依同相。謂知理法。若性若相各有同理故。三行相。此約時辯法。三世遷流故。上三知義即是所說四說相。此知教法。上四皆約所知。五智相。此約能知。六無我慢相。此約所離明淨。七小乘大乘相。此約所行。上二通辨諸乘行果。後三別約一乘。八菩薩地相。此約因行。後二知果。九如來地相。約體。十住持相。約用。然上十中法義則別。後二多同。皆詞則說於法義。樂說乃詞中別義。亦有以詞說於法義。說義。十中皆四無礙。即四種相。今初自相有四種者。一。生法自相。謂知色是變礙相等。二。義者差別自相。謂知

色有十一處等。上二約總別以分法義。後二同體義分。三想堅固自相。想者起言所依。亦以慧心取彼二種相故。一隨自所覺諸法相。二隨彼彼所化言詞所宜相。以所覺法隨彼言詞爲彼生說。說無錯謬名爲堅固。論經云。不壞者壞即錯也。四彼想差別自相。想義同上。但以次第不息。以多異名堅固彼義。令他愛樂名不斷盡。此自相一門是總故。論前總中亦依此釋。諸經論中亦多依此。第二同相。約性與相分於法義。一一切法同相。謂諸法同以無性爲自性故。二有爲法同相。謂諸法同以無常門生滅相得入。初句。法無我性故。無我智境得成。是則生滅是常義也。三一切法假名同相。故云安立。所立之法已是假名。更以言證假名而談名不斷說。四假名假名同相。謂不壞前假名。更能以異異無邊假名說故。重言假名第三行相中。約三世以分法義。一生行相。現法緣生故。設知過去未亦名現在。以三世皆是當世現在故。故論云。過去未來彼彼世間攝受故。二已生未生行相。設知現在亦名過去。以現是過家未未家過故。是則當世而知名法。滿見過去未未能知現在。是則名義爲菩薩智境。三物假名行相。總說三世之物不謬故。四說事行相。然所說事不出三世。總相物中故云。一一世。但曲明異異事法。故云無邊法明。第四說相中。約本釋以分法義。一修多羅相。故但示法。二解釋相。所以名義。三隨順相。隨類言音故。

四相似說相。謂隨心樂聞何法宜。何譬喻說似彼心故。第五智相。約法類以分法義。一現見智。二比智。比即類也。然所知境即是二諦法。比等智是無礙體。從體立稱不同。前後又法比等智通於大小。四無礙智唯局大乘。故涅槃說。唯菩薩有。聲聞設有少故名無。若就二智所觀並通大小。約能觀智唯局大乘。於大乘中。依觀所取能取以立法類。一法智觀。如故云現見。謂觀差別二諦同。如不異故。二比智。即觀前能觀。如實分別之智。類餘亦爾。類何等耶。比如如前。差別即如實故。三欲得方便智。謂此是相見道依。真假說。後得智攝故云。世智。若欲得第一義假說以爲方便。四得智。謂雖以世智說。而與第一義相應非顛倒異。方名樂說。故云善巧。可以證得第一義故。餘如唯識難集各第九。瑜伽十六說。上迴向品疏已略明。第六無我慢相中。約真俗以分法義。一第一義諦無我。故云一相。言不壞者不壞無我故。若言我知無我。我證無我。則壞無我。以有能所故。二世諦無我。故云蘊等。迷蘊著積聚。我迷界著。異因。我計種族別故。迷處著。欲我計爲生門。能受入故。迷諦緣起著作。我皆明。因果有造作故。並是我法。亦通入我。今隨順觀。察世諦緣生無實。以爲對治。得入第一義法。無我。名善巧方便。故。蘊界等是菩薩智境所治之我。三說美妙無我。悵情稱美順理爲妙。四說無上無我。故云轉勝。詞中差別故曰。無邊法名。第七

大小乘相中約權實以分法義。一觀相。謂一觀不異唯一事實故。二性相。就彼根性有三乘故。三解脫相。會彼三乘同歸一實。解脫相中無差別故。論云。依同解脫。不懼者。法華云。今我喜無畏。但說無上道故。四念相。即開方便門。隨機念異心行不同。以多法明說諸乘法。然皆為一事。故論云。隨順解脫。第八菩薩地相中。約地體相以分法義。一智相。一切菩薩行者總標也。何者是耶。謂所證法行能證智行。何以此二名菩薩行。以智契如故。故經云。智隨證。論云。觀智說。故。此菩薩行即十地智體。二說相。謂體雖一。智相有十地分位故。然此分位由心差別。故。論云。十地差別者。謂心而名說相者。約口言也。以論經云。義無量者。說十地別差。故。作是釋。斯則異前義大。三與方便相。謂巧說十地授與衆生。不顛倒教授。與地證道無有差別故。四入無量門相。入諸地相差別故。第九如來地相。約真應以分法義。謂一法身相。即始本無二之法身。故云。一念成正覺。二色身相。種種時者。隨何劫中種種處者。隨何國土依報事。各差別者。隨何等佛身正報事。三正覺相。通說正覺。十佛差別故。四說相。佛德無盡故。說亦無盡。第十住住故相。約諸佛能說德所說聲教以分法義。一覺相。即住持德覺法性相。故。語者隨自意語隨他意語。隨自他意語。此能說法故。十力破魔憍慢。無畏伏外道。不共異。二乘慈悲故。常說辯才故。能說方便者隨

順物機。轉法輪者正說。此上皆一切智智隨證。二差別相。知佛隨心種性等差別聲教。故。三說相。用前音聲差別說故。四彼無量相。異異說故。隨信解者。示現菩薩無盡樂說。故。以如來智等者。諸佛法身以利生為行。此行合智故。無垢清淨不可破壞。故云。圓滿。此地分得故用之而說。第三佛子菩薩住第九地下。法師自在成就中。二。先牒前標。後。二得義下正顯成就。有四種事。一持成就得不失故。二說成就巧能演說。三問答成就斷疑網故。四受持成就更受勝法故。則前三自分。後一勝進。又前一釋得妙法藏。後三釋作大法師。於此四種皆無縛著。即攝第九迴向也。今初分二。初列十持。持先已得。後此菩薩得如是下用前十持。持當所得。今初先列十持。並從所起業用立名。初三起意業。次三起身業。後四起口業。一持義。二持教法。三持能知智。四善軟者慈光攝受。五剛強者善惡降伏種種施為故。六上供諸佛下攝貧窮故名衆財。七於大乘中陝劣衆生。示教大乘威德勝利令生喜故。八不斷辯才智常說故。九無盡樂說深說故。十種種義樂說廣說故。後如是下總結。以百萬下顯持之用。二持當得中聞已不忘。正顯持義。為他演說亦持之用。第二此菩薩初見下明說成就。於中三。初顯所受法多。二此菩薩得如是下能廣開演。三此菩薩處於法座下。明起說自在。第三佛子此菩薩假使下。問答成就。初一界答難。二明一切世

界。第四佛子此菩薩復更下受持成就可知。第二佛子菩薩住此下明位果。三果同前。但初調柔見佛緣中。初依內證近佛法身。後依三昧見佛色身。餘文可知。第三重顯分中。二十四頌分三。初十九頌地行。次四頌位果。後一結歎。今初具頌上四分。初二頌法師方便。次二頌智成就。次七頌入行成就。四有八偈頌說成就。於中初半偈頌智成就。次二偈頌口業成就。其中諸喻長行所無。後五偈半頌法師自在成就。於中初一偈半頌持。次一偈頌說。次一頌問答。後二頌受持兼頌問答。

大方廣佛華嚴經疏卷第四十三

大方廣佛華嚴經疏卷第四十四

已下入三十九經

唐清涼山大華嚴寺沙門澄觀撰

第十法雲地。所以來者。瑜伽意云。雖於一切品類宣說法中得大自在。而未能得圓滿法身現前證受。今精勤修習。已得圓滿。故有此來。論云。於九地中。已作淨佛國土及化衆生。第十地中修行令智覺滿。此是勝故。以八九二地同無功用故。對之顯勝。有此地來。又一乘中最居極故。次釋名下自有釋名分。今且略解雲者。是喻略有三義。一含水義。二覆空義。三雲雨義。約法就喻則有多義。雲有四義。一喻智慧。二喻法身。

三喻應身。四喻多聞熏因。空亦四義。一喻真如。二喻龜重。三喻法身。四喻梨耶。攝大乘論云。由得總緣一切法智。含藏一切陀羅尼門。三摩地門。此喻含水義。總緣一切法契經等智。不離真如。如雲合空。總持三昧即是水也。又云。譬如大雲能覆如空。廣大障故。此喻覆空義。即以前智能覆惑智二障。又云。又於法身能圓滿故。此有二義。一喻莊雨義。即上之智。出生功德。充滿所依法身故。二喻遍滿。即前之智自滿法身耳。故金光明云。法身如虛空。智慧如大雲。成唯識中。亦有三義。空同攝論。而瑜伽云。龜重之身廣如虛空。法身圓滿。譬如大雲皆能遍覆。此同攝論第二義。而無性釋以智覆空。此以法身者智滿則法身圓滿。起信論云。顯現法身智純淨故。本分云。得大法身具足自在。亦以法身喻雲。真諦三藏釋金光明經云。虛空喻三法身。雲喻三道之智。此法喻亦齊似非經意。此喻位極非道前故。莊嚴論第十三云。於第十地中。由三昧門及陀羅尼門。攝一切聞熏習因。遍滿阿耨耶識中。譬如浮雲遍滿虛空。能以此聞熏習雲於一一剎那於一一相於一一好於一一毛孔。雨無量無邊法雨。充足一切所化衆生。由能如雲雨法雨故。故名法雲。此從法身未及佛故立。賴耶名十住論云。於無佛世界。能雨法雨故。瑜伽又意云。言大雲者。未現等覺。若現等覺。能雨大雨作利益故。是則密雲不雨含德而已。然諸釋雖

衆不出三義。謂以智慧含德。遍斷諸障。遍證法身。故所覆龜重。即所離障。謂於諸法中未得自在障。此障十地大法智雲及所含藏所起事業。故斯即二愚障所起業名。大神通愚障。大智雲。即悟入微細秘密。斷此障故。便能證得業自在等所依真如。謂神通作業總持定門。皆自在故。便成受位等行。具智波羅蜜得化身三昧等果。即是雲雨究竟成佛法身。及所證如皆亦所遍虛空。其旨一耳。次正釋文。文中三分。先讚請中有十六偈。前三讚。後三偈。前中亦二。前三偈但申供養。有三類可知。後十偈天女供讚。於中亦二。初一總標供讚。餘九正顯讚辭。於中亦二。前八讚佛德能。後一勸修利益。前中亦二。前五讚大用自在。後三顯自在。所由前中亦二。前二用益普周。後三隨見不等。於中亦二。初一總明後二八相顯。所由中亦二。初一智了世幻故。文有喻合後二證窮性相故。於中半偈證體。半偈起用。半偈用不離體。半偈體用泯絕。後三請中。初一結默念請。後二上首言請。第二正說論分八分。一方便作滿足地分。攝前九地所修總爲方便滿此地故。二得三昧分。初住地行行德無量。偏舉受職之所依故。三得受位分。正住地行。依前定力攝佛智故。四入大盡分。是地滿行。望前諸地行已窮盡。今復地滿盡之極故。五釋名分。此地學窮辯德顯稱故。六神通力有上無上分。地滿足已妙用自在。形前無上形佛劣故。七地影

像分。以喻顯法如。因影像知形質故。八地利益分。彰說殊勝勝勤修趣入故。後之二分通該十地。將前攝後云。此地有八。若依前長科。後二分通則此地分二。先明地行。後彰位果。地行之中方有六分。如上所列。六中初一是入心。餘是住心。出心即調柔果。已如前說。今初分中二。先總明。後善滿下別顯。今初無量智者。阿含廣故。觀察覺了者證智深故。實性論中。地上菩薩起二修行。一約根本智名。如實修。即此證智。二約後得智名。遍修行。即此廣智諸地。具起上二種行。今於上二決擇思修。別中十句攝爲七相。初三七八二處合故。七中一善修行故。即是同相。謂初三句明證助不住諸地同修故。初句證道無漏白法故。何以得證。由次句助道。何因成助。由後句不住道增福德故。不住無爲增智慧故。不住有爲。後六別相。謂二廣行大悲。即普遍隨順自利利他相。此總前七地合爲一相。以七地差別之相。八地之初已辨故。此總舉普遍釋廣隨順。釋行大悲利他而成自業。故云自利。三一句令佛土淨。即八地相。下三相即九地。以親證此故多舉之。謂四一句教化衆生相。即九地自分。入十一稠林故。五有二句善解相。謂解達真如是佛所行處故。善順如來能證寂滅行故。六無厭足相。常觀察力等欲趣入故。上句解。此句行。並九地勝進故。前地。云晝夜專勤更無餘念。唯入佛境界故。七地盡至入相。謂十地證窮故同。

前諸地。結行入位已屬第十。故云名為得受職位。第二佛子菩薩摩訶薩以如是下明三昧分。於中二。初牒前起後。後即得下正顯。於中四。初別舉十名。二如是等下結所得數。三菩薩於此下彰入滿足。四其最後下顯最後名。今初中初總餘別。總云離垢者離煩惱垢故。是障盡地偏受。此名別中九定離八種垢。一入密無垢謂解入事法界深密之處。不與惑俱故。二近無垢。萬行已圓道場斯近故。如淨名說。上來初一解次一行下三成德。三放光無垢。謂光開心華令其見實。亦能坐種種大寶蓮華光無不照故。四陀羅尼無垢。如海包藏五起通無垢。則無心頓現。上五皆起法身之定也。六有二定清淨佛土無垢。上句無量則盡法界之疆域。下句正觀窮國土之體性。上六自利。七化生無垢。上之二利皆自分行。八正覺無垢。謂勝進上覺將成菩提。時一切諸佛迭共現前而證知故。如下受職處說。以本覺將現故。二結數者亦是眷屬。皆現前者。久修成就不加功力自然現故。三彰入滿足中能入者。通方便定體入起相。即隱顯無方故云善巧。善了所作即知業用。四彰最後名者。將說受位分故。一切智者佛無分別智也。論經重言智者。兼後得智。二智平等名受位也。第三此三昧現在前下。明受位分。於中有四。一法二喻。三合四結。今初有六。一座二身。三眷屬四相。五出處六得位。六中前五自分德備。後一上攝佛果。前中初三位體。次

一位相後一位用。前三即依正眷屬。今初隨何等座。謂大寶華王座故。於中二。先明主華自有十相。一主相即寶蓮華。二其華下量相。三以衆妙下勝相具德故。四超過下地相生處故。五出世下因相。六知諸下成相。七恒放下第一義相。正觀普照法界現事故。如世連華開敷諸菩薩為第一故。八非諸天下功德相。菩薩德招故。九毘瑠璃下體相。十其華下莊嚴相。二十三十下明眷屬華。第二爾時下。隨何等身殊妙之身稱於座故。第三無量下隨何等眷屬。第四佛子此大下。隨何等相。周遍作業為其相故。第五佛子此菩薩坐彼下。隨何出處。十處出光令惡道出離。菩薩增行故。文分為四。一舒光作業。二衆聖咸知。三下類奔風。四同聲相應。今初十處放光有三種業。一利益業。二發覺業。三攝伏業。今類例相從且分為四。一前之七光但有發覺。前五益。凡後二益小。二第八一光有發覺令知故。言一半者。但有攝義攝彼令來故。三第九一光亦二業半。一益等位菩薩故。下文彼光既令此益此光必益於彼故。二發覺令知故。言一半者。魔宮不現是伏業故。第四十頂光但有發覺。文分為三。一顯照分齊。二右繞下正顯。作業謂與供成益益。言不退菩提者。論有四義。一於登地證決定故。二入正定聚故。三定離放逸惡故。四定集善事故。三佛子下事訖收光。言足下入者。若約教相頂光入足顯深敬故。

若約證實終極之智。從下趣入諸佛境界。故論釋後段云平等攝故。顯證佛境即自證故。第二爾時下衆聖咸知。第三佛子是時下。下位奔風申敬獲益。文並可知。第四當爾之時下。同聲相應以修平等因行互相資故。表內吉祥深廣之德。心已圓故。外於此相放光相益。又上此照彼。放眉間光表中道已照。今彼照此。乃於胸相者。表心契懸同。德圓魔盡名壞魔怨。第六爾時十方下。明隨所得位。於中二。一放光於中十業。初光名即益業。益一切智令成佛故。二眷屬光是因業。三示佛是敬業。四開悟業。五振動業。六止惡業。七降魔業。八示現業。九如是下卷舒業。十示現種種即變化業。二現是事已下入頂成益。入頂者。若約化相上收於下也。若約實義照極心源名為智頂成果在已。是為光入。論云。諸如來光明。彼菩薩迭互智平等攝受故。謂菩薩頂光入佛足。則因上進於果也。佛光入菩薩頂果收因也。亦因收果入則無迹。因果雙亡名平等也。當爾之時下得益。名為下結位。入佛境界者所證同也。具十力者行德同也。隨佛數者。如始出家便墮僧數。第二佛子如轉輪下喻。喻上六事。文少不次。初喻隨何身。二其轉輪下喻隨何座。三長大下喻隨何相。四取四大下喻隨所得位。王喻真身。手喻應身。瓶喻白毫水喻於光。應有第三隨何等眷屬。謂文武百寮以為輔弼。五即能下明隨何等出處。第三菩薩受職下合。但合隨所得

位。正意在此故。第四佛子下總結。結斯一分。下文第四佛子菩薩住此法雲下。明入大藏分。於中有五種大。一智大。二解脫大。三昧大。四陀羅尼大。五神通大。此五依五種義。一依正覺實智義。離智障故。二依心自在義。離煩惱障故。三依發心即成就一切事義。意定力故。四依一切世間隨利益眾生義。意能遍持口能遍隨故。五依堪能度眾生義。身及諸通廣能運故。前二自利後三利他。文中三。前二別明。後三合例。今初智大分二。先別明後總結。今初有七種智。一集智大。二應化智大。三加持智大。四入微細智大。五密處智大。六入劫智大。七入道智大。此七展轉相生。今初集智。依能斷疑力了法緣集。故文中先別明。後舉要下總結。前中。有二十集。皆明因緣集。然通真妄及與和合。故有三分。一染分。二淨分。三滅分。在文六重。一唯染。謂初四及眾生集。諸見煩惱集。二唯淨。謂聲聞已下諸集。三唯滅。謂虛空。四淨染合說。謂識及有為世界成壞。五淨滅合說。謂無為及涅槃。擇滅無為為淨。非擇滅為滅。性淨涅槃稱滅。餘三涅槃為淨。六通染淨滅。謂法界。故論云。隨所正不正。以法界通。善不善及無為故。而論諸句皆有隨所言者。隨何等差別。皆能知故。第二佛子下。明應化智中。三初勝前起後。以依前緣集智身起。化用故。故論云。依彼身起力。次如實下正顯。後如是下總結。別中十句。初三眾生世間自在。化起。眾生善惡業及利鈍使。

令。眾生見似真造作。故次一句。器世間自在。化。次五智正覺世間自在。化。三乘正覺故。一法界化。為三乘所說法行。餘四化為三乘人及果。後一通三世間。有情有分別器無分別智。正覺通上二也。第三又如實知佛持下加持智。論云。依如是如是轉行力。謂依彼應化常化不絕。為加持行。其事非一。重言如是。有十一句。初三不斷三寶是境界持。餘八是行持。於中初二逆行。勝熱炙身無厭行。虛婆須染欲遍行。處邪皆其事也。後六順行。前四起因行。時謂起因之時。願等因體。後二得果在時。時謂長劫智即果體。謂一切智智故。第四又如實知諸佛下微細智。謂知佛化用微細自在。故。論云。依彼應化加持善集不二作故。謂依前應化等三智合為不二之智。作此微細化用。故。隨一事即具前三。非但八相。一具餘七文並可知。第五又入下密處智。依護根未熟眾生。不令驚怖故。現龜隱細而秘密俱成。初三即總顯三密。次三別顯起化密。一意知化時。二口與其記。謂懈怠忘者遲記。怯退者速記。或引實行聲聞。與應化者記。又昔但記菩薩。則於聲聞記為秘密。隨機隱顯。後攝眾生密。論經云。攝伏謂攝受折伏。皆通身口。次一教密約實則無三說。三即為密。但為化菩薩故。約機非一說。一亦為密。後三約所知明密。知根種種知業萬差。知逆順行。皆得菩提故。為密也。第六又知下入劫智。依命行加持捨自在。意謂劫時還流。

名為命行。一攝一切名曰加持。一入一切名之為捨。以廢已隨他故。劫隨心轉名為自在。亦十世隔法異成門也。以得不思議解脫不見長短。一多大小互相即入等。並如發心品第七。又知如來下入道智。論云。依對治意說。謂遍入諸道。若逆若順皆為對治。無非入道。此約知凡夫道。若約知化凡夫道。即此逆順等便是佛道。別中有十四句。初句總入所化。謂毛道凡夫隨風不定故。論經云。入凡夫道。論云。依凡夫地。餘句別顯所化。略有三種。一依我慢行者。令入微塵智。觀破摶聚。唯塵無我故。二依信求生天者。入淨國土。過於所信故。餘皆依覺觀者。於中初句起覺觀身。次二句正顯覺觀心行差別。次句明所覺境。上四即所化之覺觀。次四句能化之行。初句總顯遍行。故。次二隨宜若道若順。後句若深若淺。後四句化令入三乘果。第二佛子一切下總結。前七皆佛之智。菩薩能入。故名智大。第二佛子至住此地下。明解脫大中。三初標得位。次即得下略顯有十。初依神通境界。轉變自在。言念不及故。如淨名所得。二能至無量世界。以願智力無拘礙故。三明離障解脫。故云淨觀。離障有二。並皆知之。一約位則世出世間所離不同。二就出世中學無學別。此學無學並通三乘。上三中前一約通。此一約智共為一對。總相以明約身明通。就入顯智。次三一對。一通二智。四約心明通。普照物機。隨意轉變。一時普應如觀音。

普門示現故。次二約法明智。謂五印法陀羅尼。顯如來藏中蘊恒沙德故。六即能破他言。隨彼言破無礙圓滿故。次二一對相入通智。約時明通。由達三世劫隨意住持相入故。約因緣集顯智。一切種智包藏法界之中故。後二一對約相。即明通智。約身明通。不離一身光明輪而普照故。是解脫光輪約時明智。即一而能知多故。後此十下結廣。第三如是乃至下總例。餘三。大盡分竟。大文第五佛子菩薩摩訶薩通達如是下。釋名分中三。一能受。如來大法雲雨。故名法雲。二佛子此地菩薩以自願下。明能注雨滅惑故名法雲。三佛子此地菩薩於一念下。明注雨生善故名法雲。然後之二段。從自受名。今此一段從所受立名。論云雲法相似以遍覆故。此地中聞法相似猶如虛空身遍覆故。謂佛身雲遍覆法界。法雨亦多。唯此能受故名法雲。文中二。先總明能受之德。由前七智成就念力能受多法。此智實成多德故云無量菩提。近說受持之義耳。二十方下別顯受法之相。於中三。初總顯受多。二歷數顯多。三問答顯多。今初有法喻合法中三。一明所受法多。二大法明下所受法妙。故下合云秘密藏也。文有三句。上二句性故謂三慧所知名法自性。大法明是聞思智攝受故。照是修慧所攝受故。下句作故。謂說授衆生如雲與他雨法雨故。三於一念下顯能受德。一念者。速故既多妙。又速展轉顯勝。能安者堪能安受

文故。受者信受故。上二受文。攝者思惟攝取義故。持者。攝受彼文義成。二持。故此但顯說。下喻合中兼反顯不能。文並易了。第二佛子譬如大海下歷數顯多中。先喻後合。海能安者受一切水故。受者不濁故。濁如不信。攝者餘水數入失。本名故。持者用不可盡故。第三解脫月下問答顯多中。先問後答。答中二。先校量顯示一佛之所受法廣多。後如一佛下類顯多佛。言三世法藏者。三世佛法之藏也。而論云。於法界中三種事藏者。意取法明照雨蘊在法界故。以彼經云。法界藏故。故為此釋。第二注雨滅惑。釋名中此中雲等如出現品廣明。悲雲普覆故。法雷驚蟄故。通明無畏。照機速疾令見道故。以福智因成種種身。如雲形顯多。故法雨正能破四魔故。第三注雨生善。釋名八相漸益故可知。大文第六神通力。有上無上分中有六種相。一依內二依外。三自相四作住持相。五令歡喜相。六者大勝。若就經文分。二前四合為一段。正顯神通。後二為一。斷疑顯勝。今初分二。先別明後總結。別中三。初明依內。智慧明達者即起通之智。亦陀羅尼。二神通者是通體。三自在即通德。亦攝不思議解脫。及與三昧。具此三事即通無上。第二隨其下依外。謂業用依外境而起故。亦是第三依自相。謂轉變作用是神通相故。此二經文是一義分為二。今依自相釋文自有二種。一轉變外事。於中三一。同類略廣轉。二垢世界下垢淨異事轉。三或隨

心下塵容世界等。是自在轉。二或隨心念於一毛下。應化自身可知。第三或隨心念於一念中。示現不可說下。作住持相。謂常用不絕。故第二爾時下斷疑顯勝中。一先斷疑。後顯勝。今初即論生喜由疑除故於中。一先示自神通力斷疑。二說法斷疑。今初有二問答。初一問答顯神力無上。令衆歡喜。後一問答顯神力有上。令衆歡喜。前中先問後答。問中先大衆生疑。舉佛疑菩薩如上之事佛可得。爾菩薩豈然。後上首為請。答中二。一入定現通。二問答決擇。今初即事為驗故。於中三。一法主入定。國土體性無所不融故。能一身包含無外。二入此下衆觀希奇表通自在故。佛號通王。三金剛下攝用增敬。第二爾時解脫月下問答決擇中三。初問名字。二又問下業用分齊。三佛子菩薩住下類顯廣多。於中二。初但結多定已顯業用難思。後佛子此法雲下結略顯廣。則餘德無盡。此中亦即大盡中事。第二解脫月下顯有上中。謂劣於佛故。先問後答。問中即學菩薩疑佛。謂菩薩既實得爾。則佛應不勝。若言勝者其相云何。故問辭則同疑。意懸隔。答中三。一總詞問。非顯佛德無量。二復次下舉所未說顯佛德無量。謂向所說乃是十地德之少分。如四天下之少土。全將菩薩之德以比。如來。狀如四天下土。以比無邊大地。況將已說之少分以比。如來。則如一塊以比無邊大地。佛證極故。三佛子我今下。引事類顯佛德無量。第二佛子

菩薩住如是智慧下。說法斷疑者。謂此地菩薩智慧能令衆生入一切智。復顯上說其德不虛。故疑除生喜。然此下文當出地心。比前諸地。即調柔果而論復將入前分中。欲顯義門。多勢終似惑人。若準上例。上來地行竟。此下第二明其位果。於中亦有三果。今初調柔果中五。一調柔行。二此地菩薩智慧下教智淨。三佛子此菩薩已能安住下。勝過自在。四此菩薩十波羅蜜下別地行相。五佛子是名下總結地名。五中前二合爲說法。令喜可知。後三及餘二果俱名大勝。顯義多合故。論述前勢爲果。已定更不重言。就大勝中初三明神通勝。二攝報中得十不可說等名算數勝。此二種事勝一切地。故名大勝。偏舉此二者。以是神通有上無上門中明故。就前三中先明勝過自在。於中三。初牒前。次諸佛下別顯。後學要下總結。別中五句爲三。初句即能斷疑行。謂令通達三世之中所有道義故。二一句速疾神通行。聞說如來祕密法界故。三餘三句等作助行。謂以平等三道助通化益故。於中初句作淨佛國土平等化。即是助道。次句作法明平等化。謂教智化。後句作正覺平等化。謂慈念令得證知故。故論經云。令一切衆生得證法故。除別地結名及算數等。並可智。大文第八佛子此菩薩摩訶薩十地行下。地影像分。於中四喻。謂池山海珠喻。四功德前二是阿含德。後二證德。前中池喻修行功德。即諸地中起修之行。二山喻上勝功德。

即依修成德。德位高出故。三海喻難度能度。大果功德。即修所成德。能至大果故。謂大海難度十德皆遍。故名能度。大海難成由攬十德。能成智海故云。大果此釋法喻兼含矣。四珠喻轉盡堅固功德。謂從初地轉至法雲障盡證堅故。又十地有三。一是修地。因前果後故。初二喻顯之。二是成地。隨分。修成即是佛智故。珠喻顯之。三是法地。就佛智法開之爲十。故海喻顯之。以後一融前二無有障礙。又此四喻。皆喻十地。與彼佛智。非一非異。無差別之差別。而旨趣各殊。初一喻始異終同。次山喻能所依別。所依之地則一。能依之山不同。此則無差之差。上二喻有能所依。下二喻直喻地智。不立能所。三海喻全一。佛智之體而十德不同。德非別物。又互相通不同於山。斯乃無差別之差別。差即無差。四珠喻唯是一珠前後之異。唯一智體前後增明。喻雖無差別。不礙差別。又初喻前後體別。前非是後。而後包前。次喻前非後。後非前。而後包前。一體。海喻前後雖殊。而前後相遍。珠喻聞後一體。而前非後。後非前。具前。初一即是圓家漸。次喻圓中漸。珠喻即是漸圓。海喻即圓圓也。四喻圓融。上來所解在論雖無理必應爾。若得斯旨。不疑十地差別等相。今初修行德中有法喻合。法中始從歡喜。終至法雲。名次第行相。次第既具。則入智海。譬中四大河者。而各出一故。具如十定品。而言大者。阿含婆沙云出。

二十河。以四河去池四十里。各分爲四。并本四爲二十。今說本河。所以言大下云。增長攝餘十六。而勝鬘云八者。以東面五河。人皆具見。餘三大河名聲普聞。十二小河。不聞不見。故但言八。合中菩提心合池流出。善根等合四河。依菩提心修四攝行。自善增長故。準十定品說有四河。今文合具。一願智河。即大願之水。二波羅蜜河。三三昧河。即今善根。四大悲河。即以四攝法充滿衆生故。言無有窮盡等者。合上無盡竭。大願等皆無盡也。第二山喻上勝功德。中有四。初總舉於法。次如因下總顯於喻。三佛子如雪山下法喻對顯。四佛子此十寶下總結法喻。今初言。因佛智者。爲修平等佛智而起諸行修。既未窮故。隨十地之行各一增上。斯乃爲修無差而成於差。以本統末。非全隔越。第二總顯於喻。喻意可智。轉陀黎者。此云種種持。由乾陀此云雙持。迴文即云持雙也。尼民陀羅此云持邊。祈迦羅此曰輪圍。計都末底此云幢慧。第三法喻對顯中語。其山體前二土山餘八是寶。故論云是中純淨諸寶山喻八種地。三地世間云何言淨。論云厭地善清淨故。謂能修善厭伏煩惱。亦得爲淨。喻以寶山。若語山中所有。即明各有增上義也。初地聖智法藥。二地戒香。三地禪等可貴如寶。四地出世如仙。五地善巧自在如夜叉。六地以五地修。四諦因相同聲聞。未能出彼。六地超彼成果。無盡。七方便善巧如彼龍神。超前緣起之因。

名緣覺果。八地無功用心自在故。此自在衆即是密迹諸神。九地善巧攝生大力相故。十地佛德如天已淳淨故。論云。前三及六非衆生數。餘皆衆生數。就非衆生數中有二種事。一初二及第六是受用事。資內報故。第三實是守護積聚事。受用中有二。一藥是四大增損對治。二香及果即長養衆生。以撻闍婆常食香氣故。衆生數中復有六種難對治。一五通福。田治貧窮難。以供彼仙能生福故。二夜叉治死難。威制眷屬不令害入故。三龍治險難。降時雨故。四諸自在衆治不調伏難。調伏難調故。五修羅治惡業難。以呪術力制諸眷屬。不造諸惡故。六大威德天治修羅怨敵難。以四天王三十三天俱處此山故。論但顯喻義含於法。今略合之。初地法藥。初破無明故。二地戒。六地無漏慧資。法身故。三地禪等可蘊積故。四地道品資助能生福故。五地修無住不永滅故。七地功用滿足無所少故。八地三世間化得自在故。九地善知稠林得無礙辯破惡業故。十地如佛降四魔故。皆言集在其中者。如所說事能生一切物故。不可盡者。隨順修行不永斷不暫息故。第四總結法喻。即結成本意。本意有二。一既同一智海得差別名。則差非差也。二互相顯義。謂彼十大山因海得高勝名。若在餘處不足爲高故。大海亦因大山得深廣名。含斯大義故。十地亦爾因修佛智故得高勝。佛智亦因十地所不能窮。方顯深廣。故論云。

因果相顯。前言依地。即一切智地生長住持故。此言依海。即一切智海由深廣故。以山依二處。法含二義故。更顯之。又地則但依海。兼明入故。一一山皆深入大海。一一地智皆入佛智。又一一山下皆有於地則一地中皆有佛地。又山在海海則非山。山若依地山即是地。法合是顯非一異義思之。又山出海上。高下等殊。若入海中。量皆齊等。十地教行則優劣懸差。若證如入智量皆平等。第三大海十相明。難度能度大果功德。先喻後合皆有總別。合中總云不可移奪者。此有二義。一果海因。十地相不可移奪。其果海深廣之名。二地行因相。由依智海。不可奪。其因行之稱。以是海家之相故。果家之因故。若奪因相則果亦不成。喻中約果名不可奪。法中學。因名不可奪。文影略耳。故論云。因果相順故。云何相順。謂十地如大海此總舉也。能度難度者。顯因順果也。如海十相方能成海。得大菩提果。故果順因也。如海成時不失十相。離十相而無海。離十地而無佛智故。十地即智海也。別中攝十爲八。一易入功德以漸故。二淨功德。三平等功德。四護功德。護自一味恒不失故。五利益功德。利世間故。六六七二句合爲不竭功德。以深廣故。七住處功德。無功用行是菩薩所住故。經云。大身者。以無量身修菩薩行。十身相作故。八末後二句合名護世間功德。九地潮不過限不誤傷物。知機授法不差根器。十地若無大海水溺。

四洲餘不能受。必生毀謗。又得此二法。用護世間。第四寶珠喻。轉盡堅固功德者。先喻後合。各有總別。總云過衆寶者。論經云。過十寶性。雖不列名。論但云過琉璃等。意但取玻瓈等。不能出寶者。以況小乘八輩。及緣覺行果。但有淨相無利生用。今以出寶乃至放光。則出過衆寶故。取之爲喻。故。論云。以出故取。亦可以出海故取之。除不出者。闕餘義故。別中攝十爲八。合六七八故。八中一出功德可取者。選擇出海故。由初地中如智善觀出煩惱海也。二色功德。由治理之則色明淨故。三形相。四無垢。五明淨並可知。六起行功德。即次下三句。謂智行穿徹方便行攝持自在行高顯故。相用不染猶彼琉璃。頌云。金剛取不動不壞。上三皆是異相莊嚴。故合爲一。後二句明功用殊勝。謂七神力功德。聞持普照體用微妙故。八不護功德。謂隨王雨寶無護惜故。約法則得佛正智受位如王。令一切衆生同。已善根藏故。如隨意雨寶故。合云。廣作佛事。合文可知。下文第九佛子此集下地利益分。於中三。初顯法利益。二如此世界下結通十方。三爾時復以下。他方來證。今初分二。初生信功德。後雨衆天下供養功德。今初復二。先明說益生信。謂欲令物生決定信。故說利益。後爾時下動地生信。今初亦二。先總歎難聞。後解脫月下問答顯益。答中二。先正顯等於佛智。後何以下徵以釋成。先反後順。然聞有二義。一者沉溺聞。

大方廣佛華嚴經疏卷第四十四

爲遠益故。二不取開相。初後圓融眞實開故。聞已等。佛何更修也。若更修行等。多佛故。第二動地生信中。佛力爲緣而動地者。亦爲生信故。又法如是者亦是因也。餘如初會第三重頌分。若取長料即當第十。於中二。先說偈儀意。後正顯偈辭。今初先說儀。後欲讀下說意。意有九句。大旨同前諸會。今約當會以釋。初句。即顯初地。次句。即二地。以三聚戒爲行境故。三。即三四二地。厭禪。出世智皆淨。治行力故。四。即五地五明成種智故。五。即六地般若能除垢故。六。即七地空有無礙。與一切智故。七。即八地無功不思議智。莊嚴三世間故。八。即九地十地能說能受諸功德故。九。即總結。便指上八句。如是地義以顯說之。云更開顯。第二正顯偈辭。有四十二頌分。三。初一偈總讚勸聽。後一偈結說無盡。中間正頌分八。初十三偈頌方便作滿足地分。於中初二頌半。總頌前九地同相中善擇功德。餘頌諸地別義。若依總攝。即次第頌前十地。前八地中唯三地半偈。餘各一頌。九地有三頌兼結入位。二。有一偈頌三昧分。三。有五偈半頌受位分。四。有三偈半頌大盡分。五。有三偈頌釋名分。六。有二偈頌神通力有上無上分。七。有四偈半頌前位果。亦是神通分攝。如長行辨八有七頌半。頌地影像分。於中初二偈半頌山喻。次二頌海喻。後二頌珠喻。池及地利益分。文略不頌。其利益分。亦可結說無盡頌之十地竟。

大方廣佛華嚴經疏卷第四十五

唐清凉山大華嚴寺沙門澄觀撰

十定品第二十七

十經

初明來意。先辨會來。會來有二。一約圓融。謂前明普門中所具差別正位。故寄歷人天。今明位後德用不離普門。是則會別入普有此會來。重會普光意在斯矣。等妙二位。空同。如來普光明智故。二約次第前明。十地今顯等妙二覺故來。以極果由於始信。故重會普光。謂前依本不動智體起差別之位。今位極成。果不離本智之因。後出現因果。因是果中之因。得果不捨因故。果是果中之果。大用無涯故。二品來者。爲答第二會中十定問故。第二釋名會名有二。一約處名。重會普光明智會。由第二會已會此。故重意如前約法明說普法會。二品名者。定謂心一境性。十是數之圓極。以普賢深定妙用無涯。寄十以顯無盡。故云十定品。即帶數釋。若依梵本。具云如來十三味品。以等覺三昧上同佛故。三世諸佛之所行故。云如來三昧。譯家以義通因果。故略如來二字。然三昧爲定。雖非敵對。由等持心至一境故。義旨相順。從略云定。又別行本。名等目菩薩所問三昧經。皆人法雙舉。梵本是依主釋。別行即依主釋。三宗趣者。會

以普賢因果德用圓備爲宗。令物證入爲趣。品以普賢三昧無礙自在無邊大用。而爲宗趣。次正釋文。此會有十一品經分。二前六明因圓。後五明果滿。若依古德。前九明生解因果。後二明平等因果。前中亦二。前六品明位後因相。後三品明差別果相。然六品之因。若約次第與前五會俱是差別之因。若約圓融等因果相故。與果同會。果是對因之果。與因同會。平等因果由差別成。亦與此同會。今初此因即是等覺。然文有等覺之義。而無等覺之名者。以此等覺亦即十地之勝進故。是以諸教開合不同。仁王經等合此勝進入於十地。是以不立等覺。故教化品中約五忍分位。於寂滅忍唯有一上下。忍中行名爲菩薩。即第十地。上忍中行爲薩婆若。此謂如來。若依璽路。開此勝進爲無垢地。即是等覺。然等覺照寂。妙覺寂照。又實聖學觀品中說六種性。及六堅六忍等。瑜伽具有二義。七十八引深密經說。十一地。第十法雲十一說名佛地。唯有二十二愚得佛地。時由斷二愚。一於一切所知境極微細著愚。即俱生極微細所知障種。二極微細礙愚。即是任運煩惱障種。斷此便能證大菩提。更不別說等覺斷證。論復有文亦立等覺。又菩薩地云。此菩薩雖已修行功德海。滿由未能捨三種法。故不名妙覺。一由未捨劣無漏法。二由未捨白淨無記法。三由未捨有漏善法。至妙覺位方捨此三。今經欲顯開合無礙。故存

其義不彰其名。下離世間品智慧助道具中。既云隨順六堅固法。有等覺明矣。文中分二。前三品正答前問。後三品總顯深廣。今初分二。前一品明業用廣大。後一品明智慧深玄。前中亦二。初品就定明用。後品就通用。前中分五。一序分。二請分。三示說者分。四本分。五說分。初中三。初總顯三成就。二始成下別顯三成就。三與十佛刹下別顯衆成就。三。初約主顯時。二於普光明下約主彰處。三入刹那下就德顯主。於中十句。即攝二十一種功德中。二十別句。總句即前始成正覺故。一入刹那際三昧者。即窮法真源。謂時之極促名曰刹那。即彼刹那時相寂寂。無際之際名曰刹那。即攝二句。謂二行永絕及達無相法。若有二行則有利那。二行既絕則利那無際。由達清淨真如本無相故。所以此中特名入刹那際者。爲顯將說等覺位故。菩薩地盡唯有果累無常。生相未寂猶名識藏。若以無間智覺心初起。心無初相遠離微細念故。即無利那。若入此際即見心性常住。名究竟覺故云。諸佛三昧亦顯差別歷位。不離最初利那際故。二以一切智自神通力現如來身者。依通起用。此攝二句。一切智通即住於佛住。謂由一切智無有功用。自神通力常作佛事故。次現如來身即攝得佛平等。謂依上一切智現身利樂有情故。三清淨無礙攝三句。謂清淨攝二句。一攝到無障礙。謂慣習覺慧永斷所治。故云清淨。二攝

不可轉法。由清淨故。他不能轉。無礙者即所行無礙。世間八法不能礙故。四無所依止無有繫緣。即立不思議。謂離立教法不依世間故。非諸世間所能繫緣故。五住奢摩他最極寂靜。即普現三世。以見三世平等如理無異。爲最寂靜。六具大威德。即身恒充滿一切世間。現受用變化身大樂樂故。七無所染著。即智恒明達一切諸法。謂於諸法善決定故。無有染也。八能令見者悉得開悟。此攝二句。一攝了一切行。謂知有情性行差別隨開悟故。二攝除一切疑。謂知彼遠劫微少善根。亦令開悟故。九隨宜出興不失於時。亦攝二句。一攝無能測身。謂如其勝解而示現身。如摩尼珠。名隨宜出生不失於時。二攝一切菩薩等所求智。謂調伏有情攝受付囑等。皆不生時故。十恒住一相所謂無相。攝餘五句。謂到佛究竟無二彼岸等。隨義雖殊皆由一相無相而成。可以意得。餘如升兜率品辨第三別顯衆成就中五。一舉數。二應不下歎德。三共名下列名。四如是等下結數。五往昔下集意。歎德中十一句。初二句總位極行圓故。餘九爲別。前四自分德初二行相。一深二廣。後二行體。一定二悲。後五勝進德前三同佛三業大用。可知。後二同佛無住涅槃。初句釋。謂不住涅槃故。入世間不住生死故。心恒寂靜。後句結德屬人。三列名中一百菩薩。初有三十同名慧者。表純德故。念莊嚴下七十菩薩別名者。表雜德故。餘二

可知。大文第二爾時普眼。下請分中四。一普眼請問。要以普眼方見。普法故。二佛言下如來許問。三普眼下舉法正問。四佛言善哉下數問利益。大文第三普眼普賢菩薩下示說者分。以法屬普賢故。示其令請。於中有六。一示人令問。二開名獲益。三推求不見。四教起見方。五依教而求。六爲現身相。今初分三。一示處。二已能下歎德。三汝應請下教問。第二爾時下開名獲益中。獲十種益。文並可知。第三其諸菩薩於普賢下。推求不見中有三推求。皆悉不見。一渴仰推求不見。二重觀察不見。三以三昧力推求不見。文各有釋。今初先求不見。後此由下釋不見所以。威力持者。欲令大衆渴仰得顯深旨故。二重求中三。一審問重示。法本湛然故。初無移動。二是時普眼下推求不見。猶謂可見故。三佛言如是下釋不見所由。於中二。初印定徵起。後善男子下正釋所由。以往處甚深故文有十句。初句總。次八句別。後一句結。別中四對。一廣智勝定深。謂智門無邊有邊之智焉。觀定用起伏無畏展促自在。唯以出世定求故不可見。次二外用內證深。次二得力成身深。後二多護速證深。由上八深故不能見。第三爾時普眼普賢聞如來下。以三昧力推求不見。於中分四。一新獲三昧。二以三昧下以定推求。三時普眼從三昧起下。自陳不見。四佛言下釋不見所由。於中五。一約法總標由住難思解脫。翻上三昧可思入故。

二普眼於汝意下以近況遠三何以下徵釋所由釋中二初略標深廣翻上三昧尚有數故後舉要下舉略顯廣文有十句初句總以金剛慧達差別法界俱空故餘句別由了空故一世界無住處二衆生無可化三寂無去來四聖無斷盡五橫混差別六體非體故不礙現通七用非用故無依無作八不離如如故無動轉九理事圓故窮法界邊四善男子若有下彰見之益五爾時普眼下歸敬彌增文顯可知第四教起見方中初令策勵前心次又應下別示深觀上捨境別求故未識其體今令十方齊觀知其體周下依此觀是以得見後管與下起願思齊具上三心則能得見第五是時普眼下依教修行然普眼位深而猶重習觀修者略有二意一位未等故二示深獎物故第六爾時普賢下爲現身相於中五一爲衆現身不見顯深現不礙用故二是時普眼下衆觀喜敬三是時以佛下現瑞成益四爾時普眼下歎德廣深於中十句無等者下無等故無過者上無過故餘可知五佛言如是下如來印述初印後述述中十一句初句總後所謂下別別有十德一二嚴德二圓明德三深廣德四色相德五慈覆德六超勝德七知法德八絕言德九同佛德十讚無盡德大文第四爾時如來告下本分有四一舉益令說二何者下列所說名三此十大下歎定勝德四是故普賢下結勸成益今初分二初勸說成益後諸普

薩下引例證勸以三世諸菩薩若說此定皆成益故第二列名中皆云大者因滿之定稱法界故一普光者身心業用周遍全包爲普智照自在名光二妙光者身智遍照爲光勝用交映爲妙三十方無餘之利皆至入定爲遍往往無雜亂不礙時節歷然爲次第即能起用名神通以智用如理本自遍故四明達諸法本自清淨離於想念契理深心依此起用遍供諸佛請法起說名之爲行五佛出劫刹等事皆名莊嚴過去門中包此無盡爲藏亦名過去清淨藏者入定能入劫一念無緣起定能受法三輪無著皆名清淨六未來藏中包含諸佛及佛法等名之爲藏智慧徹照稱曰光明七現在諸佛作用衆會身相益物皆曰莊嚴橫遍十方故云一切現可目觀故不云藏八於差別衆生身內外入定起定皆自在故雖通三種世間從多但云衆生前後諸定皆從多說九於眼等十八界自在入出又知事法界邊際與理法界無礙自在故十無礙輪者三輪攝化皆自在故又得十無礙滿佛果故無盡大用一一無礙皆悉圓滿能摧伏故尋初後際不得邊故第三歎定勝德於中四一約人以歎人勝故法勝二若諸菩薩下約修以歎於中二先明修成後如是下修益於中亦二初有十句明上等佛果後此菩薩普入下明身智周遍皆言普入者一一皆窮帝網境故文顯可知三此是諸菩薩下直說法歎明此

十定該攝諸法體相用等一一超勝故十門五對一境智通悟二因果遊入三通辨出處四佛法所從五嚴土攝生罔不由此四若菩薩入此下約證以歎前約修歎望於佛果以顯終同此約證歎直就此定以明業用亦二十句前十明勝德無限文顯可知後得法界智下明智德自在及第四結勸文並可知大文第五爾時普賢下說分中三初承旨總告二佛子云何下別釋十定三第四十三卷末云佛子此是下總結十數二中十定即爲十段各有標釋結就初定釋中分五一智無盡二心無邊三定自在四智巧現五觀超絕各有佛子以爲揀別五中初二定方便次一定體後二定用又前三各有標徵釋結今初釋中十句五對初二所事所化次二化處化法如影者無實故隨現故次二攝護始終次二所持能持後二始心終願第二心無邊者前明所知無盡今辨對境發心以境無邊故心無邊有十一句者增數十也第三定自在者由前大智大心故於三昧自在方處非一入出不同故云差別文並可知第四智巧現中有標徵釋釋中三初法說於中先十句別明展轉深細後一句總顯離相分明次舉喻後佛子阿修羅下以劣況勝第五觀超絕中有法喻合合中異前化現故云法身法性包含故一時頓見由此義故無能映奪第二妙光三昧釋中二先法後喻法中四一身雲展入二是諸世界種種下身智俱入三是

諸世界亦悉下明其卷入。四然諸下明展卷無礙。二喻中文有二喻。喻前五入無雜亂義。一寶山光影喻。二幻師善巧喻。前中先喻後合。喻中有五。一明日光現影。七寶山者即七金山。如十地末所列其名。但除妙高及雪香二山。山間有七香海。海現日影。山以淨金亦能現影。二其寶山上下明兩影互現。正喻菩薩自他互入。以彼影明淨如今之鏡故。能互現。三或說日影下。正辨得名不同。謂水中本影現山上影時。此所現影。從山上出來入山間。若山上本影現水中影時。此所現影。從山間出入七金山上故。正入時即名為出。所喻可知。四但此日影下明重現無盡。喻菩薩帝網身上。五體性下明體離二邊。故能互現而無雜亂。謂取不可得故非有。影現分明故非無。不住成上非有。不離成上非無。若有定住。則不能相入。若其離者則無可相入。故不離不住方能相入。後法合中直明。不壞不住故得互入無礙。初二句明。不壞性相謂若壞性相則無可相入。次二句明。若住內外。則不能相入。謂若住世間內。則不能身包世界。若住世界外。則不能遍入世界。由俱無住故能互入。於諸世界下釋其所以。由定無分別而不壞相。慧觀一相而不壞諸。既事理雙遊故。不壞不住。若不壞不住。則住真如恒不捨離。既即事不捨故相隨性而融通。如無不在故同。真如內外互入。後如幻喻中。二初總喻。後如有幻師下別喻。

今初先喻。後合喻中三。初總明。能幻二住四衢下明依。本時處。現幻時處處互相入。後不示現下。本末互不相礙。喻不壞相。後菩薩下合中五。一明。一多相容不同。合上現多時處。二菩薩於此下明。智鑒不昧。合前能幻之術。三不以彼下。合不壞本末之相。四何以以下徵釋所由。先徵意云。何以互入得不壞相。釋意有三。一由知人無我故。人我之相已見上文。二菩薩知一切法本性下。知法無我故。三菩薩勤修下。得同體大悲故。由此故能融通事理。第五佛子菩薩如是下。結成上義。於中三。一結上多入。二然不捨下。結上不壞性相。後當勸下。結上明鑒。第二別喻中有三逆喻。總中三段。一幻不壞本喻。別喻不壞相。二如是幻者下。幻必依處喻。別喻前依。本時處。現多時處。三如彼幻師作諸幻事下。明幻師不迷喻。別喻前能幻。今初先喻後合。合中先正合。後菩薩了知下。釋其所以。第二幻必依處喻。先喻後合。喻中略無。幻必依時。準合應有。合中分二。一先合依處。後合依時。前中初總合。以記物現故。空即事空。次何以以下徵釋所以。由理無差故。後住於世下。結成自在。二於一念下。合於依時。於中先正顯。後菩薩摩訶薩得下。釋其所由。以得幻智同於佛故。及第三幻師不迷喻。文並可知。四十一經第三定中釋內有三。謂法喻合。法中五。一明。遍利入定。二或剎那下明。入時次第。三若久下。總結多門。四菩薩於彼下心契定。

體。五雖離此下。不廢起通及喻合等。文並可知。第四定中釋內分二。先明定內深心行。後明定起深心行。今初分二。先起行。後深心前中先舉內。後於彼一下起行。於中先明外事供養行。後於彼一一恭敬等三業供養行。二然於諸佛下明。深心中二。先法說。後如散動下喻況。於中二喻各有喻合。一妄念無知喻。喻其契實無念。二陽炎似水喻。喻其了妄同真。文並可知。第二佛子此三昧下。明定起深心行中。初法次喻後合。合中上明供養自利行。今明開演利他行文影略耳。開演深理。即深心起行也。第五定釋中有五。一對境辨智。二正顯智。知各有十句。皆是過去藏中之法。三所知時分。有十四重。即釋過去之義。四顯知相狀。不滅現在者不捨也。不緣過去者不取也。謂但約過去門。顯非有取捨而緣。上四各一佛子。五明出定獲益有三。初舉數辨相有十句。初句總位。終成果。名受灌頂法也。餘句別。一屬已二淨障。三究竟。四始入。五正證。六終滿。七持令不失。八無知而知。九淨三輪。總該前九。如約智。辨三輪者。謂無能知所知及正知故。餘可思準。二何等下徵列其名。初四是四無礙辯。次二自利不。畏深法。如言能行。次二利他。為善者依。為惡者救。後二總明。二利勝妙。三佛子下結得速疾。有法喻合。歌羅邏者此云薄酪。餘可知也。第六智光明藏三昧釋中分二。前明定業用。後彰定利益。初中分六。一總知諸佛。

二若已說下知多名號。三當出現下知當所作。四彼諸如來修下。明知彼因圓果滿。五彼諸如來名姓下。知現所作。六此菩薩於一念下。明知分齊。其中大千即是佛刹。而重言者多是遣脫。應言百佛刹也。餘並可知。二以了知下彰定利益。於中四。前二自利。後二利他。謂一令心入持益。即由上知故持之不失。由持不失得持之益。一心中持佛得佛護益。二心入持法。得總持辯才益。餘句做此。有十二者增數十也。師子受生者。不畏生死苦故。示生死實性名開法關鑰。了生死本空故。出欲淤泥。智力持者定慧雙運也。入無住力持。則大劫不離一念。二佛子至住此三昧下。明得善巧益。有法喻合。然善巧有二。一如事善巧故。法云不可說無量。喻云見種種物。二如理善巧故云日光平等。又由此二無礙方名善巧。故合云無分別而能知。三佛子至如是了知下。明得不空益。四佛子至住此三昧下。十王敬養益。第七三昧釋中。二先明定體用。後明定利益。前中亦二。先徵後釋。所以重徵者。前通徵一定。此則別徵莊嚴。後佛子菩薩下釋中。二先釋一切世界。以是現在故但云十方。二皆見諸佛下釋其莊嚴。於中二。先總列十門皆是莊嚴。其中第八別明莊嚴者。即功德智慧以嚴其心。色相光明以嚴身也。後衆會清淨下別顯莊嚴相。以廣前二。一廣衆會。二廣莊嚴。今初有三。初明見他。二見自。三能見。今初亦三。初見

衆會體相。次亦見衆會下明見分量。後亦見諸佛於彼下見佛作用。二菩薩摩訶薩下明見自可知。三如是見時下明能見。有法喻合。法中明無分別而見。喻中明能所詮不自云我是能所詮。而不捨能所詮。以喻無分別故而知也。合中先合不捨。後而於下合不分別。二佛子至見佛無量光色下廣上莊嚴中。二先以法說後以喻顯。前中二。先標章門。略舉四種莊嚴。皆分明證了。後或見佛身下依章別釋。即分爲四。一釋無量光色。二或見佛身其量下。釋無量形相。三佛子菩薩如是見下。釋上圓滿成就。顯前二圓滿故。四又見佛下釋上平等清淨。即衆內二嚴。二佛子菩薩如是見於佛下以喻顯中三。一空無增減。喻法性身無可增減。空之大小在於世界及於芥子。非空體然。如法性之身應器成異。二月無增減。喻真常色身體不易故。證有近遠隨心見殊。前喻但喻佛身。此喻兼喻光色及圓滿成就。三隨心現境。喻上清淨。菩薩心淨則見佛淨。在於如來何淨何垢。第二佛子至住此三昧下明定利益。略舉七種益。各有佛子以爲揀別。第一速成行願益。有標徵釋可知。第二法印同佛益。有十句五對。初二福慧同。次二諦境智同。次二體用同。次二利同。後二善巧平等同。第三以德成人益可知。第四智德包含益。於中二。先喻後合各有十句。合中總標合初獲即得。十句合前十事。唯八九不次。以智雖是一從

所知別故。一佛刹合色相。二衆生合形體。三變化合示現。四入佛合眷屬。以互爲主伴如眷屬故。五通達佛法爲助道資具。六普攝淨法則圓音示人。七皆令入法方是神通。八普眼清淨超合慧解。九自在却合自在。十住法合智用。第五身威超勝益。有標有釋。第六令他圓滿益。先牒前起後。後微列名相。第七轉作佛事益。亦先牒前起後。後微列名相。文並可知。已下入第八一切衆生差別身三昧釋中分五。一明能入智。二顯入出之相。三明入定之益。四明境界自在。五總結究竟。今初由得十種無著。成後出入自在。一切地者佛地菩薩地等。二入出相中。二先徵起後釋相。於中先法後喻。法中略辨十類。以表無盡。一諸類正報相對明入出。二天中入下六趣依報明入出。三千身入下一多相對。四閻浮提下四洲大海相對。五一切海神下。大種事法相對。其無生法乘。四大種生便故來。六一切妙香華下諸方相對。七一切四天下。衆數多少相對。八不可說不可說衆生衆中入下。染淨相對。九眼處下諸界相對。十一微塵下難明諸類相對。爲龜細凡聖念劫真妄等。其出入等義如賢首品。二喻顯中有四喻。喻前十類各有法合。一鬼力持人喻。喻第一第四多約身故。第二咒起死屍喻。喻第二及與五六多約依報境故。第三羅漢現通喻。喻第三第七多約數故。第四地一苗多喻。喻後三門難明種種故。喻合相映文理自顯。第三佛子

至住此三昧下。入定益中有三。一得證同佛果益。皆上句顯義。下句結名。十力義中云。心志圓滿者。明力自利義。義利成就顯力利他。所作皆辦彰。力圓滿任無礙智總顯。力體。分別了知一切諸法通明力用。餘文可知。二身智光照益。三業用無作益。皆有佛子文相並顯。第四佛子至住此三昧無量境下。明境界自在。先法後喻。今初前第二段但明入起。今兼明逆順有無等。為種種境界。起中入者。即用之寂故。入中起者。即寂之用故。是知菩薩之定常入常起。常雙入出常無入出。方為自在。為顯自在。寄諸境界交絡而明。二喻顯中文有六。喻皆自有合。一幻現六境喻。喻前同異。二修羅窟匿喻。喻前龜細小大二對。若約理事相望。則無差別為細差別為龜。理細事龜故。或無差為龜總相入故。差別為細別相入故。無差則大周法界。差則隨事成小。若唯約事明大小。並差別所收。三農夫下種喻。喻明上下合辨。一多。文影略耳。四受胎生長喻。喻上有身無身。如彼從無之有故。五龍下雲上喻。喻有相無相。六梵宮普現喻。喻上入中起起中入。及逆順相對故。合云種種。第五佛子至到神通彼岸下總結究竟。並顯可知。第九法界自在三昧釋中四。一顯定體用。二明定成益。三以喻寄顯。四總結雙行。今初分三。初總顯名體。謂於眼等法界得自在故。二菩薩於自身下影入定處。謂於毛孔中入眼等定。顯互用自在故。三自然

下明定功用。於中四。一了三世間。二菩薩於彼下多劫修行。三又於下入出無礙。四以於法界下結成自在。此有二義。一於理法界自在故。能善分別眼等界。二善分別眼等十八界。即是事法界自在。此二無礙及事無礙。故云如是種種。皆橫盡其邊豎窮其際。第二菩薩如是下。明定成益中辨十種益。一生多功德益有二十一。各十千億。二佛子至復有無數下具無盡德益。隨前一事皆至無盡故。於中二十句。前十句所具之多。後十句能具之相。清淨者除垢故。瑩徹者發本智光故。三佛子至住此三昧下諸佛攝受益。於中三。初明攝受。次彼諸佛下現身說法。後令修下令其修證。四佛子至住此法界下諸佛護念益。攝受攝之屬佛護念。即佛力來加。五得十海深廣益。六得殊勝超絕益。並可知。七得諸力幹能益。於中初列十力。後佛子此十種力下顯其超勝。隨前一力。皆具此三十八力。八佛子此菩薩下結能圓滿益。九此菩薩功德下自德無邊故。他不能說益。十佛子至住此三昧下。三昧無邊自無不了益。上十段中前七別明。後三總結。第三喻顯中。正顯前體用及益。亦明前所未顯故。不全似上文。文中二。先總舉喻體。後佛子如無熱下對喻別合。有十三門。各先喻後合。一合流沙入海喻中。先總明喻合。雖舉四河意在四口出沙故。下第九別明。四河後如恒伽下別明四辯即喻。四口所說即喻。四沙若開四辯總別為五。則有十

七門。二如四大河下合邊池入海喻。於中先喻後合。合中先合邊池。菩提心。智名之為池。三業隨順智慧。即為邊義。後佛子下合其四方。三如四大河圍遶下。合池見寶華喻。說法有開敷之義。三昧有成果之能。莊嚴清淨皆華上之別義。四合寶樹遶池喻。五合大池清淨喻。即是池體。六合栴檀香岸喻。十種智寶有二義。一即離世間中十種如寶智。二即他心等十種智也。七合底布金寶喻。妙智合金沙。解脫合摩尼。無礙光明合二種放光。住佛所住入於甚深。合布其底。上四段各以如無熱大池為首。八如阿那下合龍王無惱喻。即合池名。名因龍得故。九合四河潤澤喻。十合四河無盡喻。十一合入海無障喻。十二合入海無厭喻。上之四喻。各以如四大河而為喻首。上之十喻。皆以菩薩而為合初。十三佛子如日光下。合眾寶交影喻。先喻後合。合中二。先正合。後何以下徵釋涉入所由。第四佛子至雖能於定下。總結雙行。謂權實定散無障礙故。於中三。先法。次佛子下喻。後菩薩下合。然法中明即寂而用喻。合乃明即用而寂。文影略耳。十三經。第十無礙輪三昧。亦初徵次釋。後結釋中三。初明入時方便。二佛子菩薩摩訶薩住此三昧已下。明入已智用。三佛子菩薩摩訶薩入普賢所住下。定滿成益。今初有二十二句。兼顯定名。初十一句因用無礙是無礙義。後普入下有十一句住果圓滿。即是輪義。今初段中。即此無礙無所不摧。亦

即輪義。初三句三業無礙。次句器世間無礙。次二句衆生世間無礙。餘句智正覺無礙。後住果中二智通權實。故云普住。三作利樂事。四淨二障種。七智契佛境。餘七可知。第二入已智用中四。第一攝佛功德。二證入諸法。三普德無盡。四結示勸修。初中即攝。如來二十一種殊勝功德。以此位中德等佛故。其間或全同佛相。或有約因相似而次第無差。於中三。初總明妙悟皆滿。次別顯二十一德。後顯德勝能。今初十句。初句標滿時。餘九顯滿相。然一切智若對種智。即是根本。若直語佛智則通權實。今此顯通。於中初三句始觀。言觀一切智者標也。云何觀。觀有二種。一總觀。謂權實齊觀故。二別觀。此是實此是。權權中有差別。皆審照了故。次三句中順。亦初句標。次云何隨順由前總觀故。顯能顯示由前別觀故。各各攀緣。後三句終契。釋同前觀。但由前觀察。今證見分明耳。二於普賢下別明二十一種功德。分二十段。後二合故。今初第一明二行永絕。即於所知一向無障轉功德。然有二義。一謂非如二乘有無智故。二不同凡夫現行生死起諸雜染。不同二乘現行涅槃樂利樂事。世尊無彼今菩薩亦無。文中廣顯利樂。即不同二乘皆與智俱。即不同凡夫就文分二。先總明大用常恒。二佛子此菩薩有一蓮華下。別顯一用。前中二。先法說後喻明。今初法說中二。先正明後徵釋。今初先明行體。後不斷下辨常恒。二徵釋

中。微意云。何以得此智滿行常。釋意云。願行善成。智慧善巧。故第二喻顯中四。初喻二合。三徵。四釋。今初。摩尼寶置色衣中。即總喻菩薩心智置佛智中。雖同衣色喻前智滿十句。故。合云觀一切智等。不捨自性。喻前行常二十句。二合如喻辨。三微意云。何得已能滿智而不斷行耶。四釋意云。菩薩無障礙願法應爾故。窮盡生界益無疲故。文中二。先法說可知。後轉以喻況。於中三喻皆喻利生無厭。各有法合。一虛空持剎喻。喻大願法爾故無厭。二涅槃普滅喻。喻爲淨衆生故無厭。上二喻悲。三佛智普成喻。喻能所不二故無厭。此一喻智既非愛見之悲。何有厭乎。第二別顯一用中二。初明依果殊勝。後菩薩摩訶薩於此華下。正報自在。前中二。先明相嚴過前十地故。窮十方際。後此大蓮華下。辨德嚴。自內而觀量周法界。自外而觀許衆生見。斯乃即小之大。也。二正報中二。初明身量大小。後一切諸佛下明佛加放光。有二十重。後後重中皆倍前前。百萬億那由他不可說佛刹微塵數。倍則數難量矣。第二佛子菩薩至此三昧下。明達無相法。即同諸如來。於最清淨真如能入功德。初結前生後。達無相故不染。後安住下。正顯安住即是入義。謂此真如非有非無。故云無邊。定有定無即是邊故。不可說法即離言真如。其法界實相及無礙際。皆真如異名。而云如來種性者。諸佛以無性真如而爲性。故出現品云。皆同一

性所謂無性。法華云。知法常無性佛種從緣起。無去來等重顯真如。即是中道故。深無底現量已下別明能入之義。第三爲去來今下。明住於佛住德。謂佛無功用常住。聖天梵住故。文中先三世佛讚。文通前後二段。從諸佛力下正顯其義。謂入一切佛境。即聖天等所住境也。淨眼現證下明能住相。十眼圓明而安住故。文有五眼。餘但義含。第四成菩提心下。明得佛平等德。謂佛佛相望有三平等故。文即爲三。初明所依平等。諸佛皆依清淨智故。文中始發菩提心。終成種智。出生智用皆所依也。次離世生法下明意樂平等。同以調生爲意樂故。後神通變化下作業平等。同作受用變化業故。第五功德解欲下明到無障處德。以修一切障對治故。福智皆淨。離於二障。文中。初二句功德。次二句智慧。各上句障淨。下句德滿。次二句重顯功德。餘四句重顯智慧。第六所行寂靜下。明不可轉法德。謂教證二法他不能轉。文中初二句略標教證。謂寂靜證也。於諸佛法教也恒以下別顯教。念力下重顯。證既如空無著等。他安能轉耶。第七於諸世間下。明所行無礙德。謂離於世間作利樂事。世間八法不能礙故。文中住菩薩心成堅固力等。即不礙之因也。第八一切諸佛下。明立不思議德。謂安立正法凡愚不能思故。文中初總顯一切教法。皆是如來威力之所建立。菩薩能知。反顯凡夫不思入不二下別顯安立難思之相。謂依無

相而廣說故。隨欲解之多端。故並難思也。第九法界爲身下。明普見三世。以身心等於法界。故於三世事記別無差。在文可見。第十開示一切法下。明身恒充滿一切國土。謂爲開法故。示現受用變化之身。遍諸世界而爲利樂。文相亦顯。第十一得佛智慧下。明智恒明達一切諸法。謂於境善決能斷他疑故。文相亦顯。第十二具大威德下。明了一切行。謂具增上意樂。能了有情意樂性行。如其所應而爲現身。即有威德。第十三亦爲開示下。明除一切疑。謂聲聞人言其全無少分善根。今能開示。令其知當生如來妙智故。心不障礙。第十四於一切法心無動下。明無能測身。然有二義。一謂其身非虛妄分別所起。無煩惱業生雜染故。不可測。初一行經顯之。二其身雖無分別如摩尼珠。然由佛增上及衆生勝解力。見金色等。而佛無有分別。即不壞諸有下。經文顯之。第十五雖隨世俗下。明一切菩薩等所求智。謂菩薩以無量文字調伏有情。要依佛所開法爲先。獲得妙智故。諸菩薩等皆求也。文相甚顯。第十六了一切法下。明到佛無二究竟彼岸。謂了一切法空法界等。即佛無二法身。依此法身修波羅蜜多等行。而得圓滿。爲從法界生。第十七猶如虛空下。明具足如來平等解脫。謂一如來所現身土。皆遍法界。猶如虛空。無相無形不相障礙。而不相雜。隨其化緣現各別故。故文云。隨順演說於一境門生一切

智。謂各順一一境故。第十八觀十力地下。即證無中邊佛平等地。謂三種佛身平等遍滿。無有中邊之異故。至薩婆若。即自受用智。爲橋梁。即通變化。見法無礙即是法身。結云善入諸地者。即佛十地也。第十九知種種下。明盡於法界。謂此法界最清淨故。能起等流契經等法。極此法界。於當來世作諸有情隨應利樂。今文但有所起略無能起。第二十所有大願應不成就。即等虛空界。窮未來際無有盡故。方云成就。上來略辨。若廣引諸論如升兜率品。第三佛子菩薩摩訶薩以此開示下顯德勝能中二。初總明。後雖一切下別顯。今初先標。謂用此會事之德。開示佛平等性者。同有二十一種功德故。後此是下總歎前德。二別顯中餘九不言。且廣初無礙之義。自有四十一句。初句有不礙無。以有是無之有故。後四十句明無不礙有。以無是有之無故。又前是二而不二。後是不二而二。及寂用相即等。並顯可知。第二佛子菩薩入如是下。證入諸法。用中四。初明證入。二離證相。三徵四釋。今初十句。初句明能證之定。三昧智輪尙順梵語。若正應云智輪三昧。因定最勝名大威德。則能下顯所證法。謂證佛果法。初句總無爲果爲證。有爲果曰得。餘句別趣入釋證成就釋得。圓滿通二積集約。因圓清淨。謂障盡。定能安住慧能了達。定慧兩亡則自性相應爲證入也。二而此下明離證相。以無念方證故。尙不念無礙慧境。況所證

法有若干耶。三徵意有三。一何以證而無念耶。二何以一定得多果耶。三何以因定得果法耶。四釋中二。初略別釋。後此三昧下廣以通釋。今初別釋三徵。一體性離念故。二定體離一用無邊故。三以殊勝故因得果法。後廣通釋者。謂文廣義通。通明上三句。於中二。先總標。境是定之所緣。深入是定證契。威力是定之用。三皆定體皆言種種故。上云無邊。具三又多故云殊勝。後所謂下別顯有二十八句。句皆有上三義。如初句入即深入義。不可說等即無邊義。智門即境界義。其間或有闕無邊義蓋文略耳。知智在說說爲智門。二入功德智慧不二之莊嚴。六入不空如來藏。七悲智之。境觀度無休。餘可知。第三佛子此菩薩摩訶薩住普賢下。普德無盡。於中四。一正顯無盡。謂非唯上列諸用。又能念念入多三昧。亦不能盡。二徵徵意云。既念念入多何以不盡。三釋意云。此三昧緣境究竟無盡故。文有十句。初總餘別並可知。四喻況。於中有三喻。喻如意隨求喻喻。定心隨應出法無盡。徵意云。何以出法無盡不置息耶。釋意云。了多幻境皆同影像。緣至則生何有盡耶。體無增減何有置息耶。二生心各別喻。喻緣境無盡可知。三龍王降雨喻。喻入法無盡。於中初喻後合。合中分三。初正明入法合。滴如車軸。謂入廣大法。故初句總智門。下別皆云。門者自他遊入故。幻網者一切皆幻。互爲

緣起相交映故。世界性空故無體。隨緣染淨故有體。又法性土故有體。事土從緣故無體。又淨利順理故有體。染刹妄成故無體。餘可知。二於一念下。入法時分合前降雨之時。三如是入時下。明入時相用。合前無邊無盡無作境界。於中三。初十句明其相狀。次求一切智下明其業用。三徵釋所由。今初。初二句合雲無邊雨無盡。不疲下合無作境無作即無功用故。身不疲心不厭。不永斷不暫息。未入常入故不退。已入永常故不失。無法非所入門。故不住。非處無心不契故。恒正思惟不沈不舉正是入相。二業用者隨入。二一門。皆有斯業門。門即不可盡。文顯可知。三徵釋中微意有二。一云。菩薩豈無行滿成佛。何以業用無際限耶。二云。設橫顯無盡可爾。何以一一門中用即無盡。後釋意亦二。一云。菩薩本為衆生。生無盡故用亦無盡。二釋後意云。生及世界既如虛空故。隨一門即用無盡。如芥子中空。由此不但一門成多。一念亦能成多事矣。文中三。初喻明火隨薪緣薪多火在。喻菩薩生界緣廣用無有涯。次合可知。後轉徵釋。微意云。菩薩何以起多業用。釋意云。為普度生滿普願故。第四是故諸菩薩下。結示勸修中。二。初結勸勤修。二佛子至如是修行普實行下總結顯示。今初謂菩薩心窮生界。定用無涯。故應修習。文中二。初舉所修之法。後勸加下示勸修相。今初。是故諸菩薩五字該下二段。其所修法有十一句。末後一句

舉定名體。前之十句。別明無礙輪之業用於中。倒牀前來諸文。初種類者業用非一故。如合龍喻中入法衆多。是種類義。二境界者即定所緣。如前妄念緣境喻。三威德者即通顯定用。如前寶珠能出生喻。四此上三種皆悉廣大。一一無涯。如前不見三昧前際故。五數不可極。如前入不可說智門等即無邊故。六並絕心言。如前不作是念有若干菩薩等故。七皆與智俱。如前雖知諸法無作。而能示現一切作業。是權實明照故。八體用齊於佛境。則諸佛現前。如前觀十力地至薩婆若故。九如來護念。如前諸佛攝受已。入未來諸佛數故。十非但現用自在。亦成普善。如前功德解欲悉清淨故。第二示修相中。二。初略示離過進德。後不依下別示離過進德。於中先離過。後於諸法下進德。文並可知。第二總結。顯示者遠則通結前來諸段。近則逆結上來進德之文。欲一一配屬。恐厭繁文。大文第三定滿成益。文屬此定意兼前九。於中四。一外感佛加益。二內德圓滿益。三上攝佛果益。四正同佛果益。初中五。一辨加所依。謂在定時故。二十方下顯能加者。三與如來下正顯加相。四佛子菩薩下。加以成用。文並可知。五何以下徵釋所由。微意云。普行既滿何須盡未來際行調生行耶。釋意云。無障礙願法應爾故。已成大願真能調故。第二佛子此菩薩獲如是下。內德圓滿益中四。初牒前住定之因圓。通牒上文並顯可知。二

其心恒住下別示所滿。十表無盡。三佛子此菩薩摩訶薩已到普賢下。總結究竟。四何以下徵釋所由。微意云。菩薩何以能滿爾所德耶。釋意可知。第三佛子至以此三昧下。上攝佛果益中三。初正明。次何以故徵。微意云。上是佛德何能攝耶。後菩薩下釋意云。住此三昧能所作無餘同。如來故。於中三。初正顯無餘之業。故皆云一切。二於此法中下明作業行相。初句總顯。依前而作。更不作餘不足之業。住未足等顯其作義。如是已下總結前作。三佛子下逐難重釋。謂廣前作如是業不。作餘業。文中三。初略標舉其中如作通身及意。次徵。微意云。何以不作餘耶。後廣釋。釋意云。若作異前非菩薩故。文有十喻。即為十段。各自有合。一金剛不壞喻。喻行體堅牢。二真金妙色喻。喻善業外飾。三日輪光明喻。喻智慧圓明。四須彌四峯喻。喻善根超出。不合四峯。若合可以四菩薩行合也。五大地能持喻。喻大悲荷負。六大海含水喻。喻大願普育。七軍將明戰喻。喻習定防怨。八輪王護世喻。喻定清物惑。九種種生長喻。喻行增物善。十時雨生種種喻。喻法雨普成。先喻後合。合中二。先正合。後徵釋。前中云。乃至者。越初生種直合終成故。由應時而降故。獲斯十四種益。一得智果。淨二障故。二得斷果。達無相法故。三得恩果。住大悲故。四得所依清淨。究竟彼岸果。上四自利餘皆利他。五了有情行令。他歡喜。自離十

怖則自歡喜。六得斷疑。七成應供。次下諸句。由此而成文並可知。後微釋中。微意云。菩薩依何行力說法。成斯大益。釋意云。由成大智證法界故。尚能淨無量行。豈止成衆生耶。文中二初標。後所謂下釋。釋中三。初列所淨功德。二佛子下結其廣多。以別說難盡故。三於如是等下顯能淨因。同分善根者。一善根迴向法界成主伴故。超諸世間等者。法性相應所修之福。故超於世。法性不並真故。無有對餘並易了。第四佛子菩薩摩訶薩住此三昧下。正同佛果益於中二。初正顯同有標徵及列。等覺之名由此而立。二爾時普眼下同答料揅。於中先問後答。問中先牒前問佛後何故下陳己所疑。於中初疑不名為果。後問不捨於因。後爾時普賢下答中二。初讚問疑。後佛子此菩薩下正答所問。於中三。一法說二喻況。三法合。今初十一段。次第答前十。一問在文易了。意猶難見。謂何得已入十力而普行無息耶。今總以喻顯。如人習誦雖已得通。而數溫習不如久精。下香象喻顯相。雖相似而體不同故。璣珞云。等覺照寂妙覺寂照。亦似功用滿位。此無功用也。亦顯得果不捨因。盡未來際。皆位後普賢故。喻中三。一舉象王依正勝嚴。伊羅鉢那此云香葉。常居第一金山之脇。二若天帝下明象王神變自在。言七牙者。準寶首品但有六牙。或是譯者類。後三七便言七耳。若作表義于何不可。無能分別此象。此天者

正意取此以喻菩薩等佛之義。三佛子彼伊羅下。明不壞本而能現。第三法合中分四。一具衆行嚴合前依正。二為欲安處下明因果無礙合前神變自在。三佛子菩薩摩訶薩本身下。結成不壞因而現果。合前不壞本而能現。四何以故下微釋重合。初中可知。二中二。一明修無礙行所為。於中先為果。後增長下為因。二不捨普賢下正顯無礙行相。於中先總明。以法界因果無障礙故。後現不可說下別顯。於中分三。初顯因門果行。文有四果。一智果。二說法果。二般若相應果。四斷果。次而現受生下顯果從因行。及說得時不同。隨物現故。後復於一切下顯果門因行。並可知。第三明不壞因而現果中。本身不壞即因不壞。合在窟無變。一切處變現即能現果。合在天神變。四微釋重合中。先微意云。因果相違云何因門現果。果復為因。釋意云。調衆生法應如是故。文中二。先釋果作因意。十句可知。後佛子汝應下釋。因現果意。於中四。一法說謂不捨因而現果。二如伊羅下舉前喻顯。三佛子下重以法合。於中初明不捨因而現果。後雖知諸法平等下。不壞果而現。因四佛子至安住下歎勝。上來釋相竟。第三結名可知。上來別釋十定竟。最後佛子即大文第三總結十數。

大方廣佛華嚴經疏卷第四十五

大方廣佛華嚴經疏卷第四十六

唐清凉山大華嚴寺沙門澄觀撰

十通品第二十八已下入第
四十四經

初來意爲答第二會中十通問故。以二品明業用廣大前定。此通義次第故。亦由依定發通。二釋名者。通即神通。謂妙用難測。曰神。自在無礙曰通。妙用無極寄十顯圓。晉經本業俱稱十明者。委照無遺故。然通與明經論皆異。故智度論第三云。直知過去宿命之事爲通。若知過去因緣行業爲明等。今以此經通即委照。亦得稱明如文廣說。故下經云。非諸菩薩通明境界。晉經意存順義。今譯務不違文。三宗趣者。智用自在爲宗。爲滿等覺無方攝化爲趣。次正釋文。長分爲四。一舉數標。告二徵數。列釋三。總歎勝能。四結數辨果。今初。言十者。一他心。二天眼。三知過去劫宿住。四盡未來際劫。五無礙清淨天耳。六無體性無動作。往一切佛刹。七善分別一切言辭。八無數色身。九一切法智。十入一切法滅盡三昧。此十皆言智通者。皆以大智爲體性故。若隨相說。前八量智。後二理智。據實唯一無礙大智。此十亦是開彼六通。天眼天耳神足漏盡各分二。故天眼約見。現未分成。二。天耳約音聲言辭。分出五七。亦是約聞聖教及諸類言辭故。神足約業用及色身。分成六八。漏盡約慧定。分成九十。一三不分故六爲十。

然小乘六通智用有分。三乘平通亦非曲盡。今一乘十通智用重重遍周法界。猶如帝網念。剎圓融故。尙越彼明況於通用。爲顯圓旨。開成十通。第二何者下徵數列釋中。先總徵。後佛子下別釋十通。卽爲十段。段各有三。謂標釋結。今初標。云他心者。智以他心爲所緣故。若直就所緣。應名心差別通。若所若王種類多種皆能知故。並依主受名。然智緣他心。諸說不同。安慧論師云。佛智緣他心。緣得本質。餘皆變影。護法論師則佛亦變影。若緣本質得心外法。壞唯識故。但極似本質有異。因人依唯識宗護法爲正。以今經望前亦未失。以攝境從心不壞境故。能所兩亡不礙存故。第一義唯心非一非異。正緣他時卽是自故。以卽佛心之衆生心。非卽衆生心之佛心爲所緣。以卽衆生心之佛心。非卽佛心之衆生心。爲能緣。如是銘融故。非一非異。若離佛外別有衆生更須變影。却失真唯識義。二知一下釋相中。二。初知一剎。後如一下以少類多。前中三。初總。次所謂下別。後如是下結。別中有三十類心。闕第三無記。晉經具有。於中前十約相總顯。後二十心約入別顯。前中初二約性總該諸心。次二約行兼濟獨善故。次二約報。天大人小故。上四唯善。次二約向背。而順通三性善。惟有漏。背唯是善通。漏無漏。約入辨中。初六約乘。前三是果。後三是因。卽前背生死心及廣狹心。次八部約類。卽前順生死及大小心。

地獄等約趣。亦順生死是不善心。餘並可知。第二天眼。標云無礙者。見自在故。清淨者離障故。天眼卽通。二見無量下釋中分三。初總明。多界相殊。其善惡趣等。後後展開如問明品。次所謂下別。明多類非一。隨一類有前罪等。三如是種種下委照分明。前但觀其現相。此則照其因緣。十明之目由此而立。於中初能見分明。次隨所下所見委悉。言隨所者所知非一故。後悉皆下結其無謬。文並可知。第三宿住通。標中謝往之事名宿住。在過去明了記憶爲隨念。卽宿住之隨念。宿住隨念之通。二能知下釋相中。二。一知凡事。於中先總。所謂下別。二。又憶過去下知佛事。於中亦二。先約界顯多。但知其果。後又憶念下約人顯多。兼知其因。皆以菩薩得九世眼。如見現在故。若不爾者過去之法若不落謝不名過去。若已落謝無法可知。若但曾經心中。有種影現前故。說憶知者是則但見自心。不見彼法。又曾不經事應不憶知。又但見現在非法。是過去。何名宿住。餘文可知。第四知劫通。亦從境受名。二知不可說下。釋相中。一。先知凡。後又知下知佛。前中亦二。先明所依劫。但寄多界以顯多劫。非有際限名。及後段皆盡未來。此位所知同於佛故。後一下顯能依事。義如十地中辨。然大乘宗未來世法體用俱無。今云何知。依方便教但見現在因種。知當果相。非見未來法體。若一乘宗。於九世中。未來中現在體用

俱有。今稱實而知。然非現在之現在。故稱未來。此有若是性有即同。小乘若是緣有緣今未會。云何言有。若今時看緣性俱無。以是現在未來定非有故。若逐未來時看。以是未來之現在故。還如今有。第五天耳通初標名。略無智通。若直云天耳。即當體受名。若取無礙清淨之天耳。即依有德業受稱。二圓滿下釋。相中三。初總顯德業自在。二佛子下別示。一方業用。三如東方下舉。一例餘。今初九句皆約用辨德。前之標名。即是總句。一圓滿者能互用故。二遍聞十方及九世故。三一時領覽通其源故。四離二障故。五明了所知故。六緣不能礙故。七非如權小聞有分限。不盡重重故。八已證得故。九於一切皆自在故。謂欲聞則細遠無逃。欲不聞則近大不撓。故云自在。第二別示一方業用。中二。初舉多佛欲顯聞廣。二是諸佛下顯聞覺持。於中二。先聞持教法。隨釋可知。後又於下顯持圓滿。即能持之相。於中二。先舉所持。上文通顯佛所說法。今辨所說差別。後於彼下辨能持相。兼明轉化。餘文可知。第六無體性智通。初標名中有十四名。初一總通。即無體性。餘皆別。別中一無功作用。二同理平等。三能普遍。四量難知。五非謂依體起用。六但隨念即形。七現有作用。八不動本處。九作必究竟。十用無間歇。亦不斷佛種。十一他不能壞。十二能生善根。十三隨何所詣。於十三中。初二五八是無體性義。餘即神

通義。此二無礙故受斯名。二此菩薩下釋。相中三。一明廣大謂聞多刹佛名。即見身在彼多刹故。二彼諸世界下。明無量不起等義。謂又於彼佛重聞佛名。便往敬事受道無著故。三如是經下明不斷義。謂於多時體用無礙故。第七善分別言音通中。初標名。從所了得名。即依主立稱。若從所發得名。即通持業。二知不可說下釋。相中二。先知言詞有標列及結。後此菩薩下明發言詞。謂隨樂差別而發言故。有法喻合。文並可知。第八色身莊嚴智通。依所現得名。即有財立稱。二知一切下釋。相中三。初知無色。以色即空故。二菩薩如是下明能現色。以空即色故。三佛子下雙明無色現色。所為不礙悲故。今初由了法界無定實色。舉體即空非斷空故。空中無色不礙色故。存亡隱顯皆自在故。方能隨樂現種種色故。先明之。於中六句。初一總知。色性離相。亦無有法而為空故。餘五別明離何等相。一離差別相。龜妙長短等。同一無生體故。二離種種異相。虛故。三無量多相。離故。又無大小絕分。量故。四但妄分別求。得故。色空二見皆。請取故。即與不即斯見絕故。上通形顯。五離顯相。依形有故。二能現色中。初結前標。後以即空之色為妙色。故。又空色不二。成上真空。不二而二現。斯妙色。色空融即為真法界。緣起無盡。即一現多。後所謂下別顯。不同有一百三種。或從色相立名。或就德用受稱。可以意求。然

然皆是稱法界之色。不同變礙。但隨所顯以立色名。三雙明所為中。初結前後。今所化下顯。其所為。有十句。並可知。第九一切法智通。初標名。從所知真俗等法受稱。二知一切下釋。相中二。初明知法。即內證事理。後此菩薩下明演法。即外益衆生。亦是前明即事常理。後明即理恒事。用寂寂用無障礙故。今初。又二。初約離言顯實。二無我下約一空顯實。今初三句。一向顯實。一名無得物之功。故。二緣成無性。故。三體絕去來。故。下有二句。相對顯實。然此三對釋有三義。一唯約顯實。則相待而空。故。異相互無。故云不異。遮異言不異。亦無不異可得。云非不異。二約雙顯。體則不異。相非不異。三約雙遮。相即性故。非異。性即相故。非不異。又相非相。故不異。性非性。故非不異。故離二邊。不往中道。下二對例知。二約二空顯中。亦初三對一向顯實。實以釋。一虛實皆緣顯故。二法性不並真。故。一亦不為一。故無相。有無皆法。待對故。無法與非法。但假施設。並就實而求。能治所治。無不變寂。餘皆倣此。第二演法外益中三。一標前成智。為起用所依。故。二不捨下正明演法。三雖知實相下寂用無礙。於中三。初寂不礙用。次雖有言說下。用不礙寂。後於不二下寂用無二。第十滅定智通中三。初標名。云一切法滅盡者。

謂五聚之法皆當體寂滅故。斯即理滅不同。餘宗滅定。但明事滅。唯滅六七心。心所法。不滅第八等。但事滅故。不能即定而用。證理滅故。定散無礙。由即事而理。故不礙滅。即理而事故不礙用。是以文云。雖念念入而不廢菩薩道等。亦非心定而身起。用亦不獨明定散雙絕。但是事理無礙故。上七地云。雖行實際而不作證。能念念入亦念念起。及淨名云。不起滅定現諸威儀。皆斯義也。事理非一故。一切法滅盡之神通非異故。滅盡即神通。通二釋也。二於念念下釋相中。二先明即定體用自在。後此菩薩住三昧時下。明入定時分自在。前中亦二。先標入定。二亦不退。下明不礙用於初中二句總。未作不退現作不捨。正簡事滅以顯真滅。餘句別明。文顯可知。第二明入定時分自在。中三初長短隨心。二菩薩入此下威儀不忒。三雖於有無下不礙起用。定散雙行。於中先法後喻。光影普現寂然無心。隨器虧盈體無來去。三是為下結名。大文第三佛子菩薩下。總歎勝能中二。一形劣顯勝。劣不測故。二唯除下以勝顯勝。謂佛等方測故。大文第四佛子是為下結數辨果。文顯可知。

十忍品第二十九

初來意者。為答普光十頂問故。義如前釋。前二已明。通定用廣。今此辨其智慧深奧。故次來也。二釋名者。忍謂忍解印可。即智照觀達。寄圓顯十。三宗趣者。智行深奧為宗。為

得佛果無礙無盡為趣。然此忍行約位。即等覺後心為斷微細無明。若約圓融實通五位。寄終極說。體即是智。不同餘宗忍。因智果。雖是一智隨義別說。二三四五等諸教不同。今此圓教故說十忍。四正釋文。文有長行偈頌前中四。一舉數歎勝。二列名顯要。三依名廣釋。四總結其名。今初先舉數。後若得下歎勝。到無礙地。即自分因圓。佛法無礙即勝進果滿。第二何者為十下列名顯要中。初徵數。次列名。後顯要。名中前三約法。後七就喻。三初中一約教。謂忍於教聲從境為名。音聲之忍。次一約行。順諸法故順即是忍。三無生忍。若約忍無生。即無生之忍。若約無生之智及煩惱不生。則無生即忍。通二釋也。又此三忍。若通相說。前二皆是無生忍之加行。順向無生。後一方契若約當位三忍條然。以不應此位方有順。無生忍故。順但順理。不是順忍。若爾何異。無生順忍通順事理。故不同。無生經云。法有亦順知等。又依五忍位當寂滅。今約三忍明義故當無生。如地持說。後七約喻中並是依主。謂如幻之忍等故。光統云。約四喻音聲。電化喻。順忍。空喻。無生。電即今之影喻。又云幻者。起無起相。焰者。境無境相。夢者。知無知相。響者。聞無聞相。電者。住無住相。今既云影。應云現無現相。化者。有無有相。空者。為無為相。此則能喻局。於一相所喻義通。多法。在文雖無於理無失。又古德云。觀識如幻想如焰。受如夢聲如

響。行如電色如化。總觀一切蘊界處等。畢竟空故。如虛空也。此釋順後會偈文。故今影喻亦喻於行。若依攝論。第五八喻皆喻依他起性。然並為遣疑。所疑不同故所喻亦異。一以外人聞依他起相。但是妄分別有非。真實義遂即生疑云。若無實義何有所行境界。故說如幻。謂幻者幻作所緣。六處豈有實耶。二疑云。若無實何有心心法轉。故說如焰。飄動非水似水妄有心心轉。三疑云。若無實何有愛非愛受用。故說如夢。中實無男女而有愛非愛等受用。覺時亦爾。四疑云。若無實何有戲論言說。故說如響。實無有聲聽者謂有。五疑云。若無實何有善惡業果。故說如影。謂如鏡影像故亦非實。六疑云。若無實何以菩薩作利樂事。故說如化。謂變化者雖知不實而作化事。菩薩亦爾。然彼論無空喻。而影喻是鏡像。更有映質光影喻。喻種種識無實。又有水月喻。喻定地境界無實。今經以義類同故。合在影中。至文當知。遠公見其無空。便以空喻喻無為法。非不有理而達下經。經云。衆生及諸法皆如空故。若爾云何釋空喻耶。謂彼疑情雖遣。猶謂諸法有不實相。故云如空畢竟無物。餘義廣如攝論及別章說。金剛般若九喻亦皆喻有為。若大品智論十喻。通喻一切。楞伽亦通。今經長行多同前通。而偈所喻亦有局者。顯義無方故。已釋列名。此十種下顯要。要故同說。大文第三佛子云何下。依名廣釋即為十

段前七皆三謂微起釋義結名。初忍釋中十句。初一總舉所聞。謂三無性等法。餘顯能聞入法。謂聞無相不驚。以解遍計無所有故。聞無生不怖。以解依他必無生故。聞無性不畏。以解真如無性性故。又釋於真空法聞時不驚越。思時不續怖。修時不定畏。又聞有無所有不驚。聞空無所有不怖。聞斯二無所有故不畏。並如諸般若論說。深信者聞慧之始。悟解者聞慧之終。初信久解故。愛樂者思慧之初。愛法樂觀故。趣向為終久思向修故。專心憶念者。修慧之初起。加行故。修習為終。正明造修至定根本故。安住者。依定發慧。證理相應故。具如瑜伽菩薩地中。第二順忍釋中有四重止觀。一創修止觀。謂止思一境。觀觀事理。二漸次止觀。謂止安事境。順其理故。名平等無違。觀達事理名隨順了知。偈云。法有亦順知。法無亦順知。故三純熟止觀。謂止惑不生。令心清淨。觀徹前境為正住修習。四契合止觀。寂冥理境名為趣入。智顯於心故云成就。上四皆止觀俱行。如是方為真實順忍。第三無生忍。釋中有二。先總明。後何以下微釋。今初。若具皆應微。無盡等。此二為總故略標之。釋中具有皆此別義。後微釋中。微意有二。一云何以得知無生滅耶。二云既稱無生法忍。何以復言不見法滅。釋中釋初微意云。真法本自不生。從緣之法無性故不生。以無生故。何有於滅。此則以緣集釋無生。以無生

釋無滅。此中略無緣集。偈文具有。云何無生釋無滅耶。此有二意。一云若先是生。後必可滅。本既不生今則無滅。二云既即緣無性稱曰不生。則不待滅竟方無故。次云無滅。此二為總。餘可微之。釋第二微意云。夫無生忍非獨無生。必諸法都寂。今從初義立無生稱故。無滅等成無生義。若從別義亦可得稱無滅忍等。是以信力入印度經。明此忍能淨初歡喜地云。一謂得無生忍亦令他住。又云。無生忍者。謂證寂滅故。一得無滅忍。亦令他住。又云。無滅忍者。證無生故。斯文可據。又此諸句各有二義。一以前前釋後後。以後後成前前。前有故後後有。前前無故後後無。二者諸句一皆在無生句中。正無生時諸義頓足。以是即事之理非斷滅故。即理之智無能所故。然文旨包含略為三釋。一唯約理。二具理智。三唯約智。今初。云何前前有故則後後有。謂生法既滅滅則終盡。盡則是垢染法。染則前後別異。別則方處不同。有處則能所非寂。不寂則有所欲。有欲則有營作。作則有所願求。願則心住。願事住則有去有來。今由前前無故後後斯寂。故以後後顯成無生。此順長行。二雙約理智者。初二是總含於理智。次四顯理無生。後六顯智無生。故偈云其心無染著等。理智契合名無生忍。三唯約智者。由了從緣無生。則智無有起。故名無生。無生之忍湛然不遷。故云無滅。無滅故用無斷盡。大垢念皆離常無

差異。傍無方所照而常寂。遇境無染。雖為而無作。雖悲而無願。處世而無住。等法界而無去來。皆以前釋後。以後成前。言亡虛絕寂照湛然。名無生忍。若唯約知無生理名無生忍。未足深玄。第四如幻忍釋中。先略後廣。略中二。先了幻緣相。後此菩薩下成就忍行。今初有三。初指法同喻。次從因緣起者。彰幻所由。由緣生不實故。後於一法下顯其幻相。初一切法即是所喻。所喻通局已見上文。此意明通。通為無為。故大品云。設有一法過涅槃者。我亦說言如夢如幻。涅槃雖真。從緣顯故。遺著心故。廣中合云。了世如幻。則似有為。然有法世亦通無為。此為有為所隱覆故。所以名世。故後云。菩提涅槃亦皆不見者。了平等故。就法喻中各開五法。如結一巾幻作一馬。一有所依之巾。二幻師術法。三所現幻馬。四馬生即是馬死。五過小謂有。初巾喻法性。二術喻能起因緣。謂業惑等。三喻依他起法。即衆生等。四喻依他無性。即是圓成故。廣說皆云非也。五喻取為入法。今菩薩反此。故云解了。今經云。從因緣起。能起即第二所起即第三。以第二為因。悟第三。成第四。遺第五病歸第一理。然緣亦從緣故。緣果俱幻。中論云。譬如幻化人復作幻化人。即斯意也。然上五義各具無。一巾性有相無。為馬所隱故。二術用有體無。以依巾無體故。三馬相有實無。以實無而現故。四生即是無死即是。以無礙故。五情有理

無但妄見故。又五中各有四句。準思可知。然皆具德不同。四誘若以諸門交絡成。多四句。亦可思準。後顯幻相略爲二解。一約相類。謂解一無實則知一切皆然。並從緣故。故云一中解多等。二約圓融。復有三義。一以理從事說相。即如馬頭之巾不異。足巾。說頭即足故。一即多等。無行經云。貪欲即是道者。貪欲性故。諸法即貪欲者。即貪實故。二以理融事。一多相即。如馬頭無別有。即以巾爲頭。以巾體圓融故。令頭即足。故云一中解多等。三約緣起相由力。則法界同一幻網。令一多相即。如幻師術力令多即一。等。賢首品云。或現須臾作百年等。以幻法虛無障礙故。相即既爾。相入亦然。入則一中有多等。異體既爾。同體亦然。一門既爾。餘門思準。二成忍行中。由知法幻成二種行。一忍智現前云了平等。二幻用無礙云。成通化云何平等。一理事平等。如巾馬無二故。色即空等。二理理平等。如頭足俱巾。巾無別故。如賢聖同如。三事事平等。如前一多中說。第二譬如下廣中三。一喻二合。三成忍行。初中二。先明性無即體空義故。結云非是一切種種之物。所非之事亦可次第對。前情非情境。二種種非幻下明其相有。即相差別義。故云然由幻故示現別事。於初中二句。結前生後。種種非幻者。象等非術故。下句反此。法合可知。然由下正顯相有。雖互相非。然由因起。果虛而假現。又喻智了平等而起化用。第二菩薩下法

合。文有總別。皆言世間者有二義。一可破壞故。即喻有爲。二隱覆名世。亦通無爲。則法通五類。趣謂五趣。成壞約器一期說故。運動通情非情。念念移故。造作唯情現營爲故。第三菩薩至觀一切下成忍行中。二。先成眞智行。由了體空故。故結云不出平等性。又前法中明即寂之照。云了平等。此明即智之止。故云不見。是知無幻之幻方是幻法。絕見之見方爲見幻。二是菩薩下明動寂無二。亦權實不二故。經云智不得有無而興大悲。心由了體空不壞幻相差別。故。如象生即是象死。此二相對應成四句。謂此二無二故非異。無不二故非一。非一即非異。故非非一。非異即非一。故非非異。亦絕雙照。故非非一亦異。若以巾上二義對象上二義。辨非一異。略有十句。一以巾上成象義對象上差別義。合爲一際。名不異。此是以本隨末就。未明不異。經云法身流轉五道。名爲衆生。如來藏受苦樂與因俱。若生若滅等。二以巾上住。自位義。與象上體空義合爲一際。名不異。此是以末歸本就。本明不異。經云一切衆生即如。不復更滅等。三以攝末所歸之本。與攝本所從之末。此二雙融無礙不異。此是本末平等爲不異。以前二經文不相離。故。四以所攝歸本之末。亦與所攝歸末之本。此二相奪故名不異。此是本末雙泯。明不異。以眞妄平等異不可得故。次下四門明非一。謂五以巾住。自位義。與象上相差別義。此二本末相違。

相背故名非一。楞伽經云。如來藏不在阿賴耶中。是故七識有生滅。如來藏者不生滅。此之謂也。六巾上成象義與象上體空義。此二本末相反相害故名非一。勝鬘經云。七識不流轉。不受苦樂。非涅槃因。唯如來藏受苦樂等。七以初相背與次相害。此二義別故名非一。謂相背則各相背捨相去懸遠。相害則相與敵對。親相食害。是故近遠非一。以前經文不相離。故。八以極相害俱泯而不泯。與極相背俱存而不存。不存不泯義爲非一。此是成壞非一。以七識即空而是有故。眞如即隱而是顯故。九上四非一與四非異。而亦非一以義不難故。十然亦不異以理遍通故。法無二故。若以不異門取。諸門極相和會。若以非一門取。諸門極相違害。極達而極顯者是無障礙法也。巾象相對既爾。術等相對交絡諸句準之。上下諸文非一異義。皆準此釋。餘文可知。第五如焰忍。釋中有三。一指法同喻。所喻如前。二譬如下別顯喻相。三總以法合。二中若別開義門。亦具五義。一空地。二陽氣。三氣。與空地合而有焰。四焰似水即無水。五令渴鹿謂有。初喻如來藏。二喻無明習氣。三喻習氣熏動心海。起於緣生似法。四喻依他無生。五喻凡小執實。若十喻論法喻各有三義。如彼廣說。共有無等義如幻應知。經文有二。初喻體空。後但隨下喻其相有三。菩薩下法合中。初明了法。後現證下明成忍行。第六如夢忍釋中。亦三。一標法

同喻。二譬如下正舉喻相。然開此夢義亦
有五法。一。所依。謂悟心以喻本識。二。所因。
謂睡蓋以喻無明習氣。三。所現。謂夢相差別。
以喻緣所起法。四。此夢事非有而有。但心變
故。非見前法。五。令夢者取以爲實。文中初
明俱非喻法。非有後云而示現有喻法。而
有。雙辨爲俱句。互奪爲雙非。然此四句
皆由以是夢故。謂一以是夢故。有夢事
現。於夢者爲有。二既言是夢其性必虛。
於無實處而見實故。然語有則全攝無而
爲有。言無則全攝有而爲無。以非二相
故。非但相有性無而已思之。三以是夢故
必具二義。全有之無與全無之有。二門時立
不相是故。非是半有半無。四既言是夢必
是雙非形奪俱融二相盡故。然此俱非不違
雙是。以若不奪無令盡。無以爲無。若不
奪有令盡。無以爲有。是故存亡不礙俱泯
自在。方爲如夢自在法門。是故經云。世間
恒如夢。智不得有無。此之謂也。第三菩薩
下。合喻中十句。初句爲總。次無有下別
別中初句近上總句。略無如夢二字。於九
句中前八辨夢後一明覺。就前八中攝爲
四對。初二明常無常門。體虛無變即是常義。
自性無恒是無常義。次二辨真妄門。妄由
著生。真由性離。次二性相門。性本一如相
現多種。後二明一異門。但是一心一而無
別隨相分別。異異不同。又唯是一夢相現
多種。上之四門各雙存互奪。以爲四句思
之可見。後一句明覺。即止觀門。謂要在覺

時方知是夢。正夢之時不知是夢。純昏心
故。設知是夢亦未覺故。覺時了夢知實無
夢。然由夢方有覺故。辨夢覺時。若離於夢
夢覺斯絕。觀了上之多門。止不取於夢妄
如此方爲了夢法門。第七如響忍。釋中分
三。一。忍行所因。二。知一切下成忍之相。三。此
菩薩下忍成之益。今初。由聞起觀。能成忍
故。二中先法。後喻法。中有二。一指法同喻
略顯其相。通知一切音聲如響。無去無來
明其體空。如是示現彰其相有。二。佛子下
了知佛聲如響。非獨但喻世間聲故。於中
先明即有之無。離機無聲故。非內。離佛無
聲故。非外。二法相依故。非內外。若言內外
和合。有者。便有二聲。內外相依即顯無性。
後雖了此聲下。明即無之有故。牒非三而
能巧現。第二譬如下喻顯。於中四。一。喻。二。
合。三。轉喻。四。重合。今初。直舉從緣所起。明
響無性。無性之相已見法中。然有五法。一。
空谷二有聲。此二是緣。三。聲擊空谷便有
響應。此明所起。四。有而非真。此彰無性。五。
愚小謂有。亦有有無等義。如上準之。然此
一喻通喻三法。一。喻。上一切聲則谷喻喉
嚨。聲喻風氣。二。喻。上如來聲則谷喻如來。
聲喻緣威。三。喻。一切法。今經略無。晉本具
有。大品十喻亦響喻一切。則谷喻如來藏。
聲喻無明習氣。二而與下合。但合佛聲以
從近故。然初至令諸衆生隨類各解。言含
法喻。謂約法則如來之聲。不違法性而能
隨類。合上能巧示現。約喻則不違本聲事

法之性。隨其呼人類別各解。三。如帝釋下轉
以喻顯。此有二意。一。則喻上佛聲。一音隨
類。二。則喻下菩薩無心普演。四。菩薩下重合。
第三此菩薩下忍成之益。於中二。一。隨機
遍說。二。雖知聲下明權實雙行。以同於響
性相無礙故。是則由聞如響之教。了如響
之聲。發如響之音。演如響之法也。第八如
影忍文分四別。一。標。二。釋。三。結。四。果。釋中
有三。謂法。喻。合。今初。法中有十一對分
三。初七對雙遮顯性。以成止行。如影無實
故。二。非修下二對雙照性相以成觀行。如
影雖虛而現故。性則非修。相乃不捨。真即
俗故。非實。俗即真故。非不實。三。雖常下二
對。遮照無礙成。雙運自在行。初對雙照。真
俗。即權實雙行。後對雙遮。真俗。即權實雙
寂。遮照一時爲雙運。互奪無礙爲自在。
以此結上二段。同斯無礙爲忍相之深玄。
二。譬如下喻中文具五法。一日等爲所依本
質。二。於油下明能現之處。上二是緣。三。而現
其影下明緣之所起。四。影與油下明有之非
有。五。然諸下愚小謂有。今初。若約影喻別
喻菩薩現身。則日等喻悲智願等。若約影
喻通喻一切法。則日等喻因。其河泉二種。
雖通能現。且爲所現。長河飛泉入鏡中故。
二能現中亦有通別。別喻機感及應現處。
通喻於緣。謂無明等。然此文具攝論三喻。
一。以油水對上日月。爲水月喻。喻於定地
所引境界。以水有潤滑澄澈性故。鏡等影
像闕此潤等。喻非定地。二。以於身對上

①(如)一② ③(三結名)十第④ ⑤(分三初微二釋三結分初)十釋⑥ ⑦(有)一⑧ ⑨(三結名)十第⑩

日月為光影喻。身映日等而有影故。弄影多端。故喻於諸識。三以寶鏡等對。上男子等。為影像喻。喻非定地果報。以鏡中影像離於本質。別現鏡等之中。故喻於果與因。處別。前映質之影。雖因日等影乃隨身。不於日內而現故。喻諸識雖託境生。異自在。我非在於境。三明所起中。亦有通別二果可知。四明有非有中攝。多義門。於中一異合離通顯影義。各有四句。如幻喻辨。然一異約此影彼影。合離約影對水等。次於川流下。別顯影義不通二影。如月映淮流。流水不將月去。光臨潭上。萬俱不見。光沈。喻菩薩同世遷流。不漂生死。證真寂滅。不沈涅槃。後雖現下雙結。有無喻性相交。兼於鏡像。五取為有中。由以有無為有無。不知即影了不可取。故成執著。於中先取有無為著。後遠物下舉影正義。顯上為執。不知此影無遠近故。第三菩薩下合中。二先正合前文。於中初舉智境合前本質。次而於下合前油等。後各各下合前現影。二如種子下。轉以喻合非有之有。於中先喻後合。有無無礙名為方便等。第三結名可知。第四果中。三初得稱性之身。如影不往而至不分而遍故。次然此下結成無礙。以無差是差之無差故。雖不往而遍令物見殊。差是無差之差故。雖遍而不在彼此。後此菩薩下顯此身因。其無邊身近局果中。亦通前法。第九如化忍文分四別。一標二釋三結。四果。標云化者無而忽有故。

釋中有三。謂法喻合。法中二。先總標。標法同喻。具能所知。既知一切世間。不局所化情類。略標世間應具出世。後所謂下別顯。先顯所知。後顯能知。前中十句。前五染化。後五淨化。今初。不出惡業苦。前三前四。是苦即五蘊相。一識由想起。二行因識生。分別是識故。三受因想起。想取愛憎相故。四色亦行生。無記報。色如沫不實。名言熏習即是行故。五即是惑。惑由想行。念即行故。業通二處。初句意業此句分別。皆是業故。此中意等。從緣無性如化不實。本無今有。如化相現故。仁王經云。法本自無。因緣生諸淨化二義。微此可悉。後復有下明後五淨中。一方便調生。依真智故。二湛然真智。由理成故。故上文云智入三世了法平等。三願由行滿。四慈悲復依方便立故。五具無畏辯。能轉法故。二菩薩如是下。別顯能知。於中初二句結前生後。世間結前染。出世結前淨。亦結餘所不盡。謂乃至一法過於涅槃。亦如化故。或說涅槃不化者。大品云。為新發意菩薩。恐其驚怖。分別生滅。方如化故。餘如幻說了知之。言即是生後。大現證下。正顯能知。上言了知。知有六義。一若事若理非比度故。二。傍無遺故。三契中道故。四稱俗境故。五真俗無礙故。六歸一實諦故。後非虛妄下結。上六知處真道而不傾。行非道而不壞。第二譬如下喻。中應開四義。一能化者以喻因緣。二化現事喻所起果。三現用而無實。四愚小謂真故。十喻

傳云。猶如化事。雖空無實。能令眾生憂苦。瞋恚喜樂癡惑。諸法亦爾。云何無實。如彼化人。無生老死。苦樂異。餘人故。文中有四十句。初句標。次三十七句。一向雙非。以顯無實。後非有非無有義通二種。一亦是雙非。謂無有亦無故。二雙融性相。化不實故非有。現化事故非無有。對成四句。及一異等。準前思之。第三菩薩如是下合。中二。先化行。後佛子下化益。前中四。一起化用。以同化相有故。然但云菩薩如是者。以上諸非一一通法故。指上如是為善巧方便。二不著下明化智。以了化不實故。三以本願下雙非顯中。四了法下結示化旨。化益及結文。顯可知。第四果中。先得利他業用之果。後佛子下得依自利立勝名果。第十如空忍中。亦四。謂標釋結果。標云如空。如空所喻通一切法。佛地喻清淨法界。以離差別相故。及中邊等論喻。圓成實。但是此中一義。然其喻相小異。諸喻。諸喻開義。多分有三。雖正取所成幻等。以喻於法。而亦取緣等。以顯無性。此中喻相不開別法。直指於空。具含多義。以喻於法。又此諸喻。若約能喻前五多取。似有以破實有。化喻以不有之有。破於似有。此喻以性相俱絕。破於一切。又前六遣有會空多。依空立有少。此一遣有入空少。依空立有多。又上所喻則通一切。此中能喻則具多義。所喻各隨別義。喻一類法。然龍樹十喻。以四復次。釋如空義。一近無遠有。謂如虛空非可見

法以遠視故。眼光迴轉則見縹色。一切諸法亦復如是。空無所有。以凡夫人遠無漏慧棄捨實相。則見彼我男女等物。而實此物竟無所有。二約性淨不染。三約無初中後四約體實無物。及佛地論有十復次。上八地中空有十義。皆是略明。然別義有此不同。若約同義諸喻無別故。叡公云。十喻以喻空空必待此喻。借言以會意。意盡無會處。若得出長羅住。此無所住。若能映斯照萬象無來去餘無礙義如前後說。第二釋中二。先忍解之相。後忍行成益。今初。先別明以空九義喻九種法。隨義雖別。然其總意亦以緣成無性故空。然九句各初標法同喻後出。所以一標事法界。如空下出。所以者以無相故。謂從緣無性其相自虛。即事是理法界故。此句為總。二世界共業所起故三軌儀教法一味法界所流故。及餘六句並準初句。後菩薩如是下總結。第二佛子下忍行成益中三。初總明得如空三業業具。二譬如下別顯德齊虛空。於中初二句。一向喻實。無依為依已下皆顯性相無礙。從緣有故。無性空故。又此二相即故便成四句。一緣生故空。緣生故有。二無性故空。無性故有。三緣生故有。無性故空。四即反此。餘一異等並例此知。無法出空故皆現其前。空不可見故不現法前。餘並文顯。三何以下徵釋得益之由。所以得者。釋意云。空觀成故。於中二。先智證齊空故。一體者真如平等故。一味者解脫不殊故。一種分量者。

大小皆稱性故。後嚴淨下。德用滿空故結名可知。果中得二十種身。前十與十行及離世間。大分相似。然通相多從德用立名。可以意得。下文第四佛子至是名下。總結十忍。第二祇夜一百七頌。大分為二。百偈頌前。七偈結歎。前中但頌廣釋。即為十段。段各十偈。初有十頌。頌音聲忍。於中先二偈頌所聞佛說。餘頌能聞入法。於中一偈頌不驚怖畏。一偈深信。一偈悟解。二偈愛樂。一偈修習安住。後二偈頌趣向專心憶念。二有十偈頌順忍。於中初一偈三句頌思惟。次二偈一句。頌隨順了知。令心清淨。次一偈頌觀察平等無違。餘頌正住修習。三有十偈頌無生忍。初三頌標。以前三忍皆是法說故。偈初各加其喻。次四頌釋。後三結歎。第四頌如幻忍。初六頌略說。於中前四頌指法同喻。及顯緣相。後二頌成就忍行。後四頌廣。於中初二頌喻。次一頌合。後一頌忍行成。第五如是下頌如焰忍。初一攝前生後以明觀意。次三頌指法同喻。次一頌喻。後三頌合。第六菩薩了了頌如夢忍中。正頌前合兼頌標喻。十頌頌前九句。一頌無變異。二一頌頌自性。上二兼頌標法。三頌執著翻則解脫。兼頌前喻。四頌性離。五超頌所現。六却頌本性。七八二頌頌無差別。九頌想分別。十頌覺時思之可了。第七修行下頌如響忍。初一偈頌忍行所因。文云。修行如是行。似結前喻。既言知諸法性。義同忍行。次二偈頌聞一切聲。

如響。次二頌知如來聲如響。餘頌忍成之益。其喻遍諸偈中。第八為欲下頌如影忍。頌法說十對。喻合含在其中。初二偈頌非世生沒。謂了寂故不生。饒益故不沒。次偈頌非在內外。不住故不內。不離故不外。次偈頌非行不行。了無染故非行。化世故非不行。次偈頌非同非異。知自性故非同。了無二故非異。次偈頌非往不往。第二句不往。餘三句非不往。次六句頌非住非不住。於中初二句兼別頌喻。故云非內外。次亦不在內外二句。頌非是世間。非出世間。次入此一偈。頌非修菩薩行。非捨於大願。次一偈頌雖常行一切佛法。而能辦一切世間事。其實不實及不住。世流法流。義通結上。故略不頌。第九觀察下頌如化忍。初三偈頌總知一切世間如化。次一頌染法化。次二頌淨法化。言度脫亦如化者為釋。疑故。謂觀察衆生如化。何用化之。故此答云。化若有實可招來難。度既如化。之何妨。餘頌法合。第十頌如空忍。初一偈頌忍解之相。餘頌忍行成益。於中初五偈頌別顯德齊虛空。次三偈頌徵釋得忍之由。後一偈。却頌上總明得如空三業。末後七偈結歎中二。前三二利行圓。言超過一切正顯十頂之義。後四頌深難測上智所知。大方廣佛華嚴經疏卷第四十六

大方廣佛華嚴經疏卷第四十七

唐清涼山大華嚴寺沙門澄觀撰

阿僧祇品第三十

初來意有二。一通。謂前三品別答前問。此下三品總明等覺深奧。故二別。謂前既智圓證極。此品校量行德難思。故次來也。又難思佛德菩薩盡窮。故亦為遠答變化海故。故下偈中廣顯變化大用。又通顯二部之數量。故二釋名者。阿之言無。僧祇曰數。全帶數名。若晉本云。心王菩薩問阿僧祇品。兼能問人。即人法雙舉。及菩薩所問之算數。梵本同。此然僧祇是十大數之創首。經論多用故以標名。又顯此數即離數故。寄無數標名。三宗趣者。寄數顯德分齊為宗。令知普賢諸佛離數重重無盡為趣。四正釋文。此下三品總顯深奧。即為三別。此品明勝德無數。次品明盡一切時。後品明遍一切處。然此三品。初一通明佛菩薩德。次品正顯佛德兼明菩薩。後品唯明菩薩。所以爾者。亦是等覺亦名佛故。位後普賢是佛菩薩故。今初一品。先問後答。問中二。先牒佛所說。後世尊下正明諮問。今初。所以心王問者。表數不離心數與非數皆自在故。又顯此數統收前後辨超勝故。所以偏問十者。舉後攝初。顯無盡故。前後文中多用此故。故文云。如來演說。但問本數。已攝諸轉。第二佛告下答。中四。一讚問成益。令入

佛所知數者。以是圓教所明深廣無涯。唯佛方測。不同凡小所知。如黃帝算法。但有一十三數。始從一二終至正載。已說天地不容。小乘六十已至無數。此有百二十四倍。倍變之故。非餘測。故數之終寄不可說。況復偈初更積。不可說。歷諸塵刹。以顯無盡。所以佛自答者。正表難思故。又明此品統語因位終德。故佛說之。二善男子。下誠聽許說。三時心王下敬受尊命。四佛言下正答所疑。於中二。先長行明能數之數廣多。後偈顯顯所數之德無盡。今初。問乃舉。後難知。答則始終具說。初言一百洛又為一俱。俱者。是中等數。洛又是萬。俱祇是億。故光明覺品云。過一億。梵本皆云俱祇。若依俱舍以洛又為億。則俱祇當兆也。若兼取一百千千萬等下數法。則通有百三十七數。由前易故略不說之。俱祇已下並是上等數法倍倍變故。餘如光明覺品說。其中多存梵音。但是數名。更無別理。末後云。此又不可說不可說者。若類前具牒。便有四個不可說字。故譯家云。此又二字替一不可說不可說。為譯之巧。第二偈頌。百二十偈大分為二。前六明普賢德廣說不可盡餘偈明佛德深廣普賢窮究。前中分二。前四偈半明能數多。後一偈半顯所數廣。今初。積數自有十重。以顯無盡。是知上至不可說轉。尚約順機。據佛所知。實無盡故。言十重者。一初句積不可說至不可說。然此應積最後不可說不可說轉。而但積不可說者有二

義故。一取言易故。下偈多用故。二表言所不及之數故。二次三句將上所積充滿一切不可說中。於中初句標。後二句釋。謂何者。是一切不可說。釋云。不可說劫中說不盡者。三半偈將上諸不可說。一是一刹皆碎為塵。四半偈。即前一塵有不可說刹。五半偈。將前諸塵中刹一念遍碎為塵。六半偈。念念碎塵復盡多劫。七。有一句明。前所碎塵復有多刹。八一句。即此多刹復碎為塵。九半偈。以多算數經於多劫。數上諸塵云。如是數十以上諸塵數劫。一塵有十萬箇不可說劫。如是重重無盡無盡。第二顯所數廣中略舉三重。一將上諸劫讀一普賢之德不盡。二沉一塵中有多普賢。三沉遍法界塵皆有。多矣。是知德無盡故。若不以稱性之心思之。心惑狂亂。第二一毛端下。一百一十四偈。明佛德深廣普賢窮究。即廣顯變化之相。於中二。前九十一頌。明果德無礙因位善窮。後不可言說諸如來下。明果德深廣因能趣入。前中亦二。先明果法無礙。後菩薩悉能下。明因位善窮。前中亦二。先三偈明依報自在。後於彼一一毛端處。演不可說。下明依正融攝即入自在。於中五。初二偈半依中現正。二於彼一一光明下。十一偈半正中現依。於中二。初現蓮華光明。後彼如須彌下淨土之用。三光中現佛下五偈。依中現正說法。四或復下一偈明現時常住。五其心無礙下十偈半。明自在調生。第二因位善窮中二。先半偈結前生

後餘偈正顯因德於中有十初八偈明帝網身土是起行處又前文明其展遍此明包容文影略耳言毛孔悉能受諸刹等者稱法性之一毛故受多刹而無外不壞相之多刹安宿悟者之一毛內外緣起非即離故二意根明了下五偈三業勸勇行三一切衆生下應器攝生行四普現其身下五偈半明游方供佛行五修行於施下廣修十度行六諸佛刹海下二偈半游利自在行七了知衆生下明調伏衆生行八一一毛孔不可說下七偈半三業深淨行九彼諸菩薩下顯智自在行十不可言說一切劫下一偈結德無盡第二明果德深廣因能趣入中先果後因前中三初六偈總歎佛德二一微塵中能悉有下別明依報三一一刹中有如來下三偈別明正報第二種種數量下明因德趣入於中二先自分行後能於一時證菩提下勝進行且從相顯略科然上諸德德德圓融無盡無盡唯忘懷體之

壽量品第三十一

初來意者夫玄鑒虛明出乎數域之表豈有殊形萬狀修短之壽哉然應物隨機能無不形而無不壽故上品彰其實德此品以辨隨機雖積少至多顯時無不遍即前多德之一故粗廣之亦爲遠答壽量海故所以來也二釋名者壽謂報命量即分限染淨土之報壽隨機見之分限以顯無盡之命無限之量壽之量故壽有斯量通二釋也別行經名無邊佛土經即以

處顯人三宗趣者應物修短爲宗顯窮來際無限爲趣以就同教且積劣之勝若就別教則修短圓融故次正釋文初集經者叙而心王說者以領旨故佛壽自在故二佛子下正說於中三初別學十刹相望次佛子如是下舉略顯廣三最後世界下舉其玄極且如以劫爲日未歷十重則劫不可說沈百萬億祇則最後之刹已隣刹海平等故舉普賢等充滿明極位所居由此名爲兼顯菩薩

諸菩薩住處品第三十二初

初來意者上約化益盡一切時今明菩薩端之處皆有許多普賢此則據實而談今約機緣所宜指有方所使物欣厭翹心有歸若知能住菩薩毛含刹海所住之處塵納無邊則未有一方非菩薩住亦遠答前壽量海問菩薩隨機住壽異故昔將此品遠答第二會初問意十句非唯義意不同抑亦文不相次二釋名曰菩薩大悲隨機住處能住非一故名曰諸諸菩薩之住處故以爲名三宗趣者隨機應感方所爲宗使物歸還及悟無方爲趣次正釋文文中二先集經者叙亦心王說者隨所統王皆自在故亦表心隨智住無障礙故二佛子下正說住處有二十二處前十依八方山海以上下非凡至故不明之山海包藏仁智棲止表大智高深故能止能照故後十二處城邑雜居曲盡物機表大悲

無遺故則知菩薩無不在矣今初第六是海中之山第十海中之窟餘皆是山一仙人山者相傳是東海蓬萊山若爾則亦兼海二勝峯即德雲所住晉本名樓閣山即婆施羅所居三金剛焰在西海之濱四香積山昔云應是雪北之香山五清涼山即代州雁門郡五臺山也於中現有清涼寺以歲積堅冰夏仍飛雪曾無炎暑故曰清涼五峯聳出頂無林木有如壘土之臺故曰五臺表我大聖五智已圓五眼已淨

總五部之真祕洞五陰之真源故首戴五佛之冠頂分五方之髻運五乘之要清五濁之災矣然但云東北方者其言猶漫案寶藏陀羅尼經云我滅度後於瞻部洲東北方有國名大振那其國中間有山號爲五頂文殊師利童子游行居住爲諸菩薩衆於中說法及與無量無數藥叉羅刹緊那羅摩睺羅伽人非人等圍遶供養恭敬斯言審矣其山靈迹備諸傳記余幼尋茲典每至斯文皆掩卷長歎遂不遠萬里委命棲託聖境相誘十載于茲其感應昭著盈于耳目及夫夏景勝事尤多歷歷龍宮夜開千月纖纖細草朝開百華或萬聖羅空或五雲凝岫圓光映乎山翠瑞鳥羣于煙霄唯聞大聖之名無復人間之慮入聖境者接武革凡心者架肩相視互謂非凡觸目皆爲佛事其山勢寺宇難以盡言自大師晦迹於西天妙德揚輝於東夏雖法身長在而難山空掩於荒榛應

現有方。鷲嶺得名於茲土。神僧顯彰於靈境。宣公上。稟於諸天。漢明肇啓於崇基。魏帝中。卒於至化。北齊數州以傾軋。有唐九帝之週光。五天殞命以奔風。八表亡軀而競託。其有居神州而一生不到。亦奚異舍衛三億之徒哉。願皆修敬。六金剛山。謂東海近。東有山名爲金剛。雖非全體是金。而上下四周。乃至山間流水砂中。皆悉有金。遠望即謂全體是金。又海東人自古相傳。此山往往有聖人出現。然晉本此處當其第九。以與第十莊嚴窟俱在海中故。而今居此者。意是八方之內。東北方攝故。若不然而者。何以正說八方忽然語海。又晉本海中有二住處。一名和怛那。現有菩薩名曇無竭。有萬二千菩薩眷屬。言和怛者。具云呢呖多。此云涌出。金剛語體涌出語狀。曇無竭者此云法生。亦云法勇。亦云法尚。今言法起與生勇義同。即常暗之友也。菩薩眷屬十倍今經。或前譯之誤。七支提山者。此云生淨信之所。有舍利者爲塔。無舍利曰支提。或山形似塔。或彼有支提。故以爲名。昔云既指清涼爲東北。則東南影響吳越。然吳越靈山雖衆。取其形似者。天台之南亦城山也。直聳雲際。絕若霞起。巖樹相映。分成數重。其間有白道猷之遺蹤。或即當之矣。然劍川有三學山。中有歡喜王菩薩。屢持燈而出。名雖不同。而天竺望之。即是東南。亦有見其持寶冠者。則密示其名也。希後賢以審之。八光明山。昔云。

應是與補怛洛迦山相連。以晉譯觀音住山爲光明。今文非觀音住處。而云光明故言連也。九香風山。疑是香山西畔。十莊嚴窟者。對上第六海中故云復有。晉本云二名功德莊嚴窟。後城邑十二處中。一毘舍離者即毘耶離。此云廣嚴城。亦曰廣博。即是中印度淨名所居之城。言南者。案西域記第七云。此城南十四里有塔。是七百萬聖聖重結集處。更南八九十里有僧伽藍。其側有過去四佛座。及經行遺迹之處。應是其所。晉本第二更有一處。名巴連弗邑。有處名金燈僧伽藍。昔云。具言波吒補怛囉。此云黃華子。即黃華女之子創居此處。亦中天摩伽陀國。具如西域記第八。今經闕此一處。二云摩度羅者。亦曰摩倫羅。此云孔雀。亦云密蓋。並是古世因事。亦中印度。言滿足窟者。彼國有舍利弗等塔。及文殊師利塔。於王城東五六里有山寺。是烏波逸多所造寺。北有巖中間有石窟。是毘多度人安養之所。具如西域記第四說。安養雖是後事。多是安聖窟中。三俱珍那者。具云俱陳那耶。俱珍姓也。此云大盆。那耶法律也。謂池形如大盆。往昔有仙於側修法律。後人以此爲姓因爲城名。四清淨彼岸城。是南印度。目真此云解脫。即龍之名。隣陀云處。即龍所居處。五摩蘭陀國未詳所在。晉經無國。但云風地。謂有風孔處。即龍所居。六甘菩遮國。正云紺蒲。即是果名。其果赤白圓滿。乍似此方林檎。而腹三約橫文。

此國多端正女人。而似紺蒲。三約文成。以女名國。出生慈者。大集經中但名慈窟。七震旦國。即此大唐亦云真丹。或云支那。皆梵音楚夏。此云多思惟。以情慮多端故。前爲成八方故。清涼直云東北。今在諸國之類。故舉國名那羅延者。此云堅牢。昔云即青州界有東牟山。現有古佛聖跡。此應是也。然牟山乃是登州。亦青州分野。其山靈迹亦多。然今之到此山在蔚州東。靈迹顯著不滅。清涼時稱普賢所居。往往有觀。彼亦有五臺。南臺有窟。難究其底。時稱那羅延窟。或即是此。八疎勒國。具云法路數但勒。是彼國山名。因山立號。或翻爲惡性。因國人以立名。然牛頭山在今于闐國。此云地乳。佛滅百年方立此國。具如西域記。以集經之時未開。尙屬疎勒故耳。晉本但云邊國。故或指江表牛頭。今譯既明。定非此也。九迦濕彌羅。晉譯爲闍賓。此翻爲阿羅入。即末田乞地之所。略如音義。廣出西域記第三。十增長歡喜城。古釋云。即南印度。尊者窟者。即上座部所居之所。十一庵浮梨摩。此云無垢。即是果名。此國豐而且勝。故以爲名。在中印度境。十二乾陀羅國。此云持地。國多得道果者護持。不爲他國侵害。故或云香遍。遍國香草先發故。苦婆羅者是香華樹名。與初品苦末羅。梵言輕重耳。遍窟側近多生此故。相傳云。是佛留影之所。具如西域記及大集月藏分第十。此文之終都無結束。或是經來不盡。闍浮既

爾餘方餘界異類界等可以傲之。法界身雲則無在不在矣。

佛不思議法品第三十三 已上入華
四十六經

初明來意。先通後別。通則此下五品。爲答第二會初如來地等。二十句問故。古德但有二品答前。謂前明修生之因。今辨修生之果。因圓果滿故次來也。若答前問。何以重請。由因果隔絕念法希聞。因德尚深。果必玄妙。故念請耳。別明此品。則前品因終。此品果始。故次來也。二釋名者。如來果法。通超言慮。故以爲名。斯即佛之不思議法也。三宗趣者。先總後別。總明說佛果德體用。心言因及爲宗。令總忘言絕想。速滿爲趣。別就宗中三門分別。一通辨佛德。若說百四十不共佛法。通於權小。若五法攝大覺性。猶通於權。若言一味實德者。約理頓說。若言具無盡德。是此所明故。後文中初標十問答具多門。類通十方。一一無盡。二別顯義相。諸佛功德不出二種。一者修生。二者本有。初謂信等本無今有。後謂真如具性功德。此二無礙應成四句。一唯修生。二唯本有。以性相軀分故。三本有修生。謂如來藏待彼了因。本隱今顯故。四修生本有。無分別智冥符理故。若權教所明二德不難。法報四句亦有差殊。依此經宗。雖有四義而無四事。本有如真金。修生如嚴具。然由嚴具方顯金德。嚴具無體全攬金成故。唯金不礙嚴具。唯法身而不礙報化。唯嚴具亦然。既互全收故。十身無礙。八相該於法

界。丈六遍於十方。諸根毛孔各無限量。亦不礙量。量與無量無有障礙。三顯不思議之義。泛明有四。一理妙難測。二事廣難知。三行深越世。四果用超情。今文通四正辨。後一就後一中復開爲四。一何者不思議。略辨十種。一智超世表。二悲越常情。三無思成事。四同染恒淨。五所作祕密。六業用廣大。七多少即入。八分圓自在。九依正無礙。十理事一味。文並具之。恐繁不引。二於何不思議。此有四位。一過世間。二越權小。三超因位。四顯法自體。三云何不思議。亦有四種。謂非聞思修及報智境故。四何用不思議。亦有四種。謂令信向故。起行求故。隨分證故。圓滿得故。前並是宗。唯何用爲趣。即此宗趣可以釋名。次正釋文五品分。二。初品總明佛德。後四別顯佛德。古德後二爲平等因果。此但三品果法。有將此三配體相用。後二可然。初品有妨。有相用故。今依賢首。初品總顯佛德體用。次品別顯勝德之相。後品別明勝德用益。又初品明德。次品明相。後品明好。今初分四。一請分。二加分。三證分。四說分。初中二。先明請人。後諸佛下正顯所念十法。皆云不思議。即前果用超情。離於說相故。此十句義並多含。皆通真應。不得一向就應而辨。然此十問攝前普光後二十句所成果問。謂身攝六根。智攝佛境界地及最勝三問。自在攝攝五。一神力。二神通。三十力。四無畏。五。三昧。此並前開此合。前境界中開出國土。所化

所依之境故。前所行中開出出現本願種性。種性即悲智之行。本願就因辨行故出現是佛普賢行故出現與行互有寬狹。下出現品行是其一故。前之無礙此開解脫作用無礙名解脫故。所以開合者。顯義無方故。名多同者顯不異故。音聲即辯。雖無開合名有寬狹。義旨大同。此十義相第二會中已釋。至下說分重明。第二爾時世尊下加分中三。初加因。神知機故。次則以下顯加相。三業加故。初句總。餘句別。謂意語身以光即教光故。後令青蓮華下加所爲。爲具說德故。文有八句。一外制無畏。二內證深寂。此意業勝。三威德內充。四神用外徹。此身業勝。五具四無礙。是語業勝。六遍觀機教爲廣大。七智性無差爲次第。八授記善巧爲方便。皆說德也。所以加青蓮華藏者。果德離言藉因顯故。因果同時故。性德無染最超勝故。一德具含一切德故。第三爾時青蓮華下證分。十句初四自利。次三利他。上皆自分。後於一念下三句勝進。並顯可知。第四承佛下說分分二。先承力總告。告蓮華藏者。非同佛心。無以受佛德故。亦名蓮華。不言青者。不礙能說爲最勝故。後佛子諸佛下。正顯佛德。略有二義。一總下五品。共答十問。此品答佛種性。佛以功德爲種性故。次二品答身。次一品答本願。後一品答出現。其國土問初會已廣。餘或經來未盡。或前後攝之。二者此品具答十問。謂佛德無量略顯三十二門。門皆具十有三百二十德。以

顯無盡。昔以初十標宗略答。具答十問。所餘唯有別答。而超次答前十問。今謂三十二門如次答前十問。而門門皆含答十。欲顯佛德一具一切故。亦顯所問能包含故。而其標門之名。多不同。前者為顯佛德無邊量故。文分為十。初二門答國土問。第三念念出生下二門答本願問。第三不思議境下二門答種性問。第四普入下二門答出現問。第五離過清淨下五門答身問。第六演說下二門答音聲問。第七最勝下三門答智慧問。第八自在下八門答自在問。第九決定下三門答無礙問。第十一一切智住下三門答解脫問。以身及自在含前普光諸問多故。用門亦多。而文多有二三。謂標釋結義相至。文當顯。今初二門答國土者。國土即是所依所住。初門明其常住法門。後門明其遍住法界不唯國土。不在方所為真土也。今初文二。初標。後釋。釋中九句顯於如來應機說法。含答十問。則十問皆成在處。下皆微之。一起應之心答種性問。悲為種性故。二演法之身答身問。三轉法之意答本願問。本願平等利一切故。四能轉之辯答音聲問。音出辯故。五所轉之法答自在。自在不思議故。六轉音周遍答國土。國土是音所至故。七所顯之理答智慧。智慧能住法界故。八能化之通答神通問。九演法之益答無礙問。文唯九句脫於出現。或通前諸句。出現皆能作前九故。答此十問。既爾。答初二會類例可知。二普遍法界者

明其遍住。謂六根三業皆遍法界土故。標中無量是事法界。無邊是理。此二無礙。及事無礙法界。並為所遍。列中則顯前十皆遍。一無邊身含答三問。一正答身。其普遍諸趣是有悲性。及出現義。次六是身別相。亦是於身兼答普光眼等六問。出妙音聲答音聲問。第八答三問。謂無礙答第九。解脫答第十。神通力。答自在。第九別答國土。第十答本願及智慧問。第二念念出生智下二門答本願問。此門明乘願現其八相。後門明願不失時。今初。然願以後得智為體。從其願智生。八相等非生智也。別中一乘願下生。二受生種族。三學解脫道。四明其出現。五音聲。六化生嚴國。七現佛身。八自在。相嚴福嚴。如來藏故。九是無礙。十即智慧。正遍知故。二不失時者。行止在緣根熟化現。未熟便捨。非願不周。若機熟失時便違本願。別中一出現。二成。本願有緣。三知種性與記。四自在。五現身。六智住於捨。七六根無礙。八淨國攝信。九強音調惡。十即不思議解脫。第三不思議境界下二門。答種性問。此門雙明報應種性。皆真正故。後門唯明法身種性。今初。體相超言念故云。不思議。下位不及故云無比。別中一身。二音。三乘。願放光。如其本願所得光故。四出現。五國土。六智慧。七自在。八威德種族。九無難之礙。十解脫體同。上之五段皆略指陳。兼答十問。已下恐繁不顯。說者隨宜。二出生智者明法身為種性也。從無性中出其智

慧。非答智慧故。別中十各二句。皆上句知性。即無性之性為能生。後句出生智用。第四普入下二門。答出現問。此門明遍現。常現非有出沒方為真現故。別中云。普現三世諸佛。況自身耶。又一現即一切現。以三世佛無二體故。如文殊般若中辨。別中云。三種自在者。即三業化也。二十種廣大法者。明出現之相。謂大用無涯故云廣大。凡小莫測故難信受。文顯可知。第五離過清淨下五門答身問。即分為五。一此門總顯無過。如來三業隨智慧行故。三業等事不出於身故。別中十句。多同。出現品身之十相思之。二究竟清淨明。過不生。揀異因淨故云究竟。惑障諸垢永不起故。別中前五功德身淨。次二色身。次一法身。次一智身。後一意識等身淨也。三十種作佛事。即明身之業用。別中亦多同。出現品身相。四無盡智海法者。即如來六根三業。皆智慧深廣相應故。亦別廣智身可知。五十種常法者。明身中意業恒常。用無斷故。第六演說無量下二門。答音聲問。此門明以音聲辯說。兼答普光辯問。後門十種作佛事。明種種說法。謂六塵四大舉動施為。皆能顯法。成益無非佛事。非獨音聲如淨名說。別中初身。二音。三四皆智受為成彼檀故。不受令彼做佛行。少欲故。又以無所受受諸受故。餘可知。第七最勝法下三門。答智慧問。初此一門總明。權實因果之智。兼答普光最勝之問。智慧最勝故。結云住十力地。兼答佛地之間。

別中四。卽三念處行。餘可思之。二無障礙。住明智慧離障。以智慧所作無礙故。一切無礙。三十種無上莊嚴卽智慧成益。由內具智慧故。外具諸嚴。標中超下位故最勝。上無加故云無上。別中十義結名自顯。一相好身。二圓滿音。三以功德嚴意。四放光。五微笑授記。其緣甚衆。離世間品亦明。六法身中異如出纏。故云清淨無礙。卽法性法身本智。返照故。於一切法究竟通達。卽智慧法身。智契法界。俱無邊際。雖在已下。應化法身。了世已下功德法身。嚴理智故。了世實性。成上不雜。生下出世。行出世法。則功德備矣。言語道斷。卽虛空法身。亦實相法身。體絕。百非。言亡。四句。唯證相應故。超纏界處。顯是無爲。翻有漏蘊成五分法身。若翻界處。則外六塵。亦國土身。則十身圓融。成眞法身矣。七卽常光。八金等妙色。九中具眞應種。三世佛種卽眞如無性故。應種可知。十中起必智俱故。無渴愛。動與道合故。身行永息。心善解脫。成上無愛。見者無厭成。上行息。此皆功德。亦無愛見成。下大悲。旣爲第一田故。受施之中更無過上。第八自在法下八門。答自在問。卽爲八段。初一總明自在。兼攝加持。初總可知。別中全同八地之中十種自在。但深廣不次耳。一法自在。論經云。無中邊。法門示現故。二心自在。無量阿僧祇劫三昧入智故。由在三昧觀機故。化不失時。三勝解自在。大小淨穢隨解轉變故。四財自在。一切世界無量莊嚴。嚴飾住持。

能通十三剎座。數十方無間住故。二彼上諸剎復有眷屬剎等。圍遶交絡成網故。三遶中間海十右旋海故。四盡華藏利海諸剎種故。五一切世界者。盡法界故。三現生處宮佛事分。二初無生現。生是誕生相。後一切佛於諸色下。無染處染是處。王宮相。於中四。一三學自圓。無染是定故。二觀諸下四心惑物。三具佛下具德攝益。四雖處下攝益廣深。四出家佛事中。一先明出家意。後當出家時下明出家相。三業二利故。五成道佛事中。三初明真覺舊圓。次菩提樹下應身今滿。後其菩提下演法益生。此頓演華嚴。六轉法輪佛事中。義通權實。先列後結。列中一唯菩薩乘通。四不退。二通五乘。世成了故。三開權顯實。令悟知見決定有故。四通三藏。三藏除廢及三障故。五唯頓法。事理雙絕故。六中道法。不著二邊故。七世諦法。淨所知故。八唯佛法。智遍知故。九唯圓法。無異味故。後一切諸佛下總結。即無量乘。唯第十輪。隨機演故。十皆圓融為不思議。七威儀佛事。於中四。一別舉入城益物。二一切諸佛色身下。通顯威儀益物。三一切諸佛昔於下。言談示現益物。其昔字。晉本所無。即是現益。若言昔者。乃是舉因顯果。必是昔字。四一切諸佛以如是下。總結深廣。八起行佛事中。四。一身心安住行。爾若唯山林寂靜通城邑。空閑在無物。二或以天身下。起應上求行。三或時說法下。說默下化行。四或住一日下。時分進修行。九起用佛事中。二初顯起用

所依。以是能生功德藏故。二或現涅槃下正明起用。十涅槃佛事。別顯用中之二。於中三。初明涅槃悲願益。次復為化度下。舍利流布益。後佛子下總結益滿。若配十問。一本願。二即種性及國土。三是無礙。四十皆解脫。五出現。六音聲。七身。八智慧。九自在。三結可知。第五無二行。自在法者。明無畏自在。兼答普光無畏之間。於事明審決定無礙。疑故云無二。不畏他難名為自在。別中初四可知。次三通二義。一以理融相。二事即入。次二唯理。後一有三義。一同性修故。二互迴向故。三互主伴故。第六明住。一切法者。明三昧自在。兼答普光三昧間。如來所住無非三昧故。遍住一切。文顯可知。第七知一切法盡無有餘者。明十力自在。兼答普光十力之間。十力智慧照境無遺故。亦顯可知。第八廣大力量者。明神力自在。亦答普光十力之間。文中亦三。初標。次何者下徵釋。三結。今初。十力是別名。大那羅延等是總稱故。下列中但依總名。是則標中十力。一一遍下別中。十門。一一具。前標中十力。則成百門。古德將標中十力。次第配下十勇健法。謂初為廣大力量等。則令別中一門不攝前十。不成百門。亦令餘門無廣大義。初門無最上等。設欲從勝配者。應逆次配之。十中。一廣大者。周法界故。二最上者。無加過故。三無分量故。四可敬畏故。五唯佛得故。六作無屈故。七當體堅故。八緣不壞故。九超言念故。十不可搖故。次徵釋

中。第一身命不可壞力。今逆次配此。即不可動。乃至一毛不搖動故。文中二。先正明。不可動壞。謂情非情境俱不能壞。後若有衆生下舉。況顯勝。如令善婆入火。取子入獄。問罪等。第二毛孔容持力。即是不可思。而諸衆生不覺知故。第三毛持大山力。即當不壞。以難持。多大山。身心無勞損故。文中速行。廣步。多劫行。利為一山之量。此山已無邊矣。況有多山。在於一毛。況復多毛。窮劫持住實難思之境矣。第四定用自在力。即是堅固定力安住故。第五常遍演法力。此即不退言音無變無斷盡故。文中二。初明一身轉。後如一佛下明多身轉。前中三。初顯所說多。次如是演說下明所說常。後所謂下示所說體。後多身可知。是則常恒之說。前後無涯。生盲之徒對而莫覩。隨所感見。說有始終。第六德相降魔力。即當難獲。然十皆難獲。世多魔惑。偏立難獲之名。第七圓音遍徹力。即是威德聞。皆調伏故。第八心無障礙力。即無量力。離量非量故。初無塵惑障礙。後於不可說下起用無障礙。心善解脫者。由三種相。一於諸行。遍了知故。二於彼相應諸煩惱。斷得作證故。三煩惱斷已。於一切處離愛住故。第九法身微密力。即是最上此總收。前八後二。更無加故。文列二十五身。或即應之真。即真之應。即性之相。即理之智。十身圓融同一法界之身。不可配於報化。故云最上微密。第十具足行智力。即是廣大。因行如海果智普周。五無邊

大方廣佛華嚴經疏卷第四十八

唐清涼山大華嚴寺沙門澄觀撰

如來十身相海品第三十四

下入第八經

界大用無涯故文中四。一萬行圓淨。二住佛所住下智用圓周。三雖已證下動寂自在。四佛子一切諸佛下。用無涯畔。上之十力不出。三業可以思準。第三佛子此一切下。總結可知。第九決定法下三門答無礙問。一明所作決定無能為礙。此約一類世界。故云決定於異類界。未必定然。又約佛。定能為故云決定耳。二速疾法者。明令他無礙。如如意寶見速獲益。而薄福不觀。十句五對。一離惡趣圓勝德。二成善因感樂果。三除疑惑滿大心。四始入位終清淨。五淨二礙具。四辯三應憶念清淨者。舉佛無二礙勸。物念持。第十一一切智住。下三門答解脫問。初門明智障解脫。智安事理故名爲住。由離障故一切能知。二無量不思議三昧者。明定障解脫。由離障故。用廣爲無量。體深不可思議故。十種之中各先明。在定。後一念遍用三無礙解脫者。明業用解脫。智論云。菩薩有不思議解脫。諸佛有無礙解脫。所作無障。脫拘礙故。故各於一塵頓爲微細作用。若別答十問者。一答出現。二音聲。三本願。顯化盡故。四國土。五即智慧能授菩薩之記。六佛身。七即種性。云世界種入世化物之種。應非世界海中之種。以前有國土竟故。八自在。九是無礙。利生無礙故。十即解脫。無不爲故。既隨一門皆答十問。則包含該攝。是以名不思議。然文少結束。似經來未盡。或顯佛德無盡故。相海等猶答前問故。

初來意者。前品總明果法。此品別顯相德。近答前品身問。遠答普光眼等六根。非唯眼等遍於法界。而各具多相。用難思議故。二釋名者。如來十身標人顯德。言相海者。依人顯相。如來十身並如前釋。福報奇狀炳著名相。相德深廣故稱爲海。故文云有十蓮華藏微塵數相。相體廣矣。一一用遍相用廣矣。一難思。互相融入。體用深矣。若此之相唯屬圓教。標以十身。故觀佛三昧海經。辯相有三類。一略中略說。有三十二相。二略說八萬四千相。三廣說有無量相。如雜華經中。爲普賢賢首等說。雜華即此經異名。三初中通權小示同於人。端正不亂故。次唯大乘菩薩。修八萬四千波羅蜜故。後唯一乘。一乘修無盡行故。又初化次報。後屬十身。十身之相海依主釋也。又初凡聖同見。次唯地上。後唯圓機。然通五位。若語其體。初以形色。次即定慧。後以無盡法界。若語其因。後通純雜。如初會說。故一一相果皆周。法界前二相因如。瑜伽智度等論。涅槃大集等經。廣如章說。三宗趣者。顯無盡相海爲宗。令修無盡之行。顯成爲趣。後正釋文。文有三別。第一誠聽許說。二正陳相狀。三結略顯廣。今初。所以普賢說者。相海普周故。令行普行獲普相故。普賢本是會主。前說已窮。此便說故。或前品未經來未盡。更應別答國土等問故。第二佛子如來頂上下正陳相狀。略舉九十七相。文通有五。一依處。二列名。三體嚴。四業用。五結數。或略不具。至文當知。或加成益業用中攝。然名依體用以立。皆以體用釋名。或單從體用。或雙從二。隨文思之。或名與體用。義不相似者。則是文略義含耳。細論一相各依一處。則爲九十七段。經自標次。今以類例相從。依十九處。即爲十九段。始自於頂終至於足。斯即順觀相海。今初。依頂中三。初約處總標次。其中下別列名相。後佛子下總結爲嚴。今初。寶莊嚴者。通顯體嚴。事實則云。皆摩尼等爲莊嚴故。亦顯智寶圓淨嚴故。一一相中。皆有理事二嚴。隨宜解釋。大人相者。大人之相故。二別列中三十二相。文各唯四。以依處一種已總標故。此處獨有三十二者。理實應多爲顯。圓融二即一切故。一頂中便具權教三十二數。若爾餘何不然。顯頂尊勝故。善生經云。一切世間福。不及如來一毛功德。一切毛功德不及一好功德。一切好功德不及一相。一切相不及一白毫。白毫復不及無見頂相。故知勝也。此約相好相對明之。若約人具有好爲勝故。相伏於人好勝諸天。故餘處說好爲微細。第一相中四者。一列名。

名從用立。二一切妙寶下體嚴。三一一下業用。四是一者結數。他皆倣此。二中以摩尼下體嚴。即釋光明義。其光下業用釋佛眼義。佛眼無不照故。餘並準思。毫相放光如現相品說。雲義亦如初會。八中嚴內摩尼名。意故不同如意。十一中。如是皆從下辨業用因。亦業用攝。十四用中。云四菩薩行者。瑜伽菩薩地云。一切菩薩略有四行。一波羅蜜行。二菩提分法行。三神通行。四成熟有情行。十九云。具足千輪者。梵本云。具千輻輪也。二十一。示身智二光俱顯智慧。二十六中莊嚴云。如來淨眼為莊嚴者。此通十眼。光照下顯業用。亦通身智二光。淨眼及光釋前普照。現於嚴具。是上輪義。即法輪故。從二十七至三十一。並略無莊嚴。亦由名中。已含有故。三十二。先名。次嚴處下體嚴。此居頂極特顯別處。故云處中。則知所餘皆繞此相。略不明耳。漸次隆起者。正顯其相。智論第五云。如來頂有骨髻。如拳。觀佛三昧經云。如合拳。即隆起之相也。第二眉間有一相。自下並有依處。故文皆有五。初依處。二顯名。三摩尼下體嚴。謂此相若收。則右旋如覆琉璃椀。若展則具十楞。有大光明。嚴唯一寶光具多色。中表皆空即是洞徹。四其光下業用。復出已下即是法光。故此光名從用而立。五結數可知。第三眼。第四鼻。各有一相。第五舌有。四相。初一即舌廣長相。於體嚴中。宿善成者。此舉因嚴。偏此說。因者。今讚演一乘故。其舌長廣即語其體。

福德人至鼻。權佛至髮際。餘大乘中明現神足。乃至梵世。或覆三千。今直語體便覆一切。後如來下辨其業用。演法釋音聲。現佛釋影像。二舌掌之相。掌謂近根。其光下顯業用。光照諸刹令應度者無俟觀破。搏聚白曉。但合塵成。何性之有。後二同在舌端。或居左右。或在上下。觀文業用。但有展卷不同。前則卷佛海於舌端。後則展諸佛於法界。第六上齦一相。上齦既有。下亦宜然。或是梵本脫漏。第七牙有四相。謂左右上下。四大牙故。故佛涅槃四牙不碎。輔頰也。亦云頰車骨也。二右輔上牙名。彌虛者。顯妙高故。四中有法乳等三。同一演法約資法身名。乳。照了萬境稱燈。令其圓淨。為實。即演三德涅槃之法。亦成三德涅槃之益也。第八齒有一相。第九唇有一相。上二各應分出上下。放闊浮下體嚴。以唇色赤好。如日初出紅蓮葉故。後照于下業用。第十頸有一相。第十一肩有五相。右二左三。或亦脫也。第十二胸有十一相。初一當中。左右各五。今初五字正翻為吉祥海雲。以依形立名故。先標形相。應迴安名下。以屬體攝無違。前後左右可知。第十三手有十三相。初三初九直語手相。右五左四者。或左脫一。或表右常用故。而前肩則右二左三相通正等。右中六十六。云成變化網者。光化為網也。左中七十二。云因陀羅網為嚴者。即是網範之相。互涉人故。次二左右指可知。後二左右掌。皆有千輪者。輪

較輻輳三事具足。自然成就。不待人功。第十四陰藏一相。猶如馬王第十五坐處二相。第十六臂有二相。左云隨順安住者。臂多行動故。須多寶隨順而嚴。第十七膺有三相。第三膺毛通於二膺。若準晉經直云。毛端則通身一切毛也。義應如昔。則處處十九。第十八足有十三相。通分為七。初足下一相。略無左右。而晉經足趺之後。別有足下千輻輪相。此必合有故。後品明足下輪相名。善照王。今經千輪之言。乃在指間。或以常明易知指間有異故舉之耳。名安住者。以足下安平一切著地不容針故。二足上三足指間。四足跟五足趺六足四周。因陀羅尼羅者。此云帝青。七足指端。上六各左右為二。文顯可知。上來略列九十七相。次第數名譯者安置。既不說盡。豈不盈百。足下闕一唇。不聞。設合此二六根皆辨耳。何獨闕如。若加兩耳及足下一。則圓百數以顯無盡。豈不妙哉。況此中所列。於三十二尚有未盡。豈普賢力不及百耶。晉經有遺但九十四。亦無次第之數故。知九十七數不在生情配屬諸法。第三佛子下結略顯廣。別說難周。故須結略。非略能盡。故須顯廣。一華藏塵相已無邊。況十華藏則無盡無盡。非普眼者安能觀歟。既三十二相權實不同。互有互無。故不贅釋。

如來隨好光明功德品第三十五

初來意者。前品明相。此品辨好。相好雖殊。俱用嚴身。以答前身及眼等兼自在問。好

依相有德劣於相故大明之。劣德之用用成頓益顯大相德難思矣。一釋名者。如來標人表德。隨好等顯德依入。隨好是體隨逐大相。益委好故。光明者用。功德者德。謂從好發光。光能益物。顯好之德。故以為名。如來之隨好等。亦如來有隨好等。通二釋也。三宗趣者。明好勝德為宗。令物敬修為趣。次釋文中二。先略後廣略中二。先標果好。二佛子我為下舉。因對顯。今初。佛自說者。有二意故。一僧祇因終。此品果極故。二皆佛說。二好用劣相而用難思。恐物不信故。佛自說告寶手者。亦有二義。一說手隨好。彼主此門故。二令當寶重起信手故。有隨好者總相舉也。即足下好與後名同故。德用周備故云圓滿。攝益自在最勝名。王。光名熾盛者。如日具德。由此復能攝諸眷屬。百萬等顯多。復云七者。淨七支修七覺照。七地故。第二舉。因對顯者。為顯勝故。此有數重。一以相德深廣言不能備。故置之說好。二好德復多。以三十二相既有八十隨好。十蓮華藏之相好彌多矣。且舉其一。三一中置勝但說劣者。故明足下。四足下一好。復有多光但說二光。五果位一光亦不可說。故寄因顯。因光成益。三重頓圓。況果一光。如是展轉。況於諸相。況復總說。如來諸德。果海絕言。亦斯義矣。文中二。先光照分齊。即前圓滿好中放光故。不別標放處。而非前光好具多光故。後彼世界下光所成益。於中二。先令離苦淨宿善益。後

從彼命下轉報生。天得聞法益。於中初示宿因。謂昔近善友。必聞普法。成金剛種。心不放逸。顯會修行。種諸善根。通見聞等。次毘盧下顯其現緣。後於彼下結。因屬果。文從略故。結屬生天。理實息苦及淨眼等。皆由此因緣也。是知佛光等照。不種善因。無斯勝益。何以一光頓成斯益。無盡功德之所顯故。純盡法界之所流故。非如權教八十隨好。但嚴於形生。信而已。此中略無墮獄之因。謂雖修乘戒行。寬故第二佛子菩薩足下廣辨。但廣於因果難說故。文中亦二。先廣淨宿善益。後既生天下廣開法益。今初。擢下惡趣之苦。放足下輪光。四十光者。表四十位。無不照故。中有一者。置廣說略。能照已下分齊過前。隨諸已下淨惑成德故。前光受清淨等名。以重況輕。舉阿耨耳。第二廣開法中長分為六。一略標勸誨。二爾時諸天子下聞已生疑。三是時天鼓下總示所因。四諸天子。如說下正明勸教。五時諸天子問是音下依勸諸佛。六說是法時下見聞益深。前三可知。四中有四。一以己喻佛。無我無來。二諸天子譬如汝下。以他喻己。顯來即無來。文有三喻。並顯可知。然惡業善根是來因緣。因緣無性故來即無來。非先有法在。十方中從彼來也。故因緣者即是智慧。智慧之法本非因緣。云何念言有何因緣。三諸天子譬如彼山下。以己況佛。難思之境。合中舉手隨好者。別舉顯勝。上救下趣。故舉足光。今約現通。故說手也。四諸

天子汝當下。正勸往詣誠不願留。於中二。先總誠勸。後著五欲下廣釋。於中亦二。先釋前誠。有法喻合。後諸天子下釋勸。於中有六。一順釋。為報恩故。二諸天子其有下反釋。三諸天子汝等下示其恩相。四汝等今者下勸往增善。五諸天子如我天鼓非男非女下。示法令修。謂說二空。非男女喻以顯入空。不生滅喻以顯法空。六汝等若能下勸修成益。言無依印者。既解悟無生。則能所雙絕。儼然摩據故曰無依。以斯智印印定萬法。不收不攝。任心自安。故稱三昧。第五依勸諸佛中分五。一獻供不遇。二時有下聞其所在。三時諸天下觀見下生。四諸天子衆下發心欲往。五時天鼓中出聲告下。教見佛儀。於中二。先教誠受生。令捨曲見。後教發心悔過。令共必見。今初由前不遇。後觀下生不離。有無情存彼此。故不體用。顯無生現生。文中有法喻合。法中先誠其曲見。後但以下示其正見。是知佛化所生非殺生也。二諸天子如我下喻。三菩薩下合。於中先明法身無生遍而巨見。後而能下應無不生。即處處皆有。有威此中亦見。何須更下闊浮。離分別下顯應生之德。拂其諸見。以無分別智而生。非謂有選生處。雖處王宮而無憍慢。諸天圍遶而無染著。第二諸天子汝等應發下。教發心悔過中三。先標教悔。次徵問其方。後如法正教。夫欲悔過須識過順十心。謂先識十種順生死心。以為所治。一妄計人我

起於身見。二內具煩惱外遇惡緣。我心隆盛。三內外既具滅善心事。不喜他善。四縱恣三業無惡不爲。五事雖不廣惡心遍布。六惡心相續晝夜不斷。七覆諱過失不欲人知。八虜屈抵突不畏惡道。九無慚愧不懼凡聖。十撥無因果作一闍提。次起十種逆生死心。從後翻破。一明信因果。二自愧刺責。三怖畏惡道。四不覆瑕疵。五斷相續心。六發菩提心。七修功補過。八隨喜他善。九念十方佛。十觀罪性空。今此三段文皆具有。而爲次不同。向以起心之次第。此以勝劣言故。今初標教誨中。文有四節。治其六失。一發菩提心爲懺所依。以是行本攝衆德故。首而明之。翻昔惡心遍布自妄。妄人。今悲覆法界廣利有情。二淨治下令。淨三業爲懺體。淨治共意是意止行。住善威儀義通止作。謂當發露不覆瑕疵。及斷相續心。翻前六七。三悔除一切下令懺。四障。即所滅之非謂惡業苦業報二障約因果分異。既懺報障則怖畏惡道。以翻不畏。天子新從彼來故不廣明。於煩惱中利鈍分二。邪見斷善最可畏故。別明見障。又障所知亦見障故。餘如別說。四以盡法下。運心普遍令無不盡。由昔起過既遍諸境。今悔昔非故普運三業等衆生界。一一佛前及衆生前。皆發露懺悔。既人天凡聖皆懺悔。則自愧刺責翻無慚愧。由意遍運令身口遍。頭即頂禮兼身爲總。五輪著地。此言遍者爲以何遍故。下次言普三業遍

此即修功補過。翻縱恣三業。第二時諸天子下微問其方。上言猶略。餘義未盡故次微之。第三爾時天鼓下如法正教。正教觀罪性空。兼顯妄計我人撥無因果外遇惡緣。而文分二。先明發聲之因。後諸天子下正說教誨。於中分五。一別觀業空。二總觀四障。三別觀見惑四對業觀報。五總結懺益。今初業爲報因。三障首故。非先有體從十方來。正顯空義。但從顛倒生。釋空所以。由業障海從妄想生。故無自性。今此空慧與心相應。則決定無疑。能如是知即名菩薩。第二諸天子如我天鼓下總觀四障。即天鼓說法。無說喻。以喻俗有真無。先喻中初舉所治。謂業報二障。後說行等五。即是能治。謂行善止惡。喜他安他住定。後諸佛下合。於中先隨俗說有言。我我所者即是見障。說貪患癡即煩惱障。後而實下勝義實無。有無二文三障影略。既無我所翻破第一妄計人我。第三譬如我聲下別破見惑見惑深險故廣破之。文有三喻。一鼓無生滅隨聞喻。喻業雖無生隨修感報。謂向觀業空爲遣執有。若謂爲空諸佛不化故。今顯非斷無。翻破撥無因果。二聲無去來喻。喻歸中道。定有即常定無則斷。俱亦是二故。雙破二見顯離斷常。文中先喻諸天子若有下合。若有可來即常。去而不來則斷故。雖空不斷。雖有不常。三鼓聲隨心喻。喻佛由心見。遣其心外定執。懺主令其真念十方諸佛。翻破外遇惡緣。第四如。玻瓈下對

業觀報。文有二喻。一鏡像體虛喻。喻雖有而無。謂鏡像依鏡現。像非去來。報從業生。何有來去。二幻師惑眼喻。喻業招報雖無而有。又業亦如幻。又幻非。又無。即中道矣。第五若如是下。總結懺益可知。第六見聞益。深。中二。先明餘衆益。以三昧力聲音聞故。後爾時下正辨當機益。於中二。先一重益。後其諸香雲下展轉益。前中亦二。先得法益。後以衆生下見佛益。今初。皆有故字。義似牒前爲因則見佛爲益。而前來未得。十地等處。爲何所牒。是以晉經皆無故字。應言聞說普賢廣大迴向。故便得十地。獲諸力莊嚴三昧。上句得位。下句成行。分得十力爲莊嚴故。二明見佛益。中三。一明見因。二即見下正明見佛。三爾時下敬心與供。言以上者。上來持華詣佛。猶未散故。毛孔出華者。已得地位故。華在最初故略舉之。上所持中有香蓋等故。下見香見蓋並皆成益。第二展轉益中。一聞香益。二見蓋益。並依前供成。今初。有法喻合。法中由脫障故。得解脫樂故。喻四禪無八災患。若有下合。由滅障故得淨善根。是爲益相。文中先顯所滅。即八萬四千。古有二釋。一云衆生煩惱根本有十。然一惑力復各有十。即爲一百。計應分爲九品。今但上品重故開爲三品。中下輕故各爲一品。合爲五百。復於內外境起。謂自五塵爲內。以他五塵爲外。一一各五百。即爲五千。別迷四諦則成二萬。并本一千則有二萬一千。

依三毒等分成八萬四千。經文自具二。有云。以十惡爲本。展轉相成。一一各十故成一百。迷自他五塵。爲一千。正迷十諸法門。謂四諦三諦。二諦一諦。或迷說成諸等十諦。或迷十善故成一萬。然迷十諸空有不。同。分成二萬。或迷十善二諦。亦分二萬。并本一千。餘如經辨。然二皆有理。任情去取。更有異釋。如賢劫經等。非今經意。後了知下能滅。謂了惑本虛。居然不生。故晉經云。此諸煩惱皆悉除滅。除滅故清淨。惑亡智顯。卽自在光明善根成就。言香幢雲者。卽九地善根至下當明。第二若有衆生見其蓋下。明見蓋益於中。二。先正明得益。二佛子菩薩住此下。明攝化轉益。今初。準晉經云。種一恒河沙轉輪聖王所植善根。所謂白淨寶網輪王等。是則多箇輪王。非一輪王之多善也。梵本亦然。而言清淨金網者。準瓔珞上卷。金輪在十迴向。初地已上皆是。瓔珞輪而增寶數爲別。是知舊譯爲寶網者。勝金網也。故彼經云。歡喜地百寶瓔珞七寶相輪。四天王一萬子爲眷屬。百法身爲百佛國土中。化十方天下。已後略無化之分齊。寶數一一增至第七地。十三寶相輪。八地但云大應寶相輪。九地云白雲寶相輪。十地云百萬神通寶光瓔珞無畏珠寶相輪。若順晉經。白淨之言。則是九地。卽前香幢雲自在光明。若然彼但是所等。則金網無失。若取十地爲清淨金網。正當十地以無畏珠爲清淨義。又攝化分齊。與上第十地攝報

果同。則證十地明矣。故下此王放光遇者亦登十地。言一恒沙者。謂從九地已還乃至十住銅輪。以此十地所化分齊。比前如恒沙矣。故晉經云。寶網輪王等。等取前也。第二攝化轉益中。二。先明得位益。後佛子如得初禪下成德益。今初。有法喻合。法中直明攝化分齊。已如前釋。喻中初化無間斷。喻上法中教化衆生。後若有聞名必生其國。喻下合中遇斯光明獲十地位後合中。初句總合。準晉經亦復如是。下。欠放曼陀羅自在光明之言。今經影在後喻合中。若直云得遇斯光。前文無放光處。爲何。遇耶。言得十地者。此品總有三重。皆得十地故名。展轉益。一諸天子聞鼓說法得十地。二此天子毛孔出華蓋雲。見者得輪王位。卽是十地。三輪王放光。遇者復得十地。此三位皆齊等同時頓成。各應數多類。總是一隨好中一光之力。餘光好等彌更難說。言以先修行善根力者。顯頓益之因。因聞普法修普善故。第二成德益中先喻。後菩薩下合。喻意云。欲界修得色定。以欲界眼見色境界。喻菩薩頓證未轉。凡身見十地境。以法力故。是則三祇可一念而屆者。明一攝一切故。塵劫不窮。一位者。明一切攝一故。如是遲速自在。是此間教非餘宗也。二合中初正明得益。後佛子假使下顯境分齊。今初。言得菩薩第十地者。猶是牒前合中。以德依地成。所以重牒。不然則成兩度放光各得十地。言成就如是清淨肉眼者。謂上諸德十

眼。皆依凡身肉眼而成。故就結之。後顯境分齊者。卽顯肉眼境界廣大。肉眼尙爾。餘眼玄妙不可說也。文中三。初假設譬喻。以顯境多。次正明能見。後結德有歸。今初分三。初明一重廣大。二寶手於汝意下問答顯廣。三寶手設復下。復積前數重顯廣大。第二如是一切下正明能見。先見前廣刹之塵。肉眼能見已是超勝。況一念耶。次亦見下明見多佛。後如玻瓈下明見之相。無心無來去故。第三寶手如是下。結德有歸歸輪王善。差別因果竟。此品之末。經來未盡。

普賢行品第三十六已下入第四十九經

初來意者。先通後別。通謂二品明出現因果。故次來也。亦名平等因果。謂會前差別因。成此普賢之圓因。會差別果。成性起出現之果。又前約修生。此約修顯故。若爾何以更無別問。復何以差別果終。而無瑞證。平等因竟便有瑞耶。卽以此義。顯是會前。若更別問便有隔絕。欲會前故。不以瑞隔。普法希奇因果各瑞。又前應有瑞。經來未盡。故所以無耳。別謂此品先因後果。義次第故。亦遠答前第二會初所行問。及不思議品念請本願問故。前雖已答。下二深妙故重明之。亦猶相海隨好。而妙中之妙。古德別爲一段因果。二釋名者。初通顯二品義名。依性起修依性起用。差別相盡因果體均。故云平等因果。又因是果因。量周法界。果是果果。境界如空。因果俱盡。未來利樂含識

故名出現。別則品名普賢。即標人顯法。明此行法非次第法。行者顯法非人。品明所行非說。人體德周法界為普。至順調善曰賢。依性造修曰行。然普賢行諸經多有其名。品中雖廣。今略顯十義。以表無盡。一。所求普。謂要求證一切如來平等所證故。二。所化普。一毛端處有多衆生皆化盡故。三。所斷普。無有一惑而不斷故。四。所行事行普。無有一行而不行故。五。所行理行普。即上事行。皆徹理源性具足故。六。無礙行普。上二交徹故。七。融通行普。隨一一行融攝無盡故。八。所起用普。用無不能無不周故。九。所行處普。上之八門。遍帝網細而修行故。十。所行時普。窮三際時念劫圓融。無竟期故。上之十行參而不雜。涉入重重故。善財入普賢一毛所得法門。過諸善友不可說倍。又上十行通收為二。若位後普賢。則得果不捨因。徹窮來際為普賢行。以彰彰法則普賢之行。若位前位中普賢。則以德成人。但修普賢。即曰普賢。亦則普賢即行。但從行名故。若獨位後普賢。則普賢之行無施下位。廣釋普賢如初會辨。三宗趣者。亦先通後別。通以二品明平等因果為宗。會前差別為趣。別以此品明平等圓因為宗。成平等果無二為趣。釋文中二。此品辨因後品明果。前中亦二。先長行直明。後以偈重顯。前中又二。先正說。後瑞證。今初亦二。先明說因。後佛子我不見下正陳今義。前中亦二。先標前少說。後徵釋所由。今初。

普賢說者。以人表法故。言如向者。一。近指向前隨好。一品為。於障重地獄衆生。略說隨好少分用故。廣說難思。二。通指前所說之果為少分境。果海絕言故。三。遠通差別因果。雖有圓融之義。以五位漸大因果殊分。逐機就病未盡法源故名少分。則顯下平等因果。逐法性說。因果圓融名廣大說。二徵釋中。微意云。何以前名少說。釋文二意。一者成上。諸佛世尊所以出世者。以衆生有無明等十過。未宜廣說故。先明差別等。二者生後。謂衆生既過滋多障累無盡。則一治一切治。一現一切現。衆生無盡。因果亦窮。未來際。前之所隨由未盡故。言十過者。一者無明。二作惡行。普經名諸經。則亦是惑。此二為總。次六皆無明。三計我我所。四著身見故。六地云世間受身皆由著我。五三倒四倒等不能決斷。六乖僻正理。七遍計分別。八結縛。常隨。九隨生死流義通業苦。因流果流故。十遠如來道行邪徑故。此結成其失。結縛等名如常所辨。第二正陳普賢行中二。先明所治廣多。後是故諸菩薩下能治深妙。今初。既一惑成百萬障。則一障一切障義則惑惑皆然。今從重說文中三。初標次徵釋後結成。今初。總標障最重。除障之外。更遍推求無有一惡如瞋之重故。晉經云。起一瞋心。一切惡中無過此惡。決定毘尼經云。菩薩寧起百千貪心。不起一瞋。以違害大悲。莫過此故。菩薩善戒亦同此說。言於他普

薩者。若於菩薩起瞋其過尤重。以令菩薩廣大行故。是以大般若中。天魔見諸菩薩互相是非過當大喜。二何以下徵釋。釋中二。一總顯。二何等下徵列。標雖百萬略列百門。古人寄位分五。初障十信行。二不樂佛法下障十住行。三不得菩薩諸根下。障十行之行。四樂誹謗一切下障十向行。五不樂與菩薩同住下障十地行。言口如獺羊障者。此是耳根障。以生邊地不聞佛法。是故口無所說。舌根之障。次下自明。普結云。菩薩萬行不過此五。起一瞋心一切障障。此釋非不有理。如賊心求法。豈獨障於地耶。是知通障一切信向不起況後位耶。又所障法界如帝網重重。能障同所亦皆無盡。故知百萬猶是略明。三佛子若菩薩下結成可知。第二能治深妙中二。先正顯。後結勸。今初。文有六位。位各十行。初一始修。後五成益故。後五段展轉依初。是為初即攝後。一治一切治也。說有前後得即一時。今初分二。先標舉勸修。後何等下徵列及結。於中十法攝為五對。辨五種修。初二約入明。謙敬修。敬上愛下故。次二約心行明。廣大修。正修。順教知事故。次二約心行明。廣大修。樂大行堅。大心故。次二約智明。增勝修。內入果智外起勝辨故。後二約悲願。明長時修。衆生無盡悲化不疲。世界無邊願住不著故。第二清淨者。依前正修行。時成離染。故。文中二。初攝前起後。後徵數列名下皆徵此。例中十句次第。從前十句而成。

一由不捨衆生故達深法淨。以衆生皆有佛性。卽妄而眞。爲深法。故二由敬上故能近。三由不謗故能護。四由知無盡故了。如空。五由菩薩行不離法界故深入。六知菩提心等。虛空故無邊。七觀察菩薩皆同。此觀能入佛力。故名爲根。八精修不懈故不著劫數。九由化無厭故。觀三世衆生。化未化等。十由願住世界能修一切佛法。第三廣大智者。垢染既拂。本智自明。稱性相知。故云廣大。亦從前十及次十而成。然有開合。恐煩不配。說者隨宜。第四善入者。事。隨理融本來卽入。智了法爾無境不通。故身心皆入。亦從前三生可以意得。非根者。境識及理皆非根也。第五勝妙心者。由前知法本融。則事理無礙。應機成益。名勝妙心。從前四生亦可意得。第六善巧智者。由上事理無礙。今則權實決斷。名善巧智。有十一句。後二合一。餘皆如次。從前十成。一卽言亡。言爲甚深。二無依故廣大。三如依空生色。故能說種種。四住無二邊。故證平等。五了種智深密。故了差別。六無差全同。七若無疑惑。則佛法莊嚴。八以平等成一方。便。九三世法約差別。門爲無量方便。十由住佛力得。知佛無邊。自力不退。從前十。既爾。從前四段亦然。如是展轉不離。始修故。隨一法具一切矣。第二佛子菩薩下結勸一行能具一切。行故疾得菩提。大文第二爾時佛下。證成中二。一現瑞證於中先此界。後如此下結通。二爾時至十方下。諸菩薩證。

亦先此土。後如此下結通。言授記深法者。少用功力。疾得菩提。故。同名普賢者。皆有此行。故。普勝界者。依此普法最爲勝故。普幢自在者。此行成果高出無礙故。第二以偈重顯中二。先敘述。後正頌。今初亦二。先說儀。後欲開下說意。此有十偈。中並具文顯可知。第二正頌中。百二十一頌分二。前二十四頌。顯說分齊。餘皆正辨普賢之行。此是伽陀與前長行。綺互共顯普賢之行。前是略明十法展轉相生。此則廣顯諸門。略無展轉。又前多顯體此多辨用。前中二。初一誠聽許說。餘正示分齊。於中二。前九頌許說過去菩薩行。後於一賢劫下。許說三世佛菩薩行。於中二。前三偈舉說時處。前二時後一處。後十一偈明所說行。於中前四諸佛出世行。卽普賢行故名。因果圓融。後七菩薩三輪顯智行。卽普賢行。第二於一微塵下。正顯普賢行九十七頌分二。初六十七明。卽悲大智行。後未安者下。三十頌。卽智大悲行。今初。有十種行。一初五頌。明善入帝網行。二十七頌深入時處微細行。三世界及如來下。三頌。明了佛心祕密行。前一偈半攝前起後。後一偈半正顯難了能了。四十偈了三世佛攝化行。五出生下。二偈六根無礙行。六有三偈如化無方行。七諸佛甚深下。十頌。三世間自在行。此中玄妙宜審思之。八六頌別明智正覺世間自在行。九如來法身藏下。五頌。非身示身行。法身藏者。卽前藏身普賢菩薩自體。遍言亦同此。

也。十有六頌。非量示量行。第二卽智之悲行中。亦有十行。一初四偈無住攝化行。二有四偈非身現身行。三二頌分布舍利行。四二頌知佛大心行。五三頌法輪深入行。六無量無邊下。五頌了知根器行。七三頌了世業惑行。八五頌了達根境無礙行。九一頌知四種說法行。而利說等者。略有三義。一約通力。二約融通。一說一切說故。三約顯理。是說菩薩觸境皆了知故。則觸類成教。如香飯等。十末後二頌三世攝化行。平等因竟。

大方廣佛華嚴經疏卷第四十八

大方廣佛華嚴經疏卷第四十九

唐清涼山大華嚴寺沙門澄觀撰

如來出現品第三十七已下入第

初來意者。前品明稱果之因。此品辨如因之果。體雖平等不壞二相。先因後果。義次第故。亦爲答前不思議品出現念故。答第二會所行問故。會釋如前。二釋名者。如來是有法之人。卽三身十身之通稱。出現是依人之法。果用化用之總名。如來雖見上文。對出現故。重辨十身皆有出現。且寄三身以明。然來卽出現。爲分人法曉喻分明。故重辨之。若依法身。如來者。卽諸法如義。如理。常現名爲出現。故文云。普現一切而無所現。又云體性平等不增減等。若依報

身乘如實道來成正覺故曰如來。本性功德一時頓顯。名為出現故。文云。如來成正覺時。於一切義無所疑惑。普見一切衆生成正覺等。若依化身則乘薩婆若乘來化衆生。故曰如來。則應機大用一時出現。文云。以本願力現佛身。令見如來大神變。又云。隨其所能隨其勢力。於菩提樹下。以種種身成正覺等。今以新佛舊成。曾無二體。新成舊佛法報似分。無不應時故。即真而應。應隨性起故。即應而真。三佛圓融十身無礙。故辨應現即顯真成。是以普經名性起。性字雖是義加未爽。通理。以應雖從緣不違性故。無不從此法界流故。以淨華染性即起故。若離於緣性。巨說故。下加性起菩薩表所說故。妄雖即。真不順性故。今以起義多含直云出現。從性從因從真從感。皆出現故。若唯辨應身出現。非唯失前二義。亦未足顯深。何能融前差別之果。若以未爲現義。則如來即出現。持業釋也。若分人法。三皆如來之出現。揀餘出故。第三宗趣者。平等出現爲宗。融差別果爲趣。四正釋。文爲七分。一加分。二本分。三請分。四說分。五顯名受持分。六表瑞證成分。七偈頌總攝分。今初有二。先毫光加請主。後口光加說主。前中三。初光次加後益。光中有十分三。一光出處。肩問者。表證中道。離有無二邊故。表無住道離真應二邊故。白毫者。表所出現性無垢故。能詮出現諸教本故。二放大下。辨光名。體如所說故。三

無量下八段皆是光業。初眷屬光即是因業。總攝諸法皆此生故。四其光下舒業。五顯現下敬業。六覺悟下覺業。七除滅下止業。八映蔽下降伏業。九顯示下示現業。十作是下卷業。二入如來下正明加相。所以加此菩薩者。如名所顯故。性有二義。一種性義。因所起故。二法性義。若真若應皆此生故。亦有釋云。此之妙德即是文殊說此法門。加性起稱此釋無違大理。以文殊大智爲能顯。普賢法界爲所顯。共成毘盧遮那之出現故。亦是解行滿故。佛出現也。從頂入者是加持相妙智之極方能顯故。第三時此道場下。加益中二。先大眾同欣。知法將被故。二爾時下。妙德領旨。知令求說主故。於中二。先長行。身心致敬。隨者跪也。後偈頌讚請。十偈分二。前五讚後五請。前中初一總讚申敬。餘四別讚。放光中有讚。因讚果讚。用等文並可知。後五中。初一自叙得益。即是領旨。次偈頌衆意請。次偈歎衆堪聞。次偈叙佛令請。後偈正求說主。已領佛意故不請佛。第二口光加說主者。示所請故。文中三。初光次加後益。今初亦十。一出處口放者。表教道通達。故。二光。明令得無礙辯。不畏大眾及深理。故。餘如前辨。二入普下。加中入口者。教以口傳故。如佛說故。加普賢者。是普賢行之果故。所證法界由理顯故。三其光入下。明益中。唯除如來。揀師資故。第二爾時下。本分中三。初微事而問。次引例以答。答即是本後說。是語下。表瑞

證成顯說希奇。纔聞其名已有微故。大地動者。大法將顯大惑將傾故。出問法光者。冥加智慧助發請故。第三時性起下。請分中有長行與偈。前中四。一總舉法請。二佛子此諸下。歎衆堪聞。三佛子汝已下。歎說主具德。四善哉下。標章別請。前二可知。三中別歎十事。一供多佛必曾聞故。二成妙行會已修故。三定自在有所依故。四親證入故。五知教道故。六除他疑故。七上力加故。八審根器故。九能隨說故。十順智到彼岸得意深故。有如是下總結。既有說德堪宜說故。第四標章別請中。初句讚善踴前三段。後列十事以顯無盡。一如來出現之法。此是總相。總集多緣成出現法。法含持軌。餘九是別。初三即三業祕密。四境即智之所緣。亦分齊境。五依境修行通因通果。六成菩提道。七成必轉法輪。八應必示涅槃。九若存若亡見聞皆益。備斯九事一化始終。有云。初一所依之法。餘九能依之德亦有斯理。如是下結請。第二爾時下偈請。十偈分三。初一讚德標請。頌前第三段。次四舉法別請。頌前第四段。三有五偈歎德勸請。通頌後三段。於中初偈總讚請。次二偈勸說之方。以法深難領故請說。因喻次一偈半歎衆堪聞。末後半偈結請。所說淨心顯。說無過。具演文義周圓。第四說分大分爲二。初別答十問。後佛子如來以一切譬下。總以結酬。今初。十段答前十問。各有長行偈喻。一一具十。今初。答出現之

法長行中二。初標告歎深。二所謂下。隨義別顯。於中三。初法說深廣酬前因緣。二佛子譬如下。喻明深廣雙酬。因喻。後佛子至知如來出現下。總結成益。結上十喻。初中分三。謂標釋結今初。總標多因成出現果。二何以釋於中。二。先徵以總釋。後何等爲下。徵數別明。今初。先反釋緣約能成之緣事。即所成因體。後以十下順釋。向言無量。乃是總相。今明有十箇無量。以顯無盡。理實則有百千阿僧祇數無量。此十無量皆遍十喻。言百千者。占人云。以十無量入中十喻。成百。以後結中十句。一一結前百門爲千。其中更有別義。方成無量。今以下列十中門門皆云無量。則不俟相入。是知百千之言。但是數之總稱耳。二徵數別明中。一始發大心誓期出現故。此心何相。二明上求勝志。三明下化慈悲。四行以續願。此行謂何。五明不出福智。六別顯福嚴。七別明智嚴。八淨前功德。九嚴前智慧。所謂方便道。教道證道無住道。正道助通。一道二道等。皆莊嚴故。十窮究法源真寶智故。三佛子如是下。結中既皆過去積因多法圓滿。令二利果一時出現故。出現言通。真通應。第二喻明深廣中。十喻各三。謂喻合結。喻酬譬喻合酬。因緣。故文云。非以一緣一事而得出現。又前法說多約往因。此中合文多約現緣。十中一大千與造喻。此喻爲總總喻。衆緣。以成出現故。云以無量緣等。下說雲雨皆此所釋。初喻中四。一總辨多緣。二別顯

緣相。三顯被因起。四性相結成。今初。先反後順。緣即因緣。如衆生業及風雨等事。即事相。謂如所持水及宮殿等。二所謂下。別顯中。先雲雨上釋。後風輪下持。一能持者。若無此輪雨無停處。二水若不滅礙起天宮。三水雖已滅。假此成立。謂滅一節水起一重天。如嚴冬急流重重水結。四雖起總處。無別莊嚴故。須第四。三如是皆由下。顯彼因起。謂上雲等。略由二因。一衆生外增上業。言共業者。謂多有情應生。此界共業同變。於中有四句。謂中共等。二菩薩善根。此有二意。一約同居。謂地前菩薩。二約能化。謂隨諸衆生。應以何國起。菩薩根等。便修彼因。以取彼國故。有衆生類即菩薩佛國。令於其中下顯受用果。謂先成器界。後起衆生依之而住。如俱舍婆沙等辨。各隨所宜者。謂水族衆生得水受用等。又人羅刹宮殿無礙。菩薩衆生淨穢同居。第四佛子如是下。性相結成中。先結前生後。後法性如是下。正結。此句爲總。此法性言通。於性相。無有生下別顯。性空亦遮其妄計。謂非真性微塵等生。非自在梵王等作。無神我能知。上三顯能作空。無有成者顯所作空。雖能所俱空。不礙相有。故云而得成就。如是無礙爲法性如是。次合中略不合第三顯彼所因。以次下二喻自別合故。合四輪中。前三是因。後一二利果滿。因圓果滿佛出現故。一品之內多以依喻正者。非唯義類相似。實則外由內變故。令外器全似於內。

是以上云菩薩善根所起。衆生共業所生等。華藏品中已略開顯。第二洪深大千喻。此之雲雨即前喻中興雲降雨。正喻出現法門。廣大難知周十方。故言心相續力者。若約信受。但是圓機。堅種相續能受深旨。若約具受。則八地已上得無盡陀羅尼力。方能受持乃至十地。方受如來雲雨說法。是以文言除大菩薩。由初義故但揀二乘。第三雲雨無從喻。菩薩善根。如生共業。感彼出現。法雲法雨機感而現。非先有一方所從彼而來。機謝而去。亦非歸至舊所故。體無生滅。第四大雨難知喻。喻深非心境故。古云。教廣行大因深果遠。故非預二乘。亦不乖理。但是大機。即世間主無能所行。即能知之。第五大雨成敗喻。況佛滅惑成德。喻中。初一即壞界之時。三即以水止水合中。初二滅惑成智。次一滅障成智。即止觀雙運。後一權智照機。又無二同二乘。無三同外道。無四增無明。無五非種智。此即分上總中法雨令差。第六一雨隨別喻。喻佛一味隨器。隨器即合前差別。第七勝處先成喻。喻佛勝緣。先濟德文中先正明。後佛子譬如下。牒以釋疑。先成由業力。法異由機殊。不乖第六一味。第八事別由因喻。喻佛成辦大事德。亦是德殊由智喻。喻中分三。初蓮華表佛。總中略無名出現者。表佛現故。而言大者。準五卷大悲經第三云。有千葉故光照十方者。金色光也。言爾所佛者。有千枚華表。千佛故。故劫名賢賢善多故。

●占二古● ●喻二論● ●被二彼● ●[力]一● ●德二佛● ●[智]一● ●一三二●

餘多同此。二佛子爾時下。風輪起處者。即有力遙持廣。前建立風輪。三佛子大雲下。結因有屬。二合中亦三。先合蓮華表佛喻。於中一切善根功德。合上大水遍滿。放於下。合生蓮華。謂不斷種性。如華表佛故。普照十方。合上光照十方。與諸菩薩下。合知佛當出。第二佛子下。合風輪起處喻。此十智光次第合前。所成唯果德。能成通因果。又能成即實之權。所成唯差別之德。故下結云同一體等。第三佛子如來下。合結因有屬於中。三一結因即能成之智。合上一味之水風輪不同。此輪由一節水滅。一重輪生。如澄水至。今推能成由一味大悲。二佛子一切下。結果。即所成之大智。從一實之智隨權而生。合上風輪差別。故世界差別。三佛子汝等下。結緣。即由衆生異。合上以衆生善根不同。兼釋外疑。於中又三。初標前正理。一解脫味即能成之水。水具二義。悲及解脫。二文影略。種種功德通能所。二智。二衆生念言舉外。疑情然感應之道略有三義。一互相成。二互相奪。三緣成性空。今衆生以緣奪。因純推佛力失。因緣義。三佛子此非下。如來爲釋。於中初以因奪緣。一向言非。次但以下。爲說正義。初句因緣相成後而佛下。有二義。一。成上因緣雖隨衆生心無分別。二。成第三義。了性空故。緣成故無成。無成故無壞。所成既空何有能成作者及作法耶。第九四輪相依喻。況佛體用依持德。亦廣建立風之別義喻中。二。先明能持之風。有四者。一。

時持水名安住。二多時不動名常住。三與劫齊量。四體性堅密。是以俱舍云。假使有一大諸健那。以金剛輪奮威懸擊。金剛有碎風輪無損。其量廣無數。厚十六洛叉。彼但有一與此不同。二此四下四輪相依。準俱舍論。次上水輪厚八洛叉。洛叉億也。次上更有金輪。厚三億二萬由旬。然其世界或說三輪成。謂風水金。或說五輪。謂下加虛空。上加大地。今欲稱法合成四輪。則地中含金金亦地故。二合中先合能持四風。有配四攝義。則少似既合。以如來出現。則成大局。今謂一未信入者。以四攝普攝示以正理。二已信受者建立教法。三已入法者令其成行。四已成行者令其得果。二佛子下。合四輪相依。一慈悲合地能厚載故。二方便合水曲隨器故。出現合風力能持故。無礙合空如空無礙故。故淨名云。其無礙。無礙若于故。文意雖但取展轉相依。不妨有似其事。若準偈中慈悲之前有一切佛法。以況樹林則五重相依。第十大千饒益喻。況佛利世德。別顯總中一切衆生各隨所宜。而得受用。合中次第合前四益。見佛生喜如魚得潤故。戒如平地萬善由生故。定如宮室得安息故。慧如虛空不可壞故。於中二句。初不壞事。後不壞理。第三總結成益中有十一句。各別結上十門。以九十二句結第九門。故有十一。一多因出現故。二廣故難受。三無生故無從。四非心識故思必發狂。五如空故惑見雙亡。六。

平等無我故一味。七由無盡。故諸乘遍化。八後際無斷故佛種不斷。九無對即無礙慧。十爲無爲平等。即攝三輪歸無礙慧。十一本爲衆生故。今利益滿足。若將一一通前十門。未爲得意。第二偈頌。三十七頌分三。初十四頌歎深許說。次二十二頌。頌上十喻。後一頌結說無盡。不頌上文。今初分二。前十一頌歎深難量。後三頌誠聽許說。今初亦二。初偈總歎。頌前標告不思議言。後十別歎。即次第頌前總結十一句。亦第九偈頌九十二句結。既結喻。今此亦即通頌前喻。喻則性相雙明。此中多就性說。古稱性起。彌復有由。一無邊量即無量義。二一毛叵量即廣大義。三空際叵得即無生義。然唯此第三偈。似頌第五如空。第六偈似頌第三無生滅。然取義不同故皆案次。四不能知者離心識故。五遍於一切非一切者。即如空義。六體性平等即平等無我義。七前遍諸利。此遍三世文綺互耳。八無變易故。盡後際。九離言說故。無二無對。十本顯現身故能成益。第二誠聽許說中分二。初一誠聽勸修淨意如空。總以喻顯。下二句別顯。一離妄取。如彼淨空無雲翳故。斯即眞止。二觸境無滯。如彼淨空無障礙故。斯即眞觀。此觀不作意以照境。則所照無涯。此止體性離。而息妄故諸取皆寂。若斯則不拂不整而自淨矣。無淨之淨則闇顯佛境矣。此爲心要。謂後學思行。後二偈許說分齊。於中初半偈。結前生後。後偈半正示。

分齊。腰舉十門。略無行者三業攝故。關正覺者導師中攝。或復略無。第二頌前十喻。即爲十段。初喻四頌以是總故。餘九各二。今初文二。前一頌總顯多緣。後二頌別顯緣相。其第九喻。合云方便依智者。智即顯前出現。然初無礙慧。是佛實智中二皆權。於中智即知事方便隨機。合上即權實無礙對。初即悲智雙游。第二別答出現九門。先明身業。後八依故。長行中二。先標舉。後佛子諸菩薩下釋相。於中三。初就法總明。次約喻別顯。後就法總結。然總中五遍通喻中十身。結中十句別結十喻。亦同前出現。今初分四。一總教廣見。二何以故徵其。所由。三諸菩薩下。反釋所以。四應遍一切下。順以結酬。就反釋中總舉五法。法是所知法界。及調伏法事。是調伏衆生行事故。晉經名行。身即是正國土是依。生是所化。四順結中應顯上五成五無量界。身爲能遍四爲所遍。一遍法界。二遍調伏界。三遍調伏加行界。四遍世界。五遍衆生界。唯有五界非是略也。第二佛子譬如下。約喻別顯中。明如來出現有十種身。一周遍十方身。二無著無礙身。三普入城益身。四平等隨應身。五無生潛益身。六周迴等住身。七無心普應身。八窮盡後際身。九嚴利益生身。十嚴好滿願身。此即八地十身而爲次不同。一法身。二智身。三威勢。四菩提。五莊嚴。六意生。七化。八力持。九福德。十願。四是菩提者。初成先照故。偈云。日照出現故。五莊嚴

者。一一毛孔隨好光明。以莊嚴故。餘文並顯顯此十身。舉十喻況。一一喻中文各有三。謂喻合結。今初虛空周遍喻。況周遍十方身故。下結云。以其心無量遍十方故。喻中先直示後徵釋。徵云。至不至別。何得俱耶。以一無身釋上二義。由無身故無可得至。亦以無故無所不至。如色中空。空若有身。身即質聚。便礙於色。如鐵入水。水不入鐵。今由無身故遍入色中。法華喻知。此以事空以況理空。理空即是法身故。經偈云。佛以法爲身。清淨如虛空故。爲衆生下此釋。外疑第二空無分別喻。況無著無礙身故。經結云。所行無礙如虛空故。空無分別不礙顯色。智無分別不礙利生。第三日光饒益喻。喻普入成益身。普入法界故。喻合皆有總別釋成。合中別內有十種益。合前八句。初二合初句。世出世異故。三拔四流之苦。與出世之樂。拯二乘沈定水之苦。與菩提樂。皆變濕令燥之義。四道品通長。三乘草木。五信有二義。一成上義。信能增長一切法故。二合成熟信。能必到如來地故。六七二句合。廓徹虛空。一得見。開四諦因果智。二得三明十力智。如空有日。廓淨照徹故。八有二義。令心無礙成上徹空。不壞善根成下蓮華。如赤蓮華不遇日光。斂死無疑。三乘善根若遇智日。則便不壞。九正合開華。上已開。不壞。今未開。今開。十合後二句。發菩提心即見大道。成就本行是辦家業。第四日光等照喻。喻平等隨

應身。由住真際。故無私平等。文中二。先正喻。後重舉釋疑。前中黑山喻。緣覺者。無法空之光故。不出功德故。不同菩薩十大山王表十地故。高原喻。聲聞者。不生佛法蓮華故。大地一種通含三聚。取決定能生處喻。正定聚。得緣方生喻。不定聚。砂鹵等地喻。邪定聚。然亦不捨故皆等照。後釋疑云。日光是一佛智萬殊。豈爲同喻。釋云。豈不向說。但隨山有高下耶。故知但隨衆生智慧不同。佛無私智無若干也。未達前喻。又既約機說異。則照高未。能兼下。照下而猶照高。又若捨化先捨於小。次捨於中。唯菩薩高山盡日蒙照。思之。第五日益生盲喻。喻佛無生潛益身。有目者視。非是獨爲生盲不見。亦未曾滅。以潛益故。合中二先略後廣。略中五事皆盲。而無信爲總。故云。無信眼故。此即涅槃闡提三罪。無信斷善。即一闡提。無解毀見。則謗方等。毀戒邪命。即犯四重禁。作五逆罪。此四至惡。猶有佛性。亦爲饒益令離苦集。後佛子如來下。廣顯中二。先能益光後所益衆。今初二。先列十光。後結分齊。今初。十中初三成二莊嚴慧中二句。一普照事。一照淨理。次三成三慧。初二成聞慧。後一成思修。後四成四智。大圓鏡智。無住普照故。平等性智。絕戲論故。妙觀察智。隨應演說。成所作智。嚴土化生故。佛子下結數分齊。以日有十光。故。結云。千寶乃無數。五百照下者。五位自分。五百照上者。五位勝進行。二其菩薩

下。所益中有四。初益菩薩。二益二乘。三益生。四益惡趣。菩薩有二種。一益圓機。頓證佛境。二益權機。令熟權趣。實諸處謂五眼等諸地。謂種性地等。二乘生官可知。四地獄下。光益惡趣。文有六段。一拔苦與樂。二佛子下。因起邪見。二是時下。慈音示正。四彼諸下。迴邪報恩。五如來下。佛與授記。六佛子下。結光利益。此中諸益多同。隨好第六月光奇特喻。喻佛圓迴等住身。謂等住三世無增減故。合中四法者。一圓智映。二乘二常身示。延促三由器見。有四無所見無向背。初及後二皆圓迴義。菩提器者。堪受菩提之人。觀意生身。若心海澄清妄念都寂。則真見佛矣。第七梵王普現喻。喻佛無心普應。身不分而遍故。第八醫王延壽喻。喻佛窮盡後際身。喻中二先彰現德。後彼大下。呪力持身。合中亦二。初合現德。於中初合用藥無不盡。次修學下。合呪力為方便。後善能下。合見者病愈。二及住下。合呪力持身。用前呪藥持住多劫。故略不重明。藥呪能持。第九摩尼利物喻。佛嚴刹益生身。兩寶利貧。即嚴刹故。各有體用可知。第十寶王滿願喻。喻佛相嚴滿願身。合中先正合。後佛子佛身下釋疑。於中初雖合喻。已是釋疑。謂有疑云。若念皆見今何不。見故云。少福不見。次疑云。亦有貧下薄福何以得見。釋云。除可調者。第三以其心無量下。就法總結。十句次第結。前十身。其有難者前已會釋。第二頌中有二十偈。

次第頌喻。喻各二偈。已下。入第三出現語業。長行有標釋結釋中三。初就法略說。二約喻廣說。三以法通結。昔人亦以初十。入於中十為百。後十通前十為千。此亦可通。今更一解。後結則容通結中十。中十則別喻初十。但小不次耳。今初圓音之義。略啓四門。一叙昔二辨違。三會通四正釋。前三非要廣在別章。但正釋文自含衆妙。文有十音以顯無盡。各上句標下句釋。一普遍者。即隨類音。然有二義。一約體廣無聲不至。故云普遍無量音聲。斯則人天等異萬類齊聞。上云衆生隨類各得解。二者隨前一之音。皆能獨遍。如目連不究其邊。二隨樂欲音。謂趣舉一一類音。能隨樂欲說種種法。上經云。如來於一語言中演說無邊契經海。又云。佛以一妙音周聞十方國。衆音悉具足法。兩皆充遍。通證前之二義。三隨根解音。謂即上說中。隨說一法大小各聞。故云隨其信解。寶積云。佛以一音演說法。衆生各各隨所解。四隨時音。謂即上大小之法。令聞不聞皆自在。故云不失時。亦兼隨聞。一法欣愛不同。寶積云。或有恐畏或歡喜。上四多約即體之用。是圓音義。後六多約即用之體。顯一音義。謂五外隨緣叩我無生滅。六內集緣成何有主宰。七甚深者。欲言其一則萬類殊應。欲言其異一體無生。又欲言其一。隨一音中能具多音。故上云一切衆生語言法。一言演說盡無餘。欲言其異。即上多音唯令聞一故。

下喻云。譬如天鼓發種種聲。懈怠諸天唯聞。無常覺悟之音。故甚深也。八純稱法界。九橫入無斷。十豎歸一極。此十圓融一味。是如來圓音。是知或謂無聲隨叩發響。或謂唯一直聲無宮商等異。皆大地之一塵耳。第二佛子菩薩下。約喻廣說中三。初結前生後。次徵後釋。今初收上十聲要不出三。約相則廣無量。約體則無主宰。約用則有顯示。今並雙非以顯中道。謂莫窮其邊故非量。隨機隨時有聞不聞。故非無量。多緣集故非有主。純一法界生故非無主。當體無生故無能示。巧顯義理故非無示。更以四句明體用無礙。謂一以用從體。由體無不在故。能令上十類皆遍一切。非唯遍聲。亦遍一切時處。衆生如來法界等。雖復於色等皆遍。恒不雜亂。若不等遍則音非圓。若由等遍失其音曲。則圓非音。今不壞曲而等遍。不動遍而差韻。方成圓音。二以體從用。共一一音皆具含真性。三用即體故。上十類聲皆不可得。唯第一義永離所執故。法螺恒震妙音常寂。名寂靜音。如空谷響有而即虛。若不即虛非但失於一音。亦不得圓融自在。四體即用故寂而恒宣。若天鼓無心而應一切。長風隨窻萬吹不同。若不遍同非但失於能圓。亦非真一梵音隨緣自在。名為如來圓音妙音。非是心識思量境界。第二微意云。前言無量等。今何雙非。第三舉喻廣釋。其大意云。性相無礙體用相即。故約法難顯寄喻。

以明十喻即爲十段。段各有三。謂喻合結。今第一劫盡唱聲喻。喻前第六無主喻中。言「法爾者」俱含第二云。生無色界有二種。因一因力。謂近習及數習故。二業力。謂上界後報業果欲至故。若生色界則有三因。謂加「法爾力」。但器壞時法爾有聲故。然四種音非是一時。初二火劫將壞欲界及初禪時。三即水災壞二禪時。四即風災欲壞三禪時。四聲各別故非無生。但從緣生故非有主。合中明佛欲壞生死世間。亦有四聲說。五乘法第二響聲隨緣喻。喻上第五無生。第三天鼓開聲喻。喻第九無斷絕聲。遍入法界化無斷故。喻合各三。一能開覺。二開覺益。三結用歸體。二當知下。合中三者。初合能開覺別有十一聲。義分四節。而有二意。一初二通五乘。次六通三乘。次一通第一第二乘。後二唯大乘。二者初一節人天。餘三節配三乘。次無數下合開覺益。後而如來下合結歸體。由不住方等故。上能普遍。是以莊嚴論云。若佛音聲是有法非非法者。不能遍至十方。反此故能。第四天女妙聲喻。喻第三隨信解聲。多音隨樂故。第五梵聲及衆喻。喻化不失時熟者必聞。即以根熟爲衆。第六衆水一味喻。喻無邪曲聲。從法界生。一體性故。第七降雨滋榮喻。喻歡喜聲。稱根增長故。離佛無聲不從外來。離機無聲不從內出。第八漸降成熟喻。喻無變聲。以皆至究竟故。上先照高山以顯頓圓。此先小後大即是漸圓。將降

法雨者。思欲說一也。未便即降者。恐被法障惡道故。先與法雲是說方便。方便含實如雲含水。第九降霖難思喻。喻上甚深聲。雖多差別。皆於甚深法界之所流故。第十遍降種種喻。喻普遍聲。非離普遍四洲。亦遍出多雷音。喻中有總別結。從四天下別中有五。一雲。二電。三雷。四風。五雨。此與寶首品文有影略。思之後雖彼下結。合中亦有總別結。別中亦有五。前四各有佛子。一以身合雲有覆陰等故。即菩提等。十身中有四身名異義同。一即願身願生兜率故。第二即意生身。隨意所生同世色故。八即菩提身。具佛十力成菩提故。九即威勢。具四無畏能伏外故。亦可。十力降魔爲威勢。無畏爲正覺。有正覺義故。餘六名義俱同。第二合電光。不出通明無畏。第三以三昧合雷聲者。略有二義。一若秋之雷蟄蟲藏匿。若入三昧諸惡不行。二若春之雷則發蟄開萌。猶彼三昧發生功德。三雷是雨之先相。三昧是說之先兆。十名思而釋之。第四以大智合風者。以後得智觀機警覺。加被令成法器故。第五此相現已下。以說法合雨。於中初結前標後。所謂下。別有十法者。一將成正覺念相欲盡聞。斯法雨便細念都忘。得見心性。虛空界。法界一相始本無二。契同諸佛平等法身。故云說法界無差別。二出胎已後坐道場。前後更無身故。名最後法雨。名遊戲等者。此有二義。一開爲二。謂遊戲是神通大用。秘教即心智

所契。二合爲一。令於秘教出沒自在。故云遊戲。言秘教者。即證如來三德涅槃。故涅槃經名祕密藏。安住於此能建大事。神通作用故名遊戲。在法華經以體從用。名如來知見。深固幽遠名爲祕密。雖初心同稟而窮究在斯故。亦爲說三。一生所繫者。謂如彌勒更一下生故。所以更一生者。由微細無明能障所知故。今爲說令淨彼細惑。成種智普照。上三皆等覺位。四灌頂菩薩。即十地受職位。十方諸佛法水灌頂。隨在佛數。能受如來大法雲雨。令具佛功德智慧。廣作佛事爲莊嚴故。五得忍菩薩。若取忍淨。八地已上。將止此忍勸滿。福智不斷。悲故若取初得。有說初地即得。爲說信等功德。後後圓淨十地。地智一一開發不斷。二利故。六住向行三即三賢位。令其入證。真如現前。依此變化爲其深門。而勝進不息。七初發心者。通信初發心及信滿發心。既發上求下化之心。令依願行故。上皆已得本位故。並爲說勝進上位之法。此下二門通有二意。一約初求願說。說其自乘。二約已住密說。密授大乘。如緣覺中約自乘。說則因謝非常。果續非斷。逆觀非有順觀非無。爲離二邊。雖離二邊而不壞自乘之果。約密十二因緣即是中道。中道者名爲佛性。故曰甚深緣起。是爲上上智觀。故得不壞佛解脫果故。九聲聞中二者。一約顯說。由彼厭患苦集故。說入空智劍斷之。二約密說。應以法空斷一切

惑故名。大劍十爲二聚衆生故。云集善根者。其邪定聚未堪。法雨未定令得名爲成熱。已定令增種種法門。三佛子諸佛下合上結。中有二佛子。初合結數。後合心等以釋外疑。第三復次佛子應知下。通結十喻皆無分異。文顯可知。第二偈頌。頌上十喻喻各二偈。第四出現意業。先身次語後意義次第故。長行中二。先微起後正釋。釋中三。初約法總辨。二寄喻別顯。三總結勸知。今初。言如來心意識俱不可得者。約體遮詮也。但應以智無量故。知如來心者寄用表詮。然此一文古有多說。一云識等有二。一染二淨。佛地無彼有漏染心心所。而有淨分心及心所。果位之中智強識劣故。於王上以顯染無約彼智所以明無量。若必無王所依何立。故成唯識第三。引如來功德莊嚴經云。如來無垢識是淨無漏界解脫一切障。圓鏡智相應則有王明矣。言轉識者。智依識轉非轉識體。一云以無積集思量等義故。說心等巨得。就無分別智以顯無量。非無心體故。攝論第八云。無分別智所依非心非思義故。亦非非心爲所依止。心種類故以心爲因。數習勢力引得此位名。心種類上之二解俱明。心意識有。一云佛果實無心意識及餘心法。云不可得。唯有大智故言智無量故知如來心。故金光明經及梁攝論。皆云唯如如及如智。獨存佛地。論中五法攝大覺性。唯一真法界及四智菩提。不言更有餘法。上之二宗遍取皆妨。

若依前有未。免增益。亦不能通。不可得言。又此淨分此何不說。彼無垢識而得說耶。經何不言染不可得。若依後義未。免損減。亦不能通。知佛心言。既云以智無量知如來心。不言無心。可知明非無心矣。又心既是無智何獨立。非唯達上二論。亦達涅槃滅。無常識。獲常識義。若二義雙取未免相違。若互泯雙非。寧逃戲論。若爾何以指南今釋此義。先會前二宗後消經意。今初。若後宗言。唯如智者。以心即同真性。故曰。唯如。照用不失。故曰。如智。豈離心外。而別有如是則唯如。不乖於有。前宗以純如之體。故有淨心。心既是如有之何失。是知即真之有與即有之真。二義相成有無無礙。後消經意者。言不可得者。以心義深玄言不及。故寄遮顯深。言但以智知如來心者。託以心所寄表顯深。故晉經云。但知如來智無量。故知心無量。云何深玄。欲言其有同如絕相。欲言其無幽靈不竭。欲言其染萬累斯亡。欲言其淨不斷性惡。欲言其一包含無外。欲言其異一味難分。欲言其有情無殊。色性。欲言其情無幽不徹。口欲辯而辭喪。心將緣而慮亡。亦猶果分不可說故。是知佛心即有即無。即事即理。即王即數。即一即多。心中非有意。亦非不有意。意中非有心。亦非不有心。王中非有數。亦非不有數。數非依於王。亦非不依王。一一皆爾。圓融無礙。則令上諸義各隨一理不爽。玄宗言寄表顯深。

者。既心不可以智知。且託智以稱歎。智是心所尚以十喻明玄。則所依之心玄又玄矣。故十喻之未皆結爲心之相。然佛尚不說凡何敢思。有因緣故。轉憑教理以不玄宗。望無咎其繁而不要也。第二譬如下寄喻別顯。舉十大喻。以喻如來十種大智。十智體用非一非異。亦文各有三。謂喻合結。今初。虛空無依爲依喻。喻佛無依成事智。合中謂諸乘之智依佛智生。如十地云。此十地智。皆因佛智而有差別。離佛智外無所依學。而佛智果滿更不依他。豈不依心及依理耶。豈不向言王所無二耶。良以佛智照極。無有智外如爲智所依。故智體全如。若有所依。不名如智。亦猶淨名云。法隨於如無所隨。故文殊般若云。若無境界則無所依。況佛智外無法可得。以一切法即佛智故。第二法界滿然喻。喻佛體無增減智。即轉釋前依。依者依此出生。生故雖出諸智亦不減少。菩薩解脫成佛智時。亦不增足以同體均故。如上海中板喻。第三大海潛益喻。喻佛體均益生智。即雙釋前依及出生義。謂與衆生心同體。故義曰。潛流。穿鑿自心得智慧時。即是見他佛智。是曰依之出生。又由體同。令外佛加持資其念力。亦是流入。第四大寶出生喻。喻佛用與體密智。釋上能生。以何義故。而能生耶。具四寶故。喻中有三。初總明出處體用。次徵列寶名。後結其深勝。合三同喻。列名中。衍英諸公皆云。初證道智斷惑障。

二助道智斷智障。三不住道智捨於報障。上三自利。四利益衆生智。即利他行。此釋亦無大過。果地具此三道。能令學者入菩薩地。故今更一解。若直就文。文自明顯。今以法相收之。即四智菩提。一大圓鏡智。以離諸分別名無染著。所緣行相微細難知。不忘不愚一切境相。名巧方便。二即平等性智。觀一切法。若爲無爲。自他平等名善分別。三即妙觀察智。此智善觀諸法自相共相。無礙而轉故。說無量法而不壞法性。無量法者。即攝觀無量總持定門等。而言說者。兩大法雨斷一切疑故。四即成所作智。知機知時作所應作故。三若諸如來下合前深勝。於中先用勝體深。此中用勝喻在總中。此中體深。同法華經中明珠不妄與人。然約下智不及故稱密藏。不全同喻故。涅槃中明有密語而無密藏。後此四智實平均下。明體勝用深。平均正直即平等性智。大慈悲等共相應故。故曰平均。一味相續名爲正直。二端潔即大圓鏡智。端者。純淨圓德現種依持故。潔者。性相清淨離諸雜染故。三妙好即妙觀察智。四普能利益即成所作智。此約別配。今以四智圓融故。四德亦該四寶。況四智乃十中之一。則永異餘宗。第五珠消海水喻。喻佛滅惑成德智。由有前智。無智不生。由有此智。無惑不斷。又前則橫具四智。此則豎具四智。皆是釋前爲依之義。喻中二。先總明體用。後佛子此日藏下。別顯用相。此爲極

教了說。而起世婆沙等。說阿毘地獄在下。火氣上吞銷。鑽海水。蓋是少分方便之說。而俗典云。以沃焦石消海水者。或測度而知。或見寶不辨謂之石耳。又云。注於尾應堅者。但見其消以名之耳。合中亦二。先合總明體用。後佛子諸菩薩修習下。合別顯用相。然此四智。古德有配四種三昧。初是大乘光明三昧智。二是集福德王。三是寶護。四是首楞嚴。此釋配定。理則可爾。案次乖理。以第三名智光普照。故若將初爲三。以三爲初。乃順文理。今更一解。標其所成。即是四定。約能成智應別立名。又。若將此豎配諸位。尤異昔解。謂一佛以即事而真智。治於地前。成初四地。令得寶。守定。以此三昧能守世出世間寶善法故。前三地爲世四地爲出世。既了即事而真。則即散而定。二以即體之用智。治四地。未能起用。令得五地。入俗成集福德王定。三以平等無相智。治五地。雖能隨俗未得平等。令得六七地。般若大光功用後邊成光明定。四以平等無功用智。治七地。功用令入八地。乃至佛果得首楞嚴定。所作究竟故。果既具四。因亦通修。且約相顯爲此豎配。不可通局。第六虛空含受喻。喻佛依持無礙智。亦釋前依義。上但云依。猶通外依他力。今明體遍普容。是則五乘等智。皆是如來大智中物。肇公亦云。夫聖人虛心冥照。理無不統。懷六合於胸中。而靈變有餘。鏡萬有於方寸。而其神常虛。即斯義也。第七藥王

生長喻。喻佛窮劫利樂智。喻中四。初總顯體用。二彼藥王下。別顯用相。三此藥王下。得名所由。四佛子下。揀其非處。先揀後收。收者亦不厭。故晉經云。不捨生性。合亦四段。而文不次。初合總顯體用有六。一以悲願菩提合根。此爲諸佛之本深難拔。故文有四弘。二依實智。所生方便爲莖。能幹事故。菩提體故。三依前二智分爲諸度。旁陰爲枝。四戒定息。熱別受。業名。五辯才道品等。親生菩提開發爲華。六果可知。上六亦可豎配地位。而下別顯用相。既云一切菩薩故。但從通釋。二一佛子越次合得名所由。窮未來際故云究竟無休。得果不捨因。故云不斷菩薩行。由此故得因果交徹展轉相生。三一佛子却合前別顯用相。深心樂修善行。即前方便淨戒亦能息熱。相好如華爲嚴。文多影略者。爲分能所成。故。四一佛子合揀非器。亦先揀後收。無爲正位。一墮難出故喻深坑。又無悲水。取灰斷故。如彼地獄。邪見撥無貪愛浸爛。皆喻於水。不容善根。又闕土緣。非生處故。後收言無厭捨者。上據現惡闕緣。令生厭怖。直進一乘故。除二處而同有佛性。久久當成故不厭捨。是知現惡明無則無惡必有。故涅槃云。一聞提人雖復斷善猶有佛性。若能發心非闕提也。法華云。決了聲聞法。餘諸聲聞衆亦當復如是。結云。根善安住者。常住大悲故。有引向所揀證。無佛性及定性義。不觀次後不捨之言。

○(即)一○ ○(種)一○ ○(理則)一○ ○(若)一○ ○(此)一○ ○(守)二首○ ○(王)二樹根○ ○(故)一○ ○(藥)二藥○ ○(戒)二界○

者則爲執著。恐不信有故云。若言定無則爲妄語。乍可執著不可妄語。自然智者。自覺聖智也。無礙智者。始本無二絕二礙也。第二喻中二。先明大經潛塵。以喻上文妄纏佛智。大經卷者。佛智無涯性德圓滿也。書各稱境者。智如理故。潛一塵者。略有三義。一妄覆真故。二小含大故。三一具多故。

知
大方廣佛華嚴經疏卷第四十九

一切塵者。無一衆生不具佛智故。後時有一人下。出經益物。喻上離妄現前。第三合中亦二。先合大經潛塵。無量無礙普能利益。合上書寫多事。衆生身及妄想俱合。土塵。後爾時如來下。合出經益物。如來合上一人。智眼合上天眼。是知不信衆生等有佛智。智眼未開復何可怪。然如來藏等經說有九種。喻如來藏爲如青蓮華在泥水中。未出泥水人無貴者。又如貧女而懷聖胎。如大價寶垢衣所纏。如摩尼珠落在深淵。如真金像弊衣所覆。如菴羅樹華實未成。亦如稻米在糠粃中。如金在鐵如像在模。皆是塵中有佛身義。與此大同也。大文第三總結。上來十喻。初總明無依爲依。二能出生。三能潛遍。四橫具。四智。五暨具。四能。六體廣包含。七用無終竟。八知無不盡。九巧能攝持。十處處具足。前九直語佛智。後一乃融自他。此十圓融略顯佛智之相。寄顯如來之心。未盡佛心一毫。故應更以無量無礙等知也。第二偈頌。二十二偈分二。初兩句約法總顯。餘頌上喻。於中初喻一偈半。後一四偈。餘八各二偈。並顯可

大方廣佛華嚴經疏卷第五十

唐清涼山大華嚴寺沙門澄觀撰

已下入第五明出現境界。正顯分齊之境。兼辨所緣之境。依初義者。前約智以顯心。此正明智用分齊。依後義者。前明能知今辨所緣。由所緣無邊故。顯分齊難思。分齊難思故。方窮所緣之境。二義相成如函蓋相稱。文中長行分三。謂標釋結。釋中二。先法後喻。法中亦二。先廣取所緣顯分齊境。後近取諸心以況佛境。前中又二。先列所緣無邊。後顯分齊無量。今初。先令以無障礙智爲能知者。非此不能量佛境故。後正顯所緣文有十句。一通舉所化。二化時。三顯所緣。四化法。五所化人。六七八三皆明所證。於中真如語其體。常一味故云無差別。法界生法所依。故云無礙實際。是窮事至實。故云無邊。九化處分齊。後一遍通。若約二諦境。前五爲俗次三爲真。九通真俗。事空理空俱是空故。後一雙非。顯前九境即同無故。若約三諦。空即是真。三真爲中道。若以五界攝之。初三是世界無量。四即調伏及調伏加行界。五即衆生次三即法界。餘二雙非。二佛子如一切下。顯分齊無量。中。先約十境以顯分齊。境智相稱故皆無量。後約無

況第十喻平等共有。滅損佛性。恐毀訪一乘。願諸後學當誠慎之。莫滯權說。第八劫火燒盡喻。喻佛知無不盡。智由此佛智更無所依。第九劫風持壞喻。喻佛巧令留惑智。非但能斷亦復能留。謂佛有斯巧。授與根未熟未具萬行菩薩。令留潤生之惑。由此留惑惑方至盡得。一切智。不同二乘不爲菩提心期速出。廣明留惑潤生。具如別章。第十塵含經卷喻。喻佛性通平等智。文中四。謂法喻合結。今初。所以知佛智遍者。無一衆生不有本覺。與一切佛體無殊故。以上言潛流。則似佛智遍他衆生。今顯衆生自有。故云遍耳。此有三意。一明無一衆生不有。則知無性者非衆生數。謂草木等已過五性之見。二者衆生在纏之因。已具出纏之果法。故云有如來智慧。非但有性後方當成。亦非理先智後。是知涅槃對昔方便。且說有性。後學尙謂談有藏無。況聞等有果智誰當信者。三彼因中之果智。即他佛之果智。以圓教宗旨他因果無二體故。不爾。此說衆生有果。何名說佛智耶。斯則玄又玄矣。非華嚴宗無有斯理。次但以下釋疑。疑云。涅槃云。佛性者名爲智慧。有智慧時則無煩惱。今有佛智那作衆生。釋中先順答前義。謂倒故不證豈得言無。如壯士迷於額珠。豈謂膚中無寶。後若離下。反以理成。謂若先無離。倒寧有。既離。倒則現明本不無。如貧得珠。非今授與。是以涅槃恐不修行。故云。言定有

①莫二無 ②知二智 ③智一知 ④一切 ⑤有二得 ⑥種二喻 ⑦喻一 ⑧貧二食 ⑨分齊難思 ⑩中一

境顯其非有，乃至真如皆不可得故。是以諸境雲興而常寂也。如無既爾，如真如等無變易等亦然。第二佛子至應知心下。近取諸心以況佛境。於中二。先正明後微釋。今初。無量無邊語。其相用廣大。無縛無脫。明其體性深寂。次微意云。何以將心況於佛境。釋意云。菩薩自心。隨思即顯。故無分量。佛境亦爾。隨機顯現。若身若智何有量耶。智假思顯則性無縛脫。不為相縛後無脫故。第二佛子如大龍下喻顯。文有三。喻前二。喻無縛無脫。後一喻無量無邊。無量無邊通前二段。今初。前明降雨無從喻。正喻無縛脫。既無來處有何縛脫耶。後明海水從心喻。喻無縛脫所因。水從心力為因。非定內外。智從昔願緣起故來。即無來。第二海水宏深喻。喻無量無邊。中三。先標章誡聽。二佛子此閣浮下喻顯。三佛子於汝意下。法合喻中三。初別顯水多。文有四節。一四洲水。二龍王雨水。三宮殿出水。四娑竭龍王兼雨兼出。皆後後倍前以顯深廣。二其所出下。通顯水相。涌出故潮上速。為寶消故潮下。此為極說。三佛子如是大海下。通顯無量兼水有四。第三合中二。先合水無量。佛智一念即無窮盡。況盡三際周乎十方。重重重安可喻顯。二佛子至應知如來下。合通顯無量。非唯智為佛境。菩提分等皆分齊境也。智海合水餘合寶等。並顯可知。大文第三總結。即結云。知意。不知佛境。安能利生。第二偈頌。五偈分二。初一頌法說。餘

頌前喻亦二。初二合頌前二喻。同喻無縛脫。後二頌大海宏深喻。但頌通顯無量。餘文略無。第六出現之行。前明分齊境智無邊。今彰運用則悲智無盡。雖智海已滿悲無息故。長行中二。先標舉後釋相。釋相中三。初雙標二行。次雙釋二行。後雙結二行。今初。義有多含。一無礙行者。即理之事行。真如行者。即事之理行。前即行相後即行體。又前是即智之悲。後是即悲之智。前即真之俗。後即俗之真融而無礙。為如來行。第二佛子如真如下。雙釋中二。先釋真如行。後釋無礙行。今初。真如之名言含法喻。文中有三。初牒名以解。明體絕三際。故同真如。契如成行。行即如也。過未非緣故不生不動。現在離緣故非起也。二復舉法界無形。明雙非契中。是知實相等皆如來行。三舉鳥飛虛空喻。釋非量義。非量有二。一行廣無量故。云如來行無邊際故。二即事同真便無分量故。以空喻。既無有量何有無量。若謂無量即是量故。雙非。永寂為如來行故。心彌虛行彌曠。終日行而未嘗行。故涅槃云。復有一行是如來行。所謂大乘大般涅槃。第二佛子如來應正等下。釋無礙行。文中二。先約法總明。後以喻別顯。今初。智無所住悲示所行。即悲智無礙自無二礙。令他無礙皆無礙行也。二別以喻顯中二喻。初金翅闍海喻。喻即智之悲。後日月無思喻。喻悲不失智。第三佛子至應以如是下。雙結二行。性結真如。相結無礙。第二

偈頌有五。前三頌真如。後二頌無礙。第七出現菩提圓行之果。故對緣造修必有成。正覺。故文中三。謂微起釋相總結。微言正覺略顯五門。一釋名。晉名菩提。存其梵語。此翻為覺。正揀二乘成異。菩薩初會已顯。又單語菩提。但是所覺之道。今云成者。即理智契合之名。二明體性。攝論云。一智二斷。為菩提體。智論云。菩提善提斷俱名為菩提。若依此經通一切法。如文具之。三辨種類。或說唯一如智契合無二相故。淨名云。夫如者不二不異故。或開為二。大品明。有性淨菩提及修成故。亦名性淨方便淨也。或分為三。約三乘故。如十地論或開為四。涅槃云。下智觀者。得聲聞菩提。乃至上智觀得佛菩提。又四智菩提亦是四義。或分為五。如大品智論說發心等故。或具明十。如離世間品。唯十為圓。是此所辨。三除前二。四除前三。五除前四。餘皆兼通。同敎一乘之所攝故。若業用所現。則無所不隨。別義立目。今統收之。謂緣二諦斷二障。證二空起二智。印群機現萬像。具十身遍十方。周於毛端微塵等處。通因及果。業用無邊。具如文顯。五者辨相。即當釋文略辨十門。一總明體相。二即現萬機。三體相甚深。四三輪平等。五因果交徹。六體離虧盈。七相無增減。八用該動寂。九周于法界。十普遍諸心。十門之中亦可當門別釋。今且以初為總。餘九為別。別雖九

門而釋十義。初釋第一、二、三、四、五、六、七、八、九、十、十一、十二、十三、十四、十五、十六、十七、十八、十九、二十、二十一、二十二、二十三、二十四、二十五、二十六、二十七、二十八、二十九、三十、三十一、三十二、三十三、三十四、三十五、三十六、三十七、三十八、三十九、四十、四十一、四十二、四十三、四十四、四十五、四十六、四十七、四十八、四十九、五十、五十一、五十二、五十三、五十四、五十五、五十六、五十七、五十八、五十九、六十、六十一、六十二、六十三、六十四、六十五、六十六、六十七、六十八、六十九、七十、七十一、七十二、七十三、七十四、七十五、七十六、七十七、七十八、七十九、八十、八十一、八十二、八十三、八十四、八十五、八十六、八十七、八十八、八十九、九十、九十一、九十二、九十三、九十四、九十五、九十六、九十七、九十八、九十九、一百。

即海印三昧。文中三。初法。一念知三世名。一切智。次喻。即舉海印以喻。善提無心頓現。三合。言無所現者。有三義。一無心現。故如海。二所現空。故如像。三無別體。故如水與像。不可分異。自體顯現。故名爲覺。起信論云。諸佛如來。離於見想。無所不遍。心真如故。即是諸法之性自體。顯照一切。妄法有大智用。斯即無思。顯照同體之境。爲善提相。用故上文云。於一切義。無所觀察。第三佛子。諸佛善提下。性相甚深。性離言故。理圓言偏。故第四佛子。如來應正等下。三輪平等。釋上於法平等。等諸法。故意輪等。故何所疑哉。文中二。先別舉身等。後類結顯多。今初。有十三身。前六等事。次三等理。次一等事理。事事無礙。後三等因果。略舉十三。故結云。無量。皆言量者。是所等之分量。皆言等者。即能等之三輪。等有二義。一者。等彼事理之量。二者。等彼事理之體。所以等者。彼諸理事。即我所證。能所冥合。彼尙即我。等之何難。是以聖人空洞無像。物無非我。會萬物以成己也。後佛子。如所得下。類結可知。第五佛子。如來成正覺下。明因果交徹。釋上無二同一性。故文中三。初標次皆同下釋。三知一切下結。今初。八相之中。略舉其二。故云。乃至。此文正同。淨名云。若彌勒得菩提者。一切衆生皆亦應得。一切衆生。即善提相。彌勒示迷。此旨。但謂理詰之言。不知真得菩提。實如所詰。又前章以我等。彼故。遍同彼量。今明。以彼等。我故全現。我中。是

知一性平等。反覆相成。此中之成。爲理爲事。若是事成。何以釋云同一性。故若是理成。何以此云成正覺耶。入涅槃耶。此是華嚴大節。圓宗之義。不對諸宗。難以取解。然諸衆生。若於人天位中。觀之具足。人法二我。小乘唯是五蘊實法。大乘或說但心所現。或說幻有即空。人法俱遣。或說唯如來藏具恒沙性德。故衆生即在纏法身。法身衆生。義一名異。猶據理說。更有說言。相本自盡。性本自現。不可說言。即佛不即佛等。若依此宗。舊來成竟。亦涅槃竟。非約同體此成。即是彼成。若爾。何以現有衆生非即佛耶。若就衆生位看者。尙不見唯心即空。安見圓教中事。如迷東謂西。正執西故。若諸情頓破。則法界圓現。無不已成。猶彼人悟西處全東。若爾。諸佛何以更化衆生。不如是知。所以須化。如是化者。是究竟化。如是化者。無不化時。故下結云。大悲相續。救度衆生。隨門不同。種種有異。約成佛門一切成也。又此衆生。乃是像上之模。令其去模。則自見己佛。亦見他成。如第十段。二釋中。先總釋同一無性。故得現成。妄性本虛。生元是佛。眞性。得非今始成。故皆成也。次轉徵。所無無何等性。同善提性。故後釋所無。有十二句。前四通生及佛。次四約衆生。後四唯約佛。非獨妄空。眞有。亦非妄有眞空。以性融相。法界圓現。故由此無說成。正覺。又攝十二總爲六對。一能相所相對。謂染相淨相。相待有故。念念之盡緣所

盡故。煩惱永盡本自盡故。二生滅對。約凡則本自不生。即涅槃相。不復更滅故。約佛菩提。非始生故。何有滅耶。三我非我對。有緣無主故。我尚不可得。非我何可得。諸法實相中。無我無非我故。四緣非緣對。攬緣生故。緣尚不可得。五能所證對。能證善提因。所證故。所證法界由智顯故。六合不合對。虛空非合因。有顯故。所以性無。成覺是合。理智契合。即為緣起。故非有也。三結中。物物無性。故成種種智。證斯同體而起。大悲一得永常故云。相續。又只由不知無性。故教化不絕。第六佛子譬如虛空下。明體離虧盈釋。上無相。虛空無生。故體無增減。菩提無相成不寧殊。第七佛子假使下。明相無增減釋。上無行。湛然不異。行豈能遷。文中三。初舉喻問答。以化現無形喻。成不莫異。化多心者。喻修多因。化成多佛。喻證多果。次普賢下。讚善以合。三佛子下。結此生後。第八如來成正覺時下。用該動寂釋。上無止。不滯定故。文中四。初舉所依三昧。覺不滯寂。故名善覺。覺彼一相。故用為方便。二入已下。顯一身之用。既以一相為方便。則物皆一相故。一則現多。三如一下。顯顯餘身。如來成正覺時。布身雲於法界。一皆是廣大之身。並如一身之現。四佛子下。總結多門。謂上來所現一定為門餘定亦爾。定門既然。悲智總持等門亦爾。故有無量界矣。是謂高而無上。廣不可極。第九佛子至應知如來下。明周于法界。釋上無量

無量有二。一廣多無量。一毛含多遍。法界故。二無分量皆不生故。文中三。初明一毛含多。釋以不生故。此與前段分。有分異。又此唯現佛。即同類相望。前通多類。即異類相入。又前則住體遍應。此則如理而含。亦如理而遍。二如一毛下。類顯多毛。但容毛處即是毛孔。次微意云。身契無生。可許能含法界。虛空無有能契。何能亦含。釋云。無處不至。則無非佛身矣。是謂大包天地。細入無間。三隨其下釋。疑云。若爾何以要就覺樹。釋云。隨機所能受耳。是知坐菩提樹。多身頓成。尚曰隨宜。有頂鹿園。豈為真極。第十佛子至應知自心下。明普遍諸心。釋前二門。即分為二。初正明普遍。釋上無際。念念常成。無際畔故。後廣大下。總結雙非。釋上遠離二邊。住於中道。今初亦二。先指一心。後如自心下。例一切心。前中先標。次徵後釋。釋云。不離者。有二義。一衆生身心。即佛所證故。二全即佛菩提性故。此即他果在我之因。非約因人自有佛性。此文正顯佛菩提故。後總結雙非。不離不斷。釋有二意。一不離。結上無處不有。不斷生。下無有休息。二不離者。生佛非異故。不斷者。生佛非一。不同衆生可斷壞故。是名入不思議方便法門。是以不得意者。作衆生思。故是不可。設作佛思。是亦不可。即亦不可。非即亦不可。當淨智眼。無取諸情。第三總結。即最後佛子。今依此知。映前十門。無幽不盡。離此何有真菩提耶。後偈有

六頌。前十門。初二大第頌。初二門。次三如次頌。六七八。後一通頌。四五九十。以同是普現無量義故。其第三門。但顯離言。故略不頌。第八明出現轉法輪。得大菩提。理必轉授。長行中三。初標徵次釋。相。後總結。就釋相中二。先顯體用。後顯所因。今初分三。初法次喻。後結勸。今初。文有九句。減數十也。皆先標後釋。前五顯體性寂寥。後四辨相用深廣。前中一能轉心。二所轉體。三所得果。四能證教。五所顯理。夫轉法輪。不過此五。今皆即事契真。一能轉心者。由知法無起故。正轉法時。不起心念。言我轉授前人。名心自在。如是方為真能轉也。二所轉體者。即示勸證名為三轉。此三名輪者。摧障惱故。言離邊者。若有惑可摧。未離於常。無惑可摧。事免於斷。今永離斷常等邊。方為真能斷所應斷。知與證修。亦然。三所得果者。由斷惑故。得離欲際。由證性空。本無可離。斯際亦遣。四能證教者。理假言詮。今了本寂滅。不可說故。則終日言而未會言也。五所顯理。謂即寂滅。今了性淨涅槃。法本不然。今則無滅。方為究竟之滅。是知其輪本來常清淨也。後四相用深廣中。一觸言皆輪廣也。二即用而寂深也。下二亦深亦廣。三一即多而無主。四即橫豎而恒虛。謂橫則無遺。無所不轉。故豎則無盡。窮未來故。而不著內外。則深廣無涯矣。第二佛子譬如下。喻中文有二喻。一文字無盡喻。喻第九無盡。二遍入無住喻。喻六七

八用而常寂故。於中有法喻合。合中二。先合普入一切。以上法中。但云入一切言故。今明入餘法。則觸類皆法輪。豈同三乘但用佛聲爲輪等耶。二一切衆生種種下。正合前文入一切語。前五易故略不喻之。第三佛子下。結勸可知。第二復次下。顯法輪所因。於中三。先辨輪所起因。因機差故。若離物機佛無說故。次佛子如來下。明因所起輪。物既爲力不同。教須適宜差別。於中說法所依之定名者。無礙辯才無所怯畏。得究竟者唯佛有故。後能如是知下。結其得失。及第三總結文並可知。偈有五頌分二。初二偈頌法輪體用。後三偈頌法輪所因。第九出現涅槃。轉化既周安住祕藏。爲物示滅故大明之。然大涅槃蓋衆聖歸宗冥會之所。寂寥無爲而廣大悉備。形名絕。朕識智難思。今以無名強名亦爲五別。一釋名。涅槃正名爲滅。取其義類乃有多方總以義翻稱爲圓寂。以義充法界德備塵沙。曰圓。體窮真性妙絕相累爲寂。而言大者。橫無不包。豈無初際。此約三德涅槃。若約義開略明三義。一者體大。自性清淨故。二者相大。方便修淨累亡德備故。三者用大。化用無盡故。般者入義。性入真入示現入故。若圓融無礙即大涅槃。二出體性。涅槃既妙絕常數。恬怕希夷。雖超出百非。而靡所不在。今以義求不出三法。即摩訶般若解脫法身以爲其體。所以三者。翻三雜染故。成智恩斷故。成法門法性應化身

故。能證大智冥所證理累永寂故。然此三種。不離一如德用分異。即寂之照爲般若。即照之寂爲解脫。寂照之體爲法身。如一明淨圓珠。明即般若淨即解脫。圓體法身。約用不同體不相離故。此三法不縱不橫不並不別。如天之目如世之伊名祕密藏爲大涅槃。三顯種類雖理無不統義類塵沙。今自陝之寬略分一兩。或唯說一即大涅槃。或說有二。自有三門。一餘無餘。二性淨方便淨。三真與應。或分爲三。此有二種。一約三乘。二即自性真應。或分爲四。一自性清淨涅槃。二有餘依。三無餘依。四無住處。有餘無餘義通大小。今唯說大。於三種內不明二乘。餘皆具論融而無礙。爲大涅槃。如文具之非獨應滅。四彰業用。囊括終古導遠群方。離不度生願不成就故。涅槃云。能建大事則出現法門。皆斯用也。然諸門廣義備於別章。略在文具。第五釋文中二。先徵起後正顯。正顯中十。一體性真常。二德用圓備。三出沒常湛。四虧盈不遷。五示滅妙存六隨緣起盡。七存亡互現。八大用無涯九體離二邊。十結歸無住。然斯十段。隨義雖殊皆含體用。互相交徹顯大涅槃。今初分三。初舉法勸知。二如真如下。指理同事。三何以下。釋顯同相。今初根本自性者。即下所列真如等十。爲真應涅槃之根本故。體即自性清淨涅槃。以出二礙名方便淨。爲真涅槃。大悲應物亦自此流故名爲本。以是本故。但了真如即了涅槃。二指理同事中。皆云如者如即同義。能同涅槃通真及應所同如等。即自性涅槃故。上句皆有涅槃之稱。應真無本應非不生。何出現之爲妙。故以本該末以體顯用。令皆圓寂爲大涅槃。所以列十名者。欲明究竟妙道窮理盡性無不同故德無盡故。十名已如前釋。於中後二加際言者。窮真於無真爲真如際等故。三釋顯同相者。向言亦如是者。云何如耶。故云如真如等不生滅故。何以不生。以但了因所顯非生因所生故。既無有生亦非出障。始既無生則永常不滅。是知玄道存於妙悟。妙悟在於即真。即真則生滅齊觀。齊觀則彼此莫二。所以真如與我同根。法性與我一體。真既不滅應滅真真。是知涅槃名滅者。乃在於無滅者矣。第二佛子如來不爲下。明德用圓備者。如來之身色相圓備。常現大機前故。文中先標舉。後徵釋。標中約人顯實。云不爲菩薩明說。永滅是爲二乘。迹盡雙樹並爲凡小。據此亦名揀異灰斷。後徵釋中文有二重。初釋之中自有二義。一令稱實見受用身。即同法身常住其前。涅槃云。涅槃不空者。謂有善色常樂我淨故。因滅無常獲此常故。二於一念下。令見三際應用。亦即是常。故云皆如現在。涅槃云。吾今此身即是常身。法身下。開栴檀座佛塔。見三世佛無涅槃者。楞伽亦云。無有佛涅槃。無有涅槃佛。亦不起二不二想者。遠離覺所覺故。謂既知幽靈不竭妙色湛然。三際大均

何生滅之動靜。故不起二也。亦不取此。一常故無不二也。下重微釋。微意云。菩薩何以能不起想。釋云。菩薩由了法空。本無想著故。既無心於動靜。終不謂佛常與非常。第三佛子諸佛如來下。出沒常湛。謂涅槃無為而無所不為。無不為故能建大事。不礙出沒。以無為故住淨法界。體常湛然不礙出沒。顯迹為生。即是有餘。息迹為滅。即是無餘。故餘無餘乃應物之假號耳。體性常湛。故存不為。有亡不為。無。是知寂然不動。未曾無為。應迹無方。未曾有為。豈可隨於見聞。以滯殊應之迹。第四佛子譬如日出下。虧盈不遷。先喻後合。然法身無像。故無器而不形。聖智無心。故無感而不應。像非我有。自彼器之虧盈。心非我生。豈普現之前後。故攝論第十頌云。衆生罪不見如月於破器。遍滿諸世間。由法光如日。是以經言。非日咎也。持戒器破。定水無依。若提器破。智水寧止。無信清珠。故心水渾濁。何由見佛耶。然此中雖明現身。即是三德涅槃所流大用。亦涅槃攝。若爾寧殊。出現之身。出現身以法身為門。而論真應。非無般若解脫二德。智慧日身無不照。故永離戲論。即解脫故。譬王之喻。即示滅故。此有般若寧異。菩提若分相說。菩提為能證智。唯是修生。涅槃是所證理。唯約修顯故。涅槃中說。菩提必從生因所生。涅槃必從了因所顯。若攝相說。菩提是即理之智。涅槃是即智之理。即智之理。不礙摩訶般若。即理之

智不礙寂滅菩提。智性本有。亦是性淨涅槃。修顯亦方便淨。隨一為門。則皆放盡。即大涅槃真菩提也。今以涅槃收之。非唯菩提及身。前後諸門皆從三德所流。能建大事。第五佛子若有衆生下。示滅妙存。既為物示滅。即體無滅。第六佛子譬如火大下。隨緣起盡。有喻合結。合中以機喻薪。以涅槃喻火。衆生善根未熟。可熟者成。正覺以熟之。如為火事。若所應度者皆已度竟。則現般涅槃。寂無所為。如火息滅。故法華云。佛此夜滅度。如薪盡火滅。然現滅現生。皆是涅槃大用。故攝論第十名涅槃如火。既起滅在緣。則益不可盈。損不可虧云云。自彼非佛然也。第七復次佛子譬如幻師下。存亡互現。由順機故。此滅彼存。非如來身不能長久。前喻約見滅見成。此喻約常見不見。第八復次下。大用無涯。謂正。宗涅槃。而便分身無邊。窮於來際。不動三昧者。究竟寂滅也。由寂無動故。無所不動耳。涅槃受純陀供。處大同於此。而佛數少。順機不同故。第九佛子如來身者下。體離二邊。身若是實。有不可滅。身若是虛。何能起滅。若有方所。此現彼無。由非實故起滅無恒。由非虛故能無不現。無方所故感處即形。本願力故化周法界。隨堪度故見則不同。第十佛子如來住於下。結歸無住。上來九門。初門多顯其體。餘八皆體用雙明。今此分二。初至實際。通結九門之體。後為諸衆生下。通結八門之用。隨時示現正顯

於用。本願力故顯。用所因。無有休息。皆窮來際。不捨已下。明用分齊。誰獨非涅槃。而欲捨之耶。是則初住實際。故不住生死。後不捨衆生。故不住涅槃。由雙住故能俱不住。前即大智後即大悲。大悲般若常所輔翼。為無住涅槃。自性涅槃衆生等有二乘。無學客有前三。唯佛世尊獨言具四。故就無住總以結之。即安住涅槃建大事也。偈文有六。初偈頌第四次。偈頌第六次。偈頌第七次。二偈頌第八。後偈頌第十。初句無生之生。次句無滅之滅。次句結歸涅槃無名。後句結其大用無盡。此二無礙是無住義。餘不頌者。含在此中。第十明出現見聞親近所生善根。前九門出現一期始終。今明於上見聞功深益遠。獎物進修。文中三。初微起次正顯。後結示。就正顯中分二。先明見聞信向益。後見聞不信益。前中先法後喻。法中先總後別。今初。見等如後喻合中。後出生下。別即示不虛之相。有十一句。不出智斷恩德思之。第二喻中三喻。喻其三德。初少服金剛喻。喻於智德。智慧破惑。如金剛故。以有智慧者。必無煩惱。故不共住。第二少火燒多喻。喻斷德。性究竟者。了惑本寂故。第三藥王遍益喻。喻恩德。種種利生故。文中先喻後合。合中二。先明為六根境界益。合上藥王遍益。六根皆通在世滅後。滅後亦有見故。況憶念等。實性論中。亦明如來與菩薩。為六根境界。大同於此。後若有衆生。供養如來所經土地下。

明遺迹之益。合上取彼地土。所經土地猶通現滅。其塔廟者。唯約滅後。亦同法華乃至舉一手等。皆已成佛道。第二佛子我今告下。明不信益者。此明益深。如來祕藏經明。罵藥服之得力。罵沈燒已還香。罵佛猶勝敬諸外道。若爾豈無罵罪。罵罪非無。今語遠益故。法華云。跋陀婆羅等。罵常不輕。千劫於阿毘地獄受大苦惱畢。是罪已還。過常不輕菩薩教化。涅槃喻以毒塗之鼓。欲聞不聞無不死者。故菩薩之名。起自聞謗之日。謗尚遠益況深信耶。況解行耶。況證悟耶。弘持之者。勉思此文。第三佛子至應如是下。結示可知。第二佛子如來下。總以結酬揀喻異法。上來性起請說因喻。普賢依請明十出現。皆借象取譬。意顯佛旨深玄。深玄之旨尚不可。以智知。豈言象之能及。故令外亡言象內絕。思求則庶幾於出現之旨。大文第五佛子此法門下。顯名受持分。於中分二。先長行後偈頌。今初準晉經。此前有諸菩薩發二種問。謂何名此經。云何奉持。今但有答。即分為二。先顯名後佛子此法門下。明受持令知總名。尋名求旨識受持法。依之修持故。今初有十名。分為五對。一內深外絕對。謂內證三德祕藏。故外則凡小不能測。故二證寂開智對。三現果成因對。謂性淨萬德即是佛種。今十門出現。即是現義。四越世順佛對。世尚不知安能破壞。此十通是佛分齊境。五淨機演實對。知生佛同源則能淨故。隨緣

不變之性諸佛本故。而性相無礙因果圓融。為不思議。過此更無為究竟法。前九別義後一總該。第二明受持中二。先辨定法器。後是故菩薩下。舉益勸修。今初有法喻合。法中二。先標器非器。非器不為。所謂權小乘可思議乘。歷次修故名餘眾生。是器則為所謂圓機。不揀凡聖趣向大乘。揀於小乘。不思議乘。揀於權乘。一運一切運。十信滿心。即攝諸位。圓融無礙。名不思議乘。後此法門下。明受非受。釋上為不為。有圓信手能受。衆行故。上為之。權小於斯不盡能受。是故不為。法集經云。是經雖行。閻浮提。於能信。深法者。常住如是。衆生心中行亦有。以信解行證皆有手義。以後後被前前亦是一理。第二喻可知。第三合中以經合。七實者。若無此法。非真佛故。生如來家。合第一夫人所生太子。如來相者。初心頓行。佛行故。散滅有二義。一不能信受。則教不行。故二不能修行。則行不行。故。般若論云。法欲滅時者。修行滅故。下釋散滅所由。可知。第二舉益勸修中三。初略標釋。二佛子設有下。廣釋所由。三佛子至成就如是功德下。總結成益。就廣釋中二。先反顯後順釋。今初若不依此教。縱多劫修行。尚非真實。況能疾得菩提。此中設有之言。似當假設。望慈氏讚善財言。餘諸菩薩於百千萬億那由他劫。乃能滿足菩薩願行。今善財一生則能淨。佛刹等。斯則舉權顯實。非假設也。若實有此不信人者。為在何位。文無

定判義當三賢。以入證聖。必信圓故。若約教道。三祇亦未入。玄。所以凡夫頓能信者。宿因聞熏為種別故。今更不信當來豈聞。第二若得聞下。順釋中二。先明聞信生家益。後佛子。至聞此法已則能下。信聞成行益。今初。先明聞信。後當知下成益。生如來家。為總餘句為別。別中一以如境為家。無性論云。生如來家者。謂佛法界於此證會故。名為生家。二以行法為家。具家法故。三以俗境為家。世親釋云。由此能令諸佛種性不斷絕故。四遠離非家。五以佛行為家。十住毘婆沙第一云。今此菩薩行。如來道相續不斷故。廣如彼釋。六菩薩法性為家。亦是佛種性故。亦同。如來一如境故。七淨當佛家。八住本佛家。九總明因果事理無礙。家前六自分家。後三勝進家。前來初住見心性故。故名生家。四地寄出世故。生道品家。八地無功用故。生無生法忍家。今此通三。兼顯凡夫解心亦名生家。因果無礙故。第二信聞成行益。十句分為五對。無礙。一即觀不礙於止。二見佛不礙入法。三智行法界不礙起願。四智不染世不礙悲入。五體絕三世不礙用而迴向。不入而入釋。上入義。不於已下。復釋不入而入。智體即如。如外無法而可攀緣故。無可入心行處。寂然無入不失照用故。恒以一如而觀。諸法故名而入。此二無礙方為真入。又一即是如。便於一中已見一切。第三總結可知。第二偈頌即屬第十見聞之益。不顯

顯名受持。顯名受持後文自顯。此顯應在

據法異喻之前。以前長行鈎鎖顯名。亦是

見聞益故。若迴此偈於現瑞後。與後偈相

續。文理甚順。四偈分二。初一頌法說。後三

如次頌前瑞。大文第六現瑞證成。於中

二。先現瑞後證成。今初先此界。後類通。動

利等數皆廣多者。法難思故。二是時十方下

證成中。二。先果人證。後因人證。所以具二

者法玄妙故。因果交徹之法故。因因果滿之

法故。前來諸會唯菩薩者。唯因行故。發心

品中唯果證者。果之本故。初心成佛難信受

故。隨義各別。所以互無唯斯具二。今初

分四。一現身。二而作下讚說。三佛子我等下

引說證成。兼明結通所說。二說一切說故。四

今此會下舉益證成。於中四。一得因位果滿

益。一生得菩提故。神通三昧即十通十定

故。二佛剎微塵下得發心益。與遠記者

不期速成故。又前明一生即多之一。此辨

普光明者。常寂光土無不遍故。佛名普幢自在者。本智高出無所不摧。事理無礙故。兼亦結通所說。大文第七爾時普賢下。以偈總攝。文中二。先叙意後正頌。前中二。先說儀。後欲重下辨意。欲重顯前十門出現故。文有十句。句各一門。而約利生為次。不。等。一成正覺。二即法輪。三是見聞生善。此三正顯益故。四即出現之法。是前總門。五即是心約智顯故。六即圓音。七即境界。境界無量生光亦多。八即涅槃動寂自在。大般涅槃為佛莊嚴故。九即是身約本說。一故。十即是行果中說。因故。後正頌中四頌。初一頌。說分中結酬。以此總包十段意故。後三頌。顯名受持。初句顯名。餘皆勸持。且分為三。初偈歎深難聞。次一偈明。文由多善。後偈舉勝勸持。然此一品文旨宏奧。能頓能圓。究眾生之本源。罄諸佛之淵海。根本法輪之內更廣。其心生在金輪種中。復為嫡子。妙中之妙玄中之玄。並居凡類之心。少功而能速證。安得自欺不受。長淪生死之中。今聞解能欣尤須自慶普善。出現品竟

大方廣佛華嚴經疏卷第五十

大方廣佛華嚴經疏卷第五十一

唐清涼山大華嚴寺沙門澄觀撰

離世間品第三十八已上入第
五十三經

初明來意。來意有三。一分來。前明修因契果生解分。則於法起解。今明託法進修成行分。則依解起行義次第故。二會來者。前會因圓果滿生解之終。此會正行處世無染。通於始終故來也。三品來者。前品出現之果殊勝。今明依彼起行圓融。故來也。雖一分一會一品是同。所對既殊。來意亦別。第二釋名。亦有二別。一分名者。沒彼位名。但彰行法。欲顯行位無礙。前後圓融。故以名也。二會名者。約法不異。分名。約處名。三會普光明殿之會。第七重會會終。歸始故。雖越四天同為生解之會。今復重會通對彼分始終。依解成行故會普光。而前分生解差別故。寄歷處以顯淺深。今分起行圓融故。一會並收因果。亦表成行。不離普光明智故。此中不隔餘處。何有重會之義。若約次第。前時後時即是重義。若約圓融。就義名重故。不動前二而升四天。二七相望亦何所隔。明知約義亦猶燈光涉入無礙。亦似燈炷重發重明。約人名。普賢普賢問答之會。三品名有二。一得名。二釋名。今初又二。一異名。下文十義至彼當辨。有別行本名。度世經。度即離義。又有別行。名普賢菩薩答難二千經。此就能離人法

所依爲欲調伏諸有情故。發起加行。佛增上力。開法爲先。獲得妙智。異類菩薩。攝受付囑。展轉傳來。相續無間。而轉。由此證得一切菩薩等所求智。意云。佛智爲一切菩薩等所求。故十六到佛無二。究竟彼岸。即平等法身。爲波羅蜜多所依。十七具足。如來平等解脫。即隨其勝解。示現差別。佛土功德。此中解脫。即是勝解。隨物勝解所宜。如來勝解能現。金銀等土。佛佛皆然。故云平等。十八證無中邊。佛平等地。即三種佛身。方處無分限。功德世親云。謂佛法身不可分限。爾所方處受用變化。亦不可說。爾所世界。十九盡於法界。即窮生死際。常現利樂。一切有情功德。二十等虛空界。即無盡功德。謂佛實智如空無盡故。今經缺最後窮未來際。總別合有。二十一。句義如前說。然佛地攝論約受用身。此約十身。所以知者。處摩竭提國是變化土。而歎受用功德。明知二身二國本相融故。不要地前地上。則五位通見故。第三衆生世間圓滿中。二。先舉數歎德。後其名下列名歎德。前則多人具德。後則勝人具德。前中二先舉數。揀定二悉具菩薩下歎具勝德。分三。初總標。二所謂下別顯。後成就下總結。別中十九句。皆不出方便智慧。分二。前十款。自分德。後於一念下九句勝進德。今初前八皆有智慧方便。依體起用故。前五以善能爲句首。六知空不壞業果。七知根器別明識病。八持法化

之後二明有方便慧。皆即事歸實。後勝進中。初句總明。速成果智。餘皆果智之用。及後總結文並可知。第二列名。歎德中。二。初列名結數。二皆悉下歎德。文有十句。初總餘別。別中一契理顯圓滿眼滿故。二攝法上首爲普化故。三。受持正法有普慧故。四。不斷佛種。普見有性故。五知佛法儀光普徹故。六示現成佛。觀見無故。七淨染機照其源故。八摧他障有智幢故。九證法界覺法性故。上之九句別明。則初句爲願餘八爲行。通說則皆普賢願。宿誓今滿故。如十大願。並普賢行現緣所作故。故總句云成就行願。又此十句十人通具。文云皆悉成故。亦句顯一人之德。當釋名故。故總句爲普賢。餘九如次前已配釋。大文第二爾時普賢。下三昧分。普賢入者是會主故。說普行故。佛華嚴者。萬行披敷嚴法身故。即以法界行門心海爲體。持無限故。說法成行發起爲用。依此能故。大文第三入此三昧時下明發起分。先明地動警群機故。後顯出聲令聞法故。前皆有加而無發起。此有發起而無加分者。前表解可從他故。有他加此表行由已立故。自力發起。又表行依解起無別法故。不加攝解成行亦須入定。聖旨多端不可一準。大文第四然後從下起分三義如前。大文第五爾時普慧下請分三。初總標問意。二佛子下正顯問端。三善哉佛子下結請願說。今初當機衆集說法時至此爲問意。何以前來諸會先問後定。

今乃翻此此有二意。一說儀無定。前表重法感而後應。此明悲深觀機欲說。衆既已集故先入定。令知說主。二約所表則前明從相入實。以成正解。此中依體起用以成。正行。故不同也。普慧問者。稱法界慧能發行故。一人問者。行獨已成。非如解故。第二正顯問端。中有二百句。其別行。度世經別作六番問答。番番之中皆先問次答。後動地現瑞顯益證成。古來諸德皆依彼文用科。此經以爲六段。初二十句問。十信行。二從發普賢心下二十句。問。十住行。三從力持下三十句。問。十行之行。四從如寶住下二十句。問。十迴向行。五從身業下五十句。問。十地行。六從觀察下五十一句。問。因圓果滿行。其第四段中。句雖三十。以無礙用一句是總標虛句。故此有。五十一句。此經總三遍說六位。此當第二約行說也。以普賢行該六位故。故度世經初請云。唯願解說諸菩薩行。從始至終。令無疑故。彼經雖不配於信等。既云從始至終。末後復明成佛。則知決是六位之行。此經所以不問答相問者。意取位中之行。不取位故。如。下圓融。若剷定約位。何殊差別因果。此經上下及本業經等。判於六位。皆以信未入位十住爲首。謂三賢十聖等妙覺故。今何以不開等覺而取信耶。此有深意。彼及此前意在於位。取位成說。今此意明於行。故十信之行正居行始。等覺之位有其三義。或攝屬前十地勝進。或攝屬後即名佛故。或別

④問二問⑤⑥(智)一⑦⑧歎二結⑨⑩受二授⑪⑫(總)一⑬⑭下二于⑮

開位無垢地故。今爲說行攝屬因圓之中。故五十一句唯後四句屬妙覺位。餘皆等覺。若爾此中依言依菩提心等。豈非發心住耶。此難尤非。第二段初發普賢心豈非發心住耶。十信之初豈無發心耶。故實首云。菩薩發意求菩提。非是因無有緣。等正是發心所依。不究斯旨。空張援據。大文第六爾時普賢菩薩告下。說分中二。先總告。二佛子下正答。答前門二百問。問一答十以顯無盡。成其二千普賢勝行故。英公云。靈興二百問。瓶瀉二千酬。釋此二千略爲五門。一約因果。二分行位。三顯普別。四明統收。五辨行相。前問例此。今初有四。一約大位前五。爲因後一爲果。或後四門爲果餘皆是因。二約細辨。一一皆微佛果。故諸文末皆結得佛。是則二千並通因果。三或總屬因普賢位行示成佛故。四或皆屬果。下文多云雖得成佛。不斷菩薩行故。二分行位者亦有四義。一東行成位分。成六分。故二總屬位收。以行並是位中行故。三總屬行。普賢行體不依位故。四一行遍六位。位位通修故。如此無礙方爲普賢行。然文正顯後二以攬行成。位位虛行實故。故問答併舉。不分六番意在此也。三普別者。謂一行相必遍一切。然恒不離。不離故別義殊分。必遍故普義該攝。猶如錦文衆色成文。常普常別總攝交徹非。如繡。成行法亦爾。即普是別。別成普。皆無障礙。若爾此則普別具足。何以獨名普賢行耶。非謂守普

而不能別。亦非作別而失於普。實謂能別而不壞普。故名普賢行也。又普必有別。但語一別。未必有普。如一縷非錦。非是錦中縷故。四統收攝者。復有四重。一以位收位。六位各各收一切位故。一位即具二千。爲萬二千行也。上云一地之中具足一切諸地功德。二以門收門。即二百門。一一各收一切門。即成二百。二百爲四萬行。三以行收行。一行具一切行。則有二十萬。二千行成四兆行。四以略攝廣。此二千行下頌結云。如大地一塵。以此一塵之略說不離十方之廣地。是故攝廣亦無不盡。此乃等無極之法界。越無際之虛空。下頌云。虛空可度量。菩薩德無盡。斯之謂矣。五辨行相。即隨文釋。釋寄相別。即分六段。今初二句。答前信行二十句問。文分三別。初九門明自分行滿。二入諸菩薩下八門勝進行圓。三差別智下三門明二行究竟。今初一門。一類即爲九段。首明依者。起行所依故。謂依託菩提心等成萬行故。賢首品云。菩薩發意求菩提。非是因無有緣等。然一百門多分五別。一總標二徵數。三列釋四結數。五顯修勝益。或缺後二。或缺第五至文當知。今此依中文具有五。初二可知。就列釋中十句各先標名。後釋義。一依菩提心者。十皆名。依已爲衆行之首。而菩提心復是十中之初。以是萬行之本故。貫二千之首。釋云。不忘失者。忘失菩提心。修諸善根。則是魔業故。依斯不忘能成萬行。此句爲總。二

上雖內有勝心。若外不依善友。行亦無成故。大聖謂善財言。求善知識。是無上菩提最初因緣。釋云。如一者。若不心行符契。豈爲我友。三若不增修善根。遇友何益。四隨所修善。須到彼岸。五非獨十度。觸境皆通。上四自利。六顯七行並通。自他。上皆依法後三依人。八勝侶智同。九十唯佛究竟爲所依處故。淨心供養以成福德。長熏慈訓以成智嚴。又前五自分後五勝進。六廣。菩提心。七廣。二四五。後三廣。第二四結可知。五顯修勝益者。由依上十成佛大智。爲一切所依。斯爲勝益。豈得不修故亦名勸修。第二奇特想者。前依因緣以成諸行。今依勝想以攝善根。翻妄想源次所依故。並出常想受。奇特名。即上文常欲利樂諸衆生等利益之想也。十中一以他善同己者。隨喜於他情無彼此故。互爲主伴。相資益故。同體性故。即我所行故。自他相即故。四六願行亦然。二一毫微善皆是佛因故。法華中舉手低頭皆已成佛。三下至闍提皆有佛性故。五思益云。知離名爲法故。七諸性相法佛所證故。文殊云。我不見一法非佛法者。皆不可得故。諸軌儀法皆佛所流。涅槃云。外道之法。亦如來正法之餘故。八因言契理。而理非言。故名言道。九佛以覺他圓滿故爲慈父。十如來即諸法如義故無有。二。益中無想之想名善巧想。第三十種行。依勝想之解。造修大行。想唯在心。行通三業。空想不行亦無成。辦。即上文

修學處也。釋中唯九者。準晉本此脫第三。善學一切戒。具十爲五對。一下化上求。二止惡進善。三妙止深觀。四修因嚴利。五敬友事師。第四善知識者。行起必依善友故。次明之。未知善令知。未識惡令識。故凡所順益。皆我善友故。十皆益也。上云。即得親近善知識。是第五精進者。行友既具。必須策勸。於此十事離身心相。而進修不難。故上云。勤修佛功德。第六心得安隱。進成二利。故獲心安。自利故智心安。利他故悲心安。即上文增上最勝心。十中初一行本。次二離過。一無諍三昧離。一切諍。二越。凡小。凡謂凡夫愚即愚法小乘。次二進善。次三證入。一入位。二入法。三入益。謂誘有二義。一能言。此非佛說等。其過彌大。二細謂說不契實。其過則微。若無細誘。證實方能。後二因因果滿。得益中究竟安隱。謂菩提涅槃。第七成就衆生者。上通明二利心安。今別明利物成就。故上云。則能慈愍度衆生。然有二義。一以此十通用。成就一切衆生。二各成一類衆生。謂一成就慳貪貧窮衆生。二成特形色嬌慢衆生。三疑法。四假辰。五貪愛。六樂二乘。七不樂嚴利。八不欣佛果。九邪歸依。十邪智狡猾。以經中十法。如次成就。第八戒者。欲成就衆生。須自止惡行善。十中若忘菩提心。乃至諸根犯境。皆名破善薩戒。故上云。堅固大悲心。則不破也。此十三聚如應思之。第九受記法者。既離過德。自驗已行。必招當果。故自知受記。故上云。若得無

生深法忍。則爲諸佛所授記。即此中一義。一見理深悲即發心。殊勝得果無疑。若因他厭苦則非殊勝。未定得記。二無厭修。三長時修。四無餘修。五契理修。餘五可知。於此十中。隨有其一。即自知得記。此辨得記之行。非顯受記相殊。如瑜伽等。又此約十信橫具。餘約豎位不同。上來自分行竟。第二八門明勝進行中。既自分行成就。勝進入諸所入之處等。即爲八段。今初入菩薩。入有二義。一證得義。二觀達義。入因則通證。通達入。果唯達未證。此下五門皆是智入。四五二入亦通身入。今此即是入因。所以入者。即彼所修是我所修。互相資益爲同行故。故度世經名不相求短。即上文神通深密用等。十句可知。第二入諸如來是入果。所以入者必當證入。故上云。則以佛德自莊嚴。第三入衆生行。前二入能化。此明入所化心行等。上云。悉能調伏諸衆生等。問中脫於行字。行有種種。如文可知。十時非時。謂熟未熟等。不知時者非大法師。第四入世界。對佛是依報。對生是化處。上云。普隨諸趣而現身。結云。普入者。不離此十故。一時頓入。非前後故。第五入劫者。即是化時。此下三門皆是成。上一念悉知無有餘也。十中前五直入。後五約相即入。此相即入有二意。一彼劫相即智入彼故。二由彼劫相攝相入故。但入能攝即入彼所攝等。餘如前發心品。第六說三世者。前劫此世長短有異。通皆時分。並是十世隔法異

成。十中前九別。後一總。別中三世各三故成。九世。未來是續起法故。未來未來名爲無盡。過去已起故。過去過去名爲無盡。現在現在即事可見。例過去未之現在。故云平等。過去未之現在。非可見。但對前後立現在名。然此三世何以成九。古人釋云。義說爲九寶。唯有五意云。如五日相望。前三爲過去三世。從後取三爲未來三世。處中取三爲現在三世。若依此釋。進無九世之體。退過三世之數。云何一念得具九耶。今謂若不令九緣起相由。但以三世緣起相由。即九世成矣。謂過去因現未。則過去之中有現未。現未各因二世亦然。是以三世各三故。中觀云。若法所因出。是法不異因。中論破執則一中有三爲過。此明離過之用。則一中有三爲德。以病成藥。豈不良哉。總云。一念者。前之九世相望以立。今攝末歸本。不離一念。即此一念現在。是過去未來。是未來過去。自具三世。三世相由九十具矣。故以一融九。雖九而常一。以九融一。雖一而常九。九一無礙。沒果絕言假十圓融。爲入門矣。況積念成。世念外無世耶。又無念等故。又法性同故。此有四義。後三通於餘宗。第七知三世者。前之二段明法上之時。此辨時中之法。即化生之法。隨彼安立而化故。是上所知之法故。晉經名三世間。度世經名入於三處。皆意取其中心事也。十中初七知安立。次一通二。成上安立事。無有盡。生下非安立性無可盡。後二知

非安立第八無疲厭心。既所化無邊。求法化之而無厭怠。由上即知煩惱無所起故。十中初四上求。次四下化。後二通二。謂遊利近。佛化生故。思惟二利行法故。上八門勝進行竟。第三有三門。明前二行究竟。今初一行明所持差別智究竟。上云則以智慧辯才。隨衆生心而化誘也。第二陀羅尼即能持究竟。上云修行諸度勝解脫等。十中初一聞持。次四義持。次四廣聞持之用。後一收上義持。又初四如次持教行理果。次二重顯持。即定慧故。次一持理不思議故。次二重顯教。後一重顯果。第三說十種佛。上能持所持皆是佛法。今知法主究竟。上云則得灌頂而升位等。十信滿心得得。佛故。然此十佛與下十種見佛名義全同。與前十身名有同異。而義亦無殊。一示成正覺故。即前菩提身。二願生兜率故。與前全同。三萬行因感故。即前相好莊嚴身。四自身舍利住持故。即力持身。五涅槃佛化必示滅故。即前化身。六法界佛真無漏界故。即前法身。七依唯心故。即威勢身。雖光明亦能攝伏。心伏最勝如慈心降魔等。八常在。定故。即福德身。定爲福之最故。九了本性故。即前智身。大圓鏡智平等性智皆本有故。故下云。明了見十隨所欲樂無不現故。即意生身故。晉經云。如意。佛然佛就內覺身多就相故。立名不同餘廣如別章。略如八地。大文第二發普賢心下有二十門。答前二十句問。明十住行法。古德同分爲四。初六門別

明發心住義。二十種波羅蜜下六門。明餘九住中所成內德行。三從十種說法下三門。明諸住中外化行。四從十種自在下有五門。明無礙殊勝行非不有理。今取順十住。經文二十門如次明十住行。但與前行互有廣略影顯。解中之行。廣無盡故。若依圓融行行遍通若不壞相不妨次第。初四門明初住行。二三各有二門。四五各一。後五皆二門。今初四門明發心住。初一總明。後三別顯。今初總發名普賢心。前十住中自分之內。即緣佛十力發心。但廣發心之境。今發普賢心則廣發心之相。影略明故。普賢心者即菩提心。菩提心就果以明。普賢心約相用說。橫周法界豎窮未來。故十中初三悲護衆生心。次六約起願心。於中一求果智。即前緣佛十力。二求因行。三暨四廣四皆上求願。忍施下化願。後一智心即三心菩提也。又前七護小乘。於中初三護陝心後四護小心。餘三護煩惱心故。異凡小是菩提心。又初三衆生無邊誓願度。度生無怖故一切施也。次一佛道無上誓願成。次三法門無盡誓願學。後三煩惱無邊誓願斷。即四弘誓願觀理發心。二有十種普賢行法下。別明菩提心。此門即大願心。亦即是前勝進行。所謂勤供養佛樂住生死等。文相多同惡繁不贅。三有十種大悲。即別明悲心。初一總謂外無善友可依。內無自德可怙故。餘九別。初五欲求衆生。但縱目前之情故。次一有求衆生故。沒生死海。

後三邪梵行求衆生。無明邪見之所。病故。但欲邪法故。四有十種菩提心。因緣別顯。智心觀境。推理發心別故。此與前自分行中發心因緣。亦互影略。十中前五以薩埵爲緣。初句總餘四別。別中一令滅妄苦。二得真滅。三斷癡集。四證真道。即推無作四諦理發菩提心。後五以菩提心爲緣。初二福智因。後三希福智果。然上二段文含二意。一成上發心住中行。二成下治地住中行。謂十種大悲。即廣被自分中十心之二。菩提因緣前五。即彼自分中初之五心。一利益二大悲。三安樂四憐愍五安住。後五即彼此互缺。第二近善知識下二門。正明治地住中行。此門明勝進中。近善知識文中標內兼是顯意。列中前六事友。後四同修無異。求者不求名聞利養及過失故。二十種清淨。即勝進近友之果。故云起如是心即得。此十即是前文了達。於義如法修行。遠離迷安住不動。梵云波利成提。此有二義。一遍清淨即此十種。二極清淨即下第六十四段。列中初六三業淨。前三體淨後三用淨。次二主伴果報淨。後二願行淨。第三波羅蜜下有二門。明修行住中行。此門即自分行。彼開一慧爲十觀察。今總顯修具修十度。十度皆總相而釋。一一多含故。施云一切皆捨等。智即方便。進趣佛力權智立以智名。神通即力度。普名神力法即是智。從所知名法。二十種智隨覺。由前行成無倒了達隨事隨理善覺知故。即前勝進

十法觀察衆生界等。亦有影略。恐繁不。會
第四證知一門。明。生貴住中。行。即彼自分
行由。前了達故。能證知證故。於。聖教中。生
十中初三總知一切法。次五廣。前知衆生。九
菩薩行願。即前業行中攝。後一。即知涅槃
對生死故。其勝進但了佛法。無別行相故。
略不明。第五十種力。即具足方便住中行
準。梵本此名積集。即方便具足之義。下第
九十五即是十力。前十住中但云所修諸行
皆爲衆生。不知修何。今顯所修之行。又入
即了達。兼其勝進解衆生等。於中前六解法
力。餘四上求力。第六十種平等下二門。明。
正心住。此門即自分。由了平等。故聞讚
毀心定不動。然平等之言通有三義。一事
等。謂十類各各相望。如說衆生等有佛性。
乃至諸佛同一法身。一心一智等。二者理等。
謂此十類等一真故。三心等。由了前二即
之於心。故。於十境不生高下。十中一於衆
生等。謂無怨親故。二於善惡不生分別
故。三見染見淨無高下故。四同一真道而
出離故。五無一善根不爲佛故。六於諸同
行如自己故。七一大願徹來際故。八不
謂般若勝檀等故。九隨一行徹事理
故。十不謂此佛此最勝故。二十種佛法實
義句者。即彼勝進中行。與前雖少前却而
義多同。於中初一約通計都無實故。次四
約依他。後五約圓成。一無名相中假名說
故。餘四各一義可知。第七說十種法下有
二門。明不退住中行。於中初一自分。後一

勝進。前中由能說深廣法故。聞說心不退
轉。十中說業性等。成如來力。隨義演說
令菩薩不退。涅槃二十八中廣明不退
相。餘文可知。二十種持。持謂受持奉行非
但宜之於口。十句可知。第八十種辯才下
二門。明童真住中行。此門即自分。由三
業無失故。有無著辯。由知衆生欲解故。辯
令他喜。後門即彼勝進。現變化自在身等。
皆自在義。第九十種無著下二門。明王子住
中行。此門由無著故。能善知十法。後門由
平等故。勝進學法王處法。第十十種出生智
下二門。明灌頂位中行。此門明成就十智
學佛十智。後十種變化故。能動刹等。然此
變化即實。如化非要化作。上來數段文相
並顯。雖有深旨。類前可知。
大方廣佛華嚴經疏卷第五十一

大方廣佛華嚴經疏卷第五十二

已下八五
十三經

唐清凉山大華嚴寺沙門澄觀撰

大文第三十種力持下有三十門。答前十行
三十句問。古德分三。初六門明大志曠遠
行。二從十種不思議下九門。明定慧業用
行。三從十種圓林下十五門。明德備成滿
行。然約圓融此意非無。今不壞次。亦次
第顯十行中行。第一行有三門二三行各
一。第四行二門。第五行六門。次四行各二

門。第十行有九門。至文當知。所以用門多
少者。權在初故。具三。戒忍通世間故。唯一。
定慧尊勝故。有多門。智中既多故。般若中略
餘次勝故。但用二門。又此十行雖約十度。
而義多含故。文中或就十度明義。或就行
名以釋。今初三門明歡喜行中之行。三。中初
明力持。此含總別。總者以是十行之首。依
此十事。加持建立。能起諸行。故。度世經名。
十建立。別即歡喜行中凡所布施。皆爲修
習諸佛本所修行等故。是建立行意。十中初
三三寶。即境界持。衆生即僧寶。菩薩之僧即
衆生世間故。餘七行持悲所作業故。正起
行故。願持行故。有悲智。境行方成。故。時即
起行之時。後二福智。然第十地大盡分中有
十一持。第四加煩惱持。故。論判行持中。初
二逆行彼約。應化不斷。所以加之。今但約
爲行本。故無煩惱。彼有供養持及劫持。無
境界持及善力持。此以時中攝劫。彼以行
攝善力。依境起供。故並無異。餘名並同。具
如彼釋。既數名不同。案名以釋。此無僧寶
有教化衆生。亦未爽。通理。上辨陀羅尼。即
總持文義。次云受持。即領納受行。今云力
持。即加持任持。故不相濫。已下八五
五十四經。第二大欣
慰。正辨歡喜行義。彼但見乞者來。倍復歡
喜。今則知。由施故。見佛供佛等。心大歡
喜。初行多同。歡喜地。故。十中略爲五對。一
事佛供佛對。二聞法親善對。三二利行成
對。四嚴土化生對。五難見能見難成能成
對。文相甚顯。三十種深入者。上明預欣。

當成。此辨現能證了。即前法施之行故。彼云。我當盡學諸佛所學。證一切智。知一切法。爲衆生說。十中前六有入字。後四以知爲初。證入了知。二文彰顯。於中初四入器世間。前三別入三世。後一總明。別中現在內數謂多少。行謂剎因。說謂彼彼果中說法。清淨謂剎體。此是通體。後總句云。種種性。即染淨等殊。斯即別體。次二入衆生世間。後四入智正覺世間。於中前三入三世佛。後一入法。法中初知差別五乘。後雖知下。明權實雙行。以性不壞相故。雖無分別而說種種。此中分別即是差別故。晉經云。雖諸法無一異。而說一異。次言。悉入法界無所入故者。釋成上義。謂悉入法界故。無差別無所入故。而說種種。何者。若別有一入處。則入時失本相。不得說種種。以當法自虛名入法界。無別可入。則不壞種種矣。言如其下。此上辨知。此下明說。夫說法者。當如法說。法既權實雙融。說亦即說無著。第二十種依止。明饒益位中行。上明證入。今託良緣。遍依此十方能饒益。非但依戒。況戒有攝善何所不具。第三十種無畏。即無違逆位中行。由依菩薩止善。則於十難作能作。難忍能忍。爲發無畏心。一障礙難滅。二遣法難議。三惡魔難降。四身命難捨。五外道難摧。六物心難離。七大衆難喜。八部難調。九下乘難離。十上行難修。於此十難皆無所畏。豈畏衆生相惱害耶。第四發無疑心下二門。明無屈撓位中行。於中

此門由前於難無懼故。於十所作決志無疑。即被甲精進中行。後門攝善之行。利樂遍在二門。今初十中一十度攝生。二事佛供。三光明嚴利。四長時調熟。五具一切智。六作世明燈。七說法開悟。八滅障成佛。九離妄自覺。十決成菩提。於此十事發誓要期。故名被甲。二十種不思議。即所攝之善由決志無疑故所爲難測。十中初三單約善根。願智稱性名不思議。餘七權實雙運故不思議。於中前四約行。後三約智。智約內明行。就外相。前中四涉有而一道清淨。五悟空而萬行沸騰。六修因而八相果成。七現果而大用不捨。皆難思也。後三中八二諦相即九三事融而不融。十權實即而不即。八中十句五對。一境二心三通。一切四約修起。五即名言。亦即五法。一相二妄想。三如如四正智五名。然各有二意。一直就法體。無相是真相。即是俗常互相即。下四例然。二約迷悟。五對大同小異。謂一迷如無相以成。於相。悟相無相即是如如。二迷於正智無分別。即成妄想分別。悟妄分別即正智無分別。三了如非有真有如如。若執有則非如。有四智若無作是作。正智若有所作非作正智。五知名非說是真說名。謂名有說非是說名。九中初融三事。後亦不下顯離融相。名爲不融。三事即心佛衆生。皆無差別。如覺林偈。十中三句初明盡而不盡。此約斷時以明體用。二無而不無。此將法性對斷以明體用。二句雖殊。俱是權實雙行。三雖知

佛法下。明即而不即。於中初正明。後一切諸法下釋成上義。悉入法界故說相即。無所入故。不應世中分別佛法等。謂以當法自虛故名相即。非世間中佛法可得。下重釋云。知一切法皆無二故。不得二中互求無變易故。亦非世法作彼佛法思之。第五十種巧密語下六門。明無礙亂中行。於中三。初二門即無礙之行。次一門明無礙之行。後二門雙明二門引生功德。雖礙亂有通今從別說。又此三段即是三禪。初即饒益有情禪。二即正法樂住禪。三即引生功德禪。今初二門中。初門不想巧密之言。後門不想善巧之智。今初前既明內行今辨外言。彼行文云。以正念故。善解世間一切言說。能持出世諸法言說等。皆言密語者。況明有五。一說深密法故。如出現品。名如來密藏等。二一說一切法故。上云。如來於一語言中等。亦如仙陀四實九義瞿聲等。三近而不聞。如身子在座遠而無隔。如目連尋聲等。四言近意遠。如說三乘爲究竟等。言遠意近如說寒時得火名。涅槃等此意。亦名隱實說權。五以異言說異法如覺不堅爲堅等文中十句。初一具五以是總故一切教故。次二含二意。謂示而謂實故。即第四意。此二皆是深密之法。即第一意。餘通前二。或並兼五可以意得。二十種巧分別智。外言既密內智又巧故。於利生無有礙闡故。彼文云。菩薩於善知識所聽聞正法。所謂甚深法等。文義多同十句可知。

第二二門明無亂行。皆是定體。於中初門明入三昧。顯處等不同。後明遍入則觸類皆遍。今初故。彼文云。善入一切諸禪定門。此中明十皆通一切。十中通辨緣斯十境。入定不同。別則十門各異。而前五一重之事。餘五涉入圓融可知。九十皆即一而多故。彼行云。一念中得無數三昧。但從多分對前。後說。判爲定體耳。非此無用二十遍入。亦猶小乘說十遍處。即令三昧漸更增廣。前明一切如衆生身。謂童子身等。雖能一切身入而不必一時。今此隨入一類皆遍一切。如海。慧初來一時皆水等。十句可知。第三十解脫下二門。明引生功德禪中。此門明作用無礙。故稱解脫。後門於境無礙。故曰神通。今初解脫即亦思議解脫。梵云毘木又此云勝解脫。謂殊勝作用。不由依禪成。八解脫十句可知。二十種神通。如依四禪引六通用。此十若以六攝前四可如。次五神境。後一漏盡成菩提故。約位不同與十通小異。第六十種明下二門。明善現位中行。此門正顯行體即是般若。故曰智明。後門明離智障。故稱解脫。今初然皆權實無礙之智。故稱善巧。非如十度唯約根本。但約增微分成五行。十中前七單約一智。後三雙行。前中初三約所化。次三約能化。各初事次理。後即事歸理。七離能所想會。歸般若。念想觀除不受境界。爲入理善巧。故後三雙行中。八明無說之說無成之成善巧智明。謂雙非照寂離言而能差別。

照事有說非相違相非無遺無一性遺多。無性遺有即性相俱寂。住於下。無成之成法界之體。實無所成。照斯法界即說成佛。九明無生起生智明。文中三。初正明。次何以徵釋。三是名下結名。今初明無緣之緣。兼顯無化之化。於中二。先明無緣。謂衆生真心稱理不可得故。若無緣即無所化。而如下明真心隨緣不壞緣起。則亦有所化。於中二。先知所化。後結成雙行。前中文有三節。初有八句。別知緣相。因謂無明等。緣謂業行。事即識名色等。境界即觸受塵境。行即現在愛取。有生即生支。滅即老死。知言說者。總是隨俗緣生不離三世故。二知迷下十二句六對。通知染淨迷悟。迷理則倒惑難染。悟皆反此。隨俗則俱可得。第一義中二俱得。得非得約理。著非著約智。三知住下明知心行。住謂本性動靜客塵。隨客塵則去而莫歸。見本性則還源反本。有還去。皆是起心還住兩亡寂然不起。起則諸善失壞。不起則出離善纏觸境寂知。是爲成熟。上通物我後兼知機約。自根謂六根不爲境牽。即是調伏。後隨其下結雙行中。謂智隨曲化不失。無行。二徵釋中所以爾者。爲物發心故。結名可知。十平等教化智明中三。初明實不礙權。二知種種下權不礙實。三於生死下結名並可知。二十種解脫脫二障故。梵云毘木底此云解脫。與前不同。十中初四脫凡三障。取增爲業故。後六脫智障。初一揀劣餘皆顯勝。第七圓林下

二門明無著位中行。於中此門明遊處縱情。後門明棲止適悅。皆通二利。權實方便而無所著。今初可知。二宮殿十中四梵住者。即四無量亦色因故。故度世云修四梵行慈悲喜捨餘可知。第八所樂下二門。明難得位中行。於中此門內心願樂。願即行體。既處宮殿則情欣勝樂故。二十莊嚴即外德莊嚴具。以衆德莊嚴願故。文並可知。第九不動心下二門。明善法位中行。此門明外緣不動。後門明內心不捨。又此明心堅。後明深入皆是力義。今初十中二。及第九是思擇力。餘皆修習力。八中有十。一信一生佛果故。二不難不信濁故。三淨無煩惱故。四無細念故。五離所知垢故。六微事源故。七向果位故。八自分堅故。九德無盡故。十緣不動故。十一證真如故。餘並相顯。二不捨深大心者。由不動故能窮理事。理深事廣故云深大。十句可知。第十智慧觀察下九門。明真實位中行。即分爲九。一觀察智。二說法智。三離障智。四審決智。五照徹智。六無等智。七無劣智。八高出智。九深廣智。今初亦由不捨深大故能觀察。前問但言觀察者。脫智慧言十句準思。二說法智由能內觀故能外說。十中初二說俗。後八說真。一無二可評。二體德兼廣。三相深遠。四體堅利。五如如不動。六體絕百非。七在纏不染。八體相一味。第三十種清淨即離障智。此離智障名無垢故。雖同清淨所淨不同。十中與七淨有開合不同。在文易

●時二切● ●[慧]一● ●亦二不● ●不亦● ●十二三● ●問二聞● ●智障二障智●

了。七淨如五地初辨。第四十種印者。即審決智。以清淨智決定印。可一切法故。故晉本中名為智印。後所結益亦是智印。亦猶三法印等。十中一於安受苦境忍智不動。二他不饒益忍行決定。三於佛法深信忍決定。即諦察法忍。四決定成佛度生。五決定知佛智無邊。六決欲佛果不退。七決不顧身命以親入法。八決度已入大乘者。九決平等度。十決同佛體。因圓果滿。第五智光照。即照徹智由印定。故照。徹無礙十句易知。第六無等住。即無等智由前照徹。故不偏住著。雙住事理。名無與等故。列十中皆權實雙行。或即寂之用。即用之寂等。並顯可知。已下入第五經第七無下劣心。即無劣智。上既望下無等。今望上無劣。於十勝事皆決作。故名無下劣。所以晉經名無怯弱。十句五對。一降魔制外對。二喜他自滿對。三積福成智對。四下化上成對。上四單辨。五悲智究竟對。即是雙行。於中九是即智之悲。而悲智雙行。雖悲而不求果報。十是即悲之智而權實雙行。於中四。一列所知。二如是下辨能知。謂知苦覺妄見理證滅修道斷集。三然於下拂。彼知相能知。無分別故無功德。所知無種種故無境界。四非有下會歸中道。廣辨雙行。於中初二句總辨中道。次以不二下境智對。明皆以實智知權顯。雙行無礙。於中異約。堅論變異差別。約橫辨不同。後以究竟法界下。即體起。用以辨雙行。第八如山增上心。辨高出智。由無下

劣故。萬行迥出難仰其高。於勝決作故直趣善提。不可傾動。十中一勤修能證智。二常觀所證理。三內修無漏。四外近善人。為名利為異求。從他聞言。已解為盜法。觀佛三昧經說此人墮地獄如箭射頭。後學誠之。五大忍度生弘誓更增者。若薪熾於火。六決超魔境。由成勝德而不著。唯法樂以自資。則魔境皆為佛境。七勤勇修行。攝論云愚修雖少時。念心疑已久。佛於無量劫。勤勇謂須臾。八不捨惡人。九孤標等佛。十權實雙行文。中四。一正辨雙行。二何以下微釋。微有二意。一云修須稱理。理既無得。顯何不捨。既不捨。顯何用觀。無進退有妨。二釋亦二意。一云若有所得。不得苦提。以無得故。出生善提故。雖不捨。顯須觀。無得。二云無得之法。非在得外。要求一切法。方盡無得之源故。欲證無得。須不捨善提之願。三是故已下結成雙行。四不作是下顯其難過。為不怖空而不求故。第九如海智即深廣智。非但求升。聲峻。抑亦智體包含故。十中前四即四無量界。後六並佛界。無量開出。謂五入三世佛善根。六七八入三世佛界。九供多佛。十求多法。並顯可知。由此因海得入果海。上來十行位。竟。大文第四如寶住下二十九門。答二十九句問。迴向位中行。若并無礙總句有三。十門。古德分三。初十一門。明迴向位中行體堅固。二從十自在。下一十二門。明行用自在。三從十種遊戲。下七門。明行德圓備。

今亦隨次配十迴向。於中初有四門。明初迴向。二三迴向各有二門。四五六七各唯一門。第八迴向即十無礙。九有三門。十有四門。至文當知。今初四門。明救護衆生離衆生相。迴向位中之行。即分為四。一明所迴善根。二即大願救護。三即迴向所為。四顯所作成滿。今初所住善根可貴圓滿故。十中一供事多佛。二聞法受持。三自在受生。四說本末法。於中初說從本起末法。如無量義從一法生。其一法者所謂無相。次以一切下攝末歸本。釋成上義。五知斷自在資糧道。厭息加行道。防護無間道。斷除而不取解脫道。證入為異。二乘留惑不斷。方能究竟斷證故。云何不證。方便巧學。無邊佛法。滿普弘願故。如箭射空。皆皆相挂故。六悲智雙行。七知性相無礙。八無得之得。九觀空滿願。十受行無厭。於中先正顯。後知如來下釋成。第二十種如金剛心。即大願救護。雖迴向皆願此在初故。謂於當作事及現作行皆無齊限。要心堅固窮其際故。十中一法門無盡誓願知。二衆生無邊誓願度。三嚴刹四迴向。五供佛。上三顯成佛果。上五皆約當成。並橫論無畔。次二約其現作。皆堅深無際。謂六見聞無著。七安忍不亂。斬首為級。上二暫斷煩惱。後三亦約當成。謂八遍於時處修行二利。九以心要成無際大行。十即寂起用。於中三一悟寂。二而亦下起用。三何以下釋成。於中有三重微釋。初番意云。所以即寂而用者。由本願智

不捨悲故。次番云所以智不捨悲者。智亦爲物故。後番微意云。何以要此雙行者。釋有二義。一諸佛皆爾故。二又我下我先願然故。第三十種發起。即是迴向所爲。發起令現前故。十中前六自分。初三福業大。次三化業大。最上亦爲攝生故。後四勝進。七八勝進攝福。後二勝進起化。謂九證體。十起用。第四究竟大事即所。作成滿。十句可知。第二不壞信下二門。明不壞迴向中行。此門正明不壞十句義如前說。二十種受記即迴向行。成十中一解會佛心。二具解脫分善。三大行已修此。三多約三賢。四。五約對面不對面。法華云其不在此會。汝當爲宣說等。六初地證如。七八地成忍。八九地具調化方。九十地三天劫滿。十等覺已入重玄故云自在。如記慈氏等。若約行布此位但有前五因便餘來。若約圓融並通斯十。第三十種善根迴向。二門。明等一切佛迴向中行。此門正明等佛佛爲真善知識。同即等義。十中心即悲智爲心平等契理。餘各一義。皆云同者同一體故。不見二相故。標云由此。能以一切善根皆悉迴向。二得智慧亦迴向行成故。彼文云。住此三昧。入深清淨智慧境界等故。第四十種廣大心。明至一切處迴向中行。無量無邊故無不至境。既無量無邊心如。境而廣大。第五十種伏藏。即無盡功德藏迴向中行。於一切法蘊斯十義故。名爲藏。即法而觀惑者不見故名爲伏。一切各十是無盡功德矣。第六十種

律儀。即隨順堅固。一切善根迴向中行。彼約行首故。廣就施以明善根。今約行本略辨律儀。善根皆順平等之理。實通一切故。第八云一切善根皆令究竟。究竟即順堅固義。通明十句攝善饒益無所不具。通一切善居然可知。第七十自在。即平等隨順一切衆生迴向中行。具十自在能隨順故。十自在如八地辨。已下入第六經。第八十無礙用。即真如相迴向中行。如於真如無障礙故。故彼位果云。住於此位得一切利平等。平等即是無礙之因。亦無礙之義。又云。得佛無量圓滿之身。一身充滿一切世界等。即正顯無礙之義。文中四。先總標十章。二佛子云何下總徵十章。三佛子菩薩下依章別釋。四佛子如是下總結成益。今初亦三。謂標徵列名。無礙者前明自在。即作用任運。今明無礙顯作用無拘。又無礙有二。一智二事。十中有通有局。然法智無礙多唯約智。如身利等多唯約事。如衆生等。通於事智。然事無礙必通於智。智無礙境未必通事。二皆即體之用故。並云無礙用也。然十皆通二利。且約化說。初。一。所化。二。是化處。餘皆能化。謂化法化身等。可以意得。第三依章別釋中。即爲十段。文皆有四。謂標徵釋結。今初所化衆生無礙用十句中。前三約智辨無礙。一。了性空故。二。唯心現故。此二實智。三。知時說法即是權智。餘七約事無礙。四。能現衆生故五近收。一。毛。六。遠示他利。餘四示上首之身。第二利無礙十中。知利無盡通智

通事故。晉經云。於一切利深入無盡方便。度世云。一切佛界所入無盡皆通事也。餘九唯事無礙。深即微細利。餘並可知。第三法無礙。謂皆約智於性相無礙之法。能知說自在故。一。多即入而不壞本。二。實智出權。三。無文示文。四。一說多相。五。無說之說。六。一言圓備。輪字之義彌伽處釋。七。門門互收。八。以真收俗。九。橫知無邊。十。堅窮其際。第四身無礙用。第五願無礙用文並可知。第六境界無礙。謂於此十種勝劣相。達境中於勝現劣迴轉無礙。是爲菩薩分齊之境。文亦可知。第七智無礙。前來雖亦有智各從本類攝之。今則一向辨其智用。然智無若干因法顯別。以法從智。前法無礙以智從法。十中初二能化智。次三知所化智。六上入佛智。前六皆權智。七八權實無礙智。後二事無礙智。第八神通無礙。一無數色身通。二天耳三他心。四分別言辭五宿住通故。度世經名見前世。六往一切佛利通莊嚴乃是其中別義。七未來劫通。前已明過去故。通舉三世。八即一切法智通。故度世云。一切諸佛菩薩所建立行。演法光明而照耀之。即是法光照佛法也。九即天眼。度世云。知見一切等故。謂見有所作而守護之。十準。晉本云。佛子略說菩薩平等觀一切諸法通自在。此即一切法滅盡三昧通平等寂滅故。故度世云。菩薩平等寂諸音響則以平夷等御衆生。今文脫。此文略舉故不曲盡。大旨不異。如十通品辨。第九

●土上● ●作二化● ●五二王● ●一二二● ●諸一無● ●遠一達● ●二二一● ●(如)一●

乎。然地經中。善知識善護意通由諸善。不獨由語故。度世經亦不躡前。四十種大事案經。即內善外護故。能成所作。然即地經善集白法善淨深心等。餘句中義亦不獨躡於語。然皆躡者以語例餘。於理無爽。十句並通。二利文相亦顯。第二十種心者。明以何因。以大悲爲首荷負一切等故。十中一荷負心。心如大地荷四重任故。二深廣心。包含無外故。三勝心。四淨心。五利六堅七無染。八希有九智慧十無邊。並語心體也。第三十種發心者。明爲何義。爲上求下化故。發起勝用十句可知。第四十種周遍心。明有何相。以過凡夫地入真如法中故。十中一總明悲廣智大。曠若虛空。二智契深極餘皆可。知第二十種根即安住地中行。由前初住之行。令此勝用上皆光顯。故名之爲根。十中分三。初一信成就。次六修行成就。於中初句樂欲根即近安樂法。多聞能正觀故。二不退者即不著名利。於三昧中亦無愛著及貪求故。三安住者。萬行念現前故。四五悲智不斷上皆教道。六即證道之修。後三即迴向成就。一總求一切地智故。即金剛智照徹法性故。二別求法身。三求功德身。謂十力等。第二十種深心。六門明。第二地中行。於中二。初二門明。發起淨十種深心。後四門自體淨。今初前門自分直明深心。後門勝進加以增上。今初晉經及論。皆名直心者。然深心有二義。一於法殷重名深。即樂修善行。二契理名深深入

理故。若語直心但有後義。正念真如法故。今文具二。一初由契理。二由修行。次七廣上契理。後一顯前修行。二增上深心即勝進。上求增殷重故。十句亦四。初門樂修善行。二標契理。次三成上離疑。一出所因。二彰所入。三成德自在。後五成上積集善根。第二十種勤修下四門。明自體淨中行。彼約別地之行。但明於戒。而有三聚。今文分二。初一門通修十度。即攝善法戒律儀亦在其。中以地相望是修位之首。故特名勤修。晉經名方便。方便修起故。二決定解下三門。明饒益有情戒中行。此門總顯智。於諸善決起勝解。地經約戒但解十善。晉經名樂修。由有決解故樂修習。二解世界。三解衆生。文相並顯。

大方廣佛華嚴經疏卷第五十二

大方廣佛華嚴經疏卷第五十三

已下入第三
五十七經

唐清涼山大華嚴寺沙門澄觀撰

第三十種習氣下五門。明三地中行分二。前二門明能起厭行。後三門即所起厭行。前中二。此門明熏習成氣。後門增盛攝取。今初由此地厭伏煩惱故。於諸行積集熏成氣分。方能究竟斷伏煩惱。故名習氣。十中一行本氣。二成行氣。三下化。四上見。五受生。六六行。七十願。八十度。九理智。十量智。

二十種取者。明增盛攝取故。晉經名熾然。由前積習愛樂得增長故。第二十種修下三門。明所起厭行。即分爲三。此門正顯修行。前八修因。後二修果。第二成就佛法明修成勝緣。依託此十能成就故。第三十種退失明修行離過。別舉十過總令遠離。文並可知。第四離生道下五門。明四地中行分三。初此門明清淨對治修行增長因。次門明其清淨。後三門明對治修行增長。今初前三地寄同世間。有見等惑。猶如生食在腹。四地寄同出世。對治清淨能離彼生。謂離有爲行故得無生故。顯行純熟離生。離故。廣如婆沙。今是彼清淨對治之因。故名爲道。地經有十法明門。初是觀察衆生。今但廣斯一句餘略不具。結云不離二乘者。以於十句雙行而修故。不同二乘見道離生矣。第二決定法者。明其清淨。上明能離今顯所得。以得出世決定法故。故彼文云。得彼內法。生如來家。十中前五自分。後五勝進。第三出生佛法下三門。明對治修行增長。於中分二。先二門明修行增長。後一門明修行對治。今初亦二。此門正明增長。後門顯立勝名。今初從緣出生即增長義。亦猶出息增長其多。十中初二順入信法。次二願智不虛。次二時處廣長。次二無間普遍。後二勝行攝生。二丈夫名號即立勝名。由德行內增故嘉名外立。十中前四從境立名。五六約當體受名。上皆自利七八利他。九通顯勝具二利故。上皆自分因名。

①起一超 ②深二身 ③門二明

後一勝進果。稱上皆隨德假名。故瑜伽四十六。明菩薩隨德假名有十六種。初名菩提薩埵。十六名爲法師。顯揚第八莊嚴論十二。皆同此說。又商主天子經五義立名。恐繁不。第二有十種道明修行對治地經寄位廣明三十七品。今約實位故。增數顯十。皆爲對治。並是正道。十中前二後一名義皆不共。三道則名義俱共。四道至九名。共小乘。義唯實教前三可知。言義唯實者。故四行云善巧迴向無休息。故五根定根知三昧入出。六通天眼見死此生彼。七六念成。七加念衆生爲大悲故。亦是廣。七覺中一念覺故。餘例此知。八正思惟順一切智。九次第定皆寂用。雙行初禪離欲。害而逆化衆生。亦用欲等。言說故云一切語業。二禪離無覺觀不壞淨覺。以爲說因。三禪離喜而生法喜。四禪離樂而受解脫道樂。從此不下。明四無色定。但總相顯勝。雖住滅下卽滅盡定。此定雖盡滅諸不恒行。心心所法。及滅恒行染污一分。而以厭患想受爲先。故名滅想受定。由非想地猶有細想。是捨受故。今實教明卽受等性滅故。不息菩薩行。是以七地云能念念入。亦念念起等。餘如三地及七地中辨。十力中六遍一切下。是一切至處道智。八是天眼。九是宿命。今三世悉知。況乎宿命。餘如初會中辨。第五無量道下二門。明五地中分行二。此門明勝慢對治中行。後門明後二分中行。今初分二。先總標四門。以此四門同顯道義。義皆

無量類例相從。故總標之。約義須分故。後二屬後。二從佛子下別明。初門。謂十平等心及隨知行道。皆是菩薩正道所遊路故。以觸境皆如道無不在。況虛空等十。一一無量道豈有涯。十中前四各一無量。後四皆佛界無量。語言亦屬衆生。亦是調伏界。無量劫數卽豎論無量。餘七橫論無量。虛空亦橫亦豎。法界非橫非豎。虛空法界約無分量。餘八廣多無量兼無分量。二無量助道卽不住道行勝。及彼果勝中行。以智契如是謂正道。萬行資緣皆爲助道。此二合行名不住道。今以圓融之修。無不契如。並爲正道。皆互相資並爲助道。故舉虛空等十不異前章。然正道不隨事轉同稱無量。助道隨事故。隨所等事名無邊無盡等。第六無量修道一門。明六地中行。般若現前爲真修故。無去來等卽十平等故。十中前四卽勝慢對治中行。攝十平等。後六卽彼果勝中行。不住道行勝。十種觀緣彼已廣故。此略不明。四中前三約法。後一約喻。法中彼從別義開成前八。今總明之。一不起心。二稱本性。三遣修相。亦可配三性三無性。如理思之。四舉七喻通顯無著。後六中五雖證三空。而集福德。六不著教法不可說者。理圓言偏言不能詮故。無言說者性無言故。離言說者忘言方會故。七不壞事法界。八不壞真如理。九總明權實之智。故力無盡。上皆自分修。十卽勝進修。第七莊嚴道下三門。明七地中分行三。初門明權實雙行。

次門明念念進趣。後門取授自在。今初卽彼地中。樂無作行對治十種方便智。及雙行果發起勝行中行。以權實交飾。故曰莊嚴。列中前五自行無染。次四隨有攝化。一無染而化。二處正入邪。三持犯權實。四人法權實。十總顯因果權實。於中三。初因圓示缺示現受生。是因未滿故。次與三世下同果境界而不捨因。因有十句行通。二利。法卽教法業謂利他。道謂正智。儀謂制聽。取卽願求巧謂權實。上皆所作事。總語因體生。成用者卽因成大用。住持力者長用不絕。後何以下。徵釋可知。二十足明念念進趣行。卽彼障對治中行修無量種。及雙行分中菩提分差別等。十中初二約行。一戒二進。次二約通。一總二別。次二約心。一願二誓。次二約法。一順二持。後二約德。一演二伏。三十種手明。取授自在行。卽雙行分中能作大義。十中初一約取。謂念念中修習一切佛法向佛智故。餘九約授。於中前五明四攝。一布施二愛語。三四皆利行。五卽同事共一手作。而拔出故。後四卽四家一苦清淨故。二示諸諦故。三般若力故。四捨煩惱故。第八十腹下三門。明第八地中行。以內證無生故。皆約內事明內德圓滿。卽分爲三。初門明含容清淨德。卽彼集地分中無住道清淨等故。及淨忍分中得無生故。亦是得勝行分中離一切貪著等故。世人之腹多含穢惡。今此十中。前六後一明惡無不離。七八九三。明善無不積。若能如是凡卽佛

●共一其●●離二利●●喻二八●●今初二之切●●十二三●●義二義●●徵釋二四勸●●〔而〕一●●得二德●●〔後〕一●●

腹。二有十藏前總舉其腹。今別明五藏。由得勝行諸佛勸起。一念出生含攝成熟無量德故。十中初三出生三寶。次三成熱三聚。邪定亦有佛性。爲未來因故。起悲爲緣。涅槃云。一闍提人雖復斷善。由佛性力。未來善根還得生長。即其義也。後四攝授佛果。最後即一切智也。三有十心。即五藏之一最爲勝故。五藏主故。即此地能成諸善無功用心。前初中明心。梵云實多。即慮知心。對身口故。今此梵云賴喇陀耶。此云肉團心對餘藏故。十中前六自利。於中初二攝善。一勤二策。次二破惡。一破緣二破因。次二成行。一堅二淨。次二攝生心。一智令悟。二慈拯救。大梵住即四無量。後二成德。一深。二固。第九被甲。下二門明。九地行法師入。有備外嚴故。初門明入地十心。如被甲防內將趣入故。十句可知。二十器仗。器仗破外。以住地心窮十稠。外無不破故。十中前五順仗破障。次三遠仗破障。如令賊破賊故。次一非順非遠仗。如以良謀不用兵仗。無不破故。後一切成立德仗。第十種首下十三門。明十地行十地德圓故。寄六根四儀業用明之。且分爲三。初一總標德首。次六六根勝德。後六四儀成規。今初居受職位首。出衆聖故。十中初三果首。次三標之以因釋之以果。後四直明行首。第二十眼。下六門。明六根。即分爲六。初明十眼者。即大盡分中。如實知見一切法故。十中前五名同諸教。而體用不同諸宗。肉眼見

障內色故。智論三十七。說肉眼見近不見遠。見前不見後等。天眼方見遠等。仍有分齊。今肉眼見一切色。已過二眼故。四十四指云。不思議經應見遠。此中不說。然天眼是假和合不見實相。今明見心即似同於彼。然心通性相則亦不同。此中慧眼似彼法眼。此中法眼似彼慧眼。所以互者。以彼慧眼。不能見衆生盡滅。一異。不能度生。今顯實過權反。此明能。彼中法眼雖知於法。不能遍知衆生方便道。今反此故。明知一切。意欲異權故耳。彼佛眼細無不知。今舉勝況劣。又十力無不該故。後五中智眼見事。即法眼開出。光明眼通身智光。義兼法慧。出生死眼者。然涅槃不可見。絕見方見見圓寂故。無礙眼者。總見諸眼境。皆無障故。此即一眼具多爲不壞相故。須列十眼。一切智眼即是普眼。非但見法界重重。亦乃法界即眼故。爲普門故。知十眼全以無礙法界而爲其體。若辨次第。以肉眼見生受苦。次以天眼了知其心。次別知根境。次引入如實。次令得佛力。次尋光而見。次同歸寂滅。後等。同法界餘如別章。二十耳者。然眼等六根由得解脫神通無上。見聞嗅觸等。皆自在故。總就行辨。此門亦即釋名分中。聞持如來大法雨故。初二離順離違。次二棄小欣大。次二愍苦厭樂。次二滿果圓因。後二了俗同真。悲智俱運。三有十鼻嗅行香故。於中初四聞香體。俱舍有四總名爲香。一好香。謂沈

壇等。二惡香謂惡罪等。三等香。四不等香。謂於前二增。益依身。名爲等香。損減依身。名不等香。故亦不離好惡。今此中俱聞聞其上。二更無別體。非香非臭對前成三。謂如柴炭等。次三聞香表用。瑜伽等中。上二界既無鼻舌二識。亦無香味二塵。語其無龜。此聞有頂香者。明其聞細。菩薩力故。又有頂言。餘處多明是色究竟。準晉經中聞非想香。則有頂言亦是三有之頂。既有通果之色。亦有通果之香。後三聞出世入法。四有十舌演法味故。下三爲成六根非顯三業。三業前已有故。十中前五約辯顯德。後五約用。十降四魔。魔即天子魔。生即蘊魔。故五有十身隨行成身故。六有十意。初一總餘九別。文並可知。第三六門明四儀動止行。一行者動遊行法故。於中令轉還者。轉有漏定還無漏故。不斷生死者。若斷非眞涅槃。故餘可知。十種住者。止息散動故。前七自分住。後三勝進住。三坐者多時安處故。初四世坐以攝物。後六法坐以成德。四十臥者。放捨身心。令法體故。十中初三顯定。一加行調身心。二習修。三得定。餘七定益亦兼餘善。然其十事各同臥之一義。初三後二可知。四獨已臥故。五離尸伏故。六離依倚故。七思明相故。互警覺故。八右脇臥故。五住處者。智有棲止之所。故。前明能住此辨所住。十句可知。六所行處。前辨能行此明所行。於中初四自行。一依四念。阿難四問佛令依住。今辨依行

●腹十(後一亦惡無不離)七字●●外二林●●[分]一●●[明]一●●分二入●●皆一皆●●既二眼●●令二今●●謂一或●●體二香●●中二說●●此聞二聞此●●[子]一●●處二住●●智二知●

餘可思準。十地行竟。大文第六十觀察下。五十一門答。上因圓果滿。若剋實而論。成如來力下四門方明。果滿前皆因圓。以八相前五猶屬因故。爲明八相皆示現故。通入果中。即分爲二。初三十二門明。因圓究竟。即等覺位。後十種住兜率下。一十九門明。現果圓滿行。即妙覺位。前中分三。初一十四門明。因行體性。二十種義下八門。明方便造修。三十種魔下十門。明因行除障。初中二。初四門起行方便。二十種施下十度行體。前中三。初二門意業觀察。次一門身業自在。後一門語業宣暢。前中初觀察者。解方便故。達通塞故。於中初二觀所化。次四觀能化法。謂理果教行。後三觀位。一起劣。二得位。三同果用。二普觀察者。審慮周遍故。前六以六度治六蔽衆生。後四雙明二利。謂順入證法下化上成。二身業自在中。謂實德內充威德外溢。如師子王奮迅威勢。更有異釋如法界品辨。於中前五寄喻。次四約法。上皆自分後一勝進。三師子吼者。既勇健無畏。則能決定宣唱。二中令物度苦脫集安道證滅故。餘並可知。已下五。第二十種施下十門。明其行體。於中先明六度。後顯四等十度之義。已如前釋。皆言清淨者。離蔽障故。不同世間施戒等故。然皆寄十表圓。各爲一義。與九三施等。開合不同。若具會釋恐厭繁文。故隨顯直釋。今初十施者。一無向背施。即清淨施中別義。二遂求施。三二世樂施。梵本中名應時及濟難。不失

益故。餘七皆一切施。四即觀其可不。有損不宜等。極貧。下者應先施等。五不希異熟。亦清淨施。六亦難行施。所愛重物無戀著故。七內外財等無不捨故。八九與十皆巧慧施。此迴向巧治二過故。一觀諸行性不堅牢。治於當果有爲見。勝功德。二由其大悲。治於二乘趣證無爲。故行不住道。而向菩提。九益生施。常以財法施之。故名不捨。十忘相成度。然其十度皆有。三輪而義有小異。如瑜伽說。此上十施皆通三施。二十戒者。前三律儀七十攝生。餘皆攝善。又四即廣博戒。五迴向戒。上二皆一切種戒。六持微細故。即難行戒。七令悔除。即善士戒。八軌則具足所攝受戒。一切惡止善行故。九永出離戒。上二即清淨戒。十令他得二世樂戒。三十忍。初三耐。忍害忍。忍他三業惱害故。次三安受苦忍。初後忍。不稱情中。一忍身苦以濟物。後二諦察法忍。七八通。後二忍。又四難行忍。於下能忍恕不違故。五亡身濟難。六忍己順。他皆遂求忍。餘如前判。四十精進中二。與第十是饒益有情。五是披甲餘皆攝善。又初三三業即精進自體。四離染法五引白法。上二一切門精進。六無所棄捨及無所退減。七無下劣。八無顛倒及勤勇加行。上三即善士精進。九平等相應。即一切種精進。上皆自分十即勝進迴向菩提清淨精進。五十禪中初五方便。次一正定堅成。次二發慧斷惑。上八現法樂住禪。九利益衆生禪。十引生功德禪。又

五六奢摩他品。七毘鉢舍那品。上三一切種禪。八無愛味及慈悲俱行故。不捨欲界並善士禪。九雖發通明而利衆生。十能速入佛境。皆難行禪。六有十慧。初三解法。即加行慧。次四攝生。即後得慧。後三證理。即正體慧。又前五於所知。如實通達慧。六於五明處及三聚中。決定善巧慧。七知能引義利慧。謂同佛差別智故。非凡小所知。上皆一切慧。八難行慧。達深無我於境無礙故。九具教具行慧。十具證智慧。上二即善士慧。餘義如十行品所引。第二四門明。四等者。六度多明。自利。四等多約利他。然四等於境有別。已見十地。今文從通但約於樂等。以爲顯別。今初明慈。前八衆生緣九十文顯然。瑜伽四十四三緣之中。初共。外道。次共二乘。後方不共。此中三緣皆不共。凡小如文思之。二有十悲。前七衆生緣。次一法緣。後二無緣。於中初傷。其真隱故。爲顯後念彼不知故。令悟。三有十喜。初四衆生緣。次三法緣。後三無緣。四有十捨。文列十。一。晉本初二但合爲一。於中初四衆生緣。次六法緣。後一無緣。上明行體。竟。第二十義下八門。明造修方便。行。於中前五門明。自分行。後三門明。勝進行。前中初二明。法義。次二說。福智。後一顯圓足。今初以彼法義成行故。若以能詮爲法。則以所詮爲義。今此不取。能詮爲法。然法約自體義。是所以法總義別餘如九地。四無礙中辨。今初十義。一以修行為多聞之義。意在於修

①八二入②三二二③二二二④二二三⑤界品二品界⑥(下)⑦二二二⑧(後)⑨二二三⑩於二與⑪三二二

不在開故。淨名亦云多聞是道場。如開行故。二思爲法家之義餘微此。知法卽事法。餘八理法。理法所以在於證入。二有十法。法有二義。一持自性。二軌生物解。今此前七通。二八九唯自性。後一唯軌生。烏波提者。此云有苦。卽二乘涅槃。佛性論第二說。二乘無餘尚有二餘。一無明住地惑。二無漏業。三變易苦故非真無餘。今以涅槃爲安樂義。略舉有苦故應捨之。孰令衆生不應修。此第二門明福智者。福智卽道成福智。緣名助道具。如云三寶不斷。是福勸衆生發爲緣等。又具二莊嚴方爲正道。偏語皆助斯則福智。卽助道具。又以正道福智相絕故。故文中說法布施。皆卽是福非福緣故。今初福德中二順迴向因。七不雜小善。迴向於果餘可知。一智慧具中。一外近善緣。二內調法器。三念慧安處。六念自持。六和衆法並見上文。六堅順位。本業上卷以三賢十聖等妙二覺爲六。謂信堅法堅修堅德堅。項堅覺堅。亦名六忍。謂信法修正無垢一切智。復名六慧。謂聞思修無相寂寂照。復名六觀。謂住行向地無相一切種智。卽亦六性。謂習種性等。一切諸佛無不入此故。常隨順十種智者。謂法智比智他心智。世智四諦智盡智無生智。若開如實異前。則有十一智。今以如實實上故但說十。如智論二十六辨。由念成智故爲方便。四法樂怡神。五真實修行。六自他雙淨。言三覺者欲害害也。七遍觀法性界。如毒蛇

者。淨名涅槃。皆以四大爲毒蛇性違害故。今居蘊入之中義當十八界。以四大卽內界故俱含云。大種謂四界。今取總中別義。亦可。十八界皆不可執取。處如空聚者中無人故。並如涅槃二十三說。八深解一空無心已下。明其法空。九止觀雙遊。於中先總修止觀。後心意下雙釋二門。先釋止。欲取我相爲我想。正計爲我業。正損法身爲瘡。疣。餘過未滅爲癰疽。能所忍寂故無來去。後觀一切下釋觀。說雖先後運在一時。十修集種種智。謂見法從緣則知國由心現。國由心現故有而卽空。空爲法性萬法由生。見法性源是真智慧。皆離妄垢並云清淨。五重積集一切智圓。第三明足者。總顯圓足惑關斯亡。智解斯顯故稱爲明。足有二義。一智圓備故。二有進趣故。其猶脚足。斯卽十號明行足義。果稱圓足。因爲脚足。又準涅槃十八以明爲果。所謂菩提以行爲足。謂戒定等廣如彼說。此居等覺義通。二足望脚足義。此門亦得名爲勝進。十中前七約行。後三別舉。三明自分行竟。第二有十種求法下三門。明勝進行。一更求法要。二得已明了。三如說修行。今初依此成行故。一始心唯直。二中後無懈。三內不願身。四外亡名利。五雙圓三利。六得意亡言。七果不近求。八因酬所爲。九普決疑惑。十唯滿佛乘。離此十求皆邪求也。二明了法者。得不照遠求之何用。總以善賢勝智。了知三乘凡聖差別。一是凡夫。若童稚蒙昧

未能出世故。隨世俗長。四善根。二謂鈍根。隨信他言而行道故。名隨信行。三是利根。由自披閱契經等法而行道。故名隨法行。然今既云覺法自性等。卽知十中前九亦兼含大。是以智論明有三乘共十地法。此上二人約根分異。第四八人者。卽初果向。又俱含賢聖品中疏云。第八人者。謂苦法忍。八忍之中從後數之爲第八故。又智論中有八人地。若約超斷容具。二三果向。謂具修道惑及斷。一至五皆初果向斷。次三向二斷。九乃至八地惑盡至苦法忍。卽爲第三向也。五初果法斷衆結者。謂三正三隨已如十地亦可。見所斷惑八十八使。名爲衆結。由見諦理斷無明漏。無明是生死根本。名生死漏。六一來果。觀欲味過患已斷六品。雖三品惑能潤一生故。一往來而知無往來也。七不還果斷九品盡故。不還欲界。乃至八地惑皆斷故。總云不樂三界。八無學果。八解脫者。一內有色觀外色解脫。二內無色觀外色解脫。三淨解脫。初二如次依初二禪。三依四禪。次四無色爲四解脫。八卽滅受想解脫。餘義已見上文。廣如諸論九十可知。三修行法者。如說修行行得佛法故。常爲諸天者爲字去聲故。晉經云。覺悟諸天餘並可知。上來造修行竟。第三有十魔下十門。明離障行分。一前五門明離障成行。後五門明離障加持。前中分三。初二門明所離障體。次一門明離障方便。後二門顯見佛成行。前中初顯魔體後辨

魔因。今初十魔能障道故。一蘊魔者。身為道器。體與佛同。豈即是魔。蘊魔之名。特由取著。下九例爾。皆以下句釋成魔義。是知以心分別。法皆魔。何但此十。故舉菩提法智以勝。況劣。不以心分別。一切皆佛。豈捨魔界求佛界耶。然四魔直就體明。十魔多約執取。十表無盡。故與四不同。若欲攝者。除三向外皆煩惱。攝法即所證智。是能證。能所冥合。故名菩提。若不捨於分別菩提之見。即是魔矣。餘文自顯。二有十魔業者。行此十事。皆能訛善。亦招天魔。故為其業。十中一由忘行本。令所修善。感生死果。不至菩提。故是其業。二於蔽度不平。等故。於中初二蔽俱行度。後四嫌棄有蔽之人。文影略耳。夫真道者。不施不慳。不戒不犯。不忍不悲。不進不怠。不定不亂。不智不愚。嫌他不忍。忍度豈成。他皆做此。又悲化惡。故況惡為善資。不愛其資。是大迷也。餘八易知。然觀此文。難免魔業。願諸後學。審此省躬。第二捨魔業。即離障方便。對障修治。故云捨離。然此十句。敵對反前。但略而不次耳。一反第五二反第二三反第七四反第一五反第四六反第八七反第三八反第九救護彼故。九反第十若得佛加蔽惡息故。十反第六同一善根。豈求惡故。然後欲顯隨其一善。總反前十或以多善共反前一令不定執故不次耳。第三二門顯見佛成行由障離故。果現行成。於中先見佛。後成行。今初即是果現。此中所見即

前十佛。亦是八地十身。十身與此名小不同。已如前會。然此中明見皆稱彼佛而見。如云無著。自屬正覺。非謂菩薩於彼不著。若菩薩於此不著。下九豈當著耶。是知皆就所見明見。亦不得半就所見半約能見。一無著者。安住世間故。不著涅槃。成正覺故。不著生死。乘無住道。示成正覺。故名無著。稱此而見。是見正覺。他皆準此。又無邪慧而不離。故云無著。無正德而不圓。故云正覺。則佛見影略。此即總句。下九皆此別義。二乘願出生故。上文云佛願力故。無不現。又乘此願。能生一切德故。三報即相好莊嚴身業。即萬行之因而深信為首。云深信見故。下善財云。一切諸佛從信心起。亦能令見者信故。四隨順眾生住持舍利等故。又隨順眾生以圓音周遍三世持佛法故。五涅槃即是化身。化身示滅。故名涅槃。深入見者。深入涅槃。故能示滅。深入生死。故示滅非真。六法身充滿於法界故。法界為佛體故。七湛然安住真唯識性。是佛心故。八寂然無依。心言路絕。即三昧義。觸類皆然。故三昧無量。九平等性智了本性故。本覺真性。性本了故。十隨自他意無身不受故。依上十見。則真見佛。既知十佛總別六相圓融。則亦十見無有障礙。又此十種攝為五對。一所出能出對。二正報任持對。三真常普遍對。四內住外寂對。五體深用廣對。如文思之。上十佛十身類此成對。又此十見各有十種。並如不思議

法等品。二有十種佛業。即是成行。前見佛體。今辨佛因。又行順佛行。故名佛業。佛以利生為事業故。十中初總餘別。又總別合為五對。一覺導夢化對。二開纏淨戒對。犯戒疑悔故為彼纏。令其懺除。故名出離戒。有多種出離。亦多總相言之。不過二種。一事二理。事隨輕重。篇聚。除理觀性空。是真奉律。若具二者。罪無不離。又如瑜伽九十九有五惡作。即是悔纏。一謂作是思惟。後定自責。二諸天呵責。三大師同行責。四惡名流布。五死墮惡趣。亦有五相能除此惡作。謂佛許還淨故。由無知等。我已滅故。當來無犯。意我已生故。已於同梵行悔故。佛說悔除為善哉。惡作相續以為蓋故。餘如淨名第一及隨好品。辨三現相說法對。於現相中。由如來相從六度生故。除六蔽見此殊勝。不希二乘。觀慈善根。決知尊勝。住心佛境。自失威光。故無害等。四降魔護小對。五悲攝雙行對。雙行中有十一句。初一總明。無作四諦。不驚怖者。妄惑本無。今有故應驚。妄苦逼害身心。故應怖。今皆了本寂。即同滅理。故不驚怖。雖了本寂。而修福智。為能治道。餘十一句。別中初一約苦。次一約集。次八約道。後一約滅。文並可知。第二有十慢下五門。明離障加持行。初二門內成離障行。後三門外得加持行。前中初門學障。後門顯治。今初慢者。特已於他高舉為性。能障不慢生。苦為業。然經論中說多差別。且明七

慢俱舍論十九云。一慢二過慢。三慢過慢。四我慢。五增上慢。六卑慢。七邪慢。今文開十。四五與九具有其名。餘七。但有其義。前三即慢但約有小心故。故彼論云。一慢者。謂於他劣謂己勝。於他等謂己等。雖能稱境以心高舉。說名為慢。初一輕人。次二慢法。四中自高陵物。是於他等謂己勝。即當過慢過前慢故。五即慢過慢。今言過者。過前慢故。有德應讚。即於他勝見讚不喜。是謂己勝應合讚我故。六即邪。慢謂於無德。謂己有德故名邪慢。成就惡行名為無德。特惡高舉名之為慢。自起誹謗。即惡行故。七即卑慢。著舊有德即是彼多分勝不應執事。即謂己小劣何得事他。八亦邪慢起。惡行故。九即我慢我慢所吞故。十即增上慢。新善未起即是未得。不應讚而讚。即是謂得故。其但以曾發下。準梵本應迴安於百千劫前深坑之下。彼梵本從消滅。下云不應說而說。言多聞證發起怨嫌。數行此法應墮大坑。然以曾集善提心力。得受豪貴自在之力。於百千劫尚不見佛。何況聞法。普及度世大意皆同梵本。若但依今釋。當墮深坑。語其慢過。終自醒悟。明非長沒。若約八慢前三皆是憍慢。亦名傲慢。皆於尊境不肯禮敬。故餘如別說。二若諸菩薩下有十種智業。顯對治行。謂既識障惑。不令增長。制情從理。敬重法行。故名智業。文中初結前生後。文通兩段。後何等下。正顯。並是智之作用故名為業。第

二魔攝持下。三門辨外加持行分。二此門所離障。後二門能治行。今初即怨障加持。由內行乖理外魔得便。名為攝持。又行乖理即是魔攝。初二心念志。次二行少解滯。次二捨願趣斷。次二成小捨大。後二捨悲。謗法第二佛所攝下二門。明能治行。由離於邪自然合正。於中先佛後法。今初先結前生後。後何等下正說文顯可知。二法攝中前四即四法印。次二總別緣生。次二大小。後二智斷。上辨因圓究竟訖。第二住兜率下十九門。明果用圓滿行。多約八相顯果用者。明是普賢大用之果。不就淨土實報處說。又顯實報不可說故。又顯八相通因果故。長分為十。初一門住天。次一門示沒。三一門入胎。四一門住胎。五三門初生。六二門在家。七二門出家。八五門成道。九二門轉法輪。十有一門入涅槃。初之二門合屬第三。即是八相。今初欲說下生。先明在天所作。一化欲天。二化色天。三化大千。四同類共談。五為同類說。六善巧降魔。七樂音說法。八詣佛聞法。九供養多佛。十多身益生。第二時至。云沒名將下生。大乘方便經下卷云。菩薩如其本願。處兜率天宮。能得菩提轉于法輪。非為不能。菩薩思惟。閻浮提人。不能至此兜率天上。聽受法教。兜率天人能下閻浮。是故下生。一廣拔衆苦。二遍警有緣。三嚴刹揀非。四覺諸導從。五密召侍衛。六先告當機。七令輔翼知。八淨所生處。九長延天壽。十廣現難思。

已下入第三正明入胎十事。如有問言。於五十九經第三正明入胎十事。如有問言。於四生中化生為上。佛為最勝。何故胎生。諸經論中。多用初緣以通此問。今明具十以表無盡。一化劣解此通。凡小。二攝眷屬化生。設有父母等恩養少故。三三時無亂出時無亂。在後初生故。俱舍世品明。輪王唯入無亂。緣覺兼住唯佛三時無亂。以福智俱勝故。瑜伽同此。上之三緣小教亦說。次下四事兼於權大。四演法益物。五乘願化生。六破胎生慢。誰能於佛特種族。耶七胎障不隔故。令大心同觀。後之三緣唯實教有。八同類共集說智慧藏。為胎藏故。九定力現嚴。以離垢藏。為胎藏故。十與供聞法。以法界藏。為胎藏故。此一是總。八九即法界別義。法界寂然是離垢義。寂而常照是智慧義。又前二是能證。後一所證。能所冥合諸佛生故。又前二不壞小而廣容。後一不動此而普遍。如是自在是佛生故。第四微細趣即明往胎十事。初一通現地位。次八明現七相。以處胎為能現故。童子屬處宮相故。後一總結多門。並一相中同時齊現深密難知故名微細。第五十種生下三門明初生相。今初正辨即右脇生時。初一即出時無亂。後一動利益生中八可知。二現微笑。在行七步時故。瑞應經云。菩薩示生即行七步。一手指天。一手指地。天上天下唯我為尊。即自誓也。初三自慶。次六慶。能遍益群品。謂四無智自憍我能摧故。五昔善今退我能續故。六能為衆生良福田故。七

見生聞教益不虛故。八傷諸同行不成佛故。九惑諸同會滯凡地故。後一得佛加故。三行七步。謂初生在地十方各行七步。顯自在希奇故。七數過三名過三界。隨所履地皆現金剛。餘並可知。第六童子地下二門明在家同俗行。並處王宮相。童子已在王宮。但此門明幼懷德藝顯是超絕。後門貴極無染。以彰德高。今初八云令樂法者。幼而梵行德業殊倫。後見道成必樂其法。餘九可知。二正明處宮十中。一化同行。同行處宮故如瞿波。四濁世欣貴故。餘八可知。第七出家下二門。明捨家期道行。初明出家後顯修行。今初雖能深宮入道而出家者。示斯十意。初二令厭捨苦果。次二欣揚勝道。次二令離利鈍集著。常見者貴常為貴。故不出家著斷見者身滅無餘。何須出家。既非常斷明可修進。云離二邊。又非苦樂等。次二顯界家繁滅。後二顯得果同因。二示苦行者。行有苦樂。而遇苦者有斯十意。一為小乘要。謂勤苦方得道故。二示同異道摧邪見故。謂六年自餓無道後受乳糜方得顯饒非真。三一言罵佛六載受飢故。緣如大乘方便經。第二四五濁眾生皆有重罪。憂惱覆心不能得道。令彼念言謗佛向得解脫。況我等耶。即悔除故。亦如彼說。五策懈怠眾生故。六令知為法忘飢故。七示著樂非道故。八始末精勤故。九準晉經云。欲令未來眾生發精進故。今精進之言合在前句。缺斯一句。十苦行待機者顯

悲深故。第八詣道場下五門道成證入行。即分為五。一明進趣所安。即從苦行所向於道樹。顯捨邪趣正故。因圓趣果故。行行後邊故。十句可知。二正坐道場明自力安處。初四嚴處。次三三業現相。觀師子座者。知將說故。晉經云。觀一切佛師子之吼。後三成德。一滿自能證明。智顯惑亡。二受佛所處。將契同法界。三大悲同體故能遍加。三有十奇特者。明外感希奇。大果先兆。故。四降魔者。正覺將顯先摧邪故。皆言示者久已降故。魔王多是大菩薩故。無有惡魔能惱佛故。亦如野干。豈能於師子前以振威勢。大乘方便經下卷云。若非佛力召來彼等惡魔豈得近佛。魔為欲界尊勝。勝降。伏餘故。十中一示以德淨。二破魔佛誰愈。三波旬兵眾滿三十六由旬圍。菩提樹。欲作留難。菩薩住慈悲智慧。以手指地。一切散壞。八萬四千八部大眾皆發大菩提心。故云教化調伏廣。如方便經及本行集說。六未免魔者勿懈怠故。七一被降伏。乃至末世翻護法故。餘五可知。五有十種成如來力。即正覺現前。前之二門當無間道。此當解脫道。更前二門即方便道。今此十中初一障無不寂。次二因無不圓。次二果無不滿。次三德無不普。後二佛無不同故。結名如來也。第九轉大法輪下二門明轉法輪。道成機熟開甘露門故。於初中門所轉法輪體用。後門明轉法輪因緣。前中流演圓通目之為輪。自我之彼名之為轉。小乘

以眼智明覺四行。繫於四諦。今顯無盡十行。應繫十諦。以成百行。餘如法輪章說。十中初二能轉備圓。次二所轉深妙。次二生信拔苦。次二因深量廣。後二時遠益高。二種白淨法十事。即法輪因。白淨法者。即所轉輪體。謂佛無漏清淨法界轉入眾生心中。成。聞熏種子。故名為種。說應時機言不虛發。還生無漏聖智故。無空過故。攝論中多聞熏習從最清淨法界等流生。無漏現行。是此義也。亦即前章無礙解脫。所以能種此種者有十事故。初一宿因餘皆現因。於中前六德具。後三用勝。前中二三悲具。一內持。二外攝。次四智具。即四悉檀。一為人所樂不。同故。二第一義應時令悟故。三對治隨病所宜故。四世界了世而順故。第十涅槃請應盡還源。有新十意。初二明生死過患。一無常故。二無樂故。云非安隱。三明涅槃是樂。翻上無樂。以涅槃寂滅為真樂故。四翻色身無常法身為常故。故晉經云。令求常住淨法身故。今缺常字。以法身是三德之一性出。自古體無變異。偏語其常。今已出經故名為淨。次三句明生死無我不自在故。一一期無常不自在。故云不可轉。二別明念念無常不自在。此通變易生死。三即分段不能堅住。亦非自在。八明涅槃是堅即自在我。亦兼常義。九翻有為以明淨德。不淨者即有為法故。言聚散淨者。諸佛菩薩正法名無生起。然是性淨涅槃。隨緣生死即相之性。方為正法。然涅槃第二翻破

凡小四德通諸佛法故。以如來爲我此正顯涅槃故。亦就涅槃明我。餘並相順。然常等四德雖遍通佛法。從其別義各顯不同。上以四榮翻枯其遺。八倒。十明法爾諸佛常規。上來說分竟。大文第七從佛子此法門下。結勸修學分。於中二。一結義勸修。二佛子此一切菩薩下結名勸學。前中亦二。初舉名結義。後佛子若有下勸信修行。二結名勸學中。先顯十名。初一約能證依。此生行故名爲處。前約所證行體。但云清淨行。餘九約所證功能立稱。二決彼行義。定能感果故。三證所證故。四能證分明故。五有智超勝故。六悲興萬行故。七一一圓融故。八軌則具足故。九卽理涉事故。十卽事而真故。後應尊重下勸學可知。大文第八從說此下現瑞分可知。大文第九爾時十方下證成分。於中二。先讚法證。後佛子汝已下歎人證。大文第十爾時普賢下偈頌分。總有二百一十五頌半。分三。初有八偈七言歎德深廣。明說分齊。二其心下。百三十一頌半。總示行德略顯深廣。上二並是伽陀。三從依於佛智下七十六偈。頌前長行方是祇夜。今初分四。初四許說廣深。次二舉德誠聽。次一重總許說。後一示說分齊。第二總示行德中分三。初二頌略標法喻。二五十五頌半託事表法。以明深廣。三從菩薩等於佛下。聽十四頌卽法明行。以彰廣大。初標可知。二託事表法中總五十喻。難以區分。今類例相從且分爲十。初四偈半

二喻明悅物覆蔭行。二師子下十偈。摧邪導迷行。師子吼義。法界初說。三有十一偈。明高深堅密行。四迦樓羅下六偈。觀機照益行。五有六偈自在統御行。六智慧心下二偈。包含無染行。七二偈周遍成益行。八如珍寶下六偈。檢束修身行。九二偈調御運載行。十優曇華下六偈。外用遊處行。第三卽法明行中二。初十偈總明深廣。許說誠聽。後一身能示現下六十四頌。別明深廣以酬前許。前中三。初三上同佛覺。次三下超群品。後四許說誠聽。第二別明深廣中。束爲十行。初六偈三業深廣行。二菩薩身下五頌。二嚴無礙行。三有三頌逆順成滿行。四或現行成滿下。十頌普門示現行。五四頌時處圓融行。六菩薩知下六頌。知根說法行。七四頌寂用迅疾行。八譬如工幻下十偈。悲不失智行。九有十四偈。智不失悲行。謂末後二句不失悲。前皆智德圓滿。十有二偈結德無盡行。第三頌長行中二。初有三十九偈頌前說分。後雖令下三十七偈頌結勸修學分。今初頌前六位卽爲六段。初四偈頌十信位中行。二有四偈頌十住行。三有六偈頌十行。四有五偈頌迴向行。五九頌半頌十地行。六有十頌半頌圓果滿行。其初所行二字義屬前段。第二頌結勸修學中。然小異。前總分之爲四。初一偈結前所說爲少。二有三偈別顯德用廣深。三有四偈總結深廣。四有二偈結勸修行。二中分二。前二十一頌半結

約法顯行。後八頌半結託事顯法。今初分五。初五於剎自在行。二有六頌三業自在行。三過去下三頌明三世間自在行。四有五頌明身智自在行。五有二偈半總結難測。後結託事顯法中。或前來所無。或事同義異。並可意得。第三總結深廣中。前二結前已說。後二結末說難窮。四結勸修行可知。離世間品竟。

大方廣佛華嚴經疏卷第五十三

大方廣佛華嚴經疏卷第五十四

唐清涼山大華嚴寺沙門澄觀撰

入法界品第三十九已下入第六十經

初來意者。先辨分來。夫行因證立證藉行深。前分託法行成就。此依入入證。亦爲遠答。解脫海故。會品於意不異分來。無別會品故。二釋名有三。初分名者。謂依佛菩薩諸勝善友。深證法界故名。依人入證。證法在己謂之成德。二會名。約處名。逝多林園重閣會。林名戰勝。以表依人。園名給孤。用表悲厚。重閣之義以顯二智互嚴。悲智並爲能證。亦爲重義。若兼取城名。則物亦表依人。約法如品名釋。三品名者。入通能所。謂悟解證得之名。法界是所入之法。謂理事等別。然法含持軌界有多義。梁論十五云。欲顯法身含法界五義故。轉名法界。一性義。以無二我爲性。一切衆生不

過此性故。二因義。一切聖人四念處等法。緣此生故。三藏義。一切虛妄法所隱覆故。非凡夫二乘所能緣故。四真實義。過世間法。以世間法或自然壞或對治壞。離此二壞故。五甚深義。若與此相應自性成淨善故。若外不相應自性成殺故。上之五義皆理法界。復有持義族義及分齊義。然持曲有三。一持自體相。二持諸法差別。三持自種類。不相雜亂。與法義同。族者種族。即十八界。上二並通事理。分齊者。緣起事法不相雜故。於中性通。依主持業。因唯依主。後六唯持業。心境合目名入法界。始則相違終則持業。入即法界故。三明宗趣者。分會品同既入法界為目。即以為宗。於中三門分別。一約義。二約類。三約位。初中有二。先明所入。總唯一真無礙法界。語其性相不出事理。隨義別顯略有五門。一有為法界。二無為法界。三俱是。四俱非。五無障礙。然五各二門。初有為二。一本誠能持諸法種子。名為法界。唯識云。無始時來界等。此約因義。而其界體不約法身。二三世之法差別邊際名為法界。不思議品云。一切諸佛知過去一切法界。悉無有餘等。此即分齊之義。二無為法界。二者一性淨門。在凡位中性恒淨故。真空一味無差別故。二離垢門。謂由對治方顯淨故。隨行淺深分十種故。三亦有為亦無為法界有二。一隨相門。謂受想行蘊及五種色。并八無為。此十六法。唯意所知十八界中名為法界。二無

礙門。謂一心法界具含二門。一心真如門。二心生滅門。雖此二門皆各總攝一切諸法。然其二位恒不相離。其猶攝水之波非靜攝波之水非動故。第四迴向云。於有為界示無為法。而不滅壞有為之相。於無為界示有為法。而不分別無為之性。此明事理無礙。四非有為非無為法界二門者。一形奪門。謂緣無不理之緣故非有為。理無不緣之理。故非無為。法體平等形奪雙泯。大品三十九中。須菩提白佛言。是法平等。為是有為為無為。佛言。非有為法非無為法。何以故。離有為法。無為法不可得。離無為法。有為法不可得。須菩提。是有為性無為性。是二法不合不散。此之謂也。二無寄門。謂此法界離相離性。故非此二。又非二諦故。又非二名言所能至故。是故俱非。解深密第一云。一切法者略有二種。所謂有為無為。是有為。非有為。非無為。無為。非無為。非有為等。五無障礙法界二門者。一普攝門。謂於上四門。隨一即攝餘一切故。是故善財。或觀山海。或見堂宇。皆名入法界。二圓融門。謂以理融事故。令事無分齊。微塵非小能容十刹。刹海非大潛入一塵也。以事顯理故。令理非無分。謂一多無礙。或云。一法界。或云諸法界。然由一非一故。即諸諸非諸故。即一。乃至重重無盡。是以善財暫時執手遂經多劫。纔入樓閣普見無邊。皆此類也。上來五門十義。總明所入法界。皆應以六相融之。二明能入亦有五

門。一淨信。二正解。三修行。四證得。五圓滿。此五於前所入法界。有其二門。一隨一能入。通五所入。隨一所入。遍五能入。二此五能入。如其次第。各入一門。此上心境二義十門。六相圓融。總為一聚。無障礙法界。第二法界類別亦有五門。謂一所入。二能入。三無二。四俱泯。五存亡無礙。初所入中亦有五重。一法法界。二入法界。三俱融。四俱泯。五無障礙。初中有十一事法界。謂十重居宅等。二理法界。謂一味湛然等。三境法界。謂所知分齊等。四行法界。謂悲智廣深等。五體法界。謂寂滅無生等。六用法界。謂勝通自在等。七順法界。謂六度正行等。八逆法界。謂五熱無厭等。九教法界。謂所聞言說等。十義法界。謂所詮旨趣等。此十法界同一緣起無礙。謂所詮旨趣等。此十法界同一緣起無礙。一具一切。二入法界亦有十門。謂人天男女在家出家。外道諸神菩薩及佛。此並緣起相分參而不雜。善財見已便入法界。故名入法界。三人法俱融法界者。謂前十人十法同一緣起。隨義相分融攝無二。四人法俱泯法界者。謂平等果海離於言數。緣起性相俱不可說。五無障礙法界者。謂合前四句。於彼人法一異無障。存亡不礙。自在圓融。如理思之。二明能入亦有五重。一身。二智。三俱。四泯。五圓。謂入樓觀而還合身證也。變無邊之理事智證也。同普賢而普遍俱證也。身智相即而兩亡俱泯也。一異存亡而無礙自在圓融也。餘可準知。三能所渾融無二際限不分。就義開殊理

仍不難。此五能所如次。及通可以意得。四能所圓融形奪俱泯。五一異存亡無礙具足。如理思之。上來約類辨竟。第三約位明。入法界者。準下文。所入法界大位有二。即因與果。於前法。無不皆是佛果所收。即如來師子嚮申三昧所現法界自在是也。又於前法。無不皆屬因位所攝。即文殊普賢所現法界法門是也。因中曲有信等五位。法界不同。二明能入準。文亦二。對前果位。明諸菩薩頓入法界。對前因位。寄顯善財漸入法界。因果。既其無礙漸頓。亦乃圓融。但以布教成詮。寄斯位別耳。次正釋文。一品大分爲二。初明本會。二爾時文殊師利從善住樓閣出下明末會。亦前明果法界。後明因法界。又前頓入法界。後明漸入法界。又前總後別。總別圓融本末無礙。又前即亡修頓證。是正宗之極。後是寄人修入。以辨流通。通正圓融中後無礙。就本會中長科十分。一序分。二請分。三三昧現相分。四遠集新衆分。五畢失顯得分。六偈頌讚德分。七普賢開發分。八毫光示益分。九文殊述德分。十無涯大用分。今初。雖義貫末會。以從處別。獨判在初。文分爲三。初智正覺世間圓滿。二在室羅下器世間圓滿。三與菩薩下衆生世間圓滿。今初。言世尊者。梵云薄伽梵。包含六義。如佛地論。一自在義。永不繫屬諸煩惱故。二熾盛義。猛焰智光所燒煉故。三端嚴義。三十二相所莊嚴故。四名稱義。一切殊勝功德圓滿。無不知故。五吉祥義。一切世間親近供養。咸稱讚故。六尊貴義。具一切功德。常起方便利益世間。安樂一切無懈廢故。今舉後該初。亦是標人取法。具無盡德。故曰世尊。二器世間圓滿中有三。一國城。此云聞者。西域記云。昔有古老仙人住於此處。後有少仙。名爲聞者。於彼稟學老仙。後少仙於此建立城郭。故取其名。亦云聞物。以此城多出聰敏博達。名聞人物故。即中印度境。二逝多下明林園。逝多者梵音華言戰勝。即太子之名。給孤獨者梵云須達多。正言賑濟無依。義云給孤獨也。即長者之稱。長者仁而聰敏。積而能散。拯乏濟貧。孤恤老。時美其德。故立斯稱。長者側金買地。太子施樹同成。功業。二人式崇共立伽藍之號。三明重閣。即說法之所。表所證法界。體無不周。曰大。德無不備曰嚴。依體起用爲重閣。第三衆生世間。即輔翼圓滿。於中三一菩薩。二聲聞。三世主。初中亦三一學數。二列名。三歎德。今初。此會菩薩標名乃少。列名乃多者。有所表故。數中欲顯五位同證入故。位各十度。一一相融成五百故。第六妙覺是所入故。又表解行者多證者稀故。二普賢下列名分三。初標上首。二列別名。三總結數。今初以二大聖是助化主故。又有所表故。至下當明。二其名。曰下別列中。有十四位。位各有十。其間亦有增減。成百四十一人名。各一義皆有深旨。今且寄表大分爲二。前四十一人通表住等四位。後天冠

祥義。一切世間親近供養。咸稱讚故。六尊貴義。具一切功德。常起方便利益世間。安樂一切無懈廢故。今舉後該初。亦是標人取法。具無盡德。故曰世尊。二器世間圓滿中有三。一國城。此云聞者。西域記云。昔有古老仙人住於此處。後有少仙。名爲聞者。於彼稟學老仙。後少仙於此建立城郭。故取其名。亦云聞物。以此城多出聰敏博達。名聞人物故。即中印度境。二逝多下明林園。逝多者梵音華言戰勝。即太子之名。給孤獨者梵云須達多。正言賑濟無依。義云給孤獨也。即長者之稱。長者仁而聰敏。積而能散。拯乏濟貧。孤恤老。時美其德。故立斯稱。長者側金買地。太子施樹同成。功業。二人式崇共立伽藍之號。三明重閣。即說法之所。表所證法界。體無不周。曰大。德無不備曰嚴。依體起用爲重閣。第三衆生世間。即輔翼圓滿。於中三一菩薩。二聲聞。三世主。初中亦三一學數。二列名。三歎德。今初。此會菩薩標名乃少。列名乃多者。有所表故。數中欲顯五位同證入故。位各十度。一一相融成五百故。第六妙覺是所入故。又表解行者多證者稀故。二普賢下列名分三。初標上首。二列別名。三總結數。今初以二大聖是助化主故。又有所表故。至下當明。二其名。曰下別列中。有十四位。位各有十。其間亦有增減。成百四十一人名。各一義皆有深旨。今且寄表大分爲二。前四十一人通表住等四位。後天冠

下十位百人。別表十地十度。今初十幢表向行德高出故。二有九威力者。表行能進修。故三十藏表地義。如前釋。四有十二眼者。表解能照法故。所以不次者。欲表圓融之位。無前後故。後十位中如次。別表行布十地十度。一十冠者。初地冠於諸地之首。檀冠衆行之先故。又一一位中各具十者。一檀之中。具足一切諸地功德故。一度之中。具足十度爲莊嚴故。二十警者。持戒無垢。檢束尊高故。三十光者。發聞持光照法忍故。四十又名幢者。焰慧精進超世高出故。又道品伏惑精進伏慢故。五十音者。禪定發生難勝悅機故。六十上者。般若現前最尊上故。七十勝者。遠行方便有中殊勝行故。八十有十一自在王者。相用不動大願無礙故。九十又名音者。善慧演法自力生故。十有九人同名覺者。法雲受職隨佛數故。智覺諸法無所遺故。然其幢等亦有通義。類釋可知。三如是下結數。第三此諸下。歎德有十一句。初句爲總。上名以隨宜別顯。各以一德立名。今德以據實內通故。言皆悉成就普賢行願。餘十句別。於中前六明智用普周。後四明智用離障通爲五對。一境遍身多對。窮依近正故。二見用詣實對。十眼離障不往而見。一念契實身心普周。三內照外演對。四智淨色隨對。五悲深智廣對。以即智之悲故。於生無翳。無外之智故。照同虛空。前對虛空自取淨義。今取廣義。第二及與下辨聲聞衆文。

二、初標數類。後悉覺下歎德文有十句。然此聲聞皆是菩薩。欲顯深法。託為聲聞。故所歎德言。含本迹。今釋為二門。一就迹約小十句。皆聲聞德。一得現觀。於四真諦善覺了故。二入正性離生。無方便慧。已作證故。三所學已窮。故云深入法華云。我等同入法性。即三獸渡河。理無二故。古人亦將上三如次配見修無學。四生分已盡。由缺大悲。故自永出。五有為無為之德。依佛成故。即逮得已利。六已盡有結。謂九結十使現行離故。七無煩惱礙。種子亡故。八心善解脫。寂如虛空。九慧善解脫。故於佛無惑。十明非定性。皆可迴心故。信入佛智。二約本門。就菩薩歎故。如來不思議境界經云。復有無量百千億菩薩。現聲聞形。亦來會坐。其名曰舍利弗。大目犍連等。廣如彼說。明皆是權故。下身子令海覺等觀文殊德。十中一覺第一義。二方便已具。善能入於實際。故三三空真理窮其源。故四具足大悲。能入不染。方永出故。五依十力等離小見。故六不斷不俱。方能離故。七已淨所知無二礙。故八處亂恒寂了本空。故九佛不共德。雖未證得。亦無疑故。十一一切種智證信入故。第三及與無量下諸世主眾。亦先標數類。後悉覺下歎德十中。初一歎福。次四歎悲。於中初句總餘三句別。一無緣普應。二護念初心。三誓不捨惡。次二句歎智德。一智入權門。二行護理教。正法兼理護兼行故。上七皆行。八即是願願行具故。第九

入位。上九自分十即勝進。上序分竟。大文第二。時諸菩薩下請分。眾集本為開經。故文分為二。初標眾念請。二如來境下顯所請法。今初聲聞下如聲。旨。此能念者釋有二義。一約本迹。就本能念。就迹不知。二唯就迹說。意法師云。理處不隔。故得同疑。未積大心。故不廁共。此亦有理。猶葉公好龍。真龍難視。同居法會。同仰法門。所現超倫。故如聲。二所念中有六十句。初後三十句是所請法。中三十句但是請儀。其三十請法多同。初會四十句法。以初會為總。此說將終會同本故。就文分二。前三十句念德難思。後唯願下三十句。請隨機演。以初十句明自體圓著。客顯果海絕言。最後十句明化用普周。令寄言顯果。由斯文有影略。理實兼皆請示。如初會辨。今初念德中。初十句。正明所念果法。次十明玄妙難思。後十明緣會可了。今初十中。前八攝初會。最初十句。即內行成滿德。以如來自在攝彼神通。及無能攝取故。一境界者。即所緣分齊故。如出現等品。辨二智行者。悲智無礙。無功用行。亦如出現品。辨三加持者。謂勝力任持。令有所作。如不思議法品。辨四謂十力等。五即四種十種無畏等。六即師子奮迅等。七所住者。即初會佛地。佛所住地故。若別釋者。即常住大悲等。如不思議品。八謂十自在等。及攝二句。如向所辨。廣引諸文釋義。並如初會。後二句。即攝初會。次十句體相顯著。德前有六根三業。今身合六

根。及於二業。智即意業。心意俱不可知。但以智知故。所以合者。欲顯身兼十身故。合六根三業智導。故但云智。二一切下十句。明玄妙難思人。天莫測。於中初二句總明解行不及。謂智慧不能通暢。心行不能詣證。次五句明三慧莫測。故不能成自利。謂初三句聞慧莫測。一妙故不能印持於境。二深故不能曉了於心。三廣故不能忍可包納。次句玄故。修慧不能觀察。委照後句融故。思慧不能揀其優劣。故。晉本揀擇名思惟。在觀察上。後三句四辯莫宣。故不能成利他。謂法義不能大開曲示。詞辯不能宣明。樂說不能令他解了。三唯除下十句緣會可了。中前四佛力上加為緣。後六自根堪受為因。具此可知。前中初三現緣。後一宿願。後六中初一宿善。餘五現德。於上十句分有分知。全有全知。又此十句通有二意。一成上顯深。二起後請說。第二請隨機演中。二初十一句請隨機。宜後顯示下二十句請所說法。今初。前云緣會可知。今請以緣隨器。於中初三約內心器殊。次一約外類音異。上四通於凡聖。後七多約菩薩。一財等有殊。二地位優劣。三依根除障。四作業差異。五緣境不同。六會依何德而修。七會聽何法為種。又六宜依何德以化。七宜何廣略而說種種不同。皆請隨順。第二請所說法中。二。先列所請後如是等下結請。今初分二。前十句請說往因。後十句請今果用。今初此十句中。七與初

會名義全同。諸道即彼助道海。此中方便即前智海。即名異義同。彼有乘海。無此本事。則名義俱異。以彼通請一切菩薩故。願乘乘不同。今約本師爲問故。加本事則乘通諸句。爲成十故略之。或本事即是乘海。昔所乘故。餘如初會後及成下十句。請果用中。此十望初會第三十句。義即多同而文多。異欲顯果用無邊。故影略其文。一因圓果成即佛。海二成必演。法即演說海。三法證淨。國即世界海。四皆爲調生。即名號海。五雙開。菩提涅槃之果城。即涅槃防非止惡故。即解脫海。六示生行業爲至果之因。即衆生海。七遍入機處。隨機立壽。即壽量海。八爲衆生。田令得常命。即波羅蜜海。積爲最初故。九說諸度爲安立世界海之法。故。十三輪變化猶水月鏡像。即變化海。結請可知。大文第三爾時。世尊下三昧現相分。酬前念請示相答故。於中二。先明三昧爲能現。二入此三昧下明所現淨土。今初無方大用依體起故。故先入定。即以此義先明入定。後集衆海。前來諸會爲明從相入實。前集後定與此不同。佛自入者表證法界唯佛窮故。不言答者表證離言故。又令目擊而自證。故文分爲三。初入定緣領前念故。二大悲下明入定因。三入師子下正明入定。就入因中有四種悲。以爲入定益物之本。各有二義。一身二義者。一是入定所依之身悲所熏故。二身者體義依義。欲入深定。全依大悲而爲體故。

二門二義者。一佛有大智大定大悲等門。今欲益生唯依悲門。令物入故。二者定爲所入悲爲能入故。三首二義者。一者初義。凡所益物皆以大悲爲先導故。二者勝上義。謂非不用智定之門。此增勝故。四方便二義者。一悲智相導互爲方便。今以悲爲入定益物之方便故。二者以是即智定之悲。不滯愛見。故名方便。方能令物普入法界。又此四悲。亦是從佛向機之漸次矣。此上四悲皆遍虛空。亦有二義。一廣周故。二無緣故。第三正明入定者。以定業用從喻爲名。言願申者。有人云。梵音訛略。具正應云。毘盧摩多。此翻爲自在無畏。如師子王群獸之中自在無畏故。然舊經翻爲師子奮迅。且願申二言小有相濫。奮迅之語殊不似於毘盧摩多。涅槃二十五中。既云願申欠法。明知願申奮迅俱是。此言下婆須蜜女。亦云見我願申。但敵對而翻爲自在無畏。從義而譯以爲願申。曾何訛略。故依古德用此方言釋之。願申奮迅俱是展舒四體通暢之狀。總相釋者。即用之體寂而造極。則差別萬殊無非法界。即體之用不爲而周故。小大相參。緣起無盡。名曰願申自在之義。若別解者。涅槃師子吼品明。師子王自知身力牙齒鋒銳。乃至晨朝出穴而吼。爲十一事故廣有喻合。又離世間品顯菩薩師子王。白淨法爲身等。合首足等與涅槃復異。此文以大悲爲身。故知但取義似。未必指定。今會取諸文。先以十義合

彼師子。後依涅槃爲十一事。今初謂以同體大悲爲身。以增上大悲爲首。以即智大悲爲眼。純以智慧爲牙爪。大悲方便爲振尾。悲爲方便。居其末故。方便振動義故。總取四悲爲足。依此立故。以法界三昧爲窟所入證故。以無緣大悲爲窟門。入出由此故。以體用無礙爲願申。舒展自在故。以演法界法門爲哮吼。決定宣說一切衆生本與如來同法界故。如此師子隨一一毛皆稱法界。次言爲十一事而願申者。一摧破魔軍。詐師子故。二示衆神力。十力等力爲十力故。三淨法界土。佛住處故。四爲邪見凡夫知歸處故。五安撫生死怖群衆故。六覺悟無明眠衆生故。七爲行惡法獸捨放逸故。八令諸菩薩及邪見諸獸。來歸附故。九調諸外道及二乘香象。令如聲旨捨。十教諸菩薩子息。令頓證故。十一莊嚴正見。四部眷屬俱增威勢。不怖一切邪黨。一切邪黨皆怖畏故。又野干隨逐師子百年。不能作師子吼。二乘安處法會。如響如盲。五十七中十奮迅義。亦應此說。第二所現淨土者。總相而言。即前十一事中淨所住處。別相而論。具前多義。然此現相云何訓。前諸問。令其目擊可現證故。云何目擊。此淨土分具答三十句問。且從相顯。此中答初果體十問。所現境界答境界問。四種大悲爲衆生現。即答智行問。令衆證見。即答加持問。知是如來威力。答佛力問。三昧之用。答無畏問。正入三昧答三昧問。淨法界土

答住處問。令大小融攝。答自在問。見如來身遍於法界。答佛身問。則見如來大悲方便。答智慧問。餘二十句。集衆中答。衆集。亦是三昧力故。是知能現所現種種境界。無非教體。又二聖開顯中廣明無盡之用。亦顯答相至。文當知。就文分三。初結前標。後。二于時下嚴。此園林。三如於此下結通法界。二中有二。先正顯嚴。即器世間嚴。後何以故。下出嚴所因。顯智正覺世間嚴。今初有三。一嚴重閣。二嚴園林。三嚴虛空。從略之廣說。有此三表三緣起。謂嚴閣顯自體緣起。嚴林表有緣起。嚴空表無緣起。今初分二。先明廣處。謂破情顯法。即事會真故。自內而觀廣博無際。然不壞事故。自外而觀闊外有園。園外有空莊嚴各異。斯即事理交徹。十方三際無不圓融。林空例然。二金剛爲地下。正顯莊嚴。表緣起萬德無不備故。其間表法以意消息。第二爾時復以下。明園林嚴。第三爾時逝多林上嚴。空下明虛空嚴。並顯可知。第二出因中先徵後釋。釋即智正覺嚴。是前爲衆示其身力佛力。上加文有十句。一慈善根力。二無漏智力。以上二力而加衆故。三福德德力。餘皆自在神通力。於中一展二卷。三橫包四豎攝。五一切即一。六一即一切。七成壞相即餘義準思。第三結通法界中。二。先結前標後。二所謂下正顯嚴相。言見如來身住逝多林者。住彼彼十方界中之林。此明一會遍一切處。如光明覺品。非是彼界遙見。

此佛。住於園林下諸嚴事皆爾。現相分竟。大文第四爾時東方下。明集新衆分。即遠集同證。亦三昧中。令諸菩薩皆來歸附。文中三。初別集十方。二通讚德行。三總結集因。今初十方即爲十段。段各有十。今初東方。一來處遠近。然皆遠集者。表證入甚深故。唯初會及此皆遠集者。初爲所信此爲證入。證入於初一合相故。中間隨位深淺不同。義似金剛矣。二有世界下。明世界名別。可以義思。三本事佛號勝德王者。福德有於光明遍照。所以爲勝。二嚴無礙自在稱王。四主菩薩名顯光明者。於遍照光中主此顯光故。上皆帶此佛號者。顯是此佛勝德願力故。五眷屬俱來者。對上成主伴故。六廣興雲供表。因嚴果故。皆云天者自然成故。七諸佛作禮表。因趣果故。八化座本方。本方者表參而不雜故。座表法空閣表。空有重顯。九冠網嚴身。以顯勝德嚴法身故。有髻珠者。表一乘圓旨居心頂故。十眷屬同坐表。主伴同證。故餘方十段。做此可知。其間剎佛菩薩之名。本意難定。但可說者隨宜。初二及六無珠冠者。蓋文略耳。又此等供具非唯表法。並是以人同法。依正因果無礙法界自在之德耳。二南方中供具皆云持者。表修持故。三西方皆言須彌山雲者。四德妙高清涼利物故。四北方皆言衣者。寂忍慚愧嚴法身故。五東北方云樓閣者。悲智二利相因顯故。六東南方云圓滿光者。權實二智無缺行故。七西南方云。

焰者。以淨智慧燒惑薪故。亦表皆想所持不可取故。上之七方興供表法。通答菩薩神通下之三。段。兼亦別答前來問中後二十句。八西北方十句。皆答前最後爲一切衆生現諸佛影像。若約表者。爲顯緣有似非異故。九下方毛孔中十句。答前九問十句。皆言方便海。則通答往昔成就方便。初一句通顯所隨衆生言音。次五句答因中五問。謂二答諸行。此句應顯趣求一切智心。以第五明行圓滿。此爲行初故。三答所起菩薩大願。四答所淨諸波羅蜜。五正答圓滿諸菩薩行。六別答所作神通。然問就如來因中。此通一切菩薩通別之異耳。其助道及出離問。亦是通答。以諸句中皆是助道。並即出離故。餘四句答果用中五問。謂七答第一正覺問。八答轉法輪。九答調伏衆生。其國土一種現淨土分通答。十答開示一切智法城。及示一切衆生道。以能證是道所證是智故。而皆言音聲者。表無言之法假言顯故。十上方相好等中十句。通答因問中第十本事因緣。衆答波羅蜜及所入諸地。以十度即是別地所行故。別約初句。答入一切衆生所住處。及受一切衆生所施。并爲一切衆生說布施功德。如文思之。其答問中或不次者。以十方齊來諸供齊現。文不累書隨方異說。以問次往收無不次矣。又皆言本事者。表三世之法體常住故。由得體用非一異智。以用隨體無不存故。德相業用皆自在故。蜜嚴第三云。金剛藏菩薩。

現種種形說種種法乃至云淨所依止入於佛地。如來藏界常無變異故。若理事別修則不得爾故。不同餘處現法體用俱有。過未體用皆無。況於小乘三世有耶。以彼過未有體無用故。第二如是十方下通讀德行中。三初總。次以淨智下別。後如是等下結。就別讀中三十四句分三。初五句明上近諸佛德。二於一塵中下十四句下攝衆生德。三一切菩薩神通下十五句。大用自在德。亦名三種三業。今初一淨眼見佛即是意業。二聞。如來法即淨修語業。餘三句並顯身業自在。第二下攝衆生德中三。初微細化生。二知一切衆生下七句。明攝衆生之智故。末句結云十力無畏。前六別明。一緣集非真故。二隨機本質映光有勝劣故。三諸趣思所起故。四隨照映質有妍媸故。五想所持故。六無而忽有暫有還無故。三勇猛下五句明攝生語業。於中初句總顯決定。下四。倒明四辯。第三大用自在德中。初句總明所得。餘別明通用。於中三。一三業摧邪勇進通三故。二恒以智下六句。明意業自在。皆權實雙行故。一智了三世事慧達三世空。二知法如空空無可譯。而不壞有故不著空。三進無進相故曰無來。四即有而空。五即空而有故云方便。六智入性土。三以自在力下七句。身業自在可知。第三如是等下總結集因。大文第五。于時上首下。舉失顯得分。亦名舉劣顯勝明不共故。於中三。初明不見之人。二皆悉下明所不

見境。三何以釋。不見所由。今初。舍利此云。驚驚。其母目精明利似彼鳥故。弗者子也。從母立稱故標子言。目捷連此云探殺氏。上古仙人山居豆食。尊者母是彼種。從外氏立名。有大神通。揀餘此姓。故復云大摩訶迦葉。此云大飲光。本族仙人及尊者身。並有光明。飲蔽日月。頭陀第一。揀餘迦葉。故云大也。離波多此云室星。祀之而生故。或云所供養。或云假和合。即智論二鬼食人之事。須菩提此云善現。生而室空現善相故。阿菟樓駄此云無滅。一食之施九十一反天上人間。不沒惡趣故。難陀此云歡喜。性極聰敏。音聲絕倫故。劫賓那此云黃頭。黃頭仙人之族故。迦旃延此云藕刺種。富樓那此云滿願。具云滿慈子。其母甚慈亦從母稱。而言等者。取五百。廣辨古今譯殊。德行緣起如智論及音義中說。第二明所不見境中三。初不見果有十句。初總餘別。多同念請果中。初之十句。重開同空等即是神變。不壞本相即是遊戲。餘可準思。次亦復下明不見因。即諸菩薩初總明即分齊境界。次菩薩大會下別顯會通新舊。入謂身遍剎塵。智入諸法等。普至即新來普詣即此。往皆言普者。一橫豎遍故。二一即一切故。餘句準上諸來菩薩作用中辨。及上離世間品十十所明。後如是等下總結不見。第三不見所由者。然皆廢本從迹。以顯一乘因果不共深玄。篤諸後學。令習因種。文中二。先徵後釋。徵意云。身則祇圖自對尊會。

而莫觀神變。其故何耶。後釋意云。彼境殊勝宿因現緣。皆皆缺故。其猶日月麗天。盲者不觀。雷霆震地。聾者不聞。道契則隣。不在身近故。菩薩自遠而至。聲聞在會。不知。文自廣釋分爲三別。初法次喻後徵以結成。今初分二。先明缺宿因故。後復次下明缺現緣故。今初分四。初一總標大小善差。二本不修下學劣異勝。三如是皆是下舉勝揀劣。四以是因緣下結不見聞。今初有小善根得。則嘉會。大小善異不觀希奇。二學劣中有十八句。前十二句釋不見佛果之因。後六句釋不見菩薩之因。前中初句總餘句別。由不讚等。即是不集見佛自在善根於中。初二句不讚果故。後九句不修因故。於中亦二。前五句缺自分。後四句缺勝進行。亦是前明陝心後顯劣心故。不見。二本不得菩薩眼。下釋不見菩薩所因。一不見十眼所見無礙法界。二缺無障礙智之因。若但修真常離念。即共二乘菩提之善。法華遊戲神通。即聞而不樂。此中樂而不聞餘可思之。既本因中不修不見。顯諸後學修見佛因。勿滯冥寂。第三舉勝揀劣。言如是等者。指前佛神通等所不見法。普賢智境即是舉勝。不共二乘名爲揀劣。第四以是因緣下結不見聞。以前缺因。境勝因緣故不能見。於中初後總明。中十別顯。謂眼不見心不知耳不聞。本有不證新成不獲。無方便不能念觀。無後得不能。籌量淺深思惟旨趣。分別事理。第二明

●三二二● ●次二後● ●後如…結●六字一● ●倒二句別● ●于二十● ●住二住● ●者二諸● ●共二其● ●皆二並●

缺現緣故不見中三初明無勝德行故不見。次何以故下。明住自乘解脫故不見。後是故雖在下結成不見。今初分二。先十句明無勝德行。即是前所不見境。亦即是前宿因不修勝進。四句不修故無無故不見。初總餘別。勢力即是加持。餘皆同前。後是故於此下。十句顯不能見。入有二義。前文約證。今約了達餘可知。第二明住自乘。故不見中。先徵後釋。以此二段反覆相成。徵以釋之。謂何以無如是善根等。由住自乘作證。亦應徵云。何以作證。由無上善根故。所無在前故略不明耳。此段亦同法華。自釋心不喜樂云。何以故。世尊。我等出於三界得涅槃證。故釋文亦二。先明住自乘作證。後於彼智慧下結成所無。今初十句初總餘別。別中一道者。以見修等道斷。感集故。不同菩薩無住道等。二三行果可知。四觀諦智別。謂我空法有。不能我有法空。名。無有諦。以證現觀。名。決定智故。無菩薩中道第一義三諦之理。亦如涅槃聲聞有諦而無真實。五。已證理故。六捨事故。下三句成上聲聞行。一內無悲。二外捨物。三但自調。又上十句總為四失。一初句出處而不出細。但出分段故。次四句得權失實。次三句滯寂失悲。後二句捨生自度。二結成所無。即由住自乘故。無前智等亦有十句。但於前一智有十不能。餘三昧等例此可知。第二佛子如恒河下喻顯。文有十喻。自古諸德。皆將配前所述佛果。

十句唯第九二天一喻喻上第二如來嚴好。餘皆如次。此亦有理。今解有二。一者隨一。一喻總喻不見因果等境。以合文中亦言不見菩薩衆故。又不喻菩薩之德義不盡。故。又合文中多從總合。但言不見如來神變。明通諸句。二者別喻諸德。若全不別何俟多喻。然雖別喻亦通因果。而前九約勝境為喻。謂恒河須彌等喻。佛德故。後一就劣法為喻。入滅盡定喻。一乘故。於前九中。配所迷菩薩之德。其義則次配所迷如來之德。義少不次。所喻義別至文當知。又第一五十單喻聲聞不見。第二三四七雙喻菩薩有此三類者。文影略耳。又唯約聲聞說者。十喻皆喻彼無德故。就中初一兼喻有障。故後一兼喻住自乘故。且就前九約勝境為喻。顯九種勝德。其後一種總明不共顯。十無盡。前九德中。一一皆具。通別二意。今初鬼對恒河喻。其恒河清流。通喻佛及菩薩。潤益甚深德。別喻佛神力及菩薩境界德。以此二句為初總故。鬼喻。二乘有所知障。故不見亦喻。不得諸法喜故。言識鬼等者。生分已盡為鬼。未得無生忍衣為裸形。不得法界行食為飢。不得真解脫。味為渴。由此故稱餓。此上並無真道。即是業餘行苦所遷。為舉體熾然。即是苦餘空見為鳥驚。有見為豺狼。於斯作決定解。為搏撮。內含大機有真脫分。名為渴所逼。欲求水飲身在法會。名往河邊。不親神。

變名不見河。雖親世尊但見。丈六為見枯竭。無明。翳障名為業障。即煩惱。餘後彼大下合中先合業障。不曾已下合裸形等。第二覺夢相對喻。夢遊天宮。通喻佛及菩薩高顯廣大德。別喻如來遊戲神變。二句及菩薩大會已下十一句。喻甚相似。然此下八喻約二乘喻。明其無德亦有通別。通則於一一德不了。皆由前缺。因緣故。別則各喻無德不同。此一喻無如是神通。故。又不知菩薩如夢故。然合文中。明無如是智眼故者。從通相合故。下數段皆合無眼。文中先喻。後一切菩薩下合。合中二先合夢者自見。後一切聲聞下合。大會不見。並可思也。第三愚對雪山喻。雪山良藥通喻幽邃難見德。別喻亦喻佛境界所悲境。故。喻菩薩所住處。悲救衆生為所住故。其捕獵等。喻聲聞無大悲救衆生病。亦是無如是境界故。第四伏藏難知喻。則通喻祕密難知德。別喻如來尊勝可寶重。故。喻菩薩所入三昧。及觀察願申勇猛供養。如喻思之。薄福喻聲聞無如是威德。故。第五盲不見寶喻。寶洲通喻迥絕難測德。別喻如來妙行積行圓妙故。喻菩薩受記成熟勇猛可知。盲喻。二乘無如是善根故。第六淨眼無障喻。通喻智照難量德。別喻如來威德。菩薩法身已下五句不親。威儀喻。二乘無如是自在故。第七遍處定境喻。通喻周遍難思德。別喻如來淨刹菩薩常光。衆色莊嚴菩薩放大光明網。不見。

定境喻聲聞無如是三昧故。喻中言遍處者於一切處周遍觀察無有間隙故名遍處。然喻伽智度俱舍等論皆說有十今有十二前八同彼。彼中九名空遍處。十名識遍處。先觀青等普遍。次觀青等爲何所依。知由地等。次思所觀由何廣大。知由於空。次思能觀知由依識前八依第四靜慮。觀欲可見色。後二依無色定。喻伽十二云。何故遍處唯說色觸二處建立。由此二種共自他身。遍有色界常相續故。眼等根色唯屬自身。香味二塵不遍一切。聲塵有間是故不說。無色界中空遍一切。識所行境亦遍一切。故立此二。今以宗別合空識二爲天遍處。前論所據皆客假想稱性周遍加於三事。十名種種衆生。身遍處者即前所揀眼等。根色十一。語言音聲即前聲塵。十二一切所緣即六塵境。則收前香味及法塵境。例此天遍處言。亦可通於諸天。次如來所現下合文可知。第八妙藥翳形喻。通喻隱顯超世德。別喻如來住持。喻菩薩起變化雲德。不親者。喻聲聞無如是解脫故。第九二天隨人喻。通喻微妙難壞德。別喻如來嚴好。菩薩身遍十方。諸行圓滿德。不親二天喻。二乘無如是勢力故。亦喻無悲捨衆生故。第十滅定不行喻。唯喻聲聞。安住自乘證實際故。亦總喻無德。又上十喻。從後逆次配前缺因。後之十句謂一喻無法喜。二喻不知菩薩如夢。三喻不從如來加被之所生等。如理思之。其前十句。但通爲

不見之因。第三何以故下徵以結成。文有十句結前十喻。唯第七八爲順前合故有前却。餘皆如次。上來法喻廣顯聲聞不見聞等。問。般若經明聲聞若智若斷。皆是菩薩無生法忍。若是其忍。何以上文。皆言無菩薩德耶。又文殊巡行經中。五。百聲聞聞而不信。法華不輕亦令其聞。何得此中不令聞耶。答爲顯不共故。故智論明般若有其不共。指此不思議經。不共二乘說。故又大聖化儀其類不等。或令聞不信以爲遠種。如上所引或以威力令其出會。如法華中五千拂席。或令在會使其不聞。即如今經。然法華漸教之終將收敗種故。加令其去。爲勵在會。使其信受。此經頓教之始爲顯深勝。留使不聞。令諸後學修見聞種。又復大乘該於小乘。則其智斷皆是菩薩法忍。小智不知大智故。此云於有無諦作決定解不見不聞。又若已開顯即權爲實漸。故法華云。汝等所行是菩薩道。若權實相對。則如聲言非其器故。其猶黎庶以對於王。貴賤懸隔以王收人。則率土之內莫非王人。是以若約普收。即一切衆生無不具有。如來智慧。況於二乘無漏因果。若校優劣。則權教久行菩薩尚不信聞。況於二乘二乘上首尙如聲言。況凡夫外道。既非其分。本不合列。爲顯法勝。大權菩薩示爲聲言。是知聲言於勝有力。能顯勝故。勝劣相望力用交徹成大緣起。方是深玄。大方廣佛華嚴經疏卷第五十四

大方廣佛華嚴經疏卷第五十五

唐清涼山大華嚴寺沙門澄觀撰

大文第六爾時下偈頌讚德分。既至詠德顯所證故。文中十方菩薩。即爲十段初二讚道場三昧等用。餘八通讚佛德。今初。東方總讚一會。十頌分二。初總餘別。別中亦二。前四歎佛。於中初二歎內德。一廣二深。次一歎內外無礙。後一結成今用。後五歎菩薩。一總顯雲集。二顯行深。三超下位。四智地高。五定用廣。第二南方唯歎菩薩。然既結歸佛力。亦爲歎佛。十頌分五。初二合讚內德。於中初偈二嚴究竟。後偈定智廣深。次二示其集處。次三明寂用無礙。初一偈半即寂。後一偈半起用。次一結歸佛力。後二結其德廣同諸佛故。第三西方下唯歎佛德。然雖通諸德隨多顯名。今此歎智用應時德。十頌分二。初三法說。一內德。二外用。三總結離言。後七喻顯。一喻前廣大。二喻圓滿。三四喻現通。一長時。二無礙。五喻演法。六喻摧邪。七總喻前德諸佛同依。第四北方十偈。九喻歎三德深廣。於中二前五偈四喻喻內德。一思二斷。次三喻喻智。前一高遠。次二深廣。後五喻大用。一巧示。二隨欲。三照機。四合理。五結益。第五東方北方法界。願月王十頌。歎普益衆生德分。四。初偈總喻見無不益。次三別明益。菩薩。初一淨二障。後二成妙力。三有五願

明益。周遍。一。成道遍。二。神通遍。三。示行遍。四。了法遍。五。轉法遍。四有二。偈。結。益。周普。第六東南方十頌。歎。大用難思德分。三。初三明。凡小難思。次四出難思之法。後三顯能知之人。第七西南方十頌。歎。智身難思德分。四。初一總顯難思。次一舉。因顯果。次三別示難思之相。於中三。初三智照淨障。次一示現深廣。後二念智圓融。四有二。頌。結。勸。謂從。不思議。生。佛智身。令。絕。思議之念。是。思。佛。矣。第八西北方十頌。歎。佛成就菩薩德分。二。初總標觀成決定。餘九展轉成益。於中前七偈各一行。後二總結深廣。第九下方菩薩歎。佛難見聞德分。二。初一標名難聞近必斷疑。餘別顯益物之相。於中初一生福益。次二向善提益。次三成智益。餘四就人結益。第十上方菩薩歎。佛恩深重德分。四。初二總舉佛德。意在。於。恩。次一恩深難報。次四發荷恩之心。後四釋成荷恩之意。已下入第六十一經大文第七爾時普賢下普賢開發分。現。土。顯。於法界普賢主此方能開發。於中長行與偈前中。三初明開發意。二能開方便。三正明開顯。今初觀衆會者。上佛入定現相。令衆觀親證。今假言開顯使。言契實。二以等法界下明能開方便。有十一句。初句總以含事理深廣故。句初以字貫下十句。謂。願申三昧業用深廣。要以此十無分齊之方便。方能開顯。況十復表無盡餘句別。虛空明其廣無際限。餘八顯其多無分齊。光影一種兼顯深義。如光影清淨

故。又映光之影隨機別故。揀異水鏡似本質故。三爲諸菩薩下正明開顯分。三。初總標。次徵釋。後總結。今初以十法句者。此法望前方便。即是所用。望三昧境界。即是能開。二何等下徵釋。釋中一。一法句。皆用前來十種方便。一。一方便能演斯十句。然此十句所開即前所現。亦念請中果用十句。文少開合不次而義無缺。初二即淨佛國土。一依正淨。二法流布淨刹成壞即土。佛於中興明是佛土。前念欲知佛土之相。今明一切佛刹塵中皆有佛土。土無邊交。皆佛所淨下諸句例然。皆一毛一塵。即含攝無盡故。次三即成等正覺。一主一件。五即爲一切衆生現諸佛影像。六即入一切衆生所住處。七八二句通顯能現神通即開智城。而境龜塵細爲別。九即含前調伏衆生等四句。十即轉法輪。三佛子下總結。第二爾時普賢下偈顯中。二。先說儀意有十句。初四句說儀後六觀其所說。然多同。前念請果德難思。餘如前辨。二正偈中。頌十法句而開合不次。初偈頌。初句。二頌。第三。頌。第二。四頌。第四。五頌。第五。其六七二頌同頌第六。八頌第九句。九却合頌第七八句。十頌。第十文並可知。大文第八爾時世尊下。毫光示益分。令尋智光爲能證故。文中四。初毫光普示。二時遊多林下依光見法。三共有見者下顯見證因緣。四是故皆得下明其得益。今初有四。一標光意。二從眉間下主光體用。表即法界中道無漏正智。方能證前所現之法

界故。三世是相相即法界。法界體用互爲其門。又通皆爲門。若見法界之性相。即入三昧之體用故。三以不可下光攝眷屬。差別之智皆入法界故。四普照下明光分齊。第二依光見法中。二。先明此衆普見。後如此會下類通十方。前中亦二。先能見人通新舊衆。後悉見下明見法亦二。先見此會遍法界之塵刹。後或見於不可說下。多類攝化遍周法界。於中分三。初明廣大會遍。二或見在天宮下。明遍處不同。並在前塵刹之內。三現種種姓下別彰所現。亦通答前諸所念請。故云種種。第二類顯十方。則十方衆會同見。於中二。先舉此顯彼。後如是盡下以彼類此。於中亦二。先舉能見分齊。謂彼十方微細大會。並同此會之見。後皆。亦如是下。明其所見自在。謂雖廣現而不壞本相故。第三明見證因緣。謂顯爾證見非無宿因。然成前爲見因。順下爲證因。皆是如來所攝受故。可知。第四明其得益中。二。初明因見得法。二爾時諸菩薩下。荷恩興供前中。二。先略明後廣顯。前中三。一明所入初句爲總。言是故者。是前宿因之故。或入下別列十門。以顯無盡。二彼諸菩薩下。顯前能入亦列十門。一解者鑒達分明種種不同。如發心品。二道謂一道。二道乃至無量正道。三門謂無常門夢境界門等。四入謂所證差別。五理趣謂意旨不同。六機法萬差並皆隨順。餘四可知。即此能入亦是所益。三入如是等下結其所入。謂用前解

等入前法身等。前略列十。實有不可說塵數等。二云何下廣明得法。先廣能入。後其諸菩薩皆悉下廣其所入。前中但廣三昧一門。例餘九句。文中三。初句徵起。次所謂下別列。一百。二門。皆從業用受名。並以法性異如爲三昧本。隨一事。皆能契實正受現前故。於中前百一門別別業用。後一總相同果。初言普莊嚴法界三昧者。入此三昧。能令法界普妙嚴飾故。斯即顯申現淨土之一義。下諸三昧。皆是顯申大用別義故。以多別入佛之總。諸門別義說者隨宜。後師子顯申者。若不總相分同。無以能究佛境故。三菩薩如是下總結。能所。上略列百門。如前之例有多塵數。方能入佛神變之海。三昧既爾。解等九門亦然。文略不結。二廣所入中。二。先別列。後其諸菩薩具如是下總結。前中有其十德。廣前十門別句。而小不次。總句即前三昧結中。一智位高深德。即前諸地。二爲諸衆生下調生無染德。即三輪嚴淨。三智慧解脫下成滿諸度德。四不以顛倒下智力無畏德。雖有四辯意在於智。五善巧下成就普行德。六普見諸佛下。法身圓滿德。七已得自在下色身自在德。八決了辯才自在德。九得佛境界下三昧神變德。十一一塵中下成等正覺德。第二總結可知。第二荷恩與供中三。初總。次所謂下別。後是諸菩薩下。結其所因。由得前十種德故。下文第九爾時文殊下。文殊述德分。文殊主智故。後述德。光本令證。

三昧。智本爲顯法界。尋智得理故。述歎林中。又前普賢門以行顯理。此則以解顯理。解行無二方能入故通明。即以文殊權實無二之大智。普賢體用之理。行此二無二共顯。如來三昧之果德。文中二。先述意。二正頌。頌中十三偈。通讚一會三種世間自在之用。分之爲六。初二總讚。初一普遍。後一廣容。次一偈讚衆生世間。即通前諸來及向得益菩薩與供之事。次二偈讚依正互在。初偈依中有正。後偈正中中有正。四三偈述上林空。五有三偈述於正覺依正無盡。六末後二偈總顯普收。下文第十爾時彼諸下無涯大用分。開必得益。益必利生。於中二。先總顯用因。謂由佛三昧得前三昧。成此悲門。故能有。後於其身下依體起用中。二初別明毛孔世主化。後佛子此逝多林下。通顯分身多類化。今初分二。一總明。二或現下別顯。於中四。一明能化法。二以如是等下所化處。三以平等大悲下能化心。四或有見已下明所化益。今初。總有二十五門分。二初八門難明。欣厭等門化。餘門明十度門化。於中前六門各一度可知。次三門明方便度。次降魔一門是力度。餘七門皆智度。前欣厭中已明於顯。故此略無。第二化處中。二。先結前生後。後所謂下別明。及第三化心。第四化益。文並可知。第二通顯多類化中。二。先明住處化異。結不離近多林者。明不動而普遍。與而恒靜。末不離本故。下文殊遊行。亦不離於本會。本末事理非。

即離故。二佛子此諸下明現身化異。於中五。一能化身異。有十二種。初二總餘十別。此中多同善。財所見。故知善財諸友。即此會之菩薩。二往詣下化處異。三隨其下化類異。四或說下化法異。五教化下總結。末不離本。上來本會竟。下文第二末會。亦即一部流通略略十門。一總顯會意。二會數開合。三會主多少。四定會名義。五二位統收。六五相分別。七圓攝始終。八會主類別。九法界事義。十隨文解釋。今初。夫圓滿教海攝法無遺。漸頓該羅本末交映。人法融會貴在弘通。故非頓無以顯圓。非漸無以階進。非本無以垂末。非末無以顯本。非人無以證法。非法無以成人。故前明不異漸之頓。多門而衆人同契。此明不異頓之漸。一人而歷位圓修。前則不異末之本。雖卷而恒舒。此即不異本之末。雖舒而恒卷。本末無礙同入法界。今託人進修以軌後徒。使大教弘通。即斯本意。二會數開合者。若約所攝之機。唯有三會。一比丘。二諸乘人。三善財會。若約能所通辨。有五十會。善財自有五十三故。雖人有五十四。文殊一人四會說故。德生有德同一問答。遍友無答不成會故。若以遍友承前指後得名會者。善財則有五十四會。是以唯就化不足定會。若約主伴。成百一十會。至下當辨。若約散說。則佛剎塵數會。尙順三乘。若約普賢德則無盡會。如普賢結通處說。三會主多少。若以人別定唯五十四。

①二二三②二二一③前二是④一智一切智智⑤結二總⑥門二明⑦及第二所在⑧(及)十第⑨財二才⑩化十(成)⑪會十(起)⑫

若以會顯人則五十七。文殊分四故。或剎塵數。或無盡無盡思之。四定會名義者。此下諸會雖無佛說。以本收末亦得名經。謂文殊證悟出此會故。諸友皆本會得益。菩薩不離而用故。若爾下文善財應收歸重閣。何乃見在菩提場耶。以菩提為諸會本故。所為既終攝末歸本。況諸眾會不動覺場。五二位統收者。此中諸會不出文殊普賢。略有二門。一相對明表。二互融顯圓。今初。略明三對。一以能所相對。普賢表所依法界。即在纏如來藏故。理趣般若云。一切眾生皆如來藏。普賢菩薩自體遍故。初會即入藏身三昧故。文殊表能信之心。故佛名經說。一切諸佛皆因文殊而發心故。善財始見發大心故。二以解行相對。普賢表所起萬行。上下諸經皆說普賢行故。文殊表能起之解。通解理事故。慈氏云。汝見善友皆文殊力等故。三以理智相對。普賢即所證法界。善財入身故。又云。得究竟三世平等身故。普賢身相如虛空故。文殊即能證大智。本所事佛名不動智故。見後文殊方見普賢故。又理開體用智分因果。二互融顯圓者亦二。先以二門各自圓融。謂解由前信。方離邪見。信解真正成極智故。依體起行。行必稱體。由行證理。理行不殊。故隨一證即一切證。二以二聖法門互融。謂始信必信於理故。能所不二稱解起行。行解不二智與理冥。則理智無二。是以文殊三事融通隱隱。即是普賢三事涉入重重。由此故能入遮那

嚩申之境故。前本會明二聖開顯序分之中。標為上首。餘如別說六分。五相者。若意法師及臺山論。但隨文散釋。更無別配光統等師。皆配地位。二皆有理。謂隨一位具多法門。豈容凡心不得習求善友之法。故不配有理。然無次位中不礙次位。顯位是常規配亦無失。橫豎無礙。且依古德配為五相。謂初四十一人名。寄位修行相。寄四十一人依人求。解顯修行故。二從摩耶下九會。十一人明會緣入實相。即會前住等。成普別兩行契證法界故。初得幻智後得幻住。該於中間如幻之緣。入一實故。三慈氏一人名攝德成因相。會前二門之德。並為證入之因故。故法門名三世不忘念。則攝法無遺。四後文殊名智照無一相。謂行圓究竟朗悟在懷。照前行等唯一圓智。更無前後明昧等殊故。五普賢一人名顯因廣大相。始覺同本圓覺現前。稱周法界無不包含故。其後四相亦得稱為寄位。前三義同等覺故。摩耶慈氏並入重玄門。文殊表菩薩地盡心無初相。普賢義同妙覺。總見普賢便等佛故。今從別義目為五相。此五亦是菩薩五種行相。一高行。二大行。三勝行。四深行。五廣行。七圓攝始終者。上寄法顯。異布之前後。據實圓融一位即一切位。乃至無盡故。所歷差別並一中之多。一多同時無有障礙。八法界人類。於中有二。先明類別。謂知識雖多。不出二十類。一菩薩。二比丘。三尼。四優婆塞。五優婆夷。六童男。七童女。八

天。九天女。十外道。十一婆羅門。十二長者。十三先生。十四醫人。十五船師。十六國王。十七仙人。十八佛母。十九佛妃。二十諸神。二顯義相有四。一約果攝化。並是如來海印所現。二約因成行。皆是菩薩隨力現形。三約義顯法。總是緣起法界之人法。四約相辨異。不出菩薩五生所收。二息苦生。如良醫等。二隨類生。如外道等。三勝生。如善見比丘等。四增上生。如無厭足王等。五最後生。如慈氏等。通即前四。各具五生。可知於中菩薩有六。三處現身。一初文殊信位劣故。唯顯一人。二中間漸進現於二人。謂大悲正趣。三位後成滿顯於三人。謂彌勒等。九法界事義者。通下諸位總有十門。一正報法界。二依報法界。三現相。四表義。五言說。六義理。七業用。八說往因。九結自分。十推勝進。此十門法界同一緣起互融無礙。十隨文釋。依五相中。今當第一寄位修行相分五。初文殊一人寄十信。信未成位故。但一人。餘四十人寄十住等位。各有十。謂二從德雲至慈行。寄十住位。三善見至遍行。寄十行。四嚩耆長者至安住地神。寄十向。五婆珊夜神至瞿波寄十地。今初。信中分二。先明能化發起。二爾時尊者舍利弗下成彼化事。前中分三。初標主出閣。二與無量下別明伴從。三文殊下總顯出儀。今初。文殊菩薩本是童子。而前列菩薩。此彰童子者。表創入佛法故。亦顯非童真行不能入。故。權實相依悲智無住。名善住閣。從此

利生爲出非離此矣。二伴從中初一同生。餘皆異生。並約通稱表法之名以明般若導萬行故。隨一類各有衆多。故云諸足行等。或訣諸言蓋文略耳。餘如初會三總顯出儀中。前約無住化生名善住。閣出。今約依自利而利他。云出自住處。又前依佛法界流。此依自所證出。二文影略。第二成彼化事中。通有三會。一比丘會。顯迴小入大故。二諸乘人會。顯通收諸權入一實故。三善財會。顯純一乘機。一生成辨故。又前二會表居信未久。尚不定故。善財信終可入證故。今初有二。一明助化攝。大。二正明化益。今初。小乘之智亦助大故。文中亦二。先明觀緣興念。二時尊者下攝衆同遊。於中亦二。先總辨攝儀。捨小趣大。爲出自住處向文殊所。後此六千下別明所化。於中三。初指數辨位。比丘義如常六千者。表六根性淨。可入法界故。自所同住者。同居權小故。同住法界故。出家未久者。未證實際。易可迴故。信心尚微。須誘化故。二所謂下列名。三悉會下歎德。文有十句。初二歎宿因。次七明現德。後一結德屬緣。既皆約大乘以歎。明本大器。託述比丘顯收諸類。非小乘矣。結屬文殊今成其善。非無因矣。第二爾時尊者舍利下正明化益。於中二。先以身儀攝益。則令根熟起欲。二爾時文殊告諸下。語業攝益。正授法門。前中四。一示勝境。二得勝益。三諸勝人。四蒙勝攝。今初有三。初標告。二海覺汝可下正教觀察。

有十勝德。一身相勝。二常光勝。三放光勝。四衆會勝。五行路勝。表常依八正故。六住處勝。舉足下足無非。道場隨心轉故。七福祿勝。常觀空有二邊。心地之下具。如來藏恒沙萬德。無心忘照任運寂知而顯現故。八林樹勝。樹立萬行。嚴法體故。九自在勝。於我無我得。不二解自在。主中爲最尊故。十上攝勝。此有二意。一約事。心上攝諸佛法故。二約表。諸佛顯揚皆依般若。究竟至於一切智。故三爾時下結略顯廣可知。二彼諸比丘下得勝益。中上既勸觀義兼修觀益。相可知。三即白尊者下明諸勝人可知。四爾時文殊下蒙勝攝於中二。先示攝相。以迴觀法器故。如象王迴者。身首俱轉。無輕舉故。後時諸比丘下。設敬與願。爲後正說之由。第二語業攝益中二。先受自分法。後爾時文殊下受勝進法。前中亦二。先受法。後時諸比丘下得勝益。前中三。初舉益標告。二何者下別示行法。皆言無疲厭者。法門無盡衆生無邊。取相而修多生疲厭。厭則退墮二乘。若無愛見而修則無疲矣。無疲則佛果非遠。況我身耶。十句攝爲五對。一內因外緣。二求法成行。三深定妙智。智入三世故。四嚴利調生。五長時廣大。廣大亦勝進修也。三比丘若善男子下舉益勸修中。亦爲五對。一長善離生。二起凡越小。三生家具業。四習果修因。五摧邪入證。第二得勝中。三先別明一定。後又即成下通顯多門。前中亦二。先明所得定體。言無礙者。

略有三義。一能見離障故。二所見無擁故。故云見一切佛境。三一具多用故。雖具此能而無見相。故名三昧。二得此三昧下別明定用。有四。一正明天眼用。二及亦聞下天耳用。三亦能觀下他心用。四亦能憶下宿住用。一眼具斯四用。故稱無礙。二通顯多門者。上一定之用既爾。多門無盡例然。此顯圓教攝機創立大心。乃得十地之後十通之用。以始攝終故。如發心功德品等。辨第二受勝進法中亦二。先教勸。上但明大心無疲。今令廣住行願進趣善修。後以成就下明。展轉獲益。上來初會竟。六十二經第二爾時文殊師利菩薩勸諸下。諸乘人會中四。一結前所作。二漸次下明。至化處。三時文殊下顯所說法。四說此經下明所益衆。就化處中。其城居人多有福德。故曰福城。城表防非。東爲群方之首。亦啓明之初。表順福分善入道初故。又表福智入位本故。婆羅林者。此云高遠。以林木森聳故。表當起萬行莊嚴摧伏故。大塔廟者。即歸宗之所。日照三藏云。此城在南天竺三城東。大塔是古佛之塔。佛在世時已有此塔。三藏親到其所。其塔極大。東面鼓樂供養。西面不聞於今。現在此處。居人多唱善財歌辭。此城內人並有解脫分善根。堪爲道器。此表所依法界本覺真性。諸佛同依。故云往昔諸佛曾所止住等。三顯所說法。名普照等者。智用宏舒。故云普照。所照深廣。稱爲法界。即入法界經也。四所益衆中有二類別。初明諸

龍得主教意故云正求佛道。即住海水中。堪受得聞後復有下。攝三乘機得眷屬教意故。但云復有衆生調伏。不別演說故。非別會。自此第三時福城人下攝善財會。亦爲十門。一趣求有異。二修入衆殊。三示方不同。四見處差別。五遣不遺別。六歎不歎別。七推不推別。八結不結別。九去不去別。十正釋本文。今初有三句。初文殊自往福城。以機向徵故。未發心故。大悲深故。二德雲已去善財往求機漸勝故。已發心故。顯重法故。三末後普賢知識不就。善財不往。顯法界位滿無來去故。二修入衆殊。唯初信內有三會。四衆諸類不同。顯創修故。表通收故。住位已去善財一身行別。在已入位希故。三示方不同。大位有三。初地前知識多在南方。地內無方。地後兼二。然南者古有五義。初一約事。謂舉一例諸。一方善友已自無量。況於餘方。餘四約表。二者。明義表捨開向智故。南方之明萬物相見。聖人南面聽政。蓋取於此。三中義離邪僻東。西二邊。契中正之實。道故四生義。南主其陽。發生萬物。表善財增長行故。北主其陰。顯是滅義。故。世尊涅槃。今棺北首。五隨順義。背左向。右右即順義。以西。域土風城邑園宅皆悉東向。故。自東之南順。日月轉。顯於善財隨順教理故。此五義中。初一則通。次一後二地前表之。契中道義地後表之。亦通。地前正證離相。地中不以南表。地後顯於業。用不同地中。後文殊有示無方。表般若加行。

有行正證無二故。普賢無方無示表。法界普周故。有人唯取隨順一義。非前諸釋。謂正明之義出。此方故。寧知西域南非明等。況通方之說。言旨多含。四見處差別者。三賢未證散在諸處。地上證真生在佛家。多居佛會。地後起用亦散隨緣。普賢因圓剎果還居佛所。五遣不遺者。初之文殊以在最初。表內重起信。前更無遺見。後文殊則般若照極自見。普賢法界故。亦無遺。中間諸友顯緣起萬行相資圓滿。故皆教遣以指後人。亦顯諸友不獨己善離攝屬故。六歎不歎者。初文殊中。未發心前所以不歎。勸發心已方乃歎之。後二不歎表位滿故。離心相故。中間諸友皆應有歎。其不歎者略有二緣。一正在定故。如海幢等。二行非道故。如勝熱無厭婆須蜜等。歎違逆化故。無此二緣不歎者略。七推不推者。諸位知識皆有。誠已知一推勝知多。唯初一後三缺斯二事。爲顯人尊德已備故。而有遺者。令增修無厭法門別故。普賢不推佛者。顯果海離修故。佛屬本會故。八結不結者。唯普賢有結通十方塵刹。顯位滿證理周故。餘皆反。此九去不去者。末後二位無有辭去。以文殊無身顯離相故。普賢位極收盡法界。故。餘皆辭去。學無常師。成勝進故。十釋文者。於攝善財十信行中。文別有四。一四部雲奔。二三業調化。三上根隨逐。四大聖重教。今初分二。先總明。後時有下別顯。別有四衆。一優婆塞。此云近事男。謂親近比丘。

而承事故。別名云婆須達多者。此云善施。或云財施。餘可思準。二優婆夷。此云近事女。親近比丘尼而承事故。上二並由受五戒。故立近事名。三童男四童女。並可知。而數皆五百者。表五位證入並通。此故。第二爾時文殊下。三業調化中。二一身意調機。二爾時文殊師利菩薩如是觀下。當機授法。前中亦二。先總調。大衆爲授法方便。故云。將說。後復於下。別觀善財知其不詳。特迴聖眷善財會名。因此而立。偏所爲故。於中二。先總標。二知此下別顯。別中二。先觀外緣。後觀內因。前中亦二。先別明。後以此事下總結。財多屬依善通。依正財現是其善相。稱曰善財。亦猶善現立稱。二又知此下觀內因者。此亦稱善對上爲財。又解心順理曰善。積德無盡曰財。文有十句。初一唯宿因信解已去皆通。過現。第二當機授法中。三初結前標。後二所謂下別舉法門。三爾時文殊師利童子爲善財下結說勸進。就別舉中十句。初二約佛因。一積集萬行。二念念不斷。次七約佛果。於中前三妙用攝生。後四體用圓備。第十句通。因通果通。理通事。三結說勸進中。結前所說普及無偏。指前因法。勸令進修。令發大心。求前佛果。令憶宿善。使不自輕。餘非此機隨宜更演。第三爾時善財下。上根隨逐同餐妙旨。獨顯衆流重法隨師。說偈求度。文中二。先總序說因。二正陳偈頌。今初。由已發心故。此善提心爲當何位。善財童子爲聖。

●見二身● ●遣不二教差● ●[道]一● ●者一方● ●[道]一● ●今二金● ●城一城● ●用十(廣大)● ●重二重● ●二二三

爲凡有古多釋。一云即地上菩薩。言發心者。證發心也。一云是地前。實報凡夫。但有宿善信根現熟。有云。古不足依。自引安住地神。處衆神相謂云。此人已生法王種中。斯文可定。然自爲二解。一謂智契法性。生在佛家。名法王種。即已入地。二謂據多聞熏習勝解真性成就佛種。名生法王種中。即三賢內種性菩薩。然此師解依於前義。不異初師。依於後義。未殊大解。何足異焉。又以此文爲證者。則慈氏云。一生淨菩薩行。見普賢處等諸佛等。復云何通。無執一文自相矛盾。賢首云。應是善趣信行人。依圓教宗有其三位。一見聞位。即是善財次前生身。見聞如是普賢法故。成解脫分善根。如前歎德中辨。二是解行位。頓修如此五位行法。如善財此生所成。至普賢位。是三證入生。即因位窮終沒同果。海善財來生是也。若爾定是何位。謂以在信是信位。在往是住位。一身歷五位。隨在即彼收。以遍一切故。如普賢位。此之一解甚順經宗。但更有一理。謂歷位而修得見普賢。一時頓具。地獄天子尙三重頓圓。何以善財則定初地等。又定初地。言爲是未見文殊前耶。爲是已見普賢竟耶。一生有增進耶。始未定耶。無得管見。以善經宗。二正陳偈辭。三十四頌分二。初四頌。傷已沈溺自勉不能。後三十頌。仰德依人請垂拔濟。前中亦二。前二明依果起因。長迷不出故。喻之以城。後二明依因趣果。生死

無窮故。喻乘惡乘。又初二迷於苦集。後二失於滅道。今初文也。三有悅情即起惑之處。愚迷三世即起惑之因。魔王即起惑之緣。童蒙乃起惑之者。餘皆所起之惑。然三界受生皆由著我起。依我起高而難離故。六趣門中出入不息。餘可思準。後二中初偈失正行。邪道後偈人苦無涅槃。徵者來也。經者索也。又三股曰微。四股爲纏。盈者緩也。懈也。第二請拔濟中分三。初十三偈讚人求法。次十五偈讚法求乘。後二偈雙結人法。前中二。初六偈對前苦集希垂拔濟。後七偈對失滅道。冀成行果。皆上三句讚文殊德。偈各一德。後一句正求運濟。就後七中。初一總求其道。次二求涅槃道。次二求菩提道。後二求見道緣。第二願輪下歎法求乘中。亦對前惡乘以求勝乘。向異二乘。況馳驟三界。於中分四。初四求悲智定攝利他乘。次三求十度自行乘。次四求二利滅障乘。後四求運載廣大乘。上四即同三賢十聖皆文義多含。可以意得。後二偈雙結中。初偈結法願見。後偈結人請攝。第四爾時文殊師利菩薩如象王下。大聖重教成其勝進之行。文分四別。一略讚略教。二廣問廣答。三指示後友。四念恩辭退。今初先讚一讚發心。發心在前長行之中。二讚近友。問行在前偈內。後善男子親近下。教往近友。云何近友是種智初因。法無人弘雖慧莫了。故下德生中廣顯其相。涅槃二十云。一切衆生得阿耨菩提近因緣者。莫先

善友。乃至廣說。以爲全分等。靡不有初。鮮克有終。歷事多時故宜勿懈。第二善財白言下。廣問廣答中先問後答。今初有十一句。望前偈中文有二勢。一前別此總。謂於前悲智等別行總修學故。二前橫此堅。悲智等行。位位同修趣入圓滿等。從始至終故。就此諸句。初二爲總故。下諸友中多但舉此。謂若學解學行始修修修皆名修學。唯因圓無學果滿無修故。又學攝於解。修攝於行。二句已收解行盡故。餘九句別。一始趣向。二即事造修。三治障離過。四達證分明。五具足獲得。六隨順人法。七長時無間。八無餘修習。九究竟圓滿。若堅配者。謂十住解能趣故。十行正行故。十向普賢悲願能淨障故。初地始入如故。二三四地世出世行皆成就故。五六七地能隨世故。八地無功無念無間斷故。九地知諸稠林廣利益故。十地等覺方圓滿故。橫豎無礙是則問意。二爾時文殊下答。於中二。先以偈頌別讚別教。後長行內總讚總教。今初十偈分五。初二偈讚其發心。於中初二句總讚。次三句指其發心之體。即三種心。謂悲以下救智以上求。大願爲主故。慈氏云。菩提心燈大悲爲油。大願爲性光照法界。後三句顯發心意樂。謂不求五欲及王位等。但爲衆生故。二有一偈略教。謂若厭苦趣寂。則大道不具。魔小所壞。若能了生死之實息。愛見之疲。則攝衆魔爲侍。不溺實際之海故。一切莫壞三有一偈

大方廣佛華嚴經疏卷第五十五

重讚其發心之德。以爲物發心福之勝故。有智之福爲福光。凡小不壞之福爲威力。能生衆福爲福處。離障深廣爲淨海。四有五偈廣教具答十一句問。初偈答二總句。謂若見多佛聞法則能受學。於解持而修行。次偈答次三句。謂若趣向見佛。成就大願。則能具行。具則行淨。次二句答入與成就。謂證入真空而不礙涉有。了達妙有而不迷於空。是入方便。若如是入即住菩提。何行不成。次二句答隨順問。若順佛學是真隨順。自然順於一切智法。次一偈答憶念。謂利應諸劫相續修行。斯爲憶念。後一偈答後二句。謂多時處修則增廣圓滿。大聖此中總教諸法。顯十信中總相信故。下諸善友各別教示。顯入位後別修證故。五有一偈結益。第二長行總讚總教中。先讚。但言發心已合前別義後善男子若欲下。教謂但能求友離過則前諸問皆圓。於中先按定上令求友不得猶豫。言善知識者。謂能令於未知善法令知。未識惡法令識。或二字並通識約明解。知約決了。眞爲揀似。然知識有五。一知識世間善惡因果。而令修斷。二厭世樂而欣涅槃。三有悲心相心修度。四以無相慧令物修行。五令無障礙修滿善實行。此五前非眞。眞唯第五人能行。此是人善友。若約法友。教理行果皆善友也。後善男子求善知識下。誠勸隨順是勸。餘皆爲誠。設有實過尙取法亡非。況權實多端生難難測。

大方廣佛華嚴經疏卷第五十六

唐清凉山大華嚴寺沙門澄觀撰

第三善男子於此下指示後友。於中二。初舉友依正。後汝可往。下勸往教問。今初。國名勝樂者。次下知識寄當初住。勝過前位。是信所樂故。山名妙峰者。山有二義。一寂靜不動義。二高出周覽義。以況初住。解心創立依定發慧。寂然不動。智鑒無遺。徹見果原。下觀萬類山以表之。登此心頂便成正覺。故曰妙峰。友名德雲者。具德如雲。雲有四義。一普遍。二潤澤。三陰覆。四注雨。以四種德如次配之。一定二福。三悲。四智。然此德義。就事就表通皆具之。而創出外凡。故以比丘爲表。教問可知。第四爾時善財下念恩辭退。慶聞後友故喜躍。懷辭德音。故悲淚。下諸善友。彼此可知。然後二段義雖屬後文屬前會。問大聖有智能演善財有機堪受。何不願爲宣示。而別指他人。應事諸友。明此深旨。略申十義。一總相而明。爲於後學作軌範故。謂善財求法不懈。善友說法無吝。各故。二顯行緣勝。故謂眞善友是全梵行。如闍王之遇耆域。猶淨藏之化妙嚴等。三破愚執。故謂令不師愚心。虛已遍求。故。四破見慢。故。謂令不觀種性不恥下問。遍敬事故。五破遍空執。

故。謂不唯無求。無求之中吾故求之。六令即事即行。事可少開便能證入。不在多聞而不證故。七爲破說法者攝屬之心。我徒我資彼此見故。八爲顯寄位漸修入故。若不推後。則位位中住無勝進。故。九爲顯佛法甚深廣故。善友尙皆謙推。凡流豈當臆斷。十顯善財與友成緣起故。謂能入所入無二相故。無善友之外善財。則一即一切明善財歷位也。無善財之外善友。故。一切即一多位成就。皆在善財。由見卷舒自在無礙。上之十義。初一通於師資。次五多約資說。第七約師後三約教。思之可知。次文第二向勝樂國下有十善友。寄於十住。即爲十段。然下諸善友古德科判。從一至十雖皆有理。今略存一二。謂一依辯法師。科爲三分。一開名求。是加行位。二受其所說是正證。法界三仰推勝進是後得位。或分爲五分。一舉法勸修。二依教趣入。三見已請敬。四正示法界。五仰推勝進。上二並約位科。故取前段指示後友。以屬後段方便。以後友名屬後位故。約義甚善而文小不便。今依意公及五臺論約會科。之分爲六分。而名小異。一依教趣求。二見敬諮問。三稱讚授法。四謙已推勝。五指示後友。六戀德禮辭。而諸文多具其有增減。至文科判。今初發心住文具斯六。初依教趣求中見心勝位。故曰登山。智鑒位行爲十方觀察。情懷得旨爲欲見德雲。七覺助道爲經七日。忘所住位方爲得旨故。見

在別山。見則定慧雙遊。爲經行徐步。徐卽是止。不住亂想。故行卽爲觀。不住靜心。故若約事說。卽正修習般若三昧。故二見已往。卽見敬諸問。於中四。一設敬儀。重入法故。二作如是下。申已發心。明有法器故。三而未知下。正陳所問。彰已未知。請隨機說故。問中於前十一句。舉初略。後是經家略。若善財略友云何。四我聞畢者。下歎德請說。有智善能有悲無吝。故應爲說。誘謂誘喻。卽是教授。以成前解。誨謂誨示。卽是教誡。以成前行。下皆倣此。前問但示。卽是因圓。此中結。期果滿。卽發心所爲。第三問。因圓。此中結。期果滿。卽發心所爲。第三時德雲。下稱讚授法。卽正入法界。於中二。先讚器希有。後正示法界。今初。先標二難。所以讚者。令自寶固。聞法故。後所謂下。別牒前問。有十一句。初句牒總。餘十牒別。文小開合而皆案次。一境界卽前趣菩薩行。趣通能所境約所趣。二卽前行。行則出故。三卽前淨。四卽前入。入卽不滯。空有廣大。心故。五卽成就六七及八。皆前隨順。其解脫門是能隨順。示所作業。卽事業隨順。衆生心卽逐機隨順。此第八句亦是憶念。念衆生故。九卽增廣。謂不住涅槃。是生死門。不住生死。卽涅槃門。以不住道。卽能增廣。十卽速滿。普賢行若了。爲無爲非一非異。而無著者。則速滿矣。亦卽爲滿矣。第二善男子。我得下。正示法界。卽念佛三昧。於中二。先示體相。後普觀下。明其勝用。今初。先標名。後信眼。下釋相。今初。自在有二義。一觀境自在。

二作用自在。決定亦二義。一智決斷。二信無猶豫。解卽勝解。亦有二義。一約爲信。因於境忍可。二爲作用。因於境印持。近處爲遠等。信智相資。他境不動。故名爲力。卽三昧義。二釋相中。信眼清淨。釋上解義。謂欲修念佛三昧。先當正信。次以智決了。今由勝解於境忍可。故於實德能證信心。淨了見分明。故稱爲眼。次智光照耀。釋上決定。謂決斷名智。智故決定。故文殊般若明一行念。佛三昧。先明不動法界。知眞法界不應動搖。卽是此中決定解義。然約寄位。正是發心住體。以本解性。開顯之力。今開發故。是決定解。二明勝用。中亦是展轉釋成。於中二。先約內用。後往詣下。明其外用。今初。普觀境界。卽信眼用。亦釋眼義。以如爲佛。則無境界非佛。故云普觀。又若報若化。一時觀故。次離一切障。釋清淨義。若沈若浮。諸蓋諸取。皆三昧障。故云善巧觀。釋智光照耀。謂於無色相而觀色相。爲善巧觀。後普觀下。結成上義。謂信眼普觀。境界名爲普眼。窮如法界名曰明徹。如是離障見如。是謂具足清淨。一行三昧。一行者。一法界行。故。二明外用者。以前卽用之體。則以無心之覺契。唯如之境。不動法界。窮平寂照之原。故能卽隨心去住。於中三。初明不動而往。二常念下。不念而持。三常見下。明不往而見。於中三。初標次。所謂下。別顯所見數多。於中三千卽一佛刹。而重言佛刹微塵數者。準梵本中。

脫十字故。應言十佛刹也。後一一方下。明所見事別。第四善男子。我唯下。謙己推勝。於中先謙己知。卽結其自分。後豈能了。下推勝知多。卽增其勝進。今初。一切諸佛境界者。結其所觀。橫通十力。豎該三世。故云一切。卽上普觀境界。一行三昧。觀其法身。十方諸佛。亦通報化。種種色相。兼相海故。次智慧光明者。結其能觀。卽上智光照耀。次普見法門。卽總收前二。以結其名。卽前普眼明徹。最初善友先明念佛法門者。以是衆行之先。故智論云。菩薩以般若波羅蜜爲母。般若三昧爲父。故依佛方成。餘勝行故。又初住中緣。佛發心樂供養故。二推勝中三。先總次。所謂下。別後而我下。結今初。無邊智慧。卽下諸門。及所不說。能觀之智緣。無邊境故。清淨行者。卽下諸門。離障之心。而言門者。隨其一一入佛境界。故二別中有二十一門。各先標名。後釋相。並從業用以受其名。準普經。一皆云念佛三昧門。今略無三昧字。理實應有。古德判此。前十念佛勝德圓備。後十一念佛妙用自在。亦是一理。剋實細論。一皆念體用無礙之佛。又此諸門。當文標釋。已自可了。細窮其旨。義乃多含。然其念佛三昧總相則一。別卽三身十身。修觀各別。且寄三身釋者。卽總分爲三。謂念法報化。爲觀各別。於三身中。各有依正。便成六觀。謂念法性身土爲法身依正。念報身華藏等刹爲依。十身相海等爲正。念餘淨土水鳥樹林。爲化身依。

三十二相等爲化身正。又後二正中各分爲二。謂念內功德及外相好十力無畏等。爲化身德。如不思議法品爲報身德。三十二等爲化相好。十蓮華藏等爲報相好。則成八門。而初法身二門爲後六門之體。若體相無礙成第九門。若融前諸門爲一致。故於一細處見佛無盡。如是重重成帝網之境。則入普賢念佛三昧之門。今此二十一門。通是後一而隨相異。故有多門。與前十門互有開合。一智光普照門。即通法身報化依正。以此門爲總故。一切諸佛通於橫豎。通諸佛國。故云種種嚴淨。如無量壽觀經。先觀瑩徹瑠璃之地瓊林寶樹。及作華藏觀者。一一境界無盡莊嚴。無土之土方爲眞淨等。二即觀色相身令見得淨故。而標名中念佛門三字。既是通名。令一切衆生之言未知。今作何事故。準普經。應云令一切衆生遠離顛倒。念佛門義方圓備。三念內德。四亦內德無倒說。授菩薩見佛本爲得法故。五通三身依正內德外相。以十方諸如來同共一法身故。一心一智慧力無畏亦然。故皆能隨本誓願化衆生故餘等可思。即此亦是一行三昧。隨念一佛等一切故。六即第九事理無礙觀。以理融事故。隨一細境見多神通。唯智眼境名不可見。七八皆約時並通諸身土。而七約所念佛事無斷。八約能念時分無間。九雙念依正。亦通報化。十念即應而眞。過去諸佛安住不涅槃際。未來諸佛亦已現成故。文殊般若云。今佛住

世。則一切諸佛皆住。以同一不思議故。又約隨相門。即欲念何佛。佛便爲現。十一亦即體之用。由了無非佛境故。境界佛現。十二念應。十三亦念應。然上十一境中見佛。或謂諸佛住於境中。今明知諸佛無住故。遠離時處之想。則見一日念念而去。十四念報身相好眼耳等皆遍法界故。十五。中念即體之用。前第六微細顯依中有正。此約正中有正故不濫前。十六念劫圓融故。上二皆即體之用。十七念內德。十八十九皆念色相。二十念依。二十一通內外真應等一切身雲。如上出現品及上下文。然上就所念辨異。成其十門。若與經文互開合者。爲門非一。二十一者。蓋略說耳。然約能念心不出五種。一緣境念佛門。念眞念應若正若依。設但稱名亦是境故。故上諸門多是此門。二攝境唯心念佛門。即十八十九二門。十八即總相唯心。是心是佛。是心作佛。故十九雖隨我心。心業多種見佛優劣故。三心境俱泯門。即前遠離念佛門。及不可見門之一分。及如虛空門。四心境無礙門。即如初門。雙照事理有泯無礙。故云普照。五重重無盡門。即稱前第十門。而觀察故。如微細等門。亦是此門中總意。若約十身各以二門而爲一身。後一總顯。謂願智法力持意生化威勢菩提。及福德相好莊嚴身。以念佛之門諸教攸讚。理致深遠世多共行故。略解釋無厭繁說。三結可知。第五善男子。南方下指示後友於中二。初正示善友。後歎友

勝德。今初。即治地住善友。海門國者。彼國正當南海口故。表觀心海深廣。爲治心地之門。故比丘海雲者。觀海爲法門。以普眼法雲潤一切故。表治地中觀生起十種心。深廣悲雲故。後海雲比丘下。歎友勝德。於中十句。先一總歎。後善男子下九句。別就益當機歎。句各一義。即預指後說。初一即見。竟得益。二即開化宿因。三即歎發心處。四即開彼受持處。五六及七皆普眼法門所證。八開依正莊嚴。九即顯發心之相。至文自見。第六爾時善財下。懋德禮辭。辭生難遭想故。戀喜見後友故。辭第二海雲比丘。寄治地住善友。文亦有六。第一依教趣求中二。初依教正觀。此明溫故。後漸次下趣求後友。意欲知新。又前即學而能思。後即思而能學。然思前猶屬前文。謂上來近友。次聞正法。今辨正念思惟及如說修行。即涅槃四近因緣。今以前義屬後進趣。後義屬前指來。互爲鉤鎖。顯主伴交參。且從會判屬於後耳。下皆準此。今念前中有十一句。初總餘別。別中皆云正念觀察者。不沈不舉寂照。變流故。十中一即是前觀境自在。二即前作用解脫。三即一行三昧體。及推勝中諸三昧門。四念前種種衆會。五即前見佛。六即前十方。七即壽命神通等。八即通觀佛遍。九即種種成正覺。十即隨種種衆生心樂。後趣求可知。第二向海雲下見敬諮問。於中三。初設敬。次自陳發心可知。後而未知下諮問法要。於中言願輸者。願窮三

際無有終始。故對生死以立輪名。餘文自顯。第三時海雲下讚示法界。於中二。先讚法器。後正授法。前中三。先本問。以發心者難。故若不發心。不堪授法。非法器故。次善財下答。非虛妄故。後海雲言善男子若諸下正讚。於中二。先讚因緣難具故。發者為希。後發善提心者下。顯發心相勝故。發者難得。今初。先友讚。後要得下順讚。事友為緣。餘皆是因。通有十句。初句為總。即宿植善賢法門。成種性故。二具真下別。初得真如三昧智光。名具真實道。此即了心寂照生佛德故。餘可知。二顯發心中。有十一句。前五即大慈悲心。初二總餘三別。次四深心修。行大願盡。空界故。後二直心不違法性。證果智故。又此十心多同。治地自分。十心。惡繁不。第一善男子我住下正授法要。謂觀法海。觀佛開法。次前念佛。而明此者。顯開法弘傳大為要故。於中二。先明修觀。後善男子我作是下觀成利益。前中二。先託事顯證。二善男子我思惟下欲忘證求旨。今初。先總標。言十二年者。一紀已周。表過十千劫已入第二住故。亦表總觀菩薩十二住十二入故。後所謂下別顯皆託事表法。智海十義如十地說。今是悲海。二忘證求旨為見佛親因可知。第二觀成利益中二。先明見佛。後得聞法。今初。即見法界無礙依正。於中先見依後見正。前中三。一總標體相。以深觀心海法海。則心華行華自然敷榮。無漏性德無不備故。

二百萬阿修羅下外相為嚴。三此大蓮華下舉因顯勝。第二我時見彼下明見正報。謂心行既敷。則本覺如來忽然現故。於中先明德相圓備。後又念下因圓用廣可知。第二時此如來下明得聞法。所以海中說者。表從悲智海之所流故。於中三初演說。次受持。後轉授。今初先總標。普眼者證普法故。普證諸法故。得此法者。一法之中見一切。故。後開示下別顯所證可知。二我從於彼下明受持。於中二。先總顯所持法多。以是一多相即無盡法門故。後善男子下別顯持多之相。於中先標長時。千二百歲表義同。十二年。後於日下別顯能持所持有十種持。初一聞持餘皆義持。二契本寂智方能入故。三於一義中旋轉無量故能普入。四地地義殊。故能分別。五威力者普攝在懷故。若約所證明攝。即以威力攝諸眾生。同九地中威德陀羅尼說。六如華開引果。今開發於教引於果故。又華開見實以為莊嚴。今開發言教見其旨。故七可知。八如空無相而包含一切。顯明妙理示法相故。九以多智光聚於一法。則義理增廣故。十若海含十德各辨析故。諸持經者應做此文。第三若有眾生下明其轉授可知。第四善男子我唯下謙已推勝。謙已結前推勝進後。我唯一海豈得與彼同年者哉。第五善男子從此下指示後友。六十由句者。修六度行淨六根故。聚落名海岸者。是往楞伽山之道。次南海北岸故。然楞伽梵言。此云難往。又

含四義。一種種實性所成莊嚴殊妙故。二有大光明。映日月故。三高顯寬廣故。四伽王等居。佛復於此開化群生。作勝益事。故。然證即是寶具。斯四義名。無上寶存。以梵音。此山居海之中四面無門。非得通者莫往。故云難往。表修行之住。是入智海。絕四句。離分別之道故。比丘善住者身住。虛空故。表此住中觀一切法如虛空無處所故。亦比丘者。入道未久。宜依僧故。又初念佛次聞法今依僧。修三寶吉祥為所依。故。第六時善財下戀德禮辭。第三善住比丘寄修行住。文亦具六。一依教趣求中二。先念前友教有十句。初一通念示教人法。次三念前聞佛說法事。次三思入海觀事。後三證理治障攝法觀修。二漸次下趣求後位。可知。第二見此比丘下明見敬諮問。於中三。初見。次時善財童子下敬。三作如是言下諮問。於中二。先自陳發心。後而未知下正陳請問。於中二十句問。文分為三。初十句總問。於法起行故。佛法言通。一切行法。於中淨。治者對治淨故。深淨者契理遍淨。故。餘可知。二我聞下結前請後。欲顯後問異前問故。三菩薩云何不捨見佛下。十句別問行起勝用故。十句中所行。各別。於中初三句明不離三寶行。次二句不捨二利行。次二句攝佛依正行。次一句悲智無住行。後二句攝法證入行。皆言不捨者。無暫捨離故。第三時善住下稱讚授法。於中二。先讚後授。前中佛法是總。一切智法約智。

●友二反● ●空二虛空● ●授二受● ●二二三● ●治二治● ●各二答● ●不一下●

然唯局果。自然者法約。性通果及因。後善男子我已下。授法中二。先總標所得。二若來若去下別示其相。今初。無礙有二義。一智慧。於境無礙。以證無障礙法界故。二神通於作用無礙。由內證故。所以次前明此法者。聞法受持。意令於境無障礙故。顯此住中善觀衆生等十種界故。二別示其相中二。先明修習得法。由一切威儀順法思修。故能獲得。言究竟無礙者。若事若理。無少礙故。後得此智下顯法功用。於中三。初通明智用無礙。次何以下總相徵釋。三善男子我以下別明通用。今初。有十二句。初一他心。次四兼三明。謂現未劫事含漏盡故。次四三業化物。次二知時。一知時分。二知流轉。案俱舍論。時之極少名一剎那。一百二十剎那名一怛剎那。六十怛剎那名一臘縛。臘縛卽是羅婆。三十羅婆爲一牟呼栗多。牟呼栗多卽是須臾。三十須臾爲一晝夜。言時分者。西域記第二云。五牟呼栗多爲一時。六時合成一日一夜。亦有處說。晝夜初分時等。又黑分白分六時四時等。又準仁王經。九百生滅爲一剎那。九十剎那爲一念。此則剎那非時極促。以剎那之中生滅唯佛智知故。小乘中略而不說。後一卽神足通。二總相徵釋。以不住不作故無礙也。三別明通用多顯神足通十八變相。且分爲三。初於空現變。二或一念下十方遍供。三如是一切下現形益。物並可知。言十八變者。一於空行住等卽所作自在。二或隱。三或顯。

四或現一身卽卷。五或現多身卽舒。六穿度下往來。七入地下轉變。八遍身下熾然。九或時下振動。十或時以手下。卽衆像入身。以高。大故。十一或現燒下放。大光明。皆悉廣大。彌覆十方。成上放光起。下遍滿。十二或一念下遍滿。十三一佛下顯示。十四一如來所有宣說下。施他辯才。由能受持故。十五如是一切下施他安樂。菩提爲真樂故。十六彼諸世界下所往同類。十七若有衆生親近下。施他憶念。十八由總具無作通力。故能伏他神通。三段之中具矣。第四善男子下謙己推勝。於中先謙己知。一念遍往故云。速疾。現形益物爲成就衆生。後如諸菩薩下仰推勝進。而皆明戒者。意顯上得無礙解脫。皆由持別解脫戒爲依地故。非戒不能修治心故。有二十句。初十一句明具勝德戒。一本爲益生故。二自行勝故。三具二利故。上三異小。四道共故。五無能令不持故。六定共故。七不失行本故。八順法不謗故。毘盧遮那經第六云。有四根本罪。乃至活命。亦不應犯。謂一謗法。二捨菩提心。三慳吝。四惱害衆生。今此七八不犯。初二無損無濁不犯。後二九緣果智故。十稱法性故。十一般若相應故不住三界。次六句明離過戒。一無過失。謂不自貢高言。我能持戒。見破戒人。亦不輕毀。令愧恥故。二不損惱。謂不因於戒學。呪術等損衆生故。三無缺犯。謂具足受持十善業道及威儀故。四無雜穢。不著邊見故。

五無慳貪濁不現異相彰有德故。六無悔恨謂不作重罪不行詖詐故。後三顯清淨戒。一忘能所持究竟淨故。二不染六塵故。三無心垢故。第五善男子從此下。指示後友。卽生貴住善友。國名達里鼻茶。此云消融。謂從聖教生消。謬解故。城名自在。於三世佛法了知修習得圓滿故。言有入者。晉經云。彼有良醫名彌伽者。此翻爲雲。演輪字門含潤雨法故。以三世聖教法雲雨一切故。第六禮辭可知。已下六第四彌伽寄生貴住。亦具六分。第一依教趣求中二。先念前友教。十句初總。卽前所得法門。深信已下皆別起觀修。文顯可知。後漸次下趣求後友。第二乃見其人下。見敬諮問中三。初見次敬。後而作下諮問。於中二。先自陳發心。後而我下正問。有十二句。初二句總。餘十句別。釋通橫堅橫釋可知。堅配十地。一證發心故不退。二不誤犯故。三得禪定故。四精進故。五入俗故。須總持。六般若現故。七權實雙行爲甚深義。得觀祭智慧地故。具足辯才。八無功用方爲正念。九力增上故。十智增上故。第三爾時彌伽下。稱讚授法中二。先稱讚法器。後授已法門。前中二。初審定。二彌伽遽卽下敬讚。於中二。先敬。後然後起立下讚。今初。所以師禮資者。以菩提心是佛因故。能廣出生諸功德故。故法界無差別論云。敬禮菩提心者。如入禮白分初月不禮滿月。以希現者。如入禮白分初月。不禮滿月。以希現故。滿月由此故。又發心畢竟二不別。如

是二心先心難。是故我禮初發心人。況未說法未定爲師。後授已法方升本座。不乖重法。前諸知識而不爾者。爲僧敬俗事不便故。後讀中二。先讚發心。後善男子應知菩薩下。讀其求友前中。初總讚。二善男子若有下別讚。於中三。初有十句。因德深廣。斯德終成功歸。初發。而汝能發是謂希奇。其相多同。初發心品。此中亦具深直悲心。可以意得。大則爲一切下十王敬護。後則今一切衆生界下。外益衆生。第二讚求友中。以菩薩難遇而能求。能遇。故知善財是深法器。亦預誠求友之心故。解脫處歷十二年。不生疲厭。於中二。初總讚。機應難得。二菩薩爲下別讚善友。於中二。先法後喻。有十三喻。初二喻特估。次四喻拯濟。次君喻依處。餘喻救護。第二彌伽如是讚歎下。授已法門。中二。先現通益物令其目覩。後彌伽於是還升下。升座說授令其聽聞。今初言輪字莊嚴法門者。寶首引日照三藏解云。輪有多義。一約字相。楞伽中云。字輪圓滿猶如象迹等。二約所詮。盡理圓備如輪滿足。三約用。謂妙音陀羅尼有轉授義滅惑義。如法輪等。即輪字教法證示莊嚴。此釋已佳。今更依毘盧遮那經第五。別有字輪品。彼經云。是遍一切處法門。謂菩薩若住此字輪法門。始從初發妙善提心。乃至成佛。於中間所有一切自利利他種種事業。皆得成就。如是初阿上字。即是善提之心。若觀此字。而與相應。即同毘盧遮那法身之

體。謂此阿上字輪。猶如孔雀尾輪。光明圍繞行者而住其中。即是住於佛位。又阿字總攝三部。阿字如來部。婆字蓮華部。嚩字金剛部。隨一部中皆有五字。所謂字輪者。從此輪轉而生諸字輪。是生義。如從阿善提字。即轉生四字。謂一阿字。二善提。三修。四行。是修行輪。既已發心必修諸行。二開字是成善提輪。既修行已必證菩提。三嚩字是大寂滅涅槃輪。即菩提所至。四惡字。是方便輪。而阿字當四字繞之。從下次第右旋。亦如輪相。舉一爲例。餘字準之。若行者如是了達。則能入陀羅尼門。旋轉無礙故名。字輪品。種種布列。員位故名。莊嚴。餘如彼釋其字下深義。至衆藝中當廣分別。所以次前而辨斯者。前無礙解脫即無相智光。今將入俗衆存有無。寄字表義。又爲總持令不失故。既爲善人亦以字輪消伏障故。聖教中生宜持字故。第二升座說授妙音陀羅尼者。標名。能分別下顯用。此妙音持即前輪字法門。然字即四十二字。音即十四音。謂哀阿億伊等。以十四音遍入諸字故。出字無盡。若於音窮妙。則善。萬類之言究聲明之論耳。二處互舉理實相成。第四善男子我唯下。謙已推勝中二。先謙已結前。言光明者智。妙音故。後如諸下仰推勝進。別有十四句。前四可知。五詮深密。故六無餘說故。七法融時法故。八勝故。九勝中勝故。次三可知。十三十四即前所得。而言際者窮理盡性故。第五善男子從此下指

示後友住林者方便具足住。衆德建立故。年耆德艾事長於人。故稱長者。於其身內現無邊佛境。定用自在故名解脫。表此住位所修善根。皆爲度脫一切衆生。乃至今證大涅槃故。第五解脫長者。寄具足方便住。分六。初依教趣求中二。先思念前教於中亦二。初十一句思修前法。初總餘別。後誓願堅固下顯修之益。二漸次下趣求後友。十二年者。昔云自分勝進。各修六度故。亦顯遍觀十二住故。亦表不住十二緣故。故云遊行。若不住緣則得解脫故。下云得見。第二既得見已下見敬諸問中三。初明見敬而自慶者。希望多年故。二聖者我已下自陳發心中。先總。後爲欲下別陳發心之相。於中三。初欲上窮佛境。二爲欲聞一切下。欲罄盡法源。三爲欲與一切下。欲齊菩薩行。亦僧寶境。文並可知。三聖者我今下方陳請問。於中亦三。初結前生後。謂結前發心之相。便爲請問之端。故云以如是心至聖者所。二我聞聖者下讚能誘誨。三唯願聖者下請說所疑。第三時解脫下。正示法界分二。初入定默示。後出定言答。前中所以此中入定示者。亦顯此位定增上故。文中三。初彰入定因緣。宿善爲因。表自修故。後二爲緣主佛威力表。本覺故。文殊念力顯信智故。已彰善財因文殊故。二即入下舉定名體。謂普攝諸利在於身中。由唯心之智。稱性總持。令如體用旋轉無礙。故以爲名。三入此三昧下明定業用。即普攝等義。於

中三。初總明普攝。次種種形下別彰廣多。三彼諸如來所有言下。令善財聞見。第二爾時解脫下。出定言告中四。一明起定。二告善財下。示定名體。名如來無礙莊嚴者。總有五義。二一切如來各具一切無礙莊嚴。二一如來互遍無礙。三一切如來莊嚴。悉入長者之身。四長者徹見十方佛海。五長者智持不以爲礙。故無礙言兼得旋轉。不達上文經家所序。三善男子我入出下。明定業用。四善男子我見如是下。彰定體相。即無來去。唯心觀故。所以次前顯此定者。唯心之觀亦其要故。亦顯此位知衆生界無量無邊皆心現故。於中二。一結前所見體無來往。二我若欲見下。廣顯隨心見佛體相。於中四。一明隨心念佛諸佛現前。二然彼如來下。正顯唯心念佛觀體。三善男子當知下。以唯心觀遍該萬法。四是故善男子下。結勸修學。令證唯心。初中既了境唯心。了心即佛故。隨所念無非佛矣。何難見哉。二觀體中。初總明相無來往。知一切下釋其所由。所以上言普見諸佛又無來去。其故何耶。了彼相虛唯心現故。於中前別顯。後結成。別中文有四對。意含通別。謂通顯唯心。喻無來往。別喻唯心。兼明不出入等。一如夢對。般舟三昧經云。如夢見七寶親屬歡樂。覺已追念不知在何處。如是念佛。此喻唯心所作。即有而空。故無來去。又云。如舍衛國有女。名曰須門。聞之心喜夜夢從事。覺已念之。彼不來我不往。而樂事宛然。

當如是念佛。此正喻體無來往。但隨心變。二水影對中。若月滿秋空。隨水而現。澄潭皎淨。則月影圓明。水濁波騰。則光昏影散。有水月現。會何入來。無水影空。未曾出去。雖水中見月。月誰能執持。心之定散。準喻思擇。三如幻對。如幻非實。則心佛兩亡。而不無幻相。則不壞心佛正喻。空有無礙。故即無來去。不妨普見。見即無見。常契中道。四如響對。以心爲緣。而佛響應。佛無分別。以佛爲緣。而心見佛。心何去來。此但總喻緣成之義。後結成唯心故。無量壽觀經云。是心是佛。是心作佛。諸佛正遍知海。從心想生。般舟三昧經結云。自念佛從何所來。我亦無所至。我所念即見。心作佛心。自見心是佛心。是我心見佛。上方攝境歸心。下又拂云。心不自知心。心不自見心。心有想爲礙。無想即泥洹。是法無可示者。皆念所爲。設有念亦了無所有空耳。此即喻中意已具矣。第三心該萬法。謂非但一念佛觀。由於自心。菩薩萬行。佛果體用。亦不離心。如有偈云。諸佛從心得解脫。心者無漏名。清淨五道鮮潔不受色有。稱此者成大道。第四結勸修學中。既萬法不離自心。但修自心。萬法行備。亦遣愚人妄解之失。謂有計云。萬法皆心任之。是佛。驅馳萬法。豈不唐勞。故今廣明心。雖即佛久翳塵勞。故以萬行增修。令其瑩徹。又但說萬行由心。不說不修爲是。又萬法即心。修何礙心。文有十句。一如彼病人非枕不起。煩惱病重。假善相資。二若無

法水法芽不生。三對境忘心。即六塵不染。四舊善不離新善進修。可謂堅固。五違順不干則坦然寬廓。六寂照內證皎然無瑕。七觸境了如無不鑒達。八六自在王性同於佛。開塵發用。知見分明。九與佛同如體周法界。十以調生十力。察變疎道。如是修心。則圓前佛法。第四善男子我唯下。謙已推勝。不住涅槃。際生下。當知餘文相顯。第五從此下。指示後友。閻浮提畔者。此洲南際表將隣不退。故亦云所得。般若六度後邊故。摩利伽羅。晉經譯爲莊嚴。比丘海幢者。業用深廣而高出故。正心不動如海最高勝故。第六海幢寄正心住。文但有五。初念教趣求文顯可知。第二乃見其人下。見敬諸問中二。先見敬。後善財童子讚言下。諸問。今初。小異前來。謂便見其入定體用。即同前文正示法界下。諸夜神類多如是。文中有五。一見入定相。二觀定勝用。三瞻敬證入。四所經時分。五觀從定起。今初。此通二定。一即滅受想定。謂無別思覺。七轉已息。唯第八識持身定。前加行誓願力故。令於定身起諸業用。若圓教中融攝法界。自在無礙故。業用無方。未曾起念。是以六地能入滅定。而起通用。住似地故。淨名云。不起滅定而現諸威儀。正當此也。二者即第四禪。以起用多依彼故。四禪無出入息。亦無覺觀。內淨喜樂諸思覺故。通表此位心定不動故。又經行地側。是動之所。而滅思覺者。表即動而寂故。而言側者。不住行

故。二從其足下見定業用中。先別明身分作用處別。後海幢比丘又於其身下。總顯毛孔光明業用。今初。總十四處作用不同。總相而明。從下至上漸漸增勝。別則各表不同。一足出長者等者。足有二義。一最初故多顯。施行萬行首故。二行住義長者行之長故。居士得安處故。婆羅門淨行故。成就菩提是利行故。二膝出利帝利等者。土田帝主屈申自在故。行由於膝故出淨行。次前二攝故。說愛語同事。三腰出仙人者。腰謂臍輪之下。氣海之間是吐故納新。出仙之所故。梵本云那髀曼陀羅。此云臍輪。四脇出龍者是旁生故。五於胸德相出。脩羅者。胸是能生能滅憍慢幻術之所故。又明德相能降魔故。六背出二乘者。背大乘故。七肩出夜叉等者。肩是可畏勇力之所故。又是荷負之所故。為守護業。八腹出緊那羅等者。鼓腹絃歌音樂之所故。九面門出輪王者。布十善令向佛法故。十目出日輪日。等日照故。十一眉間出帝釋者。於地居中最高勝故。中道般若化衆生故。令離五欲得淨法故。十二額出梵王者。梵王超欲故。次於眉上。又是稽顙請法之所故。十三頭出菩薩者。最上首故。說十度行並顯可知。十四頂出佛者。尊極無上故。文中三初總顯所出身語之相。次所謂下別彰法雨不同。後如是下一句總結。就別彰法雨中。總有三十二種。前十二法雨為菩薩。餘為雜類。今初。一普知平等法雨者。略有三

等。一始覺同本。無始本之異故。二等諸佛故。三生佛一性故。得此三等則轉成妙覺。二普門法雨者。下。十法雨即十住者。圓教位中十住位滿。便成佛故。此前更無別位。此約以位攝位非一乘宗。餘無此說。然此十法皆是勸學。十法已住。自分勸勝進故。普門即三世等。十種智慧勸佛灌頂。令其進修。下皆做此。三令普學。法王善巧等。為莊嚴故。四令學。知剎動利等。皆無能壞最高出故。五令學。說一即多說。多即一等。十種廣大深法故名海藏。六令學。一切法無相無體等。既一切皆然名普境界。七知衆生無邊。乃至知衆生無自性。皆是自性門。以無邊等亦。入自性故。八了知圓滿三世佛法。皆是隨順世間故。九遍觀察衆生界等。為悲愍故。十誦習多聞虛閑寂靜。近善知識等。皆為積集包藏於法行故。創治心地故名新學。十一令其勤供養佛。主尊世間為攝衆生。若作十地等釋。類可思準。十二即十信菩薩。令普緣。如來及普賢無盡境界。而生信心。分明現前進入位故。後為色界下。二十法雨。普為入天雜類。一總為色界衆生捨外住內。令得心境無礙。故曰普門。二偏語初禪。以宿習多慈而偏已眷屬。今令慈普含福無窮。三即他化自在天轉世自在。生十力自在。四就他化中分出魔衆。魔好權他自高。今令得慈心法幢。摧其邪慢。五隨念化樂但汚自心故。轉令淨念。六雖於世樂知足。宜生出世之意。七世樂時

時稱快。不及法喜之歡。八地居之極義。空居為勝。不及福智嚴法性空。九夜叉性多暴害。故令歡喜於含生。此約對治明喜。前夜摩天約隨便宜。十以彼善奏樂音。上德聲聞亦為摧壞。今令得金剛智。無所不摧。無不圓滿。十一彼特大身而生憍慢。令見法身。稱法界境。十二彼以淨眼觀海。意欲吞龍。今以慈眼智光。遍照機感。十三隨彼善歌。令得即空。涉有殊勝世智。十四人王著樂。故偏對治。十五龍多毒。故為說喜。有熱沙等怖。說法幢能摧。十六蟻多毒害。又為蟲咬食無休故。說內休毒心。外苦休息。十七地獄衆生身受無邊苦。心念無邊惡。若以正念三寶為戲。則頓脫衆苦。十八畜生多癡故。十九焰魔鬼。卒互相怖畏。乃至王身。亦有熱鐵鎗銅等怖故。二十諸難者。所謂八難及在人間獄囚繫閉等。而多不安。故普安慰悉令得入賢聖衆會。翻彼難處。後結周遍稱性用故。二總顯毛孔光明業用可知。上來見定相用竟。第三爾時善財童子一心下。瞻敬證入中十句。初句思入證入法界。餘句思法證法法界。於初中一句總。謂三昧是體解脫是用。體用合明。二別思彼體。次二句別思彼用。一益生廣多。二無思普遍即用而寂故。次二句思前體用所因。一內智淨故。二外緣加故。後三句思其勝進。依前體用進益。後三故。第四如是住下所經時分。六月六日者。第六住中滿。第六度故。以法味資神故。身心都忘。不覺

◎日照故二除關心故◎ ◎[王]一◎ ◎諸二與◎ ◎入二如◎ ◎時二分◎ ◎特二時◎ ◎卒二卒◎ ◎廣二廣◎ ◎住二生◎

時久。第五過此已下。明出定者所作訖故。第二正明諸問中二。先讀後問。今初分二。初標讀深勝。後以能除滅下出讀所因。由其此下諸因故。上云甚深廣大等。其中云能令增長有為樂者。不捨有為故。出有樂者不染有故。又上句為凡夫。次句為二乘。下云引發菩提。即為大器。第一聖者此三昧者下。正問有二問答。先問名後問用。初中先問後答。今初。上既修入何更問名。其猶世人得大王饌。雖食勝味。何必知名。答有三名者。初一從智立。次一雙就境智。後一雙融境智立名。普眼捨得者。般若之智照一切法故名普眼。皆無所得故云捨得。若有所得。不能即寂而用。以無所得即無所得。不得。菩薩無得心無罣礙。諸佛無得則得。菩提昔云障無不寂曰捨。理無不證曰得。非無此理而未造玄。二合稱中般若清淨故境界清淨。清淨之境皆般若境故。三雙融立稱者。般若了境無境非般若。何所不嚴。故智論云。說智及智處俱名為般若。是則若般若清淨若境清淨。無二無二分無別無斷故。故一莊嚴一切莊嚴。名普莊嚴。及攝眷屬可知。二善財童子言聖者下向境界中。先問後答。問云唯如是者。上自觀願已修入觀聽之外。更希異聞。後答中皆示上來之所不及。於中三。初明於器世間無礙。次見一切佛下於智正覺世間無礙。後大悲攝受下於衆生世間無礙。其中見佛亦為攝生故。文並可知。第三識已推勝中。初識

已知一。後如諸下推勝中二。先舉彼所知。後而我下顯不能測。第四指示後友中。處名海潮者。但言有處。則猶是前顯顯。方便行不離般若故。言海潮者。謂潮所至處。顯方便就機不過限故。亦將入生死海以濟物故。能知三世佛法海故。故上法門名為海藏。國名普莊嚴者。約相廣有衆嚴故。約表以生死為國苑。萬行為莊嚴故。又文義相隨等莊嚴總持無漏法故。友名休捨者。此云意樂。亦云希望。亦云滿願。謂隨衆生意樂希望。得圓滿故。亦能圓滿性相法故。前般若了真故寄比丘。此以慈心方便入俗故。寄優婆塞矣。已下六第七休捨優婆夷寄不退住。文中具六。第一依教趣求中二。先念前友教文有十句。前五集經者序後五正陳所念可知。二漸次下趣求後友亦可知。第二見普莊嚴下。見敬諸問中三。初見次敬後諮。問前中二。先見依報殊勝。有十事莊嚴。一寶綺圍繞。二一切寶樹下林樹行列。三其地下堂閣崇麗。四一萬浴池下浴沼清華。五其中復有百萬跋下。映帶池流。六園中復有廣大下。嚴敷殿座。即別明善友所坐。先嚴後座可知。七園中復有下羅以帳網先帳後網。八有百萬大光下耀。以光明。九常雨下雨散雜嚴。十百萬天子下凡聖欣敬。二時休捨下明見正報端嚴。於中四。一正報殊常。二百千億十方雲仰。三其有見此下業用難測。四爾時善財入下正見身儀。二往詣其所下設敬。三白言聖者

下諮問法要。文並可知。第三休捨告言善男子下。稱讚授法。略無稱讚。但有正示法界。於中四。一學法門體用。二窮因淺深。三顯果久近。四彰法名字。今初分二。先總舉體用名。下當顯用約不空。二善男子若有下別明勝用於中三。一明益物不空用。先反後順。見皆不退者。顯若得方便至不退住故。二善男子東方下。諸佛被益用。以與三寶同住故。與我住皆悉不空。三善男子我此下引證不空。現與同住皆不退故。亦表方便入俗。則八萬塵勞皆成波羅蜜。故二窮因淺深中。先問後答。答中二。先約因緣答。婆樓那者。此云水也。總三十六恒者。近佛既多發心已久。而要言三十六者。顯已過前六位。位位具修六度。六六三十六。皆是恒沙性德故云爾耳。涅槃亦有此數。後善男子菩薩初發心下。約心量答。意顯發心稱法界故。亦等衆生。衆生亦無初際。從癡有愛。而菩薩發心癡愛無初。心亦無終故。三顯果久近中。亦先問後答。答中明無齊限故。不應作久近之問。文中三。初反釋無齊限。於中先別明二十四句。初八化生。次六供佛。次四嚴刹。後六持法。後如是略說下總顯。二欲教化調伏一切衆生下。順釋無齊限。亦有別有總可知。三善男子菩薩行普入下。總結無盡此同。初地十無盡句。衆生無盡故。成佛無期。若爾豈都無成耶。因此略辨成不成義。勸為四句。一以向約因緣厚薄。對今無盡則有始而無

成。此約悲門得果不捨因故。二以稱法界發心故。不見初相方為真成。則無始而有終。此約智說。三悲智合明不壞相故。不妨始終。前後諸文其例非一。四約稱性之談。則無終無始故。天女云。但以世俗文字數故說有三世。非謂菩提有去來今。故下大願精進夜神云。不可以生死中長短劫數。分別菩薩智輪等。喻斯四句。無有障礙。欲成即念念成。常成常不。成無有障礙。四彰法名字。先問後答。答云。離憂安隱。此有二義。一以大悲高顯。所以稱幢。其有見者。離業感苦不退菩提。是謂離憂安隱。二者即智之悲涉苦安隱。即悲之智多劫無憂。雙摧生死涅槃。特出凡小之外故名幢矣。第四謙已推勝可知。第五指示後友中。言海潮之處者。但約大悲攝物無失。受重真名故。不異前處國名。那羅素者。此云不懈情。動利持利觀利諸利。無休息故。仙人名。毘目瞿沙者。梵言猶略。若具應云。毘目多羅。瞿沙。此翻名。最上無恐怖聲。亦云。毘沙摩。此云。無怖畏。烏多羅。此云上。涅槃婆。此云。出聲。二譯大同。謂常出增上無怖畏聲。安衆生故。彼住文云。出廣大遍滿音。以童真清潔無漏故。寄仙人表之。第八毘目仙人寄童真住。六段初依教趣求中。初念前友教。有十二句。前二總明順前解行。後十依前增進勝心。前四約福。後六約智。第二見一大下。見敬諸問中三。先見次敬後諸問。今初分二。先見依報。

樹名。波吒羅者。正如此方橄欖樹。尼拘律者。如此方柳樹。子以枇杷。餘如音義。後時善財童子見彼下見正報。領徒一萬者。表萬行故。二善財見已下設敬稱讚。於中三。先身敬。次言讚。見夷險者。涅槃為夷。平。生死為險。難。又二皆為險。不住為夷。餘可知。後作是語已下重明身敬。將欲問故。三白言聖者下諸問法要。第三時毘目下。稱讚授法中。二。先稱讚法器。後正授法要。今初中。一。總讚發心。示徒來者令敬學故。次善男子。此童子下。別讚發心之相。三時諸仙衆下眷屬敬讚。言險易者。易亦平也。四時毘目下述讚結果。第二時毘目瞿沙告善財下。正授法要。文中有六。初示法名體。童真淨智變化自在。高出功用之表。所以名幢。相惑不動故云無勝。即此摧惑亦名幢義。二善財白言下徵其境界。三時毘目下授令證知。摩頂顯加持之相。執手表授與之義。相攝有力故。所見可知。四爾時善財童子為菩薩無勝下。得解脫益。文有十句五對。謂為五法。照得五種益。能照皆是無勝幢之別名。然初對為總餘四為別。展轉相生。且初總對。由見彼真智作用。即知是法界體。上寂而遍照故云三昧光明。二即上所得三昧光明。乃是能照之智作用。無盡之寂照故。得所照十方智。總持之明鑑無遺。三即上總持以智為體。堅利圓滿由得此故。能令自心障淨智明。為寂照之光。四得上淨智般若。則無行不嚴無德不備為。

莊嚴藏。此光照心能照。如來法性空中包含圓滿。正受現前。五上虛空藏輪。即一切佛法圓滿寂照。以此照心。則智窮三世無盡法源。此約展轉釋。若約能照。皆是總中別義。則不相躡義不異前。而其所得即三時中事。五時彼仙人放善財下。明捨加持所作。託故。還在本處者。不移本處。而遍十方處。既還本時亦多劫。未逾一日故。近遠無礙。念劫圓融。皆圓教善友法門之力。是以善財一生能辦多劫之行。普賢位內或經不可說劫。非但三祇。皆法力加持。不應以時以處定斯玄旨。六時彼仙人告下。明言承領可知。第四仙人言下謙已推勝。第五善男子於此下。指示後友。伊沙那者。此云長直。謂里巷徑永。表善知三際故。長善知勝義故。直。婆羅門勝熱者。於五熱中成勝行故。表體煩惱熱。成勝德故。不染煩惱成淨行故。大方廣佛華嚴經疏卷第五十六

大方廣佛華嚴經疏卷第五十七

唐清涼山大華嚴寺沙門澄觀撰

第九勝熱善友寄王子住。義如前釋。文亦有六。一依教趣入中。二初證前。後趣後。前中。二初顯證所因。後住諸佛下正明證益。於中。一先得自分益。後求一切智下得勝進益。及於趣後文並可知。第二見彼勝熱

下見敬諸問中。三。先見苦行。四面火聚者。更加頭上有日。即五熱炙身。今但云四者。四句般若皆燒惑薪故。中有刀山者。無分別智最居中道。無不割故。高而無上難可登故。故智論云。般若波羅蜜猶如大火聚。四邊不可取遠。離於四句。四句即四邊。取則燒人。離則成智。又火有四義。一燒煩惱薪。二破無明闇。三成熱善根。四照現證理。投身入火者。從無分別智遍入四句。皆無滯故。又釋刀是斷德無不割故。火是智德無不照故。投身下者。障盡證理故。即刀山為不能證。火聚為所證故。此火等即是法門。不須別表現所用故。稱性事故。此為甚深難解。不可輕爾。二敬三問文並可知。第三婆羅門言下。正示法界有六。一示法勤修。二疑憚不受。三勝緣勸引。四疑盡悔。五誠勸見容。六依教修證。今初。然刀山不可執。火聚不可取。若能不住。無分別智遍入四句。則遠離四謗。不滯空有何行不成。所以要令入者破其見心。令解菩薩深密法故。順相易解。造相難知。故。此中示於邪見。無厭足王示瞋。婆須蜜女示貪。顯三毒相並有正法故。然有五義。一當相即空。故是道。非謂此三即是佛法。諸部般若其文非。二一約幻用攝生。亦非即是如淨名云。行於非道。先以欲鉤。牽後令入佛智等。三在惑用心如裕流輩。此在觀心為道。亦非即道。四留惑潤生長菩薩道。亦非即是。如淨名云。不入生死大海。則不能得一切智

寶等。五當相即道。不同前四不思議故。無行經云。疑欲即是道。悲癡亦復然。如是三法中具一切佛法。亦斯義矣。二時善財童子作如是下。疑憚不受。非惜身命。恐失道緣。示智未深。故生此念。文中先明道緣難具。於中離諸難者。非佛前後等。得無難者。非生畏等。具諸根者。謂信進等。後此將非下正疑魔壞。三作是念時下。勝緣勸引中有十三衆。各述會為勝熱化益。故勸勿疑。初一即色界梵天多是初禪。文中有三。一總勸莫疑。二今此下彰其本意。智慧堅利猶如金剛。燒諸惑薪。發諸智焰。燒而常寂為三昧光。三善男子下自述蒙益。梵王最初。生此餘衆念。而後生。故生邪見。次五欲天。次六雜類。各有復有以爲揀別。十三欲界諸天衆。然此欲界即是一類。從地獄出者。義通六天及前夜摩四天王。前所不列皆在其中。第四爾時善財聞如是下。疑盡悔。第五時。婆羅下誠勸見容。上疑爲揀其真偽。此勸爲顯其實德。魔亦能爲現勸。何故聞即疑除。以此善友前友指來。況勸中正說非。魔能作善財亦得超魔之眼。故。若爾何以生疑。以顯法故。如第八地中佛之七勸。縱佛不勸。豈容趣寂。又爲後代之軌令審察故。第六爾時善財下。依教修證。於中二。初正修證。未至得善住三昧者。上不依山下不依火。正處於空。即顯般若。離於二邊。無所住故。名爲善住寂靜樂。神通三昧者。親證般若實體。即性淨涅槃

故。云寂靜樂。而大用無涯。故云神通。觸者親證也。故淨名云。受諸觸如智證。二善財白言下。自陳所得顯後得。起說。第四離已推勝。謙己中云。無盡輪者。有二義。一智輪摧惑。照其本源。無可盡故。二反常智。用周法界。無有盡故。圓轉不已。所以名輪。推勝可知。第五指示後友。師子奮迅者。師子幢王所居。表振動照耀住持世界自在無畏故。慈行童女者。知衆生根令其調伏。慈爲行故。智中生悲。便能處世無染。是謂童女。以學如來十種智故。已下第六慈行童女寄灌頂住。文六同。前初依教趣求中二。先修入前教。於中初二句重友解生。次二句念乘思佛。次觀法下智證實際。初句能觀智。現決定下所證窮極。後於一切佛下離障自在。二漸次下趣求後友。於中初至處。次聞名五百爲侍者。以一期位滿總攝五位十法門。互相涉入之法。而相應故。第二善財聞已下。見敬諸問中亦三。初見中先明遠見。表得門未證故。後善財入已下。親觀依正等。二敬三問並可知。第三時慈行童女下。正示法界中二。一令觀親證。並依中見正。小大念劫皆無礙等。十住位終故約報顯。二爾時善財下。以言顯發於中二。先顯法名因。後彰法勝用。前中初善財默請。後童女言答。答中初示名。名般若普莊嚴者。有二義。一由般若照一切法。依中有正一中有多故。所得依無所不現。般若中云。了色是般若一切法趣

色。即其義矣。二由能證般若已具諸度莊嚴故。所證所成亦莊嚴無盡。次下顯因云。彼諸如來各以異門令我入。此即其義也。總攝三十六恒沙之別。歸於普門。則一嚴一切嚴故名普嚴。言三十六恒沙者。住位既滿。則六度之中一具六。故為三十六。皆恒沙性德本覺中來。故云佛所求得。二善財白言下顯法勝用。先問後答。答中先總。後所謂下別。總中初明修習契證相應。後得普門下。總明所得業用陀羅尼。以智為體。由得般若善嚴故能總持萬法。一持一切持故云普門。以圓融十住。亦同十地所得無量百千阿僧祇陀羅尼門。又彼總此別。但舉二持餘三昧等。略而不說。二別顯中有百一十八門。略分十位。初八總知依正理事持。二福德下九門明願行持。三業下九門明業持。四三昧下六門明正受體用持。五心海下五門染淨諸心持。六知衆生下十門知所化持。七普見十方下十七門知能化持。八世界成下十七門明知刹海自在持。於中言世界轉者。晉經云迴轉世界。九見諸佛下二十五門知佛海自在持。十菩提心下十二門明菩提因果持。自心清淨即性淨菩提。總攝諸門不出於此。第四謙已推勝可知。第五指示後友。國名三眼者。施為行首復開導自他。如目導餘根故名為眼。財施無著成於慧眼。無畏之施成於慈眼。法施開於法眼。故復云三。用上三眼見無不善。又施行內成勝報外現。見者皆善故出

住之行。故以出家表之。又行本令物得出離故。上明十住竟。大文第三善見已下有十善友。寄十行位。位各一人。初善見比丘寄歡喜行。文亦具六。初依教趣求中亦二。先念前友教中有十三句。初總餘別。別分為三。初二約菩薩論深。一所證法界即事而真故。二入菩薩地智唯證相應故。次有七句。約衆生辨深。一報難知故。二妄想為因。即無性故。三染分行業。唯佛知故。四感異熟識。若種若現恒轉如流不可知故。五所變影像若內若外緣無性故。六名無得物之功。而不失所名之物故。七文字言說皆解脫故。後三句合辨前文。二染淨二分。皆嚴法界而無嚴故。二上二分業不相知故。三各自莊飾淨染世間果報無失。即同真故。總上二分。皆是般若波羅蜜善莊嚴故。所以思之。二趣求後友。於市肆等處處求者。顯隨緣造修無不在故。第二見在林下。見敬諸問中。先見次敬。後問。見中三。先見身勝相。見在林者。行之初故。同佛相者。如說修行順佛果故。於中七處平滿者。兩手兩足兩肩及項。言其身殊妙如淨居天者。準晉經即師子上身相矣。上下端直如尼拘陀樹者。準晉經云其身圓滿如尼俱陀樹。此則但是一相。言諸相隨好者。上但列十四故總結之。目視不瞬圓光一尋。復是二相。都列十六耳。餘至瞿波處釋。二智慧下明其心相。即止觀雙運。止過則沈。智過則舉。不沈不舉則正受現前。不智不愚則

雙契中道。起念止觀皆成動轉。雙非再遣未離戲論。雖止觀雙運而無心寂照。則一切皆息。為踐如來所行之道。隨所履道即是法門。三無量下明諸侍從不無表法。恐繁不說。敬問可知。第三善見答下正示法界中。二。初示依緣得法。後又善男子下顯法業用。今初分三。初總序。初入行位故云年少。創離十住之家。名為出家。又近言我此生者。略有二義。一念劫圓融故。如毘目處說。二顯入解行生非見聞生故。供三十八恒沙者。過前位故。次或有下明所修時分。後聽聞下所作成益。於中初自修願智行。次見果用。後知佛修因。二顯法業用中有十二句。各先辨業用後出所。由然不出願智行如文思之。總云一念者。以得無。依無念智故。無法不現。第四謙已推勝中。謙已結前。名隨順燈者。用無念之真智。順法順機無不照故。後如諸下推勝中。初句為總。亦別顯家族勝。上但云燈照未。必常故今推之。明金剛智燈親證真如為。真正生則常照矣。不同解行生也。二報命勝。由所證常故。即金剛義。三內智勝。如於所證無盡滅故。即是燈義。四報體勝。法性成身相不遷故。亦金剛義。五現於下明業用勝。即對上隨順義。以是即體之用故。皆不可壞餘並可知。指示後友次文當說。第二自在主寄饒益行初依教趣求。國曰名聞者。能持淨戒。現世界果故。河洛中者。若持淨戒。生死愛河不漂溺故。又無量

●日二自● ●六二大● ●淨染二染淨● ●間十(故)● ●於二中● ●業二煩● ●[沙]一● ●由二出● ●依二作● ●知十(五)● ●中二上●

福河常流注故。童子自在主者。三業無非六根離過故得自在。則戒爲主矣。戒淨無染故云童子。第二爾時善財下。見敬諸問中見衆沙者。恒沙功德由戒積集故。第三自在。主言下。正示法界。於中二。初舉法門名體。二善男子我因下明業用。今初文殊所學者。有智能護戒故。書者。能證止作分明故。數者。表四重十重乃至三千威儀八萬細行故。算者。一一之因感幾何果故。印者。持犯善惡感果決定故。等者。等餘醫方成五明故。上明所學下辨所悟。工巧神通皆智所爲故。亦表修戒發定慧故。二明業用中三。初總明。次亦能療下雜辨諸明。三善男子下廣顯知算。於中初辨能算之數。後善男子我以此下。算彼所算餘三段可知。第三具足優婆夷。寄無違逆行。城名海住者。近海而住故。安住於忍。如海包容故。友名具足者。一器之中無不具故。忍器遍容一切德故。忍辱柔和故寄女人。文中初依教趣求可知。第二善財聞已下見敬諸問初見中四。一見外依報。二見友正報。端正可喜者。忍之報故。素服等者。忍華飾故。三於其宅下見內依報。四復有下明其眷屬。萬行皆順忍故。二敬三問並可知。第三彼即下正示法界。於中二。初舉法門名體。器中出物與福無盡故。稱法界福之所招故。後能於如是下辨業用中三。初正顯業用。次令見同益。三使其目驗前中二。初益衆生。次益二乘。後益菩薩。今初亦三初總明。

以是稱性之具。即一小器融同法界。無盡緣起故。用無不應應無不益。而其法界體無增減。又表忍必自卑故小。法忍同如一味爲一。內空外假爲器。忍能包含無外。故隨出無盡。次出生下別明出味。後如飲食下舉一倒餘。二又善男子假使下明益二乘。二乘雖不立忍名。亦忍盡無生理方成果故。三又善男子東方下益菩薩。約事如受於乳糜。約法謂餐上品寂滅之忍。得菩提故。淨名香積與此大同。二善男子汝見下令見同益。三且待下令其目驗。及後三段文並可知。第四明智居士寄無屈撓行。初依教趣求中。初依前修治。後漸次下趣求後友。城名大興者。起大精進故。友名明智者。進足必假智目導故。第二爾時善財下見敬諸問中。先見於市四衢者。表處喧不撓無不通故。敬問可知。第三長者告下。稱讚授法中三。初歎發心勝能。二善男子汝見下。示已所化發心眷屬。生如來家者。同四住中生也。三善男子我得下正示法界。於中二。先舉名。財法無盡蘊在虛空。隨意給施故。名隨意出生福德藏。亦表見空無不備故。後凡有下顯業用。於中二。一略舉二善男子且待下。舉事現驗。於中先見衆集後爾時居士下。廣施財法。先施財。後然後下施法。於施一食令成八行。初二約施。餘六約食。食有五果。一得如諸法。即是慧命。二得喜悅。即常安樂。三具相好。即是常色。四六即常力。五即常辨。言上味

相者。牙有甘露泉故。餘可準思。第四爾時居士下。謙已推勝可知。第五善男子下指示後友城名師子宮者。禪定無亂如彼深宮處之。則所說決定。作用無畏故以爲名。友名法寶警者。紹攝諸亂居心頂故。定。含明智加以寶名。以喻顯法名法寶警。已下六。第五法寶警寄無癡亂行。六中初文可知。第二見此長者下見敬諸問。市中見者。表處鬧忘懷亂中常定故。第三爾時長者下。授已法界。於中四。一執手將引。即授法方便。顯加行智歸正證故。二作如是下示其所住。即正授法界。三爾時善財見其下正證法界。四爾時善財見是下。問答因緣。即後得智。初二可知。三初二。先總後善財入已下別。今初。十層八門者。如八角塔形。層門各有三義。層別中解。門三義者。一通約所修之道。以八正爲門。八正通入於諸位故。二約所依之道。即以八識爲門。於眼根中入正定故。根若能入境則可知。三約教顯理。即四句入法。教理各四故有八門。謂若失意有空俱泯。便成四誘。得意通入並稱爲門。尋教得解即教四門。於理得解即理四門。別中十層三者。一表十地。二施食。顯初地行檀。二地持戒。以慚愧爲衣服。三地忍行。以爲嚴具。四地。道品爲內眷屬。精進可珍。五地。文顯。六地。般若現前故。文中三。初總。次所謂下別顯十五門。一照體即寂而無不包。二即寂之照無機不鑒。三外緣不轉。四內照無求。五惑境不摧。

六遍推諸惑。七包含勝德而甚深。八普見法界而無礙。九一即無盡十巧化無邊十一內證世間。十二外演勝辨。十三曲隨物欲。十四事理交羅。十五觀緣授法。後說如是下總結。七地有殊勝行。知種種教法故。云得如響忍。八層之中含於二位。一八地無功用之神通。三種世間自在。二即九地法師。一音能演。九層亦二位。十地等覺俱可爲一生故。十層即如來地。二表十行以十行即十度故。前七文顯。八大願所成神通等故。九一生所繫力最上故。十唯至如來智方滿故。此即當位自攝諸位。向攝十地。即攝後諸位故。以十層雙表二義。還如海幢當位攝盡十位緣說成佛故。前寄第六位攝此寄第五位攝前約正報攝。此約依報攝者。皆顯位勝前故。三者總不表位。但此菩薩以行就機。現居勝報漸次增勝。十顯無盡。初四以物施。後後漸難。次二集法施。前淺後深。次二得法。初陝後廣。後二現勝德。先因後果。總上三義因果行位等法。以爲長者之宅。四問答因緣中。先問後答迴向三處者。謂離貧窮。前四層之報。二三兩果。即後六重。一。九之微因願力故報勝。又表萬行混融發起向佛。則隨一行無不具矣。何果不階。第四善男子下謙己推勝。謙己云菩薩等者。世寶三寶蘊積十重之中。故云寶藏。常用無盡是爲無量福德。後推勝中當法顯勝故。功德寶藏皆不思議。即是總句。入無分別下別明。由無分別而具諸

法。故不思議。後二可知。第六普眼長者寄善現行國名。藤根者。夫藤根深入於地上。發華苗。表善現行般若證深能生後得。後得隨物而轉。故取類於藤。城名普門者。實相般若無所不通故。長者名普眼者。觀照般若無不見故。第一依教趣求中。言深入諸佛無量知見者。無量有二義。一多故即權智境。二無分量故即實慧境。境無量故智亦無量。知見亦二義。一別謂知即是智。見即是慧。即照二境之智慧。二通者。謂知見二字俱是如來能證。如實知彼義故。即無障礙智。若爾何假重言。爲揀比知所以言見。爲揀肉眼見。所以云知。此如世親般若論釋。悉知悉見。入謂證達餘句易了。第二然後乃得下見敬諸問中。先見依正。百千聚落周匝圍繞者。眷屬般若也。雖崇峻者。般若防非高而無上也。五板爲堵。五堵爲維。璉即女牆。衢路寬平者。般若諸佛常行非權運。故蕩然無涯。第三長者告下稱讚授法。先讚後善男子下授己法界。於中二。先能療病。即下化衆生。後善男子我又下。明能合香上供諸佛。今初有二。先除身病後治心病。前中亦二。先治無不能。後善男子十方下。來者皆治。兼與身樂。二然後合爲下治心病。亦二。先明除惑義通。大小。後爲欲令其下令其成益。此唯大乘有十六句。初五通顯大心行願。次十別明十度之因。感十身之果。施滿他心。故相好悅物。戒遍止惡故。淨身遍至。忍兼忍理故不思議。進策萬

行。故無能勝。禪唯一心故無與等。般若照理故顯法身。方便顯用色身可親。願窮來際住劫無窮。力不可搖悉過一切智窮。事法故隨物成身。後一句總離諸惡。故究竟淨妙。二上供佛行中。二。初知香體辛頭者。即信度河也。波羅是岸。即彼河岸之香。阿盧那跋底。此云赤色極。烏洛迦者。西域蛇名。其蛇有毒繞此檀樹故。和合者。戒定慧等融無礙故。次與供起願。後能成大供文處並顯。第四謙己推勝中。謙己知一中。謂身心病除成。二世樂。故皆歡喜以香普供得佛十身。則何佛不見。餘並可知。第七無厭足王寄無著行。第一依教趣求中。先念教成益。後漸次下趣求後友。既入其國必聞其政。言多羅者。此云明淨。幢者。建立表無著行依般若淨明立勝行故。王名無厭足者。如幻方便化無所著故。無疲厭心。第二遙見下見敬諸問中。先見有四。一見勝依正。二其前。後有下觀其逆化。三善財見已下不了生疑。四作是念時下空天曉論。於中二。先令憶前教真實。使不生疑。後善男子菩薩善巧下。辨後行深玄令其信入。然善財雖常憶教而生疑者。逆行難知故。貪益此世不疑。婆須瞋癡現損故。勝熱此王並生疑怪。言深玄者通達非道故。梁攝論戒學中。明菩薩逆行殺等生無量福得無上菩提。要大菩薩方堪此事。此有二種。一實行。二變化。實行者。了知前人必定作無間業。無別方便令離此惡。唯可斷

命使其不作。又知前人若捨命已。必生善道。又菩薩自念。我行殺已必墮地獄。爲彼受苦。彼雖現受輕苦。必得樂果。瑜伽菩薩地戒品之中。亦同此說。言變化者。即當此文。下王自說。二時善財下敬問可知。第三時阿那羅下。授已法界中。二。初授法方便。執手同坐。示無間之儀。表攝彼加行令趣真故。二。告言下。示法界。令證相應。於中四。一。舉果令入。二。時阿那羅王告善財下。以實顯機。三。善男子我得下。示其所得。於中初名如幻者。了生如幻故。以幻化幻。次我此國下。明法門業用。後我以如是下。明法門勝益。四。善男子我身語下。直顯實德。慈念之深。然諸位至七。皆方便故。休捨觀自在開敷樹華。多約慈悲。第四謙已推勝。推勝云無生忍。由了如幻方證此忍故。又後位中當此忍故。第八大光王寄難得行。第一依教趣求中。先念前。後漸次下趣後。於中初推求得。知城名妙光者。前位悲增。今得無住妙慧。運衆生故。王名大光者。慈定之智無不該故。廣大願中皆徹照故。後時善財童子下。自慶當益。第二作是念已下。見敬諮問。初見中。三。初見依報中。二。先所見殊勝。云十由旬者。欲明圓滿。既有十億衛道。道各無量衆生。豈世間十小由旬之所能受。故此中事物皆應圓融。表法如理思之。後爾時善財下。能見無染。二。漸次下。見王正報。處四衛道者。以四無量用。四攝法攝衆生故。二十八相者。因未滿故。

三於王座前下主伴攝生。於中亦三。先列所施通情非情。六十四能義如別說。次一道下。明能施人。即是助伴。後爲欲攝攝下。明其施意。二三敬問可知。第三時王告下。授已法界中。三。一。總示法門。謂大慈首出離染圓滿故。二。善男子我於下。明得法因緣。問難是開慧。以三種慧莊嚴此慈。三。我以此下。明其業用。於中五。一。以法攝化。二。我國土中下。以無畏攝。三。若有衆生下。以財寶攝。四。此妙光城下。隨機遍攝。五。善男子此國土中下。以三昧攝。於中二。先以言告。後時大光王下。正以定示顯。定業用情與非情咸成。勝益者。謂同體大慈物我無二故。如世間王德合乾坤。則麟鳳來儀寶璽呈瑞。況於出世慈力。不令草木屈膝耶。第四時大光王從三昧下。謙已推勝。先謙已知一。慈本爲物名。順世間。高出衆行故名爲首。即是幢義餘並可知。第九不動優婆塞寄善法行。自發心來。於一切法無不得定。煩惱二乘不能動故。亦令衆生心不動。故以智修慈故。示以女居安住王都者。王子位故。智契實法。不爲緣壞。名爲安住。第一依教趣求中。二。先依教。後趣求。前中有五。一。思修前法。二。生歡喜下。因修得。三。無濁約無他。清淨約自體。三如是思惟下。推功歸友。至此偏悲者。修悲將滿故。四又作是念下。廣歎友能。五善財童子如是悲哀下。勝緣印勸。於中先印。天字兩用。故晉本云。如來使天隨菩薩。天隨菩薩天是已業行之

神。如來使天是佛力攝生神。但修行位已著。皆有二天常隨其人。後汝可詣下。勸詣後友。二時善財童子從彼下。趣求後友可知。第二入其宅內下。見敬諮。問見中分二。一。先見依獲益。後善財童子前詣下。見正超倫。二。爾時善財曲躬下。敬問可知。第三時不動下。稱讚授法。於中先讚。後善男子我得下。正授法界。於中二。先示法門名體。後善財童子言下。徵業用之境界。今初。不同前例而舉五法者。亦同九地當法師位。須廣知故。五中初二所持內德。一。智慧無礙偏名解脫。有智則煩惱不可壞。取著無能勝故云難摧伏。此智包容故名爲藏。二。受持堅固偏得行名。謂遇惡衆生而能堪忍。遍生諸趣而心不迷。故云堅固。三。即能持深入法門。得法性地則無不持矣。四。即外化由正思佛法明照差別。故得辯才。能轉法輪稱衆生欲。五。即上求。一心求法故云三昧。近佛無厭受法無足故。二徵業用之境界。中四。一。徵問二顯難。三。重請四廣答。答中二。先明得法因緣以彰深遠。釋上難知。二。善男子我得菩薩求一切下。顯其業用以酬初問。今初分六。一。舉往見佛爲發心緣。二。便從樓下內與觀念爲發心因。先觀後念。念福智等即前五法之因。神通自在是行堅固。三。善男子爾時下。佛勸發心。能成前五有十種心。初二成智慧。次一成總持。次二成神通。次二成三昧。後三成辯才故。上來取斯十句。釋五法門。四善男

子我於彼下。正明發心堅固。五我發是心已來下。經久無違。六我從是來下彰發心勝益。即前五因之果。二顯其業用中四。一許現。即舉五法中二。一申請三正現。入一萬三昧者。於一求法無厭三昧。即入一萬。明知。餘解脫等亦攝多門。四出。定即述並可知。第四優婆夷言下謙已推勝。第五指示後友中。都薩羅者。此云喜出生。謂此城中出生無量歡喜之事故。以智度圓滿則能無所不生友名遍行。巧智隨機無不行。故名真實行。示外道者。能行非道。故非道不染。故曰出家。餘可知。已下六。第十遍行外道寄真實行。第一依教趣求。第二城東有山下見敬諸問。見中中夜見者。智入生死。故善財將入此位。故上云日沒入城。於山頂者。表位極故。光明照者。以智慧光破於生死及二邊關。第三遍行答言下稱讚授法。先讚發心。後善男子下正授法界。於中二。先彰名體有四者。智遍知故。四義雖別而得相成。一化境。普周遍行之名亦從此立。二入定觀機。三由無作神通故。能遍至前處。四由普門般若故。能在定普觀。若約別者。無作無依用而無住。普門般若無法不窮。二善男子我普於下顯四業用。即分為四。一明至一切處用。二或住諸見下普觀世間用。觀其所宜隨宜說故。三又善男子此部薩羅下。明無作無依用故。云不知從何而至。四善男子聞浮提內下。普門般若用。九十六種皆能窮故。上來隨勝別配。實

則義通。大文第四有十善友寄十迴向。今初。青蓮華長者。寄救護衆生離衆生相迴向。在廣大國者。創入迴向故。迴向衆生。故廣迴向。善提放。大迴向實際義通廣大。言善根者。善根實也。香質雖小。發氣彌布。善根雖微。迴向普周。又若實若買二俱得。香自他善根俱可迴向。青蓮華者。蓮華處淤泥而不染。猶護衆生而離相。青蓮華爲水中之最。救護爲入生死之尊。文亦分六。第一依教趣求中。先依教興願。以是迴向大願之首故。後漸次下趣求後位。第二謂長者下見敬諸問。第三長者告言下稱讚授法。先讚後授。授中二。先總標所得。後所謂下別顯業用。今初知世諸香以表法香。謂以戒定慧慈悲等香。熏修生善滅惡習氣故。善知一切香者。差別行也。亦知調合者。融通行也。以金剛杵碎之。實相般若波羅蜜調和。令純雜無礙。悲智圓融成迴向故。二別顯業用中。二。先總相顯知。後指事別顯。前中四。一知香體異。二又善了了約類辨異。三又善別下知力用異。前。二約世此兼出世。四如是等下明委窮本末。上四各有事理思之。二人間有下。指事別顯中有十種香。初象藏香具。前本末十事。一但語香名必有形相。二龍圖爲生起。三興雲爲出現。四雨雨爲成就。五金色爲清淨。六喜樂爲安隱。七無病等爲方便。八慈心等爲境界。九意淨爲威德。其業用一種義通。前七。十我知下是根本。本爲菩提心故。若就菩提心

顯十義者。以菩提心香似如來藏。因善惡相攻而生。若一發心興慈雲注法雨。心所及者令歸真淨。得法喜樂離惡業苦。展轉興慈志願純淨。餘之九香皆應具法喻之十。略故或二或三。摩羅耶者國名。國多此香故。此即忍香。瞋火不燒。三即進香。魔軍退散。次五如次是五分法身香。九即稱法界香。先陀婆一名四寶。此宜用鹽香似此故。十忘能所。香故名。奪意。餘三可知。第二船師婆施羅寄不壞迴向。婆施羅者。此云自在。謂於佛法海。已善通達於生死海。能善運度。於一切法深信不壞。故名自在。在樓閣城者。由此迴向令菩提心轉更增長。悲智相依而勝出故。文中第一依教趣求中。先依教觀道。於迴向道初得不壞故。佛道爲高餘皆是卑。生死涅槃爲夷險。障無障爲淨穢。二乘爲曲菩薩爲直等。後漸次下趣求後位而興勝念。謂菩薩道因人得故。即於菩薩法師得不壞信。於中先正明。後微釋可知。第二既至彼下見敬諸問。見在海岸者。若佛法海以生死爲此岸。不捨生死故。若生死海。以大悲修因而爲此岸。住大慈悲令離因故。第三船師告言下稱讚授法分二。先讚問。讚其發心。後能問法文有十句。前五能問果因。後。五能問因因。故云道因。三昧旋者。旋謂深沈而不流。二乘沈寂動八萬劫故。能遠離是菩薩道。二善男子我在此下授已法界中。二。先標名體。謂大悲超出爲物所歸故。後

我觀閻浮下。辨其業用。中二。先明於陸化。生令知有海。後我知海中下善知海相。於海化生於中。二。初明善知後彰化成。益今初此寶洲等。生死法海義皆有之。且約生死海釋文中。略舉知五種事。一知寶。寶即是智故。不入生死大海。則不能得一切智寶。於中有十二句。一生死海中湛寂不動。謂之寶洲。二空不空如來藏為寶處。三恒沙功德皆寶類。四佛性為寶種。此上皆約本有。次四約修成。以淨戒頭陀等為能淨。以緣起智為能鑽。以發一切智心為出因。聽聞為能作。後四為寶用。謂三乘等器智慧有殊。照理斷惑所用各別。所緣境界萬品階差。破愚顯明各各不等。二我知一切龍下。即生死中瞋貪癡之三毒部多此云。自生。亦如夜叉。但不從父母生。故喻多癡。三亦善別知旋洑下。即知心識相色無色等依識心定。劫數淺深。七識波浪染習遠近。隨善惡緣。心水色異。四亦善別知日月等者。即能知時。謂機之生熟。如是時中宜修定慧等。五亦知其船。即知萬行不同。有方便為堅。無方便為脆。曾修為滑。不曾則礙。水之大小者。謂生死有邊與無邊。風之逆順者。八風四順四逆。又謂修行有住與無住故。若開第三第五。各有三事。則總具十二。我以成就下彰化成益。既列十海。則知前海。準此應思。前四自利後六利他。後三文顯。第三無上勝長者。寄等一切佛迴向。以得勝通無過上故。等於諸佛。更無勝

故。在可樂國者。由等佛迴向。不見美惡。皆得清淨。歡喜悅樂故。文中第一可知。第二見無上勝下見敬諸問。初見。在城東者。啓明佛日故。處無憂林者。同佛迴向。無愛憎故。商人等聞遠者。佛為商主。菩薩為商人。法財外益功歸己故。次爾時善財下設敬。後白言下諸問稱名者。聲名久聞。表重法之器。翼有聞故。第三時彼長者下。稱讚授法。授法中先標名體。由無作無依故能遍至。遍至是用廣。無依是體勝。無依者。不依他故。無作者。離加行故。二善男子云何下徵釋。業用。釋中明至一切處廣說法故。文中先舉三千。後如於此三千下類顯十方。第四謙已推勝中。加清淨法門者。遍至本為說法故。即前所說。後二可知。第四至一切處迴向。善友名師子顯申者。舒展自在無不至故。比丘尼者。純淨之慈。合善遍故。國名輪那者。此云勇猛勇猛之力。能使善根無不至故。又以十度明義。義當進故。城名迦陵迦林者。以義翻。為相聞戰時。謂因聞勝而立城故。表此迴向願。以信解大威力故。廣大智慧無障礙故。令修善根無所不至。義同戰時。文中第一依敬趣求。言勝光王捨施日光園者。準律。尼之頭陀多在王園。藉外護故。表因實際勝光。令其善根遍法界之園苑故。並皆即智故有光名。第二時善財童子即詣下。見敬諸問中三。先見次敬後問。前中二。初見依。後見正。今初有六。一無漏林樹無漏法行而建

立故。文中有八。各有所表思之。一園中復有下明八解泉流。八功德者。謂輕冷濡美淨而不臭。調適無患。三無量寶樹下敷。法空座而隨。法嚴異。於中有標列及結可知。四此大園下難明諸般。萬行非一故。五爾時善財下出其所因。六三千下明果用自在。二爾時善財見師子下。明見正報中四。初總明遍坐勝德顯彰。二別明所遍。演法各異。三總結多類聞法發心。四通顯所因釋成自在。今初婆樓那者此云水也。此天能滿人願故。二或見處座下別明所遍。中有三十處分三。初十六為八部人非人等。次二為二乘。後十二為菩薩。今初中先有七處為天。一為淨居天。說無盡者。治彼那含求盡身智故。二梵王。普應。但於己眾廣及三千。為說普門則無不應。梵音清妙。但是世間。為說法界勝流方為淨妙。三他化天。令得出世淨心超世自在故。四化樂。樂具莊嚴不及善故。五旋歸如來藏心。則真喜足故。六遍嚴法界。方盡時分之樂。七釋天。耽欲甚故。次。一為龍。龍能通變。變電。雨莊嚴故。三夜叉。性好飛空。害物故。四乾闥婆。樂奏樂喜樂故。上三亦四王眾意存八部。故闕南西北五修羅。善幻為莊嚴故。六迦樓羅。動海怖龍故。七緊那羅。是歌神。以佛行光明破其著故。又頭有一角。亦云疑神。令同佛覺離疑光明故。八摩睺羅伽。多瞋毒故。上來八部。除第一第七及夜叉摩睺羅伽。約對治說。餘皆約隨便

●得二生● ●則十(並)● ●(善男子)十我● ●合二合● ●此二比● ●一三八● ●兩二降● ●三二九● ●四二一● ●五二一
一● ●六二二● ●七二三● ●八二四●

宜隨其世能轉入出世故。緊那羅衆通其
二義第十五一座爲人。人多行不善行。設
行仁義亦非勝故。故令起出世勝行。十六
一座爲羅刹。則是非人。亦治多殘害故。次
二爲二乘者。聲聞智劣故。緣覺修福止百劫
故。緣起智光未能亡緣故。後十二爲菩
薩分。三初一爲地前說定慧之光。次十爲
地上初發心者。證發心也。發十大願故。五
地妙華藏者。華謂十種平等淨心故。晉經
云淨心華藏華藏者。以真俗雙修。於難得
勝爲因含藏故。餘八可知。後一義當等覺
說金剛喻定壞散塵習故。既爲等覺而說
明此位非小。言迴向者。約寄位耳。他皆
倣此。第三善財童子見如是下總結。多類開
法發心可知。第四何以故下總顯所因。釋
成自在有二。一由能化具般若故。二此日
光下由彼所化根已熟故。二時善財童子下
設敬於中。三初觀勝發心。次放光攝受。後
正申敬儀。三白言下問法。第三比丘尼言下
授已法界中。三初標名。一切智者同佛智
故。二善財言下徵釋其體。一念普照故。三善
財白言下辨其業用。先問後答。答中二。先
明通用。後明智用。前中亦二。先辨用所依。
謂由一切智能入王三昧故。王三昧者。智
論第八云。一切三昧皆入中故。體卽如如。
如體本寂真智契此。故名三昧。以一切智
言有其二義。一遍知三世一切事故。二對
於種智名根本智。知一切事皆一實故。以
卽權之實智。契卽事之實理故。一切三昧

皆入其中。又由王三昧體無不遍故。意生
身隨類能成。二往十方下辨能依業用。可
知三善男子我見下明其智用。又前卽差別
智用。今卽無分別智用故。觸境無取。已下六
第五無盡功德藏迴向善友名婆須蜜多者。
此云世友。亦云天友。隨世人天方便化故。
國名險難者。逆行非道下位不能行故。城
名寶莊嚴者。逆隨世行能生無盡功德藏
故。第一依教趣求中。二先依教成益。謂由
聞一切智光故。思修趣入得二種益。一得
見實法性益。由前實智故。二得了知下得
權智益。由前窮三世差別智故。二漸次下
趣求後位。於中四。一專心尋覓。二城中下
淺識致疑。逆行難知故。不自疑者。貪順於
悲障行劣故不同前二。又於前二已調伏
故。此中不疑。三其中有人先知下深智讚教。
先讚後善男子婆須下教示所在。市者喧雜。
北主於滅自宅。卽畢意空寂。謂在欲行禪。
處喧常寂故。在市鄺之北等。四時善財下
依教往詣。第二見其下見敬諮問。見中先
見依報畢竟空中無德不具故。廣顯其嚴。
後爾時下見正報具有主伴德用。二爾時善
財前詣下敬問。下知第三彼卽告下授已
法界於中。三先標名。離貪欲際者。凡夫染
欲二乘見欲可離。菩薩不斷貪欲而得解
脫。智了性空欲卽道故。如是染而不染。方
爲究竟離欲之際。二隨其下顯業用。於中
先身同類現。後若有衆生下。以法益生
中有十種三昧。皆隨受欲便宜。得斯甚深

三昧。思之。三善財白言下得法因緣。先問
後答。一寶錢施者有二義。一寶而能捨故
得離貪。二一錢雖微。以菩提心故。成斯
自在。第六入一切平等善根迴向。善友名轉
惡羅刹者。此云纏裹義當包攝。塔中包攝
一切佛故。或云攝入。攝諸善根入平等
故。城名善度者。無一善根不度到究竟
故。常供佛塔者。善根中最故。未詳何緣偏
供此塔。有云。以塔中。空有栴檀之座。爲
欲普供無盡佛故。亦是一理。文中第一依
教趣求。闕無念法第二詣居士下見敬諮問。
第三居士告下正授法界。於中四。一標名。
不般涅槃際者。般者入也。窮諸如來不入涅槃
之實際故。故出現品云。如實際涅槃。如
來涅槃亦如是。二善男子我不生心下顯體。
謂心契實際。知佛常住。三唯除下釋疑。並
如出現品辨楞伽亦云。無有佛涅槃。無有
涅槃佛。四我開下顯其業用於中。二先辨
用所依。亦是證前不涅槃義。舉現見故。佛
種無盡者。佛種從緣起。佛緣理生。見理湛
然故見佛無滅。以佛化身卽是常身法身
故。後善財白下問答境界。第四謙己推勝
推勝中長者。雖知三世不滅。未能一念而
知及能所平等。第五於此南下。指示後友
中。先長行後偈頌。以大悲菩薩衆尊重故。
偏加於頌。言海上有山者。大悲隨順入生
死海而住。涅槃山故。卽南印度之南。第七
等隨順一切衆生迴向。善友名觀自在者。三
業歸向必六通赴緣。攝利難思名觀自在。

●亡二忘● ●八二七● ●[卽]一● ●下二可● ●十(百)● ●型二定● ●南十(方)●

由此能遍隨順衆生。在補怛落迦山者。此云小白華樹。山多此樹香氣遠聞。見必欣是隨順義。又觀自在者。或云觀世音。梵云婆盧枳底觀也。濕伐羅。此云自在。若云攝伐多。此云音。然梵本之中自有二種不同。故譯者隨異。而法華觀音品中云。觀其音聲皆得解脫。即觀世音也。若具三業攝化。即觀自在。彼中初語業稱名除七災。二身業禮拜滿三願。三意業存念淨三毒。而今多念觀音者。以語業用多故。又人多稱故。今取義圓。故云自在。然觀即能觀。通一切觀。世是所觀通一切世。若云音者。亦通所觀。即所救一切機。若云自在。乃屬能化之用。文中但有五段。闕第六禮辭。第一依教趣求。第二見其西面下見敬諸問。先見有三。初見勝依正。在西面者。西方主殺顯悲救。故。又令歸向本所事故。二善財見已下彰見之益。以得勝念。熏心故。善知識者。則是如來者。引至究竟同於佛故。三爾時觀自在下。友垂讚攝大悲深厚。隨順攝受故。二爾時善財下敬問可知。第三菩薩告言下稱讚授法。先讚後授授中三。初標名。二我以此下總顯體相。亦是釋名。平等教化即是大悲。以同體悲故云平等。相續不斷即是行門。又門即普門。普門示現曲濟無遺故。三善男子我住此下廣顯業用。於中二先約普門以顯業用。後約大悲前中先總明。以上同如來妙覺真心故。常在一諸如來所下。與衆生同大悲體故。普現一切衆生之

前。普現即普門示現。然大聖久成正覺號。正法明。示爲菩薩。義言等佛耳。後或以布施下。別明普現之義。有十一句。方法華經三十五應。乍觀似少義取乃多。彼三十五應。但是此中或現色身及說法耳。二善男子我修行下約大悲行以顯業用。救諸怖畏故。於中三。初離世怖有十八種。初三約煩惱即是因怖。餘皆約果。縛殺貪。三不活開出。黑闇已下皆五怖中事。上約所離。二復作下即能離因。念即是意。三業皆益故。三我以此下。今進大心方能究竟離。二死怖。第四我唯下謙已推勝。久成正覺尚不失謙。第五爾時東方下指示後友。於中二。初後友入會。從東來者後位如相智明。方證故名正趣者。正法遍趣化衆生故。以智正趣真如相故。從空來者。智體無依方契如故。智輪圍上者。如依妄惑顯故。足動界者。以定慧足除難惡故。同前會者。不離隨順衆生得如相故。又以智會悲成無住故。後時觀自在下。前友指示以在此會故闕禮辭。第八正趣菩薩寄真如相迴向善友文中。具六。初二可知。第三正趣菩薩言下授已法界分。二。先標名體。十方無際故名普門。一念超多故云速疾。二善財言下顯其業用於中四。一申問。雖有三問意在速疾。二告言下顯深。三善財下承力請說。四正趣菩薩言下正答前問。於中五。初答得法處。謂從自本智如來藏界。普生萬善本覺而來故。行能速遍知一切法。

不離心性萬行頓成。二從彼發下答時久近。三一一念中下答處近遠。以多時發多步則知遠矣。即是速疾。四一一佛刹下顯其成益。五如從東下類顯十力。後三可知。第九無縛無著解脫迴向善友名大天者。現大身故。無縛無著淨自在。故名爲天。稱理普應故名爲大。妙用難測故名爲神。在墮羅鉢底城者。此云有門。謂有此無縛等微妙法門。爲法師故。初二可知。第三爾時大天下。授已法界中。二。先授法方便。後正授所得。今初現相。讚友難遇令欣入故。長舒等者。約事則發心難遇。淨目而觀散華而供故。約表謂展四無礙解手。取所證勝流相應法門。先當自淨以洗身心。後因利他故云華散。亦表四攝遠展攝取四衆故。二我已成下。正授法界中。二。先名體。謂以六度大悲。如雲覆潤如網羅攝故。後善財下問答業用。四攝攝生故。先問後答。答中二。先現寶令。施教以檀攝。後如我爲汝下類。餘通教。及利行攝。如是等言亦兼愛語同事。後三段易知。第十入法界無量迴向。善友名安住地神者。地爲萬法所依。即所入法界。安住即入義。在菩提場者。所入法界即得菩提之處故。菩提是本。前南有所表。從本之南。今攝末歸本之法界故。不云南矣。又地上證如亦同本故。今迴向終故攝歸此。文亦有六。第一依教趣求。第二百萬地下見敬請。法於中五。初友見稱讚。既云友見則已含見友。二時安住下。嚴

處攝生以顯勝德。三時安住告下。許示昔善引其問端。四爾時下設教陳請。五以足按下正示昔因。第三善男子我得下示。已法界。於中四。一標名體用。謂一念之智冥平法界。則不可壞。此中則無所不生故名爲藏。由賢位既滿。總會三賢。爲入地之因。故顯善財之福常隨地神之智不壞。是則昔因不失能入證矣。常以此下略明其用。二善男子我憶下別顯業用。由智不壞故常憶等。三乃往古世下顯得法時處。四我於此下總結純熟。後三段可知。十迴向竟。

大方廣佛華嚴經疏卷第五十七

大方廣佛華嚴經疏卷第五十八

唐清涼山大華嚴寺沙門澄觀撰

入法界品入六十

自下大文第五有十善友。寄十地位。即分十段。第一婆珊婆演底夜神寄歡喜地。城名迦毘羅者。此云黃色。往昔黃頭仙人依此處故。黃是中色表契中道故。又此是佛生之城。表初地生佛家故。婆珊者。此云春也。婆演底者。此云主當。以於春時主當苗稼故。謂初入地能生長萬行。護衆生故。地上多見夜神者。證智玄妙難相破闢故。下九天神準梵本。皆是女神。瞿波亦女者。地上證於同體慈悲女之狀故。第一依教趣求中。先依前修證。後漸次下趣求後友。

於中先至時處從東門入者。開明之初。顯入證之始。故見日沒者。是夜神故。表分別見日皆已亡。故後心念下生渴仰心。第二作是念時下。明見教諸問。於中二。初見友依正。於空見者。城表教道空表證道。宗說兼通。如日處空。故服朱衣者。證智明顯故。法門星像。不離一身如體化生作用。不離一毛之性。二善財童子見聞下設教諸問。第三時彼夜神下稱讚授法中二。初稱讚。後善男子我得下授已法界。於中三。一標名體。二顯業用。三得法久近。今初。一切衆生癡暗者。即所破二愚。法光明者。即是能破二無我智。又破衆生闇爲悲。法光明是智。悲智具故。二我於惡慧下明業用中二。先長行後偈頌。前中二。先與救物之心。二我於夜闍下。正明對緣救攝。於中十門。初一總明。爲海難下別顯。今初有四種。一夜等爲救時。二海等爲救處。三運盜等爲所救。四種種方便爲能救。後九門別顯中。文皆有二。先救世苦令得世樂。後以迴向大願。令其究竟離苦得樂。九中一救海難衆生。二爲在陸地下救處陸衆生。三一切衆生下救求不得及行山險衆生。四救樂國土衆生。五救著聚落衆生。六救聞夜衆生。七是諸衆生無有智下。救惡業衆生。八或病所纏下救八苦衆生。九入見稠林下救惡見衆生。文並可知。二偈頌中二十一頌分四。初一頌法門名體。二有四頌。因勤修。即四無量。三有十頌。顯果令入。即六處殊勝。四有六頌。明業用廣

大。三得法久近中。先與二問。後還兩答。答中有二。先答發心時節。後答得法久近。今初有六。初總顯本事因緣。二時彼城東下明初佛興世。三運華城內下善友勸發。四令王夫人下正發大心。五時王夫人下結會古今。六我於彼佛下發心成益。二過此劫已下答得法久近。於中二。初總顯得法因緣。後我纔見佛下正明得法。於中三。初得方便三昧。謂上見諸佛下化衆生。次以開法故下得此解脫。後得此解脫已下廣顯業用。第四證推可知。第五指示後友。云善提場內者。得無誤犯。由契理故。理即菩提場。友名普德者。最勝法界無德不具故。淨光者。正智證入離誤犯之垢故。即前淨月故。云本從發心。第六爾時善財下顯德禮辭。於中二。先以偈讚表懺德之深。於中十偈分四。初四讚身心超勝。次三明大用無涯。次二益物不虛。後一結德無盡。二時善財下作禮辭退。已下六。第二普德淨光夜神。寄離垢地。善友義如前說。文則具六。且分爲四。第一依教趣求。第二見敬諸問。第三稱讚授法。第四懺德禮辭。今初。先念前法有十一句。初一念發心。餘十念得法。第二頂禮下見敬諸問。第三夜神答下稱讚授法。先讚後授。授中二。先長行後偈頌。長行中三。第一正授法門。第二謙已推勝。第三指示後友。初中二。先總答所問。後別示已法。今初有標微釋結。釋中有十句。初總餘別。別中三。是智法光明。四放光利益。五常光發焰餘

可知。一善男子我得下別示己法。於中二。先標名體。謂契理無著為寂靜。止觀雙運為禪定。正法樂住為樂。大用無涯為普遊步。後普見三世下廣顯業用。於中四。初明。離緣如實禪。同如來清淨禪。即寂靜業用。次現法樂住禪即定業用。三明引生功德禪。四饒益有情禪。此二即普遊步業用。今初。文中自有標微釋。標以見佛無著故寂靜。釋云所以無著者。窮了如來之體性故。文有十非。大同中論八不。謂不去不來不生不滅為四。其非實非妄即是不常。非遷非壞即是不斷。一相即非異。無相亦非一。二善男子我如是了下明現法樂住禪。先牒前起後。後思惟下正顯四禪。初禪中。思惟觀察即是尋伺。當對治支。堅固莊嚴猶是尋伺之相。次不起一切妄想分別。即所離障。然世禪但離欲惡不善。今一乘深妙故離一切妄想。次大悲救護一切衆生。即利益支。謂離自憂念衆生憂故生喜樂。後一心下即所依支。謂彼二依止二禪中息一切意業。即滅覺觀。次攝一切衆生。是一心智力勇猛。是內淨無覺無觀。次喜心悅豫是定生喜樂。修第二禪即彼二。依止下三四禪準此。三禪中初思惟一切衆生自性。即捨念二支。謂捨離前攝生之喜。於此捨中不失念故。厭離生死即慧樂二支。謂正知生死不可喜故。厭離即得真寂之樂。四禪中二句通具三支。謂苦喜憂樂皆是衆苦熱惱。於下苦中橫生樂故。四受俱亡故。云悉能息滅即

捨念清淨。既無苦樂即是中受。三增長圓滿下引生功德禪。遊戲神通即普遊步義。上來皆約一乘。異於三地寄法故。乃至云普入法界。四善男子我修此下明饒益有情禪。種種方便無不饒益。亦普遊步義。文中三。初令修四念處等觀。次若有衆生下明作道因緣。後復次下令修四正斷。第二我唯下謙已推勝。第三去此不遠下指示後友。去此不遠者。同寄世間故。菩提場右者。依理發光義便易故。喜目觀察者。忍惡視物故云。喜目。發聞持光故云。觀察。後偈頌十三偈分三。初十偈頌正授法門。次二偈謙已推勝。後一偈指示後友。前中頌前十法。文小不次。初四如次頌前四法。五超頌第七。六頌第六。七却頌第五。八頌第十。九頌第八。十頌第九。第四禮讚可知。第三喜目觀察衆生夜神寄發光地。文具六段。第一依教趣求中二。初依前友教。念友成益。後作是念已下趣求後友。得友加持於中四。一欲趣後友。二時喜目神下得友加持。謂加令知近友之益。三時善財童子遽發下加所成益。謂依前能加而起念故。如次以此十句對前十句。四爾時善財下正明趣後。第二見彼下見敬諮問中。但略明見已含敬請。第三入普喜幢下示己法界。謂懸為示相義當答問。於中三。初標名體。次顯業用。後出所因。今初。無不攝伏為大勢力。遍稱群機故云普喜。摧伏高顯所以名幢。第二於其身上下明業用於中三。初顯無涯之

用。次爾時善財見聞下觀用獲益。後爾時善財得此下慶益稱讚。初中謂毛孔身雲無有盡故。於中二。先出通說修行身。後復於一一諸毛孔下出演說本行身。前中三。初總標亦是釋名。次所謂下別顯十度。如次十度各有又出。以為揀別。其間深旨如理思之。後如說菩薩諸波羅蜜下類通餘法。種種行法者。神通度生菩提分等。二出演說本行身中四。一出能說之身。二於彼一切衆生下明演法之聲。三以如是等聲下顯所說之法。四如是說時下彰說之益。前二後一可知。三所說法中二。先說本行十度行法。後又說下類通餘行法。今初忍中。惡作屬身惡說屬口。禪中有六句。一名體。二資緣。三造修。四獲得。五治障。六起用。下之五度句雖多少。例此可知。般若中曰約破開異約。演法。藏顯包含。方便中體性通事理。理趣謂意趣。後類通餘行中。具四菩薩行思之。二觀用獲益。即證入法界。於中三。初顯證因緣。次則得下正明證入。後何以微釋所由。三慶益稱讚中十偈分四。初一偈現說之因。次一現說之意。次六現說體相。皆即寂之用。後二總結現說無礙。第三爾時善財下明出所因。於中先與二問。後具二答。於中先以偈答。後會古今。前中總九十一頌分二。前七十九頌答發心久近。後十二頌答得法時節。前中有十。復次初寂靜音劫。正是發心之時。有三十一頌分六。初一偈總標。二有八偈顯其本生。三有十偈明發

心本事。四一偈正顯發心。五六偈明發後之德。六有五偈轉值餘佛。未得慧眼者。未得十解正慧明故。二天勝劫中有四偈半。無而計爲有者。未解即心自性故。餘之八劫偈數可知。三梵光明劫中。未能明了法者。未了十行眞實行法故。四功德月劫。未得善巧迴向深智趣。佛智海故。五寂靜慧劫。未得地上二空眞如清淨法故。六善出現劫。未淨修造之障故。七集堅固王劫。未得六地緣生深順之忍。八妙勝主劫。修最勝道者。六地般若爲勝道故。九千功德劫。未得八地淨無生忍故。十無著莊嚴劫。四願半。但言供養者。下明得法故。又前次第皆言未得。後後則已得。前前思之。亦可。初劫已得。初地未得。第二乃至第九未得。第十地第十劫中方得圓滿故。其劫名亦順地義。如文思之。第二次有佛出現名爲功德幢下。答得法時節中。即前無著劫得此法也。於中二。初四偈得無功用之三。地。謂八地無依大願。九地滅定總持。十地成如來力。後八結成普賢行位。於中三。初四偈半。舉大心之始。次二偈半。明成德之終。後一偈總結圓滿。因果圓融初後該徹故。入普賢道。二結。會第四證已推勝並可知。第五指示後友同在證位。故云於此會中。起精進行爲普救衆生。智焰吉祥稱爲妙德。已下第七四普救衆生妙德夜神。寄焰慧地。文但有五二三合故。第一依教趣求中。先修入前法。後一心願得下趣求後友。第二時彼二神

下。聞見法界即合二三。謂約善財則是見敬。若約夜神所現即是解脫業用。便爲默授法界。若約一文開辨則先明見敬諸問。後答因緣。方爲正授法界。今依合科總分爲四。一現光加持。二蒙光獲益。三三業敬讚。四問答因緣。今初調伏衆生解脫即光所依。是已法門名體可知。第二善財爾時下蒙光獲益。謂得三昧見大用故。於中二。先得定。謂三業六根皆離障故。云究竟清淨。即淨智圓滿。摧障爲輪故所見無礙。後得此下明見大用。於中二。先見用所依處。後一一塵中下明所見事。於中三。二所化處。二能化益。三所化意。前中二。一總明處類。二又見下別明。塵中之利。趣難緣等者。轉變向染淨故。難染淨者染多故。下句反此。一向淨者對上二故。初之二句乃是總明。二如是等下明能化益。亦二。先總明。後令地獄下別顯。於中先化五道。後又見一切衆生下明化九類。三爲成就下明化意中。爲成諸法通能所化。第三時善財童子見此下。三業敬讚中三。初身心敬重。二時彼夜神下顯友自在。三爾時下口以偈讚。二十偈半分。二。初偈總餘偈別。別中二。初九偈半。明光用無涯。後我承下述前蒙光獲益。於中三。初半偈推功歸本。次二偈半述得三昧。餘述見大用。第四問答因緣中二。先問後答。問中有三。一問名前來標名集經者言故。此方問。二問得法久近。欲顯久修德遠故。三問修因淨治。求入路故。後夜神

言下答中二。先歎深難說。後我承下承力爲說。今初深相云何。若約得時時久遠故。非久近故。若約修因因行廣故。若通上二契理深故。若約名說名如體用故。名者實寶難窮實故。文有標及徵釋可知。後承力爲說中。先長行後偈頌。前中先標許。後善男子下正說。於中二。先通答三問。後別答修因治淨問。今初分三。一答得法久近。二明發心之始。三結會古今。今初十段。一總舉劫刹佛興已略。酬其久近。二其佛世界下通顯刹相。三此界東際下別顯生處。四有轉輪王下明本生父母。五其有一女下明本生身。六爾時衆生下。衆生起惡爲佛現因。七時彼城北下佛興益物。八時普賢下明善友引導。九時轉輪王女下。明德女修因。十普智寶焰下聞經得益。前六可知。就第七佛興益物中三。一明得道之場。二須彌山下總顯佛數。三其第一下別明初佛。於中七。一總明成道。二其彼如來下成道前相。謂放光調。十一重。一一重中。各有光明業用成益。以益對名。可以思準。若約表法。則前十爲次第十度光。後一爲圓融十度光。以此照心則自智出現。三滿七日已下動刹集衆。四爾時彼世界中下現相顯德。五善男子此普照下明成道依正。六善男子彼普智寶焰下始成正覺。一成一切成故。七隨衆生心下轉正法輪。於中三。初總標轉法。二於一下顯其成益。於中初益凡夫。次益二乘。後益菩薩。菩薩中先成行。後發菩提

所行境界間通二種境。如言入法界門即所觀境。發一切智性心即分齊境。餘可準思。文中分三。初十門法說。次猶如影下二十二門喻說。以深廣相難可知。故後我今爲汝下一句總結勸修。第二爾時善財童子下明得解脫因中。先問後答。答即十度爲因可知。第三善財童子言聖者下。明發心久近。欲顯道根深故。先問後答。答中二。先長行中三。初於餘利海中發心修行。二然後命終下。於娑婆界中修行得法。三善男子汝問於我下結酬其問。今初分二。先於第一利塵劫修。後於第二利塵劫修。前中分五。初總顯利海。二此世界中下別彰時處。三有佛名不退下。顯於初佛發心得定。此即正酬發心之問。自此已去皆顯修行得法。是知先問亦含問其得法久近。神名具足等者。亦表五地。入俗福智高勝故。四此道場中大有如來下。略舉次前九佛。五善男子清淨光下。結略顯廣。此舉一劫之中利塵數佛。皆悉供事。二從此命終還即下。於第二利塵劫修行。界不異。前故云還即。劫時有異。言歷利塵。前雖數數命終。今語前劫之末。是知前善光明幢劫。即是大劫。其中已含有利塵數小劫。此中但明塵數小劫。略無大劫之名。一文影略故下結云。於二佛刹微塵數劫中。修菩薩行。是則前段一如來與義當一劫。若以善光明劫爲利塵之一。此命終之下結。成利塵之劫。則闕二字。故晉經言。於彼世界。經二佛刹微塵數劫。方順下文二

劫之言。一劫已有利塵之佛。則佛彌多矣。第二於娑婆世界修行得法中。二。先舉此前三佛。後次值毘盧下顯遇本師。得今解脫。則前所得望此皆因。於中二。先名體。後得此解脫已下明業用。此中業用。非獨事業。良以前之四問皆業用故。故此通包。於中二。初標所入海數。後見彼一切下明海中。所見展轉深細。略爲四重。一利海中塵。二塵中之利。三利中之佛。四又亦見彼下佛毛變化。於中二。先通力演法。後我得下明夜神悟入。於中有二。一總顯能所悟。二一法門下明重重微細。於中二。先總顯十重。後一智光下。別顯智光之用。今初有十重一切。顯無盡法門。十中前五約所悟。一法門者。如般若一門中有多契經。二隨一契經證多深廣之法。謂含諸度等。三隨一深法有多品類。四隨一類中有多事法。其一法含旨如雲。五隨一根本法雲。流出衆多支派。後五約能悟可知。二別顯智光之用者。是第十一重。但廣最後一重。功用無邊則類前重重不可盡也。於中初句總該橫。豎後知無量如來下。別顯橫。豎之中所知於中五。一知如來因地之行。二知往昔超菩薩地下。知佛因地之位。三知爲菩薩時常見下。知因地作用。上三知因。四知無量如來放大光下知果用。五彼諸如來下總知因果。第三結酬其問中三。初結此前。次及此劫中下。類顯未來及於餘界。後善男子下結勸修學。第二偈頌有十偈分三。初一誠聽勸

修。次八正明昔行。於中前四智行上供。後四悲心下救。後一結行分齊。第四謙己推勝。第五指示後友。般若爲得佛之所持。言善提場。般若若現則善守心城及一切智城。萬行由生爲增威力。第六懺德禮辭中。初以心觀。次以偈讚。後以身禮。偈中十偈分四。初一明因友得見。次二寄對顯勝。次六當相顯勝。後一總結圓融。第六守護一切城夜神。寄現前地。第二見彼夜神下。見敬諮問可知。第三時彼夜神下。稱讚授法。先讚發心之相。後善男子我得下。正授法界。於中三。初標名體。二顯業用。三辯法根深。今初卽事契理。故曰甚深權實無礙蘊攝妙辯。稱爲自在。依此演法普應。群機是爲妙音。二爲大法師下顯其業用。於中三。初總明次別顯。後結益。初中二。先十句彰法施之德。後佛子我以此等下顯法施之意。第二善男子我以如是淨法下。別顯業用。於中三。初釋甚深。次釋自在。後釋妙音。初中三。初總標。次何者下徵列。列法界中十種別義。約十種行顯之。以行必稱理。理由行顯故。謂一無分量。二無邊際。三無齊限。四無涯畔。五豎無斷絕。餘可知。後善男子我作下結前觀益。二又善男子我如是正念下。釋自在義。謂總持權實故。各就所持立名可知。三善男子我或爲衆生下。釋妙音義。於中二。先別明後總結。今初有二十三。向初三約三慧。後二十句爲十對。約廣略辨。略言一者通理通事。理一有者二十五。

●普理無二故。事一有者。同一有爲故。不可思。後我以如是等下總結。第三善男子我入下結益中。一。先別結甚深益。由入無差別故。住劫而不疲。後我成就下。通結妙音自在總持故。增長解脫。妙音故充滿法界。第三時善財童子下辨法根深。先問後答。答中二。先辨初劫修行。後。後是已來下類顯多劫成益。今初分二。一總舉。剎劫言世界轉者。謂世界爲塵一塵一剎。復末爲塵故。亦猶無量無量爲一無量轉等。若取迴轉形。世界塵者。何以偏取此形。二善男子彼世界下別彰遇佛。於中四。初總舉。佛數與處。二其最初下。別明於初佛得法。三次有佛與下。略舉次前百佛。四善男子如是等下。結略顯廣。二。中分六。一標佛現。二彼佛出時下父王出家。三法欲滅下惡世過與。四時王比丘下滅過弘闡。五時有比丘尼下。王女見開發心得法。即正答得法久近也。六於汝意云何下。結會古今成益。三略舉。四結廣及類顯成益。文並可知。第四我唯知下。謙已推勝中先顯已知。一。略顯四種業用。若約妙音釋。則不綺不離間不妄不惡口如次配之。若約甚深釋者。不與理合皆名戲論。理外發言即是二語。既與理非則非真非淨。反此可知。後如諸下推勝知多。第五指示後友分三。初指後位。次顯前法。後善財得益。今初開敷樹華者。約事在香樹園內故。約位七地是有行。有開發無相住故。二顯中顯前法者。臨去勸勵屬令修

學故。十一偈分二。初二偈顯前體用。餘顯顯法根深。於中亦二。初顯初劫。後一偈顯類顯多劫。前中三。初三通顯初後。次四別顯於初佛得法。後一顯中間百佛。及後結文。三善財得益。雖通由前。文亦近由此。於中先長行叙益。後觀察下偈顯慶讚。十偈分四。初一讚福智超絕。次四歎悲智甚深。念攀緣一切境。不礙分別事故。心心永斷諸分別。常契理故。又上句約觀下句約止。即止觀雙運了達無性。成無分別而起大悲。成上攀緣。攀緣即分別耳。不唯屬妄。次四總顯德圓離障攝益。後一成行入位。已下入等。第七開敷一切樹華夜神。寄遠行地。初二可知。第三夜神言下授已法界。於中四。一顯法行。二立法名。三明業用。四辨根深。今初亦是法門所作業用。對先問行故。總示其行未畢。法門之名。於中二。先明安樂衆生行。後善男子若有下利益衆生行。令物斷惡修善故。於中先總。後爲愷客下別顯十度。治十蔽障。第二善男子我已成下立法名。此有二意。一望前稱已益物悲智之心。故生大喜。二者望後照佛攝生廣大悲智。故生大喜。第三善財言下明業用中。先問後答。問中以是業用分齊。故云境界。答中三。初總標。謂知佛攝生之智爲業用分齊。二云何普攝下。略顯普攝之相。謂一切物樂皆由佛得。故知佛攝。三云何知然下。廣顯巧方便智。先微可知。後釋意云。我見如來從因至果。大悲巧攝故。知樂由佛生。

於中二。先總明。後善男子世尊往昔下別顯。於中亦二。先發善巧普攝之心。後起善巧普攝之行。前中亦二。先見發心之境。沈苦集故。後見如是下正發救心。令得滅道。於中先並起悲。後起觀察下雙運悲智。二起如是心已下。起普攝行中亦二。先別明利益衆生行。後善男子毘盧遮那下。雜明種種行。前中三。初舉攝生行體。次以是方便下。明攝生本意。後菩薩如是念念下辨攝生周遍。即廣大義。二雜明種種行中二。先明觀機彰苦集無涯。後起大悲心下顯修行無量。於中三。初總明化益。次爲說種種下別明化法。後令諸衆生下總結化意。第四善財童子言下辨法根深。先問後答。答中二。先歎深許說。二乃往下承力正酬。前中二。先長行亦二。先歎深難知。後承力許說。前中四。一標難知。非唯久遠難知。抑亦當時發心。已得深法。滿佛境故。況無久近相。非常見聞故。難信非聞慧境故。難知非思修故。難解難入上皆心緣處滅故。難說者言語道斷故。二一切下顯。不知人三唯除下。揀去能知。即善財之類。四何以故下徵釋所以。以是佛境故。權教菩薩尚不能知。況前劣耶。二然我今下承力許說。後爾時下偈顯。二十一偈分二。初十九偈歎深難說。後二偈顯承力爲說。前中四。初一偈顯深難說。二有三偈顯不知人。三有一偈超顯前釋。以是佛境故。惑者不知。四有十四偈總顯揀去能知。次第顯前佛力所護等。恐繁

不配。說者隨宜。第二承力正酬中二。先長行亦二。先正說後結會古今。前中四。初總顯發心時處佛與二善男子彼普光明下。別舉本生時處。三其中有王下。明發心勝緣。四時此會中有童女下。正顯發心本事。初二可知。三中有四。初明大王治化。即鐵輪王故云。閻浮。二時彼世界下。五濁為因。感三災果。壽命短促。即命濁。資財下。來生濁。不修下。煩惱濁。任情下。見濁。劫濁則通。三。咸來共繞下。悲境現前。四爾時大王下。正明起行。於中二。先深起大悲。後作是語。已下廣行大施。於中八。一施令彌布。二其堅固下。施會大敷。三時彼大王下。施主超倫。四爾時閻浮下。施田雲集。五時王見彼下。施心殷重。六善男子其王爾時下。施願廣深。七已能深入下。施慧玄微。八不揀方下。施時均普。第四正顯發心本事中。六。一發心身德。二時寶光明女下。正發大心同。王心故。三爾時大王下。王發攝言。四時寶光明女讚。王德。五時彼大王下。大王述讚。六王讚女已下。施行攝持。六中前三可知。四女讚中三。初標心淨。次發口言。後展身。禮口言。偈中五十二偈分二。初二十五偈總顯王德。後王父下二十七偈顯王本生。前中有四。初六偈明王未興時損。次二偈明王興世之益。三有十偈顯損成德。即翻十惡。四有七偈明依正業恩。後顯王本生中四。初四偈明先王世末。次八偈明王興先相。三有七偈正顯誕生。四有八偈生後之益。身禮及王讚述等

可知。第二善男子爾時一切下。結會古今。第二爾時下。偈頌。但是總相顯。已能知。於中先九明能知。後一結勸。已下入第八大願精進力夜神。寄不動地。無功用道。任大願風。普救護故。第一依教趣求。略無念法。亦表無功離念故。第二見彼夜神下。見敬諮問。然亦含二意。若約顯說。則自此盡偈皆第二段。至夜神答言下。方屬第三授已法界。若約密授。則此現勝用。已為授已法界。善財發同善友心。便已得益。義雖通二。為欲順文。且依前判就文分三。初見勝用。次時善財童子下。設敬證入。後爾時善財說此偈已下。諮問法要。今初先總見所依。後現日月下。別顯身相。有二十四身。初十即應機攝化身。次現一切佛所下。六身是應法成行身。餘是離障契理身。多隨內。德顯身差別。見身了心。二設敬證入中四。第一設敬陳禮。第二於善知下。發增勝心。第三發是心已下。深證顯同。第四既獲此已下。以偈慶讚。初二可知。三中有標釋結。今初由前起同。已等十心故。得同善友等行。通論同有四義。一入法無二。與一切法界同。二因果無二。與一切諸佛同。三自他無二。與一切菩薩同。四染淨無二。與一切衆生同。今云得彼夜神與諸菩薩同。菩薩行則正是第三。義兼餘三。由見初。故則不殊餘二。方為究竟之同。良以八地證無生理。自他相作皆無礙故。偏此明同。故下列中有無生忍。二所謂下列釋。八十四同。各有標名釋義。文相

自顯。三時善財童子觀察下。總結第四以偈慶讚。十偈分三。初八頌前發增勝心。次第三頌前十句。初六偈各頌一句。第七偈上三句。頌第七。下句頌第八。第八偈上半頌第九。下半頌第十。二有一偈頌前深證顯同。三一偈頌荷恩深重。第三諮問法要。前已觀解脫之用故。不問云何修行。直徵名而已。文有三問。第三夜神告言下。授已法界。前即默授。今方言授於中。一。初答名問後。答發心久近。所以不答第三成菩提者。有二意故。一顯悲增。如休捨說。二顯入成示。是因緣故。下所救千佛尚已久成。況能救耶。前中二。先標名。謂現身廣化。令生諸善。究竟得佛。故名為根。後我以成就下。顯其業用。講契理之用。故用而無涯。動寂無二。於中三。初勝內契理事。二而恒下。明大用無涯。略顯九十八種色身。并初後標結。即為百身起信等論。明八地當色自在。地故。此廣辨色身種種。約其類別。非一。約一類而多餘可思準。三念念中現下。總結深廣。於中四。一結所作之業。二善男子當知下。結能現所因。三善男子我入下。雙結寂用無礙。四一身下。結成深廣。第二善男子如汝所問下。答發心久近。中二。初歎深許說。後正答所問。前中三。初牒問許說。二善男子菩薩智輪下。歎法甚深。三佛子菩薩智輪雖復下。結承力說。二中先法說後喻明。今初先標後釋。釋中先正釋本性約理。離分別約智。超障約所斷。後隨所應下。釋妨。既無長短。

今說長短者爲利生故。欲長則長顯法根深。欲短便短顯法超勝。後喻顯有五。一。皎日隨時喻。謂日體恒明映山出沒。智無三世心障見殊。二。日輪現影喻。謂白日無來隨處隱顯。智輪常寂機見短長。三。虛舟運物喻。喻菩薩無住攝生。四。太虛無礙喻。喻於菩薩無功益物。五。幻化無真喻。喻即用而寂然上諸夜神歎深。皆徹斯法喻三結承力爲說可知。二佛子乃往下正答所問。先長行後偈頌。前中三。初善光劫中行。因得法。次日光劫內供佛修行。後總結時處。初中二。先明最初佛所修證。後轉生值佛修行。前中三。初古佛出興。二是時國王下先王治化。周圍者周之獄名。三王有太子下夜神修因。於中有三。初明在家本事。二結會古今。三出家得法。今初有十一。悲救罪人。正答發心之始。榜笞捶擊也。贖謂別足之流。二臣議非理。三請代囚命。四臣執令誅言寶祚者祚位也。易云罪人之大寶曰位。五王后哀祈。六王誓子志。七太子確救。八母請修因。九正設施場。十經半月下如來親救於中六。一就戮時臨。二時法輪下如來降德。三爾時太子下敬申禮請。四以佛神下就座談經。言普照因輪者。謂令知善惡各自有因。罪人惡因所招。太子善因當滿故。五時彼會下廣益當機。六善伏下太子得法。二善男子爾時太子下。結會古今分四。初結自身正酬發心之問。二結大臣三結獄囚。四結王屬。並文處可知。薩遮有也尼乾

不繫也。裸形自餓不繫衣食故。三佛子我於爾時下。明出家得法。各言百萬。義當彼時已得四地。二佛子我於爾時命終下。明轉生值佛修行。略列八佛通結。一萬。第二次復有劫下。明日光劫中。值佛修行。中三。初總標舉。次最初下別列。十佛。後於彼劫下總結得法。第三如於此劫下。總結時處修行得法。第二偈頌中有三十四頌分四。初一頌承力許說。次二頌古佛出興。次一偈半先王治化。餘頌夜神修因。於中四。初九偈半頌在家本事。次一偈頌出家得法。三有。二偈頌一萬佛。四次於佛刹下有十七偈。頌總結時處得法。於中三。初一略標。次三總會古今。後十三偈。重頌末後得法深廣。四謙已推勝。第五指示後友。毘尼林此云樂勝園光。昔有天下女下生此處。因以爲名。表九地總持光明無不照故。友名妙德圓滿者。善慧無缺故。然此園在迦毘羅城東二十里。是摩耶生佛之處。又從九地當得受職。是故。今問生如來家。已下入第七十四經

大方廣佛華嚴經疏卷第五十八

大方廣佛華嚴經疏卷第五十九

唐清涼山大華嚴寺沙門澄觀撰
第九毘尼林神寄善慧地。初二可知。第三彼神答下授已法界於中四。一顯法義。二

立法名。三明業用。四辨根本。初中二。先長行後偈頌。前中四。一標數歎勝。二徵數列名。三依名釋義。四結歎勝益。初中生如來家。卽正酬其問。第二何等爲十下徵數列名。此十通於六位。一當十信。二卽十住。三通行向。四是初地。五從一至七。以是功用邊故。六七皆八地。然六卽自分。七卽勝進得勸之後。八卽九地。九當十地。十卽等覺入如來地。然依行布豎配定。然若約圓融。初後通用故云成就。此法則生如來家。若定須具十。方得生家。何以文中。第二第六皆有生家。第十復言於三世佛所已受灌頂。故知須豎約證分異。若定豎者。則達具十則生之言。是知須橫約圓融修觀。第三善男子云何名下依名釋義。一中卽信發心故。賢首品云。當欲利樂諸群生。莊嚴國土供養佛故。故文云。始集善根。二中初住發心。文具三心。生如來家亦初住生家。三中十句。一觀法門海標十行。二向一切智標迴向。以行願相資故合爲一。餘八通行向。四中契理斷障名深淨心。卽淨心地已證理故。堅如金剛已得離生道故。捨諸有趣已破二障礙山故。爲物依處。五中證如起行爲平等光明。戒忍進等爲次五地。得無礙下卽是七地。七地得無生忍光明故。入一切真實法六中以得無生忍契同法性。爲生佛家。願度增上善根一體。惑等不動爲白淨法。七中因佛勸起能頓修行。名佛力光明。無功用修故無疲厭等。八中從第八地入

第九地故云住童真位觀一切智智門即法師之德故於三性等皆如實知即事知理之如實故於有差別境入無差別定即理窮事之如實故於無差別法現有差別智餘可準思九中以佛莊嚴而莊嚴故名普莊嚴已得離垢等諸三昧故雖復常用而常在三昧十中約其自分為此菩薩約其勝進名入佛地已受職位云受灌頂智齊佛境云知一切如十定品辨第四佛子若菩薩下結歎勝益可知二重頌中十偈如次頌前十法第二善男子菩薩具此下立法名中先牒前所明後我從無量下指前立目機感便現無所障礙名自在受生通能所現第三善財自言下明法門業用於中先問後答答中知見此境即是業用於中二先明依願受生後經於百年下如昔願觀於中四初觀降神瑞相二善男子摩耶下見出城現光三摩耶夫人於畢洛又下觀將生神變於中二先標徵畢洛又者此云高顯後別顯十變一集衆息苦二卷舒無礙三毛現佛四現佛本事五現行所依身六遍現捨行七現古佛受生園林八現今佛所處宮殿九出菩薩同類十地現蓮華將承至聖四善男子嵐昆尼下正觀誕生於中三初觀外相有四種相釋通事理約事謂一迴轉特故二高顯容故三威光赫奕故四分明可觀故約理則一依性空無住現故二依涅槃山無心出故三大慈雲中現無住之化身故四為彼衆生

生死無明之大闇故二菩薩爾時下了其內德三當我見佛下結其周遍則橫豎無窮第四時善財童子白彼神下顯法根源先問後答答中先長行中六一古世佛興二其四天下顯昔父母三其喜光下攀樹誕生四時有下觀佛得法五善男子下結會古今不結父母者意明即淨飯摩耶佛即今佛故六我從是下顯用周遍後偈頌中二十三頌分四初一誠聽許說次九最初修證次十二偈歷事增修末偈結歎無盡第五指示後友中言瞿波者此云守護大地在家為父母守護太子儲備守護國地既為其妃依主得名表十地既圓故無地不護然太子有三夫人一名瞿波次名耶輸陀羅三名摩奴舍今因位之極故取其第一法喜已滿故寄之昔妃此位親能得佛故在生佛之城矣已下入第七十五經第十釋女瞿波寄法雲地第一依教趣求中二初依前修證後漸次下趣求後友於中四一趣求詣處二其中有神下伴友迎讚三善財童子言下善財印述四爾時善財下神敬增深二中四一讚行究竟二我觀仁者修諸下讚精進得果三我觀仁者勇猛下讚精進得法四何以下以理釋成三善財印述中二初印受所說後聖者我願下述自所作於中二先明四等攝生後明萬德益物前中有四謂法喻合釋法有慈悲合中兼喜釋中不貪兼明有捨於中先徵後釋釋中先總明後不貪生死下別顯於中先明不自為

後但見衆生下明其所為二聖者菩薩摩訶薩下明萬德益物於中二初有十六句別約喻顯為物歸趣後聖者菩薩如是下結成益物四神敬增深者以聞上法故文中三初長行申供次以偈讚德十偈分二初三歎下益衆生行後七歎上求無礙行後爾時下以身隨逐愛重情深故第二爾時善財童子下見敬諸問先見大敬後問前中二先入堂推求已見依報此文亦可屬前二見在堂內下見其正報初見主後八萬下見伴廣歎伴從勝德主德固已絕言二爾時善財下設敬三作如是言下諸問於中先自陳發心後而未知下正問有十一句問悲智逆順權實寂用無礙雙行之行前十句攝為五對一過凡越小對二離果超因對三現生示色對四極相窮說對五下化上供對十一總顯諸善真俗雙行第三時瞿波女下示已法界於中四一法義二法名三法用四法根前中先長行後偈頌前中亦二先讚誠許說後善男子下正顯法義於中二先明帝網智光行謂依此十則照重無盡法故有標釋結可知後佛子若菩薩下承事善友行前明依法此辨依人法假人弘故由得此出無盡法亦是廣前初二亦有標釋結後偈頌中有十二偈分二前十偈如次頌前十帝網行然前長行但名帝網光明行則十法通稱今偈中初二取前總名後之八行各別立稱則知十名一一通其十行重重無礙方受帝網之名

又須得斯偏意方了前名。後二偈頌前事友十法後二以二後二相隱故。餘略不頌第二時釋迦下立法名。謂一切菩薩普賢三昧深廣如海。如法界故深如衆生名故廣。以殊妙智念念觀察故立此名。第三善財言大聖下。明法門業用中。先問後答。答中二。先顯廣知。後釋知所以前中三。初知娑婆世界。次類知剎海。後別顯毘盧因果。前中二。先知剎海劫事。後善男子此娑婆下。類盡未來前中亦二。一知世間善惡因果。不善根所攝善根者。如瞋心持戒等。下句類知。二又彼劫下知出世因果。於中亦二。先知佛因果。後亦知彼佛衆下知佛衆會。於中有三。初知聲聞。二知緣覺。三知菩薩。及後類盡未來。文並可知。第二如知娑婆下。類知剎海於中二。先通顯知多。後別顯所知相狀。今初有六重類。知後後廣於前前。初二皆全剎攝多利。而初但攝同類剎故云。塵數。二即異類剎故云。一切一切種類故。三即塵中攝剎故。細於前四即十三佛剎塵數圍繞。及廣大眷屬世界。故云。娑婆世界外等。五即普照十方熾然寶光明利種所攝剎。通二十重。六即全蓮華藏世界海。後所謂下別顯所知相狀有十種。一廣博即所依種。二安立即因緣或所依住。三即輪圍。四即其中場地。五體類各殊。六轉者有二義。一如輪轉形故。故世界成就品云。或有世界隨輪轉。二即劫轉變故七所依蓮華。八即其中須彌九隨緣立稱。十即結果屬。因謂華藏

世界。海。是佛本願所嚴故云。由力。第三亦念如來下別顯毘盧因果。於中二。先明因。然有二義。一者成上上。但總云本願力故。今別顯成剎之因。二者順。從亦通。正報之因。後得於如來下顯果可知。第二何以故下釋。知所以。第四善財白言下顯法根。源。先問後答。問中雖但問得法久近。而義已含修行久近。得此法門故。答中分四。一明最初佛所發心修行。二於中間多佛修行。三。正明得法之時。四多劫修證此法。初中分二。初正顯本緣。二結會古今。前中分十。一王都時處。二太子超倫。於中先具相後遊觀。三寶女求歸於中分四。一具德端嚴。二見其下白母求事。三彼香牙下夢觀佛興。四時妙德下自陳心。總有十偈。前三自述德堪。後七讚彼求納。四太子審問。有十二偈分三。初二問其屬緣。次三審其內過。後七邀其進善五女母代答。明有德無過亦不屬緣故應納受。三十一頌分六。初十一偈總顯報勝。次三偈別讚端嚴。三有三偈明其絕倫。四有五偈伎能內滿。五有八偈離非具德。末後一偈結讚所宜。六太子重邀謂若不障道當隨汝意。於中先長行分二。初自述行深。後當於爾下恐其爲障。後偈頌十偈分三。初六偈頌其行深。次二頌半邀其莫障。後一偈半結令審思。七女敬順從。有十四偈分三。初三忘苦眷德。次六希同勝行。即正是發菩提心。後五勸詣如來。八太子攝受由敬佛心歎

故。九母陳慶遂故。重讚女德。十偈分四。初一標其遠志。次二德行懸同。次四身語超倫。後三內心蘊德。十正共修行。亦分十段。一詣佛供養。二時佛下開經得法。三時彼太子下辭歸白父。四爾時大王下王審慶聞。五作是念下。禪位往觀。六爾時下。開經得法。七其衆會入下。衆益時會。八時佛下。佛重現通。九時彼父王下。父王出家修證法門。十爾時太子下。太子紹位弘通大化。第二佛子於汝意下。結會古今。第二彼佛滅後下。見中間多佛略列四十。第三其最後佛下。正明得法之時。最後者。即六十億那由他之後耳。第四佛子我得此下。明多劫修證於中二。一於一剎塵劫修行。於中亦二。先多劫修行。未窮菩薩之境。後佛子若有下。明菩薩難遇見者不空。二佛子我見下。於百剎塵劫修行。於中亦二。初多劫修證未知菩薩解脫。後何以釋。不知所由釋中亦二。先總顯深廣。謂所以不知者。以稱事理之無邊等。諸佛之境。斯則等覺菩薩解脫。十地不知故名普賢解脫。後佛子我於佛剎下。別顯深廣難知之相。謂一毛即不可窮。況多毛多身廣大之用。以是無盡無邊之法門故。於中五。一毛中見器世間。二見智正覺世間。三見衆生世間。四見菩薩修行。五佛子我於下總結不窮深廣。第五指示後友分二。先指後位。如後當釋。後顯前法臨行再述故。三十一偈分三。初一總顯菩薩益生。超顯前見者不空。生

下女人染心之益。次十五揭明遠劫前事。長行所無。長行語真淨發心。但論德女。今則收其難善。故叙遠緣。以重況妙。後十五偈正頌長行。德女因緣。第六禮辭可知。上寄位修行相竟。已下入第六經自下下文第二從摩耶下。有十一人。明會緣入實相。謂會前諸位差別之緣。令歸一實法界。生於佛果。如摩耶生佛故。次明之。然人雖十一。約法唯九。約會為十。初一為總。餘九為別。故摩耶得智幻法門。末後亦得幻住。始終相會。該於中間。總別圓融。歸實無二。故摩耶既會緣入實。何得更須十人。豈不向言總別相會。非別無以成總。故又顯是所會之緣。語十表其無盡。無盡之緣。皆成摩耶之實德。故又此一相義當等覺。等覺方能親生佛故。等覺却入重玄門中。故有十人。多明入俗。初天主光且須正念。無失。次可為世師。遍窮衆藝。智之門。無依無盡。無著清淨。清淨則淨智發光。發光則智相無盡。無盡則誠顯不遠。方能還歸幻住。故雖十一。不失入實之言。始末皆幻。方知諸緣體虛。即實。今初總中文亦具六。第一依教趣求中二。初將詣觀成。後勝緣引導。前中三。初標將詣觀成。次作如是下別明觀念。後如是之入下思欲親承。今初摩耶昔云。天后。天后能生佛故。權教中說生佛七日命終生天。而晉經指在迦毘羅城。則顯常不滅矣。又上云。此世界者。亦表即佛境界。故得觀佛境智。然說摩耶。或云是實非化。或云是化

非實。或云亦化亦實。或云非化非實。皆帶方便。約此宗說。即法界實德人法圓融。二別明觀念中。初總念勝德。已能開合。願智幻門。後隨意生下。別念一十七身唯普眼見。冥契下文天后所現三思。欲親承可知。二作是念。已下勝緣引導中三。初城神顯教修心。次身衆神密加授法。三法堂羅刹教求友之方。初中有三。初以華散。二作如是下。正以言教。城神令護。心城是知無有一事非法門。矣。心名城者。中有正覺法王。萬德所聚。故有三十門分三。初有十二門明十度行。初後合二。中八各一。次扶助成十一句。即初地淨治地法十種勝行。文。少不次而數全足。一信。二慈。三堅固。四悲。五捨。六七皆慚愧。謂不容惡。故八無疲厭。九如說行。十知諸經論。十一即成就世智。故能普曉衆生。後住持下七句。福智圓滿。初二。是福。後五。是智。智中前三。權後二。實。三佛子。菩薩下結讚微釋。第二身衆神密加授法。中三。初讚友令欣。次從其耳下放光。加被。後善財即得下善財獲益。所謂十眼。言不思議身者。十身無礙。故佛平等者。佛佛同故。故異於前。但明法身餘可思。第三時有守護下教求友之方。於中三。初教次問後答。初中二。先教十法。增其智。後示三昧息其亂。各有標釋。今初釋中有十一心。二直。三悲。三智四進。五信。六深。七慈。八淨。九益。十巧。十一常。後示三昧釋中。於境不捨離等者。凡夫

染境。二乘捨境。權教縱觀空有互陳。並為缺減。若圓修者。觸目對境。窮盡法源。不取不捨。故央掘經云。摩訶衍者。所謂彼眼根於諸如來。常了了分明。見具足。無減修等。又云。所謂眼入處。於諸如來。常明見。來入門具足。無減修等。餘可知。結中處處遇友者。既定慧雙遊。無境不契。並為道品。則真友顯通能如是行。為護正法堂也。二說是語時下問。三羅刹下答。有四法。一以友無不在。故二以法為體。故三身同友遍。故四智與境合。故如夢如影。又前三。即離境界相。四則離心緣相。求善友者。幸思此言。第二爾時善財受行下見敬諮問。先見。次敬後問。初中先親依。後見正。今初先受行其教。躡前起後。近躡羅刹之言。遠通前三勝友。以前二神並未。有答。故即由前三位調練。故得親斯勝報。後即時下正明。所見於中三。初明蓮華所證法界。自性無染。故曰蓮華。無明既開。不離心內。如從地涌。亦表性淨。萬行之四。從法性地而出現。故。此即十定中普賢之華也。二於其臺下明臺上樓觀。謂能證權實二智。依於所證而重現。故智包無外。云普納十方。總攝五位自分勝進。故云千柱行列。其一事皆

- 一第 一
受行 初 中 後 初
先 三 初 二 二 初
次 教 後 問 二 二 初
先 三 初 二 二 初
見 正 今 初 二 二 初

中有三初二三一 華散一散華 神十既爾 事十(一) 者十(其) 初二一 有十二門明十度行 明十度行有十二門 大扶助成二應扶下有 少二小 二二大 住持下三應住持下有 初二上 後二下 權十(智) 實十(智) 菩薩一 釋第二身二釋及成益二爾時下身 中二文 大二二 耳一 後二皆可三 即得 言一 可十(華) 之第 守護下二下法堂羅刹 於中 大問後答初中 先二初 後示三昧息其亂各有標釋結今初釋中二何等下先儀次顯釋 直十(心) 悲十(心) 後十(是為下結二復次下) 入二八 三佛子下十結 中一 則真二真則 諸時 文二釋 即

有所表忍願繁文三其樓觀下。明樓中寶座即智體自空。故云樓中有座。空具性德。故廣顯莊嚴。二爾時善財下見友正報。於中二先結前標後。前但明主座。今雙結主伴後所謂下別顯身雲。於中亦二。先明身相。後顯身業。前中亦二。先明萬類難思身後明二類超。勝身。前中亦二。先顯別相。後明通體。今初有四十身。於中或唯約事。如普遍色身。或唯約理。如十二三不生不滅身。以本無生起滅亦不為滅故。或事理交徹。如第三十二三十五無生不生色身。以事顯理故。於中無生。則約自願所成。無別有生。不生則隨他而現。生即不生。餘可思準。後如是身者下明其通體。謂離有取蘊故。二爾時善財下。明二類超勝身。約唯女故。二現如是等下明身業中。二初總標。後行於平等下別顯亦二。先明十度行。唯精進在於忍前。餘皆如次。謂初明檀。次出生下戒。戒能生長故。三修習下進。四觀察下忍。五具衆下定。六恒轉下般若。七見諸如來下方便。八成就大願下願。九心恒遍入下力。十得佛智光下智。後修習一切如來下明二嚴行。未為佛母者是其本行故。第二爾時善財下。設敬自道已深故。現身等彼上二並是住體遍應。第三白言大聖下諸問所以。叙文殊等者。若約等覺則因位極故。若約會緣。從初發心。一善友皆是所會之緣。同入。比故。第三答言佛子下。示已法界。於中三。初明體。二業用三根源。

今初大有二義。一願大。願為一切諸佛母故。二智大。智亦二義。一權智即能起大願。能成幻事。二實智即是般若。生佛真身。幻亦二義。一願智體虛實相名。幻故。上文云。幻智即是菩薩。菩薩即是幻智故。能無不為。二者即智所作生佛之義。謂於己身不壞小而廣容。若於佛身無生起而現起。又願收普賢智收文殊。皆入大幻同為般若。亦名佛母。二是故。常為下業用。中二。一先總。後佛子如我下別。於中有四。一為現在遮那母。二善男子如今下。為過去諸佛母。三如此世界下為賢劫千佛母。義通三世。四如於此三千下。結通橫豎無窮。初中二。一先標。為利海。舍那母。二後又善男子下別顯生佛之相。於中四。一第一毛光為先相。於中五。一光入身。二光現變。三見八相。四現因果。五令身難思。謂不大而容十方。故。第二爾時菩薩下。正明自在入胎。於中亦五。一眷屬翼從。二菩薩現通。三光明息苦。四現變入胎。五入已遊步。第三又念念中下腹包衆海。難思。第四善男子。如此下。舉此類於百億。本來無二者稱一性故。非一處住者體周遍故。非多處住者不。如事故。又上句不壞多故。下句不壞一故。又上句理如事故。下句事如理故。又一與多相即入故。此並釋中智幻之義下。二三四段文並可知。第三爾時善財下辨法根源。先問後答。答中六。一輪王久遠。言非後身菩薩所知者。願唯佛知非但久

遠。亦顯時無時相佛智契故。二彼王城下有佛魔來。三聖帝助降。表智王助體本覺現故。此時已得菩薩神通。明今始成非實始也。四場神興。顯智假慈與故。神。生。子。想。五結會古今。六為母普周前來。為生時之母。即是顯母。此明。為成道時母。即智母。矣。臍中放光者。生長同氣之所表。佛佛皆從無二理生故。後三段可知。第二還往天宮下十友別明會緣。然位德已極託迹凡流。深悲接生不標神異。但以法利人。又顯求者道深。或但示法門之名。則懸領旨趣。第一天主光即幻智念力。善友言。天主光者。謂悲智勝用光淨自在。破闇義故。父名正念者。此由定發。故故法門名無礙清淨念初一句即依教趣求。第二見彼下。見敬諸問。第三天女答。下示已法門。於中二。先標名。謂以一念無礙智普觀三世。無不明現而無去來今。為無礙念不難。異念。為清淨念。念佛功德有益悲智。故曰莊嚴。後善男子下明業用。於中三。一念最初一劫。二又憶下中間諸劫。三善男子如是憶下總結多劫。非唯憶念。亦於彼多劫多佛聞持此門。餘並可知。下諸善友六段之文。多有不具皆可思準。第二童子師遍友幻智師範。善知識謂為童蒙師。遍與衆生為善友故。居迦毘羅黃色城者。中道軌物故。不得法者略有四義。一與衆藝法門同故。二法有所付顯流通故。三表一切法門體無二故。四表無所得方為得故。

①勝二色 ②事理二顯事 ③比二此 ④示二授 ⑤中二分 ⑥明二名 ⑦二業初八字一 ⑧常為一 ⑨中一 ⑩光總後二後總二 ⑪一二初 ⑫二善初中四十四字一 ⑬先二初 ⑭今二還 ⑮後二二 ⑯於二之 ⑰第一二初 ⑱先二光 ⑲於中二復分爲 ⑳二光二又彼光中下光 ㉑令身二斷 ㉒謂十身 ㉓故一斷 ㉔爾時善財下 ㉕羅思第 ㉖如此 ㉗一 ㉘通二通 ㉙又 ㉚法十眼 ㉛後 ㉜答中二下下答文中 ㉝首 ㉞生 ㉟為十佛 ㊱即十是 ㊲夫 ㊳餘二後三段

第三善知衆藝幻智字母善知識中。初二可知第三時彼童子下。授已法門中。一初標名體。謂以無礙智窮世間之伎藝故。二我恒下顯其業用。字母爲衆藝之勝。書說之本。故偏明之。有標列結。列有四十二門。皆言般若波羅蜜門者。從字入於無相智故。字義爲門故。毘盧遮那經中皆言不可得。智無所得即般若故。又文殊五字經云。受持此陀羅尼。即入一切法平等。速得成就。就摩訶般若。總攝一遍如持一切八萬四千修多羅藏。然初五字若準阿目佉三藏。即全是文殊真言。若準今本。而第二一字不同。今依彼經釋之。一阿者是無生義。以無生之理。統該萬法故。經云。無差別境而菩薩得此無生。則能達諸法空斷一切障。故云威力。二多者。彼經第二當離字。是清淨無染離塵垢義。今云多者。毘盧遮那經。釋多云。如如解脫。金剛頂云。如如不可得故。謂如即無邊差別故。如不可得。此順多字義。應是譯人之誤。離多二字字形相近。聲相濫故。若順無塵垢釋。以無邊之門。方淨塵垢。三波者。五字經云。亦無第一義諦。諸法平等。謂真俗雙亡。是真法界。諸法皆等即是普照。四者者。諸法無有諸行。謂諸行既空故。遍推差別。五那者。諸法無有性相。言說文字皆不可得。謂性相雙亡故。無所依。能所證亡。是謂無上。又云。以那字無性相故。者字無有諸行者字無有諸行故。波字無第一義。波字無第一義。故離字無塵垢義。以離

字無塵垢義故。阿字法本不生。以阿字法本不生故。那字無有性相。汝知是要。當觀是心本來清淨無染無著。離我所分別之相。遮那經中字義與此無殊。下多依彼經。及阿目佉所譯。而梵音輕重有殊。釋義無別。六邏字悟。一切法離世間故。愛支因緣永不現故。離世故無依。愛不現故。無垢七挖字。悟。一切法調伏寂靜。真如平等無分別故。方爲不退轉方便。入婆字悟。一切法離縛解故。方入金剛場。九茶字。悟。一切法離熱熾熾得清涼故。是普摧義。十沙字。悟。一切法無量礙故。如海含像。轉字悟。一切法言語道斷故。能遍安住。哆字。悟。一切法真不動故。不動則圓滿發光也。字。悟。如實不生故。則諸乘差別積聚皆不可得。瑟吒字。悟。一切法制伏任持相不可得故。普光明即能制伏。任持煩惱即所制伏。息即伏義。迦字。悟。作者不可得則作業如雲。皆無差別。娑上字。即時平等性。麼字。即我所執性。我慢高舉若衆。舉齊峙。我慢則生死長流湍馳奔激。伽字。即一切法行取性。他字。即是處所性。社字。即能所生起。鎖字。即安隱性。挖字。即能持界性。奢字。即寂靜性。佉字。即如虛空性。又字。即盡性。娑多字。即任持處非處。令不動性。惑障爲非處。開淨光明爲其處。壞字。即能所知性。易。攣多字。即執著義性。執著爲生死境。義即智慧輪。婆字。即可破壞性。圓滿之言。不空譯爲道場。然此婆字宜蒲俄反。諸本多云蒲我。則與第八不殊。車

字即欲樂覆性。娑麼字。即可憶念性。訶婆字。即可呼召性。無緣召令有緣故。娑字即勇健性。伽字。即厚平等性。吒字。即積集性。摩字。即離諸諍誣。無往無來行住坐臥。謂以常觀字輪故。娑頗字。即遍滿果報。婆迦字。即積聚蘊性。也娑字。即衰老性相。室者字。即聚集足迹。謂聚集即一切衆生。法雷即是足迹。佉字。即相驅迫性。謂無我曉之。即爲驅迫。陀字。即究竟處。所謂此究竟處含藏一切法輪。然新譯乃是茶字。去聲引之。上來從娑。上字來。皆上有悟。一切法下有不可得言。今並略之。若具皆如瑟吒字耳。其中難者已釋。餘以經疏相對文並可知。更有對會及修觀儀所得功德。並別章具也。結云。四十二門者。謂表四十二位故。故智論中諸位圓融。明初阿具後諸字。第四謙推中。推勝即就其所知衆藝。寄勝推之不捨世俗。皆與實相不相違背。會同般若之門。五指後中。婆娑那者。此云增益。以無盡三昧能出生故。友名賢勝者。賢猶直善。無依道場直善之最故。第四賢勝優婆塞。幻智無依善友。初二可知。三賢勝答下授已法門中。二初得解脫。後得三昧。今初直就經文。內外無依即是道場。賢首云。梵名那阿賴耶。曼茶羅。那者。此云無也不也。阿賴耶云。依處也依止也。曼茶羅云。道場也。圓場也。謂無阿賴耶染分依處。而有淨分圓場。出生勝德。不可窮盡。即轉依究竟顯德無盡故也。下一句即二利之用。後得三昧先名。

後非彼下用即爲釋名。於中初揀。後以能下顯。是謂體則雙超。盡及無盡。但從用出生。說無盡耳。然則二門相成。無依道場。即空如來藏。無盡三昧。即是不空。要心無依契。於本空。方見不空具。性功德。故云出生。智性眼等息。妄顯出故曰出生。出非本無。猶稱智性。指後云。沃田者是南天竺。近水沃潤故。顯無念定水能滋長故。長者名。堅固解脫者。無著清淨惑不能壞。即解脫故。第五堅固長者。幻智無著善友。示法門中。先顯名。無著約境。離所知故。無念約心。心體離念故。無煩惱。二障永盡。是曰清淨。淨則能嚴法身。後我自下彰用。既二障不生。則無愛見故。無求求法。無厭無休。第六妙月長者。幻智智光善友。真智廓妄名爲淨智。後智照法名爲智光。能淨能光。若秋空滿月。故名妙月。第七無勝軍長者。幻智無盡相善友。法門之名。即所成德。相無窮盡故。我以證下。以用釋名。得無盡藏。謂諸妙法。又諸心境。無非佛法故。若佛若法。皆無有盡。既見佛得法。無盡故。無能勝衆德所聚。從喻如軍。亦能普勝諸魔軍故。皆從體出故。城名出生。第八寂靜婆羅門幻智。誠顯語善友。授法中先標名。有二義故。一始終無妄故。如從初發心立弘誓言。必如言行不乖。先語故。二者隨行不虛故。如忍辱仙人言。我不瞋令身還復。後過去下。以用釋名。即如次釋前二義。虛誑言息故云。寂靜。寂靜即爲淨行。言行君子之樞機。苟能

誠實斯則可法。故城名爲法。指後云。妙意華門者。妙意華者。即蘇滿那華。其城門側有之故。亦在南天。當受其訓。得求友之妙意。勝因之華故。童子表於淨智。智則萬德由生。童女表於淨悲。悲爲衆德之本。以悲智相導故。二人同會。會緣之終。此二滿故。將見慈氏。紹佛位故。已下入第七經。第九德生有德。幻智歸幻。門善友。第一依教趣求。第二見德生下見。敬諮問。第三時童子下。示已法門。於中二初標名後業用。今初謂能所境智。染淨之法。皆從緣起。無定性故。如幻而住。二得此解脫。下明業用。中二。初別明後結歎。今初有十種幻。皆上句標幻。下句以緣生釋成。十中初一爲總。緣生世界並通。染淨。利海亦名世界故。餘九爲別。初五約染分依他。如幻緣生故。一約有情苦果。從業惑集生。二約十二因緣順觀。即世間故。次第相由故云展轉。三就五類法中。但除無爲。故云一切。以無爲無有起。非幻緣生故。異熟識等。從無始惡習內執爲我。四惑相應。故云我見等。及外取妄境。云種種幻緣故。感心等悉皆如幻。四五二句別明。不相應行。四即是時。謂依行相續不斷分位。建立爲時。所依行空時何所立。妄計有體是顛倒智。五即無常生老等。謂依生已壞滅分位。建立無常等。皆妄分別有。次一切國土義通。染淨衆生。染土多從三倒所生。以不了唯心妄取境界故。上云一切國土。但想所持。既有妄想。故心見皆倒。言無明所現。亦通

淨利。謂登地已上無明未盡。所見國土種種不同。既云無明。則揀非佛土。後三種但約淨分依他。從緣如幻。可以意得。後善男子下結歎。言自性不思議者。幻法非有體不實故。非無相非無故。非一性相異故。非異無二體故。空有相即一異兩亡。既離二邊。亦忘中道。由斯交徹故。能一中現多多。皆即一。重重無礙。爲不思議。故推勝云。善入無邊諸事幻網。第四善男子我等下謙。已推勝。第五時童子下指示後友。於中二。初以力冥加。後而告下。以言顯示。於中三。初指處。二示人。三教問。今初國名海岸者。南海北岸。一生菩薩。臨智海故。園名大莊嚴。因圓萬行而嚴果故。又生死園苑。以萬行樹林嚴自果故。廣大樓閣等者。約事則其中廣博同。虛空故。有多光明。能遍照故。阿僧祇等寶所嚴故。蘊多樓閣。包多事故。約法則二智相依緣起相由。故云樓閣。智即法界。是爲廣大。名毘盧等順。成上義。二智光明。遍照事理故。智能包含萬德。即莊嚴藏。華嚴萬行不離此故。上約其果。從菩薩下出。因善根果報約其宿因。是彼善根之果報故。念力願力等約其現緣。後住不思議下。現依所爲。二彌勒菩薩。下示人。先正示。後爲欲下顯。住因。彌勒梵音具云。迷帝。此云慈。是其姓也。然有三緣。一由本願。過去值大慈如來。因立大願。願得斯號。故二由此得慈心三昧故。三由母懷時有慈心故。如滿慈子名阿逸多。此云無勝。

以生具相好勝德無過故。今以姓而呼但云慈氏。慈依智住故曰處中。悲智雙遊皆爲利物。故云爲欲等。三。汝詣彼下教問中二。先正教。與十問者。表無盡故。後何以下釋廣問所由。先徵後釋。徵意云。何以要須廣問釋有二意。一。所求德廣能具說故。後善男子汝不應下。能求大心。法應爾故。前中二。初通顯彌勒德圓位滿。後善男子彼善知識下別顯是其真善友故。設若德滿非已有緣亦難求故。二。明能求大心法應爾故者。即廣誠勸於中。二。先誠勸求法。後誠勸事友。前中二。先標不應。誠其去劣。後何以下。釋所應作。令其廣修。文中先徵後釋。釋中亦二。先別明應修後善男子學要下。結略顯廣。前中有九十八門。分爲十段。一。上求菩提行。二。應化下救衆生行。三。應斷下自斷惑障行。四。應令無量衆生下。勸斷下自斷惑障行。五。應消滅下淨自根欲行。除三不善根。則成三善根等故。六。應生淨信下。力用自在行。七。應分別下攝法治惑行。八。應嚴辦下供佛攝生行。九。應修總持下。悲願深廣行。十。應入差別心下證入圓滿行。二。結略顯廣者。謂別陳難具故。第二善男子汝求下。誠勸事友中三。初誠次勸。後雙結。二門。今初分二。先正誠其離過。後何以故下舉益釋成今初。言見隨煩惱行勿嫌怪者善友有二。一。實二權。權能行於非道。內外生熟善巧難知。故不應嫌。實中復二。一行二解。今但求解不應觀行故。如智論五十

說。亦如有目跛人猶能示道。二。舉益釋成中有二。初明善友能示行故。二。明善友爲外護故。今初先徵意云。但起廣心。足成大道。何以要令事友誠離過耶。釋云。法假人弘。不因善友何能開諸妙行。於中有三十五句。各一行。二善男子菩薩。由下。明善友能爲外護。前即能生此能養育。於中二。前正明能爲攝護。後何以下舉因釋成。於中初徵意云。善惡在己。善友何能令我不墮惡趣等耶。釋意云。由友令離惡因故。因亡果喪。豈非友力。以此四十句。釋上正明十五句。有通有別。通則後諸惡因。通對前果。別則各各配屬。如由除諸難不退大乘。由止諸惡不犯淨戒。由破無明不隨惡友。下諸句或有二三對上一句。可以意得。恐繁不配。

大方廣佛華嚴經疏卷第五十九

大方廣佛華嚴經疏卷第六十

唐清涼山大華嚴寺沙門澄觀撰

第二善男子善知識者。如慈母下教勸。謂教其事友之方。文有四段。皆約喻顯。一。教念友勝德。於中先歎勝。後常當如是下結勸。二。復次汝承事下。教起事友心行。有二十一句。文顯。三。復次汝應於自身下。身友對辨文有十句。各四事可知。四。善男子汝應發如是心下結勸成益。於中二。初正勸。後

何以下舉益釋成。於中亦二。先正釋事友之益。後復次下。重讚友爲能益。故宜承事。第三善男子。學要下。雙結誠勸二門。謂別說難窮。故結廣從略。於中亦二。先寄數結多。後我復略說下總收結多。既通一切。何但百千。明知前云。十不可說。意顯無盡耳。第六時善財下懺德禮辭。自下大文第三慈氏一人明攝德成因相。前既會緣入實。定堪成佛故。辦一生補處成因之義。文唯五段。以補處位極顯彰顯推故。第一依教趣求中二。初標念前趣。後二自憶下。別生勝念。悔往修來。於中四。一。觀昔非以行對治。二。復觀此身下。觀其現苦策進當善。諸修行者願審此做之。三。作是念時下。明觀念之益。益其勝觀。四。如是一切下結益所屬。第二善財童子以如是下見敬諸問。於中二。初見敬後諸問。前中亦二。先見依後見正。各有申敬。前中二。先入定申敬。後出定敬讚。前中三。初結前標。後二別顯定用。三總結成益。今初。位念者標定。思察者定加行。信願者是定因。入遍下辨定名相。二。普現下別顯定用。即雙運定慧。於中二。一。明即智定之妙用。於中先羅身雲於法界後等虛空下契法性之真源。二。又決定知下明稱法界之深觀。於中三。初了法從緣。次離於斷下智契無性。三。知一切法如種生芽下會歸中道。此三無礙。即三觀一心。今初報酬善惡故云業起。果自種生云從因起。自修成佛信爲道源。感他化身敬心便

【汝】一〇 〇二二一〇 〇去二法 〇二二三〇 〇由十(善知識) 〇文二亦 〇舉二以 〇結二緣 〇位二款

現。二契無性。中離顛倒見者。通三四倒。四倒謂常計。無常是名顛倒。見於實理則無。斯倒若以無常爲常。亦非見如實理。以壞相故。自在見者。謂自在天能生萬物。故知由自業。故不由他。離自他見者。單執自他則乖緣起。邊執見者。堅執生死等有其始末。故離有無者。從無之有名。生自有還無稱滅。體無生滅。何得有無。知空無生約理違法。知不自在約緣違法。知願力生約因違法。三會歸中道者。然隨一句皆離上諸過。今且通說。如種生芽者。從水土等緣生故非無。此如初段。緣生則無性故非有。如第二段。非有非無即是中道。如是離斷常等可以思準。種芽橫喻萬法。如印生文即譬喻諸法。涅槃云。此陰亦滅彼陰續生。如蠟印印泥印壞文成等。自下諸句通於橫豎。了世心現亦唯心觀。以心爲緣現而無性。卽中道觀。餘並可知。三善財童子下總結成益。第二從地而起下出定敬讚。於中三。初以身敬繞。次作是念言下以心敬念。後偈頌中以言敬讚。二中舉能住者德歎所住樓閣。初句具顯故。此大樓閣之言貫通諸句。於中分十。初約境顯勝。二是入一切甚深下約德顯妙。三是以一劫下約用顯自在。四是於一切衆生前下約行顯勝。五是能住難知法下約觀顯深。六是住大慈悲下約對治顯勝。七是雖住四禪下約止觀明自在。八是雖於一切業煩惱下。約利他行顯勝。九是雖行九次第定下。約護小乘

行明自在。十此大樓閣下結德所住。於前九中除初二及五。餘皆約權實事理雙行。第三偈以言讚中。五十五偈分二。前三十四偈七言舉德歎處。後二十一偈五言指處明德。前中二。初二總歎一約行位。一約名德。餘偈別約德行。於中四。初有七偈約自利。行勝。二有十偈歎利他行勝。三有八偈歎功德勝。四有七偈歎方便勝。後五言指處明德中。雖復語意意在歎正。於中六。初二下化。次二上觀。三有五偈明三昧自在。四有七偈明智慧廣深。五有一偈顯其平等。六有四偈結德申敬求哀請加。第二爾時下見正報中二。一見二敬。見中二。先觀心願觀。後乃見下正觀慈尊。言別處來者。攝化就機故。還來歸本故。亦顯慈氏應念而至。不著處故。第二善財見已下明設敬儀。於中五。一身心敬禮。二時彌勒下讚德記。別。三爾時彌勒下重申敬儀。四時彌勒下再讚再記。五時善財下慶遇念恩。二中有二。先長行。指示者令衆同觀敬而

知障故。次六偈總歎諸德。後五偈讚妙果。當成。三汝行下重對善財讚。於中分五。初二十六偈歎其當果德。初二總餘皆別。二汝於下七偈雙歎當現德。三諸根下八偈讚其遇友德。四有五偈歎速成位行德。五有十七偈總明諸德結歎令欣。第三重申敬儀中三。初辨敬因聞讚德故。次善財聞下身心悲敬。後以文殊下華供展誠。言文殊心念力者。表由信智故。華因德立瓔珞行成。云盈手者。信智滿故。散彌勒者。攝成因故。辦當果故。第四再讚再記。第五慶遇念恩。文並可知。已下入第二爾時善財童子合掌下。諸問中二。先自陳發心。後而我未知下正問法要。於中三。初標所問次大聖一切如來下。歎慈氏有能答之德。卽以此德亦爲問端。初總後別。別有五十句。皆因圓果滿德。三大聖菩薩下結問請說。衆顯問意。第三爾時彌勒菩薩下。稱歎授法。於中二。先稱歎。後授法前中二。先爲大衆讚歎善財。卽是歎人。後爲善財讚善提心。卽是讚法。前中亦二。先指人示衆。後諸仁者此長者子下正讚其德。於中四。一明求友精勤。二明所乘廣大。三明具德無缺。四明速證超權。初中二。先總顯精勤。後諸仁者下別示精勤之相。謂一時之勤猶未可歎。自始發末一念無懈。故爲可稱。言一百一十善知識者。古有多釋。一云理應具有。但文脫漏實首云。前後諸友總五十四位。分出德生有德爲二。則五十五人。各有自分勝進故

有一百一十。若依此解則達。此已言。既云經百一十已方至彌勒。彌勒等三。非百一十之數明矣。有云。減數十耳。實唯一百八人。謂此前除遍友。但五十一人。各具主伴成百二人。遍友指示衆藝。雖非主友。而是伴友。爲一百三。更加無厭足王處。空天瞿波處。無憂德神摩耶處。蓮華法德身衆神。及妙華光明神。守護法堂善眼羅刹。合前總有百八。以空天等相問答故。得在友數。非前主友。稱名指示故。非主友。但名伴友。若爾則達。下餘城之言。下自釋云。前至童子童女。已經一百一十。今更後文殊所故云餘也。謂若此爲百八。加於慈氏。尙始百九。并後文殊方正一十。何有餘耶。若會通者三釋皆得一種。取前更加。不動處覺悟菩薩如來使天。足成一百一十。則餘義亦成。以彼二聖亦教善財。故得爲伴友其餘已之言。但是譯者之意故。晉經無有已字。則通取前後。於義無妨。然下復云百一十城。又云過百一十由旬。皆言百一十者。有所表故。謂除佛位取其證。入十地等覺爲百一十。一中具十故。亦顯位位十十相融。設有三賢亦唯具十。若合等覺屬十地勝進。則開十信爲一故。進退行布及與圓融。皆順百一十言。何必剋定前後。第二諸仁者此長者子甚爲難有下。明所乘廣大。於初三。初總歎希奇。二如是之人下別明難遇。於中二。先標舉。後何以下徵釋。釋意云。悲濟深廣故。即開前總中救護衆生。於中

二。先明總護一切。後爲被四流下約。類別明。汨者流急之貌。言界城者。即十八界。一。根境識中別別解脫故。言界地者。即地等四界六處空聚癡闇無人。不以智光引之。必爲塵賊所劫。三諸仁者此長者子恒以下。總結所作。第三諸仁者若有衆生下。明具德無缺。有十三句。有一在已已爲希有。況有二三乃至全具。故云展轉難有。又復後後難於前前。故云展轉。第四諸仁者餘諸下。明速證超權。以依實教修行故。謂即凡身一生亦解行生故。千年之鳥不及朝生之鳳。普賢生位互融攝故。依實修者。悉皆能爾。胡不勉旃。文有十句。初二總明具諸位行。三入十住。四五入十行。六入迴向。又上四句亦皆十地行。又上四義義含通別。下四句通諸地位。第二爾時彌勒下爲善財歎善提心。文分二別。初結前生後後告善財下正歎。於中四。初標歎發心。二汝獲善利下歎其發心之器成益。三何以下廣舉善提心德釋成四善男子善提心者成就如是下。結釋所屬前二可知。三。中先徵意云。所以歎善哉獲善利者何耶。釋意云。善提心具德故。文有二百二十一。句皆通三種發心。頓具諸位功德。且分爲二。初一百一十八句明善提心。遍該諸地。後得無畏藥下一百三句。明善提心頓具諸位功德。又前多明信成就。及解行發心。後段多明證位發心。故文多云得。又前段明善提心殊勝功德。高齊佛果。後段喻善提心自在功德。廣

多無量。今初段中分二。先別明。後總結前中。文通橫豎。橫則一一發心。皆具諸句之德。堅則別配諸位發心。以從菩薩種性。至於究竟。不出三種發心故。光統配十二住。初三句即種性住。故云如種如田地。皆是種生之義。二如淨水下六句。明勝解行住中之益。三淨目下十六句。極喜增上住。皆初地中義故。四如大海下七句。戒增上住。五調慧象下十句。增上心住。六善見藥下十句。覺分相應增上慧住。中云毘跋摩者。此云普去。七如意珠下十句。諸諦相應增上住。八利刀下十句。明緣起流轉止息相應增上住。九臥具下十句。明無相有用住。十命根下十句。明無相無功用住。十一好種性下十句。明無礙解住。言壽行者。梵本云則爲磁石。不吸聲聞解脫果故。十二淨瑠璃下十六句。明最上菩薩住。梵本云因陀羅網。網取煩惱阿修羅。故婆樓那風此云迅猛風也。其中文義皆與彼位相應。恐繁不屬故。始於種子終於惑習。明堅義彰矣。然斷習等准功歸本。由初發心。則橫具諸德。於理明矣。二善男子下總結。即功成由於始實故。初心具於諸德。況復初後圓融。第二善男子譬如下。一百三句明善提心自在功德。文中各有喻合。說聽之人所見深遠故。所引喻多非凡境。亦顯不共善提心故。雖通橫豎且豎分五段。初有七句攝十住德。覺心自性離惡覺等故。二無生根下十喻攝十行德。三。帝釋著摩尼下九句。攝十

迴向德四有寶名淨光明下。六十喻攝十地德。即分爲十。初四攝初地德。二如自在王。下三喻攝二地德。持戒頭陀等淨功德故。三善調龍法下四喻攝三地德。入諸禪定離熱等故。四須彌山下四喻攝四地德。同一切智焰得無漏故。五椰子樹下四喻攝五地德。利人不染俗故。六一燈下六喻攝六地德。般若現前頓破闇故。七迦陵頻伽下五句攝七地德。善入方便得自在故。八如人學射下十四喻攝八地德。無功發心能滅相惑等故。九服延齡藥下十喻攝九地德。延壽益生等故。十譬如右藥爲呪所持下六喻攝十地德。深除惑習成一切佛法故。五金剛非劣惡器下十七喻攝等覺位功德。以金剛智終成菩提故。其間梵語具如音義。第四善男子菩提心者下。結釋所屬謂上來多德釋獲善利之言故。第二善男子如汝所問下正授法界。於中四。一授法體。二顯法名。三窮嚴因之本源。四嚴正報之性相故。初中四。一攝入方便。二加令證入。三見所證境。四事訖起定。初中先牒問勸證已下入第七。後爾時善財下求證方便。第二爾時彌勒下加令證入。先約緣加。令其就法亡言會旨。則佛法門開故云前詣等。即開理智門。示令其悟入也。後善財心喜下約因自證悟佛知見。則入法界。從迷之悟加行趣入有門理之殊。證已契合能所兩亡。即妄而真更無入處。故云還閉。第三見其樓閣下明見所證境。於中二。先別明所見。後

總顯見相。前中六一見依報。二見正報。三見伴菩薩。四見諸佛。五見閣中主閣。六總見嚴具作用。然此六皆是悲智之中所有。今初先見。後益前中三。一直見一重莊嚴。有標列結。同虛空者稱法性故。次又見其中下依中有依。一中見多即微細門。亦主伴門。後善財童子下一處見多即相在門。二爾時下明得益。第二緣始稽首下。見正報中二。先總標。所謂下別顯。於中五。一見初發心時。二或見初得慈心下。見其修行得法時。三或見彌勒爲轉輪下。隨類攝生時。四或復見爲護世下。見處會說法。於中先明所處會殊。後或見讚說初地下。顯所說之法。五或見彌勒於百千下。總見行用。第三或見諸菩薩下。明見伴菩薩身雲演法。即前與無量眷屬。第四或復於中見諸如來下。明見諸佛攝化之德。第五又復於彼下。見閣中主閣。別明慈氏一生當作。於中先見。後爾時下得益可知。第六復開一切下見開嚴具作用於中十段。一開網等演法。於中三。一近聞。次又聞某處下遠聞。後善財下得益。二見寶鏡作用。三見寶柱放光。四見寶像威儀。五見璎珞等出生。六蓮華重現。七寶地現像。八樹現半身。兜沙羅者。此云霜水。九半月現光。十壁現本事。於中初見慈氏修行隨類攝生。後又見下觀所事友勸喻善財。二爾時善財下。總顯見相。先法後喻。今初。謂何力能見。以何眼見。將何智見。依何位見。於何處見。如經屬之。及結前來所

不說境。後譬如下喻顯見相。所以有十喻者。所喻別故。然有二意。一喻能見。因緣不同故。二喻所見境相別故。具初意者。十中初一總喻。能見所見皆如夢事。大小無礙等。如喻合文尋之。餘九皆別。二喻自因力隨自業故。凡命將終故。三四並喻緣力龍鬼所持故。然鬼持自他不同。龍持自他同體。五喻友依報力。六是定力。七喻性空。力。八喻法界自在力。九喻智定無二力。大智海印之三昧故。十幻智自在力。二約所喻境相別者。亦初總餘別。別中一臨終現業喻。喻所見冥應。二非人所持喻。喻所見能說。三龍宮淹久喻。喻念劫圓融。四梵宮廣現喻。喻一多無礙。五遍處定境喻。喻所見明了。六乾城依空喻。喻事理無礙。七同處異見喻。喻隱顯自在。八海現三千喻。喻顯現遠近。九幻現衆多喻。喻所見純雜無礙。第四爾時彌勒下事訖起定。於中四。一警覺令起。亦彈指者前來得旨。所謂忘言。此中得旨令不滯寂。二法性下略示體相。初句標。此是下釋所見之相。從法智緣生。緣生故無自性。故云如是自性如幻夢等。悉不成就者。結成上義。從緣無性故事不成就。無性從緣故。理不成就。由不守自性故能從緣成上之法。雖成不離法性故。即事得云法性如是。亦是性自具故。三爾時下得旨而起。四彌勒告下問答所見。約問觀證推之在因。云住不思議。答中謙敬推之在緣。云善。反力。師資互推反常情也。第二聖

者下顯法名。先問後答。答中先明主門。後善男子下眷屬。前中三世一切境界者。即此所入所見之境。不忘念智者。即能入能現之智。良以三世。一如故念劫圓融。隨一世中現三際之境。智入三世了法空寂與如冥契故。一念之中無所不見。莊嚴藏者有二義。一以法性嚴故。一莊嚴中包含出生無盡嚴具。如一閣中見多閣等。二以無礙智契圓融境。嚴如來藏則本具諸法故。上云法性如是。非是新成故。此門中具不可說解脫。第三善財問言下窮嚴因之本源。於中有二問答。初番窮其所歸由上觀希奇攝力之後。忽然而失。故問其去處。答中以從本流末故來攝末歸本故去去不異。來故引之於來。一時併答。後番彰其本起。於中先問雖蒙引歸來處既不究終歸事知本起。故復尋之。答中先法後喻。法中先相後性。謂智力緣作故來。智力緣加故住。既從緣來則無來去。故此嚴事非在閣中而住。亦非別處持來。從緣而來故非集緣謝則滅故非常。若先定有來處則墮常過。先有今無則為斷滅。既離斷常何有生滅一異等相。故云遠離一切。後喻有二。先龍王降雨喻。備喻無來之來。合中不住內者。善力故不住外者。自善力故。以內外因緣互奪。則內外兩亡。後幻師現幻喻。雙喻來去。則無來去。第四善財童子言大聖下。要正報之性相。於中二。先問從來後問生處。前中先問。後答問中。上見慈氏從餘處來。速即

設敬問法。未遑諸問所從。故此因前嚴事之來。便問來處。答中有三來處。一約體實法身。即無來之來。來即無來。文有十對思之。二善男子菩薩從大悲下。約相實報從萬行中來。亦猶淨名從萬行道場來矣。三汝問我下。約用化現。隨機熟處而來。此三即法報化身。亦體相用。亦理行事。又初唯理後唯事中一具理事。摩羅提者。具云摩羅耶提數摩羅耶者。此云靈施。即山名也。提數云中。謂其山在此國中故。或國中近此山故。瞿耆地也。波羅云守護。即守護土地及心地故。第二善財下問答生處。問中由前云從生處來。故今窮之。答中二。先通明諸菩薩生處。後別顯慈氏生處。前中三。初正答生處。大明生緣眷屬。後校量顯勝。今初有十。皆上句為能生之行。下句為所生之家。謂若發菩提心。則是菩薩名為生家。若有深心則見善友。若得諸地則滿諸度。教化衆生即是覺他有智慧故了法無生。有方便故不取無生之相。不滯二乘之寂故生無生忍家。餘可思準。又上句亦通所生思之。二善男子下明生緣眷屬有二十句。般若為母方便為父者。略有二義。一實知虛凝與陰俱靜。權智流動與陽齊波故。二觀生法身實由般若。若無方便多共二乘。成菩薩種乃由方便故。三者內解外濟如父母。故大檀以福資尸以防護。餘可思耳。三善男子菩薩如是下。校量顯勝於中二。先總辨生家勝。後生於如是覺勝家下。別彰智

勝。第二善男子我身下。別顯慈氏生處。於中二。先彰實報等周法界。文有十句。初句總次八別。後一結。二我為化下顯為順機當現生殊。於中先明現生。拘吒者此云樓閣。此聚落中多樓閣。故或慈氏閣在此中。故。後我為隨順下明當生。於中先正顯當生所為。如蓮華者有三義。一釋迦下種彼華開故。二昔因含果如華未開。因亡果現故。如蓮華開三三開含實如蓮未開。見實亡言故云開悟。智論云。菩薩善根不遇。如來智慧日光。翳死無疑。通證前義。後我願滿下結會三聖。言俱見我者亦有三意。一俱助化故。二善財表行。文殊信智。成正覺時俱證此故。三者文殊古佛善財當佛。慈氏現佛。三世圓融浩然大均。故云俱見。第四善男子汝當下。指示後友中三。初勸往教問。次何以下釋勸所由。三是故善男子下結勸重釋。初中令往文殊者。因位將極令反照心源。故。二中先微意云。文殊已見何為勸往釋意云。彼德深廣宿緣重故。於中二。先明行廣。後顯緣深。今初。出生菩薩功德者。主信法門長養一切善。故為佛母者。主般若門住甚深智見法實故。為菩薩師者。具善巧智通達解脫究竟普賢行故。後是汝善知識下。顯其緣深已多成益。三結勸重釋中三。初結勸具上二義應往勿疲。次微釋先微意云。何以的知具前二義。後釋意云。已所成益皆是彼力。故知德深緣重。若當見者獲益尤增。後文殊下結德究竟。前

見爲信之首。後見爲智之終。故云一切究竟。第五爾時善財下戀德禮辭。已下華自下大文第四明智照無二相。顯前因法生果體無分別。絕境智等諸二相。故又善財障盡感除求。始動念。是故反照唯是初心。更無異也。卽信智無二文但有二。第一依教趣求。第二見聞證入。第三轉遇勝緣。今初言經游百一十餘城已者。百一十義已見上文。然此游城復有二義。一但從彌勒至於文殊。自經百一十城。非連取前二者加前百一十友。故云餘城。卽通取前友。普收諸法歸一照故。若爾前友此城豈得同耶。亦有二義。一者友必依城。則一城一友。二者或於一城值於多友。或求一友歷於多城。而要具一百一十以順表法。故到蘇摩那者此云悅意。卽華名也。謂智照一性悅本心。故卽德生城。有本云至普門國。顯攝諸差別歸無二相。卽普門故。言往其門所者。顯解心已極將入般若無二之門。故第二是時文殊下見聞證入此。下卽是所漏脫文義。如前說然。以極照無二心境兩亡故。略無敬問。信解雙絕。故不見現身而反照。未移信心。故申右手。又不見乃爲真見。但了自心空般若故。文中三。一摩頂攝受。過百一十由旬者。徹過前位故。始信該於極果。故曰遙申。隨順行成故曰右手。然過城約超封域。由句明超數量。又前越諸位斷德。後越諸位智地。按頂表於攝受。亦以普法置心頂故。信至極故。二作如是言下誨示法門。卽舉

失顯得。謂若離信根等不了法性。等反顯善財有信根等。能了法性。等。於中先列所闕行法。文有九句。前七闕因。一闕行本。故。二求小故。心劣處生死而憂悔。三橫不具。四豎不進。五滯一善。六不廣求。七不起無住行願。後二闕緣後不能了。不能成益中有十五句。前六約所知理事。後九約能知分齊。例前諸文思之。又前九中。初一信根是所闕因。餘皆不能成益。約法功歸於信。約人前友之法皆由文殊。三是時文殊下結益歸本。於中十句。前九結益甚深。初一總餘八別。前智光明卽般若方便。後無邊智卽智波羅蜜。普賢行道場者。舉足下足皆與普賢行相應。故自所住處者。卽是法界。是文殊大智無住住故。又普賢道場卽法界理。自所住處卽文殊智。此亦義同。示於後友普賢之境。後一句攝用歸本。所作竟故信窮智境。信相便亡故云不現。第三於是善財下。轉遇勝緣修行敬事。然此諸友及後普賢皆無指授者。表證法界離此彼相。此三千友乃有多義。一者成前尙是文殊之益。二者順後爲入理方便。又通論諸友更分三分。初文殊一人爲信心之始。次至後文殊爲智滿之終。故此總見三千等友。後之普賢理智無二。又前諸友一各逢卽是純門。此中諸友一時頓見。卽顯離門。後普賢一人具前諸友。卽純離無礙。又此諸友所得法門受行各別。文所不具。結廣從略。故總云三千耳。大文第五增

長趣求下。顯因廣大相。以前照理無二顯其甚深。方堪成佛廣大之因。以隨一因。皆稱法性。故文殊般若卽攝相歸體。普賢法界卽秘密重重。若以二聖相對。則文殊爲能證。若以二聖對善財。則文殊亦爲所證。未得般若今證得故。文中分三。初依教趣求。二聞觀前相。三見聞證入。今初有二十六句。初一標求佛果。後一總觀圓因。中間諸句義通前後。皆是趣佛之因。並是普賢解脫境界。就中間攝爲十對。初四等普周寂靜卽捨故。次二福智無外緣境是智故。次二人正增助。次二修因知果。次三入法現生。次二證願修行。次二照上增下。次二得實照權。次二智周身遍。後三摧障入理。其入無礙法向上成無二礙。向下卽成無礙法界。其住平等地卽前文殊自所住處。後總句觀普賢境。卽前普賢行道場。以是顯因廣大相。故。文殊通指善財普觀不同。前文一友指於一友。良以普觀方見普賢故。第二卽聞普賢下聞觀前相。於中先聞後觀。今初有十三句。初一聞。人名。後十二聞行位。卽聞二字貫下諸句。此中聞者。非從一人多人聞之。卽稱法界而聞耳。諸地者。普賢位中自行依地。及圓融所攝地也。此句總下八別。一地方便者卽加行也。二卽入心。三出心。四住心。五卽修施戒等。六卽遍行真如等爲所證境。亦是所得分齊之境。七卽神通作用。摧邪攝生等。八卽同依佛智而住。二渴仰欲見下明觀

於中二。先仰德修觀。後觀見希奇。今初。初開前人法。故生渴仰。次。即於下修觀。菩提場者是所觀處。金剛藏者約表。即於本所信。自心佛果菩提體中金剛智內。起一切因陀羅網普賢心觀。約事即前其地金剛。而蘊德具嚴故名爲藏。然此經體勢應具十會。以順無盡。又始起覺場義應歸本故。今且依文。對前本末二會。即是攝末歸本之義。是以善財不假別指。便於初會始成之處。如來座前而起觀求。後起等下正顯觀心。有十一句皆稱普賢境。而起於心。故後得見。二善財下觀見希奇。於中二。先結前生後。兼顯見因。後見十種下正觀希奇。於中二。一見瑞相十句五對。各先所依淨土。後住處衆生。二觀光明前瑞則直見。一重淨利。此明重見。又前處此細。前體相此業用。然皆是普賢依報之利。第三時善財下見聞證入。於中三。初結前生後。由觀前相生。必見心。二於時善財普攝下起觀增修。初攝散住定。次策勤無退。次觀其體遍。以法界爲身故。次悲智橫廣。次願行暨窮。後得果圓。此乃總攝諸觀。行人欲見當做此修。離此觀心見亦非勝。三時善財下正明見聞證入。於中二。先正見聞證入。後聞佛德難思。前中亦二。先顯得益圓因。後位滿齊佛。前中分四。一見身得益。二摩頂得益。三顯因深廣。四觀用無涯。初中二。先見勝身。後得深益。前中四。一總見勝德身相。二別見毛孔出生。三重觀體內包含。四

結通周遍。今初由前於菩提場師子座前起勝想。故二見普賢身下。別見毛孔出生廣遍法界。實則重重無盡。略顯二十重。亦對前善財渴仰所起。十一心故。其初等虛空廣大等五心。遍此諸句。餘之六心別生諸句。且除初一句。次之五句。由前觀道場明了心故。出雲等皆。嚴道場。次歎菩提心下三句。由前入佛法海心。次一句及最初一句。由化衆生界心。次四由前淨一切國土心。亦兼化衆生心。後六句由前住一切劫。及趣如來十力究竟心。並如文思之。是知各由自心所見分齊。三爾時善財下。重觀體內包含。於中二。初結前生後。後重觀下正顯。於中亦二。先見三千。後如見此下類通十方三際。四如於此毘盧下結通周遍。文有四重。舉類未結。應中普賢。是知前則身中。包含法界廣無邊故。顯其普賢。今則全此。含法界身。潛入塵中。調柔無礙。明其賢義。內外周遍。限量斯盡。故名普賢。一善財童子見下明得深益。既得智度已彰地滿。況十表無盡耶。第二善財童子既得下。明摩頂得益。於中三。初摩頂。次既摩下得益。前向外觀故得智度。此摩頂親證故得三昧。後如此婆娑下結通。良以善財等普賢故。第三爾時普賢下明因深廣。因深則果厚故。文分爲三。初問答審見。二顯因深遠。三結因成果。二中三。一別明求菩提行。於中二。先順願所行。後善男子我於下結離過成德。二我莊嚴下通明悲智行。三我法海中

下。別明求法行。於中先反顯。無不能捨。一文尚無所不捨。況全部耶。以一文即一切之一。如海一滴故。後我所求法下。顯求所爲結說無盡。第三是故善男子。我以如是下。結因成果。於中先結因。以有成果之功故云力也。文有十句。初四緣因。次二了因。後四通於緣了。後得此下成果。謂由了因故得法身果。由緣因故得色身果。第四善男子汝且觀下觀用無涯。於中三。初舉益勸觀。次觀見奇特。後校量顯勝。今初有標釋結。初標可知。二我此下釋中二。一明難見聞。二若有衆生下明見聞皆益。於中三。初明不退菩提益。次或有衆生下善根成熟益。後我以如是下總結多門。皆不退成熟。於中先多門皆不退。後若有衆生見聞下。種種皆成熟。淨利可生身云何生。此有二義。一約法性身利。則與利爲體名。清淨利。與身爲體名。清淨身。從能依有殊。欲顯所依體。一故言生身。二約相用。淨利是所依之利。淨身則身內之利。欲顯身土互融故言生淨身耳。後汝應觀下總結。第二爾時善財下觀見奇特。於中三。初見毛孔含三世間。次又見普賢下。見普賢身遍諸剎中出生大用。後時善財童子下。自見己身等普賢化。第三又善財下校量顯勝。於中三。初校量善根。二從初發心下。校量所入剎海。三善財童子於普賢下。雙顯上二超勝之相。於中二。先別明橫豎深廣。於中有三世間。一器世間。一步超過顯

橫廣，盡未來劫明，堅窮，猶不能知顯深遠，藏約包含，普入約廣遍，餘可知。後善財童子於下，總結平等周遍，不於此沒彼現者，以沒現相如法性故。以此彼相相即故也。第二當是之時，下明位滿齊佛。於中初句明自得，餘皆等。上初一等因圓，次一等果滿，一身下別顯等相，此即義當等覺，因位既滿更無所修，故但說等不辨更求。此則一生頓成，行布亦足。非唯但約理觀，初後圓融，上明見聞證入竟。第二從爾時下明，聞佛勝德難思，前長行但顯因圓，此偈方陳果用，非頌前文，然有二意：一對普賢，普賢意云：上見我難思，尙是因位。今示汝果尤更甚深。二對善財，善財等佛但是因圓，以果海離言故，不說成佛。今寄現佛之德，以顯善財果相故。長行偈文因果綺互，文中三：初偈頌標德，誠聽許說。二爾時下長行舉衆渴仰欲聞。三爾時普賢下，廣陳德相令衆求滿。於中二：先長行重誠許說分齊，後偈頌廣顯佛德難思。九十五偈分三：一、先九十三偈別歎佛德，後二偈結德無盡，勸信勿疑。前中前八十偈法說，後十三偈喻明。然通讚毘盧遮那十身圓滿二十一種殊勝功德，即分二十一段。初有二偈，即於所知一向無障轉功德，謂佛無障礙智。於一切事品類差別，無著無礙故。二有一偈，明於有無無二相，真如最清淨能入功德，謂了真如無二故無動念。三有三偈，即無功用佛事不休息功德，謂住佛無住處作

佛事不休息，故云或見等。四有十五偈，即於法身中所依樂作事無差別功德，謂由諸佛所依智同，益生樂同，報化作用同，故前經云得佛平等，亦同。攝論四種意趣中平等意趣故。此廣列諸佛皆互相遍，此釋已妙。今更以文理證，此諸佛皆遍那之身，謂此文言，此三十界阿闍在中，阿闍本在東方，今云在此，明不異此。又無量壽佛月覺如來，皆遍十方豈容隔此。又皆言或見，則知一佛隨見不同。若言別讚餘佛，直言阿闍在此，何成讚德。況華藏剎海皆遍那化境，無量壽等未出剎種之中，豈非是此佛耶。法華央掘並說十方分身，故知法藏別緣十六王子皆方便說，以理推之。皆是如來海印所現，何緣不說自所現佛而說他耶。故知賢首佛等，皆本師矣。然此段文，亦兼顯第十七隨其勝解，示現差別佛土功德。文中三：初八主伴嚴土攝生同。次四微細含容轉法同。後三總攝多門結前生後。五或見釋迦下三偈，即修一切障對治功德，謂一切時常修覺慧，治六蔽等故。既云已經多劫，則不定始成。六有三偈，即降伏一切外道功德。於中初二即教證二道，後一現所推同類之身。七或現兜率下十六偈，即生在世間，不爲世法所礙功德。於中初五八相現世無礙。次三處天宮殿無礙。次六隨世巧化無礙。後二結無礙智之能遍隨機。八如來住。下有十八偈，明安立正法功德。於中初四偈，立三乘法輪兼顯業用。次三明立

六度道品對治法。次七明一音隨類開法不同。乃至無量。後四明平等語業而應一切。九具足下三偈明授記功德。謂記別過未如現在。故云悉明見。十有四偈，明示現受用變化身功德。十一或持下二偈，明斷一切疑功德。謂於一切境善決定故，能斷他疑。十二有九偈，令入種種行功德。謂遍了一切有情性行，隨根令入故。十三如來無礙智。一偈即當來生妙智功德。謂佛知久遠故。十四有五偈，隨其勝解示現功德。謂隨解現身故。十五有三偈，即無量所依調伏有情加行功德。意云佛智爲無量菩薩調伏衆生加行之所依故。十六如來清淨下二偈，明平等法身波羅蜜多成滿功德。然同攝論法身具五種相，初句白法爲相。以是極果圓滿自在故。次二句不思議相。次一是無二相。次一無依相。次句常住相。次句二喻者空盡喻無依，夢喻非有無二相。餘不可喻。或略不喻。十七有一偈，明隨勝解示現差別佛土功德。既隨解而現故不可喻。此偈亦總拂前喻，如山等必不依空有等必不能喻佛。十八一偈，明三種佛身方處無分限功德。十九一偈，攝三種功德同法性。即窮生死際常現利樂一切有情功德等。虛空即無盡功德等。實際等即究竟功德。以如實際之際窮未來際故。後二偈結德無盡。亦是別顯無盡功德。雖是總結即當別文。於中前偈結德後偈勸信。古德亦有將此二偈爲一部流通，已如前說。

法性深廣難思議 我已隨分略開解
願斯功德同實際 普令含識證菩提
大方廣佛華嚴經疏卷第六十

